

*Dr. J. G. Geld.  
Lugdun. Batavorum. 1699.*

# HISTORIA PLANTARUM

Species hætenus editas aliasque insuper multas  
noviter inventas & descriptas complectens.

In qua agitur primò

## De Plantis in genere,

Earumque

PARTIBUS, ACCIDENTIBUS & DIFFERENTIIS;

Deinde

Genera omnia tum summa tum subalterna ad Species usque infimas,

*Notis suis certis & Characteristicis*

Definita,

## METHODO

Naturæ vestigiis insistente disponuntur;

Species singulæ accurate describuntur, obscura illustrantur,  
omissa suppleuntur, superflua resecantur, Synonyma necessaria  
adjiciuntur;

## VIREs denique & USUS

recepti compendiò traduntur.

AUCTORE

JOANNE R A I O.

*E Societate Regiâ, & SS. Individuæ Trinitatis Collegii apud Cantabrigienfes  
quondam Socio.*

TOMUS PRIMUS.

L O N D I N I:

Typis MARIE CLARK: Prostant apud HENRICUM FAITHORNE  
Regiæ Societatis Typographum, ad Insigne Rosæ in Cœmeterio D. Pauli, cId Id cLXXXVI.



HISTORIA  
PLANTARUM

Species hactenus editas aliasque multas  
noviter inventas & descriptas complectens

in duas partes primo

De Plantis in genere

Enthymum

PARTIBUS ACCIDENTIUM & DIFFERENTIIS

Primo

Genera omnia cum primis cum subiectis ad species usque infirmas

Non solum cum & Characteristicis

Primo

METHODO

Methodus

Species singulae cum primis cum subiectis ad species usque infirmas  
omni supplicent, ut per se videntur, nonnullas necessitas

VIRIBUS & USUS

responsum continet ordinem

AUCTOR

JOHANNES RAY

Est Socius Regiae Societatis, & 32. Praefectus Thimontis & Cantuariensis

quondam Sacerdos

TOMUS PRIMUS

LONDINI

Typis M. J. CLARKE, Proprietarii, & H. J. BARNARD, Typographi  
Regiae Societatis Typographi, & H. J. BARNARD, Typographi, & H. J. BARNARD, Typographi

Prænobili Viro  
**D. CAROLO HATTON**

**ARMIGERO,**

Nobilissimi Domini

**D. CHRISTOPHORI HATTON**  
**BARONIS LIBERI**  
**ANGLIÆ FILIO,**

HANC

# Plantarum Historiam

Ipsius instinctu compositam perquam officiosè dedicat & plurimam  
Salutem vover

**JOANNES RAIUS.**



UM tu, Nobilissime Vir, Operis hujus aggrediendi mihi auctor fueris, tibi in solidum debentur gratiæ, siquid inde vel emolumenti, vel honestæ saltem oblectationis ad Lectorem redundabit. Quod si successus votis non respondeat, nec multorum expectationi, quâ me tua aliorumque amicorum affectui nimium indulgentium malè fundata opinio oneravit, minimè satisfaciam, paratam habeo excusationem, me non instinctu proprio, sed tuo suasu tuoque consilio, quæ apud me semper mandatorum vim obtinent, permotum ei conscribendæ animum appulisse. Qualiscunque autem successus fuerit, hæc vestra de viribus meis opinio aliquem usum habuit, ad industriam scilicet nostram excitandam, ut veterino excusso omni studio & contentione niterer eam si non mereri, saltem non penitus fallere & frustrari, non minùs tamen irritò & ridiculo conatu, quàm si Rana bovem intumescendo æquare contenderem, ni quantum in viribus meis æstimandis affectui licere permiseris, tantum in opere ipso judicando permittas.

Non usque adeo Suffenus sum aut meiipsius palpo, ut magni aliquid me præstitisse putem. Materiæ maximam partem aliunde mutuatam agnosco. Quæ tamen desiderari animadverti ipse supplevi, quæ redundare amputavi, errata correxi, obscura, qua potui illustravi, breviter ubique secutus sum, quatenus tamen cum perspicuitate consisteret, nè suspensum & incertum Lectorem dimitterem, nève Specierum non necessariæ multiplicationi an- sam præberem. Methodus denique & dispositio in plurimis nostra est ac nova.



Hæc si Tibi tuisque similibus candidis & ingenuis probari intellexero, aliorum vel minù idoneorum vel minù æquorum Historiæ nostræ censorum nec asteriscos capto, nec obeliscos metuo, verùm vestro judicio fretus, quicquid illi fenserint securus, alacri & erecto animo ad reliqua pertexenda, & coronidem tandem Operi imponendam progrediar.

infernoC invalido%

D. CHRISTOPHER HATTON

BARON'S LIBRARY

OLIVER KINGSLEY.

DNL 11

1945

ipsum infirmum compoſuerunt præparant officio deſervit & gloriam

20707 mshu.2

FOA NY 2 R 1102

Open to all

...the ... of ...

... und ...

*Staphylococcus aureus*, *Pseudomonas aeruginosa*, *Klebsiella pneumoniae*

the following conditions:


...and the ...

...the ... ..

© 2000 Blackwell Science Ltd *Journal of Internal Medicine* 247: 105–112

\_\_\_\_\_

\_\_\_\_\_



**PRÆFATIO.**

PRÆFATIO.

254

5. A

2708

# P R Æ F A T I O.



Auca quadam, Amice Lector, quæ vel tu fortasse scire desideras, vel nostrâ interest ut scias, huic operi præfanda habeo, nimirum Primò, quæ me rationes ad id aggrediendum impulerint: deinde quam Methodum secutus sum; tandem quid in eo præstiterim, aut saltem me præstitisse putem.

Quod ad primum attinet, scias me suasu & hortatu D. Francisci Willughby b. m. Amici nostri æternum honorandi

plantas maxime vulgares describere, materiâque, & suppellectilem *Historia Plantarum* condendæ & instruendæ parare cœpisse. Verum illo fatis juncto cum mecum reputarem Medicinam meam non esse professionem, opus etiam illud plus operæ & temporis exigere, quam ego ei impendere possem aut deberem, remissius agere cœpi, & paullatim omnem ejus curam & cogitationem abficere; præsertim cum intelligerem Robertum Morisonum Aberdonensem, Scotum, Virum magni nominis & famæ ob scientiam Botanicam, inque ejus studio & plantarum cultura diu versatum ejusmodi *Historia* conscribendæ insudare. Audito tamen postea opus illud, uno Volumine edito, interruptum ob Autorem ere alieno implicitum, inde eum brevi se expedire & institutum persequi exigua spes esset; nec ita multo post certior factus ipsum D. Morisonum infelici casu rebus humanis exemptum, instinctu & hortatu Nobilissimi Viri D. Caroli Hatton aliorumque Amicorum, quorum ego de facultate mea opinionibus nimis credulus, *Historiam* denuo in manus sumere, eamque quanta potui industria & festinatione prosequi & perficere decrevi. Rationes autem quibus præcipue permotus amicorum precibus cessi & consiliis obtemperavi, fuere sequentes.

Primò Divinæ gloriæ illustratio: Cum enim inexplicabilis stirpium varietas, excimia pulchritudo, mirus ordo, immensa utilitas infinitæ supremi Opificis potentia, sapientia, bonitatis luculentissima indicia & argumenta sint, qui materiâ hanc pro dignitate tractabit, Atributa illa omnibus una agnoscenda, suspicienda, veneranda proponet.

Deinde, quòd tale opus desiderari animadverterem: Cum enim multi jam effuxerint anni ex quo Jo. Bauhini *Historia Plantarum* & Jo. Parkinsoni *Theatrum Botanicum* evulgata sint, plurimæque interea temporis novæ plantæ observata & descriptæ fuerint à Clarissimis Viris Gulielmo Pifone, Georgio Marggravio, Jacobo Bontio, Reccho, Hernandez, Paulo Boccone, Jacobo Zannoni, Roberto Morisono, Jacobo Breynio, Horti Malabarici auctoribus, Christiano Mentzelio, Muntingio, aliisque, tempestivum videbatur olim descriptis recens inventis additis & in sua genera distributis, unam ex omnibus *Historiam* componere, tum ut tenuioribus earum cognoscendarum avidis, quorum facultates tot libris coemendis non sufficiunt consuleretur, tum ut rudioribus facilior aditus ad eas intelligendas & addiscendas pateret.

Tandem cum nemo hætenus ex nostra natione *Historiam* stirpium Latino sermone conscriptam publicavit, nè putarent exteri neminem id potuisse aut posse.

Ego autem tum instinctu proprio, tum amicorum monitu festinandum censui, partim ob ætatem ingravescentem, nè mors cessantem occuparet, & vitæ filum prius intercideret quam *Historia* telam pertexuissem; partim ut è diverticulo in viam studiorum redirem, & stationem pristinam, quam in aliena castra transfuga ad tempus deserueram, quamprimum repeterem, & res meas agerem.



## P R A E F A T I O.

Sequitur proximo in loco ut de Methodo quam secutus sum compendio dicam.

Methodum Memoriae matrem esse apud omnes in confesso est, Memoriam autem Musarum fabulantur Veteres. Quocirca ne Historiam Musis & Apollini nullo composuisse videar, de ea adornanda maxime sollicitus, id praeceptum operam dedi, ut & summa Genera recte constituentur, & tanquam in acie bene ordinata Species omnes tam subalternae tam infimae suis locis disponantur, quo & universae facilius comprehendantur, & singulae clarius intelligi queant, & indaganti propius occurrant, & memoria firmius inhaereant.

Aliis autem Methodis reiectis ob rationes alibi expositas, eam quae a convenientia stirpium in partibus praecipuis, flore puta & ejus calyce, semine ejusque conceptaculo, notas genericas sumit amplector & usurpo: quae & maxime naturalis & philosophica est, & ad Botanice compendii addiscendam longe commodissima. Hujus enim inventu & auxilio studiosus quisque quamvis subsidiis alienis destitutus, & proprio Marte rem aggressus, Plantarum cognitionem haud difficulter assequetur. Oblata enim quaecunque stirpe e non vulgo cognitis, cum summorum Generum nota (quae expedit ut in numero habeat) eam conferendo, ad quodnam pertineat maxime deprehendet: deinde Tabulae ductum sequendo velut Ariadne filo per Genera subalterna pari facilitate descendet ad Species usque infimas, cum quarum descriptionibus collata plantam vel descriptam agnoscet, vel novam & inobservatam concludet.

Verum quod alias dixi illud hic repeto & incalco, non sperandam a me Methodum indequaue perfectam & omnibus suis numeris absolutam, quae & plantas in Genera ita distribuatur ut universae Species comprehendantur, nulla adhuc anomala & sui generis reliqua, & unumquodque genus notis suis propriis & caracteristicis ita circumscribitur, ut nullae inveniantur Species incerti, ut ita dicam, laris, & ad plura genera revocabiles. Nec enim id patitur natura rei. Nam, cum Natura (ut dici solet) non faciat saltus, neque ab extremo ad extremum transeat nisi per medium, inter superiores & inferiores, rerum ordines nonnullas mediae & ambiguae conditionis producere solet, quae de utroque participant, & utrosque velut connectant, ut ad utrum pertineant omnino incertum sit. Praeterea eadem alma Parens in Methodi cujuscunque angustias coerceri repugnat, sed ad libertatem & autoritatem suam nullis legibus obnoxiam ostentandam in unoquoque rerum ordine nonnullas Species creare solet, tanquam exceptiones a regulis generalibus, singulares & anomalas.

Notandum autem, non semper & in omnibus plantis notas Generum indices certas minimeque fallaces e forma seminis externa ejusve involucri aut conceptaculi sumi (ut nonnullos velle audio) ita ut quibus hae partes similes & conformes sunt ea genere convenient, quibus dissimiles differant: siquidem in genere Cumini datur aliqua species semine hispido & villoso, quae reliquarum partium figura earundemque & ipsius seminis odore, colore, sapore cum vulgari Cumino semine striato levi convenit. Pastinacae latifoliae sativae semina lata & compressa, seu foliacea sunt; Sisari & Sii dicti angusta & striata. Quis tamen plantas ipsas ob convenientiam in foliis odore & sapore, (quae tanta inter Sisarum & Pastinacam intercedit ut vix ovum ovo similis sit) non potius ad idem genus referendas statueret, quam ob solam seminum difformitatem separandas, & procul a se invicem removendas. Fumariam filiquosam a *γυμνοσπερμα* ego equidem invito separo. Spergulam quae semine est foliaceo ab eo cui semen rotundum nemo utique sejungit: Nec probo Papaver corniculatum a capitato divelli, quantumvis seminibus & vasculorum figuris discrepent.

Supereft ut quid in hac Historia praestiterim, aut me saltem praestitisse putem brevibus exponam.

## P R A E F A T I O.

Primo in loco Plantas omnes hactenus editas, & per multa volumina sparsas, in Genera & Species veluti tot membra distributas in unum quasi corpus redegi. Quod ut efficerem, non omnes quotquot extant Stirpium Historias, Theatra, Pandectas, Adversaria, Observationes, Illustrationes, Commentarios evolvere & examinare necessarium duxi, ne actum agerem, cum Viri longè eruditissimi maximèque industrii J. Bauhinus & Casp. Bauhinus fratres immenso labore diligenter perfectis & studiose inter se collatis Botanicorum scriptis ante se editis, species jam tùm cognitae, paucissimis omissis excerptas & methodicè digestas, hic in Theatri Botanici pinace, ille in Historia Plantarum generali exhibuerunt. Stirpes noviter inventas, & post Bauhinum intrunque denatum editas à Clariss. Viris Prospero Alpino, Joanne Vellingio, Jacobo Cornuto, Joan. Parkinsono, aliisque superius memoratis ipse collegi & ad sua genera retuli: non paucas denique à meipso observatas tam in Anglia, quam in transmarinis regionibus adjeci.

Longissimè tamen abest ut me perfectam Plantarum omnium Historiam composuisse, aut alium quemvis componere posse existimem, cum ne dimidiam quidem partem plantarum toto terrarum orbe nascentium Europaeis hactenas cognitam aut observatam esse certissimum sit. Primum etenim vastissima terrarum spatia diverso mundi cardini subiecta nondum detecta, at ne fando quidem audita latere plusquam verisimile est. Quin earum regionum quarum aliqualem notitiam habemus pars longè maxima Botanico inaccessa, nondum certè lustrata est. Tandem in iis etiam quae omnium diligentissime perferutatae sunt non paucae Botanicorum industriam eluserunt & etiamnum inobservatae latitant: ut hujusmodi Historiam vixdum inchoatam, non ante absolvendam putem.

Exitio terras quam dabit una dies.

Præterea non sum nescius alias adhuc præter hoc opere comprehensas species, novas & nondum descriptas, in hortis Medicis quâ Academicarum publicis, quâ Magnatum & curiosorum privatis aliâ cultoribus suo tempore publicandas: ego autem editarum præcipue historiam præ me fero; ex quibus etiam nonnullas per incuriam, oscitantiam, oblivionem aut festinationem omissas esse mihi metipso conscius sum, plures fortasse Lectores observabunt. Quid enim aliud sperari potest ab uno, & homine, qui ne Amanuensem quidem habuerim, verum propria manu omnia exarare coactus sum.

Constitutis speciebus proxima cura fuit singularum descriptiones plenas & accuratas tradere: cum autem animadvertirem Clarissimos Viros utrosque Bauhinos, Fabium Columnam & Car. Clusium in plantis describendis præ aliis diligentes & curiosos esse, eorum præcipue descriptiones mutuatus sum (quarum tamen non paucas emendavi & supplevi) autorum nominibus præfixis, ne pro meis eas venditare videar. Alias multas nimis succinctè & obscurè traditas, quales sunt pleraque familiarissimæ & passim nascentes, plenius & acuratiùs describere adnixus sum. Novæ & post Bauhinum evulgatae ab autoribus suis, quos plerumque singulares habent, satis accuratè describuntur, ut de iis minùs laborandum esset; singula duntaxat suis sedibus disponendæ.

Obscuris & ambiguis lucem aliquam fœnerari conatus sum, multis nihilominus admissis speciebus incertis & suspectis, nec enim quas pro talibus habeo omnes rejicere & eliminare ausus sum, ne Charybdin evitare cupiens in Scyllam inciderem, & superflua amputandi studio vivo aliquo membro Historiam mutilarem.

Cum autem plantarum numerum in natura adeo ingentem noverim, ut haud facile à quoquam memoriâ comprehendi & retineri omnes possint, summopere cavendum duxi ne ipse novas cuderem, unam & eandem speciem in plures distrahendo, quod in tanta multitudinis specierum, brevitateque & obscuritate descriptionum quæ ejusdem plantæ in diversis libris occurrunt evitari vix potest; quæ in parte à summis etiam viris sæpius erratum novi.

Errores



## P R Æ F A T I O.

Errores & ~~inadvertentia~~ quæ in Botanicorum scriptis adnotavi obiter correxi, non ut cujusquam famam minuam aut existimationem lædam, sed solo veritatis illustrandæ studio, quo nihil antiquius nobis esse debet. Aliis autem siquid humanitus acciderit facile ignosco, cum ipse sapius, quamcunque curam adhibeo, titubem aut dormitem, æquum autem sit, Erratis veniam poscentem reddere rursus.

Quod ad synonyma attinet, quatuor præcipue Auctorum Joannis Bauhini, Caspari Bauhini, Gerardi, & Parkinsoni nomenclaturas & titulos exhibui, nec plures necessarias putavi, cum reliquæ jamdudum à C. Bauhino in pinace & J. Bauhino in Historia traditæ sunt. Novæ & post Bauhinum editæ singulos plerunque ut Auctores, ita titulos habent.

De stylo & orationis nitore parum sollicitus, magis laboravi ut sententia clara esset, quam ut sermo ornatus. Perspicuitati etiam brevitatem quoad potui conciliare studui.

— Ut citò dicta

Percipiant animi dociles teneantque fideles.

Vires & Usus à Botanicis quæ Veteribus quæ Recentioribus fusè traditæ in compendium contraxi, Observationes etiam plurimas ab Amicis communicatas adjeci.

Icones nullas adhibui, non quod minùs necessarias aut inutiles ducerem, sed partim ne operis editionem morarer, partim ob sumptus immodicos: Lignæ enim ad gustum sæculi non sunt, æneis autem exsculpendis vix census Senatorius sufficeret. Quod si Historia eas mereri videbitur, non minùs commodè ei jam editæ addi quam unà edi possunt.

Restat tantum ut fatear per quos profecerim, eorumque nomina qui Historiæ huic aliquid contulerunt vel in ea edenda mihi adjumento fuere grata commemoratione recenseam. Ii fuere D. Gulielmus Bowle M. D. defunctus, D. Petrus Dent, Medicus & Pharmacopæus Cantabrigiensis, D. Radulphus Johnson, D. Martinus Lister M. D. D. Gualterus Needham M. D. D. Jacobus Newton, D. Josua Palmer M. D. D. Philippus Skippon Eques auratus, D. Barnhamus Soame, Tho. Willifellus defunctus. Horum mentio frequens in hoc opere occurrit, eorumque nomina symbolis suis adscripta Lector reperiet. Quatuor autem præ aliis celebrandi veniunt qui Historiam nostram plurimis observationibus locupletârunt, vel aliter ei perficiendæ non inutilem nobis operam navarunt. Nimirum

D. Edvardus Hulfius M. D. vetus Amicus noster, de Republicâ Literariâ optimè meritis, sua laude & multorum commodo Londini Medicinam exercens, cui ob promptum Operis hujus promovendi & perficiendi studium tot Observationibus medicis ultro collatis testatum, maximæ à me & Lectoribus meis, siquos habiturus sum, debentur gratiæ.

D. Tancredus Robinsonus M. D. quem ob præclaram eruditionem, suavissimos mores, & propensum in me animum merito suo plurimum diligo, qui & opus ipsum variis Observationibus ditavit; inque ejus editione accurandâ exornandâque non minus diligens & industrius fuit, quam si ipsemet ejusdem Auctor fuisset.

D. Hans Sloane, M. D. Botanicæ apprime gnarus, qui & multas rariores plantas à se collectas, & curiosè observatas quas mihi non antea videre contigerat, suâque de iis Observationes benevole communicavit, & plurima etiam rariorum semina impertivit, quo stirpes inde enatas observare & describere possem.

D. Samuel Dale, Medicus & Pharmacopæus vicinus & familiaris noster, Brantriæ in Effexia degens, qui libris diligenter collatis Synonyma examinavit, errata correxit, & omissa supplevit, præterea siquas species per incuriam aut festinationem omissas observavit, me commonefecit, ut ejus ope Historia nostra aliquot mendis repurgata, & speciebus aucta sit.

Det Deus Opt. Max. ut quem mihi scopum destinaveram petam, eâque absoluto opere consequar, quibus me ad illud inchoandum initio permotum dixi, nempe ut ipsius gloriam illustriorem reddam, & proximi commodis, Botanicorum præcipue studiis promovendis inserviam.

Explicatio

*Explicatio nominum abbreviatorum & recensio operum ab eisdem  
Autoribus editorum.*

**A** D. & Ad. Lob. Adversariorum opus, à Petro Pena & Marthia de Lobel editum, primò Londini Anno 1570. additis circiter 284. figuris. Postmodum Anno 1576. Antverpiæ: novus titulus præfixus, epistolâ ad Reginam omiſſâ: cui operi Lobelius Observationes suas cum novis figuris junxit. Tandem Anno 1605. iterum Londini edidit Lobelius Adversaria, unâ cum parte secunda & Pharmacopœa Rondeletii.

**Amat.** Amatus Lusitanus, qui in libros quinque Dioscoridis enarrationes edidit, additis diversarum linguarum nominibus. Argentorati 1554. in 4.

**Apul.** Apuleius Plaronicus, non antiquus ille Madaurensis, sed alius recensior, quem Johnsonus in Præfatione ad Gerardum à se emaculatum, sexcentis retro annis aut circiter vixisse conjectatur, & opusculum suum de plantarum virtutibus primùm Græcè scripsisse. Idem observavit in duobus libris manuscriptis à se viſis Autorem hunc Platonem Apolienſem nominatum. Constantinopolin autem urbem Apolæ dictam fuisse auctor est Ferrarius.

**Alp.** Prosper Alpinus sextus Horti Patavini præfectus de Balsamo Dialogum, additâ ejus figurâ, scripsit. Venetiis 1594. 4. Ejuſdem de Plantis Egypti liber cum figuris 46. & cum medicina Ægyptiorum Venetiis 1592. 4. Liber de Plantis Egypti & Dialogus de Balsamo. unâ cum Observationibus Jo. Veslingii secunda vice impressus est Patavii 1640. in 4.

Ejuſdem de Plantis Exoticis libri duo cum figuris æneis à filio post ejus mortem editi sunt Venetiis 1627.

**Ang.** Aloysius Anguillara Horti Patavini tertius in ordine Præfectus de plantis suam sententiam diversis communicavit: Opusculum in partes 14. divisum operâ Joan. Marinelli Italicè prodit; additis duabus figuris Chameleontis & Sedi arboreſcentis. Venetiis 1561. 8.

**Bell.** Honorius Bellus Vicentinus, medicus Cydonienſis in Creta insula. Extant Epistolæ ejus de Plantis ad Clusium conscriptæ, ejusque historiæ additæ.

**Bellon.** Petrus Bellonius, scripsit Observationum libros tres, qui à C. Clusio Latinitate donati, additis plantarum figuris 106. prodierunt Antverpiæ 1589. 8. Item tractatum de neglecta stirpium cultura quem idem Clusius vertit, & unâ cum Observationibus Exoticorum, libris adjeçit. Item librum de arboribus coniferis, resiniferis & semper virentibus cum earundem iconibus 8. Parisiis 1553. 4.

**C. B.** Casparus Bauhinus in pinace, C. B. Phyt. Idem in Phytopinace. C. B. prod. Idem in Prodromo Theatri Botanici C. B. Teatr. Idem in primo volumine Theatri Botanici.

C. Bauhinus medicus & Professor Basileensis in Phytopinace 2460. plantarum nomina cum aliquot Synonymiis exhibuit, & 164. descriptiones novarum plantarum, octoque figuras adposuit. Basileæ 1596. in 4.

Idem P. Andrea Matthioli opera omnia in Germania prius non cûsa emaculata dedit, additis 330. figuris, & 50. novis ab ipso primùm descriptis, cum Synonymiis. Francofurti 1598. in fol.

Idem Animadversiones in Historiam generalem Lugdunenſem in quibus circiter 400. figuras in illo opere bis tervè positas & repetitas esse ostendit. Francofurti 1600. in 8.

Idem Jacobi Theodori Tabernamontani Historiam Germanicam correxit, maxima parte auxit: figuras novas plures addidit: nonnullas descripsit, & parti primæ synonymias adposuit. Francofurti 1613. in fol.

Ejuſdem Prodromus Theatri Botanici, in quo circiter 600. plantæ ab ipso primùm descriptæ, additis 140. novis figuris, Francofurti 1620. in 4. editus est. *Continet hic liber multas species nobis suspectas, à plantis siccis descriptas.*

Ejuſdem Catalogus Plantarum circa Basileam sponte nascentium, cum eorundem Synonymiis & locis natalibus. Basileæ 1622. in 8.

Tandem Anno 1623. prodit Pinax Theatri Botanici, opus absolutissimum, 40. annorum, circiter 6000 plantarum nomina continens cum earundem Synonymiis & differentiis. *Liber iste hic Sphærmatis & erroribus suis non caret: Species aliquæ bis tervè repetuntur sub diversis titulis, aliæ locis non suis disponuntur, ut Historiam generalem Ebrodunenſem, Merisoni Prælod. Bot. & Historiam Oxoniensem, & nostram etiam legenti patebit.*

Multis post obitum C. Bauhini annis Joan. Caspar. Bauhinus ejus filius edidit primum Volumen Theatri Botanici sive Historiæ Plantarum, quod est pars duodecima totius Operis, Basileæ 1658. in fol.

**Boccon.** Paulus Boccone Siculus Panormitanus: Icones & descriptiones rariorum plantarum Siciliae, Melitæ, Galliæ, Italiæ Oxonii edidit Anno 1674. 4. Ejuſdem Epistolæ Gallico sermone conscriptæ, & Amsterodami editæ, nonnulla de Lithophytis aliisque plantis submarinis continent.

**Bont.** Jacobus Bontius medicus Bataviæ novæ libros 6. Historiæ naturalis Indiæ orientalis conscripsit, quos morte præventus indigestos reliquit, postea Gulielmus Piso eos in ordinem redegit, illustravit, & edidit simul cum Historiâ naturali Indiæ occidentalis, Amstelodami 1658. cujus Historiæ Lib. IV. de Arboribus, Fructibus, Herbis Medicis atque alimentariis nascentibus in Brasiliâ & regionibus vicinis agit. VI. Mantissam Aromaticam continet. XII. Notas in Garciam ab Hort. XIV. & ultimus Historiam quarundam plantarum Indicarum.

**Anf. Boetius de Boot** edidit Historiam quorundam Florum, Herbarum, Frugum cum Iconibus æneis, Brugis 4.

**Breyn.** Jacobi Breynii Patritii Dantiscani, Borussii Exoticarum plantarum Centuria prima, Gedani 1678. cum æneis figuris elegantissimis in fol. edita.

Idem



## Explicatio nominum &

Idem Prodrum fasciculi rariorum plantarum edidit Gedani 1680. qui liber ad manus nostras nondum pervenit.

*Bruss.* Orho Brunfelsius. Primus Germanorum vivas plantarum icones edidit. Hujus Historia Latina tribus tomis prodit; primus Anno 1530. alter 1531. & tertius posthumus Anno 1536. Argentinae cum figuris 238. at sedecim his ponuntur: summam cum & sine figuris 288. describuntur. Idem & Germanicè scripsit in folio cum eisdem figuris, & in 4. parvis figuris additis Argentinae 1539.

Jo. Theod. de Bry. Florilegii partes tres 1612. 1614. 1618. folio.

*Cas.* Andreas Casalpini Aretinus in Acad. Pisana Professor de plantis 16. libros scripsit, nullis figuris additis: prodire Florentiae 1583. Eiusdem Appendix ad hos libros Romae 1603. in 4.

*Cam. & Cam. hort.* Camerarius in hort. *Cam. ep.* Camerarius in Epitome Matthioli. Joachimus Camerarius Matthioli Historiam Germanicam per Plantarum primum versam & cum Matthioli figuris culam rursus emaculavit, novis iconibus 123. & novis addit.

Idem Matthioli epitomen dedit cum figuris 1003. Francofurti 1586. 4.

Idem Hortum Medicum & Philosophicum scripsit, figuris 36. additis. Francofurti 1588. 4.

*Cas.* Castor Durantes medicus Romanus Herbarium novum cum figuris plantarum quae in tota Europa, India Orientali & Occidentali nascuntur Italice edidit, viribus Latinis verbis expressis. Ordinem Alphabeticum observavit, & plantarum figuras 879. adposuit. Romae 1585. in fol.

*Cat.* Aldorf. Catalogus Plantarum in agro Aldorfino locisque vicinis sponte nascentium à Ludovico Jungermanno primo editus, à Casp. Hofmanno recensitus, à Mauritio Hofmanno denuo recognitus & auctus, A.D. 1662. in 4.

*Clus. & Clus. hist.* Clusius in historia. *Clus. pan.* Clusius in Pannonicis. *Clus. exot.* Idem in Exoticorum libris. *Clus. cur. post.* Curae posteriores.

Carolus Clusius Atrebas, Botanicus insignis Dodonaei historiam vernaculâ lingua conscriptam Gallicam fecit, & corollarium de Aromatibus addidit, cum figuris quae separatim in octavo prodire Anno 1560. in fol.

Idem Garciae ab Horto dialogos de Aromatibus & simplicibus, Lusitanicè conscriptos in Epitomen contraxit, Latinos fecit, Annotatiunculis & figuris plantarum 30. illustravit. Antverpiae Anno 1574. in 8. cujus editio quinta auctior additis 36. figuris cum ejusdem exoticis 1605. in folio prodit.

Idem Nicolai Monardis lib. de Medicamentis Indiae Occidentalis ex Hispanico transtulit, notis & figuris 9. illustravit. Anno 1574. in 8. cujus editio quarta cum Exoticis excusa est. Eiusdem Monardis liber tertius ab eadem Latine redditus Antverpiae 1583. in 8. cufus.

Idem Christophori Acoftae historiam ex Hispanico Latinam fecit, in Epitomen contraxit, Scholis illustravit, & anno 1582. edidit. Tertio vero additis 6. figuris cum Exoticis An. 1605. in fol. prodit.

Idem de plantis per Hispaniam observatis libros duos scripsit, figuris 230. additis. Antverpiae 1576. 8.

Postea ab Imperatore Maximiliano II. evocatus Austriam, Pannoniam & adjacentes provincias illustravit, & de simplicibus ibi observatis lib. 4. conscripsit, figuras 353. additis. Antverpiae 1583. 8.

Idem tam Hispanicâ, quàm Pannonicâ Historiâ simul junctâ, & aliis quibusdam additis, unam ex omnibus Historiam composuit, sex libris comprehensam, & sub titulo Historiae plantarum rariorum evulgavit, additis figuris 1135. Antverpiae 1601. in fol.

Idem Exoticorum libros decem scripsit, quorum sex priores variam materiam circa Animalia & Plantas cum iconibus Plantarum 194. continent. Item Garciae, Monardis & Acoftae libros supradictos, item Nicolai Monardis lib. 3. De lapide Bezoar, de Scorzonera, De Ferro & Nive An. 1605. fol.

Eiusdem Curae posteriores cum additam, post mortem editae sunt, additis 27. figuris, Antverpiae 1611. in fol.

*Col.* Fabius Columna Neapolitanus, è familia Columnarum Romana, doctissimus Vir & limari iudicii, ex Academia Lynceorum edidit Phytobasanen: cum figuris 36. Neapoli 1592. Item De minus cognitis plantis partes duas, quarum prima cum figuris 161. Romae Anno 1606. altera etiam cum figuris 44. ibidem 1616. cula est.

Idem Annotationes & Additiones in Historiam Plantarum Mexicanarum Fr. Hernandez & aliorum scripsit, quae cum dicta Historia editae sunt Romae 1651.

*Cord. & Cord. Hist.* Cordus in historia. Valerius Cordus scripsit Annotationes in Dioscoridem: item lib. 4. de Scirpium historia cum figuris 272. ex Trago, & aliquot novis à Gesnero additis: Item Sylvam observationum, quae omnia, Gesnero curante, Argentinae 1561. in folio edita. Eiusdem Dispensatorium saepius reculum est.

*Corn. & Cornut.* Jacobus Cornutus Gallus, Medicus Parisiensis edidit historiam Plantarum Canadianarum aliarumque, Parisiis 1635. 4.

*Diosc. & Dioscor.* Pedacius Dioscorides Anazarbeus. Vixit circa Plinii tempora, Botanicus & Medicus insignis, non tamen Alexandrinus ille Marco Antonio & Cleopatrae familiaris, scripsit De Materia Medica usu antiquissimo & experientia longâ comprobata libros 8. qui saepius recusi sunt. Nonnulli C. Plinium Secundum multa ex hoc opere in Historiam suam transtulisse, nulla Auctoris mentione facta, opinantur. Quod quoniam candori Pliniano repugnat, ego potius cum Salmasio sentio utrumque tum Dioscoridem tum Plinium à Sextio Nigro ea mutuatum, nec Plinium Dioscoridis librum unquam legisse, aut vidisse.

*Dod.* Dodonaei Pemptades Latine in fol. *Dod. gal.* Eiusdem historia Gallica *Clus. Dod. Belg.* Eiusdem historia Belgica.

Rembertus Dodonaeus Medicus Mechliniensis stirpium historiam Belgicè scripsit, quae à Clusio Gallicè reddita cum quibusdam additamentis prodit Antverpiae 1559. ut superius diximus.

Anno 1552. edidit frugum historiam in 8. Latine; & paulo post Florum & purgantium histor. in 8.

Eadem simul junctâ in libros 30. divisa Antverpiae Anno 1583. in fol. cum 1305. figuris. Haec Historia denuo recusa Belgicè cum cujusdam annotationibus prolixis, additis adhuc 36. novis figu-

## Recensio operum.

ris, Anno 1608. & Latine similiter ab Autore emaculata, paucis mutatis, & figuris quæ in Belgica editione habentur cum descriptione additis, Anno 1616. prodit.

*Dodart.* Description de quelques Plantes nouvelles. A Paris 1676. Librum hunc mihi nondum videre contigit.

*D. Johannes Evelynus,* Vir eruditissimus, Sylvam, seu tractatum de Arboribus, Londini edidit in fol. unâ cum aliis ad rem Botanicam spectantibus.

*Eyst.* Hortus Episcopi Eystettensis in Bavaria, à Basilio Besslero Pharmacopœo Norimbergensi editus cum magnis figuris in æs incisus 1083. Norimbergæ 1612. In hoc opere exhibentur Synonyma tantum & descriptiones. In 4. partes secundum 4. anni tempestates dividitur: & singule partes iterum in tres subdividuntur secundum anni menses.

*Ephem. German.* Ephemerides medico-physicæ Germanicæ: sive Miscellanea curiosa medico-physica S. R. Imperii Academia naturæ curiosorum per Germaniam.

*Alb. Haf.* Acta Hafniensia Medica & Philosophica à Tho. Bartholino edita.

*Emanuelis Suerstii* Florilegium Francofurti impressum fuit cum figuris & plantis novis, fol.

*Ferrar.* Joan. Baptista Forarius Senensis S. J. Scripsit Floram seu de Florum cultura libros 4. editos ultinio Amsterodami 1646. Continet hic liber figuras & descriptiones Plantarum aliquot novarum.

*Joannes Fragosus* Hispaniarum Regis medicus & Chirurgus aromatum, fructuum, & simplicium aliquot ex utraque India in Europam delatorum historiam Hispanicè scripsit. Israel Spachius medicus Argentinenfis edidit Argentinz 1610. 8.

*Fuch.* Fuchsius in Historia Latina in folio. Leonardus Fuchsius Germanus, Tubingensis, medicus, doctus & industrius Botanicus, Tragi æmulus edidit Historiam Latinam cum 516. figuris artificiosissimè ligno incisus, Basileæ 1542. in fol. Hunc præceptorem suum Jo. Bauhinus appellat.

*Flora D. Rea.* Londini fol.

*Gal.* Claudius Galenus, Pergamenus Medicorum omnium post Hippocratem facile princeps.

*Ger.* Joan. Gerardi Historia plantarum Anglicæ cum figuris ipsius Tabernamontani, nonnullis etiam Lobelii, & insuper 16. novis additis. Londini 1597. in fol. Joannes Gerardus (referente Johnsono in Prefat. ad Gerardum emaculatum) natus est Nantvici in comitat. Cestrensi, unde Londinum venit, ubi Chirurgiæ operam dedit, in qua ad eod. profecit, ut magisterium in ea facultate adeptus sit. Linguarum medicorum aut nullam habuit peritiâ. Hujus operis potissima pars & quasi corpus sunt Pemptades Dodonæi, Anglicè redditæ à quodam Doctore Priest, quas Gerardus ferè integras transumpsit. Hoc ut celeret mutavit Dodonæi methodum in Lobelianam, à Graminibus & Graminifoliis initium sumens. Huic versioni Dodonæi addidit insuper nonnullas plantas à Clusio, alias ex Adversariis Penz & Lobel. ex suis circiter 14. non antea editas. Assumpsit verò icones Tabernamontani, quas sæpius imperitè confudit & transposuit.

*Ger. emac.* Gerardi Historia emaculata & aucta à doctissimo Viro Thoma Johnsono, civè & pharmacopœo Londinensi, quem ob insignem totius Medicinæ, sed præcipuè Rei Botanice peritiâ Academiæ Oxoniensis Doctoratûs gradu & titulo meritissimè auxit. Opus hoc bis Londini impressum est, primò 1633. iterum 1636.

*Gesn.* Gesnerus. *Gesn. hort.* Gesnerus in libro de hortis Germaniæ. *Gesn. col.* in libello de collectione stirpium. *Gesn. cat.* in Catalogo plantarum quadrilingui. Conradus Gesnerus Tigurinus, ingenio, eruditione, industria, fide, modestia nulli secundus, Historiam plantarum & vires ex Dioscoride, Egineta, Theophrasto, Plinio & recentioribus Græcis juxta Elementorum ordinem edidit, Venetiis 1541. 16.

Item, Catalogum plantarum quadrilinguem, Tiguri 1542. in 4.

Item, De Lunariis & noctu lucentibus cum figuris 5. & montis Fracti sive Pilati Lucernatum descriptione ibid. 1552. 4.

Item, De Hortis Germaniæ librum cum Appendice & Corollario ad Cordi historiam, in quo fig. 5. tum Cordi operibus. Argentinz 1561. in fol.

Item, De Lapidibus, fossilibus & gemmis cum marinarum plantarum 8. figuris, Tiguri 1565. 8. Ejusdem Epistolæ medicinales per Casparum Wolfium editæ, addito de Aconito primo allevatione cum 3. fig. Tiguri 1577. 4.

Item, De stirpium collectione per Wolfium edit. Tiguri 1587. 8.

Hunc Jo. Bauhinus Præceptorem suum sæpius appellat, & à candore ac modestia commendat.

*Melchior Guilandinus* Borussus, quartus in ordine Horti Patavini præfectus, emisit librum qui inscribitur Theon, sive Apologia adversus Matthiolum. Patavii 1558. 4. Item Epistolas aliquot de stirpibus. Ibid. Item Commentarium in tria C. Plinii capita de Papyro, qui inscribitur Papyrus. Ejusdem conjectanea synonymica plantarum cum horti Patavini Catalogo sub annum 1591. Jo. Schenckii operâ edita. Francofurti 1600. 8.

*Hermol.* Hermolaus Barbarus Patriarcha Aquileiensis scripsit quinque libros Commentariorum in Dioscoridem, quos Corollarium vocat. Colon. 1530. in fol. Item in C. Plinii Historiam Naturalem castigationes. Basileæ 1534. 4.

*Hernandez.* Plantarum, Animalium, &c. Mexicanorum Historia, à Francisco Hernandez primò compilata & à Nardo Antonio Reccho in Volumen digesta. Romæ 1651. in fol.

*Hort. Malab.* Hortus Malabaricus Indicus, continens Regni Malabarici omnis generis plantas rariores, Latinis, Malabaricis, Arabicis & Bramanum characteribus nominibusque expressas. Unâ cum Floribus, Fructibus & seminibus, naturali magnitudine delineatas, & in æs incisas; Addita insuper accurata earundem descriptione. Adornatus per Henricum Reed van Draakenstein aliisque. Hujus operis quinque volumina, jam edita sunt; nec tamen ultra arbores & frutices progressum est.

*Hort. Leyd.* & *Hort. Lugd. Bat.* Horti Leydenfis Catalogus.

*Hort. Paris.* Horti Regii Parisiensis Catalogus Anno 1665. editus in folio.

Hort.



## Explicatio nominum &

- Hort. Blas.** Hortus Blasensis auctus, à R. Morifonio editus Londini 1669. 8. Catalogos variorum horticorum collegit, & una edidit S. Paulus. Hafniae 1653. 16.
- Hort. Farnesianus** cum figuris à Tobia Aldino, Romae fol.
- C. Hofman.** Caspari Hofmanni Libri duo De Medicamentis Officialibus. Catalogum Aldorfensem Jungermanni recensuit. Altorfii 1615. 4.
- J. B. Joannes Bauhinus,** Caspari frater, Ducis Wirtemberg. Archiater, ingeniosus admodum & eruditus, summae fidei, infinitae lectionis, limati & maturi iudicii, in omnibus Botanicorum, tam Antiquorum quam Recentiorum scriptis versatissimus, omni humanioris & severioris literatura genere instructissimus, uno verbo Herbariorum Coryphaeus, praefer opuscula quaedam, v. g. Libellum de Plantis à Divis denominatis. Basileae 1598. 8. Libellum de Absinthii generibus. Montisbelgardii 1593. 8. Et De plantis circa Balneum Bollenfense nascentibus Catalogum, Pomorum figuris 60. & Pyrorum 40. additis cum Historia de Balneo Bollenfi. Montisbelgardii 1598. 4. Praeter haec inquam Historiam Plantarum Universalem inchoavit, inque ea perficienda exornandaque diu multumque laboravit, verum morte praeventus opus illud imperfectum reliquit: quod recensuit & auxit Dominicus Chabraus M. D. Genevensis, juris vero publici fecit Franciscus Lud. à Graffenried, Dominus Gertzenzee, &c. Opus omnium quae haecenus lucem viderunt absolutissimum, complectens quicquid fere scitu & observatione dignum vel apud Veteres vel apud Neotericos occurrit: una cum synonymis, equivocis, succedaneis, &c. Summo studio cavet hic Auctor, ne species praeter necessitatem multiplicaret, & ex una plures faceret, veritati adeo addictus, ut hujus causa non dubitet etiam *non omnia adhaerere*. Multa in hoc opere species desiderantur ex his quas proculdubio non omisisset Auctor si supervivisset & editioni praefuisset, quin potius alias plurimas addidisset, omniumque ordinem & dispositionem in melius mutasset.
- Imperat.** Ferrantes Imperatus Neapolitanus Pharmacopoeus evulgavit Historiam naturalis lib. 28. cum figuris lapidum, corallorum, spongiarum, &c. plantarum verò & fructuum 33. Neapoli 1599. in fol. & Venetiis 1672. ab Ant. Ferri aucti.
- Jo. Bod.** Joannes Bodeus à Stapel, medicus Amstelodamensis in Commentariis seu notis in Theophrasti historiam, Amstelodami editis, una cum Graeco contextu 1644. in folio. Habeatur in hoc opere tum vulgarium, tum rariorum plantarum icones permultae.
- Jung.** Joachimi Jungii Hagoge Phytoscopica, &c. Hamburgi 1679. 4.
- Lac.** Andreas Lacuna. Extant ejus Commentaria in Dioscoridem cum figuris Hispanica lingua conscripta. Salamanticae 1552. in fol.
- Item Annotationes in Dioscoridem, in quibus Ruellii versio castigatur.
- Lob.** Lobelius in Observationibus aut Adversariis. Lob. ico. Idem in iconibus separatim editis. Lobelius praeter Adversariorum opus de quo superius diximus, edidit Plantarum seu Stirpium Historiam, quam etiam Stirpium Observationes inscribit, additis figuris 1476. Antverpiae 1576. in fol.
- Postea Historiam plantarum seu stirpium Belgicè edidit, in qua & Adversaria & Observationes complexus est, aliis insuper additis. Cum figuris 2116. quae postea seorsim curatae sunt Antverpiae in forma longa.
- Designavit insuper aliud magnum opus, cui titulus Stirpium Illustrationes. Verum mors illud interrumpit. Hujus fragmentum aliquod diu post ejus mortem Londini impressum est.
- Lobelium, quantum memini, Jo. Bauhinus alicubi vagum & inanem jactatorem appellat: quam censuram quamvis minus probe, observavi tamen Lobelium in plantis describendis parum curiosum fuisse & memoria nimium fsum saepius errasse, in locis praesertim plantarum. Nam multas pro indigenis Angliae habet, quas nemo praeter ipsum in Angliae sponte nascentes observavit, qualesque in locis ab illo designatis frustra requisiveris: imò nec alibi forte in rerum natura. Exemplo sit Lycopis altera Anglica, & Nymphaea lutea, necnon alba minor.
- Lon.** Adamus Lonicerus: Is Herbarium Eucharii Roslin, sui in Officio Francofurti antecessoris Germanicè scriptum quarto auxit, quod postremo anno 1569. prodit: postmodum remoto Eucharii nomine suum praefixit, & cum figuris 833. circiter Anno 1582. dedit Francofurti.
- Lugd.** Historia generalis plantarum lib. 18. à Dalechampio inchoata, per Joan. Molinum collecta & edita, qui nomen suum non adposuit. Lugduni Anno 1587. excusa est. In hac figura 2686. proponuntur; verum circiter 400. bis terve repetuntur.
- D. Marcellus Malpighius,** Vir sagacissimus, & D. Nebemiah Grew ediderunt Anatomiam plantarum summo cum applausu. Utraque Londini impressa fol.
- Matth.** Petrus Andreas Matthiolus. Hujus Commentaria Italica cum 557. magnis figuris, 1568. Venetiis edita: Eiusdem Italica cum parvis figuris 1563. De ejusdem editione Germanica Camerariana, & Latina à C. Bauhino emaculata superius diximus, deque Epitome.
- Eiusdem Epistolae cum Commentariis Francofurti editae sunt cum Apologia in Amatum Lusitanum. Lobelio aliisque magnam incurrit reprehensionem.
- Magn.** Petrus Magnol Monspelienfis Medicinae Doctor, Botanicus insignis edidit Catalogum Plantarum circa Monspelium nascentium, titulo Botanici Monspelienfis Lugduni 1676. 8. in quo & obscura multa illustravit, & novarum aliquot Plantarum icones & descriptiones dedit.
- Marggrav.** Georgius Marggravius de Liebstad, Mithicus Germanus scripsit Historiam rerum naturalium Brasiliae libros octo: quorum tres priores agunt de Plantis. Amstelodami 1648. in fol.
- Mentzel.** Christianus Mentzelius Furstenwald. March. Philosophiae & Medicinae Doctor, Sereniss. Electoris Brandenburgici Consiliarius & Archiater edidit Indicem Nominum Plantarum Universalem multilinguem, cum Pugillo rariorum Plantarum & figuris aliquot in aë incisis. Berolini 1682. in fol.
- Morif. praelud.** Morifoni Praeludia Botanica. **Morif. Hist.** Morifoni Historia plantarum Universalis. Robertus Morifonus Aberdonensis Scotus M. D. Botanices Professor Oxoniensis, & Horti Medici Praefectus edidit Hortum Blasensem auctum, una cum Plantarum inibi contentarum nemini



## Recensio operum

ni huc usque scriptarum brevi & succincta delineatione. *Hallucinationibus* quas vocat C. Bauhini in *Pinace* & Jo. Bauhini in *Historia*, aliisque nonnullis. *Prodromi Botanici* titulo. Londini 1669. 8.

Item, *Plantarum Umbelliferarum Distributionem novam*, per *Tabulas cognationis & similitudinis*, Oxonii 1672. in fol.

Item, *Historiæ Plantarum Universalis Oxoniensis Partem secundam* Oxonii 1686. in folio.

Hic quandiu intra suos limites se continuit, & Catalogis Hortorum componendis, notis generum characteristicis indagandis, Botanorum in Dispositione specierum erroribus aut, ut loqui ariet hallucinationibus detegendis corrigendisque operam dedit, laudem sane meruit. Verum cum sibi nimis placeret suisque plenius alios etiam se doctiores contemneret, maiora viribus aggredi, & Plantarum Historiam Universalem conscribere ausus, nec famæ suæ consuluit, nec multorum expectationi satisfecit.

*Munting.* Abrahamus Muntingius M. D. & in patria Academia Groningensi Botanices professor, edidit librum de vera herba Britannica cum Appendice de speciebus Albes, Amsterodami 1681. 4. Historiam etiam plantarum Belgicæ edidit. An. 1672. 4.

P. B. *Phytologia Britannica* Londini edita 1650. 8.

P. *Renealm.* Paulus Renealmus Blafenfis specimen Historiæ plantarum cum figuris 43. typis æneis expressis. edidit Lutetiz 1611. 4.

*Park.* Parkinsonus in *Theatro Botanico. Park. parad.* Parkinsonus in Paradiso terrestri. Joannes Parkinsonus Londinensis, Pharmacopæus Regius Anno 1629. edidit Paradisum suam terrestrem Anglicè, in qua florum omnium historiam, quin & Arborum fructiferarum, oleum & fructuum elegantiorum quæ in hortis aluntur historiam latè persequitur.

Postea Anno 1640. emisit *Theatrum suum Botanicum*, idem Anglicè, omnes in universum plantas exceptis Paradiso terrestri comprehensis complectens, in quo novâ Methodo usus, plantas secundum vires & facultates præcipuè in varias Classes distribuit. Continet hoc opus plures species quam quævis alia quæ hæcenus extat Historia. In plerisque C. Bauhini vestigiis insistit: multas tamen species addit ex Alpini Exoticis, Cornuti Canadensium historia aliisque. Ex altera etiam parte per oblivionem aut festinationem multas omittit, aliquas etiam repetit.

*Plin.* Caius Plinius Secundus, Vixit temporibus Vespasiani. Vesuvii vaporibus sulphureis suffocatus, dum incensæ causas rimaretur interiit, Anno Dom. 79. Plurima scripta quæ injuria temporum intercederunt: Superfunt de Historia mundi lib. 37. in quibus multa habet de plantis earumque cultura & viribus, quorum tamen nullam partem è Dioscoride transcripsit, ut vulgarem opinionem secutus aliquando scripsi, cum clariss. Salmasius Dioscoridem Plinio vel æqualem vel potius posteriorem fuisse demonstrat in *Præfat. ad Homonymia Hylæ lævica*: nec conveniat candori Plinio quem erga omnes etiam sui sæculi scriptores & etiamnum viventes, quos expresse nominat, semper ostendit, tot ab alio aliquo suffuratum esse quot cum Dioscoride communia habet, nulla Auctoris mentione facta; quin potius verisimile est utrumque ubi eadem habent, a tertio quodam, præcipuè Sextio Nigro mutuatum esse. Plura in hanc rem vide apud Salmasium *Præfationis* citatæ pag. 25. & sequentibus.

*Pon.* Jo. Pona pharmacopæus Veronenfis simplicium in monte Baldo nascentium Catalogum scripsit, & nonnullarum descriptiones cum figuris 16. addidit. Clusius suæ Historiæ rariorum adjunxit.

Item auctiorem dedit, & nonnullarum stirpium ab Hononio Belli in Creta observatarum descriptiones cum figuris 38. addidit. Basileæ 1608. 4.

Idem auctus cum plurimis aliis exoticis ex nobiliss. Nicolai Contareni Senatoris Veneti horto instructissimo acceptis, fig. 91. additis à Filio Francisco Pona M. D. in linguam Italicam translatus, Venetiis, 1617. in 4. prodit.

*Petrus Laurembergius*, de plantis tuberosis, bulbosis, & de Horticulurâ scripsit. Francofurt. 4. cum fig. æneis.

*Leonard. Raurwolfius*, Med. Augustanus in peregrinatione suâ in Orientem plurimas plantas descripsit, & Icones adjecit. Lavingæ 1583. 4.

*Ruel.* Joan. Ruellius Dioscoridem Latine vertit: De natura stirpium libros tres scripsit. Basileæ 1537. in fol.

*Schwenck.* Casparus Schwenckfeldius scripsit Catalogum Stirpium & fossilium Silesiæ. Lipsiæ 1601. 4.

*Schrod.* Joannis Schroderi Pharmacopœia Medico-Chymica sæpius impressa.

*Sibbald. Prod.* Roberti Sibbaldi Prodomus Historiæ naturalis Scotiæ. Edinburgi 1684.

*Tab.* Jacobi Theodori Tabernamontani historia Germanica tribus partibus edita cum figuris 2087. Francofurti 1588. in fol.

Idem emaculatus, & auctus plantarum descriptionibus & figuris & medicamentis plurimis à C. Bauhino anno 1613. in fol.

Ejusdem icones cum nudo nomine Latino & Germanico Francofurti 1590. in longa forma prodire, Hunc ut ignarum in re herbaria taxat Jo. Bauhinus.

*Thal.* Joannis Thalii Medici Northusani Sylva Hærcynia five Catalogus plantarum in montibus & locis vicinis sponte nascentium cum plurimarum descriptionibus; cum Camerarii horto, 9. figuris additis, editus Francofurti 1588. 4.

*Theophr.* & *Theophr. Hist.* Theophrastus Eresius Aristotelis in Schola successor. Vixit circiter 321. annis ante Christum natum. Scripsit De Historia Plantarum libros 10, quorum novem, de causis Plantarum libros 8. quorum sex tantum ad manus nostras pervenerunt.

# Explicatio nominum, &c.

**Trat.** Hieronymus Tragus Medicus Germanus. Scripsit ille Historiam Plantarum, quæ sapius Germanicè Argentine in folio prodit, & per Davidem Kyberum Latine reddita, cum iconibus 567. licet ad 800. describantur, Argentina 1552. excusa est in 4. Editio Germanica à Melchiore Sebizio & Nicolao Agerio emaculata est 1595. in fol.

**Turn.** Gulielmus Turnerus M.D. Anglus, vir solidæ eruditionis & judicii Anno 1551. emisit plantarum historiam Anglicè, in qua figuras Fuchsi plerunque adhibuit. Nomina expressit Latine, Græcè, Anglicè, Germanicè, Gallicè. Ordinem Alphabeti secutus est.

**Ulyss.** Aldrovandi Dendrologia fol. Bonon.

**Joan. Fontanus.** Dendrologia cum figuris æneis, Francofurt. fol.

**Zan. & Zanon.** Jacobus Zanoni, Italus, Bononiensis, Pharmacopœus, Horti Medici Bononiensis, qui est in Palatio Cardinalis, præfectus, rei Herbariæ peritissimus, scripsit Italicè Historiam Botanicam Plantarum rariorum à se observatarum & cultarum, partim in horto suo privato, partim in publico Bononiensi, quarum plurimæ nondum à quoquam ante se editæ aut descriptæ fuere. Bononia 1675. in fol. cum figuris æneis elegantissimis.

**D. Wheeleri,** & Sponii Itinerarium in Græciam: & in aliis quamplurimis Itinerariis & navigationibus (præsertim ad Indiam Orientalem & Occidentalem) variis locis editis plantæ passim describuntur, quæ omnia enumerare Lectori tædio esset.

## ERRATA.

Pag. lin. lege	Pag. lin. lege	Pag. lin. lege	Pag. lin. lege	Pag. lin. lege	Pag. lin. lege
4 158 effidit.	186 18 Aronis.	468 47 strati.	650 70 Caudæ tenui ro-	777 10 roces singula &	53. Hoxoquomodis.
14 16 alia.	186 19 uulitas.	471 2 Simeoni.	777 10 rundo, viridi, her-	binu ranspaua- 915 4	Valen.
23 23 Rûbia.	195 24 mavli.	475 34 exortu.	777 10 boso serpit, &	de san.	61. scire desiderant.
23 23 in ians utriusq.	208 8 commendata.	482 30 Fractu.	777 14 uocet ille Ma-	927 24	editæ.
33 33 pro Nunc Nam.	30 melle.	41 Mart.	777 14 uocet ille Ma-	927 24	editæ.
44 44 ori.	310 15 necne.	518 43 herbicæ.	777 14 uocet ille Ma-	927 24	editæ.
25 51 etiamnum.	314 30 Roumnerum.	518 43 herbicæ.	777 14 uocet ille Ma-	927 24	editæ.
26 10 arbores.	329 30 extima.	518 43 herbicæ.	777 14 uocet ille Ma-	927 24	editæ.
35 35 fronte.	330 30 bitten.	518 43 herbicæ.	777 14 uocet ille Ma-	927 24	editæ.
30 33 ni.	344 37 emut.	518 43 herbicæ.	777 14 uocet ille Ma-	927 24	editæ.
31 13 affluxum.	357 44 spinosæ foliis.	518 43 herbicæ.	777 14 uocet ille Ma-	927 24	editæ.
34 4 læth.	358 25 dele obfita.	518 43 herbicæ.	777 14 uocet ille Ma-	927 24	editæ.
35 37 ridetur.	359 23 Singulos.	518 43 herbicæ.	777 14 uocet ille Ma-	927 24	editæ.
37 6 liber libro.	361 13 lanuginosus.	518 43 herbicæ.	777 14 uocet ille Ma-	927 24	editæ.
8 6 pro libro ligni.	369 5 maximo.	518 43 herbicæ.	777 14 uocet ille Ma-	927 24	editæ.
44 37 lactiorum.	381 40 expellunt & e-	518 43 herbicæ.	777 14 uocet ille Ma-	927 24	editæ.
33 Heroda.	381 40 expellunt & e-	518 43 herbicæ.	777 14 uocet ille Ma-	927 24	editæ.
69 recta.	313 28 æntem.	518 43 herbicæ.	777 14 uocet ille Ma-	927 24	editæ.
47 18 similitudine.	389 32 fua.	518 43 herbicæ.	777 14 uocet ille Ma-	927 24	editæ.
56 27 dele 2.	404 27 dele 2.	518 43 herbicæ.	777 14 uocet ille Ma-	927 24	editæ.
51 1 2æphytis.	411 5 perficiuntur.	518 43 herbicæ.	777 14 uocet ille Ma-	927 24	editæ.
98 14 inter urinas &	424 66 Morinum.	518 43 herbicæ.	777 14 uocet ille Ma-	927 24	editæ.
demonstrantib.	426 36 ceu.	518 43 herbicæ.	777 14 uocet ille Ma-	927 24	editæ.
infer se.	428 4 rostris.	518 43 herbicæ.	777 14 uocet ille Ma-	927 24	editæ.
103 26 idem.	433 21 alia.	518 43 herbicæ.	777 14 uocet ille Ma-	927 24	editæ.
109 6 diarum.	434 15 dele per.	518 43 herbicæ.	777 14 uocet ille Ma-	927 24	editæ.
239 19 microscopii.	436 7 luxuriat.	518 43 herbicæ.	777 14 uocet ille Ma-	927 24	editæ.
137 51 3. m. p.	18 crasse, oblique.	518 43 herbicæ.	777 14 uocet ille Ma-	927 24	editæ.
144 10 rari.	30 Tridentum.	518 43 herbicæ.	777 14 uocet ille Ma-	927 24	editæ.
154 24 autem.	448 49 dele minor.	518 43 herbicæ.	777 14 uocet ille Ma-	927 24	editæ.
156 45 ridica.	459 1 Hippomarthusi.	518 43 herbicæ.	777 14 uocet ille Ma-	927 24	editæ.
157 15 qui.	464 1 spheroccephali.	518 43 herbicæ.	777 14 uocet ille Ma-	927 24	editæ.
159 28 macim.	464 1 pro Danubio l.	518 43 herbicæ.	777 14 uocet ille Ma-	927 24	editæ.
ib. 59 Schorigenam.	469 17 minutum.	518 43 herbicæ.	777 14 uocet ille Ma-	927 24	editæ.
169 35 ni.	467 9 m.	518 43 herbicæ.	777 14 uocet ille Ma-	927 24	editæ.

## Terminor



# Terminorum quorundam & vocum generaliorum Interpretatio & Explicatio brevis.

A.

**A**blaqueare arbores est terrā circa truncum seu caudicem in ambitu effossā radices superiores denudare & aeri exponere, ut magis fructificent; vel, Palladii verbis, circa codicem dolabrā diligenter terram aperire, & purgas omnibus veluti sacis efficere, ut Solis teporibus & imbribus provocentur.

**Acinus** non pro uva vinaceo apud idoneos auctores, sed pro uva ipsa seu fructu toto accipitur, qui ex succo, & parte quæ veluti caro est, & ex vinaceis, & ex ambiente cute seu folliculo constat. Angl. *A Grape, not a Grape-stone.* Columel. lib. 11. cap. 2. Cum expresse-  
*ris vinacea, quæ acinis celantur, eaque jam infusca, & propemodum nigra fuerint, &c.*

**Extenditur** & hoc nomen latius ad fructus minores arborum fruticumve spissius crescentes & coactius, ut *Hederæ*, &c. & sic à bacca distinguitur, quæ rarius crescit, ut in *Olea*, *Lan-  
ro*, &c. *Jun.*

Medici recentiores pro gigarto seu vinaceo accipiunt, cum dicunt *uvæ exacinate*.

**Acus, eris**, purgamentum frumenti, palea. *The Chaff.* Porro *Acus* Plinio dicitur cum per se spica puniatur; *Palea* vero ubi cum stipula teritur in area.

**Adonidis horti** vocantur *αδωνιδας* à *αδωνι* *αδων*, quales sunt qui testis & fictilibus è fenestris ad Solem exponi solent.

**Ala** caulis est angulus quem cum caule vel ramo vel folium, vel pediculus folii constituit, qui semper fere acutus est, vel rectus saltem, quia pediculi sursum nituntur. *Junq.* Non raro etiam accipitur pro ramulo, ut cum dicimus *caule multis alis brachiato*, vel in multis *alis diviso*, quia rami veluti totidem alæ cauli adnascuntur.

**Alabastra** sunt folia illa viridia, herbacea quæ flores sepiunt. *Junius* exponit *alabastrum* Rosæ globum nondum explicatum totum, sed con-  
niventem.

**Albuminum** Plinio dicitur exterior ligni pars mollior & teredini obnoxia, à colore albo.

**Alica** vel *Halica* interdum accipitur pro certo frumenti genere: Vide Plinium lib. 18. cap. 7. & Cellium lib. 3. c. 6. sed frequentius pro re factitia, quæ fiebat ex *Zea* quæ semen appellatur, cui admiscebatur creta, quæ transibat in corpus, coloremque ac teneritatem adferbat. Hæc propria & genuina *Alica* res Romana à Plinio dicitur, apud quem lib. 18. cap. 11. modum conficiendi vide. Differt autem *Alica* latè sumpta à Græcorum *Chondro*, ut, genus à specie; siquidem *Chondrus* non creta sed gypso & arena repurgaretur, quemadmodum altera *Zea* species memorata Plinio, adulterina cognominata, ex *Zea* in Africa degenerante confecta.

**Amylum** dicebatur quod *αμυλον* sine mola pararetur: cuius conficiendi modum vide apud C. Bauhinum in *Theatr.* lib. 1. Macerabatur scilicet sæpius quotidie Triticum aut Siligo a-

quæ affusā & effusā, donec ita mollesceret ut cremor exprimi posset, qui deinde in Sole sic-  
cabatur, & hunc *Amylum* vocabant. Huius-  
modi *Amylum* ex avena præparat apud Wal-  
los in cibis æstimatur. *Edm. Lammergodici-  
tur.*

**Ambræe** Offic. sunt similitudine seu cacumina in florum medio staminibus incumbens, quæ  
*Ambræe*, i. e. flos rose. *The Shive.*

**Apices** idem significant quod *Andræa* *Andræa* *Arbor* [ *Andræa* ] est planta lignosa, crassitudine & altitudine inter omnes maxima, cui caudex pro superficie est perennis & naturā simplici, qui in multos ramos majores, quos *Andræa* & *Græci* vocant, & deinde in ramulos complures, quos idem *Andræa*, Latini *Ar-  
culos* appellant, dividitur. *Anglicæ a Tree.*

**Arilli** Offic. Vinacea, gigarta, quæ aridula, quod  
sicci sint, & nullum succum præbeant.

**Aristæ** *Acus* exilis ac longa à gluma citans. *The  
Beard of Awn.*

**Asparagus** dicitur primum germen herbarum quod edendo est vel oleis cuiusque tunc an-  
tequam in folia explicatur, à *ασπαραγος*. *The tender sprout or shoot of any herb from the ground.* Hinc per Antonomastian dicitur herba quædam quæ grandes profert & edules  
asparagos.

B.

**Baccæ** dicuntur qui sparsim arboribus fruticibus-  
que adnascuntur fructus parvo-rotundi, *Ver-  
ties* Anglicæ, & sic ab *Acinis* distinguuntur, qui sunt racematim dependentes baccæ. Nos in hoc opere restrictiore acceptione voce *Bac-  
cæ* utimur pro fructu minore pericarpio seu pulpa carnisve molli & humida semina inclu-  
dente, & membrana tenuiore tecto.

**Balaustum**, lylvestris mali Puniceæ flos. *The  
flower of the wild Pomegranate-tree.*

**Bulbus** est radix subrotunda vel pluribus tunicis in orbem se amplexantibus, vel pluribus squamis imbricatim fere dispositis coagmentata, fibras plurimas ex ima sede seu basi emittens. Interdum latius accipitur pro radice quavis uno tubere constante etiam solidā & substantiā continuā, nec divisā in squamas aut tunica-  
rum involucria, fibras ex ima sede aut basi emittente. Sic *Croci* & *Colchici* radices bul-  
bolæ censentur.

C.

**Calyx**, folliculus seu involucrum floris priusquam dehiscat, præcipue Rosæ: interdum flos ipse rosæ connivens & nondum expansus. At nunc frequentissime accipitur pro folliculo, quo flos primum deinde semen herba um & fructus arborum cooperitur. *The Cup en-  
closing, or containing the flower.*

**Capillamenta** sunt filamenta illa tenuia, in florum medietate surgentia, apicibus plerumque do-  
minata. *Threads.*

## Terminorum quorundam &

**Capitulum** est quod constat ex pluribus floribus & staminibus arcte in globosam aut circularem sive disci figuram congestis, ut in Cyano, Scabiosa, Jacea, Carduis, &c.

**Capitatae plantae** nobis in hoc opere dicuntur, quarum flores ex flosculis, etiam marginalibus, fistulosis componuntur, quoniam calyx eorum squamosus in ventrem plerumque extumescit grandiusculum & subrotundum: cuiusmodi sunt *Jacea*, *Carduus*, *Centaureum*, &c.

**Capreolus**, est pars quaedam auxiliaris, filamentum aut funiculi æmulus, cincinni in modum contortus, quæ planta quævis vicinis stirpibus aliisve stipitibus se implicans, in altum enititur. Angl. *A clasper or tendzel*. Huiusmodi cernuntur in Vite & Leguminibus.

**Caro** in Phytologia substantiam illam molliorem fructuum succulentorum notat, quam alias pulpam vocamus, ut pulpa seu caro Cassiæ, caro Prunorum, &c. *Schrod.*

**Caulis** apud recentiores Botanicos idem sonat quod Julius aut nucamentum, ut catuli Salicis aut Juglandis, id est Juli. Angl. *A palm or Catkin*.

**Caulis** est quod supra terram simplex assurgit, unde folia frondisque seu ramusculi emicant: vel, desinente Jungio, est pars herbæ superna, ita in altitudinem exprorecta, ut anteriora à posterioribus, vel dextra à sinistris non differant. In arboribus & fruticibus *caudex*, in frumentis *culmus* appellatur. The stalk of any Herb; The stem or trunk, or body of a Tree.

**Ciccu** & **ciccum**, membrana tenuis acinos in Malo Punico discriminans. Hinc proverbialis locutio *Ciccu non interduim*, id est, Non curo, perinde mihi est.

**Clavicula** idem quod Capreolus. Angl. *A clasper or tendzel*.

**Comæ** sunt plantarum summitates vel arborum frondes.

**Comus** in Phytologia dicitur fructus ex compatiili lignosarum squamarum strue compositus, conici figuram æmulans, hoc est, à lata & circulari basi in mucronem desinens, qualis est *Pini*, *Abietis*, &c. Anglice, *A Cone or clog*.

**Cor** sive corculum seminis est portiuncula seminis unde tum radix, tum germen enascitur.

**Cortex**, exterior arboris quasi crusta, The bark of a Tree or other plant. Interior tunica ipsi ligno adhaerens *Liber* dicitur. *Cortex* autem à *corium* & *tego*, quia quasi corium tegit, ut *Isidorus* interpretatur.

**Corymbus** in genere significat quodvis summum. Nam prima notio *ὑπερῶν* est in capite Veterum Atticorum titulus seu meta suggestus capillorum, autore Scaligero. Verum apud plantarum scriptores Corymbi proprie Hederae racemi appellantur. Plin. lib. 16. cap. 34. in descriptione Hederae ponit, *Racemis in orbem circumactis qui vocantur Corymbi*.

**Corymbi** nomen extendit Jungius ad significandam extremitatem caulis, ita subdivisam, & floribus aut fructibus onustam, ut sphaerica figura inde oriatur, ut in *Sambuco aquatica*, *Cepa*, *Porro*, &c. Alii Umbellæ synonymum faciunt.

**Corymbus** etiam aliàs sumitur apud recentiores Botanicos pro flore composito discoide, qui in pappos non resolvitur: qualis in *Chrysanthemo*, *Bellide*, *Chrysacome*, &c. cernitur: Nam huiusmodi flores in latum extensi umbellam seu corymbum quodammodo æmulantur.

**Croci** idem sunt quod apices. Est enim *Crocus* nihil aliud quam apex croci herbæ floris stamini incumbens.

**Culmus**, frumenti (aut etiam Graminis) calamus à radice ad spicam, The blade of any Corn or Grass.

**Cyma**, æ, & **Cyma**, atis, q. *ἄνωμα*, id est, partus novellus qui prima germinatione producitur, est ipsorum caulium delicatior teneriorque cauliculus, & dicitur præcipue de Brassica: verum & in genere Cymæ sunt cauliculi teneriores delicatiorisque scaporum, quos à prima sectione præstant: imò Cymæ apud Botanicos adhuc latius sumuntur pro summitatibus quarumcunque herbarum.

**Cytinus**, flos mali Punice sativæ: sed & hic quoque Balauustum Officinis dicitur, quibus Cytini appellatio incognita est.

### D.

**Dactylus**, Palmula, caryotis, Palma arboris fructus, à digiti similitudine sic dictus. Angl. *A Date*.

**Digitatum** folium nobis cum Jungio dicitur, in quo plures laciniæ seu plura simplicia folia quasi ad unum petioli punctum sive terminum aptata sunt, ut in *Pentaphyllo*, *Lupino*, *Cannabe*, *Vitice*, *Trifolii*, *Fragaria*, &c.

**Discus** est media pars floris compositi ex compressis & confertis flosculis ita ut unam quasi apparentem superficiem constituent, ut in *Caltha*, *Flore Solis*, &c. à similitudine *disci* cuius figura plana erat ac rotunda, ut ex veteri statua appareat. Hinc Sol Græcis *Discus* appellatur. Erat autem *Discus* moles aliqua è plumbo aliòve metallo quam jacentes athletæ inter se decertabant.

### E.

**Echinus**, asperum & spinosum Castaneæ operculum, & in genere quicquid numerosa congerie aculeorum stipatur, sive tegmen, sive caput, sive cacumen fuerit, à similitudine *Echini* animalis. Angl. *A Bur, or any prickly fruit*.

**Emplastratio**, **Budding** or **inoculating**, cuius descriptionem vide Lib. I. cap. 19.

### F.

**Fibræ** sunt veluti stamina rebus nonnullis intertextæ, v. g. *ligno*, *foliis*, &c. sic fibras ligneas vocamus corpora seu filamenta in longum extensa, ex quibus maximam partem lignum componitur, vid. lib. I. cap. 8. Item fibræ dicuntur minutissimæ & extremæ radiculae.

**Flos** est pars plantæ tenuior, colore vel figurâ, vel utroque insignis, fructui prævia, eique plurimum coherens, & tenello tegendo fovendoque inserviens, quæ postquam explicatur brevi aut decidit aut inarescit. Flos simplex & compositus seu aggregatus, uniformis & difformis, discoides, radiatus, &c. quis sit vide Lib. I. cap. 11. pag. 18, 19.

**Folium**, desinente Jungio, est quod à sede cui adhæret ita in longitudinem & latitudinem extenditur, ut tertiæ dimensionis termini inter se differant, hoc est, superficies folii interna seu superior caulem respiciens ab externa seu inferiore.



## Vocum generalium Explicatio.

*Folii* differentias, quidque per folium digitatum, pennatum & triangulatum intelligimus vide lib. 1. cap. 9. p. 13.

*Folliculus*, est theca tenuis quæ granum, vel semen continet involutum. *A husk or cod.*

*Fris* Varroni quod in summa spica matura minus est quam granum.

*Frontatum* petalum seu floris folium nobis dicitur quod in extremum latius & non raro rectâ lineâ terminatum definit, ut in *Calendula* & similibus; cui opponitur *Cuspidatum*, in angulum definens, quale in *Præmice Austriaca Clus.* & *Flore Solis* cernitur.

*Fructus* sunt grandiores illi ac succulenti plantarum fetus, seminum receptacula, ut *Poma*, *Pyra*, *Pruna*, &c. à fruendo, sed & latius extenditur nomen fructus ad omnem agrorum proventum. Jungio *fructus* dicitur pars plantæ annua, flori coherens & succedens, qui ubi maturuerit, id est, ad perfectionem suam pervenerit, sponte à planta abscedit, & terrâ aliâve commodâ nutritrice excepta, novæ plantæ fit initium.

Angl. *The fruit.* Sunt ergo fructus, vel Pericarpia integra cum seminibus contentis, vel Semina sola in iis quibus pericarpium deest.

*Fruges*, quicquid de terræ proventu in alimoniâ cedit. Errant ergo qui discriminant legumina à frugibus.

*Frumenta* sive frumentacea Botanici dicuntur quæcunque geniculato culmo & arundinaceis foliis constant, seménque pulvis aut panificio aptum in spicis aut jubeis producant, ut *Triticum*, *Hordeum*, *Milium*, *Panicum*, &c. Frugum enim duo sunt summa genera, Frumentacea & Legumina. Caterum & Ficum grana illa exigua Frumenta dicta sunt Plinio.

*Frutex*, definitur Bodæo à Stapel; est stirps inter lignosas altitudine ac crassitudine medioris, cui pro superficie stipes perennis, natura multiplex, quique facili in naturam arborum stolonum abscissione transcendit. *A shrub.*

*Fundus* plantæ [ *στέμν* ] Jungio est limes communis in quo radix & pars superna coherant.

### G.

*Gemma* in Phytologia idem est quod Oculus. Anglice *A Bud.* Id quod in arboribus tumescit cum parere incipiunt. Gemmæ plenioris descriptionem vide lib. 1. cap. 8. p. 12.

*Geniculum* est nodus quidam herbarum in caule. *A joint or knot.*

*Glans* dicitur quod cortice constat crustoso unicum tantum semen continente, cujus pars posterior, quæ arbori adhæret, calyce proximè cooperitur, parte superiore nuda. *Spigel. Isag.* Rectius Glans dicitur ipse fructus calyce contentus.

*Gluma*, utrículus, folliculus grani seu involucrium seminum in frumentis, à glubendo, quod eo folliculo deglubitur granum. *The husk or chaff of Corn or Grass.*

*Granum* propriè semen frugum dicitur, inde generalius quicquid minutum est, & similitudinem aliquam habet cum grano frumenti.

*Gummi* est succus plantæ concretus, qui in aqua facili dissolvitur, in igne non liquecit; nec flammam concipit, sed duntaxat crepitat; cujus generis sunt *Gummi Arabicum*, *Gummi Cerasi*, &c.

### H.

*Herba* (definiente Bodæo à Stapel ex Antiquorum sententia) est stirps cujus superficies est ex foliis tantum, vel etiam ex caule sed illo annuo, carnosio & qui diutius durare nequit, lignosusque non est nisi cum exaruerit. In praxi medica pro foliis folis, ut plurimum usurpatur.

### I.

*Internodium* est intervallum inter binâ genicula, quale in culmis & arundinibus cernitur. *The space between two joints.*

*Juba* in Phytologia est arundinacea coma laxè effusa, qualis in Milio est.

*Julus*, nucamentum, quod in Corylo, Juglande, &c. velut prælongus vermiculus dependet, & nihil aliud esse videtur quam florum stamineorum series. *A Cathin, and in Willows a Palm.* Salicium Juli à Juglandis, &c. diversi sunt; nam in fertilibus plantis numerosis vasculis seminalibus constant.

*Insitio* latissimo sensu est ejusmodi applicatio surculi seu gemmæ ad truncum ramumve, vel suum vel alienum, ut tandem uniantur & coalescant: & multas species seu modos sub se complectitur. Angl. *Grafting.*

### L.

*Lachryma* est humor à plantis, tum sponte effluens (sive is concreascit v. g. in oleum, resinam, gummi, sive non) tum facta incisione emanans. *Schrod. Spigelius* lachrymam in eo distinguit à succo, quod liquor qui ex contusa herba exprimitur aut elicitur succus vocetur, qui verò vel sponte, vel incisione manat *lachryma.*

*Lacinia* est portio folii inter duas fissuras (fissura est profundior scissura) inclusa. *A Jag.*

*Lanugo* in Phytologia est mollis foliorum aut fructuum lana, ut *Cydoniorum*, &c. *Fun.* vel (ut Schröderus definit) filamenta tenella cuticulæ extimæ instar pilorum aut lanæ adnascencia. *Doton.*

*Legumen*, legumentum, quicquid ex terræ facis in siliqua nascitur, ut Faba, Pisum, Cicer, Lens; à legendo, teste Varrone, quoniam id non secatur sed legitur manu vellendo. *Pulse.* Nos in hoc opere leguminibus accensimus herbas omnes quæ florem producant papilionaceum.

*Liber*, interior tunica arboris ipsi ligno adhærens. *Fun.* Unde Liber adhuc dicitur, in quo scribitur ex quacunque fiat materia, quæ ante reperimentum chartæ vel membranæ usum de libris arborum volumina compaginabantur. *The innermost bark of a Tree.*

*Loculamentum* est camera quædam seclusa & distincta in seminum vasculis, uti videre est in capitulis Papaverum. *Fun. a Cell.*

*Locustæ* in Phytologia sunt Avenacæ glumæ singulares cum seminibus ex longis filis dependentes, ob quandam similitudinem cum locustis dictæ. Extenditur hoc nomen ad Graminum paniculorum grana glumis involuta significanda.

M.

*Malicorium*, Mali Punici cortex.

*Matrix* arboris idem est quod ejus medulla five Cor.

*Medulla* in Phytologia mediam cujuslibet plantæ partem molliorem & spongiolam significat, quam & Cor matricemve appellant, cujus descriptionem pleniorē vide lib. 1. cap. 4. p. 7.

*Malleolus*, definiente Columella lib. 3. cap. 5. novellus est palme innatus prioris anni flagello, cognominatusque à similitudine rei, quod in ea parte quæ deciditur ex vetere sarmento prominens utrinque Malleoli speciem præbet.

*Merges*, manipulus spicarum, quantum sci. semel instrumentum messorium mergus dictum inter metendum capiat.

*Mutica* spica dicitur quæ aristis caret, quasi mutila.

N.

*Nervus*, in Phytologia, prælongum & continuum filamentum folia perreptans, ut in Plantagine, quæ inde quinquenervia & septinervia dicitur.

*Nucamentum*, idem quod *Julus*, quædam scilicet quasi panicula dependens è ramis nucum aliarumve arborum: *A Cathin* & *Palm*.

*Nucleus*, Veteribus *Nuculeus*, id vescum quod sub putamine nucis latet, & generalius semen quodcumque nucibus vel fructibus inclusum & occultatum.

*Nux*, agricultura scriptoribus dicitur omne Pomum quod foris duro tegitur cortice, intus vero continet quod est esui. *Macrob.* Hi nempe existimarunt Pomum cum Malo haud idem esse, sed Pomi nomen Nuces atque Mala continere.

O.

*Oculus*, *Gemma*, tuberculum in arborum furculis unde germinant *A Bud.* Hinc *inoculatio* infusionis species, cujus descriptionem vide lib. 1. cap. 19. pag. 37. *Schroderus* oculos exponit florum prodromos, inque flores explicabiles, nimis restrictè, nam *Oculus* æquè late patet ac *Gemma*.

*Olea*, quæcumque herba esculenta, ab olla nomen sortita, quod in cibum veniat *Jun.* *Holus* *Julio* *Sealigero* ab *oleo*; claro indicio præfixa frugationis, quæ ad victum nihil obsonii sibi deesse existimaret, modo ne deesset olus. Hoc enim *oleum* est sicut *Panis* *Scaliger* in notis ad *Varronem* *olea* deducit ab *oleo* cresco, quod olæ in hortum translata ex agrestibus culta fiant. *Petherbs.*

*Officulum*, *O*, penetrat fructuum carne contentum, in quo nucleus est, ut in *Cerafis* prunis- que. *The stone of a Plum, Cherry or the like fruit.*

P.

*Palmula*, *Dactylus*, *caryotis*. *A Date.*

*Panicula* est lanosa coma unde semen dependet, ut in *Arundine*, *Milio*, *Gramine*, &c. seu (ut *Jungius* definit) *Spica* laxè diffusa præsertim pro- pendentibus petiolis, ut in *Milio*. Idem valet quod *Juba* & opponitur *Spica*.

*Pappus*, lanugo è floribus veterascentibus deci-

dua & volatica, qualis in *Carduis*, *Erigero*, *Hieracio*, &c. cernitur. Hinc *Herbarum* classis *Papposa* seu *Pappiflora* dicta. *The Down growing to the seed or wherein the seed lies.*

*Pecten* arboris, linearum tractus qui in longum ex- currit in materia seu ligno, cujusmodi in pecti- ne conspiciuntur dentes. *The grain of the Wood.*

*Pennatum folium*, est in quo bini lobi seu mavis folia partialia, è regione sibi ad idem quasi costæ punctum sive ad eandem costæ distinctio- nem opponuntur, ut in *Fraxino*, *Fuglando*, &c. seu folium compositum ex foliis partialibus binis sibi invicem ad costam mediam oppositis.

*Petala* nobis *F. Columnam* sequuntis dicuntur flo- ris folia, seu laminæ illæ tenellæ colore insignes & fugaces. Hoc autem nomine partim ob breviteratem, partim ad *Homonymiam* evitan- dam pro floribus folio utimur. Hinc *monopeta- læ* herbar nobis dicuntur quorum flos unico fo- lio seu laminâ constar, *tripetalæ*, *tetrapetalæ*, *pentapetalæ* &c. quorum flos tribus, quatuor, quinque, &c. foliis componitur.

*Pediculus* est à quo folium, aut flos, aut fructus de- pendet. *The foot-stalk of a leaf, flower or fruit.*

*Perianthium* est quod florem tegit, & dicitur etiam calyx.

*Pericarpium*, nonnullis restringitur ad significan- dam pulpam mollem seu humidam semina am- bientem ut, *Pyræ*, *Pomis*, &c. Alii latius exten- dunt id nomen ad significandum thecam aut involucrium seminis quodcumque, sive mem- branosum id sit ut in vesicis *Ulm*i, *Staphylo- dendri*, &c. sive durum ut in *Castanea*, sive car- neum ut in *Pomis*, &c.

*Petiolus* idem est quod *pediculus*. *A foot-stalk.*

*Pomum* generale nomen est, quo continetur om- nis fructus arboris esui aptus, sive is molli corio tegatur, sive duro, ut sci. *Nucem* & *Malum* sub se complectatur. Nos cum arbores quas- dam *Pomiferas* dicimus *Pomi*, nomen strictius accipimus pro fructu cujus caro esculenta nec duro putamine includitur, nec officulum in se continet. *An Apple or a Pear.* Alii *Po- mum* à *Nuce* distinguunt, ut *Pomum* sit quic- quid foris habet quod edendo est, & durum in- tus includit, *Nux* quicquid foris duriori corio tegitur, intus habet quod est esui.

*Pulpa* est caro seu substantia fructuum succulen- torum inter corticem ac nucleum comprehen- sa, v. g. *Pomorum*, *Ceraforum* & similium. *Primariò* significat partem carnosam in corpo- re animalis.

R.

*Racemus* est integra uva è multis constans acinis.

*A Cluster of Grapes.* Ad alios etiam fru- ctus extenditur qui uvæ in modum ex pluribus acinis sunt conglobati.

*Radix*, definiente *Jungio* est pars plantæ inferi- or, quæ intra corpus solidius, quod plantæ se- dem præbet, abditæ (sive illud terra sit ut ple- runque, sive saxum, sive calx, sive arena, sive lignum, sive quodcumq. aliud) & alimento at- trahendo destinata est. Nonnullæ ex plantis submarinis radices habent expositas & minime intra corpus aliquod solidius abditas, sed dun- taxat saxa in fundo jacentia amplectentes.

*Ramus* est in quem caulis dividitur, estque velut brachium plantæ. *A Bough or Branch.*

*Refina*



## Vocum generalium Explicatio.

*Resina* est liquor pinguis & oleaginosus ex arbore seu sponte seu ea vulnerata destillans, quæ in aqua non dissolvitur sed in oleo duntaxat, & flammam faciliè concipit.

### S.

*Sapitta* dicitur superior pars surculi aut flagelli. Vid. lib. 1. cap. 18. pag. 33.

*Scapus* est caulis rectus in columnæ modum. *Jun.* Est enim scapus ipsum corpus columnæ inter basin & epistylum. *The Shaft*, vel Scapus est pars caulis ramosi, qui à fundo ad cacumen unâ quasi lineâ extenditur, cui rami utrinque adherent. *Jun.*

*Scabs* quod terra de ligno deteritur. *Salt-dust.* Sic etiam dicitur limatura, seu illa velut farina quæ limâ abraditur: à Scabendo.

*Semen* in Officiis minores plantarum fructus denotat ex quibus simile nasci potest. *Schrod.*

*Servia*, sertum è floribus, sive pastillus è floribus compactus. *Jun.* *A Garland.*

*Siliqua* est folliculus oblongus cui Leguminum & similibus grana includuntur. *A Cod or Bush.*

*Spadix*, Ramus Palmæ unâ cum fructibus revulsus; inde color quidam Spadiceus denominatur. *A colour approaching to Bay or Chestnut, but with more red in it.*

*Spica* est quod culmus extulit, continetque granum, glumam & aristam, an *Ear of Corn.* Verum hoc nomen latius extenditur: unde rectè à Jungio definitur, quod ex floribus vel seminibus spissè compositum est, ita ut conus erectus sed oblongus, sive admodum acutus inde evadat, ut in Plantagine, Bisorta, Secali, Hordeo, &c.

*Stamina* idem sunt quod Capillamenta, quæ sic describit \* *Spigelius.* Sunt autem Stamina in floribus medio, quod umbilicus appellatur, partes oblongæ, tenues veluti capillamenta, interdum paulò crassiores, paululum prominentes in summitate, apicibus frequenter præditæ, quæ stylum partem similiter oblongam, sed paulò crassiorem, atque è centro umbilici emergentem ambiunt.

*Stipis*, planta firmitate prædita. *Jun.* in genere Plantæ Synonyma est.

*Stolones* sunt cauliculi inutiles à radicibus aut caudicibus lateribus succrescentes. *Buckers from the root.* Jo. Bodæus à Stapel Stolonem dicit vult quæ nascitur circa stipites & avellitur cum radice & corporis parte; quo à Viviradice differt, quæ integra ex arboribus è longinquo extrahitur. Vid. lib. 1. cap. 19. p. 33.

*Stylus* in Phytologia est pars floris medium occupans & rudimento fructus aut seminis coherens. Dicitur stylus quia in longitudinem tenuem plerumque extenditur. *Jun.* Vid. lib. 1. cap. 10. pag. 18.

*Suffrutex* est planta humilior, lignescens & perennis, à radice non foliata, & ab imo statim ramosa; vel Planta inter lignosas minime & altitudinis, & crassitudinis superficie perenni, non gemmipara, ut *Sabua*; *Ruta*, *Lavendula*.

*Surculus* est quod in ramis simplex assurgit, teperrum & exile. Est etiam ramulus novellus, qui inspicatur ad serendum. *A small twig of a tree, also a Cpon or graft,* germen arboris anniculum.

### T.

*Tales* nonnullis est sureculus præcisus ab utraque parte ut terræ inferatur. Vid. lib. 1. cap. 18. pag. 33.

*Termes*, Ramus ex arbore decerptus cum fructu. Propriè (ait \* *Porphyrius*) termes est Olivæ, ut palmes Vitis. Gellius tamen termitem appellat ramum Palmæ cum fructu decerptum.

*Thyrus* est quod virgulæ in modum, aut in teli rectitudinem in planta confurgit: *Caulem autem medium fruticis qui vulgo thyrus dicitur:* Servius. Vossius exponit, quicquid sic confurgit ut in gravitate attenuetur, ut arbores comiferæ, vel conipiceæ. Apud Botanicos cum Spica confunditur. Item Hastula frondibus vestita, quam solebant Bacchantes ferre.

*Tomentum* est lana brevis forpicibus defecta, aut in poliando à fullone de pannis rudibus aut interpolatis deducta, quæ inferciuntur culcitæ qualescunque. *Jun.* *Flocks or Flor.* Hinc ad plantas transfertur quæ molli & lanosa comæ in capitulis eminente præditæ sunt, ut *Carduus tomentosus*; *Gramen tomentosum*, &c.

*Topiarium* opus vocant arbores & herbas egregio artificio in formas animalium aut aliarum rerum ductas: sive quæ in picturas opere historiali trahuntur. Plin. lib. 16. cap. 33. A topiis seu fanticulis nomen obtinuit, quibus frutices aut arbusculæ tonfiles religatæ, multis hinc inde distinentur locis, torquentur, flectunturque ad fingenda quæ ludunt rerum & animalium argumenta.

*Truncus* caudex arboris ramis & frondibus destitutus.

*Tuber*, est fungus subterraneus, à tumeo. Hinc dicitur de plantarum radicibus prætumidis, rotundis. Radices tuberosæ, *Knobby roots.*

*Turiones*, tenella arborum, fruticum aut herbarum acumina, quasi teneriones; vel ut Vossius vult, quia faciliè teruntur. Teneritates summitatum ipsarum arborum quæ singulis annis crescunt. *Schrod.*

### U.

*Verticillata* plantæ dicuntur quarum flosculi caulem articulatim velut verticilli amplectuntur foliolis interspersis, ut in *Pulegio* & *Marrubio* cernitur. Sunt autem Verticilli instrumenta quædam rotunda, quæ fufis adhibentur ut facilius vertantur: Anglice *Wheries* dicimus.

*Vimen*, omne virgultum lentum ac flexile, ad ligandum aptum, à viendo. *A bending twig or wipthe.*

*Vinateum*, granum acini, *grape-stone.* Vide *Acinus.* Accipitur etiam nonnunquam pro tortis uvæ expressæ reliquiis.

*Virgultum*, *cremium*, Ligna tenuia seu germina quorum usus est ad cremandum, *Brush-wood* or *small slender twigs.*

*Vimina*, vimina, propriè quibus vites vinciuntur.

*Umbella* vocatur floris seminifve velut pedamentum in plures divisum longiores pediculos, qui simul ex eodem fastigio orti in latius continuo radiantur, singulique florem sustinent in orbem circumactum, ut in *Feniculo*, *Anetho*, *Apio*, &c. vel, ut Jungius definit, est extremitas caulis per multas subdivisiones in coniuncti figuram aptata; à similitudine umbellæ quæ mu-

mu-

## Terminorum Explicatio.

mulieres faciem à Sole arcent. In Umbelliferis enim summus caulis, summique ramuli in plures ab eodem puncto ortos radios dividuntur, singuli radii itidem in plures pediculos qui flores sustinent.

**Umbilicus**, 1. quod in Pomis vel prominet, vel reconditur ab adversa pediculi parte. 2. media pars floris unde stylus & stamina emergunt.

**Unguis** pars ima folii Rosæ albida. Extenditur etiam ad florum aliorum petala.

**Uniformem** florem dicimus cujus anterior pars posteriori & dextra sinistra similis est. Vide lib. 1. cap. 11. pag. 18.

**Volva**, Pomi medium, in quo ceu loculo latent semina. Scribon.

**Uruncus**, quod in infima spica ad culmum stramenti est minus quàm granum.

**Utriculi** sunt seminum in frugibus involucra & operimenta, quæ trita & cribro excussa Glumæ sive Acus dicuntur.

A litera Plantæ alicui præfixa indicat speciem illam in ANGLIA sponte nasci. Verùm nota illa per incuriam aut oblivionem seu nostram, seu Operarum non omnibus Angliæ indigenis præfigitur, sed in multis omittitur, quarum idcirco Catalogum dabimus.

**A** *Uricula marina* seu Fungus auricularis Cæf. quæ nihil aliud est quàm Fucus marinus Gallo-pavonis pennas referens C.B. 77.

*Spongia ramosa* C. B. 81.

*Spongia ramosa fluvialis* Newtoni. ibid.

*Fungus minimus pediculo longo tenuissimo lactescens*. 99.

*Muscus denticulatus minor* C. B. 112.

*Muscus crustæ aut lichenis modo arboribus adnascens cinereus*. 116.

*Muscus clavatus* sive *Lycopodium* Ger. Park. 120.

*Muscus clavatus foliis cæpressi* C. B. ibid.

*Muscus terrestris repens clavus singularibus foliosis erectis*. ibid.

*Muscus erectus Abietiformis*. 121.

*Muscus terrestris erectus polyspermos* 122.

*Muscus terrestris latioribus foliis major seu vulgaris*. ibid.

*Muscus terrestris vulgaris minor Adianti aurei capituli*. ibid.

*Muscus palustris terrestri similis*. ibid.

*Muscus aquaticus terrestri similis sed major*. ibid.

*Polytrichum aureum medium*. 124.

*Polytrichum aureum minus*. ibid.

*Adiantum aureum humilius, foliis latis subrotundis*. ibid.

*Muscus palustris Adianto aureo affinis, &c.* ibid.

*Lichen minimus foliolis laciniatis*. 126.

*Ophioglosson* J. B. 126.

*Lunaria minor* Ger. 127.

*Xanthium sive Lappa minor* J. B. 165.

*Lappas pulchrum Bononiense sinuatum*. 174.

*Millefolium aquaticum pennatum spicatum*. 191.

*Millefolium aquat. cornutum*. ibid.

*Sonchus arboreus alter*. 226.

*Hieracium minimum Clusii*. 229.

*Lampæna Dodonæi*. 256.

*Helenium seu Enula campana*. 273.

*Virga aurea*. 278.

*Carlina sylvestris*. 288.

*Senecio hirsutus viscidus major odoratus*. 290.

*Conyza major vulgaris*. 292.

*Eupatorium cannabinum*. 293.

*Facea nigra*. 325.

*Eupatorium cannabinum semina*. 360.

*Linaria adulterina*. 399.

*Pimpinella sylvestris* Ger. 402.

*Sium majus latifolium*. 443.

*Caucalis nodosa echinato semine*. 468.

*Clinopodium majus* Park. 558.

*Scorodonia sive Salvia agrestis*. 576.

*Caryophyllata Alpina Chamædryos foliis i. e. Teucrium Alpinum Cisti flore*. 608.

*Pentaphyllum Alpinum splendens aureo flore*. 612.

*Sagitta seu Sagittaria*. 619.

*Ulmaria vulgaris*. 623.

*Asparagus palustris*. 683.

*Helleborus niger hortensis flore viridi*. 697.

*Helleborus maximus* Ger. 698.

*Antirrhinum angustifolium sylvestre*. 760.

*Scrophularia aquatica major*. 764.

*Alliaria*. 792.

*Thlaspi foliis Globulariæ*. 832.

*Bursa pastoris*. 838.

*Brassica marina monospermos*. ibid.

*Eruca marina* Ger. 840.

*Glastrum sativum*. 842.

*Coronopus Ruellii*. 843.

*Papaver spontaneum sylvestre*. 854.

*Pisum vulgare, parvum, album, arvense* J.B. 891.

*Pisum arvense flore Rosæ, fructu fusco, aut ex cinereo nigricante*. ibid.

*Lathyrus sylvestris* Dod. 894.

*Aphaca* Park. 899.

*Vicia maxima dumetorum*. 901.

*Vicia sylvestris sive Cracca major* Ger. 902.

*Lens* J. B. 904.

*Faba minor sive equina* C. B. 909.

*Glycyrrhiza vulgaris* Ger. emac. 910.

*Catanance leguminosa quorundam*. 921.

*Trifolium affine Quadrifolium phæum Lobelii* J.B. 942.

*Trifolium fragiferum* Ger. emac. 946.

Asteriscus præfixus denotat plantam nobis nondum conspectam.

INDEX.



# I N D E X.

<b>A.</b>		
<b>A</b> <i>Abrotanum farnina</i>	358, 359, 360. mas	371
<i>Abfimbium</i>	366, &c. ad	370
<i>Aburylon i. e. Alhiza lutea</i>		699
<i>Acanthium</i>		313
<i>Acacia</i>	976, 877	
<i>Acarna</i>	314, 315	
<i>Acetofa 177, &amp;c. ad</i>		181
<i>Acetofella i. e. Trifolium acetosum.</i>		
<i>Achillea i. e. Millefolium</i>	343, 346, 347	
<i>Acinos seu Clinopodium</i>		553
<i>Aconitum</i>	700, 701, &c. ad	705
<i>Aconitum racemosum i. e. Christophoriana</i>		661
<i>Alcea Plinii precedens idem est.</i>		
<i>Adiantum album</i>	146, 152, 153	
<i>nigrum</i>		147
<i>aureum</i>		123
<i>Adonis flos</i>		596
<i>Elchynomene seu Herba viva mimosa</i>		982
<i>Adiops</i>		543
<i>Agaricus</i>		107
<i>Ageratum</i>		364
<i>Agriemonia seu Eupatorium Græcorum</i>	399, 400	
<i>Aizoon i. e. Sempervivum</i>	687, 688	
<i>Alcea</i>	604, 605	
<i>Alchymilla</i>	208, 209	
<i>Alcyonium</i>		82
<i>Alectorolophus i. e. Crista galli</i>	769, 770, 771	
<i>Alga</i>	70, 71, &c.	
<i>Alysson Dioscoridi</i>		788
<i>Galeni</i>		557
<i>Alkakengi i. e. Solanum balisacabum</i>		681
<i>Alitaria</i>		792
<i>Alfine spuria</i>	847, 848	
<i>Althea</i>	601, 602, 603	
<i>Amaracus i. e. Majorana,</i>	537, &c. ad	540
<i>Amarantus</i>	201, 202, 203	
<i>Ambrosia</i>		164
<i>Anoni</i>		454
<i>Anagallis aquatica</i>		852
<i>Anchusa</i>	496, 497	
<i>Andrafaces Matthioli</i>		66
<i>Anemone</i>	624, &c. ad	633
<i>Anethum</i>		415
<i>Angelica</i>	434, 435	
<i>Anguria five Cicerulus</i>		643
<i>Anis five Nil</i>		926
<i>Anisum</i>		449
<i>Anonis</i>	957, 958, 959	
<i>Anthyllis leguminosa</i>		922
<i>Anthyllus Clus. 215. Alpini ibid.</i>		
<i>Antiora seu Antithora</i>		705
<i>Antipathes i. e. Corallium nigrum</i>		61
<i>Antirrhinum</i>	760, 761	
<i>Aparine</i>		484
<i>Apbaca</i>		899
<i>Apios Tithymali species</i>	870, 871	
<i>Apium</i>	447, 448, 463	
<i>Aquilegia</i>	705, 706	
<i>Arachidna</i>	918, 919	
<i>Arachis Vicia species</i>		902
<i>Argemone</i>	855, 856	
<i>Argentina</i>		617
<i>Aristolochia</i>	761, &c. ad	764
<i>Artemisia</i>		372
<i>Asarum</i>		207
<i>Asparagus</i>		683
<i>Asperula</i>		483
<i>Asplenium five Scolopendria</i>		139
<i>Aster</i>	266, &c. ad	273
<i>Astragalus</i>	928, 935, 936, &c.	
<i>Astrantia</i>		474
<i>Atractylis</i>		304
<i>Atriplex</i>	191, &c. ad	195
<i>Auricula Jude, Fungi species</i>		106
<i>Auricula muris 242, 243.</i>		
<b>B.</b>		
<i>Baccharis Monspeliensis</i>		292
<i>Ballote, i. e. Marrubium nigrum</i>		371
<i>Balsamita</i>		647
<i>Balsamita mas, five Costus hortorum</i>		363
<i>Balsamita farnina, five Ageratum</i>		364
<i>Banque</i>		159
<i>Barba capre i. e. Ulmaria major</i>		709
<i>Barbarea i. e. Nasturtium hybernium</i>		809
<i>Barbena. i. e. Xanthium seu Lappa minor. 165. major</i>		332
<i>Becabunga i. e. Anagallis aquatica</i>		852
<i>Bella donna i. e. Solanum leihale</i>		679
<i>Bellis minor 349. major</i>		351
<i>Belfedere Italorum</i>		210
<i>Bera</i>		204
<i>Betonica</i>		350
<i>Bistlingua i. e. Hypoglossus</i>		663
<i>Bismarva i. e. Althea</i>		601
<i>Bistorta</i>	186, 187	
<i>Blitum 200. Sylvestre</i>	196, 197, &c.	
<i>Bulbonach i. e. Viola lunaris</i>		787
<i>Bolerus</i>		91
<i>Bonus Henricus</i>		195
<i>Borago</i>		492
<i>Borrys</i>		196
<i>Brassica</i>	794, 795, &c.	
<i>Britannica Antiquorum</i>		172
<i>Bryonia alba 659. nigra</i>		660
<i>Brunella seu Prunella</i>		552
<i>Bugula</i>		575
<i>Buglossum</i>	492, 494	
<i>Bulbocastanum</i>		440
<i>Buphthalmum 451. Dodonæi</i>		596
<i>Bupleurum seu Auriscula leporis</i>		473
<i>Bursa pastora</i>		789
<b>C.</b>		
<i>Caaco Bafilensibus</i>		979
<i>Cacalia</i>		291
<i>Cacabrys</i>		424
<i>Cacabulum Plinii i. e. Alfine baccifera</i>		
<i>Calamintha</i>	568, 569	
<i>Calceitrapa i. e. Carduus stellaris</i>		317
<i>Calendula Caltha</i>		337
<i>Caltha palustris</i>		700
<i>Camelina Dod. Myagri species</i>		811
<i>Campanula</i>	721, 722 & seq. ad	747
<i>Campborata</i>		210
<i>Canabii 158. spuria Lamii species</i>		561
<i>Capillus Veneris, i. e. Adiantum verum</i>		157
<i>Capsicum seu Piper Indicum</i>	676, 677, &c.	
<i>Caput gallinaceum i. e. Onobrychis.</i>		
<i>Cardamine</i>	814, 815, 816	
<i>Cardiaca</i>		561
<i>Carduus chrysanthemus 257. benedictus 303. varia species</i>	308. & seq.	
<i>Caryophyllata</i>		606, 607
<i>Carlina</i>		288
<i>Carthamum i. e. Cnicus sativus</i>		302, 303
<i>Carum</i>		446
<i>Catanance</i>		921
<i>Cataputia. Tithymali species</i>		866
<i>Caucalis</i>	411, 412, 466, 467	
<i>Centaurium majus</i>		329, 330
<i>Cerintbe</i>		506, 507
<i>Ceterach i. e. Scolopendria</i>		139
<i>Chamaecrista pavonis</i>		983
<i>Cherophyllum</i>		430
<i>Chamaecyparissus i. e. Abrotanum farnina</i>	358, 359, 360	
<i>Chamaedrys.</i>		527, 528
<i>Chameleon</i>	301, &c.	314
<i>Chamelum</i>		353
<i>Chamemorus</i>		653
<i>Chamenerion Gefneri</i>		860
<i>Chamaepericlymenum</i>		655
<i>Chamaepitys</i>	573, 574	
<i>Chelidonium majus</i>		858
<i>China radix</i>		579
<i>Chondrilla</i>		227, 228
<i>Chrysanthemum</i>	336, &c. ad	344
<i>Christophoriana</i>		661
<i>Cyama</i>		321, 322
<i>Cicer sativum</i>		917
<i>Cichorium</i>		255
<i>Citrus</i>		

# INDEX.

<i>Cicuta</i>	450	<i>Aucenne i. e. Eupatorium cannabinum mas</i>	
<i>Cicutaria</i>	429, 451	293. <i>femina</i>	360
<i>Cinara</i>	299, 300	<i>Euphrasia</i>	771, 772, 773
<i>Cineraria i. e. Jacobaea marina</i>	286	<i>Euphorbium</i>	872
<i>Circea Lutetiana</i>	401		
<i>Cirsium</i>	305	<b>F.</b>	
<i>Citrullus i. e. Anguria</i>	643	<i>Faba</i>	909
<i>Clematis, Clematis,</i>	620, 621, 622	<i>Fegopyrum</i>	181, 182
<i>Clinopodium 558. v. Acinos.</i>		<i>Ferrum equinum</i>	929, 930
<i>Cnicus</i>	302, 303	<i>Ferula</i>	420
<i>Cochlearia</i>	832, 833	<i>Filipendula</i>	623
<i>Colus Fovis i. e. Horminum luteum.</i>		<i>Filix 143. mas 143, 144. femina 149, 150. flor.</i>	151
<i>Colocynthis</i>	642	<i>Saxatilis</i>	146
<i>Colutea</i>	923, 924, 925	<i>Flos Africanus 342. Adonis</i>	596
<i>Conferva Plinii</i>	118	<i>Cuculi i. e. Cardamine vulgaris</i>	874
<i>Consolida.</i>		<i>Cardinalis, Trachelis species 746. passionis 849, &amp;c.</i>	834, 333
<i>major</i>	504, 505	<i>Solis</i>	457, 458
<i>media i. e. Bugula</i>	575	<i>Feniculum</i>	974
<i>minor i. e. Bellis minor</i>	351	<i>Fenum Græcum</i>	609, 610
<i>Regalis i. e. Delphinium</i>	707, 708, 709	<i>Fragaria</i>	689
<i>Convolvulus</i>	722, 723, 724, &c.	<i>Fraxinella</i>	681
<i>Convolvulus niger</i>	182	<i>Frutex pavoninus seu Crista pavonina Sinensis</i>	70, 71, &c.
<i>Conyza</i>	261, 262, &c.	<i>Fucus</i>	404, 405
<i>Corallina</i>	65, 67	<i>Fumaria</i>	974, 975
<i>Corallium</i>	61, 62	<i>Fungus</i>	85, 86, &c.
<i>Coriandrum</i>	470		
<i>Coris</i>	882	<b>G.</b>	
<i>Coronopus</i>	879, 880, &c.	<i>Galega</i>	971
<i>Coronilla</i>	925	<i>Galeopsis, Lamium</i>	547
<i>Coronopus Ruellii i. e. Nasturtium verrucosum</i>	843	<i>Gallitricum i. e. Horminum.</i>	542, &c. ad 547
<i>Corruda i. e. Asparagus sylvestris</i>	683	<i>Gallium</i>	716, 717, &c. ad 722
<i>Costus hortorum i. e. Balsamita mas</i>	363	<i>Gentiana</i>	668, 667
<i>Cotula fatida Chamemeli species</i>	355	<i>Geum i. e. Caryophyllata</i>	416
<i>Cracca i. e. Aracum.</i>		<i>Gingidium</i>	843
<i>Crassula i. e. Telephium</i>	689, 690	<i>Glastrum, Isatis</i>	940
<i>Cratægonon Euphrasie species</i>	772	<i>Glaux vulgaris 935. Hispanica</i>	910
<i>Crista galli i. e. Pedicularis</i>	769, 770, &c.	<i>Glycerhiza</i>	294, 295, 296
<i>Crista pavonina sive Frutex pavoninus</i>	981	<i>Gnaphalium</i>	649, &c.
<i>Crisimum seu Feniculum marinum</i>	456	<i>Granadilla</i>	977
<i>Cruciata</i>	879, 880	<i>Gummi Arabicum</i>	
<i>Crupina Belgarum</i>	331		
<i>Cucumis 645, 646. agrestis</i>	647	<i>Halicacabum i. e. Alkakengi</i>	194, 195
<i>Cucurbita</i>	638	<i>Halimus, seu Portulaca marina</i>	568, 567
<i>Cuminum</i>	433	<i>Hedera terrestris</i>	929
<i>Cyanus</i>	321, 322	<i>Hedysarum</i>	273
<i>Cymbalaria Italica Linaria species</i>	759	<i>Helenium, seu Emilia campana</i>	280, 281, &c.
<i>Cynocrambe i. e. Mercurialis sylvestris</i>	163	<i>Helichrysum</i>	165
<i>Cynoglossum</i>	489, 490	<i>Heliotropium tricoecum</i>	501
<i>Cytisus</i>	970, 971, &c.	<i>vulgare</i>	168
		<i>Helleborus, albus</i>	697, 698
<b>D.</b>		<i>niger</i>	135, 142
<i>Daucus</i>	460	<i>Hemionitis</i>	124
<i>Delphinium Consolida regalis</i>	707, &c.	<i>Hepatica seu Lichen</i>	580
<i>Dens leonis</i>	245, 245, 246	<i>nobilis seu trifolia</i>	617
<i>Dentaria</i>	784, 785	<i>Heptaphyllum i. e. Tormentilla</i>	279
<i>Dentellaria Rondeletii, Plumbago Plinii.</i>		<i>Herba Doris</i>	670
<i>Diellamnus Creticus</i>	537	<i>Paris</i>	562
<i>Digitalis</i>	767, 768	<i>Vents Monspelienfium</i>	982
<i>Dispacus</i>	381, 382	<i>Viva</i>	582
<i>Dorycnium</i>		<i>Mimosa</i>	214
<i>Doronicum</i>	274, 275, &c.	<i>Herniaria</i>	790, 791
<i>Draba</i>	821	<i>Hesperis</i>	230, &c. ad 242
<i>Draco herba</i>	373	<i>Hieracium</i>	
<i>Dracunculus i. e. Ptarmica</i>	344	<i>Hydropiper i. e. Persicaria.</i>	
<i>Dryopteris Lob.</i>	146	<i>Hyojanus</i>	711, 712
<i>Trag.</i>	151	<i>Hypoglossus corrupte Hippoglossus</i>	663
<i>Vulg.</i>	152	<i>Hypoglossum</i>	436, 437
<i>Dulcamara, i. e. Solanum lignosum</i>	651	<i>Hippuris i. e. Equisetum</i>	127, 128
<i>Dyabibala Cingalensium</i>	982	<i>Hysopus</i>	516, 517
		<i>Holsteum</i>	881
<b>E.</b>		<i>Horminum</i>	542, &c. ad 547
<i>Echium 488, 489. Scorpoides</i>	504	<i>Hyoferis</i>	229
<i>Elaphoboscum</i>	410		
<i>Elatine Linaria species</i>	759	<b>I.</b>	
<i>Eleoelisum Apium palustre</i>	457	<i>Jacea spinosa 318, &amp;c. levis</i>	323, &c.
<i>Elleborus seu Helleborus</i>	697, 698	<i>Jacobaea</i>	271, 284, 285, &c.
<i>Endivia seu Intybus</i>	254	<i>Iberis</i>	827
<i>Enula campana i. e. Helenium</i>	353	<i>Imperatoria</i>	436
<i>Equisetum</i>	127, 128	<i>Indigo sive Nil</i>	926
<i>Eranthemum i. e. Flos Adonis</i>	596	<i>Intybus</i>	254
<i>Erigeron i. e. Senecio</i>	290, 291	<i>Isatis sive Glastrum</i>	843
<i>Eryngium</i>	384, 385, &c.	<i>arbitraria i. e. Chamepitys</i>	573
<i>Erysimum</i>	810, 811, &c.	<i>Iva moschata</i>	573
<i>Erythradanum i. e. Rubia tinctorum</i>	478	<i>Juncaria Salmanticensis Clusii</i>	211
<i>Eruca</i>	806, 807	<i>Juncus floridus</i>	701
<i>Eryum seu Orobus.</i>			
<i>Esula Tichymalis species.</i>		<b>K.</b>	
<i>Eupatorium Græcorum</i>	359, 400	<i>Kali geniculatam 211. Majus semine cochlearo, &amp;c.</i>	212
<i>Melissus i. e. Ageratum</i>	364	<i>minus album</i>	198, 199



# X. INDEX.

<b>L.</b>		
<i>Labrum Veneris</i> i. e. <i>Dispacus</i>	381, 382	
<i>Lactuca agnina, Valerianella.</i>		
<i>Marina</i>	220	
<i>Sativa</i>	221, 222, &c.	
<i>Sylvestris</i>	221, 222, &c.	
<i>Ladanum</i> seu <i>Sideritidis</i> Species.	948, 949	
<i>Lagopus</i>	559, &c. ad 562	
<i>Lanum</i>	256	
<i>Lampyris</i>	423	
<i>Lappula</i> 169. & seqq.	893, &c.	
<i>Lappa major</i> i. e. <i>Bardana major</i>	832	
<i>minor, Xanthium</i>	185	
<i>Laserpitium</i>	423	
<i>Lathyrus</i>	893, &c.	
<i>Lavandula</i>	866	
<i>Laurus Alexandrina</i>	812	
<i>Lens</i>	663	
<i>Lenticula palustris</i>	904, 905	
<i>Leontopodium Gnaphalii</i> Species.	117	
<i>Lepidium</i> seu <i>Piperitis</i>	828	
<i>Leucocum incanum</i> & <i>marinum</i> 779, 780.	luteum 782	
<i>Levisticum</i>	183	
<i>Libanotis</i> 413. <i>cachryphoros</i> 424. <i>Theophrasti</i>	437	
<i>Lichen</i>	427	
<i>Ligusticum</i>	124	
<i>Lilium convallium</i>	438	
<i>Limonium</i>	667	
<i>Linaria</i> 752. & seqq. ad	396	
<i>Lingua passerina</i>	739	
<i>Cervina</i> i. e. <i>Phyllis</i>	134	
<i>Lithospermum</i>	502, 503	
<i>Lonchitis aspera</i>	138	
<i>Lorus herba</i>	967, 968, 969	
<i>Lunaria botrytis</i> 127. <i>Grega</i>	906, 907	
<i>Lupinus</i>	156	
<i>Lupulus</i>	120	
<i>Lycopodium</i>		
<i>Lycopsis, Echii</i> Species est.		
<i>Lysimachia</i>	572, 860, 861, &c.	
<b>M.</b>		
<i>Majorana</i>	537, &c. ad 540	
<i>Mala insana</i>	673	
<i>Malva</i>	597, &c. ad 601	
<i>Mandragora</i>	668	
<i>Marrubium aquaticum</i> 535. <i>album</i> 555, 556, 557, <i>nigrum</i>	571	
<i>Marum</i>	520	
<i>Matricaria</i>	348, 357	
<i>Medica</i>	960, 961, &c.	
<i>Melampyrum</i>	774, 775	
<i>Melilotus</i>	930, 931, &c.	
<i>Melissa, Melissophyllum</i>	570	
<i>Melo</i>	644	
<i>Mentha</i>	530, 531, &c.	
<i>Mentastrium</i>	532	
<i>Mercurialis</i>	163	
<i>Meum</i>	432	
<i>Millefolium aquaticum</i> 191. <i>terrestre</i>	345, 346, &c.	
<i>Mirabilis Peruviana</i>	396, 397	
<i>Mollugo</i>	481	
<i>Molucca</i>	568	
<i>Monophyllum</i>	669	
<i>Morus gallinae</i> <i>Alfines spuria</i> Species.		
<i>Morus Diaboli, Succisa Scabiosa</i> Species	380	
<i>Moschatellina</i>	684	
<i>Mungo</i>	955	
<i>Muscus terrestris</i>	112, 121	
<i>Myagrum</i>	820, 839	
<i>Myosotis</i>	242, 243	
<i>Myrrhis</i>	431	
<b>N.</b>		
<i>Napellus Aconiti</i> Species.	801	
<i>Napus</i>	391	
<i>Nardus Celtica</i>	207	
<i>Rustica</i> i. e. <i>Astrum</i>		
<i>Nasturtium Indicum</i> 487. <i>aquaticum</i> 814. 816. <i>hortense</i>	824, &c.	
<i>Nepeta seu Mentha catarrica</i>	548, 549	
<i>Nicotiana</i>	713	
<i>Nil</i> seu <i>Anil</i>	926	
<b>O.</b>		
<i>Oculus</i> seu <i>Ervilia</i> Dod.	899	
<i>Ocimum</i>	540, 541	
<i>Oenanthe aquatica</i>	440, 441	
<i>Oleastrum, Hippocistium.</i>	436, 437	
<i>Onobrychis</i>	913, 926, 927, &c.	
<i>Ononis</i> seu <i>Ononis</i>		
<i>Opobryson</i>	126	
<i>Origanum</i>	413	
<i>Ornithopodium</i>	539, 540	
<i>Orobanchia</i> 912, &c. <i>genuina</i>	931, 932	
<i>Oryza</i>	915	
<i>Osmunda regalis</i> i. e. <i>Filix florida</i>	210	
<i>Oxalis</i> i. e. <i>Acetosa</i>	151	
<i>Oxylapathum</i>	173	
<i>Paeonia</i>	169	
<i>Paludarium</i>	693, 694, 695	
<i>Panax, Asclepium</i>	447	
<i>Papaver</i>	417	
<i>Parietaria</i>	853, 854, & seqq.	
<i>Paronychia</i>	205, 206	
<i>Parthenium</i> i. e. <i>Matricaria</i>	789	
<i>Pastina larifolia</i> 410, 411. <i>cenuifolia</i> 464, 465. <i>marina</i> 469	337	
<i>Pecten Veneris</i> i. e. <i>Scandix</i>	428	
<i>Pedicularis</i>	769	
<i>Pentaphyllum</i>	611, 612, &c.	
<i>Pentaphylloides</i>	616	
<i>Peplos</i>	869	
<i>Pepus</i>	ibid.	
<i>Pepo</i>	639	
<i>Pexcepier</i>	209	
<i>Perfoliata</i>	471, 472	
<i>Perficaria</i>	182, 183	
<i>Perforata</i> i. e. <i>Lappa major</i>	332	
<i>Pes aserinus</i>	197, 198	
<i>Petalas</i>	260	
<i>Petroelinum vulgare</i>	448	
<i>Petunium</i> i. e. <i>Nicotiana</i>	713	
<i>Phacelia</i>	416, 417	
<i>Phacelus</i>	884, &c. ad 890	
<i>Phyllitis</i> i. e. <i>Lingua carina</i>	134	
<i>Phyllon Mercurialis</i> Species	164	
<i>Phytolacca</i> <i>Monspeliensis</i> <i>Reseda</i> Species.		
<i>Phthora Ranunculi</i> Species	591	
<i>Phu</i> i. e. <i>Valeriana</i>	388, 389	
<i>Pilosella</i> i. e. <i>Auricula muris</i>	240, 241, 242, 243, 244	
<i>Pimpinella sanguifera</i>	401	
<i>Saxifraga</i>	445	
<i>Pinguicula</i>	751	
<i>Piperitis</i> i. e. <i>Lepidium</i>	828	
<i>Pisum cordatum</i> 487. <i>vulgare</i>	890, 891	
<i>Pistula Tithymalus pineus.</i>		
<i>Plantago aquatica</i> 618. <i>aquas. stellata</i>	701	
<i>Plantago</i>	878	
<i>Plumbago Plinii</i>	394	
<i>Polygonum</i>	664, 665, &c.	
<i>Polygonatum</i>	184, 185, 212, 213	
<i>Polygonum</i>	136, 137	
<i>Polytrichum Trichomanes.</i>		
<i>Potium</i>	524, 525	
<i>Potum amoris</i>	675	
<i>Potamogeton</i>	188, 189	
<i>Potentilla</i> i. e. <i>Argentina</i>	617	
<i>Poterium</i>	400	
<i>Prunella</i>	552	
<i>Psidium</i>	881, 882	
<i>Psarica</i> 344. <i>Austrica</i>	287	
<i>Pulegium</i>	533	
<i>Pulmonaria maculosa</i>	488	
<i>Gallium Hieracii</i> Species	238	
<i>Pulsatilla</i>	633, 634	
<i>Pyrethrum</i> 353. <i>umbelliferum</i>	462	
<b>Q.</b>		
<i>Quamoclit Indorum</i> i. e. <i>Convolvulus pennatus</i> <i>exoticus.</i>		
<i>Quinquefolium Pentaphyllum</i>	612, 613, &c.	
<b>R.</b>		
<i>Radix cava</i> i. e. <i>Fumaria bulbosa.</i>		
<i>Ranunculus</i>	581, &c. ad 596	
<i>Rapa</i>	800, 801	
<i>Rapistrum</i> 802, 803, 805. <i>monospermon</i>	840	
<i>Rapunculus</i>	737, 738 & seqq.	
<i>Rhaphanus</i> 804. <i>aquaticus</i> 818. <i>rusticanus</i>	ibid.	
<i>Refta boris</i> i. e. <i>Anonis.</i>		
<i>Rhabarbarum</i>	170, 171	
<i>Rhodia radix</i>	690	
<i>Ricinus</i> seu <i>Palma Christi</i>	166, 167	
<i>Rosa Hierichuntina; Thlaspeos</i> Species.		
<i>Rosmarinum</i>	515	
	Rui a	

# X INDEX

<i>Rubia</i> 478, 479, 480. <i>cynanchica</i> 485.	<i>Spicata</i> 480.	<i>Stachys</i> 480.	
<i>Rufcus</i> 480.		<i>Scaphiagria</i> 480.	
<i>Rosa vulgaris</i> 480.	874, 875	<i>Stroba</i> 480.	
<i>canina</i> <i>Scrophularia</i> species	876	<i>Stroba Arabica</i> 480.	
<i>capraria</i> , <i>Galega</i>	877	<i>citrina</i> 480.	
<i>muraria</i> , <i>Adiantum album</i>	878	<i>Stramonium</i> 480.	
<i>pratensis</i> i. e. <i>Thalictrum</i>	483	<i>Serratites Millefolia</i> 480.	
<i>S. pratensis</i> 483.		<i>Stachys</i> i. e. <i>Morsus Diaboli</i>	
<i>Sagitta</i> , <i>Sagittaria</i> 483.		<i>Symphoricarpos</i> 483.	
<i>Salaparrilla</i> 483.		<i>Tabacum</i> i. e. <i>Nicotiana</i> 483.	
<i>Salvia</i> 483.	509, 510, 800.	<i>Tanacetum</i> 483.	
<i>Salvia vite</i> i. e. <i>Adiantum album</i> .		<i>Telesphium</i> 483.	
<i>Samplicibus</i> i. e. <i>Majorana</i>	537, 800.	<i>Terra glandes.</i> 483.	
<i>Sanguisalba</i> <i>Pimpinella</i>	401	<i>Tenaxum</i> 483.	
<i>Sansula</i> 483.	475	<i>Thalictrum seu Rosa pratensis</i>	
<i>Saturata</i> 483.	578, 519	<i>Thapsia</i> 483.	
<i>Saxifraga</i> i. e. <i>Seseli pratense</i>	453	<i>Thysanotus</i> 483.	
<i>aurea</i> 483.	207	<i>Thymus</i> 483.	
<i>Scabiosa</i> 374, 375.	800.	<i>Thlaspi spinosum</i> 814.	
<i>Scammonia</i> 722, 723.		<i>Thlaspi didymum</i> 829.	
<i>Scandix</i> , <i>Pecten Veneris</i> 483.		<i>Thymus</i> 830.	
<i>Scellum</i> i. e. <i>Cinara</i> 483.		<i>Thymus</i> 830.	
<i>Scelopendria</i> i. e. <i>Asplenium</i>	139	<i>Thymus</i> 830.	
<i>Scordium</i> 483.	376	<i>Thymus</i> 411, 412.	
<i>Scorodonia</i> 483.	480.	<i>Thymus</i> 417.	
<i>Scorpioides Bupleuri folio</i>	930, 931.	<i>Thymus</i> 417.	
<i>Scrophularia</i> 764, 765, 766.		<i>Thymus</i> 417.	
<i>Scorzonera</i> 248, 249.		<i>Thymus</i> 417.	
<i>Securidaca</i> 921.		<i>Thymus</i> 417.	
<i>Sedum majus</i> 687, 688. minus <i>echinatum</i> & <i>stellatum</i> 691.		<i>Thymus</i> 417.	
<i>Selinum</i> i. e. <i>Apium</i> 447, 448. 463.		<i>Thymus</i> 417.	
<i>Semperivivum</i> i. e. <i>Sedum majus</i> 687.		<i>Thymus</i> 417.	
<i>Senecio</i> 290, 291.		<i>Thymus</i> 417.	
<i>Seriphium Absinthii</i> species.	320, 321, 322.	<i>Thymus</i> 417.	
<i>Serpyllum</i> 483.		<i>Thymus</i> 417.	
<i>Serratula</i> 483.		<i>Thymus</i> 417.	
<i>Sesban</i> 483.		<i>Thymus</i> 417.	
<i>Seseli Massiliense</i> 414. 439. <i>montanum</i> 432. <i>pratense</i> 413.		<i>Thymus</i> 417.	
<i>Ethiop.</i> 476.		<i>Thymus</i> 417.	
<i>Sideritis</i> 562, 800. ad 566.		<i>Thymus</i> 417.	
<i>Sigillum Solomonis</i> , <i>Polygonatum</i> 664, 665, 800.		<i>Thymus</i> 417.	
<i>Siler montanum</i> 439.		<i>Thymus</i> 417.	
<i>Symphoricarpos</i> <i>Consolida major</i> 504, 505.		<i>Thymus</i> 417.	
<i>Sinapi</i> 802, 803, 800.		<i>Thymus</i> 417.	
<i>Sisyrinchium</i> 442.		<i>Thymus</i> 417.	
<i>Sison Cordi</i> i. e. <i>Anomum Germanicum</i> 443.		<i>Thymus</i> 417.	
<i>Silymbrium</i> i. e. <i>Mentha aquatica</i> 443.		<i>Thymus</i> 417.	
<i>Sium</i> 443, 444.		<i>Thymus</i> 417.	
<i>Smilax aspera</i> 655.		<i>Thymus</i> 417.	
<i>hottensis</i> i. e. <i>Phacelus</i> 436, 437.		<i>Thymus</i> 417.	
<i>Smyrnum</i> i. e. <i>Hippocistum</i> 683.		<i>Thymus</i> 417.	
<i>Solanum</i> 671, 800. <i>halicacabum</i> seu <i>vesicarium</i> 726.		<i>Thymus</i> 417.	
<i>Soldanella</i> 279.		<i>Thymus</i> 417.	
<i>Solidago</i> 224, 225.		<i>Thymus</i> 417.	
<i>Senecio</i> 812.		<i>Thymus</i> 417.	
<i>Sepia Chirurgorum</i> 743.		<i>Thymus</i> 417.	
<i>Speculum Veneris</i> 403.		<i>Thymus</i> 417.	
<i>Sphondylium</i> 162.		<i>Thymus</i> 417.	
<i>Spinachia</i> 80, 81.		<i>Thymus</i> 417.	
<i>Spongia</i> 80, 81.		<i>Thymus</i> 417.	

Plantæ Omiffæ quarum descriptiones (ut & aliarum quotquot occurrunt) in  
Appendice dabimus.

**A** Cetosa Indica Bontii, *Alcea* species videtur.  
Fungus spiralis seu *Alga spiralis* maritima P. Boc.  
Fungus cyphoides coccineus *Mentha* species  
    *subcervulea* pulpa. *arilla* flavis refertur.  
    *Malicoris* facie.  
Tuba marina *Muscorum Londinensium*.  
Malva altera repens, foliis *Betonice* & *Zanoni*.  
Aster latifolius *Tripolis* flore.  
Oreica *racemosa* *Canadensis*.

*Astragalus Canadensis* flo. viridi flavescente.  
*Brunella Lusitanica* flore & spica majore.  
*Cyanus Syriacus* flo. luteo fistuloso.  
*Saxifraga aurea* *Lichen* facie *Morisoni*.  
*Loxo affinis* *Coryli* folio.  
*Scabiosa stellata* annua prolifera.  
*Sedum serratum* flore albo multiflorum.  
*Thlaspi* semper vivens.  
*Trachelium Americanum* flo. caruleo parulo.



# HISTORIÆ PLANTARUM LIBER PRIMUS

QUI EST

De Plantis in Genere.

EX LIBRIS  
MEDICÆ SOCIETATIS  
MEDICENSIS



UÆ Historiæ nostræ Botanici de Plantis in genere præmittenda duximus ad sequentia Capita reducemus.

I. Primum erit de Definitione Plantæ. CAP. I.

II. Secundum, de Partibus Plantarum: Primò in genere. CAP. II.  
Secundò in specie:

1. De earum Radicibus. CAP. III.

2. De Caulibus. CAP. IV, V, VI, VII.

3. De Gemmis. CAP. VIII.

4. De Foliis. CAP. IX.

5. De Floribus. CAP. X, XI.

6. De Fructibus & Seminibus. CAP. XII, XIII, XIV, XV.

7. De Partibus auxiliariis. CAP. XVI.

III. Tertium erit de Actionibus Plantarum. Quæ sunt, 1. Nutritio, CAP. XVII. 2. Augmentatio, CAP. VI. 3. Propagatio. CAP. XVIII.

IV. Quartum de Accidentibus Plantarum respectu Quantitatis. 1. Permanentis; sc. De Statura & Magnitudine Plantarum. CAP. XXII. 2. Fluentis; sc. De Ætate & duratione Plantarum. CAP. XXIII.

V. Quintum de Qualitatibus Plantarum. 1. Primis; Frigore, calore, humiditate, siccitate. 2. Secundis; Odoribus, Saporibus. CAP. XXIV. Viribus in Medicina. Ibid.

VI. Sextum de Adjunctis Plantarum externis, v. g. 1. De Loco Plantarum. CAP. XXV. 2. De usibus quos hominibus præstant in Cibo, Medicina, Ædificiis, Mechanicis, &c. CAP. XXIV. 3. De operationibus circa Plantas, v. g.

1. De Satione. CAP. XVIII.

2. De Infitione. CAP. XIX. De reliqua cultura, v. g. Translatione, putatione, stercoratione, protectione, &c. Vid. Agriculturæ & Horticulturæ Scriptores.

3. De Collectione, exsiccatione, asservatione, &c. Plantarum earumque partium. CAP. XXVIII.

4. De Chymica Plantarum Analyfi, & partium resolutarum usu. CAP. XXIX.

VII. Septimum, De iis quæ præter naturam Plantis accidunt, v. g. De morbis Plantarum eorumque remediis. CAP. XXX.

VIII. Octavum, De Plantarum differentiis genericis & specificis, & de divisione Plantarum. CAP. XXI, XXVI, XXVII.

## CAPUT PRIMUM,

### Quid sit Planta.

**P**LANTA [*φύτις*] definiente \*Jungio, est corpus vivens, non sentiens, certo loco, aut certe \*I sag. Phytoscop. cap. I.  
sedi affixum, quod nutriri, augeri, se denique propagare potest.

Vita est unio seu conjunctio animæ cum corpore. Animam voco principium illud internum, quodcumque tandem sit, sive Substantia, sive Accidens, à quo operationes Vegetabilium propriæ, uti sunt Nutritio, Augmentatio, seminis Productio, fluunt: quandiu enim principium illud intus corpori unitum manet, tamdiu Planta vivere dicitur.

Non sentiens in Definitione additur ad excludendum Animalia, quæ non minùs quàm Plantæ vivunt & vegetant.

Obijciat quispiam, Plantas nonnullas *Æschynomenas* seu *pudicas* Veteribus dictas, Recentioribus *Vivivas* & *Sensitivas* & *Mimosas*, haud obscura sensus indicia prodere: Siquidem folia earum manu aut baculo tacta, & paululum compressa, pleno etiam meridie, splendente Sole, illico se contrahunt & veluti marcescunt, quod idem ab Aeris frigidioris appulsu patiuntur.

Fatemur equidem quomodo hæc fiant, si sensum omnem & motum spontaneum plantis denegemus, mechanicâ aliquâ ratione explicare perdifficile esse.

Herbarum folia & summitates avulsas aut decerptas brevi flaccescere & collabi experientia constat: cuius Phænomeni ratio manifesta est, nimirum ob succi eorum vasa & poros replere & distendere soliti fugam & evaporationem, novo non succedente. Quemadmodum enim Animalium pulmones aere inspirato repleti extenduntur & attolluntur, sic pariter folia plantarum spiritibus & vaporibus per nervos influentibus: quemadmodum etiam è contrario iidem pulmones, aere seu expirato seu per poros elapso vacui, concidunt & collabuntur; sic itidem folia succo evaporato exinanita. Cur, inquit, in decerptis expirat succus, in matris herentibus non item? Imo in utrisque expirat: Plantarum enim omnium partes humidae in perpetuo fluxu sunt, perque earum poros indefinenter evaporant: at in matris herentibus novæ jugiter in locum abscedentium à radice subministrantur, non item in avulsis aut decerptis, unde hæc flaccescunt, illa etiamnum extensa manent. Fieri ergo potest ut tangentis manus nervorum compressu succi vaporosi influxum tantisper impediatur & retardetur, unde eo qui nervos & vasa replebat exhalante, folia necessario contrahuntur & collabascant.

Præterea Plantarum nonnullarum partes, [folia, ramuli, ariste,] ficitate etiam contrahuntur & interdum convolvuntur, humore iterum explicantur & extenduntur, quod in aristis Avenaceis inque Planta illa, *Rosa Hierichuntina* perperam dicta, evidentissime cernitur. Hæc enim postquam planè exaruit, imò per multos annos sicca reposita in globum coeuntibus ramulis contracta fuerit, si radice tenuis in aquam tepidam immittatur, illico se explicat, & ramulos in orbem denuo expandit, humore scilicet in ramulorum poros sese insinuante eosque extendente. Notandum etiam tam folia, quam ramulos plantarum ficitate sursum seu introrsum contrahi & curvari: cuius ratio esse videtur, quia partes internæ seu supinæ solaribus radiis expositæ humore evocato prius & magis siccantur, unde necessario illorum contractio fit, non secus ac in tabulis seu asseribus ligneis aut etiam librorum operimentis membranisque videmus, quæ si Soli aut igni exponantur, in partem Soli obversam curvantur & inflectuntur. Verùm contractio quæ fit ex ficitate hic, ut puto, locum non habet.

Datur adhuc & alia contractio ex frigore, quod corporum fluidorum, præsertim in vaporem resolutorum, motum illico sistit eaque in angustius spatium coarctat: Atque ex hoc genere videtur esse contractio illa in foliis plantarum mimosarum, qua de agitur. Frigus enim seu digiti, seu ambientis, succi in nervis motum expansivum cohibet, ejusque influxum magna ex parte sistit, unde sponte se contrahunt fibræ, & foliorum lobos unâ adducunt; non secus ac idem frigus corporis nostri cutem condensare & corrugare, uti è contrario calor eandem extendere solet. Lobi autem foliorum introrsum ad se mutuo trahuntur, quoniam fortasse fibrillæ in nervis superiores ficiores sunt adeoque promptius & citius contrahuntur, inferiores autem molliores, adeoque facilius cedunt & extenduntur.

Quòd contractio hæc foliorum à frigore fit, argumento est Leguminosarum fere omnium quæ folia pariter lobata seu pinnata obtinent, similis prorsus nocturno tempore contractio & diurno expansio foliorum. Item florum nonnullorum inter noctem se claudentium compressio, ut v.g. Calendulæ, Cichorii, Convolvuli, &c. Etenim, Jacobi Cornuti experimento Flos anemones, qui ex hoc genere est, decerptus & loco calidissimo reconditus, velut arculâ exiguâ fideliter obsignata, illico præter tempus aperitur, si modo ejus pediculus aquæ tepenti immergatur.

Verùm in causis hujus phænomeni assignandis mihi metipsum non satisfacio. Valvulas autem, quas nonnulli comminiscuntur in plantarum vasis dari neutiquam concesserim.

*Augeri* dicitur planta quæ plus substantiæ sibi restituit quàm dissipata est. Planta autem non solum secundum omnes non satis adultas partes in omnes dimensiones major redditur, verùm etiam novas partes sibi semper aggenerat, *folia, flores, fructus*: in quo ab Animalibus differt, quod neque amittit ullas partes, neque aggenerat, nisi pilos plumasque pro partibus accipias, quæ quotannis defluunt novis succrescentibus. Excipiendum tamen hic videtur Cervinum genus, in quibus cornua quotannis decidunt & regerminant. Cornua enim æquo si non potiori jure partes Animalium quàm folia Plantarum censerì possunt; nec obstat quòd sentiendi facultate careant, cum & ossa periosteio denudata sensus expertia sint; nec minùs tamen Animalium partes ab omnibus habentur. *Fructus* qui in plantis pro partibus reputari solent, non minùs in Animalibus quàm in Plantis à matre decidunt; an verò novi in Animalibus perinde ac in plantis generentur, est cur dubitem. Cum autem Animalium ova plantarum fructibus adeò exactè respondeant, eodèmq; fere modo ex ovario germinent quo plantarum fructus è gemmis & racemis, cur nomen Partis eis denegetur, his concedatur, rationem non video.

Plantæ perennes augmenti respectu, ab Animalibus differunt, quòd partes illæ quæ perennant, quandiu planta vivit augentur, ut in arboribus quantumvis annosis manifestè cernitur, quibus quotannis novus accedit ligni circulus: Animalia autem cum justum magnitudinis terminum assecuta sunt augeri desinunt.

Additur in definitione, *certo loco, aut certæ sedi affixum*, quod tamen nec omnibus in universum plantis, nec solis convenit. Non omnibus; siquidem *Stratiotes* Veteribus dicta, (Dioscoride teste,) *aquis supernatans sine radice vivat, quamvis folium habeat Arizoo simile ac majus*; quod & \* Prosper Alpinus in parte confirmat, *pro radicibus*, inquit, *exigua quedam & rara lanugo dependet*: & eruditiss. † Vesslingius, *Planta tota sessili basi Nilo incubat, aquis innatans citra radicem, quamvis radicem vicem demissa terram versus tenuissima fibrarum veluti filamenta sustineant*. Tenuia autem isthæc filamenta, quæ versùs terram extendi, non terram attingere scribit, non videntur plantam stabilire posse aut sistere quo minùs huc illuc fluitet & locum mutet. At nec solis plantis convenit terræ aliæve sedi affigi; verùm id Animalibus etiam nonnullis commune est, usque non imperfectis tantum, aut ancipitis naturæ, quæ Zoophyta appellare solemus, sed etiam perfectioribus. Sunt enim ex genere testaceorum certæ sedi affixæ, quæ *pubia*, id est, *stabilia*, Aristoteli ob eam rationem dicuntur; idque non casu aliquo, sed ex ipsius naturæ instituto. Vidimus enim ipsi Mytilorum speciem funiculo è testa egresso petris adnexum: quin & balani illi *Conche anatifere* dici soliti apophysi quadam fistulosâ, coriaceâ, rugosâ, oblongâ navium carinis aliisque lignis vetustis in mari fluitantibus adhærescunt. Verùm terræ aliæve sedi ita adhærere ut alimentum inde attrahat seu exugat, id plantæ proprium est, nec ulli (quod sciam) Animali convenit. Nam quæ de *Agno Scythico* traduntur pro falsis & fabulosis habeo.

\* De Plantis  
Egypt. c. 35.  
† Observat.  
in Alpin. Æ-  
gypt. plant.  
cap. 35.



## CAP. H.

## De Partibus Plantarum in genere.

**A**ntequam partium Plantarum divisionem instituiam, non incommodum erit celebrem illam distinctionem partium in *similares* & *organicas* paulisper excutere, quidque per similes intelligimus, quid per organicas, paucis exponere.

Pars *similaris* (verba sunt \* Sennerti) ut vel ipsam nomen Græcum *ὁμοειδής* indicat, est quæ simplicis & unius est naturæ, & ex partibus naturæ diversis non constat, & proinde propriè opponitur *dissimilari*: cuius generis sunt *Ossa*, *Cartilaginee*, *Caro*, *Membrana*, *Nervi*, *Vena*, &c. Pars ergo *similaris* quatenus est similis, nullum publicum Officium habet, sed saltem nutritionem suam procurat. Pars *Organica* est quæ præter sui nutritionem aliam aliquam actionem habet, quâ vel aliis partibus, vel toti corpori inservit. Hinc patet partem similem non propriè opponi *Organicæ* sed *dissimilari*, ut modò diximus: Eadem enim pars potest esse & similis & *Organica* diverso respectu: similis nimirum respectu texturæ & constitutionis; *Organica* respectu figuræ & conformationis, adeoque usus & officii in corpore. Sic vena quidem suâ naturâ similis pars est, sed quatenus eo modo conformata est, ut sanguini refluendo ad cor derivando aptus canalus sit, *Organica* dicitur: sic tibiæ os suâ naturâ simplex est, sed quatenus suam habet peculiarem figuram & magnitudinem, tibiâ nominatur.

Pars *organica* alia est *simplex*, alia *composita*. *Simplex* est, quæ constat ex partibus ejusdem quidem naturæ & temperamenti, verum peculiarem aliquam figuram & conformationem requirit ad actionem communem, hoc est in usum vel corporis totius, vel aliarum partium, exercendam. Hujusmodi sunt *Os*, *Vena*, *Nervus*, &c. Pars *organica composita* est, quæ constat ex pluribus partibus diversæ naturæ & constitutionis, quæ tamen simul ad eandem actionem concurrunt, atque hoc sensu accepta Pars *organica similis* opponitur. Sic v. g. *Oculus* est Pars *organica*, composita ex variis tunicis & humoribus, diversæ texturæ & constitutionis, quæ tamen simul ad visionem conspirant. Hujusmodi actiones quæ ab organis è multis diversæque naturæ partibus compositis obeuntur Perfectas vocat Galenus.

His ad distinctionis istius intelligentiam præmissis, nos partes plantarum dividemus in *simplices* & *compositas*.

*Simplices* sunt quæ constant ex partibus ejusdem texturæ & constitutionis.

*Compositæ* quæ ex partibus diversæ naturæ coalescunt.

*Simplices* sunt vel *continentes* seu vasa, vel *contentæ* seu succi.

Verisimile enim est partes simplices in universum omnes, corpus integrantes, in Plantis saltem, si non & in Animalibus, vel vasa esse, vel succos seu liquores, in vasis contentos.

Partes *contentæ* omnes ad sensum similes sunt: quamvis enim chymicâ Analyti in aliis adhuc simplices possint resolvi, sunt tamen ita per minima divisæ & commixtæ, ut quilibet pars sensibilis pariter ex omnibus hisce simplicioribus mixta sit, adeoque ejusdem naturæ cum reliquis sensibilibus partibus.

Partes *continentes* dupliciter considerari possunt; vel respectu *substantiæ* & texturæ suæ uniformis, quomodo *similares* sunt; nec aliam habent actionem præter sui nutritionem, vel respectu *figuræ* & *conformationis* ad usum aliquem & officium in corpore obeundum destinata, adeoque *organica* appellantur.

Partes *compositæ* quæ ex pluribus partibus simplicibus iisque (ut diximus) diversæ naturæ constant, *Organicæ* etiam appellantur, quia partes hæ simplices simul ad unam quandam actionem concurrunt.

Partes compositæ in quas Planta dividi solet sunt *Radix*, *Caulis*, *Folia*, *Flos*, *Fructus*, de quibus in specie agemus.

Sunt etiam aliæ partes minùs principales seu secundariæ, ut v. g. *Capreoli* seu *Clavicula*, *Pili*, *Spina*, &c.

## CAP. III.

## De Radicibus Plantarum.

**R**adix (definiente Jungio) est pars Plantæ inferior, quæ intra corpus solidius, quod Plantæ sedem præbet (sive illud terra sit, ut plerunque, sive saxum, sive calx, sive arena, sive lignum, sive quodcunque aliud) abditæ, & alimento attrahendo destinata est.

Radices dividi possunt in *fibrosas* & *crassiores*. *Fibrosas* voco quæ plurimis fibris seu filamentis è plantæ fundo separatim exeuntibus constant.

*Crassiores* quæ corpore pro plantæ modo crassiore sunt vel in surculos diviso, vel fibras emittente. Hæ vel *carnosæ* sunt, & in *latum extumescens*, vel in *longum extensa*, plerunque strictiores & *lignosiores*.

*Carnosæ* & in *latum extumescens* sunt vel *Bulbosæ*, vel *Tuberosæ*.

*Bulbosæ* voto quæ unico constant tubere seu capite, eoque vel squamato vel tunicato, fibras plurimas ex ima sede seu basi emittente.

*Bulbosæ* ergo strictè dictæ sunt vel *tunicatæ*, hoc est, ex pluribus corticibus in orbem se amplexantibus compositæ, cuiusmodi sunt *Cepa*, *Allium*, *Hyacinthus*, *Tulipa*, &c. vel *Squamosæ*, h. e. è pluribus squamis imbricatis ferè dispositis coagmentatæ, ut *Lilium* & *Martagon*.

Notandum autem *Bulbosas* strictè dictas *Fibrosas* rectius accenseri. Fibræ enim è bulbi fundo exeunt propriè duntaxat radices sunt; Bulbus ipse nihil aliud esse videtur quàm gemma grandior sub-

terranea, ut rectè eruditissimus & ingeniosissimus Vir, D. *Nebemias Greiv.* M.D. ob præclara sua inventa & observata, in *Anatome Plantarum*, reliquaque earundem Historia meritò celeberrimus.

\* *Lib. de Anatome radicum.* Tuberosæ sunt quæ carne solidâ continuâ constant, suntque vel simplici tubere ut in *Rapa*, *Croco*, &c.

Not. Plantæ nonnullæ duûm generum radicibus donantur, tuberosis & fibrosis, ut *Orchis*.

Radices in longum extensæ quæ plerunque strictiores sunt & lignosiores, vel *sarmentosa* sunt & tranversim progredientes seu reptantes, ut *Glycyrrhizæ*, *Cardui viarum*, *Acetosæ Orilla*, &c. vel *cauliformes* & in altum descendentes.

Notandum autem, in plurimis reptatricibus propagines sub terra reptantes, geniculatæ cum sint, & è geniculis fibras emittant, ut in *Gramine canino Offic.* *Mentha*, *Pilosella aurea*, *Piarmica*, &c. caules potiùs subterraneos videri quàm radices.

Radices *cauliformes* & in altum descendentes sunt vel *simpliciores*, fibras tantum è lateribus emittentes, vel *ramosæ*: Hæ autem ad modum caulium vel ab exortu statim ramosæ sunt, vel simplici scapo aliquoultque descendunt, deinde in ramos; rami in furculos & fibras sparguntur. Nonnullæ etiam plantæ plures è fundo emittunt radicum truncos.

Possent & aliæ radicum differentiæ, à coloribus, sapore, odore, facultatibus sumi, quas hoc in loco prosequi nostri non est instituti; alibi fortasse earum catalogos daturi sumus.

Radices nonnullas bulbosas ut v. g. *Tuliparum*, annuatim in terram descendere à Botanicis dudum observatum est: idem nuper in aliis plurimis & quidem diversorum generum radicibus observavit † D. *Grevius*, ut v. g. *Ari*, *Valeriana*, *Scrophularia*, *Hellebori nigri*, *Tanacet*, *Lychnidis*, *Critthmi*, *Primulæ*, *Caryophyllatæ*, *Acetosellæ*, *Iridis*, &c. quarum omnium, eodem observante, Radix quotannis ex trunco seu caule ipso renovatur, aut potiùs particulatim reparatur. Basis sci. seu ima pars caulis, sensim infra superficiem terræ descendens, sèque in ea occultans in naturam genuinæ radices transmutatur, ejusque locum occupat, & officium præstat. Ad motum autem caulis radix etiam unâ descendit, & pro durabilitate substantiæ suæ brevior aut longior evadit, vetustiore & inferiore ejus portione eisdem gradibus putrescente quibus superior è caule descendente & transmutato augetur. Sic in *Scrophularia* v. g. sed præcipue *Succisa*, quæ ab radice præmorsâ apparet, ima pars caulis gradatim subsidens donec terræ immergatur superior radices pars officitur, & descendens continuato, sequenti anno, inferior ejusdem pars evadit, proximo deinde anno corrumpitur & evanescit; novâ scilicet quotannis è caule accessione facta, prout inferiores & vetustiores partes putrescunt & absumuntur. Idem patet in *Dracontio*, *Croco*, *Gladiolo*, &c. ubi bulbus geminus est, superior & inferior, basis caulis anno insequenti fit superior radix, proximo inferior, tertio interit & absumitur.

Hujusmodi descensus caulis & transformatio in radicem in nonnullis plantis evidentiùs cernitur & clariùs demonstratur quàm in aliis, ut in tranversis & tuberculosis radicibus *Primulæ* & *Acetosellæ*. Harum enim Plantarum foliis successivè marcescentibus & abscedentibus bases eorundem copiosiore succo enutritæ in totidem nodulos crassiores turgescunt. Idem in aliis nonnullis colligi potest ex simili vasorum & partium lignosarum situ in trunco & in radice, ut v. g. *Helleborastro*, sed præcipue *Iride tuberosa*, in qua quamvis folia proximè juxta caulis superficiem decidunt, postquam tamen caulis descendit & in radicem intumuit, foliorum delapsorum sedes seu vestigia unâ cum vasorum iis inservientium extremitatibus non obscurè apparent, radice sci. annulis quibusdam, & lineis punctatis variegatâ, annulis foliorum sedes, punctis vasorum orificia demonstrantibus.

Descensus hujusce causâ proxima & visibilis seu manifesta sunt radices fibrosæ, quas hujusmodi caules emittunt: hæ enim in terram rectâ descendentes, velut totidem funiculi truncum post se rapiunt. Hinc radicum nonnullarum figura veluti invertitur. Nam cum pleræque inferius in ramos aliquot cen totidem crura divaricantur, nonnulla supernè in plures veluti cervices seu cornua [capita vocant Botanici] dividuntur, ut in *Dente leonis* aliisque nonnullis cernitur. Hæ enim radices è summo capite plures protrudunt gemmas, quæ in totidem caules abeunt. Gemmæ hæ seu germina nova successivè folia emittentia, vetera abiciunt, adeoque paulatim continuò descendunt, in totidem tandem cervices, 3, 4, 5. aut etiam plures uncias longas, abeunt.

Hinc intelligitur quomodo radices nonnullæ præmorsæ videntur, ut in *Succisa*, perennésque evadunt, nimirum successivâ aggeneratione novarum portionum in locum earum quæ quotannis corrumpuntur & intereunt, ut in plantis de quibus egimus, ex parte trunci quotannis descendente annua sua damna reparantibus, inque *Orchide*, *Bartata*, *Napello*, *Chelidonia minore* aliisque tuberosis in quibus, vetustioribus radicibus seu tuberibus marcescentibus, novæ earum loco aggenerantur. Cum his etiam consentiunt *Tulipæ* aliæque radices bulbosæ: tunicæ enim ex quibus præcipue bulbi constant quotannis exarescunt, & in tenues membranas seu cuticulas exiccantur, novis assidue in medio succrescentibus foliis & corticibus. Ad eundem modum fibrosæ earum radices aliæ aliis annuatim succedunt; unde post aliquot annos bulbus quamvis idem perseverare videtur, alia omnino revera res est, nullâ ejus particulâ primitivâ residuâ.

Partes Radicis uti & Caulis sunt Cortex, Lignum aut in herbaceis pars ligno respondens, & medulla.

Cortex.  
Cuticula.

Cortex componitur ex cuticula & substantia interiore.

Cuticula à cortice originem habere videtur, & nihil aliud esse quàm corticem veterem exarescentem & contractum, novo quotannis subnato; quemadmodum Spolium Serpentis quod quotannis exuit ejusdem cutis exarefacta est. Cuticula in radice iisdem partibus composita videtur quibus & in caule, nimirum utriculis seu vasiculis velut parenchymate, ligneis aliquot vasis seu fibris fistulosis intermixtis, quæ quamvis etiam microscopio ægrè visibiles sunt, adesse tamen colligit D. *Grevius* ex eo quod cuticula multo difficilius finditur aut dilaceratur tranversim quàm secundum longitudinem, aliisque argumentis, quæ apud ipsum vide.

Corticis substantia interior crassitudine plurimum variat, in nonnullis enim radicibus ut *Floris Solis pyramidalis*, *Tragopogone*, & arboribus plerisque prætenuis est, in aliis crassa admodum, longè



gè maximam radicis partem constituens, ut in fibris *Asparagi*: Quin cortex radicis in plurimis plantis multò majorem obtinet proportionem ad lignum, quàm Caulis; atque hac in re radix à caule insigniter differt, corticis nimirum crassitie.

Cortex in radice isdem ferè partibus componitur quibus & in caule, nimirum, 1. Utriculis seu vesiculis seu parenchymate, Sphericis plerunque, interdum tamen oblongis, minimè perviis seu in se mutuo hiantibus, sed undique clausis, & aquæ bullarum instar pellucidis, adeò ut corticis Parenchyma, quoad compositionem suam, spumam Cerevisiæ aut ovorum conquassatorum proximè referat, aut panis probè fermentati medullam. Vesiculæ hæc adeò parvæ sunt ut absque microscopio agrè sint visibiles; magnitudine tamen differunt, tum in eadem, tum præcipuè in diversi generis radicibus. In rectas lineas seriatim non raro disponuntur tam secundum longitudinem quam secundum latitudinem radicum. Liquore limpido seu pellucido semper turgidæ sunt, qui per eandem membranarum poros se insinuat, nec enim datur patentior janua quàm intret. D. Malpighius utriculos in se mutuo hiantes & pervios facit.

Utriculos hosce in nonnullis plantis duùm generum esse observavit D. Grevius: præter descriptos enim alii dantur albidiores nec transparentes, sicciore etiam nec liquore turgidi, unde vere repletos esse opinatur. Pleniorum horum descriptionem videtis apud laudatum autorem in libro de *Anatome radicum*.

2. Præter utriculos fibræ etiam ligneæ seu vasa succifera, plura pauciorave, corticis compositionem ingrediuntur, ut ex faciliore dilaceratione corticis secundum longitudinem quam transversaliter; ex ductu earundem fibrarum secundum longitudinem visibili, tenuium filamentorum specie; & ex ascensu succi cortice transversim secto, iis in locis ubi filamenta isthæc terminantur, patet.

Reticulares plexus eodem modo componunt fibræ hæc quo in cortice caulium. Quamvis tamen ad se invicem accedant, & iterum reflectantur, nullæ omnino (observante Grevio) dantur inter eas anastomoses, sed unumquodque filamentum unicum & simplex vas est ab imo ad summum continuum, non ramosum, cavitate ab imo ad summum æquali. At neque alia aliis circumvolvuntur, aliterve implicantur, sed sibi mutuo duntaxat contigua sunt. Plexus hi in variis plantis numero & figurâ variant, in aliis rariores, in aliis crebriores. Notandum autem singula filamenta, non singula vasa esse, sed vasorum parallelorum fasciculum seu congeriem, quæ tamen nec in se mutuo pervia sunt, nec sibi invicem in fasciculo suo convolvuntur aliterve implicantur, ut de filamentis diximus. Eadem de tracheis seu vasis aerem deferentibus quæ in lignea parte occurrunt dicta sunt. Est tamen cur suspicemur dari in hujusmodi vasis anastomoses, nec D. Grevii sententiæ penitus acquiescamus, præcipuè quod ad fibras ligneas attinet, partim ab analogia venarum & arteriarum in animalibus quarum propagines manifestè in se mutuo perviæ sunt & reticulariter inosculatæ, partim à foliorum, quæ sunt ligneæ expansiones, structurâ, in quibus fibræ sibi mutuo occurrentes inosculatæ & reticulariter implexæ videntur: partim denique ab experimento de succi motu deorsum in sectione transversa inferius proponendo.

Color radicum in plerisque plantis albus est, in nonnullis flavus, in paucis ruber aut atro-rubens, ut Anchusa, Erythrodano, Pasticina tenuifolia.

Vasa hæc diversorum generum esse ex diversitate liquorum quos continent colligit D. Grevius, quem consule: alia enim lympham continent, alia lacteum succum, alia in plantis nonnullis rorem seu vaporem. Verùm vasa hæc iis quæ in caulium corticibus observantur analogæ esse, & succos congenere deferre opinamur, atque idcirco plura de iis dicere superfedemus.

Lignea radicis pars eisdem ferè partibus constat, eodémque modo contextis quo in caule, nimirum, 1. Parenchymate seu utriculis in radios diametrales à circumferentia ad centrum tendentes dispositis, ut in transversa sectione patet.

2. Fibris ligneis seu vasis succiferis, quæ etiam ut in cortice duùm generum sunt, nimirum vel lympham deferentia, vel succum lacteum, aliúmve plantæ peculiarem, seu, ut vocant, specificum.

3. Fistulis aeri excipiendo & derivando destinatis seu tracheis, de quarum textura seu compositione infra dicemus. De earum magnitudine, numero, situ, quæ in variis plantarum generibus variant, vide Grevii lib. de *Anatome Radicum*, cap. 4. Has autem in radicibus majores plerunque esse & magis patentes quàm in trunco ac ramis annotat Malpighius.

Medulla plantarum omnium radicibus communis non est: Nonnullæ enim, ut v. g. *Nicotianæ*, *Stramonii*, &c. eâ carent. Aliæ quamvis parte inferiore nullam habeant, supernè tamen satis conspicuam obtinent. Ex utriculis componitur ut in caule, iisque etiam magnitudine & figurâ diversis, quibus vasa aliquot succifera interdum admiscuntur.

Notandum autem utriculos seu vesiculas hæc ex quibus Medulla componitur, non mæras & rudes membranas esse, sed ex plurimis ordinibus seu seriebus tenuissimarum fibrarum seu filamentorum ab imo ad summum vesicularum juxta positorum, & à vesicula ad vesiculam transversim, (ut in subtegmine à staminis filo ad filum) decurrentium compositas; adeò ut Medulla nihil aliud sit quàm rete quoddam mirabile, seu infinitus fibrarum minutissimarum mirabili ordine complicatarum numerus. Quinetiam fibræ hæc non simplices sunt, sed ex pluribus simul conjunctis compositæ, fibrillis etiam transversis, (quæ simplices esse videntur) contextæ.

Quâ ratione alimentum radices subingrediatur meos adhuc sensus fallit (inquit Malpighius) ut probabiliter tamen conjectari licet; aquæ particule solutos sales, & reliqua mineralia per terram dispersa sibi associant ac fluida reddunt, appellensque hujusmodi heterogeneum corpus ad plantarum radices, veluti per cribrum trajectum, in ligneas fistulas exprimitur; seu per pilorum, qui circa tenellas radices copiosè luxuriant, orificia intret; seu per exteriorem ambientem cuticulam percoletur, adeoque vel sensim utriculis communicetur & ab his in contiguas fistulas derivetur, vel per extrema fistularum ora intro excipietur, & ab isdem transversalibus utriculis ministretur; ut in minimis radiculis quæ fibræ appellantur probabiliter accidit, in quibus ad extrema usque fistulæ deducuntur, transversalibus utriculis parum luxuriantibus.

## CAP. IV.

De Caulibus Plantarum, & eorundem partibus continentibus, à Clariss. Malpighii & Grevii scriptis.

\* In Ifag. Phys.  
et cop.

**C**AULIS, definiente \* Jungio; est pars Plantæ superna in altitudinem ita exposita; ut anteriora à posterioribus, vel dextera à sinistris non differant. Caulis in arboribus & fruticibus *caudex* [ *Stipes, truncus* ] in fistulosis *calamus*, in frumentis *culmus* dicitur.

Caulis est vel *simplex*, vel *ramosus*.

*Scapus* caulis est pars caulis ramosi, quæ à fundo ad cacumen summum unâ quasi lineâ extenditur, cui rami utrinque adherent.

Caulis partes sunt *Cortex, Lignum*, aut in Herbaceis pars ligno respondens, & *Medulla*.

*Cortex* est qui caulem & ramos undique investit. Componitur autem è *cuticula* & substantia interiore.

Cuticula.

*Cuticula* utriculis seu sacculis horizontali ordine locatis, ita ut annulus efformetur, componitur, qui ambientis rigiditate & ætatis vitio deplentur, & in seipso collapsi aridam interdum epidermidem efficiunt, ut in Betula, Cerasis, Pomisque præcipue observatur. *Malpigh.*

De Cortice.

**CORTICIS** substantia interior constat, 1. Ex *fibrarum lignearum* in plexus retiformes contextarum plurimis involucris, exteriori interius tunicarum *Cepæ* in modum ambiente: deinde, 2. Ex utriculis seu sacculis subrotundis [interdum ovalibus aut angulosis] plexuum modò dictorum maculas seu spatia replentibus, horizontali situ lignum versùs radiorum instar directis. 3. Denique ex vasis peculiaribus; succum plantæ proprium & specificum continentibus.

*D. Grev.* substantiam corticis interiorem in vasa & parenchyma primò distinguit: parenchyma vocat utriculos modò dictos qui parenchymati viscerum in animalibus respondent. Vasa dividit in lympham deferentia quæ duum generum esse statuit: exteriora enim & cuticulæ proxima succum specie diversum ab interioribus & ligno vicinis deferre opinatur: [hæc vasa sunt quas fibras ligneas diximus] & succum plantæ proprium & specificum continentia, qualia sunt v. g. in Abiete & Pinu resinifera, in Prunis & Cerasis gummosa, in Tithymalo lactifera. De tribus hisce partibus explicatius paulo agemus.

Fibræ lignæ,  
seu Vasa lympham  
deferentia.

1. *Fibræ lignæ*, describente Clariss. *Malpighio*, sunt tubulosa corpora, subingredientibus liquoribus pervia, ipsarumque structura è quadratis [aliùve interdum figuræ] corporibus, concavis, invicem hiantibus constat. Vasa hæc nec recta, nec parallela ducuntur, & ut plurimum in fasciculos coagmentantur. Horum aliqua iterum inclinata, & [à fasciculis suis] separata rete efficiunt, unde reticularia quæ diximus involucria, quibus lignum ambitur. Fibras hæc Lymphæ ductus seu vasa lympham deferentia appellat *D. Grevius*, quia scilicet liquorem aqueum, limpium & pene insipidum continent. Plexus hi fibrarum retiformes è fasciculorum portionibus digredientibus & ad proximos tendentibus cumque iis unitis, & rursus reflexis contexti in radice Rapæ caulescentis, præsertim coctæ, manifestè possunt discerni, imò digitis extendi.

Utriculi seu  
Parenchyma  
corticis.

2. *Utriculi* dicti sunt vesiculæ seu ampullæ liquore turgidæ, quem è fibris ligneis excipiunt, horizontaliter plerunque fixæ in lineis rectis seu radiis à cuticula ad lignum tendentibus, suntque veluti corticis parenchyma, ut superius diximus. [ *D. Grev.* utriculos corticales in radios diametrales rariùs disponi ait: quo à radicis corticis parenchymate differunt. ] A fibris fistulosis ligneis horizontales (verba sunt *Malpighii*) utriculorum ordines pendent & erumpunt. Etenim dum tenelli adhuc corticis fistulæ vi evelluntur, continuatæ utriculorum appendices subsequuntur. In hos igitur transversales utriculos ascendens humor chyli instar exoneratur, ibique longiorem passus moram antiquiori succo intimè commixtus & fermentatus in naturam alimenti exaltatur. Copiosius admodum in corticis hujusmodi horizontalibus appendicibus excoquitur succus, qui ligno, reliquisque plantarum partibus distribuitur; unde nil mirum si cortex abundantius & validius pabulum præ reliquis plantarum partibus igni subministrat.

Vasa succifera.

3. Vasa succum plantæ proprium & specificum deferentia in variis plantis diversum succum continent, ut v. g. in Abiete refinam, in Tithymalo & Lactuceis lac. Succus hujusmodi è vasis extractus humore aqueo evaporante plerunque concrevit in refinam gummi, aliùve crassamentum.

Succi hujus (inquit *Malpighius*) varia est natura, frequenter aquei diaphanique humoris specie effluit, quandoque Lactis instar, non raro luteo inficitur colore, & interdum semiconcretus lentorem acquirit, ita ut quot Plantarum species extant, totidem peculiares succi inveniantur. *Hic* (pergit) *succus, in singulas partes delatus, roris instar affunditur, & concresecendo ipsas auget, & ad debitam magnitudinem perducit.* Videtur ergo respondere sanguini animalium: quamvis (ut verum fatear) sententiæ *D. Malpighii*, nimirum succum hunc ultimum & specificum plantæ alimentum esse, non penitus acquiesco. Esse eum Quintessentiam (ut vocant) totius plantæ, ejusque & odorem & saporem reddere virisque velut concentratas in se continere non diffiteor.

Vasa aerem deferentia nulla in cortice observantur, certè si adsunt, adhuc inconspicua sunt, nec suo funguntur munere, ut in Animalibus intra uterum conclusis accidit, & sola conversione corticis in ligneam naturam manifestantur & patent, ut loquitur *Malpighius*.

De Ligno.

**LIGNUM** eisdem partibus, eodémque modo connexis componitur quibus cortex, nimirum, 1. *Fibris ligneis* fistulosis, in fasciculos coagmentatis, & in retiformes plexus contextis; 2. *Utriculis* eorundem maculas & spatia replentibus; 3. Vasis succum specificum deferentibus; & 4. Peculiari insuper vasis genere aeri derivando destinato, & animalium tracheæ & pulmonibus respondentem.

1. *Fibræ lignæ* ejusdem sunt naturæ cum corticem componentibus: iidem enim (ut *Malpighii* verbis utar) componuntur minimis vacuisque orbiculis, invicem hiantibus, & consimilem arguunt succum. Cæterum inter corticis & ligni fibras hæc intercedit differentia, quòd illæ trunco transversim dissecto succum sponte effundunt omnes; harum autem nullæ semper, pleræque nunquam



quam id faciunt. Fibrae hæc ad maiorem firmitudinem & robur transversalium utriculorum ordines superequitant, ita ut ex horum mutuâ implicatione quadam veluti stroma efficiatur. Præcipua autem & potior trunci caulifve portio ligneis hisce fistulis constat. Hæc in variis plantarum speciebus magnitudine, numero, situ differunt, ut facile esset ostendere. Vide *Malpighii* & *Grevii* Plantarum & Truncorum Anatomen.

Inter ligneas fibras anastomosis intercedere, non aliter quam in Animalibus inter venarum ramos probat *Malpighius*, *Anat. Plant.* p. 11.

2. Utriculi in radios diametrales fibras & vasa intercurrentes, à cortice ad medullam extensos disponuntur; non tamen omnes ipsam attingunt, sed interdum versus interiora ligni obliterantur, novis subortis in penitioribus ligni circulis: patent autem secto per transversum ramo seu caudice. In fruticibus (observante *Malpighio*) & in quibus non valde crassum est ligneum corpus, & condita medulla ampla, à cortice utriculorum appendices in medullam deducuntur & in ipsum laxantur: unde eadem natura in utrisque [corticalibus & medullaribus utriculis] reperitur: quin & eadem phenomena quæ in corticis utriculis contingunt, quandoque in medulla occurrunt. Utriculorum autem ordines ovalibus invicem hiantibus corporibus compaginantur, unde & contento succo turgent, in nonnullis plantis diaphano, in aliis colorato; tenui autem pellucidâ, diaphanâque membranâ singuli utriculi constant. In diversis plantarum speciebus plurimum variant, numero, magnitudine, texturâ, extensione, &c.

3. Vasa succum plantæ proprium & essentialem continentia in tot circulos disponuntur quot sunt tunicae seu involucri annui incrementi à medulla ad corticem; eademmet enim sunt cum corticalibus interioribus quæ à cortice quotannis abscedunt, & ligno se applicant, angustiora duntaxat ob fibrarum lignearum undique circumstantium pressuram reddita.

4. Vasa aeris excipiendo & derivando destinata, quæ fistulas spirales & tracheas appellat *Malpighius*, argenteâ laminâ in spiram contortâ componuntur, ut facili laceratione in oblongam & continuatam fasciam resolvantur. Lamina hæc si ulterius microscopio lustretur particulis squamatis componi deprehenditur. [Lamina hæc (observante *Grevio*) è multis fibris teretibus collateraliter in eodem plano sitis, tæniæ seu fasciolarum staminum in modum, & minoribus transversis fibellis velut subtegmine contextis constat.] Ampliores spirales fistulæ frequenter pulmonares quasi vesiculas, trachearum substantiâ, continent, quandoque invicem hiant, interdum ovali constant formâ, & altero nonnunquam fine impervia sunt, ita ut parum dissimiles insectorum pulmonaribus vesiculis extent. D. *Malpighius* Naturam in Insectis & Plantis spiralem laminam squamatis fistulis compactam trachearum vice fabrefecisse opinatur, ut constrictionem & dilatationem in vehementibus flexuris & curvationibus arborum, & in elastico conclusi aeris motu pati possit. Tracheas hæc fibræ ligneæ per sæpe fulciunt & undique stipant & interdum coarctant, unde insecto per transversum ligno earundem orificia frequenter ovalia apparent, vel rotunda, interdum angularia: Tracheæ autem non multum à recto declinantes, à radicibus sursum in truncum, caulem, & ramos disperguntur, in foliis verò curvatae in rete implicantur. Vasa hæc exceptis succiferis corticalibus propriis omnium longè maxima; per totam ligni substantiam frequentissima occurrunt, in cortice autem nulla observantur.

Tanta est Respirationis necessitas & usus, ut natura in singulis viventium ordinibus varia sed analogia paraverit instrumenta, quæ pulmones vocamus, cum hoc discrimine, ut quæ perfectiora nobis censentur, ea minori pulmonum apparatu gaudeant, ut per Quadrupeda, Aves, Pisces, Exanguia aquatica & Insecta discurrendo ostendit Cl. *Malpighius*. In plantis verò, inquit, quæ infimum Animalium attingunt ordinem tantam trachearum copiam & productionem extare par est, ut his minimæ vegetantium partes præter corticem irrigentur.

Qua parte aer vasa hæc subintret questio est, an sci. per radices, an per trunci, foliorum, reliquarumque partium superficialium poros. D. *Malpighius* se diu anxie quæsisse scribit, an in foliis & cortice orificia pro aere paterent, nec ea unquam deprehendere potuisset: radices verò tot tantisque coagmentari tracheis observavit, ut in quibusdam plantis & arboribus hæc reliquarum molem longè superarent. Quare (ut conjectari licet) vapor seu respiratorius succus, à terra aquæ & aeri admixta separatus, tracheas subintrans ipsas replet & distendit. Ligneæ autem fibræ aut horizontalium utriculorum ordines separatam à trachearum tunicis halitus partem seu succum pro respiratione recipiunt, cum ligneæ fibræ Hederae instar tracheas ambient. D. *Grevius* aerem omnium partium tam superficialium quam subterranearum poros subingredi statuit, hos autem posteriores copiosissimè. Pori enim in plantarum nonnullarum truncis adeo ampli sunt, ut nudo & inermi etiam oculo pateant, ejusmodi sunt *canna Indica* quibus pro virgis & scipionibus utimur: quin & in Pinum foliis eleganti ordine per totam foliorum longitudinem dispositi cernuntur; verisimile ergo est aliquam Aeris partem per hos se insinuare. Potissima tamen & quasi regia via quâ ingreditur Aer, sunt radices oscula, in quæ succo commixtus se ingerit. Radix enim in Plantis Animalium ori responderet. Deinde si aer per partium superficialium tantum poros intraret, antequam cum radices succo commisceri possit, necessario deberet descendere, contra motum succi qui perpetuo ascendit, adeoque Aer & Succus sibi mutuò occurrentes impedimento essent, quod non videtur verisimile; cum si per radicem reciperetur motu ascensus facili & naturali unâ cum succo conspiraret. Quod idem ulterius argui potest à paucitate & parvitate diametralium portionum [utriculorum] in trunco præ quam in radice, quas naturâ ibidem Aer à succo, quocum commixtus excipitur, separando designasse videtur. Hactenus D. *Grevius*, apud quem plura vide.

MEDULLA, cordi & cerebro analogâ olim credita, multiplici globulorum per longum locorum ordine constat. Globuli quos diximus membranosi utriculi seu vesiculæ sunt, in plerisque quidem plantis rotundi, in nonnullis tamen angulosi & vel cubici, vel pentagoni, vel hexagoni lateribus. Medulla quamvis à ligni & corticis parenchymate [ita voco utriculos diametrales fibrarum spatia replentes] diversum nomen obtineat, naturâ tamen & substantiâ cum eo convenit, ut & textura & continuitas evincunt; coheritas, inquam: Nam utriculorum ordines à cortice emanantes (ut D. *Malpighii* verbis utar) per ligneas fibras producti in medullam terminantur, unde eadem natura

natura in utrisque [ corticalibus & medullaribus utriculis ] reperitur: nec aliter quàm magnitudine inter se differunt utriculi *medulares*, qui omnium maximi sunt, *corticales*, qui mediæ magnitudinis, & *lignei*, qui minimi.

Medullæ magnitudo in variis plantis varia est: in *Absinthio*, v. g. *Rhoe*, *Ficu*, *Oxyacantha*, (observante D. Grevio) amplissima: in *Pinu*, *Fraxino*, *Agrifolio*, *Fuglande* minor seu angustior fere duplo: in *Quercu*, *Malo*, *Pyro*, *Corylo* adhuc minor: in *Ulmo* minima.

Herba & Frutices majores plerumque obtinent medullas quàm Arbores, pro magnitudinis ratione, ut in *Rhoe*, *Ficu*, *Oxyacantha* apparet. Medulla ex vasis & utriculis componitur, vasa ad marginem medullæ sita sunt, eamque circulariter ambiunt: continent autem succum plantæ essentiali & proprium.

Medullares utriculi quamvis reliquorum ejusdem plantæ respectu majores dicantur, in diversis tamen plantis magnitudine insigniter differunt: In nonnullis enim, ut v. g. *Carduo* vulgariss. centuplo majores sunt quàm in aliis, v. g. *Quercu*.

Notandum etiam utriculorum magnitudinem non sequi medullæ proportionem; cum in medulla Sambuci, quæ multò amplior est medulla *Oxyacanthæ*, utriculi componentes duplo minores sunt quàm hujus.

Medullæ primi anni, eique foli convenit succulentam esse: post primum enim annum medulla exarescit, nec unquam postea succum admittit; unde laxæ mollisque supersunt pelliculæ. Grev.

In medullæ utriculis, nequon in transversalibus vascula utriculos reticulariter ambientia occurrunt, unde conjectari licet vasorum plexibus tum medullarium tum transversalium sacculorum ordines irrigari.

## CAP. V.

### De Partibus caulium contentis & de motu succi.

Partim è Clariss. Mæpighii, & Grevii scriptis, partim ex nostra observatione.

**Q**UOT vasorum genera sunt in truncis & radicibus, totidem etiam partium contentarum differentiarum. Utriculos hic è vasorum numero excludimus, & parenchymatis ascribimus, quamvis & hi revera vasa sint, Partes ergo contentæ sunt, 1. Lympha seu succus limpidus & aqueus, in Lymphæ-ductibus seu fibris ligneis fistulosis; 2. Succus plantæ essentialis seu specificus, in vasis peculiaribus succiferis reconditus; 3. Aer in fistulis spiralibus delatus; qui tamen plantæ pars non videtur dicendus. Succum limpidum in nonnullis plantis ex structura & situ Lymphæ-ductuum duum generum esse colligit D. Grevius.

Utriculi (ut diximus) sunt veluti parenchyma trunci, nec succum à supradictis diversum continent, sed inter vasa mediant, & vel succo crudiori concoquendo intervium, ut vult D. Mæpighius; vel etiam aeri è fistulis spiralibus excipiendo & in vasa succifera derivando, eodem fere modo quo in animalibus pulmonum vesiculæ aerem à bronchiis trachæ exceptum Arteriis imperiunt, ut opinatur D. Grevius.

Lympha.

Succus limpidus seu lympha ab aqua communi, cum primum effluere incipit, nec gustu, nec consistentiâ multum differt. Tantâ copiâ verno tempore ascendit, ut in nonnullis arboribus è vulnere inflicto ubertim emanet. Vasa autem per quæ movetur, autore D. Grevio, sunt fistulæ spirales seu trachæ D. Mæpighio dictæ. Ratio, seu causa (inquit) propter quam primo vere per fistulas hæc ascendit, est, quia corticis Lymphæ-ductus seu vasa per quæ totâ æstate fertur, tum primum formari incipiunt, cum ergo hæc viam non invenit, in vasa aerea digreditur; quamprimum verò lymphæ-ductus prædicti consistentiam & extensionem debitam consecuta sunt, succus è diverticulo in viam redit, & tracheis derelictis in hæc in proprium suum receptaculum se confert. Hæc D. Grevius, qui tamen nobis non undequaque satisfacit: quamvis enim satis causæ sit cur succus in tracheas primum irruat, cum tamen vasa ista ampliora sint & patentiora quàm noviter extracti lymphæ-ductus, & nihil obstat quo minus cursum continuet, cur his derelictis vel electione quadam ad novos canales se reciperet, rationem non video. Interim tamen succum verno tempore per vasa aerea sursum ferri, & vulnerato trunco per eorum orificia effluere minimè negamus.

Quæ de motu succi vernali in *Betula*, *Vite*, *Acere majore & minore*, *Fuglande*, *Carpino*, *Salice* (nam has solas arbores in nostra regione lachrymare hætenus observavimus) experiendo didicimus, subjiciemus.

1. Per quæcunque tandem vasa ascendat succus, per totam ligni crassitiem ascendere experimenta evincunt: Siquidem terebrato trunco aut ramo radicève, quò profundius factum fuerit foramen eò copiosior succus extillat, & quidem pro altitudinis proportionem, ut ex duplo profundiore foramine dupla fere succi quantitas eodem tempore emanet.

Deinde ut omnem vel scrupulosissimo cuique dubitandi ansam præcinderemus, grandiorum *Betulæ* rami ferrâ reciprocâ ad medullam fere incidimus, spatîoque circiter semipedali interposito, ab eadem parte paris altitudinis sulcum seu incisionem fecimus, deinde ligno serraturas, intercedente exemplo, inque areæ ligneæ complanatæ medio foramine terebrato, panni laciniæ seu filtrum ei immisimus, cauto interim nè quid desuper liquoris in filtrum deflueret. Quibus peractis succum nihilominus è foramine copiosè extillare deprehendimus.

2. Succum in vasis tam deorsum quam sursum liberè moveri constat. Virga enim *Salicis* aliûsve arboris cum succo turget recisa, & perpendiculari situ suspensa, ab inferiori majore extremo lachrymam aliquandiu extillabat: quin si talæ aut baculi saligni aut *Acerni* utrinque recisi superiori extremo fistulam ceream ita applices & agglutines, ut vasculum quoddam efformet, cujus latera sint circumferentia tubi, fundus planum extremi baculi recisi, eique perpendiculariter erecto aquam infundas, videbis



videbis brevi aquam transito ligno ab altera baculi extremitate paulatim extillare, nec cessare antequam vasculum prædictum exinanitum fuerit. Idem in Tithymalo aliisque lactescentibus cernitur, quæ recisæ ab utraque parte, tam supernâ quàm infernâ succum lacteum pariter effundunt. Unde patet nullas in plantarum vasis valvulas dari. Quod inde etiam confirmatur, quod si talea aut furculus inversus plantetur, superiore nimirum extremitate terræ immisâ, nihilominus comprehendit, & quantumvis mutatâ succi directione germinabit, ut in *Salice* experti sumus. Hoc tamen perpetuò evenit (*Malpighio* monente) plantatos taliter furculos minùs proficere.

3. Vasa succifera in progressu inter se communicant per mutuas anastomoses, quod hujusmodi experimento probamus. Serrato profundè per transversum *Betulæ* adultioris caudice, deinde interposito spatio ab eadem caudicis parte ad eandem quantum conjectari potuimus profunditatem serrâ adaptâ, non ab inferiore tantum sulco lachrymavit truncus, sed etiam à superiore, & quidem æquâ quantitate, idque non tantum cum primò serraturæ seu sulci facti essent, sed etiam post aliquot dies, & de novo iterum postquam cessasset aliquoties effluere. Vasa autem dissecta non aliunde succum excipere potuerunt quàm ab integris & intactis in altero trunci latere ascendentibus, cum quibus in superiore arboris parte per anastomoses conjungebantur. Hic autem obiter monere convenit, Sectionem Corticis transversam circularem non semper aut omnem arborem perimere, ut vulgò creditum est. Siquidem ex nostra observatione in *Agrifolio* corticis annulo palmaris propè latitudinis detractò, & ligno denudato, arbor nihilominus per plures annos supervixit. D. autem *Malpighius* in variis diversarum arborum furculis & ramis *Opuli* v. g. *Prunorum*, *Mali Cydoniæ*, *Quercus*, *Salicis*, *Populi*, *Avellanae*, horizontalem sectionem in cortice fecit, ablata ejusdem & libri annulari portione: quo factò pars superior furculi seu caudicis supra sectionem brevi vegetans ita excrevit ut longè turgida redderetur. Cortex enim, in *Quercu* præcipuè, in *Prunis* & *Cydonia malo*, horizontales utriculorum ordines ita elongat, ut frequenter appendices promantur, quibus demudata ligni portio cooperitur; & factâ denuò mutuâ anastomosi cum inferiori secti corticis labio continuus redditur cortex: rami quoque portio ultra sectionem ligneo superexcrecente circulo & involucrio, impensè crassa protuberat. Denudata verò lignea portio gracilis adhuc subsistit nullo vigente incremento, quod reliquo quoque furculi infra sectionem contingit. Hinc autem patet,

Succum non tantum inter corticem & lignum sursum repere, sed etiam in vasis in ipsâ ligni substantia sitis ascendere.

Quandoque dubitavi (inquit D. *Malpighius*) & nos quoque unà, an expositus tumor ultra circularem sectionem in superioribus ramorum partibus excitatus, ab impetu succi sursum propulsi contingeret: Secto namque cortice per solas ligneas fistulas ascendens alimentum quasi ab angusto & arcto loco, laxiorem corticis campum ultra sectionem inveniens ad extra dilatari posset; unde hærendo nutritionem in proximis partibus promovere valeret. Quoniam tamen in novellis, præcipuè *Quercus*, facta corticis laceratione, si exigua rami portio ultra sectionem circularem superfit, amputatâ sci. rami extremitate, nullus ferè tumor subcrevit: & in arboribus, in quibus factâ pariter horizontali sectione, ita tamen ut portio ejusdem corticis minimi unguis latitudinem æquans adhuc integra superfit, cortice ita continuato; certum est nutritionis augmentum subsequi in relicta corticis parte, & in superiori portione: Quare ex his probabilius conjeci nutritii succi motum à superioribus etiam ad inferiora promoveri. Hactenus *Malpighius*, cui & nos etiam suffragamur, imò succi descensum ex superius allato experimento, atque etiam ex discissa radice ab utraque parte, tam quæ trunco hæret, quàm quæ in terra restat, lachrymante, necessariò colligi & concludi opinamur, adeoque ramuli supra annulum decorticatum germinationem & augmentum succo descendenti deberi, qui cum ulterius inferiora versus ob corticem interruptum motum suum continuare nequeat, in corticis & ligni novum involucrium erogatur.

4. Succus non tantum inter corticem & lignum, ut olim & vulgò creditum est, neque inter annuos tantum ligni circulos seu tunicas sursum repit, sed etiam in vasis in ipsâ ligni substantiâ sitis, ut modo ostendimus.

5. Arbores nonnullæ citius lachrymare incipient quàm aliæ ejusdem generis & ætatis: adultiores & majores citius perpetuò quàm minores & juniores, & copiosius etiam ex æqua incisione.

6. Arbor quæcunque ex incisione antequam succus ascendat facta, cum idem ascendere incipiet lachrymabit.

7. Dissecta particulari aliqua radice, ab utràque parte, hoc est, tam ab ea quæ trunco unita manet, quàm ab ea quæ ab eodem separatur; ut mox innuimus, succus extillabit, unde etiam constat eum susque deque in utramvis partem moveri.

8. Succus è vulnere infecto in eundem locum aliquandiu destillans gelatinam quandam seu coagulum albicans paulatim præcipitabit, & copiosius cum arbor folia explicare incipit. Coagulum hoc videtur esse materia ligni.

9. In motu & effluxu succi in varii generis arboribus magna est differentia. *Acer majus* Autumno etiam post delapsa statim folia, & deinceps per totam hyemem idoneâ tempestate vulnerata succum extillat: idoneâ inquam tempestate, hoc est, aeris temperie gelida & leviter pruinosâ. *Acer majus*, *Juglans*, &c. incisæ aut terebratæ, post nocturnum gelu splendente Sole, modò frigus non nimium vehemens sit, succum uberrimè manant, non inter noctu quidem aut summo manè, sed duabus tribusve à Solis exortu horis, & circa meridiem maximè. Post gelu vehementius & diuturnius, cum frigus incipit se remittere, succus maximâ omnium quantitate effluit, etiam è vulneribus pridem factis, usque arboribus quæ vix unquam aliàs vulneranti respondent. Quod adeò verum est, ut si gelu fortè inciderit adultò vere, cum jam succus extillare desiit, fluxum denudò repetit, & matutinis saltem horis emanat. Gelu ergo modò non fit valdè vehemens succi motum promoveret, imò jam cessantem revocat: vidimus enim è vulneribus *Aceris* majori & *Juglandi* infectis noctu diuque extillantem liquorem cum statim post egressum vi frigoris in stillas concreveret & condensaretur. Notandum etiam in gelu vehementi, cum terræ superficies nive obtegeretur, radicem *Aceris* majoris discissam, è parte terræ hærente uberrimè lachrymâsse, & copiosius

copiosius quàm aliàs unquam, cùm tamen ob vim frigoris succus in trunco vel congelatis vel ad motum pigrior redditus incisione facta non efflueret. Unde patet copiosi hujusce effluxus causam gelu fuisse; an quia superficies terræ constricta vapores ascendere solitos cohiberet & repercuteret: qui exitum non invenientes, paulò infra terræ superficiem constipati, impetu facto in radicis poros irruerent? Verùm (ut verum fatear) in ratione hujus phænomeni reddenda mihi ipse non satisfacio: eadem tamen procudubio est quæ copiosissimæ emanationis fontium vivorum in gelu vehementissimo, quale brumâ præcedenti accidit.

Succi plantarum proprii & specifici plerumque concresecunt vel in gummi, vel in Resinam, vel in mediam quandam naturam inter gummi & resinam.

*Gummi quid.*

*Gummi* est succus concretus qui in aqua facillè dissolvitur, in igne nec liquefcit, nec flammam concipit, sed duntaxat crepitat; cujus generis sunt *Gummi Arabicum*, *Gummi Cerasi*, &c. Hoc genus [D. Grevio] nihil aliud est quàm mucilago exsiccata, cujus substantia parum vel nihil olei continet.

*Resina quid.*

*Resina* est liquor pinguis & oleaginosus ex arbore sæpius sponte, interdum eâ vulneratâ destillans: Est autem ratione consistentiæ duplex, liquida & sicca. C. B. Cùm aquæ paucum, plurimum olei contineat, in aqua non dissolvitur, sed in oleo duntaxat. Hujus generis sunt *Terebintina*, *Mastiche*, &c.

*Color lacteus insuccis unde.*

Medii generis succus inspissatus cum partibus suis oleosis plurimum aquæ admixtum habet; idèque tam in aqua quàm in oleo dissolvi potest, ut Galbanum, Sagapenum, Ammoniacum, &c. Hæc autem nihil aliud initio sunt quàm succi lactei inspissati. Cujuscunque enim plantæ lactescens succus probè exsiccatus flammam facillè concipit, eamque lucidam & diurnam emittit, non secus quàm *Terebintina* aut *Pix liquida*. Color enim lacteus in plantarum succis ex admixtione partium oleosarum cum aqueis copiosiore oritur. Eadem utique (ut rectè D. Grevious) vegetabilium quæ animalium lactis origo & causa est, mixtura nimirum prædicta partium oleosarum cum aqueis per minima, ut vocant. Hinc partes lactis serosæ & oleosæ ab invicem separatæ utraq; diaphanæ evadunt. Hinc in destillatione aquæ Anisi aut Cinnamomi v. g. qui primò exit spiritus limpidus est & diaphanus, verùm cùm spiritus pars maxima exhausta est, cùmque residuo aqueæ particulæ ascendant quæ oleosæ secum sursum rapiunt, liquor turbidus & albidus, ac si lacte suffusus esset, evadit.

## CAP. VI.

### De annuo trunci incremento.

**A**Rborum & fruticum trunci, indèque emergentes rami, novis quolibet anno additis ligneis involucris augentur. Quolibet enim anno novus fibrarum annulus interiori libro accrescit, & bifariam tandem divisus in diversa discedit, pars exterior cortici adjungitur, interior sensim indurefcens ante exactum Autumnum ligni duritiem & soliditatem acquirit, & à cortice abscedens ligno agglutinatur, adeoque truncum augeat: ita ut non raro oblongam & continuatam fibram, mox in lignum ferruminatam, paulò infra corticis, naturam adhuc servantem animadvertat D. Malpighius: unde (inquit) nil mirum si in truncis & ramis arborum, quibus corticis exigua portio detracta est, subjecta lignea pars cortice destituta nunquam incrementum capiat. Cùm ergo trunci & rami hoc tantum modo augeantur, hinc olim creditum succum nutritum inter corticem & lignum duntaxat ascendere; quam opinionem erroneam esse superius ostendimus.

\* Tom. 2. pag. 178.

Circuli hi seu tunice lignæ in arboribus intra tropicos nascentibus omni ex parte æqualiter inter se distant, & medullam pro centro legitimo obtinent, ut in ligno Brasiliiano Acanthino dicto observavit \* Gassendus, in cæteris verò regionibus vel ad Austrum, vel ad Septentrionem positis meridiem versus dilatantur, & à parte polum respiciente contrahuntur, adeo ut medullæ respectu habito semper excentrici reperiantur: hinc multi ex hac circulorum positura meridianum invenire docuerunt; & Geoponici peritiores arbores translaturus monent, ut eundem denuò plantatis partium situm respectu plagarum cœli servant quem in priore statione obtinebant.

Ex circulorum ligneorum numero trunci vel rami ætas innotescit, siquidem numerus circulorum numerum annorum quos duraverit æquat.

Circuli interiores angustiores sunt quàm exteriores, tum quia cùm planta robustior est copiosius alimentum attrahit & crassiores circulos efformat; tum quia interiores ab exterioribus premuntur & constringuntur, tum denique quia lignum tempore arefcit & contrahitur. Hæc de arboribus vegetis & nondum staturam & magnitudinem justam adeptis; nam in annosis & senescentibus aliter se res habet.

Interiores circuli, dum annis & siccitate contrahuntur, medullam spongiosam magis magisque comprimunt & coarctant donec in quibusdam omnino occultetur & evanescat.

Lignum circulorum interiorum durius est quàm exteriorum, & plerumque colore saturatiore tinctum, nunquam certè dilutiore. Hinc exterior ligni pars à colore Albuminum † Plinio dicitur, nostratibus *The Sap of the Tree*. D. Malpighius fibris & transversalibus utriculorum ordinibus, quibus lignum contextitur, peculiarem affundi succum existimat, cujus corporaturâ & concretionem varia firmitas & durities ligno comparatur. Longum tamen (inquit) tempus requiritur, ut recenti ligno talis concilietur soliditas, qualis deprehenditur in præexistente ligno: unde nova, inducta lignea additamenta talem duritiem non sortiuntur quam subcrescentia insecta non erodant, sed teredini summè obnoxia sunt. In Quercu octo circulos & involucri albuminum constituere vidi, quare cum aeris & aquæ injuriis cedant, à mechanicis ut inutilia abiciuntur.

Arbores & rami qui in altitudinem per plures annos crescunt in parte superiore pauciores circulos ostendunt quàm in inferiore, exteriores autem circuli utrisque communes sunt, nec in interio-

res:



res : exteriores enim interioribus quotannis superinducuntur, unde & interiores qui cacumen non attingunt, semper in punctum desinunt, & singuli velut conum concavum efficiunt, ut perspicue videre licet in Abietis tabulis per longitudinem arboris sectis.

Ex comparatione horum circularum in variis arboribus innotescit differentia annui incrementi quarumlibet collatarum. Sic v. g. triennale augmentum Quercus quinquennale ulmi incrementum crassitudine adæquat. Ex comparatione etiam circularum annui incrementi in eadem arbore (qui non semper æquales sunt, sed crassitie plurimum differunt, pro anni, ut verisimile est, constitutione) colligere licet qualisnam anni temperies latitudinali arboris cujuscunque incremento maxime propitia sit.

## CAP. VII.

De Caulium differentiis à Joach. Jungii Isagoge Phytoscopica, additis & mutatis nonnullis.

Caulis multipliciter differunt;

1. Respectu Foliorum, Caulis vel est *foliis vestitus*, vel iis omnino destitutus, five *nudus*. *Differentia caulium foliorum respectu.* Foliis vestiti plerique plantarum caules sunt. Caulis *nudus* vel *absolutè*, vel *secundum quid* nudus est. *Absolutè* nudum dicimus qui nullis omnino foliorum rudimentis donatur, ut *Taraxaci*, *Plantaginis*, *Bellidis*, &c. *Secundum quid* nudum, qui foliis admodum exilibus, & à caule non satis distinctis est amictus, ut *Tussilaginis*, *Petasitis*, *Dentaria aphylli*, &c.

Caulis foliis *vestitus* est vel *determinatè* vel *indeterminatè* foliatus. *Determinatè* foliatus est qui ex certa distinctione tantum folia profert: *Ex unica* quidem in Anemone, Pulsatilla, Herba Paradis, Aconito hyemali: *Ex duabus* in Phthora, Unifolio, Cotyledone altera. *Indeterminatè* foliati sunt reliqui.

2. Respectu ramorum & petiolorum, Caulis est vel *simplex*, vel in *ramos divisus*: *Simplex*, ut in *Taraxaco*, *Bellide*, *Plantagine*, *Pulsatilla*, *Anemone*, *Nymphaea*, *Bistorta*, *Vincetoxico*, *Pyrola* vulgari, &c. *Ramosus* in plerisque. *Differentia caulium ramorum respectu.*

Inter simplicem & ramosum ambigit caulis in umbellam sparsus, ut in *Primula veris*, *Auricula ur-*

si. In his tamen caulis petioli potius quam ramuli est distincti.

3. Respectu fructuum, Caulis vel *determinatus* est, vel *indeterminatus*. *Differentia foliorum fructuum respectu.* *Determinatus* est qui in extremitatibus five fastigiis stipitis flores & semina producit, ideoque vel in *capitulum*, vel in *spicam* five *thyrsus*, vel *paniculam*, vel *umbellam*, vel *corymbum* terminatur.

*Capitulum* est quod constat ex pluribus flosculis & seminibus arcte in globosam aut circularem figure disci figuram congestis, ut in *Cyano*, *Scabiosa*, *Jacea*, *Carduis*, &c. inque *Bellide*, *Chrysanthemo*, &c. *Capitulum quid.*

*Spica* est quod ex floribus & seminibus spisse compositum est, ita ut conus erectus sed oblongus five admodum acutus inde evadat, ut in *Lyfimachia* purpurea, *Verbasco*, *Plantagine*, *Luteola*, *Reseda*, *Bistorta*, *Secali*, *Hordeo*, &c. *Spica quid.*

*Panicula*, item *Juba*, est spica laxè diffusa, præsertim perpendentibus petiolis, ut in *Milio*.

*Panicula quid.*

*Umbella* est extremitas caulis in plures longiores pediculos divisa, qui in latius continuo radiantur, inque minores divisi flores sustinent in orbem circumactos: à similitudine umbellæ, quâ mulieres faciem à Sole arcent, dicta. *Umbella quid.*

*Corymbus* est extremitas caulis ita subdivisa & floribus aut fructibus onusta ut spherica figura inde oriatur, ut in *Hedera* arborea, *Sambuco* aquatica, *Cepa*, *Porro*. *Corymbus* interdum pendulus est, ut in *Sambuco* aquatica, seu rosea. *Corymbus quid.*

*Corymbi* nomen latius patet, & in genere quodvis summum significat. Nam prima notio vñ *capituli* est, in capite veterum Atticorum, tutulus seu meta suggestus capillorum, autore Scaligero. Verum apud Plantarum scriptores *Corymbi* propriè *Hederæ* racemi appellantur. *Plin. lib. 16. cap. 34.* in descriptione *hederæ* ponit, *Racemis in orbem circumactis, qui vocantur Corymbi*. *Dioscorides* in capite de *Hippophae*, *Flores corymbis Hederæ similes*, inquit, *velut racemi coherentes inter se*.

*Corymbus* etiam aliàs sumitur apud recentiores Botanicos pro flore composito discoide, qui in pap- *Corymbi alià acceptio.*

pum non resolvitur. *Caulis indeterminatus* est qui petiolis à latere caulis prognatis flores & semen gerit.

Ideoque nullum extensionis habet terminum nisi quem hybernium frigus imponit.

4. Respectu figure Caulis vel *angulosus* est, vel *teres*; & uterque vel *solidus*, vel *cavus*. *Caulis indeterminatus quis.*

*Angulosus* caulis vel *triquetrus* est, ut in *Cypero* & *Gramine* *Cyeroide*, *Papyro*, &c. Ad trian- *Differentia caulium respectu figura.* gulum caulem etiam referri potest caulis qui ternis foliorum processibus, præsertim spinosis distinguitur, ut *Carduus chrysanthemus*.

Vel *Quadrangulus*, in *Salvia*, *Mentha*, *Lamio*, *Marrubio*, *Rubia* & sexcentis aliis.

Vel *Quinquangulus* in *Campanula*, *Polyacantha* vulgari:

Vel *Sexangulus* in *Lyfimachia* purpurea trifolia.

Inter angulatos & teretes caules ambigunt striati, ut in *Siciliana*.

Caulis *teres* seu rotundus est in *Anagallide* aquatica, *Nummularia*, & infinitis aliis, præsertim in *Bulbosis*.

Caulis *inanis* vel totus inanis est, vel in nodis seu geniculis consolidatus, ut in *Arundine*, *Fruentis*, *Graminibus*, *Fœniculo*, *Gentiana*, &c.

5. Tandem Caulis sitis respectu vel *rectus* est, vel *repens*. *Rectus* vel suis viribus se sustentat; vel *Differentia caulium sitis respectu.* adminiculis indiget, quibus vel circumvolvendo sese implicat, ut *Lupulus* & *Convolvuli*; vel claviculis se alligat, ut *Vitis*, *Bryonia alba*, & *Legumina* pleraque; vel foliorum pediculis annectit, ut *Nasturtium*, *Indicum* & *Fumaria*; vel cirris adhærescit, ut *Hedera*.

*Repens*

*Repens* est quæ horizontaliter extensus ad intervalla folia emittit & radices agit: ut in *Fragaria*, *Pentaphyllo*, *Ranunculo*. Quibus caules hujusmodi sunt Plantas plurium fundorum appellat *Jungius*. Pleraque autem hujus generis plantæ duum generum caules emittunt, alterum *erectum*, alterum *repentem*, ut in *Fragaria*, *Bugula*, *Ranunculo* cernitur.

## CAP. VIII.

*De Gemmis, è Clariff. Malpighii & Grevii præcipuè scriptis.*

**G**emma dicuntur arborum & fruticum foetus novelli, quos quotannis Æstate aut Autumno pariunt squamosis tegumentis veluti secundis obvoluti, in quibus per totum hyemem latitant, & vere tandem novo in furculos explicari incipiunt. Hæ (inquit *Malpighius*) in nostris hisce regionibus circa Junium mensem [serius apud nos in Anglia] è tenello furculo erumpunt, intra folii axillam cubantes. Singulis enim annis è quibuscunque tenellis ramulis novæ emergunt partes, à quibus excoquitur & derivatur non tantum seminum materia, sed & *Spermatica* organa. Non enim idem uterus perpetuo viget, & reliquo inservit vegetanti corpori cui appenditur, ut in *Animalibus*, sed singulus quique ramus anno quo luce fruitur propriis gaudet *spermaticeis* organis, & fecundus brevi viget, reliquum vero suæ vitæ infecundum transfigit.

Nec furculi tantum arborum & fruticum, sed & radices quoque herbarum restibiles gemmas quotannis Autumno pariunt.

Gemma cum sit compendium furculi, seu tenellus furculus cum futurorum foliorum inchoamentis compendio quasi conclusus, iisdem partibus integratur quibus & rami componuntur. Media enim & profunda substantia tenellum est lignum suo cortice circumdatum, fibris ligneis utriculisque medullaribus contextum, & frequentissime candidis pilis oblitum, à quo hinc inde erumpunt folia, squamatum locata, quorum exteriora quæ protegendæ gemmæ inserviunt, vel temporanea sunt & caduca, vel in alienam degenerant formam, ut multis exemplis ostendit *D. Malpighius*. Hæc autem (ut ille philosophatur) non tantum interioribus & conclusis custodiam pariunt, sed contentus ipsorum reliquorumque succus in propriis utriculis excoquitur, & longa illa [per hyemem] quiete digeritur, donec exaltatus *spermaticeo* illo spiritu, ope ambientis aeris, in gemmæ carinam, furculum sci. tenellum revehatur, ut ulteriorem foliorum vegetationem excitet. Unde hujusmodi gemmarum folia non unicam costulam, ut in stabilibus foliis ferè semper miramur per medium productam possident, sed multiplices fasciculi à basi assurgentes in proprios appensos utriculos desinunt. Contabescunt postmodò foliola hæc gemmarum, dum gemina uni adstant stabili folio, exhausto jam concocto humore, & tandem concidunt, vel gracilescendo in petioli formam absumuntur.

Non autem una perpetuo est naturæ methodus in augendis gemmarum foliis, ita ut primò caduca erumpant folia, mox stabilia emergant, & tandem adauctis illis ista contabescant & decidant, sed passim in pluribus arboribus gemmarum folia, & præcipuè quæ basin ipsius componunt, mitrali amissâ figurâ, novis mutationibus tandem in stabilia evadant folia, quibus furculus condecoratur.

Naturæ pariter methodus in producendis stabilibus foliis mirabilis est. Primò enim costula seu petiolus, carinæ instar, humore turgidus cum appensis fibrulis manifestatur, à quibus probabiliter sacculorum seu utriculorum transversalium membranulæ pendent, ut in *Animalium* primæva delineatione observatur. Patent autem deducto novo alimento, quia complicata sacculorum moles subintrante succo turget, & ita folio latitudinem & laxitatem conciliat.

Foliorum stabilium situs intra gemmæ claustra mirabilis pariter est: ita enim ipsorum partes contorquentur & complicantur, ut sibi mutuo adaptata tutò custodiantur & minus occupent spatium.

Sic, exempli causâ, in *Lapatho*, *Acetosa*, *Bistorta*, &c. singula folia membraneo tenuique sacculo involvuntur, geminæ pariter foliorum partes convolutæ versùs exteriorem partem, minori folio intra proprium sacculum contento locum supra excurrentem costulam parant: quod pariter intra involucrum suum custoditum, eandem suarum partium revolutionem patitur, minùsque adhuc foliolum suo sacculo circumdatum supra costulam custodit, & ita usque ad minima, vel si à minimis exordiamur, hæc cum proprio suo velo seu involucrio, semper cum folio proximè majori alteri utrisque communi velo includuntur, deinde utraque hæc folia velis suis obiecta unâ cum folio proximè majori alteri itidem omnibus communi involucrio obteguntur, & ita progrediendo usque ad maxima. Est autem (inquit *D. Grevius*) regula generalis quam observat natura in gemmis, cum foliorum pediculi longiores sunt quàm ut folia sibi mutuo commodè obvolvi possint, nec alia specialis tutela providetur, è pediculorum basi membranas latas extendere, velut stragula foliis protegendis, interdum binas, interdum singulas.

Varios autem modos quibus natura folia tenella complicat, ut in gemmæ angustias coerceantur, pro uniuscujusque certè figura & compositione commodissimos, vide apud *Grevium* lib. de *Anatome Plantarum*, cap. 4. itemque lib. 4. de *Anat. Foliorum* cap. 1.

Gemmarum duo sunt genera, aliæ folia tantum intra se continent, & in furculos foliosos explicantur, aliæ etiam floribus prægnantes sunt, quæ faciliè ab illis veris initio magnitudine sua discernuntur.

Flores autem omnes, (observante *Grevio*) non secus quàm furculi perfectè formantur omnibus suis partibus absolutis tribus aut quatuor mensibus, & interdum dimidio anno, aut etiam amplius antequam in lucem & conspectum prodeunt: Adeò ut perennium herbarum omniumque in genere Arborum & Fruticum, qui censentur anni cujuscunque flores, anni illius revera non sint, sed diu antea extiterunt, præcedenti sci. anno integram omnium partium formam & dispositionem adepti: ut singularum gemmas dissecando patebit. Sic flos *Mezerii* v. g. qui Januario mense interdum aperitur, circa medium Augustum anni præcedentis integrè formabatur: quo tempore foliis gemmæ viridibus cautè detractis floris petala ejusdemque apices, seminis conceptaculum cingentes



gentes, perspicillo etiam mediocri clarè & distinctè visibilia redduntur. Alia exempla adducit laudans Autor quæ apud ipsum videntur. Tempus autem quo Flos generatur seu formatur à nemine ante se observatum miratur. Invenio tamen in Lunaria min. tempus illud ab oculatissimo F. Columna observatum. In hac specie (inquit) omnes plantæ in imo petiolo supra radicem folliculum quandam habent, veluti Ari florem exiguum, in quo plantulam exiguum, veluti forum complicatum extare vidi, intra folliculum, utriusque vicem gerentem integram, foliosum tantum quæ racemosa vidua erat, post annum proferendam, & quæ racemosa cum ipso exiguo sed integro racemo convolutam. Et hoc mirum Naturæ institutum. Alias plantas simili modo infra terram uterum gerere agnovimus & suo tempore proferre, sed non anno integro, & forsan non medio, verum à nova radice ipsius exumescencia, ut in bulbosis quibusdam, in quibus intra bulbum ipsum spicatum cauliculum observavimus, suo tempore proferendum.

## CAP. IX.

## De Foliis Plantarum à Joach. Jungii &amp; aliorum scriptis.

**F**olium, definiente Jungio, est quod à sede cui adheret ita in longitudinem & latitudinem extenditur, ut tertius dimensionis terminus inter se differant, hoc est, superficies folii interna ab externa. In 16ag. Phytoscop.  
Superficies folii interna, quæ & superior, utem supina dicitur, est quæ caulem respicit, ideoque vel cavitatis aliquid obtinet, vel saltem minus convexa est quam altera exterior, sive inferior sive prona superficies.

Folium aliud est simplex, aliud compositum. Folium compositum est quod ex petiolo sive nervo, sive costa, & lobis vel lacinis [potius quam, ut vult Jungius, simplicibus foliis] constat. Totum enim illud, ut Theophrastus nos docuit, quod cum petiolo decidere solet, folium appellari debet, ut in Juglande, Fraxino, Sorbo, &c. Partes autem illæ, quæ in multis folia videntur distincta, lobi sunt & lacinie, non propriè folia.

Petiolo sive pediculus folii pars est in longitudinem extensa, quæ folium sustinet & cauli connectit. Petiolo strictè dictus à caule usque ad folii initium intelligitur; id quod inter folia est nervus sepius aut costa dicitur.

Folium compositum, dividendo Jungio, est vel digitatum, vel pennatum, vel triangulatum.

Folium digitatum est ubi plures lacinie, [seu plura simplicia folia Jungio] quasi ad unum petioli punctum sive carinatum aptate sunt, ut in Trifolio & Pentaphyllo, Fragaria, Lupino, Cannabe, Vitis, &c.

Folium pennatum est in quo bini lobi [Jungio folia] è regione sibi ad idem quasi costæ punctum sive ad eandem costæ distinctionem opponuntur. [Lobi non semper sibi mutuo directè opponuntur in hujusmodi foliis, ut in multis Filicum speciebus aliisque observavimus.] Hoc genus folia sunt vel pariter, vel impariter pennata. Pariter pennata, ut in Faba, Vicia, Piso, &c. [Una arbor Lenticus pariter pennata folia obtinet.] Impariter pennata, ubi ultimus costæ terminus singulari folio clauditur, quod impari lorum numerum tribuit, ut in Rosa, Juglande, Fraxino, Porentilla, Sorbo, &c. Folium pennatum porro vel est uniforme, vel difforme. Uniforme, si lobi circa eandem costam hærentia magnitudine fere æqualia sint. Difforme, si majoribus minora sint interposita, ut in Ulmaria, Agrimonia, Filipendula.

Folium triangulatum est cujus costa ita ramosa est ut bini rami ex eadem distinctione sibi primario oppositi in tot ramos findantur quot reliqua exterior costæ primariæ portio obtinet, dicitur etiam ala-foliola sive folium ramosum. Hæc Jungius. Verum nos cum oculatissimo F. Columna Lynceo Folium compositum malumus dividere in 1. digitatum seu circumscriptione rotundum & ad pediculum usque incisum: 2. pennatum seu triangulatum & 3. multifidum seu multifidum b. e. in plures lobos seu lacinias dissectum. In hoc autem genere quæ latos habent lobos seu lacinias folia tria, ut Apii, Cicutz, Angelicæ, Sphondylii & similia; quæ verò angustioribus lobis seu segmentis dividuntur, multifida dici possunt, ut Ligustici, Thapliæ, Rutæ, &c. quæ denique in capillares omnino lacinias dividuntur, multifida merito appellantur, ut Ferulacea, Ammi, Millefolii, Foeniculi & similia.


Folium simplex est quod non dividitur in lobos seu lacinias disjunctas. Estque margine vel integro vel scisso, vel sinuato vel sine sinibus, denique vel planum, vel concavum. Sin dichotomian observare malumus Folium simplex dividi potest in planum & teres, teres autem in farctum & concavum seu fistulosum: Planum in margine integro & aequali donatum, & margine inæquali, eoque vel sinuato vel scisso. Folium sinuatum est vel angulosum vel absque angulis.

Angulatum folium inter integri & scissi marginis folium quali ambigit, ut Hederæ adultæ, Bryoniæ: Absque angulis, ut Smilacis asperæ.

Scissi marginis folium est vel laciniatum, vel serratum sive crenatum, vel dentatum [denticulatum].

Lacinia est portio folii inter fissuras (fissura est profundior scissura) inclusa.

Folium teres est vel farctum, ut in Juncis; vel fistulosum & intus vacuum, ut in Cepa: in his autem infima pars & cauli proxima plana est.



Possunt etiam folia aliter multis modis dividi, ut v. g.

1. Respectu Superficie, in 1. *Lævia* à Græcis dicta, qualia sunt *Beta*, *Lapathi*, &c. 2. *Hirsuta* seu lanuginosa & tomentosa, [ *duvia* ] ut sunt *Verbasci*, *Lychnidis*, &c. 3. *Aspera* [ *truxa* ] qualia obtinent *Buglossum*, *Echium*, &c. 4. *Aculeata* vel spinosa [ *aculeata* ] ut *Cardiorum*, *Agri folii*, &c. An dentur plantæ quæ spinam pro folio habent dubito; *Scorpius* certe præter spinas folia etiam habet.

2. Respectu Figuræ & circumscriptionis, in rotunda & longa, triquetra, teretia, &c.

3. Respectu Quantitatis, in magna & parva, lata & angusta, longa & brevia, crassa & tenuia.

4. Respectu Coloris, in viridia, ut sunt major pars foliorum tam herbarum quam arborum, in luteum languentia, obscure virentia, ad coeruleum vergentia, candida & incana, rubentia, maculosa, striata, &c.

5. Respectu Durationis, in perpetua seu diuturna, & decidua.

6. Respectu Situs & ortus, in ea quæ ordinatè caulem cingunt, nimirum è singulis geniculis seu caulis distinctionibus vel bina prodeunt, ut in *Salvia*, *Urtica* & aliis quamplurimis.

Notand. Plantas quadrato caule præditas omnes conjugatim & bijugo ordine, & quidem alternatim proferre folia; itemque ramos ex albis, sive sinubus, sive angulis quos folia & pediculis folii cum caule constituit.

Alternatim pronasci dicuntur folia, aut germina, aut rami petiolive, si superioris paris oppositio decussat aut quasi ad angulos rectos fecerit inferioris paris oppositionem.

Multa etiam planta teretia & non quadrati caulis bijuga habent folia, ut *Bugula*, *Brumella*, &c. Vel terna, ut in *Lylimachia* lutea, cærulea, purpurea; vel quaterna, ut in *Cruciata*; vel sensu aut plura, ut in *Gallio*, *Rubia*, *Aparine*, &c. vel inordinatè & singula hærent: quamvis, inquit *Columna*, nec ista tam inordinata dici possunt, ut non aliquo numero, quino, aut majore vel minore in circuitu ramuli ordinem aliquem observent, ut in *Vermicularia*, *Tithymalo* & similibus.

Partes folium  
integrantes.

Quod ad partes folii componentes attinet, sciendum est easdem illas esse quibus truncus integratur, nimirum fibras ligneas seu lymphæ ductus; vasa succum specificum deferentia, tracheas; utriculos fibrarum reticulariter contextarum spacia replentes; & cuticulam. Sciendum enim est, folii petiolum fistulis ligneis unâ cum tracheis & vase peculiari à tenelli furculi profundiore ligno seu intimioribus fistulis fibrive ad extra continuatâ substantiâ derivatis, & in fasciculum collectis componi. Enascitur autem è tenello furculo & nunquam ab antiquioribus ramis aut trunco ipso, nisi medio gemmæ furculo. Petiolus velut peculiaris caudex in ramos & furculos scinditur. Frequenter per longum excurrere sub costulæ specie hinc inde promit ramulos, qui tandem in reticulares plexus definunt. In aliis autem foliis petiolus statim ac latitudinem attingit scinditur in minores ramos, conspicuos tamen, qui quasi ab uno exorti umbilico alios minores producant, ut in *Hedera* aliisque apparet. Notandum fibras petiolum componentes, initio antequam pediculum ingrediantur reticulari opere implicari, ut mos est Naturæ.

Petiolo appenditur folium dilatatum, cujus præcipua pars occupatur à costulis seu nervis vario ritu productis. Fibræ etenim ligneæ unâ cum tracheis & peculiari vase conglomeratæ, à petiolo excedentes, velut minima arbor hinc inde disperguntur, & solvuntur in ramulos, & hi denuo ulteriore divisione in furculos, qui sibi mutuò occurrentes & unitæ in reticulares plexus contextuntur, qui in plerisque foliis consumptâ utrâque cuticulâ emergunt, in *Salviæ* autem & similibus foliis etiam virentibus, aversâ præsertim parte, conspicui sunt.

Vasa Succifera  
peculiaris dari  
probat.

Fistulas & tracheas concomitari peculiaria vasa, quæ concoctum succum continent, humoris eruptione patet, qui cum alieno pollet colore, vel crassiore constat substantiâ facile in conspectum se dat. Sic in sectis foliis *Tithymali*, *Cichorii* & similibus lac emergit, in *Chelidonio* subluteus humor: in reliquis autem herbarum & arborum foliis, quia limpidus aut aquosus humor est, nullam sui exhibet notam, cum tamen adesse analogia evincit.

Utriculi qua-  
les.

Reticularium plexuum maculas seu areas utriculorum series à costulis emanantes & quasi ab ipsis pendentes replent, unde foliorum crassities confurgit. Hi autem utriculi ex contenti succi natura, mutuâ compressionē vel laxitate varias subeunt in exteriori regione formas, unde quasi cæcales aut vermiculares vesiculæ contortæ apparent: Interdum angulis scatent, & frequenter irregulariter terminantur.

Inter utriculos & fibrosum rete in plerisque foliis peculiare folliculi seu loculi disperguntur, qui patenti hiato foras vel halitum vel humorem fundunt. Horum descriptionem in plantis aliquot peculiaribus unâ cum succo quem continent vide apud \* *Malpighium*.

\* Anat. Plant.  
pag. 37.

Has omnes partes quibus folia coagmentantur levis superextensa cuticula seu epidermis obducit, quæ subsectorum colorem refert, ipsaque contenta investit & custodit.

Foliorum extremus unguis seu margo quasi zonâ seu crassiore lineâ circumdatur. Hæc in aliquibus solæ membranæ esse videtur, quibus hinc inde regitur folium exiguis interceptis utriculis, unde facile à lumine pervaditur & diaphana fit. In aliis hujusmodi zona crassior est, & exterius oblongis cooperitur utriculis, interius verò ligneæ fibræ reliquis continuatæ excurrunt. *Malpig.*

In laciniarum apice in quas folia dissecantur dum tenella adhuc vegetant papillæ & utriculi quidam eminent diverfos continentes succos. *Malpigb.*

Plantarum ferè omnium, paucis admodum exceptis, Atriplicibus v. g. & *Amarantis* nonnullis, folia postquam explicantur, Herbarum etiam caules colore viridi imbuuntur: cujus coloris quæ causa sit ambigitur. Plerique rei naturalis scriptores aeris eum ascribunt, nec præter rationem. Nam non tantum radices Plantarum in terra latitantes albæ plerumque sunt, nunquam certe virides, sed & folia aere excluso, ejusve appulsu prohibito, albescunt, ut in *Brassicis* & *L. Elucis capitatis* videmus, quarum interiora folia exterioribus obvoluta, & liberi aeris usura privata colorem album contrahunt. Deinde ad *Lactucam*, *Endiviam*, *Cichoreum*, *Myrrhidem*, *Aptum dulce*, aliâque olea dealbanda pro Acetariis, vel ligamentis quibusdam folia vinciunt, vel terrâ obruunt, vel alio quodam artificio aeris appulsu arcant. Quin & plantæ in coplavi undique occluso satæ folia in luteum colorem languent, eò pallidiorem quo aeris externi ingressus diligentius prohibetur.



Aliud adhuc experimentum ad hanc opinionem confirmandam producit D. Grevius: nimirum quod in caulibus Althææ & aliarum quarundam plantarum transversim dissectis, quamvis corticis parenchyma album sit, vasa tamen succifera parenchymate inclusa non minus virent quam cuticula ipsa; nimirum quia tracheis seu vasis aerem deferentibus proxima & contigua sunt, cum parenchyma ab aere externo cuticulâ intercluditur, ab interno vasis succiferis interpositis.

Quod plantæ Aerem liberum & apicem affectent luculento experimento ostendit \* D. Sbarrocius. \* *Lsb. de Histor. propag. garionis Vegetabilium.* Plantam tenellam è semine ortam, fictili exceptam in Fensetra collocavit, cui unica vitri quo ob-  
turata erat quadra deperat. Plantula quæ aliter sursum succreverat, relictâ hac directione, illico se inclinans versùs foramen rectâ tendit, situ ad superficiem terræ in fictili propemodum depresso & ferè parallelo: Deinde fictili converso ita ut inclinatio caulis à foramine averfa aliorum spectaret; plantula caule reflexo & in formam literæ C incurvato, ad foramen iterum se direxit; mutato denuo fictilis situ, & superiore curvaturæ cornu à foramine averfo, caulis pariter summa pars directionem suam mutavit, & versùs patentem quadram sese retroflexit, & in literæ S figuram incurvavit; & interdum animi causa ut admirationem excitaret, amicos aut adstantes rogavit ut dicerent verius quam partem vellent ut planta crescendo tenderet, eamque notâ aliquâ in margine fictilis signarent; quod cum fecissent parte illa fictilis fenestraz foramini obversa, intra paucas horas, sponte suâ, nullâ vi adhibitâ planta illa caulem suum illorsum inclinavit.

Nobis tamen non tam aer quam lumen, luminisve actio coloris in plantarum foliis viridis causa esse videtur. Nam externo Aere excluso plantæ tamen nonnulla viridem utcumque colorem acquirunt & retinent, ut in vitreis operculis seu campanis tegi solitis cernitur, ut v. g. Plantâ mimosâ humili nostratibus dictâ, quæ ob cæli nostri frigiditatem aeris externi appulsu non patitur, sed perpetuò tegi postulat, & tamen colore viridi tingitur. Vitrum autem quamvis lumen admittat, aerem excludit. Unde colligimus luminis actionem causam viroris esse. Eadem enim plantæ vase opaco testæ haud dubiè pro viridi pallidum induerent colorem, ut in conclavi clausis contingit. Nec tamen adeo latè virere puto plantas vitreo operculo testas ac aeri libero expositas, quoniam vitrum quamvis radios aliquos luminis transmittit, alios tamen intercipit & reflectit, nec enim aliter visibile esset. Quinetiam aqua vel aerem excludit, vel modicâ admodum quantitatè intra poros suos admittit, & tamen plantæ ei immerse virescunt, quod nobis luminis potius actioni tribuendum videtur, quam (ut D. Grevius opinatur) aeri interno radicibus excepto. Verùm quicquid sit de lumine ejusque actione, nec enim huic sententiæ mordicus adherentis, certissimum est ad virorem inducendum non sufficere aerem conclusum & stagnantem, sed liberum & apertum requiri: unde in sylvis etiam opacis nascentes herbe dulcius virent, quam in locis apricis & solaribus radiis expositis. Nec tamen omnibus plantarum partibus colorem hunc conciliat sive aer, sive lumen, sed tantum rite præparatis & dispositis ad actionem suam excipiendam: Piori etiam posse non negamus ut Aer salinas aliquas particulas plantæ succo communicet, quæ cum in viridem colorem mutant. Unusquisque quod sibi verissimillimum videtur sequatur. Ad hunc autem colorem inducendum non requiritur calor, sed potius frigus moderatum: Aer enim in conclavi ocluso calidior est quam sub dio, ut patet ex celeri & immodico in longitudinem auctu plantarum inibi ex semine nascentium: vidimus enim ejusmodi in locis plantulæ semipalis scapum in semipedalem ferè longitudinem excrecentem subius folia seminalia, seu antequam folia explicaret. Quin inclinationem prædictam caulis ad foramen in fenestra relictum inde ortam putamus, quod Aer externus in foramen irruens & parti caulis eidem obversa occurrens, frigore suo poros ex ea parte constringeret, adeoque caulem illorsum incurvari faceret.

Quis foliorum usus sit, quodnam officium queritur. Cæsalpinus hujus gratiâ folia data existimat ut tenerum germen (quod tanquam manibus invicem superpositis circumplectuntur) tueantur, vel etiam fructum, ubi fructus erumpit cum germine. Postquam verò eadem explicata sunt, germine adultiore, alium usum præstare videntur, umbram scilicet, nè à Sole nimis urantur tum fructus, tum novella germina; moderatos enim Solis radios utraque desiderant, quod foliorum positione & formâ præstatur, illos partim transmittentium partim retinentium. Ideo plurimis in Autumno decidunt folia perfectis fructibus & germinibus induratis. Ferunt autem in regione fervente, ubi perpetui ferè sunt æstus, nullis arboribus folia decidere, quod rectâ ratione fit: egent enim plantæ perpetuâ inibi foliorum operâ ad umbram faciendam. Cæsalp.

Clarissimus Malpighius alium præterea usum plantæ præstare folia existimat. A natura, inquit, fabrefacta videntur ut coctioni alimenti inserviant. Nutriti namque succi portio quæ radices subingreditur, nec in appensas transversales stirias derivatur, postremo à ligneis fistulis in folia exoneratur; ideo necesse est, ut in ipsorum quasi transversalibus utriculis moram trahat, & antiquo succo commisceatur & fermentetur, juvante non parùm externo ambientis aeris calore, ut facilius inutilia transpirata evolent. Dari autem hujusmodi concoctionem in foliis, seminalis plantulæ structura indicare videtur. Hæc geminis plerumque constat foliis, quæ propriis vasculis & utriculis succo turgidis ditantur, ut mole suâ reliquum plantulæ superent. In germinatione verò soluti & turgidi hujusmodi plantulæ humores advenientem succum fermentant & antiquum augent, ita ut in ampla folia extendantur, ut patet in *Endivia*, *Pepionibus* & *Cucurbita*, cujus seminalia folia in tantam excrecent molem ut vix credibile sit, & ablata cuticulâ series pendentium utriculorum tam manifestò exhibentur, ut evidenter pateat folia hujusmodi conditoria esse seu penu concreti succi. Quoniam tamen sensim, vegetante radice trunco & plantulæ germine, contabescere incipiunt hujusmodi folia, hinc constat à foliis in caulem & caudicem regressum esse concocti succi, & quasi peculiarem circulationem. Remittunt itaque & folia probabiliter concoctum succum, ipsūque in annotino & novello furculo, cui adnascuntur, congregant, ut in tenellam gemmam absumatur. Etenim non longè ab insertione & folii eruptione gemma post aliquod tempus succrescit; & maturatus per longum tempus in furculo coercitus humor, advenientis veris ope refermentatus, in gemmæ foetum absumitur, & nutritionem inchoat: Unde videtur nulla succrescere, ut plurimum gemma quam non antecedit & successivè alat folium.

Idem ministerium præstant probabiliter folia feminibus, &c. Corruptis singulis annis minimis meatulis, exhaustoque antiquo succo, cum folia amplius naturæ nequaquam inserviant, abjiciuntur, novumque organum formatur: & quibus in plantis folia adhuc virent, novis tamen ætate germinantibus gemmis antiqua marasmo confecta collabuntur. Hæc omnia D. Malpighius, quæ & nobis probantur.

## CAP. X.

## De Floribus Plantarum, &amp; primò de eorum partibus.

**F**los, definiente *Jungio*, est pars plantæ tenuior, colore vel figurâ, vel utroque insignis, rudimento fructus coherens. Hæc definitio, vel ipso *Jungio* fatente, nimis angusta est: nec enim omnis flos rudimento fructus coheret: nam in *frumento Indico* *Maiz* dicto, *Palma Christi* seu *Ricino*, *Bardana minore* seu *Xanthio*, *Heliotropio tricoloro*, *Lachryma Jobi*, *Ambrosia*, à fructu aliquantulum removetur. Nec in herbis tantum sed & in arboribus ut v. g. *Juglande*, *Corylo*, *Quercu*, &c. dantur flores amentacei à fructu disjuncti.

Quinimo non in eadem tantum planta florem à fructu removet natura, sed etiam in eadem specie flores & fructus totis individuis discrevit, ita ut quæ flores ferrent, infecundæ & steriles essent, quæ fecundæ, flores non producerent: Hæc in eadem specie sexu differre volunt Botanici, & fertiles fœminas, steriles mares appellant. Præterea in plurimis plantarum speciebus, in quibus etiam flores fructibus cohererent, dantur plurimi flores inutiles, hoc est, quibus nullus fructus semineve succedit, ut in *Pomiferis*, *Pepone*, *Cucurbitâ*, *Melone*, &c. inque *Malo* & *Pyrâ* manifestè cernitur.

Rectius ergo meâ sententiâ definitur *flos*, Pars plantæ tenuior & fugax, colore vel figurâ vel utroque insignis, fructui prævia, eique plurimum coherens & tenello regendo fovendoque inserviens, quæ postquam explicatur brevi, aut decidit aut marcescit.

Fructui prævi dici possunt etiam flores inutiles & amentacei, quamvis eidem contigui non sint, quoniam plerumque aut decidunt aut marcescunt antequam fructus maturescit.

Partes floris sunt. 1. *Calyx* sive *Perianthium*, quod tamen nonnullis adjunctum potius quam pars floris censetur. 2. *Folia illa tenella & fugacia*, quæ nos ad Hortonymiam vitandam cum *Columna petala* appellare solemus. 3. *Stamina*: & 4. *Stylus*.

Flores *perfecti* dicuntur qui omnibus hæc partibus donati sunt: *imperfecti*, qui harum partium aliqua carent. Nos tamen in hoc opere florem *perfectum* vocamus quicumque petalis seu foliis fugacibus coloratis constet, sive calycem habeat, ut plerique, sive non, ut *Calix palustris*, *Anemones* & bulbosarum nonnullarum flores; *imperfectum* qui apetalos est, seu foliis illis fugacibus, coloratis caret: Hunc etiam stamineum vocamus, quia staminibus & calyce duntaxat constat. Sub staminibus etiam stylum comprehendimus quo paucissimi flores carent.

## CALYX.

*Calyx* est qui florem regit & sustentat, ejusque velut basis & fulcimentum est, ideòque crassior est & minus insignis flore ipso. Oritur autem ex exteriori surculi cortice, ideòque (inquit Cæsalpinus) herbacei coloris est, nec decidit cum flore. Verum ex nostra observatione in nonnullis plantarum generibus vel unâ eum flore decidit, ut in *Ranunculo* & *Lyfimachia filiquosa*; vel etiam ante florem, ut in *Papavere*.

Calyces seu *Perianthia* in nonnullis plantis, tum colore, tum consistentiâ, tenella florum petala proximè referunt, distinguuntur quòd non defluant aut marcescant antequam semina maturescant, verum ipsis pro vasculis inserviant. Hujusmodi sunt *Fegopyri*, *Potamogetonis angustifolii*, *Bistortæ*, &c. florum calyces. Calyces enim voco quantumvis coloratas has partes, quia nec deciduæ sunt, nec fugaces.

## PETALA.

*Petala* seu floris folia sunt laminæ illæ tenellæ, colore insignes & fugaces. Ad petalum enim constituendum duæ hæc conditiones concurrant oportet: 1. Ut sit tenue & colore insigne: 2. ut sit fugax & caducum: adeò ut si qua pars plantæ harum conditionum alterutrâ create, quamvis alteram habeat, petalum dicenda non sit. Ob defectum primæ conditionis *Ranunculi* & *Papaveris* calyces quamvis decidui pro petalis non sunt habendi: ob secundæ carentiam *Bistortæ* & *Perficariæ* supradicti calyces à petalorum numero excluduntur.

Quod ad petalorum texturam & compositionem attinet, Interioris cauliculi seu ligni (docente \* Malpighio) substantia, fistulæ scil. & tracheæ extenduntur & elongantur in floris folia, quæ omni vasorum genere instructa pendentibus utriculorum seriebus integrantur. Hæc tenui halitusosque turgent succo, unde incisuras non patiuntur: ob humoris etenim benignitatem & ductilitatem utriculorum ordines extenduntur usque ad extremum unguem, & ut plurimum vasa non ab unâ excedunt costula, sed copiosi fasciculi à basi exurgunt, & productis ramis in omnem dimensionem elongantur. Quod ad colores, excepto nigro & viridi, omnes in floribus spectantur.

## STAMINA.

\* *Isag. ad rem Herbariam.*

*Stamina* seu capillamenta, describente \* Spigelio, sunt in floris medio, quod umbilicus appellatur, partes oblongæ, tenues, veluti capillamenta, interdum paulò crassiores, paulò prominentes in summitate, apicibus frequenter præditæ, quæ stylum partem similiter oblongam sed crassiorem atque è centro umbilici emergentem ambiunt.

*Stamina* pediculo constant & capitulo seu apice.

Pediculi staminum plerumque liberi sunt, & in quamplurimis plantis à fundo floris seu dilatata petioli substantiâ (ut cum D. Malpighio loquar) oriuntur: in *Digitali* & plerisque omnibus tubulosa petala habentibus (ut *galeatis* & *labiatis*) ab interioris superficiæ petali ima parte erumpunt, interdum toti eidem affixi sunt seu coherent, ut in *Symphyto majore*, *Lithospermo*, *Polygonato*, &c.

\* *Isag. Phyt. scop. c. 20.*

Differentias staminum *Jungius* sic \* persequitur.

Pediculi staminum liberi plerumque teretes sunt, rarò latiusculi ut in *ornithogalis*.

Pediculus teres vel tenuis est, vel crassiusculus.

Pediculus



Pediculus item, alius curvus est, ut in galeatis floribus in quibus sub galea latentia stamina curvaturam ejus imitantur, ut in Salvia, Lamio, Solaria: & in Papilionaceis in quibus latent in inferiore carina sursum recurva.

Staminum pediculi porro plerumque glabri sunt, interdum hirsuti; ut in *Blattaria*.

Stamina ferè semper inter se æqualia sunt, interdum inæqualia; ut in Napello, Colutea, Scorpioide, &c.

Staminum pediculi ferè semper simplices sunt, in Lauro ramosi.

Staminum numerus plerumque foliis aut lacinis ambobus respondet, ita ut aut æqualis sit, aut multiplex, aut submultiplex. Sic in *Ruta* flore 4 petala sunt, 8 stamina; in *Cervicaria* flore campaniformi 5 laciniae seu cuspides intus in fundo 5 stamina; in *Iride* 9 folia, 3 stamina; in *Gladiolo Ital.* 3 stamina, folia 6.

Sunt autem flores tam copiosa habentes stamina, ut eorum numerus non facile possit iniri, staminosi idcirco dicendi; ut Ranunculo, Papavere, &c.

Capitula five cacuminula staminibus incumbentia *Apices* dicuntur; Malpighio staminum capsula. Hæc diversimode colorantur & figurantur, frequenter tamen lutea aut crocea sunt, interdum nigricant, aliàs albescunt; observavimus etiam purpureo aut rubente colore conspicua, quamvis rarius, ut v. g. in *Hepatica trifolia* specie illa, quam Parkinsonus albam staminibus rubris appellat, Gramine leucanthemo minore, Alsine pulchro flore, folio tenuissimo nostrate, aliisque quæ non occurrunt memoriæ: ideoque securè nimis \* affirmat Grevius, Apicum colorem nunquam rubrum esse; quicumque tandem floris petalorum color sit, intus non rarò concava sunt, & globulorum congeriem continent.

\* De floribus  
Anat. cap. c. 3.  
§ 5.

Eadem vel ex medio longitudinis suæ aptata sunt pediculo vel quasi medio, rarius extremo, ut in *Tulipis*, *Iridibus*, &c.

Staminum capitula plerumque ita sita sunt, ut longitudo cujusque ad longitudinem pediculi sui sit transversa, hoc est, angulos cum ea vel rectos, vel obliquos constituat. Est & ubi longitudo capituli longitudini pediculi in directum quasi sita est, ut in *Tulipis*: imò sunt flores in quibus staminum capitula pediculis directim sita, lateribus inter se coeant, ut fistulam quandam constituent, in qua stylus ita includatur, ut extrinsecus tantum parte promineat, ut in Boragine, Solano, Dulcamara. Denique in omnibus flosculis capitula florea constituentibus, ut in Eupatorio cannabinò vulgari, Agerato, Centauro majore, Scabiosis, Gyanis, Jaceis, Carduis; item in flosculis discis floreis constituentibus, ut in Flore Solis, Helenio, Parmica, Millefolio, Tanaceto, Acanthio loco staminum est foliolum aliquod oblongum, fronte in aliquot quasi staminum petiolos scissum, quod complicatum fistulæ instar stylum involvit. D. Malpighius accuratius, tubum hunc efformari ait petiolis quinque ab interiori floris substantia sursum productis & unitis, qui etiam in capite laciniatur, in nonnullis.

Hæc staminum partes, pediculus nimirum & appensa capsula (autore Malpighio) ligneis fibris & tracheis integrantur singulæ, quibus utriculi per longum locati adduntur. Quare cum in galeatis & quibusdam etiam aliis ab elongatis floralibus foliis producuntur, iisdem etiam particulis necessario componuntur.

Quis harum partium usus sit ambigitur: nonnulli ornatus tantum gratiâ floribus concessas putant: alii ad materiam generationi seminum incongruam eliminandam, ut residua purior & defæciator evadat: adeoque velut emunctoria quædam esse, per quæ determinata quædam succi portio excernitur, nimirum aerea, ut semen oleosius reddatur, ejusque principia fixiora. Hinc (inquit Malpighius) fortasse non incongruè derivato nomine, *menstruæ purgationes*, quæ in mulieribus conceptionis tempora proximè antecedunt, *flores* dicuntur: nam ut in plantis determinata succi portio per stamina & floris petala excernitur, ita in viviparis, quæ conceptis particulas quoquo modo inficere possunt, singulo mense cribratæ per uterum foras protruduntur, ut reliquum defæcati sanguinis in utero stagnantis, facilius vi seminis fecundetur, & in animalis naturam dirigatur.

Grevius noster non hunc tantum usum stamina præstare opinatur, sed & pollinem illum seu globulos quibus apices prægnantes sunt, quosque per maturitatem effundunt, spermatis masculini instar seminibus fecundandis inservire existimat; ac proinde maximam plantarum partem utriusque sexus participem esse. Quod non adeò incredibile videri debet, cum & in Animalium genere nonnulla androgyna observantur, ut v. g. Cochleæ terrestres; quamvis quidem in seipsis non generent, quod à plantis differunt. Nec obstat, quod particula hæc (si modò sperma sint aut spermatis analogæ) in uterum aut semina non penetrent, nam & in piscibus externè tantum ovis jam editis inspergitur genitura, nec in ullo animalium genere, quod sciam, ovarium intrat, at ne uterum quidem ipsum in plerisque, sed solus ejus halitus & effluvia subtilia sufficiunt ad ova fecundanda, & embryonem intus conclusum vivificandum.

Hæc si ita sint, non similitudine aliqua duntaxat, sed revera & strictè loquendo sexu differunt plantæ illæ, quarum aliæ semen absque flore, aliæ [ab ejusdem plantæ semine ortæ] florem absque semine producant. Tales sunt in Arborum genere *Palma dactylifera*, *Salices* pleræque ex nostra observatione, & secundum Plinium etiam *Cedrus major*: in Herbarum, *Lupulus salictarius*, *Cannabis*, *Cynocrambe*, *Mercurialis*, *Phyllon*, *Urtica*, *Spinachia*, *Sesamoides* Clusii, aliæque non pauca.

D. Grevii sententiam magnopere confirmant, quæ de Palma dactylifera à \* Veteribus & Recentioribus traduntur, nimirum feminas non omnino fructificare, nisi mas juxta ipsas consitus fuerit: *Nat. lib. 13.* quin & pulverem maris feminæ aspersum eam fecundiores reddere. Ni enim Ægyptii hoc fecerint (inquit Prosper \* Alpinus) sine dubio feminæ vel nullos fructus ferent, vel quos ferent non \* *Lib. de retinebant*, neque hi maturefcent. At inquit in arenosis & desertis, ubi nemo maris pulverem seu pollinem florum femineo foetui aspergit, feminæ nihilominus fecundæ sunt. Immo verò ventorum beneficio, qui pulverem marium feminis afflant.

Cæterum

Ceterum rectè à D. Grevio observatum, globulos hosce seu particulas seminiformes apicum thecis inclusas, illud ipsum corpus esse quod Apes colligunt & femoribus appensum gestant, quod nostrates *panem Apum* vocant, quod etiam in cellulas unà cum melle recondunt. Ceram enim ore domum portant, mel vèntriculo.

Opinio autem hæc de usu pollinis prædicti ulteriori adhuc confirmatione indiget; nos ut verisimilem tantum admittimus.

#### STYLUS.

*Stylus* est pars floris medium ejus occupans & rudimento fructus sive seminis inhaerens. Dicitur *Stylus* quia in longitudinem tenuem plerumque extenditur.

Foliolosa pars floris modò apici, modò sedi fructus seminifve cohaeret; *Stamina* vel medio, vel imò foliolæ; *Stylus* semper apici fructus seminifve inhaeret, ideòque reliquis floris partibus defluentibus in planta remanet. Hæc *Jungius*.

D. *Malpighius* *Stylum* concavitate sua semen fovere, appendice assurgere, interque *stamina* ludere ait. Vasculum ergo seminale *Stylum* facere videtur *Malpighius*, & *Styli* appendicem, quem alii *Stylum* vocant: hanc autem uterinis tubis analogam existimat, & exemplis probat. Est ergo *Stylus* uteri seu vasculi seminalis tubus perpetuò hians, ad semen intus conclusum ventilandum, & halitus expellendos.

Videndum in verticillatis an *Stylus* summo semini infideat necne: nobis quatuor semina *Stylum* circumstare videntur.

*Stylus* plerumque unicis adest, interdum tamen plures, ut v. g. in *Aquilegia* quini, quia rudimentum fructus in quinas maturatur siliquis.

Flores nonnulli *Stylo* carent, ut *Papaver*, *Tulipa*, &c. nisi vasculum seminale pro *Stylo* admittere velimus. In *Iride* tria folia interna sub quibus *stamina* occultantur *Styli* succedaneum facit *Jungius*.

*Stylus* propriè dictus terminatur vel *cuspidè*, vel *globulo*, vel *cono*, vel *cornibus*: *Cuspidè*, ut in *Digitali*, *Symphyto* majore aliisque plurimis; *Cono*, ut in *Liliis* nonnullis; *Globulo*, ut in *Convolvulo* peregrino purpureo: *Cornua* vel *brevia* sunt, ut in *Convolvulo* vulgari, vel *prolixa*, ut in *Eupatorio* vulgari: interdum adeò *prolixa* ut plures adesse videantur *Styli*, ità bini in *Staphylo dendro*: quod ad numerum attinet vel *бина* sunt, ut in *Cichoreo*; vel *terna*, ut in *Cervicaria*; vel quod rarius, *quaterna*, ut in *Lyfimachia* Virginiana. *Cornua* plerumque *aqualia* sunt, interdum *inaequalis* longitudinis, ut in *Salvia* & *Æthiopide*; plerumque etiam *reflexa* sive recurva sunt, ut in *Cichorio*, *Cervicaria*; interdum *recta*.

### CAP. XI.

De *Florum differentiis*: è Joach. Jungii *Isagoge Phytoscopica*, additis & mutatis nonnullis.

**F**los *perfectus*, qualem superius descripsimus, vel est *simplex*, vel *compositus*.

*Simplex* nobis dicitur qui non dividitur in flosculos, sive qui unico & simplici plerumque *stylo* sive vasculo feminali donatur.

*Compositus* seu *aggregatus*, qui ex pluribus flosculis in unum totalem florem coeuntibus constat; quorum unusquisque non tantum folio seu bractea colorata, verum etiam vel staminibus vel *stylo* saltem constat, & singuli singulis feminibus coherent. Ejusmodi flores sunt, *Lactucæ*, *Hieracii*, *Carduorum*, &c.

Flos *simplex* interdum opponitur multiplici seu pleno. [*Jungius* simplicem absolute vocat quem nos *monopetalon* seu *unifolium*.]

Flos ergo *simplex* est vel *Monopetalos* seu *unifolius*, vel *Polypetalos* seu *multifolius*: uterque per accidens plenus seu multiplex est.

*Monopetalos* est qui unico petalo continuo constat, quod plerumque cavum aut fistulosum est.

*Polypetalos* qui pluribus foliis in una serie aut circulo dispositis componitur. Estque vel *dipetalos* seu *bifolius*, ut in *Circea* *Lutetiana*, *Hypococ* *Clusii*, *Alfines* facie nova planta *Columnæ*: vel *tripetalos*, ut in *Plantagine* *aquatica*, *Sagittaria*, *Militari* *Aizoide*, *Nymphaea* *alba minima*: vel *tetrapetalos*, ut in *Leucoio*, *Brassica* & congeneribus aliisque plurimis: vel *pentapetalos*, ut in *Alfina*, *Lychnide*, *Caryophyllis*, &c. vel *hexapetalos*, ut in *Bulbaceis* & congeneribus. *Columna* Flores nullos naturaliter *heptapetalos* observavit. *Trifolium* *hepaticum* florem *octapetalon* proferre observavit F. *Columna*; Florem *Africanum* *enneapetalon*; *Granadillam* *Mexicanam* *decapetalon*. Verum in hujusmodi *polypetalis* quorum petala senarium numerum excedunt dubitamus an *Natura* certum numerum observet.

Flos uterque tam *monopetalos* quam *polypetalos* vel *uniformis* est vel *difformis*.

*Monopetalon uniformem* cum *Jungio* voco qui terminos duarum dimensionum inter se similes habet, sive qui dextrum sinistro & anterius posteriori simile, superius inferiori dissimile obtinet, sive figuræ quasi tornatilis est.

*Tornatilis* autem figura est quæ oritur planâ figurâ super uno latere rectilineo quiescente in orbem motâ, sive rectilinea sit mota figura sive mixtilinea.

Dixi quasi tornatilis figuræ, quia si plicæ, striæ & fissuræ accedant tornatilis figuræ esse desinit.

*Monopetali* flores uniformes sunt in *Convolvulo*, *Campanula*, *Buglosso*, *Hyoscyamo*, *Tabaco*, &c.

Flos *monopet.* uniformis margine superiore vel integro est, vel in laciniis fisso: integro ut in *Convolvulo*; fisso ut in *Buglosso*, &c.

Si profundæ sint scissuræ sæpe compositum florem simulat; sed discernitur ab eo, quod totus [seu integer] decidat; uti flores *Boraginis*, *Buglossi*, *Sambuci*, *Cyclamini*.

Fissi flores vel numero laciniarum differunt, vel figurâ.

*Número*, ut vel tribus in *Cassia* *Poetica*, *Phalangio* *Virginiano* & paucis admodum aliis, vel quatuor; vel quinque; vel sex; ut in plurimis.



*Figurâ*, vel *angulosâ*, angulo *acuto* ut in *Boragine*; *obtusâ* ut in *Hyoscyamo*: vel *rotundâ* seu *sinuata*, ut in *Primula veris*, seu *simpliciter rotundâ & convexâ* ut in *Buglosso*.

Porro flos uniformis tunica est vel uniformiter tereti; vel plicis, ut in *Convolvulo*; aut striis, ut in *Campanula*, variatâ.

**Monopetalos difformis** est qui unius tantum dimensionis terminos inter se similes habet, *b. e.* cuius non superiora tantum ab inferioribus, sed & anteriora à posticis discrepat, uti sunt *Lamii*, & reliquarum verticillarum. Estque vel 1. *Semifistularis*, qui fistulâ superius oblique resectâ constar, ut in *Aristolochia*: vel 2. *Labiatus*, idque vel unico labio, eoque vel superiore seu interiore, ut in *Acantho lativo*; vel inferiore seu exteriori ut in *Scordio*, Teucrio communi & *Betico*, &c. vel duobus, ut major pars florum labiatorum, in quibus labium superius vel repandum est sive sursum reflexum, convexam faciem alteri labio obvertens, ut in *Chamæcisso* &c. vel convexum sive deorsum reflexum, cavitatem inferiori labio obvertens, quod frequentius est; unde Labium huiusmodi Galea, Cucullus, Galerulus; & flos ipse galeatus, cucullatus & galericulus dicitur. Est & labium aliud integrum, aliud scissum in lacinias, &c. vel 3. Flos monopetalos difformis *corniculatus* est. **Corniculum in flore** vocat Jungius quod alii Calcar seu Calcaneum. Est ergo, eodem definiente, Corniculatus flos flos cavus qui partem aliquam corniculo similem superiori sui parti connexam habet, *b. e.* cavam & rotundam partem, quæ in cuspidem non perviam definat, ut in *Linaria*, *Delphinio*, &c.

Flos multifolius seu polypetalos *uniformis* est, cuius petala figurâ & situ conveniunt, licet magnitudine interdum differant, ut in *Umbelliferis*. *Difformis* est cuius petala figurâ, aut situ, aut utroque differunt, ut *v. g.* *Iridis*, & *Leguminum*, licet fortasse horum flos, potius monopetalos profunde laciniatus sit.

Superius diximus florem simplicem tam monopetalon, quàm polypetalon per accidens interdum plenum esse seu multiplicem. [Simplicem florem appellô quæ ex flosculis Composito opponitur, non qui multiplici.]

Flos per accidens plenus est cuius pars foliacea ob culturam, ubertatem soli, aliudve accidens multiplicata est. Quod si laminâ unicâ flos non plenus constet, in pleno laminâ aliquoties iteratâ, prima secundam, secunda tertiam includit, ut in *Stramonio*, *Aquilegia*, &c. sin ex pluribus foliis compositus sit floris ambitus, gyri foliorum repetuntur, ut in *Rosa*, *Ranunculo*, *Anemone*, *Papavere*, *Caryophyllo*, *Leucio*, *Pæonia*, *Colchico*, *Croco*, *Calidâ*, *Melanthio*.

Quidam flores ad plenitudinem culturâ perducuntur, ut *Galeati* & *Papilionacei*, &c.

Superest ut Floris compositi superius descripti differentias adferamus.

Flos ergo compositus vel est discoides, vel planifolius naturâ plenus, vel fistularis.

Discus est quod ex plurimis compressis & confertis flosculis ita componitur, ut unam quasi apparentem superficiem constituent.

Flos *discoides* est vel disco radiato, vel disco nudo.

[Flos discoides disco radiato, interdum per accidens plenus est multiplicatis foliis marginalibus, ut in *Matricaria* & *Chamæmelo* cernitur: interdum etiam prolifer, ut in *Calendula*, *Bellide*, &c.]

Disco radiato est cuius exteriora folia quæ marginem quasi floris constituunt prolixiora & dispersiora sunt reliquis quæ discum efformant, & quasi plana.

Folia illa vel sunt frontata & quasi parallelogramma, vel cuspidata, ut in *Parmica Austriaca Clus.* *Flore Solis* &c. frontata sunt vel integrâ, vel crenatâ fronte, ut in *Caltha* vulgari. Disco nudo est qui flosculis marginalibus caret, ut in *Tanaceto*, &c.

Flos planifolius, naturâ plenus, seu secundum speciem plenus est qui ex flosculis quasi planis, in aliquot gyros dispositis confertus est.

Frons autem horum foliorum plerumque crenata est, ut in *Taraxaco*, *Sonchis*, *Cichoreis*, *Hieracii*, *Scorzonerâ*, *Tragopogone*.

Flos fistularis est qui plurimis concavis oblongis flosculis, ad margines in longas lacinias differtis compositus est. Est etiam in hoc genus floribus differentia. Nonnulli flosculos marginales cæteris productiores & majores obtinent; alii omnes æquales.

*Not.* In floribus compositis flosculi illi, qui à nonnullis perperam Stamina dicuntur, inferiori parte in prolixum candidum, quasi pediculum definunt, quo seminibus singulis coherent, habentque plerumque oram supremam sive craterem in lacinias aliquot sectum: è singulis quoque prominet stylus aliquis (bifidus plerumque) qui peculiari fistulâ coloratâ usque ad apicem sive cornua vestitus est.

[ *Perfectus*, qui petalis, stylo & staminibus constat; estque vel

[ *Simplex*, qui in flosculos non dividitur, isque vel

[ *Monopetalos*, qui unico petalo five laminâ continuâ constat, ut in *Convolvulo*, *Campanula*, &c. estque vel

[ *Uniformis*, qui dextram partem sinistræ, & anteriorem posteriori similem, inferiorem superiori dissimilem obtinet, ut in *Convolvulo*. Estque margine vel

[ *Integro*, ut in *Convolvulo*.  
[ *In lacinias fisso*, differentes

[ *Numero*, in nonnullis sci. tres, in aliis quatuor, vel quinque, vel sex laciniz sunt.

[ *Figurâ*, vel angulosâ, vel rotundâ.

[ *Difformis*, cujus non tantum superiora ab inferioribus, sed & anteriora à posterioribus differunt, estque vel

[ *Semifistularis*, ut in *Aristolochia*.

[ *Labiatus*, labio

[ *Unico*, eoque vel superiore, ut in *Acantho sativo*; vel inferiore, ut in *Scordio*, &c.

[ *Duobus*, superiore vel

[ *Reflexo* sursum, ut in *Chamaecisso*.

[ *Convexo* five deorsum reflexo, five galeato, ut in *Lamio* & plerisque *Verticillatis*.

[ *Corniculatus* corniculo seu calcaneo concavo & impervio retrorsum extenso, ut in *Delphinio*, *Linaria*, &c.

[ *Polypetalos* five multifolius est qui pluribus petalis in unica serie aut circulo dispositis componitur; estque vel

[ *Uniformis*, in quo petala, figurâ & situ conveniunt, quamvis magnitudine interdum differant; estque vel

[ *Dipetalos*, ut in *Circæa Luteriana*.

[ *Tripetalos*, ut in *Plantagine aquatica*.

[ *Tetrapetalos*, ut in *Leucoio*, *Brassica*, *Thlaspi*, &c.

[ *Pentapetalos*, ut in *Lychnide*, *Caryophyllo*, *Alsine*, &c.

[ *Hexapetalos*, ut in *Bulbosis*. *Polypetalos* in aliis.

[ *Difformis*, ut in *Viola*, *Papilionaceis*, &c.

[ *Compositus*, qui ex pluribus flosculis, quorum singuli singulis insident seminibus, in unum totalem florem coeuntibus constat; estque vel

[ *Discoides*, in quo flosculi breves, arctè compressi unam quasi planam superficiem componunt, ut in *Calendula*, &c. est vel

[ *Radiatus*, limbo vel margine foliorum planorum discum cingente; foliis marginalibus vel *frontatis*, fronte *crenatâ*, ut in *Calendula* & papposis lactescentibus, *æqualis*: vel *cuspidatis*, ut *Parmica Austriaca* Clus.

[ *Nudus*, qui petalis illis seu flosculis marginalibus caret, ut in *Tanaceto*, &c.

[ *Naturâ plenus*, ut in Papposis lactescentibus.

[ *Fistularis*, ut in Capitatis dictis, *Facea*, *Carduo*, &c.

[ *Imperfectus*, qui harum partium aliqua caret.

Ufus floris est ad tenellos fructus tegendos: priusquam enim explicantur, aut insident ipsis fructibus, aut illos undique circumplectuntur: crescente autem fructu jam flores aperiuntur, ac paulo post, tanquam in futurum inutiles, decidunt arefacti. *Cæsalp. D. Malpighius* interdum florum petala in suis utriculis succum excoquere, quem intrò refluente tenello utero & seminis inchoamento effunderent opinatus est: quandoque petalorum ministerium in inco grui potius humoris depuratione versari existimavit. Verum cum avulsis sæpius floris petalis antequam hiarent (in *Tulipa* præcipue) interdum styli seu uteri incrementa remorari observavit, quandoque quædam



morari observavit, quandoque quædam semina absque noxa debitam magnitudinem sortita esse, se adhuc dubium restare ait, an floris folia tenello utero à Solis & externi aeris injuriis tutando duntaxat interserviant; an ulterius etiam depurando præparent auctivam seminis materiam.

Floris folia si plus justo luxurient multiplicatis exortibus, vel semina manca redduntur, vel deficient & nullus plerunque uterus adest, ut in plenis floribus observatur. An quia singuli fistularum fasciculi in folia elongentur & absumentur? nullæque lignæ fibræ uteri structuræ & colliquamentæ vesiculæ relinquantur? & ita infœcundi contingunt flores.

Quamvis autem plerique flores naturâ pleni steriles & infœcundi sint, hoc tamen perpetuum non est in omnibus plantarum generibus: Caryophylli enim pleno flore nihilominus fecundi sunt. Idem etiam observatur in floribus compositis planifolio margine, per accidens plenis, ut v.g. *Matricaria* & *Chamæmelo*; nimirum hujusmodi etiam fecundos esse.

Aliæ adhuc florum Differentiæ à situ sumi possunt, idque vel respectu caulis, vel respectu fructus. Caulis respectu flos aut solitarius est, aut coacervatus.

Solitarius est qui ita in caule dispositus est ut alium proximè non tangat.

Coacervatus, qui vel in spicam, vel verticillum, vel corollam ut in Trifolio corniculato *Dod.* vel umbellam, vel corymbum, vel paniculam, vel racemum dispositus est.

De Spica, Umbella, Corymbo, Panicula, in differentiis caulis superius diximus.

Verticilli in plantis dicuntur flores & semina caules ad nodos in orbem cingentes, ad similitudinem instrumentorum illorum quæ fufis adhibere solent mulieres, ut facilius vertantur.

Solitarius flos aut sigillatim, aut sociatim cauli adhæret.

Sigillatim si unus ex una caulis aut rami distinctione prodeat.

Socialiter si aut bini ut in multis, aut tergemini ut in Sagittali, aut seni ut in Viola aquatica.

Respectu fructus aut rudimenti fructus Flos aut infidet summo fructui, aut sedi fructus coheret.

Qui summo fructui infidet, aut nudo semini infidet, ut in *Veleriana*; aut pericarpio sive folliculo seminis, ut in *Cucurbita*, *Melone* reliquisque Pomiferis, *Bryonia*, *Periclymeno*, *Arisfolochia*, *Ligustro*, *Rosa*, *Pruno*, *Pomo*, *Pyro*, *Grossularia* &c. Siliquæ in *Lysimachia* Siliquosa.

Flos sedi fructus coheret, ideòque fructus rudimentum quasi includit & protegit in *Solanis*, *Capsico*, *Geraniis*, *Papavere*, *Leguminibus* & siliquosis omnibus (excepta *Lysimachia* siliquosa) *Lychnide*, *Ranunculo*, *Nymphaea*, *Arbuta*, *Tulipa*, &c.

Superest ut Calycis etiam seu Perianthii differentiæ ex ejusdem *Jungii* \* *Isagoge* Phytoscopica adjiciamus.

\* *Isagoge* Phytoscopica cap. 24.

Perianthium ergo aliud ab initio clausum est, quod florem nondum explicatum totum involvit, & dehiscens deinde eundem reteggit, ut in *Papavere* omni, *Capparide*, *Palma dactylifera*, *Lauro*, *Pzonia*: Aliud semper apertum, ut in plerisque aliis.

Perianthium plerunque suum cuique flori proprium est; interdum etiam pluribus commune, videlicet nondum explicatis, ut in *Palma dactylifera* & *Lauro*.

Perianthium aliud flori cum fructu commune est, aliud flori proprium. Commune in iis omnibus plantis in quibus flos fructum complectitur, sive quarum flos sedi fructus affigitur, ut in *Spergula*, item cavis floribus, quibus nuda subsunt semina, sive labiatis, ut in *Salvia*, *Marrubio* aliisque Verticillatis, sive uniformibus, ut in *Buglosso*, *Lithospermo*, &c.

Perianthium deinde vel simplex est, vel compositum.

Simplex quod utriculus est solâ laminâ constans, ut in *Salvia* aliisque Verticillatis, *Nicotiana*, *Lychnidibus*, *Caryophyllis* &c.

Compositum, quod vel foliis pluribus juxta se positis constat, ut in *Eupatorio* cannabino, & *Scabiosis*: vel ex foliis aut squamis sibi invicem arcè & imbricatim insidentibus, ut in *Jacea*, *Cinara*, & aliis *Carduis*.

Perianthium simplex plerunque in margine in lacinias sectum est, vel acutas ut in *Salvia*, *Lamio*, vel obtusas, ut in *Priapeia*; item vel profundè in lacinias prolixas, vel minus profundè in breviculas, ut in *Othonna*.

Perianthium plerunque inferiore parte strictius est, interdum tamen ventriosum quasi & turgidum, ut in *Geraniis*, *Ocymoide*, *Vaccaria*, *Ben albo* &c.

Perianthium aliud rotundum & teres est, ut in *Caryophyllis*; aliud striatum sive sulcatum, ut in *Othonna*.

Inter nudos & Perianthio vestitos flores ambigunt flores *Cucurbitæ* & *Peponum*: Viridibus enim quibusdam sive nervis, sive dorsis, sive strigibus à fundo ad marginem tendentibus variantur, quorum nonnulli [nervi] intra mediam floris partem à flore quasi avulsi speciem perianthii angustifolii exhibent.

Peculiare etiam quid in iisdem floribus observatur, quòd inferiores partes aliquid inter stamen & stylum ambigens, vel ex stamine & stylo compositum obtinent.

## CAP. XII.

## De Fructibus &amp; Seminibus Plantarum.

**F**ructus à fruendo dicitur, estque pars ea Plantæ quæ in cibis fruimur, siue Pericarpium sit, siue Semen. Nomen autem fructus per analogiam ad omnium plantarum partes similes, quamvis nullum nobis usum præstent, nec in cibis neque in medicina, extendi potest.

Fructus ergo (describente Jungio) dicitur Pars Plantæ annua, flori coherens & succedens, qui ubi maturuerit, i. e. ad perfectionem suam pervenerit, sponte à Plantâ abscedit, & terrâ, aliâve commodâ matrice excepta, novæ plantæ fit initium.

Succedere dicitur flori fructus, quod floris inchoatio, perfectio, defluxio, fructus inchoationem, perfectionem, defluxionem antecedit. Fructus igitur à reliquis plantæ annuæ partibus differt, quod cum primum absolutus est, siue ad perfectionem devenit, pars esse definit, cum reliquæ (ut folia & flores) tum demum ubi marcescere, putrescere, aliterve corrumpi incipiunt, à plantâ suâ separantur.

Fructus vel semen est, vel Seminis conceptaculum, [vasculum, folliculus, capsula, theca, involu-  
crum.]

Conceptaculum est quod semini ad tempus undique tegendo [aliterve continendo] peculiariter destinatum est.

Excluduntur ab hujus appellationis ambitu perianthia illa in quibus flore delapso semina latitant, uti fit in Salvia reliquisque Verticillatis plantis: nam nec undique tegunt semina, cum superiore parte hient, neque peculiariter seminis tutelæ inserviunt; sed flori potissimum muniendo destinata sunt. *Hactenus Jungius.*

Semina vel duplici conceptaculo seu involucrio, altero alterum ambiente teguntur, vel *simplici* & unico; *Duplici* in Prunis & Cerasis, nimirum Pericarpio & Officulo; in Malis & Pyris, nimirum Pericarpio & Cartilagine; in Nucibus Avellanis, nimirum Folliculo membranaceo & Officulo; in Pinu, nimirum Cortice lignoso & Officulo, ut alia plurima omittam. *Simplici*, in Faba, Piso, aliisque Leguminibus, in Leucoio, Brassica, Thlaspi, aliisque siliquosis & capsulatis tetrapetalis, &c.

Seminum conceptacula sunt vel *solitaria*, seu *simplicia* unica intus cavitate, ut in Faba, Piso, aliisque leguminibus, in quibus semina siliquæ dorso adnectuntur; item in Lychnide, Caryophyllo, Primula &c. in quibus seminis sedes est in medio, exterius protagenæ vasculo; vel in *plures cellulas* seu loculamenta *divisa*, easque vel *disjunctas*, ut in Aconito, Aquilegia, Delphinio; vel *conjunctas*; seu i. *binas*, vel cum *solitariis* seminibus in singulis alveolis, ut in Xanthio, Mercuriali &c. vel cum *pluribus* in singulis alveolis, ut in siliquosis, *Brassica*, *Leucoio*, &c. in capsularibus, *Verbasc*, *Thlaspi*, &c.

2. *Ternas*, seminibus intus vel *solitariis* in singulis alveolis, ut in Ricino, Tithymalo, Heliotropio tricocco, vel *pluribus* in singulis alveolis, ut in Convolvulo, Viola, Hyperico, Asaro &c.

3. *Multas*, incerto numero, ut in *Papavere*, *Lino*, &c.

Unus fructus  
quis,

Casalpini rectè meo judicio unum fructum esse statuit qui uno tegmine continetur externo, quamvis interna divisa sint, ut in Præonia, Aconito tres siliquæ aut plures in eodem exortu, sub eodem flore continentur, quæ enim sub eodem flore sunt, sunt etiam sub eodem floris tegmine, quod externum est. Plures verò qui nullo communi tegmine teguntur, licet ex ejusdem sedis divisione oriantur, ut Uvarum acini, singuli enim sub singulis floribus sunt, licet racemus unus sit.

Semina nuda vocantur nullo præter perianthium vasculo aut tegmine donantur, ut *Valeriana*, &c.

Pro seminibus etiam nudis in hoc opere habemus quæcunque pericarpio non inclusa, solitariæ & singulatim decidentia, siliquas suas sponte non exuunt, verum iis induta à planta matre abscedunt. Sic Malvæ, v. g. semina, ut & umbelliferarum omnium, nobis nuda censeantur.

Semina sunt vel *Nuda*, nullo præter perianthium vasculo aut tegmine donata, ut *Valeriana*, *Thlaspi*, *Umbelliferarum* & Verticillatarum.

*Simplicibus* unicam intus cavitatem habentibus, ut in Leguminibus aliisque plurimis,  
*In plures cellulas seu loculamenta divisi*,

*Disjuncta*, ut in Aconito, Aquilegia, Delphinio, &c.  
*Conjuncta*, simul, vel

*Bina*, cum seminibus in singulis alveolis

*Solitariis*, ut in Xanthio, Mercuriali, &c.

*Pluribus*, ut in Siliquosis, *Brassica*, *Leucoio*, &c. inque capsularibus, *Verbasc*, *Thlaspi*, &c.

*Terna*, seminibus itidem in singulis alveolis

*Solitariis*, ut in Tithymalo, Ricino, Heliotropio tricocco, &c.

*Pluribus*, ut in Convolvulo, Hyperico, Asaro, Viola, & Bulbosus omnibus.

*Multa*, incerto numero, ut in *Papavere*, &c.



De processu Naturæ in generatione seminum à D. Malpighii Plantarum Anatome.

Stylus in plantis utero in Animalibus respondet. Nam sicut in oviparis unica est concameratio, in solitariam tubam definens: in viviparis verò uterus geminis ovaris totidemque tubis [seu cornibus] componitur: ita in plantis uterus seu ovarium unicum quandoque est, cujus tuba hiatu patet, quandoque multiplex, totidemque exporriguntur tube.

Not. Conceptaculum seu vasculum seminale nobis Uterus potius plantæ videtur dicendum: quod quidem interdum stylus est, ut in Tulipa, Papavere, &c. interdum corpus à stylo distinctum ut, in Caryophyllis inque Pomo & Pyro aliisque, in quibus flori subest, cum Stylus pars floris censetur: in his tamen aliisque stylus conceptaculi apici insidet. Verum quem nos stylum dicimus D. Malpighius styli tubam seu appendicem appellat. Non est ergo cur de nominibus litigemus, siquidem Uterus plantæ vel est stylus ipse, vel basis styli, seu corpus cui stylus insidet, quod Malpighius stylum facit.

Uterus igitur plantarum, seu conceptaculum seminis, in aliquibus solo membraneo gracilique corpore; concavo & tubuloso, vesicula instar, constat, hocque ligneis fibris, tracheis & utriculis contexto; in cujus centro semina seu foetus gignuntur & adolescunt. In aliis vegetantium ordinibus, ut in filiquosis, crassiori substantiâ, quasi pericarpio, constare videtur: In quibusdam oblongæ quædam appendices adduntur, quæ semina stipant & foveant, & crassius pariter obducitur pericarpium, elongatis fibrarum & trachearum fasciculis, à quibus utriculi succo turgidi pendunt, adeoque uteri substantia constatur è fasciculis jam dictis & utriculorum stiris in commune corpus quod fructus dicitur, conglobatis; non dispari ritu ac in Fœminis accidit, quarum uteri substantia contento sanguine ita tumet, ut solitam crassitiem triplo excedat. In aliquibus pericarpium moles, turgidi uteri vices supplens, ambiente interius corpore obvelatur, quod plerumque cartilagineum est, ut pomis pyrisque accidit; in aliis autem osseam substantiam fortitur, hujusque structura in tenellis adhuc è pericarpio uteri cavitatem cribratam extillat humorem.

Pericarpium, in iis quibus datur; concoctum fortasse succum contento foetui subministrat, vel saltem externi caloris vim obtundit, ne solaribus radiis contabescat. Quoniam tamen plures uteri pericarpio vel ejus analogo destituuntur, ideo fas est credere, succum qui à pericarpio percolatur in semen, non omnino productioni ejusdem conducere; sed materiam à fibris derivatis immediate à petiolo & secundinis excerni, pericarpium verò succum tutari potius quam componere. Quod verò pericarpia nonnulla nobis aliisque animantibus gratum cibum ministrent, non est ex primaria nature intentione, quæ pericarpium ad seminis tutelam destinavit; sed ex secundaria.

Semini integumenta seu membrana semen involventes Secundinis analogæ sunt, quorum ope diu custodiuntur & concredita pro germinatione juvantur.

Officula in Cerasis, malis Perficis & Mespilis, quibus semen custoditur, pro uteris habet D. Malpighius, non pro secundinis. Nunc licet crassioribus constant parietibus, pericarpium tamen continentur, & per ipsos humor fortasse in contentum semen percolatur. Secundinæ autem propriæ sunt quæ hiant utero una cum semine excidunt.

At pace tanti viri nullam video rationem cur Avellanarum & Juglandium putamina secundinæ censenda sint, Cerasorum autem & Perficorum officula minimè; cum tamen si secundinam rectè definiat, quæ hiant utero una cum semine excident, necessariò ita se res habebit, cum illarum putamina, utero se aperiente, una cum semine excident, horum autem officula minimè.

In plerisque Secundinis, ut v. g. Pyri & Pomi, hiatus aperitur ætiori in cacumine, ubi scil. plantulæ coëssus latitat, in aliis verò fenestra occurrit patenti cum hiatu. Quis hujus fenestellæ seu foraminis usus sit ambigitur, an ut externus aer admittatur ad fermentationem excitandam aut promovendam; an ut incongrua eliminentur evidenti transpiratu; an potius ad humorem nutritum excipiendum. Quod nobis magis probatur: Foramen isthoc ovi in Animalibus respondere existimat Malpighius. Sicut enim (inquit) in Animalibus foetus non tantum per umbilicum nutritur, recepto sanguine alimenticio succo commixto, sed etiam per os, derivato scilicet chylo in ventriculum, indeque solitis viis in cavam, ut sensim instituatur hæc alimenti via, quæ in edito foetu durante vita manuteneri debet, ita probabiliter contingere reor in seminalibus plantulis: Siphones [qui in plurimorum seminum secundinis horizontaliter ordine collocati sunt] alimentum foliis plantulæ ministrant, quod præexistens in propriis utriculis succo commixtum, per propria vasa gemmam versùs intro deducitur, & ita plantula quasi per umbilicum augeri videtur. Et quoniam hiatus in Pomi, Pyris, & sim. fenestella in Ciceribus, Fabis, &c. aperitur sub quibus extremum conici corporis, radicum scil. inchoamenta, conduntur, & eidem externum ministratur alimentum, ut regia nutritionis via instituatur, ab extremis videlicet radicibus in caulem vel caudicem, & ab his in ramos & folia, ideo hanc nutritionis viam analogam ei puto quæ per os celebratur in Animalium foetu. His accedat radicis truncum vaginâ, copiosis utriculis compaginatâ condi, quorum ope extremo caudici debitum auctivum subrogatur alimentum.

Notandum autem naturam non in omnibus Pericarpium exterius collocasse, & fructui seu semini circumposuisse, quamvis nomen Pericarpium id videtur indicare & exigere, sed in aliquibus inversâ viâ, à pericarpio in globosum corpus coagmentato emergere voluit uteros & semina, ut in Fragis præcipue cernitur.

Semini autem seu potius plantulæ seminalis intra secundinas generatio viventium productionibus analogæ est. Primò enim umbilicus occurrit qui manifestè perforatus est, & sensim in extremitate laxatus seu dilatatus, colliquamenti ichore (qui in Fabis fluidus est, in reliquis utriculis, coercitus) repletus, in molem diversæ [in diversis seminibus] figuræ intumescit. Tractu temporis semen seu foetus emergere incipit, in apice scil. amnii, supereminentibus binis foliis, alarum instar apertis, & frequentissimè diductis, ita ut angularis amnii apex fissuram impleat: à foliis verò seu alis acuminatum minimèque confusis substantiæ corpus (quod gemma est) assurgit. Successivò incremento auctior reddita amnii moles foetum quoque seu plantulam auget & fovet. Amnio in plurimis plantis utriculorum ordines chorii instar circumaffunduntur; Chorium autem in quibus adest à primordiis turgit, sensimque adaucto amnio exinanitur, & postremo à plantula amnion, in quod perco-

percolantur omnia, absumitur. Quare probabiliter seminalis humor primo ex secundinis in umbilico, & sensim in laxatum amnion derivatur; unde prima plantula delineatio. Verum hæc omnia exemplo & iconibus apposis clarior intelliguntur.

Augeatur autem probabiliter amnion, non tantum subministrato succo ab umbilico, sed & transudante humore à chorio, cum tractu temporis oblitteretur umbilicus. Et cum plantula seminalis peculiari umbilico destituatur, quo exterius adveniens alimentum altè ipsam penetrans, in singulas diffusas partes eas augeat & alat: sed ut plurimum contiguus amnii humor foliorum hiatum repleat, ipsique hæreat, non incongruum fortasse rationi erit censere, filtratione transductum chorii humorem in amnion, tandem plantula folia, inversa nutritionis subingredi, ex his in caulem & gemmam derivari.

\* Horticult.  
tura, l. 1. c. 17.

Mira autem est Plantarum nonnullarum fecunditas seminis respectu, ut v. g. Verbasci, Digitalis, Papaveris, Hyoscyami, Nicotianæ. In uno Helenii flore (inquit P. \* Laurembergius) numeravi ultra 3000 semina, neque tamen perveni ad finem. Helenium autem in eodem caule multos producit & gestat flores. Ex uno grano *Mayz*, seu Frumentum Turcicum iterum 1050; in Virginia 2000 colliguntur, ferunturque bis quotannis Martio & Junio. Ex uno flore Solis majore, progenera ex uno semine eodem anno Camerarius exemit circiter 4000 semina: ego 3000 & paulo amplius. Sed hæc nihil sunt si cum Tabaci veri fecunditate conferantur. Ego curiositati meæ indulgens, numerare aliquando coepi, quot granula seminum Nicotianæ ponderent drachmam unam, & expertus sum ponderi unius granuli medici (quæ est minima mensura) respondere grana Tabaci 1012. Jam verò ex una planta collegi seminum maturorum drachmas circiter sex, quæ faciunt medica grana 360 hæc multiplicata per 1000 (omissis 12) largiuntur grana 360000, quoque ferax fuit una planta Tabaci nata ex uno granulo.

Papaver album (supputante D. Grevio) semina 32000 annuatim producit, quam summam ita colligit: Quatuor plurimum planta hæc capitula matura profert, in quorum unoquoque densissimum membrana seu parietes, totidem cellulas determinantes sunt. Harum unicujusque alterutri lateri semina adnascuntur circiter 800, quibus in 10, numerum membranarum, ductis, exurgit summa 8000, quæ iterum 4 pro capitulorum numero multiplicata efficitur numerus prædictus 32000.

Not. Planta hæc, si caulem & solum foveat, non dico quatuor capitula, sed duplo triploque plura producit.

Typha major (eodem observante) ultra 120000 quotannis semina perficit, quod ita demonstrat. Semina enim una cum lanugine spicam seu clavam cylindricam efficiunt 6 uncias longam, diametro  $\frac{1}{2}$  uncie æquali circumferentiâ 1  $\frac{1}{2}$  uncie. Horum autem seminum 9, latere ad latus juncto, ut in spica collocantur,  $\frac{1}{2}$  duntaxat uncie partem efficiunt, adeò ut 72 lineam uncialem expleant. Verum quoniam in spica pili seminibus interpositi sunt, 10 detractis, 62 tantum supputabimus; quibus si addamus  $\frac{1}{2}$  numeri 62, hoc est 46, exurgit pro circuitu cylindri summa seminum 108, cumque cylindrus 6 uncias longus sit sexies 62, hoc est 372, semina unam longitudinis lineam component. Quo numero in 108 ducto producit summa 40176, pro numero seminum unius clava; proque trium quas planta illa singulis annis plurimum profert, 120000.

Verum numerosissima omnium semina producant herbe capillares dictæ. Unius *Lingæ cervine* plantæ annuus proventus ad decies centena millia seminum ascendit. Vide Caput de Phyllitide.

### CA P. XIII.

#### De Plantarum Seminibus observationes quædam generales.

I. **N**atura non observat magnitudinis proportionem inter semina & plantas ab iisdem ortas, ita ut majus semen majorem semper producat plantam, minus minorem. Sunt enim in genere herbarum non pauca, quarum semina arborum nonnullarum seminibus non dico æqualia sunt, sed multo majora, Sic v. g. semina *Fabæ*, *Pisi*, *Viciæ*, *Lupini*, *Peponis*, *Melonis*, *Cucurbitæ*, ut alias innumeras omittam, semina *Ulmis*, *Populi*, *Salicis*, *Berulæ*, *Ficks*, &c. multis vicibus magnitudine superant.

Atque hoc non in plantis duntaxat diversorum generum observari potest, sed interdum etiam in ejusdem generis speciebus. Sic in genere arborum glandiferarum *Ilex coccifera* dicta, quæ fruticis modum vix unquam excedit, glandem edit *Quercus* vulgaris parem: *Cerrus* arbor *Quercus* nostrati magnitudinem cedit, glandem tamen duplo majorem producit. *Cerintbe* purpurea annua montana perenni minor est, semen tamen illius hujus semine majus. Eadem differentia magnitudinis respectu observari potest inter semina *Rapistris* & *Sinapeos*, plantarum productricum proportioni contraria: nam semen *Rapistris* *Sinapeos* semine majus est, cum *Rapistrum* ipsum *Sinapi* minus sit. At neque Natura in animalibus oviparis eandem perpetuò magnitudinis differentiam observat inter ova quæ est inter animalia quæ ea ponunt. Quamvis enim inter *Locustas* & *Astacos*, magnitudine excepta qua *Locusta* *Astacum* excedit, indiscreta ferè similitudo sit, ova tamen *Astaci* *Locustæ* ovis multo majora sunt; Sic in Avium genere ova *Anatis Arctica* Clusii *Alkæ* Hoieri, ejusdemque *Lomviæ* tanto Anatium domesticarum ovis majora sunt, quanto *Aves* ipsæ *Anatibus* minores. Notandum tamen, *Aves* hæc palmipedes esse & tridactylas & unicum tantum ovum una vice ponere antequam incubent, adeoque unum duntaxat pullum excludere. Notatu autem dignissimum est, quò minora sunt eo esse fertiliora: Feracissima enim sunt *Papaver*, *Nicotiana*, *Digitalis*, & capillares omnes, *Sinapi*, *Typha*, ut alia omittam, quæ semina minutissima proferunt.

II. De Herbarum annuarum seminibus nota, 1. Ea omnium longè maxima esse, ut in *fabæ*, *piso*, *lupino*, *cicere*, *melone*, *pepone*, *cucurbita*, *flore solis*, *Phascolo*, aliisque patet. 2. In iis etiam generibus



in quibus alie species annue sunt, alie perennes; annuarum semina feminibus perenniam majora esse, magnitudinis plantarum ratione habita. Sic v. g. *Pisa* vulgaris majora sunt feminibus *Lathyr* majoris perennis: Sic *Triticum*, *Secale*, *Hordeum*, *Oriza*, *Avina*, *Maiz* seu *Frustrum Indicum*, quae nihil aliud sunt quam Graminum annuorum semina, majora sunt feminibus cujuscunque Graminis perennis nobis cogniti, Arundinibus etiam maximis non exceptis. 3. Semina omnia quae hominibus in cibum veniunt herbarum annuarum genimina esse: sive frumenta sint, ut v. g. *Secale*, *Triticum*, *Oriza*, *Sorghum*, *Frustrum Indicum*, *Milium*, *Panicum*, *Avena*, *Hordeum*, &c. sive Legumina, ut *Faba*, *Pisa*, *Lentes*, *Vicia*, &c. Cujus ratio esse videtur, quia ex feminibus saporis grati & nutrimenti salubris ea maxima sunt, adeoque eorum purgatio facilius, proventus uberior & farinae ad surculos proportio major.

III. Quamvis in plantis nonnullis, quae flagellis radices subinde agentibus se propagant, aut quae radicibus proliferis vel reptatricibus se multiplicant, ut in *Vinca Peruviana*, *Colocasia*, *Battata Canadensis*, *Raphano rusticano*, &c. verum sit quod à nonnullis observatur, eas scilicet semen rarius perficere & ad maturitatem perducere, quoniam natura his propagationis modis intenta eum qui est per semen negligit: Quamvis inquam hoc in nonnullis verum sit, procul tamen abest à regula generali, cum stirpes non paucæ reperiuntur quae aut radicibus reptant, aut flagellis se propagant, & tamen semen copiosum idemque fecundum gignunt. Prioris generis sunt *Herba Gerardi*, *Solanum balicabum*, &c. Posterioris *Fragaria* & *Ranunculus repens*. Verum ex altera parte in genere & sine exceptione verum existimo, quod quae plantae semen paucum perficiunt eadem modis superius tactis se propagant: aliàs enim natura, quae in necessariis non deficit, talium specierum conservationi & perpetuitati non satis cavisse videretur.

IV. Plinius alique rei naturalis scriptores dudum de Animalibus observarunt, quod, diutius gestantur quibus sunt longiora vitae spatia: Hanc observationem si plantis accommodare velis minime veram invenies. Nam ex spatio temporis breviori aut productiore, quod intercedit inter eruptionem floris & seminis perfectionem, de vita seu duratione istius plantae nihil certi colligi potest. Videmus enim *Ulmum*, cujus semen primo vere statim à flore edito perficitur, atque etiam defluit ante quam folia explicantur, arborem esse satis longevam.

V. Semina plantarum oleo copiosiore scatent quam quavis alia earum pars; quod prae se subjicit & tortae fatentur, magna ejus quantitate fusa. Oleum autem cum corpus sit viscidum, nec facile evaporet, seminali spiritui continendo idoneum est vehiculum. Hinc fit quod semina per multos etiam annos fecunda manent, & fata germinant. Quin & copiosum salem volatilem continent, ut luculenter demonstrat *Wedelius* in *Experimento novo chymico de sale volatili plantarum*. Verum de chymica seminum analysi agere in praesentiarum nostri non est instituti.

VI. Quot annos semina plantarum fecunda durabunt, difficilis admodum quaestio est: Veterum nonnulli vel 40 prodidere: D. *Morrisonus* non ultra decennium affirmat; alii fecunditatis spatium quinquennio circumscribunt. Proculdubio autem magna hoc respectu inter semina est differentia; alia enim diutius fecunditatem suam custodiunt, alia eam citius amittunt & sterilescent, ut verisimile sit nonnulla fecunditatem suam ultra decennium prorogare, alia ante quinquennium eam amittere. Ostendit mihi olim D. *Toll* curiosus florum cultor *Lenae Norfolciae* fimerum, in quod ante aliquot annos projectae fuissent uvae passae corruptae, ut ibidem computrescerent; ex earum autem vinaceis quotannis, stercore moto, vites aliquam multae enascebantur, & novae post 4 minimum annos. Ego (ut verum fatear) in nullo adhuc semine, 5. annis vetustiore experimentum feci, quinquennia autem germinare compertum habeo. Multum autem conducit ad fecunditatem prorogandam seminum conservatio; cavendum enim est ne humorem nimium bibant indeque situm & putredinem contrahant, neve nimium calefiant & exarescant; nonnulla etiam frigus vehementius urit & corrumpit. Quicquid sit, in terrae gremio latitantia, quamvis tot calor, frigus, humoris & siccitatis varietatibus ibidem obnoxia, diutius tamen (ut puto) fertilitatem suam tuentur, quam ab hominibus diligentissime custodita; nam & ego & alii ante me multi observarunt *Sinapis* vim magnam enatam in aggeribus fossarum recens factis, inque areis gramineis effossis, ubi post hominum memoriam nulla unquam *Sinapis* seges succreverat. Quam tamen non sponte ortam suspicor, sed è feminibus in terra per tot annos residuis etiam prolificis.

VII. Semina omnia seu ab hominibus fata, seu sponte è conceptaculis suis in terram delapsa, primum suum alimentum per poros tegumentorum hauriunt; aut (ut verius & magis Philosophice loquar) primum seminum satorum alimentum per tunicarum seu tegumentorum poros se insinuat. In plerisque autem feminibus foraminulum quoddam seu fenestella patentior observatur, qua humor alimentaris primitus subintrat: quo semel admissio, spiritus vitalis intus hospitans plantulam seminalem ejusque involucra fermenti in modum inflat & extendit, unde etiam humor terrestris copiose in eam irruat necesse est, quo nutritur & augetur.

VIII. Magna est analogia & similitudo inter vegetationem & augmentum seminum seu ovorum plantarum in terra, & viviparorum animalium in utero. Quemadmodum enim semen plantae plenam maturitatem adeptum in terram decedit, ibidemque liberum & solutum jacens alimentum (ut dixi) primitus per poros tegumentorum suorum attrahit imbibere; postmodum radices in terram agit; sic pariter ovum Animalis vivipari, maris semine fecundatum, & quasi ad maturitatem perductum ab ovario velut arbore in uterum seu terram delabitur, ubi aliquandiu liberum & solutum permanens, absque ulla cum utero cohaesione, primum suum alimentum per membranas involvantes seu secundas attrahit. Aliquanto autem post, velut radicibus actis utero se affigens, aliquam saltem nutrimenti portionem inde exugere videtur. Ovaria voco corpora illa, testes foemineos vulgo dicta, quae qui diligenter inspexerit, oculorum testimonio victus nihil aliud esse quam congeries seu racemos ovorum necessario confitebitur. Cum semen humorem imbibere assero, aut foetum alimentum attrahere, vulgari & usitato loquendi modo utor, nec aliud intellectum vellem, proprie & Philosophice accipiendo, quam humorem per poros se insinuare, aut influere per venas & vasa: nec enim attractionem proprie dictam in natura dari ullatenus concesserim. Neque verò semina dun-

taxat plantarum verum & earundem radices maximam alimenti sui partem per poros tegumentorum attrahere existimo, minimam autem per capillarium fibrarum extremitates, quas nonnulli prototidem oculis habent. Quod plantæ per corticum poros alimentum hauriant à modo ramulos & *anavusudna* depangendi quem memorat P. Laurembergius Horticult. cap. 21. §. 1. clarissime evincitur. Nulla (inquit ille) fere stirps est quæ non queat propagari per ramulos anniculos, modo 1. inferior extremitas abscissa oblinatur emplastro sequenti: R. ceræ 3i terebinth. 3i resinae communis 3ii commixtis. 2. Non directe infigas terræ ramulum sic oblitum, sed incurvo arcu, ut suprema pars promineat è terra, media tangat imum, infima, quam oblinendam dixi sursum nonnihil vergat, ita tamen ut delirescat. In hoc casu non alia patet via qua succus alimentaris subintret, quam corticis pori.

Quoniam autem mentio incidit hujus arboris ramulis seu taleolis depactis ferendi methodi, operæ pretium fore putem eam in omne genus Pomiferis experiri; cum si succedit facillima omnium erit & fructuosissima propagandi ratio. Quamvis enim furculus insitus eodem pariter anno fructum producat, truncus tamen seu stipes aliquot annos à satione exigit antequam infitioni idoneus sit. Quin & ramulus cum multo major sit quam furculus & uberius crescat, fructus longe plures eodem temporis spatio producit. His adde, quod si planta quavis non comprehendat, facile extirpari aliaque ejus loco depangi potest. Quod vero hic plantandi modus in cujuscunque generis pomiferis arboribus succederet verisimillimum judico, cum nulla mihi sufficiens ratio reddi posse videtur, cur in eodem Arboris genere alia species ramulo sata comprehendat, ut v. g. *Codlings* & *Apples* nostratibus dictæ; aliæ minimè. Qua in sententia valde confirmabar à D. Fosselino, qui in sua *Nova Anglia* descriptione hunc apud indigenas ramulis avulsis plantandi modum in omne genus Malis & Pyris cum successu frequentari scribit.

## CAP. XIV.

## De foliis Plantarum Seminalibus dictis.

**S**eminum satorum pars maxima binis primulum foliis è terra exoritur, quæ quoniam multiplici respectu succedentibus dissimilia sunt, hortulanis nostris non ineptè, *folia seminalia* appellantur.

1. *Folia hæc seminalia* à succedentibus differunt, primò Parvitate, ut quæ in omne genus plantis illis minora sint.

2. Figurâ, ut quæ integra sint & indivisa iis etiam plantis quibus subsequenter multifariam dissecta sunt, ut v. g. *Umbelliferis*, circum oras æqualia iis quibus reliqua crenata aut dentata; in plerisque plantis à sequentibus foliis circumscriptione diversa. Hic tamen notandum est, quod quamvis *folia seminalia* in plerisque plantis integra sunt absque ulla omnino crena, sectione aut divisione, non tamen hoc in omnibus constans est & perpetuum, siquidem *nasturtii borsensis* folia seminalia in tres lobos dividuntur quæ totidem folia mentiuntur; *Brasica*, *Raphani*, *Sinapeos*, *Rapæ* frondes unica crenâ incisâ obtinent, *Nasturtii Indici* duplici crenâ in tres dentes divisa. *Geranii moschati* pinnata sunt ad modum fere subsequentium. Verum nullam hæcenus plantam novi cujus folia seminalia circum oras undique crenata aut dentata sint, *Urtica* aut *Betonica* modo.

3. Differunt Superficie, levi v. g. iis etiam plantis quarum folia hirsuta sunt aut pilosa; non tamen omnibus, nam folia seminalia *Baraginis*, *Buglossi* aliorumque quotquot observavi ex Asperifoliis dictis hirsuta seu pilosa sunt.

4. Differunt insuper Situ & nascendi modo, cum bina opposita nascantur, non in iis duntaxat plantis quarum folia in caulibus conjugatim disposita sunt, verum etiam quibus singulatim & alternatim oriuntur, ad inferiorem articulum ex hoc latere, ad superiorem proximè ex adverso, vel 2. stellatim plura caules ad nodos ambiunt, ut in *Asperula*, *Aparine*, &c. vel 3. crebra in caule confusè & nullo ordine nascuntur, ut in *Lino*, *Linaria*, *Tubymalo*.

5. Folia seminalia totaque in universum seminalis plantula ante germinationem, dum adhuc tegumentis suis includitur, pulpola est & fragilis, ut tota ferè carne constare videatur, fibræ autem minimum continere.

## CAP. XV.

## De Plantula feminali reliquisque semine contentis.

**I**N omnibus quæ unquam dissectui idoneæ magnitudinis seminibus plantulam feminalem semper inveni, in nonnullis perfectè efformatam, ut partes ejus omnes nudis etiam oculis possent discerni, & digitis à se invicem diduci, in aliis minus perfectam, certè partes ejus non ita facile à me potuerunt discerni.

1. Plantula hæc feminalis in plerisque seminum generibus binis foliis seminalibus constat, aut saltem gemino lobo foliis seminalibus respondente; *Radicula* & *Gemma*. Gemino dixi lobo foliis seminalibus respondente, quia sunt ex hoc seminum genere quæ lobos suos supra terram foliorum formâ non exserunt, unde nonnulli fortasse foliorum titulum iis minimètribuendum censeant. Verum quoniam ejusdem omnino naturæ sunt, eundemque procudubio usum obtinent, nullam video rationem cur eodem etiam nomine non possint insigniri.

2. In nonnullis seminum generibus plantula feminalis non conficitur ex binis foliis seminalibus, *Radicula* & *Gemma*: sed vel solo trunco absque foliis constat, vel trunco folioso, vel solo solo absque



que trunco, nudo saltem oculo visibili. Ex hac seminum divisione sumi potest generalis plantarum distinctio, eaque meo iudicio omnium prima & longe optima, in eas scil. quæ plantula seminali sunt bifolia aut *didyma*, & quæ plantula seminali adultæ analogæ.


3. E primi generis seminibus (in quibus plantula seminalis binis foliis seminalibus, gemma & radiculâ constat) sunt in quibus præter plantulam seminalem nihil omnino pulpæ aut medullæ continetur; sunt etiam in quibus præter plantulam alia etiam continentur, seu in quibus plantula part tantum est pulpæ seu medullæ.

Semina illa quæ nihil aliud continent præter plantulam seminalem in duplici itidem sunt differentia, 1. In nonnullis plantula seminalis plana est & extensa absque ulla plica, ruga aut convolutione. 2. In aliis folia seminalia cum radiculâ variè complicata sunt aut convoluta. In primo genere folia seminalia nihil aliud sunt quam seminis lobi planis suis superficiebus coaptati, ut in *Avellana* nuce videre est. Gibba seu externa lobi alterutrius superficies eadem est figurâ cum medietate seminis secundum longitudinem per medium fissi. Hujus generis sunt *Faba*, *Pisa*, *Phaseoli*, *Vicia*, *Amygdala*, *Prunus*, *Glandes*, &c.

Hic obiter notare possumus unionem hanc seu connexionem radiculæ cum lobis non semper seu in omni plantarum genere ex ea parte esse qua semen fructui aut vasculo seminali coheret; unde nec in omnibus speciebus germinatio à puncto cohesionis incipit, ut nonnulli tradiderunt; sed in aliquibus ad distantiam notabilem à loco cohesionis, ut in *Fabis*, *Lupinis*, &c. in aliis ad extremum oppositum, ut in *Glandibus*, *Juglandis* nuce, *Amygdalis*, *Prunis*, *Boragine*, *Buglossis*, & *Asperifoliis* reliquis. Jam vero in seminibus oblongis aut acuminatis radiculam ad acutiorem extremitatem sitam observavi, five extremitas illa vasculo coheret, five eidem è diametro opposita sit. Sic v. g. in seminibus *Pomi*, *Pyri*, *Floris Solis*, *Melonis*, *Peponis*, *Cucumeris* & *Verticillatarum* omnium; cum acutior extremitas eadem sit quæ vasculo seminali contigua est, radiculæ etiam apex cohesionis punctum respicit: in seminibus autem *Glandis*, *Amygdalis*, *Boraginis*, *Buglossis*, &c. in quibus acutior seminis extremitas cohesionis puncto è diametro opponitur, radiculâ quoque eundem situm obtinet. In quibus seminibus medullæ cum lobis connexio vel loco cohesionis seminis ipsius, vel eidem opposito adjacet, hoc est, in seminibus productioribus in quibus alterutram extremitatem occupat, radiculâ necessario brevis est; in quibus verò connexionis locus à seminis cum planta cohesionis distat, radiculâ aliquanto longior est, & juxta marginem lorum producitur, donec apice suo ad cohesionis locum terminetur.

Hæc observatio nonnullius utilis esse potest in ferendis seminibus saltem grandioribus, nam earundem germinationem proculdubio nonnihil promovebit, ita ea ferere ut plantulæ radices apex deorsum spectet; ut vice versa necessario vegetationem & augmentum impedit, eo fiti ferere ut ejusdem apex sursum tendat. Radix enim in hoc casu integrum semicirculum seu duos angulos rectos inflectatur oportet antequam deorsum descendat, & ex altera parte similiter gemma tantundem incurvanda est antequam sursum erigatur, ita ut succus nutritivus bis reflectatur necesse est antequam è radice in caulem derivetur.

Secundi seminum generis in quo plantula seminalis convoluta seu complicata est multæ sunt varietates, cum complicatio foliorum seminalium & radiculæ in variis generibus admodum variet. Exempla aliquot proponam seminum majusculorum in quibus tegumentis detractis complicationis modus clarè apparet, ut quivis facile eum oculis discernere queat, & plantulam inclusam propriis digitis extendere aut explicare. 1. In *Raphano* & ut verisimile est in aliis omnibus quæ foliis seminalibus similibus è terra exeunt, ut v. g. *Brassicis*, *Rapis*, *Sinapi*, *Rapistro*, *Eruca*, &c. Plantula seminalis in figuram globosam elegantissimè convolvitur hoc modo. Foliis seminalibus sibi mutuo admotis seu appressis ut in aliis plerisque, primò radiculâ inflexa iis superimponitur, deinde foliorum eorundem partes dextra & sinistra versus se mutuo incurvatæ supra radiculam, & tandem occurrentes eam sinu suo amplectuntur; cujus sic convolutæ & explicatæ plantulæ icones exhibemus è *Malpighii Plantarum Anatomie desumptas*, Tab. 53. Fig. 319. 2. In *Acere* majore *Sycamore* falso dicta, folia seminalia sibi mutuo admotæ, ut in priore, ambo simul paulò supra mediam longitudinis partem incurvantur, donec sibi mutuo dimidiæ earum partes contiguae fiant, deinde unâ cum radiculâ in globulum convolvuntur, ut si quis angustam laciniam bis replicaret, deinde à flexuræ loco incipiendo convolveret. Apposita icon rem illustrabit. 3. In *Nasturtii* hortensis semine lateralia duo segmenta utriusque folii seminalis partem posticæ mediæ seu præcipui segmenti applicata (quæ simul ejusdem cum illo exactè le-



ritudinis sunt) tegumentis includuntur, radiculâ non nudâ in folia reflexâ, sed velut si prius exensa tegumentis involuta fuisset, postmodum autem una cum tegumentis ad folia seminalia inflexa, ut semen ipsum contemplanti manifestè patebit. 4. In seminibus *Convolvulorum* omnium, sed præcipue marinæ seu *Soldanella*, folia seminalia multis plicis seu flexuris corrugantur, adeo ut è tegumentis exempta facillimè possint expandi & erugari, cum tenuiora sint minisque fragilia quam in plerisque aliis, quin & viridescunt nonnihil; adeo ut ex omnibus quæ hæcenus observavi huius generis seminibus huic usui commodissima sint, nimirum demonstrando naturæ artificio in complicando intra membranas involventes plantulam seminalem, quod sanè valde admirabile est & spectatu jucundissimum.

Hæcenus de Seminibus quorum pulpa seu medulla tota nihil aliud est quam plantula seminalis seu exensa, seu complicata, sequitur ut de iis agam in quibus præter plantulam seminalem aliud etiam corpus continetur, seu plantulæ seminali alendæ seu defendendæ inserviat. Hæc etiam consimiliter in duo genera dividi possunt. Primum est eorum in quibus plantula seminalis plana est & exensa absque ulla plica aut flexura. Huiusmodi sunt Fraxini semina & Umbelliferarum nonnullarum. Secundum est eorum in quibus eadem plantula inflexa complicata aut convoluta existit; cuiusmodi sunt semina Malvæ, Stramonii, Atriplicis, Spinachiz, aliarumque plurimarum, in quibus pulpa residua seminali plantulæ dum adhuc tenella est alendæ aut (ut diximus) fovendæ inservire videtur.

In priore genere caro seu pulpa foliorum seminalium seu lorum primum radici nutrimentum, cum primum germinat suppeditare videtur; quæ post productior facta, & in terram descendens inde alimentum tum sibi exigit, tum foliis vicissim rependit. Folia enim seu lobi seminales in id genus seminibus dum adhuc tegumentis inclusa latent, crassi sunt (ut ante diximus) carnosique & fragiles, fibræ paucæ, carnis multum obtinentes: ideoque ordo seu processus germinationis in eis huiusmodi esse videtur. Semine terræ commisso humor seu succus nutritius duplici filtratione per seminis tegumenta & plantulæ ipsius membranulam depuratus à foliorum pulpa imbibitur, cumque eorundem salinis & oleosis particulis commixtus idoneum radiculæ nutrimentum suppeditat. Hæc autem primum germinans tunica disrumpit & producta in terram descendit, indidemque nutrimentum & sibi haurit, & foliis seminalibus reddit, quæ deinde aucta & explicata è terra erumpunt, tegumenta dilacerata exiunt, inque longitudinem & latitudinem extenduntur, rariore tamen magisque spongiosæ, lentæ quoque & fibrosæ evadunt. Verum in seminibus quorum folia seu lobi seminales supra terram non exurgunt, ut v. g. Fabæ, Pisces, Vicis reliquisque leguminibus radiculæ (quantum quidem ego observare potui) lobis alimentum non suppeditat, qui idcirco crescere & attingere propriè non sunt dicendi, quamvis intumescant admodum ratione humoris in eorum poros se insinuantis, spongiz in modum. Lobi ut & folia seminalia aliquandiu post plantæ germinationem turgida & exensa durant, postea paulatim extenuantur & flaccescunt, tandemque exsiccata decidunt. An nutrimentum aliquod plantæ post emersionem è terra subministrant & quandiu turgida maneant, mihi non constare fateor. Experimentum autem facillè fieri posset folia seu lobos abscindendo quamprimum plantula è terra prodierit, eamque cum altera coæva cui maneant comparando. Si enim mutila integram vigore & augmento æquat, manifestum est nullum folia nutrimentum plantulæ saltem necessarium suppeditare.

Ex quo hæc primum scripsi ad manus meas venit sagacissimi & verè incomparabilis Philosophi, naturæ ipsi à secretis *Marcelli Malpighii Anatomies Plantarum pars altera*, in qua experimentum hoc à summo viro factum invenio in variis seminum generibus tam ante quam post germinationem inchoatam: quo successu ipsum referentem attende. Primo, inquit, vere *Fabarum* plurimas plantulas sevi, detractis prius cotyledonibus seu farinaceo pericarpio. Ex his binæ tantum plantulæ, reliquis corruptis, parum vegetarunt, gemma scilicet sursum excreverat immota hærente conica radice. Circa undecimam diem gemma non expandebatur: sed foliola in extremitate areſcebant: caulique non elongabatur; sed maculis in atrum tendentibus inficiebatur. Transactâ vigesimâ primâ totus caulis minimus nigrefactus tandem contabuit: corrupta prius radice, quæ nullum augmentum omnino erat experta. Mense quoque *Maii* alias seminales plantulas *Fabarum* & *Phaseolorum* ablatis pariter binis seminalibus foliis seu cotyledonibus incubandas posui; è quibus unica *Faba* plantula vegetavit, elatâ supra terram minimâ gemmâ, productaque parum infra radice, ita ut tota plantulæ longitudo semidigitum non excederet. Hæc transactâ vigesimâ primâ nigrefacta radice & exsiccatâ folis gemmæ seu futuri caulis contabuit. Alias denuo plures seminales *Fabarum* plantulas detractis omnino cotyledonibus plantavi, quarum nullæ penitus vegetarunt. Idem expertus sum in plantulis *Cucurbitæ*, *Peponum*, *Lupinorum* & *Phaseolorum*: qui insigni pollent trunco & gemma.

Hanc eandem observationem progrediente in cubatu & post inchoatam vegetationem tentavi, dum scilicet cotyledones sub specie seminalium foliorum supra terram emergebant. In *Cucurbitæ* itaque plantulis vegetantibus discusso cortice, ablatis binis seminalibus foliis, protrahabatur quidem vegetatio, sed gemma seu relictus caulis nullum ferè augmentum capiebat, hocque sæpius mihi accidebat. Idem contingebat in *Lupinis*, quorum cotyledones in ampla & crassa extuberabant folia. In *Peponibus* quoque, in *Lactuca*, *Endivia*, *Raphano* & *Rapis*; quorum plantulæ cotyledonibus orbata, vegetationis incrementa non sortiebantur; sed vel citò extinguebantur, vel minima absque vegetatione tabida subsistebant. Plantulis verò à primordiis vegetantibus, unico detracto folio, altero autem superſtite, germinatio producebatur, non tanta tamen felicitate qualis in non mutilatis observatur.

Vegetantium cotyledonum vim & durationem exploraturus, plura sevi *Lupinorum*, *Cucurbitæ* & *Fabarum* ova: à quibus plantulis, dum supra terram erumpebant singulo die seminalia folia abstuli. In *Lupinis*, quarta die è terra emergentibus laceravi folia; in *Cucurbitæ* pariter, quinta die primò apparente planta, idem molitus sum, & septima die in *Faba* vegetante cotyledones abstuli, & ita subsequenter diebus idem tentavi in consimilibus plantis per spatium dierum decem, *Lupinorum* igitur tres primæ plantulæ, cotyledonibus orbata, nullum ferè sortitæ incrementum post mensem

contra-



contabuerunt; reliquæ verò longè minores perdurarunt. Cucurbitæ verò quatuor primæ reliquis vegetantibus extinctæ sunt. Fabarum plantæ coryledonibus orbatæ, plures quidem vegetarunt sed gracillimæ & minimæ.

Ex his igitur conjectari licet, bina illa, ut plurimum crassa, folia quæ plantulæ seminali hærent uterinæ placentæ vel coryledonum vices explere. Hæc autem humorem exposcunt à terreno utero emanantem, quo soluti fermentativi & spermatici eorum succi per propria umbilicalia vascula quotidianam plantulæ alimoniam & activam materiam suppeditant: unde plantulæ foetus è fermentatis & in motum actis particulis, in placentis scilicet seu seminalibus foliis jam contritis, non solum laxatis meatulis augetur; sed ad vegetandum excitatur. Hactenus *Malpighius*.

Quod folia seminalia ad primam vegetationem seu germinationem plantulæ necessaria sint, experimenta allata evincunt: seu quia humor terrenus minimè idoneus est plantulæ dum adhuc tenella est alendæ, nisi præparetur per admixtionem succi foliorum seminalium fermentativi, ut *Malpighius* conjectatur, & rationi consonum est, seu quia tenella & imbellis plantula è terra nondum haurire valeat quantum sibi alendæ sufficiat, sed supplemento adhuc egeat à foliis subministrato, ut pullo recens excluso alendo vitellus necessarius est, quantumvis cibum ore capeffat; seu ob utramque rationem.

Quod folia hæc ad vegetationem prosperam faciant aliquamdiu etiam postquam planta è terrâ emerferit experimenta itidem probant.

Quod verò non semper necessaria sint, neque etiam utilia, manifestum est, quia post aliquod tempus paulatim marcescunt & intereunt, radicem totum suum nutrimentum plantæ subministrante.

Notandum quoque est, quod post vegetationem inchoatam plantula tenella recens nata partem saltem aliquam nutrimenti sui radice attrahit, ut patet à celeri auctu & extensione foliorum seminalium. Sic in Animalibus videmus quod Embrya partem aliquam nutrimenti è coryledonibus seu placenta uterina exugunt, partem ore admittunt, dum adhuc in utero sunt: siquidem in ventriculo dissecto idem planè humor invenitur qui in amnio cernitur, & in intestinis etiam excrementa, post ejusmodi humoris coctionem & distributionem reliqua, observantur.

Ex his omnibus colligere licet primum plantulæ seminalis alimentum, & (ut verisimile est) foetus etiam in utero à coryledonibus seu placentis uterinis, hoc est in plantis à foliis seminalibus præparari & præberi; postmodum succo nutritio partim ore seu radice hausto, partim à coryledonibus subministrato aluntur, adeoque paulatim indies ore seu radice plus assumentes, à coryledonum succo velut ablaetantur, eoque tandem prorsus deficiente, animalia ore, plantæ radicibus integrum suum alimentum hauriunt aut capeffunt.

Superest jam ut de iis seminibus dicamus, in quibus plantula seminalis non binis seminalibus foliis, radice & gemmâ constat, sed cujus folia primum apparentia subsequenter similia sunt.

Horum duo genera observavimus. Primum est eorum in quibus plantula seminalis alteri seminis extremitati, ei nimirum quæ valculo seminali contigua est, exterius affigitur, figurâ ferè gemmæ cum scuto suo in emplatratione arboris alicujus trunco aut ramo appositæ. Secundum est eorum in quibus plantula seminalis media seminis pulpa velut medulla includitur.

Prioris generis sunt frumenta omnia & gramina quæ fibrosas obtinent radices; plurimis minutis fibrillis è fundo plantæ unâ erumpentibus, non autem simplici trunco qui postmodum in furculos & fibras spargitur. Sic in grano. *Hordei* v. g. observavi sex ejusmodi fibrillas enatas, antequam folium germinare inciperet. Plantula seminalis in his vix decimam partem pulpæ seu medullæ seminalis magnitudine æquat. Reliqua pulpa seu farina plantulæ dum adhuc tenella est nutriendæ inservit, etiam postquam radices egerit; quemadmodum in Animalibus oviparis ovi vitellus pullo alendo aliquandiu etiam postquam excluditur, quamvis interim ipse cibum rostro capeffat. Pulpam hanc seu carnem seminis in hoc genere folium conglobatum appellat vir nunquam satis laudatus *Marcellus Malpighius*, in *Plantarum Anatomie parte prima*, pag. 77. qua occasione in hanc opinionem inductus est ipse declarat. In *tritico* (inquit) & *avenaceis* videtur plantula seminalis unico hocque obscuro folio prædita. Huic meditationi lucem tulit seminum *pomi Armeniaci* frequens inspectio: semel enim incidi in seminale plantulam folio destitutam, & hujus gemma cum radice non parum luxuriabat: aderat autem intra eundem nucleum alterum semen seu plantula, in cujus auctorem primò conspiraverat natura. Ex hoc itaque monstro interdum credidi frumenti & consimilium seminales plantulas unico pollere folio, cui hæret gemma cum cauliculi inchoamento & radicibus. Sic in *Avena* præcipuum corpus seu seminis caro in ovale & oblongum configuratur corpus, quod in sui medio excurrentem exhibet foveam. Namque est veluti crassa lamina suis extremis in medium reflexis & convolutis cujus summitati plantula seminalis appenditur seu inseritur. Hactenus *Malpighius*. Verum hæc medulla seu caro farinacea seminis, seu folium convolutum conglobatumve dicenda sit five minus, certè plantulæ recens satæ alimentum suppeditat, ut in *tritico*, v. g. evidentissimè apparet. Si enim cum primum exorta fuerit plantula, eam extirpes, pulpam in grano ferè integram invenes; quod si de die in diem plantulas simul satas extirpare pergas, pulpam seu farinam sensim quotidie minui observabis, donec tandem nihil reliquum sit præter vacuum folliculum plantæ fundo adhaerentem. Pulpa autem seminis seu farina post germinationem terræ humore per poros tegumentorum percolato commixta in cremorem faceffit chylo non dissimilem. In iis autem frumentorum generibus quorum grana membranâ tenui vestiuntur, ut v. g. *tritico* & *secalis*, folium tegumenta dirumpit, & ab eadem cum radicibus extremitate egreditur. In quibus verò granâ cortice crassiore obteguntur, ut *Hordeo* & *Avena*, folium sub crassiori cortice reptans è seminis summitate exit, quamvis gemma seu plantula seminalis eidem seminis inferiori extremo adnascatur, primaque tum folii tum radicis germinatio ab eodem puncto incipiat tam in hoc genere quam in illo.

Secundi generis semina, h. e. in quibus plantula seminalis mediâ seminis pulpâ includitur nonnihil variant. In nonnullis enim tum truncus tum folia perfectè formantur. Sic v. g. in nucleis *pinea* (& ut verisimile est, aliarum omnium coniferarum & resiniferarum arborum seminibus) *Pinum*

pussillum perfectè effigiatam truncòque & foliis suis discretam, prout apparet cum primum fata è terra emerferit, si eos dissecueris faciliè invenies. Pulpa exterior, cuius medium occupat plantula feminalis, eidem alendo non videtur inservire, saltem maxima ejus pars. Observavi enim à germinatione post plantulam enatam totam ferè pulpam exteriorem in cortice residuam. Si conjecturas sequi licet, verisimile nobis videtur, pulpam inservire semini partim protegendo ne areseat nimis & humidum ejus radicale evaporet, partim succo nutritio per filtrationem depurando, partim denique ut tenuior ejus pars cum humore commixta in nutritionem plantulæ tenellæ facessat.

2. In aliis plantula feminalis nihil aliud esse videtur quàm cylindrus aut bacillus quidam, in nonnullis acuminatus, in aliis in capitellum extuberans. Plantula hæc cylindroides in nonnullis feminibus incurvatur, in aliis rectà extenditur, in omnibus eam seminis partem occupat, quæ matæ adnascitur, & ad molem pulpæ feminalis minimam obtinet proportionem: reliqua autem pulpa corpus est durum & cartilagineum; quod plantulæ feminali partim alendæ, partim protegendæ inservire videtur. Hujus generis sunt semina bulbosarum omnium, *Iridum*, *Ari*, *Asparagi*, & (ut puto) *Pæonia* & *Cyclamini*. Aliquam etiam inter hæc semina differentiam observavi. Nam in feminibus *Cepæ* & *Porti* exterior terminus cylindrici stipitis seu plantulæ feminalis, primum germinans, deorsum rectà descendit in terram, & fit radix, pulpâ feminali alimentum eidem suppeditante, & eam velut protrudente. Radix deinde terram apprehendens alimentum inde attrahit, & vicissim trunco reddit, qui in longum extensus supra terram affurgit inflexus, cum alteri extremo radix alteri autem semen alimentum subministret. Verum cum radix copiosius præbeat quàm semen, hinc fieri videtur, quòd à flexura trunci medietas illa quæ radici continuatur, celerius crescat & productior facta, alteram medietatem unâ cum semine adherentè è terra extrahat & sursum rapiat.

Siquis autem plantulam feminalem videre desiderat, semen quodvis ex majusculis (quæ huic usui aptiora sunt) adultum quidem, dum tamen adhuc viride est & humore turget, dissecandum sumat; quòd si exiccatum offeratur, aquâ tepidâ prius infundat donec intumescat & germinare incipiat. Tunc enim plantulam tunicis exutam facile explicabit, omnesque ejus partes, folia feminalia, radiculam & gemmam, clare discernet. Quod si fecerit, non poterit non naturæ artificium in plantis feminalibus tam curiosè complicandis summopere admirari, & tam amœno spectaculo vehementer capi & delectari.

## C A P. XVI.

### De Partibus Plantarum secundariis seu auxiliariis, Capreolis, Spinis, &c.

CUM Plantarum nonnullarum eximie etiam magnitudinis Caules infirmiores sint quàm ut per se subsistant, quin humi provolvantur, necesse est in alienis adminiculis sustententur; harum securitati sollicita partes aliquas secundarias & auxiliares ingeniosa excogitavit Natura, quarum ope vicinis stirpibus aliisve fulcimentis sese implicantis adherentèsve firmentur & in altum enitantur, adeoque & seipsas turgentur, & fructus suos ad maturitatem feliciter perducunt. Aliis enim Capreolos concessit seu claviculos, quibus (ut Cæsalpini verbis utar) tanquam manibus vicinas plantas apprehendant, & velut funiculo circumducto amplexentur, ut *Viti*, *Cucurbitæ*, *Piso*, aliisque leguminibus. Oriuntur autem Capreoli vel in ipsis foliorum alis, vel à latere, vel ex adverso, vel etiam in summis foliis, ut Leguminibus quibusdam contingit. Hujusmodi capreoli styloformes appendices seu flagella exserunt, modò tria, frequenter quatuor, & non raro etiam sex. Hæc à primordiis tenella, & parùm obliqua (verba sunt Malpighii) producuntur; temporis tractu solidiora reddita in spiram contorquentur, unde occurrentes plantarum ramos acutè amplexantur. Capreolorum color viridis est, & fistulis, tracheis, & interpositis utriculorum ordinibus compaginantur. Aliis eadem polydactyla natura aliud vinculorum genus machinata est. Sic *Hedera* vulgari cirros quosdam seu radículas pilosas indulsit per totam caulem frequentes hinc inde, velut *Millepedum* pedes, qui, observante sagacissimo *Malpighio*, glutinosum fundunt humorem seu terebinthinam, quâ arboribus aut parietibus occurrentibus pertinaciter adherescunt & agglutinantur. Sic *Hedera* Canadensi quinquefoliæ quasi manus qualdam elargita est, velut in digitos divisas, qui diuturnitate temporis cincinni instar in spiram contorquentur. Horum extremitates (eodem observante) dum tenelli sunt acuminatæ extant, tandem verò laxantur in corpus crassiusculum, quod papillis seu minimis siphonibus refertum, terebinthinam fundit, unde parietibus hærens concretam quasi cuticulam efformat, quæ nisi summâ vi à muro vel subjecto ligno avelli nequit.

Aliis autem plantis infirmis (ut id obiter notemus) vel caules volubiles concessit, ut *Convolvulo*, *Lupulo*, *Phaseolis*, *Helixine*, &c. quibus vicinas stirpes aut pedamenta amplexentur, serpentum modo iis se circumvolventes; vel foliorum pediculos tortiles, quibus sese iis adnectant, ut in *Clematide*, *Fumaria*, *Nasturtio Indico* cernitur.

Alias præterea Plantis partes minùs principales aut forte excrementitias donavit natura, pilos & aculeos. Illos vel ornamenti vel tutelæ causâ, vel (quod opinatur Malpighius) ut turgentis alimentæ sub harum forma incongrua portio erumpat & digeratur; de quibus ipsum eruditè & subtiliter, ut solet, philosophantem consulas: hos ad arcendas injurias aut etiam inferendas, nunc in caulibus, ut *Rubo*; nunc in foliis, ut *Agri-folio*; nunc in fructu, ut *Tribulo*; nunc sub foliis tantum, ut *Ononi*; nunc ubique, ut in plurimis *Acanaceis* Cæs. In his ipsis plantis nonnullis elargiendis providentiam naturæ satis admirari amplectique non est (inquit Plinius.) Naturæ autem consilium in hujusmodi aculeatis efformandis ingeniosè simul & succinctè explicat, pro ore suo, verbis sequentibus. Inde excogitavit aliquas aspectu hispidas, tactu truces, ut tantum non vocem ipsius naturæ fingentis illas rationemque reddentis exaudire videamur, ne se depalcat avida Quadrupes, ne procaces manus rapiant, ne neglecta vestigia obterant, ne insidens ales infringat, his muniendo aculeis



aculeis reliſque armando, [proviſum] remediis ut tuta ac ſalva ſint. Ità hoc quoque quod in iis odimus hominum cauſà excogitatum eſt.

## CAP. XVII.

## De Nutritione Plantarum.

**N**utritio dicitur alimenti intus ſuſcepti & alterati in omnes Plantæ partes diſtributio, inque earundem ſubſtantiam tranſmutatio, ad ſupplendum id quod continuè calor ſeu inſici, ſeu adventitiū vi abſumitur & evaporat. Partes enim humidiores tam Plantarum, quàm Animalium in perpetuo fluxu ſunt: id quod ex foliis & floribus decerptis evidentiffimè apparet. Hæc enim flacceſcunt illico & contrahuntur, ob ſucci eorum vaſa & veſiculas replentis & diſtendentis fugam. Eadem autem ſucci evaporatio partibus hiſce accidit dum adhuc plantæ matri coherant, nec tamen ſentitur, foliis conſiſtentiam & extenſionem ſuam nihilominus retinentibus, ob novi ſcilicet humoris à radice ſubminiſtrati jugem effluxum. Plantarum autem nutritio à nutritione Animalium in eo differt, quòd hæc cibum ore aſſumptum in ventriculo concoquant, adeoque comminuunt & partium ejus unionem laxant, ut ſponte ferè ab invicem ſecedant, ſaltem purum ab impuro, clarum à ſæculento, alimento idoneum ab excrementitio haud difficulter poſſit ſecerni, adeoque illud vaſorum meſentericorum (quæ plantarum radicibus reſpondent) ſeu poros, ſeu oriſicia ſubire, hoc per partes & meatus ad id officiū deſtinatos expelli: Plantæ autem ſuccum nutritivum non præparant; nullus enim in iis ad hoc præſtandum partium apparatus, nullum os, nullus ventriculus, nullæ primæ viæ, ſed quem in terra inveniunt ſuccum radicibus excipiunt & aſſimilant.

An Plantæ electione quadam in alimento attrahendo utantur, ut quod congruum eſt & nutritioni idoneum imbibant, incongruum repudient; an verò quodcunque ſe offert indifcriminatim admittant, ambigitur. Nonnulli attractionem electivam aſſerunt: quæ tamen nobis non probatur. Primò enim attractionem propriè dictam in rerum natura dari, imò poſſibilem eſſe, vix concedimus. Fieri tamen poteſt ut radicum pori taliter figurati ſint, ut particulas amicas & plantæ alendæ aptas intromittant, alienas & incommodas excludant; quomodo Hepar bilem, Renes urinam tranſmitteutes à ſanguine intus cohibito ſecernunt. Verùm id non fieri multis experimentis probatur.

Aqua enim vulgaris, fibrarum cava facile ſubintrat, eaque liberè permeat, ut ſuperiùs oſtendimus. Deinde verno tempore qui factà incifione effluit liquor, præmoſa præſertim tempeſtate, ab aqua communi guſtu vix poteſt diſcerni. Probabilius ergo nobis videtur, ſtirpes omnes ſuccum quemcunque in terra invenerint intus ſuſcipere, qui in vaſis cum ſuccis uniufcuſque propriis permixtus concoquitur & aſſimilatur, ſuperfluo & ad nutriendum inutili rejecto & evaporato; ad eundem modum quo tertià (ut vocant) concoctio in Animalibus peragitur, quæ ex chylo in ſanguinem recepto partem aliquam aſſimilant, reliquum qui nutritioni ſuperest, per tranſpirationem inſenſibilem evacuant, qui ſanè longe maxima ejus pars eſt. Animal enim plus excrementorum hoc modo expellit quàm omnibus aliis viis ſimul ſumptis, ut \* *Sanctorius* demonſtrat.

Plantas aquâ ſolâ nutriri poſſe & augeri tum noſtrâ, tum aliorum experienciâ conſtat. † D. *Sbarrocius* Catalogum nobis exhibet herbarum quarum furculi in phialas vitreas aquâ oppletas à ſe immiſſi germinarunt, quem non pigebit huc tranſcribere. *Baſamita ſæmina*, *Mentha quæcunque*, *Pulegium*, *Sedum multiſidum*, *Prunella*, *Nasturtium aquaticum*, *Bugula*, *Trifolium purpureum*, *Clematis daphnoides*, *Herba Doria*, *Ranunculus*, *Becabunga*, *Althæa*, *Lauro-ceraſus*, *Scordium*, *Trifolium Polygenum*, *Nummularia*, *Panax coloni*, *Matricaria*, aliæque quarum non meminit. Nec dubium eſt, quin & aliæ multæ quas ille expertus non eſt pariter germinarent & radices agerent. Aqua enim non eſt ſimplex & purum elementum, ſed multas heterogeneas particulas, præſertim ſalinas, in ſe continet.

Quomodo autem Aer huiusmodi Plantarum radices intret, non ità perſpicuum eſt, cum enim vitri poros non permeet, oportet ut per phialæ oriſiciū ingrediatur & per aquæ poros ſe inſinuet. Aquæ autem pori admodum ſtriſti ſunt, nec aerem niſi parvâ admodum quantitate, & in minimas particulas diſviſum admittunt. Et tamen (quod mirum) particulae hæc quas Aer aquæ communicat non ſolum plantarum vegetationi ſed & piſcium reſpirationi ſufficiunt. Quandiu enim Aer aquæ ſuperficiem lambit, tandiu piſces in vaſe vitreo incarcerationi bene ſe habent: quamprimum verò Aer externus excluditur, ejus inopiâ laborant, & in ſuperficiem aquæ conſeſtim eniſcant, ut eo liberiore fruantur. Sive ergo Aer præcipitet nitroſas particulas in aquam (ut nonnulli volunt) ſive ſubtilius aliquod corpus, certum eſt continuè & non interrupto tenore ab aere decedere huius particulas, & per aquam diſfundi: nam ſi perexiguo tempore, aer (ut diximus) intercludatur, piſces conſuſi ejus abſentiam ſentiunt, & ægrè ſe habere incipiunt, quòd & patiuntur in ſtagnis & piſcinis ampliffimis, cum per hyemem aquæ ſuperficies congelatur. Quòd ſi nictum eſſet ab aqua ſolutum & præcipitatum cujus particulae piſcibus pro reſpiratione inſerviunt, adeoque aqua perpetuo nitroſas particulas ab aere imbibat, quomodo ſit ut aqua omnis jamdudum tantâ nutri copîâ imprægnata non ſit, quantam ſuſtentare potis eſt? ut ſalſedo vel guſtui perceptibilis fiat? ſaltem in ſtagnis immenſis & piſcinis: aquæ enim fluentes & per terram multam percolatæ facile in eam particulas hæſce iterum deponere poſſunt.

Quomodo ſuccus nutritivus per fibrarum poros arborum etiam altiffimarum ſumma ſtagia conſcendat mihi non penitus perſpectum fateor. Aquam in temies tubulos utrinque apertos, perpendiculariter etiam erectos aliquouſque aſcendere experienciâ conſtat, eoque altiùs quò anguſtiores ſunt tubi. Quis verò iſtius aſcenſus terminus ſit, certuſne an incertus, & pro anguſtia tuborum in tantum altior, ut in anguſtiſſimis ad excellarum etiam arborum ſummos apices evadat, me latet.

Contra-

\* Lib. de Medicina Stati-

ca. † Lib. de pro-

pagat. Vege-

tabilium.

Contrarium tamen videtur cum, annotante nobilissimo Boylio, satis difficulter ad tres quatuorve uncias ascendat. Quo impulfore hoc fiat, difficile est investigare. Aquam equidem in angustiores meatus quam aerem, vel sponte se insinuare, vel vi compelli posse, adeoque tubulorum angustias aeri impervias subire, experimenta evincunt, quia scilicet aqua minoribus particulis componitur quam aer. Cum ergo fibrarum cava ob angustias suas aerem excludant, aquam admittant, externi autem aeris gravitas effectum suum sortiatur, quidni humorem in fibras sursum compellet, ad eam scilicet altitudinem, donec ad æquilibrium cum aere externo veniat, hoc est, ad triginta duorum plus minus pedum? Hæc quamvis ratiocinanti verisimilia videantur, si tamen experientiam consulas longè altior rem se habere deprehendes; siquidem nobilissimus Boylius aquam in istiusmodi tubulis filtrisve non minùs intra Recipiens seu vas magnum aere exhaustum suspendi quam extra in Aere libero & aperto, experiundo didicit & nos docuit.

Verum (ut id concedatur) arbores altissimæ duplo triplòve hanc mensuram excedunt. Alia ergo adhuc ascensus causa, saltem adjuvans, querenda est. Experientià constat aquam in vaporem resolutam, & in minima divisam, gravitatem suam amittere, & per aerem medium ascendere, quæcunque tandem gravitatis causa sit. Videtur ergo ut gravitas suum sortiri possit effectum, requiri ut corpus grave aliquam habeat molem & magnitudinem; alias enim (ut vidimus) si in minima dividatur, fieri potest ut à fluido cui innatant ejus particulæ vel sustentari possit, ut metalla etiam ponderosissima in menstruis eadem in minima solventibus, vel etiam sursum compelli, ut aqua in vaporem resoluta in aere. Fortè ergo succi in angustissimis fibrarum canaliculis in tenuissima filamenta divisio ad ascensum ejus promovendum concurrere potest.

D. Grew ascensum succi in plantarum vasis, partim vasorum angustiarum, partim parenchymatis vasa ambientis, ex innumeris vesiculis compositi pressuræ attribuit. Hæ enim vesiculæ ad ingressum alicujus liquoris naturali quadam propensione se dilatant, ut in Spongiis apparet, quarum textura plantarum parenchymati non adeò dissimilis est. Parenchyma ergo succo repletum & intumescens continuum sese dilatandi & extendendi conatum exferit, unde & vasa unà comprimantur & coarctentur necesse est, adeoque & succum sursum compellat. Verum cum compressio utrinque tam deorsum, quam sursum effectum suum sortiatur, non video quin ascensum succi initio impediatur, nisi valvulæ obstant, quas neque nos, neque D. Grew, ob rationes superius dictas admittimus. Adde quòd unde oriatur hæc sese dilatandi propensio in parenchymate plantarum, explicatione ulteriori indiget.

Nos equidem succum eodem ferè modo plantarum fibras subire & conscendere, quo aqua panis aut spongiæ poros, pannique linei laneive lacinias aut aliud filtrum solet, concedimus. Fibrarum etiam structura & conformatio (ut observat D. Malpighius) liquoris ascensum adjuvat. Sunt enim fibræ tubulosæ corpora, è corpusculis plurimis concavis, quadratis, aut interdum orbicularibus, aliùsve figuræ, invicem hiantibus, composita. Subintrans itaque humor (D. \* Malpighii verba sunt) sursum ascendit & quasi suspenditur. Singula namque portio quæ fibrarum frustula unit, cum parum interiùs emineat, valvulæ vices supplet, & ita minima quælibet guttula veluti per funem, seu per gradus ad ingens deducitur fastigium. Quænam autem ascensus hujusce causæ efficiens seu impulsiva sit, quæ succum sursum adigat & compellat, nos hæcenus latet; nec enim in causis assignatis nobismetipsis satisfacimus.

Lib. de Anat.  
tome truncorum.

\* Anat. plant.  
part. 1. pag. 5.

## CAP. XVIII.

### De Satione & Propagatione Plantarum.

**S**ationis & propagationis Plantarum varii modi sunt. Veteribus usitati fuere *Semine*, *ramo*, *furculo*, *talea*, *malleolo*, *gemma*, *stolone*, *viviradice*.

Semen quid sit notius est quam ut definiri debeat: Ramus pariter, & Surculus.

*Talea* nonnullis est Surculus utrinque præcisus. Varro lib. 1. de Re Rustica cap. xi. Demum in oleagineis feminibus arbores videndum, ut sit de tenero ramo, æquabiliter præcisum, quas alii clavolas, alii taleas appellant, ac faciunt circiter pedales.

Plinius Taleam à Ramo atque etiam Surculo distinguit, Ramum facit majorem Talea, Taleam Surculo. Ejus verba sunt, [lib. 1. cap. 17.] *Multa sic seruntur* (ramis scilicet) *ac imprimis Ficus, omnibus quidem aliis modis nascens, præterquam talea. Optimè quidem si vastiore ramo palis modo exacuto adigatur altè, exiguo supra terram relicto capite, eoque ipso barenà cooperto. Ramo seruntur & Punica, palis laxato prius meatu: item Myrtus: omnium horum longitudine trium pedum, crassitudine minùs brachiali, cortice diligenter servato, trunco exacuto. Myrtus & taleis seritur: morus talea tantum, quoniam ramis eam seri religio fulgurum prohibet. Quapropter de talearum satù nunc dicendum est: Cavendum in eo ante omnia, ut talea ex feracibus fiant arboribus, nè curvæ, nè scabræ aut hiscæ, nève tenuiores quam ut manum impleant, nè minores pedibus, ut illibato cortice, atque ut sectura inferior ponatur semper & quod erat ab radice, accumuleturque germinatio terræ, donec robur plantæ capiat.*

Palladius Clavolam à Talea diversam facit, quam Varro (ut vidimus) cum eadem confundit. *Mense* (inquit) *Martio Citri arbor 4 modis seritur, semine, ramo, talea, clava: & paulò post, Clava seri commodius est, quæ fit manubrii crassitudine, longitudine cubitali, ex utraque parte levigata, nodis & aculeis recisis, sed relicta summitate gemmarum, per quas spes futuri geniminis intumescat, &c. Talea & gracilior & brevior esse potest, quæ similiter ut clava mergatur. Sed talea palmis duobus supersit; clava omnis obruat.*

Malleolus à Columella de Re Rust. l. 3. c. 5. sic definitur. Malleolus novellus est palmes, innatus prioris anni flagello, cognominatusque à similitudine rei, quòd in ea parte, quæ deciditur ex vetere sarmento prominens utrinque malleoli speciem præbet: & Plinius l. 17. c. 21. Solebat capitulatus utrinque è duro furculus seri, eòque argumento malleolus vocatur etiam nunc: & Columella, c. 17. Malleolis autem sic ab iisdem [agricolis antiquis] pangebatur, ut novello sarmento pars aliqua veteris hæret:



ret: Sed hanc positionem damnavit usus. Nam quicquid ex vetere materia relictum erat depresum atque obrutum celeriter humore putrescebat, proximalque radices teneras & vixdum prorumpentes vitio suo enecabat: quod cum acciderat superior pars seminis retorrescebat. Secuti ergo quicquid residui fuit ex vetere palma, per ipsam commissuram, qua nascitur materia nova, rescuerunt, atque ita cum suo capitulo sarmentum deprefferunt.

Et ad faciendum malleolum supremam flagelli partem rescuerunt, solamque eam quae est juncta cum vetere sarmento probaverunt. Longitudo quae debeat esse parum certa est (inquit idem) quoniam siue crebras gemmas habeat, brevior faciendus est: seu raras longior: atramen nec major pede, nec dodrante minor esse debet.

Superior pars furculi seu flagelli Sagitta rusticis vocabatur, eodem autore, siue quia longius recessit à matre & quasi micuit atque profluit: siue quia cacumine attenuata praedicti veli speciem gerit. Hanc prudentissimi agricolae negaverunt conscribere: nec immerito: Omnis enim fecundus pampinus intra quintam aut sextam gemmam fructu exuberat, reliqua parte, quanvis longissima, vel cessat, vel perexiguos ostendit racemos. Quam ob causam sterilitas cacuminis jure ab Antiquis accusata est.

Stolo à Stolone viro qui propter diligentiam culturae Stolonum confirmavit cognomen dictus est, quod scilicet nullus in ejus fundo reperiri poterat Stolo, quod effodiebat circum arbores & radicibus quae nascerentur & solo quas Stolones appellabant. Stolo ergo *J. Bodae à Stapel* est qui nascitur circa stipites & avellitur cum radice & corporis parte & sic seritur: quo à Viviradice differt, quae integra ex arboribus & longinquo extrahitur. *Plin. lib. 17. cap. 10.* Et aliud genus simile natura monstravit, avulsisque arboribus stolones vixere. Quo in genere & cum poria sua avelluntur, partemque aliquam à matris quoque corpore auferunt secum, fimbriato corpore. Hoc sensu si accipitur non video quid differat avulsio à Stolone. Nobis tamen Viviradix dicta videtur vel foboles quacunque à radice, jam ablactata à matre, & suis radicibus sibi sufficiens: vel alia quavis propagos quae jam radices egit.

Antequam exponamus quot modis arte propagentur plantae, inquirendum videtur quor quibusque modis sponte naturae se propagant: Li autem sunt vel 1. *Semine*: vel 2. *Flagellis* seu furculis emissis; ad nodos radices agentibus & sursum germinantibus: quae flagella ad plantam propagandam nata videntur. Nam germina illa ad nodos radices agentia, cum invalescunt, furculis extarrescentibus à matribus suis sponte separantur, & novae plantae fiunt: ut in *Fragaria*, *Pentaphyllo*, &c. videre est. 3. *Sobolibus* ex radice, usque vel furculorum seu virgarum specie à radice transversum acta seu reptante succrescentibus; vel gemmarum seu bulborum specie; adque vel ex radicis fundo vel ex fibris in bulbos intumescuntibus, ortis. Quae ex tuberibus sponte propagantur plantae ad alterum genus, ex radicibus transversis in tubercula extumescuntibus referendae sunt. 4. *Caulibus* ipsis, humi procumbentibus, & ad nodos radices agentibus, quod plurimis plantis contingit.

Dantur & alii modi peculiare quibus plantae nonnullae se propagant, ut v. g. *Ficus Indica* gummi & ramis in terram usque demisso funiculi specie. Allu quaedam genera bulbis seu spicis in summo caule confertim enascentibus. *Chelidonium* minus tuberibus in alis imorum foliorum ortis: *Moly Homericum* dictum bulbo in summo folio excrecente: *Opuntia* foliis depactis. Verum quoniam paucarum admodum specierum sunt, non est cur eorum rationem habeamus.

Superest jam ut exponamus quot modis plantae arte propagari possint, aut soleant. Li autem ad duos reduci possunt, *sationem* nimirum & *insitionem*. Quod ad primum attinet, Plantae feruntur vel 1. *Semine*, vel 2. *Ramo* [Sub ramo comprehendendo etiam *taliam*, *clavolam*, *malleolum*, *furculum*] eoque vel deciso, seu avulso à caule antequam radices egerit, & in terram depacto; vel terrae submerso, nec à matre separato antequam radices egerit: vel 3. *Sobole* seu ex flagello, ut in *Fragaria*; seu ex radice sub terra reptante, furculi specie assurgente, quae vel Stolo vel Viviradix dicitur, seu à radice fundo exeunte, Gemmae specie, ut in *Bulbosis*. Bulbus enim (ut diximus) nihil aliud esse videtur quam Gemma grandior subterranea. In bulbosis autem foboles non semper à bulbi parentis fundo exiit, sed interdum è fibra crassiore in bulbum extuberante, seu denique è radicum tuberibus in iis quae radicibus tuberosis sunt. Potest etiam propagari planta radice divisa in tot scilicet partes si placet quot ex ejus capite gemmae exeunt; gemma cum parte aliqua radice adhærente decisa.

Plantae autem inferuntur multis modis, de quibus postea breviter agemus; cum varios sationis modos expediverimus: Primo ergo plantae feruntur *Semine*.

Antequam autem Semina terrae mandentur, oportet ut solum debito modo praeparetur, nimirum ut aratro saepius vertatur, ligone fodiatur, furculo findatur, bipalio subigatur, occa & rastre in minutias dividatur. Hoc autem fieri convenit, partim ut inutilibus herbis eradicatis & submersis, aut ejectis liberetur: partim ut solum laxius & levius, mollius & tenerius reddatur, quo fit tum ut factorum radices facilius illud penetrent, adeoque fibras undique spargentes latius se diffundant, & copiosius alimentum attrahant, unde plantae latiores & vegetiores fiant: tum ut particulae aeris nitrosae, quibus praecipue vegetatio promovetur, in terreni interstitia liberius & copiosius se insinuant ibidem praecipitentur & terreno adhærescant. Quin & aqua pluviae fortasse ad salum solutionem conducunt, quos secum una in radicem poros convehunt. Praeterea in terra laxa & soluta aquae promptius subsidunt, adeoque nec humore nimio radices suffocant, nec frigore corrumpunt. Praeterea terra laxa & soluta ad hoc conducit ut Aer copiosior radicem tracheas subeat ad respirationis usum, quam Plantis non minus necessarium esse quam Animalibus superius ostendimus.

Commodissimum ferendi tempus Natura indicat, nimirum quando semina jam plenam maturitatem adepta vel dehiscuntibus conceptaculis in terram decidunt, vel contrahentibus se valvulis excutuntur, vel lanugine innascente alata ventorum arbitrio huc illuc feruntur & late disseminantur.

Harum nonnulla Autumnno plantae producant tota hyeme virentes: aliae per hyemem in terra restant, nec ante ver proximum ex involucribus erumpunt. Ex iis quae Autumnno exeunt aliae, ut v. g. *Anglica*, ex observatione nostra & aliorum, collecta & asservata vere ferentem plerumque frustantur, sponte delapsa & terrae gremio excepta, vel etiam à satore eidem mox concreta hand

dubie

Sagitta quid,

Stolo quid est unde dictus.

Viviradix.

De Satione.

Propagatio per Semen.

dubie germinabunt nisi tempestas admodum sicca & aestuosa fuerit, quo in casu per hyemem in terra quiescentia, sequenti tamen vere in lucem exibunt; cum tamen si à colligente reposta vere fata fuissent nequaquam germinassent. Alià quamvis vere etiam fata haud infelicitè proveniant; fidelius tamen & latius Autumno, firmitiores etiam fiunt plantæ inde enatæ adversus injurias cœli, & sequenti æstate uberiore quam vernaes proventu, cæteris paribus, Agricola aut Hortulanum locupletant, grano quoque turgidiore, solidiorèque fectæ. Nam ex observatione prudentissimi agricolæ, Amici nostri plurimum honorandi, quò planta aliqua ex semine nata diutius duraverit antequam in semen abierit, hoc est, quò maturius fata fuerit, eò semen copiosius, plenius, ponderosius, cæteris paribus producit. Sic Triticum & Avena hyberna seu autumno fata, vere editis, firmitiora solidioraque sunt.

Reliqua quæ per hyemem in terra restant, procubatio vel terreni vapore macerata, vel salinis quas imbibunt particulis imprægnatæ ad germinandum præparantur: & securius interim latitant, tempestatumque omnes mutationes constantius tolerant, quam in Apothecis recondita, & quam diligentissime adservata.

Exoticas tamen plantas & regionum calidiorum alumnas si habere velimus, oportet ut eorum semina vere seramus, quandoquidem illæ hyemes nostras non tolerant, sed à frigore facile corrumpuntur.

Quinimo si præcoces fructus è tenerioribus desideramus, sive rariore & delicatioris omnino ad maturitatem perducere cupimus; oportet ut pulvino calenti, è fimo equino recenti paleis permixto extructo, deinde terra pingui cribrata, ad trium quatuorve digitorum altitudinem instrato, & operculo è stercis superinducto tecto, semina committamus.

Quocunque autem tempore seras Semina eligantur recentia, ætatis proximè præteritæ, si haberi possunt. Quamvis enim Plantæ nonnullæ ad decennium & ultra fecunditatem suam custodiant, aliæ tamen eam citius amittunt: omnia autem quò vetustiora eò difficilius & parcius germinant.

Quæ in aquâ subfidunt firmitiora sunt, & ad serendum fideliora, quæ fluitant languidiora & propagationi inepta.

In siliquis & spicis media potius quam ima aut summa nobis probantur, quamvis Ferrarius ima in Caryophyllis commendat.

Quod si flores multiplices aut variegatos desideras, præstat semina colligere è siliquis aut conceptaculis ejusmodi floribus succedentibus. Sive enim varietates illæ morborum symptomata sint, sive naturæ errores, sive ejusdem lascivientis lus, prior certè erit natura in his ad ita iterum deerrandum aut lascivendum: quemadmodum videmus in Animalibus parentes morbo aliquo aut corporis vicio, membro v. g. deficiente aut redundante, laborantes sobolem non raro procreare iidem vitii affectam, & morbis obnoxiam. Hoc autem præcipue in *Mirabili Peruviana* servandum si floribus striatis insignem plantam obtinere cupias.

Semina omnia sicca tempestate ferenda sunt, tertio quartove die à pluvia largiore. Nec tamen (inquit \* Ferrarius) simul ac magnis imbribus terra permaduit seres, sed tantisper expectabis dum pluvius ille mador modicè exsicceatur, nè madenti limboque solo statuta radices expurescam. Hoc autem in seminibus quæ humore nimio in mucilaginem facile solvuntur, ut v. g. *Myrrhida*, *Ocymo*, *Scorzonera*, præcipue servandum est nè solo madido ferantur, nè recens fata irrigentur.

\* Horticult.  
lib. 3. c. 1.

Cavendum etiam est, nè recens fata quæcunque tempestatæ frigidâ irrigentur, nè aquâ gelidâ fontanâ aut puteali, nisi prius probè insolata fuerit.

\* Hortie. l. 3.

Nonnulli Semina aquæ seu simplici, seu nitrata, vino, aliive alicui liquori prius infundunt quam terræ committunt ad germinationem promovendum: quod tamen non necessarium esse puto in seminibus recentibus & indigenis, fortè etiam nocivum in aliquibus. Verùm in vetustis & aridioribus, aut exoticis *Hen. Corvini* Romani praxin non improbo cujus meminit \* Ferrarius his verbis. Antequam contumacis lentæque duritiæ semina solo committat, aquam defundit in catinum, nitrî modicum superfundit ac distabescere finit: in eam nitrata aquam semina immittit: duodenas horas pro varia duritiæ plus minusve macerari & medicari patitur, exinde serit: eandem aquam inspergit, ut nitrum ex igneo terræ balitu concretam seminalem contumaciam ad uberem germinationem priveret.

Generale est in omni satione ut semina terrâ operiantur, non quò exposita & intacta minime germinant, sponte enim decidentia non minus feliciter pullulant, sed nè avibus spermologis præda fiant. Seruntur autem & conteguntur variis modis, nimirum vel in sulco terrâ aratro superinjectâ, vel in superficie terræ occâ aut rostro inhumata, vel in area cœquata pulvere aut velut farina terræ manu aut incerniculo insperfa, vel denique seorsim singula in foraminulis pastino factis sepulta.

Summopere autem cavendum est nè semina altè demergantur aut nimia terrâ obruantur, adeoque sine ulla resurrectionis spe sepeliantur. Plurimos enim hac in parte errare video. Nam quamvis Triticum aliæque Cerealia quorum spiritus vegetiores leni etiam colore excitantur, germinaque validiora gravem terræ incumbens molem haud difficulter penetrent, ideoque ut hyemem facilius tolerent, altius inhumari solent, nè scilicet radices immodico frigore perurantur; non tamen omnium, imò paucorum seminum eadem conditio est. Pleraque enim ad vegetandum segniora blandò solarium radiorum tepore fovenda & ad pariendum invitanda sunt, ideoque in summa tellure modico insperfo pulvere exponenda.

Quo Semina maturius feruntur vere, eò plantulæ inde enatæ diligentius à frigore defendendæ sunt; quò seriùs, eò largius irrigandæ & inumbrandæ.

An Plantæ  
sponte oriantur.

An Plantæ aliquæ nullo semine prævio sponte è terra oriantur difficilis quæstio est.

Qui affirmativam tuentur rationibus & experimentis suffragantibus non destituuntur. Cum enim nulla non regio peculiare suas stirpes obtineat, verisimile videtur terram ipsam nullo imprægnatam semine familiares regionibus plantas producere.

Deinde in aggeribus fossarum derivandis aquis ad paludes exsiccandas ductarum in insula *Eliensis* ingentem Sinapeos vim enatam, & alibi etiam in arcis gramineis effosis, mirati sumus: quam Sinapeos seminibus in terra residuis ortum suum debere verisimile non est, cum nullum unquam Sinapi post hominum memoriam ibidem nascens observatum fuerat. In rudibus etiam Urbis *Londinensis*



*dinensis* post deflagrationem illam funestissimam quæ anno 1666. accidit, non minorem copiam *Erysimi angustifolii Neapolitani* succrevisse Autores fide dignos habemus, partim etiam ipsi vidimus; cum loca illa per multas annorum centurias ædificiis occupata fuissent, nec ullus ibi auditus *Erysimi* proventus. Oportet ergo ut vel sponte ortum sit, vel ex seminibus per tot annos in terra latentibus: nisi fortè suspicari velimus malè feriatum aliquem plantæ istius semina de industria sparsisse ut curiosos illuderet & admirationem excitaret. Non est autem cur quis miretur, ubi tantam seminis copiam, quæ ducentis agri jugeribus conferendis sufficeret, colligere potuisset. Plantam enim illam ad vias inter urbem & *Kensington* vicum, & alibi circa urbem copiosissimè provenientem observavimus: semina autem minutissima & numerosissima profert.

Tertio, Plantas imperfectas, *Fungos, Tubera, Muscos* & id genus ex semine non nasci manifestum est, cum nullum (quantum hætenus observatum est) gignant: quin & Submarinas omnes, *Algas, Fucus, Corallia, Alcyonia, &c.* ob eandem rationem sponte oriri arbitramur, quod scilicet, nullum hætenus semen in eis animadversum fuerit, quod tamen satis mirari nequimus in tanta specierum multitudine, & uberrimo omnium proventu. Alii fortasse post nos diligentiores aut feliciores harum etiam semina detegent, aut propagandi modum invenient.

Vulgò receptum est, & experientia (ut aiunt) quotidianâ confirmatum, quòd si aqua in qua Fungi aliquandiu infusi distabuerint, vel etiam abluti fuerint, veteri pulvillo calenti, qualem modò descripsimus, affundatur, vel etiam Fungorum frustulatim divisorum particula minimæ eidem inspergantur, magnam indè Fungorum vim illico exorturam; unoquoque nimirum frustulo seu ramo imperfectæ istius plantæ prolifico & fecundo, seminali vi potius dotari credito, ut in \* *Mali Cydoniæ* v. g. ramis cernitur, quàm ut Natura semen aliquod visum fugiens, certè nondum detectum, in aliqua ejus parte occultaverit.

Quartò & ultimò, Perfectiores etiam plantas interdum sponte oriri, aut ex alieno succo germinare magnum nobis argumentum Viscus suppeditat, arboribus innatus, etiam in prona seu aversa ramorum parte. Unde omnino fabulosum esse constat, quod de ejus exortu Veteres prodidere, quodque Proverbio illi *Turdus malum ipse sibi cacat* originem dedisse perhibetur. Quanto rectius Maro

*Viscum*

*Fronde virere novâ cecinit, quam non sua seminat arbor.*

Ex altera tamen parte satis mirari nequimus, Naturam quæ nihil facit frustra, semen alicui plantæ dedisse absque effectu, sed tota specie ad generandum inutile.

His omnibus rationibus & experimentis contrariam opponimus Clarissimi Viri Marc. Malpighii experientiam. Is enim ut exploraret an Terra nullo semine fecundata plantas aliquas sponte produceret, terram è profundo erutam vitreo vase conclusit, cujus orificio multiplex Sericum velum super extendit, ut Aer & affusa aqua admitteretur, exclusis minimis seminibus, quæ vento rapiuntur: In hac autem, inquit, nulla omnino planta vegetavit.

Ego equidem sententiam opinantium nullam dari in plantis generationem spontaneam libenter amplecterer, si experimenta permitterent. Verùm quæ adduximus contrarium suadent, necdum satis perspicio quomodo iis responderi possit. Temerarium enim nimis esset asserere, Plantas etiam imperfectas vulgò creditas semen gignere, cum nullum in iis ostendere possimus.

Notandum tamen fieri posse ut plantula è radicem aut ramorum frustulis enata pro spontaneis fallant. Radicum autem frustula germinare ipse expertus sum in *Raphano rusticano* & *Scorzonera*: Ramorum minimas particulas J. Bodæus à Stapel, in *Salice* & *Rosa centifolia* ut apud ipsum videre licet, Comment. in *Theophr. hist.* lib. 2. cap. 1. pag. 73; D. Sharroculus in malo cydonia. Lib. de propag. Plant. cap. 3. n. 5.

Ceterum Semina rariora in fictilibus ferere convenit, ut Plantæ indè enatæ commodiùs transferri, & per hyemem, si opus sit, in hypocaufta subduci possint. Oportet autem ut fictilium fundi foraminibus pertundantur, ut Plinius olim monuit, nè humor in fundo stagnans diutinâ morâ putresceret, & plantarum radices seu vapore, seu frigore suo corrumpere: fortè etiam nè respirationis inopia eadem suffocentur: quam rationem Plinius etiam ipse eleganter pro more suo innuit, *Per foramina* (inquiens) *infernè dato radicibus spiramento.*

Secundò, Plantæ feruntur ramo aut furculo, vel avulso decisivè & terræ impactò, vel dum adhuc matri hæret depresso & eidem immerso tantisper donec radices egerit.

Surculi hi majores minoresve esse possunt pro natura plantæ ferendæ. Aliæ enim feruntur ramo majore, aliæ taleâ, aliæ malleolo, aliæ sagitta, quas voces superiùs exposuimus.

Taleæ furculivè ferendi recentes sint oportet, Oleæ tamen rami etiam ficci germinant, Veteribus id attestantibus, ut v. g. Virgilio, *Truditur è sicco radix oleagina ligno.* Quod quamvis Recentioribus nonnullis videretur, Fortunii tamen Liceti autoritas me movit ut Veteribus assentiar, Recentiorisque eos dum temere ridere seipso deridendos propinasse putem. Scribit autem Licetus se vidisse Rechi in horto patrii sui stipitem Oleæ sativæ aridum ferè ac levem, per decennium & ultra à trunco separatum, neque posthac unquam terræ implantatum, ad alterius ligni fulcrum in terram demissum, & ligno cui fulcimentum præstabat clavis ferreis affixum, pullulasse germinasseque eodem anno plures Olivarum novellas, foliis ac fructibus onustas, atque in posterum etiam per plures annos protulisse. Hinc virga illa arida, quam monachus à superiore suo, ut obedientiam ejus probaret, jussu assidue irrigavit, si fortè oleagina fuit, potuit sine miraculo radices agere & germinare.

Quò teneriores sunt plantæ eo furculi earum ferius pangendi sunt; adulto scilicet vere in frigidioribus hisce regionibus. Oportet etiam si tempestas permittat fatos irrigare; si tempestas, inquam, permittat, nam si Aer paulò frigidior sit, nimius humor recens plantatos facile corrumpit: quin & sereno cælo radii Solares umbraculo opposito solacitè arcendi sunt, nè furculos depactos confestim urant & exsiccent.

Observandum etiam in plantis quarum caules nodis intercepti sunt, ut furculus ferendus vel in ipso nodo, vel proximè infra nodum decidatur. Cum enim radices ex nodis tantum pullulent, si quid internodii relinquatur, necessariò putrescet & corrumpetur, adeoque vitio serpente periculum est nè proximum nodum veneno suo inficiat & furculum perimat.

Arbores

† Sharroc. de  
Propag. Vege-  
tab. c. 3. n. 5.

Propagatio ex  
Surculo sato.

Arbores furculis seu ramulis propagandi modum docet P. Laurembergius his verbis, Ramulum elegantem non tortuosum aut erosum, vegetum, anniculum (relinqui illi poterit portio exigua adhærescentis rami bimi.) Hujusmodi igitur ramum præcisum ab arbore, utraque extremitate mutilatum terræ fœcundæ ad profunditatem dimidiæ ulnæ arcuatim impone, substrato fimo, bubulo aut ovilo. Fossam terrâ conculcatâ reple.

Fruticum herbarumque taleolis vel ramulis pangendis alteram extremitatem malleo prius conculca, ut filamenta ducat: Tum aqua irriga, non fimo, quem nullâ ratione ferunt: postea terrâ operi.

Nulla (pergit ille) ferè stirps est quæ non queat propagari per ramulos anniculos, modo 1. Inferior extremitas abscissa oblinatur emplastro sequenti vel simili, R Ceræ, Terebinthinæ ana ʒi. Resinæ communis ʒii. commisceantur. Sic naturalis succus non exsudabit, nec inutilis humor subibit, qui alioqui putredinem inferre solet. 2. Non directè infigas terræ ramulum sic oblitum, sed incurvo arcu, ut suprema pars promineat è terra, media tangat imum, infima, quam oblinendam dixi, sursum nonnihil vergat, ita tamen ut delitescat. E medio illo ramuli dorso innumeras videbis radices pullulare.

Alium adhuc modum proponit Stapelius. Ramus ab arbore avellitur superne deorsum, ut quasi pes illi adhærescat. Hinc pedunculus aut appendix undique perforatur subulâ: ad dimidiam ulnam defoditur in terra fertili, sæpiusque irrigatur.

*Submersio.*

Propagationem illam quæ fit ramulorum submersione ipsa etiâ natura docuit, plantarum plurimarum ramulis quamprimum reclinati terram attigerint radices sponte agentibus. Ramuli autem submersi non prius ablaçtandi seu à matre separandi sunt, quàm radicibus multis in profundum actis terram firmiter apprehenderint: quâ autem parte matri hærent transversim initio ad medium ferè incidendi sunt, ut succo à matre parçè subministrato ei è terra exugendo assuescant adeoque facilius & tutius cum res postulat ablaçtentur.

In Caryophyllis (monente D. Sharroco) furculi submergendi scapum sub infimo seu radicis capiti proximo, aut saltem secundo geniculo transversim imâ parte ad medium ferè incidito, deinde ab incisione facta sursum ad secundum (seu ab imo juxta quem incisio fit proximum) internodium findito, folii particula in fissuram immissa ut aperta teneatur, quamvis id non sit omnino necessarium: cum enim incisio, ex ima (ut diximus) seu terram spectante parte fiat, furculus autem leniter primo à radicis capite reclinetur seu deprimatur, ut moris est, deinde summa ejus pars terra substrata erigatur mediâ in arcum flexâ, fissura sponte sua aperietur & hiabit, si omnia ritè peragantur. Nonnulli uncinulo ligneo in terram adacto furculum apprehensum detinent nè resiliat, sed in eodem situ in quo primò depositus fuit perseveret. Tandem furculi arcum seu partem inflexam terrâ pingui operias eâque frequenter irriges.

Aliarum etiam plantarum, exceptis iis quæ quoquo modo depositæ comprehendunt, ut Vitis, &c. furculos flagellave submergenda pari modo incidere utilissimum erit, nè dicam necessarium. Tempestates etiam sicca furculi submersi assidue irrigandi sunt; aliâs enim radices non faciliè emittent.

Tempestates autem huic operationi cum successû exercendæ commodissima sunt Veris initium, aut Æstas caloribus remissis in Autumnum declinans.

*Circumpositio.*

Circumpositio non differt à submersione, nisi quòd in hac ramulus deprimitur ad terram, in illa terra vase idoneo vimineo ligneove excepta attollatur ad ramulum, eique circumponatur, ramulo scilicet per vas recipiens seu terram continens foraminibus ad id factis trajecto. Locum autem habet ubi ramulus ob altitudinem suam & distantiam à terra eo usque non potest deprimi. Solent autem nonnulli ramulum eâ parte quâ terrâ circumpositâ latitat, vel aliquantulum delibrare, vel corticem ejus superne subulâ perforare.

Itali utuntur cistulis ligneis quadratis, quæ ita confectæ sunt, ut non solum foramen habeant in fundo, sed & compactæ sint ex duabus medietatibus, pro libitu separandis, vel iterum conjungendis: ut ita commodius ramis circumponi, & postmodum his in terram deponendis segregari iterum possint. \* P. Lauremberg.

\* Horticult.  
lib. 1. cap. 22.

Huc spectant hæc Plinii, lib. 17. cap. 13. *Alterum genus luxuriosus radices in ipsa arbore sollicitandi, trajectis per vasa fictilia vel qualos ramis, terræque circumpaçtis: atque hoc blandimento impetratis radicibus inter poma ipsa & cacumina, audaci ingenio aliam arborem longè à tellure faciendi.*

Tertiò, Plantæ propagantur sobole, eâque vel

1. Ex flagellis seu cauculis funiculorum specie serpentibus, & radices subinde agentibus, ut in *Fragaria*, *Pentaphyllo*, *Ranunculo*, &c.

2. Ex radicibus transversis, flagelliformibus, sub terra reptantibus, obiter germinantibus & furculos emittentibus: ut in *Ulmo*, *Pruno sylvestri*, *Ceraso*, &c. Atque hoc genus Soboles propriè *Viviradices* appellantur. *Stolones* enim dicuntur, qui è majoribus radicum truncis propè ipsum matris corpus seu ex imo ipsius caudice oriuntur, autore J. Bodæo à Stapel.

3. In herbis radicibus tuberosis donatis ex ipsis radicum tuberibus, ut in *Chelidonia minore*, *Floris Solis pyramidalis*, *Croco*.

4. In bulbosis, ex ipso bulbi fundo aut fibra aliqua crassiore propè bulbum, bulbillorum seu nucleorum specie egerminante, ut in *Tulipa*, *Narcisso*, *Allio*, &c.

De his nihil præcipiendum habemus, nisi ut opportuno tempore transferantur, eque solo steriliore in fertilius & pinguius; nec antequam firmitatem aliquam & robur contraxerint à matribus ablaçtentur.



## CAP. XIX.

## De Infitione.

**I**nfisio, voce latissimo sensu accepta, est ejusmodi applicatio surculi seu gemmæ ad truncum ramumve, vel suum, vel alienum, ut tandem uniantur & coalescant. Infisio quid.

Cum autem potissima succi nutritii pars inter libram & lignum ascendat, totum inferendi artificium in eo consistit, ut in trunco & surculo libra libræ, lignum ligno continua sint, & in eandem superficiem disposita; vel ut surculus gemmæve stipiti seu ramo ita applicentur, ut interstitium libræ & corticis in utroque [trunco & infiso] ferè continuum sit, & unam quasi superficiem componat, unde è trunco in infisum [surculum gemmæve] facilis & expeditus succi transitus fiat.

Infisio est vel *surculi* vel *gemmae*. Gemma autem à surculo non aliter differt quàm infans ab adulto. Gemma enim nihil aliud est quàm velut embryon surculi, perfectè quidem efformatum, omnibusque suis partibus distinctum, tegumentis tamen velut secundis obvolutum & per Hyemem latitans. Vere sequenti in lucem edendum, & in surculum paulatim extendendum. Infisio quatuorplex.  
Gemma & Surculus quid differant.  
Surculum inferendi modi.  
Primus coaptandi modus.

Surculus inseritur vel applicatione externa seu coaptatione, vel infitione strictè dicta.

Applicatio externa seu coaptatio est vel

1. Quando virgæ minori transversim obliquè dissectæ surculus parvis crassitie, pari obliquitate cæsus, ita applicatur, ut interstitium libræ & corticis in utroque (ut diximus) ferè continuum sit; deinde vinculo seu fasciâ circumductâ firmiter adalligatur, ut in situ contineatur. Obliqua sectio uncialis minimum aut longior esse debet. Hic modus inferendi nostratibus *Whipgraffing* dicitur, & ob difficultatem surculum virgæ, sectionem sectioni coarquant, ut exactè congruant, minus frequentatur.

2. Vel secundò coaptatio fit, cum surculus obliquè ut prior dissectus, ita tamen ut in suprema obliquæ sectionis parte cultello perpendiculariter adactò cortex cum tantillo ligni auferatur, trunco transversim primò seu horizontaliter dissecto, deinde ab uno latere [Austro-occidentali] cortice obliqua sectione eousque denudato, ut plano sectionis in surculo exactè respondeat, ita applicetur, ut angulus ejus seu projectura plano horizontalis trunci sectionis innitatur: adeoque vinculo adalligetur, & luto oblinatur. Hic modus inferendi *Shoulder-graffing* nostratibus appellatur. Secundus modus.

Infisio propriè dicta duplex iterum est, vel

1. Inter corticem & lignum. Timebant scilicet Prisci, referente Plinio, truncum findere, ideoque inter corticem & lignum inferebant. Hic modus à \* nonnullis nunc dierum in usum revocatur, & in arboribus quarum cortex à ligno ob ascensum succi prius separabilis est quàm surculi ob gemmas nimis explicitas infitioni inepti (hujusmodi autem è frugiferis solæ Mali sunt) omnium optimus habetur. Infisio inter corticem & lignum.  
\* D. Langford.

Trunco ergo & surculo ut in secundo coaptationis modo præparatis corticem nè auferas, sed duntaxat findas seu secundum longitudinem incidas, à capite deorsum ad longitudinem ferè obliquè surculi sectionis, ab Austro-occidentali trunci latere. Deinde cortice à ligno primò cultello, deinde instrumento ex ebore, osse, aut ligno aliquo solido, figurâ obliquæ surculi sectionis sed minore, ad id factò, immisso, leniter separato & elato, inter corticem & lignum surculum intrudas, ablato prius à tenui extrema surculi acie cortice, nè inter demittendum replicetur. Deinde quoniam surculus infusus corticem à trunco elevans, & ad utramque cuspidis suæ aciem cavitatem relinquens, influxum succi interruptit, cortex trunci ad utrumque surculi latus incidendus est, nè à trunco abscedat, & ut ejus oræ cum corticis surculi marginibus concurrant & coaptentur, ad transitum succi à trunco in surculum dandum. Quibus peractis vinculo obligandus & luto muniendus est, ut in præcedentibus operationibus.

2. In fissuram ipsius ligni: quam Plinii verbis exsequar. Aufertur, inquit, ferrâ aequaliter superficies, levigatur falce truncus: deinde eodem per media leniter fisso, cuneoque tenui fissuram custodiendo, donec cuspidatim decisis descendat in ramum calamus, operatio absolvitur. Surculi inferendi cuspis ita solet incidi ut cum basi ejusdem utrinque extante angulos efficiat, quò basis summo trunco firmius innitatur. Nonnulli tamen hanc praxin improbant, quia cuspis inde infirmior fit. Infisio in fissura.

Verum quoniam hæc inferendi ratio omnium longè usitatissima est, descriptio autem Pliniana nimis fortasse concisa & obscura alicui videatur, pleniorẽ & explicatiorẽ è Petri Laurembergii Horticulturæ, lib. 1. cap. 24. mutuam dabimus.

Elige (inquit) verno tempore arbusculam crassitie trium circiter pollicum, cui deme partem superiorem ferrâ, relicta unius ulnæ altitudine, operamque dato nè librum, id est, corticem faucies. Siquid inæquale relictum à ferra, id cultro absconde, & conforma in æqualitatem. Scipitem ita dispositum molli cultri ictu leviter finde per medullinum, cavendo summâ diligentia nè fissuras ducat fissura. Hanc fissuram cuneolo eburneo aut buxæ servabis apertam, ut eò promptius recipiat hospitium venientem surculum; sed neque illud negliges circumligandum esse stipitem funi aut vimine, eo loco quousque terminatam iri fissuram reberis, quæ si profundius penetrabit emoriatur stipes, tuncque omnem perdes operam. His sic paratis sume surculum inferendum, quem in summitate præfectum altera crassiore parte, proximè sub nodo vel tumore, (qui omnibus bonis surculis inest, unde incipit quod unius anni ætatem gerit) scalpello conformabis in triangularem formam, cunei instar, non præsecto cortice ab uno loco, \* integræque servatâ quantum fieri potest, medullâ.

Jam hunc surculum apice cuneato inferere in stipitis ante præparati fissuram, eâ lege ut cortex surculi cortici stipitis respondeat, torusque surculus firmiter fissurâ comprehendatur, subtrahito iterum cuneo. Denique fissuram supernè & ad latera arctissimè obturâ ac obline emplastro emphyteutico, mox argillâ aut limo circumda, & linteolo investi aut cannabino vinculo obliga fortiter. \* Hanc observationem nihil esse puro.

Emplastrum hoc emphyteuticum non necessarium ducimus fortè etiam nocivum; siquis autem illud experiri velit ita præparet.

R. Resinæ commun. ʒi. Cera ʒβ. Visci ʒij. Butyri antiq. q. s. ad form. empl.

Quæ arborum  
species sibi  
mutuo insitæ  
coalescunt.

1. Multa in hoc genus insitione servanda sunt. Primum omnium quæ patiatur coitum talem arbor, & cujus arboris calamus. Facillimè coalescant quibus eadem corticis natura, quæque pariter florentia ejusdem horæ germinationem succorumque societatem habent. *Plin.* Oportet certè ut furculi truncis cognati & congeneres sint, aliter non coalescunt. Hinc mirum nobis non videtur, *Pyrum* vel *Cydonia*, vel *Oxyacantha*, hinc *Mespilum*, *Pruno Armeniacam* insitam comprehendere, & vice versa. Quid enim est *Malus Cydonia* dicta quam *Pyrus* fructu tomentoso? *Malus Armeniaca* quam *Pruni* genus? nec fructus *Oxyacanthæ* à parvo *Pyro* vel figura, vel qualitate multum abdit. *Pyrus* & *Malus* ob dissimilitudinem non coeunt, uti nec *Malus* & *Oxyacantha*, nec (observante *D. Sbarroco*) *Pyrus* & *Sorbus*. Hæ tamen (ut ex ejusdem observatione habeo) ut & alie diversi generis, sibi mutuo insitæ non rarò comprehendunt: post perfectam tamen (ut videtur) unionem, & germina productiora edita, furculi paulatim, quamcunque curam adhibueris, languescunt & tandem intereunt, ob succum vel deficientem, vel incongruum.

Fissura qualis  
esse debet.

2. Alia observatio est, nè fissura in nodo fiat. Repudiat quippe advenam inhospitalis duritia, ut in parte nitidissima, nè longior multo tribus digitis, nè obliqua, nè translucens, nè hiscat nimium rima laxèque capiat, aut nè parùm & exprimat, aut expressum necet. *Plin.* Hinc si truncus crassior sit monent hortulani, ut cuspidis furculi interior pars, quæ aliàs in aciem tenuari solet paulò crassior relinquatur, nè exterior adeò comprimatur, ut cortex laxetur aut corrugetur, adeoque succi influxus impediatur aut interrumpatur. Alii in hujusmodi truncis fissuram cuneo ligneo tenui adactò apertam tenendam malunt.

Electio surcu-  
lorum.

3. Centum est (inquit *Plinius*) ab humeris arborum Orientem æstivum spectantibus furculos petendos, & è feracibus, & è germine novello, nisi vetusta arbori inserantur; ut enim robustiores esse debent. Præterea ut prægnantes, hoc est, germinatione turgentes, & qui parere illo speraverint anno; denique ut è pulcherrimis & robustissimis ramis eligantur: ante omnia gemmanes nitere convenit, nihil usquam ulcerosum esse aut retorridum. Hortulani nostri præcipiunt, ut aliquid (uncia saltem) veteris, i. e. bimi ligni furculo superfit, ita ut furculi cuspidis paulo infra articulum seu commissuram veteris ligni cum novello. Ità enim & ad resistendum injuriis cæli firmiorem, & durabiliorem & feraciorum futurum. Surculum nimis gracilem & è germine tantum novello, contra præceptum *Plinii*, inferi vetant ob contrarias rationes. Monent etiam ut furculi cum inseritur summities præcidatur.

Surculi longi-  
tudo & gem-  
ma quot.

4. Quod ad longitudinem furculorum & numerum gemmarum atinet, ita præcipiunt, Si trunci cortex viridanti nitore se succo turgere prodar, ut largum insito alimentum se ministraturum spondeat, plures in furculo gemmæ relinquuntur, sufficiunt plurimum tres quatuorve, ad exitum succo dandum. Præferuntur autem furculi quorum gemmæ crebriores sunt, nec nimis distent vel à se invicem vel à furculi sui pede. Si arborem panulam desideras, surculum longum inseras, qui supra trunci caput ad 5, vel 6 digitos extet, ut crebriores ramos emittat: si arborem rectà assurgentem & proceram; brevem adhibeas, qui non ultra 4 digitos supra stipitem abscissum emineat, duabus gemmis supra lutum relictis; vel si placet, unicam tantum gemmam adolefcere finas. Quò enim longior est furculus eò languidiùs succum attrahit, eoque magis & ventorum concussionibus, & avium injuriis opportunus est.

\* *Plinius* sur-  
culum inver-  
sum inferi ju-  
bet, cum id  
agitur ut mi-  
nor altitudo in  
latitudinem se  
diffundat.  
Surculi quan-  
diu & quomo-  
do si opus sit,  
asservandi.

5. Surculos decisos duas trêve septimanas antequam inserantur servare expedit; ut trunci succo magis turgeant, furculi exhauriantur, adeoque sitibundi avidius novum combibant. Non oportet autem eos terrâ humidâ obruere, nè ad præproperè germinandum invitentur, adeoque cum inferuntur aeri frigido expositi perurantur & exarescant. Sub arbore aut tecto, aliòve loco frigido reponere sufficit, aut si à gelu periculum sit, terrâ siccâ aut arenâ operire. Si longius afferantur furculi rapo infixos optimè custodire succum arbitrabantur, inquit *Plinius*. Nonnulli è nostris imam partem luto madido insigere, reliquum musco aut palea obvolvere jubent; verum sufficit vasculo inclusos, tempestate præsertim tepidiore, musco madido circumposito, aut terrâ cribratâ munire.

Quâ parte  
trunci inferere  
convenit.

6. Inferere aptissimum quamproximum terræ, si patiatur nodorum truncique ratio. *Plin.* Præsertim si surculum arboris naturâ crassioris & grandioris gracilioris trunco inseras ut *Pyrum*, *Cydonia* aut *Oxyacantha*. Item à parte trunci vento occidentali aut Libonoto opposita (hic enim apud nos omnium vehementissimè spirat) ut vi venti ad truncum potius cui pede suo innititur, quàm à trunco impellatur: inde enim periculum est nè abruptatur aut luxetur.

7. Si fructum copiosum ab insito quamprimum desideras, adultiorem truncum decapites, eisque calamos inseras.

Quot furculi  
inferendi.

8. Eidem trunco plures inferere furculos expedit, ut mortalitati ex numero succurras. *Plin.* & nè si fortè unus deficiat, truncus ipse periclitetur. Cautiores tamen Agricola vetant truncum transversum seu in crucem findere, quoniam nimia inde trunco injuria fit, & vulnera agrè consolidantur. Optimum virgæ minori, & quæ unum tantum calamum admittat, inferere.

Cur stipiti ci-  
cui potius  
quàm sylvestri.

9. Si mitem & generosum succum desideras, trunco sylvestri aut spontaneo nè inseras, sed potius cicuri & culto. Hinc enim fructus mitior & delicatior evadit, ut qui alimento mitiore & melius præparato utitur, quamvis arbor ipsa ad durandum minus firma, & brevioris ævi, esse credatur. Surculus decisus arbori suæ iterum insitus, meliorem dabit fructum quàm arbori etiamnum hærens.

Tempus infe-  
rendo aptissi-  
mum.

10. Tempus inferendo aptissimum censetur veris initium, aut ver proxime antecedens, antequam gemmæ explicari incipiunt: quamvis per totam hyemem insito satis feliciter plerumque succedat; & *D. Sbarroco* asserit se observasse furculos *Malo* insitos Novembri mensis & circa Natalitia Christi comprehendisse. *Pyrum* vel florentem inferere licet, autore *Plinio*, & in Maium quoque mensem protendere insitionem. Verum ex recentiore observatione, surculus cujus gemmæ jam explicantur agrè coalescet: unioni non repugnat quòd truncus germinaverit.

Lutum ad in-  
situm munien-  
dum quale.

11. Ad insitum munendum contra injurias cæli & bestiarum, Cato olim argillæ vel cretæ harenam fimumque bubulum admisceri, atque ita ad lentorem subigi jubet, idque interponi & circumlini.



eumlini. Plinii ætate abundè arbitrabantur paleato luto libros farcire, duos digitos infito extante. Hortulani aliqui nunc dierum fimum bubulum luto tenaci probè admistum & in massam subactum illinunt. Non multum interest utrum adhibeas. P. Laurembergius emplastrum emphyteuticum commendat, de quo supra.

Novæ fructuum species ab infitione frustra sperantur. Est enim regula generalis & perpetua in Horticultura, *Fructum semper furculi naturam sequi.*

*Infisio fructum non mutat.*

Aiunt tamen transmarinos quosdam Horticultores furculorum vel gemmarum specie diversarum, per mediam longitudinem seu medullam fissarum medietates disparatas tam dextrè coaptare & inter se componere, ac deinde inferere nòsse, ut & coalescant & comprehendant, & fructus ex utrâque specie mixtas producant.

Nonnulli truncum non findunt sed rimam seu sulcum in ejus latere cultello excavant, & furculum eidem adaptatum dextrè immittunt, & vinculo alligant.

Dantur & alii furculum ad trunci minimè decapitati latus applicandi modi, quos vide apud D. Langford in libro de Arborum frugiferarum satù & cultura.

Non immeritò autem queritur quinam ex his inferendi modis præstabilior sit. Longus omnium seculorum usus cum qui fit in fissura approbavit. At verò Auctor mox laudatus tertium omnibus aliis præfert, & post eum secundum reliquis, ob has rationes.

*Quinam inferendi modus præstantior.*

1. Quia trunci hujusmodi operationum capaces sunt aliquot annis antequam ad calamum admittendum findi apti.

2. Quia ab illis minùs læduntur quàm ab hoc genere. Fissura enim humorem faciliè admittit, qui arbores corrumpit, unde trunci infitioni iteratè minùs idonei fiunt, si fortè furculi prima vice non comprehendant, aut alio quovis modo corrumpantur.

3. Surculus multò expeditius trunci amputati caput cortice & ligno obducet & integet, quod ad firmitatem, salubritatem & celeriori auctum arboris magnopere conducit.

4. Hæ operationes faciliore sunt, citius perficiuntur & felicius plerumque succedunt.

Datur adhuc & alia inferendi ratio, quam *Ablactationem* vocant, cum furculus alicujus arboris ab uno latere delibratus, matri adhuc hærens, arboris vicinæ ramo pariter delibrato applicatur & al-  
ligatur donec coaluerit, deinde à suo stipite separatus alieno duntaxat succeo ali permittitur. Plinius in *Vite* hanc operationem sic breviter præcipiendo è Catone describit. Si inter se Vites contingant, in obliquum latere contrario adrafo junctis medullis colligari. Notandum autem plantas nonnullas hoc modo sibi invicem implantari & concrescere quæ prædictis infitionum rationibus in societatem trahi non possunt, ut v. g. Vites diversarum specierum, Mali *Armeniaca* & *Persica*.

*Ablactatio quid.*

Hactenus de infitione quæ furculo fit. Gemmâ inferendi ratio duplex est, altera *Inoculatio* dici-  
tur, altera, quæ sola nunc dierum in usu est, *Emplastratio*.

*Gemmâ inferendi ratio duplex. Inoculatio.*

*Inoculatio* Antiquis usitata, describente Plinio, fiebat futuriæ simili fistulâ aperiendo in arbore oculum cortice exciso, seménque includendo eadem fistulâ sublatum ex alia.

*Emplastratio*, eodem Plinio auctore, ex inoculatione nata videri potest. Ergo (inquit) amputatis omnibus ramis, nè succum avocent, nitidissima in parte, quaque præcipua cerniter hilaritas, exemptâ scutulâ (ne descendat ultra ferrum) cortici imprimitur ex alia arbore cortex par cum sua geminis mamma, sic compage densata, cicatrici ut locus non sit, & statim unitas fiat, non humorem, non afflatum recipiens; nihilominus tamen & luto munire & vinculo melius.

*Emplastratio.*

Alii non eximunt corticem, sed duntaxat incidunt, primò rectè deorsum, perpendiculari incisione, digitum longâ, deinde in summa hujus parte lineâ transversâ eoulque utrinque extensâ, ut corticis anguli commodè elevari possint, & scutum (quod ima parte in angulum exacuari debet) ligno applicandum sinu suo excipere, tandem cortices angulis seu labiis scuto appressis & vinculo ligatis in situ omnia continentur.

Alii perpendiculari incisione facta, media ejus parte transversam lineam imprimunt, & cultello vel calamo elatis, ut priùs quatuor angulis seu labiis corticis, scutum cum gemma sua inferunt & vinciunt, ut in præcedente sectione.

Alii quadrata incisione scuto æquali in cortice facta ut in primo modo, totum tamen corticem non auferunt, sed inferiore medietate relicta & elata scutum sub ea ligno applicant & vinculo ligant.

Optima ratio gemmâ à furculo integram & illâsam auferendi est lineis scutum finientibus cultello per corticem adacto ductis, reliquum lignum decorticare, scuto solo cum gemma intacto; deinde è pennæ anserinæ calamo per medium fisso imbrice facto, acie ejus extrema (quæ acuta esse debet) sub cortice immissa gemmam excindere seu extirpare.

*Quomodo gemma à furculo extirpanda.*

Ut loco denudato scutum exactè congruat necesse est, ideòque tum longitudo tum latitudo scuti circino sumptæ in ramulo denudando signentur; vel furculo unde scutum sumitur utrinque ad longitudinem ejus deciso, & ad latitudinem per medium fisso, applicetur scutum cum frustulo ligni adhuc adhærente furculo delibrando, & lineæ circumducantur.

Antequam scutum cum gemma eximitur, locus in quem transferendus est ritè præparetur, ut quàm ocysimè possit inferi: aliàs gemma aeri exposita vitium contrahet aut exarescet. Vincula fiant ex materia extendi apta, v. g. Juncis levibus, filo lineo laneòve, ut trunci scutique cortici intumescenti cedant. Vincula enim non solvi antequam gemmæ explicentur melius.

*Gemma exempta statim inferenda.*

Tempus inferendi gemmâ à primo vere cum pruina cessaverint tandiu durat, donec tantum spatii superfit ad reditum pruinarum, quantum sufficiat gemmæ cum trunco cui applicatur conglutinandæ & consolidandæ, omnium aptissimum censetur media æstas circa festum S. Joannis Baptistæ.

*Tempus emplastrationis aptissimum.*

Quod ad electionem gemmarum attinet eadem observentur quæ de furculis præcepimus.

Si gemma comprehendat sequente Martio quæ supra eam sunt omnia amputentur, & gemmæ in parte reliqua, unâ exceptâ (quæ nonnulli ad succum deducendum hauriendum necessariam arbitrantur) omnes detergantur.

Quæ arbores  
emplastra ad-  
mittunt.

Emplastratio-  
nem infusio  
preferendam  
probat.

Quæcunque arbor furculo infuso eadem & emplastratione propagari potest, nisi obstat tenuitas & imbecillitas scuti. *Vitis non recipit emplastra, nec quibus tenuis ac caducus rimosusque cortex. Fertilissima omnium inoculatio, eadem tamen infirmissima. Et quæ cortice nituntur tantum vel levi aurâ occisimè deplantantur. Inserere firmissimum & secundum quàm serere.* Plin.

Mali Perficæ & Armeniacæ rarè & difficulter infusione, emplastratione faciliè propagantur.

Emplastrationem in quibus succedit infusio longè preferendam esse multis probare nititur D. Langfordus.

1. Quia stipex seu truncus duobus tribusve annis citius magnitudinem emplastrationi quàm infusio-  
ni idoneam assequitur: unde & tempus lucretur; & arbor multò celerius augetur post naturam in-  
mutatam quàm antea.

2. Arbor indè sanior efficitur quàm ab infuso, quia stipitem decisum citius & securus obducit &  
investit gemma cum scuto quàm furculus.

3. Arborem minùs lædit quàm infusio, & si fortè gemma non comprehendat, potest arbor vel  
proximo anno, vel interdum etiam eodem, denuò emplastrari.

4. Praxis ejus facilior est, expeditior & delectabilius quàm infusionis: mediâ enim æstate per-  
agitur, quando nullum à frigore periculum imminet; quod per sepe vehemens est, & vix sine in-  
juria aut valetudinis detrimento delicatioribus tolerabile, Februario & Martio mensibus, tempestate  
infusio aptissima.

## CAP. XX.

### De specifica (ut vocant) Plantarum differentia.

**U**T Plantarum numerus iniri possit, & earundem divisio rectè institui, oportet ut notas  
aliquas seu indicia specificæ (ut vocant) distinctionis investigemus. Nobis autem diu  
multumque indagantibus nulla certior occurrit quàm distincta propagatio ex semine.  
Quæcunque ergo Differentiæ ex ejusdem seu in individuo, seu specie plantæ semine oriuntur, ac-  
cidentales sunt, non specificæ. Hæ enim speciem suam statione iterum non propagant: Sic v. g.  
*Caryophyllos* flore pleno seu multiplici pro specie distinctis à *Caryophyllis* flore simplici non habemus,  
quia ab horum semine ortum suum ducunt, & semine fati *Caryophyllos* simplices iterum  
edunt. At quæ ex eodem specie semine nunquam proveniunt ex demum specificæ censendæ  
sunt: aut si inter duas aliquas comparatio instituitur, quæ plantæ ex alterutrius semine non prove-  
niunt, nec unquam semine satè transmutantur in se invicem, ex demum specie distinctæ sunt.

Sicut enim in Animalibus sexuum distinctio non sufficit ad speciei diversitatem arguendam, quia  
sexus uterque ex eodem specie semine, eisdemque non rarè parentibus oritur, quamvis multis & in-  
signibus Accidentibus inter se differant; nec Taurum cum Vacca, Virum cum Muliere specie con-  
venire aliud requiritur argumentum, quàm utrosque iisdem persæpe parentibus eademve matre or-  
tos esse: sic pariter in plantis convenientiæ specificæ non aliud certius indicium est quàm ex semine  
ejusdem plantæ seu in specie seu in individuo oriri. Nam quæ specie differunt speciem suam perpe-  
tuò servant, neque hæc ab illius semine oritur, aut vice versa.

Hinc pro distinctis plantarum speciebus non habendas censeo,

1. Quæ solo floris colore, geminatione aut multiplicitate differunt.

\* Genes. 2.

Cùm enim specierum numerus in natura certus & determinatus sit: cum \* *Deus sexto die ab omni  
opere suo*, hoc est, à novarum specierum creatione, requievit: floris autem colore & multiplicitate  
variantium plantarum numerus, novis quotannis exorientibus, infinitus sit, meritò eas à specierum  
gradu & dignitate deicimus & excludimus.

Deinde, si hæc sufficerent ad specificam distinctionem inferendam, *Æthiops* quoque pari ratione  
ab *Europæo*, *Juvenis niger* ab albo, rubro, variove specie differret; quod nemo, ut opinor, sanæ  
mentis unquam concesserit.

Quinimo hæc varietates coeli, aut soli, alimentive differentiis debentur: quæ quantam vim habe-  
ant ad hæc & similia effecta producenda in domesticis & mansuetis animalibus patet. Cùm enim  
fera in plerisque speciebus eisdem colores servant, mansueta & domestica coloribus infinitum vari-  
ant, nec coloribus tantum, sed & carnis sapore, aliisque accidentibus à feris differunt, ut à palato  
non admodum sagaci haud difficulter gustu possint distingui.

Præterea hæc varietates feminio non propagantur, sed vel ramulis avulsis, vel sobole, vel stolonibus.

Denique arte & mangonio induci possunt, nimirum translatione iterata de loco in locum, & irri-  
gatione aquâ colore aliquo imbutâ. Nam *P. Laurembergius*, vir fide dignus, Horticult. cap. 28.  
Sect. 3. se in *Caryophyllis* sæpius expertum scribit, *Caryophyllos* quos simplices Vere primùm, deinde  
Autumno, iterum Vere sequenti transposuerat, (neque interim florere passus erat) Æstate omnes flores mul-  
tiplices protulisse. Deinde ad mutationem coloris in flore inducendam variis in locis hæc repetit. Terrâ  
pinguissimâ in Sole exsiccata aut cribrata reple vas aliquod. Ei implanta germen florum candidorum (nam  
bi soli tingi possunt) ad irrigandum non utere aliâ aquâ quàm rubefactâ si flores rubeos desideras, viridi  
si virides, &c. Tali aqua de die plantam irriga manè & vespere, noctu transfer in ædes, ne nocturnum  
aut matutinum bibat rorem per tres septimanas. Produci flores experieris tinctos non prorsus eo colore quem  
effudisti, sed partim eo, partim naturali. Hæc quamvis à nonnullis ridentur, Laurembergio tamen  
Autori æquum in iis quæ sibi comperta tradit fidem derogare non audemus. Quid quod plantæ  
florum coloribus aut multiplicitate spectabiles in eodem loco sine cultura diutius relictæ & neglectæ  
colorum delicias amittant paulatim, petalorum comam exuant, & ad sylvestrium ingenium rede-  
ant.

Idem



Idem esto iudicium de floribus nudis in iis plantis quæ radiatos plerumque proferunt, ut *Chamaemelo*, *Cotula*, *Parthenio*: proliſeris dictis, in *Bellide*, *Calendula*, aliſque nonnullis Corymbiferis: petalis fiſtuſoſis donatis, in iis quibus naturaliter plana ſunt, ut *Bellide* & *Flore Africano*, & ſiquæ præterea ſunt huiusmodi ſorum differentie.

Quoniam verò varietates hæ floribus plenis aut variegatis inſignes ob pulchritudinem & elegantiam raritatemque ſuam à ſorum cultoribus magni æſtimantur, & non raro inſanis pretiis redimuntur, non ab re fuerit quibus illæ mediis obtineri poſſunt oſtendere.

Et quod ad Caryophyllos attinet, eos è ſimplicibus multiplices fieri translatione iterata de loco in locum Laurembergio aliſque expertis credimus: nec dubitamus quin & aliis plantis flores plenos producere aptis pariter tranſlatis idem eveniret.

Quin & unica ſola translatione in plantis nonnullis flores è ſimplicibus in plenos evectos legimus.

D. *Sbarroci* ſe noviffe ait qui *Anemonas nemorum* & *Colchica flore multiplici* in hortis habuerint, qui aſſerebant ſe eodem ſimplici flore ſylveſtres ex agris in hortos tranſtuliffe, ſoli luxurie, & culturæ diligenti mutatione illâ inductâ.

\* Lib. de pro-  
pag. Vegetabi-  
lium.

Verum quicquid ſit de translatione, varietates prædictas certiffimè & facillimè ſatione obtinebis. Si enim plantæ cuiuſcunque florem mutare aptæ ſemen ſolo lato & opulento largâ manu ſeveris, inter multas flore ſimplici, nulla colorum varietate ſpectabiles paucae enaſcentur flore pleno, & nonnullæ etiam variegato inſignes. Cuius generis ut plures obtineas, ex ſententia Hortulanorum ſemen ſerendorum electio fieri debet: Sic v. g. ex ſorum Caryophylleorum Aurantii mali colore tinctorum, tam purorum quam variegatorum ſeminibus ſatis plurimæ & pulcherrimæ habentur varietates. Ferrario autore, ex albi Caryophylli ſemine multiplex varietas provenire ſolet: item ex fulcis maculis diſtincti.

\* Horricult.  
lib. 3. cap. 15.

Obſervatio nonnullorum ad obtinenda Leucoia flore pleno ut ſemina colligantur ex ſiliqua ſori ſuccedente per luxuriam pentapetalo, experientiâ noſtrâ frivola eſt & falſa.

In Tulipis præcociſ ad producendas varietates purpureæ aut purpurea marginibus albis ſemina omnium optima eſſe obſervavit Parkinsonus: in mediis quæ coloribus lucidiſſimis ſunt reliquis præferuntur.

2. Plantas ſola magnitudine differentes. Quamvis enim dentur certi magnitudinis termini in unaquaque ſpecie, quos neque excedere, neque ab iis deficere poſſunt individua: neque enim Groſſularia v. g. Quercus ſtaturam & diſenſiones unquam aſſequuntur, quacumque culturam adhibueris; magna tamen inter hos terminos latitudo eſt, & maximi fortalle ad minimum decupla proportio. Quæ tamen differentia vel ſoli ubertati aut ſterilitati, vel regionis temperiei caloris aut frigoris reſpectu, vel tempeſtatiſtice aut pluvie, vel alii cuiſpiam accidenti debetur, non ſpecificæ plantæ naturæ. Si enim Plantæ, culturæ patientis, in ſuo genere minimæ & pauperrimæ ſemen accipias, ſiquæ lato & pingui ſolo, loco ſoli expoſito & ab aeris injuriis tuto ſeveris, brevi ſobolem matre planta decuplo fortè majorem obtinebis; immo verò ſi plantæ alicuius perennis & culturæ patientis radicem à monte ſterili & aprico, ventis expoſito, quem per hyemem Borea penetrabile frigus adurit, in hortum pinguem & tepidum tranſtuleris, mirum quantum luxuriabit & magnitudine proficiet, ut vix pro eadem agnoſcas. Nec minor hoc reſpectu differentia invenitur in Animalibus inter individua ejuſdem ſpeciei: ſiquidem in Anglia noſtra oves quæ in montioſis & ſterilioribus frigidis degunt quintuplo ſerè minores ſunt iis quæ in pinguibus & temperatis paſcuntur, adeò ut illæ vix quinque ſolidis noſtræ monetæ ſingulæ veneant, cum hæ interdum duas libras, i. e. octuplum illarum pretii, valeant. Equi etiam qui in montibus Cambriæ immodico frigore peruſtis educantur & aluntur, adeo pumili ſiunt & contemptæ parvitatibus, ut canem Molosſum magnitudine & ſtaturâ non multum ſuperent. Vidimus enim Ceſtrix qui quatuor aut quinque ſolidis emi poſſent.

Excipiendæ tamen hic videntur ſpecies plantarum nonnullæ à nobis & aliis inventæ, quæ quantum hætenus obſervavimus, non alia in re quàm magnitudine differunt; ſuſpicamur tamen & alias inter eas intercedere differentias, remque ulteriori obſervationi committimus. Has ſpecie diverſas eſſe opinamur quia ſimul in eodem loco naſcentes nos & alii obſervavimus, & tamen major minorem triplo quadruplove magnitudine ſuperabat. Tales ſunt Hyſſopifolia major & minor à nobis; Alchumilla major & minor à *Moriſono*; Heliotropium majus Siculum & majus vulgare à *P. Boccone*; Millefolium aquaticum flore luteo galericulato majus & minus à *D. Deme* Cantabrigienſi una naſcentes obſervatæ. Vidimus etiam in horto Nobiliſſimi viri *D. Caroli Hatton* Aſtrantiæ nigræ ſpeciem minorem, quæ non aliâ in re quàm parvitate ſua à vulgari differre nobis viſa eſt. Alias etiam non paucas invenies apud *D. Moriſonum* in *Hiſtoria Plant. univerſ.*

3. Foliorum variegatio, qualis in Alaternio, Buxo, Roſmarino, Dulcamara, &c. cernitur, tantum abeſt ut ſit ſpecificæ diſtinctionis nota; ut ſit potiùs ſymptoma morbidæ conſtitutionis in Plantâ aliqua, quæ vel calce radici ſuppoſita, vel pari mixtura calcis cum terra rudrata induci poteſt; unde in ramis depaſtis durat, in plantis è ſemine ortis evaneſcit. An ſoris petalorum variegatio morbi etiam ſymptoma ſit inquirendum.

An planta foliorum marginibus criſpis à congeneribus ſolis planis ſpecie differant ambigo. Quantum enim hætenus obſervavi, quæ huiusmodi ſunt ſpeciem ſuam ſatione ſemper propagant, nec unquam plantas planifolias producant. Quin & Naſturtii horteniſ criſpi folia ſeminalia ab horteniſ vulgaris ſeminalibus figurâ ſuâ & inciſuris differunt, cum hæc tripartita ſeu in tres lobos diviſa ſint, illa unica duntaxat hinc inde inciſione ſecta: quod argumento eſt eas ſpecie differre.

At 4. Quæ radicis colore ſolo differunt, cuiuſmodi ſunt Paſtinacæ tenuifoliæ radice lutea, alba, atro-rubente; Rapæ radice alba & lutea pro ſpecie diſtinctis non habendas cenſeo: nec magis quæ radicis tantum figurâ differunt, ut Rapæ radice longa & rotunda.

Denique 5. Quæ Fructus ſeu Pericarpium magnitudine, ſapore, figurâ, colore differunt ut Pomorum & Pyrorum infinite ſerè varietates: Caterum (obſervante \* *D. Sbarroco*) Arborea è Mali & Pyri horteniſium & cultarum ſeminibus ſatis ortæ non ſemper degenerant in naturam ſylveſtrium; ſed interdum ſapidioreſ & mitioreſ generoſioreſve fructus edunt, quàm earundem matres ſeu productrices; contra quàm vulgo creditum & receptum eſt.

\* Lib. de pro-  
pag. Vegetab.

Quæ item seminis colore ludunt, ut Phascoli, Fabe vulgares, Frumentum Indicum, ob rationes superius allatas specie distare non concedimus. Quin de industria experiundi causâ Fabas rubras plures unâ aliquando sevimus; quæ tamen inde enatæ sunt plantæ pleræque Fabas albas dederunt. Notandum tamen distinctam propagationem ex semine non esse illud ipsum quod constituit differentiam essentialem seu specificam, sive in quo illa consistit, sed ejus signum seu indicium tantum.

Deinde cum dicimus in Plantis specie distinctis hæc ab illius semine non oriri, de eo quod plerumque & naturaliter contingit loquimur, non de eo quod rarò & inusitatè extra ordinem naturæ. Nam ut inferius ostendemus, Plantarum nonnullarum semina degenerem & diversæ speciei sobolem interdum producant; unde colligimus dari in plantis veram specierum transmutationem.

## CAP. XXI.

## De Specierum in Plantis transmutatione.

**P**lantas quæ ex eodem semine ortum ducunt, & speciem suam satione iterum propagant, specie convenire superius docuimus; adeoque varietates illas in florum colore, geminatione & multiplicitate, in foliorum variegatione, radicis colore, fructus seminisve sapore aut etiam colore, specificæ quam vocant diversitatis notas aut indicia non esse, conclusimus.

Verùm nota hæc quamvis satis constans sit specificæ convenientiæ signum, non tamen perpetuum est & infallibile. Semina enim nonnulla degenerare, & diversæ à matre speciei plantas interdum licet rarius producere, adeoque dari in plantis transmutationem specierum, experimenta evincunt.

Hypomn. 5.  
cap. 2.

Triticum, referentè \* Sennerto, degenerat in Lolium; Rapum in Raphanum; Sisymbrium in Mentham; Ocimum in Serpyllum: Vitis nigra in albam, alba in nigram mutatur: Zea in Triticum, & è contra Triticum in Zeam. Si in Ungaria Secale Germaniæ feratur, generatur inde Triticum. Si ager paulò sterilior sit, Avena nostra alba quam appellant in nigrum degenerat. Si idem semen eodem in agro aliquot annis feratur in villis degenerat. Galeni pater Triticum & Hordeum aliquando sevit, omnibus diversis generis seminibus quæ ipsi grana admixta, selectis, quocertò cognosceret num ex eorum transmutatione Lolium & Ægilops nascerentur, an proprium hæc quoque semen haberent. Cùm autem fortè unâ cum puris seminibus, in Triticum quidem frequens Lolium, in Hordeo autem magnam Ægilops vim, statim conspiceret, in aliis quoque seminibus idem est aggressus. Reperit igitur in Lente durum quoque rotundumque Aracum & Secarinum, præterea Aparinem enatam.

Hæc experimenta ex variis Autoribus collecta Veteribus & Recentioribus, quamvis eorum nonnulla verisimilia nobis videntur, partim tamen quia vulgo per errorem non causam pro causa accipienti, partim quia Philosophis vel nimis credulis, vel minus circumspèctis in causis phenomeni assignandis, & receptis opinionibus addictis, originem suam debent, pro incertis & suspectis habemus, nec sufficere putamus sententiæ aded anticipi & controversiæ stabilientiæ.

Sic Galeni patrem in ratione phenomeni modò dicti reddenda deceptum putamus. Nec enim sequitur quia frequens Lolium in Triticis nascitur, Triticum in Lolium mutatum fuisse, seu ex Lolii semine Triticum enatum; potuit enim ex Lolii semine in agro superiore anno residuo Lolium oriri. Et quod ad Ægilopem attinet, ipse olim observavi in agro quodam ubi Triticum putum factum fuerat magnam Ægilops vim enatam, idque sepius, etiam postquam internitiss satione, ut mos est, ager ille annum integrum requieverat: quæ tamen ipsius Ægilops non Tritici semini originem suam debuit. Cùm enim Ægilops citius maturescat & semen suum perficiat quam Triticum, cùmque semen ipsius per maturitatem facile defluat, vel vento, & inter maturandum manu decutiat in terram, ibi relictum, quamvis ager non feratur sequenti anno, per integrum biennium durabit, & cùm frumento postmodum satò succrescet. Nec dubium est quin semina plantarum, non dico per biennium, sed per decennium & amplius in terra non rarò focunda resistent, ut superius ostendimus.

Verùm quanvis experimenta allata incerta nobisque suspecta sint, non desunt tamen alia certiora, idoneis testibus confirmata, quæ rem planè consiciunt & extra omnem dubitationis aleam ponunt.

E Brassicæ floridæ semine satò Brassicam capitatam sepius enatam hortulanis apud nos plurimè affirmantibus credimus, imò Brassicæ species omnes satione in se invicem transmutari affirmat R. Morisonus, & experimentis probat. Brassicæ tophosæ semina ex Italia ad Reverendissimam Episcopum Londinensem D. Hen. Compton transmissa Brassicam produxerunt tophosam, sed hæc semina de novo satum degeneravit in vulgarem apertam lævem Brassicam. Idem dicendum de Brassicæ floridæ botryte, nimirum ex semine plantarum in Angliâ nascentium & cultarum satò Brassicam longifoliam apertam oriri: quod Richardus Baul hortulanus Brainfordensis multorum experientia damno suo didicit. Hic enim ingentem copiam seminis Brassicæ floridæ in horto suo collectam, hortulanis quamplurimis in suburbanis Londini locis, vulgò dictis the great houses degentibus vendidit: atque hi cum summa cura & industria eadem semina terre pingui à multis annis bene stercoreatæ commiserunt, quæ Brassicas satis magnas, longifolias apertas ipsis producere. Quare prædicti hortulani animadvertentes se oleum & operam perdidisse, & in rem nihili labores & sumptus impendisse, se fraudatos queruntur, & prædicto Richardo Baul litem intendunt in foro Westmonasteriensi: qui ex sententia Judicum illic sedentium condemnatus est, non solum ut ipsis pecunias quas acceperat restitueret, sed ut jacturam temporis & amissum terræ usum fructum resarciret.

Idem



Idem accidit Brassicæ Sabaudæ tam hybernæ, quam æstivæ, cujus semina recentior ex Italia ad nos transmissa, feliciter hic proveniunt [in Anglia] verum semina ejusdem hic ortu collecta & sata degenerant in Brassicam apertam. Oportet ergo si species has habere velimus, ut nova quotannis semina à transmarinis regionibus petamus.

Nec Brassicæ tantum semina sata degenerem prolem producant, sed & Primulæ veris seu Paralyseos. Affirmavit nobis, Oxonii cum essemus, *Jacobus Boberius* Horti publici Academici cultor, e semine Primulæ veris majoris sibi enatas Primulam vulgarem & Primulam pratensem in odorem luteam.

*Olav Wormius Musci*, lib. 2. cap. 7. pag. mihi 150. asserit se habere Hordeum quod Hermaphroditicum vocat, quia in una spica & Hordeum & Secale contineret, cujus descriptionem videlicet loco citato. *Johnson* quoque apud *Gerardum emac.* lib. 1. cap. 46. pag. 65. sibi ostensam refert à *D. Gooder* spicam Tritici albi, circa cujus mediam partem tria aut quatuor grana Avenaceæ undique perfecta enata sunt.

Hæc si vera sunt, ut à fide dignis narrantur, negativam sententiam, in quam proniores sumus, deferre nos cogunt, & vel invitos concedere, dari in plantis specierum transmutationem.

Observandum tamen transmutationem hanc dari tantum inter species cognatas & ejusdem generis participes; quasque nonnulli fortasse specie differre non concedent.

Quod vero plantæ nonnullæ bulbosæ diuturniore in eodem loco morâ absque translatione, mirabili metamorphosi in alias species vel degenerent vel transmutentur, ut v. g. \* *Crocum* in *Gladiali*, *Leucojum* in *Hyacinthum* & vice versa, utrique *Boberio*, nè juratis quidem crederem.

\* *Sbarro*.  
de propagat.  
Plant. cap. 1.  
n. 4:

## CAP. XXII.

## De Statura &amp; Magnitudine Plantarum.

**D**e magnitudine Plantarum nihil notatu dignum habeo quod adjiciam his quæ ab Historicis naturalibus conditoribus traduntur.

Dari in unaquaque specie certos dimensionum terminos, quos neque excedere, neque ab eis deficere possunt individua, opinatur: Magna tamen inter hosce latitudo existit, & maxime ad maxima decupla, fore præstat. *Achæna* *diminuta*, sicut *corrostria* (Bellæ enim maritæ *encarpæ* *videtur*) stature & magnitudine tantum excedunt quantum herbule minutissimæ parviores ab eisdem vincuntur. Dantur enim Animalcula quæ ocalorum etiam lyncosorum aciem fugiunt.

Arbores omnium maximas & altissimas India utraque aliæque regiones fervidæ producunt: quæ calor maxime viget,

*Quæque dies medius flagrantibus æstuat boris.*

Ibidem & animalia visendæ magnitudinis: in Quadrupedibus, Elephas, Rhinoceros, Hippopotamus; in Avibus Struthio & Emu; in Serpentino genere, Crocodilus aliisque stupendæ longitudinis & crassitie, in Exangibus aquaticis testaceis Murices, Buccina aliæque portentosæ molis innumera nascuntur.

Mira sunt & fidem penè superantia, quæ de arborum nonnullarum crassitudine & proceritate feruntur. Plinium attendamus, Volum. 16. cap. 40. exempla producentem. Amplissima arborum ad hoc ævi existimatur Romæ vîla, quam propter miraculum Tiberius Cæsar in ponte naumachiaro exposuerat, advenit cum reliqua materie. Fuit autem trabs è Larice, longa pedes 120, bipedalis crassitudine, equalis. Quo intelligitur vix credibilis reliqua magnitudo fastigium ad cacumen æstivæ manibus. Fuit memoria nostra & in porticibus septorum à M. Agrippa relicta, æquæ miraculi causâ, 20 pedibus brevior, sesquipedali crassitudine. Abies admirationis præcipue in nave, quæ ex Ægypto Cæsaris principis iussu obeliscum in Vaticano circo statutam, quatuorque truncos lapidis ejusdem ad sustinendum eum advenit. Arboris ejus crassitudo quatuor hominum ulnas complectentium implebat. Cedrus maxima in Cyprio traditur ad undecimem Demetrii succisâ centum triginta pedum; crassitudinis verò ad trium hominum complexum. Germaniæ prædones singulis arboribus caratis navigant, quarum quædam & triginta homines ferunt. Quid hoc ad Congenses arbores, & quarum singulis pariter excavatis Canoe (itâ vocant hoc genus cymbas monoxylas) ducentorum hominum spaces fieri possunt.

In Indiæ Orientalis Regno Malabarico stupendæ magnitudinis Arbor enascitur, *Atti-meer-alo* Indigenis dicta, caudice quinquaginta plerumque pedum ambitu: cujus generis in provincia Cochinchinâ prope templum *Beysan* habetur, quæ bis mille annos vixisse dicitur. *Horr. Malab.*

Hic tantis obiter monere convenit falsum omnino esse quod Plinius aliique de magnitudine Ficus Indiæ prodidere, nimirum vasto matrem corpore esse, ut 60 pedes pleræque orbe colligunt. *Celeberrimus* enim *Vin*, adeoque fide dignissimus *D. Gualterus Ralegh* eques auratus, qui viciis mille minimum hujus generis arbores in quadam valle non procul Paria Americæ nascentes vidit, nec pauciores in insulis *Trinidad*, & alibi 12 etiam miliarium iter sub earum umbra se confecisse scribit; magnitudinem mediocrem earum truncis attribuit, & inter decies mille unam aliquam reliquis majorem invenire perdifficile esse ait.

Quæ siquidem exempla arborum maximarum è celeberrimi viri *D. Joannis Evelyn* Sylva, ut labori nostro parceremus, pleræque transulimus.

Quod ad staturam attinet, Arborum in Fortunatis insulis proceritatem ad 144. pedes adulescere prodidit *Sebosius*. *Plin.* lib. 6. cap. 31. Idem in India arbores quædam tantæ proceritatis inveniri refert, ut sagittis superari nequeant, lib. 7. cap. 3. Et quod omnia miracula excedit in insula *Barbados* Antillarum una *Palmitas* regales dictas sesquipedali non majore trunci diametro ad trecentorum pedum altitudinem adulescere non solum *Ligonus* scripsit, sed & testes *adventui* nobis confirmarunt.

Matthiolus

Matthiolus arboris in insulâ Cypri natæ meminit, quæ ad 144 pedum altitudinem materiem produxit.

Quod ad magnitudinem, referente Plinio, sylvestris circa Memphin regio tam vastas arbores producit, ut terni nequirent vel circumplecti. Arborum ad Gambræ fluvium nascentium 37 pedum diametro meminit Jul. Scaliger. Alii in Nicaragua & Gambia arbores tantæ crassitudinis describunt, ut 17 homines ulnis extensis eas agrè complecti possint, nec minores in Brasilia, in quibus una ab Indigenis religioni habita, 120 pedum erat ambitu. In Historia Chinenſi non ita pridem edita legimus arborem quandam *Ciennich*, [i. e. Arbor mille annorum] dictam in Provincia *Szechu* propè urbem *Kien* reperiri, adeò portentosæ magnitudinis, ut sub unico solo ramo ducentas oves adeò integat & occultet, ut ab appropinquantibus discerni non possint: & aliud etiam monstrum & miraculum potiùs arboris quàm arborem in Provincia *Chekian*, adeò stupendæ amplitudinis, ut 80 etiam homines vix truncum ejus complecti possent.

Verùm ut exotica mittamus, Arborum nonnullarum ex domesticis & Europæis in specie exempla proponemus.

*Pyrus.* Pyrum propè Rossam in Herefordia 18 pedum ambitu meminit Autor noster quæ septem quotannis dolia majora Pyracei exhibuit.

*Castanea.* In Sicilia monte *Ætna* ad locum *gli Castayne* inde dictum trium Castanearum meminit Kircherus, quarum unius cortex tantæ amplitudinis erat, ut intra eam integer pecorum grex à pastoribus tanquam in caula commodissima noctu includeretur. *Chine illustr.* p. 185.

*Tilia.* Tiliam visendæ magnitudinis & stature Depehamiæ in Norfolkia à se visam & mensuraveris ad D. Evelyn datis describit celeberrimus & eruditissimus Vir D. Thomas Brown Norwicensis, cujus hæc dimensiones erant. Trunci ambitus gracillima sui parte, duobus supra terram ulnis, 8½ minimùm ulnarum nostræ mensuræ, i. e. 24 pedum erat: ima parte terræ & radici proximâ 16 ulnarum: superius ad cubiti distantiam 12 fere ulnarum: Altitudo ad summos ramos 30. Tiliam illam famosam Tiguri in Helvetia omnibus dimensionibus superans: an à quaquam in externis Tilicetis hoc genus arbore excedatur incertum. Nam prodigiola illa Neostadii in Ducatu Wirtembergensi conspicienda Tilia, ob enormem magnitudinem tantopere celebrata ut urbi ipsæ cognomen dederit, Germanis *Nieustadt ander grossen Linden* inde dictæ, humilior fuit, ut cujus trunci circumferentia non plus 27 pedum, & 4 digitorum erat; ramorum extensorum ambitus 403, ejusque diameter à Meridie ad Septentrionem 145, ab Oriente ad Occidentem 119.

*Platanus.* Platani ingentis duodecimo volumine Plinius meminit his verbis. Nunc est clara in Lyria gelidi fontis socia amenitate, itineri apposita, domicilii modo cava, & atque unius pedis spaci, nemoroso vertice, & se vastis protegens ramis arborum instar, agros longis obtinent ambis: ac nequid desit speluncæ imagini, faxæ intus crepidinis coronâ, mulcosos complexa pumices: tam digna miraculo ut Licinius Mutianus ter Consul, & nuper provincie ejus legatus prodendum etiam posteris putavit, epulatum intra eam se cum duodevicesimo comite, largè ipsa toros præbente frode, ab omni afflatu securam, optantem imbrium per folia crepitus, latiorē quàm marmorum nitore, picturæ varietate, laquearium auro cubuisse in eadem.

*Ulmus.* In manerio de Horton in Parocia de Elsham in Surreia, cujus Dominus Autoris nostri frater, Ulmi etiamnum restant in sèpibus bene multi, truncis trium in quadrum pedum ad 40 plus pedum altitudinem. Ulmus folio levi intra tres quatuorve annos in D. Gualteri Bagoti Parco in Comitatu Staffordiæ dejecta, ad 40 ulnas extensa 48 ligni ad focum vehes in summo capite seu coma gestabat, ejusque truncus ad sedem 17 pedum diametro præter 8 modiolorum paria 8660 pedes tabularum seu asserum præbuit. Tota materies ad 97 tonnas aestimabatur. Eruditissimus Vir D. Rob. Plot, in Hist. Nat. Oxoniensi Ulmi cujusdam meminit, quæ pauperculæ cuidam gravidæ ab inhospitali vicinia exclusæ receptum & hospitium præbuit, quæ in ejus cavo puerum enixa est, marem adhuc viventem adultum & robustum juvenem.

*Fraxinus.* Fraxinos in Essexia 132 pedes longas nuper venundatas audivimus.

*Taxus.* His adde Taxum ingentem in Cœmeterio Ecclesiæ de *Crowberst* in Surreia decem ulnarum ambitu: & aliam annosam visendæ magnitudinis in cœmeterio Brabournensi in Cantio, cujus truncus 58 pedum & 11 insuper unciarum erat in circuitu, unde colligitur diametrum 20 fere pedum fuisse.

*Salix.* Dantur etiam & Salices enormis crassitie. D. Plot è Joan. Ferdinandi de Hortoda cujusdam in *Moravian* Moraviæ pago crescentis meminit, intus concavæ 27 pedum ambitu.

*Quercus.* Sed ad Quercus transeamus, Hujus generis arborem memorat idem celeberrimus Vir, in viæto de *Kidlington* Comitatus Oxoniensis adhuc stantem, cujus interior cavitâs carceris extemporanei usum præstat. Ei etenim incarcerandos rarisper includere solebant donec ad carcerem publicum commodè transmitti possent. Quercum nonnullarum in Westphalia non ita pridem stantium & florentium incredibilis vastitas, quarum altera Arcis & Propugnaculi loco munita, altera 150 pedes alta, 30 pedum diametro fuisse fertur.

Silentio transmittendæ non sunt arbores illæ imprimis memorabiles quas Galfiadus Chaucerus poeta avo suo celeberrimus in Parco *Demingtonensi* plantasse fertur, tanto latore dignæ, quarum una Regis, altera Reginæ, tertia ipsius Chauceri dicebatur. Harum prima, quæ Regis, ad 50 pedum altitudinem & enodis erat, ad imum quinque in quadrum pedum, tota firma & solida, optimâ materie: Secunda, quæ Reginæ, ad 40 pedum altitudinem rectus & enodis, præstantissimâ materie, imâ parte 4 in quadrum pedum, summa propè trium erat. Tertia, quæ Chauceri, staturâ & magnitudine inferior, pulchra tamen & ipsa erat. Hinc, si vera sunt quæ foris de harum arborum satione, colligi potest ad quantam altitudinem & crassitiem intra 300 annos (nec enim antiquior est Chaucerus) Quercus excrescere potest. Ingens nobilis imprimis arbor erat ex qua trabes transverse ad navem illam longè maximam & pulcherrimam the *Royal Sovereign* dictam, ab optimo Principe Carolo primo exadificatam, factæ fuere; diametro 4 pedum & 9 insuper unciarum, in 4 tigna, singula 44 pedes longa, dissecta. Nec prætereunda, quamvis alterius generis



neris, arbor illa prægrandis & procera, quæ navigio prædicto mali usum præstint, 99 pedes longa, diametro 35 pedum.

Ingeniosissimus Vir D. Rob. Plot in laudatissima sua Historia Nat. Oxon. Quercum meminit inter *Newenham-Courtney* & *Clifton* crescentem, cujus diameter ab extremo ad extremum ramorum extensorum pedum erat 81, aream 560 ulnarum quadratarum inumbrans, in qua 2420 homines commodè consistere possent: Et aliam adhuc majorem propè januam Ambulacrorum Collegii Magdalenensis Oxonii, cujus rami à caudice ad 16 ulnas extenduntur: aliam denique Ricoti in Parco nobilissimi Baronis Dom. *Norreys*, cujus rami à trunco ad 54 pedes porrecti, 304 equitibus, peditibus 4374 opacandis sufficiunt.

D. Rob. Harley literis superius memoratis, Quercus in ædium suarum vicinia non ità pridem dejectæ meminit, cujus crassitudo 5 in quadrum pedum erat ad 40 usque pedum altitudinem, in cujus unoquoque pede (omnibus utique simul sumptis divisione facta) dimidia tonna materiei erat. Ramii præterea 25 ligni chordas suppeditabant in focum.

Multa adhuc exempla adducit Autor quem sequimur ingeniosissimus, Quercuum enormis magnitudinis & crassitiei vel etiamnum stantium, vel non ità pridem dejectarum, in Sheffieldensi Eboracensis comitatûs præcipuè agro & locis vicinis, scitu non indigna, & idoneis testibus comprobata, quæ omnia huc transcribere longum & operosum nimis foret. Qui plura desiderat librum ipsam adeat, cap. 30.

## CAP. XXIII.

## De Ætate &amp; Duratione Plantarum.

**P**lantæ durationis respectu immensum distant. Aliæ brevis admodum ævi sunt, aliæ admodum longævæ.

Aliæ Æstivæ sunt, quæ Vere oriuntur, Autumno intereunt, & sequenti iterum Vere ex semine in terra residuo se renovant. Hujusmodi sunt *Atriplices*, *Blita*, *Sonchi*, &c.

Aliæ annuo spatio ætatem circumscribunt. Hæ Autumno exeunt, per hyemem virent, æstate sequenti excaulescunt, florent, & demum semine ad maturitatem perducto radicibus exarescunt. Hæ tamen etiam Vere satæ Autumno insequenti perfructuantur.

Aliæ biennes, triennes sunt, aut plurimum etiam annorum, ut v. g. *Petroselinum vulgare*, *Angelica*, &c. Hæ primo aut secundo postquam satæ sunt anno in caulem non abeunt, imò earum nonnullæ quinquennium interdum & amplius excaules durant, at caule semel edito & seminibus perfectis funditus marcescunt.

Aliæ denique perpetuæ sunt, nec certum durationis terminum obtinent.

Hæ autem vel radice tantum sunt perpetua vel etiam superficie.

Quæ radice tantum sunt perpetua *resistentes* appellantur, quæ etiam superficie *perennes*.

Quæ radice perpetuæ censentur non eandem omnes perpetuò radicem individuum servant, nisi improprie & (ut Philosophi loqui amant) per æquivalentiam; novâ aggeneratione annua radicis damna reparantes, ut superius in capite de Radicibus Plantarum ostendimus.

Arbores admodum longævæ esse plurimis exemplis allatis volumine xvi. cap. 48. probat Plinius. *Vita arborum quarundam immensa credi potest (inquit) si quis profunda mundi & saltus inaccessos cogitet. Verum ex his quas memoria hominum custodit, durant in Læternio Africani prioris manu sane Olive, item Myrtus eodem loco conspicue magnitudinis. Roma verò Lotos in Lucina area, Anno qui fuit sine Magistratibus 369 Urbis æde condita: incertum quantum ipsa vetustior. Esse quidem vetustiorē non est dubium, cum ab eo loco Lucina nominetur. Hæc nunc circiter annum 450. habet. Antiquior illa est sed incerta ejus ætas quæ capillata dicitur, quoniam Vestalium Virginum capillus ad eam deferretur. Verum altera Lotos in Vulcanali, quod Romulus constituit ex victoria de decimis, æquæva Urbi intelligitur, ut autor est Massarius. Radices ejus in forum usque Cæsaris per stationes municipiorum penetrant. Fuit cum ea Cupressus æqualis circa supremam Neronis Principis prolapsa atque neglecta. Vetustior autem Urbs in Vaticano Ilex, in qua titulus æreis literis Hetruscis religione arborem jam tum dignam fuisse significat. Reliqua quia incerta & fabulosa nobis videntur, omittimus: Videat qui volet apud Plinium loco citato.*

Idem celeberrimus autor lib. xvi. cap. 2. Hercyniæ, inquit, Sylvæ arborum vastitas, invicta ævis & congenita mundo, propè immortalis sorte miracula excedit. Ut alia omittamus fide caritura, constat attolli colles concursantium inter se radicum percussu, aut ubi secuta tellus non sit arcus ad ramos usque, & ipsos inter se rixantes, curvati portarum patentium modo, ut turmas equitum transmittant. Josephus de Bello Judaico lib. 5. cap. 31. Sexto ab urbe Hebron stadio Terebinthum cerni refert, & *quædam sunt arbores usque nunc durantes*.

Lawlonus nostras Horticulturn scriptor non incelebris arbores etiam frugiferas, *Malos* & *Pyros* ad nongentos usque annos vitam producere non contemnendis rationibus probare nititur. Habere se in horto arbores, quas ante octoginta annos satas fuisse seniorum testimonio constat. Has tamen aliis congeneribus (quas noverat) nec commodius sitis, nec diligentius cultis, quin potiùs neglectis & malè tractatis, necdum plene adultis triplo minimum magnitudine & perfectione inferiores fuisse. Unde colligit hoc genus arbores trecentos circiter annos augmento impendere antequam ad *ædificium* perveniant. Cùmque in animalibus statûs & declinationis spatia incrementi minimum dupla sint; quanto magis in Arboribus quarum substantia solida, ad durandum firma, cœli injuriarum patiens: victus naturalis & purus, nullis fecibus aut *mercurio* contaminatus? Quòd si arbores frugiferae, tot injuriis obnoxia ex iterata translatione, putatoris falce, aliisque accidentibus, quin & ex prodiga succi nutriti in tot annuos fructus impensa vigore exhaustæ, tot annos durent quanto

quanto magis longævas esse credi par est arbores illas statura & magnitudine excellentes, materie firma & invicta, locis natalibus adolescentes, nec succi in fœtus prodigas, quibus terra mater est non noverca, alimentum idoneum, nec vires cultu aut mangonio labefactatæ.

Verùm faceffant rationes quantumvis speciofæ; experimenta quærimus non argumenta. Quæ de arborum longævitate feruntur apud nos non facillè fidem inveniunt. Cùm enim temporum quibus arbores primùm satæ sunt nulla aut perquam rara fide digna testimonia, literis consignata extant; quæ de earum vetustate traduntur, incertis & male fundatis rumoribus & opinionibus constant, idè quæ vel omnino falsæ & fabulofæ nobis videntur, vel incertæ & conjecturis plena. Quercuum certè longævitati repugnant quæ D. Rob. Harley ad D. Rob. Murray literis ante decennium datis pericriptæ: Nimirum se ex inquisitione 200 circiter abinde retro annis capta certiorè factum, in Parco quodam suo (sic vocant vivaria ferarum septis circumdata) & sylvis adjacentibus nè unam quidem Quercum tunc temporis per ætatem glandibus ferendis parem extitisse, in quibus cùm hæc scriberet se observasse plurimas eximie magnitudinis & proceras, interque eas nonnullas jamdudum *Quercus* & vigore defectas, in extremo senii & marasmi declivio constitutas.

## CAP. XXIV.

*De Viribus & Usibus Plantarum in Cibo & Medicina.*

**P**lantarum usus latissimè patet, & in omni vitæ parte occurrit. Sine illis lautè, sine illis commodè non vivitur, at nec vivitur omnino: Quæcunque ad victum necessaria sunt, quæcunque ad delicias faciunt, è locupletissimò suo penu abunde subministrant. Quanto ex iis mensa innocentior, mundior, salubrior quàm ex Animalium cæde & laniena? Homo certè naturà Animal carnivorum non est, nullis ad prædam & rapinam armis instructum, non dentibus exertis & ferratis, non unguibus aduncis. Manus ad fructus colligendos, dentes ad mandendos comparati. Nec legitimus ei antè diluvium carnes ad esum concessas. At non victum tantum nobis suppeditant, sed & vestitum, & medicinam, & domicilia aliæque ædificia, & navigia, & suppellectilem, & focum, & oblectamenta sensuum animique: Ex hiis naribus odoramenta & suffumigia parantur. Horum flores inenarrabili colorum & Schematum varietatè & elegantia oculos exhilarant, suavissima odorum quos expirant fragrantia spiritus recreant. Horum fructus gulæ illecebræ mensas secundas instruunt, & languentem appetitum excitant. Taceo virorem amœnissimùm oculis amicum, quem per prata pascua, agros, sylvas spatiantibus objiciunt, & Umbras quas contra æstum & solis ardores præbent. Verùm, his missis, de earum tantum viribus seu usibus in Medicina verba faciam, quæque dicenda habeo in pauca contraham. Medici tum Antiqui, tum Recentiores de Plantarum temperamentis, Qualitatum primarum quas vocant, *caloris, frigoris, humiditatis & siccitatis* respectu, fusè differunt. Singulas enim qualitates in quatuor gradus, & unumquemque gradum in tres mansiones subtiliter nimis distinguunt. Verùm quoniam doctrina hæc arguitur nobis quàm utilis videtur, neque de qualitarum gradibus in plerisque plantis autores consentiunt, atque ex saporum differentis & gradibus de temperamentis iudicium faciunt, hujusmodi minutis immorari non necessarium ducimus; qui iis delectantur Institutionum Medicarum Scriptores adeant. Magis ad rem foret Odorum sed præcipuè Saporum differentias, causas, effectus indagare: ex his enim vires plantarum & usus in Medicina certius colligi posse quàm ex aliis quibuscunque notis signisve omnes consentiunt. Quæcunque enim plantæ saporibus conveniunt, facultatibus quoque consentire verisimillimum est. Verùm antequam de saporibus in specie agamus, alios plantarum Vires indagandi modos excutiemus, quorum primus est ex signaturis dictis. Signaturam vocant Plantæ alicujus ejusve partis, radice, puta, caulis, foliis aut fructus, cum parte aliqua corporis, aut morbo ejusve symptomate, similitudo aut convenientia in figura, colore, textura, aliòve accidente, unde eam tali corporis parti amicam & salutarem, talive morbo utilem esse conjiciunt. Ejusmodi enim similitudinem talis proprietatis signum seu notam à natura impressam arbitrantur. Signaturas præcipuè crepant Chymistæ. Chymicum autem dudum definivit Davisonus ut memini (quàm rectè ipse viderit) *Animal credulum & mendax*.

Nos alibi Signaturas rejecimus, nec ulla notas naturæ consilio plantis impressas ut naturalium facultatum indices essent, demonstravimus, nec dum sententiam mutamus, ob rationes ibi adductas, quas hic repetemus.

1. E plantis specificis dictis, quæ scilicet cuius parti aut membro corporis, aut morbo, ut propriæ & salutares dicantur, numerus earum quæ Signaturis carent longè major est, ut in Cardiacis, Thoracicis, Cephalicis, Hepaticis, &c. facillè esset ostendere.

2. Diversæ partes ejusdem plantæ diversas, imò nonnunquam contrarias exhibent Signaturas.

3. Plurimæ plantæ rerum naturalium & artificialium imagines exprimunt, ad quas tamen nullum habent respectum; ut flores quarundam Orchidum, Muscarum, Apum, Papilionum, hominis nudi, &c. [inter quas tanta (ut id obiter notem) intercedit similitudo, ut nemo non statim illam agnoscat, nec facillè sibi persuadeat in tot præsertim speciebus casu evenisse, sed potiùs naturæ ludentis consilium arguere:] Bursæ pastoris vascula seminalia sacculi: Thlaspeos biscutati clypei: Antirrhini vulgaris capitis vitulini; Phascoli semina renum: Tragopogon Barbæ hircinæ: radix Terræ glandium muris: Gladiolus gladii: Fœnugræci siliquæ cornuum; folia Medicæ cochleatæ vulgarissimæ cordis: cujus etiam imaginem expressam gestat Pisum cordatum dictum; ad quæ tamen referri nullatenus aut debent aut possunt.

4. Partes plantarum quarundam eas interdum partes corporis repræsentant quibus quam maximè adversantur. Sic Anacardii fructus cor repræsentat, est tamen venenatus. Fungi arborei pulmones figurâ, colore & spongiosâ mollitiæ referunt; Fungus phalloides membrum virile; Utrique tamen maligni sunt & perniciosi. Tithymalorum succus acerrimus lacti similis est, nemo tamen il-



lum nutritibus propinat ad lac augendum, Mespilorum caro stercorei coloris & consistentia respondet, alvum tamen non subducit, sed adstringit & constipat.

5. Eadem corporis partes diversis & non raro contrariis morbis afficiuntur, qui diversa & qualitatibus discrepantia remedia exposcunt.

6. In diversis plantis partes ejusdem speciei & figure vires diversas aut etiam contrarias obtinent; ut in bulbosis radicibus constat, quarum alie vomitum cient, ut Narcissi, alie cibum præbent gracissimum ut Tulipæ, Cepe, Allium, &c.

7. Signaturarum paucitas, & assignatarum obscura nec cuius facile observabilis cum rebus quas representare dicuntur similitudo nullum naturæ intendentis consilium arguunt, sed potius humani ingenii observantis & accommodantis subtilitatem. Utcunque tamen memorie juvanda intersunt, & efficiunt ut facilius recordemur facultatum earum plantarum, quæ huiusmodi notam velut impressam gestant. Alia ratio Plantarum vires investigandi est Insectorum easdem depascentium observatio; quæ revera nonnullus usus esse potest. Et primò quas nullum animal, necum insecta attingant, eas venenatas esse extra dubium est. Et hoc indicium habuerunt Europæi, cum Americæ sylvas oberrarent, fructus aliquos edules esse, aut saltem impune gustari posse, si nimirum ab Avibus decerptos aut admosos viderent.

Verisimile etiam est viribus convenire quas eadem insecta arrodunt, ipsa sæpius observavimus Scarabæi genus parvum, nigrum, (quem à parvitate æquali & aliquali similitudinem Pulicem hortensem hortulani nostri vocitare soliti sunt) plantas duntaxat acres & calidas, Piperitum, Nasturtium, Iberidem appetere; unde certò colligere licet, quæcumque plantam illi attingat, ejusdem qualitatis participem esse. Sic & Erucam quandam annulis, nigris & aureis transversis insignem Jacobæam plerumque, interdum tamen & Senecionem depasci; unde concludimus plantam illis ut facie sic viribus affines esse.

Quin si quod Insecti genus peculiarem aliquam speciem affectet, reliquis omnibus spreto, verisimile est Plantam illam pollere etiam vi aliqua aut proprietate peculiari, quanvis forte ea sensus nostros non incurrat. Insecta enim subtilius quàm nos sapes distinguunt.

Non est autem hæc observatio certa & universalis in omne genus insectis: dantur enim nonnulla polyphaga & pamphaga, quæ nullum fere esse genus avertantur.

Superest tertia & optima initio proposita Plantarum vires indagandi ratio, nimirum ex saporibus.

Medici vetustiores novem saporum differentias seu species constituunt, temperamentorum indices, calidi tres, tres frigidi, & mediæ seu temperati quatuor, quas tribus verticulis complectitur Schola Salernitana,

*Hi fervore vigent tres, salsus, amarus, acutus:  
Alget acetosus, &c.*

Jo. Fernellius Autor imprimis eruditus & elegans pro styptico acerbum substituit, pro Pontico sapore austerrum: Saporum autem differentias seu species sic describit,

*Sapor acer* est, qui linguam & os acrimonia ferit atque compungit, simulque calfacit & interdum quasi exurit: is maximè conspicuus est in Pipere, Pyrethro & Euphorbio.

*Acidus sapor* gustum quoque penetrat & tenuitate ferit, sed citra ullum sensum caloris. Tale maximè in aceto deprehenditur, deinde etiam in succo mali cytrii, limonum, &c.

*Pinguis sapor* nec calore, nec acrimonia gustum sollicitat, sed linguam orisque partes lentore quodam oblinat. Is præcipuè animadvertitur in oleo, butyro, adipe, &c.

*Salsus sapor* linguam non admodum calfacit, sed acriter ficcando corradit. Hic imprimis elucet in sale communi.

*Austerus sapor* os & linguam moderatè constringit & quadam asperitate coarctat: hinc quædantenus ficit & refrigerat. Hic propriè *crudus* appellatur, estque immaturis fructibus peculiaris, ut in succo uvæ acerbæ, pomorum, pyrorum, mespilorum immaturorum.

*Dulcis sapor* gustu suavis atque jucundus oblectat, nullaque qualitate exuperante molestus est. Ejusmodi conspicuus est in Saccharo, melle, glycyrrhiza, &c.

*Amarus sapor* dulci ex adverso oppositus, insuavis ac tristis; sensum ipsum veluti corradit aut dividit. Eo insignis est Aloe, deinde absinthium, centaureum minus & colocynthis.

*Acerbus sapor* austero finitimus, eo tamen gravior molestiorque est, ac magis linguam omnemque gustum constringit & exasperat, ac proinde magis tum ficit, tum refrigerat. Is luculenter in malicorio, in galla, in rhoe & nucibus cupressi conspicitur.

*Inspidus*, ut dictus, qui propriè sapor non est, sed saporis privatio, nulla qualitate manifestata gustum ferit. Talis esse videtur Farris universum genus, & cucurbita & citrulus. Hactenus Fernellius, qui & causas horum saporum assignat, in quibus tamen nobis non satisfacit.

At neque hic, neque alii seu Medici, seu Physici saporum differentias facis diligenter observasse videntur; & nonnullos etiam compositos pro simplicibus habuisse, alios gradu tantum diversos pro specie distinctis. Quocirca Grevius noster doctrinam in Scholis traditam non contentus, rem totam ad examen revocans & curiosius expendens sexdecim minimum simplicium saporum species diversas animadvertit & distinxit. Eæ sunt,

Primò Sapor *amarus* qualis in *Absinthio* sentitur: cui opponitur. 2. *Dulcis*, ut in *Saccharo* 3. *Acidus*, ut in *Aceto*; cui adversatur, 4. *Salsus*. 5. *Calidus*, ut in *Caryophyllis*; cui opponitur 6. *Frigidus*. Dantur enim corpora quædam quæ frigoris sensum linguæ manifestè imprimunt, ut v. g. *Sal prunella*, idque quamvis liquor in quo solutus fuerit calidus degustetur. 7. *Aromaticus*, nec enim minùs sapor quam odori convenit aromaticum esse. Aromaticum autem saporem à calido distinctum esse manifestum est, cum plurima observentur corpora calido gustu vel remisso vel etiam intenso, quæ nullatenus aromatica sunt, ut v. g. *Euphorbium*. Adeo ut quamvis sapor Aromaticus

maticus cum calido sapissime conjunctus sit, non est tamen una eademque saporis species, sed diversa. 8. *Nauseosus* seu malignus precedenti contrarius, qualis una cum adstringente & amaro in Rhabbarbo sentitur, cum amaro & dulci in Aloe. Malignus dicitur quia ingratus est quamvis vel remisso gradu cum aliis saporibus misceatur. 9. *Vapidus*, in albumine ovorum, Amylo, Bolis nonnullis. 10. *Unctuosus*, qualis in Oleo, Adipe, &c. atque hocce duos saporibus *melles* vocat Auctor noster, quemadmodum sequentes quatuor *duros*. 11. *Penetrans*, qui sine acrimonia aliqua in linguam se infinuat, quomodo nonnulla insecta in cutem: qualis in radice & foliis Cucumeris agrestis sentitur. 12. *Stupefaciens*, qualis in radice Hellebori nigri percipitur, quæ commansa, & linguæ aliquandiu imposita, eam paralytico quodam stupore afficit, ac si nimis calidum sorbendo ustulata fuisset. Atque hos duos proximè dictos saporibus vapido contrarios facit; quemadmodum sequentes duos. 13. *Adstringentem* scilicet, qualis in Gallis sentitur, & 14. *Pungentem*, qualis in spiritu Salis Armoniaci, Unctuosus seu pingui opponit. Deinde Sapores dividit in continuos quales plerique & 15. *Intermittentes*, cujusmodi observatur in radice Dracontii, qui postquam planè sopitus & extinctus videtur, ad intervalla quasi reviviscit & renovatur, maximè ex appulsu linguæ ad fauces aut gingivas. Denique saporibus sunt vel æquales ut plerique, vel 16. *Tremuli*, ut calor à Pyrethro productus, quem vibratio quadam comitatur. Verùm hæc duæ ultimæ species nobis potius Affectiones saporum videntur, cum & multis saporibus accidere possunt, nec seorsim & ab aliis omnibus separati existere.

Sapores compositi numerosissimi sunt, interdum enim bini, interdum terni, quaterni, quinque aut etiam plures in eodem subiecto concurrunt.

Ex innumeris ferè Saporum conjunctionibus quæ in variis corporibus observari possent ob linguæ Latine egestatem & inopiam verborum, sex tantum (quod novimus) nomina imposita sunt, nimirum *Acerbo*, *Austero*, *Acro*, *Muriatico*, *Lixivo* & *Nitroso*; quorum plerique saporibus simplicibus annumerari solent, verùm admodum improprie, cum omnes compositi sunt, aut decompositi. Est enim

1. *Austerus* ex adstringenti & amaro compositus; ut in immaturis & mollibus uvarum nucleis seu vinaceis.

2. *Acerbus* proprie dictus ex Adstringente & Acido; ut in Omphacio.

3. *Acro* ex pungenti & calido, nec enim simpliciter calidus est, cum multa corpora calida repetantur quæ non sunt acria, ut radices Zedoariae, Millefolii, Contrayervæ; nec minùs pungentia pariter non acria, cujus generis est Ari radix.

4. *Muriaticus* est salis cum pungente remisso compositus; velut Salis communis Sapor.

5. *Lixivus* dicitur Sallus cum pungente & calido.

6. *Nitrosus* vocatur Sallus cum pungenti & frigido concurrens. Differunt præterea Sapores variis modis; 1. Respectu graduum: 2. Respectu Durationis. 3. Respectu subiecti quod afficiunt.

1. Differunt saporibus in unaquaque specie respectu graduum. In aliis enim corporibus remissiones sunt, in aliis intensiores, idque eo excessu, ut in nonnullis decem gradus possint distingui. Sic, v. g. Radix Curcumæ primo gradu amara est, Gentianæ decimo, Cardui benedicti radix gradu primo calida est, Clematidis peregrinæ siliquæ decimo. Et quamvis in omnibus saporum speciebus tanta graduum latitudo seu differentia non inveniatur; plerique tamen quinque saltem gradus intensificationis & remissionis observabiles obtinent.

2. Differunt saporibus respectu durationis, & terminorum motus. Quemadmodum enim morborum ita & Saporum quatuor tempora sunt, seu motus termini, nimirum *Principium*, *Augmentum*, *Status* & *Declinatio*.

Ad quos rite observandos & distinguendos oportet ut corpora duriora quorum partes gustabiles non adeò promptè abscedunt & gustui occurrunt, in pulverem tenuissimum reducantur. Aliàs de principio nullum potest fieri iudicium.

*Principium* voco spacium illud temporis quod intercedit inter primum corporis gustandi contactum, & primam saporis manifestam perceptionem. Sic ex. gr. corpora *acida* aut *amara*, ut *Acetum* & *Absinthium* ad primum statim contactum, quatenus *acida* & *amara* sunt, sensum afficiunt, & talia esse deprehenduntur, adeoque principium habent brevissimum. *Acria* principium aliquantulo longius obtinent. Sic Clematidis peregrinæ folliculi, quamvis acrimoniam vehementissimam ad decimum usque gradum obtineant, ea tamen non statim sentitur, nec tam citò gustum afficit quàm Rosarum amaror, qui secundum gradum non excedit. Verùm saporum calidorum principium longius seu tardius plerumque est quàm aliorum quorumcunque. Sic *Hellebori nigri* radicis amaror, qui gradum secundum non transcendit, mox tamen à contactu sentitur; calor verò quem in lingua excitant, quamvis uno saltem gradu intensior, non ante duo minuta temporis à primo occurru exacta omnino percipitur. Consimiliter Enulæ amaror qui quantum gradum non superat, citius tamen sentitur quàm ejusdem calor qui octavum attingit gradum.

*Augmentum* appello interstitium illud inter primum saporis perceptionem & summum quem afficitur intensificationis gradum interveniens. Sic calor *Galangæ* non solum statim percipitur, sed & intra unius minuti dimidium ad *exulsum* seu summum intensificationis gradum ascendit. At radicis *enulæ* calor ad augmenti terminum non accedit nisi post integrum minutum; nec *Hellebori nigri* ante 4 à primo contactu minuta præterita.

*Status*, seu spatium quo Sapor in vigore suo persistit, in variis substantiis varius est. Sic, v. g. siliquarum *Helleborastri* calor, ad *exulsum* pervenit & declinare incipit intra dimidium minutum; radicis *Nasturtii hortenensis* non ante minutum exactum; radicis *Asari* post duo demum minuta completa.

*Declinatio*, à prima saporis remissione ad totalem ejus extinctionem extenditur, cujus etiam duratio varia est, pro differentia corporum gustatorum. Sic v. g. Folia *Millefolii* in quarto gradu amara sunt, in primo tantum calida, & tamen calor aliquandiu durat, amaror illico evanescit. *Calamus*



*mm Aromaticus* amarus est in quarto gradu, in primo calidus, in tertio Aromaticus: Amaror tamen illico extinguitur, calor duo minuta durat, Aromaticus sapor 7. aut 8. Calor radices *Convolvulæ* ad duo propemodum minuta extenditur; pungens sapor *Gialappa* ad sex fere: calor *Nasturtii bortenſis* ad 7. aut 8. *cucumeris agreſtis* amaritudo ad horæ fere quadrantem: At *Euphorbii* calor, ut & *Hellebori nigri* multò diutius, ad dimidiam ſcilicet plus horam permanet. *Ari* radix vere guſtata per 12. etiam horas linguam compungere interdum perſeverat.

Adeo ut augmentum rariùs ultra 4. aut ſex minuta à contactu primo extenditur, at declinatio ad 30, 40, aut etiam plura.

3. Differunt Sapores reſpectu *ſubjecti* ſeu *ſedis* ſeu partis illius corporis quam præcipuè afficiunt. Atque hoc reſpectu ſunt vel *fixi*, vel *mobiles*.

*Fixus* ſapor dicitur qui ab initio ad terminum intra ejuſdem partis limites ſe continet, ut v.g. apicem radicemve linguæ.

*Mobilis* eſt vel *diffuſivus*, vel *transitivus*; ſi ita loqui liceat.

*Diffuſivum* voco qui gradatim in partes vicinas ſe diffundit & propagat, nec tamen interim partem illam deſerit quam initio affecit. Sic amaror radicum exſiccatarum *Hellebori nigri*, qui in linguæ apice primò ſentitur, ad ejuſdem mediam partem ſe dilatat; amaror foliorum *Cucumeris agreſtis* ab apice ad radices uſque linguæ ſe extendit.

Sapor *transiens* dicitur, qui partem quam initio affecit poſt moram aliquam penitus deſerit, & in aliam ſe tranſfert. Sic *Gentianæ* amaror ab apice linguæ ad ejus mediam partem illico tranſit.

Partes illæ quas modis prædictis ſapores afficiunt, quibus etiam reſpectibus Saporum ſedes & organa guſtûs dici poſſunt, ſunt *Labia, Lingua, Palatum, Fauces, Gula*.

*Labii* radix *Hellebori albi*, ut & *Pyrethri* caloris ſenſum imprimat, qui 9. aut 10. minuta durat; in aliis partibus multò diutius.

*Linguam* tribus præcipuè in locis ſapores afficiunt. 1. in *Apice*, ut plerique. 2. Propè baſin, ubi *Cucumeris agreſtis* foliorum ſapor ſe præcipuè manifeſtat. 3. Mediâ parte, ubi *Gentianæ, Colocymbidis*, & aliorum plurimorum corporum ſapor viger, cùm nec in apice, nec in alia parte omnino ſentitur.

*Palato* radix *Solani lethalis* (quantum memini) ſui ſenſum præcipuè imprimat, & ad 4. minuta ibidem durat.

*Fauces* ſeu Guttur ſaporum non raro ſedes eſt. Non pauca etenim corpora quamvis in Lingua reliquique partibus prædictis ſaporem nullum manifeſtent, gutturi tamen & faucibus vehementem ſatis inſignat. Sic *Bellisidis minoris, Cbelidoni minoris, &c.* folia, ut & radices *Jalappa, Mercurialis, Aſparagi, &c.* commanducata linguæ exiguum aut nullum ſaporis ſenſum imprimunt: at ſuccus eorundem deglutitus guttur quodammodo compungit, & laceſcit, catarrhi acris in modum: qui affectus ab aliis acris & calidis ut v. g. *Pyrethri* & *Gentianæ* ſuccis deglutitis non producit.

Poſtremo, Saporis voce latiffimè accepta *Gula* quoque ſeu *Oſophagus* ejuſdem *ſedis* ſeu ſubjectum (ut vocant) eſſe poteſt. Sic v. g. calor à radice *Aſimibii vulgaris* productus, qui primò in apice linguæ percipitur, inde primo ad radicem ejus tranſit, deinde in fauces & paulatim in gulam deſcendit, ut ipſum tandem ventriculum calefacere videatur, caloris ſenſu ad horæ quadrantem durabili, idque quamvis nihil omnino ſucci deglutatur, neque tamen ingratus eſt aut caput tentat, quemadmodum folia; unde obiter colligi poteſt, radicem hanc, quæ ab omnibus vulgo ut inutilis rejicitur, præſtantiffimis ſtomachicis annumerari debere, prout eam revera eſſe etiam experientiâ didici.

Quæ de Saporum cauſis Autor noſter habet apud ipſum quaerenda omitto, ne nimium (quod aiunt) extra oleas.

Cæterum Saporum in plantis diligens & curioſa obſervatio ad nondum cognitarum aut fortè oblatarum vires inveſtigandas eximii uſus eſſe poteſt, cùm enim in iis quarum vires traduntur, quæ ſaporibus conveniunt viribus quoque convenire compertum ſit, quidni in nondum traditis aut expertis eadem obſervatio locum habeat? Sic v. g. cùm *Jalappa, Mercurialis & Bellis*, quæ eundem fauces exaſperantem ſaporem habent, vi cathartica intenſiore aut remiſſiore omnes polleant, colligere licet alias etiam plantas quæ eundem gutturi ſaporem imprimunt (plures autem ejuſmodi ſunt) eadem quoque facultate purgatrice dotatas eſſe, ut alia exempla omittam.

Deinde in plantis ejuſdem generis quæ ſaporibus differunt & facultatibus unâ diſtare veriſimillimum eſt: quemadmodum *Rhabarbarum* à reliquis *Lapathis*.

Inter eſt quoque plurimùm in diverſis ejuſdem plantæ partibus ſaporum differentias obſervare. Sic v. g. cortex arboris *Saſſafras* ejuſdem ligno triplo fortior eſt; quod & in aliis plerique vulgo cognitis arboribus experimur. Unde veriſimile eſt, *Santali, Ligni Rhodii, Ligni Aloes, &c.* cortices (ſi haberi poſſent) eorundem lignis efficaciores futuros & majorum virium. Nonnullarum etiam partium ejuſdem plantæ, ſapores quàm reliquarum delicatiores ſunt & palato gratiores, ut florum v. g. *Cardui benedicti* quàm foliorum ejuſdem. Nos etiam alibi [in catal. plant. Cantabrig.] indicavimus & allatis exemplis confirmavimus, diverſas ejuſdem plantæ partes diverſis interdum imò planè contrariis qualitatibus & viribus inſtructas eſſe.

Obſervatu quoque dignum eſt quomodo plantarum ſapores & facultates conſervando, exſiccando aut præparando vel immutantur, vel minuuntur, vel planè abolentur & amittuntur. Sic v. g. *Ari* radix recens effoſſa vehementer mordax acris & pungens eſt, eadem penitus exſiccata, præſertim ſi diutius aſſervetur, planè inſipida evadit, & proinde, ut veriſimile eſt, prorsus inefficax & nullarum virium. Idem eſto iudicium de aliis plantis quarum virtus in parte humidâ & vaporoſa conſiſtit. Olea multarum plantarum ſtillatitia earum partibus unde eliciuntur plerumque validiora ſunt; in nonnullis tamen, ut in *Euphorbio*, imbecilliora.

Tandem ex ſuperiùs de ſaporibus dictis ſummâ veriſimilitudine colligit Autor noſter, Plantis nonnullis vires ſpecificas quas vocant, hoc eſt, partem aliquam corporis, *Cerebrum, Cor, Hepar, &c.*

respicientes inesse, quas Medici & Philosophi nonnulli pernegant, alii in dubium vocant. Cum enim una aliqua planta aut plantæ pars uni alicui oris parti privatim saporis sui sensum imprimat, non alii; cur non & eadem vel alia quædam unum aliquod viscus afficiat, aliud non item; præsertim cum oris partes textura & constitutione minùs differre videntur quàm viscera nonnulla inter se.

Horum pleraque è D. Grevii ingeniosissimo libello de saporum causis & differentiis, in Latinum versâ huc transferre non piguit, quoniam scitu dignissima sunt, & nonnulli fortasse qui hæc nostra legent, Anglicanum sermonem in quo conscripta sunt non intelligent.

## CAP. XXV.

## De loco Plantarum.

**P**lantæ loci respectu dividi possunt in eas 1. Quæ certo alicui loco aut sedi ita adstrictæ sunt, ut alibi nec durare. nec vivere omnino possunt, cujusmodi sunt *Viscus arboreus*, & *Submarinae* omnes.

2. Quæ quamvis locum aliquem peculiarem affectent, nec temerè alibi sponte sua ortæ reperiuntur, culturam tamen admittunt, & in hortis curâ adhibitâ educari, florere, semen perficere, seque propagare possunt.

3. Quæ plurium locorum communes sunt, nec ullum ferè solum aut cælum refugiunt.

Secundum genus multas admittit subdivisiones cœli, solique respectu: Aliæ enim locis frigidis gaudent, aliæ temperatis, aliæ calidis: Aliæ montanæ sunt, aliæ campestris, aliæ sylvaticæ, aliæ pratenses, aliæ palustres & aquaticæ, aliæ maritimæ, &c.

De loco plantarum cœli respectu observavimus quòd quo ad Meridiem & Solis cursum propius accedas eò plures plantarum species sponte oriri deprehendes. Quamvis enim Regionis frigida & Septentrionales suas quoque peculiare stirpes obtineant, paucissimæ tamen ex sunt si cum illarum multitudine conferantur quæ in temperatis & calidioribus tantum proveniunt. Cui accedit, quod juga, vertices aut etiam latera montium in regionibus calidis cum frigidiorum depressis, planis & sylvosis aeris temperamento quodammodo conveniunt, quo fit ut eadem ferè stirpes producant, adeoque nè plantæ quidem Septentrionales Meridionalibus desint.

Deinde multæ plantæ quæ in frigidis & Septentrionalibus regionibus Fruticum modum non excedunt, in calidioribus Arborum staturam & magnitudinem assequuntur, ut superius ostendimus.

Tandem in regionibus calidis multæ observantur herbarum species fruticescentes, ut v. g. *Sempervivum majus*, *Althæa*, *Malva*, *Turbymalis*, *Scabiosa*, &c.

Respectu sitûs sublimioris, aut humilioris in eadem regione observavimus, Montes excelsos, quorum vertices maximam anni partem nivibus operiuntur, varietate specierum præcipuè abundare. Alpes certè quæ Italianam & Galliam Germaniamque determinant, inexhausto plantarum penû Botanico-rum scrutiniis in hunc usque diem sufficiunt, magnâ adhuc pondum proditarum residuâ multitudine. Nec ullus ferè vertex excelsior est præsertim salebrosus & præruptus, qui non peculiare aliquas species, nec alibi quàm in parâ altitudinis & naturæ verticibus inveniendas producat. Quin & altissimos omnium montes & montium vertices & plurimas & rarissimas plantarum species fundere observavimus. Hæc specierum diversitas soli differentiæ, partim etiam aeris temperamento deberi videtur. Si enim montes terræ motibus originem suam debent, ut Clariss. *Hookii* sententia est, materiam cruetatam è visceribus terræ, & in montes aggestam, non in omnibus verticibus imò nec in eodem uniformem esse, ejusdemve naturæ seu temperamenti certum est, sed diversissimam, unde nil mirum si diversas plantarum species producat.

Observavimus insuper Plantas montanas omnium sui generis plerumque maximas esse, & pulcherrimos flores edere, in partibus montium non nimium apricis & ventis Septentrionalibus expositis. Quod tanta soli fertilitas dicam an luxuria nivibus imputanda sit, nobis equidem videtur; seu quia nix velut vestis superextensa radices foveat, & ab injuriis cœli & frigoris vehementiâ defendat, five quòd Sale nitroso, quo abundare creditur, terram lætificet & fecundet; Ob quas rationes agricolæ etiam nostri hybernas nives ad satorum tutelam in terræ superficie aliquandiu restare exoptant. In montibus autem, colliquatis statim nivibus, brevi temporis spatio, celerissimo auctu adeò proficiunt pascua, ut montium juga vernantium pratorum speciem exhibeant.

## CAP. XXVI.

## De Divisione Plantarum in genere.

**P**lantarum divisionem instituere, cujus membra seu genera subalterna universas species complectantur, nullâ adhuc anomalâ & sui generis relictâ, quæque singula genera notis suis caracteristicis ita circumscribat, ut non communicent in vicem, hoc est, ut nulla possit inveniri species incerti (ut ita dicam) laris & ad plura genera revocabilis, difficillimum esset imò planè impossibile.

Nec enim, primò id patitur natura rei. Cum enim *Natura* (ut dici solet) non faciat saltus, nec ab extremo ad extremum transeat nisi per medium, inter superiores & inferiores rerum ordines species nonnullas mediæ & ambiguae conditionis, quæ utrosque velut connectant, producere solet, ut ad

utrum



utrum pertineant omnino incertum fit : ut v. g. inter Plantas & Animalia *Zophyta* dicta. Deinde in unoquoque etiam ordine non paucas exhibet species singulares & anomalas, sui, ut vocant, generis, tanquam exceptiones à regulis generalibus; ad libertatis scilicet suæ nullis legibus obnoxie ostentationem.

At neque secundo, si natura rei id pateretur, humana conditio admitteret. Cum enim plantarum numerus ingens sit, in his ætatis angustis, memoriæ imbecillitate, intellectus inadvertentia & caligine; quis adeo universalem specierum omnium notitiam, adeoque claram & distinctam singularum, se unquam assequi posse sperat, ut tali incepto sufficeret? Quis adeo circumspectus esse potest ut ad omnes omnium convenientias & differentias attendat, easque sub uno quasi intuitu comprehendat, quod tamen ad eas inter se conferendas necessarium est?

Nos ergo Methodum Plantarum omnibus numeris absolutam non pollicemur, cum natura (ut diximus) intra limites Methodi cujuscunque coerceri repugnet: at neque quam patitur natura perfectam & elimatam: non enim id unius est hominis aut ætatis; sed quam potuimus accuratam pro ingenii nostri tenuitate, & modica harum rerum peritiâ.

Methodos autem illas quæ plantas secundum locos natales, aut florendi tempus, vires & usus disponunt, rejicimus, quoniam omnes illæ cognatas species separant, alienas conficiant; eam autem quæ à similitudine & convenientiâ partium præcipuarum, floris scilicet, & calycis, feminis ejusque conceptaculi notas characteristicas generum sumit, amplectimur & usurpamus.

## CAP. XXVII.

De Divisione Plantarum, in Arborea, Frutices; Suffrutices & Herbas; & singulorum in genera sua subordinata.

**P**lanta perfecta à Botanicis vulgò dividi solet in Arborem, Fruticem, Suffruticem & Herbam.

Arbor [*ἄλυστρον*] definiente \* *Jo. Bodæo à Stapel*, cujus definitionem probamus, est Planta lignosa, crassitudine & altitudine inter omnes maxima, cui caudex pro superficie est, perennis & naturâ simplex, qui in multos ramulos majores, & deinde ramulos multiplices finditur, ut *Pyrus*, *Abies*, *Quercus*, &c. \* *Comment. in Theophr. Hist.*

*Frutex* [*ῥυτίς*] eodem definiente, est stirps inter lignosas altitudine & crassitudine mediocris, cui pro superficie stipes perennis, naturâ multiplex, quique facili in naturam arborum stolonum abscissione transcendit.

*Suffrutex* [*ὑψόχρυον*] eidem ex Antiquorum sententia sic definitur; stirps minimæ inter lignosas & crassitudinis & altitudinis, caule perenni, interdum simplici, interdum multiplici & sarmentaceo, folio minuto & tenui, ut *Rosmarinum*, *Lavendula*, &c. Hæc definitio nullas continet notas quibus *Suffrutex* à *Frutice* certò possit distingui; idæque nos paulò post commodiorem dabimus.

*Herba* [*ἄλυστρον*] eodem definiente ex Antiquorum sententia, est stirps cujus superficies est ex foliis tantum, ut *Phyllitis*, &c. vel etiam ex caule, sed illo annuo, carnoso, & qui diutius durare nequit, lignosusque non est nisi cum exaruerit.

Divisio hæc quamvis unicuique è vulgo nota, & populari usu omnibus seculis recepta & frequentata fuit, non tamen accurata & Philosophica censenda est.

Nam primò, Plantæ nonnullæ inter duo genera ambigunt, ut ad utrum pertineant difficile sit judicare, aliis Botanicis uni, aliis alteri eas ascribentibus. Sic v. g. *Vitis* Theophrasto arbor est, reliquis Botanicis frutex, ut alias omittam. Natura enim tam in plantarum, quam in Animalium genere, inter superiores & inferiores ordines, species nonnullas mediæ & ambiguae conditionis producere solet, quæ utrosque velut connectant, ut ad utrum pertineant omnino incertum sit.

Secundò, Arborea nonnullæ recisæ cymis in frutices; frutices avulsis aut abscissis stolonibus in arborea facili transiunt. Sic v. g. *Lentiscus* magnâ solum ex parte fruticat; multis ab una radice stolonibus & virgultis assurgens; interdum verò quando non cæditur sed negligitur (ut plerisque locis ad Anam fluvium observavi) in arborem justæ magnitudinis excrescit, inquit \* *Clusius*. Juniperus quoque apud nos in ericetis frequentissima, cæsa aut à jumentis depasta plerumque fruticat; sin permittatur nec violetur in arborem adolescit. Idem dicendum est de *Buxo*, & (ut nonnullis videtur) *Ilice coccifera*, quæ in Gallia Narbonensi eidem de causis in fruticum ordine coercentur. Ex altera parte *Myrtus* nisi sapius purgetur in fruticem transit. Theophrast. Hist. lib. 1. cap. 5. *Comarus* [*Ἀρβυτός*] suâ naturâ pusilla est, sed ramis expurgata in magnam altitudinem assurgit, quemadmodum etiam *Malus Punica*. Bellon. de neglect. stirp. cult. Probl. 12. \* Hist. lib. 1; cap. 10.

Tertiò, Plantæ nonnullæ in aliquibus regionibus fruticum modum non excedunt, in aliis arborum staturam & magnitudinem assequuntur. Sic *Ricinus*, quæ Lobelio in *Adversar.* annua nec rediviva planta dicitur, in Creta multos perdurat annos, & in tantam excrescit altitudinem, ut nonnisi scalis admotis conscendi possit, quod \* *Bellonius* tradit. *Clusius* quoque in maritimis Bætica Ricinos crassitudine humana, altitudine trium hominum, multis prægrandibus ramis brachiatos & multos annos durantes observavit, eosque exactissimè congruentes descriptioni Dioscoridis, *Schol. in Monard.* cap. 4. Nos quoque in Sicilia Ricinum arbutulam, Sambuci æmulam lignosam & perennem, in sepibus frequentem observavimus. *Rhododendri* nonnullis Cretæ insular locis ad ædicularum trabes conficiendas aptæ, quæ alibi parvæ sunt. Bellon. de neglect. stirp. cult. Probl. 12. Idem *Observ.* lib. 1. cap. 43. *Rhododendri* rubro flore, inquit, in monte Aetho in summam celsitudinem attolluntur, earumque caudices crassitudine ficibus non cedunt. Arbuti quoque, quæ in aliis locis plerumque duratæ fruticant, ingentes illuc fiunt arborea. Bellon. *ibid.* Cornus scæmina, quam Galli Latinos imitati Sanguineum fruticem appellant, haud minor in monte Castagne, non procul Philippis Macedoniae urbe,

urbe, nascitur quàm majores nostri Corni mares. Idem *Observat.* lib. 1. cap. 56. Multis Austriæ locis nascuntur etiam Corni foeminae arbores mare non minores. *Clus. Annot. ad dictum locum Bellon.* Suffrutices quoque alicubi in fruticum aut etiam arborum altitudinem excreverunt. Josephus Rutæ cujusdam Macharunte in ipsa Regia plantatæ meminit, quæ à nulla Ficu vel celsitudine vel magnitudine vincebatur. Nos quoque vidimus baculum tricubitale ligno satis duro & solido, è caudice Rutæ cujusdam in Virginia nascentis factum, uti retulit generosus quidam ex amicis nostris, qui secum illud gestare & circumferre solitus erat.

Quartò denique Arbores nonnullæ cum Fruticibus, Frutices & Suffrutices inter se & cum Herbis genere proximo conveniunt, eisdemque characteres seu notas genericas & essentielles obtinent. Sic in genere *Buxi* alia reperitur arborea, alia pumila; in genere *Amygdali* alia pariter procera, alia nana; necnon in genere *Ilicis*, ut alias omittam. In *Sambuco* autem, *Hyperico*, *Tithymalo*, *Sempervivo*, *Malva*, *Scabiosa* aliisque plurimis res est manifestissima. Ebulus enim quæ herba est, cujusque superficies quotannis emoritur, easdem omnino cum *Sambuco* (quæ arbor Botanici censetur) notas genericas & essentielles obtinet. *Tragium* quoque (quod frutex est lignosus) cum *Hyperico*: *Tithymalus* dendroides cum vulgaribus herbaceis; *Sempervivum* arborecens, *Scabiosa* arborea *Cretica*, *Malva* arborea, &c. cum cognominibus plantis notis genericis conveniunt, & primo statim aspectu ad eadem genera pertinere agnoscuntur.

Verùm his non obstantibus, quoniam Divisio hæc passim cognita & recepta, omniumque fere seculorum usu approbata est, nec alia commodior occurrat, nos quoque eam retinebimus, certiores tamen inter *Fruticem*, *Suffruticem* & *Herbam* distinctionis notas afferemus.

Plantas ergo initio, divisione dichotomâ, partiemur in eas quæ caule sunt *annuo*, vel si perenni non lignoso, & quæ caule *perenni* lignoso. Quarumcunque caules annui sunt, Herbas appellamus, siue radices perennent siue non; nonnullæ, etiam caule perenni non lignoso herbis accensendæ videntur, ut v. g. *Brassicæ* species nonnullæ, *Nicotiana* cujus caulis interdum perennat, *Malva* arborea marina, &c. Quæ caule sunt perenni vel *gemmae* sunt, & surculos simplices non ramosos annuatim producant, vel non *gemmae*, germina producentes eodem anno in ramos & ramulos interdum divisa. Has Suffrutices appellamus; illas adhuc in Arbores & Frutices subdividimus, inter quas hætenus certas & stables distinctionis notas non invenimus, ideoque superius in earundem definitionibus positæ contenti simus oportet. Gemmas appello Arborum & Fruticum fetus novellos quos quotannis Autumno, aut interdum etiam Æstate, concipiunt, squamosis tegumentis velut secundis obvolutos, in quibus per totam hyemam latitant, quâ exactâ, vere novo in surculos explicari incipiunt, ut superius diximus.

Arbores ergo & Frutices à Suffruticibus distinguo quod illæ gemmae sunt, hæ autem minimæ. Esto ergo Suffrutex nobis definitivus, Planta minima inter lignosas altitudinis & crassitudinis, non gemmipara, caule perenni. Seu Planta caule perenni, lignoso, non simplices tantum surculos annuatim producant, sed ramos in ramulos & surculos divisos & subdivisos.

Verùm quoniam Suffrutices plerique cum Herbis notis genericis conveniunt, nec admodum numerosi sint, eos Herbis admiscebimus, adeoque tria duntaxat summa Plantarum genera constituemus, Arborem, Fruticem, Herbam.

Summis autem generibus constitutis sequitur ut subalterna, seu horum unicuique subordinata exquiramus.

Horum autem notarum characteristica non tantum à semine ejusque conceptaculo (quanquam ab his præcipue) sed & à flore ejusque calice desumendæ sunt; non omnino neglectâ Radicis figurâ & constitutione, aut foliorum situ. Flores enim & perianthia nonnullorum generum certiores & magis conspicuos characteres exhibent quàm semina aut eorum involucria. Sic v. g. in genere *Leguminoso* *Flos papilionaceus* character est insignis, quem species omnes *Leguminum* velut fronti impressum intuentibus ostentant; cum ex seminum eorumve conceptaculi numero, figura, situ aliisque accidentibus difficile esset notam generis indicem sumere.

De Arborum & Fruticum divisione instituenda, cum horum genera non admodum numerosa sint, non est cur multum laboremus. Herbarum autem cum numerosissima sint, in iis ritè distribuendis & ordinandis præcipua est difficultas. Nobis diu multumque considerantibus non alia prior aut potior differentia videtur quàm quæ desumitur à *Plantula seminali*. Plantas ergo primo in loco dividemus in eas quæ *Plantulam seminalem* habent *bifoliam* aut *bivalvem*, seu mavis, binis cotyledonibus instructam; & eas quæ eandem obtinent *altero* vel *utroque folio* seu cotyledone *carentem*; in his quæ primò è terra exeunt folia succedentibus similia sunt.

Posterioris generis omnes, paucis exceptis, *Asparago*, *Pæoniâ*, *Aro*, *Cyclamino* & siqua sunt similia, foliis sunt Gramineis. Florum respectu dividuntur, in eas quæ floribus sunt *apetalis* seu *stamineis*, & eas quæ floribus *petalis* seu bracteatis. Quæ floribus *stamineis* sunt dividuntur in *Culmiferas*, hoc est, quæ caulem teretem, geniculatum & plerumque concavum edunt, singulis foliis ad singula genicula eum involventibus: & *Graminifolias caule*, geniculis nodosis non intercepto. *Culmiferæ* grano majore quarum semina hominibus in cibum veniunt *Framenta* & *Cerealia* vocantur, reliquæ grano minore *Gramina*. Quæ floribus *petalis* sunt, vel conceptaculum seminale in terna loculamenta divisum obtinent, seu radice *bulbosâ* propriè dictâ sint, hoc est, vel è pluribus squamis invicem incumbentibus, vel è pluribus tunicis exteriore interiore ambiente contextâ; seu radice *tuberosâ*, ut *Croton Colchicum*, *Asphodelus*, &c. seu radice *fibrosa*, ut *Phalangium*; vel *baccifera* sunt, ut *Asparagus*, *Arum*, *Dracontium*, &c.

Prioris generis herbarum, quæ scilicet plantulam seminalem bifoliam aut bivalvem obtinent, à floris conditione commodissime dividi posse videntur in eas quæ florem habent *apetalum* seu *staminum*, hoc est, foliis staminibus cum Stylo & Calice compositum, foliis illis fugacibus, tenellis, coloratis, petalis nobis cum *Columna* dictis, quæ vel decidunt vel marcescunt ante seminum maturitatem, carentem: & eas quæ florem obtinent *staminum* seu bracteatum, foliis illis fugacibus coloratis instructum.



Not. Ad petalum constituendum duæ conditiones concurrant oportet; 1. Ut sit tenellum, & colore aliquo præter herbaceum insigne. 2. Ut sit fugax aut caducum, hoc est ut vel defluat, vel marcescat antequam semen maturelcat.

Quæ florem habent *petalis instructum* seu bracteatum, vel sunt eodem *composito*, vel *simplici*.

Florem *compositum* voco qui ex multis flosculis in unum totalem florem coeuntibus constat. Florem hunc unicum compositum voco potius quam flosculorum agmen, quia unico pediculo donatur, & unico calice includitur, & id multis speciebus circulum in margine habet foliorum planorum radiatum medium discum ambientium, diversæ à reliquis flosculis figuræ & magnitudinis.

Herbæ flore composito vel *laefcunt*, suntque eodem planifolio plerumque naturâ pleno; vel *succa limido* scatent. Hæ autem vel sunt flore *discoide*, h. e. ex pluribus brevibus, compressis & confertis flosculis, in unam quasi apparentem superficiem digestis composito; succedente semine vel pappo innascente alato, cuius generis herbæ *Papposæ* dicuntur, vel *solido* & pappo destituto, in *Caryniferis* dictis; vel flore *fistulari*: hoc est, ex pluribus concavis oblongis flosculis, ad margines in longas lacinias dissectis composito. In hoc genere flosculi etiam marginales fistulosi sunt. Hæ *Capitata* vulgò dicuntur, quia calyx earum squamosus in ventrem plerumque extumescit.

Quæ florem habent *simplicem*, h. e. ex petalis, tantum cum staminibus & stylo constantem, seminum respectu dividi possunt in duo genera. Primum est earum quæ seminibus sunt *nudis* seu verè, seu apparentur tantum, h. e. nullo præter Perianthium vasculo aut tegmine donatis: Alterum earum quæ seminibus *conceptaculo* proprio, & à perianthio distincto *reclis*.

Quæ seminibus sunt *nudis* pro numero seminum singulis floribus succedentium dividi possunt, in eas quæ semina ad singulos flores obtinent. 1. *Singula*, 2. *Bina*, 3. *Terna*, 4. *Quaterna*, 5. *Multa* incerto numero. Quæ *bina* ad singulos flores semina obtinent in duplici sunt differentia, Aliis flores *pentapetali* in umbellas plerumque digesti, & hæ *Umbelliferae* dicuntur; aliis flores monopetali, quadripartiti, folia caules ad singula genicula stellatim ambientia, multa, & hæ *Stellatae* appellantur.

Quæ itidem *quaterna* producant semina post florem unumquemque, duorum sunt generum: Aliis folia in caulibus ad singulos geniculos ex adverbo bina, flores labiati, quæ *Verticillatae* appellantur; aliis folia alterna, seu singulatim in caule sita, quæ *Asperifoliarum* titulo innotescunt.

Verum quoniam semina, quæ videntur in nonnullis hujus generis plantis nuda, reverà non sint, sed folliculis seu thecis inclusa, ideòque titulum hujus membri divisionis sic emendabimus.

Herbæ flore perfecto seminibus vel nudis, vel in singulis folliculis, à planta matre unâ abscedentibus, singulis.

Nos equidem in Methodo plantarum non ità pridem edita pro nudis habuimus *Verticillatarum* semina, prout vulgo habentur, quamvis in nonnullis, ut *Libanotidis cachryophoræ*, dari nucleum, à spongioso cortice discretum non nesciremus, quoniam in plerisque hujus generis cortex nucleo arctè adheret, & Theophrastus ipse semina hujusmodi nonnulla pro nudis habet: idem de reliquis hoc genus seminibus, ut v. g. *Stellatarum*, *Asperifoliarum*, & *Polyspermæ* dicendum, ea à nobis nudis accenseri quia folliculi quibus includuntur interiori nucleo in multis speciebus adherent, in omnibus (etiam *Malvis* ipsis) unâ cum seminibus inclusis à planta productrice abscedunt; ideòque videntur & vulgo reputantur non conceptacula seu uteri seminum, sed membranæ tantum involventes, & secundinis analogi.

Quæ semina ferunt in conceptaculis seu vasculis propriis, à perianthio distinctis, distingui possunt in eas quæ in pericarpio seu pulpa humida aut molli semina inclusa obtinent: Hæ duum generum sunt, nimirum vel 1. *Fructu majore*, corticoso, cui flos infidet; quæ *Pomiferae* dicuntur: vel 2. fructu minore membranâ tenuiore vestito, quæ *Bacciferae* appellantur; & eas quæ in *conceptaculis* siccioribus semina continent. Hæ autem in multa adhuc genera subdividuntur. Sunt enim vel *conceptaculis pluribus & disjunctis* eidem flori succedentibus, quas *Multisiliquas* dicimus, ut v. g. *Aconitum*, *Aquilegia*, *Delphinium*, &c. vel *conceptaculis singulis, aut conjunctis*, quas enim nos pro ejusdem vasculi cellulis habemus, Cæsalpinus aliquæ pro conceptaculis diversis sed conjunctis. Has autem pro numero foliorum in flore & eorundem figurâ dividimus in 1. *Monopetalas*, quarum scilicet flos unico & continuo folio constat, eoque vel *Uniformi*, vel *Difformi*. Florem uniformem superius descripsimus; in capite de Floribus plantarum. 2. *Tetrapetalas*, flore pariter vel *Uniformi*; cui succedit vasculum feminale, seu *oblongum* ut in *Tetrapetalis siliquosis*, seu *breve & curvum* in *Tetrapetalis capsulatis*; vel *Difformi*, quales sunt *Papilionaceæ* dictæ, quia earum flos Papilionem alis expansis quadantenus imitari videtur. 3. *Pentapetalas*, seu *veras* quarum flos quinque petalis distinctis constat; siue *apparentes*, quarum flos reverà monopetalos est, cum lacinis in quas dividitur ad ungues junctæ sunt, sed pentapetalum refert ob profundas & ad ungues ferè pertinentes scissuras.

## C A P. XXVIII.

De Collectione, exsiccatione, asservatione Plantarum, earumque partium.

**I**N Plantis earumve partibus colligendis observationum celestium, & Astrologicarum de partibus Zodiaci, planetarum aspectibus, configurationibus, influentis, &c. rationem non habendam censemus. Quantum enim hætenus observare licuit, incertæ & fallaces sunt, & successu carent.

At neque multum referre putamus quâ Lunæ ætate collectæ fuerint plantæ: quin æque durabiles esse crescente & decrescente sydere collectas.

Omnes denique de modo colligendi observatiunculas superstitiosæ vanitatis damnamus.

In genere autem colligendas censemus cum in statu & vigore sunt, cum succo jam mihi & probe concocto turgida, antequam indurescentibus fibris lignescere incipiant: & quod ad tempus attinet, die sereno, cum Solaribus radiis matutino rore dissipato penitus exsiccatæ fuerint.

Verum (ut rectè Schroderus) finem duplicem collectio respicit, asservationem & usurpationem.

Asservationis causâ (ut ille pergit) colligendæ sunt eâ temporis periodo, quâ vigent qualitates ad durationem facientes, ut sunt siccitas, caliditas, vel moderata frigiditas.

Usurpationis ratione colligi requirunt dum qualitates vigent medicationi aptiores.

Sed ut de partibus plantarum in specie agamus,

1. Quod ad Radices attinet nonnulli Vere potius quam Autumno colligendas judicant, quia tum (priusquam succus in folia & fructus absumitur) major iis insit & vegetior vis, humorque abundantior: è contra Autumno parciore polleant succo, siquidem æstatis decursu in caules, folia, flores, fructus omnis facultas insumpta sit, & proinde radix enervata. Alii præstatè putant æstate eas colligere, cum planta in vigore ac maturitate fuerit. Quippe ut integrâ plantâ ita & radicem cum maturitate vigorari censent. Alii denique Autumno colligi satius esse statuunt, cum folia decidunt, caulésque contabescunt, ob has rationes, 1. Quia omnis humor à stirpe ad radicem recedit. 2. Plurimæ per hyemem in terra relictæ ad ver usque pereunt non raro frigore, aut gelu constrictæ corrumpuntur, ut v. g. Cichorium, Beta, Carrota, &c. 3. Non habent radices hyeme quod nutrant, adeoque sibi solis alendis vacant, & tunc temporis robustissimæ sint oportet. 4. Accedit frigus Autumni, condensans radicem calorem, omniâque exactius concoquens. 5. Radices Autumno vegetiores esse inde etiam evincitur, quod Autumno transplantatæ facilius proveniant quam Vere. Hæc omnia \* P. Laurembergius.

\* Horticult.  
lib. 2. cap. 7.  
sect. 7.

Verum rationes hæc rem non concludunt, hisque facile respondetur. Nam 1. Nullus est Autumno humoris à caule in radicem recessus propriè dictus: quod tamen in idem recidit, humor qui in caule erat evaporat; cumque ascensu à frigore inhibito, novus à radice non subministratur, tum folia defluunt, tum in nonnullis caulibus ipse inarescit. Radix autem in terra latitans succo turgeat necesse est, cum humor semper præsto sit quem è terra combibat, nec ullum in folia & caules impendat. Nec tamen inde sequitur Autumno vegetiorem esse radicem, sed potius Vere, postquam succus longa in vasis per hyemem digestionem & velut circulationem exaltatus fuerit, mitiorque & maturior evaserit.

2. Excipiendas concedimus quæ à brumali frigore vel corrumpuntur, vel etiam damnum & injuriam sentiunt: has enim Autumno colligere præstat.

3. Cum radices per hyemem non habeant quod nutrant, tunc temporis robustissimas quidem esse convenit, non tamen initio hyemis, sed cum temporis diuturnitate earum succus (ut diximus) probè concoctus & maturatus fuerit.

4. Quod frigus Autumni condenset radicem calorem omniâque exactius concoquat concedimus. Quo ergo diutius insulsus ejus senserint, (ni nimis vehemens sit) eò melius concocto succo mitiores & maturiores fiunt; ut in Paltinacis latifolius experimur, quarum radices tempore Quadragesimali erutæ longè sapidiore & dulciore sentiuntur quam Autumno.

5. Quod Radices Autumno transplantatæ facilius proveniant, eas tunc temporis vegetiores esse non convincit. Ideo enim facilius comprehendunt, quia cum omnis germinatio sursum à frigore inhibeatur, nec aliud habeant quod agant, fibris duntaxat agendis vacant; nec ante foliis & caulibus emittendis distrahuntur, quam diuturnitate temporis solo assuerint, eisque firmiter coaluerint. Adde quod per hyemem terra plerumque humore scatet, ut nullum iis à siti periculum sit, quæ æstate plerumque calore ambientis humorem evocante, perimuntur.

Nos ergo herbarum omnium radices colligendas censemus cum plenam maturitatem adeptæ sunt, antequam caulem emittere incipiunt: atque nonnullas autumno, alias æstate, plerasque vere: Plantarum annuarum æstate: Biennium, si periculum sit nè Brumali frigore corrumpantur, aut vitium contrahant, ut *Carota*, autumni initio; si hyemem facile tolerent nec lignescant, primo vere antequam germinent, ut *Pastinaca latifolia*; quod si ante hyemem exactam lignescere incipiant, ipsâ etiam hyeme, ut *Rapa*: Earum quæ caule edito radicibus intereunt, vere antequam germinent; quo tempore pleræque etiam plantarum perpetuarum radices colligi postulant: nonnullæ tamen, ut *Acetosa*, *Althæa*, *Asari*, *Buglossi*, *Cyclamini*, *Dracunculi*, &c. quovis anni tempore excepta hyeme colligi possunt. Ratio cur radices plerarumque plantarum colligendæ sunt antequam caulem edant vel germinent est, quia cum caulem emittunt, succus illico radicem destituit & fibræ lignescunt.

*Flores* (ut rectè Schroderus) colligendi sunt, cum pulchritudine sua luxuriant, nec tamen marcescunt. Excipe paucas quæ in gemmis colligi volunt, ut *Rosæ*, *Jasmini*, & sim.

*Herbæ* & folia cum odore, colore, sapore, cacuminéque superbiunt, & florescentiæ appropinquant, ad usum scilicet, medicum, aut ad Herbarium siccum conficiendum, cum enim nimis teneræ sunt, succus aquosior est, & tota ferè planta in humorem resoluta evaporat. Hinc & gramen non ante demetunt pro feno quam in caulem abierit. Nam quamvis ad pascua aptius sit, dum adhuc tenerum & recens est, non tamen ut exsicceetur in fenum: quia quamvis tunc temporis humore admodum turgeat, postquam tamen exaruerit, succo evaporante parum solidi restat pro pabulo, sed in nihilum ferè contrahitur. Deinde succus minus exaltatus minus firmum & solidum nutrimentum præbet. Tandem succus ille specificus, vasis propriis contentus, in quo tota vis plantæ quæ talis consistit, aliquo tempore indiget, ut ritè præparetur, & maturescat.

Ad usum culinæ sive in acetariis, sive in olera, *Herbæ* ferè aptiores sunt dum teneræ adhuc & recens natæ, ut in *Asparagis*, *Lactucis*, *Portulaca*, &c. cernimus.

*Herbæ*, ut plurimum ad usum medicum cum floribus asservantur, colligendæ itaque hæc erunt quando floribus triumphant; ut *Calamintha*, *Centaureum*, *Chamaedrys*, *Chamaepitys*, *Daucus*, *Fumaria*, *Majorana*, *Origanum*, *Polium*, *Pulegium*, *Serpyllum*, *Thymus*, &c. Schrod.

Semina



*Semina* colligenda sunt cum bene matura fuerint, siccatique coeperint, nec tamen exiderint : Idem.

*Fructus* ad medicinam cum bene maturaverunt, ut rectè idem Schroderus : ad asservationem, ut idem è Bapt. Porta in Mag. antequam omnino maturecant, at neque omnino acerbi sunt, neque ad justam maturitatem pervenerint.

Verum nos eorum potius consilium probamus qui non ante plenam maturitatem fructus colligendos monent. Maturitatis autem indicia sunt quod sponte defluere incipiunt, vel quod grana seu semina colorem mutare & nigrescere coeperint.

Qui enim immaturi decerpti sunt contrahuntur admodum & corrugantur, eorumque caro sicca & lenta evadit.

De exsiccatione plantarum, earumque partium ambigitur. Plerique enim medici præcipiunt ut in umbra siccentur. Nos potius eis assentimur, qui citò & in Sole ficcari jubent, quod in Fæno etiam exsiccando commodissimum experitur. Quo enim citius exsiccantur eo melius. Nam quæ in umbra ficcantur, ni diligens cura adhibeatur, facile situm & rubiginem contrahunt, & tandem corrumpuntur. Quod si velles ut flores & folia colores nativos diutius retineant, in umbra ficcare præstat. Cum autem folia, flores & summitates plantarum in sole siccandos dico, nollem ut singulatim sparsa Solaribus radiis exponantur, sed in acervulos composita sæpius versentur, donec probè exsiccata fuerint.

Fructus pulpi molli constantes, quales sunt *Pruna* & *Uvae*, in sole aut in furno exsiccare requirunt : reliqui exsiccare non desiderant.

Pro Herbario sicco efficiendo Plantarum folia & flores diligenter explicata inter chartas siccas reponenda, & moderatè premenda sunt : nam si nimis comprimentur, vasis ruptis humoribus confusis, colorem mutant & nigrescunt. Sæpius deinde transferenda sunt in chartas novas & siccas, alias facile murescunt & corrumpuntur. Cum penitus sicca evaserint chartis potius assuenda quam agglutinanda statuimus, quoniam agglutinatio minus firma & durabilis est.

Asservanda sunt herbarum folia, flores & summitates, postquam probè exsiccata fuerint in sacculis chartaceis (alii coriaceos præferunt) usque pyxidibus ligneis inclusis, inque loco sicco & frigido potius quam calido repositis. Calor enim partes spirituosas & odoríferas (in quibus vis plantæ præcipuè hospitatur) agitandò faciliè evaporabiles & fugitivas reddit. Conducit certè ad diuturnam asservationem, ut aer sedulò arceatur, qui partes activas ei expositæ plantæ brevi evocat & dissipat. Aeris enim partes in perpetuo motu sunt, movendo autem dividunt & partes volatiliores plantæ secum auferunt, præferim si sit calidior. Proprium enim caloris est partes agitandò à se invicem separare & dividere. Quod si hoc non esset, & partes plantarum vaporabiles non minùs in vase clauso quam in aere libero exhalarent, vasis tamén latera eos cohibent nè longius secedant, sed ad plantam conclusam rursus reflectantur, & ibidem quandam quasi circulationem efficiant. Hinc morem illum improbamus herbas in fasciculos colligandi, deque Officinarum testis suspendendi.

Fructus qui exsiccare non desiderant, ut *Mala* & *Pyra*, aeri exposita & in acervos congesta satis commodè servantur, si modò loco sicco & frigido reponantur : nam si locus calidior sit succo exinanitos contrahi & corrugari experientià didicimus. Sed nè nimius sim, varios modos servandi fructus vide apud P. Laurembergium *Horticult.* lib. 2. cap. 3. §. v.

Semina in conceptaculis suis optimè servantur loco frigidiore & sicco : satis commodè etiam in sacculis aut involucris chartaceis usque cistis ligneis inclusis, inque loco sicco non nimis calido repositis. Nam calor immoderatus eo usque exsiccat semina ut germinationi inepta evadant.

Semina nonnulla si probè asservata fuerint per-decennium integrum fecunditatem suam custodiunt & lata germinant. Maximum ab humore damnum sentiunt & ad putredinem disponuntur. Et tamen (quod mirum est) terræ gremio excepta, quantumvis per hyemem perpetuò ferè madeant, secunda & illæsa latitant, novoque vere promptius & alacrius germinant quam quæ diligentissime custodita fuerint, ut superius innuimus.

## C A P. XXIX.

### De Chymicâ Plantarum Analyti, & partium resolutarum Usu.

**M**ISÀ controversiâ illà inter Chymicos & Philosophos tantopere celebratâ, an Ignis sit verus corporum Analysta, vulgò notum est, constitutiva vegetabilium principia esse spiritum, sal, phlegma, oleum, & terram.

Spiritus Vegetabiles sunt vel Vinosi, vel Urinosi; illique vel Acetosi vel Sulphurei; hi verò nil aliud sunt quam salia volatilia modico phlegmate soluta. Salia dividantur in volatilia & fixa, illa in Urinosa & Oleosa (Olea enim interdum concrevunt in Salia sui generis) hæc in essentialia, seu marina, & lixivialia, etiam & in saccharina. Phlegma prout magis vel minus participat de Sale, vel Oleo, varia sortitur epitheta, ut simplex, insipidum, aqueum, frigidum, albescent, aromaticum, amarum, calidum; phlegma per se proprie loquendo est humiditas elementaris. Olea sunt vel distillata, vel expressa, eaque odorifera, balsamica, fetida, inodora, inflammabilia, ætherea, crassa, &c. terra damnata & insipida audit, licet interdum variis operationibus & usibus inserviat, quod quidam Chymici optimè norunt. Hæc principia Vegetabilium in se invicem transmutentur, sunt enim secundaria elementa.

Modi eliciendi & præparandi hæc principia, seu Membra Vegetabilia è seminibus, frugibus, floribus, foliis, aliisque partibus plantarum, putrefaciendo, fermentando, digerendo, destillando, separando,

parando, rectificando, incinerando, elixiviando, filtrando, evaporando, vel CrySTALLIZANDO, adeo triti & omnibus familiares sunt, ut hic non opus sit Cramben toties coctam propinare.

In Scholis Medicis notissimum est, spiritus acetosos vim Bezoardicam habere, volatilem venenatamque acrimoniam domare, ferocientes humores figere, & obtundere; unde apud Chymicos corrigentis Vice admodum frequenter funguntur in preparando Antimonio, Saturno, Helleboro, Opio, Aro, &c.

Spiritus sulphurei sunt inflammabiles, inebriant, sanguinem accendunt, absumunt roridum nectar partium, exiccantque tonum Viscerum, & humores reddunt acres, unde horum potiores sapissime evadunt Phthisici, Hectici, vel Hydropici; modice tamen sumpti sunt Cordiales, & labantes vires sæpe revocant; in externis applicationibus sunt egregii usus contra frigidas intemperies; inserviunt etiam extrahendis tincturis, & resinis.

Spiritus urinosi vegetabiles, & salia volatilia, sunt diaphoretica, diuretica, acidum destruant, & cum illo se jungunt, unde sal compositum resultat Armoniacum simile; sanguinem scordium, crassum, vel emortuum, resuscitant, fluidum & volatilem reddunt, & restaurant; spiritibus animalibus, & generi nervoso sunt admodum amici; unde juvant in Scorbuticis, Cephalicis, & convulsivis affectibus. Notandum tamen est, quod hæc salia vel spiritus urinosi frequenter vel copiose propinati appetitum depreciant, & digestionem impediunt; obtundunt enim glandulosum fermentum primarum viarum, & interdum excitant paroxysmos Hypochondriacos, convulsivos & scorbuticos, (licet eosdem eradicent, & tollant,) fermentando cum materia morbosâ, quæ sæpenumero habet texturam acidam.

Salia volatilia plantarum rarò in Alembicum ascendunt sub sicca formâ, aut lateribus vasis adherent, sed liquore immerguntur, & solvuntur; quod patet ab odore, & mixturâ cum acidis. Hi spiritus urinosi & volatiles reddantur fixi cum spiritu salis, aut virgoli: affirmant monuilli omne hoc Sal volatile oriri ex animalculis copiosissime repertis in plantis putrefactis, sed hi nimis indulgent suæ phantasiæ; multa enim experimenta faciunt ex contrariâ parte. Hi spiritus urinosi seu Salia volatilia non solum eliciuntur è plantis calidis, Aromaticis, aut vulgo dictis antiscorbuticis, cephalicis, & Stomachicis, ut Cinnamomo, Galangâ, Zingibere; Cochleariâ, Aro, Nasturtio, Lepidio, Beccabungâ, Raphano; Rosmarino, Majoranâ, Salviâ, Rutâ, Lavendulâ, Thymo; Mentâ, Absynthio, Chelidonio, &c. Sed etiam è frigidioribus vel insipidis, ut gramine, papavere, lactuca, portulacâ, endiviâ, acetosâ, sempervivo, melissâ, musco, Nymphæâ, lenticulâ palustri, &c. quod experimenta & argumenta D. Wedelii, & Coxii, extra dubium poluerunt. Hoc intelligendum est de vegetabilibus dum recentes & virentes sunt; semina dicuntur maximè ex parte esse fertilissima hoc sale.

Phlegma maximè fungitur officio Vehiculi, & inservit Julapiis: Laudana, Spiritus, tincturæ, & Olea vix adhibeantur absque idoneo Vehiculo.

Olea destillata habent suos Usus tam internos, quam externos; nam rarefaciunt, penetrant, discutunt, & roborant, attamen cautè & cum judicio interne adhibenda sunt, nè inflammabili suâ facultate febrim sanguini, & urocinem visceribus inferant, præcipuè in infantibus: verum Olea expressa & cocta pigriora sunt, lubricant, & laxant, commodèque miscentur cum destillatis, etiam enim & horum caliditas & illorum segnities corriguntur, quod rectè monet Wedelius: inserviunt etiam variis usibus mechanicis.

Salia fixa videntur differre in suis viribus, saporibus, figuris, aliisque qualitatibus, pro ratione plantæ, vel operationis; omnia tamen obtundunt & destruant acida, aperiunt & resolvunt coagulationes; unde in cachexia, affectibus Hypochondriacis, Ictericis, & febrilibus juvent. Hæc salia inter se non differre affirmat Clarissimus Coxius noster; attamen illa viribus discrepare ostendit D. Grevius; & figuris suis multum variari demonstrat D. Leuwenhoek. Inserviunt etiam pro conficiendo Vitro, & Sapone.

Wedelius videtur (meâ saltem opinione) rem acu tetigisse, affirmans Sal Alkali unum ab altero non differre, in genere, formâ externâ, seu affectu generali, attamen figuris, poris, & viribus per omnia non convenire.

Salia essentialia, & marina è lixivii CrySTALLIZATA, quorum præparationes, & figuras vide apud D. Grevium, suos habeant usus in Medicinâ, incidendo, & detergendo; nec fermenta viscerum tam facile obtundunt, & debilitant, ut volatilia, & lixivialia.

Salia seu concreciones Saccharinæ (qualia fiunt è succis Fraxini, Aceris majoris, Cannæ Indicæ, & Arboris Coco dictæ) inserviunt officinis pro conficiendis syrupis, conservis, electuariis, conditis, &c. variisque usibus domesticis. Attamen Clarissimus Willisius, & S. Paulus contendunt Scorbutum, tabem, aliosque morbos chronicos ab horum usu generari, & propagari; continent enim particulas acres & corrosivas mixtas cum rotundis & roscidis, palliantibus acrimoniam, quæ distillatione se manifestat.

Decocta plantarum, modò clausè & diligenter fiunt, numerentur inter optimas præparationes; vires enim, & virtutes vegetabilium maximè ex parte continent, sic etiam & tincturæ, extracta, & pulveres; attamen singulæ partes plantarum chymica analysi solutæ non donantur omnibus specificis virtutibus, quas in ipsis plantis reperiamus; licet sapissime id separatim agant, quod conjunctim non agant.

Succi vegetabiles fermentati dant omnia genera Vinorum & liquorum inebriantium, quæ varia induunt nomina & qualitates pro naturis plantarum & regionum, & sunt apprimè utilia necessitatibus humanæ vitæ, modò sobriè utantur secundum salutarum naturæ institutum. Hi succi colliguntur vel incisione, vel maceratione, & expressione. Succi inspissati dicuntur Rob, quod fit vel solâ coctione, vel mixtura sacchari seu mellis. Rob cum liquoribus diluta essentias efficaces constituunt, vel inserviunt pro fundamento bolorum & pilularum. Gummi seu Resinæ nil aliud esse videntur quam succi vegetabiles magis cocti, digesti, & concreti. Omnia operantur pro ratione plantæ, hinc audiunt diuretica, cathartica, & narcotica, e. g. Terebinthina, Gummi Gotta, Opium, &c. Meliora



Meliora & nobiliora fiunt medicamenta è spiritibus urinosis, salibus, & oleis, inter se invicem mixtis, & unitis s. a. digerendo, circulando, & destillando repetitis vicibus. Balsama, & saponis componantur è lixivis, & oleis, egregii usus in pharmaciâ, & mechanicis.

Tincturæ vegetabiles, & extracta optimè eliciantur & præparentur cum spiritibus, seu menstruis ab ipsis plantis abstractis, corpora enim facillimè solvuntur à suis propriis spiritibus, seu menstruis; e. g. tinctura rosarum extrahatur cum ipso spiritu rosarum.

Colores seu laccæ eliciantur è floribus cum succo limonum percolato, & depurato; vel cum lixivio benè filtrato è calce vivâ & cineribus clavellatis, seu sodâ. Hoc fiat degerendo, decantando, & evaporando. Hi colores seu laccæ inserviant pingendis floribus, aliisque rebus colorandis, seu miniandis, quando solvuntur & parantur in aquâ gummatâ, aut cum albumine Ovi; habeant & suos usus in pharmaciâ.

Caput hoc de Chymicâ Plantarum Analyfi partiumque resolutarum usu contribuit ingeniosissimus, vir & singularis amicus noster D. Tancredus Robinson, M. D.

### C A P. XXX.

#### De Morbis Plantarum eorumque Remediis.

**Q**UAMVIS de morbis Plantarum eorumque remediis multa ab aliis dicta sunt, & plura adhuc cum fructu dici possent iis qui earundem culturæ & observationi multum temporis & operæ impenderunt. Me tamen, cui aliud est quod agam, quique stirpes & animi duntaxat causâ contemplor, observationes & experimenta destituiunt, nec quicquam ferè dicendum suppetit, quod non ab aliis jam pridem dictum est: ad quos Lectorem remittere mallet, quàm eorum commentarios exscribendi tedium devorare. Quocirca caput hoc paucis absolvam, & primo huic libro coronidem imponam.

Morbi Plantarum sunt vel interni, vel externi.

Internos voco qui à succo nutritio intus suscepto originem ducunt. Hic enim si vel nimis parce subministraretur, vel nimis copiose irruat, vel nimis frigidus & aqueus sit, vel insalubris aliqua aut noxia qualitate imbuatur, morbos in plantis generat; Pame plantas non minus quàm animalia tabescere & tandem effecari minime dubium est. Nonnullæ ex nimio alimento obesitate laborant: ut omnia quæ resinam ferunt, nimia pinguedine in tædam mutantur; & cum radices quoque pinguescere cœpere intereunt, ut animalia nimio adipe, autore Plinio. Est & aliis ab alimento nimis ubere morbus quem *podagras* Græci vocant, cum arbores aut etiam herbæ foliis aut frondibus adeo luxuriant, ut fructum, vel nullum, vel paucum, vel strigosum edant. *Luxuria hæc in segetibus castigatur dente* \* Plin. lib. 18. *pecoris dum in herba sunt, & depastæ quidem, vel sæpius nullam in spicæ injuriam sentiunt.* Sed & tonsura prodest, quicquid contradicat Plinius. Ab humore nimio radices perpetuo alluente aut inundante pleræque plantæ præcipue læduntur, vel ob frigiditatem, vegetationi maximè inimicam, vel fortè quod humor poros obstruens aeris ad radices liberum appulsum & influxum prohibet. Hinc in Septentrionalibus montosis Angliæ & Scotiæ, ubi solum palustre rarum & fungosum Spongiæ instar aquam imbibit & retinet, Ericæ longè latèque omnia occupant, & paucissimæ præterea plantæ proveniunt: hinc in fictilibus fundo impervio latæ stirpes languent, & ad frugem non perveniunt: quamvis in his fortasse etiam aqua stagnans computrescat, & ad plantas corrumpendas conducatur. Hinc, ni fallor, corticis in arboribus nimia constrictio & densitas, quæ succi liberum ascensum impedit, & truncum in latitudinem extendi & augeri non permittit; cui malo hortulani nostri subveniunt cortice secundum longitudinem lineis aliquot ductis inciso: hinc denique arbores musco infestantur, qui ab humore crudo & frigido ortum ducit. Ustilago frumentorum & graminum nonnullorum morbisine internis an externis accensenda sit dubito. Dispositio certè ad hunc morbum est in ipso semine, quamvis fortasse detur aliqua causâ procataretica seu externa quæ in materiam dispositam agens morbum facile inducat. Verùm de ustilagine in capite de frumento fufius agetur.

Externos morbos voco qui ab externa causâ inducuntur. Causæ externæ morbos producentes sunt vel injuriæ cœli & tempestatum, vel insectorum punctiones, erosiones aut etiam afflatus maligni. Cœleste malum (ut cum Plinio loquar) & maxima segetum pestis *Rubigo* est, Anglice *Rust* vocamus. Frequentissima hæc in roscido tractu convallibusque & perflatum non habentibus: e diverso carent eâ ventosa & excelsa. Hujus remedium superstitiosum & magicum proponit Plinius; nimirum Lauri ramos in arvo defixos, in quarum folia vitium ex arvis transit. Melius probassim ferias, festosque dies solennes, quos huic pesti averruncandæ instituebant, *Robigalia* appellantes, si modo vero Numini & non falsis & fictitiis quibusdam Diis sacriati fuissent.

Insectorum punctionibus, erosionibus aut etiam afflatibus noxiis originem debent plerique tumores & excrecentiæ in plantis, quæ generali Gallarum nomine complectitur summus Vir Marcellus Malpighius, quorumque historiam & Anatomen solitâ sua sagacitate & *anatomia* exsequitur Anatomes Plantarum parte altera. Tractatum autem illum de Gallis sic concludit, Erunt ergo Gallæ & reliqui plantarum tumores morbosæ excrecentiæ vi dispositi [ab Insecto] ovi à turbata plantarum compage & vitiato humorum motu excitatæ, quibus inclusa ova & animalcula, velut in utero foventur & augentur, donec manifestatis firmatisque propriis partibus quasi exoriantur novam exoptantia auram. Nam superius multis adductis exemplis demonstrat plantarum tumores reliquasque fideratas partes muscas & diversâ Insectorum genera fovere & alere donec emancipata viam sibi faciant. Plura enim (inquit) insecta sua edunt ova, omni fere auctivo succo destituta, quarum aliqua cortice privantur, ita ut mollis primæva partium compages occurrat sub specie quasi vermis. Ut igitur inclusum animal debitam acquirat partium manifestationem & soliditatem, utrum vel

vel saltem vicariam ipsius opem exigit, quam in plantis sagax insectorum natura perquirat. Quare ex diversa Oorum contentorumque Animalium indigentia à parentibus Muscis variè diversis plantarum partibus ova committuntur vel deponuntur. Quæ enim robusto cortice muniuntur, & alimonia una cum animali claudunt, quacunque arborum parte jam tabefacta opportunè custodiuntur. Quæ verò molliora sunt in foliis ipsis deponuntur, vel si copiosius exigant humidum, majorémque tutelam, intra gemmæ tenellum corpus; intra surculos, flores, amentum, pericarpium, semina, lignum, radices & singulas ferè vegetantium partes conduntur, ope terebræ, qua Gallarum muscæ præ cæteris pollent. Terebræ enim quam diximus radix ovario neçitur, ita ut dispersa per multiplices tubas ova per communem ductum, quasi per uterum seu vaginam foras à basi terebræ propellantur. His conjecturis sensuum fidem addere liceat. Semel propè Junii finem vidi muscam [quam alibi delineavit] insidentem Quercinæ gemmæ adhuc germinanti: Hærebat etenim foliolo stabili ab apice hiantis gemmæ erumpenti; & convulso in arcum corpore terebram evaginabat, ipsamque tensam immittebat, & tumefacto ventre circa terebræ radicem tumorem excitabat, quem interpolatis vicibus emittebat. In folio igitur avulsâ muscâ minima & diaphana reperi ejecta ova, similima iis quæ adhuc in tubis supererant. Tam ferax itaque muscarum familia è Gallis erumpentium, sic dictante natura, terebræ seu duplicis limæ usu vulnerat & perfodit molles plantarum partes; ita ut ex diversa ipsarum natura & compage variæ pariter emergant morbosæ excrescentiæ & tumores. Ex infuso namque liquore è terebræ extremo effluente, qui summè activus & fermentativus est, nova in tenellis vegetantibus particulis excitatur fermentatio seu intestinus motus, ita ut appellens nutritivus succus & in transversalibus recollectus utriculis, peregrinâ aurâ inspiratus fermentari incipiat & turgere, ut frequenter in nobis & sanguineis perfectis Animalibus ex apum inflicto vulnere, & subinde infuso ichore experimur. At non ex vulnere tantum & liquore fermentativo infuso morbi excitantur, sed afflatu ipso ovi aut insecti afficiuntur & contabescunt plantarum partes: Mirabilis est (inquit idem Clariss. Malpighius) quod passim ex relicto uno vel altero muscæ minimo ovo in foliis Vitis, Quercûs & similium accidit: convulsis enim fibris totum folium circa expositum ovum in spiram contortum contabescit: quin tanta est depositi ovi vis; ut non solum subiectum folium, sed communicata pediculo labe, indeque continuato surculo & appensis foliis; totus tenellus ramus in spiram contortus summâ colorum jacturâ exarescit. Hæc omnia D. Malpighius.

Notandum autem non omnes Plantarum tumores & excrescentias ab insectorum vulneribus aut afflatibus venenatis excitari, sed quosdam ab interno principio, nimirum succo nutritio quomodo-cunque alterato, vitiato, & à debita sua crasi & consistentia recedente oriri: interdum etiam ab externo vinculo aut pressura, contusioneve impedito nè per propria vasa liberè fluat: Cum enim à radice semper copiosè subministretur, & à dictis causis impediatur nè cursum continuet, in latus digreditur, & vasis impetu ruptis tumores gignit. Verùm de his consulatur Clariss. Malpighii liber modo laudatus. Nos his contenti hunc librum finiemus.



*Herbarum Tabula generalis, summa genera exhibens.**Herbae sunt vel*

*Imperfectae*; quæ partibus præcipuis, flore scilicet & semine, sed præcipuè semine, vel carent, vel carere videntur, adeoque ortum habere spontaneum; ut FUNGI, ALGÆ, & MUSCI species nonnullæ. LIBER II.

*Perfectiores*; quæ flore & semine donantur, saltem semine. Hæ vel sunt semine

*Minutissimo*, & nudis oculis in conspicuo; adeo ut earum pleræque ante inventum microscopium à nonnullis etiam magni nominis Botanicis steriles habitæ sunt; ut CAPILLARES herbae dictæ, &c. LIB. III.

*Majore*; quæ vel sunt Plantulæ feminali

*Bifolia*, seu bivalvi, binisve cotyledonibus instructa. Hæ semine satæ binis primò foliis plerunque è terra exeunt, rariùs valvas seu cotyledones non efferunt supra terram foliorum specie: Sunt autem vel flore

*Imperfecto* seu stamineo, hoc est folis staminibus cum stylo & calyce composito, foliis illis tenellis, fugacibus, coloratis, quæ nos Petala dicere solemus, carente. LIB. IV.

*Perfecto*, seu petalode aut bracteato, foliis illis fugacibus instructo: Hæ autem vel sunt eodem

*Composito*, seu ex pluribus flosculis in unum totalem florem coeuntibus aggregato: qui vel

*Plantifolius*, naturâ plerunque plenus, plantâ lactescente. LIB. V.

*Discoides*, hoc est, ex plurimis brevibus, compressis & confertis flosculis, in unam quasi apparentem superficiem digestis compositus, succedente semine, vel

*Pappo innascente alato*, in PAPPOIS inde dictis. LIB. VI.

*Solido & pappo destituto*, in CORYMBIFERIS. LIB. VIII.

*Fistularis*, h.e. ex pluribus concavis oblongis flosculis, ad margines in longas lacinias dissectis compositus flosculis etiam marginalibus fistulosis; quod genus herbæ CAPITATÆ dicuntur. LIB. VII.

*Simplici*, seu ex petalis tantum cum staminibus & stylo constantem. Hæ vel sunt feminibus

*Nudis*, hoc est, nullo præter perianthium vasculo aut tegmine donatis; ad singulos flores, vel

*Singulis*. LIB. IX. PAR. I.

*Binis*, floribus

*Pentapetalis*, in umbellæ formam plerunq; dispositis, UMBELLIFERÆ. LIB. IX. PAR. II.

*Monopetalis*, in quatuor lacinias dissectis, foliis caules ad nodos stellatim ambientibus, STELLATÆ. LIB. X. PAR. I.

*Ternis*, cujus generis est *Nasturtium Indicum* dictum.

*Quaternis*; Hæ vel sunt foliis in caule

*Ex adverso binis*, floribus labiatis, caules plurimum verticillorum in modum ambientibus, VERTICILLATÆ. LIB. XI.

*Alterno vel nullo ordine positis*; floribus monopetalis, margine quinquepartito; quæ ob folia in plerisque speciebus aspera ASPERIFOLIÆ denominantur. LIB. X. PAR. II.

*Pluribus quatuor*, nullo certo aut definito numero, quas *Gymnospermas polyspermas* vocamus. LIB. XII.

*Conceptaculis propriis & à perianthio diversis donatis*, quæ constant vel Pericarpio

{ *Pericarpio molli*, seu pulpâ per fructûs maturitatem humidâ semina ambiente; Hæ vel sunt fructu

{ *Majore* cortice crassiore tecto, cui flos monopetalos margine quinquepartito infidet, semina etiam majora sunt: POMIFERÆ dictæ. LIB. XIII. PAR. I.

{ *Minore*, membranâ tenui vestito, seminibus etiam minoribus. BACCIFERÆ. LIB. XIII. PAR. II.

{ *Materia per maturitatem siccior*, Hæ autem vel in

{ *Conceptaculis pluribus & distinctis* eidem flori succedentibus semina continent, quas MULTISILIICAS dicimus. LIB. XIV.

{ *Conceptaculis solitariis & singulis*, aut conjunctis, quas florum respectu dividimus in

{ *Monopetalas*, flore vel

{ *Uniformi*.

{ *Difformi*.

{ *Tetrapetalas*, flore itidem

{ *Uniformi* seu

{ *SILIQUOSAS*, flori succedente vasculo oblongo.

{ *SILICULOSAS*, capsulatâve, vasculo succedente curto.

{ *Difformi*, papilionem alis expansis quadantenus referente, quas idcirco PAPILIONACEAS vocant.

{ *Pentapetalas* seu

{ *Veras & genuinas*, quarum flos quinque petalis distinctis constat:

{ *Apparentes*, quarum flos revera monopetalos est, cum lacinia in quas dividitur ad ungues junctæ sint, sed pentapetalum simulat, ob profundas & ad unguem ferè pertinentes scissuras.

{ *Unifolia* aut *aphyllo*, i. e. singulis aut nullis cotyledonibus donatâ, ideoque foliis succedentibus similibus, è terra exit. Hæ vel sunt

{ *Flore imperfecto* seu stamineo, seu

{ *CULMIFERÆ*, hoc est quæ caulem teretem, geniculatum & plerumq. concavum edunt, singulis foliis ad singula genicula eum involventibus, suntque vel grano

{ *Majore*, quarum semina hominibus in cibum veniunt, FRUMENTA & CEREALIA dictæ

{ *Minore*, GRAMINA.

{ *Caule geniculis nodosis non intercepto*, vel non tereti. *Graminifoliae floribus stamineis*.

{ *Flore perfecto*, seu petalode, quæ vel sunt radice

{ *Bulbosa*, hoc est ex pluribus tunicis, exteriore interiorem ambiente, contextâ.

{ *Tuberosa* fibrosâve, in bulbosis affinibus nobis dictis.

His adnumeramus plantas nonnullas quæ semina pulpâ per maturitatem humidâ inclusa obtinent, ut Arum & Dracontium, quas ni obstarer nota generica cum aliis communis ad Bacciferas rectius retulissem.



## T A B. I.

*Plantæ imperfectæ.*

Plantas imperfectas voco quæ flore & semine carent, aut saltem carere videntur, cum neque flos neque semen in iis hætenus observatum sit, adeoque sponte provenire creduntur. Hæ ex loco natali distinguuntur in

*Marinæ*, suntque vel consistentiæ

Aquaticæ, quæ vel

{ *Durioris & lapideæ*, plurimarum specierum; *CORALIUM*, *Corallina*, *Poræ*.  
{ *Tenerioris & herbaceæ*; referentes

{ *Herbæ*, seu frutices,

{ *maiores & cauliferæ* ferè; *Fucus*.

{ *minores*; *ALGA*. Utriusque generis species plurimæ observantur.

{ *Muscum seu Fungum*; *SPONGIA*.

*Aquarum dulcium alumnæ*; vel foliis

{ *Carentes*, capillaceæ seu filamentosæ; *CONFERVA*.

{ *Trifidis*; *LENS PALUSTRIS*, *Lenticula*.

*Extra aquas nascentes*, quæ vel sunt substantiæ

{ *Craffioris*, ad carnes aut ligna accedentis. Hæ nihil ferè commune habent cum plantis perfectionibus: nec enim color iis herbaceus, nec textura analoga, neque flos ullus semineve, aut folium propriè dictum adest; *FUNGI*: qui vel

{ *Arborei*, secundum arbores quibus innascuntur distinguendi; peculiaria autem nomina sortiti sunt *Fungus Laricis* *AGARICUM* dictus, & *Fungus Sambuci* *Auricula Judæ*.

*Terrestres*, iique vel

{ *Cauliferi*, qui vel

{ *Pileati*, pileo subtus

{ *Lamellato*; quorum species plurimæ esculentæ & noxiæ.

{ *Poroso*; *Fungus POROSUS*.

{ *Non pileati*, qui vel sunt caule

{ *Simplici*; *Fungus OPHIOGLOSSOIDES*, *Digitelli*.

{ *Ramoso*; *Fungus RAMOSUS*.

{ *Caule carentes*, vel

{ *Tenuiores*, membranæ seu corium referentes; *PEZICÆ* *Plinii*.

{ *Craffi* & in formam globosam coacti; *Fungus PULVERULENTUS*, *Crepitus lupi*.

{ *Subterranei*, *TUBERA terræ*.

{ *Tenuioris & ficcioris*, ad herbæ naturam propius accedentis. Hæ vel sunt

{ *Cauliferæ & ramosæ*, plurimarum specierum; *MUSCI*.

{ *Caule carentes*, crustæ modo in terræ superficie, aut in arboribus, lignis, lapidibus, &c. reptantes; *LICHEN arboreus & terrestris*.

Herbarii Fuci & Algæ nomina ferè confundunt: & revera admodum est difficile plantas hæc submarinas ad genera aliqua reducere quæ notis certis & essentialibus differant.

Quæ Musci marini Botanici censentur, nobis Algæ species sunt.

Stirpes marinas à maritimis ita distinguimus, ut marinæ dicantur quæ perpetuò aquis innatant, vel singulis saltem æstuum accessibus aquis operiuntur; maritimæ quæ extra aquas in maris litoribus, aut palustribus mari vicinis, alibi in confinio maris oriuntur.

Præter muscos semine viduos de quibus in hac Tabula agimus, est & aliud Plantulæ genus eodem nomine, semine minutissimo prægnans, de quo in sequenti.

Sennertus *Hypomm. Phys.* probabile existimat tubera & fungos omnes è plantis provenire & nasci.

T A B. II.

## TAB. II.

*Herbæ semine minutissimo & nudis oculis vix conspicuo  
sunt vel eodem*

{ *Foliis aversis adnascente: v. Tab. sequentem.*

{ *Caulibus ipsis aut pediculis privatis innascente infidentëve: Hujus generis sunt vel*

{ *Imperfectiores superficie perenni*

{ *Caula carentes, foliis in superficie terræ reptatricibus latè se diffundentes, pediculis semina  
sustinentibus è foliis enatis; LICHEN terrestris.*

{ *Caulifera,*

{ *Majores,*

{ *Spicatae & Abietiformis; LYCOPodium.*

{ *repentes Cupressiformis; SABINA SYLVEST.*

{ *Non spicatae & erectæ; Muscus seu abietiformis, seu Polyspermos*

{ *Minores, vasculis feminalibus*

{ *Caules terminantibus; ADIANTHUM AUREUM.*

{ *E lateribus caulium egredientibus; seu erectus; Muscus terrestris five repens.*

{ *Perfectiores superficie annua; suntque vel*

{ *Monophyllæ,*

{ *Spicatae, folio integro simplici; OPHIOGLOSSUM.*

{ *Paniculatae, folio è multis segmentis composito; LUNARIA.*

{ *Polyphyllæ, foliis teretibus, caules ad nodos in orbem ambientibus multis, radiorum in  
modum; foliis & caulibus pyxidatim articulatis; EQUISETUM.*

Muscus quamvis ab imperitissimo quoque primo statim aspectu agnoscatur; cùm latissimè pateat  
id nomen, omnes ejus differentias unica definitione complecti difficillimum est.



# HISTORIAE PLANTARUM LIBER SECUNDUS.

QUI EST

## De Plantis imperfectis.



**P**LANTAS imperfectas voco quae flore & semine carent, aut saltem carere videntur, cum neque flos neque semen in iis hactenus observatum sit, adeoque sponte provenire creduntur. Sunt qui affirmant Fungorum plurimos e terra erumpentes semen habere si curiosè examinentur, formâ, quamvis minori, Alceae Ægyptiacae semen ferè exprimente. *Ephem. German. An. 6. & 7. Obs. 174.* Et clariss. Car. Clusius plantam quandam Submarinam describit *Corallinae plumatae* seu *Myriophylli pelagii Coruſi* titulo, quæ in nuculis quibusdam tenellas plantas, jam formatas, matri facie similes continet, quæ nihil aliud sunt quàm semina. Unde fortassè his etiam quæ imperfectæ & seminum expertes censeri solent vim generandi semen, seque ordinario & usitato modo propagandi natura contulit. Verum antequam donec hæc de re certius constiterit nihil innovabimus, sed receptæ sententiæ adherentes Plantas submarinas, Fungos, Muscos pro imperfectis habebimus.

Plantæ ergo imperfectæ sunt vel submarinæ, *Coralia, Fuci, Spongiæ, &c.* Vel terrestres. Terrestres autem sunt vel *Fungi*, vel Musci. Proinde Librum hunc primum in tres partes dividemus, Prima erit de Plantis submarinis: Secunda de Fungis: Tertia de Muscis; sterilibus scilicet seu infecundis: Dantur enim aliqui hujus generis, aut saltem nominis, fertiles & semine prægnantes.

## PARS PRIMA.

### De Plantis submarinis.

**Q**UAMVIS in ipso maris fundo & imis gurgibus innotera Vegetabilium species exortantur; in immenso gaudio fertilitatis nusquam cessante naturâ, sed ubique divitias suas explicante: Nobis tamen per amplissima submarina vireta spatium, & plantas ibidem pululantes indagare non conceditur; adeoque ex duntaxat in noticiam nostram venire possunt, quas vel æstus reciprocatio detegit, vel undarum agitatio abrupit, & in litus expellit, cum Veni

\* Incubere mari, totumque à sedibus imis

Unde Eurisq; Notusq; ruunt, crebèrque procellis

Africus, & vastos volvunt ad litora fluctus.

\* Virgil.

Æneid. 1.

Quin & harum etiam quota pars hactenus cognita & observata est? cum plerique maris accolæ profundâ barbarie oppressi, & cœcis ignorantiae tenebris merſi, & velut sepulti jaceant, nec quicquam sublime aut ingenuum sapiant cogitente: Alii qui ad eos conmeant negociandi causâ lucro intenti hujusmodi inquisitiones negligunt, & stultæ curiositatis damnant. Horum tamen avaritiæ (ut id obiter moneam) pleraque debemus quæ de *Coralis* aliisque *Lithophytis* nobis innuere, dum insatiabilis divitiarum sitis explendæ studio sese in profundum demergant, & *Coralia* retibus implicata à rupibus abrumperè & extrahere satagant: Alii qui hujusmodi scrutiniis libenter operam impendere vellent, ob rei familiaris angustias sumptibus in itinera necessariis faciondis non sufficiunt. Harum ergo historiam plenam & perfectam texere, non dico nobis, sed nè exercitissimo cuique in re Botanica possibile est. Sufficiat impræsentiarum paucas illas species quæ vel ab aliis traditæ, vel nobis observatæ fuerint, curiosis exhibuisse.

Primum

Primum autem mirari subit, quòd in tanta specierum multitudine, & uberrimo omnium proventu, modus propagandi curiosos mortalium oculos tamdiu latuerit: nullum enim in his semen hæcenus observatum fuit, nisi fortè *Corallinam plumatam* seu *Millefolium pelagium* *Cortusii* *Clus* excipias. Interfuit scilicet majestatis Naturæ non omnia statim opera sua propalare, sed nonnulla visibus humanis subducere, & velut in adytis occultare, partim nè omnium oculis exposita quotidiano spectaculo fastidiosæ mortalitati vilescerent, partim ut studiosorum industriam ad ea indaganda excitaret, & modeste inquirentium labores arcani alicujus revelatione compensaret.

Hæ plantæ quamvis in suo fortasse genere perfectæ sunt, à nobis tamen imperfectis accensentur, quoniam partibus generum indicibus, flore nimirum & semine, vel carent, vel saltem carere videntur: eas autem in tria genera dispescemus.

Primum erit earum quæ substantiâ durâ & lapideâ constant, ut *Corallium* & *Pori dicti*.

Secundum earum quæ consistentiæ sunt ligneæ & tenacis, aut quodammodo corneæ; *Corallina* Botanicis dictæ.

Tertium denique earum, quæ molliores sunt & herbaceæ; ut *Algæ*, *Fuci*, *Spongiæ*, *Musci*, &c.

## SECTIO PRIMA,

### De Plantis submarinis Substantiæ lapideæ.

#### CAPUT PRIMUM.

##### De Corallio.

**C**Orallium dictum volunt nonnulli *ἐν ἡδυνήσῃ*, quòd in mari tondetur, quòd Plinius respicit, lib. 32. cap. 2. *Assunt tactu protinus lapidescere si vivat, itaque occupari evellique retibus, aut acri ferramento præcidi: Hac de causa Curallium vocatum interpretantur.* Variè autem scribitur, vel cum simplici l. *Corallium*: vel cum duplici; cum i sequeute *Corallium*, vel sine i *Corallum*.

Substantiâ lapideâ solidâ, & minimè porosâ aut spongiosâ à *Poro* dicto reliquisque lapideis marinis ceu notâ characterificâ, distinguitur. *Lithodendron* nonnullis antiquitus dictum fuisse auctores sunt Dioscorides & Plinius.

1. *Corallium rubrum* J. B. Ger. *rubrum majus* Park.  
*Corallum rubrum* C.B. *Red Corall.*

*Corallium frutex* (inquit *Cæsalpinus*) villosâ substantiâ obsitus est instar Musci, colore viridi aut cinereo, intus rubrâ, qualis est color carnis, aut intensioris rubedinis, qualis Cocci. Figurâ autem est arboreâ, lapidibus hærens, cubito brevior, multis ramis tortuosis [qui rursus in alios minores divaricantur] sine foliis, sine fructu, ac sine radice. Falsò Plinius putavit bæcarum formam artificio paratam sponte nasci.

Substantiâ petrosâ est, densâ, quæ præclaram atque insignem polituram admittit.

Quod Veteres tradiderunt, & plerique neoterici eos sequuti crediderunt, nimirum *Corallium*

\* *Ovid. Metamorph.*

*Tempore in lapidem durescere, mollem sub undis herbam fuisse* Experientia falsi convincit. Testantur enim viri fide dignissimi, qui ejus piscationi (ut loquuntur) interfuerunt, non minùs sub undis quàm supra undas durum & lapideum esse, cortice duntaxat molli & muscoso (qui tamè facile deraditur) integri.

Observante ingeniosissimo Viro & rei Herbariæ callentissimo *D. Paulo Boccone* Panormitano Siculo, excipiendæ sunt ramorum summitates subrotundæ, quæ inflatæ sunt & teneræ, succumque lacteum parva licet quantitate fundunt, *Lactuca* aut *Tithymali* quodammodo similem. Extremitates hæ seu fastigia tumida grandiora non sunt *Ribesii* aut *Berberis* baccis, neque apud Auctores Botanicos descripta aut depicta reperiuntur, quandoquidem in corallio ex aquis extrahendo non satis diligentes & cauti fuere. Ipse enim observando didicit *Corallium* retibus implicitum teneras suas extremitates abrumpi faciles plerumque amittere.

Idem *Boccone* crustam tartaream corallium integentem, in rubro coral. rubram esse, in albo albam observavit: quin & sub crusta exteriori plures rugas seu sulcos ad extremitates prædictas terminatos cerni, ubi cellulæ quædam observantur. In extremitatum autem circuitu clarissimè discernuntur complures pori seu foramina exigua stellata, quæ & in omnibus aliis partibus ad pedem usque habentur. Pororum nomine intelligit notas quasdam in 7 aut 8 fissuras divisas, quæ omnes simul stellam efformant, nudo etiam oculo absque microscopio conspiciendam, quos ramorum productioni inservire existimat.



Extremitates rotundas supradictas curiosius examinans, & unguibus rumpens, plerasque omnes invenit in sex cellulas distinctas, humore quodam albo & pingui repletas, sapore acri cum aliqua adstrictione ad Piperis & Castaneæ saporem accedente; qui in recens è mari extracto Corallio manifestè sentitur, in exsiccatò evanescit, adstrictione tantum residua.

Succus quem diximus lacteus intra sex circiter horas postquam Corallium è mari extractum est ficescit, & colorem mutat.

Cæterum Corallium rubrum & album Dioscoridis non vegetabilium modo per succi nutritii intus susceptionem crescere & augeri contendit, sed per extra-positionem seu additionem partis ad partem: unde & lapidibus non plantis annumerandum censet. Argumenta quibus opinionem hanc suam confirmat apud ipsum vide in Epistolis.

Cum D. Boccone sentit doctissimus & ingeniosissimus Petrus Guisney M. D. Avenionensis, cujus in Epistola ad Paul. Boccone hæc verba sunt, Sed brevi propositæ difficultati respondeo, nullum prorsus Corallii genus esse plantam; at purum putam minerale ex multo sale & paucâ terrâ potissimum compositum. Existimo quidem variorum salium cum terra aliisque mixtionis principis ardentium occursum atque præcipitationem tam nobile mixtum emergere, non secus ac famigeratam illam incrementi tantum non extemporanei Chymicorum arborem metallicam, quæ Mercurii & argenti cupellati in aqua Stygia prius dissolutorum, & aquæ communi dein innatantium subditiâ atque nexu per appositionem partis ad partem accrescit, &c. Nobis nondum satisfactum est.

In mari Tyrrheno & Siculo passim invenitur, perhibente Matthiolo. Verum non credo Corallium rubrum adeò frequens inveniri iis in locis. Nobis certè in Italia peregrinantibus de ejus piscatione nihil inauditum. In Catalonia Hispaniæ ad promontorium *Cau de creux* indigenis dictum, in rupibus copiosè nascitur, ubi ejus piscandi modum observavit D. Franc. Willughby.

Machina, quâ ibi loci ad illud extrahendum utuntur, est Crux lignea grandis, cujus centro, ut in aquis promptè subsidat, affigitur globus plumbeus magni ponderis: Huic autem adnectitur funis validus, prælongus. Unicuique cruri seu extremo crucis rete orbiculare appenditur. Demissa in aquas cruce, cum urinatores in imo mari rupem invenerint cavernosam, Corallii foetam, is cui funis regendi cura demandatur, in ejus cava unum vel alterum machinæ crus impellit; adeoque Corallium (si quod inibi oritur) retibus implicitum abruptum & extrahunt qui supernè in lembis præstolantur. Color fruticis dum adhuc viget & rupibus adnascitur pallidè cinereus est; verum cum exteriore crustâ, quæ cortici in arboribus correspondet, exiit, rubet. Cum vel æstu maris, vel piscantium manu abruptum, fluctibus in litus ejectum est, corticem amittit, & rubiginem quandam è viridi cinerascens contrahit. Omnes autem quos consuluimus urinatores uno ore sub aquis durum & lapideum esse constanter asseverarunt. Nobis ob ventos vehementiores turbido mari piscationem ejus propriis oculis videre non contigit, impossibilis enim ea est nisi mari admodum placido & tranquillo.

Urinatores arbusculas Corallii, tectis & fornicibus tantum cavernarum adnasci, atque deorsum versus crescere nobis asseruerunt, verum non persuaserunt; suspicamur enim illas pro situ rupium tam sursum, quam deorsum & ad latus crescere.

Interdum sed rarissimè ramos vel arbusculas tres quatuorve libras pendentes inveniunt & avelunt.

Quæ de Corallii viribus traduntur pleraque nobis suspecta sunt: verum adstrictoriâ vi pollere, præsertimustum & in pulverem redactum non abnuerim; unde & fluxus quosunque alvi, uteri, penis, [gonorrhœam] sistit, & ad omnes affectus valet in quibus adstrictione opus est. An verò cor exhilaret, aut Epilepsiam infantium præcaveat (si recens nato ante omnem cibum in lacte materno grana 10. exhibeantur, ut præscribit Schroderus) in mediò relinquimus.

Extrinfecus commendatur ad ulcera quæ carne explet, ad cicatrices quas extenuat, ad oculos quorum lachrymas sistit, visumque recreat in Collyriis. Schrod.

Solent nutrices & mulierculæ apud nos in Anglia de collo infantulorum corallia suspendere ad dentitionem promovendam: infantes enim iis ori admotis & commotis (quod libenter faciunt quoniam & levia sunt & frigida) gingivas atterunt, & dentium eruptionem faciliorem reddunt; nec enim proprietate aliqua aut vi occultâ, ut vulgò persuasum est, ad id valere concedimus.

Tinctura Corallii in febribus pestilentibus magnopere commendatur. Boetius de Boot eâ cum successe usus est. Garenciers in iis curandis spem suam rarò fefellisse scribit. De Coral, pag. 10. 46. & aliis. Verum quæstio est inter Chymicos an detur vera & genuina tinctura Coralli.

## 2. Corallium nigrum C. B. nigrum sive Antipathes J. B. Ger. Park.

Imperatus Corallium nigrum substantiâ omnino simile ait rubro, & colore nigerrimo tantum differre atque raritate.

In Musæis curiosorum in Italia asseveratum vidimus non semel.

## 3. Antipathes hirsutum sive Corallium foliatum J. B. Corallina nigra setacea hirsuta C. B. Antipathes 2. species Ponz.

Folius est minutis instar setæ porcorum seu aristæ triticeæ. Invenitur in maris Sardinie fundo inter Corallia piscandum. Est autem longitudine unius hominis staturæ, & vocatur in illis partibus vulgò *Sambeggia*.

4. *Corallium album* C. B. J. B. Lob. Ger. *album majus* Park.

J. B.

J. Bauhinus Corallii albi officinarum truncum ramosum à se adservatum sic describit. Maxima crassities ferè carpi humani est; pars quæ hæret lapidea, porosa; substantia solida, lapidea, ponderosa, exterius lævis, tota candida, multis foraminibus, radiatim intus striatis donata. Rami temere & inæqualiter divisi, tortuosi, quos cum radice Polypodii, si figuram spectes, haud malè comferri posse dixeris.

Imperatus distinguit Corallium album à nigro densitate & politurâ quam recipit; sed in cæteris omnibus rubro simile dicit, albedine pura & lactea. Tradit & alterum Corallium album, fistulosum, valdè ramosum, in superficie foratum, quod ex Sicilia adferri testatur.

Matthiolus autor est Corallium nivei candoris in Tyrrhæno & Siculo mari reperiri, non quidem ut rubrum compactum ponderosumque, sed lævis ac rarius, spongiarum modi inane.

Nos Genuæ venales vidimus pulcherrimas Corallii albi arbusculas, valdè ramosas, candoris nivei.

\* 5. *Corallium album verrucosum punctatum* C. B. candidius *verrucosum punctatum* J. B.

J. B. ex Imp.

Colore est quàm vulgare candidiøre, superficie tenus punctatum, tuberculosum, trunco cætero qui ramisque crassioribus quàm rubri.

Provenit in Oceano: reperitur quoque in Mari majori, seu Ponto Euxino.

\* 6. *Corallium stellatum albi puri coloris* J. B. *Corallium album stellatum* C. B.

J. B. ex Imp.

Substantiâ est cæteris Corallii speciebus simili, colore exquisitè candido, superficie tenus denso agmine stellarum minutularum impressarum obsita, unde & nomen. Planta est de Coralliorum genere magna satis, trunco & ramis teretibus, quadam sui parte striata.

\* 7. *Corallium stellatum minus album* J. B. alterum sive *album stellatum minus* C. B.

J. B. ex Imp.

Hoc ex mari Hispanico delatum substantiâ est mimis solidâ, nec ita candidum sicut id quod punctatum modò vocavimus, cæterum undique etiam stellis parvis impressis notatum. Truncus quoque & rami crassiores quàm reliqua Coralli genera.

Hanc aut sequentem speciem Londinò habuimus Coralli Sinensis titulo.

8. *Corallii albi varietas stellata* J. B. *Corallium album ramosum alterum* C. B. *Coral. album alterum* Ger. Park. *Coralloides sive Coralli albi varietas* Lob.

Lob.

Stipite est reliquis longè crassiore, brachium æquante, & materiâ magis fungosâ, acetabulis insculptâ aut inscriptâ. Univerſa planta pedem unum longa est, vixque cubitum proceritate superat.

9. *Corallium album articulaturn* C. B. Park. *geniculatum album* J. B.

J. B.

Ex argumento nomen inditum est. Constat enim hoc Corallium internodiis quibusdam cæti articulis animalium. Ramosum etenim est, & rami ad instar articulorum animalium ad invicem committuntur. Figurâ cæteroqui sunt rectâ, circa articulos nodosiore, per longitudinem striatâ. Substantia ejus densa, alba, in medio exiguum meatum, medullæ ut puto vices suppletem, habet, qui à radice productus in omnes ramos propagatur. Est ut & alicubi velut pluribus corticibus constare videatur, alioqui cortice unico obtectum est, undique corallineo, albo, & reliquæ substantiæ simili. Percussu secundum longitudinem factò facillè diffinditur.

Crescit in Majorica insula, unde ab Imperato delatum est. Vidimus aliquoties in Museis Italicis.

\* 10. *Corallium asperum candicans adulterinum* J. B.

J. B.

Ex lato principio crassus exoritur caudex, qui mox in ramos divaricatur minutius divisos, albicantes, superficie asperos, tortuosos. Substantia interna minutissimis poris petrusa est, & quàm externa facies albicantior. Omnium maximè lapideum hoc Corallium esse videtur. Altitudo vix quatuor uncias adæquat.

11. A. *Corallium album pumilum nostras*. An *album minus* Park. *album* Ger. qui cum albo Lob. perperam illud confundit.

Vix triuncialis est, admodum tortuosus, culmi crassitie aut paulo majore. E fundo maris in portus Falmuthensis recessibus copiosissimè extrahitur.



12. *Pseudo-Corallium croceum, articulatam, punctatam, ramosum* P. Boccone Epist.

Valdè porosum est hoc genus, & in medio coloris coccinei ad croceum inclinantis. Ab imo caule ad extremos ramulos in exiguas particulas seu frustula dividitur, pollicem circiter longas extremis uniuscujusque rotundis. Materia articulos intercedens, iisque conjungendis inserviens flavicat, & molliuscula est, quo fit ut separatu admodum faciles sint. In medio perforatum seu concavum non est, quemadmodum illud quod describit Imperator: verum è contra medullarum partibus durioribus minisque porosis constat quàm totum corpus reliquum, quod superficie est rugosa.

Pori quibus scatet hoc genus sunt ferme ovals. Lima autem derafo & rotundato tum hoc, tum Corallio vero Dioscoridis, hujus superficiem glabram & politam observavi, corpus ipsum ponderosius nec ullis quæ alicujus momenti essent poris pertusum; illius verò [Pseudo-corallii] poris absque microscopii ope conspicuis creberrimis perforatam, quorum respectu corpus ipsum apparuit velut frustulum offis cariosis rotundari. Ramulos autem seu surculos extremos & tenues crusta perlepe flavicans, delicata, tomentosa & velut holosericea investit, quæ punctis seu maculis rubris respersa est, ex opposito uniuscujusque articulationis sitis [quæ verba non satis capio.]

Locum hujus natalem ignoravit descriptionis autor P. Boccone.

## CAP. II.

## De Poris dictis.

**P**linius lib. 36. cap. 17. Pori lapidis servandis corporibus idonei memipit: *Porio similis candore & duritie, minus tamen ponderosus, qui Porus vocatur.* Cum Plinius ita brevis sit, an de his locutus ignoramus. Pori autem hi à crebris poris seu foraminibus quibus pertusi seu intercepti sunt dicuntur. Sunt autem substantiâ Corallii proximâ, & porositate tantum ab his differunt. Horum alii propius ad Corallia accedunt, alii longius distant. Qui candidiores densioresque sunt, ii Corallii similiores, & eundem ramorum divaricationis modum servant. Omnes autem communiter albi sunt. Qui rugosi sunt, lineas habent striatas secundum longitudinem, tum truncorum, tum ramorum ad extremum usque. Sed & meatus internâ suâ substantiâ porosâ habent per ramorum longitudinem procurrentes, medio quodam atque communi filo interposito. Quorum superficies punctata est, meatus habent, quos radii à centro à medio filo constituto ad ambitum ducti intercipiunt. Hæc est J. Bauhini Historia: nec enim nobis multa ex hoc corporum genere videre contigit.

Quamvis distinctionem quam assignant inter Corallia & Poros maxime probamus, ut quæ certa & clara sit; suspicamur tamen corpora nonnulla quæ Corallii accensentur, quæ nimirum quæ superficie sunt punctatâ aut stellatâ, non omnino pororum intus expertia esse.

\* 1. *Corallo affinis Porus magnus* J. B. C. B. Imp.

**J. B.** Ab una radice in ramos diffunditur. Truncus circa radicem crassitudine ferè est brachii humani. At cum Corallis collata altitudine sua non respondet. Nam brevi intervallo, quâ truncorum altitudo fura est, à crassitie sua deficit atque minuitur: neque enim altè assurgit. Terminatur in germina crassitudine digitali. Circa truncos solidus est instar Corallii, at ultimi rami admodum porosi sunt & fragiles. Color ei albus, superficies rugosa, ceterasque obtinet conditiones Poris in genere tribui solitas.

\* 2. *Corallo affinis Porus ramosus* C. B. *Porus ramosus* Imp. J. B.

**J. B.** Effigiem habet Coralli albi; dictus est autem ramosus ob frequentem ramorum divisuram & dilatationem. Circa radicem crassitudine est digiti humani. Rami exquisitè teretes, superficie tenus punctati, in amplitudinem spiramizantem panduntur. Durities ejus præ cæteris Poris ad Coralli naturam accedit.

\* 3. *Corallii affinis Madrepora* J. B. *Cor. aff. Madrepora stellatâ* C. B. *Madrepora* Imp.

**J. B.** Multis canis ex uno trunco prodeuntibus, & circa ortum sibi mutuo coherentibus constat. Ergo favi formam quodammodo repræsentant. Substantia tubulorum offi spongioso similis est, in quorum extremis cavitas apparet, radiis à centro ad ambitum protentis: in quorum medio oeu flocculus quidam conspicitur, segmento plano. Crassities eorum digito parvo æqualis, ab ortu ad extremum usque eadem; superficie tenus transversim rugosa, quod in nullo alio à nobis descripto Poris observare licuit. Recenter exempti forde quadam purpurea oblecta sunt, quæ temporis progressu nigrescat.

\* 4. *Corallius affinis Madrepora ramosa* J. B. C. B.

J. B.

Extrema huic sunt plana, quemadmodum præcedenti; sed in trunco & ramis magna est differentia: Quippe primarius truncus densus est & candidus sicut Corallium, sequentes, qui velut annui adjuncti sunt, rari admodum ac debili substantiâ, colore obscuro & purpureo. Eadem substantia aliquid habet membranei, unde (inquit Autor) colligi potest Spongiarum in modum participare aliquid de vita sensitiva.

\* 5. *Corallium adulterinum porosum* J. B. Millepora Imper. C. B.

J. B.

Numerosæ densoque agmine ex lapideo ferè principio exeunt fistulæ, albicantes, striatæ, palmares, longiores plus minus, intus porosæ, quæ à centro ad ambitum ita radiatæ sunt, ut stellam multiplicem repræsentent. Substantia earum planè lapidea est, dura, nec ita fractu facilis. Primum pondere superat. A Millepora Imperati differt, quod strias per longitudinem non præ se ferat.

\* 6. *Porus similis Salinæ* J. B. facie *Sabinæ* C. B. Imper.

J. B.

Ramos habet subtiles, altera parte compressos; Superficies eminentiis quibusdam acutis donata est.

\* 7. *Corallius affinis Alcyonium rubrum* C. B. *Coral. aff. Alcyonium fistulosum rubrum* J. B. *Tabularia purpurea* Imp.

J. B. ex Imp.

*Tabularia purpurea* Imp. quam quidam inter *Alcyonia* recensent, & quidam *Alcyonium Milefium* vocant, ex parvis tubulis concavis & ut plurimum connexis coagmentata est, colore puniceis, intus politioribus, foris mediancibus quibusdam crustis transversis equali intervallo ordinatis, unitis. Matriculæ putantur animalculorum marinarum, in quibus nascantur sicut apes in favis.

Hujus autem valde similis speciem habuit J. B. quod specio & figurâ partium Corallio rubro accedens *halcyonium* quibusdam æstimabatur. Ex tunc tubulis rubris, Corallio albo fere concoloribus, aut certè saturatis tinctis, crassitudine cultorum *Avenæ*, ex semenciali aut breviori intervallo crustulis lapideis connexis ceterâ parte aequaliter diffidentibus coagmentatum est. Pleraque tamen superficie tenus albicante quadam aspergine obita vestita sunt. Tota substantia lapidea est sed Corallio rubro fragilior.

\* 8. *Porus tubularis* J. B. C. B. Imp.

J. B.

*Tubularis* dictus est quod parvorum tubulorum formam referat, ex quibus alii tubuli etiamnum pronascuntur, superficie interna rugosi, externâ punctati & porosi. In his sæpe materia *Alcyoni* aut alterius cujusdam substantiæ reperitur.

\* 9. *Porus anguinus* Imp. J. B. C. B.

J. B. ex Imp.

*Anguinus* Imperato dictus est, quod exuviis serpentum similis sit substantiâ suâ. Adhæret radici *Algæ* alterive alicui materiæ, estque velut incrustatio quadam ex multis atque subtilissimis spoliis sibi mutuo incumbentibus coaggesta, sive colorem, sive subtilitatem, sive impressiones atque delineationes spectes. Substantia porosa est & fragilis admodum, propter extremam subtilitatem tunicarum, colore candido, & ea parte quæ altera tunica ab altera separata conspicitur argenteo splendore lucida.

In aquis salis & maris quieti stagnantibus concrefcit. Reperitur in tractu Neapolitano, in mari mortuo sub Baiis.

\* 10. *Abrotonoides planta saxea* J. B. Clus. *Abrotono similis saxea* C. B.

Clus.

Planta hæc ex Orientalibus regionibus delata tota erat lapidea, pedalis ferè altitudinis, in multos ramos divisa, qui deinde in frequentes alios minores sese spangebant, elegantissimo spectaculo, & illos quidem *Abrotoni* femine foliorum formam pene referentes. E saxo autem in imo mari nascentibus abruptam fuisse arbitrabar.

An Planta hæc intus porosa & foraminulenta fuerat, an planè solida, non dicit Clusius: proinde an rectè eam hic disposuerim ignoro, an ad *Corallia* pertineat.



## CAP. III.

## De Lithophytis frondes imitantibus, reticulatis.

1. *Porus reticulatus* & *Eschara marina* Imper. C. B. *Eschara* J. B. *Retepora* Imper. *Rosa marina* Cæf.

J. B.

**Q**Uæ *Eschara* Rondeletio dicitur pro radice principium habet latiusculum, ex quo foliacea quædam, & *Lactuca* crispæ in modum substantia exit lapidea, crassiuscula, albicans, fragilis, cribri instar, foraminum seu rimarum longiuscularum plena. Dentibus facili atteritur, nullo manifesto nec odore, nec sapore.

Elegantissimam hanc plantam saxeam è mari Tyrræno sæpius inter piscandum retibus extrahunt. Nos fragmenta ejus Romæ in foro piscatorio multisies vidimus.

- \* 2. *Eschara marina frondipora* J. B. *Frondipora* Imp. C. B.

*Retipora* descriptæ quodammodo similis est. Frondes quippe substantiâ similes, itidemque ramosæ & incisæ, quibus extrinsecus eminentiæ quædam costis aut nervis foliorum similes adnatæ, quarum extrema mutuo connexu unita poros constituunt, & retis formam quodammodo efficiunt.

- \* 3. *Reticulatum tophaceum marinum* J. B. *An Porus in figura di mutassa* Imper. ?

J. B.

Filamentorum, convolutarum in morem totum ex filis tophaceis candicantibus, ac etiam (quod in tanta exilitate mirum) fistulosis ac cavis coagmentatum est, ut rete quodammodo in unum glomerem confusum repræsentet. Ipsa crassities frusti coagmentati uncialis est, multis cavernis Spongiæ aut pumicis fere instar cavatæ, substantiâ levi & dentibus facili friabili, durâ, digitis non cedente, odore salso, sapore nullo. Adhærescit aliis substantiis & rebus marinis.

His annumeranda videntur Corpora illa ex lamellis plurimis sibi mutuo incumbentibus & velut articulatum junctis composita, substantiâ durâ & lapideâ, quorum nonnulla ob figuram pentagonam stellæ in modum radiatam *Astroites* appellantur, alia ob figuram rotundam, rotæ aut orbiculi æmulam *Trochites* & *Entrochi* dicuntur. Hæc enim eruditissimus Vir & sagacissimus Naturæ operum indagator D. *Martinus Lister* M. D. vetus amicus noster revera lithophyta esse & petris accrescere & ramulos laterales emittere primus quod sciam detexit: Verum quoniam in rupibus à mari longius remotis inveniuntur, an mari originem suam debeant merito dubitatur: ideoque plura de iis dicere hoc in loco superfedemus.

## CAP. IV.

## De Musco marino lapideo, seu Corallina.

1. *A. Corallina* J. B. *Muscus maritimus* sive *Corallina* Officinarum C. B. *Musc. mar.* sive *Corallina alba* Officinarum Park. *Corallina Anglica* Ger.

J. B.

**U**NCIAM unam aut alteram [ imò duas trêve interdum ] alta est, colore incarto cinereoque, [ alias rubicundo, luteolo, herbaceo aut candido, ] ramulis numerosissimis, oxidatim geniculatis, gracilibus, pinulis interdum è latere excrecentibus, odore nauseoso, pilulento, sapore salso, ingrato: Sub dentibus lapillorum instar crepitat, & facili vel attritu digitorum in pulverem fatiscit.

Rupibus marinis, petris, & interdum etiam conchis aut testis accrescit ubique fere apud nos: non tamen mollis est quandiu sub aquis, ( ut scribit Cæsalpinus ) sed dura & lapidea.

In pulverem crassiusculum contrita ad interaneorum vermes necandos atque etiam expellendos non immerito celebratur. Datur pulvis in vino, lacte aut Cassia, pueris qui nondum annum ætatis attigerunt 3℔. pondere, adultioribus 3j.

Locus.

Vires.

2. *Corallina fistulosa fragilis* J. B.

J. B.

Duùm triúmve unciarum numerosos prodeunt coliculus, cinereo filo crassiori pares, superficie crispâ seminum Saccharo conditorum, alias levi & veluti torno elaboratâ, circularibus zonis densis præincta, intus fistulosa, decussatisque cruciformium incisionum cancellis distincta, fragilis admodum, & levi digitorum attritu in arenam solubilis, sapore nullo. Propagines mediante tenui brevissimoque filo adnectuntur.

G 3

Est

Est & alia subtilior multò, ceu pili aut filamenta quædam crustulis obtecta essent. Intus enim velut pilus tenuissimus : crustâ intecta porosâ est albâ, in plures ramulos vermiculatos divisâ, Corallinæ in modum, sed minimos, delicatulos.

3. A. *Corallinæ affinis sive Muscus marinus tenuis capillo* J.B. *Muscus marinus albidus* Ger. *capillaceus multifido folio albidus* C.B. *marinus sive Corallina rubens* Park.

J.B.

Saxis aut concharum fragmentis innascitur, verum latius multò se spargit, propaginibus etiam 4. unciarum abundè circumfusus, ad teretem, durum, nigricantem nervum adnatis cirris crebris capillaceis, mollicellis, ramosis, colore albicante, cinereo, viridanti, rubente, vel denique nigro, sapore Corallinæ saluginoso. Verùm licet ad tactum mollis sit, sub dentibus tamen Corallinæ instar crepitat, & nescio quid lapidei refert.

Est & ut vix uncialem altitudinem superet, villis itidem ramosis densissimis. Saxis, testis, Algæ, aliisque plantis marinis innascitur.

- \* 4. *Muscus candidus Coralloides squammulis loriceis* Lob. *Muscus marinus squamosus, sive Corallina squammata* Park.

Præter titulum hujus & figuram nihil habent.

- \* 5. *Corallinæ affinis Nodularia* J.B. C.B.

Ramulis est brevibus, multifidis, coloris cinericei, concrezione lapidea, fragili, sub dentibus crepitat. Cum Corallina nescio quid commune habet, nullo tamen thorulo facta, ut sunt Coralloides frutices.

Variat colore albo, pullo, puniceo.

#### C A P. IV.

##### De Fungis lapideis.

1. *Androsaces Martii sive Fungus petraeus marinus, sive Umbilicus marinus* J.B. *Andr. Martii sive Cotyledon marina & Umbilicus marinus* Park. *Androsaces Chamaeconche innascens, vel minor* C.B. *item Androsaces petrae innascens, vel major ejusdem.*

J.B.

Vitam agit sub aquis, concharum striatarum gibbis scopulisve innascens; staminibus filii instar tenuibus, uncialibus & fescuncialibus; quorum singulorum extremum excipit umbilicus clypeoli, circinata rotunditatis, lineolis à centro creberrimis productis striati: color cinereus: sapor saluginosus.

Androsaces Dioscoridis non est, nec enim semen fert; sed Fungi petraei species. Duplex habetur major & minor.

Circa montem Cetium in stagno Volcarum petris & conchis innascens abundè invenitur; ut & nos observavimus.

Quæ de hujus viribus traduntur, conjecturis nituntur & incerta sunt. Lobelius tamen ventrem fistere novit, ut hic scrupulus (inquit) Anguillaræ eximatur, nec expeti ut alvum solvat.

2. *Fungus lapideus major in Nilo natus* C.B. J.B. *F. Saxæus Nilii major* Clus.

Clus.

Quem Clusius descripsit 10. unciarum habebat circumferentiam: ejus diameter  $3\frac{1}{2}$  uncia, totus autem faxeus erat & candicans, supernâ parte ab umbilico ad circumferentiam multis profundis striis, oblique quodammodo excurrentibus ornatus; infernâ autem minus elatis striis, iisque asperis & quodammodo echinatis erat præditus, quæ à circumferentia ad pediculum productæ definebant, quâ videlicet parte magis fuscus erat. Pediculus ejus brevis & crassiusculus, qui à scopulo aut petra abruptus videbatur.

3. *Fungus lapideus minor* C.B. J.B. *faxeus minor* Clus.

Clus.

Hic compressus floris formam quodammodo exprimebat: circumferentia & ambitus [qui valde sinuosus] sex unciarum erat, diameter in longitudine duarum cum semisse, in latitudine autem unius aut paulò plus, & quia floris quodammodo in formam assurgebat, altitudo parè duarum unciarum erat, ab extremo orbe descendendo sensim gracilescens. Pediculum habebat brevem & crassiusculum. Striæ quæ externa parte à pediculo ad circumferentiam excurrerant valde erant conspicuæ; quæ autem in parte interna profundiores, & magis conspicuæ, simul etiam in medio coeuntes.

Præter hos, Clusius aliorum è mari majorum meminit, quales in museis curiosorum in Italia assertos aliquoties vidimus.



## SECTIO SECUNDA.

De Plantis Submarinis consistentia lignea &amp; tenacis.

## CAP. I.

De Corallina reticulata, seu Flabello marino nostratibus dicto.

2. *Corallina cortice reticulato maculoso purpurascens* C. B. *Cor. reticulata plana purpurascens* Park.  
*Frutex marinus elegantissimus albus, Corallium nautis* J. B.

Clus.

**A**D binum interdum pedum aut etiam majorem altitudinem affurgit, planus & in latum expansus flabelli instar, à caudice simplici, brevi, statim in ternos, quaternosve aut plures crassiusculos ramos divisus, à quibus innumeri alii tenuiores ramusculi oriuntur, in longum & latum se spargentes, adeò miro ordine, ut simul coalescant, vacuæque tantum quædam spatia relinquant, cribri aut reticuli maculas imitantia. Integer frutex purpurascens materia obductus est velut crustâ quadam aut gypso, quæ facillè deradi potest; eo autem deraso apparet interior substantia nigricans, lenta, frangi contumax, adeoque dura ut vix cultello scindi possit.

Scopulis aquâ marinâ tectis adnascitur, latâ plerunque sede. Ex India tum Orientali tum Occidentali ad nos delata fuit, teste Parkinsono.

Fruticem quem descripsit Clusius saluginosa candida materia obduxerat: illam verò saluginem creberrimis iisque valde exiguis foraminulis, tanquam acu impressis tam affabrè tantoque artificio elaboratam conspiciere licebat (præsertim in minutionibus ramulis) ut nullum opificem imitari posse sibi persuaderet Clusius.

*Fruticem hunc sæpius vidimus, & ipsi etiam elegantissimam ejus plantam habemus.*

- \* 3. *Corallina reticulato cortice altera* C. B. *Planta marina retiformis* J. B. Clus.

Clus.

Quam descripsit Clusius, instar virgulti lignosa erat, prorsus tamen plana, in frequentes ramos, eosque etiam planos sparsa; ex quibus in longitudinem & obliquè exhibant multi nervi, retis instar ferè contexti, adeò firmi, ut ex aëneo filo confecti viderentur, lumini tamen oppositi glutinis substantiam verius referrent. Tota planta cubito longior erat, prorsus (ut dixi) plana, & multis maculis retis instar pertusa, subrubescens, multis tamen locis salugine quadam infecta, extrema parte ferè pedem lata, infima verò palmum, sed ea non integra, nam ex utroque latere plurimum abruptum fuisse apparebat: Salsus ejus sapor.

Scopulis adnascitur in Oceano Americano.

*A præcedente in paucis mihi videtur differre.*

## CAP. II.

- \* *Arbuseula marina Coralloides* Clus. J. B. *Corallina facie grumoso cortice* C. B.

Clus.

**Q**UAM Clusius vidit, tres cubitos alta erat, unde merito arbusculam dixit, in multos ramos laterales, eosque in anteriorem partem nutantes divisa. Caudex infima parte 7 uncias in ambitu crassus erat, firmusque & solidus cum videretur, materia tamen quodammodo fungosâ constabat, illaque candicante & zingiber resiccatum referente. Totus caudex cum ramis innumeris tuberculis respersus erat, ipsique rami in majuscula tubera desinebant, intus fungosa, & seminum, inanium tamen, speciem in cavernulis continentia, externè autem orbicularibus notulis, lapidis Stellaris instar, distincta. Tota planta, sive verius arbuscula, tenui quidem sed grumoso cortice tecta erat, eoque rubri coloris, ut minio inducta videretur, qui an asciticius fuerit ignorabat Clusius, adeò autem falsi saporis erat tota cum suo cortice arbusculæ substantia ut merum Sal referret.

De loco natali nihil inaudivit Clusius. Longè autem majorem postea è Norwagia misit Hen. Hoierus Bergensis medicus, quamvis infimâ parte mutilam, 6. tamen pedes altam, totam planam & semipedem duntaxat latam, binas verò uncias spissam; reliqua apud \* Clusium vide.

\* Exotic. lib.

6. c. 1.

CAP.

## CAP. III.

\* *Corallina fruticosa purpurea* C. B. *Quercus marina* Theophrasti Clus.

**Clus.**  
**Q**Uam descripsit Clusius pedalis erat longitudinis, in multos eoque planos ramos expansa; & illos deinde in plures alios minores divisos, multisque tuberculis quaquaversum obsitos, ut Myrica five Cupressi verius foliorum formam & exactius referrent, quam alterius alicujus plantæ: coloris purpurei saturi qualis ferè conspicitur in vini rubri fæcibus, falsi prorsus saporis. Ipsa fruticis materia dura & lignosa erat, imò quasi cornea aut saxeæ. Contrafacta porro infima parte erat hæc planta, ut saxone an Ostracæ testæ innata fuerit nihil affirmare potuit Clusius.

C. Baubinus huc refert Corallinam rubentem Antipathis facie Lob. Lithophyton marinum rubri seu purpurei coloris Gesn. An rectè ambigitur. J. Baubinus has plantas Coralloidis sui fruticosi marini rectioris synonymas facit, quod sic describit,

Densè fruticat cornu cervini figurâ: radicem verò scopulis apprimat lapidescentem, trunco brevi, statim in infinitos ramos diviso, modò patulos, modò surrectos, & quæ fors tulit huc illuc divaricatos, dodrantes & palmares, singulos thorulo corneæ duritiei & flexibilitatis, necnon coloris, fæctos, crustâ obductos, jam penitus niveâ, jam cinereâ, modò luteâ, modò conchyliatâ vividâ, aliâs cinereâ & rubrâ, aliâs luteâ rubrâ, non rarò omnis coloris stigmatibus punctata.

## CAP. IV.

\* *Corallina lignosa Ericæ facie* Park. *Cor. rufescens exasperata* C. B. *Ericæ facie frutex marinus* J. B. Clus.

**Clus.**  
**E**Rat is frutex quem descripsit Clusius cubitalis aut amplioris altitudinis, statim ab infimo in frequentes ramos assurgens: atque illi denuo in minores alios divisi erant, interdum simul coalescebant, ut in plerisque plantis in mari nascentibus evenire solet: tenui cortice tegebatur, terrestrisque coloris erat. Totus porro frutex planâ formâ excreverat, & in sesquicubitali latitudinem expansus erat. Omnes autem tami tanquam quibusdam tuberculis erant obsiti, sed minores longè frequentioribus & majoribus, ut tanquam flosculorum gemmis ornati viderentur, quæ trita in tenuissimum pollinem resolvebantur. Tota aliqui planta lignosa & dura erat, atque lapidi aut scopulo innata fuisse videbatur; falsi saporis, ut quæ in Oceano nata plantæ.

C. B. Plantam hanc duobus in locis, sub duobus generibus collocat: sub Corallina, & sub Fuco folliculaceo cujus speciem XVII. eam facit, titulo Ericæ similis maritimæ.

## CAP. V.

\* *Resedæ similis maritima* C. B. *Resedæ facie Planta marina* Clus. J. B.

**Clus.**  
**T**OTUS lignosus & durus erat quem descripsit Clusius hujus generis frutex, non secus ac Erica fruticans, falsâ & albâ materiâ obductus; sequepedalis altitudinis, non tamen integer, sed infima parte fractus, in 10. vel plures ramos inæqualiter & nullo ordine nascentes divisus, quorum aliqui abrupti. Qui supererant toti tecti erant exiguis quibusdam vasculis, rugosis, deorsum propendentibus, coloris ex albo cineracei, Resedæ vasculis, quæ semina jam matura continent, non valdè dissimilibus, longè tamen minoribus, & infima parte ut plurimum confixis ipsis ramulis, quæ vacua & valdè fragilia, ut quæ digitis attrita facillimè in pulverem resolvebantur, falsi admodum saporis.

De loco natali nihil potuit intelligere.

## CAP. VI.

\* *Hippuris saxeæ* Clus. J. B. *Equiseto similis saxeæ* C. B.

**Clus.**  
**T**OTA quam vidit Clusius Planta in unam partem inclinabat, ut pleraque Pelagicæ Plantæ solent, & prorsus saxeæ apparebat, in imo mari scopulo aliquo, ut videbatur, adnata, cujus fragmentum infima parte adhuc retinebat. Ex Orientali Oceano allata ferebatur, eratque 20. uncias longa, & in multos graciles ramos divisa, ac frequentibus nodis & articulis distincta.



æta. Candicabat porro tota, singulique articuli striati & veluti canaliculati erant, ad singula vero genicula sive nodos graciliores, & fusci, splendentis tamen coloris, ut etiam singuli articuli (qui interdum uncialis longitudinis, magna vero ex parte semunciales aut breviores erant) fusco aliquo glutine connexi viderentur. Interior autem plantæ pars lignosa erat, quemadmodum ex abruptis quibusdam particulis conspiciere licebat.

## CAP. VII.

\* *Coralloides granulosa alba* J. B.

<sup>J. B.</sup>  
**H**ujus portio ex magnò ramo decerpta, cervini cornu instar plures ramos de se mittebat, modicè recurvos, sursumque spectantes. Tota planta albo granulosoque cortice obducta erat ac si saccharo incrustata esset. Interior ejus substantia, cui crusta hæc granulosa adhzerebat, nigra erat duraque.

## CAP. VIII.

\* *Salix marina* J. B. Park. *maritima* C. B.

<sup>Lyd.</sup>  
**R**ami multi, ex glauco nonnihil rubentes, in aqua natant, foliis comantes longis, Salici similibus, maxima ex parte per oras non incisæ, quibusdam velut incisuras nonnullas ostendentibus, gustu salis. Inter ramulos virgulæ surriguntur, florem Salicis sustinenti surculo haud absimiles, apicibus plurimis veluti squamatis compactis, non aliâ formâ quàm quæ spectatur in *Salice*, dum hæc tunc toto florem parturit.  
Testis ostreorum & saxis quæ sub aqua marina sunt innascitur & sic adhzret, ut iis agglutinata, non radice defixa videatur.

## CAP. IX.

\* *Corallina plumata* sive *Myriophyllum pelagium* Cortusi Clusio Park. *Myriophyllum pelagium* J. B. *Muscus maritimus filicis folio* C. B.

<sup>Clus.</sup>  
**Q**uamvis ex ejus pictura (inquit Clusius) quam misit Cortusius conicere licebat, fuerat hæc planta cubitalis altitudinis, caule recto, satis tamen gracili, prædita, in plures ramos, seu potiùs, ut Pliniano utar verbo, ramulosa folia diviso, foliorum Filicis penè forma & effigie, sed longè tenuiora, nutantia instar ramorum Palmæ, colore pallescens. Summus caulis minoribus foliis obfusus, definebat in nucas quasdam velut in caput congestas, quæ nullum aliud semen continere deprehense sunt, quàm tenellas plantulas jam formatas, matri facie similes, quæ cadentes infimum mare petunt, deinde crescunt & in eandem magnitudinem evadunt quàm matres obtinent. Ipse caulis quamplurimis tenuissimis & plus quam capillaceis fibris tanquam radice nectitur, non super saxis aut Ostreorum testis, ut pleræque aliæ pelagicæ plantæ, sed super arena aut luto in imo mari sito. Fragilis est caulis non mirus quàm vitrum aut *Corallina* dum siccus est; at viridis & terræ adhuc inhxrens lentus est & flexibilis instar Sparti.

Nascitur in altissimis gurgicibus maris Illyrici. Tota planta etiam exsiccata falsedinem suam retinet.

## CAP. X.

**A** *Fruticulus marinus cauliculis crassiusculis teretibus rigidis, pennatus.*

**C**aulis hujus seu scapus palmaris, crassiusculus rigidus: ab imo ad summum ramulos hinc inde pennarum pinnulas è scapo exeuntes situ suo imitantes emittit.  
Communicavit D. Newton.

## SECTIO TERTIA.

## De Plantis Submarinis consistentia mollioris &amp; herbacea.

## CAP. I.

De Fucō marino seu Alga marina minore, foliis divisione sua dichotomiam plerunque observantibus.

**F**ucus propria & primaria sua significatione herbam marinam deporat, cujus ad tingendum usus est. Quod & Servius testatur cum ait, *Fucus herbarum genus quod vestes tinguntur*: & Acro quoque in 2. Sat. lib. 2. cum scribit, *Fucum esse genus herbarum marinarum unde lana inficitur*, & adfert illud Horatii ex Od. 5. lib. 3. *Neque amissos colores Lana refert medicata fucō*. Hinc & pro colore ipso accipitur, & generatim pro quavis tinctura. A Botanicis autem extenditur ad omne genus Algæ marinæ significandum, quamvis ad tingendum utilis non sit, ob similitudinem nimirum & convenientiam in notis genericis. Quamvis autem Plinius neget Linguam Latinam habere nomen, quo Græcum *φύκος* exprimat; [itaque etsi ipse Algam maris vocat, tamen existimavit non satis esse id nomen accommodum] nihil tamen causæ est, cur putemus non posse transferri *fucum*. Nam & ipse Plinius lib. 25. cap. 10. ait, *Phycos thalassion*, id est, *Fucus marinus*: inque indice lib. 1. ait, *Phycos tria genera, quod Fucus marinus*: Et ratio favet, quoniam enim usæ mulieres ad conciliandum ori ruborem, ut Lucianus in Amoribus, alique plurimi auctores tradunt. At Latinorum fucus ad eundem usum adhibebatur, ut unicuique notum. Et Plinius capite antecitato scribit, *φύκος* circa Cretam nato in petris purpuras quoque inficiunt. Unde cognoscitur, quis color fuerit fuci, nempe rutilans & quodammodo puniceus. *Hæc omnia Vossius in Etymolog.* Cum autem mulieres genis fucō tinctis pulchriores viderentur quam essent, & falso colore viros fallerent, hinc *fucum* facere est falsâ & simulata specie alicui imponere, decipere: & *fucus* in genere pro quovis pigmento accipitur.

Hoc autem capite comprehendimus herbas marinas foliaceas minores, quarum folia divisione sua dichotomiam plerunque observant. Quibus etiam subjungimus alias Musco, Licheni, Conferæ affines, necnon Spongas & Alcyonia.

Caterum Fucus omnis sive Alga marina ipsa per se, ut est à mari advecta, pro pinguissimo latamine habetur, non secus ac Marga, estque in frequenti usu apud Scotos maris accolæ ad agros emaciatos reficiendos; ut ipsi observavimus cum per Scotiam iter faceremus: Nec apud Scotos tantum sed & apud Narbonenses Gallos: ut [circa Vicum oppidulum in valle Frontiniana] observavit & nos monuit D. Martinus Lister, cum Monspelii commorabatur.

- A. 1. *Fucus maritimus* vel *Quercus maritima vesiculas habens* C. B. *Quercus marina* Clus. Ger. Park. *Fucus sive Alga marina latifolia vulgarissima*. The most common broad-leaved Sea-wrack.

Clus.

Nascitur hæc planta in scopulis qui mari alluuntur, aut marinâ aquâ operiuntur, sine radicibus, sed oblongis latisque foliis, adeo mollibus ut cum æstus recessit nullo modo sustinere se queant, sed strata in saxis atque diffusa conspiciantur: multifida verò sunt hæc folia, & secundum alarum exortus atque cavitates bullas quasdam seu vesiculas aquâ plenas eminentes habent; eorum verò extrema in folliculos pariter intumescunt, Clusio in quoddam veluti rudimentum, exigui Cucumeris desinunt, subflavescens, aquâ plenum: Atra viriditate prædita sunt quamdiu sub aquâ latent, aut recentè à marinis undis ejecta, siccata autem nigrescunt & glutinis instar splendunt. Nullis radicibus firmanantur, sed Lepadum modo saxi aut Ostreorum testis inhaerent.

Hæc planta adeo lubrica est, ut saxi quibus innascitur sine lapsus periculo inambulare aut insistere nequeas. Vesiculæ autem non semper aquâ repletæ sunt, sed aërè interdum aut flatu, adeo ut pedibus pressæ non sine crepitu rumpantur.

Hujus speciem minorem, aliâs per omnia similem, nisi quod minus profundè, & aquæ superficiei proximè nascatur, observavimus.

In saxi, rupibus, & clivis maritimis singulis æstuum accessibus aquâ inundatis & coopertis passim & abundè oritur.

- A 2. *Fucus sive Alga marina angustifolia vesiculas habens*. *Fucus maritimus nectus* C. B. *Quercus marina tertia* Ger. emac. i. e. *Fucus maritimus* 3. Dod. Belg. Long narrow leaved Sea-wrack.

Hujus flagella longiora sunt multò & angustiora quam præcedentis, frequentibus folliculis bullata, in acutos mucrones desinentia. Cum priore interdum promiscuè oritur, sæpius tamen profundius aquis inundatur, & submergitur.



- A. 3. *Fucus sive Alga latifolia major dentata. Broad-leaved Sea-wrack with indented leaves.*

Hæc vulgari latifoliae similis est, sed aliquanto major, foliis circa margines dentatis; nervo eminentiori media percurrente. In profundioribus, æstuum tamen recentibus detectis & nudis oritur. Vesiculas autem in hac specie non observavimus.

- A. 4. *Fucus tenuifolius foliis dentatis. Narrow-leaved Sea-wrack with indented leaves.*

Pedalem nonnunquam longitudinem assequitur, & in multiplices ramulos seu folia iterata divisione finditur. Sunt autem folia seu flagella plana, perangusta & vix culmum lata, per margines utrinque denticellis quibusdam longiusculis, seu spinulis, lursum spectantibus tricola. In litore Cornubienfi inter alia maris rejectamenta invenimus.

- A. 5. *Fucus sive Alga membranacea purpurea parva. An Alga membranacea ceranoides C. B?*

Altitudine est palmari: foliis planis, tenuibus & membranaceis, ramosis, divisione sua plerumque dichotomiam observantibus. Per siccitatem purpureo colore tingitur, estque pellucida Pergameni ferè instar.

Frequenter à mari in litus rejicitur.

Hanc speciem in Hibernia *Delisk* vocant, & contra vermes esitant pro remedio.

Hujus varietatem à se in litore maris inventam communicavit *D. Newton*, in qua foliorum segmenta initio angusta paulatim dilatantur, deinde iterum contractiora reddita summa parte in duo cornua acuta dividebantur.

Aliam adhuc varietatem communicavit in qua extrema foliorum segmenta dilatata, in multas lacinias secta & veluti crispa sunt.

- A. 6. *Fucus sive Alga exigua dichotomos, foliorum segmentis longiusculis crassis & subrotundis. An Fucus fasciculatus Lob. Ger. Park? Fucus folliculaceus Femiculi folio longiore C. B? An Gramen aquæ innatans cum utriculis sive Faniculacea marina J. B?*

Longitudinem semipedalem vix assequitur: eodem modo quo præcedentes divisione sua dichotomiam observat. Segmenta autem longa sunt, subrotunda, in acutum desinentia, malignè viridia, per siccitatem nigra. Cithmi foliorum segmenta quadantenus referentia. Supremi ramuli ad divaricationes nonnihil sunt compressi, quod in figura Lobeliana *Fuci fasciculati*, folliculorum specie representari videtur, unde & folliculaceus C. B. denominatur.

In litus crebrò rejicitur.

- A. 7. *Alga exigua dichotomos, arenacei coloris.*

Altitudine est palmari, flagellis tenuibus teretibus, in ramulos plurimos divaricatis, divisione sua dichotomiam observantibus, colore ex cinereo flavicante qualis est arenae marinae. Nullas in hac specie vesiculas observavimus. Circa Hollandiam pagum non longe ab Harvico in litus maris rejectum invenimus.

- A. 8. *Alga marina platyceros porosa J. B. Fucus Corallio affinis, seu Porus cervinus Imperati C. B. Fucus telam lineam aut sericeam texturæ suæ emulans. Silken Wrack.*

J. B.

Ab uno principio plures exeunt rami trium quatuorve unciarum, lati atque patuli, compressi, flexiles, crustosi, pallidi, colore exalbido; cum striis obliquis quasi texturam demonstrantibus. Denique cornua lata non infeliciter emulatur; unde *manus* dici potest ex re nata.

Siccam sæpius in litora rejectam collegi, virentem seu recentem nondum videre contigit. Est autem illa linæ texturæ suæ per similis.

- A. 9. *Fucus teretifolius spongiosus parvus. Small round-leaved spongy Wrack.*

Ad palmarem altitudinem aut etiam altius excrescit, ramulis seu foliis teretibus, crassis, sordide viridibus, spongiosis, ut facile inde aquam exprimere possis, mollibus & veluti holosericeis. Eodem modo dividitur quo præcedentes.

In litus Cornubiæ æstu maris ejectum vidimus.

- A. 10. *Fucus parvus segmentis prælongis, teretibus, acutis.*

Hic vix palmaris est, ad imum quædam velut foliola habere videtur, dissecta in modum Umbelliferæ cujusdam plantæ. Scapi ad aliorum hujus capitæ Fucorum modum divisione sua dichotomiam observant, & in segmenta definunt prælonga, teretia, in acutos mucrones terminata, per siccitatem nigra. Habui à *D. Newton* in litore maris collectum.

\* II. *Alga crispata Scabiosa rubra & pallida* J. B.

J. B.

Ex foliis folia fractu contumacia nullo ordine itémque ex ramulis oriuntur. Folia quidem sunt tenuia, lucem transmittentia, uncialia & fescuncialia, culmum quædam lata, alia latiora, crispata, rubra, vel ex fusco pallida, in ramos divisa, aspera; quandoque hinc inde verrucis albis cristisque cinereis & Halcyonii, sapore prædita falso: in quibusdam adherent radices crassæ, capite villosæ, Alga radici similes, quæ an propria asserere non ausim, potius tamen contrarium censeam.

Cherlerus attulit Monspelio ex tractu Narbonensi maris Mediterranei. D. *Magnol* albam & rubram copiosè invenit versus montem Cetium cum aliis maris purgantibus.

A. 12. *Fucus longo, angusto, crassoque folio* C. B. *marinus secundus Dodonæi* Park. *Quercus marina* 2 Ger.

Figura Dodonæi, quæ habetur apud Gerardum & Parkinsonum hunc optimè representat. Flagella angusta sunt, crassa, coriacea, plana, dichotoma sæpius iteratâ divisione. Paulo supra radicem (in omnibus quas observavimus plantis) rotula latiuscula caulem velut axem ambit, quæ & in iconæ Dodonæi pingitur: quâ notâ à reliquis hujus generis facillè distinguitur. In litoribus nostris, æstu marino ejectus, frequens invenitur.

\* 13. *Rosa marina* J. B.

Patulis in orbem est ramis, palmo longioribus, *Quercus* marinæ divisurâ tenuiore, ligulis angustioribus, coloris cinericei, per extremum digitatis, crispis, asperis.

Ex plantis Valerandi habuit J. *Bauhinus*.

## C A P. II.

A. *Fucus Kali geniculato nonnihil similis, non tamen geniculatus.*

**L**ongitudinis palmaris est & interdum dodrantalis; ramulis seu flagellis foliisque teretibus, colore sordido ex viridi subluteo aut citrino. Ubi ramuli è trunco exeunt non efficiunt acutos cum eo angulos, verùm cum ramuli tum truncus ipse nonnihil reflectuntur & angulos efficiunt rotundiusculos: Ramuli aut, seu malis, folia, ubi cauli adnectuntur, minora seu graciliora sunt, unde & pediculum quendam habere videntur. Segmenta ultima seu suprema semuncialia sunt aut uncialia.

Rupibus propè oppidum *S. Ives* in Cornubia innascentem observavimus; proculdubio etiam & alibi satis frequens est.

## C A P. III.

\* 1. *Fucus folliculaceus Linariæ folio* C. B. *Lenticula marina Serapiomis & Uva marina quorundam* Lob.

Lob.

**T**Yrrheni maris & Adriatici (inquit Lobelius) indigena hæc, foliis angustis Scopariæ dictæ Oxyridis, in flexilibus loricatis petiolis, sesquipalmaribus, refertis & onustis copiosis bacis, vacuis, membranaceis, teretibus, Lenticulæ similibus & paribus; unde ei nomen.

\* 2. *Fucus folliculaceus serrato folio* C. B. *Lenticula marina serratis foliis* Lob.

Lob.

Perfimilis (inquit) & eadem præcedenti, nisi latiora & breviora, nonnihil ambitu serrata essent folia.



## CAP. IV.

\* *Fucus foliis Ericæ, Erica marina quibusdam J. B. Tamarisco similis maritima C. B.*

<sup>J. B.</sup>  
**U**T minor est quam Creminea Alga infra describenda, ita tota tenerior, ramis tenuibus, non lignosis rigidisque, non minus tamen frequentibus, imo latius divulsis & ad fœniculaceam Algam accedentibus, fibris tamen utcumque tenuioribus, inque turgidas vesiculas desinentibus. Sicca nigricat.

*D. Magnol* in scopulis montis Ceti propè Monspelium sæpissimè collegit.

*A.* Huic similem si non eundem nobis communicavit *D. Newton* in ramulos creberrimos variè divisum & subdivisum, eoque foliolis vestitos crebris, brevibus, angustis, acutis, Myricæ æmulis sed minoribus multo. Sub aquis plantam pulcherrimè virere nobis retulit inventor.

## CAP. V.

*A. Fucus angustifolius vesiculis longis siliquarum æmulis.*

**Q**uem in litus ejectum invenimus circa Hollandiam vicum non procul ab Harvico portu, 5. trans *S. Ostræ* oppidulum milliariis in *Essexia*, fœquicubitalis minimum longitudinis erat: caule & ramulis compressis, angustis, ab imo ad summum crebros surculos alternatim hinc inde emittentibus, quorum plerique abrupti erant. Surculi & flagella extrema, seu folia mavis dicere, in vesiculas oblongas, siliquarum æmulas, Araci minoris propemodum magnitudine, exterius velut nodosas, interius crebris diaphragmatis interceptas, procurrende interdum ultra siliquam folio. Per siccitatem atro colore tingitur.

Præter hinc descriptos alias Fuci parvi species nobis ostendit *D. Jac. Newton* in litoribus nostris à se collectos. 1. Unum cauliculis teretibus tenuibus longis, obiter interdum capillamenta emittentibus. 2. Alterum fruticosum per siccitatem nigricantem. 3. Tertium flagellis longis folliculaceis. 4. Quartum parvum, dichotomum, segmentis planis, compressis & latis.

## CAP. VI.

*De Fucis sive Algis tinctoriis.*

**H**os uno capite comprehendimus, quamvis fortasse genere inter se differant, eorumque nonnulli ad primum caput seu genus pertineant, quoniam facultate tinctoria conveniunt, & plerique nobis incogniti sunt.

\* 1. *Fucus sive Alga tinctoria Lugd. lentus faniculaceus, seu Coralloides lenta faniculacea J. B.*  
Botan. Monsp.

<sup>J. B.</sup>

A pede lato, quo scopulis oppressa hære solet, rami prodeunt complures, dodrantes, multipliciter divisi, lenti, flexiles, tenaces; quorum minores in minima, fœniculacea & propemodum muscosa atque capillaria crispæque segmenta secantur. Colore porro variant. Sunt enim quæ livido aut pallido ac albo; aliæ quæ fusco, subnigro aut rufo, saturatè rubro, vel purpureo, aliæ denique quæ viridi sunt colore, & hoc in eis visu jucundum, quod bicolores plerunque sunt singulæ plantæ; crassiores rami uni, tenuiores alteri, colore donati plerique transparenti. Sapor & gustus fœluginosus, pisculentus, sub dentibus nihil fabulosi exhibent, sed glutinis modo atteruntur, cui quidam rami pæne concolores visu. Qui Hepatis ventas à parenchymate separatas videntur, rem huic Coralloidi apprimè similem conspexerunt. Quædam asperantur hinc inde crustaceis tuberculis albis.

Copiosè observavit atque collegit *Cherlerus* in tractu illo Narbonensi maritimo quo *Magalonæ* Agdam tenditur. Eundem etiam sæpius vidit *D. Magnol* cum maris purgamentis ejectum.

\* 2. *Alga tinctoria J. B.*

Hanc à *Valerando Dourez* habuit *J. B.* cui inscriptum *Alga 2. ex Candia*, quæ ei non abfimilis quâ involvuntur vitra, latior, pari tenuitate & lentore, fractu contumaci, colore purpureo obscuro seu spadiceo, sapore nullo evidente, propter vetustatem fortè: chartam cui involvebatur purpureo floridiore tinxit.

H

\* 3. *Fucus*

\* 3. *Fucus marinus dictus, Roccella tinctorum* J. B. C. B.

Materies ejus colorem præbet nobilissimi purpurei: quapropter præcis fœminis tingendis genis expeditum in fucum. Fucus hic antequam in tincturam redigatur, parte interna ex rubello candicat, externa nigricat. Evocatur vividus ejus color maceratione facta in urina: sic paulatim tincturam acquirit, donec ultimo species quædam [Soda] Salis Alkali complementi loco & ut densetur addatur. Fuci in compositione ad urinam portio est quintupla plus minus pro bonitate Fuci. Maceratio uno mense completur. Salis pars duodecima additur, quod maceranti Fucq adjectam colorem pariter odoremque violæ excitat atque producit. J. B. ex Imperato lib. 27. c. 9. Roccella autem à colore rubro dicitur.

\* 4. *Fucus capillaris tinctorius* J. B.

Imperatus lib. 27. cap. 9. ex Oriente delatum scribit nomine Roccella; & excellentissimum ait ad tincturam.

\* 5. *Fucus verrucosus tinctorius* J. B. C. B.

Hic apud tinctores etiam Roccella dicitur, eodem Imperato autore, loco superius citato. Uterque J. Baubino & nobis incognitus.

## CAP. VI.

*De Fucis foliis longissimis integris & non dichotomis.*A. 1. *Fucus folio singulari longissimo, lato, in medio rugoso.*

**R**adix ei qualis Fucis phasganoidi, sed minor & tenuior, pediculus brevis, duos vel tres digitos vix excedens, tenuis etiam, & multis vicibus minor quam illius. Folium singulare indivisum, 4. & 5. nonnunquam digitos latum, ad utramque oram membranâ tenui & veluti crispâ, ceu fimbriâ ornatur, mediâ parte crassius, & crebris rugis flexuosis adeo inæquale ac si acupictum esset. Longitudo ejus ulnam & dimidiam mensuræ nostratæ interdum excedit. Versus apicem sensim angustatur.

Huic vel idem est, vel persimilis

*Fucus longissimo, latissimo, crassoque folio* C. B. prod.

Quem describit radice brevi, ex crassis fibris compositâ; ex qua pediculus crassus, rotundus semipalmaris prodit, qui in folium expanditur unum, ingentis longitudinis, pedes aliquot & ulnas excedens [rarius ex una radice duo folia ejusdem omnino formæ & longitudinis] latitudine uncias 4. superans, ejusdem ferè per totum folium principio excepto latitudinis, in medio æqualiter planum, ad utrumque verò latus parum convolutum, tortuosum & sinuosum, obscurè virens, crassum, & dum terræ adhuc affixum tactu formâ gelatinæ viscosum & madidum: quare propter nimium madorem vix asservari potest, licet sæpius Soli exponatur; nam quoties chartæ reponitur mador iste cum fœtore recrudescit, ita ut à corruptione, nonnisi post aliquot septimanas, donec planè ficcetur, servari possit.

Hic à nostro differt, quod ex una radice duo interdum folia emittat, quod in nostro nunquam observari; quodque medium folium æqualiter planum est, cum in nostro rugis inæquale sit. Johsennus Gerardus emaculator Fucum hunc C. B. cum phasganoidè (quem interdum folio simplici, interdum gemino provenire observavit) eundem specie putat, nec nos magnopere repugnamus. Noster autem, quem in litoribus Eboracensibus & Cornubiensibus copiosum observavimus, à phasganoidè dicto specie diversissimus est. Quod verò C. B. de difficili hujus plantæ exsiccatione dicit Fucis omnibus commune esse experientiâ didicimus.

\* 2. *Fucus longissimo latissimo tenuique folio* C. B.

C. B. prod.

Hic priori non multum absimilis, qui ex radicle nigra, fibrosa pediculum tenuem, triunciale emittit, qui in folium sesquicubitalis longitudinis, unciarum 5. vel 6. latitudinis, planum, per margines hinc inde convolutum absumitur, substantiæ tenuissimæ membranacæ, coloris pallidè virentis.

Hunc cum aliis Maris Mediterranei purgamentis rejectum non longè à montis Ceti radice collegit C. Baubinus. Si hic à superiore diversus sit nobis certè ignotus est, nec apud D. Magnol, in Indice plantarum circa Monspelium, ullam ejus mentionem invenio.

A. \* 3. *Fucus*



- A. 3. *Fucus alatus sive phasganoides* C. B. *An Fucus Scoticus latissimus edulis dulcis* Sibbald. in Prodr. Hist. Nat. Scot? *Broad-leaved esculent* Wack.

C. B. prod.

Hujus (inquit Cargillus qui ex Abredonia Scotiae transmisit) admiranda est forma. Saxi quæ Oceanus lambit & in æstu quoque mergit adhæret, lepadum instar, mytilis coronata: caule tereti, pennæ anserinæ magnitudine; colore quem exhibent pruna Damascena, inter rubrum & nigrum saturatum medio: At folia, quæ nonnisi caulem adultum ornant, saxo hærentia [in sicco virescunt] ad luteum magis vergunt, quæ palmæ latitudine supra radicem nascuntur plurima, ligularum instar, cartilaginea, 3, 4, 6, aut 8. uncias longa; inter quæ caulis, eoque teres, latescit, porrigiturque interdum ad ulnæ longitudinem, infirmus, ut nisi aquis innatus sustentetur, humi semper procumbat: Huic, si adultior, utrinque ala adnascitur tantæ quanta & ipse caulis est longitudinis. Ea verò tota membranea est, fibris hinc inde venosis à caule conspersa. Notandum autem membranam hanc, prout in sagittarum alis est videre, imâ parte angustiore, sensim latiore reddi, ita ut tres ab ortu pollices transversos æqualis deinceps tota existat, 1, 2, aut 3 unciarum latitudine.

Hic præsertim Septembri viget, alio anni tempore inutilis: membranæ abjiciuntur, reliquo vescuntur gravida, aliisque etiam in cibos cedit. Sapore est falso cum modica dulcedine; sitim manducantibus excitat. D. Sibbaldus instar Acetarii comedi asserit.

- A. 4. *Fucus arboreus polyschides* C. B. *maximus polyschides* Park. *phasganoides & polyschides* Ger. emac. *Sea-girdle and hangers*.

A radice fibrosa saxo alicui aut petreæ adnascente caulem emittit pedalem, cubitalem aut longiorem, teretem, caulem Angelicæ maximæ (ut rectè C. B.) crassitudine æquantem, cujus fastigium in latus cartilaginosa membranas variè dividitur, eo propè modo quo balthæi pars de qua ensis suspenditur apud Helvetios. [Suprema caulis pars in 8, 9, 10, 12 aut plura pauciorave folia longa dividitur.]

In litoribus nostris ubique ferè invenitur. Vidimus etiam rupibus singulis æstus marini accessibus aquâ operis innascentem circa Monam insulam & alibi, copiosissimè. Hæc planta est quam Lobelius in Obs. Wack Normannorum appellat, ut mihi quidem videtur. Quin & Alga Maderensis grandi folio J. B. i. e. Alga lacifolia chartæ similis, costa carens C. B. huic eadem videtur, aut penultimo in loco descriptæ.

- A. 5. *Fucus chordam referens teres, prælongus. An Fucus cævus* J. B. i. e. *Herba cæva* Imper? *Sea-Races*.

Ad duas nonnunquam ulnas seu quatuor cubitos longitudine accedit, ad radicem exilis, in medio crassior, tandem iterum in acutum tenuatus, teres, magnitudine & specie chordæ musicæ maximæ, simplex & indivisus, intus concavus, verum crebris diaphragmatis interceptus.

In litore marino ad latus Angliæ Occidentale saxi adnascentem sæpius observavimus.

- A. 6. *Alga angustifolia vitrariorum* J. B. C. B. *Alga* Ger. *Fucus marinus sive Alga marina graminea* Park. *Grass-Wack*.

J. B.

Folia longissima, cubitalia & longiora, plana, lævia, mollia, fragilia, modò alba, modò rubra vel atro-virentia, ligulas adstrictorias æmulantia; ex iis quædam sunt latiora, alia angustiora: hærent substantiæ cuidam lignosæ, nigre, umbelliferarum plantarum instar comosæ, capillamentis cinereis, quæ in fibras fatiscientia folia vetera & decidia reliquerunt.

Cæsalpinus folia initio virere, deinde cum exsiccantur albescere scribit.

Toto tractu mediterraneo ad Aquas Marianas Adriatici & Occidui maris universi pœnè litoribus nihil vilius & frequentius algæ. Lob.

Veneri hujus foliis vitrea vasa involvere & præmunire solent, alioqui hodie nullius est usus. Lob. Matth.

Graminis potiùs marini quàm Algæ species videtur, ubique fere in litoribus marinis obvia.

## C A P. VII.

- A. *Fucus maritimus Gallo-pavonis pennas referens* C. B.

C. B. prod.

**H**ic membranaceus est, sese sensim latè expandens, qui in plures lacinias, semicirculares, sibi quandoque incumbentes dividitur, per quas variz striz semicirculares variegata, diversæque latitudinis, ut in pennis Gallo-pavonis eleganti spectaculo cernuntur.

Scopulis maritimis adnascitur in Scotico, seu Britannico Oceano.

Offendit nobis banc plantam D. Stevens à se inventam propè Exoniæ Devoniz urbem. Fungo auriculari Cæsalpini similem Musco cuidam aut Licheni propius accedentem quàm Fuco. Cum ergo consistentiâ & texturâ Auriculæ marinæ & Opuntia sit, hinc illuc transferri debere putamus.

## CAP. VIII.

\* *Fucus folliculacens foliis Abrotani* C. B. *Cremenei Istriis Abrotani vel Thymi foliis* J. B. *Fucus marinus foliis Abrotani maris* Lob. *Muscus marinus Abrotanoides* Park.

*J. B.*

**F**igura ejus & facies ceu siquis arborem quandam aspiciat. Nam primum trunco est pedali, crassiusculo, tuberoso, nigro. Ab hoc supernè rami exeunt complures, pedales, breviores, in alios minores divisi, foliis vestiti Abrotani & multipliciter dissectis, quorum segmenta in oblongum intumescunt turgescuntque, colore pullo aut nigricante: plerisque cæterum locis cinerea quadam fâsagine incrustatur, alicubi etiam fungoso & spongioso tegumento. Sapor fâsuginosus sicut & odor.

Valerandus, à quo *J. B.* habuit, ex Istria detulit. Fortè hæc planta rectius Submarinis lignosis secundâ Sectione contentis annumeraretur; uti & subsequens.

## CAP. IX.

\* *Fucus fruticosus caudice verrucoso* Botan. Monsp. *Fruticosa marina planta, quibusdam Conserua lignosa* J. B.

*J. B.*

**L**Atâ basi vel radice scopulis adhæret, pedalis & cubitalis ferè ejus caudex lignosus, tortuosus, totus niger vel pullus, quasi adustus foret, rugosus, fragilis, in ramos palmares divaricatus, quos obsident undique verrucosa tubercula, modò longiora, modò breviora, ad radicis Polypodii tubercula accedentia, quæ versùs superiora Ciceris pænè magnitudine, olivari formâ, rugosa, crispa, racemorum modo coherentia, in quorum turbinato fine exeunt coliculi ramulive nigri vel rufi, inque segmenta incondita casti, subinde à medio ad summam usque denticulati; in quibusdam foliola segmentis ad Abrotanum accedunt, paulò tamen latioribus.

Planta hæc non parùm variat, ità ut quis diversas plantas suspicari posset. Quædam enim statim à radice plures stolonos producit, alias unum plerumque videtur proferre. Observantur etiam ad radicem pili quales in Algæ vitrariorum radice. Quædam tophaceis cinereis crustis obducuntur: aliis adhæret Linum capillare vel muscus tenuissimus, &c. Sapor ligno nullus insignis, nisi aliquantulum astringens cum levi fâsagine, quæ in foliis evidentior.

In litore Narbonensis maris propè Monspelim plures hujus generis plantas collegit *P. Magnol.*

## CAP. X.

A. *Fucus spongiosus nodosus* Ger. emac. *Sea ragged Staff.*

**S**ucculenta admodum & fungosa est planta, crassitie pollicari, colore obscuro fœdè flavicante, tuberculis verrucosis inæqualibus undique oblita. Propè *Margate* in insula *Thanes* Cantii invenit *Th. Johnsonus*.

## CAP. XI.

*Plantæ submarinæ Musco & Licheni affines, aliæque parvæ incertæ positionis.*

1. *Abies marina Belgica* Clus. J. B. Ger. emac. *Abies marina* Park.

*Clus.*

**H**Anc Clusius, ut & sequentem, se observasse scribit in Flandriæ ora maritima ostreorum testis & Mytilorum conchylis adnatam, quæ Abietis figuram ità referebat, ut pumila Abies videretur, ramulis ordine utrinque dispositis, fragilis, admodum pusilla, rarò palmi altitudinem excedens, ex tenuibus velut squamis contexta, nonnunquam omnino plana, alias interdum prominentibus in orbem ramulis. An huc referendum *Musci marini genus foliis pinnatis*? quæ trium unciarum est altitudine, in pulchros ramulos unciales & fescunciales fissa, vivido virore tincta, foliis pinnatim annexis ut in *Viola aquatica*, apophysis nonnullis inæqualibus.



2. *Cupressus marina* Belgica Clusii J. B. Ger. emac. *Cupressus marina* Park. An *Fucus cupressinus* Imperati? *Fucus Cupresso similis* C. B.

Clus.

Hæc cupressum adeo æmulabatur, ut Clusius satis mirari nequiret providentiæ divinæ opus & artificium, ramulis frequentibus in orbem sed nullo ordine nascentibus, & sursum spectantibus, Cupressinorum foliorum modo efformatis. Harum autem, tametsi aliquot annos inter chartas asservatarum & compressarum rami, si in vitrum aut aliud vas aquâ plenum injiciantur, statim sese explicare & in orbem diffundi seque surrigere incipiunt.

- A. 3. *Lichen marinus* Ger. *Lactuca marina* sive *Intybacea* J. B. *Fucus marinus Lactuca marina dictus* Park. *Muscus marinus Lactucæ folio* C. B.

J. B.

Maris sinubus innatantia quædam sunt folia, ab uno veluti pede prodeuntia, membranacea, lævia, & cum exsiccantur quasi papyracea, pellucida, invicem incumbentia complicataque & corrugata, colore herbido dilutoque, Lactucam aut Intybum crispam quodammodo repræsentantia, vel Rosam expansam.

Petris & Scopulis aut etiam testis in fundo maris adnascitur eodemque modo quo Lichen seu Hepatica terrestris se diffundit & expandit.

Refrigerat & astringit: commodius autem applicatur Arthritidi quàm Muscus capillaceus sive Corallina J. B.

- A. 4. *Lactuca marina tubulosa*.

Hanc in fossis palustribus majoribus & fluviis quos mare singulis accessibus æstuum influit observavimus: est autem prælonga concava seu tubulosa, velut in cellulas divisâ coli intestini evacuati æmula, eodem ferè cum præcedente colore & consistentia.

5. *Scutellaria sive Opuntia marina* J. B. *Opuntia marina* Park. *Fucus folio rotundo* C. B. *Lichen marinus rotundifolius* Ger.

J. B.

J. Bauhino descripta pede erat crassiusculo, fungoso, unciali. A quo surculi (si ita vocare fas sit) prodeunt plures ex meris foliis mutuo incubitu constantes, ita ut alterum ex alterius margine enasci videatur instar corollæ cujusdam qua preces connumerari solent: aut uti propius accedamus in re non usque adeo dissimili, sicut in Ficu Indica quam Opuntiam vocant. Surculi isti rursus in alios laterales dividuntur. Singularia porro istius concatenationis folia orbiculata sunt, utcumque latiora quàm longiora, nummi instar compressa, crassiuscula tamen, nonnihil rugosa, quæ diligentius inspecta velut ex binis membranulis compacta videntur, ac prima quidem unguis ferè latitudine, pauca quædam Lupino paullo majora, alia medio modo se habentia. Cæterum superius plerumque folium qua gibbum inferioris excipit modicè sinuatum est. In extremis quæ sunt foliola plerumque vix Lentem superant. Tota planta saluginosa est, tum sapore, tum odore.

In litore Siculo præpè promontoriolum Cerciole dictum collegimus.

6. *Auricula marina. Fungus auricularis* Cæf. J. B.

Cæf.

Foliis constat auriculæ figurâ, pluribus lineis circumductis, colore cinereo, mollibus specie Fungi, gustu mordaci. Et paulo post, eorum Fungorum figuram præ se fert qui vetustis caudicibus innascuntur lignosi: sed hoc tenue est, membranosum, molle, infernè asperum, superius læve.

In litoribus Maris Mediterranei sæpius ejectum collegimus.

7. *Palma sive Manus marina* quibusdam J. B. *Fucus aliquibus Palma marina* C. B.

J. B.

Amputatam à radio cubitoque manum affabrè exprimit; ac ex carpo crassiore [compressio tamen] albicante, angustiore in metacarpium sensim dilatatur; hinc in digitos quaternos, quinos, pluresve, ferrugineos, fungosos, rugosos, multifidos dividitur, qui rursus in minores particulas subdividuntur. Tota substantia coriacea quodammodo est & membranosa. Sapor & odor falsus.

Hanc etiam in Maris Mediterranei litora ejectum collegimus aliquoties.

- \* 8. *Alga cornu cervi divisa* J. B.

J. B.

Foliis erat membranaceis, rubentibus, duarum aut trium unciarum, cervini cornu denticulis incisa, sapore falso.

\* 9. *Palma marina quibusdam J. B.*

J. B.

Ejus ramuli erant plani, dimidiati culmi latitudine, multifidi, nigri aut cinerei, foliis amicti gracilibus, brevibus, divisurâ accedentibus ad Chondrillam, multo tamen minoribus.

\* 10. *Musci marini genus foliis pinnatis J. B.*

J. B.

Trium unciarum est altitudine, in pulchros ramulos unciales & fescunciales fissa, vivido virore tineta, foliis pinnatim annexis ut in viola aquatica, apophysibus nonnullis inæqualibus.

Alias adhuc Fuci species observavit & descripsit Ferrantes Imperatus, quas quia nobis incognitæ sunt, nec ab alio præter eum Botanico, quod sciam, descriptæ aut pictæ, lubens prætereo. Earum autem descriptiones si desideras, videri possunt apud J. B. *Hist. Plant.* lib. 39. cap. 20. Latine factæ.

\* 11. *Reticulum marinum J. B. An Rete marinum Imp. lib. 28. cap. 1.*

J. B.

Nomen ex rei ratione ascivit sic namque veluti stamine atque subregmine intertexto est, ut rete aliquo modo representare videatur. Compressu duriuscula est, neque renitens: colore subcinereo obsoleto: odore atque sapore saluginoso. Dentibus attritum cedit ob lentam & tenacem substantiam, nec facile comminuitur.

Maritimorum accola est.

\* 12. *Fuci fungiformes J. B. Fucus fungis affinis C. B.*

J. B.

Sunt de numero foliorum marinarum, folio quasi circino orbiculato, non sine impressis lineamentis, itidem in orbem contortis. Adherent rebus quibus innascuntur eâ parte quæ in vicem est centri. Accedunt colore & figura ad fungos quosdam, qui supra arbores crescunt. Majores redditi funduntur secundum lineas quæ ab ambitu vergunt ad centrum. In hoc genere altera species quæ major est, acquirit spithamæ longitudinem sive altitudinem, atque in aqua provenit minutulis nixa pedicellis. Hæc in ambitu foliorum crispatur. Minor verò duas uncias vix excedit & plana est, & sæpe alterum folium stat supra alterum. Color ut plurimum spadiceus est.

\* 13. *Muscus marinus Clus. Muscus maritimus viridis multifido folio C. B.*

Clus.

Quatuor unciarum aut paullo amplioris est longitudinis, in frequentes & latè sparsos ramos divisus, qui deinde in alios plures minores & multifidos desinunt instar foliorum Chamæmeli, vel si quæ sunt illis minora aut tenuius incisa, molles initio & flexiles, transparentes si lumini opponantur, virides infima parte, supremâ verò purpurascentes. Sed nec reficcata planta, licet asperior ficitate reddita, valde fragilis est, ut Corallina vulgò dicta, tamen si ad ejus aliquod genus quodammodo referri possit, saporem tamen valde salum retinens, & si aquæ immergatur, & aliquantulum maceretur denuò mollescens.

A. 14. *Muscus marinus rubens pennatus nostras.*

Palmaris est longitudine, in innumeros ramulos divisus & subdivisus, foliolis brevissimis pennatim dispositis, creberrimis vestitis. Color totius intense ruber aut sanguineus.

In maris litus rejectum non longè à Bervico oppido collegimus.

15. *Muscus maritimus Adianto similis alter C. B. Polypodium marinum J. B.*

Nomen obtinuit à similitudine caulis quam habet cum terrestri, qui repens hinc indè locis hæret unde prognascitur: folia quoque simili ratione modoque Polypodii quercini surriguntur, sed figurâ diffimili & ad Adianti folia accedentia. Scapus substantiâ constat lanuginosâ: Sæpius zoophytis hæret, quæ, referente Imperato, Italici Neapolitanis *Carnume* dicuntur.

A. 16. *Muscus marinus major, argutè denticulatus.*

Altitudo huic vix palmaris; color ad arenam marinam accedens. In ramulos innumeros subdividitur, qui singuli caulem ipsum magnitudine æquant, seta equinâ vix crassiores. Per totam longitudinem argutis denticellis crebris ex adverso binis serratus est. Folia communia mollia sunt & non scruposa in modum Corallinæ. In ramulis vesiculas habet pellucidas.

Fuco phaganoïdi adnatum observavi in mari Britannico.

A. 17. *Muscus marinus denticulatus minor denticulis alternis.*

Scapos plurimos è radice emittit, palmares, non ramosos nec admodum firmos, furculis creberrimis ab imo ad summum usque, nunc longioribus, nunc brevioribus prout fors fulerit, non binis ex adverso sed impari ortu, pennæ capillamenta imitantibus divisos, colore arenaceo, utrinque

datis



tatis. Denticuli autem valde acuti sunt, veluti squammula seu foliola acuta tum scapis tum ramulis utrinque adnascens, non tamen bina ex adverso, sed alterno situ.

A. 18. *Muscus marinus denticulatus procumbens caule tenuissimo, denticulis bijugis.*

Caule est tenuissimo, infirmo, sesquipalmari, ab imo statim ramoso, ramis aut filamentis capillaceis, crebris singulatim hinc inde emissis. Denticuli bini ex adverso siti sunt. Singulare est in hoc genere, quod caulibus nihil major sit summis capillamentis, quamvis tot intercedant divisiones & subdivisiones. Color aliquā ruboris tincturā diluitur, veluti sabulum.

A. 19. *Muscus pennatus ramulis & capillamentis falcatis.*

Cauliculo assurgit palmari, huc illuc undatim reflexo, ramulos crebros hinc inde emittente. Ramuli digitales capillamenta creberrima hinc inde promunt, non tamen adverso sed alterno situ pinularum plumule in modum; omnia tamen uti & ipsi ramuli sursum reflexa & velut falcata. Capillamenta autem si curiosè spectentur compressa sunt & aliquam latitudinem habent, ab uno latere trenata.

A. 20. *Muscus marinus equisetiformis non ramosus.*

Plurimi ab eadem radice exeunt scapi, intus concavi, creberrimis geniculis per totam longitudinem, brevissimis setarum velut rudimentis, in ambitu quinis, obstitis. Sunt autem scapi [quos vidimus] palmares, seta equinā crassiores.

A. 21. *Muscus marinus denticulatus denticulis bijugis unum latus spectantibus.*

Quam vidimus plantula vix palmaris erat longitudinis, cauliculo seta equinā crassitudine, hinc inde ramulos crebros alterno aut nullo ordine emittente, qui in segmenta capillaria iteratè divisa & subdivisa creberrimè utrinque denticulata finduntur. Color velut arenae marinae. Denticuli ex adverso bini versùs unam partem spectant velut duae antennae junctae.

A. 22. *Muscus Corallinae in modum articulatus ex albo rubescens.*

Palmari longitudine excrevit variè in ramulos & furculos ad tactum molles nullo ordine divisus & subdivisus.

A. 23. *Muscus capillaris ramosus, per siccitatem obscure purpurascens.*

A. 24. *Muscus marinus erectior, ramulis in innumera & tenuissima capillamenta divisis.*

A. 25. *Muscus marinus purpureus parvus, foliis oblongis Millefolii fere divisura.*

Haec tres ultimas species in maris litoribus à se collectas nobis ostendit D. Jacobus Newton. Sufficiunt eis tituli pro descriptionibus.

26. *Alga nigra capillaceo folio seu Filum marinum Germanicum C. B. prod.*

C. B. prod.

Hoc exiguo lapillo innascitur, & in plurima bicubitalia, angustissima, nigricantia, laevia, crassiuscula & firma, aliquando inter se complicata fila absumitur.

Ex mari Baltico accepit C. Bathinus.

A. 27. *Conserua palustris marina, seu Filum marinum Anglicum.*

Color huic ex albo subluteus: magnitudo fili quo vestes consui solent. Longitudo filorum singulorum si extrahantur (nam variè invicem implicata & contorta sunt) cubitalis aut amplior.

In fossis palustribus propè Camalodunum in Essexia observavimus. Alibi etiam haud dubiè consimilibus in locis reperitur.

\* 28. *Muscus marinus capillaceus Dioscoridis Donati Park.*

Corallinae similis non est, utpote minimè dura aut lapidea, sed musci terrestris aut arborei consistentiā, petris aut conchyliorum testis adnascens, mollis & herbaceus, totus ex filamentis veluti laneis albis compositus, absque ullo ramo aut pediculo, colore rubente & cinereo interdum variat, viridis non reperitur. Datur & hujus minor species petris aut lapidibus juxta mare adnascens, interdum etiam lignis, nonnunquam in litore maris inter algas & alia purgamenta ejectus reperitur, priori similis, albus sapore nonnihil falso & adstringente.

Antonius Donatus observavit in Lio Venetorum insula.

\* 29. *Muscus marinus argenteus plumiformis Donati Park.*

Rupibus maritimis, vel etiam piscium testis innascitur pulcherrimum hoc musci genus, interdum etiam inter Algas in litus ejectum reperitur. In ramulos plurimos capillares aliorum Musci generum

rum instar dividitur, plumarum particulas proxima similitudine referentes, colore argenteo adeo puro & claro, ut miraculi instar sit ullum musci marini genus vel naturâ vel arte adeo candidum reddi posse.

Cum aceto adhibitum lienem absumit, tumoresque & scrophulas illico dissolvit: urinam copiose deducendo Hydropi confert. Renes expurgat, calculos & arenulas eluens, si pulvis ejus drachmæ pondere in aqua Erysimi cum pari quantitate succi limonum mixta sumatur.

30. *Musculus marinus Venetus Costi Indici radice effigie Ponæ Park.*

Rupibus maritimis accrescit, atque undarum agitatione non raro abrupitur & in litus expellitur. Radicem nullam habet, sed totus velut ex fasciculo seu cespite virgularum festucarumve componitur. Siccus Costi Indici radicem refert, nisi quod candidior sit, humectatus denuo intumescit iterum, & in formam prædictam se explicat.

Salsus admodum est, & sale velut arena refertus.

31. *Penna marina aurea Donati Park.*

Colore aureo resplendent tum caulis tum folia; Ad Spartum Austriacum Clusii figurâ suâ proximè accedit.

Antonius Donati hunc & antepenultimam in Lio Venetorum insula observavit, descripsit & depinxit.

## CAP. XII.

### De Spongia in genere.

**Q**UÆ Latinis Spongia Græcis *σπῆγξ* dicitur: Etymologus autem sic appellari scribit, *σπῆγξ τὸ ἀσπῆν τὴν ὑγρότητα*, quod humorem attrahat & combibat. Quæ Veteres, Aristoteles & Plinius, de vita, sensu, motu & contractione spontanea, esca & alimento Spongiarum tradunt partim pro incertis & suspectis, partim pro falsis habeo. Quis enim credere potest eas conchis ac pisce ali? eo scilicet argumento, quod conchæ minutæ in eis reperiantur: quasi verò hæc animalcula non ultro irrepant in earum poros & foramina, seu ob tutelam, sive ob escam; facile enim credimus conchas marinas Spongas depasci, tantum abest ut Spongiæ conchas. Quis intellectum iis inesse putet, quia nimirum ubi avulsorem sensere contractæ multo difficilius abstrahuntur? Ego nullam ejusmodi vim eis inesse concesserim, confictam suspicor, quoniam Spongiæ compressæ & in angustum coactæ ultro resiliunt & se dilatant vi quadam elastica, quâ multa præterea inanimata pollent.

Est ergo (ut rectè Imperatus) Spongiarum natura Fungis proxima, de vegetabilium marinorum genere, quarum substantia velut ex lana compacta, fistulosa seu foraminata, & undique mucagine quadam membranæ vestita. Vivunt Spongiæ, scopulis, testaceis & arenæ radice sua affixæ. Avulsæ à sua radice repullulant & ut aliæ plantæ recrescunt. Earum proprium est, facillè constringi, & in pristinam amplitudinem dilatari: adhuc humoris esse sitibundas, quem facillè imbibant, & compressæ remittant.

1. *Spongia globosa Imper. C. B. J. B.*

*Imper.*

Neapolitanorum litorum propria est, figurâ Pomi, aliquantùm turbinatâ; substantiâ tenerâ, flexili [*arrendevole*] & Spongiarum simili, sed maximè foraminatâ hiantibus apertisque cavernis. Reperitur sanè magnitudine capitis humani aut etiam majori.

2. *Spongia compressa Imper. C. B. Spongiæ compressæ schiacciata J. B.*

*Imper.*

Figurâ sunt orbiculari, latâ, parùm crassâ, substantiâ flexuosâ & quæ facillè comprimi possit, tenaci, foraminatâ, sed exiguis poris, præ cæteris omnibus ad Spongiarum usum, ob plures condiciones requisitas quas habet, expetita. Has Spongas (si Imperato credimus) Antiqui Achilleas nominant propter earum subtilitatem firmitatēque: quapropter ad arma sustinenda corporibus equitum interponuntur, & uti motum eorum atque impulsū prohibeant. Fulciuntur pediculo instar Fungorum, quibus similitudine quadam respondent.

3. *Spongia compressa magna C. B. compressa schiacciata Oceani latissima Imper. J. B.*

*Imper.*

Et hæc Oceani Spongia propter substantiam densam atque tractabilem ad usum à Spongiis expeti solitos valet, teste Imperato. A figuræ amplitudine commendatur, quippe cujus diameter duos æquet cubitos: crassitudo duorum digitorum; figura plana, expansa atque compressa. Habet præterea foramina quædam quatuor radius stellata. Centro hærens vivit sicut cæteræ spongiæ.

4. *Spongia*



4. *Spongia bircine* Imper. C. B. J. B.

Imper.

Duræ sunt hæc, ideoque à Spongiarum bonitate degenerant, figurâ inæquali, cum eminentiis diversis cavitatibusque per quas aqua marina transmeat.

5. *Spongia velares* Imper. C. B. J. B.

Imper.

Velares dicimus quarum textura rara est. Nam ablata mucagine, quæ fibrarum vacua replet spatia, restat tantum quiddam lanuginosum filamenti instar, aut capillorum simul ligatorum. Harum ergo usus non est qualis Spongiarum.

Est & hujus species quædam, cujus processus avium pedes quodammodo repræsentat, quarum superficies asperitatibus eminentibus obsita.

Etiānum alia hujus caudæ avis similis, cujus fibræ ab ortu ad extrema usque extenduntur.

Alia quæ Cornu cervi figuram æmulatur: nam à radice assurgens in ramos unâ tantum parte, sine altero tantum latere dividitur. Hujus substantia similis est laxo alicui nec condensato filtro.

6. *Spongia infundibulum imitata* J. B. *Spongia formâ Infundibuli* C. B. *Spongia elegans* Clus.

Clus.

Quam descripsit hujus generis Clusius, inhærebat adhuc suo saxo, eique durissimo & nigro, quod duodecim libras pendebat. Ipsa autem Spongiæ forma quasi infundibulum imitabatur, aut floris imaginem repræsentabat, nam tota cava erat & infima parte, quâ saxo adhærebat, valde angusta; deinde sensim se attollens expandebatur, inæqualiter tamen, cum uno latere ad novem unciarum altitudinem duntaxat assurgeret, adverso autem ad undecim uncias pertingeret: oræ inæquales erant & sinuosæ, in interiorē partem interdum adeo reflexæ, ut foliorum formam quodammodo exprimerent: amplitudinis diameter superna parte  $1\frac{3}{4}$  erat unciarum; exteriorē parte lobum quasi foliolum adnatum habebat, interiorē verò bina foliola instar calycum formata: tota autem materiâ vulgares Spongas referebat.

7. *Spongia ramosa* C. B. *ramosa Britannica* Park. *Conserve marine* genus Lob.

Lob.

In Angliæ litore Meridiano insulæ Portlandiæ vocatæ, ex adverso Normanniæ, inter fluitantes Algas reperimus (inquit Lobelius) plantæ quoddam rudimentum, cujus si spectes & attrices stercules palmares & sesquipalmares, pustulosos, molles, flexiles, Spongiam prorsus dicas, cui etiam concolor est, & vixisse putes: sin habitum & ortum ramis brachiatis, Corallinis affiniorem dicas: unde quidam apud Plinium Plocamon Idos Corallio similem, sine foliis præsum, mutato colore in nigrum durefcente, cum cadat frangi solitum, conjectarant. Ea tamen videtur Antipathes Dioscoridis. Quam nobis communicavit D. Newton sicca vix palmaris erat, colore ex viridi cinereo, in ramulos non ita crebros, culmo crassiores, in extremo dichotomos & veluti cornutos Alga fere in modum diviso.

8. *Spongia ramosa fluviatilis* Newtoni.

Colore est per siccitatem magis cinereo quam præcedens, ramulis digitum minimum crassis, nonnullis divisione sua digitos imitantibus, aliis in extremo dichotomis & velut cornutis, aliis variè & nullo ordine divis.

In fluvio Yare observata est à D. Newton:

Spongiarum multiplex usus est: nimirum 1. ad fomenta; multo enim ductis decoctorum quibus membra fovenda sunt calorem retinent, quam panni aut linteamina: 2. Ad sanguinem aliumve liquorem imbibendam & exsiccandam, quo Anatomicis, Chirurgis, Mechanicis utiles sunt: 3. Ad ulcera cava, nondum perfecte sanata, dilatanda & quandiu opus est aperta tenenda, & ad putrida exsiccanda. Usturum cinere Veteres usi sunt ad ocularia medicamenta, & ubi quid extergere opus est. Plerique recentiores Medici iisdem Spongiæ cineribus ex vino albo propinatis utuntur in cura bronchoceles, toto unius Lunæ curriculo, certissimâ experientia. Quæritur. Multa præterea de Spongiarum viribus & usibus habent Veteres, quos consule.

## CAP. XIII.

## De Alcyonio.

**A**lcyonium Plinio lib. 32. cap. 8. fit in mari, ex nidis (ut aliqui existimant) Hælyonum & Cæcum. Quatuor ejus genera recenser: Dioscorides quinque. Veterum Alcyonium quodnam sit non certo constat. Recentiores pro Alcyonii speciebus habent corpora quædam fungiformia in mari nascentia.

\* 1. *Alcyonium*

- \* 1. *Alcyonium spongiosum* Officinarum J. B. *Alcyon. durum sive* 1. *Diosc. Imper. C. B.*

*J. B.*

Hujus frustum à se adservatum ità describit *J. B.* Duos pugnos crassitudine amplitudinèque facile æquat: Substantia, quâ superficie tenus veluti cortice obtectum est, albicat, aliàs cinerea est, nonnunquam pulla, pro temporis (ut arbitror) ratione, crustosa, tota punctis cavis notata, cavernis pluribus inæqualis. Interior facies Spongiæ similis est, sed firmior, colore pullo, tota porosa; nam acicula vel modicè pressa facile penetrat. Pondus pumicis lapidis non adæquat; odor & sapor saluginosus.

- \* 2. *Alcyonium stuposum* Imperati J. B. *stuposum vel* 4. *Diosc. Imper. C. B.*

*Imper.*

Stupis in glomerem convolutis substantiâ interiore quodammodo simile est, ad tactum molle. Invulcro tenus Alcyonio duro aliquantulum simile, concavo, calycis formam imitante; ex cujus concavo odor expirat piscosus. Et germina interdum protrudit, sicut de molli dictum.

- \* 3. *Alcyonium tuberosum* J. B. *Imp. Alc. formâ fructûs alicujus Ficks* C. B.

*Imper.*

Tuberosum est hoc Alcyonium, pediculo latiusculo, firmo, superficie tenus punctato: Substantia interior fibrosa, fibris directè è corticis cavitate porrectis, & circa media junctis, & quasi in unum convolutis. Totum candidum est, & plurimum Algæ radicibus adhaerens, figurâ tuberosâ inæquali, magnitudine interdum quantum vix ambobus brachiis amplecti liceat.

- \* 4. *Alcyonium molle* Imperati J. B. *molle vel* 4. *Diosc. Imper. C. B.*

*Imper.*

Hujus materia spongiæ similis est, ad tactum cedens, cortice obtectum è quo alia germina exeunt Juncorum specie, crassitudine calami Anserini, concava: inter quæ textura quædam tessellata, præseni filo raròque velamento obducta, conspicitur.

- \* 5. *Alcyonium monstrosus* Clus. *Exot Alc. Cervi cornua cum cranii parte referens* C. B.

*Clus.*

\*Monstrosus erat (inquit Clusius) & valdè admirabilis formæ, quia cervina cornua cum cranii cui adhaesissent parte quodammodo referebat, in varios ramos sparsa, infernâ parte densò corpore & crasso, spongiolo tamen, & retinente scopuli, cui innatum fuerat & adhaeserat fragmenta. Cornua ipsa sesquicubitalis erant longitudinis, & palmaris aut amplioris crassitudinis, in varios ramos satis crassos sparsa, cavos tamen, & spongiosâ, rudi, crassâque materiâ constantes, ac veluti reticuli instar compositas, ut lumini oppositi transparentes essent & pervii: color ad spadiceum tendens: ramulorum nonnulli singulares erant, quidam etiam gemelli, & ex parte interdum coalescentes. Sapor valdè saluus erat.

Ex America delatum erat.

- \* 6. *Alcyonium Chirothecæ facie* Clus. C. B.

*Clus.*

Quod descripsit hujus generis Clusius mirandæ etiam erat formæ, Nam chirothecam in 4. laciniis, digitalis longitudinis, easque cavas & inanes, ac veluti tuberibus cineracei coloris exteriori parte obsitas, sectam valdè referebat: interiore vero parte leviores & multis exiguis foraminibus præditas. Tota planta (si hac appellatione eam donare convenit) spongiolæ quodammodo naturæ erat, & levis admodum. Ejus sapor non valdè saluus, ut diu asservatum esse, & temporis diuturnitate falsedinem exuisse credendum esset. Scopulo aut saxo inhaesisse videbatur, nam sedes plana erat. Cum secundo autem Alcyonii genere à Dioscoride descripto nonnullam affinitatem habere videbatur.

- \* 7. *Alcyonium ingens* & 3. quod ad 5. *Diosc. referri potest* Clus. *exot. C. B.*

*Clus.*

Illo majus (inquit Clusius) videre non memini: Crassitudine porro longitudinem valdè superabat: Nam cum 8½ duntaxat uncias longum esset, crassitudo in medio corpore 16 uncias ambitu continebat, in extremis autem partibus parie 12. Ipsa enim forma prorsus inæqualis erat, modò in dorsum assurgens, modò in multas lacunas depressa: totum autem Alcyonii corpus cineracei coloris crustâ teetum erat: interna pars fungosâ sive spongiosâ quadam materiâ constabat, & frequentibus lacunis erat prædita, salique admodum saporis, & acrimoniæ etiam particeps: nam illius supra candens ferrum resiccata pulverem, si cuti adfricaretur, non modò magnum pruritus excitare, sed etiam valdè mordicare & urere experiebar, non secus quàm aliorum Alcyonii generum.



8. *Alcyonium XII. sive Bursa marina* C. B. *Algæ pomum Monspelienſium* J. B.

J. B.

Pilæ palmariz ſimile eſt, modò majus modò minus: turgēt & plenum eſt aquæ, colore Spongiæ, vel fungorum Juglandium, qui in ſicco in album mutatur. Comprimitur etiam inſtar orbis, habetque umbilicum, & juxta illum nonnunquam pilos ſimiles Algæ pilis. Quod nos in Siciliæ inſule liſoribus invenimus, colore erat viridi, & propius accedebat ad Burſæ marinæ Cæſalp. deſcriptionem; erat enim intus concavum, ex muſcoſa ſeu ſpongioſa ſcilicet capillari ſubſtantiâ conſtans, & oſtium habebat rotundum quâ lapidibus adhærebat.

Arantium marinum Imper. nobis huic idem videtur: qua in ſententia D. Magnol nos confirmavit, cùm Burſam marinam Monspelienſium vulgo *Iranges de mar*, appellatam ſcribat. Ind. Plant. Monspel.

\* 9. *Alcyonium ſtuppoſum, rubrum perforatum* Pauli Boccone Epist.

Boccon.

Radicem habet Fungorum campeſtrium [ *Champignons* ] ſimilem. Caulem nunc unicum edit, [ interdum tres quatuorve ] non ramoſum, rectum, craſſitie pollicari, ſemipedali longitudine: Totâ ejus ſuperficies eroſa eſt & foraminulenta, unoquoque foramine oblongo, abſque ullo vel radiorum vel fiſſurarum ſigno aut veſtigio. Leve admodum eſt: materia ex qua componitur albicans, poroſa, in fibras parvas ordinatas diviſa, paleis illis ſimiles quæ à Carinabe decidunt, aut à Lino, dum ab operariis contunditur, ut à quiſquilis repurgetur. Verùm ſi microſcopio obſerves has ipſas partes in medio ſitas, videbis fibras dictas ſimiles fruſtulis glaciæ oblongis quæ componuntur ex membranulis albis & lucentibus. Alcyonium iſthoc tranſverſim perpendiculariter ſectum in medio maculam oſtendit coloris roſei quæ à radice ad ſummum caulem extenditur, eſtque valdè diverſa, à fibris & à materia albicante, quæ totum reliquum corpus Alcyonii componit. Hæc autem materia albicans & ſtuppoſa tranſverſim ſecta parvis arenæ granis repleta cernitur. Ut foraminum in ſuperficie apparentium cauſam investigarem ea quàm potui diligenter diſſecui & aperui, & in unoquoque foramine inveni folliculum infecti cujuſdam exuviis ſimilem inter duas fibras firmatum, veſiculæ parvæ æmulum. Folliculus iſthic flavus eſt, è pluribus membranulis valdè tenellis compoſitus & interdum membrana intermedia diviſa in duas cellulas: unde minimè dubium puto foramina iſta ſuperficialia ab infectis eroſa eſſe. Verùm cur Infecta hæc in exteriori tantum & ſuperficiali Alcyonii parte nidulentur, in interiorem autem & medullarem non penetrent, difficilis quæſtio eſt. Reliqua vide apud Autorem.

Pilam marinam cum Imperato de numero Vegetabilium eſſe negamus, quòd ſit è minutulis paleis atque pilis congeſtus globus, ſeu à volutione ab aqua marina factus, ut ille vult, ſeu in piſcium ventriculis conglomeratus. Innumera autem in litus Maris Mediterraneæ reſciuntur.

Ex quo hæc ſcripſi invenio in Ephemerid. Germanicar. An. undecimo, Obſerv. XIV. Novam ſententiam D. Lucæ Schroëckii de his corporibus, nimirum Arundinis eſſe progeniem, & quidem foliorum ejusdem. Cujus rei fidem ei fecerunt pilæ ejusmodi quamplurimæ, ad eum allatæ, quæ intus plantam ipſam tanquam circumvolutionis principium & fundamentum continuerunt. Reliqua vide loco citato.

Veſicaria marina J. B. Pila marina ex ampullis conſtans ad Spumæ ſimilitudinem C. B. Item Veſicaria marina nigra, Favago Ariſtotelis quorundam J. B. Oſtrearum aliorumve teſtaceorum & fortè etiam Mollium fœtura nobis videntur, ideòque hujus loci non ſunt.

# LIBRI SECUNDI

## PARS SECUNDA.

### De Fungis.

#### De Fungis in genere.

**C**UM in universo Corporum naturalium, vitâ saltem præditorum, cœtu, & singulis eorum classibus, quò perfectiora quæque sunt, eò pauciora eorum genera reperiantur, quò imperfectiora eò numerosiora, hõrum multitudine illõrum pretium pensante; ut Vegetabilia & Animalia inter se, & in genere Animalium *Quadrupeda, Aves, Pisces, Insecta*, in genere Vegetabilium *Arbores & Herbas* conferenti patebit; Fungorum genus, ut maxime imperfectum, ita numerosissimas omnium species sub se complecti deprehendetur. Quibus omnibus exquirendis & describendis cum ego nec vacem, nec sufficiam, ab Historia plantarum aggreddi nonnihil deterreor nè scilicet infausto omine in ipso statim operis limine impingere videar. Verùm cum mecum reputem accuratam harum recensionem & enarrationem, vel omnino supervacuum, vel curiosiorem quàm sit utilis plerisque Lectoribus visum iri, me ob paucas ex propria observatione jam descriptis additas multorum potius reprehensionem incursum vereor, quàm ut omissarum veniam ab iisdem facillè impetraturum dubitem. Iis tamen qui ingenio polent, & otio abundant, latissimus aperitur campus, in quo se cum fructu exercent, & bonas horas bene collocent, in tot nimirum specierum nondum traditarum historia concinnanda, atque adeò Divini opificis in iis magno miraculo absque seminio producendis infinita potentia celebranda. Absque seminio, inquam, quamvis unica tam in his, quàm in Submarinis, species contrario exemplo semen manifestum ostentans huic sententiæ refragetur; nõsque suspensos reddat & dubios, annon & reliquæ quoque seminiferæ sint, quanvis semen in iis necdum compertum fuerit: Nec enim verisimile est has solas species à reliquarum omnium norma & analogia abluere. Verùm de Fungorum ortu pluribus superius egimus.

Fungus nonnullis à *Funere*, vel à *Funus* & *ago*, vel à *Fungor* dictus videtur, quia veneno suo ad Funus vescentes deducit. Quicquid sit de Etymò, Fungus certè hoc nomine non immerito male audit, ut qui avidè deglutientibus non rarò funestus & exitialis fuerit. Nam ut eos præteream fungos qui se noxios fatentur, & habitu ipso malitiam produnt: Alii non pauci maligni cum sint salubres simulant, adeoque incautos persæpe fallunt, & ad se colligendum invitant. Unde de oblatorum salubritate securos nos esse non sinunt colligentium vel imperitia, vel incuria, vel fortè etiam malitia. Quin & salubres & esculenti habiti vitium facillè contrahunt, vel ex genio loci ubi nascuntur, vel ex natura succi quem combibunt, vel ex putridorum aut venenatorum vicinia & afflatu. Quòd si nihil horum sit, consentientibus Dioscoride & Galeno vel optimi largius sumpti lædunt, ut qui prævum succum generent, agrè concoquantur, strangulent, & bilis furlum ac deorsum eruptionem inducant. Recentiores etiam nonnulli Fungos in universum omnes in cibis damnant, & mensis abdicant. Præ aliis \* Athanasius Kircherus his verbis, *Fungus qualiscunque sit semper malignus est, semper exitialis qualitatibus instructus: etsi non statim sentiat, frequenter tamen comesus nescio quid successu temporis occultæ machinationis interiore viscerum administratione molitur.*

Apagete ergo perniciofa isthæc gulæ blandimenta. *Quæ tanta* (ut cum Plinio loquar) *voluptas ancipitis cibi?* An usque adeò vitæ tædet, ut eam tam vili offâ permutemus, mortemque semper in procinctu stantem ultro sollicitemus.

Nobis præcipuè Septentrionalis regionis incolis cavendus est Fungorum esus: nec enim ob defectum caloris & humoris abundantiam in his oris probè concoqui & (ut ita dicam) maturefcere possunt. Ex *At. Medic. Thomæ Bartholini An. 1673. Obs. 116.* historiolum in hanc rem sequentem ad me transmisit Eruditissimus simul & ingeniosissimus Vir *D. Tancredus Robinsonus*, Amicus noster imprimis charus, qui & aliis multis Observationibus, partim propriis, partim è probatissimis Autoribus collectis Historiam nostram locupletavit. Ex *Observ. D. Cass. Collicien*, Fungi non ubique innoxie eduntur. In patria mea Silesia (inquit) in tanta copia crescunt, ut non tantum recentes, sed etiam furno exsiccati, rusticis per hyemem gratum præbeant edulium: Hic verò in Dania, ubi rariores sunt, magis sunt exitiosi: id quod accidit Hafniæ civi, qui in Gallia illos sæpe innoxie comederat; hic verò coctos & more solito præparatos cum devorasset in cœna, hora noctis duodecima Apoplexiâ corripitur: Sanguis enim torpidior reddebatur, & spirituum motus impediti erant à narcotica vi Fungorum. At verò potuit fortasse civis ille per errorem Fungos noxios pro esculentis colligere & vorare.

Verùm quamvis eos in cibis improbamus, aliis tamen usibus inservire possunt, vel in medicina, vel in operibus mechanicis.

Fungi nihil ferè habent commune cum plantis perfectioribus. Nec enim color iis herbaceus, nec textura analoga, neque flos ullus semenve, quod hætenus nobis certò constat, aut folium propriè

\* Lib. de Peste.



proprie dictum. Brevissimo temporis spatio plerique oriuntur, & brevis pariter avi sunt. A ligno plerumque aut ejus frustulis elewantur. \* Sennertus probabile esse existimat, Fungos omnes in plantis & è plantis provenire & nasci; cujus sententia & nobis etiam probatur. Clarissimi Viri D.D. *Malpighius* & *Sbarrocius* Fungos ex fungis frustulatis discepsis & disseminatis pullulare (ut vulgo etiam credum est) opinantur. Etenim contentus in utriculis transversalibus adhuc succus (verba sunt *Malpighii*) superveniente exteriori humiditate fermentatur, & extra turgendo quasi netur. Effluvia namque pilorum instar concreta contextum probabiliter efficiunt; unde ultiori subsequente fermentatione & quasi vegetatione, (urgente exterioris aeris elastica vi) congesta sursum in caulem eriguntur, & deficiente vi effluviarum prementæque aeris gravitate quasi reflexa in capitulum desinunt.

Ex quo hæc scripsi monuit me mox laudatus D. *Tancr. Robinson* in *Ephem. German.* An. 6. & 7. Obs. 174. proditum, observasse nescio quos, Fungorum plurimos è terra erumpentes semen habere, si curiosè examinentur, formâ quamvis minori *Alceæ Egyptiacæ* semen ferè exprimente. At cur non addunt quibus Fungis, cui parti accrescant; an nuda, an vasculis inclusa, aliâque circumstantias? Cur rem tanti momenti, quæ hætenus Botanicorum omnium industriam eludit tam negligenter & perfunctoriè tradunt?

Nos in hoc libro Fungos in duo genera dividemus, Primum erit Terrestrium. Secundum Arborum caudicibus aut ramis innascentium. Arborum intellige non dejectarum & in terra jacentium, sed adhuc stantium. Alias enim Fungi plerique (ut diximus) Arborum ligno putrescenti originem suam debent, qui tamen humoris nutriti maximam partem è terra combibunt.

Fungos terrestres dividimus in lamellatos & lamellis carentes. Lamellati omnes pileati sunt. Lamellati carentes sunt vel pileati, vel absque pileis. Utrique autem tam lamellati quam non lamellati, vel esculenti sunt, vel noxii. Arbori variarum formarum & generum sunt. Hunc ergo tractatum, qui est de Fungis, in quatuor Sectiones dividemus.

Prima erit de Fungis terrestribus lamellatis, qui simul & pileati sunt, cujus duo membra, Primum de Esculentis, Secundum de noxiis.

Secunda erit de Fungis terrestribus, lamellis carentibus, sive pileati sunt, sive minis.

Tertia de Fungis arboreis cujusunque sunt generis.

Quarta & ultima, quæ unico capite absolvitur, de Fungis subterraneis *Tuberibus* dictis, qui tamen terrestribus non lamellatis potuissent adjungi.

## SECTIO PRIMA.

### De Fungis terrestribus pileatis simul & lamellatis.

## MEMBRUM PRIMUM.

### De Fungis terrestribus lamellatis esculentis.

#### CAP. I.

\* *Fungus candidus regius odoratissimus* J. B. *candidus odoratissimus orbe magno* C. B.

**P**orta villæ lib. 10. cap. 70. autor est hunc fungum, Antiquis indictum, esse candidum, odoratissimum, orbem vix utrâque manu diductis pollice & indice cingi posse, tam esui suavem ut crudus edatur, præberi ægris innoxie: incolæ *Richione* vocare, quasi magnum Fungorum regem dicas: Autumnalem esse.

#### CAP. II.

\* *Fung. esculentorum* 21. genus Clus. An *Gallinaccia Neapolitanis dicta* Portæ? max. *Ungaricus*, multis laciniis squammatim incumbens C. B.

**T**antâ nonnunquam amplitudine excrescere audivit Clusius ut bigam faciliè impleret, & monstrum verius Fungi quam Fungus censi possit. Verùm quos in *Ungaria* observavit multò minores erant: pediculo sesquipalmari aut ampliore, semipedalis altitudinis; corpore in longitudinem & latitudinem diffuso bipedalem aut majorem, multis valde amplis & laciniatis

laciniatis foliis squamatum vel imbricatum sibi invicem incumbentibus confans; quorum etiam nonnulli Quercus fuaosa folia unirentur, coloris ex rufo nigricantis, vel ex albo nigri, aut multis maculis nigris, in albo conspersis notati.

Suspiciatur Clusius quinti generis à se descripti fungos esse hujus generis nondum adultas species. Fungus autem quintus Clus. Fungus angulosus pediculo exiguo nobis cum C. B. dicitur.

## CAP. III.

\* Fungus bulbosus fuscus duplici pileolo C. B. Fun. Quercinus Diplacoides Col.

Col.

**O**ctobris initio Campoclari in Quercetis humentibus post pluvias hunc observavit F. Columna.

Totus albus est præter pilei superficiem, quæ fusco colore Castaneæ operitur, verum crescente intus carne dirumpitur, ut in coriis depictis evenit, deinde vi extensis; & maculosa videtur: interna pilei pars pectinatum à centro ad circumferentiam deductas lamellas obinet, ut in aliis. In medio verò petiolo, aut circa summum, labrum inest, circa extremas oras fusco colore coriaceum, asperum limbum habens, ut duplici folia circa genicula harentia, cava, unde nomen imposuimus Diplacoidis. Petiolus intus cavus est, in imo crasselescens, & extirpatus veluti capitatus bulbus apparet, in quo fibræ harent alimentum e terra attrahentes, & pars terræ harentis nigrescens parum & inæqualis invenitur. Siccatus servatur, nec putrescit: quod innoxium signum esse censetur fungi.

## CAP. IV.

Fungi verni, Mouceron diffi, odori & esculenti J. B. An Fungus minimus odoratus, capitulo donatus cinereus C. B? Prunuli Cæf.

J. B.

**F**ungi genus illud, quod quia sub Musco communiter proveniat, ac sub eo latet Galli Mousseron dicunt, magno in pretio est, mensisque laudibus expectum. Hi primulum erumpentes pediculis brevibus fibras deorsum agentibus capitula sustinent Piso magno aequalia; duodecuplo majorem molem [ nisi avellerentur ] assecuturi. Sed pediculus ipse teres, & in imo crispus vel rugosus, ex terra non multum emargit. Capitula clausa sunt, rotundique in summo, subtus verò, quæ instar tentorii reflexi, rimosis à centro ad circumferentiam striis donati: ubi penitus excreverunt campestrium Fungorum instar expanduntur. Totâ verò substantiâ intus forisque candidi, gustûs gratissimi, odorisque grati.

Primo Vere sub Martii finem & Aprilis initium prorumpunt locis apricis, nemoribusque inter spinas: Montbelgardi potissimum & per Comitatum Burgundicum, finitimaque oras nullo non ferè observavimus Vere, inquit J. B. Sunt autem & in Gallia frequentissimi; ubi diligenter repurgatos, lotos, & in jure ex Vino, Agresta, Aceto, Cepis, Sale, Aromatis, Aurantiis, Citriis, cum herbarum odoratarum aut Lauri tantillo parato decoquunt, coctos eximunt, & cremori lactis dulci, addito juris in quo cocti sunt tantillo, immittunt.

Nos in Angliâ nomen hoc Mousseron, nonnihil tamen detortum & in Moushrome mutatum, omnibus in genere Fungis accommodamus: quod huic, ut videtur, principem olim inter Fungos locum dedimus.

Funguli incarnati coloris miniati, musco innati Mentzel. hujus generis esse videntur.

## CAP. V.

\* Fungi D. Georgii coloris exalbidi cum pauca flavitie, esculenti, pratenses J. B. orbiculatus exalbidi pratensis C. B. Fungi esculenti 3. genus Clus.

Clus.

**P**arva Fungi species est, duarum unciarum amplitudinem vix æquans, orbiculari ferè formâ, supernè quidem aliquantulum extuberante, & quodammodo pulvinatâ, infernè verò concameratâ, & quibusdam veluti venis distinctâ, pediculo crasso, brevique coloris exalbidi, cui flavi quidpiam admixtum est.

In ficcioribus atque pascuis pratis circa diem S. Georgii, i. e. 23. Aprilis invenitur.

Aliorum Fungorum modo præparandus est (inquit Clusius) qui repurgati ut plurimum elixari solent, & in frustra concidi, quæ inter binas lances reposita, inperso oleo oliyarum vel butyro, & pipere addito, super prunas coquuntur: aut cum larido injicitur jusculum ex lactis cum more paratum.



## CAP. VI.

- A. *Fungus campestris*, albus supernè, infernè rubens J. B. *esculentus* 12. sive pileolo lato & rotundo livido C. B. *esculentus* 12. Park. The most common esculent Mushrome or Champignon.

F. B.

**F**ungi hi, quos à natalitio solo campestri *Champignons* appellant Galli, primo pullulatu globosi sunt, postmodum paullatim explicati membranulas infra ostentant rubentes, confertas: superius inoffenso lavore æquabiles & albi, materiâ intus candidissimâ, pediculis brevibus, crassis. Saporis & odoris sunt boni primum è terra erumpentes; ideòque antequam explicantur colligendos monent; nam vetustate vitium contrahunt & noxii fiunt, gravem odorem contrahentes & fuscum colorem, ut rectè Lobelius. Sunt autem è Fungorum majorum numero.

In pascuis sterilibus media æstate passim proveniunt apud nos, in calidioribus fortè maturius. Post pluvias potissimum exeunt.

*Boletis* (inquit F. B.) membranulas lividi coloris, antequam in cibos veniant, detrahare oportet, ac tum demum ipsos aquâ bullire, butyròque & aromatibus condire convenit.

Hunc ad Fungi esculenti nonum genus Clusii referri posse putat C. Baubinus: cujus idcirco descriptionem hic proximè subjiciemus, ut Lector commodius ea invicem conferat.

## CAP. VII.

\* *Fungi pileolo lato & rotundo* C. B. *Fungi esculenti nonum genus* Clus. Germanis *Äremling*.

**I**n hoc genere quatuor differentias observavit & descripsit Clusius. 1. Prior species Secundo generi valde abfimilis non est; nam circinatæ ferè in plano est rotunditatis, unciam aut bing magna, supina parte pulvinata & candicans, infernè autem magis est fusca, & evidentioribus striis donatâ quàm secundum genus.

2. Ad quinti generis primam speciem plurimum accedit altera species: etenim angulosa est, sed amplior, ut quàm uncias quatuor, aut plures æquare existimem, supernè etiam albicans, non ut illa fusca: infernè verò non lavis & glabra instar illius, aut alba, sed crassis striis ab umbilico sive pediculo in oras ductis insignita.

3. Tertia magnam affinitatem habet cum octavi generis altera specie: quia ferè orbiculata est, & æqualis pene magnitudinis: supernè tamen in albedine magis fusca est; infernè illi non dissimilis, nisi quòd ejus striæ crassiores sunt, & pediculus illum sustinens crassior, brevior atque magis nigricans.

4. Sola magnitudine ab octavi generis tertia specie differt hujus quarta species: Illa enim amplior est, hæc minor, utraque autem circinatæ ferè in plano rotunditatis; illa supernè rubescens, hæc multò magis rufescens, eamque ob causam Germanis *Äotte Äremling* dicta; graciliore illa pediculo subnixa, hæc crassiore & magis albo, ut etiam inferna hujus pars candidior est quàm illa, & minùs evidentibus striis exarata.

Nascuntur autem omnes eodem quo octavi generis species tempore, atque in caduis plurimum sylvis, quemadmodum & illæ. Nec locus, nec descriptiones horum, me iudice, bene conveniunt campestribus Fungis: Fortè nomen Germanicum illis convenit. Clusius Fungorum esculentorum octavum genus Gallis *Champignons* dici asserit: & reverà in primæ & secundæ hujus generis speciei descriptionibus nihil est quod contradicat, atque idcirco mihi planè persuadeo rem ita se habere. Eorum tamen descriptiones subjiciendas duxi, nè Lectori imposuisse videar.

*Fungus pileolo lato orbiculari candicante* C. B. *Fung. esculent. octavum genus* Clus. Germanis *Ästerling*, Gallis *Champignon* & *Potiron*.

Hujus tres species facit Clusius: prima & secunda sola magnitudine differunt.

1. *Prima* duas ferè uncias lata est, planæ sed orbiculatæ figuræ, supernè tamen quodammodo pulvinata & candicans, infernè veluti camerata & convexa, striis quibusdam à crasso pediculo in oras ductis distincta.

2. *Alter* huic prorsus similis, sed amplioris magnitudinis, ut quæ 4 aut plures uncias æquet, ejusdem cum prima figuræ, sed crassiore pediculo subnixa, supernè albâ cute, cui inspersæ aliquot maculæ fuscae & flavescentes, infernè flavescentes aliquantulum, & magis conspicuis striis à pediculo in extremas oras productis exarata.

3. *Tertia* adhuc amplior est Secundæ specie, & magis circinatæ rotunditatis, longiore gracilioreque subnixa pediculo, & colore superna & inferna parte ex fusco subrubente, non minùs evidentibus & conspicuis striis à pediculo in orbem diffusis inferius distincta quàm Secunda species.

Omnes autem species ut plurimum in caduis sylvis nascuntur circiter Pentecosten, h. e. sub extremum Maium aut Junii initium.

Priores duæ species palato gratæ esse feruntur: Tertiam edunt etiam nonnulli sed per pauci.

C. Bauhinus Fungorum tertium genus Tragi [qui J. B. Fungus piperatus lacteo succo turgens] huic synonymum facit : Fortè quia Clusius hunc Germanis *Pifferling* dictum scribit. C. Bauhinum reprehendit Chabræus, quia Clusius Fungum hunc amarum esse innuit, Tragus autem suum Piperei saporis facit. Jam verò (inquit) quantum inter saporem amarum & acrem seu ferventem intercedat, vel Fungus judicet. Quicquid autem sit de nomine (quo in universum omnia pene Fungorum genera donant) nullius acrimoniæ seu fervidi saporis in descriptione meminit Clusius; sed priores duas species palato gratas esse scribit.

## CAP. VIII.

\* *Fungi punicei, lacte dulci manantes, pratenfibus similes edules J. B. Fungus pileolo lato puniceo lacteum & dulcem succum fundens C. B.*

**I**N nonnullis altissimis sylvis, ut est *Odenwaldt* appellata, nascuntur, puniceo colore præditi, pratenfium fungorum, quos boletos vocant, magnitudinem haudquaquam excedentes, lacteum & dulcem manantes succum. Hi à quibusdam crudi devorantur, sed qua utilitate ignoro, inquit Tragus.

## CAP. IX.

A. *Fungus piperatus albus, lacteo succo turgens J. B. Fungus 10. sive pileolo lato, orbiculari candidante C. B. item Fungus 27. sive albus acris ejusdem. Fungus tertius Trag. quem piperei saporis facit. The milk pepper Mushrome.*

**F**ungi hi è majoribus sunt, Campestris tamen [*Champignons*] magnitudine non multum excedunt, quibus etiam figurâ per similes sunt, pileolis circinatæ rotunditatis, crassis, carne multa [J. Bauhino Campestribus pro magnitudine minus densi] striis seu lamellis subtus prætenfibus, laxis & profundis: *pediculo* tereti, solido & minimè concavo, pollicem circiter crasso, sex interdum digitos transversos alto. Non pediculus tantum & pileolus, sed & lamellæ huic fungo candidissimæ sunt, cum Campestribus rubeant. Ubilibet vulneratus lacteum succum fervidum copiose effundit. [Inveterascentes, sursum flexis oris & pileolo tabescente, superius cavi redditi metam inversam aut infundibulum referunt.]

In altissimis & tenebrosis sylvis Septembri & Augusto mensibus nascitur. J. B. Ingeniosissimus Vir, & totius Historiæ Naturalis callentissimus, D. M. Lister, in sylvis Martonensibus propè stagnum *Pimmo* dictum, in ea Comitatus Eboracensis parte quæ *Craven* dicitur, invenit, deque succo lacteo observationes sequentes à se factas nobis communicavit.

1. Teneriores & juniores fungos promptius & copiosius lactescere quam adultos & plenam maturitatem adeptos: aridis & marcescentibus nihil intus lactis apparere.

2. Succum hunc lacteum piper sapere & olere, imò omni pipere acrius linguam vellicare & adurere. J. B. scribit, se cum succum hunc digitis aliquando attigisset, & ex improvise palpebras digitis absterfisset, quamprimum magnas punctiones & pruritus expertum esse, talem quidem qualis è Thymali succo evenire solet.

3. Eundem tamen succum ad tactum minimè viscidum aut lentum esse.

4. Quamvis eodem cultello centum (inquit) minimùm hujus generis fungos dissecuerim, lac tamen ferro illitum & diu adhærescens colorem non mutavit, contra quam aliis plerisque vegetabilium succis evenire solet.

5. In vase vitreo quo eum excepi subito concrevit, intraque paucos admodum dies in massam solidam condensabatur, nullo intermixto sero aut humore.

6. Quod exiccatus etiam acrem illum & mordacem saporem retinet, minùs tamen vehementem. Exsiccati autem color ex luteo pallide admodum viridis est.

7. Quod succus iste modò promptius & copiosius emanet ex parte exteriori, & ut ità dicam, superficiali, quæ cortici in plantis perfectioribus respondet, quam ex interioribus quæ ligno & medullæ.

8. Fungos hos cum lacte maximè turgent, ut eorum acrimoniam & fervorem lingua ferre non posset, eulis quibusdam seu vermiculis refertos observavi, eorumque recentissimos & tenerrimos à Limacibus cinereis exesos.

## CAP. X.

\* *Fungus albus, dictus Montibelgardensibus & vicinis Bissette J. B.*

J. B.  
**A**ugusti fine (inquit) observavi hos fungos, Campestribus similes, sed infra supràque totos albos. Hos olim eosdem putabam cum *Columbettes*, verùm distinguebam à Campestribus, quòd tardiùs provenirent, & pede longiores essent. In sylvis Quercuum, sed rariùs, occurrunt. Præcedunt *Columbettes* & minores sunt.



## CAP. XI.

\* *Fungus magnus, totus albus, sine succo lacteo, edulis, Columbettes Montbelg. J. B.*

**E**X edulium quoque fungorum (inquit) censu sunt hi, magnitudine excellentes, toti albi tam subtus quam supra, omnisque succi lactei expertes, quo turgent Piperati illis similes. Per ambitum alias cristati, aliquando reflexi & inaequales sunt, interdum non. Distinguuntur autem *Columbettes à Bisette* pede elatiore, & quod latiores sint tardiùsque proveniant. In sylvis è regione urbis Montbelgardenfis dictis *le Chesnois* invenit J. B. & alibi.

## CAP. XII.

A. \* *Fungi longissimo pediculo candicantes, sed maculati esculenti J. B. Fungus pileolo lato, longissimo pediculo variegato C. B. Fungus esculenti 18. genus Clus.*

**I**nter fungos innoxios longissimo pediculo hunc præditum putat Clusius: est enim ille in 8 aut 9 unciarum longitudinem, porrectus, digiti minimi crassitudine, rectus, versicolor & *minig*, striis quibusdam & maculis parvis & magnis, ex albo, rufo & fusco coloribus commixtis distinctus, marmoris varii instar. Ipsum verò fungi corpus pilei seu galeri formam quodammodo refert, valde laxi oris, deinde sensum in turbinatam metam desinens, altitudine trium unciarum aut ampliore, orarum diametro uncias ferè 8 occupante, candicantis supernè coloris, multis tamen maculis magnis & exiguis ex fusco rufescentibus infecti, supremo fastigio prorsus fusco. Inferna pars cava admodum & camerata, candicans quidem, sed plurimis striis fuscis, obliquis, & veluti in cincinnos compositis, distincta: duabus autem ferè uncis infra supremum pediculi fastigium corolla digitalis circiter latitudinis ipsum amplectitur, unde corporis ipsius Fungi oræ abruptæ videntur, dum in laxitatem se diffudit.

In arvis plerumque provenit tum in Hungaria, tum in Germania, tum etiam in Anglia; mihi tamen nondum observatus.

## CAP. XIII.

\* *Fungus umbilicum referens variegatus C. B. Fungi esculenti 13. genus Clus.*

**Q**uinq; hujus assignat species Clusius: 1. Quincunciali est diametro, plurimum orbicularis, pediculo digitali, unciam crasso, supernè protuberans, ex albo virescens; infernè candicans & striata.

2. Diametro 4 uncias non excedente, coloris ex cœruleo viridi & fusco commixti, infernè ex albo subfusci; pediculo pollicem crasso, breviorè quam prima.

3. Præcedenti ferè æqualis est, paululum angulosâ; supernè ex purpureo & saturatè rubro commixti coloris, raris albis maculis aliquando emicantibus; infernè candicantis, fuscis striis asperfis, oris dilutè purpurascens.

4. Tertiâ minor, diametro 2 uncias vix excedente, pediculo unciali, graciliore, supernè flavescent veluti fuligine infecta, infernè alba, fuscis striis distincta.

5. Quartæ æqualis est, reliquis asperior, supernè coloris ex albo fusci, inferiùs candicans, striis fuscis in oras excurrentibus.

Hujus pleræque species figuræ sunt orbicularis, supernâ parte intumescens & pulvinatæ in medio nonnihil compressæ ut umbilicum mentiatur.

Nascuntur promiscuè in sylvis, & Junio Juliôque mensibus inveniuntur.

## CAP. XIV.

\* *Fungus in metam fastigiatus, albus, fusco tinctus C. B. Fungi in metam fastigiati esculenti, coloris albicantis fusco tincti J. B. Fungi esculenti IV. genus Clus.*

**T**res species describit Clusius. 1. Uncialis aut paulo amplioris magnitudinis, crasso pediculo, coloris albicantis fusco tincti.

2. Paulo planior est & quasi in orbem circinata, duarum unciarum aut majoris amplitudinis, cætera similis.

3. Trium plerumque unciarum magnitudine est, crassiore pediculo, magis fuscus, interdum notis distinctus. Superna pars ut plurimum lacera & discissa apparet.

Sub Pruni arboribus nascitur.

## CAP. XV.

\* *Fungus orbicularis sulcatus albus fusco permixto C. B. Fungi tuberosi esculenti albi fusco permixti, vel maculis distincti J. B. Fungi esculenti VII. genus Clus.*

**D**Uplex est, 1. Alter nonnihil tumens, interdum etiam in ambitu lacerus: 2. Alter orbicularis pæne, tota superficie candicans, ut ovum exalptum exprimere videretur, præsertim adempto pediculo.  
In ficcioribus pratis & pascuis juxta pagos fitis proveniunt.

## CAP. XVI.

\* *Fungus orbicularis oris intro reflexis C. B. Fungi esculenti 15 genus Clus. Fungi Suilli Ungaris.*

**D**Uplex est, 1. Orbicularis ferè, quatuor circiter uncias latus, brevi crassiorèque pediculo, supernè nonnihil extuberans, utrinque subalbidus & veluti fuligine infectus, at supernè aliquot maculæ albæ asperguntur, striæ infernè nigricant.  
2. Major, cujus pars superior coloris est purpurei rubro saturo commixti, in medietullo tamen flavescens & secundum oras maculis albis distincta: inferior ex albo fusca, striis tenuioribus.  
In sylvis nascuntur, & Junio Julioque mensibus reperiuntur.

## CAP. XVII.

\* *Fungus pileolo magno, plano, orbiculato, venis exasperato C. B. Fungi Abietini esculenti J. B. Fungi esculenti 20. genus Clus.*

**T**Riplex est. 1. Binas aut ternas uncias latus; supernè dilutè rubens aut latericei coloris, venis quibusdam sic exasperata ut hirta videatur, in medio compressus & velut umbilicatus; infernè pallescens, striis fuscis, pediculo unciâ longiore, medium digitum crasso.  
2. Crassiore paullo est pediculo, supernè extuberat, coloris ex albo pallido & fusco mixti, infernè candicat, striis fuliginosis.  
3. Longè amplior est, supernè coloris ex albo, pallido, ruffo & fuliginoso mixti, extuberans; infernè plana, rubescens, striis ex atro purpurascens.  
Sub extremum Autumnum in sylvis, plerumque autem sub Abietibus, nascitur.

## CAP. XVIII.

\* *Fungus pileolo in plano orbiculari, villosa C. B. Fungi sylvestres esculenti cervini J. B. Fungi esculenti X. genus Clus.*

**D**Uplex est, 1. Dúas uncias latus aut amplior, supernè nonnihil extumescens, & veluti serices villis obsitus, colore puniceo dilutiore, oris in infernam partem valdè reflexis, quæ ex albo rubescit.  
2. Longiore est pediculo, supernè coloris ex ruffo fusci, oris non adeò in infernam partem inflexis, quæ colore est ex pallido nigrescente. In hac specie bini plerumque fungi conjunctim ex eodem pede oriuntur.

Nascuntur in cædis sylvis sub extremum Maium aut Junii initium. Cervinum vocat J. B. à nomine Germanico *Hirschling*.

## CAP. XIX.

\* *Fungus pileolo plano subfusco oris laceri C. B. Fungi laceri, sylvestres, esculenti, subfusci coloris, infernè candicantes J. B. Fung. esc. XI. genus Clus.*

**I**Nitio quidem inæquali est figurâ, magis tamen ad orbicularem tendente, per oras lacer, duas uncias latus, supernè fuscus, infernè candicans. Adultior magis orbiculatus est & per oras lacer, longè amplior [quatuor uncias] colore magis fusco supernè & albicante infernè, cui fuscedo quadam admixta est.

Circa festum Pentecostes in cædis sylvis nasci scribit Clusius.



## CAP. XX.

\* *Fungus angulosus pediculo exiguo* C. B. *Fungi ferè sine pediculo coloris ex rufo fusci, esculenti in arborum caudicibus nasci soliti* J. B. *Fungi esculenti 5 genus* Clus.

Clus.

**S**ola horum differentia in magnitudine consistit, quandoquidem formâ, materiâ & colore pæne conveniunt. Tres eorum differentias facit Clusius.

1. Angulosâ est figurâ, quatuor uncias lata, brevi & quasi nullo pediculo sed eo valdè crasso: inferna ejus pars candicante & satis densâ materiâ constat; superna spongiosa est & quasi villis quibusdam oblita, coloris ex rufo fusci.

2. Magis orbicularis, crassiore & longiore paulò pediculo, 5 aut plures uncias latus & longus.

3. Longè major, in tres lacinias divisus, pileoli diametro semipedali, pediculo unciam crasso; superne spongiosis quibusdam crassisque villis sive potius frondium rudimentis ex fusco pallescentibus præditus.

In Ulmorum Populique albæ caudicibus dejectis nasci solet, & bis plerumque, etiam ter interdum in anno provenire.

## CAP. XXI.

\* *Fungus planus orbiculatus aureus* C. B. *Fungi lutei magni, dicti Laceras, speciosi* J. B. *Fungi esculenti 17 genus* Clus. *Boletus Antiquorum.*

Clus.

**P**rimum è terra erumpentis hujus Fungi forma ovum quodammodo candore & figurâ refert: alterâ aut tertiâ die laceratur hæc alba cutis seu (ut Plini vocabulo utar) volva supernâ parte, & veluti ovi luteum ostendit; deinde magis extuberat illud luteum, & fungi formam induit, paulatim & sensim manifestante porumque volva. Magnitudo autem Fungi suâ volvâ inclusi tres uncias in longitudinem patet, duas in latitudinem. Consumptâ volvâ Fungus in planam orbicularem sese explicat formam, cujus diameter quatuor pæne unciam est; superna facies aliquantulum intumescens aureum five croceum colorem elegantissimum habet, inferna [membranulis contexta] flava est. Pediculus digitalis longitudinis & crassitudinis est, flavique coloris. At cum jam adolevit paulò amplior est ejus magnitudo, & in ternas aut quaternas partes scinditur, colorisque illum florem & elegantiam deperdit; nam superne languidioris est aurei coloris, inferne omnino pallidi.

Provenit in sylvis rarâ Quercu confitis, iisque caduis præsertim & editionibus siccioribusque locis, bis singulis annis, circa messem videlicet & ante vindemiam. Principem inter Fungos esculentos locum tenet: Et sane adeò elegans est, ut non mirandum sit si illos qui fungis libentur vescuntur ad se edendum invitet.

Non dubium autem est, pergit Clusius, quin hic Fungus sit ille veteribus adeò celebratus Boletus, ac à principibus viris sic in deliciis habitus: nam si conferantur quæ de Boletis scripsit Plinius cum hujus historia, similis esse deprehendetur. Infamis autem & immenso exemplo in crimen adductus fuit, quid olim Tib. Claudium Cæsarem (qui Boletorum esu impense delectabatur) conjunx Agrippina Boletum veneno illito sustulerit, ut Neronem filium ipsi successorem Imperio daret. Hinc illi Juvenalis in Satyris sales de Boletis. Nam Sat. 5.

*Vilibus ancipites (inquit) fungi ponentur amicis,  
Boletus Domino, sed qualem Claudius edit  
Ante illum uxoris, post quem nil amplius edit.*

Et Satyra VI.

— Minus ergo nocens erit Agrippinæ  
Boletus; siquidem unius præcordia pressit  
Ille senis, tremulûmque caput descendere jussit  
In cælum.

Hinc etiam illud Martialis.

*Quid dignum tanto ventrique gulæque precabor?  
Boletum ut qualem Claudius edit edas.*

Sed & ipse Nero Boletum Deorum esse cibum cavillari solebat, quia illo periisset Claudius Cæsar, & defuncti Cæsares in Deorum numerum referri solerent.

Recentes boleti [apud Ungaros] in aquâ elixantur, deinde in tenuia frustra conciduntur: frustra concisa in jusculum è cremore lactis confectum injiciuntur, adjectis Selini foliis minutim sectis & pipere. Vel repurgati præcisò pediculo invertuntur, & super prunas positi addito ovi luteo torrentur. Vel recentes etiam recisis pediculis friguntur cum butyro atque ovo simul in sartagine coctis, dissolutis & simul mixtis. Sed & exsiccati servantur, deinde ovorum instar in aqua elixantur, tum demum

demum cum condimento ex ipsorum juscule & pane tosto parato, additis aceto, piperis, zingiberis & caryophyllorum aromaticorum polline eduntur.  
Juscule in quo coquantur croceo colore tingunt.

## CAP. XXII.

*Fungus pileolo lato, orbiculari flavescente C. B. Fungus pallidus J. B. Fungi esculenti 12. genus Clus.*

*J. B.*  
**A**utumni munus, Campestri similis Fungus, pari ferè magnitudine, sed variante, coloris tam externè quàm internè luteo-pallidi: Clusio internè ex flavo rufescit.  
Provenit in sylvis, & reperitur circa Pentecosten.

## CAP. XXIII.

*Fungus angulosus & velut in laciniis sectus C. B. Fungus luteus sive pallidus, Chanterelle dictus, se contorquens esculentus J. B. An Fungi esculenti 14. genus Clus.?*

*J. B.*  
**M**onbelgardenfibus dictus *Chanterelle* Fungus rarò dimetientem habet palmarem, sæpius eam magnitudinem non assequitur, plano pileo, aliàs cavo, pallidus, oris subinde contortis, ut crispì nonnihil habere videri possit, membranìs infra nec densis contextus. Hujus pediculus rarò in umbilicum inseritur, sæpius à medio deerrat. Odor gratus & innocens eum commendat, & ob id mensis lautioribus curiosioribusque expetitur.

Clusius quarti generis duas species, seu fortè ætatis ratione differentias, describit. Prior superne pallida est, flavis maculis variegata; inferne flavescens cum striis fuscis. Secunda duplo major, superne flava, inferne croceo colore infecta.

Oritur in sylvis & nemorosis locis sub fagis ut plurimum, mense Junio ac etiam Septembri.

## CAP. XXIV.

*Fungi plures simul, albi, ad arborum radices, esculenti J. B. Fungi umbilicum exprimentes plures simul, albi C. B. Fungi esculenti 6. genus Clus.*

*Clus.*  
**F**ormæ ferè orbicularis sunt, planæ tamen, inferna parte albi & striati, superne aliquantulum protuberantes, mediâ autem nonnihil depressi, ut umbilicum exprimere quodammodo videantur, colore magis fusco quàm inferne. Minores circiter unciam lati sunt, aut paulò ampliores: mediî binarum unciarum latitudinem explent: Maximi quaternarum amplitudinem superant.

Ad Ulmi, Quercûs, Populi, Juglandis & aliarum arborum dejectarum radices nascuntur, à novo Vere in Autumnum usque.

Populus alba humo tenus secta ad radicem usque, & aquâ calidâ in qua fermentum fuerit dissolutum perfusa infra quatrimum fungos copiosos edet, esui quoque gratissimos. *Matth.*



## SECTIONIS PRIMÆ MEMBRUM SECUNDUM

De Fungis lamellatis terrestribus noxiis.

### C A P. I.

\* *Fungus Coryleus orbicularis* C. B. *Fungorum noxiorum* 6. genus Clus.

*Clus.*  
**O**rbicularis est figuræ, duas uncias latus aut major: supernè nonnihil tumescens, extremis oris in supinam partem flexis; coloris ex rubescente fuliginosi, cui albedo quædam permixta videtur, interdum etiam omnino fuliginosi & fuscæ: infernè nonnihil rubescit, striis crassiusculis fuscis: pediculo est gracili duas uncias longo.  
Sub Corylis crescit Maio aut sub Junii initium.

### C A P. II.

\* *Fungus bufonius orbiculatus* C. B. *Fung. nox. 7. genus* Clus. *Fungi bufonii perniciosi* J. B.

*Clus.*  
**H**ujus tres observavit species Clusius.  
1. Pediculo erat valdè gracili, duas plus uncias longo, pileolo in metam sublato, unciam ferè lato, albo fuligine quodammodo infecto, summo fastigio flavescente, interiore & cava parte fusco prorsus cum striis nigris.  
2. Magis orbiculata, crassiore pediculo; supernâ & tumescente parte, duas interdum, aliàs tres uncias amplâ, modò fuscâ omnino ex albo-pallescente, modò flavâ, fuligine infectâ; Singuli autem fungi maculis albis & nigris summa parte notati, ut Rubetæ colorem, præsertim fuscus, valdè referre videatur. Pars inferna alba est, cum levibus striis subfuscis.  
3. Reliquis major, orbiculatæ in plano figuræ, tres uncias lata, supernè alba admixto ruboris tantillo, raris pallescentibus maculis inspersis: infernè pallescit, frequentibus striis fuliginosis.  
Circa idem cum præcedente tempus emergit.

### C A P. III.

\* *Fungus Betulaceus orbiculatus albus* C. B. *Fungorum noxiorum* 8. genus Clus. *Fungi Betularum albi maculati perniciosi* J. B.

*Clus.*  
**O**rbiculatæ pæne est figuræ, supernè paulò elatioris, albus fuligine levi adumbratus, in quo maculæ quædam rufescentes; duas uncias latus; infernè totus albus exceptis striis fuligine infectis: pediculo gracili, binas uncias longo.  
Circa Pentecosten provenit in sylvis ad Betularum truncos & radices.

### C A P. IV.

\* *Fungus minimus pallescens infundibuli formæ* C. B. *Fungorum noxiorum* X. genus Clus.

*Clus.*  
**V**alde exilis est: nam primùm emergens vix uncialis est magnitudinis: interdum singularis, nonnunquam bini simul nascuntur, ipso Fungi corpore minimi digiti unguem vix æquant, rufescentis coloris, cum adolevit corpus in uncialem magnitudinem excrevit, inferna parte valdè à pediculo striata se invertente, adeò ut superna pars velut camerata & cava reddatur, & cum suo pediculo parvum infundibulum mentiri videatur. Color flavescit tam externè quam internè, & superna pars jam in umbilici speciem contracta rufis maculis est distincta.  
Bis in anno reperitur circa messem & vindemiam in sylvis proveniens.

C A P.

## CAP. V.

- \* *Fungus fatuus candidus*, pileolo in metam assurgente C. B. *Fungorum noxiorum* XI. genus Clus.  
*Fungi stultorum boleti similes perniciosi* J. B.

Clus.

**E**odem tempore similibusque locis reperitur. E terra autem erumpens valde boletum imitatur, imo quodammodo mentitur. Corpore dum è sua volva erumpit boleto est dissimili, longiore pediculo subnixo, minimo digito graciliore, fescuncialis latitudinis, in metam assurgente, superna parte candida, inferna camerata.

## CAP. VI.

- \* *Fungus muscas interficiens* C. B. *Fungi venenati 5 muscarii dicti* J. B. *Fungorum noxiorum* 12. genus Clus.

**H**ujus quinque species,

1. Orbicularis, unam interdum, sapissime duas uncias lata, vel supernè palefcens tantillo rubedinis & fuliginis admixto, vel lurida & fuligine infecta, inspersis albicantibus maculis atro permixtis: pars inferior alba striis fuscis: pediculo gracili, fescunciam longo.
2. Paulo major, pediculo longiore & crassiore, viz. digitum minimum longo & crasso: orbiculata panè, diametro triente paulo minore. Color supernè ex purpura dilutior & saturata, rufopallido & albo variè mixtus est: infernè pallet cum nigris crassioribus striis.
3. Primum emergens contracto est corpore, crasso & unciali, quasque Ari radicem mentiente, pediculo fulta, duas uncias lata & totidem longa, in metam formam sublata, coloris lateritii, frequentibus maculis albicantibus aspersis, summo tamen fastigio pallida. Adultior vero palmari pediculo digitalis crassitudinis affurgit, inferna parte tuberosa, orbicularem autem figuram acquirit, quatuor uncias lata, per oras interdum fissa & laevar, coloris pronè parte rubri, albis maculis infecti, oris rufis supinè albi prorsus, striis levi fuligine infectis.
4. Omnium elegantissima, recens natæ orbis minor, duas scilicet solummodo uncias lata, rubro colore valde saturo veluti concreti sanguinis tincta, frequentibus maculis albis conspersa: Adultior latior fit, v. g. quincuncialis aut amplior, tumida supernè, rubro etiam colore sed paulo remissiore, obscurioribus veluti undis intercurrentibus, & crebris etiam ex albidis maculis infecta. Pediculo constat protuberante infima parte, unciam crasso, trientem longo. Striae crasse nigrae. Bini interdum ex eodem pede conjunctim nascuntur.
5. Junior duas uncias lata est, in totidem unciarum metam assurgens, coloris ex rufo fusci & velut fuligine infecti: adultior trientalem aut ampliorem latitudinem habet, in metam formam assurgens, oris valde laceris, coloris supernè mixti ex albo, rufo, pallido, fusco, mixtura vel radiatim, vel maculis duntaxat inspersis constante. Color inferna parte prorsus fuliginosus cum striis nigris.

Hanc muscae valde appetunt, & plerumque ei insident non sine ipsarum perniciæ; siquidem quotquot degustant intereunt: idèoque circa Francofurtum ad Moenum in conclavibus ad fenestras in hunc usum ejus frustra spargere solent.

5. Junior duas uncias lata est, in totidem unciarum metam assurgens, coloris ex rufo fusci & velut fuligine infecti: adultior trientalem aut ampliorem latitudinem habet, in metam formam assurgens, oris valde laceris, coloris supernè mixti ex albo, rufo, pallido, fusco, mixtura vel radiatim, vel maculis duntaxat inspersis constante. Color inferna parte prorsus fuliginosus cum striis nigris.

## CAP. VII.

- \* *Fungus latus orbicularis candidus* C. B. *Fungorum noxiorum* 13. genus Clus. *Fungi ranarum albi perniciosi* J. B.

Clus.

**A**dultus quatuor uncias latus est, in orbem ferè circinatus, immaculati supernè candoris, nisi orbis centrum palleret; inferna etiam pars candida est cum multis purpurascensibus striis: pediculus gracilis est & longus. Junior minor est & fuligine quadam utrinque infectus, striis raris & vix adhuc apparentibus.

Secundam vias & semitas in cædis sylvis provenit extremo Augusto.

## CAP. VIII.

- A. *Fungi albi venenati viscidii* J. B.

J. B.

**E**dulibus albis aliquo modo similes sunt, pediculo digitum crasso, 3, 4ve plus minus alto, qui clypeum sustinet orbicularem, palmarem, pressum, subtus candidissimo membranarum squarro stipatum: Superna facies subcinerea, ad albidum nonnihil vergens, viscido tactu, fungosis verrucis eminentibus conspersa, quæ tamen sine membranæ noxa avulsu faciles, quas merè acciden



accidentarias esse putamus, ut quæ non in omnibus appareant. Sapore sunt minime ingrato, sed subdulci, sapore aqueo.

Interest sanè horum formam & naturam vel apprimè novisse, ob periculum quod ex errore contingere potest. Nam civis (inquit) quidam Montbelgardenfis qui deceptus hos coctos imprudens voravit, primò vomitu infestabatur, deinde vertiginosus fit, prostratis tandem viribus membrisque refrigeratis soporosus jacuit non sine mortis periculo. Nam & loquelâ privatus, pulsu deprehensus fuit perexiguo, cum suffocationis metu. Qui tamen paulò post vomitu provocato prius, Alexipharmacis, Theriacâ potissimum, enematis item restitutus fuit, postquam non paucas horas dubius & velut oppressus inter vitam & mortem quasi succubuerat.

A Fungis campestribus differunt pediculis tenuioribus & longioribus: capitellis minùs crassis, lamellis subris albis, odore ingrato.

## CAP. IX.

**P** Ediculus vix palmari, pollicem crassus, imò parte in haurum extumescens, capite est crasso, diametro palmari, pulvinato, media tamen parte circa umbilicum depresso, dolore hunc rubente, nunc fulvo sordidiore, creberrimis subris lamellis albis striato: superior spongiola substantia candidissima.

Sub Quercubus Augusto mense enatum observavimus.

## CAP. X.

**F** Fungus latus orbicularis oris intus conversis C. B. Fungorum noxiorum 14. genus Clus. Fungi sub appellati, albi sed maculati, glaucosus perniciosi J. B.

Clus.

**E** Idem in locis eodémque quo prior [us] tempore invenitur.

Duas species observavit Clusius.

Primæ recens natæ corpus uncia majus non est, coloris albi fuligine velut infecti, pediculo unciali, minimum digitum crasso, interdum geminum ex eodem pede nascens. Adultæ triangulari est diametro, orbiculatum ferè, supernè album sed fusco colore infectum, flavo fastigio, infernè verò pallidum, stris rufis, pediculo digitalis longitudinis & crassitudinis.

Secunda circinatæ ferè rotunditatis est, diametro trientem lato pediculo brevi pollicemque crasso, supernè candida cui maculæ parvæ fuscæ & flavescens nonnihil color inferius est, oris aliquantulum in infernam partem conversa: infernè pallida stris fuliginosis.

## CAP. XI.

**A.** Fungus pediculo in bulbi formam excrecente C. B. Fungorum noxiorum 15. genus Clus. Fungus bulbo pediculo pallidus maculatus J. B.

Clus.

**D** Uplex est, Prior pediculo duarum unciarum, [corpore unciali] suprema parte pollicaris crassitudinis, infernè fuscuncialis, in bulbi formam excrecente, coloris ex albo pallidissimi. Corpis ipsum fungi supernè etiam pallidum est, sed maculis dilutè nigricantibus distinctum, atque oris in supinam partem inflexis; infernè stris ex pallido fuscæ sunt.

Secundus valde terri coloris est, ut verius ligni sive radicis cujusdam nodosum & nigrum fragmentum videatur quam fungus, quod utraq; manu vix comprehendi queat: crasso brevique pediculo innititur.

In caduis sylvis crescit extremo Sextili.

## CAP. XII.

**F** Fungus oris laceris & in lacinias divisis C. B. Fungorum noxiorum 16. genus Clus. Fungi sub corylis serpentini dicti perniciosi J. B.

Clus.

**T** Res hujus species observavit Clusius, Prior oblongo gracilique pediculo est, cui insidet initio velut ovum exscalptum, uncialis magnitudinis, externè album velut fuligine perfusum, internè nigrum: quod deinde oras explicans 1½ uncia amplitudinem acquirit, in palea parvique galeri similitudinem formatum, albi supernè coloris frequentibus fuscis maculis distinctum, atque ipso fastigio veluti fuligine infecto.

Secunda pediculo longo gracili, corpore parvi galeri figurâ, initio vix ungue majore, dilutior fuligine infecto, cum adoleverit supernè atrâ fuligine cincto, infernè instar fornacis camerato & nigris stris exarato.

Tertia

Tertia præcedenti æqualis est, valde laceris oris & quodammodo laciniatis, rufi interdum, aliis albi coloris fuligine infecti supernè, infernè fuliginosis, aliis nigris striis exarata: aliquando etiam inferna parte ad eò inversa & reflexa, ut florem, aliquem mentiri videatur.

## CAP. XIII.

*Fungus latus oris laceris C. B. Fungorum noxiorum 17. genus Clus.*

Clus.

**D**Uplex est, 1. dodrantali magnitudine, pediculi digitum minimum crasso, duas aut tres uncias longo, ex cuius imo subnascitur exigua proles: orbiculatè ferè est figuræ oris in inferiorem partem nonnihil inflexis, colore supernè rufo ad nigredinem tendente, cui flavescens circa medium admixtus est: inferna pars pallida est, striisque fuliginosis exarata.

2. Illi æqualis est, sed graciliore pediculo, circumatè etiam rotunditatis, nisi laceras haberet oras in ambitu, supernè planè luridus venis quibusdam exalbidis maculosus, ipsâ substantiâ sub externa cute omnine atrâ, uti etiam est pars infima, sic tamen ut crassæ nigræ striæ obscurè appareant.

Planis & apertis locis circa Festum S. Bartholomæi apparet.

## CAP. XIV.

*Fungus parvus parvi galeri formam exprimens rufus C. B. Fungorum noxiorum 18. genus Clus.*

Clus.

**I**N sylvis eodem quo præcedens tempore oritur; est autem eo longè minor, nec uncialem aut fescuncialem magnitudinem superat, pilei aut parvi galeri figurâ in metam sublatus, superè rufus, infernè exalbidus cum striis fuscis: pediculo gracili duas tréve uncias longo.

## CAP. XV.

*Fungus orbicularis secundum vias & in Quercetis Autumno nascens C. B. Fungorum noxiorum 19. genus Clus.*

**H**Ujus sex species describit Clusius: Primâ tantum hujus loci est.

Primâ pediculo est valde gracili, duas uncias aut amplius longo, capitulo orbiculato fescunciam lato, aliquantulum in infernâ partem inflexo, coloris ex flavo, rufo, fuliginoso commixti supernè, ex pallido fusci infernè.

## CAP. XVI.

*Fungus Abietinus oris reflexis, substantiâ rubrâ C. B. Fungorum noxiorum 21. genus Clus. Fungi hirsuti internâ parte perniciosi J. B.*

**S**UB extremum Septembrem provenit subter Abietibus.

Recens natus uncia non multò major est, oris valde in infernâ partem inflexis, crassiusculo corpore & veluti crassis quibusdam venis subrubentibus, in orbem supernè ductis notato in albicante planicie. Adultus vicesimi esculenti amplitudinem acquirit; oris est magis inæqualibus: infernè dilutè rubet cum striis rufis; pediculo digitalis ferè crassitie, duas uncias longo, qui contractus rubrâ substantiâ constare deprehenditur.

## CAP. XVII.

*Fungi dumetorum ex uno pede prodeuntes C. B. Fungorum noxiorum 22. genus Clus.*

**Q**Uatuor hujus species recenset & describit Clusius.

Primæ sex aut septem nascuntur ex uno pede fungi, longis & gracilibus pediculis, orbiculato ferè corpore, (fornicato tamen seu camerato infernè) vel semunciali, vel unciali, colore flavo, uti sunt & ipsi pediculi, qui maculis tamen nigris distincti.

Secundæ etiam octo aut novem ex uno exortu nascuntur, breviorè & perinde gracili pediculo; corpore in orbem veluti expanso, unciam aut fescunciam lato, supernè pressò & tanquam umbilicato, coloris flavi rufo suffusi, infernè flavi, striis fuliginosis.

Tertiæ viginti aut plures nascuntur ex eodem pede, gracilibus pediculis, orbiculati, latitudine inæquali, pro ætatis ratione; nam & inveniuntur ungue non minores, unciales, & fescunciales; omnes rufo colore tincti supernè, infernè fuscis striis exarati.

Quartæ



Quartæ triginta aut plures ex eodem pede proveniunt, pediculo pro singulorum ætate brevi aut longo, orbiculati, magnitudine tertie speciei fungis pares; colore variant, nam vel flavi sunt, multo tamen rufo perfusi, aut omnino rufi sed nonnihil tumescerentes & fuscis, infernè striis nigricantibus notati.

Ad Spinarum quæ vetustate corrumpi incipiunt atque inter dumeta nascuntur, & in ipsis truncis humi jacentibus nascuntur circa Calendas Octobris.

## CAP. XVIII.

*Fungus fimetarius in plano orbicularis, candidus C. B. Fungi sterquilini albi perniciosi J. B. Fung. nox. 3. genus Clus.*

**V**<sup>Clus.</sup>ulgaris admodum (inquit Clusius) est hic fungus, ideoque nemini non notus, formæ orbicularis in plano, velut circino ductæ, exili & tenui fultus pediculo, tenui non crasso corpore, candidus omnino, & veluti farinâ conspersus, cum infernè tum supernè; pars tamen averfa fuscis striis distincta est.

## CAP. XIX.

*Fungus orbicularis, ex atro rufescens C. B. Fungi quodammodo orbiculati, atro-rufescentes, perniciosi J. B. Fung. nox. 9. genus Clus.*

**C**<sup>Clus.</sup>irca Solstitium æstivum invenitur in sylvis nascens. Crasso & protuberante constat corpore, sphericæ quodammodo & orbicularis figuræ, duas uncias lato in minoribus, in adultioribus tres aut etiam quatuor; supernè ex atro rufescens, infernè exalbidus, striis rufescentibus.

## CAP. XX.

\* *Fungus orbicularis in palustribus C. B. Fung. nox. 23. genus Clus. Fungi rubri perelegantis coloris & rufi J. B.*

**H**<sup>Clus.</sup>orum primus Uncialis magnitudinis habet orbem, supernè rotundum, & rubri perelegantis coloris; infernè albicantem, fuscis tamen striis exaratum, unciali pediculo, non tamen valdè gracili fultum.

Secundus orbiculatæ etiam est formæ, paulò tamen amplior superiore, longioræque pediculo subnixus, prolem fungi ab exortu plerumque proferente: supernè rufi & ad lateritium tendentis coloris; infernè dilutior & frequentibus striis distinctus.

Tertius in nodum velut collecto est corpore, infernè fornicato atque camerato, suis oris pediculum uncialis crassitudinis, duarum autem unciarum longitudinis stringente & amplectente, coloris ex albo rufo & fusco variè commixti.

Quartus duas uncias latus est, sed inæquali orbe, superna parte candicans ex cineraceo, infernè similiter, sed striis fuscis. Pediculus brevis & crassus.

## CAP. XXI.

A. *Fungus minor ex albedo subluteo, pileolo hemisphærico.*

**A**D trium aut quatuor digitorum altitudinem interdum assurgit, sæpius humilior, pediculo culmum crasso; pileolo hemisphærico, diametro unciali, ex albedo subluteo, lubrico & mucilagine quadam oblito, subtus lamellis crebris sublividis, veluti tot radiis à pediculo ad circumferentiam extensis, adeo ut infernè sæpe planus sit hic fungus & minime concavus. Lamellæ autem admodum late sunt, seu major profundæ, ut exterior cutis seu caro sit valde tenuis.

Per totum Autumnum in pascuis frequens oritur, plerumque è fimo vaccino aut equino. Figura Fungi parvi albi cum luteola parte in summitate capituli, visco nitente resplende.

\* J. B. huic exactè responderet.

Tom. 3. lib. 40.  
c. 69.

## CAP. XXII.

A. *Fungus parvus galericulatus striis lividis aut nigris. An Fung. nox. tertium genus Clus?*

**S**uperiorem petioli longitudine & crassitie, necnon pileoli magnitudine refert. Ab eo differt utriusque colore sublivido, superficie sicca nec muco oblita: pileolo magis nonnihil turbinato, intus magis concavo; lamellis denique obscurioribus & per vetustatem nigricantibus. Septembri mense & per totum Autumnum in iisdem cum præcedente locis, nec minus frequens invenitur.

Icon pag. 848. tom. 3. Hist. Plant. J. B. hunc fungum optimè repræsentat.

Lobelius & J. Bauhinus non satis distinctè scribunt de his Fungis.

Observavimus in pascuis Fungum hujus generis paulò minorem pulverei coloris seu ex albo ferdè flavescentis, striis subtus obicure fulvis, quem ab hîc descripto specie differre suspicamur.

## CAP. XXIII.

A. *Fungus pusillus pileolo tenui utrinque striato; seu plicatilis plicaturis utrinque demonstrantibus.*

**D**Uobus proximè antecedentibus minor est multò, pediculo tenuiore & teneriore, fragili admodum secus quàm præcedentium, lubrico & velut muco oblito: pileolo turbinato, diametro semunciali, tenui admodum & utrinque striato & sulcato, ac si membranâ in plicas compositâ constaret, coloris ex albo cinerei. Summus pileolus ubi pediculus inseritur non raro planus est, & macula rubente insignis.

In pascuis Autumno reperitur.

Huic affinis est non tamen idem.

## CAP. XXIV.

\* *Fungus albus pileolo inverso J. B. tom. 3. p. 847. lib. 40. cap. 73.*

**P**Arvus admodum est, vix ad unciam se attollens ac etiam multò minor: instar calycis crescit, plicaturis & foliis se externè demonstrantibus, non sub pileolo [tantum] ut in reliquis. Pileolus etiam inversus facit veluti scutellam.

Sunt etiam majores, altitudine trium digitorum, & latitudine duos excedentes.

In prato loco clivoso mense Septembri observavit J. B.

## CAP. XXV.

A. *Fungus parvus, pediculo tenui, longo, firmo, lento; pileolo in medio fastigiato, striis externis apparentibus.*

**P**ediculo quadrantali aut altiore assurgit, tenui at firmo, non fragili: pileolus è fusco albiat, in medio turbinatus, striis externis apparentibus, intus concavus, lamellis crebris albis stipatus.

In pascuis mense Septembri.

## CAP. XXVI.

A. *Fungus minor tenerrimus, farinâ respersus, pileolo superne cinereo, lamellis tenuissimis nigris.*

**P**ediculo assurgit tres quatuorve interdum uncias longo, tenello, albo, farinâ albâ resperso, intus concavo, qui levi compressu in longum finditur, pileolum sustinens unciali aut semunciali diametro, superne tenui membranâ cinereâ farinâ respersâ constans, inferne lamellis tenuibus creberrimis, nigris propè centrum, nam circum oras interdum cinereæ sunt, infundibuli figurâ, concavum. Ora per vetustatem non raro laceræ sursum reflectuntur.

In pascuis mense Septembri aut etiam Octobri observavimus.



## CAP. XXVII.

*Fungus minimus, pediculo longo tenuissimo lactescens.*

**I**nter gramina in pascuis oritur solitarius.

## CAP. XXVIII.

**A** *Fungi pratenses parvi, externe viscosi, albi, lutei vel rubentes. An F. orbicularis in palustribus C. B?*

**C**apitelli diameter uncialis circiter; interdum major; figura in plano orbiculata, raris subtus lamellis reliquo corpori concoloribus: Pediculus gracilis triticeum culmum magnitudine vix æquat, binas circiter uncias altus. Tum pediculus tum capitallum muco quodam viscido oblita sunt. Striæ in hoc genere ad pediculum inferiores multò sunt quàm ad oras capitelli, ut infundibuli aut coni-inverti specie à pediculo aliquoufque assurgere videantur: hoc tamen non est perpetuum, nec in junioribus fungis sed in adultis & declinantibus.

Augusto & Septembri mensibus in pascuis frequentes oriuntur.

## CAP. XXIX.

\* *Fungi luteoli dicti, colorem mutantes, maligni J. B.*

<sup>Imper.</sup>  
**H**ujus capitelli figura vulgari similis est; substantia ejusmodi quæ mox vigorem perdat & in mucum abeat. Infernè parte filamenta quadam, in retis formam oblique intricata, faciliè à suo capitello separantur. Color aliquoties flavesceus, mox tamen in vi-  
rentem & inde in azureum abit.

## CAP. XXX.

*Fungi albi lucentes, ex uno principio plures, ex radicibus arborum J. B.*

<sup>J. B.</sup>  
**I**n cariosis arborum truncis occurrunt Fungi ex uno principio plures; longis pediculis insidentes, emaculati undique candoris, etiam per membranas, animalculorum morfiunculis & arrosionibus obnoxias, majusculi, tenues, lentore viscido superius obducto nitidi. Inveniuntur his similes lividi aliorumque colorum.

## CAP. XXXI.

\* *Fungi multi ex uno pede, clypeiformes lutei & rubri J. B. Fungus clypeiformis major C. B.*

**H**orum forma plana quidem est, sed rugosa & per oras reflexa, flavi coloris, pediculis fuscis.

Inveniuntur etiam alii ejusdem formæ planæ & orbiculatæ, sed qui non sunt reflexi, & eorum etiam aliqui per oras crenati.

Innascentur plerumque putridis lignis, aut asseribus vetustarum ædium rusticanarum & stabulorum.

Inveniuntur adhuc alii his non valdè dissimiles in arborum aggeribus sub sepibus, rubri coloris, quorum nonnulli nullo peculiari odore sunt præditi, alii verò moschi odorem quodammodo referunt.

## CAP. XXXII.

**A.** *Fungi plures ex uno pede, è Prunorum radicibus enati.*

**P**urissimi simul confertim nascuntur: pediculis binas circiter uncias longis, mediocriter crassius, coloris lutei sulphureive. Capitelli rotundi diameter uncialis aut sescuncialis; supernè rufescit, lamellis subtus tenuissimis & creberrimis, initio flavis, postea in cinereum mutantibus.

## CAP. XXXIII.

\* *Fungus latus sanguinei coloris C. B. Linguae in caudicibus Castanearum Cæf.*

<sup>Cæf.</sup>  
**L**inguae appellantur in caudicibus præcipuè Castanearum, figurâ crassâ, sanguinei coloris tum extra, tum intra. Optimi atque innocentissimi existimantur.

## CAP. XXXIV.

A. *Fungus sordide fulvus in acutum conum fastigiatus.*

**M**embranulæ subtus creberrimæ, colore cinereo. Cortex exterior tenuis est & membranofus, nec quicquam carnis aut pulpæ corticem & lamellas interjacet. Hujus icon habetur apud Parkinsonum pag. 1321.

## CAP. XXXV.

A. *Fungi minimi plurimi simul nascentes turbinati, exterius cinerei aut subfulvi, striis nigricantibus.*

**P**ediculo albo, fili instar tenui, longitudine digitali capitulum insidet turbinatum metæ aut galeri figura, diametro vix quartam digiti partem excedente, colore exterius sordide fulvescente striis subtus in adulto fungo fuscis aut nigris: inter lamellas & cutem externam nihil omnino carnis intercedit; cuticula autem ipsa lineolis seu fulcis ab apice ad circumferentiam ductis minimè tamen profundis striatus est.

Augusto mensè Anni 1685. observavimus, propè palos ligneos in terram depactos, denso agmine exortos, qui vix quatrimum durabant antequam marcescerent: postea hujus generis decuplo etiam majores confertim nascentes vidimus.

## SECTIO SECUNDA

*De Fungis terrestribus lamellis carentibus.*

*Horum alii pileati sunt; alii pileolis carent, suntque vel cauliferi ramosi & non ramosi, vel anguloi, formæ vel globosæ, vel planæ.*

## CAP. I.

1. *Fungus porosus magnus crassus J. B. An fungi esculenti 16. Clusii tertia species? Fungus Augusti mensis C. B.*

<sup>J. B.</sup>  
**I**nstitit pedi crasso, longo, pileus palmari latitudine, omnium (inquit J. Bambinus) quos vidi densissimus, turbinatus, ex fusco albicans, infernè candidus, nullo subtus membranarum plexu textilis, sed infinitis poris tenuissimis pervius, substantiâ interiore albâ.

Observavi in pascuis mensè Septembri.

Fungi esc. 16. Clus. tertia species colore supernè ex fusco rufescente à descripto differt.

A. 2. *Fungus porosus magnus nostrat. An Fungi esculenti 16. genus 3. Clus?*

Pediculus huic palmaris, crassus, secundum longitudinem ligni modo fissilis. Capitulum grande, diametro sesquipalmari aut majore, colore supernè rubiginoso aut fulvo sordidore, infernè citrino



citrino seu ex luteo virente. Duplici constat substantiâ. Superior albicat: inferior, quæ in aliis Fungis in lamellas seu membranulas à pediculo ad circumferentiam extensas dividitur, in hoc infinitis foraminulis pertusus est favi in modum, sed multis numeris minoribus, è flavo (ut dixi) virefcit. In pascuis frequens occurrit.

Augusto mense exit. Ab omnibus aliis Fungis facîle distinguitur substantiâ inferiore foraminulenta seu poris creberrimis pertusâ, ejusque colore ex luteo virente, & interdum planè luteo.

## CAP. II.

\* *Fungi esculenti* 16. *Clusii prima & secunda species. Fungus Augusti mensis C.B.*

*Clus.*  
**P**rior pediculo est trientali, superna parte minimi digiti crassitie, infernâ unciali aut ampliore, coloris variè mixti ex cœruleo viridi & fusco. Capitello orbicularis in plano figuræ, tumescente & quasi pulvinato, cujus diameter trium unciarum aut paulò major, color ex candicante subfuscus, infernè albus.

Secunda pediculo est brevior, sed longè crassiore, ut qui supernè digitali sit crassitudine, infernè 2½ unciarum: capite orbiculato sed inæquali & quasi sinuoso, cujus diameter pediculi infimam partem amplitudine non valdè superet, colorisque est ex flavo rufescentis: versâ pars nonnihil camerata est, colorisque est ex flavo pariter rufescentis.

Habet verò (inquit Clusius) hoc Fungi genus aliquot notas ob quas Pauli *Agaricum* esse liceat conicere. Etenim colore fuliginoso sunt ejus species, orbe etiam quarundam tam amplo ut sæpe caput humanum æquent, pediculo omnium crasso, infra colore nigro virefcente.

Ceterum hic Fungus apud Ungaros in hunc modum apparari solet. Repurgatus conciditur; frusta paululum in clibano exsiccantur, deinde in aqua elixantur: iis deinde exemptis panis vulgaris, quo viz. familia uti solet, taleæ super craticulam tostæ in prædicto juscule coquantur, id demum jusculeum cribro farinario succernunt: postremò huic condimento (quod nec tenue nimium, nec crassum nimis esse debet) elixa fungi frusta imponuntur, additoque aceto, pipëris, zingibëris atque Caryophyllorum aromaticorum polline eduntur.

## CAP. III.

A. *Fungus pænè candidus, prona parte erinaceus J.B.*

*J.B.*  
**R**aro naturæ miraculo (inquit J.B.) parte prona pro membranulis innumeris veluti aculeis muricatus erinaceum in memoriam revocat, unde ex argumento nomen imposuimus: majusculus est Fungus, etiam palmo major, albus, minùs tamen quam piperatus & fere effuscus.

In sylvis propè Monbelgardum J. Baubino observatus est; nobis in sylvis Warwicensibus ad Middleton vicum.

## CAP. IV.

*Fungus orbicularis secundum vias & in Quercetis Autumno nascens C.B. Fung. nox. 19. genus Clus.*

**H**ujus sex species proponit Clusius. Priorem quoniam subtus striata seu lamellata est superiùs sub genere Fungorum striatorum posuimus. Reliquæ huc pertinent: Quartam & quintam species C. Baubinus sub propriis & distinctis titulis exhibet: nimirum quintæ speciei titulum imponit Fungi tuberis figurâ, sextæ Fungi Cyclamini radicem colore & formâ referentis.

Secunda amplior est, crassiore pediculo, orbiculata, supernè paululum intumescens, colorè vel rufis quibusdam maculis consperso, vel fusco omnino & fuliginoso; infernè pallido, frequentibus fuscis maculis notato, vel ex fusco pallido omnino, nec ullis striis distincto.

Tertia crasso est pediculo, unciali; pileolo in metam assurgente, dum recens nata est; unciali, ex cineraceo fusco; adulta duarum unciarum, magis exalbido, & notis quibusdam distincto, lacero & hiante.

Quarta duplex videtur, vel infra duarum unciarum magnitudinem, crasso corpore, gracilioreque pediculo, supernè ex atro rufescens, infernè flava frequentissimis parvis maculis inspersis: vel trientali magnitudine, crasso & protuberante corpore, fusco supernè & scissuris quibusdam albis lacero; infernè ex flavo pallefcente, striarumque experte.

Quinta latis informis est tuberis (dum junior) figurâ, supernè valdè fusca, infernè rubra saturâ & nigricans, circa oras flava, binas uncias lata: Adulta quatuor est unciarum, orbiculata, per intervalla protuberans supernè, & fusca, elucente quibusdam in locis dilutiore rufescente colore, infernè ex rubro atra aut obscura, striis carens, pediculo valdè crasso, inæquali & fusco: ipsum autem fungi corpus contrafactum cœrulei, virefcente intercepti, est coloris.

Sexta magnum Cyclamini tuber valdè refert, tum amplitudine, tum colore, & inæquali rotunditate: infernâ autem parte ochræ colore est, venis quibusdam rufescentibus aut subfulcis distincto; nullis tamen striis.

Septima omnium amplissima est, v. g. fescupalmaris, inæquali tamen ambitu, supernè purpurascens coloris, cui permixti sunt rufus & fuliginosus: ipsum internè corpus subcœrulei est coloris, ut etiam pars supina cui pediculus inhæret; reliqua pars inferior flava est, bisis aut ternis magnis maculis rufis infecta. Junior & primùm emergens minor est.

## CAP. V.

*Fungi prunorum commixti coloris, perniciosi J. B. F. ex eodem pede, sed non conspicuo, numerosi C. B. Fung. nox. genus 2. Clus.*

*Clus.*  
**S**ub Pruni arboribus novo Vere nascuntur confertim ex eodem pede numerosi, nullo tamen pediculo conspicuo, varia magnitudine & forma; nonnulli duas aut tres uncias lati atque etiam ampliores, alii vix unciam lati; vel orbiculatæ figuræ, vel angulosæ; omnes ex albo, pallido & fusco coloris commixti.

## CAP. VI.

\* *Fungus crassus in metam surrectus C. B. Fungi in metam surrecti perniciosi J. B. Fung. nox. 20. genus Clus.*

**Q**uatuor hujus species describit *Clusius*.  
Prima crasso est corpore, in metam formam surrecto, supernè cineraceo, infernè ex flavo pallente, pediculo fescunciam longo, unciam crasso.  
Secunda longiore est pediculo, non minus tamen crasso parte terræ proximâ, summâ tamen graciliore: capite crasso, duas uncias lato, ex pallido fusco vel fuliginoso prorsus, infernè ochræ colore.

Tertia crasso etiam est pediculo parte terræ proximâ; capite in juniore fescunciali, rufo, in adultiori duarum unciarum aut amplioris latitudinis, circinatae uterque ferè rotunditatis & nonnihil extumescens. Infernè ochræ est colore fuligine perfuso.

Quarta species, cum infernè strias habeat, non est hujus loci.

## CAP. VII.

A. *Fungus faviginosus Park. Lob. rugosus vel cavernosus sive Merulius J. B. esculentus 1. sive porosus C. B. Fung. esc. 1. genus Clus. Honey-comb Mushrome. Mourilles.*

*J. B.*  
**L**autioribus mensis expetitus, reponitur etiam exsiccatus, ut alienis mensibus gulæ serviat, formâ turbinatâ, totus circumquaque scrobiculis pervius, ut favos apum imitetur, ex albo nonnihil rubescens, fulvus aut niger; interiori ceterum parte totus cavus, albus & velut farinaceo quodam lavore aspersus: pediculus vero, qui fungi corpus sustinet, infima parte crispus, totus albus, cavus quoque.

*Clusius* quatuor hujus species observavit, quæ magnitudine & figurâ differunt. Prima pollicis extremum articulum rarè superat; cute valdè rugosâ & favi æmulâ, albicante quasi fuligine infectâ.

Secunda radicem Aristolochiæ rotundæ exsiccata refert, coloris ex rufo fusci, priori magnitudine par.

Tertia duplo amplior, plerunque orbicularis, colore & rugarum cellulis primæ æmula.

Quarta in longitudinem metam instar excrescit. Plenas descriptiones si desideras, *Clusium* adeas.

In Germania, Gallia, Anglia reperitur in pratis & pascuis, inque dumetis verno tempore.

*Mentzelius* in Pugillo suo plantarum rariorum Fungi hujus, pyramidalis & in metam fastigiati quatuor differentias exhibet: item porosum communem intestinorum gyros referentem.

Fungus Autumnalis bisulcus velut apex Flaminis *Plinii Mentzel.* ex horum genere est, frequens Autumni tempore in sylvis Pinastricis *Marchiæ Brandenburg.* Quidam ungulam bifidam; quidam tiaram seu Episcopalem mitram referunt.



## CAP. VIII.

- A. *Fungus phalloides* J. B. *Phallus Hollandicus* Park. *F. virilis penis effigie* Ger. *F. fetidus penis imaginem referens* C. B.

**L**ongissimis filis seu funiculis albis variè implexis sub terra reptantibus ceu radicibus, hic illic accrescunt volvæ dictæ, phallos claudentes, bulbi cujusdam aut pilæ palmaris specie & magnitudine, aut paulo interdum majores, albæ, ponderosæ, tunica satis crassâ exteriori testæ; cui proximè subest gelatina quadam viscosa & pellucida, gelatinæ autem secunda tunica parâ cum extima crassitie, superficie interna candoris nivei; quæ sinu suo amplectitur substantiam quandam coloris obscurè & sordidè virentis consistentiâ ferè massæ farinaceæ. Huic subjacet tertia tunica, cellulis quibusdam exteriori reticulata, favi ad instar, aut ventriculi bovini reticuli dicti: erumpente phallo tunica hæc protruditur, sique capitellum seu glans penis, substantiâ mucosâ proximè dictâ ei incumbente, ejusque cellulas replente, quæ putrescens colliguatur, & virosium foetidissimum halitum expirat; Hanc muscæ avidissimè appetunt & exugunt. Meditullium volvæ occupat substantia candida, levis admodum & spongiosa, utraq; extremitate acuminata, quæ corpus veretri efficit.

Disruptâ volvâ phallus exilit, & in justam magnitudinem excrescit brevi temporis spatio, unius nempe aut alterius diei; idque etiam volvâ è terra revulsâ, & in conclave aliquod repositâ adhuc integrâ, priusquam colem effuderit: genitalis humani ferè figurâ. Materia scapus fungosâ consistat, rarâ, plumâ leviori, foramine pervio rimosus, eoque lævi ac velut dedolatus, teres, ad duorum palmorum longitudinem accedens. Huic insitit, non uti Fungo petasus, sed galea aut capitellum, in figuram metæ propemodum fastigiatum, exentile, cætera glandis virilis specie, nisi quod cancellatâ sit cute.

Invenimus Middletoni, in D. *Franc. Willughbee* viridario, è Fraxinorum quarundum dejectarum radicibus in terra putrescentibus enatum, ut conjectabamur.

Fungus Clusio pro quinta specie 23. generis Fungorum noxiorum descriptus, ad hunc non tantum accedere videtur sed prorsus eundem esse, ideoque Chabræus C. *Baubinum* hoc nomine immèritò reprehendit quod illum hujus synonymum fecerit.

## CAP. IX.

- \* *Fungus Coralloides cancellatus* Clus. J. B. *rotundus cancellatus* C. B. *Fungus lupi crepitus vulgi efflorescens* Col. *Fungo phalloidi congener*.

**N**ascitur hic gallinacei ovi formâ dum è terra primùm erumpit, colore prorsus niveo, radicemque habet tenuem, candidam, in multas fibras valdè tenues divisam. Ovum autem illud sive volva dum maturefcit sensim disrumpitur & dehiscit, & inde exilit tanquam marsupium aliquod, distinctione cancellatim reticulatâ constans, & in obliquo veluti ramos invicem se secantes, atque summa parte in unum coeuntes formatum, rubri coloris; ut totidem Coralli rami sibi invicem implexi videantur. Odorem foetidissimum exhalat, à crasso cineraceoque quodam liquore, rubentes illos ramos supina parte obsidente ortum; quem simul atque è volva sua exclusus est fungus, vari generis parva insecta mirificè appetunt, & tandem etiam absumunt.

Hos Fungos in sylvis Belgenteriensis agro interdum, frequentiores autem inter harundines secundum fluviolum magna ex parte agrum illum rigantem consitas se reperisse scribebat qui eos ad Clusium misit N. de Callas Peirets toparcha.

Hunc C. *Baubinus* à fungis pulverulentis non oportere distingui scribit in Pin. Verum nos diversum sentimus, & ad Fungos phalloides potiùs referendum censemus; siquidem è volva pariter erumpit, estque liquore quodam foetidissimo oblitus, quem muscæ avidissimè appetunt & exugunt: quamvis C. *Baubinum* Lynceum perspicacissimum F. Columnam in hoc secutum scimus.

## CAP. X.

- A. *Fungus ramosus flavus & albidus* J. B. *ramosus, & Imperati* C. B. *Fung. escul. 19. genus* Clus. *An F. digitatus major atque etiam minor* C. B?

**S**ubstantiâ est cum cæteris Fungis parâ, sed figurâ longè aliâ. Nam ex uno geminove crasso trunco in alios minores, hi in alios adhuc minores ad minimos usque creberrimis & anfractuosis segmentis Coralli fruticis in modum, sed longè densiore stipatu, finditur. Est & varietas quadam. Nam alii in tenuissimas ad extremum venarum instar hepatis divisurâ abeunt: alii in Coralli aut palææ crassitudine subsistunt. Colore sunt aliàs flavo, aliàs albido.

Clusius in tres species colore inter se differentes, nonnihil etiam formâ, hunc dividi posse arbitrat: quem si placet consule.

Septem-

Septembri mense sub Corylis nasci gaudet, inquit Clusius; *J. Baubinus* Autumno in umbrosis sylvis. Nos in ericetis observavimus.

Huc pertinere existimat *J. Baubinus* *Fungos digitellos* à digitis dictos, quorum meminere *Hermolaus* & *Ruellius*, itémque *Lonicerus*, licet non demonstrent quid velint. Huc item refert *Fungorum* §. genus, *Digitellos*, luteos prorsus, partim ex albo pallidos & roseos *Tragi*, *Digitellos* sive *Maninas* vulgò *Cesalpini*: *C. Baubinus* hos distinguit; & quidem rectius, sunt enim diversissimi, ut patebit ex descriptione addita. Hujus generis quoddam reperitur in *Castaneis* (inquit *Cesalpini*) spectabili magnitudine, ut unus sufficiat.

Hoc Anno 1685. observavimus *Fungi* genus in pascuis Augusto mense, pluribus simul ab eodem principio seu radice exeuntibus, duas uncias longis, culmi triticei crassitie, non tamen exactè rotundis sed paululum compressis, digitum figurà quadantenus imitantibus, nivei candoris, valdè fragilibus, nullà partium distinctione. Figura *Fungi* digitati apud *Parkinsonum* pag. 1318. non est huic speciei dissimilis. Hic longissimè differt à *Fungo* ramoso *J. B.* & *C. B.* & ab eo omnino separandus est: accedit proximè ad *F. Ophioglossoidem*.

## CAP. XI.

\* *Fungi ramosi argentei J. B. Fungus ramosus candidus C. B. Fungi nox. 25. genus Clusi*

*Clus.*

**I**N putridis dejectarum arborum caudicibus crescit circa Calendas Novembris. Semipedalis est magnitudinis aut amplior, elegantissimæ formæ: Nam fruticosus est, & in innumeros quodammodo ramulos divisus, candoris immaculati, quorum nonnulli abiegnorum ramulorum figuram exprimunt, adeò ut si splenderet, ex puro puto argento conflatum quis æstimare posset: aliquando nullum habet pediculum, sed ipsi dejectæ arboris caudici inhæret: interdum fescunciali fulcitur pediculo.

## CAP. XII.

A. *Fungus ramosus niger compressus parvus, apicibus albidis.*

**L**igno putrido, præsertim radicibus adnascitur, estque compressus, durus & tenax, digiti longitudine, summâ parte veluti in cornua divisus, apicibus albicantibus aliàs totus niger. Figura sua ad *Algam* marinam quodammodo accedit.

## CAP. XIII.

A. *Fungus Ophioglossoides niger.*

**I**N montosis pratis agri *Westmorlandici* copiosè provenit. Color ei niger, magnitudo & figura spicæ *Ophioglossi*: quibus notis à reliquis abundè distinguitur ut ulteriori descriptione non indigeat. A sequenti fortè non aliter differt quàm vetustate.

## CAP. XIV.

A. 1. *Fungi parvi lutei ad Ophioglossoidem accedentes.*

**A**B *Ophioglossoides* nigro colore differunt luteo, & nonnihil etiam figurâ, quæ in his ab imo ad summum æqualior videtur. In vivario *Middletoniano* in agro *Warwicensi*, & alibi in pascuis copiosum observavimus.

2. *Fungus digitatus Parkinsoni.* Hujus descriptionem vide *Cap. X.*

## CAP. XV.

A. *Fungus pulverulentus dictus Crepitus Lupi J. B. Crepitus Lupi sive Fungus ovatus Park. F. 3. sive orbicularis Ger. F. noxius 42, sive rotundus orbicularis C. B. F. nox. XXVI. prima species Clus. Puff-balls or dusty Mushrome, Bul-fists.*

*Clus.*

**N**ullo ferè conspicuo pediculo nititur, glomeratæ rotunditatis, Juglandis magnitudine, & minoris, & majoris, primò albâ cute & medullâ itidem albâ conspicuus, postea ex albida vel livida; medullâ cum corrumpitur in tenuissimum siccissimūque pulverem abeunte. Calcatus crepitum edit & fumum pulverulentum emittit. Nobis observati dum juniores adhuc essent



essent cute quidem albâ, ad cinereum tamen tendente, edque non levi & equali, sed valut granulata te-  
 ti erant, eorum autem pulpa interior mollis interdum, initio candidus, inde virefcens.

In pascuis & pratis ficcioribus ubique ferè Autumno invenitur. Hujus pulvis gravem & foeti-  
 dum spirat odorem Imper.

Siccat admodum & astringit, unde vulneribus inspersus sanguinem sistit, ulcera inveterata defici-  
 car, hæmorrhoidum fluxum cohibet: oculis tamen inimicus, imò perniciosus, censetur.

A. 2. *Fungus maximus rotundus pulcherrimus dictus Germanis Pfostli, Fung. nox. XXVI. secunda  
 species Clus.*

J. B.

Tantam assequitur magnitudinem, ut caput humanum facilè æquet aut etiam excedat, cute  
 membranèa satis firmâ [ quæ in principio ex albo cinerea, mōx cum tempore livida redditur ] in-  
 dique cinctus, substantiâ partim coherente sed rarâ, eorum instar quos excipiendis filice chā-  
 lybèque excussis scintillis præparatos vendunt, colore etiam perfimili: sicci levissimi sunt, ut caput  
 humanum singuli æquantes unciale pondus non excedant.

Sunt qui pro certo asserant vetustiores & jam justam maturitatem adeptos præstare ad compen-  
 scendas sanguinis eruptiones, etiam periculosissimas; quibus & ipsi multorum cum præsentī salute  
 nisi fumus in eo ipso casu, J. B. In quem usum toniores eos exsiccatos & omni pulvere vacuos in  
 officinis suis adservare solere multis Germaniæ in locis scribit Clusius.

\* 3. *Fungus rotundus albus J. B.*

Grandis est pilæ instar, rotundus, foris pallenti cortice, intrus candidâ, succosâ, dulcique carne,  
 non in pulverem transiens, sed hyemis injuriâ, Peponum exemplo, putrescens.

Nascitur vere ex meris arenis. Cord. in sylva Obs.

\* 4. *Fungus ollularis vel botryoides fimarius J. B.*

Uvarum albarum, amplarum, crassarum & longarum, veteribus Græcis *Agaves* dictarum simili-  
 tudinem quodammodo refert.

## C A P. XVI.

A. *Fungus minimus ἀρόρυς Clus. minimus ligneis tabellis areolarum hortorum adnascens C. B.  
 An Fungi calyciformes seminiferi Mentzel.*

Clus.

**V**ix semunciam altus est, Autumno plerunquæ nullo petiolo fultus, ligneis tabellis pulvinos  
 & areolas in hortis ab invicem segregantibus adnascitur, cineracei vel exalbidi coloris, for-  
 mâ panè grossum immaturam referens, minimi digiti extremum articulum magnitudine  
 vix æquans, singularis plerunquæ, vel (quando plurimi) bini, terni aut quaterni simul coherentes,  
 qui maturi supernâ parte dehiscences, pleni apparent lento quodam succo, & seminibus, magni-  
 tudine quidem seminis Cyclamini, sed exiles fungulos formâ figuræ exprimentes, cineracei, ut pa-  
 rens, coloris.

Ab aliis omnibus nobis cognitis fungis abundè distinguitur quod semine prægnans sit.

## C A P. XVII.

*Fungi calyciformes seminiferi. Mentzel. ita describit;*

**E**Rumpunt primò instar globulorum pyriformium & aperti jam formam calycis præstant; in qua  
 bus (quod mirum) semen durum Lentis magnitudine continetur.

Hos observavit Mentzelius sponte provenientes ad parietes arcularum lignearum semipu-  
 tridarum, itémque in terra umbrosâ putredinem ex lignis continentè juxta ædificia lignea, tempore  
 Veris & Autumni, tempestatibus pluviosis & serenis alternatim mixtis.

Hujus generis fungos à se observatos ad nos misit eruditissimus Vir & rei herbariæ peritissimus  
 D. Hansius Sloane M. D. & Amicus noster singularis. Erant autem ii semunciali longitudine, cam-  
 paniformes aut calyciformes, scyphulorum musci pyxidati similes, figurâ coni inversi, ab imo pun-  
 cto ad margines summos paulatim dilatati. In fundo semina continent satis grandia, rotunda, com-  
 pressa, tenui filo alimentum deferente annexa, per maturitatem aquâ pluvîâ scyphulos replente  
 & eorum labra præterfluentè semina elewantur & unâ quâ fors tulit devehuntur. Per siccitatem  
 nigricant.

Locus

Locus idem qui Fungi minimi anonymi Clusii, nimirum tabulæ lignæ areolarum hortorum. Radix parva. E tumore parvo rotundo erumpunt primulum. D. Merret in Pinace rerum nat. Angliæ, hoc genus *Fungus campaniformis niger multa semina plana in se continens* dicitur.

## CAP. XVIII.

A. *Fungi Pezicæ Plinii. Col. Fungus acetabulorum modo carus, radice carens C. B.*

*Col.*  
**Q**uia sine radice aut pediculo nascuntur, à terra minimè se attollentes *μεζυαὶ* Græcis dicti sunt, autore Plinio. Solidior his caro, & callosior est, qui non à ligni putredine, vel alterius rei, sed à terræ pituitâ oriuntur. Horum ortus est, quando imbribus prægnans humus est, locis non putridis & uliginosis, sed in solidiore terrâ cui ita hærent, ut non nisi cum ipsa in imo hærente evellantur, aut disrumpantur. Pyxidum aut acetabulorum modo cavi sunt, profundo & lato fundo, ut quatuor uncias aquæ majores capiant; alii rotundo ore, alii inæquali circumferentiâ, angulosâ, trigonâ, aut pluribus sinibus, vel lucernarum modo rostrati, oblongi. Carne constant crassâ, solidâ, humanæ auriculæ modo, albi exterius, interius verò purpurascens, atque ita densâ & solidâ, ut aquam pluvialem multis diebus continere observaverimus; nec marcescunt duorum mensium intervallo. Fibrulas aliquot pro radice vix conspicuas diligenter excusâ terrâ habere comperimus.

Hanc observavit D. Lister è terræ rimis emergentem circa *Burwell* in provincia Lincolnensi.

A. *Fungi Pezicæ altera species Col. Fungus Hepaticæ saxatilis formâ C. B.*

Est (inquit *Col.*) & altera species congener, iisdem locis, carne solida, Hepaticæ aut Bryosifilis quasi, foliosâ, crispa & convoluta, humo adherens eodem modo, nec putrescit sed durat.

Huic similem si non eundem observavimus è terra enatam in vivario ferarum D. Fr. Willughby, in *Middleton* pago agri Warwicensis. Similis erat membranæ crassæ aut corio crudo, fragilis tamen, supina facie rubro aut saturo Mali Aurantii colore. Ex uno puncto enati in latum se diffundebant hujus generis fungi, infundibulorum aut calicis formâ in modum circumvoluti, oris tamen non commissis seu continuis, adeo ut aquam continere non possent; ut de primâ specie refert *Col.*

## SECTIO TERTIA.

*Fungi Arborei.*

## CAP. I.

A. *Fungus membranaceus auriculam referens sive Sambucinus C. B. F. Auriculæ Judæ, coloris ex cineraceo nigricantis, perniciosus, in Sambuci caudice nascens J. B. F. Sambucinus seu Auricula Judæ Ger. Park. Jews-ear.*

*Clus.*

**B**revissimo vel potius nullo pediculo nititur, sed caudici arboris inhæret, aut singularis, aut geminus, membranacea cute constans, implicatâ & sinuosâ, coloris ex cineraceo nigricantis. Vulgus *Auriculam Judæ* nominat, cartilagineâ enim & membranaceâ est substantiâ, quemadmodum auris.

*Vires.*

Fungus hic exsiccat etiam per annum servari potest. In lacte decoctus aut aceto maceratus, in Angina aliisque oris aut gutturis tumoribus aut inflammationibus exhiberi solet ad gargarisandum aut guttur eluendum. Omnis generis inflammationes & tumores ex aqua rosacea aut vino impositum sedare & reprimere tradidere quidam. *Trag.*

Oculorum affectibus medetur in aqua appropriata maceratus & impositus. *Schrod.*



## CAP. II.

## A. Fungus Intybaceus J.B.

**J.B.**  
**M**emorabilis est magnitudinis & formæ: planus & compressus, dimittente sesquipedali, ex foliis totus, aliis incumbentibus, aliis subeuntibus confarcinatus: Intybo crispo haud ineptè comparaveris: singulares foliosæ portiones cristatis crispisque oris, in quas radii ab insertione producantur, pectunculos imitati. Color parte supina veluti cinericeus, pronâ albus; inversus porosus apparet, Stellamque marinam arborentem egregiè exprimit. Odor haud ingratus: substantia lignosior quàm ut in cibos venire possit, mense Septembri repertus; mense autem Augusto non ita durus observatur, quem quidam edulem dicunt.

Nascitur in sylvis. Nos ad radices Quercuum invenimus in Parco dicto Middletoniano agri Warwicensis.

## CAP. III.

## \* 1. Fungi Laricum maximi lutei esculenti J.B. Fungus Lariceus aurei coloris C.B.

**H**I, autore Matthiolo, Laricibus innascuntur in Ananiensibus montibus, triginti librarum pondere, aureo colore, per ambitum dissecti, in cibis gratissimi, nullo amarore præditi, licet Agaricus ab eadem arbore productus sit amarissimus.

## 2. Agaricum J. B. Agaricus sive Fungus Laricis C. B. Agaricus ex Larice Park. Agarich.

**J.B.**  
 Concretu fungoso Larici adnascitur, nunc majoribus, nunc minoribus massis conglobatum, [Parkinsono à manû ad capitis humani magnitudinem] leve, candoris rursi, in farinam digitorum attritu friabile, sapore primum dulci, mox subamaro, tandem acri cum aliqua adstrictione. Reprobum & candore cedit magisque nigricat, & minus facile friatur, pondere etiam vincit, utrumque verò obvestit callosus cortex & nigricans. Notæ optimi Agarici hoc disticho continentur,

*Res frangi præsto pretiosus Agaricus esto,  
 Candidus & splendens, bonus in libra leve pendens.*

Hinc improbat qui stirpi proximus est, quia trahit aliquid de nigredine corticis, quin ferè lignosior est, idèoque minus friabilis. Agaricus Dioscoridi & Plinio duplex habetur, Mas & fœmina. Mas rotundus est & undique sibi similis, Plinio crispior amariorque; Fœmina rectas intus habet pectinum modo venas & quasi divisuras, Plinio Fœmina solutior est, initio dulcis, mox in amaritudinem transit. Hæc præfertur, illa reprobatur. Officinæ nostræ hoc modo non distinguunt, quod sciam.

Agaricum in Agariâ Sarmatiæ regione nascitur, autore Dioscoride, unde & nonien ei inditum. Etymon.  
Locus. At non in Agariâ tantum, quamvis ibi fortè præstantissimum, oritur, sed & in Delphinatû Gallicæ & in montibus Tridentinis, necnon Rhetorum, Vindellicorum & Noricorum tractu. Ad nos olim ex Hungaria, (ubi copiosæ Larices crescunt) delatus fuit: hodie tamen optimus habetur qui in sylvis Tridentinis & Noricis oritur: candidissimus enim, levis & mollis plerumque est: improbat autem niger, & qui multis nervis in medio dum frangitur constare conspicitur, ut & compactus, gravis, &c. D. Palmer communicavit ex dictatis D. Hermans.

Brassavolus aliique se Agaricum Quercui adnascentem vidisse scribunt; alii Ilici, Abieti, Piceæ. Matthiolus se nunquam vidisse Agaricum alii arbori præter Laricem innascentem refert, neque in montibus Tridentinis & Ananiensibus, neque in Carniola aut Dalmatia alibive in Germania & Italia, ubi copiosissimæ Quercus, Ilices, Abietes, Piceæ crescunt.

Quin & miratur Bellonius audere quenquam affirmare Agaricum nasci in aliis arboribus quàm in Larice. Verùm negativam propositionem perdifficile est probare; neque vel Matthiolus vel Bellonius certi esse potuerunt Agaricum aliis præter Laricem arboribus non innasci, quia ipsi innascentem non viderant, nisi (quod impossibile est) omnes per totum terrarum orbem nascentes Quercus, Ilices, Abietes, Piceas, aliisque arbores, quibus adnasci dicitur lustrassent: & vel uni testi fide digno asserenti se innascentem vidisse potius credendum est, quàm vel mille cuiuscunque autoritatis sunt id negantibus. Utcunque tamen ego in Matthioli & Bellonii sententiam inclino; & Fungos illos, quos prædicti autores Quercui aliisque arboribus innascentes viderant, Agarico affines & similes potius quàm veros Agaricos fuisse opinor.

Agaricum purgat pituitam, præcipuè crassam & lentam [tenuem, aquosam, serosam & viscosam totius corporis, Schrod.] & bilem utramque. Datur Hepaticis & anhelosis, & ictericis, & nephriticis & dysentericis, & in urinæ difficultate, & in uteri strangulatu, & in viciato colore, drachmæ pondere. Facit quoque ad dolorem ischiadicum & comitalem morbum. Ducit & menses, unde & prægnantibus usus ejus interdicitur, aliisque multa præstat quæ vide apud Botánicos & Practicos.

Datur

Datur in substantia à 3j ad ij, in infusione à ij. ad v.

Duo vitia corrigenda sunt in Agarico, 1. *Tarditas* ipsius. 2. *Levitas*, ob quam ad fundum ventriculi agrè descendens nauseam & vomitum facit. Optima ratio corrigendi est, si trochiscetur Agaricus cum f. q. vini albi vel Malvatici in quo zingiber fuerit infusum. *Le Brun.* Quia ventriculo nauseabundus est corrigitur stomachicis Zingib. Caryophyll. Spica Celtica, &c. Quia tarde operari solet additur stimulus ex Sale gemmar, CrySTALLIS Tartari & similibus. *Schrod.*

Hos corrigendi modos impugnat, nec optatum effectum consequi ostendit Aug. Ferrerius: si quidem zingiber ad flatulentiam quidem castigandam prodesse poterit, ad oris Ventriculi adstrictum nem planè nihil. Reliqua apud ipsum vide.

## CAP. IV.

\* *Fungus auritus Juglandium albicans* J. B.

*Imper.*  
**O** Recchivole species Fungi coriacei, figurâ foliacei, quæ ab uno pedicello in curvaturam abit, in ambitu Rosæ dimidiata instar dissecta. Pars inferna reliquorum fungorum in morem striis foliaceis secta.  
Nascitur in arboribus, specialiter in nucibus, colore albicante.

## CAP. V.

\* *Fungus lignosus arboreus ad furfures* J. B. *Fungus noxius 4. sive ad cutim extergendam aptus* C. B.

*Imper.*  
**F**ungus quo, autore Imperato, ad abstergendos capitis furfures utimur, de lignosorum Fungorum genere est, magnus & maximi capitis medietatem adæquans. Nullo pediculo nectitur, sed arboribus immediatè affixus hæret, divisuras, infernè manifestas habens, quarum ope furfures decutiuntur.

## CAP. VI.

\* *Fungus villasus arboreus coloris ochræ tinctorius* J. B.

**M**ediocris magnitudinis est, duobus pugnis simul junctis ferè æqualis, undique tunica molliorâ obtectus, quæ in villos disjungitur breves, quorum longitudo ipsam tunicæ crassitudinem æquat. Interior quoque substantia villosa est, quæ arbori adhærens in filamenta quæ ex corio emergunt, quaquaversum terminantur. Colliguntur ex arboribus pomorum, colore intus ochræ, qui exsiccati nigrescunt. Utuntur mulierculæ horum decocto ad tingenda vestimenta lugubria.

## CAP. VII.

A. *Fungi arborei ad ellychnia* J. B. *F. durus arborum, sive igniarius* Park. *F. nox. 3. sive in arboribus nascens unguis equini figurâ* C. B. *Touch-wood.*

*J. B.*  
**E**X Juglandibus [imò & aliis arboribus] colliguntur Fungi, truncis annosis adnati, substantia callosâ lignosâque in ambitu & fibris rectis contextâ, in medullio molliore; in qua [si rectè memini] vix ulla apparent fibrarum vestigia. Color foris cinereus, intus obscurior, ad fundum inclinans: præparatione autem assequuntur molliem illam, & vim ignium rapacem, quos depopulantes ipsorum substantiam ad extremum foveant.

Fungos hosce ad id negotii parare solent hoc modo. Decoquant illos in lixivio, & siccant tandem, rursûsque nitro coquant: hoc enim pacto ad concipiendum ignem aptiores redduntur.



## CAP. VIII.

\* *Fungus putridus arborum ramis inhærens, plurimis simul cohærentibus* C. B. *Fungi dicti Spongii, lignorum perniciosi* J. B. *Fungorum noxiorum 24. genus* Clus.

Clus.

**T**Res hujus species observantur,

1. Reliquis major, in majusculis ramorum fragmentis nascitur, uncia aut duo unciarum magnitudine, formâ Auriculæ Judæ, colore rubro, interdum plures cohærentes & in unum corpus veluti coalescentes, valde tamen se remittente colore.

2. Longè exilior, unguis latitudine & interdum majore, singularis aliquando, interdum bini simul conjuncti, formâ velut supernè exsculptâ, coloris egregiè rubentis & adeò floridi ut coccineum provocare videatur. Inhæret plerunque tenuibus ramorum aut corticis illorum fragmentis; in umbrosis.

3. In iisdem ramulis nascitur, rugosò corpore, unciali aut seseunciali magnitudine: interdum bini simul cohærent, uncia minores, plerunque etiam terni, & illi quidem elegantiore aureo colore præditi, reliqui flavo.

Octobri mense in putridis dejectarum arborum ramis crescit.

## CAP. IX.

\* *Fungi Salicum colore varii perniciosi* J. B. *Fungus Salignus Lichenis formâ variegatus* C. B. *Fungorum noxiorum 4. genus* Clus.

Clus.

**N**Ovo verè post præmaturas pluvias in Salicum caudicibus confertim plerunque nasci solet, firmiter inhærens Lichenis instar, in corpus tuberosum excrescens, variâ figurâ & magnitudine: nam pleraque tubera uncialem magnitudinem non superant, alia duas & tres uncias interdum ampla sunt, coloris elegantis & variè commixti: nam in eis & albedo conspicua est, & pallor, & suave-rubens color, & satur, atque etiam flavus; adde his fuscum sive fuliginosum colorem hinc inde ipsis inspersum.

## CAP. X.

A. *Fungus arborum & lignorum putrescentium coloris varii. An Fungus Cerasorum* Clus.? F. *Cerasorum imbricatim alter alteri innatus, variegatus* C. B.

**E**st hic, ut puto, quem Clusius aliique eum sequuti Botanici *Fungum Cerasorum* appellant, quamvis non rariùs aliis arboribus adnascatur quàm Cerasis. Est autem pulchrè variegatus ductibus ceu fasciis, diversi coloris ad marginem parallelis, aliis supra alios. Hujus generis plures ex eodem pede nati, imbricatim sive tegularum instar alter supra alterum conferti nascuntur, ut rectè Clusius. Infernè foraminulis innumeris punctatus est, minimè striatus, colore albicante.

Hic est ut puto *Fungus holosericeus* Iridiformis quasi colorum alternatione variegatus *Cat. Alid.* Supina enim ejus pars ad tactum interdum mollis est holoserici instar.

Clusius colores diversos ordine transversim eum secantes recenset, primo ex albo pallentem unciali latitudine à pede. Secundo ex rubro flavoque permixtum; deinde flavum maculis fuliginosis infectum; extimis tandem oris saturâ rubedine nitentibus, quam nonnihil foedat linea quædam veluti farinâ conspersa. Verùm colores hi non iidem in omnibus hujus generis Fungis sunt, sed in diversis arboribus nascentibus diversi.

## CAP. XI.

A. *Fungus Fraxineus niger, durus, orbiculatus.*

**F**Raxinis marcescentibus & tabidis accrescit, variæ magnitudinis & figuræ, plerunque tamen subrotundus, nullo pediculo pugnum interdum æquat, plerunque minor est: ex variis fibrarum nigricantium velut areis seu stratis aliis supra alias, compositus, ut in fluoribus quibusdam lapidibus aut petris accrescentibus sæpius observavimus. Durus est & ligneus, cum vetustior lævi est superficie, colore nigro.

## CAP. XII.

A. *Fungus Quercinus niger.*

**C**Audicibus & ramis Quercuum dejectarum innascitur, circulari ambitu, diametro fescunciali aut duarum unciarum, nullo pediculo propriè dicto, sed à marginibus circumquaque sensim se contrahens, donec ad punctum seu locum illum ubi ex arbore enascitur valde gracilis evadat. Interior ejus substantia dum adhuc junior est & tener, gelatinæ cuidam lentæ aut visco similis est; inferna parte color minùs niger sed potius fuscus est & rugosus. Octobri mensē hunc observavi, puto tamen omni anni tempore inveniri.

## CAP. XIII.

\* *Fungus pannis laceris similis igneus C. B.*

**Q**<sup>Cæs.</sup>uidam (inquit Cæsalpinus) pannis laceris similes sunt aut Spongiis, colore igneo; idè ignem sylvestrem vocant, inutile cibus. Oriuntur præcipuè ad radices Oleæ. Pulvis inspersus valet ad ulcera putrida & erodentia.

## CAP. XIV.

\* *Fungus coriaceus Quercinus hæmatodes Breynii in Ephemer. German. An. 4. & 5. Obser. 150.**Breyn.*

**I**N medio Quercûs, medullæ velut subucula circumvolutus, inventus est; tener erat, mollis, flexilis, planus, nonnihil rugosus, eâ longitudine & latitudine ut colobium ex eodem commodè conficere licuisset: colore pallido ad flavum nonnihil tendente; itemque substantiâ, tractatione & figurâ alutæ ex pelle caprina confectæ similior quàm ovum ovo, nisi quòd crassior, materia minùs compacta, intus præterea passim duriuscula & rotunda tubercula, in manus magis quàm in oculos incurrentia occultante. Initio gustatûs vis statim quædam attractiva apparebat. Reperitur & in aliis arboribus.

Nobilissimum præstantissimùmque remedium hæmorrhagiæ narium inhibendæ, si cordi particula ejus imponatur, dicitur.

## CAP. XV.

\* *Fungus Cornu Dorceadis facie Breynii, ibid. Obser. 152.**Breyn.*

**A**Mstelodami hic ex arboris Pyri aut Pruni trunco originem habuit. Duobus constabat ramis formâ, magnitudine, crassitie, ramulisque adhærentibus cum cornibus Capræ medicis comparandus. Substantia erat lignea, levis ac fungosa, color candens.

## SECTIO QUARTA.

*De Fungis Subterraneis, seu Tuberibus terræ.*

**T**Uber Latinis à tumeo dictum est, quomodo à facio faber, ab humeo huber & per aphresin uber, à glubo glaber, & alia multa. Voss. Etymolog. Græcis ὄστρον dicitur ὅτι ὄστρον, id est, nutriendo, plurimum enim alimenti præbet. In Aldino & Basileensi [Theophrasti Hist.] codd. observante Jo. Bodæo, ὄστρον legitur, & fortasse rectius, ὅτι ὄστρον vel ὄστρον, quia sunt ὀσδύματα ἢ ὄστρον, terræ tumores.

*Tubera J. B. C. B. Tubera terræ Ger. Tubera terræ edulia Park.**J. B.*

Nihil aliud sunt Tubera quam sine caule, sine foliis radices, magnitudine varia, pugillari interdum, aliàs Juglandis castanæ aut Avellanæ, tuberculis extantibus inæquales, externâ superficie rugosâ



gosâ & nigrâ, substantiâ albâ, consistentiâ carnis castanearum, gustu fatuo, odore nonnihil gravi, & hircino.

Imperato Tubera è genere vegetabilium sunt, sub terræ cortice latentia, figurâ inæqualiter globosâ. Substantia eorum callosa est, tenera, nutritioni apta. Crescunt locis arenosis & inter stirpes. Nostratia ut plurimum ad Melonum magnitudinem accedunt, cortice testâ nigro, scabro atque rimoso; substantiâ internâ colore lacteo, sapore communiter grato. Dignoscuntur Tuberum loca natalia ex rimis quæ in terræ superficie spectantur.

Modus quo Rustici in Italia (ut nobis relatum est) Tubera indagant, perridiculus est. Procellum scilicet Autumni tempore funiculo alterutri posteriorum pedum alligato præ se agunt in pascua ubi horum proventum solere esse nōrunt; qui ubi ad locum venit in quo tuber latitat, odore mox id percipit rostrōque eruit, erutum qui insequitur præripit, & ad aliâ indaganda porcellum abigit. Christianus Mentzelius Porci actorem ipsum sue, quamprimum rostro indicium dederit resti retracto, tubera effodere, inque usum humanum gulæque delicias colligere scribit.

Tubera quæ Bononiæ & Florentiæ vidit Mentzelius exterius fulci coloris erant, interiùs quoque ejusdem, sed multo candore instar marmoris interfusi. Frixa cum oleo recenti & pipere gustui grata sunt, Veneremque stimulant.

Idem Mentzel. in Marchia Brandeb. propè *Furstenwaldiam* tubera quædam à porcis eruta observavit, quæ testiculos humanos scroto denudatos formâ, magnitudine & colore exactè referebant. Cùm ergo testiculos humanos proxima similitudine referant, & hircinum odorem spirent, indicium est non leve ea Veneri stimulando idonea esse.

Tubera cocta & pro emplastro imposita Anginosis adeò prosunt, ut quidam jam morituros hoc auxilio liberârunt. *Cardan.* de variet. rerum, cap. 28.

\* *Tuberum genus, quibusdam cervi boletus J. B. Tubera cervina & Lob. C. B.*

J. B.

Magnitudine est Juglandis, interdum Avellanæ, & minore, tuberosum & inæquale, substantiæ inter duritiem & molliem mediæ, cortice intectum ex cineraceo ad fulvum nonnihil inclinante, superficie granulata, cui callus subest atro-purpureus, eâ quam diximus consistentiâ, qui recentior subastringit, exiccatu adstrictione amisâ dulcedinem leviusculam linguæ offert. Medullium fungosa quædam substantia ex albido purpurascens occupat; texturæ perquam raræ, ut similiter Aranearum telis convolvatur, & in nihilum stylo vel mucrone cultelli terendo abeat, relicto quâ abscedunt calli lacera spatio inani. Siccum & jamdudum repositum nihil aliud continere comperitur quàm pulvisculum, ut in Crepitu Lupi, sed farctiorem, sapore adstringente nonnihil, colore fuliginoso, nullâ relicta in medio cavitate, cortice circumjecto satis crasso, duriusculo.

Quæ de locis ubi nascuntur hæc tubera, & eorum ortu è genitura cervorum à Matthiolo & aliis referuntur, quoniam fabulosa & conficta mihi videntur, lubens omitto. Consulat Lector, si placet, J. Bauhinum tom. 3. lib. 40. cap. 80. pag. 851. Cordus eum invenit in præruptissimis montium sylvis, quod nè damæ & rupicapræ quidem pervenire possunt, nedum cervi. Sanè repertus est, subdit Jordanus, in locis ubi ab hominum memoria nullus unquam visus est cervus. Ad Trenzinium nobile Hungariæ oppidum circa Carpathi juga frequentissimus montuosis locis, sylvis opacis, ubi licet cervos reperias, non tamen tantâ copiâ quæ plaustris Fungorum sufficeret. Hæc J. Bauhinus.

Cæterum fungi hi cum crepitu Lupi dicto plurimum convenire nobis videntur, v. g. cute exterius granulata, & substantiæ interioris consistentiâ.

# LIBRI SECUNDI

## PARS TERTIA.

### *De Muscis sterilibus seu aspermis aliisque affinibus.*

**M**Uscus à Græco *Μῦς* dicitur, quo notantur tenera & novella, uti tenera boum soboles, & tenelli arborum rami. Muscus autem quamvis res notissima sit, ejusque species ab unoquoque primo statim aspectu agnoscantur, non tamen ita facile est eam definire, aut generalem aliquam descriptionem cudere, quæ omnibus Muscis & folis conveniat.

Solent autem Musci censerī Aridiores illæ & exuccæ, plerunque decolores, substantiæ, quæ oriuntur vel in opacis, vel in muris, tectis, arboribus, petris, aliisque locis sterilibus, immodico frigore aut calore perustis, aut etiam ficcis & squalidis, in quibus plantæ perfectæ nec provenire, nec durare possunt; aut saltem plantis perfectioribus minùs commoda & propitia sunt.

Musci sunt vel steriles & *ἀσπερμῆς*, vel fertiles & *σπέρματος*.

De sterilibus, iis saltem qui steriles censentur quoniam nullum in iis semen hætenus detectum & observatum fuit, hoc in loco agemus.

### CAP. I.

#### *De Muscis terrestribus nobis observatis.*

**M**USCOS terrestres hoc capite comprehensos voco quamvis & horum plerique arboribus interdum aut ædium tectis innascantur, quoniam in terra maximam partem oriuntur.

#### A. 1. *Muscus filicinus* J. B. Ger. Park. *filicinus major* C. B. *fern-moss*.

Ad trium unciarum altitudinem assurgit, ejusque caules, seu folia mavis dicere, filicina bene imitantur, sunt enim ramosa, ramulis utrinque è scapo seu nervo medio crebris exeuntibus, brevioribus sensim, donec nervus tandem in acumen desinat: inferiores autem ramuli, ut in filicibus ramosis, utrinque furculos emittunt; furculi denique foliolis capillaribus creberrimis vestiti sunt: ita ut totum folium (si parva magnis componere licet) filicinum proximâ similitudine referat. Color ex viridi flavicat. Umbrâ gaudet, idèoque in sylvis plerunque oritur, & quidem copiosissimè. Capitula seu vascula feminalia in hoc genere non observavimus. Folia quæ diximus in hac plantula veriùs rami sunt seu cauliculi ramosi.

#### 2. *Muscus denticulatus major* C. B. Park. Ger. *terrestris denticulatus* Lob. *Muscus pulcher parvum repens* J. B. *The greater dented Moss*.

##### J. B.

Serpit Chamæcissi modo pulchellus hic Muscus, cui ad costam tenuem fili instar denticulata foliola, tenera, pulchrè viridia, alterna plerunque, non adversa ut vult J. Bauhinus, absque pediculis lata basi adnascuntur. Cæterum in varios divaricatur ramulos, qui hinc inde tenues radículas emittunt. Lobelius eum rectè denticellis & sarmentosis viticellis compressis argutâ naturæ solertiâ elaboratum scribit.

Vascula feminalia in hoc non observavimus, suspicamur tamen ei non deesse.

#### 3. *Muscus denticulatus minor* C. B. Park. Ger. *terrestris Lusitanicus* J. B. *The lesser dented Moss*.

Tenerrima herbula est hic Muscus, dodrantalibus aut pedalibus interdum repens viticulis, filo tenuioribus, numerosis utrinque adnatis ramulis in obliquum expansis & subinde capillaribus quibusdam quas producunt fibris terræ adhaerentibus. Omnes autem viticulæ tectæ sunt frequentissimis foliolis, sive squamulis potius tenuissimis & tenerrimis, pulcherrimâ serie digestis, dilutiorèque & quodammodo pallescente viriditate præditis, tactu quidem mollibus, sed veluti ficcis, adstringente gustu cui tamen grata quædam dulcedo admista sit.

Nusquam hoc Musci genus Clusio conspectum quàm in umbrosis aggeribus olivetorum ad Colibiam Lusitaniæ urbem, trans flumen *Mondego* Latinis Munda nuncupatum, non procul à deserto quodam sacello, in colle sito. Somerseti Angliæ sterilibus montibus [*Mendip* vernaculè] ubi plumbum effoditur, nonnusquam magnâ gliscit copiâ, referente Lobelio. Nos Clusio descriptum nondum



nondum vidimus in Anglia sponte provenientem ; verum speciem aliam longè minorem in ericetis, muscis aliis adnascens.

- 4. *Muscus partus stellaris* C. B. Park. *Muscus in ericetis proveniens* J. B. Lob.

7. B.

Apud Lobelium frustra delineationem aliquam hujus plantæ inquisiveris præter ejus picturam in Icon. Plant. & in Hist. Belg.

- 5. *Muscus stellaris roseus* J. B. C. B. Park.

C. B. Prod.

Ex fibellis nigris radicem constituentibus pedicelli unciales prodeunt, quibus singulis folia plura instar rosæ compacta pallidè virentia, acuminata, in modum stellæ disposita insident. In saxosis Telamontii provenit.

- A. 6. *Muscus corniculatus* J. B. Park. An *Muscus terrestris ceranoides* C. B.? An potius *M. ter. coralloides incanus* ejusdem?

Cornu cervino multis ramis similis est, quem nos observavimus tubulosus erat, ejusque summi furculi in acutas spinulas plerunque definebant. Lithobryon coralloides Col. huic per simile est, nisi quod plerunque colore sit virenti, quodque in humentibus saxis & muscosis oriatur.

- A. 7. *Muscus coralloides apicibus coccineis*. An *Muscus terrestris coralloides erectus cornibus rufescentibus*. C. B. Park?

Hic (inquit C. Bauhinus) in ramulos rigidiusculos dividitur, qui licet candidus sit, illius tamen summitates cornutæ & rigida rufescent.

Ad Wiesam fluvium latè expansus in arenosis reperitur.

Ab hoc Musco à C. B. descripto alium adhuc apicibus coccineis diversum habemus: nec enim cornutæ sunt aut rigida ejus summitates, sed potius molles, apices etiam coccinei obtusi; & ramuli tubulosi sunt. Ad radices arborum dejectarum & in uliginosis sterilioribus nascitur.

- A. 8. *Muscus tubulosus ramosissimus* Fruticuli specie. *M. Coralloides sive Corallina montana* Ger. emac. *corallinus montanus* Park. *Coralloides sive cornutus montanus* C. B.

Ad duarum triumve unciarum altitudinem assurgit, in plurimos tenuissimos ramulos teretes fistulosos divisos & subdivisos, eosque leves, aridos, albicantes, adeo ut corallinam quodammodo referat, quamvis non omnino lapideus sit.

In ericetis squalido & spongioso solo oritur.

- A. 9. *Muscus pyxidatus* J. B. Park. Ger. *terrestris ramosus* 13. sive *pyxioides terrestris* C. B. Cup-mets.

7. B.

Lichenis modo foliis terræ instratis se diffundit granulatus hic fungosæ substantiæ muscus, surgentibus hinc inde uncialibus aut semuncialibus pyxidulis, crassis, cinerei coloris, superius in acetabuli formam patulis, pede angusto nixis.

In aridioribus è corio terreo saxis instrato oritur, inquit J. B.

- 10. *Muscus pyxioides saxatilis* J. B. C. B.

C. B.

Tubulis est longè minoribus, copiosioribus, nec ita candidis qui petris faxisve latissimis innascitur, eaque obtegit, quemadmodum in via Telamontium versùs videre est, inquit C. B.

Musci pyxioidis vulgaris pulvis in zythogalo, Cerevisia tenui, aliòve convenienti vehiculo per Vires aliquot dies exhibitus tussim convulsivam puerorum, nonnullis catarrhus ferus seu ferinus dictam, specificâ proprietate lenire & sanare dicitur.

## C A P. II.

*Musci quidam terrestres C. Bauhino in Prodomo descripti.*

- 1. *Muscus Abietis facie* C. B.

C. B. Radiato [Musco filicino minori] non multum ab similibus est, viticulis in ramos divisus, foliis capillaceis, utrinque (ut in Abiete) costæ longiusculæ adnatis, multò quam in prioribus brevioribus & viridioribus.

\* 2. *Muscus pennatus* C. B.

C. B.

Colore est ex luteo virescente, latèque serpit multis viticulis, sed brevibus, ramosis, minutis foliis pennam æmulantibus vestitis, qui fibras tenues pro radicibus habent.

In petrosis & sylvis reperitur.

Hujus altera species, radice rufescente, è copiosissimis fibris composita, viticulis ramosioribus, foliis minoribus in sylva Vilenfi locis uliginosis provenit.

\* 3. *Muscus ramosus repens* C. B. *velut spicatus.*

C. B.

Hic ad arborum radices nigris radiculis terræ affigitur, viticulis crassis & longis serpit, & de se copiosas veluti spicas oblongas, ex tenuissimis & levissimis foliis compactas, ramulorum instar emittit.

Huic similis & alter foliorum tantum apicibus candicantibus discrepans. Uterque in monte Crenztacho reperitur.

\* 4. *Muscus ceramoides major & minor* C. B.

C. B.

Major trium quatuorve unciarum est, foliis carens, cauliculis latiusculis, in ramos divisus, hique in alios breves, & hi similiter in tenuissima segmenta, trifida, quadrifida acutè scinduntur.

Minor totus incanus, unciam non excedens, ex plurimis ramulis proximè junctis compositus; quorum summitas communiter in duo minutissima & acutissima cornua abit.

Uterque in Hercynia collectus fuit.

## CAP. III.

\* *Muscus Islandicus* Bartholini, Sibbald. Prodr. Hist. Nat. Scot.

**D**E hoc musco Tho. Bartholinus Aët. Med. An. 1671, 1672. obl. 66. ex Observatione Borrichii hæc habet.

Fert Islandia muscum, nulli hætenus Botanicorum, sed jam & pharmacopolis nostris cognitum: Terrestris est & firmus, colore subalbidus, ramosus, lato ungue vix latior, sed qui in longum variè proserpit, costis hinc inde spinosis horridulus.

Eo insulæ coloni primo vere utuntur ad expurgandos humores corporis noxios; reliquo æstatis ficcatum in farinam comminuunt, & pulmentarius admiscunt, expirante demum vi purgatrice, & succedente alimentaria. Ex adversar. D. Tancredi Robinson.

## CAP. IV.

## De Muscis arboreis.

A. 1. *Muscus arboreus*: *Usnea Officinarum* C. B. *Muscus arboreus vulgaris & Quercinus* Park. *Muscus Quernus* Ger. *Muscus arboreus villosus* J. B.

J. B.

**E**X arboribus adultis, imprimis verò senio confectis, nisi frequentem senserint putatoris falcem, villi dependent incani, lignosi, tenuibus contexti filis, gustu adstringente.

Variis est, unus tenuior, crassior alter, quidam brevior, alius prolixior: omnes candescentes, pauci rutilantes, quandoque nigri.

**Locus.** Reperitur potissimum in Quercu, Populo, Ulmo, Betula, Pomo, Pyro, Pinu, Picea, Abiete, Cedro, Larice & aliis quamplurimis verum primæ nobilitatis, & odorati sunt Cedrinus, Lariceus, Pinens & Abietinus, secundum locum tenet Populneus: Candidus præstat, nigricans improbat, rutilans medium locum tenet: vilissimus Quernus. C. B. è Dodoneo.

In annosis Quercubus & Illicibus Valenæ sylvæ reperitur non longè Monspelio, unde Pharmacopœis defertur. Est enim pulvis ejus basis pulveris Cyprii Monspelienfis dicti, & vulgò ibi dicitur *Corps de Cypre gris*. Botan. Monsp.

Apud nos in Anglia rarissimum est hoc Musci genus, nec mihi, quod sciam, unquam conspectum; fortè in exteris regionibus frequentius, quamvis & ibi rarissimè nobis in conspectum se dedit. Semel in Bavaria in Abietum vetustarum sylva copiosissimum observavimus muscum è ramis dependentem, Musci arborei villosi Dod. descriptioni egregiè respondentem, qui à nobis collectus & inter chartas repositus eas colore ex flavo rubente, ac si igne torreretur inciperent, tinxit; imò sepius translatus novæ adhuc chartas eodem colore infecit, etiam post multos annos. Quocirca nunc abundet magis circa Monspelium quàm alibi, mirimè sufficeret pro base tantæ pulveris Cyprii quantitati, quanta quotannis ibidem præparatur & divenditur. Quin si Quercubus & Illicibus innascens infer-



inserviat pro corpore famoso illi pulveri odorato Monspelienſi, non adeò vilis ſit oportet ut vult C. Bauhinus, niſi fortè ob melioris penuriam eo uti coacti ſint : quod non videtur veriſimile, quoniam pulvis Cyprius Monspelienſis in hoc genere nobiliſſimus cenſetur. Ego, ut verum fatear, ſuſpicio Monspelienſes pro corpore pulveris ſui Cyprii adhibere ſeu aſſumere Muſcum arboreum ramoſum nobis cum J. Bauhino dictum, necnon promiſcuè muſcum arboreum pellatum & ſcutellatum *ejusdem*, (eum intellige qui Quercubus & Illicibus innafcitur) partim quia hi ubique inveniuntur maximà quantitate, partim quia Fer. Imperatus utrumque hunc muſcum odoramentis admifceri ſcribit, effectu pari. Imperatus autem, Pharmacopœus ipſe cùm fuerit, huiusmodi pulverum odoratorum compositionem ingredientia optime novit. Hæc ex conjectura ſcribimus, non tamen negamus Muſcum arboreum in hunc etiam uſum aſſumi, ſi quando offeratur.

Muſcus capillaceus longiſſimus C. B. non videtur à deſcripto ſpecie diſtinctus; vel ſi differat, ex ſolo titulo ſatis innotefcit.

Muſco arbore pulveriſato extrinſecus ſanguinem è vulneribus effluentem compellere ſolere Chi-Vires. rurgos in Germaniâ ſcribit D. Sachſ. Ephemer. Germ. An. 2. pag. 92.

- A. 2. *Muſcus amarus Abſinthii folio* J. B. fortè : *An potiùs Muſcus arboreus ramoſus* J. B. ? *Foglio diramato Imper.* ? *An M. alter Quernus latifolius, coralloides æquæ* Col.

Similis eſt pergameni diſſecto (inquit J. B. ex Imperato) [aut Algæ vulgari] Principium latus, in ramos diviſum latos pariter & planos, colore candicante ſupernâ ſeu adverſâ parte, nam infernè nonnihil admixtum habere videtur flavedinis, veluti flos lactis. Non rarò etiam orbiculos habet. Differt magnitudine & latitudine ſegmentorum.

In omnibus ferè arboribus reperitur, & quidem copioſiſſimè : nec in arboribus tantùm, ſed & in lignis aridis; unde miror Botanicos illius non meminiffe, vel obiter tantùm & obſcurè attigiffe. Muſci ceranoidis majoris C. B. deſcriptio ei non ineptè quadrat. Verùm ille rariorem eam facit, & longè ex Hercynia petit. Noſtro ad deſcriptionem ſufficit, quòd ſit caulibus, ſeu foliis mavis dicere, compreſſis, planis, algæ ferè in modum diviſis, & in omnibus arboribus ubique vulgaſſimus, colore albicante ſeu incano. Vide deſcriptionem Columnæ, quæ in plerisque Muſco noſtro convenit, niſi quòd lævem ac ſplendidum eum dicat: icon non bene reſpondet : nam caulis & rami nimis anguſti, divaricationes non ſatis crebræ pinguntur. Vide apud J. B. Muſci amari, &c. deſcriptionem.

Suſpicio hunc (ut dixi) pulveris Cyprii odorati compositionem ingredi. Sententiam noſtram de materia ſeu corpore (ut vocant) pulveris Cyprii confirmat D. Sachſius, Scholio in *Obſerv.* 51. An. 2. Ephemer. Germ. ut nobis ſuggeſſit D. Taucedus Robinſon. Muſcus (inquit ille) arboreus ramoſus coralloides C. B. qui in cariolis & corruptis lignis, item truncis abſciſſis arborum, ſeu humi ſuper terram in eorum radicibus, maximè in Quercu, Larice, Abiete, Cupreſſo, invenitur, & Coralli plantulam æmulari ſolet (etiam aliquando delicatiſſimum muſci odorem ſpirat) odoramentis ſæpiſſime admifcetur. Galli pulveres ſuos odoratos, quos Cyprios vocant, ex hoc muſco parare ſolent, quos virgines & mulierculæ non veſtibus tantùm ſed & capillorum ciſcinnis aſpergunt. Modum ſingularem parandi hunc pulverem habet Jo. Zwelferus in *Pharmac. Regia*, p. 100. Ego apud C. B. non invenio muſcum hoc titulo *Muſc. arbor. ramoſus coralloides*, ſed Muſc. arb. coralloid. abſque epitheto ramoſi; eſt tamen muſcus ille quem intelligit C. B. quémque depingit & deſcribit F. Columna vera ramoſus; iſque è quo præcipuè, ut opinamur, ſit pulvis ille odoratus, Gallis Cyprius dictus.

- A. 3. *Muſcus arboreus pelatus & ſcutellaris* J. B. *arboreus eum orbiculis* C. B. *Quercinus faniculaceus* Park. *ramoſus floridus* Ger. *arboreus tenuiſſimus* Col.

Col. J. B.

Muſcus ille ab aliis non diſſort, niſi quòd veluti fructifer videatur. Umbellas ſingulis cacumini-bus habet latas, cavas, umbilicatas, læves, ſemunciali ad ſummum latitudine, non rarò minores, per ambitum radiis ſtamineis circumcirca coronatas, intus læves, albeſcentes : radii verò longi admodum ut diametrum umbellæ ſuperent aliquando, inter quos hirsuties altera eſt denſior, brevis admodum atque tenuior, per ambitum hærens. Color huic ut præcedenti ex viridi cinereus ſeu al-bicans. Teretibus, craſſiuſculis, rigidis veluti coliculis, ramoſis, quos cirri tenues veſtiunt in arbo-ribus creſcere ſolet.

Hoc aut præcedens genus cereviſia aut zythogalo incoctum & potum gravedinem & deſtillationes compellit & ſanat.

- \* 4. *Muſcus arboreus capitulis cavis* C. B. *Muſcus alter* *παιτυνιδισφυλλ* Col.

Col.

Ortum cum præcedente eundem habet, latis & planis foliis ſive ramulis, cavis etiam, ſed utrin-que hirsutis umbellas ſive capitula potiùs huic cavo umbone, nigreſcente intus, limbo circumdata ali-quando dentato, ex cujus latere eodem modo falcata ſive brachiata, ſed huic ramis dividuntur. To-ta brevior eſt, colore cinereo candicante incanior, non ut ſuperior aliquando pallente.

- A. 5. *Muſcus arboreus nodofus* C. B. *nodofus ſive geniculatus* Park. *Dendrobryon geniculatum ſive nodofum* Col.

Col.

Ex arboribus prolixè dependet non tantùm in Italia ſed & in Angliâ. Oblongos quidem, ac etiam breves, habet inanes, quam-plurimos tuberculos, nervulo trajectos inter ſe cohærentes. Candi-

cans

cans est, prolixum, ramosum, ex crasso caudice in ramos sese diffundens, ut latam prolixamque barbam seu comam pedalem aut sesquipedalem, in extremo verò tenuitate capillarem efficiat, ul-  
lámque ex ramis dependentem.

In Lancastriz pago Burnell è Corylo dependentem invenit & ad nos attulit *Tho. Willifellus*.

A. 6. *Muscus arboreus pulmonarius* C. B. *Muscus pulmonarius sive Lichen arborum* Park. *Lichen arborum* Ger. *Lichen arboreus sive Pulmonaria arborea* J. B.

Licheni sive Hepaticæ fontanæ similis, sed major per omnia, squamato foliorum incubitu, inef-  
fabili laciniarum variatione, profundiorum quàm in Hepatica, quæ quæ matri suæ hærent albicant,  
alterâ verò parte virent; rugosa, lacunis eminentiisq; inæqualia sapore amaricante non sine ad-  
strictione.

Locus:

Annosis rimosisque caudicum Quercûs; Fagi aliarumque arborum corticibus innascitur, in opacis  
ac densis sylvis. *Dod.* Observavimus etiam in faxis coacervatis in umbrosis jacentibus. Apud nos  
Quercui plerumque, rarò aliis arboribus adnatum invenies.

Vires.

Siccatur & astringit, unde sanguinem profluentem compescit, vulnera recentia glutinat, alvum ac  
mensis sistit. Utuntur eâ vulgò ad pulmonem affectiones, asthma, tussim, suspiria, nostrates eti-  
am ad phthisin & tabem, confecto ex eo pulvere, syrupo aut aquâ destillatâ non sine successu.

Eum qui Quercui innascitur in iætero omnium medicorum solertiam eludente efficax remedium  
expertus est Andreas Golius mercator. De hoc autem musco accepit manipulum additâ librâ Ce-  
revisiæ secundariæ, quam in olla fideliter occlusa ad dimidium decoxit, postea tredecim cochlearia  
tepida manè atque vespèri imbibit. *Ephemer. Germ. ann. 3. obs. 290.*

## C A P. V.

A. De musco arboreo aut petraeo crustaceo, seu Lichenis facie.

1. *Muscus crustæ aut Lichenis modo arboribus adnascens cinereus.* *Lichen* Dioscor. & *Plin. secundus*  
*Col.*

**C**RUSTÆ vel Lichenis modo super arborum cortices, ligna arida, petras, tegulas se diffundit,  
supernè cinereus, infernè niger, variè laciniatus, circum oras veluti crispus aut fimbriatus,  
nec caulem ullum edit, aut orbiculos habet, quantum hætenus observavimus. F. Columna  
Februario mense acetabula quadam emittere observavit, parva, Milii magnitudine, colore lutescen-  
tia, veluti botrulos muscosos, sericeos, duos, parum eminentes, coacervatos, albetibus oris, in  
quibus nullum seminis vestigium nascitur. Est autem hic muscus ut & species congeneres, velut  
folium quoddam variè laciniatum supra arborum cortices aliâque quibus adnascitur reptans & se ex-  
pandens.

A. 2. *Muscus crustæ modo arboribus adnascens cinereus mollior, & in angustiores lacinias divisus.*

Hujus laciniæ angustiores sunt & argutiores. Sufficit titulus pro descriptione. In hoc orbiculos  
non observavimus.

A. 3. *Muscus crustæ modo arboribus adnascens flavus.*

Hic colore suo statim se prodit, est autem tenerior & minor quàm prima species, subtus cinereus  
aut canus. In hoc, verno tempore, efflorescentias quadam croceas observavimus.

A. 4. *Muscus crustæ modo arboribus adnascens pullus.*

Hic tenuior est quàm muscus cinereus, caudici cui innascitur appressus, supernè pullus, infernè  
quasi ex nigro & candicante varius.

A. 5. *Muscus arboreus supinus marginibus pilosis.*

Nota hujus characteristica quâ à reliquis sui generis facile possit dignosci est, quòd segmentorum  
seu laciniarum, in quæ variè & eleganter dividitur, margines & extremitates pilis quibusdam seu  
setulis brevibus raris sint fimbriata. Habet quoque orbiculos seu scyphulos circa margines crispis.

In Malo, Fraxino, Juglande aliisque arboribus observavimus.

A. 6. *Lichen petræus purpureus Derbiensis* Park. *Muscus tinctorius crustæ modo petris adnascens.*  
*Cock o? Arcl.*

Muscus hic crustaceus lichenis modo se in petris diffundit, colore obscurè purpureo aut cinereo.  
Hunc rustici cultello aliòve instrumento ferreo à petris deradunt, & in pulverem comminutum  
in massam humidam cogunt, & in doliis recondunt, quæ pannis purpurascete colore tingendis in-  
servit, qui quamvis facillè eluitur nec diu durat, sufficit tamen pauperioribus pro vestimentis infici-  
endis.

Joan.



Joan. Franciscus Abela in descriptione Melitæ Insulæ hujus Musci meminit, quem à Melitenfibus rusticis *Vercella* dictum scribit, & suo modo præparatum ad lanas colore incarnato tingendas adhibitum scribit. Hoc genus Musci nec Wallis ignotum est, sed usu frequentatum, & *Kenkerig* dictum. Est autem hic crustæ cuidam aut licheni similior quàm plantæ, nec folia imitatur, ut musci prædicti, estque pinguior visu & tactu quam illi.

## CAP. VI.

## De Lichene terrestri Sterili.

A. 1. *Lichen terrestris cinereus.* Ash-coloured ground Liverwort.

**N**ullos hic flores aut capitella (quod ego unquam viderim) profert. Folia aversâ parte albidiora, & crebris fimbriatis radiculis inter reptandum emissis terram aut subjacentes plantas muscûmve apprehendunt, eodem enim modo super eas se diffundit interdum quo *Lichen terrestris* super terram. Supinâ parte colore est cinereo.

In pascuis ficcioribus, interdum & in uliginosis frequentissimus est, unde Botanicis nostratibus non descriptum miror.

A. 2. *Lichen terrestris foliis angustioribus virescens.*

In humidis & uliginosis nascitur foliis quàm præcedens angustioribus, virescentibus cum nigricantibus lineis.

\* 3. *Muscus fugax membranaceus pinguis* Botan. Monsp.

*Magn.*

Statim post pluvias oritur in herbidis satorum marginibus; in iis præcipuè quæ orientem solem spectant, sed citò exsiccat, ideo fugacem dixi. Membranaceus est & pinguis, & siccè semper convolutus reperitur, dum autem expanditur Muscum Lactucæ folio refert, sed multo pinguior est, pallidè vires, qui facillimè disrumpitur. Mira de isto narrant Chymici, quem modo Solis florem, modo Lunæ sputum vocant, aliisque celestibus nominibus decorant, & vegetabilis naturæ principium ac radicem continere arbitrantur.

Aliam adhuc Lichenis speciem nobis ostendit *D. Newton*, variè dissectam secundum longitudinem in lacinias longas, membranaceam densam seu coriaceam, cineream.

*Muscus cranio humano innatus.*

Non videtur nobis species musci ab omnibus aliis distincta, sed musco arboræo crustaceo congener. Celebratur ille à plurimis Autoribus in hæmorrhagia, præsertim à Chemicis *Ulnæ malo*. Ingitur autem compositionem famosi illius Unguenti Armarii dicti. Vide *Ephemer. German. An. 2.* p. 100. & sequentibus.

## CAP. VII.

## De Lenticula palustri.

A. 1. *Lens palustris* Ger. J. B. *palustris sive aquatica vulgaris* Park. *Lenticula palustris vulgaris* C. B. *Ducks meat.*

*J. B.*

**S**tagnantium aquarum incola Lenticula eisdem innatat, totam superficiem densissimo foliorum, infernè nigricantium, supernè virentium, nitidorum, orbiculorum, Lentisque modo compressorum stipatu obtegens, quæ inter se capillamentis tenuissimis & albis artè revinciuntur, iisdemque ceu radicibus è limo adhærescente alimentum hauriunt.

In lacubus & stagnis aliisque non fluentibus aquis, ut urbium fossis, innatans, & latè sæpe earum superficiem occupans reperitur.

Quæ de mirabili hujus plantulæ metamorphosi in plantam Sifymbrio aquatico haud abfimilem habent *Matthiolus*, & post eum *Lugdunensis*, apud me sanè fidem non inveniunt, quantumvis *Lugdunensis* operum naturæ indagatorem *Dalechampium* illud non sine admiratione observasse scribat.

Vis ei refrigerans, unde inflammationibus, podagræ, & ignibus sacris convenit. Agglutinât etiam in pueris hernias intestinorum. Vide sis *Matthiolum* & *Lugdunensem*.

Nuper mihi communicavit pro secreto infallibili ad ieterum infusionem *Lentis palustris* in vino albo per novem dies, 3vi. manè præbendo. *D. Bates* in M. S.

Vescuntur eâ *Anates* magnâ voluptate, quod & nomen Anglicum *Ducks meat.* i. e. *Anatum esca*, indicat; ut etiam gallinæ cùm aquis exempta fursuribus permiscetur. *J. B.*

\* 2. *Lens palustris quadrifolia* J. B. Park. *Lenticula palustris quadrifolia* C. B.

Fibrosis radiculis nititur è crassiore aliâ (licet eâ tamen tenui) transversa demissis, unde pro-  
gantur rami multi, multifariam divisi, atque tum ex iis, tum ex radicibus pediculi ad aquæ super-  
ficiem pertingentes, quorum singulorum extremis adhærent aquæ innatantia quaterna folia, triqu-  
tra, per extremum lata, angulis acutioribus ad pediculum coeuntibus; circa verò ramulorum divi-  
siones pediculorumque exortus numerosa semuncialibus pediculis nixa coherent grana, nigra  
dura, Lentibus majoribus paria.

A. 3. *Lenticula aquatica trifulca* J. B. C. B. *Hederula aquatica* Ger. *Ranunculus hederaceus aqua-  
ticus* Park. *Ivy-leaved Duckmeat*.

*Lenticula palustris* vulgò notæ ritu aquæ stagnanti innatans visum pænè fugientibus fibrillis limum  
arripit alimentum sucturis: quibus etiam inter se committuntur folia, non vulgarem sortita connexum  
& formam. Foliolo enim Lenti leguminosæ pari pinnæ utrinque foliaceæ transversim squam-  
mosâ commissurâ itâ incumbunt, ut trahentem leviter sequantur, & iis attractis tenuius reddunt  
folium visum transmittat: tota autem omnium trium connexio trifulcam hederacei folii formam  
quodammodo exhibeat: At hujus connexus capillari petiolo transversim incumbit folium veluti te-  
mere projectum, nequaquam tamen solutum licet adhæsus ratio oculos fallat.

In aquis cœnosis pigrioribus: in fossis paludosis insulæ Eliensis copiosissimè oritur.

## CAP. VIII.

De *Conserva*.

A. 1. *Conserva Plinii* Ger. emac. *Linum aquaticum* Imper. *Alga viridis capillaceo folio* C. B.  
*Alga aquatilis capillacea sive Conserva Plinii, aliis Linum aquaticum* Park. *Hairy Riv-  
erweed, Crotin-filk*.

**T**Ota ex filamentis viridibus sericeorum æmulis in aqua fluitantibus constat: Reperitur autem  
in aquis pigrioribus & stagnantibus copiosissima.

*Alga bombycina* C. B. nobis *Conservæ* species videtur.

*Conserva* à conferruminando dicta est. Curatum esse scio omnibus ferè ossibus confractis prola-  
plum ex arbore alta putatorem circumdatâ universo corpori, aquam suam inspergentibus quoties in-  
aresceret, raròque nec nisi deficientem herbam mutationis causâ resolventibus: convaluissè incre-  
dibili celeritate. *Plin.*

A. 2. *Alga fontalis trichodes* C. B. *Alga sive conserva fontalis trichodes* Park. *Trichomanes  
aquaticum: Dalechampii* J. B.

Hujus figuræ apud Lugdunensem prorsus similem vidimus in cisterna seu conservatorio aquæ fon-  
tanæ Ledenis Abbatiz seu ædium *D. Guil. Meredith*, in Cantio, inque tubulis aquam fontanam de-  
ducentibus: unde putamus *Algam capillaceo folio* iv. seu in tubulis aquam fontanam deducuntibus  
*C. B.* minimè distinguendam esse ab ejusdem *Alga* cap. fol. iii. seu fontali trichode.



# HISTORIÆ PLANTARUM

## LIBER TERTIUS.

QUI EST

De Herbis semine minutissimo, flore vel nullo; vel imperfecto.



UNC Librum in duas partes dividemus, Prima erit de Herbis hujus generis cauliferis. Secunda, de caule carentibus hypophyllospermis.

Hæ autem præcedentibus imperfectis & semine destitutis merito proximè subjiciuntur, quia & ipsæ non ita pridem steriles & aspermae habitæ sunt antequam microscopii inventu eorum semina in lucem & conspectum venerunt.

## PARS PRIMA.

*De Herbis semine minutissimo & nudis oculis inconspicuo Cauliferis.*

**I**N horum nonnullis pediculi potius quam caules dicendi sunt styli illi qui semina seu capitula gestant, ut in Lichene terrestri, cum ex ipsis foliis exeant. Quin & nonnullæ Lichenis species cauliculos non producant, sed eorum semina foliis ipsis absque pediculo innascuntur, nunc in prona, nunc in supina parte, quas tamen ob id à reliquis non disjungendas putavimus, cum in aliis omnibus notis characteristicis conveniant.

### C A P. I.

*De Frutice Musciformi.*

1. *Planta muscosa & plumosa Guyanensis major* Breynii.

**R**Amulum hujus palmarem ac penitus planum ex Guyana accepit Breynius, quem sic describit.

*Cauliculo* squamulis densis Musci terrestris Lusitanici in modum contexto constat subtili, aliquot utrinque adnatis ramulis expanso, atque multis foliolis tenerimis pectinatim dispositis denso agmine ita stipato, ut Abietis ramulum haud malè representare videatur. Adeo autem lentus, & ad proportionem ita est gravis, ut sublatus instar plumæ Struthionis deorsum flectatur, viriditate insuper venustissima, aureo cuidam intermixta fulgori, averfa imprimis foliorum parte, in singulare hujus plantæ ornamentum, decoratur, velut sempiternam famæ illius memoriam, quæ ob auri ubertatem celebrata olim fuit ejus patria, conservare Natura artificiosissima constituit.

An Musci denticulati majoris C. B. species?

2. *Planta muscosa & plumosa Guyanensis minor* Breynii.

Aliam adhuc lepidissimæ & concinnæ hujus plantæ speciem eadem ex regione obtinuit, priori multo delicatior, minus arctè squamatis viticulis, atque foliolis longè minoribus.

Has plantas ob similitudinem quam habent cum Muscis clavatis hoc in loco disposuimus: quamvis propriè ad Fruticum genus pertineant, quod & in aliis herbis frutescentibus, ut *Malvis*, *Alibais*, *Coluteis*, *Kali*, &c. facturi sumus. Quæ enim notis genericis & essentialibus conveniunt, me iudice, separari non debent, quantumvis aliæ lignescant, aliæ herbaceæ sint. Nescimus tamen an hæ plantæ notis characteristicis cum Muscis clavatis conveniant, cum nec flores nec fructus viderit Breynius, saltem non meminerit se vidisse.

C A P.

## CAP. II.

## De Musco clavato.

**M**uscum clavatum appellamus qui præter cauliculos foliosos humi stratos & repentes pediculos emittit nudos in cacumine clavatos, geminis seu pluribus clavis, Iulos imitantibus oblongis, teretibus, pulvisculo tenuissimo flavicante refertis.

1. *Muscus clavatus* sive *Lycopodium*, Ger. Park. *terrestris repens* sive *clavatus* C. B. *terrestris repens* à Trago pictus J. B. *Plicaria* & *cingularia* Polonis. Club-moss, or Wolfs-claw.

## J. B.

Longè latèque per terram serpit, subindeque à transversis ramis demissis fibris longis, lignosis, crassiusculis radicitur. Ipsi verò rami variè in multos surculos diducuntur, funiculi instar habens crassiusculi, foliis amicti occultatique confertissimis, Camphorata ferè nisi latiora essent. Adultis plantis succrescunt pediculi aliquot, ex ramis postremis producti, sesquipalmes, tenues foliis ferè nudi, singuli in geminam, teretem sextantalem, mollicellam, imbricatam clavam desinentes, coloris sulphurei, quæ Autumnali tempore digiti percussu pulverem subtilem copiosum de se spargere solent.

Locus.

In Hampstedienſi ericeto non procul Londino invenitur: Estque in montibus Wallicis, Eboracensibus, Derbiansibus aliisque in Septentrionalibus Angliæ frequentissima, hæc planta: nec minùs in transmarinis, ut patebit Herbarios consulenti.

Vires.

Vino decoctus & potus calculos comminuit & educit experimento certissimo, ut plerique testantur, Trag. Contusus aut in vino decoctus dolorem aut inflammationem sedandi vim obtinet, idèque podagræ calidæ impositus prodest. Pulvis ejus drachmæ pondere sumptus cum vino rubro cohibet fluxum alvi & dysenteriam, & si decocto abluatur os, tremulos dentes confirmat.

Vino pendulo impositus intra paucos dies illud restituit; unde Germanis nonnullis Weingrün & Weinkraut appellatur.

Mense Augusto & Septembri collectus pulverem dat subtilissimum flavum, qui vi fulminante gaudet. Perhis non ignotâ, uti notat Olearius Ismer. Moscovit. Persic. lib. 4. cap. 24. Persæ enim, ut & Moscovitæ pulverem Augusto colligunt, in fornacibus siccant, & ignibus artificialibus sub nomine Plauen instar pulv. pyri adhibent. Pulvis recens dum est & probè exsiccatus majus concipit incendium præ illo qui dudum collectus est. Prunis injectus non tonat, sed flammæ, putâ candele accensæ immixtus aut inflatus. [Pulvis resinæ idem præstat, teste Oleario.] Huic pulveri si aliquid addatur de Thur. Mastich. Succin. & Benzoe pulv. & per flammam suffletur, non solum fulgur edit, sed & odorem suavissimum excitat instar pulveris pro suffumigio. Si folia Betulæ pulverisata simul misceantur strepitum majorem edet. Commendatur hic pulvis in Epilepsia præcipuè infantum, inque cardialgia eorundem & torminibus ventris flatulentis. Egregiè urinæ faciliat exitum, si quantum cuspide cultelli contineri potest propinetur. Ephem. German. Acad. natur. curios. Anno primo Observat. 97.

Poloni & maximè Rutheni ac Litvani, ob consuetum & jam quotidianum hujus plantæ usum in extirpanda & curanda plica, morbo sibi familiari, Plicariam & Cingulariam eam nominare solent. Accipiunt autem plantam hanc seu muscum, quem priùs cultello aliquo sursum versis dissecare solent; postea infundunt decocto Brancæ ursinæ, priùs optimè calefacto, & post unam aut alteram lenissimam adhuc ebullitionem adijciunt aliquid fermenti [panis siliginei] illudque reponunt postea ad fermentandum propè fornacem. Decoctum hoc vel per se, vel cum ovis recentibus, in forma jusculi quotidie bibunt & comedunt. Exteriùs cum illo decocto priùs excalefacto, & aliquando ad majorem potentiam seu virtutem secunda vice cum recenti mulco incocto instar lixivii obscurè rubri coloris, lavant caput bis in septimana, nullo amplius adhibito pectine, &c.

Unguentum ad Plicam. R. Plicariæ & radicum Bryoniæ partes aequales, Adipis erinacei qu. Ex his tribus optimè commixtis in vase vitreo bene obturato, & coctis in B. M. per horam fiat unguentum s. artem, cum quo radices capilliti in capite complicati bis in die inungantur. Oleum ex Erinaceo quod ad confectionem hujus Unguenti requiritur parare solent in olla nova foraminata igne circulari per descensum more consueto.

Mulierculæ rusticæ in Ukraina in nimio fluxu menstruorum & doloribus ac strangulationibus uterinis cingulum ex illo faciunt circa nudum corpus applicandum; pariter ad hæmorrhagiam narium caput eo cingunt ceu coronâ. Ephem. Germ. Ann. secund. Observ. 52.

Semen hujus plantæ à gr. xii. ad ʒ i. præsentaneo cum successu exhibitum erat in Epilepsia cum ischuria complicata ex observatione Wedelii. Ephemer. German. An. 3. p. 21.

Lycopodii alia species.

In montibus Sciriæ Lycopodii speciem à vulgari superiùs descripto diversam invenimus, nimium cum foliis in caulibus & flagellis multò rariùs sitis, & paulò, ut nobis videtur, longioribus; clavis non dissimilibus, non tamen ut in illo longo & nudo pediculo insidentibus, sed usque ad ipsam clavam folioso foliis similibus us quæ in reliquo caule.

2. *Muscus clavatus* foliis Cupressi C. B. Ger. emac. *clavatus cupressiformis* Park. *terrestris ramosus* pulcher J. B. *Sabina Sylvestris* Trag. Cypress-moss, or Heath-cypress.

Hæc planta eodem modo procumbit, & fibris subinde demissis serpit, quo præcedens, foliis multò brevioribus & angustioribus, acutis, obscurius viridibus, nec adeo confertis in caulibus, quaternò ordine



ordine squammatim furculos convestientibus, Cupressi aut Sabinæ foliorum æmulis. Ob parvitatem foliorum caules & furculi multo minores seu graciliores videntur quam in Lycopodio. E summis caulibus & ramulis pediculi longi exeunt raris foliolis vestiti, bifariam divisi & subdivisi, Iulos seu clavas gestantes multas, Lycopodii æmulas sed strigosiores, luteolas, consimili pulvilculo foetas. Secundum caules per intervalla furculi plures simul conferti in agminulis oriuntur, ramulis plurifariam divisis & subdivisis.

In montibus *Snowdon* & *Caderidris* in Wallia, *Ingleborough* in Eboracensi provincia, *Anderkin* in Scoria copiosè provenientem observavimus; in transmarinis in ericeto *Mosæ Trajecta* non procul, viâ qua inde ad *Sylvam Ducis* itur. Ramuli non adeo compressi nobis visi sunt, uti eos describit Jo. Bauhinus.

Hæc species odorem interdum exhibet moscho æmulum, quem siccata etiam conservat. Hujusmodi muscum odoratum observavit *Elsholz*, Germanus circa Berlinum enatum versùs domum venatoriam *Grumwald*. Vide *Ephemer. Germ. An. 1. Observ. 97*. Nos talem odorem in hac planta non sensimus.

Ex moschato hoc musco (inquit *D. Sachs.* obser. citat.) egregiam & odoratissimam mihi medicinam pronuper chymicus eximius communicavit sub nomine *Auri horizontalis Vegetabilis*. Colliguntur nempe antheræ ex hoc musco, quæ tenuissimæ & levissimæ sunt substantiæ, coloris aureo-sulphurei, inflammabiles ad ignem candelæ, & per se quoque, ut & flores Lycopodii *Dod.* In calculo, Epilepsia & pulmonum affectibus cum butyro Maiali utiliter manè sumuntur: hæ Antheræ si cum spiritu vini tartarifato aliquandiu macerentur, & postea destillentur, oleum præbent rubicundissimum & odoratissimum quæ omnium sulphurum vegetabilium apex dici meretur.

## CAP. III.

*Muscus terrestris repens clavis singularibus foliosis erectis. Creeping Club-moss with upright heads.*

**L**ycopodio similis est sed minor: terræ per quam repit appressus arctè adhærescit, ad eundem ferè modum quo *Hedera* muris & arboribus. Præter cauliculos repentes alios etiam surrigit semipalmates, summa parte in clavas turgescences, nec figurâ, nec colore à repentibus diverfos. Clavæ autem in hac specie nec pediculis longis tenuibus insident, nec iulos seu nocamenta referunt, ut in Lycopodio, sed reliquo cauli similes & foliis similibus cinctæ sunt, in majorem duntaxat crassitudinem intumescences ob semina in aliis foliorum contenta.

In ericeto *Hampstediensis* primò invenimus, dein in *Bagshotano*, postea & in montibus *Angliæ Septentrionalibus* cum aliis Speciebus, locis uliginosis invenimus & in *Alpibus* aliisque montibus excelsis. Locus.

Hæc species nondum (quod sciam) à quoquam descripta est.

Hujus etiam Musci aliam observavimus speciem in montibus (quantum meminimus) *Galliæ Narbonensis*, non repentem, ramulis ab eodem pede plurimis confertis enascentibus, quorum summitates consimiliter in clavas foliosas extumescébant.

## CAP. IV.

*Muscus erectus abietiformis. An Muscus terrestris rectus J. B. Upright Fir-moss.*

**F**olius oblongis acutis caules & ramulos undique cingentibus & operientibus. Lycopodio similis est, verum erectus, palmum aut semipedem altus, ramis (ut vult *J. Bauhinus*) crassioribus, in duas ac etiam quatuor partes divisis, urfi digitos exprimentibus. In planta quam exsiccatam asservo caules & ramuli divisione dichotomiam observant: verum hoc (quantum meminimus) non est perpetuum, interdum enim in summa parte in plures, dividuntur furculos: sunt autem folia longiora paulò & latiora quam Lycopodii, (ut rectè *J. Bauhinus*) sursum tendentia. A Lycopodio abundè distinguitur, quod nec clavas producat, nec repat. Inter summorum penè foliorum alias granula lutea quædam exigua mense Maio protruduntur, quæ flores ac fructus, clavarum loco quibus caret: ut refert *D. Jac. Breynius* in *Ephemer. Germ. An. 4. & 5. Observat. 149*.

*Chamaepeuces Turneri* icon huic respondet, at non descriptio: *Thalio Selago tertia* dicitur.

In montibus excelsis Walliæ, *Snowdon* v. g. & *Caderidris*: inque Eboracensibus, *Derbiansibus* Locus. aliisque *Septentrionalibus* copiosè provenit.

Hujus descriptionem vide in *Ephemer. Germ. Anno & Observat. citatis*, ubi de ejus viribus hæc habes:

Vis ei ad fœtus depellendos efficacissima, meretricibus infanticidium sæpius eadem committentibus plus satis nota, inest. Hinc in officinis nostris, quæ *Maschlaber* ei nomen tribuunt, ut alia noxia, non promiscuè omnibus venditur. *Rhizotomæ mulierculæ* febri & corrupto stomacho eandem opponunt, decoctamque cum *Cerevisia* ac haustam, multis fuisse salutiferam perhibent, & purgantem volunt. Vomitus ciet vehementissimum, corpus humoribus variis peccantibus exonerantem, sed maximè etiam alterantem: Tutius robustioribus quam tenerioris texturæ hominibus

præbatur. Vilioris conditionis homines in aqua coquunt, quæ ad abigendos pediculos caput lavant, quod tamen turbare maximè dicitur.

Apud J. Bauhinum in Histor. Plantar. tom. 3. p. 767. malè cum Sabina Sylv. Trag. seu Selagine prima Thal. errore typographico, confunditur, ut rectè observavit idem Jac. Breynius. Nam lineæ posteriores 13, quæ hujus Musci terrestris descriptionem sequuntur, post Musci terrestris ramosi pulchri; & lineæ 6 sequentes post hujus descriptionem sunt ponendæ.

Muscus terrestris ramosus saturatè viridis C. B. minus rectè dicitur: nam nostra observatio Sabina sylvestris Tragi hoc longè viridior est.

## CAP. V.

*Muscus terrestris erectus polyspermus. Seeding Mountain-moss.*

**H**IC minor est multo *abiesiformi musco* supra descripto, alioquin ei non usque adeò diffimilis, infirmus & vix se sustentans, caule & ramulis eodem modo foliolis creberrimis undique obfritis; quæ tamen à ramulis magis extare & quasi reflecti videntur. Semine majusculo cinereo in alis foliorum nascente, aut potius vasculis feminalibus, abundat.

Loca montium humida & scaturigines aquarum sectatur. In montibus *Snowdon* & *Ingleborough*, aliisque supradictis *Wallicis* & *Eboracensibus* nascitur, minus tamen copiosè.

## CAP. VI.

*De Musco terrestri vulgari.*

1. *Muscus terrestris latioribus foliis major seu vulgaris. Muscus terrestris & bortenfis J. B. The most common Earth-moss.*

*J. B.*

**O**Mnium vulgatissimus est hic Muscus, aspergine madentibus faxis, terræque humidiori appressus, repens, mollicellus, ramis longis, tenuibus, foliolis acuminatis, plumatim costæ harentibus, colore viridi, aut ex viridi flavescentibus. Hæc descriptio etiam minori speciei accommodari potest. Hunc etiam capitula producere suspicamur, nondum tamen observavimus.

2. *Muscus terrestris vulgaris minor Adiantis autem capitulis.*

Hic passim provenit tum in pascuis sterilibus tum in sylvis, præcipuè ad arborum & fruticum radices, tum etiam non rarò in truncis & ramis arborum, iis in partibus ubi humor pluvius non ad eò promptè & citò delabatur. Foliola hujus minora sunt & cauli magis appressa quàm in præcedente. Capitula ex alis foliorum ad caulium latera exeunt non ex summo caule ut in Adianto.

Empirici hoc musco ad sistendum sanguinem utuntur ab urfis admoniti: hi enim, quamprimum vulnerati sunt, eo sanguinem sistunt. *J. B.*

Muscus qui hortos & prata humecta obsidet, ita ut gramen supprimat, Martio mense cinere aboletur, sed eo quo lixivium fuerit confectum. *J. B.*

3. *Muscus palustris terrestri similis. Muscus terrestris vulgaris Dod. terrestris vulgatissimus Park. C. B.*

Omnino villosa est hæc species (describente Dodonæo) admodum densa, candicans, quæ late subinde expatiatur. Rarum est hunc muscum alibi invenire quàm ubi aquæ subsunt.

Hæc omnia Musco nostro palustri egregiè conveniunt, terrestri autem vulgari minimè: quin & icon Dodonæi optimè respondet huic speciei, non autem Musco terrestri, & capitula illa brevibus pedicellis nixa versùs ramulorum apices, quæ in hac specie cernuntur, pulchrè repræsentat. Videtur tamen Dodonæus hunc cum terrestri musco vulgari confundere, quod & titulus indicat; eumque sequuti Botanographi nostrates Gerardus & Parkinsonus cum C. etiam Bauhino idem faciunt.

4. *Muscus aquaticus terrestri vulgari similis, sed major. An Fontalis minor lucens J. B.*

Hic aquis innatat, est foliolis multo majoribus quàm M. terrestris vulgaris, triangulis, lucidis: minus etiam quàm ille ramosus est.

Fontalem minorem lucentem J. Bauhinus sic describit. Aquis innatat itidem ut præcedentes [Fontalis species] ramulis exilibus infirmis, interdum lapidibus adhærescens, foliis alternatim positis, minutulis, nigricantibus ferè. Tota quamproximè ad Muscum accedit planta.

In fontibus & huminibus sæpiùs observavimus. Capitula in hac specie nondum vidimus ut sterilem esse suspicemur & ad præcedens genus pertinere; ob similitudinem cum Musco terrestri vulgari hic eam disposuimus.



5. *Muscus saxatilis repens comâ sparsa* C. B.

C. B.

Hic ex radice transversim repente & nigricante ramos frequentes, latè sparsos & semipalmares emittit; quorum summitates, ob foliola compactiora, velut in spicam abeunt. Foliis est brevibus, latiusculis primùm, dein acutis.

Hic apud nos aquæ in rivulis innatat, & nonnihil splendet.

## CAP. VII.

*Musci quidam terrestres è C. Baubini Prodro mo desumpti.*

1. *Muscus filicinus minor floridus* C. B.

C. B. Prod.

**P**er terram serpit cauliculis tenuibus, in summo ramosis, foliis Filici similibus, sed tenuissimè dissectis: ex ramulis pedicelli aliquot capillares, rufescentes, biunciales efferuntur; quibus singulis capitulum exiguum subrotundum, incurvum in apicem exiguum definens insidet.

2. *Muscus terrestris ramosus erectus major* C. B.

C. B. prod.

Hic cespitis instar eleganter & archissimè quasi compactus, ex radicibus oblongis capillaceis cauliculus trium quatuorve unciarum emittit, qui in binos, ternos, quaternosve biunciales etiam triunciales ramulos, & hi quoque in alios, erigitur, qui minimis capillaceis foliis vestiuntur. Inter ipsa foliola pedicelli unciales, nudi, capillacei, capitulum ut in Adianto aureo sustinentes efferuntur.

In *Crenzacho* monte ad arborum radices aliis Muscis commixtus conspicitur.

3. *Muscus ramosus erectus minor* C. B.

Ex capillacea radícula cauliculus ad summum biuncialis, variè divisus, foliolis vix conspicuis cinctus emergit. Eodem cum priore in loco.

4. *Muscus saxatilis ericoides* C. B.

C. B. prod.

Huic circa radicem folia multa Musco vulgari similia; inter quæ viticuli sunt palmares, asperi foliolis *Ericæ Coridis* folio similibus inordinate vestiti, aliquando hinc inde nudi, quorum summo capitulum exiguum insidet.

5. *Muscus cupressiformis* C. B.

C. B. prod.

Parvus est, ramosus, foliolis Cupressi formâ atroviresentibus; inter quæ pedicellus exurgit, qui minimas spicas molles & pallidas sustinet. Ex *Harcynia*.

## CAP. VIII.

*De Adianto seu Polytricho aureo.*

A: 1. *Adiantum aureum majus* Ger. *Polytrichum aureum majus* Park. C. B. *Polytrichum Apulei & majus quibusdam* J. B. *Great golden Maiden-hair*.

7. B.

**R**adicibus constat tenuibus, longis. Cauliculi duas aut tres uncias longi abundant foliolis longiusculis, postea nudi sunt & ad totidem uncias læves, quorum summitati innascitur capitulum sublongum, hians & nutabundum.

Hujus (inquit idem) aliud est genus, radicibus multò longioribus; cauliculis etiam multò majoribus, tum parte foliosâ, tum nudâ, quæ palmaris: capitula quoque majora, hiulca, è quibus confusu levi pulvisculus excidit luteus.

In paludosis, spongioso & putrido solo, præsertim in montosis *Derbientibus*, *Eboracensibus*, *Westmorlandicis* copiosissimè provenit, quod secundo in loco describitur: in sylvis etiam udis non raro.

2. *Polytrichum scoparium* J. B. *Musci scoparius, muscoidorum & odorum Belgii & Frisiae Orientalis sectator* Lob.

*J. B.* Prolixæ radices, cubitum plerumque longa, rigide, rubentes, angulose, tenues in scopas excedendo pulveri vestibisque purgandis plecti solite, terra superficiem versus foliolis squamis, vel nitentibus rutilisque comosæ. Lobelia multis, sed ramalibus, pedibus etiamque amplioribus, multis donatum scribit, purpurâ aureâ nitentibus, innumera cirrorum tenuium sobole comosis, quibus singulis exferuntur capitula Lini, Ericæ aut Selaginis minora.

Hæc planta C. Bauhino sub titulo Polytrichi aurei majoris primò proponitur [ex sententia Chabræi,] deinde iterum sub titulo Musci erecti ramosi pallidi. Gerardo & Parkinsono nostratibus Lobelium sequutis Muscus scoparius inscribitur.

An & quomodo à Polytricho secundo in loco descripto differat inquirendum?

### 3. *Polytrichum aureum medium.*

Hoc præcedente omnibus suis partibus minus est, alias non ita dissimile. In hoc genere peculiarissime observavimus, quòd ramuli interdum altius assurgant, & foliis vestiantur oblongis cum latitudine aliqua, membranaceis & fere pellucidis, ad margines undulatis & veluti crispis.

In locis humidis & uliginosis invenitur.

4. *Polytrichum aureum minus* C. B. Park. *Apulei minus quorundam* J. B. *Musci capillaris* fr. *Adiantum aureum minus* Ger.

*J. B.*

Contemnenda exiguitatis est: Ex muscoso caespite tanquam stamina capillaria, recta & rigida, utricula se attollunt, semuncialia aut uncialia, tenuissima, colore purpureo aut aureo [interdum etiam, saltem cum primò erumpunt, flavo aut viridi] quorum unicuique insidet apiculus falcatus, quem avicularium unguiculis minimis haud inepte comparaveris, quem convellit consimili figurâ andræ vaginula, quæ ubi cedere incipit extrema cauda surrecta galerita caput miro naturæ artificio comprimere arbitreris; ubi deciderit capitellum relinquit oblongum, atro-purpureum. Linguae vili saporis aliquid imprimit.

In muris, aggeribus antiquis, ædium tectis & tegulis, similibusque complutis locis & asperginitur limbis ubique fere oritur.

5. *Adiantum aureum humilius foliis latis subrotundis.* An *Musci Trichomanis* faxie *Fungorum* foliis utrinque rotundis *splendentibus* Cat. Aldorf?

*Surenli* huic unciales aut fescunciales, dense stipati, exiles admodum, rubentes, aut ex rubro gricantes, foliis ornati statim à radice alternatim positis, latis, subrotundis, tenuibus & fere membranaceis. An flores aut capitula proferat nobis hætenus incompertum.

In ipsis fontium scaturiginibus, in montosis Eboracensibus, aliisque Septentrionalibus Angliæ v. g. in aggere *Shoat* dicto, ea montis parte quæ *Shipton* oppido imminet.

### 6. *Musci palustris Adianto aureo affinis, scapis tenuibus, foliolis brevibus.*

Hujus scapi seu ramuli prætenues sunt, foliolis creberrimis brevissimis cincti, colore ex viridi flavicante aut subcinereo. Pediculis tenuissimis fescuncialibus capitula satis grandia. *Adiantum* la, sed breviora & turgidiora insident.

In locis palustribus, præsertim ubi aquæ scaturiunt, oritur.

## C A P. IX.

### De Lichene.

**L**ichen Græcis & Latinis ita dicitur quod lichenas, id est impetigines sanat. Plin. lib. 26 cap. 4. *Lichen herba in lichenis remediis omnibus præfertur, inde nomine invento.* Est autem Lichen herba ex meris foliis, in terræ superficie aut in arborum corticibus se diffundentibus constans.

Hic autem duplex est, vel 1. *sterilis*, saltem quantum hætenus observatum est, de quo super egimus; & *fertilis* seu semine prægnans.

- A. 1. *Lichen sive Hepatica vulgaris* Park. *Lichen sive Hepatica fontana* J. B. *Hepatica terrestris* Ger. *Lichen petræus latifolius sive Hepatica fontana* C. B. *Libertboog.*

Cum Lichenem primum Plinii, pileatum Col. pro Hepatica terrestris vulgari seu Lichene officinarum habeam, ejus descriptionem subjungam Columnianam, quæ cum nostris observationibus exactè congruit.

In saxis aquosis oritur, umbrosis, Septentrionem maximè respicientibus. Radicibus hæret sericeis similibus pilis, tenuibus admodum, copiosis sub foliis, quæ digiti sunt latitudine, & duplâ longitudine.



vel majore, supernè virentia vel parùm flavicantia, squamosa velut Serpentum cutis vel Limacis, singulisque squamis punctum in medio inscriptum elevatur. Florem non producit, quod observare potuimus. *Caulem* ex parte folii extrema parum scissâ & sinuosâ, lunatâ, album, lævem, firmum, succosum, Junci crassitie, diaphanum, quatuor uncias longum habet, supra quem pileolus veluti fungus infidet parvus, in quatuor aut quinque partes infernè divisus, [quibus subtrus impacta sunt totidem semina seu potius vascula seminalia, pulvisculo viridi repleta.] Columnæ pileolus primò viridis est, parum ad flavum inclinans, postea flavescit, atque demum rufus efficitur, & partes illæ inferiores divisæ fructum nigrum disruptæ ostendunt, atque apertis fructus decidunt nigro-purpurei, succosi cum virides adhuc, siccatos verò pulverem pro semine nigrescentem fuliginosum habere comperimus.

Martio mensè caulem edit, Aprili verò perficitur.

- A. 2. *Lichen petræus umbellatus* C. B. *Lichen sive Hepatica minor umbellata* Park. *Hepatica umbellata* Ger.

Hanc cum vulgari Hepatica miscet J. Bauhinus, post cujus descriptionem addit, Ex foliis eminent interdum parvi velut umbilici, quales exprimuntur apud Lobelium. Nobis equidem specie diversus videtur.

- A. 3. *Lichen petræus stellatus* C. B. *Lichen sive Hepatica minor stellata* Park. *Hepatica stellata* Ger.

J. Bauhinus hanc speciem à vulgari Lichene non distinguit, quem vetustate tandem pediculos erigere scribit, unciales & fescunciales, tenues, glabros, quorum unusquisque florem stellatum herbacei coloris sustinet, qui exprimit parvum galeum suis radius deorsum nutantibus. Parkinsonus quoque Hepaticæ vulgari flores parvos stellatos attribuit; aliam autem adhuc minorem facit Hepaticæ stellatæ speciem, ex duabus Lobelii iconibus, ut puto, ad id inductus. Quicquid autem sit de Lichene terrestri vulgari, sive is habendus sit qui fructu est stellato, sive qui pileato: hos tamen duos inter se revera & specie differre minimè ambigo.


In uliginosis & umbrosis areis hortorum & ambulacris glareosis aut saxosis sæpius observavimus.

- A. 4. *Lichen petræus cauliculo calceato* C. B. *Lichen alter minor caule calceato* Col.

Col.

Isdem locis gaudet hic [cum prima specie] similique modo oritur, minor omni sua parte; delictiore folio atque minore, tenui admodum, translucido, ut in opaco obscurum videatur, atque cum vetustius est ex purpureo nigrescat, læve nec squamosum, sed veluti è dorso ferè vagina vel calceus simbratis oris parum eminens, ex quo Martii Idibus pilula exit, Orobi magnitudine, atro-virens, lævis, lucida, quæ postea supra caulem quatuor digitorum subeuntem emicat, parum lutescens, atque in florem dehiscens luteum quatuor foliolorum, intus quamplurima continentem tenuissima atq; impalpabilia stamina. *Caulis* arefactus terram versus demittitur, qui rotundus erat, lævis, nudus, succosus, diaphanus, albus, facilè tactu corruptibilis. *Radix* villosa sericea est, ut non subtilior invenitur.

In udis paludosis ad aquarum scaturigines in agro Warwicensi observavimus.

5. *Lichen petræus minimus fructu Orobi* C. B. *Lichen alter acaulis*  Col.


Col.

Simili cum superioribus natali gaudet, eodémque tempore invenitur. Parvi digiti unguis magnitudinem rarè æquat foliis. Viride est, punctis albidioribus extuberantibus aspersum, ut asperum videatur. Floris vice ante fructum, inferna folii parte dum parvum est, utrinque nigras ex purpureo cartilagineas habet, costarum modo vel valvarum inter se oppositas, quas acie cultelli elevare potes: à folio differunt quòd illud viride sit. Cum autem grandius est totum folium nigrescit ex purpura, atque in extremo intumescit, fructumque emitit Orobi magnitudine, eodem colore, mollem, succosum aqueo albicante succo, postea quid croceum emittentem, maturiorem effectum. Disrupto cortice illo nigro, veluti pericarpium continet fructum, intus lutea pelle contextum, luteum pulverem continentem, & si teratur succosum, atque digiti calore statim humido illo exiccato, infectus digitus cernitur luteo pulvere illo. Folium tenuissimis & quàm brevissimis, albicantibus, atque delicatissimis fibrillis hæret.

6. *Lichen petræus muscosus racemosus* C. B.

C. B.

Foliis est longè minoribus Hepaticæ vulgaris foliis, squamarum instar junctis, pallidè virentibus & nonnihil hirsutis; inter quæ quamplurimi pediculi capillacei, biunciales nudi efferuntur; quorum singuli capitulum parvum instar racemi compactum sustinent, quantum ex sicco colligere licuit.

- A. 7. *Lichen sive Hepatica lunulata*, .

Folia minora & breviora sunt quam Hepaticæ vulgar. *Officin.* neque tam manifestè punctata; per margines sinuata & veluti crispa. In mediis foliis & interdum versus eorum margines lunulæ quædam foliaceæ supra folii superficiem eminentes exoriuntur, quæ sinu suo semina conferta supino folio incumbencia excipiunt. Vere postquam semen maturuit lunulæ evanescent.

In umbrosis uliginosis oritur sed rariùs: *D. Dale* pharmacopœus & medicus Brantiae, vicinus noster, Botanicus studiosus primus detexit nobisque ostendit, non longè à domicilio nostro nascentem; & alibi etiam copiosius.

7. *Lichen minimus foliolis laciniatis.*

Hic vulgari Lichene decuplo minor est, eodem modo se diffundens tenuissimis capillamentis è mediis foliis emissis. Foliola autem tenuia sunt, non punctata, circa margines laciniata crebris laciniis, unde velut crispa videntur. Nullum hæcenus fructum in hac specie observare potuimus.

Isdem cum Lichene vulgatissimo in locis invenitur. Sub finem Augusti descripsimus. Vere cum primum observavimus alia (quantum memini) facie apparuit.

*Vires.*

Lichen sapore est aqueo cum amarore nonnullo & adstrictione. Hepatica est insignis [in calidis cum siccitate hepatis malis, *C. Hofman.*] Usus præcipue in obstructionibus hepatis & vesicae, quorum signaturas in foliis gerit: hinc in hæctica, in ictero, in scabie & lichenibus, in gonorrhœa, in f. bri. Extrinsecus sistit sanguinem vulneribus. *Schrid.*

Notavit Cæsalpinus quod purget leniter humores adustos, & crassos, si in magna copia, ut pond. ff. ii. ejus decoctum sumatur. Quo remedio iterato per multos dies sanatos multos vidit ex maligna scabie & ulceribus exedentibus. Oportet autem singulis diebus novam decoctionem parare, præcipue cum sero lactis, quia facile exolescit.

*C. Hofmannus* Hepaticam peculiari vi purgante præditam esse non magis credit quàm serum. Imò serum ipsum copiose haustum non raro purgat.

C A P. X.

*De Ophiogloss.*

*Ophioglossum* J. B. Ger. *Ophiog.* sive *Lingua Serpentina* Park. *Ophioglos.* I. sive *vulgatum* C. B. *Adders-tongue.*

*f. B.*

*Etym.*

**O**phioglossum floris arguta cuspis (inquit *J. Bauhinus*) linguam serpentis exertam imitata, nomen impertivit, fictum quidem ex Germanico: Veteribus indictum esse nonnulli existimant, certè quo nomine illis innotuit inter Botanicos non convenit.

Multis & satis crassis fibris in fasciculum velut collectis cincta, Ellebori modo, si præsertim pinguius nanciscatur solum, radice donatur, post dulcedinem quam primum linguæ ingerit, caloris & acrimoniæ nonnihil in palato relinquens & paululum amarescens *Cam.* Huic surgit pedicellus palmaris folium singulare sustinens, Betæ parvæ quodammodo, pinguius tamen & carnosum; minusque nervosum, modò angustum & longiusculum, modo latum & subrotundum, laeve, erectum, sapore dulciusculo cum viscositate & virositate aliqua; & ejus sinu quæ pediculo committitur ligula ex it bifurcata, non tamén secta, in acumen sensim desinens, citra extremitatem utrinque denticulata, scobinæ aut Limæ aurifabræ effigiaturâ. Seminis loco (inquit *Camerarius*) ei tenuis quasi pollen in linguæ inflectionibus adest, iisque per maturitatem dehiscens excidit.

*Locus.*

In pratibus & pascuis humidioribus frequens invenitur. Aprili vel demum Maio mense prodit, & adusque Junium viget, paulò post tota superficies marcescit, radice in terra superstite; quæ profundè demergitur, ut extirpatu difficilis sit.

*Vires.*

Vulnerarium est insigne, tum intus sumptum in potionibus, tum extrinsecus applicatum. Recentia folia vulnera conglutinant & enterocelas sanant. Datur potanda ex aqua Equisetæ ad intrinseca vulnera. Herba pulverem aliquot diebus exhibitum rames omnes curare posse affirmat *Baptista Sardus.*

Verùm non modò ad vulnera recentia sed & vetera ulcera & rames præcipue æstimationis est oleum quod ex foliis ejus in oleo Olivarum vel omphacino ad Solem diutius maceratis, vel brevius ad ignem decoctis donec inarescant & exucca evadant, deinde expressis, conficitur, præsertim, inquit *Parkinsonus*, si resinæ Terebinthinæ tantillum in eo dissolvatur.

*Ophioglossa* ratione magnitudinis inter se differre deprehendit *Mentzelius* circa oppidum *Furstenwaldiam*. Minimum ultra unciam cum sua lingua & foliolo non assurgit. Medium verò bis unciale folium habet longius & linguam ultra tres uncias excrecentem: Majus autem folium obinet quatuor uncias longum & unum cum dimidio latum, linguâ in altum satis se erigente.

Ibidem quoque trilingua *Ophioglossa*, necnon bilingua reperit idem.

C A P. XI.

*De Lunaria.*

**L**unaria Recentioribus dicta à foliis Lunæ crescentis modo falcatis, an Veteribus cognita ambigitur. Vide *C. B. Pin.*

Folio singulari pinnato, & in nonnullis speciebus ramoso aut multifido, cauliculo racematis noscitur & seminum onusto ab aliis omnibus plantis, nedum hujus generis, distinguitur.

\* Annot. in  
Res Medicas  
novæ Hispaniæ.

Observavit Columna in hac specie omnes plantas in imo petiolo supra radicem folliculum habere quendam veluti Ari florem exiguum, in quo plantulam exiguam veluti foetum complicatum



plicatum extare vidit, intra folliculum uteri vicem gerentem, integram, foliosam tantum quæ racemo vidua erat, post annum proferendam, & quæ racemosa cum ipso exiguo sed integro racemo convolutam: Et hoc mirum (inquit) Naturæ institutum. Alias plantas simili modo infra terram uterum gerere agnovimus, & suo tempore proferre, sed non anno integro, & forsitan nec medio, verum à nova radicis ipsius extumescencia, ut in bulbosis quibusdam, in quibus intra bulbum ipsum spicatum cauliculum observavimus, suo tempore proferendum.

## CAP. XII.

1. *Lunaria minor* Ger. Park. *L. botrytis* J.B. *racemosa minor vel vulgaris* C. B. *Woon-twort*.

J. B.

**E** Radice tenui, subnigra, intus flavescente folium exit singulare, unà cum pediculo interdum palmare, 4, 5, 6, 7, aut pluribus pinnarum crassarum, ubi nervo medio connectuntur angustarum; in latum & falcatum mucronem desinentium, conjugationibus compositum; pinnarum superiorum concavo inferiorum gibbum excipiente. Ex eodem pediculo ex infima conjugationis sinu furculus prodit palmaris, succulentus, crassus, è cujus lateribus alternatim oriuntur pediculi racemulis onusti, jubam imitantes. Racemuli acinos habent, congestos, paucos, virides, qui nec florem unquam edunt, nec semen intus habere conspiciuntur, sed pro eo pallido colore pulvis tenuissimus atque impalpabilis invenitur, quo sato an ex eo planta exeat incertum est, sæpe quidem cum expertus sum nunquam exire aliquid cognovi, inquit Columna.

Ego pulverem hunc ipsum plantæ semen esse minime dubito, quantumvis à Columna satum, loco fortasse alieno, non provenit.

In montibus Eboracensibus propè *Settle* oppidum copiosissime provenit: & alibi in montosis & frigidioribus variis in locis, tum in Angliâ, tum in transitarinis regionibus.

*Lunaria botrytis minor multifolia* J. B. *Lun. racemosa ramosa major* C. B. an sit *Lulus* naturæ tantum; an species *Lunariæ* distincta ambigimus, præsertim cum *Camerarius* eam in Angliâ inveniri tradat: Nos autem nihil tale unquam invenimus, nec ab aliis inventum audivimus in Angliâ, nisi forte accidentarium & monstrosum.

2. *Lunaria Botryites ramosa Silesiaca* J. B. *racemosa multifida folio* C. B.

Clus.

*Dodrantis* est planta, statim à radice unam aut aliam foliorum alam protrudens, sive folium ramosum & multifidum, frequentibus foliis, *Lunariæ minoris vulgaris* foliis fere similibus constans, sed longioribus & crassiusculis, etobæque incisurâ divisis, colore ut in vulgari viridi dilutiore, & quodammodo pallescente. Secunda ala, ut tenerior est & postremo nata, tenui quadam sed rara admodum lanugine pubescere videtur, succulentiorque est quàm prima: ex ejus quasi utero secundum radicem emergit cauliculus pinguis & succulentus, sustinens multifidam & majorem vim [ florifera an fructus dicere debeam hæreo ] quàm vulgaris, alioquin admodum similem. Radix vulgaris instar multis fibris latè in ambitum sparsis, crassioribus tamen, constat.

In altis *Silesiæ* montibus oritur; culturam autem respuit ut pleræque montana.

3. *Lunaria racemosa minor Adianti folio* Breynii.

Breyn.

Vulgari foliis laciniatis (cujus effigies apud *Camerarium* in *Matthiolo* Germanicè edito sub numero II. exstat) per omnia similis præter folia, quæ *Capilli Veneris* sive *Adianti foliis* *Coriandri* C. B. in modum eleganter sunt dissecta.

Nascitur in montibus *Cassubæ*, sed admodum rara.

4. *Lunaria racemosa minor Matricariæ folio* Breynii.

Breyn.

Montium *Cassubiæ* est incola; unde satis copiosè allata. Cauliculi in omnibus allatis magis curti erant quàm vulgaris, racemis brevioribus magisque ramosis, ac foliis brevioribus, plures in laciniis angustiores dissectis, *Matricariæ* haud imparibus onusti.

## CAP. XIII.

## De Equiseto.

**E** Quisetum Latinis à feta equina nomen traxit. Græcis *ἵππου* i. e. Cauda equina, à similitudine dicitur, quia folia habet fetis similia medio scapo adnascencia. Etyma.

Planta est singularis & sui generis, tum scapo medio tum foliis (si modo folia dicenda sunt) pyxidatim articulatis. Propriè loquendo folia non habet, quæ enim folia dicuntur nullam habent

bent pronæ & supinæ partis distinctionem; excepto tamen Polygono fœmina dicto, quod ab æquisetorum speciebus in tantum differt, ut diversum genus à nonnullis merito constituitur.

- A. 1. *Equisetum majus* Ger. *majus palustre* Park. *majus aquaticum* J. B. *palustre longioribus* C. B. *Great Marsh or Water-Horse-tail*.

f. B.

Pro radicibus sunt creberrimæ tenuissimæque nigricantes fibræ longè è caulium geniculis demissæ. Asparagos primùm protrudit palmares, & cubito altiores Polygona fœminæ crassitie, internodiis longioribus, pyxidata insertione distinctos (corylâ fimbriatâ nigricante alterius tubulum excipiente, quâ notâ etiam à Polygono fœmina differt) striatos, inanes, quorum summo fastigio clavatum infidet capitulum, veluti nucamentum, cujus divulsis dehiscenribusque commissuris hoscæ apparent ex fusco albidis. Procedente tempore caules bicubitales & interdum altiores, minime propemodum digiti crassitie, teretes, concavi, albicantes plerumque, laves aut striis vix conspicuis exarati, crebris geniculis pyxidatim coherentibus intercepti. Singulos geniculos ambiunt folia seu setæ plurimæ [ultra triginta numeravimus] prælongæ, tenues, asperæ, striatæ, virides, non ramosæ, octo aut novem, pluribusve aut paucioribus internodiis pyxidatim articulatis compositæ. Cum veterascere incipit caulis in colorem spadiceum aut atro-rubentem è latere Soli obverfo non raro mutatur.

In palustribus & aquosis passim provenit.

- A. 2. *Equisetum arvense longioribus setis* C. B. Park. *minus terrestre* J. B. *segetale* Ger. *Common Horse-tail*.

Radice est gracili, nigra, articulata & serpente, fibris nigricantibus è geniculis exortis capillares quæ Aprili mense haud secus ac Equisetum majus Asparagos emittit, sed graciliores, longioribus & laxioribus fimbriatis, nigricantibus corylis tubulos excipientibus, nucamenti æmulum capitulum apicibus albis confertum, sustinentes. Maio mense caules frequentes sequuntur, pedales, geniculis distincti, pyxidatim inserti; cavi, scabri C. B. [Ego nullam fere scabritiem in caule aut foliis sentio] Ex geniculis folia radiatim enata dodrantem æquant, & ipsa quoque ex articulis sobole pariunt.

A præcedente differt caule multis numeris minore & brevior, viridi, manifestius striato, longioribus internodiis, cavitate intus minore: foliis seu setis pro plantæ magnitudine majoribus, profundius striatis [quatuor sulcis] tortuosis, è geniculis interdum folia seu setas secundarias emittentibus, paucioribus ad singulos caulis nodos.

Inter segetes solo humidior non raro invenitur.

Setæ in hoc minus asperæ quàm in præcedenti, imò nobis tractantibus vix omnino asperæ videntur.

Vires.

Equisetum astringit validè, hinc ad sanguinis rejectionem, ad profluvium muliebre, potissimum rubrum, & ad dysenterias reliquosque ventris fluxus strenuum & generosum est remedium vel herba ipsa aut ex aqua, aut ex vino epota [pulvis ʒj. pondere, aut decocti in vino ʒiij. manè & vespri propinata] vel aqua ejus stillatitia si cochlearia tria duobus tribusve diebus bibantur. Sanat hæmorrhagias sive per *arterias*, sive per *venas*, ut loquitur Casp. Hofmannus: item exacerationes renum & vesicæ.

Hujus Asparagos, autore Matthiolo, in Hetruria, modo in defectu melioris cibi, modo in dysenteria aliisque alvinis fluxibus comedunt Hetrusci, & sentiunt aliquando ita sibi stringi ventrem, ut colici fiant.

Exterius emplastri modo imposita conglutinat maxima vulnera, etiam ubi nervi sunt incisi.

Dioscorides urinam movere refert.

In diuturnis febribus, etiam malignis, miracula fecisse cum aliis se comperisse scribit Casp. Hofmannus.

Ad sanguinis sputum exhibe radicis exsiccatæ & pulveris ʒj. cum succo Granatorum acidorum.

Ad pectoris pulmonumque ulcera Decoctum Equif. in aquâ manè & vespri calidè potum ad ʒij. vel ejus succi ʒij.

In phthisi pulvis Equiseti ʒj. pondere cum Aquæ Plantag. ʒiij. manè & vespri aliquot diebus sumptus commendatur.

Alios ejus exhibendi modos contra vomitum sanguinis & dolores ventriculi, contra rupturam, contra calculum, urinæ stillicidium, &c. vide apud \* C. Baubinum.

\* Theatr. Bot.  
tan. l. 1.  
Sect. 2. cap. 19.

- A. 3. *Equisetum sylvaticum* Tab. Ger. *sylvaticum tenuissimis setis* C. B. *omnium minimum tenuissimum* Park. Lob. illustr. *Equisetum sive Hippuris tenuissima non aspera* J. B. *Wood Horse-tail*.

C. B.

Caule est pedali, geniculis fæcto, è cujus articulis singulis utrinque frequentissima folia, tenuissimorum capillorum instar prodeunt, quæ variè & minutum dividuntur.

Setas habet omnium tenuissimas & maxime ramosas, quibus notis, ut & lævore suo à reliquis suis sortis facile distinguitur.

Hanc speciem esse putamus quam describit Lobelius in Illustrationibus stirpium & ex eo Parkinsonus sub titulo superius posito. Et locus enim & descriptio conveniunt.



In locis humidis sylvarum & umbrosis oritur, solo palustri, non tamen ita frequens.

- A. 4. *Equisetum palustre* Lob. Ger. *palustre minus* Park. *palustre brevioribus setis* C. B. The lesser marsh Horse-tail.

Ab *Equiseto* segetali, cui aliàs persimile est, differt. 1. Caule paucioribus & profundioribus striis seu sulcis exarato. 2. Pro numero striarum paucioribus ad singula genicula foliis cincto, nimirum septem, octo vel novem; cum in illo duodecim aut plura habeantur. 3. Pyxidulis quibus inseruntur internodia longioribus. 4. Foliis seu setis majoribus dicere, plerumque brevioribus, minus sparsis & tortuosis, minus profunde sulcatis, non ramosis, apicibus seu denticulis pyxidularum in quas inseruntur internodia non ut in illo extrorsum reflexis, sed eam appressis; quæ horum primâ statim fronte ab illo (cujus articuli velut fimbriati sunt) discernitur. Tandem Capitulis floriferis summos caules foliosos terminantibus cum in illo spicæ seu capitula seorsim, velut *Asparagi* quidam, exeant antequam caules orientur.

His addi posset prima setarum à scapo medio internodia multò breviora esse in hoc genere quam in illo.

In palustribus solo putrido & spongioso oritur, quo etiam ab *Equiseto* segetali differt quod solidiorem & minus aquosam terram non aspernatur; quamvis & illud humore delectetur.

Not. quot sunt in caule striæ tum in hoc tum in aliis *Equisetis*, tot poris secundum longitudinem, seu tubis minoribus medium majorem circumstantibus, perforatur.

- A. 5. *Equisetum palustre brevioribus foliis polyspermon* C. B. *palustre uberum brevioribus setis* Park. *Cauda equina femina* Ger. *Equiseti facie Polygonum femina* J. B. Female Horse-tail.

C. B.

Radice nititur rufescente nigricanteve, tenera, articulata, per transversum sparsa, plurimis capillamentis fibrata & limo hærente, quibus se propagat; à qua primo vere, antequam caules exeant, asparagi aliquot prodeunt, formâ spicatâ, colore candidæ, tenelli, elui apti, qui ejus flores sunt. Caulem habet aliquando unum, aliquando ternos & quaternos, Arundini teneræ similes, & Junco multò crassiores, in tenuitatem desinentes, rectos, rotundos, laeves neque striis asperos, cubitum superantes, dense geniculatos, internodiis frequentibus commissis; ex articulorum pyxidatis inferioribus brevi admodum intervallo folia radiatim exeunt, quæ brevissima & angusta, mollia ac virentia, prima quidem Linariæ parvæ, superiora Piceæ: similia; quibus singula, seu grana oblonga (Milio minora Cordo) rufescentia, ad articulorum commissuras disposita, sæpe dena & plura, eleganti ordine adnascuntur. Verùm cum non semper reperiuntur, idcirco Herbariorum figuræ his carent, &c.

In lacubus & stagnis & ad rivulorum ripas, sed plerumque in ipsis aquis oritur, aut aquis exsiccatis in limo, non tamen admodum frequens apud nos in Anglia.

- \* 6. *Equisetum palustre minus polytrichon* C. B.

C. B.

Radice est repente, geniculis distincta: caule tenui, cubito minore, geniculis crassioribus articulato: foliis aut potius geniculatis cirris ad articulum utrinque ternis vel quaternis, junceis, palmatis: quibus pænè singulis minuta spica tili instar infidet: caulis vero rariùm oblongum minus compactum, flosculis pallidissime rubentibus donatum, suffinet.

Basilæ in aquosis Michelfeldenibus observavit C. Baubinus.

- A. 7. *Equisetum nudum* Ger. *junceum sive nudum* Park. *foliis nudum non ramosum sive junceum* C. B. Naked Horse-tail.

C. B.

Radice nititur nigricante, per transversum repente, fibrosa & insipida: ex quâ caules singulares, ad radicem atro-rubentes & splendentes exurgunt, iique cubitales, juncei, striis asperi, cavi & nudi, geniculis multis articulati, & tuborum modo sibi immixti, qui in acuminatum fastigium, aliquando & in asparagum terminantur, & quandoque circa summum caulis, ex articellis folia admodum parva emittit: rariùs ramus unus & alter è geniculo prodit.

In rivulis & fossis aquosis, sæpe ex fundo culmi tricubitales exoriuntur.

Hæc species à præcedentibus omnibus revera distincta est, siquidem asperior est multo, solidiorque & perpetuò etiam viret; quamvis nos J. Baubinum secuti asparagum potius esse *Equiseti* palustris quam plantam ab eo diversam aliquando sensimus & scripsimus. Et revera *Equisetum* palustre non raro etiam scapos nudos seu junceos emittit.

Hæc præcipue species est cujus junceis virgis materiarii fabri multorum minorum operum veluti pectinum & manubriorum scabritiem in lavorem expoliunt; unde & Anglis non minùs quam Germanis *Shavegrafs* dicitur.

- \* 8. *Equisetum foliis nudum ramosum* C. B. *juncum ramosum* Park. **Naked branched Horse-tail.**

C. B.

*Caulis* est longissimo, parte inferiore nigro, striato, aspero, foliis nudo, concavo & geniculato, at geniculis paucioribus, & à se invicem longius distantibus quàm in aliis speciebus. Ex articulis modò utrinque unus, modò ab altero latere duo, & ab altero unus ramus, Junci crassitie, sesqui-palmaris, colore, striis & articulis cauli correspondens, & in tenuissimum apicem finiens prodit. At ipse caulis in pyxidulam ferè semuncialem, striatam, albam & crenatam finit: ad cujus pyxidulæ latera similiter & communiter utrinque unus ramus cubitalis effertur.

In sylvis uliginosis, sed rarius, reperimus.

- \* 9. *Equisetum nudum minus variegatum* Basiliense C. B. *nudum minus variegatum* Park. **Small parti-coloured naked Horse-tail.**

C. B.

Ex radice parva, nigra, transversa, nonnihil capillata cauliculi plures, inaequales, rarissime pedales, communiter palmares, semipalmares & multò breviores, striati, pallide virentes, geniculis parte inferna nigris, superna albidis, articulatis, foliis carentes & cavi: in quorum summitatibus capitulum brevissimum iuli instar insidet, quod à corona alba, ex octo, novem, etiam duodecim foliis acutis composita sustentatur; & quando pedibus calcatur crepitat.

Ad Rheni ripam, juxta locum *die Baar* dictum, ad minorem urbem provenit.

- A. 10. *Equisetum fatidum sub aqua repens* C. B. J. B. Ger. Park. **Stinking water Horse-tail.**

C. B.

*Radice* est fibrosa; *caulibus* plurimis, tenuibus, rotundis, per obliquum ut Saccharum penidium striatis, geniculatis, fragilibus, sub aqua per terram sparsis (in aquis enim plerunque demersum, rarius emergens) quandoque cubitalibus, in plures cauliculos brachiatis: *foliis* aliquot brevibus, in breves apices distinctis, & simul ad genicula junctis. Tota planta fragilis est, quæ dum in aqua est viridis est [non semper, nam interdum & in ipsa aqua cinerea cernitur] at extracta & exsiccata incana & friabilis, ita ut non solum digitis minimo negotio in pulverem comminuitur, sed etiam sponte in pulverem abeat. Odoris est lutosi & sulphurei.

In aquis coenosis abundè oritur plurimis in locis.

- A. 11. *Hippuris Coralloides* Ger. emac. *An Hippuris lacustris quædam foliis mansu arenosis* Gesn?

Multis exit furculis, duas trèsvè uncias altis, ad singulos articulos foliola multa emittentibus, cauliculum seu scapum denso agmine proximè circumstantibus, aliorum hujus generis more fitis. Versus summos scapos articuli admodum crebri sunt. Color totius plantulæ cinereus ad viridem nonnihil inclinans. Valde fragilis est & sub dentibus scruposa Corallinæ instar; pedibus etiam pressa crepitat ac si congelata esset.

Locus.

In palustribus putridis & spongiæ instar aquam imbibere & retinere aptis oritur: ut v. g. non procul à *Chiffelburst* vico in Cantio, necnon tribus trans Oxonium milliaribus, propè Trajectum *Evenshami*. Vide Ger. emaculat.

Superfunt adhuc duæ aliæ Equiseti species à C. *Baubino* propositæ & descriptæ, quarum altera *Equisetum palustre tenuissimis & longissimis setis*, altera *Equisetum pratense longissimis setis* inscribitur: quæ adeò parum differunt à nonnullis ex descriptis, ut speciem distinctas non existimemus. Vide, si placet, C. *Baubini* Theatr. Botan.



# LIBRI TERTII

## PARS SECUNDA.

### Herbarum caule carentium hypophyllospermum seu Capillarium Tabula.

**H**erbae caule carentes, epiphyllispermae, seu mavis, hypophyllospermæ, quia semina averſæ foliorum parti, in punctis lineolifve ibidem effloſcentibus, adnaſcuntur; nonnullis *Capillares*, aliis *Dorſiparæ* & *Tergifaræ* dictæ, ſunt vel foliis.

*Simplicibus*, ſeu integris & indiviſis, oblongis,  
 Sinu in baſi ad pediculum ſalcato excavatis, cum appendice utrinque producta; **HEMIONITIS**.  
 Nullo ad baſin folii ſinu aut appendice; **PHYLLITIS**, *Lingua cervina*.  
*Diſſectis* aut inciſis

*Simplici diviſurâ* in lacinias tantum aut pinnas ſuntque vel

*Majores*, folio  
 } *Breviore & latiore*, radice purgatrice; **POLYPODIUM**.  
 } *Longiore & anguſtiore*; **LONCHITIS**.

*Minores*, folio

*Laciniato*,

Major, oblongo & utrinque velut dentato; **SCOLOPENDRIA**.

Minimo, brevi, ſummâ parte in duas trêſve lacinias, vel uti in totidem cornua ſiſſo; **ADIANTHUM ACROSTICHON Thal.**

*Pinnato*, ſeu ex foliolis ad mediam coſtam utrinque adnexis composito,

Latiore & craſſiore Polypodii æmulo; **CHAMÆFILIX MARINA**.

Anguſtiore & tenuiore, Vicæ cujuſdam ſimili; **TRICHOMANES**.

*Duplici diviſurâ*, ſeu ſemel ſubdiviſis; primariâ diviſione in tarſos ſeu ſurculos, ſecundariâ in pinnulas ſeu criſtas, eaſque vel

Prælongas, *Oſmundæ regalis* æmulas; **HEMIONITIS MULTIFIDA**.

Breviores,

*Denſius diſpoſitas*, pediculis brevibus aut nullis hærentes,

Dentatas aut aculeatas,

Major; **FILIX MAS**.

Minor; ſeu repens, **FILIX PALUSTRIS**, *Dryopteris Adm.* ſeu non repens;  
**FILIX SAXATILIS**.

Equales ad margines, & non dentatas. **FILIX Fontis Adm.** NON DENTATA  
**F. B.**

*Rarius diſpoſitas*, pediculis longis appenſas, latas, breves, obtuſas, vel

Craſſuſculas, pediculis viridioribus & craſſioribus hærentes, Rutæ quodammodo æmulas; **ADIANTUM ALBUM**.

Tenuis & mollicellas, propemodum triangulares, fronte altiùs inciſâ, pediculis nigris, tenuibus, tremulis appenſas; **ADIANTUM NIGRUM**.

*Triplici diviſurâ*, ſeu bis ſubdiviſis, nimirum primò in ramulos ſeu alas, ſecundò in tarſos ſeu ſurculos, tertio tandem in pinnulas ſive criſtas, atque hoc genus ramoſæ dicuntur.

Hæ ſunt vel

Scandens, exotica; **FILIX SCANDENS** *Braſiliana*.

Rectæ, & ſuis ſe viribus ſuſtentantes,

*Majores*,

Florifera dicta, in ſurculis peculiaribus ſemina congeſta proferens, paluſtrium alumna;

**FILIX FLORIDA**, *Oſmunda regalis*.

Non florifera, ſeminibus averſæ foliorum parti, ut in reliquis, adnaſcentibus, pinnulis

Dentatis, **FILIX MAS RAMOSA**.

Non dentatis, radice reptatrice; **FILIX FOEMINA vulgaris**.

*Minores*,

Florifera, ad *Adiantum album* accedens foliis pulchrè inciſis; **ADIANTUM ALBUM FLORIDUM**.

Non florentes in ſurculis peculiaribus, pinnulis craſſis, anguſtioribus & longioribus, in acutum deſinentibus; **DRYOPTERIS NIGRA**.

*De Herbis caule carentibus epiphyllispermis, Capillaribus & Dorssiferis vulgo dictis : & primò in genere.*

\* In *Isagoge Phytoscopica*.

**C**UM Caulis (rectè cum definiente \* Jungio) sit pars plantæ superna, in altitudinem ita exposita, ut anteriora à posterioribus, vel dextera à sinistris non differant; herbas de quibus hoc in loco agimus, Capillares & Dorssiferas dictas, in universum omnes, tam ramosas quam non ramosas, caule omnino carere, earumque superficiem ex meris foliis constare manifestum est. Nam qui in Filicibus ramosis caules censentur, reverà foliorum compositorum seu ramosorum pediculi sunt, cum partem anticam à postica diversam, illam scilicet planam aut concavam, hanc teretiusculam & convexam obtineant; cumque in folium terminentur, quod vero cauli nunquam contingit.

Cæterum Capillares dictæ sunt hæ plantæ, quia capillis sanitatem & nitorem conciliare, omnibusque illorum vitiis mederi creduntur: Dorssiferae seu Dorssiparae, quoniam eorum semina averse foliorum parti adnascuntur, in punctis illis seu lineolis ferrugineis ibidem efflorescentibus.

Filicem reliquasque capillares herbas semine carere Veteres plerique Historia Plantarum & Rei Medicæ scriptores, Theophrastus, Dioscorides, Plinius & Galenus, prodidère; quos etiam secuti sunt è Recentioribus nonnulli, Dodonæus v.g. Spigelius in *Isag.* ad rem Herbar. & Dalechampius. Nec probabili sanè ratione destituti sunt hujus sententiæ patroni. Cum enim (ut modò ostendimus) hoc genus herbæ caulibus careant, quibus fructus & semina plurimum innasci solent, & semine unà carere verisimillimum est: cumque nemo unquam in hujusmodi plantis, quantumvis oculatus aut Lynceus fuerit, semen ullum discernere aut detegere valuerit, rationi magis consentaneum videtur, negare ulla eis omnino semina adesse, quam fingere præ parvitate invisibilia, in tam eximia præsertim plantarum magnitudine. Alii è contra, ut v.g. Baubinus uterque, Johnsonus apud Gerardum, Tragus, Parkinsonus in Theat. Botan. & nobiliss. F. Columna, Botanicus egregius & verè Lynceus, Annotat. ad res medicas N. Hispan. Ant. Recchi, Filices & congeneres spermatophoras esse contendunt: partim quia Historia Creationis Genes. 11. 12. herbis in genere omnibus vim seminandam semen tribuere videtur: partim quòd verisimile non sit; Plantas adeò perfectas, tam eximie magnitudinis & staturæ quam sunt nonnullæ Filices, ab aliarum omnium norma & analogia abluere: partim denique quòd sub adultis & vetustioribus Filicum stirpibus tenellæ & recens nate plantulæ non rarò observatæ fuerè, quæ semini deciduo ortum suum & originem debere videntur. Volunt autem semina averse foliorum parti accrescere in punctis illis aut lineolis pulverulentis ferrugineisve ibidem extantibus. Hanc sententiam verissimam esse non modò argumenta allata suadent, sed & autopsia convincit. Siquidem Federicus Cæsius, Lynceorum olim Princeps, referente F. Columna Annotat. modò laudatis, microscopii adjumento observavit & apertè demonstravit ejusmodi plantarum semina; quòd quidem [Encyclopium] Polypodii & congenerum semina Piso vel Ciceri paria oculis obtulit. Qui enim (inquit Columna) suo tempore pilosam illam extuberantiam in similibus microscopio examinaverit, & flores virecentes magnos, & semina conspiciet, & insuper in semine umbilicatam partem; quæ hærebat atque alimentum & incrementum capiebat, clarissimè perspiciet; in hac scilicet pilosa flavescente in folii dorso extuberantia bino ordine dispositos corymbos deprehendet, & in singulis quinquagenos circiter flores five fructus cum suis feminibus. Nec Cæsius tantum aut Columna Capillarum fructus perspicillorum ope in lucem prolatos videre contigit, sed & nuperrimè ingeniosissimus Vir D. W. C. microscopis longè perfectioribus & summa arte elaboratis usus, earundem tum semina tum vascula seminalia accuratius & distinctius multò observavit ipse, & amicis spectanda exhibuit: Observationes autem suas de his curiosissimas literis Bristolio datis Septemb. 30. 1669. Clariss. D. Hookio communicavit; qui eadem paulò post cum aliis non minùs curiosis naturæ arcanis in publicam lucem emisit. Harum bonam partem Latinam facere & huc transcribere in gratiam transmarinorum Anglicè nescientium non ab re fore putavi.

Pyxidulæ seu capsulæ semina continentes in plerisque hoc genus plantis perquam exili granulo arenæ vulgaris cinereæ plus duplo minores sunt; imò in nonnullis speciebus vix tertiam quartamve arenulæ partem magnitudine æquant, vesicularum quarundam annulis aut fasciis vermiformibus obvolutarum speciem exhibentes.

Nonnullæ ex his vesiculis centum circiter semina continere deprehendebantur, quatenus scilicet Observationum Autor supputando, [aut potius conjectando] assequi potuerit; adeò eximia paritate ut nudo oculo prorsus essent invisibilia, nec nisi microscopii interventu detegi possent. Vide infra, in capite de Lingua cervina, vasculorum descriptionem.

Folia Filicis utriusque, præcipuè feminae (quæ præ reliquis omnibus feminibus scaturit) si cautè colligantur & asserventur nè comprimantur aut ullatenus violentur, brevi deinde Soli aut aeri sereno exponantur, vesiculæ seminales quotquot maturuere, fasciis modò dictis se contrahentibus dirumpentur, & semina quaquaversum spargent, ad eundem ferè modum quo aliarum aliquot stirpium siliquæ, Cardamines putà aut Persicaria siliquosæ, per maturitatem diffilunt, & semina cum impetu ejaculantur.

Quin si quantitas modica seminum à foliis in subjectam chartæ mundæ aut Pergameni schedam decutiatur detergatave, & deinde in acervum converratur, vesicularum seminalium plurimis unà diffilientibus, & sibi invicem allisis, acervulus variè moveri per partes videbitur, non secus ac si Syronibus aut istiusmodi bestiis repletus esset; motu nudo etiam oculo perceptibili: quin si locus tranquillus sit, aure proximè admotà, crepitantium inter rumpendum vasculorum sonitus haud difficulter percipietur; & si microscopio circumducto chartam oculis oberres, semina per eam undique sparsa, & ad notabilem ab acervo distantiam projecta comperies.



Vascula seminalia ut & semina ipsa *Filicum* omnium reliquarumque *Capillarium* ejusdem proximè figuræ sunt & magnitudinis, quantumvis plantæ eorum productrices utroque respectu plurimum distent, ut v. g. *Filicis semine vulgaris*, *Ruta muraria*, *Phyllitis* & *Osmunda regalis*, quarum priores tres inter se dissimillimæ sunt, posteriores duæ staturæ & magnitudine admodum inæquales.

*Osmunda regalis*, quæ aliis omnibus *Filicis* speciebus mole, pulchritudine, viribus antecellit, & à Botaniciis nonnullis sterilis censeri solet, vascula seminalia obtinet æquæ cum reliquis congeneribus magnitudinis, ejusdemque proximè figuræ, quorum immensa & visum fugiens parvitas cum magnitudine plantæ collata (quam integram cum radice & superficie tota appensam decem inter-dum libras pondere superare animadvertit Autor) adeò nullam gerere proportionem invenietur, ut tantam plantam è tantillo semine produci attentum observatorem meritò in admirationem rapiat.

Quod verò, (pergit) mihi aliisque qui unà mecum adfuerunt testibus oculatis præcipuè admirabile visum est, fuere animalcula diversarum specierum plurima, inermi oculo prorsus inconspicua, imò nec lentibus vitreis simplicibus, magnitudinem valdè augmentibus interpositis visibilia, quæ microscopio tamen in planta recens collecta inter vesiculas seminales velociter discurrentia jucundo spectaculo haud difficulter potuere discerni: è quibus nonnulla adeò infimæ parvitatæ fuere, ut binæ & seminibus vesiculis inclusis corpusculorum moleculis vix adæquarent.

*Filicum* semina microscopio primæ notæ quæ objectorum quantitatem immensum augment spectata & examinata vicæ exiguæ aut Lentis magnitudine apparere, eorumque nonnulla per ficitatem contracta & corrugata, valleculis depressioribus & tuberculis seu eminentiis inæqualia ad modum Pisorum alborum visa sunt. *Polypodii* autem semina tum figurâ tum colore à reliquis discrepant; cæteris enim leucophæis aut rubentibus, hæc lutea sunt, & ad modum Medicæ seminum reniformia.

*Capillarium* semina non ante Autumnum maturescunt: unde patet quàm frivola & falsa sint quæ circumferuntur de collectione seminum *Filicis*, quam quidam ipso Solstitiali die, alii vigiliis S. Joannis Baptistæ instituendam asserunt, linteis substratis. Mirari autem subit Botanicum diligentem & minimè vanum Hieronymum Tragus publico scripto non dubitasse testari, se neque superstitione ductum, nec præstigiis aut incantationibus, aut ullis characteribus usum rem aggressum esse, & quater in vigilia S. Joannis nocte tentasse substratis linteis & Verbasco foliis, an fement id deprehendere & excipere posset, & sanè sibi contigisse fateri, ut manè ante illucentem diem semen parvum, nigrum, Papaverini specie repperit, & hoc amplius ac copiosius sub alia atque alia Filice, alio item atque alio anno. Verùm quantumvis superstitionis suspensionem à se amoliri studeat Tragus, vix tamen apud sobrios judices superstitionis credulitatis notam effugiet, quòd à se impetrare potuit, ut ejusmodi vanis fidem adhiberet, aut eorundem experimenta tentaret, quòdque tandem seu imaginatione falsa, seu præstigiis Dæmonum sibi imponi passus fuerit, ut existimaret se videre *Filicum* semina quæ tunc temporis nulla fuere, (cùm non ante mensem Septembrem producantur) nec si fuissent inermi (ut diximus) oculo potuere discerni.

Quæ de antipathia inter *Arundinem* & *Filicem* tradunt Veteres pro fabulosis habemus, nec iis refutandis immorari operæ pretium fore putamus. Consule si placet Dodonæum.

Ceterum Herbae acaules Epiphyllispermæ foliorum respectu dividi possunt in eas quæ foliis sunt vel

1. Simplicibus seu integris & indivisis, cujusmodi sunt *Phyllitis* & *Hemionitis* dicta.
2. Laciniatis tantum aut pinnatis simplici divisurâ, uti sunt *Polypodium*, *Trichomanes*, &c.
3. Bifariam divisis seu semel subdivisis, viz. primariâ divisione in tarsos seu furculos, secundariâ in pinnulas, quales sunt *Filix mas* vulgaris, *Dryopteris* Lob. &c.
4. Trifariam divisis seu bis subdivisis seu ramosis, primo scilicet in ramulos seu alas, deinde in tarsos seu furculos, & tandem in pinnulas, cujus generis sunt *Filix femina* vulg. *Adiantum album* & nigrum, &c.

Hanc divisionem reliquis, quæ vel à magnitudine varia, vel à punctis lineisve feminalibus peti possent, commodiorem arbitramur, quoniam à notis tum magis perspicuis & distinctis, tum magis obvis & visui expositis differentias generum subalternorum constitutivas sumit: Eam ergo sequuti Librum hunc in quatuor Sectiones partiemur.

Prima erit de Herbis Capillaribus quarum folia integra sunt & indivisa:

Secunda de iis quarum folia simplici divisurâ secta sunt, seu laciniata sint sive pinnata.

Tertia de iis quæ semel subdivisa folia obtinent, primariâ scilicet divisione in tarsos seu furculos; secundariâ in pinnulas seu cristas factâ.

Quarta de iis quibus folia bis subdivisa seu ramosa sunt, primò in ramulos seu alas, deinde in tarsos seu furculos, tandem in pinnulas.

## SECTIO PRIMA.

## De Herbis Capillaribus foliis integris &amp; indivisis.

## CAP. I.

## De Phyllitide.

**Q**UÆ Græcè *Phyllis*, quasi foliosum dicas, cum nihil nisi foliosus cespes appareat, Latinis pariter Græcum nomen retinentibus *Phyllitis* dicitur. Officinis *Lingua cervina* à similitudine foliorum appellatur. C. B.

A. *Phyllitis* Ger. *Phyl.* sive *Lingua cervina vulgi* J. B. *Phyl.* sive *Lingua cervina vulgaris* Park. *Phyllitis*, *Lingua cervina* Officinatum C. B. *Parts-tongue*.

J. B.

È capillaribus radicibus, nigricantibus, numerosis *Trago*, *Cordo* masculæ Filici [id est, vulgari] similibus, implicitis, cum foliorum vestigiis connexis, foris nigricantibus, intus in pallido viridibus folia fundè longa, sena, octona, vel dena (inquit *Lobelius*) interdum etiam plura incerto numero, dodrantalia aut pedalia, duarum unciarum plerunque latitudine, *Cordo* acutè Rumici similia, *Trago* & *Cæspino* spleni, vel linguæ cervinæ, imâ parte falcatæ Lunæ modo corniculata, læto virore splendentia superne, inferne verò obliquis, pulverulentis areolis, ceu lumbricis ruffis [*Cordo* flavis aut rubentibus, *Trago* subluteis] virgata; sapore acerbo, odore *Dod.* graveolente. Color linearum in foliis averfis variat pro ætate; nam cum primò erumpunt albidæ sunt, deinde coenlescunt, postea paulatim ad ferrugineum tendunt.

Vascula hujus feminalia prout à *D. Grevio*, microscopio præstanti examinata describebantur, hujusmodi fuere. Unaquæque capsula seu vasculum seminale pediculo à semuncia ad unciam & amplius longo infidebat, crassitudine ad basin (ut apparuit) setæ equinæ duplâ, ad cacumen paulo crassiore. Capsula ipsa coloris erat argentei, magnitudine circiter officuli *Cerastii*, figuræ sphericæ, valido tendine coloris aurei circumcinctâ. Tendinis hujusce superficies cochleam delicatam, seu vasa ligni aerea referebat. Quamprimum autem seu Aëris inclusi vi, seu aliter, tendo hic satis rigidus evadit diffiliens capsulam illico bifariam in duos scyphulos distrahit, & semina difficit. Capsulæ hæ in obliquis sulcis averso folio exaratis nascuntur, à semuncia ad unciam longis & circiter uncia partem latis. Singulis sulcis unciam longis plures 300 capsularum prædictarum innascuntur, ideoque si decem tantum semina singulis capsulis attribuimus, plus 3000 semina; quo numero in summam sulcorum ducto, & producto iterum in numerum foliorum quæ una radix plerunque emittit, exurgeret summa 1000000 seminum, pro annuo proventu unius plantæ.

Locus.

In umbrosis, uliginosis & saxosis, præsertim montanis, in omnibus ferè Angliæ provinciis oritur; in ipsis etiam puteis & specubus inter lapidum aut laterum commissuras non raro exit.

Hæc herba in petrarum cavernis antrosisque cautibus enascens pusilla, tenera & mollicella evadit ob ventilationis defectum, unde nonnulli magni etiam nominis Botanici eam pro distincta specie, nimirum *Hemionitide vera* Dioscoridis habuerunt, & *Londinum*, *Meebliniam*, &c. eo nomine in hortis plantandam miserunt. Hæc autem non ita multo post, libero aëri exposita, non mirabili aliqua metamorphosi, ut illi imaginati sunt, in *Phyllitidem* abiit, sed quod antea erat veram *Phyllitidem* se esse prodidit. Vide *Lobel.* Observ. pag. 469.

PHYLLITIS  
POLYSCHIDES.  
PHYLLITIS  
CRISPA.

*Phyllitidem polyschidem* sive *multisidam*, aliis folio laciniato aut digitato dictam, à vulgari *Phyllitide* specie diversam esse non libenter concesserim; quin potius lusus quidam naturæ aut accidentalis varietas esse videtur.

Ejusdem commatis esse puto & *Phyllitidem crispam*: Utramque pingit & describit *J. Banbini*, utramque & nos vidimus Lutetiæ Parisiorum in horto Regio, elegantia & raritate spectabilem. Sive tamen specie, sive accidentibus tantum differant, tituli soli ad eas tum à vulgari *Phyllitide*, tum à se mutuo distinguendas sufficiunt, nec descriptione alia eis opus est.

Vires & usus.

Usus hujus plantæ præcipuus est in liene tumido, fluxu alvi, exspuitione sanguinis. Extrinsecè mundificat vulnera & ulcera. *Schrod.*

Pulvis herbe exsiccatæ in palpitatione cordis, in suffocatione uterina, in motibus convulsivis mira præstat, si in cerevisia tenui, aut *Zythogalo* seu liquore Posserti nostratibus dicto, modica ejus quantitas propinetur, ut plurimis experimentis nobis constat: potest & è foliis virentibus conservâ ad hos usus parari. Folia in vino pota serpentum moribus adversantur, autore Dioscoride.

In Catalogo Horti Regii Parisiensis præter suprascriptas multas adhuc alias *Phyllitidis* varietates invenio quas à reliquis specie differre non puto.



\* 2. *Phyllitis Virginiana foliis quernis non descripta* Hort. Lugd. Bat.

Cum nec ab aliis descripta sit, nec mihi haecenus visa, de ea nihil dicendum habeo.

## CAP. II.

## De Hemionitide.

**H**emionitis seu *Σαμόνιον* Græcis, Latinis similiter Hemionitis, quasi Mulariam dicas & Splenium nominatur; quod ejus folia sicut & Phyllitidis Medicorum splenia, nimirum oblongas plagulas formâ imitentur. Quid si potius ab eorum usu quod spleni medeantur, siquidem ex aceto pota lienem absumunt, autore Dioscoride. C. B. Hemionitis autem dicta est hæc herba ob sterilitatem: Mulum enim parere pro prodigio olim haberi solet. Verum herba quæ à Botanicis pro Hemionitide traditur non magis sterilis est quam *Phyllitis* aliæve Capillares, siquidem lineæ vermiculatae similes in averfa foliorum parte eminent; imò nobis nondum planè constat an specie à Phyllitide differat, an accidentaliter tantum. Quinimo si verum sit quod scribit Dalechampius de Hemionitide multifida dicta, nullum unquam omnino pulvisculum averfæ ejus foliorum parti adnasci, potiori jure Hemionitidis titulum sibi vendicabit quam planta hoc capite à nobis proposita.

\* 1. *Hemionitis vulgaris* C. B. major Ger. Park. *Hemionitis* J. B. *Mules fern.*

*J. B.*

Hemionitidis folium à Zuingero sibi datum his verbis describit *J. Baubinus*. Longitudo ejus quatuor erat unciarum, latitudo diametri ab una ad alteram appendicem ferè æqualis, figurâ quodammodo ad sagittam accedente: ipsum quoque folium in pyramidem fastigiatum circa ima utrinque appendicem insignem habet. Sinus circa pediculum qualis ferè *Aristolochiæ* rotundæ, quem folii prætenfio quædam in angustum porrecta comitatur. Ipse pediculus videtur duarum unciarum esse, costam insignem per folii medii longitudinem emittens, à qua ab imo statim ad ambitum quaquaversum ipsæ etiam apophyses diriguntur. Parte adversâ in ambitum eminentiæ vermiculatae apparent, quales in Phyllitide œmuntur, sed magis sursum spectantes; facies opposita glabra.

Aliorum descriptiones conveniunt, nec alias notas addunt, nisi quod radices è pluribus fibris tenuibus consistunt.

In Italia provenire dicitur, in rupibus nonnullis & saxorum interveniis. Nos eam Romæ circa *Locus*. Amphitheatra antiqua frustra quaesivimus, loco à Matthiolo memorato, ubi eam minime inveniri Lobelius etiam testatur.

An specie distincta sit à Phyllitide judicent quibus spontaneam videre contigit: nobis certè nec spontanea, nec culta haecenus visa est.

\* 2. *Hemionitis peregrina* Clusii & aliorum. *Strange Mules fern.*

*Clus.*

Hujus folia quaternorum digitorum transversorum, vel circiter trium unciarum longitudinem non excedebant, ferrei venabuli mucronis formam explicantia, inferiore basi, quâ suo petiolo sustinebantur, duplicem apophysin habentia, & extrema parte mucronata; parte internâ laviâ & dilutâ viriditate prædita, externâ verò lineis seu versibus obliquis ex utraque nervi parte insignita, quemadmodum *Phyllitidis* folia. Radices illi nigrae, fibrosæ, quales in legitima Hemionitide.

Eruta fuit è veteris cujusdam Theatri ruinis Romæ. Naturæ lusus esse videtur hæc, non species *Locus*. Hemionitidis distincta.

Ceterum Hemionitis ex aceto pota lienem absumere dicitur, ut superius ex Dioscoride monuimus.

## CAP. III.

De Plantis quibusdam exoticis, Phyllitidi affinibus, quas sub Polypodii & Scolopendriæ titulis exhibet & describit Jacobus Breynius.

\* 1. *Polypodium Indicum Scolopendriæ facie primum* Breynii.

*Breyn.*

**R**adicem agit subdulcem, verrucosam, longè latèque sub terra repentem, instar Polypodii vulgaris, in qua folia multa, pediculis brevissimis infidentia exsurgant, viridia, acuminata, pedalia & duplo longiora, pollices tres lata, Phyllitidis consistentia & figurâ, inferius autem

autem fastigiata, quorum longitudinem nervus crassus, averfa parte conspicuus ac elatus percurrit, à quo ab imo statim ad ambitum quaquaversum ipsæ etiam apophyses diriguntur. Flores Polypodii de more punctulis lanuginosis sed nigris constantes, in prona foliorum parte proveniunt.

Cum hujus plantæ folia consistentiâ suâ & figurâ Phyllitidis folia referant, sinque indivisa; ex his notis obviis & manifestis ego potius ad Phyllitidem eam retulerim quàm ad Polypodium, ob radicem repentem aut punctula lanuginosa, cum hæ notæ pluribus Capillarium speciebus communes sint. Atque hoc mutatis mutandis de sequentibus etiam speciebus dictum esto.

\* 2. *Polypodium Indicum Scolopendriae facie secundum Breynii.*

Breyn.

Radice nititur longiore, tenuiore ac magis albicante, minutioribus etiam tuberculis ac acetabulis præditâ: ex quâ folia pedalia longiorave, pediculis longis splendentibus suffulta, pronasunt, Phyllitidis facie, in mucronem autem longissimum subinde convexum definentia, & juxta basin fastigiata. Horum nonnulla ad Hemionitidis propius accedunt, atque in lacinias tres divisa sunt.

\* 3. *Polypodii Indici secundi species altera Breynii.*

Breyn.

Aliam, inquit, adhuc secundi speciem affervo, Foliis in tres quoque lacinias divisis, cujus lacinia media seu maxima in ambitu flammæ in modum laxè ferrata, vel potius undulata est: an autem species diversa, aut idem Polypodium Indicum sit secundum affirmare non audeo.

\* 4. *Polypodium Indicum Scolopendriae facie tertium Breynii.*

Breyn.

Tertii radix nihil à secundi differt nisi quod longior paulò, validior & saturatiore viriditate colorata. Folia pediculis brevioribus suffulcuntur, & non multò longiora quàm sesquipalmaria sunt, duas circiter aut tres uncias lata, substantiâ & formâ Phyllitidis, sed duriora, solidiora & retula Limonii Matthioli formam pænè æmulantia. In hujus ut & secundi foliis resiccatis, quæ in Herbario asservamus nostro, si Sole adverso perspiciantur, punctula innumera juxta extimam fibrarum cuspitudinem apparent, quæ flores imperfectos, in utero ante partum suffocatos arguere videntur.

\* 5. *Scolopendria India Orientalis Musæ facie Breynii.*

Breyn.

Ex radice fibrosa, obscurè cinereâ seu fuscâ, & ex foliorum jam consumptorum venis & nervis qui materiam ferrugineam, levem, spongiolam, fibrarum putrefactarum tanta copiâ eâque figurâ offerunt, ut eos ante accuratiorem contemplationem radices muscosas & lanuginosas existimarem: Ex venarum & nervorum horum reliquorum medio multa in orbem ordinata, Musæ junieris non dissimilia, pediculis fermè carentia prodierunt folia, tantâ longitudine quantam ferè cubitus, & latitudine quantam palma imò & sesquipalma implere solent; substantiâ Scolopendriae, tenuia & membranacea, colore ex subalbido viridantia, & ad Olivarum conditarum vergentia. Horum quodlibet medium nervus, præter morem crassus & validus, ex purpurascente cinerei coloris, dissecat, à quo rursus utrinque innumerabiles, densæ & subtiles venæ, linearum instar, in lateribus folii non nihil sursum tendentes, in teneram usque quâ cinctæ, fimbriam sparguntur. In centro verò foliorum juxta radicem hirsuties quædam rigida, atra & splendida, velut lana adusta, in globum Juglandis magnitudine conglomerata, occultatur. An verò foliorum pars supina, Scolopendriae in modum vulgaris, pulverulentis areolis rufis virgata sit, hætenus nec quidquam, ut neque de maturatione & viribus percipere potui.

## SECTIO SECUNDA.

*De Herbis Capillaribus, foliis simplici divisura incisis, seu laciniatis tantum, seu pinnatis.*

### CAP. I.

#### *De Polypodia.*

**Π**ολυπόδιον Græcis dicitur hæc planta, quia in radice ejus sunt tubercula, acetabulis iis similia quæ in Polyporum cirris apparent. Πίζα δὲ Ἰνδίας ἀπὸ τοῦ πολυπόδους ἔχου. Dioscor. & Plinius Radix, inquit, acetabulis cavernosa seu Polyporum cirri. Hæc tubercula five acetabula sunt vestigia foliorum annuatim abscedentium, ut Casalspinus loquitur.

A. 1. Polyp-



A. 1. *Polypodium* J. B. Ger. vulgare C. B. Park. *Polypody*.

7. B.

*Polypodii* radix oblique sub terræ superficie reptat, altius fibras suas ex tuberculis, quibus plurimis scatet, demittens, ad crassitudinem ferè minimi digiti accedens, nunc tenuior, colore foris buxæo, intus ferè herbaceo, sapore dulci, tandem acerbo & adstringente. *Folia* ex transversa radice filicea, è foliis seu potiùs segmentis multis, gustu adstringentibus, non denticulatis, supernè virentibus, infernè ad nervi latera utrinque ordine quodam acervulis quasi pulvisculi ruffi punctatis, etsi interim hoc non semper observetur, ad costam unam, media parte foliis viduam annexis, composita.

Hujus semina Microscopio inspecta tum figurâ suâ, tum colore à reliquorum Capillarium seminibus discrepareprehenduntur; cæteris enim leucophais aut rubentibus, hæc lutea sunt, & ad modum Medicæ seminum reniformia.

Nascitur in muris antiquis & ædium tectis, in aggeribus terrenis, ad radices aut truncos arborum vetustarum, inque capitibus cæduarum Quercuum Salicùmve putrescentibus & carie exesis. Quod Quercui innascitur reliquis in medicina præfertur, & à nonnullis pro specie distincta perperam habetur. Locus.

Hujus radix medicamentis purgantibus accensetur: Eduit autem bilem adustam ac pituitam lentam. Hinc utilissimum in obstructionibus Mesenterii, Epatis ac Lienis, & inde natis passionibus, hypochondriorum, Scorbuticis. Rarò autem solum datur, sed aliis purgantibus ferè admiscetur, & quia segniter purgat, plerumque in decoctis vel infusionibus, rarò in aliis formulis adhibetur. *Schrod.* Vires & Usus.

Dodonæus *Polypodium* per se haudquaquam purgare scribit, sed ex jure veteris galli, cum Beta aut Malva aliisve lubricantibus alvum decoctum ad alvi lenitionem nonnihil tantummodo conferre. Nonnulli Cumini sativi seu Romani, Fœniculi & Anisi semina, cum radice *Polypodii* & Zingibere, in minutas partes conscissis, æquali pondere, cum vetulo gallo gallinaceo decoquunt, posteaque jusculum hoc colicâ passione laborantibus exhibent. Estque decoctio hæc medicamentum certè perquam utilissimum torminibus ventris. Radicis pulvis drachmæ pondere ad minus ex aqua multa potus, ita tamen ut post tribus aut quatuor horis jejunes, iisdem pollet viribus quibus & decoctio jam dicta: idem per aliquot dies exhibitus, addito, si placet, cremoris Tartari & Cassiæ lignæ tantillo, ad lienem tumidum, icterum & hydropem remedium est præstantissimum. *D. Bowle.*

Aqua destillata ad febrem quartanam, tussim, asthma, & pulmonis affectiones, adversus melancholiam & gravia ac molesta insomnia aliquot dies continuos bibita facit. *Trag. Turnerus* ad quartanam & melancholiam magis probat decoctum radicum ex vino, saccharo ac melle dulcoratum, quàm aquam stillatitiam, nec sine ratione: imò tam hujus quàm aliarum plantarum efficacior Turnero videtur succus aut decoctum quàm aqua stillatitia: cui & nos libenter suffragamur.

Decoctum *Polypodii* in cura Arthritidis universalis apud Menapios aliòsque Rheni & Mosæ accolæ in usu esse scribit Dodonæus, quem consule.

*Polypodium* Quernum Dioscorides luxatis efficaciter imponi, & adversus rimas digitorum, [cubitorum & digitorum in pedibus *Plinius*] scribit, [radicem nimirum tritam.] Aridæ radicis farinam naribus inditam Polypum consumere scribit *Plinius*.

A. 2. *Polypodium Cambro-britannicum pinnulis ad margines laciniatis.*

Hujus folium bene asservatum nobis communicavit ingeniosissimus Vir, & rei Herbariæ peritissimus *D. Hans. Sloane, M. D.* Erat illud dodrantali minimum longitudine, latitudine quincunciali ferè, pinnulis seu laciniis ad utrumlibet costæ seu nervi mediû latius adnexis circiter septendecim, non ex adverso binis, sed alternatim sitis, ex angustiore principio seu cervice aded circa mediam longitudinem dilatatis, ut sibi mutuo incumbere, & admodum crebræ & confertæ apparerent, deinde in acutos apices contractis. Singulæ autem pinnulæ utrinque ad margines in crebras laciniolas acutas satis profundè incisæ erant, quo à *Polypodio* vulgari differt.

Rupi cuidam adnascitur in sylvâ prope Arcem *Denis Powis* dictam tres mille passus à *Cardiffâ* opido in Glamorganensi comitatu Walliæ; ut nobis retulit *D. Newton.* Locus.

\* 3. *Polypodium Ilvense* Lugd. J. B. An *Lonchitis aspera Maranthæ*?

Lugd.

Ilva Tyrrheni maris insula *Polypodium* hoc gignit, quod Hist. Lugdunensis autor ab aliis diversum facit, sicuti etiam à *Lonchitide aspera Ilvensi*, seu *Maranthæ* separat. Nascitur autem in saxis, radice ut in aliis generibus velut Polyporum cirris nodosâ, fibratâ; caulibus pedalis è ruffo nigrescentibus, infernè hirsutis; foliis oblongis pinnatis, æquali situ in caule dispositis, alterâ parte virentibus, altera pulvisculo obsitis, gustu subdulcibus & nonnihil austeris: nullo flore, nullo semine [nudo oculo conspicuo.]

Hanc plantam *C. Bauhinus* *Lonchitidi asperæ Maranthæ* eandem facit, & *Lonchitidem folio Ceterach* appellat. *J. Bauhinus* dubitat an sit eadem necne; Parkinsonus nostras diversam putat, si modò radix rectè depicta sit crassa & oblonga, quæ *Lonchitidi* fibrosa est. Nobis non constat, in *C. Bauhini* tamen sententiam magis propendemus. Quibus insulam Ilvam adire & lustrare contigerit, plantam hanc inquirant, & cum *Lonchitide Maranthæ* diligenter conferant.

- \* 4. *Polypodium exoticum foliis Quercus* C. B. *Pol. Indicum* Clus. J. B. Park. *Indian Polypody.*

Clus.

Unde Clusius hanc plantam nactus sit apud ipsum vide: eam autem sic describit.

*Radice* nitebatur sex uncias longâ, uniam pænè crassâ hirtâ, quemadmodum Europæi *Polypodii* radices ferruginei coloris, & eodem modo summâ tellure oblique repente, è qua terna prodibant *folia*, quorum tertium reliquis duobus minus, bina autem majora undecim uncias longa erant; à medio verò nervo satis crasso folii longitudinem secante utroque latere in quinque pænè unciarum latitudinem expansa, per oras laciniata, ad instar foliorum *Quercus* in novellis furculis natorum, quæ plerunque ampliora iis quæ in vetustis ramis nascuntur esse solent. E medio illo nervo alii minores in lateribus oriebantur usque ad laciniarum extrema protensi; inter quos multiplices venulæ, reticuli instar contextæ, & sese invicem secantes excurrerant, quæ magnam venustatem folio conciliabant. Firma autem erant eâ folia, coloris ex spadiceo fusci, qualis in *Quercus* ficcis foliis conspicitur; infima parte brevi pediculo è radice emergentia, etiam aliqua ex parte eam tegentia, quia statim ab ortu in latera se spargebant. *Radix* manducata *Polypodii* saporem quodammodo retinebat, minus tamen dulcem sed levi quadam acrimonia præditum, quem ex calidioris regionis in qua planta nata intemperie, aut ex vetustate forsan contraxerat.

Filicis cujusdam Indicæ *Polypodii* facie iconem exhibet Christ. Mentzelius in pugillo rariorum plant.

## C A P. II.

### De *Lonchitide*.

**L** *Onchitis* Dioscoridi duplex est, altera foliis Porri, quam solam Plinius novit, cujus semen triangulum & lanceæ cuspidi simile, unde etiam plantâ ipsa sibi cognomentum arrogavit; altera quam alii asperam dicunt, folia proferens *Scolopendrii*, sed asperiora, majoraque, ac multò magis divisa, quæ hujus loci est. Hæc fortè ( inquit C. Baubinus ) à ἀγρυγ [ lancea ] dicitur, eò quòd folia instar lanceæ in acutum definant.

- A. 1. *Lonchitis aspera* C. B. *asp. major* Ger. *asp. major* Matthiolo Park. *altera cum folio denticulato, sive Lonch. altera* Matthioli J. B. *Rough Spicewort with indented leaf* veg.

J. B.

Unius & ejusdem plantæ nulla est foliorum diversitas & lusus, ut in *Lonchitide aspera* vulgari: pinnae ad costam ligatæ non penitus adnascuntur, sed brevi hærent pediculo, in ima summâque ala breviores quàm in media [ longissimæ unciam excedunt ] formâ falcatâ, gibbo deorsum spectante, longitudine circiter unciali, latitudine minimum duplâ ad *Lonchitidis* vulgaris segmenta, & denticellis spinulis similibus circumquaque exasperatæ, subtus ferrugineo pulvere obductæ. In hac planta præcipuè notabilis est processus quidam seu auricula, ad basin cujusvisque pinnae à latere superiore seu à radice remotiore secundum costam seu nervum folii medium productus; quo Filicem nostram non ramosam pinnulis latis auriculatis spinosis imitatur. Folii pediculus mulco quodam ferrugineo oblitus est.

Locus.

Plantam hanc in summis jugis montis Juræ circa *Thuri*, & alibi in Alpibus invenimus: quin & Baldi montis incolæ est: Reperitur etiam *Monspeli* in montibus circa *Gangem*, J. Baubini teste.

2. *Lonchitis aspera* Ger. *aspera minor* C. B. Park. *altera folio Polypodii* J. B. *Rough Spicewort*.

J. B.

E radice nigra villosa, compacta, ac cespitis instar contexta supra sexaginta aliquando folia prodeunt, primo exortu Linguae cervinæ modo recurva, postea cum se explicaverint non tam lata quàm illius, sed adstrictiore apparent, & ubi excreverunt in ambitu in terram reclinantur, pedalia aut cubitalia, nigris propter terram pediculis, quorum primæ cæsuræ *Asplenii* folium satis expriment, superiores ad summum usque fastigium ad *Polypodium* accedunt, sic tamen ut maxima segmentorum ( quantum hactenus animadvertem ) longitudo vix sit uncialis, ambitu aequali, nec denticulato, nec alia ratione ulla inciso. Horum in medio aliud surgit foliorum genus, quæ recta, longiora, raris cæsuris, satisque longo intervallo distantibus scalarum gradus imitantur, aversa parte pulvere Filicum ferrugineo aspersa.

Locus.

*Struthiopteris Cordi.*

In humidioribus, nemorosis, asperis & ericetis provenit copiosè per totam Angliam. Dubitat J. Baubinus An *Struthiopteris Cordi*. Hist. huc referenda sit: C. Baubinus distinctam Filicis speciem facit sub titulo *Filicis palustris alterius, subfusco pulvere hirsutæ*: & tamen quoad iconem *Struthiopteris Cordi*. hujus synonymam facit. Nos quoniam non libenter Entia sine necessitate multiplicamus, *Struthiopteris* illam pro una & eadem cum *Lonchitide* hac plantæ specie habemus.

Herbam



Herbam esse vulneribus glutinandis lienibusque absumendis idoneam docet Matthiolus, illis enim imposita cum aceto trita ne inflammentur vulnera impedit.

- \* 3. *Lonchitis aspersa Maranthæ* J. B. Clus. Park. Ger. *Lonchitis folio Ceterach* C. B. *An Polypodium Ilvense* Lugd. ? *Marantha's rough Spicentwort*.

*J. B.*

A superioribus duabus haud obscure differt ista, toto habitu alia: rami dodrantes (ut in nostra planta sicca observavimus) in spadiceo nigricant splendentque, ex ruffa lanugine prodeuntes, cui longæ nigræque capillares fibræ subiectæ. Nudi supra medium sunt rami, inde vero summo tenus breves exeunt pediculi, foliis cincti, quæ avulsa planè dicas Asplenio, Ceterach vulgò dicto, detracta, tam arcta est similitudo divisionum, lanuginis parte inferiore, foliorumque in Scolopendræ formam convolutionis. Camerario radix nigra cirrosaque.

In Striacarum Alpium jugis, locis editis & saxosis, vel in nemoribus aspero loco nascitur. *Locus.*

*Clus.*

Cum C. *Bauhinæ* Polypodium Ilvense Lugd. Lonchitidi asperæ Maranthæ eandem faciat, nec abnuat Joannes frater, his potius accedimus quam Parkinsono, qui diversam plantam statuit. Vide supra Polypodium Ilvense.

- \* 4. *Felix Zeilanica Lonchitidis facie* Breynii.

Sesquipedales interdum surrigit caules, in quibus folia falcata Lonchitidis asperæ majoris Matthioli, sed majora multò atque latiora.

### C A P. III.

#### . De Asplenio sive Ceterach.

**A** Splenium *Ἀσπλίον* Græcis ab *α* privat. & *σπλν* dicitur, quia lienem absumere creditur. Eadem Scolopendrium dicitur à foliorum incisuris Scolopendræ animalculo similibus; vel, ut alii volunt, quòd contra morsus Scolopendræ & aliorum reptilium venenatorum conducatur. Asplenium *ἄσπλον* dici Dioscorides scripsit. Nomen illud impositum quòd cum Filice aliquam habeat similitudinem: vulgo *Ceterach* vocant, quam vocem à Pteryga manasse volunt, P. in C. mutato, ut aliàs sæpe: sic ex Peteryga Cetergya & corruptè Ceterach. *Beda. à Stapeh in Theophr. Hist.*

- A. *Asplenium sive Ceterach* J. B. Ger. Park. *Asplenium sive Scolopendria*, Ceterach Officinarum C. B. *Spicentwort* or *Spiltwort*.

*J. B.*

Capillaribus filamentis, nigricantibus, perennibus contexta est radix; ex qua folia plurima, haud temere supra digitum longa, brevibus pediculis appensa exurgunt, falcatis utrinque incisuris Polypodii, sed longè brevioribus, licet aliquanto latioribus interdum divisa, pinguiuscula, superne viridantia, inferne lanuginosa, ruffa farinâ aspersa. Ea (inquit Dodonæus) cum inarescunt complicantur, & in teretem figuram contracta, forisque hirsuta Scolopendræ similia apparent. [Nobis potius ob foliorum segmenta utrinque Scolopendræ incisuris quibus pedes annexi sunt aliquatenus similia Scolopendrium dictum videtur.] Saporem folia adstringentem, & aliquantulum tenuem habent.

Folia in hac plantula vix unciam lata sunt, laciniata potius quam pinnata, siquidem incisura ad mediam costam vix pertingunt: laciniæ autem seu divisuræ non conjugatim sed alternatim digestæ sunt, suntque breves & obtusæ.

Seminales efflorescentiæ in aversa foliorum parte non in punctula seu lineolas divisa sunt, sed continuæ, tum colore tum asperitate corii densati & preparati superficiem interiorem quodammodo referentes. Hæ microscopio spectatæ ab aliis omnibus diversæ apparent, jucundissimo spectaculo oculos animùmque exhilarantes: in harum enim fabrica & constructione curiosissimum & fidem penè omnem, ne dicam imaginationem superans, in tam contemptæ præsertim parvitatæ plantulæ, naturæ artificium & ingenium elucet: siquidem hæ velut membranulæ quædam tenuissimæ, quales sunt muscarum alæ, apparent; variis figuris, ut ita dicam, reticulatæ, favorum cum cellulis melle repletis & cerâ obturatis speciem exhibentes, inter quas velut in totidem cellulis vascula seminalia, qualia superius descripsimus, disponuntur. *W.C.*

In saxorum crepidinibus, inque vetustis muris, in Occidentali Angliæ parte abundè provenit, *Locus.*

v. g. circa *Brisfolium* urbem & in rupe *S. Vincentii* dicta inter saxa.

Hujus foliorum decocto in aceto per quadraginta dies potio lienem absumi aiant. *Plin. Diosc. Vires.* Stranguriæ quoque, singultui & morbo Regio auxiliantur folia, calculosque vesicæ comminuunt: non danda feminis quoniam sterilitatem faciunt. *Idem.* Usus præcipuus est in Liene tumido, expuitione sanguinis, fluxu alvi. Extrinsecus mundificat vulnera & ulcera. *Schrod.*

Tradit Matthiolus aureum illum pulverem, qui invenitur in aversa foliorum parte 3j. cum albi Succini farinæ 3ß. ex succo Portulacæ aut Plantaginis potum gonorrhœa laborantes mirifice juvare.

## CAP. IV.

De *Chamaeflize marina*.

**H**æc tum à Polypodio tum à Lonchitide in multis differt, ut descriptiones conferenti patebit; proinde caput peculiare ei assignavimus.

A. *Felix marina Anglica* Park. *Chamaefliza marina Anglicana* J. B. *Filicula petrea famia*, sive *Chamaefliza marina Anglica* Ger. emac. *Filicula maritima ex insulis Stæchadibus* C. B. *Dwarf Sea-fern*.

E. pusilla, autore Lobelio, multis implexa cirris, & compacta radice Trichomanis foliola exeant binum ternumve (imò quaternum aut quinum) unciarum, rigida, carnosa, numerosa, atro-virentia, lucida, [supina parte intellige, nam prona pallidiora sunt] octo aut novem pinnarum, (quæ tamen non ex adverso respondent sed alternatim adnascuntur) paribus composita. Pinnæ autem singulæ non immediatè annexæ sunt, ut in Polypodio, sed brevibus pediculis intercedentibus, semunciam longæ, latiusculæ, mucronibus obtusis, circum oras crenatæ, lituris averfa parte extantibus ferrugineis. Supremum folium in acutum mucronem procurrit. Pediculi & medius nervus sericeo nitore ex fusco lucent.

Locus.

E. saxorum rupiumve interveniis, ut rectè Lobelius, enascitur ad maris litus, in Occidentali & Meridionali Angliæ latere, ut v. g. in insula *Prestholma* propè *Bellum mariscum* Anglesie oppidum, ad *Llandwyn* vicum in eadem *Anglesea* seu *Mona* insula Taciti: in muris templi *Aberdrensis* in *Carnarvia* comitatu: in rupibus propè *Hastingæ* arcem jam dirutam in *Suffexia*.

## CAP. V.

De *Trichomane*.

**T**rigulari; Græcis à vi sua dicitur, quod rara cute fluentem capillum expleat & subnasci faciat: parvè enim illi rarum vocant, & *rexæ* capillum. C. B.

A. *Trichomanes* Park. *mas* Ger. *Trich.* sive *Polytrichum* J. B. *Trich.* sive *Polytrichum Officinum* C. B. *English black Maiden-hair*.

J. B.

Capillatâ nigricantèque radice & conferta nititur. Foliola habet ad costam, pedalem interdum, sæpius breviorè & semipedalem aut digitem, teretem, rigidiusculam, fragilem, nervulo albo farsam, atro-rubentem splendentemque adnexa, plurima, impari folio extremam alam claudente, parva, semuncialia, in ambitu nunc crenata, nunc nullis crenis conspicua, interdum crispa, si perne virentia, inferne ruffo pulvisculo aspersa, sapore mixto, adstringente, subdulci, amaro. Folia integra Viciæ aut Securidacæ aut terrestris Tribuli folia referunt.

Locus.

In umbrosis aggeribus & antiquis muris, inque petris umbrosis & roscidis magnus ejus per totam Angliam est proventus; nec minor in regionibus transmarinis.

Vires.

Officiis nostris Adianti veri seu Capilli Veneris, (qui in Anglia non invenitur spontaneus) succedaneum est & eisdem viribus pollere creditur; quin & *Tragus* easdem facultates ei attribuit. Vino aut hydromelite decocta herba, & per aliquot ex ordine dies pota obstructions jecinoris solvit, morbum Regium expellit, pulmonis vitia expurgat, spirandi difficultati prodest, melancholiam per urinam ducit, tumores Lienis duos emollit, calculos trahit, & venenum hautum, mulierumque menses expellit. Rursus prædicta decoctio, herba pulvis, necnon ex ipsa confecta eadem gmata, syrupi, aqua denique destillata quasvis alvi fluxiones inflammationesque jecinoris refrigerant. In lixivio decocta folia, si caput eo ablatur, defluentes capillos continent, ictibus serpentum medentur aliorumque animalium moribus. Pastores quidam in medendis porcorum affectionibus *Trichomanè* utuntur, singulari experimento.

Sed periti dijudicent (inquit *J. Baubinus*) an herba adstringentes, frigida & sicca possint præstare quæ hic prædicantur de *Trichomane*. Vires præcipuæ hujus plantæ, de quibus inter medicos ferè convenit sunt vitis pulmonis & thoracis auxiliari, calculo renum & urinæ stillicidio subvenire.

TRICHO-  
MANES RA-  
MOSUM,  
TRICHO-  
MANES MI-  
NUS ALBUM.

*Trichomanes ramosum* *J. Baubino* aliisque depictum pro luxuriantis naturæ lusu habeo non pro specie *Trichomanis* distincta.

*Trichomanes minus album* ejusdem *Baubini* accidentaliter potius quam specie à vulgari *Trichomane* differre arbitror. Est autem eo mollius, tenerius & albidius, foliolis nonnihil sinuatis, pediculis inferna parte nigricantibus, radicibus capillaribus.

Duas præterea hujus plantæ varietates in Scotia observavit *D. Sibbaldus*; alteram foliis mucronatis profundè incis: alteram foliis crenatis.



## CAP. VI.

A. *Adiantum petraeum perpusillum Anglicum foliis bifidis vel trifidis Newtoni.*

**P**lantula est uncialis aut fescuncialis, à D. Jacobo Newton observata in rupibus quibusdam undis, propè summam partem montium altiorum, *Hardknott & Wrenose* verticibus dictis proximorum, inter muscos breves Julio mense Anni 1682.

E radice tenui, capillacea & (ut mihi videtur) repente folia edit uncialia aut paulò longiora, quorum pediculi & nervi medii tenuissimi pariter & planè capillacei, tribus quatuorve hinc inde adnascentibus foliolis bifidis trifidive, seu potiùs foliolòrum pinnularumve angustarum, oblongarum, obscurius virentium paribus aut ternionibus, non ex adverso binis, sed alternatim positis alati. Extrema costa, ut in hujus generis reliquis in folium terminatur.

Hanc ipsam plantulam ante aliquot annos à D. Daire Pharmacopœo Londinensi propè *Tunbri-giam* oppidum in Cantio, inventam fuisse audio.

D. Plucknet M. D. in aversa foliolorum parte vesiculas qualdam adnascentes microscopio detexit, quæ proculdubio vascula seminalia sunt.

## CAP. VII.

A. *Filix saxatilis Tragi J. B. Park. Adiantum cretense seu farcatum Thal. Filix saxatilis V. sive corniculata C. B. Horned or forked Maiden-hair.*

**I**nnumeris capillaribus, nigricantibus cirris radicans; nec minorem numerum coliculorum profert, palmum altorum, capillaceæ quoque tenuitatis, qui circa summum in duas tresve portiunculas, paulò latiores & ferrugineo pulvisculo, Filicum aut Asplenii ritu, resperfas finduntur. Summitates hujus plantulae & segmenta recurva sunt & deorsum nutant.

In rupium fissuris propè Rhenum fluvium in Germania primò hanc observavimus, postea in Italia locis petrosis; tandem *Tho. Willisellus* in Vivario ferarum Edinburgensi in rupibus nascentem observavit & ad nos detulit.

Adiantho albo dicto seu Rutæ murariæ colore & consistentiâ, texturâque foliorum simile esse videtur.

## CAP. VIII.

*Filices quædam exoticæ à Jacobo Breynio descriptæ.*\* 1. *Filix non ramosa foliis integris serratis Brasiliæ Breynii. Filix an Polypodium Marggrav.*

**H**erba est unico caule assurgens in trium circiter pedum altitudinem, recto, continente folia sibi invicem opposita [seu potiùs alternatim posita] circiter quatuor digitos longa, angusta, acuminata, & in ambitu subtilissime serrata, atque postica parte secundum nervum in longitudinem ubique brunâ aspergine variegata.

\* 2. *Filix non ramosa foliis integris non serratis maxima Indiæ Orientalis Breynii.*

**Breyn.** Omnium est maxima, ut quæ viri altitudinem superet. Hæc à Bontio sub nomine *Phyllitidis* figuratur.

\* 3. *Filix non ramosa foliis integris serratis, Capitis bonæ spei Breynii.*

**Breyn.** Medium inter Filicis non ramosæ foliis integris serratis Brasiliæ jam descriptæ & Zeilanicæ proximo in loco describendæ faciem obtinet.

\* 4. *Filix non ramosa foliis integris serratis Zeilanica Breynii. An Phyllitis ramosa Alpini exot?*

Cum *Hemionitide* altera *Dalechampii* adeò convenit, ut ab eadem nonnisi in foliis, quæ majora & argutiùs crenata, sit discernenda.

Hæc planta eadem videtur *Phyllitidi* ramosæ *Prosp. Alpini*, quam in libro de Exoticis describit. *Phyllidem* illam ramosam *Hemionitidis* alteri *Dalech.* eandem esse puto. Quâ in sententia *Catalogus hort. Pat. me* confirmat, qui hanc illi synonymam facit. Patavini enim *Phyllidem* ramosam *Alpini* proculdubio optime norunt.

\* 5. *Filix*

\* 5. *Filix non ramosa foliis integris non serratis Zeilanica minor Breynii.*

*Breyn.*

De hac, inquit, caulem accepimus præcedenti similem, pedalem, foliis verò multò crassioribus atque solidioribus, magis venosis, & in mucronem obtusum exeuntibus, in quibus crenæ nullæ conspicuntur.

## CAP. IX.

\* *Polypodium Brasilianum Marggravii.*

*Marggr.*

**E** Radice octo aut novem dig. longâ, nodosâ, digitum crassâ subrufo musco obductâ, interius ex albo flavescente, saporis subdulcis cum quadam austeritate, succulentâ, ascendit caulis tres aut quatuor pedes altus, striatus, contortus, niger aut ruber, qui in summitate multa habet folia, bina sibi directè vel alternatim opposita, quatuor circiter digit. longa, plus digit. lata, latè viridia, mollia, nervo obscurè ruffo secundum longitudinem: juxta quem in utroque latere inferiori quadruplex series punctorum pulveris lutescentis è ruffo conspicitur; & inter punctula à nervo per latera transversum multa tenues ventulæ virides.

\* *Lens palustris latifolia punctata C. B. Park. palustris Patavina J. B.*

Ob folia ad unam costam longiusculam utrinque alæ in modum adnata, superius punctata, inferius musco obducta vasculis etiam feminalibus adnascantibus, huic generi accensenda videtur.

## SECTIO TERTIA.

*De Herbis Capillaribus foliis semel subdivisis.*

### CAP. I.

*De HEMIONITIDE multifida dicta.*

**P** LANTA hæc, si figuras & descriptiones ejus quæ apud Botánicos extant attendas, ad hoc genus non pertinet, sed ad præcedens. Verùm adultioribus plantis folia subdivisa esse, non simpliciter pinnata *Auricula* certior magistra nos edocuit: proinde in hac sectione primum ei locum dedimus, ut si quis velit præcedenti adjungat. Fortè enim duæ ejus habentur species, altera folio pinnato tantum, altera folio furculoso seu semel subdiviso.

*Hemionitis multifida C. B. Hem. altera Dalechampi, Filici floridæ similis J. B. Hem. Ilvensis Dalechampi, multifido folio Park. Branched Mules Fern.*

In Ilva provenit radicibus multis capillacea tenuitate, brevibus, subnigris: cauliculis pedalem altitudinem vix attingentibus, in folia septem ferè aut novem divisis, quorum quaterna, senave utrinque caulem pari ordine vestiunt, terna verò in summo caule extantia inferiorum foliorum versum claudunt. Sunt autem ea omnia longa, angusta, in ambitu nonnihil crenata, obliquis incisuris utraq; parte distincta, quas per medium folium procedens & eminens costa separat. Flos ei nullus, nullum semen, atque adeò ne averfam quidem foliorum partem subflavus pulvisculus contegit qui in aliis id genus plantis cernitur.

Descriptio est Dalechampi: verùm non in Ilva tantum provenit hæc planta, sed & in variis locis Regni Neapolitani. Nos eam observavimus propè Salernum, itemque propè Neapolin in viâ umbrosâ, quâ ab urbe ascenditur ad Camaldulensium cœnobium, copiosè. Quinetiam folia ei cum adultior est subdivisa esse observavimus, & non simpliciter tantum pinnata.

Si nullus unquam omnino pulvisculus foliis averfis adnascatur, summo jure Hemionitidis titulum sibi vendicat hæc species; verùm hoc perpetuum esse in foliis omnibus ut credam ægrè à me impetrabit Dalechampus, quamvis in iis etiam quos ipse collegi ramulis nullus cernatur: fortè seriùs & post solstitium æstivum erumpit; fortè rarior est, & paucis duntaxat plantis accrescit: fortè etiam semina seorsum in peculiaribus furculis nascuntur, quemadmodum in *Osmunda regali*, cui hæc planta similior est quàm cuivis alii Filicis speciei.



Parkinsonus iconem *Lugd. Hist.* sub titulo Phyllitidis ramosæ Alpini exhibet, & pro Hemion. Ilvensi Dalechampii novam proponit, quæ quidem plantam à nobis observatam in agro Neapolitano melius refert.

Phyllitis autem ramosa Alpini ab hac planta non videtur differre, & ut video, Catalogus *Hort. Pat.* hanc illi synonymam facit.

## CAP. II.

## De FILICE MARE dicta seu non ramosa.

**F**ilix Græcis *Πριετὴ ἀλά* dicta est, quia Folia ejus in ramulis seu potius pediculis disposita alarum speciem referunt. *Folia habet lateribus pennata, unde nomen Græci imposuere. Plin. lib. 27. cap. 9.*

Filix Latinis à fundo nonnullis dicta putatur, quod folia habet minutim fissâ & divisa. Hand dubito (inquit *Vossius* in *Etymolog.*) quin à *Πριετὴ* derivata sit vox hæc [quæ in libris antiquis *Felice* etiam scribitur] eliso scilicet *τ*, ut in *pinso* à *Πισσῶ*, & in *fido* à *Πισδῶ*, *Trophæum* à *τρυφῶν*, &c. & in *paulum* à *πῶλον*, *Lilium* à *λίσσον*, &c.

Duplex est Græcis & Plinio, mas & femina. Nos Filicem non ramosam marem facimus ad aliorum imitationem, ramosam feminam.

- A. 1. *Filix mas vulgaris Park. Filix non ramosa dentata C. B. F. vulgò mas dicta, sive non ramosa J. B. F. mas non ramosa, pinnulis latis, densis, minutim dentatis Ger. emac. Common male fern.*

*f. B.*

Menſe Aprili, autore Trago, aliquantò ſeriùs apud nos, multos promit aſparagos, primo exortu inflexos (ut in aliis Filicibus ſerè fit) cano capillitio obductos; atque in progreſſu temporis abeunt in folia ampla, bicubitalia, crebra, recta, frangi facilia, diluto colore virentia, ferruginea lanugine averſa parte hiriſuta, aliis ſeu taſis ex quibus componuntur medix coſtæ alternatim adnaſcentibus, non conjugatim, longiùs diſtantibus quàm in proximè ſequenti, in pinnulas ſeu criſtas latas, & latâ baſi nervo taſi medio adnaſcentes, obtuſas, circa margines dentatas diviſis. Linea nigra nervum uniufcujuſque alæ medium ſuperne producta notat. Singulæ pinnulæ ſupina parte venulis inſignes ſunt, pronâ duplici ordine punctorum ferrugineorum.

In hac ſpecie coſta folii media muſco ferrugineo, minùs tamen copioſo quàm in ſequenti, obducitur; alæ ex quibus folium componitur longiores ſunt, adeoque folium totale multò latius. *Loc. Virei.*

In aggeribus ſepium præſertim umbroſis ubique invenitur.

Radix hujus generis mulieribus inimica cenſetur, ſterilitatem enim facit, conceptionem impedit, abortum cauſat, quemadmodum & Filicis feminæ. *Theoph. Dioſc. Plin.*

Quod ſi equus conſideret, neſciatùrque qua agitudine labore, particula hujus radis linguæ ſubjiciatur, quo facto equus conſeſtim utrinque deſiciet excrementa, ruſuſque conſurget; ad quod ipſe ita habere comperi, inquit Tragus. Credat qui volet, quique credit experiatur.

Caterùm planta hæc cum Filice femina vulgari viribus convenit; peculiariter tamen Rachitidi morbo dicto conſert.

\* *Filix Braſiliæ Marggavi.*

*Margg.*

In duorum, trium aut etiam quatuor pedum altitudinem aſurgit: caulis quadratus ex ruſſo nigricans ſplendens, lanugine ruſſa obductus. Folia ejus alata ſibi invicem alternatim opponuntur, quinque aut ſex dig. longa. Foliola autem alæ ſunt tenera viridia, eidem alternatim oppoſita, in ambitu ſubtiliter ſerrata: in uno autem latere cujuſque folioli pulvis ſecundùm oram folioli in longum adpendet ruſſus.

Naiſcitur ubique in Mediterraneis.

- \* 2. *Filix mas non ramosa Zeilanica, foliis integris Filici vulgari ſimilis Brœynii.*

A filice vulgari eo tantùm differt quod alarum criſtæ aliæ aliis annatæ ſunt.

- A. 3. *Filix mas non ramosa pinnulis latis auriculatis ſpiſoſis Ger. emac. An Filix mas aculeata major C. B. prod?*

Radix huic non admodum craſſa, ſoris nigricans, intus lutea, fibris tenuibus, nigricantibus terræ firmiter adhæreſcens, folia tria, quatuor, vel quinque quotannis producens, cubitalia & longiora, adeo ut in adulta planta Filicis maris vulgariſ foliis longitudine ſerè paria ſint, quàmvis iſ latitudine multùm cedant. Pediculus, idemque coſta folii media, per totam longitudinem muſco ferrugineo obducitur: taſi ſeu alæ utrinque eidem adnaſcentes breviores ſunt quàm in Filice mari, vix palmum longæ, non ex adverſo reſpondentes, ſed alternatim ſitæ. Pinnulæ è quibus taſi componuntur alternatim pariter anguſtis pediculis medix taſi coſtæ adneſtuntur, à ſe mutuo non multùm diſtantes, breves, latæ, circa margines dentatæ, ſummitate uniufcujuſque in ſpinulam terminatâ,

minatâ, & interdum etiam denticulis reliquis. Verùm (quod præcipuè notabile est) pinnulæ, præsertim costæ folii contiguæ, imâ parte, è latere à costa dictâ remotiore processum ceu auriculam quandam obtinent, in spinulam terminatam. Folia hujus plantæ glabriora sunt, spissiora & lucidiora quàm Filicis maris vulgaris. Lonchitidi asperæ majori Matthioli persimilis est foliorum seu pinnularum consistentiâ, glabritie, processibus auricularibus, denticulis spinosis, toto denique habitu; differt eorundem compositione.

Locus.

In umbrosis sepium aggeribus, locis præsertim humidis & petrosis frequens oritur per totam ferè Angliam. Miror eam exteris scriptoribus minimè descriptam aut depictam fuisse; nisi forte sit Filix mas aculeata major C. B. prod. qui tamen auricularum in pinnis non meminit.

A. 4. *Filix mas non ramosa pinnulis angustis, rarior profundi dentatis* Ger. emac. *Male fern with thin-set deeply indented leaves.*

Radicibus cum reliquis sui generis convenit. Caules seu potius folia sesquicubitalia sunt & longiora, erectiora. Tarforum seu alarum triginta interdum in uno folio paria sunt: qui in medio folio longissimi sunt sesquipalmes, pinnulis utrinque circiter triginta componuntur. Neque tarsi, neque pinnulæ ex adverso oppositæ sunt, sed alternatim sitæ. Tum tarsi, tum pinnulæ in acutos mucrones exeunt. Hæ autem oblongæ sunt, angustæ, raræ nec sibi invicem contiguæ, denticulis mollibus non pungentibus profundè incisæ. Nullæ in pinnulis venæ aut fibræ ut in præcedente apparent. Ima pars scapi ad tertiam fere totius longitudinis partem nuda est, muscosis squamis obducta. Pinnulæ ut in aliis speciebus averfa parte duplici punctorum ferrugineorum ordine donatæ sunt. Plurima ex eadem radice (vetustiore intellige) exeunt folia.

In palustribus, humidis & umbrosis non rarò invenitur.

\* 5. *Filix mollis sive glabra vulgari mari non ramosæ accedens* J. B.

J. B.

Rectis surgit & simplicibus pediculis Filicis vulgaris in modum, sed glabris penitus, omnique hirsutie destitutis. Tarsi particulares in segmenta dividuntur duplo ferè longiora, longius multò ab invicem distantia, mucrone acutiore, modò æqualibus marginibus, modò obiter profundius incisis, nullo tamen ordine serratis aut dentatis. Hanc speciem mollities & segmentorum varietas à vulgari Filice mare distinguit.

Locus.

Circa Tigurum collegit J. Baubinus.

\* 6. *Filix Lonchitidi affinis* J. B.

J. B.

Lonchitidi filicifoliæ similis est: pediculi tamen glabri sunt, plures, unde ex adverso positæ oriuntur alæ palmes & sesquipalmes, quarum unaquæque in cristas unciales & fescunciales dividitur, singulas denuo in alia segmenta, non admodum profunda, nitibus spinis donata subdividas.

Locus.

Hanc observavit J. B. in proximis sylvis Fontis admirabilis Ducatis Wirtemberg, & in valle Griesbachiana.

\* 7. *Filix tenuissimè & profunda denticulata Montbelgardica* J. B.

J. B.

Magnitudine non cedit vulgari Filici mari non ramosæ. Foliorum haud dispar positus; verùm cristati folii portiunculæ valde sunt concinnæ, angustæ, profundis & argutis denticulis incisæ; cristæ verò totæ costæ annexæ alternatim oriuntur. Similis est Filici Rhæticæ, quæ tenuior: aliquid similitudinis habet cum nostro Adiantho albo Officinarum folio Filicis.

Provenit in sylvis propè Montbelgardum; item in monte Mafinunster & in monte Rosberg, necnon in valle fontium acidorum Griesbachiana.

\* 8. *Filix palustris maxima dentata* C. B. prod. *The greatest Marsh-fern.*

C. B. prod.

Radice est omnium Filicum crassissima, duos pugnos superante, nigrâ, velut crassissimis squamis compactâ, & multis fibris nigris capillatâ, unde emergunt folia plura, atro-virentia, tres cubitos superantia, in latus amplissimè expansa, quorum pediculus rufescens, angulosus, cavus instar oblongi auriscalpii ex radice prodit, qui ubi pedalem altitudinem adeptus est, foliosus redditur ad modum Filicis maris vulgaris: nam veluti ex plurimis pinnis secundum margines crenatis, & ad unum pediculum coherentibus componuntur. Verùm ad radicem inter media folia plura foliorum rudimenta cubitalia, velut futurorum principia, conspiciuntur, eo modo quo in Filice florida sive Osmunda dicta circa summos caules apparent, à qua tamen differt, quòd Osmunda caules edat, & caulium summis veluti flores sive seminum rudimenta adhæreant, & folia habeat latiora, & haudquàm ad margines serrata.

Hanc locis palustribus circa thermas Marchicas copiosè observavit C. Baubinus: aliquando in editis & saxosis sed humidis montibus etiam reperitur, ut circa Ramstein arcem Basileensem idem observavit.

\* 9. *Filix*



9. *Filix Indica Osmundæ facie* Bod. à Stapel. Hort. Par.

Bod.

E Virginia, inquit, delata est, foliis *aquaticæ Filicis*, latioribus tamen, totâ alioqui facie Filicibus similis. Huic quâ parte ab homine tacta est altero aut tertio, nonnunquam quarto die, rubiginosa quædam apparet macula, quæ totum folium percurrit & exsiccat. Exsiccatum alio subnascente decedit.

10. *Filix baccifera* Cornuti. *F. Saxatilis baccifera Americana* Park. Berry-bearing fern of America.

Cornut.

Dryopteridis instar enascitur, ac sensim in cubitum erigitur, pennatis foliis, in ambitu crenatis, luteo-virentibus; quæ crescunt utrinque ad caulem non facile flexilem citra rupturam, ponè rotundum, antè excavatum sinu exiguo, per totam longitudinem exporrecto. *Semina* etiam rudimenta posticis foliis adherent; inter quæ sparsim eminent rotundi globuli, nunc bifidi, virides initio, deinde nigri, gustu suavi, Polypodii fere radices saporem referente, qui tandem maturi vix tactum patiuntur, sed sponte decedentes terræ infiguntur, unde nova succrescit soboles. Radice nititur, multis contextâ fibris capillofis, colore fuscis & gustu subacerbis.

In America Septentrionali passim inter saxa provenit: pullulat Aprili ineunte, bacca media ætate maturefcunt, folia Novembri marcescunt, sola per hyemem superstitè radice. Hanc in Angliam è Virginis primur intulisse dicitur Joannes Tradescantius. Cum plantam hanc nondum nobis videre contigit, cujus generis sint bacca foliis innata, an scilicet fructus, an excrefcentie insectorum matrices, determinare nequimus.

Locus.

11. *Adiantum Brasiliæ*, Avenqua Lusitanis Marggr.

Marggr.

Duplex est, majus & minus.

*Majus* in duorum pedum altitudinem affurgit, ex radice intus flava, extus nigricante, sub terra serpente, & multa habente filamenta. Caulis hujus tenuis, striatus, ex brunno nigricantis & splendentis coloris, & lanugine quadam hepatici coloris vestitus. Superius ramulos aliquot habet inordinatè positos, qui, ut & caulis summus, folia habent alternatim posita, quædam tres, quædam duos, quædam unum digitum longa, dilutè viridia, in ambitu dentata, atque singularis figuræ.

*Minus* in eandem altitudinem affurgit, caulibus ejusdem cum priore figuræ & coloris, non vestitis lanugiæ, verum pulvere albo velut farinâ quadam aspersis. Folia alata, alternatim posita habet, varæ longitudinis, à semidigito scilicet ad tres digitos; in extremitate enim caulium brevissima sunt. In quolibet folio alæ hæ alternatim posite, interiores longiores, exteriores breviores, superne saturatè viridis coloris, inferius farinâ pulvere nigerrimo mixtâ asperse. Inferiores *cauliculi* progerminantes parum convoluti (quod omnibus Filicibus commune est) & pulvere farinaceo plane albi sunt.

## CAP. III.

\* *Filix fontis admirabilis ad marem vulgarem non ramosam accedens non dentata* J. B.

J. B.

**M**Asculæ vulgò dictæ non ramosæ Filicis in morem simplices erigit caules, quos rami non dividunt, non sine hirsutie aliqua: Cristæ singulares paulò videntur longiores, divisione fere foliorum *Ceterach*, segmentis minimè crenatis, sed acutioribus, quorum averfa parte pulverulenta ferruginea puncta agminatim proximè margines circumcirca conspiciuntur, medio libero.

In montibus prope Fontem admirabilem in Ducatu Wirtemberg. Augusto mense collegit J. B. Huic per similis est, major tamen, tarsisque arctius perinata *Filix non ramosa Brasiliæ*, foliis *Asplenii acutioribus* Breynii.

\* *Filix non ramosa Guyanensis, foliis Asplenii obtusioribus* Breynii.

Observatur magis hirsuta quàm antecedens, atque obscurius virens, pinnulis obtusioribus, puncta rariora habentibus.

## CAP. IV.

- A. 1. *Filix minor non ramosa* J. B. *Dryopteris* Ad. Lob. Ger. emac. *Filix minor palustris* nobis.

**R**adices locis paludosis sub terræ superficie reptant, sibi mutuò implexæ, radicum Polypodii instar, culmi crassitudine, 5, 6, 7, digitos longæ, foras atræ, intus albæ, sapore subdulci & astringente, fibrillis innumeris tenuibus capillatæ. *Caules* sparsim oriuntur variis in locis, plures paucioresve simul pro ætate, magnitudine aut vigore radices, [vidimus pusillas & tenellas radices quæ duos tréve solummodo producerent, grandes & vegetas quæ 14 aut 15.] Duplíciter tantum dividuntur, nimirum in scapum medium & ramulos foliis vestitos. Scapus quem diximus 5, 6, 7, uncias longus est, tenuis, anticâ parte planus, posticâ rotundus, lævis & viridis. Primum ramulorum par tribus circiter digitis à radice exit; succedunt 8, 9, aut 10, paria, conjugatim sibi mutuo opposita, longissimo ramulo unciam vix excedente. Folia seu pinnulæ alis seu ramulis conjugatim quoque adnascuntur, ad 8 aut 9 in singulis paria, nullis crenis aut denticulis incisa, colore pallido seu ex viridi luteo. Filicula hæc radicibus Polypodium æmulatur, caulibus Filicem marem vulgarem, nervis & pinnulis Filicem fœminam.

Descriptio est D. Goodyeri apud Gerardum emaculatum, à nobis Latina facta.

Locis palustribus putridis pluries observavimus in insula Eliensi & alibi, præcipuè in Septentrionalibus Angliæ.

In tantam nonnunquam staturam & magnitudinem excrescit, ut Filicem marem mentiat; verum faciliè discernitur, quod pinnulæ æquabili ambitu circumscriptæ sint & minime crenatæ.

- A. 2. *Filix pumila saxatilis altera* Clusii Park. *Filix non ramosa, nigris maculis punctata* C. B. *Dwarf-Stone-fern not branched.*

Clus.

Quinos aut senos habet *cauliculos*, teretes, rectos, initio virides, deinde temporis successu omnino nigricantes, palmares, à medio unicam foliorum infestorum alam, unico ad fastigium usque artu porrectam sustinentes, eadem quâ in mare vulgari formâ & facie, multò verò minorum tenuiorumque, sapore nonnihil adstringente, pronâ etiam parte multis nigris maculis (quæ vetustate efflorescere videntur) aspersorum. *Radix* velut in caput coacta, sicut in mare vulgari, & multis nigris durisque fibris capillata est.

Locus.

In montibus saxosis Derbientibus, Eboracensibus & Westmorlandicis copiosè provenit. Invenimus & in transmarinis non procul à *Spada* in territorio Leodiensi. Præcedenti similis est, magnitudine & natalibus differt.

3. *Filix saxatilis non ramosa minima.*

*Folia* exferit palmaria & longiora, angusta, tarsis seu alis semuncialibus, angustis, 14 aut pleribus hinc inde ad utrumlibet costæ seu nervi mediî latus adnexis, alterno potius quam contrario fitu, composita. Alæ longiores è 4 aut 5 pinnularum, exiguarum, obtusarum, & in extremo nonnihil crenatarum conjugationibus constant, extremâ alâ in folium angustum procurrente. *Pediculus* & costa folii media in sicca alba & glabra videntur.

Locus.

E petrarum rimis versus summitatem montis Salevæ propè Genevam exit.

## CAP. V.

*De Adianto albo seu Ruta muraria.*

**A**diantum unde dictum sit vide Sect. 4. cap. §. *Adiantum* autem *album* dicitur hæc planta, quòd cauliculi ejus seu rectius foliorum pediculi minùs nigricant quam *Adiantum nigrum* dictum *Ruta muraria* ob aliqualem cum foliis *Rutæ* similitudinem appellatur.

- A. 1. *Adiantum album* Tab. *Ruta muraria* C. B. J. B. Ger. *muraria*, sive *Salvia vitæ* Park. *Wall-Rue, Centwort.*

J. B.

*Radice* tenuissimis fibris nigricantibus capillata, subastringente parietinas rimosas occupat; *pediculus* promens multos, semipalmares, tenues, juxta radicem nigricantes aut atro-rubentes, reliqua parte virentes, nonnihil in summo divaricatos; ex quorum tum extremitatibus, tum lateribus folia oriuntur *Rutæ* vel *Adianti* veri, sed multò minora, striata, rigidula, per ambitum crenata, superna parte virentia, inferius pulvisculo ruffo aut fusco aspersa, gustu nonnihil acerbo & subastringente, cum tantillo dulcedinis leviuscule vestigio.

Locus.

In muris & pontibus lapideis, inque petrarum fissuris multis Angliæ in locis invenitur. Amat saxa viva, coctis lateribus immoritur, inquit Camerarius; quod tamen nobis observantibus non est perpetuum; vidimus enim in muro lateribus extructo *Adiantum album* innatum.

Facul-



Facultatibus cum Adianto vero convenit, unde in Tussi, Asthmate, Pleurisi, Ictero, obstructione Vires. nibus Lienis prodesse creditur: quin & ad renum & vesicæ dolores valere, urinam clementer ciere, calculosque & arenulas expellere.

Peculiariter præstare eam perhibet Matthiolus ad Enterocelas puerorum, continuis 40. diebus pulvere exhibito.

Per totam hævem viret, non prius emarcescens quam incipiant emergere folia, quæ quotannis Aprilis mense inter vetera prodire conspiciuntur.

Valde efficax esse dicitur in Scorbuticis affectibus: hæc enim omnes milites, arce quadam obsessi liberati erant à Scorbuto. \* Hofman. \* Method. medendi. l. 1. p. 347.

\* 2. *Adiantum album crispum Alpinum* Schwenckfeld.

Schwenck.

Huic è radice pluribus tenuibus capillamentis implicita coliculi plures, graciles, juncei, læves, in summo brachiati nascuntur, foliis Rutæ murariæ similibus, magnis, virentibus, crassioribus, crispis ac veluti punctis Ledi insignitis, absque flore & semine: aspectu jucunda plantula:

Rarissimum inventu nonnisi altissimorum montium petrosis oritur. In montibus Pictlandicis Locum. Scotiæ invenit D. Sutherlandus. Sibbald.

\* 3. *Adiantum album tenuifolium Rutæ murariæ accedens*, J. B.

J. B.

Pedales ex radice emittit sed tenues caules, qui superius in ramulos alternos ferè dividuntur, atque hi denudò sæpius in alios minores, nullo ferè ordine; foliis Rutæ murariæ dimidio minoribus, incisis, pulchrè viridantibus, tenerioribus, mollicellis.

E monte Gothardo ad J. Bauhinum attulit Hen. Cherlerus.

\* 4. *Adiantum novum Germanicum Rutæ murariæ facie* Breynii.

Breyn.

Speciosum hoc & prorsus novum Adianti genus in Franconia non procul à pago illo, ob acidulas celeberrimo, Langen Schwalbach dicto, in umbroso inter saxa loco enatum quamvis rarissimè observavimus.

Hoc è radice ex plurimis cirris nigris capillata coliculos 30 vel plures spargit, juxta radicem nigricantes, reliqua verò parte virentes, & in tertia superius parte foliis angustioribus, hilariorè virore præditis, inque lacinias longiores angustioresque quam Rutæ murariæ dissectis ornatos.

Convenit in multis cum Adianto albo tenuifolio Rutæ murariæ accedente J. B. à quo tamen manifestè differt.

Adianti cujusdam majoris Coriandri folio, Adianto vero affinis, pediculo pallidè rubente, in Scotia nascentis, meminit D. Sibbaldus in Prod. Nat. Hist. Scot.

## C A P. VI.

### De Adianto vero seu nigro.

**H**ÆC planta Adiantum nigrum meritò censenda est, quia cauliculi ejus seu potius foliorum pediculi politiore nitore nigricant, ut cum C. Bauhino loquar. Capillus autem Veneris dicta est, quia capillis nitorem & venustatem conciliat.

1. *Adiantum sive Capillus Veneris* J. B. Ad. verum sive Capillus Veneris verus Park. Cap. Veneris verus Park. Ad. foliis Coriandri C.B. True Maiden-hair.

Mulso ruffoque cespiti implexæ sunt capillares radicum fibræ nigræ. Caules exeunt multi, tenues, nigri, læves & splendentes, dodrantes aut etiam pedales, in ramos stamineæ tenuitatis divisi, per quos tremulo filo appensa alterno ordine visuntur folia, viridia, crebra, mollicella tenellaque, lævia, Coriandrinis primitus erumpentibus similia, nec magnitudine multum cedentia, ferè triangularia, sectionibus per extremum rarioribus, altioribus cæsa. Cum planta ad æxulum & statum suum pervenerit in foliis extremis cernuntur parvæ veluti plicæ, albicantes, sub quibus pulvis occultatur vix perceptibilis, illi similis qui aliis plantis Capillaribus aversâ parte accrescit.

In panetibus, locis petrosis, umbrosis, humidis, secus fontes & aquarum stillicidia exire testatur Locum. Dodonaus, in regionibus calidioribus, Gallia Narbonensi & Italia: in frigidioribus, ut reliqua Gallia, Germania, Belgio & Anglia rarè aut nunquam provenit. Nos Patavii in puteo nascentem & media hævem adhuc virentem observavimus; circa Genuam ad marginem cujusdam fontis.

Vulgo Narbonense pro signo infallibili bonitatis & levitatis aquarum habet Adianti circa puteos & fontes proventum.

Quavis anni parte, etiam hævem viret, Solem & aerem calidum & ficcum refugit, umbrosis & humidis delectatur.

Folia & summitates hujus plantulæ in usum medicum veniunt; quæ, quod ad vires & usus attinet, Sanguinem purificat, humoresque in massa ejus commixtos ad justam temperiem reducit: præparat & purgat pituitam, necnon bilem utramque, atram & flavam: humiditates superfluas dissipat, Vires & Usus.

diffipat, ferososque humores resolvit & per transpirationem insensibilem amandat : Sudores & urinam provocat, putredini potenter resistit, unde in omne genus febribus, simplicibus, putridis, malignis, pestilentibus, continuis, intermittentibus felici cum successu exhibetur. Singularem & specificam proprietatem capillis conducit, omnibusque illorum vitiis medetur, Alopecias sanat, furfures aliasque eorum sordes detergit, marcidis & decoloribus vigorem & nitorem conciliat, defluentes continet, raros densat & honorem capiti restituit, canitiem denique arcet [Adiantum capillis dicere, tanquam eorum remedium proprium & specificum signatura (ut vocant) eidem impressa, nimirum caulium & ramulorum ejus cum Capillis in tenuitate, colore & nitore convenientia Botanicos, ut puto, induxit.] Omnes cerebri facultates exsuscitat, humorum in illud decumbentium excessus temperat & vitia corrigit : Spiritus animales depurat, vapores calidos & biliosos compescit, acres, acidos & narcoticos lenit. Proinde adversus vigilias immoderatas, affectus comatosos, catarrhos, Epilepsiam, phrenesin, maniam, melancholiam, cephalalgiam, contraque omnigenas intemperies & tumores qui capiti accidunt conducit : visum acuit, humores ad dentes, aures, colli aut faucium glandulas defluere solitos cohibet & diffipat. Odore seu halitu suo suavi cor exhilarat, & facultates vitales recreat & corroborat : Pectoris vitia emendat, Pulmones expurgat, humores crassos, viscidos & tenaces asperæ arteriæ canalibus & bronchiis impactos incidit & evacuat, ejusdem asperitatis lenit, adeoque adversus Tussim, respirationem difficilem, Asthma, Peripneumoniam, Pleuritidem, Hæmoptysin, Syncopen, Lipothymiam, Cardialgiam remedium est præsentaneum. Oesophagi & ventriculi fibras nimis laxas restringit, iisque debitum tonum restituit : Excrementorum nauseam cantantium colluviem expurgat & auferit : sitim extinguit, penetrat, humectat & purgat leniter admodum & benignè ventriculum & intestina : Hepatis & Lienis calores temperat, eorundem obstructions quantumvis inveteratas refert : Calculum renum & vesicæ comminuit, & urinæ meatum omnes aperit : Adversus Ictericum & colores pallidos tum Antidotum est, tum remedium : Partibus generationi inservientibus imprimis utilis est & amica : Sterilitati opitulatur, uteri immunditias expurgat, Secundas educit, menstrua ciet, & tamen (quod mirum est) immoderata cohibet, fluxum album sistit & emendat : Juncturis & nervoso generi commoda est, vapores halituosos, qui ad musculorum capita coacervantur diffipat, unde ad stupores, spasmos, pandiculationes facit. Duritias & excrementa articularum ligamentis impacta emollit & resolvit, hinc ischiadico dolori & omnigenæ Arthritidi medetur : Utilis etiam est ad tumores quoscunque seu calidos, sive frigidos, œdematosos & scirrhosos, phlegmonas, erysipelata, contra plagas, ulcera, ossium fracturas & luxationes, omnia denique cutis vitia.

Has omnes virtutes Adianto vero attribuit Petrus Formius M. D. Monspelienfis in libello quem de hac planta Gallicè conscriptum publicavit Anno 1644. quæ si universæ eidem convenirent, penacea quædam esset & medicamentum universale, ad omnium ferè corporis partium sanitatem tuendam & morbos debellandos vel sola sufficiens. Verum cum in qualitatibus omnibus temperata sit, vires ejus admodum remissas & debiles esse oportet. Schroderus facultates ejus approbatas paucis complectitur, Pulmonum, inquiens, renumque vitiis medetur : Epatis & Lienis obstructions refert : Urinam & menses ciet.

Varios modos plantam hanc ad usum medicum præparandi, seu varias formulas medicamentorum ex ea parandorum describit supra laudatus autor. Nos alius omisissæ Præparatam tantum Adiantum, quam miris laudibus extollit, proponemus.

R. summitatum aut foliorum Adianti adhuc virentium & recens collectorum tres circiter manipulos. Infundantur supra cineres calidos per spatium unius noctis in duobus tribusve sextariis [pots] aquæ fontanæ optimæ, tandemque si placet, leviter bulliant.

Colatura vasi vitreo immissa pro potu ordinario inserviet, vel sola, vel cum tantillo vini. Si tincturam saturatiorem desideras, herbam ex aqua nè exinas, sed tandiu relinquantur donec contaberit, deinde recentem infundas eousque continuando donec tincturam non amplius deponat.

Pisana hæc superfluas humiditates abluunt, & per insensibilem transpirationem eliminat : sudorem & urinam provocat, & eadem ferè omnia præstat quæ de Adianto prædicimus. Sufficit (quit) affirmare, me complures parvulos & infantes exsiccatos & ferè consumptos febre lenta, & obstructionibus mesenterii ortâ hujus usu sanitati pristinæ restituisse. Considerandum annon Rachitis nostratibus medicis dictus morbus fuerit quo laborarunt hi infantes.

Adianti nigri  
varietas.

Ceterum Adiantum magnitudine & foliorum crassitie variat. Quod majus est & crassioribus foliis Adiantum Syriacum Tabernæmontano, Capillus Veneris Syriacus Gerardo dicitur.

## 2. Adiantum Americanum Cornuti. Ad. fruticosum Americanum Park. Black Maiden-hair of America.

Cornuti.

Huic radix pusilla, capillamentis nigris fibrata; Cauliculi exeunt atro-purpurei, in cubitum se attollentes, septemque aut octo ramulis divisi, in orbem expansi, latissime se spargunt; adnascantibus interim processibus quamplurimis, qui cum ramulis leviter crispantur extremo. Folia Adianto vulgari similia sunt, sed ampliora, Galli cristam referentia; sunt enim infima parte lineâ curvâ clausâ, superiori nonnullis sinibus laciniola, omnia contrariis pediculis densa inter se & ex adverso. Singulorum foliorum pars altera gratâ viriditate lucet, altera punctulis fuscis exasperatur. Sapor idem cum nostrate, parum acerbus.

Hoc Adiantum Canadensi regioni frequentissimum est: nusquam adeo altum provenit. Tradiunt duorum cubitorum altitudine amplius reperiri, expansisque brachiis tantum umbræ parere, ut eò succedere possint homines in æstu, facileque se ab eo hujus umbraculi præsidio tueri. Apud nos autem hujus plantæ proceritas intra pedem unum aut alterum subsistit.

Hanc e Virginia in Angliam invexit Joan. Tradescantius filius. Rectius fortasse ad quartum genus seu Capillares ramosas refertur.

Felix



*Filix non ramosa Brasiliæna Breynii.*

Quæ ad sesquicubitalem excrefcit altitudinem, Filicis maris noſtratis facie, atris verò caulibus, quadratis & inſigne ſplendentibus, pinnulis obtuſis, ſuperiore tantum margine incifis. Adianti Americani Cornuti colore, formâ & toto habitu æqualibus; an à prædicto differat Lector iudicet, mihi certè non videtur.

*Adiantum frutiſolum Braſilianum C. B. prod.*

C. B.

Filicis inſtar excreſcit, caule tenui, lævi, ſubnigro, puriceo colore nitente, qui in alios ſubdividitur; circa quos folia viridia, Adianto vero aliquantum ſimilia, parva, oblonga, ſed obtuſa, ſuperne tantum incifuris diviſa, inferiore coſtâ quâ capillaceo inſident petiolo integra; alternatim pediculo ſeu cauliculo, & quidem utrinque, à duodecim uſque ad 20 per pedicellum junguntur.

Apud Toupinambauſios in Braſilia natum à Burſero accepit C. Bauhinus.

Ab Adianto Americano Cornuti eo tantum differt, quòd folia ſeu pinnulæ cauliculis & ramulis alternatim adnaſcantur, non contrariis inter ſe pediculis bina. Verum quoniam reliqua deſcriptio cum præcedente Cornuti egregie convenit, hanc plantam ab illa non ſeparamus: nam in iis Filicum ſpeciebus quarum folia plerumque inter ſe contraria oriuntur, reperiuntur interdum coſtæ nonnullæ alternatim poſitis veſtitæ; quin & in eadem coſta eodemve ramulo pinnulæ ſeu criſtæ inferiores adverſo ſitu adnatæ, ſuperiores autem alternò non rarò obſervantur.

Adianto vero affinis minoris Scotici, folio obtuſo, ſaturatè viridi, altiùs incifo cum pediculo viridi meminit D. Sibbaldus in Prod. Nat. Hiſt. Scotiæ.

## SECTIO QUARTA.

*De Herbis Capillaribus foliis bis ſubdiviſis ſeu ramiſis.*

### C A P. I.

A. *Filix femina Ger. fem. vulgaris Park. major & prior Trago, ſeu ramiſa repens J. B. ramiſa major, pinnulis obtuſis non dentatis C. B. Female Fern or common Brakes.*

J. B.

**C**aulis [ſeu veriùs pediculo] aſurgit tres quatuorve cubitos alto, rigido, ramiſo, ſolido, lævi & aliquatenus anguloſo. Folia (quod \* nomen indicat) pinnata, alatave, in tarſos primo, deinde in pinnulas ſeu lacinias anguſtas, oblongas, acutiſculas, obiter interdum dentatas, aliàs æquales, diſſectas, ſuperne viridia, inferne caneſcentia; & punctis ferrugineis notata. Nos in Filicis foeminae foliis huiusmodi puncta non obſervavimus: verum qualibet folia in exteriorè margine verſus interiora reflexo ſemina copioſa cuſtodiant & alunt. Nam elongatis utriſque membranis citaneis folii ſit quaſi nidus ſeminum, ut docet D. Malpighius, quocum conſentit D. Collins, qui expreſſius ſemina huius ſpeciei marginibus dentium in quos folia dividuntur averſa parte accreſcere tradit. Revera enim experientiâ teſte margines pinnularum ſeu denticulorum in quos folia dividuntur circumcirca reflectuntur. Radix digitorum ſubinde craſſa, foris nigricans, intus albida, longè latèſque importuno reptatu terram occupans, ſapore amaricante ſuccoque glutinoſo prædita, quæ ſumma parte obliquè aut etiam tranſverſim incifa bicipitis Aquilæ ſpeciem quandam exhibet.

In paſcuis ſterilioribus ubique ſerè luxuriat hæc planta, agricolis maxime exoſa: prolixa autem non indiget deſcriptione; ſufficit ad eam ab aliis omnibus diſtinguendum dixiſſe, quòd ſit è maximis, omnium in Angliâ vulgaſſima; ramiſa radice repente.

Huius etiam ſpeciei non minùs quàm aliarum Filicum ſuperficies ex meris foliis conſtat: qui enim caules eſſe videntur ramiſorum foliorum revera pediculi ſunt, ut patet tum quia partem anticam ſeu ſupinam poſticæ ſeu pronæ diſſimilem obtinent, tum quia in folium terminantur.

Ex huius & Filicis etiam maris exuſta cineribus cum aqua in maſſam coactis pilas ſeu globulos Vires & Uſus. efficiunt noſtrates, præſertim Warwicenſes & Staffordienſes, & in Sole exſiccant: quorum uſus eſt lotricibus ad linteamina mundanda, ſaponis aut lixivii loco. Antequàm iis utuntur in ignem luculentum immittunt donec candefiant, tunc enim facilè in pulverem faſcunt. Hæc exſiccata, ligni aut ſtraminis inopiâ, ad furnos excalefaciendos ruſtici utuntur: in Suſſexia etiam ad calcem coquendam; eſt enim ejus flamma vehemens admodum & huic uſui valde idonea, ut ab \* Amico ingenioſo, qui & ipſe ſæpius expertus eſt, & alios ejus uſum edocuit, certior factus ſum.

Huius radix in pulverem redacta, & pondere dimidiæ uncie [3i. S. Paulo] ex aqua mulſa ſumpta lumbricos latos [atque etiam longos] enecat, imò præſentiffima earum peſtis eſt, teſte S. Paulo, eamque inter ſecretiſſima ſecreta adverſus lumbricos habent & venditant Agyrtæ.

Eadem in vino decocta, & per aliquot dies pota laborantes Lienis excremento recreat; Gravidæ autem infensa censetur, ut quæ abortum faciat. *E Veteribus.*

Ad ambusta omnia vel igne, vel fervidâ aquâ, aut oleo, mirificè conducit radicis succus, vel recentis tusæ, vel exsiccata; affusâ aquâ rosacea, vel aquâ è fimo vaccino, vel florum Tiliæ, vel harum defectu fontanâ communi: tunc enim succus lentus seu mucilaginosus exprimitur qui in medebitur, ubi reliqua medicamenta auxilium negaverint. *Trag. S. Paulus.*

Aremoricos & Neustriorum ultimos, qui vastas sylvas colunt in frugum inopia è radice Filicis panem conficere notum est ex Dalechampii relatione, ejusdemque cineribus nitri loco injectis saxa liquare, & vitrea vasa fingere colore viridi & subobsuro.

*Filicis fami-  
na varietas.*

Hujus speciei varietatis cujusdam meminit *J. Bauhinus*, titulo *Filicis majoris mollis ramosæ*, cujus segmenta singularia paulò videntur latiora brevioraque quàm illius [superius proximè descriptæ] nec ut illi dura sed mollia nec subtus incana.

Circa Tigurum Helvetiorum se collegisse putat Autor, meminitque (inquit) ejus Gesnerus in *App. Hort.* nomine *Filicis maris mollioris*.

Plinius Filicem biennio mori scribit si frondem agere non patiaris: Id efficacissimè contingere germinantis ramis baculo decussis, quod & experientia hodierna confirmat, quamvis rationem quam addit Plinius ingeniosè sane excogitatam si experientia confirmaret, non proberem, nimirum quod succus ex ipsa defluens radices necet.

Præterea famam esse ait & circa Solstitium avulsas non renasci, quod aliis experiendum proponimus.

## C A P. II.

### A. *Filix mas ramosa pinnulis dentatis* Ger. emac. *Great branched fern with indented leaves.*

**F**ilbris plurimis, capillaribus, nigricantibus, ex infimis caulibus (seu veriùs foliorum pediculis) qui in unum veluti corpus radicis coalescunt, enascentibus *radicatur*. Primo vere foliorum asparagos convolutos paulatim sese explicare incipientes cernas, squamis ferrugineis propè terram obsectos, arctè invicem junctos. Planta junior pauciora habet folia, adultior & an-nosior plura ad decem aut duodecim. *Folium* autem unumquodque ab ima parte propè locum sui cum focus coalitùs, quamprimum se prodit, antequam longitudinem digitalem assecutum fuerit, fibris ejusmodi nigris demissis alimentum attrahit. Folia jam extensa trifariam dividuntur, Filicis fœminæ vulgò dictæ in modum, nimirum in scapum seu pediculum costamve mediam, ramos laterales primarios, & surculos seu ramulos secundarios, quibus utrinque pinnulæ seu folia adnascuntur. Scapus folii dictus in planta nobis descripta (quæ è maximis erat) quatuor minimum pedes longitudine æquabat. [Sunt autem aliàs folia unius, duorum, triumve pedum] squamis illis seu Musco ferrugineo obductus, præcipuè radicem versus, firmus, anticâ seu adversâ parte planus, posticâ subrotundus, ab imò ad viginti circiter unciarum spatium nudus, deinde ramosus ramis in universum circiter viginti ex utrolibet latere egressis. Rami tertii à radice paris, qui omnium longissimi erant, novem uncias extendebantur, reliquis ordine brevioribus ad summos usque. Radici propiores bini plurimùm oppositi cauli adnascabantur, quo ab ea remotiores eò magis ab oppositione aberrabant. Surculi seu nervi pinnulas sustinentes in ramis lateralibus duorum erant digitorum cum quadrante longissimi, deinceps sensim breviores ad extremos usque ramulos, (qui in folia tandem faceiebant) in ramis longissimis numero circiter viginti ad alterutrum scapi lateris. Pinnulæ seu folia maximam partem bina adversâ in surculis oriuntur, ad octo aut novem paria in singulis, suntque per oras altius incisa, segmentis in acutos mucrones desinentibus, supina parte obscurius viridia, pronâ pallidiora, punctis squamosis ferrugineis duplici ordine adnascantibus. Folia totalia (si ita loqui liceat) cum plenè extensa & perfecta sunt, in eorum medio ad radicem rudimenta foliorum vere sequenti explicandorum jam tum formata, conglobata seu convoluta & squamis obducta apparent.

Folia in hac planta nonnulla per totam hyemem virorem suum retinent, locis præsertim calidioribus, quæ tandem novis subnascantibus sequenti æstate marcescunt.

*Locus.*

In umbrosis, sabulosis præsertim aut petris, ubi aquæ scaturiunt, quin & in paludosis ad stipites Quercuum putridorum cum *D. Goodyero* eam sæpius invenimus, non in Sufflexia tantum (quamvis ibi plurimam) sed & in multis aliis Angliæ locis.

Prolixam descriptionem *D. Goodyeri* non piguit Latinam facere, & è Gerardo emaculato huc transcribere, quoniam nescimus an à quoquam præterea descripta fuerit hæc species; planta autem ipsa ad manum non sit.

## C A P. III.

\* *Filix tenuissimè secta ex monte Balon.* J. B.

*J. B.*

**F**olia cubitorum aliquot, ferrugineo musco obsessis pediculis; in *ramos* particulares divisa, non planè ex adverso respondentes, palmares & sesquipalmares, quorum unusquisque *crispa* habet, alternatim posita, semunciales & duarum unciarum, in segmenta exigua per extremam oram crenata subdivisas.

Hanc



Hanc invenimus in Vogesi montis parte *Balon*, quam ex fodinis argenti dictis *Gerardmegni* descendimus mense Augusto.

## CAP. IV.

\* *Filix Rhetica tenuissimè dentata* J. B.

**A**<sup>J. B.</sup> Filicem tenuifoliam profundè dissectam accedit; verùm cristæ, quarum alternatus ortus in singulares denuo cristulas dividuntur, unciales, paulòve altiores aut longiores, tenues admodum, crebròque & profundè dissectas, longè inter se distantes, averrà parte punctatas, ut aliæ Filices.

Similis est *Adiantho* folio Filicis, sed differt non solum in eo quòd major est *Adiantho*, sed præterea quòd pediculi *Adiantho* ad radicem rubeant, quòdque segmenta sunt quoque diversa.

Reperi in *Rhetia* primò, deinde in monte *Rosberg* propè *Masemunster*.

## CAP. V.

A. *Filix florida sive Osmunda regalis* Ger. *Osmunda regalis sive Filix florida* Park. *Filix floribus insignis* J. B. *Filix ramosa non dentata florida* C. B. *Flowering fern* or *Osmund royal*.

**E**<sup>J. B.</sup> X uno perplexarum radicum, longarum, nigricantium cespite caules attollit bicubitales & altiores, virides, glabros, striatos, ramis patulos. Hinc inde alæ exoriuntur; pinnatis octo novève conjugationibus foliorum, impari una alam claudente, constantes. Singularia autem folia omnia sursum spectant, trium quatuòrve unciarum longitudine, semunciam lata, ex principio latiore sensim extenuata, in obtusum mucronem desinentia, à nervo per longitudinem decurrente expositis in margines, (qui integri sunt nec crenis secti) infinitis oblique venulis. Caulis scapus in furculos aliquot divisus, racemulos unciales in singulis furculis multos sustinet, seminibus multis confertissimos.

Nascitur locis riguis ac palustribus putridis, in humidis quoque sylvis, in multis Angliæ provinciis. *Locus.* In insula *Mona* in clivis maritimis & rupium interveniis udis copiosam observavimus.

Flores Herbariis dicti nobis nihil aliud esse videntur quàm folia ob semina adnascencia non explicata, sed ad margines reflexa.

Hujus radicem ad Hernias & ulcera exploratissimi commodi esse scribit *Lobelius*, quinetiam *Vires.* colicis & splenicis plurimum conferre; nonnihil calidam esse & acrem, odoris non ingrati.

Pars illa radice media subcandida efficacissimam putatur non modò vulneratis, sed & cæcis, ruptis, ex alto deturbatis decocta vel etiam tusa & cum aliquo liquore sumpta. *Dod.*

Rachitidi morbo dicto remedium præstantissimum & quasi proprium & specificum censetur hujus radix, cui percurandæ vel sola sufficiat. In Rachitide uti soleo conservâ *Asparagorum* seu germinum teneriorum hujus & Filicis maris, vel etiam *Asplenii* & *Phyllitidis*, prospero successu. *D. Bowles.*

## CAP. VI.

A. *Filix saxatilis ramosa maritima nostras.*

**H**unc ad litus Angliæ Occidentale rupibus maritimis adnascentem invenimus: *D. Newton* in puteo quodam *Camaloduni* in *Essexia* observavit.

Plantula palmaris aut sesquipalmaris est, ramosa; ramuli & pinnulæ non ex adverso sed alternatim oriuntur; pinnulæ obtusæ, latiusculæ, per extremum crenatæ. Intensius viret hæc species quàm pleræque aliæ Filices. Pediculi & costæ foliorum mediæ in sicca rubere videntur.

## CAP. VII.

A. *Filix ramosa minor* J. B. *saxatilis ramosa nigris maculis punctata* C. B. *pumila saxatilis prima Clusii* Park. *Dryopteris Tragi* Ger. emac. *The lesser branched fern.*

**P**<sup>J. B.</sup> Arietinas & rudera sequitur, radicem habens Labyrinthico contextu multipliciter implexam, Polypodii radicibus tenuiorem, repentem, & in obliquum se spargentem, nigram, raris fibris tenuibus & duris capillatam (inquit *Clusius*) sapore cum levi dulcedine insigniter acerbò. Cauliculi multi, tenues, ex viridi fusci, palmares & dodrantes, longioresque ramosi Filicis foeminae

fœminæ vulgò dictæ instar ( cui tamen magnitudine plurimùm cedit ) quibus pinnatim annexa folia Filicea, crenulis denticulata, subinde averſa parte pulverulentis tuberculis asperſa.

In opacis ad latera montium observavimus sæpiùs tum in Anglia, tum in regionibus transmarinis; in Anglia propè Abbatiam Tinternensem in agro Monmuthensi, inque Westmorlandia plurimam variis in locis: in transmarinis circa *Franchimont* castellum in agro Leodiensi non procul à Spadæ urbecula Acidulis celebri; in sylvosis ad latera montis Salevæ propè Genevam, & alibi.

## CAP. VIII.

## De Adianto.

**A**diantum *Ἀδίατον* Græcis dicitur *ἐν τῷ ὕδατι*, i. e. in aquis non madescat, ob siccitatem scilicet superficiei, quæ aquæ contraria est, & eam solet repellere, quemadmodum in pulvere & pennis, & aliis siccis & lævibus contingit, in quibus non consistit aqua, sed aut elabitur, aut in guttulas rotundatur. *Plin. lib. 22. c. 21. Aliud Adianto miraculum; aquas respuit, perfrustummersumve siccisimile est, tanta Dissociatio deprehenditur, unde & nomen à Græcis.* Non quod nunquam omnino madescat, quasi longiore mora in aqua submersum non æquè ac aliæ plantæ irrigetur, sed quòd imbris è cœlo decidentis stillicidia foliis ejus non infideant, ut Nicander, ob siccitatem scilicet & lævorem superficiei. Alii *Ἐξ τῷ ὕδατι* marcescere & à privativa dictum censent, quia non ut reliquæ herbæ illico decerptum marcescit. Polytrichum dicitur quòd capillos multos & densos faciat, eorùmq; defluvia expleat.

- A. 1. *Adiantum album folio Filicis J. B. Filix saxatilis caule tenui, fragili nobis dici solus. Stone-fern with a slender brittle stalk.*

*J. B.*

Radice transversâ, satis crassa in parietum rimas & saxorum interstitia se insinuat, fibris nigricantibus demissis, sapore cum majore adstrictione subdulci, herbaceo Polypodii colore. *Cauliculi*, vel potius foliorum pediculi, dodrantes aut pedales, tenues, fragiles, viridantes nigricantesve in fœrna parte. *Ramuli* aliàs bini oppositi, aliàs alternatim adnati, ad duodecim aut quatuordecim paria, extremo scapo in folium abeunte, ut in aliis omnibus Filicis speciebus, longissimi duas vel uncias æquantes, pinnulis alternatim adnatis, oblongis, altius incisus, ut è pluribus compari videantur, unde hæc planta ambigere videtur inter ramolas & furculosas seu bis & semel subdivisas. *Folia* mollia sunt & tenera, facillè marcescentia, minutis denticulis incisa, averſa parte ætatis virentibus, tandem ferrugineis extantibus asperſa; sapore citra evidentem adstrictionem lævi, tam evanido ut pæne fatuum dicas cum viscido lentore, inquit *J. Baubino*.

Filicem nostram saxatilem caule tenui fragili eandem specie plantam esse cum Adianto à Filicis folio *J. B.* minimè dubito, ideòque ejus descriptionem Filici illi nostræ accommodari, et ab aliis Filicum minorum speciebus distinguendæ sequentes notæ sufficiunt. Quòd sit è minoribus in hoc genere, altitudine tamen interdum dodrantal, caule tenui, fragili; foliis mollibus, teneris facillè marcescentibus: *pinnulis* oblongis, altius incisus, raris.

*Locus.*

In muris antiquis è lapidibus extructis, inque rupibus & saxorum interstitiis in regionibus montosis, ut v. g. in *Pecco* Derbieni, *Westmorlandia* & Occidentali Provinciæ *Eboracensis* parte in quæns occurrit.

- A. 2. *Adiantum nigrum Officinæ J. B. nigrum vulgare Park. foliis longioribus pulverulentis, pediculo nigro C. B. Onopteris mas Ger. Common black Maiden-hair, & Oak-fern.*

Radix pro plantæ modo satis crassa, obliquè acta, plurimis fibris nigris terram firmiter apprehendit. *Cauliculi*, seu veriùs foliorum pediculi dodrantem interdum longi, firmiores quam præcedentis, nec adeò fragiles, læves, in nigro splendentes, quibus in æquali ortu adnectuntur *ramuli*, utrinque pinnati, pinnulis altius incisus, & in alias interdum subdivisis, unciali fere è principio latitudine, sensim in tenuem mucronem desinentibus, circum oras crenatis, altius quàm in *Ruta muraria*, lineolis pulverulentis averſa parte de Filicum more distinctis.

Folia huic plantæ firmiora & densiora sunt quàm præcedenti, adeòque *Rutæ murariæ* similiora, glabra & splendentia.

*Locus.*

In opacis ad radices arborum & fruticum, inque aggeribus umbrosis & muris antiquis passim provenit tum in Anglia, tum in exteris regionibus.

Dryopteris alba *Park.* alba *Dodonæi Ger. emac.* cum à præcedente solo foliorum & pediculorum colore dilutiore differat, distincta species censenda non est, cum hæc accidentia a tati aut loco naturali deberi verisimile sit.

*Adiantum nigrum* pulcherrimum *Lugdunensi* simile *Thal.* nos cum *C. Baubino* huic specie idem esse censemus.

Viribus cum reliquis hujus generis convenit.



- A. 3. *Adiantum album floridum seu Filicula petraea crispata. Small flowering Rock-Fern.*  
*An Adiantum album petraeum Rutae muraria accedens J. B? cujus descriptio superius posita est. An Ad. album crispum Schwenck? cujus etiam superius meminimus. An forte Ad. foliis minutim in oblongum scissis, pediculo viridi C. B?*

Radix ei firmiter in terram depacta plurimis fibris rufescentibus constat, gustui amara. Folia ex eadem radice multa, longis pediculis insident, palmaribus scilicet aut semipedalibus, satis firmis, glabris, virentibus, ipsa quoque obscurius virentia quam reliquarum hujus generis, ramosa & varie divisa, *Adiantum* albi folia magnitudine & divisura sua nonnihil referentia, majora utcumque atque profundius & argutius secta. Sunt autem duum generum, alia segmentis seu pinnulis latioribus constant, suntque tenuiter incisa & *Coriandri* seu *Petroselini* crispata folia quadantenus referunt; alia segmentis longis, angustis, ad margines undique reflexis & flores dictos *Osmunda* regalis referentibus. Sapor foliorum acris & calidus.

Rara hæc & perelegans planta in agro Westmorlandico propè *Orton* vicum & alibi, ad macerias & muros antiquos è lapidibus nulla calce commissis extractos, quibus eò loci agros determinant, copiose provenit. Invenimus etiam in arduis & excelsis montis *Snowdon* rupibus, in Cambria Septentrionali.

## CAP. IX.

- \* *Filix scandens exotica anomala. Filix scandens perpulchra Brasiliiana Breynii. Filicis an species Marggravio.*

*Breyn.*

**P**almam sanè inter Filices jure meritoque obtinet Brasiliiana hæc elegantissima, quæ vicinis fruticibus aliisque rebus advolvitur, & ab imis ad summa repit, sarmentorum ope rigidiusculorum, splendentium, è viridi spadiceorum, ex quibus per intervalla palmaria longiora, & noduli contrariis semper inter se brevissimis nascentes pediculis generantur, hirsuti, quorum singuli utrinque costam, ejusdem quo sarmenta coloris, proferunt, hirsutam, palmarem & sequipalmarem, foliolis viridantibus, elegantissimis, alterno positu alata, tandemque in longum desinentem. Quodlibet verò foliolorum aliquo modo *Convolutuli folio Alibae* foliis conveniens, parvo hirsutoque pediculo innititur, in tres plerumque divisum lacinias: utpote in duas breviores obtusas, denticulis quatuor, quinque, vel sex, longis radiatas, unamque longam, nonnunquam fescuncialem. (è medio brevium exorientem) denticulis utrinque instar *Pristis* rostri ab imo ultra medium, atque inde usque ad extremum cacumen crenis subtilissimis præditam. Denticuli dicti omnes angusti sunt, *Coryli* nucamentorum figurâ, in superiore latere squamulis crispis arcuissimè atque curiosè vestiti, subtilissimis ferruginei coloris, inter quas granula orbicularia \* *Selaginis primæ Thalii* magnitudine & figurâ occultantur.

\* Musci clavati cupressiformis.

HISTO-

# HISTORIÆ PLANTARUM LIBER QUARTUS.

QUI EST

De Herbis flore imperfecto, seu apetalò stamineove.



LOREM imperfectum voco quicumque foliis illis tenellis, fugacibus, coloratis caret quæ nos petala dicimus, adeoque solo calyce & staminibus componitur. Sub staminibus etiam stylum comprehendimus, quo paucissimi flores carent.

Notandum tamen calyces seu perianthia in nonnullis plantis, ut v. g. *Fegopyro*, *Potamogetone angustifolio*, & *Bisforta*, tum colore tum consistentia tenella florum petala proximâ similitudine referre. Distinguuntur quod non defluant aut marcescant antequam semina maturitatem consequantur; verum ipsis pro vasculis inserviant.

Librum hunc in tres Sectiones partiemur.

Prima erit de iis quorum fructus floribus contigui non sunt, sed vel totis plantis dirempti, in Sem distinctis: vel in eadem planta paululum remoti seu sejuncti, ut in *Ricino*, &c.

Secunda de herbis semine triquetro donatis.

Tertia de reliquis quæ semine sunt rotundo, aut paululum compresso, aliûve cujuscunque figuræ præter triquetrum.

## *Herbæ flore imperfecto, seu stamineo, petalis carente sunt vel fructu*

*A flore totâ plantâ dirempto*; quæ sexu distinctæ habentur, quia ab eodem semine ortæ aliæ florem absque fructu, aliæ fructum absque flore producant. Hæ aut sunt vel

{ *Scandentes*, fructibus squamosis, in racemos congestis, quorum usus est ad condiendam cerevisiam nè citò aceſcat: LUPULUS.

{ *Erectæ*, quæ vel sunt folio

{ *Composito digitato*, è cujus corticibus linteamina fiunt; CANNABIS.

{ *Simplici*; seminibus

{ *Solitariis*; plantâ totâ

{ *Spinulis urentibus obsidâ*; foliis in caule binis ex adverso sitis: URTICA.

{ *Glabrâ & immoxia*, foliis singulatim alterno ordine positis, seminibus in nonnullis plantis muricatis: SPINACHIA.

{ *Binis coherentibus*, testiculorum ferè in modum, vasculis inclusis, foliis in caulis adversis; radice

{ *Perenni reptante*: CYNOCRAMBE.

{ *Annua*, foliis

{ *Glabris*: MERCURIALIS.

{ *Hirsutis*: PHYLLON.

*In eadem planta à flore aliquantulum remoto*, fructu echinato aut aspero.

{ *Monospermo*, foliis laciniatis Absynthii: AMBROSIA.

{ *Bina intus semina claudente*, foliis subrotundis Bardanæ: *Xanthium Arctium*, *Bardana minor*.

{ *Tricocco, verrucoso*,

{ *Elatior & arboreſcens*, foliis laciniatis, fructu Ricini animalculo simili: *Ricinus*, *Palmæ Christi*.

{ *Pumila*, foliis & facie Heliotropii: HELIOTROPIUM TRICOCCON.

*Flori contiguo seu cohærente*, Hæ vel sunt semine

*Triquetra*,



*Triquetro, eoque vel*

*Lucido seu splendente ac si politum esset; lateribus atque etiam angulis*

*Aequalibus, floribus seu florum calycibus*

*Hexaphyllis, quorum tria conniventia semen, seu vasculum quoddam, amplectuntur & occultant, interdum etiam arcte adherentia; foliis mollibus aut lavibus, radice lutea aut rubente: LAPATHUM. Hujus species illa quæ acido est sapore OXALIS seu Acetosa dicitur; quæ radice purgatrice, RHABBARUM.*

*Pentaphyllis, floribus in summis caulibus & ramulis, in spicas congestis, radice intorta astringente: BISTORTA.*

*Inæqualibus, angulo duobus minoribus lateribus comprehenso valde obtuso, reliquis duobus majori lateri adjacentibus non minus acutis, foliis Persicæ, flosculis quadrifoliis, in spicas congestis; PERSICARIA, quæ vel Acris folio emaculato; Hydropiper; vel Mitis folio maculoso;*

*Sordidiore & non splendente*

*Major & elatior, floribus hexaphyllis, foliis amplis, liratis striatis facultate sternutatoria & emetica vehementi: HELLEBORUS ALBUS.*

*Minores, floribus pentaphyllis*

*In spicis & foliorum alis egressis, foliis triangulis*

*Erecta, floribus speciosis, semine esculento: FEGOPYRUM, Erysimum Circalè.*

*Scandens, floribus minoribus, fructu non esculento, CONVULVULUS NIGER.*

*In foliorum sinibus, cauliculis crebris geniculis interceptis, foliis parvis angustis: POLYGONUM.*

*Rotundo aut paululum compresso, aliisque cujuscunque figuræ præter triquetrum. Hæ vel sunt flore florifve calyce*

*Sedi seu basi seminis fructusque coherent, semine vel*

*Nudo, nullo scilicet præter calycem vasculo seu tegmine clauso vel excepto;*

*Tetrasperma, aquaticæ, flosculis in spicas dispositis: POTAMOGETON.*

*Monosperma, calyce interdum arcte connivente & semen amplectente, interdum aperto, semen visui exponente: BLITUM SYLVESTRIS; cujus species illa quæ folio est queruum æmulante odorata BOTRYS dicitur, quæ in maritimis oritur foliis Vermiculata KALMINUS ALBUM; reliquæ præterque Atriplicum nomine censentur.*

*Flosculo à perianthio distincto incluso, herba in parietinis & rudibus nascente: PARIETARIA.*

*Vasculo à flore distincto protecto, eoque vel*

*Bivalvi, è duabus laminis seu valvulis conniventibus tantum, non coherentibus composito; ATRIPLEX.*

*Subrotundo, membranaceo, undique clauso, quod per maturitatem horizontaliter rumpitur, foliis ad margines æqualibus, oblongis; seminibus in singulis vasculis.*

*Singulis, spicis minus pulchris: BLITUM SATIVUM.*

*Pluribus, spicis sericeis, colorisque gratiam diu retinentibus ficcatis: AMARANTUS HOLOSERICUS.*

*Cordato, flore flavo, foliis crenatis subrotundis, in aquosis nascens: SAXIFRAGA AUREA.*

*Summo semini aut fructui innascente, eique vel*

*Vasculo incluso*

*Verrucoso, osseo, in spicis prælongis angustis, folio lato, glabro, radice esculenta: BETA.*

*Molliore & membranaceo, nullis verruculis scabro,*

*In terna loculamenta diviso, foliis rotundis crassis, duris Hederæ, facultate cathartica valida: ASARUM.*

*Simplici, nec diviso in cellulas, striato, flosculis & seminibus*

*In summis caulibus & ramulis, foliis subrotundis, eleganter crenatis: ALCHIMILLA.*

*Ad latera caulium è foliorum alis exeuntibus: PERCEPIERRE.*

*Nudo, foliis angustis Caryophylli aut Graminis: KNAWEEL.*

Præter herbas hac Tabulâ comprehensas alias adhuc aliquammultas flore imperfecto seu apetalæ huic Sectioni addimus, quarum quoniam flores & semina, eorumque situs, figura aliæque accidentia nobis nondum probè observata & perspecta sunt locum iis suum & proprium in Tabula assignare non potuimus.

Ex sunt Kali geniculatum cujus ramulorum compages constat ex frequentibus squamulis pulposis, sub quibus instar Lentis semina concipiuntur, quæ decidunt arefcentibus squamulis in hyeme, ut observavit Cæsalpinus.

Kali semine cochleato spinosum & non spinosum, quod genere differt à Kali geniculato.

Sedum fruticosum seu Vermicularis frutex, qui quibusdam species Kali habetur.

Scoparia seu Belvedere Italicorum.

Campho-

Camphorata & Camphoratae congener.

Herbæ nonnullæ minimæ Polygoni & Anthyllidis nominibus Botanicis insignitæ, quarum flores & semina adeo exigua sunt, ut eorum partes & figuræ, reliquæque proprietates & accidentia nudo oculo vix discernenda sunt.

N. Præter herbas hæc Tabulâ comprehensas dantur etiam aliæ in aliis generibus sexu differentes, ut Sesamoides parvum *Clus.* aliæ quoque quarum fructus à floribus remoti sunt, ut v. g. Frumentum Indicum *Maiz* dictum, Lachryma Jobi, Sparganium, &c.

N. Plantæ semine triquetro aliter & fortasse commodius distinguí possunt florum respectu in quas sunt floribus

{ Hexaphyllis ut Helleborus albus & Lapathum.

Pentaphyllis,

{ Speciosis, spicatum dispositis

{ In summis caulibus: BISTORTA.

{ In spicis è foliorum alis egressis: FEGOPYRUM.

{ Minus pulchris, ut in Convolvulo nigro & Polygono.

Tetraphyllis, in Perficaria.

## SECTIO PRIMA.

*De Herbis quarum fructus floribus contigui non sunt.*

## PARS PRIMA.

*De Herbis quarum fructus à floribus totis plantis distant, seu de Sexu distinctis.*

**P**LANTÆ hac Sectione comprehensæ, si sexu revera non differant, prout nos opinamur, umbram saltem aut similitudinem quandam sexus obtinent, cum in eadem specie nonnullæ naturæ steriles sint, & seminis infœcundæ; aliæ fertiles & semine prægnantes. Has nonnulli mares vocant, illas fœminas: alii rectius illas mares faciunt, has fœminas. Semina enim plantarum Animalium ovis respondent, quæ fœminæ pariunt, non mares. C. *Basilis* quas nos sexu tantum diversas statuimus, specie distinctas facit: minus recte; cum ex ejusdem plantæ semine utraq; oriantur: æquo enim jure Virum & Fœminam species hominis distinctas facere potuisset.

### CAPUT PRIMUM.

#### A. De Lupulo Salictario.

**L**upulum à Plinio l. 21. c. 15. Lupum salictarium nominatum volunt. Lupulus cur dictus sit me latet, Salictarius autem dicitur quia subit scanditque Salices & arbusta omnia circumvolvendo: A salicibus autem potius quam ab aliis arboribus denominationem sumpsisse nobis videtur, quia locis humentibus & ad fluviorum ripas, ubi & Salices, nasci amat. Lobelius Salictarium dictum existimat, quia fulcra quæ scandit ut plurimum Saligna sunt. Mesue *Lupulus* folio aspero dicitur. Cæterum notæ Lupuli characteristica quibus à reliquis hujus generis distinguitur sunt, Caules volubiles: Fructus squamosi in racemis laxis; quibus incoctis efficitur ut Cerevisia atatem ferat incorrupta, nec citò in vappam aut acetum degeneret.

*Lupulus mas & femina* J. B. I, seu mas & II, seu femina C. B. 1. sive sativus & 2. sive vestris Park. nec enim aliter differunt quam magnitudine & exilitate aliisque accidentibus à cultura ortis. *Lupus salictarius* Ger. Hops, the Male and Female.

J. B.

Anadendras Lupulus, per se infirmus, facile redicis & proxima adminicula, quæ apprehendit, conscendit; non ille quidem capreolorum, quos nullos habet, ope, sed tortilibus asperis, angulosis, purpurascens & concavis sarmentis, tenaci pedamentorum complexu, in altum subnitens, cæteroqui humo se tollere vix potis. Folia è geniculis bina adversa, pediculis palmaribus, asperis & interdum rubentibus adnexa, modò Mori folia imitata, integra in mucronem abeunt, plerumque trifariam



trifariam aut quinquefariam divisa, totidem mucrones ostentantia, tum hic, tum illic per ambitum ferrata. Flores in mare dicto è foliorum alis racemosi, cannabacei, colore herbido palleſcentes, sex foliolis & totidem ſtaminibus componuntur, nullo ſequentē fructu evaneſcentes. Fructus in ſemina ſtrobilorum inſtar, ſquamis compaſtiles, verum membranaceis & laxis, colore pallido ſeu ex viridi luteo, ſemen continent ruſſum, amarum.

In ſepibus paſſim abundat, & ad dumeta & margines pratorum humentium luxuriat. Lupuli tam in Anglia, quam in Germania Victum inſtar, in lupuletis ſeruntur & coluntur, magnā curā, nec minore impenſā, depaſtis prælongis perticis, quas ſarmenta conſcendunt atque etiam ſuperant. Solo gaudent humidiorē, latiorē & pinguiorē, benè ſtercorato. Tota planta culta latior multò evadit, ſorum thyriſis foliaceis & ſquamofis grandioribus, ſemine etiam paulò majore. Vindemiæ tempore uvæ decerpuntur, in furno ad id præparato exiccantur, in ſaccos deinde congeruntur & venum exponuntur. *Hæc partim ex Adverſar. Lobelii, partim ex noſtra obſervatione.*

Harum uſus notiſſimus eſt toti orbi, ad condiendam nimirum Cereviſiam nè citò aceſcat aut corrumpatur, ſed inlongum tempus aſſervetur: quod præſtant mediante inſignī amarore quem ei communīcant, quid tamen ætate paulatim evaneſcit, Cereviſia interim vinoſum ſaporem veniſtate contrahente. Quinimo Lupulus incoctus Cereviſiam ſalubriorem reddere exiſtimatur & ſapidiorē; diureticam quoque & emmenagogam vim eidem communicare, ſanguinem purgare, iſtero & hypochondriacis affectibus utiliſſe. An verò calculo renum & veſicæ atterendo & expellendo conducatur, an è contra ad ejus generationem & coagulationem faciat, à nonnullis ambigitur. Qui adverſus calculum eum commendat eo argumento nituntur; quòd calidus ſit & diureticus.

Qui uſum ejus in calculo damnant, ſententiam ſuam valido ſanè tibicine experiētiā ſuffulciunt, quā teſte Cereviſiæ lupulata (quam nos *Bieram* vocamus) uſu calculoſorum paroxyſmi exacerbantur; qui è contra Alæ (ſic dicimus Cereviſiam cui Lupulus non fuerit incoctus) potu leniuntur & mitigantur: præterea ex quo Lupuli in Cereviſia uſus in Angliam introductus ſit, calculum apud nos epidemicum factum eſſe, multòque plures quàm olim inſeſtaſſe clamitant. Nos iis potiùs aſſentimur, qui uſum ejus in Cereviſia probant & commendant. Salubrior enim inde nobis videtur, & ventriculo gravior, & cibo concoquendo utilior. Nec obſtat quòd Cereviſiæ lupulata potus calculoſis à medicis interdicitur, Alæ præſcribatur: illud enim ſit ad leniendos paroxyſmos; cui uſui Alæ ob lenitatem & lubricitatem ſeu lavorem ſuum conducit, non ad morbum eradicandum, ejùſve cauſam tollendam; cùm Alæ ob lentorem & viſciditatem ſuam, utque Tartari aut ſæcum copiam quam deponit, calculo generando potiùs & coagulando quàm diſſolvendo & comminuendo apta nata videatur. Falluntur autem qui calculum epidemicum factum, ex quo Lupuli in cereviſiā uſus introductus ſit, exiſtimant. Nam quamvis Lupulus frequentioris hodie uſus ſit in urbe Londino quàm unquam antehac fuerit, pauciores tamen inibi nunc dierum quàm ſuperiore ſæculo calculo laborant, ut ex accuratis *D. Graunt* Obſervationibus patet. Quod ad calculum attinet, putamus liquores illos qui Tartarum copioſum continent & præcipitant, generationem ejus in corpore humano promovere; unde & aquæ potores à morbo illo immunes futuros arbitramur; qui autem vino indulgent, & merum aſſiduè bibunt, perſæpe calculo aut podagrâ vexantur: quorum morborum eadem cauſa, eadem materia eſſe videtur, ideòque non rarò in ſe mutuò tranſmutantur. Obſervatum quoque eſt, longè plures in Gallia, ubi vinum quotidianus potus eſt, calculoſos fieri, quàm in Anglia ubi Cereviſiā pro potu ordinario utimur. Vinum autem Gallicum copioſum Tartarum præcipitare notiſſimum eſt. Verum enimvero cùm ingenioſiſſimus Vir *D. Fredericus Stare* receptam illam opinionem, quòd ſcilicet Tartarum calculi materia ſit, experiētiā planè refutavit, quamvis verum ſit meri bibulos calculo obnoxios eſſe, & vinum etiam Tartaro abundare, non tamen idcirco calculum generat, quòd Tartarum copioſum deponat, ſed ob aliam aliquam nondum exploratam rationem. Deinde ad calculum præcavendum conducere opinamur, ut renes & ureteres copioſo ſero ſeu urinā ſubinde inundentur & proluantur, ita enim & meatus omnes urinarii dilatantur, & arenulæ unà eluuntur. Hinc qui ſe pluſculum invitant, & ſtrenuè bibunt rariſſimè calculo inſeſtantur: Diuretica quoque ſi effectum ſuum ſortiantur, & urinam copioſam cieant, calculi materiam in renibus reſidem auferunt, ejùſque concrecioni anteverunt.

Turiones Lupuli velut & Aſparagi vulgaris verno tempore coquantur, cùmque butyro aut oleo communi, aceti tantillo & ſale menſis adhibentur. Eorum eſu ſanguis purgatur, ſcabies præcavetur, alvus ſolvitur, epar & lien obſtructionibus liberantur.

R. Salis nigri, Lupulorum recentium ana manipulos duos, Uvarum Corinthiacarum cœrul. lb. 4. Probè contuſa, mixta, & in maſſam fragilem redacta carpiſ applicentur pro epithemate ad Febrem quotidianam fugandam. *D. Boyl. de Utilit. Philoſoph. nat.*

Lupulus ſcandendo perticas motum Solis obſervat, h. e. à dextra ad ſiniſtram, ſeu ab Oriente per Meridiem verſus Occidentem ſeſtitur, nunquam in contrariam partem, licet ipſe manu volvendo & dirigendo ut eò tendat afficere coneris. Idem & aliis omnibus Convolvulis ab hac parte Æquatoris naſcentibus commune eſſe aliquando exiſtimavimus. Nunc tamen experiētiā contrarium edocti ſumus, alii enim à dextra ſiniſtram verſus ſeſtuntur cum Lupulo, ut v. g. *Brionia nigra*, *Convolvulus niger*, & *Periclymenum*; alii à ſiniſtra verſus dextram, ut *Phaſcolus*, *Cuſcuta*, *Convolvulus major* & *minor*; alii nunc in hanc, nunc in illam partem, ut *Dulcamara*. Sunt ergo qui Solem ſequuntur; ſunt etiam qui refugunt; ſunt denique qui ambiunt.

Idem & Cochleis terreſtribus accidere, ut id obiter notemus, obſervavit ingenioſiſſimus Vir & ſingularis Amicus noſter *D. Martinus Liſter*; quarum quamvis maxima pars à ſiniſtra dextram verſus circumactis orbibus intorqueatur, nonnullæ tamen (minores hæ ſunt & acutiori vertice) ſpiris in lavam tendentibus ſaſtigantur.

Cæterum non omittenda ſunt quæ Cluſius habet de Lupuli radicū apud Salmanticenſes uſu.

Vulgus (inquit) & Vetulæ Salmanticenſes medicinam empiricam facitare ſolent ad curandam alopeciam à Venerea lue natam hac ratione lupulo utebantur. Ejus radices pondere libræ unitis probè lotas & à ſordibus repurgatas per noctem in aquæ libris octo macerabant: poſtridie in illa

ipsa aqua lento igne & fumi experte ad tertiæ partis consumptionem coquebant, vel etiam ad mediam partem, si vehemens esset Alopecia. Decoctionem servabant in usum. Ejus 3viii. manē agris jejunis propinabant, deinde stragulis injectis sudorem provocabant. Addebant interdum Apii five Selini hort. duas aut tres uncias, & graminis aliquot radices, & nonnunquam etiam passas uvas à gigartis mundatas.

## CAP. II.

## De Cannabe.

**C**annabis nonnullis à *Canna* nomen habere putatur [est autem *Canna*, ut *Calamo* major, ut *Arundine* minor] Cannabis enim propter Cannam seu Culmum præcipue expetitur. Sunt autem Græcis *Kdyssos* fonticuli spurcæque scaturigines, quibus locis cum Cannabis sponte & sata luxuriat, videtur Lobelio id nominis indepta. Cannabis notæ characteristice sunt Folia digitata; corticum filamenta valida & tenacia, ad funes & linreamina texenda idonea.

A. 1. Cannabis sativa C. B. mas & femina J. B. sativa mas & femina Park. 1. seu mas & 2. seu femina Ger. emac. Hemp the male and female, or Winter and Summer Hemp.

*Radix* ei simplex, alba, lignosa, fibris aliquot donata: *caulis* quadratus, hirsutus & ad tactum asper, intus concavus, singularis, homine altior, licet (inquit J. Bauhinus) femina mari altitudine cedat, cortice in fila ductili.

*Folia* contrariis inter se pediculis bina, in quatuor, quinque, aut plura segmenta ad pediculum usque dividuntur, venosa, atro-virentia, aspera, serrata, odore caput tentante. *Flores* in mare sive sterili ex alis foliorum exeunt in quatuor furculis seu racemulis se decussantibus, Crucis S. Andree dictæ in modum, ut in *Urtica*; quinque foliolis compositi, exterius purpurantibus, albertibus interiorius, cum totidem in medio apicibus subluteis. Femina seu fertilis nullo præeunte flore semen copiosum fert, secundum caules confertum, majusculum, subrotundum, nonnihil compressum, glabrum.

Locus.

Locum natalem ubi sponte sua oritur nondum novimus; verum in omnibus ferè regionibus in agris seritur. Amat solum pingue, stercoratumque & riguum, ut rectè Columella. Commodum solum nacta adeo luxuriat, ut herbas omnes, tam noxias quam utiles, suffocet, nec enasci, nedum adolescere permittat, adeo terram totam occupat & inumbrat.

• Vires & Usus.

Semen Cannabis lacte decoctum tussi opitulari dicitur. Sunt qui eo frixo cum aliis tragematis utuntur. Tragemata autem voco ea quibus post cenam voluptatis inter bibendum excitanda gratia utuntur. *Galen.* apud J. B. In Francia Orientali, referente Trago, aliisque nonnullis regionibus semen Cannabis quotidie inter ceteros cibos decoquitur, non aliter quam Hordeum: ac caput vaporibus replet & immodicè si estur delirium facit, ut *Coriandrum*. *Sethi.* Quin & F. de le Boe Sylvius à solo Cannabis femine in lacte bubulo pingui ad crepaturam circiter cocto & cocto, atque bis terve in die ad 3v. aut vi. sumpto plures curavit ictericos. *Sylvius de le Boe prax. lib. 1.*

Emulsio seminis Ictero prodesse dicitur, siquando ex sola obstructione & citra febrem exoritur. *Lugd.*

Herbæ succus necnon seminis, è viridi expressus instillatus aurium dolores ab obstructione nato sanare traditur: est insuper hic succus certa pernicies insectis interaneis & vulnorum putridorum alumnis. Hinc (ut tradit Matthiolus) Cannabis recentis decoctum, expressa validè herbâ, terrestrium lumbricorum cavernulis inspersum statim eos evocat, eodem modo quo foliorum *Perficæ* aut *Juglandium* putaminum succamentum decoctumve.

Semen insuper Gallinas ovorum feraciores reddere experientiâ sese comperisse scribit idem Matthiolus, adeo ut Cannabis femine pasta, etiam hyeme saviente, quo tempore alias rarius parere solent, ova frequentius multo ponant: Verum easdem (ut scribit Lobelius) ob alimenti copiam quam suggerit, postea steriles & quasi pinguedinis mole obrutas reddit. Aviculis etiam cibus est ac tantum saginæ adfert (eodem referente) ut aut enecet, aut cantillandi adimat alacritatem aut facultatem, ut *Carduelibus*, *Rubicillis*, *Linotis*, &c. Nos quidem comperimus Aviculas canoras non alio femine libentius vesci quam Cannabis, nec si modicè præbeatur, & aliis feminibus, Rapæ v. g. aut Napi permistum, ullum eis damnum aut nocumentum inferre observavimus.

Quod semen hujus plantæ genituram extinguat, inter Botanicos convenit. Verum experientia melior magistra concordibus eorum suffragiis refragatur. Persæ enim nunt dierum ad Venerem stimulam semen Cannabis frixum & cum Sale commixtum in secundis mensis esitant: quin & herbæ nondum plenè maturæ folia, in umbra siccata, & in pulverem redaça, deinde in pilulas ori Columbini magnitudinis formata, ad eundem usum vorare solent, ut refert *Olearius* in *Itinerrario*. Chirurgus Ducis Lotharingæ laudabat unicè D. Heubergero secretum suum ad ambusta plurimorum salute expertum, oleum expressum ex semine Cannabis in quo Cera aliquid dissolutum sit, applicetur: Sedar dolorem & calorem extrahit. Succus ex eo recente expressus aurium doloribus adhibetur apud Dioscoridem. D. Turquetus [i. e. D. Theodorus Mayerne] apud Petrum Affelineum referebat, Elizabetham Angliæ Reginam doctam illam & mirâ regendi prudentiâ Sexus impotentiam supergressam, contractas Variolarum supputatione maculas in seipsa delevisse emulsione lactea ex semine Cannabino, separatis corticibus, cum aquâ Rosarum paratâ, & cum Gossipio admotâ. Ex observationibus Henr. Reusneri ab Hieron. Velschio editis. *Obf. 88. & 183.* excerptis & ad nos transmissis D. Barn. Soame.

Cunctis



Cum omnis populis (Lobelio teste) penuriam Lanae, Lini, Xylisque refarcit Cannabis, ad vestium Stragula, Vela, Papyrus, quamlibet denique suppellectilem. Mas robustior [hæc nobis femina dicitur quia prolifica] rudentibus & capistris torquendis nata habetur, mulierculis adagio jocantibus dicentibusque esse *Feminam potiore mari*.

Lacunis & scrobibus aqua plenis immerguntur utriusque sexus falces & manipuli, ubi macerantur eluunturque multum & diu: deinde siccantur in Sole ut tundantur, ac demum cortices staminei tundendo idonei fiunt ut pectine separentur à crassioribus quisquiliis & fungosâ caulium substantiâ, ut Lino fit, ad filum & telas. Sed lacustris aqua cui intabuerit tantopere viru nocet, ut epota præsentissimo sit siccantibus exitio, cuique antidotis præstantissimis & tempestivè etiam datis occurrere vix possit. Hinc legibus Angliæ sub gravi multa cautum est, nè Cannabis aut Linum in flumine aliquo aut aqua corrente, neve in fonte, stagno, aliòve conceptaculo aquarum publico aut communi, ubi pecudum greges & armenta solent adaquari, maceretur.

Galenus Cannabem Urticæ similem facit non solum figurâ sed & facultatibus; Et revera Urticæ cum Cannabe in multis convenit, nimirum flosculis stamineis, sexus differentiâ, flosculorum & seminum racemulis ad nodos cruciatim dispositis, caulium denique corticibus & nervis ad lintamina efficienda idoneis.

\* 2. *Bangue Park. Bangue Cannabi simile J. B. Cannabi similis exotica C. B.*

Simile ferè est (describente Acoſta) Cannabi: *caulem* habet quinque palmorum altitudine, quadrangulum, colore dilutius virenti, fractu contumacem, nec adedò concavum ut Cannabinus caulis, cujus cortex non minùs quàm illius in fila diduci potest [at Garcias stolones lignosos, nullo ferè cortice vestitos ei attribuit] *Folia* Cannabina, supernè virentia, infernè lanugine pubescentia, gustu terrestri & insipido.

Indi (inquit Acoſta) semine & foliis vescuntur, cum ut validiores in re Venerea sint, tum ad excitandam cibi appetentiam. Magnates & militia præfecti ut laborum obliti securius & liberius dormiant, seminis & foliorum in pulverem redactorum quantum videtur sumunt, illique addunt Arecam sive Avellanum Indicam viridem, & Opii nonnihil pro arbitrio, omniaque saccharo excepta devorant. Si verò in somno varias rerum species sibi observari cupiunt, addunt selectissimam Camphoram, Caryophyllos, Nucem Moschatam & Maim: si verò hilares esse volunt & faceti, & præferunt in Venerem procliviores, Ambaro & Moscho additis, saccharo excipiunt, & electuarium faciunt. Multi autem affirmant, hujus semen & folia ad libidinem ciendam multè esse efficacia. Unde (inquit J. Bauhinus) colligere licet, nihil affinitatis habere cum Cannabi, licet illi admodum similis sit: quandoquidem, autore Dioscoride, Cannabis calida & sicca sit, & genituram extinguat.

Quæ de Bangue feruntur nos dubios reddunt annon Olearius, cum Cannabin apud Orientales in usu esse scribit ad Venerem excitandam, per errorem *Bangue* dictam plantam pro Cannabe habuerit, & è contra annon *Bangue Orientalium* sit ipsissima Cannabis Europæa: sin verò plantæ distinctæ sint, annon utraque pariter Venerea sit.

Ex quo hæc scripsi, Bangue à Cannabe plantam specie distinctam esse ab eruditissimo Viro & rei Herbariæ peritissimo D. Hansf. Sloane certior factus sum.

### C A P. III.

#### De Urtica.

**U**rticam ab urendo dictam esse consentiunt Grammatici, quòd ignea sit natura, unde admota cuti vel levitantum tactu, pruritus ac pustulas excitat, quomodo hoc præstat paulo post ostendemus. *Ἀγρίων* vel *Ἀγρίων* Græcis dicitur, *ἄγριον τὸ πρὸς τὴν ἄγαν ἀπὸ τοῦ*, quod injucundo sit tactu, & pruritus cieat. *Athenæus*. Dicitur & *ῥιζὴν* quòd lanugine noxiâ vellicet, pungat, & suo morſu sensum laceſcat, à verbo *ῥιζέω*, quod pungere & vellicare significat.

Urticæ quatuor tantum species novimus, duas racemiferas, duas piluliferas, Racemiferas voco quæ flores suos & semina in quibusdam velut racemulis è foliorum alis egressis gestant; Piluliferas quæ eadem in pilulas seu globulos congesta, eodem tamen situ, proferunt: illarum semina minora sunt; harum majora, splendentia, & Lini seminum amula. Racemiferae sunt

1. Urtica vulgaris major *J. B.*

2. Urtica minor annua *ejusdem*.

Piluliferae,

3. Urtica Romana *Ger.*

4. Urtica Romana altera Parietariae foliis *Hort. Paris.*

Præter has, alias exoticas, & nobis nondum cognitâs, ex Histor. Marggravii & Horto Malabarico proponemus.

\* 1. *Urtica Brasiliensis*, Pinò indigenis dicta Marggr. *An Batti Schorigeriam Hort. Malab.?*

*Marggr.*

Ex radice parva, filamentosa, in octo aut novem pedum altitudinem assurgit, caule striato, aliquantulum piloso & crasso. Folia habet hinc inde polita, solitaria, vel juxta se invicem, quorum quodlibet innititur pediculo sesquipodem longo, aut etiam longiori, ex albo paulum rufescenti. Folia autem Urticæ nostrati similia, magna, in ambu dentata, triangularibus dentibus, & raris pilis

pilis prædita. Fert superius racematim plures *flosculos* planè parvulos, candidi coloris, longo pediculo insidentes, tenui è foliorum sinubus egresso.

Hæc species eadem videtur *Batti Schorigenam* seu *Urticæ Malabaricæ* speciei secundæ *Horti Malab.* illâ tamen procerior, utpote quæ altitudine est trium tantum pedum.

Adde Floribus delapsis in capitulis succedere gemmulas virides seminales, è quibus semina ferme in totum cum matura sunt emicant, albicantia, parva, ac magis minuta quam aliarum specierum femina, rotundiola & plana, coloris albicantis & subflavi.

Plenam descriptionem videbis in Horto Malabarico.

• 2. *Urtica frutescens Malabarica Schorigenam dicta.* Hort. Malab.

*Hort. Mal.*

E radice parva, tenui, dura & albicante, plures longas capillares fibras tam subtus, quam à latere diffundente *caulis* exit tripedalis, tenuis, teres, tenui viridique claro cortice amictus, pilis seu spinulis urentibus oblitus (uti sunt & folia ex utraque parte & fructus) *foliis* vestitus alternatim positus, cæterarum specierum minoribus, basi subrotunda, anteriora versus in cuspidem contractis, ad margines serratis exceptâ parte pediculo proximâ, subtus ex viridi albicantibus, tribus nervis insignioribus donatis, quorum medius nervulos minores arcuatos hinc inde emittit; laterales nervulos spargunt in apices dentium desinentes. *Flores* in spicis è foliorum tam superiorum quam inferiorum sinubus egressis, pediolis parvis, tenellis valde pilosis, nihil aliud sunt quam congeries gemmularum parvarum, quæ coloris ex viridi diluto flavescentis sunt.

Floribus deciduis succedunt *capitula* trilatera ac valde pilosa, ex tribus globulis junctis constantia, ac sex surrectis, oblongo-angustis, viridibus foliis, quæ densis transversis cuspidibus minutis obfita sunt, comprehensa; suntque coloris primum viridis, deinde subflavi & nonnihil rubescentis. In quolibet capituli globulo continetur *semen* unum, rotundum ac nonnihil oblongum, quam reliquarum specierum majus, cum umbilico bifido seu in duo labra sulcato, colore per maturitatem nigricante & in umbilico rubro-fusci.

• 3. *Urtica Malabarica tertia, Ana-Schorigenam dicta.* Hort. Malab.

*Hort. Mal.*

*Radix* quam præcedentibus tenerior & albicans. *Caulis* crassior, minus durus, humanâ altitudine, superiora versus profundè striatus, imâ parte obscurè rubens, maculis albicantibus rarioribus aspersus, superius maculis albicantibus viridi, dilutis, tanquam cutis serpentis *Cobra capella* dicti, varius. *Folia* in pediculis longis, crassis, succulentis grandiora cæteris, basi lata ac rectiore minùsve rotunda, cuspidibus crassioribus circumcirca incisa; è costis seu nervis crassioribus, ex viridi albicantibus, ternis, pluribus obliquis seu transversis nervulis in cuspides excurrentibus. *Flores* in petioli longioribus racematim compacti, è gemmis ex viridi albicantibus parvis, rotundis, expliciti, in quatuor petala è viridi albicantia, angusta, anteriùs in nodulos crispata ac convoluta, dividuntur. Floribus delapsis proveniunt *semina* nullis inclusa capsulis, spicatim ad unam partem petioli ejusque ramulis viridibus adherentia, suntque petioli cum ramulis in altera parte rigidis albicantibusque spinulis adeò dense obfiti ac tam arctè convoluti, ut semina occultent, nec visui offerant nisi ex convolutione in rectum explicentur. *Semina* plana, rotunda, subflava aut subrufa, in medio crassiora.

A. 4. *Urtica major vulgaris J. B. major vulgaris & media sylvestris Park. Urens prima & secunda sive urens maxima & altera urens C. B. Common stinging Nettle.*

*Radicibus* luteis sub terra reptat & latè se propagat. *Caules* surrigit bicubitales, interdum etiam altiores, quadratos, rigidos, striatos, uridâ lanugine hirsutos, concavos, ramosos, *foliis* vestitos per intervalla ex adverso binis, pediculis oblongis insidentibus, à lata basi in acutum mucronem latissimè angustatis, majusculis & profundioribus denticulis per margines serratis, spinulis minacibus horridis. Versus summitates caulium & ramorum ad singula foliorum paria quatuor exeunt *racemuli* in formam crucis dispositi, flosculis vel seminibus onusti; nimirum ad latera ramuli è sinu uniuscujusque folii exeuntis hinc inde unus, appositâ ligulâ ad racemuli pediculum utrinque. *Flores* herbacei, quadrifolii, perexigui, stamina quatuor apicibus donata continent. *Vascula seminalia* velut triquetra, duabus lamellis conniventibus composita, singula semina occultant, exigua, sublonga, ruffa. Ex *Urticis* autem aliæ mares sunt, aliæ feminae, aliæ nempe flosculos duntaxat inutiles proferunt, aliæ semen. Mordacibus Spinulis, quibus tum caulium tum folia obfita sunt, *Urtica* ab aliis plantarum generibus abundè distinguitur. Spinulæ autem omnes (ut observavit clariss. *Hookius*) concavæ sunt & fistulosæ, mucronibus acutis, tactu levi cutem perforantes, & folliculis quibusdam liquore venenoso repletis innascuntur, singulæ singulis, qui spinularum tactu compressi per earundem cava syringarum modo liquorem suum in carnem transfundunt, qui pruriginem illam molestam & pustulas excitat.

Æstate floret. Superficies quotannis hyeme marcescit, radice restibili.

Ad sepes in locis ruderatis nimis frequens.

*Vir.*

*Urtica* omnis diuretica est & lithontripica, peculiaritèrque *Cicutæ* adversari dicitur, ut & *Hyoscyamo*. In olera sumpta solvit alvum, abstergit renes, calculos expellit, expectorationem morbillorumque eruptionem promovet. *Matronæ* nostrates novella urticarum germina, & folia primulum erumpentia verno tempore jusculis incoquere solent ad sanguinem depurandum. Succus herbæ aut syriacus ex eâ confectus in hamoptysi efficacissimus est. R. succ. *Urticæ* ʒiv. ʒ aut 6 diebus continuè manè bibatur jejuno ventriculo, & ipsa urtica jusculis incoquatur. Ægri de sita à medicis hoc reme-



remedio convaluerunt. *Amatus*. Communicaverunt D. Needham & D. Hulfe, Aq. still. sp. vini q. s. ad largam aciditatem mirifice restringit hæmoptysin.

Hæmorrhagiam narium sibi frequentissimam certo experimento sistere solebant Hier. Rehlinger Duumvir & Udalricus Jungius radice Urticæ rubræ albâ, lignosâ & tereti naribus inditâ, & attractâ aquâ. D. Soame è Cumani Observ. à Velschio editis.

Extrinsecus putridis, gangrænosus ac malignis ulceribus auxiliatur, duritias ac tumores discutit; reprimat uvulam inflamatam (gargarizat.) sedat hæmorrhagiam narium (Urtica minor scilicet contusa, aut succus ejus naribus inditus) Schrod.

Semen Urticæ [Romanæ præcipue] Usus crebri est in pulmonum affectibus, asthmate, tussi contumace, pleuritide, peripneumonia. Conserva quæ fit ex racemulis florum & seminum in calculo rerum inque thoracis affectibus & sputo sanguineo medicamentum est præstantissimum. Semen Urticæ urinam & menses ciere, & Venerem extimulare inter Medicos convenit; unde à meretricibus amafus suis propinari solet. Radix Urticæ majoris commendatur maximopere ad icterum: Eadem vino & melle decocta non vulgare medicamentum est adversus frigidas tussis & orthopnoeas.

Æstum, pustulas ac pruriginem ab Urticis excitatas sedat & extinguit oleum olivarum, oleum rosarum, Nicotianæ succus illitus, aut etiam folium viride applicatum: ipsius denique Urticæ succus expressus, referente Parkinsone.

Quin & eruditissimus Vir, Amicus noster summus, D. Tancredus Robinsonus è Riverii Centur. observ. p. 640. Centur. IV. Obs. 81. aliisque Medicinæ practicæ scriptoribus suggestit nobis exempla immodici hæmorrhoidum fluxus cum omnia frustra exhibita fuissent ægro admodum debilitato, tandem curati à solo usu succi Urticæ, levi ebullitione depurati, & dati ad ʒij. cum pauco Saccharo.

Populares mei certo experimento Cerevisiæ recentis intemperatam fermentationem inhibent, & à tonitru defendunt collocando in dolis Urticam urentem maximam & frusta Chalybis, S. Pauli Syadr. Bot. cl. 4. pag. 536, 537.

#### A. 5. Urtica minor Ger. minor annua J. B. urens minor C. B. The lesser stinging Nettle.

Radix ei alba, satis crassa, simplex, furculosa tamen, furculis fibrillis aliquot tenuibus capillatis. Caulis crassi pro plantæ modo, semipedales & interdum pedales, quadrati, solidi, striati, spinulis rarioribus horridi, ramosi, minus recti quam præcedentis. Folia per intervalla ex adverso bina, pediculis longis appensa, atro-virentia, quam præcedentis breviora & obtusiora, per margines profunde dentata, spinulis venenatis utrinque munita. Ad singulos caulium nodos, ut in præcedente; flosculorum aut seminum racemuli quatuor in crucis formam dispositi. Flosculi singuli tetrapetali, caduci. Vascula seminalia exigua, bivalvia, è duabus lamellis conniventibus composita, ut in Atriplice, singula semina continent, exigua, longiuscula, splendentia, figurâ ferè seminum Lini.

In hortis oleraceis & locis ruderalis, frequens oritur; nec ultra annum durat.

Locus.

#### A. 6. Urtica Romana Ger. Park. Romana seu mas cum globulis J. B. urens, pilulas ferens, prima Dioscoridis, semine Lini C. B. Common Roman Nettle.

J. B.

Radix sublutea plurimas fibras spargit longiusculas, quibus terram firmiter apprehendit, [non alia (inquit J. Bauhinus) quam Urticæ vulgaris] non tamen perinde vivax. Caulis quatuor aut quinque interdum pedes altus [hominis altitudinem interdum multum superans J. B.] rotundus, ramosus, infirmior, rigidioribus pungentibus spinulis pro urida vulgata lanugine donatur, perinde ut & folia, quæ ad nodos bina opposita quam in illa altius incisa. E foliorum superiorum alis exeunt pilulæ virides asperæ & mordaces, pediculis appensa longiusculis, in quibus inclusum continetur semen, quod & compressa laterum formâ, & subrica superficie semen Lini æmuletur, flosculis præcedentibus fibrosis luteolo pulvisculo plenis.

Spontaneam observavimus in ipsis pluteis oppidi Yarmouth, & in arenosis circa Aldeburgum oppidum in Suffolcia: inveniri aiunt & in plateis Romanicæ oppidi in Cantio, & Liddle propè Romaniam. J. Bauhinus Monspelii passim in sepibus observavit florentem & semina ferentem mensib. Aprili, Maio & Junio; Basileæ in pratis.

Locus.

#### 7. Urtica Romana seu pilulifera altera Parietariæ foliis. Hort. Paris. The other Roman Nettle, with Pellitory leaves.

Caulis affurgit sesquicubitali, tereti, striato, inani, in apricis purpurante, spinulis mordacibus obfito, ramoso, foliis vestito ex adverso binis, pediculis oblongis insidentibus, minoribus, pro magnitudinis tamen ratione latioribus, quam Urticæ vulgaris, in acumen productis, lanugine urida hirsutis, per margines ferratis, minus tamen profunde quam Urtica vulgaris, nec ad mucronem ulque. Quæ primum erumpunt folia marginibus sunt integris & æqualibus, Parietariæ æmula. E superioribus geniculis, ut in reliquis urticis, quatuor exeunt pediculi, in crucis formam dispositi, singuli singulas pilulas sustinentes hirsutas, quæ postea in quosdam velut flosculorum racemulos explicantur. Singuli flosculi quadrifolii, quatuor obtinent staminula, apicibus albescentibus insignia. Semina majuscula, splendentia, per maturitatem nigricantia, figurâ & nitore suo Lini semina referunt. Radix subest alba, crassiuscula, fibris aliquot donata, quæ tamen hyemem non fert.

Flosculi in pilulas coactis, semine Lini æmulo, cum Urticæ Romana vulgaris convenit: foliis Parietariæ, &c. ab ea differt.

Noftratibus ludicro nomine *Majorana Hispanica* dicitur: cum enim adhuc junior est, adeo Parietariae aut Majoranae cuidam similis est, urticae autem dissimilis, ut facile incautis persuadeant eam naribus admovere; unde mordacibus ejus spinulis ex improvviso compuncti, risum spectatoribus excutiant.

## CAP. IV.

## De Spinachia.

**S**pinachia, tam celebre & usitatum nunc dierum olus, Veteribus indicta & incognita videtur. Spinachia autem Recentioribus à semine spinoso dicta est, quamvis reperiatur etiam semine laevi & spinis destituto. C. Baubinus Σπινάζια à raritate in usu medico Græcis recentioribus dictam scribit. Hujus an dentur species diversae nobis non certè constat. Duas tamen seu species seu varietates novimus, nimirum

1. *Spinachiam semine spinoso* C. B.
2. *Spinachiam semine non spinoso* ejusdem.

Spinachia semine non pungente, folio majore & rotundiore J. B. si à præcedente differat nobis incognita est: C. B. præcedentis synonymam facit. Spinachia foemina seu sterilis perperam pro specie diversa à C. B. ponitur, cum ex eodem cum fertili semine proveniat.

1. *Spinachia* Ger. Park. *Spin. mas & femina* J. B. *Lapathum bortenfe* seu *Spinachia semine spinoso* C. B. *Spinache*.

E radice tenui, albâ, simplici, paucissimis fibris donatâ, caules surrigit pedales, fistulosos, teretes, striatos, in alas divisos. Folia Atriplicis ferè, longis pediculis nixa, inferiora ad basin suam interdum utrinque laciniata, mucronibus acutis; quæ autem in summo caule existunt, duos tantum processus velut aurículas ad basin obtinent, tenui quadam polline, Atriplicis in modum, aspersa. Flores in caulibus à medio ferè usque ad fastigium, in Mare herbaceis aut purpurantibus apiculis à calice quadrifolio exeuntibus constant, in oblongis furculis seu racemis à foliorum alis omni ut in Mercuriali. In Femina flores nulli cernuntur, sed tantum apiculi quatuor albi in summo semine. Semina autem ipsa foliorum alis arctè adnascuntur, conferta, aliàs (ut nomen docet) spinosa; aliàs laevia, in globulos seu racemulos congesta, majuscula, nonnihil compressa, ovata.

Locus.

Spinachia ubi sponte oritur nobis non constat. Hispania autem originem suam debere argumento est nomen quo à quibuscumque vocatur, nimirum *Olus Hispanicum*. Passim in hortis feritur, nullum solum aut coelum respuens, tum Martio & reliquo Vere, tum Septembri, non horrens hiemis frigora, quæ si iniqua nimis, Juglandis foliis conservatur ut vere cibum suppeditet, quo tempore semen profert. Martio verò lata intra duos menses perficitur. Autumno lata foliis magis luxuriat, nam quæ vere feritur caulescit illico; unde ad pulres Autumno potius ferenda.

Ufus.

In culinis per totam ferè Europam, (teste Trago & experientiâ) vix quicquam frequentius est usus pultibus ex Spinachia confectis, quas oleo aut butyro condiunt & inungunt, herbâ minimè concisâ; nonnulli uvas Corinthiacas eis admiscunt. Citra aquam coquuntur hoc olus, quod magnam vim humoris inter coquendum remittat, & velut proprio contentum jure alienum appetitur.

Inter omnia olera culinaria meo judicio Spinachia laudatissima est & gratissima. Trag. Unde & in omni penè ægritudine cibo deligi potest.

Febricitantibus & senibus adstrictioris alvi maximo commendanda est opere; illis imò vel hebetis, ut febrilem æstum temperet, his ut alvum lubricet, quod longè melius est quam ut suppositoriis & catharticis semper extimuletur. S. Paulus.

Refrigerat & humectat, nitrosâ sua qualitate, alvum emollit, gutturis asperitati medetur & arde tussi confert: nauseam facillè parit nisi zingibere aut alio confimile condatur.

Succus & aqua destillata Stomachi ardorem & rosiones mitigare, & lac elicere dicitur.

Extrinsecus ventriculo & epati imposita cataplasmatis instar, eorum inflammationes doloremque tollere creditur.

2. *Spinachia semine non pungente, folio majore & rotundiore* J. B. *The greater unspined Spinache*.

J. B.

Longè major majoribusque est foliis quam Spinachia vulgaris, necnon rotundioribus, ceteroquin similibus, quemadmodum & floribus proximè circa caulem ad pediculorum exortum muscosis. Semina sequuntur conglomerata velut in racemulum, Lenticulis ferè paria, rotunda, nullis spinis horrida, cinericei coloris.

Nos Spinachiam semine non spinoso, ut & semine spinoso majorem Park. à vulgari spinoso semine specie non differre putamus, sed accidentibus quibuscumque à loco natali & culturâ ortis. Verum examinandum proponimus, an Spinachia semine spinoso, necnon Sp. semine laevi lata semper producant sui generis sobolem, hæc nimirum semine laevi, illa semine spinoso fetam, an interdum diversi?



## CAP. V.

## De Mercuriali.

**M**ercurialis à Mercurio denominationem sumpsit. Plin. lib. 25. cap. 5. *Linozostis* sive *Parthenium* Mercurii inventum est, ideo apud Græcos *Hermupon* multi vocant eam, apud nos omnes *Mercurialem*.

Pro Mercurialis speciebus habeo *Cynocrambe* dictam & *Phyllon*: adeoque tres Mercurialis species agnosco, unam perennem, duas annuas; eæ sunt.

1. *Mercurialis perennis repens*, *Cynocrambe dicta*.
2. *Mercurialis annua glabra vulgaris*.
3. *Mercurialis annua hirsuta*, *Phyllon dicta*.

A. 1. *Cynocrambe mas & femina* Ger. *emac. mas & femina*, sive *Mercurialis repens* J. B. Mero. *sylvestris Cynocrambe dicta vulgaris mas & femina* Park. *Merc. montana testiculata*, & *Merc. montana spicata* C. B. *Dogs Mercury*.

J. B.

Plurimis fibrosis radiculis perennibus & lentis, sapore nonnihil dulci, sed fastidioso per terram reptat *Cynocrambe* tam mas quam femina, nervo duro, fibrarum *Hellebori* instar sætis. Caulis striguntur multi, teretes, concavi, longis internodiis geniculati, pedales, propter terram purpurascens non ramosi. Folia ad articulos bina opposita, lanuginosa, foliis *Mercurialis* paulò longiora, duarum scilicet triumve unciarum, tenera, [inferiora multò minor sunt] acuminata, in ambitu serrata, pediculis brevibus, gustu nauseoso. Ex alis foliorum pediculi exeunt, in mari quidem breviores, quatuor vel quinque, semunciales, unciales ac majores, breviores alios interdum à latere proferentes, quibus insident *flosculi* herbaceo colore præditi, ternis foliolis constantes, quorum medium occupat loculamenti seminum rudimentum, ex cujus cacumine emicant apiculi bini, corniculati, extrorsum reflexi: loculi hirsuti, compressi, in geminos testiculos Lentis magnitudine divisi, femina bina continent, dissepimento membranula distincta, in uno pediculo tergemina. At in *Cynocrambe* femina ex foliorum alis pediculi striguntur, tres, quatuor aut quinque uncias longi, tenues, striati, in quibus *flosculi* in spicam digesti mucosi, ternis foliolis herbaceis compositi, in quibus staminula aliquot herbacea, qui nullo succedente semine intereunt. Dodonæo tota herba virosi odoris ingratum redolet.

*Cynocrambe* in sylvis, sepibus, aliisque perinde umbrosis gignitur. Primo vere exit, autumno *Locus* exeunte, folia & caules marcescunt, radice superstiti.

Facultatibus cum *Mercuriali* convenit *Prætorius*. *Mercurialem* sylvestrem oleum more coctam, *Tempus* & oleo ac sale conditam inter medicamenta serositates benignè evacuantia enumerat in libro *De Vires* *Medicina Paup.* quod è *Dioscoride* hausit.

A. 2. *Mercurialis mas & femina* Park. *Merc. mas & Merc. femina* Ger. *M. testiculata* sive *mas Dioscoridis & Plinii*, & *M. spicata sive femina eorundem* C. B. *French Mercury*.

J. B.

Folia hujus ad *Parietaria* folia accedunt, sed glabra sunt, atro virore splendentia & in ambitu serrata, sapore nitroso, calidiusculo & nauseoso. Caulis ei angulosi, spithamæ ac etiam majores, geniculati, læves. Ex foliorum alis, femina quidem ligula recte emicant, tenues, quas verticillatum seu in spica ambiunt *flosculi* glomerati mucosi, qui in quatuor foliola herbida sese explicantes, cirros apiculorum luteolorum aut herbidorum ostentant, nullo succedente semine pereuntes. Mari autem ex iisdem alis breves pediculi oriuntur, quorum singulis testiculata *bursula*, nonnihil compressa, hirsutaque insidet, gemina femina recludens. Radix utrique tenera & fibrosa, annua.

In hac descriptione J. Baubinus vulgarem opinionem sequitur, *Mercurialem* sterilem pro femina, & fertilem pro mari accipiens: cum è contra rationi consonum sit & aliarum rerum naturalium analogiæ, ut sterilis dicatur mas, fertilis femina. Femina enim est in omni genere que fertificat & fructum edit.

*Mercurialis* reperitur in hortis olitorii, vinetis, aliisque locis humentibus ac umbrosis. In *Locus* maris litore prope *Ryde* Vectis insulæ oppidulum sponte & copiose provenit.

Est è numero quinque illarum famosarum emollientium herbarum; abstergit, alvum movet, aquas *Vires* ac bilem purgat, unde & hodie in enematis frequentissimus ejus usus.

Sunt è nostratibus mulerculis, qui *Mercurialem* infantibus cum pappæ exhibent, ut alvum solutam retineant, torminaque præcaveant. *Schrod.*

Observatum est omnis generis verrucas hujus foliis vel eorum succo tolli; item semen cum *Abinthio* decoctum ictericos mirifice juvare. *Matth. & Ruel.*

Quæ Veteres habent de vi maris ad efficiendum ut mares gignantur, femina ut femina, nobis fabulosa videntur & falsa.





## CAP. II.

## De Xanthio.

**X** Anthium Græcis dicitur *ἄνθ' τῷ ἑσπέρῳ ποτὶ τὰς τοῖχας*, quod flavos reddat capillos: Lappa minor Botanici ob aliqualem florum & fructuum vestibus adhærentium similitudinem. Vocatur etiam hæc planta in Officinis *Bardana*, voce vel Gallicâ vel Hispanicâ, inquit C. Hofmannus.

Xanthii notæ characteristicae sunt flores staminei, inutiles, nec fructui contigui: fructus durus, echinatus binis intus cellulis bina semina, hoc est, in singulis singula continens.

1. *Xanthium sive Lappa minor* J. B. *Lappa minor, Xanthium Dioscoridis* C. B. *Bardana minor* Ger. *The lesser Burr-Dock.*

J. B.

*Caulis* est cubitali circiter, hirsuto, punctis rubris guttato, ramoso. *Folia* alternata pediculis nituntur tres uncias longis, cauli concoloribus, Tussilaginis foliis quodammodo similia, sinuata & crenata, colore (id quod nomen ipsum loquitur) Xantho, utrinque hirsuta, sapore acriusculo; & quodammodo aromatico. Quâ foliorum pediculis est ortus plura simul *capitula* se promunt bullata, *flosculos* stamineos emittentia: quibus tamen non succedunt, sed in ramulis ex alis foliorum erumpentibus seorsim sine pediculis enascuntur *echini* lappacei, vestibus adhærentes, oblongi, in duos acutos rigidosque mucrones desinentes, qui duobus distinctis loculis totidem grana condunt hordeacea. *Radix* parva, nec vivax, alba, multas undique fibras crassiusculas profert, quibus terræ firmiter adhærescit.

Gaudet solo lato ac pingui: rariùs in Anglia spontaneum vidimus: in transmarinis ad rivulos & *Locus* in aquosis scrobibus sæpiùs & copiosum.

Gustu est subamaro & acri, unde calfacere & siccare colligitur. *Ufus præcip.* (secundum *Matthiolum*) in minera lepræ educenda [cum Rhabarbaro exhibetur radix] in lipothymia: extrinsecus in struma & tumoribus discutiendis [epithema] in capillis luteo colore tingendis; in quem usum Veteres fructum colligendum præscribunt antequam perfectè siccescat, deinde tulum fictili vase recondi; cùmque usus exigit ejus sextarii semissem aquâ tepidâ dilui, moxque eo caput nitro ante perfrictum illini.

2. *Lappa Canadensis minori congener sed procerior.* Hort. Reg. Paris.

Procera & speciosa est hæc planta, quæ nobis hoc anno [1685] ex semine ab ingeniosissimo Viro & rei Herbariæ peritissimo D. *Hansl. Sloane* M. D. misso succrevit. Non tantum procerior est vulgari Bardana, sed etiam magis patula & ramosa, ramis latè diffusis, & ipsum etiam caulem longitudine superantibus. *Folia* quàm illius majora sunt, longioribus pediculis nixa, altius incisa, in acutiores apices producta, nervis rubentibus insignia, iisque (quod notatu dignum est) supra folii supinam superficiem nonnihil eminentibus seu elevatis, magis quàm in vulgaris foliis. *Flores* & semina eodem modo quo in vulgari ex alis foliorum conferta exeunt. *Lappæ* quàm in illa multò majores sunt, spinulis hamatis rarioribus, iis tamen longioribus & crassioribus obsitæ.

Planta hæc maturius è terra exit quàm vulgaris Bardana, serius tamen floret & semen perficit, totaque viridior videtur quàm illa. *Folia* seminalia longiora sunt & angustiora.

## CAP. III.

## De Heliotropio.

**H** *ἡλιοτρόπιον* Dioscoridi lib. 4. cap. 193. dicitur, quod *τὰ φύλλα τῷ τῷ ἡλίῳ συµπεριτρέπτου* i. e. quod folia cum Sole circumagat: & *Σcorpιόνιον*, quod ramuli cum floribus Scorpionum caudæ modo circumagat. Plinius lib. 22. cap. 21. Heliotropii miraculum inquit sæpiùs diximus, cum Sole se circumagentis; etiam nubilo die, tantus syderis amor. Noctu veluti desiderio contrahit cœruleum florem. In Heliotropio Recentioribus dicto nulla hujusmodi ad Solem conversio observatur; ut neque in alia quavis specie plantæ nobis cognita. Plurimæ sunt quarum folia, nec pauciores quarum flores interdum expanduntur, noctu contrahuntur, quarum tamen è numero Heliotropium non est; quod tamen aliàs satis accedit ad veterum Heliotropii descriptionem.

Cæterum Heliotropium tricoccum quamvis magnitudine, ut & caulis & foliorum figurâ cum vulgari Heliotropio conveniat: flores tamen & semina toto genere diversum arguunt.

*Heliotropium tricoccum* C. B. J. B. Ger. Park.

J. B.

*Radix* ei subest lignosa, simplex, paucis apophysis fibratâ, annua. *Caulis* cubitalis, [pedalis *claus.*] rectus, ramosus incano tomento obsitus, sicuti & *folia*, Heliotropii majoris similia, majora, sinuata, nervosa, mollia. *Flores* racematim in privatis pedicellis coherent, exigui, luteoli, nullum

nullum post se semen relinquentes. *Siliqua* enim nullo præcedente flore ex alarum cavis exeunt, ex longis petiolis dependentes, sub foliis quasi occultatæ, tricoccar, cinerei coloris, asperâ superficie & verrucosâ, quibus dehiscenibus *semen* exilit cinereum.

Hæc capita sive siliquæ pannis affricatæ florido viridi colore eos inficiunt, qui temporis momento in cæruleum eumque elegantem mutatur. *Clus.* Panni hi aquæ intincti & expressi eam purpureo eleganti colore imbuunt, vini rubri æmulo, eorumque usus est ad gelatinas, scribiles aliâque ejusmodi scitamenta coloranda.

*Locus.*

Circa Monspelium & alibi in Gallia Narbonensi æstate & autumnio in satis passim proveniunt, ubi ad usus prædictos à rusticis colligitur, & vulgo *Turnesol* appellatur.

## CAP. IV.

### De Ricino.

**R**icinus, Dioscoridi *Κίκυς ἢ Κρότων* à similitudine Crotonis vel Ricini animalis, quod semen ejus refert, dicitur. *Kiku* autem vox est Hebræa vel Orientalis, quæ legitur in Prophetia Jonæ, cujus significatio incerta.

Ricini notæ genericæ sunt caudex lignosus, fructus tricocci muricati, in surculo peculiari racematim ferè dispositi: semen Ricino animalculo simile.

1. *Ricinus vulgaris* J. B. C. B. *Ric. sive Cataputia major vulgaris* Park. *Ricinus sive Palma Christi, vel Kiki* Ger. Palma Christi.

*J. B.*

Insigni auctu celeriter adolescit, *caule* crasso, striato, glauco, geniculato, inani, trium, quatuor & plurium cubitorum, superius ramofo, ex obscura purpura nitente & glabro; candido videlicet deterfo tenui instar farinæ pulvere, quo veluti conspersus subinde apparet. *Folia* ampla, Cordo Platano & Aceri similia, digitata, in septem, octo aut novem acuminata, serrataque segmenta, in quorum singula nervus è folii centro exporrigitur, dividuntur, atro-virentia, splendida, & interdum acetabuli instar concava, potissimum loco quo segmentorum nervi coeunt, unde & pediculus averfo folio oritur dodrantalis, purpurascens, concavus: quanto autem superiora fuerint folia tanto ampliora existunt, sic ut ex his petasum æquantia sit reperire, nullum è vulneris manantia. *Flores* longâ serie thyrsoides surculo peculiari racemati insident, è sanguineis crispisque staminibus, quæ terna è fructus rudimento emicant, conflati: quibus muricata triquetra vascula succedunt, quæ *semina* claudunt oblonga, Ricini animalculi æmula *Dod.* foris livida & maculosa, interiore medullâ candida, quæ capitulis per maturitatem fissis ac rimas agentibus, cum impetu exeunt. Ac præter flores dictos videre est in eodem thyrsio muscosâ glomerata nucamenta coloris herbacei, quæ nullo relicto fructu tandem marcescunt. *Radix* subest simplex, longa, crassa, dura, candida, crebras circumcirca fibras emittens.

*Locus.*

Seritur apud Germanos & Gallos (inquit *J. B.*) non modò ad spectaculum sed etiam ad tuellam adversus talparum injuriam, quas ferunt Ricinum fugere. Annua verò in Germania stirps est, atque etiam in Anglia. Verùm in Creta multos perdurat annos, & in tantam excrescit altitudinem ut non nisi scalis admotis possit conscendi, quod Bellonius tradit *Observat.* lib. 1. cap. 18.

\* Schol. in  
Monard. Hist.  
c. 4.

\* Clusus quoque Ricinos crassitudine humana, altitudine trium hominum, multis prægrandibus ramis brachiatis, & multos annos durantes in maritimis Bætica observavit, easque exactissime congruentes descriptioni Dioscoridis. Nos quoque in Sicilia Ricinum arbusculam Sambuci æmulam, lignosam & satis longævam, in sepibus frequentem observavimus.

2. *Ricinus Americanus* Ger. Park. *Americus, Curcas Incolis* Clus. not. in Monard. *Ric. Americanus major semine nigro* C. B. *Ric. major Americanus Curcas dictus & Faba purgatrix India Occidua* J. B. *Munduy Guacu Brasiliensibus* Marggrav. & Pilonis. *Pmbones Lusitanis.* *Ricinus Americanus folio Staphisagria* C. B. app.

*Marggr.*

Arbor est in Ficûs magnitudinem & figuram excrescens, ligno molli & fragili. *Folia* habet circa ramos inordinate posita, quodlibet suo pediculo semipedem longo insistens: suntque viridia, ad tactum mollia, foliis Ficûs aliquo modo similia, sed non ita profunde secta, verùm subrotunda, & antèrùs in tres angulos desinentia [ *C. Baubino* folia pallidè virentia, pediculis oblongis & hirsutis asperis donata, inferiora ad foliorum Ficûs formam nonnihil accedentia, & in lacinias quinque divisa, superiora verò quæ Staphidis agria foliis similia, in ternas lacinias secta sunt, omnia verò per circumferentiam crenis acutis exasperantur, & nonnihil pubescunt, ita ut tactu mollia sint. ] Lignum & folia fundunt è lacteo aquosum succum. *Flosculos* fert copiosos racematim, parvos, pentapetalos, petalis antèrùs viridibus, deorsum incurvatis, in medio flavis staminibus, quæ de angularem stellam referunt, subdulcis odoris. Sequitur hos *fructus* turbinatæ figuræ, seu instar Juglandis mediocris, & ejusdem magnitudinis, primò viridis, mox flavus, ubi plene maturuit fuscus sive niger, qui sponte finditur in tres partes, quamvis sex constare videatur. In quolibet fructu sunt tres nuclei, magnitudine & figurâ pineis similes, in tribus concamerationibus distincti, cortice nigro corticis Castanæ crassitie recti, & in extremitate sunt maculæ albæ [ Harum alii non meminerunt ] Nucleus albus, instar cuticulæ ovi, exterius etiam pelliculâ albâ obductus.

Validè



Validè purgant tres aut quatuor nuclei comesti, & quidem nimis si pellicula interior non separatur, idè semper adimenda.

Arbor facilè transplantatur, nam ramus decisus & terræ infixus aliam arborem progenerat, idè ad sepes vivas faciendas circum hortos usurpatur.

Arborem hanc pro Ricino Americo Clusii *Curcas* dicto habet Piso, & rectè, quamvis in descriptione fructus non meminit operimentum illius tuberculis asperis non esse oblitum, ut in vulgari Ricino, sed læve & cinerei coloris. Huic etiam eandem omnino plantam esse minimè dubito quam C. *Bambinus* in appendice ad pinacem sub titulo Ricini Americani folio Staphisagriae describit, cuius ramum duntaxat ficcum vidit. Idèque eandem plantam bis ponit, pro duabus distinctis.

Hæc arbor videtur esse quam *Quaubayobuatli* 3. nomine describit Franc. Hernandez, quamvis icon non conveniat.

Ex iis quæ de nucleis hinc tradunt Auctores liquidò constat (inquit *Joannes de Laet*) cum summa cautione exhibendum esse hoc purgans medicamentum, & summam esse habendam rationem ætatis & virium illorum quibus datur.

\* 3. *Ricinus major Africanus, Syriacus vel Egyptianus* Park.

Hujus generis meminit Camerarius in Horto, semine duplo majore quàm præcedentis, minùs pallido aut maculoso, è Syria allati.

\* 4. *Ricinus minor* Park. *Americanus minor* C. B. Erway: Clus. exot.

Vulgari Ricino omnibus partibus minor est, præcipuè verò semine.

\* 5. *Ricinus Americanus tenuiter diviso folio* Breynii.

*Breyn.*

E purgatrice *Avellana* Monardis Planta rarissima enata est *Papaia* pænè arbusculæ minoris formæ, quæ toto ætatis autumnique tempore vix sesquipedalem altitudinem obtinebat. Ea à radice *Caulis* rectum, lævem, rotundum, geniculis omnino destitutum edebat, pollicaris crassitie, ac subviridis cum purpurascens quodam intermixti coloris, Serpentariaeque instar maculis obsoletis aspersum. Hujus fastigium *foliis* ornabatur, inferius glaucis, superius atro-virentibus & splendentibus, magnitudine & divisurâ Aconiti seu Geranii batrachiodis, substantiâ autem Ricini, & quodammodo etiam figurâ, quæ in septem, octo, novem, imò & decem acuminata, aut Coronopi foliorum instar lacinata, segmenta (in quorum singulis nervus rufescens è folii centro exporrigitur) ad gyrum, in quo segmentorum nervi coeunt, unde & pediculus longus averso folio oriebatur, dividebantur. Inferiora horum foliorum latissimum ad tempus virorem cum luteo tristi commutabant colore, atque tandem decidebant, relictis tamen quibusdam subviridium macularum in caule vestigiis. Flores nullos proferebat, multò minùs fructus. Hi tamen [aliundè accepti] Juglandis minoris sunt magnitudine ac ferè facie, rotundi nempe, & à medio corpore paulatim in mucronem definentes, cordisque humani formam quodammodo repræsentantes, tenui è cinereo candicante, nonnunquam ad fuscum inclinate cortice, lento & molli constantes, qui exterius octo nervis à summo ad imum ductis, fibris frequentibus intercurrentibus distinguitur; & interius in concamerationes duas separatur: In quarum quavis *semen* magnitudine, colore ut & figurâ ferè *Avellanam* exoletam, vel potius (cum pænè triangulare & altera parte semper planum) *Castanellam* peregrinam J. B. referens, continetur, putamine tenui, *Nucleo* candido, solido, subdulo, substantiâ *Avellanae* haud absimili: qui in Medicina apud Hispanos in India Occidentali degentes percelebris, & alvo evacuandæ servit.

\* 6. *Ricinus minor Indicus Solani foliis* Breynii.

*Breyn.*

*Rami*, qui duo Autori fuere hujus plantæ, sesquipedalis erant longitudinis, teretes, glabri, inanes, diluto virore tincti, ac enodes: quos è contrario correspondentia *folia*, laxis dentibus circumferrata, pediculis pænè uncialibus infidentia ambiunt, Solani non admodum dissimilia, longiora verò magisque venosa, ac teneriora, & substantiâ Ricini, eo ferè etiam colore, utpote superius saturatè, inferius dilutè virentia, ac ibidem nervum, venas, fibrasque magis conspicuas habentia. E singulis horum alis singuli furculi, *Flosculos* longa serie muscosos racematim sustinentes, unciales prominent; in quorum nonnullis *fructus* jam unus, in aliis jam duo, pedunculis teneris dependentes visuntur triquetri, magnitudine, formâ & colore à Lathyridis nihil discrepantes, nisi brevi quadam incanâque lanugine, instar Tuliparum caulium, aspersi essent. Hi maturitatem adepti dissiliunt in tres capitulas, quarum quælibet in partes duas cum impetu se aperit, & semine coloris lividi, Lathyridis non majore, aut magis splendente, maculisque nigris, Ricini in modum majoris è Guinea eleganter variegato se exonerat.

Similitudinem aliquam cum *Pineis* nucleis *Acostæ* habere videtur.

*Cadel-Avancu* Hort. Malab. florum & fructuum situ à planta descripta differt: siquidem *Cadel-Avancu* flores ad extremitates ramorum proveniunt, cum tamen hujus flores inter folia compareant, ut adnotavit doctus. Joan. Commelinus, ad *Cadel-Avancu* plantam dictam.

\* 7. *Ricinus*

- \* 7. *Ricinus parvus Orientalis* Dende dictus; quibusdam & *Faba purgatrix* J. B. *Ricinus Americanus* falso creditus, Dende *Serapionis* & *Abelmolueb* Mauritanorum Imperato C. B.

Hunc fructum ita describit J. Baubinus,

Dimidio minor est Ricino Americo, cortice tectus cinericeo, maculis hinc inde pullis aspergibbo, altera parte elatiore pauloque planiore, tribus interdum elevatis costis conspicuo. Cortex vulgari simili tenui pellicula involutus subest nucleus, bipartitus, consistentia Ricini majoris Americi, sed colore pallido: saporis non ingrati, acris, & fauces diu multumque vellicantis.

Fabas purgatrices Monardis quæ Carthagine & *Nombre de Dios* nascuntur huic Ricino Orientali seu Dende subjungit J. Baubinus. Hæ autem, describente Monardæ, nostris similes sunt sed minores, ejusdem cum nostris formæ & coloris, pellicula quadam tenui ut ceparum tunica exterior illas per medium interfecante quæ cum cortice abjicienda est. Clusius diversum sentit.

Interim querendum est, An & quid differat Dende à Ricino Americano minore C. B.

\* *Heliotropio similis aliquo modo* J. B.

J. B.

Frequentes per humum supinos spargit cauliculos palmares & sesquipalmares, ramis multis brachiatis, tenues: foliis vestitos ex viridi cinereis, asperis, semuncia angustioribus, oblongis, & per extremum rotundis. Flores luteolos excipiunt siliquæ oblongæ, in stylum desinentes, cineræ, fusatæ, duobus loculis totidem semina ruffa continentes. Radix parva, lignosa, alba.

Ab Agerio in Austria collectum habuit Jo. Baubinus.

An hæc planta hujus loci sit nescimus: si florem tetrapetalon habeat, ad *Thlaspi* potius referenda videtur.

## SECTIO SECUNDA.

De Herbis flore imperfecto, semine triquetro.

### CAPUT PRIMUM.

De *Helleboro albo*.

**H**elleborus, autore Etymologo, Græcis dicitur *ἑλεβορος*, quod esu perimat. Verum Latinis dictum volunt quod mentem vertat.

Scribitur & *ἑλεβορος*, sine aspiratione.

Duorum generum est, albus & niger. Hi quamvis nomine, & aliquatenus etiam viribus convniant, facie tamen externâ minimè; unde & toto genere nobis differunt.

Flore sex foliolis constructo, semine triquetro cum Lapatho convenit; ab eodem differt foliis nervosis, tenuioribus, liratim striatis & velut plicatilibus; radice fibrosa, purgatrice, emetica & sternutatoriâ vi prædita.

1. *Helleborus albus* Ger. J. B. *albus vulgaris* Park. *albus flore subviridi* C. B. *White Hellebore*.

J. B.

*Helleboro albo* radices subsunt fibrosæ, albæ in caput collectæ: *Caulis* bicubitalis interdum, teres, foliis stipatus quorum pediculi caulem involvunt. Sunt verò ipsa folia formâ quidem quodammodo Plantaginea, vel potius Gentianæ familia, longitudine verò pedali, hæud multò angustiora, mollia, liris densissimis striata, & veluti plicata, subhirsuta. *Caulis* à medio ferè ad cacumen utque ex foliorum quorundam parvorum alis thyrsos emittit palmares & sesquipalmares *florum* crotberrimorum, senis ex herbaceo albicantibus foliolis radiatis constantium; quibus succedunt semina parva, longiuscula, triquetra, albicantia, nuda, nec ullo præter florem folliculo aut vasculo tecta, ut rectè Parkinsonus.

2. *Helleborus albus præcox* atro-rubente flore Park. *albus flore atro-rubente* C. B. *albus præcox* Ger.

*Foliis* longioribus, tenuioribus magisque caducis: *caule* proceriore, paucioribus foliis cincto, *floribus* atro-rubentibus; quodque priorem ortu suo seu germinatione prima menstruo minimum spatio antevertat; à superius descripto differt.



Gaudet Veratrum album montanis & asperis; non modò in Græcia, Italia aut aliis calidioribus regionibus; verum & in Germâniæ ac Helvetiorum montibus viret. *Locus.* Nec in montosis pascuis palustribus propè summitem montis Juræ offendimus copiosissimum.

Hellebori albi radix (quæ sola hujus plantæ pars in usum medicum venit) ob violentiam purgationis quam per superiora ac inferiora movet, usum purgandi internum soli ferè Helleboro nigro reliquit *Schrod.* potest tamen (inquit Tragus) per viginti quatuor horas vino aut oxymelite macerata, posteaque rescicata, 3℔. pondere cum vino exhiberi furiosis & melancholicis. Helleborum utrumque, dicit Gesnerus, [si cum aceto & melle temperetur & decoquatur ut syrupus fiat] medicamentum innoxium, & ad plerosque phlegmaticos morbos (thoracis & capitis imprimis, ut asthma, dyspnœam, epilepsiam) sæpe utilissimè se expertum esse: alvum enim, urinam & meatus omnes, etiam cutis, mirificè nullâ molestiâ expurgare.

In usu Hellebori albi (inquit C. Hofmannus) duo præcipuè videnda, alterum ut morbi sint pertinacissimi, alterum ut vires constent, hinc non debet radix hæc senî, puero, fœminæ ullivè delicato dari. Accedit tertium, nè quidquam fiat nisi prægressa & corporis & Hellebori diligenti præparatione.

Vetustissimus mos est dandi cum Raphano, idque tripliciter, vel enim Raphanum radicibus transfixum ibique per viginti quatuor horas relictum [radicibus abjectis] dabant: vel Raphanum b. m. transfixum in oxymelite infundebant, & oxymel solum offerebant: vel Raphanum ita habitum per noctem relinquebant, manè abjectis Helleboris in oxymelite infundebant, oxymelque propinabant. Optima ejus præparandi ratio (inquit Parkinsonus) est ut succo Mali Cydonii infundatur, aut Cydonio indita in furno aut sub cineribus coquatur. Quin si ab Helleboro sumpto strangulationis periculum imminet, Cydonia comesta eorûmve succus aut syrupus præsentaneo remedio sunt. Radix in aceto decocta, ac in ore aliquandiu retenta dolorem dentium tollit. In lixivio decocta, si eo caput abluatur, pediculos & furfures enecat & abstergit; idem unguento aliquo permixta efficit scabies, impetigines, serpigines sanat: animalia pleraque interim, talpas, mures, lacertas, aves, &c. in pasta exhibita. *Trag.*

Pulvis naribus inditus sternutamenta movet unde & Anglicè *Peerswort*, i. e. sternutamentaria herba seu Parmica dicitur.

De Hispanorum toxico ex succo radicum in vase fictili fermentato confecto, quo sagittas intingunt ut vulnera insanabilia infligant, consule Parkinsonum, & Jo. Langium Epist. Medicinalium lib. 1. Epist. 68. Maximè mirum alicui videri possit quòd venenum hoc epotum nullam saltem lethalem noxam infert sed tantum vulneri infusum, adeoque sanguini permixtum; verum idem est de veneno viperino, quod intrò assumptum nulla perniciofa symptomata inducit, verum sanguini immixtum per vulneris aut puncturæ orificium maximas illico tragedias excitat, & in opportunis remediis occurratur, brevi animal interimit.

Cæterum Helleborus uterque in furiosis & insanis sanandis olim fuit celeberrimus; neque nunc nisi in morbis magnis, ut Epilepsia, vertigine, mania, hydrope, ischiade, convulsione & similibus adhibendus est.

## CAP. II.

## De Lapathe.

**L**apathum, Græcis *Λάπαθος*, seu *λαμίζων* i. e. *κινῶν*, movere, evacuare dicitur, quia foliorum ejus decoctum alvum emollit; Latinis Rumex, à rumo, i. e. fugo, quia solent succum ejus exfugere. *Voss.* Notæ Lapathe genericæ sunt semen triquetrum splendens, flos hexaphyllos, i. e. sex foliolis constans, quorum tria semen obtegunt, arcè interdum adhærentia.

Lapathum in tria genera subalterna dividi potest: Aliud radice est purgatrice, *Rhabarbarum* dictum: Aliud foliis acidis *Acetosa* & *Oxalis* denominatum. Aliud denique foliis magis insipidis, sapore oleraceo, *Lapathum* simpliciter generico nomine dictum.

Primi generis tres species novimus, nimirum

1. *Rhabarbarum verum* Ger.
2. *Hippolapathum rotundifolium* vel *Pseudo-rhabarbarum Monacorum*.
3. *Lapathum majus* sive *Rhabarbarum Monacorum* J. B. Patientiam vulgò dictam.

Tertii septem, si modò Lapathum pulchrum Bononiense sinuatum reverà specie distinctum sit ab Oxylapatho vulgari. Ex sunt

1. *Hydrolapathum majus*.
2. *Lapathum vulgare folio obtuso* J. B.
3. *Lapathum folio acuto crispo* C. B.
4. *Lapathum acutum* sive *Oxylapathum* J. B.
5. *Lapathum folio acuto, flore aureo* C. B.
6. \* *Lapathum pulchrum Bononiense sinuatum* J. B.
7. *Lapathum folio acuto rubente* C. B. aliis *Sanguineum*, & *Sanguis Draconis*.

1. *Rhabarbarum Alpin.* exot. *Rba. verum Dioscoridi* Ger. *Hippolapathum maximum rotundifolium* exot. *exoticum, sive Rba Ponticum-Thracicum; sed verius Rhabarbarum verum Park.* *Erue Rhabarb.*

Veris initium cum germinare incipit, caput grande, rotundum, fuscum protrudit e radice crassa, fungosa, lutea, quod in folia aliquot successive se aperientia paulatim explicatur. Sunt autem folia initio cum primum apparent valde corrugata & complicata, postea sensim dilatata & extensa, rugis & plicis coarctatis leviter fiunt, perampla & subrotunda, pediculis atro-rubentibus pollicem crassis, & in latiore solo binos pedes longis infidentia, longitudine bipedali, nec minori latitudine, obscure viridia & cum juniora sunt subglauca, consistentia crassiore quam Hippolapathi rotundifolii vulg. sapore acido, Lujula aut Acetosa hortensis gratiores. In medio foliorum (non tamen singulis annis) exurgit caulis crassus, robustus, humilior tamen quam Rhabarbari monachorum, foliis ejusmodi rotundis sed minoribus ad nodos amictus, ad summum usque etiam inter flores, qui in hac planta, secus quam in alia quacunque Lapathi specie, albi, hexapetali, cum multis intus staminibus albis. Flosculis, ut in aliis Lapathis, succedunt semina triquetra, maxima coloris Bartici seu castanei, aut rufi pulchre splendentia. Radix processu temporis in magnam crassitudinem excrescit & multos ramos seu brachia emittit, colore foris obscuro seu atro-rubente. Cortici exteriori subest membrana tenuis, sublutea, pulpam seu substantiam radicis internam proximè investiens: quâ detractâ apparet radix nuda, colore adeo vivido cum venis carneis eam permeantibus & distinguendis, ut præstantissimum etiam Rhabarbarum quod ad nos ex Indiis & China advehitur eam vix possit superare. Hac si curiosè & diligenter excutitur blando hypocausti calore, cavendo ne inter succandam frustra se mutuo contingant, colorem suum retinet non secus ac si recens esset, & salivam Masticata colore flavo tingit.

Locus.

Rhabarbarum, nullibi nisi in China provenire Garcias, Acofta, Linschotanus confectant, unde per Tartariam Ormuz & Alepum deferitur, inde in Alexandriam, & tandem Venetias; vel per Usbekem in Turciam, & hinc Venetias. Scribit Acofta Rhabarbarum in interiore Chinæ regione duntaxat provenire, unde in urbem Canton (illius Provinciæ portum & emporium ubi Lusitani habitant) exportatur, & inde navibus in Indiam advehitur, quod citius corrumpitur; vel aliâ viâ per Tartariam camelis, quod non adeo cariosum.

Nunc dierum navibus ad nos deferitur ex India Orientali, non ut olim ex Alexandria Ægypti, aut Venetiis: in Indiam è Sinis (ubi sponte oritur ut diximus) advehitur.

An Rha ponticum Antiquorum & Rhabarbarum modernorum sit una & eadem specie planta, à Botanicis controvertitur, aliis eandem esse affirmantibus, aliis negantibus: nonnulli etiam sibi non constant, & nunc eandem, nunc diversam affirmant; quorum sententias & rationes vide apud J. B. in Appendice Tomi II. Hist. Plant. Nec enim opus est ut iis immoremur; nunc enim Rhabarbarum verum Sinense (quod à Rha Pontico Thracico toto genere diversum est) in hortis Lugd. Bat. & Groning. colitur, & ab Abrahamo Muntingio accuratè describitur. J. le Brun in libro de materia medica hæc habet. Radix hæc Dioscoridi & Galeno ignota fuit, unde malè quidam Rha ponticum eorum cum nostro Rhabarbaro confundunt: nam Rheum Diosc. non habet vim purgatricem, & notis veri Rhabarbari caret. Rhabarb. enim substantiâ compactum est, ponderosum & aridum, sapore amarum, odore acre, colore exterius subnigro ac rufescente, intus ex rufo flavescens, & ad nucis molchate colorem internum accedente, ac maceratum vel manducatum tingens croceo colore. Rha ponticum non est compactum sed rarum, non ponderosum sed leve, non aridum sed lentum; non amarum sed subacre, non odoratum nec colore simile Rhabarbaro.

Vires.

Rhabarb. purgat benignè bilem flavam, pituitamque viscosam ac tartaream in ventriculo primæque regione stabantem. Epati specificè confert, adeo ut con Epatis dicatur: curat icterum, & quia vim quoque astrictoriam obtinet in omnibus morbis dissolutis, Dysenteria v. g. & Diarrhoea præ aliis commendatur. Exhibetur pulverisatâ in Vino albo aut sero lactis.

Sunt qui Rhabarbari usum pueris & prægnantibus interdunt ob vehementiam: verum sine causa sufficiente: nam J. Bauhinus aliique se prægnantes multas eo feliciter sine ullo damno purgasse referunt. Infusionem præferunt substantiæ, quò enim citius sine violentia medicamentum purgans evacuat, eò gravior. J. B.

Partem cum purgantem, tum adstringentem obtinere creditur, quarum prior facilius elicetur, posterior difficilior. Hinc pro diversa intentione diversimodè quoque tractatur. Nonnulli levi coctione vim purgantem minui, & adstringentem augeri sibi imaginantur; quod alii improbant, nec immeritò: Etenim cum vis purgans fixior sit, quam ut levi coctione in auram evanescat, coctio illa vix satisfaciet. Præstat itaque si astrictoriam vim auctam velimus, rejectâ primâ coctione denuò id coquere, & fortissima expressione exprimere. Schröd. Alii quoque in Dysenteria improbant coctum Rhabarbarum; tum quia nimia torrefactione vim purgatoriam penitus amittit; tum quia moderatâ vix evitari potest, quin acrimoniam contrahat, unde intestina rodit, & novam materiam ad locum affectum attrahit. Nos tamen in Dysenteria Rhabarbarum coctum bono cum succellu usi sumus, etiam in nostro corpore.

Non approbo (inquit J. Bauhinus) eorum morem, qui in dysenteria à principio adstringentia exhibent: ii augent morbum dum per ea retinent educenda: nempe acres, malignos & putridos humores quò natura vergit eò ducere oportet, si per convenientia fiat loca: si igitur statim à principio educantur convenientibus purgantibus, sublevantur citò, & postea tuto adstringentibus ut licet.

Cum substantia frigida & terrea totum permeat, ignea autem in superficie sit; ideo per infusionem separantur partes calidæ & purgantes; manent frigidæ, terrestres & adstringentes. Hinc in infuso plus purgat quam in substantia. Verum quia hoc modo fit penetrantissimum, timeatur in iis præcipue qui aliâ ardore & difficultate urinæ laborant, ut Fallopius observat. Diureticum enim



enim cum sit, agitat & pellit eos humores, ut ardor urinae sit molestus, quamdiu a & io ipius durat in corpore. *Hofman.*

Ad febres ex obstructione diuturnas, R. 3ij. Rhabbarbari, vel 3j. pro infantibus: in taleolas conficte linteo raro includantur, & in aq. Cichorii fbj. infundantur. Dos. ʒiv. nodulo quolibet mane expresso. Haec omnes Febres se curasse hoc remedio testatur Montanus. Hoc etiam ego usus sum in quibusdam affectibus longis cum febre, parte affecta non bene cognita, & semper mihi bene cessit. *Chesneau. Communicavit D. Hulse.*

1. *Lapathum folio rotundo* *Alpinum* J. B. *Hippolapathum rotundifolium vulgare* Park. *Hippol. rotundifolium montanum* C. B. *Hippol. rotundifolium* Ger. *Bastard Rhodas Rhabar.* *Great round-leaved Dock.*

*J. B.* Radix furculosa & longa nititur, cujus singuli furculi plusquam pollicarem crassitudinem facile assequuntur, rugosi & fibrosi, flavescentes intus, sapore amaro. *Caulis* bicubitalis & tricubitalis, cavus, profundis sulcis exaratus, rubescens, alis multis donatur. *Folia* Bardanz, notabilis latitudinis, rotunda, glabra, pallide & quasi ex luteo virentia, pediculo rubente & striato appenduntur. *Flores* muscoli, copiosissimi alas ferè totas obdident, ex herbis sex foliis apicibusque multis luteis compositi: quibus semina succedunt triangularia, nonnihil rubentia.

Nascitur (autore Clusio) in omnibus jugis Alpium Scitacorum & Austriacarum, praesertim circa humidiora illa loca, ad quae armenta, stationem istuc habentia, assivis mensibus aquationis gratia frequentissime convenire solent. *J. Bauhinus* in Rhetiae Alpibus invenit. *Locus.*

Purgare aiunt si ad duplum Rhabbarbari exhibeatur. *Vires.*

2. *Hippolapathum latissimum* Ger. *Hippol. latissimum* C. B. *Lapathum majus sive Rhabbarbarum monachorum* J. B. *Lapathum sativum sive Patientia* Park. *Rhodas Rhabar.* *Great Patient.*

*J. B.* Hominis proceritatem interdum assequitur, eade surgens striato, rubente, superiora versus in numerosos furculos diviso: floribus serie longa per totos ferè ramos muscolis; semina subsequeute anguloso, folliculis membranis circumdata. *Folia* pedalia & sesquipedalia, lata, acuminata, non tamen dura & rigida, ut vult *J. Bauhinus*, & rubentia, sed potius mollia, levia & obscurius viridia, oris aliquando sursum nonnihil reflexis, ut canalem quandam imitentur, aequalibus tamen & minime crenatis, pediculis rubentibus longis nixa. *Radix* prolixa, crassa, multis adnatis fibris donata, intus crocea.

Folia mense Martio emergunt, appetente Junio flores & sponte semine se propagat. *J. Bauhinus* Tempus & Locus.

*Radix* bilem flavam & serosos humores educit. Rad. arida drachmam, zingiberis scrupulum in pulverem pedige, sume jejunis in jure calido. Pro Rhabbarbaro qui substituitur duplici dose utantur. *Vires.*

*Trag.* Radicis succum cum sulphure illitum scabiem sanare, cum Lupinorum vero farina lenigines; albos & alias cutis infectiones exterere refert Martholus. Radicis dilutum ex vino paratum aut sicca pulvis ex meraco potus ad pellendos renum calculos praestat. *Idem.* Quinetiam ex Martibus decocto haustus auriginem curat. *Idem.*

Huic idem nobis videtur

3. *Lapathum sativum* *Lap.* J. B. *Lap. hortense folio oblongo, sive secundum Dioscorid.* C. B.

Hanc speciem Lausannae Sabaudiae oppido Tragus & Gesnerus provenire scribunt. Est autem iniqui, Rhabbarbaro monachorum quadantenus similis, ac folia tenuiora sunt, pinguiora & molliora, ac etiam magis exigua, quare inter olera reliqua, ob dulcedinem suam in culinas recepta est.

*J. Bauhinus* iudicium seu sententiam de hac planta adscribam, cui & ipse libenter suffragor.

Ut libere dicam quod sentio, suspicor Tragam & Gesnerum pro Lapatho hortensi Lausannensi observasse Rhabbarbarum monachorum primo anno satum, quod tunc delicatius est quam sequentibus. Siquis nos aliter doceat, rem gratam faciet.

Ceterum Bardanam majorem Montpelienibus Lappas dictam scribit D. Magnol in Indice plantarum circa Montpelium nascentium.

A. 4. *Lapathum maximum aquaticum sive Hydrolapathum* J. B. *Hydrolapathum magnum* Ger. *majus* Park. *Lapathum aquaticum folio cubitali* C. B. *Great Water-Dock.*

*J. B.*

Magis huic in fibras diducta est radix quam vel Oxylapatho vel Hippolapatho, foris nigra, intus buxea, cum notabili adstrictione amaricans. *Caulis* assurgunt ad duos tresve cubitos, flore & semine Lapathi acuti sed majore. *Folia* lata, praelonga Rhabbarbari monachorum non dissimilia, sed multo longiora, duriora & rigidiora, [longitudine ferè sesquicubitali, Lapathi acuti foliis similia, sed leviora minusque rugosa *J. B.*] leviter crispatis oris, subacida & strenue adstringentia.

*Folia* bujus plantae non longiora tantum sunt quam cujusvis alterius nobis cognita Lapathi speciei, sed & surrectiora.

Nascitur, inquit *J. Bauhinus*, aquis, palustribus ac stagnantibus locis, & fossis humidioribus; Locus imò in ipsis plerumque aquis oritur, raro extra eas.

Vires.

Quicquid existimet *J. Baubinus*, hanc plantam à vulgari Oxylapatho tota specie differre & non variare tantum ob situm, minimè dubito.

Radix crassa, crocea lenit alvum; Ictericam discutit. *Folia* podagricis calidis & ulceribus utilis imponuntur fluentibus. *Schwenckf.*

Hæc planta est quam sub titulo *Britannica Antiquorum vera* describit & depingit Abrahamus Muntingius, quamvis descriptio quoad radicem non convenit cum Bauhiniana. Verum Muntingii veriore & accuratiorem esse existimo, quam idcirco nonnihil contractam proponam.

*Lapathum longifolium nigrum palustre, sive Britannica Antiquorum vera, vel Hydrolapathum nigrum Muntingii.*

E radice crassa, rotunda, lata ac spongiosa (annosa dum sit) & succulenta, manûs circiter longitudine, in varias partes crassiusculas, non adeo longas, inferius divisâ, & radiculis fibrosis cincta colore recens effossa in loco natali, exterius nigro, intus candido; qui mox in luteo-rufescentem qualis est Rhabbarbari veri mutatur, per siccitatem planè fusca, *folia* protrudit haud multa, Lapathorum omnium longissima, juxta se posita non tamen arcte juncta, sed separatim, sursum semper vergentia, sesquipedem aut duos pedes longa, tres aut quatuor digitos lata, in medio latissima, & in micronem acutum tandem desinentia; colore superius saturo-viridi vel è coeruleo atro-virente, subtus pallidore, venulis pallide viridibus, substantia crassiusculâ, tactu duriusculâ, densa, compacta & firma, marginulis interdum, præsertim in cauli adnascensibus, parum crispis, pediculo modicè longo & crasso, propè terram interdum rubente, adstringentia & ex parte acida, sub Augusti finem evanescens. *Caulis* unicus aut etiam plures pro ætate & magnitudine plantæ, duas, tres & quatuor interdum pedes longus, rectus, teres, viridis, cævus, foliis minoribus hinc inde adnatis ornatus, tam sursum quam deorsum parumper vergentibus; è quorum sinibus ramuli rarius dispositi exeunt, flosculis pallidis, sub Julii initium se aperientibus, raro non tamen verticillatim ad articulos dispositis, è brevibus & teneris petiolis pendulis onusti. Foliola tria floris exteriora duabus, ab utraque parte è pallido colore albidis hirsutis gemmulis, in nulla Lapathi specie præterquam Virginiana Britannica visendis exornantur. Semen parvum, spadiceum.

Hanc plantam veram & genuinam Antiquorum Britannicam esse contendit Abrahamus Muntingius: Siquidem descriptionibus ejus quæ apud Veteres extant cum facie tum viribus per omnia respondet. Quin & nomen Britannicæ Frisicæ originis esse probare nititur; neque enim à Britannia insula cui ut propinque eam dicavere Frisii denominationem sumpsisse (ut conjectatur Plinius) verisimile est. *Brit* Frisius consolidare, firmare, compingere, significat: *Tan* verò Dens est: pro *Ica* vel *Hica* idem quod ejectio valet: unde Britannica dicitur herba quæ firmat & consolidat dentes vacillantes; vel medetur morbo dentes excutienti.

Vires.

Omnes hujus herbe partes, caules, folia, flores, semina, sed præcipue radices validè astringunt, indurant & conglutinant. Hinc omnia putrescentia, ut Erysipelata tam ulcerata, quam integra, Herpetes, Phagadenica, Gangrenas, &c. inhibet & sanat. Undecunque manantem sanguinem, Hemorrhoides simul & menses sistit: uno verbo ad omnia valet ad quæ reliqua adstringentia frigidæ.

Nervis, eorumque incommodis, ruptis, vulsis, contractis, tremulis, spasmus, paralyti, febrilibus astibus, necnon rigoribus medetur: Venena ac serpentes abigit, & ictus eorum sanat: quare præter inter Alexipharmaca numeratur. Omnes Anginæ species, uvula relaxationem, paristhmiâ, è miliâque oris, faucium ac ventriculi malâ, alstrictione egentia, ac apostemata, tumores & ulcera probè depellit, variæque rheumata aufert.

Tandem latentium causarum morbos Stomacacen scilicet, Scelotyrben, cruræque ulcerata antipathia suâ curat.

Folia imponuntur ulceratis partibus per horas duodecim viridia, renovanturque alia: Succus quoque caniculari sole induratus, aut igne inspissatus inungitur.

Varios hujus herbe ejusque radicum ad usum præparandi modos, itemque varias compositiones & mixtiones cum aliis quæ operationem ejus promovent medicamentis videtis apud Autorem nostrum prædictum cap. 16.

Quoniam autem (inquit) Scorbutus altas adeo in quibusdam egit radices, ut ex foliis Britannicæ decocto parum commodi sentiant, hanc ob causam confectum Medicamentum, à nemine mortalium hætenus (quod scio) scriptis publicatum apponere volui, ut omnes noticiam illius habere, sibi quæ facili negotio parare possint. Est enim auro pretiosius, ac domi adversus omnem morbi Scorbuti suspicionem, inestimabilis instar thesauri habendum.

R. Croci ʒij.

Macis

Glycyrrhizæ.

Cinnamomi opt.

Piperis nigri

Radicum Gentianæ ana ʒiij.

Britannicæ ʒvj.

Omnia grosso modo pulverisata, immisceantur vini Hispanici spurii libris sedecim, aut pintis Hollandicis 4½ vel 4.

Aceti Sambucini vel alterius fortissimi lbiv.

Ovorum recentium vitella tria.

Macerentur simul in vase lapideo vitreato, probè obturato per horas 72. in cinere calido, fumo equino vel arena calida, eo tamen modo, ut ultra caliditatem tepidam non procedatur. Reponatur deinde & usui servetur.

Hujus



Hujus decocti tres, quatuor, quinque, vel sex etiam uncias pro natura subjecti sumat ager manè jejuno stomacho per dies quatuordecim vel viginti, vel plures. Bibat etiam quotidie ad sitim extinguendam Vinum Rhenanum optimum: vel si Cerevisia sit assuetus, sumat non recentem, sed defæcatam benèque coctam: Ac quoties illam ager bibit, toties ipsi cochlearia tria hujus vini exhiberi necesse est.

Notandum tamen, quòd si in hujusmodi agro ficcitas quædam tussis vehemens, vel Tabis suspicio adsit, Piperis loco sumat Glycyrrhiza 3vj. Vino ulu ferè consumpto reliquiis adhuc semel vel bis tantum vini addi permittitur.

Hoc vino non solum brevi temporis spatio inveteratus Scorbutus, præsertim si absque febre vel inflammatione sit, verum etiam reliqua Scorbuti genera omnia, inveteratæ Herniæ, Paralytica atque Gallico morbo infecti felicissimo successu curantur. Hæc omnia Muntingius.

- A. 5. *Lapathum vulgare folio obtuso* J.B. *folio subrotundo* C.B. *folio vulgati* Park. *folio minus acuto* Ger. **Round-leaved wild Dock**, rather, **The most common great broad-leaved wild Dock**.

*Radix* huic simplex, interdum surculosa, crassa, altè in terram descendens, exterius fusca, interius lutea. *Folia* quæ à radice exeunt longis insident pediculis, quæ in caulibus sunt brevioribus, palmatis & sesquipalmum lata, longitudine ad latitudinem dupla, aliàs rotundiora & obtusa, aliàs longiora & acuta, marginibus extimis sinuatis ut crenata videantur, utrinque glabra, [media tamen costa & nervi insigniores hirsuti averla parte] pallidius virentia. *Caulis* plures, cubitales & sesquicubitales, teretes, striati, brevi lanugine hirsuti, medullâ farcti, ramosi foliis ad nodos longis intervallis distantes alternatim positos cincti. In summitatibus caulis & ramorum *flores* in spicas longas, laxas tamen, & è pluribus florum verticillatim dispositorum agminibus constantes digesti. Flosculi singuli brevibus & tenuibus pediculis penduli, hexaphylli, *staminibus* intus pluribus cum *apicibus* subluteis. Tria interiora flosculorum folia in magnum aucta vasculorum usum seminibus præstant. *Semen* in unico vasculo unicum, triquetrum, splendens, colore castaneo, pallidius quàm *Oxylapathi crispi*. Foliola illa terna quæ vasculum seminale conficiunt ad margines dentata sunt, secus quàm *Oxylapatho crispo*.

Hæc planta *Lapathum folio magnum vulgare* J. Bauhini nobis videtur: nam & hujus etiam foliis rustici butyrum obtegere & involvere solent; quin & locis humidioribus in areis pagorum plerumque, ad stabula reperiri solet. Eadem etiam *Lapathum vulgare folio obtuso* Lobelii nobis esse videtur: icon enim convenit; quantumvis Lobelius *Lapathum suum vulgare folio obtuso* Lapatho acuto simile esse scribit femine, caule, flore & radice; foliis duntaxat supernè retusis, brevioribus & rotundioribus differre. Unde nos olim decepti, pro *Oxylapatho* seu *Lapatho acuto* habuimus hanc *Lapathi* speciem cum folia acuta produceret, quod non rarò evenit. Verum jam videmus *Lapathum acutum* Herbariis dictum, eandem plantam esse quàm nos pro *Lapatho acuto minimo* habuimus; & reverà *Lapathum acutum minimum* Lobelii & reliquorum non videtur specie differre à *Lapatho acuto* seu *Oxylapatho* eorundem; ut in ejus historia ostendemus. At planta hæc de qua agimus, tota specie differt ab *Oxylapatho*, non foliorum duntaxat figurâ, ut descriptiones conferenti patebit.

D. Morisonus aliam hujus seu speciem, seu potius varietatem adfert, quam *Lapathum folio subrotundo seminis involucri lævi seu plano* denominat, quod non aliter à descripto differt quàm seminum involucri planis & lævibus, non asperis, seu ad latera dentatis.

- A. 6. *Lapathum folio acuto crispo* C.B. *acutum crispum* J.B. *acutum minus* Park. *acuti varietas folio crispo* Ger. emac. **Sharp-pointed Dock with curled leaves**.

*Radice* cum præcedente convenit nisi quòd minor huic sit, uti sunt & reliquæ ejus partes. *Folia* differt angustioribus, longioribus, obscurius virentibus, per margines crispis & sinuatis, præsertim propè pediculos. *Flosculi* minores, longioribus tamen pedicellis penduli, verticillis crebrioribus, ut semina caulem plerumque penitus contegant & occultent. Tria illa foliola, quæ conniventia semen amplectuntur & includunt, per margines æqualia sunt, non ut præcedentis denticulata. *Semen* quàm illius rubicundius seu castaneo colore intensiore præditum, magnitudine æquale.

In locis incultis, hortorum areis, humidis præsertim & uliginosis passim & copiose provenit.

Hanc speciem *Johnsonus* & *Morrisonus* pro *Lapatho* aquatico minore *Tab. & Ger.* habent. Figura tamen *Hydrolapathi* minoris quam adhibent *Ger. Park. & J.B.* ad *Lapathum anthoxanthon* propius accedere nobis videtur; utcumque cum illis sentio *Lapathum* illud aquaticum minus non differre specie vel à *Lapatho acuto crispo*, vel à *Lap. anthoxantho*.

- A. 7. *Lapathum acutum* Ger. *acutum sive Oxylapathum* J.B. *acutum majus* Park. *folio acuto plano* C.B. **Sharp-pointed Dock**.

*Folia* huic quàm præcedenti breviora, inferiora à lato principio in acutum mucronem sensim angustantur, minora quàm penultimi, aliàs colore subluteo similia. *Caulis* in parem altitudinem attolluntur, sunt tamen graciliores & minores, rigidi, & interdum tortuosi; rami à caule magis extant, seu obtusiores cum eo angulos efficiunt. *Florum* verticilli rariores, seu longius distantes, apposito interdum ad singulos foliolo ligulæ instar. *Flosculi* minores quàm præcedentibus; *semina* plus duplo minora. Extimo foliolorum quæ semini pro vasculo inserviunt tuberculum seu verruca rubens grandis innascitur, cui & similis in præcedente *Lapatho* cernitur sed multo minor.

In humidioribus, ad aquarum margines, interdum etiam in ipsis aquis, nec minus frequens ad fossas & sepes.

Cum hac specie convenire nobis videtur *Lapathum acutum* minimum *J. B. C. B. Ger. Park.* Si quidem *J. Bauhinus* omnibus partibus minus *Oxylapathum* vulgato, cetera ei simillimum scribit: interrim, (pergit) hoc peculiare habere videtur, quod statim à radice ferè caulis in alas incipit dividi, in quibus flores ex certis intervallis verticillatim nascuntur, muscosi, luteoli, singulis ferè verticillis appposito foliolo ligulæ instar, quo verticilla tamen extrema carent. Notæ hæ non sufficiunt ad differentiam specificam arguendam, nam & *Lapathum acutum* vulgari ubicunque provenit flores verticillati ferè sunt, apposisis foliolis ad singulos verticillos: quod autem caulis statim à radice in alas incipiat dividi, natalibus imputandum censeo.

Vires.

*Simon Paulus* in scabie & prurigne plurimum laudat decoctum radicum *Oxylapathi* cum vel sine decocto stercoreis galli gallinacei, si pars affecta eo ablatur.

Ad hujusmodi affectus duo sequentia remedia proponit, ut insignia, 1. R. succi *Oxylapathi*, *Rhabarbari Monachorum*, Rad. *Chelidoniae* maj. an. ʒj. pingued. lactis ʒiv. Mista coque ad succi fere consumptionem. Adde *Diapompholygos* ʒj. *Cerussæ* ʒij. *Aluminis* ʒj. *Thuris* ʒʒ. *Sulphuris* ʒj. Mista deinde diu multumque agitentur in mortario pistillo ligneo vel plumbeo. Quod si inter agitandum siccus fiat, addatur semper pinguedo lactis, ut fiat linimentum mollius.

2. Rad. *Oxylap.* *Althææ* an. ʒʒ. *Helenii* ʒij. *Herb. Aristolochiæ*, *Scabiosæ*, *Nummulariæ*, *Plantaginis*. Man. ʒ. Coque ad putrilaginem in f. q. aquæ fluiat. Trajiciantur per setaceum rarius: Addatur deinde flor. *Sulph.* ʒij. *Balsami Peruviani* parum. F. l. a. linimentum ad Scabiem.

*Backmeisterus* mihi & aliis ceu certissimum ad serpiginem tollendas remedium communicavit pulverem radicum *Oxylapathi* plani cum aceto mistum. *Sim. Paulus.*

Sola fricatio radicis *Lappathi* [i. e. *Lapathi*, fortè de hac specie intelligit] delet impetiginem. Expertum à me sapius. Ex Observationibus *Marcelli Cumani* ab *Hieron. Velschio* editis excerptum & ad me transmisit *D. Barn. Soame.*

*Lapathi acuti* radix *Cerevisiæ* infusa laudatissimum *Antiscorbuticum* habetur. *Willis de Scorbuto.*

*Oxylapathi* radices decoctæ vel seorsim, vel cum aliis specificis mixtæ, in *Ictero* sanando, eximii usus sunt. *N. B.* Caro quæcunque quantumvis vetus & dura, si cum *lapathum* cujuscunque generis coquatur, mollis & tenera evadit. *Langham.* Hort. sanat.

Pulvis seminum *lapathi* hepar roborat & fluxus alvi quoscunque sistit. Est quidem Medicamentum obvium & ubique parabile, verum usus non contemnendi: Ego ei interdum admisceo pulv. rad. *Tormentillæ*, sacch. ros. & pulv. putaminum ovorum. *D. Bowle.*

A. 8. *Lapathum folio acuto flore aureo* C. B. *Lapathum anthoxanthum* J. B. *Golden Dock.*

Radice est brevi, furculosâ, fibratâ, durâ, lignosâ: caule nunc simplici nunc multiplici anguloso, altitudine palmari aut dodrantali; foliis oblongis, angustis, flavicantibus: floribus in summis ramis confertis, inferioribus in verticillos habitiores compactis, colore flavicante. Semina perexigua sunt & pallidiora quàm reliquorum congenerum.

Locus.

In palustribus & uliginosis locis sponte exit: Juxta *Swarfston* pontem ad *Trentam* fluvium copiose, necnon propè *Crowland* oppidum in insula *Eliensi* aut *Lincolniensi* comitatu. Observavimus etiam semel *Middletoni* in *Warwicensi* agro in fossis juxta ædes *D. F. Willughby.*

9. *Lapathum pulchrum Bononiense sinuatum* J. B. *The Fiddle-Dock.*

Ex crassâ radice multa folia, duarum pleraquæ unciarum pediculis ejusdem penè longitudinis profert, unciam plus minùs lata; in medio profundo utrinque sinu ex adverso respondente, extremitate subrotunda, ut musicum illud instrumentum nostratibus a *Viol* dictum figurâ suâ imitentur. E medio foliorum caulis pedalis, nonnunquam sesquipedalis exit, in plurimos ramos incurvos brachiatus. Ad singula genicula flores herbaceos muscosos caterorum *Lapathorum* more profert: quibus singulis succedunt terna foliola angulosa dentata, continentia semina triangularia subrotunda.

Locus.

In arvis & pascuis circa *Londinum*; & in agris *S. Georgii* dictis propè *Southwark* copiose provenit. In *Helvetia* itinerantibus passim se nobis obtulit: unde non est cur è *Bononia* natales ejus arcessamus.

Descriptio quam adhibuimus partim è *J. Bauhini*, partim è *Morisoni* Historia desumpta est, cum planta ipsa ad manum non sit. Est cur dubitemus an hoc à *Lapathum acutum* seu *Oxylapathum* specie differat necne. *D. Magnol* *Oxylapathum* vulgare foliis mirè ludere scribit, modò acutis, modò subrotundis, sæpissimè etiam sinuatis.

10. *Lapathum folio acuto rubente* C. B. *Lapathum sanguineum* Park. *Lap. sanguineum*, seu *Sanguis Draconis herba* J. B. *Bloodwort.*

J. B.

Facilis est hujus à reliquis *Lapathis* discretio, sanguineo succo quo scatet, nervis per folia *Lapathi* minoris acuminata crebris discurrentibus, varioque implexu ruborem sanguineum virentibus foliis conciliantibus, quorum succus & manus & alutam primum purpureo, mox in cœruleum degenerante colore tingit; quo simul & pediculi foliorum turgent. Reliqua effigiatura non absimilis *Lapathum acuto*, nisi quod magnitudine superetur.



In hortis feritur pro olera: Junio floret & semine deciduo facile se propagat.

Folia alvum cient in jusculo, aut expressus succus sanguineus totius plantæ. *Lob.* Nitrosior Oxylapatho esse deprehenditur: reliqua sunt cum eodem communia. Semen pulverisatum & in aliquo decocto astringente potum singularem habet efficaciam in sistendis nimis mensibus & similibus fluxibus. *Camer.*

11. \* *Lapathum Chalepense folio acuto, seminum involacris profundè dentatis* Morison. *Sharp-pointed Aleppo Dock.*

Hujus caulis valde ramosus ascendit ad altitudinem sesquipedalem, ad cujus singula genicula nascitur unicum folium acutum. Flores ibidem producuntur confertim nascentes, herbacei; atque singulos deciduos sequuntur involucria valde dentata, quasi spinosa, in quorum singulis singula continentur semina triangularia, ut in ceteris hujus classis.

Plantam hanc ipse nondum vidi; descriptionem ejus è D. Morisoni Historia mutuatus sum.

12. \* *Lapathum marinum sinuatum* J. B. *Lapathum maritimum fetidum* C. B. Park. *Strong-scented Sea-Dock.*

C. B.

Radice est & caule atro-rubente, pedali, incurvo: quem folia atro-rubentia, subrotunda, longis pediculis donata, & uncialia, interdum sinuata, communiter alata ambiunt, ex quorum sinu ramuli exurgunt, similibus foliis cincti, quorum superiora leviter per ambitum dentata sunt. In caulis summo flosculi quadrifolii, muscosi, quasi in spica dispositi, quibus utriculi foliacei, subrotundi, satis exigui semen continentines succedunt. Hæc dum viret gravis odoris est & in maritimis non longè Monipelio provenit.

Hæc planta, si modò rectè à C. Baubino describatur, Lapathi species esse non potest, cum flos ejus quadrifolius sit, omnis autem Lapathi hexaphyllos, ut de vasculis seminalibus nihil dicam. D. Magnol in Botanico suo Monspeliensi *Lapathum marinum sinuatum* J. B. hujus synonymam facit; nec sanè præter rationem, cum & descriptio & locus convenient. Lapathum autem marinum sinuatum J. Baubini sic describit.

Cauliculos emittit humi procumbentes, aliàs obliquè erectos, dodrantes, in ramulos divisos angulosos atque striatos, quibus folia uncialibus ferè pediculis hærent, alternatim posita, laciniata, duabus insignibus laciniis imam partem in totidem appendices dividendibus, figurâ oblongâ, è quorum sinibus ramulorum exortus est, qui velut in spicas longas ex semunciali intervallo flosculos minimos aggestos habent, obsoleti coloris & ex luteolo virente quodammodo albicantes. Radix rufescent, simplex ferè, paucisque fibris donata.

D. Magnol ob aciditatem quam habet ad Acetosam refert hanc plantam. Nos ad aliud genus pertinere putamus; verum quoniam à tribus magni nominis Botanicis hic fuerit collocata, nec nos quò pertineat certò sciamus, nolimus eam temèrè loco movere, donec de numero petalorum in flore, & figurâ seminis & vasculorum seminalium certiùs edocti fuerimus.

In sabulosis monticulis parùm ultra Cetium montem, quos reptatu suo occupat, Collegit D. Magnol. Cherlerus apud J. B. Junio cum flore circa *Aigues mortes*.

Præter has à nobis aliisque visas & descriptas Lapathi species, alias adhuc aliquammultas à se observatas producit Abrahamus Muntingius M. D. & in patria Academia Groningensi Botanices Professor. Eæ sunt,

1. Lapathum Chinense longifolium, sive Rhabarbarum longifolium vel verum Matthioli, quæ cum sit Planta pentapetala, flore cœruleo, non est hujus loci.
2. Lapathum longifolium nigrum palustre, sive Britannica Antiquorum vera, vel Hydrolapathum nigrum. Quod idem esse putamus Lapatho aquatico fol. cubitali C. B.
3. Lapathum Virginianum sive Britannica Americana.
4. Oxylapathum plantam paludosum.
5. Oxylapathum vulgare minus.
6. Oxylapathum minus dentatum.
7. Oxylapathum fibrosum seu Bulapathum Plinii.
8. Oxylapathum tuberosum Americanum.

Has plantas prolixè describit Muntingius in libro de vera Antiquorum Herba Britannica.

Verum quoniam longæ verborum ambages Lectori plerumque tædium excutere, resque ipsas obscurare potius quàm illustrare solent, omittis minùs necessarios, iisque quæ vel omnibus in genere Lapathis, communia sunt, vel iis quæ à Muntingio noviter inventa & descripta suspicamur, descriptiones contrahere conati sumus, nè eadem multoties repetere cogeremur.

Lapathis omnibus in genere convenit florem habere non deciduum aut fugacem, sex foliis, cum totidem staminibus, suos apices gestantibus, compositum, quorum tria interiora magnitudine aucta & conniventia semen triquetrum splendens, & plerumque spadiceum aut nigricans amplectuntur.

Iis quæ à Muntingio descriptæ sunt commune est, Nervum seu costam habere infernè prominulam in medio folio, secundum ejus longitudinem excurrentem, è qua hinc inde nervuli ad folii latera producti, & ibidem semicirculariter coeuntes cernuntur.

Item tum folia ipsa, tum eorum petiolos & nervos medios maculis & punctis rubentibus contaminata habere: petiolos subrotundos inferius sed striatos, superius planos.

Ceterum Muntingius duobus nominibus nobis reprehendendus videtur. 1. Quòd non indicet locos particulares, in quibus singulas species viderit aut invenerit. 2. Quòd non dicat, quas species

cies novas & à se primùm observatas, quas ab aliis ante se, quibusque nominibus traditas aut descriptas putet. Quæ certè nobis paulò hebetioribus plus lucis affudissent ad eas ritè intelligendas & discernendas, quam descriptiones partium etiam verbosissimæ.

\* 13. *Britannica Americana seu Lapathum Virginianum* Munting.

E radice crassa, variè divisa, & fibrosis appendicibus onusta, exterius fusca, internè è rubro lutea, medullà in vetustioribus è fusco rubrà, circulo quodam albo intrinsecus exornatà, substantià firmà & solidà, per siccitatem tamen spongiosiore, succulentà, inodorà, gustu amara & adstringente, ac ore masticata succum quasi luteum exhibente, *Folia* edit non adeò copiosa, arctè quasi congesta, sursum magis quàm deorsum vergentia, magnitudine varia, in planta nondum florente minora, breviora & rotundiora, in florente majora & acutiora; infima cum petiolis sesquipedem circiter longa, 6, 7ve digitos lata ubi latissima, in acutum mucronem parum se contorquentem sensim desinentia, modicè crassa & pinguis, supernè herbacea, infernè è viridi subcerulea, marginibus plurimùm rubris; necnon media costa, & venulis indè ad latera excurrentibus, quæ tamen infernè parum aut nihil ruboris ostendunt, gustu validè adstringente & acida, petiolis crassis, nec plus quinque uncias longis nixa. E quorum medio mense Junio erumpit *caulis* tripedalis, pollicem crassus, teres, striatus, cavus, viridis, ad genicula tamen seu foliorum sedem annulo planè rubido, digitum lato cinctus, foliis hinc indè adnascentibus, & deorsum plerunque vergentibus, infimis multum minoribus, & sensim angustioribus ad fastigium usque vestitus: è cuius apice primò non inter folia ei annexa, ut in aliis Lapathis, Julio mense flores producuntur. Qui tamen caulis postea in paucas quasdam partes transversas, admodum angustas, ac à se invicem separatas dissipatur, quibus inferius pauca quædam foliola adhærent. Flores & semina ut in aliis Lapathis, à quibus tamen omnibus præter præcedentem differunt, quòd albida: gemmularum planè lanuginosæ ipsi eorum foliis ab utraque parte adnectantur.

Frigoris minus patiens, in regionibus septentrionalibus per hyemem reponi desiderat.

\* 14. *Lapathum planum paludosum* Munting.

E radice modicè longa, digitum crassa, & in quasdam partes rectè transversas divisa, colore ut in *Britannica* vera, saporis experte, necnon admodum adstringente, *Folia* profert non multa *Acetose* vulgaris effigie, plana & explicata, vix manum longa, duos digitos ferè lata, è basi latiore in mucronem desinentia, viridi colore, consistentia duriuscula, pediculis longis nitentia, marginibus planis, interdum nonnihil velut plicatis, costà medià supernè interdum rubrà, parum amara, necnon valdè adstringentia, inter quæ & alia quædam minora, longioribus pediculis, plana in obtusum mucronem finientia, substantià atque effigie *Acetose* vulgaris persimilia. E quorum medio mense Maio unus, vel pro magnitudine plantæ duo *Cauliculi*, recti, bipedales circiter, tenues, teretiusculi, teretes, striati, rubei plerunque, interdum pro naturæ loci ex parte virides assurgunt; foliis hinc inde rarò à se invicem distantibus, iis quæ ad radicem latioribus, planioribus, brevioribus, atque in obtusum mucronem desinentibus, *Acetose* vulgaris similibus vestitus: inter quæ à superna parte ramuli tenues, ceteris Lapathi speciebus ferè omnibus numero frequentiores, permixtis foliis minoribus, & in acutum planè desinentibus necnon suo in virore ad seminis perfectionem perseverantibus onusti, oriuntur. Flosculi verticillatim ad articulos dispositi sub finem Julii aperiuntur.

Flosculorum foliolis tribus internis tres gemmularum ex albedo rubentes oculos protuberantes non iniquè efformantes externè adnascuntur: quod nos in *Oxylapathi* etiam flosculis observavimus.

\* 15. *Lapathum vulgare minus* Munting.

E radice ferè lutea, digitum vix crassa, sex circiter digitos longa, in acutum desinente *folia* profert digitum plus minus longa, ac pollicem [ transversum ] lata, in obtusum mucronem desinentia, supernè hilariùs viridia, infernè pallidiora, pediculis tenuibus hærentia, plerunque plana, rariis nonnihil quasi crispata, gustui ingrata, atque nonnihil interdum amaritie quadam accelescentia. E quorum medio *Cauliculus* producitur tenuis, sesquipedalis aut altior, teres, parum rubescens & striatus, varios in ramulos, transversos, graciles divisus, quibus nonnulla exigua foliola, inferioribus acutiora, ab utraque parte, rariùs disposita adhærescunt. Ad quorum exitum è caule flosculi articulatim dispositi proveniunt. Semen pusillum, fuscum.

In siccis potius quam paludosis oritur.

\* 16. *Lapathum minus dentatum* Munting.

E radice tenui, tuberosa, manum transversam longà, tam internè quàm externè pallidè lutescente, *Folia* edit pauca, inferiori parte juxta se posita & quasi ex uno loco emergentia, pusilla, digiti longitudinem vix continentia, brevibus admodum petiolis, ad basin circiter pollicem lata, indèque se contrahentia in acutum mucronem tandem desinentia, supernè gratè virefcentia, inferius pallidiora, solo plerunque incumbentia, rariùs supra illud elata, undique ferè plana, marginibus ex parte rubidis, parumper incis, aut gratè dentatis, gustum valdè tenuiter ferientia. *Caulis* plerunque unicus, valdè gracilis, sesquipedem plus minus longus, teres ferè, parum striatus, cavus, colore spadiceo; non admodum altè supra solum in quinque, sex, vel septem ramulos transversos, ab utraque parte provenientes dissipatus, quibus foliola quædam exigua, vix tamen aut nihil



hil crenata, verum inferioribus planiora adnectuntur hinc inde procul à se invicem distantia, ad quorum exortum caulibus verticillatim adnascuntur flores perpufilli, pallide virides. Semen pusillum, nitidum, spadiceum.

\* 17. *Bulapatium Plinii, sive Lapatium fibrosum*, Munting.

Humilis & exigua est planta, è radice tenui, brevi, pallide pupurascente, necnon planè fibrosa, & nullo modo (ut ceteræ Lapatii species universæ) tuberosa, aut amariscula, sed sapore potius ingrata. Folia protrudit haud pauca rotunda quasi serie quadam disposita, tam deorsum quam sursum vergentia, brevibus petiolis inherencia, effigie ac magnitudine *Sanguinei Lapatii* foliis, quæ parvam bubulam linguam representare videntur, non dissimilia, juxta petiolos latiora, & tandem angustiora, in mucronem desinentia, parvam manum longa, duos digitos lata, superne atro-viridia, inferne pallidiora, plerumque plana, interdum tamen in hac vel illa marginum parte parùm inflexa vel quasi plicata, substantiâ modicè crassa, ore commanfa parumper acida, adstringentia, atque amaritudinem quandam propinquantia. E quorum meditullio Caulis sæpius surgit unicus, sesquipedem circiter longus, teres fere, striatus, concavus, foliis pallidior, quatuor, quinque, vel sex foliolis pusillis, hinc inde emergentibus onustus, necnon circa fastigium in duas, trève partes divisus, in quibus flosculi non verticillatim, verum undique æquali semper ordine cauliculos ad summum apicem tingentes dispositi cernuntur. Semen pusillum, spadiceo vel fusco colore nitidum.

Floret Vere; Semen circa Maii exitum maturat. Semine prolato sæpius, non tamen semper emoritur.

\* 18. *Oxylapatium tuberosum Americanum*, Munting.

E radice pollicè nonnunquam longiore, crassâ, ovali, tuberosa, angulosa, fibris paucis hinc inde enatis donatâ, exterius fulvâ, internè candida, sub finem Aprilis aut Maii initium folia protrudit rufescentia, ex angustâ origine in latius finientia, sex digitos longa, in medio duos trève lata atque ibidem rotundiuscula, in mucronem acutum desinentia, modicè longo & angusto quasi pede nitentia, mollia & leviter flaccescentia, superne atro-viridia, inferne pallidiora, marginibus planis, palato pergrata, quamvis & acidiuscula & parùm adstringentia. Caulis circa finem Junii nunc unus, nunc plures, pro radicis ætate aut magnitudine, pedem longi vel paulò altiores, teretes, tenues, duobus parvis, aliquando oppositis interdum separatis foliolis, vel unico tantùm, aut sæpius planè nullo onusti exurgunt. In quorum fastigio trës, quinque, vel septem nonnunquam, à se invicem separati, bini tamen semper ab utroque caulis parte juxta se positi, flosculi, in cacamine nihilominus in unum desinentes, petiolis pusillis nixi, à precedentibus omnibus Lapatii speciebus formâ, magnitudine, foliis ac colore planè diversi, ex albido scilicet rufescentes, explicati & omnino rotundi, conjunctim interdum & quasi coacervatim dispositi, è foliolis sex tenerrimis, intrinsecus sive meditullium versus admodum angustis, extrinsecus verò latioribus, atque in trës particulas ibidem acuminatas Cyani modo incisfis constantes, cum perpufillis in meditullio apicibus luteis: qui post triduum in se marcescebant nullo relicto semine.

An hæc planta vera & genuina Lapatii species sit nobis non constat, cum Autor noster nec semen, nec ejus conceptaculum describat.

Superficies hujus plantæ quotannis hyeme interit: radix perennat.

### C A P. III.

#### De Acetosa.

**A** Cetosa ab aceto recentioribus dicta est, quia acido sapore acetum æmulatur: Græcis Oxalis pariter ab acido succo.

In nonnullis Acetosæ speciebus puto me observasse alias plantas steriles & floriferas tantum, alias fertiles & semine prægnantes: ut in his quoque sexus distinctio eluceat.

Hujus generis octo species nobis innotuerunt. Ex sunt

1. *Acetosa vulgaris*.
2. *Montana maxima* C. B.
3. *Sterilis Moscovitica* Mor.
4. *Vesicaria Americana* Park.
5. *Rotundifolia bortenfis* C. B.
6. *Scutata repens* C. B.
7. *Arvensis lanceolata*.
8. *Cretica semine aculeato* C. B. Quæ eadem *Acetosa* *Ocimi folio* *Neapolitana* *Bucephalophora* Col.

A. 1. *Acetosa*

A. 1. *Acetosa vulgaris* Park. *pratensis* C. B. *Oxalis vulgaris folio longo* J. B. *Oxalis folio longo* Ger. *Wild Borrel*.

J. B.

Cubito altiores promit caules striatos, concavos & in apricis rubentes, in alas divisos, & foliis alternatim positos cinctos. Bistortæ minoribus, acuminatis, quæ pediculo adhaerent saltatim pinnatifide (sic) culentis, glabris, atro-virentibus, sapore acido. Flores & semen Lapathi acuti (inquit J. Bauhinus.) In hac specie plantæ nonnullæ flores duntaxat proferunt, hexapetalos cum duodecim staminibus apicibus luteis, quibus nullum succedit semen: Aliæ semen proferunt triquetrum, splendens in sterculo tribus foliolis conniventibus composito, ut in Lapathis fit. Radix fibrosa, lutea, ærenu-focante & astringente sapore.

Locus & Tempus.

In pratis & pascuis passim & copiosè provenit, in hortos etiam admittitur in usum culinæ.estate floret & semen brevi perficit, quod (ut rectè Gesnerus) difficulter colligitur, cum subito decidat antequam probè maturelcat.

Hujus varietas habetur, quam J. Bauhinus sub titulo *Oxalidis crispæ* depingit & describit. Hæc, inquit, natali loco, tempore & crescendi modo à priori nihil planè differt quàm quod naqui foliis crispis in hac mirè ludat.

Vires.

Acetosa omnis, ut alia ferè acida, refrigerat & ficit; appetitum excitat, choleram reprimat, sitim sedat, putredini resistit, unde in febribus biliosis, simplicibus ac pestilencibus efficacissima est, atque etiam utilissima, seu succum expressum iusculis & forbitionibus immiscere, seu folia eisdem incoquere malueris. Aqua destillata eisdem usibus inserviet hyemis tempore, cum folia erant nuerint; est autem, ut pleræque hujusmodi aquæ stillatiæ, languidior multò & minorum virium.

Semen medicamentis additur cordialibus, estque proculdubio facultatis adstringentis particeps, ut aliorum Lapathorum semina.

Herba æstivis mensibus acetariis inseritur, estque idoneum multorum ciborum condimentum.

Singulare est (inquit Simon Paulus) quod aliqui prædici pro horribili secreto habent, quod Acetosæ radix ficcata & decocta rubello eleganti colore aquas tingat, cuius tamen Rulandus jampridem meminit.

Grælandi miserè vexantur Scorbuto, sed quasi renati convalescunt, miscendo Cochleariam & Acetosam simul in Brodis suis Avenaceis vel Hordeaceis. Hæ duæ plantæ semper crescunt simul in hac regione, quasi seorsim sumi non debeant, ne separatè noceant, quippe una sale volaci, altera acido turgescit, ex quarum mistura media qualitas exulset. Bartholin. Act. Med. 1671. Ol. Ex adversar. D. Tancredi Robinson.

2. *Oxalis montana maxima* C. B. *Sylvatica maxima* J. B. *Acetosa maxima Germanica* Park.

J. B.

Duorum cubitorum circiter altitudinis est caulis striatus, foliis ex intervallis certis amictus singularibus, sesquipalmaribus, uncias tres latis, acuminatis, glabris, inferioribus verò duplo majoribus acido sapore præditis.

Acetosæ maximæ speciem cum Cantabrigiæ degerem, diu in hortulo nutriti sub titulo *Acetosæ maximæ Hispanicæ*, cujus folia non tantum majora fuere quàm Acetosæ vulgaris, sed & colore dilutiore, succulentiora, & teneriora. An fortè Acetosæ Hispanicæ grandissimis foliis Cam. quæ tamen differentia natalibus imputandæ videntur.

Hanc plantam C. Bauhinus in montibus Helveticis & Sabaudicis provenire scribit: J. Bauhinus in monte Thuri propè Genevam.

\* 3. *Acetosa montana geniculis nodosis* C. B. *montana maxima* Park. qui hanc cum præcedente eandem facit. *Oxalis folio amplissimo, geniculis tuberosis* J. B. *Great knobby jointed Borrel*.

Clus.

Oxalidis genus in jugo Wechsell Clusius observavit, sativo multò majus, foliis valdè amplis, cui hoc peculiare erat, ut in caulis nodis & geniculis subinde velut tubera quædam adnascerentur, è quibus folia tandem sese explicarent; quæ tubera tellure obruta [periculum enim fecit] sui generis plantas protulerunt.

\* 4. *Acetosa tuberosa radice* J. B. *Oxalis tuberosa radice* J. B. Park. *Borrel with tuberous or knobby roots*.

Terram suprà Oxalidem pratensem refert, foliis paris magnitudinis & formæ, aliis caulem aliis suis complexis, aliis longiore pediculo nixis. Flos stamineus, luteolus, racemosus, (Lobelio teste, cui primam ejus notitiam debemus), radicibus tuberosis Filipendulæ vel Oenanthes perquam spectabilis.

Jacobo Zanonì hæc species *Acetosæ Ragusianæ* dicitur, unde verisimile est eam in confinio Ragusæ urbis, unde transmissa est, sponte oriri. Cæterum Zanonì Acetosam suam tuberosam, repentem Ragusinam à Lobelianâ tuberosâ specie diversam esse contendit: Siquidem Ragulina sub terra repta se multiplicat, & novas in circuitu plantulas seu stolones emittit: folia habet sanguineis maculis (cum primò erumpunt) notata; florem rubicundum; & in singulis radicibus singula duntaxat



taxat tubera, longa, crassa, Præoniæ fœminæ aut Asphodeli majoris tuberibus similia: Lobeliana autem his omnibus notis caret, cum Acetosæ hortensi vulg. tuberibus exceptis, per omnia similibus sit; tubera autem multo sunt minora, duo aut tria in eadem interdum radice aut radice fibrâ simul juncta, Filipendulæ vulgaris crassitie. Verum his non obstantibus Lobelio descriptam & depictam, cum Ragulina Zanoni eandem esse suspicor. Potuit enim & Lobeliana reptando se propagare, quamvis proprietatem istam Lobelius vel non animadvertit, vel non meminuit: maculas autem sanguineas vel insecti cujusdam puncturæ, vel morbidæ aut vitiosæ alicujus efflorescentiæ notas esse verisimile est; tubera insuper in icône Lobeliana non multum figurâ suâ abladunt à Ragulina tuberibus, nec plura sunt in singulis fibris, nisi quando fibræ majores in ramos dividuntur, quod fortè etiam in Ragulina interdum potest contingere, aut si nunquam contingat, pictori vel sculptori incauto aut cerebroso seu temere, seu de industria iconem corrumpenti, & fibris tubera appingenti deberi.

5. *Acetosa sterilis Moscovitica Morisoni. Bladder Sorrel of Russia.*

Hæc parùm admodum differt ab Acetosa vulgari, nisi quòd sit foliosior, rotundior & omnino minor. Rarò caules edit, rarius flores; semina apud nos ad maturitatem nunquam perducit, unde non ineptè sterilis appellatur.

Folia ejus ineunte Verè teneriora cum sint, acetariis sunt aptiora.

Locum titulus indicat: vidi in horto D. Willughby Middletoni cultam. Qui nobis communicarunt à Novo castro Northumbriæ oppido ad se transmissam retulerunt.

\* 6. *Acetosa montana, radice rectâ, pedali aut sesquipedali Lappathi instar absque fibris Moris. Long-rooted Mountain Sorrel.*

Moris.

Radice longâ, rectâ, absque fibris adhaerentibus à reliquis Acetosis differt; quoad ceteras partes convenit cum congeneribus.

\* 7. *Acetosa quarta Col. montana bulbosa C. B. bulbosa montana major Park.*

De hac Columna; Quarta montium frigidiorum incolæ, rotundior, bulbosa. Folia promit lata in imo, basi bifurcata ac veluti alata, quodammodo hederacea, trifida.

Ex brevi hac descriptione an hæc sit species à superscriptis omnibus distincta certò definire nequimus.

8. *Acetosa vesicaria Americana Park. Americana longissimis pediculis donata C. B. Oxalis Africana J. B. American Sorrel. Acetosa Indica Park. quid differt?*

C. B.

E radice simplici, alba, paucis fibris donata caules plures, rotundi, striati, læves, in terram reclinati prodeunt, qui mox in plures ramos oblongos brachiantur. Folia gemina, opposita, aliquando etiam singularia, pallida & velut nitroso pulvere obsita, angulosa, non tamen ut in vulgari bifurcata aut alata, sed potius Atriplicis formâ, bruncialia, & pediculis triuncialibus donata, mollia, carnosa [vel Portulacæ ipsa crassiora, J. B.] sapore acido; ex quorum sinibus alæ surgunt foliis minoribus, sed eadem formâ; in quorum, ut & in caulis summo flosculi ex luteolo virentes & rubello quodam, figurâ Oxalidis vulgaris, solâ magnitudine differentes, quippe majores, ex recurvo pediculo penduli, vel ut in spicas dispositi: quibus fructus foliacei (ex tenuibus rufescentibus membranarum elegantissimis venulis, veluti in Fritillariâ per eas discurrentibus compositi) ut in aliis, sed quadruplo quàm in vulgari majores, ex parvis pedicellis dependentes succedunt, quibus semina triangularia oblonga, rufescentia & splendens inclusa continentur.

Cæterum tota planta gustu & aciditate delicatiore reliquis congeneribus præferenda.

J. Baubinus dubitat an hæc planta sit Zacynti Oxalis Alpino in lib. de Plant. Egypt. quam exilem herbam fuisse scribit, foliis parvis, crassis, oblongis, Calthæ foliorum æmulis, gustum ut nostram acido sapore ferientem. Nos Zacy. Oxalidem huc referre malumus, quàm pro nova specie proponere cujus notæ omnes huic non ineptè conveniunt.

\* 9. *Acetosa vesicaria Tingitana perennis repens, foliis longis sinuatis Morisoni; perennis Tingitana major dentata Zanoni. Bladder Sorrel of Tangier with wavy leaves.*

Moris.

Folia protrudit è terra plurima, longa, mucronata, profundè laciniata seu sinuata, imò undulata. E mediotallo horum exit caulis, per terram stratus, ad cujus genicula nascuntur folia singularia, itidem sinuata. In summis caulibus nascuntur flores muscosi: quibus singulis succedunt vesicæ triangulares, in gremio continentes semina triangularia. Radicem profert crassam, repentem, multis fibris donatam.

Copiosè provenit in Mauritania Tingitana, unde D. Alexander Balam in Angliam transmissit.

D. Zanoni omnes hujus plantæ partes prolixè & accuratè describit. Folia quoad formam Ari similia ei attribuit, nisi quòd dentata & undulata per margines sint, & ad basin suam in duas lacinias profundè incisa, caulem cubitalem, dum adhuc tener est humi stratum, postea se erigentem, pennæ anserinæ crassitie, infernè ad medium usque dilutè rubentem, reliquâ superiore parte virentem, fragilem

fragilem adeò ut non sine strepitu rumpatur: flores & capitula tenuibus pediculis pendula, interdum solitaria, aliàs duo aut tria simul, ex eodem puncto prodeuntia. Cetera apud ipsum vide.

Cum *Acetosa vesicaria* præcedente mihi non multum convenire videtur, siquidem *radix* est perenni & durabili; *foliis* oblongis sinuatis & ad basin profundè laciniatis: floribus eòque sequentiis feminibus in singulis pedicellis singulis, non pluribus simul in unum capitulum conglobatis, ut in illa.

10. *Acetosa rotundifolia bortenfis* C. B. *Oxalis Franca seu Romana* Ger. *Sativa Franca seu Romana rotundifolia* Park. *folio rotundiore repens* J. B. *Roman or French Saxif.*

J. B.

Ludit subinde hæc *foliis*, modò rotundis ferè, Cochleariæ vel Chelidonii minoris proximis, modò alarum appendicibus donatis, aliàs sagittæ instar mucronatis pinnatifque velut Spinachiz foliorum extremum, colore glauco aut pallido, pinguiusculis, delicatòque acore præditis. *Caulis* inanes, cubito longiores: *Flosculi* è fibris componuntur ex luteo rubentibus, ut in aliis, quibus & semen respondet. *Radix* tenuis reptat, sapore minùs acido, sed magis sicco quàm folia.

In hortis passim feritur.

Huic affinis est,

- A. 11. *Acetosa scutata repens* C. B. prod. Park.

C. B.

*Cauliculis* nodosis tenellis, per terram repentibus, uncias quatuor longis: *foliis* unguem latius, sed longis pediculis *cauliculis* æquantibus donatis, formam scuti, vel potiùs Avonis folium referentibus, in medio tamen utrinque sinum obtinentibus, & in apicem desinentibus.

Huic eandem specie esse existimo *Acetosam rotundifoliam repentem Eboracensem folio in medio deliquium patiente* Moris. ut & *Cambro-britannicam montanam* Park. quam & nos olim in agro Westlandico sponte ortam invenimus. Morisonus eam vix alia in re quàm *foliis* rotundis, spissis, vivacibus, in medio deliquium patientibus à vulgari Romana rotundifolia differre scribit.

Nec multum abludit

- \* 12. *Acetosa rotundifolia Alpina* C. B. Park.

C. B.

Planta palmo minor, cui *folia* quina vel sena *Violæ luteæ* Alpinae modo rotunda, unguem latius, pediculis tres etiam quatuor uncias longis & tenuibus donata prodeunt, & inter hæc *cauliculus* latus & nudus, sexuncialis exurgit; in cuius summo *flosculi* muscosi parvi velut in spicâ unciali, cui folium simili formâ subijciuntur.

- \* 13. *Acetosa Calthæ folio peregrino* C. B. *Oxalis Zacynthi* Alpin.

A nostris (inquit Alpinus) Oxalidibus omnibus admodum diversa erat: Quippe exilis herba, *foliis* parvis, crassis, oblongis, Calthæ foliorum æmulis, gustum non minùs quam nostra acido sapore feriens.

- A. 14. *Acetosa arvensis lanceolata* C. B. *minor lanceolata* Park. *parva auriculata repens* J. B. *Oxalis tenuifolia* Ger. *Sheeps Saxif.*

Prolixas habet *radices*, tenues, fibrosas, rubentes, sub terra reptantes & nova obiter germina ad intervalla protrudentes, quibus longè latèque brevi temporis spatio se diffundit, solo præsertim arenoso. *Caulis* in lætiori solo semipedales sunt aut altiores, striati, solidi, *foliis* cineti crebris, situ alterno, summa parte in plures ramulos divisi, in quibus *flosculi* & semina eodem modo oriuntur quo in vulgari *Acetosa*, longos racemos efficientes. Sunt enim *flosculi* hexapetali inutiles quibus nullum succedit semen: sunt & semina quibus nullus flos præviis. Semina non contiguuntur tribus foliolis conniventibus tantum, ut in aliis plerisque hujus generis, sed herbaceo involucre arcte adherente. *Folia* semunciam aut unciam longa sunt, ad imum auriculata, gustu reliquorum instar acido: Superiora in caule plerumque angusta sunt, & auriculis carent.

In arenosis, lapidosis & incultis agris passim provenit, reptatu suo odiosa.

Huc refero *Acetosam* XIV, seu lanceolatam angustifoliam repentem C. B. item XV. seu arvensim minimam non lanceolatam repentem ejusdem, quæ accidentibus quibusdam à loco natali ortis potiùs quàm specie differre videntur.

*Acetosa angustifolia elatior* Park.

An ab hac specie differat me nescire fateor: notæ ejus distinctivæ sunt tantum *Caulis* gracilis *elatior*, *Folia* angusta, oblonga. Nihil adfert autor de loco ejus natali, nec unde habuit aut plantam ipsam, aut ejus iconem, dicit: quocirca nisi aliunde ejus noticiam habuerimus, oportet ut adhuc incerti maneamus.



15. *Acetosa Greica semine aculeato* C. B. Park. *Oxalis minor aculeata* Candia J. B. *Prickly-headed Bogrel of Candy.*

Ramosos complures dodrantes & cubitales, humi fusos, undatim flexuosos, graciles, striatos producit, colore propter terram rubente, alioqui viridi: folia pauca Oxalis vervecinae, pinnis mutila, oblongis pediculis donata: flores ex intervallis per totam ferè ramorum longitudinem, muscosi, luteoli, velut in spicas dispositi; quibus semen succedit triquetrum, purpurascens, triplici membranula aculeata circumclusum, contorto, latiusculo succulento pediculo appensum. Radix gracilis, fibrosa, rufescens, summa tellure hrens.

Ex semine sub hoc titulo à D. de Casa bona nisso, Montbelgarthi in horto Ducis succrevit, Junio floruit, & Julio semen maturuit.

Huic specie omnino eandem esse mihi persuadeo, quæ frequens circa Neapolin oritur à D. Fabio Columna descripta & depicta sub titulo

*Acetosa Ocymi folio Neapolitana bucephalephora.*

Cujus descriptionem, nè Lectori temerè imposuisse videar hic subjungam.

Folia huic Ocymi modo sunt sescunciam lata, carnosæ, ovali figurâ, petiolo longo hærentia, veluti nitroso pulvere obrita, acido sapore ut in congeneribus, alternatim cauli hærentia; ex quorum finibus alæ surgunt, minoribus eodem modo foliis: in quorum & in caulis summo in spicam, ut in aliis, flores emicant dispositi, parvi, herbidi, lutescentes, muscosi, ac etiam circa summa folia hærentes, foliolis quibusdam parvis pro calice: quibus fructus succedunt foliacei, ut in aliis, sed huic miro naturæ artificio Bubulinum caput exprimentes, nam veluti collo cauli hærent, & inde ad capitis extrema velut cornua parum inter se curva; paulò inferiùs verò, & veluti è regione oculorum, aures veluti apparent utrinque & supercilia; & ab his reliquum dependens capitis totius iconem exprimens. Caulis plures à radice exeunt, aliquando pedales aut majores, parum angulo si ac veluti striati. Radix tenuis respectu plantæ, in summa tellure hærens.

Autumni fine exit; caulem edit vere; æstate perficitur.

Hanc plantam circa Neapolin, locis à Columna indicatis abundè proveniente vidi & collegi. Prima facie *Oxalida minimam vervecinam* putavi, verum curiosius eam inspiciens diversam agnovi; & revera Descriptio *Acetose Greica semine aculeato*, quam ex J. B. Hist. desumptam proposuimus ei egregiè convenit, ut non dubitem eandem esse quam Bauhinus descripsit.

\* 16. *Acetosa annua Ocymifolia Lusitanica* Munting.

Planta est annua, è radice parva, tenui, fusca, fibrosa folia protrudens non magna, pediculis articulum longis nitentia, digitum minimum ferè lata, ovali figurâ, ad pediculos, nimirum angusta, in medio latissima, indeque in obtusum mucronem desinentia, crassiuscula, marginibus planis, supernè obscurè virentia, infernè paulò pallidiora, gustu acido, unica in medio, tenerâ venulâ, è qua alie quædam pusillæ ac vix visibiles exoriuntur. Cauliculi inde exurgunt unus, duo vel tres; foliolis prædictis minoribus angustioribus, magisque acuminatis, hinc inde ad digitum à se invicem distantiam cincti, vix manum longi: quorum summo fastigio spicæ in modum sed verticillatim ad articulos dispositi flosculi, brevissimè ac arètè admodum suis pediculis adnati Augusto ac Septembri mensibus explicantur. Seminis involucrium Lunæ in cornua falcatae modo dispositum, inferiori parte rotundiorè parumper purpurascens, pluribusque spinulis quasi molliusculis plenum necnon longiformi cuidam, crassiusculâ & lanugino sæparti, ut in Calendulæ semine, annexum.

Herba est tenera, frigoris minùs patiens, nec semen nisi calido in loco Soli exposita, in oris nostris ad maturitatem perducit.

Hæc plantula ab *Acetosa Ocymi folio Neapolitana bucephalephora* Col. solâ seminis, seu veriùs conceptaculi seminalis figurâ, Muntingio ipso fatente, differt: ut eandem specie esse suspicer, & naturâ tantum ludente in vasculi seminalis figura variare.

\* 17. *Acetosa annua Africana* Munting.

A præcedente, cui aliàs satis similis est, differt Statura paulo altiore, Foliis rotundioribus & obtusioribus, ramulis floriferis è caulium lateribus inter foliorum ortus erumpentibus.

## CAP. IV.

## De Pegopyro.

**H**æc planta Pegopyròn seu Fago-triticum recentioribus dicitur à figura seminis, quod Faginam glandem formâ triquetra & colore sordido quodammodo refert, licet quantitate multò minus: apud Véteres nullum nomen obtinuit, quibus vel non cognitum, vel non usitatum, vel neglectum. Dod. C. Bauhino Erysimum Theophrasti folio hederaceo dicitur. Frumentum Saracenicum nonnullis, quia ex Africa primùm delatum creditur.

Convulvulus niger dictus Pegopyrò adeò similis est, ut pro ejus specie scandente merito censeri possit.

Hujus notæ characteristicæ sunt flosculi pentaphylli speciosi, in spicis è foliorum alis egressis. Semine triquetra cum congeneribus convenit, ejus tamen colore sordidiore & farinâ esculentâ ab iisdem differt.

A. 1. *Fegopyrum* Dod? *Tragopyrum* Ger. emac. Park. *Fagotriticum* J. B. *Buckwheat* 2. *Blank*. *Erysimum* Theophr. folio hederaceo C. B.

*Radice* nititur furculosa, plurimis fibrillis capillata. *Caulis* surgit cubitali & altiore, simplici, tereti, glabro, solido; viridi sed in apricis purpureo, ramoso, ramulis alternatim è foliorum sinibus exeuntibus. *Folia* ima pediculis duas uncias longis insident, superiorum in caule pediculi sensim breviores sunt, donec tandem in summo immediatè adnascantur, hederacea, glabra, atrovirentia, per margines aequalia, sapore fatuo. In summis caulibus & ramulis ex alis foliorum egrediuntur furculi seu pediculi unciales [ *f. B.* trientales aut quadrantales, ] tenues, flores sustinentes in spicas habitiores seu racemos congestos, satis amplos, pulchellos, pentapetalos, ex albo purpurascens, apicibus rubentibus. In umbilicis florum singulorum singula nascuntur semina, oblonga, triquetra, nigris glumis obducta, farinam intus continentia candidissimam, inspidam.

De loco ubi sponte provenit mihi non constat: Aiunt Africanæ originis esse: Apud nos in arvis feritur, nec ullum ferè solum refugit. Gaudet imbribus, citò provenit, celeriter maturescit, ut rectè *f. Baubinus*.

Veteribus incognitam & inditam fuisse hanc plantam Botanici peritiores opinantur.

Ufus.

Rura ( inquit *Matthiolus* ) non solum ex ea panes pinsunt, sed & pultem quoque conficiunt, que non ingratus est cibus, ubi rectè fit. *Dodonæus* pulmentaria ac placentas, quæ ex ejus farina conficiuntur, facillè concoqui, citò descendere, alimentumque corpori adferre, exiguum quidem non tamen aut malum vitiosum scribit; Panem qui ex eo aliquando, cogente annonæ penuriâ coquitur, aut farinam ejus admixtam habet, humidum esse citiusque descendere, ac flatulenti plus obtinere quàm ex Secali coctum. Herbam viridem, priusquam semen maturuerit, boves jumentaque pascuntur. Semine gallinaceum genus pastum citissime pinguescit. *f. B.*

A. 2. *Convolvulus minor Atriplicis folio* Park. *Polubilis nigra* Ger. *Convolvulus minor semine triangula* C. B. *Helxine semine triangulo* J. B. *Black Bindweed*.

*Radice* firmatur furculosa, lutea, lenta, sapore nullo insigni. *Caulis* plurimum simplex, verum à radice statim ramosus, plurimis prælongis, tenuibus flagellis, quibus plantis vicinis se circumvolvendo in altum emicat, spiris à dextra sinistram versus tendentibus. *Folia* in caulibus & ramulis ad intervalla rara, alternatim aut singulatim posita, pediculis semuncialibus aut longioribus appressa, triquetra hederæ aut potius *Fegopyri*, glabra, per margines aequalia. In summis caulibus & ramulis & ad exortum foliorum flosculi racematim coherent hexapetali, alii inutiles & semine casti, albi, qui interdum aperiuntur, alii semine prægnantes, qui perpetuò connivent, & singuli singula semina triquetra, satis grandia, ex obscura purpura nigricantia complectuntur.

Locus.

Nascitur in locis cultis, arvis, vineis, segetibus, quin & sepes interdum longissimis suis flagellis ferpat. Sub finem Æstatis & Autumno semen perficit & brevi radicitus exarescit.

Ufus ejus, quod sciam, in medicina nullus.

## C A P. V.

### De Perficaria.

**P**ericaria Latinis à foliorum formâ laud dubiè dicta est, quod folia *Perficæ* mali foliorum amula obtinet: *Hydropiper* Græcis à loco & sapore: in aquis enim aut circa aquas oritur, estque valdè calidum & acré instar *Piperis*: quamvis non omnis *Perficaria* acris sit, imò pleræque mites.

*Perficaria* flosculis tetraphyllis in spicis summos caules terminantibus à reliquis hujus familiæ distinguitur, speciatim à *Bistorta* radicibus non intortis. Forma quoque seminis à reliquis non parum differt, quod non adeo concinnè & exactè triquetrum est; uno latere reliquis duobus ferè pari, adeò ut angulus iis contentus valdè obtusus sit, reliqui duo acuti.

Hujus quinque species nobis cognitæ sunt, nimirum:

1. *Perficaria vulgaris acris sive Hydropiper* J. B.
2. *Vulgaris mitis seu maculosa.*
3. *Pusilla repens* Ger. emac.
4. *Frutescens maculosa Virginiana* Park.
5. *Salicis folio, Potamogeton angustifolium dicta.*

A. 1. *Perficaria vulgaris acris sive Hydropiper* J. B. *vulgaris acris sive minor* Park. *P. urtica* sive *Hydropiper* C. B. *Hydropiper* Ger. *Taketweed* or *Arsmart*.

*Radice* parvâ, lignosâ, albâ, simplici, pluribus fibris capillatâ alimentum attrahit. *Caulis* plures pedales aut cubitales, solidi, teretes, glabri, pluribus geniculis nodosis intercepti, in apricis ruben-



res, aliàs luteo-virides, ramosi. Folia ad genicula singularia, membranceis appendicibus caulem amplexa, pediculis brevibus insident, pallidè viridia, non maculosa, glabra, per margines aequalia, Perficæ foliis similia, unde & nomen impositum. In summis caulibus & ramulis flores in spicas digesti longas, laxas & strigosas, perexigui, è quibus alii inutiles sunt, nullo succedente semine, & in quatuor perala panduntur, alij perpetuo connivent, & semina singula majuscula triquetra, splendentia, & per maturitatem nigricantia, continent, ipsi exterius rubent. Sapor plantæ acris & mordax: annua est.

Ad rivulos, fossasque, & in aquosis nascitur.

Autunt folia huic interdum maculosa esse; quod tamen nobis nondum observatum.

Facultatem habet evidenter calidam & siccam. Ufus præcip. extrinsecus, in vulneribus, tumoribus induratis, ulceribus inveteratis, &c. *Schrod.* Aqua hujus stillatitia efficax est ad comminuendum calculum etiam vesicæ, experimento cujusdam nobilis nostratis, qui quotannis in usum pauperum magnam ejus quantitatem destillare solebat. *D. Boyl. De Utilitate Philosoph. Nat. part. 2. pag. 65.*

R. Piper aquaticum, indatur de eo in dentis cavum. Hoc remedio sanavit mulierem *J. Heurnius.*

Expellendis muscis vix quicquam efficacius reperias: nam quæcunque in pecoribus vulnera vel ulcera succo Perficariæ oblita fuerint, ea ab injuriis muscarum tuta manent, etiam ferventissima ætate. *Trag.*

Parkinlonus nostras aliam præterea Perficariæ speciem describit, quam acrem Virginianam appellat, quæ non alia (inquit) in re à præcedenti differt quàm spicis gracilioribus seu tenuioribus & longioribus, quod tamen vix fieri potest, cum vulgaris spicæ prælongæ sint, necnon tenues admodum & strigosæ. Quocirca eam pro Perficaria acri vulgari tantisper habebimus, donec quis certiores notas & characteristicas adferat.

Hydropiper Brasilianum *Marggr.* à nostrate non videtur diversum, proinde dantur plantæ nonnullæ Novo Orbi cum nostro communes.

Nescio tamen an nostras sub aquas natans ad nodos capillatas fibras copiosas edat necne.

\* *Perficaria angustifolia* C. B. Prod.

C. B. Prod.

Ex radice nigricante, fibris oblongis capillatâ caules plures, cubito altiores, rubentes, leves, geniculis distincti exurgunt: quos folia Perficariæ vulgaris foliis triplo quadruplòve minora, duas, rarius tres uncias longa ambiunt, & in summo in ramulos brachiantur; quibus spicæ oblongæ, floribus pallidè purpureiscentibus ornata, ut in vulgari insident. In humidis circa Michelsfeldam ætate floret.

A. 2. *Perficaria maculosa* Ger. mitis *J. B. vulgaris mitis seu maculosa* Park. mitis maculosa & non maculosa C. B. Dead or spotted Arsmart.

Hæc ab urente Perficaria differt, caulibus brevioribus & ramosioribus, intus concavis, ramulis caulem ipsum longitudine excedentibus: foliis latioribus & pro latitudine brevioribus, maculâ nigra majusculâ circa mediam partem notatis, obscurius etiam quàm illius virentibus: florum spicis brevioribus densioribus & habitioribus multo; flosculis confertis, colore plerumque purpureo nitentibus, interdum albidis.

Hujus spicis nullum apponitur folium, verum paulò infra eas flosculi aliquot pediculis earundem adnascuntur. Sapor huic non acris, sed adstringens & acerbus.

Ad rivulos, inque aquosis & humidioribus arvis & hortis abundè provenit.

Locus.

A. 3. *Perficaria pusilla repens* Ger. emac. Park. 4. *five minor* C. B. Small Arsmart.

Hæc non erigitur quemadmodum præcedens, sed caules edit supinos & in terram reclinatos: estque duplo minor Perficaria maculosa vulgari, aliàs non ei ita dissimilis.

In pratis humidis & aquosis invenitur frequens.

4. *Perficaria frutescens maculosa Virginiana, flore albo* Park. Perennial spotted Arsmart of Virginia with white flowers.

Park.

Caules emittit plures, rigidos, teretes, virentes; in nodos ad genicula protuberantes, aliorum instar; foliis vestitis amplis & speciosis, sex digitos longis, latitudine ad longitudinem subdupla, in mucrones tenues & oblongos exeuntibus, ex coeruleo viridibus, maculosis plerumque ut Perficariæ mitis vulgaris, aliàs sine maculis, nervis aliquot à media costa productis eadem ambientibus, cum aliis minoribus transversis. In summis caulibus & furculis è foliorum sinibus exeuntibus flosculi in spicas digesti, clausi ferè, quàm præcedentium majores, semina consimilia, lata, splendida, nigricantia continent. Radix plurimis fibris congestis nigricantibus constat quæ non emoritur quotannis præcedentium more, sed in plures annos durat. Caules tamen per sæpe intereunt Autumno, novique sequenti Vere succrescunt.

Locum titulus indicat. Plantam hanc Cantabrigiæ in hortulo nostro alimus, ab Edvardo Morgano Londino missam.

Parkinsoni descriptionem satis accuratam in Latinum versam adhibuimus, cum planta ipsa ad manum non esset.

- \* 5. *Persicaria altera frutescens, longifolia, maculata Virginiana flore carneo* Park. **Barro-leaved Virginian Arsmart with a fleshy-coloured flower.**

Park.

*Caulibus* teretibus, erectis, quam præcedentis multò altioribus succrescit, *foliis* vestitis longioribus & angustioribus, pariter persæpe maculatis, nec rarius maculis carentibus. Hæc species surculos floriferos plures producit, *flosculis* in spicas breviores & densiores congestis, dilutè rubentibus, quam superiorum amplioribus. Semen ad maturitatem non pervenit in horto D. Joannis Maurii de Thistleworth, cui è semine Virginia transmissio enata est. Radix major fuit & lignosior quam præcedentis, verum hyemis inclementia congelata corrupta est.

Hujus etiam descriptionem Parkinsono debemus.

- A. 6. *Persicaria Salicis folio, Potamogeton angustifolium dicta. Potamogeton angustifolium* Ger. 2. sive *Salicis folio* C. B. *Potamogeton sive Fontalis Persicariae folius* J. B. *Fontalis minor longifolia* Park. **Barro-leaved Pondweed or Arsmart.**

*Folia* huic Persicariae maculosa, foliis similia sed majora, venis obliquis & transversis in marginem à nervo, qui unicus secundum longitudinem decurrit, exporrectis; alioquin etiam non ita sunt obtusa, sed in acumen desinentia, & pro loci situ [extra aquas] nonnunquam hirsuta, aquis plurimum innatantia, pediculo fuscunciali aut sextantali ex caulium geniculis orto: inter quæ palmo sæpe brevior pediculus exit, in spicam congestos *flosculos* Persicariae gerens ex albo rubentes. Gustu est subacido.

Locus.

In paludibus, lacubus, stagnis, necnon in rivulis & aquis fluentibus ubique frequens reperitur. Cum extra aquas crescit, (quod non raro fit, vel aquis exiccatis eam deferentibus, vel ipsius radicibus in fossarum aggeres ejectis) folia obtinet hirsuta, aspera, & Persicariae in modum maculosa, unde tunc à nonnullis pro nova Persicariae specie à Potamogetone angustifolio diversa habita est. Quin in eadem individua (ut loqui amant) plantæ folia nonnulla, nimirum extra aquas nascentia, observavimus aspera & hirsuta, alia, aquis scilicet innatantia, lœvia & lucida.

Hæc ergo planta Persicaria acida peculiaris Car. Aldorf. nobis videtur, Persicaria hirsuta radice perenni Car. Lugd. Bat. Persicaria longissimis & angustis foliis seu fol. Salicinis D. Merrer, quam pro specie à Potamogetone angustifolio distincta per errorem habuerunt, quamvis rectè eam Persicaria annumerarunt. Nos etiam, (nec pudet fateri) in eodem errore aliquandiu hæsimus, nimirum hanc Persicariae speciem fuisse à Potamogetone angustifolio dicto diversam.

## CAP. VI.

### De Polygono.

**P**olygonum à frequentibus geniculis quibus caules intercipiuntur dictum fuisse patet. Nos hoc in loco Polygoni nomen ad eas duntaxat plantas restringimus quæ flore sunt imperfecto, semine triquetro in foliorum alis, caule provoluto & crebris geniculis nodoso. Scien- dum enim est, Polygoni nomen extendi ad plantulas nonnullas comprehendendas, quæ præter florem imperfectum seu stamineum toti huic tribui communem, vix alià notâ genericâ quam parvitate sua conveniunt, de quibus in fine hujus Sectionis agemus.

- A. 1. *Polygonum mas vulgare* Ger. *mas vulgare majus* Park. *latifolium* C. B. *Polygonum sive Centinodia* J. B. **Common Knotgrass.**

*Radix* dura, lignosa, simplex, contorta, multis fibris capillata, satis crassa pro plantæ modo, terram firmiter apprehendit, ut extirpatu difficilis sit, sapore adstringente. *Caulis* inde emergunt plures, interdum erecti, sæpius in terram reclinati seu resupini, cubito longiores, lenti & tenaces, tenues, teretes, solidi, glabri, glauci, foliis vestiti non admodum crebris, alternatim positis, oblongis, angustis, glaucis, glabris, in acutum exeuntibus, pediculis admodum brevibus nixis. Ex alis foliorum inferiorum ad caulium nodos exeunt ramuli, ex superiorum alis *flosculi* pediculis brevibus duo trève simul, pentapetali, ex albo purpurascens, calice nullo, apicibus intus subluteis. *Flosculis* singulis ceu vasculis singula continentur *semina*, majuscula, triquetra, colore castaneo obscuriore. Sub finem æstatis floret, & brevi semen maturat.

Locus.

Provenit in locis cultis juxta ac incultis præsertim glareosis: vias & semitas latè subinde occupat, ut rectè Dodonæus.

Polygonum 2. & Polyg. 3. *Tab. h. e.* Polygonum oblongo angustoque folio, & Polyg. brevi angustoque folio C. B. pro varietatibus hujus plantæ, accidentibus quibusdam à loco natali ortis, distinctis habemus, non pro plantis specie diversis.

Vires.

Polygonum omne siccat & astringit, vulnerarium est. Usus præcip. in sistendis fluxibus quibuscunque, diarrhœâ, dysenteria, fluxu uterino, vomitu, hæmorrhagia narium. Extrinsecus prodest in vulneribus, ulceribus, inflammationibus oculorum, &c. Schrod.



Camerarius in Nobiliss. quodam viro hujus succum paucò Vino styptico propinatum contra vomitum sanguineum, aliis remediis frustra adhibitis, maximè profuisse expertus est.

An urinam cieat, aut calculum renum pellat, dubitatur: Dioscoridè id affirmantè, Galeno non consentiente.

*Polygonum Saxatile* C. B. Prod. Park.

Cujus radix tenuis, lignosa tamen, fibris capillata & alba est: ipsum ramulis multis oblongis & crebrò geniculatis serpens, circa quos folia subrotunda, unciam longa, semunciam lata, superne virentia, at inferius albicantia, quasi polline aspersa, quæ sensim minora reddantur: cujus à geniculis flosculi exigui, ut in vulgari, pallidè rubentes exeunt, quos semina triangularia sequuntur: Hoc inquam Polygonum pro diversa specie à C. B. exhibitum, nobis non alia in re quàm accidentibus quibusdam à loco natali ortis à Polygono vulgari differre videtur.

- A. 2. *Polygonum marinum* J. B. *marinum majus* Park. *marinum maximum* Ger. *maritimum latifolium* C. B. \* *Sea Knotgrass*.

J. B.

Prolixas habet radices lignosas, crassiusculas, contortas, nigras: Viticulae supinæ, crassiores quàm Polygoni vulgaris, frequentioribus brevioribusque internodiis interceptæ; non tantum foliis vestitæ majoribus, candidioribus, verum etiam squamis tenuibus, pellucidis, albicantibus. Flores pulchri numero & magnitudine vulgaris flores vincunt: Semen nigrum, triquetrum, Oxalidis semini simile.

In litoribus maris Mediterranei copiosè provenit: invenimus etiam in arenosis Oceani Britannici litoribus, v. g. circa *Pensantiam* Cornubiæ oppidum, & alibi.

*Polygonum maritimum angustifolium* C. B. ab hoc non specie, sed accidentaliter differre nobis videtur.

- \* 3. *Polygonum maximum longissimis cauliculis & foliis* Moris. *Polyg. maximis foliis* Park. ico. *The greatest long-leaved Knotgrass*.

Moris.

Caules protrudit sesquipedales & nonnunquam bipedales, cortice rubente tectos, in multò plures ramos & cæteris teneriores divisos. Genicula in caulibus longiore intercapedine distant quàm in prædictis. Folia duplo triplòve longiora & tenuiora sunt Polygoni vulgaris foliis, angustiora itidem magisque mucronata. Flores rariùs multo in geniculis disponuntur, è purpura albescentes, pentapetali; quibus pariter triangularia semina, parva, fusca succedunt.

Semina hujus plantæ Chalepo Asiæ transmissa sunt ad D. Morisonum Descriptionis auctorem & D. Roberto Huntington.

- \* 4. *Polygonum majus erectum angustifolium flore candido* Mentzel.

Mentz.

Ex radice lignosa, digitum crassa caulem emittit spicam unam, quandoque duas excedentem. Foliola unciam longa, teretia, tenuia per terram sparguntur, caulèmq; tanquam per genicula vestiunt, subinde bina sibi adversa. Summo cauli insistent flosculi pentaphylli, albi, ex pericarpis viridibus tot foliolis constantibus enati, Polygonorum formam obtinentes.

Circa Furstenwaldiam, Berolinum, Francofurtum, Crosnam & alibi in March. Brandenburg. observavit Christianus Mentzelius descriptionis autor.

5. *Polygonum minus candicans* C. B. *montanum* Ger. *montanum niveum* Park. *Paronychia Hispanica* Clusii, sive *Amblyllis nivea* J. B. *Silver-scalp-headed Mountain Knotgrass*.

J. B.

Aspectu pulcherrima est planta, sparsis per terram palmaribus, & in adultiore herba dodrantalibus, caulibus junceis, nodosis, quibus adnascuntur folia Polygoni vulgaris breviora. Ad nodos è foliorum sinubus prodeunt glomeruli sessiles, unciales, squamulis argenteis confertissimis compositi, præ glomerulorum densitate vix conspicui; emicantibus è scandalarum commissuris hinc inde raris foliis viridantibus, Herniariæ paribus. Flos illi candidus, Polygoni vulgaris floris instar, sed adeo exilis & inter membranulas istas latens, ut vix appareat. Semen Polygoni. Radix subest lignosa, alba, crassiuscula, longa, multifida.

Clusius hanc observare meminit in collibus petrosis & ficcis propè Salmanticam in Hispaniâ, itèmq; circa Valentiam & Murciam. Nos copiosè proveniente in pascuis & collibus saxosis circa Messanam & alibi in Sicilia; & in Calabria Italiæ vidimus.

Aspectu cum primùm emergit, gustuque Polygono vulgari simile, unde & iisdem viribus pollere verisimile est.

Hujus aliam speciem \* proponit D. Magnol, quam *Polygonum minus candicans* capitulis surrectis vocat. Q. an diversa sit à descripta;

\* In Botanica  
Monspel.

- \* 6. *Polygonum Polonicum cocciferum* J. B. *cocciferum* & Cam. ep. C. B. *cocciferum Polonicum* Park. *The Polonian Scarlet Knotgrass.*

Cam.

Tenuissimis prodit foliis & mucronatis; cauliculis nodosis, exalbidis; & flosculis in summitate candidis, inter squamas virescentes. Ad radices ipsius coccum adnascitur elegantissimo rubore ad Chermesina tingenda commendatum, inquit Camer. in ep. Matth. qui stirpem hanc in ejusdem Hist. Germanica Polygono Trago *Knawel* dicto valde similem ait, & à Polonis, apud quos in arenosis locis reperitur *Kosmaczek* vocari scribit.

Planta hæc, si rectè depingitur, à *Knawel* Germanorum specie omnino diversa est. Semina quippe triangula sunt, flosculi candidi. Verùm si sit *Knawel*, sive diversa Polygoni species, coccus ejus radicibus adnata specificæ distinctionis nota non est. Coccus enim nihil aliud est quàm ex crescentia præternaturali à punctura cujusdam insecti excitata, ut sit matrix seu uterus ovi ibidem depositi, fovendi & excludendi. Quin & \* S. Paul. observavit non ad hujus solum radices sed quoque ad Pilosellæ maj. hirsut. repentis circa solstitium æstivum aut ad festum S. Joan. Bapt. bacculas seu coccos *Baphicas* seu *grana Kermes* æmulantes reperiri, quas ova alicujus insecti sibi ignoti esse ideo haniolabatur, quòd ex iis scapis pennæ Anserinæ, aut Cygneæ inditis, mox epistomio chartaceo obturato, ac dehinc aplicationi commissis sponte sua intra sex vel septem dies prodiit insectum non diu superstes, quod unus ex amicis meis alatum avolasse observavit.

Uusus & utilitatis Cocci Polonici, radicibus hujus Polygoni adnascantis, in tingendis Sericis purpurei coloris, pro colorandis Lanis, Setis, Corio, Jubis & Caudis equorum, pro componendis confectioibus, tincturis, laccis pictoriis & cosmeticis, extat in Ephemer. German. An. 3. Observ. 104.

De modo colligendi & præparandi hunc Coccum in Ukrainâ ad usus prædictos consule eandem Ephemeridas. Hæc omnia D. Tancred. Robinson.

## C A P. VII.

### De Bistorta.

**B**istorta à convolutis & intortis radicibus nomen obtinuit. Notæ ejus characteristice quibus reliquis distinguitur semine triquetro donatis sunt Flores speciosi in spicis habitioribus summos caules & ramulos terminantibus, Radices intortæ & convolutæ. Speciatim à Persicaria distinguitur numero foliorum in flore quæ huic quinque, illi quatuor duntaxat sunt. Differt præterea & figurâ seminis quod huic exactè triquetrum est angulis omnibus acutis, illi minus coccinum, angulis inæqualibus uno valde obtuso, reliquis duobus acutis.

- A. 1. *Bistorta major* Ger. *ma. vulgaris* Park. *ma. rugosioribus foliis* J. B. *radice minus intorta* C. B. *The greater Bistort or Snake-weed.*

J. B.

Cubitus nonnunquam altitudine superant Bistortæ caules, tenues, glabri, geniculati: in quorum fastigio spica florum coloris carnei, Persicariæ, quorum singuli explicati quinque foliolis constant, oblongis, apicibus in medio flori concoloribus: quibus succedit semen rufum & ferè nigricans, triquetrum Lapathorum modo. Folia Rumicis seu Lapathi acuti, minora, superne in atrovirentia, inferne glauca, pediculo utrinque foliaceas appendices, angustas largientia, rugosa. Radix articulū digiti refert in se contortum, rubra, sapore strenuè adstringente.

Locus.

Reperitur Bistorta locis humentibus, ut rectè J. Bauhinus, in opacis sylvis, pingui ac lutofo solo: apud nos in Anglia circa *Tamwortham* in pratis, necnon circa *Sheffeldiam* & alibi in Provincia Eboracensi. In calidioribus regionibus montium juga occupat. In hortos translata faciliè comprehenditur, & feliciter adolescit, radice perenni.

- \* 2. *Bistorta media folio minus rugoso* J. B. *major radice magis intorta* C. B. *Bist. magis intorta radice* Park. *Bistorta latifolia* Ger. *Smooth-leaved great Bistort with a more warty then root.*

A priori differt foliis minoribus & lavibus, radicèque magis intorta. Rependo multum se multiplicat.

In monte Jura reperitur. Hæc J. Bauhinus, nec plura ceteri Botanici.

- \* 3. *Bistorta Alpina maxima* C. B. Prod. *Alpina major* Park. *Alpina maxima* C. Bauhin. J. B. *The greatest Mountain Bistort.*

C. B.

Ex radice quadruplo quàm in vulgari majore, contorta, geniculata, fibris capillata, foris nigricante, intus alba, Caules bicubitales, nodosi, striati, majori ex parte nudi exurgunt, quorum quilibet spicam florum subpurpureorum unciarum quatuor sustinet. Folia habet oblonga, in acumen desinentia,



definentia, venosa, supernè virentia, infernè caesia, vel etiam incana, quorum quædam ad cubiti longitudinem accedunt, sed angusta, uncias tres lata.

In altissimis Silesiorum montibus reperitur, ut in Sudetorum jugis & ad Albi fontes.

Hæc planta nobis nondum visa est; ex descriptione tamen conjicio eam à vulgari majore Bistorta specie diversam esse.

A. 4. *Bistorta minor* Ger. *minor nostras* Park. *minima* J. B. *Alpina media* C. B. *Small Bistort* or *Snake-weed*.

J. B. Clus.

*Radix* pollicari habet minorem, contortam tamen & geniculatam, brevem, foris nigricantem, intus albam, multis tenuibus fibris capillatam. *Cauliculum* autem promit dodrantalem interdum vel palmari paulò majorem, aut etiam minorem, tanta est varietas, tenuem, geniculatum, foliis vestitum paucis, angustis oblongis, acutis, duris, venosis, per oras reflexis, venulis quibusdam ita distinctis, ut serrata videantur, supernè viridantibus, infernè glaucis aut incanis, non secus ac majoris folia: alia verò ex radice orta folia habet uncialia aut sextantalia, unciam plus lata. *Caulis* summo fastigio *spicam* gerit exiguum candicantium *flosculorum*, uncia longiorem, quibus excussis grandior fit *spica*, sequente dein *semine*, non triangulo ut in prioribus, sed rotundo, ruffo, ut rectè J. Bauhinus: Clusius malè (ni fortè aliam Bistortæ speciem describat) semen majoris semini simile ei attribuit: non rarè tamen, inquit, seminis loco multa foliola brevia & vivida in capitula congesta profert, quibus sponte decidentibus plantulas ejusdem generis in eadem in qua alebatur areola, & vicinioribus sæpe vidi.

*Bistortam* minimam J. B. (cujus descriptionem mutuati sumus) specie omnino eandem esse cum nostrate Westmorlandicâ figura seminis convincit. *Bistorta Alpina minor* Clus. si semen revera obtineat majoris Bistortæ semini simile, prout eam describit Botanicus ille eximius, à nostrate diversa est; cum tamen aliæ omnes notæ egregiè conveniant nostrati.

5. *Bistorta Alpina media* C. B. *minor Alpina* Park. *minor seu Alpina* Cam. in Matth. *minima* J. B.

Camerarius hanc Bistortæ vulgari majori similem facit, sed multò minorem, cui folia in marginibus pulchrè punctulis quibusdam distincta & velut serrata apparent.

Hanc olim habui pro *Bistorta minore nostrate*, at neque C. Bauhinum rectè distinxisse Bistortam Alpina mediam & minorem putavi; verum nunc sententiam muto, & concedo eas specie distinguui, cum & Camerarius distinguat, & utraque habeatur in Catalogo Horti Regis Parisiensis: & aliunde ab amicis certior factus sum se utramque vidisse.

6. *Bistorta Alpina pumila varia* Park. *pumila foliis variis, rotundis & longis* Morisoni.

Cum non alia in re differat secundum Parkinsonum, à vulgari minore Bistorta, quàm foliis duum generum, aliis scilicet latis, brevibus & subrotundis; aliis longis, angustis, ab eadem radice excurrentibus, pro diversa specie non habuissèm, cum & Bistorta minor vulg. hujusmodi foliis ludat, ut ex descriptione ejus Bauhiniana apparet: pro diversa inquam specie non habuissèm, ni D. Morisonus tanquam sibi notæ peculiare nomen ei imposuisset, & præterea semen triangulare attribuisset.

Quicquid de aliis sit, Bistorta minima J. B. eademque minor nostras, in monte Thuri, quæ Juræ pars est non procul Geneva Junio & Julio floret. In Westmorlandia variis in locis reperitur; nobis à Thoma Willisello ostensa est in montano quodam pascuo sesquimillari circiter remoto à viculo Wharf dicto, propè semitam quæ inde Settlam Eboracensis comitatus oppidum ducit.

Bistorta Alpina minor Clus. in summis Austriacarum & Stiriacarum Alpium jugis tenui gramine vestitis nascitur.

Cum plantæ hujus (radix cujus præcipuè in medicina usus est) facultate adstrictoria valida polleat, Vires. ad omnes affectus valet in quibus adstrictione opus est, ut v. g. urinæ incontinentiam, menses nimios, sanguinem è vulneribus manantem, biliosas vomitiones, sanguinis sputum, dysenteriam, aliasque ventris fluxiones, destillationes in dentes, gingivas, tonsillas & fauces. Ad hos usus adhibetur aqua destillata, & radicis in vino decoctio: præcipuè autem commendatur pulvis radicis cum conserva rosarum assumptus.

Abortum prohibet pulveris drachma semis cum pari Succini portione ex ovo forbili diebus aliquot continuè usurpata.

Quin & Alexipharmaca censetur hæc radix & sudorifera: unde in pulverem redactam ac drachmæ pondere in potu sumptam veneno pestilentia resistere, ac illud per sudores expellere scribit Tragus. Ad eadem valet aqua destillata & radice in vino decoctum.

Summâ, eisdem pollet viribus quibus Tormentilla, ut rectè Matthiolus.

## SECTIO TERTIA.

*De Herbis flore imperfecto, seminibus rotundis, paululum compressis aliisque cuiusunque figurae præter triquetrum.*

## CAP. I.

*De Potamogitone.*

**P**OTAMOGITON quasi fluminibus vicina, quod in aquis & palustribus nascatur: floribus est spicatis, quadrifoliis, seminibus etiam quaternis nudis simul junctis, foliis simplicibus, integris in ramulis singulatim positis, nisi ubi spicæ exeunt ubi bina adversa. Omnes ejus species aquis innatant, nec extra aquas durant.

- A. 1. *Potamogiton rotundifolium* C. B. *rotundiore folio* J. B. *latifolium* Ger. *Fontalis major* *latifolia vulgaris* Park. *Broad-leaved Pond-weed.*

*Radicibus* obliquis, crassis, teretibus, albis, geniculatis, longis internodiis, è geniculis fibras tenues crebras, altè in terram seu limum descendentes emittentibus, sub aquis reptat. E geniculis radicum *cauliculos* seu flagella prælonga, culmi crassitie, teretia, geniculata, longis internodiis, ramola in summas aquas emittit. Ad singula genicula singula exeunt folia, sub aquis graminea, angusta, superne nonnihil concava, inferne rotunda, dodrantem longa, in acumen desinentia, at postquam in summas aquas planta emerit longè diversa, nimirum plantaginea, figuræ ferè ovalis, basi obfio, macrone acuto, pallido virore splendentia, per margines æqualia, nervis secundum longitudinem decurrentibus striata, haud aliter ac *Nymphææ* aquis innatantia, longis pediculis, interdum palmaribus aut sesquipalmaribus, nixa. Ad exortum spicarum bina folia opposita in caule sunt. Ad exortum pediculi folii cujusque membrana pellucida, duos digitos longa, acuminata, (intra folii pediculum) apponitur, caulem & gemmam involvens, & etiam spicæ pediculum ubi adest. *Flora* in spicas, duastresve uncias longas, dispositi, petiolo infident crassitudine caulibus pari, palmari æ longiore, è flosculis stamineis racematim digestis compositæ. Singuli flosculi quatuor foliolis herbaceis cochlearis formam habentibus, introrsum conniventibus constant: *Semina* unicuique infert quatuor, satis grandia, nonnihil ad latera compressa, dorso gibbo mucronate pallidè viridia, & per maturitatem interdum purpurascencia: Apices octo.

Locus.

In aquis stagnantibus frequentissimum habetur. Junio & Julio mensibus floret, & semen perficit.

- A. 2. *Potamogiton aquis immersum*, folio pellucido, lato, oblongo, acuto. *An Potamogiton foliis angustis splendentibus* C. B? *Potamogiton longis acutis foliis* Ger? i.e. *Potamogiton alterum* Dod. Belg. *Fontinalis lucens major* J. B?

Eodem ferè modo quo præcedens sub aquis reptat, fibris subinde demissis: differt ab illo *caulibus* crebris geniculis interceptis; *foliis* longioribus multò, angustioribus paulò, [interdum æquatis] totis lucidis [iis scilicet quæ aquis immerguntur, nam quæ aquas superant (ut interdum fit) colore, consistentia, brevitate & nervis præcedentis folia imitantur] pediculis brevibus, superne planis infidentibus; iis quæ aquis immerguntur non ut in illo graminis instar angustis, sed latis. *Spica* florum non multum dissimiles, pediculis crassis, palmum longis infident, è flosculis pariter herbaceis, tetrapetalis, petalis quàm in illo minoribus, compositæ; quibus, ut in reliquis hujus generis, innascantur quatuor *semina* nuda, præcedentis paria, compressa, acuminata & quodammodo triquetra; non ità gibba seu convexa in externa parte ac in illo. Folia aquis immersa brevi corrumpuntur & marcescunt, ut interna & maxima pars caulis foliis nuda sit. In foliis tenues fibræ creberrimæ in latus disseminatæ nervos connectentes cernuntur. Folia eundem cum reliquorum foliis situm obtinent, nimirum alternum, nisi ubi spicæ exeunt ubi bina opposita; & ad singulorum exortum intus membranula apposita longiuscula, aliquousque caulem amplectens, ut in præcedente.

Locus &amp; Tempus.

Julio mense floret & brevi semen perficit. In fluvii majoribus & leniter fluentibus frequens nascitur.

- A. 3. *Potamogiton perfoliatum*. *Potamogiton foliis latis splendentibus* C. B. *Potamogiton* 3. *Dodonæi* Ger. *emac. at male, est enim Potamogiton altera* Dod. *Potam. altera* *Dodonæi* J. B. *Perfoliate Pond-weed.*

Compluribus tenuibus ac teretibus *cauliculis* luxuriat, in alas subinde distributis. *Folia* lata sunt oblonga, acuminata, absque pediculis adnata, latà basi caulem undique amplectentia, nervis secundum longitudinem decurrentibus striata, alterno non bijugo ordine sita, præterquam ubi florum spica exiit, ibi etenim bina ex adverso. *Spica* brevis pediculo crassiusculo sesunciali infidet, flosculis & seminibus reliquorum æmulis.

Aquis



Aquis plerumque immergitur hæc planta, eminente tantummodo cacumine. Folia tenuia & pel- Locus.  
lucida: Nulla in hac specie membranulæ in caulibus & ramulis, eos obvolventes, ut in Potamog.  
latifolio.

- A. 4. *Fontinalis media lucens* J. B. *Tribulus aquaticus minor Muscatellæ floribus* Ger. emac. *Trib. aquat. minor* alter Park. *Potamogeton foliis crispis* sive *Lactuca ranarum* C. B. qui speciem hanc non separat à *Tribulo aquatico minore Quercus floribus*. *The lesser Water Caltrops or Frogs Lettuce*.

J. B.

E tenuibus radiculis rami multi exeunt, imbecilles, pedales, dense geniculati, non plani seu compressi ut in præcedentibus duabus plantis, sed rotundi. Folia per genicula bina sibi correspondentia, oblonga, in acumen desinentia, viridia & pellucida per margines nonnihil sinuata seu flexuosa & crispa. Flores ex pediculo uno aliquot [terni vel quaterni *Clas.*] parvi, simul juncti, formâ & colore quodammodo Muscatellæ Cordi; quibus semina succedunt similiter conferta, parva, contorta ut Meliloti vulgaris.

D. Goodyer apud Gerardum singulis pediculis duos tantum flores attribuit sibi mutuo oppositos, quatuor foliolis constantes, quibus succedunt octo folliculi, sex quadrata seminum efficientes: hoc est singulis seminibus quaterna in figuram cubicam sex quadratis comprehensam disposita. Nos Clusio & Bauhino potius assentimur ternos quaternove flores in eodem pediculo nasci, aut forte etiam plures, quadrifolios, quibus singulis quaterna succedunt semina. Verum cum planta ad matum non sit, nihil certo affirmare audemus.

Hæc species à reliquis sui generis insigni notâ differt, nimirum foliorum in caule conjugatim dispositorum situ.

In rivulis, aquæ præsertim puræ & limpide non infrequens Aquis innatat, & Junio Julioque mensibus floret. Locus.

Potamogeton racemosum angustifolium C. B. vel huic eadem videtur, vel hujus minor species.

- A. 5. *Fontinalis crispa* J. B. *Potamogeton foliis crispis* sive *Lactuca ranarum* C. B. *Tribulus aquaticus minor Quercus floribus* Ger. emac. *Clus.* *Tribulus aquaticus minor* prior Park. *Water Caltrops or Frogs Lettuce*.

Clus.

Bicubitales, tricubitalisque aut longiores, pro aquæ altitudine ex radice profert scapos, tenues, panicantis coloris, planos, nodosos, (qui reficcati lenti fiunt & flexibiles) circa summum divisos in plures ramos, alternatim ferentes in singulis nodis singularia folia, duarum interdum unciarum longitudine, & semunciali latitudine, tenuia, & quasi transparentia, in ambitu adeo crispa & sinuosa ut lacinia videantur, colore ex viridi subpunico: pediculi sextante longiores, exiguos, candicantes flosculos, utraque in modum congestos sustinentes, crassiusculi sunt, & inter folia exoriuntur, quæ ibi bina semper ex adverso sita nascuntur, contrario quam reliqua inferiora modo. Singulis flosculis plerumque succedunt quaterna aculeata grana simul coherentia, paucam candidam medullam continentia. Scapi infima parte ad singulos nodos oblongas, tenues, candicantes fibras agunt, quibus firmantur & alimentum attrahunt. Tota planta aquis immergitur. Junio & Julii initio floret.

Singuli flosculi è quatuor perexiguis, subrotundis foliis componuntur.

In rivulis, præsertim tardius fluentibus, frequentissimum est hoc genus. Locus.

Cauliculis planis & compressis cum sequente specie convenit, à reliquis omnibus differt.

- A. 6. *Potamogeton caule compresso, folio Graminis canini*.

Cauliculi cubitum & nonnunquam sesquicubitum excedunt, ramosi & valde compressi. Folia longa, angusta, Graminis canini foliorum æmula, nisi quod breviora & ubique fere ejusdem latitudinis sint, & in obtusum mucronem definant, alternatim posita, nisi ubi spicarum pediculi oriuntur, ubi bina ex adverso; in singulis nervi tres insigniores per folii longitudinem decurrunt. Sub unoquoque folio membrana tenuis & pellucida caulem investit. Spica brevis flores dilute virides sustinens, quatuor foliolis compositos, ad stylum incarnatos. Stylus duobus ut plurimum apicibus terminatur. Semina ex altera parte rectâ, ex altera circulari lineâ clauduntur.

In fluvio Camo propè Cantabrigiam copiose oritur, inque aliis multis fluminibus.

Cauliculis compressis cum præcedente convenit, à reliquis speciebus differt. Locus.

- A. 7. *Potamogeton millefolium* seu *foliis gramineis ramosum*. An *Potamogeton gramineum ramosum* C. B. J. B. Park? *Millefolium tenuifolium* Ger. emac. ico. *Fennel-leaved Pondweed*.

Ad pedalem & majorem longitudinem excrefcit, caule tenui, tereti, albicante, crebris geniculis intercepto. Ad singula genicula è sinu folii, ima parte dilatati & veluti vagina amplectentis exeunt ramuli singuli, aut bini, & non raro terni una; in ramulos & furculos creberrimos pariter divisi & subdivisi. Summi cauliculi & ramuli in spicas laxas exeunt, è tribus quatuorve florum velut verticillis compositas. Folia supra vaginam postquam à caule abscesserint perangusta sunt, inferius subrotunda, superius aut plana, aut nonnihil concava, duas trêve uncias longa. Ramuli & folia in hac specie adeo crebra & numerosa ut non ineptè Millefolium Potamogeton denominari possit.

Aquis

Locus.

Aquis plerumque immergitur; & eodem cum reliquis tempore floret; in fluvio Camo prop. Cantabrigiam & alibi variis in fluvii frequens.

A. 8. *Potamogeton pusillum gramineo folio, caule rotundo.* Small Grass-leaved Potamogeton weed.

Aquis innatat flagellis pedalibus, tenuibus, ramosis, internodiis longioribus quam in *Potamogeton* ramoso millefolio. Folia graminea angusta, duas uncias longa, tenuia, quò à *Potamogeton* millefolio & maritimo differt, quorum folia crassiora sunt & angustiora, nervo medium percurrente, eodem situ quo in aliis congeneribus. E singulorum sinubus exeunt tum ramuli tum membranulae eos involventes, ut in *Potamogeton* latif. Ubi florum spica exit bina ex adverso folia sita sunt, ut in reliquis, & bini ramuli in quorum divaricationis angulo spica consistit: duplex ibi membranula exoritur, una spicam & unum ramulum obvestit, altera ramulum oppositum. Spica brevis, tribus quatuorve floribus composita, quorum unusquisque quatuor foliolis concavis velut calyce octo apices albescentes, & totidem in medio semina continent.

Locus.

In fluvii variis in locis observavimus.

A. 9. *Potamogeton maritimum pusillum folio gramineo.*

Caulis huic minus ramosi, longioribus internodiis: Folia longiora nonnihil latioraque; verum florum spica multo minores quam in precedente, & toto genere diversa: nam in illo spicae sex, septem, octo, aut pluribus floribus componuntur, quorum singuli quadrifolio calice octo apices albescentes, inque eorum medio quatuor semina per maturitatem gibba seu incurva continent, ut in reliquis precedentibus: at in hoc [*Potamogeton* marit.] spicae multo breviores & minores sunt, & quatuor apicum albescentium paribus eadem dispositione & figurâ quâ lamellae in spica *Ophioglossi*, quibus interposita sunt aliquot semina, vel (quantum discernere potui) duo tréve seminum quaternorum. Spica è membrana exeunte apices decidunt manentibus seminibus. Spicae autem pediculus in longitudinem interdum ferè palmarem excurrit, estque tenuis & infirmus. In fossis palustribus maritimis exit.

Locus.

Circa Camalodunum in Essexia observavimus.

A. 10. *Potamogeton maritimum pusillum alterum.*

A precedente differt foliis brevioribus, spicis similibus sed minoribus, quorum apicibus decidentibus interpositorum seminum pediculi in longitudinem interdum uncialem excreverunt, unicuique apice singuli semen incurvum sustinentes; ut ex eadem spica quinque vel sex pediculos velut radios in umbella exeuntes, & singulos singula semina sustinentes observaverim.

Locus.

In fossis palustribus viâ à Camaloduno ad Goldbanger.

\* 11. *Potamogeton minimum capillaceo folio* C. B. J. B. Park. Small fine-leaved Potamogeton weed.

C. B.

Hoc parvum est, capillaceo & caule & foliolis oblongis, inordinatè dispositis, pallidè virentibus: in summo pedicello parvo, modò uno, modò duobus, capitulum minimum & acuminatum, prioris tamen formâ insidet, quod minutissimo flosculo, pallidulo successit; quorum aliud expansum, aliud quasi vesicula foliaceâ in acumen desinenti inclusum est.

Locus.

Monspelio allatum est. In Ludi amnis aquis circa molendina observavit D. Magnol.

\* 12. *Potamogeton capillaceum capitulis ad alas trifidis* C. B. J. B. Park.

C. B.

Cauliculo est palmari, pilo non crassiore, ramoso, articulado. Ad quemlibet articulum folia bina, oblonga, quovis pilo tenuiora, ex adverso respondentia: quorum alis minutissimi flosculi palliduli insident; qui juncti nodulum quasi referunt, quo maturato nodulus five capitulum ex tribus portiunculis semicircularibus in apicem abeuntibus & rufescentibus compositum conspicitur; nihilominus tamen ex priorum foliorum alis pedicellus exurgit, qui in tria, etiam plura foliola absumitur, similisque in medio nodulus adponitur; in summitate namque capitulum nullum est.

Locus.

Hoc etiam Monspeliense est.

A. 13. *Potamogeton affinis graminifolia aquatica.*

Folia habet longa, angusta; cauliculos tenues, imbelles. Ad pedalem & ampliorem altitudinem affurgit, semper aquis immersum. Flores nondum observavimus. Siliquae seu cornicula parva, recurva, duo aut tria, aut etiam quatuor simul juncta, geniculis arctè adhærent.

Locus.

In aquis stagnantibus non rarò occurrit.



## CAP. II.

## De Millefolio aquatico floribus stamineis.

**M**illefolium aquaticum dicitur hæc herba à foliis in plurima & tenuissima segmenta divisis: quodque aquis perpetuo innatat.

1. *Millefolium aquaticum pennatum, spicatum* Park. C. B. *pennatum aquaticum* J. B. **Feather'd Water-Milfoil.**

C. B.

*E. Radicibus* fibrosis tenuibus *rami* prodeunt plures, cubitales, cavi, striati, internodiis satis crebris intercepti, in alas brachiat, aquis innatantes: ad quorum geniculorum quemlibet folia terna aut quaterna [imò quina aut plura interdum] quasi stellatim circumjecta, tenuiter incisa, pennam & formam & tenuitate referentia colore fusco, prodeunt. Cauliculorum summitates palmates & longiores ex aqua recti attolluntur, spicam purpurascens, è pluribus flosculorum verticillis ad intervalla scapum ambientibus compositam sustententes. Flores habet stamineos quorum singulis singula succedunt semina nuda.

In fluminibus & stagnis majoribus in agro Cantabrigiensi & alibi in Anglia invenitur. *Locus.*

2. *Millefolium aquaticum cornutum* C. B. J. B. **Horned Water-Milfoil.**

*Radice* est fibrosa, *caulibus* prælongis, tenuibus, infirmis, teretibus, fragilibus, dense geniculatis, in plures ramos diductis. *Folia* ut in Equiseto genicula ambiunt, viridia, fragilia, singula primò in duo velut cornua divisa, & utrumque ferè cornu denuò in alia duo [cornuum cervinorum ramosam divisionem imitata J. B.] extuberantis quibusdam ad latus prorum velut denticulata. Flores ad genicula caulibus & ramulis utrinque arète adherent, glomerati, muscosi, [herbæ ferè concolores, quibus succedunt semina parva, quaternà simul juncta J. B.]

In aquis pigrioribus & stagnantibus circa Cantabrigiam & alibi abundè provenit.

*Locus.*

Nec figura, nec descriptio Millefolii aquatici cornuti apud C. Baubinum in Prodomo huic plantæ convenit: ut dubitem an eadem cum nostra fuerit necne.

Minoris hujus speciei, quam non descriptam dicit, meminit idem C. Baubinus in Pinace.

## CAP. III.

## De Atriplice.

**A**triplex à Græco Ἀντρίπλις nomen factum seu corruptum videtur: aliis ab atro colore quod comestum faciat homines lividos. Ἀντρίπλις autem μετὰ τὸ ἀδύνατον αὐτῶν dictum volunt Grammatici: nam octavo ex quo fata est die erumpit è terra. Theophr. lib. 7. cap. 1.

Nos pro Atriplicis speciebus hoc in loco non habemus plantas omnes quibus id nominis à Botanicis inditum est, sed eas duntaxat quæ in folliculis è duabus valvulis conniventibus compositis semina inclusa habent, & quidem singula in singulis: reliquas Atriplicis nomine insignitas Blitis accensemus, aut Amarantis.

1. *Atriplex alba hortensis* J. B. Park. *hortensis alba, sive pallide virens* C. B. *sativa alba* Ger. emac. **White Garden Orache or Arrach.**

Non rarò hominis staturam adæquat, caule imò terete, supremo anguloso, recto, ramoso.

*Folia* Betæ [aliis Bliti] minora, triangula ad pediculum quasi alata, nonnihil in ambitu sinuata, copiosa farinâ respersa, colore ex viridi in luteum languente seu xerampelino, gustu fatuo. *Flosculi* in summo caule & ramulis copiosi apiculis constant luteis vel herbidis, quibus succedunt *siliquæ* foliaceæ, rotundæ, bivalves, valvulis non coherentibus ad margines sed contiguis tantum, in quibus semen rotundum compressum Amaranthi. *Radix* recta, palmum longa aut circiter, fibrosa, annua.

*Folia* primulum emergentia & caules novelli candicant, farinâ albicante respersa. In singulis folliculis singula nascuntur semina.

Atriplex alba & rubra hortensis non nisi sata provenit (inquit J. Baubinus) Ast proculdubio alibi ubi terrarum spontis suæ est, quamvis locus ille nos hætenus lateat. *Locus.*

2. *Atriplex rubra hortensis* J. B. Park. *hortensis rubra* C. B. *sativa purpurea* Ger. **Purple or red Garden Orache.**

Hæc species cum præcedente omnibus suis partibus totaque facie externa convenit, præterquam sanguineo seu purpureo obsoleto colore quo penitus tingitur, & imbuitur.

In

In hujus feminibus etiam in eodem caule nascentibus notabilem differentiam observavimus: tunc enim minora sunt & nigricantia; alia majora multò, ad latera compressiora & rubentia.

Atriplex hortensis alba & rubra specie differre videntur, quoniam semine satè in se invicem non transmutantur, sed alba semper producit albam, rubra rubram, ex observatione J. Bauh. & nostra.

Atriplex hortensis utraque semel in hortis sata ex semine deciduo se quotannis renovat.

Vires.

Atriplex refrigerat & humectat; cocta estur ut olus; in alvo solvenda celebris est, unde etiam nonnulli quinque herbis emollientibus eam annumerant. Usus Officialis præcipue externus est in clysteribus & epithematibus paregoricis.

Quæ præterea Veteres tradunt de Atriplicis facultatibus apud ipsos vide.

Semen exhibitum tum alvum abundè subducit non sine molestia, tum crebros vomitus provocat, experimento Pharmacopœi cujusdam, qui ad rusticos purgandos eo uti solebat. Matth. De vi purgatrice & emetica vehementi hujus seminis aliud exemplum ex Serapione adfert J. Bauhinus.

A. 3. *Atriplex sylvestris folio hastato seu deltoide. An Atriplex sylv. altera Ger. emac? C. B. Broad-leaved wild Orache.*

Radice alba simplici, fibris aliquot majusculis ceu ramis, & fibrillis plurimis capillaribus donata, terram adeò firmiter apprehendit, ut extirpati admodum difficilis sit. Caulis inde exurgit sesquicubitalis aut bicubitalis, minimo digito minor, striatus, glaber, medullâ factus, ab imo ad summum usque ramosus. Ramuli imi propè radicem bini adversi, ut in aliis hujus generis, & caule ipsum interdum longitudine æquant, summi alterni. Folia triangula, hastæ cuspidi aut Chenopodii aut Spinachiz similia; pallidius ferè virentia, ad margines quodammodo dentata ut in Spinachia aut Chenopodio, glabra, pediculis uncialibus appensa. Flores in summis caulibus & ramulis staminei, in spicas angustas, rubentes digesti, adeò exigui ut eorum partes obtutum ferè figiant. Succedunt vascula seminalia duabus valvulis triquetris conniventibus composita, singula semina compressa nigra continentia.

Locus.

In hortis oleraceis, inque fimeris & locis rudatis necnon fossis suburbanis copiose provenit; æstate & initio Autumni viget; & ubi semen perfecit radicitus exarescit.

A. 4. *Atriplex sylvestris angustifolia Ger. emac. Park. Atr. sylv. angusto oblongo folio C. B. vulgaris angustifolia cum folliculis J. B. Narrow-leaved wild Orache.*

Folia huic quàm præcedenti longiora & angustiora sunt, minùs dentata ad margines; ima enim per sæpe latiuscula sunt & leviter dentata seu laciniata. Quæ in summis caulibus sunt oblonga angusta, ad margines æqualia sunt, nec omnino laciniata, colore glauco & figurâ suâ Polygoni foliorum æmula. Caulis, sesquicubitalis & altior, rectus, infirmus tamen & tenuis striatus, solidus, ab imo statim ramosus ramis imis prælongis, binis ex adverso nascentibus, summis alternis. Radix similis, simplex, alba, fibris numerosissimis cincta, quibus terræ pertinaciter adhærescit, & difficulter evellitur. Summitates hujus plantæ canescunt magis quàm superioris, & spicæ laxiores sunt, flosculorum & seminum globulis rarioribus seu longius à se invicem distantibus. Pericarpium folliculacea præcedentis similia, quæ dehiscencia semen ostendant singula singulum, compressum rotundum.

Locus.

In hortis oleraceis & locis rudatis frequens oritur.

\* 5. *Atriplex sylvestris fructu compresso roseo vel stellato C. B. Park. Wild Orache with compressed fruit.*

C. B.

A radice caulis exurgit pedalis, rotundus, incurvus, lævis & albus, qui statim in aliquot ramos inæquales, & hi in alios minores, dividitur. Folia habet alba quasi polline aspersa, unguem lata, sinuata vel angulosa, ut in Atriplice sylvestri quæ *Pes asperinus* dicitur, pediculis carentia. His ferè singula fructus foliaceus, pallidus, compressus apponitur, cujus formam elegantem vix exprimere licet, is enim in medio leniter extuberat, quatuor aliis extuberantiis in circumferentia apposis, quas tamen super leves intercedunt, eâ planè formâ, quâ rosæ depresso in quorundam nobilium insignibus præconferre: in singulis quatuor extuberantiis semen compressum mediocris magnitudinis continetur.

Hanc Monspeßuli circa mœnia collegimus.

Hæc planta nobis incognita est, nec scimus an vera sit & genuina Atriplicis species, ob fructum tetracoccum: tantisper tamen hic locum habere permisimus, donec vel nobis eam videre contingerit, vel ab aliis quibus innotescit ad quod genus propriè pertineat certiùs edocti fuerimus.

D. Magnol Atriplicem maritimam laciniatam C. B. ad hanc multum accedere existimat, quæ passim etiam circa Monspeßium nascitur.

6. *Atriplex angustifolia dentata. Atriplex angustifolia laciniata minor J. B. Wild Orache with narrow indented leaves.*

Caulis huic cubitales, erecti, striati, satis crassi, valdè ramosi. Folia angusta, semunciam lata, tres digitos longa, ad margines dentata, glauca, superiora angustiora, marginibus æqualibus atque denticulis. Flores & semina in summitatibus caulis & ramorum in spicas longas & laxiores digesta. Vascula seminalia bivalvia valvulis conniventibus tantum, non cohærentibus, monosperma. Caulis firmiores crassioresque quàm ullius Atriplicis in Anglia sponte provenientis mihi cognitæ.



nitz, striati, foliis imis contrariis, summis alternatim adnascantibus; ut in plerisque congeneribus.

In hortulo nostro nata est ex semine Londino misso.

*Atriplex maritima angustifolia* C. *Baubino* in Prodr. descripta huic eadem esse videtur.

Ex quo hæc scripsimus *Atriplicis* speciem in maritimis nostris copiosè nascentem observavimus, quæ huic vel eadem videtur, vel non multum diversa.

A. *Atriplex angustifolia maritima dentata.*

*Eradice* alba, lignosa, simplici, interdum rectâ, aliàs tortuosâ, fibras crebras è lateribus emittente *caulem* emittit simplicem, crassum, digito tamen minimo minorem, glabrum, solidum, ab imo statim ramosum ramulis crebris, imis oppositis, superioribus alternatim sitis, ut in reliquis ferè congeneribus, altitudine sesquicubitali interdum sed plerumque minore. *Folia* angusta, inferiora tamen digiti unum lata, duos longa, superiora paulatim angustiora, per margines dentata, denticulis rarioribus & satis profundis, spissa, glabra, glauca. *Flores* in summis caulibus & ramulis in spicas longas & laxas digesti, staminei, externè purpurascens, quinque intus staminula cum apicibus luteolis continentes.

Floribus succedunt *vascula seminalia* triquetra è binis valvulis conniventibus composita, singula singulis seminibus foeta.

In palustribus salis propè Camalodunum in Essexia copiosè provenit.

A præcedente differt foliis latioribus, & pro latitudine brevioribus multò, supremis etiam in caulibus & ramulis dentatis.

Locus.

\* 7. *Atriplex sylvestris* *Montpessulana* cum pulchris involucris J. B. Wild *Orache* of Montpellier with fair Seed-vessels.

J. B.

*Folio* est brevior, albicante, sinuato *Atriplicis* vulgaris, brevi pediculo constante: *involucris* seminum angulosis, quodammodo *Cynoglossæ* nostræ topiariæ similibus [i. e. *Aparine* majori Plinii Ger.] intra ramulos & foliorum pediculos prodeuntibus, *semen* includentibus parvum, compressum, nigrum; lappis etiam multò majoribus, nec velut in spicas definitibus.

Hæc planta, inquit, ad *Atriplicem* 2. Matth. in post. figuris accedit, ut facillè eandem existimârim.

An ab alio quoquam præterea Botanico descripta sit hæc planta incertum: nobis nondum conspecta est, si descriptionem rectè intelligimus.

D. *Magnol* *Atriplicem* sylvestrem lappulas habentem C. B. hujus synonymam facit; & revera descriptiones in plerisque conveniunt. D. Morisonus *Atriplicem* sylv. lappulas habentem *Atriplicis* fragiferæ speciem facit; quò & nos eam retulimus, incerti adhuc quò debeat referri.

A. 8. *Atriplex maritima* J. B. *maritima laciniata* C. B. *marina* Ger. *marina repens* Park. Jagged Sea-Orache.

J. B.

*Caules* humi spargit cubitales, numerosos ex crassa satis radice exortos, totos albicantes, per quos & *folia* candicantia, sinuata, *Pedis* anserini similia. *Flosculi* per extrema potissimum ramulorum, racematim congesti, flores *Portulacæ* marinæ imitantur. In folliculo bivalvi rugoso, aspero, in dorso aculeato, semen continetur unicum.

Lobelius & nos quoque in maritimis Mediterraneis & Adriaticis nusquam non obviam habuimus hanc *Atriplicis* speciem, humi stratam. Lobelius eam perperam repentem vocat: sparsa est supra terram, non tamen repit. Hanc plantam nuperrimè in Anglia invenimus in litore maris arenoso propè Holland, vicum 5. m. p. à S. Oithæ oppido remotum in Essexia: D. Dale in Merseia etiam insula invenit copiosissimam.

9. *Atriplex Halimi folio* C. B. *sylvestris Halimi folio* Park. *Halimoides* Lobelii J. B. itémque *sylvestris foliis integris racemosa* ejusdem ex sententia D. Morisoni & nostrâ. Sea-Orache with the leaves of Sea-Purslane.

Lob.

Æstiva est, *caules* edens ternum & quaternum cubitorum, & *folia* *Halimi* integra, aut parum sinuata: *flores* & semina racemosa, folliculis membranaceis bivalvibus inclusa, cæterarum more. Nobis incognita & suspecta est.

A. 10. *Atriplex maritima perennis folio deltoide triangulare, minus incano* Morif. An *Atriplicis maritimæ* species Valerando J. B? *Atriplex maritima* nostras Cat. Ang.

Morif.

Hæc *caulibus* provenit multis, bipedalibus, lignosis, humi stratis, atque medio surrecto longiore [fortè longioribus] ad quorum singulos nodos proveniunt *folia* triangularia, sinuata tamen & acuminata, colore magis incano *Atriplice* sylvestri folio deltoide, sed minus *Halimo* frutescente. *Flores* profert musculos, herbaceos cæterarum *Atriplicum* maritarum more, quibus singulis succedunt singula semina binis foliolis in dorso verrucosis inclusa. *Radix* longa est, brachiata, diu durans, sicut *Halimi* cæteri marini.

Locus.

In maritimis Angliæ & Belgii provenit. Floret eodem tempore cum cæteris Halimi seu Atriplicis marinæ speciebus.

Hæc est (ni multum fallor) quam in *Cat. Ang.* sub titulo Atriplicis marinæ nostratis descripsimus, & cum Atrip. 4. seu sylv. folio deltoide eandem esse suspicati sumus. Verum si radix perennis sit, (quod nobis tunc non innotuit) omnino specie diversa est.

Hujus duas varietates observavimus, colore differentes, nimirum Atrip. mar. albam, & Atrip. mar. rubram.

\* II. *Atriplex minima angustifolia maritima* Bocconi. *The least narrow-leaved Sea-rache.*

*Folia* huic angusta sunt Antirrhini minimi facie, incana, pulveris marisque aspergine semper fordescencia. *Semina* in exiguis nodis capituli modo in unum congestis, singulis tamen binis foliis inclusis, spicam quasi racemosam componunt, Kali minimi formâ.

A Bigarone pharmacopola ex Stœchadibus allatam habui. Hæc *Paulus Boccone*.

Atriplex maritima angustifolia C. B. cujus ramum duntaxat siccum Rupellæ collectum vidit, descriptâ major fuisse videtur, caule nimirum cubitali, foliis etiam diversâ, angustis, crenatis, duas uncias longis absque pediculo. Verum mutila descriptio ad ramum siccum facta, an plantam novam demonstret, an aliquam ex descriptis nescimus, nec est cur ejus rationem habeamus; eandem tamen esse putamus Atriplici nostræ angustifoliæ dentatæ superius descriptæ, ut ibidem monuimus, aut fortè Atriplici nostræ angustifoliæ marinæ dentatæ.

CAP. IV.

*Atriplex maritima fruticosa, Halimus dicta.*

I. *Atriplex Halimus dicta latifolia.* *Halimus Clusii* J. B. *Hal. latifolius* Ger. *latifolius* sive *fruticosus* C. B. *latifolius* sive *Portulaca marina incana major* Park. *Great broad-leaved Sea Purslane.*

*Clus. J. B.*

**F**rutex est omnino candidus, Rhamno similis, ipso etiam candidior, eadèmq; altitudine [tunc] quatuorve aut plurium cubitorum] assurgens, multis ramis ex una radice prodeuntibus, crassis, lignosis & fragilibus, & dum juniores sunt ut Atriplicibus fungosis. *Folia* Oleæ sive potius Rhamni [J. B. Atriplicis marinæ, non tamen sinuata ferratave;] breviora tamen & latiora, interdum rhomboide figura, ordine nullo per ramos disposita, pediculis satis longis hærentia, cum hyeme virentia, crassa, succulenta, candicantia & quodammodo splendentia, sapore subacido prædita. *Flos* Oleæ parvè, parvus, mucosus, purpurascens, racematim in summis ramis coherens. *Semen* parvum, compressum, fuscum, in lappulis non absimilibus nostræ Atriplicis lappacæ Mossæ pappulânæ, minoribus tamen & candidis. Radix dura est, lignosa & in multos ramos sparsa.

Floret æstate, semen Autumno maturescit.

Tempus.

Hyemes asperiores in regionibus Septentrionalibus, Anglia scilicet aut Belgio, non fert nisi diligenter custodiatur, & à frigore defendatur.

Locus.

Sponte provenit Ulyssippone vicinisque locis ad Tagum aut ejus ostia & æstuaria mari proxima in sepibus. Hispali etiam in sepibus. Nos in sepibus mari vicinis propè Messanam copiosam invenimus sponte ortam.

\* 2. *Halimus angustifolius procumbens* C. B. Ger. *Hal. tenuifolius* sive *Portulaca marina incana minor* Park. *Portulaca marina fruticosa, quæ Halimus 2. Clusii* J. B. *Narrow-leaved Sea Purslane.*

*Clus.*

Supra cubitalem aut sesquicubitalem non assurgit altitudinem, flagellis potius quam ramis adeo infirmis, ut plerunque procumbant & humi fundantur, candidis quidem illis sed minus superioribus ramis. Hujus *folia* oblonga, angusta, pingua & carnosa, cinerei & albicantis coloris. *Flos* summis flagellis racematim coherens innascitur: herbacei potius quam purpurascens coloris: quibus succedunt folliculi rugosi, binis valvis triquetris compositi, singuli singula semina continentes, prioris feminibus minora.

Locus.

In maritimis regni Valentini nascitur, itèmq; in aggeribus insulæ illius quam duo Rhodani cornua faciunt.

Hanc plantam cum sequente J. Bauhinus eandem facere videtur: verum Clusio potius fides adhibenda, qui distinguit.



- A. 3. *Halimus seu Portulaca marina* C. B. *Hal. vulgaris sive Portulaca marina* Ger. *Portulaca marina nostras* Park. *marina fruticosa*, quæ *Halimus* 2. *Clusii* J. B. **Common Sea-Purslane.**

*J. B.*

Pedales promit ramos aut etiam longiores, humi plurimum procumbentes, ex cœruleo colore purpurascens albicantēve, tenues, lentos; in quibus *folia* quodammodo ad Oleæ aut Rhamni *Matib.* *folia* accedunt, nisi breviora essent, pingua ferè & Portulacæ fativæ æmula, exalbida & ferè cinerea, lævia [priori familia, pinguiora & magis carnosa, minùs tamen incana & ex viridi potiùs canescentia *Clusio*] saporis salsi, quem in hortos translato frutice exiunt. In ramulorum extremis *semen* copiosum, racematim congestum ferè, minutum, præcedentibus floribus, qui ex viridante in purpurillum quoddam vergunt, Bliti aut Atriplicis ferè similes. Illi radix lignosa, vivax, velut & ipsa stirps, quæ decidentibus paucis foliis hyemem sustinet.

In maritimis non Mediterranei duntaxat maris sed & Zelandiæ, Flandriæ, Hollandiæ atque etiam Angliæ aggeribus & tumulis arenosis nascitur, copiosissimè verò in aggeribus fossarum in palustribus salis, quas singulis accessibus æstus marinus influit. *Locus.*

- \* 4. *Halimus minor* C. B. *minor Germanicus* Park. **The least German Halimus.**

*C. B.*

Ex radice tenui, capillata, caulis cinericeus palmum superans, variè incurvatus exurgit, qui paulò supra radicem in ramulos plures, tenues, uncias tres longos abit: *foliis* paucis cinericeis & oblongo-rotundis, sed in ramulis angustioribus, nonnullis instar Atriplicis utrinquè unâ laciniâ divis. *Flosculi* plures, parvi, herbacei, muscosi, intus luteoli, longis pediculis per ramulorum summitates sparguntur: quibus vascula quadruplicia, semen parvum, griseum, reniforme continentia succedunt.

Infra Northusam provenit.

Planta hæc non est vera & genuina *Halimi* species, tum quia *flosculi* ejus præter normam aliarum Atriplicum pediculis longis appenduntur, tum quia vascula seminalia quadruplicia obtinet. Verùm quia nescimus quo eam commodius referamus (necdum enim nobis cognita aut conspecta est) quem assignavit autor locum occupare permisimus. *Locus.*

## C A P. V.

### De Blito Sylvestri.

**B**litum, Græcis Βαίτω, seu Βαίτω ut aliis scribitur, quasi Βαίτω abiciendum, vel propter inertiam & vilitatem, vel ob insulsum, fatuūve sorem C. B. Hinc Comici occasionem sumserunt jocandi in homines nullius rei, quos Bliteos vocant & Blitomammas. Festus à Βαίτῃ pisce nullius usûs deducit.

Nos Bliti notas caracteristicas facimus semina rotunda seu compressa, singularia seu solitaria quibus *flosculi* ipsi seu maris perianthia pro vasculis sunt, interdum arctè, interdum laxiùs conniventes. Ob notas caracteristicas communes huc reducimus, species non paucas Atriplices vulgò dictas, Botryn vulgarem & Mexicanam, Kali species aliquot; necnon Sedum minus fruticosum C. B. seu Vermicularem fruticosam aliis, quoniam Kali minori albo cognata & affinis videtur, quamvis (ut verum fateamur) illius semina & vascula seminalia nondum curiosè observavimus.

Quod Blitum vulgò dicitur notis caracteristicis, h. e. seminibus vasculis quæ per maturitatem, transversim in medio rumpuntur aut diffiliunt inclusis, cum Amaranto convenire suspicamur; ideoque duo Bliti genera constituenda putamus; Primum de quo hoc capite agimus Blitum sylvestre dicitur: Alterum de quo sequenti Blitum hortense.

- A. 1. *Blitum Bonus Henricus dictum.* *Bonus Henricus* J. B. Ger. *Totà Bona Spinachia facit* Lob. *Lapathum unctuosum* C. B. Park. **English Mercury or All-good.**

E radice crassa, sublutea, fibris aliquot donata, acris & amara plures emittit caules striatos, concavos, partim erectos partim supinos, brevi lanugine hirsutos, pedales aut cubitales. *Folia* triangula, Atriplicis aut Ari familia, & interdum paria, superne glabra, inferne farina tenui respersa, longis pediculis nixa, caulibus alternatim adnata, sapore nonnihil nitroso. *Flosculi* in summis caulibus conferti in thyrsis, Bliti aut Amaranthi modo, staminei lutei, è calice quinquefolio, adeò exigui ut earum partes vix liceat discernere. Singulis autem *flosculis* singula succedunt semina, parva, per maturitatem nigra, compressa & ad renis figuram accedentia, in vesiculis membranaceis aut ipsis *flosculis* inclusa.

In areis & compitis, inque locis ruderatis ad semitas, aut etiam oleraceis frequens occurrit. Aprili *Locus* & Maio mensibus floret. *Tempus.*

Mercurialis nostratum vulgò per errorem dicta est hæc herba, ejusque turiones, germina novella & florum thyrsos, dum adhuc teneri sunt, in aqua aut carniū jure decocta, & cum butyro & sale condita esitant, Spinachia, Lupulorum & Asparagi modo, quibus saporis suavitate non multum cedunt, facultate deterfiora præferuntur. *Vires* & *Usus.*

Mirificè confert ad ulcera sordida purganda & glutinanda, autore Fuchfio. Vermes in ulceribus putridis animantium quadrupedum natos excutit certissimo experimento, si herba tusa ulceribus imponatur, id quod non semel ipse vidi. *Trag. J. Baubinus* hæc de Atriplice olida dicta accipit.

\**Quadrip.  
Botan. cl. 3.  
p. 217.*

Ego (inquit \* *Sim. Pauli*) non sine felici successu Bonum Henricum [totam plantam] cataplasmatibus formâ ad mitigandos Podagricos dolores adhiberi semel atque iterum apud plebeios observavi: nec quidquam periculi timendum est, cum non repellat sed discutiat & digerat; imò insuper antidyna est, quæ qualitates raro in uno simplici conveniunt. *D. Tancred. Robinson.*

Cataplasma ad Podagram,

R. Herbar Boni Henrici recentis sine floribus *M. v.* Florum Sambuci, Chamomilla siccorum ana *M. ij.* Contundantur, grossè: coque in *l. q.* aq. Sambuci ad putrilaginem.

Remisce gummi Carannæ  $\frac{3}{4}$   $\beta$ . Camphoræ  $\frac{3}{4}$   $\beta$ . *M. F.* lege artis Cataplasma. *Sim. Pauli.*

A. 2. *Blitum erectius sive tertium Tragi J. B. minus* Dod. *polypermum* C. B. Park. *itumque Blitum album minus eorundem & Ger. Upright White or All-seed.*

Radice est simplici, rubente, fibris aliquot tenuibus capillata, altè in terram descendente si locum commodum nacta fuerit, aliàs (ut ait *J. Baubinus*) fibrosa. Caulis dodrantem altè, striati, glabri, solidi, plurimos propè terram ramos fundentis ipsis etiam caulibus longiores; in quibus nascuntur folia modò adversa, sæpius alternatim posita, pediculis uncialibus hærentia, glabra, minus crebra quàm in aliis Blitis, foliis Prunellæ aut Majoranæ sylv. similia, sed tantillo majora: *J. Baubinus* Ocymi foliis ea comparat: Ex quorum alis & in ramorum extremis racemati flosculi coherent purpurascens; subsequente semine parvo nigro Portulacæ, sanguineo florido colore, inquit *J. B.* ex affricu tingente.

Semina in singulis flosculis singula non occultantur sed visui patent; proinde Lobelius florum muscosorum fecuram Botryi non dissimilem eidem non ineptè attribuit.

Locus,

In fimetis, Lupuletis & arvis pinguioribus abundè provenit.

3. *Botrys Ger. vulgaris* Park. *Ambrosioides vulgaris* C. B. *Botrys* plerisque Botanicis *J. B. Oak of Jerusalem.*

Radice nititur parva, alba, rectà descendente, paucis fibrillis donata. Caulis ei dodrantalis, aut pedalis pro ratione soli, teres, rigidus erectus, hirsutus, crebris foliis alternatim positis vestitus, imò statim ramosus. Flosculi in summis caulibus & ramulis numerosissimi, longa serie velut in fascias laxas digesti. Ex uniuscujusque autem folioli sinu duo exeunt furculi & velut racemuli flosculi & seminibus onusti. Hi furculi divisionibus suis dichotomiam observant, & in unoquoque varicationum angulo flosculus sedet nullo pediculo, itémque in ipsis foliorum alis inter pediculis furculorum modò dictorum. Flosculi sessiles, staminei & herbacei vitium botros æmulantur: singulis singula succedunt semina Sinapeos similia sed minora multo. Folia quernorum æmulâ divisi, venis majoribus rubris insignia, pediculis longis insident; cum primò emergunt rubra sunt, postea pallescunt. Florum racemuli ex viridi pallescunt, suntque ad tactum glutinosi. Odeur totius plantæ suavis est & aromaticus. Botrys annua est planta, æstate florens & semen perficiens; Bliti specibus accensenda.

In arenosis circa Rhegium in Calabria, Florentiam in Etruria, Monspelium & Nemausum in Narbonensi Gallia copiosè provenientem observavimus.

4. *Botrys Ambrosioides Mexiocana* C. B. *fruticosa Americana* Park. *American Oak of Jerusalem.*

C. B.

Radice est oblongâ, fuscâ, capillaribus fibris cinctâ, intus candidâ: caule pedali, etiam altiore, sed cubitum non superante, eoque subrubente, quandoque, rotundo, striato, pilis levissimis & arriissimis aspersis: foliis pallidè virentibus, Atriplicis sylvestris vulgaris formâ similibus, oblongis, innatis, pediculis oblongis donatis, & absque ordine caulem ambientibus: ad singulorum extram ramuli unciales ut in Atriplice emergunt, pluribus velut capitulis alternatim dispositis onusti, quibus singulis foliorum exiguum subijcitur, quibusque apertis flosculi exigui, luteoli, ut in Botry conspiciuntur, hisque semen minutum copiosumque succedit. Planta annua est, ex semine deciduo se propagans. Et licet tota planta primo intuitu Atriplicem referat, ita ut Atriplex Mexiocana dici posset, attamen propter odorem, gravem quidem, sed non ingratum, & saporem aromaticum ad Cuminum accedentem, & propter florum & seminum copiam ad Botryni referre malimus.

Vires & usus.

Hæc est (ut nobis videtur) Epazol seu Atriplex odorata Mexicana *Fran. Hernandez.*

Botrys herba in pulverem redacta, mellèque in Electuarii formam excepta præstat contra pulmonum vomicas, quò remedio multos ego curavi qui pus serebant *Matth.* Valere dicitur ad dolores uteri, ad menses ciendos & emortuos fetus ejicendos.

Nonnulli inter vestes Botryni reponunt ad tineas abigendas & odoris suavitatem communicandam. Cæterum Botrys dicta est hæc herba à semine racematim caulibus adnascente.

Fr. Hernandez Epazol seu Atriplicem suam odoratam Mexicanam (quam pro Ambrosia Mexiocana C. B. habemus) crudam coctâve adjectam condimentis corroborare scribit, pectori asthmaricis & obstructis conferre, & gratam alimoniam præbere. Jus decocti radicum dysenterias cohercere, dissipare inflammationes & noxia venenis pellere animalia.

Blitum



*Blitum Atriplex dictum.*

5. *Atriplex baccifera* Ger. emac. *baccifera rubra* Park. *Sylvestris mori fructu* C. B. *Berry-bearing Orach*, by some called *Bloody Spinache*.

E radice alba, dulci, tenera, longâ & satis crassâ pro plantæ modo, plures emittit caules crassiusculos, teretes, striatos, rubentes, dodrantes aut pedales, ramosos, ad terram subinde reclinatos, quamvis medius caulis non rarò erigatur. Folia longis pediculis nixa, triangula, Spinachie aut Atriplicis hastato folio, nullo ordine posita, inferiora obiter dentata, ut in congeneribus. Ad exortum foliorum inque caulis & ramorum summitatibus, florum & feminum dense stipatorum globuli gemini, baccas seu mora imitati, cauli & foliorum alis arctè adharrent, per maturitatem rubri, & succo quodam vini rubriæmulo prægnantes. Flosculi autem singuli ( seu calices aut vascula seminalia mavis dicere ) quatuor foliolis compositi videntur, & singuli singula semina parva, nigricantia, subrotunda continent.

Annua est planta, semine deciduo quotannis se renovans.

6. *Atriplex Mori fructu minor seu fragifera minor* Morisoni; *Atr. sylv. baccifera* Clus. Hist.

*Clus.*

Assurgunt à singulari radice paucis foliis prædita terni aut quaterni caules, interdum unicus, statim à radice capite divisus in aliquot ramulos pedem aut circiter longos, inæquales & angulosos in terram procumbentes, minoribus aliis ramulis donatos: in quibus, ut & majoribus singularia adnascuntur folia, modò in unum latus, modò in alterum disposita, angulosa, qualia in Atriplicis cæteris quibusdam speciebus, incana, ad quorum exortum multi in unum caput congesti orbiculi, fructus Mori rudimenta quodammodo referentes, qui per maturitatem rubellum colorem contrahentes exigua fraga mentiuntur, atque magnam toti plantæ addunt venustatem & gratiam: singuli autem illi orbiculi semina multa continent exigua, rotunda, cineracei coloris, qualia ferè in Papavere ceratite, violaceum florem ferente.

Eandem aut similem plantam in Tirolensi comitatu reperisse se affirmabat Gulielmus de Me-ra Medicus, dum ex Italia rediens per eam regionem iter faceret, sub extremum Augustum magis fruticantem, & suis fructibus onustam adeò elegantibus, ut ipsum etiam ad vescendum invitarent. Hæc omnia Clusius.

- \* 7. *Atriplex sylvestris lappulas habens* C. B. Park. *Atr. sylv. Monspeßulana cum pulchris involucriis* J. B. exsententia D. Magnol.

*J. B.*

Ex radice parva fibrosa cauliculi palmares, striati emittuntur, quos folia atrovirentia parva, angulosa, alternatim disposita, brevibus pediculis donata cingunt, ad quorum exortum lappulæ duæ Coriandri seminum magnitudine adharrent, semen nigrum, parvum compressum continentes.

D. Magnol hanc plantam ad Atriplicem sylvestrem Monspeßulanam cum pulchris involucriis J. B. refert, & fortasse rectius, nam descriptiones in plerisque conveniant. Expungas ergo Lector, si videtur, hanc speciem, nobis non invitis.

- A. 8. *Atriplex sylvestris* J. B. *sylv. vulgarior* Ger. emac. *sylv. vulgarior sinuata major* Park. *I. five folio sinuato candicante* C. B. *Common wild Orache*.

Radice simplici, albâ, lignosâ, obliquâ non rarò & huc illuc reflexâ, pluribus fibris capillaribus donatâ nititur. Caulem surrigit nunc unum, interdum plures, cubitales & altiores, satis crassos & firmos, solidos, angulosos seu striatos ab imo ad summum usque ramosos ramulis crebris, è foliorum alis exeuntibus; quæ ad modica intervalla alternatim adnata, pediculis sescuncialibus, duas trêve uncias longa, sescunciam aut duas uncias lata, figurâ ferè rhomboide, circum oras sinuata aut dentata, dentibus inæqualibus, lævia, supernè obscurius viridia, non raro tamen farinaceo candicante pulvisculo resperâ inferna parte magis. Flosculi in summis caulibus & ramulis racematim congesti exterius candicantes, singuli quinque foliolis herbaceis acutis, totidemque staminibus albis compositi, adeò exigui ut eorum partes obtutum ferè fugiant. Hi tandem arctè connivent, & singuli singula semina, rotunda, compressa, nigra, splendens amplectuntur & occultant: oclusi autem stellam quinque radiorum intuentibus representant.

In fimetis & locis rudatis & hortis oleraceis pinguioribus exit, Julio mense florens & per reliquam deinde ætatem. Folia plantæ marcescenti xerampelina & rubra evadunt. Annua est.

- A. 9. *Atriplex sylvestris latifolia altera* Ger. emac. *latifolia acutiore folio* C. B. *Atrip. dicta* Pes anserinus aliter, five ramosior J. B. *Sharp-pointed Goosefoot*.

Radix huic alba, simplex, fibris capillata, dura & lignescens, interdum ramosa. Caulis cubitalis & sescuncubitalis, erectus, glaber, viridis, satis firmus & crassus, medullâ factus, & ab imo statim ramosus. Folia caulibus adnascuntur crebra, nullo ordine, pediculis sescuncialibus, triangulata, è lata scilicet basi in acutum mucronem sensim desinentia, obscurè viridia, glabra. Flosculi conferti velut in racemulis in summo caule & ramulis è foliorum alis egressis, perexigui & vix conspicui, staminei. Singulis flosculis singula insunt semina rotunda, nigra.

In fimetis, & locis rudatis, secus vias & semitas alibique in incultis, præsertim humentibus, invenitur frequens.

- A. 10. *Atriplex sylvestris latifolia* Lob. C. B. *sylv. latifolia sive Pes anserinus* Ger. emac. Park. *Atriplex dicta Pes anserinus* J. B. Goosefoot or Sombane.

*J. B.*

Perfimilis est Atriplici sylvestri folio sinuato candic. sed hujus folia ampliora, laxius & rarius sinuata, atro-virentia, caput gravante odore prædita. Flos racemosus, Atriplicis jam dictæ, antequam explicatur plerumque rubens. Semen exiguum, rotundum, nigrum. Radix lignescit. Caulis crassiusculus rectus cubitalis.

Humilior est præcedente, magisque in latitudinem diffusa, foliis magis sinuatis, obtusioribus & rotundioribus.

Eisdem cum priore locis invenitur.

His addit aliam Atriplicis sylvestris latifoliæ speciem eruditissimus Vir D. Rob. Plot, quam *Atriplicem vulgarem sinuatam spicatam* appellat, quæ à Pede anserino altero sive ramosiore *J. B.* in eo saltem differt, quod Fragiferæ instar femina in globulos congesta caulibus arctè adhaerentia gestet.

- A. 11. *Atriplex olida* Ger. *olida sive sylvestris fetida* Park. *sylv. VIII. sive fetida* C. B. *fetida* J. B. *pufilla, olida, hircina, Vulvaria vocata, garum olens* Lob. Stinking Orache.

*J. B.*

Vix humo tollit caules, ut plurimum ramosos, dodrantes aut etiam majores; quos vestimentum folia ex rotunditate modicè in acumen definientia, potissimum superiora, in inferioribus quædam sinuata, farinaceo pulvisculo asperso candicantia: odoris virosi intolerabilis, ut qui vel attractu levi manus ita inficit, ut longo tempore vix possit elui. Flosculi racemosi Atriplicum aliarum sylvestrium modo. Radix gracilis, fibrata.

Juxta parietes & in locis ruderatis provenit, sed rarius.

Atriplicis hujus folia contusa cum Saccharo conservam efficiunt hysterici utilissimum. D. Nodum. Herba hæc arefacta & in aquâ cocta instar Theæ mirè passioni hystericæ prodest. D. Palmer.

Locus.  
Vires,

- \* 12. *Atriplex sylvestris altera, folio sinuato saturè virente, spicâ subrubrâ* Morif.

*Morif.*

Hæc tam luxuriosa proceritate prodit, ut quaternos sæpe cubitos excedat, caule ut hortensis anguloso, purpurascente & ramoso: folio hortensi non admodum dissimili, potissimum quod ad colorem attinet, sed paulò minore, crenato: flore luteo & exiguo: semine racematim digesto in summitatibus caulium & ramorum: radice fibrata.

In suburbiorum fimetis & fossis passim provenit.

An Atriplex propriè dicta hæc sit, an Blitum Atriplicis facie descriptio hæc nos incertos relinquit: ob semen racematim digestum Blitis potius subjunximus: quod & de sequente planta, nobis pariter incognitâ, dictum esto.

Locus,

- \* 13. *Atriplex procumbens folio sinuato, lucido, crasso* Morif.

*Morif.*

Planta est pedalis, procumbens: folia habet crassa, pronâ parte lucida, in margine sinuata: caules & folia ut plurimum sunt rubra: Semine onerantur caules summi racematim compacto, cæterorum sylvestrium modo, nigro.

Reperitur in humidis pinguibusque terrenis locis circa Blasas in Gallia.

Flores & semina sua, nigra, minuta perficit eodem tempore cum cæteris sylvestribus.

Hujus noticiam D. Morifono debemus, cujus etiam descriptionem adhibuimus.

Locus,

- A. 14. *Blitum marinum teretifolium* Kali minus album dictum. Kali minus Ger. minus album Park. minus album semine splendente C. B. minus, sive Sedum minus arboreum vermiculatum J. B. White Glaswort.

*J. B.*

Duris lignosisque ramis cubitalibus, interdum rubescentibus, aliàs albidis fruticat, è quorum lateribus densissimè enascuntur propagines unciales & sextantales, foliolis perpufillis, teretibus, glaucis stipatæ per ramorum scapos longa serie, fescuncialibus plerumque aut longioribus; uniuscujusque finem implente globulo exiguo, Milii granum æquante aut majori, qui ubi explicatur apiculos ostendit numerosos luteos. Semen exiguum, nigrum, lucidum, compressum: in singulis calicibus quinquefoliis singulum occultatum, ad eundem ferè modum quo in Atriplice folio sinuato candicante.

Locus,

In salis maricimis frequentissima est hæc planta. Magnitudine insigniter variat; Alicubi enim in fruticem lignosum adolescit, alibi pusilla est & humi projecta, adeo ut, an duæ sint illius species necne mihi nondum planè satisfat. Erectam & frutescentem observavi copiosissimam in Lingula illa seu crepidine petrosa, quæ à Portlandia Insula versus litus Anglicum porrigitur.



\* 15. *Kali minus villosum* C. B. *Cali parvum hirsutum* J. B. The lesser hairy Glasstwort.

Plantula est Kali minori nonnihil similis, radice oblonga, fibrosa, nigricante, caule pedali, inæquali, ramoso, ramulis multò brevioribus quàm illius, nec ità rectis sed incurvis; foliis nonnihil brevioribus, angustioribus, crassis, succulentis, salis. Tota planta albicante lanugine canescens, Kali minore mollior est. Hactenus *J. Baubinus*. Addit Casparus frater, in cauliculis summis capitula parva ferre, florem minutum continentia; semina se non observasse.

Fortè hæc planta à Kali minore non differt specie.

Monspelio non longè ad mare oritur.

*Kali sive Vermiculari marinæ non dissimilis planta* J. B. &  
*Kali hirsuto affinis, fortè Anthyllidis aliqua species ejusdem,*

Cùm ex ficcis plantis descriptæ essent, eisdemque tum flore tum semine carentibus, nescimus plane an ad hoc genus pertineant, necdum ab aliis descriptæ & depictæ sint sub hoc aut alio aliquo genere. Videfis earum descriptiones & figuras apud Bauhinum Tom. 3. p. 705.

*Kali minus foliis lucidis* Botan. Monsp.

Foliis copiosis lucidis & in acutum definentibus à minori villosa & minori albo distinguitur. Præcedentium varietas videtur.

A. 16. *Sedum minus fruticosum* C. B. *Vermicularis fruticosa altera* Park. *Cali species sive Vermicularis marina arborescens* J. B. Shrubby Glasstwort.

*J. B.*

Cubitalibus & bicubitalibus, teretibus, glabris lignosis stolonibus cinerei coloris fruticat, in ramos longiusculos diductis, per quos confertim nascuntur folia, semuncia breviora, quædam etiam uncialia, succulenta, Cali hirsuti excepta hirsutæ similia, alternatim disposita, sapore salso: ad quorum alas luteoli flores, minores, herbacei apparent. Radix in multas radículas fibratas finditur deorsum versus, superius satis crassa & lignosa.

Plantam hanc in squalidis campis Arelaten inter & D. Egidii oppidum non procul à Rhodani fluentis uberrimam perennantem nos quoque post Lobelium observavimus.

Hæc planta (ut rectè *J. Baubinus*) habet multa quæ cum Kali minore conveniunt.

\* 17. *Sedum minus fruticosum alterum* C. B. *Vermicularis arborescens* Park. *Cali species, sive Vermiculari fruticis varietas major* J. B. Tree-Glasstwort, or Sea-Blite with Stone-crop-leaves.

Hæc, autore Lobelio, foliis est albis, densissimè confertis, denticulatis, Vermicularis acris majoribus. [Addit Morisonus;] flores producit ex herbaceo luteos, quàm præcedentis majores: semina sunt, uti Kali, nigra. Parkinsonus noster eam ità describit,

Hoc genus Sedi (ut vocat) in hortis cultum ad quinque aut sex pedum altitudinem affurgit, ab imo ad summum usque ramulis crebris, foliisque creberrimis exiguis, longis, teretibus, insipidis, Sedi minimi vermiculati perfoliatis, verum minoribus & viridioribus obsitum. Flores in summis ramulis quàm præcedentis minores (fortè error est scribæ aut Typographi pro majores) pallidè lutei. Radices longæ, lignosæ in terra se diffundunt.

An hæc & præcedens planta sint veræ & genuinæ Bliti-Atriplicis dicti species mihi non constare fateor, cùm flores & semina præcedentis non satis curiosè observaverim, ob similitudinem tamen cum Kali minore albo congeneres ei plantas esse suspicor: & propterea hunc eis locum assignavi.

18. *Blitum Americanum spinosum*. Thorny American Blite.

Hujus specimen pulcherrimum, à se curiosè exsiccatum ad me transmisit ingeniosus. Vir & eximius Botanicus D. Hans. Sloane M. D. Erat id dodrantali longitudine; caule (ut videbatur) recto, satis firmo, ramoso, ramulis alternatim è foliorum sinibus exeuntibus. Folia Bliti polyspermi ferè figurâ & magnitudine, [aut Parietariæ] pediculis fescunciam aut duas uncias longis hærentia, [inferiora intellige] per margines æqualia, nervis in ficco admodum conspicuis. In alis foliorum flosculi staminei, sessiles, in globulos conferti, & ad exortum flosculorum hinc inde spina rigida, acuta, semuncialis. Summus caulis & ramuli in spicas longas, crebras, è plurimis flosculis confertas, Amaranti in modum, ex herbaceo flavicantes. Spicis autem nullæ intermixtæ sunt spinæ: flosculorum singulorum partes ob parvitatem clarè discernere non licuit; neque quomodo semen gestet. Follia tamen bivalves videbantur.

In horto Regio Monspeliensi inque Parisiensi cultam observavit D. Sloane.

Locus,

## CAP. VI.

## De Blito hortenfi.

**B**litum vulgo dictum (ut superius etiam monuimus) semina vasculis quæ per maturitatem transverſim in medio levi tactu diffiliunt, ut in Portulaca, incluſa obtinere ſuſpicamur, Amaranti in modum; adeoque ab Amarantis, ſpicarum præcipue colore & elegantia diſſerre. Alii diligentius rem examinent. Si ſeminum reſpectu cum Blitis ſuperiori capite comprehenſis conveniant, non eſt cur Caput peculiare iis aſſignetur, ſed illis ſubjungi poſſunt.

1. *Blitum rubrum majus* Ger. C. B. Park. *Blitum pulchrum rectum magnum rubrum* J. B. *Great red Blite.*

*ſ. B.*

Facilis eſt adoleſcentiæ, radice pollicari fatua, ut & tota planta; caule fiſtuloſo, intus extraque ſanguineo rubore perſuſo, concoloreſque ſuccum preſſu remittente. Folia Betaceis minora, magis rugoſa, quæ cælum ſpectant ex rubro nigreſcunt, prona parte hilariùs rubent. Floſculi muſcoſi ſecundùm caulem apiculis pallidis conſtant. Semen Atriplicis ſylveſtris vel Amaranti, nigrum, nitens.

Locus.

Planta eſt hortenſis, necdum novimus ubi ſponte proveniat. Vidimus Monſpelii in hortis oleaceis. Ex ſemine deciduo ſe quotannis renovat.

2. *Blitum rubrum minus* J. B. C. B. Ger. *rubrum ſylv. minus* Park. *Small red Blite.*

*ſ. B.*

Satis magnam radicem pro plantæ ratione habet, rubentem fibroſam, ex cujus capite plures caules oriuntur, ſupini, rubentes, & in his folia multa, Solani hortenſis minora, nervoſiora, colore atrovirente, ſapore fatuo: ex quorum alis ſecundùm caulem numeroſi naſcuntur floſculi, ex herbide ſe muſcoſis fibris compoſiti, obtutum ſerè eludentes.

Locus.

Seritur in hortis, ac etiam in iis ſponte provenit [in tranſmarinis regionibus] ut & præſertim in iis locis in quibus ſimus pecorum aliquandiu aſſervatus fuerit. Nos ſpeciem hanc in hortis, vineis & fimeſtis circa Monſpelium & alibi tum in Gallia, tum in Germania, copioſe provenientem obſervavimus.

3. *Blitum pulchrum magnum album* J. B. *Blitum album majus* C. B. Ger. Park. *Great white Blite.*

*ſ. B.*

Eſt hoc ſimile rubro, nec ab eo niſi colore differens, caule ut illud aſſurgens unico, magno, ſermo, ad duos treſve cubitos erecto, albo: ſed foliis majoribus, niſi locus interdum aridior diverſitatem faciat.

In Burgundionum *Vauchuſe* vidi, inquit *ſ. B.*

4. *Blitum album minus* J. B. C. B. Ger. *album ſylveſtre minus* Park. *The leſſer white Blite.*

Radice nititur ſimplici, ſuperiori parte rubente, tenuioribus fibris donatâ, profundiffimè in terram ad perpendiculum deſcendente ac proinde evulſu difficili, ſapore non ingrato. Caules emittit plures, ſempedales aut dodrantes, interdum longiores, teretes, ſtriatos, ſolidos, in terram reclinatos & vix ſe ſuſtentantes, fungoſos, ſucci plenos, ſuperius nonnihil rubentes, aliàs albos; foliis per intervalla alternatim diſpoſitis veſtitos, inferioribus ad radicem minoribus, breviorè pediculo herentibus, ſuperioribus majoribus, longiore nixis, nervoſis, glabris, atrovirentibus, ad Majoranz aut Nummulariæ folia quodammodo accedentibus ſed majoribus, ſubrotundis, per margines æqualibus, in extremitatè obtulis ac ſi abſciſſa eſſent, & fiſſis ſeu crenatis. Cùm primo exeunt liturâ in medio albâ inter duas nigras ſitâ inſignita ſunt; cùm adoleſcit planta, maculâ albâ evaneſcente in ſingulis foliis nigra remanet. Floſculi & ſemina foliorum alis racematim adnaſcuntur, ut & ſummis caulibus, qui velut in ſpicas deſinunt. Floſculi vix conſpicui, ſtaminei, herbacei. Semen nigrum, ſplendens Amaranti, vaſculis ſeu folliculis herbaceis (qui ſingula continent ſinguli) incluſum. Odor ex viriditate quodammodo gravis, ſapor viſcidus.

Locus.

Montbelgardi (inquit *ſ. Bauhinus*) abundat paſſim Blitum minus album vel potiùs viride; Geneva quoque frequens, Tubingæ aut Tiguri in agris non cultis, ſecus itinera, in hortis & arcis.

- \* 5. *Blitum Virginianum majus* Park. *The greater Virginian Blite.*

Caule aſſurgit ſimplici, craſſo, tereti, ſtriato, quinque aut ſex pedes alto, ramulis multis, crebris ab imo ad ſummum uſque undique cincto; foliis veſtito quàm Bliti hortenſis cujuſcunque majoribus, colore viridi ſaturo, aliàs iis ſimilibus: Semen in ſpicis exiguis e ſummo caule & ramulis exantibus, parvum, per maturitatem nigrum, compreſſum, ſplendens,

\* 6. *Blitum*



- \* 6. *Blitum Virginianum minus*, *Amaranthi species* Park. parad. The smaller Virginian Blite.

Hæc species præcedenti simillima est, verum minor & humilior multo, caulibus & foliis subrubentibus, minis ramosa: spicis longis, tenuibus è squamis mollibus rubentibus compositis, semen parvum, nigricans minus tamen quàm præcedentis, minisque splendens continens. Radix parva, fibrosa, annua. Planta ex semine deciduo se renovat, nisi hyems asperior sit.

Suspicio ego has plantas *Amaranti species* esse & easdem quas nos *Amaranthi Nova Angliæ viridis*, & *Amar. N. A. obsoletè purpurei* titulis insignimus.

- \* 7. *Blitum Brasiliæ Cararu Brasiliensibus*, *Lusitanis Bredos*, Marggr.

Marggr.

Ex radice alba, satis crassa multi prodeunt caules, ab uno ad quatuor pedes alti, cum foliis similibus Blito, quæ interdum quasi farinâ videntur aspersa. In summitate fert flosculos virides spicatum congestos, ut in Blito, dehinc semen provenit minutum, instar seminis *Papaveris minoris*, rotundum, paulum compressum, nigerrimum, splendens, pelliculæ griseo-fuscæ inclusum.

Hoc etiam *Amaranti species* esse videtur: & fortè non alia quàm *Amarantus viridis Novæ Angliæ*.

## C A P. VII.

### De Amarantho.

**A**marantus, malè cum sâ vulgò scribitur *Amaranthus*. Nam Græcè est *Ἀμαραντος*, quod est florem notat, & adjective significat immarcescibilis, ab *α* privativa & *μαραντος* marcesco. Nec immeritò ita dictus est hujus plantæ flos, quoniam decerptus non statim marcescit sed coloris gratiam quàm diutissimè retinet siccatus. Pro flore hoc in loco cum vulgo spicam totam seu comam habeo.

*Amarantus* autem à Blito differt comâ speciosâ & immarcescibili, semine in vasculis membranaceis incluso, quæ per maturitatem transversim seu horizontaliter rumpuntur ad modum *Pörtulacæ* seu *Anagallidis* terrestres. [Fortè Blitum vulgare hoc respectu convenit cum *Amaranto*, nec aliter differt quàm spicarum colore, ut superius diximus.]

*Amaranti* duo genera sunt, alterum majus & elatius, spicis asperioribus & longioribus, minus lucidis & splendentibus; alterum minus & humilius, spicis mollioribus, brevioribus, & Serici instar splendentibus, undè non ineptè *Amarantus sericeus* hortulani vulgò dicitur. Ille in singulis vasculis singula habet semina; hic in singulis plura ad quatuor aut quinque.

1. *Amaranthus maximus* C. B. paniculâ sparsâ Ger. *purpureus major paniculis sparsis* Park. *Blitum maximum* sive *Amaranthus major*, semine albo. J. B.

J. B.

In hominis altitudinem lætore solo excrecit, caule crasso, canaliculato, subrubente, ramis crebris stipato: folia *Amaranthi purpurei*, acuminata sed majora, ex viridi purpurascentia, rugosa, insipida: flores tum è summo caule extremisque ramis, tum è foliorum alis emicant, in spicas palmares & sesquipalmares digesti [imò pedales non raro] easque frequentes, & jubæ instar nonnunquam in latum luxuriantes, colore fuliginoso, aut purpuræ obsoletioris, staminulis luteis, quibus semina succrescunt minuta, alba, Milii excorticati æmula.

Cum *Quinua* seu Bliti majoris *Peruani Clusii* spica seu paniculæ sparsæ & dependentes pingantur & describantur, dubius hæreo, an *Quinua* illa eadem specie fuerit *Amarantho* vulgari spicis surrectis obsoletè purpureis, semine albo, cum hujus spica plerunque surrectæ sint, nec unquam, quod observaverim, nisi leviter admodum nutent: verisimilius tamen videtur eandem esse, cum reliqua descriptio conveniat. Verum quicquid sit de *Quinua* illa *Clusii*, certum est, plantam J. Bauhino depictam & descriptam sub titulo allato ipsissimum nostrum *Amaranthum rudgareum* esse spicis surrectis obsoletè purpureis, semine albo.

Catalogus Horti Regii Parisiensis duas alias varietates seu species hujus *Amaranthi* recenset, nimirum:

*Amar. max. paniculâ sparsâ & longiore, semine albo.* Et eundem rubello semine: qui gravis rubris Petri Ciecz C. B. variat: & idem videtur *Amaranto* nostro max, paniculâ longâ pendulâ, semine rubello.

2. *Amaranthus sylvestris maximus* Novæ Angliæ, spicis purpureis carneis aut viridibus.

Spicis est longis, minus confertis quàm in *Amarantho* vulgari semine albo: seminibus minoribus, nigris cum obscuro rubore, lucidis: foliis pro spicarum colore vel purpureis, vel viridibus.

*Amarantus* hic Novæ Angliæ spicarum colore ludit, alias viridi, alias dilute, alias obsoletè, purpureo. Imò obsoletè purpureus, seu ex purpura nigricans frequentior est multo quàm viridis.

Ex

Ex semine deciduo se quotannis renovat. Semen autem nè asperrima quidem hyemis corruptione ut hoc anno 1684. experti sumus.

Hoc genus (ut puto) colore seminis etiam variat. Habemus enim in horto nostro ex semine ortum, quod semen album producit, nec caule, nec foliis, nec spicis ab eo quod semine est nigro discernendum.

3. *Amarantus maximus*, paniculâ longâ pendulâ, semine rubello. *Amar. coccineus elegans maximus* Park.

*Caule* assurgit simplici, terete, crasso, procero, quàm præcedentis etiam altiore & majore: foliis vestito illius æqualibus aut majoribus, pallidè seu ex luteo virentibus, paucò rubore aspersis, interdum tamen in medio maculatis, (quâ notâ etiam antequam floreat à præcedente facillè dignoscitur) *Flores* in *summis* caulibus & ramulis dispositi, è principio crasso in plurimas specis sparsi, mediâ longissimâ dependente, reliquis brevioribus eam ad basin cingentibus, ut spica totalis ad basin seu exortum suum admodum crassâ fit, & pulcherrimum aspectum præbeat; colore elegantissimo purpureo [aliis perperam coccineo] lucens; quæ per maturitatem collecta coloris gratiam diu retinet ficcata, præsertim si Solis radiis, aut aeri procelloso non exponatur. *Semen* paniculis inclusum non ut in præcedente album, sed pulchrè rubellum.

Locum hujus natalem nescimus: Parkinsonus è Brasilia aliâve aliqua Americæ regione delatum scribit.

## C A P. VIII.

### De *Amarantis Sericeis*, *Polyspermis*.

**H**orum spicæ molliores sunt quàm præcedentium & Serici instar lucent; colore autem variant, purpureo, coccineo, flavo, aureo, albo, incarnato. Semina in vasisculis per maturitatem transversim diffilientibus continent plura, quinque numeravimus.

1. *Amarantus purpureus* Ger. J. B. *purpureus minor* Park. paniculâ conglomeratâ, atque etiam simplici paniculâ C. B. *Purple flower-gentle*.

J. B. Dod.

*Radix* huic crassâ, Bliti, succulenta, è rubore candicans: *caulis* singularis, purpurascens, potissimum propter terram, striatus, alternis alis concavus, cubitum aut sesquicubitum altus: *folia* Bliti, acutiora, minùs rugosâ, [mollia, glabra] colore virentia, per margines nonnihil rubentia, saporis fatuo. Pro floribus exeunt *spicæ* in *summis* caulibus & ramulis, æque foliorum alis, aspectu gratissimæ, cæterum inodoræ, in purpura splendentes, tactu læves, modò singulares, modò conjunctæ plures, quæ in attritu similem ferè colore succum reddunt, quarum si singulares fumus stolis, quinque foliolis totidèmq; apicibus constant. *Semen* per maturitatem nigrum, parvum, nitidum, lebricum, rotundum compressum.

Spicæ decerpæ diutinè pulchritudinem suam retinent, aliquot etiam annis non marcescunt. Dod. Alhiosa planta, hyemis impatiens, quotannis è semine suo repullulascit. J. B.

An specie differant *Amaranthus* paniculâ conglomeratâ C. B. & Am. Paniculâ simplici *ejusdem* aliis inquirendum & determinandum relinquo: mihi certè non videntur differre.

2. *Amarantus paniculâ speciosâ cristatâ* J. B. *paniculâ incurvâ* C. B. *paniculâ incurvâ holoferâ* Ger. *Crested velvet flower gentle*. Am. *coccineus* Park. Paradi.

J. B.

Ex omnibus *Amaranthis* palmam obtinet (inquit J. Bauhinus descriptionis autor) floris elegantissimæ præcipuæ species, mediæ inter obsoleti coloris *Amaranthum*, & eum qui spicâ est purpureâ ferè cæâ, magnitudinis; *caulibus* nempe multis ab eadem radice surgentibus, iisque ramosis striatisque, cubitum alterum altis, quos cortex obtegit succo sanguineo propter terram turgens. *Folia* ex intervallis quàm *Amaranthi* simplici spicâ majora paulò, multò verò angustiora quàm illius obsoleti, ex quorum alis adeoque in ramorum fastigiis fulgentes *florès* non tam spicati, quàm reticulatim decussatimque reflexis implexisque paniculis, cristatis latioribus conspicui, staminulis dilutiore purpurâ tinctis. Paniculas interdum fert palmares, ac uncias tres latas.

Hujus ut & præcedentis spicæ colore variant coccineo, nimirum, carneo, flavo, aureo, &c. Nobis tamen nondum constare fatemur, an Varietates hæ accidentibus duntaxat differant, an etiam specie. Si semine satè speciem suam perpetuò servant, nec in se invicem transmutantur, argumentum est etiam specie differre.

In Catalogo Horti Regii *Parisiensis*, Anno 1665. edito, hæ varietates, seu species mavis dicere, occurrunt.

*Amaranthus cristatus* rubicundissimo flore.

Idem reticulatus seu corniculatus serotinus minor.

Amar. cramesino colore *Swerthii*.

Amar. paniculâ conglomeratâ majore, puniceo colore splendidâ.

Amar. spicatus sericeus flore luteo-virescente.

Amar. spicis carnis, interfusâ flavedine micantibus,

Amar. spicatus aeneo colore simul & carneo variis.

Amar.



Amar. singularibus paniculis flammeo colore lucentibus.  
Idem aurea spica & ignis fulgore verficolor.  
Amar. paniculâ multiplici obsoletè violacea.  
Amar. paniculâ multiplici ex fusco purpurascente.

\* 3. *Amaranthus carneâ spicâ* Park. parad. **Carnation flower-gentle.**

Hæc Planta tum ex figura, tum ex descriptione species à reliquis distincta esse videtur. *Folia* ei aliquanto longiora sunt & angustiora quàm aliis plerisque hujus generis. *Paniculæ* ramosæ, è spicis brevibus velut frumenti, multis, ramulis adnascensibus, villis quibusdam extantibus velut aristis circumvallatis, compositæ: colore incarnato.

4. *Amaranthus spicis longis, simplicibus, albis.* **Great white flower-gentle.**

Hæc Planta Florentiæ in Horto *M. Ducis Etruriæ* nobis visâ & collecta est. *Spicas* habet longas nec adeò confertas in summis caulibus, ut in *Amarantho vulgari floribus obsoletè purpureis, semine albo*; molles tamen, & serici instar splendentes, strigiosiores etiam (quantum meminimus) & graciliores quàm illius. *Semina* nigra, compressa, lucida.

*Amaranthi* spicis albis nullam apud Botanographos mentionem factam invenimus.

5. *Amaranthus tricolor* Ger. Park. *Symphonia Dalechampio, sive Amaranthus tricolor* J. B. *Amar. folio variegato* C. B. **Floumour, or spotted flower-gentle.**

*Lugd.*

*Radice* est brevi, candida, in surculosas propagines divisa: *caule* unico, pedali, rubente: *foliis* Bliti, alternatim viridi, roseo & luteo colore pictis, sic ut in singulis foliis adultis & perfectis ea coloris varietas, (Plittaci plumas referens) jucundissimum intuentibus præbeat spectaculum. *Semen* profert in exiguis spicis villosis, cauli adhærentibus sine pediculis, flavescentibus punctis notatis.

Variat (inquit *C. Bauhinus*) colore, in altero *bilariore*, extremo flavo, medio puniceo, reliquo viridi, aliquando viridi, luteo, rubro, in altero *obscuriore*, illum fœminam, hunc marem faciunt. Habetur & alia varietas in *Cat. Paris.* *Amaranthi* folio variegato serotini titulo.

*Folia, Flores & Radices* *Amaranthi* ad ficiorem accedunt temperaturam. Hodie in corollis puellarum texendis duntaxat usurpantur. Cæterum tribuuntur huic passim vires quædam, quibus fides sine ratione nequaquam est adhibenda; ut quod cœliacos & dysentericos juvet, mensium abundantiam cohibeat & albas uteri fluxiones, &c. *J. B.*

6. *Amaranto affinis Indiæ Orientalis, floribus glomeratis, Ocymoidis folio* Breynii *flore albo.*

*Breyn.*

*Caulem* rotundum, pilosum, geniculatum, medullâ niveâ spongiosâ refertum, & complurimis ramis diffusum ad bipedalem altitudinem erigit; *Folia* ex intervallo in contrariis lateribus, alterno ordine & cruciformi positu proferentem, Lychnidis *Ocymoidis* flore purpureo similia, temperatè virentia, & molli lanugine tam superna quàm inferna parte aspersa. Ex horum sinu, aliquando simul cum ordinariis ramis ramuli etiam alii minores exoriuntur, quorum æquè ac ramorum ordinariorum summo pervenustum, globosum insidet capitulum, effigie ac magnitudine pœnè Lupuli follicularium fructuum, foliolis duobus plerunque, vel quatuor etiam aliquando, in modum Globulariæ luteæ *Col.* juxta basin circumvallatum. Hoc inquam *Capitulum* ex innumeris semilunaribus compressis, Gnaphalii Americani florum squamulis aequalibus, membranaceis argenteo candore nitentibus compactum est *glumis*; quarum binæ semper conjugatæ *utriculum* figurâ afficiunt; ex cujus cavitatis centro *Flosculus* admodum parvus & quinquepartitus, *Amaranthi* quodammodo respondens, sed omnino niveus & lanuginosus, teneram intus tabulam comprehendens emicat: Qui successu temporis indurascens, ac ampullulæ in formam crassescens densa lanugine candidissimâ ita obducitur, quasi humanâ industriâ gossipio involutus esset ac *vasculum* admodum pusillum coniforme, ex tenui pellicula confectum, *Amaranthi* simile occultit, in quo *semen* orbiculare, unicum, cum *Amaranthi* pariter conveniens, sed altero tanto pœnè majus, ac subrubicundo colore continetur.

*Altera species sive flore purpureo*, minor nonnunquam & strigiosior, magisque ramosa se ostendens, *Capitula* profert minora, ex lepidissimis, vegetæ Rosarum purpuræ nitentibus, oculisquæ hilari luce perstringentibus glumis, Gnaphalii montani purpurei florum squamulas mentientibus composita: quæ ob venustatem formæ ac pulchritudinem, ab Indis filorum, quibus flores *Mogorri* trajectant, extremitatibus, globuli loco ornatusque gratia annectuntur.

Præter has *tertia etiam species* in Brasiliâ reperitur. Hæc nonnihil altior quam Asiatica flore albo excrescit; cæterum cum illa convenit, excepto quod capitula ejus minora & minoribus glumis composita, ac circa basin (quantum observare potui) foliis nullis circumvallata sunt. An *Planta ex quâ fit Anil alia species* Margravii?

7. *Amarantus Siculus spicatus radice perenni* P. Boccone. Boccone's **perennial spiked flower-gentle of Sicily.**

*Boc.*

*Folia* hic gerit figurâ & formâ *Amaranthi* vulgaris, minora atque paulò acutiora, molli candidaque lanugine subtus argenteo nitore lucentia; quæ conferta nascuntur circa ramos multiplices,

& radice

è radice lignosa atque perenni exsurgentes. *Caulis* pollicari crassitudine per sæpe fruticat, estque juxta singulas alas quasi nodosus. *Spica* simplicior est & exilior quàm in cæteris suæ sortis, neque ut *Amaranthi* spica vulgariter è pluribus compacta, sed *flosculis* dilutè rubentibus longo ordine simpliciter usque ad cacumen distributis constans, subeuntibus *conis* perquam exiguis, hisque deorsum nutantibus, in quibus *semen* oblongum includitur.

*Locus.*

Oritur locis Cataniæ vicinis. Hæc Paulus Boccone.

Plantam hanc in Horto medico Messanenfi vidimus & collegimus, Anno 1664. unde & in vicina etiam Messanæ urbis ortam suspicamur.

## CAP. IX.

### De Beta.

**B**eta à figura literæ Βῆτα, quam habet cùm turget semine, dicta putatur: Nam summitatem re flexam obtinet.

#### Columella.

Nomine tum Graio, seu litera proxima primæ

Pangitur in cera docti mucrone magistri:

Sic & humo pingui ferratæ cuspidis ictu

Deprimitur folio viridi, pede candida Beta.

Græcis πύλον & σῦλον ab impulsu, quod facili excrecat.

Beta fructu verrucoso osseo cui flos insidet, à reliquis hujus classis generibus distinguitur.

Sicla officinis dicta est omnis Beta, contractè à Sicula, quo cognomento Betam duntaxat candidam olim donatam fuisse Plinius & Theophrastus memoriæ prodiderunt.

1. Beta alba Ger. communis alba Park. par. alba vel pallescens, quæ Cicla Offic. C. B. candida J. B. White Beet.

#### f. B.

Radicem habet lignosam, minimi digiti crassitudine, mediocriter longam, candidam. Folia ditiùs virent, Lapathi, crassa & succulenta, sapore nitroso. *Caulis* duos cubitos altus, aut etiam major, gracilis, striatus, multis alis concavus; in quibus longa serie *flosculi* exigui ex foliorum alis, apicibus luteis constantes, quinque calicum foliolis obvallati: *Semen* rotundum, & crispa superficie asperum, fuscum.

2. Beta rubra Ger. communis rubra Park. rubra vulgaris J. B. C. B. Red Beet.

Foliis est brevioribus quàm præcedens, plurimum rubentibus plus minùsve, interdum atro-rubentibus. Radice est alba; foliis duntaxat distinguitur à præcedente.

Quæ folio est obscuriore Beta nigra dicitur: aliàs enim Beta nigra Rara avis in terris est, nigroque simillima cygno.

- A. 3. Beta sylvestris maritima C. B. Park. communis seu viridis C. B. Sea-Beet.

Betæ albae similis est, verum foliis minoribus & viridioribus, planis & æqualibus, venis rubris interdum variis, aliàs sine illis: caule etiam graciliore & minore.

*Locus.*

In palustribus salis & ad maris litora frequens est.

Johnsonus apud Gerardum asserit hanc non differre specie à Beta sativa alba: Parkinsonus, quem sequimur, Sylvestrem spontaneam maris. communis viridis Betæ eandem facit, & rectè nostrâ sententiâ: C. Bauhinus viridem communem albæ eandem dici permittit, verum maritimam sylvestrem specie diversam facit: Nos sylvestrem maritimam Betam cum viridi communi specie convenire existimamus; ab alba vulgari differre. Radice perenni à reliquis Betæ speciebus differt.

- \* 4. Beta rubra radice rapæ C. B. radice rubra crassa J. B. Romana rubra, Raposa dicta Park. Roman Beet, with a Turnep-like root.

Hæc caule est altiore quàm Beta vulgaris rubra: radice crassâ, ventricosâ interdum Napi instar, interdum productiore, & Carotæ æmulâ, intus forisque sanguineo saturo colore infectâ.

- \* 5. Beta lutea major C. B. lutea J. B. lutea Syriaca Park. Yellow-rooted Beet.

J. Bauhinus hanc à præcedente, radice buxæ tantum differre scribit; Parkinsonus etiam foliis pallidioribus quàm Betæ albae vulgaris, seu luteo-viridibus. C. Bauhinus à præcedente etiam genere distinctam facit, cùm hanc inter Betæ majoris foliis latissimis species recenset, illam minoris speciebus annumerat.



6. *Beta Italica* Park. *Sicula, costâ latâ, albâ luteâ, anreâ, rubrâ, ruberrimâ* Moris. The Sicilian broad-ribbed Beet.

Hujus *caulis* elatior est [ octo interdum cubitorum ] *folia* amplissima cum *costâ* mediâ latissimâ, [ ad palmum interdum ] diversorum colorum : nec enim quæ *costæ* colore, etiam specie differunt, cum ex eodem semine proveniant, quod & Gerardus olim observavit : Nam ex semine illius quæ *costâ* fuit rubrâ in horto D. Norden lato plantæ variorum colorum enatæ sunt. Frustra ergo eas distinguunt nonnulli Botanici.

*Beta* platycanlos non est species *Betæ* à reliquis distincta, sed monstrum potius, seu naturæ vel ludentis vel deerrantis extraordinarius effectus; cujusmodi & in aliis plantarum generibus interdum cernitur.

7. *Beta Cretica* semine aculeato Ger. C. B. Cret. spinosa Park. Cret. semine spinoso J. B. Prickly-seeded Beet of Candyp.

Ex radice tereti, brevi, parùm fibrosa, annua *Caules* plures cubitales & minores, per terram sparsi, rotundi, striati, ad radicem levi hirsutie canescentes, in ramulos effusi, exurgunt. *Folia* habet pauca, *Betæ* nostrati similia sed minora, longis pediculis donata, per extremum rotunda aut saltem obtusa, juxta pediculum angustum nonnihil alata. *Flores* parvi, ex flavo virescentes, spicati in ramorum extremitatibus. *Fructus* statim ad radicem multi conspiciuntur, & hinc inde per caulem ad quodlibet ferè folium, asperi, in tres spinas radiatas, in latera reflexas desinentes, costis pulcris donati, transversisque cancellis: reticulati; quorum unicuique *semen* inest unum, formâ seminis Adonidis subrotundum, in apicem abiens, duplici membranulâ tectum, interiore proximè medullam albam farinaceam cingente.

Non in Creta tantum insula provenit, sed & in Sicilia, ubi nos eam invenimus, in insula parva Locus. ad Promontorium Pachynum.

Si hæc non usurpâsses nomen *Betæ* ad *Lapathum* vel *Spinachiam* potius referrem, inquit J. Rabinus. Ego de hac planta, quò scilicet referenda sit, pronunciare non aulam, cum florentem nondum observaverim.

*Betæ* estur ut olus; eaque nihil in culinis usitatus. Martialis fatuitatem ei exprobrat hoc Disticho, Vires  
Ufus.

Ut sapient satua fabrorum prandia *Betæ*,  
O quam sæpe petet vima pipere coquus.

Calfacit & siccat, laxat alvum ob nitrositatem: errhinum est, præcipuè radix; nam succus ejus naribus exceptus sternutamenta proritat, humores pituitosos è cerebro magnâ copiâ elicit, adeoque Cephalalgiam quantumvis inveteratam compescit & profligat. Hoc medicamentum à nonnullis pro secreto habetur. At Olaus Borrichius apud Tb. Bartholinum Act. Med. An. 1673. Obs. 63. ab experientia edoctus scribit succum *Betæ* esse errhinum periculosum & valde noxium. Habui à D. Tancrèd. Robinson.

Plantulæ recentes cum radicibus leviter bullitæ, & ex aceto postea devoratz, cibi appetentiam afferunt, sitim compescunt, choleram in ventriculo reprimunt.

*Betæ* Italicz *costâ* latâ in aqua bullitæ *costæ* cum oleo, aceto & pipere conditæ delicatissimæ habentur in acetariis, summoque in pretio sunt.

*Betæ* rubræ Romanæ radices in assulas seu circulos transversim sectæ, & deinde in figuras & imagines monogrammas à coquis ad margines patinarum & fercula exornanda adhiberi solent.

Ejusdem *Betæ* radices coctæ, tum calidæ, tum frigidæ, cum olei & aceti tantillo, hyberno tempore in acetariis præcipue sunt æstimationis. Radices hæc ex plurimis circulis seu tunicarum involucris Ceparum in modum componi non sine admiratione primum cum in Italia & Gallia in acetariis nobis inferrentur, observavimus.

Radix *Betæ* raso nonnihil cortice, ano glandis modo indita, infantium alvum ad excrementorum expulsionem invitat, præsertim exiguo sale conspersa.

## CAP. X.

## De Parietaria.

**P**arietaria dicitur hæc herba quod in parietinis exeat, item Muralis: Helxine quòd asperâ foliorum hirsutie, asperoque semine, tenaci nexu vestibus adhæreat: Perdicium à Perdicibus, quæ eam esitare solent: Vitriaria & Urceolaris quòd ob nitrositatem suam tergendis urceolis vitreisque vasis efficax sit.

Calycum & totius comæ hirsutie aspera & vestium tenaci; feminibus splendentibus quibus flosculi sunt pro vasculis, à reliquis dignoscitur hujus familiæ plantis.

A. 1. *Parietaria* Ger. J. B. *vulgaris* Park. *Officinarum & Dioscoridis* C. B. *Pellitory of the Wall.*

*Radice* nititur fibrosa, rubente. *Caules* ramosi, hirsuti, rubentes, solidi. *Folia* Mercurialis aut Majorana hirsuta, atrovirentia & splendentia, pediculis longis donata, alternatim posita. *Flosculi* conferti circa caulem & foliorum alis floccos coccinei serici imitantur primum, & nodulo emittentes: post se stamina ostendunt obscure, ex albo purpurascens apiculis involuta, quæ in stylo exolvere coneris, subsultim excusso pulvere cum impetu, spectaculo jucundo, se expandunt repanda. Singulis flosculis callos sunt trifolii; stamina quatuor ad crucis formam se decussantes. Flos ipse rubet & vasculi seminalis vicem supplet, unicuique in se semen minutum splendens, vinacei fere figurâ, continens. Flores hi semine fecundi ab aliis sterilibus quibus nullum inest semen, figurâ diversi sunt. *Vascula seminalia* aspera sunt & vestibus adhærescunt, unde & planta ipsa. Helixne dicitur. Est hæc major & minor, quæ *Parietaria* Ocyimi folio C. B. In horto Leydeni pro distincta specie colitur, ut ex annotatis D. Josue Palmer didici.

Locus.

In muris & locis ruderatis exit copiosè.

Descriptio est J. Bauhini, à nobis interpolata & aucta.

2. *Parietaria Sicula* *Alfines folio* Boccon. *Sicilian Pellitory with Chickweed-leaves.*

A *Parietaria* minore Tragi & à vulgari Matthioli differt hæc foliis tantum, quæ minima sunt, figura æque magnitudine *Alfines* paria.

Locus.

Passim (inquit Autor) per Siciliam vires: in montibus Hyblæis, oppido Messili vicinis, Canina, Messana & Agrigenti sæpius vidimus & legimus.

Vires.

*Parietaria* abstergit & leviter adstringit refrigeratque. Usus internus rarior est; sunt tamen qui ad tussim commendant; calculosque & iis qui difficultate urinæ laborant succum ejus valde propinari dicunt. Multi hodie usum in enematis ad ventris, uteri & renum dolores. Extrinsecus ad tumores, erysipelata, ambusta, &c. conducit. *Schrod.* Ejusdem leviter tassa & imposita magna ad recentia vulnera sananda esse dicitur.

Herbæ exiccata pulvis vel melle exceptus, vel in cerevisia aut zythogalo potus ad tussim interatam & tabeni pulmonum mirifice conducit, experientia teste. Quin & à Veteribus adversus tussim & Asthma exhiberi solita est. Idem efficit vel decoctum ejus in vino aut aqua mulla, vel aqua destillata: verum pulvis efficacior est.

Salem nitro-sulphureum præbet hæc planta non secus quam *Borago* & *Buglossum*. D. Boj. De Utilitate Philosoph. Nat. Quod sale nitroso abundet, vis ejus deterforia ostendit. Urceolaria quidem dicta est, quod urceolis vitreisque vasis detergendis & mundandis efficax sit, ut superius meminimus.

*Parietaria affinis.*

3. *Alfina ferida*, Fabio Columna *Dioscoridea* J. B. *Alfina Parietaria foliis* C. B. Phyt. Cyn. *crambe legitima* Pon. *Cynocrambe Dioscoridis* C. B. *legitima* Dioscor. Park.

J. B.

Ex radiculis fibrosis & frequentibus caules complures enascuntur, cubito longiores, humi repantes, teretes, crebris nodis intercepti, laves, inanes, fragiles ut *Portulaca*. Ex geniculis prodeunt folia, non illa quidem ut plurimum utrinque, sed altero duntaxat latere, (licet sit etiam ubi conjugatim adversa, ubi etiam trigemina emicent) plura simul juncta, quorum unum productiori pediculo appensum, conjugii experts, multis numeris reliqua, quæ & adversa & contrario sita posita, indidem oriuntur, magnitudine superat, Hippia maximæ paria, pinguiora, atrovirentia, attriti putidum quid redolentia. Ex opposito foliorum conjugii expertium, cateroqui ex alis, semper tamen ad genicula flosculi muscosi plures, ex albido in herbaceum colorem languent ex duobus aut tribus foliolis, subacta bracteolarum tenuitate nitentibus, & oris plerunque extrorsum refflexis: quibus delapsis succedunt semina Cannabitis minorâ.

Hæc Planta *Parietaria* affinis videtur, quocirca proximum ei locum dedimus.

C. Bauhinus flosculos binos, ternos aut quaternos ad singula genicula & foliorum alis exire scribit muscosos, ex herbaceo albos, plurimis filamentis donatos; quibus succedunt fructus totidem, geniculis inter folia hærentes, Mercurialis formâ, sed minores, rotundi, duriusculi, primum vides, postea nigricantes, medullâ albâ referti.

Locus.

Ex insula Capreis, ubi frequens sponte oritur, advectam habuit Columna. Circa rupes anni Frontignani, viâ Miravallis collegit V. Cl. D. Jolly M. D. Monspelienfis non procul Monspelio Botan. Monsp. Vere floret, atque æstate pericitur.



## CAP. XI.

## De Saxifraga aurea.

**H**erbæ nonnullæ Saxifragæ ab effectu diætæ sunt, cum aqua earum stillatitia ut & decoctum lapides renales & frangere & pellere dicatur, ut & farina graniorum ad radicem [in Saxifraga alba vulgari] ex decocto sumpta. C. B.

Saxifraga aurea ob similitudinem quandam in foliis cum Saxifraga alba hoc nomen obtinuit. Flores autem & semina genere diversam esse arguunt, nè quid de viribus dicam. Flore flavicante tetrapetalo: vasculo feminali bicorni plurimis minutissimis seminibus repleto à reliquis hujus familie generibus differt.

A. 1. *Saxifraga aurea* Ger. Park. *rotundifolia aurea* C. B. *aurea* Dodonæi J. B. *Golden Saxifrage*.

In aquosis reptat è ramulis procumbentibus fibris plurimis capillaribus longissimis albis in limum demissis. *Caules* tenues, quadrati, raris pilis hirsuti, teneri, infirmi & vix se sustinentes, solidi tamen, palmares aut longiores, *foliis* vestiti per intervalla ex adverso binis, subrotundis, Hederæ terrestribus minoribus, circum oras leviter crenatis, raris icidem pilis hirsutis. *Caules* qui flores producant reliquis erectiores, paucis foliis vestiti, primum in duos ramos divaricantur, nullo neque flore in divaricationis angulo, neque ad latus apposito folio: singuli deinde ramuli in binos alios subdividuntur, & sic deinceps, inque ipsis divaricationum angulis plerunque sedet *flos* pediculo nullo aut perbrevis, quatuor petalis exiguis acutis flavicantibus in crucis formam positus constans, cum *staminulis* & *apicibus* in medio flavis. Ad latus uniuscujusque floris apponitur foliolum. In medio flore (qui neque defluit neque marcescit) exoritur vasculum feminale bicorni, qui per maturitatem dehiscit, & semina aliquot parva minutissima ruffa ostendit. Sapor plantæ nobis gustantibus nullus insignis; *J. Bauhinus* subacidum & amaricantem stipticumque ei attribuit.

Ad rivulos frequens, inque humidis, umbrosis palustribus & muscosis locis. Aprili mense floret *Locus* & *Tempus*.  
& brevi semen perficit.

A. 2. *Saxifraga aurea foliis pediculis oblongis insidentibus. Golden Saxifrage with leaves standing upon long foot-stalks.*

Hæc à præcedente differt, quod non eodem modo se diffundit super terram, quod omnibus suis partibus, caule, folio, semine major sit, quodque folia pediculis sescunciam aut duas uncias longis insistant, sintque concinnius crenata, segmentis latis cordatis. Sub terra reptando se propagare videtur, viticulis è radice exeuntibus.

Floret cum priore & eisdem in locis oritur: Hæc species esse videtur quam describit & depingit *J. Bauhinus* qui & duas species agnoscit, diversa inquiens observavi gerentem folia, ita ut diversas ejus species quis existimaret.

## CAP. XII.

## De Asaro.

**D**ictum est Asarum (si *Plinio* credamus) lib. 21. cap. 6. ab *a saram* & *oulo*, quod inter alia significat orno: non enim adhibebatur coronis. *Hofm.* Dicitur & *Nardus asyela* i. e. *Nardus sylvestris*, eo quod odore *Nardum* æmuletur, vel, ut *Plinius* quod *Nardi* vim habeat.

An *Bacchar* idem sit cum *Asaro* vel diversum ambigitur. Vid. *J. B.* tom. 3. lib. 32. cap. 5. ubi Autor totum caput de *Bacchare* spurium & *Dioscoridis* textui insertum fuisse multis probat: Nomen autem *Baccharis* Latinæ originis esse, & Græcis antiquioribus ignotum existimat.

Officinæ ut in *Agno casto* utrunque nomen conjunxerunt, hanc plantam *Asara baccara* appellant.

*Asari* notæ sunt cytini in tres lacinias divisi: lacinia hæ sunt calyx floris, cui subest fructus in tera pariter loculamenta distinctus, & per maturitatem in tres carinas dehiscens: Folia crassa, colore *Hederæ* & ferè consistentia.

1. *Asarum* Ger. J. B. C. B. *vulgare* Park. *Asarabacca*.

*J. B.*

Non immeritò *Nardis* *Asarum* accensuit Antiquitas, tanta est in radice tenui reptatrice odoris affinitas: folia verò *Cyclamini*, circinata rotunditatis lato virore superna parte splendent, rigida, inferna autem magis albescent, tenera lanugine pubescentia utrinque, magis tamen infra quam supra: inter folia proximè terram in brevibus pediculis hirsuti, sexanguli cytini, purpurascens, *Hyoicyami*, in tres lacinias divisi oriuntur, internè atro-purpureas, externè ex virore rubescentes, medium

dium occupantibus *staminibus* purpureis. Cytini per maturitatem in tres carinas finduntur, seminaque ostendunt, acinis uvarum quoad formam externam simile, tuniculâ fuscâ, quæ medullam intus albam continet, gustu acriusculam.

Radices Asari crudi quamvis magna cum anxietate vomitum cieant, in aqua autem non in vino incoctæ mutantur in deoppilans, diureticum & tardarum febrium remedium, quod occulta cum eo atoma prodit: ad hoc tanquam ad sacram anchoram confugiebat D. Oheimius in febribus diurnis ab hypochondriorum inveteratis obstructionibus dependentibus. Frid. Hofmannus *M.M.* lib. 1. cap. 12. Asarum in infuso conveniunt unde mitius evadit, in decocto vis volatilis magis abigitur, unde vomitorium ferè esse desinit, nisi levis sit decoctio. Radicem quam folia rationem deprehendimus: moriebatur hypercatharsi vir quidam robustus qui cochlear unum foliorum pulveris sumperat, frustra datis Antidotis. *Wedelius* de S. Med. fac. p. 158. Adnotavit & ad me transmisit D. *Edw. Hulse*.

Crassam pituitam & utramque bilem per vomitum ac nonnunquam per secessum violenter expurgat Dof. radices à 3ß. ad 3j. in substantia, à 3j. ad 3iij. in infuso. Folia exhibentur num. 6, 7, 8, 9, infusa, cocta & expressa.

Diureticum est & emmenagogum insigne: unde Meretriculæ plus satis frequentant decoctum ejus, cum sentiunt se gravidas. Quo tenuius est tritum eo magis urinas movere, minus autem alvum ducere creditur.

In Arthritide & dolore ischiadico, inque Hydrope & febribus, præcipuè tertiana & quartana, tandemque in ictero utile esse censetur. Folia in vino aut aquâ decoquunt, & decoctum molle ebulliorant: ad arthritidem in sero lactis.

Mesues monet cum pro purgatione coquimus debere coctionem esse mediocrem, aliâs peritaram, primum quidem vim vomitoriam, deinde purgatoriam quoque. Unde præceptum nos capere par est, si volumus ut per inferiora tantum purget decoquamus plusculum. C. Hofmann. Vomitorium ex præscriptione Nicolai Chesneau. R. pulver. radic. Asari à 3ß. ad 3ij. capiat cum hydromel. aut Oxymel.

Aliud. R. Decoct. radic. Asari aut sem. 3iv. Propinetur post cibos pingues & liquidos, colique diversos. *Rondelet*. Communicavit eruditissimus vir & vetus amicus noster D. *Edw. Hulse*.

\* 2. *Asaron Canadense* Cornuti.

*Cornut.*

Hujus facies à nostratæ partium amplitudine potius quam viribus distat. Mox ubi bruma constituta est apud nos supra terram emergit, sine caule, foliis hederaceis mollioribus, non circinatæ rotunditatis, non convolutis in se, nec splendidis; sed expansis, & in mucronem desinentibus, adæquæque minuta cæsarie hirsutis. Foliolorum pediculi vitiles, florumque cytini pari lanugine pubescunt. Pro flore ab radice prodeunt caliculi plures, quorum viridis color languescit: dum hiant singuli in tres cultratos velut mucrones dissecantur; qui non intro flectuntur, sed in exteriora immituntur: Cujusque floris cavitare delitescit semen, acinosum, mordens gustu, fervensque in ore. Radix carnosa, vivaxque terram oblique perreptat, ab ea longiores fibræ profluunt suavissimi odoris, Acoro similis intensiorisque. Hæ singularem vino gratiam adjiciunt, si pinxitæ linteisque nobis inclusæ in cadum musti colentur, cum pondusculo ut sidant, trimestrique spatio macerentur æte usum.

*Asarinam foliis Asari* C. B. *Asarinam* Matth.

Clusius in Histor. Tussilaginem Alpinam secundam esse suspicatur, quod & nobis verisimile videtur.

C A P. XIII.

*De Alchimilla.*

**A**lchimilla dicitur hæc herba quod Alchimisitarum præconiis celebrata sit; Pes leonis à foliorum forma.

*Percipierre* dicta plantula Alchimillæ propriè dictæ species non est: Differt enim & situ florum, & foliorum ex quibus componuntur numero, & seminibus in singulis vasculis singulis, non binis ut in Alchimilla. Confer si placet descriptiones.

Notæ Alchimillæ genericæ sunt flosculi in summis caulibus, octonis foliis herbaceis compositi, vasculis feminalibus, singulis bina semina continentibus insidentes, umbellatim congesti.

A. 1. *Alchimilla* Ger. *vulgaris* Park. *major vulgaris* C. B. *Pes leonis sive Alchimilla* J. B. *Uadies mantle*.

*J. B.*

Ex radice minimi digiti aut pollicari crassitudine, plurimis fibris donatâ, strenuè adstringente & desiccante caules surgunt aliquot tenues, teretes, hirsuti, ramosi, dodrantes, quibus insident flosculi herbidi, umbellatim congesti, quorum singuli octonis constant foliolis, majoribus quatuor, rotundisque minoribus, alternatim positis, in quorum medio apiculi lutei. Flosculi summis vasculis feminalibus



feminalibus insident, suntque eorum velut umbilici. In singulis vasculis bina continentur semina parva, non exactè rotunda, sed ex una parte productiora, splendentia. Folia alia statim à radice exoriuntur longis, sesquipalmaribus, pediculis hirsutis, alia cauli pediculo aut brevi aut nullo adherent. Ceterum folium ad Malvam accedit, ex luteo virescens, infra hirsutum, in octo aut novem angulos obtusos seu plicas divisum, in singulos angulos singulis nervis à pediculo prodeuntibus, continè in ambitu crenatos.

In pratis & pascuis, præsertim montosis, sæpius spontaneam invenimus. In Septentrionalibus *Locus & Angliæ montosis pascuis Eboracensibus & Derbientibus abundat, ubi à vulgo Pes urfi* *Bearg* *Tempus.* *foot* dicitur. Æstate floret.

Dicitur autem *Alchimilla* quòd Alchymistarum præconiis celebrata sit: Germ. chirurgis Sani-  
cula major, quòd sit illi tum facie, tum viribus admodum affinis.

Vulneraria est è nobilissimis. Calfacit, sicc. astring. sanguinem fistit, mensesque & alba mu- *Vires.*  
derum profluvia. Folia & summitates atque etiam radix vulnerariis potionibus, pulveribus, empla-  
stris atque unguentis adjiciuntur.

Mulierum mammas impensè laxas linteam ejus decocto intinctum & impositum duras solidaf-  
que efficit. Decoctum hoc interanea vulnera rupturæque glutinat: idem decoctum, aut aridæ  
herbæ pulvis in eodem aut aquâ stillatitiâ sumptus ramices intestinorum, potissimum in pueris sa-  
nat. J. B. è Fuchio, quem consulat qui plura velit. Præcipua est in hac planta vis adstrictoria  
qua mediante agit quicquid agit.

\* 2. *Alchimilla minor* Morif. Prælucl.

Præcedenti in omnibus accedit excepta partium parvitate. Est enim triplo vulgari in omnibus  
minor, ejusque folia dilutius virent.

\* 3. *Alchimilla minor quinquefolia* Park. *Alpina quinquefolia* C. B.

C. B. prod.

Radice[m] habet oblongam, nigricantem, fibras plures de se emittentem, ex quo folia aliquot  
parva, longis pediculis donata & glabra prodeunt, quæ in quinque lacinias ad pediculum, hæque in  
profundas crenas dividuntur: inter quæ pediculi bini ternive, tenues, glabri trium quatuorve uncia-  
rum longi, reclinati: quorum summitatibus flosculi, vulgari *Alchimillæ* formâ & colore similes,  
trifolii, pallidi ac herbacei, singuli singulis minimis pedicellis donati quasi umbellæ insident.

In monte S. Bernhardi majoris & Gotthardo locis humidioribus, Augusto florens reperitur.

Planta hæc si à C. Bauhino rectè describatur flore trifolio, *Alchimillæ* species non est: quò ta-  
men referri debeat nescimus, ideòque loco movendam non duximus donec certius constiterit. *Locus.*

A. 4. *Alchimilla Alpina pentaphyllos*. *Pentaphyllum* sive potius *Heptaphyllum argenteum*. *Flore muscoso*

J. B. *Tormentilla Alpina folio sericeo* C. B. *Torm. argentea* Park. *Cinquefoil Ladies*  
*mantle*.

J. B.

Radice[m] habet crassam, longiusculam fibratamque ex rubro nigricantem, nunc singularem, nunc  
in multa capita divisam: pediculi palmares circiter, argentea lanugine obducti folia sustinent in quin-  
que aut septem segmenta ad pediculum usque, ut plurimum divisâ, per extremum serrata, subtus  
argenteo nitore splendentia, mollique villo tecta, superius atrovirentia, glabra: caules dodrantes  
& majores, tenues, paucis foliis vestiti, ramosi muscosos confertos gerunt flosculos *Alchimillæ*  
modo, singulos quaternis foliolis virentes foris incanis hirsutisque. Adstrictionem aliquam perci-  
piunt in foliis.

In celsioribus montium jugis gelidisque cautibus occurrit, autore Lobelio: nos in monte Jura *Locus.*  
propè oppidum *Jay* invenimus: item in rupibus juxta stagnum *Puls-water* dictum, non longè à  
*Pereth* oppido, in Westmorlandia Angliæ provincia.

C A P. XIV.

De *Percepier*.

**P**ercepier seu *Percepierre* vox est Gallica Saxifragam denotans: Hæc enim plantula calculis  
comminuendis efficax censetur. Non est autem cur *Percepier* Anglorum dicatur, quasi An-  
gliæ propria sit, cum in exteris etiam regionibus satis frequens occurrat; nisi fortè hoc titulo  
intelligant non Angliæ peculiarem esse hanc herbulam, sed tantum hoc nomine Angliis notam: sic  
cum *Geranium batrachoides* Germanorum *Gratiæ Dei* appellant, non intelligunt hanc plantam Ger-  
maniæ peculiarem esse, sed tantum *Gratiæ Dei* Germanis dici.

A. *Percepier Anglorum*, Lob. Ger. emac. *Anglorum quibusdam* J. B. *Polygonum Selinoides* Park.  
*Charophyllo nonnihil similis* C. B. *Alchimilla montana minima* Col. *Percepier*.

Radix in plantis quas erui tenuis, simplex, paucis & tenuissimis fibris donata, lignosa; unde emer-  
gunt cauliculi complures, tenues, palmares, teretes, hirsuti, quos è geniculis crebris ad summum usque  
foliola stipant subrotunda, tripartita ferè, profundè laciniata, ad *Geranii columbini* folia quadante-

nus accedentia, licet minora hirsutaque, alternatim posita, inferiora quidem pediculis donata, superiora brevi aut nullo, viridi dilutiore colore, inferne albidiora.

Ad singula genicula folii pediculus in sinum foliaceum dentatum dilatatur, qui & caulem ipsum & geminum flosculorum ordinem amplectitur. Flosculi namque ad singula genicula exceptis tribus aut quatuor imis, pediculis brevibus in duos ordines dispositi sedent, herbacei, è quatuor foliis compositi, quibus subsunt utriculi semina intus singula continentes Mili aut Panici effigie sed minora.

Inter segetes & in solo restibili steriliore passim.

Locus.  
Vires.

Vehementer & repente urinas ciere & calculum comminuere dicitur. Crudum estur ut olus, tum murià conditum asservatur, & ex eo aqua stillatitia magno usu elicitur.

## CAP. XV.

## De Scoparia sive Belvedere Italarum.

**S**ingularis & sui generis est planta quam Itali ob pulchrum aspectum & venustatem suam Belvedere appellant; Herbarii nonnulli ob convenientiam in foliis Linariæ speciem constituant.

An ad hoc genus propriè pertineat nec nobis nondum constat, cum flores & semina nec ipsi hætenus observavimus, nec Botanici in eorum descriptione consentiunt.

Scoparia, sive Belvedere Italarum Park. parad. Scoparia sive Oxyris Græcorum Ger. Linaria  
Scoparia C. B. Linaria Belvedere dicta J. B.

J. B.

Radicem habet multis nigricantibus fibris compositam; estque planta perquam furculosa, rigida, fragilis, cubitali altitudine. Folia quam vel Lino vel Linariæ vulgari longiora, frequentiora, condensita, sapore subamaro. Flosculi secundum caulem & alas herbacei, vel etiam purpurei, totum præ parvitate propemodum fugientes, quibus succedunt exigui loculi in quibus semen. Parkinsonus flores in semina parva, rotunda, ex cinereo nigricantia abire scribit. Cæsalpinus semina exigua, neque multa inter folia sine flore attribuit. Verum flore non carere J. Bauhini, Dodonæi, Parkinsoni consensus & autoritas, & ipsa experientia convincit; an verò semina nuda ad singulos flores proferat, an conceptaculis inclusa, mihi non constare fateor.

Flores minimi sunt, herbacei, quinquepartiti cum stylo in medio, in alis foliorum absque pediculis sessiles, conferti in summis caulibus & ramulis velut in spicas breves ex alis foliorum majorum egressas: Spicæ autem ex flosculis & foliolis inflexis eos occultantibus componuntur. Semen in horto nostro ad maturitatem non perduxit, ideòque de eo nihil dicendum habemus.

Æstate viret ac viget, sub Autumnum semen maturat, seque ex semine deciduo quotannis renovat, est enim teste J. B. annua herba; etiam in calidioribus regionibus. Apud nos primis æstivis pruinis corrumpitur.

Italici ob ramulorum densitatem & foliorum frequentium gratum virorem in pretio est, unde non in hortis duntaxat ferunt, sed etiam in fustilibus alunt ad fenestras exornandas.

## CAP. XVI.

1. Camphorata hirsuta C. B. Campb. Monspelienfium J. B. major Monspelienfium Park. Monspelienfium an Chamæpeuce Plinii Lob.

J. B.

**R**adicem habet pollicaris ferè crassitudinis, multorum capitum; caules emittentem lignosos, crassiusculos, cubitales aut breviores, ramosos, subhirsutos, albicantes; per quos vituntur nodi, alternatim positi; è quorum singulis confertissima prodeunt foliola, trientem uncie non excedentia, tenuia, pilosa, mediocriter rigida, odore aromatico, sapore aliquantulum acri. Augusto & Septembri florens (inquit D. Magnol) herbaceum producit vasculum, ex quo quatuor, parva stamina prodeunt, quorum quodlibet apicem rubrum, vel potius roseum, in medio sulcatum sustinet. Succedit flori semen nigrum, oblongum.

Locus.

Circa Monspelium, Nemausum, Avenionem & alibi in Gallia Narbonensi spontaneum observavimus.

Camphorata dicitur quod herba digitis confricata odorem Camphoræ nonnihil referat C. B.

2. Camphoratae congenæ C. B. Anthyllis altera Italarum Ger. Camphoratae congenæ sive Anthyllis altera Italarum Park.

Lob.

Stiracis, foliis, ortu & facie Chamæpeucen sive Monspelienfium Camphoratam adumbrat, sed exilior tota & summis virgulis tomentosis [hoc nos non observavimus] mucosis flosculis luteo-pallentibus gustanti præficis.

Nos quanvis plantam hanc in Germania, Italia & Gallia; in arvis & vinctis frequentem observavimus, nunquam tamen floribus aut seminibus onustam videre contigit. Folia autem in caliculis



liculis lupinis creberrima sunt, alterno situ, angustissima & mucronata, in ramulis minoribus, in caulibus numerosissimi ex alis foliorum egrediuntur) adeo conferti ut totos fere contegant.

*Campborata minor* Lugd. *glabra* C. B.

Nec nobis cognita, nec hujus loci est.

## CAP. XVII.

*Juncaria Salmanticaensis* Clus. Park. *Rubia linifolia aspera* C. B.

Clus.

**T**ota juncæa est, sed Equiseti modo *aspera* & *geniculata*. Habet autem in singulis geniculis bina *folia* ex adverso sita, *Asperula* odorata foliis quodammodo similia, breviora tamen, & *Lini* sativi non absimilia.

Frequentes ramuli ex alarum sinu prodeunt, similibus foliis præditi, copiosos, paleaceos, candidantesque proferentes *flores*: semen deinde exile, nigricans. *Radix* tenuis est, candicans, non vivax, sed singulis annis semine deciduo novellæ plantæ enascuntur, illo ipso anno etiam, sub finem mensis Augusti.

Provenit locis arenosis, inter vineta, secundo à Salmantica milliari. Floret Julio; semen Augusto maturum est. Locus.

## CAP. XVIII.

De Kali.

**K**ali nomen Arabicum pluribus & quidem genere diversis plantis significandis imponitur. Siquidem Kali *geniculatum* à Kali semine cochleato genere differt. Kali minus album, de quo superius inter Bliti sylvestris species egimus, ab utroque.

Kali *geniculatum*, foliorum carentia & furculis viridibus succulentis è quibusdam velut squamis pyxidatim geniculatis compositis, ab aliis omnibus plantis primo statim aspectu discernitur.

1. Kali *geniculatum majus* C. B. Kali *geniculatum sive Salicornia* J. B. *Salicornia sive Kali geniculatum* Ger. Park. *Glatwort* or *Saltwort*.

Hujus (ut rectè monet C. Bauhinus) duæ habentur species; una simplicior & brevior, dodrantali altitudine, recta & annua, quæ sola apud nos habetur in Anglia: altera multis ramis fruticans lignosa & grandior, perpetua, quæ ad Mare Mediterraneum plurimis in locis occurrit, & culturam etiam admittit: nam J. Bauhinus scribit se habuisse Montbelgardi in horto, Monspelio delatam quæ reposta per hyemem duravit. Hanc autem ita describit:

Frutex est sæpe cubito altior, rectus, sapore salso: Folia non habet, sed ramos duntaxat teretes, densos, ut sunt folia Aizoi, Cepæ & similia, densè geniculatos, pyxidatim geniculo alio aliud exipiente, successu temporis circa radicem lignoscentes, quibus succedunt novi, crassi, virides, interdum intente rubentes: in quorum extremitate flores parvi lutei ex apicibus parvis constantes. Semina non observavi nec radicem. At Cl. Vir Andreas Casalpini semina observavit. Sub squamulis pulposis (inquit) ex quibus ramusculorum compago constat, instar Lentis semina concipiuntur parva, quæ decidunt arefcentibus squamulis in hyeme.

Hæc descriptio, mutatis mutandis minori etiam speciei accommodari potest.

In salis maritimis passim & copiosissime provenit.

Hanc (minorem sc. speciem herbaceam & annuam) in agro Lincolnienfi & alibi aceto & fale Locus.  
Orchum marinum instar condiant, & asservant ad Acetaria, & *Warty Sampire*, i. e. Crithmum Usus.  
palustre appellant.

2. Kali *geniculatum alterum vel minus* C. B. Kali *Arabum aliud* J. B. The lesser jointed *Glatwort*.

Hoc ex radice crassa satis multos furculos succulentos, geniculatos, pedales & bipedales protrudit in quorum summitatibus proveniunt spicæ multi *flosculi* muscoli & herbidi, quibus subvenit semina nigra, oblonga. Suseculi ad genicula crassescunt, & superius internodium videtur inferi in inferius semper, unde observantur inferiora internodia crassiora superioribus. Hæc è D. Marston Hæc Plantæ.

Circa Tripolim obvium habuit Rauwolfius,

3. *Kali Arabicum* J. B. *Kali Arabum primum genus Rauwolf* Lugd. ap. C. B. *Arabian Glasstwort.*

J. B.

*Kali* minori nostrati haud abfimilis est planta : Denso prodit coliculatorum agmine in varios furculos graciliores diviform, quibus summo tenus capitula hærent penitus repleta : sub quibus angustissima acuminatæque sunt foliola, formâ & viribus *Kali* minoris jam dicti, cum levi quadam acrimonia, infernâ parte penitus alba, supernâ cinerea, inquit Rauwolfius.

Juxta Tripolin copiosissimum observavit Rauwolf. cujus cineribus ingentes naves onustas Venæstranfvēhi ad saponem & vitra alba conficiendâ idem testatur.

## C A P. XIX.

1. *Kali majus semine cochleato* C. B. *Ger. majus cochleatum* Park. *vulgare* J. B. *Snail-seed* ed *Glasstwort.*

J. B.

**P**lanta est bicubitalis, [quando culta est intellige, aliàs vix cubitalem altitudinem assequitur,] latè se pandens, nullis spinis horrens, intensè rubens, divisa in ramos rectos, crassiusculos, cubitales; in quibus folia infima quidem palmaria, superiora minora, quòque magis ad summum scapum nascuntur breviora, incurva, ex lato principio in mucronem ferè definentia; juxta quæ veluti capitula Tragi *Matthioli* capitulis similia, sed non aculeata; in quibus semina limbicibus five cochleis similia. Sapor totius plantæ falsus, ingratus. Annua est planta.

Locus.

Ad mare Mediterraneum sponte oritur plurimis in locis. Seritur Monspelii in lacubus salis ad Sal Alkali conficiendum, cujus modum J. Bauhino referebant confiatores ipsi.

Ufus.

Scrobiculo effosso propè mare transversim affulas ligneas imponunt, quibus superaggerant cumulatim herbam prædictam, ex qua accenso igne stillat in subjectam scrobem liquor, qui tandem concrefcens fit sal Alkali, coloris partim nigri, partim cinericei, valdè acre & catharticum, salum. Et saxum hoc, *Kali* vocatum vel *Sode* ad vitrum conflandum aptum in Italiam inque Septentrionem ex Gallia Narbonensi & Aquitania deferunt.

Galli in tractu Montispeffulano cum sale *Kali* & Oleo nativo Gabiano in fonte adversus *Betum* saponem parant, quem arte colorare pro libitu norunt. Ex Epistol. Med. Th. Bartholini. Hæbit à D. Tancr. Robinson.

- A. 2. *Kali spinosum cochleatum* C. B. *Tragus five Tragus Matthioli* Park. *Tragon Matthioli* five potius *Tragus improbus Matthioli* Ger. *Tragus spinosus Matthioli, five Kali spinosum* J. B. *Prickly Glasstwort.*

Sesquipalmiæ, interdum etiam pedales aut cubitales per terram fundit caules, crassos, succulentos, atrovirentes, multis alis brachiatos, per quos folia crebra, longitudinis uncialis, angusta, crassa, falfuginoso succo prægnantia, in aculeum rigidum, pungentem definentia; è quorum limbo flosculi emicant parvi, herbacei; succedente semine in cochleæ formam convoluta in vasculo acutissimis rigidis spinis per oras munito. Radix fibrosa inutilis.

Locus.

In arenosis maris litoribus frequens invenitur. Plantam hanc (quæ nullibi apud nos præterquam in arenosis maris litoribus invenitur) in areoso quodam agro propè Viennam Austriæ, 300. minimum milliaribus à mari remoto, observavimus spontaneam; postea etiam Florentiæ ad Arnun fluvium.

Spinæ quæ vasculum seminale in circuitu muniunt sex numero sunt, secundum Parkinsonum, in quorum medio flos albus membranaceus qui non diu durat; eoque delapso succrescit in centromediarum partis (quæ extuberat) spina exigua.

3. *Kali Siculum lignosum floribus membranaceis* Bocconi. *Sicilian Glasstwort with woody stalks.*

Radices hujus robustæ sunt, atque altius in terram descendunt, subinde humano crure, vel etiam coxa crassiores: ab his virgæ plures lignosæ exoriantur, in tennes ramulos distributæ, circa quos folia *Kali* minoris, non temere sparsa, sed bina semper ex adverso scitè posita respondent. Flori æstate albi, quadrifolii, paruli, membranacei, instar alarum papilionis, qui longo ordine, spectabili elegantia, densè congesti, ramulos omnino geniculatim onerant. Semen cochleatum, exiguum rubentè tunica coopertum. Juxta Saccam, Catanam & Agrigentum reperit Autor, ubi vocatur ab indigenis *Luta*, atque ejus cinere in linteis mundandis & dealbandis maxime utuntur.

Planta hæc cum *Kali* majore semine cochleato & *Kali* spinoso five *Trago Matthioli* flore & semine convenit, ideoque cum iisdem merito copulatur.

Sequentem plantam rectius ad Aizoon aut Telephium retuleris.



*Kali floridam repens aizoides Neapolitanum Col. Kali Crassulae minoris folio C. B. Kali floridum repens Neapolitanum Columnae Park.*

*Col.*  
Radiculam promit flaminis crassitie [ adulta etiam planta tenuem, parum flavicantem, tenuibus & longis fibris ] parum superne rubescentem, & ex illa bina, crassa, carnosa veluti vermiculata, sed lanuicula folia, supra humum expansa aut parum elata; ex quorum summa bina alia digitali longitudine, parum canaliculata, & rotundiora, Aizoo secundo Dioscoridis amula emittit, in summo parum crassiora, deinde ex adverso alia bina, & sic deinde in viticulos producta geniculatim alia: in ramos dividitur, & humi procumbit: Adulta autem resupinis assurgit parum viticulis, in quibus alternatim folia erumpunt, & ex illis singula ala, in quibus flores in crassis petiolis, meridiano praesertim sole illustrati dehiscunt, candidis barbulis tenuibus radiantes, viginti numero ut plurimum, medium exiguum umbilicum luteum habentes, exiguis luteis flaminibus compositum. His fructus succedit, quinque angulis definitus, totidemque apicibus carnosis vallatus, in quo semen copiosum, ex nigro fulvescens continetur, exiguum; & fructus stellata quinquepartita linea dehiscit, ut semen decidere possit, atque in hoc non parum Aizoo similis est.

Augusto mense floret, & Septembri proficitur; in terrenis editis locis maritimis, non arenosis, *Locus.* ut nonnisi maris aestus aspergat, & lata in hortis late provenit, sed gracilior. Tota falso admodum *Tempus.* est sapore, ut sal gustare censeas, succosa & aspergine quadam splendida depicta.

## CAP. XX.

## De Herbis quibusdam minimis Polygoni nomine vulgo insignitis:

**P**olygoni nomen cum Botanicorum vulgo hoc in loco extendimus ad plantulas nonnullas comprehendendas, quae nec genere proximo, nec alia fortasse in re quam parvitate sua & flosculis flaminibus herbaceis conveniant. Cum enim earum partes generum indices adeo exiguae sunt ut nudo & inermi oculo non facile possint discerni, satius duximus, iis omisissis, obviam & expositam parvitatibus notam pro caractere generico assumere, quam importuna subtilitate Lectorem fatigare eumque perplexum potius reddere quam erudire.

A 1. *Polygonum Germanicum vel Knautel Germanorum Park. Selinoides sive Knautel Ger. tertium Dodonaei, sive tenuifolium J. B. angustissimo & acuto vel gramineo folio minus repens C. B. an potius gramineo folio majus erectum ejusdem? German Knottgras or Knautel.*

Tota planta cineraceo colore praedita, ex radice lignosa, fractuque contumaci, albicante cauliculos complures emittens, palmares, filii instar tenues, hirsutos, propter terram aliquatido paulum rubentes, crebris nodis geniculatos; ad quorum singulos folia bina apposita, angustissima, acuta, medium digitum & amplius longa. Flosculi numerosissimi, in caulis & ramulorum divaricationibus singulis singuli sedent, inque extremis ramulis plures simul stellati, & quinque foliolis acutis herbaceis compositi. Flosculus unusquisque semini suo insidet umbilici instar, nec per seminis maturitatem decidit, sed eidem perpetuo inhæret, nec enim flos est sed potius calix floris. Caulis hujus plantulae creberrimis subdivisionibus in numerosissimos tandem ramulos finditur, innumeris fore seminibus onustus.

In agris sterilibus & arenosis ubique ferè invenitur.

Hujus speciem aliam in arenoso solo inter segetes observavi in Suffolciae comitatu propè Elden vicum inter Therfordiam & Novum mercatum oppida copiose proveniente, quae procumbit magis quam vulgare *Knautel*, tenuioribus est cauliculis, brevioribus foliis, floribus majoribus, albidioribus, magisque diffusis, atque etiam hyemem fert. Huic titulum ascripti *Knautel incanum flore majore perenne.* *Locus.*

Easdem vires & usus intus & extra usurpata possidet quas Polygonum vulgare. Quoslibet ardores extinguit, fluxus ventris sistit, dysenterias scilicet, uteri profluvia, ac etiam hemorrhagiam narium: Lapides pellit, calculum & urinam ciet. *J. B. ex Tabernae montano.* *Vires.*

\* 2. *Polygonum littoreum minus flosculis spadiceo albicantibus C. B. Polygonum alterum Germanicum Park.*

*C. B. prod.*

Ex radícula candicante, tenui, longiuscula prodeunt viticuli plurimi, tenerissimi, per terram sparsi, ramosi & dodrantes, foliis oblongis, angustis & albicantibus alternatim cincti, ad radicem verò longioribus & biuncialibus. Viticulorum summis, flosculi plures, minutissimi, intus albi, foris spadicei insident: quibus semina minutissima & copiosissima, ut singuli coliculi eo turgant, succedit.

In arenosis ad Wiesam fluvium propè Basileam Autumno florens reperitur: alibi etiam in sabulosis ad fluminum ripas, *Locus.*

A. 3. *Polygonum*

- A. 3. *Polygonum parvum flore albo verticillato* J.B. An *Polygala repens nuperorum* Lob. Ob.  
*Polygala repens* Park, *repens nivea* C. B? cur *niveam* dicit?

E *radicula* alba, fibris pro plantula modulo majusculis capillata plures fundit *cauliculos*, infirmos humi procumbentes, teretes, geniculatos, rubentes, alios interdum de se ramulos spargentes: quorum geniculis unciam fere à se invicem distantibus bina emergunt *foliola* Herniarie fere *chamaezyces* instar rotunda, pallidiuscula, concava, [nobis *Serpylli* folia exprimere videbantur] *Floris* ad caulium nodos verticillati, albi, è quinque velur theculis coagmentati, speciem vasculorum *Delphinii* aut *Aquilegiae* exhibent. Succedunt *vascula* seminalia parva, *semina* longiuscula continentia.

Locus &  
 Tempus.

Amat scrobes humidos, & loca uliginosa cum *Nummularia rubra* & *Portulaca aquatica*. Flore Julio & Augusto mensibus. Non alibi apud nos, quod sciam, provenit quam in Cornubia parva Occidentali circa Pensantiam & alibi. Eandem in transmarinis observavimus, in Belgio & Germania.

Lobelius in Observationibus hoc describere videtur sub titulo *Polygalae repentis nuperorum*.

- \* 4. *Polygonum capitulis ad genicula echinatis* Bocconi.

Bocc.

Tenuis huic est *radix*, proluxa & dura: *Cauliculos* habet tres aut quatuor, humi jacentes, palmares, circa quos *folia* Herniarie aut *Polygoni montani* in crebris geniculis plura simul juncta, avirentia, inter quae nescio quid *flosculorum* muscorum apparet, subsequenter verticillis, brevibus aliquot apicibus veluti echinatis, in quibus minutum *semen* includitur.

Locus.

In Ilva insula juxta Portolongoni munimenta & nova moenia visitur.

- \* 5. *Polygonum Creticum Thymi folio* C.B.

C. B. prod.

Herba est supina, humique procumbens, *cauliculis* sive viticulis palmaribus, ramosis, hinc inde sparsis; *flosculis* parvis, albicantibus, pluribus simul quasi in nodis junctis; quibus foliolum *Thymi* formam, modò unum, modò bina ternave, magnitudine imparia adponuntur. *Semen* pusillum & copiosum succedit.

Non multum abluat à *Polygono* nostrate parvo, flore albo verticillato.

- A. 6. *Herniaria* Ger. J. B. *Millegrana major sive Herniaria vulgaris* Park. *Polygonum minus sive Millegrana major* C. B. Rupture wort.

J. B.

Latè subjectum solum opacat luxurie lata complurium ramulorum, quos ex pusilla radice fundit, hinc inde sparsos, teretes, creberrimis geniculis interceptos, ad quorum singula adversa foliola, *Serpylli* minora, ex viridi lutea, gustu acri, eisdemque locis erumpunt mirum in modum merofi *flosculi* ex apiculis luteolis compositi.

Locus.

Hæc duplex est, alia glabra, alia hirsuta. Glabram invenimus spontaneam in promontorio Cornubiensi The Lizard point dicto: Hirsutam in arenosis propè Sylvam Ducis in Brabantia, perque Germaniam, Italiam & Galliam Narbonensem copiose.

Vires.

Epipacti seu *Millegranae* insignes tribuit facultates tres Anguillara. Succus aut potus aut herba escitata, vel etiam emplastri modo plagæ imposita, morbis à vipera auxiliatur. Secundo emplastrum ex ea herniam mirè restituit. Postremo jecori prodest & ictero: Aqua enim destillata & pota curat intra dies octo. Camerarius aquam destillatam, Clusius decoctum *Herniarie* feliciter calculos propinari referunt.

D. Coberus collutionem ex decocto *Empetri Tragi* i.e. *Herniarie* vulgo dictæ, ad dolorem Dentium certâ experientiâ in pluribus probatum commendat. Hieron. Reusnerus in Observ. à Velschii editis. Obs. 44.

Parkinsonus *Herniarie* alterius, quam majorem Africanam vocat, meminit; quæ præcedente major erectior & ramosior est multò, in aliis parum differt. Hanc Guilielmus Boelius ex Africa secum attulit. Hæc fortè est *Herniaria fruticosa*, viticulis lignosis, foliolis oblongiusculis, brevis, densissima C. B. *Herniarie* facie & folio, perampla radice *Astragali* Lob. In plurimis totorum marginibus circa Boutontum repit, & in sterilibus locis versus pontem Villanovæ.

- A. 7. *Polygonum pusillo vermiculato Serpylli foliolo* J. B. *maritimum minus foliolis Serpylli* C. B. *Serpylli folio* Lobelii Park. alterum *pusillo vermiculato Serpylli foliolo* Penæ Ger. emac. *Lobels Knotgrass with Mother of Thyme leaves*.

Lob.

Ramulis & cauliculis furculosis, prolixis, gracilibus humi sparsis luxuriat (inquit Lobelius) E geniculis *folia* pusilla, teretia, succulenta Aizoi vel Illecebræ, *Thymo* parvo nostrati æqualia & similia. *Radix* prælonga, lignosa, sapore amaricante, calidiuscula.

Cum Lobelius tantum hanc plantam viderit & descripsit, (siquidem reliqui Botanici quæ de ea habent è Penæ & Lob. Adversariis transcribunt) sitque ipsius descriptio brevis admodum & imperfecta,



perfecta, nullâ præcipuarum partium, floris & seminis, mentione factâ, orandi sunt ii quibus vi-  
ventem & florentem videre contigerit ut accuratius describere vellent; ut sciamus ad quod pro-  
priè, genus pertineat & an hujus loci sit necne. Ostendit nobis D. Jacobus Newton plantulam à  
se in Anglia collectam, radice satis crassa, prælonga, lignosa; cauliculis & ramulis multis, confertis,  
humis sparsis, foliis Serpylli aut Allines minima, flosculis parvis ad cauliculorum nodos; quales au-  
tem fuerint in planta sicca observare non potuimus.

Erat hæc ut putamus ipsissimum Polygonum Serpyllifolium L.

D. Goodyer apud Gerardum emaculatum Ericam maritimam, solumnam Anglicam Park. Lob. sub  
hoc titulo describere videtur; cuius sententia & ipse facile subscriberem, si locus conveniret.  
Vix autem puto in collibus maritimis Gallo-provinciæ Ericam maritimam nostratē luxuriare.  
D. Magnol se sæpius collegisse scribit circa prædium luei Gramuntii, & juxta viam in locis depre-  
sis à Lagarrigue de Perault. Utinam accuratius descriptum nobis dedisset.

- \* 8. Anthyllidis species quibusdam J. B. maritima, Chamæfyce similis C. B. Anthyllis Valentina  
Clusii Ger. Polygonum Valentinum sive Anthyllis Valentina Clusii Park. Valentia  
Innotgrass.

Clus.

Ex unica radice multos profert cauliculos, five viticulas dodrantaes, humi stratas, ramosas, sub-  
rubentes: foliola Lentis, exigua, seu potiùs Chamæfyces (cui tota planta adeò similis est, ut primo  
aspectu Chamæfyce putarem, illam tamen diligentius considerans lacteo succo carere deprehendi)  
& plerumque cum suis ramulis veluti quadam salugine aspersa, etiam ipsa salis gustus. Flores inter  
ipsa folia enascuntur pusilli, quatuor foliolis constantes, ex albo purpurascens: radicem singu-  
larem habet nigricantem.

Hanc plantam nusquam alibi conspexit Clusius quàm ad fossas urbis Valentis in Hispania, juxta Locum.  
eam portam quæ Regiam arcem spectat.

J. Bauhinus folia minima ei attribuit, acervatim congesta circa nodos, multò Serpylli foliis mino-  
ra, per extremum latiora & subrotunda: surculos lignosos firmos, teretes, repandos, varièque qua-  
quaversum brachiatos. Cherlerus in montis Ceti litoralibus observavit.

9. Polygonifolia per terram sparsa flore Scorpioidis J. B. An Polygonum minus 9. sive tenuifolium,  
& 11. sive lentifolium C. B? minus Monspeliense Park?

J. B.

Ex radice, quæ tenuis, singularis, interdum multifida, folia emergunt Lini vel Linariæ, caules  
antevertentia: at illi ubi prodierint per terram sparguntur, palmares aut etiam dodrantaes ramosi,  
foliis nullo ordine positis vestiti, Polygoni, minores, cæsi coloris, sapore nullo evidenti. In extre-  
mis ramulorum acervatim congesti flosculi, numerosissimi, Polygoni floribus similes, minores ex-  
ternis fuscis purpurascens, intus albi, caudam Heliotropii aut Scorpioidis aquatici circumflexu imitan-  
tes: semina parva, alba, virentibusque striis variegata.

In Etruria non longè à Viterbo, viâ quæ Romam itur, copiosam observavimus: D. Magnol af. Locum.  
cendendo ad montem Esperon, non procul Monspelio.

Quarrit idem D. Magnol, an de ista intelligendus sit C. Bauhinus in Prodr. dum Polygonum len-  
tifolium describit, cujus flosculi in cauliculorum summis tantum siti sunt. In pinace C. B. sub diver-  
so nomine bis ponitur. Nobis alia & diversa videtur planta Polygonum lentifolium C. B.

Planta hæc tum ob florum colorem, tum ob spicam caudæ Scorpii in modum reflexam ad Aspe-  
rifoliarum genus potiùs pertinere nobis videtur; & Heliotropii aut Echii Scorpioidis species esse.  
Verum quia non constat an cæteræ notæ respondeant, non temere sollicitandam, aut locum  
quem occupavit movendum duximus. Alios interim quibus eam videre contigerit hortamur;  
ut tum flosculos, tum semina curiosius observent, quo nos omni scrupulo de ejus loco & gene-  
re liberemur.

- \* 10. Anthyllis Alpin. Exot.

Alpin.

Exigua est herbula, palmum alta, fruticosa valdè. Namque ab radice plures caules fert, nume-  
ro ad minus quinque, longos, graciles, rotundos, albicantes; à quibus hinc inde brevibus inter-  
vallis exeunt furculi multi, tenues, atque breves, foliis multis minimis, Lentis magnitudine & figu-  
râ undique circumsepti, qui & ipsorum & foliorum ipsos circundantium multitudo frutex densus  
admodum apparent & in orbem etiam actus. In furculorum verò cacumine flosculi parvi exeunt;  
quibus pro seminibus succedunt fructus parvi, oblongi, teretes, Tritici ferè magnitudine & figurâ.  
Tota planta albicat & salsum sapit. Radix verò longa, tenuis, geniculata, alba cernitur, eodem  
salso sapore gustum inficiens.

In locis maritimis [insulæ Cretæ] copiosè nascitur.

Locum.

Accedit ad Anthyllidem à Clusio & J. Bauhino descriptam. Differt autem à Clusiana florum  
situ, qui inter ipsa folia nascuntur.

Polygonum minus Lentifolium C. B. ipso monente, cum Anthyllide Valentina Clus. quæ tota  
subrubens est, longè minoribus foliis, & copiosioribus flosculis ex albo purpurascens; iisque non  
solum in cauliculorum summitatibus, confundi non debet.

11. *Polygonum muscosum minimum* Bocconi.

Bocc.

*Cauliculis* est pluribus, uncialibus, dense geniculatis: *Foliis* crebris, capillaribus, brevissimis, atum ad cauliculorum nodos dispositis: *Floribus* herbaceis, minutissimo *semine* eis succedente. mi spargitur, Camphorate congenerem plantam æmulans. Cum primum exit lulum qu minimum primo aspectu refert.

Locus.

Propè Catanam in Sicilia, & in ambulacris horti Pisani crebrò reperitur, & deciduo semine propagat. D. Magnol Maio mense copiosum observavit in satis luci Gramuntii propè Montum. Modò viride est, inquit, aliquando purpurascens. Ob parvitatem plantulæ, ut verisimile nondum fuit observatum.

HISTO



# HISTORIÆ PLANTARUM LIBER QUINTUS.

QUI EST

De Herbis flore Composito planifolio, natura plerun-  
que pleno, lactescentibus.



**E**LOS compositus seu aggregatus nobis dicitur qui ex pluribus flosculis in unum totalem ( ita enim cum Philosophis loqui liceat ) florem coeuntibus constat; quorum unusquisque non tantum folio seu bractea colorata, verum insuper vel staminibus, vel stylo saltem constat, & singuli singulis seminibus coherant. Huiusmodi flos ab umbella, corymbo, spica differt quod flosculi omnes communi Perianthio includuntur & continentur, quod plerique petalorum majorum circulum medium orbem radiatim cingentium obtinent, quodque flosculi singuli singulis seminibus nudis arcte stipatis insident.

Herbæ flore composito sunt vel succo lacteo prægnantes, flore planifolio, naturâ plerunque pleno: plerunque dico quia in paucis quibusdam huius generis, h. e. lactescentibus, ut v. g. *Chondrilla carulea* *Cyani capitulis* C. B. flos discoideus est: vel succo limpidiore. Hæ autem vel sunt flore discoide, hoc est, ex pluribus brevibus compressis & confertis flosculis ( quos nonnulli perperam stamina vocant ) in unam quasi apparentem superficiem digestis composito; vel flore fistulari, qui ex plurimis concavis oblongis flosculis ad margines in longas lacinias dissectis componitur, ut *Cyani*, *faceæ*, &c. Hoc genus herbæ capitatae dicuntur, quoniam calyx earum squamosus in ventrem plerunque extumescit. Quæ flore discoide sunt distinguuntur in *Papposas*, quorum scilicet seminibus pappus seu lanugo innascitur; & *Corymbiferas*, quarum semina solida sunt seu pappo destituta.

Alii vulgò hoc genus herbas flore composito donatas primariâ divisione in *Papposas* & *Corymbiferas* distinguunt; *Papposas* deinde in *Capitatas* & flore discoide præditas. Verum quoniam ex *papposis* dictis, & iis qui seminibus solidis sunt, ( ita enim cum aliis vocamus commodioris vocabuli inopiâ ) seu *Corymbiferis* nonnullæ insignibus notis conveniunt, nimirum succo lacteo & flore planifolio naturâ pleno, quæ huiusmodi sunt omnino conjungendas censui, ideoque novum genus constitui Herbarum flore composito planifolio naturâ pleno, lactescentium.

Not. Jo. Bauhinum *Corymbi* nomen floribus compositis non *papposis* attribuere, initio lib. 26. *Historiæ Plantarum*. Cum enim (inquit) apud Plinium legimus *comantes auri fulgore corymbos* dictos flores, seu ut ille ait, fructus *Chrysocomes*, estque *Corymbus* quodvis summum, unde & Columella de *Cinara* dixit,

*Hæc modò purpureo surgit glomerata Corymbo.*

Et pleraque huius generis florem gerant densum & in capitulum aggestum quandam flosculorum stipatum, eum *Corymbi* nomine tantisper complecti libuit, dum tu [ Lector ] certius ac melius invenias nomen; & plantas huiusmodi floribus insignes *Corymbiferas* dicimus. Hunc & nos sequimur, nec sine ratione cum flosculos in capitulum aggestos, & in gibbam seu globosam figuram non rarò extuberantes merito *Corymbos* dixeris.

U

Herbæ

Herbæ flore composito seu aggregato, sunt vel eodem

[Planifolio naturâ plerunque pleno, lactescences, quæ vel feminibus sunt

[Papposis seu alatis,

[Latiusculis & compressis, brevibus, utrinque acutis; Caulibus

{ Gracilioribus, firmioribus, solidioribus & minùs concavis, capitulis angustioribus & minoribus: LACTUCA, cujus duo sunt genera, alterum esculentum, succo lacteo dulci prægnans; *Lactuca sativa*; alterum non esculentum, odore opii, costâ folii spinosâ, *Lactuca sylvestris*.

{ Majoribus seu crassioribus, tenerioribus, fistulosis, capitulis latioribus, floribus grandioribus, foliis carduorum spinosis, spinulis mitioribus: SONCHUS.

[Teretiusculis aut angulosis, crassitie latitudini ferè æquali, oblongis,

{ Majoribus, flore circa meridiem se claudente, calyce

{ E simplici foliorum acutorum florum petala longitudine excedentium ordine composito, foliis gramineis, radice annua: TRAGOPOGON.

{ Squamoso, squamis majoribus, non ultra florum petala excurrentibus, radice in plerisque crassa, vivaci: SCORSONERA.

{ Minoribus,

[Erectiores & non repentes, foliis plerunque iaciniatis, caule

{ *Ἀκλόνη*, seu non ramoso, foliis nudo, flore in fastigio unico magno: DRYAS LEONIS.

{ Ramoso, foliis cincto, floribus in singulis caulibus pluribus, semine

{ Citrino, aut ruffo, majore: HIERACIUM.

{ Nigro minore; seu elatior, caule multis foliis cincto; *Hieracium fruticosum*; five humilior, paucis in caule foliis; *Pulmonaria Gallorum*.

{ Reptatrices flagellis emissis, foliis longioribus pilis obfatis: PILOSELLA, *Arisæmuris*.

[Solidis & pappo destitutis, foliis & caulibus

{ Spinosis, Carduorum in modum, lacteis lineis notatis: ERYNGIUM LUTEUM, *Carthagenensis*.

{ Lævibus, floribus

{ E lateribus caulium & ramorum exeuntibus, cæruleis: CICHOREUM, *Intybus*.

{ Summos caules & ramulos terminantibus; Hieracioides seminibus solidis: His accensum *Cichoreum verrucarium* dictum, *Lampsanum*, *Hieracium stellatum* & *falcatum*, quarum flores flavi sunt & Hieraciformes.

{ Quæ Chondrillæ nomine feruntur plantæ, vel ad Lactucas sylvestres, vel ad Hieracia referri possunt.

Discoide, hoc est ex pluribus, brevibus, compressis & confertis flosculis, (quæ nonnulli perperam stamina vocant) in unam quasi apparentem superficiem digestis composito. Hæ vel sunt feminibus

[Papposis, quæ vel sunt floribus [cum cauliculis]

[Erumpentibus ante folia, & brevi marcescentibus,

{ In singulis caulibus singulis, radiatis, foliis subrotundis ungulæ equinæ figurâ, subius præcipuè incanis: TUSSILAGO, *Bechium*.

{ In uno caule pluribus, in thyrsum dispositis, nudis, foliis subrotundis: *Bechii*, sed majoribus: PETASITES.

[Post folia exeuntibus, disco

[Radiato, foliis

{ Spinosis Carduorum æmulæ, foliis florum marginalibus ficcioribus & exuccis, calicidatis: CARLINA, *Chamaeleon*, *Acarna*.

{ Lævibus seu mitibus absque spinis,



{ *Maximis*, oblongis, acutis, subtus incanis, floribus itidem maximis, flavis, radice crassa, aromatica: *HELENIUM*, *Enula campana*.  
 { *Minoribus*, floribus

{ *Aureis*, amplis, sparsis, in summo caule & ramulis in pediculos prælongos excurrentibus singulis; petalis discum ambientibus longis; foliis in genuinis speciebus subrotundis, radicibusque tuberosis & vi deleteria præditis: *DORONICUM*.

{ *Pluribus in caule, in brevioribus pediculis*, barbulis discum ambientibus itidem brevioribus; foliis productionibus & angustioribus; radicibus innocuis; florum petalis

{ *Succulentioribus* & brevi marcescentibus; foliis & coma

{ *Odoratis* & plerunque tactu glutinosis aut pinguib: *CONYZA*.  
 { *Inodoris* aut minus odoris,

{ *Integris*, floribus

{ *Majoribus*, stellam radiantem æmulantibus: *ASTER*, è quibus, maritima quæ est florum petalis marginalibus purpurascens *Tripolium* dicitur; quæ barbulis & disco flavis *Crithmum Chrysanthemum*.

{ *Minoribus*, in summis caulibus confertis in thyrsum aut umbellam, aureis: *VIRGA AUREA*.

{ *Laciniatis*; floribus in summis caulibus velut in umbellam dispositis: *JACOBÆA*.

{ *Exuccis & aridioribus*, unde durabiliores sunt, nec citò marcescunt, colorisque gratiam diu retinent fœcata,

{ *Frontatis* aut *velut bullatis*, aliàs flavicantibus; *STOECHAS CITRINA*; aliàs albescentibus, ut in *Gnaphalio Americano*.  
 { *Cuspidatis*: foliis

{ *Integris*; *JACEA Oleæ folio*.

{ *Laciniatis* & spinosis Carduorum æmulis; *CARLINA*.

{ *Laciniatis*, floribus flavis aut purpurascens; *SENECIO*.  
 { *Digitatis*, floribus purpurascens velut in umbellam dispositis;  
 { *Nudo*, foliis *EUPATORIUM Avicennæ*  
 { *Integris*, floribus

{ *Purpurascens*, vel foliis subrotundis maximis; *CACALIA vulgaris*; vel foliis longis; *Eupatorium Canadense Cornuti*.  
 { *Flavis*,

{ *Maritima* & incana odore aromatico; *GNAPHALIUM maritimum*, *Mediterranæ*,

{ *Major*, floribus flavis velut in umbellam dispositis, *Conyza facie*; *BACCHARIS Monspelienfium*, &c.

{ *Minor*, tota tomentosa & incana, flosculis minimis; *GNAPHALIUM*.

{ *Solidis* seu Pappo destitutis: Vide Tabulam Libri Octavi.

## SECTIO PRIMÆ.

De Lactescentibus Floræ compositæ papposis.

## CAP. I.

## De Lactuca.

**L**ACTUCA [*Opisæ*] quod copia lactis exuperet dicta est, quodque foeminas nutrientes lacte impleat.

Hujus notæ peculiare, quibus à congeneribus distingui possit, sunt Semina brevia, latiuscula & compressa, utrinque acuminata; caules graciliores, firmiores & minus concavi, capitula minora.

Hujus duo sunt genera, sativum & sylvestre.

Ad posterius genus reducimus Plantas nonnullas Chondrilla dici solitas; unam etiam cujus semen Lactuca semini non respondet, ob capitula parva quibus Lactucam refert; nimirum Chondrillam mineam dictam.

## LACTUCA SATIVÆ.

1. Lactuca Sativa C. B. Ger. sativa non capitata J. B. Garden Lettuce.

J. B.

**F**olio est Endivia, longo, lato, rugoso, pallide virente, lacte pragnante per primam adolescentiam grato, tandem amaro & cibus abdicato, quod fit ubi caulescit planta. Caulis firmus, res, gracilis, sesquicubitalis & altior, in ramos dividitur, crebro deinceps dividendos: Quorum extremis flosculi hærent lutei, parvi, ex squammatum capitulo profillentes; quibus in pappos facilius tibus semen succedit parvum utrinque acuminatum oblongum compressum, coloris cinerei.

Seritur in hortis.

Locus.  
Vires.

Lactuca sativæ refrigerant, stomacho grata habentur, bilis effervescentiam & æstum compescunt, somnium conciliant. Declinante ætate (inquit Galenus) ex se infomni, graviter hoc incommodum afficiebat: Adversus quod unicum mihi præsentissimum remedium Lactuca vespere commandata fuit. Plerique antequam excalescat in aqua elixâ utuntur, ut ego jam facio (inquit Galenus) & quo dentes mihi deteriores esse cœperunt. Lac augent, alvum leniter movent; [neque alvum cohibent, ut neque impellunt] ventriculo conveniunt, multique ac laudabilis nutrimenti sunt, verum decoctæ magis alunt, coitum tamen avertere dicuntur, & si assidue edantur visus hebetudinem incutere.

In phrenitide, delirio, febre ardente, &c. applicata temporibus & suturæ coronali, imò carpis, nemp linteum duplicatum aut triplicatum permadefactum aqua Lactucæ, in qua v. g. in sß i. pond. medice Salis nitri pp. & crystallizati, aut Salis Prunellæ 3ß dissolutæ fuerint: Quod medicamentum long præfero his in casibus oleo rosaceo cum Lactucæ succo permisto. Simon Paullus.

2. Lactuca capitata Ger. C. B. Park. sativa vulgaris capitata J. B. Cabbage Lettuce.

Folia huic breviora, latiora, extrema circumscriptione rotundiora quàm sativæ vulgari, plana & lævia, quæ brevi in caput rotundum conglobantur, Brassicæ capitatæ in modum. Semen priori simile, sed nigrum.

Dodonæus Lactucam sativam culturæ mangonio folia ita mutare scribit, ut vel crispentur, vel in se contrahantur, ut capitatam Brassicam æmulari videantur. Eiusdem sententiæ J. Bauhinus etiam esse videtur. Verum tum figura foliorum, tum seminis color, si perpetuo niger sit nec unquam mutat, differentiam specificam (ut vocant) arguit.

Lact. Capitata  
major.

Parkinsonus Lactucæ Venetæ capitatæ meminit, cujus capita in eam magnitudinem interdum crescunt ut caput humanum æquent. Hujus, inquit, semen album est; caulis humanam altitudinem assequitur. Post solstitium æstivum seritur pro acetariis hybernis. Hæc proculdubio est, quam J. Bauhinus Monspelii abundare scribit, tantæ magnitudinis, ut una patinam satis amplam repleat, tota hyeme in usu. Alterius etiam speciei meminit Jo. Bauhinus cum pluribus capitibus, quæ vix (inquit) differre videtur à cæteris capitatis, capita tamen minora; alteram tamen speciem existimamus, quandoquidem ex particulari semine nobis provenit. Hæc ille.

3. Lactuca rubra J. B. maculosa C. B. Red Lettuce.

Cæs.

Rubra est hæc species, ac si vinum foliis esset aspersum, latissimis foliis constat ac patulis; dulci- or cæteris sed durior, idcirco recentia tantum folia secant, regerminat enim diutius antequam ca- lescat: Semina ei nigra. Hæc J. Bauhinus ex Casalpino.

Hopl.



Hujusmodi Lactucam in hortulo nostro habuimus sæpius, quæ foliis erat brevioribus & rotundioribus quàm Lactuca vulgaris.

4. *Lactuca Romana longa dulcis* J. B. *Lactuca larybacea* Ger. foliis *Endivia* C. B. & *Lac. folio obscurius virente, semine nigro* ejusdem. *L. Romana rubra*, & *L. Romana alba* Park. parad. **Roman Lettuce red and white, or Endive-leaved Lettuce.**

J. B. *Cæs.*

Folium huic angustius est & productius, planum & minimè rugosum aut bullatum, modicè sinuatum, & inferna parte secundum costam spinulis armatum. Flore est & caule Lactucæ vulgaris, sed semine succedente nigro.

Duplex est, *alba*, & *nigra* seu *fusca*: Est autem omnium Lactucarum maxima. In caput non surrigitur (inquit Cæsalpinus) nisi vinculo alligentur folia, sic enim candidissimam reddi & fragili ténertudine ceteras vincere.

J. Bauhinus se ignorare scribit an Lactuca sylvest. lato folio culturâ mutari possit in Romanam, quæ cum sylvestri communes habet spinas in dorso & alia quædam. Hoc nobis minimè verisimile videtur, siquidem odor virosus & vehemens opii, folia in caule superiora valdè lacinia, totus denique habitus plantæ reclamationem.

- \* 5. *Lactuca longo & valdè angusto folio* J. B. *folio oblongo acuto* C. B. Park. **Sharp pointed Lettuce.**

J. B.

Huic folia à radice statim oriuntur multa, palmum aut sesquipalmum longa, unciam unam aut alteram lata, superiora verò ut breviora, ita angustiora, spinulis quibusdam per margines donata, utraque verò acuminata. *Caulis* cubitalis & sesquicubitalis, ramosus. *Flores* & semen cum Lactucis vulgaribus eadem, sed semini color fuscus.

6. *Lactuca crispa* C. B. Ger. Park. *crispa, lacinia* J. B. **The broad-leaved curled Lettuce.**

Hæc folio est latiore & brevior, calore viridior quàm proximè sequens, ad margines quidem lacinia & dissecto, minùs tamen tenuiter & profundè quàm illa: *Semine* nigro.

7. *Lactuca crispa altera* C. B. *crispa minor* Ger. *crispa & tenuiter dissecta* J. B. **Curiously cut and waved curled Lettuce.**

Hujus folia pallidiùs virent quàm præcedentis, lacinis tenuioribus & profundioribus incisa, iisque undulacim intro forisquæ flexis reflexisque crispa, pulcherrimo aspectu. *Flores* conveniunt. *Semen* album est. In parem cum præcedente altitudinem affurgit.

## LACTUCÆ SYLVESTRES.

1. *Lactuca foliis quernis, an Lactuca Italica lacinia* C. B. **Oak-leaved Lettuce.**

**H**ujus folia figurâ suâ & lacinis Quercus folia quadantenus referunt, sùntque viridiora paulò quàm Lactucæ vulgaris, minora, & ad radicem pauca antequam excaulescat. In summa hæc planta toto habitu propius accedere videtur ad sylvestres Lactucas quàm ad factivas.

*Lactuca Italica lacinia* C. B. folio est tenuissimo, pallidè virenti, in plures partes semi-palmares & lacinias diviso, per reliqua vulgari Lactucæ similis, quæ esu tenerrima. Hinc à nostrâ specie diversa videtur.

Nobis ex semine Londino accepto succrevit.

Tragus Lactucam suam secundam ait esse foliis Quercinis incis.

- A. 2. *Lactuca sylvestris major odore Opii* Ger. *emac. sylv. odore viroso* C. B. *Endivia foliis odore viroso* Park. *sylv. lato folio, succo viroso* J. B. **The greater strong-scented wild Lettuce.**

J. B.

Ex radice minimi digiti crassitudine, candida, paucis fibris capillata, caule tricubitali & altiore adolefcit, satis crasso & rigido, toreti, lævi, inani, ramoso, lac perquam amarum, tetro & viroso odore opii, ex radice & caulis vulnere fundens. *Folia* infima lata, Intybo sativo proxima, nigricantia, non lacinia, sed spinulis duntaxat levibus per ambitum quasi serrata, ad medium ferè caulem: superiora verò profundè lacinia, Lactucæ sylvestris Fuchsi & aliorum in modum, quæ terram spectant spinulis per costæ longitudinem hispida. *Flores* conferti Lactucæ, colore luteo, calice squamato, subrubente. *Semen* ex copioso tomento pendulum, nigrum.

In aggeribus fossarum nascitur, inque lapidosi saxosisque locis, minùs tamen frequens.

Quæ de viribus Lactucæ sylv. veteres prodiderunt, quòd scilicet semen ejus non minùs quàm sativæ libidinum imaginationes in somno amolitur, & Venerem arcet; quòdque succus ad eadem valet, an huic plantæ conveniant dubito. Narcoticam eam esse & soporiferam, adeoque viribus Papaveri similem,

Locus.

Vires.

similem, ut Dioscorides & Plinius tradunt, Opii vehemens & virosus odor abundè convincit. Verum omnia in genere opiata irritare potius quàm extinguere appetitum ad Venerem me jampridem monuit *D. Mart. Lister*, saltem modicè sumpta, non secus ac vinum ac alii generosi liquores, quibus & viribus quodammodo respondere videntur. De Lactuca sativa aliter se res habet: Hæc enim dum adhuc recens & tenera est, antequam excaulescat, commanducata certo certius Veneri adversatur, & libidinem extinguit.

Hujus herbæ incensæ fumo animi causâ naribus excepto se veluti consternatum & vertigine sub correptum, & eodem planè modo affectum sensit idem *D. Lister*, quo solent illi qui Nicotianæ fumum haurire primò aggrediuntur.

- A. 3. *Lactuca sylvestris costâ spinosâ C. B. sylv. laciniata Park. sylv. foliis dissectis Ger. emac. sylv. sive Endivia multis dicta, folio laciniato, dorso spinoso J. B. Cut-leaved wild Lettuce.*

J. B.

Incondita habet per caulem folia, Sonchi divisurâ, laciniata & serrata, spinis secundum costam æversâ parte donata, amaro lacte prægnantia: Caulis verò bicubitalis & major, in principio spinosus, qui in summo in multos abit ramulos, quos flores ornant parvi, lutei, lactucacei, in pappos degenerantes. Hæc odore est minùs gravi & vehementi quàm præcedens.

Locus.

Ad sepes & agrorum margines reperitur, locis præsertim petrosis, inque vineis & hortis.

- A. 4. *Lactuca sylvestris folio non laciniato J. B. sylv. 2. Ger. emac. Endive-leaved wild Lettuce.*

Hanc speciem Johnſonus Gerardi emaculator primæ speciei varietatem facit; J. Bauhinus secundæ, cui & nos suffragamur; siquidem illâ humilior est, & foliis minoribus, odore etiam minùs gravi, nostris saltem naribus: Non alia autem in re à secunda differt quàm foliorum figurâ, quæ hæc in caule quidem laciniata sunt. Iisdem cum priore locis provenit.

- A. 5. *Chondrilla [rectius Lactuca] viscosa humilis C. B. Park. Ger. emac. Lactuca sylvestris laciniata minima Cat. Cant. Small jagged wild Lettuce.*

C. B.

Ex radice tenui, longa, alba, cauliculi plures, tenues, reflexi, pedales & cubitales prodeunt, quæ utrinque ad palmi [imò duorum triumve palmorum] longitudinem flores lutei, oblongi, in pappos abeuntes alternatim cingunt. Folia habet ad radicem oblonga, angusta, quædam sinuata, quædam integra, & in caule paucissima.

Locus.

Hanc in fossarum aggeribus nascentem nos propè Cantabrigiam, Th. Willisellus Londini propè Templum S. Pancratii, invenimus. Postea in transmarinis circa Neapolin & Monspelium eandem observavimus. In agris Basileensibus Autumno florens invenitur. C. B.

6. *Chondrilla [rectius Lactuca] sylv. viscosa caule foliis obducto C. B. saxatilis viscoso caule Park. saxatilis viscosa, caule umidissimo Galeni Col. Wild Lettuce with hooped stalks.*

Col.

Radix longa inter saxorum rimas se insinuat, ut difficilè nisi disrupto saxo excipi possit: atque vel minimo disrumpantur radix, folia, caulis, vel etiam flores, copiosus indè exit lacteus succus viscosus, pauco tempore in grumos concreescens. Folia sunt Cichorii vel potius Dentis leonis dicti modo incisa, profundioribus etiam incisuris, tenuioribus lobis divisa, radicem versus aduncis, pedem longa, & circa radicem obliquè dependentia, in orbem expansa. Caules rarò plures, sed unicuique sæpius, nec etiam multis alis divisum emittit, rotundum, lævem, tenuem, albicantem, cubitalem, foliis multis vestitum in imo, è medio verò ad summum usque tenuiora angustioraque sunt folia, per ambitum non incisa, nec erosa, sed per medium ipsorum nervum divisa, hinc atque hinc caulis & alarum latera cingunt, ut parum caulis adversarum partium conspiciatur, vel nudus remaneat; adeoque tota hærent per longum caulem amplexantia, utrinque frequenter alternata, ut vix ab inferioribus superiora distent, totusque caulis ita foliis obductus sit, ut velut ocreatus videatur. Horum quidem foliorum reliquum ad summum quod illorum pars quarta est vel minor, integro dorso hærens à caule recedat, ex quo veluti alâ & caule cui hæret flores brevibus petiolis insidentes emicant, oblongis calathis, bini ternive aut plures etiam, intus lutei, foris albicantes per medium foliolorum florum: Alii semen parturientes, alii enascentes vel dehiscèntes, ita ut diutius floreat, simulque perfecta semina ab aliis pappo evolent, alia verò ab ipsius plantæ & florum viscosa intercepta succo maneant ex pappo dependentia. Nigra sunt atque oblonga, in cacumine, ut in congeneribus pappo albo pilosa. Saporem est amaro admodum.

Locus.

Æstate & Autumno floret. Manus tacta simpliciter lacte inficit, difficilèque abluitur ut viscum. In vetustioribus moeniis Campoclarensum sicuti & Æquicolorum Materiæ castri & montanis locis provenit. Nobis in collibus saxosis circa Messanam in Sicilia, & Monspelium in Gallia Narbonensi observata fuit. Chondrillam vimineam viscosam vinearum Ad. huc refert *D. Magnol*, & rectè quidem nostrâ sententiâ.

A. 7. *Lactuca*



- A. 7. *Lactuca sylvestris murorum flore luteo* J. B. *Sonchus laevis muralis* Ger. *laevis* alter parvis floribus Park. *laevis laciniatus muralis parvis floribus* C. B. **Wid-leaved Lettuce.**

J. B.

Affatim lac fundit tota planta, quæ ex radice digitali amara caules perquam tenues erigit, cubitales & sesquicubitales, læves, subrubentes, subinde inanes aut medullâ fungosâ plenos: ad quorum genicula oriuntur folia profundè laciniata, extremâ laciniâ triangulâ, hederaceum folium referente, colore quâ terram spectant purpurascens interdum; *Flosculi* in ramulis exigui, *Lactuca*, plures congesti colore luteo, quinque foliis constant, totidèmq; concoloria flamina in medio erigunt, postmodum aliorum more in pappos abeunt.

In saxorum rimis, inque muris & aggeribus umbrosis, interdum etiam & in opacis sylvis oritur. *Locus.*

*Lactuca murorum affinis Sonchus dendroides Dalechampii* J. B. *dendroides Dalech.* Park. *laevis laciniatus. lut. mont. major* C. B.

Lugd.

*Radicem* habet crassam, nigricantem, ex qua radiculæ multæ prodeunt: *Caules* bicubitales atque interdum altiores, teretes, foliis stipatos sinuosis, seu per oras ex intervallo infectis, lætis, Quercui haud dissimilibus, lacte diffluentibus. Rami in caulibus nulli sunt, sed ab imo scapo ad summum usque, non procul à foliorum singulorum exortu, singuli nascuntur petioli, tenues, qui multos flores sustinent luteos, quales sunt aliorum Sonchorum aut *Lactucæ*; qui tandem in pappos abeunt.

*Sonchus* hic Dalech. habet multa communia cum *Lactucâ* murorum; veruntamen si descriptio & icon Dalech. vera est, necessariò differunt. J. B. quem consule.

8. *Lactuca sylvatica purpurea* J. B. *montana purpureo-cerulea major* C. B. *sylvestris purpurea flore* Park. *Sonchus sylvaticus* Ger. emac. **Wid-flowered mountain Lettuce of the Woods.**

Col.

*Radix* huic obliqua, nodosa, dentata germinum oculis tam recentibus quàm vetustis, [pollicaris] è qua multæ undique crassæ, longissimæ dependent fibræ, [sapore grato, dulci, cum levissimo amaro præditæ.] *Caulis* est tenuis, bipedalis [J. Bauhino bicubitali & altiore, variat utique ratione loci:] glabro, tereti, albicante, medullâ albâ pleno: quem folia ex intervallis alternatim vestiunt, ima passilla, deinde majora semper multumque latiora, parum in ambitu sinuata, glabra, tenella, superius pallidè viridia, subtus glauca, mollia, tenuia, [nullo aut brevissimo pediculo donata angusto principio mucronèque] maxima semipedem longa, duas uncias lata caulem amplexantia. Folia in summo caule latiore appendice eidem hærent, iterumque minora efficiuntur vix unciam sæpe lata, [J. B. sapore nullo eccellente,] mansu grata, ut nonnisi modicè aut vix amara sentiantur. Caulis ad foliorum exortum non rectus, sed obliquè, nunc dextrâ, nunc sinistrâ inflexus & sinuosis videtur.

E foliorum superiorum alis obliqui & admodum tenues, rotundi, juncei petioli exeunt, quaquaversum in caulis cacumine expansi; florum onusti deorsum spectantium squamosis calicibus, oblongis, ex viridi purpurascens, in binos ramulos se dividentes, in quibus hiantes flores quatuor exserunt media flamina, longa, quorum pars media purpureo colore tandem emittit luteam veluti pulverosam & summo trifido apice divisam atque intortam partem, quæ totidem petala lata, nigro-purpurea, oblonga, incurva, inque sese inflexa circundant, ora in summo habentia longis fimbriis divisa. Semina postmodum succedunt parva, lævia, cinerea, candidum mollèmq; pappum exferentia, latiuscula, brevè atque compressa.

In sylvis montosis calidiorum regionum frequens est. Nos invenimus in Fara & Saleva montibus *Locus.* prope Genèvam; inque sylvis montosis quas pertransivimus cundo à Scaphusia ad Constantiam; & alibi consimilibus in locis.

9. *Chondrilla* [rectius *Lactuca*] *viminea* J. B. *juncea* Ger. *juncea viscosa arvensis*, quæ prima *Discoridis* C. B. *viminalibus virgis* Park. **Gum-Succory with rusby twigs.**

J. B.

Pullulant primùm per terram in orbem sparsa folia magna, Hedypnoidis laciniis, glabra, quæ in caulem surgente planta marcescunt: ipse verò caulis propter terram densis spantiis totus hortet, atque ad cubitos duos aut tres assurgit, frequentibus ramis vimineis variè divaricatis fruticosus, foliis aut nullis, aut raris, iisque vimineæ tenuitatis. Flores [ad ramulorum latera &] extremis ramulis hærent, lutei, lactuceis pares, nec formâ dissimili, semine succedente iterum *Lactucæ* parvi, verum non compresso, sed rotundo ferè, striato, oblongo, cinereo, cum tomento villoso appenso. *Radix* subest simplex, pollicaris & crassior, glutinosissimo lacteo succo abundè prægnans, cubiter sesquicubiti longitudine, non ingrata dulcedine prædita. Totam plantam amaro esse gustu tradit Columna, eam fusè describens.

In Germania, Italia & Gallia Narbonensi in arenosis copiosè provenientem observavimus. *Locus.*

C. Bauhinus *Chondrillam* vimineam viscosam *Monspeliacam* ab hac distinguit, ob folia superiora amos cingentia, in tenuissimas & acutissimas lacinias divisa: Nobis superiori eadem specie visa est.

D. Magnol se nondum invenisse ait ejusmodi plantam. *Botan. Monsp.*

- \* 10. *Sonchus*, (rectius *Lactuca*) *fruticosus petraeus Africanus spinosus* Park. *Thomp Shrub Solwihistle*, or wild Lettuce of Africa.

In altum exilit *caulibus* lignosis, versùs summitates in multos *ramulos* variè divisis & subdivisis undequaque diffusis, singulis *viminibus* seu *virgulis* in acutissimas spinas desinentibus. *Folia* inferiora valdè laciniata sunt & spinosa; superiora ferè integra aut parum admodum laciniata. *Flores* parvi, simplices, pallidè lutei, quibus succedunt *semina* pappo adherente alata.

Locus.

Guilielmus Boelius circa *Tunisum* & *Sapphi* Africae urbes locis petraeis invenit & eruit.

Haec duae ultimae plantae non sunt fortasse verae & genuinae *Lactucæ* species; certè præcedens seu *Chondrilla viminea* semina compressa non habet ad modum *Lactucæ*, sed rotunda ferè, striata & oblonga; verùm quia aliis respectibus *Lactucæ* similior est quam cuiusvis alii huius generis plantae, *Lactucæ* subiectam duximus. Ultima *Lactucam* cæteris partibus refert, & fortè etiam semine: verùm huius figuram non exprimit aut describit Parkinsonus.

## C A P. II.

### De Soncho.

**S**onchus *Σόνχος* aliis corruptum videtur à *sonchide* rarus, quia scilicet rarum & cavum caulem habet, aliis *sonchus* dictum, quia salubrem succum de se fundit ad æstuosas stomachi lacerationes, & biliolas hepatis obstructions utilissimum.

Sonchus à *Lactuca* (quacum in multis convenit) distinguitur capitulis grandioribus; caulibusque tenerioribus & fistulosioribus, quibus etiam ab *Hieracio* differt, à quo & semine compresso distinguitur.

Sonchus duplex est lævis & asper; utriusque plures sunt varietates, quas ego specie differre non libenter concesserim.

- A. 1. *Sonchus lævis* Ger. *lævis laciniatus latifolius* C. B. *laciniatus non spinosus* J. B. *lævis vulgari* Park. *quamvis icon non respondeat. Common smooth Solwihistle.*

J. B.

Parvâ, fibrosâ, albâque radice nititur: caule cubitali & ampliore, intus concavo, purpurascens; folia longa, lævia, ferè glauca, *Dentis leonis* divisurâ, latiora, teneriora, lacte prægnantia alternatim prodeunt, aliâs pediculo longo, aliâs nullo, sed latiore basi caulem amplectentia, in circumquâsi dentata, in quibus vel nullæ spinæ, vel molles. *Flores* foliosi, lutei, *Dentis leonis* minoris, [plures simul in summitatibus caulis & ramulorum, dilutiores quàm *Dentis leonis* aut *Hieracii*] quorum extrema folia averfa parte purpurascunt, & in pappos abeunt. Semen parvum, oblongum & infusco rubens. In hoc genere extremum folium latius est & triangulare, hastæ cuspidem quodammodo referens.

Locus.

In cultis, hortis, vineis, &c. nascitur, præsertim lætiore solo.

Variat interdum floris colore niveo vel albo: foliis etiam in plures & tenues lacinias divisis.

- A. 2. *Sonchus minus lacinosus misior sive minus spinosus* J. B. *lævis minor paucioribus lacinii* C. B. *lævis latifolius*, Ger. *Smooth Solwihistle with fewer jags.*

J. B.

Lactè tota planta turget amaro: Caulis inanis, cubitum altus & major, hominem interdum altitudine excedens, ramosus. Folia parùm laciniata, tenera, *Endivie* ferè, spinulis in ambitu donata, sed parùm aut nihil pungentibus cauli immediatè adnascuntur. *Flores* lutei *Hieracii*, sed calice glabro, qui celeriter in pappos abeunt. Radix longiuscula, multis fibris donata. Haec varietas in hortis oleraceis inter reliquas species frequens est.

3. *Chondrilla lutea* J. B. rectius *Sonchus lævis* in plurimas & tenuiss. lacinias divisus C. B. fortè.

J. B.

In lævi & glabro caule folia habet ad *Sonchum* lævem vulgarem proximè accedentia, nisi quod multò minora sint, divisurâ ferè *Chondrilla* cœruleæ: extremæ lacinie passis alis librantem se in aere *Ciconiam* exprimunt, per segmentorum ambitum denticulata, quod notatu dignum, hæcque notâ non florens facilè à *Chondrilla* cœrulea discernitur. Ex horum sinu ramuli exeunt, quorum singulis flos unicus, summo autem cauli plures insident *Sonchi*, lutei, in pappos evanescentes.

Locus.

In vineis & aggeribus circa *Montepelium*, inque muris ipsius urbis observavimus.

Hæc planta *Sonchi* species est, non *Chondrilla*. Toto ferè anno floret.



*Sonchus affinis Terracrepola. Sonchus levis angustifolius C. B. Park. Parrot-leaved Sowthistle. Hieracii species est.*

J. B.

Radice[m] habet Intybo similem, longam, tenuem, paucis fibris donatam candidam; Caulis multos, cubitales, foliatis, in duos tréve ramos divisos. Folia Intybo similia sunt, candidiora, minùs insecta ac laciniata, gustatu suavia licet nonnihil amara sunt. Flor luteus in pappos evanescens. Nascentur sponte in aggeribus terrenis agri Monspelien[s]is, ut aiunt.

Locus.

In cibis cruda ex oleo & aceto expetitur.

Herba quae nobis Monspelii pro Terracrepola ostensa fuit valde similis erat, si non eadem plantae illi quam J. Bauhinus describit & depingit sub titulo Obondrillus affinis laciniatae cujusdam an Trinciarella; cui & iconas Terracrepolae apud Lobelium, Ger. & Park. aliquatenus respondent. Forset Trinciellae J. Bauhini est Terracrepola aliorum autorum. Trinciellam Italorum Camerarii C. Bauhinus Dentis leonis speciem facit. Qualisnam planta sit quam J. Bauhinus sub hoc titulo describit nescire fateor. Ex quo hæc scripsi, Indicem plantarum circa Monspelium nascentium à D. Magnol editum nactus sum, ubi invenio ipsum crepidem Dalech. Lugd. à Trinciarella J. B. non distinguendam putare. Est autem crepis illa quam intelligit J. Bauhinus titulo & descriptione hic allatis. Vitiosa Lugdunen[s]is figura (ut verisimile est) J. Bauhinum decipit. v. Trinciarella.

Locus.

4. *Sonchus caeruleus latifolius J. B. levis laciniatus caeruleus, sive Alpinus caeruleus C. B. Alpinus caeruleus Park. Blue-flowered mountain Sowthistle.*

Clus.

Cubitali aut ampliore existit caule, rotundo, striato, lanugine obsito, intus cavo, quem ambiunt multa folia, ampla, aliquot profundis laciniis utrinque divisa, extremo mucronata, latiore pediculo caulem amplectentia, in ambitu nonnihil dentata, subtus aliquantulum incana, lacteo succo plena: Plurimos in summo caule flores profert, purpurascens & villosis petiolis inhærentes, vicinis foliis, ut plurimum constantes, elegantissimi coloris cerulei, qui per maturitatem in pappum cum semine cinereo exiguo evanescunt. Radix pollicaris est crassitudinis, oblonga, non in profundum acta sed obliqua, candicans, clara, velut internodiis distincta, multas circumquaque fibras crassas agens & vivax, singulis annis novos ex latere caules profert.

In sylvis ad latera montis Juræ, montiumque maximo Carthusianorum cenobio imminet Locus. connascentem vidimus: Clusius variis locis umbrosis, in Durrenstein, Sneberg, Snealben, jugis Etscherianis, &c.

Locus.

\* 5. *Sonchus montanus levis laciniatus minor C. B.*

C. B. prod.

Ex radice crassiuscula caulis in principio crassus & lignosus, rotundus, levis, statim in alas brachiatus, ad cubitalem altitudinem accedens exurgit. Folia est sesquiuncialibus, in paucas lacinias late distantes & acuminatas divisas.

Flores in caulis summo veluti in spica alternatim dispositi, parvi & palliduli.

In montibus Euganeis frequens est.

Lactucæ potius quam Sonchi species est.

Locus.

A. 6. *Sonchus asper laciniatus Park. C. B. laciniatus spinosus J. B. asperior, Ger. Prickly Sowthistle with jagged leaves.*

A Soncho lævi laciniato differt Foliis crassioribus, obscurius viridibus & splendentibus, in crebras minus tamen profundas lacinias divisas, spinulis longioribus & rigidioribus asperis. Quinetiam folia extrema & laciniae in angustiores & acutiores mucrones desinunt.

A. 7. *Sonchus asper non laciniatus C. B. asper Ger. asper major non laciniatus Park. minùs lacinosus asperior sive spinosior.*

Folia est quàm Sonchus minùs lacinosus mitior crassioribus, obscurius viridibus & splendentibus, spinulis longioribus & rigidioribus asperis, aliàs similibus, nimirum ad Endivæ folia accedentibus, basi sua caulem amplexantibus.

Hæ Sonchi species in hortis & vineis, inque fimetis & locis ruderatis præsertim solo pinguiore Locus. frequentissimæ sunt.

\* 8. *Sonchus asper subrotundo folio C. B. Park. Round-leaved prickly Sowthistle.*

C. B. prod.

Ex radice exili, longiuscula, cauliculus rotundus palmaris, aliquando sesquipalmaris, parte inferiore brevissimis aculeis exasperatus exurgit, circa quem folia pauca, subrotunda, sesquiuncialia, quorum quædam simuata, omnia tamen per marginem, ut & nervus per folii medium excurrens, levissimis aculeis exasperantur. In cauliculi summo duo tréve pediculi, quorum singuli unum florem Hieracio similem, parvum, luteum, qui in pappum abit, sustinent.

Monspelii sponte nascitur, & Sonchus asper vulgi flore Hieracii nominatur.

Est Locus.

*Species minor.* Est inquit & hujus minor species, capillari radica, à qua pedicelli bini, quatuor vel sex uncias longi, aliquot verò vix unciales, unicum florem parvum luteolum sustinentes exurgunt. Flori semine nigrum, pappo adhærens succedit. Circa radicem folia sena, septena, obtusa, per latera dentata. Ibidem reperitur.

Hieracii potius quàm Sonchi species esse videtur.

D. Magnol neutram speciem circa Monspelium vidit.

9. *Sonchus angustifolius maritimus* C. B. Park. **Narrow-leaved Sea-Solothistle.**

C. B.

Radice est palmari, tenui, fibris carente: foliis ad radicem pluribus, atrovirentibus, uncias quatuor, quandoque sex longis, rariùs unciam latis, per margines spinulis exasperatis, & reliquorum Sonchorum instar lac fundentibus; inter quæ caulis unicus, palmaris & sesquipalmaris, tenuis, levis, duobus tribusve foliis eum basi sua cingentibus, cujus summo flos unicus (rariùs duo) fati magnus & luteus insidet, & tandem in pappum abit.

*Locus.*

In litore Veneto ad Lio primum, dein circa Monspelium æstatis initio collegimus, inquit C. B. In maritimis propè Monspelium inter Juncos copiosè repit, & Augusto mense floret. *Bonn.*

A. 10. *Sonchus repens, multis Hieracium majus* J. B. *arborescens* Ger. emac. *Hieracium majus folio Sonchi* C. B. **Tree-Solothistle.**

J. B.

Radices longè latèque repentes nonnisi difficulter evelli possunt, perennes, lactifluæ. Caulis cubitalis vel longior [vidimus qui hominis altitudinem longe superaret in palustribus nascentem] nisi hic distincta species sit; concavus, minùs tamen quàm Sonchi vulgaris, inferiore parte glaber, quodammodo angulosus, ibi demum pilosus ubi in ramulos dividi occipit. Folia & per terram sparsa, & quæ cauli adnascuntur, Sonchi asperi aut Dentis leonis foliis similia, palmaria & plusquam bi palmaria, non admodum lata, profundis laciniis incisa, in acutos mucrones desinentia, spinis mollicellis circa margines donata, colore ferè glauco. Flores in summitatibus caulis & ramorum plures, quàm Sonchi majores, saturatiùs lutei, hirsuta foliolorum atrovirentium compage coarcti, qui tandem in pappos abeunt. Villi quibus caulium summitates & capitula obsidentur, obscure sic viciant. Florum petala angusta sunt.

*Locus.*

Inter segetes, & in aggeribus terrenis recens egestis, solo laxiore frequens occurrit. C. Bauhinus ex una hac planta duas, ni fallor, facit. Nimirum Hieracium Dentis leonis folio acuto I, seu Hier. majus folio Sonchi; & III, five Hieracium majus erectum latifolium.

*Vires.*

Sonchus viridis & tener (inquit Galenus) estur ut olus, præsertim ejus radices. *Marth.* Apud nostrates in usu non est, sed pro cuniculorum tantum & leporum esca usurpatur, unde & *Lacus leporina* dicta est. Succus stomachi rosiones sorbitione mitigat. Caulis decoctus facit lactis abundantiam nutricibus, colorèmq; meliorem infantum. *Plin.* Ex Vino potus suspiciosos & asthmaticos juvat, & stranguriam sanat. Succus auribus instillatus eorum dolores mulcere dicitur. Quæ præterea habent Veteres, apud J. Bauhinum vide. Nos iisdem cum Lactuca viribus pollere credimus: juniorem scilicet & tenerum refrigerare, adultum & caulescentem potius excalfacere, & sapor amarus arguit.

11. *Sonchus arborescens alter* Ger. emac. *Sonchus lævis palustris altissimus.* **The greatest Marsh Tree-Solothistle.**

Ad quinque vel sex cubitorum interdum altitudinem assurgit, & tamen flores minores obtinet quàm præcedens, ut à D. Sam. Dale moniti sumus, ipsique etiam in planta sicca observavimus.

Ad ripas Thamesis fluvii non longè à Greenvico observavit *Thomas Willisellus*: Nos quoque in Suffexia & in transmarinis non procul Francofurto ad Mœnum, ubi & olim Clusius, invenimus.

Sonchi arborescentis Tabernæ-montani icon huic equidem plantæ non convenit, & tamen tum Jo. Bauhinus, tum etiam Casparus frater Sonchum arborescentem *Taber.* Sonchi lævis altissimi *Clus.* synonymum faciunt.

Nos ergo horum autoritate inducti plantas illas specie convenire, & quicquid intercedit discriminis loco natali imputandum esse aliquando sensimus & scripsimus: verum insignis differentia in statura & magnitudine, & hujus quoque florum parvitas præ illius floribus, quamvis planta ipsa multò major sit, contrarium suadent. Eiusdem sententia est & *Tho. Johnsonus* in suo Gerardo emaculato; quem consule.



## CAP. III.

## De Hieracio Chondrilla dicto.

**C**hondrilla dicta est ἀπὸ τοῦ χόνδρῳ quod est grumus, mica, & ὄλλον, quod continere significat, quasi continens grumos, quos Mastichæ similes esse ait Dioscorides. In multis enim huius generis plantis in regionibus calidioribus concresecunt grumi fulvescentes in foliorum alis, inque ipsis caulibus.

Quæ autem hoc nomine ferantur plantæ, vel Lactucæ, vel Hieracii species esse videntur. Nec enim quæ succum exudant in grumos concresecentem ejusdem omnes generis sunt. Chondrilla cærulea ad Lactucam accedit, reliquæ ad Hieracium pertinent. Trinciarella & Hyoseris mascula Ger. insigni nota à reliquis Hieraciis differunt, quod extimus in flore petalorum circulus calycis quibus incumbunt folia longitudine vix excedit.

Cum Hieraciorum familia admodum numerosa sit, ut ordinem aliquem clarioris doctrinæ causâ in iis describendis servaremus, quæcunque à Botanicis quæcunque tandem ratione Chondrillæ dictæ sunt, præter eas quæ notis genericis cum Lactucis conveniunt, seorsim tradendas duximus. De prima tamen specie seu Chondrilla cærulea ob semen latum dubitamus annon Lactucæ potius species sit.

1. Chondrilla vel Chondrilla cærulea J. B. Chon. cærulea sive purpurea Park. cærulea Ger. cærulea altera Cichorei sylv. folio C. B.

J. B.

Caules erigit cubitales, teretes, læves, fungosâ medullâ refertos, ramis satis frequentibus brachiatis. Folia priora palmaria aut dodrantalia, laciniis ad Cichoreum accedentia, glabra & pænè glauca; superiora autem profundioribus laciniis incisa, levius etiam aliâ dissecta, glabra. In summis ramorum flores crebri, radiati, cærulei, ex calice longo, squamato, in quo semen nigrum longum, latum. Radix perennis, simplex, longa, digitali crassitudine, paucis fibris donata, foris tenui & nigro cortice vestita: intus candida, carnosa, tenera & admodum fragilis. Tota planta lacteo turgit liquore, & gustu dulcis est.

Nascitur in editis apricisque vineis & montibus, solum amans albicans, pingue & calcario lapidi mixtum, ut annotat Cordus. J. B. Nos eam inter Confluentes & Moguntiam, secus Rhenum flumen invenimus, & alibi in Germania.

Locus.

Chondrilla cærulea latifolia laciniata C. B. Park.

Non alia in re à præcedente differt quàm foliis brevioribus, latioribus & in profundiores laciniâs divisâ; unde nec specie diversam existimamus.

2. Chondrillæ affinis laciniata quædam an Trinciarella J. B? Crepis Dalechampi Lugd. Terra-crepola Monspelienfibus.

E radice alba aut nonnihil lutescente, simplici, paucis fibris donata, succo lacteo turgida caules exeunt plurimi (ad octodecim in una planta numeravimus) in latiori solo cubitales & longiores, teretes, læves & velut juncei, infirmi & vix se sustinentes, striati, glauca quadam farina obducti, folio unico insigniore ad primi ramuli egressum præditi, reliquis quæ ad reliquorum ramulorum exortum & propè summos caules sunt angustis, exiguis nullius notæ. Ramuli pauci sunt, & ad longa intervalla, ipsi tamen interdum subdivisi. Flores summos caules & ramulos terminant ut in congeneribus, parvi, lutei, ex numerosissimis flosculis angustis, frontatis, densè stipatis compositi. Quin petala extrema seu flosculi extimi circuli calycum foliola longitudine vix excedunt, quod vel singulare est in hoc genere, vel paucis commune. Flosculis delapsis semina cum maturuere, pappo satis denso & longo innascente, in sphericam superficiem explicantur, longa, angusta, rubentia. Folia è radice exeunt plurima, in orbem diffusa, angusta, longa, longiusculis utrinque laciniis, non tamen crebris velut dentata, raris pilis hirsuta ut glabra videantur. Annua est planta.

Plantam hanc J. Bauhinus & nos etiam circa Monspelium invenimus. D. Magnol in Indice plantarum circa Monspelium nascentium eam non distinguendam putat à Crepide Dalechampi Lugd. quam J. Bauhinus alio in loco proponit sub titulo Sonchis affinis Terracrepolæ: figuram autem quam adhibet vitiosam ex Lugdunensis non bona icone expressam existimat, cui & nos libenter assentimur.

Locus.

3. Chondrilla Sicula Tragopogonoides maritima Bocconi.

Radix huius plantæ candida, fragilis, digitalis pænè crassitudinis, altè in terram depactâ, superne in tres aut quatuor partes divisâ, ex qua Caulis oritur pedalis & altior, pluribus alis ramosis donatus, concavus. Folia Reflexâ divisurâ. Flos & semen ut in Chondrillis & cæteris Tragopogis.

In arenoso maris litore nascitur, in Catanæ, Agrigenti, Saccæ pastoralibus agris passim obvia.

Locus.

Cum plantam ipsi nondum vidimus, nec figuram seminis descripsit Autor, an hic eam rectè collocavimus nescimus.

4. Chondrilla

4. *Chondrilla folio non dissecto, caule nudo & foliato* J. B. *Gum-Succory with an undivided leaf.*

f. B.

*Radice* firmatur longâ, crassâ, lacteo succo turgente, in capita aliquot divisâ, *folia* emittente multa, palmaria & longiora, semunciam plus minus lata, Plantaginis tenuifoliae foliis similia, acuminata, glabra, crassa, Chondrilla cœruleae instar, ejusdem pene coloris. *Caules* frequentes, juncti, dodrantes sive pedales, glabri, fungosi, foliis plerumque nudi, nonnunquam foliati, in binos ramos ut plurimum diducuntur, quorum singulis flos infidet unus, magnus, luteus, in pappo effrœnescens, quibus semina adherent tenuia, longa, striata & ruffa.

Locus.

Ad radices montis *Salvæ*, & in arenosis ad fluvium *Arve* propè Genèvam observavimus. Invenimus etiam in Alpibus Carinthiacis quam hoc titulo donavimus: Verùm ut in planta sicca à D. Philippo Skippon asservata observamus, radices ei fibrosæ erant, & caules prætenues, ut jam specie diversam suspicer.

5. *Hieracium Chondrilla dictum incanum. An Chondrilla prior Dioscoridis legitima Clusii Park?*  
*Chondr. lutea* Ger? *Chondr. foliis Cichoraceis tomentosis* C. B.

Hujus semen Chondrilla legitima Clus. titulo ad me missum est ab ingeniosissimo Viro & peritissimo Botanico D. Hans. Sloane M. D.

E radice dum adhuc junior est alba, simplici, altè & rectâ in terram descendente, lacte turgida, raris fibris prædita, nunc simplex, nunc plures *cauhculi* exeunt cubitales aut etiam longiores, teretes, tenues, & vix se sustententes, tomento brevi, denso, candicante Gnaphalii in modum obfiti, ut est & tota planta, *foliis* ab imo ad summum usque per intervalla vestiti, non admodum crebris, alterno ordine positis, trës uncias longis, vix unam latis, ab angusto principio sensim dilatatis, circa margines utrinque raris & majusculis dentibus extantibus, ut in Hieracio flore magno Dentis Leonis, tomento molli candicante utrinque obfiti. [ Suprema in caulibus folia interdum ad margines aequalia sunt & in acutos mucrones exeunt. ] Sunt insuper Caules ramosi; inque summis caulibus & ramulis flores singulares antequam aperiuntur pro calyce simplici foliolorum angustorum, ob longorum vallo obfiti, ut sorum gemmæ striatæ videantur, aperti Hieracii minoris floribus similes sunt, coloris lutei. Semina ob æstatis frigus non maturuere in hortulo nostro.

Seriùs & sub Autumnum floruit apud nos.

Hæc planta longè diversa est ab Hedypnoide Monspeßulana sive Dente leonis Monspeßulano f. B. At neque Chondrilla prioris Diosc. legitima Clusii icon aut descriptio ei per omnia respondent; ut conferenti patebit: eandem tamen esse puto ob caules, folia, summitates incana & densa lanugine tomentoque obducta, qualia in nulla præterea Hieracii aut Chondrilla specie mihi hactenus videri contigit.

Foliorum alis, ut etiam ipsis ramulis (inquit Clusius) plerumque inhaerent grumi fulvescentes grami isthuc concreti.

Locus.

Invenitur Salmanticensi agro locis incultis & multis aliis Hispaniæ, Augusto florens vel etiam seriùs.

6. *Hedypnois Monspeßulana, sive Dens leonis Monspeßulanus* J. B. *An Hieracium foliis & floribus Dentis leonis bulbosi* Lob.

f. B.

Ex radice crassiuscula, longa, nigricante, raris fibris prædita, & summa parte in aliquot capita interdum divisa caulis surgit palmaris, culturâ etiam cubitalis & bicubitalis, crassiusculus, concavus, paulò supra radicem in ramos tres, quatuor, aut quinque divisus, quorum unusquisque *sternum* gerit unicum, magnum odoratum, Hedypnoidis nostratis flori similem, calice multò crassiore, pulchriore, piloso, è foliis multis latis uno ordine circumvallatum; floris folia extrinsecus rubescunt, cæteroque lutea; tandem is in pappos evanescit. *Folia* Cichorei foliorum instar divisa sunt, incana & densa lanugine tomentoque obducta. J. Bauhinus hanc habet pro Chondrilla prioris Diosc. legitima Clus. sed erroneè nostro quidem judicio.

Locus.

Nos circa Messanam Siciliæ, & Monspeßium copiosè provenientem observavimus.

7. *Chondrilla lactucacea Foro-Julienfis.*

*Radice* est simplici. *Folia* ad terram plura triuncialia, valdè angusta, uno vel altero dente hinc inde extante, ex angusto principio, ut in hoc genus solenne est, sensim dilatata, in acumen desinentia. *Caules* ab eadem radice plures, (quinque vel sex in planta nobis collecta observavimus) sesquipalmares aut semipedales, foliis nudi, summâ parte in ramulos & furculos multos divisi & subdivisi, quorum singulos terminant *flosculi* lutei, pro calice simplici foliolorum vallo cincti, ut capitula oblonga, angusta Lactucaceorum instar appareant. *Semina* quod ad formam attinet Lactucæis similia sunt, verùm non ità compressa, fulva, &, quantum in siccis discernere licuit, nonnihil aspera. Ad divaricationes caulium apponuntur foliola minima & angustissima; extremi etiam furculi sive petioli quibus flosculi infident tenuissimi sunt. Folia in sicca glabra videntur.

Locus.

In Foro-Julii invenimus viâ quæ ducit à Vinsona ad Venetias.



8. *Chondrilla Cretica nomine missa, semine crispo* J. B. *Hieracium majus Creticum* Park. *majus folio Sonchi, semine curvo* C. B. **Candy Hawkweed with crooked seed.**

J. B.

*Radix* *Dentis leonis*: *caules* spinulis horridi, variè nullòque ordine in alas divisi: *Folia* *Lactuce sylvestris*, prima & infima integra ferè; succedentia & superiora incisa, minus tamen quàm *Sonchi*: aliàs non dissimilibus incisuris. *Flores* *Sonchi*: *Semen* pulchrum incurvum, ex cervice denticulata in rostellum pulchrum desinens, per maturitatem rufum.

Brevis ævi planta, ante hyemem, imò antè Autumnum etiam perit. Floret Junio & Julio, & semen isdem mensibus maturat.

Huc referendus videtur *Sonchus asper laciniatus Creticus* C. B. nam & figura & descriptio conveniunt; adeoque C. Bauhinus perperam, ut aliàs saepe, ex una planta duas facit.

- \* 9. *Chondrilla altera Dioscoridis Rauwolfii* Clus.

Hanc Bauhinus uterque pro *Conyza marina* *Lugdunensis* historiarum habent, cujus historiam infra proponemus inter *Conyzas*. Mihi ( ut verum fatear ) descriptio *Rauwolfiana* non videtur convenire *Conyze* illi *marinæ Lugd.* ea autem, interprete Clusio, sic se habet:

*Radice* est levi, ex fusco flavescente, supernâ parte circiter minimum digitum crassâ, quinque vel etiam octo transversos digitos longâ, infimâ parte tenuiore, cui inhaeret rotunda alia radix, castaneæ magnitudine, lacteo succo adeò plena ut turgeat. Superna radices pars, quâ se in tres cauliculos dividit, multa habet oblonga, & graminis instar angusta folia, simul nascentia, ad terram valdè inclinata, inter quæ prodeunt *cauliculi* aliquot foliis onusti, è quorum alis longiusculi exeunt pediculi, singuli *florem* sustinentes, *Pilosellæ* majoris flori æqualem, flavum.

In arvis Halepo vicinis satis abundanter invenitur.

An hæc descriptio sit *Conyze marinæ Lugd.* an alterius cujusdam plantæ, Lectoris judicio submitto. Parkinsonus nobiscum sentit diversæ esse.

Locus.

#### C A P. IV.

##### De Hieracio Hyoseride aut Hypochæri.

**C**Ur Hyoseridis nomen huic generi tribuatur rationem non video. Notam tamen insignem qua ab aliis Hieraciis differt obtinet Hyoseris mascula *Gerardi*, nimirum quod petala floris extrema seu marginalia calycis folia longitudine non excedant, quæ an reliquis speciebus communis sit nescimus. Convenit tamen *Trinciæ* *Cordi* superius inter *Chondrillas* positæ, quæ idcirco rectius hic collocaretur.

1. *Hieracium minus Dentis leonis folio subsæpero* C. B. *Hier. asperum Hypochæris sive Porcellia* *di-*  
*gnum* Park. *Hypochæris sive Porcellia* Ger. **Swines Hawkweed.**

*Folia* huic multa è radice exeunt per terram sparsa, *Dentis leonis* foliis similia sed minora: è quorum medio *caules* exurgunt plures semipedales, tenues, subsæperi, aphylli, superius in ramulos aliquot divisi, *flores* sustinentes singulos, satis amplos, Hieracii. *Radix* parva, longa.

In quibusdam Baviaræ sylvis plantam hanc observavimus, ejus iconi apud *Tabernamont.* & Ger. Locus. simillimam.

- \* 2. *Hieracium minus Dentis leonis folio oblongo glabro* C. B. *Hieracii parva species, Hyoseris angustifolia aspera* J. B. **The lesser Swines Succory or Hawkweed.**

Exigua sed crassiuscula donatur radice, succisâ nonnihil ac si præmorfa esset, pluribus fibris ornata: foliis longis & angustis, hirsutis, in terra sparsis: caulibus duobus aut tribus, glabris è radice prodeuntibus, non multò plus palmum longis, versùs superiora ut plurimum in binas alas divisis, quarum extremitatibus infidet flos unicus, luteus, plenus, satis magnus. Tota planta amaricans est saporis. *Tabern.*

Lucus multum amat ( inquit ) frequens etiam in solo arenoso, gramineo & secus vias.

Magnitudine, foliorum angustia & caulibus minus ramosis à præcedente differt.

Locus.

3. *Hieracium minimum Clusii, Hyoseris Tabernamontani & Gerardi* Park. *Hier. minus folio subrotundo* C. B. *Hyoseris mascula* Ger. **Small Swines Succory or Hawkweed.**

*Radix* quam eruimus alba erat, simplex, altè in terram descendens, paucis fibris donata. *Folia* è radice exeunt multa, bellidis ferè sed paulò longiora & serrata aut dentata; sive ex angusto principio paulatim dilatata, apicibus subrotundis; subglauca, lanugine adeò brevi obducta ut negligentius intuenti glabra videantur. *Caules* ex eadem radice emergunt in foliorum medio plures [ interdum unicus ] nudi, propè terram rubentes, versùs summum ramosi, ramis juxta exortum rubentibus, ad quos exigua quedam foliorum rudimenta cauli adnascuntur. *Caules* omnes, contra ferè quàm in aliis plantis, extruberant versùs capitula, crassioresque fiunt & tandem fistulosi, cum inflo-

rius solidi fuerint; singuli singula capitula globosa sustinentes, ex quibus flores parvi, lutei, flosculis brevibus, calicibus vix productioribus compositi.

Locus.

Provenit inter segetes locis parum arenosis & terra friabili, ut rectè Clusius.

4. *Hieracium parvum Creticum* Park. Clus. minus flore ex albo carneo C. B. *Small Patkweed* Candy.

Clus.

Elegans est plantula cujus sena aut plura folia summa tellure diffunduntur, quâ parte radici adherent angustiora, extrema parte latiora, per ambitum incisa, medio nervo purpurascens: inter quæ nascuntur bini aut terni cauliculi, circiter pedem alti, enodes, præterquam suprema ferè parte ubi in binos ramos dividuntur, subnascantibus parvis foliis valde incis. Flores in extremis fastigiis nascuntur, satis grandes pro plantæ proportionem, ex multis foliolis sibi invicem incumbentibus constantes, supernâ parte prorsus albis, subtus carnei (si ita appellare licet) coloris. Radix est singularis, oblongiuscula, supernè crassior, deinde paulatim ad infimum usque gracilescens, aliquot lateralibus fibris donata, instar radices Cichorei sylvestris.

## CAP. V.

### De Hieracio simpliciter dicto.

**H**ieracium *ἱεράειον* i. e. Accipitrina eò dicitur quoniam Accipitres scalpendo eam, succoque oculos tingendo obscuritatem cum sensere discutiant. Plin. lib. 20. cap. 7. vel propterea fortè quòd pappi ejus Accipitrarius utiles sunt ad vomitum Accipitribus ciendum.

Hieracium à Soncho differt caulibus gracilioribus, nec adeò teneris & fistulosis; seminibus longioribus, non compressis sed teretiusculis aut angulosis. Quæ Chondrilla nominis feruntur plantæ, vel ad Lactucæ, vel ad Hieracii genera pertinent.

Pulmonaria Gallorum, cui congener est Hieracium arborescens, à reliquis Hieraciis seminibus parvis nigris differt.

Pilosella seu Auricula muris seminibus parvis nigris cum Pulmonaria Gallica convenit; flagellis reptatricibus, & caulium foliorumque pilis rarioribus rigidiusculis, ab eadem & à reliquis Hieraciis differt.

A. 1. *Hieracium minus præmorsa radice, sive Fuchsis* J. B. *Hier. Chondrilla folio glabro, radice incisa majus* C. B. *minus præmorsa radice* Park. *Patkweed with bitter roots; Yellow Devils bit.*

Radix ima parte plurimum præmorsa, fibris plurimis albis, alimentum haurit. Folia ad radicem plurima, longa, angusta, utrinque laciniata laciniis longis angustis acutis, in mucrones prælongos acutos desinentia, alias hirsuta & pilosa, præcipuè circa costam mediam, alias propemodum glabra, hilari interdum virore splendentia, nervo medio albo. Inter hæc caules emergunt plures, à terram primò reclinati, deinde flexu arcuato paulatim se erigentes, cubitum aut sesquicubitum longi, striati, inanes, ramosi. Caulium & ramorum summitatibus flores innascuntur benè multi, petalis longis, lutei, foliosi, è calice oblongo, modicè squamato, hirsuto. Ad primam divaricationem apponitur folium iis quæ ad radicem simile, ad superiores caulis & ramulorum divaricationes minora, angusta & oblonga: quin & summi caules & ramuli seu mavis florum pediculi quibusdam foliolis seu foliorum rudimentis vestiuntur. Semen pappo adhærente alatum.

Locus.

In pascuis frequens Julio & Augusto mensibus floret.

Hieracium foliis & facie Chondrilla Lob. Chondrilla folio hirsutum C. B. item Hierac. Chondr.

A. 2. *Hieracium longius radiculatum* Ger. emac. Park. *Hier. Dentis leonis folio obtuso majus* C. B. *macrocaulon junceum, sive minus primum Dodonæi* J. B. *Long-rooted Patkweed.*

Ex radice crassa, alba, simplici, succo lacteo amaro turgidâ, altè in terram descendente, caules ex eunt cubitales & altiores, complures, angulosi, atrovirentes, concavi, in ramos aliquot divisi, ima parte raris pilis hirsuti, supernè glabri, rudimentis potiùs foliorum quàm foliis vestiti. Flores summo cauli & singulis furculis insident singuli, Hedynoidis, lutei, è squarroso & glabro capitulo emicantes, pluribus flosculis arctè stipatis compositi, quorum singuli singulis insident seminibus longis, tenuibus, ruffis, quibus in longos & tenues mucrones productis adnascuntur umbellulæ pappolæ, quâ notâ à reliquis sui generis faciliùs & certius distinguitur, quàm aliâ quâcunque. Folia pleraque omnia ex radice statim orta per terram sparguntur, utrinque laciniata, hirsuta, in obtusum mucronem desinentia, tenera, lanugine breviorè quàm Hieraci Dentis leonis flore singulari.

Junio, Julio & per totam æstatem floret, in pascuis ubique.



3. *Hieracium villosum Sonchus lanatus Dalechampia dictum. Sonchus lanatus Dalechampii J. B. Son. villosus luteus major C. B. Park. Woolly Hawkweed.*

¶ B.

In cubitalem altitudinem & ampliorem excrefcit, foliis per caulem craffiusculum, pilosumque fortuito dispositis, duarum triumve unciarum longitudine, culmi latitudine, nonnihil sinuatis & subinde veluti corosis, ad Cyani folia nonnihil accedentibus, nervo unico secundum longitudinem excurrente, tomentosis, nullo pediculo nixis, ad quorum radices ramuli enascuntur. Superior pars caulis ramosior in plurimos furculos molli lanugine obfitos divaricatur; flores gerens aureos Erigerontis, tandem in pappum fatifcentes, calicibus circumdatos tomento delicato & molli pubescentibus. Radice nititur satis crassa & longa, non multum fibrosa. Planta sicca nonnihil amara.

Circa Messanam Siciliæ, & Monspelium Gallie Narbonensis plurimum sponte ortum observatum. Locum.

Tota planta (inquit J. Bauhinus) lacteo succo turget Cichorei modo, gustuque amaro prædita est, sed minus quam reliqua Cichorea, quorum & facultates obtinet, licet imbecilliores.

4. *Sonchus villosus luteus minor C. B. Park. rectius, Hieracium tomentosum minus. The lesser woolly Hawkweed.*

Ex radice rufa, longiuscula, fibris carente cauliculi bini, terni, rotundi, nonnihil villosi palmum superantes, & in summo in ramulos binos ternosve divisi prodeunt; folia pauca ad radicem, uncias quatuor longa, sed angustissima, laciniis late à se distantibus & lævibus divisa, quæ circa caulem strictissima & uncialia: Flores in summis ramulis intense aurei, ex parvis capitulis suavi tomento villosis prodeuntes, in pappum abeunt. Tota planta leviter tomentosa est.

Monspelii in luco Gramuntio provenit.

Descriptio est C. Bauhini in Prodomo. Hujus etiam J. Bauhinus verbo meminit in prioris descriptione; interdum, inquiens, hæc planta palmaris est, foliis minoribus, laciniatis. Locum.

Circa Messanam Siciliæ metropolin alteram Sonchi lanati speciem à lanato Dalechampii diversam invenimus, foliis tamen (quantum memini) minimè laciniatis.

5. *Hieracium Apulum suave-rubente flore Col. Dentis leonis folio, flore suave-rubente C. B. Hawkweed of Apulia with a fleshy-coloured or red flower.*

Radice nititur simplici, alba, rectè descendente, paucis fibris donata, succo lacteo turgida. Folia in orbem spargit, ut congeneres, brevi lanugine utrinque hirsuta, ima seu primò erumpentia ferè integra, paucis denticulis donata, ab angusto principio in obtusum mucronem sensim dilatata, posteriora & quæ in caulibus existunt profundioribus laciniis Cichorei aut Dentis leonis specie incisa.

Caulis ab eadem radice emergunt plures, dodrantes aut pedales, tennes, striati, solidi, rigidiusculi, raris pilis obfiti, foliis ad intervalla majora vestiti alternatim positos, è quorum sinubus ramuli exeunt. Flores in summis caulibus & ramulis, antequam aperiuntur deorsum nutant, Aquilegiæ florum in modum, è calice squamoso, suave-rubentes, satis grandes: quibus marcescentibus, capitula lanugine albâ, longâ, supra calicem eminente pubescunt. Semen longum, angustum & tenue, rufum. Odor totius plantæ ad castoreum quodammodo accedit aut opium.

Loco natali Aprili mense floret, seriùs apud nos; natalem autem locum titulus indicat.

Huic affine est & ut puto, idem, *Hieracium intybaceum floribus ex purpura rubentibus C. B. intybaceum X. Clus. hist. intybaceum flore carneo Park.*

Quod ex singulari radice statim multa promit folia, Cichoreo sylvestri similia, Erucæ modo in lateribus divisa & velut erosa: deinde inter illa multos breves cauliculos, minoribus foliis, minùsque incisis cinctos, & in frequentes ramulos divisos, dodrantes aut longiores, nudos, summo fastigio sustinentes calicem seu capitulum septem aut octo squamis hirsutis constans, è quo flos exit denis aut duodenis foliis exterioribus, totidem internis minoribus præditus, coloris elegantis ex purpura rubentis, cui succedit pappus, in quo oblongum & gracile semen fuscum.

Annua videtur planta, subinde tamen novos flores proferens, ut tota æstate, imò etiam in medium usque Autumnum florida conspecta sit.

Hæc descriptio Clusiana in omnibus ferè convenit nostro Hieracio flore carneo; ut minimè dubium sit eandem plantam fuisse Hieracium isthoc Clusii cum nobis descripto, ut rectè judicat Parkinsonus noster. Quin & locus convenit, nam planta Clusiana nata est semine ex Italia misso; quocirca C. Bauhinus perperam eas distinguit & diversas facit.

Huic insuper, descriptiones ejus apud Bauhinum utrumque attentè legenti & consideranti, omnino eadem esse videtur.

*Cbondrilla purpurascens fetida C. B. Park. hirsuta rubente flore J. B. cujus descriptionem subjicimus.*

¶ B.

Plures ex eadem radice simplice, albâ, durâ, fibris donata, lac fundente caules attolluntur, pedales & cubitales, solidi, lactiflui, tennes, striati, singularibus foliis donati, quorum singulis singuli infident flores, monocloni, colore ex albo purpurascente, densè foliis per extremam oram crenatis stipati, ex calice thorulis hirsutis canaliculato, cui ad basin haud secus atque in Hedypnoide prominu-

la apposita folia eaque glabra: Ea porro florum subinde est præmatura fecunditas, ut vix semina calem longitudinem affecti caulium rudimentis jam tum capitula florum præludia innascentia. Folia vel à radice statim, vel ab imo caule per terram sparguntur [nam in caule reliquo rario sunt] Hedypnoidis laciniis, quibus magnitudine tamen cedunt, utrinque hirsuta, odore gravi, succedunt semina longa tenuia cum pappo.

Vide sis descriptionem hujus & figuram apud C. Bauhinum in Prodromo.

Unde apparet C. Bauhinum ex una planta tres facere.

A. 6. *Hieracium Castorei odore Monspelienstum. Hier. minus Cichorei vel potius Stæbes folio bifidum Cat. Cant. Rough Hawkweed with the scent of Castor.*

Ex radice simplici, lignosa, alba, caules exurgunt plures, ramosi, hirsuti, semipedales aut altiores. Folia ei angusta, hirsuta, laciniata, Stæbes & Salamantica prima Clusii, sed longè minora, in acutum mucronem desinentia: Flores lutei parvi, citò marcescentes, quibus delapsis, calicibus conniventibus, capitula in ventrem canaliculatum turgescunt, papposam lanuginem nitidam è summitate prominentem ostentantes, quæ in re Hieracium flore carneo æmulantur. Tota etiam planta non obscurum Castorei odorem spirat, quemadmodum & illa.

An Hieracium Amygdalas amaras olens, five odore Apuli suave-rubentis Cat. Paris.

Locus.

In pascuis non procul Cantabrigia primum invenimus, postea aliis in locis. Monspelii, ubi etiam sponte provenit, nobis ostensa fuit hæc species sub titulo Hieracii Castorei odore; sub quo etiam in Indice plantarum circa Monspelium nascentium à D. Magnol depingitur & describitur.

\* 7. *Hieracium medio-nigrum Beticum Park.*

Park.

Quatuor aut quinque parva, oblonga, angusta, glabra è viridi albicantia, in terram resupina emittit folia, minùs profundò laciniata, mediâ costâ albicante: inter quæ cauliculus exurgit, plerumque unicus, ex viridi albicans, striatus, ramosus, sesquipedali altitudine, foliis paucis, minoribus ad nodos seu divaricationes vestitus, denticulis paucis aut nullis incisus. Summis caulibus & ramulis insident flores, singuli singulis, Hieracii, parvi, densò multiplicum flosculorum stipatu constantes, colore pallido cum macula in medio atro-purpureâ; quibus succedunt semina parva, leucophæa, lanugine brevi barbata. Radix lignosa, annua.

Locus.

Hujus semina ex Hispania attulit Boelius.

Datur & alia hujus species omnibus partibus triplo minor, aliàs similis.

Hæc planta insigni notâ, maculâ, nigro-purpureâ in medio flore ab aliis omnibus Hieraciiis facili distinguitur.

8. *Hieracium calice barbato Col. falcatum barbatum Park. proliferum falcatum C. B.*

Col.

Huic floris calix oblongus, squamulis five foliolis oblongis, tenuibus & incurvis, ut hirsutus seu barbatus undique videatur. Flos verò pallidus Maio mense oblongus, nec satis hians & latus. Folia parva, triunciali longitudine, angusta admodum, raris denticulis serrata, mollia, nec lævia, nec hirsuta. Caulis tenuis est, pedalis, duobus tribusve foliolis hærentibus alternatim ornatus, & in summo florem, & ex illius latere soboles emittit, in quibus alii flores altius emergunt Impæ vulgaris modo.

Locus.

Locus Australibus in maritimis ferè provenit juxta oppidum dictum Torre del Annunciata non longè à Stabii ruinis in Vesuvii radice. Circa Messanam & Monspelium frequentem observavimus. Hujus descriptionem pleniorẽ vide sis in C. Bauhini Prodromo.

Varietas.

Hujus speciem minorem ibidem describit C. Bauhinus, quam Hieracium minimum falcatum appellat, quæ in paucis à præcedente præterquam parvitate differt. In arenoso maris litore non longè Monspelio.

\* 9. *Hieracium alterum lævis minimum Col.*

Col.

Nudus ferè huic caulis est, pedalis ad summum, tenuis admodum: Radix exigua, parùm fibrosa. Foliola emittit vere, in terram strata, circa radice caput exigua, oblonga, nec unciam longitudine superantia, sinuosa atque lanugine quadam hirsuta, locis verò pinguioribus triunciali longitudine, & semiunciam lata: cui plantæ (ob humoris abundantiam putamus) caulem in medio stipite extuberantem monstrosum in multis observavimus. Exiguus ac vix conspicuis alis alternatim vestitur, ut nudus ferè appareat, singularis plerumque; sed aliquando binos etiam caules deinde observavimus. Florem in summo profert luteum Senecionis, calice squamoso, lævi, oblongo, quo senescente in globum papposum semen oblongum, fulvescens efformatur, atque perfectum, ut in congeneribus avolat.

Maiο mense floret. Cum superiore invenimus unâ.



- A. 10. *Hieracium echinoides capitulis Cardui benedicti* C. B. *Hier. capitulis Cardui benedicti maximum*, *Buglossum echinoides quibusdam* J. B. *Buglossum luteum* Ger. *Buglossum luteum sive Lingua bovis* Par. parad. Lang de boeuf.

7. B.

Multifida radice nititur, crassitudine digitali, albâ, lac amarum fundente, annua. Caulis bicubitalis radice crassitiem æquat, striatus, rubens, densissimis spinis, acutis, rigidis, sed faciliè caulem relinquentibus horrens, succum itidem lacteum è vulnere fundens, ramis compluribus brachiatus. Folia Buglossæ, sinuosa, longa, multò magis spinis minacibus horrida. Flores Hieracii crocantes, in pappos facessentes, è calice thorulis hispidis canaliculato. Semen oblongum fulvum aut subrufum. Annua est planta, seipsam refeminans; floret Junio & Julio.

Ad agrorum margines inque sepium aggeribus, non rarò & in cædis sylvis sponte oritur. Locus.

Usurpatur pro olere in cibo: Ventrem mollire creditur.

- 11. *Hieracium Echinoides capitulis Cardui benedicti majus Arabicum folio sinuato* Hort. Edinburg.

Hanc speciem nobis nondum videre contigit.

- A. 12. *Hieracium asperum majori flore in agrorum limitibus* J. B. *Cichoreum pratense luteum asperum* Park. *Cich. prat. lut. hirsutæ asperum*, vel *Hieracium hirsutum foliis caulem ambientibus* C. B. & *Cich. montanum angustifolium hirsutæ asperum ejusdem ex sententia* J. B. *fratris*. *Hier. asperum* Ger. *Rough Hawkweed with a large flower*, *pellow Succop.*

7. B.

Satis crassæ radices, multifidæ, compluribus fibris donatæ, colore ad buxum inclinante, lac fundentes amaro sapore, verum non insigni præditum. Caules ex eadem radice multi surgunt, teretes, striati, rigidis pilis asperi, ramosi, lacteum succum manantes, cubitales & altiores. Folia inferiora quidem duos interdum palmos longa, sesquiunciam lata, acuminata, primùm atrovirentia, post de coloris intentione nonnihil remittentia, hispida, acuminata, sinuata per margines, & aliquantulum crispa; superiora verò alternatim caulibus adherent, minora, acutiora cæteròqui similia: Sapor utrisque subamarus. Flores suis singuli pediculis, modò longis, modò brevibus, posteriores prioribus, ut in Impia Plinii, altioribus infident, Tussilaginis floribus pares, lutei. Foliola exteriora majora, crenata, ex capitulo è longis foliolis multis squammato, subaspero, quod delapsis floribus in ventrem canaliculatum turgescit, semen claudens lanugine oblitum.

Cum Hieracio capitulis Card. benedicti multa communia habet.

In agrorum marginibus, inque asperis collibus secus agros & vineas provenit. 7. B. Julio, Aug. Locus & Tempus.

gusto, Septembri & Octobri mensibus florens.

- 13. *Hieracium montanum majus latifolium* J. B. *latifolium montanum* Ger. *emac. montanum latifolium glabrum majus* C. B. Park. *Great broad-leaved mountain Hawkweed*.

J. B.

Radice nititur brevi, nigro-incana, succifâ, digitum minorem crassitudine æquante, fibris multis albis, in extremitate bifurcatis donatâ, lacte prægnante saporis multum amari: Foliis longis, latis, crispis, ex albo incanis, rigida lanugine obductis, Hieracii echinoidis foliis in modum effigiatis, sed duplo latioribus, brevi petiolo hærentibus, caulem amplectentibus, præsertim superioribus, acuminatis. Inter folia ad finem Augusti procedit caulis rotundus, asper, pilosus, spithamam unam & mediam longus, quandoque in duas aut tres alas divisus, in quibus capitula crassa exoriuntur, multis foliolis constantia; florem producentia luteum, plenum, qui, ceu alii hujus generis, in floccum abit, ac una cum semine nigro ventis dispergitur. Tota planta lacte turget.

Harcyniæ summis montibus incola.

Locus.

- 14. *Hieracium montanum latifolium minus* Ger. *montan. latif. glabrum minus* Park. C. B. *latifolium glabrum ex valle Griesbachiana* J. B. *The lesser broad-leaved mountain Hawkweed*.

7. B.

Priorem hæc æmulatur, licet radix minor sit, & folia angustiora & paulò breviora, inferiora etiam longiore prædita sunt pediculo, cætera verò pediculo carent, caulem amplectentia, ad exortum angustiora quàm prioris, tenera, mollia. Caulis abit in quinque, sex aut septem staminula, quibus singulis floris infidet unicus, luteus, præcedentis floribus par sed paulò minor. Tota planta amara est.

Hanc observavit J. Bauhinus in valle Griesbachiana Maio florentem ut & Tabern. Descriptio. Locus.

In Catalogo Horti medici Leydenfis invenio *Hieracium montanum latifolium glabrum non descriptum*.

15. *Hieracium montanum alterum* *ἡσίομα καὶ ἡσίομα* Col. *montanum hirsutum minus* C. B. *Mountain Hawkweed with long slender stalks, and small flowers.*

Col.

E tenui, brevi, fibrosa, parum flavicante radice pauca promit *folia* secus terram magna & longa Hieracio aut Seridi similia, hirsuta, mollia & quæ facili citoque marcescunt. *Caulem* quidem Junio & Julio mense, tenuem [propè terram tamen satis crassum] admodum longum, hominis staturam æquantem, ex viridi lutescentem, hirsutie albertem, asperiusculum, lactescentemque, alternatis in semipedalibus distantis hærentibus *foliis*, absque petiolo ut in congeneribus, latiore origine eum amplexantibus, summâ parte in longas alas pluresque fissum, in multos se tenues longosque petiolos dividentes, in quibus oblongi calices foliolis densè constructi superstant, & in illis *flores* emittunt lutei, admodum parvi, sed Hieracii æmuli & similia, congenerisque plantæ Dodonæo Lamp. sana dicti. *Semen* parvum, nigrum papposum. Tota planta lacte turget, nonnihil tunc amaro sapore visa.

Locus.

Hujus ortus in sepibus Æquicolorum villæ Mercato dictæ, nec ibi multa.

Postquam semen dederit radicitus exarescit: ex semine autem deciduo novæ plantulæ Autumno exoriuntur, quæ per totam hyemem durant.

C. Bauhinus Hieracium mont. hirsutum minus appellat, cum tamen planta sit satis grandis & procera.

Varietas Semine citrino.

Ejus plantæ quam nos è semine hoc titulo misso ortam in horto nostro colimus caules summi vel glabri sunt, vel adeo brevi lanugine hirsuti ut glabri videantur, striati, concavi: Flores exigui, pallide flavi, antequam aperiantur oblongo & veluti columnari calice è simplici palorum ordine composito, Senecionis floribus similes apparent: ad calicis basin unus squamarum acutarum ordo. Delapso flore calices in ventrem turgent. Semen non nigrum ut in planta F. Columnæ descripta, sed citrinum est.

- A. 16. *Hieracium luteum glabrum seu minus hirsutum* J. B. *Cichoreum pratense luteum* Lævin C. B. Park.

Radice nititur crassâ, simplici, pluribus fibris donata. *Folia* ad radicem plurima, profundè laciniata, glabra, adeo Cichoraceis similia ut distinguere sit difficile: Caulis nunc unus nunc plures majores & firmiores quàm in alia quavis Hieracii specie nobis cognita, canaliculati, inanes, cubitalis aut bicubitalis, rubentes, propè summities in ramos aliquot divisi. Ad singulorum autem ramulorum exortum apponitur folium iis quæ ad radicem simile. Flores pediculis singuli donati, Lamp. sanae florum forma, nonnihil majores, similiter lutei ex capitulo caniculato hirsuto, qui in pappo abeunt: Semen relinquitur minutum, striatum, fuscum.

Hujus flores, capitula, & semina omnium quæ in Anglia sponte proveniunt Hieraciorum minima sunt, si Hyoserim excipias, caulis autem major & firmior reliquis.

Locus.

In pascuis frequens occurrit, & æstate floret.

- \* 17. *Hieracium pulchrum* J. B. Cat. Monsp.

J. B.

Ad Dentem leonis laciniis, & Cichorium Sylvestre accedunt hujus *folia* formâ & hirsutie, prima verò minus laciniata, alia alternatim per caulem, at saporem nullum manifestum gustanti offerunt, quoque altiora eò minorâ redduntur: Caulis unicus, rectus, striatus, hirsutus cubitalis, folia alternatim orientibus amictus, quæ sine pediculo latam habent basin cum alis. Flores in cacumine numerosi, ex pediculis propriis Hieracii similes, lutei, in pappos facessentes. Radix non magna cum fibris aliquot crassiusculis.

Locus.

Monspeli vidimus florens Maio, inquit J. Bauhinus. D. Magnol copiosum invenit in humidis sctorum & vinearum fossis tota æstate cum flore. Nobis nec ibi, nec alibi apparuit: nec mirum, siquidem Autumno duntaxat & hyeme Monspeli commorabamur.

- \* 18. *Hieracium pulchrum ramosum Sprengerianum* J. B.

J. B.

Caule est sesquicubitali & altiore, piloso, ramulis alterno situ ex longa distantia brachiato, ad quorum alas hærent infernè quidem ex principio angusto longa ac dodrantalia ferè *folia*, fescunciam lata, profundis & amplis incisuris ordine quodam serrata ac pænè laciniata, nervo insigni per medium excurrente: superne verò *folia* breviora, lato principio & velut alis caulem amplectuntur Perfoliatæ instar. Flores in summitatibus lutei, quales in Hieraciis, in singulis ramis quini, seu plus minus, qui temporis progressu in pappos facessunt. Tota planta pilosâ, potissimum in ramis, in quibus pili longiores.

Ex ficca planta descripsit Autor, eaque non perfecta.

- \* 19. *Cichorium dulce Neapolitanum* Park. *Senecio latifolius leviter hirsutus* C. B. rectius Hieracium dulce Cichorii *foliis*. Sweet Hawkweed with Succory leaves.

Col.

A radice longa, nigro cortice obductâ, intus albâ, & lacte disruptâ manante dulci, frequens toto anno regerminat. *Folia* illi Cichoracea, minus profundè incisa, pulposa, carnosiora cæteris congeneribus, nec aspera, sed leni obducta hirsutie, colore obscurè virentia. *Caulem* veris fine producit, bipedali



bipedali & aliquando majori altitudine, rotundum, solidum, hirsutum, colore candicantem, ramulis in summo brachiatum; in quibus *folia lata*, magis profundè incisa sine petiolo hærent, similia illis Sonchi & Cichorii vesicarii dicti. In summo in oblongis hirsutis calicibus Hieracio aut Soncho similes sed hilari aureo luteo colore flores edit; quibus marcescentibus copioso semine turgidi remanent calices oblongi, colore obscure rufescente, atque pappum candidum, tenuem mollem habente quò maturitatem adepto avolat, ut congeneribus evenit. Æstate perficitur.

In umbrosis vallium saxosis & Septentrionalibus locis Valvensium frequens est.

Sylvestris Cichorii figuram foliis repræsentat & habitu plantæ: gustu verò est adeò amaroris expertus, ut omnino dulcis palato sentiatur.

Locus.

20. *Hieracium latifolium montanum Genevensè folio Conyze majoris Monspeulanæ. J. B.*

*Caules* edit plures, cubitales ac etiam majores, cavi, crassos, hirsutos, qui superius in aliquot breves ramulos divisi, *flores* gerunt luteos, magnos, Hieracii capitulis asperis pares; tandem in pappos evanescentes: *folia* infima Conyze Monspeulanæ majoris foliis paria, palmari circiter longitudine, unciam lata, sinuata nonnihil, & quasi ferrata, per caulem alternatim sunt disposita, caulem modicè amplectentia, hirsuta potissimum parte inferiore, minùs tamen aspera quàm Hieracium asperum. *Radices* fibrosæ, crassiusculæ, nigricantes & crassis capitibus.

In ascensu montis Furæ prope Thuri hanc plantam invenimus spontaneam. Suspiciatur J. Baubinus Locus. hanc traditam à Clusio pro Hier. Britannico: Nobis aliter videtur.

A. 21. *Hieracium montanum Cichorei foliis nostras. An Hieracium Britannicum Clusii? Hier. Alpin. asperum Conyze facie C. B? Succory-leaved Mountain Hattweed.*

*Radices* habet fibrosas vivaces; *caulem* sesquicubitalem & altiorem, angulosum seu striatum, glabrum, inanem, non admodum firmum, *foliis* vestitum per intervalla quinque vel sex, glabris, circa margines dentatis, basi sua caulem amplexantibus, ad Pulmonariæ Gallorum folia accedentibus. *Folia* inferiora & ad radicem longiora sunt, & circa margines profundius incisa, Dentis leonis aut Cichorei foliorum æmula.

In summitate caulis, Pulmonariæ dictæ modo, *flores* complures gerit Pulmonariæ, quorum calices pilis longiusculis fuscis hirsuti sunt. *Semina* subrussa.

In montosis Septentrionalibus Angliæ, locis udis & humectis, præsertim sylvestris oritur.

Locus.

Descriptio *Hieracii Britannici* apud Clusiam in plerisque cum nostra convenit, nisi quòd semen longiusculum, striatum candicans faciat, quod nobis subruffum: verùm hæc differentia non est tanti ut diversas plantas credam: præsertim cum quas ille vidit stirpes Londini in hortis Richi & H. Morgani Pharmacopœorum (qui Cichoreum montanum nuncupabant) ex Borealibus Britannia regionibus, ubi sponte creverunt, delatæ fuerint.

*Hieracium Cichoroides vesicarium nobis.*

22. *Cichorium sylvestre vesicarium pratense Col. pratense vesicarium Park. pratense, hirsutum vesicarium C. B. Bladder-Succory.*

Col.

*Folia* habet virentia, splendida parùm lævia, tenera, mollia, Cichorii magnitudine, divisurâ & colore; [variat quidem iisdem locis, *foliis* aliquando latoribus & hirsutis asperioribus & minùs profundè divisis per ambitum] petiolis circa radicem & caulem rubentibus: *Radicem* parvam, longam, crassiusculam, nigrescentem, intus lactescantem. Martio mense *foliis* invenitur in orbem expansis, in medio umbilico vesicâ, regie nucis magnitudine, molli, tenui membranâ obducta, intus membranosis folliculis habente: Hi caule se perficiente dehiscunt in alas & flores membranosis conceptaculis expanduntur. *Caulis* est striatus, crassus, alper, nigricante hirsutie, cavi, rotundus, alternatim foliis hærentibus cinctus; circa summum latoribus, brevioribusque minùs profundè incisis, atque folliculi modo alas cum vesicis etiam amplectentibus in caulis summo: in quibus è foliacea, membranulæ modo tenui basi, sex foliolis cavis constructa, quæ antequam flores pandantur illos botrorum modo inclusos habet, *flores* emicant, longis calycibus Hieracii modo lutescentibus foliolis, infernè purpurantibus Eranthemii modo, intus multis coacervatis staminibus exuberantem umbonem conficientibus, quæ tandem perficientibus se papposis seminibus evanescent, ipsaque semina perfecta evolant. Tota lacte turget amaro, atque in Apuliæ Cirinola in caule conerescit: usu pro Cichorio usurpatur, sapore simili.

Nos hanc plantam in sepibus & agrorum marginibus non longè à Liburno portu in Etruria copiosam sponte provenientem observavimus, Junio mense.

Si flosculi coacervati umbonem medium conficientes planifolii non sunt, sed breves margine in aliquot segmenta divisi, ut in Corymbiferis dictis, anomala & sui generis planta est, papposa quidem & lactescens, non tamen flore planifolio, naturâ pleno. Ego (quod dolet) florem non observavi; & forte nondum floruerat cum eam primum inveni, nec enim bene recorder.

CAP.

## CAP. VI.

*Hieracia quedam complectens C. Bauhino in Prodromo descripta, nec nobis visa, nec alijs ante eum (quod scimus) Botanici tradita.*

**H**orum nonnulla à P. Magnol M.D. Monspelienfi circa Monspelium inventa descripta & delineata sunt, in Botanico suo Monspelienfi.

- \* 1. *Hieracium minus glabrum* C. B. prod. Park. **Small Hawkweed with smooth shining leaves.**

Ex radice albicante, oblonga, tenui, cauliculi palmares, rarius pedales, tenues, læves, virentes, in alas divisi exurgunt. Folia habet pauca, ex virore splendentia, oblonga, angusta, raris lacinijs prædita, quorum quædam basi latiore, & alata, cauliculum amplexantur. Floribus est minoribus quàm in ulla specie, aureis, quorum singuli singulis pedicellis unciam superantibus insident, & aliorum more in pappos abeunt. Apud nos circa autumnum florer. In agris reperitur.

- \* 2. *Hieracium Dentis leonis folio, floribus parvis* C. B. prod. Park.

Ex radice parva, lignosa, fibrosa, capillacea & albicante, caulis pedalis, rotundus, aliquantum hirsutus exurgit, quem ad radicem folia pauca, subaspera, corrola, acuminata, uncias tres longa, semunciam lata cingunt: In caule ad ejus medietatem pauca, solum dentata, eumque basi sua complectentia: cujus summo flosculi plures lutei pedicellis brevissimis insident.

Hoc in Gallia Narbonensi circa Massiliam reperitur.

Locus.

- \* 3. *Hieracium Dentis leonis folio bulbosum* C. B. prod. Park.

Radix ex aliquot oblongis quasi Asphodeli bulbis composita, de se mittit caulem cubito altorem, nudum, lævem, striatum, circa medium in ramos pedales, (unum vel alterum) divinum, quorum quilibet florem parvum, sublavum sustinet. Folia ad radicem per terram sparsa Dentis leonis similiter sinuata & corrola, inferne molli lanugine pubescentia, supernè subaspera, unciam latæ, tres longa.

Monspelio delatum fuit.

In herbidis pratorum & satorum marginibus circa Laterum invenit D. Magnol. cui pro hoc maxime placet figura Hieracii intybaei Tab.

Locus.

- \* 4. *Hieracium tomentosum Hispanicum* C. B. prod. Park.

Tota planta mollis est, incana, tomentosa, radicem habens cortice rufescente tectum: caulis palmarem, rotundum, incanum: folia ad radicem oblongis pediculis donata, uncias tres quatuor longa, semunciam lata, mollia, crassiuscula, ad formam foliorum Dentis leonis vulgaris sinuata: quæ in caule angustiora, minusque profunde sinuata. Cauliculi summo flores bini ternive lutei brevissimis pedicellis insident, quorum singuli ex eleganti calice hirsuto, in plures apices diviso emicant. In aridis & saxosis Aragoniæ provenit.

Locus.

- \* 5. *Hieracium maximum asperum Chondrilla folio* C. B. prod. Park.

Caule est sesquicubitali, crasso, rotundo, inæquali, striato & aspero, in summo in ramos semipalmares brachiato, quorum singuli singulos flores luteos sustinent. Folia habet pauca, alternatim caulem ambientia, Chondrillæ modo in lacinijs divisa, uncias tres longa, & hirsutæ aspera. Monspelii in asperis, quæ loca Garigues vocant provenit.

Locus.

- \* 6. *Hieracium Alpinum angustissimo oblongoque folio* C. B. prod.

Ad radicem duriusculam rufescentem folia plura graminea, palmo longiora, glabra, atrovirentia observantur; inter quæ caulis cubitalis, lævis, rotundus, striatus, paucis foliis cinctus, & circa medium in plures ramulos divisus exurgit. Ramulis singulis flos unicus, parvus, luteus insidet, cui semen parvum succedit, quod cum suo pappo à vento excutitur.

Locus.

In monte Baldo reperitur.

- \* 7. *Hieracium Alpinum pumilum Chondrillæ folio* C. B. prod. Park. **Dwarf mountain Hawkweed with Gum-Succory leaves.**

Tota planta palmaris est, ex cujus radice alba, cortice nigricante tecta folia aliquot prodeunt, lævia, pallide virentia, uncias quatuor longa, pediculis longis donata, vix laciniata: inter quæ cauliculus exurgit rotundus, foliis Chondrillæ modo divisus cinctus, qui in summo in duos tresve ramulos unciales dividitur, quorum singuli florem unum, luteum satis magnum sustinent.

Locus.

Crescit in Sneberg Austria.



\* 8. *Hieracium intubaceum flore luteo* C. B. prod. Park.

Hoc foliis est Intubi, caulem proximè ambientibus, aliquibus integris, aliis in sinus profundos laciniatis, longitudine uncias quatuor, latitudine sesquiunciam superantibus, atrovirentibus & lavibus. Caulem habet tenuem, pedalem, ramosum, reclinatum & lavem. Cauliculo pœnè palmari & nudo flos unicus, luteus, mediæ magnitudinis infidet, cui semen parvum, pappo inclusum succedit.

\* 9. *Hieracium intubaceum flore magno albedo* C. B. prod. Park.

Hoc foliis est priore longioribus, latioribus magisque laciniatis: flore etiam majore, albedo medio luteo, foris subrubente.

\* 10. *Dens leonis latifolius caulescens* C. B. prod.

Caule est cubitali, hirsuto, rotundo, striato & cavo, quem folia basi alata, in lacinias aliquot divisa, subrotunda, uncias sex longa, sesquiunciam lata, marginibus nonnihil pilosis cingunt, quæque in caulis summo leviter tantum sinuata proximè eundem vestiunt. Flos magnitudine fere & colore, sed pallidiore, ut in Dente leonis vulgari.

\* 11. *Hieracium montanum rapifolium* C. B. prod. Park. Turnep-leaved Hawkweed.

Ex radice rufescente, oblonga, parum capillata folia pauca, ad Rapæ vulgaris modum, in lacinias subrotundas, per margines sinuatas & ad tactum asperas divisa, pediculis oblongis, rubentibus & asperis donata, prodeunt: inter quæ caulis cubito altior, cavius, striatus, rufescens, uno alterove brevi folio cinctus exurgit, qui supernè in ramulos plures dividitur, quorum singulis flos communiter unicus, rarius duo, pediculis tamen distinctis infidet, luteus, mediæ magnitudinis, qui tandem in pappum abit.

In monte Wasserfall provenit.

Locus.

\* 12. *Hieracium montanum foliis dentatis, flore magno* C. B. prod. Park. Dented Hawkweed with a great flower.

Hoc foliis est atrovirentibus, lanugine carentibus, ad radicem maximè dispositis, uncias quinque longis, unam latis, per circumferentiam & dentatis & levissima lanugine pubescentibus: inter quæ caulis pœnè nudus, pedalis, cavius, hirsutus, asper, exurgit qui florem nudum eumque magnum sustinet, saturatè luteum, elegantè quasi calici inclusum.

Hoc in Helvetiorum montibus Gothardo, & circa Thermas Fabarias crescit.

Locus.

Hæc planta flore ejusque calice *Hedypnoidem Monspessulanam* J. Bauhini refert. Ad Dentem leonis retulisse si caulis prorsus nudus, non pœnè nudus fuisset.

\* 13. *Hieracium ramosum magno flore* C. B. prod. Park. Branched Hawkweed with a great flower.

Hoc caule est bicubitali, rotundo, subaspero in ramos diviso, quibus singulis flos magnus, aureus, Dentis leonis formâ infidet. Folia habet pallidè virentia, nonnihil aspera, sinuata, & per margines exiguis pilis donata, longitudine palmum superantia, tres uncias lata, per quorum longitudinem costa insignis excurret, à qua per transversum venæ feruntur.

In montibus Bellunenſibus reperitur.

Locus.

\* 14. *Hieracium montanum lanuginosum, laciniatum parvo flore* C. B. prod. Park.

Ex radice oblonga attrubente folia plura, pediculis tres uncias longis donata, crassa, profundè laciniata, acuminata, molli languine pubescentia, supernè atrovirentia & quasi maculata, alia sesquiunciam lata, alia angustiora; inter quæ cauleculus palmaris, tenuis, mollis exurgit; cujus summo flores aliquot lutei, parvi, & quidem singuli singulis pedicellis infident.

Apud Monspeliensēs in horto Dei crescit.

Locus.

\* 15. *Hieracium profundè sinuatum pubescens* C. B. prod. Park.

Radice est nigricante, lignosâ, fibrosâ; caule bicubitali, rotundo, fistuloso, levi lanugine, ut & tota planta, pubescente, in ramos brachiato: foliis ad radicem oblongis, acutis, profundè sinuatis, etiam laciniatis, oblongis pediculis donatis, per caulem paucis, similiter acutè laciniatis. Flores singuli singulis pediculis, aurei in pappum abeuntes infident.

In pratis Michelfeldensibus ficioribus ad dumeta, etiam in dumetis provenit.

Locus.

## CAP. VII.

*Hieracium Pulmonaria dictum.*

**H**oc nomine Hieracia etiam fruticosa dicta complectimur: Eorum autem nota characteristica quæ à reliquis Hieraciis distinguuntur est semen parvum, nigrum, breve. A Pilosella five Auricula muris, quæcum femine conveniunt, in eo differunt quod non reperiuntur flagellis quemadmodum illa.

- A. 1. *Hieracium fruticosum latifolium glabrum* Park. *fruticos. latifolium foliis dentatis glabrum* C. B. *maius latifolium Pannonicum* 2. *Clusii* J. B. *The smoother broad-leaved bushy Patkweed.*

*Clus.*

Cubitalis atque etiam bicubitalis interdum sunt huic *caules*, firmi, rotundi, quadam lanugine obditi [levissimis pilis hinc inde aspersis C. B.] quos inordinata, five confuso ordine nascentia multa ambiunt *folia*, tres uncias aut amplius longa, unam lata, mollia, in ambitu dentata, lacteo succo plena, [atrovirentia, acuminata C. B.] Summus caulis in aliquot ramulos finditur, sustentantes intricata capitula, è quibus prominent *flores* lutei, denis, duodenis aut pluribus foliolis extrema parte incisae constantes, medium occupantibus multis luteis fibris. *Radix* minimi digiti crassitudinem æquat, multisque tenuibus fibris capillata singulis annis augetur & ad latera novos frequentioresque caules profert.

Ejus generis reperitur graciliore caule, angustioribus & vix semunciam latis foliis, in reliquis conveniunt.

*Locum.*

In extremitatibus ficciorum pratorum inter vepres nascitur, atque etiam ad cæduarum sylvarum margines.

Plantam hanc aut ei valde similem inveni non longè à stagno *Puls-water* dicto in Westmoriandia. Folia ejus & caules nulla omnino vel brevi admodum lanugine obditi fuere; maris etiam floruit quam *Hieracium fruticosum latifolium hirsutum*, quod & eodem in loco crevit.

- A. 2. *Hieracium fruticosum latifolium hirsutum* Park. C. B. *Hieracii Sabaudi varietas alba* J. B. *Bushy Patkweed with rough broad leaves.*

*Caules* huic bicubitalis sunt, hirsuti, teretes, rigidi, multis foliis inordinatè nascentibus vestiti [alternatim quasi sitis] aversa potissimum parte hirsuti, tres pollices longis, duos latis, in acumen desinentibus. *Flores* in summis caulibus quales *Hieracio Sabauda* aut *Pulmonaria Gallicæ*. Semen nigra.

Hæc planta *Pulmonaria Gallicæ* perfamilis est, iisdemque in locis, nimirum sylvis & frutetis, provenit; Differt caule altiore, robustiore & rigidior, pluribus foliis vestito.

Variat (inquit C. *Baubinus*) 1. Foliis uncias quinque longis, sesquiunciam latis, subrotundis, dentatis & asperis, quemadmodum *Patavii* provenit, & à *Guilandino Militaris Galeni* & *Lactaris Phil* dicebatur. Secunda Foliis est multò longioribus angustioribus, parum dentatis, molli lanugine pubescentibus, quod apud nos reperitur, licet rarius.

Ab hoc nescio an specie differat.

- \* 3. *Hieracium fruticosum folio subrotundo* C. B.

*C. B.*

Quod *caule* est cubitali, rotundo striato; *foliis* cincto subviridibus, subrotundis, uncias duas longis sesquiunciam latis, acuminatis & dentatis, leviter hirsutis: cætera præcedenti simile.

An *Hieracii Sabaudi* varietas prior J. Bauhino? cujus plantam siccam sibi à fratre Casparo missam scribit, cui in *caule* cubitum excedente *folia* priora alternatim disposita, uncias duas longa & pollicis angustiora, ovalia ferè, non crenata, superiora quosdam dentes habent, hirsuta sunt.

- \* 4. *Hieracium fruticosum minus* C. B.

*C. B.*

Hujus (inquit) triplex varietas occurrit; nam licet ex radice fibrosa & quasi præmorsa caulis pedalis simplex exurgat, attamen foliis brevibus & levissimis circa Patavium; at circa Norimbergam paucis, brevibus, subrotundis, in circumferentia crenatis & asperiusculis provenit.

Hæc varietas loco natali fortè debetur.

- A. 5. *Hieracium fruticosum angustifolium majus* C. B. Park. *Intybaceum* Ger. rectum, rigidum quibusdam Sabaudum J. B. *Narrow-leaved bushy Patkweed.*

*J. B.*

Ad cubitos duos assurgit, interdum procerius, *caulibus* rotundis, rigidis, hirsutis, rubentibus, lacte pręnantibus, qui in summitate in aliquot surculos facessunt, quorum singuli singulos *flores* sustinent, luteos



luteos Hieracii vulgaris. Folia præ omnibus Hieracii rigida, oblonga, rigidis denticulis sinuata, hirsuta, atrovirentia, alternatim posita. Radix dura, longis fibris donata.

Inter frutices & ad sepes locis sabulosis & petraeis, non tamen admodum frequens oritur.

Miror Botanicos odoris non meminisse, qui huic satis vehemens est opii. *D. Dale* vicinus noster in hac planta à se inventa hoc anno 1685. Opi odorem non percepit. Variat fortè hoc respectu, & alicubi opium olet, alibi minime.

Locus.

6. Hieracium frutescens foliis angustissimis non descriptum, Hort. Lugd. Bat.

- \* 7. Hieracium 1. latifolium Clusii, Ger. latif. Pannonicum sive 1. Clusii Park. Alpinum latif. hirsute incanum flo. magno C. B. Pannonicum latif. 1. Clusio, Pilosella majori vel Pulmonaria lutea accedens maculatum & non maculatum. J. B. Broad-leaved Hungarian Hawkweed.

Clus.

Huic quina aut sena sunt folia, humi strata, lata, Intybo-sativo latifolio non multum dissimilia, in ambitu nonnihil sinuosa, interdum etiam laciniata, mollia, hirsuta, nigricantibus maculis sapissimè infecta, aliquando nullis, lacteo succo turgentia: inter quæ Caulis exit, cubitalis, cavus, raris foliis septus, in quo plerunque unicus (nonnunquam alter & tertius) flos ex crassiusculo nigraque lanugine hirsuto calice emicat, Hedynoidis flori similis sed pallidior, plenus, nonnihil odoratus. Semen deinde oblongiusculum, comâ incanâ pappi instar præditum, ut Tragopogi semen, quod maturum levissimo flatu dispergitur. Radix illi minimi digiti crassitudine, nigro atque crasso cortice obducta, lactei succi plena.

Florat Maio. Invenitur plerisque Ungariæ, Austriæ superioris & inferioris atque Moraviæ montibus, gramineis & simul apricis locis, siccioribusque pratis.

In multis accedit ad Pulmonariam Gallorum.

- \* 8. Hieracium Alpinum villosum latifolium magno flore C. B. Park. Hier. 5. Clusii Ger. Alpinum hirsuto folio 5. Clus. quodammodo incanum J. B. Broad-leaved Mountain Hawkweed with a large flower.

Clus.

Aliquot sunt huic folia à radice prodeuntia, uncialis ferè latitudinis, oblonga, molli crispæque lanugine admodum hirsuta, & quodammodo incana, lacteo succo prædita, è quorum medio caulis pedalis plerunque emergit, hirsutus, quem per intervalla ambiunt folia, superioribus breviora, at triplo latiora, & in mucronem desinentia, non minus quam illa hirsuta, aut lacteo succo prægnantia. Unicum in summo fert capitulum, è multis hirsutis & incanis foliolis compactum (nonnunquam in lateribus alterum & tertium) quod in florem sese explicat Hieracii floribus similem, multis foliis luteo colore præditis constantem; qui deinde in pappos cum suo brevi & nigro semine evanescit. Radix nigricat, multis tamen candicantibus fibris prædita, singulis annis novos caules producit. Tota planta valde amara est.

Invenitur in herbosis Alpium jugis, ubi Julio, interdum etiam Augusto floret; in hortis autem Maio: semen Junio perficit.

Dubitat Clusius an sit ea planta quam Dalechampius Sonchum lanatum appellat: Nobis non videtur, cum Sonchus ille sit regionum calidiorum incola, non montium frigidorum.

A semine species esse videtur Pulmonariæ Gallicæ dictæ.

- A. 9. Hieracium murorum folio pilosissimo C. B. Hier. murorum Baubini quod est Pulmonaria Gallorum Lobelii Park. Pulmonaria Gallica sive aurea latifolia Ger. emac. Pilosella major quibusdam, aliis Pulmonaria flore luteo J. B. French or golden Lungwort: rather; Hawkweed so called.

J. B.

Huic radix geniculata, rubra, fibratæque, lac manans sapore amarum: à qua caulis surgit unicus [inter duo trèsvæ] lacte similiter prægnans, unico plurimum folio circa mediam altitudinem donatus, cubitalis, tenuis, hirsutus, summa parte in aliquot furculos divisus, quorum extremis flores insident lutei Hieracii, qui in pappos maridi facescunt. Folia à radice statim exoriuntur, sinuosa inæqualiter, præcipuè versùs pediculum, superne virentia & hirsuta, inferne densiore lanugine canescentia, maculis pulchris interdum notata, sapore amaro & nitroso, pediculis subrubentibus, villosis, longis quibusdam, aliis brevioribus. Semina parva, nigra.

Nascitur plerunque in sylvis, muris antiquis & aggeribus umbrosis. Floret Junio & Julio.

In Sufflexiæ sylvis propè Cuckfield vicum folio pulchris maculis notato observavi: inque transmarinis sæpius.

Locus.

10. Pilosella majoris sive Pulmonariæ luteæ species magis laciniata J. B. Hieracium murorum laciniatum, minus pilosum C. B. Golden Lungwort with more jagged leaves.

J. B.

Proximè dictæ est hæc à radice similis: folia autem majora, latiora, longiora & profundius laciniata, in angulos profundos, acuminatos, ad pediculi finem dissecta, stellam mediam representantia, quorum quædam rotunda, quædam acuminata, pilosa, lanuginosa. Caulis cubitalis, unicus, unico folio in media sui parte, magis laciniato præditus, in alas aliquot divisus, ad quarum exortum

tum foliolum admodum exiguum, acuminatum angustumque exoritur. *Flos* in fine Junii apparet, in Julio explicatur ac perficitur, luteus, plenus, in pappum abiens. Tota planta lacum madet.

In sylvis densis & opacis fagorum non adeò frequenter occurrit. Nescio an Varietas seu naturalis potius quam species distincta censenda sit.

A. 11. *Pulmonaria Gallica sive aurea angustifolia* Ger. emac. *Parrot-leaved French golden Lungwort.*

Ger.

*Radix* huic parva, fibrosa: *folia* exigua, magnitudine & aliquatenus etiam figurâ (aliter tamen dentata) *Bellidis* foliorum, albicantia & incana. *Caulis* palmaris aut sesquipalmaris, striatus, incanus, foliis pluribus longiusculis angustis obfusus, in summitate quatuor aut quinque flores brevibus pediculis donatos gerit, colore flavo splendentes, & pro plantæ parvitate satis grandes, qui tandem in pappum abeunt.

Hæc planta à Lobelio in *Adv.* pag. 253. sub titulo *Pulmonariæ Gallorum flore Hieraci* descripta est: cujus etiam figuram in *Obs.* pag. 317. exhibet, quamvis perperam eam cum *Pulmonaria Gallorum* vulgari confundat, ut ex titulo figuræ præfixo apparet. V. Ger. emac.

Locus.

Hanc invenit (& ad Johnsonum Gerardi emaculatorem transmissit) D. Gulielmus Coet, in colle quodam in prædiis D. Brigittæ Kingsmill, Sidmontoni, non procul Novo-burgo oppido, in antiquo Romano castro, propè portam decumanam.

12. *Pilosella majoris seu Pulmonariæ luteæ laciniatæ species minor* J. B. *A lesser sort of golden Lungwort.*

J. B.

*Radix* huic crassa, adeò multis crassiusculis fibris donata, ut nonnisi lacerata evelli possit. *Folia* ex pluribus seu capitibus uncias septem longa, quædam breviora: quædam parùm aut vix laciniata, eaque minora, majora autem profundè laciniata, parte superna vix hirsuta, in averfa pili manifesti in costis vel nervis: foliis inferioribus pediculi longi: superioribus per caulem multò breviores: *caules* ipsi dodrantes, inferna parte rubentes, rotundi, cavi, hirsuti, in paucos ramos divisi: quorum extremis flores insident singulares, satis magni, lutei & papposi. Nec in radice, nec in foliis saporem ullum insignem animadvertimus.

Locus.

In muro pontis Clarævallæ urbis, nec alibi se observasse meminit J. Bauhinus: nos in monte Saleve.

Flores & semina decidunt Augusti principio.

\* 13. *Pilosella majoris seu Pulmonariæ luteæ species angustifolia* J. B. *Parrot-leaved golden Lungwort.*

J. B.

Præcedentibus nititur radice magis curta & longioribus fibris donata. Folio donatur longo ut prior, sed angustiore, piloso, lanuginoso, latè dissecto, nec profundè laciniato, non duntaxat à radice orto, sed & caulem, usque ad summum amplexo; in summitate ad alarum exortum integro, non laciniato. Caulis & flos prioribus respondent.

14. *Pilosella sive Pulmonaria lutea, angustiori folio, valdè pilosa* J. B. *Parrot-leaved hairy golden Lungwort,*

J. B.

*Pilosellæ* majori sive *Pulmonariæ luteæ* similis, cujus tamen *folia* acuminata sunt, longis pilis valde hirsuta, non tantùm à radice statim orta, sed etiam per caules pedales, hirsutos: flores lutei, singuli vel bini, ac etiam terni, majores quàm in vulgari, qui nondum \* pallescentes foliis obrestuntur, quæ \* cavi longique pili ornant, & tandem in pappos evanescunt. *Radices* torosæ, nigre, in fibras crassiusculas desinentes.

\* Fortè explicati.

\* Fortè cani.

Locus.

Florebat mense Junio in monte Saleve propè Genevam; ubi & nos eam invenimus. Nostra planta brevior erat; folia quæ in caulibus latè basi absque pediculo adnata & densim in acumen tenuata, pilis longis flavicantibus obsita, 3. aut 4. in caule.

\* 15. *Hieracium murorum angustifolium, non laciniatum* C. B. *murorum angustifolium* Park. *Golden Lungwort with narrow unlobed leaves.*

C. B.

Ex radice crassa rufescente *caulis* sesquicubitalis, penè nudus, rotundus & asper exurgit; in cuius summo, quasi in umbella, flores plures, parvi, lutei resident. *Folia* ad radicem subnigra, mollia, uncias sex longa, vix semunciam lata, in caulis parte inferiore pauciora, breviora, angustiora, longè à se invicem distantia, & inordinate posita.

Locus.

In muris nostris reperitur, quod circa Patavium longè minus observavimus. Folio modò est latiore (inquit) modò angustiore, & hæc *Pulmonaria Gallica tenuifolia* Tab.



16. *Pilosella major erecta* C. B. *major* Gen. *Pilosella altera erecta* Park. *Pilosella minori flore, hirsutior & elatior, non repens* J. B. *Narrow-leaved Golden Lungwort not waved or indented; or upright House-eat.*

7. B.

Fibrosa est huic radix, lacteo succo acri & amaricante, reptatu fibrarum non se propagans, nec humi procumbens, sed Hieraciorum more nonnunquam ad bicubitalem altitudinem excrevit in plures caules modicè hirsutos, interdum hirsutissimos, maximè verò parte inferiore, cui folia quædam adnata, admodum angusta, uncialia, quadrantalia & palmaria: latiora verò & longiora sunt nonnunquam quæ à radice statim exoriuntur, sapore subdulci, nulla eccellente adstrictione, quæ lac manant, sicut & caules, qui propè summum cacumen in aliquot furculos quadrantales & sextantales dividuntur, hiq;e rursus plures breves, hirsutos pedicellos promunt; quorum singulis finguli insident flosculi, Hieracii alicujus, lutei, pleni, calice ambitu striato, lanugine nigra obfuso.

Provenit in muris circa Montbelgardum: Nos circa Genevam invenimus.

Locus.

Quærendum an hæc, an ejus varietas fuerit quam proponit D. Wheeler in Itinerario suo sub titulo *Pilosellæ majoris pilosissimæ*, in Lesina insula Ptolomæo Phariæ dictæ inventæ, cujus folia pilis crebris unciam ferè longis obfita fuere; non tamen dicit an repat, an erecta sit. Forte est *Pilosellæ vulgaris* repentis major species.

17. *Pilosella montana hispida parvo flore* C. B. *major, umbellifera, maxèguall & montana & pratensis* Col. *montana parvo flore* Park. *Mountain House-eat with a small flower. An Pilos. major pilosissima* D. Wheeler in Itiner?

Col.

Huic radix non longa, nec recta, sed obliqua & velut decurtata (putrescit quidem facilè) minimi digiti ferè crassitie, innumeris fibris, albis, longis, se circumreptantibus, quibus hæret, obfita. Folia supernè virentia sunt, ac hirsutæ admodum longâ, rigente, densâ, albente, ferè aspera: infernè albicantia, minúsq;e hirsuta, & pauca quæ proximiora radici brevia sunt vulgatè paria, & deinde semper longiora, ut dodrantem ferè adæquent, nec ita tunc deinde hirsutæ obfita & minimum digiti lata: caule tripedali in medio assurgente, in imo lævi, in superiore parte hirsuto ad flores usque, rotundo, virecente, aspero, cavo, lactescente sicuti folia, nudò, recto, tribus tantum foliolis semper decrecentibus per caulem rarò dispositis. Flores in caulis summitate veluti congesti denique corymbi umbellarum ferè modo, longis petiolis triuncialibus insidentes, parvi admodum, Agerati vel Millefolii magnitudine; quibus semina parva, nigra, pappo denique evolantia succrescunt.

Æstate in Æquicolum montium jugis pratensibus herbosis altioribus invenitur perfecta.

Locus.

- \* 18. *Pilosella incana Saxatilis lutea* C. B. *Auricula muris altera, incana saxatilis frigidarum regionum* Col.

Col.

Radix huic nigra, rugosa, crassiuscula, ex qua flaventes longæ Helleboraceæ fibræ, ubi terreni quid adest inter rimas saxorum, (in quibus hærentem observavimus, viâ quâ à Flaminiano villa ad montium cacumina S. Angelo dicta itur, in solidis illis propter viam altis excavatis faxis supra medium iter) ut alioqui breviores & crispæ cernuntur: Folia in orbem quatuor aut quinque circa radicis caput expansa, obliquè dependent, parva & recentia rotundiora toto Autumno atque hyeme, sed Vere deinde adultiora oblonga, ovalia, parùmque sinuata fiunt, incana, hirsutæ densâ, longâ, Verbasci maris modo, & magis hispida auricularum Quadrupedum modo. Caule unico vel gemino ex radicis vetustæ cespite bifido prodeunte hirsuto satis, rotundo, pedali altitudine, paucis rarisque foliorum alis intercepto [duabus vel tribus;] in summo caput habente crassum, hirsutum, congeneri vulgatæ non dissimile, sed incanum, in quo Flos luteus eodem modo: semina pariter copiosa, nigra & papposa sunt. Tota lacte manat, sapore foliorum non amaro sed ficco. Nullis hæc maculis ut in Vulgari infecta observatur, sed tota incana lanosa admodum hirsutæ albicante, Julio perficitur.

- \* 19. *Hieracium alterum pumilum* II. Col. seu *Alpinum alterum minimum lanuginosum*. Hier. *Alpin. pumilum folio lanuginoso* C. B.

Col.

Radix illius carnosa, ex qua longæ fibræ nigricantes, major quàm superioris latifolii [Pilosellæ aureæ:] folia pilosiora, & longiore hirsutæ obducta tota planta: foliola longitudine pollicari, latitudine dimidii digiti: caulis unicus, quatuor digitos longus: flos luteus.

Parùm superat iconem ipsa planta.

Tum ex figura, tum ex descriptione, *Pilosellæ* species esse videtur, non repens.

Y

\* 10. *Pilosella*

- \* 20. *Pilosella pblomoides exotica* J. B. *Syriaca* C. B. *maxima* *Syriaca* Lob. Park. *Great Syrian House-car.* An potius ad *Gnapbalia* referenda?

Lob.

*Folius* est majoribus carnofis, dense ab imo stipatis; candore & lanugine sericeove vellere, holoserici attractu, hilari & specioso aspectu incanis. *Caules* ternos quaternosve, quadrangulos, geniculatos, pedales emittit. *Flores* videre non contigit. *Radix* durior, lignosa, fibris donata.

J. Bauhinus hanc vidit apud D. Fel. Platerum. Folia (inquit) ab imo statim longis & crassis pediculis annexa, denso stipatu oriuntur, quædam ovata, quædam rotundiora, crassa, carnosæ: ipso exortu holoserico vellere donata, reliquâ parte tota incanâ lanugine pubescentia, velut *Dictamnus* fallus aut *Stachys*, lætissimo aspectu. Caulem etiam, qui unicus est, folia stipant alternatim hærentia prædictis minora, longis interim crassisque pediculis donata. Nondum flores ferebat, sed prima tantum florum rudimenta.

- \* 21. *Chondrilla altera* *Dioscoridis* *Rauwolfio* Clus. *Chond. bulbosa* *Syriaca* *angustifolia* Park. *bulbosa*, *Conyzæ* facie, foliis angustioribus C. B.

Clus.

*Radice* est lævi, ex fusco flavescente, supernâ parte circiter minimum digitum crassâ, quinque vel etiam octo transversos digitos longâ; infimâ parte tenuiore, cui inhaeret rotunda alia radix castaneæ magnitudine, lacteo succo adeo plena ut turgeat. Supernâ radices pars quâ se in tres cauliculos dividit, multa habet oblonga & graminis instar angustâ folia, simul nascentia, ad terram valde inclinata; inter quæ prodeunt cauliculi aliquot, foliis onusti, è quorum alis longiulculi exeunt pediculi, singuli florem sustinentes *Pilosellæ* majoris (quæ *Auricula* muris à vulgo nuncupatur) flori æqualem, flavum.

Locus.

In arvis Halepo vicinis satis abundanter invenitur.

Non procul inde, asperioribus tamen, magisque petrosis locis nascebatur (inquit) aliud insuper *Chondrillæ* alterius genus, radice & floribus cum superiore conveniens, cujus tamen folia laeviora, magis tamen villosa & cinerea, *Holosteii* *Montpeliani* foliis ferè similia.

Hæc posterior species, *Conyzæ marinæ* affinis *Chondrilla* alia *Rauwolfii* J. Bauhino dicitur *Chondrilla bulbosa* *Conyzæ* facie major foliis latioribus C. B.

Priori speciei uterque Bauhinus synonymam faciunt *Conyzam marinam* *Dalechampii* *Lep.* quibus refragatur *Parkinsonus*, nec præter rationem meâ sententiâ, cum descriptiones non conveniant per omnia; præsertim quod hoc loco descriptæ radix lactescere dicatur; cujus qualitas in alterius descriptione nulla mentio; deinde flos huic *Auriculæ* muris esse feratur, h. e. plantæ naturâ plenus; illi autem *Conyzæ* majoris, qui ex brevibus quinquepartitis flosculis constat.

## C. A. P. VIII.

### De *Pilosella* sive *Auricula* muris.

**P**ilosella à pilis rigidiusculis quibus folia ejus obsita sunt nomen sortita est, *Auricula* muris foliorum similitudine dicta. Flagellis reptatricibus à *Pulmonaria*, (quæcum semine parvo nigro convenit) reliquisque *Hieracii* distinguitur: unde definiri potest, *Hieracii* genus semine parvo, nigro, flagellis reptatricibus.

- A. J. B. *Pilosella repens* Ger. minor vulgaris repens Park. major repens hirsuta C. B. major flore, sive vulgaris repens J. B. Common creeping House-car.

J. B.

Passim secus vias & in pascuis sterilibus obvia humi decumbit, & repentibus surculis hirsutis amarum lac fundentibus novam sobolem per demissas fibras subinde propagat. Folia pilis oblongis supina parte obsita, murinis auribus similia, supra virentia, infra incana, sapore exsiccatæ. Flores in singulis caulibus tenuibus, nudis, hirsutis, sesquipalmaribus singuli, *Dentis leonis* minores, pallide lutei, extrinsecus flosculis, seu mavis foliolis, foris purpurascens, calice hirsuto, fusco: quibus succedunt semina papposa, parva, nigra, tenuia, oblonga. Radix tenuis, fibris aliquot demissis terram firmiter apprehendit.

Junio & Julio mensibus interdum etiam Maio florere.

Notavit Sim. Pallas non solum ad *Polygoni* minoris seu *Polygoni* angustissimo & acuto vel gramineo folio repentis C. B. radices circa *Solstitium æstivum* aut ad festum S. Joannis Baptiste bacculas aut coccos, coccos baphicas seu grana *Kermes* æmulantes, sed quoque ad *Pilosellæ* majoris hirsutæ repentis C. B. radices reperiri, quæ ova alicujus mihi ignoti insecti esse ideo hariolor, quod ex iis scapo pennæ anserinæ aut cygneæ inditis mox epistomio chartaceo obturando, ac dehinc applicationi commissis cernamus sponte sua, intra sex vel septem dies prodire insectum non diu superstes, quod unus ex amicis meis alatum avolasse observavit. Hanc verò observationem olim in Academia



Academia Leydenſi communicavi An. Dom. 1623. Bodæo à Stapel, aliſque meorum commulitonum in ſtudiis Botanicis. Sim. Paulus Quadrip. Botan. Claff. 2. pag. 113, 114.

2. *Auricula muris* Hiſpanica, aliis *Hieracium Pannonicum* flore ſaturatè croceo J. B. *Piloſella major* Park. *Hieracium bortenſe latifolium* ſive *Piloſella major* Ger. emac. *Hier. bortenſe floribus atropurpureſcentibus* C. B. **Golden Houſe-ear** or **Grim the Collier.**

J. B.  
*Radix* huic fibroſa, ſumma parte purpureſcens, inferiùs albicans, amara, ſucco lacteo manans, ex ſe emittit clemata inſtar *Piloſellæ* majoris Fuchſii & *Conſolidæ* mediæ, quæ radículas albas in terram deſigunt, ac ea ratione plurimùm ſe multiplicat & expandit. *Folia* ad radicem plura, Jaceæ aut morſus Diaboli ferè figurâ & magnitudine, ſex ſeptemve digitos longa, duos lata, atroviſcentia, pilis rigidiſculis utrinque hiriſuta, ad margines æqualia, quædam tamen in margine quoddam habent velut denticulos longis ſpatiis diſpoſitos. *Caules* cubitales & ſeſquicubitales, teretes, inanes, pilis rigidioribus, oblongis, crebris, fulcis, quorum baſes nigricant, obſiti, unde & caules punctulis nigris aſperſi videntur. Per caulem tria folia, inferiora majora, ſuperiora minora: caulis ſumma parte in aliquot furculos dividitur & furculi iterum in pediculos breves quibus inſident flores conferti, è calicibus ſtriatis, pilis nigris hiriſutis. Menſe Maio aut Junio ſolus flos qualis *Pulmonariæ* Gall. ſe expandit, colore inſigni croceo aureòve: in medio apices plurimi lutei, biſidi: folia floris in circuitu qualia *Calthæ* denticulata aut crenata. Ubi flos unicus evanuit, multi ſimul florent & velut umbellam exhibent. Odor parvus, ferè *Hedypnoidis* ſive *Dentis leonis*. Floribus ſuccedunt ſemina pappo alata, parva, breviuſcula, nigra. Tota planta lacte amaro & opium redolente turgēt. Hæc ſpecies ab *Hieracio* Alpino non laciniato flore fulco C. B. i. e. *Hier. Germanico* 1. Col. vel ipſo fatente, culturâ ſolùm diſferre videtur. In montibus Germaniæ collegit F. Gregorius.

*Hieracium hiriſutum* ferè *umbellatum* C. B. *Hier. IX. Cluſ. Hiſt.*

Hujus deſcriptio quæ habetur apud Cluſium in plerique convenit plantæ præcedenti; ut vix dubitem eandem eſſe; præcipua differentia eſt in foliis, quæ *Hieracio* vulgari formâ non diſſimilia eſſe ſcribit & infernè panè glabra. Conſule ſi placet Autorem ipſum in *Hiſt. plant. lib. 5. cap. 37.*

3. *Piloſella minor*, folio anguſtiori, minùs piloſo, repens J. B. *major repens*, minùs hiriſuta C. B. *media vulgaris erecta* Park. **Creeping Houſe-ear with an upright ſtalk.**

J. B.  
Inſigniter repit & hæc, foliis per terram ſparſis, anguſtioribus, minoribus, tam infra, quàm ſupra glabris, ſi raros quosdam pilos in adverſo folio ſitos excipias, quorum inferiora ſubrotunda, ſuperiora longiora. *Caules* proceriores, interdum cubito altiorem, non ſine foliis, in aliquot pediculos circa ſaſtigmum divaricati, ubi flores duo, tres, quatuor, lutei ut alterius [*Piloſellæ* vulgaris repentis] ſed minores.

In paſcuis & collibus circa Genevam obſervavimus.

Locut.

- \* 4. *Piloſella Indica* Cornuti, *Indica odorata* Park. *Hieracium peregrinum* Eyſt. **Sweet Indian Houſe-ear.**

Cornut.

*Folium* oblongum, pilisque longioribus hiriſtum habet: *radicem* quoque carnoſam, obliquè reptantem, & fibris munitam longioribus. *Caulis* ei exit palmaris & ſingularis, *floribus* apicem ornantibus nunc ſeptem, nunc octo *Piloſellæ* ſimilibus, præter colorem qui in eis eſt Croci, aut malorum aureorum. Odorem moſcho fragrantiorē afflat flos, alioquin ut *Solſtitialis*, ita ſolaris lucis & avidus & ſequax.

*Auricula muris* aſtringit vehementer & ſiccāt, unde & ovium gregibus noxia cenſetur. *Sternutatoria* eſt & *vulneraria*, unde additur utiliter tum in potionibus vulnerariis, tum in emplaſtris & unguentis: vi etiam præſentiffima eſſe dicitur ad calculum. Ob adſtriſtoriam facultatem, *dysenteriam*, reliquosque alvi & uteri fluxus ſiſtit, bilioſas vomitiones compescit, hernias (infantum præcipuè) curat. Sunt & qui ad iſterum, incipientem hydropem & lienis tumores eam commendant.

Extrinfecùs medetur ulceribus oris (in collutionibus:) hæmorrhagiam narium ſedat (pulvis inditus.)

Succus herbæ inditus *Herpetem* miliarem efficaciter compescit & ſanat. *D. Hulſe.*

Succus decoctumve aciem ferri vel chalybis ſæpe merſam indurare creditur.

## CAP. IX.

## De Dente Leonis.

**D**ens leonis Recentioribus dicta est hæc herba ob foliorum laciniis suis dentes quodammodo imitantium similitudinem.

Sub hoc titulo comprehendimus quotquot hujus generis sunt caule non ramoso, unico in summo florem majusculum gestante.

1. *Dens leonis montanus glaber, caule cubitali folioso, flore magno. An Dens leonis latifolius caulescens C.B? Hieracium magnum Hispanicum Park? Mountain smooth Dandelion with a leafy stalk.*

*Radix* huic minimi ferè digiti crassitudine, lacteo succo turget. *Caulis* singularis, cubitum altus, striatus, medullâ factus, satis crassus, non ramosus, foliis multis vestitus, hirsutus, præcipuè versus summam, unicum in summo gestans florem, magnum, luteum, è calice amplo, ex multis squamis composito, ut in aliis Hieracii, subnigro, villosa, villis obscurè ex luteo virentibus. *Folia* Pulmonariæ Gallorum dictæ formâ similia, non profundè laciniata, sed potiùs dentata, non profusè glabra, sed rarioribus & vix conspicuis pilis donata, ad margines tamen crebrioribus & longioribus: quæ ad radicem sunt pediculis longiusculis donantur, quæ in caulibus existunt illis omnino carent. *Semen* non observavi.

Locus.

In altissimo montis Juræ cacumine *La Dolaz* dicto copiosam inveni circa finem Junii mentis florentem.

Planta est singularis & ab omnibus quas hætenus viderim Hieracii speciebus diversa, caulibus scilicet non ramosis, crebris foliis vestitis, & flores in summo singulares gerentibus. Ambigere videtur inter Pulmonariam Gallorum & Dentem leonis.

- A. 2. *Dens leonis foliis integris, caule raris foliis vestito, monanthos ferè.*

*Radix* satis crassa, simplex, folia emittit in orbem plura, in terram reclinata, duas uncias longæ, unciam lata, acuminata, interdum tamen extremo obtusa, per margines obiter dentata, brevibus utrinque villis obsita, tractanti aspera, pediculis brevibus: media folii costa supinâ parte leviter interdum purpurascit. E foliorum centro exit *caulis* singularis, teres, nonnihil striatus, inanis, villis obsitus, unde & tractanti asper sentitur, sæpius simplex & indivisus, interdum tamen ramosum emittit unicum in summo florem gestans amplum, Hieracii, pallidiorem, è calice squamoso, hirsutè emicantem.

Locus.

Invenit & ad nos attulit *D. Dale* in colliculis seu tumulis olim aggestis juxta Bartloviam vicum, in extremis Essexiæ limitibus Cantabrigiam versus. Nos olim eandem herbam observavimus in agro fossæ illius celeberrimæ *the Devils Ditch* Anglicæ dictæ non procul ab oppido *Norwo meria*, dicto, inter viam quæ inde Cantabrigiam ducit & *Reche* vicum istius fossæ ab hac parte terminum, ubi & *D. Dale* hoc anno 1685. copiosam invenit.

Herbam hanc in Catalogo plantarum Angliæ Hieracium montanum, non ramosum, caule apophyllo flore pallidiore denominavimus, sed malè, nam & unum interdum amittit ramum, è sinu foliorum exeuntem. Accedit ad Hieracium Pannonicum latifolium primum Clusii.

- A. 3. *Dens leonis Ger. vulgaris Park. latiore folio C. B. Hedypnois sive Dens leonis Fuchsi J. B. Aphaca ex olerum genere Theoph. 7. Hist. 10. C. B. Bodæi à Stapel. Dandelion.*

*Eradice* digiti ferè minimi crassitudine, lactescente, surgunt nudi & inanes pediculi, palmares & plusquam dodrantes, aliquando hirsuti lanugine facillè cedente, quibus insident singulis singuli flores, pulchri, patuli, lutei, majores quàm Hieracii cujus floribus similes sunt: exterioribus foliis prona parte ex fusco rufescentibus, calice glabro, multifido, extra quem quatuor aut quinque folia, viridantia, reflexa: Flores in pappos abeunt, calyce dehiscente & circa pediculum reflexo, nudam florum sedem porosâ pelliculâ calvitium senile imitante obductum ostendente: unde nonnulli *Caput monachi* dicitur.

Locus.

In hortis & areis, inque pascuis ubique oritur, & per totam æstatem floret.

Variat foliis angustioribus & profundius laciniatis, itemque seminibus ruffis & citrinis.

Vires.

*Epatica* est, cum *Endivia* conveniens quo tamen potentiùs operatur. *Ulus* præcip. in febribus putridis inveteratis *Scbrod.* Aquam destillatam magnopere commendat *Tragus* in *Apostematibus* & febribus ardentibus, trium aut quatuor cochlearium mensura singulis vicibus sumptam; ex quâ & optima collyria adversus oculorum maculas fiunt: quin & inflammationi membrorum medetur aqua destillata, linteolis in ea madefactis & impositis.

Herba cocta stomachum dissolutum astringit: cruda etiam alvum sistit. Eadem dysentericis auxiliatur sed magis cum lente decocta. *Matth.* Succus potus iis prodesse dicitur quibus genitura effluit. Universæ plantæ decoctum potum Ictericam tollit.

Alvum supprimendo, obstructionesque reserando *Mesaraicarum*, plus lotii derivat in vesicam quàm pueruli retinendo sunt, præsertim inter dormiendum, eoque tunc imprudentes & inviti stragula permingunt, unde Gallis pueris *Pissenliet* [ nostratibus etiam eodem nomine ] quasi *Leetimin* ga, & *Urinaria* herba dicitur. Radices enim plebecula Gallica in acetiis edit, aut jusculis addit. *Parkinson*



Parkinsonus radices & folia decocta in Vino aut jusculo commendat in phthisi, tabe, cachexia & febrium accessionibus.

4. *Dens leonis bulbosus* Ger. D. l. *Asphodeli bulbulis* C. B. D. l. *Monspeliensium sive Asphodeli bulbulis* Park.

Lob.

Radices hujus plantæ tenues sunt, carnosæ, succo refertæ, rotundæ in mucronem ad verticem, oblongæ fabæ quadantenus similes. Junio & Julio flores luteos papposque gestat, multò majores, pallidiores quàm *Dentis leonis*: nec tubi caulium absimiles multum: folia etiam humi strata, sed minus altè incisa, aliquantum glauca & hirsuta, propius *Cichoreum sylvestre* referentia, sed multò latiora: gustu amaro, acri & *Dentis leonis*.

Hujus (inquit Lobelius) facilis proventus in Hetruriæ, Gallo-provinciæ & Norbonæ pratis & satiss. *Locus.* Nos propè *Sellam novam* viculum *Monspelio* vicinum invenimus & eruimus. Cum *Hedypnoide Monspesulana* confundit J. Bauhinus.

- A. 5. *Hieracium caule apbyllo hirsutum* J. B. *asperum flore magno Dentis leonis* C. B. *Hier. D. l. folio hirsutum* Ger. *asperum foliis & floribus D. l. bulbosi* Park. **Dandelion Hawkweed.**

Radice nititur fibras multas demittente, foris fusca, intus alba, quæ aliquando singularis, aliquando juxta terram in plura capita dirimitur, tandem in unam radicem coeuntia. Folia per terram sparguntur angusta, oblonga, valdè hirsuta, ad margines sinuata seu dentata, velut *Taraxaci*, mucrone obtulo. Caules pedales & cubitales, tenues, striati, hirsuti, non ramosi, foliis nudi, inanes. Flores *Dentis leonis*, in singulis caulibus singuli, ex hirsuto calice, plurimis flosculis arcuè stipatis compositi, quorum singuli singulis innascuntur *seminibus* oblongis, sordidè ruffis aut fuscis.

Floret hæc species omnium quæ apud nos sponte oriuntur *Hieraciorum* prima, mensè Maio, in *Locus.* pratis & pascuis ubique ferè.

Figura *Hieracii* foliis & floribus *Dentis leonis bulbosi* Lob. ico. quam adhibent Gerardus & Parkinsonus sub titulis superius allatis non convenit huic plantæ à nobis hoc in loco descriptæ sed potius *Hedypnoidi Monspesulana* J. B.

- \* 6. *Hieracium montanum laciniato folio lanuginoso* Clusio. J. B. *montanum Dentis leonis folio incano, vel laciniatum lanuginoso folio* C. B. *montanum Dentis leonis folio incano* Park. **Mountain hair Dandelion.** *Hier. 7. Clusii* Ger.

Clus.

Ex radice obliqua & rugosa, minimique digiti crassitudine, multis etiam fibris donata aliquot exuberant capita, unde sæna aut plura enascuntur folia, unius, duarum & trium unciarum longitudine, in quibus nulla apparet fissura, se insinuat, ut nonnisi disruptis saxis ejus aliquid evelli possit. Folia per orbem disposita & oblique deperdentibus atque herantibus viridem stellam exprimere videtur. Folia verò semipedem aut magis longa sunt, per ambitum laciniata minoris *Hieracii* modo, hirsuta, aspera, dura, amara & lactescentia: è quorum centro exeunt duo vel tres juncei duri cauliculi thyrsi specie, hirsuti, tenues, pedales, asperi, lactescentes, secundæ *Chondrillæ Dioscoridis* à nobis depictæ pares & similes: in quorum cacumine singuli sunt flores oblongis calathis inclusi, qui aperti lutei pallentes apparent: illisque papposa, oblonga semina & fusca succedunt, hiantèque calice evolvantia.

Crescit in *Leytenberg*, florètque Junio.

*Locus.*

- \* 7. *Hieracium alterum saxatile montanum* Col. *Dentis leonis folio asperum* Park. D. l. folio, hirsute asperum, minus laciniatum C. B. **Rough rock Hawkweed.**

Col.

Radice nigra, pedali, corticosa, parvis fibrillis, non tantum rimis saxorum, sed ipsis integris ferè saxis, in quibus nulla apparet fissura, se insinuat, ut nonnisi disruptis saxis ejus aliquid evelli possit. Folia per orbem disposita & oblique deperdentibus atque herantibus viridem stellam exprimere videtur. Folia verò semipedem aut magis longa sunt, per ambitum laciniata minoris *Hieracii* modo, hirsuta, aspera, dura, amara & lactescentia: è quorum centro exeunt duo vel tres juncei duri cauliculi thyrsi specie, hirsuti, tenues, pedales, asperi, lactescentes, secundæ *Chondrillæ Dioscoridis* à nobis depictæ pares & similes: in quorum cacumine singuli sunt flores oblongis calathis inclusi, qui aperti lutei pallentes apparent: illisque papposa, oblonga semina & fusca succedunt, hiantèque calice evolvantia.

Junio floret & Julio mensè perficitur.

Immanibus & altissimis saxosis solidisque vallis *Campoclarensium* lateribus oritur. Invenimus *Locus.* etiam eandem postea in *Æquicolorum* montibus saxosis, inquit Autor.

- \* 8. *Hieracium montanum angustifolium nonnihil incanum* C. B. *montanum angustifolium* Park. *Hier. montanum sextum* Clusio, *angustifolium* J. B. **Narrow-leaved mountain Hawkweed.**

Clus.

Radix digiti crassitudinem interdum æquat, longa, nigricans, tenuibus fibris prædita, summa parte in plura nonnunquam capita extuberans, quæ summa tellure sæna aut plura oblonga folia, semunciam ferè lata & nonnihil incanè deperdunt. E singulis radicis capitibus prodeunt inter folia singulares

singulares *cauliculi*, duri, nudi, dodrantes aut palmares tantum, unicum *florem* sustinentes & utriusque oblongis, extremo infectis foliis, luteoque colore præditis constantem, quo defluente *semen* oblongiusculum cum pappo levi auræ flatu excutitur.

Aliud ejus genus invenitur, cujus folia nonnihil in lateribus laciniata sunt fermè instar foliorum *Leucocii marini* minus incani: *Flos* aureo colore magis rutilat, aliòqui per omnia simile.

Utriusque planta lacteo succo plena, & amariulo gustu est.

In omnibus illis montibus à *Calenberg* Danubio imminenti ad *Alpes* excurrentibus nascitur.

Locus.

- \* 9. *Hieracium Dentis leonis folio, hirsutæ asperum minus* C. B. Prod. *Small rough Dandelion* *Hatkwæd.* Hier. D. l. folio, hirsutæ asperum, magis laciniatum C. B.

C. B.

*Radice* est parva, oblonga, ad *cauliculorum* & foliorum exortum rufescente. *Folia* ad radicem pilosa, aspera, angusta, uncias duas longa, in lacinias divisa: inter quæ *cauliculi* nudi, asperi, modò unus, modò bini ternive, palmum non excedentes exurgunt; *florem* unicum, aureum, in pappum abeuntem sustinentes.

Locus.

Montepessuli provenit.

Hæc non parvitate tantum, sed & floris colore aureo, & figurâ seminis prout in iconè exhibetur, differt à præcedente.

Huic perfimile est, si non idem.

*Hieracium parvum hirtum, caule aphylo, crispum ubi siccatum* J. B.

J. B.

Quod simplicem pedali altitudine *caulem* tollit, tactu asperum & singularem, cujus cacumini *flos* impositus unicus *Hieracii* quod *Cichoreum sylvestre luteum* appellant, in pappos evanescens. *Folia* ex *radice* gracili complura per terram sparsa densâ rigidâque lanugine spinulas quodammodo imitata, hirta & incana, fescunciam aut duas uncias longa, latè lata, divisione *Eruçæ* purpureæ nobis dictæ, ficcata crispa videntur.

Locus.

Montepellii etiam collegit J. Bauhinus: nos quoque in agro Montepessulano, non longè à *Sella nova*, in arvis.

Ab eodem etiam non multum abludit.

- \* 10. *Hieracium alterum minus seu pumilum* IV. Col.

Alterum *Alpinum* minus *F. Gregorio* dictum, aureo flore, glabrum; triunciali *cauliculo*, foliis fsequipollicem longis, laciniatis. *Denti leonis*, dicto *Piscialetto* flore aurato simile est, differt exiguitate totius plantæ, radice carnosa, nigrâ ficcâ, ex quâ fibræ longæ humum petunt.

Differt foliis glabris.

Huic planè simile (inquit C. Bauhinus) nostrum *Hieracium pumilum, saxatile, asperum, radice præmorsa* C. B. prod.

C. B. prod.

Cui ad *radicem* crassiusculam, nigricantem, in fibras oblongas præmorsas abeuntem *folia* plura, villosa, acuta, longis pediculis donata, uncias tres, quatuorve longa, femunciam lata, in circumparioribus dentibus donata; inter quæ *caulis* palmo minor, hispidus, tenuis & rotundus, uno alterove folio vestitus exurgit, *florem* subluteum sustinens, cui *semen* parvum, nigricans, pappo immersum succedit. In *Alpibus* provenit.

- \* 11. *Dens leonis minor aspero folio* C. B. Park. *Small rough Dandelion.*

C. B. prod.

Ad *radicem* parvam albicantem *folia* plura, subrotunda, duas trêse uncias longa, unam lata, laciniata, & per ambitum levissimis spinulis, ut in *Soncho*, exasperata: *Cauliculus* duarum unciarum *florem* satis magnum, pallidè luteum sustinet.

Locus.

Montepessuli provenit. At circa Montepellium non invenit P. Magnol. *Botan. Monsp.*

- \* 12. *Dens leonis minor foliis radiatis* C. B. Park. cui & *Trinciarella* *Italarum Camerarii.* *Short Dandelion.*

C. B. prod.

Ad *radicem* parvam, nigricantem *folia* plura per terram sparsa, uncias tres longa, femunciam lata, in plures lacinias profundas divisa, quibus hoc peculiare, quod quodlibet folium in summo in tres profundas lacinias dividatur, & harum qualibet apices plures quasi radios obtinet: foliorum pediculi levissimis pilis pubescunt. *Cauliculi* plures, laves & nudi, quorum unus palmo minor exurgit; reliqui breviores reclinati, singuli *florem* unicum in pappum abeuntem sustinent.



13. *Dens leonis Gadensis* Park. *D. l. minimus* C. B. *Cichorium sylvestre pumilum* sive *Hedynois* Clus. cur. post. **Dandelion of Cadix in Spain.**

Park.

*E radice* longa, alba, tenella *folia* emittit plurima, spithamam aut eo amplius longa, costâ media à radice ad dimidiam longitudinem nudâ, deinde in lacinias utrinque *Dentis leonis* vulgaris similes incisa, ut *folia Dentis leonis* exactè referant, nisi quòd minora & angustiora sint. *Flores* pariter *Dentis leonis* modo longis pediculis, aut si mavis cauliculis, insident, parvi, lutei, in pappum abeuntes: *Semina* longa, tenuia, subrufa, ut in *Hieracis* nonnullis.

*Locum* titulus indicat; siquidem è Gadibus insula à Gulielmo Boelio in Angliam delatus est.

*Radice* est vivaci, gelu tamen corrumpitur, si hyems asperior fuerit.

Frequens ejus usus apud incolas in acetiariis; ciet enim urinas, & hepar ab obstructionibus liberat *Vires* & *Usus.* hand minùs quàm vulgaris. *Clus.* ex propria experientia.

14. *Hieracium Dentis leonis folio obtuso minus* C. B. Park. **The lesser Dandelion Hawkweed with a blunt leaf.**

C. B.

Ad radicem parvam *folia* sena septenâve terrâ incumbunt, quæ crassa & aspera, uncias duas longa, unciam semis lata, obtusâ, nec profundè laciniata: inter quæ caulis lævis, nudus & cavus exurgit, qui *florem* unum, pallidè luteum & magnum sustinet.

Provenit in pratis extra minorem Basileam.

Descriptio hujus in omnibus ferè convenit *Hieracio nostro montano non ramoso caule apophyllo, flore pallidiorè*, præterquam loco: Nostrium enim solo sicco & cretaceo, nimirum in aggere seu vallo famosæ illius fossæ *The Devils ditch* dictæ provenit; & in collibus Bartolovientibus, vide & confer.

15. *Hieracium Narbonense rotundifolium caule apophyllo* J. B.

J. B.

Hoc statim à radice alatis pediculis longiusculis *folia* fundit octona aut dena plus minus, rotundis; in ambitu exacutis, sed innoxiiis apiculis, veluti aculeis donata, lævia, sapore manifesto destituta. E quorum sinu *cauliculi* juncei bini exeunt, palmo vix longiores, nudi, quales in *Dente leonis* vulgi dicto; quorum summa *florem* sustinent luteum, minorem quàm dictæ plantæ, sed in elegantem pappum pallidulum fatiscentem, qui multiplex singulos flocculos sed *Lactucæ* pedicello sustinet. *Semen* exiguum, longum sed *Lactucæ* minus, subrustum, striatum. Saporem nullum manifestum animadvertimus.

Montpelio ex rupibus illi vicinis evulsam habuimus. *J. B.* In satiorum marginibus circa Bouto- *Locus.* natum frequens est. *Botan. Monsp.*

16. *Hieracium III. fatidum* Col. *Dens leonis tenuissimo folio* C. B. prod.

Col.

Lævi est *folio* & profundè inciso *Dentis leonis* modo, magnis lobis *Sonchi æmulis*, semipedali longitudine; *radice* carnosa, quam tuberosam ferè & foetidam retulit [Fr. Gregorius] qui recentem observavit: *caule* nudo, tenui, dodrantali, unicum in summo *florem* pallentem proferente, ut congenerum, sed paucis barbulis coronatum.

Hujus Descriptio plenior habetur apud C. Bauhinum in Prodrómo; qui in Austria propè montem *Locus.* *Dravensheim* repertum scribit. In herbis viis circa Montspelium frequentissimè occurrit, & mira foliorum varietate ludit. *Botan. Monsp.*

Descriptionem Bauhini in gratiam studiosorum non pigeat huc transcribere.

Ex radice crassa, rufa & fibrosa *folia* aliquot tenuissima, virore splendentia, palmaria, uncias duas lata, primùm profundè laciniata, deinde qualibet lacinia ut plurimum utrinque duplici vel triplici levi lacinia (vel potius apice) subdivisa prodeunt, ut & pediculi tenuissimi, nudi, duabus uncis foliis longiores, *florem* parvum sustinentes.

17. *Cichorium bulbosum* J. B. *Chondrilla bulbosa* Park. *marina* Ger. *bulbosa*, sive *Chondrilla* 2: Diosc. an *Medum* Theophr. 1. Hist. 11. C. B. **Bulbous Succory.**

J. B.

Ut rarum ita pulchrum est *Cichorii* genus, innumeris fibris tenuibus longè latèque perreptans, quibus appensi *bulbi* *Avellanæ* circiter magnitudine, \**Alabastritis* marmoris candore, solidi. *Folia* fescunciam aut uncias duas longa, semunciam latiora, leviter sinuata, glabra, in obtusum mucronem delincentia, crassiuscula, rubescentia. Inter hæc surgunt *cauliculi* palmares, hirsuti, quorum fastigiis *flores* insident *Hieracii*, lutei, in pappo evanescentes. Hæc planta amara est & lacteum succum habet.

Per arenam serpit: floret mense Aprili propè montem Ceti ad mare.

*Radicem* istam globosam ad strumas curandas multum conferre se experimento didicisse My- *Vires.* conius asserit, unde & *Cichorium strumosum* plantam nuncupavit. Sumuntur autem quinque aut sex

sex integræ cum melle multis diebus continuis: vel earum decoctum, vel aqua destillata, quæ tamen inefficaciora sunt; vel conditum ex iis cum melle paratum.

## CAP. X.

## De Scorzonera.

**S**corzonera nomen est Hispanicum, huic herbæ inditum, quod animalis *Escorcu* Catalaunico sermone appellati morsus curet. Formam hujus animalis vide apud Monardum, qui intergrum libellum de hac herba & lapide *Bezaar* scripsit. Ad serpentinum autem genus pertinet hoc animal, unde Scorzonera idem fere est ac Serpentaria, quod contra Serpentum venena effica sit.

Sunt qui ad Chondrillam Dioscoridis referunt, sed magis ad Tragopogonis genus reducenda est. C. B.

Clusius Scorzoneras à Tragopogis in eo solum differre putat, quod illarum radix vivax sit, Tragopogi autem minimè.

Nos potius ex floris ejusque calycis formâ Scorzoneram à Tragopogone distinguimus, ut Scorzonera sit cujus flos à calycis radius non superatur, verum floris orbis calycis oras excedit potius: Tragopogon autem cujus florem ambiunt & continent calycis radii floris ipsius petalis multo longiores. Flos quoque in Scorzoneri plerumque major est & plenior quam in Tragopogis: calix quoque in illis squamosus; in his simplici radiorum, longitudine fere æqualium, stellatim flore aperto expansarum, serie constat.

1. *Scorzonera Hispanica major* Park. *latifolia sinuata* C. B. *Viperaria* sive *Scorzonera Hispanica* Ger. *Tragopogon Hispanicus* sive *Escorzonera* aut *Scorzonera* J. B. *Common Dipertis grass* or *Scorzonera*.

J. B.

Pedali longitudine est *radix*, crassitudine pollicari & majore, raris & majusculis fibris albis è latibus demissis, nigricante exterius cortice obducta, lacte dulcissimo non sine aliqua adstrictione prægnans, in multos annos vivax. *Caulis* sesquicubitalis, teres, striatus, inanis, multis alis concavus, & ab imo statim ramosus, *ramis* longissimis, lanugine quadam rasili obitus; quæ etiam inferius pubescunt *folia*, latiore basi caulem amplectentia, longa, Tragopogonis, fescunciam lata, per margines æqualia, interdum tamen sinuata seu crispa, in perquam longum & angustissimum mucronem desinentia, nervis aliquot per longitudinem excurrentibus, glabra, obscure virentia. *Flores* infident extremis ramulis prælongis singuli, Tragopogonis lutei, è *calycibus* squammatim compati libus [squamis magnis lavibus,] qui manè se pandunt, post meridiem clauduntur. Flore marcescente calix in ventrem turgescit. *Semen* oblongum, angulosum, album, non tamen ut in Tragopogone in longum mucronem producitur, verum pappus summo semini infidet.

Radix esculenta est, & apud nos in frequenti usu in cibis, imo Pastinacæ & ipsius etiam Sifari radicibus antefertur.

In hortis nostris Junio mense floret & in Autumnum usque.

2. *Scorzonera major Pannonica latifolia* Park. *latifolia altera* C. B. *Böhemica* Lob. *præcedenti varietas est*.

Huic *folia* à radice capite plura exire dicuntur quam præcedenti, angustiora, ad margines æqualia, leviora, colore viridi obscuriore & sordidiore: *caules etiam* perlate ab eadem radice plures: in reliquis cum ea convenit, & proinde quicquid intercedit discriminis, loco natali impudandum censemus; nec Matthiolus ipse, neque Clusius distinguunt: Parkinsonus quoque fateatur hanc cum aliquot annos in hortis duraverit faciem mutare, nec posse ab Hispanica discerni.

Vires.

Scorzoneræ radix sapore est non ingrato sed subdulci, unde & cruda & cocta & condita, non secus ac Pastinacæ nostræ, editur: imò mensis etiam magnatum infertur, & Chivis Pastinacæ aut Sifaro præfertur. Contra morsum non solum Serpentis *Escorzo*, sed & quorumlibet aliorum valet: contra febres pestilentes, contra quoscunque cordis affectus, melancholiam, palpitationem, synopen, epilepsiam, vertiginem, contra viscerum obstructions, uteri mala, quid dico autem; omnia. Ità enim nova remedia celebrari solent. De vi ejus adversus serpentes *Escorzos* mira & prolixè incredibilia narrat Monardus, qui singularem de hac planta edidit libellum, quem cum aliis vertit Clusius.

Amagria insula Scorzonera amarulentior est Hispanica & nobis hortensi, & in hydrope impiente & ictero contumaci plurimum valet. Rarum, fit illud Hofmanni apud medicos. Si medicamentum vis hepaticum in bile crassa & adusta idem amarissimum fuerit opportunum. *Sim. Paulus.*

Scorzoneræ montana vis Alexipharinaca deprædicatur in *Ephemer. Germ. An. II. Obs. 81.*



- \* 3. *Scorzonera humilis latifolia* Pannonica Park. *latifolia humilis nervosa* C. B. *Tragopogonis species*, sive *Scorzonera humilis latifolia* J. B. *Viperaria Pannonica* Ger. Dwarf broad-leaved Hungarian *Vipers grass*.

Clus.

Latoria brevioraque habet folia quam *Scorzonera major Pannonica* 1. Clusio, Bupleuro latifolio sive Elaphobosco Mompelliano non valde dissimilia, crassiora tamen & duriora, quinque nervis seu venis per longitudinem excurrentibus distincta, cœrulei quodammodo viridi permixti coloris, gustu vero aliquantulum amaro & fervido. *Caulis* inter hæc affurgit gracilis, pedalis altitudinis, striatus, raris foliis septus, cui infidet *flos* superiori similis, luteus, magnus: quo marcido nascitur in calicibus *semen* oblongum, asperum, *Tragopogo* simile sed minus, in villosa materiâ albâ latens. *Radix* pollicaris est crassitudinis, interdum major, longa, nigro rugosâque cortice tecta, intus alba, quæ contracta lacteo succo manat, succellu temporis flavescente; superiore parte hirsutâ veluti cælarie donata est, & in plura capita plerumque extuberat, ex quibus folia prodeunt.

Hanc Clusius in monte Badensibus thermis in Austria imminente vicinâque aliis observavit.

Locus.

- \* 4. *Scorzonera Pannonica angustifolia* Ger. *angustifolia prima* C. B. *Tragopogonis species*, sive *Scorzonera humilis angustifolia* J. B. *Now narrow-leaved Vipers grass* or *Scorzonera*.

Clus.

Firmatur hæc crassâ radice, longâ, nigro, denso rugoso cortice præditâ, lacteo succo plenâ, quæ nonnunquam superiore parte in plura capita, quemadmodum præcedens, extuberat, crassitudine minimi digiti, (novellarum plantarum instar) villosâ, ex quibus multa nascuntur folia *Tragopogo* similia, firmiora tamen, breviora, & ejusdem cum præcedentis foliis coloris; inter ea excrescit humilis, palmum vix excedens *caulis*, aliquot brevibus foliis septus, cavus, *florem* in summo fastigio ferens flavum, alteri ferè similem. *Semen* deinde in longioribus caliculis, *Scorzonera* Hispanicæ semini par, minus tamen, quod maturitate levissimo auræ flatu excutitur, & ejus arbitrio fertur.

Hæc & sequens non modò in Hamburgensi monte quâ parte glaber est & tenui gramine duntaxat tectus, & quâ Austriam spectat, sed etiam in vicino *Prellenberg*, *Leytenberg*, catenâ illâ montium à *Calenberg* ad *Alpes* excurrentium & plerisque Ungariæ locis nascuntur.

Florent Aprili & Maio, semen interdum Maio, aut sub Junii initium maturescit.

Tempus.

- \* 5. *Scorzonera angustifolia subcærulea* C. B. *elator angustifolia Pannonica* Park. *angustifolia elator* Ger. *Tragopogonis species*, sive *Scorzonera major angustifolia subcærulea flore* J. B. *Caller narrow-leaved Vipers grass*.

Clus.

Frequentia huic sunt folia, longa, *Tragopogi* foliis minora & angustiora, inter quæ cubitalis affurgit *caulis*, cavus quidem ille, sed firmus, durus, viridis, aliquot oblongis foliis septus, & suprema parte in binos aut plures ramulos divisus, ferentes in longioribus calicibus *florem* *Scorzonera* angustifoliae floribus non dissimilem, nisi quòd paulò minor sit, & coloris ex cœruleo purpurascens, jucundi odoris, pastillorum è Benzoin confectorum nidorem quodammodo referentis, sed fugacis admodum. Sena deinde octona aut plura in singulis calicibus *semina*, *Scorzonera* seminum æmula, quæ matura cum suo pappo à vento excutuntur. *Radix* singularis, minimi digiti crassitudinem æquat, densâque, foris nigricante & rugosâ cortice obducta, suprema parte hirsuta & villosa, quæ vulnerata succum extillat initio lacteam, deinde flavescentem, gustu primum gummoso, postea aliquantulum acri: vivax est ut reliquarum radices vetustate crassior evadens, & superiore parte in plura capita subinde extuberans.

- \* 6. *Scorzonera angustifolia altera* C. B. *item Hieracium Tragopogonis folio* ejusdem. *Hieracium* 7. *humile* Clus. Hist. *item Scorzonera* 4. ejusdem Pan. The other narrow-leaved *Vipers grass*.

Clus.

Angustis constat foliis, *Tragopogo* aut *Scorzonera* angustifoliae proximis, carinatis, colore cinereo, digitalis longitudinis, lacteo succo plenis, amariusculis; ex quorum medio exilit tener *cauliculus*, dodrantalis, per quem sparsa sunt rara folia, aliis minora: is in aliquot ramos divisus sustinentes capitula aliorum more squamata, quæ in luteos *flosculos* *Tragopogo* similes, sed minores explantur, maturitate in pappos evanescentes. *Radix* nigra est, multis fibris albis capillata, lateribus propagines quotannis agens.

Hanc quam in Pannonicis ad *Scorzoneræ* retulerat Clusius, propter radicis cum illis dissimilitudinem commodiùs inter *Hieracii* genera reponendam censet in Historia.

Copiosè nascentem observavit duntaxat in faxis ad *Gamingam* *Carthusianorum* coenobium, Julio flores proferentem.

Locus.

- \* 7. *Scorzonera bulbosa* Attica, *Galacorta dicta* Wheeleri.

E radice rotunda, bulbosa, Juglandis magnitudine, paucis fibris appensis, exeunt folia aliquot longa, angustâ, argentea lanugine pubescentia, inter quæ *flos* *Scorzonera* similis, pediculo palmari oritur.

Gracis

Locus.

Græcis *Galacorta*, id est, *Herba lactea* dicitur, quoniam tota planta lacte scatet. In Hymetto Atticæ monte invenit *D. Wheeler*.

\* 8. *Scorzonera Cretica* Wheeleri, *Galacorta* pariter dicta.

Quod ad folia attinet *Asphodelo* fistuloso perfimilis est hæc planta; sunt enim ea intus concava seu tubulosa *Cepæcorum* instar. *Radix* crassa, altè in terram descendens, lacte albo dulci turgens.

Hanc etiam *Galacorta* Græci vocitant, eaque mulieres utuntur ad colorem candidum cuti conciliandum: Commendatur etiam in cibo ad lac augendum.

Cum priore in Hymetto monte oritur.

Est hæc planta singularis & *Anomala*. Nos nondum vidimus, certè non meminimus vidisse, herbam illam, præter bulbosas isque affines, quæ folia habet fistulosa. Si caulem & flores vidisset & descripsisset Autor, certius iudicium de ea ferre possemus.

Nos in insula parva promontorio Siciliæ *Pachyno* olim continuâ, nunc angusto freto diremptâ, ubi *Arx Hispanorum* præsidio tenetur inter alias multas rariores plantas *Scorzoneræ* etiam speciem invenimus, cui titulum fecimus

*Scorzonera foliis angustis incanis, floribus dilutè purpureis.*

Caules eo loci vix semipedalem altitudinem superabant.

9. *Tragopogon Coronopi folio* C. B. *Chondrilla* *παραπυρανδριου* Thal. *Stæbe Plantaginis folio* Alpin. exot.

Alpin.

Foliis multis *Plantagini* angustifoliæ figura & magnitudine similibus, humi stratis, crassis, colore viridi in luteum languente, sapore insipido, in orbem in terra ætis, mollibus fragilibusque donantur: Ex quibus cauliculi semidodrantales, teneri, graciles assurgunt, in quorum summitatibus capitula parva, oblongaque cernuntur, è quibus flosculi toti lutei exeunt quibus succedunt semina parva, oblonga *Scabiolæ*. *Radix* digiti minoris crassitie, alba, mollis, tenera, gustu insipido.

\* 10. *Scorzonera foliis nervosis* C. B. *minor angustifolia Pannonica* Park. *Germanica angustifolia* Tab.

Park.

Folia ei longa, perangusta, viridia, *Tragopogi* foliis valdè similia, sed breviora & pauciora. Caules graciliores & humiliores multò quàm majori *Pannonicæ* latifoliæ: flores minores, pauciores petalorum gyris compositi: Semina etiam minora, aliàs similia: Radices duplo minores, graciliores, nec succo lacteo adeo prægnantes.

Locus.

Reperitur propè *Monspelim*, in depressis herbidis & incultis locis ad dexteram viæ quæ à *ponte Villæ novæ* itur ad *Miram* vallem *Julio* mense cum flore. *Botan. Monsp.*

\* 11. *Hieracium capillaceo folio* C. B. prod. An *Scorzonera minima tuberosa radice* Hispani Park?

C. B.

*Radice* est *Scorzoneræ* simili, crassâ, oblongâ, tunicâ fuscâ & rugosâ vestitâ; ex qua cauliculi breves, palmares, laves, singuli florem unicum, pallidè luteum, mediæ magnitudinis sustinentes erigunt. Folia ad radicem plurima, pili instar tenuia, duas, rariùs tres uncias longa, rigidiuscula, atrovirentia, rariùs cauliculorum partem cingentia.

*Monspelio* allatum fuit. An fortè (inquit) *Scorzoneræ* species?

*Scorzonera minima tuberosa radice* Park. in multis cum hac planta convenit, differt foliis altiusculis latioribus: radice brevi, lacte pauco; Flore parvo, simplici: femine minore, nigro: eandem tamen esse Autor ipse suspicatur, cui & nos subscribimus, nec enim libenter citra necessitatem *Entia* multiplicamus.

\* 12. *Scorzonera sylvestris, fol. angustis, fl. cæruleo major & minor* Mentzel.

In sylvis temperatis, maximè ex *Fagis* & *Quercubus* confitis *Marchiæ Brandenburg.* circa vallem *Joachimicam*, pagum *Schornbeck*, *Furstenwaldiam*, mensibus *Junio* ac *Julio* floret. Flos egrè cæruleus est instar *Cichorei cærulei*. *Radix* nigrescit.

\* 13. *Scorzonera Illyrica* Park. Alpin. *Vipers-grass* of Slavonia:

Foliorum longorum, angustorum, trinerviorum ad numerum quinquagenarium aut etiam centenarium; Caulium exilium ad vicenarium accedens multitudo: Flosculi exigui, flavi; Semina quàm præcedentibus minora: Radix crassa, nigricans, hanc speciem à reliquis congeneribus abundè distinguunt.

His subjungemus duas trèsvæ plantas *Tragopogis* accenseri solitas, ob radices puto cum caulibus unâ mœscentes, nec ut *Scorzoneræ* vivaces & diuturnas. Verùm quoniam florum calicibus & seminibus (quæ



quibus præcipue notæ genericæ desumendæ sunt) ad Scorzoneras propius accedunt, iis potius subnectendas putavimus.

14. *Tragopogon laciniatum luteum* C. B. *laciniatum majus* Park. folio laciniato, flore pallido J. B.  
**The greater jagged Scorzonera.**

*Tragopogoni radix* similis, tenera, lactiflua. *Folia* priora longa, angusta, ad margines æqualia, ad exortum angusta, versùs apices latiora: posteriora & quæ caules occupant inferiora, alia utrinque, alia ex altero tantum latere laciniata, superiora paulatim minora sunt minùsque incisa & tandem integra, subtus pallidius virentia. *Caulis* cubitalis & altior, foliis vestitus, summa parte in tres quatuorve ramulos divisus, quorum singuli capitulum sustinent *Tragopogi vulgaris*: [calix tamen non componitur è foliis mucronatis ultra florum petala excurrentibus & in longitudinem productis quemadmodum in genuinis *Tragopogis*] florem claudens minorem quàm *Tragopogi lutei* vulgaris, manè expansum, circa meridiem se contrahentem: succedit semen minus quàm illius, minimè asperum.

Plantæ J. Bauhino descriptæ folia priora tenuia, quæ tamen per ramos satis frequentia, triplo quadruplòve vulgatj *Tragopogonis* foliis latiora, in crebras profundas lacinias dissecta, quæ aliquid commune habent cum *Dente leonis*: Semen ad *Scorzonera* semina propius accedit.

Hanc J. Bauhinus *Tragopogoni* à *Columna* descripto fidenter eandem facit: Descriptiones tamen non satis convenire videntur. Nos in hortulo nostro aliquando aluimus *Tragopogonis* speciem, *Coronopi* folio dictam quæ ab utroque (quantum memini) differebat; & certè C. Bauhinus in pinace *Tragopogona* quem *Coronopi* folio inscribit ab utroque distinguit: verùm exactius eam describere negleximus.

\* 15. *Tragopogon tenuissimè laciniatum* C. B. *laciniatum minus* Park.

C. B.

*Radice* est oblonga, crassiuscula, fibris carente, rufescente & lacte turgente: ad quam folia plura, oblonga, angustissima, acuminata, & in plures angustissimas lacinias divisa. *Caule* est cubito non multum brevior, rotundo, lævi, striato, nonnihil folioso, in alas brachiato: singulis flos unus magnus & pallidus intidet, cui semen oblongum, scabrum, cristâ pilosâ in summo præditum & calici oblongo inclusum, succedit.

Montpeulsi observavit C. Bauhinus descriptionis autor. Si semen rectè describatur, à præcedenti omnino speciei distinctum est.

\* 16. *Tragopogon hirsutum* C. B. *hirsutum humile* Park. *Apulum humile hirsutum luteum* Col.  
**Small rough pellow Goats-beard.**

Col.

Huic *radix* longa satis, nigro cortice obducta, intus alba, lacte pallente turgida, dulci sapore, viscofo dum concrefcit, minimi digiti crassitudine. *Folia* *Croceis* paulò latiora, ad graminea accedentia, per longum venosa, è medio circa radicem plurima, longa sericea hirsutè obsita, pedalia, partim recta, partim verò convexa. *Caulem* edit breviorē alius, parum supra folia excedentem [quandoque duos tréve habere conspicitur] hirsutum, cavum, lincis striatum & lactescentem, brevioribus foliis interceptum; in cuius summo calix est magnus sed alius minor, basin foliosam habens, quod in aliis non observatur; florem emittens luteum, plenum, radiatum, quindecim circa se foliis radiantibus, calicis orbem superantibus, intus habentem coacervata alia foliola, Hieracii modo staminibus intortis, bicornibus, luteis, etiam Aprilis emicantem; deinde contractum post non multum temporis pappum emittentem longum, admodum fulvum, colore præ aliis nigrescente, duriorem rigidiorémque. *Hircinæ* barbæ pilorum modo, semine longo, sed duplo minore aliis, dentatis etiam stris atpero, contra aliorum normam circa imum tenuiore itémque fulvior.

Variat hæc planta, semine tantum, quod in *Cirinola* inventa brevius, latius, incanum, lanuginosum, acanaceis proximum, pappo superiore admodum breviorē, eodémque colore, minùsque rigente. Tota planta gustu est dulci & grato. Martio caulem edit, Aprilis floret, & Maio perficitur.

Miror quid Parkinsono in mentem venerit ut hanc plantam in duas species dirimeret.

CAP. XII.

De *Tragopogone*.

**T**ragopogon nomen accepit à pappo cano grandiori, qui è summo ejus vertice nascitur, & hirci barbam imitatur. *Theophr. Hist.* Poffet autem non ineptè dici *Tragopogon* hæc herba à figurâ floris nondum aperti, quæ barbam hircinam proximè refert.

Cæterum *Tragopogon* à *Scorzonera*, ad quam alias accedit, in eo distinguitur, quod calycis radij florum petala longitudine excedunt, & floris circumferentia calycis radius excedentibus stellata efficiuntur, majoréque ambitu protenditur. Calyx quoque *Tragopogi* (quantum quidem memini) minimè squamosus est, sed omnes ejus radij seu folia æquali fere longitudine extenduntur, contra quàm in *Scorzonera*.

A. 1. Tra-

A. 1. *Tragopogon luteum* Ger. Park. parad. flore luteo J. B. *pratense luteum majus* C. B. **Goats-beard.**

*Radice* est lacte turgente dulci, minimi digiti crassitudine, longa, pastinacæ quadantenus furas nigricante, intus alba; *Caule* cubitali, tereti, glabro, solido, *foliis* ab imo ad summum vestifere porraceis, carinatis, caulem amplectentibus: ex quorum sinu rami pronascentur, quorum terminis insident *flores* magni denso foliorum radiatorum agmine stipati, lutei, qui in pappos ab *semine* appenso longo, magno, aspero, cinereo.

Locus.

In pratis & pascuis passim provenit.

Ratione loci magnitudine variat, hinc duæ species apud Parkinsonum.

\* 2. *Tragopogon minus luteum* Park. *Tragop. folio oblongo, sinuato* C. B. **Goats-beard, with long waved leaf.**

C. B.

*Radice* est oblonga, lacteo succo manante: *caule* gracili, pedalis altitudinis, raris *foliis* alternatim septo, quæ oblonga, non multum palmo breviora, at angusta, sinubus brevioribus & quasi serratis exasperata, pallidèque virentia. *Caulis* summo *flos* insidet pallidè luteus, magnus, *Tragopogo* vulgari similis, ex calice magno, apicibus acutis donato prodeunte: quo marcido *semen* oblongum in materia villosa alba latitans succedit. *Forè præcedentis varietas est.*

Locus.

Monspessuli legimus, inquit C. Bauhinus, descriptionis autor.

*Tragopogon spicatus* Hist. Lugd. si non sit figmentum, certè *Tragopogi* genuini species, non est, sed alterius cujusdam generis videtur.

3. *Tragopogon purpureum* Ger. Park. flore purpureo J. B. *purpureo-cæruleum Porri folio, quod Antiqui vulgo* C. B. **Purple Goats-beard.**

Quælibet plantæ pars vulnerata lac fundit, album emanans, mox in luteum facessens, viscidum, quod *radici* rectæ, digitali vel minori crassitudine, teneræ copiosum & dulce cum sit, culinis exspectatur. *Caules* inanes, ramosi, majores & firmiores quam *Scorzoneræ*, *foliis* multis stipantur porraceis, quæ interdum valdè lata, interdum angusta, longa, acuta. *Flores* in summis caulibus & ramulis, foliis octo, novem aut decem, virentibus, longis & acuminatis obvallati, tribus uncias, superant, qui colore sunt vel atro-purpureo, vel purpureo-cæruleo, vel cæruleo; qui postea in pappos abeunt, quibus adhæret *semen* duas uncias longum, teres, striatum asperum, per maturitatem extremam nigricans.

Hæc planta totâ specie differt à *Tragopogone* luteo, & non floris tantum colore variat, ut vel Lobelius. Nam nec luteus ita longa & porracea habet ima folia, sed breviora, triplo angustiora, rigidiora; nec in montosis oritur, sed in pratis & pascuis depressioribus tam calidarum quam frigidiorem regionum. Præterea florum effigie inter se distant & magnitudine: purpureo namque minor est flos, atque calicis apices radiantes circumcirca altero tanto floris diametrum excedunt, in floris ambitus parvus videatur respectu calicis atque radiorum ipsius expanso flore. Luteus vero speciei vulgari plenior admodum est atque grandior, calicis apices magis occupans.

Locus.

Circa Flaminianum villam, & Cirinolæ, inque Æquicolum valle *Colloroscio* dicta purpureum nigro-purpuream & obsoleti coloris plantas invenit & eruit F. Columna.

Vires.

Radices in deliciis habentur tum coctæ, tum etiam crudæ in acetariis, lancinationibus æstuantibus ventriculo ac thoraci auxilio sunt.

Valdè nutriunt, unde tabidis & macilentis conducunt. Vitiis pectoris, tussi & respirationi debili, necnon pleurisi mederi dicuntur; quod quomodo efficere possint, siquidem dulcia sint, non videt Casp. Hofmannus. Urinæ quoque stillicidio subvenire & calculum expellere creduntur; unde *Sassifera* seu *Sassifraga* quasi *Saxifragæ* Italis dictæ sunt. Sed & vulneribus utiliter imponuntur.

Eadem præstat tum succus radicis expressus, tum aqua ejus destillata.

4. *Tragopogon asivum* Park. **Summer Goats-beard.**

*Tragopogo* vulgari luteo aut purpureo minus est *caule* unico pedali assurgens, tribus vel quatuor *foliis* septo, angustis, oblongis, brevioribus tamen quam supradictorum, & ad basin seu exortum brevioribus, paulatim deinde ad mucronem usque angustatis, pallidè viridibus cum costa media albentibus. *Caulis* in duos trêve ramulos brachiatur, quorum unusquisque caput amplum sustinet, quod cum aperitur *florem* ostendit parvum pallidè ex cinereo purpureum vel carneum, matutino tempore expansum, circa meridiem se claudentem: calicis folia ultra *florem* in acutos mucrones producunt. *Flore* dilapso capitulum augetur, *semina* continens; quorum exteriora in ambitu majora sunt, & pappo destituta, interiora minora. *Radix* longa est & lignosa, ante hyemem marcescens. *Radix* enim juvenis & tenera, *Foliisque* seu rupta, seu incisa, vix aut nè vix quidem lactescunt.

Hæc planta Parkinsono succrevit ex semine Italiâ misso: seipsum autem non reseminat ut plerumque aliæ hujus generis, sed oportet ut vere de novo quotannis seratur, unde & æstiva denominatur. Verisimile est semen in terram delapsum in regionibus Septentrionalibus hyberno frigore perire.

Plantam hanc Cantabrigiæ in hortulo nostro aliquot annis sevimus.



- \* 5. *Tragopogon gramineus foliis hirsutus* C. B. *Apulum suave-rubens* Park. alter *gramineo folio, suave rubente flore* Col. **Rose-coloured Goats-beard.**

Col.

*Radix* est parva, omnium minima, trientem longa, in summo rubescante, reliquum alba, dura, lactescente, gustu dulci, multis lateraliter obliquis fibris humum amplexante: *Folia* angustis, drantalibus, gramineis, hirsutis, tactu lavibus extrinsecus, intus verò albidioribus, tactuque deorsum versùs asperis, ut in *Hordeaceis*: *Caulis* longo, bipedali, tenui, albicante, tereti, nervoso, duro, foliis multis densè alternatim illum cingentibus, circa nodos latioribus, raris alis diviso. In summo, ex magno respectu plantæ calice, octo foliolis radiantibus diviso, *flos* intus ex albo rubens seu carneo colore suave-rubens, undecim foliolis intus alia foliola continentibus compositus, ex quibus *stamina* nigro-cerulea lutea acie pulverosa, in medio elewantur, umbonis vice. *Flos* huic cum semina perfecti incipiunt occultatur, calice inclusus, papposa seminum cacumina exferente. Hujus calix angustus est, inani longoque infidens collo, oblongis *seminibus* refertus, quorum exteriora ab aliis omnibus differentia, oblongiora internis, non in pappum desinunt, sed in quinque [duas breves tenuiores, & tres longas admodum] aristas: reliqua verò interna semina pappum ut congenera infidentem habent, ipsaque breviora sunt: omnia lavia, omnium minora, angustiora, etiamque flaventia. *Sapere* ab aliis differt nihil.

Maio floret & perficitur. *Cirinola* Apulæ in *Pyrastrorum* sylva illa exoritur propè D. Rocchi adem. Floris colore, & seminibus in capitulo exterioribus ad præcedentem accedit.

Locus.  
& Tempus.

- \* 6. *Tragopogon gramineo folio, radice villosa* C. B. *Trag. folio gramineo, flora albo & luteo cum tantilla purpura* J. B. *luteum angustifolium* Park. **Grass-leaved yellow Goats-beard.**

J. B.

*Folia* est minoribus, *Garyophyllorum* florum sylv. alborum foliis similibus, angustis & acutis: *Radix* aliis *Tragopogis* similis, capite capillato: *Caulis* tenues, rotundi, in quorum supremis capitulis *Cyano* similia, ex quibus ubi aperiuntur prodeunt *flosculi* albi, aliis similes, nisi longiores & acutiores essent, similes *Belhidi* majori. Provenit incultis locis humidis. Floret Junio & Julio.

Huic idem nobis videtur *Tragopogon* parvum ex luteo purpurascens C. B. i. e. *Trag. parvum flore Chondrillæ purpuro-ceruleæ* Lob. ob. quam *Spichamæam* pusillam plantam vocat, nulla sui parte à *Tragopogis* dissidentem: *Flore* *Chondrillæ* ex luteo tantillum purpurascens: *Folia* gramineis, palmum longis; in *Hetruria* & agro Romano obviam.

Caput capillatum radicem perennem esse arguit. Descriptio hujus adeò brevis est & obscura, ut non satis sciam, quæ planta sit, an fortè *Scorzoneræ* species?

In Horto Regio Parisiensi colitur.

- \* 7. *Tragopogon purpuro-ceruleum crocifolium* C. B. *crocifolium purpureum* Park. *crocifolium mont. flore nigro-purp. sive Theophrasti & Dioscoridis* Col. **Daffron-leaved, purple Goats-beard.**

Col.

Hujus *folia* *Croci* folia ità æmulantur, ut angustiora potius quàm latiora censeantur, pedem & magis longa, trigona ferè, parùm rigentia, canaliculata, alba lineâ in cavo percurrente crispa, & extuberante oblique rugosa, ut etiam in *Ornithogalo* veriore observatur. Circa radicis caput, quod crassum, tuberosum & nigrum est, alba & longa lanugine obsita sunt folia, atque latam, candicantem originem ducunt, reliquò angusta, virentia & in acutum desinentia, & copiosa. *Radix* longa, recta, minimi digiti crassitudine, obliquas undique fibras tenues atque densas emittens, crasso cortice, medullâ lignosâ. *Caulis* edit in imo crassum, rotundum, solidum, lævem, atque tribus alis divisum subrubentibus, magnis, cauli ferè paribus, tenuioribus, lavibus: quibus, ut & cauli, ad nodos quatuor alternatim rarius disposita hærent foliola, in summo admodum tenuia. Omnibus in summo calix infidet magnus, crassus, quinquefoliatus; qui dehiscens parvum proportionem quinque radiorum calicis ostendit *florem* nigro-purpureum, raris & angustis barbulis compositum, ex quibus singula *stamina* bifida, intorta prodeunt. Foliola verò illa nigro-purpurea & striata sunt, in extremo serrata, ibique lutea, sicut & circa eorum initium, quod convolutum est tubuli instar, ex quo *stamina* illa nigro-purpurea in summo bicornia, lutescentia atque hirsuta, veluti luteo pulvere inspersa. Brevi quidem tempore, non secus ac congenerum modo flos clauditur, atque semen concipiens intrâ calicem, longam, canam, hirsutam, angustam, rigidamque hirco similem emittit barbam.

In *Equicolorum* montibus & è regione *Capuccinorum* cœnobii inter *Flaminianum* villam, ac *Locus* etiam supra viam quâ inde ad *Castrum Podium Popontiscum* itur.

## SECTIO SECUNDA.

*Herbæ flore composito naturâ pleno & planifolio lactescentes seminibus solidis.*

## CAPUT PRIMUM.

## De Intybo sive Endivia Cichoreoque.

**I**ntubus sive Intubum quod *intus sit, totus* dici nugatur Isidorus lib. 17. cap. 10. Saltem (inquit Vossius) cogitare debuit, quod ibidem ait, esse Græcum nomen. Gloss. *Intybor, intyba.*

Intubum Latini vocarunt à cavo tubæ specie caule *Bod. à Stapel*, quod Etymon ejusdem com-  
matis est cum Isidorano.

Cichorium Ægyptium nomen esse, & inde in Græciam, postea in cæteras nationes commigrasse, verba Plinii, lib. 20. cap. 8. docere videntur. In Ægypto, inquit, Cichorium vocant, quod sylvestris sit, sativum autem Serim. Variè scribitur, *Krægeon* cum *ei* diphthongo, quod secutus est Horatius in versu illo Alcmanico,

*Me Cichorea levèsq; malvæ.*

vel *Krægeon* cum simplici *i*, *Krægeon* verò (quod Atticum est) nomen hoc habere creditur *naçs nð dñs ðs xæceon xæon, sñr' eis mædñdñs* quod per agros prædiæque vadat seu serpat. Voss. Etymolog. J. Bodæo dictum videtur à *κρῆς* invenio, reperio, quod frequens in campis inveniatur. Cæterum Cichoreum à reliquis planifoliis lactescentibus dignoscitur floribus è lateribus caulium & ramorum exeuntibus velut spicatum.

Intybus autem à Cichoreo differt foliis brevioribus non laciniatis, & quod annua planta sit, cum Cichoreum perennet.

1. *Intybus sativa* Ger. *sativa latifolia sive Endivia vulgaris* C. B. *Endivia sativa* Park. *Intybus sativum latifolium* J. B. *Garden or Broad-leaved Endive.*

Æstiva est planta, hyemis apud nos haud facile patiens, radicibus fibrosis, lacte prægnantibus. Folia per terram sparsa antequam caulescat, longa, lata, Lactucæ foliis similia, in ambitu subinde crenata, subamara. Caulis cubitalis & sesquicubitalis, lævis, striatus, inanis, multis ramis brachiatus, tortuosus, vulnere lac fundit. Flores ex foliorum (quæ in caule hederacea sunt, minora) as-  
emant cerulei, Cichorii sylvestris; semen quoque confimile.

Seritur in hortis.

Ab hac non videtur aliter differre quàm ut spontanea à cultâ.

2. *Intybus sativa angustifolia* C. B. *Intybum sat. angustif.* J. B. *Intybum sylvestre* Ger. *Intybus sive Endivia minor angustifolia* Park. *Wild or narrow-leaved Endive.*

Quæ foliis est angustioribus, sapore amariore, Caule ramosiore; in reliquis cum priorè convenit.

3. *Intybus crispa* C. B. Ger. *Intybum sativ. crispum* J. B. *Endivia crispa* Park. *Curled Endive.*

Hæc foliis est quàm Endivia vulgaris majoribus, ubique in ambitu crispis ac sinuatis; caule cæteris majore, crassiore, teneriore, ut rectè Matthiolus: semine nigro, Lactuceo: cætera similis.

J. Bauhinus Hortulanorum mangonio Intybum crispam effici opinatur. Nos Intybum crispum à vulgari sativa specie differre existimamus, nec accidentia tam diversa & discrepantia arte induci posse.

Seritur Intybum in hortis, & quod vere satum celeriter adolescit, ac ipsa æstate florens semina profert, ac deinde intercidit: Julio verò satum in hyemem restat: Septembri aut Octobri terrâ ob-  
rutum, colligatis prius foliis, nivis instar candidum redditur, ac deinde mensibus hybernis mensis aliorum acetariorum loco infertur. Et revera nostro palato Lactuca ipsâ sapidius est & gratus.

Sim. Paullus in arena sicca tumulatam integram hyemem ad ver usque servari scribit: quo mangonio mirum dictu quàm fragilis & ori grata reddatur, ita ut magno delectamine anorexiâ alioqui laborantes eâ crudâ vescantur.



A. 4. *Cichorium sylvestre & sativum* J. B. *Cichorium Sativum & Cich. sylvestre sive officinarum*  
C. B. Ger. Park. *Garden and wild Succory.*

*Radice* est pollicari, lacte pręgnanti. *Caules* ab eadem radice plures profert, teretes, hirsutos, in sylvestri tortuosos, bicubiales interdum, varięque in ramos summa parte divaricatos. *Folia* Dentis leonis profundę incisa alię integra aut quę levissimę dissecta, pilosa, quę in caulibus sunt alternatim adnascuntur absque pediculis, longa, in acutum definita, utrinque hirsuta: *Flores* successivę emicant, plures simul, ę foliorum supremorum alis, sessiles & pediculis omnino destituti, pulchri cęrulei, ę pluribus foliorum planorum extremitatibus latis & dentatis, ordinibus compositi. Tota planta amara insigniter deprehenditur. *Semina* pappo destituuntur. Flores interdum albi sunt. Caulis monstrosam acquirit latitudinem. Per culturam majus & mitius evadit.

Tanta est (inquit J. Bauhinus) Cichorii similitudo cum Dentę leonis veris principio, ut difficile sit discernere has plantas.

Non solum in hortis feritur, sed & sponte exit passim in Anglia secus vias & semitas locis incultis, & in agrorum limitibus, ac potissimum (ut rectę Dodonęus) folia habens profundioribus incisuris laciniata, quod & reliquis amariis est. Locus.

*Cichorium sativum* (inquit J. Bauhinus) ego cum fratre non separo ab erratico, quod cultura tantum mutat nonnihil: si non colatur quod fuit sativum iterum fit erraticum.

Æstate demum & post solstitium floret.

Variat interdum floris colore rubello & albo. Tempus.

*Cichoreum* plerisque Botanicis frigidum censetur; verum sapor amarus caliditatem arguit. Vires.

*Intybus & Cichoreum* (autore Matthiolo) selectissimum prębent medicamen immodicę calenti [aut etiam obstructo] hepatis quocunque tandem modo usurpata, sive foliis recentibus crudis aut coctis comestis, sive succo, sive aqua stillatitia aut decocto hausto, sive foliorum siccorum pulvere assumpto: modicę enim refrigerant & astringunt, inquit, quod nobis non probatur, quin potius attenuant & abstergunt, ut rectę Schröderus. Commendantur & in febribus. Usus radicis Cichorei in febre hectica insigniter laudat Crato ab experientia.

Aqua ę floribus cęruleis destillata, inflammationibus & caligini oculorum imposita potenter remedium adfert. *Trag.*

Folia cocta ex aceto comesta gonorrhęam reprimunt. *Matth.*

Flos hujus plantę ad Solis ortum & occasum se recludit, sive sudum, sive nubilum fuerit cœlum. *Trag.*

Notat Spigelius podagricis Cichorii sylv. herbam valdę conferre. In causa calida (inquit) nihil puto magis convenire, experientię edoctus quę pulverem foliorum Cichorei sylv. mense Maio collectorum & in umbra exsiccatorem. Ejus datur 3 i. vel ʒij. in jure carnis pulli non saliti, mane quatuor horis ante prandium, & vesperi cum vadit dormitum, vel absque cœna, vel cum cœna paucā. *S. Paul.* Vidi in biliosa podagra incipientes jam fluxiones ita cessasse ut mitior paroxysmus redierit, & breviori tempore duraret duobus vel tribus diebus continuis assumpto. *Spigel. de Arthritis.*

Joan. Rhodius Centur. 1. Observ. med. 44. testatur quod Professor quidam Patavinus diu plurimis medicamentis quolibet anno sine efficacia tantum non confectus mutato demum consilio jussulis Cichoraceis in prima mensa haustis melancholiam hypochondriacam profligaverit.

5. *Cichorium verrucarium sive Zacintha* Ger. Park. *verrucosum sive Zacintha, Hieracis adnuncandum* J. B. *Chondrilla verrucaria foliis Intybaeis viridibus* C. B. *Wart. Succory.*

J. B.

Paullum admodum humo tollit *caules* graciles dodrantes, aut etiam cubitales, intus fungosos, ramosos: ad quorum latera sessiles adnascuntur rari *flosculi*, alii etiam ramulorum extremis lutei: quibus in pappum evanescentibus succedunt pericarpia pulcherrima, verticillatim radiata, Lupini seminis magnitudine, in quibus *semen* copiosum Lactuce par, non ita compressum. *Folia* oblonga, Dentis leonis, laciniata, multa per terram sparguntur, in ramis pauca. *Radix* longa, multis fibris donata.

Ad ostia Tibridis copiosę oritur: invenimus etiam spontaneam circa Liburnum portum & Florentiam.

Mira hujus plantę facultas esse dicitur ad tollendas verrucas, vel foliis in acetariis devoratis, vel succo eorum illito.

6. *Cichorium spinosum* Ger. J. B. C. B. *spinosum Creticum* Park. *Thorny Succory. Chondrilla*  
*genus elegans cęruleo flore* Clus.

*Folia* huic indidem plura ceu ex eodem puncto, alternatim oriuntur Cichorii, angustiora, sinuata, virentia, [crassiora & minora magisque amara quę Cichorei vulgaris Bello] *Caulis* glaber in ramulos dividitur rigidiusculos, inconditos, multifariam divaricatos, in duras abeuntes spinas, Tragacanthę aut potius Aspalathi Monspeliensis imitatione. *Flores* ad ramorum divaricationes, ipsorumque adeo furculorum cacuminibus impositi, cęrulei, denticulatis foliis constantes, duplo triplove quę Cichorei vulgaris minores, cui *semen* simile. *Radice* firmatur singulari, magnā, ut Cichoreum.

In maritimis & siccis collibus & arenosis locis oritur, non in Creta tantum sed & in Sicilia, ubi nos illud observavimus in insula parva a Promontorio Pachyno vi maris divulsa, ubi Arx Hispanorum presidio tenetur. Floret Julio & Aug. Locus.

Recens semine nata antequam in caulem abeat in acetariis manditur, inquit Bellus, sed durior & amarior est Cichorio.

Vocatur vulgò, eodem referente, *συρβαν*, i. e. *Hydrie spina*, quia vulgariter in tota Creta fribilibus hydriis utuntur ad hauriendam aquam è fontibus, quas hanc herbam obturant, nè mures aliudve animal intus penetrare possit. Videtur enim ad hoc munus ista planta à naturâ formata: nam semper rotundâ figurâ cernitur.

## CAP. II.

De *Lampšana*.

*Lampšana Dodonæi* J. B. *Lampšana* Ger. emac. *L. vulgaris* Park. *Sencho affinis Lampšana domestica* C. B. *Pippelwort*. i. e. *Papillaris herba*.

**R**adice nititur alba, simplici, surculosâ tamen & variè fibrosâ. Caulis inde exurgit, bacubalis & altior, teres, striatus, pilis rarioribus hirsutus, rubescens, concavus, ramolus. Folia ad radicem & in ima parte caulis uno vel altero pinnularum pari donata, extremitate latiore, magnitudine & figurâ ferè foliorum Sonchi lævis muralis, aut Barbarea dictæ, mollicella, hirsuta, alternatim posita: quæ in caulibus & ramis superiora, oblonga, angusta, acuta, nullis pediculis fulciuntur, nullis pinnulis lobisve donata. Supremæ caulis & ramorum partes glabræ, in flores terminantur exiguos, luteos, è plurimis compositos flosculis, quorum singulis singula cohererent semina oblonga, nigricantia, nonnihil incurva, minimè papposa, utcumque J. Bauhinus flores in pappos abire scribat. Tota planta vulnerata lac fundit amarum. Floret Junio & Julio menses. In hortis & cultis frequentissima est.

Vires.

Efficax esse censetur in sanandis papillis exulceratis, unde & nomen Papillaris sortita esse videtur.

## CAP. III.

*Hieracium falcatum alterum* Ger. emac. *Hieracii affinis Ragadiolus edulis* J. B. *Hier. florem inclinans* J. B. *capitulum inclinans semine adunco* C. B.

**R**adice nititur simplici, alba, è lateribus fibras emittente. Folia ad radicem plura, in terram resupina, Lampšanæ ferè figurâ, palmaria & semipedalia, principio angusto sinuato anticiniato, lobis quibusdam subrotundis utrinque velut pinnata, extensitatibus latis, obtusis. Caulis ex eadem radice plures exeunt, dodrantes aut pedales, teretes, hirsuti, moduli albâ farcti [interdum etiam concavi] latis duri & rigidi, ima parte foliis nudi, ubi in ramos divisi incipiunt vestiti. Folia hæc in lacinas acutiores dividuntur quam quæ à radice exeunt, extremitatibus quidem latis nec minoribus, verum in acutos mucrones productis. Flores in summitatibus caulibus & ramorum perexigui, lutei, vix pluribus uno flosculorum circulo compositi, pro calice unico foliolorum ceu palorum vallo cincti, columnæ striatæ ferè similes cum nondum aperiuntur. Flore lapsa singula calicis foliola singula semina sinu suo amplectuntur (quod singulare est in hoc genere) & in stellam se expandunt, superiunt adhuc in medio duo vel tria semina nuda intorsum flexa. Semina autem in hac specie solida sunt & pappo destituta. Flores alii sessiles sunt pediculis brevibus aut nullis, alii, id est, in ramulis extremi, pediculis, satis longis insident. Tota planta lacte amara scatet, ut congeneres.

## CAP. IV.

*Hieracium stellatum* J. B. *falcatum Lobelii* Ger. *falcatum sive stellatum* Park. *falcata siliqua* C. B. *Star-seeded Hawkweed Succory*.

J. B.

**A**d cubitalem altitudinem affurgit tenuibus coliculis & ramosis, tantilla lanugine nisi propter terram vix hirtis, non sine foliis multis. Folia primum erumpentia Hedypnoidis, & pingui solo palmari & plusquam sesquipalmari longitudine, sextantali & quadrantali latitudine, nonnihil sinuosa, hirsuta. Flores simplices, parvi, Lampšanæ, lutei: quibus succedunt semina stellæ radiatæ hirsutæ, quæ postmodum falcis in modum incurvantur.

Locus.

Prope Monspelium non longè à Castro novo dicto hanc plantam invenimus. Habetur & alibi circa Monspelium, & Bononiam in Italia.

## CAP.



## CAP. V.

• *Camara Vuba Brasiliensis* Marggr.

Marggr.

**I**N proximam altitudinem affurgit, caule hirsuto, nodoso. Folia quoque hirsuta & ad tactum aspera, in ambitu serrata, Urtica foliis similia, inaequalis magnitudinis, bina semper directe sibi opposita. In extremitatibus ramorum enascuntur flores, magnitudine florum Buphthalmi, egregie lutei, novem foliis constantes, & in medio umbilico magno luteo, cui admixta staminula nigra, odoris quasi medii inter Urticam & Mentham. Post flores sequitur semen oblongum, nigricans, ut in Cichoreo. Planta ad tactum planè glutinosa sentitur.

Cum planta haec mihi incognita sit, neque Marggravius praecipuas ejus partes, flores puta & semina satis accurate descripserit, an eam rectè hoc in loco posuerim non satis scio: suspicor tamen eam ad aliud potius genus pertinere ob folia in caule bina conjugatim posita.

## CAP. VI.

*Sesamoides parvum Matthioli* Ger. *Chondrilla Sesamoides dicta* Park. *Chondrilla caerulea Cyani capitulis* C. B. *Catanance Dalechampi flore Cyani, folio Coronopi* J. B.

J. B.

**F**olia habet Coronopi, hirsuta, candidiora, saepe integra, aliquando uno aut altero denticello inaequalia, sapore nullo excellente. Caules cubitales in varios fissi ramos, non sine foliis, teretes, brevibus, sed aliquantum asperis, pilis obfusi, lac manant. Ramorum satis longorum extremis insident singulis singula squarrosa capitula, squamis pulcherrimis, membranis, pellucidis, albicantibus, striâ rufescente per medium decurrente, laxo connexu incumbens, & tanquam actu nimio squallidis, compacta: quae in flores expanduntur ceruleos, Cyani aequales, sed foliorum formâ longè diversâ, quippe latiusculâ, non corniculatâ, extremâ orâ Cichoreorum ritu crenatâ, quorum singulis adnatæ fibræ ex purpureo flavescentes, apicibus luteis. Medium occupat cincinnus foliolorum corniculorum, violaceorum. Radix subest crassa, longa, exterius rubens.

In aridis & saxosis collibus agri Narbonensis passim obvia: invenimus etiam propè Gratianopolin in collibus quos transivimus eundo ad maximum Carthusianorum cœnobium.

Locus.

Hæc planta à reliquis hujus generis lactescentibus diversâ est floribus non plenis ut in illis, sed discalibus.

2. *Catanance affinis Sesamoides parvum flore magis completo* Camer. J. B. *Chondrilla caerulea Cyani capitulis altera* C. B.

Ad Inybaea potius referrem hanc plantam (inquit Camer.) cum radix lacte non paucò turgeat. Flores Cichorii figurâ respondent, & alii simplici foliorum texturâ constant, alii densius stipantur, colore eleganter ceruleo, staminibus in medio lutea habentes, è quibus relinquitur semen subnigrum, angulosum pusillum, squamatis capitulis inclusum. Sapore est omnino dulci, nihil vel minimum amaritudinis obtinente.

Hanc à præcedente non puto specie differre, non magis quàm Matricariam aut Chamæmelum flore pleno ab eisdem cum flore simplici: nihil tamen affirmo. Hæc etiam frequens est circa Monspelium.

## CAP. VII.

De Carduo Chrysanthemo dicto.

**O**B succum lacteum quibus turgent, & florem planifolium naturâ plenum plantas hæc huc retulimus, quamvis laciniatis & spinosis, caulibus etiam membranulis spinosis auctis Carduos simulent.

1. *Carduus chrysanthemus* Dod. *Scolymus Theophrasti Hispanicus* Clus. *Scolymus Chrysanthemus annuus horti Regii Paris*. *Carduus Chrysanthemus Hispanicus* Ger. emac.

Caule affurgit simplici, sesquicubitali, bicubitali, aut altiore, pollicis crassitudine, ab imo statim ramoso, ramis prælongis, alternatim è foliorum sinibus exeuntibus, spinis crebris acutis horridis, lacteis venis Cardui Mariæ in modum variegatis, quatuor aut pluribus fimbriis foliaceis laciniatis spinosis secundum longitudinem productis. Summos caules & ramulos occupant capitula squamata squamis lanuginosis, immixtis sessilibus, quatuor aut quinque foliis laciniatis, laciniis in spinas rigidas acutas terminatis binas ex adverbo, extremo folio in prælongam cuspidem procurrente, cineta. Flores ipsi flavi, è pluribus flosculis aggregati, quorum singuli singulis insident seminibus, nullo pappo seu lanugine vel innascente vel adjacente. Tota planta lacteo succo turget. Folia primò erumpentia & quæ ad radicem sunt, sinuata seu laciniata sunt, ad margines spinosa, spinulis mitioribus, lineis lacteis Cardui Mariæ dicti in modum notata, iis tamen angustiora & minora multo. Semina in capitulo arcte stipata, compressa, alba, brevissima.

Locus.

Vires &amp; Usus.

Prope oppidulum S. Lupiani eundo ad Pedenarium & alibi circa Monspelium hanc speciem invenimus.

Salmanticenses (inquit Clusius) tenellam adhuc plantam & primum germinantem, cum ipsa dice elotam crudam aut etiam coctam cum carnibus edunt: ipsius lacteo succo omne lactis generum coagulant; etiamque ejus flore Crocum adulterant, ut quædam nationes Cnici flore. Hujus autem radice suæ non minus libenter vescuntur quam Eryngii.

Omnino specie diversa est hæc planta à Carduo Chrysanthemo seu Eryngio luteo Monspelien-  
est enim elatior, nec adeo longis crebris ramis luxuriat, flores tamen frequentiores profert; & multum fallor, hæc planta radice est annua, illa perenni. Quin & in ipso foliorum colore differentia est notabilis, cum hujus albicent magis, illius flavicent; & in foliis illis spinis utrinque acutis horridis capitula obvallantibus. D. Magnol in Botan. Monsp. conjecturam nostram confirmat hanc plantam annuam esse, sequenter perennem affirmans: de qua etiam, utpotè vivaci, intelligendum esse Clusium ait, dum tenellam adhuc plantam & primum germinantem cum ipsa radice elotam, crudam aut cum carnibus coctam edi refert, &c. Nos tamen aliter sentimus, nimirum de hac ipsa planta verba Clusii accipienda esse. Vidimus enim in oppidulo quodam Siciliæ ad radicem montis Ætnæ, octo supra Cataniam mill. Cardui hujus similis caules spinulis derafis crudos cum acetariis & pipere acetarii loco à vulgo comestos: hujus inquam, simillimæ proceriores plantæ magnitudine præcipue differentis: quin & icon Clusii hujus plantæ est, non sequentis, quam Clusius Scolymus Theophrasti Narbonensis titulo exhibet. Varietas illa hujus plantæ quam proceriorem caule eduli denominavimus, Scol. Chrysanth. Africanus procerior Hort. Reg. Paris. dicitur.

2. *Carduus Siculus Chrysanthemus procerior caule eduli. An Scolymus Chrysanthemus Africanus prior, Hort. Reg. Paris.?*

Hic præcedente major est & procerior multo: caulibus & capitulis totaque adeo plantæ tomento seu lanugine obducta; floribus & capitulis majoribus, foliis spinosis paucioribus, iis tamen angustioribus, longioribus, robustioribus utrinque spinis armatis, obsitis quam in illo: membranulæ quoque spinosæ secundum caulium longitudinem decurrentes angustiores sunt seu humiliores multo in hoc quam in illo.

Locus.

Ad radices montis Ætnæ observavit us rusticos caules hujus teneros membranulis & lanugine derafis, etiam crudos, in acetariis comedentes.

3. *Carduus Chrysanthemus Narbonensis Ger. Scolymus Chrysanthemus C. B. Scolymus Theophrasti seu Eryngium luteum Monspelienium Park. Spina alba J. B.*

J. B.

Radice nititur pollicari, fulvescente, lacteum succum fundente, vesca: ex qua caulis surgit bitalis & altior, multis alis concavus, hirsutus. Folia primum erumpentia, palmo longiora, peram sparguntur, dodrantem mox æquantia, viridantia lacteis maculis confusis, leviter sinuata, sunt horrida, lactiflua, at quæ in caule & ramis sunt, ut breviora, ita rigidiora sunt magisque senescentia, à quibus productæ alæ spinosæ, cauli ramisque adnatæ, tum hos, tum illum intractabilem reddunt. Flores inter folia resident aureo fulgore comantes, ex capitulo Ponticam nucem æquiparant, spinis innoxiiis compacto, lac non secus ac folia fundente. Semen compressum.

Locus.

In Italia, Sicilia & Gallia Narbonensi ad mare præsertim frequentissima est hæc Spina.



# HISTORIÆ PLANTARUM LIBER SEXTUS.

QUI EST

De Herbis flore Composito discoide papposis, non la-  
tescentibus: & primo

De iis quæ florem habent radiatum.

## CAP. I.

De Herbis rotundifoliis, floribus folia antevertentibus, in singulis caulibus singulis, seu  
De Tussilagine.



**T**USSILAGO Latinis, Græcis *Βάγαν* dicitur eodem sensu, à commodo com-  
pertissimo quod præstat anhelosis & tussi afflictis. Nonnullis Chamæleuce di-  
cta putatur quod folium subtus albescat instar Populi albæ. Ungula caballina  
à similitudine foliorum.

Notæ ejus characteristice sunt Flores folia antevertentes & brevi marcescen-  
tes, in singulis cauliculis singuli, radiati: folia subrotunda subtus incana.

A. 1. *Tussilago* Ger. J. B. Park. *vulgaris* C. B. **Common Colts-foot.**

*Folia* huic circumscriptione subrotunda, multis angulis prædita, Petasitis similia sed minora multo, infernè subalbida, supernè virentia cum tantillo tomenti quod digitis facillè potest detergi. Plures ex eadem radice, seu potius radicis capite, emittit *Caules*, palmum & non raro dodrantem altos, concavos, tomentosos, rubentes, foliolis vestitos iis quæ à radice exeunt multum dissimilibus, nimirum longis, acutis, tenuibus, nullis pediculis, cauli appressis, alternatim positis, *Flores* sustinentes singuli singulos, luteos, foliolis numerosissimis in ambitu radiatos, flosculis plurimis quinquepartitis [cum stylo in medio] densè stipatis, luteis, medium discum componentibus. *Radicibus* tenuibus albis sub terra reptat & latè se propagat.

Flores cum caulibus brevi quidem marcescunt (verum non intra diei unius duorumve spatium, ut nonnulli scripsere) ex quo factum ut aliqui herbam hanc sine flore ac sine calice esse, existima-  
verunt.

Natales circa Scaturigines aquarum & loca rigua.

*Folia* hujus recentia temperatis proxima sunt; unde extrinsecus imposita [cum melle trita Diosc.] nliceribus calidis & inflammationibus [ut & Erysipelati] profunt: ficcata verò modicè acria & ca-  
lida evadunt. Eorum fumus [per infundibulum ore exceptus ac deglutitus secundum veteres, rectius  
tubo inditorum & incensorum haustus, ad modum Nicotianæ] tussi, orthopnoæ, vomitibusque pectoris  
conducit. Ad hos usus paratur Syrupus ex succo foliorum recentium: item conserva, tabellæ &  
eclegmata. Ad eadem valent & radices ficcata. Summâ thoracica est insignis.

Ubi sylvestris nascitur *Tussilago* subesse aquas credunt, & hoc habent signum Aquileges, teste *Pli-  
nio* lib. 26. cap. 6.

Hujus radici adnasci dicitur subalbida quædam lanugo, quæ à radicum segmentis prius expurgata,  
& deinde linteolis involuta, & in lixivio parum decocta, addito salis nitri aliquanto, ac demum so-  
le ficcata, omnium optimus est fomes ad ignem ex filice excussum excipiendum: quippe adeo ig-  
nis capax est, ut primo statim chalybis concussu accendatur. *Jo. Bod. in Theophr. hist. lib. 7. cap. 12.  
pag. 877.*

*Tussilaginis* foliorum cum flore Sulphuris & Succino in pulverem comminuto mixtorum: & incen-  
sorum fumus ore haustus instar Nicotianæ phthisin aliquando sanavit. *D. Boyl. de utilitate Philosoph.  
nat. ad medicinam.*

D. Hillerus Med. Marchionis Brandeburgici pueros Atrophiam laborantes plurimos restituit solis fo-  
lis ungulæ caballinæ, quæ & concisa oleris ritu, & pulve farinacea imbuta, atque in butyro Salviæ in  
modum frixa comedenda diutius exhibebat *D. Soame ex \* Observat. Hieron. Reufneri à Velschio editis. \* Obs. 147.*

2. *Tussilago*

2. *Tussilago Alpina* Ger. emac. *Alpina minor folio rotundo* J. B. *Alpina folio canescente* Park. *Alpina rotundifolia canescens* C. B. **Smooth mountain Colts-foot.**

J. B.

Quinque aut sex, interdum duodecim, *folia*, humi fusa, Chamæcisso vulgari non valde dissimili circinata ferè rotunditatis, nisi levi sinuum vestigio inæqualia essent, supernè cum saturo virescencia, internè tomento albo obduta, magnitudine semunciali, aut plusquam unciali, longiusculis hirsutis pediculis nixa, exiccantè initio gustu, deinde amaro. *Caulis* purpurascens, unguis palmaris aut cubitalis, concavus, lanuginosus, *florem* in summo gerat singularem, magnum, purpurascens, alioqui Tussilaginis similem, in pappos fatiscens, *semine* affixo, longo, gracili. [Brevis postea arefcit & perit cauleculus, ut reliquo anni tempore sine caule planta conspiciatur.] *Radix* villosa obvoluta, satis crassa, longis fibris capillata. Clusius radicem fibrosam serpere affirmat, & in latum se diffundentem multas propagines agere, tenuibus fibris sese firmantes.

Locus.

Oritur (inquit Clusius) in summis Austriæ & Stiriacæ jugis, & totos interdum cespites occupat. Nos in Alpibus Stiriacis primò, postea in monte Jura, (ubi & J. Bauhinus) observavimus.

Tempus.

Sub finem Junii, ut plurimum florèt, interdum verò tantum Augusto mense, pro aeris constitutione.

3. *Tussilago Alpina glabro folio* Clus. Park. *Alpina rotundifolia glabra* C. B. **Smooth-leaved mountain Colts-foot.**

Clus.

A priore non multum diffidet, figura enim foliorum eadem est, sapor idem, flos similiter purpurascens, radix etiam summa tellure serpens, novæque plantas subinde producens: *folia* duntaxat paulò ampliora nonnunquam conspiciuntur, neque adeò splendent supernâ parte, neque aversè candicant, sed tantummodo nonnullis villis obsita sunt.

Locus.

Invenitur in superiore collis parte post monasterium Neuberg, ad radices cellissimi jugi ejusdem nominis. Postea etiam observabam inferioribus jugis aliarum Alpium, gramineis locis. Clus.

## C A P. II.

*De Herbis rotundifoliis floribus folia antevertentibus, in thyrsum congestis, seu*

*De Petasite.*

**P**etasites à foliorum amplitudine & forma Petasum seu galerum referente dicitur.

Notæ ejus diagnosticæ sunt flores folia antevertentes, in eodem caule plures in thyrsis dispositi, nudi, brevè unâ cum caulibus exarescentes: folia subrotunda Bechii, sed majora.

- A. 1. *Petasites* Ger. *vulgaris* Park. *major & vulgaris* C. B. *vulgaris rubens rotundiori folio* C. B. **Butter-burr; Pestilent-wort.**

J. B.

*Caulis* primò omnium erumpunt dodrantes plus minùs, concavi, lanuginosi; *foliis* angustis acuminatis vestiti, qui in thyrsum fastigiantur *florum* purpurascens, nudorum, in pappos tandem evanescentium, quorum delapsui succedunt marcescente caule, *folia* amplissima, Tussilaginis figurâ, sed duplo triplòve majora, ad pediculum falcata, rotunda ferè & in ambitu duntaxat serrata, non angulosa, ut Petasitidis albæ, internè lanugine incanâ pubescentia, supernè obscurè virescens, nec penitus tomenti expertia. *Radix* crassa amarescit, & reptando se propagat.

Locus.

In humidis propè fluviorum ripas, juxta lacuum ac stagnorum margines ac vicinos aggeres libenter nec raro provenit, ut rectè Dodonæus.

Tempus.

Circa Calendas Aprilis Spica cum floribus viget, sequuntur deinde folia in hyemem usque permansura, novis subinde subnascentibus. J. B. In calidioribus regionibus, atque etiam frigidioribus, vere blando, & temperato Martio mense aut Februario exit.

Vires.

Insigniter amara est, sed non perinde acris. Germanico vulgo Pestilentialis radix dicitur, qui experientiâ comprobatum est mirificè eam conducere pestilentialibus febribus. Radices cortice extas aceto indunt quoad viribus imbutum fuerit, exque illo cum Ruta succo & Theriacâ propinant. Commendatur etiam in lipothymia uterina, spiritus difficultate, tussi, asthma. Facit & ad latus ventris lumbricos: urinam etiam & menses ciet. Extrinsecus ad bubones & ulcera maligna prodest dicitur.

Est locus (inquit C. Hofmannus) non procul oppido ex adverso Monasterii Gnadenbergici ultra Nigrum flumen, ubi folia excrescunt in humanam altitudinem, ut quasi inter arbores ambules.



2. *Petasites albus anguloso folio* J. B. Pet. minor C. B. Park. *White-flower'd Butterbur.*

J. B.

*Radice* habet validam, crassitudine pollicari aut majore, longam, proserpentem, geniculatam, nonnihil ad Calami *Offic.* radices accedentem, cortice rubro tectam, cui alius subest lignosus, & in medio cartilaginea matrix alba, gustu calido, aromatico, acri, subamaroque, cui adnatæ fibræ multæ, mediocriter crassæ & longæ, colore albo. *Caulis* profert multos, sesquipalmares, striatos, molli lanugine incanos, crassos, concavos, in quibus *folia* eadem lanugine pubescentia, striata, oblonga, mucronata, sena septenave aut plura, alternato situ, sine pediculo, vaginæ instar cauleni forventia: in summo caule *flores* ante *folia* multi simul congesti, albi, quorum singuli componuntur ex *foveolis* plurimis quinquepartitis, in medio fibrillâ pallidâ donatis, multis foliolis viridantibus circumstantibus. *Folia* angulosa, infernè densiore lanugine quàm supernè tecta, albioraque, ex pediculis longis, lactuginosis, albis, statim à radice exortis appensa.

*Petasiten* deucanthenon observavimus in declivibus montium quos transivimus eundo à *Gavia* opido ad Genuam, Aprili florentem. *Locus.*

3. *Petasites minor folio Tussilaginis alter* Morif. prælod. Hort. Reg. Parif.

*Petasitis folia* scabra & aspera sunt; hujus autem \* pronâ parte viridia, supinâ incana *Tussilagini* instar: & nisi flos *Petasiten* proderet, vera videretur *Tussilaginis* species.

Hujus folium in horto Regio Parisiensi collectum & curiosè asservatum nobis ostendit *D. Sloane.*

\* Pronam partem vocat que calum respicit, supinam que terram.

### C A P. III.

#### De Conyza.

**C**onyza à *κωνίς* dicta putatur, quod culices lentore suo, capiat, & pulices necet. Verùm *Etymon* hoc non probat *Jo. Bodæus*, est enim (inquit) inter *κωνίς* & *κωνίς* magna nimis differentia. Ego, salvo meliori judicio, dictum puto *κωνίς* quod pulvere foedetur, pulvisque glutine quasi ac pinguedine obfritis caulibus ac foliis inhæreat, quæ idcirco obsoleti non rarò videntur coloris. Vel *κωνίς* nomen accepit *κωνίς* quod caninum præ se ferat odorem. *Bod. à Stapel.* apud quem plura vide.

Ceterum *Conyza* nobis dicuntur *Herbæ flore composito* in pappos abeunte, foliis integris, odorata, hirsuta, & glutinosa.

Frutex cum foliis substratu suffrutuque venenatas bestias fugat, culices abigit, ac pulices quoque necat, autore *Dioscoride*: quæ præterea de ejus viribus Veteres habent apud ipsos vide. *Conyza* enim recentioribus dicta an eadem Veterum *Conyza* sit incertum est.

Officinis nostris rarioris usus est. Ad profligandam scabiem unguentum ex radice ejus & foliis parant nonnulli.

1. *Conyza major* Ger. *major Monspeliensis odorata* J. B. *major verior Dioscoridis* Park. *maior Theoph.* *major Dioscoridis* C. B. *Great Sweet fleabane.*

J. B.

*Caulis* fruticat sesquicubitali & bicubitali, multiplici, lignoso, rigido, hirsuto & tactu glutinoso, [Clusio obsoleti coloris] in multos ramos brachiato. *Folia* germinatione prima inordinata, alternatim caulem amplectentia, tres uncias longitudine æquant, non totam unciam lata, [Clusio] duplo quàm *Olea* majora [obiter serrata, mollia, pilosa, & glutine quodam lento viscida, ex viridi pallentia. *Flores* secundum extremos ramos spicatim frequentes exiliunt lutei, Clusio rotundi. *Senecioni* ferè similes, in pappos evanescentes, semine parvo, cineraceo. *Radix* subest crassa, fibrosa, vivax, quotannis novos pluresque caules profrens. Tota planta pinguis, glutinosa & odorata est cum quadam gravitate.

In Italia, Sicilia & Gallia Narbonensi passim provenit juxta vias & vinearum margines. *Locus.*

2. *Conyza minor vera* Ger. J. B. *minor vera* Penn. Park. *femina Theophrasti, minor Dioscoridis* C. B. *Small true fleabane.*

J. B.

Tam hæc majorem refert, ut qui illam novit & hæc quoque oblatam noverit, odore finit sed vegetiore. Ea minor est præcedenti, cubitam ferè alta, ut plurimum recta, quod in altera non temere videas, ramosa. *Folia* multò tenuiora, angustiora, breviora, subhirsuta, viscida, ut est & caulis. Extremi ramuli secundum longitudinem, velut in majore, *flores* sustinent minores, & longè minus splendidos, numerosiores, in pappum similiter evanescentes. *Radix* inquit Clusius, omnium quidem quas observavi ejus generis stirpium singularis & annua.

Provenit circa Monspelim & in Italia ad mare inferum. Floret cum Majore sub Autumnum, & subinde semen profert. Crescit (inquit Clusius) frequentissime in agris non procul Madritio, viâ quæ Toleram iur.

Conyzam

Conyzam minorem illam quæ in Bætica nascitur longè odoratiorem esse intelligo suprà defen-  
ptâ, licet formâ non sit dissimilis, ut ex planta sicca, quæ mihi conspecta (monstrante Guil. Bo-  
elio) conjecturam facere queo. Clus. in Cur. post.

- \* 3. *Conyza Syria* quibusdam J. B. minor *Rauwolfii* Park. major altera C. B. *Small Syria*  
*pleabane*.

*Rauw.*

Plures ex eadem radice profert *Cauleculos*, circiter pedem aut paulò amplius altos, quorum nonnulli sunt surrecti, potissima verò pars humi procumbit, novâsq; fibras agens, subinde alios cauleculos producit. Longiuscula habet Oleæ folia, pingua, subhirsuta, satis gravis odoris, cui tamen suavitas quadam admixta est: alioqui floribus & ceteris notis Majori non valde dissimilis.

*Locus.*

Circa Tripolim Syriæ observavit Rauwolfius, cujus descriptionem Clusius Latine vertit.

- \* 4. *Conyza Pannonica lanuginosa* C. B. *Austriaca* 3. Clusii Ger. *Asteri montano hirsuto magno flore*, sive *Oculo Christi similis si non idem*, sive *Conyza* 3. Clusii J. B. *Heard Austrian pleabane*.

*Clus.*

Pedales habet interdum *caules*, rectos, firmos, duos, incana lanugine teptos; quibus longa inhaerent *folia* Conyzae majoris foliorum amplitudine, mollia, incana, hirsuta, dorso prominente, longiore quæ circa radicem sunt pediculo, quæ autem superiorem caulis partem amplectuntur brevi ac prorsus nullo: ea trita non injucundum spirant odorem, gustata amariuscule & acriuscula deprehenduntur. *Flores* extremo cauli & ramulis illi inhaerentibus insident magni, Helenii florum formâ, multis foliolis luteis medium discum seu orbem pallescentem ambientibus, nullo odore præditi. *Radix* longa, tenuis, nigricans, serpens, subinde ad ipsa capita unde caules prodeunt, multas canentes fibras undique spargens, resinaceum quippiam olet, gustatâque amara & acris deprehenditur, vivax & perennis.

*Locus.*

Exit sponte siccis & aridis locis, herbiferis tamen, declivibus collium ad Zimmerin, quæ ad Phasianorum iter est, primo ab Urbe Vienna milliari, ad Badenses thermas, Radaun, Petronellam, atque secundum vias publicas. Floret Junio.

Johnfonus Gerardi emaculator hanc plantam *Conyza belemitidis mellis incana* eandem putat: sed errat hostre judicio. *Conyza* enim illa planta est aquatica. J. Bauhinus *Asteri montano hirsuto luteo magno flore*, sive *Oculo Christi* eandem suspicatur: quocirca Asteris illius descriptionem et ejusdem Bauhini *Historia* mutuata hic subiciemus.

Geniculatim veluti incedit oblique acta *radix*, nigricans, crassiuscula & capitata, fibras satis longas & numerosas demittens, ex pluribus disparatis capitibus, subinde in unum coeuntibus confusa. *Caules* complures ex supina radice pedales & majores surgunt, nonnunquam palmares tantum, pilis obfiti, foliis vestiti superius raris, frequentibus verò terram proximè, tomentosis, albidis, unciis tres vel quatuor longis, semunciam latis, ex principio angusto valde virolo. *Flores* in ramulorum extremis eminent singulares, magni, aureis in ambitu comantes foliis, disco concolori, foliis flori circumjectis, albidis, evanescentes in pappos.

Hæc C. Bauhino *Aster Atticus luteus montanus villosus magno flore* dicitur. Lob. iso. *Aster montanus hirsutus*, Lugd. *Aster luteus* sive *Oculus Christi minor*.

Hanc invenit J. Bauhinus propè Pontem du Gard inter Nemausum & Avenionem.

- A. 5. *Conyza media* Ger. *media Asteris flore luteo, vel tertia Dioscoridis* C. B. *media Martialis flore magno luteo, humidis locis proveniens* J. B. *Herba dysenterica* Cat. Altdorf. *Spide pleabane*.

Ad cubitum unum & alterum excrefcit, interdum altius *caule* tereti, firmo & satis crasso, lanugine incana obdueto, lento, solido, rubente: foliis crebris nullo ordine accrescentibus, alis utrinque caulem amplectentibus, angustis & oblongis, acuminatis, rugosis, albicantibus villosis, ad margines interdum velut sinuatis. Ex alis foliorum ab imo ad summum usque ramuli exeunt, quorum extremis ut & summo cauli insident *flores* Bupthalmi, circinatâ foliolorum luteorum angustorum secti disci medii orbitam concolorem sed saturatiorem radiatim ambiente, odore nullo eccellente, semine succedente.

*Radix* subest caulem crassitie æquans, oblique ferè acta, paucis sed majusculis fibris donata, non subinde germina protrudens. Folia & summitates hujus plantæ digitis compressa saponem oleum aut lintea saponem repurgata.

*Locus.*

Locis humidis & aquosis ubique ferè tum in Anglia tum in exteris regionibus oritur.

Descriptio est J. Bauhini à nobis aucta.

Flores post nati in hac non minùs quàm in minore specie supra primigenios eminent, ramulis quorum fastigiis insident medio caule altius exsurgentibus, ut in *Gnaphalio* vulgari.

*Tempus.*

Julio & Augusto mensibus florèt.

- A. 6. *Conyza minor* Matth. *minima* Ger. *emac. media minor species, flore vix radiato* J. B. *minor flore globoso* C. B. *Small pleabane*.

*Radix* plurimis fibris majusculis albescentibus constat: J. Bauhinus radicem ei attribuit unicam, sive palmarem aut sesquipalmarem, aliàs paucissimis fibris donatam, aliàs plurimis, nunc rectam, nunc capreo-



capreolorum ritu tortilem, lignosam, albam, inspidam. *Caulis* sesquipalmaris aut dodrantalis, teres, purpurascens, brevi & vix conspicua lanugine hirsutus, firmus, solidus, ab imo statim ramosus, ramulis crebris è foliorum alis exeuntibus. *Folia* alternatim posita, unciam aut fescunciam lata, tres uncias longa, per margines undulata & veluti crispa, absque pediculis immediatè adnata, vel glabra, vel brevi admodum lanugine hirsuta. *Flores* in summis caulibus & ramulis ex plurimis flosculis dense stipatis aggregati, calycibus squamosis, lanuginosis, limbo, seu circulo foliorum admodum brevium, luteorum discum pariter luteum ambiente. *Semina* minima non papposa. Flores post nati supra primos eminent, ramulis quorum summitatibus innascuntur medio caule altius exurgentibus, ut in *Gnaphalio* vulgari.

Julio & Augusto fleret in locis ubi per hyemem aquæ stagnarant.

Locus & Tempus.

- \* 7. *Conyza Alpina* J. B. *Jacobaea latifolia* Pannonica altera Park. *Jacobaea Alpina* foliis rotundis serratis C. B. Mountain Fleabane.

J. B.

Ramis frequentibus fruticat, sesquicubitali, rigido caule. *Folia* alternata ferè, pediculis uncialibus & fescuncialibus hærentia, ex rotundo nonnihil oblonga, uncias circiter ternas lata, paulò longiora, modicè in acumen desinentia, profundè in ambitu serrata, subtus incana lanugine pubescentia, suprà virentia. *Flores* ramulorum extremis crebri inæherent, lutei, Chrysanthemi similes, in pappos evanescentes.

In monte propè *Wesen*, non longè à lacu Tigurino mensè Julio florentem observavit J. Bauhinus.

Gesnerus & J. Bauhinus hanc plantam *Conyzis* annuerant, reliqui qui de ea scripserunt *Jacobæis*; & revera foliis integris cum *Conyzis* convenit, nescio an odoratis, nec enim odoris ullius meminit Clusius aut J. Bauhinus.

- \* 8. *Conyza Sicula* annua lutea foliis atroviridibus, caule rubente Bocconi.

Boc.

*Caulis* hujus plantæ subrubens est, rotundus, pedalis, quandoque bipedalis altitudinis, in varias ac multiplices ramos diffusus, ad instar *Linariæ Belvedere* dispositos, circa quos *Folia* inferna longa, atro-viridia, angusta, *Oleæ* similia cum primùm exeunt, deinde angustiora, & obtusa deveniunt Kali formâ. *Flos* aureus & minoris *Conyze* flore minis compactus, qui senescente planta abit in pappos.

Excepto colore & exilitate partium multum affinitatis habet cum *Conyza* minore vulgari. Annua est: palustribus locis circa *Catanam* urbem plurima nascitur.

- \* 9. *Conyza caulibus rubentibus tenuioribus, flore luteo nudo* Botan. Monsp.

Magnol.

*Caulis* habet cubitalem, rubentem, in varios ramulos subdivisum. *Folia*, cum adhuc planta semipedalis est, *Conyze* majoris latitudinem habent, & *Cisti* ladaniferæ folia repræsentant, dum verò debitam acquisivit magnitudinem & floret, angustissima sunt & contracta. Ramuli omnes flores proferunt rariore multò quàm sint in superioribus, luteos, in calice rotundo & oblongo, nullis foliolis radiatim cinctos, & in pappos, evanescentes. Annua est planta, gravem habens odorem *Conyze* majoris.

Septembri mensè invenit descriptionis Autor copiosè florentem in fossis humidis secus viam quæ à pago *Perauls* itur ad stagnum *Volcarum*, ad dextram: ubi & nos cum *Monspeli* effemus, eandem observavimus & collegimus.

- A. 10. *Conyza belenitis, mellita, incana* Lobelii J. B. *montana* 4. seu *incana* C. B. *belenitis mellita incana* Park. *incana* Ger. Hoary Sweet Fleabane-Bullet.

*Caulis* emittit sesquipedalem, tomentosum, incanum ex radice fibrosa, *Baccharis* vulgaris non absimili. *Folia* oblonga, *Digitalis* foliis affinia, inferius exalbida seu cinericea, superius purpureo-virentia, foliorum *Rhaponitici* instar. *Flores* lutei, *Conyze* alterius similes, multo majores quàm *Senecionis*, mellis virginei odore, sapore amariuscule *Lobel*.

Nascitur in sylvis quibusdam *Artesia*. Lob.

Locus.

Hanc plantam *Johnfonus* *Gerardi* emaculator pro *Conyza Austriaca* III. Clusii habet; C. Bauhinus quoque *Conyzis montanis* eam annuerat: *Lobelius* sylvarum incolam facit. Ego potius cum *Parkinsono* *Conyze* palustris foliis laciniatis varietatem facio: nam in aquaticis in agro *Norfolciensi* me ejusmodi *Conyzam* foliis integris vidisse memini.

- \* 11. *Conyza belenitis pilosa* Lobelii J. B. *Alpina pilosissima* C. B. Ger. *belenitis pilosa* Park. Hoary Fleabane-Bullet.

Proximè ad *Conyzam helenitem*, mellitam incanam accedit foliis, radice & floribus. In eo verò potissimum differunt, quòd & caules & folia admodum aspera & pilosa sunt.

Hæc nobis incognita est. Adeò pilosa est ut à quibusdam *Alpina pilosa* dicatur.

- A. 12. *Conyza*

A. 12. *Conyza foliis laciniatis* Ger. emac. *aquatica laciniata* C. B. *heleniis foliis laciniatis* Park.  
*Jagged Marsh Fleabane.*

*Radicibus* est tenuibus fibrosis: *caulibus* crassis striatis, concavis, versùs summitates in plures ramulos divisis. *Folia* tam quæ à radice exeunt, quàm quæ caules cingunt profundius laciniata, aut saltem ad margines sinuata. *Flores* stellati, flavi, reliquis hujus generis similes, in pappos abeunt. Tota planta *mollis* & tenera lanugine obducitur, & mel nonnihil redolet.

Locus.

In palustribus & aquosis nascitur. Nos eam in Insulæ Eliensis fossis palustribus circa *Marsh & Chatteresse* vicos observavimus, copiosissimè autem in fossis aquosis circa paludem *Pillimosse* dictam in Lancastria: & palustribus arenosis prope Aberavon in Comitatu Merionethensi Walliæ.

Planta hæc Jacobæis potius quàm Conyzis annumeranda videtur ob folia laciniata, quamvis foliorum figurâ longâ & acuminatâ ab eisdem satis differat.

13. *Asteris* [potius *Conyza*] altera species *Apula* an *Baccharis* Col. *Aster luteus radice odora* C. B.  
*Yellow Starwort with an odorate root.*

Col.

*Radicem* habet diuturnam, ex cespite Ellebori modo fibrosam; atque fibræ semipedales, duræ, nigre, crasso cortice, carnosæ, pullo colore, sapore & odore aromatico, nervum albicantem intus lignosum, tenuem admodum ostendunt dissectæ, aliquibus etiam tenuibus fibris intermediis albetibus immixtis. *Folia*\* *Asteris* supradicti modo, crassis nervis multis prædita, in terram strata, lanosa, mollia, per ambitum obscurè dentata, colore ex viridi pallentia, odorata. *Caulem* è foliorum umbilico emittit, semipedalem, hirsutum, angulosum, foliis vestitum absque petiolo hærentibus, Drabæ vel Glasti modo, acutiore ferraturâ dentatis; in summo duabus vel tribus alis divisum, in quibus capitula *Asteris* modo, tenuissimis barbulis ac densis radiantia, luteo umbone intus parvis flosculis constructo. Maio mense floret, & Junio vel Julio perficitur, *semine* in pappos abeunt exiguo & odorato. Hujus radices odor & sapor adeò sensibilis naribus & gustui, ut nulla alia à Recentioribus descripta planta æquiparari ei possit.

\* Cernui.

Locus.

Rarior Cirinolæ in sylva prope D. Rocchi ædem; frequentior in monte Majella dicta.

Ob radicem odoratam hanc plantam *Conyzis* annumeravimus, quamvis folia & reliqua planta superius an odorata sit necne non dicit Columna.

Circa Messanam in Sicilia invenimus.

\* 14. *Bantania* planta foliis Helenii J. B. An *Conyza odorata*, seu *Helenium odoratum* Salic.  
*odorem spirans Doct. Colii* \* Clus.

\* Exor. lib.  
 4. cap. 25.

Clus.

Hujus folia Helenii formam referunt [ palmum longa aut majora, tres ferè uncias lata, per ora crenata, aliquot venis à medio nervo folium per longitudinem medium secante, inæqualiter nascentibus & ad latera excurrentibus prædita, pronâque parte incana: foliorum pediculi parvis appendices adnatas habebant veluti aures: renelli rami & recenter nata folia albâ lanugine pubescebant, etiam in resiccata; & degustata aliquid amaritudinis habere deprehendebantur. Clus.] *Flores* parvi, flavescentes, & in pappos abeunt; *Conyza* minores. Bantaniæ comedunt.

Hanc ex India Orientali deportatam exiccatam tantum vidit Clusius in chartis asservatam.

15. *Aster conyzoides* Gesneri Ger. emac. *conyzoides* Park. *luteus angustifolius* C. B. *Conyza maritima* J. B. *Fleabane-like Starwort.*

J. B.

Prolixas sub terra agit radices, non sine fibris, in tuberosum velut bulbum tandem desinentes. *Caules* statim complusculi, dodrantes circiter emergunt hirsuti, foliis amicti frequentibus, duarum triumve unciarum longitudine, vix culmum latis, rigidis, nervo unico per longum donatis. *Caulis* superius divisus flores gestat *Conyza* majoris, luteos, in pappum evanescentes.

Locus.

Cherlerus & Nos etiam in Gallia Narbonensi plantam hîc descriptam observavimus & collegimus, in campestribus illis juxta montem Lupi.

Huic plantæ nec figura, nec descriptio, (nimis-quam illa brevis & ambigua) Lobelii satis exactè convenire videntur. Hinc C. Bauhinus Asterem conyzoidem Gesneri & Conyzam maritimam Lugd. pro diversis plantis habet, hanc *Chondrilla*, *Conyza* facie, foliis angustioribus titulo proponens, illam *Asteris lutei angustifolii*. Ego tamen J. Bauhini sententiæ potius accedo, nec libenter citra necessitatem Entia multiplico. Nescio annon rectius hæc planta inter *Asteris* species collocaretur, cum nullius in ea odoris meminerint autores; & à Gesnero *Aster* dicatur.

At neque *Conyzis* annumeranda est, si eadem sit *Chondrilla* alteri Dioscoridis Rauwolfio, ut volunt Bauhini fratres, siquidem ejus radix lætescit. Verum nos Parkinsoni potius sententiam amplectimur, qui has distinguit, unde & superius de *Chondrilla* illa egimus inter *Hieracia*.

\* 16. *Conyza Melitenis retusis foliis* Bocconi.

Bocc.

Surculis pullulat pluribus, pedilibus, rectis, ramosis, duriore pilo subasperis: *Foliis* pariter hirsutis, inordinatè caulem ambientibus, oblongis, indivisis, Hyssopi aut Oleæ foliis non dissimilibus, atque



arque per extremum retusis. Flores huic radiati, in cacumine caulium auri luteo colore splendent; quibus flaccescentibus succedunt semina, quæ Conyzarum more in Pappos solvuntur.

Gignitur inter difficultates & acclives ascensus saxorum & cautium Melitæ insulæ sub Capucino. *Locus.* rum cœnobio.

An odorata sit hæc herba non dicit descriptionis autor Paulus Boccone; proinde an rectè eam hic collocavimus nescimus.

- \* 17. *Conyza montana Myconi, foliis Hyssopi vulgaris villosis* J. B. *Conyza montana pilosa* Park. *montana, foliis glutinosi pilosis* C. B. *Hairy mountain Fleabane* of Myconius.

*Radix* est lignosâ solidâ, intus candicante, foris nigrescente, minimi digiti crassitudine, gustu aliquantùm adstringente, exsucca non minùs quàm Suberis cortex. Ex hac *Stolomes* multi prodeunt, teretes, villosi, solidi, dodrantes, in quibus *folia* tenuia, Hyssopi vulgaris, sed glutinosa Ledi modo, odore gravi & viroso, & hircinum quid olente. In summo cauliculorum sunt *flosculi* Soncho similes, luteoli, in pappos abeuntes. Gustu subamara est cum levi acrimonia, caput tentans.

Nascitur in saxosis, præruptis & montosis locis, præsertim inter saxorum rimas, florens Augusto *Locus* maximè. *& Tempus.*

Si hæc Planta rectè descripta sit, flore Sonchi, ad hoc genus minimè pertinet: mihi incognita est, nec cuiquam, ut puto, Botanico præter Myconium descripta.

- \* 18. *Conyza species foliis Virgæ aureæ* J. B.

J. B.

*Folia* per caules alternatim disposita, ferè familia Virgæ aureæ vulgaris foliis, quatuor vel quinque uncias longa, ex angusto pediculo longo dilatantur ad unciam unam, dein paulatim tendunt in acumen, eo modo quo Virga aurea, in iis pilos non animadvertit J. Bauhinus. Folia in superioribus partibus breviora & angustiora sunt, ex principio lato. *Caules* rotundi, cubitales & sesquicubitales, in aliquot ramos divisi, in quorum longis partibus supremis capitula magnitudinis circiter Chamæmeli lutei vulgò dicti, quæ cinguntur coronâ parvorum foliorum luteorum, ut cæteræ Conyza & Asters; qualis discus sit non recordatur. Calyx constat ex foliolis sive squamis cinereis & albicantibus.

Collegit J. Bauhinus Spiræ in horto D. Tegnagel; vidit etiam apud Gesnerum; & reperit inter *Locus* plantas siccas Val. Dourez.

An odorata sit planta nescie, (quod solâ notâ Conyza ab Astore & Virgæ aureæ differt) non dicit, unde nec nobis constat, ad quod genus propriè pertineat: verùm quoniam Conyzam eam appellat, nobis quoque Conyza est.

- \* 19. *Conyza montana lutea foliis oblongis* C. B. *major montana Germanica* Park. *Great mountain Fleabane* of Germany.

Thal.

*Caules* surrigit plures cubitales & altiores, rotundos, virides, minùs glutinosos quàm Conyzae majoris Diosc. dictæ, *foliis* cinctos crebris, nullo ordine positis, oblongis, acuminatis, colore viridi obscuro, quatuor aut quinque uncias longis, sesquunciam latis. *Flores* lutei, quàm prædictæ Dioscoridæ nonnihil majores, in summis caulibus & ramulis singuli longis pediculis insidentes ut in illa, petalorum luteo-pallidorum circulo discum medium ambiente compositi, qui tandem fatiscentes in pappum abeunt.

Hujus & aliam seu speciem seu varietatem meminit Thalius, foliis longioribus, floribus minoribus.

Hanc plantam Parkinsonus in Angliâ, multis locis sponte oriri tradit: verùm falsus est. Nobis certè incognita est, nec ullibi vel in Angliâ, vel in regionibus transmarinis observata.

## C A P. VI.

### De Astore.

**A**ster dictus est à floribus stellarum instar radiatis.

Nobis Aster censetur Herba flore composito in pappos abeunte, inodora, foliis integris & indivisis, innoxia.

Difficile admodum est notam aliquam assignare quâ differat ab Astore Virgæ aureæ dicta: Sive enim floris colorem accipias, non pauci Asters sunt flore flavo aureo; sive florum parvitatem, nonnulli ex Asteribus dictis flosculis sunt perexiguis, ut v. g. Asteriscus latifolius Virginianus Cornuti; sive flores in umbellas aut capitula congestos, crebros; in Asterum numerum relatas invenies nonnullas flosculis in summis caulibus creberrimis in capitula aut umbellas conglomeratis. Est ergo Virgæ aureæ Herba species Asteri subordinata, floribus parvis, aureis, plurimis in summis caulibus in corymbis seu umbellas congestis.

1. *Aster montanus luteus Salicis glabro folio* C. B. *montanus foliis Salicis* Park. Ger. *Conyza montana* Monspeliensis, quibusdam *Asteris Attici* genus folio glabro rigido J. B. *Willow-leaved* Startm.

J. B.

*Caule* est pedali & plusquam cubitali, striato, glabro, duro, foliis alternatim positis, pallide virentibus, amicto, iisque duris, rigidis, nervosis, pediculis destitutis, semunciam latis aut paulo latioribus, tres uncias plus minus longis, acuminatis, leniter in ambitu crenatis. *Flores* Chrysanthemi, conspicuae magnitudinis, lutei, è capitulo squaroso, succedente cum seminibus papposa lanugine. Atque hi quidem non secundum caules & ramos nascuntur, sed *Asterum* modo singuli singulorum furculorum extremis insident. *Radix* subest longa, fibrata.

Locus.

In collibus juxta *Castelnus* & alibi in vicinia Monspeliensi oritur. Eundem observavimus in Germania juxta Rhenum flumen ex adverso Manhemii, & in sylvis supra Neapolin Italiae versus Camaldulensium cenobium. Flore incipit Junio.

Ab hac non separat *D. Magnol* *Conyza* mediae Monspeliensi affinem multifloram J. B. Nam in nostro inquit *Astere* flores aliquando singulares, & saepius plures, umbellae modo oriuntur: folia similiter admodum crebra sunt.

- \* 2. *Aster angustifolius* sive 6, *Austriacus* 4. Clus. *Ast. 6. Clusii* Ger. *Aster luteus Linaria rigida* glabro folio C. B. *luteus angustifolius* Park. J. B. *Narrow-leaved* pellott *Startm.*

Clus.

Pedalem altitudinem raro superat, numerosas à radice (non minus fibrosa quam quarto *Clus.* nec pauciores illa propagines agente) proferens virgas, graciles, duras, virides, quas frequentia, sed confuso ordine nascentia ambiunt folia, superiore angustiora, nigriora, duriora, Parmicæ vulgari non dissimilia, minimè tamen per oras serrata, amarulculo sapore, cui nonnihil acrimoniae adjunctum fit. Summis virgis insident flores, quinto Clusii formâ similes, attamen minores, capite etiam foliato, sive crebris foliolis imbricato: ramosa etiam circa summum sunt virgæ, sed rami matrem rarius superant: Semen superiori simile.

Locus.

In umbrosis montium urbi Viennæ vicinorum pratis, in ipsis etiam collibus herbosis, &c. copiose crescit. Floret paulo serius superiore.

*Conyza* mediae Monspeliensi aut Britannicæ Lugdunensium congener videtur. Planta J. Bauhino depicta ab hac diversa videtur, siquidem caulibus & foliis est villosis, & floribus in singulis virgis singulis.

Planta *D. Wheeler* in monte Olympo observata, & *Itinerarii* lib. 3. pag. 219. descripta descriptioni J. Bauhini caulibus villosis & floribus in singulis virgis singulis respondet.

- \* 3. *Aster auricomus glaber latifolius folio non rigido* J. B.

J. B.

Non penitus omni pilo caret, verum tam brevem, tamque rarum, tam per folia, quam per caulem habet, ut visus vix capiat: adnascuntur autem alternatim folia, caulem pinnis complexa, vicinam circiter lata, tres longa, nonnihil in ambitu sinuata: ex quorum uniuscujusque sinu palmari ceter emicat pediculus, florem plerumque unicum, interdum binos sustinens, aureo intenso colore cantem, magnum, Tragopogonis lutei æmulum, disco luteo, denso extrinsecus agmine obvallatum foliorum viridantium, levium, acuminatorum, tantæ longitudinis ut ipsam florem interdum superent.

Locus.

In campestribus & squalidis propè montem Lupi collegit Cherlerus: At *D. Magnol* cum ibi in frustra quæsit.

4. *Aster lanuginoso folio* sive 3. Clus. *luteus lanuginosus* Park. *Austriacus* 3. Clusii Ger. *luteus hirsutus Salicis* folio C. B. 3. *Pannonicus* Clusii, *luteus folio hirsuto Salicis* J. B. *Sallow-leaved* Startm.

Clus.

*Caulibus* est villosis, teretibus [gracilibus, firmis, cubitalibus virentibus aut purpurascens, ab una radice multis] dodrante altioribus, per quos alternatim nascuntur folia, nullis subnixa pediculis, Saligna circumscriptione, venosa, pilis obsita, semunciam latiora, nonnunquam angustiora, unciam unam aut duas tréve longa, leviter in acumen desinentia [latâ sede caules amplectentia, lepore subamaro & acri] Flus summo insidet cauli *Calthe* par, luteis per ambitum foliis [longiusculis, Helenii florem ambientibus foliolis similia, angustiora tamen, flavi coloris dilucioris] medio de be satis magno è plurimis luteis muscosis flosculis compacto. Circa summum caulem à foliorum exortu terni, interdum quaterni aut plures exeunt ramuli, summum ipsum caulem superantes, singuli florem primario similem sustinentes. Resiccatis floribus semen exiguum in capitulis remanet, quod maturum cum pappo à vento discutitur. *Radix* admodum fibrosa est, nigricans, deinde novas propagines è lateribus emittens & recentibus fibris sese firmans.

Locus.

Provenit plerisque locis ad montium & collium radices, secundum vias agro Viennensi & caeteris Pannoniæ sylvis. Floret Junio, semen Julio maturat. Plantam huic similem, si non eandem, observavimus in Germania ad Rhenum, inque Italia ad margines fossarum inter Liburnum & Pilas: semper in aquis.



- \* 5. *Aster tomentosus luteus, Verbasci folio* Bocconii. *Ragufinus Verbasci foliis* Zanoni.

Bocc.

*Folia* promit à radice multa, oblonga, indivisa, tomentosa, Stachydis aut Verbasci cujusdam sylvestris æmula, candidiora: Inter hæc *caulis* dodrantalis rectus emergit, minoribus foliis cinctus, & ipse molli albetque lanugine incanescens; cujus in cacumine *flores*, Asteris formâ, radiato foliorum ambitu lutei, qui in pappos solvuntur. *Radix* subest vivax, totaque planta si sub tectum hyeme revocetur, pluribus annis perennat.

D. Alexander Balam Autori nostro communicavit, verisimile tamen est D. Balam à D. Zanoni hanc plantam habuisse: plenior omnium partium descriptionem videbis apud prædictum Zanoni in Historia sua Botanica.

- \* 6. *Aster montanus luteo magno flore* C. B. *Ast. mont. prægrandi Helenii flore* Ad.

Lob.

*Florem* unicum luculentæ magnitudinis ostentat: magnitudine ferè colore & effigie Helenii, in *caule* singulari, cubitali, recto, gracili, *folia* ferenti fusca, magnitudine Asteris Italici, & adeò familia ut planè eadem putes: *Radice* fibrosa Succisæ aut Britannicæ Lugdunensis.

In montibus Allobrogum & Gallo-provinciæ celsis, nonnisi rarò invenitur.

Locus.

- \* 7. *Aster montanus alter folio & caule hirsutis* Ad. *Ast. Arcticus luteus montanus villosus magno flore* C. B.

Proceritate & flore præcedenti non absimilis, sed *caule* & *foliis* hirsutis, longioribus, Cynoglossi nostri parvi paribus & similibus; *radice* verò minùs fibrosâ.

In monte Capouladon Junio mense cum flore reperitur, tum etiam in campestribus & squallidis montis Lupi. D. Magnol.

Locus & Tempus.

Si Lobelius hanc & præcedentem plantam rectè descripsit cum unico flore in caule, à sequente seu Pannonico majore Clusii diversus sit oportet: quocirca an idem, an diversus sit in medio relinquo, suspicor tamen eundem esse.

8. *Aster Pannonicus major sive 3. Austriacus* 1. Clus. *luteus major foliis Succisæ* C. B. *lur. maj. Austriacus* Park. *lur. foliis Succisæ* Ger. *Great pellow Austrian Starwort.*

Clus.

Ex *radice* nigra, obliqua, multis albicantibus fibris capillata, & lateribus propagines fundente multa initio promit *folia*, Scabiosæ, aut ut verius dicam Succisæ foliis similia, dilutiore tamen viriditate & tenui etiam interdum lanugine prædita, gustu aliquantulum acri & amariuscule: inter quæ prodit *caulis* cubitalis & amplior, teres, plerumque rubescens, per quem sparsa sunt *folia*, jam dictis angustiora, mucronata, & nonnihil dentata: is extrema parte in aliquot ramulos divisus est, magnos sustinentes *flores*, ex multis quinque foliorum luteis flosculis, atque in orbiculare caput congestis constantes, quos per circumferentiam ambiunt oblonga, latiuscula, plana folia, elegantissimo colore flavo, nullo autem (aut certè perexiguo) odore prædita. Floribus succedens *semen* inter villosam quandam in capitulis materiam latet, angulosum & quasi triangulare.

Passim ad Alpium Austriacarum & Stiriacarum radices, aprico loco, nonnunquam etiam umbroso nascitur, ubi Julio floret, Augusto ejus semen maturum est.

Locus & Tempus.

Considerandum proponit J. Bauhinus, an Britannica Gesneri & Lugdunensis tradatur à Clusio nomine Asteris tertii, Austriaci primi? quam ille Britannicæ Conyzoidis titulo describit. Verùm descriptiones non in omnibus conveniunt: Siquidem Britannicæ *caulis* incanus & villosus describitur, *folia* densâ, canaque lanugine subtus pubescentia. Unde Britannicam Gesneri & Asterem Pannonicum majorem sive 3. Clusii diversas plantas esse opinamur.

Ad hanc Gesneri & Lugdunensis Britannicam, h. e. Britannicam suam conyzoidem refert J. Bauhinus Asterem montanum luteum marem Tab. & dubitanter etiam Asterem montanum prægrandi flore Helenii Ad. Lob. cui & Clusius ipse Pannonicum suum tertium majorem eundem suspicatur: unde sequeretur C. Bauhinum in Pinace ex una specie plantæ tres fecisse; nimirum ex Astere Pannonico majore Clusii, Conyzæ affinem; Asterem montanum luteo magno flore; & Asterem luteum majorem foliis Succisæ: Verùm (ut diximus) Britannicam Gesn. & Asterem Pann. 3. Clus. rectè separat.

Hoc genus Asteris nos quoque in montosis non semel observavimus in Germania & Gallia.

Locus.

9. *Britannicam conyzoidem, quibusdam Asterem Pannonicum Clusio dictum* J. Bauhinus sic describit:

*Radice* nititur obliquâ, repente, fibrosâ, acri cum aliqua aromaticitate: *caule* cubitali, incano, villosa, in alas aliquot circa summum diducto: *foliis* maximis quidem sesquipalme longis, duas uncias latis aut amplioribus, reliquis palmum circiter longis aut brevioribus, semunciam latis, utriusque longâ, densâ, canaque lanugine subtus pubescentibus, sapore amaro prædictis, citra ullam adfrictionem flore Helenii, sed minore multo, luteo disco in pappos avolante.

• 10. *Santolina flore amplo* Alpin. exot.

Alpin.

Planta conspectu tenera, mollis, ac delicata, tota candida in montanis insulae Cretae nascitur, arboris figurâ, foliis parvis, oblongis, multis simul stipatis, circum ambientibus ramulos, & spinitudine occultantibus, candidis, Abrotani foeminae adprimè similibus, non tamen per oras serrata. Hac planta ab una radice longa, crassa, tenera caulem rectum, rotundum, digiti crassitie, album emittit; ex quo virgæ exeunt rectæ, graciles, complures, in cacumine in furculos duos vel tres divisa, habentes flores Santolinæ, sed quadruplo majores, ad Calendulæ vulgaris magnitudinem atque aureum colorem maximè accedentes: quibus succedunt semina minuta, oblonga, Soncho proxima.

Planta est inodora, levi amarore linguam inficiens.

De genere hujus plantæ, & an rectè huc referatur nobis non constat. Nihil habet Alpinus de odore, nihil de pappo.

A. 11. *Aster maritimus flavus* Crithmum chrysanthem. dictus. Crithmum chrysanthemum Park. Ger. maritimum flore Asteris Attici C. B. marinum tertium Matthiolo, flore luteo Baptisbalmi J. B. Golden-flowered Sampire.

J. B.

Suffrutex est maritimus, statim ab ipsa radice multos emittens stolones, cubito altiores, rectos, robustos, teretes, rubentes, per quos folia densissima, unciâ longiora, angusta, crassa, teretia, glabra, extremo incisa, acri, saluginoso, aromaticoque sapore prædita. Stolonum scapi in foliolos ramusculos finduntur, quorum singulis insidet flos majusculus, luteus, in pappos evanescens.

Locus.

Variis in locis maritimis circa Angliam observavi, v. in rupibus ad Llandwyn in insula Angliæ; in palude quadam propè Hurst-Castle ex adverso insulae Vectis copiosissimam.

Asteris species est non Crithmi: unde *Aster maritimus luteus* Crithmum chrysanthemum vulgè dictus, non ineptè inscribi possit.

• 12. *Jacobaea Crithmi litorei foliis* Morif. prælud.

Morif.

Planta est bipedalis, foliis angustis, crassis, oblongis, viridibus Crithmi chrysanthemi instar. Florem fert luteum Jacobææ, stellatum, cujus petala lata, lutea discum luteum ex plurimis flocculis atque stipatis conflatum cingunt. Flos abit in pappos.

13. *Aster Atticus* Italorum flore purpureo Park. Italorum Ger. Atticus ceruleus vulgaris C. B. Att. purpureo & albo flore J. B. Purple Italian Starwort.

J. B.

Caules habet cubitales & sesquicubitales, tenues, teretes, duos, hirsutos, subrubentes, foliis ætos oblongis, acuminatis, asperis & pilosis, interdum crenis paucis incis, sapore subaromatico & subamaro ac ficcante. Caules circa fastigium in furculos dividuntur, quibus flores insident amari, radiato Bellidis majoris positi, sed colore violaceo [Dod. cœruleo-purpureo] aut albo, disco medio fulvo, in pappos facessente. Radix tenuis, transversa jacet, à qua multæ demittuntur fibrae, sapore amaro, nonnihil aromatico & calfaciente, quidam aiunt nonnihil Caryophylli respicient. Semen parvum, sublongum, Intybo non multum dissimile.

Locus.

Nascitur incultis & asperis collibus & convallibus, in Italia, Sicilia, & Gallia Narbonensi passim obviis.

Duplex habetur latifolius & angustifolius. Sic qui maturius floret minùs altè assurgit, quàm qui seriùs.

14. *Aster Alpinus flore purpurascente. An Asteri montano purpureo similis* J. B?

Radix ei satis crassa, obliqua, intus nonnihil lutea, sapore acriusculo, fibris aliquot donata. Folia ad radicem plura, longa, angusta, figurâ ferè Polemonii petræi Gesneri, saturo virore splendens, ad latera nonnihil pilosa, at neque dentata, neque serrata. Caules semipedales aut dodrantales, surrecti, foliis vestiti alternatim positos iis quæ ad radicem similibus, ramosi, singulis ramulis florem sustinentibus Bellidis minoris, nisi quòd limbus seu corona foliorum radiatorum in margine, minoribus brevioribusque barbulis constet, colore purpurascente præditis: interiores autem flocculi, qui fundum floris componunt, inter viridem quasi & luteum colorem ambigunt.

Locus.

In ascensu montium maximo Carthusianorum cœnobio adjacentium Julii decimo septimo florentem inveni.

15. *Aster purpureus montanus* J. B. Alpinus cœruleo magno flore Park. montanus, cœruleum magno flore, foliis oblongis C. B. Aster 7. Clusii Ger. Great blue mountain Starwort.

J. B.

Radix huic satis crassa, longa, nigricans, fibrata, in plura dividitur capita, ac se propagat: Ex quorum singulis emergit cauliculus unus, palmaris, rariùs dodrantalis, interdum etiam cubitalis, hirsutus, paucis foliis vestitus, in summo florem gestans majorem quàm vulgaris purpurei Asteris, cætera



tera similem, foliis cœruleis, purpureisve luteum veluti oculum stellatim ambientibus: quem in pappis appensum semen sequitur. Folia circa radicem multa, pilosa, unciam unam, duas aut tres longa, semunciam lata, per extremum rotunda. Autore Camerario, interdum globuli tumentes, villosi, propè radicem adnascuntur foliis, estque omnino minor vulgari Astore.

In summis jugis montis Juræ, item in montibus maximis Carthusianorum cœnobio imminetibus invenimus. Oritur herbosis Austriacarum Alpium jugis, inquit Clusius. Floret Julio.

C. Bauhinus Asterum Atticum minorem Cam. ab Astore purpureo montano diversum facit, quàm rectè ipse viderit: ego J. Bauhini sententiam amplector, qui huc eum refert.

Locus.

Tempus.

16. *Aster hirsutus Austriacus cœruleus magno flore* C. B. Prod. Park. **Blue Austrian Starwort with a great flower.**

C. B.

Caulis est rotundo, hirsutie aspero, pedali in unum alterumve ramulum brachiato; foliis latis, subrotundis, per marginem nonnihil exasperatis, & in apicem rigidiorē desinentibus, rigidis, crassis, hirsutie levi exasperatis & scabris cincto: cujus summo flos magnus infidet, ejusque orbem pallidum folia multa, tenuia, oblonga, pallidè cœrulea ambiunt, qui maturus similiter in pappum abit.

Hic licet in Austria circa Cremsam reperiatur cum Astore mont. cœrul. magno flore, confundi non debet C. B.

Huic affinem Cantabrigiæ in hortulo nostro aluimus sub titulo *Asteris Hispanici* Londino missam, qui radice erat vivaci, folis lanuginosis; floribus amplis, pallidè cœruleis: fortè Aster Pyrenæus præcox flore majore cœruleo Hort. Parisiensis.

17. *Aster Tripoliis flore* C. B. minor angustifolius Park. Atticus Monspelienfis purpureus, angustioribus foliis J. B. **Narrow-leaved purple Starwort.**

J. B.

Cognatus est Asteri Attico Fuchii, caulibus rectis, cubitalibus, teretibus, hirsutis; per quos folia crebra, glabra, nervosa, Linariæ foliis magnitudine & formâ respondentia: Flores in frequentibus pediculis, aliis palmaribus, aliis uncialibus, umbellam mentiuntur, Asteris Fuchiani similes, paulò tamen minores, violaceis in ambitu foliis, disco luteo, qui in pappos resolvuntur.

In prato juxta molendinum *Castri novi*, inque sylva Valena & alibi propè Monspelium invenimus, Augusto etiam & Septembri mense florentem. Aster minor Narbonensium Tripoliis flore, Linariæ folio medio-purpureus Lobelio in Adv. dicitur. Flos Septembri mense suavem Croci odorem spirat. Botân. Monsp.

18. *Aster cœruleus serotinus frutescens*, Tradescanti. **Late-flowering blew Starwort.**

Radix ei alba, furculosa, fibris multis donata, ad latera propagines emittens, huc illuc sub ferrâ vagantes, & virgas subinde emittentes, ut planta brevi spatio longè latèque se diffundat. Caulis exerit bicubitales, teretes, rectos, rigidos, glabros, medullâ farctos, crassitie propemodum minimi digiti, foliis crebris, nullo ordine politis cinctos, superiora versùs valdè ramosos, ut ex uniuscujusque folii sinu ramulus exeat, & planta arbusculæ speciem reddat. Supremos caules & ramulos occupant flores multi, Bellidis minoris magnitudine & ferè formâ, sed colore diverso; medium quippe umbonem ex viridi flavum ambiunt numerosa petala angusta, oblonga, pallidè cœrulea, unâ interdum vel alterâ crenâ in extremo incisa. Folia Salignorum æmula, inferiora digitum lata, tres quatuorve digitos longa, acuminata, per margines interdum obiter dentata, aliâ aequalia, lata basi absque pediculis cauli adnata: superiora sensim breviora & angustiora. Floribus marcescentibus succedunt semina pappo innascente alata, parva & breviora.

Septembri aut Octobri mense floret. E Virginia in Angliam primus intulit Jo. Tradescantus, nunc nihil frequentius est in hortis, est enim admodum vivax nec ullum ferè solum respuit.

Locus &amp; Tempus.

Duas præterea hujus species exhibet Morisonus in *Prelud. Bot.* Eæ sunt

1. Aster serotinus angustifolius Canadensis flore cœruleo. Foliorum angustia à descripto differt, & flore minore.

2. Aster præcox flore cœruleo majore. Hujus caulis humilior, flos major, media autem æstate floret.

19. *Asteriscus latifolius Autumnalis* Cornuti. *Virginicus latifolius præcocior purpurante flore parvo*, Park. **The earlier broad-leaved purplish Virginian Starwort.**

Cornut.

Radix huic crebris compacta filamentis: caules lignosi, teretes, graciles, subrubri, bicubitales; folia in ambitu serrata, longis pediculis innixa (velut Pyri) ad basin lata & subrotunda, in mucronem sensim gracilescunt: coloris quidem supra luteo-virentis, inferna autem parte velut Cyclamini. Caulium cacumini luxurians adeò florum infidet copia, ut complurimus contextum flosculis fertum potius quàm genuinum plantæ florem dixeris. Singuli flores duplo minore stellâ fulgent quàm vulgaris Aster Atticus (eâque ob causam Asteriscum potius quàm Asterem appellavimus) medium cineracei coloris umbonem habent [pallidè lutei potius] circa quem foliola velut radii dilutissime purpurascunt, succedente semine papposo. Caulibus marcescentibus radices perennant.

Sub finem Augusti & interdum seriùs pro anni temperamento floret. Planta est Canadensis.

- A. 20. *Aster maritimus purpureus Tripolium dictus: Tripolium majus & minus J. B. vulgare majus & vulgare minus Ger. majus sive vulgare & minus Park. majus caeruleum & minus C. B. Sea Starwort.*

*J. B.*

Cubitalem & sesquicubitalem altitudinem assequitur, radice fibrosa. Folia ad Limonii majora folia accedunt, strictiora, longitudine ferè paria, nervis rectis Plantagineis donata, glabra, crassa, pingua, colore cœruleo interdu, per caulem & ramulos nullo ordine crescentia. Caulis fastigium ramosum flores gerit, furculorum extremis harentes, purpureos cœruleosve, [umbonem medium luteum cingente foliolorum purpureorum limbo seu corona] qui in pappos evanescunt.

Tripolium majus & minus, cum non aliter quàm magnitudine differant, non separo: Tripolium flore nudo circa Bristolium observavi copiosè.

*Locus.*

Scatent hac plantà (ut verè Lobelius) Narbonica & Anglica litora & fluminum crepidines, quæ refluxus & maris æstus inundant. Minorem speciem in palustribus maritimis non longè Montpelio observavimus.

Hæc etiam planta Asteris species est, nobis *Aster maritimus caeruleus, Tripolium vulgò dictum.*

21. *Aster Virgineus angustifolius serotinus parvo albente flore Park. The narrow-leaved late flowering Virginian Starwort.*

Multis fruticat stolonibus, quàm præcedentis elatioribus, gracilibus, rigidis, foliis ad nodos velut singularibus, absque pediculis adnatis. E foliorum alis, à medio caule sursum, exeunt ramuli longi, & ipsi non rarò in secundarios ramulos divisi, ad singulos nodos foliis pariter singulis obliquis, verum minoribus & crebrioribus quàm in imo caule. Flosculi in summis ramulis & furculis perexigui, stellati, circulo petalorum albescentium medium discum purpurascentem cingente radiati, in pappos evanescentes. Radix fibris plurimis, longis, albescentibus constat, in multos annos vivax, & plurimum se propagans, caulibus quotannis marcescentibus.

Multò serius floret quàm superior, interdum, non ante finem Octobris aut Novembris incipit; tempestate calidiore maturius. Locus natalis idem qui præcedenti.

22. *Aster ramosus annuus Canadensis Moris. Bellis ramosa umbellifera Cornuti: ramosa major umbellifera Americana Park. Annual white flowered Starwort of Canada.*

*Corn.*

Sesquipedalis herba est, radice minutissimis contexta fibris: foliis longiusculis, pinguibus, asperis, obscure virentibus, crenaturis ambitus altissimè laciniatis. Caulem habet pariter scabrum, pallidiusculis omni ex parte ramulis, quibus in apice numerosa florum copia crescit, Bellidis minoris effigie, densioribus tamen barbulis medium luteo-virens orbiculum concinnè stipantibus. Barbule nunquam rubescunt, ut nostratis, sed emaculato semper candore sunt insignes. Singuli flores singulis sustententur pediculis, qui licet ab eadem cauliculi parte prodeant, diverse sunt & inæqualis semper longitudinis. Flos Junio, Julio & Augusto viget, ambitus postea marcescit, medius orbis in fœnem formatur, [quod pappo adnascente alatum est] Caulis tandem & plantæ pars omnis arescit; ac nisi semine vegetat, quod à satù duodecimo fere die germinat.

*Vires.*

Gustata linguam acriter pungit, eamque amaritudine inficit non ingrata, nescio quid enim aromaticum præ se fert, cujus odoris halitus cerebrum ferit, è quo pituitam crebra spuritione subinde per os exigit.

## C A P. V.

### De Astere Conyza dicto.

**P**antas hæc Conyza accenseri solitas ob odoris defectum Asteribus potiùs subjungimus, quamvis saporem obtineant acrem & aromaticum. Siquis ob hanc rationem non sollicitandas aut loco movendas putet, fruatur ille suo judicio, nec enim ego hac de re cum quaquam valdè contenderim, præsertim cum flores in hoc genere vix sint radiati, ac promò Asteris seu Stellæ nomen eis minùs aptè conveniat.

- A. 1. *Conyza caerulea acris C. B. Ger. emac. odorata caerulea Park. Senecio sive Erigeron caeruleus, aliis Conyza caerulea J. B. Blue flower'd Sweet Fleabane.*

*J. B.*

Conyza hæc subinde magnitudine, foelicius aut infœlicius solum nactus, variat, aliàs sesquipedalis, aliàs plusquam dodrantalis: radicibus fibrosis, albicantibus, gustu nonnihil aromaticis: ex quibus caules surgunt, multi, tenues, striati, rubentes, hirsuti, ramoli, medulla alba pleni: Folia integra, nec usquam dissecta, crenatave, lanuginosa, intorta, inferiora quidem uncias ferè duas longa, semunciam lata; superiora ut breviora, ita angustiora, utraque sapore acris & aromatico. Capitula quàm in Senecione vulgari longe crassiora, canaliculata, tomentosa, nonnihil rubentia.

Florum



Florum foliola dilutior purpura tineta sunt, medium obtinente papposo tomento exalbido in luteum vergente.

In scaberrimis & siccoribus pascuis, præsertim arenosis, frequens oritur.

Locus.

- \* 2. *Conyza cerulea Alpina major* Park. C. B. Great, blue Mountain Fleabane.

C. B.

Ex radice lignosa rufescente caulem crassum, pilis asperum, palmarem, mox in ternos ramulos, (& horum aliquos in pediculos) divinum protrudit: circa quem folia pauca, hirsuta & aspera, crassa, uncias tres quatuorve longa, uncia angustiora, nervis aliquot distincta. Singulis pediculis flos unicus, cœruleus, Conyza cœrulea vulgari similis, & similiter in pappum evanescens infidet.

In monte S. Bernhardi provenit.

Locus.

Si planta hæc à Conyza cœrulea acri vulgari specie differat, cur non certiores distinctionis notas attulit C. Bauhinus?

- \* 3. *Conyza cerulea Alpina minor* C. B. Park. Small blue Mountain Fleabane.

C. B.

Plantula est semipalmaris, aliquando minor, lavis, rarius nonnihil pilosa; radice nigricante, fibrosa; cauliculo rotundo, tenui, unicum florem cœruleum, illius quidem flori formâ similem, sed triplò minorem, multis apicibus donatum, & in pappum abeuntem sustinente. Foliola habet ad radicem plura, angusta, truncialia, pediculis donata, pallide virentia, at quæ caulem basi sua cingunt breviora sunt.

In monte Gothardo reperitur.

Locus.

4. *Conyza Canadensis annua, acris, alba; Linariæ foliis* Bocconi. *Con. alba, acris, annua*, Moris. An *Eupatorium cannabinum Americanum angustifolium* Park?

Boc.

Conyza hæc priusquam in caulem assurgat foliorum humi jacentium orbem & quasi stellæ radiantis speciem exhibet: Folia huic primò nascenti sinuata & hirta, atque versis extremum retusa; quæ tandem in caulibus adultis Linariæ sunt æmula. Caulis pedalis & bipedalis interdum. Flores parvi, albo-virides, ferè innumeri, atque in pyramidis modum dispositi, qui senescente planta versus autumnum in unum versum flectuntur; tandemque in pappos (Conyzarum & Senecionum more) solvuntur. Sapore acris est. Arida planta si digitis teratur non insuavi Mali Aurantii odore placet.

Ex Creta vel Canada vel aliunde allatam negant nonnulli, repugnante seniorum Parisiensium fide, quibus in prima ætate ignota fuit. Quòd nusquam non oriatur, & quasi de industria lata, hoc copiarum feminis pappescens debetur, quòd facile vento huc illuc impellitur.

Hanc plantam esse existimo quam Parkinsonus sub Eupatorii cannabini angustifolii Americani titulo proponit & describit: qui folia ad margines interdum dentata esse ait, alias æqualia.

## C A P. VI.

### De Astere Jacobæa dicto.

Cum plantæ sequentes, Jacobæa aut Seneciones dici solitæ, folio sint integro, neque nos certam aliquam notam novimus quâ Jacobæa ab Astere differat, præter foliorum divisionem, ad Asterem potius quàm ad Jacobæam eas referendas duximus.

1. *Jacobæa Senecioni affinis. Senecio folio non laciniato* J. B. C. B. *folio non laciniato* Myconi Park. Groundsell with an undivided leaf.

J. B.

Herba est cubitali altitudine, radicibus tenuibus, candidis, lignosis, dulcibus: caule aliquantisper piloso, rotundo, cavo, Medullâ lanuginosâ faretò; in quo folia sunt exigua, pilosa, in ambitu serrata, crassa, aliquantulum vividiora, infernè rubescentia, quæ quandoque colore vinoso manus inficiunt. In caulis summitate flores sunt lutei, in pappos protinus abeuntes. Sapor totius plantæ aqueus est, ut vulgaris Senecionis.

Nascitur in quercetis, locisq; non admodum siccis, sed humidis, interdum & in pratis. Nos in sabulosis inter oppidum Rot & Norimbergam celebrem Germaniæ urbem observavimus: eundem etiam Messanæ Siciliæ, in ascensu montium propè urbem. Calix floris Senecionis calicem exactè refert, verum circumulum seu coronam foliorum in margine ad modum Chrysanthemi obtinet. Plantula tenera est, radice fibrosa, foliis Bellidis majoris.

Locus.

- \* 2. *Jacobaea Pannonica folio non laciniato* J. B. *angustifolia* Pann. non laciniata Park. *nugifolia angustif. non laciniata* C. B. *angustifolia* Ger. Mountain Ragwort with an undivided leaf.

Clus.

Terna quaterna aut plura habet folia, latiuscula, in ambitu leviter dentata: Caulem cubitum plerumque angulosum, gracilem, per quem inordinata sparsa sunt folia, infimis paulo minora, & supremo angustiora, lata basi ipsum amplectentia. In summo caule quaterni aut quini tanquam in umbella nascuntur flores, Jacobaeae vulgaris floribus non multum absimiles, antequam explicentur ex atro-rubescences, sed ubi aperti sunt auri fulgore splendentes, quos in ambitu stipant quinque na aut plura foliola, per extremum incisâ, supernè phœnicea, subtrâ verò quodammodo rubentia. Si flores maturi in pappum abeunt, cui involutum est semen nigricans, oblongiusculum, vulgari Jacobaeae semini non dispar. Radix non valdè magna, nigricans, tenuibus fibris candicantibus donata, sub Autumnum nova denuò folia latiora ad veteris caulis sedem singulis annis producit. Totâ planta mollicula, & quadam lanugine obsita conspicitur: amari autem est saporis.

Locus &  
Tempus.

Nascitur apud Nemetburwar, aliisque Pannoniae & Austriae montosis, & caeduis sylvis. Floret Junio initio, & sub ejusdem extremum finem semen maturum est.

- \* 3. *Jacobaea rotundifolia incana* C. B. prod. Park. Round-leaved hoary Ragwort.

C. B.

Radice est crassiuscula, transversa, rufescente, in fibras oblongas abeunte: caule pedali, incano: foliis subrotundis, crassis, supernè virentibus, infernè incanis, uncias duas absque pediculis longas, fescuiunciam latis, in ambitu dentatis, at in caule paucis & angustissimis. Flos, qui Scorzonerae flori similis summo cauli infidet, satis magnus & luteus. Toti plantae lanugo quadam aspera est.

Si hæc planta rectè describatur flore Scorzonerae simili, hoc est, naturâ pleno, vel ad aliud genus pertinet, vel est in hoc genere singularis & anomala.

- A. 4. *Jacobaea montana non laciniata nostras.* Mountain Ragwort with an undivided leaf.

Radice est crassiuscula, transversa, fibras albas plurimas, & ipsas satis crassas emittente. Folia ad radicem humisparsa in orbem plura, fescuiunciam longa, unciam plus minus lata, per ambitum leviter dentata, supernè cum juniora sunt viridia, brevi tamen in luteum languescunt, & tandem exsiccantur. In horum medio seu centro exurgit caulis semipedalis aethumilior, purpureus, striatus, foliis parvis, angustis, oblongis, acutis, absque pediculis, basi sua adherentibus, vestitus; in fastigio tres quatuorve flores velut in umbella gestans, Jacobaeae æmulos, è calyce striato, tum medio disco, tum barbulis ambientibus flavis; quibus in pappum abeuntibus semina parva Jacobaeae nature/centia vento diffiantur. Tum caulis, tum foliola eum ambientia araneosâ quadam lanugine obducuntur. Folia masticata initio nullo insigni sapore linguam afficiunt, paulo post nonnulla acria sentiuntur.

Locus.

In montosis sterilibus cretaceis praesertim, ut collibus Gogmagog dictis, & planitie Novi Mercii oppidi, & colliculis contumulatis Bartloviae in Agro Cantabrigiensi aut Essexiensi, oritur.

- \* 5. *Jacobaea affinis planta tuberosa Capitis bonae Spei Breynii.*

Breyn.

Radice est tuberosâ, fuscâ, in orbicularem latitudinem effusâ, Cyclaminis facie; foliis multis Cyclaminis etiam haud valdè absimilibus, ex saturâ & dilutiore amoenâ viriditate eleganter variegatis; inter quæ cauliculi teretes, concavi, paucis foliolis septi, bini, terni plurève dodrantalis longitudinis exurgunt. Florem unicum, aureum, Jacobaeae latifoliae Pannonicae 3. Clus. similem, in pappum abeuntem, sustinentes.

Hæc (inquit Breynius) in ramulo sicco & figurâ summo studio coloribus expressâ, quæ in Breyniano horto floruit, notare potui.

- \* 6. *Jacobaea Aethiopica Lavendulae folio Breynii.*

Breyn.

Virgæ ex radice quas fundit, rotundæ sunt, striatæ & incanæ, magnitudine Millefolii sylvestris: per quas folia viridi-incana, uncias duas longa, culmum lata, nervo per medium decurrente crassa, similia foliis Lavendulae. Virgarum fastigia in furculos quosdam, & hi in pediculos, duos, tres, quatuor, plurève minutissimis donatos foliolis abeunt, quorum singuli florem è calyculo torulis & ridibus canaliculato Jacobaeae gestant minorem, radiatis, aureis, per extremum incisâ foliis umbonem concolorem ex multis apicellis five tubulis constantem coronantibus: qui in papposum tandem semen, oblongiusculum, Jacobaeae vulgaris non dispar, abit.

Locus.

Gaudet locis herbosis Promontorii bonae spei.

- \* 7. *Jacobaea*



\* 7. *Jacobaea Ethiopica Laricis folio Breynii.*

Breyn.

Hæc lignosus & parvus est frutex, Ericæ similis; ramos ferens multos, dilutè virides, rotundos ac striatos, inferius, ubi nudi, tuberculis densis, sive foliorum vestigiis delapsorum, punctulis veluti, inæqualiter utrinque & in medio positis, instar Euonymi alterius *Clusii* insignes; cæteroquin ab imo ad summum numerofo ac denso agmine *Folii* uncialibus & dimidio minoribus, angustissimis, lætè viridibus *Pinnæ* tertiæ Hispanici pumili *Clusii* vel *Laricis* accedentibus, at mollioribus, ità circumdati stipatique, ut ipsos ramos penitus occultent.

*Florem* in ramulorum & furculorum cymis plerumque solitarium producit aurei coloris, stellatum, *Jacobææ* haud multum abfimilem, minus autem foliosum, *calyce* longiore, maturitate in pappum evanescentem, & *semen* nigrum *Jacobææ* longius relinquentem.

In ericetis ad Promontorium Bonæ Spei.

Locus.

\* 8. *Jacobaea spicata Monomotapensis Breynii.*

Breyn.

Hæc caule longiore quàm prædictæ adolescit, rotundo, striato, in ramos diducto satis longos; quos hinc indè *folia* sepiunt subrotunda, crassa & ferrata, *Euphrasæ* foliis quodammodo accedentia, in mucronem verò acutiorem desinentia. *Flores* scanfiles per ramulorum longitudinem serie quadam succedentes gerit, velut in spicam congestos, flavos, radiatos, disco melino; *Jacobææ* vulgaris minore, *calyculo* quoque longiore & angustiore, ex numerosioribus squamulis viridibus, fimbriam albam lanuginosam habentibus imbricatum compacto. Horum florum apicelli in pappos resoluti, unà cum *semine*, *Jacobææ* paulò exiliore avolant. Tota planta hirsutè quasi subaspera, & albâ lanugine oblita conspicitur.

Datur & altera hujus species, cujus caules itidem striati sunt, ast minùs lanuginosi, *Folii*que paucioribus septi, ac *floribus* rarioribus, furculo longiusculo sæpè solitariis insidentibus onusti.

Idem in locis cum prioribus reperitur.

Locus.

## CAP. VII.

## De Helenio sive Enula campana.

**H**elenium *Ἑλένιον* quòd è lachrymis Helenæ natum dicatur, & ideo in Helena insula laudatissimum esse perhibetur.

Cæterum Helenium partium omnium, radices, foliorum, florum magnitudine à reliquis integri-foliis flore discoide papposis distinguitur.

*Helenium* Ger. vulgare C. B. *Helenium sive Enula campana* Park. J. B. *Elecampane*.

*Folia* multa à radice exserit longa, lata, in terram reclinata, utrâque extremitate acuta, ad tactum mollia, supernè pallidè viridia, subtus incana, per ambitum crenata, brevibus pediculis hærentia: è quorum centro caules exurgunt nunc unus, nunc plures, recti, canaliculati, villosi, subrubentes, ad trium & quatuor usque cubitorum proceritatem, aliquot alis concavi, quibus *folia* aliquot nullis intervenientibus pediculis adnascuntur, *Verbasci* latioris. *Flores* odorati sed obscurè *Bupthalmi* effigie, sed multis numeris majores, aureo fulgore comantes, quibus squarrosus subest latius capitulum, semen continens gracile & oblongum, pappo coronatum. *Radix* notandæ crassitie, foris fusca, intus alba, sapore aromatico, acrimoniâ cum nonnullo amarore mixta, odore etiam, præsertim cum exiccata fuerit, suavi & grato, cum nulla præterea plantæ pars odorata sit.

In pratis & pascuis, præsertim humidioribus, occurrit, sed rariùs. Flores Junio ac Julio vigent.

Locus.

*Radix*, cujus præcipuè in medicina usus est, insigniter amara est, hinc calida & exsiccan.

Vires.

Recens Saccharo condita ad modum *Zingiberis*, vel exsiccata & in pulverem redacta Saccharo vel melle mixta, ut fiat eclegma, vel cum Saccharo in tabellas redacta, si in ore continetur, & continuè salivâ soluta unà cum ipsa in asperam deferitur arteriam, plurimum prodest adversus respirandi difficultatem, orthopnoeam, asthma, veteremque tussim.

In Tussi inveterata Decoctum radices *Enulæ* cum *Uvis* Corinthiacis abundè commendat *Dolæus* L. I. C. 9. S. 16. *D. Soane*. Ventriculo insuper commoda est à cœna sumpta ad coctionem promovendam. Hinc *Platerus*, referente *C. Hofmano*, eam vocare solebat *aroma Germanicum*, & valdè laudabat præ *Zingibere* & aliis Indiciis. Hoc etiam tempore, quod mirum alicui videatur, alvum faciliorem reddere dicitur.

Commendatur præterea, ut peculiare præservativum pestis tempore manè sumpta.

Utile etiam est ad remorantes urinas & menses ciendos seu decoctum ejus secundum *Dioscoridem*, seu exsiccatæ farina cum Saccharo mixta.

Vinum Gallicum album in quo radices in frusta concisæ per triduum maceratæ fuerint manè jejuno ventriculo sumptum ad dimidiū sextarii mensuram *Chlorosin* Virginum mirificè expugnat & sanat.

Decoctum

Decoctum radices à Parkinsono & aliis intro sumptum ad spasmodum, contusiones & dolores ischiadicum commendatur; vel etiam exterius applicatum.

Radices vino decoctæ, aut recentium succus vino infusus & potus lumbricos & tinea ventris enecat & expellit.

Vinum quod ex Helenii radicibus passim in Germania paratur, frequenter in potu sumptum mirificè visum acuit. *J. B.*

Enula campana in aqua communi destillata salem volatilem exhibet salis C. C. æmulum tum odore, tum virtute. Vide *le Febvre*.

Ad pestem præservativum: *R* Rad. Enulæ campanæ bene à fibris mundat. q. v. Decoque in aqua quousque mollescat, ut per setaceum transmitti possit, de qua accipe part. i. mellis despumati p. ij. & coque lento igne ad humiditatis consumptionem. Dosis ʒi.

## C A P. VIII.

### De Doronico.

**D**oronicum vocabulum factum est ex Arabico *Doronigi* vel *Durungi*, quorum illud Serapionis est *Simplic.* c. 325. hoc Avicennæ 212. c. 210. Horum verba si afferam nihil agam: tam enim non conveniunt cum Doronico quam non conveniet album cum nigro. C.

*Hofman.*

Doronicæ characteristicae sunt flores aurei speciosi, sparsi, in summis caulibus & ramulis, in longos pediculos excurrentibus singulares: Semina in plerisque parva nigricantia; folia idem lata & subrotunda; radices tuberosæ aut crassæ, qualitate venenata & deleteria prædictæ.

Huc etiam ob florum similitudinem in figura & situ refero nonnullas quæ foliis sunt oblongis, radicibus fibrosis, nec quod sciam deleteris.

Possent fortasse certiores hujus generis notæ à seminum figura aliisque accidentibus sumi. Verum quoniam nobis paucas admodum Doronici species videre contigit, nec multa quod sciam in hortis à nostratibus coluntur, ea observare & inter se conferre nondum licuit, necdum licet.

1. *Doronicum vulgare* Park. *latifolium* Clus. *majus* Officinarum Ger. emac. Dor. *radice* Scorpi C. B. *latifolium* Clus. **Common or broad-leaved Leopards bane.**

*Dod.*

*Folia* exit pluribus, subrotundis, latis, dilutè virentibus, mollibus, tenuique lanugine pubescentibus, Hederæ cujusdam & unius Cyclamini foliorum formâ, sed amplioribus, ad Cucumeris magis accedentibus, hujus tamen & minoribus & mollioribus. *Caulis* dodrante altior, & ipse lanugine haud carens, striatus, quasi multangulus, alioqui rotundus, qui in pauculos divisus ramulos, ipsi stigmatibus *flor*es promit, Chrysanthemi æmulos, & medio videlicet disco & orbiculato ambitu luteos, qui in tenues & candidos pappos resolvuntur, quibus subsunt exigua, nigricantia *semina*. *Radices* haud magnæ, candidæ dum recentes sunt, geniculis veluti articulatæ, non rectè descendunt, sed per obliquum Graminis modo serpunt; & subinde extuberantes novella protrudunt germina (si sese multiplicante stirpe) demissis etiam ab ipsis tuberosis partibus aliquot deorsum concoloribus fibris. Referunt radicula exanimatos Scorpiones: nam anterior & tuberosior cauliculis proxima corpusculum cum pedibus, posterior articulatam videtur exprimere caudam.

*Locus.*

In montibus propè Genevam copiosè provenit.

2. *Doronicum Cyclamini folio, nigra radice Campoclarense* Col. **Black-rooted Leopards bane, with Scabhead leaves.**

*Col.*

Differt hæc ab aliis vulgatis *radice*, quæ nigrescente & fusco cortice exterius tecta est, intus verò alba, odorata, cupressi ligni derafi modo, sapore dulci & aromatico, cerebrum petente: in saxorum rimas excelsiorum montium in valle Campoclarensum longioribus fibris crassioribus & albicantibus minimè nodosis se insinuat: ipsa verò radix obliquam, geniculatam & in globulos intumescens, oblique reptat in summa tellure, ut etiam nuda reperitur. *Folia* differt etiam, quæ non cucumeris modo ut vulgarium mollia, & hirsutæ incanâ obsita, sed Cyclamino proximiora, carnosiora vulgaribus & duriora, majoribus dentibus circumferrata, leviora minusque pilosa, viridiore colore ac nitidiore, venulis quibusdam densis ac reticulatis, ut cutis, depicta, magisque circa petiolum lunato sinu conjuncta. *Caulis* pedali & semipedali invenimus, striato, cavo, tribus aut quatuor alis foliorum absque petiolo alternatim hærentium intercepto. *Folia* ab radice plura quatuor è singulis germinibus, quæ plura edit. *Florem* in summo habet unicum ex calice folioso virente, quatuor unciarum diametro, quamplurimis barbulis radiantem luteis, Alteri æmulum, medium continentibus umbonem flosculis exiguis compactum, qui Maio mense emicat. Tota planta major est vulgata Cucumerino rotundifolio Doronico, & pulchriore aspectu reliquis aliis oritur in monte Mateho locis Borealibus.

Dubitat C. Bauhinus, an hæc planta sit Doronicum radice [Scorpii] Brachiata Lob. cum tamen neque figura neque descriptio Lobeliana ei aptè conveniant. Fieri tamen potest ut eadem fuerit: nam Lobelius persæpe in plantis describendis labitur, memoria nimium fidens; & figuræ etiam ipsæ non raro minus exactæ sunt nec plantis per omnia respondent.



Nos certe plantam hanc *R. Columna* descriptam Cantabrigiae in hortulo nostro aliquot annos a-  
himus.

Doronici humilis Stiriaci Clusii descriptio ab hoc non multum abluat, ut eandem plantam  
suspicer.

De Doronici radice hoc cumprimis controversum est, siue venenata. Quantum comperi (in-  
quit Casp. Hofmannus in *De Medicam. Officin.* lib. 2. cap. 4.) qui primus illum accusavit Maranta  
fuit, 1. *Metb.* 11. Ejus opinionis fuisse Aldrovandum quoque Gesnerus scribit 1. *de Aconis*. Mat-  
thiolus ab initio quidem acriter se opposuit, sed demum consensit, partim Cortusi motus autori-  
tate, partim experimento caniculæ quam quatuor drachmis radices strangulavit. Huic iterum se op-  
pulerunt Gesnerus l. c. & Lobelius in *Adv.* qui etiam more suo in Matthiolum acriter invehitur:  
nec refert, inquit, quod caniculis perniciosum sit, cum non pauca reperiuntur aliis animantibus  
noxia & lethifera quæ homini non modò innocua sed & salutaria sunt: Nam & experimento cer-  
tum habemus Aloe saluberrima interfici vulpes, & ex Plutarcho easdem enectas Amygdalis amaris  
discimus, &c. Fruatur ille suo iudicio; ego certe mallem suffragari Matthiolo quam in humano  
corpore experiri quod canibus aliisve Quadrupedibus perniciosum comperi. Nec refert quod sine  
periculo utimur Electuario de gemmis, &c. Nam & venens ut Opio, &c. exigua dosi innoxie, imò  
cum commodo uti possumus, & in El. dicto Doronicum aliis salutaribus mixtum corrigitur. Ges-  
nerus autem deplorando experimento vim lethiferam radices Doronici in semetipso comprobavit,  
siquidem verum sit, quod Costæus scribit in *Elect. de Aromat. Mesue*, illum esu hujus radices obuisse.  
Quod ut credam (inquit Hofmannus) ipsi facit. Ut enim manifestò redargueret Matthiolum  
(sic loquitur 2 *Epist.* 20 & 22.) se 3ii rad. hujus sumpsisse, & per octo quidem horas bene ha-  
buisse; verum iis elapsis ventrem ac stomachum inflari sensit, & circa os ventriculi imbecillita-  
tem quandam, & corpus totum infirmius, ita ferè ut alias semel ac iterum ex nimio frigida potu  
perceperat. Quæ Symptomata cum biduo durarent, & non viderentur sponte cessare ingressum  
fuisse aquæ calidæ solum & curatum fuisse.

In Itinerario D. Georgii Wheeler invenio speciem Doronici, quam Græci circa Athenas *Scor-  
pido corta* vocant, ob radicem scilicet Scorpionum similem, squamoso corpore, in medio intumescen-  
tem, caudâ acutâ, fibris pedes imitantibus utrinque productis, in terra reptantem, & subinde in  
tubera Scorpionum æmula intumescentem, ut velut catena Scorpionum se mutuo insequentium  
videatur. Folia Chelidonii minoris aut Tussilaginis foliorum minorum æmula. Florem non vidit.

In Hymetti montis fastigio Athenis non longè hanc plantam invenit Autor, quam eandem *Locus*.  
puto præcedenti à Columna descriptæ; certè à nobis Cantabrigiæ culta ipsissima est.

3. *Doronicum radice dulci* C. B. *Dor. folio subrotundo, serrato* J. B. *Dor. brachiata radice* Park.  
*D. radice repente* Ger. **Creeping Leopards bane.**

*Clus.*

*Caulem* habet aliquando cubitalem, rotundum, striatum, viridem, intus concavum; capitulum in  
summo caule magnum, ex multis flosculis lateis concavis & quinque crenis divisis congestum, quod  
ab aliis longiusculis & in extremo crenatis foliis fulgore auri splendentibus ambitur, non inodo-  
rum. *Semen* exiguum, nigricans, cum suo pappo facile evanescens. *Folia* circa radicem longo  
pediculo inærentia, orbiculata ferè sunt, sensim tamen à pediculo in latitudinem se explicant, in  
ambitu dentata & serrata; quæ verò caulem ambiunt longiora, & ab ipsa statim pediculi sede in  
latum expansa, omnia saporis acris & amari. *Radix* ex viriditate candicans, minimum digitum  
crassa, geniculata & quasi squammata, internodiisque distincta, sed nodis sursum tendentibus, non  
inferne, ex inferiore geniculorum parte longas agens fibras, albas, satis crassas, & propagines in la-  
teribus, gustu ferè succi à Glycyrrhizæ radice expressi & densati.

Invenitur in *Escher, Durrenstein* & quibusdam aliis Austriacarum Stiriacarumque Alpium jugis in- *Locus &*  
ter saxa. Floret Julii initio, aut etiam seriùs, in hortos verò translatus, ubi non diu permanet *Tempus*.  
Maio plerunque.

Hoc unâ cum Doronico maximo venatores pastoresque montani, qui Rupicaprarum radicem ap- *Vires*.  
pellant, adversus vertigines non minus commendant quàm Auriculæ urfi flavo flore radicem, viri-  
busque firmandis apprimè utilem esse ferunt. Huic simile est si non idem

4. *Doronicum brachiata radice* Ger. *radice Scorpion brachiata* C. B.

*Lob.*

Hæc species Dodonæo paulo major est Doronico primo seu vulgari, saturatius virens, procerior,  
*radice* pluribus corticeis squammulis, nitentibus, candidis, marmoreis transversim cinctâ, cui ala  
utrinque apta una est, Squillæ marmæ, Cancellive aut Scorpion forcipulis non absimilis, dulcicula gu-  
stanti. *Folia* majora paulo & rotundiora.

Umbrosis hæc montibus oblectatur.

Hanc Parkinsonus præcedenti eandem facit, nec immeritò meo iudicio; ac proinde folia in Lo- *Locus*.  
belii iconè minùs rectè picta sunt æqualia absque crenis.

5. *Doronicum Stiriacum flore amplo* Ger. *emac. humile Stiriacum Clusii* Park. *latifol. flore*  
*magno* C. B. *folio lato, flore magno* J. B. **Stirian Leopards bane with a large**  
**flower.**

*Clus.*

Humilius plerunque est jam dicto, & capite floris majore, *foliis* à pediculo statim parè orbicula-  
tis, ut Cyclamino, alioqui superiori non dissimilibus. *Radicem* item nodi & propagines, neque in hoc,  
ut

ut neque in precedente, deorsum tendunt (nodi autem in hoc minus apparentes) aut anserum instar longè à matre sese spargunt, sed quasi matri contiguè sursum tendunt, & extra terram folia promentes, fibris in tellure sese firmant, nequis sine fibris aut utrinque ansatas existimet.

Locus.

Nascitur in Veytzalben supra Neuberg in Stiria, & eodem quo præcedens genus tempore flores. Idem videtur Doronico Cyclamini folio, nigra radice Campoclarenfi Col. superius descripto.

- \* 6. *Doronicum Germanicum* Park. *Plantaginis folio alterum* C. B. *Germanicum*, foliis semper ex adverso nascentibus, villosis J. B. *Calendula Alpina* Ger. *German Leopardsbane*.

Clus.

Terna aut quaterna summa tellure fundit folia, Plantagini latifoliae ferè aequalia, longiora tamen, & ad Digitalis luteum seu pallidum florem ferentis similitudinem magis accedentia, nervis distincta, mollia, viridia, supernè nonnihil villosa, infernè candidiora & leviora, bina semper ex adverso nascentia, gustu nonnihil amaro & acri. Caulem habet ferè cubitalem, nudum, rotundum, hirsutum, ex quo magnus emergit orbis, multis flosculis luteis in quatuor foliola divisus constans; cum orbem ambiunt quindecim aut plura folia, Doronico latifolio similia, latiuscula, & per extremum crenata, coloris flavi elegantis. Semen floribus succedens, ut in Doronici generibus, in pappum evanescit. Radix minimi digiti crassitudinem parè æquat, nodis quibuldam informibus distincta, multique fibris donata, lateribus propagines fundens & singulis annis nova germina proferens.

Locus.

In omnibus ferè pratis sublimioribus ad Alpium radices, tum in ipsis Alpibus Austriæ sitis provenit: item in cædis sylvis ad Mœnum amnem.

- \* 7. *Doronicum* VL. *Pannonicum* Clusii: *Alisma Matthioli*, sive *Plantago montana* J. B. *Boissier* *Leopardsbane with Plantain leaves*.

Clus.

Superiori (inquit Clusius) non valdè dissimilis, plura tamen secundum radicem habebat expansa folia, minus nervata & angustiora, angustiora etiam quæ caulem ambiebant, perinde tamen ut illa ex adverso nascentia, quæ cum suo caule nonnihil hirsuta erant: ejus suprema pars in plures ramulos dividebatur, sustinentes hirsutos calices, unde emergebant similes ferè flores, coloris tamen auri elegantissimi, duplici interdum foliorum medium orbem ambientium, & quodammodo per extremum fimbriatarum serie constantes. Radix gracilior est superiore, non paucioribus tamen adnascens fibris donata quàm illa. Maio etiam florebat.

Locus.

Copiosè nascentem inveniebat Clusius vicinis Nemethwywar Ill. Balthazaris de Batthyani arcæduarum sylvarum declivibus.

Hanc plantam C. Bauhinus eumque secuti Gerardi emaculator & Parkinsonus præcedenti eandem faciunt. Clusius tamen, qui utramque novit, distinguit, & post eum J. Bauhinus, apud quem plenam & accuratam omnium ejus partium descriptionem vide. Notæ autem præcipuæ quibus ea differt, præter memoratas à Clusio, sunt, radices sapor acris, aromaticus & ingratus, cujus tamen in superioris descriptione nulla mentio: semen longum, striatum, hirsutum, compressum, acre, odoratum, à Doronici seminibus multum differens. Nos, ut qui non necessariam specierum multiplicationem quantum possumus cavemus, in C. Bauhini sententiam proniores sumus.

Vires.

Planta Arnica reperta est à frequenti experientia unica & optima panacea lapforum. Eph. Germ. Ann. 9. & 10.

- \* 8. *Doronicum maximum* Ger. *maximum Austriacum* Park. max. foliis caulem amplexantibus C. B. max. foliis *Hysocyami* Peruviani modo caulem amplexantibus J. B. *The greatest Austrian Wolfsbane*.

Clus.

Genus hoc Doronici omnium maximum bicubitalem interdum aut ampliorem habet caulem, minimi digiti plerunque crassitudine, striatum, hirsutum, summo cacumine in aliquot alas divisum: Folia circa radicem orbiculata, longo pediculo inhaerentia, rugosa & nonnihil hirsuta, quæ verò nullo ordine digesta caulem ambiunt, ampliora sunt, mucronata, leviter dentata, pediculo nullo, sed instar foliorum Tabaci majoris latifolia, caulem latiore basi amplexantia, viridia, hirsuta. Flores extremis alarum ramulis insident, magni, vicenis aut tricenis oblongis foliis & orbem satis latum ambientibus constantes, lutei coloris, odoris expertes. Semen ut aliorum Doronici generum striatum, virentis tamen coloris, quod cum suo pappo auri leni flatu defluit, initium ab exteriore ambitu faciens, ut in reliquis Doronici generibus. Radix ex viridi candicans nodosa, squilulæ similis est, sed ubi propaginibus aucta est, crassior fit, & ex multis velut corporibus in unum conflatur & caulescit.

Locus &amp; Tempus.

Secundum rivos è montibus labentes, locis umbrosis in descensu jugi *Wechsel* primùm observatum (inquit Clusius) postea longè majori copia declivibus, sylvestris tamen locis *Estcheri* & *Herrenthalen* Augusto flores proferens: tandem in montanis sylvis ultra *Dravum* Pannonia interamni Maio florens. Hortis libenter assuescit: in quibus Maio flores dat, semen Junio maturum.



- \* 9. *Doronicum minus* Park. *minus* Officinarum Ger. *Plantaginis folio* C. B. *folio ferè Plantaginis oblongo* J. B. **Plantain-leaved Leopards bane.**

Lob.

Hujus caules erant teneri, pusilli : folia mollicella, oblonga, uti Plantaginis, nonnihil ex viridi flavescentia, conspicuè hirsuta Pilosellæ modo, vel Cucumeris agrestis, sed attréctanti lævia, ambitu rotundo, sed nonnihil laciniato & supernè angustio, Cucumeri agresti quàm Cyclaminis similiore, terna vel quaterna ; pediculis innatis radici exiguae, tereti, orbiculatæ, sed infernè in angustum sensim adductæ, subtus & transversis quasi squamularum torulis articulatæ, apprimè Scorpionis cadaver & caudicellam expriment, plusculis donatæ fibris : color candidus, sapor dulcis, amaricat, & lentorem multum pauxillæ conjunctum astrictioni præfert. Sesquipalmum altus caulis, floribus in summo donatur luteolis aut pallidis, radiatis Buphthalmi aut mediæ Consolidæ.

Hanc speciem Burdegalæ vicinis locis delatam habuit Clusius.

10. *Doronicum Austriacum angustifolium* Ger. Park. *longifolium, hirsutæ asperum* C. B. *Doronici species ex horto Ferrariensi, folio longo hirsuto* J. B. **Long-leaved hairy Leopards bane.**

Clus.

Caule est brevi, pedali duntaxat, molli, hirsuto, striato. Folia illi rara, parva, crassa, longiuscula, supinâ parte admodum viridia, & quodammodo splendentia, omninò tamen villosa, pronâ autem lævia, dilutius virentia ; at quæ caulem ambiunt angustiora sunt, omnia porro peracris saporis. Summo caule unicum plerumque fert florem, Tertio Lobeliano [vulgari nostro] similem, sed magis aureum, quò evanescente succedit exiguum semen nigricans, lanugine & pappo coronatum, quod levi aurâ excutitur, & venti arbitrio fertur. Radix parva, geniculata, & internodiis distincta, nigricans, crassioribus candicantibus aliquot fibris donata, gustu aromatico.

Hoc genus Doronici Clusius observavit in Sneberg, deinde in Snealben & Neuberg, nusquam verò majori copia quàm in summo Etscheri jugo, inter saxa, tenui, nigrâque terrâ leviter testâ. Floret Julio, nonnunquam etiam Augusto, quo mensè semen subinde maturitatem consequitur.

11. *Doronicum Helveticum incanum* C. B. Park. **Hoary Helvetian Leopards bane.**

C. B. prod.

Ex radice geniculata & quasi squamata, caulis emergit pedalis, rotundus, incanus ; cui flos magnus luteus, foliis aureis, longiusculis, non crenatis, discum cingentibus, qui tandem in pappum abic cum fennine aliorum simili. Foliis est crassis, ad radicem aliquibus subrotundis, aliis ex rotunditate oblongis, dentatis & serratis, parte inferiore unâ cum pediculis ob incanam lanuginem mollibus, supernè verò pallidè virentibus & nervo albicante : quæ verò caulem ambiunt longa sunt, angusta & acuminata, acris & amari saporis.

In Alpibus Helveticis reperitur.

An *Doronicum folio longo serrato* J. B. ? cujus folia longa, parum lata (unciam circiter) & in ambitu serrata, aliàs Doronico vulgari simile.

Locus.

- \* 12. *Doronicum Helveticum humile, crassis foliis* C. B. Park. **Low thick-leaved Helvetian Leopards bane.**

C. B. prod.

Planta palmaris est, foliis crassis & densis, supernè atrovirentibus, infernè pallidis, nonnihil hirsutis, primis quidem ex rotunditate oblongis, per ambitum crenatis, pediculi basi caulem ambientibus, subsequenter verò uncias sex longis, sesquiunciam latis, quorum superiora pediculis carent. Caule est brevi, hirsuto, in ramulos biunciales diviso, quorum singuli florem luteum mediæ magnitudinis sustinent.

Julio mensè in Valesianorum jugis floret.

Locus & Tempus.

13. *Tussilago Alpina folio longo* J. B. *Alpina folio oblongo* C. B. Park. *rectius Doronicis affinis longifolia.* **Long-leaved, Bassard Leopards bane.**

J. B.

Hellebori fibras imitatur quodammodo hujus plantæ radix nigricans, transversa, fibrosa, sapore (ut mihi videtur) nonnihil aromatico, Folia crassa, quædam palmo longiora, parte inferiore hirsuta, per margines serrata, multò breviora latiorâque adolescenti quàm adultæ plantæ. Caules interdum cubitales, summum cacumen ornat flos magnus, Doronici vel Calthæ aut Plantaginis Alpinæ (à qua tamen differt) aliquando duo, tandem in pappum abeuntes.

In montis Juræ verticibus altissimis Thuirii & Dole dictis invenimus : J. Bauhinus in præalto monte Braulio & Albulâ in Rhætia florentem Julio.

- \* 14. *Virga aurea magno flore* C. B. *Consolida aurea nemorum* Park. *Consolida aurea nemorum* Limonii folio, non *Alisma montanum* J. B.

Lob.

*Folius* est nigræ Betæ aut potiùs Limonii, atriùs virentibus, carnosus, aliquantulum hirsutus, crassus nervosus, Doricæ similibus, amplexis pedales Doronici *cauliculos* binos aut ternos: *floribus* caducis Doronici aut Calendulæ, & concoloribus ferè, scitè pectinatim confertis & commixtis foliis antequam pandantur eleganti spectaculo, radice multis filamentis albidis sparsa in cespitem summum, Bellidis modo; sapore mediæ Consolidæ tantillum acrimonie prodentis, aut Herbæ Doricæ, cujus etiam vires & quandam aromaticitatem æmularur.

In Aureliæ Gallicæ sylvis densissimis oritur. Hæc descriptio habet multa, [non omnia] quæ conveniunt Tussilagini Alpinae longifoliae, superius proximè descriptæ.

## C A P. IX.

### De Virga aurea.

**V**irga aurea à forma & floris colore dicta, Asteris genus videtur, floribus parvis aureis, planis in summis caulibus in thyrsos aut corymbos, umbellæve congestis.

1. *Virga aurea* Ger. *aurea vulgaris* Park. *aurea vulgaris latifolia* J. B. *aurea angustifolia* minimè ferrata C. B. **Common Golden-rod.**

J. B.

Geniculatim hujus incedit *radix*, obliquè per terram acta, fusca, frequentes demittens fibras, albicantes, sapore aromatico. *Caulis* recti & rigidi, duos aut tres circiter cubitos alti, striati, subfuti, medullâ fungosâ farcti. *Folia* tum à radice, tum in caule, & hæc quidem alternatim, longis pediculis appensa, interdum nullis aut perquam brevibus donata, quorum quæ ima sunt, palmum ferè lata existunt, duos circiter longa [in nostris regionibus eam longitudinem & latitudinem non assequuntur] superiora minora, atrovirentia, utraque hirsuta & per ambitum serrata. *Flori* tum in summo caule, tum in pediculis peculiaribus ex foliorum alis exortis frequentes insident Doricæ vocata floribus similes, lutei, in pappos evanescentes.

In ericetis ac montosis sylvis & saltibus frequens oritur. Augusto mense floret.

Variat foliis (ut rectè C. B.) quæ sæpe sine crenis, aliquando saltem minùs conspicuis serrata sunt.

Vulneraria est è celeberrimis intrinsecus & extrinsecus adhibita, ipsi etiam Solidagini Saracenzæ præferenda. In vulneribus internis (inquit C. Hofmannus) prodest subductione ichorum per urinas. Quod enim notârunt summi viri pleræque omnes potiones vulnerariæ sunt diuretica: Et pugiles solent in potu ordinario Valerianam sumere, quæ inter diuretica familiam ducit: in externis jure exsiccatione & absterfione, quibus qualitatibus valdè excellit.

Lithontripica diureticaque est non è postremis omnium consensu: in calculo primam experientiam habuit Villanovanus, qui in pulvere usurpavit: & celebrat in hoc affectu Barclaus *Argæ*. & *Euplorm*. Dos. ʒij. in vino albo calido quoque mane sumptæ.

Insigni vi absterfioria dotatam esse ait Hofmannus. Hinc tantæ ipsius laudes in viscerum obstructionibus, ad hydropem jam inclinantibus, ut diu in secretis fuerit habita in decocto. Ad fluxus tamen omnes alvi & uteri sistendos, necnon hæmorrhagias internas commendatur, quæ adstrictiorum potiùs quàm absterfiorum esse arguunt; nisi fortè exsiccatoriâ vi hæc præstet, quam omnes ci tribuunt.

2. *Virga aurea Mexicana* C. B. *aurea Limonii folio*, paniculâ uno versu dispositâ, *Mexicana* Hort. Paris. Mexican. **Golden rod, with Sea-lavender leaves.**

C. B. app.

Ex una radice *caules* plures, nonnihil tamen reclinati assurgunt; circa quos *folia* palmaria, sesquunciam lata crassiuscula splendentia, in summitate tamen multo breviora. Ex foliorum alis ramuli prodeunt, quibus *flores* saturate lutei, sursum spectantes, & unam tantum caulis partem occupantes, insident.

Hanc Londinò acceptam Cantabrigiæ in horto aluimus sub titulo *Virgæ aureæ Limonii folio*.

Huic eadem nobis videtur *Virga aurea Americana* Park. cujus tamen descriptionem subjungemus, ut Lector de ea ipse judicium ferat. Caulem nonnihil pilosum, folia leviter dentata ei adscribit, quæ notæ an huic conveniunt necne dubito. Quod si diversa sit mihi incognitam fateor.

3. *Virga aurea Americana* Park. **Golden rod of America.**

Park.

Hujus *folia* antequam excaulescat, folia præcedentis [*Virgæ aureæ* ferratis foliis] magnitudine æquant, angusta, oblonga, in medio latiora, utraque extremitate acuta, circum oras obiter dentata, colore viridi obscuro. *Caulis* nonnihil pilosus, pedali & interdum sesquipedali ferè altitudine, *flori* bus

Locus &  
Tempus.  
Vires.



bus ab uno tantum latere, seu uno versu dispositis, aliarum hujus generis similibus onusti. Semen succedit pappolum. Radix in terra restat caulibus hyeme marcescentibus.

4. *Virga aurea Canadensis, hirsuta, panicula minus speciosa* Hort. Paris. **Golden rod of Canada, with hairy leaves.** *V. aurea serratis foliis hirsutis* Hort. Blas. auct.

Hanc Virga aurea Canadensis nomine Londino missam in hortulo nostro Cantabrigiae aliquot annos aluimus.

5. *Virga aurea foliis angustis, levibus non serratis* Hort. Joncq. **Narrow-leaved Golden rod with smooth and not indented leaves.**

Hanc quoque Londino accepimus sub titulo Virga aurea Arnoldi Villanovani; est tamen puto planta Canadensis.

- \* 6. *Virga aurea latifolia serrata* C. B. *aurea serratis foliis* Park. *aurea Arnoldi Villanovani* Ger. *aurea, sive Solidago Saracenica latifolia serrata* J. B. **Broad-leaved, indented Golden rod, or Confound.**

f. B.

Triplò latiora hinc sunt quam \* jam dictæ folia, longiora, ceteròque similia, perinde ut caules \* *Virga aurea* ramisque: at verò flores lutei papposi, non secundum ramulos spicati, sed summis extremisque umbellam quodammodo effigiantes hærent.

J. Bauhinus hanc reperit in monte Rosberg propè Masmunster, florentem Octobri: C. Bauhinus *Locus* in Basileensi monte *Munchenstern*.

7. *Solidago Saracenica* Dod. Lob. *Saracenica vera, Salicis folio* Park. *Virga aurea angustifolia serrata* C. B. *aurea angustif. serrata, sive Solidago Saracenica* J. B. **Saracens Confound.**

f. B.

Bicubitalis est hæc & tricubitalis, caulibus striatis, glabris: ex quibus alternatim folia nascuntur palmum & sesquipalmum longa, unciam unam aut duas lata, similia ferè foliis Salicis auriculata, Doria instar per ambitum crenata, sed tenuiora, glabra, non hirsuta ut in vulgari, sapore quodam aromatico prædita, calidiusculo. Flores non secundum caulem ut in Virga aurea vulgari, sed in extremis furculis, ut in Doria, ut umbellam quodammodo mentiantur, lutei, foliis longiusculis ternis vel quaternis constantes, flosculis confertis in pappos resolvendis medium obtinentibus.

In fossis propè Argentoraturn in Germania, inque summis jugis montis Juræ collegimus; J. Bauhinus in monte Rosberg propè Masmunster. *Locus*

Floret Septembri atque etiam Octobri. Consolida sive Solidago à conjungendis vulnerum labris *Vires*. Turcis & Saracenis dicta est. *Lugd.* Ad eadem valet ad quæ Virga aurea, cujus etiam species censetur.

- \* 8. *Solidago maxima Americana* Cornuti.

Corn.

Caulis multiplici, rotundo, glabro, leviterque purpurascens in tantam proceritatem attollitur quantum cubita tria aut quatuor implere solent. Circa quemque folia subpinguia, & sine ordine hinc inde disponuntur: formam habent singula Saponariæ aut Plantaginis aquaticæ, minus tamen densa sunt, nam adverso sole intuenti mille velut foraminulis pertusa apparent, quod fibrarum crispitudo facit, nec magis inde scabra sunt ad tactum; attentæ siquidem membranæ planities asperitates illas velut lavore quodam perpolit & exæquat, quò fit ut splendide admodum vireant. Flores adeò serotinus apud nos est, ut sæpius hyeme præoccupatus velut foetus in ipso utero ante partum elidatur: si verò aut æstas plurimum deflagravit, aut intempestivi calores autumnino inceserint, paniculam promit verius quam florem, luteam, nec nisi tubulis & filamentis per floccos prodeuntem, ac non longè post maturitate in pappos abeuntem. Radix numerosa fibrarum copiâ contextitur. Inest plantæ sapor jucundus, odoratulusque citra acrimoniam calefaciens, nec parum habens astrictionis.

Peculiaris in hujus plantæ partibus vivacitas observatur, &c. vide.

9. *Herba Doria Lobelii* Ger. *H. D. vulgaris* Park. *Alisma Matthioli sive Doria* J. B. *Virga aurea major vel Doria* C. B. **Doria's Aboundmozt.**

f. B.

Oblique fertur radix, crassitudine digitali, alba, multas longas ab inferiore parte fibras demittens, concava ubi in caulem excrevit, sapore aromatico & amaro. Caulis trium aut quatuor cubitorum est altitudine, cui alternatim sine periculo folia adnascuntur, Lepidii foliis accedentia, non nervosa, ut sunt Plantaginis aquaticæ, quibus etiam sunt longiora, acuta, crenata, pingua. Folia ima & priora habent aliquid simile cum Plantagine aquatica, non tamen sunt ita lata, nec nervos secundum longitudinem obtinent, cum pediculis sunt cubitalia; sapore Angelicæ aromatico sed remissione, amaro. Caulis fastigium in aliquot dividitur sureculos, qui flores sustinent Jacobææ luteos, sed minus foliosos, in pappos abeuntes. Radice est vivaci & perpetua.

Montepeli ad Ladi amnis ripas sponte & copiose oritur. Floret Julio & Augusto; Semen maturum Septembri. *Locus*

10. *Herba Doria minor Americana* Park. *Doria's Woundwort of America.* *Herba Doria al-tera* Ger. emac.

*Park.*

*Doria* vulgari persimilis est sed minor, *foliis* per hyemem etiam virentibus, crassis, oblongis, angustis, duplo quam illius minoribus, & brevioribus pallidiùs virentibus, alias figurâ similibus. *Caulis* complures ad dimidiam illius altitudinem non assurgunt, teretes & plerunque deorsum nutantes, foliorum & florum multitudine prægravati ut recti stare nequeant. *Florum* capitula squammosa quam præcedentis majora, uti sunt & flores ipsi, magisque expansi, multis angustis foliolis oblongis & medio flosculorum agmine compositi, in pappum abeuntes. *Radix* plurimis fibris nigricantibus constat in terra latè se diffundentibus, unde planta immensum se propagat, & plantas vicinas enecat. Accuratam hujus descriptionem videtis apud Gerardum emaculatum.

A. 11. *Virgæ aureæ sive Solidagini angustifoliæ affinis, Lingua avis Dalechampii* J. B. *Compta palustris* Park. *palustris serratifolia* C. B. *Warth's Flea-bane, or Bird's tongue.*

*J. B.*

Duorum aut trium est cubitorum, *caule* striato, cavo, per quem ex longis intervallis alternata *folia*, Solidaginis Saracenica non multum ab similia, sine pediculis adnata, palmum aut sesquipalmum longa, semunciam aut unciam lata, in ambitu serrata, in acutum mucronem deficientia, & subtus veluti tomento obsita [supernè obscurius virentia] Supremus caulis in surculos crebros ducitur, atque hi rursus in pediculos, in quibus *flores* lutei Solidaginis Saracenica.

*Folia* (quantum memini) in plantis nobis visis uncia latiora erant, unde in Descriptione Banihiensis mendum fuisse Typographicum suspicor, & pro semunciam fescunciam legendum.

*Locus.*

In fossis palustribus & earum aggeribus, in insula Eliensi observavimus, sed rarius: In transmanis propè *Nantuum* oppidum ad stagni latus, eundo à Geneva ad Lugdunum.

## C A P. X.

### De Stæchade citrina seu Helichryso.

**S**Tæchas (Arabicam intellige) ab insulis ejusdem nominis, ubi copiosè nascitur, cognomen tum accepit, teste Dioscoride l. 3. cap. 32. & Plin. l. 28. c. 18. non tamen in iis duntaxat insulis nascitur, ut scribit Plinius, sed alibi etiam multis in locis.

Herbam quæ Stæchas citrina hodie vulgò dicitur, veterum Helichryson esse Botanici peritiores existimant. Variè autem scribitur hæc vox, nimirum vel Helichrysus vel Heliochrysus, vel *Helichry-son* vel Heleiochrysus. Heliochrysus Plinio probari videtur, cum scribat, florem ad Solis reperi- sum aureæ lucis in modum dependere. Quid autem paludi cum auro, inquit C. Hofmannus.

Aliis Chrysocome Veterum putatur, quæ à comantibus auri fulgore corymbis (ut Plinius loqui amat) nomen accepit.

Notæ ejus characteristicae sunt flores foliis marginalibus aridioribus & exuccis, quæque coloris gratiam diu retinent ficcata, cincti; folia oblonga, angusta, canescentia, aut etiam tomentosa & incana.

Huc autem ob notas communes plantas nonnullas Gnaphalia dici solitas refero, quamvis colore floris discrepent, ut Gnaphalium Americanum, Gnaphalium montanum, &c.

#### 1. *Chrysocome Æthiopica Plantaginis folio Breynii.*

Hæc ex radice nigra & fibrosa *caulem* fert lignosum, firmum, plus fermè quam pedalem, sæpius alios cauliculos producentem, vel minimè, vel parumper & quidem superiore tantum medio lanuginosum, ubi pænè nudus aut pauca saltem foliola habet: inferior verò ejus medietas foliis compluribus condecoratur, virescentibus & glabris, Plantaginis lanceolatæ perbellè æmulantibus; sed brevioribus, latioribus longèque multo rigidioribus, per oras modicè reflexis & crispulis, supina parte eleganter splendentibus; in quibus nervi quinque insigniter conspicui secundum longitudinem, cum venulis satis validis per latitudinem vario flexu discurrentibus, cernuntur. Horum infima longiusculis & latis pediculis fulciuntur, reliqua verò sine pediculo cauli adnata, marginibus utrinque in caule adeò devergunt, ut planè alatus videatur. *Flosculi* caulium & ramulorum fastigia occupant, in comam coherentes, Stæchadis citrinæ Italicae *J. B.* simillimi, at breviores, è squamulis et stramineo & ferrugineo mixtim colore compactiles, quorum apices medii cum maturitate in pappum *Semen* exiguum Stæchadis citrinæ Germanicæ abeunt & aurâ levissimâ dissipantur.

*Locus.*

In locis Capitis bonæ spei sterilibus luxuriat, ubi verè floret.

#### 2. *Stæchas citrina floris & magnitudine & colore speciosa* J. B. *Helichryson Orientale* C. B. *Helichrysum Orientale, sive Amaranthus luteus* Park. parad. *Oriental Goldplocks or Golden tufts.*

*C. B.*

*Caulis* est rotundo, lanuginoso, pedali; *foliis* oblongis, angustis, lanuginosis, & ob tomentum crassis & incanis, usque ad radicem oblongam, nigricante cortice tectam pluribus. *Caulis* in summo in



in plures pediculos unciales, incanos dividitur: quibus singulis flos rotundus, rarius oblongus, quasi ex plurimis squamulis compositus, quintuplo quam in vulgari, quæ Stæchas citrina dicitur, major, flavus & splendens.

Simile, sed caule cubitali, foliisque latioribus, minúsque lanuginosis, umbellâ multo latiore, floribusque minoribus & pallidioribus, ex horto Nobiliss. Contareni habemus, inquit C. Bauhinus.

Ex Creta insula ad C. Bauhinum transmissa fuit ab Honorio Belli.

Parkinsonus nostras *Heliochrysum Creticum* & *Helioch. Orientale* diversas species facit. Orientale *Heliochryson* sci. Cretico elatius est & ramulosius magisque incanum & tomentosum, foliis tantillo latioribus & in Cretic.

caule & ramulis crebrioribus; Florum umbellæ seu corymbi in Orientali capitulis longioribus & majoribus, & squamulis pluribus compositis, densius stipatis constant, colore aureo hilariorè micantibus. Radice est perenni, sed hyemes nostras agrè tolerat.

Ego Chrysocomen veram Dioscoridis Jacobi Zanoni pro hac planta habeo, quamvis neque figura neque descriptio per omnia exactè respondeant. Cum Parkinsono tamen cenſeo Heliochryson Orientale & Creticum diversas species esse.

Elichryson Orientale C. B. caule sesquipalmari, foliis angustis, valdè incanis in Olympo Asiæ spontaneum observavit D. Wheeler.

3. *Stæchas citrina Germanica latiore folio* J. B. Elichryson sive *Stæchas citrina latifolia* C. B. *Amarantibus luteis latifolius* Ger.

J. B.

Virgas habet dodrantes aut etiam cubitales, cana lanugine vestitas, nunc singulares, nunc plures: per quos folia numerosa, incana, latiora multo quam Stæchadis citrinæ Narbonensis, adeo ut quæ tetræ proxima è radice statim pullulant, ad uncialem ferè latitudinem accedant. Extremis ramulorum immortalis auri fulgore resplendent conglomerati squamulis compactiles corymbi. Semen pappo involutum. Radix longa, lignosa, fibrata. In foliis siccis decem post annos degustatis sapor nonnihil aromaticus. In sterilibus propè Rhenum suprâ Coloniam Agrippinam abundè nascentem observavimus: In regionibus quæ Rheno adjacent, potissimum verò quæ inter Spiram & Wormatiam sunt, provenit, in locis asperis, sabulosis, siccis & convallibus, florens Junio & Julio mensibus. J. B.

Hujus flores vino decocti & poti lumbricos ventris expellunt, quod Tragus experientiâ certum esse didicit. Eodem modo sumpti sudores eliciunt. Vires.

Hujus varietatem florum squamulis eleganter in modum prunæ ex aureo rutilantibus, in Cassubie sterilibus arenosis & apricis locis præsertim sublimioribus Julio & Augusto florentem; Septembri & Octobri semina perficientem, cætera præcedenti similem Chrysocomes Germanicæ flore igneſcente, sive ex aureo rutilante proponit Jac. Breynius.

Aliam insuper varietatem, flosculis longioribus & squamulis sanguinei coloris imbricatis, valdè raram ex iisdem montibus allatam addit.

Amaranti (sic enim appellat hanc herbam) flores, autore Trago, calidæ sunt naturæ, id quod & sapor & odor arguunt. Vino quidem decocti & poti lumbricos ventris expellunt, quod Tragus experientiâ certum esse didicit: Eodem modo sumpti sudores eliciunt, quare hanc herbam obstructionibus hepatis, lienis, renum & vesicæ conferre existimat. In lixivio decocti si cum illo caput abluatur, furfures capitis & porriginem expellit, pediculósque eriecat. Vestibus appositi à tinea illas tuentur. Aquâ decocti vaporantibus & fomentis induratum ac tumentem matricem emolliunt. Flores nonnulli felici successu adversus morbum Regium usurpantur. Breyn.

\* Hujus flos  
nomini Helio-  
chryson respon-  
det, ad solis re-  
percussum au-  
rea lucis in mo-  
dum depen-  
dens.

4. *Stæchas citrina tenuifolia Narbonensis* J. B. Elichryson sive *Stæchas citrina angustifolia* C. B. *St. citrina sive Amarantibus luteis* Ger. *Chrysocome sive Coma aurea* & *Stæchas citrina vulgaris* Park. *Parrot-headed Goldplocks* of Cassidony.

J. B.

Fruticosa est planta, radice crassa, lignosa, simplice, perenni [Lobelio radix gracilis est gummi Elemium, vel Cyperum rotundum Syriacum redolens, uti flores & tota planta, gustu etiam aromatico, medicato & fervente, non tamen nimio fervore, subastringente] ex qua lignosi folones pronascuntur, qui in virgulas creberrimas pedales & cubitales, albida lanugine obfusas desinunt, quarum summum cacumen flores corymbaceos, luteos pallentésve, densè glomeratos sustinet, singulos squamulis imbricatos, siccissimos, colore aureo fulgentes, non marcescentes per multos annos (si bene exsiccati & loco sicco reservati fuerint) odore vehementes cum jucunditate. Folia per ramos ordine frequentia conscendunt, incana, villosa, magis tamen subtus quam supra, admodum angusta, nec planè culmum dimidium lata, versùs superiora minùs frequenter disposita. Lobelio autem in mollicello vellere pusillum semen Majoranæ, sed exilius, rufum, acré, odoratum.

Copiosè provenit circa Mompeliun, Aprili & Maio florens. Parkinsonus Lobelium secutus hanc cum Stæchade citrina latifolia Germanica confundit, à qua specie omnino differt.

Stæchadis hujus flores, ut & Italicæ iisdem viribus pollent quibus Stæchadis Germanicæ. Attendamus Schroderum. Calf. & sic diuretici sunt & vulnerarii. Usus præcip. in obstructione urinæ, hepatis, lienis, mensium; coagulatum sanguinem resolvunt, catarrhos exiccant, menses nimios sistunt, lumbricos fugant [vino decocti aut macerati & poti] Commendantur & in primis ad exiccandas defluxiones acres pulmonum, &c. Extrinsecus faciunt ad emolliendam uteri duritiem [in balneo] Capitis defluxiones siccant & discutunt [suffitu.] Matthiolas herbam totam omnibus cerebri morbis à frigido provenientius, nempe pituitosis fluxionibus, diuturnis doloribus, comitialibus, resolutis, & id genus aliis mederi aſſerit, sive ejus decoctum in potu sumatur, sive in pulverem trita ex rhodomele bibatur aut oxymelite. Penes autoremsides esto. Morbi illiusmodi consumaces nobis videntur, quàm ut tam imbelli medicamento expugnentur. Locus &  
Tempus.  
Vires.

5. *Stachas citrina tenuifolia altera sive Italica* J. B. *Elichrysum foliis oblongis, Stachadi citrina f. milis* Dod. C. B.

J. B.

*Virga* ramosa, quarum superiores partes albicant, lignosae, in quibus folia similia foliis *Stechadis citrinae* Narbonensis, quae tenuiora sunt, inferiora, breviora ut in illa, alia quaedam longiora unciis. In singularum virgarum summitate umbella parva corymbifera: Corymbi parvi minores quam in Narbonensi, longiusculis veluti parvis squamis constantes, qui se explicantes discum faciunt, in quo flosculi multis apicibus constantes. Color qualis sit me latet, in sicca ad straminis colorem accedere videtur.

Locus.

Bauhinus ex Apennino habuit: Nos eam in montibus Liguriae, non procul Gavia oppido & alibi passim invenimus. Folia quam *Rorismarini* angustiora, multo minus quam *Stechadis citrinae* Narbonensis albicant.

6. *Stachas Citrina tenuifolia tertia sive Neapolitana* J. B. *Elichryson foliis oblongis, paucis, Stachadi citrinae angustioribus* C. B.

Matth.

Planta est exilis, foliis longis, angustis, hirsutis, striatisque: caulibus angulosis, umbellae in summitate aureae divulsaeque, radice tenui ac supervacua.

Ne quis autem hanc cum praecedente eandem censeat (ut recte monet Bauhinus) illa enim numerosis angustissimis foliis, haec paucioribus, plus duplo longioribus, & illa latoribus est praedita.

Locus.

Inter Neapolin & Puteolos invenitur.

7. *Heliocrysum Abrotani feminae foliis* P. Bocconi. *Abrotanum femina verum Dioscoridi* Zanoni.

Boccon.

Tenuis sunt huic virgulae, fragiles, pedales; foliis circumdatae oblongis, angustis; denticulis quam *Abrotani* foeminae longioribus, nonnihil candicantibus. Flores in fastigio cauliculorum umbellati, luteo auri colore fulgentes, *Heliocrysi* aut *Stechadis citrinae* floribus colore & odore persimiles.

Locus.

Semen à Perside allatum plantam hanc in horto M. Etruriae Ducis produxit.

8. *Elichrysum Creticum* C. B. *Chrysocoma* V, quae *Cretica* Clus.

Clus.

Singulares, nonnunquam plures, emittit è radice virgulas, teretes, sesquipedales, incana lanugine & velut tomento obductas; quibus sine ordine multa adnata folia, unciam & amplius longa, unciae quadrantem lata, supernè virentia, infernè alba: circa summas virgas è foliorum alis nati sunt tenues ramuli minoribus foliis praediti: summae autem virgae desinunt in nudum ramulum, vel singularem, vel geminum, tomento carentem, cui insident singularia capitula, squamulis imbricatis dispositis constantia, instar capitulorum Cyani, è quibus prodeunt flores; multis staminibus floris compositi.

*Stechadem citrinam* Creticam flore amplo Park. i. e. *Santolinam Creticam Alpini*, & *Chrysocomen* V. seu *Creticam* Clus. pro una & eadem planta habeo. Nam descriptiones conveniunt, & locus idem est. Nec diversa nobis videtur.

*Stechadis citrinae alteri inodora Lohelii affinis, capitulis brevioribus* J. B. *Heliocryso sylvestri flore oblongo similis* C. B. *Stachas citrina sylvestrior* Park. quam C. Bauhinus sic describit:

Caule est sesquipalmari, rotundo, incana lanugine obfuso, in ramulos aliquot inaequales, palmo breviores brachiato: foliis *Stechadis citrinae* alterius inodora: similibus, latoribus tamen, aliquibus leviter sinuatis, sesquiuncialibus, infernè incanis & tomentosis supernè virentibus. Ramuli in pediculos tenues, nudos, uncias quatuor longos, abeunt, quorum summitatibus, capitulum unicum squamosum cum flore insidet, qui in pappos breves ut in *Elichryso* sylv. angustifolio abit.

Locus.

In montibus Italiae (inquit) prope Terracinum provenit. Icon J. Bauhini melius respondet plantae à nobis observatae quam Caspari.

Hanc in muris & rupibus circa Mellanam Siciliae urbem copiose provenientem observavimus.

Hujus aliam speciem invenimus prope Tolonam Gallo-provinciae portum, foliis longioribus, angustioribus, *Rorismarini* similibus in caule crebrioribus, supernè pallidiùs virentibus, subrus minus incanis, uti sunt & caules. Flores eodem modo nascuntur in longis pediculis singulares.

Huic plantae affinis & similis est, si non eadem,

9. *Chrysocome altera, peregrina* L. Clus. Cujus descriptionem è Clusio subjiciemus.

Cubitales plerumque habet virgas quando adolevit graciles, incanas, & velut tomento quodam obfusas, quas incondita serie disposita ambiunt folia, longa, gracilia, *Libanotidis* coronariae foliis similia, vel iis etiam angustiora, supernè nonnihil virentia, infernè incana, ex quorum sinu nascuntur tomentosi ramuli, minoribus foliis praediti, per summas vero virgas rariora sparsa sunt folia, quarum fastigii multi insident squammati flores, vulgaris *Chrysocomes* floribus minores, aurei vel flavi coloris, qui marcescentes fulcum colorem contrahunt, & semen exile continent pappo involutum. Radix lignosa, dura, in aliquot ramos divisa. Cum quadam non insuavi graveolentia odorata est, gustuque calidiusculo.

Salmanti-



Salmanticensi agro frequens est, (memini & Monpelliano videre) ubi tota æstate subinde nos flores producit, totaque hyeme comam retinet.

Hæc planta in eo à nostra differt quòd multos flores in ramulorum fastigiis gestat, cum nostra singulos tantum, eosque majores quam vulgaris Chrysocomes.

10. *Stachas citrina altera inodora* Lob. *Helichrysum sylvestre flore oblongo* C. B.

Lab.

Rarius hæc multò occurrit licetis cocciferis *Sommieres* inter & *Monspelim*, tota pulchella, facie *Stœchadem citrinam* præferens; folia tamen sunt latiora, incana, uti tota planta. Cauliculis palmaribus, in quibus flores itidem *Stœchadis citrinæ* alterius, grandiores, longiores, Lactuce agrestis quadrantenus. Radix non magna, lignosa, inodora; tota minus nota, pervia, aut inventu facilis.

Jo. Bauhinus hanc plantam *Stœchadi suæ citrinæ affini* capitulis longioribus synonymam facit. Verum planta, quam sub titulo illo describit J. Bauhinus, eadem omnino videtur *Stœchadi odoratæ* purpureæ *Pilleteri Lob. illust.* Quocirca vel *Lobelius* errat, qui *Stœchadem* illam purpuream *Pillet.* diversam ab hac facit; vel J. Bauhinus qui eandem huic. D. Magnol nihil hic lucis affert, sed nos in dubio relinquit.

Præterea J. Bauhinus *Chrysocomen secundam*, sive peregrinam tertiam *Clus.* huic synonymam facit. Eam autem *Clusius* sic describit:

Petalibus, interdum etiam cubitalibus assurgit ramis, candicantibus & lanuginosis, quos Oleæ familia folia, longa, mollia, cana lanugine tota per intervalla ambiunt. Flores autem extremis ramulis pallentes, squamosi & Agerati ferè insident. Radices sunt nigricantes.

Hanc alteram *Chrysocomen Murciani Mameilla*, nomine Chamamelò communi, appellabant. *Hispalenses Romæo marino*, i. e. Libanotidem coronariam marinam; *Mauritani Granatensis* urbis incolæ *Miscajin*.

At neque hic nobis satisfacit J. Bauhinus siquidem descriptiones *Clusii* & *Lobeli* non conveniunt ut conferenti patebit, ideoque unius & ejusdem plantæ esse non possunt.

C. Bauhinus *Chrysocomen quartam*, peregrinam tertiam *Clus.* hujus Synonymam facit, minus rectè nostrâ sententiâ, siquidem descriptio *Clusii* melius convenit *Stœchadi citrinæ* alteri *Lob.*

Mira est apud Botanicos consuetudo in speciebus & Synonymis hujus generis.

11. *Stachadi citrinæ affinis capitulis parvis, raris, squamosis, in pappos evanescentibus* J. B. *An Elichryson sylv. angustif. capitulis conglobatis* C. B? *Chrysocome* 4, peregrina 3. *Clus.* *An Stachas citrina altera* Ad. Lob?

J. B.

*Citrinæ Stœchadis Narbonensis* instar densè fruticat, virgæ tamen breviores, tomento candidæ, quas folia vestiunt citrinæ *Stœchadis*, sed longiora subinde, non minùs angustâ, inoffensâ marginum aquabilitate, tomento villosa subius obsita. Capicula singulorum ramulorum (qui longi ac tenues sunt) extremis imposita, aut singularia, aut bina ac etiam terna, semuncia breviora, squamata: florum coloris sordidi & obsolei, non aurei, quorum apices medi in pappos degenerant. Hujus plantæ idem ferè odor qui dicitur *Stœchadi*.

In faxis ac rupium fissuris circa *Monspelim* variis in locis oritur. Caules huic ramosiores ramis longioribus, tenuioribus, sparsis, & foliis ferè nudis.

*Chrysocomes* 4. peregrina 3. *Clusii* descriptio huic bene convenit: Quocirca C. Bauhinus eam malè *Elichryso* suo sylv. flore oblongo synonymam facit.

*Stœchadi citrinæ* alteri *Lobelius* flores singulos in singulis caulibus attribuit, quod plantæ huic nostræ non convenit; unde aut malè *Stœchadem* suam citrinam describit, aut ab hac nostrâ diversa est.

12. *Gnaphalium montanum album* Ger. *montanum* sive *Pes cati* Park. *montanum flore rotundiore* C. B. *Pilosella major* & minor quibusdam; alia *Gnaphali* genus J. B. Mountain Cudweed, or Cats-foot.

Humi fundit circumcirca appressa ferè terræ folia oblonga, per extremum rotunda, incanâ lanugine obsita inferna parte, inter quæ surgunt caules palmares aut dodrantes etiam cubitales, tomentosi, candicantes, foliis vestiti longis, angustis, è quorum cacumine glomerati pendunt flores multi, jam majores, foliolis exuccis, squammulis latioribus & brevioribus contextis, speciosiores, jam minores, è minùs pulchris Squammulis angustioribus & longiusculis constantes, nunc candidi, nunc magis minùsve purpurantes in medio apicibus multis, quibus succrescunt longi pappi. Radices fibrosæ repant *Pilosellæ* vulgaris in modum.

In montibus variis in locis v. g. in planitie *Noxi mercati* didi oppiduli: in eriecto *Bernacensi* in comitatu *Lincolniæ*; in montibus *Ingleborough* in *Eboracensi* provincia & *Plimlimon* in *Wallia*.

Hujus hæc habentur species, altera flore majore, squammulis latioribus, altera flore minore, squammulis angustioribus: utraque floris colore albo & purpureo variat. In *Anglia* species duntaxat minor invenitur.

13. *Gnaphalium montanum affinis Egyptiaca* C. B. *Baccharis Dioscoridis Ruwolfo* J. B.

Planta est cubitalis, foliis lanuginosis donata, Verbasci similis, & caulem ut in *Tabaco* amplexantibus. Summa occupant flosculi albi purpurascetes, dense stipati ut in *Stœchade citrina* aut *Pede cati*. Radicula odorata, *Ellebori nigri* similis.

In

Locus.

In descensu montis Libani observavit Rauwolfius.  
Hujus meminit Jac. Breynius, titulo Chrysocomes Syriacæ flore atro-rubente,

14. *Chryscome Syriaca candidissimis floribus* Breynii.

Breyn.

Non ita obvia alibi quàm in saxosis Libani montis, ubi à Rauwolfio reperta, in cujus Herbario plantam exsiccatam vidit Autor noster dodrantalem. *Folia* ejus incana, latiora Chrysocomes Germanicæ atque breviora. *Flores* summis caulibus insident pauci, ex argenteis retorridis squamis compactiles, Gnaphalii montani floribus rotundioribus candidis haud impares, sed grandiores.

15. *Gnaphalium Americanum* J.B. Ger. *Americanum latifolium* C.B. *Argyrocome* sive *Gnaphalium Americanum* Park. parad. American *Cudweed* or *Life everlasting*.

J. B.

Ad cubiti altitudinem assurgit, procerius etiam subinde adolescit, *caulibus* crassiusculis, multo candido tomento obfritis, medullâ fungosâ farctis, teretibus: quibus certa serie *folia* adnascuntur, palmum circiter longa, semunciam lata, in acutum mucronem desinentia, supina parte virentia, triplicique nervo secundum longitudinem decurrente donata, inferius verò villosa & incana. Corymbi summis ramis insident multi conferti, tomento obfriti, quorum singulares *flores* ex argenteis retorridis foliis compactiles, papposa in medio filamenta coloris rufi aut melini, Clusio subflavi, qualia ferè in Gnaphalio vulgari, comprehendunt, quæ tandem in pappum aut *semen* mutata abeunt. *Radix* subest lignosa exsucca, serpentes de se propagines & fibras promittens, minimi digiti crassitudinem ferè æquat, nigra, ex lateribus novos singulis annis caules proferens, qui primum emergentes nihil nisi tomentum esse videntur; tota æstatè flores producentes.

Ex America delatum, indidémque denominatum.

16. *Gnaphalium Brasiliense*. Marggr.

Marggr.

Ex radice minimum digitum crassa, multis filamentis prædita, odore aliquantulum cum Heleni radice conveniente, sapore tamen haud manifesto, perenni & quæ novos subinde caules protrudit, sex interdum & plures prodeunt *caules*, mediocriter rotundi, inferius crassi ad trium pedum altitudinem, geniculati quasi ob folia quæ illos ambiunt, subfusi & alba lanugine obfriti. *Folia* autem ambiunt multa, tres vel quatuor dig. longa, angusta, viridia, ac copiosa lanugine alba seu tomento obfrita; superius minora fiunt ad caulem, & caulis dispescitur in multos ramos, mediocriter bifidos. Ramos ornant hinc inde foliola angustissima, lanugine incana, unum aut duos digitos longa. In extremitatibus autem ramorum proveniunt *capitula*, ex squamis oblongis argentei coloris, splendentibus composita, quibus *flosculi* innascuntur copiosi, cuilibet nimirum squamulæ quinque, constantes quinque foliolis albis, dissectis in medio eminente staminulo albo-purpurascente: ceterum sunt penitus inodori. Post flosculos nascitur *semen* in ipsis squamis, oblongum, fugax, coloris fusco-argentei.

17. *Gnaphalium ad Stæchadem citrinam accedens* J. B. An *Eliebrysum* sylv. latif. *capitulis* complutis C. B? *Heliebrysum sylvestre* Ger. emac?

*Radix* hujus spectatur parum fibrosa & nonnihil lignosa: folia Gnaphalii, quædam tres uncias longa, alia breviora, culmum unum vel duos lata, tomentosa incana, mollia: *Caules* villosi, alii recti, interdum ramosi, dodrantales & cubitales; quorum fastigiis duntaxat *flores* hærent & capitula ad Stæchadem citrinam accedentia, vel ad Gnaphalium montanum, ex squamis lucentibus constantia.

Locus.

In pratis non longè à Castro novo vico Monspelio vicino nascentem observavimus.

## CAP. XI.

De *Jacobæa*.

**J**acobæa à S. Jacobo, cui dicata est hæc herba, nomen accepit.  
Jacobæa à cæteris papposis non lactescentibus, foliis laciniatis, floribus flavis radiatis differt.

A. 1. *Jacobæa vulgaris* J.B. vulg. *major* Park. vulg. *laciniata* C.B. *Common Ragwort*, *Beggrum*.

*Radix* plurimis fibris majusculis albescentibus terræ firmiter adhærescit, ut non sine difficultate possit extirpari. *Caules* inde exurgunt non rarè plures, interdum unicæ, teres, striatus, aliàs glaber, aliàs nonnihil lanuginosus, in apricis plerunque purpurascens, solidus, foliis crebris, nullo aut alterno ordine positus vestitus, sesquicubitalis aut altior, in latiore solo etiam tricubitalis, summâ parte in ramos aliquot divisus, medium caulem altitudine æquantés aut etiam superantes; unde fit ut *flores* in summis caulibus & ramulis existentes in umbellas quodammodo dispositi sint, magnitudi-



ne singuli mediocri, radiati, flavi, foliis marginalibus cuspidatis, medio disco concoloribus, angustis, oblongis. Calix floris squamosus, striatus. Semen perexiguum, pappo alatum, per maturitatem rubescens. Folia oblonga sunt profunde dissecta, primò in laciniarum quasdam conjugationes ad mediam propè costam, deinde in alias lacinias secundarias subdivisa, glabra & obscurius virentia, præsertim supina parte.

In pascuis inque incultis & ad vias passim provenit.

Non solum eandem formam, sed easdem cum Senecione vires & facultates obtinet, autore Trago, inprimis autem vulneribus, inflammationibus & fistulis medetur.

Observat Hofmannus Jacobæam calidam nonnullis cataplasmatibus formâ adversus ventris tormina, (quæ miserè dysenteria affectos excruciant & tantum non interimunt) felici successu fuisse abdomini applicatam.

Locus.  
Vires.

A. 2. *Jacobæa Senecionis folio incano perennis*. Hoary perennial Ragwort with Groundsel-leaves. Fortè *Jacob. vulgaris minor* Park.

Hæc à præcedente differt 1. Radice, quæ quamvis fibris paucioribus constet, perennis tamen est, & sub Autumnum nova germina quasi capita emittit. 2. Caulibus, qui huic elatiores sunt & lanuginosiores. 3. Foliis, quæ pariter lanuginosiora sunt, obscurius viridia, in angustiora & acutiora, minus tamen crebra segmenta divisa. 4. Floribus, qui huic pallidiores, petalis ambientibus minoribus & brevioribus.

In pascuis præsertim inter vepres, & in sepium aggeribus non rarò se offert.

Locus.

*Jacobæa pumila* Gallica Bocconi.

Boc.

Hæc folia habet cæteris omnibus suæ classis multò tenuius dissecta; atque est planta pumila & cæteris humilior. Flore & semine cæteris par.

A. 3. *Jacobæa latifolia* J. B. Broad-leaved Ragwort.

J. B.

Caulem habet tricubitalem, teretem, rubentem, medullâ albâ farctum, in ramos alterius instar divisum, quorum extremis flores insident magni, lutei, stellati ceu vulgares, & tandem in papposum momentum evanescentes: at folia plurimum differunt, dodrantem fere longa, duabus uncis latiora, serrata, glabra, mollia, profundè circa principium secta, reliquâ & ultimâ laciniâ ad Bugulæ folium accedente: verum enimverò quæ per ramos conspiciuntur paullo magis sunt laciniata, Artemisia fere divisurâ. Radix obliqua, multis fibris capillata; suspicor annuam herbam.

In Sundcovia florentem Augusto observavit ad ripam fluvii.

Locus.

A. 4. *Jacobæa latifolia palustris sive aquatica*.

Præcedentis descriptio huic per omnia fere convenit, ut eandem plantam esse mihi pæne persuadeam. Differt à Jacobæa vulgari foliis imis pæne integris, ad principium duntaxat altè incisis & velut pinnatis, in caule minus crebris: floribus in caule & ramulis summis paucioribus, magis sparsis, nec ita in umbellæ formam congestis quemadmodum in illa; ipsorum petalis saturatius flaventibus, medio disco latiore & majore, è stoculis pluribus sed minoribus composito; stylis etiam minoribus & brevioribus in singulis; hinc capitula sequentia majora latioraque sunt in hac quàm in illâ. Differt etiam loco, cum hæc in aquosis & palustribus semper proveniat, illa in ficcioribus. Perennis planta esse videtur. Folia etiam suprema in caule multo minus tenuiter dissecta sunt in hac specie quàm in vulgari Jacobæa. Quinetiam rami in hac longiores sunt, & à caule magis recedunt, & inferius in caule oriri incipiunt quàm in illâ.

Ubique fere ad fossas & in aquosis oritur.

Locus.

A. 5. *Jacobæa Pannonica latifolia* J. B. latif. Pannonica prima Park. latifolia Ger. Alpina laciniata, flore Buphthalmi C. B. Broad-leaved Hungarian Ragwort.

Clus.

Cubitali interdum excrefcit caule, firmo, striato; quem ambiunt folia lata, rugosa, mucronata, per oras serrata, viridia, latiore basi, & velut appendicibus quibusdam prædita, infimâ parte quæ caulem amplectuntur, ingrati & nonnihil acris saporis: quæ verò à radice germinant rotundiora sunt & majora, sed nullas appendices habent, perinde tamen serrata atque superiora. Summus caulis dividitur in aliquot ramulos, qui flores omnino luteos sustinent, Jacobææ vulgaris fimiles, multò tamen majores, & ad Buphthalmum amplitudine accedentes, maturitate in pappum evanescences. Semen observare non licuit. Radix satis crassa & candicans, subinde fibras, vulgaris Jacobææ instar in latera expandit.

Provenit in Auftriâ Sciriâque Alpibus: nusquam tamen abundantius quàm supra Herrenalben, quæ longus ascensus est in Durrenstein. Floret Junio & Julio, in hortos translata etiam Maio.

Locus & Tempus.

6. Jaco-

6. *Jacobaea marina* Ger. *maritima* C. B. *marina* sive *Cineraria* J. B. *marina* sive *Cineraria vulgaris* Park. *Sea-Hagwort*.

Ad bipedalem interdum altitudinem assurgit *caule* duro, striato, tomento candido obdudo. Prima *folia* quernis similia sunt, rarioribus fissuris, minúsque altis incisa, quæ postmodum ad costam usque profundius dividuntur, digitali ferè intercapedine segmenta laciniata intercedente, crassiuscula, inferius cinereo molli tomento una cum pediculo obsita, superius atrovirentia, nitida, & nonnulla quoque lanugine fortuita obiter respersa, sapore prædita parùm grato. *Flores* multi, coarctati, *Jacobææ*, melini, in pappos tandem abeunt.

Locus.

Ad littora maris inferi ubique ferè occurrit : in Anglia & Septentrionalibus frustra eam quæres. Hujus duæ præterea habentur species seu potius varietates, nimirum, 1. *Jacobæa incana* altera *C. B.* altera seu minor *Park.* quæ priore minor & humilior esse dicitur, *foliis* tamen longioribus, valdè laciniatis, laciniarum seu segmentorum extremis rotundioribus, supernè etiam subcinereis; *floribus* minoribus colore obscuriore, qui duos minimum menses durant antequam marcescant & defluunt. 2. *Jacobæa maritima* sive *Cineraria latifolia* *C. B.* *Park.* cujus *folia* inferiora subrotunda, cum pediculis pedem longa, uncias quatuor lata, ad modum *Brassicæ vulgaris* laciniata, & per marginem sinuosa; at superiora minora & acutiora: *flores* majores oblongis pediculis incanis & nudis insident, quorum discum aureum *folia* latiuscula pallidiora orbiculatim cingunt.

Argentea *Cretica Alpina. exot.* huic eadem videtur, solâ foliorum incisurâ *Pastinacæ* æmulâ ludens.

Vires.

*Jacobæa* ad vulnera & ulcera inveterata ac fordida à recentioribus commendatur, quæ succo ejus cum melle permixto expurgantur. Ad dolorem ischiadicum aliósq; inveteratos in unguentis ultrapatur. Vide Gerard. Laudatur verò & hujus decoctum gargarizatum ad gutturis tumores & abscessus, quos & discutit & persanat. *Dod.*

*Ægyptii*, autore *Alpino*, *Jacobæam marinam* ad multa utuntur : quippe decoctum ex foliis paratum ad renum vesicæque calculos pollere aiunt, necnon ad sanandas viscerum antiquas obstructions, frigiditatem, strangulationem, sterilitatem, inflationem, atque ad menses interceptos revocandos, in infestationibus.

7. *Ageratum ferulaceum Dalechampii* J. B. *Chrysanthemum Alpium foliis Abrotani multifidis* C. B. *Achillea montana* Lob.

Clus.

Herba est cubitalis, *caulibus* satis robustis, striatis, quos *folia* ornant tenuiter *Chamæmeli* modo dissecta, quæ quo magis superiora versùs tendunt, eò sunt minora, minutiusque incisa: inferiora namque palmo longiora, *Ferulaceis* sunt proxima. *Caulis* fastigium in pediculos frequentes albis, quibus incompositi *flores* umbellam mentiuntur, *Jacobææ* floribus similes, minores, luteis foliis radiati, staminulis concoloribus medium occupantibus, tandem in pappos facessentibus. *Radix* longiuscula, mediocris crassitudinis, fibrata. Sapor huic nonnihil aromaticus.

Locus.

In cacumine montis *Epheron* mense Octobri florentem reperit J. Bauhinus : Lobelius in celsioribus *Calcaris* & Horti Dei montium *Narbonensium* jugis. Nobis etiam cum *Montspessuli* commoraremur à D. Zuecker Dantiscano è vicinis montibus delata communicata est.

C. Bauhinus à Parkinsone & Johnsono Gerardi emaculatore non immeritò reprehenditur, quòd *Ageratum ferulaceum Lugd.* *Chrysanthemo Alpino* 2. *Clusii* idem facit; cum *Chrysanth.* 2. *Clusii* nec flores in cacumine in umbellæ formam dispositos gerat, sed singulos aut geminos tantum in eodem ramulo; neque eos parvos, quàm *Jacobææ* minores, sed *Chamæmeli vulgaris* floribus majores. Verùm *Chrysanthemi Alpini* 3. *Clusii* descriptio *Agerato* nostro *ferulaceo* egregiè convenit. Quocirca per errorem, puto, apud C. Bauhinum hæc nomina transposita sunt, & *Chrysanthemum Alp.* fol. longis tenuiter incisis in locum *Chrysanth.* Alp. foliis *Abrotani multifidis* transferendum, itémque *Chrysanthemum Alp.* 3. *Clusii* in locum *Chrysl.* Alp. 2. ejusdem.

Morisonus noster plantam hanc *Chrysanthemis* annumerat, ob semina, ut puto, solida seu pappo destituta. Verùm cum J. Bauhinus disertis verbis affirmet flores in pappos facessere, nec planta ipsa ad manum sit, ubi eam collocem incertus sum: si minùs rectè hic disposuerim, J. Bauhino imputandum est.

\* 8. *Chrysanthemum Hispanicum tenuifolium* Moris. prælud.

*Folia* habet minùs tenuiter dissecta quàm præcedens florémque duplo majorem.

Quamvis hoc fortè aliò pertineat, ob affinitatem præcedenti subjunxi; Quòd si minus rectè hic collocentur, utraque simul removeantur.

\* 9. *Jacobæa Sicula Chrysanthemifacie* Bocconi.

Bocc.

*Caulis* ei cubito sunt altiores, non ità crassi, inanes, seu intus fungosi, in plures ramos divisi. *Folia* longa, angusta, adnatis exiguis alis, *Chrysanthemi Cretici* veluti divisurâ & formâ, paululum foetentia. *Flores* in ramulorum fastigiis multiplices floribus *Jacobææ* multò minores, medio umbone seu orbiculato ambitu luteo auri colore fulgentes.

Locus.

Perpetua est planta, hyemémque facillè sustinens, ad *Catanam* & *Tauromenium* frequens.



10. *Jacobaea multifida umbellata annua* Bocconi.

Bocc.

E radice tenui parvâ folia plurima per terram strata, uncialia & triuncialia nonnunquam, Jacobaeae more lobata, supra virentia, subtus incana, in extremo circinatae rotunditatis, in margine sinuata emittit: quorum è medio caulis assurgit pedalis, alatus, rotundus, leviter hirsutus, foliis cinctus primum Jacobaeae divisurâ, demum Absinthii modo tenuiter incisis. Hic caulis in summitate pluribus ramis palmaribus quasi laxè umbellae in modum dividitur, quorum cacuminibus indident flores petalis latis & planis, aureo colore fulgentibus, & cingentibus umbonem pariter aureum, ex multis staminibus concoloribus conflatum, qui tandem recedit in semen pappolum aliarum Jacobaearum more.

Annua est planta. Nascitur ad Agrigentum & oppidum Montapertum dictum.

## CAP. XII.

De papposis non lactescentibus petalis marginalibus cuspidatis, foliis integris levibus seu

De *Jacea Olea folio*. C. B.

1. *Parmica Austriaca* Ger. *Austriaca* Clusii Park. *Jacea olea folio, capitulis simplicibus* C. B. *Xeranthemum aliud sive Parmica quorundam* J. B. *Austrian Sneezwort*.

Clus.

Urbitali assurgit caule, candicante, Cyani æmulo: Folia illi infima caulis parte secundum radicem numerosa, longiuscula, angusta, supernè molli lanugine incana, acidiusculi saporis; in ipso autem caule rariora. Caulis in aliquot ramos se spargit, sustentens capitula è squamis velut argenteis imbricatis sibi invicem incumbentibus contexta: è quibus emergit flos venustus & elegans, duodecim aut quatuordecim foliis constans, duris, ficcis, mucronatis, coloris initio albi, deinde ex æruleo quodammodo purpurascentis aut illius æmuli qui in Sesamoidis minoris *Matth.* flore elucet, nullo odore commendatus, sed sola venustate gratus, & immarcescibilis: coloris enim gratiam tenet per multos annos è trabe suspensus, aut inter chartas repositus: in ipsa verò planta [ si non evellatur ] senesceris subfuscum contrahit colorem. Semen non multum ablimile Sesamoidi minori, tennius tamen & copiosum inter albam lanuginem latet. Radix singularis est, nigricans, dura, capillaribus quibusdam fibris septa, sed annua.

In Austria circa Viennam urbem & alibi invenit Clusius.

*Parmicae* nomen huic plantae imposuit Clusius, non quòd sternutamenta moveat, sed quòd reliquis notis satis aptè cum Dioscoridis *Parmica* conveniat.

Puillam incanam *Jaceam* alteram folio oleæ *Lob.* haud libenter pro diversa specie admisèrim, quam per omnia similem incanae alteri [ i. e. *Xeranthemo* ] scribit capitulis & floribus, sed cauliculo minùs diviso esse, palmari & sesquipalmari, foliis majoribus Oleæ, magisque incanis, minime serratis, capitulis habitioribus, nitidis argenteis squamis, gustu insipido, minime amaro.

Locus.

2. *Xeranthemum* J. B. *Jacea Oleæ folio, flore minore* C. B. *Parmica Imperati, sive minor* Park. *Parmica Imperati, an Parmica Austriacæ species* Clus. cur. post.? Ger. emac. *Smaller Sneezwort*.

J. B.

Anguloso est caule, duro, lento, incano, lanuginoso, tenui, pedali & altiore pro ratione foli, plurimum singulari, in multos ramos divaricato; per quem folia alternatim disposita, denso tomento candicante undiq; obsita, infernè candidiora Absinthii vulg. foliorum colore, uncias duas aut tres longa, culmum lata, unico nervo medium folium percurrente, deorsum plerumq; reflexa. Singulorum ramulorum extremis singula hærent capitula oblonga, ex squamis candicantibus & lucidis, nitidis contexta, in acumen definentibus cum striâ rubente. Flos stellatus, squalidus & exsuccus foliis constat sex, septem, octo aut etiam pluribus, acuminatis, aridiusculis, rubentibus, parvis, capitulorum squamas imitantibus sed longioribus, quorum medium occupant stamina numerosa confertaque, rigida, candida hirsuta, inter quæ latent semina lata veluti spinæ albæ, mollia cum barbula in summitate villosa. Radix singularis, lignea, annua: E semine deciduo novæ Autumno statim exurgunt plantule quæ per hyemem virorem suum retinent, & vere sequenti excaulescunt. Trita herba odorem aromaticum expirat.

Primò hanc observavimus in Arni fluminis alveo propè Florentiam in Italia, postea etiam in agris quibusdam non procul Monspelio.

*Xeranthemum* vocabat Gesnerus ob ficitatem & squaliditatem florum etiam recentium. J. B.

Hanc proculdubio intelligit Lobelius nomine *Incanae* alterius *Cyani* aut *Jaceæ* capitulis & flore, quamvis folia (minùs rectè) leniter serrata faciat, & caules ab eadem radice multos: ideoque C. Bauhinus frustra pro diversa specie eam ponit.

## CAP. XIII.

*De papposis non lactescentibus florum petalis marginalibus cuspidatis, foliis dissectis & spinosis seu,*

*De Carlina.*

**P**Lanta hæc à Carolo magno, primo ejus nominis Imperatore sic dicta est, quia exercitus ejus Angeli monitu usu radicis hujus à peste liberari fertur. Masticatio ejus in peste prodesse dicitur.

1. *Carlina humilis* Park. *Carlina sive Chamæleon albus* Dioscoridis Ger. *Carlina acaulos magno flore* C. B. *caulifera & acaulis* J. B. *The low Carlina-Chistle.*

J. B.

*Carlinae radix*, cujus præcipua est commendatio, longè latèque vagatur, profundèque intra terram agitur, crassitudine pollicari plus minùs, superficie veluti corrola & foraminulenta, colore foris ruffo, intus candido, sapore aromatico, nonnihil gravi: antequam verò è terra emergat, in capita aliquot ut plurimum facessit, ex quorum singulis separatim *folia* in orbem supina oriuntur, palmum unum aut duos longa, unciam unam aut alteram lata, profundis ad costam usque incisura divisa & veluti crispa, aculeis minacibus horrida, nonnihil tomentosa, viridantia excepta pediculi infima parte atrorubente: in horum medio sessilis hæret *echinus*, orbiculatus, spinosissimis foliis undique oblitus, è cujus umbilico *flores* emicant staminei, purpurascens, vallo foliorum argenteorum cincti. *Semen* papposo tomento involvitur, oblongum, hirsutum.

Aliàs è singulis capitibus caulis surgit, pedem altus, atrorubens, lanugine quadam donatus, non sine foliis alternatim positus, in cujus summo echinus nascitur floridus, ut jam dictum, foliis qualia in caule & circa radicem conspiciuntur circumcirca stipatus. *Carlina*, inquit Camerarius hort. plerunque si eo anno floruerit quo in hortum transfertur sine caule permanet, sin minùs, multo latior altero anno surgit & cauligera fit. Alii quoque plerique Botanici *Carlina* acaulon & cauligeram eandem specie plantam censent, & rectè meo judicio. Verùm F. Columna *cauligeram* non eandem acauli sed congenerem existimat. Nam quæ caulem habet (inquit) nunquam humilis est florida, ut vulgaris; & genere diversa *folia* profert, angustiora, virentia, magisque spinosa, *frémque* è minoribus barbulis usque candicantibus, umbone intus flosculis purpureo-rubentibus composito, quamvis antequam expandantur, lutei conspiciantur. Plura capita profert, nimirum in singulis caulibus singula. Alii diligentius rem examinent.

Locus.

In Germaniæ pascuis sterilibus & dumetis frequens oritur, nec minùs in Italia, Gallia Narbonensi & circa Genevam in montosis.

Refert Gesnerus hujus floris calycem tum recentem tum etiam ficcum noctu claudi, ad Solem verò aperiri. Germanis *Eberwurtz* dicitur, i. e. Apri herba, quia nimirum Apri ejus radices appetunt, non (ut vult Fuchsius) quòd suès si in polenta exhibeatur perimat; hoc enim experientia repugnat.

Hujus capitula carnosæ, calyce, floribus ac semine resectis, ex aqua cocta cum butyro, sale & pipere Cinararum more suave edulium præbent. *Gesn.*

Dol. l. 4. c. 1. S. 19.

Helmontius magni facit radices *Carlinae*, quas sympatheticè, perinde ac earum succus & extractum solet, arcere somnum statuit, multò magis somnos præternaturales. *D. Soame.*

*Carlina alexipharmaca* est & sudorifera, Peltis contagia arcet cuspatæque si tempestivè propinet. Diuretica quoque est & emmenagoga; hydropicis confert, tinea ventris necat. *Schrod.*

Philippus Melancthon cum cum hypochondriacis doloribus confictaretur, usu herbae *Chamæleontis* eos mitigavit: & hujus remedii efficaciam eum deprædicasse testatur Camerarius.

2. *Carlina sylvestris* J. B. *glv. major* Ger. Park. *Cnicus sylvestris spinosior* C. B. *The common wild Carlina-Chistle.*

*Radice* nititur simplici, altè in terram descendente [Petroselinii radici æquali] paucis fibris donata, durâ & lignosâ, sapore nonnihil acri & aromatico. *Caulis* plerunque simplex, interdum geminus, in sterilibus vix palmum altus, in latiori solo pedem superans, teres, striatus, purpurascens, foliis crebris nullo ordine positus vestitus, propè summitatem ramos aliquot rectos spargens; quibus ut è summo cauli insident *flores* capitati, majusculi, latiores, ex pluribus flosculis, densè stipatis, obliquis purpureis, vix è lanugine conspicuis, limbo foliolorum acutorum tum colore tum consistentiâ stramineorum cinctis compositi. *Calix* floris è pluribus foliolis, squamatim dispositis, & ad margines spinosis componitur. Flosculi autem singuli, singulis insident seminibus, eorumque styli è floris disco extantes lutei sunt. *Folia* angustiora sunt, pallidè viridia, lacinjata, crebris ad margines spinulis non admodum rigidis munita, crispa, averla præcipuè parte lanuginosâ.

Tempus. Locus.

Seriùs floret & sub finem æstatis.

In pascuis ficcioribus & ericetis per totam Angliam frequens oritur, nec minùs in transmarinis quotquot lustravimus regionibus.

3. *Carlina*



3. *Carlina sylvestris minor* Ger. *Acarna flore luteo patulo* C. B. Park. *Carduus Carlina minor* Sylv. *Cliffia flore luteo* J. B.

Clus.

Palmi altitudinem non superat cauliculo tenui, unico, canā lanugine obfito. *Folia* Carlinae sylvestris vulgaris foliorum æmula, minora, incana, spinis horrida. Summo cauliculi fastigio bina ut plurimum fert capitula spinosa (nonnunquam etiam in alis) in quibus flos luteus, orbem oculi imitans, mediā lanugine pallidā, quam ambiunt rigidiuscula & exlucca foliola, coloris flavi. *Radix* tenuis, rufescens, vivax non est, sed singulis annis perit.

Nusquam hanc inveniebat Clusius quā in aridis quibusdam, petrosisque ac desertis circa Sal- Locus & Tempus.  
manticensem urbem locis; Augusto mense florentem.

4. *Acarna capitulis parvis luteis in umbella* C. B. *Acarna flore Acorna, altera Apula* Col. Park.

Col.

*Radice* est pollice ampliore, bipedali ferè, ex albo flavente, odorata, Chamæleonis albi modo aromatica, lacte dulci turgida. Invenitur etiam in illa mense Februario lac velut gummi densum ceræ modo sub foliis, non secus ac in Chamæleone albo nobis descripto. *Folia* ei sunt Cnici vel Atractylidis, in terram expansa, sed non hærentia, duriora, lævia, acutis admodum spinis, quæ hyeme regerminant: è quorum umbilico caules rufescentes aut rubentes parum lacte turgidi prodeunt, cubitalēs, foliis alternatim hærentibus cincti: in summo verò non tria aut quatuor tantum capitula ad modum Carlinae sylv. vulgaris gestat, sed veluti densos corymbos in umbella ferè. Capitula sunt parva, echinata, acanacea, Anthemidis florem æquantia, flosculis intus lutescentibus, atque circum radiantibus barbulis luteo saturo admodum colore, quibus perfectis capitula etiam lutea visuntur, & semina (ni fallimur, nec enim ad maturitatem perducta vidimus, sed incipientia) pappum habent candidum sericeum, tenuissimum. Augusto floret; Septembri semina perficit.

Ab hujus radice fungi exeunt laudatissimi, Cirinolanis gratissimi & maxime expetiti.

Circa Cirinolan Apuliæ oppidum in agrorum marginibus sponte fruticat.

Hanc ipsam plantam, aut certè ei simillimam, in Gallia Narbonensi, Italia & Sicilia non procul a mari copiose provenientes observavimus. *Radice* est perenni, plures ei ab eadem radice caules exeunt, rubentes, glabri; *floris* discum luteum ambientes barbulae aureæ: *Florum* tamen capitula (quantum meminimus) paulò majora erant Chamæmeli floribus, quibus ea magnitudine paria facit Columna. Locus.

5. *Acarna flore purpuro-rubente patulo* C. B. Park. *Acanthoides parva Apula* Col.

Col.

*Radice* habet tenuem admodum respectu plantæ, paucis fibrillis divisam, parum flavicantem, lignosam, odoratam, sapore amariuscule, ad sylvestris Valerianæ gustum ferè accedente. *Folia* ei parva multum respectu Chamæleonis albi, per ambitum aculeata & spinis horrida, Atractylidis vel Acornæ modo, supernè atque magis infernè araneosā lanugine obfita, ut multa excipi possit, quæ ita ductilis ac tenuissima est, ut Bombycinæ telæ vicem supplere possit simul composita, atque ita facillimè neri potest, & filo tenui ac tenaci, ut tela indè effici possit. *Caulis* rotundus, dodrantalis, albus, eadēque lanugine obfusus, foliis alternatim Acornæ modo vestitus; quibus perficiente se flore ab imo decidentibus, ima pars caulis ad medium usque Atractylidis ritu denudatur: in summo verò & juxta capitulum (quod unicum gerere solet) folia densiora sunt in rotæ modum, caulescentis Carlinae æmulatione, cui etiam floris effigies similis admodum, verum minor multò, Acornæ primò loco à nobis descriptæ par & similis: barbulis enim lævibus nitidisque floris umbo imus capillaribus flosculis constructus, circumdatur, ut in Carlina sylv. &c. iisque purpuro-rubentibus, quem colorem in aliis non observavimus. *Semen* cinereum, læve, amarum, parvum, papposum.

Julio floret & Augusto perficitur; Locis incultis, siccis, editioribus sterilibusque Cirinolæ frequentissima viā quæ ducit ad Vineam Aquameña dictam. Emittere aliquando unam aut alteram propaginem circa caput, sed Impiæ dictæ herbæ Plinii modo supra patrem elevatam, in qua capitellum & flos, omnia verò minora.

Nos Carduum hunc in Sicilia circa Messanam, Italia circa Florentiam, & Gallia Narbonensi Locus.  
propè Monspelium invenimus spontaneum, in arenosis.

6. *Acarna Theophrasti sive Acorna Plinii* Col. Theophrastus his *Acarna*.

Col.

*Radice* nititur longa, pedem superante; crassitie digiti majore, pallente, odorata, Carlinae vulgaris modo, etiamque lactescente, dulci. *Caulis* ei bipedalis, foliis alternatim hærentibus, Atractylidis & Cnici modo, & similibus, durioribus, verò, magisque pungentibus, lævibusque, in summo tria aut quatuor capitula gestans ut Atractylis, quæ florem ætatis sine emittant luteum, foliolis sive barbulis circumambientibus, Asteris, Anthemidis, vel potiùs vulgaris Carlinae modo, sed colore magis saturo. *Semen* Autumnò papposum, ut in congeneribus, sed parvum, cinereum; Chamæleoni albo simile, sed proportionè minus.

Atractylidi antequam floret persimilis est (inquit Columna) verum in Acorna lævorem foliorumque vigentium asperitatem majorem observavimus, caulisque rufum & ad rubedinem inclinantem colorem, atque totius plantæ succum candidum, pinguem, viscosum, facillè ætate concrecentem, dulci sapore.

Locus.

In Campoclarenfium collibus & Æquicolorum secus vias in incultis sæpius observavit autor. Hujus radix estur elixa, deinde oleo frixa, nervo exempto, Quadragenæ diebus à pauperibus Valensibus.

## CAP. XIV.

## De Senecione.

**S**enecio, Ἡριόλον Græcis, quasi vernus senex, quia vere canescit, inquit Plinius, floribus in lanuginem abeuntibus; nec Vere tantum, sed per totum pænè annum germinat floribus productione, semper enim alterum akeri succedit, & tempora omnia occupat. Theophr. Nobis Senecio censetur herba flore composito, papposo, nudo, foliis laciniatis. Foliis laciniatis cum Jacobæa convenit, à reliquis congeneribus differt: floribus nudis seu non radiatis à Jacobæa discernitur.

A. 1. *Senecio vulgaris* Park. *minor vulgaris* C. B. *vulgaris sive Erigeron* J. B. *Erigeron* Ger. **Common-Groundsel** or **Simson.**

*Radix* oblique interdum producta plurimis fibris albis in terram demissis alimentum attrahit; ex qua *caulis* persæpe simplex, interdum bini ternive attolluntur, teretes, striati, concavi, in apicis hirsuti, pedem aut dodrantem alti, ab imo statim ramosi, *foliis* vestiti duas tresve uncias longis, alterno situ absque pediculis cauli adnatis, utrinque in lacinias divisiss & dentatis, mucrone obtuso, obscure virentibus. *Caulis* & ramulorum fastigiis *flores* plures simul juncti insident, pediculis tenuibus, brevibus, lanuginosis appensi. *Flores* autem quos vocant è plurimis flosculis luteis arcte stipatis compositi absque ullo in margine barbularum circulo, calice longo, cylindraceo ferè, ex simplici foliolorum oblongorum ordine constante ceu vallo quodam, coercentur. Floribus delapsis *semina* cum pappo innascenti explicata, globulum seu Sphæricam figuram efformant. Calicis foliola, ut in Dentis leonis flore, deorsum reflectuntur. *Semina* parva sunt, tenuia, oblonga, diluta purpura tincta videntur. Odor huic nullus insignis.

Locus.

Non est cur locus huic assignetur, adeo ubique in arvis, hortis, areis nimis-quam frequens omni anni tempore occurrit.

Vires.

Herbæ succus in Cerevisia sumptus, ejusdemve decoctum cum uvis Corinthiacis aut melle, leniter purgat per vomitum, ut quotidiana docet experientia. Tragus raro intus sumi scribit: alii intus sumptum ad multa utilem faciunt, Choleram, v.g. icterum, interperiem hepatis calidam, lumbricos, vomitum & expuitionem sanguinis, ischiadicum dolorem, fluorem muliebrem. Extrinsecus utilis esse dicitur in mammis inflammatis, scabie (capitis,) strumâ, dolore ventriculi, urinâ remorata, arthritide & vulneribus. *Schrod.*

Ad lumbricos utilem esse verisimillimum existimamus; siquidem Veterinarii nostri & Hippiani succum ejus expressum equis præbent adversus ventriculi & intestinorum vermes, *Bottes* nostratibus dictos, quorum præsentissima pestis est.

2. *Senecio hirsutus viscidus major odoratus* J. B. *incanus pinguis* C. B. *fetidus* Park. *Erigeron tomentosum* Ger. **emac. Cotton-Groundsel, or strong-sented Groundsel.**

Perinde ut *Senecio vulgaris radice* nititur fibrosâ, *foliis* donatus similibus, similiterque incisis, sed lanugine undique obstitis, ideoque nonnihil incanis, insuper tactu viscidis, mollioribus & frondosis. *Caulis* erectior, procerior, hirsutus, quemadmodum & *florum* luteorum, in pappos abitura caliculi striati. Planta nonnihil aromatico est sapore.

Locus.

In arenosis frequens occurrit. In aggeribus fossarum palustrium in insula Eliensi plurimum observavimus valde luxuriantem, & cum gravitate odoratum.

Lobelius, Dodonæus, C. Bauhinus eosque secuti Gerardus & Parkinsonus nostrates duas faciunt *Erigeri* majoris species, alteram vocant *Erigeron tomentosum* sive *Senecionem incanam*, C. Bauhinus *Senecionem hirsutum*; alteram *Senecionem fetidum* & *Erigeron tomentosum* alterum, C. Bauhinus *Senecionem incanum pinguem*: Verum non assignant sufficientes distinctionis notas, ut putem ipsos sub duobus titulis unam duntaxat plantam proposuisse, duobus fortè in locis, & diverso tempore visam, neq. satis curiosè spectatam & descriptam; cujus sententiæ & ipsum J. Bauhinum fuisse video qui non distinxit. Veruntamen fatendum est iconem *Erigeri tomentosi* alterius apud Lobelium & Gerardum plantam omnino specie, imò etiam genere distinctam ab *Erigero tomentoso*, Ger. seu hirsuto, viscido, odorato nobis descripto exhibere, cum flores radiatos repræsentet, quales in nulla *Erigeri* specie cernuntur ab Autoribus istis descripta; quod & Parkinsonus vidit, iconem supposititiam & falsam agnoscens. Quid quod C. Bauhinus ipse Synonyma confundit, cum *Erigeron tertium* Dod. ab *Erigero tomentoso* altero Lob. diversum facit, præter mentem Autorum, ut mihi videretur, in descriptionibus traditam.

*Senecio odoratus* Park. flore odorato Cam. an & quantum differat à descripto considerandum.



• 3. *Senecio viscosus Ethiopicus flore purpureo* Breynii.

*Breyn.*  
Sesquipedalis est planta, caule solidiore quàm Senecionis vulgo noti, & Jacobæ in modum duro ac striato, ramis aliquot prædito, præsertim superius, ubi *Impia Plinii* de more caulem excedunt; foliis haud multis, alternatim latâ basi caulem amplectentibus, Senecionis vulgaris, minùs lacinia-  
tis, quasi circumrosis ac crispis, quorum extrema pars fastigiatur. Flores in ramis & caule densè coacervati & aphylli cernuntur, tubulis & staminibus multis purpurascensibus conflati, ex calyculo striato provenientes, ac vulgaris ritu celerrimè fatiscens in pappum, sub quo semen longiusculum, cinereum & striatum, nihil à Senecionis nostri, nisi quòd nonnihil majus, differens.

Senecio hic per universum hirsutus ac tactu viscidus juxta Promontorium bonæ Spei viget.

Locus.

• 4. *Eupatorium Ericoides C. bonæ Spei* Breynii.

*Breyn.*  
Suffrutex est lignosus, frequentissimis ramis, tortuosis & duris divaricatus, ad figuram Ericæ Myricæ folio incana (floribus & semine exceptis) tam propè accedens, ut non ovum ovo similis: quoniam non rami tantum, sed etiam foliola eorum, quibus densissimè Ericæ penitus vulgaris modo contexti, tomento adhærente albicantia sunt & incana. Flosculi verò in ramorum apicibus in mucarios parvos conglomerati, Eupatorii conspiciuntur perfimiles, sed minores multo, & subtilioribus squamulis purpurantibus imbricati; è quorum medio purpureus prominet tubulus, semini pappo infidens, quod maturum nigrescit, nec quicquam ab Eupatorii vulgaris seminibus diversum.

## CAP. XV.

De *Cacalia*: Hujus character genericus folia subrotunda.

1. *Cacalia incana folio* Ger. folio rotundo incano Park. foliis crassis hirsutis C. B. *Cacalia quibusdam* J. B. Hoary strange Coltsfoot.

*Clus.*  
**H**OC genus multis præditum est foliis, Tussilaginis vulgaris foliis pænè similibus, majoribus tamen, medièque inter illius & alterius majoris, Petasitis vulgò creditæ, folia quodammodo magnitudinis, circinatæ ferè rotunditatis, in ambitu serratis, supernè dilutius virentibus, infernè incanis, [angulosi] in quibus multæ apparent venæ sive nervi, gustus ingrati, amariusculi & calidi; innituntur autem purpurascensibus & striatis pediculis. Caulis illi bicubitalis interdum, striatus, purpurascens, non secus ac foliorum pediculi, [hirsutus, medullosus;] cui per intervalla innascuntur alia folia, oblongis pediculis prædita, supradictis minora, magis angulosa, etiam in ambitu serrata. Supremus caulis extremique ramuli purpurascensium capitulorum congeriem instar umbellarum ferunt, in quibus terni plerunque flosculi, quaternis foliolis bifidoque stylo constantes, purpurascens coloris, odorisque valdè tenuis, non tamen ingrati, qui in pappum seu lanuginem abeunt (perinde ferè ut Eupatorii aquatici flores) in qua oblongum semen later. Radix in multa capita extuberat, frequentibus, candidis, longis, fibris donata est, singulis annis novos caules ad latera proferens.

Planta hæc in omnibus Austriacis Stiriacisque jugis obvia est, ad sylvarum margines inter frutices & umbrosis locis. *Clus.*

2. *Cacalia quibusdam* J. B. foliis cutaneis, acutioribus & glabris C. B. folio glabro Ger. glabro folio acuminato Park. Smooth-leaved strange Coltsfoot.

*Clus.*  
Hujus folia magis cutacea sunt (si sic loqui licet) & duriora, supernè saturatiùs viridia, nec subus incana, nec anteriore parte, quæ pediculo inhaerent, simul coeuntia, ut in priore, pediculisve striatis innixa, sed rotundis & lævibus, perinde tamen ut illa frequentibus venis ornata, & in ambitu serrata, ingrato similiter gustu, amariusculo & calido. Caules etiam læviores & flosculi dilutiores: in cæteris conveniunt. Cum priore. Nos in sylvis montium Juræ & Salevæ propè Genevæ hanc speciem invenimus, non priorem.

Cacaliæ tomentosam C. B. cum imperfectè ab eo descripta sit, ut qui folia tantum viderat, cumque paucis iisque non magni momenti notis à præcedentibus differat, non est cur speciem ab iis distinctam existimemus.

*Cacaliæ congener Clusii.*

Hujus cum florem nunquam viderit autor, nihil de ea dicendum habemus. Foliis cum præcedentibus convenit.

3. *Cacalia Americana* Park. *Valeriana Urticæ folia, flore albo* Cornuti.

Cornut.

Huic plantæ radix ut Asaro fibrosa, non altè descendit, sed in summo terræ leviter hæret, adeoque est aplicationis avida, ut sæpius nudat supra terram fibras, quæ saporis & odoris gratiam Natio non inferiorem obtinent, Valerianâ vulgari longè nobiliorem, si enim diutius in ore dentibus prematur mira suavitate halitum commendat, linguamque postremò ut Cinnamomum acriter pungit. [Quicquid dicat Cornutus, Parkinsonus noster nullum unquam neque in radice hujus, neque in foliis aut flore odorem percipere potuit.] Pluribus surculis assurgit, rotundis, cavis, geniculatis, glabris, longitudinis ultra cubitum; hi in plures alas dividuntur. Folia ex adverso bina semper ab radice ad summum usque caulis fastigium nascuntur, referuntque Scrophularia, aut Urticæ minoris folia, minimè tamen pungunt & dilutissimè virent. Cujusque caulis apex in muscarium spargitur, Floribus ornatum parvis inodoris, Valerianæ similibus, sed ex uno calyce pluribus. Post idem semina longiuscula tenui pappo hærentia in auras abeunt.

Tempus.

Floret Septembri. Hyeme sola radix superstes vivit, reliqua intereunt.

4. *Ysaiaex Caliacos*, seu *virga nigra saxorum* Hernandez.

Hernand.

Præcedenti similis & congener esse videtur, folia ferens Urticæ, ferrata: caules purpureos, teretes, quatuor cubitos longos: flores in cacumine comantes, pilosos, non senescentes, & purpurascetes ex albo.

Locus.

Nascitur in locis saxosis Xalatlahcensium. Sapor citra ullam distinctionem Anisum refert. Radix pugilli mensurâ tusa, devorataque ex aqua seu vino sudorem elicit dolorem passis, atque ita cum lenit, ut mirabilem præstet ea in re operam.

## CAP. XVI.

*Linaria aurea* Tragi Ger. *Linaria folioso capitulo luteo major* C. B. *Haliobryos* Tragi, sive *Linaria tertia* J. B. *Chrysocome verior* sive *Coma aurea Germanica & Neapolitana* Park. *Virga aurea Linariæ foliis* Morif. **Golden-rod with Toad-flax leaves.**

Clus.

Urbitalibus aut amplioribus interdum assurgit ex una radice virgis, teretibus, gracilibus, raris, nigricantibus, lentis & fractu contumacibus, quas non quina aut sena, (ut Dioscorides suæ attribuit) sed numerosa ambiunt foliola, longiuscula, angusta, Lino similia, dura, mucronata, saturâ viriditate nitentia, amari gustus & nonnihil aromatici. Extremitas virgæ in multos tenues ramulos desinunt, quibus insident singularia foliola capitula, florem luteum, ex multis flosculis quinque radiolis decussatis styloque in medio prominente constantibus compactum amplectentia, nullo odore commendabilem: deinde semen nigricans, longiusculum, quale fere in Hieraciorum generibus superne villosum pappi instar, quod levissimo vento excussum, ejus arboris fertur. Radix dura est, lignosa, nigra, aliquot fibris donata, singulis annis germinans, novalesque virgas proferens.

Locus.

In montosis pascuis ad sepem propè Ratisponam & alibi in Germania: necnon circa Montpelium in Gallia Narbonensi oritur, nobis observantibus. Clusus, cui Olyris Austriaca inscribitur, multis Pannoniæ locis inveniebat, inque Austriæ prato quodam editiore & sicciore circiter miliare infra Viennam.

Tempus.

Augusto mense floret. Semen Septembri maturescit.

## CAP. XVII.

De *Conyza flore nuda.*

1. *Conyza major vulgaris* C. B. *Con. major Matthioli*, *Baccharis quibusdam* J. B. *Baccharis Monspeliensis* Ger. Park. **Great Fleabane.** *Platanus Epithemard.*

J. B.

EX radicibus multis, sparsis, non altè depaëtis, lignosis, fragilibus, odoratis, amaris & acris surgunt ad cubitos tres aut quatuor alti caules striati, atropurpurei, incana lanugine hirsuti, solidi, rigidi, foliis singularibus non admodum crebris vestiti, supra medium in multos ramos & rectos divisi. Folia verbasci nigri aut Digitalis purpureæ, minora, molli lanugine pubescentia, leviter crenata, odorata, sapore acri & amaro. Flores in summis caulibus & ramulis conferti, graviter olentes, lutei, papposi, è plurimis flosculis perexiguis, densè stipatis cum stylo in unoquoque ex tante bicorni compositi, nudi, è calyculis squarrosis mollibus, viridi luteoque verficoloribus, squamis exterioribus purpurantibus. Semina exigua, oblonga, fusca, pappo adnascente alata.

Tempus.

Seriùs &amp; sub Autumnum floret seménque maturat.

2. *Conyza*



2. *Conyza caulis rubentibus tenuioribus, flore luteo nudo* Botan. Monsp.

Magnol.

*Caulis* habet cubitalem, rubentem, in varios ramulos subdivisum. *Folia* cum adhuc planta semipedalis est *Conyza* majoris latitudinem habent, & Cisti ladanifera folia repræsentant; dum verò debitam acquisivit magnitudinem & floret, angustissima sunt & contracta. Ramuli omnes flores proferunt rariores multò quàm in reliquis ferè *Conyza*s, luteos, in calyce rotundo & oblongo, nullis foliolis radiatim cinctos, & in pappos evanescentes.

Annua est planta, gravem halans odorem *Conyza* majoris.

Septembri mense invenit descriptionis Autor P. Magnol copiosè florentem in fossis humidis secus viam qua à pago Perauls itur ad stagnum Volcarum ad dextram; ubi & nos cum Monspelii effemus eandem observavimus & collegimus. Locus & Tempus.

3. *Conyza major capitata seu globosa* Bocconi.

*Radix* constat satis crassâ; quin & *caule*, foliis, ut & odore *Conyza* majorem apprimè refert hæc planta; sed in flore id præcipuè notandum quod coricrescat illius discus seu umbo in globum seu caput globosum *Lachrymæ Jobi* figurâ non abfimile; & insuper quòd absolutis & ad maturitatem perductis seminibus sese aperiat caput globosum, atque semina affundat in pappos abeuntia; quòdque in medio capitis globosi infecta exigua ut plurimum gignantur.

Locum ubi invenit non addit Descriptionis autor Paulus Boccone.

## CAP. XVIII.

## De Eupatorio Cannabino seu Avicennæ credito.

**E**upatorium Avicennæ dictum floribus nudis purpureis à congeneribus differt. Sub hoc enim titulo comprehendi possint omnes hujus generis plantæ quibus hæ notæ adfunt, sive foliis digitatis sint, ut Eupatorium cannabinum mas seu Avicennæ propriè & strictè dictum, sive foliis integris, & Eupatorium Canadense folio Enulæ Cornuti.

Possit etiam aliter, & fortasse commodius, pro nota Senecionis characteristica sumi, folia habere laciniata; ita ut quæcunque hujus generis herba flore nudo, folio laciniato donata sit, Senecionis species habeatur, sive floris color luteus sit, sive purpureus, adeoque Senecio viscosus Æthiopicus flore purpureo Breyii & Eupatorium ericoides Capitis bonæ spei ejusdem veræ & genuinæ Senecionis species erunt. Harum prior alias etiam notas Senecionis habet, nimirum calycem striatum, florem cælarimè in pappum facientem, semen Senecionis nostri simile, nec nisi magnitudine differens, tactum viscidum: Posterior semina Eupatorii obtinet, & flosculos etiam perfimiles, ob quas rationes rectius fortasse ab Autore Eupatorii accensetur. Verum nos characteres obvios & expositos quique primo aspectu visui se ingerunt sectamur, cum quæ à seminum qualitatibus sumuntur oculos nostros per sæpe vel latent vel fallunt.

1. *Eupatorium cannabinum* Park. C. B. *cannabinum mas* Ger. *adulterinum* J. B. *Avicennæ creditum* Geln. *Herba S. Kunigundis* Trag. *Common Hemp* Agrimony or *Dutch Agrimony*.

*Radix* oblique acta plurimis fibris majusculis albicantibus terram apprehendit. *Caulis* dupes tresve cubitos altus, rectus, teres, tomentosus, & in viridi purpurascens, medullâ albâ plenus, gratum & aromaticum odorem cum inciditur spirans, multis alis concavus. *Folia* in caule crebra, adscissa, in eodem pediculo terna, Cannabis folia nonnihil referunt, oblonga, acuminata, per ambitum serrata, sapore amaro. *Flores* velut in umbellas digesti, singuli flosculis quinque vel sex purpureis compositi, quorum unusquisque stylum habet oblongum, bifurcum, & suo insidet semine. *Semina* autem per maturitatem cum pappo innascente avolant. Locus.

Ad fluminum, necnon rivulorum ripas, scrobium, & fragrantium aquarum margines subinde nascitur; Juboque mense apud nos in Anglia floret. Vires.

Epaticum est & vulnerarium, Usus præcip. in cachexia, catarrhis & typho, inque urina & menses retentis. Extrinsicè è nobilissimis est vulnerariis. *Schrod.*

*Radix* vim purgativam inesse experimento proprio didicit Gesnerus: cui earum pugillus in vino decoctus, colatus & potus per horam post alvum semel movit; postea verò vomitum duodecies ferè cum magno labore, ita ut Hellebori albi instar purget, sed multò facilius & tutius. Pro fuit sanè plurimum (inquit) magnâ pituitæ copiâ evacuata. Hinc verisimile est succum herbæ in catapocis devoratum, intestinorum vermes necare. Tragus Argentina in pecoribus tantum curandis usurpatum tradit; & prudenter nobis facere videntur Argentinenses, siquidem experimento Gesneri constat nimis vehementem esse ejus operationem, quàm ut in humano corpore antea ejus usus possit probari, nisi parva quantitate & aliis corrigentibus mixti.

In

In Belgio rustici feliciter iterum curant hujus plantæ decocto. *D. Regemorter* in *M. S.*  
 In Noloscomio cuidam intestina corrosa, ita ut per foramina stercorea exirent, jam propè desperato coaluerunt decocto *Eupatorii Cannabini*, quod *Ebasina* adscribitur, cum vino parato, & poto & ulceribus infuso. Ex *Hieron. Velschii Obs.* 44. *D. Soame.*

2. *Eupatorium Canadense folio Enule Cornuti. Cannabinum Americanum latifolium Park.*

*Corn.*

*Caules* hinc glabri, rubescentes, (cinereo tamen colore suffusi) rotundi, inanes intus, per intervalla geniculis intercepti. *Folia* palmari longitudine sunt, latitudine triunciali, *Salvia* modo scabra, in ambitu serrata, non incisâ quinquepartitâ ut *Cannabina*, fusce virentia, è geniculorum tuberculis quaternâ semper adversa inter se Cruciatæ modo nascuntur. E cujusque folii summus ramulus exoritur, brevioribus tamen foliis cinctus, neque unquam in florem proficiens. *Radix* coherentibus vastioribus implexa est fibris. Nulli *Eupatorii* *Caulis* procerior, qui ætate media in quinque cubita elevatur, comantibus in cacumine mille flosculis, non foliaceis sed lanugineis, uno verbo, si odorem excipias, *Eupatorii* *Cannabina* nostræ similibus, licet paulò saturatius purpurascens. Hos excipiunt semina papposa, quæ cum villosa sua casaria à vento decutuntur. Saporis est aliquantulum amari, subeunte momento postea levi acrimonia.

3. *Eupatorio affinis planta Zeilanica foliis Ulmi Breynii.*

*Breyn.*

Altius Africano, pæne ut vulgare *Herba S. Kunigundis* à Trago dictum, *caulis* rotundis, striatis, in viridi aliquantulum purpurascens, sapore in resiccatis salso, fruticat; quos *folia* *Ulmi* vulgaris æmula, sed minora, versùs pediculum fastigiata, ac sensim latiora rotundioraque evadentia, parvis intervenientibus pediculis alternatim ambiunt. *Caulium* fastigia in furculos aliquot dividuntur, atque hi rursus plures in petiolos, quibus inpositi flores umbellam mentiuntur, *Eupatorii ericoidis* floribus similes, sed pallidi seu straminei coloris, atque ex compluribus staminibus constati. Sequuntur semina minuscule, *Stoechadis* citrinæ *Herbariorum* paria, inter quæ in medullis calyculi crebris squamulis compactiles, præterea velut spadiceus, exiguus & durus fructus seu vasculum feminale coniforme excrescit, superius sæpe reflexum, intus inane & splendidum, quantum observare licuit.

*Fructum* hunc excrescentiam aliquam non naturalem, vel insecti matricem esse suspicamus.

4. *Erigeron Zeilanicum Lampsana foliis Breynii.*

*Breyn.*

Magnitudine, foliis, caule & ramis illi *Cichorii* generi, *Lampsana* à *Dodoneo* appellata pæsimile, magis tamen hirsutum, floribus uberrimis pallidi coloris, *Conyze* cœruleæ acris *C. B.* minimis, quos nulla ambiunt petala oriustum. Semen exile, papposum, *Conyze* acris annuæ albe æris par, quod vento etiam lenissimo è residuis florum caliculis dispellitur.

Ex *Zeilan* insula, vel propter foliorum vel virium fortè quandam convenientiam nomine *Breynii* accepit *Breynius*.

C A P. XIX.

De *Gnaphalio.*

**G** *Gnaphalium* *Trupium* *Dioscoridi*, quod foliis ejus *Assi* *Trupia*, id est, tomento, auctor, *C. B.* potius quia folia ejus tomento obducta sunt. *Endus* (inquit *Lob. in Adv.*) dicunt *Græci* vellere carperere lanas aut pannum, unde *Gnaphalium*, quod *Cerum* *Colum* *Romani* nuncuparunt & *Tomentariam*. *Herba Impia* *Plinio* dicitur. Ob id autem impiam appellavere, quoniam liberi [posteriora capitella] supra parentem, id est, primum & melius, summo cauli innascens, excellant. Alii potius ita appellatam quod nullum animal eam arripit, existimavere. Anglice *Cudweed* dicitur, quod ruminantibus opitulatur, & rumen amissum revocat: & in *Northumbria* *Chasteweb*, quoniam ad intertrigines valet, auctore *Turnero*. Notæ generis indices sunt folia tomento obducta, ut nomen indicat, flores nudi, flosculi oes componentibus præ parvitate vix conspicui.

A. 1. *Gnaphalium maritimum* C. B. *maritimum* multis J. B. *magnum* Ger. *maritimum* sive *Chenoria* Park. *Sea-Cudweed* & *Cottentweed*.

J. B.

*Radice* firmatur crassa, longa, lignosa, paucis admodum fibris donata, nigra; quæ caules emittit complures, dodrantes, crassiusculos, pilosos, candidos, in quibus densò ordine stipata folia oblonga, semuncialia, per extremum nonnihil rotunda, candida, quæ concepta in floccos stylis lenæ penitus abeunt, olei in lucernis bibula. Ramorum fastigiis capitula in umbellæ fere formam digesta, crassiuscula, candida, villosa, in medio lutea, in quibus semen longiusculum, album, in arcus formam incurvum. Nullum ego in hac planta saporem animadverto. Astringit magnopere & deflocat



deficiat tota planta, nonnihil falsa, nec tamen ingrata aut amara; aliquantum aromatica, odore quadantenus citrinæ Scedachidis aut gummi Elemi.

In arenoso maris litore propè trajectum *Abermeney* dictum freti Carnarviam & Angleseiam interjacentis, ex Angleseia seu Monæ laterè; item in litore Cornubiensi inter Penfiantiam oppidum & rupem *S. Michael's Mount* dictam invenimus. In transmarinis in Mediterranei maris litore non infrequens est. Universo litore & sabuletis à Marianis aquis ad Ceti montis radices & lacum plurima (inquit J. B.) alibi haud temere occurrit Narbone.

2. *Polium Gnaphaloides Alpin. exot.*

Huic Planta vel congener est, vel planè idem *Gnaphalium maritimum* superius proximè descriptum. Differt foliorum magnitudine & figurâ, quæ in hac acutiora sunt, & Myrti foliis paria, neque pilis infecta, sed tota tomentosa apparent, secus quàm in *Clusiana* figura *Gnaphalium maritimum* pingitur.

His tamen non obstantibus nobis eadem planta videntur *Gnaphalium maritimum* vulgare & *Polium Gnaphaloides Alpini*. Si cui aliter videatur, suo per me licet fruatur judicio: revera enim si rectè descriptum & depictum est *Polium Gnaphaloides Alpini*, saltè varietas erit præcedentis.

*Gnaphalium maritimum* ob odoris fragrantiam *Calamus aromaticus Cambro-britannis Carnarvie incolis* dicitur.

- A. 3. *Gnaphalium Anglicum* Ger. *Anglicum vulgare majus* Park. ejusdèmq; *majus Germanicum*. *Gnaphalium majus angusto, oblongo folio, & majus angusto, oblongo folio alterum* C. B. Nam & ipse hoc (inquit) cum a priorè parum differat, qui voluerit idem dicat. *Gnaph. rectum* J. B. *Long-leaved upright Cudweed.*

Huic rectus & rigidus, dodrantem altus, teres, canâque lanugine pubescens caulis, nihilòque sciùs folia, magis tamen averfa quàm adverfa parte, quæ in caule crebra, ordine nullo nascuntur, uncias duas aut tres longa, vix culmum lata ut plurimum, carinata, sapore præter siccitatem nullo evidente; ex quorum alis secundùm caulem, ab ejus medio ad summum usque capitula oblonga, squamata, plura simul juncta, ex viridi nigricantia & nitida, in pusilla stamina ex herbaceo flavescencia dehiscunt. Radix subest parva, nigra.

In pascuis solo arenoso, & inter Genistas haud infrequens est.

*Gnaphalii Anglici decoctum* semper ferè Anginam sanat. D. Palmer.

- A. 4. *Gnaphalium vulgare majus* C. B. *Gn. minus sive Herba impia* Park. *Gn. Germanicum* J. B. *Filago sive Herba impia* Ger. *Common Cudweed.*

Plures ex eadem radice caules surrigit tenues, semipedales aut dodrantes, plurimum erectos, teretes, incanos & lanugine obritos, summa parte ramosos, foliis vestitos creberrimis, nullo ordine positos, pariter lanuginosis, angustis, oblongis, quàm *Lavendula* multo minoribus, caulibus plerumque appressis, quibus absque pediculis adnascuntur. Florum globuli (ut rectè eos vocat J. Bauhinus) tum in extremis ramulis, tum in ipsis angulis, quos ramorum divaricationes deformant, sessiles, è pluribus floribus stipatis coagmentati. Sunt autem flores qui globulos hosce componunt & ipsi compositi è *Flosculis* ob exiguitatem suam ægrè visibilibus. Pappi è floribus eminentes ex luteo paletescunt. Propè medium globulum ramulos aliquot emittit caulis, qui supra medium caulem assurgentes suos singuli globulos flosculorum altius attollunt, velut filios supra parentem unde & *Herba impia* dicitur. Præter radicem mediam majusculam altius descendente innumera plerumque capillamenta spargit è fundo quibus terram apprehendit.

In ficcioribus, sterilioribus, glareosis & ad vias passim provenit.

Aqua ab hac destillata ad cancerum, præcipuè mammillarum, magni est usus: continet enim occultos cancores nè exulcerentur cum linteolis semel in die imposita. Sunt verò & qui Alari foliis hujus aquâ madefactis non infeliciter ad cancores reprimendos utantur. Dod.

Ego parùm præsidii aut juvaminis adversus Cancrum in hac aqua esse suspicor. Facultatem autem resicantem & nonnihil adstringentem obtinere hanc plantam *Dodonæo* concedo: Hinc fortasse hæmorrhagia, dysenteria, nimio mensium fluxui, atque etiam Angina, conducit. Ad hæmorrhagiam reprimendam nostrates sequentem plantam præcipuè adhibent.

Herbâ conussâ, oleo maceratâ & coctâ Occiduz Angliæ plebs ad livores, concussiones, cæca & verbera utuntur feliciter: menses etiam supprimit. Lob. obs.

- A. 5. *Gnaphalium longifolium, humile, ramosum, capitulis nigris*, nobis. An *Gnaphalio vulgari similis* J. B. & *vulgare sive 2.* Ger. ? medium C. B. ? *Filago minor* Park. ? *Black-headed, long-leaved, branched, low Cudweed.*

E radice parva, alba, simplici, intorta, fibris aliquot donata, & ad caput longis, cauliculum erigit palmarem, rariùs semipedalem, tenuem, teretem, tomento denso sed brevi, candido oblitum, ab imo ad summum usque ramosum ramulis crebris è foliorum alis exeuntibus. Folia cauliculo & ramulis alternatim brevibus intervallis adnascuntur, angusta, oblonga, ab exortu sensim dilatata, *Hysopiminora*, utrinque mollia & lanuginosa, infernè tamen candidiora. In summis caulibus & ramulis capitula seu flores multi simul congesti, non tamen in globulos coacti ut in *Impia* vulgari, exterius nigricantes, è flosculis luteis adeò eniguis compositi ut visum ferè effugiant [flosculos intellige parvales è quibus totales componuntur.] Ramuli floriferi è basi florum seu capitulorum congestorum orti longè altius assurgunt & nova florum agmina summitatibus suis gestant.

In fœribus & locis depressioribus ubi per hyemem aquæ stagnarant sub autumnum frequentissimè reperitur.

- A. 6. *Gnapha-*

A. 6. *Gnaphalium minimum* J. B. minus repens C. B? *perperam, non enim repit, rarius procreatur, sed erigitur. Filago minor* Ger. *Gnaphalium vulgare tenuifolium* J. B. *Hæc duo pro eadem plantæ specie habeo. The least Cudweed.*

Lignescit radix multis fibris capillata, haud secus ac Gnaphalio vulgari sive Impie: Caulis multi, dodrantales, ramosi: folia unciam longa, fili panè tenuitate, incondita, mollia, tomentosa incana: flosculi & capitula per caules disposita, ut in prædicto Gnaphalio, sed pauciora minoraque.

Hæc est Gnaphalii vulgaris tenuifoliae descriptio apud J. B. quæ plantæ quam nos hic intellegimus volumus exactè convenit, ut & locus inter segetes, solo præsertim arenoso aut glareoso.

*Gnaphalium parvum ramosissimum, foliis angustissimis polyspermon.*

Hujus plantam ficcam habemus ubi collectam non recordamur. Radice est parva, simpliciter caulibus sesquipalmaribus aut majoribus, firmis, in plurimos ramos & surculos divisis & subdivisis, foliis obfisos angustissimis, brevibus, acuminatis hirsutis. Flosculorum globuli in ramulorum divaricationibus, inque summis furculis sedent pediculis brevibus aut nullis. Color flosculorum, quatenus in sicco discernere licuit, albus.

7. *Gnaphalium oblongo folio* Ger. emac. *supinum oblongo folio* Park. *majus, lato, oblongo folio* C. B. *Long-leaved Cudweed.*

*Clus.*

Palmares vel etiam majores habet cauliculos, quorum alii surrecti, alii secundum terram inflexi, teretes, villosi, quos indigesto ordine mollia, incana, latiore infima parte amplectuntur folia, extremo mucronata: multa summo cauliculorum fastigio insident capitella candicantia, flavescente lanugine plena. Radix crassiuscula est, subfusca, fibris aliquot prædita, quæ an vivax sit, asserere nequeo. Aliquid autem affinitatis habere videtur cum Filagine minore Dodonæi.

*Locus.*

Desertis quibusdam & ficcioribus colliculis nascentem aliquando observabam.

\* 8. *Gnaphalium minus latioribus foliis* C. B. Park. Ger. emac. *Gnaphalium unico cauliculo* J. B. *Small broad-leaved Cudweed.*

*Clus.*

Unico assurgit cauliculo, aliquot ramulis in diversa se contorquentibus prædito, quos hinc inde sepiunt latiuscula, mollia & incana folia. Ad ramulorum internodia nascuntur, inter foliorum congeriem, quina, sena aut plura capitella, simul congesta, ex flavo canescentia, multa lanugine plena. Radix inutilis, sed deciduo semine novæ plantæ singulis annis renascuntur.

*Locus.*

In ficcioribus (quantum memoria Clusio succurrit) agris, præsertim demessa segete occurrunt.

9. *Gnaphalium Alpinum pulchrum* J. B. *Alpinum magno flore, folio oblongo* C. B. *Fair Lin foot, or Mountain Cudweed.*

Caulibus est palmaribus, dodrantalibus, altioribus etiam, tomentosis, quos folia vestiunt longa, angusta, villosa, trium quatuorve unciarum longitudine, culmo latiora. Summum fastigium flores gerit satis magnos, corymbatos, papposos, ex staminibus luteis atque splendentibus constantes, sessiles, molli lanugine intertextos, in medio foliorum xlii carptam lanam imitantium, & diatorum. Folia propter terram multa, superioribus non multum absumilia, statim è radicum fetis crassarum, nigrarum, multis fibris pulvis capillatarum capitibus oriuntur.

*Locus.*

In montis Juræ præalto vertice la Dolaz dicto invenimus.

Huic affinis si non eadem planta est.

10. *Gnaphalium Alpinum, magno flore, folio brevi* C. B. dicta: *Gnaphalii Alp. pulchri aliud genus* J. B. *Leontopodium majus* Park. *Leontopod. sive Pes leoninus* Ger. em.

Hoc à priore differt. 1. Quòd radicem tenuem foliaque brevia obtineat, cum illud radicem habeat magnam, folia oblonga. 2. Quòd flores nigricantes ex fusco violaceo gestet, cum hujus capitella pallescentibus flosculis constent, in reliquis conveniunt.

*Locus.*

Suspicio Lobelium minus curiose plantam inspexisse, nec pictorem fideliter suas partes egisse, & proinde unam & eandem specie plantam esse hanc & illam. In arduis Italiae & Germ. Alpium inque Baldo Veronenfi provenire refert Lob.

11. *Gnaphalio Alpino affine Leontopodium parvum* Lobelii J. B. *Gnaphalium Alpinum minus* C. B. *Leontopodium parvum* Ger. *Leontop. minus* Park. *Small Lions foot.*

*Lob.*

Dioscoridi & neotericis præterita hæc huic [iconi sci.] effigie habitusque toto convenit, singulari dodrantali cauliculo & folio Gnaphalii montani, densa lanugine incanis: flosculis summo caule luteo-pallentibus Gnaphalii montani, exili lignæque radice.

Hanc plantam J. Bauhinus apud fratrem Casparum inter plantas ejus siccas se vidisse refert. At locum ejus natalem non indicant.



12. *Gnaphalium umbellatum minimum* J. B. *roseum* Park. *roseum sylvestre* & *roseum hortense* C.B.  
**Rose Cudweed.**

J. B.

Plantula hæc vix uncialem magnitudinem superat. Ea aliàs unica & simplex, aliàs in plures velut ocellos divisa, ex foliis constantes candicantibus, hirsutis, inter quæ *oculus* conspicitur, minimi digiti unguem fere latus, asperiusculus, ex flavo virescens. *Caliculos* etiam *foliola* vestiunt, prædictis minora. *Radix* ex meris fibris constat, lignæ duritiæ, nigris, contortis, ipsâ plantulâ longioribus.

In montis Ceti arenosis & maritimis sabuleis Maio mense floret: nos in insula parva ad promontorium Siciliæ Pachynum, nunc *Capo Passaro* dictum, collegimus.

Ab hoc non aliter quàm culturâ, & accidentibus indè ortis differre putamus *Gnaphalium roseum hortense* C. B. cujus ramuli triunciales, reclinati, foliis subrotundis cincti, quorum summitatibus flus rose modo expansus, disco luteo, etiam aureo foliolis ut in ramulis undique sustentatus [ Parkinsono duplici foliolorum circulo cinctus ] infidet, eleganti spectaculo.

HISTO-

# HISTORIÆ PLANTARUM LIBER SEPTIMUS.

QUI EST

De Herbis cum flore ex flosculis fistularibus com-  
posito CAPITATIS dictis.



CAPITATÆ dictæ sunt hæ plantæ quia eorum semina cum pappo calice squamoso inclusa in formam subrotundam conglobata sunt capitis æmulam.

*Herbæ flore ex flosculis fistularibus composito, Capitatæ dictæ, sunt vel Capitibus*

*Maximis, squamosis, Pineæ Conorum æmulis, squamarum unguibus & floris fundo pulposis, ecla-  
lentis, foliis aliàs lævibus aliàs spinosis: CINARA, Scolymus.*

*Minoribus, foliis*

*Spinosis, aculeis*

*{ Crebris & rigidioribus: CARDIUS.*

*{ Mitioribus & mollioribus, floribus*

*{ Flavus, seu cujus capitula foliorum circulo obvallantur, semina striata flavicant: CAR-  
DIUS BENEDICTUS; seu cujus semina lævia sunt, alba, purgatrix: CNICUS SATI-  
VUS, Carthamus.*

*{ Purpureis; CIRSIIUM.*

*{ Spinis destitutis,*

*{ Per margines serratis, capitulis levibus,*

*{ Major; CENTAURIUM MAIUS.*

*{ Minor; folio*

*{ Laciniato paucioribus & majoribus laciniis: SERRATULA.*

*{ In tenuia segmenta, diviso: CRUPINA Belgarum.*

*{ Per margines aequalibus, Capitulis*

*{ Lappaceis, squamis in mucrones hamatos definentibus, foliis maximis: LAPPA MAIOR,  
Bardana.*

*Spinosis, spinulis*

*{ Rectis: CALGITRAPA, Jacea echinata.*

*{ Reflexis: JACEA MURICATA.*

*{ Lævibus, flosculis marginalibus*

*{ Minus profunde dissectis, ore in lutum expanso: CYANUS.*

*{ Profundius in longas & angustas lacinias divisis: JACEA.*



## DE CARDUO IN GENERE.

**C**ARDUUS sic vocatur à *carere*, quia aptus carendæ lanæ; quod de Carduo fullonum dicto seu Dipfaco verum est. Alii autem Cardui ob convenientiam quandam cum Dipfaco in spinis ita dicti sunt.

Nullum nomen Græcum invenimus quod Latinorum Carduo respondeat. *Ἄγρδα* enim latius est & spinam significat; *Ἄγρδ* angustius, quod tamen Casp. Hofmannus latè & in genere sumptum ad omnem plantam aculeatam, quæ in caput assurgat asperum, significandam extendi affimat.

Nos hoc nomine comprehendimus plantas omnes *capitatis* dictas, flore ex flosculis fistularibus composito, foliis spinosis seu aculeatis.

Cum Carduorum plurimæ species sint, multitudo autem confusionem pariat, clarioris doctrinæ & memoriæ juvandæ causâ eos in genera aliquot distinguemus.

*Primum* erit eorum qui capite sunt maximo, squamarum unguibus & florum fundo esculentis, foliis per sepe mollibus, qui *Cinara* & *Scolymi* dicuntur.

*Secundum* eorum qui floribus luteis, quales sunt *Cnicus* seu *Carthamus*, & *Atractylis*.

*Tertium* eorum qui spinulis mollibus & innoxii. Hi sunt *Carduus mollis* & *Cirsium*.

*Quartum* erit de spinosissimis quibusdam nostratibus nullo caractere aut communi convenientiæ nota insignibus.

*Quintum* de iis quorum folia in spicula prælonga exeunt, *lanceatis* idcirco dictis.

*Sextum* de iis quorum folia lacteis maculis & lineis pinguntur, seu leucographis.

*Septimum* de Carduis foliis tomentosis & incanis, *Acanthis* dictis.

*Octavum* de Carduis quibusdam exoticis singularibus & sui generis, quorum plerique *Acani* Botanici dicti sunt.

## CAP. I.

## De Cinara seu Scolymo sativo.

**C**inaram nonnulli à puella ejus nominis, quæ in eam versâ est, dictam fabulantur; alii à cinere quo latatur: cui conjecturæ Columella occasionem dedisse videtur, cum scribat lib. 11. cap. 3. *Multo cinere stercorendam, id enim stercoreis huic oleri videri aptissimum.*

Sed Græcam vocem esse Cinaram non Latinam ostendunt *Vossius* in Etymologico, & *Jo. Bodeus* à *Stapel* notis in Theophrast. Hist. lib. 6. cap. 3. ad quos Lectorem remitto. Quin si à cinere vel colore cinereo dicta esset, *Cinera* scribenda esset, non *Cinara*.

Cinara nobis dicitur Cardui genus capite maximo, conum Pineum æmulante, squamis crassioribus & majoribus, unguibus carnosius esculentis, ut & floris fundo, seu ima calycis parte cui innascuntur flosculi & semina.

Cinara vel lævis est, nullis neque in foliis neque in capite spinis seu aculeis, quo à reliquorum Carduorum nomina abscedit: vel aculeatus seu spinosus.

1. *Carduus sive Scolymus sativus spinosus & non spinosus* J. B. *Cinara bortenensis foliis non aculeatis* C.B. ejusdemque *Cinara bortenensis aculeata*. **Artichoke.**

f. B.

Ad culinarum cupedias satus *Scolymus folia* è radice promit pedem & sesquipedem longa, semipedem ferè lata, in lacinias latas subsectas divisa, incano & cinereo tomento obsita, potissimum parte pronâ, nullo aculeo minacia, interdum nulla est lacinia angulifve qui non spinis rigidis luteisque minetur. *Caulis* pedem unum aut alterum altus, striatus, tomentosus, ramis aliquot donatus, in singulorum cacumine caput gerit turbinatum, squamis magnis, glaucis, carnosius, acuminibus obtuso, alias spinâ robustâ præpilato, ungue infimo crassiusculo, tenero, vesco, albicante compactum, quod sentim divulsis squamis superius lævescit, tandemque floris stamina purpurascencia explicat.

*Scolymus* (pergit J. Bauhinus) duo habentur genera, sativum & sponte nascens. Sativi quidem nulla verè genera sunt, licet genera dicat esse Matthiolus. Ex ejusdem siquidem stirpis semine uterque tam spinosus quàm non spinosus enascitur. Quæ certissima est nota identitatis seu convenientiæ (ut cum Peripateticis loquar) specificæ.

Spinosus folia gerit non spinosi magis divisa, magisque laciniata, tenuibus circumdata spinis: caulem quoque non spinoso similem, striatum, subalbicansque, in cujus summitate echinatum aculeatumque extuberat caput, flore hyacinthino; semine Cnici minore. Radice nititur crassâ, firmâ, non insuavi. Addit insuper J. Bauhinus descriptionem non spinosi quæ ferè eadem est descriptioni generali superius politæ. Caput figurâ Nucis pinæ esse scribit, ex latis squamis coagmentatum, cujus squamæ figurâ folii Laurini aut Myrtini in aculeum definunt brevem, nunc robustum, nunc infirmum, nunc propè nullum. Semina inter candidam lanuginem contenta, oblonga, levi cortice obrecta candido vel nigro.

Siquis

Siquis Cinaram hortensam aculeatam & non aculeatam inquit C. B. eandem fecerit, non repugnabimus: quia foliis est aliquando aculeatis, aliquando mitibus. Sic caput nonnunquam in gracilem metam erigitur: nonnunquam in compressiorem & rotundiorem globum exten-  
rat; laminis interdum sponte sese recludentibus, interdum arctius compactis: capitum squame  
nunc virides, nunc pallentes, nunc subrubentes, in aculeum desinentes, nunc brevem, nunc ro-  
bustum, nunc infirmum eumque in aliis sursum erectum, in aliis deorsum inclinatum, nunc pro-  
pe nullum. Est quædam capite maximo, quæ dicitur & pingitur sub Cinara maxima Angli-  
Lob. Hætenus C. Bauhinus. Has omnes varietates, si ex eodem semine proveniant, vel aliquan-  
do provenerint, specie convenire libenter concesserim, quemadmodum Malos & Piros omnes  
eiusdem speciei esse contendo ob dictam rationem; quamvis in earum ramis, foliis, & præcipue  
fructibus, magna observetur accidentium diversitas & dissimilitudo. Observavi tamen tum in An-  
glia, tum in exteris regionibus duas Cinararum differentias, quas specificas esse suspicor, alteram  
capitibus longioribus, squamis sese sponte recludentibus & à capite extantibus; alteram capitibus ro-  
tundis, laminis arctè compactis & sibi invicem incumben-  
te, & plures producit fructus, simillimos iconi Cinare maxime Anglice apud Lobelium ab aliis  
Botanicis. Cæterum si ex eodem semine, ut J. Bauhinus & Lugdunensis Hist. Auctor affirmat,  
Cinara hortensis aculeata & non aculeata proveniant, poterant quoque & hæc etiam varietates ab eo-  
dem semine aliquando oriri, cultuque fortasse & mangonio aliquantulum immutari.

Ufus.

Apponuntur capita in aqua cum tantillo sale decocta donec tenerescant, eorumque pulpa  
squamarum ungues eduntur cum butyro cui modicum aceti & piperis admiscetur: nec tantum ca-  
pita nondum florescentia sed & caules teneriores elixatos & cum butyro & aceto conditos com-  
dunt Germani & Galli. Itali capita raro decoquunt, sed cruda cum sale, oleo & pipere vo-  
rant.

Vires.

Venerem in utroque sexu irritare dicuntur, ut quod maximè. Nil mirum igitur (infr. Bauhi-  
nus) si in tanto pretio sint, ut sine cibo hoc, nisi tempus anni neget, vix ulla opipara sit aut ad-  
cialis cœna: imò mulieres Carduum hume adeo ambire; ut diligentiori earum culturâ effectum sit,  
ut non tantum echinata eorum pinea, sed radices, caules & folia, per totam hyemem, quæ cætera  
contabescunt, nobis in cibum suppetant.

Scolymus urinam ciere præcipue traditur, quem tamen affectum in nobis non sumus experti.

Truncus Cinare, autore Jouberto, ex melle potius condiendus adversus pulmonum infarctum  
Sumi verò debent Cinare caules terrâ obruti, & candidiores facti saporisque mitioris.

Cinara sativæ folia in Zythogalo, seu liquore possent nostratibus dicto è lacte & vinò albo paro-  
to, decocta ad icterum imprimis commendantur ut medicamentum nulli secundum.

Cinara stercorata & solutam terram diligit. Columella, multo cinere stercorandam dicit: illi  
enim genus stercoris huic oleri videtur aptissimum.

Hyemes asperiores agrè tolerat, ideoque hortulani nostri stramine aut fimo eam contegere so-  
lent.

2. *Cinara sylvestris* Ger. *sylv. latifolia* C. B. *Scolymus Dioscoridis* Park. *Carduus Scolymus syl-  
vestris* J. B. Wild *Artichoke*.

f. B.

Sativæ persimilis est, caule procero, hominis altitudinem assequente: Folia amplissima, cœli  
sativæ, sed tomento copiosiore obducta, quorum nulla est lacinia quantumvis exigua, quam non  
arment spinarum mordacium flavescens spicula, quibus & singula capituli squamarum extrema,  
sed majoribus multo rigidioribusque horrent; ipsa verò capita sativi capitibus magnitudine cedunt.  
Flos stamineus consimilis, purpureus. Semen Cnici. [Verius Flos ex stoliculis laciniatis arcti spinis  
componitur.]

Locus.

In Sicilia & Italia, necnon in Gallia Narbonensi subinde occurrit.

Vires.

Floribus ejus coaguli loco ad lac in caseum densandum rustici utuntur: ejusdem florem vulgo  
credunt contra foeminarum sterilitatem valere, & gravidarum partus ad justum usque tempus con-  
tinere.

\* 3. *Cinara spinosa* cujus pediculi estantur C. B.

De hac C. Bauhinus in Pinace sequentia habet: Foliorum pediculi terrâ obruti, candidi, à can-  
emundati, hyeme crudi cum sale & pipere in cibos veniunt: & licet capitula sint spinosissima, lo-  
gissimis aculeis armata, & vix vesca, colitur tamen ut stolones teneri gulæ arrideant.

Quam plantam intelligit hoc titulo C. Bauhinus mihi non constat. Synonyma quæ adfert,  
J. Bauhinus Scolymi sativi aculeati superius descripti synonyma facit. Parkinsonus in Parad. he-  
jus meminit sub nomine *Chardon*, proceramque & crebris acutis spinis horridam, colore glauco  
se scribit.

\* 4. *Cinara sylvestris Cretica* C. B. Park. *Carduus Agriocinara Cretensium* ex quo *Coffus* nigri  
*Officinarius* J. B.

Bellon.

Supra Chisami arcem in insula Creta (Autore Bellonio in Obs.) ea montis parte quæ Calchis-  
torum monasterium, cui nomen D. Joannis de *Prædermos*, situm est, Artichocæ sylv. genus cre-  
scit, pastoribus *Agriocinara* appellatum, cujus radicem cubitalis longitudinis, & humani cruris cras-  
situdinis, foris & intus nigram, pyri in modum turbinatam *Coffi Indici* loco in Aromatariorum  
officinis venalem esse asserimus. Capita fert instar Cinare sive Artichocæ, quæ pastores cruda  
mandant.



mandunt. Ejus *stos* maxima, ex parte candidus est (licet & purpureus inveniantur) & suavis odoris. Ipsius radices Chamæleonis albi radicibus similes sunt, & *folia* Chamæleonis nigri foliis. Differt ab aliis Artichocis sylvestribus multis Italix locis nascentibus.

\* 5. *Cinara sylvestris Pyrenæa. Centaurium foliis Cinaræ Cornut. Centaurium majus Pyrenæum Park.*

*Cornut.*

Brachiali radice atræ crassitudine in altum descendit; *folia* ampla magnitudine laciniolis, divisa *Cinara* folia referentibus, colore supra viridibus, infra candidis: tenuis quippe lanugo hæc parte nascitur, adeo lævis & polita, ut coloratam potius quam tomento obductam putes. Naturæ lusus detegitur cum rupti folii portio utraque à se divellitur. Bicubitalis *caulis*, angulosus, lanuginosus, foliis undique luxurians, in plures alas dividitur. Fert in cacumine *capitula* calathi effigie, squamulis aculeatis imbricatis aggestis hispida, quæ exiguæ *Cinara* magnitudinem implent, color fulvus: dum dehiscunt singula florem aphyllanthem, purpureo quodam glomeratum corymbo expandunt (quod vix ante Augustum apud nos evenire solet) Excusso flore *capitula* clauduntur: inest iis *semen* copiosum, Cnico simile; paucis inde diebus maturitate paulatim dehiscencia inclusa lanugine semina ostendunt. Sapor austerus & subamarus. Bilem subducit intestinis morantem, summoque habetur contra rheumatismos præsidio.

Montium Pyrenæorum incolæ est.

*Planta hæc foliorum divisura & colore, capitulorumque magnitudine Cinaram se prodit esse genuinam. Et forte ab hac specie semine satâ, & in hortis cultâ ortæ sunt omnes Cinararum hortensium varietates.*

*Locus.*

\* 6. *Chamæleo albus Apulus purpureo flore gummi Col. albus verus acaulis Park. Carlina acaulis gummi C. B. rectius me iudice Cinara acaulis gummi dicenda.*

*Col.*

Huic radix crassa est admodum & longa, foris rufescens, intus alba, lactescens, aromatico gravi parum odore, non injucundo, cerebrum petente; dulci sapore, edulis: quæ cum extirpatur, si vel minima fibrilla violetur, statim ea parte lac emittit, in grumos ob viscositatem concretescent; etiamque grumis hærentibus invenitur effossa circa summas radicularum loboles, ex quibus fruticæ observavimus & in plantas plures dividi vetustate: in quibus singula capita orbiculata, mali parvi magnitudine, singulis foliorum umbilicis hærentia inveniuntur, echinata, ut in vulgari Carlina, humi jacentia. Huic verò spinosum caput five *Acanus*, in quo *stas* concipitur, minime ut in vulgari à radiantibus foliolis illis veluti coronâ dispositis inter caput & folia magna circumdatur, (quibus caret) nec floris umbo planus atque depressus conspicitur inter pallentes ejusmodi barbulas magnas undique radiantes, illumque Chrysanthemum ritu coronantes; sed elatior, tumescens, rufas minutâque barbulas seu potius squamas occultans, atque papposus. *Flosculi* quidem in quinque partes singuli dividuntur, tenues admodum ut capillares ferè videantur, non secus ac in floribus Scolymi five *Cinara*, quibus simillimi effigie, colore verò non ita cæruleum imitantes, sed potius purpurascens. His marcescentibus candidum pappum emittunt interna *semina* singulis flosculis subjacentia, ut in *Cinara* & *Acanaceis*, oblonga, cinerea, splendida, non ut Cnici crassa, sed Cnici modo contenta & effigie.

Junio mense acanum profert, Julio dehiscere incipiens suaverubentem canam lanuginem ostendit, quæ deinde Augusto extuberans, purpureo colore florens perficitur; Septembri perfecto canescens pappo cum semine evolante. *Folia* huic pedalia vel majora, magis profunde incisa & spinosiora vulgari, Scolymi five *Cinara* similiora divisurâ, colore albicantia velut canescencia, infernè hirsuta; [quandoque virentia in eruptis Maio mense observavimus, ut diversa videretur planta:] in vetustioribus & arescentibus rubentia, ut in aliis plantis observatur.

*Tempus.*

In Apulix Cirinola sterilibus devexis locis Occidentalibus editis frequentissimam observavimus hanc plantam.

*Locus.*

Rustici armentorum duces gummi quod in Acano & inter spinosa folia calicis emanat colligunt ex hac in Apulia, illudque appellant *Cera di Cardo*, quia concretum velut cera durefcit, atque ubi attrahendi opus fit eo utuntur. Vix enim est planta cui sponte gummi hoc non hæreat. Non secus ac viscum dum recens est adhæret, & in fila protenditur, colore candido, nam ex lacteo succo concrefcit, & deinde collectum ceræ modo densatur, contractatumque inficitur nigrescitque. Hæc omnia Columnna.

*Ufus.*

Hæc planta ob flosculos fistulares ex quibus flores componuntur ad *Cinaras* reducenda est, quibulum & seminibus & foliorum divisurâ convenit.

\* 7. *Cardus Pineæ Theophrasti Alpin. exot. Chamæleon albus gummi ut mastix ferens. Hon. Bell. Ep. I. ad Clusium.*

*Alpin.*

Ab unica radice exit, foliaque numerosa producit, longa, multa, simul à radice prodeuntia, digitum lata, in nervum acta, Papyri seu Cyperi foliis proxima, sed albidiora, duriora, latiora & lenia; in quorum medio quali obrutum caput acanaceum occultitur, spinis exterius longis, densis, in crucis modum actis custoditur: intus verò lanuginem albam, densam, induratum; in qua, & exterius in eodem capite circa spinas gummi parvum, colore fulvescens, Mastichi simile, odoratum & calidi gustus inhaerescens cernitur. Radix verò crassa ut pollex, longa, sensim ac sensim gracilescens,

D d

lefcens,

lescens, in extremumque tenuissimum desinens, exterius fulvescens in nigrum inclinans, immo alba, suaviter olens; fervidi gustus, Carlinæ similis, ab eaque differens remisso jucundiorisque odore.

Ex insula Creta accepit Pr. Alpinus pro Chamæleone albo, quam tamen sententiam improbat & refutat, ut apud ipsum videre est in *Exot.* lib. 1. cap. 56.

Affinis est Plantæ præcedenti, non tamen eadem, ut descriptiones conferenti patebit: quamvis C. B. præcedentem plantam pro Chamæleone albo Hon. Belli, (quæ proculdubio huic idem fuit) habuerit; quod tamen mirum non est, cum Bellus Chamæleonem suam non descripsit; sed de eoduntaxat retulit, quod radicem habeat maximam, odoratam; quodque Junio & Julio circa echinum gummi destillat, quod pueri legunt & aliquantulum masticant, postea digitis lavigant & complant, complicarumque in vesiculæ formam super alteram manum fortiter impellunt, ita ut ex ictu vesicula rumpatur & strepitum edat, quo ludi genere summo opere pueri delectantur.

## CAP. II.

## De Cardui flore luteo insignibus.

**H**is ob similitudinem in aliis partibus unam addemus speciem quæ flore est cœruleo.

## De Cnico sativo seu Carthamo.

Cnicus quæ & Cneus scribitur dicitur àνδρὶς καὶ καὶ καὶ, quod mordere & pungere significat, vel àνδρὶς καὶ καὶ, quod pungendo pruriginem excitet; quod de sylvestri rectius quam de sativo dici potest: an potius à floris colore, cum καὶ καὶ exponatur croceus, rutilus? C. B.

Carthamus aut Curtamus à voce Mauritanica *Kartam* dicitur, non à καὶ καὶ, ut nonnulli volunt.

*Vires & Usus.*

Flosculis tuis condimenti vice utuntur, nec malè, cibos enim croceo colore commendant, & alvum emolliunt. Dicuntur & ictero mederi; quod, cum tenuium partium sint & tingendo apti, verisimile videtur, nam pleraque hujusmodi ictero conducunt.

Præcipuus florum usus est ad sericum aliisque pannos tingendos [colore incarnato] Quin & eorum admixtione Crocum adulterant nonnulli.

Semen tustum ac in jure carniarum aut Ciceris arietini bullitum ac potum pituitam viscosam ac aquas vomitui ac dejectione purgat; hinc medicamentis phlegmagogis accensetur. Pectori maxime confert, mirè status discit, proinde colicis & anasarca conducit. Ventriculo adversatur, idèque corrigitur stomachicis, Aniso, Galanga, Cinnamomo; quatenus tarda est operatio, additis acris, quæ urgeant ad exitum, Cardamomo, Zingibere, Sale gemmæ, &c. Dosis in infuso à ʒij. ad ʒj. N. B. Medullæ tantum ad purgationes usus est. Decorticandum autem est (monere C. Hofmanno) cum scalpello, licet magna cum molestia. Si enim quis pistillo ausit, perdit oleosam substantiam, in qua vis omnis.

Ex semine facta compositio Diacarthami insigniter confert hydropicis.

Seminis succus lac cogere dicitur, & magis ipsum resolvendæ alvi facultate donare.

1. *Carthamus sive Cnicus* J. B. Ger. emac. *Cnicus sive Carthamus sativus* Park. *Cnicus sativus sive Carthamus Officinarum* C. B. *Bastard Saffron* or *Safflower*.

*J. B.*

Tereti surgit caule singularique, qui superius in ramos dividitur. Folia per caulem ramisque indigesta, nervosa, glabra, brevibus spinulis per ambitum donata, fescunciam aut uncias duas longa, unciam ferè lata, in acumen desinentia, angustâ cervice ramis adhærent. Ramulorum extremis insident capitula inter folia squamata, è quibus flores explicantur staminei, saturo Croci rubore tineti. Semen pappo adheret oblongum, album, medullâ dulci, albâ.

*Locus.*

Seritur in hortis, & agris etiam, circa Argentinam Germaniæ urbem. Locus ejus natalis videtur esse Ægyptus: Scribit enim *Plinius* lib. 25. cap. 15. Italiam Vespasiani principatu hanc ignorasse, & in sola Ægypto celebrem.

*Tempus.*

Floret Julio & Augusto; semen interea perficitur, & eodem quo seritur anno exinde inarescit.

Carthami semen, quod homini catharticum est, Psittaci, referente Matthiolo, non solum innoxie esitant sed & commodè nutriuntur eo & pinguescunt. Caterum accuratam omnium hujus plantæ partium descriptionem si desideras, eam tibi exhibebit *Jo. Bodæus à Stapel* Commentar. in Theophrast. Hist. lib. 6. cap. 3. pag. 605.

2. *Cnicus sive Carthamus flore cœruleo* J. B. *Cnicus alter perennis* Clusii Park. *cœruleus asperius* C. B. *alter cœruleus* Ger. *Blue flowered bastard Saffron*.

*Clus.*

Unicus plerunque huic *caulis* est, interdum statim à radice dividitur in binos, ternos aut quaternos ramos, cubitales, firmos & lignosos, perinde ac ipse caulis, nullis tamen aut quàm paucissimis aliis ramis præditos. Folia panè Cnici vulgaris, candidiora, paulò longiora, & pluribus versis distincta. Capitula Cnici è squamis imbricum instar sibi invicem impositis conflata, è quibus florum colore



colore diversus, nam luteus non est, sed ex multis staminibus [ rectius flosculis ] cœrulei coloris constat. Semen Cnici semine minus & subruffum. Radix pollicaris crassitudinis est, carnosa, succulenta, foris fusca, non annua, ut vulgaris radix, sed aliquot annos interdum permanens.

Circa Cordubam in segetibus inventus est à Clusio & in agro Hispalensi, florens Maio & Junio. Locus & Tempus.

\* *Carthamus sativus flore croceo Tingitanus* Hort. Lugd. Bat.

Hæc species nomine tantum nobis cognita est, ideoque nihil dum habemus quod de ea dicamus.

3. *Carduus benedictus* J. B. Ger. Park. *Cnicus sylvestris hirsutior sive Carduus benedictus* C. B. Poly Thistle.

J. B.

Radice nititur albâ, multifidâ, succosâ. Folia ei laciniata, Sonchi aut Dentis leonis ferè divisa, spinulis brevibus armata, sine pediculis caulibus adnascencia, alternatim posita, hirsuta, colore quem in Boraginis foliis cernere est. Caulis ab eadem radice singularis, multis alis concavus, & ab imo statim plures emittens ramos, supinus partim, partim erectus, subpurpureus, striatus, villosus. Flores parvi, lutei, multis flosculis quinquepartitis compositi, stylo trifido in uniuscujusque medio extante, quem quinque staminula apicibus longis, fulcis, sibi invicem adnatis, & velut tubulum quandam efformantibus donata amplectuntur. Floribus subsunt capitula squamata, squamis majoribus splendentibus, quarum singula in spinas longas, erectas, utrinque itidem spinulis dentatas, florem obvallantes exeunt. Singula autem capitula sex septemve folia erecta, e latâ basi in acutum mucronem paulatim desinentia calicis in modum circumambiant. Tum folia hæc, tum spinulas modo dictas lanugo multa intercedit & connectit. Capitulis multo pappo stipatis semen inest oblongum, striatum, subluteum, floccis rigidiusculis radiatis appensum.

Tota planta amarore insigni prædita est, radice excepta quæ nobis gustantibus vix leviter amaricare videbatur.

Experientiâ didici (quod ante nos observavit F. Columna) capitula hujus Cardui antequam flores pandantur, & florida mensè Maio (apud nos Junio Julioque) recisa succum sanguineum paucum fundere. J. Bod. à Stapel.

Carduus hic, ab immensis viribus quas habere creditur *benedictus* & *sanctus* denominatus, ad Fredericum III. Imperatorem ex India missus fertur. Quod ut non nego (inquit C. Hofmannus) ita compertum fuit postea in Europa etiam spontaneum esse. Nam & in Lemno insula nascitur, Autore \* Bellonio; Qui à nostris vulgo *Carduus benedictus* appellatur, sponte in agris nascitur, nec ali-  
quâ culturâ indiget. Græci nomine corrupto *Gaidieracantha*, hoc est asinam spinam nuncupant: atque  
etiam in Gallia, nimirum in arduis Alpibus Galloprovinciæ prope Monasterias, *Marignols* vocatis, ubi effodiuntur crystallinæ, irides, & varii coloris alii lapides: Crescit in summo montis rigidior & aliquanto minor hortensi. \* Lib. 1. Ob-  
serv. cap. 25.  
Locus.

Hujus vires ab aliis fusè traditas sic paucis complectitur C. Hofmannus: Plurimum potest in decocto, præsertim in Vino cum febris abest; minus in pulvere; iterum minus in aqua destillata. Laudatur in piritosis capitis affectibus, hemicrania, surditate, vertigine, epilepsia; destillationibus ad pectus; quin in hydrope, quartana, omnibus febribus longis, quippe ab obstructionibus pendentibus. Vires.

Laudatur in colicis, nephriticis, ischiadicis, partim discutiendo, partim ad vias urinarias deducendo.

Præcipua ejus laus est in peste foras & intus: intus pro præservatione & curatione, sudoribus ciendis; foris pro ruptorio bubonum. Ideo in aliis etiam apostematis usurpatur.

N. Si sub initium Junii collectus fuerit vulnera recentia mirabiliter sanat, sin alio tempore nunquam id præstabit.

Nostrates in zythogalo seu liquore Possleti dicto herbam exsiccatam decoquunt, eoque utuntur minore dosi ad sudorem provocandum, in larga quantitate ad vomitum ciendum; & ventriculum expurgandum.

Vinum tempore Autumnali cum eo factum paulò minus quàm panacea est apud vulgus Germanicum. Hofman.

Pervelim Medicinæ candidatos observasse (inquit Simon Paulus) vix huic secundam aliquam receptum iri herbam in consolidandis putridis & contumacibus ulceribus & in Cancro ipso. Testantur nonnulli mulierem quandam, cujus mammae cancro ad costas usque consumptæ fuerant aquâ destillatâ, pulvere foliorum insperso mundatam ac sanatas fuisse. Putrida & cava ulcera cujusdam viri, cui erosa fuerat ad ossa usque caro omnis tibiæ, quique bona omnia in curatione frustra expenderat Arnoldus Villanovanus vidisse se refert hac tandem ratione sanata. Recentia Cardui benedicti folia contusa cum vino generoso decoquebat, additâque postea liquefacta porci axungia ebullire sinebat, tandem injectâ farinâ Triticeâ continuè spathulâ agitabat, quoad omnia in Emplastri consistentiam coalescerent, quod calidum bis quotidie ulceribus imponebat. J. B.

Memorant alii Paviæ olim quandam puellam incautè toxicatum pomum esitentem, cum mox urgeretur enormibus symptomatis, quæ neque Theriacâ, neque Alexipharmacis mitigari potuerunt, solus aquæ Cardui benedicti hâustu esse servatam. J. B. Hæc equidem apud me fidem non inveniunt.

In Scorbuto Carduum Benedictum mirè laudabat nostro tempore Jo. Jacobus Hortigius Med. Veneris. Hieron. Velschius Obs. 51. Habui à D. Soame.

4. *Atractylis* Lob. Ger. *lutea* C. B. *flore luteo* Park. *vera flore luteo* J. B. *The Distaff Thistle.*

Col.

In planta juvene & tenella *radix* parva est, duro cortice, foris pullo, dulci sapore, gravi odore: *Folia* prima carnosa, humi hærentia, expansa in orbem, lata, oblonga, (triuncialia aut longiora) per ambitum aculeata, quæ postea lacinis paulatim dissecantur, *Calcitræ* vulgaris & aliorum Carduorum modo, virentia, sed alba lanugine obsita, aspera sed non pungentia dum in terra jacent, atque pluvia marcescunt antequam caulis erumpat. In vetustiore verò planta lignosa est *radix*, atque *folia* dodrantem longa & minora, cum caulis erumpit (mense Aprili) lævia, profundè lacinata, aculeata magis, duriora atque pungentia, bipedalem *caulem* alternatim ambientia, qui solidus, rotundus, hirsutus, crassus, atque in summo alis divisus paucis, in quibus minora habentur folia, Cnici formâ & modo hærentia, inter quæ lanosior araneosa veluti ac longa lanugine dependente obsitus est (ficuti & alæ) tactu gummosus, odoratus, gravi & aromatico odore, thus quodammodo imitante, sed graviore nec tamen ingrato. Ab ima florum parte ut & summis virgis oblonga dependet lanugo, ut ex colu solet ad nendum aptatâ, ob cuius similitudinem *Atractylis* hæc dicta fuit. *Capitula* tria aut quatuor sylvestris planta profert Julio mense, *flores* luteos obsoletos minutis foliolis ut Cnici constructos, paucos & inconcinuos edentia; foliaque tunc magis rigent atque pungunt atque etiam capitula, nec succum amplius fundunt affrictis venulis, ob humoris diminutionem & siccitatem. Singulis floribus Cnici modo & Acanaceorum singula subsunt *semina*, minora verò, nec pappum hirsutum & plumosum ut in aliis, sed radiatum velut stellæ, radiis latis in acutum desinentibus, fulvescentibus, splendidis, inæqualibus. *Semen* verò quadratum, rhomboides, Cnici æmulum, ex albo purpurascens primum, deinde flavescens atque perfectum nigrum, splendidum, punctis velut inscriptum. Caulis cum florere incipit jam denudari incipiens, pauca tandem circa capitula folia relinquit, eaque maximè pungentia, durus, atque cacumine hirsutus, ut *Colitis* vicem de se præbeat atque æmuletur, dependente veluti stamine candicante illa oblonga lanugine.

Hujus plantæ *radix*, folia atque capitula virentia, avulsa aut recisa quovis anni tempore ab ortus initio seu germinatione prima ad florum usque productionem (postea enim arefcit) sanguineum succum semper emittunt, in venulis servatum, nam in carne aqueum vel virentem habent. In radice disrupta aut caule reciso venulæ circa corticem dispositæ cruentâ stillâ emicante se produnt.

Locus.

In Italia & Gallia Narbonensi, necnon circa Genovam, ad vias & agrorum margines ubique frè provenit.

Nunquam observavimus *Atractylidis* florem colore purpureo variare, ut volunt Lobelius & Donæus.

Quin si reperiat hujusmodi *Atractylis* solo floris & foliorum glabritie à descripta diversa, non libenter pro specie distincta, ut vult C. Bauhinus, eam admiserim.

\* 5. *Calochiemi Carduus Cretensis* J. B. *Atractylidis & Cnici sylvestris similis* C. B.

Cum Hon. Bellus hanc plantam *Atractylidi* similem, majorem tantum fuisse ad Clusium scribat. Et Clusius eandem semine à Bello misso natam, (quæ antequam florem proferret gelu corrupta est) *Atractylidi* pariter valde similem dicat; neuter autem plantam in statu viderit, nescimus an illa in re quam magnitudine sola à vulgari *Atractylide* differat. D. *Covell* semen ejus titulo maris *Atractylidis* ad D. *Dent* Cantabrig. misit. Veteres *Atractylidi* magnam vim contra venenata animalia tribuunt: item contra fungos. Fabulosum est à Scorpione percussos quamdiu teneant eam herbam non sentire cruciatum.

*Atractylis* dicebatur, quod eâ antiquæ mulieres pro fuso uterentur. *Ατρακτυλ* enim fustum significat. Imò nunc dierum in Thracia circa Constantinopolin caulibus ejus pro fuis utuntur mulieres Græcæ, id attestante D. *Covell*. Ibi enim humanam altitudinem assequitur, cumque adoleverit folia decidunt & caulis rigidus evadit. Est autem hæc ab *Atractylide* vulgari hirsutior, quæ ibi etiam passim oritur, specie diversa, eodem asserente in literis ad D. *Dent* Medicum & Pharmacopolam Cantabrigiensem datis.

\* 6. *Cnicus singularis* Alpin. exot. alter *Creteus* Park.

Alpin.

In Creta nascitur, unicum *caulem* ab radice producens, rectum, rotundum, semicubitalem, hinc inde *foliis* longis, in acutum desinentibus, undique crenatis & spinosis vestitum: in cujus summitate caput extat inter folia spinosa consertum, *Atractylis* magnitudine: è quo exeunt capillamentata denia, crocei coloris, simul stipata *florem* constituentia, in quibus *semina* alba Centaurii majoris similia continentur. *Radix* verò est crassa, longa, ad Rapunculi radicem accedens, nigricans.

Seminibus utuntur montani purgationis causâ.



## CAP. III.

## De Carduis Spinulis mollioribus, sive

## De Cirsio.

**C**irsium *Kirsium* dicitur quòd varicum dolores, quos Græcorum medici omnes *Kirsus* vocant fedet leniârve.

Cirsium Recentioribus dictum à cæteris Carduis spinularum mollitie & imbecillitate differt, à Cnico, Carduo benedicto & Atractylide tum capitulorum parvitate, tum florum colore purpureo.

Carduum pratensem Tragi & Carduum bulbosum Monspelienfium ob spinularum mollitiem sub hoc titulo comprehendo.

1. *Carduus pratensis latifolius* C. B. *pratensis Tragi* J. B. *Tragus his Meadow Thistle.*

J. B.

Novicellus est Tragi pratensis carduus & mitibus spinis donatus. *Caulis* striatus, glaber, trium, quatuorve cubitorum altitudine; cui *folia* ex longis intervallis adnascuntur pallidè virentia, alia cubitum longa, alia palmum, alia satis profundè laciniata, alia duntaxat ferrata, mollia & tenera. Ramis in quos caulis finditur infident capita satis magna, simul multa congesta, mollia, è quibus flores exeunt ex flavo pallefcentes: *Semen* Cnici minus: *Radix* crassa.

In pratis Rheno vicinis propè Argentoraturn, Basileam, &c. abundè provenientem & Julio men- *Locus* se florentem observavimus: J. Bauhinus in pratis montis *Thuri* non longè à Geneva; & in monte *Tempus* propè oppidum S. Hippolyti.

Quòd folia in cibis quoque ut reliqua olera expetantur idèd à mulierculis *Brassica graminea* appellatur. Est autem inter omnes Carduos hic tenerrimus, si spinas consideres molliusculas J. B.

Aprili menfe quotannis nova candida folia è capillata exeunt radice. J. B.

Loca natali [in pratis] & floris colore pallido ab aliis omnibus Carduis facilè dignoscitur.

2. *Carduus pratensis Asphodeli radice latifolius* C. B. *bulbosus Monspelienfium* Park. *bulbosus Monsp. sive Acanthus Sylvestris quibusdam, foliis laciniatis* J. B. *Tuberous-rooted Thistle of Montpellier.*

J. B.

Fecit *florum* non inepta similitudo ut *Acanthi sylvestris* nomen meruerit: sunt ea namque *Acanthi* seu *Branche* urfinæ foliis aliquatenus similia, admodum nigricantia, paulum hirsuta, vel potius tomentosa, crassiuscula, cum spinulis in extremitatibus laciniarum, quorum pediculi ad radicem rubescunt. Caules bicubitales, rubentes, imprimis parte ima, quorum ramis longis capita infident aliquot, Cirsii capitibus similia, miti, squarrosò echino, floribus stamineis purpurascensibus comato, qui tandem in pappos resolvuntur: *Semen* album oblongum. *Radices* ex uno capite plures dependent, turgidulæ, bulbos imitatur, sapore nonnihil falsuginoso, in quo & Plantagineus guttus elucet.

*Locus.*

In pratis Monspelio vicinis abundè oritur, ut tituli initio allati indicant.

3. *Carduus Cirsium dictus folio laciniato nigrius, & idem cum Asphodeli radicibus bulbosis* J. B. *An Card. pratensis Asphodeli radicibus* Park?

J. B.

Cirsio affinis est hic Carduus, laciniatis spinosisque membranis *caulem* striatum ornantibus: at verò *folia* palmum & sesquipalmum longa, glabra, nigricantia, profundis *Carlinæ* vulgaris laciniis incisa, rigidioribus spinis horrentia: scapi foliosam & spinosam fimbriam habent, & in longos ramos dividuntur: in quorum extremitatibus flores purpurei, verum capita squamata singularia unde emicant. *Radix* satis crassa, à quâ pendent prælongæ fibræ nigræ, Hellebori nigri vulgaris æmulæ. Hæc descriptio est ex planta ficca, quæ fortè bulbosa fuit.

In montibus propè Genevam sponte oritur: J. Bauhinus eundem observavit in montibus circa *Locus* *Wasserfall*, florens Augusto. *Tempus.*

Dubitat J. Bauhinus an sit *Acanthus sylv.* alter *Dalechampii Lugd.* quem C. Bauhinus titulo *Cardui pratensis Asphodeli radice, foliis profundè & tenuiter laciniatis* proponit: estque *Jacea tuberosa Ger. & Tab.*

4. *Cirsium montanum maximum* Park. *Cirsium tomentosum radice bulbosa, quibusdam Leucacantha Anguillaræ* J. B. *maximum Asphodeli radice* Ger. emac. *An Clusio Cirsium 4. sive montanum 2?*

J. B.

Ex eodem capite multæ pendent radices *Pæoniæ* vulgaris [aut *Asphodeli*] more, candidæ, gustu ferè insipido; unde *folia* primùm promuntur dodrantalia & cubito longiora, mollia, incanâ lanugine supra, infrâque obducta, per ambitum dentata & paulum velut laciniata, spinisque brevibus & mitioribus obsita, in acutum definentia: post *caulis* & is quoque foliosus attollitur, bicubitalis & major, crassus, incanus, [cristatus seu fimbriatus] inque ramos summa parte divisus. Flores singulis, nudis & prælongis pediculis infident singuli, è capitulis squarrosis, albicantibus, spinulis

nulis mitioribus obfistis, minoribus quàm pro plantæ magnitudine exeuntes, flosculis purpurascen-  
bus compositi, qui in pappos abeuntes *semen* relinquunt parvum, album.

Plantam hanc grandem sanè & speciosam in hortulo nostro Cantabrigiæ aliquando aliumus.  
Parkinsonus eam sub titulo superius posito exactè describit, & pro Cirsio maximo Asphodeli radi-  
ce C. B. i.e. V. Clusii seu *max. montano, incano fol. bulbosa radice*, habet. J. Bauhinus ad quartum  
Clusii refert, i.e. Cirsium foliis non hirsutis, floribus compactis C. B. minùs rectè.

5. *Cirsium maximum foliis carnosiss, bulbosa radice, fortè Luterianum* J. B. *Cirsium max. Asphodeli  
radice C. B. maximum montanum incano folio, bulbosa radice sive V. Clus. an idem præ-  
denti?*

*Clus.*

Ad Cirsii genera refert Clusius etiam id Cardui sive spinæ mollis genus, quod in bicubitalem &  
majorem interdum altitudinem excrescit, pollicaris crassitudinis caule, striato, incanâ tomentosâque  
lanugine obfistito: *Folia* illi majora quàm in superioribus generibus, magis carnosâ, succi plena, vi-  
ridia, in ambitu dentata, mollibusque spinis hirta. *Capita* in summo caule summisque ramis ma-  
jora jam descriptis, quæ in stamineos, purpureo colore nitentes flores expansa, maturitate in pap-  
pum resolvuntur, *Radix* multis crassis fibris, Asphodelinos bulbos satis referentibus & oblongis  
firmatur.

*Locus.*

Nascitur in montanis pratis, etiam ad piscinarum udos margines, inter falices Amerinas quoque  
& harundines. Floret Julio.

Cirsium hoc à superius proximè descripto differt, foliis carnosiss, viridibus, Floribus majoribus.  
J. Bauhinus diversam ab eo speciem facit. Ego cum Johnsono & Parkinsono nostratibus potius  
idem crediderim, quamvis (ut verum fatear) notæ illæ, nimirum *folia habere viridia, flores majores  
aliis Cirsiiis*, præcedenti non convenient.

6. *Cirsium foliis non hirsutis, floribus compactis C. B. montanum capitulis compactis* Park. *Cardum  
Cirsium Monspelianum folio longo glabro Matthioli* J. B. *Cirsium foliis non hirsutis* Ger.  
emac.

*Radix* & ima *folia* (inquit Lobelius) Dipfaci modo & ortu, Buglossi angustifolii acutiora, & le-  
vibus hirsutisque spinis asperiora, longiora, viridia. *Caulis* ut plurimum singularis, binos ternove  
cubitos æquat, angulosus, rectus, incanus, tener Sonchi modo: in cujus summa parte flores rotundis  
oblongis capitulis Cardui, purpureis, densis conflati staminibus, in pappos desinentibus, relicto co-  
guo, oblongo, Cardui *semine* fulvo.

*Locus.*

Ad Ladum amnem & alibi propè Monspelium copiosè provenit.

- A. 7. *Cirsium Anglicum* Ger. emac. Lob. *Anglicum primum* Park. *Anglicum radice Hellebori  
nigri modo fibrosa, folio longo* J. B. *majus, singulari capitulo magno, vel incanum variè dis-  
sectum* C. B. *The English soft or gentle Thistle.*

*Radix* plurimis fibris majusculis albescentibus constat, sapore amariuscule & nauseoso. *Folia* ad ri-  
dicem tres aut quatuor digitos longa, & interdum longiora, pro ratione soli in quo crescit, sesqui-  
digitum lata, superne brevibus pilis hirsuta, inferne nonnunquam incana lanugine obducta, circa  
margines spinulis crebris, brevioribus tamen & mollioribus quàm reliqui ferè Cardui, armata, si-  
nuata & crispa, interdum etiam incisa, non tamen profundè. *Caules* pedales aut cubitales, teretes,  
striati, lanuginosi, uno vel altero folio, absque pediculo adnascente donati, plerumque singulares  
& non ramosi, unicum in summitate *florem* gestantes purpureum, calice multis squamulis imbrica-  
tim compactis nonnihil purpurascens & acutis composito obvallatum. *Flos* autem Jacez æmulus,  
è plurimis flosculis dense stipatis, singulis in quinque segmenta divisus, & singulis feminibus pappo  
coherentibus, componitur. *Caulis* ex ala folii superioris interdum alterum emittit *florem*, semis  
se explicantem, & postquam flos primarius in pappum obierit.

*Locus &  
Tempus.*

Junio mense floret, estque in palustribus frequentissimus.

C. Bauhinus cum capitulum magnum huic plantæ attribuat, & folia variè dissecta, non leviter  
errat.

*Cirsii primi Pannonici pratensis* Clusii descriptio in omnibus ferè huic nostro convenit, ut vix dubi-  
tem eandem esse plantam: fibras duntaxat radicis nigricantes facit, & foliorum colorem caesium.

Ceterum Cirsium hoc radicibus sub terra reptantibus & nova germina subinde protrudentibus,  
latè se diffundit.

- A. 8. *Cirsium Britannicum* Clusii repens J. B. *Cirsium aliud Anglicum* Park. *Cirsium singulari  
capitulo squammato, vel incanum alterum* C. B. *The great English soft or gentle Thi-  
stle, or melancholy Thistle.*

*Clus.*

Planta est caule singulari, cubitali aut ampliore. *Folia* per caulem alterna, longa, in ambum  
spinulas mites, minimeque pungentes habentia, quorum supina partes virent, pronæ albicant, &  
canâ lanugine obducuntur. In summo caule capitulum unum Carduorum modo, quasi ex squa-  
mis mucronatis compactum, *florem* sustinens satis magnum, ex multis apicibus, colore ex rubro pur-  
purascens, ac tandem in pappum abeuntem: *Radix* est nigricans, fibrata, quandoque per magnas  
fibras se propagans. Floret Julio & Augusto.

Pro



Provenit in pratis ad radices montis *Ingleborough*, circa *Settle* oppidum, & alibi in montosis agris *Locw.* *Eboracensis* & *Westmorlandici*.

Hæc planta Londino ad nos olim transmissa est sub nomine *Cardui mollis Helenii folio*, & sanè re seriò perpensâ suspicamur *Cirsium* hoc nostrum majus repens, & *Carduum* mollem *Helenii* foliis non spinosum *Camerarii* unam & eandem specie plantam esse. *Camerarius* in eo describendo nimis brevis est.

9. *Cirsium montanum capitulis parvis* Ger. emac. aliud *montanum* Park. singularibus capitulis parvis C. B. foliis non laciniatis, virore *Brassicæ*, & macrocaulon J. B.

*Clus.*

Multa profert folia oblonga, *Centaurii* majoris non laciniati foliorum propemodum æmula, *Brassicæ* foliorum colore & viriditate, fatis carnosâ, in ambitu crebris aculeis prædita: inter quæ medius exit caulis, cubitalis aut amplior, striatus, quem alternè ambiunt folia superioribus minora, latiore pediculo eum amplectentia, & veluti membranaceas quasdam alas ad proxima folia, secundum caulis cui adnatæ sunt longitudinem producentia; eâ de causâ caules quodammodo alati apparent: summus caulis in hispidum multisque squamis imbricatum caput definit, quod tandem in florem stamineum purpureo colore rubentem explicatur & propendet: in superioribus alis nascuntur interdum ramuli quidam, lanugine obfiti, similes sustinentes flores, qui deinde ut alii in pappum & lanuginem resolvuntur, semineque in eâ reliquis simile occultant. Radix minimi interdum digiti crassitudine, aliquot fibris donata & vivax, singulis annis propagines è lateribus furdit.

In montanis quibusdam sylvis *Pannoniæ*, ut supra *Polsonium* & *Nemethwywar*, aliis etiam ad *Tempus.* *Alpes* tendentibus, supra *Badenses*, viz. *Thermas*, & vicinis. Florebat Junio. *Clus.* Nos in Italia & *Locus* circa *Plombinum* portum vel hoc idem *Cirsium*, vel ei simillimum observavimus.

*Cirsium majus alterum* Ger. i. e. majus Lob. quam plantam sit, & an à præcedentibus omnibus diversa, ignoravimus.

*Dod.*

Nos in ampla planitie propè *Augustam Vindelicorum*, viâ quæ ad *Monachium Baviaræ* ducit, duas *Cirsii* species observavimus, nescio an à supra scriptis omnibus diversas, eas enim (quod dolet) non satis accuratè descripsimus.

9. Priori flos *Cirsii* Anglici minoris seu primi Park. flori simillimus, & in uno caule plerumque unicus, quemadmodum in illo: Folia verò profundè ad mediam usque costam laciniata & spinulis horrida ad modum ferè *Cardui* viarum vulgatissimi, pallidè viridia. Augusti 24. nondum defloruerat.
10. Alteri, quod tum planè defloruerat, folia viridia erant, breviora & latiora quàm præcedenti, in ambitu spinosa & *Hyoseridis* masculæ foliis figurâ suâ nonnihil similia.
11. *Cirsium Alpinum*, foliis minùs profundè laciniatis, creberrimis spinis oblongis.

Hanc speciem in Alpibus *Carinthiacis*, & circa *Augustam Vindelicorum* observavimus. Foliis erat ad radicem pluribus, palmum aut sesquipalmum longis, unciam aut fescunciam latis, acuminatis, obscurè virentibus, glabris, ad margines leviter nec profundè incis, creberrimis & oblongis acutis, sursum modicè inflexis spinis horridis. Caulis ejusmodi foliis sed angustioribus & minoribus donatur; & spinosis fimbriis armatur, inque ramos dividitur, in prælongos, tenues, hirsutos pediculos delincentes, quorum singuli singula capitula parva, purpureis floribus conspicua, calyce squamis brevibus non aculeatis compacto, sustinent.

#### 12. *Carduus tricephalus horti Carthusiani.*

*Carduum* hunc in horto maximi *Carthusianorum* cœnobii vidimus. Erat autem (quantum meminimus) satis procerus, foliis ad radicem integris *Cirsii*, pari modo circa margines spinulis brevioribus & mitioribus cinctis. Caules & ramuli fimbriis spinosis ad capitula usque excurrentibus aucti, tria insigniora capitula, parva, breviora, latiuscula, sessilia, squamulis innoxius obfita, singuli sustinent. Insigniora dixi, nam & alia præterea pusilla, rudimenta potius capitulorum quàm capitula majoribus agglomerata observavi. Flores purpurei.

- \* 13. *Carduus mollis Lapathi folio* J. B. C. B. Ger.

*Clus.*

Pedali affurgit caule, utcumque crasso, striato, nonnihil lanuginoso. Folia illi circa radicem majora, *Lapathi* foliis ferè similia, aut potius illius plantæ, quam vulgò *Totam bonam*, five *Bonem Henricum* cognominant, quæ pediculo adherent latiora & quodammodo angulosa, extrema verò parte mucronata, in ambitu aliquantulum sinuosa, & mollibus veluti aculeis obfita, supinâ parte virentia, pronâ verò omnino incana, foliorum albæ *Populi* instar, & densâ lanugine obfita, gustu initio exficante, deinde amariuscule; quæ verò caulem amplectuntur minora sunt & angustiora, ex quorum finu circa summum caulem ramuli exeunt terna, quaterna aut plura sustinentes capitula squammata, Cyani aut Jaceæ capitulis respondentia, quæ dum expanduntur florem promunt ex œruleo purpurascens, & semen deinde continent lanugine involutum, Cyani semini non valdè dissimile,

diffimile, sed paulò majus, candicans. *Radix* nigra, aliquot tenuibus fibris prædita, dura, vivax & lateribus propagines spargit.

Locus &  
Tempus.

Clusius hunc eruebat circa secundum Sneberg excelsum admodum montis jugum, inter saxa nascentem cum Auricula urfi flavo flore, incano folio, deinde etiam in Erschero. Florebat utroque loco mense Julio.

- \* 14. *Carduus mollis angustifolius* Park. *mollis, humilis, angustifolius* J. B. *mollis folio oblongo, crispis capitulo* C. B. *Narrow-leaved gentle Thistle.*

Clus.

Humilior hic est, neque palmarem altitudinem excedit: *caule* non minùs crassò quàm superioris, multis longis *foliis* exornato, supernè etiam virentibus, infernè canà [non tamen adeò densà ut superioris folia] lanugine vestitis, & molles quædam spinas in ambitu obtinentibus, gustu etiam amaro, initio autem adstringente. Summo cauli insidet singulare *capitulum* squamatum, majus quàm præcedentis capita, ex quo *flos* multà lanugine ex cœruleo purpurascens pubescens oritur. *Semen* observare non potui. *Radix* nigra, & frequentibus subnigris fibris prædita, subinde nova germina è lateribus producit.

Locus &  
Tempus.

Crescit in summis Snealbe jugis, cum Auricula urfi, quæ glabro & splendens est folio, carne coloris flore. Floret verò Julio & Augusto.

- \* 15. *Carduus mollis laciniato folio* J. B. C. B. Park. *foliis dissectis* Ger. *Gentle Thistle, with jagged leaves.*

Clus.

Multa secundum radicem habet *folia*, cum humi sparsa & jacentia, tum surrecta, infernè cincta mollique lanugine obfita, supernè virentia, valdè laciniata, & ad medium usque nervum dissecta, Cardui stellati mollioribus & tenerioribus foliis parè similia; nullis tamen spinis horrentia, gustu primùm exsiccante, deinde amariuscule: è quorum medio unus aut alter *caulis* assurgit, cubitalis aut amplior, teres, striatus, purpurascens, & molli quadam lanugine obfusus: inferiora folia, per infimum caulem sparsa etiam laciniata sunt, licet jam dictis minora; quæ verò supremum caulem ambiunt, oblonga, angusta, nullis laciniis divisa, mucrone ut plurimum purpurascens: extremi caules in aliquot ramos interdum dividuntur (magna tamen ex parte singulares sunt, unicùmque sustinent caput) qui *capitula* sustinent ex multis tenuibus squamis imbricatis dispositis composita, molli echinata, quorum medium occupat stamineus & villosus *flos*, coloris purpurei elegantissimi. Flori flaccido & evanido succedit *semen* angulosum. *Radix* digiti magnitudinem nonnunquam æquat, subfusca, longa, aliquot fibris donata.

Locus &  
Tempus.

Invenitur hic tota illa montium catena quæ à Calenberg & Danubio cui imminet ad Alpes usque extenditur, & deinde per Leytenberg, rursusque per Prellenberg & Hamburgerberg ad Danubium duobus supra Pofonium milliariis reflectitur. Floret Maio, semen perficit Junio & Julio.

- \* 16. *Carduus mollis latifolius* Lappæ capitulis C. B. Park.

C. B. prod.

*Caule* est cubitali, striato, brevibus & mollioribus spinis armato: *foliis* Rumicis formâ, tenuibus, lævibus, venosis, palmum longis, uncias quatuor latis, marginibus exiguis spinulis dentatis. *Caulis* summitas in pediculos breves unciales abit, quorum singuli *capitulum* Lappæ vulgaris formâ, ejusque ferè magnitudinis sustinent, quod in stamineum purpureum *florem* expanditur.

Locus.

In Austriæ monte Taurerio Rastadiensium.

Carduum mollem Helenii folio *Cam.* Cirsiio Britannico repenti *Clus.* eandem esse plantam suspicantur: siquidem Cirsiium illud Britannicum sub titulo Cardui mollis Helenii folio ante triginta annos ad nos Londino missum est. Cæterum pro Carduo molli Helenii folio *Cam.* iconem Cardui mollis Lapathi folio exhibet Parkinsonus.

## C A P. IV.

De Carduis quibusdam spinosissimis nostratibus.

- A. 1. *Carduus nutans* J. B. Cirsiion tertium tota sua stirpe magis spinosum Dod. *Carduus nutans* Ger. *Thistle with a bending head, Bush-thistle.*

**R**adix huic speciei alba, lignosa, simplex, crassitudine digitali, plures è capite fibras emittens. *Caulis* indè exurgit cubitalis, ramosus, ramulis crebris caulem ipsum longitudine superantibus; striatus, hirsutus, membranulis angustis, spinosis, crispis, secundum longitudinem à folio ad folium ductis alatus. *Folia* non admodum lata, altius incisa laciniis omnibus in spinulas acutas purpurascens exeuntibus, atrovirentia, interdum lanuginosa, præcipuè averfa parte. In summis caulibus & ramulis *capitula* majuscula, lata & depressa, nutantia. Capitula intelligimus flores & eorum calices: sunt autem flores ampli, lati seu patuli, plurimis flosculis purpureis compositi: calices florum squamosi sunt, squamis in spicula lata, longa, purpurascens, rigida, pectum denticulos imitata, deorsum interdum reflexa productis. *Semen* parvum, splendens, citrinum pappo alatum & obvolutum. Capitula antequam flores explicantur moschum redolent.



In agris incultis & restibilibus non raro provenit.

Gensens de collectione hujus meminit his verbis, *Carduus arvensis* major purpureo flore (qui flore nondum nato nobis olebat) floret Julio.

Locus.

- A. 2. *Carduus polyacanthos* Park. primus Ger. emac. *Aculeosa* Gazæ Ad. & *Polyacantha* Tab. ex sententia Johnsoni. *Carduus caule crispo* J. B. *Thistle upon thistle*.

*Radix* nigrum simpliciter, alba, pluribus fibris capillata. *Caulis* surgit tricubitali, concavo, striato minus crasso quam precedentis, plurimis alis (quinque) membranaceis, laciniatis & spinosis secundum longitudinem productis horrido, crebris foliis vestito, ramoso ramis perlongis. In summis caulis & ramulis existunt flores & flosculi plurimis in capitula congestis compositi, pediculis nullis aut brevibus donati Jacæ vulg. florum ferè magnitudine. Florum calices squamosi sunt squamis extantibus, & in prælongas spinulas, molliores tamen & innocuas, exeuntibus. Color florum purpureus. *Folia* Cardui viarum divisurâ, atrovirentia, laciniata, spinulis circa margines minaciâ, viridiora quam Cardui palustris; spinulæ minores & breviores, nec ut in illo purpureæ. *Folia* in caule non ita crebra, rami majores & longiores multo, capitula tantillo majora; Flores odoratiores: Semina fusca.

In aggeribus fossarum ad sepes & inter vepres plerunque provenit.

Locus.

- A. 3. *Carduus polyacanthos secundus* Ger. emac. *Polyacanthos* Throplasti Lugd. *Carduus spinosissimus capitulis minoribus* P. B. *Wetted Thistle with small flowers*. *Carduus Acanthoides* J. B.

Hujus caules pari cum priore altitudine assurgunt, graciliores tamen sunt, paucioribus & rectioribus ramis brachiati, alis membranaceis, plurimum quatuor, latioribus quam in illo, rarioribus spinis, (longioribus tamen illis) armatis, pinnati. *Capitula* longiuscula sunt, multo tamen quam illius minora, extremis ramorum plura simul congesta, nec pediculis distincta, quæ vix unquam aperiuntur, aut flosculos suos stamineos explicant, sed duntaxat eorundem apices ostendunt, dilate rubentes. *Folia* huic ad radicem primò erumpentia latiuscula sunt, cardui lactei ferè formâ, nisi quod paulò angustiora, & per ambitum magis spinosa. Color totius plantæ, tum caulis tum foliorum, cinereus aut albicans seu canus.

In aggeribus fossarum & locis rudatis, priore tamen minus frequens.

Locus.

Addit J. Bauhinus, (qui plantam hanc accuratè describit) folia cano tomento obsita esse, potissimum inferius: superne enim (inquit) pravalet viror, inter candorem tomenti interlucens.

- A. 4. *Carduus palustris* C. B. Park. *polyacanthos* 3. Ger. emac. *Spargy Thistle*. An Quæquos alter Lugd.

Humanam altitudinem æquat & non raro superat, radice simplici, pluribus fibris albis cincta & velut comosa. *Caulis* teres striatus, rectus rigidus, foliis creberrimis nullo aut alterno ordine positus ab imo ad summum usque convestitus, & membranæ pluribus spinosis secundum longitudinem excurrentibus crispus, pilis longiusculis hirsutus, solidus, ramosus, ramulis ex alis foliorum præcipuè propè summum caulem exeuntibus. *Folia* pro plantæ modo exigua, angusta, profundè laciniata, laciniis in spinas acutas exeuntibus, purpurascencia, ut & caulis, averfa potissimum parte, secundum costam hirsuta. *Capitula* in summis caulis & ramulis plurima, parva, squamosa squamis non extantibus sed arctè junctis & appressis, in spinulas breves vix conspicuas desinentibus, purpurascencia, ad tactum glutinosa. *Flores* purpurei è plurimis flosculis arctè stipatis aggregati, stylo in singulis, [flosculis] è theca obscurius purpurea extante pallidior. *Capitula* pediculis admodum brevibus aut nullis innituntur. Odor florum valdè remissus & languidus. *Semen* pappo involutum, album, exiguum. Nullibi apud nos quam in palustribus & pratibus aut pascuis humidis oritur adeoque altitudine sua & loco natali ab aliis omnibus Carduis dignosci & distingui potest. Descriptiones quæ occurrunt Carduorum apud plerosque Botanicos breves sunt & obscuræ nimium, ut suspicer ipsos Carduorum species non rectè distinxisse aut probè intellexisse. Floris color in hac specie non raro variat, & ratione soli, ut puto, in album degenerat.

- \* 5. *Carduus pratensis polycephalos angustifolius* C. B.

C. B. prod.

*Radix* habet lignosam, fibrosam: *caulem* cubito altiore, rotundum, striatum, spinis carentem, cujus summitas in plures semipalmares ramulos, & hi quandoque in breviores dividitur. *Folia* sunt pauca angusta & breviter, spinis oblongis armata: capitula plura, parva, quibus minima subjiciuntur, exiguis spinulis prædita, & flos Jacæ similis, ex staminibus purpurascens compositus insidet, qui similiter in lanuginem abit.

In pratibus Michelfeldensibus frequens occurrit.

Locus.

- \* *Carlina polycephalos alba* C. B.

C. B.

Ad bicubitalem altitudinem excrescit, cujus folia superiora candida sunt. Apud Helvetios in pascuis provenit. Hæc C. Bauhinus in Pinacæ. Nobis incognitus est.

A. 6.

A. 6. *Carlina acaulis minore purpureo flore* C. B. *Carl. acaulis minor purp. flor.* Ger. *emac. Carl. ac. Septentrionalium Park. Chamaeleon exiguus Tragi. J. B. Chamaeleon Carl. Thistle.*

7. B.

*Folia* in orbem per terram spargit *Carlina*, profundè laciniata, hirsuta, atrovirentia, aculeis horrida: inter quæ aut nullo aut brevi caule unciali vel fescunciali, hirsuto insidentia enascuntur capitula oblonga in glandis formam, minora quàm *Carlina*, squarrosa, nec ullis spinis armata; quibus flores emicant purpurei. Radix minimi digiti crassitudine, longa, fibris aliquot crassiusculis donata obliquè agitur, colore subrubente, præsertim intrinsecus, sapore aliquantùm aromatico.

Locus.

In montosis & ficcioribus petrosisque locis non infrequens est.

Suspiciatur J. Bauhinus hoc genus *Cardui* esse quod Monachi in Mesuem *Coronam fratrum* appellant, quia caput magnum stat tanquam Pater seu Abbas, Capitula verò, tanquam filii ejus & fratres, in modum coronæ Patrem circumstant.

\* 7. *Hacub sive Silybum quibusdam J. B.*

*Rauwolf.*

Primo vere asparagos protrudit, quos incolæ secant, nostratiumque in modum coquant ac comedunt. Tota planta *Carlina* nostrati apprimè similis est, major tamen eâ, altiorèmq; erigit scapum, cui in summo capitula insident spinosa, ex quibus flosculi emicant rubelli.

Locus.

Circa Halepum locis præsertim aridis asperis provenit.

Vires.

Radix infusa potaque nauseam parit ac vomitum, ventriculòque inappetentiam imprimit.

Cùm plantam hanc *Rauwolfius* *Carlina* simillimam dicat, florèsque rubellos ei attribuat, nescio ubi eam commodius disponerem, quàm hoc in loco post *Carlina* acaulon dictam. Si *Carlina* sylvestri aut humili similis sit, & florem habet barbulis planis cuspidatis circumdatum alterius loci erit.

A. 8. *Carduus vulgarissimus viarum* Ger. *ceanothos*, sive *viarum & vinearum repens* Park. *vinearum repens folio Sonchi* C. B. *serpens lævicaulis* J. B. *Common way-Thistle, or rather creeping Thistle.*

Radice albente, fibras obiter emittente sub terra reptat, & immensum se propagat; caule subinde emittens cubitales & sesquicubitales, teretes, striatos, prope terram hirsutos, & spinulis nonnullis præditos, non tamen, ut in præcedentibus, membranis spinosis per totam longitudinem altos, medullâ farctos, crebris foliis vestitos. Folia autem laciniata sunt, & per margines sinuata seu undulata, & spinosa, supernè obscurius viridia & splendentia, infernè pallidiora. Summos caules, & ramulos terminant capitula squamosa, squamis appressis & arctè incumbenibus, in spinulis brevissimas desinentibus, purpurascencia, parva; *Cardui* palustris similia, sed tantillo majora. Flores à flosculis densè stipatis, pallidè purpurascenibus compositi. Semina parva, fusca aut obscurè ovacea. Floris color in hac specie non rarò variat. Caulis pars superior in corpus quoddam crassius ovalis ferè figuræ excrescit nonnunquam, insecti cujusdam matricem.

Locus.

*Carduus* hic in arvis nimis frequens, nec rarus in incultis & secus vias; profundè sub terra reptat, unde & difficulter admodum extirpatur.

Hanc speciem C. B. bis terve ponit sub diversis titulis; 1. sub titulo superius posito; 2. sub titulo *Cardui* in avena provenientis, ut ex synonymis patet; 3. sub tit. *Cardui* spinosissimi capitulorum aculeatis.

Ufus.

Cineres omnium optimi & firmissimi pro vitris conflandis sunt quæ à *Carduo* viarum vulgarissimo fiunt [in Angliâ intellige] quamvis & alii *Cardui* quicunque huic usui satis commode inserviunt: *Carduis* bonitate proximi sunt *Lupulorum* cauliculi tortiles floribus decerptis. Horum duorum utilitas noviter inventa & observata est. Videtur autem plantæ spinosæ & aculeatæ optimam & copiosissimam in suo genere omnium saltem præbere. D. Merret observat. in Anton. Neri de Arte Vitriaria. Hæc habui à D. Tancred. Robinson.

## C A P. V.

*De Carduis foliorum laciniis extremis in longos mucrones productis, seu lanceatis.*

A. 1. *Carduus lanceatus* Ger. *lanceatus latifolius* C. B. *lanceatus latifolius sive major* Park. *lanceolatus sive sylvestris Dodonæi* J. B. *Spear-Thistle.*

**C**aulis surgit bicubitali & altiore, tereti, pollicem crasso, intus concavo, hirsuto, membranis aliquot secundum longitudinem productis, spinosis, sagittæ ferè in modum alato, foliis crebris alternatim positos vestito. Folia autem quàm præcedentium majora sunt, in profundas lacinias divisa, extremis in spicula prælonga hastæ cuspidi similia desinentibus, singulis insuper laciniis mucronatis & in spinas acutas exeuntibus. Ex alis foliorum egrediuntur ramuli, in quibus ut & in summo caule existunt capitula plura grandia, Juglandis ferè magnitudine, & oblonga, è lata basi in angustum sensim coacta, squamola squamis extantibus & interdum reflexis, in spinu-



las acutas, miores tamen, desinentibus. Flores magni, purpurei, è flosculis dense stipatis compositi, odore nullo aut valde languido. Semen oblongum nitidum, pappo involutum. J. Bauhinus folia palmum unum aut duos longa, infra supràque hirsuta, sed densiore candidiorèque lanugine inferius donata ei ascribit.

In incultis & ad sepes ubique ferè provenit.

Locus.

2. *Carduus lanceolatus ferocior* J. B. *White flowered fiercer Spear-thistle.*

Calidarum hic regionum est, Gallie Narbonensis & similium. Folia eà ipsa ferè divisurà quà lanceolatus nobis dictus, sed multò rigidiora ac penitus adversà parte atque per ambitum spinulis dense obfita: aversà verò quà nervus rigidus seu costa in supremam spinam fatiscens, lanugine quadam obfita sunt, sed modicà. Caulis etiam crassior est, firmiorque sicut Cardui capite tomentoso. At quæ in summo sunt capita, terna plus minus, quæ & ipsa lanceolati capitibus majora sunt, minora quàm in prædicto tomentoso capite, ità spinarum oblectu horrent, ut tutò eas ac temere contrectare non sit.

Primò hunc invenimus propè Fontem quem vocant *ardentem*, à Gratiannopoli duabus circiter leucis; deinde itinere ab Auranthia ad Nemaufum; tandem propè montem S. Lupi, tribus circiter leucis Montepelio distantem. Est autem ei flos colore albus, & major quàm lanceolato vulgari.

*Carduus lanceolatus parvus* J. B. à superiore non aliter differt, quàm quòd omnibus partibus minor sit, non tamen ità ferox.

A. 3. *Carduus tomentosus, Coronà fratrum dictus* Park. ejusdemque *Carduus tomentosus Anglicus*. *Card. capite tomentoso* J. B. *Car. eriocephalus* Ger. emac. ejusdemque *Card. globosus capitulo latiore*. *Card. capite rotundo tomentoso* C. B. ejusdemque *Carduus tomentosus capitulo majore*. *Woolly headed Thistle.*

Tomentoso, striato caule, crebrisque ramis stipato ad duos aut tres quatuorve cubitos assurgit, qui licet non sit spinosus, vix manu potest attingi propter foliorum aculeos. Folia cubitum longa, tomento villosa inferius incana, superius atrovirentia & Echii modo aspera; ex pluribus foliis minoribus, quæ ex certis intervallis quaterna, utrinque sc. bina altero antrosum, altero retrorsum posito conflata, spinis longis, rigidis, acutis minacia. Caput pugillari lapidi æquale, latum, squamis parvis, longis & spinis parum mordacibus densissima lanugine intertextis. Flos ex ejus summo emicat, confans multis staminibus, & diversis coloribus, qualibus Hyacinthus Fuchii maximus, violaceus & cæruleus: apices involvuntur vaginulà albâ, quæ sua albedine pulchrè hunc florem ornat; hanc vaginulam alia circumdat purpurea in quinque apices [rectius laciniis] divisâ. Sub floribus caro alba grati & aromatici saporis. Semen lubricum, cineraceum striatum, oblongum, modicè compressum, dulce, tomento implicitum. Radix crassa, gustu non ingrato, sed aromatico, quali etiam caulis & foliorum, si excipias medullam albam siccam & inspidam. Ubi capita excinduntur appareat lacteus succus.

In montosis & interdum etiam campestribus sed rariùs occurrit: ut v. g. propè *Madingley* vicum Cantabrigiæ non longè, itémque circa *Childerley, Kingston*, &c. in eodem Cantabrigiæ comitatu.

Lobelius duplici icone & titulo hujus plantæ in *Icon. Plant. propositis*, alterâ malâ *Adv.* titulo *Cardui tomentosi Adversariorum*, alterâ meliore, titulo, *Cardui tomentosi, Coronæ fratrum herbariorum*, Botanicos nostros decipit, ità ut ex una planta duas facerent. Mala icon *Adversariorum* poterat omitti (inquit J. Bauhinus) imò debebat.

Hujus capitula antequam flores erumpunt aquâ decoquant nonnulli, cùmque butyro & pipere *usu*, condita Cinararum in modum mensis secundis adjiciunt & in deliciis habent.

C A P. VI.

De Carduis nonnullis ambiguis & incertæ positionis.

1. **O** Nopyxos alter *Lugd.* Hunc C. Bauhinus Cardui spinosissimi IV. speciem facit, titulo *Cardui spinosissimi capitulis parvis aculeatis*: J. Bauhinus dubitat annon sit Carduus viarum vulgarissimus. Ego mallem J. Bauhino assentiri quàm studiosis crucem figere, & Entia sine necessitate multiplicare.

2. *Carduus Chondrilloides Dalechampii* *Lugd.* &

3. *Carduus aræophyllos Dalechampii ejusdem*, cùm nec nobis cogniti sint, nec alii cuiquam post eum Botanico (quod scimus) descripti aut etiam visi, eorum descriptiones omisimus, quas qui desiderat, Historiam Lugdunensem adeat.

## CAP. VII.

De *Carduis leucographis seu lacteis lineis notatis.*

- A. 1. *Carduus Mariæ* Ger. *Mariæ vulgaris* Park. *Marianus*, *sive lacteis maculis notatus* J. B. *Card. albis maculis notatus vulgaris* Park. *Common Milk-Thistle or Ladies Thistle.*

J. B.

**U**ndulato macularum lactearum virescentiumque discursu variata folia, lata longaque conspiciuntur, sinuata & sævis aculeis horrentia, nitida, glabra. *Caulis* digitalis, striatus, lignugine villosa incanus, duos aut tres cubitos altus, in ramos dividitur plures. *Echini* intractabiles, rigidissimis acutissimisque spinis armati, Scolymi mediocris magnitudine, callos squamarum cartilagine, dulci, vesca, *florum* purpurascens stamina explicant, quibus *semen* succedit Carthami. *Radix* longa & crassa, esculenta.

Locus.  
Vires.

Ad agrorum margines, & in aggeribus fossarum non raro occurrit.

Eisdem viribus dotatus esse creditur quibus *Carduus benedictus*. Nobis culinaris potius quam medicinalis videtur. Decoctum ejus datur utiliter ad jecinoris & viscerum infarctus & remorantes urinæ: quare confert Hydropicis, ictericis & nephriticis. *Matth.*

Aqua è foliis destillata laterum morbo medetur. *Trag.* extrinsecus præcipui usus est in phlegmonis, nomis & ulceribus erodentibus, si linteamina probe humectentur aqua illa, & ulceribus impo-

Semen in emulsionibus crebri est usus. *Schrod.*

Semen moderatè calidum esse & tenuium partium citra omne dubium pronunciamus; cuius insignis est usus in pleuritide & laterum punctiõibus: remiscetur autem plerunque aliis seminibus et quibus emulsiones fiunt.

Folia tenera demptis aculeis non incommode oleribus adduntur. Apud nos in Anglia frequenter in hortis feritur ad acetaria & usus culinæ.

2. *Carduus leucographus hirsutus capitulo minore* Moris. *Mariæ hirsutus non maculatus* n. d. P. R.

*Folia* edit longiora & angustiora, obscurè maculata; secundo ab exortu anno *caulem* emittit bipedalem aut tripedalem, in cujus cymis nascuntur capita minora, purpureos ferentia tubulos seu flores; quibus fatiscens succedunt *semina* rotunda, crassa & solida. Semine perfecto planta radicitus interit.

- A. 3. *Carduus Mariæ non maculatus.*

Non alia in re à vulgari *Carduo Mariæ* differt quàm quòd folia edat maculis destituta. Hanc plantam mihi ostendit D. George Horsnell circa *Clarkemwell* propè Londinum.

4. *Silybum majus annuum* Park. *Carduus lacteus peregrinus major, semine fusco.* The greater outlandish Milk-thistle with brown seed.

Park.

Unico assurgit *caule*, bicubitali aut altiore, tereti, foliis vestito quàm *Cardui Mariæ* vulgaris inoribus, lineis lacteis paucioribus notatis, ad margines laciniatis, spinis rarioribus cinctis. *Caulis* inferius paucos vel nullos emittit è lateribus ramulos, verùm summa parte, in fastigio & furcata è supremis articulis exeuntibus, tria quatuorve *capitula* sustinet spinosa, quæ in flores se aperiant purpureos, stamineos, quibus succedunt *semina* majuscula, fusca, in medio pappo latitantia. *Radix* longa, maturo tamen semine exarescit & interit.

Locus.

In Sicilia & Melitâ insulis sponte & copiose provenit. Ex semine Londino misso nobis olim Cantabrigiæ succrevit & floruit.

5. *Carduus lacteus peregrinus Camerarii* J. B. *albis maculis notatus exoticus* C. B. *Silybum minus* Baticum Park. The small Spanish Milk-thistle.

Park.

*Folia* inferiora, quæ à radice primò exeunt, latiuscula sunt, nec altè ad margines incisa, pallide viridia, lituris & lineis albis tenuioribus minoribusque notata, pediculis oblongis prædita: quæ *caulem* vestiunt inferiora, nonnihil longiora sunt, versùs extremum latiora, ad basin angustiora paulatim adhuc profundius sectis, & minoribus summis caulibus insident *capitula* parva, è quorum medutillio erumpunt *flosculi* arctè stipati, purpurascens; quibus delapsis succedunt *semina* parva, alba, pappo involuta, qui ob gummi quoddam albicans, pellucidum, è capitulo exudans, ad tenaciter eis adhærescit, ut difficulter admodum divelli & separari possint, præsertim postquam *semina* maturuerint, & gummi Solis calore concreverit. *Radix* parva, lignosa, annua.

Hoc genus ut & superius *Parkinsonio* succrevit ex semine Hispaniâ delato per Gulielmum Boccum.

Dubitat C. Bauhinus apud Matthiolum, an hæc planta sit *Agavanus Creticus* Hon. Belli, de qua infra.



6. *Carduus galactites* J. B. *Spina alba altera Matthioli*, & alibi, *Leucacantha Monspelienfium Dalechampsii* Lugd. J. Bauhinus *his Milk-thistle*.

J. B.

*Radice* nititur satis tenui & simplici; *caulem* tollens interdum simplicem, interdum ramosum, cubitalem, striatum, cano villo pubescentem, membranis spinosis pinnatum, cujus summum in furculos aliquot facessit, *capita* sustinentes Avellanæ magnitudinis, squarrosa, quorum singulæ squamæ in longam acutam, invalidam spinam desinunt: hinc flores emicant purpurei, gratiæ suæ post multos annos tenacissimi. *Semen* pappo appenditur, oblongum, lubricum, candidum, amarum. *Caterum* folia palmo longiora, mitius aculeata, profundis crebrisque laciniis divisa, imâ parte albidâ lanugine donata, supernâ virefcunt, fortuitis maculis lacteis respersa.

Hoc genus *Cardui* J. Bauhino descriptum, in Sicilia & Melita insulis, inque Italia prope phalarum Genuensem, necnon circa Monspelium in locis ruderatis & incultis observavimus. Locus.

*Caterum* *Leucacantham* Monspelienfium Lugd. C. Bauhinus *Cardui* tomentosi capitulo latiore IV. speciem facit, titulo *Cardui* tomentosi capitulis echinatis, minus apte.

## CAP. VIII.

De *Carduis* foliis tomentosis seu incanis.

- A. 1. *Acanthium vulgare* Park. album Ger. *Spina alba sylvestris* Fuchsio J. B. *Spina alba latifolia tomentosa sylvestris* C. B. Common Cotton-thistle.

J. B.

**T**Res quatuorve cubitos altum profert *caulem*, striatum, concavum, tomentosum, cui membranæ per longum adnatæ, valdè spinosæ, sinuatæ, albicante villo obductæ, altius extantes; quibus continuantur *folia* sesquipalmaria & dodrantalia, lata, non admodum profundè incisa, sinuata, circa margines spinulis horrentia, similiter utrinque villosa & candida. *Capita* summos caules & ramulos terminant ferè singularia, grandia, plana & in latum expansa, squamosa, squamis in spicula longa acuta & rigida à capite extantia productis. *Spinæ* autem in capitulis & foliis fulvæ. *Flores* purpurei, è plurimis flosculis aggestis compositi; *semine* cum pappis sequente Cnici, minore, versicolore, amaricante & acri. *Radix* tenera, alba, subdulcis in adolescente planta, quæ qualitates per ætatem mutantur.

Perit postquam semen maturuit altero à satione anno.

In aggeribus fossarum, ad sèpes & in incultis non raro occurrit.

Locus.

2. *Acanthium Illyricum* Park. *Illyricum purpureum* Ger. *Spina tomentosa altera spinosior* C. B. *Carduus quibusdam dictus Acanthium Illyricum*, aliis verdè *Onopordon* J. B. The more prickly Cotton-thistle.

J. B.

Magnam habet cum præcedente similitudinem: *folia* tomento candicante similiter obductæ, profundius secta, tota spinis armata. *Caulis* membranis aculeatis alatus, sex septemve cubitorum altitudine [ego neque spontaneum, neque cultum tantæ altitudinis vidi] in ramorum, quos crebros habet, extremo *flores* gerit purpurantes jam dicti *Cardui*, ex echino etiam simili.

Miror Botanicos ex Illyrico hanc plantam arcescere, cum non in Italia tantum & Sicilia, sed etiam in Gallia Narbonensi satis frequens sit; speciatim circa Auriacum sive Orangiam urbiculum copiosam observasse memini. Locus.

3. *Acanthio Illyrico accedens capitulis minoribus flexuosis* Moris.

Illyrico adeo accedit ut nisi propius intuenti non animadvertatur differentia. *Caulis* emittit paucioribus spinis armatos. *Capita* habet minora, quasque cernua & flexuosa.

4. *Acanthium Lustranicum* Hort. Blæf. *Lustranicum altissimum* Hort. Reg. Paris. The tallest Cotton thistle of Portugal.

*Acanthio* vulgari non admodum dissimile est, verum procerius multò, ut quod ad hastæ ferè altitudinem interdum attollatur: *Folia* ei magis incana, albidiora, densioreque lanugine obducta: *Capita* minora quam tanta plantæ magnitudo & statura promittere videatur.

*Carduum* hunc Cantabrigiæ olim in hortulo nostro aluimus, è semine Londino accepto ortum.

## CAP. IX.

De Carduis quibusdam exoticis singularibus &amp; sui generis.

- \* 1. *Acanus Theophrasti* Park. *Agarvanus Cretensium* fortè *Acanus Theophrasti* Honor. Belli Episcopi.  
3. ad Clusium.

Bellus.

**P**lanta est spinosa, folia habens aliquantulum lata & spinosa; Caules bicubitales aut tricubitales, in quibus capitula Echini æmula è foliorum quæ caulem ambiunt cavis, ut & extremo caule exeunt: in quibus flores obsoletæ purpuræ, deinde semen rotundum, aliquantulum compressum, Cannabis semen colore æmulans.

Vulgaris est notitiæ in Creta, & antequam in caulem abeat comeditur.

Hanc stirpem Acanon Veteribus dictam fuisse judicat Bellus, (à qua reliqua spinarum genera *Acanacea* nuncupata) conjecturis non despiciendis fretus, quas apud ipsum vide.

- \* 2. *Carduus spinosissimus sphaerocephalus rigidis aculeis armatus* C. B. *spinosissimus sphaeroceph.* Cardui Arabici nomine missus Park.

C. B.

Hujus semen C. Bauhino excrevit caule crispo cubitum superante, foliis latis, longitudine palmum excedentibus, per caulem rarioribus: Capite est rotundo, supernè æquali, spinis longis atrociter pungentibus armato; flore albo, odorato: in cuius lanuginoso capitulo semen continetur striatum & transversim canaliculatum Cauliculis Hispanicæ ferè modo, sed rudius & crassius. Horis facile assuescit.

Radix Chamæleontis nigri cum æquali pondere Piperis & ceræ dentes vacillantes confirmat & dolores aufert. Ex Observationibus Marcelli Cumani à G. Hier. Velschio editis excerptis & transmissit D. Soame.

- \* 3. *Chamæleon niger* Dioscoridis *Marantha* J. B. *niger verus* Park. *niger umbellatus* *flavescens* hyacinthino C. B. *Chamæleon niger* Ger. The true black Chamæleon *Ch.* filix.

Maranta.

Hujus umbella est spinosa, tam grata aspectu cum floret, ut nihil pulchrius videri possit. Est enim umbella loculis sive filiquis oblongis, densissimis acutarum spinarum circumscriptis plena, in quibus flores purpurei, oblongi, intus candidi, tenues, Hyacinthi æmuli supereminunt: sed illa filiqua spinosa semen occludit Onico simile adhuc virentibus in ea floribus, quod tandem illis decedentibus maturefcit. Folia vario colore maculis inspersa. Caulem habet purpureum dodrantali altitudine, radicem fuscam foris, intus radicis Aristolochiæ longæ colore, atque inter mille vix unam atque alteram vidimus, quæ non sit carnosa, quanquam Diosc. interdum exesam esse tradit. Acemini gustus est, sed commendari oportet.

Hujus umbellata corna in aliis candicans, aliis ad cœruleum inclinans, aliis virens reperitur, antequam flores dehiscere incipiant, folia quoque rubescencia, sicut & caules in nonnullis plantis.

Locus.

In Apuliæ finitimis ac multis aliis locis, in campestribus & siccis Chamæleonem suum nigrum maxima ubertate provenientem sæpius collegit Marantha. Columna quoque ibidem provenire cum attestatur. Bellonius in Græcia invenit, deque eo hanc Historiam narrat. Cum Chamæleonis nigri radices apud pagum quendam in insula Lemno, *Livado chorio* nuncupatum, erui curarem, plurimi Græci & Turcæ spectatum venerant quid ageremus: eas verò frustulatim sectas filo traiebamus, ut facilius exsiccare possent. Turcæ in eo negotio occupatos nos videntes, similiter radices tractare & secare voluerunt. At cum summus esset æstus, & omnes sudore maderent, quicunque eam radicem manibus tractaverant, sudoremque absterferant, aut faciem digitis scalperant, tantam pruriginem in locis quos attigerant postea senserunt, ut aduri viderentur, in tantum ut nec squillæ nec Urticæ ullæ centesima parte ita adferent; prurigo tamen non adeo celeriter se prodit. Post unam vel alteram horam singuli variis faciei locis cutim inflammata habere cepimus, ut tota sanguinea videretur: atque quod magis eam confricabamus, tanto major excitabatur prurigo. Fonti affidentes sub Platano pro ludo habuimus initio, & risimus: at illi plurimum indignati sunt, & nisi asseverassemus nos nunquam expertos tali virtute eam plantam polleere, haud dubie male nos mulcissent. Attamen nostra excusatio fuit ab illis facilius accepta, cum eodem incommodo nos affectos conspicerent.

Ex his (inquit J. B.) apparet, quod ex instituto mulierculæ apud Marantham faciant, quæ radices succo pectines inficiunt ad puerorum pediculos enecandos.



4. *Polyacanthus Casabona Acarnæ similis* J. B. *An Acarna Theophrasti* Ger? *Theoph. Anguillara* Lob? *Ac. major caule non folioso* C. B. Park? *The supposed true Fish-thistle of Theophrastus.*

J. B.

Pulcher est Carduus, bicubitalis circiter, per cujus caulem rotundum, album, levem, ramisque folia dodrantalia ac etiam longiora, unciali latitudine, acuminata, supernè ex atro virore splendens, infernè tomento candicante obsita, denso, presso, nec nisi scalpello, aut alia ejusmodi re tentes radere conspicuo, æquabili marginum circumscriptione, nisi prohibeant spinulæ flavescentes, mordaces, quæ ex intervallis binæ, ternæ aut quaternæ, rariùs singulares, in quas nervi deflunt, qui oblique à magno secundum longitudinem decurrente nervo in oras exporriguntur. Semen parvum, oblongum, lucidum, nigricans. Folia superiora interdum lata unciam etiam & semis & capita abundant rigidis spinis. Frigoris est impatiens.

D. Casabona Herbarius Ducis Florentiæ semen misit ad J. Bauhinum, cui provenit.

Ferrantes Imperatus florem azureum ei attribuit. Lobelius Acarnam Theoph. Anguillaræ, quam Valerandus Doureus Justinopoli Illyriæ detulit sic describit. Flaventibus aculeis horridus est, virentibus sinuatis foliis, averfa parte tomento incanis uti tota planta. Plures fundit sesquicubitales caules, floribus luteolis, semine Cnici sed minore in squamoso & spinis horrido capitulo.

Si Lobelius Acarnam suam rectè describit, foliis sinuatis, floribus luteolis, oportet omnino ut ab Acarna Theoph. Imper. quæ eadem est descriptæ, specie differat. Ego verò Lobelio non multum fido, qui solet interdum vel ex memoria, vel ex conjectura plantas describere.

5. *Acarna flore luteo* J. B. *Acarna Valerandi altera* Lob. ejusdemque *Pycnocomos Cretæ Salonenfis*, ut suspicatur uterque Baubinus. *Acarna humilis caule folioso* C. B. Park. *Acarna Valerandi* Dourez Ger. emac. ejusdemque *Pycnocomos*: qui tamen cum Baubino sentit eandem esse plantam. *The low Fish-thistle with winged stalks.*

J. B.

Radicem demittit sesquipalmarem, crassiusculam, albam, fibras raras è lateribus producentem; quæ circa caput grandescit, coliculos emittens plures, patulos, per terram sparsos, duarum triumve aut etiam quatuor ferè unciarum, variè divaricatos, lanugine alba testos, membranaceis appendicibus numerosis, spinosisque secundum longitudinem alatos. Folia creberrima extremis potissimum ramulis, unius aut duarum unciarum, non totam semunciam lata, incana lanugine utrinque pubescentia, nonnihil sinuata, non tantum infesto mucrone luteo, rigido, longo minacia, sed & pari feritate spinas è marginibus jaculantia. Capita oblonga occultant densæ foliorum phalanges, lanuginosis squamis imbricata, ex pappo candicante pendente semine oblongo, Cnico simili, multo minori, minis candido & stris nigricantibus variegato.

Lobelius flores ei Cardui benedicti æmulos, minores, Senecionis majores, attribuit. J. Bauhinus è planta à Valerando Dourez missa, & (ut puto) sicca descripsit nec florum coloris meminit. Lobelius caulem dodrantalem & interdum cubitalem esse scribit.

Reperitur in Illyria, & copiosè in insula di Leseno, Anguil. Lobelius Pycnocomon suam invenit *Locus*, in Cretæ Salonenfis propè diversorium S. Martini. Ego facilè inducor ut credam Pycnocomon Cretæ Salonenfis Lob. Acarnam Valerandi alteram ejusdem, & Chamæleonem Salmanticensem Clusii, unam & eandem specie esse plantam: Obstat quòd Lobelius flores luteos Pycnocomo suo attribuat, cum Chamæleonis illius Clusii flores purpurascant. Verum potuit Lobelius fortè memoriæ nimium fides, aut plantam cum jam defloruerat colligens, in florum colore errare. Fortè etiam floris color pro diversitate loci variat; quod tamen non credo, cum istiusmodi varietatis in floribus vix detur exemplum, in eadem specie sci. lutei & purpurei.

6. *Acarna major caule folioso* C. B. Park. *Acarnæ similis flore purpureo, Chamæleon Salmanticensis* Clusii J. B. *Cham. nig. Salmanticensis* Ger.

Clus.

Ex Acanaceorum genere est hæc planta. Caulem pedalem habet, interdum etiam cubitalem, multis alis five ramis concavum, striatum & quasi *quadri*, durum tamen & firmum: folia numerosa, longa, angusta, candicantia, spinis horrida. Summis ramis umbellæ quædam, ex quinis aut senis calyculis five capitellis spinosis constantes innascuntur, in quibus flos purpureus, dilutior, maturo semine subinde in pappum evanescit, reliquorum Acanaceorum more. Semen est Cnici seminis forma sed minus, foris subnigrum aut cinerei coloris, intus candidum dulce. Radix nigra, dura, si gustetur dulcis. Tota planta *aspidos* est, & firmarum spinarum vallo munita.

Agro Salmanticensi frequens est. Nos eam propè montem S. Lupi, non longè ab oppidulo *Locus* S. Lupian dicto, itémque juxta vias non procul oppidulo Vic in valle Frontiniana invenimus.

Planta hæc ortu, folio, totaque facie Acarnæ præcedenti admodum affinis est, & fortè eadem, inquit Lobelius, cujus sententiæ & nos libenter subscribimus.

7. *Leo ferox* Ger. *Acarnæ affinis Leo ferox* J. B. *Acarna minor caule non folioso* C. B. *Ac. min. caule non folioso, sive Leo & Carduus ferox* Park.

Hunc totius Acanacei generis facilè phœnicem, Leonem ferocem dixere nuperi à spiculis & infestissimis spinis: nihil enim aliud è foliis altius divisus & capitulorum exordius quàm spicula & vepres,

pres, unciam & fescunciam longas videas. *Cauliculus* vix palmum aequat: *flos* Cnici sylvestris, pallidus, spinis & aculeis saevientibus, horridisque cinctus.

Planta rara & vix nota, nullius propterea usus. Audit tamen Lobelius quibuldam aridis collibus Italiae, ab Apennino non ita distitis magno proventu gliscere. Hæc omnia Lobelius, è cuius *Observat.* reliqui Botanici transcripserunt quicquid de eo habent. At Lobelius quam vix notam scribit, descriptione sua non multò notiozem facit.

8. *Carduncellus montis Lupi* J. B. *Eryngium montanum minimum*, capitulo magno C. B. *Carduus Eryngoides* sive *Carduncellus montis Lupi* Park.

J. B.

Statim è radice simplici coniplura nascuntur folia, duas uncias aut palmum longa, rigidula, in lacinias spinosas, semunciales, longiusculè distantes divisa, Cardui stellati foliis similia. *Caulis* plurimum nullus, aliquando sesquipalmaris, foliis paucis minoribus vestitus, brevi lanugine subhirsutus, caput grande in cacumine gerit, unicum, oblongum, rigidis, nervosis, spinosisque foliis oblitum, quibus squamæ oblongæ & innocentes subsunt, pappum coercentes, quam *flos* purpureus marcescens relinquit.

Locus.

In planitie propè montem Lupi, versùs Meridiem copiosum observavit & collegit Cherlerus.

Hujus alia seu species, seu varietas in horto Regio Parisi colitur *Eryngii montani minimi* minoris capitulo magno nomine.

9. *Carduus parvus* J. B. *Creticus minimus* Park. *Carlina sylvestris* alia species Clus. cur. post. *Acarna capitulis globosis* C. B.

J. B.

Pulchellus hic *Carduus* longiusculà sed gracili, non fibrosà radice nititur, à qua cauli exurgit plerunque singularis, tenuis, palmaris & altior, in ramos divisus, per quos foliola uncialia, culmum lata, spinulis per margines donata, hirsuta. Capitula extremis ramulorum hærentia, inter reculos pinnatorum foliorum cancellos conclusa, Cyani capitulis minora. Folia ad radicem [multa] angusta, oblonga, [per oras incisà & spinosa] Flores [cœrulei] non multum se aperiant aut expandunt, quibus succedunt semina parva, alba, pappo inclusa.

Locus.

Circa Puzosallu arcem Siciliae in pascuis sterilibus eum invenimus; Boelius in Hispania, in arvis. Capitula ramulis infidentia supra medium quod cauli summo infidet, altius attolluntur, ut in Impia Plinii; omnia è multis angustissimis foliis utrinque longiusculis spinis armatis composita, è cuius umbilico (ut inquit Clusius) exilit *flos* flavus: Et revera nobis etiam *flos* (qui tamen jam præterierat) flavus videbatur, quem Parkinsonus, è quo J. Bauhini descriptionem supplevimus (quæ de floris colore nihil habet) cœruleum esse affirmat; cui potius fidendum quam Clusio qui sicam duntaxat plantam in sportulis Gulielmi Boelii, inter plantas quas in Hispania legit, conspiciat. Parkinsonus hunc bis ponit, 1. Sub titulo superius allato, 2. Sub titulo *Acarnæ globosis capitulis*.

10. *Carduus minimus* Alpin. exot. mihi non videtur à præcedenti differre, quamvis nec icon, nec descriptio (quam idcirco subjiciemus,) convenient.

Alpin.

Elegantissima est planta, quæ ab una radice longa, tenui, ad palmarem altitudinem assurgit, foliis longis, Olivaceis, Atractylidis similibus, sed minoribus & mollioribus, spinulis tamen armatis, caulibus verò multis, obliquè exeuntibus, quorum qui libet utrinque duos furculos, sed inæquali intervallo è caule exeuntes habet, in quorum medio calyx echinulve brevi pediculo, ceteris major, Atractylis echino non minor, exterius spinulis multis numero, plerunque tredecim, tenuissimis, per longum ipsum calycem vestientibus armatus; tantoque artificio iis spinulis tenuissimis reticuli modo à natura elaboratis, ut vix aurifex peritissimus id opus efficere potuisset. Hic echinatus calyx suo brevi pediculo inhaeret, cum tribus foliolis oblongis [quinque appinxit in iconne] olivaceis, spinulis armatis, ferè stellæ modo actis: singuli verò alii cauliculi in apice ferunt eisdem calyces spinosos, sed illo qui in medio ipsorum sit minores, qui omnes inhaerent furculis, ceu suis pediculis è caule exeuntibus, sed calyx in medio eorum qui sit, breviori longè pediculo inhaeret quàm utrinque positi. Calyces verò dehiscentes florem parvum, qui nunquam latè dehiscit Atractylis modo, proferunt, cœruleum, qui semina producit in pappo, parva, alba, suis staminibus inhaerentia, uti in Atractylide, quæ calycibus latè dehiscentibus in aere evolvant.

Usus.

Calyces echinatos, nondum dehiscentes, teneros & dulces. Cretenses, apud quos nascitur, ardistimè comedunt, inquitntque non segniter Venerem excitare.



## CAP. X.

*De Carduo stellato.*

**C**arduos stellatos voco plantas capitatas, capitulorum squamis in aculeos rectos, oblongos & plerumque rigidos exeuntibus; foliis non spinosis.

A. 1. *Carduus stellatus* Ger. Dod. *stellatus* sive *Calcitrapa* J. B. *stellatus foliis Papaveris erratici* C. B. *stellatus* sive *Calcitrapa vulgaris* Park. **Common Star-thistle.**

J. B.

Cubitus & sesquicubitus altus est *caulis* angulosus, subhirsutus, alis multis concavus. *Folia* sat mollia, pedem aliquando longa, aliquantum incana, profundè in lacinias inconditas dissecta. *Capitula* extremis hærent ramulis, glabra, Cyani capitulis æqualia, singulis squamis in unciales & sesquunciales, rigidas mordaces, recta foras minantes spinas desinentibus, ut radiatam stellam imitari videantur. *Florum* stamina purpurea, rarius alba: *Semen* lubricum, parvum, oblongum. *Radix* digitum vel magis crassa, mollis, succosa, nervum habens, ut aliæ radices, duriusculum, colore albescens, longa pedem, Raphano similis Columnæ.

Juxta vias publicas, circa oppida & pagos, inque incultis & sterilioribus non in Anglia tantum sed & exteris regionibus frequens est.

Apud nos non assurgit in altitudinem, sed frequentibus ramis in latitudinem diffunditur.

In aqua hujus stillatitia albas rosas vel fungum Sambucinum, vel contra flores *Calcitrapæ* in aqua Rosarum albarum macerare, & applicare palpebris cataplasmatibus instar sum solitus, & quidem optimo cum successu. *Sim. Pauli.*

\* 2. *Carduus stellatus latifolius caulescens* C. B. *stellatus latifolius* Park.

*Folia* huic latiora & breviora quam præcedenti, minùs profundè ad margines secta, paucis aculeis hic illic ad angulos fisis. *Caulis* ferè simplex nec multum divisus, paucioribus ramulis, foliis consimilibus obsitis, quos terminant *capitula* parva, rotunda, crassa, alba, aculeis crebris munita, pluribus simul [septem plerumque unà] in stellæ formam dispositis, quorum medius longissimus, reliqui utrinque breviores. E medio capite exeunt purpurea filamenta, ut in reliquis *Carduis*. *Radix* parva annua.

Planta hæc ad *Jaceas* capitulo spinoso potius referenda videtur quam ad *Carduos stellatos*: verum quoniam mihi incognita est loco movendam non duxi.

3. *Carduus solstitialis minor* Apulus Col. An *Card. stellatus luteus foliis Cyani* C. B? *solstitialis* Ger? *solstitialis Dodonæi* Park? **B. Barnaby's Thistle.**

Col.

Ex *radice* parva, pulla, dulci, ac gravi sapore & odore *Calcitrapæ* dictæ, lignosæque *folia* emit in orbem disposita, parum è terra elata, semipedali longitudine aut majore, divisuris æqualibus, raris, sinuosis, Hieracii Apuli magno capite modo, in rotundos & pares ferè lobos quinos divisa, albâ, atque brevi hirsutie obsita, albicantia, molliorque. Ex quorum centro *caulis* rotundus, angulosus, bipedalis & major producit, foliis vestitus, ut ocreatus videatur, ut in congenere *laxifolio*, albus, hirsutus, multis alis in summo, è foliis angustis & teneribus prodeuntibus divisus, in quibus *capitula* parva copiosa insunt, echinata ut niger *Chamaeleo Maramba* brevibus aculeis, iisque utrinque aculeatis, pungentibus, sed non ut vulgaris *stellatus* dictus & *Solstitialis*. *Flores* lutei sunt atque tenues non illis dissimiles, Maii fine prodeuntes & Junio semina perficientes: atque capita etiam tunc lutescunt.

In incultis *Cirinalæ*, clivosis aridis copiosa est.

C. Bauhinus plantam hanc *Spinæ Solstitialis* vulgò dictæ eandem facit, mihi tamen vix persuaserit, cum J. Bauhinus spinas longas, rigidas luteas *Cardui stellati* è singularum squamarum mucrone exeuntes *Spinæ* suæ *Solstitialis* attribuat: Columna autem aculeos breves, utrinque aculeatos, non ita rigidos aut pungentes ac sunt *Calcitrapæ spinæ*, *Carduo stellato minori* Apulo ascribat. Verum integram *Spinæ Solstitialis* descriptionem Bauhinianam subijciemus: cum nobis diversæ speciei plantæ esse videantur.

Locus.

4. *Spina Solstitialis* J. B. *Carduus Solstitialis* Ger. *Solstitialis Dodonæi* Park. *Stellatus luteus foliis Cyani* C. B.

J. B.

In frequentes ramos divaricata est, *caule* gracili, bicubitali, albido tomento undique obsito, membranis passim secundum longitudinem aptatis alato; foliis stipato unâ cum ramis ad Cyani folia accedentibus, duarum triumve unciarum longitudine & longioribus, per superiores ramos vix unciam longis, albicantibus, hirsutis, quæ in florem eunte caule ferè decidunt. *Capitula* Cyani capitulis æqualia, longis, rigidis luteis *Cardui stellati* spinis, è singularum squamarum mucrone natis, infesta. *Florum* stamina lutea, quæ tandem in pappos evanescent. *Radix* latis longa, lignosa.

Montepelii in facis nihil abundantius, nec minùs frequens in Italia, unde incremento segetum ali-

Locus.

quando officit, & messorum manus pedisque vulnerat.

E c 3

Augusto

Tempus.

Augusto mense &amp; Autumno floret.

Lobelius *Aurioles* vocat, & expertum pro morbo Regio Remedium esse asserit. Florem atque radicem mirifice prædicant valere in Cachexia, Hydiopie, Febribus diuturnis, virginum decoloratione facie & aliis obstructionibus. Ejus decocto vel destillatâ aquâ rustici utuntur ad coxendicis dolores, punctiões laterum, lienis tumores & sudorem ciendum. *Cam.*

5. *Carduus stellatus. Leucoi folio.*

Ad dodrantalem altitudinem assurgit, caule tenui, striato, rigido, tomento brevi candidante obfuso, ab imo statim ramoso, ramulis crebris & foliorum sinibus exeuntibus, quæ alternatim posita, quatuor aut quinque uncias longa, angusta, superne obscure viridia, subtus incana ad margines aqualia, Leucoi lutei vel Salicis folio longissimo similia: Ad singulorum exortum hinc inde spinæ oblonga, quæ ad latus plerunque aliam brevem habet. Summos caules & ramulos finiunt capitula muricata, prælongis acutis rigidis spinis rectâ extantibus minacia. Flos compositus & parvo pappo reoritur flosculorum fasciculo. Semina pappo involuta latitant, quàm pro plantæ modo majora, per maturitatem leucophæa nullo supremæ parti innascente pappo aut pilis.

Hujus plantæ semen cum Parisiis essem, Anno 1665. mihi communicavit Botanicus insignis D. Martens, locum natalem non dixit, nescio an ipsi cognitum.

## CAP. XI.

De *Jacea capitalis spinosis.*

1. *Carduus Eryngoides capite spinoso Alpin. exot.*

Alpin.

**F**olia habet Eryngii, sed tamen mollia; caulibusque fert ab una radice rectum, cubitum ac triploris etiam altitudinis; in quo folia prædicta raris intervallis posita cernuntur. In summitate vero duo vel tria capita profert, magna, rotunda, caetis longè minora, squamis plicatis circum extrema crenatis obfusa: inter quas spinæ multe exeunt stellatim modo, acutæ, albicantes & duræ: Flores verò quadamtenus Cyani similes purpurascences exeunt, & quibus semina caetis similia sed minora, flavescentia. Tota planta, sed maxime capita colore flavescent. Radix crassa, carnosa, quæ indigenæ [Crete] libenter & crudâ & coctâ vescuntur, libidinibus excitamentum affirmit.

2. *Jacea lutea, spinosa, Centaurioides C. B. lutea spinosa Apula Park. lavis Jacea maxima Centaurioides Apula Col.*

Col.

Radix humum profundè nixa petit, lignosa, dura, longa, corticosa veluti Quercus cauda, & put habens pilosum nervulis vettustorum foliorum, foris nigrescens & albicans intus. Folia quæ primò erumpunt Rumicis æmula, carnosa, dura, lævia, retusiora, magna, longa, lata; quæ inde in lobos paulatim divisa, erumpunt Raphani modo, majora, latiora, Centaurio magno æmula, & Limonii soliditate. Caulem habet tripedalem, angulosum, foliis divisurâ Quercus vel Ceni modo harentibus alternatim, in summo parùm hirsutum, acuti & folia parte averfa. Capita profert duo aut tria, crassa, magno Centaurio paria, Jaceæ aut vulgaris Cyani squamis compacta, aculea, & per ambitum insecta lutescentibus spinulis, sed majora sunt omnia: internum verò quod à lutea spinulis sive laciniis sepitur, virefcens conspicitur, gratum oculis spectaculum exhibens, ex quibus flosculi lutei capillares Carduorum modo emicant. Spontaneum in his capitibus gummi hæret flavum, splendidum. Floruit adhuc Junio: Semina deinde perficiuntur, candida, depressa, purpurant pappo. Radicis sapor & odor, Calcitræe ingratus fuit.

Locus.

Parùm obvia est hæc, nec unquam uno nisi in loco Cirinole ortam vidimus, in fossa quadam arginis vineæ depressioris cujusdam propè *Acquamena*, dextrorsum cum itur.

Hæc & antecedens planta multa habent communia, & in præcipuis notis conveniunt, ut descriptiones conferenti patebit: diversitas est in florum colore, qui huic luteus est, illi albus; & foliorum superficie quæ illi hirsuta est, huic lævior.

3. *Jacea lutea capite spinoso C. B. lutea capitalis spinosis Park. major lutea Ger. Centaurium calnum sive Jacea spinosa flore luteo J. B.*

J. B.

Rigido & recto surgit caule, duorum triumve cubitorum altitudine, multis alis concavo, Aristo anguloso, glabro. Folia ramulorum exortui subjecta, alibique per caules & à radice ad Centaurii Collini (cujus species videtur) folia accedunt, duarum triumve unciarum longitudine, unciam plus minus lata, in profundas lacinias ad costam usque dissecta, rigida, dura, raris aspera. Capitula extremis harent ramorum, Juglandis ferè magnitudine, squamis loricata & viridi flavescentibus, per oras nigricantibus, aliquando lævibus & luteis undique similibus, aliquando denticulatis marginibus, interdum in spinam longiusculam, mordacem & nigricantem desinentibus.



nonnunquam inermibus. *Florum* stamina in orbem explicantur, coloris lutei. *Radix* minimum digiti magnitudine aequat, superiore parte subinde comosa.

Circa Monspelium & Messanam satis frequentem observavimus.

Locus.

4. *Jacea lutea spinosa minor foliis in tenues lacinias dissectis.*

Hujus ramulum duntaxat vidimus inter plantas siccas D. Philippi Skippon, ubi collectum nescimus. *Caulis*, ut in hoc genere plantarum satis crassus & firmus erat, foliis vestitus crebris in plurimas longas & tenuissimas lacinias divisus, ramosus. Summos caules & ramulos occupant capitula modica è squamis composita in breves & imbelles, utrinque hirtas, ex spadiceo nigricantes spinulas definentibus. *Flosculi* lutei sunt. Hæc ex sicca.

5. *Jacea montana purpurea echinato capite* Park. *cyanoideis echinato capite* C. B. *montana echinato capite* Clus.

Clus.

Molliora sunt huic folia quam vulgatissimæ; quæ secundum radicem sunt laciniata, ad Calcitrapæ folia accedentia: caules cubitales, angulosi, striati, in multas alas divisi: capitula hinc inde per ramulos confuso ordine sparsa, longiuscula, quamplurimis squamis constantia, quæ in minores tenuioresque quam Calcitrapæ aculeos eosque valde barbatos definunt. *Flos* Jaceæ aut Cardui muricati purpureus: *Semen* non observavi: *Radix* Calcitrapæ radicem æmulatur.

Ad montium radices, nonnunquam secundum vias nascitur in Austria inferiore & Stiria.

Locus.

Dubitat J. Bauhinus, annon hæc eadem sit *Jacea* suæ latifolia, capitulis pulchris, flore purpureo: nos diversam censemus.

C. Bauhinus Jaceam majorem folio multum lacinioso Ad. huic eandem facit. Verum Lobelius hoc nudo Jaceam majorem Ger. Centaurium collinum Gesneri intelligit: cum in Anglia frequentem eam esse scribit inter segetes, ubi non alia habetur Jaceæ species.

6. *Jacea capite longis aculeis spinoso* C. B. *flore albo, capite longis aculeis spinoso* Park.

C. B. prod.

Tota planta subincana, brevibus & rigidulis pilis hirsuta: radicem habet fibris crassioribus implexam, fragilem, candidam, sed membranâ subfusca tectam: caulem cubito altiore, rotundum, incanum, asperum, in ramulos inæquales divisum: folia prima & tenella pilis densioribus, albidioribus, mollioribusque stipantur, reliqua verò oblonga, uncias duas lata, crassa, rigida, per ambitum profundius crenata, nonnunquam ad pediculum laciniata, per quæ fibræ crassiores albæ transcurrunt. *Cardis* summitati capitulum squamosum, ex pluribus squamis, etiam triginta numero compositum, & in conum pini æmulum compactum insidet, quarum apices in spinas oblongas, rectas, subflavas & rigidas definunt, & squamarum oræ firmis pilis albescentibus tanquam seris undique circumdate sunt: inter quos flos multis foliis oblongis, laciniatis & candicantibus emergit, cui semen Cnico simile, sed vulgari majus succedit.

Hæc, inquit C. Bauhinus, à Jacea montana echinato capite Clusii diversa est.

Ob folia circa margines dentata seu ferrata ad Centaurium majus rectius refertur quam ad Jaceam.

7. *Jacea cum spinosis capitulis purpurea tenuifolia* J. B. *Stæbe squamis asperis* C. B. *An Dodonæo Aphyllantes altera?* Capitulis spinosis Jacea Lob.

J. B.

Caules huic cubitales, striati, asperi: folia aspera, angusta, uncias duas longa, quædam rariùs laciniata, aut cum quibusdam eminentiis: capitula parva, quæ squamis constant flavescentibus, glabris, nisi definerent in tres [interdum etiam quinque] spinulas. *Flosculi* purpurei.

Circa Monspelium & alibi in Gallia Narbonensi copiose provenit. Observavimus etiam in He- Locis.

truria. Caules (quantum memini) valde ramosi sunt, nec eriguntur, sed in terram resupini solum latè occupant.

8. *Jacea tomentosa capitulo spinoso* C. B. prod. Park.

C. B.

Tota planta quasi farinâ aspersa foret albescit, & à radice caulis pede minor, statim in alas plures divisus exurgit. Folia habet breviora, angusta, in petiola tria, quina, septena, subrotunda divisa. Cauliculis capitula parva ex squamis multis in aculeos acutos & rufescentes abeuntibus composita insident.

In Murena Hispaniæ inventa fuit.

Locus.

9. *Jacea capitulis hirsutis* Boelii Ger. emac.

Ger. emac.

Plures è radice fundit cauliculos, angulosos, striatos, pilosos, imbelles & humi stratos, in multos ramulos subdivisos, tres quatuorve pedes longos, undequaque diffusos, & solum latè occupantes: quibus ad intervalla adnascuntur folia hirsuta, laciniata, Jaceæ majoris Ger. aut Erucæ ferè in modum, sapore

sapore amaro admodum. Ramulorum singulorum extremis singula innascuntur capitula, squamula, unaquaque squamula in quinque, sex, septemve spinulas imbelles, tenues, in semicirculum dispositas definientes. Flores pallide purpurei, e pluribus flosculis, ut in reliquis hujus generis compositi, flosculis marginalibus majoribus & longioribus iis qui medium florem occupant, singulis in quinque lacinias angustas sectis, cyani non multum dissimilibus. Semen parvum, pappo inclusum; quo ad maturitatem perducto radix exarescit.

Hæc planta ex semine à Guil. Boelio accepto D. Goodyero Descriptionis autori succrevit: ubi illud Boelius collegit non meminit: verisimile autem est in Hispania aut Africa.

\* 10. *Facea montana incana laciniata, capitulis hispidis* C.B.

C. B. prod.

Ex radice caulis palmo major, rotundus, molli lanugine canescens exurgit, circa quem folia pediculis oblongis incanis donata, laciniata & subrotunda, tactuque mollia: capitulum parvum, *Facea montana incana aspera capitulis hispidis.*

Locum.

Montepessuli in monte Calcaris provenit.

\* 11. *Facea latifolia, spinosis capitulis pulchris, flore purpureo* J. B. An *Facea purpurea Hispanica muricata* ejusdem? purp. *Valentina muricato capite* Clus?

J. B.

Multis ramis brachiata, cubitalibus & longioribus, striatis, angulosis, subhirsutis, tactu aspera, interdum concavis. Folia infima pedalia circiter, palmari latitudine, in profundas, latas, sinuatas lacinias divisa, & Cichorii sylv. similia, hirsuta, aspera, superiora verò per ramos passim multo sunt minora, Cyani aut Hieracii foliorum divisa & magnitudine, usque ad ipsum capitulum crebra. Ceterum capitula extremis ramis hærentia turbinata sunt Cyani aut *Facea vulgaris* capitulis parvis, quorum singula squamæ flavescentes aut rubentes, alioqui læves & politæ, in quinque, sex aut septem radiatas spinas, deorsum vergentes definunt. Flores purpurei tandem in pappos facessunt. Semina oblonga, Cnico aliquatenus similia, multo minora, variegata: Radix crassiuscula.

Huic fortè eadem est *Facea purp. Valentina muricato cap.* Clus. i. e. *Fac. foliis Seridis candicans*, purpurea C. B. *supina purpurea capitulis spinosis* Park. cui Clusius attribuit *Folia Seridis candicans*: ramos cubitales & flexiles, & in eorum summo capita squammata, florem depromentia purpurea; radicem valdè crassam longamque & glutinosam.

Plantam huic similem ex semine Londino accepto ortam Cantabrigiæ in hortulo meo aliquando alebam, quam puto Parisienses in *Catalogo Horti Regii* intelligere titulo *Facee cyanoidis aliteri* dæ caule seu *Cyani Cretici spinosi Belgarum*. Hujus capitula (quantum memini) grandia erant, quam Cyani aut etiam *Facea nigra vulgaris* majora: semina ut in planta Bauhino descripta variegata.

\* 12. *Facea spinosa Cretica* Zanoni.

Præcedenti fortè eadem est, Radice nititur longa, brachii humani crassitudine, tereti, nodosa, medio deorsum versis in multos ramos divisa, eosque in ramulos minores & rariores subdivisos, cortice crasso, succulento, viscoso, colore pullo terræ Umbræ dictæ tectos, medullâ intus albâ, tenet. Differt à superius proximè descripta foliis dimidio angustioribus, per oras spinosis, quo alius in caule sitis eo minùs incisus, adeò ut quæ floribus vicina sunt integra absque ullis incisuris obventur.

Integram descriptionem videbis apud Jacobum Zanoni *Hist. Botan. cap. 55.*

\* 13. *Facea laciniata Sonchi folio, sive latifolia purpurea capitulo spinoso* C. B. Park. An *Jamaica Batrica* Park?

C. B.

Radice est rectâ, fragili, fibrosâ, membranâ subfusca tectâ, & si plures caules protrudat brachiata [glutinosa, diu durante] sapore subaustriusculo, ex insipido ad amariuscum tendente. Caulis ut plurimum rectus, hirsutus, brevibus densisque villis seu lanugine, potissimum parte inferiore refertus, qui ob capitulorum gravitatem humum versùs reflectitur, & in summo in aliquot ramos dividitur. Folia primum prodeuntia variant, sunt enim rotunda, oblongo pediculo donata, dein magis magisque sinuata, tandem verò in lacinias, (quæ ad exortum inferiorum minora sunt) inequales dividuntur: sunt etiam rigida & dura, adeò ut complicata cum quodam panè crepitu frangantur, brevissima & duriuscula lanugine, potissimum superiora & ad exortum, tecta. Cauliculorum summis capitula spinosa, ex squamis compacta, initio viridia, mox ad apicem purpurascens insident: ex squamis spinæ septem, pulchro ordine, stellam dimidiatam referentes exeunt, quarum media cæteris latior & longior, in minuto capitulo rubens, paulò post verò pallens. Flos ex capitulo tardè prorumpit, qui elegantis purpuræ & inodorus, cujus foliola fistulæ sunt oblongæ, superius amplo & laciniato rictu prædita, inferius angustæ, quæ ad exortum coloris albi, sed paulatim versùs fastigium in rubrum sese mutante: omnes autem stamina clavata sustinent, clavâ ex purpureo seu violaceo prorsus nigricante, in summo alba puncta habente, & staminum pediculis, ubi et fistula prorumpunt albis existentibus. Semen Cyani semen refert, oblongum, angustum & cinereum est.

Parkinsonus semina nigricantia *Facea sue marina Batrica* attribuit: spinas capitis acutas quidem, at innoxias esse scribit.

Huc



Huic similis est, non tamen eadem quam in maris litore arenoso propè Neapolin in Italia, trans urbem versùs *Torre di Greco* & Calabriam copiosissimam invenimus, cui tantum fecimus *Jacea purpurea maritima capitulo spinoso Neapolitana*.

• 14. *Jacea Sicula Cicorii folio, flore luteo, capite spinoso Bocconi.*

Boc.

*Caulis* huic angulosus & cubitum altus est, quandoque reclinatus, multis alis divisus & concavus. *Folia* longa, aspera, duas aut tres uncias lata, utrinque profundius dissecta, candicante, *foliis* *Jaceæ Sonchi folio* latiora. *Floribus* constat luteis *Spinæ Solstitiali* similibus. *Capitulis* longis aculeis armatis donatur. *Radix* alba fibrosa.

Circa Saccam nascitur, nec videtur ea quæ sub *Jacea capite spinoso longis aculeis à C. B.* in *Prodromo* descripta est.

• 15. *Jacea arborea, argentea, Ragusina Zanoni.*

Zan.

*Caulem* surrigit supra terram, simplicem, ad quatuor interdum digitorum altitudinem antequam in ramos dividi incipiat, inæqualem, subrotundum tamen, cortice flavo rubiginoso tectam, deinde in multos ramos crassiusculos divisum, lanuginosos, candidos, arcuatos, à nodo ad nodum huc illic reflexos, medullâ viridante succosâ, ligno tenui filamentoso circumdata plena. Ubi *caulis* in ramos dividi incipit crebri tuberculi apparent, è quibus *folia* exeunt nullo ordine, prima & infima integra omnino, Scabiosæ arboreæ *Creticæ* similia, proxima ad basin duobus dentibus incisa; his succedentia quatuor reliqua deinde ordine pluribus, donec tandem, tota in dentes sue lacinias secta sint, circa medium caulem. Summi caules *folia* iterum primis similia, integra & indivisa gestant, acutiora tamen, & alia pariter secundis similia, acuta & variè incisa. Summos caules & ramulos terminant *capitula* grandiuscula & oblonga, lanugine candidâ seu argenteâ obdacta, uti sunt & reliquæ omnes plantæ partes, quæ si deradatur, *folia* ex viridi obscura restant. *Capitula* hæc squamis imbricatis obteguntur, intus flavis & splendentibus. auri instar, ima parte latis, à medio sursum versùs argutis denticellis serratis, spinâ acutâ mucronatis; mense Junio aperta *floribus* edunt speciosum, odore non ingrato, multis flosculis fistulosis corniculatis compositum, marginalibus longioribus, oris in quinque lacinias totidem foliola mentientes sectis; è medio uniuscujusque exie filamentum seu stamen [rectius stylus] oblongum, corniculatum, & ex ipsius medio aliud, valde gracile, summa parte incurvum & bifurcatum. *Florem* excipit semen versùs finem Julii, aliarum *Jacearum* seminibus simile, colore flavicante & lucido. *Radix* brevis, subtilis, flexuosa, in multis furculis spargitur; inflexa cum stridore rumpitur, ac si ex vitro aut glacie composita esset; colore ex flavo rufescente, medullâ intus albâ; odore *Brassicæ hortensis*; sapore aromatico tuberum in montibus Mutinensibus erutorum, verum pungente aliquantulum & exsiccante. Foliorum sapor valde amarus, velut *Cardui benedicti*. Planta est perennis, semine etiam se propagans.

16. *Jacea sphaerocephalos spinosa Tingitana Hort. Edinburg. Jacea Tingitana capitulis spinosissimis Hort. Lugd. Bat.*

Cùm hæc planta nobis nondum conspecta fuerit, plura non habemus quæ de ea dicamus.

## C A P. XII.

### De Cyano.

**C**yanus à floris colore cyaneo seu cœruleo nomen accepit. *Battifecula* five *Baptifecula* Officinis olim dicebatur, quæ vox *Hermolao* à Latino derivata videtur, nimirum à batuo five bato verbo antiquo, quod percutere & tundere significat, unde Anglicum *Beat*, & *fecula*, i.e. falx, à secando dicta, unde Anglicum *Sickle*: à percutiendo scilicet & remorando messorum falces.

*Cyanus* flosculis in flore marginalibus speciosioribus minúsq; laciniatis infundibuli formam habentibus à *Jacea* differt: rectius genere cum *Jacea* convenire statuitur: namque si hanc distinctionis generis notam ponamus, duæ trêse duntaxat erunt *Cyani* species, nimirum vulgaris *Cyanus*, & *Turcicus odoratus*.

A. 1. *Cyanus J. B. minor vulgaris Lob. Ger. Park. Cyanus Segetum C. B. Blew-bottles.*

J. B.

*Lignosam* habet multâsq; fibris capillatam radicem ubi excrevit: undè caules plures surgunt, cubitum & sesquicubitum alti, angulosi, cavi, lanugine incani, in ramos divisi. *Folia* infima Lob. \* Non tamen adco profundè, acutis lacinis sinuata, Scabiosæ aut *Dentis leonis* more; alia longa, culmum lata, per longitudinem nervosa, cæsa, albicantiâve. *Floribus* ex capitulis squammatim compactis se explicant, corniculis laciniatis constantes, colore communiter cœruleo, & ut nomen loquitur cyaneo, aliàs albo, aliàs puniceo aut purpureo, crebris in medio flosculis cœruleis aut purpureis, simplices. *Semen* capitulis

lis florem sustinentibus seu alabastris oblongum, nitidum, pappo cristatum. Sapore est tota planta sicco & aliquatenus nauseoso, odore nullo eccellente.

Locus.

Inter segetes passim provenit. Flore est communiter cœruleo, rarius albo aut purpureo. Verum si in hortis latiori solo feratur & colatur, non tantum flores edit cœruleos aut albos, sed etiam purpureos, & carneos, & varios seu albos medio purpureo aut cœruleo aut carneo. Cultu etiam & mangonio obtinentur Cyani flore pleno, diversorum colorum; unde C. Bauhinus temere sine necessitate Entia multiplicat, Cyanum hortensum à Cyano segetum separans: Ostendat quidam (inquit Frater) discrimen.

Vires.

Flos huius ut & aqua stillatitia utilis esse dicitur in oculorum inflammationibus, rubedine, lippitudine. Erysipelati inspergitur pulvis ex floribus una cum capitibus factus. Ad putrida ulcera valet succus instillatus: Pulvis eorum assumptus Camerario efficax est contra morbum regium. Dos. ʒj. Alias multas & ferè contrarias inter se facultates eidem attribuunt: v. g. æstus febrilis restringere, adversus venenatarum bestiarum morsus & puncturas prodesse, quæ frigidum esse arguunt: in palpitatione cordis, in suffocatione uterina prodesse, iis qui ex alto delapsi sunt aut confusi, & quacunque de causa sanguinem concretum intus habentibus utiliter exhiberi, quæ calidum esse suadent. Et revera sapor totius plantæ amarus & nonnihil acris, vis deobstruendi, & purgandi aquas, quam C. Hofmannus sibi compertissimam longo usu esse tradit, calidum potius quam frigidum esse probant.

Flores in spiritu vini, aut etiam aquâ communi macerati suo eam colore imbuunt, itemque Saccharo elegantem colorem communicant, cujus usus omni periculo vacat. Idem præstant flores Cichorei, Delphinii, &c.

2. *Cyanus major* Lob. Ger. *major vulgaris* Park. *Alpinus radice perpetua* J. B. *montanus latifolius*, vel *Verbasculum cyanoides* C. B.

J. B.

Numerosis fibris & mediocriter crassis in unam radicem coeuntibus vivacem & perennem, in grato sapore, figitur: cubitales & altiores caules surrigens, lanugine multâ villosos, angulosos quibus adnascuntur folia Lychnidis coronariæ, longiora, latiora, lanuginosa, mollia, alis lamellis ad proximum usque folium semper, cum caule continuatis. Capitula squammata flores sustinent. Cyani vulgaris, sed longè majores, fimbriatos & cœruleo purpurantes, nonnunquam & albos, corniculis circiter uncialibus, purpurascens, quo etiam colore prædita sunt stamina [flosculi medi] apicibus tamen cinereis.

Locus.

In montosis propè Spadam vicum acidulis celebrem primò invenimus, postea etiam in monte Jura non longè à Geneva. J. Bauhinus in monte Wasserfall, Basileæ cum esset, observavit. Alii etiam in montibus non rarò occurrunt.

Hæc planta si characteristicam Cyani notam à florum petalis marginalibus speciosioribus, minus profundè laciniatis, & infundibuli formam habentibus sumas, Cyanus dicenda non est, sed potius Jacea.

3. *Cyanus repens latifolius* C. B. Ger. *repens latifolius Lobelii* Park. *peramarus repens foliis vendula* J. B.

Ad. Lob.

Minus observata hæc, non aliò quàm ad Cyanum aut Jaceam referenda [imò rectius me juxta ad Jaceam quàm Cyanum] foliis oblongis, angustis, Lavendulæ, rigidis, illius plantæ quam proximè descripsimus [Cyani majoris] similibus, in cauliculis gracilibus, viticosis, palmaribus pedalis & sesquipedalibus, quorum singulis summis singuli flores, staminei Jaceæ, obsoletæ purpuræ, è poculis squamosâ insertionem confatis prodeunt. Radix digitorum parvum æquat. Tota planta gustu perquàm amaro & ingrato.

Locus.

Subter Sefeli pratenfis ramulos ad Sellam novam & alibi agri Monspelici reptando latitat. Hæc omnia Lobelius. Nos plantam hanc circa Monspelium multis in locis observavimus, nec latitatem, sed conspicuam.

Neque hæc planta ad Cyani genus propriè pertinet, sed ad Jaceæ.

4. *Cyanus repens angustifolius* C. B. *repens linifolius* J. B. *repens angustifolius sive minimus* Park.

J. B.

Cauliculus huic dodrantalis; folia ferè Lini, valdè crebra, unciâ paulò longiora, angusta; capitula longa, squamosa, similia Stoechadi citrinæ alteri inodoræ, verum squamæ breviores videntur, quibus erumpit tomentum candicans. Saporem insignem non animadverto.

J. Bauhinus ex sicca descripsit.

5. *Cyanus floridus odoratus Turcicus sive Orientalis major & minor* Park. *The Sultan flower*.

Park.

Folia huic latiora sunt, & ad margines magis laciniata quàm vulgari Cyano, non usque adeò incana. Caules in majori specie minimum bicubitales, in minori humiliores, foliis confimilibus sed minoribus obfiti, in plures ramos divisi, quorum singuli singula sustinent capitula, squamosa, Cyani vulgaris majora, flores exferentia majores, è multis flosculis compositos, marginalibus octo aut novem fistulosis, oblongis, versùs oras paulatim dilatatis & expanfis, infundibuli specie mediis brevioribus.



oribus & angustis. Flosculorum ambientium color dilutè purpureus, amœnus; mediorum pallidior & albescens: odor fragrantissimus, ut præstantissimum etiam Zibethum superet. *Semen* pappo inclusum nigricat. *Radix* quotannis una cum superficie emoritur.

Constantinopoli ad nos transmissa est, apud Turcas in honore esse cœpit quoniam ab Imperatore primum in agris observata, ob odoris gratiam collecta & gestata est.

Minor species quantum magnitudine omnium partium tantum odoris suavitate majori speciei cedit.

• 6. *Cyanus tomentosus* Alpini exot.

*Alpin.*

Planta est furculosa, ferens ab radice furculos plures, longos, graciles, rotundos, oblique actos sursum, lanugine candida obritos, cubitales & ampliores, molles, *folia* hinc inde vestitos longis, tenuibus, per oras serratis, in acutum desinentibus, candidis, tomentosis, Cyani foliis figura similibus, sed multò minoribus. Surculi in cacumine habent *flores* purpurascens, Cyanis similes, suis parvis calycibus, & exterius squamis obritos, contentos. *Radix* tenuis, in multas divisa, lignosa.

Accedere videtur Jaceæ foliis angustissimis subtus incanis, seu Stœchadi purpureæ odoratæ Parkinsoni.

• 7. *Jacea Hispanica* Alpin. exot. potius *Cyanus Hispanicus*.

*Alpin.*

Et foliis, & floribus & caulibus ex toto Jaceæ vulgari similis est. *Flores* verò ad flores Cyani maximè accedunt, & magnitudine, & figura, & colore. Etenim colore albescunt in cœruleum, & veluti radios elegantissimos habent. Planta annua est & sapore amarescit.

Hujus semina ex Anglia habuit Pr. Alpinus à Joanne Moro M. D. missa.

### C A P. III.

#### De Jacea.

• 1. *Jacea maxima* Alpin. exot.

*Alpin. exot.*

**C**aulis à radice sustollit quinque vel sex cubitos altos, rectos, scabros, ad imum dense foliatis; è quorum medietate superiori hinc inde surculi plures, recti, graciles, rotundi exeunt, in quorum summitatibus producuntur *calyces* parvi, Cyani magnitudine atque figura, è quibus exeunt *flores* lutei, Cnici floribus similes: quibus in calycibus succedunt *semina* Centaurii majoris seminibus proxima, saporis leniter amari. Planta propè radicem & in caulium infernis partibus admodum est perfoliata; *folia* verò Helenii foliis similia videntur, sed minora, quadam revoluta in seipsis, quasi luxuriantia, lanuginosa & quadantenus mollia, omnis coloris expertia, non sine levi amaritudine. *Radix* longa est, crassa, in tenuitatem definens, quibusdam pauculis radiculis fibrosis referta, colore alba, Cinaræ radici omnino similis.

Ex seminibus Hierosolyma delatis enata est.

2. *Stabe capitata Rosmarini folio Pona, sive Chamæpitys fruticosa Cretica Belli J. B. Jacea fruticans Pini folio C. B. Stabe fruticosa angustifolia Cretica Park. An Chamæpeuce* Alpin. exot.

*Pona.*

Ex albicante *radice* lignosa & aliquantulum fibrosa varii effeuntur *caules* teretes, modo Coronariz Libanotidis, trium circiter cubitorum, quadam caritie aspersi: profert *folia* uti ipsa Libanotis, sed longiora multò & acuminata magis, quæ paulatim flaccida facta, ita se coarctant, ut omnino appareant Pinastris folia, quæque superne virescunt, inferne albicant, cum quadam lanugine, uti & cauliculi: in ramulorum fastigiis edit *capitula* quemadmodum Stæbe Salmantica prima Clusii, quasi magnitudinis Centaurii majoris, cui etiam *flos* simillimus est, nisi quòd magis purpurascit. *Semen* retinet Cnici sed nigricans. Perennis est planta.

Vide infra Jaceam foliis angustissimis, subtus incanis, cui plantam hic descriptam eandem esse suspicamur: ut & Chamæpeuce Alpini in Exoticis descriptæ.

\* 3. *Stabe*

3. *Stæbe fruticosa latifolia Cretica* Park. *Frutex rotundo argenteo folio, Cyani flore* C. B. *Cyano fruticosus Creticus Candia* Ponz Ital. *Pulcherrimus frutex Bello* ep. 2. ad Clus.

*Bell.*

Ad duorum cubitorum altitudinem affurgit, in orbem diffunditur, perpetuòque viret. *Folia* habet longa, rotundiuscula tamen instar foliorum mali, firmiora, latissimè virentia superne, inferne verò albà quadam lanugine obducta, ut argentea videantur: *cauliculus* albos, lanuginosos, quos *folia* utrinque ambiunt, in quorùmq; extremitate *flores* cernuntur specie thyrsi, ut in Saponaria vulgaris dispositi, squamato politu, sed figurà Cyani, colore phoeniceo, calyce tamen longiore quam Cyani, squamato, albo & rubro diluto colore prædito. *Flores* in pappos resolvuntur: *semen* longius quàm Cynimi, calycisq; sunt perennes.

*Locus.*

In altissimis præcipitiis inter saxa provenit.

4. *Stæbe major calyculis non splendentibus* C. B. *Austriaca elatior* Park. *Centaurei majoris species tenuifolia* J. B.

*J. B.*

*Radix* habet minimi digiti crassitudine, dodrantalem, sapore Cyani nauseoso: *Folia* Scabiosa squamata argentea [ proximo in loco describenda ] tenuiter dissecta, albidiora, sapore amaro prædita: *Caules* unius, duorum aut trium interdum cubitorum altitudine, pro locorum ubi proveniunt ratione; in multos ramos fissi, foliis etiam tenuioribus. Absinthii ferè Pontici vestiti. *Flores* Cyani formâ, stamini, minores, purpurantes è capitulis emicant turgidulis turbinatisq; Scabiosa squamata argentea, paulò minoribus, squamulis asperis, pilosis, imbricatis, non lucidis, ut in argentea illa. *Semina* parva, oblonga, ruffa, quaternis costulis striata, quibus pili adherent.

Tanta est hujus plantæ similitudo cum Scabiosa argenteis squamis, ut eandem existimarem, inquit J. Bauhinus; quod idem & nobis videtur. Capitulorum argumento Centaurii majoris speciem facio. *Idem.*

*Locus.*

In Germania, Italia & Gallia Narbonensi frequens est, ut non opus sit loca memorare.

J. Bauhinus Jaceam albam *Tab.* huc refert: C. Bauhinus speciem ex ea distinctam ab hac ut & sequente facit, titulo *Stæbes caliculis argenteis minoris*.

5. *Stæbe calyculis argenteis* C. B. *argentea minor* Ger. *Salmantica argentea, sive tertia Clusii* Park. *Scabiosa squamata argentea* J. B.

*J. B.*

*Lignosa radice* firmata est. *Caules* cubitales & bicubitales, striati, subhirsuti, multis alis concavi. *Folia* multiplici cæsurâ dissecta ad Centaurii majoris speciem minorem accedunt, nigriora, teneriora. Extremis ramulorum capitula nascuntur turbinata, concinnis lucentium squamarum & candicantium squamulis imbricata.

Hæc à præcedente vix alia in re quam squamulis capitulorum tenuibus & lucentibus differit, vix crediderim specie ab ea differre.

*Locus.*

In Calabria propè Tropiam urbem observavimus; necnon circa Monspelium.

6. *Stæbe Austriaca humilis* Clus. *incana Cyano similis tenuifolia* C. B. *Austriaca humilis* Park.

In collibus & montibus Viennensi urbi vicinis provenit hoc genus superiore multo humilius, magis incanum, tenuioribusque virgis; quod non multum differre videtur à minore Cyano.

7. *Jacea montana incana odora* C. B. *Jacea muschata* J. B.

*Radix* lignosa, lenta: *caulis* rotundus, pedalis; *folia* longa, lata, mollia, tomentosa, lacinis longis divisa, alba vel cinerea. *Capitula* formâ & colore Jaceæ secundæ, [ quæ Centaurium murale dicitur ] Tota planta satis suavi odore prædita est, saporis amaricantis cum adstrictione quadam.

*Locus.*

Ita describit Tabernamontanus (inquit J. Bauhinus) cujus & descriptionem & iconem probamus Heidelbergæ provenit arenosis & ficcis locis. Nos ibi frustra eam quærivimus; verùm Centaurii majoris speciem tenuifoliam J. B. copiosam ibidem invenimus. Gaudet locis alijis & apricis. Jaceam muschata in monte Hymetto propè Athenas observavit D. Georg. Wheeler.

8. *Stæbe Salmantica prima Clusii* Park. *Salmanticensis prior Clusii, sive Jacea Intybacha* J. B. *argentea major* Ger. *major, folijs Cicboraceis, mollibus, lanuginosis* C. B.

*Clus.*

Jaceæ similis *folia* habet humi strata, Scabiosa Jaceæque foliis latiora, ad Cichorii folia accedentia, mollia, lanuginosa, & interdum candicantia. Aliquot ex eadem radice *caules* exeunt, velles aut ampliores, striati, subhirsuti, fungosâ medullâ facti, multis alis brachiati; quibus inherent minora, minùsque dissecta, & mucrone quodammodo spinosa folia. *Flores* nascuntur in summis ramulis, *capitulis* [ Cyani paribus, turbinatioribus, glabris nitidisq; & politis, albicantibus per eorum rubentibus squamis, imbricatis ] comprehensi, purpurei: quos subsequitur *semen* subrotundum, Centaurii majoris æmulum, sed minus. *Radix* est longa, candida, digiti interdum crassitudine, quæ nonnunquam vivax est & plures annos durat.

*Locus.*

Circa Monspelium passim provenit, nec minùs frequens habetur in Italia & Sicilia.

9. *Stæbe*



9. *Stabe Salmantica* secunda Clusii Park. major foliis *Erucae* mollibus lanuginosis C. B. *Jacea* genus *Stabe Salmantica*, foliis mollibus lanuginosis, caule infirmo J. B.

Clus.

Folia omnia habet mollia & lanuginosa, *Erucae* instar laciniata; *Caulem* infirmum, ramosum, in terram procumbentem, cujus flores summis ramis innascentes superiore majores, barbulis exterioribus Cyani æmulis, purpureis, (quibus intermixti villi quidam lutei) medium florem occupantibus. Semen superiori simile, vel Cyani semini: *Radix* digitalis, albicans, non vivax, sed quam subsequens hyems corrumpit.

Nascitur Salmanticensi agro in arborum & vinetorum marginibus. Floret Junio, Julio, & Augusto. Locus & Tempus.

10. *Stabe spinosa* Cretica Park. *Spinosa* J. B. *spinosa maritima* C. B. *Cyanus spinosus* Creticus Ponæ & Alpini.

Clus.

Quam descripsit Clusius *Hist. app. alt. auct.* in Ducis Areschotani horto enutritam, trium circiter pedum altitudinem æquabat, & si angustius non conclusa liberè excrecere posset, ad majorem altitudinem pertingere posse arbitrabatur. Fruticosa autem erat, ramulosque satis duros & quodammodo lignosos habebat, foliis valde laciniatis obsitos: summi verò ramuli flores sustinentes minoribus, usque singularibus foliis instar foliorum *Lavendulæ* septi erant & plerumque in spinas desinebant. Tota planta candicabat ferè instar *Cinerariæ* dictæ: Squamosi etiam erant florum alabastri & calices; ipsi autem flores candidi, Cyani florum formam quodammodo referentes. *Radix* lignosa, multifida arque perennis.

Floret Julio, Augusto, & toto Septembri.

P. Alpinus altitudinem palmarem huic plantæ attribuit, & flores colore carneos: reliqua descriptio satis convenit.

Hæc, puto, planta est quam observavit D. Georgius Wheeler propè Athénas in Attica, inque Teno insula Cycladum. Itiner. p. 52.

- A. 11. *Jacea* major Ger. itémque *Scabiosa* flore purpureo ejusdem, ut J. Baubino & nobis etiam videtur. *Scabiosa* major squamatis capitulis C. B. itémque *Scabiosa* major altera squamatis capitulis, sive *Jacea* rubra latifolia laciniata ejusdem. *Centaurium collinum* Gesneri flore purpureo J. B. Great Anapweed or Matfellow.

Matth.

Primo statim exortu folia profert longa, nullis in ambitu laciniis, at quæ his succedunt plus, minoris modo, dissecta cernuntur, quæ verò in caule & ramis habentur, minora sunt & magis laciniata. Caules gerit æstate sesquicubitales, teretes, striatos, incanósque, qui circa cacumen suos fundunt ramos, in quorum fastigio capitula oriuntur in acutum desinentia, compactili squamarum ordine contexta, Cyani modo, è quibus flores prodeunt ferè etiam similes, sed rufescentes. Hos denique sequitur semen parvum, oblongum, rufum, & superiori parte pilosum. Radice nititur pollicari crassitudine, & sæpe majore brachiataque, sapore subdulci Pastinacæ proximo.

Nascitur inter fruges & in campis non cultis, argilloso præsertim solo: estque (ut rectè Lobelius) segetum potiùs quam pratorum. Locus.

12. *Jacea nigra* Ger. *nigra vulgaris* Park. *nigra vulgaris capitata* & squamosa J. B. *nigra pratensis* latifolia C. B. Anapweed or Matfellow.

*Radix* satis crassa, lignosa, vivaci, fibras multas emittente, sapore cum nausea adstringente nititur. Folia priora, quæ à radice exeunt, aliquid (inquit J. Bauhinus) commune habent cum *Cichorii* foliis, sunt enim longa, nonnihil laciniata, præ virore nigricantia, brevi lanugine hirsuta. Caulis ex eadem radice interdum unicus, sæpius plures exeunt cubitales aut sesquicubitales hirsuti, teretes, striati, firmi & rigidi, fractu contumaces, medullâ fæcti, foliis crebris, nullo ordine positis, iis quæ ad radicem similibus verùm angustioribus, obiter præcipuè ad exortum dentatis, cincti: è quorum alis seu sinibus à medio caule sursum versùs ramuli egrediuntur confimilibus foliis sed minoribus donati, in fastigiis unum, duos, tresve flores sustinentes, seu potiùs florum capitula, satis grandia, squamis nigricantibus, circa margines ciliis instar pilosis, imbricatim positis exterius contexta, è quorum medio flosculi emicant tubulosi, laciniati, purpurascèntes, arcè stipati; quibus marcescentibus & delapsis restant, denso sed brevi pappo intermixta, semina, parva, per maturitatem ex cinereo nigricantia. Ramuli interdum in hac planta rectos ferè angulos cum caule efficiunt.

Post mediam plerunque ætatem apud nos floret, estque in pascuis nimis frequens.

Habetur in Occidentali Angliæ parte hujus varietas flore *Jacæe* majoris, hoc est cum limbo seu circulo flosculorum majorum seu longiorum in margine, Cyani in modum; hæcque non minùs frequens quam vulgaris ibi oritur.

Hujus varietatis aliam adhuc varietatem observavit nobisque ostendit Tho. Willisellus cum flore pleno, cujus flos totus componitur ex ejusmodi flosculis, qui in margine illius sunt, nimirum oblongis & speciosis.

Tempus & Locus.

13. *Jacea nigra angustifolia* Park. *nigra angustifolia*, vel *Lithospermi arvensis foliis* C. B. prod.

C. B. prod.

*Radice* est nigricante, in fibras aliquot divisa: caule pedali, rarius cubitali, rotundo, aspero, in alas inæquales diviso: quem *folia* incana, angusta, brevia, rigidiuscula & aspera, *Lithospermi* arvensis familia alternatim sua basi cingunt. Cauliculorum summis *capitulum* squamatum & nonnihil asperum, aliarum *Jacearum* formâ, sed minus, insidet: ex quo *flos* multis exiguis oblongis foliolis pallide rubentibus vel ex purpurâ candicantibus prodit, cui *semen* exiguum nigrum succedit.

Locus.

Hanc passim Monspeffuli &amp; Patavii observavimus.

Adeo exigua est & ferè nulla inter hanc & præcedentem differentia, ut non immerito J. Bauhinus ad idem caput utramque reducit.

Huic & altera similis, sed caule molli tomento vestito, & foliis incanis mollibus & longioribus.

14. *Jacea semper virens Lusitanica* Bocconi & Morisoni.

Bocconi.

Hujus plantæ *folia* lanceolata, longiora latioraque quàm vulgaris [*Jacea nigra*,] margine tamen, ut illius, laciniata, aspera, è virore pallentia: *Caules* multi, cubitales & longiores, pluribus partibus & confusè foliis cincti, in ramos multiplices per totam summitatem divisi, duri, asperi, profertim *capitula* è quibus exeunt stamina [verius *flosculi*] plura, conferta, coloris ex purpura rubentis. *Radix* lignosa, dura, non absque fibris. Tota planta hyemem (nisi acris admodum fuerit) sine noxa faciliè tolerat.

Locus.

In hortis Florentinis, Pisanis, Bononiensibus & demum Parisiensibus vidimus. E Lusitaniæ primùm allatam credunt, unde nomen habuit. Hactenus Bocconius, cujus descriptionem probamus, ut plura addere non sit opus. Nos è semine Londino accepto natam in hortulo nostro Cantabrigiæ aliquandiu aluimus.

15. *Jacea foliis angustissimis, subtus incanis. Stæchas purpurea odorata* Park. *Stæchadi citrina* & *finis capitulis longioribus* J. B.

Pillitter.

Ad cubiti ferè altitudinem assurgit, ramulis infirmis & terram versùs reclinatis, unde in latitudinem magis quàm in altitudinem diffunditur; è *radice* longa, durâ, nigricante virgas crebras lignosas incanas emittens, *foliis* plurimis, oblongis angustis, superne ex viridi nigricantibus, inferne lanuginosis, tomento candicante oblitis, circa margines subinde dentatis vestitas. Summis ramulis interdum singula, plerumque bina innascuntur *capitula*, oblonga squamis confertis imbricata, *flosculos* exferentes pulchellos, purpureos, odoratos; quibus succedit *semen* pappo involutum, *Centaureæ* dicti seminibus nonnihil simile.

Locus.

Plantam hanc variis in locis tum in Gallia Narbonensi tum in Gallo-provinciæ rupibus prope Massiliam observavimus. D. Magnol in monte Cetio, in sterilibus circa la Colombiere, versùs Salernoram prope Foncaude, & alibi eandem invenit. Botan. Monsp.

An & quantum differat hæc planta à *Stæbe capitata* Rosmarini folio Ponæ considerandum.

\* 16. *Jacea integrifolia humilis* C. B. *nigra humilis* Park.

C. B.

Hæc *cauliculis* est pedalis, rotundis, alba lanugine hispidis, & terram versùs reflexis: *foliis* unciam latis, duas longis, nec laciniatis, nec crenatis sed integris, lanugine, præsertim per marginem, pubescentibus & subasperis, basi sua cauliculum ambientibus: in cuius summo *capitulum* ex multis squamis imbricatis dispositis constans, ex quo *flos* *Jaceæ* vulgari similis, subpurpurascens, ex *foliolis* [verius *flosculis*] oblongis in filamenta aliquot divisus compositus, prodit.

Locus.

In Austria ad S. Hippolytum provenit.

Hæc etiam à *Jacea nigra* vulgari adeò in paucis differt, ut vix possim animum inducere ut credam specie distingu.

\* 17. *Jacea montana Austriaca major* Park. *Jacea nigra squammoso capite major* C. B. *montana squamosa major, semine nigro* J. B.

Clus.

Numerosa ab eadem radice promit *folia*, oblonga, vulgarissima *Jaceæ* haud absimilia, nec tamen minus aspera, sapore nonnihil calido, subadstringente tamen: *caules* plerumque cubitales, striati, ramosos, foliis angustioribus, & interdum paucis laciniis secundum pediculum præditis oblitos, ut in vulgarissima: *Capitula* in extremis ramis crassiora, non hirsuta, sed multis squamis tenuibus, & si vel digitis leviter attingas crepitantibus prædita, inferne candicantia, superne vero, quæ se *flos* explicat, fusca. *Flos* multis exiguis foliolis [rectius *flosculis*] in quinque laciniis divisus ex purpura candicantibus constat. E quorum medio purpurascens tubulus exilit, in summo velut farina aspersus; quem ambiunt purpurea majora longioraque foliola [flosculi] quinque inæqualibus laciniis etiam constantia, uti vulgarissima. *Semen* Cnico formâ simile, sed exiguum, nigrum, paulò majus, quàm vulgaris, subadstringentis gustus. *Radix* etiam vulgarissima similis est, fibrosa, nigricans.



Floret Julio & Auguſto & ſubinde ſemen profert, quod maturum ſtatim è vaſculis reptans ſiccum Tempus.  
florem excutit.

- \* 18. *Jacea nigra ſquamoſo capite minor* C. B. *montana Auſtriaca minor* Park. *montana ſquamoſa minor, ſemine albicante* J. B.

Cluſ.

Hæc priori ferè per omnia ſimilis, paulò tamen humilior, ut quæ raro pedalem ſuperet altitudinem: foliis minùs aſperis & aliquantulum incanis; paulò dilatiore flore, ſemine minore, nec nigro, ſed candicante & cineraceo, linguam etiam magis calefaciente. Maturius plerunque floret & ſemen Julio perficit.

Provenit utraque copioſè in montanis Pannoniæ & Auſtriæ pratis.

Locus.

19. *Jacea latifolia capite hirsuto* C. B. *Auſtriaca villoſa* Ger. *Auſtriaca latifolia villoſo capite* Park. *Jacea cum ſquamis pennatis ſive capite villoſo elatior & humilior* J. B.

Cluſ. J. B.

Lata longaque habet folia, ſuperioribus majora, magis albeſcentia, molliora [breviora latioraque quam Jacea nigra vulgaris, ſeſcunciam aut unciam longa, latitudine unciali, acuminata, crenata, infima verò palmum & ſeſquipalmum æquant. J. B.] leviter dentata per ambitum, gummoſo guſtu, ſed amaritudinis non exigua. Caulis plures ex eadem radice promit, cubitales vel etiam ampliores & interdum minores, anguloſos & ſtriatos [ſubhirsutos, ramis multis brachiatos.] Capitula terna aut plura, contigua ferè, ex multis ſquamis imbricatis diſpoſitis conſtantia, quarum culpidēs exteriùs reflexæ, in adeò crebra tenuiaque filamenta, nigricantia, ſive potiùs multifidam barbulaſ definunt, ut ipſa capita tenuiſſimo & elegantiffimo reticulo incluſa videantur, mirò naturæ artificio. Flos è medio erumpit Jaceæ vulgaris, purpureus. Semen maturum cinerei coloris, Cyani ſemini ferè reſpondens. Radix vivax, & multis nigricantibus fibris donata.

Calidiori circa Monſpelium celo longè eſt ſtrigioſior foliaque poſſidet interdum ſinuata potiùs quam crenata.

In montanis Pannoniæ & Auſtriæ pratis oritur Cluſio: Floret Julio & Auguſto.

Locus & Tempus.

- \* 20. *Jacea Melitenſis capitulis conglabatis* Bocconi.

Bocc.

Caulis hujus pedales & longiores ſunt, alati, ramoſi, geniculati. Folia anguſta, Jaceæ vulgaris foliis molliora, leviter ſinuata & incana. Flores ad genicula ab imo ad ſummum caulium plures, ſubulrei, è capitulis nonnihil ſpinofiſ, atque rotundi globuli formâ ſimul commiſſis exeuntes.

Melitæ invenit P. Boccone, in via quæ Caſalnovum ducit. Lutetiæ etiam nata eſt, ſed capitulis minùs compactis.

- \* 21. *Jacea Monſpeſſulana cui in ſquamis fibra nigra, interdum acaulis* J. B. *Jacea humilis Hieracii folio* C. B. Park. *pumila, humilis ſerpens, acaulis ſermè, flore cyaneo & albo* Ad. Lob.

J. B.

Spontanea palmum vix ſuperat, interdum acaulis, culturâ in cubitalem altitudinem proficit; multis ex radice craſſiuſcula productis caulibus, ſtriatis, hirsutis, intus fungoſis, multum ramoſis. Folia pumila per terram ſparguntur, Cyani foliorum æmula, incanâ lanugine obſita, laciniata, alia integra, reliqua per ramos fortuito poſita naſcuntur. Capita foliis oblongis, minimè diſſectis, acuminatis obvallata ſunt, mediocriſ magnitudinis, mollicella, ſquamis longiuſculis compacta, quarum oras ſimbria nigra ambit, acumen verò in pinnatas ſpinulas innoxias fatiſcit. Flos albus ſtamineus in pappos abit. Habetur etiam flore purpureo.

Prope Monſpelium in marginibus ſatorum ad pontem viâ quâ Frontignanum itur invenit Lobe-  
lius: ibidem etiam D. Magnol floribus purpureis & floribus albis frequentem vidit Maio menſe flo-  
rentem.

Locus & Tempus.

22. *Jacea anguſtiſolia capite hirsuto* C. B. *anguſtiſolia Auſtriaca villoſo capite* Park.

Cluſ.

Longè humilior eſt, cubitalem altitudinem vix attingens, alioqui foliis villoſis, & retis inſtar formatiſ capitibus, atque adeò floribus magnam ſimilitudinem cum præcedente habet. Semen variat, quod nigricans eſt & paulò craſſius.

In iſdem locis oritur, eodémque tempore floret.

Monſpelii hæc nobis oſtenſa eſt ſicca, ipſi tamen eam in loco natali creſcentem nondum vidi-  
mus.

Locus & Tempus.

Jacea alba hirsuto capite C. B. cùm non aliter quam floris colore à penultima differat, ſpecies diſtincta cenſenda non eſt.

\* 23. *Facea montana incana aspera, capitulis hispidis* C. B. Park.

C. B. prod.

*Radice* est lignosa, in longas fibras divisa & rufescente: *cauliculo* palmari, rotundo, lanuginoso: *foliis* asperis, ad radicem pluribus, incanis, hispidis, parum laciniatis, angustis, [interdum laciniatis, subrotundis & tactu mollibus] uncias quatuor longis, reliquis verò in profundas & rigidas crenas divisis, basique sua caulem amplexantibus, qui aliquando in ramulos dividitur, quorum singuli *capitulum* parvum ex squamis hispidis compositum sustinent, earum enim cuspides exterius reflexæ in tenuissima filamenta definunt. *Flores* vulgari similes sed multò minores.

Locus.

Monspefuli in monte Calcaris provenit.

\* 24. *Facea nigra laciniata* C.B. *nigra vulgaris laciniata* Park. *Facea cum squamis ciliis instar pilosis* J. B. *Facea Austriaca* VI. Clus.

Clus. J. B.

*Folia* vulgari sunt similia, secundum radicem leviter laciniata. *Caulis* cubitalis aut amplior, gracilis, firmus, striatus, [aliquantum hirsutus] nonnihil interdum purpurascens, in multas alas inæquales divisus, per quem folia sunt jam dictis minora angustioraque [uncialia & fescuncialia, semunciali latitudine & angustiora, dura, subhirsuta] *Flores* tingit purpura saturatior, *Jaceæ* vulgaris omnino similes è *capitulo* pari, toto nigricante, ejus squamæ singulæ pilos breves agminatim circumcirca ciliis instar possident. *Semen* priori æquale; *Radix* aliis similis.

Crescit permixta cum superioribus, atque eodem etiam tempore flores ejus explicantur.

\* 25. *Facea Cretica* Park. *laciniata, squammata* C. B. *squammata Cretica, quibusdam Scabiosa Cretica dicta* J. B.

Clus.

Habet multa longa *folia*, supra tellurem expansa, instar majoris Scabiosæ *Matth.* crasso nervo prædita, & secundum illius longitudinem, non modò multipliciter laciniata, sed ipsæ etiam laciniæ in minores alias sectæ. *Caulis* deinde emergit cubitalis & amplior, striatus, durus, non dissimilis *Faceæ montanæ squamato capite majori*, per quem sparsa sunt *folia* jam dictis minora & minis laciniata: finditur deinde in varios ramos, minoribus adhuc folis & rariùs sectis præditos. Extremi rami sustinent *squammata capita*, quæ producunt deinde *florem*, multis longioribus *bracteis* purpurascens, interdum omnino albis & valde sectis constantem, ex quorum medio exilit *stylus* pallescens: evanido flore succedit *semen* multa lanugine involutum, *Cnico* formâ simile, sed exiguum, cinereum. *Radix* satis crassa, & quibusdam fibris prædita, instar radicis *Stœbes Hispanicæ*, quæ an vivax sit me latet.

Peregrino semine (Cretâ allato) nata est hæc planta Clusio.

26. *Facea montana lutea minima* Park. *montana minima tenuifolia lutea* Col. *laciniata lutea* C. B.

Col.

Locus &amp; Tempus.

Æquicolorum montes herbidi hanc non descriptam, Septembri mense floribus luteis onustam fundunt propè D. Angeli dirutum ibi templum, supra villam Flaminianum dictam; cujus *caulis* & *folia* pusilla respectu *capituli* & florum: magnum quidem illud profert, congenerum etiam modo squamulis compactum, atque *flores* majoris *Jaceæ* pares, aureo colore, quorum interni [bractei] elati atque recti, & exteriores circa caput procumbentes. *Caulis* verò tenuis, angulosus, semipedalis ad summum, duabus alis foliorum interceptus. *Folia* verò triuncialia, propè humum expansa, in tenues admodum lobos divisa, ipsique etiam lobi insuper laciniati, carnosii, aculeati, Vermiculariæ Dioscoridis dimidiatum folium æmulantes, læves, sed tenuiores. *Semen* deinde profert papposum ut congenerum. *Radix* circa caput pilosa, fibris divisa crassiusculis, sapore & odore congenerum.

\* 27. *Facea incana capite squamato* Francisci de Honuphriis.

Honuphr.

A radice lignosa, parum inter petras (Circæi Promontorii) earumque fissuras asservata, foliorum candicantium (inter quæ nullus nascendi ordo) multitudo germinat atque huic illucque diffusa, prætereuntium oculis sese patefacit, moxque assurgens lignoso caudice, non solum ex faxis verum ex Castrorum mœniis propendet: quæ quidem primo intuitu Ragusoidem *Jaceam* adeò referre videbatur, ut non nos tantum sed & alii antequam flores & caulem ederet eandemmet esse putaverint: attentius verò à nobis animadversa dum in horto culta, ab illo differre toto cœlo cognovimus: *folia* equidem colore cinereo albicante, plurimâ lanugine aspera ipsam quodammodo æmulantur; hujus tamen grandiora, magisque incisa, flexibiliora, rimosa atque minus crassa; illius verò crassiora, albidiora, breviora & rotundiora, absque rimis: *flores* hujus, ut in vulgari *Jaceæ*, purpurantes & carnei, illius verò aurei. *Caulem* edit hæc cubitalem, modò brevior, modò longior, alatum, striatum, foliis circumvestitum, & ubi folia insident brachiatum, circa initium aliquantulum fistulosum, ubi *capitula* adnascuntur squamata, non tamen spinosa, *floresque* carnei elegantis coloris, Centaurioidem *Jaceam* quodammodo referentes. *Semen* Cyanis asine.



Tota candicans, hortisque inclusa aspectu pulchrior est planta Maio mense floribus onusta spe- Tempus & Locus.  
 atur. Ex præruptis ingentibus Circae veteris promontorii saxis Occasui expositis ubique pen-  
 det.

Hanc nonnulli montanam candidissimam Jaceam C. B. prod. putarunt, cui & ipse addit Stœbes  
 foliis: Hujus tamen folia nullam Stœbes formam retinent: in cæteris tum floribus, tum caule satis  
 convenit. Folia illius magis laciniosa, & ad Stœben accedentia, magisque quam hujus candicantia  
 & lanuginosa.

28. *Jacea montana candidissima Stœbes foliis* C. B. Park. *incana, laciniata, capitulis Cirsii, flore*  
*uno aut altero* J. B.

C. B. prod.

Hæc ex radice crassa, lignosa caulem profert palmarem, nonnunquam cubitalem, angulosum,  
 striatum, molli & incana lanugine vestitum. Folia habet ad radicem multa, per terram sparsa,  
 palmaria, lata, Stœbes instar laciniata, molli lanugine incana, & superiora molli tomento quasi  
 farina aspersa, mollia & alba sunt. Cauliculis summis flores singuli Jaceæ vulgaris insident, quæ ex  
 capitulis squarrosis prodeunt.

In montibus propè Capuam provenit. Nos in rupibus seu clivis maritimis Calabriae propè Sca- Locus.  
 leam collegimus. Nostra etiam capitula ipsa eorumque squamæ Jaceæ nigrae simillima erant.

29. *Jacea montana capite magno Strobili* J. B. *incana Pini capite* C. B. *pumila Narbonensis*  
 Park.

J. B.

Pumila est planta, duarum triumve unciarum altitudine, interdum dodrantalis aut major. Folia  
 cauli longitudine vix cedunt: primum nascentia accedunt formæ ad priora Centaurii folia, sunt  
 lata & sublonga: sequuntur alia in profundas lacinias æquali situ divisa, subtus densa mollique  
 lanugine candicante obsita, quæ etiam superius non omnino destituuntur, plerunque tamen vi-  
 ridantia; quædam interdum non laciniata, aut parum. Coliculus quoque tomentosus est, inque  
 ramos subinde dividitur, sæpe simplex, cujus cacumini insidet caput magnum, Scolymi, squamis  
 argenteis, aut ex argenteo rutilantibus purpurascensibusve, perquam tenuibus mollibusque, per oras  
 lætescentibus cristatisque compactile. Medium obtinent pappi, quos flos reliquit staminibus pur-  
 purantibus constans. Radix satis crassa, simplex aliquando, interdum plurium capitum, nigricans.  
 In collibus saxosis circa Monspelium frequens oritur. Locus.

- \* 30. *Jacea montana* Ger. *montana Narbonensis* Park. J. B. *Lob. montana, incana, odora* C. B.

Lob.

Cauliculo riget dodrantali & pedem alto, rotundo: folia Jaceæ luteæ & Chamæleonis lævis The-  
 ophr. media edente, alterâ parte incana, glauca, tantillum hirta: flores Jaceæ aut Cirsii sed mino-  
 res. Radix sesquipalmaris, gracilis, minutique fibrata, gustu cyaneo amaricat.

In caubus & collibus *Castri novi* conterminis Monspelienfis agri nonnunquam à Lobelio reperta Locus.  
 est. Quid sit se ignorare fatetur D. Magnol.

31. *Jacea latifolia capitata non descripta* Hort. Lugd. Bat.

## C A P. XIV.

### De Centaurio majore.

**C**entaurium nomen accepit à Chirone Centauro, qui eo curatus esse dicitur, cum Herculis ex-  
 cepti hospitio tractanti arma sagitta excidisset in pedem: quare aliqui Chironium vocant.  
 Plin. lib. 25. cap. 6.

Centaurium duplex est, majus & minus, quæ quamvis nomine conveniat, & facie tamen & viri-  
 bus distant, suntque toto genere diversa. Majus tantum hujus loci est.

Notæ hujus characteristice sunt Capitula squamata lævia seu aculeis destituta, folia per ambi-  
 tum serrata, magnitudo insignis.

1. *Centaurium majus* Ger. *majus vulgare* Park. *majus Juglandis folio* J. B. *majus folio in laciniis*  
*plures diviso*, C. B. *Great Centory*.

J. B.

Centaurii majoris Caulis rectus hominis proceritatem assequitur, in ramos circa summitatem divi-  
 sus. Folia amplissima in alæ formam disposita, quarum singulæ spithamam ferè longa, trium  
 aut quatuor unciarum latitudine, per ambitum serrata, nervosa, glabra, saturatè virentia: at pri-  
 mum prodeuntia folia integra sunt, nec dissectionem agnoscunt: Capitula furculorum extremis  
 insident squarrosa, è quibus emicant flores; staminibus purpureis contexti, in pappos evanescent-  
 es. Semen nitidum oblongum: radix rubens, crassiuscula, longa, recta.

Locus.

Radix Centaurii magni, quæ hodie ad nos convehitur (inquit Matthiolus) Gargano præcisimo Apulix monte numerosa nascitur: quin & in aliis Italiæ locis, nempe in Veronenſi agro Baldo monte quem Benaci alluit unda, sed infirma ſi ad Apulam compares. In Officinis Rhapontico vendi ſolet.

Vires.

Cum quadam adſtriptione ac dulcedine acris eſt. Ob acrimoniam & adſtriſtoriam vim contrariarum qualitatum particeps eſt. Ob acrimoniam menſes ciet & fœtum mortuum expellit: aſtringendi facultatem profluvia ſiſtit; prodeſt in hernia, expuitione ſanguinis, ſanguine coagulatione. Ad vulnera recentia & plagas conglutinandas tam efficax eſſe dicitur, ut carnes dum coquantur inter ſe committant. Epar aperit ac roborat, unde hydropicis & ictericis auxiliatur tum vim macerata, tum in pulvere pota. Summopere laudatur à nonnullis (inquit Schroderus) in obſtinatione venarum melaraicarum, & in morbis inde ortis, in febribus ſtomachicis, &c.

Præcipuus uſus eſt in fluxibus ſiſtendis & vulneribus consolidandis. Veteres commendant in ruptis, convulſis, dyſpnœa & in veterata tuſſi.

2. *Centaurium folio glabro, flore flavefcente* J. B. An *Centaurium Alpinum luteum* C. B. ? *Centaurium luteum* Park.

J. B.

Cubitalis & ſeſquicubitalis eſt planta; caule glabro carnoſo, tereti. Folia dodrantalia & longiora, glabra, glauca, in multa ſegmenta ad coſtam uſque diviſa, quæ quidem ſegmenta aliàs oppoſito ſitu reſpondent, aliàs verò minimè, craſſiuſcula, nervo biſido per longum exporrecto, in ambitu raris denticulis crenata, aliàs integra, ſapore oleraceo. Singulis porro ramulis ſingula inſident capitula Olivæ magnitudine, ſed formâ conicâ, ſplendentia, imbricata, tam accuratè ſquamularum commiſſurâ contexta, ut lævia eſſe videantur, nec ullâ aſperitate moleſta, è quibus emicant ſtaminei, diluta flavedine imbuti.

Capitulum ſquamæ in hoc viridantibus ſtriis pictæ ſunt, obtuſæ, nullis vel ſpinarum rudimentis donatæ; quibus notis præcipuè diſſert à Jacea lutea capitulis ſpinofis C. B. cui aliàs perſimile eſt.

Locus.

*Centaurium Alpinum luteum* C. B. in monte Baldo provenit, inter quod & noſtrum exigua intercedit differentia. Ex ejus capitulo ante Meridiem liquor pellucidus & Mannæ inſtar dulcis in guttis ſeu ſtillis ſponte exudat; & capitulum compreſſum & ſuctum altero tamen die hunc humorem emittit. Addit inſuper deſcriptionem radicis, hujusmodi. Radicem habet rectam, profundè deſcendentem, craſſam, parùmque fibroſam, ſubadſtringentem & Centaurii majoris ſapore ſerè præditam [nunc ſimplicem, nunc biſidam in extremo, carne intus albâ, foris cute nigra & dura obductam.]

Pleniorem hujus plantæ deſcriptionem videtiſis apud Jac. Cornutum in ſua Canadenſium plantarum hiſtoria, qui & vires adſcribit, ex conjectura (ut puto) potiùs quàm experientia.

3. *Centaurium majus Africanum flore aureo odorato* Breynii.

Prima aliquando, quâ ſeritur æſtate, niſi cœli noſtri inclementiâ impediatur, vel altero poſtea no, Canlem emittit dilutè viridem, ſeſquicubitalem & proceriorem, craſſitudine auricularis, ſolidum, ſtriatum, aliquot ramis concavum: circa quem glabra, venoſa & viridantia ſunt folia Ence, vel ſi mavis Jaceæ pumilæ Lob. in horto cultæ in modum laciniata, dodrantalia & palmaria, æ quo ſummitati propiora exeunt, eò minora profundiuſque diſſecta, quæ autem à terra circa cuius pedem proveniunt multo ampliора ſunt, pedali nempe longitudine, latitudine verò quatuor aut quinque digitorum, Hippolopathi vel potiùs Armoraciæ formâ, rigida, ruſoſa, per ambitum ſerrata & verſus pediculum laciniata. Capitula caulis & ramorum ſummitatibus ſingula inſident, rotunda, in latum turbinem faſtiata, præcedentis majora, atque pari imbricata ſquamularum commiſſurâ, tam accuratè loricata ut lævia ac quaſi polita videantur: Ex quibus flores ſtaminei, aureo colore perbellè fulgentes, atque ſuaviter olentes exeunt. His flaccidis ſemen album Cnici in ſummo, cili inſtar hiriſutum, alba involutum lanugine, ſuccedit. Radice nititur longâ, craſſâ, aliquot ramis præditâ, fuſcâ foris & corticoſâ, intus albeſcente & reſinoſâ, ſaporem dulcem ac gummoſum habente, quæ perennis, frigoris autem impatiens & Solis caloris avida.

Locus.

Expet enim ſolum calidum, Barbariæ nempe colles & incultos campos, præſertim non procul Gigeri ſive Gigel urbem Mauritaniam.

Hujus plantæ ſemina hoc anno [1685.] nobis donata ſunt ab eruditiffimo Viro & inſigui Botanico D. Hanſ. Sloane, quæ loco incommodo ſata flores nondum explicarunt.

4. *Centaurium majus alterum* Ger. *majus alterum ſive Luſitanicum* Park. *majus alterum folio integro* J. B. *majus folio non diſſecto* C. B.

Cluſ.

Longa habet folia, non in lacinias diviſa ut vulgare, ſed Armoraciæ foliis non diſſimilia, & ad Glaſti foliorum humi expanſorum ſimilitudinem plurimum accedentia, per ambitum tamen ſerrata, ſaturæ viriditatis, & amariuſculi ſaporis. Caules inter folia prodeunt cubitales, aut ampliores, rotundi, circa ſummum biſidi aut triſidi, ſquamata capita ſuſtinentes, Centaurii majoris primi æmuli: florem villoſum, coloris albeſcentis, inſtar vulgaris: Semen Cnici ſerè ſimile, ſeu, ut verius dicam, vulgaris, ſummo hiriſutum, & molli lanugine involutum: radicem valdè craſſam, duram, longam, denſo cortice tectam, foris quidem nigro, internâ verò parte flavefcente, ſuccumque croceum reſudante, qui cum amaritudine quadam aromaticus eſt.

Locus.

Supra Olyſſipponem lapidoſis juxta Tagum collibus duntaxat inveniebam (inquit Cluſius) in Belgica peregrinum omnino.



5. *Centaurium majus*, *Rba capitatum folio Enulæ subtus incano & hirsuto* J. B. *Rba-ponticum folio Helenii incano* C. B. *Rba-pont. Enulæ folio latiore* Park. *Rba capitatum Lobelii* Ger.

J. B.

Folio est amplo, Enulæ five Verbasci nigri magnitudine & formâ oblongâ, prona parte lanugine cinericeâ obducta, supinâ verò viridante, per ambitum serrato, crasso nervo per longum decurrente, à quo in margines obliquæ porriguntur venæ, antequam ad oras pertingant in venulas alias divisæ, pediculo longiusculo, latis crasso, villosi. Caulis (ut scribunt Adversariorum auctores) rectus, capite fastigiatus foris squamulis loricato, ac per maturitatem stamine purpureo pleno: semine dum circa Junium & Julium maturuit, Centaurii majoris vel Carthami longiore: radix etiam fungosior, major, & Rhabarbaro similior quàm Centaurio.

Ex semine Turcico nonnulli habuere, inquit Lobelius in Adv.

6. *Centaurium five Rbaponticum alterum angustiore folio* J. B. *Rbaponticum angustifolium incanum* C. B. *Rbaponticum angustifolium* Park. *Rba capitatum angustifolium* Ger.

Lob.

Valde affine est Capitato Rheo ex Italico semine natum, sed folia angustiora multò, acuti Lappathi paria, aversâ item parte incana; & caulis rectus, capite fastigiatus squamulis loricato, ac staminibus purpureis, Cinaræ aut Cardui concoloribus pleno. Semen Cnici sylvestris compressum ægrè maturat in Belgio. Radix Centaurii majoris fungosior.

### C A P. XV.

Cyanus pulchro semine Centaurii majoris J. B. Chondrilla rara purpurea, Crupina Belgarum dicta Park. Chondr. Hispanica Ger. foliis laciniatis serratis, purpurascente flore C. B. The bearded Creeper.

J. B.

Cultura proficit hæc herba siqua alia plurimum: Spontanæ caulis vix palmaris, sæpe singularis; in hortis bicubitalis & multis ramis brachiatus, firmus, striatus, medullâ albâ donatus. Folia priora duo orbiculata, alia quæ sequuntur longa uncias duas vel tres, laciniata, quæ velut crispantur, nonnihil hirsuta; circa margines serrata, superiora in lacinias insigniter tenues dividuntur. Extremis ramulis insident capitula parva, oblonga, squamis raris sed longis, purpurascens, laxis imbricata; florem ferentia stamineum, purpurascentem. Semina Centaurii majoris, minora, nitido lavore lubrica infernè nigricantia, Zonâ albâ circa partem superiorem cinctâ, umbilicum coronante ruffo longôque barbitio, ut pulchrè aspergillum aquæ lustrali intingi solitum imitantur: inest semini medulla albâ. Radix solet esse longiuscula.

Hetruriâ & agri Narbonensis collibus non procul à Lupo monte exit. Lob. Nobis inventa est Locus. propè Scaleam in Regno Neapol. & in colle Castri novi non procul Monspelio.

Crupina Belgis dicitur à vocabulo *Cruppen* i. e. repere, quia semen manu contrectatum se subducit ac prorepat.

Serratulam dictam apprimè refert hæc planta, foliis serratis & capitulorum formâ.

Columna hanc accuratè describit & depingit sub titulo Senecionis-cardui Apuli. Ineptè à nonnullis Chondrillis annumeratur, cum quibus nihil habet commune.

Prima eruptione è terra vel ex folis feminalibus foliis faciliè cognoscitur, quæ magna, subrotunda, in medio lineam rubentem obtinet.

### C A P. XVI.

A. *Serratula* J. B. C. B. *purpurea* Ger. *vulgaris flore purpureo* Park. *Sata-wort*.

J. B.

Caulis recto, rigido, striato, glabro, rubente ad cubitos duos attollitur, qui cis summitatem in ramos multos finditur. Folia aliàs integra, Betonicæ paria, aliàs Scabiosæ instar laciniata, utraque atrovirentia, glabra, arguto spinularum mitum æmine serrata. Capitula crebra extremis furculis insident, oblonga, squarrosa, atro-rubentia, è quibus flores emicant Jaceæ nigre, purpurei aut carnei coloris. Caterum flores è plurimis flosculis aggregatis componuntur; quorum unusquisque suo insidet semini: suntque omnes, tam marginales quàm medii, ejusdem magnitudinis & figuræ. Radicum fibræ majuscula, sapore subamaro, tandem & eo quem Cyanus manu exhibet.

Julio mense floret, estque in sylvis & pratis frequens.

Datur utiliter potanda ex albo meraco ruptis & ab alto devolutis. Idem præstat radix pulverisata, & 3j. pondere in vino calidè pota: in vino decocta, ac deinde illita ulcera mirificè mundat, carne replet, & cicatrice obducit: hamorrhoidum quoque dolores mulcet fotu adhibita. Folia & radix simul contusa & imposita vulnera & enterocelas sanare creduntur. Matth.

Tempus  
Locus.  
Vires.

Serratula

Serratula à foliis minutim circumquaque incisfis & serratis nomen obtinuit. Parvitate sua præpuè à Centaurio majore differt, cum quo foliorum ambitu serrato convenit. Serratulæ affinis capitulo Baccharidis, flore Trachelii *Hort. Lugd. Bat.*

## CAP. XVII.

## De Lappa seu Personata.

**L**appa dici potest vel *ἀπὸ τοῦ λαλεῖν*prehendere, vel *ἀπὸ τοῦ λαλῆναι* i. e. lambere, quòd prætereuntes vestibus adhæreat. *Personata* autem dicitur, quòd folia ejus prægrandia veluti larvæ aut personæ vice obtendi solita essent. Veteribus *Ἀρέτιον* aut *Ἀρκίον* dicta creditur, verum ratio nominis ignoratur.

Notæ ejus genericæ sunt capitula lappacea ob squamarum mucrones hamatos vestibus adherentia, folia amplissima.

A. 1. *Bardana major* Ger. *vulgaris major* Park. *Personata* sive *Lappa major* aut *Bardana* J. B. *Lappa major*, *Arctium Dioscoridis* C. B. *Great Burdock*, *Clot-burr*.

*Radice* nititur simplici, crassâ, profundè in terram descendente, foris nigrâ, intus albâ. *Folia* pediculis longis insident, maxima, hirsuta, supernè viridia, infernè brevi & densâ lanugine incana, non exactè rotunda, sed in longitudinem productiora, & in acutum mucronem desinentia, brevibus & vix conspicuis circa margines spinulis. *Caulis* sesquicubitalis & altior, crassus, teres, hirsutus, purpurascens, medullâ farctus, foliis per intervalla breviora alternatim positis vestitus, ab imo festim ramosus. In summis caulibus & ramulis flores in capitula squamosa congesti, squamis extantibus cum mucronibus reflexis seu aduncis, unde vestibus tenaciter adhærescunt. *Flosculi* singulares et quibus totales componuntur singuli singulis insident seminibus alatis, ipsi purpurei, quinquepartiti, è medio exeunte clavâ quâdam tubulosâ, nigropurpureâ, quam penetrat stylus pallidus bicornis. *Semina* majuscula, oblonga, fusca.

*Bardana major rosea* Park. descriptæ varietas est accidentalis, non species distincta.

*Arctium* quorundam *Lugd. C.* Bauhinus huc refert. Parkinsonus distinctam speciem facit. *Lugdunensis* historiæ fides apud nos vacillat ideòque C. Bauhino assentimur, quantumvis neque descriptio, neque figura *Lugdunensis* huic conveniant.

Vires.

*Radix* præcipuè in usu est. Siccat, est pulmonica, diuretica, diaphoretica, extergens, subastringens. Hinc convenit in Asthmate, calculo, expuitione sanguinis, in vulneribus inveteratis, tumore lienis aliarumque partium; in arthriticis morbis, quibus peculiari proprietate conferre statuitur. *Semen*

Extrinsecus imponuntur folia vulneribus inveteratis, articulis luxatis, ampuistis, &c.

*Semen* insigne lithontripticum censetur. Propinant autem in pulverem comminutum in Cerevisia tenni, aut zythogalo nostratibus *Posslet-drink* dicto, lunâ plenâ. Hofmannus præfert radicem saccharo conditam. Apuleius pulverem seminis per quadraginta dies dat, & ischiadicos mirabiliter sanat. Rationem addunt, quòd multum salis nitrosi possideat hæc herba.

Caulis antequam lappæ gignantur derafo cortice crudi coctique ex oleo & aceto mandi primis mensis cœpere. Petrus Laurebergius validam vim frangendi calculum, augendi semen, exstingendi venerem eis attribuit.

Febrem quartanam in Henrico tertio Galliarum Rege decocto Bardanæ seu Lappæ majoris à Petro Pena deletam fuisse testantur S. Formius Obs. 41. & G. Hieronymus Velschius Obs. 4. Empiricum Parisiensem plurimos quartanarios decoct. radicis hujus herbæ ex vino albo magno succosum curare solitum accepimus inter Observationes celeberrimi Viri Pauli Marquarii Slegelii Polstri Hamburgensis. Hæc D. Tancred Robinson, qui & sequentia communicavit.

De vi & efficacia hujus plantæ in Arthritide & lue Venerea consule S. Paulli *Quadrupart. Botan. Cl. 3. p. 362, 363.* Eandem vim obtinet quam Sarsaparilla.

Lappa major incensa deflagrat in modum Salis petræ, & pari ratione spuit ignem. *Ephem. Germ. An. 3. Obs. 222.*

In nephritide sem. vel rad. in aqu. Chærephylli aut Petroselinii plurimum commendatur. S. Paulli.

In Lethargo in clystere prodest radix Lappæ majoris. Dolaus l. 4. c. 1. S. 19.

A. 2. *Bardana major altera* Ger. *major lanuginosis capitulis* Park. *altera cum capitulis villosis* J. B. *Lappa major montana capitulis tomentosis sive Arctium* C. B. *Woolly-headed Burdock*.

A præcedente differt capitulis minoribus, squamis brevioribus, lanugine incana ceu araneorum telis intertextis.

Primum observavimus circa *Skipton* oppidum & in montosa comitatûs Eboracensis parte ea quæ *Craven* dicitur copiose; nuperrimè etiam alibi passim in Anglia, cum priore, ostendente D. Sem. Dale pharmacopœo & Medicinæ practico in Brantria Essexiæ oppido.



# HISTORIÆ PLANTARUM

## LIBER OCTAVUS:

QUI EST

De Herbis flore composito non papposis seu

CORYMBIFERIS.



UID Corymbi nomine hoc in loco intelligimus superius diximus cum de Herbis flore composito donatis in genere ageremus.

Hujusmodi autem herbe sunt vel flore radiato, vel flore nudo: proinde librum hunc in duas Sectiones partiemur, quarum prima erit de Corymbiferis flore radiato: Secunda de Corymbiferis flore nudo.

*Herba flore composito Discoide, seminibus pappo destitutis, CORYMBIFERÆ dictæ, sunt vel disco*

[Radiato, flosculis marginalibus seu barbulis eidem

[Concoloribus, floribus [ totales intellige ]

[Sparsis aut solitariis, foliis

[Integris; barbulis seu flosculis medium discum cingentibus

{*Cuspidatis*; seu radice tuberosa perenni, foliis conjugatim positis, flore minore:  
Flos solis PYRAMIDALIS: five radice fibrosâ annua, foliis figillatim positis, flore & semine maximis: FLOS SOLIS.  
Frontatis; Seminibus

{*Incurvis*; fronte barbularum crenata; CALENDULA, *Caliba*.  
Rectioribus; *Chrysanthemum Afer dictum*.

Laciniatis, Flosculis marginalibus seu petalis

{*Latissimis* & subrotundis, calice è simplici foliorum ordine composito seu integro:  
FLOS AFRICANUS.  
*Angustioribus*; barbularum fronte crenata: CHRYSANTHEMUM *segetum*.

[*Tenuiter dissectis*: BUPHTHALMUM.

In umbellæ formam in summis caulibus dispositis: foliis

{*Integris*, angustis serratis, barbulis & disco medio albis; PTARMICA.  
*Laciniatis* Absinthii vulgaris in modum & pariter incanis: ABSINTHIUM UMBELLIFERUM.  
*Tenuissime dissectis*; MILLEFOLIUM, *Achillea*.

Diversi ab eodem coloris, Albi sci. cum umbo seu discus medius flavus sit: suntque iidem floribus vel

*Sparsis*

*Sparfis aut solitariis, foliis*

*Integris, aut ad margines duntaxat crenatis incisive; caule*

*Nudo, non ramofo, flore in fastigio fingulari minore; BELLIS MINOR.*

*Foliofo & ramofo, elatior, floribus majoribus: BELLIS MAJOR, Buphrthalmum vulgare.*

*Multifariam in segmenta tenuissima divisis: flore suavi, CHAMÆME LUM: fetido; COTULA.*

*In umbellæ formam dispositis, foliis laciniatis pallidis, cum gravitate odoratis: PARTHENIUM, Matricaria.*

*(Nudo, vide Tab. sequentem.*

## SECTIO PRIMA.

*De Herbis Corymbiferis floribus radiatis.*

**H**Æ vel sunt barbulis medio disco concoloribus, vel barbulis coloris à medio disco diverfis. Utrumque genus est vel floribus sparfis aut solitariis, vel floribus in Umbellæ formam in summis caulibus dispositis. Erunt ergo quatuor hujus Sectionis membra seu genera subalterna.

Primum, de Corymbiferis cum barbulis medio disco concoloribus, floribus sparfis aut solitariis.

Secundum, de iisdem cum floribus in umbellæ formam dispositis.

Tertium, de Corymbiferis cum barbulis diverfis à medio disco coloris, floribus sparfis aut solitariis.

Quartum, de iisdem cum floribus iisdem in umbellæ formam digestis.

### MEMBRUM PRIMUM.

*De Herbis Corymbiferis cum barbulis medio disco concoloribus floribus solitariis aut sparfis.*

#### CAP. I.

*De Flore Solis.*

**F**LOS Solis dicta planta à novo Orbe advecta, Veteribus incognita fuit, Recentioribus à similitudine cum Sole denominata est, barbulis ambientibus Solares radios, disco medio ipsumyderis clypeum referentibus.

A reliquis cujuscunque generis plantis distinguitur flore omnium maximo barbulis umbonem modicum coronantibus flavis & cuspidatis.

1. *Flos solis Ger. Chrysanthemum Peruvianum, five Flos solis Park. parad. Helenium Indicum maximum C. B. Herba maxima J. B. The Sun-flower.*

*J. B.*

*Caule surgit fingulari, brachii crassitudine, decem aut duodecim pedum altitudine in nostris hortis, videntur etiam & quatuor referunt alii in solo Hispano: incondita per hunc folia, Cacaliæ formâ, non item magnitudine, quippe spithamam longa, aut etiam sesquispithamam, haud multo angustiora, acuminata, aspera, hirsuta, in ambitu serrata, pediculis longis hærentia. Summum caulis fastigium florem sustinet unicum, nutabundum, orbiculatum, Helenii simile, sed tam amplum ut facile pedem in diametro colligat, foliis autem nitore luteo micantibus ambitum obsidentibus; disco plano, lato, è plurimis flosculis, obscurius flavis, arcuè stipatis, quorum singuli singulis insident feminibus, composito. Semina oblonga, tumidiuscula & nonnihil compressa nigra [interdum alba] singula singulis alveolis pulchro ordine dispositis contenta, qui feminibus exemptis favum referunt. Radix fibris innumeris composita, nec altè in terram descendens, nec tantum ausa promittere germen.*

Flos aliquando tantæ magnitudinis ut 2362 semina exempta fuerint.

Flos solis meritò appellatur, quia non solum effigiem Solarem præ se fert, sed versùs eum semper caput inclinat.

Flores



Flores interdum (& ut Parkinsonus, caulis etiam ad foliorum pediculos) refinam tenuem, pellucidam excludant pauca quantitate, Terebinthinam Venetam colore, odore & sapore planè referentem.

Hujus plantæ tres aut quatuor seu species, seu varietates observantur: nimirum,

1. *Flos solis major flore singulari, maximo*, Helenium Indicum maximum C. Bauhino dictus, atque hic vel semine nigro, vel albicante seu cinereo.

2. *Flos solis prolixis seu ramosus*, C. Bauhino Helenium Indicum ramosum. Scribit Parkinsonus se in una planta sexaginta interdum ramos observasse. Flores in hac specie multò minores sunt quam in priorè, multitudo tamen parvitatem compensat. Has duas plantas pro distinctis speciebus admittimus.

3. *Flos solis minor* Ger. C. Bauhino Helenium Indicum mediæ laciniato folio. Hic non alia in re quam partium omnium parvitate à prima specie differre dicitur, quamvis folia in icone quam exhibent nonnihil laciniata pingantur.

4. *Flos solis minor fumina* Ger. Helenium Indicum minus C. B. His addi potest &

5. *Flos solis minor mas* Ger. quem omittit C. Bauhinus: & pari sane ratione omittere potuit tertiam & quartam species: nam si omnino differant, non aliter quam accidentibus quibusdam ratione cœli aut soli, aut seminis aut temporis stationis differunt. Nam Tabernamontanus, cujus in hoc Simia Gerardus est, quatuor quas exhibet figuras pro corona Solis, non aliter ab invicem distinguit quam primam & secundam flore majore à tertia & quarta flore minore.

Flos hujus plantæ benè repurgatus à foliis, coctus cum oleo, sale & aromatibus, melioris est saporis quam Fagi, Asparagi, Cardui & Scolymi, ac ad Venerem insigniter stimulat, ut in seipso expertum se esse scribit Cortusius: nec minùs esu suaves & grati sunt pediculi foliorum teneri adhuc in craticula decocti, sale oleoque priùs præparati.

Semina licet liberalius devorata capitis dolorem excitent, pectus tamen leniunt, ardorem extinguunt & apud aliquas gentes tusa, coacta in panem, alsaque frumenti usum præbent. Hermandæ.

2. *Flos solis pyramidalis, parvo flore, tuberosa radice, Heliotropium Indicum quorundam* Ger. emac. *Helianthemum Indicum tuberosum* C. B. *Battata Canadensis* Park. *Jerusalem Artichoke*.

Ger. emac.

Ab una radice caules unus, duo, tres, plurè exsurgunt, teretes, virentes, striati, asperi, pilosi, duodecim aut interdum sedecim aut amplius pedes alti, crassitudine minore multò quam *Floris solis*, medullâ alba fungosâ farcti, foliis crebris, nullo ordine positis ab imo ad summum usque cincti, pallidè virentibus, asperis, acuminatis, octo circiter digitos longis, decem aut undecim latis, circa margines profundè dentatis, Floris solis vulgaris persimilibus, non tamen rugosis nec æquè latis. Caules ab imo statim ramosi sunt, ramis longis, foliis paulatim magnitudine decrecentibus ab imo ad summum usque: unde planta arbusculæ similitudinem exhibet in conis seu pyramidis figuram effigiatæ. Flores apud nos in summis tantum caulibus & ramulis nascuntur. Floris Solis similes, non tamen majores quam *Calendula vulgaris*, duodecim aut tredecim striatis, cuspidatis, aureo fulgore micantibus barbulis radiati, medium seu umbonem occupantibus flosculis luteis dense stipatis: Calix floris è squamis villosis componitur. Semina apud nos non perficit, quoniam seriùs post æquinoctium Autumnale floret. Caulis plures emittit radices, tenues, repentes, (quibus alimentum attrahit) fibrillis tenuibus capillatas, longè latèque se diffundentes, inter quas à radice primaria multæ aliæ soboles tuberosæ excrescunt, glomeratæ, nunc radici primariæ seu matri adhaerentes, nunc fibris longis ad pedis ab ea distantiam adnascens, terram elevantes, & nonnunquam supra ejus superficiem apparentes. Unica Radix triginta, quadraginta, quinquaginta, aut etiam plura non rarò producit hujusmodi tubera. Radices hæ tuberosæ foras colore rufescunt, substantiâ seu carne internâ fungosâ caridicante, variis prominentiis gibbosæ, pugni humani interdum magnitudine, ea parte qua germinaturæ sunt velut in rostellum elatæ. Caulibus marcescentibus radices tuberosæ per hyemem in terra restant & sequenti vere regerminant, rarò tamen ante initium Maii. Hæc omnia è Gerardo emaculato transtulimus. Quibus adhuc, quamvis nimis fortè multa nonnullis videantur, caulis floribus onusti descriptionem è F. Columnæ Hist. adjiciemus. Caulis ab imo è foliorum sinubus alternatim hærentium adeò ramis dividitur frequentibus undequaque, ut pyramidem efficiat, decrecentibus ramulis summis paulatim, adeoque floribus oneratur quatuor vel quinque in singulis ramulis, ut obeliscum sive metam rotundam stellatam dicas.

Radicum tubera sapore dulci gustui se commendant, & edulia sunt, & gratiora (inquit Columana) crudâ quam cocta. Nostrates variis modis ea præparant, alii in aqua decoquunt & cum butyro & Zingiberis tantillo condita esunt: alii in furno aut clibano cum aromatis, medullâ, uvis passis, butyro, vino Hispanico, &c. massâ farinaceâ in volventes coquunt. Quocunque autem modo præparantur (inquit D. Goodyerus) flatulentæ sunt, & ventriculo inimicæ; alii autem aliter sentiunt, nec ullam ejusmodi flatu excitandi vim in illis percipiunt aut agnoscunt.

Datur hujus varietas radice oblonga.

In notis MSS. quas amicè nobis communicavit Eruditiss. Vir, D. Josua Palmer M. D. Londinensis invenio D. Hermannum Botanices Professorem & Horti Medici præfectum in Acad. Lugduno-Bat. asserere Helianthemum Virginiani tuberosi flores in pappum abire. Quod si ita sit aliò transferendum est, nam non est hujus loci: & F. Columnæ rectius *Aster Peruvianus tuberosus* dicitur.

3. *Chrysanthemum Canadense* After *Virginianus latifolius luteus repens* Park. dictum. *Pellow tree* ing *Starwort* of Virginia.

Park.

*Caulibus* surgit firmis, teretibus, duos aut tres pedes altis, non ramosis, (aut saltem rariis & cis ramis) *foliis* per intervalla ad genicula binis oppositis, latis & amplis, *Floris* folis similibus, minoribus, in acutiores mucrones productis, ad tactum durioribus & asperioribus & obscurius viridibus, venosis. In summo caule *flos* unicus, amplus, è calice novem aut decem foliolis viridibus composito exiens, plurimis longis angustis flavis discum medium fuscum ambientibus petalis constans cui succedit (inquit autor) semen (ut aiunt) *Floris Solis* semini simile, sed minus. *Radix* fibrosa sub terra reptans & latè se diffundens. *Caules* quotannis intereunt.

Hæc planta foliis & floribus ad *Florem Solis* accedit: Semen nondum observavimus. Si nobis liceret nomen imponere *Florem Solis* minorem perennem radice repente eum appellaremus.

Duplex habetur species, altera *Chrysanthemum Canadense latifolium elatius* P. Boccone, *Chrys. Canad. latif. altissimum* Morisone dicitur, cui *caulem* altitudine sex, septem, aut interdum octo pedum assurgentem, crassitudine pollicari: *Folia* latiora, longiora, dilutius virentia, dentata attribunt. Altera *Chrysanthemum Canadense latifolium humilium* prædictis Autoribus, cui omnia minora.

4. *After Virginus luteus alter minor* Park. *Another pellow Starwort* of Virginia.

Park.

*Caule* unico, tereti, gracili, recto, rigido assurgit, quatuor aut quinque pedes alto, binis ad singulos articulos *foliis* longis, pulchro virore splendentibus, circum oras dentatis cincto, pediculis tenuibus insidentibus, ad tactum rigidiusculis. E foliorum alis ad singula genicula *ramuli* utrinque exiunt, ab imo statim caule, minimum cubitales, confimilibus foliis vestiti. *Caulis* & *ramulorum* singulorum fastigiis singuli insident *flores*, virentibus calicum foliolis obvallati, petalis seu barbulis circiter decem, angustis, oblongis, flavis discum medium ejusdem sed saturationis coloris, cingentibus, compositi. *Radix* fibris aliquot crassioribus longis, albis, duriusculis, fibrillis tenuibus capillatis constat, & in multos annos durat, *caulibus* quotannis exarescentibus, è lateribus emissis propagibus se multiplicans.

## C A P. II.

### De *Chrysanthemo caule alato*.

**C**hrysanthemum à floribus auri fulgore rutilantibus, dictum esse nemo nescit. *Chrysanthema* autem dicimus herbas flore discoide radiato aureo, feminibus pappo destitutas; quâ notâ *Chrysanthemum* ab *Astere* differt. Atque ita latè accipiendo nomen *Chrysanthemi* tum *Flos Solis*, tum *Calendula Chrysanthemi* species erunt.

Verum quoniam hoc genus plantæ insignibus notis inter se differunt: Sunt enim aliæ barbulis floris discum ambientibus cuspidatis, ut *Flores Solis* dictæ, de quibus jam egimus; aliæ caulibus alatis, seu membranulis foliaceis secundum longitudinem extantibus auctis, de quibus proximo in loco agemus: aliæ feminibus curvis, quas *Calthas* & *Calendulas* vocant; aliæ barbulis frontatis fronte crenata, feminibus quadrangulis, nos eas in plura capita seu genera dividemus, quorum primum erit earum quæ caule sunt alato.

Non sum nescius secundam hujus *Capitis* speciem *seminis cornuti* seu *bidentis* respectu cum *Eupatorio cannabino* aquatico convenire, verum quoniam aliis notis evidentibus & characteristicis, ut v.g. flore radiato, foliis in caule singulatim positis ab eadem differt; huic potius, quâcum insigni caulibus alati nota convenit, adjungendam duximus.

1. *After luteus alatus* Cornuti, *Cornutus his pellow-wetted Starwort*.

Cornut.

Quamvis procera sit & valdè ramosa hujus *Asteris* species, vix tamen duo cubita excedunt *caules* ejus rotundi, quos *folia* vestiunt obscurè virentia, longiuscula, sine pediculis: pediculi namque loco appendiculæ quædam, alarum instar è marginibus foliorum deorsum flexæ, utrinque cauli proximè adherent, ibique desinunt, undè folii alterius exordia sumuntur. *Flores* lutei, *Bellidi* majori similes, in summo cauliculorum nascuntur, medio sci. orbiculo luteo prominente, & foliis è circumferentiâ exeuntibus, velut *Astri* radiis aureo colore fulgentibus. *Flos* vetustate in pappos abit, qui, si digiti infries *Chamæmelinum* quiddam redolent. *Radice* nititur fibrosa hic *Aster*, quem sapor attractior potius quàm alterius qualitatis participem esse testatur.

Minus verè *Cornutus* *Florem* hujus plantæ in pappum abire scripsit; cùm *semina* solida sint & pappo destituta, observante Morisone.

Ab America Septentrionali allata est.



2. *Chrysanthemum Canadense bidens* Morif. prælud. *Aster Virginicus luteus membranaceo caule* Park. *Yellow Starwort of Virginia, with a welshed stalk.*

Park.

Sex septemve pedum altitudinem assequitur, *caulibus* multis firmis, duris, robustis, ima parte ad mediam ferè altitudinem teretibus, æqualibus, superius quatuor membranulis extantibus secundum longitudinem productis à folio ad folium, velut alatis, minimè ramosis; quorum summitates occupant *flores* aliquot, lutei, stellati, quinque vel sex oblongis, angustis foliolis velut radiis umbonem medium è *hosculis* luteis dense stipatis compositum ambientibus; quos *semina* excipiunt compressa, capite lato & veluti cornuto, à se invicem ita abscedentia, ut capitula Ranunculi echinos aliquatenus referant, nisi quod majora sint. *Folia* singulatim cauli adnascuntur, superioris [*Asteris Virginici latifolii lutei repentis*] foliis persimilia, ejusdem obscuri & maligni vitoris, non tamen usque adeo ampla & lata, & in mucronem aliquanto productiora, & ad tactum asperiora, brevibus pediculis fulta. *Radix* lignosa, dura, tuberosa, fibris plurimis longis terram penetrans, eique valide inhaerens, è lateribus propagines emittens, non tamen repens.

Apud nos seriùs floret, nec nisi calida tempestate præcedente: semen rarò perficit; *Virginiae Tempus.* indigena cum sit.

Hæc planta *Chrysanthemum Canadense bidens* Morifono in Prælud. dicitur.

### C A P. III.

#### De *Chrysanthemo semine curvo seu Caltha aut Calendula*,

**C**altha dicitur non (ut aiunt) à forma, qua calathum seu calicem refert, sed à Græco *καλχα* quod apud Nicandrum & Hesychium. Siculi commutant θ in χ ut *θρίδις θρίδις*. Sic *καλχα* *καλχα*. Voss. *Etymolog.*

Vulgò *Calendulam* appellant, quod corruptum ex *Calthula*, unde *Caldula*, & e inserto *Calidula*, posteaque addito *Calendula*. *Idem.*

A reliquis *Chrysanthemis* seminibus curvis differt.

1. *Calendula sativa. Caltha* J.B. *Caltha vulgaris* C.B. *Garden Marigold.*

J. B.

Aureus *florum* splendor, antequam utilitas comperta esset, hanc plantam nobilitavit, qui omni auro saturatius rufescunt, *Chrysanthemum* segetum formâ, non ut illud è squamato capitulo, sed calice multifido hirsuto prodeunt, odorati, disco medio fusco vel luteo, barbulis eum ambientibus frontatis, fronte crenata; *semine* succedente incurvo, granulis quodammodo asperato, exteriore majore, interiore paulatim minore. *Caules* tenues, teretes aut nonnihil angulosi, hirsuti, & tactu nonnihil visci, in crebros ramos divisi. *Folia* linguæ formâ, sine pediculis caulem amplexa, ad basin angustiora, summitate latiora & subrotunda, oblonga, pinguia, hirsuta, incana, gustu herbaceo, mox calidiusculo. *Radix* furculosa, in fibras multas crassiores, oblongas dividitur. *Caules* interdum cum radicibus perennant hyeme mitiore, sæpius brumali frigore utraque corrumpuntur.

Tres hujus plantæ varietates insignes notavimus, alteram flore simplici, alteram flore pleno seu multiplici, tertiam flore prolifero. Flos enim interdum alios parit in ambitu, matre minores in pediculis triente longioribus hirsutis.

Tabernamontanus, ejusque Simia Gerardus nostras, novem *Calthæ* species pingunt & describunt, nimirum ejus quæ flore pleno est quinque varietates: 1. *Calendulam* multifloram maximam. 2. *Cal. majorem polyanthon flo. aureo.* 3. *Cal. polyanthon flo. aureo.* 4. *Calendulam sativam polyanth. melinam.* 5. *Cal. multifloram orbiculatam.* [6. *Cal. proliferam primam.* 7. *Cal. proliferam secundam.* 8. *Cal. sativam seu flore simplici.* 9. *Sylvestrem seu arvensem.*] Verùm hæc omnes varietates (quamvis C. Bauhinus quoque ita ferè distinguat) ad tres antedictas facile reducuntur: quin & ex tribus illis duæ quoque (ut suspicor) cultura & mangonio originem suam debent: nec tamen pertinax sum in hac sententia; nam (ut verum fatear) *Calendulæ* maximæ multifloræ semen sativæ speciem suam plerunque propagat; neque tamen, quantum hæcenus expertus sum, *Calendulæ* minoris semen, majorem unquam producit.

Quod semina in disco marginalia majora sunt, satâ tamen plantas cum flore simplici plerunque dant; media minora, & tamen plantas matri congeneres edunt, Gerardus tradit; penes quem fides esto.

Planta hæc *Solsequia* & *Solis sponsa* dicitur, quod flos ejus ortu Solis aperiatur, & occasu claudatur.

2. *Caliba arvensis* C. B. *minima* J. B. *sylvestris* Ger. Wild Marigold.

*Cauliculos* emittit tenues, palmum & sesquipalmum altos, aliàs simplices, aliàs ramosos, singulis ramulis & summo cauli *flos* insidet exiguus, luteus, è calice folioso viridi. *Folia* angusta, semunciam longa: *radix* simplex, tenuis. Vix alia in re quàm partium omnium parvitate à *Calendula* flo. simplici sativa differt.

*Vires & Usus.*

Circa Liburnum, Monspelium, &c. inter segetes & alibi oritur. *Calendula* flores cardiaci censentur, hinc & hepatici & alexipharmaci, sudores movent, varias expellunt, ictero medentur, menses cient, partum promovent (fumus subditus parturienti) Aqua destillata, oculis instillata, aut linteis in ea madefactis impositis eorum rubori & inflammationi medetur.

Decoctum florum *Calendula* in Zythogalo seu liquore posseti nostratibus dicto, vulgò propinatur ad variolas expellendas; ejusque usus à longo tempore ferè inter omnes increbuit.

Ad pestem præservativum, Accipe flor. *Calendula* vulg. manduca, vel cum oleo aceto fac acetarium. Curio de Briquerville. Curativum, Succ. florum *Calendula* potus jejune fortiter sudando. Idem. In metu Carbunculi pestiferi detur succus *Calendula* manè ab 3j. ad 3ij. mirabiliter etiam purgat venenum pestiferum, per sudorem illud mira virtute evocans. Ex Observ. Marc. Cumani. D. Soame.

## CAP. IV.

De *Chrysanthemo seminibus angulosis aut striatis*:

*Chrysanthemum Conyzæ* aut *Asteris* facie.

1. *Aster cernuus* Col. *Aster Atticus foliis circa florem mollibus* C. B. *Aster cernuus* Columne Park.

*Col.*

**H**Ujus plantæ *folia* oblonga, vulgaris *Asteris* effigie, latiora, majora multò, tres uncias lata, per ambitum parum crenata, brevi hirsutie pilosa, terræ proxima nervosa. *Caulem* singularem emittit, alis divisum multis, quibus breviora hærent alternatim folia ut in caule, duriora, minùsque crenata vel nihil. *Caulis* verò alarumque summum non ut in altis plantis tenuius sit, sed paulatim crassescit, ut quod floribus hæret sit admodum crassum, & curvum, non imbecillitate, ut in *Chrysanthemo* Peruviano, sed naturâ. Singulos flores in singulis alarum cacuminibus producit, luteis *staminibus* confertis in umbones, ut in congeneribus, sed pluribus admodum foliolis virentibus imparibus cinctos: Radii autem cingentes florem molles, nec ut in vulgari *Astere* aculeati vel pungentes. *Semen* oblongum, fulvescens, amarum, viscosum, odoratum, angustum, striatum, quod singulis floribus subest. *Radix* fibrosa, pallefcens, fibris crassiusculis divisa, *Valerianæ* sylv. modo, sapore ferè aromatico. *Folia* acerba, adstringentia cum amaro quodam.

*Locus & Tempus.*

Hæc in monte S. Mariæ Virginis dicto oritur. Julio & Augusto floret & Septembri pericitur.

2. *Aster Atticus* Ger. Cxf. *Atticus luteus* verus Park. *luteus foliolis ad florem rigidis* C. B.

*Clus.*

Unico plerunque affurgit *cauliculo*, pedali, duriore & quodammodo lignoso, lanugine pubescente, qui superiore parte in ramulos dividitur, caulem superantes, quorum extremis squamata insident *capitula*, foliis quinque ut plurimum longis, hirsutis, rigidiusculis & radiatim expansis subtus exornata, in medio verò *flos* *Chrysanthemi* aut *Anthemidis* aureus. *Folia* per caulem sparsa lanuginosa, mollia, candicantia ut *Lychnidis* ferè, sed angustiora. *Radix* durabilis non est, ut quæ singulis annis pereat.

*Locus & Tempus.*

Frequentissimus est (inquit Clusius) hic *Aster* Granatensi regno, & agro Salmanticensi in arvis, ubi Maio & Junio floret. Nobis observantibus in Italia. Sicilia & Gallia Narbonensi ubique ferè obvis.

C. Bauhinus è Lobelio & Dodonæo aliam proponit *Asteris* Attici lutei speciem, quem *luteum folio glabro & crenato* appellat, Lobelius *Italarum luteum fruticosum*, *Olea folio*, *Conyzæ facie*, quam in Italiæ saxosis & aridis, inque Gallia Narbonensi valdè frequentem esse scribit. Verùm descriptio adeò brevis est & generalis, ut nesciam planè quam plantam intelligat. D. Magnol *Asterem* Italarum luteum, &c. Lob. *Asteris* montani lutei *Salicis glabro folio* C. B. synonymum facit: verùm C. Bauhinus diversum statuit, novo ei titulo imposito, *Asteris lutei folio glabro & crenato*: D. Morison *Asteri* luteo folio glabro & crenato C. B. h. e. Attico Dod. semina solida seu pappo destituta attribuit, idque ex propria observatione; unde apparet eum non specie tantum sed & toto genere distingui ab *Astere* montano luteo *Salicis glabro folio* C. B. cujus flosin pappos ab.



3. *Aster supinus* Park. *luteus supinus* Clusii Ger. *luteus* 12. *sive supinus* C. B. *luteus supinus spinosus* J. B. **Low creeping Starwort.**

*Clus.*  
 After hic supinus est, *cauliculis* multis ab una *radice* prodeuntibus donatus, humi magna ex parte diffusis, striatis & hirsutis; *foliis* numerosis, Asteri Attico luteo penè similibus, sed paulò viridioribus: singuli rami durum & foliosum sustinent caliculum, in quo *flos* luteus circinatae rotunditatis, Buphthalmi aut Chrysanthemi æmulus: quo evanescente caliculi in adeo dura & lignosa *capitula* evadunt, ut ungue vix frangi possunt, atque semen, quod in iis continetur, & firmiter inhaeret, eximi.

Circa Massiliam ad maris litus observavimus; Clusius quibusdam Castellæ novæ locis.

*Locus.*

4. *Chrysanthemum Conyzoides* Monspeliensium; *Conyzoides* Monspeliensium Moris. *Conyzoides Lusitanicum* Breyn. *Aster annuus* Attico luteo similis, *foliis* ad *florem* mollibus Botan. Monsp. *Aster Atticus odoratus* Creticus Zanoni.

*Breyn.*

Albam, aliquando ramosam, habet *radicem*, fibris dependentibus: ex qua *Caulis* rotundus enascitur, cubitalis, lenissimis & minutissimis pilis pubescens, præsertim in summitate, qui terræ partim incumbit, partim se surgit & in ramos multos pandit. *Folia* ejus alternatim absque pediculo sunt posita, lanuginosa, extremitatibus nonnihil reflexis, *Conyzae* minimæ *Lob.* foliis respondentia, paulò tamen majora, latiorèque viriditate prædita, haud crispa vel undulata: Ex horum sede & ramulorum angulis, non minùs quàm in caulium fastigiis *capitula* proveniunt solitaria ac dura, foliis quinque, septem, vel etiam quandoque novem circiter majoribus, & quinque vel pluribus minoribus, molliculis, viridibus & radiatim expansis subtus donata: in medio verò *Flos* lutei coloris, cujus foliola per extremum denticulata tribus denticulis orbem ex compluribus staminulis conflatum coronant, quo evanescente parva *semina*, angulosa & solida, impensè incana, argenteique nitoris & sericeo tactu succedunt. Tota Planta, præsertim trita, odorem aromaticum & resinofum, à *Conyza* non multum abludentem spirat. Sapor itidem est aromaticus & ferè fervidus.

*Locus.*

Circa Monspelium sponte oritur & copiosè, ut nos etiam observavimus cum ibi essemus. *D. Mag.* secus fluvium *la Maussion*, versùs *Grabels* & *Salenovam* Junio mense sæpius cum flore legit. *Asterem* secundum *Clus.* refert, (ut rectè *Breynius*) staturâ, odore, foliorum hirsutie differt.

### Chrysanthema reliqua.

1. \* *Chrysanthemum arborescens* *Aethiopicum* foliis *Populi albæ*. *Breynii*.

*Breyn.*

Frutex est crebris & densis ramis, quorum juniores densum ob tomentum albidum; in quibus *Folia* subrotunda, crasso modo in ambitu serrata, ac lanugine densa rasili in utraque superficie obducta, *Populi albæ* minoribus simillima. *Flores* in ramulorum extremitatibus aureo colore fulgentes *Chrysanthemi* *Canadensis* bidentis alato caule *Moris.* haud malè æmulantes se præbent, umbone croceo, multis petalis nervosis, anteriore parte denticulatis, radiato, constantes. His demum *semina* oblongiuscula, angulosa & solida, aliorum *Chrysanthemorum* ritu succedunt.

*Locus.*

Frequens est circa Promont. Bonæ Spei, & in regionibus adjacentibus.

2. *Chrysanthemum Americanum* laciniato folio. *Aconitum Helianthemum* *Canadense* Cornuti. *Doronicum Americanum* Park.

*Corn.*

Fruticosum hoc *Aconiti* genus *folia* habet quæ ab radice germinant, latissima, atro-virentia, ac ferè trifida. Quæ verò cauli adnascuntur, septem aut novem, atque etiam quod superiora eò pluribus profundioribusque divisa laciniis. Multis *caulibus* ultra proceritatem hominis adolescit; hi in plures diducti ramulos extremitates habent luteis *floribus* amplissimis onustas. *Flos* ut plurimum decem aut duodecim petalis oblongis constat, interposita singulis non levi spatio: inest medio umbo quidam, qui totus *feminibus* obducitur, ita figuratus ut ab imo latior in angustum verticem exacuatur. Hujus basin cingunt coronæ instar intermedia majoribus foliola viridia. *Radix* crassa & carnosa *Aconiti* more in plures quoque fibras exit, latiusque spatium solet, nisi diligenter præciatur ejus incrementum quotannis.

Malignam ac deleteriam vim huic plantæ attribuit Cornutus.

Hujus aliam speciem describit *Morisonus* noster in *Praelud. Bot.* p. 251. sub titulo *Chrysanthemi* *American. laciniatum minus.*

Quod priore humilius est; foliis minoribus, magis laciniatis & obscurius virentibus: floribus minoribus.

- A. 3. *Chrysanthemum segetum* Ger. emac. *segetum nostras* Park. folio minùs secto glauco J. B. *Bellis lutea* foliis profundè incisus major C. B. **Com-Marigold.**

*Radix* simplex, alba, lignosa altè in terram descendit, plurimis filamentis tenuibus capillata. *Caulis* simplex, pedalis aut altior, teres, medullâ faretus, laxis, ramosus, *foliis* vestitus alternatim positus,

positis, absque pediculis caulibus adnatis, colore glauco Cerinthes aut Ifatidis, duas aut tres uncias longis, vix digitum latis, circa margines altius incis. Flores in summitatibus caulibus & ramorum Bellidis majoris, petalis in ambitu latis, flavis, discum aureum ambientibus. Discus autem ille componitur è foliulis in quinque segmenta expansis cum stylo in medio, quorum singuli singulis seminibus insident, ut in reliquis corymbosis.

Locus.

Segetes frigidiorum tractuum Galliae, Germaniae utriusque, Angliae, &c. hoc secatent, flavam per menses Cererem ornante; regionibus aestuosis rarior. J. B.

4. *Chrysanthemum Creticum primum Clusii* Ger. emac. J. B. *majus folio profundè laciniato, magnâ flore* C. B. *Candy Corn-Marigold.*

Cubitales habet aut ampliores caules, satis crassos, teretes, striatos, duos, paucâ intus medullâ, ramosos, colore glauco aut pallidè viridi, frequentibus foliis brevi petiolo inæqualiter nascentibus ornatos, quæ in varias & profundas lacinias easque iterum circumcirca incisas & valde dissectas divisa sunt. Extremis cauli & ramis innascuntur ampliflores, è squamoso capite prodeuntes, duodecim aut pluribus foliis constantes, satis latis, extremo crenato, aurei initio coloris, postea paulatim in pallidè flavum degenerantis, latiusculum discum ambientibus flavum. Flori utcumque odorato succedunt capita è multis inæqualibus, longiusculis, striatis, utraq; extremitate obtusis, & subfusculis seminibus compacta.

Radix subest alba, digitali crassitudine, brevis, multis fibris adhaerentibus, quæ semine perfecto interit, è quo in terram delapso vere sequenti novæ plantæ exoriuntur.

Locus.

Hæc Clusio è semine Cretâ missò nata est. Verum non Cretæ peculiaris est, nobis enim in vineis & hortis oleraceis circa Messanam Siciliæ & alibi observata est copiosè proveniens.

Hæc planta variat interdum floris colore mixto, seu partim candido, partim luteo.

5. *Chrysanthemum Creticum 2. Clusii* J. B. *majus folio in minores lacinias diviso* C. B. *Clusius hic second Candy-Marigold.*

Clus.

Non minùs fruticosum, minùsve altum est, minùs tamen crassos habet caules, fungosos & striatos etiam illos, quos ambiunt folia non adeò dissecta, sed in minores lacinias & rarius incisas divisa, propius ad Chrysanthemum segetum accedentia. Suffinent extimus caulis & rami squammata & quasi imbricata capita, è quibus nascuntur flavi flores, totidem quot in primo foliis constantes, angustioribus tamen & medium orbem aureum cingentibus; quibus etiam succedit semen simile sed aliquantum minus.

Huic vel potiùs præcedenti plantæ eandem putamus

*Chrysanthemum foliis Matricariæ* C. B. *Chrys. majus folio valdè laciniato flore croceo* J. B.

J. B.

Cui caules cubitum aut sesquicubitum alti, teretes, laeves. Radix superiori similis: Folia sine pediculis cauli ejusque alis adnascencia, Matricariæ ferè divisura, pingua, tenera, sapore oleraceo quanquam non ita accepto. Flores quales superioribus.

Quantum differant Chrysanthema Cretica Clusii ab hic tradito considerandum, inquit J. Bauhinus. Parum certè aut nihil. Nam & descriptiones in plerisque conveniunt, & utraque annua sunt, & Chrysanthemum Matthioli in Germania & Septentrionalibus regionibus peregrinum.

Chrysanthemum minus Camerarii in Epitome Matthioli J. Bauhinus huc refert.

6. *Chrysanthemum latifolium* J. B. *Hispanicum rotundioribus foliis* Park. item *Chrys. segetum Batium* Boelii ejusdem & Ger. emac. *Daisy-leaved Candy-Marigold.*

J. B. Ger. em.

Fibrosis albis nititur radicibus annuis. Caulis teres, striatus, glaber, rubescens, cubitum altus, medullâ fungosâ factus, ramis alternis divisis; foliis cinctus nullo ordine positus, duas tresve uncias longis, semunciam aut unciam latis, ad Bellidis majoris folia proximè accedentibus, per extremum lationibus, circumcirca ferratis, glabris, obscurè virentibus, sine pediculis adnatis. Flores extremis caulis & ramulorum harent singulares, minores quàm Bellidis majoris, disco foliisque discum coronantibus (viginti numero in extremo crenatis) aureis. Florem suffulciunt squamæ viridantes. Semen parvum, oblongum, teres, incurvum, albidum.

Locus.

Inter segetes non in Hispania tantum, sed etiam in Italia circa Liburnum portum nobis observantibus copiosè provenit.

Huic perfimilis est & fortassè eadem

*Chrysanthemum parvum, sive Bellis lutea parva latifolia* J. B.

Perfimilis est (inquit) Bellidi majori, cujus folia habet, vix unciam longa, ferrata, eodem ordine per caulem disposita, qui singularis, pedalis, subhirsutus, summo vertice florem gerit unicum, paulò jam dictæ Bellidis minorem, radiatis in orbem foliis saturatè croceis umbonem ejusdem coloris coronantibus, quæ averfa parte suffulciunt folia pallidè virentia, subhirsuta. Radix brevis, gracilis, multifida,

Præcipua



Præcipua differentia est in *parvitate*, quæ evenire potuit ratione loci *caulis hirsutis*, quæ tamen non tanta erat, ut hirsutum dicere ausus sit; & *flore* in summo caule *singulari*, quod tamen perpetuum non erat, & sterilitati foli fortasse debeatur.

- \* 7. *Chrysanthemum Alpinum* 1. *Clusii* Ger. Park. *Chrys. Alp. incanum*, foliis laciniatis C. B. *Chr. Alp. Fudenbergense*, *Jacobææ affine* J. B. *Clusius* hic ficit *Mountain Marigold*.

*Clus.*

Multa habet secundum radicem longiuscula folia, Absinthio umbellifero similia, crassa, pollicari longitudine, in lacinias aliquot divisa, viridia, (in novellis tamen quædam canities conspicitur) amari saporis: *Caulis* aliquot palmares, rarioribus & tenuius dissectis foliis ornatos, striatos; in quibus veluti umbellæ denum aut duodenum luteorum *florum*, *Jacobææ* vulgaris floribus non multum abfimilium & ejusdem odoris. *Radix* crassiuscula est, multisque candicantibus fibris capillata.

Provenit in *Fudenberg*, *Spital* & aliis quibuldam *Stiriz* jugis, ubi *Julio* & *Augusto* floret.

*Locus* &

*J. Bauhinus* hanc plantam *Jacobææ* affinem facit; verum quoniam ex ejus descriptione non constat an *Flos* in pappos abeat necne, & titulum & locum quem ei assignavit autor tantisper retinere permiffimus, dum certiores de ejus notis genericis facti fuerimus.

*Tempus.*

- \* 8. *Chrysanthemum Alpinum* 2. *Clusii* Park. *Alpinum foliis Abrotani multifidis* C. B. *Clusius* hic secundo *Mountain Marigold*. *Chrys. Alp. Escherianum*, *Jacobææ affine* J. B.

*Clus.*

Huc numerosa proximè radicem nascuntur folia, *Abrotani* maris foliis respondentia, dilutiore viriditate nitentia, & odore si terantur non ingrato, sapore verò amaricante & minime grato: ex his *caules* exeunt pedales, minoribus foliis onusti, in aliquot interdum ramulos divisi, qui singulos aut geminos sustinent flores, *Chamæmelo* vulgari majores, inodoros, omnino flavos, hoc est, medium orbem luteum cingentibus etiam luteis foliis, satis latis. *Radix* fibrosa & nigricans est, pluresque à latere spargit ramos.

Invenitur in *Etlicher*, *Snealben*, *Veytzalben* & celsis aliis *Alpium* *Stiriz* jugis. Floret *Augusto*. *Locus.*

De genere hujus plantæ nihilo certiores sumus quàm de superioris: hic maneat donec de eo certius constiterit.

- A. 9. *Bupththalmum vulgare* Ger. *Dioscoridis* C. B. *Mattbioli*, sive *vulgare Millefolii foliis* Park. *Chamæmelum Chrysanthemum quorundam* J. B. *Common Oxyeye*.

*Caulis* cubitalibus & majoribus, tenuibus, & incana lanugine obductis, pluribus, propter terram rubentibus, ex lignosa radice obliquè exortis, ramosis folia adnascuntur itidem lanuginosa, *Millefolii*, denticulata, pinnatæque, multò minora, quippe quæ non temere unciam longitudine superent, odore *Chamæmeli*. In singulorum ramorum fastigio flos unicus, *Chrysanthemi*, totus luteus, sive quæ in ambitu sunt folia spectes, sive discum, qui rigidulis apicibus asper est: *Calyx* porro cui insidet incanus, *Chrysanthemi* instar squamosus est.

Varis Germaniæ in locis hanc plantam observavimus spontaneam; circa *Florentiam* quoque *Locus.* Italiz in alveis torrentum & alibi.

- \* 10. *Bupththalmum Cotula folio* C. B. ejusdemque *Buph. caule & flore purpurascens*, ex sententia fratris. *Buph. alterum Cotula folio* Park. ejusdemque & Ger. *emac. Chrysanthemum tenuifolium Beticum* Boelii. *Camomile-like Oxyeye*. *Buph. tenuifolium folio Millefolii* ferè J. B.

J. B. Ger.

*Radix* est brevi, tenui, candida, paucis fibris capillatâ. *Caulis* habet tomentosos, tenues, striatos, subrubros, cubitales & longiores, frequentibus satis ramis multifidos; per quos folia nascuntur ad *Millefolii* tomentosi folia accedentia [tenuissimè dissecta & foliis *cotula fetida* persimilia Ger. *emac.*] pari dispositione & divisurâ ferè, verum nonnihil latiora. *Flos* singulis ramis in cacumine hæret unicus, magnus, radiatis in ambitu foliolis longiusculis, extremo crenatis, tredecim aut quatuordecim aureis coronatus, disco concolore; calice folioso, lanuginoso, canescente. Foliorum siccorum sapor nullus memoratu dignus.

Foliola floris discum cingentia (inquit *Clusius*) subtus plerunque nonnihil purpurascunt aut rubescunt; hinc, ut puto, *Bupththalmum* caule & flore purpurascens C. B. ramuli plerunque humi fusi sunt, & folia quàm *Chrysanthemi* *Valentini* crassiora.

Circa oppidum *Aguz mortuz* nuncupatum observavit & eruit *Clusius*.

*Locus.*

In *Horto Medico Leyden*si habetur *Bupththalmum* folio *Chamæmeli* non descriptum: quomodo differat à præcedente.

\* II. *Buphrasalmum Creticum Cotula facio flore luteo & albo Breynii.*

Breyn.

Hæc Chamamelo perfimilis albam possidet radicem, densis fibris se in terram figentibus, tendibus, & aliquantulum tortuosis: initio nullius manifesti saporis, sed diutius in ore dentibus pressa sat acrem, ferè ut Pyrethri, linguæ relinquens. Ex illa densa in orbem circa terram folia erumpunt, leniter hirsuta, magnitudine, divisurâ & formâ Pyrethri Bellidis flore C. B. planè respondentia: inter quæ *Caulis* panè cubitalis, nonnunquam tamen duntaxat pedalis, rotundus, mollis, cum tempore durior, coloris viridis, vel ex viridi albicantis propter hirsutiem, surgit; *foliis* minoribus, chamameli magis convenientibus, sed crassioribus, in lobulos latiores divisus: ex quorum summo alæ, plurimum longitudine caulem superantes, in tali abundantia, præsertim circa radicem, prodeunt; ut densa & orbiculata plantæ effigies subinde videatur ob alarum multitudinem oblique & respicè se propagantium. *Flores*, quibus subest squamosum capitulum, squamulis viridibus lutescentibus triplici serie contextum, Buphrasalmi Alpini floribus non parùm assimilantur, nisi quod illorum petala, tredecim plerumque numero, majorem, in medio paulisper quasi exculptum sive concavum, ex plurimis flavis tubulis condensatum orbem circumambientia, breviora, latiora, lineis seu plicis striata, & dilutiorè flavedine sunt imbuta, imprimis cum ad senium vergunt, & parte inferiore ubi panè tantum sulphurea, conspiciuntur. Primus horum florum in medio plantæ supra caulem mensis Junii exit, deinde alii in alarum majorum cacuminibus, & tandem reliqui in ramulis lateralibus veluti succedanei ita se excipiunt, ut planta hæc totam non modò calidam æstatem atque autumnum fertilem floribus condecoret, sed triste senium etiam subinde anni genialiter coronet; messisque semper uberrimam latè compressorum seminum, saturè purpureorum, inter squamulas tenues membranaceas & latas, ejusdem planè coloris, nitentes, firmiter & solidè jacentium proferens; quæ tandem sicuti etiam squamulæ ipsæ, Regiæ suæ splendorem purpuræ cum illepidò colore spadiceo tristi commutant, & in generis sui conservationem quotannis apud nos sunt ferenda. Planta hæc nullius excellentis est odoris, præter flores, subdulcem & medicatum quadantenus, saporis: lidiusculo & aromatico panè similem, spirantes.

Datur alia hujus seu species, seu potius varietas, petalis discum illum luteum circumradiantibus albis, seu splendide argenteis, unde flores Pyrethro perquam sunt similes, planta ipsa Chamamelo, ut non facile queat discerni.

Hujus semen habuit ex horto Academico Lugduno-Batavo.

\* 12. *Chrysanthemum Ericoides C. bonæ spei Breyn.*

Breyn.

Ante florum proventum adeò Ericæ Coris folio simile, ut eruditissimus etiam botanophilus congenerem ei existimaturus sit. Parvus enim est *Frutex*, complurimos, graciles, lignosos subrubentes, & veluti quibusdam tuberculis obsitos proferens ramulos: qui in superiore, ubi leniter lanuginosi, parte foliolis Ericæ Coris folio secundæ *Clus.* perfimilibus, adeò confertis sunt omni, ut nullum ferè lignum conspiciatur. Summis ramulis singuli, vel bini aliquando, sæpius tamen numero plures, quasi in umbellam dispositi, insident *Flosculi*, Millefolii non multo majores, petalis multis pallidis discum parvum radiantibus, è Capitulo foliolis crebris sibi invicem incumbentes compacto prodeuntes.

His marcidis *semen* ex fusco spadiceum, turbinatum, uvæ acini simile, sed multo minus, superius verò, ubi angustius, denticulis quaternis duriusculis veluti coronula, in modum Chrysanthemi Canadensis bidentis ferè, donatum succedit, in materia quadam villosa latens.

In Catalogo Horti Medici Edinburgensis duas adhuc alias Chrysanthemi species invenio, Altera dicitur *Chrysanthemum latifolium Tingitanum*; Altera *Chrysanthem. Africanum pinnatum præcurrens, flore cæruleo, nudo, luteo*; de quibus quoniam mihi nondum inspecta fuerint, quod dicam non habeo.

Nec quicquam nobis dicendum suppetit de Buphrasalmi tenuifolio peregrino N. D. Hort. Ludg. Bat.

## CAP. V.

*De Chrysanthemo seminibus longis, compressis seu Flore Africano.*

Hujus notæ sunt floris calyx integer oblongus, petala lata, senina longa compressa: folia laciniosa, Tanacetum æmula.

1. *Flos Africanus major polyanthos Ger. major sive maximus multiplex Park. Tanacetum sive Flos Africanus major flore pleno C. B. Tagetes maximus rectus flore pleno multiplicatus J. B. The African Marigold.*

**C**aulis producit teretem, striatum, bicubitalem aut altiore, crassitudine pollicari, copiosâ intus medullâ albâ farctum, geniculatum, ramosum. *Folia* in caule ex adverso bina, in summis tamen caulibus & ramulis singularia, Tanaceto nonnihil similia. [F. Columna Valerianæ suæ vulgari similia esse scribit quam Tanaceto] pinnata, lobis utrinque senis septenisve cum impari



impari in extremo commissa, odore non ita gravi ac minoris generis, latè virentia, marginibus serratis, in acumen definentia. Flores in summis caulibus & ramulis singulares pediculis brevioribus quam in minori genere, propè imum calicem turgidis & concavis è calicibus oblongis, pluribus velut palis in angulos acutos definentibus compositis, pleni, pulcherrimi, flavi aureive. Semina tenuia, oblonga, nigra. Radix tenuibus fibris, mollibus, copiosis summæ telluri hæret, ut rectè Columna.

Hujus plantæ sex varietates recenset E. Columna: Prima, Caryophyllus Mexicanus maximus polyanthos, latis petalis & croceo saturato colore, dicitur: Secunda, minor & luteo colore: Tertia, simplici flore umbonem habente flosculis exiguis Chrysanthemum modo, & barbulis sive petalis magnis, octonis plurimum vel novenis aliquando, & crocea: Quarta similis sed pallente colore: Quinta flore fistuloso simplex: Sexta flore fistuloso polyanthos.

2. Tagetes Indicus minor simplici flore, sive Caryophyllus Indicus, sive Flos Africanus J. B. Tanacetum Africanum, sive Flos Africanus minor C. B. Flos Africanus minor simplex & multiplex Park. minor simplici flore Ger.

7. B.

Striatos producit caules dodrantes, aut paulò majores, intus fungosos, alis aliquot concavos. Folia Tanaceto similia, pinnata, ex quinque, aut pluribus conjugationibus ad octo, imparique extremo commissa, odore viroso, gravi: singularia saturatè virent, tres aut quatuor uncias longa, semunciam circiter lata, circumquaque denticulis serrata, in acumen definentia. Flores extremis ramulis hærent singulares, ex calyce turgido oblongo, simplici foliorum ordine radiari, colore infra ex flavo, supra ex flavo ferrugineo holosericeam telam imitante: Medium obtinent stamina numerosa, flaventia, quibus appenduntur semina tenuia, longa, nigra. Radix brevis, fibrosa, ac ubi è terra prodit, bina habens longiuscula folia.

A precedente differt, 1. Partium omnium parvitate. 2. Caulibus infirmioribus, humilioribus, ramulis magis diffusis in latitudinem & terram versus reclinatis. 3. Pediculis florum longioribus & colore ferrugineo florum. 4. Odore graviore & magis viroso, tum foliorum, tum florum.

Hujus etiam duplex habetur varietas, altera flore simplici, altera flore pleno seu multiplici. Sic in universum octo habentur hujus species seu varietates.

Notandum autem secundam majoris varietatem, quam Columna minorem & luteo colore vocat, & in pallidum dilutiorem deficere scribit, à J. Bauhino Tagerem Indicum medium flore luteo pallido dici, qui eam citius florere affirmat quam majorem.

Historia plantarum Mexicanarum Fr. Hernandez alterius adhuc Floris Africani speciei meminit quam septimo in loco pingit, & sic breviter describit. Majusculum est septimum Tepecan-paal Xochitl nuncupatum, sed exilioribus luteisque floribus, qualia sunt quoque ipsius plantæ folia, quæ sunt omnium minima.

De viribus hujus plantæ Hernandez in Historia prædicta hæc habet.

Vi pollet discussoria & aperienti. Foliorum succus ebibitus, aut folia ipsa contusa & ex aqua e-Vires. pota, vinove, ventriculum gelidum contemperant, menses, urinam, & sudores eliciunt, frigora intermittentium arcent illata paulò ante accessionem; statum discutiant, Venerem excitant, cachexiam à causa frigida ortam vitio hepatis curant, aperiunt obstructa, convulsa laxant, hydropem levant: vomitum ex aqua tepida procurant, & tandem febrium rigoribus, imò & febribus ipsi expurgata per urinam & per sudorem causâ medentur.

Verùm Dodonæus vim ei veneficam inesse prodidit, experimento in Fele facto qui ejus esu extinctus est: quin & mures arrosos seminibus mortuos repertos addit, & puero ex esu floris os ac labia intumuisse & porcis quibusdam fuisse exitio. Quæ tamen (inquit Joan. Terentius\*) non concludunt hanc herbam venenum esse & inter species Tanaceti referre non posse; & deinde Dodonæi argumenta refutat.

\* Notis in Recchum.

Fructus ille suo judicio: ego in Dodonæi & J. Bauhini sententiam concedere, quam anceps medicamentum experiri mallet; nec in humano corpore periclitari quod porcis, felibus aliisque animalibus perniciosum esse constiterit, consultum duco.

Plantam hanc Africæ indigenam esse vel nomen evincit; at nec solius Africæ, sed Americæ ut Loc. ex Fr. Hernandez plantarum Mexicanarum historia patet.

## SECTIONIS PRIMÆ MEMBRUM SECUNDUM.

*De Herbis Corymbiferis barbulis medio disco concoloribus, floribus in Umbella  
formam dispositis.*

### CAP. I.

#### De Ptarmica.

**P**tarmica ex re nomen habet, quoniam Πταρμίδης, id est, Sternutamenta provocat. Notæ ejus sunt Flores in umbella, barbulis disco medio concoloribus; folia integra, ad margines duntaxat serrata.

A. 1. *Ptarmica*. Ger. *vulgaris* Park. *vulgaris*, folio longo serrato, flore albo J. B. *Dracunculus serrato folio pratensis* C. B. *Sneezwort*, *Bastard Pellitory*: nonnullis *Cool-tongue*, id est *Lingua asserina*.

7. B.

Est ubi tres superet cubitos, sæpius minor, cubitalis, radice oblique acta & velut geniculata, fibris majusculis & longissimis donata, sapore acri & fervido: caule singulari, tereti, glabro fistuloso, gracili, satis tamen rigido; cui alterno aut potius nullo ordine posita adnascuntur folia, ab imo ad summum, Draconis esculenti, argutis asperiusculisque denticulis circumquaque serrata, atro virore splendentia, sapore fervido, Pyrethri mitiore. Summus scapus nonnihil angustus & subhirsutus in furculos aliquot dividitur, qui umbellatim flores gestant candidos [ tam & scum medium, quàm petala eum undique radiatim cingentia ] Millefolii terrestris, duplo aut triplo majores, odore non dissimili sed remissiore. Discus floris medius è plurimis flosculis arcte stipatis & in quatuor segmenta acuta divisim componitur.

Locus &  
Tempus.

In pratis udis & palustribus Julio mense floret.

Florum calices in hac planta quàm Millefolii breviores è pluribus squamis coagmentantur. Flores ut multò majores quàm Millefolii, ita minùs crebri & conferti in summis caulibus longioribus pediculis insident, nec adeo exactè simul umbellam efformant. Variat interdum flore pleno seu multiplici, hinc *Dracunculus pratensis* flore pleno C. B. & aliorum.

Guſtu est acri & fervido. Siccæ pulvis naribus inditus, sternutamenta movet, unde ei nomen. *Radix* commanſa caput purgat & dentium dolores mulcet pſuitam eliciendo. *Herba* cruda additur acetariis ad frigiditatem eorum temperandam & corrigendam.

2. *Dracunculus Alpinus Agerati foliis incanis* Hort. Reg. Paris. & Lugd. Bat.

Nos olim Cantabrigiæ coluimus plantam Londino missam nomine *Agerati* flore albo, quæ vera potius *Ptarmicæ* species erat. Folia ei longiora erant quàm *Agerati* vulg. acutiora, ad margines profundius serrata: *Caules* elatiores: *Flores* radiati, pallidi; odor (quantum meminimus) satis validus *Agerati*. An hæc sit quæ Parisiis & Leydæ colitur sub titulo allato nescimus. An *Ageratum* foliis serratis *Monspeliensium* majus pallidè luteo flore nonnullis.

3. *Dracunculus Alpinus folio Scabiosæ* C. B. *Ptarmica Alpina* sive *Dracunculus Alpinus Scabiosæ folio* Park.

C. B. prod.

*Radicibus* est fibrosis; *cauliculis* rotundis, pedalis, in summo in alas brachiatis: foliis instar *Scabiosæ* laciniatis, altè incisim & crenatis: flosculis in summis virgulis quoad discum medium subteis, quem foliola albida ut in *Chamæmelo* vulgari ambiunt.

In Helvetiorum pratis Alpina propè Fabarias & in Gothardo provenit, Julioque floret.

4. *Ptarmica Virginiana folio Helenii* Morif. prælud.

Planta est bipedalis, cujus caulibus adnascuntur folia lata & oblonga, Helenii foliis hand abſimilia. Flores fert albidos, seminâque *Ptarmicæ* seminibus omnino similia.

Hæc planta à nonnullis ad *Costum* hortorum refertur, rectius tamen hic ponitur.



## CAP. II.

## De Absinthio Umbellifero dicto.

**A** Florum divisura & colore Absinthium æmulante nomen huic plantæ à Clusio impostum est. Verùm ad Millefolium propius accedit quàm ad Absinthium, ob flores radiatos & barbula medio disco concolores.

1. *Absinthium album* Ger. *album* sive *umbelliferum* Park. *albis floribus*, *capitulis squarrosis* J. B. *Alpinum umbelliferum latifolium* C. B. *Tufted Dogwood*.

Clus.

Dodrantalibus assurgit *cauliculis* [lescuncialibus & dodrantalibus & mediæ magnitudinis] gracilibus, incanis, in quibus rara & exigua sunt *folia*, tota incanâ lanugine & velut tomento obsita, circa radicem majora, Bellidis majoris foliis non valdè dissimilia, minora tamen & magis incisa [J. Bauhino Absinthii vulgaris in morem profundè lacinia] satisque crassa, eximie amaritudinis. Summis cauliculis octoni aut plures insident *flosculi*, in umbellam distributi, floribus Achilleæ non dispares, sed majores, septenis aut octonis candidis foliolis medium orbem (ex aliis exiguis flosculis luteo stylo præditis efformatum) cingentibus constantes. Semen deinde quale Absinthii vulgaris, odoratum. Radix nigra est, aliquot fibris donata, & à lateribus propagines spargens.

In Austriæ Stiriaque cellissimis jugis à Clusio observatum, nec alibi usquam. Junio & Julio floret. Variat insigniter magnitudine ratione loci in quo crescit. Locus & Tempus.

2. *Absinthium umbelliferum*, *Mutellina* quibusdam J. B. An *Absinthium umbelliferum alterum* Italicum Lob? *Absinth. umbellif. hortense* C. B?

J. B.

Radice nititur crassa, perenni ut videtur, caules emittente plures, palmares & paulò majores, per quos ut & in ipsorum fastigiis corymbi conspiciuntur rariores, satis magni & ni fallimur lutei. Folia tenuia, Absinthii Seriphii divilurâ, candidissima, hirsuta, sapore amaro, ingrato. Ex sicca Absinthii alterius Italici Lob. notæ hæ sunt. Ortu, colore incano, & habitu ipso non ita diversum est ab Absinthio albo, sed omnia exiliora multo, Cauliculos plures spithameos emittit, summis flosculos in glomeratis capitulis incanis gerens.

Pona Italicè Absinthii Alpini umbellif. 3. genus meminit; quod C. Bauhinus *Absinth. Alp. Umbellif. tenuifolium* & minus appellat.

3. *Corymbif. Millefolii umbellâ*, folio alato & laciniato.

Radix ei alba, obliqua, repens, fibris longis, crebris firmata. Caules erigit cubitales, teretes, inanes, brevi & vix perceptibili lanugine obritos. Folia alata, quatuor aut quinque pennarum conjugationibus constant singulæ pinnæ & extremum etiam folium circa margines dentatæ, & subinde altius incisæ aut laciniatæ sunt: pinnulæ & lacinia in acutis cuspides exeunt. Flores in summis caulibus (qui in plures ramulos dividuntur) velut in umbellas digesti, albi & Absinthii albi umbelliferi floribus omnino similes. Nullus in hac planta, vel odor, vel sapor insignis; initio gustanti subamara videtur.

In sylvis montosis propè maximum Carthusianorum cœnobium in Delphinatu Gallia nascitur. Junio floret. Hanc plantam indiætam puto, ni fortè Morisonus titulo *Millefolii Tanacetis foliis* eam intelligat. Folia tamen hujus à Tanacero plurimum abluunt. Locus.

## CAP. III.

## De Millefolio.

**M**illefolium, Græcis *Μυεφόλλον* & *Χιλόφυλλον* à multitudine foliorum, Achillea, *Ἀχιλλεύς*, ab Achille primo ejus inventore dicta est. Plin. lib. 25. cap. 5. Invenit & Achilles discipulus Chironis quâ vulneribus mederetur, quæ ob id Achillea vocatur, hæc sanasse Telephum dicitur.

Hujus characteristicam facimus flores in umbellæ formam dispositos, barbulis medio disco concoloribus, folia tenuissimè dissecta.

- A. 1. *Millefolium vulgare* Park. *vulgare album* C. B. *terrestre vulgare* Ger. *M. Stratiotes pennatum* J. B. *Common Parrot* or *Witfoil*.

J. B.

Ubique viarum obvium est Millefolium, caulibus dodrantalibus, cubitalibus & altioribus surgens, rigidis licet tenuibus, teretibus, striatis, hirsutis, medullâ sæctis, qui circa summitatem in aliquot furculos dividuntur, atque hi rursus in plures petiolos, qui flores in umbella ferunt odoratos, parvos, colore

colore albos aut subpurpureos, quinque, septem, paucioribus aut pluribus foliis constantes ex caliculo squamato. Cæterum discus floris medius è plurimis flosculis albis in quinque acuta segmenta partiti componitur: folia marginalia, quæ discum in circulum ambiunt frontata sunt, fronte duplici crena in duos denticulos diviso. Folia pinnata ad costam alligantur, tenuibus Chamæmeli divisuris, sed compositioribus rigidiusculis, suave olentibus, sapore acriusculo. Radix lignosa & fibrosa nigricat, & in terra se diffundit.

Folia in toto hoc genere [Corymbosarum] quantum memini, singulatim caulibus adnascuntur.

Millefolium vulgare purpureum minus C. B. & aliorum, cum solo floris colore à præcedente differat, diversa species censenda non est. Variat enim hoc modo Millefolium vulg. floris colore in pascuis ubique.

\* 2. *Millefolium odoratum minus Monspeliensium* Hort. Blaf.

Locus.  
Vires.

Multò minus est quàm vulgare, foliis canescentibus, odoremque habet suavem & aromaticum. Plurimis in locis herbidis circa Monspelium repit, ut propè pontem *Ville novæ* & alibi.

Hujus vires Schroderus sic breviter recenset. Vis ejus ad sanguinem sistendum. Ufu itaque interno convenit in hæmorrhagiis & fluxionibus omnis generis, narium, uteri, alvi, vulnere, scætu sanguinolento, vomitu, urinâ retentâ, calculo, mictione sanguinolenta, gonorrhœa, hæmorrhoidibus, fluore uterino, mariscis, &c. Extrinsecus adhibetur utiliter Cephalalgia, hæmorrhagie narium & vulnere, vulneribus consolidandis, tumoribus hæmorrhoidum, herniæ, ictibus venenatis, tumori penis, &c.

\* De Medicam. Officin.

Recentior observatio (inquit \* C. Hofmannus) docuit Millefolium nostrum tantum abesse à facultate hæmorrhagias sistendi, ut etiam cieat. [At J. Bauhinus quòd Millefolio sanguis è naribus irritetur ex affricu contingere arbitratur.] Tam etiam vehemens esse diureticum, ut diuturniore usu cruentas urinas pariat. Hofmannus ergo distinguit & Millefolium quod acerbum est vim illam glutinandi obtinere putat; quod amarum deobstruendi & dissolvendi, urinas educendi, humores necandi, &c. Acrimonia & amaror manifesta sunt in Millefolio minore Cordi, itemque nobili Tragi.

Verùm quâcunque tandem qualitate id efficiat, multa exempla hæmorrhoidum curata decoctionibus Millefolii adducit Riverius in Observ. Centuriis & multi alii Scriptores, ut nos monuit D. Tancredus Robinsonus.

3. *Achillea sive Millefolium nobile* Ger. *Achillea Sideritis sive nobilis, odorata* Park. *Achillea millefolia odorata* J. B. *Tanacetum minus album odore Camphoræ* C. B. *Achilles his Iron-wort.*

J. B.

Millefolio terrestri cognata est Achillea, sic ut non omnibus obvium sit discrimen. *Virgis* fruticæ aliquando tricubitalibus, nonnunquam palmaribus, striatis. Folia Millefolii vulgaris seu terrestris, sed latiora, breviora, multifida, colore non ita viridi prædita, sapore amaro, odore valido aromatico. Umbellæ fert corymborum Millefolii jam dicti, foliolis candidis medium orbem aureum cingentibus.

Locus.

In Germania ad Rhenum flumen, Gallia Narbonensi circa Monspelium, & in Italia passim provenit.

Parkinsonus Tanacetum minus flore albo ab hoc diversum facit, quàm rectè ipse viderit.

Novi quædam mulieres qui se ab abortu præservârunt solo usu decenti Millefolii vulgaris. S. Pauli Quadripart. Botan. Class. 2. p. 91. Idem.

Vires.

Ad sanguinis sputum, & pulv. Millefolii ʒij. propinetur cum succo Plantaginis. Multum juvat, & multò magis succus, inquit Matthiolus.

Ad sanguinem è naribus eliciendum Millefolium quàm optimè conducit; asperitate namque sua & duritie acuminata venas in naribus capillares aperit: Naribus etenim indatur, mox interne nares premantur & fricentur, unde multis solet elici & faciliè sanguis & satis copiosus. D. Soame. Hinc nostratibus *nose-bleed* dicitur.

Tuber quod in hujus radice nonnunquam excrescit, oritur ex venenato quodam aut fermentativo liquore in vulnus seu puncturam ab insecto aliquo inflatam unâ cum ovo immisso [ab eodem intellige insecto] qui cum succo radice mixtus, tumorem excitat qui sit receptaculum & velut uterus seu matrix ovi & vermiculi excludendi, eique alimentum & tutelam ministrat: unde *Millefolia tuberosa* à Jac. Cornuto pro diversa specie minus rectè ponitur.

Sennertus in fluxu mensium nimio sequens exhibet, & Succo Millefolii ʒij. Sacchari ʒj. Detur. D. Soame è Dola. Lib. 5. C. 4. S. 10.

\* 4. *Millefolium maximum umbellâ albâ* C. B. prod.

C. B.

A præcedente [Millefolio vulg.] excepta magnitudine in paucis differt. *Caulibus* est sesquicubitalibus, crassius: foliis circa radicem palmum longis, uncias quatuor latis, tenuissimè incisis, & velut è multis minutissimis alatis foliolis constantibus, sed minoribus & tenuissimè incisis quæ circa caules sunt, qui in ramos plures brachiantur, quibus singulis umbellæ, uti in Millefolio vulgari sed major, flosculis albis referta insidet.

Locus.

In horto Patavino crevit; & sanè nisi aluissent in horto botanico, pro vulgari Millefolio habuissent inquit Descriptionis autor C. Bauhinus.

\* 5. *Mille-*



- \* 5. *Millefolium purpureum majus* C. B. *flore rubro* Clus. Ger. *rubro flore maximum* Park. *Red-flowered Parrot* or *Witloil*.

C. B.

Ex radice crassa satis caules plures ad cubitum & sesquicubitum excrefcunt: foliis ut in vulgatissimo Millefolio dispositis; umbella magna flores elegantissimos rubri coloris & quinquefolios continens, in quorum medio apices pallide flavescentes, qui gratiam addunt, emicant. Flores contriti medicatum odorem spirant. Millefolium rubro flore Clusii foliis erat vulgari tenuioribus.

De loco hujus natali non constat.

- \* 6. *Millefolium Alpinum incanum carneo flore* C. B. *Alp. Clusii, parvum, nonnihil incanum, carneum* J. B. *Alp. incanum* Park.

Clus.

Elegans hæc plantula dodrantalem five palmarem altitudinem non excedit, multis foliis circa radicem stratis, tenuissimè incisis & veluti è multis minutissimis alatis foliolis constantibus, nonnihil incanis: Candicantes cauliculi satis crassi, hujusmodi foliis iisque minoribus & tenuissimè incisis obfusi: Umbella flosculorum densissima, qualis in vulgari Millefolio, sed dilutiore rubro colore five carneo nitentium. Radix vix à vulgari differt, fibrosa admodum & summa tellure serpens.

Sponte provenit in Judenberg & Spital, Stiriz Alpibus, atque flores profert Augusto.

Locus.

- \* 7. *Millefolium Alpinum incanum flore specioso* J. B.

J. B.

Palmaris est plantula, radicula simplici, ruffa ac pænè nigra: è qua folia prodeunt duas aut tres uncias longa, rarius pinnata, tomentosa, longiusculis ac ferè uncialibus pediculis hærentia. Coliculis tomentosus item prædictis similia quoque hærent folia, sed aliquanto minora, brevioribusque pediculis donata. Eorum verò summitatibus flores insident quinque aut sex, squamati, corymbati, ut ex sicca colligimus.

Legit hanc Platerus in Vallefiæ montibus.

Locus.

8. *Millefolium luteum* Ger. Park. *tomentosum luteum* J. B. C. B. *Yellow Witloil*.

J. B.

Dodrantalis est herba, multos ex radice crassa, dura, repente, fibris Hellebori æqualibus, quibusdam minoribus, colore nigricante aut cinericeo foris, intus flavo, sapore dulcibus (in sicca planta) donata, caules emittens, rectos, satis robustos, in quorum cacumine densè micant florum umbellæ Millefolii vulgaris terrestres, aureo tum foliorum, tum umbilici colore fulgentes. Folia per coliculos tomentosos Millefolii Stratiotis, sed multa minora, minutiusque incisa, incano villo pubescentia.

Variat magnitudine foliorum hirsutie aliisque accidentibus pro ratione loci in quo oritur. V. Clusium & J. Bauhinum.

Circa Avenionem & ad viam quæ Auriaco Avenionem ducit copiosam invenimus: Clusius etiam Murcianò regno.

9. *Millefolium Creticum* J. B. *incanum Creticum* C. B. Park. *Candy Witloil*. *Stratiotes Millefol.* Belli Ep. 2. ad Clus. Alpin. exot.

C. B. prod.

Caulibus est lignosis, rotundis, incanis, sesquipalmaribus: foliis Chamæcyparissi (cui adeo similis est ut exercitatores etiam Botanicos decipere possit) formâ oblongis, denticulatis, incanis, vel, ut Dioscorides, avicularum pennas imitantibus. Caules in summitate in ramulos abeunt, qui umbellam satis compactam ex floribus ex albo flavescentibus compositam sustinent. Sapore est amaricante aromatico, ad Santonici seu seminis contra vermes Officinis dicti saporem accedente.

Parkinsonus ex hac planta duas facit, priorem Millefolium incanum Creticum vocat; posteriorem Stratioten millefolium Creticum.

- \* 10. *Millefolio Alpino affinis planta, quibusdam Iva moschata* J. B. *Tanacetum Alpinum* C. B. Park. *Iva moschata Rhatii, Tanaceto cognata herbula* Gefn. Hort.

J. B.

Duos aut tres pollices alta est, paulò etiam amplior, coliculo junceo, simplice: foliis vestito Millefolii Alpini, licet non hirsutis, nec ità ad Millefolium vulgare accedentibus. Flores plures quàm Millefolio Alpino, umbellati, sed minores, rotati agmine foliorum alborum magnorum circumposito, apicibus in medio numerosis ex capitulo squamis nigris, Alpini Millefolii in modum compacto.

\* II. *Millefolium Tanacetifolius* Moris. prælud.

Hujus *folia* sub exortum antequam excaulescat planta, adeò sunt Tanacetifoliorum æmula, nonnisi ab oculato Botanico distingui possint.

## CAP. IV.

*De Matricaria tenuifolia, flore unicolore.*

Cum Matricariæ odore convenit, alias florum barbulis medio disco concoloribus reliquis hujus generis similis est.

- \* 1. *Matricaria foliis Abrotani* C. B. *Parthenium quinquefidum* J. B. *Matricaria sive Parthenium tenuifolium* Park. **Fine-leaved Feverfew.**

J. B.

Sesquipalmari est altitudine, *radice* parvâ, lignosâ, candidâ, parùm fibratâ, ex qua *cauliculi* aliquot exurgunt rotundi, aliquantùm rufescentes, in quibus, imâ præsertim & terræ vicina parte, *folia* sunt tenuia, foliis Abrotani similia, ut ovum ovo magis simile non sit. In summis cauliculis *umbellæ*, & in iis *flosculi* multi, albi compacti, quales in vulgari Millefolio cernuntur, ut insipientes prima fronte facilè deludant, Millefolium esse judicaturos. Plantæ sapor amarus est, odor gravis, similis vulgari Parthenio. Quare congeneres esse plantas Myconus putat.

Ex Hispania delata est hæc planta.

- \* 2. *Matricaria Alpina Chamæmeli foliis* C. B. *Matricaria sive Parthenium Alpinum Clusii* Park. *Matricaria Alpina Clusii* Ger. **Mountain Feverfew with Camomile-like leaves.** *Millefolium Alpinum* J. B.

Clus.

Multis ex fibrosa *radice*, Chamæmeli modo, fruticat ramulis, pedalis, viridibus, quos ambiunt *folia* Anthemidi prorsus similia, multiplici incisione divisa, Cotulæ aut Matricariæ ferè odore, æstu calido, attamen non ingrato: Extremis cauliculis multi *flores* insident, umbellatim congesti, Absinthii Alpini umbellif. floribus proximè accedentes, hoc est, exigua capitella ex albo & pallido commixta, ambientibus ea senis aut octonis latiusculis albis foliis, ejusdem cum ipsa herba odoris. Rami sive cauliculi humi procumbunt; & ex una (uti dixi) radice prodeuntes, subinde fibras agunt & nova germina procreant.

Locus.

Invenitur in Sneberg, Snealben & Durrenstein jugis magnâ copiâ; florétque duntaxat Augusto: nam cum in acclivitatibus & circa scrobes nascatur, quas diutius insidere solet nix, serius illud florere necesse est.

Culturam non admittit, nec hortis assuescit, quamcunque diligentiam adhibueris.

Videsis descriptionem J. Bauhini, quæ fortè est diversæ plantæ, nam flores quadruplo quintuplè ve majores facit Millefolii vulgaris floribus.



## SECTIO PRIMÆ

## MEMBRUM TERTIUM.

De Herbis Corymbiferis cum barbulis, diversi à medio disco coloris, floribus solitariis aut sparsis.

## CAP. I.

## De Bellide minore.

**B**ELLIS Latinis à bello seu pulchro colore florum dicta creditur; Græcis veteribus indicta: quod mirum, si modo in Græcia adeo frequens sit ac apud nos in Anglia.

Duæ plantæ genere diversæ eo nomine censentur. Nos hoc in loco de minore agimus, cujus notæ sunt, Flos radiatus barbulis seu foliis marginalibus diversi à medio disco coloris: Caulis tam foliis nudus, quam non ramifusus.

De temperamento hujus plantæ quoad qualitates primas non consentiunt Botanici. Alii calidam & siccam, alii frigidam & humidam eam faciunt. Verum acetosus sapor frigiditatem arguit, & effecta ficcare Bellium ostendunt. Vulneraria est insignis: exterius in emplastris & fomentis adhibetur, interius succus ejus vulnerariis potionibus admiscetur: unde & Consolida minor Officinis dicitur. Vires.

Mulierculis nostratibus usitatum est herbam cum floribus ad alvum laxandam exhibere. Scbrod. Hujus radices exterius usurpantur ad Scrophulas & strumas optimo cum successu. D. Needham.

Radices in lacte decoctæ & catellis exhibitæ impediunt ne crescant; si vulgo fides.

Extractum vel essentia hujus herbæ intro assumptum innata quadam proprietate (est enim tenuissimum parvum) omnem sanguinem coagulatum, sive in vasis, sive extra resolvere & transpirare facere affirmat Simon Pauli Quadripartit. Botan. Class. 2. p. 27.

1. Bellis sylvatica J. B. media sylvestris Ger. sylv. media caule carens C. B. rectius nudicaulis, non ramosa. Middle Daisie.

J. B.

Radix haud secus fibrosa est quam minor Bellis, sed crassior, etiam aliquando lignosior: folia verò majora, oblonga, per extremum rotunda, & in ambitu nonnihil serrata, hirsuta, subinde etiam rubentia, longo pediculo donata. Cauliculi ex radice nudi aliquot exeunt, dodrantes aut pedales ac majores florem singuli unicum sustinentes, Bellidis majoris similem sed paulò minorem, foliis radiatis albis, disco luteo.

In montibus propè Genevam invenimus, in Alpiniis pratis frequentissima est, autore Clusio.

Locm.

2. Bellis caule bipedali nudo, foliis magnis latis, floribus rubris & albis Mentzel.

Folia instar Erysimi leviter sunt sinuata, nec plura addit, nisi quod circa Inspruck collecta à sefuit hæc species, ut &

Bellis foliis valde exiguis, caule procero nudo, flore albo.

- A. 3. Bellis sylv. minor C. B. minor sylv. simplex Park. minor 4. sive sylvestris & 5. sive sylvestris altera Ger. minor sylv. spontanea J. B. Common wild Daisie.

Totum cespitem operit sparsis humi foliis numerosis, pinguifculis, hirsutis, ex longa eervice sensim latescentibus rotundatisque levissimè serratis. Caulem nullum promit, sed pediculos frequentes, palmares & altiores, tenues, teretes, hirsutos, quorum singulis flos insidet unus, Bellidis hortensis minor, singulari foliorum in orbem ambitu, lacteorum aut ex albo sanguineorum, luteo umbilico. Radicatur porro multis fibris tenuibus. Cum flos marcescit & semina maturefcere incipiunt medius umbo in metam assurgit, & semina in ambitu exteriora primò defluere incipiunt.

In pratis & pascuis passim provenit; Verè primo & deinceps per totam æstatem florèt.

Locus.

4. *Bellis hortensis*, sive flore multiplicato J. B. *hortensis* flore pleno, eoque magno vel parvo C. B. ejusdémque *Bellis hortensis* prolifera. *Bellis minor hortensis* flore pleno variorum colorum Park. ejusdémque *Bellis minor hortensis* prolifera. *Bellis media* & *Bellis minor multiplex* flore albo & rubro, item minor prolifera Ger. Double Daisies, of divers colours.

7. B.

Crebris est in orbem fufis foliis, Pilosellæ, pinguiculis, nonnihil crenatis, aliàs integris, hirsutis sapore astringente; inter quæ pediculi oriuntur palmares, tenues, subrubentes, hirsuti, qui flores sustinent albos purpurascētesve, medioluteos, Anthemidis modo: aliàs verò numerosa foliorum luxuries umbilicum luteum obumbrat, repetita transplantatione, colore vel albo, vel rubro, vel mixto, seu alternatim positis foliis, albis & rubris, seu in ambitu rubro in medio albo, vel viridi, vel quâ denique fors tulit temerè varicolore varietate foliorum commendabilis: nec radicis fibrosæ reptatu contenta se propagasse, quin & è flore ad margines novam sobolem, haud aliter atque in prolifera Caltha, sufficit, sed matre ut par est minorem.

Præter varietates in Descriptione traditas, habetur & alia florum foliolis fistulosis. Novimus ergo in universum quinque varietates, quæ sunt

1. *Bellis minor hort.* flore pleno rubro.
2. *Bellis min. hort. flo.* pleno albo.
3. *Bellis min. hort. flo.* pleno mixto [ ex petalis albis & rubris. ]
4. *Bellis min. hort. flo.* pleno rubro, petalis fistulosis.
5. *Bellis min. hort. flo.* pleno prolifero [ albo, rubro, mixto. ]

- \* 5. *Bellis hortensis pediculo folioso* C. B.

C. B. prod.

Hæc à communi hortensi in eo tantum differt, quod pediculus, qui leviter hirsutus, foliis oblongis, subrotundis, duobus aut tribus longè distantibus cingatur; & flori folia quina subjiciantur.

Locus.

In hortis reperitur.

Vel naturæ lusus est, vel à Bellide minore genere diversa.

- \* 6. *Bellis Brasiliæna Caa-apia dicta* Marggr.

Marggr.

Ex radice unum aut sesquidigitum longa, vel etiam duos digitos, pennæ olivæ vel etiam minimi digiti crassitie, nodosa seu verrucosa, & filamentis ad latera & inferiore parte tenuibus donata, tres aut quatuor dig. longis, exterius ex gryseo rufescente, interius tota alba & lenta tres vel quatuor pullulant pediculi, teretes, tenues, tres, quatuorve dig. longi, qui singuli sustinent unum folium subrotundum vel oblongum, nimirum duas, tres, vel etiam quatuor dig. longum, sesquidigitum latum ubi latissimum, tenerimum, superna parte viride & splendens, infernâ paululum albicans, nervo & venis transversis infernè conspicuis. Cæterum caret caule: fert autem florem in proprio pediculo, rotundum, umbilici figurâ, ut Bellidis flos, multis staminibus constantem palliis inter quæ semen provenit rotundum, & seminis Sinapis magnitudine. Radix initio haud manifesto sapore est prædita, sed mansa quodammodo acris est, & relinquit in lingua vellicantem saporem.

Vires.

Venenis resistit, & fluxum dysentericum sistit herba ʒiʒ. pondere quatuordecim horarum spatio vino infusa & manè pota, ita ut æger per quatuor horas jejuset: purgat enim ita ut simul profluvium sistat.

Reperitur & alia species foliis in ambitu dentatis & leviter hirsutis, eorūque pediculis raris pilis vestitis, flore cum umbilico in medio instar floris Chamæmeli.

## C A P. II.

De Bellide majore caule ramoso & folioso.

- A. 1. *Bellis major* J. B. Ger. *major vulgaris* sive *sylvestris* Park. *major sylv. caule folioso* C. B. *Buphthalmum majus* Lon. *Consolida media vulnerariorum* Lob. The great Daisy or Ox-eye.

7. B.

**R**adix ei fibrosa, reptans, sapore acri; caules emittens plures dodrantes & altiores, pentagonos, solidos, ramosos, foliis multis vestitos, oblongis, pinguibus, serratis, macronibus obtusis. Flores Buphthalmi aut Pyrethri, radiati, petalis in ambitu albis, disco medio luteo, amplo, ex plurimis flosculis luteis in quinque segmenta divisus composito, cum stylo in medio uniuscujusque. Folia calicum habent fimbriam nigricantem. Cum flore pleno in hortis invenitur. Floret Maio & Junio apud nos in Anglia, estque in pascuis ubique frequens.

Tempus &  
Vires.  
Locus.

Hanc Patavii comedunt mense Februario in acetariis ʒ. B. Lobelio si credimus, eadem potest quæ Bellides, eodem modo usurpata.

Herba



Herba integra, [caules, folia & flores] in Zythogalo decocta & pota adversus asthma, phthisim, orthopneam singulare remedium censeretur.

Utilis admodum est in vulneribus & rupturis in potu bibita, vel emplastri modo applicata.

Decoctum herbarum sanat omnes morbos ortos ab intempestivo haustu potus frigidi cum corpus sit calidum, Cardilucius p. 1091. Idem affirmat Mindererus de Medicam. Militaribus. Hæc D. Tancr. Robinson.

2. *Bellis Alpina major rigido folio* C. B. Park. *Great Mountain Daisie with a stiff leaf.*  
*Alpina major foliis angustis rigidis* J. B.

C. B.

Ex radice nigra, repente, ab una parte fibras spargente & lignosa caulis rotundus, striatus, cubito altior exurgit, circa quem folia pediculis carentia, quinque vel sex uncias longa, vix unciam lata, rigida, partim obtusa, partim ex rotunditate acuminata, per circumferentiam profundè crenata, nulloque ordine disposita. Caulis summo flos unicus, Bellidis vulgaris majoris flore major, medio luteus, foliis albis discum cingentibus infidet; cui semen oblongum, ut in vulgari, succedit.

In summis jugis montis Juræ propè Genevam copiosè provenit: C. Bauhino in Baldo monte. *Locus.*  
Huic forte eadem est

- \* 3. *Bellis Virginiana densiore folio* Morif. prælud.

Cui folia latiora, ferrata, densiora quàm ulli Bellidum sylvestrium majorum, majorisque flores.

- \* 4. *Bellis radice repente, foliis latioribus ferratis* Morif. prælud.

Huic folia latiora magisque ferrata quàm cuivis alii majoris Bellidis speciei. Flores itidem maximi, Radices longè latèque subter terram repentes.

- \* 5. *Bellis Alpina minor* C. B. *Alpina minor rigido folio* Park. *The lesser stiff-leaved Mountain Daisie.*

Ex radice cauliculus unus vel alter, lævis, semipalmaris, incurvus prodit, quem cingunt folia rigidiuscula, angusta, brevia, per ambitum profundis & asperiusculis crenis donata. Cauliculo summo flos unicus, magnus, disco luteo, aliquando purpurascente, foliis albis multis cincto, infidet.

In Alpibus Helvetiorum provenit.

*Locus.*

- \* 6. *Bellis montana major folio acuto* C. B. Park. *Bellidis Alp. alia species minor folio non rigido* J. B.

Cauliculo est Bellide secunda brevior; foliis brevioribus, duplo triplòve angustioribus, levius crenatis, nec rigidis, in acumen exquisitum desinentibus; flore secundæ simili, sed minore.

In montibus Euganeis collecta est.

*Locus.*

- \* 7. *Bellis montana folio obtuso crenato* C. B. *An Bellis montana minor* J. B?

C. B. J. B.

Radicem habet lignosam, fibrosam: caulem unum, tenuem, lævem & pedalem, [J. B. sesquicubitalem] folia angusta, longissimis pediculis donata, per marginem crenata, obtusa, in tres apices desinentia, [terram proximè multa] In caulis summo flos unicus, parvus, disco luteo & foliolis albis eum cingentibus; capitulo squamis nigricantibus compacto.

Montepelii versus Vigan & ad pedes montis Lupi & circumjacentibus campestribus squalidis & incultis. C. B. In descensu montis Capouladon à las cambrettes inter rupes umbrosas invenit D. Magnol.

*Locus.*

*Bellidem autem montanam minorem* J. B.

Optimè convenire ait cum Bellide quam invenit in herbis incultis ultra pontem Salenovæ ad dextram, & in campestribus viæ montis Lupi, quæ pedalis est, foliis inferioribus ferratis, multò minoribus quàm in Bellide majore, superioribus vero angustissimis: flore mediocris magnitudinis.

Bellidis ramulum exsiccatum in horto D. Magnol Montepelii collectum nobis exhibuit eximius Botanicus D. Hansl. Sloane, sub titulo *Bellidis Chrysanthemi folio*. Erat ei flos mediocris, folia angusta utrinque laciniata, raris utrinque laciniis, ceu denticulis extantibus, ut in Chrysanthemo segetum vulgari.

- \* 8. *Bellis minor alba ramosa* Park.

Foliis brevioribus magisque dentatis; cauliculis foliosis & in ramulos floriferos divisis à vulgari minore Bellide distinguitur.

E Lusitania habuit Parkinsonus.

*Locus.*

\* 9. *Bellis frutescens Indica ramosa* Hort. Lugd. Bat.

Succus ejus acris est, mordicans & amarus.

\* 10. *Bellis maritima foliis Agerati* C. B. Park.

Plantula est palmo minor, ad cujus radicem parvam albam cauliculus pilis levibus hirsutus, in binos ternosve tenuissimos ramulos dividitur, quorum unus sex, alii tres uncias non excedunt, ad quorum partem inferiorem pauca & parva foliola, Agerati foliorum instar per margines crenata, singulis unicum florem, qui parvus disco viridi, foliolis albis ultra viginti cincto, sustentibus.

Hæc copiosè in insulis Stæchadibus in arenosis provenit.

Locus.

\* 11. *Bellis Tanaceti folio* quorundam. *Tanacetum inodorum* Park. non odorum Ger. montanum inodorum, minore flore C. B. album J. B.

J. B.

*Radix* huic crassa, nigra, fibrosa, cui complures fibræ adnatæ. *Caulis* cubitum & sesquicubitum alti, hirsuti, striati, alis concavi. *Folia* Tanacetum, pinnata, infernè hirsuta, supernè glabra, atrovirentia, odore nullo, sapore adstringente. *Flores* Bellidis majoris, stellati, candidi, umbone flavo.

Hæc planta J. Bauhino descripta eadem nobis esse videtur Tanacetum inodoro 1. Clus. non vult C. Bauhinus ejus Tanacetum inod. 2. Descriptio Clusii hæc est.

Gracilibus, firmis, duris, cubitalibus interdum verò sesquicubitalibus assurgit *caulibus*, per quos rara sparsa sunt *folia* pennata, Tanacetum vulgari non admodum dissimilia, odoris tamen expertia, gustu linguam vellicante & fervido, circa radicem majora atque hirsuta. *Caulis* summo fastigio in aliquot breves ramulos dividitur, nudos, quibus insident magni *flores*, Bellidis majoris flori ferè æquales, octodecim aut viginti foliis albis, nunc longioribus, modò brevioribus, medium orbem flavum ut in Bellide majore cingentibus constantes; quibus marcidis succedit in mediis capitibus longiusculum *semen* nigrum; quod terræ commissum plantas sui generis producit, & alias etiam non dissimiles, quarum flos est minor, secundo generi par. *Radix* est minimi digiti crassitudine, obliqua, non in altum demissa, nigra & aliquot fibris hirsuta & vivax, quæ etiam pangi possit.

12. *Tanacetum inodorum* 2. Clus. inodorum minore flore C. B.

Cùm floris præcipuè magnitudine, qui Cotulæ foetidæ aut Matricariæ florem non excedit, *foliisque* minùs elegantibus, pediculo brevioris cauli inhaerentibus, à præcedenti differat: Cùmque idem in locis exeat, & à prioris semine sato, vix videtur specie ab eo diversum. Quocirca J. Bauhinus non immeritò fratrem reprehendit quòd diversas species faciat. Hæc duo Tanacetum (inquit) C. B. non duæ sed una planta, aut saltem ejusdem speciei, ut non separandæ videantur.

Locus & Tempus.

Hanc plantam in colle *la Bastie* propè Genevam & ad Rhodani ripas observavimus: Clusius in omnibus utriusque Pannoniæ montibus humilioribus & sylvis cædis, ubi floret Maio & Junio.

\* 13. *Menthæ Sarracenica species flore Anthemidis* J. B.

Herba est cubitalis, interdum minor: *ramulos* è radicibus multos edit, aliqua ex parte per caulis longitudinem velut striis ornatos, nonnihil lanuginosos, in quibus *folia* parva, brevia, non admodum lata, viridia, in ambitu ferrata, odorata, medio inter Ageratum vulgare & Mentastrum odore, & tam simili Menthæ Romanæ vulgò dictæ, ut hæc illi commodè possit succedere. *Flores* in cæmine multi, Anthemidi similes, in medio luteoli, in ambitu candidi, odorati. *Radices* subsunt candicantes.

A Pyrenæorum montium incolis, ubi frequens nascitur, appellatur *Herba del Moro*. i. e. Herba Maurorum seu Sarracenorum.

Dalechampius apud Historiam Lugdunensem, & C. B. Annotationibus in eandem Histor. hanc plantam cum Ptarmica *Fuch.* unam & eandem faciunt. At J. Bauhinus in Ptarmica *Fuch.* lanuginis nihil observat. At nec folia illi odorata sunt, nec parva, nec brevia, nec admodum lata, sed longa & angusta: nulla etiam similitudine foliorum comparantur Ptarmica & Mentha corymbifera. Verùm loco cum Ptarmica convenit, nimirum in pratis juxta fluentia.

\* 14. *Herba Molucana* C. B. Park. *Molucana Acoftæ* J. B. & Lugd.

Acofta.

Duorum aut trium cubitorum altitudinem acquirit hæc planta, nonnunquam etiam locis uberioribus & humidis quinque cubitos superans, eleganti virore prædita; *caule* tenui, tenero, nonnihil concavo, imbecillo, & nisi uti Jasminum pergulis sustineatur, humi sese diffundente quemadmodum Hedera, & multos ramos spargente, qui subinde radices agunt ut Mentha & Melissophyllon, adeoque serpunt ut planta sola vel ramus transpositus brevi temporis spatio magnum locum occupet. *Folia* habet tenella & mollia, in ambitu ferrata magnitudine & formâ Sambuci foliis respondens: florem croceum, Chamæmeli flori admodum similem, paulò tamen majorem.

Toto anno viret & luxuriat.

Vulgò nuncupatur (teste Acofta) Remedium pauperum & destructio Chirurgorum.

Frequenter



Frequenter utuntur cum in Maluca (unde primum originem traxisse creditur, quod istuc abunde crescat & plurima admisceatur Chirurgicis remediis) tum in omnibus Indiarum provinciis, in quibus diligenter colitur & in pretio habetur, nec injuria.

Coquantur hujus plantæ folia in oleo & cum cera inspissantur unguenti modo: mirifice curat id <sup>Usus.</sup> unguentum omnis generis ulcera, recentia & antiqua, etiam si sanguinolenta, sordida, cuniculosa, maligna & putrida sint: miræ efficaciz esse deprehendi in tibiarum vulneribus inveteratis, inque recentibus vulneribus.

Alia est præterea hujus stirpis utendæ ratio.

Ejus enim caulem & ramos superiore cortice denudant, & sumunt membranam illam tenuem, quæ media est inter exteriorem corticem & caulem, quæque facile ut in Cannabe revellitur; eum oleo nucis Indicæ madentem ipsius plantæ foliis involvunt, & sub cineribus calidis recondunt: ubi incaluerit & emollita fuerit, conterunt, & recentibus cruentisque vulneribus imponunt, seu grandia sint, seu levia, & paucis diebus non sine admiratione conglutinant absque ulla inflammatione aut apostemate: lenit enim dolorem, sanguinisque fluxum cohibet: breviter, nullo alio medicamento adhibito omnino ad cicatricem perducit: singulare etiam perhibent esse remedium adversus nervorum punctiones & vulnera.

Eodem præterea modo adhibetur in apostemate aperto ad emundandum, carnem generandam, & ad cicatricem perducendam, item in inveteratis ulceribus & cuniculosis, in quibus ea solummodo trita interdum apponitur.

## CAP. III.

## De Pyrethro.

**P**yrethrum ab igne nomen habet ob radicis ejus fervorem igneum C. B.  
Ab Anthemide seu Chamæmelo flore majore & radicis acri fervidoque sapore differt.

*Pyrethrum flore Bellidis C. B. vulgare Officinarum Park. Officinarum Ger.*

*Dul.*

Pyrethro folia sunt multipliciter dissecta divisæque similitudine ferè foliorum Fœniculi, sed tamen minora, Dauci sylvestris & Carotæ æmula: *Cauliculi* dodrantales aut paullo altiores; in quorum fastigiis *stis* amplius, latus, Anthemidis similis, sed tamen major, medio orbe subluteus, angustis oblongisque circumambientibus foliolis, supina parte albicantibus, pronâ verò nonnihil purpurascens. *Semen* inter disci five orbis stamina gignitur, tenue & oblongum. *Radix* digitalis ferè est crassitudinis, longa, subrufo colore nigricans, gustu acri & admodum fervido.

Ex Orientis partibus infertur. Nasci in quibusdam Italiæ montibus, sed minùs acre, scribit Mat- <sup>Locus.</sup> thiolus.

Optimum remedium habetur in paralyfi linguæ cum vocis amissione. Ad dentium dolorem <sup>Vires.</sup> radix masticata in usu est.

## CAP. IV.

## De Chamæmelo.

**C**hamæmelum dicitur hæc planta quasi Malum terrestre aut pumilum, quod Mali [intellige Cydonii Hofm.] odorem habeat. Dicitur & Anthemis à florum abundantia.

Notæ ejus characteristice sunt, Folia tenuissimè dissecta; flores sparsi, satis grandes, foliis marginalibus albis discum flavum cingentibus.

A. I. *Chamæmelum odoratissimum repens flore simplici* J. B. *nobile seu odoratius* C. B. *Romanum* Ger. **Common Camomile.**

Item,

*Chamæmelum nobile flore multiplici* C. B. *repens odoratissimum perenne fl. multip.* J. B.

*Radices* huic fibrosæ sunt: *caules* tenues, hirsuti, striati, in terram procumbentes, & subinde radices agentes, unde immensum se propagat. *Folia* in caulibus crebra, tenuissimè in segmenta tenuia acuta dissecta. [Folium totale alatum est, ex pluribus pinnularum conjugationibus compositum, singulis pinnulis in plura segmenta angustissima in acutum desinentia divis] *Flores* in summis caulibus & ramulis singulares, pediculis prælongis infident, pro plantæ modo ampli, radiati, petalorum alborum & oblongorum continua serie discum medium flavum cingente, qui marcescentibus foliis marginalibus in capitulum grandiusculum, Tragi ferè figurâ, extumescit. Planta hæc in opacis viridior est & ferè glabra, in apricis incana & lanuginosa. Odorem spirat suavem unguenti.

Julio demum mense floret. In pascuis uliginosis, inque sterilibus & à jumentis demorhis non raro. <sup>Locus.</sup>

In Cornubia adeo copiose provenit, ut nobis illac iter facientibus odore suo nares nostras feriente inter equitandum sapius se proderet.

Planta hæc quo magis pedibus conculcatur eò lætius excrefcere & lætius se diffundere vulgo affirmatur.

Chamæmelum odoratiffimum flore pleno, quod in hortis ob raritatem & elegantiam studiose colitur, cum vel fationi, vel transplantationi aliive mangonio, aut interdum casui seu accidenti quadam ignoto originem suam debeat; non nova Chamæmeli species, sed accidentalis potius varietas censenda est.

*Chamæmelum nudum* Park. *nudum odoratum* Ger. *luteum capitulo apophyllo* C. B. *nudum peregrinum capitulo sine foliis* J. B. **Naked Camomile**

Nobis non aliud esse videtur quam lusus quidam nature, cujusmodi in aliis plantarum speciebus observatur, ut v. g. in *Matricaria*, & *Tripolio*.

Vires.

Digerit, laxat, mollit, mitigat dolorem, menses & urinam ciet. Eapropter usus insignis est in dolore colico [decoctum [in vino] ex pulculo] & flatulento: in cruciatibus spasmus flautenti & convulsionibus. Vide Matthiolum.

In pleuritide mirum dictu quantopere aqua illius destillata partium suarum tenuitate valeat discutienda. *Sim. Pauli*.

Extrinfecus ejus usus est in paregoricis, emollientibus, maturantibus cataplasmatis, clysteribus, &c. *Schrod.*

In clysteribus ad dolores intestinorum placandos, quacunque tandem de causa procedant, magis noperere conducit.

Inter omnes plantas quotquot in balnea contra calculum recipiuntur nihil floribus Chamæmeli efficacius. *Matth.*

Oleum Chamæmelinum tumores duros emollit & dissipat, dolores sedat: lassitudinem spontaneam tollit.

Hæc de Chamæmelo vulgari præcipue intelligenda sunt. Nobile potentius calefacit ac attenuat; digerit etiam & rarefacit: remissius vero emollit ac dolores mitigat; ut rectè Dodonæus & J. Bauhinus.

Nonnulli adversus calculum hujus decoctum propinant: Quidam nephriticus, qui post multa remedia incassum adhibita morbum indies exacerbari sensit, ex sequenti remedio insigne levamen percepit. Recipiebam florum Chamæmeli vulg. m. ii. quibus affundebam Vini Rhenani lib. ii. pond. civilis; Sinebam illa digeri in cineribus calidis per duas horas. Postea fortiter exprimebam infusum colandum, & aliis novis manipulis Chamæmeli affundendum, & unâ iterum per duas horas digerendum, itemque tertia vice eandem encheiresin esse iterandam. At infusum non diutius tandem esse coquendum percipiebam, antequam ultimum colaretur, quam Asparagos aut Pisces coquimus. Observandum hoc ipsum decoctum adeo reddi salum à sale suo volatili, ut jurare quis aut pugiles aliquot salis culinarii in eo esse liquefactos. Hujus ergo decocti duo vel tria cochlearia remanebam haustulo vini calidi, & illi propinabam. A cujus medicamenti simplicissimi usui, Deo benedicente, non solum gravissima recensita symptomata mitigabantur, sed quoque laxatis sensim eo ureteribus, citra insignem molestiam aliquot calculi ex renibus in vesicam detrufi exercebantur. Post in aliquammultis probavi, qui insigne levamen senserunt, præcipue si in balneo foderent. *Simon Paulus*. Notatu dignum est quod scribit de insigni faldedine quam aqua ex iterata hujus herbe infusione contraxit.

Succi Chamæmeli expressi cochlearia duo vel tria cum guttulis aliquot spiritus Vitrioli in jusclo exhibita in febre quacunque intermitte paulò ante accessum, instantem paroxysmum plerumque avertunt, & febrem ipsam curant. Veteres etiam Chamæmelum adversus febres, præsertim biliosas & hypochondriacas commendant. Inter Ægyptios olim magni usus erat contra omnes febres, notante Borrichio è Galeno.

In cardialgia specificum est Chamomilla tam vulgaris, quam præstantiori cum affectu Romana. Hinc decoct. ejus egregium experimentum ad Cardialgiâ, aut etiam essentia ejus ex floribus vel cum proprio spiritu, vel sp. carminativo vegetabili parata à ʒʒ ad ʒj [*D. Hulse* ex *Eltmulleri* praxi] ejus etiam oleum destillatum sappyrinum commendatissimum est.

Cotula fetida decoctio, auctore Trago, non aliter quam Castoreum contra præfocationem uteri infessu, fomentationibus ac odoratu saluberrima est Herba tusa, & emplastri instar vulneribus imposita illa conglutinat ac perfanat. At verò quomodo hoc præstare potest? cum, ut rectè Matthiolum, sapore sit acutissimo & exulceranti vi prædita.

Apibus ingratam & odiosam, imò funestam & exitiosam esse prodidit Ruellius: ideoque Apium hæc suas fricant manus cum alvearia castranda sunt, atque sævientium impetus cohibendi; illico enim furore hujus sensu edomito mitescunt.

*D. Strachey* M. D. amicus noster, rei Herbariæ & totius Medicinæ peritissimus hujus herbe decoctum felici successu ad Scrophulas propinare solet.

Forestus decocto florum Chamæmeli cum lacte bubulo se senem dysuria laborantem curasse testatur.

Ad duritiem mammarum propter lactis coagulationem, lavetur locus bis de die, & superponantur Folia etiam Enulæ, ut & Marrubij, & etiam seminum Lini axungia emplastrata; tollunt dolorem, ut sum expertus. Communicavit *D. Soame* cum aliis multis ex observationibus Marcelli Cumanii ab Hieron. Velschio editis collectis.

Filia mea tertianâ nothâ conflictatâ post quartum paroxysmum sequentem potiunculam exhibui. R. pulver. flor. & Herb. Chamæmeli absque stipitibus Aq. Chamæm. Plantag. ana ʒj. misce, detur initio



initio horrois. Quater exhibita optimè cessit. Idem ex Observ. Achillis Gasseri ab Hier. Velschio editis. Obl. 13.

Sacerdos quidam spasmo Cynico laborans, præmissis Universalibus, sudatione in Vaporario ex decocto Chamæmeli, & applicatis postea emplastris & unguentis convenientibus convaluit. Chamæmelum nervosis partibus singulari proprietate amicissimum, discutiendi simul atque roborandi facultate commendatur ab Ebnisina. D. Soame ex Observ. Hier. Reusneri.

2. *Chamæmelum vulgare amarum* J. B. *vulgare* Park. qui tamen *vulgare cum nobili confundit. Vulgare, Leucanthemum* Diosc. C. B. *Chamæmelum* Ger. Wild, or *Dogs Camomile*.

A *Cotula foetida* in his præcipuè differt, Quod *radicis* fibræ crassiores sunt; *caulis* major, elatior, ramiflor, magis glaber, & in apricis purpurascens, imò præcipuè parte: *Folia* saturatius viridia, longiora, in segmenta multò angustiora & tenuiora, feeniculaceis ferè similia divisa: In *floribus* folia discum medium in circulum ambientia pro magnitudine longiora sunt, angustiora & acutiora, discus medius cum primùm flos aperitur planior est, postea eo marcescente in capitulum grandius extumescit, è pluribus seminibus coagmentatum: Flosculi singulares è quibus discus medius componitur minores sunt. Odor plantæ non ingratus.

In locis cultis & inter segetes passim & copiosè provenit.

A Chamæmelo odoratissimo differt quod recto caule assurgat, cum illud procumbat & repat; præterea quod annuum sit, cum illud perennet, ut de odore nihil dicant.

Hanc speciem olim pro *Cotula* non foetida habuimus: vereor ne Morisonus in *Praelud.* eundem errorem eraverit. Hæc est quæ in hortis nostris colitur & pangendo propagatur *Cotula inodora flore pleno* titulo.

In nausea sive vomitu gravidarum decoctum majoris Chamomillæ Johannes le Bon in *Therap. Vires.* puerperarum p. 6. commendat. D. Soame è Dolæo L. 1. C. 4. S. 20.

3. *Cotula foetida* Ger. Park. *Chamæmelum foetidum* C. B. *Chamæmelum foetidum* sive *Cotula foetida* C. B. *Stinking Mayweed, or Matthes.*

*Radix* ei alba, simplex, pluribus fibris capillata. *Caulis* nunc unus, nunc plures, pedales, teretes, glabri, alias brevi lanugine hirsuti, non admodum crassi, solidi, valde ramosi, ramis è foliorum alis exsertibus, & caulem ipsum altitudine superantibus. *Folia* alternatim posita, in angustas & acutas lacinias tenuiter dissecta. [Prima divisio est in alas aliquot mediæ costæ adnexas, deinde alæ singulæ in plura subdividuntur segmenta] pallide viridia, pingua, glabra ferè, foetida. In summis caulibus & ramulis *flores* longis pediculis nixi, majusculi, è serie seu circulo foliorum alborum discum luteum ambientium compositi. Marcescentibus floribus discus medius in tuberculum rotundum paulatim assurgit.

Inter segetes & in cultis passim.

Chamæmelum inodorum sive *Cotula* non foetida J. B. & aliorum, cum solo narium iudicio à *Cot. foetida* discernenda sit, ut affirmat Bauhinus, non est cur diversam speciem statuamus.

Vires hujus superius sub Chamæmelo traditæ sunt.

4. *Chamæmelum foetidum marinum* J. B. *Stinking Sea-Mayweed.*

J. B.

Haud multum dissimilis habitus à Chamæmelo hortenfi. Verum non modò *caules* ramique striati, subrubentes, lanugine alba sunt vestiti, sed etiam *folia*, eaque minutius, ut videtur, dissecta & propemodum candicantia: *flores* equales, stellatis candidisque in ambitu radiatis foliolis umbilicum luteum ambientibus.

In maritimis Narbonensium collegit Cherlerus.

5. *Chamæmelum marinum* J. B. *Matricaria maritima* C. B. *Parthenium maritimum* Park. *Sea Camomile.*

J. B.

Complures hiimi spargit *cauliculos*, palmares aut dodrantes, simplices, per quos ordine ascendent *folia*, quàm Chamæmeli vulgaris latiora, breviora, crassiora, nec adeo tenuiter incisa, amara & subacria, odore ferè Chamæmeli: *Flores* singulis geniculis infident singuli, Chamæmeli similes, candidi, radiati, sed majores, eundem ferè odorem halantes. *Radices* satis profundæ, nigricantes, multis fibris donatæ.

Floret Aprili, Augusto & Septembri.

An & quomodo hoc differat à Chamæmelo seu *Cotula* vulgari mihi non constat.

6. *Chamæmelum leucanthemum incanum Hispanicum minus* C. B. *Hispanicum incanum parvum* Park. *Spanish hoary Camomile.*

C. B. prod.

Plantula est palmo minor, *radice* parva, fibrosa, rufescente, ex qua *cauliculus* tenuis, uncias quatuor altus, nudus exurgit, *florem* unicum, satis magnum, disco pallide luteo, foliis pluribus albis cincto sustinens. *Foliola* ad radicem parva, incana, tenuissimè instar Absinthii Galatici, vel Abrotani divisa, quæ infipida & inodora sunt.

In regno Granadæ ad agrorum margines.

Locus.

Cha-

*Chamæmelum Hispanicum luteum odoratum* C. B. prod.

Ad Chrysanthema potius referendum videtur.

- \* 7. *Chamæmelum Alpinum inodorum* C. B. Park. *Leucanthemum Alpinum Clusii* Ger. *Mountain Camomile without scent.*

*Clus.*

Hujus folia Chrysanthemi Alpini i. Clusii foliis non multum dissimilia sunt, nisi paulò magis incisa essent, crassa & succulenta (uti sunt multarum Alpinarum stirpium folia, quemadmodum & marinarum) amarifculi saporis, & nullius grati odoris. Cauliculi dodrantes, infirmi, in quibus singulares flores, Chamæmelo majores, luteum orbem ambientibus viceris aut pluribus albis foliis. Latè se spargit hæc planta Anthemidis modo & fibrosas radices habet.

*Locus.*

Crescit in *Judenberg, Spital* & aliis quibusdam provinciæ Stiriz jugis, ubi Julio & Augusto floret.

8. *Chamæmelo affine Bupththalmum Italicum segetum altissimum* J. B. *Cham. leucanthemum Hispanicum magno flore* C. B. prod. *Ch. Hispan. amplo flore* Park.

*J. B.*

Tam altè assurgit, ut segetes in Italia etiam superet, caulibus simplicibus per quos folia Bupththalmi vulgaris, asperiuscula, alterno positu, ex unciali distantia, minutissimè ac profundè dissecta, quorum segmentorum summitates velut pilos tenuitate sua repræsentant.

Flos in fastigio unicus, jam dicti Bupththalmi flori æqualis, radiato in orbem simplici foliorum candidorum agmine constans, umbilico luteo. Differt (inquit) à *Cotula foetida* ne quis fallatur.

Vulgare est circa *Montepelium* in fatis, quod foliorum divisurâ, altitudine & majori flore à *Cotulis* faciliè distinguitur. *Botan. Montep.*

- \* 9. *Chamæmelum Ethiopicum lanuginosum* Breynii.

*Breyn.*

*Chamæmelum* hoc prorsus novum pulchrum sanè ac perrarum est, eâ fermè quâ Romanum facie in Promontorio Bonæ Spei crescens, quanquam minus, & ramos teneriores, densâ lanugine pubescentes spargens: Foliis minoribus, lanuginosis, Millefolii lutei junioribus & magnitudine quadrantenus & figurâ similibus. Ex ramulorum cymis inter folia pediculus palmaris ferè, gracilis & levis exit, qui in summo in capitulum læve, striatum, crenis magnis & obtusis per circumferentiam coronatum, ex viridi albicans & veluti rorulentum, paulatim crassescens abit: cujus medio flos Chamæmeli vulgaris, disco ex tabulis mille minutissimis luteis conflato, foliolis candidis sed perquam pusillis, ut *Asteris cernui* *Col.* cincto, eleganti spectaculo insidet. Excusso flore semine copiosum, nigrum, Chamæmeli inodori minus sequitur.

Hæc planta, propter capitula parumper à Chamæmelo recedere, & medium quoddam genus inter hoc & *Asterem cernuum* *Col.* prætereundum videtur.

- \* 10. *Chamæmelum Lusitanicum latifolium sive Coronopi folio* Breynii.

*Breyn.*

Cauliculis multis ab una radice prodeuntibus, & summa tellure magna ex parte sparsis, sesquipedalibus, teneris ac leniter hirsutis, superius maximè, luxuriat: quos folia sine petioli alterno positu vestiunt, utrinque in lacinias novem aut decem laterales divisa, mediam quandam inter *Coronopi* minimi maritimi hirsuti, & *Tanaceti Alpini* C. B. adhærentia cauliculis folia figuram obtinentia. Singuli caules & rami singulos flores producant, tam capitulo, quàm aliàs Chamæmeli Romani flore simplici æquales, quorum candidissima, ad unguem citrina, antèrè dissecta petala, discum totum tabulis amplioribus luteis obductum, & ità figuratum ut ab imo latior in angustum verticem exacuetur, rotatim ambiunt.

Ex semine Lusitanico in Horto publico Amstelodamensi enatum mense Julio florens observavit *Jac. Breynius*.



## SECTIONIS PRIMÆ

## MEMBRUM QUARTUM.

De Herbis Corymbiferis cum barbulis diversi à medio disco coloris, floribus in Umbellæ formam digestis, seu

De Parthenio aut Matricaria.

**M**ATRICARIA à matrīce seu utero recentioribus dicta, quod morbis uterinis confert, Parthenium Dioscoridis censetur, quod diminutivum est à Παρθένος virgo. Notæ ejus characteristicae sunt Flores velut in umbellæ, barbulis albis discum medium luteum ambientibus.

A. 1. *Matricaria* Ger. *vulgaris* Park. *Matricaria vulg.* minus *Parthenium* J. B. *Parthenium* I. sive *Matricaria vulgaris* C. B. *feberfew*.

E Radice alba plurimis fibris emissis terram apprehendente caules exurgunt plures, sesquicubitales, rigidi, striati, glabri, satis crassi, medulla fungosa referti, foliis crebris, nullo ordine positis vestiti. Versus summitates caulium ex alis foliorum exeunt ramuli, in quibus ut & in summis caulibus existunt flores pediculis oblongis, plures velut in umbellæ radiati, non admodum ampli, foliis marginalibus brevibus, albis, discum medium flavum cingentibus. Foliis marginalibus marcescentibus discus medius extumescit. Folia velut alata ex duabus tribusve pinnularum mediæ costæ adnexarum conjugationibus componuntur: pinnulae hæc natae sunt, inque alias minores circa margines dentatas subdividuntur, Filicis cujusdam ferè in modum. Color foliorum ex viridi luteolus. Tota planta odorem gravem & vehementem spirat.

Junio & Julio mensibus floret ad sepes & in locis ruderatis.

Locus &  
Tempus.

Matricariæ varietates sunt.

1. *Matricaria flore pleno* C. B. & aliorum, sola floris multiplicitate à vulgari, non specie differt.
2. *Habetur & flore nudo*, seu foliolis radiatis medium orbem cingentibus viduo. Flore aphylo, bullatis floribus aureis Park.
3. *Matricaria odorata* f. B. & aliorum, cum nulla alia in re præterquam odore gratiore à vulgari differat, nec ulteriore descriptione indiget, nec species distincta censenda est.
4. *Matricaria florum petalis fistulosis* majoribus.
5. Minoribus.

Utraque varietas colitur in hort. Reg. Paris. & hort. Leydeni, & semini proculdubio originem suam debuit, uti Bellis minor florum petalis fistulosis.

6. *Matricaria cauliculis rubentibus* N. D. Hort. Lugd. B.

Ad uterinos affectus non parum confert (ut vel nomen ipsum arguit) decoctum & potum, Vires, menses & secundas remorantes, uteri suffocationem, &c. Quæcunque amara possunt utiliter præstat: ventris tineas expellit vel herba ipsa, vel succus ejus expressus non secus ac Centaurium aut Absinthium. Convenit in Arthritide.

Nostratibus, & Germanis etiam (*feberfew*) Febrifuga dicitur ab effectu. Nonnulli, ut apud Tragum, i. Hist. 50. sapientes mulieres, & Brassavola in exam. Simpl. vim purgatricem illi attribuunt, quam Parthenio suo Dioscorides inesse prodidit.

Palam est Apes ferè non posse odorem Matricariæ: quare plethorici, quos præ aliis pungunt apes & culices, in hortis ambulaturi optime sibi consulunt, si Serviam ex Matricaria sibi parent & circumferant: sic enim apes hujus graveolentiæ offensæ, quasi manu abactæ, illis non nocent. Eundem effectum expectare possumus à Cotula foetida, S. Paulli Quadrip. Botan. Class. 3. p. 390. Habui à D. Tancr. Robinson.

Ad Hemicraniam, R folior. Matricariæ m. i. Calefiat in sartagine, & bis aut ter calidi vertici applicetur. Chesneau ex libro Arcanorum.

Matricaria cruda imposita capitis vertici mitigare ejus dolores sæpiculè solet. S. Paullus.

Parare ex ea & floribus Chamomillæ cum tantillo Artemisiæ decoctam suevi, à cujus usu hysterica symptomata illico cessare, & lochia abunde fluere sæpe comperi. Idem.

2. *Matricaria inodora* C. B. Park. *Parthenium inodorum* sive *Achaovan Egyptiorum* J. B. *feberfew without scent*.

Herba est Chamæmelo proxima, quæ tamen non adeò altè extollitur, sed parùm supra latiùs expanditur, foliis Parthenii minoribus ac densioribus, floribusque Chamæmeli æmulis. Herba sæporis odorisque expers percipitur, sed flores odorem gravem obscurumque spirant.

Ægypti porro quibus & hæc planta patria est, descriptore Alpino autore, florum foliorumque decoctum in usu habent ad tollendas viscerum obstructions, præsertimque ad ictericos.

Hæc planta ex descriptione rectiùs ad Chamæmelum refertur.

Herba

*Herbæ flore composito discoide nudo, seu Corymbiferæ flore nudo, sunt vel caule*

*Indeterminato, flosculis scilicet eum finientibus, hisque vel*

*Sparsis aut solitariis,*

*Fruticescens, superficie perenni, foliis in ramulis figillatim positis, odoratis: ABROTANUM FÆMINA, Chamæcyparissus.*

*Herbaceæ, semine*

*Cornuto seu bidente, foliis in caule bijugis, radice annua: EUPATORIUM CANNABINUM fæmina.*

*Indiviso & integro, folius vel*

*Integris Majoranæ: CHRYSANTHEMUM C. b. sp. repens flore aphylo Breyn. Dissectis, seu segmentis Coronopi amulis: CHRYSANTHEMI Conyzoides Asiopicum, &c. Breyn. seu tenuissimis, Millefolii amulis: CHRYSANTHEMUM VALENTINUM Clus.*

*Velut in umbellam dispositis in summis caulibus & ramulis, foliis*

*Integris,*

*Latis, elatior & major: COSTUS HORTORUM, Balsamita mas.*

*Angustis, per margines incis, humilior & minor: AGERATUM; Balsamita femina.*

*Dissectis & velut alatis: Tanacetum.*

*Indeterminato, floribus eum non finientibus, verum secundum ejus longitudinem velut in spicas dispositis; foliis*

*Integris, longis, angustis, Hyssopi: DRACO.*

*Dissectis,*

*Fruticosior & lignosior, foliorum segmentis tenuissimis: ABROTANUM MAS.*

*Humilior & minor,*

*Amarore insignis, odore vehementiore, folio incano: ABSINTHIUM.*

*Minus amara, odore remissione, folio subtus incano, supernè virente: ARTEMISIA.*

## LIBRI SEPTIMI SECTIO SECUNDA

### *De Herbis Corymbiferis flore nudo.*

**H**ÆC Sectio in tria membra dividi possit.

Primam earum quarum flores caules terminant, floribus sparsis aut solitariis.

Secundam earum q. f. c. t. floribus in Umbellæ formam digestis.

Tertiam earum quarum flores caules non finiunt, sed secundum eorum longitudinem velut in spicas disponuntur.

#### CAP. I.

##### *De Abrotano fæmina sive Chamæcyparisso.*

**A**Brotanum unde dictum sit vide infra in Capite de Abrotono mare. Chamæcyparissus dicitur ab aliquali cum Cupresso foliorum similitudine.

Notæ ejus sunt superficies fruticosa, perennis, folia odorata; Flores solitarii ramulos terminantes.



1. *Abrotanum femina vulgare* Park. *femina foliis teretibus* C. B. *Chamæcyparissus* J. B. Ger.  
Common Lavender-cotton.

Ex radice crassa, dura, lignosa & subinde in brachia fissâ virgulta cubito altiora emittit, lignosa, tenera lanugine incana & in plures ramos divisa, quos ambiunt tenuia *folia*, longitudine circiter unciali, minutim denticulata, ita ut quatuor ferè denticuli in eadem phalange agminatim dispositi conspiciantur, incana omnino, odore medicamentofo & cum quadam suavitate gravi, sapore partim acri, partim amaro. Singulis ramulis singuli insident flores Tanaceti, lutei, calicibus squamosis.

Circa oppidum S. Cyriaci in Hetruria copiosè provenit atque inde incipiendo ad Statum Eccle- Locu.  
siasticum seu territorium Papæ, secus vias.

Convenit qualitatibus cum Abrotano mare, usûque præcipui est in obstructionibus Epatis, Re- Vires.  
num & Ureterum: Icterus curat.

Ventris lumbricos interimit, quotidiano experimento muliercularum, tum semen, tum herba ipsa in lacte decocta & pota.

Folia sicca ad sistenda alba foeminarum profluvia conferre scribit Matthiolus, si continuis decem diebus aut pluribus, fumantur à jejunis, & deinde interpolatis diebus.

2. *Abrotanum femina foliis Ericæ* C. B. Park. *Chamæcyparissus unguentaria* J. B. Green-leaved Lavender-cotton with a scent like Ointment.

J. B.

Caulibus est tenuioribus, candidioribus, *foliis* vestitis minoribus, sed quæ majoribus denticulis incisa sunt, odore minus gravi & jucundiore.

Hanc speciem eandem puto Abrotano foemina 2. Clusii, cujus etiam descriptio Abrotano nostro unguentario in hortis frequenter culta, & in collibus saxosis circa molendina Nemausi nobis observato melius convenit, quàm Bauhiniana, quæ hujusmodi est:

Alterius (2.) *rami* etiam candicant, minus tamen frequentes sunt, longiora habent *folia*, quatuor similiter dentium ordinibus prædita, initio quidem incana, minus tamen quàm in superiore, & quæ tandem omnino virecant; odor mitior est: sapore, radice cum jam descripto convenit. Hoc genus plerisque etiam hortis commune esse scribit.

Hæc descriptiones (ut verum fatear) in eo contrariæ videntur, quòd J. Bauhinus & etiam Dodonæus *folia* minora huic attribuunt quàm vulgari Chamæcyparisso, Clusius autem longiora; quæ quomodo conciliari possint non satis perspicio, utcunque eandem utrique plantam descriptam minime dubito: proinde Abrotanum foeminam 3. & 8. C. B. ad idem caput reduco: ut & Parkinsoni Abrotanum foeminam secundam seu magnum & Abrot. foem. quartam seu Ericæ foliis.

3. *Abrotanum femina flore majore* C. B. *femina Narbonensis magno flore* Park. *femina* 3. Clus. Lavender-cotton with a large flower. *Absinthium maritimum* Abrotani foeminae facie Ger.

Ad primum genus multum accedit, sed longè strigosius est, & ramos duriores, brevioribus minusque frequentibus *foliis* obfessos habet, colorem etiam inter utrumque medium. Flores in extremis ramulis majores & pallidiores in squamatis capitellis. Radix in duros & lignosos ramos divaricatur.

In acclivitate quorundam colliculorum inter Narbonem & oppidulum D. Nazarii à Clusio observabatur. Locu.

Hoc genus an ab unguentario dicto differat subdubito: fortè tota diversitas loco debetur.

4. *Abrotanum femina foliis Rorismarini majus* C. B. Park. *femina* 4. Clus. hist.

Clus.

Multis ab uno cespite prodeuntibus *ramis* constat, tenuibus pedalibus, candicantibus, quas numerosa ambiunt *folia* Rorismarini coronarii, sed minora & angustiora, quæ novella incana sunt, & nulla ferè incisurarum vestigia apparentia habent: adulta autem viridiora, longiora, & quasi minutis incisuris distincta sunt, multum tamen à Santolinæ creditæ foliis diversa, amari gustus & jucundi odoris: multas è singulis ramis producit virgulas palmares, raris foliis septas, atque in summo earum fastigio capitella, floremque luteum, Santolinâ multò ampliorem: maturo autem semine marcescunt hæ virgulæ. Radix est lignosa.

5. *Abrotanum femina foliis Rorismarini minus* C. B. Park. *fem.* 5. Clus. hist.

Clus.

Flore, foliis, totâ denique facie præcedenti simile est, sed per omnia minus & gracilius: quod natalibus tribuendum non est, quandoquidem uno eodémque in loco (inquit autor) simul nascentes plantas invenerim, neque etiam atati, quia utraque species ex seminibus natali loco sejunctim collectis & repositis & mecum in Belgicam delatis mihi nata est, magnitudine & exilitate non minus discreta quàm natali loco fuerat.

6. *Abrotanum femina viridis* C. B. *Park. femina viridis minor* Park. *fem. 6. Clus.*

Clus.

Præcedenti magnitudine par est, interdum etiam paullo majus: Ramuli non ut in altero candidi cantes sed virides: folia etiam viridia, sed longiora tenuioraque, non minus quidem amara quam illa, sed minus jucundi odoris: *flor* pallidescens, *virga* quæ florem sustinent tenues, maturo *femina* etiam arescebant, ut in superiore, cujus radici hujus *radix* etiam responder, sed magis fibrosa est.

Locus.

Nascuntur [tres proximè descriptæ species] Salmanticensi agro, montibus Segobia vicinis, quos *el puerto de Guadarama* vocant, & veterem Castellam à nova separant; aliisque asperis & salebrosis Hispaniæ locis. Florent Maio & Junio; semen maturum Julio. Hæc omnia Clusius.

7. *Abrotanum femina repens* C. B. *Santolina* 5. Dod.

Nobis incognita & suspecta est.

8. *Abrotanum femina villosis & incanis foliis* C. B. *Scrophularia* Dioscoridis *Abrotan femina* facie Ad. Lob.

Ad. Lob.

Exilibus, lenibus *furculis*, pedem altis fruticat. *Radix* albicat, prolixa, *furculis*que statim ab humo numerosos promit, crebris *foliis*, minutim crenatis, teneriuscula lanugine incanis, ut *Gnaphalium* summo tenus obsitos, ubi extrema capitula aureis *floribus* bullata fulgent, *femina* parvo copioso referta, similitudine Tanacetii sed minore.

Adeo simillima est Abrotono *femina* vulgari hortorum, ut haud facile utramvis ab altera discernere sit; nisi quia hæc tota minor, odoratior, candidior, tomentosa, quod alteri deest, cui folia breviora; sapor non adeo ingratus aut vehemens.

Locus.

Hoc & nobis non minus quam Lobelio in Galloprovincia, montis celsi S. Magdalensæ cryptæ celebris acclivibus, quæ S. Maximinum oppidum spectat, observatum. Et reverà Abrotono *femina* vulg. adeo simile erat, ut pro eodem habuissimus, nisi odor gravior, statura humilior, & locis contrarium suassent. Lobelius quoque se vix credidisse ea differre scribit, nisi utrumque contulisset. Necdum tamen nobis planè satisfactum est, quibus loca hæc adire contigerit diligentius & exactius hanc speciem cum vulgari conferant.

9. *Abrotonum peregrinum Cupressi foliis* Lob. Park. *femina foliis Cupressi* C. B.

Exigua est *radice*: ex una stirpe plures viticeos, *caules* rigidiores nigricantes producat. *Folia* cupressina aut Sabina, texturâ reticulatâ effigiata, longa, angusta, & per virgulta crenatis extremitatibus denticulata.

Ex brevi hac & imperfecta descriptione qualisnam planta sit quam intelligit Lobelius nescimus: in capite de Sabina caulem ei attribuit pedalem & sesquipedalem, in summitates caudatas comolæ exeuntem.

## CAP. II.

De *Eupatorio cannabini femina*.

1. *Eupatorium cannabinum femina* Ger. aquat. duorum generum Park. *Cannabina aquatica folia tripartita diviso* Park. C. B. *Verbena* sive *Cannabina aquatica*, flore minus pulchro, clausæ ac magis frequens J. B. Water Pump, Agrimony with a pelloe flower.

**R**adix plurimis fibris majusculis, fibrillis minoribus capillatis constat: *Caules* attollit cubitales & sesquicubitales, teretes, ramulos, solidos, [rubentes, hirsutos] *Folia* ad genicula ex adverso bina tripartita aut etiam quinquepartita, [subinde per ramos quoque nullo modo lacinata] circa margines profundè serrata, glabra [J. Bauhino pilosa] latis pediculis caulem amplexa. *Flor*es summis caulibus & ramulis insident, e *floribus* exiguis luteis quinquepartitis compositis, mult. multis squamis purpurantibus calicis loco obvallati. *Semen* longum, latum & planum in summo bicornè [J. Bauhino in duos stylos asperos desinens qui vestibus adherent.] Uniuscujusque *floris* basin cingunt folia radiatim disposita, acuminata, brevibus circa margines pilis, qui serraturæ speciem exhibent, hirta.

Locus.

In locis humidis & palustribus, fossis, riguis, & intra fluviorum latè patentes alveos non raro prædit, ut rectè Dodonaus.



- A. 2. *Eupatorium aquaticum folio integro* Park. *Eupat. Cannab. feminae varietas altera* Ger. e. mac. *Cannabina aquatica folio non diviso* C. B. *Verbesina pulchriore flore luteo* J. B. *Water-Pemp-Agrimony with an undivided leaf.*

J. B.

Fibris radicatur multis albis, tum ab imo caule, tum ab ejus geniculis demissis, sapore aromatico. *Caules* cubitales & majores, alias minores, teretes, subhirsuti & nonnihil subinde rubentes. *Folia* ad nodos bina adversa, quatuor aut quinque uncias longa, acuta, serrata tantummodo, non in lacinias divisa, superficie utrinque laevi, sapore acrisculo. Ex foliorum alis duo ramuli diverfi exeunt, quorum alter altero minor esse solet. *Flores* multò pulchriores quàm in *Verbesina* elatiore; quorum extima folia ex luteo viridantia, striis nigricantibus picta, his proxima aureo fulgore nitent, magna, in orbem acta; medium occupant alternatim remissi flosculi, luteoli, quinquepartiti, apiculos nigros exferentes, squamulaeque striatae, extimis quidem similes, sed supares. *Semen* oblongum, compressum, fuscum, brevissimis ceu aristis asperiusculis capiti adnatis, ad vestes adheret.

In locis aquosis ubi aqua stat aut residet J. Bauhino. Apud nos ubique udorum una cum præcedente provenit *Cannabina aquatica*, non tamen quæ hîc describitur, flore radiato, sed flore nudo. Locus.

3. *Conyza capite nutante* J. B. *Cannabina aquatica folio non diviso*, C. B. qui hanc cum præcedente confundit. *Water-Agrimony with a bending head.*

J. B.

*Caules* habet plures, cubitales, hirsutos, qui in varios ramulos finduntur, quorum singulis appositum folium unum, longum, satis latum, rariùs ferratum, pilosum, *Conyzi* nonnihil simile, ramuli ad florem usque robusti, rectique, per extrema in cervicem rigidulam contorquentur, *florem nutantundum*, terramque versùs inclinatum sustinentes, ex multis ceu squamis compositum, quarum medium obsident multi apices lutei, eo ferè modo dispositi quo in *Verbesina*. *Florem* ambiunt quædam longiuscula folia viridantia stellæ in modum radiata. *Radices* fibrosæ, *Hellebori nigri* similes. C. Bauhinus in Prodro-mo hanc describit sub nomine *Cannabina aquatica similis capitulis nutantibus*, & tamen in Pinace *Eupatorio cannabinò* *Chrysanthemum* eandem facit. Hæ tamen plantæ nobis diversæ videntur, ut descriptiones conferenti patebit: utcumque hujus descriptio melius convenit *Cannabina aquatica folio integro* nobis in Angliâ familiari.

### C A P. III.

- \* *Chrysanthemum Conyzoides Æthiopicum, capitulo apophyllo, foliis Majoranæ* Breynii.

Breyn.

**L** Ignofus hic frutex, pedalis, *Conyza minimæ* Lob. facie quodammodo nascens, in plurimos se expandit ramos, rotundos, striatos; quos numerosa & conferta ambiunt *folia* Majoranæ hortenſis foliorum formam & Sanamundæ primæ Clus. non malè æmulantia, villoliora tamen ac parumper minora, odoris & saporis aromatici, *Menthae corymbiferæ* seu *Costi hortenſis* instar. Summis ramulis singularia, eorum autem angulis sæpius plura insident *Capitula*, dura, villosa, discum luteum staminulis plurimis constantem sine radiatis in ambitu nascentibus foliolis continentia: donec tandem eadem staminulorum loco *feminibus* solidis & angulosis, ex cinereo colore albicantibus, *Fœniculi* seminis magnitudine, onerentur.

In bonæ Spei Promontorii locis herbosis oritur, ubi mense Octobri & Novembri vernat.

Locus & Tempus.

*Chrysanthemum Cannabinum Americanum* Morif. prælud.

A nostrate cognitu facile est, quippe caules edit quadrupedales, subrubentes, firmiores & rectiores: flosculos ex multis staminulis luteis conflatos habet, & semina bidentia multò vulgaris *Chrysanthemi Cannabini* seminibus majora, vestibis pariter adherentia.

## CAP. IV.

## De Bellide luteo flore aphylo.

1. *Bellis spinosa* Alpin. exot. *spinosa foliis Agerati* C. B. *major spinosa flore luteo nudo* Park. *spinosa elatior & fruticosior* Herbariorum *bullatis aureis floribus* Lob. Ad. part. ult. *Prickly leaved naked yellow Daisie.*

<sup>Alpin.</sup>  
**T**OTA planta est fruticosa, habetque à radicibus multis gracilibus lignosos caules plures, rectos, graciles, ramosos, glabros, subinde rubentes, foliis multis oblongis, spinulis crenarum loco in ambitu armatis parvis ad Myrti folia accedentibus cinctus. In cauliculorum summitatibus fiunt flores; toti aurei, lati rotundi, ad modum Anthemidis nudo flore; quibus succedunt semina minima, oblonga, mollia & nigra.

Parkinsonus semina alba ei attribuit.

Hæc planta nobis hac ætate [ 1685 ] succrevit ex semine ab amicissimo Viro & insigni Botanico *Hans Sloane*: verum non perfecit florem. Descriptio Alpini ut & Parkinsoni ei satis apte congruit. In dodrantalem altitudinem assurrexit, foliis crebris in caule nullo ordine positos, ab angusto principio paulatim dilatatis & in rotundum desinentibus, glabris, obscure virentibus, circa margines denticulis spinosis incisis.

2. *Bellis lutea* sive *Chrysanthemum Capitis bonæ spei repens, flore aphylo* Breynii.

<sup>Breyn.</sup>  
Radicibus nititur teneris, albicantibus, nec ita profundis: ex quibus Cauliculi emergunt rotundi, glabri, coloris pallido virescentis, & aliquibus in locis quandoque ex fusco subrubicundi: dividuntur hi rursus in alios minores, ut plurimum versus terram procumbentes, quam ubi attingere valent mox novas radículas emittunt. Foliis donatur ex glauco virescentibus, longiusculis & inordinatè incisis, ac Coronopi folia quodammodo referentibus, caulēque semper ambiunt: in singulis autem caulibus unicus conspicitur flosculus, lutei coloris, ex innumeris staminibus sive exiguis tubulis constans, instar orbis sive disci floris Chrysanthemi vulgaris, quem nulla ambiunt folia, quare & aphylli nomen inditum. Semen maturum exiguum est & subrufi coloris, proximè ad Chrysanthemi vulgaris semen accedit: quod cum ipso flore odorem spirat haud ita gratum. Univerſa autem planta apud nos annua est, & satis copiosè ex deciduo semine repullulat.

Descriptio est *D. Syen.*

Locus.

In horto Leidenſi colitur sub nomine Bellidis luteæ seu Chrysanthemi exotici minoris flore aphylo, Chamæmeli facie.

## CAP. V.

- \* *Chrysanthemum Valentinum* Clusii Park. Ger. *Bupththalmum lanuginosum foliis Millefolii* C. B. *Bupththalmo tenuifolio simile Chrysanthemum Valentinum* Clusii J. B.

<sup>Clus.</sup>  
**U**Nico plerumque assurgit caule, pedali, raro ampliore, ramoso: foliis secundum radicem numerosis, deinde temere & sine ordine per caulem sparsis, multifidis, Millefolii Stratonis foliis panè similibus, lanuginosis & incanis, quæ degustata salivam eient, & acidula sunt. Flor in singulis ramulis unicus, luteus, vel potius auri splendore fulgens, quique reficcatus multis annis nativum colorem etiam retinet, medio Anthemidis disco sive umbilico major, & sine radiatis in ambitu na scentibus foliolis, odoris non insucundi. Radix unica, candicans, firma, crassiuscula.

Locus & Tempus.

Valentino regno ad arborum margines eruebat Clusius, juxta semitas repertum, nusquam alibi ipsi observatum. Florebat isthic Martio.

Hæc planta, nequis fallatur, plurimum à Bupththalmo Narbonensis provincie differt.



## III C A VI

De Costo hortorum dicto fœve Balsamita mare.

**H**ujus notæ genericæ sunt flores lutei nudi in umbellam aggregati, folia integra, lata, in ambitu cre-  
nata, odor validus.

**Mentha Corymbifera** fœve **Costus hortensis** J. B. **Mentha hortensis Corymbifera** C. B. **Costus hortorum** major Park. **Balsamita mas** Ger.

**J. B.** Obliquas agrie radices. Mentha radicibus pares, teretes, à quibus fibræ demittuntur multe, Cau-  
li cubitales & sesquicubitales, striati, ramosi & herbaceo colore pallescentes. Folia Lepidii, eo-  
dem cum caulibus colore, per ambitum serrata, rarius laciniata, odore intenso Agerati, sapore ve-  
hementer amaro. Summis ramis insident Corymbi aurei Tanacetii. Semina parva, oblonga, com-  
pressa.

In hortis colitur.

Sanat cruditates stomachi, rictus, vomitus, fetores oris, tormina, cardialgias ex stomacho, do-  
lores capitis ex eodem. Quin ex propria capitis affectione, siquidem frigida sit, Conserva non in-  
felicitè usurpatur. Idem dicto de morbis uterinis à mensium mora. Idem de calculo, C. Hof-  
man.

Locus.

Vires.

In viscerum obstructionibus non esse instrenuum remedium persuadeo mihi ob partium tenuita-  
tem: ob amarorem vermes necat & succus & semen foris. Parkinsonus semen & florum in vino  
alb. infusionem ad 3ij. una vice pueris verminantibus propinat. Peculiari vi Opii aliterumve vene-  
norum malignitatem retundere creditur. In vulneribus citissimam operam præstat, unde **Balsamita**  
nomen inditum.

Mulieres Germanicæ pastâ farinaceâ obducta folia frigunt in oleo butyrœ, & mensis secundis  
apponunt.

Balsamum ex eo cum Ophioglossio in Oleo olivarum decocto, additis inde ad dandam consisten-  
tiam cera & resina, paratur, ad ulcera inveterata utilissimum.

Mulierculæ Danicæ Balsamitam siccam sibi magnâ copia quotannis servare solent, ut mensibus  
parce vel omnino non fluentibus balneum vaporosum ex ea sibi conficiant, quâ omnibus pediluvii  
& menagogis longè ocyùs moveri sibi menses perferunt, si vapor in locos per infundibulum ex-  
halat, quam si solum hiant sinu, supparò undique varno circumdato super ea conficiant. Sim. Pauli.  
Ex aduersar. D. Hulse.

Si succo & herba Balsamitæ succosa inguen & alarum hircus probè perfricentur, certo experimen-  
to neci dabuntur illud pediculorum genus qui inguinales appellantur. Idem.

## 2. Mentha Corymbifera Brasiliensis, Camara Japo dicta Marggr.

A præcedente seu vulgari differt hæc foliis acuminatis, urticæ æmulis, cum illius obtusiora sint;  
necnon florum colore è lactescente & dilutè cœruleo mixto, qui in illius aureus est.

## 3. Pseudocostus Virginiana, seu Anonymus Corymbifera Virginiana flo. albo.

Folia habet integra, lata, circa margines serrata, Caulem dodrantalem, in summo gestans flores  
multos, velut in Umbellam aut Corymbum congestos, albos, disco medio (quantum memini) fo-  
liolis parvis albis cincto.

Hanc plantam aliquot annos Cantabrigiæ in hortulo meo alui: habui autem à quodam Walker,  
hortulano Londinensi, cujus filius eam cum aliis rarioribus è Virginia attulit.

Nallibi (quod sciam) descripta occurrit hæc planta, pulchra & rara: nisi fortè sit Ptarmica Vir-  
giniana folio. Helenii Moris. prælod. superius in capite de Ptarmica proposita. Quò sanè commodi-  
us referatur quam ad Costum, ob flores radiatos.

## CAP. VII.

## De Agerato.

**A**geratum Dioscoridi l. 4. c. 49. cui nomen inditum est, quoniam flos in sua coloris specie dilutissime conservetur; quasi dicas fenestris expect, quod *Agerato* dicitur: vel ut Plinius lib. 27. c. 4. quoniam diutissime non marcescat. Notaeque characteristice sunt flores lutei nudi in umbellæ formam dispositi, folia integra profunde serrata.

1. *Ageratum vulgare* sive *Costus hortorum minor* Park. *Ager. foliis serratis* C. B. *Ageratum plerisque* *Herba foliis quibusdam* J. B. *Balsamita sumina* sive *Ageratum* Ger. *Paulin.*

*Radix* constat lignosa, minimi digiti crassitudine, variegata, ex qua complura surgunt *caulibus*, cubitalia & altiora, tenuia, colore aliis subrubente, aliis ex viridi pallescente, in ramos *folia*; *foliis* numerosissimis ab imo ad summum stipata, *Costi hortensis* ut odore, ita & forma *similis*, sed duplo aut triplo minoribus, profunde serratis. In summis ramulis *Corymbi* emicant *Millefolii*, sed colore luteo. *Semen* succedit exiguum, oblongum & paleaceum.

Locus.

Nascitur in Hetruria circa Florentiam, Liburnum, &c. itemque in Gallia Narbonensi circa Monspelium & alibi copiose.

Vires.

Hæc planta officinis pro Eupatorio Menses habetur. Temperamento & viribus cum Costo hortorum seu Balsamita mare convenit. Ex hujus & *Philoglossi* foliis una contusa, & in oleo olivarum bullitis, addito cera, resina sicca & Terbinthina tantillo, unguentum sive emplastrum efficitur præstantissimum, Gerardo nostro sepius probatum.

Mense Eupatorio suo purgandi facultatem ascribit; quam alii huic plantæ adimunt & proinde non esse Eupat. Menses contendunt. Schroderus & Hofmannus alvum laxare quam mollior statuant.

Felici successu oleo ipsius Agerati Septentrionalium utor in verminantibus puerulis, tam ut propinquet, quam ut Gossipio exceptum umbilico eorum applicetur. *Sim. Paulin.*

2. *Ageratum floribus albis* Ger. Park. *Ager. foliis serratis, flore albo* C. B. *Herba* *Paulin.*

*Caulibus* est lignosis, *foliis* crebris serratis, quam præcedentis minoribus minisque circum *serratis*. Flores in summis caulibus velut in umbellæ dispositi, albi [media tantum parte lutei non nihil ostendentes.] Odor plantæ priore aliquanto mitior: *Radix* pariter tenuis, fibrosa.

Hæc planta (ut nonnulli volunt) differt a præcedente, floribus colore tantum: Huic similem sed minorem J. Bauhinus exhibet & describit titulo *Herba de larotta*. Fundit (inquit) ex *radice* *caulibus* dodrantæ minores, glabros, per quos *folia* alternatim posita cernuntur. Agerati foliis *similis*, *caulam* longa, angusta, in ambitu serrata, glabra, gustu aromatico & subamaro, Tanacetum forte *stigmia* colicorum in umbellæ quodammodo abeunt *flosculorum*, Millefolii Alpini minorum, *foliis* albis apices circumstantibus, ex capitulis, quæ squamæ nigris lineis pictæ componunt.

Hæc planta, quicquid sit de præcedente huc proprie non pertinet, sed ob flores radiatos, & *folia* non dissimilia, ad *Parthenocam* potius referenda est, non obstante Agerati odore. *Ageratum purpureum* Dalechampii Lugd. alterius est generis.

3. *Ageratum minus* Park. *foliis non serratis* C. B. Ger. emac.

*Park.* Pluribus surgit *caulibus*, pedem non multum superantibus, *foliis* crebris undique obliquis, minoribus, longioribus, angustioribus, albidioribus quam in vulgari Agerato, circa margines non serratis, *Stechadis citrinæ* foliorum æmulis. Summis caulibus innascuntur flores multi flavi coacervati, & in umbellæ aut Corymbi formam dense stipati, Agerati vulgaris flores bene referentes, odore satis grato & vehemente.

Quod si flores in pappum abeant, cujus ope semina venti arbitrio huc illuc feruntur, non est planta hujus loci.

4. *Ageratum Africanum* foliis laciniatis inodorum.

*Folia* ima ex angusto sensim dilatata, spissa, glabra, obscure viridia, in latum & trifidum micro-nem desinunt; his proxima in tres lacinias, singulas itidem trifidas, profundius secta sunt: *Superiora* in caulibus tribus quatuorve hinc inde laciniis, angustis, longis, in acutum terminatis incisa videntur. *Caules* ab eadem radice exeunt plures pedales, & altiores, ab imo statim ramosi, ramulis è sinibus foliorum alternatim positorum, & inferius satis frequentium ortis. *Caules* & ramuli in pediculos prælongos exeunt, sustinentes florum umbellæ densas: Singuli autem flores è pluribus *flosculis* aureis quinque-partitis, satis in hoc genere conspicuis componuntur. *Semina* in hortulo nostro ad maturitatem non perduxit. Vere latum Julii initio florere cepit. Flores autem quam *diutissime*



discuntur: durant antequam marcescunt: nondum enim hoc vicesimo die Octobris, qui primi explicantur contabuerunt, sed etiamnum in vigore persistunt, ut admirationi sit, unde nulla quam ego unquam viderim aut noverim planta æquo jure Agerati five immarcescibilis nomen sibi vindicet.

Nullum neque in floribus, neque in herba ipsa odorem percipimus. Sapor nonnihil acris & aromaticus sentitur. Semen hujus inter alia multa rariora ad me misit ingeniosissimus Vir D. Hansius Sloane, M.D.

## CAP. VIII.

## De Tanaceto.

**T**anacetum fortè à Tannaco quo nomine Parthenium appellatum fuisse Plinius testatur, Recentioribus dictum est, inquit C. Bauhinus.

Ejus Characteristicae sunt Flores nudi in umbellæ formam digesti, folia laciniata.

A. 1. *Tanacetum Ger. vulgare Park. vulgare luteum C. B. vulgare flore luteo J. B. Common Tanfp.*

*J. B.*

In facis magnam adolescit proceritatem duorum cubitorum & amplius, caulibus teretibus, nonnihil striatis & hirsutis, medullâ albâ fungosâ plenis. Folia ex viridi in flavum vergunt, pennata, in segmenta per ambitum crenata divisa, costæ media adnexa, odore vehemente, sapore amaro. Flores in summis caulibus velut in umbellam digesti: singuli autem Corymbi seu flores totales è foliulis exiguis adeo ut eorum partes visum penè fugiant, creberrimis, densè stipatis componuntur, iisque nudis h. e. nullo in ambitu barbularum circulo donatis, è calicibus squamosis. Caules quotannis marcescunt & emoriuntur, radice in terra superstita.

Hæc planta ludit interdum foliorum colore, vario ex albo & viridi; hinc *Tanacetum versicolor* Parkinsono.

In montosis Angliæ Borealius plurimum oritur, & alibi etiam secus vias & in agrorum marginibus non infrequens.

Temperamento & viribus cum *Matricaria* convenit. Vulnerarium, uterinum ac nephriticum Vires. Usus præcip. in lumbricis, torminibus ventris, cauliculo renum & vesicæ, mensibus obstructis, flatibus, hydropæ.

Succus illius manuum pedumque rimas sanat, ulcera etiam crustosa & impetiginosa.

Ex tenellis herbæ erumpentis foliis aut eorum succo cum ovis & farina placentas faciunt tempore Paschatis, gustui non injucundas & ventriculo utiles ad dissipandos flatus ex piscium & leguminum esu Quadragesimæ tempore contractos.

Corymbos & semen Agyrtæ ad expellendos lumbricos sæpe ingenti miraculo verminantibus pueris propinant. *Sim. Paullus.* D. Bowle conservam ex foliis & summitatibus paratam adhibet; quæ etiam resistit putredini, aperit obstructions, recreat lienem, illustrat sensus.

Succum cum quovis oleo inunctum nervorum contractionibus ac doloribus auxiliarem esse aiunt. Miles Monspelienfis hydropæ pertinaci laborans ad sanitatem restitutus erat solo decocto Tanacet. *Epem. Germ. An. 12. Obs. 112.*

2. *Tanacetum crispum Park. crispum Anglicum Ger. foliis crispis C. B. crispum flore luteo J. B. Curled or double Tanfp.*

*J. B.*

Est hoc rarius, reliqua vulgari descripto simile, sed foliis elegantissimis, crebriore incisurâ divisis, segmentis frequenti argutiùs crenatorum marginum flexu reflexuque crispis, cristas castrenses imitatis; odore gratiores, sapore amaro.

In hortis colitur; an & ubi sponte proveniat nescimus.

*Locus.*

*Tanacetum Alpinum C. B. Park. Iva moschata Rhetis, Tanacetò cognata berbdula Gesn. hort.*

Superius à nobis pro *Millefolii* specie descripta est.

*Tanacetum inodorum primum & secundum C. B.*

Nobis *Bellidis* majoris species censentur.

## CAP. IX.

## De Absinthio.

**A**bsinthium Græcis Ἀψίνθιον. Latini  $\pi$  mutant in b, quomodo iidem pro Ὀψώνιον dicunt  $\pi$  sonium, pro Ἀψύρῳ Absyrus pro Ἀψίς Absis. Dicitur Ἀψίνθιον q. Indelecibile ab ἀψύχῳ & ψύρῳ quod Hesychius interpretatur ψύχῳ delectatio. Id malo (inquit Vossius) quàm ut sic dicatur q. Ἀψίνθιον, etsi ita, Erymologo teste, quidam veterum Comicorum id. ad Erymon, credo, alludentes, appellarunt. Ἀψίνθιον verò sonat impotabile, quasi ὁ ἀπὸ τοῦ πίνος οὐ δύναται πίνειν. Alii nomen hoc inditum esse huic plantæ existimant ab ἀψίνθου quod est tangere & manibus tractare, per Antiphrasin quòd nullum animal ob amarorem eximium eam attingat. Vossius Antiphrasin in Rhetorica explodit.

Absinthii notæ sunt flores nudi, caulis indeterminatus, folia incana, amaror insignis.

1. *Absinthium arborescens* Lobelii J. B. *Abrotanum femina arborescens* Ger. *Abrot.* *latifolium arborescens* C. B. Park. *Italica & Sicula* Herba bianca. *Tree Wormwood.*

*Lob.*

Vulgari non ita dissimilis folio & flore, sed fruticis arborei habitu, Abrotani modo hominis proceritatem adipiscitur: candidiore & minore paulò folio, semper virente: gustu amaro, aromatico, odore non ingrato. *Florum* Corymbi lutei, majores & speciosiores quàm in Abrotano vulgari, in summis ramulis creberrimi.

*Locus.*

In Sicilia, Regni Neapolitani & insularum adjacentium clivis maritimis frequens oritur: invenitur etià in montibus mediterraneis.

Planta est pulcherrima, & in fruticem satis grandem adolescit, quovis Abrotano majus & celtius.

- A. 2. *Absinthium vulgare* Park. Lob. *vulgare majus* J. B. *latifolium sive Ponticum* Ger. *Ponticum seu Romanum Officinarium seu Dioscoridis* C. B. *Common Wormwood.*

Caules huic plures, cubitales & bicubitales, teretes, striati, rigidi & lignosi, incani, medulla fracti, foliis alternatim positis, crebris vestiti, [multis ramis erectioribus fruticosi] *Folia* pediculis oblongis canaliculatis innituntur, varietate dissecta, primò in duo aut tria laciniarum paria, singule autem lacinie in plures alias subdividuntur, utrinque incana, magis tamen pronà parte. *Folia* continque lacinie latiora sunt in hac quàm in quavis alia Absinthii specie nobis cognita. *Flores* longè serie in furculis & foliorum alis versis summitates caulis & ramorum exeuntibus plures simul vel in racemulis, singuli pediculis perquam brevibus & tenuibus & foliorum quorundam alis egrediuntur harent nutantes & quasi penduli, & pluribus flosculis ex viridi flavicantibus compositi, nudi.

Odor totius plantæ aromaticus vehementior, gustus amarus [cum adstrictione aliqua. *Radix* confuscula, lignosa, abundè calfacit, aromaticà gratià sine omni amarore os perfundens. J. B.]

*Locus.*

In incultis & ruderatis locis secundum vias publicas, &c. passim obvium est.

*Vires.*

Calid. & ficit. Venter ac hepar roborat, appetentium ad cibum excitat, obstructions referat & inde natos affectus tollit, ut Icterus, Hydropem, &c. Febris putridis etià diutius confert: vitiosos humores per urinam expurgat: pèssit præterea interaneorum vermes, [ut nomen Anglicum *Wormwood* indicat.] tandemque vestes à tineis conservat. *Schrod.*

In usu sunt succus ejus expressus, aqua destillata, Syrupus, Sal fixus & Oleum. Verùm his omnibus præstare videtur cerevisia seu vinum Absinthites, quod & ventriculum roborat, & appetitum excitat, & obstructions referat, & urinam ciet.

Aqua destillata languidior est & minorum virium; ut sunt pleraque aquæ destillatæ plantis ipsis.

Succus differt ab herba: hæc enim astringit, ille verò magis aquosus detergit. Estque vinum Absinthites quod ex herba fitta infusa paratur longè delicatius & gratius palato, quàm quod ex recentibus: Hoc enim herbaceum & terreum quid resipit.

Sal fixus, si à reliquis partibus vi ignis omnino separetur, mihi nec gustu, nec facultatibus differre videtur ab alterius cujuscunque plantæ sale fixo. Siquidem omnes hujusmodi sales naturæ & qualitatibus convenire existimo, ut id semel moneam: quamvis alii diversum sentiant.

Salis Absinthii scrupulus unus, dimidium drachmæ, aut eo amplius pro ægri viribus aut ætate, in succi limonum cochleari uno exhibitum ad vomitum compescendum, in febribus biliosis inque ipsa iliaca passione aliisque affectibus, vix unquam frustratur medicum. Est autem in frequenti usu celeberrimis hujus urbis [Londini] medicis. Nec dubito quin centurias aliquot hominum, nè dicam myriadas, ex ipsis Orci faucibus eriperit, cum alia medicamenta nequicquam profecissent. *D. Hall.* Vid. *River. Obser. & Sydenham. de Febris.*

Pro vino Absinthite aquam Absinthiten exhibere solebat *D. Bowle*. Manipulum scilicet Absinthii in aqua frigida sextariis tribus per octo horas infundere præcipit, ejusque infusi quantitatè exigua, quantum scilicet patera vinaria capiat, manè & vespèri, sed præcipuè à prandio aut cœna propinare: in hysteris enim affectibus, obstructionibus lienis, & ventriculi debilitate plurimum prodesse expertus est. Vino autem & cerevisiæ præferendam aquam, quia nulli ei insunt vapores caput tentantes, quemadmodum in illis. Ego cerevisiam tenuem aquæ prætulim: *Aqua enim in Septentrionalibus regionibus nimis cruda est, & ventriculo eorum qui non assueverunt inimica.*

Oleum



*Oleum Absinthii* intus sumptum necat vermes, venenis resistit, oppilationibus hepatis & icteritiæ confert.

*Absinthii* usus creditur inhibere concitationem ad Venerem, quo nomine apud honestas feminas damnatur, & maxime Vini aut zythi ex eo parati: nec facile hos potus maritis permittunt. *Cornar. apud J. B.*

Radici *Absinthii* degustatæ sapor primò in apice linguæ percipitur, inde ad ejus radicem transit, deinde in fauces & paulatim in gulam descendit, ut ipsum tandem ventriculum calefacere videatur, caloris sensu ad horæ quadrantem durabili, idque quamvis nihil omnino succi deglutitur, neque tamen ingratus est, aut caput tentat, quemadmodum folia. Unde colligit *D. Grevius* radicem hanc, quæ ab omnibus vulgò ut inutilis rejicitur, præstantissimis stomachicis annumerari debere, prout eam revera esse etiam experientiâ didicit.

In tertianis ac quotidianis (vix in quartanis) fugandis, sola essentia vel extractum *Absinthii* mixtum cum præcipitantibus seu absorbentibus insipidis, vel cum salibus fixis aut volatilibus sapissimè valet, nec hic Chinâ Chinæ opus erit. *Dan. Ludovicus de pharmac. Moderno seculo applicanda* p. 278. Habui à *D. Tancredio Robinson.*

Ad hemicraniam, & Cucumeris sylv. radicem viridem minutim incisam & *Absinth.* ana q. f. Decoque in aq. part. ij. & tribus olei. Hydrelæo mediocriter calente partem fove: radicem verò & *Absinthium* contusa in modum linimenti suppone. Hoc solo medicamento mulier quædam mirum in modum inclauit sanando hemicranias sive cum febre, sive sine febre, cujus exemplo curavit etiam *Paulus Ægineta.* Vid. lib. 3. c. 5. *Cbesneau.* E collectaneis *D. Edw. Hulse.*

Ad quotidianam & quartanam præscribit *Ernestus* oleum sem. *Absinthii* à ʒβ. ad ʒβ. sumendum in liquore convenienti. Si oleum non sit in promptu cape succ. *Absinth.* cochl. i. cum vino: hoc autem instante paroxysmo ad sudandum ægrotò probè cooperto.

Sedavi statim serpentem gangrænâ aquâ marinâ cui *Absinthium* incoxeram; quod experimentum in aliis quoque gangrænis opposui felici cum successu. *Tbo. Bartholinus, Ephem. Germ. An. 2. Observat. 1. D. Tancred. Robinson.*

*Absinthium* viride intra calceos calcatum frigidam ventriculi intemperiem emendare experientiâ didici, non sine fructu in nobili viro, qui hujus calcatione non exiguum levamen se percipisse coram exposuit, sanctèque affirmavit. *Greg. Horstius* Obs. 22. lib. 7. *D. Hulse* communicavit.

*Jo. Vellingius* narrabat plures hydropicos à se extracto *Absinthii* percuratos, atque inprimis civem quendam Patavinum, cui æstivo tempore abdomen adeò intumuerat, ut cartilagine costarum spuriarum in dextro latere extensionis vehementia ab ossibus avullæ fuerint. *D. Soame* ex observationibus *G. Hieron. Velschii* excerptis & ad me transmisit.

Accedit cuidam oculorum lachrymatio adeò fervida, ut lachrymæ per faciem decurrentes eandem ferè totam adurent: hic succo *Absinthii* cum albumine ovorum mixto & applicato sanatus est. *Idem ex Observ. Hier. \* Reusneri.*

In diarrhæa post purgantia, post fructuum horariorum abusum vinum *Absinthites* egregiè confert.

Multi ab experientiâ edocti tradunt usum *Absinthii* oculis noxium esse.

### 3. *Absinthium inodorum* Park. Ger. *insipidum* J. B. *insipidum*, *Absinthio vulgari simile* C. B. *Wormwood without scent.*

*Dod.*

Foliis, caulibus, florèque vulgare latifolium refert, ut non ovum ovo similis sit, sed odore & sapore destituitur.

Quibus locis aut quâ regione hujusmodi nascatur (inquit *Dodonæus*) nondum cognovi, in studioforum tantum hortis à me repertum.

Varietas accidentalis videtur potius quam species distincta:

### \* 4. *Absinthium Ponticum montanum* C. B. *vulgare montanum* J. B. *Ponticum verum* Park. *Common Mountain Wormwood.*

*Cam.*

Vulgari *Absinthio* tam radice, quàm caulibus, necnon foliis floribusque prorsus est simile, sed exilius, ad summum duorum dodrantum altitudinem attingens: amaritudo illi quæ priori sed gravior, & nimis tetro abominabilique odore commendatur.

Nascitur in montibus pluribus in locis.

*Locus*

### 5. *Absinthium Ponticum sive Romanum vulgare* Park. *renissolium Ponticum* Galeni Gar. *Ponticum vulgare, folio inferius albo* J. B. *Ponticum renissolium incanum* C. B. *Roman or Cyprus Wormwood.*

*J. B.*

Numerosas spargit radices, parvas & crebris fibris intertextas, lignosas & sapore aromatico præditas: caules verò ex eadem radice plures erigit, cubitales & sesquicubitales, teretes, glabros, virescentes, aut ex virore rubescentes purpureascentesque, frequentibus adnatis ab imo ad summum usque ramulos. Folia non minùs tenuiter incisa quàm *Abrotani*, sed brevioribus concinnioribusque segmentis, brevi lanugine pubescunt, potissimum inferna parte, quæ & magis canescit quàm superior, odore suavi, sapore subamaro. *Corymbi* quàm in vulgari *Absinthio* minores, vehementiorem spirant odorem quàm folia.

Hoc

Hoc (ut rectè C. Bauhinus) medium est inter Absinthium & Abrotanum; mihi sane Abrotanum redolere videtur: & est duorum generum: 1. Planè incanum, quo potissimum Viennensis Officinæ utuntur tanquam nobiliore, ut refert Clusius; 2. Cauliculis purpurascens, foliis superius viridioribus: existimo tamen natales istam varietatem duntaxat parere. Ego potius specie diversa fuisse hæc duo Absinthia crediderim: siquidem Absinthium Romanum Officinis nostris dictum solitum, erat quidem foliis utrinque incanis & à descripto specie diversum, & (ut mihi videbatur) Absinthio maritimo nostrati planè idem.

Locus.

Multis Germaniæ superioris in locis provenire dicitur: Clusio non solum multis Pannoniæ sed & Austriæ locis, atque Viennensi agro, cum in saxosis tum in salebrosis gramineisque desertis agros oritur.

Tempus.

Autumno flores seménque profert, paulò post adventante hyeme herba marcescit, vegeta interim radice, à qua vere folia caulésque rursus exeunt: in terra latè se diffundit.

\* 6. *Absinthium tenuifolium odoratissimum Monomotapense* Breynii.

Breyn.

Absinthium hoc omnium pulcherrimum est, præcedenti persimile, nisi quòd caules altiores proferat, quos *Folia* nonnihil majora, candidiora vestiunt, concinnioribus segmentis divisa, atque etiam ad earum rachin lobulis elegantissimis prædita: dividuntur hi præterea superiore parte in plures ramulos, *flosculis* minoribus densioribusque, instar Absinthii tenuifolii Austriaci Clus. onustos. Sapor insuper, ac præprimis odor, jucundior & fragrantior est, quo omnia sui generis præcellit.

\* 7. *Absinthium Ponticum repens seu supinum* C. B. *Absinthii species quibusdam Chamæmelum drysanthemum* Fuchsii J. B.

J. B.

Simplice & singulari est caule, ferè cubitali, tereti, glabro, per quem ex intervallis folia nascuntur Chamæmeli nobilis similia, tenuiter incisâ. Paulò supra medium caulem summo tenus alternatim pullulant flores, corymbis, Abrotani similes, inferiores quidem semuncialibus & longioribus pediculis nixi, superiores verò brevissimis hærent, & velut cauli apprimuntur. Radix lignosa, tortuosa, multistida, fibrata.

Locus.

In quibusdam frigidis Helvetiorum montibus reperitur, autore Dodonæo.

Vires.

Ex longo esu comarum Absinthii Pontici, quæ Saccharo adservatæ fuerant hydropicos quosdam quasi deploratos sanitati restitutos se novisse scribit Matthioli.

8. *Absinthium Austriacum tenuifolium* Clus. J. B. Ger. Park. *tenuifolium Austriacum* C. B. *Austrian Wormwood*.

Clus.

Hujus caulis pedalem altitudinem plerunque æquat, nonnunquam etiam cubitalem attingi, si mus, canescens, multis foliis, marini Belgarum Absinthii foliorum quodammodo æmulis, tenuibus, prorsus incanis, quæ confuso ordine eum ambiunt, præditus, qui superiore parte in multos ramulos, ex tenuiorum adhuc foliorum alis nascentes dividitur, plenos *flosculorum* propendentium corymbis. Radix fibrosa est, & singulis annis novos frequentioresque caules producit. Totâ planta impensè amara est, sed elegans & rara.

Locus.

Crescit in collibus & apertis quibusdam locis, Viennensi urbi vicinis, atque à Rhizotomis promiscuè cum eo quod vulgò Ponticum appellatur ad Viennensium pharmacopolarum officinas deferatur.

Londini pro Absinthio Austriaco tenuifolio Clusii Absinthii quoddam genus colunt foliis lævigine incana molli serici instar nitente obfatis ab aliis omnibus nobis cognitis distinctum, eam tamen speciem circa Viennam Austriæ non invenimus.

9. *Absinthium Santonicum Alexandrinum* C. B. *Santonium Alexandrinum, sive sementum & Semen Sanctum* Park. *Sementina* Ger. *Lumbricorum semen vulgare & Matthioli* J. B. *Worm seed*.

J. B.

Quod in Officinis prostat *lumbricorum semen* vulgò dictum, ex variis minutissimis furculis, foliis & semine ipso coacervatum est. Semen parvum est, oblongum, (majora tamen inter ea Mili supparia, ex squarrosis tuniculis compacta) pullum vel flavescens. At quæ minutula inter ea sunt foliola striata sunt. Quædam etiam observantur trifida, angustiora, acuminata. Videntur etiam adesse portiones tenuissimorum cauliculorum. Omnia facile digitis atteruntur; amara sunt cum crumonia & odore graviusculo.

Matthiolo planta est admodum fruticosa, caulibus & ramis numerosis referta, semine minuto oblongoque, racematim prodeunte, amariuscule gustu, odoréque non insuavi.

Varias Auctorum sententias de hoc semine vide apud J. Bauhinum: qui cum Pena concludit Semen contra vermes trium Absinthiorum nullum videri. Nam tamen nonnulla amaritudinis & figuræ similitudo illis inter se cunctis, tamen non adeò plenè sunt adulta horum semina aut horridè amara, inquit Lobelius.

Quenam planta sit quæ lumbricorum semen producat nobis non certò constat. Autor Scholii ad Observationem primam Ann. 7. Decadis 2. Ephem. German. præ aliis nobis verisimilia scribere videtur. Figura, inquit, Matthioli vitiosè delineata est, non tantum quod seminulorum figura potius foliola quædam representet, sed & seminula ipsa bina ferè semper è diametro sibi opposita cauliculis



cauliculis adhæreant, cum tamen alternatim ubique è lateribus prodire cauliculi feminibus, prout ad nos deferuntur, permixti edoceant. Ceterum hanc à Cortuso transmissam plantam fuisse genuinam seminis nostri helminthici matrem arbitror: cum illius à Marthiole æquam descriptionem satis huic quadrare, *av. de* commonstret. Lobelius etiam in Hist. Plant. fruticulum surculosum esse, undique feminibus glaucem pluribus ferme quam foliis testatur.

Unde si non sui generis planta fuerit, ad Abrotana referre mallem; præsertim cum & hoc vegetabile vim antelminthicam possideat, & aliquæ ejus species emittant apud nos non plane ab illo peregrino diversa, quoad foliola, seminum copiam, colorem, odorem, &c. compareant.

Semen, quod microscopio subjectum teres flavumque est candens cereas conjunctas elegantissime repræsentat, observante Elholzio. Id quod in Tanacetifemine non comparere, quod itaque profertur, mentina vix habendum est.

De olei possibili è Sementina destillatione quæ habet, videtis loco citato.

\* Ephem.  
Germ. An. 6.  
Obf. 127.

10. *Abfinthium Santonicum Judaicum C. B. Lumbricorum semen Rauwolfio J. B.*

*Abfinthium Santonicum* (inquit Rauwolfius) provenit circa *Berlebem* & abundat in Terra sancta, foliis parvis, cæteris, postquam *Abfinthio* mediocriter accedentibus, ramulis multis tenuibus cum copioso semine, parvo, flavelcente, gravis odoris, lapidis amarissimi, acri cum sanguine.

11. *Abfinthium Santonicum Egyptianum Park. C. B. Abfinth. Egyptianum quibusdam J. B. Abrotani femina species secunda Zanoni.*

J. B.

Folia fert palmaria, quæ sicca (ex sicca describimus) aliquid simile habent cum *Trichomane* vel *Scolopendria* & *Chamaecyparisse*; in quibusdam juxta longum pediculum sunt veluti foliola intruò se contingentia cum sinibris nonnihil serratis, reflexis. Alia autem folia ex longiore pediculo in foliola longiora, & à se invicem magis distincta, dividuntur. Tota herba villula & incana *Chamaecyparissi* modo, sapore amaro & seminis contra vermes *Officinarum* fere simili; odore aliquantulum aromatico.

12. *Abfinthium Ponticum Græcicum grat. Aret. C. B. Ponticum & Romanum quibusdam, aliis Seriphium J. B.*

C. B. prod.

Caulis est cubitum superante, rotundo, inæano, in ramos plurimos quincupiales diviso: foliis tomentosis, multum divisis, mollibus & incanis: floribus vulgari forma & colore similibus, paulo tamen majoribus. Hoc, quemadmodum *Honorius Belli* ex Creta, Anno 1596 (addita plantâ) perscripsit, in Creta frequentissime provenit, perpetuo viget, odorem gratum suum, nulloque amarum est, aut siquam amaritudinem habeat, ea valde obscura est, in viridi enim nulla percipitur; ab afinis & pectoribus omnibusque brutis valde expetitur. Vocatur *Αννέ* & *αλκάνη*, quemadmodum *Anguillarus* in Græcia vocari perperam scribit. Ego legitimum *Ponticum* esse judico.

At *Cæsalpinus* in collibus argillofis agro *Senensi* frequens esse hoc genus, quod & nos verum esse comperimus cum *Florentiâ* *Romam* iter faceremus.

Locus.

13. *Abfinthium album Vallesianum Park. Vallesianum tenuifolium candidum, fere Herabls J. B. Seriphium montanum candidum C. B.*

J. B.

Hinc lignosi rami tomento denso & albedo pubescentes, mollitie delicata, id quod in foliis quoque non minus observatur, ad *Seriphii* *Abfinthii* folia minutis caluris accedentibus, utrinque tamen angustioribus: flores nisi quod magnitudine cedant, similes quoque: odor aromaticus.

Hæc species *Dodonæo* *Seriphio* seu *marino* *Abfinthio* affinis est, sed candidior, odore & sapore quoque illud satis refert, sed tamen aliquanto suavior est ad *Caphuræ* odorem accedens. *Comararius* quoque planè eandem esse existimat *Seriphio* nostro vulgari, nisi quod gratiorem & aliquantulum odorem speciei, & sapore sit minus ingrato. Hinc *Gesnerus* *Abfinthium* *Seriphium* feminam vel mediterraneam hoc appellavit.

Ego sunt *Abfinthium* *marinum* seu *Seriphium* unam & eandem huic specie plantam crediderim, & quicquid intercedit discriminis natalibus imputandum: nam & alias herbas maritimas in mediterraneis nascentes observavi, v. g. *Kals spinosum* seu *Tragon* *Martholi* in arenosis non procul *Vienâ* *Austriæ*, *Caryophyllum maritimum* in collibus non procul *Moguntia*, &c.

In *Seduno* *Vallesianorum* vicinis collibus frequens oritur: ex semine facili & pulchrè provenit, Locu.

*Abfinthium Alpinum incanum C. B. prod. Park.*

Præterquam parvitate sua in paucis differt à *Vallesiano* albo jam descripto; proinde, cum locus etiam convenit, ab eo separandum non esse judico.

**14. Absinthium maritimum** Lagendula folio C. B. Park. **maritimum latifolium** fere Martius  
et Rob. **Artemisia marina** Ger. **Lavender-leaved Sea Wormwood.**

Densis ramis cubitalibus & altioribus fruticat, inque lignosis, albicantibus, & magno foliorum  
angulo fruticat. Folia vero tota incana lanugine pubescunt, modo integra, & Olea foliorum  
delicata, modo in duas, tres aut quatuor lacinas divisa, odore Artemisiae, nec ingrato sapore. C  
ymbi lutei minores quam Absinthii vulgaris, semine minuto. Radix lignescit.

Locus.

Exhibet  
C. B. Park.  
Opt. 12.

In Martio credimus, in quamplurimis tam Tyrreni quam Adriatici pelagi littoribus proveni  
re, & in Aquileiensi & Tergestini.

C. Bauhinus hujus varietatem tantum esse suspicatur.

**Absinthium latifolium rarius Artemisia folio** Col.

Col.

Quod caulibus pluribus ab radice fruticat, lignosum & fibrosum, in orbem se diffundens, illisq  
cubitalibus & majoribus, tenuibus, aliquando supinis, qui facile radices agunt sati; folia angusta incana  
primum proferunt, deinde lacinis utrinque dissecta magnis, & latiora, per furculos alternatim ha  
rentia, & Artemisiae simillima: a medio ad summum ramulorum iterum minus laciniata & angustio  
ra, ut circa flores sint tenuia, Santonici dicti tenuifolia similes, &c. Planta est aromatica.

**15. Absinthium Seriphium Narbonense** Park. **Seriphium tenuifolium maritimum** Narbonense J. B.  
**Seriphium Gallicum** C. B. **French Sea Wormwood.**

Multis fruticat virgultis, cubitalibus, lignescens, incanis: per quos folia sunt crebra, tenui  
me dissecta, latiora tamen quam Absinthii Germanici, cujus foliis alioqui sunt satis similia  
minus tamen candida, sapore saluginoso cum amaritudine, at primum pullulantia succulenta sunt &  
viridia. Semine gravidum evadit minuto.

Locus.

Ad litora maris Mediterranei passim obvium est hoc genus Absinthii: Nos prope portum Lamo  
num & ad mare non longè Mospelio observavimus. Existimamus hoc specie differre à Seriphio  
nostrato & Belgico: folia ei aliquanto latiora sunt, minusque incana quam nostrati, in reliquis ferè  
cum eo convenit, ut dubitaverim aliquando, an distinctum esset necne.

Absinthium Santonicum vulgare Lob. Absinthio Seriphio maritimo Narbonensi eandem esse  
plantam putamus: quamvis in Catalogo plantarum horti Regii Paris. pro diversa specie ponat,  
utinam indicassent qua in re differat.

**A. 16. Absinthium maritimum album** Ger. **Abf. Seriphium fere maritimum Anglicum** Park. **Abf.**  
**Seriphium Belgicum** J. B. C. B. **English Sea Wormwood.**

Dod.

Admodum lanuginosum est & incanum: multa folia habet alba, similia Absinthio commun  
sed multò minora, tenuiora, candidiora, tenuius incisa; multos flores parvis globulis similes, & fi  
mina similia vulgari Absinthio. Crescit ad altitudinem pedis & semis; ac etiam altius. Oler est  
gravi, salis verò saporis, grati & amari, suo natali loco collectum, translatum verò in hortos, & ter  
ram ubi aqua dulcis, multum variat saporem & naturam.

Locus.

In maritimis Angliæ copiosè provenit, atque etiam, Dodonæo teste, per totam Zelandiam & in  
Flandria circa mare, & quibusdam Brabantiae locis.

Absinthii speciem Londini & alibi in Anglia coli solitam nomine Absinthii Romani, non aliter  
ab hoc differre putamus quam cultura & loco natali, uti neque Absinthium album Valesianum  
ut alibi monuimus. Huc quoque refero

**Absinthium Seriphium Germanicum succulento folio fere Misnicum** J. B. **Abf. Seriphium Germanicum**  
**C. B. Park.**

Cui Clusius multitudine attribuit folia, succulenta, non minus quam Absinthium maritimum Patavi  
num incana, proximè ad Seriphii in Belgica & Angliæ maritimis nascentis folia accedentia, gravi  
or tamen paulò & validioris, ut ei videbatur, odoris, Seriphii Narbonensis & Hispanici graveolen  
tiam quodammodo referentia, atque etiam saporem. Ob tantillam odoris differentiam, eamque non  
satis perspectam & cognitam, non est cur diversam speciem statuamus.



## CAP. X.

## De Abrotono mare.

**A** Brotonum aliquibus quasi *Ἀβρότον inhumanum*, quia ipso est Absinthio amarius, vel quasi *Ἀβρότον*, quia *cibo inutile*; vel *διὰ τὸ πρὸς τὴν ἀλγὴν ἢ ἀπαιδοὶ φαίνεται*, ἄλλως τὴν διὰ τὸ *ἄβροτον* εἶναι quod conspectu molle ac delicatum appareat, vel quod halitum difficilem seu gravem vel acrem spiret, ut scribit Nicandri interpres. C. Hofmannus Abrotonum scribit per *o*, ex autoritate Plinii, Theophrasti & aliorum, ut sit ab *ἀβρός* & *τίνος*, quia *ἀβρός τίνος* molliter extenditur.

Abrotani Characteristica sunt Caulis fruticosus & lignosus, flores nudi eum non terminantes, sed ē lateribus egressi velut in spicis longis: Folia tenuissima, minùs quàm Absinthii incana.

1. *Abrotonum mas* Ger. *vulgare* J. B. *mas vulgare* Park. *mas angustifolium majus* C. B. *Common Southernwood*.

J. B.

Crebris ex radice lignosa fibris aliquot donata frutescit sarmentis, tres quatuorve cubitos altis duris, fragilibus, medullā albā plenīs, subrubentibus, striatis, ramosis: Folia per alas multa, tenuiter dissecta, feniculaceis paulò majora, canescentia, odore vehementi, sapore amaro & acri, atque inferiora quidem multifida Chamamelis modo, superiora uno atque altero segmento dividuntur, non rarò nihil quàm unicum tenuia mentum sunt. Flores secundum ramulos conferti corymbos Absinthii emulantur, colore luteolo præditi. Semen Absinthii minus.

Videtur mihi (inquit J. Bauhinus) culturā & pro anni tempore multum variare: cujus sententiæ & nos subscribimus. Varietas quoque ratione loci evenire potest. F. Columna hanc speciem in Æquicolum montibus, ubi copiosè sponte fruticat, humilem tenuisque sarmenti, bipedalem ad summum observavit: Eandem cultam in hortis Campoclarensum hominis fere proceritatem atque quantem vidit, crasso rectoque caule, fruticosiore. Proinde C. Bauhinus non rectè separat videtur Abrotonum Tragi majus à vulgari & angustifolio, ex sententia fratris, qui & Camerarium notat, quod Abrotonum suum magnum Camphoratum, quibuldam Incansaria dictum, à suo mare Abrotano separat: Nos J. Bauhinum sequuti Abrotanum mas III. & IV. C. B. ad idem caput reducimus; nimirum ad Abrotonum mas vulgare.

Substringit & valide discutit, resistit putredini ac veneno; moribus venenatorum animalium Vires. [Corymbium & araneorum] medetur; vermes necat, urinam mover, impetus hystericos discutit, regium morbum solvit. Summitates vino vel aqua decoctæ, adjecto melle aut saccharo orthopnoicis & asthmaticis apprimè conducunt, si Trago credimus, nam vitia pectoris expurgant, cardiacæ medentur & tussi, lentosque humores pulmonum incidunt.

Extrinsicus usus ejus famulosus est in ossibus exsiccandis, roborandisque, & quæ pilorum signaturam summitates ejus emulantur, ad Alopeciam tollendam maxumopete commendatur. *Scrofula*.

Ut temperamento ita & viribus cum Absinthio convenire videtur, venterculo tamen minus gratum est.

2. *Abrotonum mas angustifolium incanum* C. B. *mas incanum* Col.

Col.

Abrotani speciem aliam viribus parem [Absinthio Seriphio Col.] fruticosiore, minorem, magis incanam, tenuioribus admodum foliis odore acribus & sapore, eadem foliorum divisurâ cultam vidimus in horto Collegii Romani Jesuitarum, cujus natalem locum ignorantes, non possumus mari vel feminæ Abrotono reddere. Maritimam propter incanum colorem majorem esse putamus, ac propter brevitem mari accedere consenu. Hæc Fabius Columna.

3. *Abrotonum mas angustifolium minus* C. B. *humile odoratum* Park. *humile* Ger. *cam pulchris* Corymbis J. B. *Small Sweet Southernwood*.

Dod.

Predictis humilior est; folia habet majoris Abrotani similitudine dissecta, sed minùs candida, & odoratiora, quo Santolinam referunt. Corymbi ē ramulis copiosi ad summum usque luteo splendent colore: Semen admodum fecundum est: radix ut aliorum.

A Fuchio (inquit J. Bauhinus) quum Tubingæ apud illum, essem mihi in horto ejus demonstratum, à vulgari diversum. In hoc enim pulcherrimi Corymbi multò majores quàm in vulgari Absinthio Pontico & rariores, aurei: Foliola circa flores latiora nonnihil, longiora, non ita dissecta.

A. 4. *Abrotonum campestre* C. B. Park. Ger. *Artamisia tenuifolia seu leptophylla*, aliis *Abrotonum sylvestre* J. B. *Fine-leaved Sweetwort*; *hy some, Southernwood*.

Longa, pollicaris crassitudinis radice firmatur, eaque multifida, lignosa, perenni. Caules cubitorum aliquot altitudine emittit, qui vetustate in lignum solidum durumque degenerant, crassitudine digitali, alioqui tennes, Artemisiz latifoliz similes, rigidi, rubentes, striati, medullā albā farcti, multis alis concavi: folia pilosa albicantia, Seriphii Absinthii tenui divisurâ, ad Abrotani folia accedentia, colore viridi ubi adoleverint non multum dissentanea, odore autem multum ad Abrotonum

num accedentia. Corymbi rubentes spicatum in ramulis crebri, Abrotani formâ & colore. Solum non rarò ad ramulorum divaricationes muscosum, squamatum excrementum ferre.

Duplex est, alteri cauliculi sunt albicantes, alteri rubentes: primo vere folia cinericea, hirsuta producit quibus mense Junio depositis induit longiora & tenuiora, viridia, ut quis diceret aliam esse plantam. J.B. quod & nobis observatum.

Locus

In Germania, Italia & Gallia Narbonensi ad vias & in sterilioribus ubique ferè occurrit. Invenimus etiam in Anglia copiosè proveniente, itinere à Novo-mercato oppido ad Lenham Norfolkiae propè vicum Elden dictum, &c. vide Cat. Ang.

*Abrotanum inodorum* Ger. Park. *latifolium inodorum* C. B. *Artemisia tenuifoliae simile si non idem*,  
*Abrotonum inodorum* Lobelii J. B. *Onsavoury Bothernwood.*

Huic *virgae* seu ramuli plures, humi plerumque fusi: folia magis incana & candicantia. In reliquis non multum differunt hæc & præcedens, & tamen Clusius specie diversas facit. Nos potiùs J. Bauhini sententiæ accedimus, nec distinguimus.

Quin & Abrotanum campestre incanum Carlinæ odore C. B. prod. non alia in re à campestri vulgari differt quàm foliis eo modo quo Abrotani maris inferiora divisus, incanis, Carlinæ odore ut & sapore.

## C A P. XI.

### De Artemisia.

**A**rtemisia dicta est ab Artemisia Cariæ regina, quæ eam sibi adoptavit, cum antea Parthenis, quod virgo Dea nomen illi dederat, vocaretur. Alii ab Artemis, id est, Diana, deducunt, quia foeminarum malis medetur.

Notæ ejus Characteristicæ sunt *Caules* indeterminati, folia dissecta subtus incana, odor & sapor remissior quàm Absinthio cui aliàs persimilis est; flosculi purpurascens, nec ut in Absinthio deorsum nutantes.

A. 1. *Artemisia vulgaris* J. B. Park. *vulg. major* C. B. *Art. mater herbarum* Ger. *Wort.*

*Radice* digitali obliquâ reptat, demissis subinde fibris majusculis albis [sapore subduli & aromatico] *Caules* surrigit bicubitales aut tritubitales, digitali crassitudine, teretes, striatos, bene lanugine hirsutos, satis firmos & rigidos, plurimum purpurascens, medullâ farctos, foliis crebris alternatim positos vestitos, summa parte ramosos. *Folia* Absinthii ferè divisa, verum segmenta in viti latoria, in summis longiora & acutiora obtinent, superne obscurius viridia, glabra, inferne incana, quâ notâ ab Absinthio facillè discernitur. *Florum* Corymbi circa summitates caulis & ramorum in racemulos quosdam è foliorum alis egressos dispositi, Absinthinis crebriores, singuli tamen minores, è flosculis purpurascens compositi, non ut in Absinthio deorsum nutantes, odore aromatico & satis grato, minùs quàm Absinthii vehementi, ad Lavendulæ odorem quadantenus accedent.

In hac planta caulis & flores interdum albescunt, unde Artemisia alba Tab. & Park.

Locus.

Quascunque regiones peragraverim (inquit Clusius) nulla fuit in qua Artemisiam hanc vulgarem, tum candidiorem, tum subpurpurascens, universæ (ut puto) Europæ familiarem, crecentem non viderim.

*Artemisia vulgaris minor* C. B. Park.

Non videtur specie à vulgari majore diversa. Non placet (inquit J. Bauhinus) Fratrem separare plantas solâ quantitate differentes.

*Artemisia montana* C. B. *tenuifolia montana* Park.

De hac attende J. Bauhinum. Eam etiam quam [Frater] Artemisiam 3. seu montanam facit, nempe leptophyllon montanam *Lugdunensis Hist.* (cujus tamen neque figura placet nec descriptio) nondum sejungimus [à vulgari.]

\* 2. *Artemisia polysperma* C. B. Park.

Cum non alia in re à vulgari differre dicatur quàm quòd unicum tantum producat caulem, & femina copiosiora, minus rectè pro diversa specie ponitur. Verum si hoc constans sit argumentum est diversum esse. De rebus ergo nobis non satis cognitis & exploratis nihil temere pronunciarè audemus.

\* 3. *Artemisia Virginiana* Park.

Aliquanto major est vulgari Artemisia & fruticosior, foliis pariter incisus, sed majoribus.

Artemisia



Artemisia uterina est: menses, foetum & secundinas pellit, fordes abstergit, adeoque usus creber. *Vires.* rimi est mulierculis, quæ eam adhibent internè & externè, adeo ut vix balnea & lotiones parent in quibus Artemisia non contineatur. *Schrod.*

Decocto Artemisiz, si id cum Saccharo & melle temperetur, tussis mitigatur, calculus committitur.

Herbæ siccatæ pulvis 3. drachm. pondere in vino potus optimum est doloris ischiadici remedium, autore Parkinsono: qui & herbam recentem aut ejus succum haustum in convenienti aliquo liquore præstantissimum esse remedium asserit iis qui nimium Opii sumpserunt.

De præstantia hujus plantæ contra lassitudinem multa dicuntur. Plin. lib. 26. cap. 15. *Artemisiam aligatam qui habeat viator, negatur lassitudinem sentire.* Jo. Bodeus in Theophr. Hist. hujus decoctum hominum ex itinere lassorum pedes, si eo abluantur adeo recreare disertè affirmat, ut nihil in rerum natura reperitur, quod ei sit antefèrendum.

Sim. Paulus se sanctè testari posse scribit, se iis ægris in quibus nervosum genus malè habere sibi visum esset, flatulento spasmo obnoxiiis, aut qui de doloribus aut lassitudinibus membrorum, præsertim post chronicos, & quandoque etiam post acutos malignos morbos, conquesti sunt, felicissimo sæpe eventu præscripsisse vannum maximam partem ex Artemisiz, post dein Salvia, Agri-monia, Chamomillæ & Polentæ tritæ decocto repletam, ut in eam sese immergerent, vel in ea considerent.

Sunt qui carbonem sacro Jo. Baptistæ die sub hujus radice effossam ad epilepsiam commendant. Eum autem tum in pulvere exhibent, tum de collo suspendunt pro amulero. *Schroder. Pharmac. l. 4. c. 6.* De carbone isthoc vide *Ferhelium* in consilio de puero Epileptico; *Jo. Bodeum* in Theophr. Hist. lib. 9. cap. 18. & *Jo. Baubinum* in hac herba, qui hujusmodi supersticiosas & magicas vanitates merito reprehendit & damnat.

Novi, inquit Sim. Paulus, vetulam quandam, cujus utraque genua cum obsedisset tumor insignis edematofus, quæ lintheis duplicatis, super Artemisia suffumigatis, cum ex voto abegit.

## CAP. XII.

*Draco herba* Ger. *Dracunculus bortenensis* C. B. *Dracunculus bortenensis sive Tarchon* J. B. *Draco herba sive Tarchon* & *Dracunculus bortenensis* Park. *Tarragon.*

**F**ruticosa promit duorum cubitorum & ampliora *virgula*, dura, gracilia, nonnihil angulosa, inconditis ramis divisa: foliis primò orientibus divisis, ubi verò odolevit foliis onusta Lini folia æquantibus, aut Hyssopi Arabum, atrovirentibus, splendidis, omnis divisionis ignaris, sapore acro, aromatico, cum quadam dulcedine grata, Anisum conditum æmulante. Corymbice ordine per summos ramos quo in Abrotano, apiculis florum vix conspicuis, quos semen excipit acerosum. *Radix* perennis novam singulis annis stolonum sobolem emittit.

In hortis colitur, ac sæpius ramulis quam semine feritur. De loco ejus natali altum apud Botani- *Locus.* cos silentium est.

Usus ejus apud nostrates in acetariis frequentissimus est, ad temperandam & corrigendam alia- *Vires & Usus.* herbarum quibus admiscetur frigiditatem & cruditatem, adeoque Erucæ vicem supplet.

Cum insigni acrimoniâ planta tota sit prædita, haud verendum est, nè valenter excalfaciat atque siccat, incidat, aperiat, digerat. Proderit igitur Tarchon iis, scribente Matthiolo, quibus ventriculus frigidior: appetentiam excitat, flatus dissipat, membris robur addit, urinam & menses ciet, obstructions expedit; manum pituitam ducit, & salivam instar Pyrethri, & hinc dentium dolores mulcet & humidum cerebrum purgat. Ad pestis contagia maxime & primæ laudis ejus stillatitia apud Anglos, Autore Lobelio, nobis nihil tale auditum, sudores ciet, & crassam pituitam concoquit. Perpensâ hujus herbæ acrimoniâ, quâ maxime linguam vellicat, eorum esse medicamento- rum quæ valentissimè excalfaciunt facile conjici potest. *J. B.*

*Auctarium LIBRI OCTAVI continens Herbas quasdam  
Corymbiferis affines.*

## CAP. I.

## De Scabiosa.

**SCABIOSA** recens vocabulum est: quidam à scabro herbæ habitu nomen deducunt, est enim herba pilosa; alii, & rectius, à Scabie cui medetur, unde Aetii *¶* esse credunt.

1. *Scabiosa montana maxima* Park. Ger. *Alpina maxima* Ad. *Alpina foliis Centaurii majori* C.B. *Great Mountain Scabious.*

Multa è radice crassa, vivaci promit folia, pedem aut ampliùs longa, obscurè viridia, alata seu in multas utrinque lacinias, per margines eleganter dentatas, ad mediam ferè costam incisa: inter quæ caules aliquot exsurgunt bicubitales & altiores pro ratione foli, angulosi, duri & lignosi, superiori parte in ramulos divisi, quorum extremis singulis singula insident capitula magna, rotunda, è viridi nigricantia, flores exferentia Scabiosæ vulgaris majores, è flosculis compositos pallidis seu è luteo albicantibus, [ non caesiis, ut vult Lobelius ] quibus dilapsis succedunt semina oblonga, hirsuta, colore pullo.

Locus.

Lobelius aliisque Botanici hujus plantæ folia Centaurii majoris foliis similia & pænè paria faciunt. In ascensu montis Juræ propè altissimam verticem *Tburri* hanc copiosam invenimus: alii etiam haud dubiè in Alpium jugis provenit.

A. 2. *Scabiosa major communior hirsuta folio laciniato* J. B. *major vulgaris* Ger. *vulgaris patensis* Park. *patensis hirsuta, quæ Officinarum* C. B. *Common field Scabious.*

f. B.

*Radicem* habet rectam, longam: caules sesquicubitem & duos cubitos altos, teretes, hirsutos, anes, foliis cinctos per intervalla longiora ex adverso binis, canâ lanugine pubescentibus, ferè Valerianæ majoris, profundius subinde laciniatis, sapore subacri. Caules & ramuli in florum capitula terminantur. Flores autem aggregati sunt è plurimis flosculis quadripartitis purpureo-roseis, quorum singuli singulis insident seminibus, quosque habent calices, staminula & stylos. Petala marginales mediis productiores sunt, laciniis longioribus. Floris totalis calix è plurimis foliolis acutis basin ejus in circulum ambientibus componitur. Flores explicati planam ferè aut non admodum gibbosam superficiem efficiunt. Flosculis dilapsis semina in globum aut capitulum oblongum aut luntur. Quæ primò è radice exeunt folia integra ferè sunt, & non omninò laciniata.

Locus &amp; Tempus.

In pascuis frequens est, nec minùs inter segetes Junio & Julio mensibus florere. Hæc Scabiosa (inquit J. Bauhinus) aut mirabiliter ludit, aut differentias aliquas habet; quædam valdè laciniata ut descripta, quædam non laciniata, vel minùs profundè & rariùs, versùs superiora curvum.

Vires.

Herba vino decocta ejusve succus aut aqua in M. B. destillata Apoptematibus, Pleuritiâ, Tussis, aliisque pectoris vitiis medetur: nec minùs Asthmatis, Anginæ, Pestis. Pollere autem hanc (inquit J. Bauhinus) imprimis adversùs Scabiem nomen illi inditum per se manifestat. Scabiosæ vires S. Urbanus his versibus complexus esse dicitur.

*Urbanus pro se nescit pretium Scabiosæ:  
Nam purgat pectus quod comprimit ægra Senectus:  
Lenit pulmonem, purgat laterum regionem:  
Abscessus frangit si locum bibita tangit:  
Tribus uncta foris anthracem liberat horis.*

In plurimis expertus est D. Willebrochius Archiducis Ferdinandi medicus celeberr. ad rhagades seu scissuras & serpignes ex Lue oriundas, etiam in illis in quibus dec. Ligni parùm profuit cerussæ remedium pulv. Rad. hujus per hebdom. 3. quotidie assumptum.

A. 3. *Scabiosa minor vulgaris* J. B. *minor sive Columbaria* Ger. *minor campestris* Park. *capitula globofo minor* C. B. *The lesser field Scabious.*

*Radice* alba, multiplici firmatur. [ J. Bauhinus radicem repentem ei attribuit, crassiusculam, foris nigram, intus ex albo virescentem ] *Folia* ad radicem hirsuta, est ubi multifariam divisa, est ubi integra, *verbenæ* incisuris ferè, ut rectè Lobelius, minora & ad tactum aridiora quàm vulgaris Scabiosæ. *Caulis* cubitalis, teres, glaber, inanis. Foliorum in caule adversorum tria aut quatuor paria, in tenuis



tenuēs & angustas lacinias dissecta, inferioribus leviora. Caulis in aliquot ramulos dividitur, in quibus flores Scabiosæ majoris longis infidentes pediculis. Succedit capitulum aristis nigris horridum, J. B. Sapor foliorum, eodem aurore, lentus & nonnihil acris, radices subamarus.

In paucis sticioribus & montosis præsertim cretaceis copiose provenit.

Thalius in Hærcinia Scabiosæ minoris vulgaris plures recenset differentias.

1. Scabiosæ ejus 5. five foliis Bellidis Sylvestris minoris major. Hanc C. Bauhinus Scabiosæ capitulo globoso majoris, five superius descriptæ Synonymam facit.

2. Scabiosæ 6. five foliis Bellidis species minor. Hæc ex una radice, quæ nigra est, plures profert tenuiores, teretes ac dodrantes coliculos, non ita foliosos ut prior, sed fere prorsus nudos nisi inferiore parte. Folia priora huic sunt in brevioribus & canaliculatis pediculis, Bellidis Sylvestris majoris foliis iidem familia, prope pediculum lacinia ut plurimum, reliqua parte serrata: post quæ reliqua quæ deinceps sequuntur folia diversæ ab aliis existunt formæ, frequenter in tenuēs & strictiores lacinias divulsæ; flores cœrulei conglobati.

Hanc C. Bauhinus Scabiosam capitulo globoso minorem vocat. Videtur esse prioris varietas.

3. Scabiosæ 7. five tenuifolia candida, seu major. Hanc C. B. Scabiosæ multifido folio, flore flavescente seu *χλωρόφυλλο* Synonymam & eandem facit; & per me licet faciat.

4. Scabiosæ 8. five tenuifolia media, Radicem obtinet nigram, multifidam, coliculos teneriores, teretes, minus foliosos. Folia priora multo minora quàm præcedenti, divisa in lacinias tenuēs, latiores tamen paulò quàm sunt reliquorum foliorum subsequentiū lacinia, quæ nimirum existunt admodum tenuēs & angustæ ac fœniculacæ quodammodo. Flores sunt ut prioris speciei. Hæc Parkinsono Scabiosæ tenuifolia capitulo globoso dicitur, C. B. Scab. capitulo globoso foliis in tenuissimas lacinias divisis.

5. Scabiosæ 9. seu tenuifolia minimæ priori coliculus est dodrantis, teres, tenuis, prorsus nudus, prope radicem solummodo plantâ hac folia protrudente in canaliculatis pediculis lacinia, breviora superioribus duabus speciebus ac tenuiora. In summo caulis florem continet cœruleum in orbiculato capitulo Succisæ simili, ex cujus ambitu exterius breviora quædam ac tenuiora progrediuntur sursum porrecta adnata in brachiolorum exiguorum modum, semel geniculata, ac bina ex adverso locata folia continentia, in quorum cujuscunque summo aliud ac brevius emergit florum capitulum conglobatum ac cœruleum. Locis autem prodit aridioribus, in collibus apricis ac meridionalibus Solem excipientibus.

Quod flores producat proliferos accidentarium proculdubio est & individuale.

6. Scabiosæ 10. seu tenuifolia species foliosa: ita denominata, quod coliculus, qui ipsi dodrantis est, ac geniculatus, à radice usque in summum cacumen foliis infrequentes, ignes ac fœniculaceas lacinias divisis eleganter exornatur; quorum ad quodlibet geniculum bina ex opposito sibi correspondent. Flos huic est in globum collectus cœruleus.

Præter has omnes Scabiosæ minoris varietates aliam adhuc diversam observavimus in montibus, quæ vulgari minore humilior erat, & in uno caule unicum duntaxat plerunque florem gerebat, eum tamen grandiorē: quàm Scabiosæ montanæ glabræ foliis Scabiosæ vulgaris C. B. eandem putamus.

V. 7. Speciem.

#### 4. Scabiosæ tenuifolia globosa elatior Park. Upright fine leaved Globe-Scabious.

Recta assurgit singulari tenui cauliculo, foliis ad nodos inferiores binis ternisve simul parvis, angustis per margines eleganter dentatis vestito: superiora in caulibus folia bina ex adverso sibi invicem respondent. Flores parvi in globum coacti, reliquis colore similes.

Semen hujus ex Italia habuit Parkinsonus.

Quod terna interdum ad geniculum folia edat accidentarium esse puto, & luxuriei plantæ adscribendum.

#### 5. Scabiosæ rubra Indica Ger. Park. rubra peregrina, quibusdam Indica J. B. peregrina rubra, capitulo oblongo C. B. Purple Indian Scabious.

##### 7. B. Clus.

Planta hæc, licet una sit & singularis, & Scabiosæ minori vulgari similis, plures tamen foliorum figurâ differentes species ut illa induit. Quippe ima, quæ propter radicem sunt, reliquis latiora, quædam crenata, quædam lacinias sed minus profundis divisa, longo pediculo hærent, veluti repanda. Quæ sequuntur superiora versus altius secta, profundioribusque lacinias divisa, veluti in plura alia subdividuntur, quorum singulæ partes infimis crenatis non magnitudine quidem, sed figurâ & specie quodammodo respondent. Sunt inter hæc quædam adhuc profundius & minutius secta. Suprema, quæ ad ramorum divaricationes exoriuntur, vel paucis aliquot incisuris, minus tamen profundis, vel nullis planè constant, & per ambitum tota æqualia, angusta, brevioribus pediculis donata. Ima folia cum caule modicè hirsuta sunt. Caule autem cubitali [imo bicubitali] aut ampliore assurgit, satis gracili, qui in multos, tenuēs ramos dividitur, extima parte veluti umbellam flosculorum in caput congestam gestantes, exterioribus flosculis, qui reliquos ambiunt, majusculis, in quinque lacinias divisis, quemadmodum & interiores flosculi, qui minores, omnes autem coloris elegantis rubri saturi & ad purpureum quodammodo tendentis, oblongis filamentis, apicibus albis insignibus donati, pulchram speciem exhibent. His succedunt stellata ut in aliis Scabiosarum generibus semina, in caput oblongum metæ formâ, oblongis filamentis rufis exasperatum, congesta. Radix Rapæ formâ C. Bauhino quam Clusius vivacem non esse affirmat; verum nos experientia contrarium edocui sumus. Si enim hyems clementior fuerit, non solum plantæ quæ æstate ad florem non pervenerant, sed etiam quæ jam floruerant, in alterum annum durabunt, & flores edent, seminaque matura & perfecta dabunt.

Tempus.

Floret æstate & autumno : Semen sub Septembris finem aut Octobris initium maturefcit. Flori colore pallido seu incarnato ut vocant non raro variat.

Vires.

Hujus semina amara esse & lumbricos enecare observavit D. Hermannus; ut habeo ex Annotatis D. Palmer.

6. *Scabiosa Favanica* Bontii.

Bont.

Macilentior est ratione foliorum quam *Scabiosa* nostras; flores minuscule coerulescos habet, qui foliis ut calyce conteguntur.

Vires.

Viribus cum *Scabiosa* Europæa convenit. Unum (inquit) reticere nequeo, esse hanc *Scabiosam* remedium præstantissimum in extabescencia seu marasmi quadam specie in his locis admodum familiari, quo affecti ægri ad extremam maciem perducti tandem tenuem animam exhalant, ita ut pellis & ossa deveniant, & scelera potius videantur quam homines. In hoc affectu dico *Scabiosam* hæc cum *Gramine cruciato* Alpini & cum radicibus *Chinæ* simul cocta excellens est medicamentum. Malui porro hæc *Scabiosam* inter olera sua trahere.

Descriptio adeo brevis, succincta & generalis est, ut nihil certi inde expiscari possim: puto tamen plantam à *Scabiosis* Europæis diversam esse.

7. *Scabiosa montana* glabro folio Patk. *montana* glabra foliis *Scabiosæ* vulgaris C. B. glabra canosius foliis virentibus, flore ex caeruleo purpureo J. B. Mountain *Scabious* with smooth leaves.

Clus.

Quina aut sena habet folia humi sparsa, *Scabiosæ* vulgariori & inter segetes nascenti fere similia, minimè quidem villis obsita, sed carnosa admodum & venosa, præ viriditate quodammodo splendens, aliquot crenis incisæ, sapore si manducantur lento & gummoso, deinde aliquantulum acris. Ex horum medio crescit palmaris caulis, aliquando paulo amplior, gracilis, rotundus, cuius inferiorem partem ambiunt quaternæ aut sena folia, profundis & tenuibus laciniis divisa, bina semper ex adverso sita. Extremo cauli insidet capitulum ut in vulgari *Scabiosa* fere, è multis flosculis quæ foliis constantibus congestum, quorum exteriores majores sunt, eleganti colore ex coerulesco purpurascens præditi, villis quibusdam nigris singulorum flosculorum sedem ambientibus. Radix longa, nigra, crassiusculis albis fibris capillata.

Locus &amp; Tempus.

Invenitur in summis *Sneberg* & *Snealben* Austriæ & *Sciræ* Alpium jugis, in tenui gramine nascentis, ubi floret Augusto, similiter in depressioribus, nudisque circa Viennam collium supercilis, Junio & Julio florent.

Quærit J. Bauhinus, cur Clusius in post. Hist. pro *Scabiosa* sua V. iconem posuit *Scabiosæ* minoris vulgaris seu columbariæ Lob. Difficile est rationem assignare; fortè una & eadem species plantæ sunt hæc & illa.

*Scabiosa prolifera* Lob. Clus. J. B. & aliorum *prolifera* folio latiore C. B.

Vel hujus plantæ, vel *Scabiosæ* minoris varietas est, vel certè alterius cujusdam *Scabiosæ* speciei; minimè autem species ab aliis omnibus distincta. Certè experientiâ nostrâ *Scabiosa* minor hoc modo interdum ludit, & proculdubio aliæ etiam *Scabiosæ* in hortis satæ & cultæ.

Idem esto iudicium de *Scabiosa prolifera* foliis *Gingidii* C. B. & de *Scabiosa tenuifolia* prolifera minore ejusdem.

8. *Scabiosa parva* odorata, floris foliis maculis infectis J. B. *Scabiosa minor* capitulo globoso odore Q. B.

J. B. Col.

Pulcherrima atque grata oculis atque naribus est *Scabiosa* hæc, quæ lignosam longamque radicem habet, ex qua folia exeunt diversa, nam in imo vel sunt sylvestri *Eruce* paria, vel *Coronopo* similia, minora verò atque hirsuta; in caule verò similia laciniis *Scabiosæ* vulgari minori, sicuti & flores, qui purpurei ex albo colore sunt, nec ut in aliis coerulesco-purpurei, in capitulis rotundioribus; atque singuli flosculi *Ocymi* flores imitantur, nam galericulati sunt & per oras laciniati, admodum similes exotico *Ocymo*, foliis purpureis maculis infectis fimbriatisque, atque etiam, quod in aliis *Scabiosis* non observatur, bene odorati sunt.

Locus &amp; Tempus.

In montibus oritur *Amalfæ* oræ: æstate floret.

9. *Scabiosa multifido folio*, albo flore vel potius exergendus J. B. *multifido folio*, flore flavescens C. B. flore pallido Ger. emac.

Clus.

Cubitalis caules, rotundi, graciles, firmi, virentes, nodosi, eos ad singula genicula amplectentibus binis foliis, ex adverso semper respondentibus, quæ tenuibus & profundis laciniis adeo divisa sunt, ut alata videantur; color ex cinereo virefcens, sapor amariuscule: quæ verò secundum radicem nascuntur, antequam planta in caulem affurgat, latiora sunt, minoribusque laciniis divisa. Ex summis alis ramulos fert tenues & nudos, qui sustinent plana capitula, è candidis seu potius albis [præsertim antequam explicentur] inodorisque floribus, simul nascentibus congesta; qui quinque foliolis [quorum tria inferiora majuscula sunt] constant, paucis intus staminibus. Floribus succedunt



succedunt hirsuta semina vulgaris Scabiosæ feminibus minora, in orbiculare caput congesta. Radix minimi digiti crassitudinem interdum æquans, multisque exiguis fibris in lateribus prædita, vivax est, & singulis annis novos caules profert.

Circa Viennam Austriæ ad sepes & in pascuis observavimus. Nullum est (inquit Clusius) Austriæ inferioris pratium ficius editiorve loco situm, nullus autem ager gramineus, nulli ferè arborum margines in quibus non nascatur hæc Scabiosæ genus. Junio florere incipit.

Huic persimilis est Scabiosæ montana calidarum regionum major Lobellii J. B. montana alba Ger. fruticans angustifolia alba C. B. At Scabiosæ major Pannonica albo flore Clusi hist. & Park.

Colles amat hæc plagæ temperatioris, ut Pedemontis propè Rivoliæ & Norbonæ, ubi montanæ vocant Herbarii, folio angustiore, albidior, parùm hirsuto, leviusque laciniato ad imum caulem, verbenacæ aut vulgaris Scabiosæ: superiora verò in ramulis plusculis, gracilioribus, altius divisis, & flores per Junium & Julium prominentibus albos, Scabiosæ parvæ aut Jacæ, capitulis squamatis compactis, ubi semen Trifolii Asphalitidis, pullum, copiosum, involucris membraneis arguta concinnitate efficit, angustias plicarum fornicum pusillorum cohibentibus.

In collibus saxosis agri Narbonensis perquam familiaris est. Persimilis est hæc planta præcedenti, adeo ut cum primùm eam viderem pro eadem habuerim: verum Botanici Montpelienfes, qui utramque (puto) consulerant, diversam affirmabant, utcumque Lobellius ei perperam attribuit capitula squamatis compacta Jacæ, &c. Siquidem aliam Scabiosæ capitulis similia sunt.

Lobellii iconem Clusius posuit sub titulo Scabiosæ alba Belgicorum hortorum; quam Scabiosæ flore ochroleuco penè similem esse ait, floribus tamen candidioribus. Cum Clusius igitur eandem faciat, non est cur nos separemus.

Ab hac etiam non multùm differt, [eadem plane est D. Magnol]

Scabiosa glabra foliis rigidis viridibus J. B.

Quæ Montbelgardii fata in insignem magnitudinem adolevit, rigidis striatisque caulibus, per quos foliorum est situs adversus veluti ex geniculis: multa tamen ea sunt, sesquipalmaria, quædam dodrantalia, longis hærentia pediculis, duarum triumve unciarum latitudine, segmentis paucis longèque diffitis inferiore parte divisa, ultimo segmento, quod mucronem constituit, trium unciarum longitudine aut majore: rigida sunt ea, viridantia & utrinque glabra. Surculis autem peculiaribus, palmum aut dodrantem longis hærent flores ex majusculis capitulis squarrosis, albicantibus, hirsutis: semina longum hirsutum.

Dubitat J. Bauhinus an hæc sit Scabiosa major Pannonica albo flore sive 8. Clus. hist. C. Bauhinus Scabiosam illam 8. Clus. Scabiosæ montanæ calidarum regionum Synonymam facit: à quo tamen frater Joannes descriptæ semen accepit nomine Stæbes Theophr. & Scabiosæ alba Bononiæ collectæ, quam in Phytop. Scabiosam Pannonicam 8. Clus. hist. fecit: quamvis in Pinace, ut videtur, sententiam mutavit. Sunt igitur nobis,

Scabiosa glabra foliis rigidis viridibus J. B.

Scab. montana calidarum regionum major Lob.

Scab. major Pannonica albo flore sive 8. Clus. hist.

Scab. alba Belgicorum hortorum Clus. hist.

Una eademque planta tantisper donec certò constiterit eas specie distingui.

Scabiosam albam gemino capite C. B.

Quam Clusius in Belgicis hortis meminit, foliis latoribus priore [Scab. alba Belgicorum hortorum] firmioribus caulibus, & florum niveorum capitulis interdum singularibus, plerumque tamen binis coherentibus & simul nascentibus, cum nullus præter eum (quod sciam) Botanicus descripserit, ex brevi hæc & jejuna descriptione à reliquis omnibus Scabiosis distinctam esse non ausim asserere.

11. Scabiosa major Hispanica Ger. Park. major cum pulchro semine J. B. stellata folio laciniato major C. B.

Clus.

Folia vulgaris Scabiosæ majoris foliis similia habet, laciniata, viz. altè incisa, mollia, lanugine pubescentia: Caules nodosos, rotundos, interdum cubitales, è quorum geniculis folia inter se opposita. Summis ramis capitula insident & multis caliculis membranaceis & paleaceis composita, qui singulares flores continent candicantes; quibus deciduis in medio quasi singulorum caliculorum umbilico, exigua quadam stella subnigra conspicitur, quinque aut sex interdum radiolis constans, paulatim verò hi caliculi excrecentes expanduntur, donec semen hirsutum & crassum [quo caliculi sustinentur] maturefcere incipiat. Radix candida, crassa, vulgari similis.

Clusius in hac sua descriptione non meminit foliorum longorum floribus subjectorum, stellatim dispositorum, ut in Asters Attico luteo mont. Icon quoque ejus, quæ eadem apud Lobelium, ea non demonstrat: an cultura id faciat considerandum. J. B. Ego ea, à Clusio per inadvertentiam omissa suspicor.

Crescit juxta vinearum margines & semitas, locisque incultis agro Salmanticensi, per reliquam etiam Hispaniam. Loc.

12. *Scabiosa cum pulchra semine minor* J. B. *Hispanica minor* Park. *stellata folio laciniato minor* Park. *maritima* C. B.

*f. B.* illam *Scabiosam* cum pulchra semine minor J. B. *Hispanica minor* Park. *stellata folio laciniato minor* Park. *maritima* C. B. *Simplex & lignosa radice albicante figitur, paucis & his quidem exiguis fibris capillata. Caulis drantal, aliquot divisuris concavus, teres, hirsutus. Folia tenuiter dissecta, superiorum solidiorum Columbaria Scabiosa modo, pilis obsita: capitulis radiata folia subiecta, oblonga. Semen per omnia simile prioris semini, tomentosum, calatho membraneo coronatum unguis ferè magnitudine, pelucido, striato, in cuius medio stella parva quinque-partita; ex seminis autem sinu capillamenta quaedam parva atque rigidiuscula prominent.*

*Locus.*

Hæc Clusio cum Hispanica maiore iisdem in locis nascitur. J. Bauhinus semen ejus ex Gallo provincia habuit. Nobis in Sicilia observata est.

13. *Scabiosa maritima parva* J. B. *an Scabiosa stellata minima* C. B. Park? *an Scabiosa maritima Ruta canina foliis* Bocconi?

*f. B.*

Longiusculam agit radicem, satis crassam, multorum capitum, pro quorum numero caules emergunt dodrantales, & si accedat cultus, etiam cubitales, ramosi. Folia inferiora tenuia, præcedentis Scabiosæ sectionibus divisa, trium unciarum longitudine, at superiora angusta & veluti graminea nullam agnoscunt divisionem. Capitula pro plantulæ modo magna, flosculis magnis referta, præsertim circa margines, colore in sicca planta purpurante. Caput obvallant folia oblonga, viridia, ut in Scabiosa Hispanica maiore; at enim huic semini non ita pulchrum, quamvis interim membranei qui habeat, magnis pilis obsitum.

Plantam hanc C. Bauhinus præcedenti eandem facit: J. Bauhinus (qui à fratre semen ejus accepit) diversam. P. Boccone Scabiosam suam marit. sic describit: *Caulis assurgit, ut vulgaris, teres, striato, cubitali, atque pluribus alis concavo, imbecillo tamen & humi subinde procumbente. Folia quæ primò nascuntur in multas & profundas lacinias incisa, ad Rutæ caninæ sive Fistulariæ accedentia, in caule sensim attenuata, at minora. Flores subpallidi, quandoque etiam rubentes profuerunt. Semina aliarum modo producit.*

*Locus.*

Nascitur in Caietæ maritimis & arenosis litoribus.

14. *Scabiosa stellata minima* C. B. Park.

*C. B. prod.*

A præcedente diversa videtur, radicula simplici, cauliculo ut & foliis biuncialibus; floribus subcuneis, parvis: in caliculorum medio stella parva conspicitur, à quâ filamenta capillacea, oblonga, rufa, quinque numero, extra caliculum producantur.

*Locus.*

In Provincia, locis incultis.

15. *Scabiosa fruticosa folio non dissecto peregrina* J. B. *Scabiosa stellata folio non dissecto* C. B. *borea Cretica* Ponæ Park. *peregrina* Ger. *arborea Alpin.* exot.

*f. B.*

Adversis pediculis longiusculis, caulem amplexis folia ordine per caulem nascuntur, oblonga, acuminata, medio latiora, hirsuta, incana, Plantaginea, nisi alius esset nervorum decursus. Caulis teres, arborefcens, albicans, pilosus, florem sustinens glomeratum, pallide purpureum. Semen ejus pulchrum, sublongum crassiusculum, album, definens in latam pelliculam, ut Scabiosa Hispanica major.

*Locus.*

In calidioribus regionibus, Cretæ v. g. oritur, & in multos annos durat, per hyemem folia retinens, hyemes tamen nostras in regionibus Septentrionalibus ægrè tolerat.

Hanc plantam Pr. Alpinus in exoticis plenius describit, quem adeat cui hæc non sufficiunt.

16. *Scabiosa latifolia rubro flore* J. B. *latifolia rubra non laciniata secunda* C. B. *rubra Austriaca* Ger. emac.

*Clus.*

Cubitales huic sunt caules, rotundi, nodosi sive geniculati, nonnihil hirsuti, concavi: in singulis geniculis bina folia ex adverso nascentia, non multifida instar aliarum Scabiosarum, sed lata, in ambitu tamen crenata, Urticæ foliis interdum majora, ex brevi petiolo pendentia, colore ex viridi dilutiore prædita, amaro & acri sapore. Ex alarum sinu rami etiam prodeunt foliati, qui ex lateribus pediculos protrudunt, floribus Scabiosæ vulgaris modo congestis, ornatos, coloris rubescentis, nullius odoris: deinde semina simul congesta, angulosa, hirsuta, Cnici ferè interdum magnitudine, stellatâ coronâ insignita. Radix minimi digiti crassitudinem nonnunquam æquat, longa, nigricans, statim à capite quasdam fibras satis magnas spargens, & subinde ex lateribus novos caules producens.

*Locus.*

In montibus Genevæ vicinis, inque Germanicis montosis sylvis passim luxuriat.

J. Bauhinus Scabiosam virgæ pastoris folio C. B. i. e. latifoliam peregrinam Tab. huc refert.



*Scabiosa* 4. Clus. hist. *montana latifolia non laciniata rubra & prima* C. B. *latifolia purpurante ex nigro flore* J. B.

Clus.

Magnitudine jam dictam superat, majoraque & nigriora, habet folia, purpurascentem ex nigro florem; in reliquis satis conveniens.

Cum priore, floret Maio & Junio, quo tempore semen plerumque etiam maturefcit. Præcedentis varietas quædam esse videtur. Tempus.

*Scabiosa maxima dumetorum folio non laciniato* J. B.

J. B.

Radices habet perennes, fibrosas, longas etiam ad cubitum, satis crassas, ac multas capillares, intus albas, extra nigricantes: fapor ingratus cum dulcedine & amaritudine aliqua, odor indicibilis: Folia priora palmum longa, vel breviora, ac etiam longiora, lata duos aut tres digitos, similia foliis Succisæ, majora, molliora: quæ per caules folia per geniculos modò bina, interdum terna, quæ veris superiora redduntur glabra & minùs mollia, serrata, non dissecta ut in vulgari, pulchrè virent. Caulis bicubitalis vel tricubitalis, crassus, plures ab una radice oriuntur, cavi, circa inferiora purpurascentes & hirsuti, in superioribus partibus & ramis glabri; & juxta flores iterum hirsuti. Flores in extremis ramorum, similes Scabiosæ vulgari, necnon etiam Scabiosæ minori. Differunt hi flores à floribus Succisæ, cui tota similis herba, quòd majores [uti & folia herbæ majora] flores in circumferentia magni, hiantes, qui non sunt in Succisæ; color etiam dilution quàm in ea, & Scabiosæ amulius, jucundi odoris: Flore decedente inter semina non sunt foliola, ut in Succisæ. Semina sunt longa, hirsuta, compressa, cum quatuor angulis.

Inter dumeta, & in pratis humidis montium juxta S. Hippolytum abundat, uti & in montosis locis circa Tigurum, & in monte Mouters propè Basileam, &c. Florebat adhuc copiosè Augusto & Septembri. Locus & Tempus.

Suspiciamus hanc plantam præcedenti [penultima] eandem esse, siquidem præcedens in dumetis montosis Germanicis & Helveticis frequens est, quantumvis J. Bauhinus diversam faciat. Figura sub hoc titulo proposita in Historia J. Bauhini est alterius plantæ; nimirum Scabiosæ æstivalis Clusii.

\* 17. *Scabiosa æstivalis Clusii* Ger. Park. *fruticans latifolia alba* C. B. Clusius his Summer Scabious.

Clus.

Folia habet Scab. 8. Clus. foliis primùm nascentibus & inferioribus non dissimilia, circa pediculum aliquantulum laciniata, deinde serrata: Caulem tricubitalem aut ampliorem, rotundum, hirsutum, in multos ramos circa summum divisum, quem alternatim bina semper ex adverso amplectuntur folia, viridia, infimis similia, præter ea quæ in ramis, minora enim sunt illa, non laciniata, non incisa. Summis ramis innascuntur squammata capitula, subcœruleis flosculis plena: quibus succedunt longiuscula albicantia semina. Ad capitulorum latera nascuntur utrinque alii ramuli, similibus capitulis & flosculis præditi, deinde etiam ex illis tertii. Radix candicat & fibrosa est, sed non rediviva, nam excusso semine perire solet, veluti superior [octava Clus.] & illo deciduo (perinde ut illa) singulis annis sponte nascitur.

Ex quibus notis facile sibi persuadet Clusius hanc ex eo semine in Belgio natam, quod ad amicos ante miserat [Scabiosæ suæ 8.] quod mihi non videtur verisimile.

\* 18. *Scabiosa montana Dentis leonis folio* C. B. Park. Mountain Scabious with Dandelion leaves.

C. B. prod.

Caule est sesquipedali, viridi, rotundo, striato, lavi & cavo, superiore parte nudo: foliis latiore basi caulem amplexantibus, paucis, levibus, crassis, inferioribus obtusis & parum crenatis, superioribus ad modum foliorum Dentis leonis in binas ternasve lacinias divisis & acuminatis, per oras crenatis, uncias sex longis, & duas circa medium folii latis, per quod nervus excurrit. Caulis summum, quem duo folia ferè ut in Diplaco complectuntur, flores aliquot subcœrulei, pedicellis hirsutis inæqualibus insidentes, exornant.

Hæc Monspeffuli in monte Calcaris reperitur. Locus.

\* 19. *Scabiosa folio Sinapi Sylvestris* C. B. Park.

C. B. prod.

Caule est cubitali, striato, in ramos palmò longiores brachiato, qui ex foliorum alis, ubi pili paucissimi, prodeunt: foliis glabris Sinapi sylvestris modo, ad nervum usque laciniatis, & sparsim crenatis, inferioribus subrotundis. Flores rubentes, mediæ magnitudinis, & singuli, cauliculorum summis insident. Neapoli ex horto Imperati habuit.

Ex brevi hac imperfecta & jejuna descriptione non facile est definire an hæc sit species Scabiosæ à reliquis omnibus descriptis diversa necne.

\* 20. *Scabiosa*

- \* 20. *Scabiosa omnium minima* Ger. *montana omnium minima* Lob. J. B. *montana minor*, *capulis squamosis* C. B. *The least mountain Scabious*.

Lob.

Scabiosarum omnium minimam hanc animum fuisse Lobelio Verbenam parvam facere, nisi in montibus cretaceis & incultis obvia foret: nam sesquipalmares pedalesve paucos edit *cauliculos*, in imo saepius donatos angustioribus, inter Sefaroidem & Scabiosam minimam; floribus dilute purpureis squamosis capitulis non diversis.

De hac plura non habeo quae dicam. Icon Lobeliana Jaccam potius quam Scabiosam exprimit.

- A. 21. *Succisa sive Morsus Diaboli* J. B. *Morsus Diaboli* Ger. *Diaboli vulgari flore purpureo* Park. *Succisa glabra* C. B. *Devils-bit*.

J. B.

Qua radice, minimi ferè digiti crassitudine, fibrae longae albaeque circumnascuntur, ea praecisa seu praeorsa apparet, sapore misto acri & amaro. Folia oblonga, acuminata Scabiosae, quamquam non dissecta sed integra, vel paulum quid, praesertim quae superiorem obtinent locum, serrata magis quidem supra quam infra virentia, brevibus utrinque & vix conspicuis pilis hirsuta, ut omnino glabra videantur, bina ex adverso pediculis ad basin coeuntibus caulem amplexa; magis quidem in caule quam vulgaris Scabiosae. Caulis cubito altior, teres, solidus, rubescens, ramulosus, in summis caulibus & ramulis caerulei, non adeo plani ac Scabiosae vulgaris, verum globosi: omnes quoque flosculi florem totalem componentes ejusdem figurae sunt & magnitudinis, cum in Scabiosa marginales interioribus majores sint. Flosculi autem ut in Scabiosa quadripartiti sunt cum stylo & staminibus intus.

Tempus.

Locus.

Vires.

Serpius quam Scabiosa & sub Autumnum floret.

In pratis & pascuis, locis praecipue dumerosis.

Variat florum colore carneo & albo: interdum etiam foliis hirsutis invenitur.

Alexipharmaca est & vulneraria, ut facie sic viribus cum Scabiosa convenit. Inprimis celebratur in Epilepsia, peste, uteri dolore, sanguine coagulato, abscessibus occultis, lue Venerea quaque ulceribus; in vulneribus recentibus, &c. Extrinsecus in Angina, tumoribus tonsillarum quae ad suppurationem perveniunt (gargaris.) in fignillationibus, bubonibus, &c. Schrod.

Dodonaeus adversus diuturniores faucium tonsillarumque tumores, qui ad suppurationem perveniunt, valde commendat, & nulli secundam affirmat Succisam; cujus auctoritatem ego secutus, plerumque gargarismis, ubi Venereis & aliis ulceribus fauces gingivaeque scatent, felici successu miscere soleo. Succum ipsum Camerarius utiliter admodum addi gargarismis in angina ait. Sim. Paulus.

22. *Scabiosa argentea angustifolia* Park. C. B. *graminea argentea* J. B.

Ex radice lignosa caules bini ternive sesquipalmares & altiores, rotundi, incani, parum reclinati, dense geniculati exurgunt. Circa radicem folia quatuor aut quinque uncias longa, angusta, graminea, albicantia & argenti colorem referentia, unico nervo secundum longitudinem donata, in caulibus bina ex adverso posita; in superna caulis parte nulla. Caulis unicum discum, orbiculatum, planum, molli lanugine incanum sustinet, qui plures flores, caeruleos vel pallidos, aliarum hominum continet: quibus caliculi membranacei cum staminibus breviusculis, semen continentes succedunt. Capitulum ambiunt numerosa foliola acuminata.

Locus.

Provenit in monte Vicentino Sumano dicto. Nos in planis Fori Julii depressis, quae aquae ex Alpibus hyberno tempore ubertim delabentes aliquoties late inundant, eam observavimus.

Reperitur interdum hoc genus foliis glabris.

23. *Origanum fistulosum Canadense* Cornuti, sed potius *Menthastrum fistulosum Americanum* Park.

Cornut.

Caulibus exit cubitalibus quadratis, nunc angulosis, subhirsutis & ramosis: Foliis longis, lysimachiae filiquosae æmulis dilute virentibus, quae ab imo ad Caulis fastigium usque pullulant, ibique nona decem aut duodecim in orbem congesta floris obambiant globum, qui Scabiosae capitulum refert (quamvis sit latior, multoque depressior) mille caliculis conflatur, à quibus funduntur ordinatè dispositi tubuli plures, semuncialis longitudinis, coloris ex purpura colossini, bifidi extremo quo patentem rictum fingunt, unde profluunt duo aut tria cum purpureis apicibus filamenta. Prolixa est, florem enim saepe transilit caulis, qui tribus digitis à primo flore elevatus, subjectis totidem foliolis novo floris alterius globo repullulat. Tota planta caulibus atque adeo foliis subincana lanugine pubescit. Efflat odorem non trita Satureae hortensis. Sapor huic acerrimus, ac Hydropiperis more linguam perurens, excepta radice, quae foliis contextitur fibris; haec namque nescio quo naturae lusu, prorsus insipida gustanti percipitur.

Floret Julio & Augusto. Planta est in multos annos vivax. Origanum fistulosum eam nominavit Cornutus, quod tubuli floris ita inter se sint compositi ut quandam veluti Cicutis compactam substantiam, repraesentent.



\* 24. *Bellis spinosa flore globofo C. B. Cerulea spinosa Park.*

C. B. prod.

Hæc tota forè facie Bellidem cœruleam Globulariam dictam refert, cujus ad radicem folia plura sunt, parva, rigida, crenata, & cuilibet crenæ aculeus infidet. Cauliculo est palmari, atrovirente, quem folia oblonga, angusta, non crenata, sed in aculeum abeuntia, inordinatè basi sua vestiunt, cujus summities capitulum rotundum cœruleum, Globulariæ capitulo majus, multis flosculis ut in Succisa hirsutum.

In Granadæ montibus copiosè oritur.

Locus.

25. *Bellis cœrulea Monspelica Ger. cœrulea caule foliosa C. B. Aphyllantes Anguillara, Globularia Bellidi similis J. B. Globularia Monspelienfium, Bellis cœrulea Park.*

J. B.

A florè pulcherrimi glomeratâ figurâ Globulariam dixerunt quidam: constat autem à staminulis cœruleis densè farctis, infidens cacumini caulis palmaris & sesquipalmaris, rariùs cubitalis, rotundi, striati, rubescentis, folia vestiti multis, interdum unico, interdum ab eadem radice multiplicis: alia per terram sparguntur folia, Bellidis proxima, solidiora, glabra, nervosa, gustu amara. Radix lignosa, dura, fibris donata, rubra exterius, interiùs alba.

Circa Monspelium plurimis in locis occurrit: quin & ad radices montium Juræ & Salevæ, & alibi tum in Italia, tum etiam in Germania.

Locus.

26. *Bellis cœrulea caule nudo C. B. Blue Daisie with a naked stalk.*

Hæc priore elatior est, caule prorsus nudo & aphylo, flore majore, foliis angustioribus & duplo triplove longioribus, atque omnino specie ab ea distincta, quicquid repugnat J. Bauhino.

In sylvis & montibus max. Carthusianorum cœnobio proximis invenimus.

Floret utraque species per totam æstatem.

Locus.

Tempus.

27. *Scabiosa minima Bellidis folio Ger. Scab. Globularia Bellidis foliis Park. Bellis montana frutescens C. B. Aphyllantes affinis, Scabiosa quinta Clusii, Bellidi affinis J. B.*

J. B.

Ramos per terram reptantes spargit, subinde demissis fibris radicem agentes; alioqui radicem primariam lignosam crassiusculam habet. Folia Globulariæ similia, saturatè virent, glabra, crassa satis, sed non ut Globulariæ folia per extremum integra, verùm fissa & cordata ex pediculo longiusculo, sapore amaro. Pedicelli breves, aliquando satis longi, inter folia surgentes florem gestant cœruleum, glomeratum Globulariæ, cui nec dissimile semen.

Nascitur in omnibus Pannoniæ & Austriæ montibus glabris & asperis, inter saxa & salebras sparsa Clus. Nos ad radices montis Salevæ propè Genevam eam invenimus. Floret Aprili & Maio; Semen Julio & Augusto maturascit.

Locus.

Tempus.

\* 28. *Scabiosa annua integrifolia sive foliis Bellidis Botan. Monsp.*

Magn.

Ex radice annua caulis rectus exurgit, sesquipedalis, hirsutus, quem folia in singulis geniculis bina opposita ambiunt: inferiora Bellidis sunt, serrata, hirsuta; superiora longiora, similiter serrata. Caulis in quosdam ramulos dividitur, flores ut in Scabiosa vulgari sustinentes pallidè cœruleos; quibus succedit semen aliarum more.

In segetibus ultra eundo à la Colombiere Maio mense florentem invenit D. Magnol, & versus Ledum amnem.

Locus.

## CAP. II.

## De Dipsaco.

**D**ipsacus *Διψακος*, id est, sitibundus nomen à contrario invenisse dicitur, quoniam coherentium foliorum sinu concavo rorem vel imbrem recipiat, quo velut ad sitis injurias abigendas utatur. At Vossius Etymologias hæc per antiphrasin rejicit & explodit. Labrum vero Veneris à foliorum etiam positu, pelvis vel lavacri speciem constituyente, humorem faciei nitorum conciliantem continente.

\* In Rhetoricis.

Notæ genericæ sunt caules spinosi, flosculi squamis disjuncti, singuli singulis seminibus infidentes in capitula congesti flores compositos imitantia.

A. 1. *Dipsacus sativus* J. B. C. B. Ger. Park. *Carduus fullonum* Lob. Manured Teasel.

J. B.

Dubium aut trium cubitorum, aut etiam majorem altitudinem assequitur, *caule* pollicari, recto, rigido, multis alis concavo, striato, spinulis quibusdam horrente: *folia* bina opposita, ita continua invicem sunt, ut ea caulis transadigat, & concavum labrum excipiendæ aquæ efficiant, ampla, longa, non minus caule horrida: *capitula* quæ pugnum impleant oblonga, uncinatis hamulis rigidissimis, deorsum spectantibus minacia: inter quos *flosculi* emicant tubuli instar, colore ex albo tantillum purpurascens: radice verò nititur lavi candida.

Locus &amp; Tempus.

Seritur apud nos multis in locis, nec vulgari adhibita diligentia colitur ad lanificia. Junio ac Julio floret: echinata capitula Augusto colligenda sunt.

Hujus caulis interdum in latum & concavum utriusque instar tumidum corpus cochleæ in modum contortum degenerat. Filo autem seu aciei cochleæ creberrimi innascuntur ramuli capitula sustinentes, ut hujusmodi degenera planta pulcherrimam speciem exhibeat.

Vires.

Radici hujus usus est in rhagadibus ani consolidandis [ decoctæ in vino ] commendatur & in verrucis abigendis.

Aqua quæ in foliorum concavo reperitur caliginosæ & rubentibus oculis prodesse creditur: eadem maculas faciei emendat & exterit. Mulierculæ formæ studiosa usum ejus optimè tenet. Trag. A nostratibus ad verrucas abigendas commendatur.

Juss.

Hujus, sed præcipue sequentis, singulis capitulis singuli vermiculi, quos idcirco non immerito solitarios dixeris non raro innascuntur, Mouffeto *Insect. theat.* lib. 1. cap. 20. descripti.

Hos impari numero pennâ anserinâ inclusos febre quartanâ laborantium collis amuleti aut remedi loco appendere vulgus nostratum solet. Sunt autem amphibia hæc animalcula, & caput tangentis digitum retrorsum incedendo properè devitant. Descriptionem vide in *Car. Cani.*

Usus.

Præcipuus usus capitulorum diplaci est: ad panthos depectendos.

Scrofulas sanat *Carduus fullonum*: in genere specifica qualitate omni putredini resistit, & est medicina cibalis & sapida. Coctus in vino purgat per urinam non secus ac *Asparagus*. D. Sæm ex *Observ. Marc. Cumanii à Velschio editis.*

Phthificis etiam quodammodo desperatis experimento Guidonis Helidei & Henrici Serotomajeri Chirurgi mirè proficuum comperi radicem cardui fullonum tusam & melle exceptam. Idem ex *Observat. Achillis Gasseri.*

A. 2. *Dipsacus Sylvestris* sive *Labrum Veneris* J. B. *Sylvestris* aut *Virga pastoris* major C. B. *Dipsacus sylvestris* Ger. Park. Wild Teasel.

Radice nititur simplici, fibris majusculis donata. *Caulis* ab eadem radice unicus, ad tres quatuorve nonnunquam cubitos assurgit, teres, striatus, inanis; inferius spinis rariis dispositis, prope capitula creberrimis horridus. *Folia* ima, quæ e radice exeunt, molliora sunt & teneriora, mucronibus obtusis, circa margines crenata, rugosa, pilosa, spinulis rarioribus aspera, oblonga, angusta. Quæ in caule sunt bina ex adverso eum amplectuntur basibus junctis, adeo ut sinum quandam seu cavitatem circa caulem efficiant, aquæ pluvie continendæ. Sunt autem folia hæc superficie leviori quam quæ e radice exeunt, mucronibus acutis, circa margines dentata, [ superiora tamen in caule & ramulis ad margines sunt æqualia. ] In omnibus averfa parte spinularum recurvarum series per totam costæ medietatem longitudinem extenditur. In summis caulibus & ramulis, (qui bini oppositi ex alis foliorum exeunt) Spicæ florum densæ, oblongæ, innumeris velut squamulis, in longam, rectam & acutam spinulam desinentibus compolitæ; quarum singulæ sinu suo semina singula, longiuscula, quadrangula, striata complectuntur, cum flore eis infidente tubuloso, oblongo, pallide purpureo, margine in quatuor segmenta obtusa diviso. *Capitula* florum plurimis radiis spinosis velut calice quodam ad basin cinguntur.

3. *Dipsacus sylvestris folio laciniato* J. B. Park. *Dipsacus folio laciniato* C. B. Wild Teasel with jagged leaves.

J. B.

Procera planta est, duorum triumve cubitorum & interdum altior, radice crassâ, simplici, albâ; caule recto, adversis ramis brachiato, striato, aculeis horrido. *Folia* valde ampla, longa, latiusque spinis duntaxat secundum costam & averso folio armata, non bullata, profundè laciniata, in labii formam coeuntia. Atque hoc quidem genus laciniatum flores habet albicantes, & vulgaris instar quadripartitos, ex aculeorum carina, quibus echinus oblongus horret, minoribus tamen & longioribus spinis quam in *Dipsaco sativo*, nec ut in illo aduncis. Semen oblongum, striatum.

Locus.

Copiosè provenit inter Horburgum & Colmariam [ in Alfaria ] observavi etiam inter Roufch & Colmariam. J. B.

A. 4. *Dipsacus minor* sive *Virga pastoris* Ger. emac. *Sylvestris capitulo minore, vel Virga pastoris minor* C. B. *Virga pastoris* Park. *pastoris vulgaris* J. B. Small wild Teasel & Shepherd's rod.

J. B.

Tota facie Diplacum refert, quatuor & quinque cubitos alta, caule digitali, glabro, costulis, & quibus duræ mordacisque spinulæ oriuntur, secundum longitudinem striato, concavo, & in multis ramos brachiato. *Folia* gemina ad genicula enascuntur, opposita, minimè caulem amplectentia, sed pediculis



pediculo unciali, nonnunquam brevior appensa, infimâque parte auriculis binis donata, post auriculas ab angusto principio sensim dilatantur, & in mucronem desinunt, ac serrata sunt, spinis quâ terram spectant per nervos dispositis armata. At *capitula* Diplato multum cedunt, Scabiosæ capitulis paria, sphericæ figuræ, flosculis albis, quadripartitis, labello reliquis laciniis paulò productiore, quatuor intus staminibus cum apicibus purpureo-ceruleis, confertim stipata. *Semina* oblonga, angulosa, nigricantia, singula singulis flosculis coherent, quæ squamæ singulæ in longitudinem, & mucronem directæ, mollicellæ, sinu suo amplectuntur. Capituli uniuscujusque basin sex angusta acuta foliola circumvallant. *Radix* alba, simplex, lignosa, non altè in terram descendens, paucis fibris donata, quæ perfectò semine marcescit.

Si mulieres laborent appetitu depravato laudat Ægineta aquam Virgæ pastoris potatam, & præ-Virescentem post cibum. D. Soame è Dolæo.

## CAP. III.

## De Carduo Sphærocephalo.

Insigni capitis in sphericam figuram conglobati notâ ab aliis quibuscunque plantis primò statim aspectu facile dignoscitur.

1. *Carduus sphærocephalus latifolius vulgaris* C. B. *sphærocephalus frœ globosus major* Park. *globosus* Ger. *Echinopus major* J. B. *The Globe Thistle*.

J. B.

Altitudine cubiti unius aut alterius excrevit, *caulibus* crassitudine digitali, purpurascente lanugine obdatis, striatis, tactu pinguibus, mansu dulciusculis: quos *folia* ambiunt latiore basi, oblonga, tota tactu glutinosa, profundè laciniata, supernè atro-virentia, infernè incana, utrinque pilosa, multis tamen numeris magis infernè quàm supernè. In caulibus extremis eorumque alis *capitula* exaltè globosa nascuntur, *flosculis* ex albo coruleis. *Radix* mediocris crassitudinis exterius nigricat.

In excelsioribus Ananiz vallis montibus, lariceis, abiegnis & picèis sylvis refertis, referente Matthiolo vultur: nos in montosis sylvis propè Viterbum quâ inde Romam itur etiam observavimus. Locum.

2. *Carduus sphærocephalus capitulo longis spinis armato* C. B. *sphærocephalus acutus minor* Park. *globosus acutus* Ger. *Spina alba quibusdam capite echinato* J. B. *The great prickly Globe Thistle*.

J. B.

Perennis est planta *caule* ad cubitorum aliquot altitudinem surgente, striato, in ramos varios diviso: *Folia* plus minus dodrantalia, quædam palmaria, tum alibi, tum ramorum divaricationi subjecta, pronâ parte tomento incano vestita, alterâ viridantia, laciniis divisa ad costam usque profundis, quarum singulæ in uncialem & longiorem rigidam infestamque spinam desinunt; spatia quoque interjecta tota spinis horrent. Singulis ramis *caput* insidet sphericum Cardui echinopi glomeri simile sed spinosum.

Hujus major & minor species sunt (inquit C. Bauhinus) i.e. 1 & 2 *Dod.* & *Lugd.*

Quis hujus locus natalis sit apud Botanicos non legimus, nec aliunde nobis constat.

3. *Carduus sphærocephalus* 4. *Dod. sphæroceph. minimus acutissimis foliis* C. B. Park.

Dod.

Minimus est, foliisque acutissimis ac spinosissimis, capitulo exiguo, cujus flosculi ut primi albidus sunt. Ex brevi hac & generali obscurâque descriptione an hæc sit species distincta necne certò colligi vix potest: pro distincta positam invenio in *Hort. Reg. Parisiensis Catal.*

4. *Carduus sphærocephalus* 5. *Dod. Carduus tomentosus capitulo minore* C. B.

Hinc C. Bauhinus Spinam albam: 1. & Sp. albam alteram Matthioli facit. J. Bauhinus Spinam albam alteram *Matth.* Carduo sphæroceph. capitulo longis spinis armato synonymam ponit. Certè apud Matthiolum magna est confusio; unde J. Bauhinus existimat hanc plantam illi fuisse ex sola figurâ notam, cujus sententia nos quoque subscribimus, & Carduum tomentosum capitulo minore C. B. expungendum censemus, saltem tantisper donec certius edocti fuerimus.

5. *Carduus sphærocephalus ceruleus minor* C. B. *Echinopus minor* J. B. *Crocodilium Monspeliensum* *Lugd.*

J. B.

Digitò minor est *radix*, rugosa, in plura capita fissa, ex quorum unoquoque unus *caulis* pulkulat, dodrantalis & longior, propter lanuginem densam torus albicans, ex quo prodeunt crebra alternata *folia*, quorum quædam parum cauli longitudine cedunt, alia uncia paulò majora, tenuissimè & ad costam usque incisa, spinosa, infra lanugine molli candidâque, veluti & costa, pubescentia, supernè viridantia. Summo caulis cacumini sphericum insidet *capitulum*, minus quàm Echinopi majoris, *flosculis* cyanei coloris glomeratum. Annua

Tempus.

Annua est planta, Julio & Augusto florens & Septembri semina maturans, quibus deciduis perit & sequente anno ex eis renovatur.

Locus.

Spontaneum invenimus non in agro tantum Monspelienfi, sed & alibi in Gallia Narbonensi.

- 6. *Carduus sphaerocephalus annuus Baeticus minor* Moris. prælud. An *Carduus sphaerocephalus annuus* Cam. hort?

Moris.

Hic cæteris sphaerocephalis Carduis minor est, vix bipedalem excedens altitudinem. Flores cæteros minores globulati fert; capita etiam minora, sed semina multo cæteris suæ familiae seminibus majora fundit.

## CAP. IV.

## De Eryngio.

**G**Ræci Philosophi Eryngium quasi *ἑρῖν* i. e. ruatum dictum putant, quod capre quæ mori furculum Eryngii præciderint, vel deglutiverint cunctum gregem ponere sequentem quasi stupore attonitum sistant, donec Eryngium ructu rejecerint. C. B. Gerræ germanæ. Cæterum notæ Eryngii characteristicae sunt Folia spinosa saltem summa; flores in summis caulis & ramulis in capitula congesti quibus radiata subsunt folia.

- A. 1. *Eryngium vulgare* J. B. vulg. & Camerarii C. B. *Mediterraneum* Ger. *Mediterranum* & *ve Campestre* Park. *Common Eringo*.

Radice nititur longa, minimi interdum digiti crassitudine, molli & tenera cum medulla seu nervo in medio solidiore, exterius nigricante, interius alba, sapore dulci. Caulis exinde assurgit teres, striatus, pedalis aut cubitalis & interdum longior, [medullâ fungosâ albâ plenus] summa parte in quatuor plurimos ramulos divisus, foliis vestitus alternatim positus, glaucis, rigidis & aridiusculis, proinde utrinque ad mediam ferè costam laciniatis, [quorum singulae lacinae confimiliter subdividuntur] ad margines undique acutis & rigidis spinis horridis. In summo caule & ramulis spicæ [J. B. spinæ echinæ] breves conglobati, diplaci quodammodo similes ni minores essent, flores proferunt albicantes, apicibus concoloribus donatos, quibus subiecta in orbem folia (verius spinæ longæ) striata, longiuscula, & mucrone & marginibus spinosis.

Locus.

In Anglia rarius est, nec nisi duobus in locis à nobis inventum, nimirum, ad trajectum è Devonia in Cornubiam non procul Plimostio; & in via antiqua Romana *Watling-street* dicta prope *Wobball* vicum non longè à Daventria Northamptoniæ oppido: in exteris omnibus quas lustravi regionibus ubique frequentissimum est.

2. *Eryngium caeruleum* J. B. *montanum Amethystinum* C. B.

Solo summitatum & capitulorum colore pulchrè cæruleo seu Amethystino à vulgari differt nitetur.

Locus.

In montibus Stiriae invenimus.

Vires.

Eryngium epatic. nephritic. & alexipharmac. est, ducit urinas & menses, torminaque acinflationes dissolvit: ieterum sanat. Schrod.

Radices hujus, sed præcipuè Eryngii marini, saccharo conditæ principem inter dulciana locum obtinent, suntque vel invito Matthiolo, Veneris (ut vocant) incentivæ, utiles etiam adversus pestem & aeris contagionem, manè jejuno ventriculo sumptæ, tabidis & macilentis valde proficiunt. Valent insuper & ad luem Veneream.

Eryngii radix melle aut Saccharo condita maximè confert gonorrhœæ. Flos autem eius cæruleus si bibatur cum aqua confert Squinantia. D. Sobam ex Observationibus Marcelli Cumani ab Hieron. Velschio cum aliis editis excerptam communicavit.

Adfirmabat Simon Simonius Med. Prof. Lipsiæ multis in Italia cum successu familiarissimum remedium esse ad prohibendum abortum radicem Eryngii veri Cataplasmatibus modo ventri sub umbilico impositum.

In nimio menstruorum fluxu, R. Rad. Eryngii M. ij. in vino coque. Lavetur probè mane & vespere linteis calidis post abluitionem impositis. Initium verò abluitionis fiat ponè aures, tunc in cervicem, hinc per totam spinam usque ad os sacrum, postea inungantur illa. Hoc remedium nonnullis intra triduum sanatas vidit quæ nullis aliis curari poterant. Medicam. Louyse Burgoise. D. Soame & D. Leo.

L. 4 C. 5. S. 15.

- A. 3. *Eryngium marinum* Matth. Dod. Ad. Lob. cui & *Acanos Plinii* Ger. Park. J. B. *maritimum* & *Gefn. Hort.* C. B. *Sea-holly* or *Eringo*.

J. B.

Radices huic subsunt longissimæ, circumquaque profundè vagantes, sapore aromatico. Folia plurimum pullulantia ex longis pediculis, nihil aut perparum laciniata, ferè rotunda, latiora tamen cunctis quàm longiora, interdum latitudine palmum excedentia, crassa sive spissa, albicantia & glaucæ.



glauca, uti tota planta, quæ in lacinias abeunt non tamen admodum profundas in adolescente planta, sed rigidorum spiculorum mordacitate multò infestiores, nec crassitudinem illam etiam siccata amittunt, licet nervosiora appareant, multò etiam quàm Mediterranei latiora. *Caulis* cubitalis, valde ramosus. *Capita* extremis ramulorum inter pungentia folia sedent, *flores* proferentia albos. *Semina* duo juncta, lata, quæ cum spinis undique sint oblecta, vix impunè eximi possunt.

Non modò in calidiorum regionum, quales sunt Hispania, Italia, Gallia Narbonensis & similes, *Locus*. sed etiam frigidiorum & ad Septentrionem vergentium, ut sunt Anglia, Belgium, Hollandia, atque alia adhuc is frigidiores maritimis arenosis frequens sponte nascitur, & radice sub terrâ vagatur, ut rectè J. Bauhinus.

#### 4. *Eryngium Indicum* Bontii.

*Bont.*

Quod ad folia attinet, *Eryngio* maritimo vulgari simile est: *flore* tamen omnino differt, qui spicatum prodir, non secus ac flos Lavendulæ, nisi quod longè major sit; coloris est ex cæruleo pallidi; *florens* per totum annum conspicitur, & libenter circa paludes crescit; & longa spatia occupat, læto sanè ob pulcherrimos flores aspectu. *Radicem* habet aromaticam & blandè calidi saporis.

Ego radices hic saccharo condiri jubeo, & illis cum summo successu exhibeo, qui paralyti Indica, *Vires*. *Berberii* incolis dicta, laborant, quod in meipso expertus sum, dum molestissimo & pigro hoc malo per quatuor continuos menses miserrimè decumberem. Copiosas quippe urinas hæc radix elicit, & sudare facit, cum Asthmati, quod plerunque hoc malum comitatur utilissima est; neque ego inter vegetativa medicamenta ullum præstantius reperiri posse confido ad expectorationem pituitæ salis & crassæ; ut taceam notissimas ejus vires adversus calculum & renis affectus. Colicum quoque dolorem temperato suo & blando colore confestim sedat, & flatu intestinorum discuit.

#### 5. *Eryngium pumilum* J. B. *montanum pumilum* C. B. *pumilum Hispanicum* Clus. *Park. pumilum Clusii* Ger. Dwarf Sea-holly or rather Eringo.

*Clus.*

Palmi est, nonnunquam pedis, altitudine, caule gracili, multis ramis ex adverso ut plurimum nascentibus prædito. *Folia* circa radicem in rotæ speciem humi sparguntur, majuscula, latiuscula & molliora; at quæ in ipso caule sub alis nascuntur, multifida sunt, tenuia, in ambitu serrata & aculeata. Ramulorum summitatibus globosa insident capitula, octo plerunque spinosorum foliorum ambitu stellæ instar circumvallata, ipsa etiam spinosa. *Flos* & tota capitula cum suis foliolis ea ambicibus cærulei sunt coloris. Succrescente planta folia secundum radicem in orbem nascentia marcescunt, deinde alia caulem ambientia exiccantur & decidunt, ut raro plantam [cum defloruit] cum foliis, præsertim inferioribus reperire liceat. *Radix* dura quidem & lignosa, sed quæ non vix sit, & singulis annis semine maturo pereat, semineque decido renascatur.

Post menses plerunque invenitur passim agro Salmanticensi, & nusquam alibi.

*Locus.*

#### 6. *Eryngium pusillum planum* J. B. Ger. *planum minus* C. B. *Park. Small, smooth Eringo.*

Humile erat (inquit Clusius) statim à radice in plures ramos divaricatum, teretes, rotundos procumbentes: ad quorum singula velut genicula nascebantur inordinata folia, extremo latiuscula, circa pediculum angustiora & crenata: quæ verò circa radicem, formâ quidem illis similia, sed ampliora, unciam lata, binas aut amplius longa, ex viridi pallescentis coloris: frequentes ex alis ramuli nascebantur, ad quorum singulos nodos foliola, & echinata virentiæque capitula exoriebantur. Florem observare non licuit. *Radix* satis crassa & aliquot fibris donata: quin & procumbentes cauliculi plures secundum radicis caput crassiusculas fibras agunt, quibus subinde se firmant.

In hortis Jo. Mutoni à Lobelio, nec alibi visum, neque à Clusio in loco natali observatum: unde Muttonus habuit ignorabant, certè non dicunt.

#### 7. *Eryngium Panmonicum* sive *montanum* Park. *latifolium planum* C. B. *planum latifolium, capitulo rotundo parvo* J. B.

*Clus.*

Bicubitalem vel ampliorem habet altitudinem: caulem firmum, striatum, medullâ albâ plenum, ac veluti nodis distinctum, præsertim qua parte eum amplectuntur latâ & membranacea sedè folia, tres aut plures uncias longa, duas lata, viridia, venosa, in ambitu serrata & aspera nonnihil, subamaro acrisculoque gustu: quæ verò circa radicem nascuntur longiora latioræque sunt & oblongis pediculis innituntur: summus caulis in aliquot ramos divisus breviora folia habet, eaque in profundas lacinias divisa, & mollibus spinis prædita. Summæ deinde alæ in aliquot ramulos desinunt, echinata capitula ferentes, sphericæ ferè rotunditatis, in quibus multi cærulei flosculi albicantibus staminibus præditi; sub ipsis autem capitibus novem aut plura, oblonga, angusta, aculeata foliola, stellæ instar expansa: ipsa porro capitula cum summis ramulis, supremæque caulis parte, interdum vetustate cæruleum prorsus colorem adquirunt. *Radix* in novellis plantis digiti crassitudinem & longitudinem æquat, aliquot fibris donata, foris subhirsuta, intus alba, carnosa, gustu dulcicula, perinde ac *Eryngii* marini radix: vetustate subinde grandescit, & in plures alias radices extuberat, singulis annis ex lateribus frequentiores caules proferens: aliquando tamen hoc in ista planta observabam, ut producto semine subsequens hyems illam prorsus corrumpere, præsertim cultioribus locis.

Frequens nascitur in pratis ad Danubium supra infræque Viennam sitis, & in hortos illatum *Locus & Tempus*. licet provenit. Floret Junio & Julio. Nos hanc speciem nonnunquam invenimus sponte ortum.

• 8. *Eryngium capitulis Pfyllii ex Sicilia* Bocconi.

Bocc.

Ad Eryngii plani genus pertinet: quod capitulis Pfyllii proveniat sic appellavimus. Constat enim *radice* tuberosa, ad Raphani formam accedente. Cum primum *folia* oriuntur sunt glabra, rotunda, indivisa, sed per oras laciniosa, longissimis & capillorum instar tenuissimis pediculis pendencia. *Caulis* pedalis, *capitulis* in summitate & caulium alis spinosis, Pfyllii quodammodo æmulis, è quibus *flosculi* prodeunt purpurei. Subiunt etiam singulis horum capitum foliola angusta, longa, dura & pungentia, multo longiora iis quæ in vulgari conspiciuntur.

Locus.

In neglectis agris & aridis ut plurimum locis magnâ copiâ nascitur circa Saccam, Panormum & Agrigentum, &c.

9. *Eryngium Alpinum latis foliis, magno capite, oblongo, cæruleo* J. B. *Alpinum cæruleum, capitulis* Dipsaci C. B.

J. B.

Plurimum capitum est *radix* pollicaris terram versùs comosa. *Folia* prima plusquam cubitalibus nixa capitulis, Calthæ palustris, eodem modo propter pediculum falcata, sed mucrone acutiore, per ambitum serrata; alia per caules ad ramorum divaricationem laciniosa & profundè incisa, cærulea potissimum suprema, quemadmodum & caulis ipse cum ramis. Echini magni, oblongi, densissimo creberrimorum cristatèrumque foliorum, cæruleorum, echinum superantium vallo latent medii.

Locus.

J. Bauhinus hoc genus reperit in monte *Thuri* florere incipientem Julii principio: Nos quoque vidimus Genevæ delatum ex montibus vicinis, non tamen in loco natali ortum, quamvis sedulo perquireremus.

• 10. *Eryngium trifolium* Park. *Trefoil Eringo.*

Park.

Multa initio à *radice* Rapunculo simili, aromatica emittit *folia* longa, angusta, dura, interdum tripartitò divisa: quæ verò caulem ad intervalla obsident pleraque omnia tribus foliis seu lacinis ad pediculum junctis componuntur, ut in trifoliis. Summos caules occupant duo aut tria capitula Eryngii montani plani similia, quorum basès foliola angusta circundant. Semen quoque illius simile parvum, latum & oblongum.

Vires.

Radices Urinam cient & Venerem irritant.

Hæc Parkinsonus, qui nec unde, nec à quo hanc plantam habuerat meminit. Fortè Guil. Boelius ex Africa aut Hispania detulit.

Præter species suprascriptas aliam adhuc vidimus in horto D. Berardi pharmacopœ Gratanopolitani, *foliis* imis subrotundis, profundè tamen incisis, in tres præcipuè partes seu lacinias inferiores, circa margines spinosis, colore (quantum meminimus) glauco Eryngii marini: *caule* brevi foliis paucis in angustas lacinias ad pediculos usque divisis, segmentis in acutas & rigidas spinas euntibus, donato. *Capitula* oblonga fuere ex aculeatis squamis composita, & ad basin foliolis angustis, oblongis acuminatis, utrinque spinosis obvallata.



# HISTORIÆ PLANTARUM LIBER NONUS.

QUI EST

De Plantis flore perfecto feminibus nudis solitariis:

Deque UMBELLIFERIS.



**P**RIMI generis Plantas quoniam ob paucitatem suam uni libro complendo non fuissent, Umbelliferis præmittendas duximus.

Præmittendas, inquam (nam & alii ante nos, itque probatissimi Botanici, partim ob nonnullarum cum Umbelliferis convenientiam in foliis, partim ob similem in aliis florum dispositionem, in muscatis Umbellis mentionibus, eas Umbelliferis subjunxerunt) ob ordinem seminum singulis floribus succedentium, quæ in hoc genere singularia sunt seu solitaria, in Umbelliferis bina.

## PARS PRIMA.

De *Herbis flore imperfecto, feminibus nudis, solitariis, hoc est, ad singulos flores singulis.*

**H**UJUS generis plantæ characteres genericos adeo insignes, ac velut fronti impressos ac spectantibus obvios gestant, ut nullo negotio tum à se invicem, tum ab aliis omnibus queant distingui. Ii sunt in

- Valeriana* semina papposa, ut alios ostendunt.
- Palustris* Calthis & ramuli dichotomi.
- Plumbagine* locus maritimus, caules foliosi, flores speciosi, colorem mutantes.
- Limono* pariter locus maritimus, at caules nudi, flosculi parvi.
- Mirabilis Peruviana* Ramuli alternatim è foliorum adversorum sinubus egressi; flores monopetali speciosi in eadem planta diversicolores, caduci.
- Urtica* alba flores in summis ramulis pentapetali, fructui infidentes.
- Pefferina* Trium Fructus in aliis foliorum scissiles, folia linearia.
- Syrimonia* flores hexaphylli, fructus lappacei, cum duobus in singulis nucleis; folia pinnata.
- Circe* flores dipetali, fructus pariter lappacei, folia integra.
- Pinnatula* sanguisferba folia pinnata, flores & semina in spicis densis, semina quadrata, quibus flores infidens tetrapetali staminosi.
- Thalictro* folia Umbellatarum modo divisa, flores staminosi, semina ut in Umbelliferis striata.
- Famula* Folia composita, flores spicati, ad papilionaceas accedentes, in calcar retrorsum producti; pediculus è media parte egresso hærentes.

CAP.

## CAP. I.

## De Valeriana.

**V**aleriana à Valerio nescio quo dicta existimatur; aliis à valore seu valentia, quia multis & insignibus facultatibus valet.

Characterum abunde habet quibus ab aliis herbarum generibus facile possit distingui. In sunt Caulis teres concavus, foliis ad intervalla binis adversis cinctus: Flores monopetali velut in umbella: Semina ad singulos flores singula, nuda, pappo innascente alata.

1. *Valeriana major odorata radice J. B. bortenensis Ger. bortenensis, Pbu Olsatri folio Dioscoridis C. B. Pbu majus sive Valeriana major Park. Great Garden Valerian or Setwall.*

*Caules* huic bicubitales, teretes, glabri, inanes, foliis vestiti per intervalla longiora ex adverso binis, latis pediculis caulem amplexis, aliis [primo scil. erumpentibus] integris, aliis Centaurii majoris modo profundè dissectis & velut alatis. Ex alis foliorum versus caulium summitates erumpunt ramuli, in quibus ut & in summis caulibus flores velut in umbellis, parvi, albi, ex oblongo tubo in quinque segmenta rotunda expansi, totidem stamina apicibus albis donata cum stylo triculpede continentes. Singuli autem flores singulis insident *seminibus*, oblongis, compressis, in acutum definitibus, colore citrino, in divaricatione ramulorum umbellas componentium absque pediculis sessilibus. Dilapso flore in apicibus seminum se explicat lanugo papposa, in orbem radiata, velut in Hieraciorum seminibus, cujus ope vento huc illuc deferuntur. Ad singulas Umbellarum divisiones & subdivisiones apponitur hinc inde foliolum angustum, oblongum, acutum. *Radix* subtertransversim posita, digiti crassitudine, rugosa, multis fibris donata albicans, sapore & odore aromatico radicum ferè Afari.

Locus.  
Vires.

In hortis plurimum colitur: Repertur etiam in quibusdam altis montibus in sylvis. *J. B.* Radix ut & herba ipsa Alexipharmaca, sudorifera, ac diuretica sunt. Usus præcip. in imbecillitate visus, peste, [hinc miscentur Antidosis, Theriaca & Mithridatio] asthma, vena tumida [cum dulci radice uvis passis & Aniso decocta] pleuritide, obstructione Hepatis [ictero] Lienis, Ureterum, Hernia, &c. Extrinsecus confortant visum, maculas oculorum absterguunt [in aqua aut vino decocta & guttatim instillata] cephalalgiam sedant, menses cient, sudorem promovere [in balneis] exsiccant, catarrhos [suffitu] bubonum ac Anthracum malignitatem corrigunt, globulos sagittæ extrahunt; ulcera inveterata mundificant. Hæc omnia Schroderus, & nimis sanè multa. Audiamus C. Hoffmannum, non opus habes (inquit) honoratis illis titulis, quibus Dodonæus illam onerat. Hoc imprimis certum est valde diureticam esse.

Pulvis radice hujus plantæ sponte orta, antequam caulem edat cochlearis dimidii mensurâ cum vino, aquâ, lacte, aut aliquo novo decocto succo semel aut bis sumptus Epilepsia correptis liberâ, siquidem *diva* & *utro* purgat. Hujus vim & in aliis multis, & in semetipso expertus est doctissimus & veracissimus F. Columna, & confirmat Panarola. Sylvius quoque plus ei tribuendum putat quam Pæonia, ut quod sale volatili abundet.

Nostrates vulneribus levioribus folia trita imponunt, unde à nonnullis *Cut finger* appellatur.

- A. 2. *Valeriana sylvestris major Ger. C. B. Park. Sylvestris magna aquatica J. B. Small wild Valerian. Q. An Valeriana sylvest. major montana C. B. ab hac speciem ferat?*

*J. B.*

*Radix* ex viribus composita est fibris, albis, gustu aromaticis, reptatu subinde sese propagantibus. *Caules* ad humanam altitudinem exurgunt, recti, fistulosi, longis internodiis intercepti, striati, modicè hirsuti, quorum genicula amplexantur basi sua folia Valerianæ sativæ, magis pinnata, pinnis ad margines dentatis, saturatius virentia, nonnihil aversa parte hirsuta. *Flores* in umbella, latæ similes, ex albo purpurascetes, singuli ex longo tubo in quinque segmenta totidem folia mutua aperiuntur, pediculis autem carent, & in ipsa ramorum divaricatione sedent: singuli quoque seminibus insident singulis, nudis, lata basi, acuto mucrone, umbellâ lanuginosâ radiata, cujus beneficio vento asportantur.

Locus.  
Vires.

In humectis locis & propè aquas, inque sylvis & dumetis non rarè invenitur. Hæc, autore Dodonæo, ruptis, convulsis, ex alto præcipitatis utilis est. Sed & folia ad oris & gingivarum cum inflammatione exulcerationes & aphthas prodesse dicuntur. Ajunt & radices ardas tusâque drachmæ pondo cum vino sumptas infra supràque purgationes moliri: superius diutius Epilepticis conducere.

- A. 3. *Valeriana minor Ger. sylvestris minor Park. palustris minor C. B. minor pratensis vel aquatica J. B. Small wild or Water Valerian.*

*J. B.*

*Radice* tenui serpit, quâque terram attingit è geniculis demissis fibris majusculis albis, fibrillis suis capillatis raditur, sapore amaricante. *Caulis* dodrantalis, angulosus, striatus, cavus, geniculis aliquot interceptus umbellam sustinet florum ex candido rubescentium, ut in Valeriana sylvestri majore,



maiore, minorem tamen; quorum singulorum oræ in quinque lacinias minutas reflexas divisa, apice altiusculo, tripliciter: Sed & umbella interdum ex foliorum cauliculi alis prodit. *Folia* alia integra, subrotunda parva, pediculo longo; alia, ut ea plerunque quæ in caule conspiciuntur, bina opposita, pediculorum expertia, ima parte laciniata & quasi pinnata, superiore integra & oblonga, sapore nonnihil amaro & viscido. Singulis flosculis, ut in reliquis hujus generis, singula succedunt semina pappo innascente alata.

In palustribus & ad rivulos ubique frequentissima est.

Locus.

A. 4. *Valeriana aquatica minor flore minore.* The lesser wild or Water-Valerian, with a small flower.

Hæc præcedente nonnihil major est & elatior. *Caulem* habet majorem & firmiorem: *Folia* quoque majora & magis conferta. Tres plurimum in caule foliorum pinnatorum conjugationes obtinet, cum superior duas tantum. *Flores* in hac specie densius in corymbum stipati, in illa laxius diffusi in umbellam, & quo maxime ab ea differt quintuplo quam illius [præcedentis] minores. Ex superiore foliorum conjugatione in hac specie furculos florum umbellas parvas sustinentes nondum exeuntes vidi, quod in illa frequentissimum est: quinetiam flores pallidiores sunt.

Idem cum præcedente locis oritur, eodemque tempore floret.

C. Bauhinus duarum aliarum *Valerianæ* palustris specierum meminit. Primam vocat *Val. palustrem majorem profundè laciniatam*: alteram *Val. palustrem inodoram parùm laciniatam*, quæ à palustri minore vulgari non alia in re differt quam quod folia ad radicem minimè laciniata sunt, verum integra omnia; quarum descriptiones apud ipsum in Prodomo vide.

Locus.

5. *Valeriana rubra Dodonæi* Ger. *Park. rubra* C. B. *latifolia rubra* J. B. Red Valerian.

J. B.

Digitali circiter radice nititur, lignosâ ferè, sapore *Valerianæ*: è qua *caules* surgunt cubitum & sesquicubitum alti, teretes, leves, colore cæsi, fistulosi: ad quorum singula genicula *folia* bina adversa, ex lata basi caulem amplexantia, in acumen desinentia, lacinis quibusdam subinde donata, pinguis, glauca, quorum quæ minora sunt plurimum referunt *Papaveris* spumæi vulgò dicti *folia*; sunt autem sapore subacri. *Flores* in muscariis dependent, perquam conferti, amœni, colore purpureo, quorum singuli quinquepartiti, oblongo sed admodum tenui tubulo, virenti pedicello agglutinantur, corniculum insuper calcaris instar protendentes: *Semen* papposâ cristâ *Valerianæ* modo succedit.

Melanæ in muris antiquis oritur: in Italia quoque locis plurimis è muris & saxorum rimis erumpit. Æstate floret. Variat interdum in hortis satis floris colore albo.

Locus.

6. *Valeriana rubra angustifolia* C. B. J. B. *Park. Parrot-leaved red Valerian.*

J. B.

*Valerianæ* rubræ *latifoliæ* similis est quod ad *flores* suave-rubentes, calcari donatos, in pappum abeuntes: *caulis* quoque bicubitalis, persimilis: At quæ per eum conspiciuntur *folia* plurimum differunt, sunt quippe palmi ferè longitudine, latitudine culmi, in acumen desinentia. Valdè ramosa est & fruticosa.

Ubi J. Bauhinus eam reperit, ibi & nos quoque, nimirum Nantur Sabaudorum, in colle extra portam quæ itur Genevam ad dextram. Provenit quoque copiosè in rupibus montis Lupi propè Monspelum.

Locus.

7. *Valeriana Alpina foliis integris, radice repente inodora.* Mountain-Valerian, with undivided leaves.

*Radix* hæc longæ, fibris donatæ, repentes, germina subinde protrudentes: *Folia* *Valerianæ* aquaticæ aut *Violæ*, ex rotundo oblonga, pediculis longis insidentia, non laciniata, nè illa quidem quæ in caule existunt, obiter nonnunquam dentata: *Caulis* pedalis, teres, striatus, concavus, duplici ut plurimum foliorum pari vestitus. *Folia* hæc pediculis vel nullis, vel brevibus donantur; longiora quidem sunt & acutiora iis quæ ad radicem, non tamen laciniata nè ad pediculos, verum *Valerianæ* rubræ *Dodonæi* foliis similia, in omnibus quas mihi observare contigit plantis. *Flores* in summo caule velut in umbellam exiguum compacti, albentes, *Valerianæ* sylvestris simillimi, uti sunt & semina. *Radix* nec saporem, nec odorem, quem quidem ego percipere potui, aromaticum habuit.

Hæc planta in monte Saleva propè Genevam satis copiosè provenit: æstate floret. A Nardo Celtica odoris carentiâ distinguitur, ut & à *Valeriana* minima *Nardifolia*.

Locus.

8. *Valeriana Alpina minor* Park. *Alpina angustifolia* Ger. *Alpina Nardo Celtica similis* C. B. *Valeriana minima Nardifolia* J. B?

Clas.

Huic bina aut terna è radice exeunt *folia*, *Bellidis* montanæ foliorum parè æmula; è quorum medio *caulis* assurgit pedalis, rara habens folia, inter se opposita, angustiora & minora. Supremus *caulis* in ramulos finditur, qui *flosculos* sustinent albos, reliquis *Valerianis* sylvestribus similes: *Semen* quod subsequitur non etiam diversum: Ejus *radix* aliarum *Valerianarum* *Alpinarum* modo, in saxorum ferè commissuris serpit nec minus odorata est proximè sequentis radice.

Provenit inter saxa ad fluvium Myrtz, quod monasterium Neuberger alluit.

Locus.

9. *Valeriana Alpina* J. B. *Alpina prima* C. B. *Alpina latifolia* Ger. emac. *Alpina major* sive *latifolia* Park. Mountain Valerian with Throatwort-leaves. *Valeriana Trachelii* folio Hort. Pat.

*Radice* longa, odorata, subdulci, scopulorum rimis se infigit, altè impacta. *Folia* ad radicem Trachelii majoris foliis persimilia, oblonga, è basi latiore in acutum mucronem desinentia, circa margines quodammodo serrata aut dentata, obscurius virentia [C. B. pallidè virentia] glabra, nervis majoribus, pediculis longis appensa. *Caulis* cubitalis, teres, concavus, rubescens, [sapore resinoso, acriusculo J. B.] tria quatuorve obtinet foliorum paria, pediculis brevibus aut nullis, angustorum, geminis pinnulis seu auriculis donatorum. [Flosculi in umbellam digesti, plurimi, minui, purpurascens ut Valerianæ sylv. minoris J. B.] *Radix* & aliæ etiam plantæ partes odorem expirant Violæ, satis vehementem, qui à longinquo sentitur, saporem etiam habent aromaticum.

Locus &  
Tempus.

In sylvis ad latera montis Salevæ propè Genevæ invenimus. Hujus plantæ descriptiones apud Clusium, J. Bauhinum & Casparum fratrem in nonnullis discrepant. Fortè ratione loci variat nonnihil & faciem mutat.

Planta J. Bauhino descripta in monte Salevæ reperta est, Aprilis principio florens: Nostra quoque cum eam invenimus mensè Junio jam defloruerat. At quam C. Bauhinus in monte *Wasserfall* collegit Julio floruit.

- 10. *Valeriana Alpina Scrophulariæ folio* C. B. J. B. *An eadem cum præcedente?* atque etiam cum *Valeriana altera* C. B?

C. B.

*Radice* est nigricante, aliquantum torosâ, nodosâve: *caule* cubitali & sesquicubitali, unico [interdum pluribus] cavo, striato, viridi: *foliis* senis, septenis, longis pediculis donatis, quorum quædam subrotunda, quædam oblonga, quædam leviter sinuata: at quæ caulem cingunt pauca sunt, Scrophulariæ foliis æmula, uncias tres longa, sesquiunciam aut unciam lata, acuminata, leviter crenata, bina semper juncta. *Caulis* in summo in longas, tenues alas brachiatur, quibus *flora* pallidè rubentes, Valerianæ sylvestris similes insident.

Locus.

In monte *Wasserfall* collegimus.

Videtur (inquit Clusius) utramque [hanc & præcedentem] una descriptione & figura expressisse, Valerianæ sylv. Alpina primæ latifoliæ nomine. Et tamen in Pinace hanc Clusii Valerianam ab utraque specie distinctam facit.

- 11. *Valeriana bulbosa* J. B. Imper. *An Nardus Cretica* Belli? *Nardus Cretica Filipendula radice* C. B? *Valeriana Cretica tuberosa* Park? *Nardus montana Cretica* Alpin. exot.

Prima emittit folia Hyoscyami albi æmula, sed paulò minora, at sequentia profundè dissecta. *Flores* quales Valerianæ majoris. *Radix* subest singularis, bulbosa, Nardum spirans. Quapropter Nardo montano simillima cum forma, tum odore.

Locus.

Incola est montium Liguriæ.

Nardum suam Creticam H. Bellus ep. 4. ad Clusium sic describit:

Herba est Valerianæ simillima, odore, caule, flore, & forsan etiam semine, quod longiusculum & depressum est, figura ad Lini semen accedens, & in pappum desinens. *Folia* prima herbacei sunt coloris, rotunda at Asari esse videantur, interdum majora, crassa, succi plena; quæ deinde subsequuntur paulò longiora sunt & nonnihil incisa, quibus alia magis secta succedunt, & similiter alia, ut tandem ultima, antequam caulis emergat, Valerianæ majoris folia rectissimè æmulentur. *Caulem* Valerianæ persimilem habet, concavum, ad sesquicubitalem altitudinem assurgentem, quem bina folia Valerianæ divisurâ utrinque per intervalla ambiunt: *flores* albos in Umbellis, Valerianæ similes, majores aliquantulum, odoratos: *radicem* tuberosam; ex primaria enim cui *Caulis* nititur, minimique digiti est crassitudine & longitudine, tenues quædam radices per terram sparguntur, quibus alia tuberosa adnexæ, ut in Filipendula, Nardi odorem referentes. Tota hyeme viret, & novò vere caulem emittit, qui Aprili aut Maio marcescit & exiccatur; tota autem hyeme radices sub terra latent, & Autumno primis imbribus germinare incipiunt.

Locus.

Oritur humentibus collium locis, inveniturque etiam inter saxa.

- 12. *Valeriana tuberosa* J. B. Imper.

*Folia* producit effigie simillima Valerianæ minoris, sed crassiora: *flores* albos instar majoris, aliquantum odoratos. *Radices* tuberosæ odorem referunt Nardi.

Locus.

Nascitur in montibus Liguriæ.

Hæ tres Valerianas tuberosas specie inter se distingui vix possum à meipso impetrare ut credam: mihi pariter ignotæ sunt, proinde plura non habeo quæ de iis dicam.

- 13. *Valeriana annua* Clusii Ger. *annua sive æstiva* Clusii Park. *foliis Calcitræ* C. B.

Clus.

Hæc statim à radice multa *folia* promit, humi diffusa, viridia, instar foliorum Calcitræ vulgò appellatæ, sive Cardui muricato capite, laciniata, inter quæ prodeunt aliquot *caules*, rotundi, cavi, ramosi, binos cubitos ferè alti, virentes, quem ad singulos nodos utrinque ex adverso amplectuntur *folia* inferioribus minora, laciniata etiam, Valerianæ sylvestris vulgatoris foliorum æmula.

Summis



Summis ramis extremoque caule sustinentur tanquam umbellæ *florum* quinque foliis constantium, non dissimilium floribus *Valerianæ Indicæ*, coloris rubri dilutioris, ad carneum tendentis: in ramulos excrefcunt tandem illæ veluti umbellæ, & *semen* ferunt quale pæne *Valerianæ rubræ* sed minus. *Radix* alba & satis lignosa, quam tamen subsequens hyems corrumpit.

Floret æstate, & subinde in autumnum usque floribus & semine onusta conspicitur.

Tempus.

14. *Valeriana annua Sicula* quæ a præcedente diversa videtur. An *Valeriana minor annua* Park?  
*Alpina minor* C. B.

*Radix* ei simplex, mollis: *Caulis* singularis, erectus, quadratus, ab imo statim ramosus: *Folia* bina ex adverso ad singula internodia *Valerianæ sylvestris* majoris, laciniata. *Flores* parvi, purpurei in extremis ramulis, alii supra alios alternatim scandentes. Color totius plantæ ruber; Sapor amarus.

In promontoriolo *Punto Cerciolo* dicto in Sicilia.

Locus.

## CAP. II.

De *Valeriana Nardo Celtica* dicta.

• 1. *Nardus Celtica* J. B. Ger. *Celtica* *Dioscoridis* C. B. *Alpina* Clus. *Nardus* sive *Spica Celtica* Park.

Clus.

*Nardus* interdum cæspites occupat serpendo *radix*, & latè summa tellure sese inter muscum diffundendo: oblongi procumbentisque humi ramuli, tenues, plurimis veluti foliolis aut siccis squamis circumsepti, subinde fuscas & nonnihil capillatas fibras agunt, summa parte in unicum aut bina ternave extuberant capitula, aliquot longis, secundum caput angustis, deinde in latitudinem paulatim se laxantibus foliis, satisque crassis & succulentis plena, colore dum primum emergunt viridi, deinde sub autumni initium aut æstatis finem flavescente, gustu amariuscule: palmaris aut dorantalis, nonnunquam etiam major, inter ista emergit *cauliculus*, satis firmus, ut in minutionibus *Valerianis* sylvestribus geniculatus, bina ad singulos nodos habens inter se opposita exigua foliola; cui circa summum ex singulis alis enascuntur pedicelli, binos aut ternos *flosculos* coloris pallidi sustinentes, quibus succedunt semina *Valerianæ sylvestris* *Alpinæ*, saxatili præsertim [*Valerianæ minimæ Nardifoliæ*] proxima, paullo tamen minora. Tota planta aromatica est, & radicem *Valerianæ sylvestris* odorem æmulatur.

Copiosè provenit (inquit J. Bauhinus) in Alpibus Germaniam ab Italia dissepcentibus. Monto-  
fis gaudet Geniensibus, Liguriæque Alpibus sterilibus.

Autore Clusio, copiosè nascitur in summo *Judenberg* *Stiriacarum* Alpium jugo inter muscum, saxosis locis. Ibi mense Augusto floret sub ipsis fere nivibus, folia deinde promit cum illa dissolvere & diffuere incipiunt. Legitur autem ab incolis sub Augusti finem & Septembris initium cum folia flavescere incipiunt, tum enim summam habet odoris gratiam, quæ caret cum folia primum promit, & adhuc viridis est.

• 2. *Nardo Celticæ similis inodora* C. B. An *Nardus Celtica altera* ejusdem? Park. *repens* Ger?

C. B. Prod.

*Radix* est oblonga, rufescente, capillata; ex qua folia aliquot oblonga, in latitudinem paulatim sese laxantia, longis pedicellis donata, viridia primum, dein flavescentia exurgunt; inter quæ *cauliculus* tenuissimus, palmaris, rarius altior effertur, circa cujus medium foliola duo oblonga angustissima: *cauliculus* in pedicellos abit, qui *flosculos* oblongos pallidos, ut in *Celtica*, sustinent, qui in semine exigua abeunt. Inodora est.

Hanc in Baldo & Alpibus *Sumano* conterminis legit C. Bauhinus.

Locus.

• 3. *Nardus ex Apulia* C. B. *Saliunca Neapolitana*, sive *Nardus ex Apulia* Park. *Nardus* sive *Saliunca Neapolitana* J. B.

J. B. Lugd.

In tam exigua planta conspicua est *radicis* crassities rugosæ, utcumque flavescentis, fibris capillatæ, in nodos extuberantis, è quorum lateribus hinc inde folia prodeunt, ut ex ea figura serpere radicem & editis illis nodis se propagare non abs re existimem. *Folia* illa oblonga sunt, angusta, Plantaginis utunque similia, infernè arcta, supernè latiora. Sapore & odore Planta ista *Valerianæ* refert, ut non dubitem ob odoris suavitatem egregius adversus morbos varios facultatibus præditam esse, ac Folii loco substitui posse.

Ex brevi hac & imperfecta descriptione non certò scimus quò referenda sit hæc planta, suspicamus tamen eandem esse *Nardo montanæ* Clusii.

• 4. *Nardo*

\* 4. *Nardo Celticae similis Hirculus* J. B. C. B. *Hirculus* Ger. *Hirculus Clusii* Park.

*Clus.*

Plantula est *Nardo Celticae* similis, candidior tamen, & veluti ex viridi cinerea, sine cauliculo, minoribus brevioribusque foliis, villosa admodum secundum radicem & nigricans, nulla odoris jucunditate. Folia præmansa nullum aromaticum saporem reddunt, sed lenta & viscida sunt, cum *Nardi Celticae* folia calida sint, cum aliqua tamen adstrictione, odore saporeque jucunda.

Ex brevi hac & imperfecta descriptione non constat ad quodnam genus referenda sit hæc planta: utcumque hic locum habere permisimus, nè quid in Historia nostra desiderari Lector quæretur.

\* 5. *Nardus montana radice olivari* C. B. *Nardus montana* Ger. *Clus. montana tuberosa* Park.

*Clus.*

Tuberosam habet radicem quæ quotannis adnatis aliis valde se propagat, multisque & quasi capillaribus fibris, infima parte & summo capite prædita est, ex qua stolones oriuntur foliis ex atro-virentibus supernè & splendentibus, nec in ambitu serratis infima parte onusti, deinde aliis in lacinias dissectis, uti penè *Valerianæ* majoris folia, sed minora, quòque stolones magis adolefcunt, eos magis dissecta vestiunt folia, ex adverso semper sita. Summo caulis fastigio confertim nascuntur flores, *Valerianæ* sylv. floribus non dissimiles, odorati, minùs tamen quàm radix, quæ sylvestris *Valerianæ* radicem odorem valde æmulatur.

*Locus.*

Neapoli è monte Virgineo erutam ad Clusium misit Fer. Imperatus.

*Nardum montanum* radice oblonga C. B. cum *Parkinsono* nostro huc omnino referendam censeo, cum radix vel ratione loci vel ex aliquo accidente facile variare possit.

*Vires.*

*Nardus Celtica* calfacit & siccatur, viriùmque earundem est cum spica Indica: majore tamen cum utilitate adhibetur in urina cienda, ventriculo roborando, flatibus discutiendis. Extrinsecus additur malagmatis unguentisque calefacientibus, *Schrod.* Pannonibus frequens ejus usus est in capitis lotionibus.

Nobis ut genere & facie externa cum *Valeriana*, ita & viribus convenire videtur.

C A P. III.

De *Valerianellis*.

**O** B aliqualem formæ similitudinem *Valerianis* accensentur hæc plantæ. A *Valerianis* tamen genere differunt, cum semina papposa non habeant, prout illæ. Præterea caule dichotomo seu in binos ramos semper divaricato non à *Valerianis* solum sed & ab aliis omnibus quas novimus herbarum generibus differunt, & primo statim aspectu dignoscuntur.

A. 1. *Valeriana campestris inodora major* C. B. *Lactuca agnina* Ger. Park. *Locusta belvis* J. B. *Lambs Lettuce* or *Corn-Sallet*.

*J. B.*

Parùm interdum palmum superat, aliàs dodrantalis, radice donata tenui, ad imum fibrosa, gustu subdulci & ferè insipido: folia tenera & delicata, longitudine semunciali, unciali aut sextantiali, latitudine trientem uncia parùm excedentia, colore herbaceo, subrotunda, nullo pediculo appenda, sapore ferè eodem cum radice; à qua unica caules plures, angulosi, tenues brachia, binæque ramulorum conjugatione semper divisi. Inter foliola summorum ramulorum stoculi summi aliquot pulchelli, albi aut dilutè purpuræ languentes, oblongi, in quinque lacinias dissecti apices amplectuntur tenuissimos, obturum ferè fugientes. Semina rotunda, compressa parumper, in summo acuta, & per obliquum rugis quibusdam exarata, albicantia, satis magna pro plantulae modo, atque antequam perfectè siccescant defluentia.

*Locus.*

Frequens est in agris, vineis & hortis, teste *Tabernam* & experientiâ.

*Vires.*

Refrigerans est hæc herba & nonnihil humectans, facultate ac temperamento *Lactucæ* hand dissimilis; cujus loco hybernis & primis Veris mensibus infertur, ac cum aceto, sale & oleo jucundè editur, velut alia acetaria, inter quæ haud postremum locum obtinet. *J. B.*

Agni hujus pastu multum delectantur & juvantur impinguanturque, ut aiunt, unde nomen *Lactucæ agninae* obtinuit.

A. 2. *Lactuca agnina* seu *Valerianella foliis serratis*. *Locusta altera foliis serratis* J. B. *An Valeriana sylvestris foliis tenuissimè divisis* C. B. ? *Small Corn-Sallet* or *Valerian with jagged leaves*. *An Valer. min. annua* Par?

Radix ei simplex, alba, paucis fibris donata, tenuis. Folia quàm *Lactucæ agninae* vulgaris minora & angustiora; quæ in superiore caulis parte existunt [ad divaricationes scilicet] ex adverso bina, altius incisa seu serrata. Caulis dodrantalis & interdum pedalis, erectus, rigidus sed tamen tenuis, striatus, subhirsutus, in binos ramos divaricatur, & hi rursus in binos ramulos, & deinceps ramuli



ramuli in binos furculos, &c. nam Planta hæc divisione sua semper dichotomiam observavit. Flores in summis ramulis plures simul, parvi, purpurascetes, in quinque folia seu potiùs lacinias divisi. Semina pro plantæ ratione satis grandia, per maturitatem ex rufis fusca, nonnihil striata, figurâ fere gigarti seu vinacei, sed modò minora.

Inter segetes non admodum infrequens est. A *Lactuca agnina* differt, quod elatior sit, quod Locus.  
folia angustiora obtineat & ad basin serrata; denique quod serius floreat, circa finem scilicet  
Iunii.

Folia hujus non sunt tenuissime dissecta, ut vult C. Bauhinus.

An *Valerianella* vulgaris species major, ferotina Moris. *prælad.*

Locus inter segetes, & tempus florendi serotinum, & altitudo pedalis, & figura erecta conve-

\* 3. *Valeriana echinata* C. B. *Valerianella cornucopioides echinata* Col.

*Col.*

*Ex radice tenui, admodum Vulgari simili, flavicante, parùm odora, atque gustu Valerianæ, folia*  
emittit brevia, vulgatæ non dissimilia, minora parùm, atque lævia, Valerianam sylv. minorem æmu-  
lantia, binos aut ternos per ambitum finis habentia Hieracii lanosi modo, semidigitum lata, longa  
verò duas uncias quæ imo cauli hærent, magisque profundè serrata.

In alis quidem, quæ hærent latiora, & in lobos utrinque magis sciffa & majora, ut alata videantur : eodémque modo superiora, sed minora semperque decrefcentia. *Caulis* duas uncias longus, geniculo in medio interceptus, in quo folia bina ex adverfo opposita ut in reliquis, ( è quorum alis ramuli exeunt quod notandum ) compressus, lævis, canaliculatus, in summo bifurcatur lævibus, cavis & expansis ramis, divisione sua dichotomiam semper observantibus, atque circa divaricationum geniculis semper crassifcentibus ; in quorum summo velut tubuli parum compressi, etiamque canaliculati, crassiores, latiores brevioréque cæteris internodiis, inversam pyramidem effigiantes, latiores scilicet in summo & crassiores, angustis foliolis exiguis alati insunt ; in quibus [ veluti fructus in Cornucopia ] *capitula* sunt, basin foliaceam quodammodo habentia, floribus confertis exiguis Valerianæ aut Nardi stiloculis æmulantibus, ex purpureo-cæruleo albicantibus, supra fructus corniculatos, brachiatos & aduncos insidentibus composita. Quibus Junio mense decidentibus, atque fructibus crassifcentibus majora fiunt cornicula, duriora & flavicantia vel pallentia, remanentque cornicula densa, copiosa atque adunca per orbem, atque tam floribus quam fructibus onusta planta Cornucopiam æmulatur cacuminibus.

Est et inter binos tubulos fummos in qualibet ala interceptus fructus etiam, qui veluti compressus ob loci angustiam inter illorum sinus conspicitur oblongior cæteris. Æstate perficitur. Planta tota pedalis est altitudinis, nec minus latitudinis occupat coma summa expansis alis.

In montanis umbrosis udis oritur, ut propè Podium Poponiscum *Æquicolum* castellum Comi-  
tatus Marerii dicti, & in Valuentium montibus.

4. *Valeriana semine stellato* C. B. *Valerianella altera tenuifolia*, semine *Scabiosa stellato* Col. *Valeriana petraea* Park. Ger.

*Col.*

*Radiæ* formâ aliisque qualitatibus supra scriptas æmuletur. *Folia* ei angustiora, minûsque incisa sunt in imo; at è medio caule erumpentia quatuor laciniis longis lividuntur, Nardi vel majoris Valerianæ ritu Vulpis umbram sine capite describentia: quæ vero juxta alas hærent quinquepartita aut trifida sunt, angusta & longa, Acutæ divisurâ & magnitudine, atque in summo tenuiora. *Caule* semipedalis est, rectus, solidus, purpurascens, supernè brachiatus, bifidum ordinem in alarum divisione servans, juxta folia (ex adverso posita) canaliculatus sicuti & alæ. In summo totius plantæ sexdecim insunt umbellulæ, eæque binæ coherentes, è floribus confectis, exiguis admodum, ex albo purpurascuntibus, tenuissimis staminibus è medio erumpentibus compositæ, fructibus insidentibus utriculorum effigie, qui floribus decidentibus stellati evadunt, sex radii divisi, in medio parùm cavi, atque Scabiosæ modo cartilaginei, quorum corpus hirsutum est, atque umbilicatum vel filum tritici modo sed profundius.

Estatis fine perficiuntur atque rufescunt siccata. Marcescitque planta. Junio florida invenitur. *Tempus* & *Natalis locus* idem qui precedenti; in Apulia quoque Cirinolanis agris Aprilis mense observavi. *Locus.*

Datur huius varietas feminibus duplo maioribus, quæ Valerianella nostras major Scabiola femi-

*Kaleripella altera* nudo umbilicato & Levi semine Col. Phu minimum Ad fore minima  
 Park. sylv. foliis tenuissimis divisis C.B?

Varia haec à superiore florum basi magis virente, atque angustioribus longioribusque foliis constructa. Floribus etiam paulò majoribus, sed umbellis minoribus, atque flore & fructu singulis inter summas alas interceptis vulgaris modo & Cornucopioidis: Fructu nudo, trigono, lavi, acutius in summo & quadammodo trifido, sed umbilicato, eodem quo superior modo, etiamque rufescente cum flocatur. In reliquis cum superiore convenit.

Duplicem varietatem proponit *D. Magnol* in Indice plantarum Monspeliensium, alteram semine rotundo, alteram semine oblongo, utramque inter segetes nascentem; hanc folia albidiora non dulcesca, semen oblongum, umbilicatum, quam illius albidius obtinere scribit.

• 6. *Valerianella*

6. *Valerianella semine hirsuto extremo umbilicato* Moris. prælud.

Hæc semina gerit uvarum acinis figurâ similia, sed hirta & ad extremum umbilicata, seu magis cava.

7. *Valerianella semine hirsuto, minore rotundo* Moris. prælud.

Hujus semen est hirsutius prioris feminibus, valde caucalis minoris semini quoad figuram accedens.

Locus.

Sponte provenit in Picardix novalibus.

8. *Valeriana Mexicana* Ger. *Indica sive Mexicana* Park. peregrina seu *Indica* J. B. peregrina seu *purea alba* C. B. æquo jure *Italica* possit dici.

J. B.

Dodrantis & cubitalis est planta, radice nixa tenui, brevi, candida, multis fibris capillat, sapore amaricante, non sine acritonia aliqua aromatica. Caulis ferè repandus supinève magna ex parte, partim erectus, longitudine dodrantali, lævis, concavus, teres, subrubens, striatus, alternis adversisque conjugationibus seriè quadam læpius bipartitus. Alarum divaricationibus, (incipienti præsertim) apposita, folia bina, priora ex adverso sita, duas trève uncias longa, unam, raris duas, lata, Nardi montanæ similia [Plantaginis latifolia, ferè minora,] uberiore nervorum divisurâ, tenera, pinguis, sapore aromatico, quorum quæ superiora minora sunt, & ad exortum denticulis obiter crenata. Flores quasi in umbellâ, inodori, suave-rubentes, interdum albi, ex longo tenuique corniculo in quina folia dissecti, [quorum duo superiora breviora & latiora, inferiora tanquam lora pendula, & medium reliquis longius] Ocy-maltri Valerianthi, sed sine calcari: quibus deorsum succedunt vascula oblonga, fungola, articulis distincta, foliolis quibusdam obsepta, crassa, concava, in plures calices divisa, in quibus vasculum lanitar, velut in foliaceum corniculatum bipartitur, in quo semen longiusculum.

Locus.

Circa Mesianam Siciliæ sponte & quidem copiose oritur; unde non est cur eam ex Indis accersamus. C. Bauhinus quoque in Latio & in Sabinis provenire audivit; & alibi proculdubio in Europa sponte exit.

Planta hæc revera anomala est, verum ob caules dichotomos, & quoniam alii eam Valerianis annuntiant, hic relinquendam censui.

## CAP. IV.

## De Plumbagine seu Dentellaria.

**M**olybdæna Plinii nobis dicta videtur à plumbeo foliorum colore; aliis quia manûs volam inficit plumbea maculâ radix parum detenta. Molybdæna Plinii censetur. F. Columna pro Tripolio Dioicoris habet, cujus rationes apud ipsam vide. Sui generis planta esse videtur. Ac quoque non opus est, ut assignemus notas generis Characteristicas cum ex ex descriptione peti possint.

*Plumbago* Plinii Ger. *Dentellaria* Rondeletii J. B. *Lepidium Dentellaria dictum* C. B. *Lep. Molybdænum* Dentellaria dictum Park. *Tripolium Dioicoris* Columnæ Neesport.

C.

Radix fibris longis, crassis carnosiss dividitur, odorata, gustu fervida. Folia Glasti, atro-virentia, latiora, pinnis caulem complexa, Glasti vel Draba medio, majora atque obtusiora; semper in caule decrescentia, per ambitum denticulis exiguis aspera. Caulis à medio ad summum in æqualibus ramos crebro diductos habet, purpurascens [J. B. nigricantes] striatos, plures ab eadem radice cubitales & sesquicubitales. Flores racuminibus hærent, aservatim primo congesti, calycibus viridibus, infunditè crassa, vilcosa obitis inclusi, cum aperiuntur quinquepartiti, colore ex purpureo-cæruleo candicantes, deinde magis colore saturantur purpureo, ut variare videantur, ac postremo clausi & marcescentes puniceo. Puniceus quoque color est in floris tubulo oblongo è calyce tantundem exerti: in quo deinde semen oblongum, tritici ferè magnitudine, cortice virescenti, tenui, atque intus libro purpureo-cæruleo chartam inficiente affricu, quod deinde siccatum in nigrum vertitur, medullâ intus albâ & amarâ. Folia acri sapore sunt, at radix fervida; unde Rondeletius pro Pyrethri radice ad dentium cruciatum mulcendum eâ uti solitus. Dentellariam appellavit plantam.

Tempus &amp; Locus.

Ætatis fine & Autumno floret. Circa Neapolim toto maritimo tracta à Neapoli ad Romam, item circa Syracusas in Sicilia, & Mompeliûm in Gallia Narbonensi copiose provenit, locis semper meridies expositis, atque maris afflatui subjectis, quavis a mari interdum remotioribus, observante Columna; nunquam Septentrionalem plagam respicientibus, quavis mari propinquis.

Tripolium dictum est quia ter variat seu vertit floris colorem, Col.

Molybdæna Plinii nonnullis censetur, quia manûs volam inficit plumbea maculâ radix parum detenta.

Equorum



Equorum dorſis ſellæ compreſſione ulceratis contuſam & appoſitam efficaciffimè mederi plurimos teſtatos eſſe ſcribit F. Columna, qui in propriis equis experti ſunt, nec vermes oriri, & quæ primùm exſiccari ulcus atque cicatrizari aſſeruerunt.

## CAP. V.

## De Limonio.

**L**imonium à *λεῖμων* pratum nomen ſuum obtinuit, quia irriguis pratis & conſimilibus locis gaudet. At Limonium nunc dierum vulgò dictum herba eſt maritima, in ſaliſ paluſtribus & clivis maritimis proveniens.

Abundè innotefcit & ab aliis plantarum hujus claſſis generibus diſtinguitur loco natali & caulibus nudis ramoſis.

- A. 1. *Limonium* Ger. *majus vulgatum* Park. *maritimum majus* C. B. *majus multis*, aliis *Ben rubrum* J. B. tom. 3. app. *Sea Lavender*.

¶ J. B.

*Radix* craſſa, rubente, guſtu adſtringente, & in capita quædam diviſa nititur. *Folia* inde oriuntur *Lapathi* minora, leviora, politioraque, minùs atra, ſed hilari virore tincta: inter hæc *caules* ſurgunt pedales, tenues, nudi, multis ramis latè diductis patuli, per quos ordine conſcendunt *flores* denſi, in unam ferè partem vergentes, ex albo cœrulei, parvi, monopetali in quinque lacinias totidem petala imitantes diviſi, *calyculis* rubentibus.

Singulis *floſculis* ſingula ſuccedunt ſemina nuda, quibus calyx pro vaſculo eſt, oblonga, ruſcentia.

In ſaliſ paluſtribus inque clivis maritimis frequentiffimum eſt.

Alteram ſpeciem à Lobelio inventam in agris Colceſtrenſibus prope marè memorant Cluſius & Parkinsonus. Gerardus quoque Limonium minus à ſe obſervatum ſcribit in clivis maritimis inſulæ *Thamæ* prope *Margate*. Nos unam duntaxat Limonii ſpeciem in Anglia ſponte provenienteſem hætenus obſervavimus, quæ tamen magnitudine inſigniter variat ratione loci in quo oritur: major ſcilicet quæ in paluſtribus ſaliſ, minor eſt quæ in clivis & rupium filiſuris.

Semen Limonii, ut & herba ipſa, aſtringit, proinde diarrhœæ, dyſenteriz, hæmorrhagiæ & ni-

Locu.

Viret.

2. *Limonium parvum* Narbonenſe *Olea folium* Lob. minus *maritimum* *Olea folio* C. B. *parvum* Ger. *Narbonenſe parvum* Park.

¶ J. B.

Facie convenit cum Limonio majore, verùm *caules* humiliores; *floſculi* non ita cœrulei in album magis inclinant, copioſi. *Radix* eadem, dura, rubra, adſtringens: *folia* per terram ſparſa, ſatis craſſa, interdum tamen exigua, per extremum rotunda.

Inter ſalebrosa litora & rupes montis Ceti, & alibi Norbonæ & Gallo-provinciæ ſaxoſis oriri frequentem ſcribit Lobelius.

Locu.

Nos in litoribus prope Monſpelium duas invenimus Limonii minoris ſpecies: alteram minorem & humiliorem cauliculis palmaribus, in plures ramulos diviſis, floribus minoribus, copioſioribus, al-bentibus, è calyculis minoribus canefcentibus: alteram majorem, floribus majoribus, magis cœruleis, nec ita confertis & copioſis in ſummis caulibus, è calyculis majoribus, rubentibus. Hujus flores magnitudine, colore, creſcendi modo, & calycum colore propiùs accedunt ad Limonium vulgare quàm illius. Hanc ſpeciem eſſe putamus quam C. Bauhinus in Prodro-mo deſcribit ſub titulo *Limonii maritimi minoris foliolis cordatis* illam, cujus ſynonyma & deſcriptionem hoc in loco è J. Bauhini Hiſtoria dedimus.

3. *Limonium maritimum minus foliolis cordatis* C. B. J. B. minus *foliis cordatis* Park.

C. B. prod.

Ad *radicem* craſſam, lignoſam, ruſcentem, parumque fibroſam *folia* plurima, denſa, carnoſa, levia, ſubrotunda, per terram inſtar ceſpitis ſparguntur, in quibuſdam plantis obtuſa nulloque mucrone prædita; in aliis in ſummo ſinum habentia, & cordis formam referentia: inter quæ *cauliculi* plures, inæquales, trium, quatuor etiam ſex unciarum, teretes, nudi prodeunt, in plurimos breves & recurvos ramulos diviſi, *floſculis* frequentibus, parvis, pallidè rubentibus onuſti.

In litore maritimo circa Maſſiliam & Livornum reperitur.

Locu.

4. *Limonium parvum Bellidis minoris folio* Bauh. pin. *pumilum* Cluſ.

Multis exiguis *foliolis*, *Bellidis* minoris penè foliorum inſtar à ſumma radice prodeuntibus prædita eſt, inter quæ *cauliculi* prodeunt frequentes, elegantibuſque *floſculis* onuſti. Ejus *radix* Betæ radicis ſimilis erat, minor tamen & ſubrubra.

Circa

Locus.

Circa Valentiam Hispaniæ observavit Clusius: *D. Magnol* in maritimis versùs *Perauls* & *Magnoliam*.

\* 5. *Limonium minus* annum bullatis foliis, vel echinoides Botan. Monsp.

Magnol.

*Folia* multò quàm in *Bellide* minora producit, plurimis extuberantiis exasperata, subtus rubra. *Cauliculum* habet palmarem, in quo *flores* quinque foliis retusis constantes insunt, pallidè purpurea cum linea in medio intensius purpurea. *Radix* parva, quæ singulis annis perit.

Locus.

Oritur in maritimis montis Ceti, & in locis siccis ultra pontem *Salenovæ* ad dexteram.

\* 6. *Limonium lignosum* gallas ferens Bocconi.

Bocc.

Pulcherrimum (inquit) profectò est *Limonii* hoc genus, etiam bacciferæ *Salviæ*, in calidis *Cretæ* locis proveniente, raritate & elegantia par. *Radix* ei lignosa, coloris rubri *Basilii*, humano crure subinde crassior atque prolixior: ab hac *cauliculi* plures, in multiplices alas distributio, humi sterminantur, *Polygoni* maris modo, circa quos folia *Oleæ* vel *Halimi* vulgaris æmula conspiciuntur, tactu aspera: quandoque unà cum *cauliculis* (supra quàm cuiquam credibile est) numerosa gallarum seu potius nodulorum seu tuberum provenientium copia onusta *Ramorum* pars superior. Ex istis gallis nodulifera, atque ex ipsius plantæ foliis sæpenumero procreantur & protruduntur oblonga foliola furcata, versùs extremum unguis avium referentia, ac sursum erecta: quorum è sinu alternatim exeunt *flores* *Plumbaginis* aut *Syringæ* cæruleæ florum formâ: *Gallæ* autem interdum quæ nâ glandis magnitudinem æquant.

Locus.

*Agrienti* locis incultis magna fecunditate luxuriat.

Ad promont. *Pachynum* in loco *Brazzetto* dicto absque gallis invenitur: nec mirum, cum *Gallæ* haec nihil aliud sint quàm excrescentiæ è puncturis insectorum oriæ, ut sint *ovorum* & *fatuum* maris & *nutriculæ*: Proinde specificæ differentiæ notæ non sunt, sed potius signa quedam accidentalia & externa, cum unum aliquod insecti genus naturæ instinctu, unam aliquam herbæ speciem compari, quæ viroso contactu aut humore immisso apta est in huiusmodi excrescentiam intumescere & ovo seuque modum hospitium & nutrimentum præbere.

\* 7. *Limonium Siculum* folio cordato Bocconi.

Bocc.

*Radice* constat pollicaris crassitie non sine fibris: *Foliis* humi jacentibus longis ab angustis in latitudinem paulatim sese laxantibus, quæ per extremum cordis figuram efficiunt, modo quo pligitur. *Caulis* brevior est: *flores* cærulei & *semen* quale in cæteris.

Idem esset cum eo quod à *Bauhino* describitur in *Prodromo*, nisi obfaret foliorum longitudo, quæ in nostro notatu digna est.

Locus.

Propè *Panormum* & *Augustam* inveni copiosum.

\* 8. *Limonium marinum* fruticosum hirsutum Bocconi.

Bocc.

Densa *ramorum* digitalis crassitie congerie fruticat, oblongis, cordatis hirsutisque foliis, crassitie etiam, ac instar *Sedi* cuiusdam in orbem compositis, *ramorum* cacumen occupantibus: è quorum centro *Cauliculus* interdum exit cum flore & semine, uncialis vel biuncialis, aliquando longior.

Locus.

In *Insula* *D. Margaritæ* & *scopulis* saxivæ ad oram maritimam *Gallo-provinciæ* fitis plurimum oritur.

An hoc à *Limonio* maritimo minimo *C. B.* specie omnino differat, merito quis dubitat. *Bocconius* diversum facit.

*Limonium maritimum* minimum *C. B.* minimum *Park.*

*C. Bauhinus* sic describit.

Tota planta uncias quatuor vix excedit; nam ad *Radicalam* oblongam, rufescentem, in summo divisam foliola minima subrotunda, crassa, *Sedi* instar compacta, inter quæ *Cauliculi* unciales paucos flosculos pallidè rubentes vel subcæruleos sustinentes exsurgunt.

Locus.

Hoc in insula quadam non longè *Massilia* provenit.

\* 9. *Limonium reticulatum* supinum Bocconi.

Bocc.

*Foliis* oblongis parvis *Monspeliensi* non multum abimile est; sed effusa *cauliculorum* veluti jubâ longè elegantius. *Pedales* illi sunt & longiores *Cauliculi*, in ramulos plurimos divisi, qui geniculatim angulosi deveniunt, atque hinc & inde flectuntur, & sese invicem secant, ut incrementi progressu, multiplici atque numerosa in semetipsos implicatione, visendâ novitate reticuli speciem ritè figurent.

Hujus *Limonii* satis ferax *Melita* est. Idem etiam invenit *D. Magnol* propè pagum *Perauls* non longè *Monspelio*, in paludibus quæ sunt propè locum dictum *lou Boulidou* permixtum cum *Narbonensi*.



nenſi Oleæ folio, Septembri menſe florentem. Obſervavit etiam *D. Wheeler* alicubi in Græcia verum locus excidit. Vide ipſius Itinerarium.

10. *Limonium foliis ſinuatis* Ger. peregrinum *Rauwolfii* Park. peregrinum, folio *Aſplenii* C. B. *Limonium* quibusdam rarum J. B.

Cluſ. J. B.

Multa ad eadem radice producit hæc planta folia, palmum aut amplius longa, binas uncias lata, crebrisque profundioribus incifuris diviſa, ut quodammodo *Aſplenii* folia imitarentur, ſubhirſuta, craſſiſculo nervo prædita, ſubaſtringentis ſaporis, humi in orbem fuſa; inter quæ excrescebant aliquot cubitalis longitudinis aut ampliores caules, firmiores, ſatiſque aſperi, tribus membranis criſpis ſecundum longum ſagittarum pennatas alas imitantibus donati, aded ut anguloſi videantur, per intervalla alternatim, tribus, anguſtis trianguliſque foliis, tres uncias plus minus longis acuminatis, Graminis cyperoidis aquatici foliis ſimilibus, & iis quidem rudibus etiam & aſperis cincti: deſinebant autem illi in multos ramulos ſimiliter alatos, ſuſtinentes frequentia capitella, è quorum ſingulis ſimul conjuncti emergebant terni, quaterni, interdum etiam quini aut ſeni floſculi, concavi, unico folio membranaceo conſtantes, tanquam parvi calyces, per oras ſtriati & fimbriati, coloris cærulei dilutioris, ſed immarceſcibilis, è quorum umbilico in nonnullis exilientem conſpiciebam alium floſculum altius aſſurgentem quinque foliolis prorfus niveis conſtantem, & aliquot candida ſtamina continentem. J. Bauhinus paulò aliter deſcribit flores hoc modo;

Extremis ramulorum hærent numeroſi, congeſti flores, *Echii* florum modo nonnihil recurvi, coloris cyanei, quorum ſinguli unico folio conſtant criſpo, parvo, patulo ore cælum ſpectantes plurimum, *Scabioſæ* *Hiſpanicæ* florum ſingularibus floſculis pares, nec ità diſſimili figurâ. Calyculi uniufcuſque floris, pluribus contexti ſegmentis, lanugine aſperiuſcula horrent.

Radix in planta Cluſio deſcripta oblonga erat & craſſiuſcula, à capite ad imum ſenſim gracileſcens, & raris, brevibus, tenuibuſque fibris prædita, fuſco cortice teſta, intus rubra. Perennem eſſe conſectabatur Cluſius; nobis autem certò conſtitit, cùm in Sicilia eſſemus.

In Sicilia ad mare variis in locis oritur. Nos in inſula ad præmontorium Pachynum, & ad præmontoriolum *Cerciolo* dictum non longè à *Caſtello Puzallu* obſervavimus, utrobique copioſè. In *Malacenſi* *Bætica* portu obſervavit Augerius Clutius; circa *Gades* Boelius.

Non eſt hæc planta vera & genuina *Limonii* ſpecies, ſed quia ab omnibus qui de ea ſcripſerunt Botanicis huc refertur, iis ſubjungendam duximus. Deſcriptio imperfecta, omiſſis ſeminum numero, figura, conceptaculis nos incertos relinquit ad quam Claſſem propriè pertineat.

In planta in Sicilia collecta quam ſiccam aſſervat *D. Phil. Skippon*, flores denſè ſtipati erant, ad modum ferè florum compoſitorum, ſinguli autem monopetali, campanulas imitati, margine integro & minimè diſſecto, criſpo tamen nullis calycibus teſti: verum eorum tubi ſubſtantiæ erant ſolidioris: & durioris coloris bætici aut leucophæi obſcurioris in ſicco, & in ſe continebant vel ſeminis vel vaſculi ſeminalis oblongi rudimentum.

Duo præterea *Limonii* genera quæ *Africana* vocat, à *Guilielmo* Boelio accepta deſcribit & depingit *Parkinſon*: Primum humilius erat, vix palmum altum, caule adinſtar *Rauwolfiani* alato; foliis, non ut in illo oblongis, aut dentatis, ſed ſubrotundis & ad margines nonnihil ſinuatis ſeu undulatis floribus pallidè cæruleis.

Secundum elatius, cubitali propemodum altitudine caulibus pariter alatis, ramofiſ, ramulis lentis & lignofiſ; foliis prioris ſimilibus, ut & floſculis: ut præcipua differentia ſit in magnitudine. Hæc ex ficcis.

11. *Limonium floſculis elegantiffimis* *Franciſci* de Honuphris.

Honuphr.

Multa à radice pollicaris craſſitudinis folia producit, oblonga, viridia, lævia, criſpa, in acutum apicem deſinentia, humi procumbentia alia, alia verò ſurrecta, ex adverſo naſcentia; è quorum finu caules exeunt pedales, ramoſi, rotundi, firmiores quàm in cæteris *Limoniis*, aliquando alati, terni aut quaterni circa imum expaſi, ubi florum elegantiffimorum copia inſidet, qui ſeorſim animadverſi vulgaris *Limonii* flores æmulantur, majores tamen & candidiores, quinque foliolis acuminatis conſtantes, è calycibus brevibus foliolis, viridibus, acutiſſimis & veluti ſpinofiſ compoſitis prodeuntes, comam argenteam & veluti gemmis onuſtam conſtituentes; & ex hinc pulchritudinis ſpecioſæ. Totius plantæ ſapor amariuſculus & falſus. Semen nobis ignotum (quia minimè hæcenus protulit) ut & locus natalis.

## CAP. VI.

### De Mirabili Peruviana.

**P**lanta eſt exotica, ex America in Europam illata, à mira colorum in ejuſdem plantæ floribus varietate dicta. Ejus notæ ſunt ramuli non bini ex adverſo è foliorum ſinibus egreſſi, ſed ſinguli alternatim ex hac & illa parte, flores ſpecioſi, caduci, variorum non rarò in eadem planta colorum.

1. *Mirabilia Peruviana* Ger. Park. *Hachal Indi* sive *Admirabilis Peruana* Clus. *Solanum Mexicanum* flore magno C. B. *Jasminum Mexicanum* sive *Flos Mexicanus* multis C. B. *The Marvel of the World*.

Clus. J. B.

*Radice* nititur crassa, *Mandragoræ* simile, cubitalem longitudinem sæpe excedente, paucis fibris donata, circulos *Mechoacæ* instar, si transversa secetur, ostendente, foris nigra, intus alba, superiore primum fatuo, deinde nonnihil acri, & fauces vexante, quæ terram versus in cervicem paulo minorem, rugosam definit. *Caulem* promit cubitalem aut bicubitalem, vel etiam interdum ampliozem, pollicari crassitudine, succulentum, firmum, ex viridi flavescentem, frequenter, ut *Balsaminæ* feminae caules, geniculatum, & in multos ramos, eosdemque similiter nodosos divisum, qui ex ipsis prodeunt non bini utrinque ex adverso oppositi, (ut in aliis caulibus foliis bijugis cinctis fieri solet) sed singulares, duntaxat, idque alternatim, ita ut qui ordine sunt impares [primus seu infimus, tertius, quintus, septimus &c.] in eandem stipitis partem spectent; & rursus qui ordine pares [secundus, quartus, sextus, &c.] in contrariam. *Folia* in singulorum ramorum nodis bina, adversis pediculis semper nascentia, *Siliquastris* foliis panem similia, viridia, satis carnosâ, succulenta, circa pediculum ampla, extremo mucronata, quæ tria *Siliquastris* gravem odorem, gustata verò ingratum saporem, & tandem illius vel foliorum *Tabaci* etiam acrimoniam propemodum referunt. *Flores* in extremorum ramulorum alis singuli, longi, concavi, in quinque sinus antequam aperiuntur complicati, explicati verò *Tabaci* floribus non valde dissimiles, non tamen in mucronatos angulos ut illi desidentes, sed in obrusos, *Convolvuli* florum instar, *Tabaci* floribus etiam ampliores, elegantissimâ interdum purpurâ sive *Kermesino* colore nitentes, nonnunquam lateritii, aliquando flavi aut pallentes, interdum prorsus albi, vel exalbidi duntaxat, nonnunquam obsolete rubentes aut flavescentes, sapissimè binis coloribus simul elucescentibus multifariam virgati, aut maculati, aut variegati; odoris satis suavis & Narcissinum quidpiam referentis, sex oblongis staminulis, stiloque paulo longiore è medio flore emergentibus. Valdè autem caduci sunt hi flores; nam cum noctu explicari incipiant, posttridie sub horam octavam antemeridianam (per æstus præsertim) sese contrahere incipiunt florum *Convolvuli* modo, at temperatiore aurâ integro nonnunquam die expansi permanent, & sub noctem duntaxat contrahuntur, singulis tamen diebus alii recentes aperiuntur, qui si integri quotidie decerpantur & inter chartas reponantur (diu enim colorem retinent) atque deinde inter se conferantur, iisdem quidem coloribus constare deprehenduntur, at eorundem situ & mixtione inter se variare. Diutissimè viret, & à Julio mense ad Octobrem usque (nisi pruinae intervenerint) numerosâ florum sobole luxuriare solet. Calyculi flores amplectentes in quinque mucronatas lacinias sunt divisi, virides & quasi membranacei, in quibus unicum semen nullâ membranâ sive pericarpio conclusum mucrone, cui flos infedit, obruso, infima verò, qua cauli adheret, parte tanquam exigua coronâ ornatum, pentagonum ferè, bacca myrti prope magnitudine, initio viride, maturitate fuscum, & quibudam veluti tuberculis obsitum, vel levissima commotione decidens, nucleumque continens album, qui tritus in candidissimam, & amyli instar niveam friabilemque pulverem resolvitur.

*Radix* vivax est, verum in nostris regionibus, si in terra relinquatur, brumali frigore & humore corrumpitur. Asservari potest vel arenâ obruta, vel chartâ emporeticâ involuta, & in loco sicco non nimis calido reposita. Sed exigui momenti (inquit Clusius) est compendium illud conservandarum hyeme radicum, nam novo vere terrâ commissa forsitan flores proferent quindecim diebus antequam illæ plantæ quæ semine terræ eodem tempore credito sunt natæ.

Plantæ ex semine cui rubri flores insident ortæ, nullos alios flores dant quàm rubros: idem evenit in semine aliorum colorum floribus succedente sato. Plantæ enim inde enatæ nullos produunt flores diversorum colorum. Quocirca si flores variegatos desideras, oportet ut semina, quibus flores variegati insident ferenda eligas.

Vires.

Nullus dum hujus plantæ in medicina usus est. Ejus quæ vario est flore radices duas drachmas in sumptas egregiè aquas educere ad Clusium scripsit Cortusius.

Usus.

Ex farina panis conficitur. *Radix* tuberosa comeditur. D. Palmer.

2. *Admirabilis Peruviana rubra* aliud genus Clus.

Clus.

Quæ hujus generis plantæ Clusio enatæ sunt superiore genere longè ampliores erant & latissime ramos spargentes. *Folia* in hoc genere magis atra, magisque splendentia, alterâ parte magis prominula, & inferius suum exortum in nervo habentia. *Flores* oblongiores, tenuiores, externa etiam parte minus ampli: *Semen* brevius & crassius; *Radix* etiam brevior & crassior altera.

Magis serotina est reliquis, & nisi Solem valde apricam habeat vix ad frugem pervenit in frigidioribus regionibus.

Illud mirum in omnibus his plantis & observatione dignum, quod cum tabescere incipiunt, primum folia, deinde integri ramorum articuli simul decidant, & circa nudos jam remanentes nodos candida quadam efflorescentia interdum adnascatur, quæ temporis successu concreta salis gustum referat. Clus.



3. *Solanum Mexiocanum* *Jasminum Indicum* dictum flore minore. C. B. Prod. *Solanum Mexicanum* parvo flore sive *Mirabilis Peruviana* minor. Park.

C. B. Prod.

Hæc à vulgari in hortis culta potissimum magnitudine differt, omnibus plantæ partibus minoribus, & foliis rotundioribus existentibus. Totus flos unam quintam partem majoris non assequitur, ita ut hujus quini flores majoris unum in circumferentia non æquent. Stamina & stylus longius extra florem producantur. Semen quadruplo minus est.

4. *Atzoyatl seu Mirabilis Mexicana* Hernandez.

Hernand.

Folia fert hirsuta & mollia, & figuram cordis, quanquam longiora sunt, æmulantia: caules numerosos, geniculis rubris interstinctos: flores extra rubros, intra verò candentes, palmum longos, calicem prolixiorum formâ, ac radices fibris similes. Saporem & odorem Anisi præfert, non sine quadam acrimonia.

Frigidorum montosorumque locorum alumna est, & flores Septembri mense emittere solet.

Locus &

Hæc planta omnibus suis partibus in tantum differt ab Admirabili Peruviana, ut non tantum spe. Tempus. cie, sed etiam genere ab eadem differre videatur.

## C A P. VII.

*Linaria adulterina* Ger. emac. *montana flosculis albicantibus* C. B. *Linaria similis* J. B. *Pseudo-linaria montana alba* Park. *Anonymos Lini folio* Clus. *Bastard Toad-flax*.

Clus.

**P**edales habet ramulos, duos, ex viridi pallescentes, & in his multa folia, temere sparsa, nulloque ordine disposita, dura, angusta, longiuscula, Lini foliorum æmula, ejusdem cum ramulis coloris, qualis in Ruta montana elucet, h. e. ex viridi pallescentis, gustu nonnihil acido primum, deinde amaricante. Extremi cauliculi in multos ramulos sive pediculos dividuntur, qui flosculos albicantes sustinent, quinque foliolis stellatim decussatis constantes, cum aliquot interioribus faminis, qui tandem in singularia semina efformantur, pentagona, duro corio sive putamine medullam albam continentia. Radix candicans, multifida, perennis & vivax, annuatim novos ramulos, sive virgulas produçens, nonnunquam etiam serpens Linariæ repentis instar.

In montosis cretaceis apud nos invenitur. In editioribus herbosisque locis agri Viennensis copiose nascitur. Clus. Locus.

## C A P. VIII.

*Passerina Tragi* J. B. *Passerina altera* Ger. *Lithospermum Linariæ folio* C. B. *Lithospermum Germanicum*, *Passerina Tragi* Park. *Linaria altera boiryodes montana* Col.

J. B. Col.

**L**ingua Passerinæ huic plantæ nomen fecere foliola acuminata, aviculæ jam dictæ linguam imitantia [Col. angusta & parva, Lini æmula, sed minora] alternatim posita, rarius adversa, cauli dodrantali, interdum etiam pedali & altiori, recto, tereti, solido, lævi, virenti, sæpe simplici, interdum ramoso & alis undique diviso sine pediculis adnata, sapore viscido prædita. Caulis à radice ad alas usque plerunque nudus est, foliis facile defluentibus, atque exortus sui signa relinquentibus, ut in Tithymalo. Summas alas ab imo ad summum usque fructibus singulis, binis, aut plurimum ternis, pyriformibus, parvis, Lithospermi seminibus multò minoribus refertas habet: in quibus florum rudimenta insunt lutea; nam flores non semper observari possunt aperti, qui pusilli sunt, calathisci formâ, ex herbaceo flavescentes, oris in quatuor lacinias divisus. Radix bifurcata, fibris raris divisa, alba & lignosa. Fructus cortice virente exuto libro intus nigro tegitur; medulla verò interior alba est.

In arvis demessa segete circa Basileam, Genevam, Monspelium, &c. frequentem observavimus. Locus.

## C A P. IX.

### De Agrimonia seu Eupatorio Græcorum.

**A**grimoniam cum Lexicographis dictam putamus hanc plantam quia in agris abundat, potius quam, ut nonnullis placere video, ab *Ἀγριμῶν* quia medetur *τῷ ἀγρίῳ* sive *Ἀγριμῶν*, i. e. vitio oculorum.

Eupatorium Græcis dicitur ab Eupatore. Plin. l. 25. c. 6. Eupatoria regiam auctoritatem habet. Sunt qui velint nomen ab inventore Mithridate cognomento Eupatore habere. Hepatorium etiam dicitur ab Hepate, cui medetur.

Floribus hexaphyllis summis seminibus innascentibus, seminibus ipsis lappaceis deorsum nutantibus, foliis pinnatis à reliquis hujus sectionis faciliè distinguitur: ad quam (ut verum fateamur) propriè non pertinet, quoniam ejus lappæ seu echini vascula feminalia sint, duobus plurimum intus nucleis seu seminibus latentibus, non semina nuda. Verùm quoniam integri plerumque decidunt seminum more, nec unquam sponte aperiantur, & à Botanicorum vulgo pro seminibus habentur huc eam in præsentiarum retulimus.

A. 1. *Agrimonia* Ger. vulgaris Park. *Agrim.* seu *Eupatorium* J.B. *Eupatorium Veterum* sive *Agrimonia* C.B. *Agrimony.*

J.B.

*Caulem* ut plurimum erigit singularem, cubitum & sesquicubitum [interdum duos tréve cubitos] altum, teretem, hirsutum, medullâ farctum, *foliis* per intervalla cinctum alternatim positos, palmo longioribus, ex quatuor ferè foliolis utrinque pinnatim sitis, circumquaque dentibus majusculis serratis, venosis, brevi & vix conspicua lanugine hirsutis, extremo impari, multis minoribus interjectis, composita, sapore subacri cum quadam adstrictione. *Flores* suaveolentes, longa serie alternatim scapo medio adnascuntur, atque etiam summis ramulis, velut in spicas digesti, crocei, pentapetali, summis lappulis insidentes. Marcescentibus floribus lappulæ deorsum reflectuntur, & singulæ geminum nucleum continent. Ad basin uniuscujusque folii binæ appendices velut auriculæ caulem amplectuntur. *Radix* in nigrum vergit, crassa, sapore astringente donata.

Locus.  
Vires.

In satorum & viarum marginibus, & circa sepes inque pascuis passim provenit. Æstate floret. Hepatica nobilissima imprimis est (unde & Hepatorium dicitur) vulnerariæque: ideòque usu creberrimo venit in morbis ab Hepatis imbecillitate ortis, uti sunt hydrops, cachexia, icterus. In usu etiam est in catarrhis, tussi, mensibusque retentis. Extrinsecus adhibetur sæpissime in balneis & lotionibus.

Autore Rondeletio *Agrimonia* cum aceto forti emplastri modo imposita verrucas tollit, fortè acetum solum hoc præstat.

Pulvis *Agrimoniæ* ficcatus, & in vehiculo idoneo quocunque exhibitus à Riverio *Prax.* & *Observ.* plurimum commendatur in mictu involuntario nec sine ratione; adstringit enim satis validè. *D.Hulse.*

Cæsalpinus *Agrimoniæ* vulgarem *Eupatorium* Græcorum non esse contendit. *Eupatorium* enim est ex herbis aromaticis; at *Agrimoniæ* plantam totam neque saporem ullum, neque odorem ostendere præterquam ficitatem in ore. At Maio mense (referente Trago) radix dum adhuc tenera est odoratissima apprehenditur. C. Hofmannus odoratissimam invenit æstate media. Variat ergo (ut verisimile est) pro ratione loci.

Singulare est & certum experimentum Joannis Frengii inflammationes testium abigi, si *Agrimonia* in aceto vel vino cocta calidè cataplasmatism formâ scroto applicetur; recipi quoque eam in potiones vulnerarias felici successu lippis & tonforibus notum est. *Sim. Paullus.*

Quin & decoctis quæ lue Venerea laborantibus imperantur utiliter remiscetur: nonnulli etiam totus formâ tophis applicant ad mitigandos nocturnos dolores artuum. *Idem.*

Aquam ex ea destillatam commendant ad oris ulcera; eandem Pet. Bembus efficacissimam contra calculum expertus est. *Idem.*

Inter specifica adversus maniam habetur *Agrimoniæ* in aqua fontana decocta. Dolarus Lib. 1. C. 5. S. 18.

2. *Agrimonia odorata* Park. Cam. *Eupatorium odoratum* C.B. *Eupat. alterum odoratum & aromaticum* Col.

Col.

*Agrimoniæ* vulgari adeò similis est, ut vix una ab altera nisi naribus admota dignoscatur. Olim autem vulgaris inodora & ingrata est, hæc adeò odorata est & aromatica, ut ab illa diversum quicque, nisi flore & fructu eadem esset, judicaret. Verùm si rectè expendatur effigies plantæ, minor parum est & rotundiore lobo, sed vix differente, colore verò pallidior, tactu viscoso & odoris fragrantia nobilior, & sapore aromatico jucundissimo adstringente. *Radice* ex nigro rubente fibrosa: reliquis verò eandem dicas. Æstate & Autumno etiam invenitur perfecta.

Planta sequens *Agrimoniæ* propriè dictæ species non est, cum fructum lappaceum non producat: nec satis scio an ad hanc Sectionem pertineat necne.

3. *Agrimoniæ similis* C. B. *Agrimonioides* Park. Col. *Pimpinella folio Agrimoniæ nonnullis.*

Col.

Hujus *radix* parva est, fibrosa, lignosa & rubescens. *Folia* habet terræ proxima longis, hirsutis drantalibus, rubescentibus petiolis hærentia, *Fragariæ*, sed nigriora & plura, *Agrimoniæ* modo disposita septem, inter quæ alia magis parva interfunt, ut in *Agrimonia* etiam observatur, hirsuta, mollia, per ambitum serrata, dentibus *Agrimoniæ* minutioribus & acutioribus, verùm folia rotundiora sunt. *Caules* producit plures, veluti supinos, hirsutos, rubentes, alis tribus vel quatuor divisos; in quibus folia minora hærent, pauciora atque rotundiora, auriculas habentia circa caulem, ut in congeneribus: in quorum summo tres aut quatuor simul insunt utriculi hirsuti, cytinorum formâ, parvis, multis incisuris per oras fimbriati, luteum habentes *florem* parvum *Agrimoniæ*, quem in aliquibus locis vix exerit, sed intus post illum fructum concipit: quo deciso *fructus* producit, oblongus, rotun-



rotundus, Tritici grano æqualis, Lagenariæ cucurbitæ modo binis ferè tuberibus formatus; & perfectus ex se decidit, hiantem utriculū relinquens. Sapor est abstergente, siccante, & amaro. Odorata etiam est, media inter suaveolentem & vulgarem Agrimoniam.

Aprili mense floret & Maio perficitur, locis incultis inter vepres & frutices ad Matefii radices Septentrionem respicientibus, & etiam Æquicolorum montibus.

Tempus &  
Locus.

## CAP. X.

A. *Circea Lutetiana* Ger. Lob. *Lutetiana major* Park. *Solanifolia Circea dicta major* C. B. *Ocy-mastrum verrucarium* J. B. *Enchanter's Nightshade*.

**R**adix alba, crebris intercepta geniculis obliquè sub terra reptat, fibris subinde demissis. Caulis pedales aut cubitales, erecti, tenues, medullâ facti, vix culmum crassi, teretes, brevi lanugine hirsuti, non ramosi. Folia ex adverso bina, pediculis semuncialibus aut digitalibus insident, latâ basi, mucrone acuto, raris circa margines denticulis. Summi caules in spicas florum longas exeunt, floribus rariùs dispositis, albis, parvis, binis petalis bifidis constantibus, cum duobus staminibus & stylo. Calix pariter bifolius. Singulis floribus singula succedunt semina lappulata, deorsum reflexa. Florum pediculi tenues, breves, nulla ad exortum suum apposita habentes foliola seu ligulas.

In umbris humidis, inque sylvis & ad sepes non rarò provenit.

Plantæ huic natura flos bifolium dedit, & quidem soli ex omnibus quæ in Anglia sponte proveniunt, nobis saltem observatis. Fab. *Columna* duas præterea meminit dipetalas, nimirum *Hypecon legitimum Clusii*, seu *Cuminum filiquosum Matth.* cui tamen *Clusius* flos hexaphyllum tribuit, petalis duobus reliquis multò majoribus. Ego quamvis plantam ipsam in transmarinis viderim, non tamen flos adeo curiosè inspexi & observavi; & *Alfines facie novam plantam à se in Phytobasano descriptam*. Quicquid sit, flos bifolius unà cum fructu echinato planta hæc ab aliis omnibus hætenus descriptis abundè distinguitur, ut prolixâ descriptione ei non sit opus.

Locus.

*Circea Lutetiana minor* Park. *Solanifolia Circea Alpina* C. B.

## CAP. XI.

De *Pimpinella sanguisorba*.

**P**impinella recens vocabulum est (ut & Bipinella) à foliorum binis ordinibus pennatim seu plumatim, digestis sumptum, vel à forma ancipitis securis sive Bipennis. Sanguisorba dicitur quòd sanguineos fluxus sistat & sorbeat.

Hujus notæ genericæ sunt folia pinnata, spicæ crassiores è seminibus densè stipatis; semina tetragona, quibus flosculi insident.

A. 1. *Pimpinella vulgaris sive minor* Park. *bortensis* Ger. 7, *sive sanguisorba minor hirsuta*, & 8, *sive minor hevis* C. B. *Sanguisorba minor* J. B. *Burnet*.

J. B.

Radix longâ fusca, cum amarore aliquo adstringente, tenui, ex pluribus in unum coeuntibus composita nititur: ex qua caules attolluntur pedales & cubitales, spadiceï, angulosi [ & ramosi; ] in quibus capitula glomerata pluribus flosculis confertim congestis, quorum singuli ubi quaterna foliola, extra purpurascencia, intus virescentia explicaverint, stamina numerosa ostendant nunc lutea, nunc purpurantia, breviora aliàs, aliàs muscoso barbitio unciali circiter dependentia. Singuli autem flosculi singulis seminibus nudis, brevibus, quadrangulis, per maturitatem cinereis insident. Folia ab una radice numerosa, Melonis odore saporeque cum adstrictione, è pluribus foliolis pinnatim ad pediculum seu costam tenuem, rubescentem, hirsutam adnexis, exiguis, subrotundis, circumquaque profundè serratis, supinâ parte atro-virentibus, prona glaucis composita.

Locus.

In montosis pratis & pascuis præsertim solo cretaceo frequens invenitur.

Hujus radici adnascitur quibusdam in locis granum rubrum, quo utuntur tinctorum ad colorem Carmesinum, unde sunt qui pro cocco habent, & Coccum radicum appellant, monentibus Lacuna & Anguillara.

Quæ de hujus viribus traduntur ad duo capita reduci possunt. 1. Quòd sit cardiaca & alexipharmaca. Hinc virens vino injicitur ad cor exhilarandum, eique gratiam conciliat communicato sapore & odore aromatico, Melonis æmulo: præservat etiam à peste & morbis contagiosis. 2. Quòd sit astringens. Hinc usus ejus in profluvio mensium eximius, in fluxu alvi, hæmorrhagia quacunque, in vulneribus & ulceribus siccandis, glutinandis & sanandis.

D. *Bovile* pulverem herbæ aut radicis exiccate cum saccharo rosato exhibere solitus erat in hæmorrhagia narium, sputo sanguinis aut tæbe pulmonum. Idem inspersus [sine saccharo] ulcera cancræ compescit nè latius serpent.

In mictu sanguinis laudat conservam superbibita aquâ Solenander 3. Confil. 27. Idem non repudiât radicem conditam, Saccharove obductam.

An herba astringens utilis esse possit in arêna & calculo, ut nonnulli volunt, Lectori considerandum proponimus; item an lieni indurato, an Asciti incipienti conducatur.

Henrici II. Galliarum Regis venator bona fide asseveravit Pimpinellam ad præcavendam hydrophobiam tantam vim obtinere, ut quicumque eam aliquot diluculis, vel in acetariis, vel alio quovis modo præparatam comederit, nihil inde incommodi sentire possit. *Palmar. de mufu canis rabidi.*

Panchovius refert Regem Chabam, finito quodam prælio 15000 vulneratos usu Pimpinellæ restituisse.

2. *Pimpinella sylvestris* Ger. *major vulgaris* Park. *sanguisorba major* C.B. *Sanguisorba major flore spadiceo* J. B. *Great Burnet.*

*Radix* huic crassa, oblique acta, cum amarore aliquo astringens. *Folia* plus quam duplo majora sunt quàm Pimpinellæ minoris, novena aut undena ad unam costam adnexa, Betonica foliorum æmula, profundè ferrata, glabra, odore & sapore eodem cum minore, alternatim caulibus adnata. *Caules* teretes, tenues, læves, bicubitales & altiores, intus concavi, striati. *Flores* in spicis brevibus, habitiores seu capitula oblonga glomerati, spadicei, tetrapetali, singuli singulis infidentes seminibus oblongis, quadratis. *Florum* spicæ caules terminant, nec ullum eis supponitur folium.

Locus.

In palustribus & pratis humidis & lutosis nascitur.

- \* 3. *Pimpinella sanguisorba inodora* C. B. prod. *minor inodora* Park.

C. B. prod.

A sanguisorba minore vulgata differt foliis & odore. Nam in hac folia longiora sunt quæ in illa magis rotunda: in hac inodora quæ in illa odora.

Locus.

Hispaniæ indigena est.

4. *Pimpinella maxima Canadensis* . . . . *Cornuti max. Americana* Park. *Great American Burnet.* *P. Sanguisorba bortenensis maxima* Ger. emac.

Corn.

*Radix* vasta & carnosioribus fibris diducta *caulem* facit vere desinente procerum, rotundum & articulatum geniculis, à quibus egerminant ramuli plures, ex intervallis foliis donati, Pimpinellæ nostræ majoris effigie & colore similes. *Cauliculorum* apices non in globum aut in glandem abeunt, sed mille flosculis in longiorem spicam compositis fastigiantur. *Flores* alternis vicibus hiant, aperiuntur inferiores primi, superiores postremi: singuli quatuor foliolis crucis modo adversis inter se constant, & vasculo adnectuntur subrotundo, quatuor finibus sulcato, veluti plicati aut contracti marsupii rotundi sinus referentes. Ab hujus cavitate tres aut quatuor apices funduntur. *Flos* ex viridi subalbescit. Sapor, odor, color, nullatenus à vulgari nostrate differunt.

Hujus est & alia species, ad eam omnino accedens nisi quòd spicâ sit brevi, glomerata, tamen rubrâ. Utraque folia gerit longiora & magis ferrata quàm nostras major.

5. \* *Pimpinella Agrimonoides.* Morif. Præl.

Morif.

Hujus folia primâ facie Agrimonie foliis quàm proximè accedere videntur, siveque paniceo hirsuta & villosa, rachi seu nervo medio aliarum Pimpinellarum modo adnexa, uno extremum claudente: gratissimum contrectata spirant odorem. *Caules* pedales in quorum cymis proveniunt spicæ glomeratæ, seminibus striatis gratissimi odoris onustæ.

- \* 6. *Cuminum sylvestre* Park. Ger. *sylo. capitulis globosis* C. B. *sylo. primum, valde odoratum, globulosum* J. B.

J. B.

Variè divaricatos ramos dodrantes, teretes habet, medullâ candidâ plenos: folia palmum longa, pinnata, Pimpinellæ Sanguisorbæ foliis similia, foliola singularia profundè ferrata. Extremis ramulis hærent glomerata capitula, è villosis candidis penicillis, quibus semina adhærent, congesta; quibus subjecta sunt radiata foliola, profundius incisa & veluti spinosa. Morisonus noster semina plenius describit hoc modo. Semina singularia producit, non binatim juncta, ut in Umbelliferis, oblonga, in superiore & tenuiore parte hirsuta, seu villis pappisve plurimis donata, reticulo quodam è quatuor pinnatis seu plumosis carinis & lobis plurimis angulosis veluti lanceis composito mirabili naturæ artificio circumvallata.

Locus.

Odore ad Pastinacam tenuifoliam accedit: Cuminum nec odore, nec sapore refert.

Locis glareosis circa Aquas Sextias Gallo-provinciæ ubertim crescere scribit Lobelius in *Adv.*

Folis & capitulis ad Pimpinellam Sanguisorbam accedit, Seminibus papposis ad Valerianam.



## C A P. XII.

## De Thaliastro.

**T**halictrum seu Thaliolum, *Θάλλιστρον ἢ Θάλιντρον*. Similitudo figurarum  $\times$  &  $\eta$  scripturæ varietatem peperit. Fortè à *θάλλω* vireo, dictum est, eò quòd dum germina protrudit eleganter vireat.

Ejus characteristicae sunt folia umbellatarum in modum divisa, flores staminosi, semina ut in umbelliferis striata. Nonnullæ tamen species Thaliactri dicti semina folliculis inclusâ gestant.

1. *Thaliactrum majus, folliculis angulosis, caule lævi* J. B. *majus florum staminibus purpurascens* C. B. *montanum flore purpureo* Park. *montanum* 3. Clusf.

J. B.

In cubitalem vel sesquicubitalem altitudinem excrescit, ramosis, rigidis, politis lævibusque & concavis caulibus donatum: folia Aquilegiæ lævia, ejusdem pænè coloris, & fermè inodora, amarican-tiacum acrimonia: flores ceu muscaria conferta, ex radiatis staminibus, in orbem actis, dilutam Violæ nigræ purpuram referentibus, apicibus tamen obsoleto colore luteove præditis, compacti. Radices fibrosæ, multiplices, tenues, externè nigricantes, internè albæ, sapore non ingrata, quatuor veluti costis constant. Semen in folliculis angulosis, tenue, longum, fuscum.

In sylvis Jurae montis propè Thuri observavimus: J. Bauhinus in monte Salevæ propè Genevæ Locus & Tempus.

*Thaliactrum montanum album* C. B. *montanum album* 1. & 2. Clusf. *montanum majus* Park.

Solo floris colore à præcedente differt. Duplex est (inquit C. Bauhinus) unum altiùs excrescit, flore candido admodum gravis odoris. Hoc est Thaliactrum montanum 1. Clusf. *montanum majus* Park. alterum flore albo etiam, paulò humilius, minùs ingrati odoris: quod Thaliactrum montanum minus album Park.

2. *Thaliactrum speciosissimum glaucum semine & caule striato* J. B. *Thal. majus flavum staminibus luteis vel glauco folio* C. B. *Thal. majus album Hispanicum* Park. *Thal. majus Hispanicum* Ger.

Hominis interdum proceri staturam adæquat vel etiam superat, radice flava, multas fibras à latere obliquas circumquaque spargente, sapore amaro. Caulis autem rectus, singularis, nullis aliis ramisve brachiatus [Parkinsono in duos trèsvè ramos divisus] purpurascens, inanis, crassitudine digitali, perquam longis internodiis interceptus. Folia ex articulis nascuntur, quos vaginâ amplectuntur, Thaliactri majoris nigrioris latiora, si singularia spectes, colore utrinque subcæruleo vel glauco, sapore amaro & acri, odore gravi. Summum caulis fastigium in furculos aliquot abit, quibus flores infident muscosi ex meris fibrillis luteis compositi. Semen tegitur tunicâ tenui, non anguloso folliculo.

3. *Thaliolum Canadense* Cornuti. *Thaliolum Americanum* Park.

Corn.

In Canadensi solo nascitur Thaliastro similis bicubitalis planta, foliosior tamen florisque elegantioris, quæ caulibus ab radice multis frutescit, atro-purpureis, geniculatis per intervalla, quibus & hinc inde plures adnascuntur cauliculi, foliaceâ quadam valvulâ candicante à primario caule separati. Folia habet Aquilegiæ & ordine & figurâ similia, colore tamen glauco diversa. Flos in capitamine muscarii specie, globulis multis dilute purpurascens conficitur, qui dum dehiscunt singuli in quinque folia divisi mille alba filamenta ostendunt, quibus luteus apex præfigitur. Julio mense singula filamenta dum deficiunt in totidem semina degenerant, longiuscula, triangularis formæ, exstante quadam per singulos angulos epiphyti membranacea. Sapor totius plantæ dulcis est, radixque dentibus præmansa, & linguæ apposita substantiæ pinguioris & viscidioris esse sentitur, cum pauca admodum acrimonia.

Glutinandis vulneribus præfens est remedium si contusa apponatur: ex aqua cocta suppurationem molitur.

Habent, autore Parkinsono & minor hujus species floribus purpureis, apicibus flavis.

Varietas.

- A. 4. *Thaliactrum sive Thaliolum majus* Ger. *majus vulgare* Park. *majus siliquâ angulosâ aut striatâ* C. B. *nigrius, caule & semine striato* J. B. *meadow sue.*

J. B.

Pulchrè virentibus foliis, licet saturatiùs tinctis, splendentibus tamen, longis, angulosis donatur. Caules rigidi, striati, inanes virescunt, & ad viri altitudinem, & majorem aliquando, excrescunt. Flosculi perquam exigui, herbidi, pentapetali, calicum expertes, cum numerosis intus staminibus, prælongis, ex herbaceo flavescentibus. Singulis autem flosculis singula succedunt semina, striata, nuda. Radix fibrosâ, buxei coloris, ingrati, amaricantis saporis.

In

Locus.

In pratis, locis humidis &amp; ad rivos non infrequens est.

Dodonæus ulterius speciei meminit folio saturatiùs virente &amp; minore, cauliculo rotundiore, nullasque strias habente. Verùm Dodonæus non videtur Thaliætri species probè distinguere.

Vires.

Folia in oleribus admixta alvum nonnihil commovent, autore Dodonæo. Radicis decoctum idem potius præstat. Optimum Rhabarbari substitutum est. D. Palmer.

Thaliætris quibusdam in locis in Italia, teste Camerario utuntur contra pestem; in Saxonia contra Ictericam.

- A. 5. *Thaliætrum nimus* Ger. Park. C.B. *Thal. minus* sive *Rutæ pratensis* genus minus, semine striato J. B. *The lesser Meadow Rue*.

Thaliætro majori cum folliculis similis, non ea tamen ut plurimum huic proceritas: caules tenuiores, non minus tamen rigidi: folia confimilia, crassiuscula sed minora, sive sit spontanea, sive culta, situ & dispositione eadem. Radix tenuis, fibrosa, lutea, repens. Flores ex staminibus componuntur, capitulis minoribus, colore ex fusco ad luteum vergente. Semina striata.

Locus.

In cretaceo solo circa Novum mercatum, Lintoniam, & alibi ad collium radices in agro Cantabrigienfi copiosè, necnon in montibus circa Malbam & Settle Comitatus Eboracensis pagos.

- \* 6. *Thaliætrum minimum fatidissimum* C. B. Park. J. B.

C. B. prod.

Caule est rotundo, pedali, in ramulos diviso: foliis pluribus, in tres lacinias divis, antè abutur incisuris, denticulatis, superne atro-virentibus, inferne pallescentibus. In ramulorum fastigiis flosculi parvi, muscosi, ex plurimis staminibus compositi, quibus succedunt exiguae valvulae, oblongae, senae, septenae, striatae, apice incurvo donatae, sibi invicem junctae, capillaceo oblongo pediculo infidentes, semen exiguum includentes. Tota planta odorem foetidissimum spirat & in Valleja reperitur.

7. *Thaliætrum pratense maximum Monspeliensum asperioribus seu rugosis foliis*. Hort. Blas. Botan. Monsp. Morif. prælud.

Morif.

Ad ternos aut quaternos pedes altitudine ascendit. Folia supina facie rugosiora sunt & dilutius viridia quàm pratensi vulgari. Et tamen à D. Magnol quaerit, annon sit Thaliætrum pratense elatius longioribus & magis atris foliis Clus? Flores edit muscosos, luteos; semina striata reliquorum more.

Locus &amp; Tempus.

In pratis ad levam parùm ultra Latera sitis abundat, Junio & Julio florens.

An Thaliætrum pratense elatius, longioribus & magis atris foliis, & quodammodo splendidibus Clus?

- \* 8. *Thaliætrum pratense angustifolium* C. B. *Thaliætrum minimum* Park.

A Thaliætro minore montano albo parum differt, foliis scil. minoribus magisque incisis, colore magis glauco seu canescente: caulibus pede non multò altioribus, floribus magis flavis, & radicibus reptantibus.

Qu. an à præcedentibus specie differat.

9. *Thaliætrum angustissimo folio* Park. *pratense angustissimo folio* C. B.

C. B. prod.

Radice est flavescente, ex aliquot fibris oblongis crassiusculis composita: caule bicubitali, lavi, rotundo, profundè canaliculato & geniculato. Ex quolibet geniculo folia plura prodeunt, in plures oblongas, pleraque angustissimas, tandem & ternas lacinias secta: at caulis in fastigio in ramulos dividitur, in quibus flores plures, muscosi, pallidi, ad luteum vergentes, veluti in oblonga spica dispositi, quos valvulae tenues, parvae, minutissimum semen continentes, sequuntur.

Locus.

Ad fluvium Lycum propè Augustam Vindelicorum in Germania collegimus. C.B. In pratis Michelfeldensibus æstivis mensibus floret.

## CAP. XIII.

## De Fumaria.

**F**umariz herbe notissima res fumus nomen quondam fecit, quoniam vis illi contra hominis oculos lachrymosa sit, qualis in fumo est. Claritatem facit munitis oculis delachrymationemque ceu fumus, unde nomen accepit Plin. lib. xxv. cap. 13.

Fumariz notæ characteristicae sunt folia Umbellatarum in modum divisa. Flores spicati ad papilionaceos accedentes, in calcar quoddam retrorsum producti, pediculo è media parte egresso haerentes.

A. 1. Fumaria



- A. 1. *Fumaria vulgaris* J. B. Park. non bulbosa I, seu *Officinarum* & *Dioscoridis* C. B. *purpurea* Ger. *Capnos* Lob. *Herba melancholicifuga* Cat. Ald. **Fumitory.**

J. B.

Gustu tota est amaro, radice mediocriter crassa, albâ, fibrosa modicâ. *Caulis* nunc unus, nunc plures, brachiati, angulosi, inanes, glabri, colore partim purpurante, partim in albo virente. *Folia* ima ex longis pediculis, latiusculis & angulosis, tenuiter dissecta ad *Umbellatarum* ferè modum, glauca, alternatim caulibus adnata. *Flores* congesti in spicam, quæ non è folii ala oritur, sed ex adversa caulis parte, tenues, oblongi; quos si curiosè contempleris quatuor *petalis* singulos constare deprehendes. Superius & majus in tres partes dividitur, scil. in supremam, quæ in apicem rotundum terminatur, & inferiori floris petalo opponitur veluti labium alterum, pariterque in medio eminente viridi lineâ insignis est, & laterales duas, quæ stamina aliquot apicibus luteis donata continent. Petalum inferius, cui pars summa superioris (ut dixi) respondet, angustum est, & longum, summa parte in rotundum dilatatur, cochleare figurâ suâ referens. Petala duo lateralia exigua sunt & breviora, in acutum desinentia. Singulis flosculis singula succedunt semina, subrotunda, cranio similia.

In satis & aggeribus terrenis frequens est.

Locus.

- A. 2. *Fumaria major scandens flore pallidiore.* *Fumaria altera* Cæs.

Hæc omnibus suis partibus major est quàm præcedens. *Flos* ei speciosior, coloris incarnati quem vocant, media parte seu labello saturatius rubente: Sapor etiam plantæ quàm illius acrior.

Foliorum pediculis vicinas stirpes apprehendit, eodem ferè modo quo *Nasturtium Indicum*, aliàs humi provolvitur. Hoc autem ei cum præcedente commune est, ut ab aliis observatum. Ego equidem in hac primum specie qualitatem illam animadverti, Jacobo Boberto monente; cui etiam præcipue & præ aliis convenit.

In satis, vineis & hortis unâ cum præcedente reperitur.

Locus.

Hanc esse puto *Fumariam alteram* Cæs. longioribus cauliculis; rarioribus foliis, flore candicante, cui purpureum quid inest; oriturque magis in parietibus & circa maceries, cum altera in arvis magis proveniat; quàm C. Bauhinus *Fumariæ* nescio cujus viticulis & capreolis plantis vicinis adherentis synonymam facit.

Aliam adhuc *Fumariæ* vulgaris varietatem foliis tenuissimis, flore albo circa *Montspelim* repertam autor est C. B. & confirmat D. Botan. Magnol, quem consule.

Eadem præcedenti videtur.

- Fumaria minor folio oblongo capillaceo* C. B. *Capnos Cretica* Clus. *Fumaria major Cretica* Park. *Fum. altera tenuior Syriaca* Cam?

Clus.

Ex semine Creta allato Clusio natum est hoc genus, *Fumariâ* vulgari majus, nec minus succulentos habens cauliculos, angulosos, teneros, procumbentes: folia minutim incisa, & capillacea ut *Hispanica*, sed duriora. *Flores* confertim in oblongiuscula spica nascuntur, extremis ramis, vulgaris floribus candidiores, deorsum spectantes extremam virescentem partem occupante fusca maculâ. Illis succedit semen ut in vulgari, quod maturum facillè decedit. *Radix* tenuis, flavescens. Annuæ est ut vulgaris, & Junio Julioque fleret.

*Fumariam* nostram majorem scandentem describere videtur: omnes enim notæ conveniunt; proinde hanc ab illa non separandam arbitramur.

*Fumaria* purgat bilem & humores adustos, verum magnâ dosi exhibita. Sto cum illis (inquit *Vires*. C. Hofmannus) qui aiunt mentem Mesue & Avicennæ esse, succum quidem dari debere ab 3v. ad xi, decoctum autem ad xv, pulverem à iiij ad v. Hinc clarum & purum efficit sanguinem. Nostrates verno tempore herbam ipsam in sero lactis decoquunt & decoctum propinant ad sanguinem depurandum. Hinc etiam mirè prodest morbis omnibus humores prædictos [biliosos & serosos] sequentibus, ut Lepræ, Scabiei, Pruriti, impetigini, serpigini & similibus cutis vitis; aiunt & Lue Venereæ.

Diuretica est ut & sudorifica. Ideò datur aqua *Fum.* in Lue Venerea, & in peste cum *The-riaca*.

Obstructiones hepatis referat, perque urinam icterum ducit. Conserva, inquit C. Hofmannus, apud me in magna æstimatione est ad expediendas viscerum obstructions, post universi purgationem.

Succus ejus vel aqua destillata oculis indita caliginem eorum discutere creduntur; hinc plantæ nomen, quod claritatem faciat inunctis oculis delachrymationemque ceu fumus. *Plin.*

Essentia *Fumariæ*, itidem succus ejusdem, cum sero lactis in Melancholia per aliquot dies assumi potest. Ob Sal etenim volatile quod continet diurnam non sustinet coctionem. *D. Soame* è *Dol. Lib.* 1. C. 9. S. 15.

3. *Fumaria minor sive tenuifolia surrecta* J. B. *minor tenuifolia* C. B. *Capnos tenuifolia* Clus. Lob. *F. minor sive tenuifolia* Park. *Fum. tenuifolia* Park.

Radice est tenui, simplici, alba, rectè descendente, paucis & brevibus ad latera fibrillis donatâ, sapore amaro & linguam excalescente. Cauliculi indè exeunt plures, medio reliquis firmiore & majore, dodrantali, striato, concavo, ad intervalla foliis alternatim nascentibus vestito, è quorum alis ramuli exeunt. In summis caulibus & ramulis flores in spicas breves densâsque compacti, vili pulcherrimi colorum varietate. Flosculi singulares (qui non omnes pariter aperiuntur, serius enim summi, citius imi) breves, hiantes, supremo foliolo coloris purpurâscentis carnei, mucrone cuculato, ex luteo viridantes; foliolo gemello subjecto, cæteroquin albo, mucrone atro-purpureo; imum locum obtinet subtensum foliolum, fili instar tenue, coloris carnei. Singulis flosculis singula innascuntur semina, majuscula, compressa, ad Lini semina quadantenus accedentia, lævia & splendida. Folia minora & tenuius dissecta quàm in reliquis Fumariis, velut Rutæ sylvestris minimæ, aut Chamæmeli: quæ è radice exeunt longis insident pediculis, segmentis autem sunt brevioribus; quæ caules occupant breviores habent pediculos, segmenta longiora. Tum caules tum folia glauca sunt & incana, glauco quodam velut polline aspersa. In foliis nullus aut admodum levis mihi gustanti sentitur amaror.

Locus.

In arvis inter segetes propè Olbiam Gallo-provinciæ oppidum spontaneam observavimus. Invenitur autem plerisque Hispaniæ regionibus, in arborum marginibus & juxta vias ac semitas, referente Clusio, qui nonnullis etiam Galliæ Narbonensis locis observare se meminit. Æstate floret.

Planta quam descripsimus, quàmque Clusius & Lobelius intelligunt titulis superius allatis D. Magnol atque etiam nobis eadem videtur cum *Fumaria tenuifolia* compresso semine, Lini instar *Hort. Blasf.* quicquid repugnet D. Morisonus: Nam & Lobelius semen compressum ei tribuit, & Clusius in icone sua hujusmodi semen appinxit, & D. Magnol se cum semine Lini legisse asserit. Certe planta quam nos in Gallo-provincia invenimus huic tam similis erat quàm ovum ovo; quamvis in viretis nostris sata (ut rectè Lobelius) caducis & procumbentibus cauliculis oriatur.

## LIBRINONI PARS SECUNDA.

### De Plantis Umbelliferis.

**U**MBELLIFERÆ dicuntur hoc genus plantæ, quia earum pleræque flores gestant in Umbellæ seu Corymbi speciem dispositos. Quid autem Umbella in Phytologia significet Libro primo, qui est de Plantis in Genere explicuimus.

Hujus quidem generis species omnes flores in caulis & ramorum fastigiis coacervatos gestant, non tamen semper in Umbellæ formam dispositos. Notæ ergo Umbellatarum certiores & characteristica, quæ omnibus in universum & solis conveniunt, sunt Flores pentapetali & ad singulos bina semina nuda simul juncta.

Cum autem in unaquaque Plantarum tribu genera intermedia seu subalterna rectè constituere, & notis suis characteristicis definire perdifficile sit, tum in Umbelliferarum longè difficillimum, ob tres præcipuè rationes; nimirum, 1. Ob specierum multitudinem: 2. Ob plurimarum etiam similitudinem: 3. Ob nominum confusionem & significationem incertam. Cum enim veteres hoc genus plantas tanquam satis notas & familiares breviter descripserint, paucis & generalibus notis additis, Recentiores pro cuiusque captu alii aliis, & non rarò diversissimis plantis eadem nomina accommodarunt. Hinc in Seselios v. g. Libanotidis, Panacis, Dauci, Ligustici tot ferè sententiæ sunt quot capita.

Præterea in hoc genere manifestè ostenditur, notas à seminis formâ sumptas non semper optimos esse generum indices, neque quæ seminis formâ conveniunt vel differunt genere pariter convenire vel differre: siquidem in genere Cumini datur aliqua species hirsuto & hispido semine, quæ in aliis omnibus partibus & accidentibus, figurâ, colore, odore, sapore, &c. cum vulgari Cumino semine striato lævi convenit. Quis Sisarum à Pastinaca latifolia quacum in omnibus partibus tam exactè convenit, ut vix Ovum ovo similis sit; Quis itidem Sium seu Pastinacam aquaticam eidem foliis odore & sapore simillimum, non potius cum Pastinaca dicta conjungendas statueret, quam ob solam seminum in formâ externâ dissimilitudinem distrahendas & procul à se invicem removendas.

N. Plantas umbelliferas ut plurimum calidas esse. Annotavit D. Palmer.



## Plantæ Umbelliferae sunt vel folio

Composita, pinnato aut triangulari; hæc autem Seminibus vel

{ Latis, planis & compressis seu foliaceis; foliis

{ Latissimis; flore

{ Albo, petalis cordatis, radice lignosiore: SPHONDYLIIUM.

{ Pallide luteo, foliis

{ Minus ramosis & propemodum pinnatis, semine minore, radice carnea, et cule-  
ta; PASTINACA LATIFOLIA.

{ Ramosioribus, radice minus carnea, succifera; PANAX HERACLEUM.

Paulò angustioribus,

{ Pinnatis, seminis margine

{ Plano & æquali; TORDYLIUM spurium,

{ Granulato seu crispo: TORDYLIUM genuinum.

{ Ramosis, Petroselinii aut Apii; OREOSELINUM.

In laciniis angustis, Carotæ, Cicutæ aut Saxifragæ pratensis divisas

{ Succo lacteo turgidæ; THYSSELIUM.

{ Succo limido foliis

{ Cicutæ; APIUM Cicutæ foliis.

{ Saxifragæ pratensis; DAUCUS Alsaticus.

{ Cari; CARVIFOLIA.

In tenues laciniis Feniculi æmulas dissectis, semine

{ Minore, foliis Feniculaceis

{ In segmenta longiora & capillacea divisis, radice annua; ANETHUM.

{ In segmenta paulò latiora tripartito divisis & subdivisis, radice perenni; PEUCEDANUM.

{ Magno, oblongo;

{ In medio tumidiore, alâ foliaceâ sinuosa in summo bifidâ cincto, colore albente;  
sapore acri: THAPSIA.

{ Compressiore, per maturitatem nigro, caulis medullâ fungosâ, igni concipiendo  
idoneâ: FERULA.

Tumidioribus; vide Tabulam sequentem.

Integro aut laciniato duntaxat.

## SECTIO

## SECTIO PRIMA.

De Umbelliferis semine lato & compresso seu foliaceo, aut etiam ala foliacea cincto.

## CAP. I.

## De Sphondyllo.

**S**PHONDYLUM, *Σφονδύλιον*, dictum fortasse ob odoris gravitatem à Sphondyle insecti genere odoris gravis. *Pena.* Marcellus Sphondylium à spondylorum in spina dorsi, & phalangii ejusdem nominis forma dictum existimat: siquidem rotunditate duo hæc inter se similia sunt, & ambo perviam cavitatem habent, qua muliebrum fuforum verticillis similia sunt. Ego nullam hic similitudinem video.

Notæ hujus characteristice sunt folia in hoc genere latissima, flores albi, cordati.

A. 1. *Sphondylium* Ger. *vulgare* Park. *vulgare hirsutum* C. B. *Sphondylium quibusdam fr.* *Branca ursina Germanica* J. B. *Cow-Parsnep.*

*Radice* nititur alba, simplici, altè in terram descendente, sapore dulci & nonnihil acri, medullæ seu nervo intus grandi, lento & tenaci. J. Bauhinus saporem fervidum & subamarum linguam vellicantem ei attribuit. *Folia* à radice orta longis pediculis hirsutis insident, duabus pinnarum conjugationibus composita, cum impari in extremo in tres lacinias profundè diviso: singule etiam alæ latæ sunt, laciniatæ, & per margines crenatæ: Folia autem brevi utrinque lanugine pubescent; quæque in caule sunt, iis quæ à radice non multùm dissimilia, origine latâ membranosa cingidi caulem & ramulum è sinu suo egressum amplectuntur. *Caulis* simplex bicubitalis, teres, striatus, striis minis eminentibus quàm in *Pastinaca*, intus concavus, villis rigidiusculis hirsutus, ab imò statim ramosus, foliis per intervalla longiora quàm in *Pastinaca* cinctus, è quorum pariter finibus ramuli exeunt. *Caulis* ad internodia nonnihil reflectitur, secus quàm in *Pastinaca* latifolia. *Flores* in umbellas summos caules & ramulos terminantes digesti, albi, quàm *Pastinacæ* majores, pentapetali petalis bifidis & velut cornutis. Nulla in hac exortum umbellæ totalis aut partialium circumstant foliola: Semen foliaceum, pallidiùs quàm *Pastinacæ*.

*Locus.*  
*Vires:*

In humidioribus pratis, pascuis & agrorum marginibus, & propè rivulos abundè oritur.

Quas Dioscorides & Plinius Sphondyllo vires ascribunt, non videntur huic plantæ convenire, unde meritò ambigitur, an hæc sit verum & genuinum Antiquorum Sphondylium, quamvis, descriptio Sphondylii apud Dioscoridem ei non ineptè quadret.

*Radix*, autore Trago, valet ad emolliendos & deprimentos tumores, præsertim verò matricis, epatis & lienis. Succum herbæ expressum unguentis emollientibus Chirurgi admiscunt.

Fuchsius hujus radicem eandem habere cum *Acanthi* veri radice facultatem vult, nimirum escicatoriam & leviter incisoriam. Ab *Acanthi* veri viribus longissimè distare placet Gesnero: suffragatur C. Hofmannus.

Schroderus quinque herbis emollientibus Sphondylium accenset, & usum præcipuum externum esse scribit in clysteribus aliisque paregoricis quarumcunque formularum, & ut plurimum in cataplasmatis.

Poloni & Lituani ex Sphondylii foliis & semine cum aqua, addito fermento, potionem coquere feruntur, *Parst* dictam, quæ pauperibus sit loco cerevisiæ, si Dodonæus vera recenset.

Semen hujus plantæ, ni fallor, quam *Pastinacæ* sylvestris appellatione insigniunt egregium est in Hysterico paroxysmo. D. Willis è Jo. Anglico.

Gratus cibus sunt Sphondylii folia cuniculis.

A. 2. *Sphondylium majus aliud laciniatis foliis* Park. *Sphond. hirsutum foliis angustioribus* C. B. *Jagged Cow-Parsnep.* An *Sphondylium crispum* J. B. Tab?

A vulgari foliis solùm differt: nam cum vulgare foliis sit amplis, plerunque ex quinque partibus latis, subrotundis compositis, hoc folium habet in lacinias oblongas, angustas, acuminatas, hâque in alias, inordinatè tamen, divisas, & per marginem crenatas.

*Locus.*

Hoc in pratis Alpibus Rhæticis observavit C. Bauhinus: in Salopia Angliæ invenit D. Bowles, referente Parkinsono. Londino missum in horto nostro Cantabrigiæ aluimus; unde acceperunt Londinenses nescimus.

Præcedentis varietas potiùs esse videtur quàm species distincta; natura in multis hoc modo ludente.



\* 3. *Sphondylium Alpinum parvum* C. B. Park. J. B.

C. B. prod.

*Caulis* huic pedalis, qui in summo in alterum ramulum triunciale dividitur; quem *folia* cingunt pallidè virentia, longis pediculis donata, quæ in partes tres, vel etiam quinque, alias subrotundas, alias acutas, per marginem crenatas & hirsutas dividuntur. *Umbella flosculis* candidis, latis tamen, summo cauli insidet, quibus *semen* planum, latum ac tenne succedit. Tota planta levissimis pilis pubescit.

Ex Austria Alpibus C. Bauhino missum fuit.

Locus.

\* 4. *Sphondylium Alpinum glabrum* C. B. Park. J. B.

C. B. prod.

*Radice* est crassa, eaque albâ: *caule* bicubitali geniculato: *foliis* ficulneis, glabris, (quæ absque pediculo palmum longa, duas [uncias] lata sunt) communiter tripartitis, sed non usque ad pediculum divisas, per margines crenatis, quorum inferiora pediculis palmaribus, hispidis & subasperis donantur. *Caulis* summo umbella *flosculorum* candidorum, sed quàm in reliquis speciebus minorum, insidet. *Semen* succedit subrotundum, planum, cujus summitati apex infigitur.

In monte Wasserfall observavit C. Bauhinus.

Locus.

\* 5. *Sphondylium majus* sive *Panax Heracleum* quibusdam J. B. *Pan. Heracleum verum*, ficulneo folio Park. *Pan. Sphondylii folio*, sive *Heracleum* C. B. *Panax Heracleum* Ger. *Periculis* his All-heal.

J. B.

*Procerâ* est herba, *caule* bicubitali & altiore, canaliculato, quem laxus utriculi instar complectitur *foliorum* pediculus: sunt ea verò duorum circiter palmorum longitudine, parique latitudine, circumscriptione ferè rotunda, nisi quinque aut sex laciniis rotunditas interrumpatur, serrata, minus aspera, minusque hirsuta quàm *Sphondylii* nostratis. *Flores*, veluti in *Angelica*, utriculo comprehenduntur, quo disrupto in umbellam explicantur latam *florum* alborum, cordatorum; quos excipiunt *semina* nostratis *Sphondylii*, nisi essent paulò majora, plana itidem ut illa, duplicia, alba, foris quatuor striis nigricantibus, interna facie duabus donata, gustu acri & aromatico, non tamen jucundo.

Videtur à *Sphondylis* vulgari in eo potissimum differre, quod speciosior & major, quodque folia integra obtineat.

Magna est apud Botanicos confusio de hac herba. *Lobelius* alibi eam floribus luteis esse scribit: alibi, in Belgii hortis flores albos promere.

## CAP. II.

De *Pastinaca latifolia*.

**P**astinaca, *Σταχυλίς*, à pascendo dicta videtur, nam radices ejus cibus sunt vulgaris, quæ corpus abundè alunt saginantque. *Turnebus* autem in *Adversar. lib. 8. cap. 23.* ex eo dici putat quod referat & quasi habeat *pastinum*, quomodo vocatur instrumentum quo vineæ fodiuntur. *Voss. Erymolog.*

*Staphylinus* (inquit C. Bauhinus) fortè à colore uvæ nigricantis dicitur, cujus coloris unius radix est. Sunt qui à similitudine radices *Bryoniz*.

*Pastinacæ latifoliæ* notæ genericæ sunt Radices carnosæ esculentæ, flores lutei, folia pinnata potius quàm triangulata.

*Elaphoboscum* dicitur hæc herba, quoniam fama est hoc pabulo cervos resistere serpentibus.

Ex *Dioscoridis*, *Plinii*, *Galenii* & *Columellæ* de *Sisere* verbis colligere conatur *Columna* hanc plantam Antiquorum *Sisere* esse absque dubio ullo. Radicem namque *Pastinacæ sativæ* similem formæ & sapore, verum amariore atque odoratiore, omnèsque *Pastinacæ* generi adscripsisse, atque *Pastinacam* vulgarem sive domesticam appellasse. In hac radice nervum inesse longitudine, qui eximatur postquam elixata fuerit radix, non solum dulcedinis causâ, sed quia tenerior sit pars reliqua exterior, ciboque aptior atque gratior. Hoc & in *Pastinaca sativâ* vulgari, & in *Rhaphano* prospici, præsertim cum radices sint benè adultæ, duriorem enim tunc continere nervum, cibo ineptum. Reliqua apud Autorem vide.

A. 1. *Pastinaca sylvestris latifolia* C. B. *latifolia sylvestris* Park. Ger. *Germanica sylvestris*, quibusdam *Elaphoboscum* J. B. *Wild Pastinac.*

*Radice* nititur alba, simplici, fibras aliquot majusculas è lateribus emittente, odore & sapore *Pastinacæ sativæ*, à qua non aliter quàm cultu nobis differre videtur, inquit J. Bauhinus. *Caule* assurgit simplici bicubitali aut tricubitali, erecto, rigido, striato, crassitie pollicari aut majore, brevi lanugine hirsuto, intus concavo, ramoso, *Foliis* per intervallâ alternatim positis vestito, *Pastinacæ sativæ* similibus, verum minoribus obscurius virentibus, & in apricis interdum lanuginosis præsertim quæ

quæ è radice exeunt. Ab imo caule ad summum usque ex alis foliorum egrediuntur ramuli umbellati, reflexi, quibus succedunt semina Pastinacæ sativæ similia. Exortum radiorum umbellam totalem componentium nulla circumstant foliola, ut neque umbellas partiales. Folia componuntur ex pluribus alarum conjugationibus, & alæ inferiores ex aliquot pinnulis seu lobis circum oras dentatis & in acutos apices exeuntibus.

A. 2. *Pastinaca latifolia sativa* Ger. Park. C. B. *sativa latifolia Germanica*, luteo flore J. B. Common Garden or manured Parsnep.

J. B.

Culinis notissimæ Pastinacæ hujus radices singulares sunt, longæ, turbinatæ, crassæ & carnosæ, minùs tamen quàm Carotæ, albæ, in medio nervo duro donatæ, magis grato quàm Silarum sapore. Ab his caulis surgit bicubitalis & procerior, firmus, striatus, inanis, multis alis concavus. Folia Pimpinellæ majori non ineptè compares, sed multis numeris majora, atro-virentia, hirsuta, sapore grato & aromatico quoque. Flores in ampla umbella lutei, quorum singuli quinque foliis reflexis umbilicum medium viridantem circumstantibus constant. Semen latum, compressum & foliaceum.

Locus.

In hortis colitur. Aiunt ex semine sylvestris iterata satione in solo pingui & opulento sativam fieri, quemadmodum ex Staphylino seu Carota sylvestri Carotam sativam. Quod si ita sit, non differt Staphylinus sylvestris specie à sativo.

Ufus.

Radices hujus dulces sunt & palato gratissimæ, multum nutriunt, & corpus pinguefaciunt præ Rapis aut Carotis, unde & Venerem excitant: flatulenti quoque aliquid obtinent. Eduntur coctæ cum butyro conditæ, Quadragesimali tempore, tunc enim succo per hyemen concocto maxime dulcescunt & tum saporis tum salubritatis gratia præcipuè expetuntur; nec enim adeo commendabiles sunt antequam frigoris insultum senserint.

Refert Cæsalpinus ex his radicibus cum Saccharo Elestuarium confici ad vires recreandas convalescentibus & puerperis, communissimum rusticorum remedium: appetentiam quoque præstare.

Incidendi, attenuandi, detergendi, obstructions aperiendi facultatem inesse sapor odorque demonstrant. J. B.

Dodonæus semen calidius & siccus esse, urinam movere & flatus discutere asserit.

Qui hyeme colligunt radices (inquit J. Bauhinus) caveant à Cicuta vel Cicutaria. Dum sum Montbelgardi vidi duas familias in quibus qui decepti edebant pro Pastinaca penè extincti erant, sed sublevati vomitu, Theriaca & Saxonico pulvere, itémque purgantibus salvi evaserunt.

At nostrates asserunt Pastinacas ipsas vetustiores & annosæ delirium & insaniam inducere, unde & eas *Madnepg*, id est, Pastinacas insanas vocant.

*Agriopastinaca Cretensium* V. *Petroselinum Creticum* C. B. in capite de Apio.

### C A P. III.

#### De Panace Herculeo.

**P**anax quasi παναξ, omnibus remedium asserens. Plin. lib. 25. c. 4. Panaces ipso nomine omnium morborum remedia promittit. Theophrast. Hist. lib. 9. cap. 12. quatuor genera proponit, Syriacum, Chironeum, Æsculapeum & Herculanum. Cæterum Panacis Herculei dicti, de quo agimus, notæ sunt folia lata Pastinacæ, verum magis corapposita seu ramosa, flores lutei, radix gummifera seu succifera. Hæc planta Dodonæo aliisque ipsissimum Panaces Syriacum Veterum habetur.

*Panax Herculeum majus* Ger. *Panax Pastinacæ folio*, an Syriacum Theophrasti? C. B. item *Panax costinum* ejusdem ex sententia fratris & nostræ. *Pan. Heracleum alterum*, sive *pergrinum* Dodonæi *Panæ*. itémque *Panax costinum* seu *Pseudocostus* Matthioli ejusdem. *Spondylii vel potius Pastinacæ Germanicæ affinis* Panax vel *Pseudocostus* flore lateo J. B.

J. B.

Folius viget interdum sesquicubitalis longitudinis, latitudinis cubitalis, asperis, hirsutis, atro-virentibus cum nitore quodam, in alas divisas ex adverso litas, easque rursus pinnatim subdivisas in folia Pastinacæ Germanicæ foliis similia, ferrata, tres, quatuorve uncias longa, binas lata, in obtusum mucronem desinentia, pediculo admodum hirsuto & aspero. Caules aliquot cubitorum, brachiat: Umbellæ inæqualis longitudinis mucarissæ Peucedani in morem constant florum luteorum. Semina majora quàm Pastinacæ Germanicæ, Spondylii seminibus paria, compressa, lata, fimbriam albam habentia, cum in medio nigricent, acris & linguam mordicantia.

Locus.

In Sicilia non longè à Castello *Pancallu* sponte natam observavimus hanc plantam.

Ex hujus vulnerato, præsertim circa radicem, caule succus æstivis mensibus manat, Opopanaci similis, sponte concretescens, odoris quidem exigui, sed gustu exalfaciens: idque æstate fervida etiam in Belgio. Ex semine in Opopanacis grumis reperto hæc primum in Belgio enata stirps est. Dod. Hinc, & rectè quidem, colligit Dodonæus plantam hanc ipsissimum esse Panaces Syriacum Veterum.



Veterum. Idem confirmat \* Paulus Boccone his verbis, E caule hujus plantæ inciso extillat gummi quoddam flavicans, quod Balsami species est, ad omne genus vulnera & plagas sanandas, experientia teste, longè utilissimum, si formâ emplastri parti affectæ applicetur. Gummi autem quod ex hac planta emanat genuinum Antiquorum Opopanax censendum est, quandoquidem ex omnibus Panacis speciebus in Europa hucusque cognitis nulla observatur quæ similem reddit succum. Quin affirmat idem Paulus Boccone, Panax isthoc semine hirsuto Siculum [ quamvis non in Sicilia tantum sed etiam circa Monspelium in Gallia Narbonensi oritur ] Panaci Syriaco è quo Opopanax elicitor, idem prorsus esse, cum utrumque primò tria edat folia, postea in quinque divisa. Ex Adversariis D. Tancredi Robinson.

Oritur etiam cum Libanotide Cachryophora in elato colle prope molendinum dictum juxta fluvium la Maussou. Botan. Monsp.

Præstant ( ut referunt qui important ) Pseudocosti radices ad omnes cerebri & nervorum frigidos affectus, ad pectoris vitia, & ad ventriculi cruciatus, & viscerum omnium obstructions, & ad renum, vesicæ & uteri morbos. Ideoque auxiliantur diutino capitis dolore affectis, vertiginosis, comitialibus, stupidis, veteriosis, convulsis, resolutis, asthmaticis, tussientibus, ictericis & hydropicis. Eadem status pellunt, vermes necant, urinam ducunt, caleulos ejiciunt, menses & partus cient. Infunduntur earundem decocta ad coli cruciatus, & coxendicum dolores. J. B. è Matth.

Caterum Opopanax ( quem hujus plantæ succum concretum esse non est cur Dodonæo fidem denegemus ) emollit, digerit, status discutit, purgat pituitam crassam & lentam à partibus remotis, cerebro, nervis, sensoris, juncturis, thorace: Uvulæ delapsæ opitulatur ( suffitu intus immisso ) Schrod.

Signa bonitatis sunt color extus flavus, intus albus aut subflavus; sapor valdè amarus, odor gravis, consistentia pinguis, facilè in aqua solubilis, levis, tenera, friabilis, &c.

## CAP. IV.

De Umbelliferis foliis latiss quidem Pastinacæ, verum quàm illius minoribus, pinnatis, seminis margine non granulato, seu Tordyliis spuriis.

**T**ordylium ( inquit \* Jo. Bodæus à Stapel ) nomen impositum, quod semen ferat copiosum, circinatum quasi toreumatis, elaboratum, orbiculatum, compressum, geminisque valvulis conflatum, clypeoli speciem referens. Notæ ejus sunt folia Pastinacæ æmula sed minora, radix tenuis non carnosa; Semina plana non granulata ad margines. \* Comment. in Theophr. Hist. l. 9. c. 15.

1. *Caucalis major*, semine minus pulchro, hirsuto J. B. *Seseli creticum majus* C. B. *Gér. Sef. Cret.* sive *Tordylium majus* Park. An *Caucalis Lusitanica* Alpin. exot?

J. B.

Duorum cubitorum altitudinem ferè caulis assequitur, hirsutus, striatus, inanis, in ramos divisus. Folia prima subrotunda, similia quodammodo Elaphobosci, sed minora, serrata, hirsuta, alia longiora, breviora alia: Umbellæ parvæ, flores parvi quoque, albi, quorum flosculi externi quædam habent foliola majora, bipartita. Semina peltata *Caucalidis* Syriacæ, sed multò minora, hirsuta, umbone rubente, fimbriâ albâ, sapore aromatico.

In hortulo nostro Cantabrigiæ aliquot annos aluimus. Semine maturo perit, eoque deciduo se renovat. J. Bauhinus invenit sponte nascens & florens mense Maio in Sabaudia propè longè à S. Mauritio, itinere Genève Lugdunum.

Hæc planta in multis à præcedente differt, ut v. g. seminis fimbriâ planâ seu æquali, non crispâ seu granulatâ ut in illa.

Quam Cantabrigiæ aluimus planta ad nos missa est Londino *Caucalidis Hispanica* nomine. Semen autem non erat, ( quantum meminimus ) hirsutum, prout illud describit J. Bauhinus, proinde fortè hæc diversa est species, & quam depingit Alpinus *Caucalidis Lusitanicæ* titulo.

2. *Tordylium majus alterum luteum* Col. *Seseli Creticum fructu majore* C. B. *Seseli Creticum majus luteum* Park.

Col.

Hujus radix parva est respectu plantæ, fibrosa, candicans, dura, sapore inter Pastinacam & Eryngium dulci, aromatico. Folia congeneribus affinia, verum plantæ congeneri purpureo flore similia, majora & læviora, gustu parum acia. Caulem habet parem, ab imo alis divisum, tenuem, teretem, striatum, parum hirsutum, circa imum purpurantem, sicut foliorum petioli. Folia binis tantum lobis dividuntur aut ternis circa summum. Flores lutei Anethi in magna umbella, nullas habentes barbulas magnitudine dependentes, ut in aliis. Fructus edit cartilagineos, latos, magnos, compressos, alii majores, virentes: at cum proficiuntur limbo externo & umbilico candicante, nec hirsutos sed læves, parum vel nihil extuberante limbo, ruffaque lineâ umbilicam dividente; in summo Thlaspeos fructus modo infractos, ad cordis figuram accedentes, apices inde exerentes, habentes in umbilico singula semina, compressa, ovali effigie.

Mao floret & perficitur. Hoc genus in hortu cultum duntaxat vidit F. Columna. Fructus virentis sapor acrior, dulcis, parum natis & cerebro in mandendo ingratus, gravi aromatico gustu.

3. *Caucalis major Clusio* J. B. Ger. *emac. maxima* Park. *maxima*, *Sphondylii aculeato semine* C. B.

Clus.

*Caucalis* hæc omnium maxima Clusii multos à radice producit *stolones*, rectos, bicubitales & tricubitales, interdum etiam 4 cubitorum altitudinem attingentes, striatos, intus cavos, geniculis interceptos, & in plures ramos divisos, sub quibus latâ sede adnascuntur magna alataque *folia*, in ambitu incisa & serrata instar foliorum Angêlicæ, ex atro virentia. Summis ramis adnascuntur umbellæ candicantium *florum*, subtus nonnihil purpurascentium & ad carneum colorem accedentium: quibus succedunt lata *semina*, ferè ut in *Sphondylia* vulgari, subhirsuta, & summo mucrone bifida aculeatâque instar spinarum. *Radice* habet albam, duram, lignosam, raris fibris præditam.

Locus.

Mense Septembri lata illico emergit, viridisque permanet tota hyeme, quam commodè ferre potest: Subsequentis anni Junio flores, maturum semen sub exitum Julii & Augusto producit, quo ad maturitatem perducto perit.

## CAP. V.

De Umbelliferis latis *Pastinacæ* foliis, *semine fimbriâ granulata aut crispâ cincto*, seu de *Tordyliis*.1. *Caucalis Syriaca cum maximo semine* J. B. *Gingidium latifolium* Ger. *latifolium Syriacum* Park. *foliis Pastinacæ latifoliæ* C. B.

J. B.

**P**lantula est bipalmaris & major, *radice* simplice, tenui, alba: *Coliculus* hirsutus, striatus, atrovi-rens, tortuosus: *Folia* Baucis sive *Pastinacæ* Germanicæ, alata, rotundiora, & foliis singularibus conflatâ, plerumque ternis vel quinis, crassiuscula, crenata, hirsuta, subaspera: *Flosculi* albicantes, apiculis saturatâ purpurâ tinctis, umbellatim quidem, sed sparsim dispositi, longis foliorum segmentis protensis obvallantur, odore nullo eccellente: quibus etiam nondum delapsis præcoci ortu succrescunt *semina* simul juncta, multa, incana, villosa, compressa, per maturitatem pulchrè peltata, duplicia, multò majora, etiam triplo vel quadruplo, quàm sequentium duorum, quibus similia, crispâ albâque fimbriâ umbonem cinericeum circumdante: (In iis lineæ duæ, nonnihil nigricantes, quales ferè *Sphondylia* vulgari:) Saporis aromatici.

Locus.

Rauwolfius hujus semen ex Syria allatum J. Bauhino communicavit.

Hujus umbella flore delapso in se convoluta & clausa cernitur *Pastinacæ* tenuifoliæ aut *Gingidii* in modum.

2. *Tordylium sive Sefeli Creticum minus* Park. *Sefeli Creticum minus* C. B. Ger. *Caucalis minus pulchro semine, sive Ballonii* J. B.

J. B.

Tenuem, lignescentem, albam *radicem* demittit & simplicem: *caulem* habet pedalem aut majorem, striatum, hirsutum: *folia* per conjugationes longo pediculo adnexa, subrotunda, serrata, aspera & pilosa, minora quàm *Caucalidis* majoris, *semine* minus pulchro hirsuto: quibus penitus similia etiam sunt ea quæ ramorum divaricationi adnascuntur, utcumque minora, nihilque cum superioribus *Caucalidis* majoris foliis habent simile. *Flores* in umbellam digesti, similes, candidi, quorum etiam *flosculi* exteriores majora habent bipartita *folia*: peltata *semina*, pulchriora, non ita hirsuta, fimbriâ candidâ crispâ vel granulatâ ambiente. Sapor plantæ ferè qui *Staphylini*. C. Bauhino flores & *semina* odorata, ac nonnihil acia *Myrrhidis* gustu.

Locus.

J. Bauhinus Monsipeli sponte proventientem vidit, ubi eam copiosè oriri in vinearum marginibus, præcipuè circa pontem Castrî novi, testatur etiam D. Magnol in Botan. Monsp. Nos eam in Sicilia circa Messanam observavimus.

Florè Junio, & Julio *semina* perficit: in calidioribus regionibus maturius.

D. Magnol *Sefeli Creticum* majus Lob. Obs. non aliter quàm magnitudine à minore hic descripto differre putat. J. Bauhinus *Caucalidis* suæ majoris *semine* minus pulchro synonymum facit, quæ certè planta est omnino specie distincta.

*Tordylium minimum* Apulum Col. *Sefeli Creticum minimum* C. B. *Sefeli Apulum Creticum* minimum Park.

Hujus *radix* tenuis admodum, albicans, dura, dulcis, aromatica & calfaciens est. *Folia* *Coriandrina*, majora quàm *radice* proxima, hirsuta, mollia: quorum primum oblongum, rotundis crenis per ambitum incisum, sequentiâ longam latitudine verò unciam parum superans; alterum vero duas æquat, nam veluti lacinias & incipientes lobos habet: Tercium caulis imo harenis longiore petiolo, binos lobos habet distinctos, parvos, rotundos, semunciali diametro, & in cacumine folium majus & oblongum, primis angustis. Quartum circa tertiam caulis partem harenis, rario simili est, sed minus. Quintum verò tantundem ab inferiore distans, minus omnibus est, & acutius folium quod imminet. Ex illius & caulis sinu & geniculo ramulus exit. *Caulis* nudus est supra



supra folium tertia parte, hirsutus, striatus, durus, tenuis, umbellam habens sylvestris Pastinacæ modo cum basi foliacea, longis foliolis hirsutis constructa, ipsamque planam & expansam, brevibus intus petiolis, in quibus flores albi, densi, minuti, luteis intus staminibus: in singulis verò floribus corymbis tres flores exteriores barbulas habent magnas, binas ut in congeneribus, quorum medio insunt minora, & umbella exterius pendulis barbulis armata videtur candidis, minutis intus flosculis remanentibus. Hujus semina adeo similia sunt vulgari, ut non nisi magnitudine differant. Duplo enim sunt minora, & umbilico nigriore. Maio adhuc virentia purpurascent, deinde albicant, & folia decidunt è caule, ut planta cognosci nequeat, nisi à semine minutiore scutulis simili, per ambitum exiguis extumescens granulis vallato, ut in congeneribus, sed minora omnia: Sapore aromatico, odorato, amarifusculo.

In incultis & sylva illa propè D. Rocchi ædem Cirinolæ observavit Columia.

Locus.

#### C A P. IV.

De Umbelliferis semine foliaceo, Petroselinæ vulg. aut. Apii foliis.

1. *Apium montanum nigrum* J. B. VI. sive *montanum folio ampliore* C. B. item VIII. seu *montanum nigrum* ejusdem. item *Daucus VI. seu montanus Apii folio minor* ejusdem [ & Park. ] & sententia fratris, adeoque ex una planta tres facit. *Apium montanum vulgatius*, & *Apium montanum Parisiense* Park. *Oreoselinum* Ger.

f. B.

**F**olia est per terram expansis, Apii hortensis, nigrioribus, durioribus, modicè acris & amaris, odoris nonnihil aromatici, & quasi vinosi, pediculo membraneo purpurascente caulem amplexu procerum, multiplicem, non multum crassum, solidum, striatum, nonnihil rubentem, ramosum; in quo umbellæ florum albescent, seminibusque post se relinquunt longè foliis acriora, compressa, lata & ferè orbiculata, colore ante maturitatem plenam, modò rubente, idque intensius remissiusve, modò viridi. Radix insigniter crassa, mollis, supremâ parte capillatâ, intus forisque albida, sapore acris, amaricante, ingrato nonnihil, succum è vulnere remittens lactescentem, viscidum, resinofum.

Plenam & accuratam omnium hujus plantæ partium descriptionem è Cordi historia transcriptam vide apud J. Bauhinum.

In Germaniæ montosis & ad latera montis Juræ non procul Geneva copiosè provenit.

In summâ amat montosos arenososque tractus, ut rectè J. Bauhinus. Cordo Polychreston dicitur à Germanico nomine *Deelgut*.

Locus.

2. *Libanotis altera quorundam*, aliis dicta *Cervaria nigra* J. B. *Libanotis Theoph. nigra* Ger. *Daucus selinoides major* Park. *montanus Apii folio major* C. B. *Saxifragia Venetorum* Ad. Lob.

f. B.

Radices plures digitales, capite Mei instar capillato, in unam coeunt, quæ sensim attenuata pedes duos aut tres horfùm illorūque vagatur, altius humo depacta, foris nigricans, intus alba, lentam mucilaginem vulnerata manans, sapore resinaceo, aromatico, grato ad Pastinacæ Germanicæ accedens saporem: substantiâ teneriusculâ: Folia cubitalia quæ tum à radice, tum caule oriuntur, longis appendis pediculis, aliquatenus Petroselinæ Macedonici divisura & effigie, rigidiora, glabra, glauci ferè coloris, crenata, sapore remissiore quàm radix: Caules autem ferulacei, striati, duos, tres quàmvis cubitos alti & in alas divisi, umbellæ sustinent amplissimas flosculorum albicantium, priusquam dehiscant purpurascentium. Semen latum ad Pastinacæ latifoliæ semen nonnihil accedens.

In pascuis montosis, inque vineis ad Rhenum in Germania, & in collibus Genevæ vicinis copiosè sponte natam observavimus.

Locus.

#### C A P. VII.

De Umbelliferis foliis tenuius incis, Carotæ, succo lacteo turgidis.

1. *Apium sylvestre lacteo succo turgens* C. B. *Apium sylv. sive Thysselinum* Ger. *Thysselinum* sive *Apium sylvestre* Park. *Apium sylv. Dodonæi*, *Thysselinum quorundam*, planta lacteo succo turgens, locis humidis proveniens J. B.

f. B.

**D**uū trūmve cubitorum caules, striati, angulosi, glabri, ramosi, inanes, imâ parte ex fusco rubentes, ex quorum geniculis rubentibus oriuntur pediculi dodrantes & cubitales, caulium ritu striati, angulosi concavique, folia sustinentes Carotæ, glabra, valdè incisa, atrovirentia,

tia, lacteum liquorem, si rumpantur, reddentia, sapore ingrato, mixtâ cum amarore acrimoniâ. Umbellam gerit flosculorum Petroselinî, albidorum. Semen rotundum, plantum Anethi simile. Dod. Radices spargit complures, digiti minimi ferè crassitudine, longitudine aliàs palmari, aliàs dodrantali, candidas, eodem cum foliis sapore.

Locus.

Juxta lacus (inquit Dod.) uliginosis ac humidis locis, in scrobibus aquas residues habentibus, quandoque etiam Alnorum juxta veteres truncos reperitur, Junio ac Julio flores ac semen proferens. Hanc plantam nobis nondum videre contingit. Morisonus in Alnetis humidis passim circa Blasas provenire asserit.

- 2. *Seseli palustre lactescens acre, foliis Ferulaceis, flore albo, semine lato* J. B. *palustre lactescens* C. B. Park.

Cam.

Folius est Ferulaceis, radice longâ, subfuscâ, ingrato admodum gustu, ceu fervore non exiguo fauces tentante, quem culta depoluit: caule ramoso, tricubitali; floribus candidis in umbellis; semine lato, foliaceo, lactescens.

Hujus unicam plantam reperit Camerarius in quadam palude sylvæ Norimbergæ vicinâ, neque alius quisquam, quod sciam, botanicus præter eum sibi observatam meminit. Certè ex descriptione ad sequentem plantam quàm proximè accedere videtur.

Locus.

Morisonus in omnibus pratis humidis circumjacentibus provenire scribit, seménque ferè sub finem æstatis. Folia habet multò tenuius incisa & longiora quàm sunt Thysselinî.

## CAP. VIII.

*De Umbelliferis quibusdam semine foliaceo, foliis tenuiter, Cicutæ aut Seselios præteriti modo, divisis, succo limpido seu aqueo.*

- 1. *Apium cicutæ foliis, Selinum alterum Clusii, semine lato* J. B. *Apium peregrinum Cicutæ folio* C. B. *Ap. montanum verius* Park.

Clus.

Multa habet ab una radice prodeuntia folia, Cicutæ foliis non dissimilia: sed quæ caulem ambiunt minora sunt: Caulem cubito majorem, sæpe unicum, nonnunquam plures, & in his umbellas candidorum florum, quibus succedit semen latum, minus tamen quàm Ferulæ: radicem digitalis etiam crassitudinis, albam, odoratam & utcumque acrem.

Locus.

Provenit apricis & à Sole illustratis locis: Julio floret, Augusto semen profert in Salmanticensi agro.

- 2. *Seseli Massiliense* Ger. *Mass. Ferulæ folio* C. B. *Massiliense alterum* Park. *Massiliense Nuperorum, folio aliquatenus simili Visnagæ* J. B.

Hujus folium dodrantali circiter longitudine & latitudine, tenuiter dissectum, cæsuris Visnagæ, utcumque latoribus, vidit J. Bauhinus: florentem aut semen ferentem non observavit. Semen Camerario longius & latius est quàm Fœniculum, odoris vehementis. Lobelius Seseli suum Massiliense Ferulæ folio describit, majoribus, crassioribus, latoribus, latiùsque sparsis Fœniculi foliis: caule cubitali & prociore: semine in umbellis Mei, compresso, carnosiore; gustu Seseli Ethiopici aut Peloponnesis, valdè aromatico. J. Bauhinus dubitat an Lobelius eandem secum intelligat plantam.

- 3. *Umbellifera Alsatica magna, umbellâ parvâ subludâ* J. B. *Daucus Alsaticus* Park. C. B. *item Daucus Hispanicus ejusdem Parkinsoni.*

J. B.

Indicta, quod sciam, Herbariis est hæc planta, proceritate hominem æquans aut major; caule rubente, striato, geniculato, inani, firmo satis, & in ramos diviso: ad cujus singulos nodos pediculi, caulem ceu vaginâ amplectentes oriuntur, longi cubitum unum, ex cujus lateribus alii breviores prodeunt, folia sustinentes Sileris aut Apii petræi modo divisa, sapore amaricante & aromatico prædita. Umbellæ pro plantæ ratione parvæ, Apii umbellis pares, ex floribus conflantur luteolis, quorum singulos componunt foliola quinque cum apice longiusculo in medio. Semen, Anethino simile, foliaceum, latum, striatum, sapore aromatico, subacri & amaro. Radix lignosa, rugis arata, vegetiore sapore prædita est quàm semen.

Locus.

Inter Colmariam & Sultz, item inter Colmariam & Ruffack reperit J. Bauhinus, Octobris quinto cum flore & semine maturo.

Dauci Alsatici descriptio apud C. Bauhinum exceptâ solum umbellarum magnitudine huic convenit. Hanc etiam plantam in Palatinatu copiosam observavimus.



4. *Carvisfolia* J. B. C. B. *Carum pratense* Park.

J. B.

*Carvisfoliam* voco herbam *radicibus* singularibus, pluribus, valde longis, satis tenuibus, intus forisque albis, sapore viroso *Coriandri* virentis, rixam: *caulas* emittentibus bicubitalis & altiores, *Petroselinii* similes, tenues, striatos nonnihil, glauco & angulosos; medullâ alba fungosâ pleuros, ramosos: *folia* partim à radice statim, partim ex caulium geniculis, quæ membranaceo, striato pediculo obvolvunt, oriuntur, *Cari* foliis proxima, latiora, majora, glabra, palmo longiora etiam prima, divisurâ *Pastinacæ sylvestris* vel *Petroselinii vulgaris*, longioribus tamen segmentis (per quæ nervus discurrens sulcum exarat) quæ ex intervallis cruces ramosas canaliculatas rachi annexas acmulantur, sapore acrisculo & nonnihil aromatico. Flores pediculis inæquali longitudine, canaliculatis, umbellatim digesti sunt, parvi illi quidem, & supernâ parte ex luteolo pallescentes & ferè albi, aversâ rubentes: quibus decidentibus *seminum* rudimenta purpurascunt, matura verò lata, striata, similia ferè *Pastinacæ Germanicæ* seminibus, glabra, aromatica cum amaritudine & acrimonia, minorâ quàm *Peucedani*, pallida.

In *Montbelgardenfi* Comitatu florentem invenit J. Bauhinus inter *Blussans* & S. Mauritium in *Locus*, dumetis, itidem inter *Dampierre* & pontem *Vaujaucourt*.

## C A P. IX.

De Umbelliferis semine foliaceo, foliis in tenuissima segmenta Fœniculi æmula divisiss; seu

De Anetho.

**D**E Anethi Etymo nugantur Grammatici. Alii *Anethon* quasi *anethon* dictum volunt, i. e. invictum, quod cibi excitat appetentiam. Verius *anethon* dicitur *anethon* quod sine cursu sponte sua feratur, id est quod cito crescat; vel ut apud Theocriti Scholiasten habetur *anethon* quod sursum ascendat sive eat, id est, quod rectum sit, sive in rectum assurgat. *Bod. à Stapel. in Theophr. hist.*

1. *Anethum* J. B. Ger. *bortense* C. B. *bortense* sive vulgare Park. Dill or Anet.

Fœniculo persimile est, à quo tamen in multis differt; 1. Radice annua, inutili. 2. Caule minore & humiliore, ut qui sesquicubitum rariùs excedat. 3. Foliis magis glaucis, & odore minùs grato quàm illius. 4. Semine latiore, foliaceo, sapore acri, minùs grato etiam quàm Fœniculi. 5. Umbellis florum luteis pariter, sed minoribus.

In hortis feritur, sèque è semine deciduo, si permittatur, quotannis renovat; nullibi tamen *Locus*. (quod sciam) apud nos in Anglia sponte oritur, ut quidam scripserunt.

Herba, sed præcipuè semen, digerit & discutit, maturat tumores, auget lac, conciliat somnum: *Vires*. Veneros appetitus minuit, singultui vomitibusque medetur. *Schrod.*

Oculis nocere & visum habetare dicitur: quod nobis mirum videtur, cum Fœniculo, (quod omnium consensu visum acuit) simillimum sit, tam qualitatibus quàm facie externa, nec minùs potenter status discutiat.

Tenez comæ & radix recens vim habent diureticam, eaque calculosis non parum prodesse certum est.

Solent nostrates hujus semina aut etiam folia muræ, quæ cucumerulos pro acetariis condiunt, in coquere, ad saporem & odorem gratum communicandum, & frigiditatem corrigendum.

Decoct. Anethi in oleo & aq. qu. f. bibatur. Deinde frusta panis in aqua fervente madefac. præbeantur. Mirum in modum juvantur ægroti in ileo à facibus induratis etiam si stercus vomuerint. *Chesneau ex Oribasio.*

Ad singultum contumacem à frigida causa, R. Ol. ex semine Anethi gutt. iiii. Ol. Amygd. dulc. 3ß. m. f. haustus. Ad singultum nullis remediis cedentem hoc unum habuit Otho Heurnius.

2. *Anethum* Sylv. *grandius sativo*, foliis Fœniculi Cæsalp. *Anethum* Sylv. *majus* C. B. Park. *Anethum sylvestre semine exiguo* Ameos J. B.

Ammeos potius quàm Anethi species, ideoque ad Ammi referendum, ubi ejus descriptionem vide. Eodem etiam pertinet, siquidem à præcedente differat,

3. *Anetho*

3. *Anetho similis planta semine lato, laciniato* J. B. *Gingidium folio Fœniculi* C. B. *verum* *Syriacum* Park.

*Rauv.*

Plantula est Gingidio nostrati perquam similis, radice parva albicante, foliis fœniculaceis, tenuioribus quàm in Pastinaca erratica, gustuque amarioribus: Umbellæ in medio capitulum coruleum habenti subsunt folia tenuia ut Melanthio: Semina rotunda, confertim coacta in unum quasi capitulum.

J. Bauhinus semina describit quæ parte coherent mutuò aspera, rugosa, oblonga, extrinsecus striata, in ambitu foliacea, fimbriata, ut in Fœniculaceis quibusdam, ab iis in eo differentia, quod pulchrè in decem partes dividantur: totum semen paulò minus parvi digiti ungue vel denariolo.

In monte Libano Syriæ locis præruptis, provenire scribit Rauwolfius. Hæc omnia è J. Bauhino historia descripsimus.

*Locus.*

## CAP. X.

*De Plantis semine foliaceo Umbelliferis, foliis in segmenta tenuia angusta tripartito divisis & subdivisis: seu*

*De Peucedano.*

*Πευκεδανός* à πύξ, πύξος, id est, Pino nomen accepit, quòd Pino folium simile habeat: quæd causâ ab Apuleio *Pinafellum*, id est, parva Pinus vocatur. Alii nomen invenisse putant à fœtore: Amarorem enim & fœtorem *πυκνός*, vox apud poetas significat. Homerus *Il. 2. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.*

Peucedani notæ sunt folia tenuiter dissecta laciniis tamen latioribus quàm Anethi, tripartito divisa & subdivisa.

A coma quæ supra radicem cernitur *Haarstrang* dicta est [Germanis] hæc herba, qua appellatione pilorum restis significatur: A foliis & facultatibus *Sohn-fennel*, i. e. Fœniculum porcinum vel suarium. A croceo illo succo, seu à sulphureo radice odore *Sulphur-wort* vocant J. B.

- A. 1. *Peucedanum Ger. Germanicum* C. B. *minus Germanicum* J. B. *vulgare* Park. *Hogs-fennel*, *Sulphur-wort*, *Harestrong*.

J. B.

Peucedano radix ex deciduis foliis comosa, crassa, altè depacta, cortice nigro obducta, substantiâ virescente, succum si vulneretur emittens fulvum, odore piceo, viroso. Caulis cubitum unum aut alterum etiam altus, in aliquot ramos brachiatus, striatus: Umbellæ insigniter lata, tanta luxurie, ut interdum minores earum partes sobolem pariant Anethi umbellæ parem, in quibus staminibus reflexis foliolis flavescentibus constant, staminibus longiusculis apices flori concolores sustentibus. Folia ampla trifariam dividuntur, singulæque eorum segmenta trifariam deinceps dissecantur, divisionum partibus Linariæ folio latitudine & longitudine ferè paribus. Semen foliaceum, longius quàm latius, striis exterius quaternis ferè, interius binis donatum, sapore acri & subamaro.

*Locus.*

In fossis palustribus propè *Shoreham* in Suffexia observavimus: ad Thamefin etiam flumen copiose provenire aiunt: inque fossis palustribus maritimis propè Walton non procul Harvico in Essexia. Prope Monspelium in luci Grammontii aditu.

2. *Peucedanum majus Italicum* C. B. J. B. Park. *majus* Ger. *Great Hogs fennel*.

*Vires.*

A præcedente non aliter differt quàm partium omnium magnitudine, si Botanicis fides. Peucedani radicem herbamve vi purgandi donatam fuisse Veteres prodidere, sed propter fœtorem utriusque minùs in usum deducta.

Expectorat mucilaginem Tartaream, bilémque educit. Usus præcip. in affectibus pectoris, tussi, inflationibus, in obstructione hepatis, lienis, renum. Ciet urinam & calculosis prodesse creditur. Extrinsecus in hemicrania aliisque generibus cephalalgiae, à catarrhis ortum ducentibus, in tumoribus renitentibus, ulceribus inveteratis mundificandis, &c. Schrod. Veteres affectibus omnibus circa nervos consistentibus, ut Lethargo, phrenesi, epilepsia, vertigini, paralyfi convenire aiunt.

Gelatina five Conserva radicum pectorale insigne est & hystericum.



2. *Peucedanum Siciliae foliis hirsutis, floribus luteis* J. B.

*Cæs.*  
 Aspectu simile est Panaci Asclepio seu Ferulagini [ *Foliis Feniculi, floribus luteis* ] longioribus tamen foliis, erectis, hirsutis, pediculis densis ac brevibus eorum capillamentis. *Caulem* laevem ac tenuem fert, cubitalem: *flores* luteos: *semina* oblonga, striata, in foliaceam latitudinem desinentia, sapore resinaceo. *Radix* Pastinacæ figurâ, sed cortice atro: mader succo, qui concrevit in lachrymam thuri similem, non solum colore, sed & odore: at sapor acris & amarus est. *Caulem* gignit cum folia dimiserit propè finem ætatis, perficit adventante hyeme.

*Peucedanum minus foliis lobatis angustis* Moris. prælud.

*Moris.*

Hoc genus folia producit quina aut sena, nunc plura, nunc pauciora, Rachi seu nervo medio è regione adnascencia, uno extremum claudente: è quorum medio sese erigit caulis bipedalis, sustinens flores luteos umbellæ in modum: *semina* fert membranacea, rotunda, Peucedani vulgaris instar.

## CAP. XI.

*De Herbis quibusdam semine foliaceo Panacis nomine insignitis.*

1. *Panaces Asclepium Guilandino, flore albo, folio aliquatenus Carotæ sed tenuiori* J. B.

*J. B.*

**F**olia habet divisurâ ferè Carotæ vulgaris, quorum tamen segmenta tenuiora delicatiorâque sunt & rariora, nequaquam ut illa hirsuta. *Caulis* canaliculati, tenues: *umbellæ* Ammeos vulgaris pares, in quibus *flosculi* minuti, albi. *Semen* foliaceum, geminum, oblongum, Thapsiæ quorundam semini simile, minus, candidius, aromaticum, amarum, tres quatuorve costas exterius, interius quoque lineas, sed pauciores nigricantēque habens.

2. *Panaces Asclepium alterum Dalechampi J. B. Asclepium umbellâ luteâ C. B. Asclepium Dalechampi* Park.

*Radice* est Apii, candidâ, tenui, acri, odoratâ, *folio* tamen Apii aut Coriandri potiùs quàm Fœniculi, hirsuto: *flore* luteo in umbellis circinatæ rotunditatis.

In asperis locis & tumulis propè Monspelium provenire dicitur.

*Locus.*

3. *Panaces moschatum Americanum* Park. *Herbatum Canadensium* sive *Panaces moschatum* Cornut.

*Cornut.*

Planta est bicubitalis, *radice* albâ, longâ, carnosâ: *foliis* quæ prima prodeunt longis & latis, Coriandro aut Lepidio similibus, (hoc est leviter solum in ambitu dentatis) sequentibus verò in profundas aded lacinias dissectis, ut illæ folii costam ferè pertingant. *Pedalis* folia longitudinis esse solent, & orbiculariter caulem juxta terram cingunt. Nec enim ulla per caulem distribuuntur, nisi forte ubi caulis in ramulos diducitur; hac enim parte breve foliolum nascitur, sed mucilum nihilque debite formæ retinens, ibique est potiùs vinculi loco quàm folii, sacrâ ita disponente naturâ, nè viz. ea pars, quæ est fragilis & impar capitis oneri, ventorum flatibus disrumperetur. Hac ergo parte caulem nodo velut geniculo roboravit, munivitque tuberculo adnati ramuli extremum, & utrumque foliolo velut membranâ latius extensâ obduxit, quò validius obfirmaret. *Cymæ* singulorum caulium in *umbellam* se spargunt, aded gravem ut antequam *flosculi* hient deorsum usque nuter. *Flos* albus est ut Panacis vulgaris, odore præcipuus, qui è longinquò quemque invitat halitum moscho gratiore. *Semina* succedunt minus lata vulgaribus. Tota planta subalbida est, & asperiori tomento obdacta. Sapor foliorum acer est & odoratus, sub finem aliquantulum amarus: *Radix* verò non tantum amantudinis habet.

Floret Septembri & Octobri.

An plantam hanc rectè hoc in loco posuerim dubito.

## CAP. XII.

*De Thapsia.*

**T**hapsia ex eo nomen accepit, quòd in Thapso ejusdem nominis insula primum inventa fuerit, autore Dioscoride.

Thapsiæ notæ genericæ sunt Folia tenuiter dissecta: Semen alâ foliaceâ summâ parte bidentata cinctum, sapore acris.

1. *Panax*

\* 1. *Panax Asclepium Apulum Columnæ Park. Pan. Asclep. semine folioso C. B.*

Col.

*Radix* habet tenuem, longam, pollicis crassitie, cortice crasso, subflavo, ex albo foris, intus candido, fungoso; medullâ intus parvâ, lignosâ, albâ, totam oblique rugosâ, copioso lacte viscoso candido turgidâ, ut gummi statim concrecente, amaro, ingrato sed aromatico vel medicamento acri gustu [gummi etiam invenitur sapore & odore Thuris, verum amaro] cujus caput pilosum est villis foliorum maridorum. *Folia* non alia habet quàm propè humum in orbem sparsa, atque convexa circa caulis imum, quæ capillaria sunt minutis lobulis densis divisa, Millefolii vulg. modo atque hirsutis, in petiolorum alis five costis hærentibus: *Folia* autem tota Fœniculi similitudine sunt sed majora; singula in costas septem [hinc inde tres & imparem mediam] quinque majores, & duas verò parvas in imo obliquiores circa crassum petiolum rotundum atque cavum, hirsutum divisa, sesquipedalis longitudinis; lobuli verò minuti sunt, quàm Fœniculi breviores & hirsuti. *Caulis* e foliorum centro profert singularem Fœniculaceum, bipedalem aut tripedalem ad summum, tenuem, geniculis five nodis absque foliis distinctum, paucis, rectum, foliis nudum, in cujus cacumine unicam aut duas *umbellas*, rarò tres invenimus, Julio mense *floribus* luteis onustas, amplas, dodrantali diametro, planas, verum semina perficientes extuberantes rotundantur. *Semina* foliacea sunt, alata utrinque binis cartilaginibus, ut in *Thapsia* dicta, in quibus & in *umbellæ* centro, atque etiam in caule aliquibus concretum gummi flavescens, odoratum invenimus adhærens. *Semen* verò cartilagine denudatum oblongum, amarum, acre, & eodem cum radice odore.

Locus.

Hanc propè vineam Reguli *Acquamena* dictam erimus & copiosam invenimus, edito deventoque loco Septentrioni adverso: alibi etiam in Apulia frequens est.

*Thapsia latifolia Hispanica Park. latifolia Clusii Ger. Thapsia 1. Clusii, latifolia, flore luteo, semine lato, similis Seseli Peloponnesi Lobelii J. B. latifolia villosa C. B.*

Clus.

Ferulacea habet *folia*, viridia, villo seu lanugine quadam obducta, humi velut in orbem diffusa, ingrati saporis, inter quæ cubitalis, interdum etiam bicubitalis exilit *caulis*, digitalis crassitudine, nodulosus, intus cavus & fungosus, raris foliis præditus, summo fastigio magnam & latam sustinens *umbellam* luteorum seu flavorum florum, quæ dum maturuit *semen*, quod latum & acerosum est, geminque habet longum & angustum, sphericam & orbicularem figuram quodammodo refert. *Radix* crassa, longa, summa parte capillata, crassiore libro vestita, foris subnigro vel fusco, interiore parte candicante, lacteo succo plena, gustu amarissimo & acri, nausæam tamen movente, adeo ingrata est, medius ejus nervus fungosus.

Locus &amp; Tempus.

Gaudet collibus petrosis, quales sunt non procul ab ostio Tagi supra Ulyssipponem & multis aliis Lusitanie Hispanieque locis editioribus & incultis. Floret Augusto, nonnunquam maturus.

Hæc planta in quamplurimis ad præcedentem accedit, ut descriptiones conferenti patebit. Hunc C. Bauhino & nobis eadem videtur.

*Thapsia quorundam hirsuta & aspera, Cicutæ folio, flore luteo, semine lato, aliis Seseli Peloponnesiacum J. B. Seseli Peloponnesiense Cicutæ folio Ad.*

J. B.

Herba cubitali & altiore, ferulaceo, tereti, intusque fungoso *caule*, ramis multis brachiato: *Folia* Cicutæ foliis quodammodo similia, crassiuscula, hirsuta multum & aspera, in alas oppositas subiecta, quarum segmenta singularia semuncia longiora, serrata: *Umbella* lata, lutea: *semen* magnum, per extrema bifidum, ex rotundo oblongum, labiis foliaceis, simile *Thapsiæ* Gargani montis, sed minus: *radix* sesquipalmaris, crassa, solida, exterius nigricans, intus alba, gustu amaro, acri & aromatico, terram versus capillata.

Hanc plantam Lobelius & C. Bauhinus *Thapsiæ latifoliæ* Clusii proximè descriptæ eandem faciunt: J. Bauhinus ex autoritate Clusii distinguit, Lobeliûque & fratrem notat. Ego C. Bauhini sententiam amplectar, donec melius edoctus fuero.

Locus.

Invenitur in montibus circa Monspelium & Nemaufum, & alibi in Gallia Narbonensi. Vide *Botan. Monspel.*

2. *Thapsia sive Turbith Garganicum semine latissimo J. B. Thapsia Carotæ folio C. B. minus r. J. B. sententia fratris.*

J. B.

Ampla & pulchra sunt hujus *folia*, glabra, pedem longa, in alas per certa intervalla ex adverso fitas divisa, atque ex rursus in segmenta alternata vel fortuita subsecantur, Peucedani ferè segmentis singularibus similia, nisi & latiora & breviora essent: *Caulis* crassiusculus, desinens in *umbellâ* magnâ, quæ iterum dividuntur in parvas, luteas, quibus *semen* succedit longè maximum, unciam longum, paulò minus latum, lobis præditum magnis foliaceis, per extremum bifidum, simile *Thapsiæ latifoliæ* Clusii, sed duplo ferè majus.

Locus.

Plantam hanc in Regni Neapolitani monte Virgineo Campaniæ, & in monte Gargano Apuliæ reperiri refert Imperatus.

Vires.

*Thapsiæ* radix ejusve succus aut decoctum supernè infernèque cum violentia purgat, ideoque intra corpus exhiberi non debet. Quidam pro Turbith per errorem substituunt. Messanenses ex numero sunt, qui pro Turbith hac planta utuntur, ut rectè Imperatus.

3. *Thapsia*



3. *Thapsia Feniculi folio* C. B. Park. *tenuifolia* Ger. *Thapsia* 2. *Clusii*, flore luteo, foliis tenuioribus *Feniculi* pæne instar J. B.

*Clus.*

Hoc genus *Thapsia* cubitali donatur caule, graciliore tamen quam prima species, *umbellâ* etiam simili floram & seminis, sed minore: *folia* illi multò tenuiora quam illius, *Feniculi* pæne foliorum instar, nullam insignem qualitatem habentia: *radix* longa, digitalis crassitudinis, foris nigra, intus candida & fungosa, acris, summo capite villosa.

Isdem quibus primum genus locis invenitur.

4. *Thapsia Thalictri folio* Botan. Monsp.

*Magnol.*

Rara est admodum hæc *Thapsia*, ex Africa litoribus allata circa propugnaculum dictum *la Tour de France*. *Radicem* habet crassam, quæ *folia* plurima producit plurifariam divisa, sicut in *Thalictri* pratensi *Monspeliensium*, latiora, crassiora, rugosiora & splendentiora, inter quæ *caulis* oritur cubitalis, *umbellas* habens flosculorum luteorum, quibus succedunt *semina* oblonga alâ foliaceâ cincta.

In horto Regio *Monspeliensi* colitur.

*Locus.*

5. *Thapsia maxima latissimo folio* C. B. *maxima Hispanica* Park. *Tb. Salmanticensis* sive 3. *Clusii*, magna flore luteo, semine lato J. B.

*Clus.*

Est hæc longè major superioribus, utpote *Caulem* habens tres aut quatuor digitorum crassitudinem æquantem, instar caulis *Ferulæ*, & sæpissimè humanam altitudinem superantem: *florem* & *semen* primo generi non dissimilia: *folia* antequam planta in *caulem* assurgat multò ampliora, in orbem tamen non secus ac illa humi diffusa, *radicem* etiam crassioram.

Nascitur hæc non solum agro *Salmanticensi*, sed circa *Pinciam* vulgò *Valladolida* dictam, & tota *Locus*. *Vetere* *Castella* ad *Pyrenæos* usque montes.

Sed nec parum hallucinantur qui hanc plantam *Cicutariam* maximam foetidissimam *Lob.* esse censent. Quam *Lobelius* ipse dubius sit an *Cicutaria* sua maxima *Brancionis* sit *Thapsia Salmanticensis* *Clusii*, an potius *Cicutaria* maxima foetida, eamque non describit, non est cur nos de ea admodum solliciti simus.

Venerunt *Salmanticenses*, medicinam isthic exercentes, hujus radice utuntur ad provocandos menses, *Vires*: &que dejectiones molientes. Tantâ autem vi tum supernè tum infernè purgat, ut fumentes in maximum periculum sæpenumero conjiciat.

6. *Thapsia fetidissima* Park. foliis *Libanotidis* foetidissima C. B. 4. *Clusii*, *Tuero* vocata, foliis glutinosis, radice nigra foris J. B.

*Clus.*

Eodem *Salmanticensi* agro & vicinis locis nascitur hæc *Ferulacei* generis planta, foliis *Libanotidis*, per terram similiter expansis, lento quodam & glutinoso rore semper aspersis, saturâ viriditate splendentibus, radice crassâ, longâ, tenerâ & fragili, foris nigra, intus albâ, succo lacteo plâta. *Caulem* nullum observabam, sed eum ferre dicebant rectum, tenuem, & in eo *umbellam* florum pene in globum coactam.

Tota planta teterrimi odoris est: unde verisimile esse conjicio non minùs esse noxiam quam sit *Thapsia*, ad cuius genus referenda videtur.

7. *Thapsia vulgaris* Ger. *Carotæ folio* C. B. Park. *Carotæ facie* J. B. An *Thapsia Gesneri* seu *Turkib Garganicum*?

J. B.

Et lata & longa sunt *Thapsia* hujus *folia*, pediculo tam primario, quam aliis minoribus segmentorum hirsuto, aspero, rubente: segmenta in alis foliorum singularia, non ex adverso nascuntur, aliqui tota facie *Carotæ vulgaris* folia satis referunt, hirsuta, venosa. Addit *Parkinsonus* *umbellam* florum luteam esse, quam *Ferulæ* minorem, uti sunt & *radix* & *semen*.

*C. Bauhinus* *Thapsiam Gesneri* five *Turbith Garganicum* huc refert, minùs rectè, quia *Gesnero* dicitur semine latissimo, quod huic non convenit. Idem *Thapsiam Cæsalpini* huc quoque refert, quam *Joannes* frater specie distinctam putat, quia *Cæsalpinus* *Ferulæ*, non *Carotæ* similem facit.

8. *Thapsia Cæsalpini* semine candido crasso J. B. an eadem præcedenti?

*Caulem* fert non excedentem bina cubita, candicantem veluti cinere asperso: *Folia* proportionem minora, sed latioribus segmentis & subcandida: *florem* luteum in *umbellis*: *Semen* autem candidum, striatum, crassum & longius, in foliacea quædam labra desinens. *Radix* subest candida, crasso capite, in ramos diviso, succo lacteo valdè acris, ut tractantium & manus & facies tumescant.

Hæc

Hæc planta Cæſalpino deſcripta eadem eſt noſtrâ ſententiâ illi quam circa Meſſanam obſervamus, fortè etiam Thapſiæ Geſneri ſeu Turbiti Garganico ( ut vult C. Bauhinus ) & Thapſiæ Cæſalpini folio. Thapſiæ ſpecies citra neceſſitatem multiplicare videtur J. Bauhinus.

## CAP. XIII.

## De Ferula.

**F**erula, Græcis Νάρθηξ, à ferendo dicitur ( ut nonnulli volunt ) quòd ſcapi illius pedamenta fruticibus ac ſenibus baculi & ſcæpiones eſſent. Plin. l. 13. c. 22. Nulli fruticum lœvior major, ob id geſtatio facilior, baculorum uſum ſenectuti præbet. Alii Ferulæ nomen à ſenectudo impoſitum contendunt: Antiquitus enim diſcipulorum manus ferulâ cædebantur, unde Martialis Ferulam ſceptrum pædagogorum appellat.

Ferula ab aliis hujus generis diſtinguitur foliis fœniculaceis, ſeminibus oblongis per maturitatem nigricantibus, quibus addi poteſt medulla fungoſa, igni concipiendo idonea.

1. Ferula folio Fœniculi, ſemine latiore & rotundiore J. B. ſemina Plinii C. B. tenuiore folio Park. Ferula Lob. Ger. **Fennel-giant.**

J. B.

Ad quinque aut ſex cubitos excreſcit, caule crasso, fungoſâ medullâ pleno, ramoſo. Folia ampliffima, diviſurâ Fœniculaceâ, ſed ſegmentis latoribus, Ferulæ glaucæ mox deſcribendæ ſimilia, ſed magis virentia: Umbellæ latæ ſorum luteorum, quibus delapſis ſemen ſupervenit magnum, foliaceum, ſemunciam latum, paulò longius per extremum lateſcens, exteriore parte triplici lineâ elatiore ſtriatum; quâ gemina ſemina conjunguntur fibrâ unicâ longâ donata ſunt. Radix crassa, ramoſa, lacteo ſucco manans.

Odor plantæ nonnihil gravior videtur quàm Ferulæ glaucæ, ſapor acris.

Locus.

In montibus Meſſanæ imminentibus copioſè provenit, & alibi etiam in Sicilia & Italia: plurimum quinetiam & procerâ in Narbonenſi Gallia, præſertim rupibus illis præruptiſque ſaxis propè ſubterraneas cryptas via quâ Monſpelio Frontignanâ itur, ad dextram; ut rectè Lobelius.

Vires & Uſus.

Hujus caulis cùm exaruerit leviffimus eſt, quia fungoſus, adeo tamen robuſtus, ut ſufficiat pro baculo ad ſuſtentandam ſenectutem. Cæſ.

Medullâ caulium fungoſâ nonnullos in Sicilia pro fomite ad ignem è ſilice excuſſum concipiendum uſos obſervavimus, cùm in inſulâ illa peregrinàremur; unde intelligitur cur poëtæ ſuſceperint, Prometheus ignem cœleſtem furatum, cavâ ferulâ exceptum deportâſſe in terram,

Ἐν κοιλίᾳ γαστρικῇ λαδὼν διὰ τρυπήματι.

Hujus viridis medulla pota ſanguinem ſpuentibus & cœliacis prodeſt, ſanguinis eruptiones ſuſcit: Semen potum torminibus auxiliatur. Dioſc.

E Ferulis primâ tantum germinatione corculum quoddam paſtores eximunt, ovi luteum induratum referens, quod ſub cineribus aſſatum, priùs tamen chartâ aut linteo madefactis involutum, mox pipere & ſole conſperſum, non modo guſtui gratiſſimus eſt cibus, ſed etiam ad excitandam Venerem valentiſſimus.

2. Ferula folio glauco, ſemine lato oblongo, quibuſdam Thapſia ferulacea J. B. An Ferula latior folio C. B? Libanotis Fœniculi folio, ſemine foliaceo ejusdem. Ferula latiore folio Park? Panax Aſclepium Ang. & Cam. eidem. Ferulago Ger. **Broad-leaved Fennel-giant.**

Mirum quàm grandefcat hujus radix: Gaulis humanam proceritatem multum excedit: Folia magna, ferulacea, minùs ad Fœniculum accedentia quàm præcedens Ferula, coloris glauci, poſſimum ſubtus, quorum ſingula ſegmenta latoria breviorâque ſunt quàm Fœniculacea aut Ferulacea, ſuccum lacteum manantia, odore gravi, ſapore acris: Florum umbellæ colore ſubluteo. Semen magnum, compreſſum, ſtriatum, nigrum, anguſtius quàm Ferulæ.

Deſcriptio Roſmarini Ferulacei fertiliſ Dioſcoridis apud Lobelium in Adv. huic apprimè quadrat. C. Bauhinus Ferulam galbaniferam Lob. hujus Synonymam facit. Joannes frater alubius hæret in Lobeliuſ per Ferulam galbaniferam hanc intellexerit. Deſcriptio Ferulæ galbaniferæ apud Lobelium nimis ſuccincta eſt & ſterilis, quàm ut ex ea certi aliquid exſculpere poſſimus. Nos tantisper C. Bauhini ſententiâ amplectemur, dum quis nos certius aliquid edocuerit: nec me multum movet, quòd Lobelius hanc tradat ſub titulo Roſmarini Ferulacei fertiliſ Dioſcoridis: Fortè eandem plantam bis tradit ſub diverſis titulis. Ego certe Lobeliuſ memoriam non multum fido.

Nec minùs incertum eſt quòd referri debeat

3. Ferula facie Thapſia ſive Turbit Gallorum J. B. Thapſia Turbit Gallicum & Turbit cineritium officinarum Ad.

Lob.

Hanc à Rondelerio in Aquitaniam macilentioribus montofiſque ſqualidis inventam propè vadum quâ trajicitur in Hiſpaniam, tum ad radices Pyrenæorum non procul Perpignano ſic deſcribit Lobelius.



lus. Crassior radice cortex, fusco foris colore, intus pallens, succoque multo gliscit lacteo, gummeo : caulis Peucedani, gracilior quam Fœniculi, foliaque Fœniculo latiora, breviora : In umbellæ semine Ferulæ minoris, oblongum, angustius, montani Sileris.

Nos (inquit J. Bauhinus) quò debeamus referre Thapsiam hanc Lobelii incerti sumus. Multa habet communia cum Ferula glauco folio jam dicta : Verùm Rosmarinum ferulaceum Lob. melius cum ea convenit. Fortè una & eadem planta sunt Rosmarinum ferulaceum, Ferula glauco folio, & hæc, tribus diversis nominibus per errorem pro diversis plantis propositæ. C. Bauhinus pro Thapsia duas Clusii habet, & Thapsiam Fœniculi folio denominat. Thapsiam autem illam superius tradidimus.

- \* 4. Libanotis quibusdam flore luteo, semine Ferulæ J. B. Libanotis Ferulæ folio & semine, C. B. Lib. Ferulæ folio & semine, sive Panax Asclepium Ferulæ facie Lobelii Park. Panax Asclepias Ferulæ facie Ger. emac.

J. B.

Folio est Ferulæ ferè pari, minutius diviso, rigidior, odoris non ingrati, pediculis solidis minimèque fungosis nixo : Caule procero, ramofo, striato. Flore umbellato, luteo, parvo : semine raro per sparsam umbellam, foliaceo Ferulæ, tongo, duplici, albicante, potissimum quod foliaceum in illis est, striato, insignitè amaro & veluti resinoso : [Caule & radice magnitudine atque similitudine Anethi odorato Lob.]

Ex Istria asportavit Valerandus Dourez, Insulanus, Lugduni Pharmacopœus.

Locus.

Hanc à supra-scriptis diversam esse vel solus seminis color albicans evincit.

Ferula galbanifera Lob. quam ortam scribit è semine reperto Antverpiæ in Galbani lachryma, quò referenda sit, an ad Ferulam folio glauco, &c. dubius hæret J. Bauhinus. Nos (ut diximus) cum C. Bauhino sentimus, nimirum Ferulaginem latiore folio esse ipsissimam Ferulam galbaniferam Lobelii.

Galbanum succus est pinguis, non tamen Oleo solubilis, sed aquâ ; mediâ quodammodo naturâ De Galbano. constans inter gummi & resinam, accendi enim igne ut Resinam, humore aqueo solvi ut Gummi : colore flavescente [intensè flavo vel albido Schröd. ex ruffo sublivido Cæs.] substantiâ molli & ceræ instar ductilis, sapore amaricante cum acrimonia, odore vehementi, & cum gravitate quadam viscoso [Opopanacem referente Schröd.]

Galbani opera præcipua sunt emollire & digerere. Usus intrinsecus est in mensibus ciendis, fœ-Vires. tibus vivis & mortuis necnon secundinis pellendis. Extrinsecus etiam prodest in partu ac mensibus, in suffocatione uteri, vertigine. Locus est fumi etiam in Epilepticis, hysteris, syncopis, &c.

Qui diluto manus unxerit, impunè tractabit serpentes ; si Veteribus fides.

- \* 5. Ferula Tingitana folio latissimo lucido Hort. Edinburg.

Hunc titulum invenimus in Catalogo Horti Medici Edinburgensis : plantam ipsam nondum videre contigit. Nuperrimè folium ejus siccum ad me Londino misit ingeniosiss. Vir, & Botanicus peritissimus D. Hansl. Sloane, titulo Ferulæ foliis lucidis & crispis, quod mihi potiùs Apium quodam referre videbatur quam Ferulam.

Ferulago tenuiore folio C. B. Ferulago, sive Ferula minor Park.

Hæc multò humilior est Ferulagine latiore folio superius descripta n. 2. foliis minoribus & angustioribus, Fœniculaceis tamen majoribus, uti sunt & umbellæ ; Semina præcedentium utriusvis [primæ & secundæ spec.] minora, iis tamen similia & nigricantia : Radix minor & candidior, paucis fibris donata.

## SECTIO SECUNDA.

De Plantis Umbelliferis semine tumidiore & minùs compresso donatis,  
eoque majore.

**H**AS feminum respectu dividemus in eas quæ semine sunt, 1. Subrotundo, magno, fungoso; *Cachry* dicto: 2. Striarum loco multis alis foliaceis cincto: 3. Longo, nonnullis rostrato: 4. Breviore striato; eoque vel majore vel minore.

*Plantæ Umbelliferae semine tumidiore & teretiufculo seu rotundo sunt vel*

*Piluliferae, seu fructu maximo, fungoso, subrotundo Cachry dicto: LIBANOTIS cachryophorus.*

*Semine multis alis foliaceis cincto, striarum loco: LASERPITIUM.*

*Longo, quibusdam rostrato dicto,*

*Magis propriè rostrato, utpote Geranii moschati fructus æmulo: SCANDIX, Pecten Veneris.*

*Lævi,*

*Major, perennis: CICUTARIA vulgaris, Myrrhis sylvestris.*

*Minor annua, odorata: CEREFOLIUM seu chærephyllon.*

*Striato, foliis*

*Latiioribus;*

*Major, semina itidem maximo, odorata, radice perenni, foliis Filicis æmulis: MYRRHIS sativa.*

*Minor, annua semine minore, caule solido, nodoso: CEREFOLIUM sylvestre.*

*In tenues lacinias dissectis, seminibus in hoc genere brevioribus; foliorum segmentis*

*Crebrioribus, capillaceis, radice perenni: MEUM.*

*Paucioribus majoribus, radice annua, semine odorato, incurvo: CUMINUM.*

*Breviore,*

*Striato*

*Lævi, hoc est neque hirsuto, neque villoso, neque aculeato.*

*Majore,*

*Per maturitatem nigro, tumido, & ferè rotundo, foliis latis: SMYRNIUM.*

*Per maturitatem albente, aut minùs colorato; foliis*

*Latissimis,*

*Ramosioribus, odoratis: ANGELICA.*

*Tripartitè divisis & subdivisis, radice perpetua, acris: IMPERATORIA.*

*Minùs latis*

*Apii, magna & elata, radice perpetua, odore valido nec ingrato: LEVISTICUM.]*

*Aquilegie; LIBANOTIS Aquilegie folio.*

*Seseliq; summis segmentis tripartis: SILER montanum.*

*Feniculi; SESELI montanum Feniculi folio*



Minore, radicibus

Tuberosis, tubere

{ Simplicis, semine laevi aut obscure striato, foliis minutis, radice esculenta:  
BULBOCASTANUM.

{ Multiplici,

{ Foliis, odore & sapore Pastinacae latifoliae: SISARUM.

{ Foliis tenuius dissectis, in aquosis nascentes: OENANTHE, Filipendula  
aquatica.

Cauliformibus strigosioribus & lignosioribus, foliis

{ Pinnatis aut minus saltem ramosis,

{ Forma, odore & sapore Pastinacae latifoliae: Sium.

{ Foliis Pimpinellae sanguisorbae, radice fervida: PIMPINELLA Saxi-  
fraga.

{ Foliis profunde laciniatis, radice dulci, semine aromatico: CARUM.

Ramosioribus seu triangulatis

{ Latioribus,

{ In pauciora & obtusiora segmenta seu folia simplicia divisis: APIUM.

{ In plura & acutiora;

{ Cicuta amula, CICUTA & Cicutaria.

{ Carota similis, umbellam pariter clausam: VISNAGA, Gingi-  
dium.

Angustioribus, in segmenta seu folia simplicia divisis

{ Breviora, acuta umbellam sublitam: SAXIFRAGA pratensis, Feni-  
culi amula maritima: CRITHMUM.

{ Longa, angusta, per margines serrata; seu breviora minus aspera,  
semine aromatico: AMMI; seu longiora, latiora, asperiora,  
radice reptatrice: CRITHMUM 4. Matth.

In segmenta tenuissima capillacea divisis

{ Oblonga; FOENICULUM.

{ Breviora: DAUCUS, sub quo nomine multas complectimur spe-  
cies, variis appellationibus à Botanicis insignitas. Quae radice  
fervida est, PYRETHRUM dicitur.

Imis latis, summis tenuibus, semine dulci, aromatico: ANISUM.

Hirsuto; cujus generis plures species sunt, nullo communi nomine donatae, ut v. g.  
Daucus Creticus, Apium Macedonicum.

Aculeato seu echinato aut hispido: CAUCALIS.

Sphaerice rotunditatis; Cimicum tetro odore: CORIANDRUM.

Annula maritima: PASTINACA MARINA.

## CAP. I.

## De Libanotide Cachryophora.

**L**ibanotis, quod radix *ῥιζὴν λιανῶν*, thus redoleat, dicta est; ejus semen Cachrys dicitur. Cachrys autem plurima significat, de quibus consule Grammaticos.

Notæ hujus generis characteristicae sunt folia tenuiter dissecta, semina tumida, nucis Myristicæ parvæ figurâ, fungosâ substantiâ nucleum ambiente.

Vires.

Caterum Cachrys, autore Dioscoride, vim habet calefacientem & valdè resiccantem: unde in smegmate commodè miscetur, & ad fluxione laborantes oculos capiti inspergitur, & post triduum deficcatur.

Secundùm Æginetam vim habet repurgandi, discutiendi & calefaciendi, ideoque comitialibus subvenit, & suffulis felle cum Pipere & vino potum. Illinitur idem ruptis, convulsis & podagris utiliter. Usus ille etiam est ex oleo contra febrium perfrictiones & cum tremore algores.

1. *Tataria Hungarica edulis, Panacis Heraclei folio, semine Libanotidis Cachryophoræ J. B. Panacis Heracleo similis, Ungarica C. B. Pan. Heracleo similis Tataria Ungarica dicta Park.*

Clus.

Non vulgaris est planta, quæ radicem habet crassissimam & longissimam: nam brachialis crassitudinis, & cubitalis longitudinis, aut etiam ampliores accipere meminit Clusius ab Ill. Dn. Balthasare de Nathy, qui in ejus gratiam ex Ungaria Transdanubiana adferri jusserat, ut in hortum suum Viennæ transferret. Illis autem folia emerferunt Rapi foliis non valdè dissimilia incisuris & laciniis, breviora tamen, & veriùs ad Panacis foliorum formam accedentia, rudi atque aspera lanugine prædita, ex viridi pallefcentia, alia deinde paulò minoribus incisuris divisa, nec minùs aspera, inter quæ asurgebat Caulis cubitalis aut amplioris longitudinis, pollicaris verò crassitudinis, striatus, concavus & nodosus, perinde asper ac folia; quem lato pediculo amplectebantur minora folia & multifida, asperâ etiam lanugine obsita. Summus caulis in umbellam definebat Panacis Heraclei umbellis similem, in quibus flores & formâ pares & colore: quibus evanidis succedebant rara (nam singuli flores non sunt fecundi) semina, valdè crassa, nec valdè absimilia semini illi magno & striato Libanotidis Cachryophoræ. Biennio quidem eas radices aluit Clusius antequàm una illarum & caulem & semen proferret: deinde corruptæ sunt, tandemque foetidum odorem exhalârunt, ut homo fuerint ejiciendæ.

Usus.

Hujus porro radice Ungari Agræ vicini atque etiam ulterioris Daciæ contermini in annonæ caritate & inopia vescuntur alterius panis penuriâ, ut Clusio asseriebant non modò Heros ille illustis, sed etiam alii nobiles viri qui in eâ provincia vixerant.

2. *Libanotis Cachryophoros quibusdam, floribus luteis J. B. Ferulæ folio, sive Cachryfera, sive Cachrys vera Park. Ferulæ folio, semine anguloso C. B. Libanotis Galeni, Cachrys verior Gei, quod iconem.*

J. B.

Cubitorum aliquot est altitudine caulis [Parkinsono binos cubitos non multum superat, quàm Ferulæ humilior & tenuior] lævis, ramosus: Folia Peucedani foliis similia, strigosiora, teneriora, in longa, tenuia segmenta divisa, terna simul ut in Peucedano. Umbellæ magnæ florum luteorum: quibus semina succedunt magna, ventricosiora unâ parte, oblonga, canaliculata, & per extremum coronata, stylo ex utriusque commissura prominente, alba, aromatica, acris, amaricantia. [Cassalpino semen crassum est & rotundum ac striatum, osseo cortice candido, quo fracto nucleus intus apparet albicans, &c.] Radix unica, profunda & candida, acris; Parkinsono Radix tam exterius quàm interius alba, altè in terram descendens, & in multos ramos divisa, summâ parte Pastinaca major, fragilis admodum & succo lacteo turgida. Morisonus semina fungosâ lavia & æquata hinc attribuit, quo à sequentibus duabus distinguitur, eamque Cachryn five Libanotin Cachryophoron semine fungoso lævi appellat.

Locus.

Elegantissimam hanc plantam copiosè invenit D. Magnol secundùm fluvium la Manssou cundo à ponte dicto de Saint Jean de Vedas ad pontem Villæ novæ ad dextram, in elato colle propè molendinum dictum la Tour, Maio mensè florentem.

3. *Libanotis cachryophoros semine sulcato aspero Moris. Hippomarathrum Creticum Park. C. B. ex sententia P. Boccone & nostra. Hippomarathrum Siculum P. Boc. Feniculum majus sive Hippomarathrum J. B.*

Hanc sic breviter describit Morisonus,

Præcedente altior proceriorve est: folia gerit Peucedani similia, ast tenuiora: Semina itidem oblonga habet, striata ut superioris, in gremio fungosæ substantiæ, torulis canaliculatæ seu sulcatæ, sulcis asperis.

Hujus semina à Jacobo Barillier S. T. D. Romæ ad D. Morisonum transmissa sunt. Plantam ipsam postea semine prægnantem vidit Parisius apud D. Marinum, Anglum dictum.

Bellus Ep. I. ad Clusium sic eam tradit:

Folia tenuia, Fœniculi quodammodo similia profert; caulem lævem, duos aut tres cubitos longum, minimi digiti crassitudine, geniculatum: florem luteum in umbellis ut Anethum: semina magna, Cachryi similia. Radice nititur firmâ, magnâ, odoratâ. Vocatur *παρανύμφη*.

Hujus



Hujus semen vulgariter à mulieribus coquitur in lixivio ad capillos aureo colore tingendos.

Ufus.

Paulus Boccone adhuc plenius & accuratius hanc plantam describit, cujus ideo verba adferemus. Radix ei longa, crassa, summa parte (ut pleræque Ferulacei generis plantæ) villosa. Caulis cubitalis aut bicubitalis, interius fungosus, exterius striatus seu sulcatus, multis alis hinc inde à caule præcipuo emergentibus. Folia Peucedani, quandoque Sefelios aut Fœniculi modo divisa, duriora & firmitiora tamen. Sic enim planta hæc in Sicilia sponte nata foliis ludit, comantibus semper in umbellis magnis pluribus flosculis luteis, quibus discussis, atque evanidis exterius succedit pericarpium fungosum, sulcatum, asperum. Pili maxime magnitudine, quod adhuc viride tam arcte conjungitur ut unum videatur, cum exiccatur tamen binatim nascitur. In singulis pericarpis latent singula semina oblonga, Tritici grano parva, Passum Panormi, Agrigenti, Mellæ, alibi que per Siciliam conspicitur, satis frequens.

Locus.

4. Libanotis cactrophoros semine sulcato seu Morisoni.

Hæc non alia in re differt à præcedente quam seminum sulcatorum aequalitate: certè non alias differentie notas assignat Morisonus.

Hujus semen è Mauritania Tingitana à D. Alexandro Balam missum, Westminsteri in horto Edwardi Morgani satum succrevit, floruit & semen perfecit.

C A P. II.

De Herbis semine multis alis foliaceis striarum more secundum longitudinem decurrentibus donato, seu

De Laserpitio.

**L**aserpitium (Σίσιον.) Antiquis tantopere celebratum, quæ planta fuerit, hodie ignoratur. Quæ de eo Theophrastus, Dioscorides, Plinius habent, apud ipsos vide. Consule etiam si placet J. Bauhinum & Jo. Bodeum Comment. in Theophr. Hist. Lib. 6. p. 589. & sequent. qui de Laserpitio fusè disputat. Sciendum tamen Cyrenaicam regionem laudatissimum Silphium præfuisse.

Quæcumque tamen planta fuerit Veterum Silphium, seu Laserpitium, id enim nescimus, nos pro Laserpitio habebimus plantam semine multis alis foliaceis [8 in binis seminibus conjunctis] secundum longitudinem, striarum more, decurrentibus donato. Ex hoc etiam numero sunt Libanotis Theophrasti seu latifolia nonnullis dictæ. Laserpitium Alpini & Bodei ad aliud genus pertinere videtur: si Bodei mentem rectè assequor, nam semen foliaceum ei attribuit, i.e. compressum & planum, ut ego interpretor, quamvis tumidum appingat, unde per foliaceum forte intelligit alis foliaceis extantibus circumdatum.

Quidam Silphium Veterum Asiam fœtidam esse volunt, quos refutant Marcellus Virgilius & Jo. Bodeus à Stapel; quos adi.

\* Comment.  
in Theophr. hist.  
lib. 6. c. 1.

1. Laserpitium Daucoides Pratenicum viscoso semine Breynii.

Breynius.

Hujus radix Dauci vulgaris Clus. similis, sapore amaro cum quadam dulcedine, in fibras autem crassiores magis brachiata, hocque aliquando ab ipso statim capite: unde folia humi sparguntur in orbem dodrantalia, hirsuta, Dauci hortenlis aliquatenus paria, in lacinias verò pauciores, majores, liores & obscurius virentes dissecta. Inter quæ altero, subinde & tertio à satione anno caulis cubitalis vel altior erigitur, pennæ anserinæ crassitie, rotundus, striatus, hirsutus, medullâ alba plenus, viridi, vel ex albicante subviridi colore, dodrantalibus interstitiis distinctus geniculis, è quibus se folia proferunt, inferioribus similia, aut lobulis latioribus divisa: ex illorum alis, præsertim superiorum, singulis singuli exoriuntur rami, quorum apices, æquæ ac caulis, uncialibus, angustis, acuminatis, limbo albo cinctis, dependentibus circumradiantur foliolis: horum è gremio umbella ampla, radiis subalbidis, vel aliquando amethystinis, bi- & triuncialibus constans exilit, in alias divisa umbellulas flosculorum niveorum ex foliolis quinis & totidem staminulis constructorum, compositas, sub quorum pedunculis foliola parva, quaquaversum instar jam dicti caulis & ramorum apicum radiata cernuntur. Flosculis pereuntibus succedunt unicuique Semina bina simul junda, renuna, oblonga, Paracis Asclepii Apuli Col. minora: in quorum singulis alæ membranaeæ ac pellucide, ad spadiceum cum maturitate vergentes, semper quatuor, utpote convexâ parte seu dorso duæ, & totidem in marginibus, observantur. Hæc relicto stylo nutritivo facillè dissiliunt, & ad conservationem sui generis tandem decidunt. Cæterum semen nostri Laserpitii viscosâ quadam materiâ, odoratâ, manus quasi inficiente dum viret obsitum, contritumque gratissimum ex Citro, Benzoino & semine Dauci mixtum, aromaticum, cerebrum admodum recreantem odorem spirat; à quo sapor oris halitum commendans multum recedere non videtur, quanquam magis volatilis, languidior, & linguæ amarore suo paulò ingratiior.

Ericetis & fruticosis nonnullis Boruffæ & Cassubæ collibus gaudet. Augusto & Septembri floribus & seminibus onustum observavit Auctor.

Locus.

Variat foliis latioribus & minus hirsutis.

2. *Laserpitium Gallicum* C. B. Park. *Laserpitium* e regione *Massiliae* allatum J. B. *Laserpitium* Ger.  
*Lasertwojt.*

J. B.

*Caulis* huic præaltus, *Ferula* par, striatus, geniculatus, fangosus. *Folia* in alas dividuntur, & regione oppositas, quæ in minores rursus subdividuntur. *Folia* singularia nullis hærent pediculis, & adverso sita, triplice fere per extremum divisa; *Spina* alba foliorum æmula, crassiuscula & firma: averfa parte rari pili, rigidificali. *Umbellæ* tradunt *Adversaria* [Lob. & Penz.] prægrandes esse *Ferula*, aut latiores quam *Anethi*: *semen* Angelicæ foliaceum, rotundum, compressum, odoratum & colore buxæo, [rectius alis membranaceis striatum loco decurrentibus, quatuor numero in singulis seminibus, octo in binis junctis donatum.] *Radice* prægrandem, intus albam, foris cinericeam, succo prægnantem, mollem, pinguem, odoratam, majorem quam *Thapsia* aut *Ferula*.

*Laserpitium foliis angustioribus saturatè virentibus Morisoni.* An *Laserpitium Lobelis* simili angustifolia J. B.

Morif.

*Foliis* est lucidis & saturatè virentibus plurifariam divis. *Semen* alis crispis undulatis leviter quatuor numero ornatur. *Radice* habet prægrandem, intus albam, foris cinericeam, succo prægnantem, mollem, pinguem odoratam.

4. *Laserpitium foliis angustioribus, dilutè virentibus, conjugatim dispositis Morisoni.*

Morif.

*Foliis* multò priorum angustioribus præditum est, per lobos longiusculos, angustos, ex adverso dispositos, & *Rachi* seu costæ mediæ adherentes. *Radice*, caule, semine cum præcedenti convenit.

Omnia pariter horum trium *Laserpitiorum* seminum alæ foliaceæ numero octo sunt, videlicet binæ erectæ in singulis seminibus, hinc inde, & binæ aliæ ad basin, quæ semina coherant seu copulantur; aded ut in singulis seminibus appareant duæ semper in dorso seu convexa parte seminis, totidem versis basin seu planam partem dum seorsim considerantur; dumque adhuc sunt virgula & conjuncta numerantur sex, binis alis ad basin arctè sibi conjunctis, & unius hinc inde speciem exhibentibus, cum in seminibus singulis exsiccatis & deciduis apparent quatuor.

*Laserpitium* Cyrenaicum, Veteribus, [Theophrasto, Dioscoridi, Plinio, aliis] tantopere celebratum, tam eximii usus in cibo, medicina & jumentorum pascuisque pabulo, quæ planta fuerit hodie ignoratur. Cum ergo nihil habemus quod adjiciamus iis quæ à jam laudatis Autoribus de eo prodita sunt, Lectorem qui plenam ejus historiam desiderat ad ipsos remittimus, vel ad J. Batti Hist. Plant. lib. 27. cap. 33. qui quicquid de eo uspiam scriptum extat corrasit, tandemque concludit, se cum Marcello credere Silphii ferulam hanc non fuisse Balsami arbuscula vilioris, nec liquorem liquore etiam inutiliorem. Siquidem peregrina Græciæ & Italiæ, ideoque in majore dignitate cui illa semper fuit, ac certos privatimque sibi traditos natales locos, quod omnibus eam ferax optabiliorem accepit; ad Cyrenem sc. latiores campos, etsi postea extinctum omne illud Silphium fuerit. Et ne longiores (inquit) simus, ob raritatem, & quas habet ad utramque valetudinem egregias utilitates, gentibus ad spectaculum, & in Deorum templis ad religionem & anathemata proposita diu fuit. Cyrenenses Delphis Apollini quotannis Silphii caulem ex agri sui opibus offerebant: Ferulamque hanc suam tantopere amaverunt, ut conditori Batto perpetuum cum eo honorem habuerint: in gemma quâ publice in signandis epistolis civitas utebatur Battum generis sui auctorem ostendentes, cui mulier quo decebat corporis ornatu & habita Silphii caulem porrigebat, fortunæ simul naturæque pro suis opibus gratias agens, gloriam felicitatemque suam, gratâ atque beneficii memoria sic ostentans. Id certe maximum pretii & honoris in Ferula hac argumentum fuerit, quod egregium, rarum, amabile, preciosumque aliquid Græci significantes, non aliter quam ut in dicto proverbio fit, Batti Silphium jactitabant, neque immerito, cum tanta fuerit quondam, utroque tempore morborum & sanitatis ex eo humano generi voluptas simul & necessitas, tamque quotidianus & amabilis cunctis usus. Subsequens planta quum pro vero Veterum *Laserpitio* venditant Pr. Alpinus & Jo. Bod. à Stapel, Comment. in Theophr. Hist. lib. 6. cap. 3. non est proprie hujus loci, sed ex semine *Ferula* potius species censenda. Et revera *Laserpitium* Veterum seminis formâ (quod Theophrastus foliaceum & Atriplicis hortensis semini simile facit) cum *Ferula* convenit, non autem cum plantis hoc capite propositis, quæ idcirco minus rectè *Laserpitii* nomine insigniuntur. Verum quoniam insigni notâ ab aliis omnibus Umbelliferis differunt, convenit ut distinctum nomen iis imponatur, cumque alii dudum *Laserpitii* titulum illis accommodarunt eoque jam usu recepto apud Botanicos innotescere cœperunt, nos nihil innovabimus, sed quod usurparunt nomen illis relinquemus.

4. *Laserpitium Alpini* exot. Park. Jo. Bodæo à Stapel comment. in Theophr. hist. lib. 6. pag. 588.

Alpin.

Mense Julio, cum hanc plantam in horto Bembo Patavii conspexit Alpinus, Caule erat procerò, longitudine trium cubitorum, recto, cavo, brachii crassitie, longitudine magnitudinèque *Ferula* cauli simili, quinetiam & eodem colore infecto, ita ut videretur in omnibus ei quàm similissimus, & foliosus ab radice, foliaque Selini foliis similia fert, etiam folia sylvestris Angelicæ æmulantia, licet



licet majora essent, atque ipsius radicem brachiali crassitie & longitudine præditam observaverimus. Istiusce plantæ caulis, antequam in ipso umbella eruperat, brachialis crassitie erat, atque in cacumine veluti conum habere vidimus, & tunc temporis magnitudine & figura caulem Laserpitii, qui in antiquis Jovis Ammonis numismatis impressus cernitur, prorsus æmulari videbatur. Ferrèq; hunc caulem in umbella semen latum, foliaceum, & particulatim (ut de Laserpitio expressit Theophrastus) quale est Atriplicis hortenensis, postea vidimus: atque etiam quod Laserpitii proprium esse videbatur, per æstatem, quo tempore casu eam plantam offendi, & caulis & radix copiosius lacteum succum odoratum effudit, qui primum colore veri lactis cernebatur, postea collectus & aliquandiu asservatus colore fulvescebat, & erat odoratus, alicujus calefactionis non expers.

Ex seminibus & Thracia delatis orta est hæc planta. Postquam semen perfecterit marcescit. Addit J. Bodrus, folia admodum viridia esse splendentiâ ac si vernice vulgò dicta fricata essent, flosculos in umbella luteolos; semen aureo dilutius colore præditum.

5. Libanotis Theophrasti minor Ger. Park. latifolia altera sive vulgarior C. B. Lib. Theophrasti quorundam sive Sefeli Æthiopici Matthioli, Cervaria alba J. B. Herb. Frankincense et Theophrastus, the lesser.

J. B.

Radicem nigre Cervariæ habet crassam, valde longam, comatam, verum albam: Caulem nodosum duorum aut trium cubitorum: Folia singularia quam Cervariæ prædictæ multo majora, subrotunda, serrata, quam illius tamen minus, inferius pene glauca, superius viridantia: totum autem folium longo pediculo hærens, in alas subdividitur oppositas, quæ rursus in folia ex adverso sita subdividuntur. Umbellæ latæ: Flores albi: Semen gemellum, octo angulis seu alis membranaceis extantibus donatum, cum quadam acrimonia & amaritudine.

In montibus propè Genexam copiosè provenit. Uberrimè etiam nascitur per omnes Ungariæ, Austræ & Stiræ sylvas, teste Clusio. Nos quoque in Alpibus Stiriacis eam observavimus.

Locus.

6. Libanotis latifolia minor semine crispo C. B. Libanotis Theophrasti quorundam valde similis, Celsus amara dicta, semine crispo J. B.

C. B.

Hæc à præcedente foliorum magnitudine & numero, seminisque formâ præcipuè differt: cum in vulgata singulæ foliorum alæ magna ex parte quina folia habeant, uno extremam alam occupante: hæc in primis duabus alis tria tantum, & in media alâ quinq; obtinent, [minus & rariùs serrata, & quædam vix serrata, nobis etiam videntur tactu crassiora] Cauli cubitali, glabro, umbella parva [amplâ J. B.] foliulorum alborum infidet, quibus succedit semen oblongum [breve C. B.] eleganter crispatum, nonnihil amaricans cum acrimonia.

Hanc Parkinsonus præcedentis duntaxat varietatem facit.

7. Libanotis Theophrasti major Ger. Park. latifolia major C. B. Theophrasti quorundam folio minus Matthioli J. B. ejusdemque Sefeli Æthiopici Matthioli aliud genus Clusio.

Clus.

Majores habet foliorum alas, hoc est, in plura folia nempe bina & vicena plerumque divisa, superioribus magnitudine longè cædentiâ, quæ superne splendentiâ minus virent, & prona parte cinerasci prorsus sunt coloris, omnia in ambitu non modo ut superioris [loco penultimo descriptæ] serrata, sed etiam laciniis dissecta: æqualem cum superiore habet caulem, nodis similiter interceptum, foliorum umbellas similes; semen par; radicem non dissimilem.

Floret Junio, interdum etiam serius: Semen Augusto maturum est. Per Austræ & Stiræ sylvas nascitur, nusquam tamen copiosius quam in Calenberg.

Tempus & Locus.

J. Bauhin planta folio erat amplissimo, cubitali, tripartito, & tripartitis denuo brachiis, in terna quoque plurimum foliola definientibus, sublonga, minus rotunda quam in præcedente, serrata, potius etiam interdum trifidum, inferna parte magis candicante.

8. Libanotis Apii folio, semine aspero C. B. Lib. Theophrasti Apii folia Cretica Park. Rosmarinus foliis Selino similiibus Bel.

Bellus.

Folia hujus Selino similia sunt, serrata: florèque in umbellis albi: quibus succedunt semina oblonga, aspera: Radice nigræ crassâ, foris nigro cortice eoque tenui vestitâ, intus albâ, thus maxime olente: idèò (inquit Bellus) Libanotis legitima mihi videtur, quam Theophr. lib. 9. cap. 12. descripsit: licet radix sit nigra, quia detractò levi cortice spectatur maxime alba.

Appellatur vulgò *ortocosa*, quod vertiginem inducere credatur, &, ni fallor, Siler Creticum à quibondam perperam vocatur.

Planta hæc ob semina oblonga aspera non videtur huc pertinere: verum quoniam de loco non constat, & radice odore cum præcedentibus convenit, non movendam duximus.

C. Bauhinus hanc plantam in pinace suo bis ponit, primum nomine superius allato, iterum sub titulo Ligustici 2. seu foliis Cicuta.

## CAP. III.

## De Umbelliferis semine rostrato, seu Scandice aut Peetine Veneris dicto.

**S**candicem Veterum Pectinem Veneris non fuisse probat J. Bôdæus à Stapel. Pectem autem Veneris à seminum nostris confertis, Pectinis dentium amulis, dicta est hæc herba. Seminibus in rostrum productis Geranii molchati rostra proxima similitudine referentibus ab omnibus aliis Umbelliferis distinguitur, ut plures notas conquirere non sit opus.

- A. 1. *Pectem Veneris* J. B. *Veneris sive Scandix Ger.* *Scandix vulgaris sive Pectem Veneris* Park. *Scandix semine rostrato vulgaris* C. B. *Shepherd's needle, or Venus comb.*

*Ex radice* alba, simplici, paucis fibris donata, sapore dulci [ut mihi videtur subacri] prædita caules producit tenues, dodrantes, hirsutos, juxta terram rubentes, superius virentes, strisque ut plurimum rubris distinctos, in ramos divisos: folia longis ferè pediculis appensa, Coriandi diversitatem, sapore subdulci, subacri & nonnihil nauseoso [Dodonæo folia tenuiora quam luteæ radices Pastinacæ, latiora verò, crebriusque dissecta, minusque odorata quam Charophylli] Flores umbellatim positi colore albo, ad Myrrhidis flores quam proximè accedentes, nisi quod incisi minime sunt ut illi, pediculisque longioribus seu corniculis, quod siliquæ est rudimentum, insident. Ad parvæ umbellæ basin quina folia caulem latis brevibusque pediculis amplectuntur, quæ postea minimi reliquorum instar dividuntur. Semen longum, in mucronem extenuatum, aut citius (ut inquit Dodonæus) crassis magnisque acubus simile. Umbellæ autem seminum Geranii molchati seminum umbellæ proxima similitudine referunt. Rostra maturo semine diffiliunt in duas partes, manente in medio membrana tenui, alba, simili quodammodo acui Tritici aut Hordei.

Locus.

Usus.

Inter segetes tam in Anglia quam in transmarinis regionibus passim provenit. Hujus plantæ vix ullus hodie in medicina usus est: nonnulli tamen radicem cum Malva rosam omnia corpori infixâ extrahere aiunt. Eadem cum herba & floribus in patella calefacta, ex vino albo meraco & butyro unâ cum hortensis Petroselinii foliis, pubique adhibita remorantem urinam, pueris præsertim provocat, autore Matthiolo.

Quidam teneram adhuc crudam vel coctam cum butyro & oleo esicant.

2. *Scandix Cretica minor* C. B. *Cretica minor, sive Anthriscus* Park. *Pectem Veneris tenuissimam dissectis foliis, Anthriscus* Casabonæ J. B. *Anisomarathrum Apulum* Col. *Scandix minor sive Anthriscus* Ger. emac.

## f. B.

*Ex radice* tenui, parùm fibrosa caulis unus vel plures tenuis exit. Folia ad radicem ex longiusculo pediculo, tenuissima, Mei ferè diversitatem, [odoratiora multo, quam Scandicis vulgaris Bello, saporis qualis ferè Charophylli vulg. Clus.] quæ per caules pediculi sui vaginâ eos complectuntur, indidemque alii seorsim pediculi prodeunt duum triumve unciam, quorum extremis hærent in minima umbella flosculi, qui post se relinquunt radiata cornicula Pectinis Veneris, unciam circiter longa, at breviora & tenuiora quam in illâ, quina plerumque ubi parvæ plantæ, ubi majores plura.

Locus.

Usus.

Provenit latis collibus, locis siccis & inter saxa: Manditur in acetariis vere, & maxime appetitur. Venerem mirum in modum excitat & adjuvat. Bellus.

Semen pro Scandicis Creticæ missum à me satum plantam produxit Scandici vulgari simillimam, imò planè eandem. Idem ferè accidit J. Bauhino: uride quicquid intercedit discriminis celo aut solo deberi suspicor: nisi detur in plantis transmutatio specierum.

Invenitur circa Montspesium, in sterilibus à la Colombière & in collè Ferran odore suavi Anisi, imò & sapore. Botan. Monsp.

3. *Scandix Cretica major* C. B. Park. *Pectem Veneris Creticum* J. B. *The greater Shepherd's needle of Candy.*

## C. B.

A præcedenti differt foliis inferioribus subrotundis, per oras obliquè dissectis, Saxifragæ minoris Lobelii similibus, sed nigrioribus, leviter hirsutis: caule altiore, cubitali, anguloso, striato, subhirsuto: petalis florum latioribus: seminibus rostratis pluribus simul junctis. Cuilibet rostro apices duo quasi aculei rigidi præfiguntur, quod & in Chæresolio observare est.

4. *Scandix aliera capite glomerato* Park. *Scandix umbellæ ex plurimis apicibus coagglomerata quibusdam* J. B. C. B.

An sit Scandicis species degener & monstrosa, an aliud plantæ genus, cum Auctor semina non describat, cerò definire nequimus. Folia ei quam Scandicis latiora, ad Apii magis accedentia attribuit & appingit. Videfis integram descriptionem apud Lugdunensem.



## CAP. IV.

De Umbelliferis semine longo, angusto, levi, &amp; primò de Cicutaria.

**C**icutaria dicitur à foliis Cicutæ æmulis. A Cerefolio differt magnitudine quâ illud superat, foliis latioribus, radice perenni.

- A. 1. *Cicutaria vulgaris* J. B. *Myrrhis sylvestris* Park. *filv. seminibus levibus* C. B. Wild *Cicely, Cow-weed*. *Cicutaria alba Lugdunensis* Ger.

J. B.

*Radix* huic crassa, longa, multis interdum adnatis donata, alba, potissimum internè, sapore acri & aromatico. *Caulis* proferit cubitales & non rarò bicubitales & altiores, pollicari crassitudine, inanes, hirsutos, nonnihil rubentes, cannulatos. *Folia* Cicutæ foliis proxima, latiora, pallidius virentia extremis productionibus, sapore aromatico, splendentia, brevi & vix conspicua lanugine hirsuta, maximè averfa parte. *Flores* in umbella candidi, quorum singuli quinis foliis constant supremo reliquis majore. Singulis pro more bina succedunt *semina*, longa, glabra, per maturitatem nigra. Umbellarum partialium ex quibus totales componuntur bases seu radiorum exortus in orbem circumstant foliola angusta, acuta.

Ad sepes passim, inque pomariis & sub arboribus, Vere primo exit, & Maio mense floret.

Verno tempore dum folia adhuc tenera sunt, antequam excaulescat, gratum bobus pabulum est, unde & *Cow-weed* nostratibus dicitur.

Locus &amp; Tempus.

Duas familias novimus Montbelgardi (inquit J. Bauhinus) quæ existimantes se colligere Pastinacas Germanicas, hyemali tempore has, fortè fortuna offenderunt foliis destitutas, [hæ enim Pastinacis similiore sunt quam Cicutæ radices] ex quarum esu licet paucò, inciderunt in grandia symptomata suffocationis, torporem ac vesaniam, ita ut ebrios verius exprimerent. Curavit hos vomitu pulvere Saxonico, &c. Vid. Tom. 3. lib. 27. pag. 181. At nostrates asserunt Pastinacas ipsas velutiores torporem hunc & delirium inducere, unde eas *Mad-neps*. i. e. Pastinacas insanas vocant.

2. *Cicutaria latifolia hirsuta* J. B. *palustris alba & rubra* Park. *palustris latifolia alba* C. B. fortè etiam *palustris latifolia rubra* ejusdem.

J. B.

Dum cubitorum & altior est *caulis*, striatus, concavus, pilis obfusus, ad genicula singula folio donatus quoquoersus sesquipalmari, trifariam primò diviso, cujus divisiones deinceps singulares ad Myrrhidem accedunt, sed latiores, rariores, hirsutæ supra subtrisque, potissimum per nervos venulique asperæ, veluti & per pediculos. *Umbellæ* magnæ in plures alias minores divise, *flosculorum* candidiorum, aliquando suavè purpureorum, aut potius Amethyfinorum: sub quorum pedicellis foliola acuta, quaquaversum radiata. Flosculos singulos sequuntur *semina* bina juncta, bicornia, longa, quæ relicto stylo medio facilè diffiliunt deciduntque. Odor & sapor aromaticus, subacris, sed ille quàm hic gravior & suavior. *Radices* crassæ, obliquæ, perpetuæ, aromaticæ.

In pascuis montosis Juræ & Salevæ montium propè Genevæ, præsertim ad rivulos oritur: unde de Gesnerus Sefeli aquaticum eam vocabat, referente Jo. Bauhino.

Locus.

3. *Cicutaria odorata bulbosa* J. B. *bulbosa* C. B. Park. An *Cicutaria Pannonica* Clusii?

J. B.

Singulari affurgit *caule*, hominis altitudinem excedente, crassiusculo, purpurascente, vario, cavo, propter terram hirsuto, palmaribus internodiis distincto. *Folia* ex articulis prodeunt crassis magna, in alas divisa, easque in minora folia subdividendas, Cicutæ foliis similia, delicatiora, glabra, sapore non ingrato, nam & totius alioqui plantæ sapor est aromaticus, non foetidus. *Umbellæ* fert parvas, *flosculis* albis compactas: *semina* longa Cicutariæ vulgaris, quibus maturis & deciditibus Autumno, perit & caulis & radix, plantæque novellæ ex semine natæ totâ hyeme durant usque ad Ver, quo tempore folia terna aut quaterna supra terram se expandunt, ad Chærefolium accedentia, ex virore lucida, in tres lacinias præcipuè divisa, tres circiter uncias longa, odore & sapore aromatico, quorum pediculi ad tres uncias longi procedunt à radice singulari, brevi, turbinate, crassiuscula, Antithoræ radici simili, vel Napis minimis, rectâ cortice tenui, pullo, internè albâ, fungosâ, grati saporis, ad Staphylinum accedentis, desinente in parvas fibras longiusculas, parvas alias laterales habente.

Propè Entzheimium Alsatiæ in sepibus & alibi provenit itinere Basiliensi versùs Mulhusium, mense Junio florens, & semen proferre incipiens, quo deciduo planta perit. Cicutaria Pannonica Clusii novo vere in hortis & herbis agri Viennensis locis prodit: nascitur & quibusdam similibus Ungariæ locis, florens Aprili & Maio, Junio semen planè maturans.

Locus &amp; Tempus.

Novo vere radices firmiores & magis succulentæ cum novellis suis foliis in foro Viennensi venales reperiuntur: coquantur enim & cum oleo, aceto & sale primis mensis isthic vulgares, quàm salubri cibo se nescire faciunt Clusius: frequentem tamen ejus usum non sine noxa esse, & capitis gravedinem dolorémque inducere se expertum esse memoriæ mandavit.

Hæc omnia J. Bauhinus & Clusius:

## CAP. V.

## De Cerefolio seu Chærophylllo Sativo.

**C**Hærophyllon dicitur quod foliis gaudeat seu luxuriet. Foliis ad Petroselinum accedentibus radice annua omniumque partium parvitate à Cicutaria differt. Hæc de Chærophylllo vulgari accipienda sunt; nam Chærophyllon Canadense radice est perenni, & magnitudine Cicutariam æquat vel superat.

1. *Chærophyllum sativum* C. B. *Chærophyllon* J. B. *Cerefolium vulgare sativum* Ger. *Cerefolium vulgare* Park. *Chervil*.

Radice nititur alba, furculosa; fibrillis tenuissimis capillata, minimi digiti crassitudine, sapore subacri. *Caulis* nunc unus exurgit, nunc plures pro ratione foli, sesquicubitales & altiores, teretes, striati, glabri, inanes, geniculis longius distantibus nodosi, infra genicula in ventrem turculum intumescences, ramosi, ramulis alternatim ad singula genicula ex alis foliorum exeuntibus. Summos caules & ramulos occupant umbellæ raræ, alias pediculis per brevibus & ferè nullis, alias longioribus insidentes. *Flosculi* parvi, albi, quinque petalis cordatis, totidemque staminulis albis compositi. Singulis flosculis bina succedunt *semina*, oblonga, glabra, per maturitatem nigricantia, sapore dulci & aromatico. *Folia* teneriora & argutius secta quàm Petroselini, sapore & odore aromatico, alias iis non multum dissimilia, pallidè viridia, & nonnihil subinde rubentia, pediculis saepe rubentibus, nonnihil hirsutis. N. B. Quamvis folia caulis alternatim adnasci diximus in summitate tamen ad umbellæ exortum bini hinc inde oriuntur, & ex eorum alis bini egrediuntur ramuli, quod & aliis pluribus umbelliferis commune est.

Tempus.

Majo mense floret & cum semen perfecerit brevi radicitus exarescit, semine deciduo se quotannis renovans. Autumno autem oritur & per totam hyemem viret.

2. *Cerefolium latifolium Canadense* Cornuti.

Corn.

Omnes nostratis Cerefolii particulas ad unguem refert, sed plenioris incrementi *cauliculum* facit & cymam. *Flos* itaque albidus muscarii effigie summum caulem occupat; hunc sequuntur *semina* longiuscula, ex uno pediculo plura. *Caulis* fragilis & tener, glaucèque virens ultra cubitum adolefcit. *Folia* sèna semper in singulis pediculis prodeuntia, in ambitu incisa Petroselini modo, latitudine & longitudine quadruplo superant nostratis. Tertio à sату anno moritur: *semine* perennat tamen, quod statim atque decidit etiam non obrutum sponte terræ infigitur & germinat: nec enim nostri instar agrum lætum & stercoreatum desiderat, sed in qualicunque terra, ac vel crudo, vel effuso solo, si feritur, provenit.

Sapor huic dulcis est, odorque non inluavis, ac proinde esculentum testamur, sed & aliis olentibus permixtum gratiam auget saporis.

Vires & Usus.

*Cerefolium vulgare* partium est tenuium, diureticum, emmenagogum, & lithontripticum, sanguinem coagulatum resolvit, somnum suaviter inducit. Extrinsecus usus insignis est in dolore colico, in urina retenta (imposit. in cataplasma.) Credite mihi cum aliquando ex retenta pro verecundia urina vesicæ insigni distentioni Vir quidam primarius laboraret, usu Chærophylli, Panetariz & Petroselini herbarum in butyro insulso frixarum pectinique ipsius calidè applicatarum me subduxisse una vice circiter 4 libras urinae. S. Pauli.

Succus Chærophylli cum iusculo assumptus, aut Aq. ejus ter cohobata sæpius adhibita Dolæ experientiâ contra vertiginem specifica sunt. D. Soame è Dolæo. Sanguinem concretum ex contusione dissolvit tusum ac emplastri modo impositum.

Tota planta dulcis est & odorata, acriusculo quodam accedente sapore, quò fit ut aliis olentibus admixta ea gustui gratiora reddat. Estur autem cruda in acetariis cum aliis herbis, aut etiam cocta: flatulentum tamen aliquid obtinet, unde & Venerem promovet.

Si butyro frigatur herba, & abdomini imponatur, certum est contra tormina remedium. Cam. ad quod mulierculæ ceu ad sacram anchoram confugiunt.

## CAP. VI.

## De Umbelliferis seminibus longis striatis seu

## De Myrrhide.

**V**erisimile est à Myrrhæ odore dictum esse Myrrhida & Myrrham, inquit Marcellus Virgilius. Nullus tamen, quod invenerit, apertè id testatus est è Græcis aut Latinis. J. Bodæus plantam quam Dioscorides *Myrris* vocat nomen accepisse ait *ἡ δὲ τὸ μυρρὶν καὶ ἡ ἡμῶν τὴν*, quòd odorata sit, quasi unguentum redolens. Quòd si verum esset, *Myrris* scribi deberet cum simplici. V. Jo. Bod. in Theophr. hist. lib. 7. p. 87.

1. Myrrhis



1. *Myrrhis magno semine, longo, sulcato, J. B. major vel Cicutaria odorata C. B. major vulgaris, sive Cerefolium majus Park. Cerefolium magnum sive Myrrhis Ger. Sweet Cicely or great Sweet Chervil, by some Sweet fern.*

*J. B.*

*Myrrhis radice* habet insigniter crassam, adnatis plurimis & crassis donatam, albam, sapore dulci, subacri, grato, aromatico, qualis est seminis Anisi sapor. *Caules* surrigit aliquot proceros, bicubitales & tricubitales, hirsutos, fistulosos: *folia* magna, pinnata, Cicutæ foliorum facie, magis albicantia, & albis maculis subinde respersa, tactu mollia, nervis averfa parte pilosis, sapore Anisi pediculis, fistulosis. *Flores* in umbella gerit candidos, leviter odoratos, quorum singuli foliis quinis constant, bifidis seu cordatis, extimo intimis duobus oppositis simul utrisque majore, lateralibus binis medio modo se habentibus, bifurcato stylo albo cum staminulis albis medium occupante. Particularium umbellarum basin sustinet senum radiorum stella. Succedit *semen* notatu dignum, magnum, longum, angulosum, sulcatum, sapore Anisi dulci & jucundo.

Atque apud Germanos in pratis alicubi nasci, ut in Hassia circa Casellas referente Gillenio. *J. B. Loc.*  
Hujus folia Filicina quodammodo referunt unde nostratibus *Sweet fern*, i. e. Filix dulcis appellatur.

2. *Myrrhis altera minor Park. minor C. B. altera Ad. altera parva Ger.*

Præcedenti similis est, sed per omnia minor. *Semen* per maturitatem non nigricat ut in ea. Lobelius Pennium è Saleva monte propè Genevam semen hujus attulisse refert. Nobis in Saleva non comparuit, utcumque non negamus ibi inveniri.

*Myrrhis* cum *Cerefolio* temperamento & viribus convenit. *Radix* cum vino pota medetur *Vires*. morui Araneorum. A partu purgat mulieres, & menstrua provocat. Cum melle cocta & sump- *Menses ciet.*  
ta tabidis conducit, & thoracem à viscosis humoribus expurgat. Cum vino cocta & bis aut ter in *Tabes.*  
die pota à peste præservat. Herbam & radicem decoquunt ad urinam promovendam. Fit quoque *Urina.*  
extractum ex herba & radice contra pestem & puerorum epilepsiam. *Epilepsia.*

*Myrrhis* majoris, seu *Cicutariae* odoratæ C. B. radix in decocto aut aliâ formâ usurpata malig-  
nis morbis medetur; hinc ubi *Carlina* destituor illius loco *Myrrhidis* radices eligo. S. Pauli *Qua-*  
*drip. Botan. class. 2. p. 98.*

3. *Myrrhis Broccenbergensis, foliis Myrrhidis Italicae, flore albo, radice crassa nigra Thalii.*

Quæ planta sit Bauhinus uterque ignorat, nosque unà: descriptionem vide apud Thaliu.

4. *Myrrhis perennis lutea daucoides Moris. prælud.*

*Moris.*

Hujus folia quam proximè Dauco seu Pastinacæ tenuifolia accedunt; quin & flores habet luteos;  
(semina rostrata, striata Myrrhidis montanæ seminibus longiora, at minùs tumida.

5. *Myrrhis perennis montana alba Moris. prælud.*

*Moris.*

Ad binos ternosve pedes assurgit: caules producit striatos; flores aliarum suæ classis more albos: quibus succedunt semina rostrata, striata, semuncialia, exterius lutea, cavâ parte quâ junguntur subcœrulea.

- A. 6. *Cerefolium sylvestre Ger. Park. Chærophyllo sylvestre C. B. Anthriscus Plinii quibusdam, semine longo Cicutariae, aut Chærophylli, J. B. Wild Chervil.*

*J. B.*

Lignosa, simplex & alba est radix, sapore Pastinacæ aromatico. Caulis cubitum unum aut alterum altus, multis alis concavus, striatus ex virore atrorubens, abundè hirsutus, copiosâ medullâ factus. Folia ad Cerefolii accedentia segmentis majoribus, nervo hirsuto annexa, ipsa quoque non minùs pilosa, sapore nullo manifesto. Flores in umbellis candidi, petalis cordatis & quodammodo crispis, concoloribus apicibus compositi. Semen oblongum, tenue, sulcatum, duas fibras è summo proferens, gustu aromatico, simile Cerefolii semini sed, minus, per maturitatem.

Cum floret planta caules infra genicula in nodos insignes intumescunt.

Passim juxta sepes provenit, tam apud nos quam in Germania.

*Loc.*

## CAP. VII.

De Umbelliferis seminibus longis asperis seu

De Myrrhide Sylvestri.

*Myrrhis sylvestris Cretica, nodosa, seminibus asperis. M. annua, semine striato aspero oblongo, nodosa Moril.*

**C**aulis ei rotundus, inanis, glaucus, satis seu spinulis rarioribus asper, cubitali altitudine, in ramos aliquot divisus, infra genicula in nodos praegrandes postquam florere incipit excremenscens. Folia lata, brevibus pilis hirta, Cerefolii sylvestris nonnihil similia. Umbellae parvae, flosculis exiguis albis compositae. Succedunt semina longa, utrinque acuminata, grandia, striata, aspera. Postquam semen perfecit radicitus exarescit.

Hujus semen ante triginta annos Londino accepimus, & plantam ipsam ex semine rediitiam aliquot annos aluimus: putamus etiam in Sicilia spontaneam observasse.

Hæc planta Parkinsono in Theat. Botan. p. 907. describitur sub titulo *Seselis Cretensis nodosa*. Theatrum autem illud Parkinsoni ante quadraginta annos Londini impressum est.

## CAP. VIII.

De Meo.

**MEUM**, Græcis *Μέων* vel *Μέϊων*, à *Melou*, quia foliis constat omnium herbarum tenuissimis; quibus ut & semine magno, oblongo, striato ab aliis congeneribus distinguitur.

A. 1. *Meum* Ger. *vulgatius* Park. foliis *Anethi* C. B. *Meum vulgare* seu *Radix mepus* J. B. *Common Spignel* oz *Meu*. *Westmorlandicis Bald-monep*, oz *Bald-monep*. *Cypri* appellationis rationem non assequor.

f. B.

Herba hæc, cujus folia cubito ferè longiora, longos habentia pediculos striatos, eorumque supremæ partes foliis fœniculi similes sunt, capillaceæ, crebriores tamen & molliores, nec capillisque adeò longi; caulem edit similem Fœniculo, minorem tamen multo, striatum, inanem, ramosum, umbellam florum alborum Anethinis similiam, pentapetalorum; semina magna, longa, striata. Radix interdum una, interdum plures, dodrante longiores, modò tenuiores, modò crassiores, è quarum lateribus ut plurimum oriuntur obliquæ radices, satis longæ, quæ sursum interdum tendere deprehenduntur, nec passim in aliis radicibus sic adriatæ provenire solent. Cortice vestitur primo nigricante vel potius cinericeo, tenui, deinde altero crasso, albo, gummoso; in ejus medio est matrix. Odore est satis jucundo, Pastinacæ ferè, magis tamen aromatico, sapore non ingrato, nisi quò dacris & nonnihil amara. Quum verò radix hæc ex iis sit quæ hyemem perferunt, & Alpina, magnas habet comas capillatas, ex foliis arefcentibus.

Locus.

In Westmorlandia Angliæ provincia copiosè provenit in pratis & pascuis duobus à *Sadbery* pagum m. p. viâ quâ ad *Orton* pagum itur.

Vires.

In exteris etiam regionibus Germania, Italia, Hispania in montibus invenitur.

Flatus discutit. Usus præcip. in inflatione ac ructu ventriculi, in mensibus ac urina ciendis, in uteri suffocatione, in torminibus ventris, in catarrhis tartaroque pulmonum expectorando. *Schrod.*

Multas ingreditur compositiones & ipsam theriacam. *Idem.*

Habet autem radix, non secus ac *Mentha*, humiditatem quandam excrementitiam, quâ ad caput latâ est *παραλυσίς*. Unde intelligitur non adeò frequentem debere usum ejus esse, in iis præcipue qui aut voverunt castitatem, aut aliàs Venere uti non debent. Quâ enim vi agit illud, eâ agit hoc quoque. C. *Hofman*. Hinc fortè innotescit ratio nominis Anglicani *Baldmonep*, id est lenonium stipes seu nummus.

Gesnero Mei pabulo in Apulia vaccæ plurimum & optimum lac reddunt, & inde caseum cabellinum dictum confici se audivisse ait. At nobis caseum illum ex lacte bubalino seu buffelino fieri narratum est.

Lobelium monuit Turnerus in Alpibus Chevioticis Scotiæ finitimis hanc stirpem magna ubertate scateri. Nobis in montibus illis plantas indagantibus non comparuit.



2. *Meum alexiterium* Alpin. exot. Park.

Alpin.

*Caule* assurgit cubitali & ampliore, rotundo, geniculato, viridi ut *Anethum*, non minùs crasso. Fert umbellas parvas *floribus* parvis, candidis, quibus succedunt *semina* minutissima, oblonga, odorata, & linguam excalfacientia : ex nodis verò singulis exeunt cauliculi parvi cum Umbellis. *Radice* nititur longa, gracili, digiti minoris crassitie, alba, in extremo divisa, odorata, atque acri.

Ragusà hanc plantam accepit Alpinus, ubi à vulgo *Herba serpentum* vocatur.

Locus.

3. *Meum alterum Italicum* quibusdam J. B. *alterum Italicum* Ger. emac. *spurium Italicum* Park. *latifolium adulterinum* C. B.

Mor.

*Folia* vulgaris Mei habet, duriora, crassiora & habitiora, subvirofi odoris, Rutæ Narbonensis tenuifolia quodammodo æmula ; ex quorum sinu exeunt *caules* obliqui, pedales, nonnunquam sesquipedales, sustinentes *semina* striata, minora. *Radix* major, Peucedani facie & concrezione, pulchra foris, tetræ & injucundi tum saporis, tum odoris.

In collibus aridis passim in Gallia provenit, referente Morifono. Nobis in collibus & clivis maritimis Regni Neapolitani observatum fuit. Floret sub finem æstatis, Autumno ineunte semen suum perficit.

Locus.

## CAP. IX.

## De Cymino seu Cumino.

**C**YMINUM *ἡ ῥόκκω* prægnans esse dicitur, est enim, teste Theophrasto, fecundissimum. Ab Ammi differt radice annua, foliis in lacinias minùs crebras, nec adeò tenues dissectis, omnium partium quantitate minore, semine etiam angustiore.

1. *Cuminum sive Cuminum sativum* J. B. *vulgare* Park. *sativum Dioscoridis* Ger. *semine longiore* C. B. *Cummin-seed*.

J. B.

Parva & umbellifera herba est, altitudine rarò pedem excedens [Cæsalp. annua planta, brevior cubito] tenuibus & in plures angustas partes sectis foliis [Cæsalp. foliis paucis, raris, capillaribus, & flore candido] *semine* in umbellis [parvis & rotundis Cæf.] oblongo, utrinque acuminato, anguloso, cartilagineo, in cinereo colore subflavo, longitudine quartam uncie partem æquante, gustu subamaro, tenui, mediocriter acri & cum gravitate suaviter odorato. *Radice* nititur longa tenui, & cum maturuit semen, pereunte.

In Melita insula copiose feritur ad mercimonia ; ubi *Cumino agro* i. e. *Cuminum acre* incolis dicitur : Anisum autem, quod non minori copia ferunt & divendunt, *Cumino dulce*, i. e. *Cuminum dulce* appellatur ; unde C. Bauhinus aliique Botanici decepti duas Cimyni species constituerunt, nimirum, acrem & dulcem. V. C. B. pin. in Cumino.

Semen resolvit & flatus discutit, ideòque utile est in colica, tympanite & vertigine. Ex vino *Vires* dulci sumptum difficultati & ardori urinæ auxiliatur : cum ficibus in vino coctum tussim sedat, & thoracem expurgat. Utiliter pani incoquitur, & caseis inditur ; ità enim concoctionem juvat & flatus dissipat.

Frequens & copiosus Cymini seminis usus faciem decolorat, & pallorem cuti inducit. *Dioscor.*

Galen.

Suavem halem spirant Cuminum, foetidum emendat, eaque de causâ qui foedam habent respirationem Cumino magno adjumento crebrius utuntur. *Stapel.* Oleum arte chymica extractum præsentissimarum est virtutum in affectibus omnibus flatulentis, præsertim uterinis. Novi Empiricum qui miracula creditur facere affusis aliquot guttis pani tosto, & umbilico imposito. *Casp. Hofman.*

2. *Cuminum sive Cuminum seminibus villosis*.

Hoc genus in insula Melita collectum habemus ubi cum superiore sparim nascens, neque foliis, neque figura, odore aut sapore seminum, sed duntaxat eorundem hirsutie seu villosæ cæsarie discernendum, observavimus.

Hoc fortasse genus est quod Jo. Bodæus à Stapel habet pro *Cumino dulci* Melitenarium, quod hirsutum esse scribit, quo qui conditus est panis, sapore gratiori commendatur.

Nè quis tamen putet, hoc esse quod Melitenenses ipsi *Cumino dulce*, seu ut C. Bauhinus, *Cuminagero dulce* vocant, illud enim nihil aliud esse quàm Anisum, & nobis cum ibi essemus ab incolis dictum est, & ab eruditissimo Viro Joan. Francisco Abela Meliteni in descriptione illius insulæ confirmatum.

## CAP. X.

*De Umbelliferis semine striato majore foliis latissimis, in plerisque speciebus valde ramosis seu De Angelica.*

**A**ngelica barbaris & Agyrtis ab Angelis dicta est hæc herba ob insignes qualitates: *isidem* & radix S. Spiritus dicitur ob eandem rationem. Ejus notæ sunt folia latissima, *isidem* striata magna & crassa per maturitatem alba, succus lacteus per ficitatem flavicaris. Nos herbas qualdam semine striato minore, à foliis & odore similibus Angelicas dici solitas nec immerito, in hoc capite tradimus.

1. *Angelica sativa* J. B. C. B. Ger. Park. **Garden Angelica.**

*Radixem* altè demittit, crassitudine plusquam brachiali, cum multis adnatis pollicari crassitudine, rugosam, cuticula in cinereo rubescente nonnihil obtectam, pulpâ albâ, molli, succosâque: quæ præcisâ flavum liquorem seu lachrymam ab interiori corticis parte remittit, cui similis liquor etiam in foliorum venis continetur sed aquosior, & cum primò effluit lacteus, gustu admodum calido & aromatico, acri & amaro. *Caulis* indè exurgit crassus, ad terram purpureus, geniculatus, concavus, teres, striatus, bicubitalis, multis alis donatus, in candido livente polline velut aspersus. *Folia* triangulata amplissima, è segmentis seu foliis partialibus ut in hoc genere maximis, in ambitu crenatis, mollibus, supernè virentibus, infernè dilutioribus, oblongis & multo gibbo inæqualibus composita, sapore & odore minùs aromatico quàm radix: quæ in caulibus sunt minora iis quæ ad radicem, è bulgis se proferunt, in pilam quasi convoluta: siquidem folii cujusque pediculus è membrana latissimâ concavâ, tum folia tum umbellam florum ceu bulga obvolvete, oritur. Summus caulis & rami in *florum* umbellas in sphericam figuram circumactas, quas ideirco meritò corymbos dixeris, terminantur. Florum petala perexigua, subrotunda & minimè cordata aut bifida, colore pallido seu herbaceo. Singulis flosculis ut in reliquis hujus generis bina succedunt semina invicem conjuncta, longiuscula, tumida, striata, in candido cinerea.

Secundo tertiove anno, si permittas, plerunque caulescit. Cum verò caulis maturo semine parit, ipsa quoque radix putrescit & interit.

Vires.

*Radixem* Angelicæ Alexipharmacum, Bezoardicum, & cordiale nobilissimum esse unanimi consensu docent medici & botanici.

Herba ipsa, sed præcipuè radix & semen, calfacit & siccat, aperit, attenuat, sudorifica & vulneraria est: menses movet, foetum expellit, suffocationi uteri maximè conducit: malignis morbis, venenis, ipsique pesti medetur. *Schrod.*

Pro præservatione pestis radices aceto maceratas aut naribus admovent tantùm, aut sub lingua habent, aut masticant, aut acetum bibunt jejuni. Pro curatione vel 3j. folius pulveris, vel 3ss. cum Theriacæ 3j. in vino tenui, in aq. card. benedict. tormentillæ, &c. propinant & sudorem inducunt, idque repetunt singulis sex horis.

In vulneribus *isidem* præcipuè canis rabidi, emplastrum fit cum thure, ruta, pice, aliis.

*Radix* condita cum saccharo, ut & foliorum pediculû delibrati manè sumpti putantur valere plurimum contra pestem & aeris contagionem, quin & sanare quosvis thoracis & pulmonum affectus frigidos. Iidem commanducati foetentem oris halitum emendant. Plura vide apud Tragum, Fuchium, aliòsque Botanicos.

Angelica non facîle provenit vere; recenti siquidem semine disseminari cupit.

*Angelica sylvestris* Ger. Park. *sylv. major* C. B. *sylv. magna vulgatio* J. B. **Wild Angelica** rectius *Angelica aquatica*, i. e. **Water-Angelica.**

*Radix* huic crassa, rugosa, alba, simplex, furculosa, sapore acri, minùs aromatico quàm sativæ. *Caulis* bicubitalis & altior [vidimus qui hominis proceritatem superâr] crassus, teres, striatus, inanis, multis alis concavus, foliis per intervalla alternatim positis cinctus; *Folia* autem lato, membranoso, concavo, striato principio caulem & umbellas antequam erumpant ceu involucri amplectuntur. *Folia* triangulata costis supina parte canaliculatis, tribus quatuorve alarum conjugationibus constant: segmenta singularia lata, angustiora tamen & acutiora quàm Angelicæ sativæ, per margines argutè dentata, glabra, obscure viridia. In summis caulibus & ramulis *umbellæ* amplæ flosculis exiguis, albis, pentapetalis constant, petalis bifidis & velut cordatis, *staminibus* intus albis. *Umbellæ* totalis exortum radiorum nulla in caule folia circumstant, umbellarum autem partialium ex quibus totalis quæque componitur plurima, angusta, acuta. Singulis flosculis ut in reliquis congeneribus bina succedunt semina, striata, minùs turgida quàm sativæ, margine foliaceo.

Locus &amp; Tempus.

In aquosis & ad fluviorum per margines ubique ferè in Anglia provenit. Augusto mense floret.

3. *Archangelica*, Lob. *Archangelica* seu *Angelica Tabernamontani* seu *Scandiaca* Hort. Leyd.

Huic Lobelius flores luteolos, folia sativæ multò majora attribuit: si per folia intelligit lobos particulares in quos folium dividitur; & detur hujusmodi Angelica, erit proculdubio distincta species: verùm suspicor Lobelium ex conjectura flores luteolos dixisse, & per folium intellexisse folium totale seu totam alam foliaceam, quæ Angelicæ sylvestri in montosis nascenti reverà major est Angelicæ folio.

Dodonæus eidem flores albos attribuit; Semen longius & crassius quàm Angelicæ sativæ. Dodonæus separat Angelicam ab Angelica Norvegica, Lobelius eandem facit. Dodonæi descriptio in omnibus præterquam semine Angelicæ sylvestri in montosis nascenti convenit.

Archangelica



Archangelica Clusii in omnibus præterquam magnitudine cum Angelica sylvestri convenit: Ea autem, ut puto, loco natali debetur.

C. Bauhinus ex Archangelica duas species facit, nec præter rationem, si uni flores luteoli sint, ut Lobelianæ, alteri albi, ut Dodonæi Archangelicæ. Verum Auctores omnes eandem habent iconem: & C. Bauhinus Archangelicam Clusii ad duas refert.

Cum ergo ad id inter se variant & dissentiant Auctores de Archangelica, nos existimamus eam non distinguere specie ab Angelica sylvestri vulgari seu aquatica, sed accidentibus quibusdam à coeli aut soli diversitate oriri.

Postquam hæc scripseram, & opus nostrum jam prelo aptatum esset, eruditissimus Vir D. Jof. Palmer M. D. communicavit mihi Catalogum manuscriptum Horti Medici Leydenfis cum Observationibus in plantis ibidem crescentes, è D. Hermanni ore exceptis; in quo invenio

Archangelicam seu Angelicam Tabernamont. Seu Scandiacam, quam dicit flores proferre in umbella flavescentes, & in omnibus convenire cum Angelica, nisi quod semina sint rotunda, illius autem oblonga, & hujus folia sint majora.

Angelica sylvestris iidem pollere viribus creditur cum sativa, verum languidior & infirmior est multo. Hospes quidam in Ducatu Wirtembergico celebrabat in morbis equorum, pecorum & suum, exhibitum viridem in potu vel siccam. *J. B. X.*

A. 4. *Angelica sylvestris minor sive erratica* C. B. *sylv. repens* J. B. *Herba Gerardi* Ger. *Po-  
dagraria vulgaris* Park. *Herb Gerard, Gout-wort or Ashweed.*

Cubitali & interdum etiam bicubitali caule assurgit, tenui, striato, rubente, fistuloso, alis concavo, ex radice tenui, fibrosa, longè latèque reptante, odore & sapore quadantenus Angelicæ, sed multò infirmiore: *Folia* Angelicæ sativæ minora, eodem ferè colore, Silari sapore: *Umbella* Angelicæ, itidem minor, floribus candidis, odorata. *Semina* oblonga, angusta, acuta, quàm Angelicæ sativæ multò minora, striata, per maturitatem nigricantia.

Ad sepes inque umbrosis ad latera montium frequens. Camerarius Pestem horticorum appellat, quoniam semel plantata reptatu suo odiosa est, nec facilè iterum extirpari & aboleri possit. *Locus.*

5. *Angelica sylvestris hirsuta inodora* C. B. J. B. *Podagraria hirsuta* Park. *Hairp Herb Gerard.*

Radice[m] habet crassam & fibrosam, foris pullo cortice tectam, intus albam, redivivam & odore medicato: *Caulem* parte inferna paucissimis pilis cinctum: *Folia* atrovirentia, hirsuta, pediculis itidem hirsutis asperis insidentia. In reliquis cum præcedenti convenit.

Infantia ad C. Bauhinum missa est.

6. *Ligusticum quorundam foliis Angelicæ* J. B. *Ligusticum alterum* Matth.

J. B.

Camerarius apud Matthiolum in epitome exprimit figurâ suâ plantam quam habemus siccam Citraz nomine, odorem spirantem Meu, foliis nonnihil accedentem ad Angelicam, comâ valdè capillata ad radicem, ex foliorum antiquorum reliquiis, quæ bene exprimitur effigie ex ipsâ planta à Camerario proposita, notatâque litera A.

Hanc J. Bauhinus eandem esse putat quam Cæsalpinus describit lib. 7. cap. 46. Ligustici nomine, quod in Alpibus Liguriæ vulgò Imperatoria vocatur. Folia à radice rotundo pediculo ac ferè lignoso & tripartito gerit, figura herbæ S. Mariæ, sed magis in acutum desinentia, magisque serrata, terna in singulis pediculi ramulis, odorata, prædura: caulem cubitalem altiorémque paucis foliis: semine in umbellis figura & magnitudine Foeniculi, nigra, odorata & acria: radix candida, pollicaris crassitudinis, in duas aut tres prælongas desinens, odore jucundo, sapore acri.

Oritur in Alpibus propè rivulos.

Utuntur semine in obliquo & radice ad Stomachi dolores & imbecillitatem, ac omnes ferè internorum noxas. *Locus. Usus.*

7. *Angelica lucida Canadensis* Cornuti. *Panax Heracleum alterum Americanum splendente folio, Laserpitium creditum quibusdam* Park. *Shining Angelica.*

Cornut.

Hujus caulis vix cubitum implet, nullâ intus medullâ repletus, nisi in iis spatiis quibus ille nodis interceptus ad foliorum exortum. Foliorum pediculi teretes, juxta caulem in latitudinem membranceam expansi nodos tegunt caulémque amplexantur; mox producti longius in quamplurima folia saturè virentia, ambitu serrato, desinunt: Foliis splendida viriditas inest (qualem inducto gelu per hyemem reliquarum plantarum folia contrahunt). Flores albi non Angelicæ aut Imperatoriæ nostræ modo in orbem conglobantur, sed velut Anisi umbellam formant; quos statim excipiunt semina minus foliacea vulgaribus. Radice nititur crassâ, quæ in fibras etiam pinguioribus exit. Statim atque decidunt semina caulis exarescit, unâque planta commoritur ut nostras.

Angelicæ saporem redolet, acriter linguam exurit, sudores movet, salivam ciet, uno verbo ad eandem est ad quæ vulgaris nostra efficax. *Vires.*

In sylvarum apricis invenitur. *Locus.*

7. *Angelica atropurpurea Canadensis* Cornuti.

Hæc ut & præcedens nonnisi trima caulem facit, instar nostratis. *Radix* ei crassior est, torosa, in grâ cute obducta, carne intus alba & nervo; carnosioribus etiam fibris adjectis. *Folia* longè majora & plura quàm præcedentis, longiore etiam pediculo eimergunt: hujus inferior pars, quæ radice aut caule attinetur, in profundam cavitatem fulcata, resupinis caulem labris amplexatur. *Caules* ultra hominis proceritatem adolescit, per semipedalia spatia nodosus, ut *Calamus*, & foliis interceptus. A medio ad summum multis luxuriatur ramulis, qui & foliis minoribus semper ornantur. Flos antequam appareat in cymis fulcata folii cavitare obtegatur, quàm productior caulis proficiat, flôsque apparet in rotunditatem circumactus, quem sequuntur semina. Caulis hujusce plantæ foliorum pediculi atropurpureascent: folia quoque & semina obscura viriditate infuscantur. Ut edore & sapore est ignavior superiore, ita & viribus videtur esse inferior.

## CAP. XI.

*De Imperatoria, quæ non ineptè Angelica speciebus annumeratur.*

**N**onnullis Magistrantia, aliis Astrantia, Ostrutium seu Osteritium dicitur: Veteribus indicata videtur. Notæ ejus sunt folia lata, colore & odore ad Angelicam accedentia, tripartitò divisa & subdivisa: radices crassa obliquè: semen striatum majus.

*Imperatoria* J.B. Ger. major C.B. *Imperat. sive Astrantia vulgaris* Park. *Common Ostrutium*: by some erroneously *Delphinium* of Spain.

J. B.

Pollicari crassitudine nonnunquam est *radix*, sensim gracilescens, rugosa, & lateralibus floribus, quibus se propagat, donata, summa tellure obliquè acta, carne albâ, aromaticâ, acrimoniâ vehementer linguam vellicante, totumque os calefaciente. *Folia* terna plurimum juncta [potius tripartitò divisa] Macerones, acutiora, rigida, quorum singula rursus in tria segmenta serrata, alias levius, alias profundius dividuntur. *Caules* cubiti & sesquicubiti altitudinem assequuntur, striati, mansi, in alas divisi: *Umbellæ* florum alborum Myrrhidis, latæ; *semen* Anethi ferè, sed paulò majus, candidum, plenum & latiusculum. [Florum petala bifida sunt.]

In montibus max. Carthusianorum cœnobio imminentibus invenimus. Gignitur etiam in Anniensibus montibus supra Tridentinum: inque pratis ad radices montium Alpibus Austriacis & Sclaviacis vicinorum magnâ copiam.

*Imperatoria minor* C.B. *Alpina* Park. *Vires.*

Hujus speciem minorem proponit Camerarius Ep. non alia in re quam partium omnium paritate à superiore diversam, quam Imperatoriam seu Astrantiam Alpinam appellat.

Saporis est acerrimi, radix præsertim, unde per errorem nostratum vulgò *Pyrethrum Hispanicum* denominatur. Alexipharmaca est ac sudorifera. Discutit mirificè intestinorum & uteri flatu, unde in colico cruciatu utilis est. In colicis & flatuosis (inquit C. Hofmannus) est divinum remedium, ultra certè & Angelicam & Zedoariam. Usus præcipuus est in venenatis morbis ac ictibus: in pulmonum tartaro resolvendo & expectorando, in fœtore anhelitus corrigendo; in capitis affectibus phlegmaticis, Paralyfi, Apoplexia, &c. Aiunt nonnulli quartanâ eos sanari, qui pulveris cochlearis dimidium horâ unâ ante accessionem ex mero bibunt. Commendatur & ad hydropem [In hydrope, in quartana, in febribus diuturnis omnibus, non habet sibi parem medicinam. C. Hofmannus.] Extrinsecus in odontalgia (gargarif. aut radice frustulum denti dolenti impositum & in ore detentum, copiosè etenim pituitam & phlegma elicit) in catarrhis exiccandis (suffitu) in tumoribus, ac Arthritide frigida. In scabie capitis exiccanda (lotione) in serpigine inveterata sananda (cum adipis fuillo illita) in globulis sagittifve corpori extrahendis, imposita. *Schrod. & Matth.*

Hinc non immeritò (inquit J. Bauhinus) Imperatoriæ nomen sibi ascivit, cum tot tantisque viribus præstet.

Cæterum ut facie externa & odore Angelicam refert, ita iisdem cum illa facultatibus dotata est.

## CAP. XII.

*De Umbelliferis semine striato majore, per maturitatem nigro, foliis latissimis, seu*

*De Smyrnio aut Hippofelino.*

**S**myrnum indè dictum est, quòd radix lachrymam emittat Myrrhæ similem, ut Theophrastus Hist. lib. 7. cap. 6. & lib. 9. cap. 1. docet, qualem Hippofelinum fundere docet experientia, inquit Bodaüs à Stapel.

Semine majore tumido, per maturitatem nigro à congeneribus distinguitur. Smyrnum autem Creticum foliis duum generum, inferioribus Apii in modum incis, superioribus quæ caulem vestiunt integris & indivisis caulem amplexantibus, ab omnibus cujuscunque generis Umbelliferis differt.

1. Hippo-



- A. 1. *Hippofelinum* Ger. emac. *Hippofelinum* sive *Smyrnum* vulgare Park. *Macerone*, quibusdam *Smyrnum*, semine magno nigro J.B. *Alexanders*. *Hippofelinum* Theophrasti vel *Smyrnum* Dioscoridis C.B.

¶ B.

Radice nititur crassa, foris & intus albâ, odoratâ, acri cum quadam amaritudine. *Caules* editi plusquam bicubitales, farctos, ramosos, striatos, nonnihil rubentes: *folia* Apii palustris, ampliora, segmentis rotundioribus, atrovirentia, sapore ad Apium hortense accedente, subdulcia. *Flores* in umbella è foliis ex albo virescentibus & apicibus concoloribus compositi. *Semen* crassum, nigrum striatum, seu angulosum.

In rupibus maritimis oritur, v. g. in insula *Preßholm* dicta propè Bellum-mariscum oppidum Anglesie primarium in Wallia, inque Scotiæ litoreis rupibus propè Bervicum. Locus.

*Macerone* Italici dicitur vocabulo (ut creditur) corrupto à Macedonia, quoniam *Petrofelinum* Macedonicum per errorem Officinis dictum fuit: Nostratibus *Alexanders* & vulgò etiam in Italia & Germania Herba Alexandrina, vel quia ab Alexandria Ægypti urbe advehi solitum est, vel quia id vulgò creditum.

Alit bene, & præstat eadem quæ Apium, sed efficacius. Venit in cibum cruda & cocta tum radix concisa, tum folia tenella & caulis, frequentius apud nos in jussulis verno tempore ad sanguinem depurandum, rarius in intinctibus ex aceto & oleo. Usus.

In Officinis nostris *olus atrum* dicitur, in transmarinis vulgò sed falsò *Petrofelinum Macedonicum*.

2. *Smyrnum Creticum* Ger. Park. *Creticum perfoliatum* J. B. peregrinum rotundo folio C. B. *Candy Alexanders*.

¶ B.

Hilari virore perfusa folia producit, nitidâque, pedem longa, longo nixa pediculo, quæ in oppositas ex certis intervallis alas dividuntur, atque hæc rursus in alias, ut subsecciones particulares haud male Apii palustris foliis possint comparari, altiusculè incisa, crassæ satis, atque hæc quidem statim è radice pronascuntur: nam quæ ramorum divaricationibus subsunt immane quantum ab hac forma discedunt, circinatæ ferè rotunditatis, Perfoliatæ foliorum modo à caule ramisque transfossa, fescunciam aut duas uncias lata, & interdum gemina, alterum alteri impositum. Umbellis est Anethi, aut Perfoliatæ floribus albicantibus aut pallentibus: *Semen* subrotundum, nigrum, striatum.

Folia in caule non exactè rotunda sunt, sed in longitudinem productiora, nec à caule pertusa Perfoliatæ in modum, sed eum tantum arcè amplectentia & undique lobis suis cingentia, quatenus nos observavimus.

Altero (inquit Camerarius) à satù anno prodit foliis geminis, ut Locustarum ferè alas repræsentet, quæ paulò post marcescunt. Interea sub terra latitat radix rotunda Ervi magnitudine aut paulò grandior. Sequenti postea anno folia protrudit instar Ammi vulgaris; Radix verò tenuis fit & oblonga, quæ rursus per hyemem ita perdurat. Primo denique vere tandem emergunt folia Petrofelinum, & caulis qualem descripsimus.

Quam C. Bauhinus speciem diversam facit foliis longioribus in caule & profundius incisis, ex descriptæ semine sibi in horto enatam scribit Parkinsonus: proinde non est cur ejus ratio habeatur.

Invenit hæc F. Columna in montibus Æquicolum Valuensium & Asprensum in Sabinis, humentibus locis circa aquarum decursus, &c. Nos in Sicilia propè *Punto Cerciolo* non longè à *Puzzallu*. Locus.

Hujus caplis limbos habet seu lineas carthilagineas elatas, cujusmodi in aliis Umbelliferis adhuc observare non contigit. *Col.*

### C A P. XIII.

De Umbelliferis semine striato majore foliis Apii, maximis, seu

De Levistico.

**L**evisticum vox à Ligustico corrupta videtur, vel potiùs à Libystico Galeni, quod est Ligusticum Dioscoridis. Ligusticum autem à Liguria, ubi plurimum nascitur, dictum est. Ejus notæ sunt folia Apii majora, odor validus, magnitudo & statura insignis.

*Levisticum vulgare*. Ger. Park. *Ligusticum vulgare foliis Apii* J. B. *Lig. vulgare*, an *Libanotis fertilis* Theophrasti C. B. *Herbage*.

¶ B.

*Caulis* habet hominis altitudinem excedentem, crassum, geniculatum, cavum, striatum: *Folia* pedalia & ampliora, in alas divisa, quarum extremæ divisiones ad folia Apii palustris aliquatenus accedunt, sed longè majores, obscuro virore splendentes, odore valido [non tamen ingrato] Rami ut & summus caulis umbellas gerunt amplas, florum luteorum: *Semen* majusculum compressum. *Radix* crassa est & lignosa. *D. Nid.* amicus noster singularis & Botanicus egregius solebat dicere, *Levisticum* Pharmacopolii odorem spirare.

Locus.

Levisticum vulg. in hortis colitur: natalis ejus locus nobis hæcenus incompertus: Pona tamen in monte Baldo reperiri ait, Alii in Alpibus Liguriæ aut Apennino. Æstate floret: Augusto magna ex parte semen ad maturitatem perducit. *J. B.* gaudet solo umbrato.

Vires.

Levisticum vulgare Germanicum *Park.* Quare an differat à vulgari Levistico.

Alexipharmacum est ac diureticum, vulnerariumque; Ventriculum roborat, Asthmatis subvenit; menses & lochia ciet; fœtum mortuum ejicit (semen) tartarum lentum resolvit, dolorisque inde nato sedat; Epatis lienisque obstructions reserat, adeoque præcipue ictero convenit. Extrinsecus ejus usus est in Balneis, cataplasmatis (utero & ureteribus dictis) in Emplastris vulnerariis & sim. *Schrod.*

Vulgus per caulem cavum petum haurire suevit, quo tussim sedatum iri sibi persuadet. *Idem.*

In facultatibus porro tam vicinum est Angelicæ & Imperatoriæ supra dictis, ut non putet necessariam esse commemorationem *C. Hofmannus.* Adjuvat digestionem, ventositatem dissolvit & inflationem.

Veteres Ligures, ut & hodie Hetrusci, semine pro pipere utebantur. Promovendis mensibus & durioribus sufficit 3℔. seminis.

Cum odor hujus plantæ adeo validus & pertinax sit præ Angelica & Imperatoria, verisimile est eam viribus etiam eisdem antecellere.

Nomen proculdubio factum est à Libystico Galeni, quod est Ligusticum Dioscoridis, ita dictum quod in Apennino, quâ parte Liguriam attingit, frequens est.

\* *Lib. 28.*  
*Obs. 32.*

\* Forestus pro secreto habuit succum foliorum Levistici in secundinis retentis. Erat magnum Arcanum famosæ cujusdam obitricis, quæ id obtinuerat à Judæo medico. Communicavit *D. Tancardus Robinson.*

## CAP. XIV.

*De Umbellifera semine striato majore, foliis Aquilegiæ, seu*

*Libanotide aut Ligustico Aquilegiæ foliis.*

*Libanotis latifolio Aquilegiæ folio C. B. Park. Ligusticum Ranwolfs foliis Aquilegiæ J. B.*

*C. B. prod.*

**R**adice est crassa, fibrosa, cortice inæquali, quasi rugis transversis asperata, fuscique coloris tectâ; medulla candida, amara, modicum quid Aroma & Aristolochiam sapore redolens: ad cujus caput pili tanquam veterum foliorum defluxorum fibræ solidiores & nigre: etenim folia, quæ numerosa ex radice capite longis pediculis emergunt, una parte quasi vaginato exortu (nimirum ea quæ crassiora & latiora sunt, ut & ea quæ ex caule prodeunt) eundem tanquam membranaceâ filiquâ circumdant articulo crassiore lineâque transversâ: quæ crassa sunt, rigida, glabra, viridia & splendentia, subtus candicantia, fibris majoribus subpurpureis transcurrentibus, quæ licet instar foliorum Aquilegiæ dividantur, non tamen omnia in pares lacinias (Aquilegiæ lacinis latioribus) fissa sunt: inferiora namque in vegetiore planta plerumque quinque folia habent ex triplici rami divisura, alias tria, tribus pediculis insidentia. *Caulis* unicus est, cubitos tres, quatuorve superans, rotundus, striatus, nodis distinctus, subalbicans, puniceo colore aliquando admixto, in tres, quatuor, vel quinque brachia distributus, quæ umbellam magnam ex longissimis festucis & floribus albis parvis compositam sustinet. *Semen* succedit longum, latum, striatum, puniceum, gustu subamarum, Cumini saporem imitans, aromaticum, modice excalefaciens & salivam ciens.

E Camerarii horto habuit *C. Bauhinus.* Nos eandem vidimus in horto *D. Caroli Howard* Ducis Norfolciæ fratris.

Libanotidem minorem Apii folio *C. B.* i.e. Libanotidem Theophrasti minorem *Lob.* Nos cum Parkinsono eandem putamus Libanotidi latifoliæ alteri five vulgatori *ejusdem C. B.*

*J. Bauhinus* considerandum proponit an Libanotis Theophrasti minor Lobelio sit eadem cum Cervaria nigra seu Saxifragia Venetorum *Ad.*

## CAP. XV.

*De Umbelliferis foliis Apii minoribus, semine striato majore, Daucus montanis dictis.*

1. *Seseli 2. montanum Pannonicum Clus. Valdebonæ nomine missa, Libanotidis secundæ quorundam five Cervariæ nigre species J. B. Daucus montanus Apii folio albicans C. B. Daucus Selenoides maximus Park.*

*Clus.*

**B**rachiali interdum nicitur radice, præsertim si planta vetustior sit (recentiores & juniores pollicarem habent) in aliquot ramos inferiore parte divisâ, crasso, rugoso, nigroque cortice septâ, gummoso primum lentoque sapore præditâ, deinde acri & salivam ciente: quæ junum capite in multa extuberat capitâ villosâ, (quemadmodum ferè omnes ferulacei generis stirpes)



pes) unde exeunt magnæ & satis amplæ foliorum alæ, aliquot foliis per ambitum serratis & nonnihil incis, uni costæ inhærentibus, sed ex adverso nascentibus constantes, colore supina parte dilutiùs virente & aliquantulum splendente, pronâ cineraceo præditis : Inter quæ sesquicubitalis nonnunquam emergit *caulis*, striatus, pollicaris interdum crassitudinis, geniculatus, in aliquot ramos divisus, quem ambiunt ad singulos nodos sive genicula minores foliorum alæ. Summum caulem atque extremos ramos exornant umbellæ palleſcentium *flosculorum* : quibus succedunt *semina* Sileris montani seminibus similia.

Invenitur ferè in omnibus Pannoniæ & Austriæ inferioris montibus, aspero solo ventisque perflato. Julio & Augusto floret, & subinde semen profert. Locus & Tempus.

Differt à Cervaria nigra foliis virentibus magis, paucioribus conjugationibus compositis, verùm multo majoribus, amaris & acribus nonnihil: floribus luteis ex umbellis minoribus, qui masticati odorem reddunt aliquantulum vinosum & aromaticum. *J. B.*

## CAP. XVI.

## De Silere montano.

**S**iler nomen à Sile deductum est, quia pro Sefeli semine utuntur. At Veteres ipsum Sefeli etiam *Sili* ac *Seli* vocabant.

Haud scio (inquit Bodæus à Stapel) an vox Sili rejicienda. Nam apud Festum legere est, Silatium Antiqui dicebant quod nunc jentaculum dicimus, eò quòd tum jejuni vinum Sili herba conditum aborbebant.

Bodæus semen Sileris majoris acredinis esse scribit quàm ullum Sefeli, eoque menstruis ciendis perquam commendatum.

1. *Siler montanum* Officinarum Lob. Ger. *Sefeli* sive *Siler montanum* vulgare J. B. *Siler montanum*, vulgo *Siseli* Park. *Ligusticum* quod *Sefeli* Officinarum C. B. *Sermountain*.

*J. B.*

Humanum superat altitudinem Sileris montani *caulis*. Caulem ramòsque ceu vaginâ laxiore amplectuntur foliorum pediculi palmares aut sesquipalmares : ipsa verò *folia* in alas oppositas dividuntur. Segmenta extrema terna ferè sunt, Cytisi Tragi foliis similia, oblonga, latiuscula, mucrone leviter obtuso. Umbellæ latæ, amplæ : Semen magnum cum fimbria foliacea, striatum, oblongum sapore acri & subamaro, veluti corticis auranti, tandem ad Cymini saporem accedente. *Radix* magnâ comâ infimum caulem ornat, rugosa, digitali crassitudine, albida, odorata, in altum descendens.

In Jura & Saleva montibus propè Genavam, inque Alpibus propè Pontiebam observavimus : Ali. Locus. bi etiam in Alpibus frequens reperitur.

C. Bauhinus Ligusticum Matthioli idem esse statuit cum Silere montano. Joannes frater hoc non audeat asserere, tum quia Matthiolus Sefeli hoc Officinarum cimum foetorem repræsentare ait ; Ligustici verò semen incolas Liguriæ passim in ciborum condimentis adhibere, tum quia Lobelius separat, tum denique quòd semen quod apponitur iconi *Camer.* differt.

2. *Siler montanum angustifolium* Park. *Ligusticum* sive *Siler montanum angustifolium* C. B.

C. B. prod.

Caule est tenui, cubitali, in alas brachiato, quæ umbellam albam, parvam sustinent ; foliis paucis in segmenta angusta, oblonga (Peucedani instar) sed longè breviora divis, quæ in alis ferè capillacea.

Propè oppidum Stain Austriæ.

Locus.

## CAP. XVII.

- Sefeli montanum Fœniculi folio* C. B. *montanum tertium* Clus. *mont. angustifolium* 3. *Clusii, folio Sefeli Massiliensis Matthioli, semine Angelica, J. B.*

Clus.

Huic multæ sunt foliorum alæ, Fœniculi foliorum instar in multa folia tenuia, illis tamen crassiora & breviora divisa, virides admodum, mucrone omnium foliorum candicante & duro, calidi gustus : inter quas enascuntur cubitales caules aut ampliores, digitalis crassitudinis, striati, geniculati, in aliquot ramos secti, quos secundum nodos alix minores amplectuntur foliorum alæ. Flores in extremo caule & summis ramis in umbellas distributi nascuntur albi : dein *semina* striata, Angelicæ semini non disparia, gustu fervido. *Radix* multis crassis & oblongis fibris, latè & oblique sparsis constat, quæ singulis annis summo capite novas propagines ad latera facit.

Nascitur in plerisque Austriæ inferioris & Stiriz montanis pratis, atque Julio floret.

Locus.

## SECTIO TERTIA.

## De Plantis Umbelliferis semine minore.

**P**R O Seminibus minoribus habemus quæcunque Cicutæ seminum magnitudinem non excedunt.

## CAP. I.

## De Umbelliferis semine minore, radicibus tuberosis.

**H**Æ vel sunt terrestres semine lævi, vel aquaticæ semine striato. Priores Bulbocastana seu Nucula terrestres dicuntur, posteriores Oenanthæ.

## De Bulbocastano seu Nucula terrestri.

**B**ulbocastanum sic dictum Tralliano rentur, quod figurâ radicis bulbos, sapore gustuque Castaneas scitè exprimat.

Radice autem tuberosa, foliis tenuius incisif, semine longiusculo glabro, Umbellâ minimè clausâ ab aliis Umbellatarum generibus facillè distinguitur.

A. 1. *Bulbocastanum* J. B. *maius & minus* Ger. *maius folio Apii* C. B. *Nucula terrestris major* Park. *Earth Nut or Hepper Nut.*

Locus &  
Tempus.

*Radix* tuberosa, alba, solida, fibras tum ab imo, tum à lateribus promens tenues, gustu subdulci grato, profundè in terra delitescit. *Folia* tenuius incisâ sunt quàm Petroselinò, segmentis acutioribus. *Caulis* simplex, teres, striatus, solidus, uno plerunque folio adnato antequam in ramos dividatur. Ad singulas autem caulis divaricationes apponitur folium multo tenuius incisum quàm sunt quæ è radice oriuntur. Ad umbellarum bases nulla apponuntur folia. *Flores* quales Umbelliferis aliis, verùm exigui admodum, albi. *Semina* parva, longiuscula, & cum adhuc viridia sunt minimè striata, [cùm jam exaruerunt striæ subobscuræ videntur,] colore castaneo. Vere primo è terra erumpit; Maio exeunte & Junii initio floret, & in pascuis solo sabuloso aut glareoso frequentissima est. Cùm semen perfecit tota superficies exarefcit illico, radice in terra residuâ, tuberosâ, inæquali, nigrâ membranâ obductâ, carne albâ esculentâ.

Ego hætenus unam duntaxat novi Bulbocastani speciem, nec plures agnoscit J. Bauhinus. C. Bauhinus Nuculam terrestrem Septentrionalium Lob. (quam Lobelius in Anglia vel mulierculis notam scribit) Bulbocastani majoris Synonymam facit: Botanici nostrates pro Bulbocastano minore habent quod sponte apud nos provenit; quod indicium non dari diversas species, seu majoris & minoris distinctionem.

Vires & Usus.

D. Magnol duas species distinguit, majorem & minorem; & utramque se in horto plantasse asserit, ut certior fieret an hæc varietas à loco sicciori vel humidiori dependeret.

*Radix* nostratibus effoditur, & cruda estur: Verùm excorticata, & cum modico pipere inspersæ carniū cocta, suavis admodum cibus est, multum nutriens & Venerem stimulans. Medicamentis addita cruenta mīgentibus & etiam spuentibus auxiliatur, Trallianò id attestante.

Hac etiam sues (cujus avidæ sunt) impinguntur, unde & Castaneæ suillæ, nostratibus *Pignuts*, nuncupantur.

In pascuis, non tamen pinguibus sed glareosis copiosissimè proveniunt.

## CAP. II.

## De Oenanthæ aquatica.

**O** *Ἰνάνθη τὸ ἀνθὸν ἢ ἀμύλη*, quod colore & quadantenus odore non sit Viti dissimilis, vel potius quod cum vitè floreat, & in flore ejus odor qualis in pubescente vite sentitur.

*Radix* tuberosa, multis glandulis compositis, & loco natali, palustri scilicet & aquoso, ab aliis quibuscunque Umbelliferis plantis facillè distinguitur.

A. 1. *Oenanthe*



*Oenanthe aquatica* C. B. *palustris* seu *aquatica* Park. item *aquatica* major ejusdem p. 122. *Filipendula aquatica* Ger. *Oenanthe* sive *Filipendula aquatica* J. B. **Common water Dropwort.**

J. B.

Bulbilli olivares ex tenuibus pendent filis plures; quos nonnisi attentā cautione evellas; abrum-  
puntur quippe facile sequentibus caulem duntaxat fibris. *Caulis* cubiti & sesquicubiti altitudine,  
striatus, concavus, ramulos, geniculatus. Folia inferiora parcius secta, reliqua longioribus & tenui-  
oribus segmentis cæsa. *Umbellæ* parvæ, albæ. *Semen* oblongum, in duas veluti cuspidēs defi-  
niens.

In pratis humidis & ad rivulos ubique ferè oritur.

Sapore est amarisculo cum levi adstrictione, calidæ & siccæ naturæ, aperientis & adstringentis  
facultatis. Movet urinam & areculas extrinsecus & intrinsecus usurpatæ: aperit obstructions, &  
expurgat meatus urinarios.

Locus.

A. 2. *Oenanthe aquatica minor* Park. item *Oenanthe juncoides minima* ejusdem p. 895.

Park.

Folia quæ producit antequam caulis emergit tenuissimè incisa sunt, & in terram supina: Quæ cau-  
lem vestiant costæ porius foliorum quàm folia videntur, superne obscuro virore splendentia; ut &  
*Caulis*, qui juncum proximè refert, infra cuius summum apicem seu acumen ut in juncis, è latere  
erumpit umbella foliolorum albertium, odoratorum, quibus subsunt semina Apii non majora, ve-  
rum nigriora. *Radix* inter fibellas capillares aliquot habet glandulas albentes.

Hujus flos præterit plerumque antequam major florere incipit. Parkinsonus utramque in horto  
coluit.

3. *Oenanthe altera minor Africana* Park. item *tenuifolia altera Africana* ejusdem p. 895.

Park.

Præcedentem minorem *Oenanthem* proximè refert, summitatē seu *Umbella* differt, quæ major  
est & semina etiam majora.

Guilielmus Boelius è Barbaria Africæ regione attulit.

A. 4. *Oenanthe Cicutæ facie Lobelii* Park. *Chierophylli foliis* C. B. *succo viroso*, *Cicutæ facie*  
*Lobelii* J. B. *Filipendula Cicutæ facie Lobelii* Ger. **Wemlock Dropwort.**

Lob.

Paludapio foliis non absimilis est, Rutæ prateni similior [ nostrā sententiā Apio aut Petroselinio  
similior quàm Thaliætro ] multo pullulatu, virore tetro, colore & facie *Cicutæ*. *Caulis* bicubitalis  
spargit, è radice in pares Asphodeli albi bulbos multipartita, & quasi brachiata, nullius fibræ vincu-  
lo aut interventu continuos, teneros, gustu acres & ingratos, succo lacteo primùm, deinde flave-  
scente, viroso, & exulcerante prægnantes. *Umbellæ* *Cicutæ*, cui affinem autumant qui maleficio  
parem expertos se asserunt: Usos namque isti acetalis nihil factum fuisse propius quàm ut interi-  
rent, aiunt: alios qui esicassent, vertigine tenebrosâ palantes, nutantes, attonitos inque gyrum  
versantes se vidisse.

In rivulis, lutulentissimè & riguis non in Septentrionalibus duntaxat Angliæ, Westmorlandia sci-  
licet & Eboracensi provincia, sed & in Meridionalibus, Surreia, Suffexia, &c. copiosè prove-  
nit.

Locus.

Inexculabilis est ( inquit Johnsonus apud Gerardum ) quorundam nostris temporibus ignorantia  
qui radices hujus herbæ Pæoniæ radicem loco vendunt. Quin sibi compertum affirmat, mulierculas  
rhizotomas & botanopolas Londinenses radices hæc sub nomine *Levisnici aquatici* vendere. Ve-  
rùm an adeo venenatæ sint & malignæ hujus plantæ radices nonnullos dubitare video. Matthio-  
lus *Oenanthem* suam tertiam & Tabernamontanus *Oenanthem* *selinophyllon*; quas C. Bauhinus  
hujus plantæ synonymas facit, salubrem esse plantam statuunt. Ego rem in medio relinquo, ulterio-  
ri examini subijciendam.

5. *Oenanthe Apii folio* C. B. *Filipendula angustifol.* Ger. *Oenanthe* sive *Filipendula Monspessu-  
lana Apii folio* J. B. *Oenanthe Apii folio major* Park. **Water-Dropwort with Smal-  
lage leaves.**

J. B.

Perinde ut *Oenanthe* vulgatiōri seu *Filipendula* ita & huic glandulosæ radices, longis filis pendu-  
le latius quàm altius propagantur, tunica nigricante contectæ, intus albæ, Pastinacæ Germanicæ  
quodammodo sapore, gratiore tamen, dulci. Hujus folia plurimùm ludunt, prima germinatione  
lata, mox Petroselini vulgaris seu Apii hortensis ( à cujus etiam sapore parum abluunt nisi quod  
placulum adstrictionis habeant ) ex virore penè lucida, supra terram expansa, demum Peucedani  
effigiem induunt. *Caulis* plures surriguntur, cæsi, angulosi, striati, cubitum & sesquicubitum al-  
ti, multis alis concavi. *Flores* in *Umbella* muscosi, admodum minuti, ex albo purpurascens. *Se-  
mina* differunt à prædicto Petroselino, quo multò longiora, veluti capitulum habentia.

Florentem Junio Monspelii inter Peroul & lacum reperit J. Bauhinus.

Locus.

Parkin-

Parkinsonus aliam hujus seu speciem, seu varietatem habet, quam *Oenanthen Apii* folio minorem vocat, eamque duarum specierum facit. Ab hac etiam specie diversam facit *Oenanthen angustifoliam* Lobelii, entia præter necessitatem multiplicans.

6. *Oenanthe Staphylini folio aliquatenus accedens* J. B. *Oen. Pastinacæ sylv. folio, semine Atropis*, J. B. *Monspeliaca major & minor* Park.

*f. B.* *Folia* hujus inferiora ad infima folia *Oenanthes Monspeliacæ* accedunt nisi tenuis essent dissecta: pediculus est plusquam spithameus, cui æquales ex adverso sitæ alligantur alæ, in folia *Petrofelini* subdivisa, delicatiora utcumque & incisurâ concinniore, ad *Staphylinum* quodammodo accedente: reliqua folia ad caulium alas enata *Peucedani* foliis proxima, id quod etiam in *Monspeliacæ* *Oenanthe* observavimus, cujus etiam cauli similis est & hujus caulis pulchrè striatus; allud quoque *umbella* densissimis mulcariis albicantibus composita.

C. Bauhinus hanc plantam ad Joannem fratrem ex horto Patavino attulit.

7. *Oenanthe stellata* *Cretica* Alpini exot. *Cretica stellata* Park.

*Alpin.*

*Oenanthe* alteri *Matthioli* quàm simillima, caulem unicum prœmit, rectum, teretem, dodrantalem, non admodum crassum, qui in summitate in quinque ramulos dividitur, graciles, item rectos, rectèque actos, qui *Umbellam* albam *Oenanthes* modò producant, quæ *Umbellæ* post flores mutantur veluti in quinque stellas, habentes octo & quandoque plures radios, longos, latos, in acutum desinentes; in quorum medio flores sunt parvuli, in orbem comprehensi, qui postea indurescunt & mutantur in semina parva, oblonga, tenuia, *Scabiosæ* *Indicæ* similia, simul compacta & durissima; stellæ autem per maturitatem nigra redduntur. *Folia* *Oenanthes* secundæ, sed pauciora & majora. Radicibus nititur sex, septemve, longis, crassis, carnosis, in acutum desinentibus, ab eodem principio proficiscentibus, vulgaris *Filipendulæ* aut *Asphodeli* radicibus quàm proximis, sed minoribus. Tota plantæ superficies quotannis hyeme emoritur, radice sub terra latente.

8. *Oenanthe Cretica prolifera* Park. *Apula prolifera* C. B.

*Park.*

*Oenanthes Creticæ stellatæ Alpini* persimilis est: Differt 1. *Foliis* amplioribus, nec in tot lacinas dissectis: 2. *Florum* *Corymbis*, qui licet albi sunt & pariter in capitula glomerati, attamen foliorum acuminatorum stellatim capitula cingentium vice hoc genus florum capirella aliquot obiter primarium caput in orbem cingentia, ad eundem ferè modum quo in *Calthæ* aut *Bellidis* prolifere dictæ floribus fit: 3. *Semine* *Oenanthes* aquaticæ simili: 4. Denique & præcipuè radicibus, quæ in hoc genere glandulosæ non sunt, ut in aliis, sed ex fibrarum tantum seu filamentorum albenium magno numero compositæ.

### C A P. III.

*De Umbelliferis semine striato minore, foliis & odore Pastinacæ latifolia.*

**H**Æ vel sunt terrestres, vel aquaticæ. Terrestres, vel radicibus carnosis esculentis, *Sisarum*; vel durioribus & lignosioribus *Selinum Segetale*, & *Amomum Germanicum*. Aquaticæ *Sis* nomine innotescunt. Verùm *Selinum segetale* & *Amomum Germanicum* rectis *Sis* annumerantur.

*De Sisaro.*

*Sisarum* à *Pastinacæ latifolia* sativa (cui foliis & sapore radicis satis similis est) differt semine, quod non ut in illa latum & foliaceum sed oblongum, angustum & striatum est, item radice, quæ non ut in ea unica, sed ex uno capite plures.

1. *Sisarum* Ger. *Siser vulgare* Park. *Sisarum multis* J. B. *Sisarum Germanorum* C. B. *Strict.*

*f. B.*

*Radix* propter majorem suavitatem cupediis magis expetita quàm *Pastinacæ latifoliæ* *Germanicæ*, quæ non ut in ea unica, sed ex uno capite plures pendula, glandulosæ, teneræ & fragiles, rugosæ, cortice tenui pallidoque obductæ, pulpâ candidâ, digitali crassitudine, pedales quædam, aliæ multò breviores, dulci & grato sapore, nonnihil aromatico. *Caulis* surgit sesquicubitus altus, singularis, geniculatus, striatus. *Folia* pinnatim disposita, *Bauciæ* minora, teneriora, acuminata, nigriora, argutis per ambitum denticellis crenata. *Umbella* candida suaveolentium *flosculorum*, quorum singuli quinis foliolis totidemque apiculis constant. *Semina* in umbella producit *Petrocelini*, nonnihil majora, colore obscuriore, longiora.

*Sisarum* in hortis seritur semine, sed radice potissimum, majoribus ac crassioribus sublati, minores



res, iterum in terram defiguntur, quod Februario & Martio opportunè fit, priusquam caules assurgant, atque hoc tempore exemptæ nervo medio duriore detracto coctæ cum butyro, pipere & sale esitantur. Veteres autem & maiores radices si hoc tempore non adimantur, corrumpuntur novæque juxta oculos radicula mense Martio quandoque folia protrudere observavit J. B.

Cordus omnium radicum quæ vefcendo sunt saluberrimas hæc affirmat: Dodonæus moderatè Vires. calidas esse ac humidas, facile concoqui, nec tardè descendere, nutrire mediocriter, nec parvi esse succi, flatulentum tamen quiddam etiam obtinere, unde Venerem promovent.

2. *Sisaron Syriacum* C. B. *alterum Syriacum* Park. *Secacul Arabum & Mauritanorum* sive *Pastinaca Syriaca* Rauwolf.

Radice obtinet teneram, lævem, exterius canescentem, intus album, fractu facilem, digitali crassior, at longitudine digiti dupla, tuberculis seu nodis aliquot inæqualis verrucis similibus, grato sapore Carotæ; unde emergunt folia multa in plurimas partes dissecta, Carotæ æmula. Caules ad nodos confimilibus foliis vestiuntur, & in summitate umbellas florum gestant illius similibus, sed colore luteorum.

In Ægypto propè Cayrum urbem sponte oritur.

Locus.

A. 3. *Sison* sive *Officinarum Amomum* J. B. *Sison*, quod *Amomum* Officinis nostris C. B. *Sis. vulgare*, sive *Amomum Germanicum* Park. *Petroselinum Macedonicum* Fuchsii Ger. *Wasserd. Stone Parsley*.

Radix alba, lignosa, simplici, aliàs bifida, furculosa, in terram non altè descendente, sapore Pastinacæ aromatico, caulem producit crassioris mediocris, teretem, medullâ fardum, satis firmum & rigidum, glabrum, sesquicubitalem & altiorem, crebris geniculis interceptum, & ab imo ferè ramolum ad genicula huc illuc reflexum. Folia in caule alternatim sita, pinnata Pastinacæ Germanicæ in modum, singularia tamen folia Sisari foliis similia, tenera, oblonga, circumcirca crenata, aliquando & laciniata. Flores in umbellis parvis candidi, exigui, è quinque petalis cordatis compositi, semine subsequente perpusillo, fusco, striato, gustu acriusculo aromatico.

Planta hæc valde ramosa est, medius tamen scapus altius assurgit quàm ramuli, qui multipliciter in furculos dividuntur umbellis suis onustos.

Locus humectis & lutosis nascitur, unde & in sepium & fossarum aggeribus recentioribus.

Locus.

A. 4. *Selinum Sii foliis* Ger. emac. *Selinum segetale* Park. *Honetwort, Corn Parsley*.

Folios.

E semine Petroselini amulo foliolis feminalibus binis, longis angustis exit: proximè erumpentia folia bina, exigua sunt rotunda, glabra, circum oras crenata: sequentia ad duo vel tria paria ejusmodi foliolis rotundis medix costæ adnexis cum impari in extremo componuntur: postea pluribus erumpentibus formam nonnihil mutant; unumquodque enim folium foliolis octo vel novem parvis, glabris, viridibus binis ex adverso medix costæ adnexis, impari costam finiente, circa margines eleganter dentatis, quoad formam Sii odorati Tragi folia referentibus, verùm minoribus, brevioribus nec omnino fuscis constant: Inter quæ plurimi oriuntur cauliculi ultra viginti interdum ab eadem radice, bipedales, graciles, teretes, striati, interdum erecti, aliàs ad terram reclinati, geniculati, in multiplices ramos divisi. Ad singula genicula apponitur folium minus iis quæ ad radicem. Folia autem omnia tam quæ è terra exeunt quàm quæ caulem vestiunt brevi marcescunt, ut cum semen maturuit nè unum quidem folium viride in planta cernatur. Flores albi summos plerunque caules & ramulos occupant, interdum è plerisque geniculis ad terram usque exeunt, in umbellis parvis & inæqualibus, singuli petalis quinque minutissimis planis, obrutis, & purpureis in medio apiculis constant. Totus flos aciculæ parvæ capitellum magnitudine non multum superat. Singulis flosculis bina succedunt semina parva, cinerea, incurva, striata, Petroselini seminibus similia sed majora, sapore acri & aromatico. Radix parva, alba, multis fibrillis donata, quàm Petroselini minor.

Circa initium Julii florere incipit, & diutissimè florens perseverat unde & partem aliquam seminis Augusto maturat, aliquam Octobris initio vix ad maturitatem perducit. E semine decem duo renascitur statim, & foliis virentibus per totam hyemem viget. Inter segetes solo præsertim Locus. lutofo oritur.

Herbam ad tumores genarum valere, si tusa & expressæ succus cerevisiæ mistus quotidie manè Vires. jejuno bibatur, à muliercula quadam quæ in seipsa experimentum fecerat, edoctus est D. Goodenrus. Intra duas septimanas tumorem absuit. Detur succus manipuli unius herbæ expressus in dimidio fontario seu pinta Cerevisiæ.

5. *Sium majus latifolium* Ger. emac. *maximum latifolium* J. B. *Sium Dioscoridis* sive *Pastinaca aquatica major* Park. *Great Water Parsney*.

Caulibus crassis striatis & velut angulosis concavis, ramosis, ad duorum triumve cubitorum altitudinem assurgit. Folia ad radicem & in caulibus Pastinacæ sativæ latifoliæ similia, nec minora, alata seu pinnata, pinnis plurimis longis, latiusculis, acuminatis, circa margines dentatis, glabris, crassis & succulentis, bipatim ad mediam costam annexis composita. Summos caules & ramulos umbellæ occupant magnæ, flosculis albis compositæ, quibus succedunt semina parva, striata.

Hujus folia quæ initio veris primò erumpunt, sequentibus similia non sunt, sed minutim concisa, & Oenanthes aquaticæ, aut Smyrni Cretici (cui hoc respectu similis est) foliorum æmula. Odor hinc gravis Petrolei aut bituminis.

In

Locus.

In fluviis majoribus plerunque oritur.

Hæc planta C. Bauhino Sion five Apium palustre foliis oblongis dicitur, minùs commodè nostro quidem iudicio. J. Bauhinus Tabernamontanum secutus ex una specie duas facit.

- A. 4. *Sion erectum umbellatum* five *Pastinaca aquatica* Lob. *major angustifolium* Ger. *minor alscrum* Park. *umbelliferum* J. B. **Common upright Water-Parsnep.**

*Radix* multarum aquaticarum instar geniculatim incedit, demissis subinde fibrarum comis longiusculis, odore & sapore Sisari. *Folia* [quæ è radice exeunt] cubitum longa, longo pediculo, striato, glabro, intus cavo appensa, octo aut novem pinnularum conjugationibus composita, Pastinacæ Germanicæ similibus, minùs rugosis, quæ verò in caulibus sunt minora existunt, profundiusque & argutius secta. *Caulis* sesquicubitalis, teretes, striati, inanes, recti, ramosi. *Florum* umbellæ caules & ramulos terminant: *flores* minuti, candidi. Umbellæ basin seu exortum foliola angusta, acuminata ambiunt. *Semen* parvum odoratum, acre.

Locus.

In rivulis &amp; ad fluviorum ripas.

- A. 5. *Sium umbellatum, repens* Ger. emac. **Creeping Water-Parsnep.**

*Caulis* huic plantæ crassiusculi, concavi, striati, infirmi & procumbentes, è geniculis fibras albas in terram demittentes, quibus se propagat, ramosi, ramulis è foliorum alis exeuntibus. *Folia* origine membranosa caulem amplexa, longis pediculis concavis, Pastinacæ æmula, tribus vel quatuor pinnarum conjugationibus ad mediam costam annexis per margines dentatis composita. *Florum* umbellæ non ut in præcedentibus summos caules terminant, sed secundum caules ex adverso foliorum oriuntur brevibus admodum & vix semuncialibus pediculis, octo aut novem radiis constantibus: singuli radii in cacumine umbellam secundariam seu partialem sustinent, cujus basin ambiunt folia angusta, oblonga: ad basin umbellæ totalis nulla sunt ejusmodi folia, quo à secunda specie differt. *Flosculi* perexigui, albi, quinque petalis angustis acutis compositi sunt, quibus succedit *semen* parvum, breve, striatum.

Locus.

In rivulis & aquarum scaturiginibus plurima ubique ferè in Anglia provenit, unde miramur eam à nemine ante Johnsonum Gerardi emaculatorem descriptam. Figura ejus extat in Hist. Lugd. p. 1092. sub titulo *Sii veri Matthioli*, at Descriptio addita est alterius plantæ.

- A. 6. *Sium minimum.* **The least Water-Parsnep.**

*Radix*, ut in aliis hujus generis, geniculatim incedit, demissa comâ fibrarum albentium è geniculis. *Caulis* concavi, teretes, geniculati, rubentes, infirmi & humi procumbentes, duos nonnunquam palmos longi, ramosi. *Folia* ad singula genicula singula, alternatim posita, è quatuor vel quinque pinnularum mediæ costæ adnexarum conjugationibus composita, inferiora quæ aquis immerguntur tenuius incisâ superiora, quæ extra aquas sunt, minùs secta & reliquorum hujus generis similia. Ex alis foliorum emergunt ramuli, ex adverso eorundem oriuntur *umbellæ*, ut in præcedenti, pediculis uncialibus aut brevioribus, parvæ, duobus tribusve radiis constantes. *Flores* & *semina* reliquis hujus generis similia.

Locus &amp; Tempus.

In palustribus &amp; aquosis frequens Maio mense floret.

7. *Daucus Siculus Pastinacæ foliis* Zanoni.

Zan.

*Eradice* digiti minimi crassitie, dimidium pedem longâ, raris fibris donatâ, ima parte in duas trêse radículas seu ramulos divisâ, albâ, sapore nonnihil acri & aromatico, non ingrato, *foliis* emittit multa, in terram undique diffusa, pediculis teretibus superne sulcatis & cavis nixa, ramola seu triangulata, ut in aliis plantis Umbelliferis: siquidem folium integrum in ramos plures, binos oppositos, dividitur & in folium desinit; ramuli iterum in pinnulas subdividuntur laticulis: folia tamen nonnulla ramosa non sunt sed tantum pinnata: Pinnæ five folia ultima superne viridia sunt, inferne albicantia, glabra, crassiuscula, nonnihil lucida, per ambitum dentata, nervis Labyrinthi in modum perplexis, reliquo folio viridioribus, ea undique percurrentibus: Pimpinella Saxifragæ minoris formâ similia, verum majora & acutiora. Inter folia exilit *caulis*, cubitum altus, glaber, & fere lucidus, teres, solidus, à nodo ad nodum huc illuc undatim flexuosus, non fragilis, medulla argentea repletus, raris nodis exceptâ imâ parte interceptus. E singulis nodis folia exeunt singula, alias bina, imo pediculo in membraneam vaginam caulem amplexam dilatato, ut in aliis multis umbelliferis fit; inferiora in caule ramosiora sunt. Ex iisdem nodis & foliorum sinibus, etiam inferius & terræ proximis, exeunt ramuli, foliis similibus, verum minoribus magisque dentatis seu in segmenta tenuiora divisis vestiti. Summos caules & ramulos terminant umbellæ *florum* minutorum pentapetalorum, cum duabus in medio lingulis: Color aureus vividus, florum & staminum. Flores delapsi *semina* relinquunt oblonga, octangula, lævia, colore stramineo obscuro.

Planta est perennis sed cœli frigidioris impatiens.

Hujus semen à Panormo Siciliæ metropoli ad Auctorem transmisit insignis Botanicus D. Paulus Boccone.



## CAP. IV.

*De Umbelliferis semine striato minore, foliis Pimpinellæ pinnatis, radice fervida. Sem.*

*De Pimpinella Saxifraga.*

- A. 1. *Pimpinella Saxifraga* Ger. P. Sax. *hircina major* Park. Saxif. *major. umbellâ candidâ* C.B. *Saxifragia hircina major* J.B. *Great Burnet Saxifrage.*

**R**adix alba, simplex, minimi digiti crassitudine, rectâ in terram descendens, paucis fibris donata, sapore fervido. Folia longis insident pediculis, pinnata, tribus aut quatuor pinnarum conjugationibus ad mediam costam annexis. Sui odorati umbelliferi familia, atrovirentia, splendentia, sapore ignaviore multo quam radix, pinnis circa margines dentatis, & nonnunquam aliis incis, averla parte hirsutis, lupina levibus. Caulis sesquicubitalis & altiores teretes, striati, glabri, inanes, ramosi & geniculati. Summis caulibus & ramulis insident umbellæ flosculorum albertum minorum: quibus succedunt semina pro planta magnitudine parva, brevia, striata. Nulla ad exortum radiorum umbellæ totalis aut partialium apponuntur foliola.

In sylvis, agro Cantabrigiensi & Bedfordiensi, Cantiano quoque & alibi etiam in Anglia observatur. Locus.

In hoc genere folia interdum in lacinias divisa nos quoque post Clusium observavimus.

*Pimpinella Saxifraga major umbellâ rubente* C.B. Saxif. *maj. flo. rubente* Park.

Quomodo à præcedente differat inquirendum. Clusius tantum ejus varietatem facit.

- A. 2. *Saxifragia hircina media* J.B.

Hujus descriptionem paucis absolvit J. Bauhinus, Duum, inquit, generum habet folia, inferiora quidem ad minorem Saxifragiam accedentia, superiora verò majoris foliis similia, oblonga, in acumen definita, profundè crenata. Radix proluxa, mediocriter crassa: caulis striatus, cubitalis, alis aliquot brachiatus, umbellas gerit albas majusculas.

J. Bauhinus dubitat an sit *Daucus Selinoides* Cordi, quem frater ad *Pimpinellam Saxifragiam* minorem refert: item an sit *Lugdunensis* *Dauci* secundum genus *Dalechampii*, quod C. Bauhinus in pin. *Daucum* decimum seu campestem *Apium* folio vocat, de quo alibi.

Tubingæ observavit J. Bauhinus, & in monte *Watwiller*.

Fuchsius *Pimpinellam* mediam denominabat.

- A. 3. *Pimpinella Saxifraga minor, foliis Sanguisorbæ. Saxifragia hircina minor, foliis Sanguisorbæ* J.B. *Pimp. Saxifraga major altera* C.B. P. *Saxifraga major nostras* Park. præter rationem major dicitur. *The lesser round-leaved Burnet Saxifrage.*

Radice nititur simplici, altè in terram descendente, rugosa, alba, paucis fibris donata, sapore fervido. Caulis ab eadem radice nunc unus, nunc plures assurgunt, cubitales & altiores, brevi admodum, sed satis densa lanugine hirsuti, striati, inanes, ab imo statim ramosi, ramulis è foliorum sinibus (quæ ad genicula sunt) egressis, internodiis longis. Summos caules & ramulos terminant umbellæ satis amplæ, radiis multis compositæ [viginti numeravimus] quorum singuli umbellas partiales sustinent florum minorum, alborum, pentapetalorum, petalis in extremo subrotundis non bifidis. Singulis flosculis bina succedunt semina brevia, parva, tumidiuscula, striata, per maturitatem nulla neque ad umbellæ totalis, neque ad partialium radiorum exortum apponuntur foliola. Folia ad radicem multa, *Pimpinellæ* vulgaris foliorum æmula, & in ambitu serrata, tribus vel quatuor pinnularum medio nervo annexarum conjugationibus composita cum impari in extremo, superne obscure viridia, inferne pallidiora & veluti glauca, nervis saturatiore colore tinctis manifestè apparentibus. [In caule pauca, eaque brevia & tenuia sunt folia, pinnulis longis, angustis, aliis utrinque incis.]

Augusto mense florèt. In pascuis ficcioribus, solo præsertim glareoso, nasci amat.

Locus & Tempus.

- A. 4. *Pimpinella Saxifraga minor* C.B. *Saxifraga hircina minor* Park. an *Saxifraga minor nostras* ejusdem? *Pimpinella sive Saxifraga minor* Ger. emac. *Saxifragia hircina minima, Pimpinella crispa* Tragi J.B. *Small Burnet Saxifrage.*

Hæc species radice, caule, floribus & seminibus cum præcedente adeò convenit, ut vix internoscas. Præcipua differentia est in foliis, quæ ad radicem etiam tenuiter incisa sunt: nam ad mediam costam annexæ pinnulæ non ut in illa integræ sunt & subrotundæ, sed longæ, angustæ, in tria quatuorve pinnularum nervo medio annexarum paria subdivisæ; quin etiam singulæ hæ pinnulæ secundariæ ad margines aliis incisæ sunt in lacinias dentatas. Folia pluribus pinnarum conjugationibus constant. Odore & sapore cum præcedente convenit.

Eodem cum præcedente tempore florèt iisdemque in locis invenitur.

Calculo comminuendo & expellendo, autore Trago, accommodatissima est, temperamento calidior omnibus *Apium* generibus. Radix ficcata loco *Piperis* in cibo usurpari posset: nam gustu & vi-

ribus ita Piperi respondet; ut *Piper Germanicum* non ineptè dici possit. Et meo certè iudicio utilior est & salubrior omni Pipere, quod ego experientia longa didici. Herba Pimpinellæ, radix & semen Petroselinii facultatibus pollent, sed in expellendo ac sedando dolores efficacioribus multo. E radicibus pastilli confici possunt, stomacho frigida intemperie, crassisque ac viscosis humoribus laboranti, passioni etiam colicæ ac matriæ quam utilissimi. Radix quacunque ratione sumatur, sive in pulverem redacta, sive in portionibus aut eclogematibus, adversus omne venenum facit unice, dolorem intestinorum lenit, calculis renum prodest, menses ciet, & si quæ alia per urinam evacuanda sunt; quæ omnia de semine quoque accipienda sunt & de aqua destillata: quæ & maculas faciei detegit, & eam duram facit. Quod vulnerariam herbam esse dicit, nobis minus probatur, cum adeo acris & calida sit: forte ad sordida ulcera detergenda valet.

Ulus radice præcipuus est (perhibente Fuchio) in peste aliisque morbis contagiosis præcavendis & curandis. Pota ex aceto magnæ commendationis est ad pestiferos morbos.

Contra phthisin nonnulli commendant Elæctuarium à radice Pimpinellæ minutissime trita & saccharo rosato factam. Vix mihi persuaserim: addo acrem & fervidam radicem phthisicis convenire: neque tussi, asthmæ, peripneumonice. J. B. Alii ad colicos dolores leniendos propinant, necnon quoque saccharo. Externus usus est in Odontalgia pro masticatorio ad piriuntam eliciendam; ad bubones canerososque tumores maturandos, lac augendum, &c.

5. *Pimpinella Saxifraga Africana major.*

Hoc titulo cujusdam Pimpinellæ Saxifragæ à D. Magnol' Montpellier in herbo suo cultæ folium siccum nobis exhibuit eruditiss. Vir D. Sloane, ex Africa seu Barbariæ ora allatam ad Promontorium Cetium non longe à Montipelo revidit D. Magnol', unde ipse habuit.

Erat autem folium pinnatum Pimpinellæ instar, & ad exortum pinnarum singularum hinc inde singuli lobi seu foliola è rachi seu costa folii media enascebantur. Plura non habemus quæ de ea dicamus.

## CAP. V.

### De Caro.

**P**linius lib. 19. cap. 8. Carum à Caria appellatum dicit. *Peregrinum & Careum* genus suæ mine appellatum, culinis principale.

Folius pinnatis, pinnis in multas lacinias dissectis, seminibus oblongis, striatis; radice dulci esculenta, ab aliis Umbelliferis distinguitur.

A. 1. *Carum* sive *Careum* Ger. *Carum* vulgare Park. *Caros* J. B. *Cuminum pratense*, *Cari* Officiarium C. B. *Carabais*.

J. B.

Ex radice singulari, longa, crassitudine pollicari & majore, rugosa, adnatis quibusdam & fibris aucta, albâ, sapore aromatico & acrisculo ut Pastinacæ, caules proferunt multos, cubitum & sesquicubitum altos, striatos, solidos, glabros, geniculatos, in ramis subinde divisos: folia longo carinato pediculo, sed angusto, partim à radice, partim ex ramulorum alis enata, Staphylini foliis similia, sed per longiora intervalla alas proferentia, & tenuius incisâ, glabra: in ramulorum extremis umbellæ non ingrato odore; flores singulares parvi, rotundi, albi aut rubescentes petalis cordatis nonnullisque ad fissuram crispis, omnibus in ambitu æqualibus compositi, è quorum umbilico virenti stammina tenuissima exeunt albicantia, apicibus virentibus. Semen succedit oblongum, striatum, sapore acri & aromatico.

Locus.

In pinguibus & lætis campis herbosis & pratis, quæ subinde rigantur apud Germanos Bohemiosque frequens nascitur J. B. In palustribus Lincolnienfibus, inque pascuis depressis, & pinguibus prope Hullam oppidum in Eboracensi provincia copiose oritur, & alibi etiam apud nos in pratis.

Vires.

Semen stomachicum est ac diureticum, siquidem flatus discutit, concoctionem promovet, urinam ciet, cerebrum corroborat, lactis abundantiam præbet. Hinc usus ejus insignis est in colica, vertigine, epilepsia præcavenda, &c.

Semen hoc passim in Germania [ & Anglia ] usitatissimum est: nam & panibus, quos biscoctos vocant, compingitur, & caseis adjicitur [ in Germania ] jusculis & placentis, artomelis, aliisque ferulis incoquitur, & in Officinis saccharo obducitur.

Radix dum adhuc tenera est non minus efficax habetur quàm semen: estque caro ejus in cibis ipsa etiam Pastinacæ jucundior & delicatior, teste Parkinsono.

Multum olei reddit destillatum semen; quod multò acrius est quàm oleum Anisi, experimento J. Bauhini.

Thorierus in Obs. p. 126. dolorem totius abdominis clamosum per quinq; guttas olei destillati Carui curavit: & solo hoc oleo à sævo ventriculi dolore curavit etiam aliam. D. Hulse.

C. B. prod.



2. *Carvi Alpinum* C. B. *Carum Alpinum* Park.

C. B. prod.

Planta palmaris est & glabra, ex radice oblongiuscula nigricante aromatica folia emittens longis pediculis donata, foliorum Carvi modo, in paulò tamen majora segmenta divisa, pallide virentia. Caulis modò unus, modò duo tenuis, ad uncias sex exurgens, supra mediàm nudus, in quinque senalve festucas instar umbella abiens, quarum singulæ flosculos aliquot, quasi in capitulum junctos, ex flavo rubescens sustinent.

In Pyrenæis montibus legit Burserus.

Locus.

## CAP. VI.

## De Umbelliferis semine striato minore foliis latioribus Apii seu Petroselinii.

**A** Pium, Græcis *Σάλλον*, ab apibus nomen habere putatur, quia Apes ejus flore delectantur. Petroselinum vulgare Apium Veterum censetur. Apium Officinarium eorundem Eleoselinum est. Petroselinum vulgare ab Apio palustri foliis minoribus, floribus luteo pallidis differt.

A. 1. *Imperatoria affinis umbellifera maritima* Scotica Sibbald. Prod. *Apium Scoticum* & *Apium maritimum* quibusdam Newtoni.

Folius est quàm Imperatoria minoribus & obtusioribus; semine striato majore; floribus pentapetalis albis in umbellam dispositis; radice non repente. Hanc esse plantam suspicor quam dudum in rupibus maritimis non procul Bervico è petrarum fissuris exeuntem observavi, & pro Hipposelino habui. Eandem esse puto quæ Phytologia Britannicæ pro Angelica sativa inseritur.

Pleuiorem hujus plantæ descriptionem à D. Jacobo Newton transmissam libet hic subungere. Radix ei alba, crassiuscula, fibrillis aliquot donata. Folia infima longis innituntur pediculis, tripartito divisa ipsa pariter in tres partes secta subrotundas, circa margines dentatas, dilutius viridia. Caulis pedalis aut altior, paucis foliis amictus. Flosculi exigui, albi. Semen figurâ & magnitudine Feniculaceo par & simile, striatum, fuscum. Tota planta saporem & odorem acrem, vegetum, aromaticum obtinet; quàm Imperatoria tamen multò remissiorem, & ad Apium propius accedentem.

Septembri mense semen maturat. In tumulo quodam arenoso & saxoso ad mare, sex ab Edin-  
burgo milliariis versus *Queens Ferry*, i. e. Reginae trajectum, invenit Auctor. Locu.

Mihi (inquit) ibi narratum est, Scotos montanos, apud quos copiosè oritur, quotidie manè eam citare; quo se tutos esse persuadent toto die à quavis contagione.

A. 2. *Apium palustre* seu *Officinarium* C. B. *vulgare ingratius* J. B. *palustre* seu *Eleoselinum* Veteribus ejusdem. *Apium Officinarium* seu *Paludapium* Park. *Eleoselinum* *Paludapium* Ger. *Smallage*.

Radix nuncur crassa, albâ, rectâ, profundè in terram descendente, in plura interdum capita divisa. Folia inde exeunt multa, pediculis dodrantalibus, rubentibus, striatis, concavis, duobus tribusve pinnarum paribus & impari in extremo composita: Sunt autem pinnule istæ late, circa margines dentatæ, & in tres insigniores lacinias divise. Caulis ab eadem radice pariter multi exurgunt, crassi, profundè striati, concavi, bicubitales & altiores, nodosi longis internodiis, foliis cineti is quæ ad radicem similibus, pediculis paulatim brevioribus donec in summis caulibus immediate adnascantur, alternatim positis, è quorum sinubus ab imo statim ramuli exeunt prælongi medium etiam caulem altitudine fere æquantes. In ipso angulo ubi caulis in ramos dividitur [forte caulem medium terminans] brevi admodum & interdum nullo pediculo sedet umbella, non continua sed discreta, è pluribus radiis composita, quorum unusquisque in summo gestat umbellulam flosculorum minimorum quinque petalis albenibus constantium, densè stipatorum, quibus succedunt semina striata, peroxia, quàm Petroselini minora. Caulis & ramuli in puncto ubi umbellæ sedent in tres ramulos non raro, interdum in binos abeunt; attamen extremi tandem ramuli in umbellâs terminantur.

Oder totius plantæ validus, nobis tamen non ingratus.

In paludosis rivulis & fossis majoribus, præsertim maritimis, non raro invenitur.

Locu.

Apium palustre in hortos translatum diligentî culturâ miris minusque ingratum evadit: unde in Italia & Gallia folia ejus teneriora una cum supernâ radicis parte abscissa cum oleo & pipere escant & in deliciis habent. Itali hoc genus herbæ *Sceleri* five *Celeri* vocant. Galli usum ejus Itali debent, à quibus & nomen acceperunt: Parkinsonus pro nova specie proponit *Selin* five *Apium dulce* titulo: cujus tamen sententiæ non accedo, quoniam Apium dulce seu *Celeri* in hortis nostris satum & cultum post aliquot annos in vulgare Paludapium degenerat, ob aeris siccitatem. Quod idem Feniculo dulci apud nos satum post tres vel quatuor annos plerunque accidit; adeo ut si illud habere velimus novum semen ex Italia petendum sit.

Apii radix inter quinque radices aperientes recensetur: Semen annueneratur seminibus calidis  
minoribus. Radix urinam & menses movet, calculum pellit, regium morbum solvit. Semen ef-  
ficacius est quàm radix, & ad eadem ad quæ sativi Apii semen commendatur. Minus tamen tu-  
tus

tus ejus usus est, nam comitiali morbo obnoxii ab hoc offenduntur, ut evidentibus experimentis comprobatum legitur & observatur. J. B.

3. *Apium bortenſe* Ger. *bortenſe* seu *Petroſelinum vulgò* C. B. *bortenſe multis*, quod vulgò *Petroſelinum*, *Palato gratum* J. B. *Petroſelinum vulgare* Park. **Common Parsley.**

*Radice* albam, ſimplicem, craſſitudine interdum pollicari, paucis fibris donatam, alè in terram demittit. *Caulis* plerunque ſingulares in ſolo latiore plures ſurſigit, pollicem ſicidem craſſos, teretes, glabros, ſtriatos, bicubitales & altiorem geniculatos, inanes, ab imo ſtatim ramiſos, ramulis inferioribus ſingulatim è foliorum alis exeuntibus, ſuperioribus binis oppoſitis aut etiam pluribus ſimul ex eodem geniculo. *Folia* ima quæ è radice exeunt longis pediculis, binis plerunque alarum paribus & impari in extremo folio compoſita. Folium autem quod coſtam terminat in tria dividitur, eaque ſingula in tres lacinias & ipſas dentatas acutioribus denticulis. In ſummis caulibus & ramulis ſorum umbellæ plurimis radiis compoſita, pediculis longis infidentes: *ſtrobili* ipſi pallidi, quinque petalis ob parvitatem vix conſpicuis conſtantes, quibus ſuccedit *ſemen* ſtriatum, breve, craſſuſculum.

*Folia* in hac planta interdum in lacinias anguſtas & longas dividuntur, ut quis merò diverſam ſpeciem putet; certè inſignis eſt varietas. Sapor plantæ acriuſculus & non ingratus: Quor pariter.

Nulla in hac ſpecie neque umbellæ totalis baſin ſeu radiorum exortum foliola in circulum ambiunt, neque partialium ex quibus totalis componitur, ad eam tamen apponitur unum vel alterum foliolum.

*Petroſelinum*  
*crispum.*

*Locus*

*Vires.*

*Folia* hujus plantæ interdum rotundiora, frequentiora, pulchrè crenata & criſpa videntur pulcherrimo aſpectu. Quæſtio eſt an *Petroſelinum crispum* ſit ſpecies à vulgari diverſa, an accidentalis duntaxat varietas. *Columna* criſpum in Sardinia ſponte naſci ait, unde ſemen ejus in aliis regiones diſperſum.

*Radix* & herba potiſſimum ad culinas ſpectant, utiliſque ſunt in omni cibo: nam inſtillatione ſtomachi deprimunt, urinam & menſes cient; jecur & lienem ab obſtructione liberant, hydropicis & ictericis conducunt. Solent noſtrates herbam cum omne genus carne in ſartagine una frigere pro condimento; & in cavum corporis inditum cum avibus aſſare, quibz & crudum cum butyro comedere, & Acetariis immiſcere, & certè quod à ſapore artinet, nullum olus novi palato gratius & delicatius: Aiunt tamen oculis inimicum eſſe & viſui nocere; quod nos inſani credimus.

Semina medico uſui utiliora, extenuant, aperiunt, urinas cient, calculos diſſolvunt, ſtatu diſcutiunt, conveniunt hydropicis, menſes promonent, ſecundas & fetus mortuos expellunt. Commendantur & contra veterem tuſſim olegmatis permixta aut incocta: venenosis etiam adverſantur, atque idcirco Theriacis amiſcentur. Dod.

Extrinſecus herbe omnes partes reſolvunt tumores calidos, immittunt lac matris impoſita, adeoque mulierculis noſtratis in uſu ſunt in ablactatione infantium. Sebrod.

4. *Petroſelinum majus* ſive *Virginianum* Park. An *Apium bortenſe latifolium* ſeu *maximum* C. B? *Apium* ſive *Petroſelinum Virginianum* Ger. emac. **Virginian Parsley.**

Parkinſonus *Apium Virginianum* non alia ſere in re quàm partium omnium magnitudine à vulgari Apio hortenſi diſſerre ſcribit. *Folia* ſcilicet Paludapii æqualia, & pallidiùs virentia quàm vulgari Petroſelini; ſemina duplo nè dicam triplo majora: *radicem* majorem & breviorẽ. C. Bauhinus *Apium bortenſe maximum* ſic deſcribit: Ex *radice* oblonga, albida, & pro plantæ magnitudine tenui *folia* prodeunt pediculis palmaribus & ſeſquipalmaribus, ſtriatis, pallidè virentibus, triplicè primùm diviſa, quorum quodlibet triplicè rariùm dividitur, ipſaque particula triplo quadruplo quàm in Petroſelino vulgò dicto majores, per ambitum incifa, pallidè virentes: inter hæc caulis cubitalis & ſeſquicubitalis, tenuis, ſtriatuſ exurgit; in cujus ſummitate *folia* oblonga anguſta minimè incifa. Umbellam habet parvam, albam, exiguis *ſtrobiliſ* reſertam, quibus ſemina Petroſelini formæ, ſed duplo triplove minora majora, guſtu nonnihil aromatico donata ſuccedunt.

Nomine Apii Anglicani primùm C. Bauhino ſatum eſt.

5. *Petroſelinum Creticum* C. B. Park. *Agriopaki macra* vulgò in *Creta Bello* ep. 5. ad *Chyſum*: cui *Baſilicon* Plinii videtur.

*Petroſelino* vulgari ſimillima eſt, niſi quòd minor, *foliaque* eiſdem etiam incifuris prædita licet habeat, minora tamen & aliquantulum craſſiora proſert: *Caulis* Petroſelini eſt, *ſtores* in umbella albos ſuſtinens, quibus ſuccedunt *ſemina* Petroſelini ſed minora, colore ad atrum accedentia. *Radix* ſimatur unica, pollicis magnitudine, ſemper figurâ longa, cortice tenui teſta, qui digiti attritu facillimè à radice ſeparatur, quæ candida eduliſque eſt, Bulbocauftari guſtu. Tota hyeme viret, ſemenque Maio proſert, poſtea tota acciſcit præter radicem, quæ terra læt, & primis Autumni imbribus gemina protrudere incipit.

Hujus ſimpis duo reperiuntur genera colore corticis radicem tantum differentia, nam unus niger, alter ruſſus conſpicitur. Nigrum genus in montibus totius Cretæ, & etiam in Dalmatia provenit: at ruſſum abundantiffimè tantum in ſcopulis Cretæ propinquis inter ſaxa, &c.

Sequentes duas plantas à C. Bauhino traditas ob ſolia Apio ſimilia huic capiri ſubjunximus.



• 6. *Daucus montanus Apii folio, flore luteo* C. B. prod.

C. B. prod.

*Caulis* est cubitali, anguloso, glabro, in breves alas brachiato; *foliis* Apii formâ, sed brevioribus, per ambitum minimè serratis, quorum pediculus striatus est: *Umbellas* parvas habet; *flores* Elaphobosco similes, luteos.

In Calenberg & propè oppidum Baden Austriae Burserus collegit.

Huic similem, sed per omnia maiorem, *caule* crasso, canaliculato, ramoso, *foliis* latioribus minimèque crenatis, umbellis maioribus, ex floribus pallidis, collegit ipse in horto Patavino, Pseudo-pyrethri nomine.

Locus.

• 7. *Daucus pratensis Apii folio* C. B. prod.

C. B. prod.

*Radice* est oblonga, pallidè rufescente cortice recta, sapore & odore Pastinacæ sive Dauci Officinarum, supernè hirsuta & villosa; ex qua alæ prodeunt *foliis* pluribus uni costæ inhærentibus, per ambitum incisus & serratis, formâ montani majoris, sed longè minoribus, pallidè virentibus: inter quæ *caulis* pedalis rariùs cubitalis, tenuis striatus, paucis geniculis distinctus, in ramulos aliquot divisus exurgit. Ramorum extremis umbellæ candidæ *flosculorum* exiguorum insident, quibus *semen* oblongiusculum, nigricans, aromaticum succedit.

In pratis humidis Michelsfeldiæ [propè Basilicam] provenit.

Locus.

8. *Daucus Petroselinæ vel Coriandri folio, seu Bunium Dalechampi* Park. C. B.

Locus asperis & petrosis nascitur. E *radice* parva, alba, furculosa, odorata, ad caput comosa, plurima emergunt *folia* ramosa, Petroselinæ adeo similia, ut primo aspectu minus attentos & cautos fallant. *Caulis* quadratus, procerus, digitali crassitudine, foliis Coriandri tenuioribus proximis vestitus, umbellæ Anethi sustinens. *Semen* Hyoscyami minus, odoratum.

• 9. *Apium montanum Dalechampi* J. B.

Lugd.

*Radice* est crassa, longa, extrinsecus nigra, intus candida, acri, odorata, aromatica; *foliorum* densa comâ circa radicem humi jacentium, Apio hortenfi similia, sed latiorum, jucundè olentium, in pediculis infernè rubentibus: *caule* cubito altiore è medio foliorum ambitu profiliente, ferulaceo: *flore* in umbellis candido: *semine* Apii, acri, odorato & amaro.

Provenit in asperis, saxosis, lapidosis, apricis; nonnunquam etiam ex saxorum rimis emicat. Floret Junio mense.

Locus & Tempus.

Hanc plantam C. Bauhinus Apio montano nigro eandem facit; cui Joannes frater non assentitur. Si Descriptio exacta, nonnulla in ea sunt quæ Oreoselinæ dictæ non conveniunt, v.g. Semen Apii. Parkinsonus C. Bauhinum secutus Apium montanum vulgatius i. e. Oreoselinum hoc facit.

• 10. *Libanotis minor Apii folio* C. B. *Libanotis Theophrasti minor* Lobelius J. B. *Panacis species nonnullis.*

Lob. ob.

*Folius* est [quàm Libanotis Theophr. vulgaris] exilioribus multò, Saxifragæ Venetæ proximis, gemino situ, Panacis alterius ritu, sed oris tantillum crenatis & laciniatis. *Caulis* bicubitalis & procerior. *Semen* Anethi candidum: flores in umbellis albi. Radix aromatica, grati & jucundi odoris.

Considerandum (inquit J. Bauhinus) an hæc planta eadem sit cum Cervaria nigra, i. e. Saxifraga Venerorum Lob. At Lobelius disertis verbis distinguit. Ea fuit opinio Ponæ in Baldo, sed nobis minimè probatur.

Parkinsonus hanc ad Libanotidem alteram seu vulgatiorē C. B. refert. At Lobelius ut distinctam proponit. Nobis nondum satisfactum est.

## C A P. VII.

### De Aniso.

**A**nisum Harmaro ab a priv. & *isos* dicitur, quod folia proferat minimè æqualia. Anisum quidam, auctore Plinio l. 20. c. 17. quasi *aniston* vocavere, quia appetentiam cibi præstaret: Et forsitan sic dictum est, *aniston* τὸς *ἰσχυροῦς*, quod tensiones flatulentas internas & externas remittat & laxet.

C. B. Quoniam foliis ad Petroselinum accedit ideo ei proximè subjunxi. Folia ima à summis plurimum differunt; ima enim integra sunt, superiora tenuiter dissecta. Semen odore & sapore est gratissimo, præ cuiusvis alius mihi notæ umbelliferæ semine, quibus notis ab aliis congeneribus facillè distinguuntur; præsertim si addas, parvam esse herbam, annuam aut potius æstivam.

Qq 3

Anisum

*Anisum* Ger. Park. J. B. *Anisum* barbaris C. B. Annise.

*Folia* ima quæ primò exeunt longis hærent pediculis, suntque integra, subrotunda, circa margines tamen dentata, glabra, pallide viridia, uncia majora, odorata: superiora Petroselinii foliis similia & tenuiter incisa; [quò altiora in caule eò tenuius] *Caulis* teres, concavus, ramulosus, infirmus & vix se sustinens, hirsutus & nonnihil striatus. *Umbellæ* in summis caulibus & ramulis amplexæ pro plantæ modo, nullis ad exortum radiorum appositis foliolis. *Flosculi* parvi albi, quinque foliolis bifidis compositi, æqualis ferè magnitudinis omnibus, cum totidem staminibus & apicibus albis. *Semen* parvum, minus quàm Cicutæ, striatum, colore ferè cinericeo, odore ac sapore gratissimum, dulci, cum jucunda quadam ærimonìa. *Radix* gracilis, inutilis, modo simplex, modò multifida.

Locus.

Ubi sponte proveniat nescimus: aiunt tamen in Creta, Syria, Ægypto aliisque orientis regionibus feliciter gigni. In Malta copiosè feritur, (ubi Cuminum dulce appellatur) quæstus caula qui ex ejus mercimonio ad incolas redundat.

Vires.

Semen Anisi præcipuè in usu est, herba rarè in usum venit, radix tanquam inutilis nunquam. Calidæ & siccat. Cephalicum, hepaticum & pneumonicum ac stomachicum imprimis audit [Plinius stomacho inutile esse ait, præterquam inflato] Usus præcip. in inflatione ventriculi, tussi, &c. Schrad.

Cæteris flatum discutientibus medicamentis gratus est ventriculo, minus habet acrimonie, & plus suavitatis.

Veteres in ventriculo frigido & humido mirificè commendârunt. Hinc in siti quæ à ventriculo, in dolore capitis, in vigiliis ab eodem, in diarrhœis à cruditatibus, &c. laudatur, urinam ciet & Venerem stimulat. Dioscorides, sed præcipuè Plinius, prolixi admodum sunt in ejus viribus describendis, quos adeat qui plura velit.

Pisunt hoc in panem ex quo Biscoctum parant, quin & saccharo obducunt ad paranda Confecta quæ vocant, quæ & flatum discutunt, & oris halitum foetentem emendant.

Spiritibus illis tenuibus, ex quibus generosiores seu aquas ardentes eliciunt, omnibus leviter confutum ante destillationem infunditur, ad gratum saporem iis iteratâ destillatione exaltandis conciliandum. *Trochisc. de Aniso* ulus est in febribus diuturnis; *Olei de Aniso destill.* in flatibus: *Dianiso* Mesue in iisdem & tussi à frigida causa: *Spiritus Anisi* in angustis pectoris. Sp. vini Anisatus in Cardialgia experimentum est Lindani.

Observat Heurnius, quòd pulvis seu decoctum Anisi in colicis doloribus, urinæ difficultate, &c. longè præferendum est ejus oleo: quod observandum est contra illos, qui omnia præter chymica spernunt. *Sim. Paulli.* Idem sæpe observavit Primrosius error. popular. lib. 4. c. 3. ut nos monuit D. Hulse.

Ad infantum tormina dare solebam scrupulum Anisi crassè pulverisat. cum primo pulvis cochleari. Hoc purgat infantes non aliter ac si senior Rhabarbarum sumpsisset. *J. Heurnius in lib. trium Aphorism. Hippocr. Aphor. 4.*

In singultu flatulento æger continuè mastice Anisi semen. Dol. L. 2. C. 3. S. 19.

Helmontius illud magni facit in Colica. Idem. L. 3. C. 2. S. 19. D. Soame.

## C A P. VIII.

*De Umbelliferis semine striato minore, foliis triangulatis Cicutæ modo divisi.*

*De Cicutæ.*

**C**icutæ, teste Servio in *Eclog. 2.* est internodium in triticeis five culmiferis, qualia cum habeat hæc quoque planta inde dicta videtur. Quin potius cicuta est canna quævis, intus cava & vacua, unde fistulas faciebant pastores.

Græcis *κύνεον* dicitur ἀπὸ τοῦ κύων fortè, quòd περιέωρ i. e. circumagere exponit Etymologus, *μυρὸν* dicitur Galenus. Stultitiam enim addit refrigerato cerebro. C. Hofman.

A. 1. *Sium alterum Olusatris facie* Lob. Ger. emac. *majus alterum angustifolium* Park. *Eruca folio* C. B. *Cicutæ aquatica* Gesneri J. B. *Long-leaved Water-Hemlock.*

*J. B.*

*Radix* pollicari crassitudine sensim tenuatur, fibris compluribus capillata; vulnerata succum remittens rufescentem, gustu acri. *Caulis* cubitalis & bicubitalis, crassus, imâ parte rubescens, superius ex viridi pallescens, striatus, glaber, geniculatus, inanis. *Folia* longis pediculis appensa, Silens montani divisa quodammodo, segmentis multò longioribus, acutioribus, per ambitum serratis. *Flores* candidi Petroselinii, in umbellam latiore digesti.

Circa paludes & in stagnorum majorum marginibus oritur sed rariùs. Nos in palude *Brereton* dictâ in Cestriensi comitatu; itémque in palude *Lovinglandiæ* in Suffolcia; in *Trenta* fluvio circa *Bramleiam* Abbatis dictam; in stagno quodam vadoso in ericeto *Hounslow*, propè oppidum; inque stagno ad *Thistleworth* vicum, propè *Thamesin* fluvium, supra Londinum, & alibi hanc plantam observavimus.

Nonnulli plantam hanc ad *Sium* seu *Pastinacam* aquaticam referunt cum quo nostrò judicio non convenit; ut neque cum *Cicutâ*, quòd nos *Gesnerum* sequuti, retulimus: unde de ejus loco nobis satisfactum non est.

Descriptio



Descriptio Bauhini non est satis plena & accurata; eam tamen adhibuimus, cum nec melior, quod scimus extet, nec nos plantam ipsam nancisci potuimus, ut denuò describeremus.

A. 2. *Cicuta* Lob. Ger. major C. B. vulgaris major Park. *Cicuta* Veteribus & neotericis J. B. Hemlock.

7. B.

Myrrhidi, atque etiam magis Cicutariæ odoratæ tam similis est, ut legentibus plerunque damnosa fit pariliras, non satis accurate eas distinguentibus: non alia enim radix est; non alius *caulis*, tri-cubitalis & inanis, lævis tamen, exuvii serpentine, indeque nomen indeptæ Serpentariæ caulis in modum maculosus: simili quoque est *folio*, multifariam partito, glabro, odore ingrato, sapore non ita, sed nonnihil acri: *Umbella* florum illis similiter albicat: *semen* Aniso par, striatum, obscure vi-ret: tota denique planta viroso odore, quo ab illis maximè differt, perniciem testatur. *Radix* in horto priusquam caulem ferat, longa pedalis, juniore Pastinacæ latifoliæ Germanicæ similis, cortice tenui flavescente, carne albâ fungosâ, odoris gravis, saporis subdulcis.

Circa pagos & oppida *Cicuta* passim abundat; locis unibrosis & pinguibus, propè fossas aggeres-  
que agrorum. Cum floribus Julio, semine prænantem Augusto ac seriùs videre est. Locus.

Summè frigida & venenata censetur, & Socratis supplicio odiosa: Nihilominus frequens ejus usus *Vires*. Modernis est in tumore ac inflammatione lienis: Succus emplastro splenico incoctus extrinsecus adhibetur Schrod. Peritiores medici nunc dierum *Cicutam* calidam esse affirmant & minimè frigidam. Extrinsecus usurpata anodyna est: tumores duros & ganglia potenter discutit in cataplasmatibus vel in emplastro de *Cicuta* cum Ammoniaco. D. Needham. Pulvis radicum ad grana viginti in febribus malignis vel Quartana ante paroxysmum exhibitus omnibus quæ ego unquam expertus sum diaphoreticus antecellit. D. Bowle.

Ferculum ex radicibus *cicutæ* carnibus incoctis duobus religiosis patribus [i. e. Monachis] quàm gravia & admiranda symptomata excitavit, vide apud Kircherum de *Peste*, sect. 2.

Ceterum *Cicuta* non est omnibus animantibus exitiosa: Sturni enim, autore Galeno, innoxie *Cicutæ* vescuntur. Nos quoque ventriculorum Otidis seu Turdæ avis dissectum *Cicutæ* semine refectum invenimus, quatuor tantum aut quinque frumenti granis intermixtis; quod etiam messis tempore avis illa pro *Cicuta* neglexerat; adeò delectatur *Cicutâ*. Lucretius quoque scribit

—Pinguescere sæpe *Cicutâ*  
Barbigeros pecudes, homini quæ est acre venenum.

Ad lienis schirrhum, R succi *Cicutæ* aut *Mandragoræ* q. f. cum Ammoniaco distemperetur, & F. emplastrum; quod vocatur Mirabile ab Hartmanno.

A. 3. *Cicutaria tenuifolia* Ger. *Cicuta minor*, sive *fatua* Park. minor, *Petroselinum* similis C. B. *Cicutaria Apii folio* J. B. The lesser Hemlock or Fools Parsley.

*Radice* nititur albâ, longâ, simplici, paucis & tenuibus fibris donatâ, minimi digiti crassitudine. *Caulis* bicubitalis, inanis, striatus, glauco quodam polline qui digitis faciliè detergi potest, obductus, non tamen ut *Cicutæ* maculosus, eadem cum radice crassitie. *Folia* *Cicutæ*, ad *Petroselinum* accedunt, nisi quòd segmenta acutiora sint, superne atrovirentia, inferne pallidiora & splendentia, odore nullo, ut nec sapore ullo eccellente. *Flores* albi, pentapetali, petalis bifidis. *Florum umbellæ* foliola longa angusta viridia obvallant, nam ad bases radiorum *Umbellarum* partialium ex quibus totales componuntur foliola tria aut quatuor oblonga oriuntur, quo à *Cicuta* differt, præterquam quòd minor fir, caule non maculoso, radice annua, odore non ingrato. *Semina* parva, striata, breviuscula.

In hortis oleraceis & arvis pinguioribus aliisque locis cultis frequens reperitur.

Locus.

\* 4. *Cicutaria latifolia* tertia C. B. *Cicutaria maxima* Brancionis, an *Thapsia* tertia Salmanticensis Clusio? Lob. ob. *latifolia* altera Ger. emac. *Cicuta maxima* Park.

Lob.

Caule humanæ proceritatis, crassitie quatuor digitorum, foliis, semine & radice *Seseli* *Peloponnesensis* longè majoribus, quæ clinicis celebratur ad menses, vomitus & alias dejectiones ciendas: an non potius *Cicutaria* nostra maxima foetida?

Videmus *Lobeliium* ipsum de hac, planta incertum & dubium, an jam edita fuerit necne: & suspicari potius eam vel *Thapsiam* dictam Clusii esse, vel *Cicutariam* suam latifoliam foetidissimam; unde ergo rescivit C. Bauhinus ab utraque distinctam esse.

Parkinsonus nomen hoc accommodat plantæ etiam sequenti, & sane, me judice, rectè.

5. *Cicutaria latifolia* fatidissima C. B. *Cicuta latif. fatidissima* Lob. Ger. emac. *Seseli Peloponnesiacum* Recentiorum Park. *Seseli Peloponnesense* Matthioli, sive *Cicutaria* quorundam J. B. Great broad-leaved Bastard Hemlock.

*Caulis* est geniculatus & cavus *Cicutæ*, alis brachiatus, sesquicubitus & duos cubitos æquans. *Folia* ad *Myrrhidis* odoratæ accedunt, latiora, longiora, nigriora, in alas divisa, quæ rursus in segmenta pinnatim veluti *Filix digesta*, profundè serrata, latiuscula subssecantur, odore gravi & viroso *Cicutæ*. *Semen* brevius *Angelicæ* vel *Cicutariæ* maximæ ferè par, in umbellis latis, excusso candido flore.

Hæc è *Lobelio* & J. Bauh.

In

In Rhætiæ montibus invenitur.

Parkinsonus noster in planta quam hoc titulo in horto suo coluit per multos annos, nullum ejus modi cuius meminit Lobelius foetidum & virosum odorem sentire potuit, ut neque in ejus seminibus: fortè alia & specie diversa, ei tamen simillima, planta fuit. Utcunque Matthiolus hoc nomine à Botanicis immeritò reprehenditur, quòd foetidam plantam pro odorata exhibuerit, cum habetur qualem ille depingit minimè foetida; ut Parkinsonus testatur, apud quem descriptionem plenariorem vide.

A. 6. *Cicutaria palustris* Lob. Ger. *palustris tenuifolia* Park. C. B. *Pbellandrium* vel *Cicutaria aquatica* quorundam J. B. **Water-Hemlock.**

f. B.

Aquas amat, extra quas caule extat bicubitali & altiore, pollicari, sæpe etiam brachii crassitiem adæquante, striato, inani, geniculis distincto, in ramos varios diviso. *Folia* dodrantalia plus minus, divisione charesfolii, propemodum glabra, sapore satis grato ad Sium accedente, cum levi quadam acrimonia. Umbellas in ramis gerit pro plantæ proportionem parvas, *flosculorum* alborum, cum exiguis in medio apicibus obscurè rubentibus: quibus delapsis succrescunt *semina* parva, oblonga, striata, nulla hirsutiae vel asperitate donata. Ex geniculis infimis demittit subinde capillares, longas & numerosas fibras quibus in imo radicitur.

Locus.

In aquis, præsertim crenosis, & rivis pigrioribus. Æstate floret.

Weperus conscripsit integrum librum de hac plantâ; quem consulat Lector.

\* 7. *Seseli montanum* *Cicutæ folio, subhirsutum* C. B. Park. **Hairp mountain Hartweg with Hemlock leaves.**

C. B. prod.

Ex radice crassa *folia* lata *Cicutariæ* vel *Myrrhidis* Fuchsi instar, in multas alas divisa, nigricantia, levissimis pilis, præsertim ipsis pediculis aspersis, subaspera: caule sesquicubitali & altiore, crasso, striato, cavo, nodoso, pilis paucissimis donato, in alas brachiato, *foliis* paucis, prioribus similibus, sed minoribus cincto: in summitate umbella magna, alba: floribus succedunt *semina* oblonga, gemella, tenuissimo apice donata, Carui sapore.

Locus.

Hoc in altissimo monte *Wasserfall* ætate florens inter saxa reperitur.

\* 8. *Seseli montanum* *Cicutæ folio glabrum* C. B. Park. *Seseli Alpinum* sive *montanum* *primæ Clusio*, *folio splendente, flosculis albis* J. B. ejusdemque *Ligusticum alterum* *Belgicum*, *foliis ferè Absinthii, semine rotundo. Seseli montanum majus* Ger.

Clus.

Ampla habet *folia*, humi sparsa, & in multas alas divisa, *Seseli* Peloponnesi [an Mattholi] ferè similia, superne viridia & splendentia, inferna parte minimè, Ferulæ odore acri, nec admodum grato sapore: caulem deinde sesquicubitalem aut altiorem, crassum, striatum, intus fungosum, nodosum, & multos ramos in ambitu ex singulis geniculis seu nodis ferentem, per quem sparsa sunt *folia* superioribus respondentia, sed minora. Extremi rami in magnas Umbellas *flosculorum* candidorum desinunt, odoris ferè Sambucini; quibus succedit semen gemellum, striatum, flavescens, aromatico & fervido gustu. Radix crassa est & foris nigra, quæ (ut in plerisque ferulaceis contingere solet) semine prolato perit, nec nisi altero aut tertio à satione anno flores producere solet.

Locus.

Crescit in celsis *Sneberg* & aliarum Austriæ Alpium jugis, ubi latiora sunt pascua: floret sub finem Junii aut Julii: Semen verò Augusto vel etiam serius maturescit.

Vires.

Semen hujus calf. & ficc. Urinas & menses potu ducit: prodest ad intestinorum ex cruditate dolores: concoctionem promovet, flatu discutit. Radix eodem præstat effectus, sed minus efficaciter.

*Siler Creticum* quibusdam semine longo, crispo, incurvo J. B. *Siler 2. foliis* *Cicutæ* & *Siler Creticum* *Camerarii* C. B. Vide Umbelliteras semine hirsuto.



## CAP. IX.

## De Sefeli pratenfi.

**S**efeli unde dictum sit me quidem latet. Nec enim satisfacit Harmari etymon *μαρμαρι* quod salutare sit hinnulo, siquidem Veteres Cervas post partum purgari herba quadam quæ Sefelis vocatur prodiderunt. Ego potius vocem origine exoticam seu barbaram fuisse existimaverim, quemadmodum & alia in terminata; *ἄμυ, ἠμει,* &c.

Sefelios pratenfis notæ sunt foliorum segmenta angusta, acuta; flores ex luteo pallidi, semina rufescentia.

- A. 1. *Saxifraga Anglica facie Sefeli pratenfis* Ger. *Sefeli pratenfe nostras* Park. *Saxifraga Anglo-rum, foliis Faniculi latioribus, radice nigra, flore candido, similis Silao* J. B. *ἄμυδοξο* Bartrage.

E radice vivaci, longâ, rugosâ, foris nigrâ, intus albâ, gustu dulci aromatico & nonnihil acri caules quotannis surgit plures, sesquicubiales & bicubiales, digiti minimi ferè crassitudine, teretes, striatos, medullâ farctos, propè terram rubentes, ab imo statim ramosos, ramulis per longa intervalla è foliorum alis exeuntibus. Folia tam quæ è radice exeunt, quàm quæ caules vestiunt, glabra, obscure viridia, in segmenta longiuscula, angusta, acuta, rigida dividuntur. Summi caules & ramuli in *sternis* Umbellas terminantur, non admodum grandes nec coactas, sed laxas & raras. Flo-culi singuli exigui quinque petalis è luteo albidis componuntur; quibus succedunt semina striata, brevia, apicibus rubentibus, per maturitatem castanea. Odor plantæ satis validus & gratus, ad Pastinacam quodammodo accedens.

In pratis & pascuis humidioribus vix alia frequentior occurrit planta.

Hujus plantæ succus, decoctum, aqua destillata vel semen in pulvere efficax est, vulgi experimemo, in urina ciendi, calculo atterendo & expellendo, flatibus discutiendis, colico dolore leniendo. Exhibetur autem tam infantibus quàm adultis.

Ab eximia dote in frangendo calculo Saxifragam scitè dixerunt nostrates.

Locus.  
Vires:

2. *Sefeli pratenfe Montpelienfium* Park. Ger. *Sefeli pratenfe*, C. B. *Sef. pr.* Silaus fortè Plinii l. 26. c. 8. *Silaum quibusdam flore luteo* J. B. *ἄμυδοξο* Bartrage of Montpellier.

J. B.

Caule est cubitali & sesquicubitali, glabro, striato, alis concavo: flores umbellati, albicantes: quos semina excipiunt gibba, striata, sapore aromatico, vinoso. Folia ampla sunt, minutim dissecta, incisurâ ferè Sileris montani, sed segmentis longioribus paulò acutioribusque, quæ nervulus secundum longitudinem percurrit, sapore acri. Radix longa, digitali crassitudine, foris fusca, intus alba, in capita dividitur plerumque, penes terram comola, sapore aromatico prædita.

In pratis non tantum circa Montpelium, sed & alibi in Gallia & Germania provenit. Sefeli pratenfe Montpelienfium, à Saxifraga nostra pratenfi Anglica, mihi non visa est specie differre: Alii diligentius observent & inter se conferant has plantas.

Locus.

Ex quo hæc scripsi eruditissimus Vir D. *Tancredus Robinsonus*, literis à nobis requisitus, Sefeli Montpelienfium, cum ibi commoraretur, diligenter & curiosè contemplatus, nullum potuit observare discrimen inter illud & Saxifragam pratenfem nostratensem, unde unam & eandem specie plantam esse hanc & illam absque ulla omnino hæsitacione concludimus.

3. *Sefeli pratenfe tenuifolium* Park. *prat. ten. sive Daucus pratenfis tenuifolius* C. B. prod.

Caule est cubitos duos superante, rotundo, striato, nodoso, supernè in ramos brachiato: foliis instar Pastinacæ tenuifoliz sylv. divis: Umbellam habet ex parvis albis floribus compositam, quibus succedunt semina parva, aromaticum, & tota planta Pastinacæ odorem refert.

In pratis udis Michelfeldiz provenit.

Hæc planta non est vera Sefelios pratenfis species ob flores albos.

Locus.

## CAP. X.

## De Dauco montano &amp; Muttellina, &amp;c.

**S**equentes duas plantas, si modò distinctæ sint, ob foliorum similitudinem huc retulimus: quanquam prior, si semen à C. Bauhino rectè describatur oblongum & crassum, rectius ad Meum refertur.

1. *Muttellina* J. B. *Meum Alpinum Umbella purpurascens* C. B. An *Daucus montanus* Clus? *Meum Alpinum Germanicum, illis Muttellina dictum* Park.

J. B.

*Saphyrium* sylvestris foliis habet, minora tamen minutiusque incisâ, trium circiter digitorum longitudine, tota glabra. Caulis brevis, uncias aliquot altus, Umbellam gerit parvam. Radix propter

pter terram capillata, satis longa & crassa, exterius nigricans, odoris & saporis Mei vulgaris. Huic C. Bauhinus *semina* oblonga, satisque magna attribuit.

Locus.

In monte Rhatio propè Burmium à J. Bauhino collecta est.

- \* 2. *Daucus montanus* Clusii, flore carneo, semine *Selino hortensi* equalis J. B. An Meum *Alpinum* Umbellâ purpurascens C. B?

Clus.

Huic ex radice prodeunt quinae aut senae tenuiorum foliorum alae, Sefeli pratensis alatis foliis penè similes, sed longè minores, neque palmi amplitudinem excedentes, sed proximè ad Acus pastoris vulgaris folia accedentes, admodum virides: inter quas prodit caulis pedalis, nudus, striatus, satis gracilis, qui summo fastigio binas aut ternas sustinet parvas & bene confertas Umbellas flosculorum è rubro dilutè purpurantium, sive carnei (ut vulgò loquuntur) coloris; quos excipiunt Selini hortensis æqualia semina. Radix digitalis est longitudinis, cortice foris nigricante, rugoso & multis tenuibus fibris prædita. Tota planta Daucum vulgarem quodammodo redolet, & illius gustum etiam refert.

Locus.

In Alpium Austriae & Stiriae sublimibus pratis nascitur, ubi Junio floret, in hortis etiam Maio. Hæc in reliquis cum præcedente convenit, seminis parvitate differt; si modò illius semen à C. Bauhino rectè describatur, de quo est cur dubitemus, cum Joannes ejus frater suspicetur ipsum descriptionem suam ex Aretii & Gesneri verbis concinnasse, quamvis eos silentio prætereat, nec fortè unquam suâ manu plantam ipsam collegisse.

- \* 3. *Libanotis minor* Umbella candida C. B. Park. Herbariorum Septentrionalium notior Libanotis Ad. Lob.

Ad.

Caule est gracili, recto, Mei aut Anethi, striato, atrovirente, bicubitali, paucis alis & geniculis donato: in quibus, imis præsertim, Peucedani prolixiora folia, Fœniculi tortuosi, angustiora Stragifragiæ Anglicæ, medio & superiore caule pauciora. Umbellis & floribus pusillis, candidis Mei: sed exiguum semen sub hyemem maturans, minus Carvi rotundi, ferè Anami Officinarum par. Hanc inquit sovent multi herbarii horti in Gallia, Germania & Anglia.

Quàm Lobelii tempore nota fuit, tam hodie ignota est, saltem in Angliâ nec multò notior est ut puto, in Gallia; nam in Catalogis Horti Regii Parisiensis & Horti Blæsenfis eam non invenio: mirum est evanuisse plantam adeo notam, & in tot hortis cultam.

- \* 4. *Libanotis tenuifolia* Germanica major & minor C. B. ferulacea Germanica Park. Lib. notioræ major & minor Thal.

Harum descriptiones videbis apud Thaliū.

## C A P. XI.

### De Crithmo quarto Matth.

*Crithmum* 4. Matthioli Umbelliferum J. B. *Eryngium montanum* Ger. *Eryngium arvense* foliis serratis similibus C. B.

J. B.

**O** Dioscori reptatu radicum est: sunt enim ex longissimæ, & vel minimâ fibrâ relictâ redi-vivæ, satis crassæ, albæ, Eryngii & gustu & similitudine: folia in tria, quatuor, plura, pauciorave segmenta oblonga dividuntur, semunciali latitudine & ampliore, longa, circumquaque serrata, sapore cum radicibus communi. Caulis fœniculaceus, striatus, fœtus, nodosus valdè ramosus. Umbellæ satis magnæ minimis contextæ sunt flosculis, colore albido. Semen gracile, sublongum, quod aiunt acre, & odoratum.

Locus.

In Germaniæ regionibus Rheno adjacentibus inter segetes frequens admodum est. Hanc plantam Parkinsonus cum Sphondylilio ineptè confudit.

## C A P. XII.

### De Ammi.

**A**mmi vox ejusdem originis esse videtur cum Sefeli: Ruellius tamen ab *ammi* matula deducit, quia adeo provocat urinam, ut subinde opus sit matulâ.

Ammi vulgare foliis in longas & angustas lacinias dissectis, circum oras crenatis, ab aliis Umbelliferis differt.

1. Ammi



1. *Ammi vulgare* Ger. *vulgatus* Lob. Park. *majus* C. B. *vulgare majus latioribus foliis, semine minus odorato.* Common broad-leaved Bishop's weed.

*Ammi* Cretico & *Ammi* semine tenuissimo majus est, caule crassiore, striato, foliis latiusculis, oblongis, crenatis, multifidis, ad Podagrariæ folia quadantenus accedentibus, quibus tamen multo minora sunt; superiora in plures lacinias divisa. Umbellæ inæqualibus contextæ sunt muscariis flosculorum alborum, amplissima, longis pediculis, ad quorum coitum folia circumjecta sunt longa, in tennes lori instar lacinias dissecta. Semen majus, ignavius quam in Cretico & tenuifolio. Radix gracilis, inanis.

In Italia & Sicilia in vineis, hortis & arvis pinguioribus sponte & copiose provenit.

Locus.

Hujus differentiam observavi foliis tenuius incis. Hanc Fuchsius *Ammi medium tenuioribus Varietas.* foliis vocabat, & speciem alteram faciebat (inquit J. Bauhinus) Sed hæc fortassis à cultura varietas. Hujus etiam varietatis meminit Camerarius in horto. *Ammi vulgare*, inquit, interdum longè alia folia proferre conspicitur, pluribus nimirum incisuris prædita & nonnihil crispa, ut penitus diversa planta videri queat. Pari modo Petroselinum etiam vulgare variare animadvertimus, ut & Pimpinellam Sativagram majorem.

2. *Ammi odore Origanum* J. B. *alterum semine Apu.* C. B. *Creticum* Park. Ger. *minus* J. B.

Ad eandem altitudinem multi [J. Bauhino] excrevit, caulibus pluribus, ramosis, nitidis, striatis, & geniculis nodosis: Folia infima quidem latiuscula, multifida, ad Capi nonnihil accedentia, superiora verò multo tenuius dissecta, non minus ferè quam Chamameli; odore si torantur admodum aromatico Origanum, sapore non dissimili; Umbellæ frequentes flosculorum minutissimorum albicantium. Nec verò folis Umbellæ sunt subiecta tenuia folia, ut in Vifnaga, sed & Umbellarum particulis singularibus. Semen succedit Anisi facie sed minus, insigniter aromaticum. Radix crassiuscula subæ.

Semen ex Alexandria Egypti adfertur. Annuæ est planta.

Locus.

Ammeos semen unum est & quatuor seminibus calidis minoribus: incidit & aperit, exsiccat. Valde ad urinam, urinæ difficultatem & venenatorum morsus: Menstrua quoque ciet. Miscetur & cum erodentibus medicamentis & cantharide paratis, quo resistat urinæ difficultatibus, quæ alioqui id genus medicamentis supervenire solent. Sed & potu ac illitu colorem pallidiorem efficit velut Cuminum. Nonnulli etiam Cyminum Æthiopicum appellant. Diosc.

Vires.

Mirifice præstat ad mulierum sterilitatem (Autore Matthiolo) manè 3j. pondere ex vino meraco aut carni jure in tenuem pulverem contritum, alternis diebus, tribus horis ante cibum. Quod tamen diutius dari non debet quam quatuor aut quinque diebus. Est enim ad sterilitatem præstantissimum remedium, & pluries expertum. Sed abstineat vir à conjugio ejus iis diebus quibus semen ebiat. In quem finem, itémque adversus fluxorem album mulierum, præmisso uterino clystere (inquit Sin. Pauli) sequentem pulverem aliquamultis sterilibus novis nuptis commendavi, quibus ingravidatæ, atque à fluxore albo liberatæ fuere. Clysteris uterini hæc est descriptio, R. rad. Aristoloch. utriusque ana 3ij. Gentianæ, Zedoariæ ana 3j. herb. hederæ terrestr. centaur. minoris, Aristol. Rorismarini ana M. j. Melissæ, Artemis. rubræ ana Mß. Cardamom. minor 3ß. Conscinde & contunde pro decocto ad Clysterem uterinum.

Pulvis hæc est descriptio, R. Herbæ Veron. exactissime pulveris. feminis Ammeos ana 3ß. Cardamom. minor. Cinnamomi acerrimi ana 3ij. Sacchari candi quartam partem ad pondus omnium. F. pulvis f. a. S. Paul. Ex annotatis amicissimi & eruditissimi Viri D. Edwardi Hulst.

3. *Ammi semine tenuissimo & odoratissimo* J. B. *Ammi parvum foliis Feniculi* C. B. Park. *Ammi pusillum* Ger. emac.

Herba est pedalis, interdum bipedalis, caule tenui fragili, Foeniculaceo, medullâ albâ pleno. Folia prima longa, profundè undique incisa: superiora Foeniculaceis aut Anethinis similia, paulo tamen tenuiora. Extremis ramulorum hærent Umbellæ parvæ, inæquales, flosculis albis contextæ. Semen minutum, odoratissimum, calido & acri gustu. Radix parva, gracilis, lignosa, per ætatem in fibras diducta, sapore ferè Pastinacæ.

Augusto & Septembri mensibus floret, & ex semine deciduo se renovat. In Apulia abundare aiunt.

Locus & Tempus.

Solum requirit bene stercoratum, Soli expositum.

4. *Ammiodes* C. B. *Ammi pusillum* Cæf.

Hujus descriptionem videtis apud Cæsalpinum, p. 286.

## CAP. XIII.

De *Visnaga* seu *Gingidio*.

**V**isnaga Hispanicae originis vox est; Cur autem Hispanis ita dicta sit haec planta nescimus.

Umbella à flore dilapso clausa, ejusque radiis praelongis, rigidis, duris ab aliis omnibus Umbelliferis distinguitur.

1. *Visnaga* J. B. Matth. Lob. *Visnaga Gingidium appellatum* Park. *Gingidium Hispanicum* Ger. *Gingidium Umbellâ longâ* C. B. *Spanish Picktooth*.

J. B.

Sesquicubitalis circiter est planta, radice raris adnatis fissâ harena: *caule* Anethi, striato, glabro, geniculato: *folio* Pastinacae erraticae, laevi, portionibus divisionis majoribus. *Umbellae* florum candelae, tandemque in se contrahuntur veluti caverna mediam. *Sepimento* effingente: pediculi autem Umbellae, potissimum externi, palmo longiores, rigidi durique sunt; singulique tam in quam interni novam pedicellorum frequentium Umbellam in summo gerunt. Porro tam Umbellae singulares, quam coma tota subiecta habent ad basin foliola. *Semen* parvum Apii Officinarium, acre.

Locus.

In pratis quibusdam non longè à *Miravalle* ad viam quae Monspelio Frontignanam ducit: copiosè etiam in Etruriae agris & circa Cataniam Siciliae provenit.

Altera species.

Meminit J. Bauhinus *Gingidii Egyptii* cujus Umbella & pediculi firmiores erant & majores quam in hortis nostris provenientis; quale & nos quoque vidisse meminimus.

Dauci campestris descriptio apud Cæsalpium per omnia Visnagae convenit, ut omnino eadem videatur planta, quantumvis Visnagam antea in eodem libro tradiderat, quod tamen mirum videri possit.

Pediculi seu radii Umbellarum pro dentiscalpiis multis in usum veniunt, præcipuè Hispanis, ob rigiditatem suam & suaveolentiam; unde Herba ipsa nostratibus *Spanish Picktooth*, i.e. Dentiscalpium Hispanicum appellatur.

\* 2. *Gingidium Matthioli foliis Chærephylli* C. B. Park.

Quale sit (inquit J. Bauhinus) judicent qui viderunt. Figura habet multa communia cum Lappula canaria flore majore. Interea quoque considerandum, an utraque descriptio non sit partim ex Dioscoride, partim ex dicta Lappula canaria & Visnaga composita. Reliqua quae habet apud ipsum vide: certè non levem nobis suspensionem injicit *Gingidium* hoc Matthioli & sequacum esse merum figmentum.

\* 3. *Daucus montanus, semine Cretico simili, non lanuginoso, valdè odorato, specie Staphylini, Umbellâ clausâ* J. B.

Cæs.

In Alpibus nascitur; *semine* alioqui Cretico simili, sed nequaquam lanuginoso, acri & valdè odorato. Ejus planta *foliis* constat non capillaribus ut Foeniculi, sed specie Staphylini, longo pediculo in adnexu folioso, praedura haec & odorata. *Caulis* striatus, cubitalis, (reperitur brevior non ultra dodrantem:) *Umbellae* clauduntur ut Staphylini. *Radix* singularis, in altum descendens ut Pastinacae.

Haec nobis incognita est, verum insigni nota quae non adeò multis hujus familiae convenit, nimirum Umbellâ clausâ, ab aliis facillè distinguitur, ideòque ad Visnagam retulimus.

## CAP. XIV.

De *Crithmo*.

**C**rithmum dicitur herba maritima, foliis quodammodo Foeniculaceis, verum segmentis brevioribus & latioribus multo.

1. *Crithmum* sive *Feniculum marinum grandius*, cui succus luteus J. B. *Cr. mar. majus* Park. *Cr. sive Feniculum maritimum majus*, odore Apii J. B. *Crithmum Siculum, Baticula alterum genus* Cæsalp. Bocconi.

Cæs.

*Folius* est tenuius incisus, odore Apii, sed sapore Baticulae: *Caules* fert cubitales in Autumno, et ignosis amissis in terra procumbentibus, crassis; *Umbellis* candidis: seminibus vulgaris *Crithmum* candidioribus.



didioribus, modicè oblongis, striatis, odoratis & gustu ferventibus: è caulibus recentibus incisis lacteo succo manans, in lachrymam subrusam concrefcente; radicibus ramosis & candicantibus.

Ex Sicilia habetur hoc genus.

Efficacius est minore in movendo urinam: nam renes & vesicam miro modo purgat.

Vires.

D. Boccone caulem ei rectum & ramosum attribuit; folia laciniata, dura, & quàm Crithmi marini vulg. latiora: Semina bina, quæ simul conjuncta Coriandri instar, divisa: striata sunt, feminis Fœniculi modo. Radicem longam crassam, ad ligni naturam propius accedentem, perennem & singulis annis regerminantem.

Asperis & saxosis gaudet locis propè Panormum in monte Peregrino, & alibi in Sicilia.

Locus.

- A. 2. *Critbnum marinum* Ger. Dod. *marinum vulgare* Park. *Critbnum multis*, sive *Fœniculum marinum* J. B. *Critb.* sive *Fœniculum maritimum minus* C. B. *Sampire à Gallico Saint Pierre.*

7. B.

Succulenta admodum est herba, in latum diffusa, pedem circiter alta. Folia latiora & breviora quàm Fœniculi, crassa, nec tam crebrò incisa, atrovirentia, sapore subfalso. Caulis Fœniculi, striatus, porracei viridis. Umbellæ luteæ: Semina Fœniculi, sed majora. Radix crassa, longa, perennis, odore & sapore suavi, acri, aromatico.

In clivis & rupibus maritimis per totum hujus insulæ ambitum, nec minùs in transmarinis regionibus, in ipsis lapidum commissuris oritur.

Locus.

Itali & Galli herbam S. Petri nominant, unde deductum Anglicum *Sampire*.

*Critbnum* muria conditum Ventriculo benefacit, estque palato admodum gratum: urinam moderatè provocat, viscera ab obstructionibus expedit, appetentiamque ciborum excitat.

Vires.

Utuntur vulgo pro condimento carnis ovillæ assæ; & aliàs in intinctibus & acetariis.

Usus.

## C A P. XV.

### De Fœniculo.

**F**Oeniculum (Græcis *Μάγδαλον*) diminutivum esse videtur à Fœnum, quòd quasi Fœnum in hyemes arefactum & marcidum reponatur. C. B. Alii dictum putant quòd satum magno cum fœnore semen reddat. *Μάγδαλον* sive *τὸ μαγνιδόν* à marcescendo, quòd ejus cum inaruerit ad condienda plurima multus usus sit.

Fœniculum autem foliis in capillacea filamenta divisis, feminibus striatis parvis oblongis ab aliis Umbelliferarum generibus distinguitur.

- A. 1. *Fœniculum vulgare* Ger. Park. *vulgare minus acriore & nigriore semine* J. B. *vulg. Germanicum* C. B. *item, vulg. Italicum, semine oblongo, gustu acuto ejusdem. Item Fœnic. sylvestre ejusdem. Hæc enim tria non aliter differunt, quàm accidentibus à loco & cultura ortis. Common fennel or finckle.*

7. B.

Ex radice digitali, aut majore, si ramosior fuerit, rectâ, albâ, sapore cum quadam dulcedine aromatico caulis surgit tres aut quatuor cubitos altus, rectus, teres, striatus, geniculatus, atrovirens, fungosâ, albâ medullâ factus, crebris alis concavus. Pediculi cœu vaginâ caulem & ramos completuntur, quibus folia insident in longa, acutissima filamenta dissecta, atrovirentia, sapore dulci, odore suavi. Umbellæ florum latæ, luteæ, odoratæ. Semen oblongum angustum, striatum Anisi, nigricans, sapore acriori, minus dulci.

Montepelii & Lugduni sponte passim provenit.

Locus.

Nascitur enim locis calidis & saxosis. 7. B. In Anglia etiam in aggeribus maritimis & clivis cretaceis in extrema parte Cornubiæ, & in Suffexia ad occidentalem terminum paludis Pevensiæ. Reperitur hoc genus in calidioribus regionibus semine dulci: quod J. Bauhinus inscribit *Fœniculum vulgari simile, dulce.*

Si febribus putridis adjunctam malignitatem advertamus, & quæ aperiendo, & quæ discutiendo per sudores prævalet, planta vix Fœniculo secunda reperietur. Hinc in Variolis & morbillis laborantibus decocto Fœniculi vel feminis, vel radicum nihil erit salubrius. Sim. Paulin.

Vires.

Semen pulvis cum Saccharo manè quotidie jejuno ventriculo sumptus mirificè visum acuit. Si semen Fœniculi aceto infundas, exsicces & Cinnamomi tantundem addas addito saccharo .... sumendo de hoc fit mirabile in præservando visum, & debilitatem reformando, & in oculis octuagenariis jam obtenebrato visu, ut incredibile visum sit. Arnoldus de villa nova. Pro Saccharo commodius fortasse esset melle uti. Ad caliginosos oculos nihil hoc semine efficacius, inquit Tragus. Idem præstat succus foliorum aut radicis, & aqua destillata oculis indita.

Præterea semen hoc ventriculum roborat, nausæam sedat. [At C. Hofmannus tantum abesse inquit ut juvet concoctionem aliorum semen aut herba viridis, ut ipsum potius adjutorio opus habeat.] Hæc ergo de semine sicco accipienda sunt, quod & status discuit secundum tritum illum vericulum *Semen fœniculi reserat spiracula culi* & Medicamentis thoracis admixtum asthmaticos juvat, & venenis adversatur.

Rr

Folia

*Folia* in aqua hordei decocta lac nutritibus augent. Quin & foliorum aut seminis decoctum dolores nephricos lenit, urinam mover, calculum pellit.

*Radices* menses provocant, obstructions hepatis & lienis referare, atque ictero mederi traduntur.

*Herba tota* iusculis & sorbitionibus incocta ad corpus obesum extenuandum utilis esse perhibetur.

Usus.

*Germina* Fœniculi teneriora antequam excaulescant, cum superna radice particula, unde scilicet emergunt, decisa, cum oleo & pipere mensis secundis adiciunt Itali & Narbonenses Galli, eodem modo quo Apium dulce. Nostrates folia recentia minutim concisa aceto immittunt pro condimento piscium elixorum in muria asservatorum, ut v. g. Salmonum, Luciorum, Sturionum, &c.

Ad quartanam & alias febres, R. succ. rad. Fœniculi ꝑiiij. cum saccharo dulcoretur, & jejuno propinetur in Aurora decem diebus continuis. *Zacutus* qui plurimis in lecto bene coopertis aut sudores plurimum moveri, aliis lentæ pituitæ secretum, aliis rictus foetidos & crepitus. Facile sed utile vocat auxilium.

Vidit Jo. Crato Med. Casareus monachum quendam novem dierum spatio à Præceptore suo ex suffusione facillimo remedio curatum, Radicibus nempe Fœniculi in vino coctis, & decocto oculis applicato. D. Soame ex Observ. \* Hieron. Reusneri.

\* Obs. 34.

Mulier quædam sentiens ante justum tempus foetum descendere ad pectinem cum aliis signis abortus, apposuit anteriori ventris parti sub umbilico, & posteriori usque ad os sacrum cataplasma ex pane tostato cum aceto & pulv. seminum Fœniculi: unde statim omnia symptomata cessarunt. Fœniculum enim plurimum facit ad prohibendum abortum.

Idem ex ejusdem Observ. 106.

*Fœniculum 2. seu vulg. Italicum, semine oblongo, gustu acuto C. B.*

Item,

*Fœniculum 5. seu sylvestre ejusdem & Park.*

Lobelio & nobis à vulgari diversum non est, inquit. Ebrodunensis historiae auctores: quibus & nos libenter suffragamur.

2. *Fœniculum dulce* Park. Ger. C. B. *dulce majori & albo semine* J. B. *Sweet fennel*.

f. B.

Eodem quo satum est anno *semen* profert maturum: à vulgato radicibus, foliis, caulibus & flore vix differre videtur, nisi fortè caule minus procero & graciliore ac foliis minoribus. *Semina* quidem multò sunt majora, striata, albida, dulcia, minus acria: Cæterum siquando hyemem apud nos perfert, & aliquot annis durat, videtur amittere dulcedinem & de albedine ac magnitudine minui.

Hoc genus Fœniculi post unum vel alterum annum, iterata satione seminis hinc producti, in hortis nostris paulatim degenerat & in vulgare transit; nec in nostris tantum, sed & in Germanicis atque etiam Italicis, ut testatur Casalpini. Unde verisimile est, semen ejus ex ulterioribus adhuc Meridiem versus regionibus adferri: ex Syria fortè, ut Lobelius scribit, aut ex insulis Azoricis, ut alii.

Nonnulli Fœniculum dulce à vulgari specie non distingui contendunt, eo argumento quòd satione degenerat, & tandem in vulgare abit. Verum in speciebus Plantarum infimis dari interdum transmutationem non contemnendis rationibus suadet, & experimentis confirmatur.

Variat multis modis hæc planta. Vidit Lobelius apud *Gulielm. Dresch* procerum prægrandæque Fœniculum, communi simile: *caule* ternum quaternumve cubitorum; *foliis* brevioribus, aliquanto rigidioribus, albicantibus *Corruda*. *Semen* par aut paulo minus altero [*dulci*] rotundius & *Aniso* propius erat. Isti Hippomarathri nomen fecerunt.

*Fœniculum dulce Azoricum* à communi dulci differt radiorum Umbellæ magnitudine & longitudine, Umbellâ concavâ, feminibus majoribus.

Quia (inquit J. Bauhinus) Fœniculum hoc [dulce] à Veteribus descriptum esse credimus, idè ei quoque vires ab ipsis Fœniculo attributas convenire dicimus. Illas etiam huic ascribimus quæ Recentiores vulgari proprias faciunt.

\* 3. *Fœniculum rotundum flore albo* J. B. *semine rotundo minore* C. B. Park.

Tab.

*Radice* nititur fibrosa exili: *caule* minori & breviori: *foliis* latioribus ac etiam brevioribus quam vulgaris Fœniculi: *Umbella* alba, rotunda, primo anno flores & *semen* ferens minus quam vulgare Fœniculum, sublongum & rotundum. Plantæ gustus & odor vulgari similis. Si semen hujus stirpis Autumno terræ mandes, evadet tota planta procerior & efficacior, quandoquidem hyemem facile perfert.

Mirari Tabernam. subit (inquit J. Bauhinus) cur locum ubi hoc viderit, aut unde habuerit, non indicet: Nobis certè incognitum est, nec minus aliis qui ante nos scripserunt Botanicis: Dari ejusmodi plantam non ausim negare, an verò Fœniculi species sit necne dubito.

\* 4. *Hippomarathri*



\* 4. *Hippomarathrum Sphaeracephalum* Alpin. exot. Park.

Alpin.

*Caulem* fert tricubitalem & ampliorem, rotundum, geniculatum, crassitie pollicari & etiam majore, herbaceo seu Fœniculi colore, obliquè ex geniculis sursum actum, in singulis geniculis singulos alios cauliculos obliquè exeuntes producentem, in quorum cacumine Corymbaceæ Umbellæ cernuntur, in orbem actæ, à quibus flosculi elegantes emicant, violacei coloris, qui mutantur in semina parva, longa, tenuia, angulosa, Fœniculi seminibus proxima, non parùm ex valido odore fœrentia. Tota planta foliis constat Fœniculaceis, compluribus ab una radice proficiscentibus, eo ordine positis ut singuli ternis ramulis digerantur. Quo sanè ordine posita observantur, è singulis caulium geniculis exeuntia, licet longè minora existant. *Radix* verò longa est, alba, carnosa, non dissimilis fœniculi radici. E tota planta emanat odor & validus & ingratus, maximèque ex seminibus, ex quo capiti dolor, si multùm olfecerimus, inducitur.

Ex seminibus ab Ægypto acceptis Alpino orta est. Differt ab Hippomarathro cachryophoro, quòd *Locus.* eo longè amplior sit, caulèque & longiores & crassiores ferat, & Umbellas coloris violacei, in perfectum veluti orbem circumactas, quòdque semina Fœniculacea producat.

\* 5. *Millefolium aquaticum* Ger. *aquaticum vulgatius* Park. *aquaticum Umbellatum capillaceo brevique folio* C. B. *aquaticum Fœniculo simile, Umbelliferum* J. B.

J. B.

*Folia* sparsa, latè virentia, Fœniculaceis perquam similia, cæsura non ità dissimili: prima & inferiora differunt nonnihil, segmenta sunt paulò latiora, odore grato, sapore nullo insigni. *Flores* gerit in scapo umbellatos.

*Radices* ad Hellebori albi radices quodammodo accedunt, fibrosæ, albæ, crebræ ex uno capite dependentes, palmo longiores, cavæ; in quorum tamen medio reperitur interdum radix quædam primaria minimi digiti crassitudine, fungosa, & veluti concava.

Apud paludes circa fossas Paduæ reperit J. Bauhinus.

*Millefolium* aquat. foliis Coriandri *Matth.* aquat. *Umbellatum* foliis Coriandri C. B.

Suspiciatur J. Bauhinus iconem Matthioli ex diversis plantis componi, nimirum ex Umbella Millefolii aquat. folio Fœniculi, & Millefolio pennato, ac aliâ aliquâ plantâ; ejusdem opinionis est & Casparus frater: ideoque faceffat. V. J. Bauhinum.

*Locus.*

\* 6. *Daucus pratensis Dalechampii* Park. *prat. Dalech. folio Millefolii* J. B. *prat. Millefolii palustris folio* C. B.

Lugd.

*Nascitur radicibus* multis, candidis, rotundis, ab ima caulis parte in diversâ sparsis, brevibus, dulcibus, odoratis; *foliis* proximè radicem sex aut septem, totidem digitos longis, foliolis per ordinem multis, orbiculatis cauliculos totos ambientibus, Myriophyllo similibus, mollibus, latè virentibus; *caule* medio Fœniculi, cubitali, in ramos duos vel tres divaricato, foliis paucis vestito, interdum nudo; *Umbellâ* per initium nonnihil rubefcente, postea albâ, amarâ, subacri, odoratâ.

\* 7. *Anethum sylvestre semine exiguo Ammeos* J. B. *sylv. majus* C. B. Park. *rectius Fœniculum Anethi odore.*

Cæs.

Grandius est sativo, *caule* crasso; *foliis* amplis ut Fœniculi, sed odore Anethi, quanquam infirmo: Umbellis amplioribus: *flore* luteo: *semine* exiguo, ferè ut Ammeos, subacri. *Radix* parva est & lignosa, annua.

Hæc herbâ equos purgant; nam miro modo ejus usu vegetiores redduntur.

C. Bauhinus in Prodrosmo alteram describit hujus generis herbam minorem, *radice* albicante, uncias tres longâ, tenui, quemadmodum & *caulis*, qui pedalis, albus, rotundus. *Foliis* est uncias quatuor longis, tenuissimè ut in vulgari divisis, *Umbellâ* parvâ, ex festucis octo vel novem uncialibus compositâ: *flosculis* luteis; *semine* parvo, oblongo.

Utumque hoc genus ( si modò diversâ sunt ) Siciliæ insulæ originem suam debent.

Quia semine sunt exiguo, oblongo, rectius ad Fœniculum quàm ad Anethum referuntur.

*Vires.*

*Locus.*

## CAP. XVI.

De Herbis quibusdam Umbelliferis foliis Feniculaceis, semine striato minore, variis nominibus Dauci, Seselios, Mei, Feniculi, Caucalidis, &c. Botanicis insignitis.

1. *Meum Dauci Cretici facie* J. B. C. B. *Meum aliud minus* Park.

Lugd.

**I**N Allobrogum & Sequanorum montibus frigidissimis & altissimis nascitur, radice dimidio pedis longiore, foris nigra, Dauci Cretici modo, intus candida, brachiata, odorata; cauliculis multis, nervosis instar Feniculi, tres aut summum quatuor digitos altis: foliis brevibus, capillaceis, Feniculo similibus, flore candido, umbellis densis: semine minutissimo, amaro, & suaviter olente.

2. *Feniculum tortuosum* J. B. *Seseli Massiliense Feniculi folio*, quod Dioscoridis censetur C. B. Park.

Cubitali assurgit caule, interdum majore, striato, medullâ albâ pleno [Clusio unico, interdum cubitali, sed sæpissime minore] mox à radice in varios, contortos ramos, firmos diviso, crassiusculo, brevibus internodiis intercepto. Folia feniculacea, non ita tenuia, breviora, videlicet palmaria, rariora, duriora, colore ferè Anethi [Clusio Anethi ferè, exilia & minutim incisâ Rutæ propemodum colore] Umbellæ parvæ exiguis floribus albis, aut etiam Clusio purpurascens, constant. Semina alba striata, Dauci glaucifolii seminibus omnino similia, uti & tota planta. Radix longa, alba, crassiuscula [digitalis etiam crassitudinis Clusio] comata, aromatica. Tota planta odorata est.

Locus.

In Sicilia circa Messanam primò se nobis in conspectum dedit: postea in Gallia Narbonensi copiosissima ubique ferè obvia fuit.

3. *Daucus glauco folio*, similis Feniculo tortuoso J. B. *An Peucedanum Pannonicum Clusio?*

Radix huic lignosa, alba, tuberculis quibusdam scabra, fibris paucis, verum iis crassioribus albidis, que descendunt, firmata [J. Bauhino minimi ferè digiti crassitudine, rugosa] sapore Pastinacæ subacri [J. Bauhino acriuscula, cum lævi amarore aromatica] in plura capita divisa; è quibus emergunt caules complures cubitales & interdum bicubitales aut altiores (in sterilioribus & siccioribus vix pedales) graciles & vix se sustinentes, læves, teretes, nec (ut vult J. Bauhinus) striati, in apricis subrubentes, geniculis frequentioribus intercepti, duri, fragiles, medullâ albâ farcti, versis superiora ramosi. Summus caulis & ramuli umbellas gestant exiguas flosculorum minutissimorum, purpurantium primò, cum explicantur magis albescentium, apiculis purpurantibus inter penâ interceptis: quibus succedunt semina parva, striata, breviuscula, apicibus purpureis donata, [ubi maturaverunt alba, Feniculi tortuosi seminibus similia J. B.] sapore amaro, nonnihil etiam acri & aromatico. Folia ad radicem pauca, longis pediculis nixa, quinque vel sex pinnarum seu ramulorum conjugationibus ad mediam costam annexis composita, quæ tandem in lacinias prætenues gramineas dividuntur. [J. Bauhino Foliorum particula latiores, crassiores, rigidiores quàm in Feniculo & velut pungentes, colore glauco] colore viridi ad glaucum tendente, sapore acri, odore aromatico. Præcipue verò notabile est in hoc genere quod folia in latitudinem non diffunduntur ut in plerisque umbelliferis & triangularia fiunt, sed angustiora sunt & in longitudinem magis extensa.

Locus & Tempus.

In collibus juxta Castelnœuf Montspelio non longè, inter vepres: Floret Julio & Augusto. J. B. imò Septembri & in Octobrem usque.

Herbariorum Septentrionalium Libanotis notior Lobel. Ad. habet multa quæ cum hac planta conveniunt, ut descriptiones conferenti patebit.

4. *Daucus petraeus glaucifolius* J. B. *An Daucus tenuifolius Cordi?*

J. B.

Radix capillata ex defluxis recentibus foliis, sapore accedit ad Staphylimum five Carotam, cum aliqua acrimonia: Folia profert tenuiter divisa, sed rarius glabra, colore glauco, è mediocriter brevibus pediculis pendencia. Caulis unicus, ut plurimum, pedalis ac etiam cubitalis, tenuis, per quem plerunque una parva folia, pediculo caulem amplectentia, ramosus interdum, (præsertim si planta sit minus novella) in tres ramulos divisus, in quorum extremitatibus umbellæ parvæ flosculorum alborum; quos subsequitur semen parvum, per maturitatem rubrum, ad Ammi vulgare accedens, aromaticum cum aliqua acrimonia.

Locus & Tempus.

Provenit locis ficcis & petrosis, abundans semine maturo Septembri & Octobri.

A. 5. *Peucedanum minus* Park. C. B. Phyt. *pumilum* Ger. *Peucedani facie pusilla planta* Lob. *Selinum montanum pumilum* Clusii, foliis Feniculi aut Peucedani, flore albo, semine Selini J. B. *Rock-parisley*.

Clus.

Aliquot à radice spargit folia, Feniculi aut Peucedani foliis formâ quidem similia, sed longè minorâ, & quidem raro pluribus quàm quindecim foliolis constantia, è quorum medio dodrantalem crassumque fert caulem, in multos tamen ramulos divisum, sub quibus aliæ foliorum alæ minores nascuntur, novenisque duntaxat foliis constantes, lata basi caulem amplectuntur, Pastinacæ five Staphylimini



in gustu & odore: singuli tamen rami exiguum florum candidorum & odoris expertum umbellulis onusti sunt: quibus succedit *semen Selini* semini non dispar: *Radix* suprema parte in crassum caput extuberat, multisque villis (qui foliorum superioris anni fibræ sunt) hirsuta, brevis, quasque in orbem convoluta est, intus fungosa & alba, exterius fusca & rugosa, inferna parte bifida plerumque, & in raras fibras definens.

Biennalis est planta, & prolato semine interit.

Apud nos in rupe S. Vincentii propè Bristolium oritur, invenimus & in montibus Germanicis: *Locus.* Clusius in quibusdam siccorum desertorumque virentium tamen agrorum marginibus, & in nudis graminibusque montibus inferioris Austriæ & Pannoniæ. Floret Maio.

Icon Clusii egregie exprimit Peucedani facie pusillam plantam *Lob.* unde non est cur dubitaret J. Bauhinus eandem esse plantam; neque cur Casparus frater sententiam mutaret, & pro Selino montano pumilo *Clus.* quod in *Phytop.* Peucedani facie pusillæ plantæ synonymum fecerat, in Pinace Peucedanum Pannonicum Clusii substitueret.

Hæc planta C. Bauhino in Pinace etiam Daucus montanus multifido folio, Selini semine denominatur. Bis ergo in Pinace ponitur. Hunc sequitur Parkinsonus, unam plantam in duas species distrahens; nimirum in Peucedanum minus & Daucum montanum pumilum.

- 6. *Sison* Alpin. exot. *An Saxifragia Matthioli tenuifolia & umbellifera* J. B? *Sison odoratum* Park.

*Alp.* Unicum caulem Alpino protulit, bicubitalem, rectum, gracilem, rotundum, geniculatum: folia capillacea; Fœniculo similia, odorata, quippe odore ad Fœniculum & ad Anethum inclinantia. In caulium summitate umbellæ parvæ, raræ, flosculis albis præditæ, & ferè ex singulis geniculis exeunt ramuli, in summitate etiam minimas umbellas ferentes; in quibus deflorescentibus sunt semina nigra, minima, oblonga, odorata, & subamarefcentia. *Radice* nititur longa, alba, gracili, odorata, Anero proxima.

Matthiolus de Saxifragia sua tenuifoliâ parùm sibi constat, ut videre est apud J. Bauhinum.

In post comm. cum magnis figuris eam sic describit,

Nascitur in magnis & durissimis lapidibus; aut sicco & admodum extenuato solo, *Foliis* capillacis Fœniculi mollo, sed longioribus, tenuioribus & rarioribus. *Caule* pariter prodit Fœniculaceo, sed tenui ac pumilo, umbellâ in summitate emergente: *Semine* vulgaris Petroselini æmulo, sed longiusculo & odorato: *Radice* albicante, pastinacæ sapore. Tota planta subacris est, & subdulcis.

Descriptio Alpini apprimè convenit plantæ illi umbelliferæ quam propè Gratianopolin invenimus, in planitie ad flumen, solo arenoso.

- 7. *Saxifragia multifido folio Pannonica*, J. B. *Daucus montanus multifido brevique folio* C. B. *Daucus montanus Pannonicus* Park. *Saxifragia Pannonica* Clus.

*Clus.*

Multò minor est Peucedano Pannonico *Clus.* & brevioribus foliis, Capni foliorum ferè æmulis, quorum sapor & odor Peucedani Pannonici (quod nobis videtur Daucus glauco folio) foliorum odorem & saporem quodammodo referunt, paulò tamen aciora sunt: inter quæ *cauliculi* exeunt pedales, graciles, geniculati, aliquot exiguis foliis exornati, summo fastigio candidorum *flosculorum* umbellam sustinentes. *Radix* Peucedani radici non multum absimilis, sed brevior, acrior, salivamque ciens, multa hirsuta capita supernâ parte produceris, è quibus folia & caules emergunt.

Inventa à Clusio multis Hungariæ & Austriæ inferioris locis, montium acclivitatibus petroso & *Locus.* sabuloso solo.

- 8. *Saxifragiæ tenuifoliæ affinis, quibusdam Caulalis* J. B. *Caulalis Peucedani folio* Ger. C. B. *Fœniculi folio* Park.

*J. B.*

Hanc Anguillara Epist. 7. Caulalin vocat, & nasci in Peloponneso & multis aliis locis in faxis prodit, *foliis* Fœniculi, *caule* cubitali, *umbellâ* albâ, semine Ammi; comedi; odorem habere Petroselini; vocari ab eis *ἀγρονόλον*. *Radix* Lobelio unica, recta, humi pacta, candida, sapore Pastinacæ. In Apulia provenire plantam intellexit [Anguillara] quæ dicatur *Pietra findula*, quæ multum responderet descriptioni hujus Caulalidis.

Malè inscribitur Caulalis. Plantam hujus iconi similem observavi in planitie quadam propè Augstam Vindelicorum, viâ quâ Monachium Baviaræ itur. *Locus.*

- 9. *Apium montanum folio tenuiore* C. B. *Apium*, quod *Petroselinum Dalechampii*, folio tenui, *Apii bortenensis* semine, subrubro, amaro, radice nigra J. B. *Petroselinum Macedonicum forte Dalechampii* Park.

*Lugd.*

*Radix* longiuscula & crassa foris nigricat, intus albet, capite comato, earundem more quæ plures annos perdurant, sapore amaro. *Caules* inde pronascuntur plures, fungosi, striati, pedales, interdum palmares duntaxat, *foliis* amicti Dauci glauco folio similibus. Caulium scapus tripartitus primum; laterales furculi umbellas gerunt *flosculorum* albicantium, parvas per floreandi tempus, magis patulas euntibus in semen floribus: medius furculus rursus trifariam subdividitur, umbellis similibus onustus. *Semen* Petroselini vulgaris.

Locus.

In saxosis tumulis propè Gratianopolin nascitur. *Lugd.* Nos cùm ibi essemus, hanc plantam non observavimus, sed aliam Saxifragiæ Matthioli tenuifoliæ & umbelliferæ iconi similem, foliis tenuissimis, umbellis parvis.

\* 10. *Caucalis tenuifolia montana* C.B. Park.

C. B. prod.

*Radice* est crassa, ex qua *caulis* exurgit pedalis; qui statim ad radicem in cauliculos palmares, rotundos, læves dividitur, hiq̃ue in minores subdividuntur quorum etiam minutissimis alis ad radicem exiguae umbellæ flosculorum alborum minutissimorum insident. *Folia* ad radicem in tenuissima segmenta, & quæ in caule in capillacea dividuntur. *Semen* parvum est, oblongum, striatum.

Locus &amp; Tempus.

Julio mense florens in Sabaudia inter Tarentesium & Monasterium collecta.

## CAP. XVII.

## De Pyrethro.

*Pyrethrum* Diosc. l. 3. c. 86. ab igne nomen habet, ob radicis ejus fervorem igneum: Salivaris Romanis quoddam salivam eliciat apud Plinium l. 28. cap. 9. *Pyrethri* nomen solum habetur. C. B.

\* 1. *Pyrethrum umbelliferum* C. B. *umbelliferum primum* Park. *umbelliferum Matthioli* J. B. *pelitoz* of Spain.

Lob.

*Radices* huic & *folia* Cotulæ foetidæ. Umbellæ ab uno quasi centro multis pedicellis innixæ. Veneri pectinis ritu aut Anethi, candidis flosculis, fervido & amaricante gustu: [quibus succedunt semina nigricantia, rotunda, Anisi majora: radix pollicis, interdum duorum pollicum, crassitudine, pedali longitudine & altius in terram descendens, colore exterius è fusco flavescente, interior nigro, sapore acri admodum & fervido. Park.]

Vires.

Hanc plantam Guilandinus in horto Patavino alebat, & *Pyrethri veri* nomine Lobelio donabat. *Pyrethrum* Casalpini, cùm sit semine compresso, rotundo, figurâ lentis, ad aliud genus pertinet.

Radix *Pyrethri*, quæ satis frequenter ac feliciter in ore continetur ad Dentium dolores tollendos cum sua causâ, humores plures in os allicit unâ cum saliva: Ergo salivationem movet, quam fortassis moveret diutius & copiosius, si intra corpus sumeretur quantitate parva sed iteratò. D. Sæmè è Sylvii Lib. 1. c. 13. Sect. 59.

*Pyrethrum umbelliferum alterum* Park. *foliis Anethi* C. B. *Pyr. Gesneri* J. B.

J. B. Lugd.

*Radice* nititur longâ, simplici, modicè fibratâ, repente, digiti crassitudine, fervidi & urentis gustus: *Folia* Anetho similia prodeunt; *caulis* Fœniculaceus; *flos* in umbella circinata rotunditatis. Quare nullam prorsus notam deesse ad veram *Pyrethri* delineationem putat Gesnerus, qui plantam appictam *Pyrethri veri* nomine ad Dalechampium ex horto suo Tigurenfi transmisit.

## CAP. XVIII.

## De Umbelliferis semine hirsuto seu lanuginoso Apii aut Dauci nominibus notis.

1. *Daucus* 2. *Dioscoridis* Col. *Apium peregrinum foliis subrotundis* C. B. *Visnaga minor* quorundam, *Selinum peregrinum Clusio*, *semine hirsuto* J. B. *Selinum sive Apium peregrinum Clusii* Park.

Col.

**R**adice est alba, lævi, tenui, oblonga Pastinacæ vel Raphani cum nervo in medio, caulescente planta lignosa, aromatica, gustu acri sed parùm hircino & linguarum vellicante, qui sapor cùm arefcit & lignosa efficitur evanescit. *Folia* emittit lævia, Coriandri æmula, sed rotundiora & longiore pediculo hærentia, primum singula, deinde unica loborum conjugatione, tertio bina, tandem ternis aut quaternis hinc inde lobis minus rotundis & angustioribus divisa. *Caulis* edit bipedalem & ampliorem, striatum, tenuem, lævem, Fœniculi effigie solidum, fungosâ medullâ albâ, in imo ex viridi obscurè purpurascentem, ramosum, foliis interceptum alternis minoribus, angustioribus, magisque incis, in summo umbellas albas habentem, plures sine basi ut Anethi rotundas, longis petiolis hærentes, atque dum corymbosæ, nec adhuc floridæ, & teneriores, in terram defflexæ procumbunt [nutant] cùm autem florere incipiunt eriguntur & dilatantur, flores ostendentes Julio mense densos, minutos, non dissimiles Anetho [petalis bipartitis & apicibus albis. Semina



*minima* deinde perficiuntur parva, albicantia, hirsuta, Anisi similia [Petroselinum vulgaris Clus.] gustu acri admodum & odorato. Cuminum & hircinum quid respiciente.

Variat hæc in eisdem locis orta foliis in caule majoribus, ita profunde incisus ac tenuiter, ut foliorum nervi à carne distincti sint omnes, Pastinacæ [tenuif.] divisuras quodammodo imitantia.

In sepibus circa Messanam Siciliæ urbem nobis observatum: in Salmanticensi agro in vinetorum marginibus sponte nasci autem est Clusius. Campoclari in sylvestribus & limitibus, & per colles nigro terreno refertos & herbidos invenit Columna. Locus.

*Dauci tertii Dalechampii*

Icon apud Parkinsonum ab hoc non multum abludit, Radicem habet ex luteo albidam, brevem, in capite comosam. Folia ima latiuscula sunt & Coriandrinis similia; superiora in caulibus ordine minorâ & tenuiorâ, suprema ferè Feniculacea: Flores albi, semina oblonga, sapore acri Anethi aut Cumini.

Verum si descriptio exacta sit planta est diversa.

2. *Daucus Creticus semine hirsuto* J. B. *Alpinus Cretico similis* Park. item *Creticus verus Dioscoridis* ejusdem. *Daucus Alpinus multifido longoque folio, sive montanus umbellâ candidâ* C. B. item *Dauc. foliis Feniculi tenuissimis* ejusdem. *Daucus Creticus* Ger.

Dodrantali aut altiore est caule, tereti, striato, hirsuto. Umbella mediocris magnitudinis summo catuli extremitate ramis infidet florum exiguorum, candidorum; pedicellis canescentibus hirsutisque hærentibus. Semen longum, uncanum, villosum, acre, aromaticum: folia lanuginosa, cinerea, minutissime dissecta, mihi sæpe etiam penitus glabra visa, atrovirentia. Radix longa, digitali crassitudine, terram versus comata, sapore Pastinacæ Germanicæ.

J. Bauhinus Casparum fratrem merito reprehendit, quod Daucum Creticum Lob. separaret à Genneri & Classi Daucis Cretico; siquidem discrimen non ostendit, atque contra mentem Lobelii id facit: qui in hunc modum de eo scribit. Nec tamen id sola Creta fert; quippe Germanicæ Alpes non modo, sed etiam Genuensium colles & Genevensium circa Juram rupes hoc Cretico abundant. Et paulo post. Huc quo minus sit Creticum siquid deest cælum solùmve erit. Sanè effigie nihil, viribus autem perparum abest. Variant quidem aliquantulum: nam qui in Baldo foliis est brevioribus compactionibus; qui verò in Helvetiorum Alpibus & monte Wasserfall longioribus & rarioribus.

Nos in summis montis Juræ partibus hanc observavimus.

*Daucus Triburtinus* quibusdam J. B. adeò parum differt à Cretico ut specie diversum non arbitremur. Locus.

3. *Daucus tertius Dioscoridis Bello* Park. *tertius, folio Coriandri, flore luteo* J. B. *Creticus nodosus, umbellâ luteâ* C. B.

Folia Coriandri, sed minora & crassa aliquantulum profert: caulem sesquicubitalis longitudinis: flores luteos in umbellis, ut Anethum; seménque Cumini. Vere manduntur radices & folia, quæ aromatici gustus sunt.

Scribit Parkinsonus hunc apud se flores protulisse albos. Suspicio eum intelligere Myrrhidis quandam speciem caulibus nodosis, seminibus longis asperis, umbellis albis, quam in Sicilia spontaneam observavi: nam hujus semen Londino aliquando ad nos missum fuit sub hoc titulo.

4. *Apium Macedonicum* C. B. *Apium sive Petroselinum Macedonicum multis* J. B. *Petroselinum Macedonicum verum* Ger. *Macedonicum quibusdam* Park. *Macedonian Parsley*.

Col.

Folia Apio hortenfi similia habet, ampliora, copiosioribus lobis, rotundioribus, magisque serratis, nitidis, Coriandrinis æmulis, vel Hircinæ saxifragiæ antequam caulem edat, albicantibus [atrovirentibus J. B.] quorum sapor ignavior quàm hortenfis nostri videtur. Radicem longam, crassam, albam, rugosam, lignosam, pedalem, sapore acri. Caulem verò post multos à satione annos promittit nobis cubitalem, crassum, hirsutum, alis divisum frequentibus, rotundam effigiantem comam, umbellis candicantibus refertam, semine verò parvo, hirsutie alba obfuso, oblongo, Saxifragiæ hircinæ simili, odorato, aromatico, sapore acri, fervido, & Cuminum ferè respiciente.

Hæc planta F. Columnæ Daucus secundus Dioscoridis videtur.

5. *Apium petræum sive montanum album* J. B. An *Daucus montanus Apis folio minor à C. Bauhino* in Prod. depictus?

J. B.

Folia habet dodrantalia, pulchrè in alas oppositas divisa, atque hæc rursus in opposita segmenta [singulæ alæ Pimpinellæ Saxifragæ minoris folia imitantur divisurâ suâ] Apii nigri montani segmentis similia quodammodo, quæ mirè variant pro locorum diversitate, quædam enim valde tenuia sunt & quasi crispa. Caulis feniculaceus cubitalis [imò bicubitalis & altior] medullâ plenus. Umbellæ parvæ, floribus albis contextæ. Semina Apii hortenfi, longiuscula, striata, hirsuta, versùs summitatem rubentia, cum amarore aromatica. Radix perennis, crassiuscula, alba, comata, sapore ferè ad Apium vulgare accedente prædita.

In

In rupibus non longè à Danubio uno circiter milliari Anglico cis Danubium primò hanc observavimus: post in monte Jura non procul Geneva. J. Bauhinus in petrarum rimis Basileæ in Marchionatus monte provenire observavit propè pagum Krenzach, & Badæ in Helvetiorum monte, ceu & Basileensium propè *Wasserfall*.

\* 6. *Panax Siculum, semine hirsuto, foliis Pastinacæ sativæ* J.B. Bocconi.

Boccon.

*Radix* pro plantæ ratione parva: *Caulis* maximus, humanam altitudinem non rarò superans, uncialis crassitie, in plures ramos distributus, ruber, laevis, rectus, intus fungosus: *Folia* quam *Pastinacæ sativæ* latifolia ampliora, tenuibus nervis obfessa, lobis quasi rotundis, figurâ parè cruciformi latè expansa, atque lucida. *Umbellæ* amplæ: *Flos* albus: *Semen* longum, crassiusculum, striatum seu sulcatum, exterius candida lanugine hirsutum, qua exutâ semen grano Triticî figurâ & colore par est. *Caule* vulnerato interdum sponte lachryma exit, concrefcitque colore flavescente.

Locus.

Non solum Panormi, ubi pro *Dabiso* notum, sed & in tota Mararæ valle, locis incultis & aspers copiosè nascitur & appellatur ibidem à colonis *Ferla* seu *Ferra Saracinsca*. Variat foliis quandoque glabris, quandoque hirsutis.

*Daucus secundus Siculus Sophiæ foliis* Zanoni.

Zan.

Multa è radice capite *folia* promit, quorum pediculi latâ nervosâ cartilagine radici adnexi, rotundi sunt, supernè sulcati & cavi, tenues, succosi, & sublucidi, in ramulos eodem modo divisi & subdivisi quo in aliis Umbelliferis; *folia* ipsa minuta, crispa, lanugine obfita, inferius magis quam supernè albicantia, tenera, succulenta, in ambitu dentata, humi expansa, quam latè occupant, *Sophiæ* latifolia aut *Pastinacæ sativæ* tenuifolia foliis similia, nonnihil odorata. E medio fororum cespite enascitur *caulis*, sesquicubitalis circiter, teres, canaliculatus, à nodo ad nodum undatim flexuosus, lanuginosus, rufescens, digitum minimum crassus, medullâ viridi repletus, crebris nodis, und maxime parte, interceptus, foliis supradictis similibus obfitus, verum albidioribus & minoribus, ad nodos cauli adnexis, pediculis membranæ origine eum amplectentibus: è quorum cavis exeunt rami, supra medium caulem assurgentes, quorum unusquisque fastigio suo umbellam sustinet, flosculis minimis cum staminibus & apicibus albis compositam, Rosæ moschatæ odore sed remissiore. Flore delapso restat *semen* oblongum, striatum, lanuginosum.

*Radix* spongiosa, flavicans, canaliculata, caule crassior, haud longè à capite in quatuor aut quinque ramos divisa, in multos annos vivax, Fœniculi sapore, acutiore multo. *Folia* Apii dulcis saporem amulantur. *Semen* reliquis plantæ partibus acrius est & mordacius. Versus Maii finem floret.

Hujus semen à Panormo Siciliæ metropoli ad auctorem transmisit insignis Botanicus D. Paulus Boccone.

\* 7. *Siler Creticum quibusdam foliis Cicutæ, semine longo crispo incurvo* C.B. *Siler 2. foliis Cicutæ* C.B.

*Semen*, describente J.B. pulchrum & magnum pediculo unciali circiter pendet, semunciam longum, recurvum, crassum, fulcum, gemellum: unum è quinque aut sex costis asperis coagmentatum, alterum simplex; odor satis validus nec injucundus. Cum Cymino sativo habet aliquid simile, sapore etiam aliquo modo affini: Satum provenit *foliis* Cicutæ sed latioribus & paucioribus, *semine* incurvo, grandi, hirsuto & fusco.

De hoc Bellus Epist. ad Clus. Rosmarini folia Selino similia sunt, serrata, florèsque in umbellis albi: quibus succedunt *semina* oblonga aspera. *Radice* nititur crassâ, foris nigro cortice eoque tenui vestita, intus alba, thus maxime olente.

## C A P. XIX.

### De Pastinaca tenuifolia.

**P**astinaca à pascendo dicta existimatur. Nam radices ejus cibus sunt vulgaris. Isidorus lib. XVII. cap. 10. *Pastinaca vocata quòd radix ejus præcipuus sit pastus homini. Est enim odorata, jucunda, cibo delectabilis.* Turnebus tamen in Adversariis lib. VIII. cap. 23. ex eo dici putat, quòd referat & quasi habeat *pastinum*, quomodo vocatur instrumentum quo vineæ foduntur.

*Pastinaca sativa* semine villosa, umbella flore delapso in niduli formam contractâ, foliis tenuiter incis, ab omnibus aliis Umbellatarum generibus facile distinguitur.



- A. 1. *Pastinaca sativa tenuifolia* Ger. *tenuifolia sativa lutea* Park. *tenuifolia sativa radice lutea vel alba* C.B. *sativa sive Carota rubra, lutea & alba* J. B. Carrots.

Radice est pedem longâ, crassâ, conoide, friabili, luteâ aut rubrâ, interdum atro-rubente aut etiam albâ, paucis ad latera fibris donatâ, succulentâ, sapore dulci aromatico. *Caulem* erigit duorum aut trium cubitorum, hirsutum, striatum, concavum, ab imo statim ramosum, ad cuius divaricationes folia dodrantalia, hirsuta in alas plures divisa, alis singulis in alias subdivisis, & his tandem alis secundariis in multa segmenta angusta oblonga acuta profundè dissectis, odore & sapore faris suavi, saturè viridia, alternatim posita. *Flores* in umbellis latis conferti, pusilli, pentapetali, petalis subrotundis & minimè bifidis, colore albo, interdum rubente. *Umbellæ* basin in circulum ambiunt folia angusta, in plura longa & acuta segmenta divisa. *Umbellarum* etiam partialium è quibus totalis componitur bases, ejusmodi foliolorum circuli ambiunt. Floribus succedunt *semina* longiuscula villosa. Cùm jam defloruit umbellæ contractæ concavæ fiunt & vasculum velut Daucus officinarum deformant.

Seminis & herbæ eadem vires sunt quæ Dauci officinarum. Specificum habetur ad uteri suffocationem. *Schrad.* *Vires.*

Radices culinariæ sunt, in aqua communi decoctæ ressellatim inciduntur, cùmque butyro, pipere & sale escantur: sæpius tamen apud nostrates in jure carniū, maxime bovinæ, decoquantur, & unâ cum carnibus eduntur condimenti loco Rapi aut Napi modo. Nonnihil flatulentæ sunt, ventrem tamen emollire creduntur, & tussi conferre. *Usus.*

Radix Pastinacæ atro-rubentis tenuissimè concisa, & in aceto acerrimo cum modico Aluminis rupei decocta ad  $\frac{1}{2}$  consumptionem coletur sinaturq, inspissari & exsiccare, fiet massa coloris purpurei, *parvitas* Italici dicti, quæ molendo cum aqua gummata soluta dabit atramentum purpureum optimum. *Caespar. de Atramentis.*

Quercetanus solum semen Pastinacæ domesticæ exsiccatum & pulverisatum ad 3ß. cum pauco Vini vel Aquæ Melissæ datum pro peculiari & specifico medicamine ad uteri suffocationem vendit. *D. Soame è Dolæo.*

- A. 2. *Pastinaca sylvestris sive Staphylinus Græcorum* J. B. *sylv. tenuifolia* Ger. Park. *sylv. tenuifolia* Dioscoridis vel *Daucus officinarum* C. B. *Wild Carrot, or Birds-nest.*

J. B.

In promptu est sylvestris Pastinacæ ex sativâ faciem novisse: radix minor & acrior: caules altitudine pares sesquicubicales scil. striati, hirsuti, medullâ faretî, in alas divisi. Folia minutim dissecta, atrovirentia, averâ parte hirsuta. Flores in umbellis magnis confimiles, candidi. Flosculus umbellæ medius interdum purpurâ rubet. Umbellas autem obvallant folia in angusta, longa, acuta segmenta divisa. Delapsis floribus succedunt *semina* brevina, striata, villosa; tum verò convoluta umbella cavitatem, ceu aviculæ nidulum, in medio deformat. In pascuis, gracili solo, ubiq, *Locus.* occurrit.

Uterina inprimis est & diuretica. *Ufus* præcipuus est in tussi, pleuritide, stranguria, calculo. *Vires.* Ciet menses & molas, sedat uteri suffocationes, stimulat Venerem.

Semen Dauci in Cerevisia leptomera infusum, & bibitum ad stranguriam & calculum renum ac vesicæ miris laudibus effertur nonnulli. Vid. Charletonum in lib. de *Lutibasi*. Helmontius vidit Conflarium, qui per quindenâs singulas solebat decumbere, usum prædicto decocto liberum à lithiasi vixisse per annos aliquot.

Seminis 3ij. vino albo infusæ & potæ hystericiis paroxysmis medentur.

Tragus aliq, flosculum purpureum in media umbella valde prædicant pro certiss. Epilepsiæ antidoto. *V. J. B.*

- A. 3. *Pastinaca tenuifolia sylvestris lucida* Morisoni. *Tenuif. marina, foliis obscure virentibus & quasi lucidis* Botan. Monsp.

Hujus folia non sunt hirta, sed paulò latiora quàm præcedentis, spissiora, magis dissecta & lucida: Semen aliarum congenerum seminibus multò majus. Radix odorem habet aromaticum.

In humidis & pinguibus pratis ad oram maritimam Aremoricam exit: Monspeliæ etiam in maximis. Est cur dubitemus an hæc specie differat à vulgari sylv. an accidentibus tantum à loco natali ortis. *Locus.*

4. *Pastinaca tenuifolia sylvestris radice & umbellâ luteâ* Morisoni.

Umbellæ colore à prædictis distinguitur, quæ diluæ luteæ, cùm illarum perpetuò sint albæ.

Ex agro Paravino ad Autorem missum est hujus semen à D. Alex. Balam. *Locus.*

5. *Pastinaca Tenuifolia Cretica radice umbellâ Gingidii longioribus* Morisoni.

Morif.

Hæc præcipuè notâ cognoscitur, quòd radios umbellarum producit quinas uncias longos, crassiores & rigidiores quàm sunt Vinsagæ radii: atque hi concavam constituunt superficiem nidi avis instar, dum sunt adhuc semine prægnantes; atque *semina* villosa hispida, Carotæ vulgaris more, sed multò majora & crassiora ferunt.

Hujus

Hujus semina è Mauritania Tingitana in Angliam delata communicavit D. Alexander Balam.

- \* 6. *Pastinaca tenuifolia* Sicula, *hirsuta crispa* Bocconi. An *Pastinaca sylv. hirsuta echinata* fructu C. B?

Boc.

Pedalis est hæc planta, subinde majoris altitudinis. *Caulis* illi rotundus, hirsutus: *Folia* crassa, crispa, & illa quoque non leviter pilosa: *Umbella* latior, Crithmi spinosi formâ, at *Semina* asperiora quàm sylvestris angustifoliæ vulgaris.

Locus.

Inter Leocatam & Agrigentum nascitur in scopulo dicto S. Nicolo.  
An *Pastinaca* sylvestris hirsuto caule Park?

- \* 7. *Pastinaca Syriaca* sive *Secacul Arabum* quibusdam J. B. *Sisarum Syriacum* C. B.

J. B.

Edulis est planta, & proin hortensis jure dicenda, licet in sylvestribus proveniat. *Radix* nititur exterius cinerea, intus candida, lævi, tenerâ, digitum crassâ, sesquidigitum longâ; ex qua fibrarum loco noduli seu verrucæ prominent: sapore dulci, Carotarum simili, quibus caule, foliis ac umbellâ (flosculis exceptis, qui penitus flavi sunt) haud abfimiles sunt, autore Rauwolfio.

Locus.

Qui eam juxta sepes & hortos urbis Halepi, locis præsertim apricis, ut & sub arboribus observavit; item inter segetes.

Floris colore convenit cum *Pastinaca tenuifolia* sylvestri umbellâ luteâ Morisf.

- \* 8. *Pastinaca sylvestris* *Daucoides* Apula Col. *tenuifolia sylvestris, umbellâ majore* C. B. *Sylv. Apula Columnæ* Park.

Col.

A *Pastinaca* sylv. vulgari, cui aliâs simillima est, differt *Folia* minoribus parùm, paucioribus lobis divisis, longioribusque & aduncis: *Umbellis* majoribus respectu plantæ, floribus ex albo obscure purpurascens: *Semine* oblongo, angusto, non echinato, sed hirsutæ quadam asperâ, minutâ, albicante obfuso, gustu amaro, odoroque parùm in mandendo. *Umbella* non in totum conglobatur arefscens & clauditur ut in vulgari, sed minùs, ut *Avis* nidum cavum repræsentet. *Radix* lignosa, alba, dulcis, aromatica.

Locus.

Julio mense floret *Cirinolæ* cum congeneribus, Augusto semen perficit, nec frequens admodum, sed rarior.

## CAP. XX.

De Umbelliferis semine echinato seu aculeato, seu

De *Caucalide*.

**C**aucalis Lobelio à seminum effigie, quæ vascula oblonga & semisphærica imitantur, aut à Streptitu quem edunt hæc semina, cum præarida vindemiis exactis ventis concutuntur. *Kavvdav* autem vasis genus est ita dictum à sono quem edit dum aqua confertim ingreditur aere exeunte, & è contra.

- i. *Caucalis albis floribus* Ger. *vulgaris albis floribus* Park. *arvensis echinata magno flore* C. B. *Lappula canaria flore pulchro magno, albo* J. B. *White-flower'd bastard Parsley*. E. *echinophora novægenæ an Gingidium Dioscoridis* Col?

*Radix* tenuis, alba, subdulcis [esui apta, acris parùm, amariuscule, aromatico odore vel Resinæ] *cauliculus* pedalem aut majorem interdum emittit, lævem striatum, solidum, virentem, in ramos ab imo divisum, partim rectos, partim procumbentes, striatos, hispido purpurascens, geniculatos, multisque alis concavos. *Folia* *Pastinacæ tenuifoliæ*, hirsuta, [Col. lævia, quæ circa caulem latiora & majora primo erumpentibus] Ex singulis alarum geniculis longo & pedali nudo pediculo crassiore ac rectiore insunt *umbellæ* caulem & ramulos terminantes, florum alborum, quorum folia externa aliis duplo majora; quibus succedunt *lappulæ* oblongæ, fulcatæ, hispida. [Umbellæ uniuscujusque basin, unde radii eum constituentes exeunt, circumstant quinque foliola stellata, quorum oræ limbo albo circundantur, eorundemque unicum in longius duplo degenerat. Hæc, antequam flores in umbellam expanduntur, illos veluti folliculo inclusos servant. Umbellæ secundariæ & partiales ex quibus totales componuntur ad radiorum suorum basin seu exoritur habent pariter quinque foliola minora albo limbo terminata stellatim disposita.] Cetera vide apud Fabium Columnam, qui omnes hujus plantæ partes curiosè & exactè describit.

Æstivis mensibus, Junio, Julio, Augusto floret & semen perficit. Inter segetes in Germania passim provenit.

Tempus &





3. *Caucalis magno fructu echinato* Park. *Monspeliaca echinato magno fructu* C. B. *Echinophora alba asperior* ~~maritima~~ Col.

Col.

Asperiora loca hæc amat, macilentia, inculta, saxosa, siccioraque, & à superiore differt radice, quæ minor est, alba, lignosa cum caulescit, sapore & odore aromatico, at dulciore: *Foliis* etiam, quæ breviori petiolo hærent, & è medio illius circa summum densa magis, ut in sylv. *Pastinaca*, parum latiora, & in averfa parte parum in dorso hirsuta. *Caulem* habet partem superiori, lævem, angulosum, solidum, medullâ fungosâ, eodem modo alis divisum; umbellas habentem cauliculis pedibus incumbentes quarum basis non quinque, sed tres foliola limbo etiam candicante circumscripta habet, quæ folliculi vicem gerunt antequam umbella prædeat, & longiora sunt illis alterius plantæ & angustiora, quorum tertium degenerat semper in longius, & in extremo incisuris aliquot dividitur. Ex basi umbella non rotunda & plena, sed tribus tantum corymbis trifida, in tribus petiolis, in quorum cacumine alia tria sunt foliola minora: florum basin conficiencia. *Flores* densi, albi, stellati, & qui circumferentiam umbellæ terminant barbulas habent omnes minores multo antedictis; & non rotundam umbellam magnam, ut in antedicta, sed tres umbellulas ex singulis tribus illis petiolis effigere videntur. Differt hoc etiam, quod etsi *flores* densi & plurimi singulis petiolis insunt, bini tantum fructus ad frugem perveniunt, ita ut sex tantum in tota umbella insint: majores verò antedictis duplo, ovales, compressi, unguis indicis digiti magnitudine, admodum asperi aculeis rigentibus, crassis, pyramidalibus, pungentibus, purpurascensibus, quorum aliqui majores ordine dispositi per latera, lævem canaliculum relinquunt, per quem siccati fructus lateribus se dividentes dehiscunt, & bina semina ostendunt ovalia, compressa, magnitudine Melonis, parum ab una parte cava, & alterâ convexa, acri, amaro & aromatico sapore. In cacumine verò fructuum bina insunt cornicula sive apices recti, minimi.

Junio floret & Julio men se perficitur. *Campoclarentium* incultis.

J. Bauhinus Lappam boariam Plinii *Lugd.* *Caucalidis* flore rubente seu Lappulæ canariæ suæ *la-* Locus & Tempus.  
tifoliz synonymam facit, non hujus cum Casparo fratre, quem Parkinsonus noster sequitur.

- A. 4. *Caucalis tenuifolia flosculis subrubentibus* *Caucalis arvensis echinata parvo flore* C. B. *Lappula Canaria flore minore seu tenuifolia* J. B. *Echinophora setosa purpurea* Col. *Cauc. tenuifolia purpurea* Park.

Col.

*Radice* habet albam, longam, simplicem, tenuem admodum: *Caulem* lignosum, solidum, angulosum & veluti striatum, medullâ albâ, fungosâ farctum, aliquando vix pedalem, aliquando etiam cubito altior, raris pilis hirtum, alis pluribus ab imo & supernè divisum, unde in latitudinem potius diffunditur quàm in altitudinem assurgit; *foliis* per genicula densis, incisuris tenuibus *Dauci* Offic. minoribus, infernè tantum & per costas raris pilis hirsutis: è quorum alis petioli semipedales umbellas trifidas habentes, absque foliis illis basin constituentibus exeunt; sed nudi, tres petioli totidem umbellas gestant purpureas; inter se distantes, *flores* parvos admodum habentes purpuro-rubentes [ex albo purpurascens:] quibus succedunt in singulis petiolis (tres autem umbellam constituent) tres fructus; ut novem qualibet umbella habeat, ique terna folia parva basin conficiencia. *Fructus* hujus majores sunt superioribus, rotundiores, aculeis durioribus, crassioribus, lutescentibus, octo ordinibus per longum dispositis, intra quos breviores & viridiores alii sunt; in cacumine velut stellam habent viridantem. Hi non per latera dividuntur, sed per medium, ut *Feniculi* semina [hæc verba non satis intelligo] & intus semina singula, alba, oblonga, rotunda, ex una parte canaliculata, velut *Triticum* aut *Far*, vel nudum *Hordeum*, cui paria sunt, vel oblongiora, sapore aromatico, amaro & acri.

Junio floret, Julio semina perficiuntur. *Campoclari* iisdem in locis cum superiore invenitur.

*Radix* & folia odore & sapore *Pastinacæ* aromatico.

Hæc planta à Columna descripta à *Caucalide nostra tenuifolia flosculis subrubentibus* in nonnullis differre videtur, ut v. g. florum colore purpuro-rubente; stellato fructus cacumine: loco etiam, [in asperis & incultis saxosis,] cum nostra inter segetes semper invenitur: denique odore & sapore *Pastinacæ* aromatico, cum nostra sapore sit leviter adstringente, odore nullo manifesto. Ut-cunque tamen eandem specie plantam esse existimo, & differentias hæc natalibus imputandas: Observatur in nostra an nulla habet ad exortum trium pediculorum seu radiorum tres umbellas sustentium foliola necne: [nulla habet, ut modò observavimus.]

Nostram *Caucalidem* copiosè crescentem observavimus inter segetes in agro Cantabrigienfi circa *Kingston* & alibi: In transmarinis circa *Genevam* & hanc, & ejus varietatem cum spinulis purpureis, quam describit J. Bauhinus. Locus.

4. *Lappula canaria sive Caulalis maritima* J. B. *Caucalis pumila Hispanica Boelii* Park. *Cane. pumila* Clus. citr. post. *pumila maritima* C. B.

*Radix* huic simplex, alba, longa, paucioribus fibris donata. *Caulis* initio simplex, in plures statim ramos majores spargitur, teretes, striatos, hirsutos. *Folia* *Dauci* vulgaris, tenuia, utrinque pilosa. *Florum* umbellæ longis pediculis insident. *Flores* autem singuli minutissimi, pallidè purpurei, *Semina* grandia, echinata, aculeis seminibus concoloribus.

In arenosis litoris Siciliani passim & copiosè provenit. *Caucalidis* nostræ tenuifoliæ flosculis sub- Locus.  
rubentibus simillima, verum minor, & foliis utrinque hirsutis. Cherlerus *Folia* mollia, villosa, lenteola, *Pectinis* *Veneris* dissectionibus ei ascribit.

A. 5. *Cau-*

- A. 5. *Caucalis arvensis echinata latifolia* C. B. item *Caucalis lato Apii folio* ejusdem, ut videtur. *Lappula Canaria latifolia* sive *Caucalis* J. B. *Caucalis Apii folio* flore rubro Ger. *Echinophora quarta major*  $\pi\lambda\alpha\tau\acute{\iota}\phi\upsilon\lambda\lambda\omicron\varsigma$ , purpurea Col. *Caucalis arvensis latifolia* purpurea Park. item *Caucalis Anglica* flore rubente ejusdem. Item *Caucalis major satur rubente flore* ejusdem & Clus.

Col.

Hujus radix eodem colore, sapore aromatico & effigie est, in adultis lignosa, paucis fibris divisa: *Folia* majora aspera, dura, latiora, quinque vel senis lobis oblongis, Sorbi modo divisa: singuli lobi trium digitorum sunt longitudine, unius latitudine, per ambitum profundis incisuris divisi Quinquefolii majoris modo. *Caulis* bipedalis est, alis divisus, rotundus, striatus ut angulosus videtur, asper albâ hirsutie, umbellas edens, ut in penultima trifidas, sed breviori petiolo & crassiori impositas, basin habentes trifoliam, sed juxta flores pentaphyllam. *Flores* quidem purpurei, quam superiores majores barbulas illas etiam habentes, quibus succedunt fructus quini in singulis petioli, asperi, striati, ut quindecim singulis umbellis insunt, superioribus minores, molliores, viridioribus aculeis. *Semen* verò ut in superiore minus & aromaticum. Eodem modo fructus dividuntur atque perficiuntur, eodemque tempore floret. Campocleri depressioribus locis atque humentibus parum: In agro Cantabrigiensi & alibi inter segetes, sed minus frequens invenitur.

Locus.

Lobelius hanc describere videtur sub titulo *Caucalidis* alterius purpurascens, foliis latioribus & crassioribus, semine etiam majore: Clusius nomine *Caucalidis satur rubente flore*.

De *Caucalide* Matthioli quamvis planta sit non consentiunt Botanici. Fortè figmentum est ex diversarum plantarum partibus compositum. C. Bauhinus *Synonyma* *Caucalidis* confundere videtur.

- A. 6. *Caucalis minor flosculis rubentibus* Ger. emac. *minor flore rubente* Park. *semine aspero, flosculis rubentibus* C. B. *Anthriscus quorundam semine aspero hispido*, J. B. *Hedge Parsley*.

*Caulis* surgit sesquicubitali, hirsuto, aspero, geniculato. *Folia* multis pinnarum conjugationibus composita, circa margines dentata, impari in extremo productiore, obscurè rubentia, hirsuta. In summis caulibus & ramulis umbellæ parvæ florum ex albo rubescentium quibus succedunt semina parva, oblonga, hispida prætereuntium vestibis adhaerentia lapparum modo. Planta est annua.

Locus.

Ad sepes passim observatur, ætate floret.

- A. 7. *Caucalis segetum minor Anthriscus hispido similis. Caulis pumila segetum* Goodyero.

Hæc & antecedens planta, quamvis inter se admodum similes sunt, in nonnullis tamen manifestè differunt. Primò illa procerior est, quippe quæ ad bicubitalem altitudinem non raro accedit, hæc humilior quæ pedem aut certè cubitum unum vix unquam superat. 2. Illa erectior est & internodiis longioribus, hæc tortuosa & sparsa geniculis frequentioribus. 3. Illius caulis præterram hirsutus est quàm hujus. 4. Illius flosculi albi vel etiam dilutè rubentes petalis constant æqualis ferè magnitudinis & stamina continent purpureis apicibus capitata, cùm hujus flosculi ad luteum vergentes petala duo exteriora interioribus manifestò ampliora obtineant, apicibus autem albis staminula donantur. 5. Hujus semina multò ampliora sunt, apiculis in summitate viridibus; illius longè fragrantiora magisque aromatica, coloris obscurioris, apiculis purpureis. Denique illam extra sepes & vepreta haud temere apud nos reperies, hanc in sepibus nunquam, per runque inter segetes.

Locus.

*Caucalis nodosa echinato semine* C. B. Ger. emac. Park. *nodoso echinato semine Anthriscus hispido affinis, si non ejus varietas perperam* J. B. *Knotted Parsley*.

Ex radice oblonga, tenui, alba bini ternive aut plures caules, qui dein in alios dividuntur, rotundi, striati, asperi, in terram plerumq; striati, alii bipalmes aut minores, alii cubitales; quos folia vestiunt Pastinacæ similia, breviora tamen & pauciora, multoque tenuius divisa, aspera, alata, ex virore nigricantia. Ad singula penè internodia foliis ex adverso flosculi exigui, albi conferti, brevissimo pediculo infidentes, velut cauli arcè adhaerent, quibus succedunt semina pluma, parva, echinata, conglobata.

Locus.

Ad agrorum margines & in aggeribus terrenis, maritimis præsertim plurima.

- \* 8. *Caucalis Daucoides Tingitana* Morisoni.

Morif.

Sub primum exitum è terra & antequam excaulescat, ejus folia adeò Dauci seu Carotæ foliorum sunt æmula, ut pro Dauco accipi possit. Caules pedales & bipedales producit; in quorum summis proveniunt flores albi, qui antequam expandantur purpurascunt. Horum singulis delapsis succedunt bina semina, oblonga, compacta, longissimis & tenuissimis aculeis donata.



- A. 9. *Myrrhis sylvestris seminibus asperis* C. B. *sylv. Neapolitana atque etiam Anglicana* Park. *Cereseolum sive Myrrhis nova Equicolum Columnæ* Ger. emac. *Cicutaria quodammodo similis, vel Chærephylla accedens* J. B. *Small Hemlock Cherbil with rough seeds.*

Col.

*Radix* habet albam, oblongam, teneram, in summo crassam, paucis & tenuibus fibris divisam, in summo per obliquum rugosam, vultu facilem, sapore dulci, aromatico, parum gravi, ad Carotam quodammodo accedente. *Folia* prima admodum brevia, & divisura rotundiore veluti Fumariæ; at succedentia post quatuor aut quinque, in bipedalibus petiolis cavis, canaliculatis, in imo latis, succosis admodum, majora, Cicutæ æmula sed minora, lavia, splendida, præsertim infernè, sed nervis & petiolis rarè molliorque lanugine albâ hirsutis, supernè antequam caulem edat maculis albis atque etiam purpuriscentibus aspersa; atque tunc tenella Cerefolii vice legunt eduntque in acetariis, *Cerefolium sylvestre* appellantes, gustu simili, parum amariuscule. *Caulem* edit bicubitalem, Cicutæ æmulum, atque ferè parem in locis terrenis, pollicis magnitudine, (in faxis verò brevem admodum & bipedalem atque tenuem) tenerum, lavem, rotundum, inanem, succosum, esculentum, ad dodrantalia intersticia geniculis distinctum, in quibus folia majora vel maximis ante caulem editis, petiolis hirsutis, amplis, bipedalibus atque etiam longioribus, Cicutæ foliis, nisi minora parum essent, admodum similia. In summo alæ multæ è foliorum sinubus prodeunt; atque hoc à Cicutâ differt, quod umbellæ secus alas palustris Apii ritu hærent, non summis caulibus & ramulis insident, ut in aliis Umbelliferis. *Flores* albi, tennes. *Semina* oblonga, hirsuta, teretia Anisi modo, asperiora, vestibus hærentia, cactumine longo, sapore aromatico acri parum & dulci, amarore quodam mixto non ingrato.

In aggeribus & muris terrenis, interdum & lapideis, locisque ruderatis non rarè occurrit. Floret *Locus & Tempus.*  
& semen fert Maio & Junio, interdum seriùs apud nos in Anglia.

## C A P. XXI.

### De Pastinaca maritima seu

#### Crithmo spinoso.

1. *Crithmum spinosum* Ger. *maritimum spinosum* C. B. *marit. spinosum sive Pastinaca marina* Park. *Pastinaca marina, quibusdam Secacul, & Crithmum spinosum* J. B. *Pickip Dampire or Sea Parsnep.*

J. B.

**P**astinacæ marinæ *radix* crassa, tenera, alba, gustu gratissima, dulcis & rugosa, ut Pastinacæ sativæ latifoliæ. *Folia* crassa, duos ferè palmos longa, spinosa, crebris divisuris incisa, sapore aromatico cum quadam fælugine. *Caulis* cubitalis, in multos divisus ramos, quibus insident umbellæ spinosæ, floribus parvis, albis donatæ. *Semen*, describente Morisone, striatum, majus, binatum junctum, oblongâ thecâ, cartilagineâ, sursum spinosâ obductum habet. Cum nondum capsulam hanc aperuissim (inquit) unico semine constare putavi, sed eadem scissâ, bina semina ibidem latentia, magna, striata inveni. Nos dissectis aliquot hujusmodi thecis unicum duntaxat intus semen invenimus, non tamen negamus naturaliter bina inesse debere.

In arenosis Maris Mediterranei litoribus nusquam non obvium est hoc genus.

Locus.

2. *Daucus stellatus* Alpin. exot. *stellatus Creticus* Park.

Planta est fruticosa, cubitalis longitudinis, magnæque latitudinis, odorata & aromatica, unicaulis, sed propè radicem foliosa. *Folia* verò cum suis caulibus Petroselino quàm proxima apparent (ramuli etiam pariter divisi) Daucum Creticum ferè redolentia, linguamque excalefacientia. Inter quæ exit *Caulis* rectus, rotundus, hinc indè ramificatus, eadem folia ferens: in ramulorum verò cacumine *stipuli* lutei umbellatim ferè producantur, à quibus fiunt *fructus* parvi, oblongi, inferius lati, & habentes quinque spinas, parvas, stellarum modo flavescentes bases fructuum circundantes, à quibus sursum quædam parvæ fibræ, quippe quinque vel sex, velut in conum desinentes procedunt. Fructus hi mirabili profectò artificio à natura elaborati videntur, suntque odorati atque aromatici. *Radix* longa, crassa, carnosa, Petroselini aut Pastinacæ similis, odorata atque aromatica, quæ indigenæ vescuntur & crudâ & coctâ in acetariis: cruda autem esitata maximè facit ad Venerem excitandam augendamque.

Accedere videtur ad Pastinacam marinam, & fortasse non differt à planta præcedente.

3. *Pastinaca echinophora* Apula Col. Park. *sylv. angustifolia fructu echinato* C. B.

Col.

*Radix* habet cubitalem, digiti crassitie, longam, æqualem, Eryngio similem, foris flavicantem, intus albescentem, nervo intus tenui, cortice carnoso, sapore ferè aromatico non ingrato, cum acrimonia quadam & amarore dulci mixto, succosam in minus vetustis. In novellis radicibus adeo

Ss

gratus

gratus est sapor, ut quilibet eis quàm libentissimè vescatur. *Folia* promit vere, in terra strata *Pastinacæ* sativæ tenuifoliæ æmula, non ita ampla, minusculeque lata; divisurâ tenuiore admodum, carnosiora tamen, media inter marinam & terrestrem [plantam] parùm acuta, leniter hirsuta, & ex viridi albicantia propter hirsutiem: *Caulem* crassum, cubitalem, undique foliosum, alarumque copia & densitate singulis geniculis reflexum. Alæ in orbem oblique & resupinæ plantam conglobant, ut rotunda sit plantæ tota effigies atq; coma, ut Libanotidis cachryferæ, atque rotundior. In alis verò foliola minora, minusculeque divisa atque carnosiora, rotundiora, acutiora, asperiora & duriora, *Pastinacæ* litoralis familia, ex quorum sinu aliæ alæ breviores prodeunt, ut densa & orbiculatæ plantæ effigies videatur ob alarum multitudinem oblique se propagantium. In illarum cacumine *floris* in umbellis *Pastinacæ* prædictæ ritu Julio & Augusto mense exeunt, ex basi sex foliolis crassis, acutis [composita] sicut & ipsa umbella pinnatibus; in medio plantæ supra caulem primum, deinde in reliquis alarum cacuminibus à summo [se explicare] incipientes, quare diutius floret. Septembri mense pericarpia remanent aculeata, dura, sex radius divisa, supra quæ totidem apices elevantur densi, qui flores erant prius, *seminque* occultant ovali figurâ, rotundum, oblongum, cortice flavescente, medullam intus pullam ex flavo habens, sapore aromatico. Octobri perficitur, caulisque ab radice primis imbribus siccatus marcescit, atque divellitur, ut locum in quo erat non reperiatur. Vento quidem ita divulsus vagatur per campos, globosâ suâ facie hoc adjuvante.

Locus.

Campestribus, ficcis, sterilibus tophaceis gaudet semitis, viarum marginibus, marginumque fossis *Cirinolæ* in Apulia.

Differt à *Pastinaca* marina vulg. foliorum magnitudine, densitate atque multiplici & tenui admodum divisura, *Pastinacam* magis æmulante; radice majore, suaviore, &c. quantumvis semine similis videatur.

## CAP. XXII.

## De Coriandro.

**Q**uin foliorum viridum contritorum foetor cimum æmulus huic plantæ *coriandri* nomen fecerit, minimè dubium est.

Seminum striatorum figurâ perfectè sphericâ ab aliis omnibus Umbelliferarum generibus distinguitur; siue singuli globuli unicuique flori succedunt, ut in *Coriandro* sativo; siue gemini ut in sylvestri minore. Folis primis seu infimis latis, superioribus tenuiter incisum cum Aniso convenit, & ab aliis Umbelliferis differt.

*Coriandrum* J. B. Ger. *Coriandrum majus* C. B. vulgare Park. *Coriander*.

Recta & simplex tenuisque est *radicula*, omnino paucis fibris donata, candida. *Caulis* simplex, cubitalis aut sesquicubitalis, teres, glaber, medullâ sæctus, nulla intus cavitate, gracilis, ramulosus. *Folia* ima lata, pinnata, & circa margines duntaxat incisa, Anisi aut potius *Petroselini* familia; superiora in caule tenuissimè dissecta, ut ad *Chamæmelina* accedant. Summo cauli & ramulis insident florum *umbellæ* albæ, tantillo rubore tinctæ. *Flosculi* singulares, ut in reliquis Umbelliferis, quinque foliis constant, quorum extimum amplissimum, & ad unguem ferè bifidum, proximum utrinque bifectum quoque, segmento altero amplo, altero minimo; intima duo minima. Singulis flosculis in unica & rotunda striata crusta arcuè juncta bina succedunt *semina*. Odor plantæ foetidus & ingratus cimum; seminis verò tum odor tum sapor gratissimus & aromaticus.

Descriptio est J. Bauhini, à nobis interpolata.

*Coriandrum minus* odorum J. B. Park. *minus testiculatum* C. B. *Coriandrum alterum minus* odorum Ger. emac.

Ima folia habet minutiùs incisa, & *semen* habitus, copiosius, in pluribus spithamæis procumbentibus cauliculis. Præterea insigni notâ à præcedenti specie differt, nimirum seminibus binis, testiculorum in modum simul junctis unicuique flosculo succedentibus. Virentis etiam herbe odor multo magis foetidus & ingratus, autore Morisone, qui hanc speciem à sequenti nimirum *Coriandro* altero foetidissimo C. B. non separat.

E contra Bauhinus uterque hanc ab illam diversam faciunt, utri rectius nos later, quibus plantas ipsas nondum videre contigit. Suspiciamus tamen unam & eandem speciem esse hanc & illam, cum nihil sit in descriptionibus quod repugnet.

*Coriandrum alterum foetidissimum* Park. C. B. *Coriandrum sylvestre* J. B.

*Radix* huic est singularis, tenuis, non altius demissa, cui radicula aliquot tenues adnascuntur. Hæc caules multos edit, quinque angulis constantes, solidos, geniculatos. Ramuli incerto ordine similiter solidi è singulis geniculis prodeunt, folia ferentes summis *Coriandri* sativi foliis similia, sed minora, in quorum cacuminibus *umbellæ* velut in illo, floribus ex purpureo candicantibus refertæ; quibus discussis *semen* oritur rotundum, id peculiare habens, quod in singulis pediculis duplex sit, & unum alteri junctum. Odor totius plantæ gravior quàm *Coriandri* sativi & caput magis tentans. *Coriandrum* frigidum esse scribit Dioscorides, argumento quod Erysipelas curat; quem prolixè refutat Galenus. Galeno refragatur Avicenna, & pro Dioscoridis sententia pugnat. Jam vulgò calidum censetur.

Vires:

De



De Coriandri facultate venenata non convenit inter Botanicos & Medicos. Dioscorides epotum raucitatem facere, atque insaniam qualis ex vinolentia proficiscitur scribit. Simeonis Sethi. Hujus succus potus venenum est & occidit; toto verò corpore Coriandri odor se prodit. Plerique etiam Arabes Coriandro frigidam facultatem, narcoticam, stuporem inducentem atque sensusturbationem excitantem, ac exitium tribuunt. His astipulatur Matthiolus, qui proinde asserit semen in ciborum aut medicamentorum usum nunquam admitti debere, nisi prius triduo aceto fuerit maceratum. Tragus etiam, qui monet seplasiarios, ne semen cuiquam nisi prius dicto modo præparatum, vel cum saccharo vendunt, nisi venenum loco remedii exhibere velint.

His adverstantur Lobelius, & Alpinus, qui asserit herbæ etiam virentis usum in cibo esse apud omnes Ægyptios familiarissimum. Utunque hoc medicamento propter malignam vim, quæ ei à multis dubio procul non absque experientia tribuitur, præsertim non præparato, non temere utendum censet J. Bauhinus. Malignitatem arguit fœtor plantæ digitis comminutæ teterrimus. Et licet Hispani, autore Amato, frequentissimè illâ utuntur & pro Cordiali habent; tamen experientia docuit Monachos in Mesuem propter hunc usum Hispanorum plurimos esse fatuos, ob quorum curam tam frequentia sint Hospitalia: ità (inquit C. Hofm.) in Ægypto esse potest, licet Alpinus non oblerant.

Semen Stomachicum imprimis est, claudit sci. ventriculum, exhalationemque supprimit, quò minus caput gravent, ructusque producant: insuper & strumas discutere creditur.

Porro seminum saccharo incrustatorum magnus apud nos [Germanos] usus est in adjuvanda concoctione ventriculi. Habent enim aliquid adstrictionis, ob quam etiam usurpantur in hæmorrhæsi & ventris fluxibus. Tum autem torrefactum ferè damus, quemadmodum cum lumbricorum interficiendorum causâ. Monendi verò sunt nimis audaces, nè frequentius utantur & sine præparatione. Utut enim semina minimum habent humidi illius excrementitii, habent tamen aliquid.

C. Hofman.

Semen tritum, & recentibus carnibus aspersum prohibet nè putrescant tam citò quàm solent æstivo tempore, si Matthiolo fides.

## SECTIO QUARTA

### De Plantis Umbelliferis foliis simplicibus.

#### CAP. I.

##### De Perfoliata.

**P**ERFOLIATA J. Bauhini judicio tam Dioscoridi, quam aliis Veteribus indicta est. Perfoliatam recentiores ex eo appellant, quòd caulis ejus singula folia pertranseat, penetret atque dissecet. *Διαφυλλων* Græcè dicitur Schwenckfeldio, quod nomen an aliquis ante ipsum legerit nos latet. J. B.

A. 1. *Perfoliata vulgaris* Ger. Park. *vulgatissima sive arvensis* C. B. *Perf. simpliciter dicta, vulgaris annua* J. B. *Chopoto-wax.*

*Radix* simplex, alba, lignosa, adnatis aliquot donata, sapore Rapunculi suavi. *Caulis* singularis tenuis, rigidus, glaber, teres, striatus, concavus, geniculatus, pedalis aut cubitalis, odore nonnihil aromatico cum discinditur rumpiturve nares feriens (inquit J. Bauhinus.) *Folia* ex rotundo oblonga & ferè ovalia, glabra, glauca, nervosa nervulis à centro in circumferentiam folii oblique excurrentibus, margine aequali: quæ caulis perforat, propè summitatem in ramulos aliquot divisus, in quorum summitatibus umbellæ radiis pluribus compositæ, quorum singulis insident umbellæ secundariæ parvæ, foliis majusculis obvallatæ. *Flosculi* singulares parvi, flavicantes, brevibus pediculis fuli. *Semina* singulis succedunt bina, striata, breviuscula, altera parte acutiora, fusca seu pulla per maturitatem.

Nullibi in Anglia quàm inter segetes invenimus.

Perfoliata flore multiplici C. B. Park. i. e. crispa seu muscosa Cam. nihil aliud est quàm prioris varietatis degener, ex ejusdem semine orta.

Inter eas numeratur quibus solidandi ac ferruminandi vis est. Datur decoctum herbæ ex vino præparatum, aut folia in pulverem trita internis affectionibus, ruptis & ex alto delapsis. Ad ramices intestinorum, præsertim puerorum [imprimis autem umbilici. Schrod.] commendatur, sive intrinsecus sumpta, sive extrinsecus cum farina & vino recens tusa & imposita. Strumas etiam hoc modo adhibita resolvit. Ad fracturas etiam, hernias, & erysipelata magni usus esse perhibet Schwenckfeldius.

Exomphalon seu Umbilici prominentiam usu seq. remedii solidè consolidavi (inquit Simon Paulus.)

Herbæ Perfoliatæ cum toto M. i. Auriculæ muris, Herniariz, Plantaginis, Musci, Acaciæ nostratiana Mlg. quæ in sufficienti quantitate Vini rubri l. a. cocta loco affecto applicabatur. Ex excerpto D. Hulse.

J. Bauhinus *Perfoliatæ* species recensens. secundo in loco meminit cujusdam quam crispam seu muscolam vocat: Verum in Historia edita non describitur.

- \* 2. *Perfoliata annua longioribus foliis* J. B. *minor ramis inflexis* C. B. Park.

J. B.

Annua huic vita, ut vulgari. *Caules* non surrigit, sed per humum sparsos edit, ramosos, cubitales, crebris ceu geniculis interceptos: *Folia* transadigentes, quæ vulgari longiora, modicè acuminata, quinque septenisve per longum excurrentibus venis donata, quæ tamen à montana foliorum longitudine vincuntur. *Flores* in summorum foliorum acerbulis sessiles, lutei, Auriculæ leporis similes. *Radix* tenuis, gracilis, multis adnatis divisa.

Locus.

Hanc J. Bauhinus in horto Stutgardiano E. C. visam descripsit.

- \* 3. *Perfoliata Alpina magna longifolia* J. B. *montana latifolia* Park. C. B. *An Perfoliata Alpina angustifolia media* C. B.?

J. B.

Major, majoribusque foliis donata est Alpina *Perfoliata*, iis verò oblongis, palmaribus & amplioribus, ad *Perfoliatæ* siliquosæ folia accedentibus, quæ nec aliter caules trajicit, pinnarum duntaxat alis caulem complexa, verum superiora folia propius ad *Perfoliatæ* vulgaris accedunt, ex oblongo nonnihil rotunda. *Flos* parvus, luteus, foliis rotundis obvallatus. *Semen* oblongum, striatum, majus quàm *Perfoliatæ* vulgaris. *Radices* crassæ, perennes.

Dubitat C. Bauhinus an hæc eadem sit *Perfoliatæ angustifoliæ Alpine mediæ* titulo sibi in Prodomo descriptæ: quod nos libenter credimus, cum tot inveniri *Perfoliatæ* species quot ille proponit minimè verisimile videatur.

4. *Perfoliatum angustifolium montanum* Col. *Perfoliata minor angustifolia Bupleuri folio* C. B. *Perfoliata angustifolia Alpina minima* Park. *Auriculæ leporis affinis Odontitis lutea Valerandi & Delechampi* J. B.

Col.

Inter vepres in collibus Campoclarensum plantula hæc invenitur, radice tenui, pusilla, singulari, lignosa; ex qua folia angusta, oblonga, triuncialia, lævia, duriuscula, per longum nervosa, Bupleuri angustifolii modo, colore atrovirentia in pinguioribus, & pallentia in siccoribus & sterilibus locis, & molliora, bina ex opposito, uno versu ferè disposita in imo caule, qui singularis, ferè dracentalis, tenuis ut festuca, angulosus, paucis deinde foliolis alternatim hærentibus, in summo habens velut umbellam foliaceam, *Perfoliatæ* vulgaris modo. Hujus umbellæ basis quinque foliis stellatæ modo radiantibus constituitur oblongis in acutum desinentibus, Myrti effigie, parvis, pallidis, cartilagineis, inter quæ veluti Corymbi ex parvis petiolis brevibusque prodeunt quinque aut pauciores, flores habentes luteos, pusillos, coarctatos, basin etiam stellatam, quinquepartitam; angustifoliam, minorem prima, *Perfoliatæ* vulgaris ritu habentes, quæ seminibus se perficientibus pericarpium modo illa concludit, ut etiam in *Perfoliata* observatur. *Semina* bina Ammeos Apuli magnitudine, ex nigro rubentia, parva, dura, translucida, sapore parum aromatico, sicuti etiam & radix magis, quamvis admodum tenuis sit. Folia verò & caulis amaro sapore sunt atque etiam semen. Junio floret & perficitur.

Locus.

In agris quibusdam Siciliæ sterilibus propè Puncto Cerciolo, non longè à Castello Patella copiosam invenimus. Vere copiosè reperitur in colle Ferran ultra pontem Castri novi, & in ficis & squallidis locis la Colombiere propè Monspelium. Botan. Monsp.

5. *Perfoliata minor foliis gramineis* J. B. *Alpina angustifolia minima, vel Bupleurum angustifolium Pyrenaicum* C. B. Park.

J. B.

Crassiusculam habet radicem, & terram versùs comosam, ex qua caules pullulant plures, palmares, pedales & cubitales, teretes, striati; per quos folia acuta, basi latiore caulem complexa, unciam unam & alteram longa, semunciam circiter lata, alia verò graminea palmo etiam longiora, culmum lata. Umbellæ inæqualibus constant muscariis flosculorum luteorum, foliorum rotundorum vallo munitorum.

Locus.

In summis montibus max. Carthusianorum cœnobio imminentibus hanc collegimus.

Huic plantæ C. Bauhinus radicem tenuem, rufescentem & serpentem attribuit: Ad Bupleurum potius referenda videtur quàm ad *Perfoliatam*.

Præter superius descriptas *Perfoliatæ* species, alias multas proponit & describit C. Bauhinus in Prodomo, quas omnes specie distinctas esse à descriptis, & inter se, ut credamus ægrè à nobis impetramus: utcunque tamen nè incredulitas nostra Lectori Philobotano fraudi sit, eas huc transcribere non gravabimur.

- \* 6. *Perfoliata Alpina latifolia minor* C. B. Prod. Park.

C. B.

Radice est unicâ, rufescente, paucissimis fibris capillatâ: Caulis ejus, gracilis, teres, glaber, cævis, cubito altior, in ramulos quasi in umbella dispositos distribuitur, quem folia glabra, venosa, sesquiunciam lata, Vaccariæ foliis similia, basi latâ medium amplectuntur: In cauliculis fastigiis umbellæ,



*bellæ*, una cum foliis exiguis, *flores* tenuibus, subluteis, quibus *semen* oblongiusculum, nigricans, angulosum succedit. In Helvetiorum Alpibus reperitur.

Locus.

7. *Perfoliata Alpina angustifolia major* C. B. Prod. Park. *sive folio anguloso.*

C. B.

*Radix* habet unicam, oblongam, rotundam, crassam, nigricante cortice tectam, minime capillatam; ex qua prodeunt *folia* plura, pallide virentia, glabra, pedem longa, unciam vel fescuniam lata, longis pediculis donata. At *folia* caulem amplectentia angulosa sunt & acuminata, raris bina, hederæ modo angulosa, ex opposito sita. *Caulis* rotundus est, glaber, cavus, sesquicubitalis, quasi foliorum basin penetrans, cujus summo quina *folia* lata, in orbem disposita insident, eo modo quo in Tithymalo, unde pediculi senj, septeni longitudine impares prodeunt, quibus una cum foliis parvis, rotundis *flores* parvi, ex luteo rufescentes insident.

In Pyrenæis non longè Narbona oritur.

Locus.

8. *Perfoliata Alpina angustifolia media* C. B.

C. B.

A præcedente sola magnitudine & foliorum angustia differt. E monte Gothardo habuit. Pro *Perfoliata longifolia* Dalechampii in Hist. Lugd. picta videtur. At *Perfoliata longif.* Dal. est *Perfoliata Alpina major longifolia* J. B. eademque *Perfoliata montana latifolia* ipsius C. B. ex opinione Parkinsonii, ipsius C. Bauhini atque etiam nostra. Vereor nè C. Bauhinus ex una planta duas, tresve fecerit.

9. *Perfoliata Alpina angustifolia minor* C. B. Park.

*Radix* est rufescente, ad quam *folia* multa, atrovirentia, graminea, semipalmaria. *Caulis* habet unum, aliquando geminum, pedalem, rotundum, glabrum, quem *folia* pauca, acuminata, basi sua latiore ambiunt, in cujus summitate veluti umbella, ut in vulgari *Perfoliata* ex qua ramuli emergunt *flores* rufescentes cum seminibus sustinentes.

Ex Sumano monte & Vallesianorum Alpibus habuit.

Locus.

10. *Perfoliata Alpina gramineo folio, sive Bupleuron angustifolium Alpinum* C. B. *Bupleuron angustifolium Alpinum* Park. *Sedum petreum Bupleuron Bupleuri folio*, [flore verius] Pona in Baldo. Ger. emac.

Pona.

Est illi unica *radix* crassa, teres, sine fibris, sed quibusdam quasi tuberculis hinc inde erumpentibus, crasso cortice obvoluta, intus pallida, extra in rubore nigricans, ad summum cubitalis, superne parvula (ut in Geranio nostro Alpino) *Folia* angustifolia Bupleuri omnino similia, ex protuberantibus illis partitionibus copiose emanantia, & in circuitum sese expandentia: *flores* autem ex septem foliis aliquantulum mucronatis, in luteo pallescentibus profert, in summitate *caulis* teretis nudi, & dodrantalis, in quorum medio *semina* Umbellæ modo graviter spirantia existunt, atque hæc ut in eodem Bupleuro: gustu refert Cinaræ saporem.

Floret Idibus Julii; & Idibus Augusti colligitur semen.

Florum foliola quæ vocat sunt potius *folia Umbellarum partialium bases cingentia.*

Tempus.

## CAP. II.

## De Bupleuro sive Auricula leporis:

**A**uricula leporis à foliorum similitudine dicta herba à Botanicis nonnullis Antiquorum Bupleurum existimatur, an rectè non disputabimus: quin sive rectè sive secius, quod usurpavit nomen per me licet retineat.

1. *Bupleuron folio subrotundo sive vulgatissimum* C. B. *Auricula leporis Umbellæ luteæ* J. B. At *Bupleuron angustifolium* Park? The most common broad or round-leaved *Bupleuron*.

J. B.

*Radix* ei parva, rugosa, subviridis, fibrata, sapore acri: *caulis* tenuis, teres, lævis, striatus, crebris geniculis donatus, intus inanis, altitudine cubiti unius aut duorum, ramis multis concavus, colore subrubente interdum, aliàs viridi: *folia* præsertim quæ in caulibus existunt, longiuscula, striata, nervis secundum longitudinem pluribus donata; inferiora autem latiora sunt. *Flores* Foeniculi lutei, in Umbella minus patulâ: quibus *semen* succedit Petroselinî, acre.

In Germaniæ & Italiæ montosis, ad sæpes & in dumetis copiosè provenit.

Locus.

Parkinsonus & Gerardus vel hanc speciem omittunt, vel Bupleuron angustifolium perperam appellant. Figura tamen Dodonæi quæ habetur apud Gerardum est alterius plantæ, nempe *Bupleuri angustifolia* nobis dicti; cui etiam descriptio Dodonæi non ineptè convenit. Errat ergo C. Bauhinus

nas qui *Bupleuron angustifolium* Dod. & *Auriculam leporis* Monspelienfium *Gefm. Hift. Anni* Bupleuri vulgariffimi folio fubrotundo, fynonyma facit. Hunc fequitur Parkinsonus, adeoque duas plantas confundit, ut ex defcriptione patet.

2. *Bupleuron folio rigido* C. B. *latifolium Monspelienfe* Ger. *latifolium* Park. *Auricula leporis altera, fere rigidior* J. B. *Stiff-leaved Hares-ear*.

J. B.

Differentia in folio eft, quod non tantum majus, fed etiam craffius, rigidius, nervofius, modice in acumen definens, introque flexis oris concavam carinam, feu potius Leporinam furrectam auriculam referentis.

Locus.

In fylvis & dumetis propè Monspelium frequens cernitur. Julio & Augufto menfibus floret.

3. *Bupleuron minus angustifolium* Monspelienfe. An *angustifolium Monspelienfe* Ger. & B. *angustum angustifolium* Botan. Monfp. *angustifolium* Dod. *Narrow-leaved Hares-ear*.

Hoc an à quoquam defcriptum fit nescio. *Auriculā leporis minimā* J. B. majus eft & elatius, cubitali altitudine; caulibus teretibus, majoribus & firmioribus quàm illius, non ftatim ab imo ramosus, fed aliquotusque foliis duntaxat veltitus, alternatim pofitis, duas aut tres uncias longis, anguftis, acutis. Superiore caulium parte ramulū & foliorum alis exeunt, ipfi in turculos prænues fubdivifi, qui fofculos & femina eis fuccedentia in fummo gerant. Sunt autem *Umbellæ* (fi ita appellare licet) minimæ, duobus tribusve fofculis compofitæ, ad quarum bafin quatuor [forte quinq] foliola tenuiffima & breviffima. *Semina* fingulis fofculis fubfunt pro more bina juncta, Apii ferè magnitudine & colore. Ad exortus ramulorum fingulos unum duntaxat folium appofitum obfervavi, non bina ut in *Auricula leporis minimā* à qua hæc fpecie omnino diftincta eft planta; nam & illa etiam non minùs quàm hæc, imò copiofius circa Monspelium provenit.

Hæc ex ficca, nam virentem defcribere negleximus, quia tum ab aliis ante nos defcriptam putavimus. *Bupleuri angustifolii* iconi apud Dodonæum plantam nobis defcriptam optimè repræfentat; defcriptio etiam bene convenit, unde minùs rectè C. B. *Bupleurum anguftif.* Dod. *Bupl. folio fubrotundo* vulgariff. fynonymum facit.

- A. 4. *Auricula Leporis minimæ* J. B. *The leaf Hares-ear*. An *Bupleuron minimum* Col. Park? *angustiffimo folio* C. B?

*Radicem* habet fimplicem, candidam, duram, lignofam, fibris aliquot exiguis præditam. *Cauliculum* furrigit fæpius unicum, interdum plures, gracilem, teretem, rigidum, ramosum ab imo ftatim ad fumum ufque. Rami longi, rigidi, in alios iterum ramulos divifi, alternatim pofiti, propè fundum imā caulis parte crebri, feu ad breviora intervalla, fuperius rarius feu ad intervalla longiora fiti funt. *Folia* angufta, oblonga, craffiuscula, colore glaucò, duriuscula, & Caryophylli foliorum quodammodo æmula, fed minora pro plantæ modo & breviora, ad fingulos ramorum exortus feu genicula bina, alterum longius & majus, alterum brevius & minus.

*Fofculi* & femina in fummitatibus caulis & ramorum confiftunt, quatuor aut quinque fimul, quandam quafi *Umbellam* efficientes, quæ ad radiorum fuorum exortum quinque femper longis anguftis & acutis foliolis cingitur, quæ calicem quandam repræfentant: Inferiorum *Umbellarum* radii nonnulli altius affurgentes, alias fubinde fecundarias in fummo gerunt *Umbellæ*, ad modum ferè *Herbæ Impiæ* dictæ, aut florum proliferorum. Flores lutei *Umbellatarum* fimiles femibus infident binis pariter junctis, ftriatis, brevibus, Apii.

Locus.

Varis in locis hanc obfervavi, v. g. propè *Huntington* oppidum, viâ quæ *Stilton* ducit, in femine Septembris initio: *Camaloduni* *Effexiæ* in paluſtribus fecus fluvium copioſe, florentem Auguſti *Calendis*, propè oppidum *S. Neotis* non longè ab *Elleſley* pago, juxta viam publicam: circa *Hafings* oppidum in *Suffexia* ad litus maris: in tranſmarinis etiam propè *Basileam*, & circa *Monspelium* copioſe. Circa medium Auguſti plerunque floret & ſemen brevi perficit. Annua eſt planta & quotannis ex deciduo ſemine ſe renovat. Defcriptio Bupleuri tertii minimi *F. Columnæ* plantæ huic in plerisque reſpondet. Verùm tum longitudo foliorum triuncialis, tum eorundem mollicies diverſam ſpeciem arguunt.

Quin folia intus cava facit veluti Cyperi: quæ nota an huic aut præcedenti plantæ conveniat non recordamur.

### C A P. III.

#### De *Aſtrantia nigra*.

**A**ſtrantia & Aſterantia corrupta vox eſſe videtur ab Aſteritio vel Aſtritio, Aſteritium autem ab Oſteritio ſeu Oſtrutio, quod à Struthio.



1. *Astrantia nigra* Lob. *Helleborus niger Saniculæ folio major* C. B. Park. *Sanicula femina quibusdam, alius Elleborus niger* J. B. *Astrantia nigra, sive Veratrum nigrum* Ger. Black Mustertwort.

J. B. Cubitoni altos majoresque promit caules, teretes, striatos, qui mansi saporem exhibent Imperatorie: folia Pentaphylli modo quinquepartita, singulis segmentis serratis, Imperatorie foliis superiora, rugosa, supernè atrovirentia, infernè ex virore in luteum toridentia. Flores singuli aliquot Saniculæ longè majores, ex multis glomeratis flosculis virescentibus pentapetalis, quos folia obvallant multa, striata, ex albo virescentia, paucâ admixtâ purpurâ. Succedunt flosculis singulis pro more umbellatorum femina bina juncta, oblonga, altera facie plana, alterâ gibba & canaliculata, colore cinereo. Radix multum fibrosa, Hellebori modo, atra.

In sylvis quibusdam non longè à Monachio Bavarie Metropoli, necnon in Salevæ pratis montosis, urbi Genevæ vicinis, itemque in Jura monte & alibi observavimus.

2. *Helleborus niger Saniculæ folio minor* C. B. prod. Park. *Astrantia nigra minor*.

Radices nigrae subsunt, & ab uno exiguo capitulo fibrae quamplures tenues descendunt. Folia quæ oblongis pediculis donata, subrotunda sunt, unguem pollicis lata, in septem lacinias breves & angustas ad umbilicum usque divisa, per margines crenata, in caule verò brevissimis pedicellis tenuissime filia; inter quæ cauliculi bini, ternive tenuissimi palmares & glabri exurgunt, uno alterove folio vestiti: aliquando in summo pedicelli ad latera prodeunt, qui flosculos complures simul factos, candidos, quasi in muscario junctos sustinent. In summâ Astrantiam nigram Lob. per omnia refert, folique magnitudine differt.

Hic in Alpibus solum reperitur.

Plantam hanc, culturâ tamen multo majorem factam, in horto Nob. Viri D. Caroli Hutton Londini vidi; quæ quidem magnitudine sola à vulgari Astrantia differre videbatur. Verum quam ego in summis Alpium Max. Carthusianorum Coenobio imminutum jugis observavi alius præter magnitudinem accidentibus ab ea differebat. Folia enim longis pediculis insidentia, non in quinque aut septem tantum lacinias sed in novem non raro, easque non breves, sed longas; angustas, acutas, ad margines profunde dentatas, ad pediculum usque divisa sunt; nec prope pediculum sibi invicem approximantes: aut arcte junctas, sed aliquantulum remotas, ut in Pentaphyllo. Caules tenues, glabri, bipalmes unico folio tenuissime secto absque pediculo adherente, ubi in duos treve pediculos flosculorum Umbellulas glomeratas sustinentes dividuntur. Ad basin Umbellarum folia striata eam obvallantia, quæ in superiore cernuntur, minora tamen & angustiora. Hanc Paulus Boccone titulo *Hellebori minimi Alpini, Astrantie flore* describit & depingit, aut saltem huic congenerem: nam folia suæ plantæ (in exortum etiam) in quinque tantum partes divisa ascribit: & icon folia Umbellarum bases cingentia nihilò breviora aut angustiora pro plantæ magnitudine representat, quàm sunt in Astrantia nigra vulgari majore: utcumque tamen foliorum lacinia longitudine sua, angustia, serraturis, situ, adeo exactè referunt nostræ lacinias, ut non dubitem eandem esse. Esto ergo hæc nostra.

Locus.

3. *Astrantia nigra Alpina minima. Helleborus minimus Alpinus Astrantie flore* P. Boccone.

Fuchsius Saniculam suam fœminam tam viribus quàm formâ ad veram Saniculam proximè accedere scribit: Dodonæus Veratrum nigro Dioscoridis forma & viribus respondere. De viribus cum illo sentimus. Nam humores melancholicos purgare testes habet medicos quosdam Germanos eâ feliciter usos. Gesnerus etiam hanc herbam vim per alvum purgandi, Helleboro albo ferè similem, sed tamen mitiorem obtinere primum se expertum refert. Quo confirmatur sententia Dodonæi.

Fabrizius Hildanus ad curationem scirrhi lienis in Apozemate præscribit Saniculam fœminam Fuchsi.

#### C A P. IV.

A. *Sanicula sive Diapensia* Ger. vulgaris, sive *Diapensia* Park. *San. Officinarum* C. B. *San. ma Fuchsi sive Diapensia* J. B. *Sanicle*.

J. B. **C** Oncinna sunt Saniculæ folia, quæ à radice adstringente, amarâ & fervidâ, foris nigra, intus albâ, fibrosa exeunt, cum splendore virentia, rigidula, ferè rotunda, quinquepartita, singulis segmentis subdivisis, quorum omnium pulchræ crenæ. Caulis cubitalis, enodis, levis, uno tamen interdum, vel altero folio cinctus, in fastigio flores velut in Umbellam dispositos sustinet: è summo namque caule quatuor vel quinque vel etiam plures radii exeunt, quorum qui medius est non amplius dividitur, reliqui qui eum circumstant tripartiti sunt, gestantque plures flosculos in globulum congestos. Flosculi autem singuli quinquefolii sunt, albi aut dilutè admodum rubentes. Singulos flores bina excipiunt femina, lappulata, simul juncta ut in Umbellatis.

In sylvis & sepibus passim, floret sub finem Maii.

Locus.

Sanicula

Vires.

Sanicula à mira sanandi vi nomen traxit: Vulneraria enim est è præcipuis; unde Gallis in adagium venit vulgò jactatum, eos non indigere Chirurgo qui Saniculam & Bugulum habuerint.

*Qui ha du Bugle & du Sanicle  
Fait aux Chirurgiens la nicle.*

Gustù id indicante astringit simul & amara est. Vulnerariis potionibus incoquitur. Internis & externis vulneribus, sanguinis eruptionibus, ulceribus, dysenteris, ruptis & vulsis auxiliatur decocta, pota & imposita, ut breviter Lobelius, summam vires ejus & usus recensens.

Umbilici eminentia & crassities in pueris innumeris ferè curata est Cataplasma. ex Sanicula in vino cocta, Umbilico apposita cum ligatura strictiore: Rad. Consolida majoris contusa dorso è regione Umbilici admotà.

## CAP. V.

## De Sefeli Æthiopico.

*Sefeli Æthiopicum frutex* Ger. Park. *Æthiopicum Salicis folio* C.B. *Æthiopicum fruticosum*, folio Periclymeni J. B. *Shrub Hartwort of Ethiopia.*

J. B.

**R** Amis aliquot cubitalibus & altioribus fruticat, rigidis, lignosis, nigricante cortice intectis, in multos ramulos diductis. *Folia* per ramos sublonga Periclymeni, angustiora, leviter acuminata, breviora quàm Laureolæ, glabra, sapore & odore Juglandis, sed multò miore graviorèque. *Umbella* pulchræ, fœniculaceæ; *semen*, delapsis flavescentibus floribus gerunt oblongum, canaliculatum, magnitudine seminum Fœniculi.

Locus.

In rupibus oppido S. Chamas in Gallo-provincia vicinis observavimus. Lobelius ad Cetimontis radices, quæ in lacum vergit uberi proventu fruticare scribit, quod & D. Magnol confirmat. Augusto mense floret.

Semen Massiliensi Sefeli multò acrius est & odoratius, unde Lobelius eximiarum virium esse credit, ideòque ad Theriacam efficacius.


HISTO-



# HISTORIÆ PLANTARUM LIBER DECIMUS.

QUI EST

De Herbis Stellatis & Asperifoliis dictis.

 EC duo genera uno & eodem libro complectimur, non ob cognationem aliquam aut similitudinem quam habent inter se; sed quod earum neutra ob paucitatem specierum quas sub se continet integro Libro molem & corporaturam idoneam contribuere possit.

## PARS PRIMA.

*De Herbis stellatis.*

**S**TELLATÆ dicuntur hoc genus herbæ, quia folia caules stellæ radiantis in modum ambiunt. Floribus sunt monopetalis, verum in quatuor segmenta, totidem folia imitantia partitis; singulis autem flosculis in plerisque speciebus bina naturaliter succedunt semina.

### *Herbarum stellatarum* TABULA.

**H**erbæ Stellatæ dictæ, quia folia caules per intervalla ad nodos stellæ radiantis in modum ambiunt, floribus sunt monopetalis quidem sed quadripartitis, eorumque singulis bina in plerisque speciebus succedunt semina. Hæ vel sunt floribus

*Per caules magis sparsis, foliis ad singula genicula*

*Quaternis, floribus & seminibus*

*In summis caulibus & ramulis: RUBIA erecta quadrifolia.*

*Caulis ad genicula verticillatim ambientibus, flore*

*Albo, folio lato glabro; RUBIA levis Taurinensium.*

*Luteo, foliis hirsutis in aliis speciebus, in aliis etiam glabris: CRUCIATA.*

*Pluribus quatuor, radice*

*Rubra, cujus in vulgari & majori specie usus est ad tingendum, flores ex luteo herbidi:*

*RUBIA tinctorum.*

*Alba, vel fusca, foliis*

*Mollibus, & glabris, floribus*

*Albis; MOLLUGO.*

*Luteis; succo acido, ad lac coagulandum utilis; GALLIUM luteum.*

*Asperis & vestibus adhaerentibus, floribus pallidis: APARINE.*

In summis caulibus Umbellatim dispositis ;

{ Major, foliis latioribus ; ASPERULA, cujus duæ species habentur altera flore candido, altera  
flore coeruleo.  
{ Minor, flosculis rubentibus ; RUBIA cymachica.

Spicata,

{ Quadrifolia, maritima ; RUBIA maritima.  
{ Pluribus ad singula genicula foliis, longioribus, angustioribus, mediterranea ; RUBIA Cretica  
spicata.

## CAP. I.

De Rubiis quadrifoliis floribus in summis caulibus.

## A. 1. Rubia erecta quadrifolia J. B.

**C**aulis hujus non planè cubitales sunt, firmi, quadranguli, in ramos divaricati: Folia quater-  
na Rubiæ minoris, solida & dura, geniculis circumposita. In ramorum cacumine flori  
copiosi, albi, jucundi odoris.

Locus.

Circa Orton pagum in Westmorlandia, lacum Winander-mere dictum, & alibi in Septentrionali-  
bus montosis Angliæ nascitur.

In transmarinis etiam circa Genevam, in Rhætia, & alibi observavimus.

## 2. Rubia quadrifolia rotunda lævis Park. J. B. C. B. prod. quadrifolia vel rotundifolia lævis C. B.

C. B. prod.

Ex radice capillacea rufescente cauliculi ténues, quadrati, geniculati, palmo altiores, quorum  
liqui in ramos brachiat, exurgunt. Ad singula genicula folia quatuor rotunda, nervola, tantillum  
aspera in orbem disponuntur. Extremis cauliculorum flosculi albi, quadrifolii pedicellis capillacis  
insident, quibus capitulum parvum geminum, asperiusculum succedit.

In montibus Helvetiorum, ut Gothardo & ad Eremitanos provenit.

## \* 3. Rubia pratensis lævis acuto folio Park. J. B. C. B.

C. B.

Locus.

Caulis cubitalis, lævis, quadratus, rufescens, geniculatus, cavus & communiter unus exurgit, ex  
cujus nodis ramuli semipalmares prodeunt, quorum summis flosculi plures quadrifolii, pallidi insi-  
dent. Folia lævia, quaterna, uncialia, in acumen abeuntia ad quemlibet nodum disposita sunt.

Hæc apud Valfefianos in pratis ad thermas Lucenses nata.

## \* 4. Rubia quadrifolia semine duplici hispido J. B.

J. B.

Coliculos habet dodrante minores, multos ex tenuibus, reptantibus, inutilibus radiculis surgentes,  
quadratos, foliis quaternis circum nodos decussatim positis, ad Alfinem vulgarem accedentibus,  
quàm præcedentis minoribus, subrotundis, unciâ minoribus, venosis, nonnihil pilosis, cum dulce-  
dine quadam amaricantibus ornatos. Cauliculi scapus in ramos binos, hi rursum in ternos foliis  
viduos subdividuntur: in quorum summitatibus semina bina, hispida, multò minora quàm Asperu-  
la, nigricantia.

Locus.

Nusquam quàm in monte Rosberg propè Masconium (Maszmünster Germani vocant) observa-  
vit J. Bauhinus mensè Octobri inter saxa, locis umbrosis & frigidis.

## \* 5. Rubia semine duplici hispido, latis &amp; hirsutis foliis, Bocconi.

Sola foliorum hirsutie & magnitudine à præcedente Rubia differt.

Locus.

In Illva sylva vidit & collegit Paulus Boccone.



## CAP. II.

## De Rubia quadrifolia floribus verticillatis albis.

*Rubia quadrifolia Italica hirsuta* J. B. *quadrifolia vel latifolia levis* C. B. *levis Taurinensium* Park. *Cruciata levis* Ger. emac.

**P** <sup>J. B.</sup> Ultera est hæc Rubiæ species, *caulibus* cubitalibus & majoribus, quorum geniculis quaterna decussatim folia circumposita, formâ Plantagineâ, nervolâ, acuminata, mollia, subhirsuta, duas ferè uncias longa, unciam circiter lata. Flores nodis verticillatim circumnascuntur, circa basin decussatis foliis suffulti, candidi.

In collibus Pedemontanis circa Taurinum & alibi in Italia.

Locus.

## CAP. III.

## De Rubiis quadrifoliis floribus verticillatis luteis; seu de Cruciata.

**A.** 1. *Cruciata* Ger. *vulgaris* Park. *hirsuta* C. B. *Gallium latifolium*, *Cruciata* quibusdam flore luteo J. B. *Cross wort* or *Mugweed*.

**R** Hæc compluribus fibris sublateis, è geniculis emissis capillatâ reptat. *Caulis* profert plures pedales interdum & longiores, quadratos, hirsutos, tenues, infirmos, crebris geniculis interceptos; ad quorum singulos folia quaterna, stellatim disposita, hirsuta, ut in hoc genere lata, mucrone obtuso, abique pediculis cauli adnata. Flores ex alis foliorum egrediuntur verticillatim, non tamen, si curiosè observes, è foliorum omnium sinibus, egredi advertes, sed ex oppositorum duorum tantum: tres ferè ex uniuscujusque folii sinu furculos pluribus flosculis minutis, tetrapetalis, flavis onustos. Singulis flosculis semina succedunt bina.

Ad sepes & in Dumetis.

Siccit & atringit. Vulneraria est è præcipuis, tum internè sumpta, tum externè adhibita. Valer & ad ramices in vino pota. Expectorat quoque viscidos humores, autore Camerario.

Locus.  
Vires.

2. *Cruciata nova Romana, minima muralis* Col. *Rubia quadrifolia verticillato semine* J. B. *R. echinata saxatilis* Park. *Rubeola echinata saxatilis* C. B. *Cruciata minima muralis* Park.

Col.

*Viticulus* plures habet ab radice tenui, cannabini fili crassitie, pallente [nigricante J. B.] multis capillamentis tenuissimis divisa, quadratos, circa radicem tenuiores, postea crassiores, aliquando rubentes, rigidulos, repandos humique sparfos, in extremo hirsutos, crebris geniculis distinctos, ad quæ foliola quaterna, exigua, rotunda in crucis formam disposita nullis pediculis adhærescunt: ex quorum sinu flosculi apiculorum modo ex viridi pallentes, etiam quaterni, tribus botribus singuli constructi emicant, quorum imus in florem se pandit, quaternis pulillis foliolis ut vix distingui possit, etiam cum staminibus internis. Quibus fructus succrescunt, primùm hirsuti, curvi, florem in imo demittentes, & perfecti deinde velut flores galericulati videntur, & duriores cum ficare incipiunt velut echinati conspiciuntur, sed non pungunt, quanquam asperi tactu videantur. Caput quatuor aculeis divisum, barbulas five brachia utrinque etiam in aculeos desinentia, in medio pectus etiam aculeatum, subtus ventrem habentes extuberantem, in quo semen luteum rotundum parvum, Panici modo. Ab imo florere incipit, & fructus habere in singulis geniculis & foliorum interstitiis.

Maii initio florere & fructus Junio perficiuntur. Sapor amarus atque acerbus ingratus.

In arenosis juxta mare propè Liburnum portum & alibi in Italia provenit. In asperis & saxosis propè Nemausum collegit Cherlerus.

Tempus &  
Locus.

\* 3. *Rubia quadrifolia glabra angustifolia* J. B.

<sup>J. B.</sup> Hæc quàm vulgaris *Cruciata* gracilior & delicatior esse videtur, foliorum cæteroqui ordine & positu haud abfimilis; verùm angustiora sunt acutioraque, glabra omnino dicerentur, nisi per ambitum tantùm exigua quadam hirsutie fimbriata essent. Cauliculi toti glabri sunt.

Propè Paraviium in Italia collectum ad J. Bauhinum delatum est.

Locus.

\* 4. *Gallium latifolium glabrum* C. B. J. B. *rectius Cruciata glabra. Cruciata minor lutea* Park.

C. B. prod.

*Radice* est tenui, repente, geniculata: *cauliculis* tenellis, quadrangulis, geniculatis, palmo minoribus: foliis è singulis internodiis quaternis, decussatis, glabris, instar Plantaginis nervosis, pallidè viridibus & fescuncialibus. Flores habet parvos, cauliculos verticillatim coronæ modo ambientes, lutos, brevibus pediculis donatos.

Circa Bononiam inter sentes tota æstate reperitur.

\* 5. Ru- Locus.

\* 5. *Rubia argentea* Cretica Alpin. exot. Park. *Cruciata argentea*.

Alpin.

E radice parva, longa, tenui, exili multos furculos rectos, graciles, semidodrantalis altitudinis producit, foliis *Rubiae sylvestris*, mollibus, parvis, oblongis, argenteis, lenibus, simul ab eodem exortu quatuor ex opposito, aequalibus intervallis dense stellarum modo furculos convestientibus. Inter quæ *Clinopodii* Cretici modo pauci, exilisque *flosculi* flavescentes cernuntur. Tota planta est inodora, gustu adstringens.

C A P. IV.

De *Rubia tinctorum* seu *Erythrodano*.

**R**ubia Latinis, Græcis *Ἐρυθρόδανον* à rubro radicis colore dicta est. Quæcunque ergo in hoc genere rubro radicis colore sunt Rubias appellandas duximus.

1. *Rubia tinctorum* Ger. *saiva* J. B. *major saiva* sive *bortensis* Park. *tinctorum saiva* C. B. *Wadder*.

J. B.

*Sarmenta* longa producit, quadrata, uncinulis crebris hamata, geniculata; ad quorum singulos nodos *folia* rotatim radiata circumponuntur, Aparines modo, sed multis numeris majora, continenter aspera, hispidis crenulis per ambitum incisa, vestibus tenaciter hærentia: ex quorum alis pediculi exeunt *flores* sustinentes ex luteo herbidos, stellaros, tetrapetalos [pentapetalos J. B. q.] apiculis luteis: quibus *semina* succedunt rotunda, per maturitatem nigra. *Radices* sublonge, numerosæ, reptantes, succulentæ, ruffæ miniatæve, duræ lignosæ matrice farctæ, sapore mixto dulci, acerbato & subamaro.

In hortis colitur magnâ copiâ ad lanas tingendas.

Vires & Usus.

*Rubia tinctorum* vulnerariis potionibus admiscetur. An verò abstergat & aperiat, an potius adstringat controvertitur. Qui adstrictionem ei attribuunt adversus fluxum mensium, hæmorrhoidas & dysenterias propinant: qui aperiendi facultatem, in Ictero, Hydropè, Urina obstructa & sanguine coagulato exhibent. Et fortasse utriusque qualitatis particeps est, primò aperiens, postea adstringens, quemadmodum *Rhabarbarum*. Quæcunque enim tingendo idonea sunt; tenuium partium meritò censentur, adeoque faciliè penetrant & obstructions referant: & pleraque ejusmodi menses & urinam cient, & ictero conducunt. Ex altera verò parte sapor acerbus facultatem adstrictoriam indicat.

A tinctoribus adhibetur hujus radix ad coloris rubri præparationem.

Expetuntur folia Senensibus mulieribus ad stannea vasa detergenda: siquidem mirum dictum quam pulcherrimè nitescant quæ Rubiam fuerint experta.

- A. 2. *Rubia sylvestris aspera*, quæ *sylvestris* Dioscoridis C. B. *sylvestris* *Montepellana* major J. B. *sylvestris* Park. *Wild Wadder*.

Hujus folia quàm *Rubie sativæ* minora sunt; & atrovirentia, cum sativæ pallidiora sint. Vere *flores* profert parvos, luteos: Fructum fert æstate & autumno, qui per hyemem durat: sed nec ipsa herba inarescit. Inter sepes minor est & asperior sativa. Folia circa nodos quatuor, modò sex notavit D. Magnol.

Nos olim Rubiam sylvestrem à sativâ culturâ tantùm & accidentibus inde ortis differre existimavimus; nunc tamen à D. Newton melius edocti, mutatâ sententiâ, specie diversam agnoscimus. *Rubie* enim sativæ tota superficies ad radicem usque quotannis emoritur, cum hujus (ut dicimus) per hyemem durat; nè alias distinctionis notas superius adductas repetam.

Locus.

*Rubia sylvestris* non tantùm in rupe S. Vincentii prope Bristolium oritur, sed etiam in rupibus prope Beddifordiam & per totam ferè Devoniam in sepius copiosè.

- \* 3. *Rubia montana angustifolia* C. B. *Rubia sylvestris longioribus foliis* Park.

C. B.

*Radicem* habet rufescentem, fibrosam: *caules* cubito altiores, læves, rotundos, striatos, geniculatos: *folia* ad quodlibet internodium longa, angusta, Gallii formâ, sena, septena, in orbem disposita & rigidiuscula, caulem ambiunt: ad internodia brevissimi ramuli exurgunt; ipse verò caulis in ramulos plures brachiatur, quorum summis *flosculi* frequentes, albi, quadrifolii insident, quibus *semina* minuta rotunda, quodlibet suo pediculo donatum, succedunt. [Suspicio femina bina lingulis *flosculis* succedere, & pediculis insidere.]

Locus.

Hanc apud nos in asperis collibus legimus.



\* 4. *Rubeola saxatilis* C. B. C. Baubini J. B. *Rubia minima saxatilis* Park.

C. B.

Plantula est tota incana, semipalmaris; *cauliculo* tenui, quadrato, geniculato, in unciales ramulos brachiato. *Folia* parva, aspera, angusta; acuminata, communiter octo rotæ modo disposita habet. Ramulorum summis *flosculi* plures, exigui quadrifolii, apicibus & minimis pedicellis donati, luteoli insident, si rectè recordor.

In saxosis Gallo-provinciæ provenit.

Locus.

\* 5. *Rubeola maritima aspera* C. B. C. Baubini J. B.

C. B. prod.

Radice est oblonga, tenui, reptante & rufescente: *Cauliculis* pluribus, geniculatis, biuncialibus, per terram sparsis, & capillaceis fibellis terræ affixis: *foliis* pluribus, brevibus, acuminatis, virentibus & asperis, cauliculos inordinate cingentibus: *flosculis* minutis, pallidulis.

Copiosè in litore maris Mediterranei, non longè Monspelio & etiam Maffiliæ occurrit. Nobis Locus.

in locis herbas indagentibus conspecta non est.

Ex generali hac & obscura descriptione ad quod genus plantarum herba descripta pertineat, certò colligi non potest: ad hoc autem non pertinere constat quòd folia cauliculos inordinate cingere scribat.

## CAP. V.

## De Mollugine.

**M**ollugo Plinio proculdubio à foliorum mollitie dicta est. Quæcunque igitur hujus generis plantæ foliis & caulibus mollioribus & minùs asperis sunt hoc nomine donamus.

A. 1. *Mollugo vulgatiior* Park. *Rubia angulosa aspera* J. B. *sylvestris lævis* C. B. *An Rubia sylvestris* Ger? *Mollugo montana angustifolia* vel *Gallium album latifolium* C. B. *Wild* *Wadder*, or *great Bastard-Wadder*.

*Radices* lignosis, exterius fulvo cortice tectis, intus albis, plurimas fibrillas fulvas subinde demittentibus firmatur. Plures inde exeunt *caules*, tricutales interdum, aut longiores, infirmi & humi procumbentes nisi vicinis sepibus aut fruticibus, (inter quos plurimùm oriuntur) se sustentent, ad radicem tenuiores, paulatim deinde crassescences, ut in hujus generis reliquis, quadrati, inaries, læves, virides & in apricis interdum purpurascences, fragiles, nodosi longis internodiis, ramosi, quatuor ramulis è singulis nodis exeuntibus, duobus insignioribus, duobus parvis inferius ad eorundem latera. Caules ad nodos stellatim ambiunt octo plus minùs *folia*, vix digitum longa, latiuscula, acuminata, intensius viridia, glabra. *Flosculi* numerosissimi, albi, in quatuor segmenta acuta, totidem folia imitantia, divisi, à medio ad summum, è singulis caulium & ramorum geniculis, velut racematim exeunt: quorum singulis bina ut in congeneribus succedunt *semina*.

Ad sepes & in dumetis frequens oritur.

Locus.

2. *Rubia sylvatica lævis* J. B. *Mollugo montana latifolia ramosa* C. B. *Gallium flore albo majus* sive *Mollugo montana* Park. *Gallium* sive *Mollugo montana* Ger. quoad descr.

J. B.

Ramosa præ reliquis est hæc, *caulibus* rectis, lævibus, teretibus, tuberosis geniculis nodosis, per longa intervalla interceptis. *Folia* circum articulos radiatim posita, Asperulæ odoratæ, mollia, ac quam in *Rubia angulosa* molliora. *Flores* summis ramulis & per furculos tam copiosi ut muscarium imitentur, candidi.

In sylvis montosis, agro Lucemburgenfi & Aquisgranensi collegimus. Montium incola hæc est Locus & Tempus.

(inquit J. Bauhinus) & in dumetis non rarò abscondita: mensis Aprilis principio prodit.

Hæc planta magnitudine sua, glabritie caulium & foliorum, rectitudine caulium, eorundem rotunditate, & loco natali ab aliis sui generis omnibus faciliè distinguitur.

Querendum annon *Rubia* arborescens *Cretica* *Alpin. exot.* huic eadem sit, quæ caudice constat brevi, digitum crasso, à quo multi exeunt rami, &c. E quorum cacumine exeunt duo vel tres furculi, graciles, in alios quoque divisi, in quibus utrinque *flosculi* parvi, albicantes cernuntur, &c. *Radix* rubei coloris. In reliquis, quas omisimus, notis cum superius descripta convenit.

A. 3. *Gallium album* Ger. J. B. *palustre album* C. B. *Molluginis vulgatiioris varietas minor* Park. *White Ladies Bed-straw*.

*Radice* tenui, reptante, geniculata, innumeris ferè capillamentis, tenuissimis, prælongis è geniculis in limum demissis, se propagat. *Coliculi* similiter tenues pedales & cubitales, sarmentosi, ramosi, quadrati, asperiusculi geniculati internodiis longioribus. *Folia* stellata, quaterna, quina aut sena, breviora, pallidè virentia, (ut & caulis totus) coliculorum genicula ambiunt. In summis caulibus & ramulis *flosculi* plures simul conferti quasdam quasi umbellulas efficiunt, ut in *Rubia cynanchica*, lactei,

Tt

Locus &  
Tempus.

lactei, quadrifolii, quam Aparines majores. *Semina* gemina, rotunda, pusilla.  
Junio mense floret, estque in rivulis & fluviorum stagnorumque marginibus frequentissima.

- A. 4. *Mollugo montana minor*, Gallio albo similis. An Gallium album minus C. B? *Rubia quædam minor* J. B?

Locus.

Parvitate sua, glabritie caulium & foliorum, & loco natali à Gallio albo distinguitur.  
Provenit autem non in palustribus tantum, sed & in montosis magnâ copiâ.

- A. 5. *Gallium rubrum* C. B. Ger. flore rubro Park. flore rubro Sprengerianum J. B. *Gallium nigropurpureum montanum tenuifolium* Col.

Clus. J. B.

Magna segete ramulorum terram operit, magis patulum quam procerum [pedalis aut majoris altitudinis, Gallio vulgari tenerius Clus.] caulibus angulosis, tenuibus, ex saturato virore rubentibus, admodum ramosis, ramulis alternatim utrinque nascentibus, & rigidiusculis. Geniculis folia accrescunt radiata quaterna, quina aut sena, in stellæ morem, tenuia, satis rigida, & velut pungentia. Flores inter folia [Clusio in summis ramulis quini, seni aut plures, tenelli admodum & pusilli.] Gallii albi floribus pares, sed colore coccineo-saturatiore tincti, quadripartiti, [micante in modiculis aureo vel flavo puncto. Radix vulgaris Gallii radices instar rubescit, quæ etiam contusa rubrum succum reddit, multis autem tenuibus villis prædita est & vivax.] Semina singulis flosculis, ut in congeneribus, bina succedunt, per maturitatem nigra. Caules etiam ex nigro purpurascunt Julio florida & semine turgida invenitur, in Æquicolorum via ad Flaminianum vel Capuccinorum ædem Col.

Cur C. Bauhinus Gallium nigropurpureum montanum tenuifolium Col. à Gallio rubro Sprengeriano separaret nullam video rationem.

## C A P. VI.

### De Gallio.

Gallium Γάλλιον ἂν ποτὶ τῇ γάλα πύρρον ἀντὶ πυστίας, quodd coaguli vice lacti injectum illud cogat & inspisset, dicitur, testibus Dioscor. Galeno & ipsâ experientiâ.

- A. 1. *Gallium luteum* C. B. Ger. Park. Gallion verum J. B. Belloto Ladies Bedstraw, Cheese rening.

J. B.

Tractu contumaci radicula donatum est, longo tractu repente, tenui, lignosâ, fusca; ex qua virgule surgunt dodrantes & cubitales, tenues, subhirsutæ [in apricis rubentes, & ut nobis videbatur quadratæ.] Folia ad genicula ex intervallis radiatim caulem ambiunt longiora & angustiora quam Rubiæ sylv. lævis, obscuro virore nitentia, novena plerunque. Ad singula etiam genicula bini plurimum ramuli, in quibus ut & in summis caulibus flosculi copiosi, in racemulos digesti, lutei, quorum singuli quatuor foliolis stellarum radios imitatis constant, succedentibus unicuique binis seminibus.

Locus.  
Vires.

In pascuis ficioribus, apricis locis, inque collibus juxta margines agrorum passim provenit.

Gallium lac coagulandi vi pollere Veteribus traditum, & experientiâ comprobatum est.

Gerardus nostras Cestrienes suos circa *Nantvicum* oppidum, ubi laudatissimus conficitur calens, coagulo suo Gallii lutei summitates immittere solere tradit, & multò pluris facere caseos eo coactos quam alios quoscunque. Sequentia D. Matt. Lister suggestit.

Acetum ex hac planta destillando elicit D. Olavi Borrichius: modum ipse describit his verbis.

Recentissimas Gallii lutei comas, defluentè matutino rore ficiores, ad manipulos aliquot legi, lectasque cucurbitæ vitreæ recenti commissi, & nè quam ab aere aut mora subirent mutationem, subito evulsas subito igne subjecto invitavi ad destillandum. Nec mora, surrexit stillatus liquor primus, & is penè insipidus, odore tamen fragrantès Gallii flores non parum referens. Post unam circiter liquoris hujus unciam successit acetum non ingrati saporis ad uncias propemodum tres; tandem validiori igne admoto subsecutum est cum liquore acido oleum flavum ad drachmas penè duas, nec illud admodum ingrati odoris. Cum verò operatio tota ab evulso flore ad acetum usque prolectatum paucis duntaxat horis duraverit, & mixtæ destillatione peracta sit in arena, consistent hinc abundè, opinor, spiritum hunc acidum tam promptè volatilem, lactisque coagulatorem flor Gallii adhuc crescenti verè inesse, nec aliorum more acetorum fermentationem præviâ expectare, sed in flore statim ipso (quod rarè avis instar est) vim suam separatricem profiteri. Hoc acetum ferventi infusum lacti statim secretionem illam partium, quam ab infuso vulgari aceto experimur, procuravit.

Libuit experiri an ex floribus Acetosæ summisque ejusdem foliis, ut Gallio ad linguæ fidem longe acidioribus, tale subito acetum destillando evocari posset: sed factò eodem modo experimento nil nisi insipidus liquor prolectum est, argumento evidenti longè subtilius & *medicamentosius* acidum in Gallio quam in Acetosâ habitare. *Tho. Bartholin. Acta Medic. Obs. 69.*

Herba



Herba aut pulvis ipsius hæmorrhagiam & sanguinis profluvia sistit; quod facit sanguinem incrassando & coagulando; commendaturque contra cancrum & cancrofa ulcera. Decoctum herbe acopon censetur, lassitudinibus utile.

- 2. *Gallium montanum Creticum* Alpin. exot. Park.

Alpin.

A radice crassa tres vel quatuor ramos producit, digiti minoris crassitie, & tenuiores etiam, teretes, duros, lignosos, albicantes; ex quibus singulis complures surculi tenuissimi, in terram provoluti, foliis veluti Thymi vestiti exeunt, in flosculos parvos desinentes, racematim coherentes, à quibus fiunt minutissima semina nigra. Nititur verò hæc planta radice longâ, crassâ, lignosâ, in tres alias divisa: vulgari Gallio longè minus est & gracilius, & quasi circulis supra terram serpentibus; ramis verò ac radicibus majoribus durioribusque quàm illud.

In montanis Cretæ abundat.

Lac coagulare dicitur efficacius quàm vulgare Gallium. Adstrictoriæ facultatis particeps est, unde & sanguinem undecunque profluentem sistit.

Locus.

## CAP. VIII.

### De Asperula.

- A. 1. *Asperula* Ger. *Asp.* II. sive *Rubeola montana* odora C. B. *Asperula* aut *Aspergula* odorata Park. *Rubus accedens Asperula* quibusdam, sive *Hepatica fælfaris* J. B. Woodroof.

J. B.

Compluribus geniculis intercepta radícula tenella summâ tellure serpit, capillaribus fibris demissis: unde cauliculi surgunt tenues, quadrati, palmares & dodrantes: ad quorum singula genicula folia radiata Rubiæ positi nascuntur, quàm Aparinès latiora, pallidiùs virentia non sine splendore, subhirsuta. Circa fastigium dividitur caulis in binos ternosve ramulos, ex quibus pediculi flosculos sustinent suaviter olentes, Valerianæ ferè formâ, candidos, è quatuor foliis compositos. Semina parva sunt valde hirsuta, non exactè rotunda, sed ad renis potiùs figuram accedentia, vestibus adhaerescencia Aparinès in modum.

In sylvis & dumetis, præsertim montosis, Maio mense floret.

Ufus hujus est in obstructo hepate ac meatu biliario; & hinc in ictero, ac in hepate calidiore refrigerando. Extrinsecus in intemperie hepatis calida, &c.

Fertur in vinum conjecta hilaritatem efficere & saporem ei gratissimum conciliare, unde Germanis in frequenti usu est.

Locus & Tempus.

Vires.

2. *Asperula flore cæruleo* Ger. Park. *cærulea arvensis* C. B. *Rubia cærulea erectior elatiore* J. B. Blue Woodruff.

Caulis surrigit cubito majores, angulosos, foliis vestitis ad genicula radiatis, multis, Molluginis paribus. Ramulorum extremis hærent ex longo pediculo flores multi, simul juncti, oblongi, cœrulei, circa inum hirsuti; quibus circumposita radiata folia aliquammulta, pilosa, flores superantia, eoque velut occultantia. Singulis floribus bina succedunt semina magna.

In monte Saleva itémque propè Neapolin Austriæ & Monspelium in arvis & inter segetes.

Locus.

*Asperula hexaphyllos purpurea* C. B. J. B. *purpurea* Park. An *Rubeola arvensis repens cærulea* ejusdem C. B?

Radiculis multis, candidis, tenuibus esse perhibetur, foliis Erythrodani, minoribus, pallentibus; cauliculis multis, pede altioribus; flore in summo cauliculorum vertice copioso, purpurascente; semine minuto, pingui & oleoso.

- A. 3. *Rubeola arvensis repens cærulea* C. B. *Rubia minor pratensis cærulea* Park. *Rubia parvo flore, cærulea se spargens* J. B. Little field-Woad.

J. B.

Radix est oblonga, tenui, capillacea, [dura & lignosa] rubra; cauliculos per terram spargens plures, quadratos, geniculatos, rubentes, hirsutos & interdum ramosos, palmares, rarissimè pedales. Ad quodlibet geniculum folia habet parva, subrotunda, [pro plantulae portione satis lata] radiata, hirsuta & asperiuscula, in acutissimum apicem desinentia. In cauliculorum & ramulorum summis flores in medio aliquot foliorum, tetrapetali, non quinquefolii (ut vult C. Bauhinus) parvi cœrulei, vel ex cœruleo purpurascetes. Vascula exigua singulis floribus succedunt gemina coherentia, nonnihil oblonga, & in summo digitata, in quibus semen fulvum, altera parte gibbum, alterâ planum.

Dum in satis pinguioribus oritur, major fit & erectior, & descriptioni Myagri alterius Dalechampii Lugd. quod Asperulam hexaphyllon purpuream vocat C. B. in Pin. satis convenit. Stellariam quam Lugd. in falsis fabuletis provenire notat ad hanc Rubiam refert J. B. Botan. Mont.

## CAP. VIII.

## De Aparine.

A. 1. *Aparine* Ger. J. B. *vulgaris* Park. C. B. *Philanthropon* Dioscoridis & Plinii. Lappag. Plinii lib. 26. cap. 10. J. B. *Cleavers*, or *Goose-grass*.

J. B.

**A** B infima radícula oriuntur viticula quadrata, aspera, geniculata, infirma, proxima quæque scandentes, adhaerentesque, tres aut quatuor cubitos interdum longæ, ramosæ. Folia septena, Rubiæ modo, stellæ instar radiatâ, singulis geniculis circumnascuntur, aspera, in spinulam desinentia. Flosculi propè summos ramulos è geniculis exeunt in pediculis oblongis tenuibus, pusilli, albidi, tetrapetaloides, quorum singulis didymæ succedunt lappulæ, bina semina continentes, cortice nigro, (quem tamen sponte ne per maturitatem exuunt) tectæ, cui subest substantia quædam dura & cartilaginea.

Locus.

Vires &amp; Usus.

Ad sepes, interdum etiam inter segetes. Binis foliis amplis è terris exit.

Aparine (inquit Dioscorides) pastores coli vice utuntur, ad eximendos è lacte pilos [nimirum circumactis per lac foliis, quorum asperitas adeò tenax est, ut facile quicquid tetigerit apprehendat. J. B.] Seminibus, caulium ac foliorum succus potus contra viperarum phalangiorumque morsus auxiliatur, infusus aurium dolori medetur. Herba cum axungia trita strumas discutit. Sanguinis etiam abundantiam ex vulneribus reprimere folia imposita Plinius tradit.

Aquam destillatam bis in die sumptam mensurâ trium ligularum, aiunt alvum cohibere, efficacissimūque esse adversus morbum regium. Trag.

Aqua destillata, vel herba ipsa minutim concisa, inque vini albi q. s. decocta & pota, in calculo & arenulis insigne est, remedium. D. Needham. Pulvis qui ex hac herba & vitulino litne in furno exsiccat fit arcanum est ad tumores lienis & flatūs hypochondriacos.

Herba concisa pullorum Anserinorum esca est, unde etiam Anglice *Goose-grass* dicta est.

Plebei cives in mea patria aquam illius distillatam quotidie ex officinis poscunt contra tum pectoris, tum hypochondriorum molestos dolores. Agerius in Tragum adversus similia mala commendat. Sim. Paulus.

Aparine in liquore Posseti cocta & hausta mirè gonorrhœæ prodest simplici. D. Palmer.

A. 2. *Aparine semine læviore*. An *Aparine*, *semine lævi* Park.? *Goose-grass with smooth seed*.

Hæc præcedente humilior est, sarmentis brevioribus: foliis minoribus, minùs hirsutis, pallidioribus: Seminibus quidem non penitus glabris, sed multo minùs hirsutis.

Locus.

In agro Cantabrigiensi inter segetes solo cretaceo invenitur.

A. 3. *Aparine fructu verrucoso* hort. Joncq. *semine Coriandri saccharati* Park.

Hæc foliis est lævibus, vulgari Aparine minor, seminibus verrucosis, non tamen lappaceis seu tenacibus.

4. *Aparine floribus purpureis* C. B. Park.

Hujus verbo meminit C. Bauhinus in Pinace, sed non describit, nec ab alio quoquam descriptum dicit.

\* 5. *Asperula muralis minima* Park. *verticillata muralis minima* Col. *verticillata luteola* C. B.

Col.

Radice nititur exigua, capillari, plures viticulos proferens, ab imo fruticans, angulosos, quadratos & alperos, foliis per genicula senis, aliquando verò quaternis & quinis hærentibus, Galli ritu, supra quæ ex caulibus geniculis, in rotæ speciem ut in Verticillatis plantis, fructus prodeunt duplices. Anisi effigie, parvi, hirsuti, quibus flores insident, admodum exigui, lutescentes, quatuor foliis constructi. Caulis asper est, denticulis perquam exiguis, & nisi lumini appositis haud propter tenuitatem & diaphanitatem conspicuis. Folia etiam hirsutic tenuissima asperiuscula sentiuntur. Sapore amaro est parum. Ab imo siccati incipiunt folia, sicuti florere & fructus perficere animadvertimus.

Locus.

Vetustis muris innascitur frequens in castro Villa dicto in Valvensium montibus dodrantalis herba: oritur in saxosis etiam locis ibi, ac etiam aliis ubi Parietaria & Sempervivum vermicularum. Maio mense floribus & fructu quæsta reperitur. Æstate finitur & siccatur tota.

CAP.



## C A P. IX.

A. *Rubia cynanchica* J. B. C. B. *Synanchica* Lugd. p. 1125. Ger. *Asperula repens* Gesneri, sive *Saxifraga altera* Cespilini Park. *Squinancy-wort*.

**R**adix ei crassa, lignosa, nigra, altè in terram descendens, fibrillis numerosissimis & pratenibus capillata, in plurima capita divisa, caules fundens multos, tenues, sesquipalmares, spithamos & longiores angulosos [quadratos Col.] laeves, [qui cum excreverint bipedales sunt & supini] foliis vestitos per genicula crebra admodum quaternis circa radices caput, quam brevissimis, lanioribus, ut longitudo ad latitudinem vix tripla sit: circa medium caulem genicula rariora sunt, folia angustiora, longiora, acutiora, quaterna; in summo verò bina tantum, & longioribus intervalis distantia. Flores in summitatibus, caulium & ramulorum in quos caules dividuntur quaedam quasi umbellas efficiunt ut in Valeriana, è tubo oblongo in quaterna segmenta expansi, suave rubentes & suave olentes, interdum albi, Jasmmini modo, quibus etiam effigie & colore similes videntur verum magnitudine Phu Dioscoridis, semina deinde relinquentes coacervata, bina simul, rugosa vel aspera, oblonga, curva Phaeoli modo, Galli vulgaris duplo majora, atque cum siccantur flavicantia.

In sterilibus, soli expositis cretaceis collibus abundat: v. g. Cogmagog-hills, Newmarket Locus. Heath, Sussex Downs, &c.

Parkinsonus hanc plantam bis exhibet; nimirum, 1. sub titulo superius allato. 2. Cruciatæ minoris montanæ nomine, p. 566. & fortè etiam tertium sub titulo Rubiæ minimæ Saxatilis, p. 276.

2. *Rubia cynanchica Saxatilis* C. B. Park.

C. B. prod.

Ex Radice alba, oblonga, tenui & fibrosa, cauliculi plurimi tres, quatuorve uncias longi, foliolis plurimis oblongis, angustissimis & viridibus vestiti, exsurgunt; & inter hos pediculi bini, terni, palmares, graciles, in ramulos divisi, & paucissimis foliolis vestiti, quibus flores ut in *Cynanchica* vulgaris, pallide rubescentes, singuli singulis pediculis donati insident.

In laxosis udis circa Valentiam Delphinatus collecta fuit.

Locus.

## C A P. X.

## De Rubia Spicata.

1. *Rubia maritima* C. B. *marina* Clus. Park. Ger. *marina* Narbonensium J. B. Sea-Madder.

Clus.

**Q**uadrangulares sunt huic plantæ caules, palmares magna ex parte, interdum pedales, geniculati, duri & lignosi, candicantes, è radice crassa, lignosa, foris intensius rubente, intus rufescente, singulari, longiuscula, prodeuntes, jam simplices, jam ramosi, internodis modò brevioribus, modò longioribus distincti: ad quorum singula genicula quaterna folia, infernè quò cauli adherent latiuscula, extrema parte mucronata, rigidiuscula, candicantia, stellæ instar in orbem adnascuntur, & subinde in alis ramuli, numerosis foliis brevioribus & confertim nascentibus ornati: in quibus, ut & in summis caulibus velut in spicas terminatis oblongi flosculi, in quatuor segmenta expansi & velut radiati, pallidi. Semen in utriculis tenue, oblongum, fuscum.

Ad mare Mediterraneum in litoribus arenosis propè Syracusas, Cataniam, Terracinam, Monspelium collegimus.

2. *Rubia latifolia spicata* C. B. *Spicata Cretica* Ger. emac. *Spicata Cretica latiore folio* Park. *spicata* J. B. Spiked Madder.

Clus.

A radice crassiuscula, subruffa, & frequentibus tenuibusque fibris capillata multi exeunt cauliculi, nodosi, quadranguli, asperiusculi, statim ab infima parte frequentibus ramulis ad singulos nodos ex adverso nascentibus præditi: quos etiam in orbem & ipsis geniculis ambiunt quaterna, quina, interdum sena folia brevina & nonnihil aspera, coloris cinerei. Summi caules & ramuli desinunt in spicam longam [semipalmarem atque etiam palmo longiorem] virentem, specie quadrangulam, quia flosculi exiles & vix conspicui, colorèque subvirescentes, alternatim contrario inter se situ nascentur è nubibus glumarum longâ serie caulibus appressarum. Semen tenue, oblongiusculum, pullum.

3. *Rubia angustifolia spicata* C. B. Park.

A præcedente differt foliorum & spicarum angustia, humilitate & parvitate sua.

Circa Monspelium plurimis in locis sponte oritur, v. g. in collibus juxta Castelneuf, Agris Grammontiæ.

montis sylvæ vicinis, &c. Quin & præcedentem non longè à Montpellier in descensu montis Capouladou, in locis quæ vulgò vocant *las rompudes* Maio & Junio mensibus cum spica copiosam collegit D. Magnol.

Varietas.

Aliam præterea seu speciem, seu varietatem hujus plantæ proponit idem P. Magnol, quam Rubiam spicatam repentem vocat, à præcedentibus in eo diversam quod reperet, cum illæ rectæ sint, quòdque spicæ in ista multò majores, longiores & frequentiores essent. Si revera repat & non præcumbat tantum, argumentum est satis validum ad probandum illam à prioribus specie diversam esse.

4. *Gallium alterum montanum* Alpin. exot. Park.

Alpin.

Surculos plures longos tenues, quadrangulos, ex intervallis geniculatos ab una radice, tenui, longa, dura, lignosa profert. Surculi verò ex multis intervallis in geniculis habent duo aut tria foliola parva, oblonga, tenuia, in extremis latiuscula, colore viridi nigrescente. In summitatibus surculorum flosculi cernuntur albicantes, cymam circuli spicæ modo convestientes, non odorati, sapore subadstringente & siccante.

CAP. XI.

De Stellatis quibusdam anomalis.

1. *Rubeola repens lutea foliis spinosis* C. B. *Rubia minima* Lob. Ger. emac.

Lob.

Foliis est Herniarie paribus, mucronatis, positu Rubiæ; radicibus repticibus, sesquinciæ altis, in quibus flosculi luteoli. Radix exilis Rubiæ, Corallio concolor.

Locus.

In rupibus Vincentii propè Bristolium Angliæ enatam se legisse scribit Lobelius. Nobis sedulo indagantibus nihil simile ibi visum aut auditum. Certè Lobelius, ut aliàs sæpe, memoriæ nimum fides & hic labitur. Dari hujusmodi plantam non negaverim, cum eam invenerim in Catalogo Horti Regii Parisiensis.

2. *Rubia sylvestris aspera Ravennensis* Zanoni.

Zan.

E radice tereti, huc illuc undatim reflexa, non admodum crassa, duos circiter palmos longa, coracæ crasso & solido, qui difficulter à parte interna tenui & lenta separatur, caules exsert plures, rectos, firmos, propè terram rotundos & coloris obscuri, paulò superius, ubi folia protrudere incipiunt, sulcatos & cavos, quadratos, virides, raris nodis articulatos, parte infernâ maximè, superius multò crebrioribus, circa quos folia in orbem stellatim disposita incerto numero 4, 5, & interdum sex simul, unicam plus longa, octavam circiter unciæ partem lata, solida, sicca, levissima, quæ tamen postea ob spinulas quasdam breves nervulis aureascentes aspera redduntur. Sunt autem nervi utrinque supra folii superficiem elevati, quod paucis admodum plantis accidit: pediculi foliorum crassi, albi, infernè paullum rubentes, fragiles. Circa principium Julii, caules à medio sursum pedunculatos emittunt, qui in longitudinem excrecentes foliis nonnunquam ornantur minutissimis & aliter quam supradicta dispositis, gemmas sustinentes virides, quæ in quinque folia sese aperientes florem exponunt quinque petalis majusculis, acutis, colore viridi claro compositum, cujus medium occupant stamina quinque, cum apicibus flavis. Flori succedit bacca, quam quoniam non maturuerat non potuit observare Autor; quam siccam accepit à loco nativo, nigra erat materiam crassam continens, inque ejus medio semen rotundum, ex altera parte cavum, coloris obscuri.

Locus.

Radix in multas minores radículas dividitur fibris tenuibus capillatas, colore rubro obscuro; è quibus enascuntur germina nodosa, translucida, colore flavo claro, infra terram serpentina, alias plantulas novellas in lucem emittunt. Sapor radicis amariuscule, floris mordax & calidus, foliorum fuscus. Planta est perennis tum radice, tum foliis. In sylva pinuum propè Ravennam invenitur.

Hæc planta si rectè describatur cum quinque petalis in flore, calice quinquefolio inclusis, non est hujus loci, quin potius inter Bacciferas disponenda.



## De Herbis quibus terna singulis floribus succedunt semina.

*Pisum cordatum vesicarium* Park. *Pisum vesicarium* fructu nigro, albâ maculâ notato. C. B. *Halicacabum peregrinum* Dod. Ger.

**Dod.**  
Tenuibus, striatis, ac viticulosis *cauliculis* latè sese diffundens, vicina quæque apprehendit *admicula*. *Folia* oblonga, divisa [in tres vel etiam quinque partes] laciniata, & per ambitum profundius incisa. *Flores* pediculis longis [è foliorum alis versus summos caules egressis, inque ipsis caulium summis] plures simul insident, candidi, è quinque foliolis exiguis compositi. *Folliculi* distenti, magnitudine *Halicacabi*, intersepièntibus membranulis in tres distincti loculos, fructu in singulis unico, duro, rotundo, Ochri figurâ & magnitudine, colore nigro, candido tamen umbilico, qui mediocris magnitudinis, & cordis conoidis latiore speciem imitari videtur. *Radix* satis crassa, multis fibris capillatur.

Serius floret, & rarò apud nos in Angliâ semen perficit.

*Nasturtium Indicum* Park. Ger. *Indicum majus* C. B. *Indicum folio peltato scandens* J. B. *Indian*  
*erectis, Belloto Larkspur.*

**J. B.**

Peregrinæ elegantie est ex Indiis delatum *Nasturtium*, cui cum nostri orbis *Nasturtio* præter odorem & saporem nihil est commune: *folia* peltata, circinata: ferè rotunditatis, sæpe latiora quàm longiora, nonnunquam & *Hederæ* modo angulosa, supernè glabra, infernè brevi lanugine hirsuta; medio fere ut in *Coryledone*, unde radii in ambitum porrigitur, pediculum excipiunt palmarem & sesquipalmarem, subrubentem, tortilem, & capreolorum ritu, bacillo depactò sese circumvolventem: quo etiam complexu nituntur cum ramis *caules*. Cæterum ex foliorum alis undatim tortiles pediculi rubentisque exorti florem sustinent, delicias artificii arguti plenas, postica parte productum corniculum, sextantem circiter longum, ex flavo puniceum, in quinque laciniis digitatis concolores, striatas quæ reliquo folio committuntur faciens, quarum ternæ duo suprema florum foliola sursum explicata à tergo suffulciunt, colore luteo prædita, miniatis lineolis ad basin striata, per supremam oram subrotundam mucrone breviusculo donata; id quod in reliquis tribus est videre, minoribus licet & rotundioribus ac veluti cordatis radiatim digestis, quorum tamen basis non virgatâ, sed rhomboide maculâ miniatâ insignis, utrinque barbitio comans. Semen tricoccum, accedens ad *Heliotropion* tricoccum, rugosum, mediocris magnitudinis.

Peruviz indigena est hæc herba, unde non modò in Europam sed & in alias Indiarum Occidentalis *Locus & Tempus*. regiones translata est. Per totam ferè Æstatem & in multum Autumnum floret, donec tandem frigore, cuius minùs patiens est, corrumpitur. In calidioribus regionibus toto anno viret, floresque producit, nisi hyems asperior ejus luxuriam coerceat. Ex sîrculis depactis & semine deciduo in hortis facîle provenit. Semina quamprimum maturuere statim decidunt.

Adhibetur flores acetariis quæ ex oleribus parantur, gratiamque ita & saporis & aspectus ad *Vires & Usus*. dunt. *Centriculo* ex frigida causâ imbecilli aut ex flatu dolenti subvenit.

Aliam hujus speciem habet C. Bauhinus *Nasturtii Indici minoris* titulo, foliis rotundis, Lenticulæ *Alia species.* paulò majoribus. Videtur etiam floris colore variare, vel aureo, vel \* luteo dilutiore, vel sulphureo. \* *Hort. Reg. Paris.*

Singularis & sui generis planta est, nec quicquam cum *Nasturtio* præter saporem habet commune. Recordor à quopiam fide digno ex America reduce, instar horribilis secreti mihi fuisse communicatum adversus contumacem & malignam scabiem, itémque vulnera recentia præstans oleum è *Nasturtio Indico* per simplicem infusionem paratum. S. Pauli Quadr. Bot. Clas. 3. p. 411.

## LIBRI DECIMI PARS SECUNDA.

De Herbis γυμνοσπέρμους, in quibus quatuor singulis floribus succedunt semina, Asperifoliis dictis.

**H**UIC generi folia in caulibus alterno aut nullo ordine posita; flores monopetali marginibus quinquepartitis, incisuris aliàs profundioribus, aliàs levioribus; summæ spicæ caudæ Scorpi in modum reflexæ.

Asperifolias dicimus hujus generis plantas, non quòd omnes earum species folia asperâ obtineant, sed quòd pleræque; nec quòd nullæ præterea herbæ asperifoliæ sunt, sed quòd in nullo

lo alio genere tor species. Malumus autem receptis & usitatis Generum nominibus adherere, quam prater necessitatem nova imponere; præsertim si usitatorum probabilis ratio reddi possit.

## Herbarum Asperifoliarum T A B U L A.

*Herba asperifolia, quibus folia in caulibus alterna, flores monopetali marginibus quinquepartitis, incisuris alias profundioribus alias levioribus, singulis autem floribus quatuor plerumque succedunt semina, sunt vel seminibus ad singulos flores*

*Quaternis, perianthio*

{ *Oblongo integro, foliis maculis albis variis; PULMONARIA MACULOSA.*  
 { *Breviore & ad modum floris expanso; seminibus*

*Asperis & lappaceis, foliis in plerisque speciebus mollibus & graviter odoratis; CYN.*  
 GLOSSA.

*Rugosis,*

{ *Caput viperinum aut galeam referentibus, flore*

{ *In quinque laciniis totidem folia imitantes diviso, radicibus*

{ *Albis, florum laciniis*

{ *Obtusis & subrotundis, foliis longis acutis; BUGLOSSA.*  
 { *Acutis, foliis brevibus & latoribus; BORAGO.*

{ *Rubris; ANCHUSA.*

{ *Corniculato; parte superiore longius excurrente, inferiore brevior; ECHIUM.*

{ *Scyphum referentibus, foliis laxibus Linii, flore lacteo; LINUM UMBILICATUM.*

*Lævibus,*

{ *Non splendentibus, floribus*

{ *In spicis longis recurvis, foliis lanuginosis; HELIOTROPIUM majus.*

{ *Ad foliorum alas, caulibus asperis & vestibus adherentibus, seminibus compressis; APARINE major.*

*Splendentibus & velut politis floribus*

{ *Cylindraceis tubulosis, foliis amplis longis; CONSOLIDA major.*

{ *In quinque laciniis expansis;*

{ *Major, feminibus duris splendentibus; LITHOSPERMUM.*

{ *Minor, echioides, spicis florum prælongis recurvis, Echium SCORPIOIDES.*

{ *Binis, flore cylindraceo tubuloso, foliis glauco; CERINTHE.*

### C A P. I.

#### De Pulmonaria maculosa.

1. *Pulmonaria maculosa* Ger. *latifolia maculosa* Park. *Pulm. Italorum ad Buglossum accedens* J. B. *Symphytum maculosum sive Pulmonaria latifolia* C. B. *Sage of Jerusalem* or *Bethlehem*, *Jerusalem Cowslips*.

**R**adice nititur albâ, fibrosa, Hellebori, sed fibris rarioribus & quibusdam crassioribus, gustu admodum lento & viscido. Caulis angulosus, purpurascens, hirsutus, unus interdum sur-  
 rectus, reliquis primùm germinantibus, alias plures ut in Buglossò. Folia alia statim à  
 radice exorta, conferta, per terram sparsa, alia caulem inæquali situ sine pediculo amplectentia, ob-  
 longa, unciam lata, nervo medio per longum donata, in acuminatum mucronem desinentia, lanu-  
 gine



gine supra, infraque & in ambitu molli pubescentia; at adulto vere folia insignem acquirunt magnitudinem, præsertim infima, quippe quæ latitudine palmum superent, longitudine sesquipalmum, teneraque illa lanugine rigescente hispida redduntur. Summitati caulis (qui brevis est, dodrantali altitudine) insident flosculi ex pediculis semuncialibus & brevioribus multi simul juncti, interdum reflexi candam Scorpionis æmulantes, ut Echii, & calicibus oblongis, striatis, hirsutis, colore modò purpurante, modò violaceo, aliàs mixto purpuro-violaceo, idque in uno eodemque ramo, in quinque lacinias divisi. In calicis fundo succedunt semina quaterna Buglossi seminibus similia.

Folii variat (inquit C. Bauhinus) quæ aliquando albis punctis & lituris notantur, aliquando iis *Varietas.* carent, & hæc Pulmonaria folio non maculato *Clus.* Hanc Clusius pro diversa specie describit, a præcedente tamen præcipue differt foliis minùs amplis, nullis albicantibus maculis superne infectis: reliquæ enim notæ conveniunt. *Symphytum non maculosum.*

Floribus est communiter cæruleo-rubentibus, rariùs albis. Pulmonariæ speciem flore albo aliquot annos in horto alui, quæ omnibus sui partibus, sed præcipue foliis, majoribus erat quàm descripta, & maculis pluribus majoribusque notatis. *Pulmonaria macul. flo. alba.*

In sylvis propè Coloniam Agrippinam hanc primò observavimus, postea in omnibus fere montosis dumetis propè Rhenum & circa Genevam. *Locus.*

Nostratibus pro odore in frequenti usu est, Salviam Hierosolymitanam ac Bethlehemiticam appellant. Pneumonica & cardiaca censetur. Consolidat & glutinat, Symphyti instat. *Vires & Usus.*

Usus ejus præcipuus est in ulceribus pulmonum, aliisque eorundem affectibus, Phthisi, expuitione sanguinis, &c. Extrinsecus in vulnibus.

2. *Pulmonaria angustifolia* 2. *Clusii* Ger. [potius 3.] *angustifolia cæruleo flore* J.B. *Symphytum maculosum* sive *Pulmonaria angustifolia cærulea* C.B.

*Clus.*

Huic folia sunt angusta & villis obsita, Buglossi sylvestris, Echii,ve, aut Anchusæ foliis non absimilia, molliora tamen, neque tam aspero villo hirsuta, nullo pediculo prædita, sed medium caulem amplectentia, qui paulatim succrescens angulosus & hispidus, interdum nonnihil purpurascens, in pedalem tandem altitudinem excrescit, in cujus fastigio multi pentagoni caliculi, in quinque purpurascentes lacinias divisi & subhirsuti nascuntur, continentes oblongos, concavos flores, Buglossi hortensis aut Pulmonariæ vulgaris floribus formâ similes, qui per oras in quinque orbiculares fere lacinias divisi, colore antequam aperiuntur ex purpura rubente, deinde quando explicati sunt, cæruleo adeo eleganti nitent, ut Gentianellæ vernæ floris venustatem si non superare, attamen proximè æmulari videantur, odore autem nullo grati: ii maturi decidunt integri, quemadmodum Buglossi hortensis & similibus flores, atq; caliculum inanem cum stylo & quatuor seminum rudimento relinquunt, quod maturitate nigrum evadit, Echii aut Buglossi vulgaris semini respondens. Adnascuntur deinde secundum caulis pedem alia hirsuta folia, angusta, palmaris aut amplioris longitudinis Echii aut Anchusæ foliis latiora molliorâque: inter quæ (licet sicca sint) subsequente vere prodit caulis, suis venustis floribus onustus. Radix crassis carnosisque fibris prædita est, ut Pulmonaria maculoso folio, initio candicantibus, deinde vetustate foris nigricantibus, dulci sapore.

Nascitur passim per Pannoniam & Austriam inferiorem in montanis & cædis sylvis, & diutissimè floret. Exilit primo vere, florumque congestorum thyrsus fere ante folia promit. *Locus.*

- A. 3. *Pulmonaria foliis Echii* Ger. emac. *rubro flore, foliis Echii* J.B. *angustifolia rubente cæruleo flore* C.B. *angustifolia* Park. parad.

*Clus.*

Hoc genus jam descripto fere simile est, nisi crassiorē majorēque caulem, ac latiora folia haberet, & flores similiter, non ut illa cæruleos, sed pulcherrimè rubentes: alioqui & radice & temperamento conveniunt.

Huic omnino respondens, tum forma, tum amplitudine alia invenitur, cujus flores initio rubent, deinde cæruleum colorem saturatiorem contrahunt.

Crescunt hæc duo genera ad cæduarum sylvarum margines, umbrosis locis in Pannonia, & eodem cum superiore tempore florent. *Locus.*

Pulmonariam foliis Echii invenit D. Goodyerus in sylva quadam propè ædes Holburienfes, in saltu *Novæ Forestæ* dicto in agro Southamptoniæ.

## C A P. II.

### De Cynoglosso.

Cynoglossum *Κυνόγλωσσον*, à foliorum forma caninas imitante linguas dictum est. Notæ ejus sunt semina aspera & lappacea, compressa.

- A. 1. *Cynoglossum vulgare* J.B. *major vulgare* C.B. Ger. Park. *Great Hounds Tongue.*

J.B.

Nigra foris radix, intus alba, tota crassa, Rapam exiguam representans [Columnæ non magis] odore magis gravi quàm sapore, qui dulcedinem nonnullam fatuam linguæ offert. *Caules circiter*

citer bicubitales, in ramos multos divisi, vetustate concavi, multa lanugine obfiti: *Folia* longa & latiuscula primo anno, secundo, ubi caulem fert, stricta, acuminata, incana, mollia, lanuginosa, odore gravi. *Flores* Buglossi officinarum, colore sordide rubente, monopetali quidem, in quinque tamen segmenta aliquousque divisi. [Columnæ *Flores* plani ferè non cavi, venis purpureo-oculis depicti stellulas effigantes rotundis radiis, brevi admodum tubulo infidentes] è calice hirsuto quinquepartito. Succedunt lappulæ quatuor, conis suis ad stylum in medio prominulum concurrentes, nonnihil compressæ, spinulis hispida, quæ pertinaciter vestibus adhærescunt, cavitate unica donatæ, in qua itidem *semen* unicum. [*Flores* & semina plerumque versus unam partem nutant, & singuli pediculis uncialibus infident, quibus nullum apponitur folium. *Folia* alternatim cauli adnascuntur nullis intervenientibus pediculis.]

Locum.

Ad vias locis incultis & ruderatis præsertim pinguioribus passim cernitur. Junio mense flores.

2. *Cynoglossæ vulgaris minor species & candidior* J. B. minus sive pusillum Park.

Parvitate omnium partium & tomento candicante foliorum à vulgari distinguitur.

3. *Cynoglossum maximum* Lob. Park. *maximum* Belgicum C. B.

Occurrit in hortis Belgicis, foliis, floribus, semine, omnique sua parte duplo majus vulgari. Nobis videtur superiori specie eadem, ob ubertatem soli luxurians; nihil tamen temere affirmamus.

Vires.

*Cynoglossum* refrigerat & siccat. Usus ejus in sistendo fluxu alvi, gonorrhœa & catarrhis excandis. Sanguini etiam sistendo, & ad omnis generis vulnera & ulcera conducit. Matib.

Ulcus mammarum in lotrice Tubingenfi sanatum vidi facili hoc remedio: *Cynoglossa* in Vin. & Aq. ana partibus æqualibus coctâ lavetur ulcus, & imponantur folia. D. Soame ex observ. Jeronimæ Martis Obs. 33. Unguentum ex illius succo cum melle & Terebinthina paratum ad ulcera antiqua maligna & fistulosa valde extollit Hieron. Tragus: Idem & mariscis sanandis efficacissimum esse perhibet.

Verum quia soporiferum est & narcosis virulentæ suspectum, rarissimè à practicis adhibetur, inquit Schroderus.

Immeritò suspectum esse convincunt experimenta medicorum quorundam summæ fidei & peritiæ, qui nobis retulerunt se ad ulcera & tumores eo sæpius usos esse in cataplasmatibus & emollimentis magno cum successu, atque etiamnum uti: intus etiam tutò sumi posse arguunt Pilulæ de *Cynogloss.*

In strumis & scrophulis *Cynoglossæ* radicem tum intus in decocto, tum extra in cataplasmatibus formâ, summo cum successu adhiberi solitam à quodam celeberrimo hujus Urbis [Londini] medico, jam satis functo accepi. D. Ed. Hulst.

Ad Scrophulas, Radices in taleolas dissecantur, & suspendantur circa collum, novas adhibendo tertiâ quavis septimana. Retulit mihi amicus quidam, se novisse radices hæcæ suspensas circa collum pueruli cujusdam pauperculæ, cujus caput & lintheamina pediculis scatebant. Observatum pediculos quidem radicum foetorem exolos procul aufugisse & sedes mutasse, scrophulas obstinate retrahisse, nec quod ille audiverit iis sanandis medicamentum successisse. Idem.

4. *Cynoglossa montana maxima frigidarum regionum* Col. *Cynoglossum mont. maximum* Park. *As Sylvaticum rubente caule* C. B.

Col.

Radice nititur pedali & ampliore, sesquipollicem crassâ, foris nigricante, intus verò parum candicante: *Folia* emittit longa, pedem superantia, palmum lata, Plantaginis latifoliæ formâ, verum angustiora, & venis obliquis distincta, petiolo crasso atque rubente hærentia, hirsuta, ex albo virentia, atque in terram convexa quæ vetustiora, media verò erecta, tactu mollia. Maio mense caules è medio profert bipedalem, crassum, striatum, cavum, lanuginosum, rubentem, foliis undique densis, rectis, angustioribus, semper decrecentibus ad flores usque circumdatum, ita ut nihil caulis appareat: nervus verò medius à petiolo per folium rectus discurrens rubescit in omnibus. In summo verò & inter foliorum cacumina flores apparent, oblongum & crassum veluti colum aut capitulum conformantes rotundum, undique circumdispositi, densi, deorsum tendentes, radiis foliorum intermediis, quæ alarum cum expansi sunt flores mixta erunt. Flores verò singuli calycem habent quinquepartitum, hirsutum, ipsi verò oblongi, cavi, in purpura rubentes, parum odori, in quinque rotundas oras, rectasque divisi sunt, nec amplius dehiscences, quorum pars interior calyce occultata, angustior est, oblonga satis atque albicans, intra quam seminum rudimenta insunt, quadripartita, longum apicem in medio habentia, quinque staminibus luteis concomitantibus, & ex flore se exerentibus: quare plantæ hujus globosum caput versicolor & venustum efficiunt: viridi namque colore florum calyces, flores ipsi purpuro-rubente, stamina verò luteo, atque foliola intermedia nervo rubente depicta sunt. Æstate paulatim dehiscit, caule se producente, florum globosum caput, alarumque divisiones recipiens diversam acquirit figuram, demque perficiente se planta in brachia alasque dividitur quatuor aut quinque, parum à se invicem distante ortu, ut ab eodem ferè principio productæ censeantur, in diversa tendentes, pedales, hirsutas, in quibus juxta imum fructum foliolum unicum conspicitur (quo à cæteris *Cynoglossis* differt.) Fructus verò et si alternatim oriantur, per alas dispositi uno versu sæpius inveniuntur, floribus ab imo marcescentibus succedentes, petiolis tenuibus, digitali longitudine, infidentes, quadripartiti, depressi, ovali figura, echinati, simul coherentes cruciatim, quorum pars interior cruciatim hærens in acutum definit. Pars fructuum superior plana, aculeis crassioribus, minusque densis & limbo circumsepta parum excrescente, ut aquam continere possit; inferior rotunda, tota hispida, densioribus aculeis lappaceis, vestibus hærentibus ficcatis, præter eam quæ petiolo hæret quæ laxius est. Fructus per maturitatem rufescunt, medullâ intus libro ex viridi nigricante obductâ, sapore amarescente, sicut & folia. Omnium maxima sunt hujus semina, latiorèque umbilico ac planiore.



In frigidis caputem regionibus, Apenninis montibus excelsis atque summitatibus, Campoclarensi-  
um Mareis & Æquicolorum Rascino sponte ortam observavimus.

5. *Cynoglossum minus* J. B. C. B. *minus flore caeruleo* Park. *Cynoglossum minor montana serotina altera*  
Plinii Col. *Cynog. pumilum Austriacum alterum* Clus.

Col.

*Radix* huic parva, lignosa, dura, cortice crasso, fibris obliquis, longis, tenuibus, lignosis donata, pullo colore, dulci sapore. *Caulis* tenuis, angulosus, hirsutus, summum bipedalis, *foliis* vestitis crebris, oblongis, *Olex* aut Lithospermi ferè, virentib. mollib. hirsutis aspera, alba & longa obsitis, alternatim dense semidigitali spatio hærentibus; sapore amaro, è foliorum sinibus alia germina exeunt, parva. In summo caulis in tres, quatuor vel quinque dividitur ramulos, semper obliquos, intermedium pedales, bifidos aut trifidos, Scorpioidis modo incurvos, *foliis* tenuibus & hirsutis vestitis, alternatim utrinque positis quemadmodum etiam florum & fructuum petioli in summis virgulis utrinque disponuntur. *Flores* pusilli sunt admodum, quam Echii Scorpioidis minores, caeruleo colore ameno, brevi tubulo, ore quinquepartito, stellulam intus luteam continentes: quibus decidentibus fructus succedunt ex basi minima, quinquefoliata, lappacei, longis atque tenuibus aculeis armati, oblongi, pyramidales, apice illo medio carentes: *semina* oblonga, ovalia, angusta, figurâ trigonâ, in dorso cava, umbilicata parumper per longum eadem formâ, per maturitatem rufescentia. A summo caulis florere incipit, deinde è foliorum superiorum sinibus alæ producuntur, paulatim ex-crescentia.

Circa Moguntiam & Genevam spontaneam invenimus. In Æquicolorum montibus frequens. *Locus.*

Col.

C. Bauhinus hanc plantam bis ponit, primò sub titulo Cynoglossi medii: secundo sub titulo Cynoglossi minoris. Parkinsonus quoque bis. 1. Sub titulo Cynoglossi minoris five pusilli. 2. Sub tit. Cynoglossi minoris flore caeruleo.

6. *Cynoglossum Creticum secundum Clusii* J. B. Cret. *alterum* Ger. Cret. *latifolium* Park. *Creticum latifolium fatidum* C. B.

Clus.

Primo anno; ex radice longa, infra digiti minimi crassitudinem consistente, rarisque fibris per longitudinem sparsis præditâ, crassiusculoque cortice foris fusco amictâ multa promit *folia*, palmum aut amplius longa, unciam lata, humi fusa, mollia & tenui brevique lanugine testâ, nervo satis crasso illa per longitudinem æqualiter secante, inter quæ altero anno prodit *caulis* cubitalis aut amplior, striatus, firmus, rectus, molli lanugine obsitus, quem confuso ordine vestiunt folia jam dictis similia, sed quæ breviora fiunt quò propius ad summum caulem accedunt, ex viridi pallefcentia. Summus caulis in multos graciles ramos dividitur, summo fastigio Scorpiuri aut Heliotropii majoris instar inflexos, in quibus plurimi caliculi, quinque laciniis constantes, unde *flores* emergunt primi [Clus.] floribus breviores, illis tamen ampliores, in quinque lacinias orbiculares divisi, candicantis initio coloris sed multis tenuibus purpurascenscentibus venis, [quæ vetustate in caeruleum colorem trans-eunt] ornati. Desluentibus floribus conspiciuntur in calyculis *semina* rugosa, aspera, è quorum medio prodit stylus.

Tota stirps ingrati odoris est, Junio floret: vivacem non esse arbitror.

Hanc plantam omnino specie eandem esse puto Cynoglossæ alteri mediæ fructu cotylode seu Lychnoide Col. Lector Botanicus descriptiones invicem conferat, & ipse judicet.

7. *Cynoglossum fructu umbilicato* C. B. *subrubente versicolore flore* Park. *Cynoglossa altera media fructu umbilicato sive rugulosa* Col. An Cynog. Creticum 2. Clus?

Col.

*Radix* habet tenuem, fibris divisam, lignosam, pullo colore, in plura capita interdum divisam. *Folia* vulgaris Cynoglossæ multò minora, hirsutis molli, incanâ obducta, & magis in superna parte. *Caulis* pedalem & sesquipedalem ad summum, teretem, solidum, lignosum, hirsutum, foliis vestitum alternatim positus, lata basi absque petiolo hærentibus, in cacumine in tres ramulos divisum contrariò nutu cernuos ob florum & fructuum positum & naturam: alios etiam interdum è foliorum superiorum alis ramos profert. *Flores* edit parvos, supradictis minores admodum, colore suaverubente, sanguineis lineis variegatos, centrum sive umbilicum hilari rubente colore infectum habentes. *Fructus* majoris Cynogl. similes, umbilicati, cavi latiore umbilico, elatiore limbo circumsepiente, nec obtuso ut in aliis, sed tenuiore, lucernarum effigiem imitante; *Semen* non depressum aut planum, sed pyriforme & parum compressum continet, sapore amaricante.

In Valensium Anversæ oppidi montibus eorumque radicibus nec alibi à Columna reperta est. *Locus.* Maio florida cacumine & fructu prægnans invenitur, æstate perficitur & deperditur.

- A. 8. *Cynoglossa folio virenti* J. B. *Cynoglossum minus folio virente* Ger. Cynogl. *semper virens* C. B. Park. An Cynoglossa media altera virente folio, rubro flore montana frigidarum regionum Col?

*Caulis* aliquot ex radice pollicari, nigra foris, intus alba, lignosa [crasso cortice Buglossi Col.] sapore viscido & ingrato [parum amaro Col.] erigit bicubitales, rectos, hirsutos, in alas divisos, alios inanes. *Folia* formâ quidem sunt Cynogl. vulgaris, supernè lato virore splendentia, glabra & tactu mollia, alicubi etiam molli lanugine obita, infernè albidiora, hirsuta & aspera, odore nullo,

lo, sapore fatuo. Flores ut in Vulgari ferruginei, rubentésve, parvi in quinque lacinias divisi, *calicibus* totidem parvis & rubentibus è *calice* hirsuto quinquefolio, in atrovirente purpuranteve. *Lap. pulæ* quales vulgari.

*Locus.*

*Varietas.*

*Tempus.*

In viis publicis in Essexia circa *Braxted* vicum, interque *Withamiam* & *Kelvedon* copiosè oritur. *Cynoglossa* media virente folio *Col.* ab hac magnitudine florum differt, qui duplo ferè majores latiorésque sunt quàm *Cynoglossi* vulgaris.

Floret Aprili & Maio, semen Julio maturat, deinde perit planta.

- \* 9. *Cynoglossa media, argentea, Apula, campestris calidarum regionum Col. Cynoglossum Creticum angustifolium* Park? *Creticum argenteo angusto folio C. B?* *Creticum* 1. Ger?

*Col.*

Ex radice Buglossi modo fusca, minore [longâ, singulari, candicante, crasso & succulento cortice obductâ, summa tamen cute subfusca, minimi digiti crassitudine, fractu contumaci, raris tenuibus fibris per totam longitudinem præditâ *Clus.*] caules edit plures, pedales rotundos, subrubentes, hirsutos, alis in summo divisos, in quarum sinubus flores singulares oblongis petiolis donati insunt, primum emicantes, sed in summo per ramulos coacervati è foliorum sinubus exeuntes deorsum spectantes calycibus adhuc conclusi, quorum imi particulatim florere incipiunt, atque ex basi quinquefoliata prodeunt Martio, oblongi, cavi, Cerinthes modo, longum habentes tubulum candicantem, in quinque partes divisum os habentes, ex albo purpurascens, carnei ferè coloris suaverubentis, intus nigra stamina occludentes [Clusio flores *Cynogl.* vulgaris floribus formâ similes, sed minores & dilucis coloris] Semina singulis floribus succedunt quaternâ lappacea, crassioribus aculeis armata, sed partim in superiore parte cava, non autem limbo distincto umbilicata ut in præcedente, quæ sicca perinaciter vestibus adhærent [Clusio semina vulgaris seminibus minora, cum Columna expressè affruct met majora esse] Foliis est multis semipedalibus, digitali latitudine, lanugine densâ, minuta, molli argenteo colore splendente obsitis, carnosiss, mollibus, gravi odore, gustu sicco amarum os relinquentes in fine.

*Locus.*

Aprili mense semina perficit. In sabulosis oritur locis, *Cirinolæ* *Apuliæ*, calidæ regionis.

Differre videtur specie à *Cynoglosso* Cretico 1. *Clus.* siquidem flores hujus longum habent tubulum candicantem cum illius *Cynog.* vulgaris floribus formâ similes sunt, deinde illius semina vulgaris seminibus minora sunt, hujus autem crassiora crassioribus aculeis. Tandem hanc hyeme germinare, semperque virere scribit Columna, Clusiana autem planta semine sponte deciduo conservata est.

*D. Magnol* non separat *Cynoglossi* vulgaris speciem minorem & candidiorem *J. B.* à *Cynoglosso* Cretico argenteo angusto folio *C. B.* i. e. Cretico 1. *Clus.* cujus sententiæ & nos libenter subscribimus.

- \* 10. *Cynoglossa media montana incana, angustifol. altera, flore globoso, frigidarum regionum Col. Cynoglossum globoso flore C. B. medium montanum angustifolium* Park.

*Col.*

Ex radice perenni, pedali, pollicari crassitie, nuda, solida, crasso cortice nigrescente, nervo intus lignoso, sapore ingrato, Folia exeunt, cum primò germinat exigua, Oleæ angustiora & acutiora, postea Veris fine & Æstate semipedalia & majora, digitali latitudine in medio, nam utrinque acuminata sunt, recta, carnosâ, molli lanugine incana admodum, petiolo & nervo rubente per longum discurrente. Caulis Maio producit, foliis undequaque vestitus densis, hirsutioribus, in imo latis, in acutum desinentibus lanceæ modo, ut nihil stipitis conspici possit, semipedalis, in summo globulum seu sphaeram habens, mali magnitudine, incanam, foliolis pusillis lanosis admodum & floribus rubentibus cavis, densis, fovearum cellulas exprimentibus, rubente Cinnabaris colore, undique elaboratam, oculis admodum gratam. Flores singuli calicem habent lanosiores, ipsi verò maiores sunt aliis atque majores, magis aperti, nec admodum cavi, longo tubulo etiam, sed Maxime minori, insidentes, ac intus stellulam nigriore colore, ut *Vulgaris*, habentes: qui caule se producente Junio in diversa juxta ramulorum productiones tendunt. Ramuli verò tres non rarò quinque inveniuntur in pedalis caulis summo ex eodem principio initium ducentes, in quibus, ut in Maxima, è sinu folioli exit petiolus oblongus fructum sustinens. Fructus autem alternatim non unico versu dispositi sunt, in calicibus angustifoliis, minores quàm Maxima rotundiorésque, umbilicum admodum parvum habentes, minúsque hirsutam planiciem internam, quàm in reliquis læviorem: atque limbus non in laterum extremo, sed supra convexam partem positus est. Junio perficitur. Folia parum amara & adstringentia. Medulla fructus amarescit. Radix in summo pilosa è foliorum perditorum villis.

*Locus.*

Æquicolorum montibus *Cornino* dictis & similibus excelsis & frigidis, locis nudis, saxosis sine arboribus provenit.

### C A P. III.

#### De Boragine.

**B**orago dicta videtur à *Corago*, unâ literâ variatâ. *Corago* autem *Lucanis* apud *Apuleium* hæc herba dicitur, quòd cordis affectibus quàm maximè opituletur. Hinc tritus ille versiculus:

*Dicit Borrago, gaudia semper ago.*

*Etymon*



Erymon hoc improbat C. Hofmannus, nec tamen melius ejus loco substituit.  
Hujus notæ sunt semina rugosa, flores stellati laciniis acutis, apicibus in umbonem acutum coeuntibus.

*Borago floribus cæruleis & albis* J. B. *Buglossum latifolium*, *Borrage* C. B. *Borago hortensis* Ger.  
*Borago* Park. *Borrage*.

J. B.

Inhuma est planta, & quæ ægrè se humo tollat: *Radix* alba, digitali crassitudine, mansu viscida. *Folia* lata, subrotunda, aspera, rugosa ac plicata, per terram sparsa, eminentibus pullis tenuissimis que aculeis. *Caulis* hispidus, teres, inanis, cubitalis, ramis brachiatis. *Flores* amoeni, stellati, radiata quinque foliorum acuminatorum serie explicati, umbone medio è quinque apicibus nigricantibus coagmentato, [segmento oblongo purpurante cuique apici ceu cincinnulo extrorsum apposito] facile à quinque foliorum hirsutorum calice cui insident, cadentes, colore cæruleo, purpurascente, vel albo. N. B. Flores quamvis pentapetali videantur, revera monopetali sunt, segmentis foliorum æmulis ad ungues coalescentibus, ut flores integri decidunt: pediculis uncialibus, & fescuncialibus insident, purpurantibus & deorsum incurvatis. Florum furculi, antequam aperiuntur flores, reflectuntur seu contorquentur caudæ Scorpii in modum, bino ordine siti, ut in reliquis hujus generis. Singulis floribus quaterna succedunt semina, magna, striata, basi lata, mucrone acuto, per maturitatem nigricantia.

Boraginem sylvestrem tenuifoliam Tabernæ-montani C. Bauhinus à vulgari Boragine non separat, nec nos separandam putamus.

Cordialis est è præcipuis. Flores inter quatuor cordiales famulos recensentur. Aquæ destillatæ *Vires* necnon conservæ ex floribus tribuunt vim roborandi cor, lipopsychiam removendi, lætitiæ melancholicis excitandi, ac sanguinem depurandi. Hinc non desunt qui Boraginem Homericam Nepenthen esse statuant, cujus scilicet succo Homerus vino immisso tristitiam discuti, & malorum omnium oblivionem induci scriptum reliquerit. J. B.

Tragus laudat aquam in inflammationibus oculorum, repellentis scilicet loco.

Mihi aqua destillata probatur in omnibus febribus, ut & flores Saccharo conditi. J. B.

C. Hofmannus receptæ sententiæ adversatur, & flores Boraginis, syrupos, conservas, radices conditas in affectibus cordis biliosis, ad cor muniendum in febribus pestilentibus, inque ictu serpentum aliisque venenis frustra adhiberi se novisse affirmat.

In suppressione mensium nonnullis Arcanum est Conserva Boraginis in vino albo tenui soluta. D. Soame ex Observ. Jerem. Martii. Obs. 50.

#### C A P. IV.

##### De Bugloss.

**B**uglossum à similitudine foliorum dictum est, quæ tum figurâ suâ, tum scabritie linguam bulbam representant.

Ejus notæ sunt semina rugosa, flores in quinque segmenta obtusa seu orbiculata expansi.

1. *Buglossum vulgare* J. B. Park. *angustifolium majus* C. B. *Buglossa vulgaris* Ger. *Bugloss.*

*Caulis* ex eadem radice plures exserit sesquicubitales & bicubitales, teretes, pilis rigidulis asperos, summa parte ramosos, quibus absque pediculis adnascuntur *Folia* crebra, angusta, oblonga, ex viridi glauca, non ut Boraginis rugosa, in acutum mucronem desinentia, consimilibus pilis utrinque hirsuta, ad margines æqualia. Ex alis foliorum & interdum ad eorum latus, aut inferius superiusve paulò oriuntur ramuli. *Flores* in fastigiis caulis & ramorum, è calice quinque oblongis, angustis acutis, pilosis, segmentis composito exeunt, Boraginis minores, monopetali, è tubulo oblongo in quinque segmenta obtusa seu orbiculata, è cæruleo purpurascencia, & toridem folia imitantia, divisi; umbone medio obtuso, villosa, quinque staminibus composito. *Stylus* oblongus ex imo calicis fundo enascitur, quem circumstant quatuor *semina*, per maturitatem pulla, rugosa, in acutum mucronem ad latus spectantem fastigiata. Summitates caulium & calices florum purpurascunt. Surculi floriferi antequam flores expanduntur reflectuntur seu contorquentur caudæ Scorpii in modum. *Radix* in multos annos vivax, foris nigra, intus alba, gustu lento.

In hortis nostris Junio & Julio mensibus floret, & deinceps per totam æstatem. *Folia* hyeme pereunt, vere primo nova erumpunt. Multis Germaniæ in locis sponte exit, ut tradit J. Bauhinus, v. g. in Alsatia inter Brissacum & Etzelsheimiam. Nos circa Messanam Siciliæ observavimus spontaneum, J. Bauhinus propè Monspelium & Frontignanum.

Eandem obtinet vires quas Borrage. Flores scilicet insignem habent vim in Melancholicis & hypochondriacis affectibus. S. Pauli Quadripartit. Botan. Clas. 2. p. 27, 28. *Sunt* è numero quatuor florum cordialium.

Epilepsiam desperatam curabat quidam (lingua & ore illito) potu continuo Vini & florum Buglossæ per semestre integrum mandato. D. Soame ex observationibus Jerem. Martii à Velschio editis, Obs. 42.

2. *Buglossum angustifolium* Lob. *angustifolium minus* C. B. *vulgare angustifolium minus* J. B. *minus sativum* Park.

f. B.

Magnitudine à præcedenti differt, *foliis* similiter longis, hispidis, sed contractioribus, *floribus* minoribus albis vel purpurascentibus, interim *caulis* altitudine parum aut nihil cedit interdum: Trago brevior, angustior, acuminatior, ac quoad omnia magis exigua est, *semine* præsertim, quod & magis nigricat: *Flores* similes, iique nonnulli purpurei, perpetuo, alii cœrulei. Hanc speciem J. Bauhinus *Buglossum angustiore folio*, flore minore appellat, cujus duplex genus à Fuchio habuit, unum purpureum colore *Violæ* aut *Anchusæ*; alterum flore albo.

Locus.

Ad vias & in agrorum marginibus in Italia, Gallia, Germania subinde occurrit; foliis angustioribus, floribus minoribus,, nigro-purpureis.

*Buglossum sylvestre majus nigrum* C. B. *sylv. majus flore nigro* Park.

Cùm sola partium omnium magnitudine, & floris colore nigro-purpureo à præcedente differre dicatur, non est cur specie distinctum faciamus.

- A. 3. *Buglossa sylvestris minor* Ger. emac. *Buglossum sylvestre minus* C. B. Park. *Echium Fuchii* sive *Borago sylvestris* J. B. *Small wild Bugloss.*

*Radice* donata est albâ, simplici, longâ, raris filamentis fibratâ: ex cujus capite plures prodeunt *caules* dodrantes & cubitales aut etiam altiores, hirsuti, asperi, ramosi, fragiles. *Folia* Echii, magis hispida, sinuosa, alternatim posita, sapore fatuo; illa verò è quorum alis egrediuntur flores breviuscula, triangula, latâ basi cauli adnata in acutum mucronem desinunt. *Flores* in summitatibus caulis & ramorum ex alis foliorum egrediuntur singulis singuli, pediculis brevissimis insidentes, è calice hirsuto quinquepartito. *Flores* autem ipsi exigui, monopetali è longo tubo incurvo in quinque subrotunda segmenta partiti pallide cœrulei. *Stylus* in flore penitus occultatur: *Stamina* brevia & velut lanuginosa umbilicum floris constituunt. Summitates caulium & ramorum floriferæ floribus nondum explicatis contorquent sese caudæ Scorpii in modum, ut in hujus generis reliquis. Singulis flosculis quatuor in calice succedunt *semina* nuda, Echii, rugosa & per maturitatem nigra, latâ basi, acuto apice.

Locus.

Inter segetes & in arvis requietis passim oritur.

4. *Buglossum folio Boraginis Hispanicum* J. B. *Borago semper virens* Park. Ger. *Buglossum latifolium semper virens* C. B. *Ever-green Borage.*

f. B.

Bicubitales & altiores attollit *caules*, fistulosos, angulosos, hispidos, asperosque, nec in ramos divisos. *Folia* Boraginis rugosa & aspera, spinis mollioribus quàm in Boragine & Buglosso, ad radicem longo, in caulibus nullo pediculo donata, acuta, præsertim in caulibus, quæ verò propter terram infima sunt magis rotunda existunt, albique punctis maculosa, multò latiora, & non ita brevialia ut in Buglosso vulgari majori; ex quorum alis pediculi hirsuti sextantales aut quadrantales surriguntur, duobus foliis circa fastigium donati; inter quæ flores emicant cœrulei, Buglosso emuli, sed calice brevior & velut sessili, non unâ se explicantes, quinquepartiti. Flosculis singulis succedunt *semina* quaterna ut in hujus generis reliquis, Boraginis seminibus paria & familia. *Radix* crassa, adnatis donata, cortice nigro densiusculo obtecta, intus alba, sapore lento & viscido.

Est hæc (ut puto) *Borago Echiioides Alpina*. exot. quamvis icon non bene respondet.

- \* 5. *Buglossum sylvestre minus alterum & asperius* C. B. *sylv. minus alterum* Park.

C. B.

*Folia* huic quàm Buglosso sylv. minori asperiora, acutiora; flores in summis ramulis Galeopsos similiores, quàm præcedentium cujuscumque; colore in plerisque plantis purpureo, in nonnullis albo.

*Buglossum*  
*Sylv. 3. C. B.*

Aliam adhuc Buglosso sylvestris speciem constituit C. Bauhinus, quam *Buglossum sylv. tertium* vocat, & prædicto similem esse ait, sed non eandem.

6. *Borrigo minor barbariorum* Park. *Symphytum minus Boraginis facie* C. B. *parvum Boraginis facie* Ger. emac. *pumilum repens, sive Borrigo minima barbariorum* J. B.

Park. f. B.

Multa à radice emittit *folia*, Pulmonariæ maculosæ persimilia, verum non maculosa, minora, acuminata, intensius viridia, longis pediculis fulta. *Caules* tenues, dimidium pedem altitudine vix excedentes, paucis foliis vestiti, flosculos sustinentes cœruleos, quinquepartitos, segmentis subrotundis, Buglosso quàm Boraginis similiores, nullis in umbilico filamentis, suo quisque pediculo oblongo nixi, quorum qui nondum explicati sunt Heliotropii in modum deorsum inflectuntur. *Radix* pulsa, Ulmarie aut Pulmonariæ fibris implexa. Sapor plantæ cum acrimonia quadam mucilaginosus. Locus natalis nobis nondum innotuit.

7. *Buglossum*



7. *Buglossum procumbens annuum pullo minimo flore* Morif. Prælud. *Borago sylvestris annua Cretica* Zaroni. *Buglossum annuum pullo flore minimo vesicarium.*

E radice simplici, alba, nunc unum nunc plures emittit caules, angulosos, hirsutos, solidos, infirmos, & vix se sustentantes, dodrantes aut altiores in solo læto, foliis vestitos crebris, alternatim positis, semunciam aut duas uncias longis, semunciam latis, sine pediculis caulibus adnatis, à lata basi in acutum mucronem sensim angustatis, lanugine molli incana brevi pubescentibus; subasperos & ramosos. In summis caulibus & ramulis ex alis foliorum exeunt flosculi in calicibus turgidulis, hirsuti, striati, margine in quinque acuta segmenta profundè scisso, pediculis brevibus infidentes, monopetali, perexigui, è calicibus vix apparentes, colore pullo, è simplici tubo in quinque subrotunda segmenta expansi. Flore dilapso aut marcescente calices in vesiculas turgidas extumescunt, Solani halicacabi ferè modo, inque eardm fundis quatuor semina stylium circumstant, lata basi calici adnata, ut in hujus generis reliquis, rugosa, per maturitatem ruffa, galeam figurâ suâ imitata. Summitates plantæ in apricis rubescunt, & flosculis nondum explicatis reflectuntur ut in reliquis congeneribus.

Apud nos hyeme corrumpitur & semine deciduo se quotannis renovat. Echii pullo flore Clusianæ radix oblonga minimi digiti crassitudinem interdum æquat foris, fusca, paucisque tenuibus fibris prædita, capite unde caulis prodit extuberante, & præcedentis anni caulis vestigia servante. Certè nec figura, nec descriptio Clusii plantæ nostræ convenit, ut constet Clusianam à nostra diversam esse: cuius ergo Historiam è Clusio dabimus.

\* 8. *Echium pullo flore* Ger. Clus. Park. *sylvestre lanuginosum* C. B.

Clus.

Pedalem habet caulem, striatum, villosum, foliis Echii aut Buglossi sylvestris, molli lanugine prædita, & inæquali situ ipsum ambientibus ornatum, superiore parte in multas alas divisum, quæ deinde in breves ramulos sese findentes, multis flosculis concavis, extremâ parte in quinque crenulas divisis, colorèque ex atro-purpurascente præditis, onustæ sunt, qui è vasculis molli lanugine hirsutis, & inter folia latentibus prodeunt. Semen ut in hujusmodi generis plantis Viperino capiti simile. Radix oblonga, minimi digiti crassitudinem interdum æquat, foris fusca, paucisque tenuibus fibris prædita, capite unde caulis prodit extuberante, & præcedentis anni caulis vestigia servante. Præmansa folia nullum initio manifestum saporem peculiarem præbent, sed postea nonnihil acrimoniæ habere deprehenduntur.

Crescit multis locis Viennæ vicinis, totâ etiam inferiore Austriâ, & Pannoniæ parte, siccioribus pratis & gramineis locis ad collium radices atque in ipsis collibus nudis, & tenui duntaxat gramine obfisis. Floret Maio. Locus.

9. *Buglossum Lusitanicum bullatis foliis* Morif. prælud. *Borago muralis variegata flore odorato* Cretica Zaroni.

Morif.

Folia, si seratur Autumno, exeunte hyeme profert viridia, bullis albis eleganter conspersa: è quorum medio exit caulis dodrantis, aliquando pedalis, per terram stratus, in summitate sustinens flores eleganter cœruleos, parvos, quadripartitos, quibus deciduis succedunt semina viperini capitis æmula, aliorum Buglossorum more.

Hujus est & alia varietas, priori in omnibus similis, nisi quòd flores edat rubros, striis albis eleganter pictos. In muris urbis Candix in ipsis petrarum fissuris oriri dicitur.

Plenorem omnium hujus plantæ partium descriptionem vide apud Jac. Zaroni in Historia Botanica Italicè conscripta.

Hujus varietatem in monte Hymetto propè Athenas invenit D. Georg. Wheeler. Vide Itinerar. lib. 6. pag. 415.

\* 10. *Borago sylvestris Cretica perennis flore rubro cremesino* Zaroni. An *Buglossa tertia* Matth? *Echium Creticum* Alpin. exot.

Zaroni.

Perennis est planta, à radice satis longa, coloris Castaneæ, fibris tenuibus albicantibus cincta foliis cespitem emittit partim humi stratorum, partim erectorum: sunt autem ea palmum circiter longa, duos digitos transversos lata, supernè in viridi albicantia, subtus pallida, pilis tenuibus obsita, ut est & caulis, tenera, succulenta, tactu aspera, nervo inferius elevato, supernè in sulcum depressio, medium percurrente. Horum in medio exurgit caulis, sesquicubitalis, teres, asper, tenax ut non rumpatur inflexus, medullâ viridi, succosâ farctus, foliis nullo ordine positis, sine pediculis adnatis vestitis, ramosus: in summis caulibus & ramulis flores in longis spicis caudæ Scorpii in modum reflexis, ut in reliquis congeneribus, vulgaris Buglossæ figurâ sed multò minores, colore rubro sanguineo, hilari aspectu, in quinque foliola [potius segmenta] divisi, medium uniuscujusque occupante umbilico quinquepartito, coloris cœrulei. Semen flori succedit quale penultimo in loco descriptæ, sed paullo minus, & nigricans.

Hæc planta Matthioli in Comm. cum magnis figuris depicta videtur sub titulo Buglossæ tertiæ; Alpino etiam descripta & depicta sub nomine Echii Cretici. Consule si placet Autores dictos, & Jacobum Zaroni, & vide an rationes à Zaroni allatæ demonstrent hanc esse diversam ab illis speciem.

II. *Buglossæ affinis semine cotylode seu umbilicato. Linum umbilicatum Park. App. Latun.*

Park.

Annua est planta *cauliculos* exserens *graciles*, *canescentes* superius *ramosos*, *foliis* aliquot oblongis, *glaucis* seu *albicantibus*, *mollibus*, *alternatim* *positis* *vestitis*, quam *Lini sylvestris* *laticoribus* & *crassioribus* *vestitos*. *Ex alis foliorum singulorum singuli* *plerumque* *exeunt flores* *candidi*, *monopetali* *quidem*, *sed in quinque segmenta subrotunda eoque divisi* *ut pentapetali videantur*, quibus *succedunt in fundo calycis semina quaternaria*, *eodem situ* *quo in Cynoglossa*, *verum non aspera sed rugosa tantum*, & *cotylode seu umbilicata*.

Locus.

Lusitanicæ originis esse dicitur.

CAP. V.

De Anchusa.

**A**γχυσήν, quod vim suffocatoriam habeat dicta videtur: Aliis verò à florido radicis colore, siquidem *Ἀρχύς* est fuco illinere, quod nobis non probatur, cum *Ἀρχύς* sit potius ab *Ἀρχύου*.

Anchusa ab Echio, Lycophide, Buglossa, aliisque congeneribus radicis sanguineo succo quo manus inficiuntur, Dioscoride monente, differt.

1. *Anchusa angustifolia* C. B. *lignosior angustifolia* Lob. Park. *minor lignosior* J. B. Item, *Libanotis species Rondeletio* ejusdem. *Anchusa* 4. Ger.

J. B.

Lignosus est frutex, pedalis aut cubitalis, *radice* *subruffa*, *robusta*; *stolonibus* *rigidis*, *Roris-marini* *texturâ*, *alioqui* *glabris*, *sed minoribus* *ramis* *hirsutis*, per quos *folia* *Hyssopi Arabum* *foliis* *paria*: *alia* *Thymi Cretici* *capituli foliorum* *modo* *latiora*, *hirsuta*, *aspera*, *dura*, *ex eodem puncto* *sæpenumero* *plura*, *quorum* *unum* *reliquis* *longius* *multò*, *nervo* *unico* *per singula* *secundum longitudinem* *decurrente*, *nullo* *seu* *odore*, *seu* *sapore*. *Flores* *extremis* *harent* *ramulis*, *ex oblongo tubulo* *in calathiscum* *quinquepartitum*, *ad Primulæ* *veris* *imitationem* *explicati*, *colore* *purpureo*, (*Clusio* *intense* *cœruleo*.) *Semina* *Echii* *aut* *Buglossi*, *fatis* *magna*, *colore* *cinereo*. *Summæ* *virgæ* *Scorpiuri* *instar* *incurvantur*.

Locus.

In collibus sterilibus agri Monspeliens. v. g. *aux Garigues*, *propè Castelneuf*, &c.

C. Bauhino Anchusam minorem lignosiorum Lobelii eandem cum Tragorigano notho Dalechampii plantam statuenti assentior, quicquid reclamet J. Bauhinus. Magnitudine plurimum variat: A Lobelio enim describitur, cauliculis sesquipalmaribus, &c.

Radix, detractâ summa cute nigricante, rubescit Clusio.

Hæc proculdubio planta est quam Pr. Alpinus lib. de *Exot.* titulo *Anchusæ arboreæ* describit & depingit.

2. *Anchusa Monspeliensis* J. B. *minor seu Alcibiadion vel onocbiles* ejusdem. *Puniceis floribus* C. B. *Anchusa Alcibiadion* Ger. *minor purpurea* Park.

J. B.

Crassam longamque habet *radicem* *lignosam*, *rubram*, *roseo* *colore* *tingentem*. *Caulis* *dodrantalis*, *hirti*, per quos [ *ut & à radicis capite* ] *folia* *Echii*, *rigidis* *pilis* *obsita*, *unciam* *unam* *aut alteram* *longa*. *Flores* *extremis* *harent* *ramulis* *conferti*, *purpurascens*, *longiusculi*: *Semen* *sequitur sublongum*, *cinereum*. *Sapor* *Buglossi* *non* *ingratus*, *acrior* *tamen* & *ficcior*.

Locus.

In colle arenoso inter Gramontiam sylvam & Castrum novum non procul Monspelio spontaneam observavimus.

Vires.

C. Bauhinus Anchusam 3. *Cam. epit* ab hac specie diversam facit, quam rectè ipse viderit.

De Anchusæ viribus quæ Veteres habent apud ipsos videri possunt. Radix oleo soluta rubro colore tingit. Antiquæ mulieres pro fuco seu pigmento eâ uti solebant. Petroleo infusam & illam ad vulnera recentia & puncturas commendant.

3. *Anchusa Echii foliis & floribus* C. B. *max. Gallie & Angliæ; floribus Echii non dissimilibus, cœruleis, ad puniceum vergentibus* J. B.

Lob.

Quæ Calys & onocleia vocatur, maxima, frequentissima Gallie & Angliæ arvis latis, sed glareosis vel argillosis. Radix intus ligneo corculo, libro, corticèque crassiore amicta, sanguineo succo, santalinovæ digito, in ficente, digitum æquat, sesquipalmum longa, gustu Buglossæ. Folia copiosa Echii aut Buglossæ angustifolia, lanugine spinosa, incana, cespiti incumbencia. Caulis plurimum singularis, rotundus, squaber, cubitalis, thyrsulis florum cœruleis ad puniceum vergentibus, Echii non dissimilibus. Semen exiguum, oblongum, pullum.

Nihil



Nihil video in hac descriptione quod non conveniat Anchusæ Monspeliciæ: cùmque Lobelius hanc Angliæ arvis lætis frequentissimam scribat: nobis autem nihil unquam simile inventum in Angliæ aut ab aliis ostensum est, iudicet Lector quæ fides Lobelio habenda sit, & annon potius statuentum, hanc quoque Anchusæ speciem Monspeliciæ eandem esse, seu Anchusam Monspeliciam sub hoc etiam titulo descriptam esse Lobelio.

3. *Anchusa flore albo aut pallido Clusii*, J. B. *Anchusæ luteæ majoris varietas* C. B.

Clus.

Numerosa huic sunt folia, palmaris longitudinis valdè angusta, & pungente lanugine hirsuta; e quorum medio caulis assurgit secundo anno (primo enim æqualis est) pedalis, interdum etiam cubitalis, crassiusculus, firmus, hirtus, in multos ramos divisus, in quibus breviora multò hispidaque folia. Extremis ramis prodeunt è vaginulis hirsutis & asperis flores, Symphyti majoris floribus quodammodo similes, albi aut ex albo nonnihil pallecentes sive æchiodori, in angulos quinque divisi: quibus discussis semen vaginulis conspicitur viperino capiti aut Echii semini simile. Radix minimi digiti crassitudinem æquat, nigræque cute tecta est, quæ sublata omnino rubet, & elegantissimo colore inficit: adeo autem carnosa est ut radicem vulgaris Buglossi instar condiri possit, dulcis tamen & insipida.

In plerisque Pannoniæ Austriæque ficcis ac aridis locis nascitur.

Locus.

4. *Anchusa lutea* J. B. Ger. *lutea major* Park. C. B. *major floribus luteis* J. B. *Yellow Mallow* M. Hanet.

Sanguineo succo plenam habet radicem, perinde ut Onochiles: caulem hispidum, pedalem vel etiam majorem, tenuiorem, folia per ramos breviora, pari tamen latitudine: flores in cacumine congestos, & spicam ferè imitatos, concavos, Symphyti majoris, exiliores, luteos: semen Echii simile, nitidum, cinereum, punctulis nigris notatum, sed triangulum & mucronatum, rostellis aviculæ formæ.

In agris sterilibus Lugduno non longè, qua Genevam itur observavimus; J. Bauhinus inter Viennam & Lugdunum invenit, & in montibus Euganeis Junio florentem.

Locus.

5. *Anchusa lutea minor* C. B. J. B. Park. *Anchusa echioides lutea Cerinthes flore montana* Col. *Symphytum angustifolium Apulum* Park.

Col.

Radicem Maio mense rubentem observavimus in tenellis: in vetustioribus verò lignosa est, longa, magna respectu plantæ, foris nigra, corticosa & pilosa; ex qua multi veluti supini, elati fruticant in orbem, rubentes, sesquipedales ad summum ramuli, hirsutæ obsiti alba, aspera, quemadmodum & folia, quæ angusta, Anchusæ Alcibiadis, minoræ, Linariæ, ferè tres uncias longa, multa circa radicis caput, in terram convexa, (multa enim germina è vetusta radice oriuntur,) quæ in caulibus sunt majora & circa summum latiora, semperque breviora. Flores verò in caulium summo (qui bifurcati sunt & incurvi Scorpiuri modo) emicant, ab imo incipientes: Primò verò in ipso ramulorum divaricationis angulo, oblongi, melleo succo intus Cerinthes modo, cavi, lutei, parum circum ora ventricosi atque angulosi, in quinque lacinias parvas ora divisa habentes, ex quorum centro longus apex prodit, qui medius est inter semina quatuor in imo concepta, angulosa, rostrata, sed nitida, levia, colore corticis Castanæ, quæ demum intra oblongos, hirsutos, quinquepartitos calices alternatim dispositos per caulium summitates tunc erectas perficiuntur Æstate. Planta est perennis.

Maiore floret. Saxosis æquicolorum montibus Meridiei expositis oritur.

Locus & Tempus.

6. *Anchusa humilis* Alpin. exot. *humilis Cretica* Park.

Alpin.

Ab una radice longa, pollicari crassitie, in extremum sensim ac sensim gracilescente, rubescente colore, magnitudine & figurâ radici Cardui pineæ maximè simili, in terram obliquè acta, plures furculos, semidigito longos producit, utrinque foliis longis, albis, Anchusæ proximis, sed minoribus densissimè undique vestitos; atque in summitate ipsorum flores rubri, ad purpureum incli-  
nantes, in suis parvis calycibus spectantur, Anchusæ majores figurâ coluteæ vesicariæ, à quibus  
minu producuntur thecis parvis, oblongis, asperis, albicantibus. Radix tempore æstatis succo rubro  
turgens, quæ manus rubro colore inficit.

In locis montosis & sylvis Cretæ insulæ nascitur.

Locus.

*Anchusæ arborea* Alpin. Park.

Descriptionem vide apud Alpinum. Eadem videtur Anchusæ angustifoliæ C. B.

## CAP. VI.

## De Echio.

**E**chium, <sup>Εχίον</sup>, à figura seminis capiti viperino similis proculdubio dictum est; Hinc con-  
 statum capiunt ad viperarum aliorumque serpentum ictus valere.  
 Flore corniculato, seu incurvo, & ex angusto principio in latum expanso, superiore parte  
 longius excurrente; inferiore breviora à reliquis Asperifoliis distinguitur.

*Buglossum Echoides Indicum, Convolvuli cœrulei minoris folio Breynii.*

*Breyn.*

E radice *caules* prodeunt pedales & majores, rotundi, angulosi, virides, leniter hirsuti; quos *folia*  
 bina, petiolis ferè carentia, semper sibi mutuo opposita cingunt, Convolvuli cœrulei peregrini C. B.  
 foliis formâ, magnitudine & hirsutia respondentia; ex quorum alis utrinque ramulus scissuralis,  
 pertenuis emergit, *floribus* ternis, senis, vel pluribus, Buglossi & Echii faciem mediam obtinentibus,  
 cœrulo-purpureis, ex calycibus hirsutis, quinquepartitis emicantibus, secundum longitudinem serie  
 quadam digestis onustus.

*Locus.*

Ex insula *Zeilan* habuit descriptionis Autor Jac. Breynius. *Ephem. German. Ann. 4 & 5.*  
*Observ. 139.*

A. 1. *Echium vulgare* J. B. C. B. Park. Ger. emac. *Vipers Bugloss.*

*J. B.*

*Caulibus* est sesquicubito altioribus, hispidis, punctis nigris notatis, solidis, teretibus, *folia* crebris,  
 nullo ordine positis vestitis, ab imo ad summum ferè fastigium *floribus* onustis, atque iis vel cœru-  
 leis, vel ex cœrulo purpurascens, monopetalis, margine in quinque subrotundas lacinias divi-  
 so, amplis & speciosis, cornu venatorum figuram imitantibus, quatuor intus staminulis purpurascen-  
 tibus cum stylo albo. *Calix* floris quinque segmentis longis, angustis, acutis, striatis constat, inque  
 ejus fundo quatuor semina juncta rugosa caput viperinum figurâ suâ imitata, unde herbe nomen.  
 Florum nondum explicatorum spicæ caudæ Scorpii ferè in modum reflectuntur. *Folia* aspera, hir-  
 sutaque, oblonga, angusta, non crenata, maculis interdum albicantibus notata, sapore saturo, crebra  
 à radice, quæ longa, pollicari crassitudine, lignosa, gustu nullo eximio.

*Locus.*

Secus vias & semitas inque muris non raro & arvis sterilibus, Æstate tota floret.

Variat interdum floris colore albo.

*Vires.*

De hujus viribus nihil certi traditum invenio. Wirtemb. ad Epilepsiam & fervorem Echii radi-  
 cem fumendam præcipit, siccantur & in pulverem redigendam, pulveremque drachmæ semis pon-  
 dere cum vino aut cerevisia propinandum. *J. B.*

2. *Echium majus & asperius flore albo* C. B. *albo flore majus* J. B.

*J. B.*

Præcedenti simile est, sed multo majus & asperius; robustum, rectum, in alas valdè divaricatum.  
*Locus.* In agro Salernitano & Romano, inque Etruria & Gallia Narbonensi hoc genus observavimus,  
 quod revera tota specie ab Echio vulgari differt, non floris colore tantum, qui & in vulgari non raro  
 albus invenitur: proinde non rectè à Parkinsono Echium vulgare flore albo denominatur.

3. *Echium majus & asperius flore dilute purpureo* Botan. Monsp. *Lycopsis altera Monspeliaca*  
*floribus dilute purpureis* C. B.

*Locus.*

Circa Lateram in herbidis pratorum marginibus & circa *la Valette* sæpius collegit D. Magnol.

4. *Echium Creticum latifolium rubrum* C. B. Park. *An Echium Candiae flora pulchre rubente*  
*J. B.*

*Clus.*

Ampla initio habet *folia*, mediæ inter Plantaginem & Buglossum substantiæ, humi strata, inter  
 quæ nascebantur *caules* rotundi, scabri & asperi, frequentibus alis donati, quos ambiabant mordi-  
 nata *folia* minora, hirta: extremi rami circumvolvebantur & inflectebantur, Echii & aliarum An-  
 chusarum instar, gestabantque caliculos quinque foliolis angustis & hirtis constantes, ex quibus cavi  
*flores* Echii floribus non dissimiles prædibant, coloris rubri, diluti, elegantis, in quinque lacinias sum-  
 mis oris divisi, (quos successu temporis purpurascens colore contrahere observabam) & quorum  
 umbilico exibant *staminula* ex rubro purpurascens, *apicibus* pallidis, & medius gracilis *stilus* exal-  
 bidus & bifurcus. Flori successit *semen* Echii semini non dissimile. Flores dedit Julio & sequentibus  
 mensibus. Echii Candiae *J. B.* tota planta candidior erat Echio vulgari magis ramosa: *Flores* formâ  
 similes, nempe hiantes, sed colore diverso, pulchro sci. rubente.

*Locus.*

In Gallia Narbonensis locis plurimis copiosè; circa Monspelium tamen rariùs occurrit. Flore erat  
 dilute rubente, uti planta Clusio descripta.



5. *Echium Creticum angustifolium rubrum* C. B. Park. Cret. 2. Clus.

Clus.

Caules huic magis scabri erant quàm priori, rotundi, parvis maculis rubris distincti, Serpentariae fere ritu: folia promebat quatuor aut quinque pene uncias longa, unam lata, pallidioribus maculis aspersa: Flores extremis ramulis nascebantur egregie rubentes, nativam rubedinem etiam adulti retinentes, & quorum umbilico majora duo staminula prodibant & tria minora, quorum tertium reliquis minus, omnia autem apicibus albis prædita. Florere incipiebat sub extremum Julium.

Hanc speciem caulibus maculatis, asperioribus, & fere spinosis, magis procumbentibus observavi *Locus.* in Sicilia propè Messanam.

\* 6. *Echium rubro flore* Ger. emac. Clus. J. B. Park. *sylvestre hirsutum maculatum* C. B.

Clus.

Hæc planta adeò in paucis à præcedente differt, ut vix possim mihi persuadere specie distingui: Clusius tamen pro distincta eam ponit, & sic describit; Oblonga & angusta habet folia, villosa, vulgaris Echii foliis fere similia, paulò tamen latiora, humi strata: Caulem modò pedalem, modò cubitalem, firmum, striatum, lanuginosum, maculisque purpureis conspersum; quem incondito ordine multa ambiunt folia, infernis breviora & angustiora, non minùs tamen hirsuta. Summum caulem exornant multi breves ramuli, in se veluti convoluti, atque Scorpiuri instar inflexi, pleni florum vulgaris Echii floribus similibus, sed colore rubro eleganti præditi, qui proximè caulem primùm aperiri incipiunt. Excusso flore semen, ut in aliis Echii generibus apparet in caliculis nigrum, viperino capiti simile sed minus. Radix satis longa, dura & lignosa, nigro cortice tecta, summo capite multos interdum caules promens, sed maxima ex parte duntaxat unicum.

Abundè admodum ficcis pratis supra & infra Sopronium Ungariæ urbem, nusquam verò alibi *Locus.* hanc plantam observabat Clusius, Maio florentem, nunc saturatè rubentem, modò dilutioris colore præditam.

*Lycopsis Egyptiaca* C. B. Park.\* 7. *Echium pumilum album* C. B. *Echioides parva alba* Park. *parva alba amphibia* Col.

Col.

Dodrantalus est planta aut summum pedalis, radice parva, pennæ Anserinæ calami crassitie, fusca foris, intus alba, at Maii fine Æquiculis & Valvensibus rubescere observavimus, dulci sapore; ex qua caulis crassior duplo supradicta fructicat, ab imo duabus vel tribus alis divisus, subrubens, rotundus, asper, foliis alternatim vestitis per intervalla oblongis, parvis, Oleæ minoribus, semiunciam longis, longitudine quadrantali, virentibus, alba hirsutis aspera parùm obtusis, in summo ut in superiore in tres ramulos divisus, in quibus alternatim eodem modo minora foliola disposita hærent: inter quæ flores ex calicibus hirsutis quinquepartitis superiori similes atque majores parùm, albicantes emicant; Semina in imo habentes quaternaria, majora parùm superiore atque rugosa, aspera & etiam intorto rostro.

Eodem tempore cum superiore floret atque perficitur. In agris incultis ubique Cirinolæ frequens *Locus.* atque etiam Æquicolorum montibus circa sepes.

\* 8. *Echium tenuifolium* J. B.

J. B.

Dense ramis præditum est, tenuissimis illis quidem & Satureiæ ramulos crassitudine vix superantibus, multò tamen hispidioribus Echii vulgaris, hoc est, & longioribus & rigidioribus & crebrioribus veluti spinulis horrentibus. Folia Satureiæ foliis paria, multa etiam tenuiora, asperitate majore quàm Echii nostratis. Flores recurvis ramulorum scapis hærentes satis magni, patuli, cœrulei.

Hæc planta ad Anchusam sylvestrem lignosiores accedit, florum figurâ differt.

9. *Echium Hispanicum flore calcari donato* C. B. Park.

C. B.

Radix habet lignosam, fibrosam, cortice ad rufum vergente tectam; à qua cauliculi plures, alii majores, alii breviores, rotundi, nonnihil villosi, humum versùs reclinati prodeunt, qui foliis ramulosis brevioribus, Veronicæ Alpinae similibus, crassiusculis & asperiusculis cinguntur. Flores in cauliculorum summis cœrulei, oblongi, cavi, calcari ut Linaria donati, ex hirsuto brevique calice procedunt, ex uno folio compositi, at in summitate in lacinias quaternas divisi; quibus delapsis in conceptaculis semen oblongiusculum, durum, rugosum, ut in Echio vulgari succedit.

In Granadæ montibus inventum est.

Flos calcari donatus, & semen in conceptaculis hanc plantam ad diversum genus pertinere arguunt: verùm ob descriptionis imperfectionem ad quodnam propriè pertineat definire nequimus; hic ergo tantisper locum habeat, donec certiùs nobis constiterit quò referenda sit.

Ab Echio luteo minimo non multum differre videtur, si non idem prorsus sit.

*Locus.*

10. *Echium Creticum album* Park. [potius *luteum*.] *Echium Creticum* Alpin. exot. An *Echium flavo flore* Clus. cur. post?

Alpin.

Hæc planta fert ab radice complura *folia* oblonga, tenuia, in acutum desinentia, albicantia, quædantenus ad Anchusam accedentia, sed longè minora, crassa, pilis velut spinis tenuibus aspera atque horrentia. *Cauliculos* è medio foliorum producit, palmum vix altos, rotundos, asperos, pilis tenuibus durisque obritos: in his parva *foliola*, longa, aspera paucissima sine petiolis cernuntur, itidem albicantia; non utrinque, sed ex uno latere inordinatim longo intervallo posita. In summis vero cauliculis *flores* multi sparsim in suis asperrimis calycibus parvis, oblongis, quasi corymbos seu umbellam facientibus exeunt, lutei, Anchusæ similes. Quibus succedunt *semina* parva, albicantia, tritici magnitudine, figurâ capita viperina apprimè referentia. *Radix* parva, lignola subest & nigra, in parvas radículas divisa.

Pro Echio è Creta hujus semina accepit Pr. Alpinus.

*Echium pumilum* flore luteo C. B. Park. hoc est Ech. flavo flore Clus. cur. post. huic eadem videtur.

11. *Echium nigrum flore eleganti* Alpin. exot. *Creticum nigrum* Park.

Alpin.

Planta est procera, ferens quinque *caules* & plures etiam, crassos, rotundos non in rectum sed obliquè actos, & quasi in terra stratos, *foliis* multis, densis, oblongis, in acutum desinentibus vestitos, asperos, spinulis acutis undique armatos. Et *folia* & fructus eodem modo spinulis prædita sunt. In ramulorum summitatibus *flores* visuntur, haud ita parvi ut in aliis Echii, longi, verticillares, ita ut quidam ex floribus purpurascant, alii cyaneo colore dilutiore cernantur. *Flores* figurâ ad parvas Campanulas accedunt, sed ora hiantia habent, ac ex iis singulis quatuor aut quinque filamenta tenuissima promunt: parum odoris respirant. A floribus in ramulis numerosis, ac simul densatis fiunt *semina*, in quibusdam vasculis oblonga, nigro colore, & figurâ viperini capitis similia. *Radice* nititur oblonga, pollicari crassitie, in tenuitatem desinente. Sapor foliorum dulcis, subacris.

Hanc (ut puto) speciem circa Messanam Siciliæ urbem observavimus.

Locum.

- \* 12. *Echium luteum minimum* C. B. *Echioides lutea minima* Park. *lutea minima* Apula campestris Col. An *Echium flavo flore* Clus. cur. post.

Col.

Hujus *radix* tenuis est admodum, lignosa, cortice fusco Echii, intus alba; ex qua *folia* in terram sparsa, duas uncias ad summum longa, satis angusta, ut latitudine paria sint cauliculi diametro, Lino similia, sed in summo latiora, carnosa, hirsuta, duriuscula, propè caulem molliora. *Cauliculis* tribus aut quatuor fruticat, parum supinis, dodrantalibus aut pedalibus albescentibus, rotundis, hirsutis, foliosis admodum, atque circa summum maculosis guttis ex flavo purpurascantibus, in quinque *ramulos* aut tres vel plures aliquando, quadrantales divisam comam habentibus, foliolis densis atque utrinque alatis sive pinnatis amictos. E foliorum sinibus *flores* exeunt lutei, oblongi, tenues, pusilli, tenui tubulo, minores & angustiores aliis, sed sui proportionem latiusculis oris, quinquepartitis ac stellæ modo hiantibus; in quorum calycibus succedunt *semina* quaternaria, aliis minora, intorto rostro capitella exprimentia Aviculæ potius quàm Serpentis.

Tempus  
& Locus.

Aprili floret, Maio perficitur, Cirinola frequens. Florem unicum, ut in aliis, ante alios in alarum sinu sed absque petiolo hærentem profert.

C. Bauhinus eumque secutus Parkinsonus *Echium flavo flore* Clus. cur. post. ab hoc specie distinctum faciunt, quàm rectè ipsi viderint.

- A. 13. *Echium marinum* P.B. Cat. Ang. An *Buglossum dulce ex insulis Lancastriæ* Park?

*Folia* ei parva, glauca velut Cerinthes, figurâ ferè foliorum Betæ marinæ, sed minora multo. *Flores* exigui, cerulei, tubulosi ceu Cerinthes, sed breviores. Singulis floribus quatuor succedunt *semina*, ut in hoc genere fieri solet. *Caules* infirmi, humi procumbentes.

Parkinsonus caules tenues cubitales aut minores ei attribuit: *folia* quæ ad radicem sunt Boraginis multo minora, magis glauca, asperiuscula; quæ in caulibus adhuc minora. *Flores* ad genicula è foliorum alis exeunt, antequam explicantur rubentes, aperti, purpureo-cerulei, Echii nonnihil similes, seu inter Boraginis & Echii flores mediis, odore dulci mellis. *Radix* crassa, exterius nigra, furculos aliquot emittit.

Locus.

In Septentrionalibus Angliæ maritimis invenit, v.g. ad molendinum Scrammerston dictum non longè à Bervico: item in insula quadam ad oram Lancastriæ. D. Newton invenit in litore Cumberlandico non procul à *Whithaven* oppido, ni malè memini.

Nescio an rectè ad *Echium retulimus*: D. *Wattei* Cynoglossæ speciem facit.



## CAP. VII.

## De Heliotropio.

**R**acionem nominis superius dedimus in capite de Heliotropio tricocco, inter herbas flore imperfecto donatas.

Quòd Heliotropium folia cum Sole circumagat Veteribus traditum est; Nos nihil tale nunc dierum in ejus foliis experimur, at neque in alterius cujuscvis plantæ. Ingenue fateor (inquit P. Laurembergius) quæ tot Botanici prodidère de foliis Malvæ cum Sole conversis, de Tichymalo helioscopio, de Lupinis, de Cichorio, de Calendula, de Flore Solis, pluribusque aliis quocidie cum Sole circumactis, cœloque núbilo horas ostendentibus, me nullâ uspiam in regione, nullo tempore, etiam studiosissimè observare gestientem deprehendere potuisse. Flos Solis caput equidem versus Meridiem plerunque inclinat: at quorsum semel inclinavit capitis pondus ibidem semper retinet, ubi ubi Sol versetur.

At Dodonæus Heliotropium dictam hanc herbam asserit, non quòd ad Solis diurnum motum convertatur, sed quòd æstivo Solstitio floreat, cum Sol longissimè ab Æquinoctiali circulo digressus ad ipsum rursus reversus sive conversionem faciat.

1. *Heliotropium majus* Lob. Ger. Park. *majus flore albo* J. B. *majus Dioscoridis* C. B. *The greater Heliotrope*, or *Turnsole*.

7. B.

Planta est dorantis & major, interdum minor ratione loci, radice simplici lignosa: Caulis fungosâ medullâ plenus, foris ex viridi incanus, tomentosus, multis alis concavus. Folia ad ramulorum exortum & per ipsos ramos disposita, Ocymii foliis paria, ex rotundo oblonga, nervosa, cauli concoloria, hirsuta. Flores ramosi, albi, parvi, foliolis lanuginosis obfiti: caterum racemus ille spicatus cacumen in se Scorpionis caudæ instar contorquet. Semina succedunt triangula, brevia, cinerea, quaternâ juncta, acuminibus coeuntibus globosum capitulum efficientia.

In Gallia Narbonensi, inque Italia & Sicilia in agris ubique ferè luxuriat. Vidimus etiam circa Moguntiam & alibi in Germania.

Quæ de viribus Heliotropii habent Veteres apud ipsos vide.

Verrucas & myrmecias & thymos affricata herba valenter adimere dicitur. Efficacissima est ad Vires: versus carcinomata & ulcera gangrænosa & tumores strumosos [tota planta Matthiolo, semen Lobelio.] Folia ex rosaceo illita capitis dolorem mulcent. Epotum foliorum decoctum unâ cum Cuminorum renum calculos pellit & frangit, & intestinorum animalia necat.

2. *Heliotropium Siculum majus flore amplo, odorato* Bocconi.

Boc.

Cauliculo constat ramoso, versùs terram reclinato: foliis in rotunditate oblongis, candicantibus, leviter hirsutis & quasi villosis seu lanugine obductis. Heliotropio vulgari non absumile est quoad caulium & foliorum compositionem: floribus autem variat, qui multo majores sunt & suaveolentes, Smilacis asperæ aut Meliloti ritu. Caulis fastigio flores sæpe velut in umbellam congesti versùs extremum coherentes, alioqui secundùm ramulorum flexum, ut in vulgari, ordine peramceno digeruntur.

Non longè Catana in asperis & segetibus copiosè crescit vulgari permixtum.

Locus.

3. *Heliotropium Indicum Hormini folio* Hort. Reg. Paris.

Hujus quod ad me transmisit specimen insignis Botanicus D. Sloane, non multum differre visum est à vulgari Heliotropio majore præterquam magnitudine, & quòd non usque adeò incanum sit.

4. *Heliotropium supinum Clusii & Lobelii* Ger. *minus supinum* C. B. *minus quorundam sive supinum* J. B. *majus supinum* Park.

Clus.

Majori perquam simile est, minus tamen, graciliores enim fert ramulos, in multas alas divisos, aliquantulum lanuginosos, humi stratos. Folia majori sapore, colore, formâ similia, minora tamen & Ocymii foliis proxima: extremi ramuli Scorpionis caudæ instar etiam incurvantur, eisque ordine insident (ut in majore) candidi flosculi; quibus succedit semen non quadrifarium ut in illo divisum aut quaternâ simul juncta, sed unicum ferè semper, interdum geminum, illo majus & oblongius, fuscum, quodam cortice sive membranâ tanquam pericarpio inclusum: Sub foliis aliquando etiam latent pedicelli, terna aut quaternâ duntaxat semina sustinentes. Radix parva, foris nigricans, hyeme perit, & deciduo semine singulis annis novæ plantæ renascuntur.

Non possum assentiri Clusio, semina singula singulis flosculis naturaliter succedere, licet ex accidenti id sæpius contingat, ut in Lithospermo vulgari.

C. Bauhinus, Gerardus & Parkinsonus duas constituunt Heliotropii minoris species, verùm præter rationem, & per errorem ut nobis videtur. Vide J. B. tom. 3. pag. 605.

*Heliotropium tricoccon* quære inter Herbas flore imperfecto.

5. *Jacua*

5. *Jacua acanga Brasiliensis, Scorpioidis species* Marggravio.

Margg.

Assurgit in duorum aut trium pedum altitudinem; caule hirsuto, piloso, multis ramis præditus. Folia bina sibi opposita cum aliis parvulis habet, vel etiam quandoque solitarie posita, suntque cor rugata, similia foliis Scarleæ, raris pilis vestita, oblonga. In extremitatibus superiorum ramorum enascitur spica, decem aut duodecim digitos longa, in qua unicus ordo flosculorum, coloris è luteo & cæruleo mixti: Quilibet flosculus autem figuram habet parvi calicis; extremitas spicæ curvata esse solet instar floris vulgaris Scorpioidis. Post flores sequitur semen Milii nostratis similitudine, flavum, triangulare, & circa extremitatem acuminatum, figurâ penè Pegopyri, sed fusci coloris. Radix pedem aut sesquipedem longa est, ferè recta, pauca aut nulla filamenta habens, cortice fusco; intus alba, ligniosa ac lenta, sapore subdulci, sed parùm manifesto.

Alia Species.

Reperitur & alia species planè priori similis, nisi quòd paullo major sit quoad caules. Radix eadem est; folia paullo molliora, spica quoque ut in priore incurvata: flosculi albi seu lactei, quinque foliis constantes: semen denique rotundum, non triangulare, ut in priore.

## CAP. VIII.

## De Buglossò Echioide, seu Echio lappulato.

A. Buglossum sylvestre caulibus procumbentibus C.B. Borago minor sylvestris Park. Cynoplossa (sunt) in piaria Plinio, Echium lappulatum quibusdam J. B. Aparine major Plinii Ger. Small wild Bugloss, Great Goose-grass, German Madwort.

J. B.

**E** Radice admodum tenui, alba, simplici exeunt cauliculi bicubitales & etiam longiores, angulosi, brachiati, concavi, uncinulis [secundùm angulos] rigidis, asperis ad vestes adherentes, per terram se spargentes, nisi in propinquo sit quod scandant. Folia in caulis imis singularia, in summis nunc bina aut terna, interdum etiam quaterna simul, duas uncias longa, utrinque reducta & angusta, quorum infima superioribus obtusiora, brevi lanugine hirsuta. Flosculi perexigui, ex viola purpurascens, ex alis foliorum singulis singuli plerumque exeunt, [interdum in ipsa ramulorum divaricatione consistunt singulares] brevibus pediculis donati, quinque partiti. Flore dilapso pediculi reflectuntur ad averfam aut pronam caulis partem ex adverso foliorum è quorum sinubus exeunt, quæ sursum tendunt. Calix autem floris in vasculum feminale amplum & velut bivalve, triquetrum quidem, marginibus tamen in plures angulos seu acutas lacinias divisus dilatatur, semina quatuor simul juncta claudens, compressa, fusca, sesamoideis paulo majora. Odor & sapor totius plantæ qui Boragini. Summitates caulium & ramorum floribus onusti, antequam aperiantur caudæ Scorpii in modum reflectuntur, ut in hujus generis reliquis.

Planta hæc, ob formam fructus seu vasculi feminalis Atriplicis latifoliae foliis aut Anseris avis pedibus similis, æmuloque F. Columnæ denominatur.

Tempus.  
Locus.

Maior mense apud nos florere incipit, & cum semen perfecit radicitus exarescit.

In Anglia rarius occurrit. Propè oppidum Novum-Mercatum dictum, in sepe quadam non longe à templo domui Regiæ proximo, secus semitam quæ ad oppidum ducit, observavimus; item propè Boxley vicum in agro Suffexiensis; demum in insula Sancta dicta, Anglicè Holy-Island, Northumbriæ adjacente. In Æquicolorum montibus observavit Columna. Elixam, inquit, mandunt montani Valuentis pulmenti modo, apud quos etiam oritur.

Ufus.

In Italia folia majora evadunt quàm apud nos, admodum (inquit F. Columna) majora & latiora quàm Rubiæ, quibus ea comparat [& verè] Lobelius, semipedali nimirum longitudine, duas uncias lata.

Varietas.

Hujus aliam seu speciem seu varietatem observavit Chr. Mentzelius, quam Buglossum caulibus procumbentibus tenerius, floribus albis vocat: Furstenwaldiæ aliisque in locis Marchiæ Brandenburg. ad sepimenta provenientem.

## CAP. IX.

## De Lithospermo.

**L**ithospermum à lapidea seminis duritie nomen accepit. Milium Solis Officinis dicitur, licet fortasse rectius Mauritanorum imitatione Milium Soler vocaretur: quandoquidem (ut scribit Serapio) frequens nascitur in montibus Soler: Milium autem dicitur à seminis similitudine, quòd & splendore & duritia cum semine Milii convenit. Nostratibus corruptè Gromill dicitur pro Gromill, id est, Milio griseo.

Notæ ejus sunt semen lapideum, splendens, flos in quinque segmenta expansus.



- A. 1. *Lithospermum sive Milium Solis* J. B. *Lith. majus erectum* C. B. *minus* Ger. *vulgare minus* Park. *Grumill*, or *Grumwell*.

Pollicari circiter crassitudine est radix, lignosa, perennis, fibras aliquot à latere fundens. Caules inde exurgunt complures, cubitales aut sesquicubitales, recti, rigidi, teretes, tactu asperi, solidi, ramosi, foliis crebris, nullo ordine positis hirsutis, longis, angustis, in acutum mucronem desinentibus, sine pediculis adnatis, vestiti. Quæ in summis caulibus & ramulis sunt folia latiora sunt & breviora pro magnitudinis ratione, & saturatius viridia. Flosculi in summitatibus caulis & ramorum, ex singulis foliorum alis singuli, ex herbaceo albidis, monopetali, parvi, in quinque obtusa segmenta partiti, pediculis brevibus insident. Calix hirsutus quinque angustis acutis laciniis constat. Singulis flosculis naturaliter quaterna succedunt semina, quamvis rarius ultra bina aut terna perficiantur, sunt autem colore cinereo, politis lævioris & invictæ duritiei.

In agrorum marginibus ficcioribus, in viis publicis & dumetis non ita infrequens est. Floret *Locus*. Maio & Junio mensibus, furculi autem floribus onusti, antequam flores explicantur, eodem modo reflectuntur seu contorquentur quo in aliis hujus generis herbis.

Semen *Lithospermi* renes absterget, urinam ciet, calculum insigniter comminuit & expellit, *Au- Vires*. tore Dioscoride. At qua id qualitate præstat? Diuretica, docente Galeno, eousque calida & sicca esse convenit, ut liquare & fundere sanguinem possint: *Lithospermi* semen nec acre est nec amarum, nec ullius alterius qualitatibus particeps quæ calorem indicet. Oportet ergo ut specifica ut vocant proprietate calculum comminuat. Nullus autem hic à nimia dosi metus, cum nulla hic insignis qualitas sit.

An autem frangere possit lapidem jam concretum, quod quidam promittunt, equidem valde nescio, inquit C. Hofmannus: & J. Bauhinus, Ego quidem non existimo, neque hoc semen, nec ullum aliud remedium calculos frangere. Pituitam & crassos humores, arenulas aut calculos glutinantes dissolvi & pelli posse medicamentis idoneis, fortè etiam hoc semine, concedo.

Matthioli 3ij magno (ut ait) successu dat in lacte muliebri parturientibus.

- A. 2. *Lithospermum majus Dodonæi*, flore purpureo, semine *Anchusæ* J. B. *majus* Ger. *vulgare majus* Park. *minus repens latifolium* C. B.

J. B.

*Surdula* prociduis pluribus donatum est, pedalis & cubitalibus, tenuibus, nigricantibus, hispida, subinde fibras agentibus; quos folia vestiunt uncias duas circiter longa, semunciam lata, in acumen desinentia, ex saturo virore nigricantia, hirsuta, aspera. Flores extremis hærent ramulis conferti, majores quàm *Anchusæ* alterius, violacei. Semina *Anchusarum* vel *Echiorum*, albicantia, rugosa. Radix longa crassa, lignescens, tortuosa, nigra.

Caulis ille qui flores sustinet erigitur, & foliis longioribus, pallidiùs virentibus amicitur. Icon hujus plantæ apud Clusium aliisque eam melius repræsentat quàm descriptiones eorundem.

Miror cum J. Bauhino hanc referri ad *Lithospermum*, quum potius semina habeat *Anchusarum* vel *Echiorum* seminibus similia.

In colle quodam prope *Denbigh* oppidum in Wallia: invenimus & in agro *Somerfeten* non longe à *Taunton* oppido. *Locus*.

*Lithospermum Anchusæ* facie *Lob.* i. e. minus erectum C. B. ab hoc non diversum putamus, C. B. quidem in eo differre ait quòd non repat: at Lobelius illud non dicit, quamvis figura repentem non repræsentet.

- \* 3. *Lithospermum angustifolium umbellatum* C. B. Park. Bocc.

C. B.

Cauliculo est palmo minore, rotundo, quem folia strictissima, oblonga, nonnunquam utrinque bina ambiunt: In cujus summitate flores quasi in umbellam dispositi, cærulei, parvi, oblongi, cavi, per oras in quinque crenas divisi.

A sequente non alia in re quàm foliorum angustia distinguitur.

*Locus*.

- \* 4. *Lithospermum umbellatum latifolium* Bocconi.

Boc.

E radice lignosa caulis illi cubitalis exoritur, farmentosus, in multas alas seu ramusculos divisus. Folia oblonga, Olex æmula, angusta, aspera & saturatè viridia. Flosculi caulium fastigia occupant, in Umbellam veluti coherentes, coloris purpurei, quinque petalis constantes: quorum singulis succedunt semina duritie lapideâ donata.

Ad *Panormum* Siciliæ in cautebus montis *Peregrini* gignitur.

*Locus*.

- A. 5. *Anchusa degener facie Mili* solis Ger. *emac. Lithospermum nigrum flore albo*, semine *Ecbii* J. B. *Lith. arvense radice rubra* C. B. *arv. radice rubente* Park. *Bastard Alkanet* or *Grumill*, *Salsfern*.

J. B.

Radice nititur simplici, lignosa, rubente, annua: ex qua nunc unus, nunc plures exurgunt caules pedales & longiores, hispidi, summa parte ramosi, solidi, striati, virentes, foliis vestiti ad *Mili* solis vulgaris folia accedentibus, in caule minus crebris, nec adeò nervosis, mollioribus, minoribus, asperis,

asperis, nigricantibus, de quorum magnitudine quò superiorem locum occupant eò plus decedat. Flores in summis ramulis ex alis foliorum egrediuntur singulis singuli, pediculis brevibus insidentes, quinque oblongis, angustis, hirsutis calicis foliis obvallati, Milii folis flosculis similes, verum non herbacei sed albi: Singulis flosculis quaterna (ut in hujus generis reliquis) succedunt semina, Echii aut Buglossi seminibus similia, lævia tamen & splendentia.

Locus &  
Tempus.

Maior & Junio mensibus floret; estque inter segetes apud nos ubique frequentissima. Florum furculi, floribus nondum explicatis pariter reflectuntur ut in Lithospermo vulgari & reliquis congeneribus.

## CAP. X.

## De Myosotide seu Echio Scorpiode.

**E**chium Scorpioides dicitur à spicis florum longis, recurvis, & antequam flores aperiuntur caudæ Scorpii in modum contortis. Spicis florum prælongis cum Heliotropio convenit, seminibus splendentibus, foliis oblongis ab eodem differt.

- A. 1. *Myosotis Scorpioides hirsuta* Park. *Scorpioides arvensis hirsuta* Ger. emac. *Echium Scorpioides arvense* C. B. *Scorpioides solissequum flore minore* J. B. *Scorpion-grass*.

Radix ei nigra, fibrosa. Cauliculi culmi crassitudine, angulosi, hirsuti, nunc erecti nunc versus terram reclinati, pedalis interdum longitudinis. Folia fescunciam aut duas uncias longa, dimidium pollicem lata, Auriculæ muris similia, hirsuta, mucrone non admodum acuto, alternatim caulibus sine pediculis adnata. Flores in caulis & ramulorum summitatibus, in spicas digesti, quæ antequam flores aperiuntur, caudæ Scorpii aut Serpentis in modum se contorquent, unde nomen. Flosculi autem semuncialibus pediculis insident, parvi, monopetali in quinque tamen subrotunda segmenta partiti, qui cum primò explicantur purpurascunt, mox in cœruleum colorem mutantur, umbilico luteo. Succedunt in vasculo (quod idem calix floris est) hirsuto connivente semina quatuor.

Locus.

In arvis & hortis passim, præsertim sterilibus & requietis. Per totam sæpè æstatem floret.

- A. 2. *Echium Scorpioides minus flosculis luteis* C. B. *Myosotis Scorpioides minor flosculis luteis* Park. *Small yellow-flower'd Scorpion-grass*.

Hoc genus superiore omnibus suis partibus plus duplo minus est, Flores quàm illius triplo minores, cum primò aperiuntur lutei, postea in cœruleum colorem abeunt. Spicæ florum pro plantulæ magnitudine longiores sunt; vascula seminalia majora.

Locus.

In ficcioribus & arenosis pascuis, inque cuniculorum vivariis copiosissimum observavi.

- A. 3. *Myosotis Scorpioides palustris* Ger. emac. *Scorpioides repens* Park. *Echium Scorpioides palustre* C. B. *Scorpioides solissequum aliud flore majore cœruleo & albo* J. B. *Water-Scorpion-grass*.

Fibris multis tenuibus, primò albescentibus, deinde nigricantibus, è geniculis subinde in limum demissis radicatur. Caules teretes, striati, solidi, cubitales & longiores, tractantibus asperi, in apicibus rubentes, foliis vestiti satis crebris, alterno vel nullo ordine positos, longis, angustis, absque pediculis adhærentibus, brevibus admodum pilis hirsutis, ut glabra videantur; è quorum alis versus summum caules ramuli crebri exeunt. Flores in summis caulibus & ramulis, cœrulei, monopetali, in quinque segmenta subrotunda partiti, pediculis semuncialibus aut uncialibus nixi, umbilico flavo, spicatim digesti, spicis antequam flores aperiuntur caudæ Scorpii in modum reflexis aut intortis. Singulis flosculis quaterna plurimùm succedunt semina.

Planta hæc natalibus, foliorum glabritie sed præcipuè suarum omnium partium magnitudine ab arvensi Scorpioide differt.

Locus &  
Tempus.

Ad rivulos & in fossis palustribus. Circa finem Maii mensis florere incipit.

## CAP. XI.

## De Symphyto five Consolida majore.

**S**ymphytum *ἢ τὸ συμπίπτον* connasci dictum esse manifestum est; *ἢ τὰ κρῖα συμπίπτον* quòd carnes conglutinet dum coquuntur additum. Floribus cylindraceis, pendulis cum Cerinthe convenit, seminibus ad singulos flore; quaternis iisque lucidis & politis Lithospermi instar, ab eadem differt.

- A. 1. *Consolida*



A. 1. *Consolida major* Ger. *Symphytum magnum* J. B. *majus vulgare* Park. *Symphytum*, *Consolida major* C. B. **Comfrep.**

J. B.

Lato [& humido] solo satis obvium, *radices* furculosas & crassas demittit, foris nigras, intus albas, sapore sativo, sed magnopere viscido & lento. *Caules* sesquicubitales & altiores, [crassitudine digitali] inanes, hirsuti, asperi, & membranceis foliorum alatis appendicibus inæquales. *Folia* Helenii foliorum formam penè imitantur, acuta, rugosa, hispida [marginibus æqualibus] nullo ordine posita. *Flores* in summitatibus caulibus & ramorum simul multi [antequam aperiuntur caudæ Scorpii in modum revoluti, veluti flores Echii Scorpionidis dicti aut Heliotropii,] penduli nolarum instar, non rarò ex pallido & luteo candicantes, interdum purpurascens, ex calice hirsuto in quinque segmenta acuta diviso, ipsi pariter summo margine in totidem acutas lacinias partiti, quibus totidem in penito flore adnatæ ligulæ herbidae, totidemque *stamina* breviter cum suis apicibus albidis in interstitiis ligularum. *Stylus* longus flori concolor è centro calicis oritur, dilapso flore residuus, circa quem *semina* quatuor simul juncta calicis fundo adnascuntur. *Semina* Echii similia, colore pullo Anchusæ degeneris dictæ, splendentia velut Lithospermi, iisdemque magnitudine paria.

In aquis ad rivos & fossas: Maio mense floret.

Vulnerarium est è præcipuis celeberrimum, mucilaginosum, incrassans, humorum acrimoniam obduens. Usus præcip. in fluxionibus quibuscunque, imprimis alvi, in erosione pulmonum ac phthisi Schrod. Ego (inquit J. Bauhinus, cum quo etiam sentit C. Hofmannus) nolim uti radice Symphyti in omnibus vitis è thorace expurgandis, sed tantum in iis quæ eveniunt à tenui, subtili & calida materia.

Locus &  
Tempus.  
Vires.

Flores in vino rubro coctos, bisque in die sumptos in cruenta urina optimos scribit Camerarius.

Extrinsicè vulnerum sanguinem sistit, & fracturas ossium consolidat, quotidianâ experientiâ attestante; unde & Anglicè à nonnullis *Bone-set* dicitur. Hujus virtutis in vulneribus agglutinandis & fracturis ossium consolidandis evidens argumentum est, si modò verum experimentum illud à Veteribus proditum, Quod sci. radices Symphyti [majoris] carniū frustra quibuscum coquantur cogantur ut coalescant.

Radices recentes minutim concisas, tulas & impositas ad dolores podagricos leniendas, & ulcera serpentia aut etiam gangrænas compescendas commendat Parkinsonus. Explicatius D. Hulse.

Recipe hujus radicum quantum vis; tunde in mortario donec in massam redigantur, quæ super altam extendatur & applicetur parti dolenti.

Medicamentum hoc ad dolores podagricos & nonnunquam etiam ischiadicum leniendum valere iteratis experimentis attestantibus ab amico quodam certior factus sum. Quin & multos eo usos ad brachiorum dolores cum motûs privatione conjunctos: aliquem etiam ad Venereum quendam post multas embrochationes frustra tentatas, non sine successu.

Radix Symphyti ficcata & pulverisata in aqua tepida fontana dissolvatur, agitando usquedum à ferrumine aut visco Symphyti lentescere ex parte aqua advertitur: quod simplicissimum medicamentum tum adversus hæmorrhagias, tum fracturas & luxationes artuum solertiores Chirurgorum multis aliis compositis anteponunt.

Laborat quidam ulcere cacothæ, quod Chirurghi cancerum pronunciabant, sed curare non poterant: Accedens Agyrta accipiebat Rad. Symphyti majoris, & derafo superiore cortice nigricante, reliquam ut poterat contusam & linteo inductam quotidie bis imponebat. Ager convaluit; cancer tamen recens erat, nec octo aut decem circiter septimanas excesserat. D. Soame ex \* Observat. \* Obs. 130: Hieron. Reusneri à Velschio editis.

\* 2. *Symphytum tuberosum* J. B. Ger. Park. *majus tuberosa radice* C. B. item minus tuberosa radice ejusdem. Nam *Clusius* non distinguit.

Clus.

Angulosum & quodammodo pentagonum habet *caulem*, rarissimè pedalem altitudinem superantem, succi plenum, per quem rariora quàm in Symphyto majore sparsa sunt *folia*, illisque minora, teneriora & minus aspera, insipido ferè gustu: *flores* in summis ramis pallidos, oblongos, Symphyti majoris floribus formâ similes, concavos, inodoros, extrema parte in quinque crenas divisos, quinque *staminibus* in medio flore velut in umbonem tendentibus, protuberante in medio *stilo*: caliculis deinde majoris Symphyti instar, in quibus *semen* Echii semini non dispar: *radicem* longam, ramolam, teneram & fragilem, minimi digiti crassitudine, subinde in tubera excrecentem, exiguis fibris capillatam: pediculi, calices, caules angulosi, & folia hirsuta sunt.

Invenitur in omnibus Pannoniæ & Austriæ sylvis, umbrato loco, præsertim sub fruticibus.

Locus.

## CAP. XII.

## De Cerinthe.

**C**erinthe Plinio est herba folio candido, incurvo, cubitalis, capite concavo, mellis succum habente: floris avidissimæ sunt apes. Nomen est ei quod conferat ad conficiendam ceram, quæ Græcis *κηρός*.

Semina in hoc genere unicuique flori bina succedunt, lævia, per maturitatem nigra; quod à reliquis omnibus hujus generis differt; aliàs enim formâ suâ, & matricibus adnascendi modo cum reliquis conveniunt. Flores cylindracei sunt, penduli, Symphyti florum instar, folia plerumque maculosa.

1. *Cerinthe major* Ger. *Cerinthe* seu *Cynoglossum montanum majus* C. B. *Cer. major flore luteo & rubro* Park. *quorundam major versicolore flore* J. B. *Great Mountain Honeywort.*

## Clus.

Quatuor aut quinque ramos five *caules* habet à summo radice capite prodeuntes, rotundos, succulentos, interdum cubitales, quos amplectuntur numerosa folia oblonga, circa pediculum latiora, mucrone obtuso, colore ex viridi ad cæruleum quasi tendente, candidis maculis aspersa, nonnulli villosa: è foliorum sinu nascuntur alii ramuli, Heliotropii majoris ramulorum instar sese intorquentes, pleni *florum* longiusculorum, concavorum à medio ad extimam partem florum, altera quæ caliculis inhaerent, ex rubro purpureorum, quibus apes valde delectantur: his decidentibus bina plerumque in eodem caliculo semina conspiciuntur, nigra, Ervi magnitudine, seminis Echii aut Cæceris arietini formâ: *Radix* alba, oblonga & satis crassa est, an verò perennis ubi sponte nascentem observabam ignoro.

## Locus.

Crescit nonnullis Lusitaniz locis, sed copiosè per totam Bæticam. Floret loco natali novo Vere & Martio.

In montium Maximo Carthusianorum cœnobio imminentium rupibus & rudatis locis *Cerinth* majoris speciem observavi *foliis* glabris maculatis, *floribus* purpurascensibus pentagonis, *seminibus* reliquis sui generis minoribus & (quantum memini) angulosis, *radice* (ut mihi videbatur) perenni & vivaci. Nescio an descriptæ eadem sit.

2. *Cerinthe flavo flore asperior* C. B. Ger. *major flavo flore* Park. *quorundam major spinoso folio, flavo flore* J. B. *Yellow flowered Honeywort.*

## J. B.

Feliciter (inquit J. Bauhinus) nobis adolescit cubitum unum aut duos alta, *radice* recta simplice: *caulibus* digitali crassitudine, rotundis, lævibus, exalbidis, in ramos plures divisis: *folia* Gladii lævi, linguam æmulantia, falcatis appendicibus ramos & caules amplectuntur, ex viridi glauca, plagulis candidantibus hic illic sparsis maculosa, spinulisque tam supina quàm prona parte asperata, in ambitu argutè crenata, sapore ferè herbaceo: *floribus* ex ramulorum fastigiis dependent, plures puncti, lutei, oblongi, in calathi formam oris leviusculè diductis: quorum singulis insunt occultata quina *stamina* lutea, mucronibus atris præpilata: *extrinsecus* verò obvallant quinque folia angusta, oblonga, concinnè per ambitum crenata. *Semina* unicuique flori succedunt bina, Orobi ferè magnitudine, nigra foris, pulpam intus albam continentia.

## Locus.

In Italia & Sicilia in agrorum limitibus, inque vineis frequentissima est & ubique ferè obvia.

3. *Cerinthe quorundam major flore ex rubro purpurascens* Clus. J. B. *Cer. flore ex rubro purpurascens* C. B. *Cer. major flore purpurante* Park. *Great purple flowered Honeywort.*

## Clus.

In bipedalem ut plurimum assurgunt altitudinem *caules* five *rami*, statim ab radice divisi, quos ambiunt etiam alternis *foliis*; jam descriptis paulò minora, ex viridi & cæruleo quasi commixti coloris, superne maculis etiam albis conspersa: supremi *rami* nutant, *floribus* singulos inter folia proferunt in caliculis purpurascensibus saturis ex rubro purpureos, quibus aspersa videatur quædam albedo, longos, cavi instar præcedentium, quibus deciduis *seminibus* in caliculis nigrum, Boraginis semini formâ simile, *Radix* similiter alba, brevior tamen & minus fibrosa quàm præcedentium. *Annua* est.

Hanc plantam Clusius non vidit, sed ex icone ad eum transmissa & notis additis descriptionem suam concinnavit, quocirca imperfectior sit oportet.

Hujus folia lævia sunt & glauca: semina omnium hujus generis maxima, lævia seu æqualia. Autumno apud nos floret & semina perficit.

4. *Cerinthe minor* C. B. Ger. *minor flavo flore* Park. *quorundam minor flavo flore* Clus. J. B.

## Clus.

Graciliorem modò descriptis habet *caulem*, cubitalem aut ampliorem, rotundum, in plures ramos divisum: *folia* etiam alternis per caulem sparsa, minora quàm præcedentis & angustiora, albis similiter maculis conspersa. Summi *rami* inflectuntur & nutant, frequentibus foliis magis mucronatis



cronatis recti, è quorum alis singulares propendent flores, suis caliculis inhærentes, superioribus longè minores, extremis oris denticulati, prorsus flavi: quibus deciduis *semen* in caliculis continetur nigrum, altero minus, formâ tamen non dispari: *radix* etiam alba, & aliquot fibris prædita, non tamen vivax.

In Austrâ & Stiriâ agris copiosè crescit, interdum etiam hyeme in sua viriditate permanens. *Locus.*

\* 5. *Cerintbe minor flore albo* Park.

*Park.*

Multos spargit ramos tenues, imbelles in terram resupinos, confimilibus, pallidè virentibus foliis, quàm tertii generis minoribus, vestitos; in quibus maculæ albæ obscuriores sunt minúsque conspicuæ quàm in plerisque hujus generis aliis. Flores oblongi, concavi reliquorum similes, sed minores, albi, circulo rubente circa medium cincti, è caliculis virentibus exeunt, quibus delapsis succedunt *semina* tertii generis seminibus plus duplo minora, formâ tamen persimilia, *Radix* longa, angusta, alba, semine ad maturitatem perducto quotannis marcescens.

Gulielmus Boelius ex Hispania attulit.

*Locus.*

\* 6. *Cerintbe foliis non maculato* Clus. *folio non maculato viridi* C. B. *minor flore luteo & rubro* Park.

*Clus.*

Hujus rami, quos statim è radice plures profert, non valdè attolluntur, sed humi quodammodo procumbunt. Folia nullis albis maculis conspersa sunt, sed prorsus viridia & mollia, nulla tamen lanugine pubescentia, nè recens nata quidem, Isatidis foliis non valdè dissimilia. E foliorum quæ caules amplectuntur alis tenelli infirmique nascuntur rami, sustinentes, ut in aliis generibus, frequentium foliorum comam, inter quæ oriuntur tenues, saturè purpurascens petioli sustinentes caliculum in quinque angusta foliola divisum, amplectentia oblongiusculum *flosculum*, concavum, inferna parte flavum, mediâ purpureum, extimâ etiam flavum, in quinque lacinias divisum, continentem aliquot rigida staminula, & inter illa oblongum tenue stylum. Floret Maio.

De loco natali nihil addit Clusius. Magna est inter hanc & præcedentem plantam convenientia & similitudo; ut suspicer unam & eandem specie esse.

# HISTORIÆ PLANTARUM LIBER UNDECIMUS.

QUI EST

De Plantis Verticillatis.



VERTICILLATÆ dicuntur hæ plantæ quia flosculi caulem articulatum velut verticilli amplectuntur, foliis interspersis.

Notæ autem quibus Verticillatæ à reliquis Plantarum generibus distinguuntur, sunt folia in caule ex adverso bina, flores monopetali, labiati plurimum aut galeati, semina ad singulos flores quaterna, quibus floris calyx pro vasculo inservit.

Ad genera Verticillatarum subalterna rectè constituenda & singulas species rectè ordinandas suisque sedibus disponendas idoneis adminiculis destitutum, cum nec ipsi plantas vidimus, nec Botanicorum descriptiones, omnibus notis generum indicibus nos expediant. Si licuisset plantas ipsas inspicere, & inter se conferre, longè certiores generum characteres dedissemus. Alii supplere & emendare possunt quæ à nobis vel minus accuratè traduntur vel omittuntur.

Pleræque omnes plantæ galeatæ & verticillatæ, annotante D. Hermans, ut ex relatione D. Palmer habeo, aromaticæ aut saltem odoratæ sunt. *Plures certè in hoc genere ejusmodi sunt quàm in alio quocunque.*

*Plantæ verticillatæ fruticosa, hoc est quarum superficies perennat, sunt vel flore*

*Galeato & labiato, seu utrinque labiato,*

*Grandi, in spicis laxis è verticillis aliquantulum distantibus compositis, foliis latis obtusis; SATURIA.*  
*Minore, foliis*

*Oblongis & angustis, florum verticillis*

*In spicas digestis*

*Breviores, floribus densius stipatis*

*Habitiores, cum foliis in summa spica; STOECHAS.*

*Minores & tenuiores seu graciliores, longis infidentes pediculis, spicæ triticeæ æmulas; LAVENDULA.*

*Longiores, verticillis rarioribus compositas, foliis virentibus; HYSSOPUS.*

*Ad caulum nodos foliis intermissis,*

*Major, in magnum fruticem adolefcens; ROSMARINUS.*

*Minor, & humilior; SATUREIA durior.*

*Brevibus & latiusculis, florum & verticillis in spicas breves & habitiores digestis,*

*Villosas odore suavi seu vehementi; MARUM vulgare.*

*Non villosas, foliis*



{Latoribus brevioribus & viridioribus; THYMUM vulg.  
{Oblongis incanis & ad margines crenatis; POLIUM mont.

{Galea carente, radice

{Reptatrice humilior, foliis quernis; CHAMÆDRYS vulgaris.  
{Non reptante, foliis superne viridibus, subtus incanis

{Elatior & lignosior; TEUCRIUM.  
{Humilior & odoratior; MARUM SYRIACUM.

## SECTIO PRIMA.

De Herbis Verticillatis fruticosis, quarum superficies perennant, & lignescunt.

OB affinitatem tamen & convenientiam in notis genericis nonnullas herbaceas & annuas his admiscuimus.

### CAP. I.

#### De Salvia.

**S**alvia à *salvere* i. e. saluum esse dicitur, quòd ad multa, præsertim ad fecunditatem salutaris sit: cum steriles hujus usu frequenti gravidæ reddantur, quare Agrippa *sacram herbam* vocavit, Aetio auctore. *Εσλασφικον* Dioscoridi l. 3. c. 40. quasi in tabem redacta, cum herba ipsa semper retorrída & exsucca videatur, id enim *σδλσφ* & *σδλσφ* significat, folia enim attritis vestibus comparantur. C. B.

Notæ Salviæ genericæ sunt flores magni, hiantes, in spicis laxis, è verticillis aliquantulum distantibus compositis, folia lata, obtusa, rugosa, odor validus & vehementior.

1. *Salvia latifolia* J. B. *major* Ger. *major vulgaris* Park. *major an Sphacelus Theophrasti* C. B. *The greater or common Sage.*

*Eradicè* vivaci, perenni lignosa plures exurgunt furculi lignosi, variè reflexi & intorti, valdè ramosi. *Ramuli* juniores & furculi quadrati sunt, brevi lanugine hirsuti, foliis ad intervalla ex adverso binis vestiti. *Folia* oblongis innituntur pediculis, rugosa, brevi & vix conspicua lanugine hirsuta, tres aut quatuor uncias longa, fescunciam lata, circa margines crenata, acuminata, alias viridia, alias ex purpurâ rubentia odore & sapore aromatico vehementiore. *Flores* in summis caulibus & ramulis velut in spicas digesti, verticillati, singuli singulis pediculis è sinibus foliorum concavorum triangulorum ad genicula conjugatim adnatorum ortus insidentes. *Calices* florum ampli, striati, in quinque segmenta divisi, tribus & minoribus inferius, duobus majoribus superius sitis. *Flores* autem cœrulei aut cœrulo-purpurei, monopetali, galeati galeæ lateribus conniventibus, labello oblongo, lato, bifido, propendente, cum duabus velut auriculis superius. *Stylus* tenuis incurvatus, in summo bifidus. *Stamina* duo in summo bifurca cum apicibus oblongis albidis, è floris lateribus enata. Singulis stoculis pro Verticillatarum more quatuor succedunt semina.

Summitates plantæ glutinose quodam humore aromatico madent.

2. *Salvia nigra* C. B. *nigra vel rubra* J. B. *Red Sage.*

Ex genere Salviæ majoris est (ut rectè J. Bauhinus) non species ab ea distincta: *foliis* ex atro rubentibus, potissimum antequam excaulescat, alioqui florida folio parum differt à majore vulgari, (inquit idem.)

At nos habemus speciem cujus folia & summitates rubent etiam postquam caulem produxit & floruit, quamvis minùs intensè. Nam varii reperiuntur in hac Salvia colorum gradus inter viridem & atro-rubentem.

3. *Salvia variegata elegans* Ger. *variegata prima* Park. *parad.*

Triplici colorum in eodem folio varietate viridi albo rubente pulcherrimum de se præbet spectaculum: Colores sci. ductibus non rectis solum, sed huc illuc reflexis aut variè sparsis & velut undatis folia distinguunt. Hoc genus plerunque minus est vulgari latifolia Salvia, alioquin ei per simile. Hæc est proculdubio Salvia altera perelegans, tricolor, argentea Belgarum, *Hort. Paris.*

4. *Salvia variegata vulgaris* Ger. *variegata secunda* Park. *parad. Salvia albis folijs* C. B.

J. B.

Ex genere *Salviae* majoris & hæc est, quæ folia quadam tota, quadam media ex parte candore niveo prædita habet. Hæc est *Salvia folijs ex purpureo & albo variis Horti. Paris.*

Utramque hanc speciem Cantabrigiæ in hortulo nostro aliquot annos aluimus.

Catalogus Horti Regii Paris tertiam insuper his addit *Salviae variegatae* speciem, quam inscribit *Salviam majorem folijs ex luteo & viridi variegatis.*

Vires.

*Salvia* nostratibus saluberrima herba existimatur, idèoque verno tempore, Maio præcipue mense, folia ejus & turiones cum butyro comedere solent ad sanguinem depurandum, & salutem tuendam. Quoniam bufones sub ea libenter stabulantur nonnisi diligenter lota & mundata in cibis usurpanda est. Ad arcendos bufones & alia animalia venenata Rutam *Salviae* proximam aut eidem intermixtam plantare solent Itali: secundum vulgatum illum versiculum,

*Salvia cum Ruta faciunt tibi pocula tuta.*

*Salvia* diuretica est; menses ob crassitiem remoratos ciet, & tamen nimios emendat. Parod. est in capitis affectionibus, paralyti, vertigine, tremore, catarrhis. Extrinsecus aphthas oris extergit (in gargarismis.)

Puncturæ vespærum & araneorum curantur repetita applicatione foliorum recentium *Salviae*. *Ephemer. Germ. An. 8, 9, 10.* Aciditas enim fermenti venenosi obrunditur ab Alkali vegetabili. Hæc planta nigrescit cum Vitriolo ut Gallæ. Communicavit D. Tancr. Robinson.

Ad menses albos, & *Salviae*, Sarf. paril. & Balauft. ana. Cape ʒj. manè in jusculo per aliquot dies. Est remedium Aulicarum. *Chesneau.*

Tremulæ manus auspiciatissime lavantur in vino decoctionis vel macerationis *Salviae*. *S. Pauli.*

Quod si quis ex manipulo *Salviae* & Tabaci Virginiani concisi ʒij. & p. i. atque altero trite Polentæ decoctum ex aceto cerevisiæ sibi paret, ut os eo proliat, aut dentes foveat dum dolent, is ab hujus usu ingens levamen perferent, ut aliquoties in iis comperi quibus ex vulgo id commendavi. *Simon Paulus.* Ex excerptis D. Edv. Hulsii.

Vim adstringendi & sanguinem sistendi *Salviae* inesse cum aliis experimentis demonstrat illustis Vesslingius, in orto Patavino plantarum vires spectantibus exponens, tum maxime hoc suo, quo sputum sanguinis eadem herbâ cum melle exhibitâ sanatum testabatur, remedio ex Aërio delungo, apud quem Tetrabib. 1. serm. 1. Orpheus, Datq. inquit sanguinem expuentibus succi *Salviae* cyathos duos jejunis cum melle bibendos, & sanguis illico cohibetur. Communicavit D. Seane ex offic. Georgii Hieron. Velschii & collegam.

Paralysis partium degluttoni inservientium curatur per decoctum *Salviae* in vino, & continendo in ore sp. Vini infusionis thymi. *D. Hulse ex Ettmulleri praxi.*

Vinum in quo decoquitur *Salvia* commendatur admodum à Deckero in praxi ad dolorem acrem ventriculi, [cardialgiam]

5. *Salvia ferrata crispa* J. B. *latifolia ferrata* C. B. *maxima sive latifolia* Park. *Curled Sage.*

Hujus folia breviora, latiora & rotundiora sunt *Salviae* vulgaris folijs [nonnulla quatuor uncias longa tres lata sunt] ferrata & crispa ad margines: Flores in plerisque plantis purpurascunt vulgaris in modum, in nonnullis sed rarius albent.

Hæc omnino specie distincta est à vulgari *Salvia*, De loco ejus natali nobis non constat: in hortis cultam sæpius vidimus, imò ipsi coluimus.

\* 6. *Salvia folio subrotundo* C. B. Park.

C. B.

*Casto* est quadrato, villosa: folijs rotundis ad Violariæ vel Aristolochiæ rotundæ folia accedentibus, at in acumen finientibus, scabris, vulgari magis candicantibus & tenuibus.

7. *Salvia minor* Ger. *minor auriculata* J. B. *minor sive pinnata* Park. *minor aurita, & non aurita* C. B. *Sage of Vertue.*

J. B.

Minorem *Salviam* quæ minora capiat in folijs incrementa dixerunt: frutescit ea tamen, contractior interim majore, quadratis stolonibus & hirsuta canicie lanuginosis. Folia majori magnitudine cedunt, odore vehementiore, saporeque vegetiore vinct, magis candicantia, quibus ad immum pinnulæ duæ oppositæ, aliquando una, est ubi nulla. Spicatos cæruleos flores ex majore promptum est discere.

\* 8. *Salvia folio tenuiore* C. B. *Indica* Ger. *minor aurita odoratissima Hispanica* Park.

Præcedenti adeò similis est, ut nisi diligenter observetur, facile pro eadem possit accipi. Differt magnitudine & staturâ plerunque minore; folijs minoribus & viridioribus sen minus incanis; quod tenerior sit & frigoris minus patiens: odore gratiose & suaviore, paulo tamen vegetiore; floribus denique aliis purpurascens, aliis albis.

Hanc plantam Parkinsonus à *Salvia Absinthite* specie diverfam esse contendit, & Johnsonum Gerardi emaculatore reprehendit quod eam pro *Salvia Absinthite* habuerit; an rectè examinetur alii.

9. *Salvia*



9. *Salvia absinthioides* Ger. minor altera C. B. *Absinthium redolens* J. B. minor altera flore rubente Park. *Woodward Sage*.

J. B.

Floris est satis magno, verticillato purpurascens [at quæ in hortis nostris colitur flore est albo:] Folio *Salviæ* minoris pari, nunc pinnato, nunc mutilo, *Absinthium* obolente, quem tamen odorem ficcata vix reservant folia.

Habetur flore purpurascens & albo. Observandum proponit J. Bauhinus, an quæ flore est purpurascens ab alba differat, vel solo floris colore ludat.

In omnibus præterquam odore & sapore cum *Salvia* minore convenit, unde nec specie diversam arbitramur.

10. *Salvia Cretica pomifera* Clus. Ger. emac. major *Cretica latifolia* & *angustifolia*, aurita & non aurita, pomifera & non pomifera Park. *Salvia baccifera* C. B. *gallifera Cretica* J. B.

Fruticat hæc alterius *Salviæ* modo, in multos ramos sparsa, quadrangulos initio, & densa lanugine obritos, qui deinde in lineam substantiam transeuntes istam quadraturam amittunt, tenuiores autem rami retinent, densiorque lanugine sunt obfiti. Folia inferiorem partem valde lanuginosa, altera virentia & veluti attrita, *Salviæ latifoliæ* foliorum instar, appendices utrinque secundum pediculum habentia & velut aurita, nonnunquam etiam appendicibus carentia, nec tam ampla ut in *latifolia* vulgari, nec etiam adeo angusta ut in vulgari minore, quæ aurita habet folia. Extremos ramos ambiunt verticillatim seni & plures caliculi, in quibus flores vulgari floribus formâ quidem similes, sed coloris ex albo purpurascens: quibus cadentibus semina nascuntur in caliculis, crassiora quam in reliquis *Salviæ* generibus & illos ita replentia, ut quasi bacca appareant. Totius plantæ odor paulo vehementior quam alterius *Salviæ*.

In Creta baccas seu poma (quæ duntaxat quædam excrescentiæ sunt) fert, uncialis interdum magnitudinis, multa lanugine obfita, orbicularia: In frigidioribus regionibus nullas fert. Gallæ hæc ad juncturas pediculo sescunciali insident.

11. *Salvia tenuifolia* J. B. *angustifolia serrata* C. B. *Cretica angustifolia non aurita* Park.

Clus.

Multos statim à radice profert ramulos, lignosos ex fusco subrubentes. Folia longè angustiora sunt quam in ullo *Salviæ* genere, in ambitu nonnihil interdum crenata seu crispa, è quorum sinu alii pusilli ramuli prodeunt. Medius caulis in spicam purpureorum florum desinit, nullis intermixtis foliis. Radix dura, lignosa, in ramos divaricata.

Nata est semine è Creta insula accepto. J. Bauhinus eam describit foliis minùs spissis, angustioribus, itemque parvis auriculis donatam.

12. *Salvia lanuginosa angustifolia* C. B. Park.

Caulis est rotundo, crasso, lignoso, ob candidam lanuginem molli, cubitali, ramoso: foliis candidis angustis, brevibus, semunciam latis, duas longis, densis & scabris, odore Tanacetii: floribus in caulis summo quasi in spica *Lamii* floribus similibus, purpurascens, è quorum medio stamina oblonga efferuntur.

II. 12. 10

13. *Salvia fruticosa lutea, latifolia, sive Verbascum sylvestre quantum Matthioli* Park. *Verbascum Matthioli* Ger. Verb. latis *Salvia folius* C. B. *Yellow flowered Sage*.

Caulibus multis, quadratis, incanis, lignosis fruticat: quibus ad intervalla adnascuntur folia rugosa, incana, lata apicibus subrotundis, *Salviæ* vulgari foliis simillima, sed majora. Flores verticillati, in summis præcipue caulibus aggesti, *Salviæ* floribus figurâ suâ satis similes, verum coloris diversi, nempe flavi. Semina quam *Salviæ* majora. Radix lignosa, fibras multas in terram demittit. Odor satis validus, Parkinsono gravis & caput tentans, nobis non injucundus.

Circa Tauromenium Siciliae copiose provenit. Planta hæc à Botanicis plerisque perperam Ver-Locum. baccis dictis annumeratur, à quibus toto genere differt: rectius à Parkinsono *Salviæ* speciebus accensetur.

14. *Verbascum angustis Salviæ foliis* C. B. Ger. *Mompeliense flore luteo biante* J. B. *Salvia fruticosa lutea angustifolia, sive Pblomos Lychnitis Dioscorides Clusio* Park. *Verbascum Salvisolium* Alpin. exot.

Clus.

Folia supra tellurem fundit crassiuscula, *Salviæ tenuifoliæ* panè similia, longiora tamen & angustiora, candicantia, inferiore parte densa & fere albâ lanugine prorsus obfita. Inter hæc exeunt cauliculi dodrantales plerunque, interdum paulo majores, quadranguli, villosi & candicantes, è quorum geniculis folia longiuscula, superioribus similia nascuntur: caliculorum fastigia breviora habent & fere latiuscula prædita. Flores *Lamii*, lutei coloris, circa extremos cauliculos verticillatim ex densa lanugine & quasi villis quibusdam pallidis prodeunt, comâ plerunque inflexa & mutante. Radix nigricans & lignosa.

In

Locus.

In collibus saxosis circa Monspelium nobis observatum est. Clusio autore, in collibus, siccioribusque & petrosis locis per universam Hispaniam & Lusitaniam exire.

Tempus.

Floret Maio & Junio; Semen autem subruffum, præcedentis semini ferè simile in caliculis profert.

*Verbascum sylv. Salvifolium* Lob.

Ob descriptionis imperfectionem ad quod genus plantarum pertineat nobis non constat.

- \* 15. *Salvia minor Æthiopica foliis Chamælaagni asperis* Breynii.

*Breyn.*

Frutex est parvus, caule quadrato, lignoso, aspero, quandoque spadiceo, seu purpurei obsoleti coloris: ex quorum geniculis alæ utrinque cruciatim alterno versu oppositæ, binæ panduntur, item quadratæ & ramis aliis decussatæ: *Folia* Chamælaagni *Dod.* minoribus, asperioribus & rugosioribus magisque venosis, per genicula binis cauli & ramis hærentibus. *Flores* in caulis & ramorum summitatibus, in spicam ramosam sunt dispositi, eadem figurâ ac colore quâ *Salvia* nostratis, ex paribus etiam calyculis, at hispidioribus, aliquando pulchrè violaceis, prodeuntes. Odor totius hujus plantæ gravis, ad Hormini vergens: Sapor aromaticus.

- \* 16. *Salvia Syriaca Cisti feminae foliis, acetabulis Moluccæ* Breynii.

*Breyn.*

*Salvia* minoris auriculatæ instar densè fruticat, multis rathis brachiata: ex quorum geniculis ad versa oriuntur *folia* bina, *Salvia* vulgaris multò minora, circinata. Cisti feminae foliis paria. *Flores* verticillatim circa summos ramulos nascuntur, è calyculis five acetabulis Moluccæ prægrandibus, purpurascensibus prodeuntes, galericulati, ac violacei coloris. *Semen* nigrum.

Hujus Rawolfius meminit in suo Hodeporico.

- \* 17. *Salvia Indica arborescens* Bontii.

Frutex est surgens ultra duorum hominum altitudinem, & tantâ copiâ crescit [in India Orientali] ut sylveta integra conficiat: nam longè latèque luxurians radices agit, non secus ac Glycyrrhiza in Europa; ita ut qui eam in hortis plantant, post aliquod tempus cum summa molestia radicitus effodiant; cum subinde repullulascit. *Flores* fert ex albo cyaneos, ut reliquæ *Salviae*. *Folia* admodum longis est, quæ præter gratum odorem, etiam umbram commodam præstant. Si autem bene colatur in hortis, plurimum de feritate sua remittit, quod fiet si radices & luxuriantes stolones statis temporibus commodè refecentur, & tum non minus utilis est in cibis quàm mansueta pumila apud nos. Nam vino maceratæ si sumas aliquot quotidie liquoris uncias, nullum præstantius invenies remedium in familiari hac tremoris seu paralytis specie, quæ Beriberii incolis dicitur, quod ut in pluribus aliis sic in meipso cum summo utilitate expertus sum.

Vires.

## C A P. II.

### De Lavendula seu Lavandula.

**L**avendula Recentioribus dicta creditur quod balneis seu lavacris expetatur. Semen & folia (inquit Lobelius in Adv.) ad affectus matricis commendantur in fomentis & lotionibus. Nonnulli Iphyium Plinii suspicantur, quod Hesychius *Λακωνίδα* vulgo dictum scribit, quæ vox ad lavandulam accedit.

Martinus à *leben* Germanico, i. e. vivere; deducit transitive sumpto, quia vivificat & valet ad lipothymiam seu animi deliquium, autore Matthiolo.

Ejus notæ sunt flores in spicas tenuiores triticearum æmulas, longis pediculis insidentes congesti.

1. *Lavendula major sive vulgaris* Park. *Lavendula flore cæruleo & flo. albo* Ger. *Lavendula latifolia* C. B. *Pseudo-nardus*, quæ vulgò *Spica* J. B. *The most common or broad-leaved Lavender.*

*J. B.*

In fruticem satis grandem & lignosum, plurimis ramulis densum adolescit, altitudine sesquibitali aut bicubitali. *Folia* infima quidem crebra & incondita ferè, superiora, ut in toto hoc genere, ex adverso bina, alternatim sita, per intervalla longiuscula, incana, culmum aut etiam semunciam lata, duarum triumve unciarum longitudine, nervo medium percurrente, odore venienti, grato, sapore amaricante. Summis ramulis spicam gestat longam, verticillatis calyculis cœruleis angustis, oblongis, constantem, è quibus *stosculi* emicant cœrulei seu violacei.

Folia huic longiora latioraque multò quam Lavendulæ minori, magis incana, non tamen adeò crebra in caulibus & ramulis: ramuli seu veriùs pediculi spicas sustinentes huic duplo majores longiorisque



gioreſque quàm illi. Spicæ quoque multò longiores & inflexæ: flores tamen ſingulares (quod mi-  
rum) quàm illius minores: Odor quoque totius plantæ vehementior.

2. *Lavendula minor ſive Spica* Ger. Park. *Lavandula anguſtifolia* C. B. *Pſeudonardus quæ La-  
vendula vulgo* J. B. *Narrow leaved or ſmall Lavender, by ſome Lavender-Spike.*

3. 2.

Totâ quidem facie præcedenti proxima eſt, minor utcunque & humilior, pariter tamen denſe fruti-  
caus: foliis minoribus ſeu anguſtioribus & brevioribus, nec adeò albidis, odore minùs vehementi.  
*Spica* florum, uti dictum, breviores ſunt & erectiores, *ſtoſculi* tamen ſingulares majores.

Variat interdum floris colore albo, uti præcedens.  
In Hiſpania & Gallia Narbonenſi ſponte provenit. Gaudet apricis & petroſis locis, ubi perpe- Locus &  
Tempus.  
tua comâ viret, ſeu potiùs caneſcit. Junio & Julio menſibus ſpicæ floribus prægnantes emittit.

3. *Lavendula folio multifida* J. B. Park. *folio diſſecto* C. B. *Stæchas multifida* Ger. *Jagged  
Lavender.*

Cluſ.

Cubitali interdum altitudine aſurgit, quadrangulis & hiſcitis ramulis, quos multifida, tenuiterque  
inſiſa ambiunt folia, lanuginola cinereique coloris acris guſtûs & jucundi odoris. Flores in ſummis  
virgulis quadrangulis, nudis & lanuginolis, ſpicæ inſtar, ut in *Lavendula* congeſti, cœruleo co-  
lore præditi, odorati: ſpica autem aliquantulum contorta eſt, & in quatuor veluti verſus aut ordi-  
nes diſſecta, alia interdum ex alia naſcens. Radicem habet duram, lignoſam & multis ramulis do-  
natam, quam vivacem eſſe facilè ſibi perſuaſerit descriptionis autor Cluſius.

Naſcitur circa Malacam Beticæ urbem, ubi illam primùm inveniebat Cluſius, colle quodam illi Locus &  
Tempus.  
urbi vicino, Februarii menſe florentem; dende circa Murciam menſe Martio, nec uſquam alibi.

4. *Lavendula latifolia. An Lav. latifolia Indica ſubcinerea, ſpica brevior* Hort. Reg. Pariſ. ?  
*Broad-leaved Lavender.*

Hæc ſpecies foliis brevioribus & latioribus, minùsque incanis à *Lavendula* vulgari differt; Odore  
cum ea convenit: Florum ſpicam nondum vidimus: quamvis enim hyemès noſtras haud difficul-  
ter toleret, ſpicam tamen in hortulo noſtro nunquam produxit: Si eadem planta ſit Pariſienſis &  
noſtra, ſpicam facit breviorẽ.

*Lavendula* ut facio ſic viribus cum *Stæchade* convenire videtur.

Partium eſt tenuium, cephaliſca ac nervina. Uſus præcip. in catarrhis, paralyſi, ſpaſmo, verti- Vires.  
gine, lethargo, tremore artuum. In urina, menſibus ac foetu pellendo (unde & parturientibus ex-  
hiberi ſolet), in torminibus ventris flatulentis. Extrinſecus in lixivis capitis ac artuum, in Maſtica-  
toris (pro catarrho exſiccando ac revellendo ad palatum, ne ad pulmones deſcendat.) *Schrod.*

In uſu eſt aqua deſtillata, conſerva ex floribus & oleum ſpicæ.

Florum ſpicæ cum linteaminibus & veſtimentis in arculis recondi ſolent ad odoris ſuavitatem com-  
municandam. Schroderus eos odore ſuo pediculos fugare ſcribit.

In difficili partu ſem. *Lavendulæ* eſt oppidò conducibile. Duo ſequentia remedia arcana præ-  
ſtantiffima perhibentur.

Primum eſt Rondeletii, R ſem. *Lavendulæ* 3ß. ſem. Plantaginis, Endiviæ ana ʒij. Piperis ʒi.  
F. pulvis. Cape cum aquis ſequentibus, R aquar. Caprifolii, Endiviæ ana ʒiij.

Secundum eſt Backmeiſteri, R ſem. *Lavendulæ* 3ß. Succini albi præparati, borac. ʒij. Ol. Cin-  
namomi gut. ix. F. l. a. pulvis, dividendus in tres æquales partes, propinandus in vino Rhenano.  
Hæc ſunt minimè fallacia. Sim. Paulus ex Annotatis D. Edv. Hulle.

In pueris pediculosis hoc expertus ſum (inquit A. Hieron. \* Reaſnerus) Juſſi caput inungi oleo \* Obſerv. 28.  
ſpicæ, & ſtatim moriebantur pediculi. D. Soame.

At plerumque illarum infecta exanimat, quoniam obſtructis meatibus reſpiratoriis aerem inter-  
cipi & excludit, cujus defectu infecta moriuntur.

### CAP. III.

#### De Stæchade Arabica.

*Stæchas* ab inſulis ejusdem nominis è regione Maſſiliæ ubi naſcitur cognomentum accepit,  
teſte Dioſcoride l. 3. c. 32. Plin. l. 28. c. 12. Verùm Lobelius in Adv. nobiles illas & rariſ-  
ſimarum ſtirpium alumnas *Stæchades* inſulas huic cognomines, non ex adverſo Maſſilæ, ut  
proprium ex Dioſcoride perſuaſum eſt (ſicui namque itinere & litore indidem abſunt) ſed è re-  
gione Olibiz, vulgo *Hyeris*, urbeculâ olim tam lauta quàm nobili, à qua etiamnum hodie inſulæ  
*Stæchades* nomen retinent, non Maſſilæ; dicuntur namque *Hyeris* inſulæ.

Spicis habitioribus pilosis ſquamulis imbricatis, cum foliis in earundem cacumine à *Lavendula*  
differt.

1. *Stæchas Arabica* vulgò dicta J. B. *Stæchas vulgaris* Park. *St. purpurea* C. B. *Stæchas* frons *Spica hortulana* Ger. *Cassidony* or *French Lavender*, by some *Sticadoze*.

*J. B.*

Utilis juxta ac pulcher est frutex, radice lignosa crassiuscula, virgulas emittente lignosas, cubitales, & bicubitales in ramos aliquot divisas. Folia per geniculos Lavendula bina, & ex alis alia minora, plura, incana, odore & sapore aromatico. Singuli ramuli quadranguli, plerumque foliati, uti observavimus, in spicas fastigiantur crassiusculas, unciales aut longiores, pilosis squamulis imbricatas, in quibus flosculi purpurei: præterea ex cacumine emicant foliola aliquot purpuro-violacea, visui grati, qualia ferè in Hormino Matthioli.

Locus.

In Sylva Grammontia & alibi circa Monspelium, quin & medio circiter itinere inter Monspelium & Arelaten invenimus. Crescit, autore Clusio, plurimis Hispaniæ, Lusitaniæ & Galliæ Narbonensis locis, ubi floret Aprili & Maio.

Variat floris colore albo, quæ Stæchas vulgaris flore albo Park. quam per errorem habet pro Stæchade latifolia flore albo C. B.

2. *Stæchas longioribus ligulis* Clus. Park. *cauliculis non foliatis* C. B. *summis cauliculis nudis* Ger. *French Lavender with longer top-leaves*.

Hæc in paucis à præcedente differt, (unde unicâ descriptione utraq; comprehenditur Clusius) nimirum virgulis spicas sustinentibus aliquotusve nudis; spicis ipsis longioribus & angustioribus, ligulis denique è summis spicis eminentibus admodum longis.

3. *Stæchas latifolia flore albo* C. B.

Foliis est Lavendulæ, flore magno albo. In Murena Castiliæ D. Albinus legit: nec plura de ea habet C. Bauhinus, qui solus, quod sciam, ejus meminit.

4. *Stæchas folio serrato* C. B. Ger. Park. *serrato & crispo folio* J. B. *Cassidony* or *Sticadoze*, with indented leaves.

Clus.

Stæchadis genus hoc valdè rarum, Clusio observatum, ejusdem cum superiore altitudinis, lignosis, fragilibus, tenuibus, quadrangulis ramis: foliis etiam oblongis, angustis, omnino serratis & crispis, parte superna virentibus, infernâ candidis, calidi & amari gustus. Ejus extremi quoque ramuli desinunt in dodrantes virgulas, nudas, quadrangulas, incanas, quæ spicam sustinent Stæchade longiorem & rariorem, ad Lavendulæ minoris spicam propè accedentem, è multis similiter veluti membranaceis squamis congestam, cum eminentibus in summo quibusdam latiusculis foliolis è purpura cœrules, ut in reliquis hujus generis. Flores ex singularum squamarum sinu copiosi, purpurei ut in vulgari: Semen etiam simile, quemadmodum & radix.

Locus.

Nonnisi in summa Calpe sponte nascentem & suis floribus onustam Februario mense invenit Clusius.

5. *Stæchas viridis* J. B. *viridis Dalechampii* Park. *viridis capitulo oblongo* C. B.

Lugd.

Tota jucunda viriditate nitet: foliis per intervalla in caulibus multis, duobus longis, aliquot aliis multò brevioribus, capitulo in caulis summitate longo, rotundo, cum duobus in summo foliis, ex quo flores lutei exeunt.

Vires:

Stæchas abstergit, attenuat & aperit. Usus præcip. in affectibus capitis & nervorum, scil. in Vertigine, Apoplexia, Paralyfi, Lethargo. In morbis pectoris idem præstat quod Hyssopus. Insuper urinam & menses ciet, venenis resistit, affectibus hypochondriacis succurrit. Extrinsecus in lotionibus capitis, suffitu, &c. Schrod.

In ejus virtutibus describendis prolixus est Mesue. Vide J. Bauhinum aliòsque Botánicos. Symplicum ejus triplex in usu est, Simplex, Compositus, & Fernelii: omnes cephalici habentur, & in nervosorum partium frigidis affectibus felici cum successu usurpantur.

Mesue pituitam & atram bilem hanc herbam purgare scribit, sed quia tardius & imbecillus operatur, ipsi addere jubet partem sextam Salis communis aut Salis gemmæ, aut Myrobalanum nigrum aut Cepulam. Jubet insuper biliosos ab ea abstinere: ob quam fortè causam, inquit Casp. Hofmannus, desinit esse in usu.

6. *Stæchadis serratæ affinis* C. B. *Tragium alterum Dioscoridis quibusdam, folio Trichomanis* J. B.

Rauwolf.

Radice est albicante, longiuscula, gracili. Ex qua furculis emergunt lignosi, vix minimum digitum longi; quibus foliola adherent longiuscula, pulchra serie disposita, adversa, haud secus ac in Trichomane digesta, iis tamen longiora, ut in Asplenio, quibus & colore similia; nam superne pulchre virent; infernè verò cinereo tomento obsita sunt, minora præsertim & ab imo primum pullulantia. Inter hos circulos alii prodeunt coliculi nudi, purpureos flores spicatos sustinentes.

Ex imperfecta hac descriptione quò referenda sit hæc planta nobis non constat.



## CAP. IV.

## De Rore marino.

**R**os dici putatur quia roscida sit natura, vel quia roris instar aspergatur, vel quia ejus usus in aspergillis, quod nobis verisimilius videtur: marinus autem vel quia in marinis locis feliciter proveniat, vel quia saporis marini, hoc est, amari. Voss. Etymolog. Græcis Libanotis *ῥοσάνθη*, i.e. coronaria, ab odore thuris, & quod ad corollas texendas adhiberi solebat. Magnitudine sua & statura insigni, floribus ad caulium nodos foliis intermixtis, foliis oblongis angustis prona parte candidis, supinâ obscurius virentibus à congeneribus differt.

1. *Rosmarinus coronarius fruticosus* J. B. *hortensis angustiore folio* C. B. *coronarius* Ger. *Libanotis coronaria* sive *Rosmarinum vulgare* Park. **Common Rosemary.**

J. B. *Rosmarinus*, suffrutex jucundissimi odoris Thus redolentis (unde & nomen ipsi Libanotidis inditum) vel imprimis utilitatis commendatione notissimus, & quia corollis petitis coronarii nomen adeptus, libanotalis est & altior, virgulis tenuibus, cinereo colore præditis, in quibus folia aliquot simul ex intervallis oriuntur [imo bina ex adverso & alia ex eorum sinubus conferta] rigida, Lavendule angustiora, breviora, prona parte candida, supina saturatius viridia. Flores ex alis foliorum exeunt; è cæruleo albicantes Salviae florum effigie, minores, labello cotylæ instar concavo guttato: subæ incurvæ, longæ ex rictu sub supremo folio promicant.

Vere primo & per totam ferè æstatem floret. In hortis seritur, verum non semine sed surculo. An *Locus* differat specie à spontaneo latiore folio dubito: quod si differat ubi spontè proveniat proditum non invenio. Qui seritur & latiora & rugosiora habet folia, nec facillè fert hyemem.

Hujus varietas in hortis alitur foliis aureo colore variis, quæ Parkinsono *Rosmarinum striatum* Varietas. *foe æstivum* dicitur. Habetur etiam flore duplici Park.

In usu sunt folia, flores (Anthos Officinis dicti) & semen. Cephalica sunt è præcipuis, nervina, ac etiam uterina. Usus præcip. in affectibus capitis ac nervorum, in Apoplexia, Epilepsia, Paralyfi, Venigine, Caro, &c. visum acuiunt, sensus ac memoriam juvant, foetorem halitus emendant, Epatis, Lienis ac Uteri obstructions resolvunt, ictero ac fluori albo mulierum medentur, corque confortant.

Herba ipsa suffitu & vapore suo pestis tempore aerem emendat & salubrem reddit.

Diocorides morbum Regum sanare tradit hanc herbam, si quis ipsam in aqua coctam ante exercitationem exhibeat bibendam, deinde exercitatum lavet, & vinum ipsi bibendum det. Semen cum vino haustum ad icterum commendat Mizaldus.

Ad paralyfin aliisque nervorum affectus conducit Vinò aut Cerevisiâ in qua Rosmarini summitates infusa fuerint assidue in potu uti.

Ad visum acuendum conducit flores recentes quotidie jejunò ventriculo cum pane & sale comedere. Exsiccati & incisi fumus ore haustus Peti in modum utilis censetur adversus Tussim, Phthisin & Tabem pulmonum.

Solo usu olei Rosmarini chymici propinati in decoctis idoneis ante paroxysmum multas febres tertianas exquisitè curatas esse in Nosocomio Parisiensi dicto *la charité* vidit & observavit M. Jacques. *Dof. iv* vel *vi* gutt. Sim. Paulus Quadrip. Botan. Class. 1. p. 133. Habui ex excerptis D. Hulse.

Ex Rosmarini fruticantis truncis caudicibusve crassioribus pectines in Gallis sibi parant, quibus quotidie caput pectunt qui à vertigine aliisque hujus generis morbis præservari gestiunt: sed fraus simul inventa apparet, dum è Salice, Pyro, Tilia, &c. affabre pectines isthic loci exsculpunt, & perpolitos conspergunt leviter cum gut. olei Rosmarini vel Spicæ, & sic impostores arguti imponunt minus sagacibus. Ex adversar. D. Tancr. Robinson.

Diarrhoeam trimestrem desperatam vino Rosmarini curatam refert Velschius Hecatost. D. Hulse ex Etmull. prax.

Aqua Regiæ Hungariæ destillatur & præparatur è floribus Rosmarini in infusis sp. vini. In Cephalicis & Nervinis affectibus celebratur.

2. *Rosmarinus spontaneus latiore folio* C. B. *Rosmarinum latifolium* Park. *Rosmarinus coronarius fruticosus ignobilior* J. B. **Broad-leaved or wild Rosemary.**

Præcedente minor est & humilior, ramis minùs lignosis: foliis latioribus, rugosioribus, saturatius virentibus, prona parte parum vel nihil incanis seu candidis, magis sparsis seu rariùs sitis in surculis & ramulis: Tenerius est hoc genus, nec hyemes nostras facillè tolerat.

In Hispania abunde oritur, unde in alto mari navigantes procul à littore ad multarum leucarum distantiam odorem ejus percipiunt, etiam antequam terras videant. In Gallia Narbonensi tantus ejus proventus est, ut haud temere aliud incolæ lignum urant.

An hæc planta à præcedente seu hortensi Rosmarino specie differat necne mihi non constat. Nam & hortense satum plantas producit latifolias, & in aliis etiam suffruticibus tenerioribus surculo latus hyemes faciliùs tolerare, & firmiores esse adversus cœli injurias quàm à semine ortas notum est.

In Catalogo Horti Regii Parisiensis aliam adhuc Rosmarini speciem invenio, hortensem angustiore folio argenteum dictum.

## CAP. V.

## De Hyssopo.

**Y**ezum dictum volunt quasi *yezeum* (pro *yezeum*) *em* & *anu*, quia super vultus effundatur : quia  
ejus olim in aspergillis ad expiandum peccata usus erat : verum rectius ab Hebræo *yezeum* deri-  
vatur, quam vocem septuaginta *Hyssopum* vertunt non semel.

Spicis florum longis, è verticillis rarioribus compositis, floribus versùs unam partem spectantibus,  
segmento supremo, quod pro galea est bifido & sursum reflexo, foliis virentibus à reliquis Suffru-  
cibus verticillatis distinguitur.

1. *Hyssopus vulgaris spicatus angustifolius* J. B. *Hyss. vulgaris* Park. *Hyss. Officinarum cerulea* sive  
*spicata* C. B. *Hyss. Arabum* Ger. **Common garden Hyssop.**

E radice lignosa, dura, crassitudine digitali *caules* exeunt pedales aut cubitales, fruticosi, cum lig-  
nescere incipiunt rotundi, dum enim adhuc tenelli sunt, quadrati videntur. *Folia* angusta, oblon-  
ga, glabra, ad margines æqualia, foliis Lavendulæ similia, sed multò breviora. *Floris* dentis verti-  
cillis spicas longas mentientibus, in caulium summitatibus, in unam partem ferè spectantes, è calici-  
bus longis striatis in quinque acuta segmenta partitis exeunt, ampli, cœrulei, quorum supremum  
foliolum bifidum sursum reflectitur, bñdum labellum binis alis superiore parte donatum demittitur.  
Singulis flosculis *stamina* insunt quatuor, oblonga, cœrulea cum suis *apicibus* parvis, obscurè purpureis.

Locum.

Collibus asperis Romaniae & Veronenfi tractu, præsertim secus Athesim, ad angustias sanctorum  
& arcem munitissimam, quæ Imperatoriam à Venetorum ditione discriminat è regione montis  
Baldi sponte fruticare hanc refert Lobelius, cum nupiam alioquin nisi in hortis se invenisse dicat.  
Felicior sanè nobis fuit Lobelius, cum enim eadem loca peragraremus, Hyssopus nullibi in conse-  
ctum se dedit.

Varietate.

Hæc planta multipliciter variat, nimirum 1. *Foliis*, quæ *coloris* respectu, vel ex albo & viridi, vel  
ex aureo & viridi varia sunt : Hinc Hyssopus foliis niveis *Park.* candidus Anglorum *Lob.* & *Hyss.*  
foliis aureis *Park. circumscriptionis* respectu, vel ad margines æqualia sunt, vel crispa, vel dissecta ;  
Hinc Hyssopus crispa *Gesn.* foliis crispis *Park.* & *Hyss.* foliis crenatis *Park.* 2. *Odore* moschum redo-  
lente; Hinc Hyssopus moschata, vel de Cilissa *Park.* 3. *Floribus*, qui *situs* respectu vel uno ordine  
tantum, vel duobus dispositi sunt : *coloris* respectu vel cœrulei sunt, ut plerunque evenit, vel rubri ;  
hinc Hyssopus rubro flore C. B. *Ger.* & aliorum : vel albi ; Hinc Hyssopus vulgaris alba *quidam* C. B.  
*Ger. Park.* &c. Adeoque ex una specie quatuor facit C. Bauhinus, plures Parkinsonus. Nam omnes  
hæc varietates vel ex semine in hortis sato oriuntur ; vel cultui & mangonio debentur.

*Hyssopus hirsuta.*

Hyssopus hirsuta C. B. foliis cinereis *Park.* non aliter à vulgari differt quam foliorum & caulium  
lanugine, aut colore cinereo.

Hinc novem habemus Hyssopi vulgaris varietates raritate sua & elegancia spectabiles, quæ hortos  
curiosorum ornant, nimirum

1. Hyssopum foliis niveis *Park.* candidam Anglorum *Lob.*
2. Hyssopum foliis aureis *Park.*
3. Hyssopum crispam *Gesn.* foliis crispis *Park.*
4. Hyssop. foliis crenatis *Park.*
5. Hyssop. moschatam vel de Cilissa *Park.*
6. Hyssop. utrinque floriferam *Dod.*
7. Hyssop. rubro flore C. B. *Ger.* & aliorum.
8. Hyssop. vulgarem albam C. B. *Ger. Park.*
9. Hyssop. hirsutam C. B. foliis cinereis *Park.*

Vires.

Hyssopus calida est & acris [sapore fervido, inquit C. Hofmannus, suæque acrimonia palatum to-  
tum pervadente] unde attenuat, aperit & abstergit. Usus præcip. in affectibus pulmonum tarta-  
reis, tussi, asthma, &c. Syrupus in affectibus pectoris paululum progressis, ubi scil. de Glycyrrhiza,  
Capilli Veneris, alii non satis sunt operi quod moliantur, eximii usus est.

Extrinsecus adhibetur crebrò ad sugillationes oculorum, ad uterum mundificandum, auriumque  
tinnitus tollendos (per tritorium suffitus susceptus) ad oris absterfionem (in gargarismis)  
*Schrod.*

Sunt qui Absinthio in corroboratione ventriculi præferunt. *Idem.*

Cum carnibus bubulis decocta cum aliis oleribus minutim concisis, non insuaviter ex jure editur,  
ori ac ventriculo grata.

Urinas verò etiam movet & ad urinæ stillicidium utilis est.

Quantopere Hyssopus sugillationi oculorum confert, testis sit Riolanus senior. Expertus sum ve-  
rum, inquit, quod affirmat Archigenes apud Galenum, quod si Hyssopi coma nodulo inclusa bul-  
liat in aqua, & tepide nodulus oculo cruento applicetur, tam manifestè fugit sanguinem, ut lin-  
teum ipsum sanguinolentum videri possit. Hujus autoritatem sequutus ubi occasio tulit, decoctum  
Hyssopi aliquamultris adversus sugillationes, imò etiam oculorum commendavi ; sed loco aque  
succulum in vino bulliendum quandoque curavi, & ex voto eas evanuisse recordor, dum lectum pe-  
tentibus sacculus subtepidus clausis palpebris fuit applicatus. *Simon Paullus.*

Vir quidam celebris mihi notus, cui femur ictu equi calcibus incusso graviter contusum fuit sola  
applicatione



applicatione cataplasmati cujusdam ex Hyssopi foliis minutim concisis & cum butyro recenti non salto commixtis parati intra paucas horas à dolore liberatus est, deleta etiam livida & decolori nota in cute. D. Boyl.

- \* 2. *Hyssopus parva angustifolia* J. B. *parva angustis foliis* Ger. *minor angustifolia* C. B. *minor*, *sive Hispanica* Park.

*Clas. Dod.*  
Humilius est & tenerius hoc genus, alioqui formâ non multum differens à vulgari, *foliis angustioribus*, obscurius virentibus, densioribus, odoris grati: *spiculis* verò in cacumine in brevis *spica* modum digestis.

- \* 3. *Hyssopus umbellata* C. B. *coronata*, *sive comosa* Clusii Park. *An Hyssopus spica brevi, lata* J. B.

*Clas.*  
Hoc genus vulgari non admodum dissimile est (inquit Clusius) sed ad præcedens Hispanico semine natum magis accedit, exceptis ramulis, qui in virgarum fastigio numerosi in latam comam sparguntur.

Præter hanc aliam *Hyssopi comosi* speciem constituit C. Bauhinus, quam *latifoliam comâ rotundâ conferta* vocat, idque autoritate præcipue codicis Cæsarei; cujus picturis quanta fides habenda sit, nō runt rei herbariæ periti.

*Hyssopus furculis densis* Park.

*Park.*  
Humilius est Hyssopo vulgari, ramulis seu furculis crebrioribus, tenuioribus, minùs lignosis, deorsum magis reclinatis; *foliis* obscurè viridibus densius dispositis: in aliis cum eo convenit. Parum differt ab *Hyss. parva angustifolia* J. B.

- \* 4. *Hyssopus angustifolia spicata* C. B. *Park. tenuifolia* Ger.

*Clas.*  
Valde fruticat hoc genus, nec minùs quàm vulgare suis virgis se propagat, quæ sesquipedales interdum sunt, duræ, lignosæ, in multos virides tenuisque ramos divisæ, quos obsident angustiora quàm in vulgari *folia*, viridia, calidi gustûs. Summi rami desinunt in *spicam* *florum* illos verticillatim ambientium, vulgari formâ similibus, minorum tamen, coloris cœrulei. *Radix* dura, lignosa, multifida, plurimisque capillamentis firmata, ex qua plures etiam nascentes virgæ, humi interdum procrebentes, fibras agunt. Tota planta, si digitis atteratur, odorata est.

Hujus picturam & ramos tenellos Londino accepit Clusius.

- \* 5. *Hyssopus latifolia* C. B. *Park.*

*C. B. prod.*  
*Caulibus* est lignosis, rufescentibus, striatis: *foliis* triplo quàm in vulgari latioribus, obtusis, in reliquis cum vulgari conveniens: quam Londino accepit C. B.

- \* 6. *Hyssopum montanum Cilicium quibusdam* J. B. *Hyssopus angustifolia montana aspera* C. B. *Hyss. montana* Park.

Hæc à vulgari Hyssopo hortenfi in paucis differt, foliorum nimirum angustia, duritie, asperitate & hirsutie, sapore amariore, minùs acri. Suspicio hoc genus non differre ab Hyssopo montana vel de Cilicia *Park.*

- \* 7. *Hyssopum Goritiense floribus verticillatim ambientibus* J. B.

Hujus ramum duntaxat pedalem ab Agerio sibi datum describit J. Bauhinus: erat is rectus, firmusculus, foliis vestitus glabris, unciam circiter longis, culmum latis, Satureiæ duriori similibus, inter quæ alia multa, sed minora, odoris grati & suavis, sapore nonnihil acri cum levissima amaritudine. Spica uncis duabus longior erat, angusta sive tenuis, tenuior multò quàm in vulgari, multis parvis constans verticillis, & secundum unumquodque verticillum foliola duo floribus longiora. *Florum* non vergunt in unam partem ut in vulgari sed ramulos ambiunt, parvi, multis apicibus donati.

- \* 8. *Hyssopus folio Origani Dalech.* J. B. *Hyssopus rotundifolia spicata, fortè Dioscoridis* C. B. *Hyss. foliis Origani* Park. *An Hyss. Nummulariæ folio* Ger?

Odore, sapore, floris *spicâ* cœruleâ nihil à vulgari diversum est hoc genus, sed eâ re tantum, quod folium Majoranæ, Pulegiõe simile ac rotundum in longum non porrigitur vulgaris modo.

## CAP. VI.

## De Satureia.

**S**atureia aliis à saturando dicta est, quòd cibus loco condimenti addatur: Alii à Satyris nomen traxisse putant, quia coitus marcescentes stimulat. Græcis Thymbra dicta est, fortè à Thym ob fragrantiam C. B. Et tamen Columella distinguit Thymbra à Satureia,

Et Satureia Thymi referens Thymbraque saporem.

1. Satureia durior J. B. montana C. B. hortenſis Ger. vulgaris Park. Winter Savourp, id est Satureia hyberna.

Folia huic angustiora quàm æstiva hortensi, præcipue quæ primò exeunt, multò duriora, inque acutos & pungentes apices desinentia, Mutius viridiora. Caules teretes, hirsuti, geniculis multò crebrioribus quàm in sativa intercepti, unde & folia & ramuli frequentiores & numerosiores sunt. Atque hac notâ sola primo statim aspectu à priore possit distingui. Ramuli in hac specie non in parrem longitudinem excurrunt ac in illa. Flores ex alis foliorum hinc inde exeunt, in pediculo communi longiusculo, duo trève simul, interdum etiam singuli, galeati, galeâ interdum reflexâ, labello trifido, colore ex albo languide purpurascens. Calix floris in quinque longa, angusta segmenta dividitur. Planta fruticosa est & in multos annos vivax. Sapore & odore cum æstiva convenit.

Locus.

In Gallia Narbonensi circa Monspelium, Nemausum, &c. in collibus: invenimus etiam in Hetruria in alveo cujusdam torrentis non longè à Radicofano copiosè.

2. Satureia hortenſis Park. æstiva hortensis Ger. sativa J. B. hortenſis, sive Cunila sativa Plinii C. B. Summer Savourp.

J. B.

Lignosa nititur radice & simplici, fibras majusculas emittente, ex qua virgula surgunt pedem aut cubitum alta, teretia, rubescencia, subhirsuta, geniculis certis distincta, ad quorum singula folia nascuntur Hyssopi vulgaris, nonnihil hirsuta, crebris foraminulis non tamen perviis erosa, odore suavi vehementi [J. B. Thymi vulgaris mitiore] sapore acri. Caules ramosi sunt ramulis ex adverso binis, è foliorum alis exeuntibus, & ipsos etiam caules longitudine excedentibus. E foliorum alis exeunt stoculi plures simul, pediculis brevibus, è calicibus in quinque acuta & angusta segmenta divisus, ipsi in quatuor lacinias partiti, ex albo purpurascens. Semina parva, fusca, quàm Thymi tamen majora.

Planta est æstiva nec per hyemem durare potest; unde quotannis feri debet.

Locus.

In agris circa Castelmus non longè à Monspelio copiosè & sponte ortam observavimus.

Vires.

Est inter herbas calidas & acres, quæ urinam & menses movent: facultatibus cum Thymo & Serpyllo convenire aiunt. Nobis potius ut facie sic viribus ad Hyssopum accedere videtur.

Uſus est, inquit Schroderus, in affectibus ventriculi, cruditate, anorexia, &c. [proindeque condimentum pauperum esse scribit Tragus: nam omnibus edulis tam carniùm quàm piscium concoqui, &c.] Pectoris, Asthmate; uteri, mensibus obstructis: visum acuit. Extrinsecus discutit tumores, dolorèque aurium sedat.

Uſus ejus frequens est in culina inter alia olera. Cum phaseolis & aliis flatuosis utiliter incoquitur & editur. Fabis cum Selino incisa & infrixa edulium gratum, Belgis frequens habetur. Lob.

Pauperes in Germania Brassicas capitatas hac herbâ condiunt, qui fit ut illæ jucundissimum odorem ac saporem gratissimum inde accipiant. J. B.

Plantam hanc quamvis annua sit & herbaceam ob convenientiam in foliis, odore reliquique notis cum Satureia duriore seu hyemali ab ea non separandam putavimus.

3. Satureia S. Juliani Ger. spicata S. Juliani Park. Sat. spicata C. B. Sat. foliis tenuibus, sive tenuifolia S. Juliani quorundam J. B.

Ad. Lob.

In Tyrreni maris asperis & salebrosis S. Juliani Hetrusci magno proventu oritur, virgula exilibus, palmum altis, sarmentosis, lignosis: foliis ab imò crebris, Thymi Cretici, sed angustioribus, longiusculis, spicam brevem summo gerentibus, stoculis copiosis intexam: gustu acri & odore, universa ex obsoleta purpura albicat, Thymo majore minor, minori ferè par.

Locus.

In collibus Messanensis agri in Sicilia non minùs frequentem observavimus quàm in monte S. Juliani. Crescit & in ipsis Florentiæ urbis muris.

Saxifragam primam Matth. C. Bauhinus pro hac planta habet: Parkinsonus noster pro diversa sub titulo Saxifragæ veræ Dioscoridis Matthioli. Tum à Serpyllo cui aliàs nascendi modo similis est, tum à Satureia differt, quòd tum odore suavi, tum sapore acri, qui illis insunt, careat. Consule si placet Parkinsonum.



4. *Satureia Cretica* C. B. Ger. emac. *Thymbra* sive *Satureia Cretica legitima* Park. *Thymbra Græca* J. B.

*Clus.* Multis ea ramis statim à radice fruticat, Thymi instar, quadrangulis, subaspera lanugine obdus, purpurascens, quibus innascuntur alternatim semper ex adverso ramuli, foliis eadem serie digestis onusti, Thymi genuini foliis pæne similibus, subhirsutis, odoratis, medii quodammodo inter Cumilam & Thymum odoris, acriusculique saporis. Summos ramos verticillatim ambiunt aliquot capitula multis foliolis constantia, inter quæ caliculi, è quibus emergunt saaviter purpurascens flosculi, Thymi flosculis similes, in quatuor lacinas divisi, quarum infima latior est & repanda, suprema etiam lata sed brevior, reliquæ duæ minores, prodeuntibus è medio quinque staminibus candicantibus, quorum apices fusci coloris, & medio stylo bifido. E semine hæc planta nata pusillo, nigro Thymi semini non abhæmili. Radix dura, lignosa.

Clusius legitimam Thymbra statuit, quam etiamnum hodie Cretenses Thymbri & Thrybi appellant. Ex semine ab Hon. Bello è Creta ad Clusium misso enata est.

Pr. Alpinus hanc plantam Tragoriganum esse contendit, non Thymbra, pro qua sequentem proponit.

### 5. *Thymbra* Alpin. exot.

*Alpin.*

Crescit in asperis locis Thymo similis, sed ramulis Thymi gracilioribus, minoribus, atque tenerioribus; qui utrinque habent alios furculos, graciles, non ex opposito positos, oblique actos, foliis Thymi sed tenuioribus & mollioribus, herbosi coloris virescentis, multis ex opposito invicem caules teneros ambientibus. Cauliculi vero in summitate ferunt flosculos purpurascens inter foliola piceo modo. Exili radice, tenui, longâ, lignosâque nititur. Thymo hæc stirps similis est, sed altitudine minor, & eo longè ramulis ferè in orbem expansis latior, ac ad terram depresso. Tota est odorata, odore ad Thymum quadantenus inclinante, nec minùs & acri sapore thymum itidem simulat.

In ciborum condimentis usum habet, & in medicina, non minùs ad movendos menses in mulieribus, & urinam. Ejus decoctum plurimùm valet in tussientibus ex melle ad excrementa in pulmonibus infarcta extenuanda, detergenda, atque ad sputum facilitanda.

Ponè in Baldo Italico Satureiæ cujusdam meminit sine descriptione quam vocat Satureiam Creticam spinosam.

## C A P: VII.

### De Thymo legitimo.

*Th.* vel *San. s. d. d. d.* dicitur, quòd adhibeatur iis qui animi deliquium patiuntur ob crassos humores; vel *San. s. d. d. d.* quòd hoc Veteres in sacris quæ igne accenso fiebant primùm uti sunt. Alias Grammaticorum conjecturas de ratione & origine nominis vide apud J. Bodæum à Stapel. Comment. in Theophr. hist. lib. 6. c. 2. pag. 566.

Differt à Satureia, cui aliàs similis est, odoris fragrantia, & floribus in oblonga capitella congestis.

*Thymus capitatus*, qui Dioscoridis C. B. *Thymum legitimum capitatum* Park. *Thymum Creticum*, sive *Antiquorum* J. B. *Thymum Creticum* Ger. *The true Thyme of the Ancients*.

*Clus.*

Suffrutex est Thymum, pedem interdum altus, multis ramis lignosis, tenuibus & candidis præditus, quos per intervalla ambiunt folia, sibi invicem opposita, angusta, tenuia, candicantia, acris gustis, quæ quibusdam locis hyeme decidunt: nam ubicunque sponte nascentem hanc plantam inveniebam, seu hyeme, seu veris initio, foliis viduam conspiciebam: sed utrinque ab exortu & vestigiis foliorum prominebant veluti oblonga capitella, instar eorum quæ in Origano onite sunt, ex tenellis foliolis viridibus congesta, adeò confertis & numerosis, ut unicum longiusculum folium appareret. Ipsa capitella cum floribus in planta virente observare non potui; Hispali autem, ubi maximus est ejus proventus (nam aliud Thymum non norunt) magni ejus jam resiccati fasciculi demonstrati sunt, cum suis foliis & longiusculis capitellis suos purpurascens flores adhuc retinentibus gratissimi odoris: illo enim in aqua decocto utuntur ad dolia, quibus vinum reservatur eluenda & repurganda: non minoris etiam usûs est ad conciliandam odoris gratiam iis vasis quibus conditæ uvæ asservari solent.

Non modò circa Hispalin copiosè nascitur, sed Gadibus etiam, qua parte insula ponte jungitur Continenti, totâ insuper Bætica in maritimis collibus, Meridiei obversis. Nos in saxosis propè Syracusæ Siciliæ urbem invenimus. D. Wheeler in insula Corcyra,

Et in insula Cithæra nunc Cerigo aliam seu speciem, seu varietatem foliis minoribus agminatim nascentibus.

*Lib. Ob. cap. 2.* Bellonio autore ita frequens in tota Græcia reperitur, ut nulla herba in montibus facilius proveniat; ubi pro loci diversitate florem profert omnino album, vel æeruleum aut purpureum, vel mixtum.

*Vires.*

Thymum cum aceto & sale pituitam per alvum detrahit: ejus decoctum prodest anhelosis & orthopnoicis, tineas ventris exigit, menses, partus & secundas pellit, atque urinas ciet: cum melle in eclegmate faciliores efficit excreationes: recentes tumores discurt; cum aceto illitum; concretum sanguinem dissolvit, verrucas peniles tollit: ischiadicis cum vino & polenta impositum subvenit, hebetibus oculis in cibo: est enim & sanitatis tempore ad ulum idoneus loco condimentum.

*Dioscor.*

Pares illi facultates tribuit Plinius, & insuper addit, Dari Comitibus, quos correptos olfactum excitat Thymi: & Vitis contra inflationes, & si venter urgeat, testisve aut vesicae dolor exigit: Articularibus morbis ac luxatis tritum ac lane inspersum ex oleo imponi: dari & portionem articularibus morbis trium obolorum pondere in tribus cyathis aceti & mellis.

Thymo, quia gratissimi odoris in aqua decocto utuntur Hispanenses (Clusio referente) ad dolia, quibus vinum asservatur, eluenda & repurganda: non minoris etiam usus est ad conciliandam odoris gratiam iis vasibus quibus conditæ uvæ asservari solent.

## CAP. VIII.

*De Maro.*

**M**arum nonnulli dictum volunt à rege quodam Thraciæ cui Maro nomen fuit: Sed verius (inquit Jo. Bodæus) ab Aniraco per Apocopen nomen impositum. Marum (de vulgari Masticheno loquor) foliis Thymi majoribus, odoris fragrantia, sed præcipue lanuginosis ab omni nobis cognita Verticillatæ speciei, facile distinguitur.

1. *Marum* Ger. *vulgare* Park. *Sampfuchus* sive *Marum mastichen redolens* C. B. *Climopodium quibusdam, Mastichina Gallorum* J. B. *Herb. Mastich* or *Mastich-thyme*, by some also called *Marum*.

In fruticem lignosum, bicubitalis interdum altitudinis, multis ramis brachiaturum adolescit, & in plures annos durat, nisi hyems asperior eum corrumpat. Folia viridia, Thymi durioris similia sed majora, sapore acri prædita. In extremis furculis capitula lanuginosa, & paulo etiam inferius ambientes fimiles verticillos obtinet è quibus emicant flosculi albi. Odor totius plantæ gravis, sed paulo vehementior.

Verum non est cur in hac planta describenda multum laboremus, cum (ut diximus) ab omnibus, nobis saltem cognitis verticillatis capitulis lanuginosis differat.

*Locus.*

Floret, autore Clusio, cum Thymo & Stæchade multis Hispaniæ in locis: Provenit autem solo arido & petroso. Ob odoris fragrantiam studiose in hortis colitur, in Gallia, Anglia, Germania, &c.

*Vires.*

Deodatus in desperato mensium fluxu ultimum & præsentissimum remedium ducit pulverem corticis Mari ad 3j. cum vino austero, singulis matutinis horis propinatum. *D. Soame è Dolzi p.*

2. *Marum supinum* Park. J. B. *supinum Lobelii* Ger. *emac. repens verticillatum* C. B.

Non absimile est Maro mastichino sed cauliculis repentibus. Sampfuchum Dioscoridis sive Amracum serpentem *Adv.* quam hujus synonymam facit C. Bauhinus, Lobelius sic describit. Non erigitur aut fruticat ramulis ut Majorana vulgata; sed in cespitem caducis Serpylli modo, cui aliqui perfimilis folio, effigie & magnitudine est.

## CAP. IX.

*De Thymo vulgari & Serpyllo.*

**T**hymi etymon superius tradidimus in capite de Thymo legitimo. Serpyllum autem *und sū serpen* à serpendo dictum est quia aliqua ejus particula terram tangente radices ab ea demittuntur. Ut autem serpo à Græco *serpo*, ita serpyllum ab *serpyllus* spiritu aspero in S mutato, ut in aliis multis, v. g. *ser* lex, *serp* septem, *ser* sedes, *serp* sudor, *ser* sub, *serp* super, *ser* sylva, &c. *sus*, *ser* semi, *ser* sulcus, à se, *ser* sal, *ser* salio, &c.

Thymi notæ sunt folia brevia & latiuscula, flores in capitula in summis ramulis habitiora & laxa congesti. Serpyllum à Thymo differt quod humilior sit & minus fruticosum, & ut nomen indicat ramulis procumbentibus serpat.



1. *Thymum durius* Ger. *durius vulgare* Park. *vulgare rigidius*, folio cinereo J. B. *Thymus vulgariis folio tenuiore* C. B. *Musk Thyme*, or *fine-leaved Thyme*.

J. B.

Odoris jucundi commendatione culturam multis locis meritum est quod hodie plerique omnes *Thymum* vocamus, lignosâ radice, satis numerosis filamentis donata. *Ramuli* teretes, itidem lignosi, subhirsuti, *foliis* Serpylli, angustioribus, incanis, cinereisve, sapore acri præditis verticillatim per intervalla vestiuntur: *Florum* verticilli breviori intervallo est ubi spicæ figuram mentiuntur: sunt autem ii colore purpurascens vel albo, labellum veluti promittentes trifidum, unicâ laciniâ surrectâ, è medio stylum purpurascens exserentes, calyculis Serpylli striatis, hirsutisque.

In Gallia Narbonensi vix alia frequentior occurrit planta.

Locus.

2. *Thymus vulgaris folio latiore* C. B.

An specie à præcedente differat dubito, alii non distinguunt.

Alterius speciei meminit D. Magnol in sterilibus versus Clapies & Jacou à se inventæ, cui titulum *Thymum supinum candicans odoratum*, quod priore humilius, foliis candicantibus & odoratissimum esse ait. Hæc fortè species est quam Parkinsonus Thymi durioris candidioris titulo describit è semine Thymi durioris vulgaris seminibus permixto sibi in horto enatam, ramulis tenuioribus, foliis candidioribus seu magis incanis, rariùs dispositis; odore etiam vehementiore.

3. *Thymum inodorum* C. B. Park.

C. B. prod.

Suffrutex est, ob lævem lanuginem quâ pubescit incanus; caule lignoso, cortice incano, rugoso vestito, qui in plures ramos palmo minores, recurvos, hique in alios & velut in orbem dispositos dividitur: quos per intervalla *folia* brevissima, angustissima, plura simul juncta, inodora & pene insipida cingunt. Cauliculorum summis *flores* plures, purpurei, formâ & dispositione Thymi vulgaris floribus similes insident.

In regno Valentino locis arenosis ad litora copiosè provenit.

Saporis est subacris, unde attenuat & incidit. Usus præcip. in affectibus Tartareis; 1. Pulmonum, ut Asthmate, Tussi, &c. 2. Artuum, ut Podagra. Omnia viscera referat, appetitum excitat. Extrinsecus in tumoribus frigidis, fugillationibus, inflationibus ventris, doloribus arthriticis.

Schrad.

Nostratibus usurpatur pro olere, & jusculis incoqui solet: calore suo ventriculum refocillat, & concoctionem promovet.

Locus.

Vires.

- A. 4. *Serpyllum vulgare* Ger. J. B. *vulgare minus* Park. C. B. *Common Mother of Thyme*.

J. B.

Tam Græco, quàm Latino hujus nomini originem dederunt serpentes *ramuli*, duri, lignosi, quadrati, subrubentes, modicè hirsuti, qui ubi terram attingunt novas subinde *radices* agunt: primæ autem lignosæ sunt, satis crassæ & frequentes, fuscæ, plurimis fibris capillatæ. Ad ramulorum nodos *folia* Thymi vulgaris latiora, subrotunda, nervosa, sapore acri & aromatico. *Flores* in capitulis Thymi, interdum candidi, plerunque tamen purpurascens.

Ejus duplex habetur genus. *Primo* flos est media parte minor, apice in medio interdum bifido, colore ut plurimum purpurascens: *folia* ut sequentis, odore nonnihil ad Melissam accedente. *Secundo* flos major duplo, in medio quinque apices, color remissior & minus purpurascens: in foliis non differt à præcedente, nisi odore, qui nobis suavior videtur. Utraque hæc varietas apud nos passim habetur.

Varietas.

Est nobis præterea genus aliquod foliis & caulibus præcedentibus simile, sed hirsutum valdè.

Serpylli summitates non raro degenerant in capitula tomentacea, candicantia, quæ (inquit J. Bauhinus) *florum* loco sunt; imò insectorum matrices sunt. Summitates enim hujus herbæ ab insectis quibusdam punctæ hoc modo degenerant, & vermiculæ domicilia & esca fiunt. De his plantarum excrecentiis seu fructibus ut vocant spuris & excrementitiis consule Excellentiss. Marcelli Malpighii Anatomes plantarum partem alteram.

In montosis & pascuis ficcioribus, inque formicarum tumulis ubique ferè terrarum abundat hæc planta.

Locus.

Serpyllum aureum sive versicolor Parkinsoni non alia in re à vulgari Serpyllo differt quàm *florum* colore ex aureo & viridi mixto seu variegato; qui arte inducitur, ut in Hyssopo, Rosmarino, aliis.

Serpyll. aureum.

Serpyllum ut facie sic viribus cum Thymo convenire videtur: estque inter calidas siccâsque herbas quæ urinam & menses movent. Cephalica est (inquit Schroderus) uterina & stomachica. Usus præcip. in menses ac urina ciendis, in expuitione sanguinis, spasmo, &c. Extrinsecus arcet vigilias, cephalalgias, vertigines. Ciet menses (balneo).

Vires.

Vulgus decoctum Serpylli dum Erysipelate infestatur calidum bibit, unde sudor proritetur, quo epoto sæpe valetudo meliorescere solet. S. Paulus.

Balsamo Serpylli auspiciato vertiginosos à vertigine præservamus. Idem.

Paracelsus in catarrhis palmarum remedium est Aqua Serpylli cum Sp. Vini hymice elicito.

D. Soame è Del. Lib. I. C. 10. S. 8.

Loquelam Apoplectico postliminio restitutam spiritu Serpylli vidimus. *Idem ex eodem.*

- A. 5. *Serpyllum citratum* Ger. Park. *Citrii odore* J. B. *foliis Citri odore* C. B. *Thym.*

*Clus.*

Admodum simile est vulgari, in omnibus Europæ provinciis occurrenti, crassiora tamen & magis atra habet *folia*, quæ trita Citrii mali vel Melissophylli odorem referunt, & *capitella* paulò majora magisque purpurascencia, similibus tamen flosculis prædita; crassiores ramulos, quadrangulos, palmares, per terram fufos, ad singula internodia fibras agentes; *radicem* verò lignosam, multifidam, fibrosamque, numerosos proferentem cauliculos, summam tellure in orbem se spargentes.

*Locus.*

In montosis sed rariùs invenitur: in Pannonia mixtim cum vulgari prodit, cum eo etiam florens Junio. *Clus.*

*Serpyllum moschatum.*

*Serpyllum moschatum* Park. odore præcipuè à citrato differt, nec à quoquam præterea (quod sciam) Botanico memoratur.

- \* 6. *Thymum latifolium* Park. Ger. *Serpyllum majus latifolium* C. B. *item Serp. sativum* ejusdem. *fortè etiam Serpyllum vulgare majus* ejusdem, & Park.

Minus erectis quàm *Thymum* durius, tenuioribus nec adeò lignosis, humi diffusis & procumbentibus, multòque pluribus luxuriat ramulis: *Folia* molliora, latiora: *Flosculi* ex albo purpurascunt. Hyemes nostras minùs reformidat, adeoque diutius in hortis satum durat, quàm *Thymum* vulgare durius; odore & sapore est remissiore.

- \* 7. *Serpyllum majus* Park. *vulgare majus* C. B. *Serp. majus flore purpureo* Ger. & aliò Cam.

Majus est & erectius Serpyllo vulgari, *foliis* majoribus, pallidiùs virentibus, Majoranz æmulis: floribus etiam majoribus purpureis.

- \* 8. *Serpyllum latifolium hirsutum* C. B. Park.

C. B. *prod.*

Tota planta ob mollem lanuginem quâ pubescit, præsertim caulibus, incana est. *Cauliculi* donatur frequentibus, tenuibus, longis, recurvis, qui *foliis* subrotundis, pediculis oblongis donatis cinguntur. Cauliculorum summis capitula flosculorum purpurascens insident.

- \* 9. *Serpyllum angustifolium glabrum* C. B. *Pannonicum Clusii* Park. *angusto folio, odore nucis juglandis, vel nullo* J. B.

*Clus.*

Angustiora huic *folia* sunt, paulòque longiora [quàm vulgari Serpyllo] viridia, glabra, rariùs per cauliculos sparsa. *Cauliculi* frequentes, tenues, longi, humi fusi, & subinde ad internodia fibris sese firmanes, oblonga, mollia & veluti spicata in summo ferentes *capitella flosculi* vulgari æqualibus referta. *Radix* lignosa est, dura, & multifida. Tota planta aut nucis Juglandis foliorum odorem quodammodo refert, aut interdum nullo manifesto odore prædita deprehenditur; soline mutatione an atræ variantis afflatu id accidat me latet.

- \* 10. *Serpyllum angusto lanuginosòque folio* J. B. *angustifolium hirsutum, vel montanum repens hirsutum* C. B. *Serpylli Pannonici Clusii varietas altera* Park. *Serpyllum hirsutum* Ger. emac.

*Clus.*

Latè serpit & magnos cæspites nonnunquam occupat. Nam licet duram & lignosam habeat *radicem* (ut præcedentia genera,) tennes tamen quos in circuitu spargit *cauliculi* subinde fibras agunt, quæ temporis successu in radices non minùs duras & lignosas evadunt quàm sit primaria, atque alios deinde fundunt in ambitu cauliculos, *foliis* non minùs quàm proximè præcedentis oblongis, & iis quidem angustioribus, præditos, incana mollique lanugine pubescentibus: longa in summis cauliculis capitella à secundi generis longo glabròque folio non differunt, & similibus flosculis plena sunt. *Semina* in villosis rufescentibus utriculis parva, rotunda, fusci coloris. Tota stirps pineum quodammodo five resinaceum odorem trita refert & calido gustu est. Hanc speciem pro Serpyllo hirsuto nostrate in Cat. Ang. habuimus, verùm nunc diversum arbitramur.

*Locus.*

Hæc duo genera proximè descripta in Ungaria, Austria & Moravia mixtim cum vulgari Serpyllo nascuntur; & eodem tempore, mense videlicet Junio, florent.

*Serpyllum longifolium hispidum* *Clus.* in ejus Observ. Pannonicis q. Hoc genus foliis hispidis seu pilosis se in squalidis & incultis viæ montis Lupi Junio mense copiose florens observasse scribit D. Magnol.

- \* 11. *Serpyllum*



- \* 11. *Serpyllum folio Thymi* C. B. *Narbonensa* Park. *Creticum* Ger. *sylvestre*, *Zygis Clusio*, *Thymo vulgatiore*, *rigidiori simile* J. B.

Clus.

*Serpyllum sylvestre*, *Zygis* appellatum, quale Dioscorides describit, observabam, ni fallor, in Castellâ vitem, iisdem locis cum *Thymo* duriore sive nigro, cui perquam simile est figurâ, ramis, altitudine & radice: folia verò paulò latiora habet quàm *Thymum*, minùs odorata, sed gravius nonnihil olentia, utpote quorum odor sit ferè inter *Abrotanum* & *Stoechadem* medius: in virgis item ramulos, qui floribus verticillatim nascentibus vestiuntur, coloris ex albo purpureo: quâ florum dispositione & odore à *Thymo* discerni penè duntaxat potest. Minor est præterea ejus acrimonia quàm *Thymi*, quippe quæ aliquid adstrictionis admixtum habeat.

Floret cum *Thymo* duriore, & perpetuò etiam viret.

## CAP. X.

De *Tragorigano dicto*.

**T**ragoriganum Latine hircinum *Origanum* sonat; sic dictum non quòd hircum oleat, sed quòd gratum sit hircis pabulum, ut Onitis asinis. Nicandri Scholiastes ad hunc versum, *ἡνὶ δὲ κύνες ἔσθ' ὀρίανον, ὅτι καὶ ὀρίανον ἔσθ' ὀρίανον* i. e. in Venerem proclives seu præcipes.

Non videtur differre genere à *Thymo* vulgari.

- \* 1. *Tragoriganum angustifolium* C. B. *Hispanicum* Park. *Tragoriganum Clusii* Ger. *Trag. tenuioribus foliis, flore candido* J. B.

Clus.

Minores sunt huic surculi & candidiores, tenuiora longioraque folia, aliquantulum incana, acris gustus: odor minùs jucundus quàm in *Tragorigano* primo Clus. sive *Clinopodio* quorundam, *Matthia* cognominato: flores etiam verticillatim circa summos ramulos nascuntur ex utriculis prodeuntes, majores aliis & galeati, candidi. Semen observare non potui. Radix priori similis, lignosa, dura, multifida.

Solo Valentino agro sponte nascentem & Martio florentem observavit Clusius.

Locus.

- \* 2. *Tragoriganum Matthioli* J. B. Park. *Serpyllifolium* C. B. *Trag. Dodonæi* Ger. quoad iconem.

Matth.

Hoc genus frequens nasci in Foro-Julienfi agro affirmat Matthiolus, in collibus saxosis & veteribus muris: ei verò tenues tribuit ramulos, foliis parvis longiusculis, Serpylli æmulis, stellæ modo dispositis sapore ferè *Pulegii*; floribus parvis carnei coloris onustos à media parte caulis. Radicem parvam, multis fibris donatam, ejusdem odoris cum foliis.

Difficile est (inquit J. Bauhinus) certò affirmare de qua planta intelligat Matthiolus, nisi nos aliquis Foro-Julienfis doceat, quæ planta apud eos iconi Matthioli respondeat. Matthioli glossatores & patroni nihil certi de hoc *Tragorigano* scribunt. Lobelii sententia mihi [f. R.] arripit, hoc non *Tragoriganum* sed *Calaminthæ* speciem alteram esse *Serpylli* & *Clinopodii* figurâ.

3. *Tragoriganum Creticum* C. B. Park. *Trag. Cretense* Ger. *Trag. quibusdam nigrius, folio duro, flore purpureo* J. B.

J. B.

*Vergula* fruticat dodrantalibus & longioribus, adverso plerunque ramorum frequentium positi brachiis, lignosis, rubicundis, quadrangulis, hirsutis: folia ex adverso nascuntur per modica intervalla, oblonga, Satureiæ foliis quodammodo similia, latiora, magisque rotunda, interdum in hortis nostris & Majoranæ foliis non minora, stigmatis punctata, nigricantia, tactu dura, gustu acris & aromatico, odore suavi; ex quorum sinu alia minora folia quoque emicant. Flores verticillati, Satureiæ flores æmulantur, ex purpura pallescentes, rictu hianti apiculos exferentes, calyculis hirsutis in quinque aculeos desinentibus. Radix lignosa exterius rubet, intus albet, ac in furculos aliquor abie, capillaribus fibris donatos.

In Valentino agro sponte nascitur & Martio mense floret, autore Clusio, cui *Tragorigani* se- Locus.

cundi altera species dicitur. *Tragoriganum* herba est calida & acris, & ad eadem utilis ad quæ *Thymus*, *Satureia*, *Hyssopus*, *Vires*, nimirum, ad pulmonis affectus, Tussim, &c. ad menses & urinas remorantes; ad crudelitatem ventriculi & ructus acidos, &c.

## CAP. XI.

## De Polio.

**P**OLIO sic dicitur propter caniciem, quæ in capitulis secundum Dioscoridem, at secundum Plinium in foliis apparet: *maide* namque caniciem & canum significat.

Polii ergo nota Characteristica esto foliorum & comæ canices, & tomentosa lanugo quæ obducuntur: quinetiam Polium ex humilioribus suffruticibus est, foliis oblongis, & in legitimis seu geminis speciebus circa margines crenatis.

1. *Polium maritimum erectum Monspeliacum* C. B. Ger. *Monspellanum* J. B. *montanum minus* Park. epitheta hujus & sequentis speciei apud Parkins. permutata videntur. *Polio montanum*.

J. B.

*Folia* angusta, oblonga, denticulata, candida, tomentosa, saporis acris & amari, per ramos dorsales vel palmares, rotundos, incanos, ex radice lignosa paucis fibris donata: capitula glomerata, alba, tomentosa, calyculis constant oblongis, è quibus flores emicant hiantes, candidi. Odor totius plantæ gratus [Matthiolo acutus & subgravis].

Locus.

In Italia & Gallia Narbonensi in maritimis præcipue copiosè provenit; florens æstate. Cultum (inquit J. Bauhinus) multum degenerat, minus candidum evadit, foliisque redduntur laetiora.

Vires.

Polium cum acre sit & amarum, urinam & menses ciet; Hydropicos & ictericos juvat; venenatis moribus auxiliatur. Theriacam & Mithridatium ingreditur.

Omnis generis Polii ramuli in terram depacti, loco præcipue umbroso, sine difficultate radices agunt; ut in aliquot ejus generibus periculum fecit Clusius.

Nos hujus generis ramulum in orto Oxoniensi collectum & in libellum conjectum per triduum in loculis circumgestavimus, tandem Cantabrigiam reversi in hortulo nostro plantavimus, qui tamen brevi comprehendit & radices egit.

\* Lib. 2. C. 21.  
S. 127.

\* Sylvius inter medicamenta Antepileptica secundum locum Polio montano tribuit, ut quod volatili sale abundet. D. Soame.

2. *Polium montanum album* C. B. Ger. *montanum* 1. Clus. *montanum Monspeliacum* Park.

Hoc genus à præcedente differt præcipue cauliculis humi sparsis; foliis leviter denticulatis, ut vix nisi diligenter observantibus denticuli appareant; in reliquis cum eo convenit, ut suspicer eandem esse plantam; quamvis icon non conveniat.

3. *Polium 2. albo flore* Clus.

Hoc caliculis erectis; foliis angustioribus, extrema parte duntaxat dentatis; capitulis majoribus longioribusque, laxioribus tamen neque adeo compactis à præcedente differt. Quibus non obstantibus C. Bauhinus priori idem specie facit: Nos autem æquo jure utrumque genus maritimo Monspeliacico idem statueremus. Verum autoritas Clusii tanti apud me est, ut nihil temere pronunciare aut definire auserim. Certè icon quam adhibet Clusius, aliisque post eum, Polio Monspeliacico nequaquam convenit.

4. *Polium maritimum supinum* Park. *maritimum supinum Venetum* C. B. *montanum purpureum* Ger. V. *purpureo flore* Clus? *candidum tenellum tomentosum flore purpureo* & *albo* J. B.

Clus.

Hoc prorsus tenellum est exilibus & dodrantalibus ramulis, humi fufis, multâ lanugine candida testis, qui subinde ad nodos radices agunt: folia illi sunt mediæ inter tertium & quartum genus magnitudinis, breviora tamen, denticulata, valdeque tomentosa, quæ adeo causa est ut in tenellis foliis nulla dentium vestigia conspiciantur nisi à diligenter observantibus: capitella superioribus multo minora, totaque tomentosa in quibus flos purpureus.

Varietas.

Polium VI. albo flore Clus. hujus tantum varietas accidentalis esse videtur; siquidem sola teneritas stirpis, & floris varietas inter hæc duo discrimen facit, autore Clusio. Utrumque enim genus nihil ferè nisi tomentum sunt & odoris suavitate reliqua genera superant.

Utrumque suis floribus onustum Martio reperiēbat Clusius, nec differentiam animadvertisset, nisi floris color diligentius conferendi singulas plantas occasionem præbuisset.

Polium  
Venetum.

J. Bauhinus Polium Venetum à Casparo fratre è Lio Venetorum allatum ab hoc distinguit, neo immerito, cum tota planta minus candida esset Polio Monspeliacico, foliis paulò latioribus & plus crenatis; comâ etiam magis divulsâ. C. Bauhinus etiam ipse in Phytopinace distinguit hæc duo: at in Pinace, nescio ob quam rationem mutatâ sententiâ, conjungit.



\* 4. *Polium rubrum majus flore dilutiore* Moris. præl.

Hujus folia Polii lutei vulgaris foliis quam proximè accedunt quoad magnitudinem, serraturam & canitum. Florem fert majorem dilutius rubrum quam præcedens.

6. *Polium montanum Lavendula folio* C. B. Park. *Polium Lavendula folio, flore albo* Ger. *Uxender-leaved Poley-mountain.*

Multas ex eadem radice promit virgulas primi generis virgis similes, sed breviores & magis fruticolas, supra terram sparsas; folia in his Libanotis coronariae foliis ferè paria, minora tamen superne viridia, inferne canescentia, nullis crenis per oras notata, amari gustus & jucundi quidem odoris, attamen minus grati quam qui in legitimi Polii montani foliis percipitur. Florem extremis ramulis gerit copiosum, album, alterius Polii floribus formâ non abfimilem, non tamen spicæ instar crescentem, sed velut in caput congestum: Semen deinde in vasculis exiguum, nigricans. Radix illi dura, lignosa, multifida, multis capillaribus hbris prædita.

In montosis circa Basileam, Genevam & alibi copiosè provenit, nobis observantibus.

Locus.

Planta hæc minus rectè me judice, ad Polium referunt, cum nec folia ei tomentosa sint, neque circa margines crenata: Idem esto judicium & de sequente.

\* 7. *Polium montanum repens* C. B. *montanum minimum* Ger. *mont. supinum minimum* Park.

Clas.

Duarum unciarum longitudinem vix superat, exilibus ramusculis, in quibus non minus quam in superioribus ordine & ex adverso opposita nascuntur foliola duriora, breviora & angustiora, non denticulata. Ramulis insident terni aut quaterni flores albi, superioris [ Polii Lavendula foliis ] formâ similes sed minores. Hujus semen non observavi. Radix fibrosa est & vivax natali solo. Nulli vero odoris gratia commendabilis est hæc planta. Floret autem seriùs, Junio videlicet.

Nascitur publicâ viâ agro Viennensi.

Locus.

Neutram harum postremarum stirpium [ hujus & Polii Lavendula foliis ] licet sapiùs cum suis conspiciamus in hortos translatam, unquam cicurare potui, sed consuetu pabulo destituta semper corrumpuntur. Clas.

8. *Polium montanum luteum* C. B. Ger. *montan. vulgare* Park. *Yellow Poley Mountain.*

Clas.

Mediæ est inter tertium & quartum genus magnitudinis, minus fruticosum minusque firmis ramulis quarto, firmitioribus autem secundo: nam partim procumbentes eos habet, partim etiam erectiores, omnino incanos, magis etiam quam tertium: folia autem utroque ampliora, & tota candida: tenelli tamen ramuli capitella sua jam protrudere incipientes cum ipsis foliis flavescente lanugine obducuntur, perinde ac ipsa integra oblonga capitella, quæ tandem luteum florem proferunt. Semen aliis simile.

Florebat natali loco Martio mense, apud Belgas seriùs. Regno Granatensi & Valentino oritur. Locus.

In squalidis propè Valenam sylvam D. Magnol invenit.

Ex hujus semine natum est flore modò candido, modò interius pallecente, foris exalbido, comaque non minus quam folia canescente, quod Polium quartum Clusio.

\* 9. *Polium latifolium incanum Creticum* C. B. Park.

C. B.

Totum tomento albo molli tectum est, caules habens pedales, rotundos, in ramos palmares, hósque breviores subdivisos, quos folia vestiunt subrotunda, crenata, instar Alsinæ hederulae folio aut Chamædryos, crassa, rugosa, inferne candida, superne ex viridi flavescentia, quæ masticata penè insipida [ in sicca planta ] & non secus ac si tomentum dentibus conteretur sensum præbent. Flores non vidimus.

Ab Honorio Belli è Creta missum est.

Locus.

Hæc species ad præcedentem proximè accedere mihi videtur.

\* 10. *Polium angustifolium Creticum* C. B. Park. *erectum Creticum, & fortè frutescens* Dioscoridis Pona.

In bipedalem ferè altitudinem assurgit, caulibus rectis, duris, teretibus, lignosis, foliis oblongis parvis, angustis, oblongis apicibus subrotundis, Polii vulgaris similibus, sed minoribus multo, ad margines minime dentatis. Flores & semina vulgaris Polii [ lutei intelligo ] Tota planta valde odorata est.

In Creta ad maris litora frequens.

Locus.

\* 11. *Polium*

\* II. *Polium mont. pumilum tenuifolium Africum* Park.

Locum.

*Folia* huic angusta, incana, ad singulos geniculos multa : *flores* in summis ramulis parvi, subulci.  
*Radix* nonnihil lignosa est, ut & tota planta, & aliquantulum odorata.  
 A Boelio circa Tunisium urbem collectum est.

## CAP. XII.

De *Teucrio*.

**T**eucrium à Teucro inventore dictum planta est fruticescens, foliis Chamædryos, annis floribus galea carentibus.  
 Teucrium staturâ suâ & magnitudine, foliis latioribus à Chamædrye differt, quicum foliis galeâ carentibus convenit.

*florib.* 1. *Teucrium* C. B. *Teucrium multis* J. B. *majus vulgare* Park. *latifolium* Ger. *Cret. Ger.* mander.

J. B.

Cognatum Chamædryi Teucrium altius fruticat, rectis, lignosis, quadratis, hirsutis virgulis, in quibus ex brevibus intervallis *folia* utrinque hirsuta, superius atro virore splendentia, inferius nonnihil canescentia : & inferiora quidem formâ & magnitudine Chamædryos spectantur, serrata, ex oblongo rotunda, [jucundi si terantur odoris. *Clus.*] quæ verò virgularum fastigia ornant ad Hormini folia quodammodo accedunt, nequaquam per ambitum incisa, & circa basin latiora in acumen desinunt. *Flores* porrò è foliorum superiorum alis emicant, plures juncti, pediculis satis longis hærentes, calice hirsuto canescente, Chamædryos florum formâ, labello quidem longiore demisso, sed cucullo vidui; cujus loco *stamina* luteola exeunt, quo colore flos quoque ipse est præditus [Clusio ex albo pallecente] *Sapor* herbæ est acriusculus cum amarore non ingrato.

Locum.

In Sicilia & Italia perquam familiare est, & Teucrium, ut facie Chamædryn vulgarem refert, in eisdem cum ea pollet viribus.

2. *Teucrium Creticum* Clus. Park. J. B. *Creticum incanum* C. B.

Clus.

Perinde ut præcedens in fruticem assurgit, ramis tamen tenuioribus & incanis: *foliis* formâ similibus sed infernè magis incanis, supernè minùs virentibus & splendentibus, atque etiam minoribus. *Flores* ex singulis foliorum sinubus prodeunt, utriculis inclusi, quaterni aut seni, floribus Teucrii vulgaris formâ non dispares, nisi paulò minores essent, & colore purpureo. *Semen* rotundum, nigrum. Tota planta odorata est.

Ex semine Cretâ misso Clusio enatum est.

3. *Teucrium Baticum* Ger. Park. *Baticum Clusii* J. B. *peregrinum folio sinuoso* C. B.

Clus.

Humanâ interdum altitudine assurgit, plerunque tamen humilior est, unico stolone minimi digiti crassitudine, candicante cortice obducto, & in aliquot ramos diviso, binos perpetuò oppositos, incanos. *Folia* præcedentis fermè, majora paulò, in ambitu nonnihil sinuata, externâ parte omnino incana, internâ verò ex atro virentia, non tamen splendentia ut in primo genere; gustu perquam amaro. *Flos* candidus est, labris infernè prominentibus, nullâ galeâ superius imminente, aliquot oblongis staminibus sive villis è medio flore exeuntibus. Perpetuò viret non secus ac vulgare Teucrium.

Locum.

Multis Siciliae insulæ in locis invenimus, v.g. propè Syracusas, ubi in insignem altitudinem assurgit, plurimisque virgultis & ramulis dense fruticat; in insula parva ad promontorium Pachynum, nunc capo Passaro dictum; circa Puzallu arcem, & alibi. D. Willughby nobis ostendit à se inventam itinere à Neapoli ad Romam. Clusius montibus circa Calpen ad Herculeum fretum, & Baticæ maritimis in sepibus & inter alios frutices inveniebat.

\* 4. *Teucrium Alpinum inodorum magno flore* C. B. *Alpin. inodorum* Park. item *Teucrium foliis Scorodonie* C. B. ex sententia ejusdem.

C. B. prod.

*Radice* alba, oblonga & capillacea per terræ superficiem repit. *Cauliculos* aliquot habet lignosos, rufescentes, hirsutos, nonnunquam in alas divisos, semipalmares & in terram reclinatos; *foliis* subrotundis, parvis, quorum maximum nè minimi digiti unguem adæquat, hirsutis, rugosis & crenatis, *foliis* Salviæ sylvestris superioribus formâ respondentibus, cinctos. In cauliculorum summitatibus *flores* quasi in spicam congesti, qui magni purpureo cœrulei galericulati.



In monte majore S. Bernhardi & Augstavalle Helvetiorum oritur.

*Parkinsonus* Teucrium foliis Scorodoniae C. B. pro una & eadem eandem descripta planta habet.

Locus.

3. *Marum Cortusi* J. B. *Tragoriganum latifolium* C. B. *Trag. latifolium* sive *Marum Cortusi* Mattbiolo Park. *Tragoriganum Lobelii* Ger.

Thymum sive Mastichinam instar dense fruticat, lignosis virgulis & incanis, quas vestiunt folia crebra, serratis Serrilli foliis paria, thymi foliis majora, subtus incana, superius virentia, sapore amaro & acro, odore grato. Flos Chamædryos vere floribus par, nec figurâ quoque abludens, multos semisso labello, galeæ locum supplentibus tortilibus staminibus, calyce quoque Chamædryos pari, villosa, incano.

### C A P. XIII.

#### De Chamædry.

X *Amplex*, quasi *humilis Quercus*, quia folia habet *quasi rami* *divisura* Quercui similia, adde & figurâ: unde non alia quærenda est hujus generis nota characteristica. Parvitate sua præcipue à Teucrio differt; ejus & nomen etiam participat, nonnullis Teucrion dicta.

1. *Chamædry vulgaris* Park. vulgè *vera existimata* J. B. *minor* Ger. *minor repens* C. B. *Common Germander*.

Reptatitium classi accensenda, radículas lignosas oblique agit, fibrisque tenuissimis subinde rursim radicâtis, virgulis donata dodrantalibus, rubentibus, lanuginosis: quibus folia ex intervallis adnascuntur bina, Quernorum divisurâ, longitudine unciali & majore, latitudine semunciali, rigida, nervo, siliisuta, sapore subamaro, subdulci & aromatico. Flores in spicatum quodammodo exeunt, purpurascens labello scutellato, alis duabus acutiusculis ad angustam cervicem appositis, supra quas surrecta ceu spicula; pro galea verò, quâ destituuntur, purpurantia stamina surriguntur.

In Germaniâ, Gallia & Italia frequens reperitur.

In Angliâ etiam invenimus non semel, an spontaneam ambigimus.

Locus.

2. *Chamædry major* Park. *major latifolia* Ger. *emac. major repens* C. B.

Præcipue, nè dicam sola, inter hanc & præcedentem differentia est in statura & partium omnium magnitudine, ideoque J. Bauhinus hanc ab illa non separat: Nobis tamen videtur specie diversa, non accidentibus foliis quæ cœli aut soli diversitati, aut etiam culturæ debentur.

Tenuium est partium hæc herba: potenter urinam ac sudores movet. Hinc confert in febribus, scorbuto, sanguine coagulato, & imprimis in Arthritide, Ictero & Urina suppressa. *Schrod.* Adde Matthiolum in Pestilentia, lumbricis, capitis morbis frigidis.

Extrinfecus adhibetur in ulceribus serpentibus, in dolore hæmorrhoidum, in auribus vermiculosis, in scabie & pruritu, in catarrhis exsiccandis.

Scribit Vesalius in *Epist. de China*, decoctum Chamædryos fuisse commendatum à Medicis Genuensibus Carolo V. Imp. pro perpetuo Podagræ auxilio, facto decocto sive ex vino, sive ex aqua stillatitia. Experiatur qui volet, inquit Casp. Hofmannus, qui se Tragi sententiam amplecti ait, Chamædryon idem posse quod Betoniam; & rectè indi decoctis deobstruentibus.

Apud nostrates mulierculas in mensium suppressione decoctum ejus usûs est creberrimi.

Planta ipsa in agro Cantabrigiensi à vulgo *English Treacle* i.e. Theriaca Anglica dicitur, procul dubio quia Alexipharmaca censetur.

Quidam celebris ob Scrophularum curationem exhibebat decoctionem Chamædryos in Vini albi Lib. 2. ad Lib. 1. consumptionem. Dos. coch. 6. manè & vesperi, per mensis spatium: quo non proficiente exhibebat infusionem Roris marini & Linguae cervinæ ana M. i. in vini alb. lib. 4 per horas viginti quatuor, & sumebat æger Cochlearia octo bis indies; quo decocto fovebat etiam partes tumentes, quo successu non traditur. D. Hulse è MS. nondum edito.

Pulvis Chamædryos celebratur inter Ægyptios contra febres intermittentes. Alpin. de Medic. Ægyptiorum, p. 146, 147. Laudatur etiam hæc planta in febribus intermittentibus à Montano & Baricello. Multi Rustici curant febres Quartanas pulvere Chamædryos sumpto in jusculis per aliquot dies. River. Centur. Observ. IV. Observ. 84. D. T. R.

Com. Mediolanensis uxor dolore uteri ingenti excarnificata, decocto Chamædryos cum jusculo polli parato, solutâ alvo, magnâque bilis ac pituitæ copiâ excretâ integrè convaluit. D. Seame ex Observat. Hieron. Reusneri.

\* Obs. 101.

3. *Chamædry*

3. *Chamædrys spinosa* C. B. J. B. *spinosa* Cretica Park. An *Scordium spinosum* odoratum Cornuti?

C. B.

Planta est palmaris & sesquipalmaris, rarissimè cubitalis, molli lanugine incana & hirsuta, *Caliculis* quadratis, geniculatis, virgultis hinc inde sparsis: *foliis* oblongis subrotundis, aliquibus laciniatis, at plerisque leviter ferratis, summis tamen integris: *flores* ex caliculis lanuginosis *Chamædrys* formâ, ex flavo rufescentes, è foliorum alis prodeunt, unde & aculei bini, aliquando plures, modò breviores, modò longiores exurgunt: aliquando ex geniculis unum virgultum prodit, *cujus* summis *tati* spina subtilissima insidet. *Semen* rotundum, subnigrum, caliculis inclusum floribus succedat.

Locus.

Patavio ex horto Bembiano accepit descriptionis Autor C. Bauhinus.

Huic idem nobis videtur *Scordium spinosum odoratum* Cornuti. Quod in ficcis & arenosis Hispaniæ montibus sponte nasci se accepisse scribit: verum ramulos lenta pinguèdine obritos ei attribuit; *folia* suprema in summis cymis adeò parva, vix ut adæquent Serpylli nostratis *folia*: *Flosculi* albidis, tribus tenuibus filamentis ab intimo calyce ortis donatos; Saporem vietum, odore insigni fragrantia commendabilem ut ferè Ocymo parem gratiam obtineat: radicem oblongam, tenuibus fibratam capillamentis.

\* 4. *Chamædrys arborea* Egyptiaca C. B. *Chamædrys arborea* in insula Corcyra Alp.

Locus.

Ad cubitos duos exurgit, foliis duplo aut triplo quàm in Italica majoribus.

*Chamædrys Austriaca* foliis tenuissimè laciniatis C. B.

Item,

*Chamædrys Hispanica* foliis tenuissimè divisis ejusdem.

In Prodromo descriptæ non pertinent ad hoc genus, sed potius ad *Chamædrys* spurias.

5. *Chamædrys laciniatis foliis* Park. Lob. *Chamæpitys femina* Ger. *Botrys Chamædryoides* C. B. Bot. verticillata J. B. Jagged-leaved Germander.

*Radix* ei parva alba, fibras emittens majusculas tenuissimis filamentis capillatas. *Caulis* inde exsurgit plerunque unicus, interdum plures, quadrati, hirsuti, rubentes, infirmi & vix se sustinentes, pedali interdum longitudine, *foliis* vestiti per intervalla ex adverso binis, pediculis longis hirsutis innitentibus. *Folia* ipsa supina parte obscurius viridia sunt, rugosa, obtusa, profunde divisa in aliquot segmentorum paria, hinc inde sibi mutuò respondentia. *Flores* ex alis foliorum orti, verticillatim caulem ambiunt, pediculis longiusculis hirsutis insidentes, è calice oblongo, purpurascens, non galeati, galeæ autem locum obtinent stamina & stylus: labium integrum dependet, media sui parte album, saturatioribus punctis & lineis striatum, duo sæpius obtinens laciniarum paria.

Locus & Tempus.

Junio floret. In Germaniæ agris sterilioribus & circa Genevam passim reperitur.



## SECTIO SECUNDA.

De Plantis verticillatis Herbaceis, quarum superficies non perennant aut saltem non lignescunt.

Plantæ verticillatæ Herbaceæ, hoc est, quarum caules non perennant, sunt vel floribus

Quadrupartitis aut quinquepartitis, vix labiatis, tubo brevi; foliis

Integris, odore

{ Suavi, radice reptatrice; MENTHA.  
{ Nullo manifesto, aquatica; MARRUBIUM aquaticum.

{ Laciniatis, venosis; VERBENA.

Galeatis & labiatis, seu utrinque labiatis, tubo productiore

{ In capitula squamosa congestis, in summis caulibus & ramulis, squamis

{ Majoribus glabris, cum reliqua planta valdè tomentosa sit & incana, DICTAMNUS Creticus;  
{ Minoribus,

{ Elatior, minùs odorata, radice perenni; ORIGANUM.  
{ Humilior & minor odoratissima, MAJORANA, AMARACUS.

In spicas dispositis

{ Rariores, è verticillis paulò à se invicem remotioribus compositas, odore

{ Suavi Citri aut Caryophylli, foliis Amaraci; OCTYMUM.  
{ Minùs grato, foliis

{ Rugosis, floribus hiantibus, HORMINUM.  
{ Urticæ æmulis, odore foetido; GALEOPSIS.

{ Densores & habitiores, verticillis proxime adnotis, foliis

{ Incanis, Urticæ foliorum æmulis, odore Menthæ; NEPETA.  
{ Virentibus,

{ Elatior, folio crenato; BETONICA.  
{ Humilior, folio circum oras æquali; PRUNELLA.

Ad caulium nodos è foliorum alis exeuntibus,

{ Sessilibus, pediculis brevibus aut nullis, verticillis

{ Dense stipatis, multis floribus congestis

{ Elatior, odore gravi, foliis incanis acutis; STACHYS Fuch.  
{ Humiliores, foliis

{ Incanis serratis, odore vehementiore; MARRUBIUM.  
{ Viridioribus Origani aut Ocimi, odore remissione; CLINOPODIUM vulgare.

Minoribus & minùs densis,

*Foliis urticae, odore foetido; LAMIUM.*  
*Calice perampla, patulo, calathoides; MOLUCA.*  
*Flagellis reptatricibus, foliis subrotundis crenatis, florum galeis reflexis; Helios*  
*TERRESTRIS.*  
*Floribus in singulis foliorum alis singulis, calice crepidae aut calceamenti calcancum*  
*imitante, Lyfimachia GALERICULATA, Cassida, &c.*

*Pediculis imitentibus,*

*Oblongis, flosculos plures sparsos sustinentibus, foliis & odore Menthae: CALAMIN-*  
*THA.*  
*Brevibus flores multos confertos gestantibus,*

*Foliis atrovirentibus, Calaminthae majoribus, odore Citri: MELISSA.*  
*Foliis & odore Lamii: MARRUBIUM nigrum.*

*Galea carentibus, labiatis, foliis,*

*Facie & odore pinus, foliis trifidis: CHAMÆPITYS.*

*Foliis Allii odorem spirantibus,*

*Elatior, Salvifolia, floribus spicatis, sylvatica: SCORODONIA.*  
*Humilior, reptatrix, palustris, foliis & facie Chamædryos vulgaris: SCOR-*  
*DIUM.*

*Inodoris, duorum generum caulibus, aliis erectis, qui flores sustinent, aliis si-*  
*pinis & repentibus, floribus spicatis: BUGULA.*

## CAP. I.

### De Mentha.

**M**ENTHAM à Græca voce *Mēda* dictam esse haud dubium est. *Mēda* autem *μῆνδα* deducunt Grammatici, quod purgationes foeminarum inhibeat, vel quod semen copiosius ejus esu minuat & tabeat.

*Mentham* Plutonis pellicem à Proserpina (ut solent pellices semper odisse uxores) in hortem *Mentham* transformatam fuisse narrant poetarum fabulae, aeterno in aeterna planta hominis monumentum. Quam vocem Romani magis amantes, quia in ea male habitae ob amorem puellae memoria servata, ad tantum aut altera mutata litera Græcorum *Mēthen* *Mentham* suam fecerunt. Marcellus Virg.

Dalechampio *Mēda* Græcis dicitur *μῆνδα* à stercoreis foetore per Antiphrasin, quod minime stida sit. Verum Etymologias illas per Antiphrasin merito rejicit & explodit Vossius. Nonnulli *μῆνδα* interpretantur lanuginem muscosamque pubem humentibus & putrescentibus pæne cunctis subdio apertis obduci solitam, qualem cernere est in oletis & sterquiliniis: cui non absimilis tenera illa hirsuties quæ in *Mentha* agrestis, sed præcipue *Calamintha* visitur.

Notæ *Menthae* Characteristicae sunt, Flos quadripartitus, galea & labello à segmentis lateralibus vix discernendis; odor suavis, unde & Græcis *μῆνδα* dicitur; radicibus vel flagellis repere.

A. 1. *Calamintha aquatica* Ger. emac. *arvensis verticillata* C. B. *Mentha arven. verticillata* J. B. *arv. vert. sive aquatica* Belgarum Lobelio Park. *Water-Calaminth with whorled coronets.*

*Radicibus* reptantibus se longè latèque propagat; *caulibus* quadratis, alba lanugine villosis, pedibus aut altioribus, ramosis. *Folia* adversa Clinopodii vulgaris aut *Calaminthae* magnitudine & figura, & pari modo per ambitum leniter serrata sunt, odore gravi *Calaminthae*, sapore acriusculo non insuavi, utrinque hirsuta, & ferè incana. *Flores* verticillati, *Menthae* *Sisymbriæ* minores, dilute rubentes, & in album propemodum pallentes, [purpureo-coerulei pallidi] monopetali, in quatuor segmenta ad margines divisi, superiore quoque pro galea est in summo bifido.

Varietates.

*Mentha* hanc duas species seu varietates observamus, alteram floribus majoribus, præter stylum quatuor intus staminibus cum apicibus suis instructis, alteram floribus minoribus absque staminibus extantibus.

Locus.

In locis humidis & ubi per hyemem aquæ stagnarant. Post mediam æstatem floret.

A. 2. *Mentha verticillata minor, acuta, non crispa, odore Ocimi* J. B. *Mentha fusca sive vulgaris* Park. ut puto *M. cardiaca* Ger. *Red Mint.* *M. hortensis verticillata*, Ocimi odore C. B.

Minus hirsuta est quàm præcedens, imò adeo brevi lanugine obsita, ut minus curiose eam contemplanti omnino glabra videatur. *Radicis* multiplex reptatus illi cum aliis communis est. *Caulis* cubitali altitudine surgunt, quadrati, rigidi, rubentes. *Folia* (inquit J. Bauhinus) primum *Ocimo* medio similia, quæ



que in caulibus superiora longiora sunt, acutiora & obscurius viridia quam Calaminthæ aquaticæ di-  
 & longioribus & acutioribus denticulis incisa, ut ad Menthæ Romanæ folia accedant. Verticilli  
 foliorum duobus flosculorum fasciculis unico hinc inde communi pediculo, & oblongo ex aliis  
 foliorum enato insidentibus constant, quo à Calaminthâ prædictâ, cui flosculi in pappis foliorum alis  
 sedent differt. Flosculorum color quam in illa pallidior, tubi longiores, magnitudo quatenus aper-  
 untur media inter majores & minores illius. Stamina in singulis flosculis quatuor extant & stylus  
 quam in illius longior.

A reliquis Menthæ speciebus (J. Bauhini verba sunt) conspicuum suavissimum odoris Oculi, sa-  
 poremque Melissæ discrimen hanc facile dispescit.

Vidimus aliquoties extra hortos, nescio an sponte enatam, an ex hortorum rejectamentis. Locus.

3. *Mentha crispa verticillata*. C. B. *crispa verticillata*, folio rotundiore J. B. *crispa*. Park. *Sativa*  
*rubra* Ger. quoad iconem.

7. B.  
 Reptatrix radix huic cum reliquis speciebus communis est; necnon caules quadrati, qui huic cu-  
 bicos binos altitudine superant, rigidi, recti, propter terram purpurascens, hirsuti, multis alis con-  
 cavi. Folia odorata ex ramorum & caulium geniculis enascuntur, atrovirentia, subrotunda, rugo-  
 sa, crispa, per ambitum serrata, glabra aut minimùm hirsuta. Flores & foliorum alis verticillati,  
 Pulegi, in coruleum languentes.

Quam speciem Menthæ hoc nomine intelligant nobis non certò constat.

4. *Mentha spicata rotundifolia crispa*. J. B. *rotundifolia crispa spicata*. C. B. *cruciata* Scop. *crispa*  
 Ger. *cruciata* Park. *Spiked curled Mint* or *Cross-Mint*.

7. B.  
 Facies rotundifoliæ crispæ spicatæ qualis verticillatæ: radices reptantes se propagantes: Caules qua-  
 drati, hirsuti, infima parte subrubentes; folia e geniculis adversa, crispa, rugosa, vix hirsuta, ser-  
 rata, ad Verticillatam odore & sapore accedentes: at florum politus multum diversus, licet singulo-  
 rum flosculorum non alius sit vultus aut color: siquidem in spicas unciales & sextantales digesti sunt.  
 Non minus ignota est nobis hæc quam præcedens.

5. *Mentha crispa Danica aut Germanica speciosa* Park. *Great curled German Mint*.

Park.

Radices reptatricibus cum aliis sui generis convenit. Caules erigit proceros, ab imo statim ra-  
 mosos, foliis cinctos amplis, latis & subrotundis, ad margines altius incisis, sinuatis, & veluti crispis,  
 inferioribus præcipuè, nam quæ superiorem caulis partem occupant minus altè secta & laciniata sunt,  
 paulo profundioribus tantùm denticulis quam præcedens serrata. Flores in spicas aliquanto grandio-  
 re, habiores & rotundiores quam illius compacti, pallide purpurei. Odor plantæ non ingratus,  
 minus tamen acer & vehemens quam supra scriptarum.

Hanc Londino acceptam in hortulo nostro Cantabrigiæ coluimus.

Ipse observavi simplex decoctum Menthæ crispæ (nescio an de hac specie an de præcedentium *Vires*  
 duarum utralibet intelligat) ita sanguinis motum circularem suffocasse, ut ne illius quidem gutta è  
 pede stillaret, quamvis scalpellum myrtiformem ter vel quater satis profundè in vasis pedis maximè  
 conspicuis adegisset chirurgus solertissimus. S. Pauli Quadr. Botan. Class. 3. p. 390. Pararat pediluvium  
 famula prius ex aqua in quam injecerat fasciculos aliquot Menthæ. Hoc pediluvio Domina usa  
 est. Forè non causam pro causa habuit. S. Paullus: nobis enim non verisimile videtur Mentham talem  
 effectum habere. Ex excerptis D. Edwardi Hulse.

6. *Mentastrium spicatum cultum, folio rotundiore rugoso* J. B. *Mentha rotundifolia spicata altera* C. B.  
*Mentastrium bortense, sive Mentha sylv.* Park. *Mentha cardiaca* Ger. ex sententia Johnsoni,  
 verum icon non respondet. *Manured Rosemint*.

7. B.

In hortis colitur, odiofo reptatu tandem hortulanis parùm gratum. Caulibus pluribus quam Men-  
 thæ crispæ spicatæ, nigrioribus, hirsutis & mollioribus quam Menthæ crispæ verticillatæ. Flores spi-  
 catum digesti, minimi. Odor gratus.

Hæc planta culturâ solùm differre videtur à Mentastro vulgari spontaneo, ut rectè opinatur Par-  
 kinsonus: quod & ipse J. Bauhinus titulo suo indicare & concedere videtur.

Hujus varietas est,

*Mentastrium spicatum folio crispo rotundiore, colore partim albo partim cinereo & virente* J. B. *Men-  
 tastro novum Anglicum* Ger. *Mentha spicata folio variegato* C. B.

Quæ foliis in eadem planta mirè ludit, modò totis candidis, modo ex albo in herbidum languen-  
 tibus, alias dimidia parte albis, alterâ viridibus, alias utroque hoc colore variè maculosis.

In hortis frequentissimum est. Nos Cantabrigiæ coluimus. Locus

7. *Mentastrium folio rugoso rotundiore spontaneum, flore spicato, odore grati* J. B. *Mentha*  
*Ger. desert. Mentha sylvestris rotundiore folio C. B. Dose mint or round-leaved*  
*hill mint.*

*Cord.*  
*Caulis erigit cubitales, quadrangulares & hirsutos: Folia ex intervallis longitudine breviora* [imo breviora] latitudine autem unciam tertia aut quarta parte. excedentia, rugosa, atque lanuginosa pube obdacta: Ramuli supra medium caulis foliorum sinu producit, vere & æstate numerosis undant floribus, in candido rubentibus & hiantibus, denticulatis calicibus infidentibus, & positi quondam spicae imaginem referentibus, circumdati: quibus exiguum nigrumque semen succedit. Radice mittitur multis capillamentis fibrata, laterales viculas propagationis causa in terra spargente & perenni Saporem habet amarum, acrem & adstringentem; odorem vero gravem & acrem, labia Mentha multo injucundior.

Locus.

Spontaneum observavi in prato quodam, aquoso loco, propè Faulkbourne-ball in Essexia copiosè: item juxta fluvium propè Lydbrook vicum, non longè à Rosse oppido in Herefordia Com. & alibi. Provenit etiam sponte in Gallia & Germania, plurimis in locis. Aquas plerumque sectatur.

8. *Mentha angustifolia spicata C. B. Ment. spicata folio longiore, acuto, glabro nigriori* J. B. *Mentha Romina Ger. Romana angustifolia, sive Cardiac Park. Spreat-mint or Hart-mint.*

J. B.

Non secus ac alia Menthae radicum longo reptatu subinde fibris dimissis se promover; caulibus bicubitalibus subrubentibus, quadratis: ex quorum nodis per certa intervalla gemini adversari ex-eunt, ita ut inferioris semper cum superiore cruciformis sit positus; qualis & foliorum est alternatio, tam in caulibus quam in ramis [Hic foliorum situs omnibus verticillatis plantis communis, quamvis non ita conspicuus & visui statim obviis in plerisque] Sunt ea verò oblonga, acuta, acor-entia, minimum hirsuta, per ambitum serrata. Florum autem pusillorum exalbidorum, punctulis rubentibus guttatorum verticilli longiuscula serie spicam effigiant.

Vires.

Menthae usus præcipuus est in Ventriculi imbecillitate, cruditate, singultu, vomitu, flatibus, ardore, hepatis obstructione, intestinorum dolore, capitis vertigine. Menfes & album mulierum pro-fluvium efficaciter compescit. Extrinsecus duritiem mammarum lactisque coagulationem tollit, a-chores sanat. *Schrod.* Menthae folia lacti immerla coagulari & illud in caseum coire non permittunt. *Trag.* Quin & in ventriculo lac coagulari non patitur. Quare (inquit Casp. Hofmannus) sectari illam debent qui vel coguntur crebrius uti lacte, vel aliud alimentum non habent. Verum lac in ven-triculum receptum, si is bene se habeat, ritè & ex ordine natura coagulari debet, ideòque is quibus ven-triculus sanus & rectè dispositus est, non opus est ut quærantur quæ coagulationem impediunt; sed is des-tinat quibus infirmus, aut nimio acido scatet, ad coagulationem moderandam. Quamvis enim lac in ven-triculum receptum initio coagulatur; coagulum tamen hoc antequam in intestina descendit, iterum in liqua-men dissolvitur: quod si densius & durius sit, non ita facile fiet.

Herbae succus ejusve aqua distillata ad vomitum reprimendum usù sunt creberrimi. Ræq. semel atque iterum; enormes sistit vomitus. *Hartman.*

Eadem aqua destill. mulierculis usitatissima est ad tormina ventris in infantibus compescenda.

Turnero autore, odor Menthae cerebrum roborat, memoriam conservat & augeat.

Contraria videntur tradere autores de vi Venerem stimulant, Venereaque infomnia & exoni-rognos impediende.

Nostrates Mentham Pisif & Fabis incoquere solent ad eorundem flatulentiam corrigendam.

Ex Menthae herba sicca, additis aequalibus Ruta partibus & tantillo sem. Carvi, omnibus conve-nienter in aceto Cerevisiae coctis paratur Cataplasma, quod mirificè lac coagulatum mammarum resolvit primum, dein omnino generationem lactis prohibet: quo promiscuè puerperæ felici succo-su utuntur. *Simon Paulus.* Ex excerptis D. Edv. Hulse.

Ad anorexiam, Elixir Menthae cum spiritu proprio per infusionem paratum, addito paucis Sa-charo est egregium. D. Hulse ex Ettmulleri praxi.

A. 9. *Mentastrium spicatum folio longiore candicante* J. B. *Mentha sylv. folio longiori C. B.*

J. B.

Duos cubitos alta est, aliquando procerior: radicibus geniculatis, reptantibus, fibratis. Caulis item quadrati sunt, toti hirsuti: quoque geniculis apposita folia oblonga, acuminata, per ambitum serrata, molli lanugine canescentia, magis tamen inferna quam superna parte, odore satis grato, minus multo vehementi quam Menthae lativæ spicatae aut verticillatae, sapore item simili sed remissio-re. Flores ex rubore in album pallefcunt.

Locus.

Invenimus hanc in prato quodam propè Florentiam Italiae urbem. Ad Burwelli rivulum in Lin-colnia Angliæ nascentem observavit D. Martinus Lister amicus noster summus. Nullam provinci-am (inquit Clusius) adire memini, in qua non conspexerim Mentham sylv. five Mentastrium spon-te secundum aquas & riguis locis nascentem. Parkinsonus aut hujus non meminit, aut cum Menta-stro vulgari folio rotundiore miscet.

10. *Mentha sylvestris longioribus, nigrioribus & minus incanis foliis C. B. Mentastrium folio longiore Park.*

Lob.

Perfimile est Mentastro vulgari rotundifolio, sed folia nigriora, longiora, minusque incana & hispida: flos item spicatus.



In agro Frisio fecus Campen & Zwollam oritur.

Locus.

11. *Mentastri aquatici genus hirsutum spica latiore* J. B. *Mentha palustris folio oblongo* C. B. *Mentastrium minus* Ger. emac. *Mentastrium hirsutum* Park.

J. B. Quadratos promit *caules*, duum vel trium cubitorum altitudine, hirsutos: *Folia* *Menthae* spicatae folio acuto, vel *Mentastri* albi, oblonga, serrata, lanugine multa subtus canescentia, minus tamen quam *Mentastri* vulgaris rotundiore folio, vel candido, sapore insigniter acri fervidoque odore ferre *Sisymbrii* sive *Menthae* aquaticae rubrae. *Caulium* scapus trifariam partitur, totidemque gerit veluti *spicas* latiusculas [non angustas ut in *Menthis* & *Mentastris* spicatis] non multo uncia longiores, in quibus flores subpurpurei, quinquepartiti, ex calicibus hirsutis, striatis, rubentibus, in apices quoque fissis. *Radice* est reptatrice.

- A. 12. *Mentha aquatica sive Sisymbrium* J. B. Ger. emac. *Men. aquatica rubra* Park. *rotundifolia palustris sive aquatica major* C. B. *Water-Mint*.

Humidioris soli amasia, ex radice reptatrice, crebris fibris donata *caules* aliquot emittit, quadratos, hirsutos, tenues, aut intus concavos, aut fungosam medullam fectos. *Folia* ex articulis (qui non admodum crebri sunt) *Menthae* crispae verticillatae paria, minime tamen crispae, quanquam perinde ut illa per ambitum serrata, pediculis brevibus harentia, odore vehementi Pulegii, colore ex nigro-rubente, non raro tamen viridia. *Flores* in summis caulibus in capitula crassiora, subrotunda congesti, infra quae unus plerumque florum verticillus, è duobus glomerulis flosculorum, singulis pediculis communi è foliorum alis egressis, compositus. *Flores* autem dilutè purpurè rubescunt, in quatuor lacinas secti, quarum superior qui galeae locum occupat bifida, staminulis quatuor emicantibus flori concoloribus, apicibus saturationibus capitatis, J. Bauhino rubellis.

Passim secundum rivos, & in humidioribus provenit.

Hujus aliam proponit speciem J. Bauhinus titulo

- \* 13. *Mentha aquatica sive Sisymbrii hirsuti*.

Qui non solum *caules* quadrati & folia sed etiam ipsi florum calyces densè lanugine pubescunt, adeo ut canescant: *folia* uncialia & fescuncialia, subrotunda, per ambitum obiter serrata: è quorum sinu prodeuntes pediculi *Flores* sustinent conglomeratos verius quam spicatos.

Hanc nondum vidimus, nec scimus an specie differat à præcedente, an accidentibus tantum variat.

*Mentha rotundifolia palustris minor, sive flore globo* C. B. *Mentastrium rotundifolium minus* Park. item, *Mentha aquatica sive palustris minor* ejusdem, p. 1243.

## C A P. II.

De Pulegio quod pro Menthae specie habemus.

**P**ulegium ita dictum creditur, quod ejus flos recens incensus pulices necet odore: Βούλον Græcis quasi balans herba, quia gustatum à pecore cum floret, acri sapore balatum iis extorquet.

Parvitate sua, florum densis verticillis, sapore & odore acriore à Mentha differt.

- A. 1. *Pulegium* J. B. *vulgare* Park. *regium* Ger. *latifolium* C. B. *Pennyp-royal* or *Pudding-grass*.

J. B.

Importuno reptatu quacunque terram attingit è *caulium* quadratorum, hirsutorum, dodrantalium geniculis demissis fibris radicum luxuriat, longè latèque subjectum solum opacans. *Foliorum* ex articulis est exortus ad *Origani* folia accedentium, odore cum suavitate gravi, sapore fervido. *Quadrartorum florum* verticilli purpurascens, brevibus intervallis, longè spicataque serie *caules* & ramos coronant, subjecta utique foliorum conjugatione una.

Gaudet locis palustribus & aquosis ubi per hyemem aquae stagnant.

Majorem hujus speciem proponit Parkinsonus, quae non alia in re quam magnitudine sua & caulibus erectioribus à præcedente differt. Hanc in Essexiae Angliae viarum marginibus copiosius quam alibi inveniri tradit. Nobis quamvis Essexiae incolis nondum visa est, neque spontanea, neque culta.

Locus.

Varietas Major.

2. *Pulegium densis surculis* Park.

Surculis crebrioribus, foliis minoribus & densius dispositis à præcedente differt, cetera ei similis. Alicubi in Anglia spontaneam inventam fuisse & in hortos translatam scribit Parkinsonus, penes quem fides esto.

- \* 3. *Pulegium mas* Ger. *mas* Plinii J. B. *mas flore albo* Park. *latifolium alterum* C. B. *Male*  
or *upright Penny-royal*.

*J. B.*

*Folius*, ut vulgare, *Sisymbrii* est, aut *Origani*, toto *caule* ex intervallis cum floribus verticillos altius planè modo conflantibus : vires, odor prorsus eadem. *Caulibus* est erectioribus, pedalem interdum altitudinem excedentibus : *floribus* albis.

*Locus.*

In via qua Rivolo Taurinum itur ad agrorum margines observavit Matthiolus.

In insula Corcyra observavit D. *Georg. Wheeler* *Pulegii* speciem erecto caule, folio lato incano vel hirsuto : quæ tamen diversa videtur à Matthiolina ; utraque autem pariter nobis incognita est.

4. *Pulegium Virginianum* nonnullis, aliis *Serpentaria* aut *Colubrina Virginiana*. *Virginian*  
*Snaketweed*.

Hujus flores aut semina non vidimus. Caules autem & folia *Pulegium Cervinum* dictum imitantur.

5. *Pulegium angustifolium* Ger. C. B. *angustifolium sive cervinum* Lob. Park. *cervinum angustifolium* J. B. *Part Penny-royal*.

*J. B.*

Frequentes præfert *virgas*, teretes, tenues, subrubentes, geniculatas, pedem longas & majores, modicè erectas : *Folia* *Satureiæ*, nonnunquam tantillum dentata, odore efficaci vulgaris *Pulegii*, sapore fervido & mordaci. *Florum* verticillati globuli cis virgultorum fastigia ad nodos onuntur, colore dilutè cæruleo, quorum singuli quatuor foliis constant, è quibus *staminula* exeunt floribus concoloria. *Radix* adultior lignosa, multis tenerioribus albicantibus *Gratiolæ* radicum *asparagi* acta, fibras summo cæspite vagantes promittit.

*Locus.*

Primò ad Rhodanum fluvium juxta antiquum pontem Romanum S. Spiritus dictum observamus ; postea circa Monspelium in humidioribus.

*Vires.*

Hoc etiam si magna vulgaris *Pulegii* copia suppeteret, Pharmacopœis Regii & Monspeliensibus Professores accipiendum imperabant, (inquit Lobelius) quòd viribus, sapore & odore multo quàm alterius gravioribus, vehementioribus & probatoribus esse dixerint.

- \* 6. *Pulegium foliis Nummulariæ* C. B. Park.

C. B. *prod.*

Hujus ramulum tenuem, palmarem, ex horto Patavino allatum, quasi geniculatum *foliis* tenuia, instar *Nummulariæ* rotunda, sed sextuplo minora pedicellis donata, cingebant, & floribus ex albo cæruleis caulem verticillatim ambientibus subijciebantur.

Hoc odore vulgari multò est gratiore.

- \* 7. *Pulegium tomentosum minimum* Bocconi.

A vulgare *Pulegio* nihil discrepat nisi parvitate, & *foliis* longioribus atque lanuginosis. *Plantula* enim hæc ad dimidium palmum non accedit.

*Vires.*

In pratis non longè à *Corleone* in Sicilia invenit P. *Boccone*.

*Pulegium*, cum revera *Menthæ* species sit, iisdem etiam viribus quibus & *Mentha* pollere verisimile est. Acrius tamen *Menthâ* est, & proinde efficacius, partium tenuium. *Ulus* præcip. in mensibus ciendis, fluore albo, fœtu ejiciendo. Confert hepaticis ac pulmoniacis nausæam & tormina ventris discutit, calculum & urinam pellit, ictero ac hydropi medetur. Extrinsecus prodest capiti, somnum arcet, vertiginem discutit, doloribus arthriticis convenit, dentes abstergit, pruritum cutis curat. *Schrod.*

Succus hujus herbæ cochlearis unius mensura pueris exhibitus efficacissimum est remedium ad tussim illam clamorâ seu convulsivam nostratibus *The Chin-cough* dictam, aliis catarrhum ferinum quæ teneram ætatem plurimum infestare solet.

Hujus notitiam D. *Boyle* acceptam refero, qui ad profligandum hoc Symptoma inter alia medicamenta primas ei tribuit, nec immeritò, ut experientiâ nobis compertum est. D. *Hulse*.

Nostrates botulis cruore distentis *Pulegium* concisum immiscere & incoquere solent ; unde & *Budding-grass* vocant.

Ad raucedinem, R *Decoct.* *Pulegii* dulcorat. ʒvi. iturus cubitum, & sanaberis. *Chefneau* ex libro *Arcanorum*. Ex annotatis D. *Hulse*.

Recens sacculis inclusum, & in lecto positum pulices efficaciter abigit : sed intra spatium septimanæ sacculi sunt renovandi. D. *Palmer* nobis communicavit.



## CAP. III.

## De Marrubio aquatico.

**M**arrubium J. Bodæo à Stapel dictum putatur, quòd marcescentibus & tabescentibus prostrat, vel quod folia marcida & squalentia sint, quasi rubigine exesa forent. Utrumque Erymon ineptum. Caterum Marrubium Latinam vocem esse, non Græcæ originis inde demonstratur, quòd & secundum sine aspiratione scriptum ubique legatur.

Folius rugosis, ad basin laciniatis, & odoris carentibus à Menthá distinguitur.

- A. 1. *Marrubium aquaticum* Ger. emac. aq. *vulgare* Park. *aquaticum* quorundam J. B. *palustre glabrum* C. B. *Water-Horehound*.

*Radix* est reptatrice *caules* unà exurgunt numerosi, sesquicubitales, quadrati, hirsuti, concavi, ramosi. *Folia* in caulibus per intervalla ex adverso bina, glabra, valde rugosa, pallide virentia, longa & modicè lata, in acumen desinentia pediculis priva, inferiora laciniata, præcipuè versùs basin quàm cauli adherent, superiora potiùs dentata. *Flores* ad genicula in verticillos dispositi, galeati quodammodo, parvi, albi, breves, in quatuor segmenta obtusiora divisi, intus purpureis notulis picti è calice brevi in quatuor aut quinque segmenta partito exeunt. Singuli calices vel immediatè adnascuntur cauli, vel suis quique pediculis. *Semina* exigua, quatuor in unoquoque calice.

In aquis & ad rivulos passim & copiosè oritur.

Locus.

2. *Marrubium palustre hirsutum tenuius laciniatum* C. B. *aquaticum alterum* Park.

C. B. prod.

*Folia* hirsutis, incanis & asperis. Scabiosæ montanæ calidarum regionum modo, ad costam mediam in plures oblongas, angustas, acuminatas & crenatas lacinias divisi à præcedente differt.

In pratis & humidis fossis juxta sylvulam antri Frontignanensis viâ Miravallis plurimum oritur. Locus. Botan. Monsp.

## CAP. IV.

## De Verbena.

**V**erbena, *ἱεροβόρα*, Grammaticis quasi herbena, quia quamlibet herbam in sacris usitatum significat. Verbena, autore Plinio, quòd ad Jovis mensam verrendam præparandamve ad sacrificia adhiberetur. Vide Plin. lib. 22. cap. 2. & lib. 25. cap. 9.

Hierobotane hæc herba sacra dicitur, quia, autore Dioscoride, in lustrationibus suspensa alligative felicem habeat usum. Adeò autem usitata erat hæc herba in sacris apud Ethnicos, ut ejus nomine (ut diximus) uti solebant ad quamlibet herbam in sacris utilem significandam; ut unanimiter cum Servio testantur omnes Critici & Grammatici.

Plantam hanc ob notas genericas communes, nimirum folia in caulibus ex adverso bina & semina ad singulos flores quaterna, necnon flores monopetalos, Menthæ æmulos, ad verticillatas retulimus.

A congeneribus differt foliis rugosis, laciniatis & floribus in spicis longissimis angustis, nullis intermixtis foliis.

- A. 1. *Verbena vulgaris* J. B. *mas seu recta & vulgaris* Park. *communis cæruleo flore* C. B. *communis* Ger. *Verbain*.

J. B.

*E radice* minimo digito tenuiore, fibrosa & subamara plures emergunt *caules*, cubitales & altiores, quadrati, solidi, brevi lanugine subhirsuti, & subinde purpurascetes, ramosi. *Folia* in caulibus per intervalla ex adverso bina, brevi itidem & vix conspicua lanugine utrinque hirsuta, rugosa, profundè laciniata, divisurâ quodammodo foliorum Quercus, infimis duabus incisuris profundioribus, colore saturatiore superius quàm inferius virentia. Ex alis foliorum & in summitate caulis *flores* in longas spicas digesti, dilutè cœrulei [ex pallido purpurascetes J. B.] exigui, quinquepartiti ut in Verticillatis, è calice in ala folioli perexigui sessili exeunt. Singulis autem flosculis succedunt in calice quatuor *semina* longiuscula, simul juncta, ut in Verticillatis, quibus omnino accensenda est hæc planta. Duo superiora flosculi cujusque segmenta galeæ vicem obtinent.

In arvis & compitis. Æstate floret.

*ἱεροβόρα* & *ἱερὸν ὄρν* Græcis dicitur.

Locus.

- 2. *Verbena supina* Clus. J. B. *supina sive femina* Park. *tenuifolia* C. B. *sacra* Ger.

Clus.

Quaterni aut quini sunt illi *cauliculi*, angulosi sive quadranguli, quales vulgaris *Verbena* habet, tenuiores tamen, supini & in terram procumbentes nodosi seu geniculati: ad singulos nodos nascuntur sub ramulis *folia*, colore quidem à vulgaris foliis non differentia, sed multo magis incisa & multifida: *Flores* in summis ramulis spicæ in modum congesti nascuntur, ut in vulgari, etiam ex cæruleo-purpureascentes, minores tamen: *Semen* illi æquale est, nec *Radix* dispar.

Locus.

Salmanticensi agro frequens est & quibusdam aliis Castellæ locis. Florebat isthic Julio & Augusto. Annua est planta, quæ semine producto perire solet, natalibus etiam locis.

Vires.

*Verbena* plurimas virtutes attribuunt Veteres; quas summatim recenset Schroderus. Cephalica ac vulneraria est. Usus præcip. in dolore aliisque affectibus capitis à frigidis humoribus, in affectibus oculorum & pectoris, tussi inveterata: in obstructionibus hepatis ac lienis, ictero, torminibus ventris, dysenteria; imprimis atterit & expellit calculum, libidinem coercet, febrem tertianam fugat, arthritidem mitigat, vulnera sanat, partum faciliat. Extrinsecus in cephalalgia, odontalgia, alopecia, melancholia; in oculorum lippitudine, imbecillitate, rubore; in angina, raucedine (collo circumplasmata; ) in tumore glandularum in faucibus [gargaris.] in dolore lienis (cum axungia porci) ac podagræ mitigando; in vulneribus adstringendis, ac putridis abstergendis; in procidentia ani, mariscis, &c.

Cum tot viribus polleat, quid mirum tanto eam olim in honore fuisse, ut *Herba sacra* dici mererit. Ad lienis tumorem, R. *Verbena* contusa cum album. ovorum & farina hord. aut frumenti. F. Cataplasma, linteo raro involutum & applicatum supra tumorem attrahit quasi sanguinis tenuioris portionem: quidam addunt Betonicam. Est popolare remedium. *Chefneau*.

*Verbena* capiti vel sub pulvinari imposita, vel fermento acerrimo & oleo Rosaceo in Emplastro subacta capitis dolorem à vino ortum levat. E Dol. L. I. C. 9. S. 16. D. *Soame*.

3. *Verbena nodiflora* J. B. C. B. *repens nodiflora* Park.

C. B. prod.

Ex radice tenui, fibris capillata caulis tenuis, quadratus, geniculatus, glaber, in terram reflexus & sesquipalmaris prodit; quem *folia* ad geniculum bina, adverso fitu, ungue non multum longiora, per extremum crenata & acuminata, cingunt. Ex quolibet panè geniculo & ramulus foliis aliquot cinctus, & pedicellus nudus, duas trève uncias longus, exturgit; hincque capitulum rotundum squamatum sustinet, unde *flosculi* *Verbena* vulgari similes exeunt, semenque parvum, ut in vulgari, succedit.

Locus.

Hanc Neapoli cum semine ab Imperato accepit C. Bauhinus.

- 4. *Verbena Indica* Bontii.

Bont.

Similis est *Verbena* nostræ mari, spicæ tamen hinc duriores & longiores sunt.

Vires.

Foliis hujus plantæ utuntur Indi, & nos quoque ab illis edocti ad ulcera tibiæ: nam egregie exsiccant, quod requiritur in omnibus ulceribus, quæ hic propter aeris calidam & humidam constitutionem difficulter admodum curantur. Succo expresso recenter, & cochleari unius mensuram ægri ad colicos dolores, dysenteriam, choleram, & reliquos indiscriminatim inter ægros affectus, cum summo successu hauriunt: in Syncope quoque & animi deliquis cum aceto contusam pectori applicant.

- 5. *Verbena Urticæ folio Canadensis*. Hort. Paris. & Hort. Lugd. Bat. Morif. prælod.

Morif.

Planta est bipedalis, aliquando altior: è regione ad caulium nodos quadratorum bina nascuntur *folia* mucronata, *Urticæ* majoris foliis haud absimilia, sed saturatius virentia: quoad *flores* & *semina* *Verbena* vulgari in omnibus accedit.

6. *Verbena Peruana* C. B. Park.

*Verbena* supinæ seu feminae similis est, sed major, & per hyemem virens. Fortè eadem est *Verbena Indica* Bontii.



## CAP. V.

Herbis verticillatis floribus in capitula squamosa congestis & primum de  
Dictamno Cretico.

**D**ictamnus nomen accepisse dicitur *dicta* à pariendo, eò quòd ut Dioscor. & Theophr.  
fieri solent & partus acceleret, cum non modo potam, sed appositum quoque partus defunctos  
epiciat.

Folia valde tomentosis & incanis, atque capialorum squamis majoribus à Majorana & Origano  
differt.

*Dictamnus Creticus* C. B. Park. *Dictam. Cretica* seu vera J. B. *Dictamnus Creticum* Ger.

J. B.

Caulis est hirsutus, nonnihil purpurascens, ex quorumgeniculis adversi oriuntur rami, & ex  
his eodem ordine alii: *Foliorum* circumscripção ferè circinata, interdum oblongior, uncialis, substan-  
tia cunctis tomento undique obducta, odoris validi, saporis acris. *Capitula* ramulorum extremis  
incidentibus spicam mentiuntur longiusculam, è foliis Majoranae majoribus, exterius purpurascen-  
tibus, spicantibus incumbens compacta, quorum è sinu prominentur *flor.* purpurascens, ruboli  
pauli fortia, prominentibus ex hiatu staminulis, calici insidentes striato.

Tenella est planta, frigoris impatientis & hyemes nostras ingre tolerans.

Obstante J. Bauhino, nisi pangantur plantæ, raro etiam diligenter asservate per hyemem du-  
rant. Salus igitur est ut furculis propagetur, qui in alteram annum florem producant.

Præstat omnia quæ sativum Pulegium, sed efficacius multò. Nam non potum modò sed & ap- *Vires.*

positum ac suffumum partus mortuos epicit. Aiunt & in Creta capras tela quibus icte sunt, hujus her-  
be pastu exacerare. Porro purgandi vim habet illius, aut cum polenta affricatus. Imposita verò  
hera plantæ pedum reliquosque corpori impactos aculeos refugit extrahitque. Est & efficax ad lienis  
dolorem, siquidem ipsum imminuit. Radix gustu exaltat, necnon & partum accelerat. Sed

& fucus cum vino potus contra venenatorum morsus auxilio est. \* Herba verò tanta vis est, \* *Cave credas.*  
ut venenato levientes bestias & olfactu abigat, & contactu perimat. Caterum expressus ex ea  
succus vulneribus ferro illatis, aut venenatis moribus instillatus præsentaneo est remedio, si præterea  
in poti assumatur. *Hæc Dioscorides.*

Hippocrates, referente Galeno, ad secundas remorantes inter præstantes quas novit medicinas po-  
nit Dictamnus: & si propinetur ex vino ad molam expellendam. Autore Plinio menses ciet;  
partus mortuos vel transverfos ejicit. Nec potum tantum, sed & illius, & suffumum valet. Aded ad hæc  
efficax est, ut ne in cubiculum quidem prægnantium inferatur. Quis hæc credat?

Theodorus Dufius, ut è J. Bauhino habeo, mulieri quam morituram omnes arbitrabantur ex foetu  
mortuo post alia medicamenta in balneo sedenti dedit pulveris foliorum Dictamni Cretici obolum  
ex aqua fontana: quibus peractis speravit illè, ut ait, rem ex voto successuram: Omnia enim ad  
vivum ventrem vergere videbantur. Eà nocte satis commodè habuit, sed non dormivit. Ante di-  
luculum mortuum foetum feliciter expulit. Et facillè quidem Dictamnus sumitur, cum alia quæ  
fetus mortuos expellunt vel nimis amara, vel foetentia, vel nimis acria, vel stomacho inimica sunt,  
& nocere possunt.

## CAP. VI.

De Amaraco seu Majorana & Origano.

**M**ajoranam nonnulli dictam volunt, quòd majori curâ, diligentiaque quàm ceteræ herbæ  
seratur colaturque.

Amaracum ab Amaraco puero Regio. Fabellam narrat Servius: Amaracus Cynaræ  
Cypri regi puer tinguentarius fuit, qui casu lapsus dum ferret unguenta, fracto alabastro majorem  
ex contritione odorem creavit: unde optima unguenta Amaracina dicuntur. Hic postea cum nimio  
odore contrahisset, in herbam Sampfuchum mutatus est, quæ deinde ab ejus nomine cæpta est A-  
maracum appellari.

Non invenio notam ullam genericam & essentialem quâ Origanum dictum à Majorana differat,  
atque idcirco utrumque eodem capite complectar.

Origanum *dicta* à pariendo, quòd montanis delectetur locis, autoribus Dioscoride &  
Theophrasto, dicitur. Herodianus dictum Origanum contendit *dicta* à pariendo videre & *parma* clarifi-  
care, quòd visum clarificet & illustret, quod Jo. Bodæo non aridet, cum Origanum ex sententia  
Hippocratis, oculis & dentibus potu exhibitum noceat.

Alud Erythron excogitavit Theodosius Grammaticus, teste Phavorino, qui per *lana* seu simplex *lib. 3.*  
tribendum ait, atque à *lana* i. e. algeo, factum *lana*, additoque *parvo* *lana*, quasi frigus ali-  
quod, per Antiphrasin; calfacit enim. Verum nec hoc probatur: primum magis placet

Notæ

Notæ Majoranæ seu Origani sunt flores in capitula squamosa congesti in summis caulibus & ramulis; capitulis & squamis minoribus quam in Dictamno; & folia minùs tomentosa & incana quam in illo.

1. *Majorana vulgaris* C. B. *vulgaris æstiva* Park. *majore* Ger. *majori folio*, ex *semine* J. Sweet *Majoram*.

J. B.

Fruticulus est palmaris aut etiam dodrantem altus, alis creberrimis concavus, iisque lignosis, plerumque quadratis, subhirsutis & tantillum rubentibus. Folia ex adverso posita sunt, Origani similes formâ, sed longè minora, incana, lanugine obducta, odore fragrantis, sapore acritulento & stimulo aromatico & grato. Circa caulis ramorumque fastigium ex foliorum alis, adeoque in ramulis extremis imbricatæ spicæ oriuntur, quarum hirsuta, squammatim compacta folia è sinu, pinnatis flosculos pusillos, albicantes, hiulcos, labello quadrifido demisso, cui folium surrectum immixtum, bifidum è rictu stylum albidum proferentes. Semen quale Origani vulgaris, minutum, rotundum, rufum.

Locus.

Semine provenit à Gallia Narbonensi vel Provinciâ allato.

2. *Majorana tenuifolia* C. B. Park. Ger. *tenuior* & *lignosa* J. B. id. *Sto. volu.*

Hæc Majorana Nobilis & Gentilis nonnullis dicitur, quæ à vulgari seu majore non videtur specie differre: siquidem C. Bauhinus hanc apud nos in Majoranam vulgarem degenerare affirmat, & Jo. Bauhinus inter hanc & præcedentem non aliam differentiam ponit, quam quod illa semine provenit, hæc surculis plantatur, inde enim surculosior robustiorque fit, foliaque ejus (ni illos fallat) minora & candidiora redduntur. Parkinsonus inter hanc & Majoranam odoratam perennam diffinguit; quam nonnullos pro Majorana vulgari æstiva habere, transplantatione robustiore & tenius tolerantiore facta affirmat. J. Bauhinus aliam habet Majorana speciem, quam *Creticam* adorsum vocat, quibusdam *Marum distam*, similem Majoranæ vulgari, nisi quod folia minora, candidiora, odoris & saporis vegetioris, pertinacis, nec nisi longo tempore exolefcentis obtineat, per ramorum nuiores quadratos nullo digesta ordine; capitula hirsutiora, & candidiora quam vulgari. Hæc forte Lobelii Majorana est seu *Amaracus alia tenuior, gentilis & minuta plebecula*; & in ico. Plant. *Majorana tenuifolia delicatior*. Quamvis, ut verum fatear, neque hæc à Majorana vulgari mihi specie differre videtur.

Vires.

Partium est tenuium, digerit & attenuat. Auxiliatur cerebri & capitis frigidis morbis quovis modo assumpta. Pulvis herbe sicce naribus inflatus sternutamenta ciet, & pituitam evocat, cerebrumque corroborat; sed & idem præstat foliorum succus naribus infusus. Valet & ad pectoris vias, stomacho præterea utilis est, ac jecinorosus & lienosus juvat quovis modo assumpta: sed si ad interi flatum, ac ceteros ejusdem frigidos morbos confert. Urinas & aquosos humores in potu sumpta ducit; dentium dolores lenit commansa aut apposita. Admiserit Antidotis. J. B. Dodonæus & alii.

Oleum ejus calfacit & corroborat nervos.

Nicolaus Chesneau Massiliensis M.D. sequens Errhinum à se sapius expertum in Cephalalgia commendat.

& Radic. Hellebori albi 3ß, fol. Sampsi p.ii. decoq. in aq. 3vj. ad consumptionem tertie partis, ore aquâ pleno utere, naribus attrahendo, ex decocto parum calido, in vola manus posita dolore atroci; levem enim exasperat.

Aqua Majoranæ catarrho confert, si loco errhini, ore prius simplici aqua vel vino repleto, volæ seu cavæ manui infusa, compressa alterutra nare alterâ exhauriatur, radice naris aut ossæ ethmoidis tenus. Secus si faxis non ad dictum locum sed fauces aut narium foramina hoc errhinon retrahitur. Hoc errhino pater meus summa sua laude usus est in Principe Walenstenio ad coryzam. Sæmæ Paulus.

Balsamo Majoranæ si pinne narium & urogenitalium inungantur, mirum dictu quantum in catarrho aut potius coryza is valeat; quo etiam nucha temporaque cum in modo dicto affectu, tum in alis frigidis capitis affectibus inungi solent. Idem. Has tres observationes amicissimo Viro D. Eduardo Hulse Medico Londinensi debeo.

3. *Majorana Syriaca vel Cretica* C. B. *Marum Creticum* Alpini exot. *Marum Syriacum* Ad. Lob. Ger. *Syriacum vel Creticum* Park.

Alp. Surculosa est, crescitque palmi altitudine, foliis parvis, minutis, candicantibus, sapore acuto, maximè odoratis, fertque à radice lignosa, gracili, parva, surculos plures, rectos, rotundos, tenues, lignosos, qui ab radice usque in summitates ferunt de opposito ex intervallis binos ramulos, foliis binis utrinque ex opposita dense vestitos: in cacumine verò flosculi purpurei Origani Heracleotici modo, admodum odorati.

Adversariorum autores sic describunt:

Gravissimo & vegeto est odore; facie tota Majoranam præfert aut Origanum, sed gracilioribus, non brevioribus, pedalibus & sesquipedalibus viticulis, corymbaceoque aspectu elegantioribus, decorationibus capitulis, etiam decimum fere annum, ex quo Venetis Alepo Syriæ habuimus odoris fragrantiam retinentibus.

Varietas.

Majoranæ speciem habemus, passim in hortis cultam cujus capitula squamata quadrangula oblonga hujus plantæ iconi bene respondent, verum flosculi ejus albi sunt non purpurei. Radix plures annos durat, superficies quotannis emoritur. Pluribus virgulis exoritur semipedalibus circum-



Folia figurâ suâ & magnitudine ad Majoranæ æstivæ accedunt, verum minus lanuginosa & mollia sunt, nec odore perinde fragranti, grato tamen.

- A. 4. *Origanum vulgare spontaneum* J. B. *Anglicum* Ger. *sylvestre*, *Cunila bubula* Plinii C. B. *Majorana sylvestris* Park. *Wild Majoran*.

7. B.

Origani vulgaris radices, tenues illæ quidem & lignosæ, obliquè aguntur, frequentibus capillamentis fibratæ, sic ut ramulorum pars infima horum ope denuò radicetur. Surgunt autem complures caules cubitum unum aut duos alti, duri, quadrati, hirsuti, ad quorum nodos adversa oriuntur folia Calaminthæ arvensis [aut Clinopodii vulg.] hirsuta, & ex horum alis minora alia, Majoranæ foliorum æmula: sapor autem tum his, tum illis acer, aromaticus; odor suavis. Flosculi tanquam in umbella, foliolis rubescentibus obvallati emicant, colore carneo aut candido, pusilli, unum foliolum bifidum sursum reflectentes, infimum majus trifidum, ceu labellum, demittentes, staminibus in medio flori concoloribus. Semen minutissimum, Majoranæ semini simile.

Hujus capitula singularia squamosa ex pluribus foliolorum conjugationibus squamatim ob proximitatem incumbentibus componuntur: è singulorum autem sinubus singuli flores exeunt. Foliola hæc figurâ suâ & levitate à reliquis quæ in caulibus sunt differunt, situ, nisi quòd proxime admota sunt, conveniunt.

In dametis & ad sepes non infrequens est.

Pro hujus varietate accidentali habeo *Origanum album* Tab. & Ger.

Aperi, adtergit, abstringit. At quomodo hæc conveniunt? Usus præcip. in obstructione pulmonum, hepatis acuteri, & hinc in tussi, asthma, ictero. Auget lac, ichorosa excrementa per sudorem expellit (ante balneum assumptum) extrinsecus usu venit crebriore, eoque in balneis uterinis, cephalicis, totius corporis (contra scabiem.) Nos plantam hanc, ut & omnes Origana dictas pro Majoranæ speciebus habemus; proinde & easdem illis vires convenire verisimile est.

Locus.

Vires.

- \* 5. *Origanum sylvestre humile* C. B.

C. B. prod.

Ex radice lignosa rufescente, fibrosa cauliculus communiter unus rotundus, rufus & asper, unciam sex vel septem, exurgit; qui in summo in ramulos plures dividitur, hique flores umbellæ formæ ex caeruleo purpureoque mixtos sustinent. Folia habet parva, oblonga, hirsuta, compacta & inordinatè disposita, potissimum cauliculi partem summam ambientia, vulgaris Origani odore.

Hoc circa Aureliam Gallorum copiosè reperitur.

Locus.

6. *Majorana major Anglica* Ger. *latifolia*, sive *major Anglica* Park. *Origanum Heracleoticum* Ruellii, sive *Majorana major* J. B. *Origanum Onites* C. B. item *Majorana sylv. perennis* ejusdem, ex sententia fratris, cui & nos libenter suffragamur. *Pot Majoran*.

7. B.

Majoranæ alii, alii Origani accensent plantam quadratis, hirsutis, subrubentibus, cubitalibus, ramosis caulis fruticantem, cujus folia Majoranæ foliis majora, Origani vulgaris ferè paria, cinerea, hirsuta, venosa. Extremitates ramuli in spicas duorum versuum squamatas, semunciam aut unciam longas abeunt, è quarum imbricatis foliolis flosculi emicant.

Hujus varietas est

*Majorana latifolia aurea* Park.

Que veno præcipuè tempore cum adhuc nova est, foliis vel in totum flavis aureisque, vel partim flavis, partim viridibus idque magis minusve, prout naturæ ludere videtur, apparet, nec alia in re à præcedente differt.

Pro oleris usurpatur, unde à nostratibus *Pot Majoran*, i. e. *Majorana oleracea* dicitur.

7. *Origanum Heracleoticum* Ger. *Heracleoticum verius* Park. *Heracleoticum*, *Cunila gallinacea* Plinii C. B. *Heracleoticum Matthioli*, aliis fortè *Creticum* J. B.

7. B.

Hoc nomine mihi visum & collectum *Origanum*, cubitali caule, quadrato, hirsuto, vulgaris instar Origani: Folia ex geniculis minora, modicè hirsuta, odore & sapore aciore: Flores albi aut subpurpurei in squammatis capitulis, minime spicatis, & in umbellæ ferè modum sparsis.

His ultimis verbis penè contraria tradit Lobelius in hujus plantæ descriptione, inquit, in summis hujus virgulis non in umbellam circinatham collecti sunt flores, sed in parvis thyrsis spicatis, teris hinc inde dissipatis.

Plantam describit J. Bauhinus ea esse videtur quam in hortis nostris alimus *Majoranæ hortensis* *perennis* capitulis non spicatis, nomine, nisi quòd major sit & hirsutior.

\* 8. Ort.

- \* 8. *Origanum Creticum* J. B. *Origanum Onites* C. B. & Matth. *Orig. Onites Matthioli* Park. *Orig. Sylvestre Syriacum* Lob. *An Origanum sylv. sive vulgare* Park? *Orig. Creticum* Ger?

*J. B.*

Pertinacissimè odoris gratiam habet: adferuntur autem potissimum cymæ, Majoranæ similes scilicet, aliæ breves, longæ aliæ, quadruplici serie squammarum striatarum densè compactarum imbricatæ, sapore acerrimo, odore aromatico, jucundo. *Folia* rariùs adferuntur, quæ mihi aliquando videre contigit, minora quàm vulgaris Majorana, minimèque rotunda.

Magna est apud Botanicos confusio de speciebus Origani. C. Bauhinus *Origanum Syriacum sylvestre* Lob. ab *Origano Onite* Matth. distinguit: J. Bauhinus hoc illi idem facit.

*Huic fortè eadem est quam Hyssopum Græcorum Pr. Alpinus in Exot. vocat & describit.*

*Alp.*

Cubitali magnitudine, *Origano Oniti* quàm similem & foliis & umbellis *Corymborum* modo junctis; quæ ab *Origano* odore suaviori & validiori distinguitur. Multis furculis ab una radice, vel ab unico caule exeuntibus fruticat, non ex toto rectis, sed obliquè actis, *foliis* Origani *Heracleotici*, sed candidioribus & odoratoribus; & in caulium cacuminibus umbellæ *corymborum* modo in rotæ speciem cernuntur, *flosculis* albis, quales in *Origano onite* apparent, à quibus *semen* minutum, nigrescens fit. Tota planta est eximie odorata, & gustui cum valida acrimonia acceptissima, totaque albicat cum levi lanugine. Ineunte hyeme ferè ex toto faciem mutare videtur. Nam ab una radice plures cauliculi affurgunt, sursum obliquè luxuriantes, foliis *Pulegii*, caulem ab imo ad summum usque densius convestientibus, caulibus rotundis, leviter lanuginosis albicantibus, invalidioris odoris.

- \* 9. *Origanum Monspeliense pulchrum* Camerarii J. B. *Origanum folio subrotundo* C. B. *Orig. onites Gallo-provinciæ minus* Ad.

*J. B.*

Simillimum est *Oniti* à *Matthiolo* depicto, sed non idem. Ab *Origano* vulgari non malelimum differt, nisi quod multas habeat pulchras & oblongas quasi *spicas* purpureas: *cauli* etiam totus purpurascit. *Semen* gignit rufum, pusillum ut reliqua Origani genera.

*Locus.*

Crescit in Gallia propè *Monspelium*. Circa pontem *Castri novi*, & alibi in satorum & vinearum marginibus oritur. *Botan. Monsp.*

- \* 10. *Origanum spicatum montis Sipyli, foliis glabris*, Wheeleri.

*Radices* nigrae, fibrosae, & (ut *Autori nostro* videtur) reptantes, plures emittunt *cauliculis*, teretes, hirsutos, *foliis* binis conjugatim nascentibus, ut in omnibus hujus generis, obsitos, imò nonnihil lanuginosis, nervosis nervis obscuris & tactu vix percipiendis, ad exortum subrotundis, extremo acuminatis, myrti minoris foliorum figura. *Caules* sesquipedalem aut bipedalem altitudinem assequuntur, superiore parte glabri, ut & folia. E foliorum superiorum finibus exeunt ramuli adversi, prætenues in *capitulum* squamosum *Lupuli* fructui simile, interdum ad uncialem propè longitudinem accedens, dilutè purpurascens desinentes, è cujus squamis *flores* parvi, purpurei exeunt: compressi odorem *Stoechados Arab.* imbecille spirantes.

- \* 11. *Origanum Smyrnam* Wheeleri.

Planta est perennis, plures virgas, lignosas, longas, ad intervalla ramulos emittentes surgens. *Folia* quàm *Majoranæ Creticæ* minora, minùs incana, nec adeò rotunda, sed potiùs oblonga, acuminata, nervosa, & aliquantulum lanuginosa: Summos caules & ramulos terminant *capitula* squamosa. Odorem suavem & fragrantem expirat.

*Locus.*

*Smyrnæ* in monte cui *Arx* inædificatur copiosè provenit.

## CAP. VII.

### De Plantis Verticillatis Verticillis in spicas dispositis.

#### De Ocimo.

**O** Cimum à Græco *ὄκυμ* seu *ὄκυμ* nomen accepisse scribit Varro, quod citò proveniat. Theophrastus testatur tertio à satione die provenire, lib. 7. cap. 1. Doctiores tamen Botanici (inquit Jo. Bodæus à Stapel) hoc etymon *Ocymo* pabulo convenire scribunt: Hortense verò *ὄκυμ* redolere, odoratum esse derivant. Est enim herbula eximie odorata, quæ & cerebrum odore suo ferit, & sternutamenta excitat. Significantiùs quoque *ὄκυμ* per *ὄ* scribendum existimant.

Differt (inquit idem) *Ocymum* ab *Ocimo*. *Ocymum* pabuli genus est, Plin. l. 17. c. 24. *Ocymum* quod in vinea feri jubent, Antiqui appellabant pabulum, umbrae patiens, quod celeriter proveniat.

*Oc.*



Ocimum autem planta odorata. Ocimum pabulum Veteres per *o* scribunt *oxum*, herbam per *i*, *isum*. Verum hoc non perpetuum & constans est apud ipsos.

Basilicum Recentioribus dicta est hæc herba ob dignitatem suam, quod ob insignem & fragrantem odorem Regia domo, & Regis manibus gestari dignum sit.

Basilici notæ sunt Folia Amaraci, odor suavis Citri vel Caryophylli, flores in spicas laxas & verticillis rarioribus compositas digesti.

1. *Ocimum magnum* J. B. Ger. *caryophyllatum majus* C. B. *caryophyllatum maximum* Park.

J. B.

Duplo triplove majus huic folium quam vulgari, oblongum, raris crenis serratum, pallida virore præditum, aut rubrum (duplex enim habetur hujus generis *Ocimum* album & rubrum) odore suavi Citri vel Caryophylli. Flores spicati, albi vel rubri.

Plantam hanc speciosam caulibus cubitalibus, foliis Amaranti aut Mercurialis, majoribus frequentem observavimus in Italia in cenaculis & ædium fenestris, inque Adonidis hortis, in vasis figulinis satam & cultam; ut rectè scribit Matthiolum.

*Ocimum* in viridariis Egypti *Alp.* quod ex crescere scribit ad altitudinem trium & plus cubitorum, foliis nostratis longioribus, tenuioribus, colore rubro suffusus, odoremque eximium spirantibus C. Bauhinus à præcedente separat, & *Ocimum caryophyllatum maximum* appellat; aut rectè considerandum.

2. *Ocimum vulgatius* C. B. *medium vulgatius & nigrum* J. B. *vulgare majus* Park. *medium citratum* Ger. *Common Basil.*

J. B.

Dodrantis est planta, pluribus ramis stipata, quadratis, nonnihil rubentibus, subhirsutis. Folia Parietariæ, minora, glabra, aliàs per ambigui incisa, aliàs minimè, odore fragranti, sapore nullo excellenti. Flores verticillati, in spicam longiusculam digesti, suaveolentes, colore albo purpureo, labello longiusculo, angusto, cui ex adverso respondet sursum vergens in quatuor lacinias divisum folium, prominentibus è rictu staminibus albidis cum stylo purpureo: Semen pusillum, nigricans. Radix lignosa, nigra, fibrata.

Ab hoc *Ocimo medio vulgatiore* specie distinctum facit C. Bauhinus *Ocimum Citri odore*, i. e. *Ocimum medium citratum* Ad. Lob. quod cum nullatenus distet (ut scribit Lobelius) præterquam odore gratiore & cordi amabiliore, corticem Citri mali redolente, præter rationem id facere videtur.

Nec major ratio est, cur *Ocimum Anisi odore* seu Anisatum Eyst. ab *Ocimo medio vulgari* separaret: quod & Parkinsonus eum secutus facit.

Vires hujus plantæ sic breviter perstringit Schroderus. Calf. & humect. digerit & resolvit; expur. Vires. gat pulmones, menses movet, ideoque usurpaci poterit usu interno & externo.

Hollerius lib. 1. de morb. intern. cap. 1. observat scorpionem natum fuisse in cerebro cuiusdam Itali ex frequenti odoratu Basilici seu Ocimi. Camerarius etiam sapissimè Venetiis observavit scorpiones sub fictilibus in quibus Basilicum colitur libenter stabulari. Et D. Raymondus Anglus in Mercurio suo Italico asserit sibi experièntià compertum herbam hanc humido in loco sub lapide repositam intra biduum Scorpionem producere: quod interim dum Senis commorabatur rarum & memorabile imprimis accidens confirmabat. Generosus quidam Senensis odore Basilici vehementer capus & delectatus, herbæ exiccatae pulverem naribus frequenter attrahere solebat: verum brevi phreneticus moriebatur craniòque ejus à chirurgis aperto, scorpionum nidus in cerebro reperi- tus est.

Nos cum præstantissimis hujus ævi Philosophis generationem æquivocam aut spontaneam in animalibus dari nequiquam concedimus, adeoque neque Basilicum ex se scorpionem producere; interim tamen non negamus bestiolas illas herbæ odore delectatas ad eum libenter arripere, aut sub illa stabulari, forte etiam eâ vesci, inque foliis aut gemmis ejus ova ponere, unde accidere potuit Generosum prædictum unà cum pulvere foliorum Scorpionum ova naribus attraxisse, quæ capitis calore foras ibidem scorpiones excluderent.

3. *Ocimum minimum* J. B. C. B. *vulgare minus* Park. *minus Caryophyllatum* Ger. *Basil.*

J. B.

Palmaris aut paulò major est planta, ramulis creberrimis lignescens densè fruticans: per quos folia Serpylli aut Majoranæ foliis paria, ex oblongo rotunda, viridantia aut rubra, sapore vegetissimo & suavissimo Caryophyllorum: flosculi exigui verticillatim per ramorum scapos disponuntur. Radix fibrosa.

Hoc genus tenerius est multò quam vulgare; nec semen apud nos facillè ad maturitatem perducit.

- \* 4. *Ocimum Indicum* Ger. Park. *latifolium maculatum vel crispum* C. B. *Sanctomauritanum, latum, crispum, maximum* J. B.

*f. B.*

Ad cubitalem altitudinem crescit, quadratis *caulibus*, raris pilis vestitis, quos adversi rami dividunt: *Folia* ex longis pediculis ad articulos circinata circumscriptione, ampla, crispa, fimbriata, atro-virentia aut rubro admisto maculosa, fragrantis odoris: *Flores* Ocimo vulgari similes, verticillati, in spicam digesti, qui ex candido rubescunt: *Semen* paulò majus, nigrum, ex rotunditate oblongum, foliaceis capitulis inclusum.

*Locus.*

*Varietates*  
*duæ.*

Ex India in Hispaniam primò, inde in Italiam, Germaniam, &c. hujus semen transmissum est. *Ocimum crispum* Park. i. e. foliis fimbriatis viridibus C. B. *crispum viride* Eysf. Item *Ocimum viride* foliis bullatis C. B. *Indicum viride* majus foliis protuberantibus Eysf. nihil aliud esse videntur quam species quædam degeneres seu varietates accidentales Ocimi Indici jam descripti è semine ortæ, ut & Parkinsonus opinatur.

- \* 5. *Ocimum minus angustifolium foliis serratis* C. B. *minus angustifolium* Park.

Præcedentibus Ocimis minus ramosus est, quin potius cauliculis paucioribus & ramulis rarioribus Acinon seu Clinopodium imitatur. *Folia* habet parva, angusta, circa margines parùm dentata, bina semper ad nodos opposita, rariora & in ramulis magis sparsa, seu ab invicem remotiora. *Flores* summos ramulos occupant, ad Ocimi accedentes, verum tantillo magis reflexi, colore albo. Odor remissior est & languidior quam in reliquis Ocimis.

## C A P. VIII.

### De Hormino.

**H**Orminum dictum videtur ὁρμινὸν ἢ ὁρμῖνον, quòd ὁρμῖνον ὁμοῖον ἡγεῖται, ad Venerem stimulet, ut Dioscorides loquitur.

Notæ ejus characteristicae sunt flores in spicis longis & laxis seu ex verticillis longis à se invicem remotis compositis; folia rugosa, odor satis vehemens, minùs tamen gravis quam Ocimi.

Spicatas in hoc genere vocamus plantas in quibus folia è quorum sinubus florum verticilli exeunt diversæ figuræ sunt ab inferioribus in caule & ad radicem quantumvis verticilli in iis aliquanto remotiores sint à se invicem & spicam laxam & velut interruptam efficiant, ut in hoc genere. Reliquas in quibus folia verticillis subjecta ejusdem formæ & constitutionis sunt cum reliquis in caule & ad radicem pro non spicatis habemus, quamvis in illis non raro verticilli in summis caulibus & ramulis proximè admoti & dense stipati spicas simulent. Has tamen non rarò cum vulgo Spicatas appellamus.

1. *Horminum sativum* C. B. *sativum genuinum* Dioscoridis Park. *sylv. foliis purpureis* Ger. *comâ purpureo-violaceâ* J. B. Dioscorides *his* Clarp.

*f. B.*

Multam habet cum Salvia similitudinem. *Caulis* subrubentes, multis alis concavi, quadrati, multà lanugine hirsuti, pedales & majores: ad quorum genicula *folia* Salviæ, non ita retorrída & squalida, sed affatim hirsuta, odore nullo eccellente, sapore amaricante. At verò foliorum quæ in extremis sunt ramulis densior est phalanx, quorum summa purpureo-violacea faciem ad hujus plantæ cognitionem viam monstrant. *Flores* ex foliorum alis exeunt, sex unà, Salviæ minores, parum purpurei & albicantes, ex caliculis verticillatis Marrubio similibus, foliaceis, hirsutis & striatis, sursum vergentibus dum flores gestant, deorsum nutantibus semine onustis. *Radix* lignosa & fibrosa. *Herba* est annua.

*Locus.*

Copiosè crescere dicit Camerarius in agro Senensi, sed copiosius in Apulia, Illyrico & in Lesensia insula atque universa Græcia. Nos in exteris regionibus in illud nunquam incidimus.

2. *Horminum comâ rubrâ* J. B.

*f. B.*

Similis est præcedenti, *caulibus* suis quadrangulis, hirsutis: foliis prioribus ex longis pediculis Salviæ accedentibus, itémque per caules verticillis. Ast *floribus* differt minoribus, summitatibusque caulium rubris, ac odore nullo insigni.

*Locus.*

Planta hæc ex semine Londino accepto mihi succrevit Cantabrigiæ; eandemque multis post annis è semine ortam, comâ tamen minimè rubrâ, pro diversa specie descripti his verbis.

*Folia* ima quæ è radice exeunt figurâ & magnitudine sua ad Salviæ folia accedunt, nisi quòd obtusiora sint, pediculis itidem longis nituntur, per margines crenata, hirsuta, rugosa. *Caulis* ab eadem radice plures exeunt, pedales aut cubitales, quadrati, hirsuti, imâ parte ramosi, *foliis* cincti parvis, triangulis, absque pediculis caulibus adnatis, iis quæ in Hormino sativo florum verticillis subfunt



subiunt similibus. Hæc enim pariter florum verticillos seu vascula quædam excipiunt & sustentant. Verticilli autem florum longis intervallis distant, singuli sex flosculis compositi parvis, galeatis, rubentibus, è calicibus oblongis, striatis, quinquepartitis, qui floribus delapsis deorsum reflectuntur, & in ventrem per maturitatem turgescunt, minimè hiantes. Ad latus uniuscujusque folii triangularis ligula angusta, longa flori subest, ut folia triangularia cum ligulis apposis tot sint quot flores. Semina colore & figurâ Sclæræ seminibus similia, verùm multò minora.

Descriptio Hormini minoris supini Cretici Clus. in omnibus fere cum nostra convenit, ut eandem suspicer esse plantam: color duntaxat floris differt.

3. *Horminum Sclæræ dictum C. B. Sativum vulgare, sive Sclæræ Park. Gallitricum sativum J. B. Gallitricum sive Horminum. Ger. Common garden Clarp.*

Caule surgit cubitali & altiore, minimi ferè digiti crassitudine, quadrato, rigido, hirsuto, medullâ albâ facto, in oppositos conjugatim ramos ex intervallis fissio: quâ etiam serie & rami in alios minores deinceps abeunt. Folia ampla, hirsuta, canescentia, admodum rugosa aut scabra, pingua, è lata basi in mucronem obtusorem sensim desinentia, ad margines quodammodo dentata aut crenata, longis pediculis nixa, præsertim inferiora & quæ è terra exeunt, in caulibus sita ex adverso bina. Flores in summis caulibus & ramulis in spicas longas & laxas, è multis verticillis compositas digesti, cucullati, hiantes, cucullâ prælongâ arcuatâ, quæ stylum tenuem incurvum nonnihil extantem in summo bifidum & bina stamina cum suis apicibus oblongis occultat, dilutè carulei, è striatis calicibus, tactu glutinosi, hiantibus, in quinque spinulas divisæ, quarum tres sursum spectant supra flosculum, duæ infra eum sitæ. Ad singulos verticillos cauli apponitur hinc inde folium, figuræ & texturæ multum diversæ, ab inferioribus in caule & à radice exeuntibus: sunt enim hæc parva, concava, lata basi absque pediculo cauli immediatè adnexa, in acutum apicem exeuntia, minus rugosa & tenuiora iis quæ in caule sunt, colore purpurascens. Radix subest simplex, lignosa, plurimis fibris capillata, coloris obscurioris, non ingrati saporis, postmodum palatum & fauces calescentis. Semen majusculum, lubrico lavore perpolitum, alterâ facie gibbosa, alterâ angulosa, coloris rufescentis. Odor totius plantæ vehemens & gravis, Sapor amarus.

Seritur in hortis & viridariis: translatum recens aut satum primo anno caulem non fert, & se-

Locus & Tempus.

cundo à satione maturato semine interit, Juno & Julio florens. Vinum Gallitrichi impositum si efferbuerit apprimè stomachi frigiditati convenit, nam phlegmata incidit & consumit: idem potum frigidis & infecundis & albis mensibus laborantibus mulieribus subvenit. Sunt qui Gallitrichon capiti, ob odorem quem habet gravissimum noxium esse dicunt. Træg. qui hac occasione in vina sulphurata declamitat.

Vires & Usus.

Semen (inquit Lobelius) *KapnKapav* capitisque gravitatem inducit odore, quem etiam universa spirat planta, non tamen ingrato: eoque magni usus quibusdam Septentrionalium ad Zythi Bieræque confectionem. Lupuli namque vel penuriâ, vel vegetioris potionis faciendæ causâ cortinis ferventibus addunt, fitque temetum, quo non multis poculis depletis temulenti fiunt, hilaritate prope modum insana.

Scribit C. Hofmannus non cerevisiam tantum sed & vinum ab imposito hujus herbæ planè Muscatellinum mentiri & facillimè decipere incautos.

Herba in pulverem redacta & naribus indita sternutamenta provocat, catarrhum tollit, & cerebrum purgat. In aqua decocta in desessionibus mulierum utilis est ad trahendos menses & alia id genus, non aliter atque Dictamnium. Ad menses movendos & secundas ejiciendas quovis modo sumptis valere scribit Dodonæus.

Notantes folia ovis conquassatis cum flore lactis & pauca farina perfusa, & in sartagine frixa pro placentis mentis fecundis inferre solent, & ad lumborum imbecillitatem commendant. Sunt certè ferulum palato satis gratum, quod ad renes corroborandos & Venerem stimulandam valere creditur.

Folia potu imposita panos per se, vel cum melle discutere dixit Matthiæus: item furunculos antequam acuminentur. Eadem præstat & mucilago seminis: quæ & in affectibus oculorum creditur appropriata esse.

Schwæbfeldius Sclæræ in moderi Epilepsia & suffocationi matricis: & Crato inter alia sua *Sclæræ* contingendæ in suffocationibus uteri & similibus affectibus unguentum ex Sclæræ cum butyro coctum, cui adjicitur aliquid Tacamahacæ, umbilico imponendum.

Semen oculis indurum utile esse traditur, ad excutiendam eorum caliginem, & educenda corporula quæ in illos inciderunt. Quippe, multa revolutione circa bulbum oculi circumductum, tandem humore prægnans & sordibus onustum elabitur.

4. *Ethiops Ger. multis J. B. Eth. foliis sinuosis C. B. item Eth. foliis in profundas lacinias divisis ejusdem. Sclæræ Ethiopica, sive Ethiopis laciniatis & non laciniatis foliis Park. Ethiopian Clary.*

Folia per terram primò spargit palmo latiora, haud multò longiora, tenerâ lanugine, seu carptâ, supra infraque uberrimè obducta, alioquin Sclæræ sive non multum dissimilia, sinuosa, quædam etiam laciniata, [alias integrâ & ad margines aequalia.] Inter hæc caulem proferit foliis consumilibus, sæpe minoribus stipitatum, quadratum, pariter villosum, multis alis concavum: in quibus ad nodos flores verticillati, duorum foliorum acuminatorum complexu Hormini modo obvallati, candore niveo, uno folio cuculli instar surrecto, compresso, apices luteos, stylumque argenteum è sinu proferentem, labro cotule instar concavo, è calice oblongo, quinquepartito, quem circumquaque tam densâ obtegit lanugo ut vix conspici possit: odore est foetido Lamii vel Galeopsis: Radix fibrosa; Se-

mina in singulis vasculis [quatuor, non duo tantum, ut C. Bauhinus eumque secutus Parkinsonus prodiderunt] Hormini seminibus similia, fusca, triangula.

Locus.

Copiose provenit in Græcia & Illyria, unde ad nos primum delata.

Hujus duæ habentur seu species, seu varietates, altera foliis integris & ad margines æqualibus, altera foliis laciniatis.

Querendum an Marum Ægyptiacum Alpini sit diversum ab Æthiopide foliis non laciniatis: obstat odor Mari suavis, statura brevior, nimirum cubitalis, ne idem credatur.

5. *Horminum majus amplo flore violaceo, lobis florum punctis aureis notatis* Morison.

Morif.

Folia profert hirsutiora cæteris suæ sortis, excepto solo Æthiopico, ad basin angulosa, inter quæ exeunt caules bipedales, aliquando tripedales, quadrati, quos ad genicula amplectuntur bina folia dodrantalia, auriculata. In summis caulibus verticillatim proveniunt flores ampli, violacei, lobis lateralibus punctis aureis aut purpureis notatis: quibus succedunt in capsulis magnis semina crassa nigra, majora cæterorum omnium Horminorum seminibus. Punctis florum aureis purpureis & semine majore à sequenti distinguitur cum quo majorem habet affinitatem.

6. *Horminum Lapathi unctuosum folio, seu majus hastato folio* Morisoni.

Morif.

Hoc folia habet hirsuta, angulosa aut auriculata ad basin ut superius: In mucronem autem desinunt hastæ instar cuspidis; quin & formâ Lapathi unctuosum folia representant. Flores festi magni, omnino violaceos: semina in omnibus prioris seminibus minora.

Locus.

In horto Edvardi Morgani Westmonasterii vidimus, item Chelseia apud D. Wates.

7. *Gallitricum exoticum flore magno albo* J.B. *Horminum Syriacum* C.B. Park. *Biserrum* Cam. Aman quibusdam.

Sclaream sativam tota facie egregie refert, caulibus quadratis, pilosis, nonnihil tactu asperis, in frequentes alas adverso situ conjugatim positas divisas. Folia Sclareæ nostratis, infima priora parva, oblonga; sequuntur deinde ampla, rugosa, & hirsuta, odore suavi Ocymii, posita Sclareæ, qualis etiam est situs florum in spicis longiusculis per intervalla verticillatorum, quibus bina semper subiecta similiter folia acuminata & concava, coitu labrum efficiunt. Cæterum flores ex longis, striatis, lanuginosis calicibus emicant suaveolentes Sclareæ, sed colore lacteo, labello punctulis paucis intus sum guttato, prominentibus sub galea staminibus incurvis, uno coccineo, reliquis duobus argenteis, ochreos apices sustinentibus. Semen simile Gallitriche sativo, sed paulo majus, una parte gibbosum, altera fere triangulare, coloris varii ex nigricantibus & rubentibus maculis oblongis.

8. *Horminum pratense foliis serratis* C. B. *sylvestre vulgare* Park. *Gallitricum sylvestre vulgare*, sive *sylvestris Sclareæ* flore purpureo cæruleove magno J. B. *Horminum sylv.* Fuchsii Ger.

J. B.

Hanc plantam videre est interdum duos cubitos adæquantem, caule quadrato & hirsuto, inani, in alas diviso: Folia quam Hormino sativo veriori majora, squalida & veluti fiderata, quædam nonnihil sinuata & ferrata, potissimum prima, quæ breviora, ex longioribus pediculis: alia ad Salvia magis accedentia, odore gravi, sapore aliquantulum aromatico. Flores in longa spica gestat culculos & purpureos magnos, Salvia florum formâ. Semen nigrum: Radix lignosa, odorata viræ. Flores Sclaream redolere ait Lobelius.

Locus.

Secus itinera in agrorum limitibus, in collibus juxta cultos agros sicis & in campestribus provenit. Trag. in pratis passim Fuch.

Botanici nostrates per errorem hanc plantam habuerunt pro Hormino sylv. vulgò in Anglia proveniente, cum sint omnino plantæ diversæ: Horminum hoc sylv. Herbariorum ego hactenus non inveni spontaneum in Anglia: Horminum autem quod apud nos frequens sponte videtur, Hormini sylv. IV. Clusii V. species est, i. e. Horminum sylv. Lavendule flore C. B.

Hormini sylv. quarti species i. Clus. ab hoc nonnihil differre videtur, nimirum foliis non laciniatis sed per oras duntaxat serratis, superne viridibus & natis villis obsitis, inferne villotis. Extremus caulis plerunque purpurascit.

- Horminum pratense niveum foliis incanis* C. B. *sylv. flore albo* Ger. *sylv. incanum flore albo* Park. *sylv. flore majore albo* J. B.

Hujus varietas est floris duntaxat colore albo & foliis incanis à descripto diversa, non species distincta.

Semen integrum hujus, non minus quam Sclareæ, oculis immissum eos purgat & mundificat, ruboremque & inflammationes mitigat & sanat, ut Gerardus noster aliique referunt, nec vulgus ignorat, qui non sine successu in hunc finem illud adhibet. Verum non aliud, puto, efficit quam lapis Chelidonium alique gemmæ politæ & hemisphæricæ oculis impostæ.



9. *Horminum spicatum Lavendulae flore & odore* Bocconi.

Bocc.

*Caulis, folia, semina* Hormino Sclarza dicto non sunt dissimilia. *Flosculi* purpureo-coerulei, *Lavendulae* florum formâ & magnitudine *caulem* quadratum verticillatim per intervalla ambiunt, in longissima spica modum digesti: quos subsequuntur *vascula* quinquefariam denticulata in margine superiore, quæ sursum versus erecta, caulique appressa & subrubentia, quasi bifloræ plantæ peramicæna specie prolixam & non marcescentis coloris coerulei spicam iterum efficiunt. Tota planta arida suam Lavendulae odorem spirat. Ad bicubitalem altitudinem ascendit.

Prope Agrigentum & Cainatam exit plurimum.

Locus.

10. *Horminum sylvestre majas, foliis profundius incis* C. B. *Gallitricum sylv. comâ virescente* J. B. *Horminum sylvestre Italicum* Park. *sylv. flo. rubro* Ger.

Quam Gallitricum sylvestre flore magno majori altitudine excrefcit, *caule* quadrangulo ut reliquæ species, sed ejus extrema pars non purpurascit, verum virescens est. *Flores* tamen formâ similes, dilutioris sunt coloris. *Folia* inferiora majores habent incisuras, ut nonnihil laciniata videantur.

Passim in sylvis cædis, montanis pratis, viarumque marginibus sponte nascitur per totam Germaniam inque aliis Provinciis. Floret Maio, interdum etiam Junio.

Adeo parum differt à sylv. vulgari Hormino, ut pro illius varietate accidentali potius quam specie distincta habendum sit.

Hoc etiam flore est minore & rubro, inquit C. Bauhinus, quod Hormini sylv. quarti species IV. Clus. *Horminum sylvestre flore rubro* Ger. *Horminum sylvestre Italicum* Park.

11. *Horminum minus folio sinuato, flore minore, dilute coeruleo* Moris. prælod.

Moris.

*Caulis* quadratos, pedales, hirsutos producit, procumbentes, rarius ramosos, *foliis* nonnihil hirsutis, pollicarem latitudinem vix excedentibus onustos, uncias tres longis, in margine sinuatis. *Cauliculi florum* rarius dispositis ornantur, dilute violaceis, Lavendulae florum æmulis. *Semina* minora, nigra aut fulca.

Morisonus hanc speciem à sequente distinguit: nobis incognita est.

- A. 12. *Horminum sylvestre Lavendulae flore* C. B. Park. *Horm. sylvestre* Ger. *Gallitricis affinis* Maru, si non genus aliquod, *Sclarea Hispanica* Tab. J. B. *Hormini sylv. quarti, quinta species* Clus. **Common English wild Clary.**

Clus.

Gallitrico præcedenti, i. e. flore minore rubro, non valde dissimile est; etenim *caules* habet non minus altos, quadrangulos, nodis cinctos, villis quibusdam obsitos; & *folia* in singulis nodis ferè similia, paulò tamen duriora, laviora, angustiora, angulosa quodammodo, mucrone magis obtuso, & laxioribus dentibus prædita, præsertim quæ secundum radicem nascuntur: è cauliculis in extremo caule summisque ramis, verticillatim nascentibus, & velut in spicam desinentibus, emergunt *flores* reliquis speciebus longè minores, Lavendulae florum ferè æmuli, nec colore ab illis valde differentes: quibus decidentibus succedit *semen* nigrum. *Radicem* habet superioribus similem, & tota planta simili cum reliquis odore prædita est.

Hæc est species illa Hormini, quæ in omnibus ferè Angliæ nostræ provinciis sponte provenit; quantumvis Botanographi nostrates *Horminum sylvestre* vulgare seu pratense foliis serratis C. B. apud nos passim provenire scribant; hanc sci. speciem per errorem pro Hormino pratensi foliis serratis C. B. habuerunt. Hanc utique Clusius se Greenvici prope Londinum ad arcis Regiæ hippodromum invenisse scribit, ubi certum est non aliam nasci speciem quam *Horminum sylv. vulgare* Ger. & Park.

Locus &amp;

13. *Horminum sylvestre Salvifolium minus* C. B. *sylv. Salvifolium* Park. *Gallitricum glabrum, folio Salviae, flore purpureo* J. B.

J. B.

Sylvestri Gallitriche vulgari est perfimile. *Folia* ex opposito ad caulium nodos nascuntur, minora multò & angustiora quam illius, rugosa, aliquatenus ad *Salviae* accedentia, nisi quòd in ambitu serrata & veluti circumrosa, sine pilis, quamvis parte inferiore sint albidiora paulò, gustus exficantis & amari, odoris verò quam superius descripta jucundioris. *Florum* crebri verticilli spicam efformant, sunt autem ii purpureo-violacei, minores quam jam dicti sylv. Gallitrici; subjectis unicuique, vernicillo binis brevibus latiusculis foliis, nonnihil etiam coeruleis. *Semen* in caliculis nigrum, reliquis generibus minus. *Radix* digiti minimi crassitudinem aliquando æquat, nigroq. cortice tecta est, interiore parte flavescens, multos singulis annis producit *caules*, inferiore & terræ viciniore parte humi procumbentes, atque è nodis radici proximis subinde radices agentes.

Ubique circa Viennam Austriæ nascitur totaque Pannonia secundum vias, in agrorum vineto-  
rumque marginibus. Integrâ ætate floret, & subinde semen profert.

Locus &  
Tempus.

- \* 14. *Horminum sylvestre salvifolium majus vel maculatum* C. B. *Salvifolium alterum* Park. *Gallitricum alterum* Ger.

Clus.

Duorum cubitorum altitudinem plerumq. attingit, interdum etiam superat. Ipsius caules triplo crassiores, quadranguli tamen: folia multo majora & crassiora, albis maculis magna ex parte distincta. Spicae florum longior & crassior: florum verò formâ colorêque atque etiam semine satis conveniunt.

Locus.

Rarior est hæc species priore, nec nisi in pratis herbosisque locis, ubi gleba uberior, invenitur, & paulò seriùs alterâ florere incipit.

- \* 15. *Horminum sylvestre maculatum tuberosum* Francisci de Honuphriis.

Folia ei ante caulis exortum ad radicem multa, humi strata, lata, nonnihil crispa, & per ambitum crenata, rugosa, lævia tamen & non hirsuta, sanguineis maculis donata. Caulem gerit tricubitalem, aliquando verò & quatuor cubitos altum, quadrangulum, striatum, levitèrque hirsutum, undequaque per intervalla foliis ex adverso nascentibus vestitum: in cuius fastigio flores veluti in spicam digesti, coloris elegantissimi, saturè cœrulei, quatuor & quinque ad singula genicula, ex quibus alii ramuli ortum ducentes comam constituunt sylvestris Hormini quartæ speciei Dod. prorsus æmulam, flores solummodo majores habentem. Semen nigrum, rotundum.

Sub finem Maii florentem vidimus. Semen eodem quo & alia tempore profert. Tuberosam plantam hanc appellare placuit, pro radice enim Pæoniæ similes bulbos gerit.

Locus.

Vidimus circa montem *Circeisbain*, in via quâ à S. Felicis castro ad mare itur.

16. *Horminum sylvestre latifolium* Ger. *sylv. latifolium verticillatum* C. B. *Germanicum humile* Park. *Gallitricum affinis planta*, *Horminum sylvestre latifolium* Clusio J. B.

J. B.

Ex radice pollicari, plurimis fibris longiusculis donata, ex qua plura capita, caules edit prociduos quadratos, copiosâ medullâ albâ farctos, insigniter hirsutos, cuiusmodi etiam sunt folia, Marrubii, subrotunda, in mucronem exiguum mox desinentia, rugosa, & ad pediculi uncialis aut sescuncialis commissuram falcata: inferiorum cæterum foliorum pediculi multo etiam longiores. Ad foliorum verò exortum auriculæ quædam, velut foeturae adnascuntur, modò unica, modo duæ. Flores in caulis fastigio sæpe rubente, & in paucis brevibusque alis similiter rubentibus verticillatim sine ullo foliorum interjectu, brevibus intervallis dispositi spicam deformant, perquam numerosi, Lamii, parvi, cœruleo-purpurei, galericulo exiguo apicem album occultente, labello in binas lacinias diviso, & calyculis oblongis subrubentibus, hirsutis, striatis prominuli, pediculis atro-purpureis, hirtis. Decidentibus flosculis restant in calycibus semina oblonga, subrotunda. Sapor plantæ nullus notabilis.

Locus.

In agris & vervactis non longè ab Augusta Vindelicorum viâ quæ Monachium Bavarie metropolin ducit invenimus. Passim Viennensi agro juxta vias. Clus.

- \* 17. *Horminum sylvestre latifolium Tingitanum* Hort. Edinburg.

Cùm nobis nondum visum fuerit, quid differat à præcedente nescimus.

18. *Gallitricum folio rotundiore, flore magno violaceo* J. B.

J. B.

Folia huic quædam brevissimo pediculo appensa, ungue inferiore minora, alia longioribus pediculis dependentia, majora, maxima verò uncias ferè duas lata, & tres penè longa, ovalem formam non malè repræsentantia, quædam etiam rotundiora, in circuitu serrata, Betonica modo, glabra: caules quadranguli: flores magni, violacei, hiantes: calyces deorsum nutantes verticillati.

Locus.

In montium Tyrolensium pratis altis expandere folia indicabat D. Agerius.

Rarissimæ bujus plantæ ramulum siccum habuimus ex hortu Patavino, quæ primo aspectu ob flore amplissimos, quodammodo campaniformes, deorsum dependentes, Digitalis species visa est.

- \* 19. *Gallitricum flore minore purpurascense & rubro* J. B.

J. B.

Vivaci radice multos perdurat annos Gallitricum affinis planta, odorata, facie non ita dissimili, caule, foliis, crescendique modo: at flores ita parvi, ut vix extra calicem promineant, purpurascetes, nonnihil hiantes, cùm in vulgari flores magni sint, galeaque magnâ prominentes apices multos condant: calices deorsum nonnihil reflectuntur, breviores quam Hormini verioris. Idem foliis profundè satis laciniatis divisivè & nonnihil hirsutis observatur.

Locus.

In Italia vix aliud observavit Agerius.

- \* 20. *Gallitricum flore minimo albo* J. B. *An Horminum minus supinum Creticum Clusii?* Park. C. B. *An Sideritis glabra Betonica folio nostra?*

J. B.

Plura humi spargit folia, longo pediculo donata, crassa satis & rigidiusculâ, Betonica æmula, sed



sed ad pediculum nullo sinu prædita, obtusa, crenata, pilis albis per venas obsita, inodora. *Caules* modò singulares, aliàs plures, quadrangulares, hirsuti, ex longo intervallo in ramulos oppositos divisi, ad quorum exortum *folia* quoque bina opposita longo pediculo enascuntur, infernis planè similia. *Flores* verticillatim digesti per intervalla summitates occupant odorati, exigui, & vix è calycibus prominentes, albi. Quorum verticilla singula sustinent foliola parva in acutissimum apicem terminantia. *Radix* oblonga, exiguis fibris donata, nullo gustu notabili prædita.

Semine ex Italia allato J. Bauhino enatum est.

Descriptio Hormini minoris supini Cretici *Clus.* in omnibus ferè præterquam florum magnitudine huic plantæ convenit: ejus autem flores Cattariæ vulgaris floribus magnitudine pares erant. Vido descriptionem Sideritidis nostræ glabræ Betonicæ folio.

Locus.

\* 21. *Horminum angustifolium laciniatum* C. B. prod. Park.

C. B.

*Caulis* est quadrato, pedali, hirsuto, rariùs ramofo; *foliis* paucis, nonnihil hirsutis, pollicem latis, unciis tres longis, aliquando sinuosis, aliquando, potissimum inferioribus, in profundas lacinias divisis; *floribus* albis, parvis, verticillatim caulem ambientibus, spicam oblongam & inflexam efformantibus, quibus decedentibus semen nigrum succedit.

Montepelluli foliis Scolopendrii modo divisis legit descriptionis Autor C. Bauhinus.

Locus.

\* 22. *Horminum minus album Betonicæ facie* C. B. prod.

Ex *radice* lignosa, fibrosa, nigricante *cauliculus* unus, aliquando geminus, palmo minor, rotundus, villosus oritur. *Folius* est paucis, ad radicem rotundis, crassis, lanuginosis, crenatis, & longis pediculis donatis: in caulis medio bina, Betonicæ foliis æmula, sed crassiora & breviora, basi caulem ambientia, & capitulo duo minima subjiciuntur. *Flores* sunt albi Betonicæ formâ in spicam congesti.

In montibus Pyrenæis oritur.

Locus.

23. *Horminum Alpinum luteum, Betonicæ spicâ: An Betonicæ species?*

*Radix* habet obliquam, multis fibris donatam. *Folia* longis pediculis hirsutis insident, Urticæ ferè similia, aut Hormini sylv. latifolii *Clus.* sinu ad basin circa pediculum, hirsuta, rugosa, circa margines serrata denticulis majoribus. *Caules* pedales, hirsuti, medullâ farcti, duobus plerunque interdum unico duntaxat foliorum pari cincti, iis quæ ad radicem similia, sed minorum & brevioribus pediculis insidentium, minime (quantum memini) ramofo, in summitate gestant *spicam* brevem, compactam Betonicæ æmulam, sed breviorē, *flosculorum* luteorum, galeatorum, è calycibus in quinque molliores spinulas terminatis exeuntium. Ad capituli basin duo folia minuscule.

Julii 17. die jam penè defloruerat. In montibus max. Carthusianorum cœnobio imminētibus raram hanc Hormini an Betonicæ speciem collegimus.

Locus.

Rectius forte ad Betonicam ob spicam compactam hanc plantam retulerim quàm ad Horminum.

24. *Horminum luteum glutinosum* C. B. luteum, sive Colus Jovis Park. Colus Jovis Ger. Galeopsis species, lutea, viscida, odorata, nemorensis J. B. Item Galeopsis lutea Dalechampii Park. Yellow Clary or Jupiters Distaff.

J. B.

Insigniter fibrosa *radice* nititur, multos indè *caules* surrigens bicubitales & altiores, quadratos, hirsutos, fungosâ medullâ farctos, in alas brachiatos: *Folia* è geniculis exeunt opposita, longis pediculis hirsutis appensa, Ari modo alata, sed Lamiorum instar rugosa & hirsuta, etsi multò majora, in ambitu serrata, nonnullâ interdum per margines aspersâ saturâ rubedine. *Flores* in longis spicis verticillatim ramos ambiunt, foris hirsuti, intus glabri, labello tripartito, mediâ lacinia fimbriatâ & crispâ, colore foris ex albo luteo, intus obsolete notis maculoso: superius verò folium seu galea foris guttatum, intus luteum: è rictu medio prodeunt *stamina* alba. Insident autem flores *calycibus* oblongis striatis, viscidis, in quibus, pro more Verticillatarum, succrescit postea semen. Totâ planta tactu viscida est, odorata, sapore nullo insigni.

In montibus circa Genevam oritur. Invenimus etiam sæpiùs in Italia & Germania, locis lutosi ubi fontes & aquæ scaturiunt, ad latera & radices montium.

Locus.

25. *Horminum Scatellariæ facie* Hort. Lugd. Bat.

C A P. IX.

De Galeopsi.

**G**aleopsis, *Taxifolius* vel *Taxifolius*. Qui Galeopsin scribunt per, à florum effigie galeata deducunt, quod ejus flores velut galez aspectum referant. At quoniam hoc inusitatum Græcis, præsertim Veteribus, nomina Latina cum Græcis componere, *Taxifolius* potius per scribendum est, à florum figura felis vel mustelæ faciem & rictum quodammodo repræsentantes.

Foliis

Foliis urticæ, odore foetido, seminibus minoribus, nigris ab Hormino distinguitur.

- A. *Galeopsis legitima* Dioscoridis Park. vera Ger. emac. *Gal. sive Urtica iners magna satidissima*  
J. B. *Lamium maximum sylvaticum fetidum* C. B. *Hedge-Pettle*.

*Radix* sub terra reptat, fibras tenues è geniculis subinde demittens. *Caules* indè exurgunt cubiles aut sesquicubitales, quadrati, hirsuti, inanes, ramosi. *Folia* ex adverso bina, Urticæ majoris, nonnihil latiora, acuminata, innocua lanugine obsita, in ambitu serrata, pediculis longis infident, ea etiam quæ in caule sunt. In summis caulibus & ramulis *flores* in *spicas* longas, angustas, verticillis non admodum crebris compositas digesti, oblongi, cucullati, colore purpureo, concoloribus seminibus, labello tamen albis lineis picturato, è calice quinquepartito, brevi, patulo. Singulis *fo-*  
*sculis* succedunt in imo calice quatuor *semina* mediocris magnitudinis, per maturitatem nigra. *Folia* ad verticillorum bases exigua sunt & angusta. Odor totius plantæ foetidus & ingratus admodum.

Locus.  
Varietas.

Vires.

Æstate floret: in sepibus frequens.  
Huic simile aliud foliis non ita amplis, sed inferius incanis & lanuginosis, (*Lamium incanum* dici poterit.) *Thal.* Parkinsono *Galeopsis* altera incana dicitur.  
Hujus succus cum aceto exhibitus valere dicitur adversus hæmorrhoidas; itémque ad discutiendas verrucas, tumores duros, quoscunque panos, &c.

D. Bowle herbæ decoctum ejusve exsiccatæ pulverem commendat in affectibus lienis.

## C A P. X.

### De *Nepeta* seu *Mentha cattaria*.

**N**epetam à Nepa Scôpius deducit Martinius, quia contra eas & alias venenatas bestias facit.  
*Mentha cattaria* dicta est Recentioribus hæc planta, Antiquis fortè incognita, peramœni spectaculi argumento (inquit J. Bauhinus) Vixdum enim conspectam ubi olfactarit citius, amplexatus & disfluaviatus fuerit, lasciviendoque jam illi accedendo, jam recedendo sese utrisque pedibus diu & multum affricuerit, colludendo tandem miris gestulationibus, universam arde ligurit.

Foliis Urticæ incanis, odore Menthæ graviore, floribus in spicas habitiores digestis à congeni-  
bus differt.

- A. 1. *Mentha cattaria* J. B. *felina sive cattaria* Ger. *cattaria vulgaris & major* C. B. *Nepeta ma-*  
*ior vulgaris*, Park. The greater or most common Nep or Catmint.

J. B.

È radice lignosa caulem surrigit cubitalem aut bicubitalem & altiore, quadratum, hirsutum, propter terram subrubentem, alioqui incanum multis alis concavum usq. binis semper adversis: quo etiam ordine [ licet non pari semper numero ] *folia* ferè ad genicula emicant, hirsuta, incana, longis pediculis hærentia, figurâ & divisurâ foliorum Urticæ majoris aut Melissæ, sapore fervido, odore Menthæ graviore. *Flores* in summis caulibus & ramulis ex alis foliorum exeunt conferti, in eodem communi pediculo, singuli è calice longiusculo, in quinque acuta segmenta diviso, galeati galei bifida, labello concavo margine denticulato, lineâ intus punctorum purpurascens notato. *Floru* autem versùs unam præcipuè partem vergunt.

Locus.

Floret Junio & Julio, estque in agro Cantabrigiensi, & alibi ad sepes non rarò obvia.

2. *Nepeta media* Park. The middle sort of Nep or Catmint.

Park.

*Caules* huic rigidi quadrati, quàm præcedentis minores, plures tamen ab eadem radice, altitudine interdum pares: *Folia* duplo ferè minora, duriora, viridiora, odore minus gravi quàm illius: *Flores* pauciores, minores, per intervalla caulium geniculis adnati, ad summum usque; dilute porpurei, ut prioris hiantes, quibus in calicibus succedunt *semina* similia. *Radices* crassiores, longiores, lignosiores, in multos annos durabiles; *folia* tamen per hyemem non retinent.

Hanc Parkinsonus aliquot annos in horto suo aluit, unde acceptam non recordatur.

3. *Nepeta minor* Park. *Mentha cattaria minor* C. B. *Cattaria tenuifolia* Hispanica Clus.

Clus.

Semine ex Hispaniis misso Clusio enatum est hoc pulcherrimum Cattariæ genus, cubitales habens *caules*, quadrangulos, geniculatos, multis ramis præditos: oblonga & angusta, per oras crenata & incana *folia*, odore quàm in Cattariæ vulgaris foliis vehementiore, fervido gustu: *flores* spicati in extremis ramis nascentes, candidos, vulgaris Cattariæ floribus respondentes: deinde *semina* in exilibus calicibus nigrum, Calaminthæ semini par: *radicem* duram, fibrosam, perennem, angulatis annis novos caules proferentem. Floret Junio & Julio.

Hanc à præcedente specie differre non concesserim.

Nepeta



*Nepeta* calf. & ficc. partium est tenuium. Usus præcip. in morbis uterinis (scil. obstruct.) steri-  
litate, fœtu pellendo, tum quoque in tartaro pulmonum incidendo, &c. Extrinsecus in balneis  
pro utero. *Schrod.* Decoctum ejus in suffocatione uterina non minus utile est quam *Melissa*.  
Idem in scabie singulare experimentum est si manus ei imponantur. *C. Hofman.*

*Nepeta* odor selem murilegam repræsentat & plenisque omnibus ingratus est. \* *C. Hofman.* At  
nobis *Nepeta* majoris odor non ita ingratus videtur. Hanc herbam ex agris in hortos translatam  
à selem ore & toto immisso ad volutandum corpore conteri & penitus confici sæpius vidimus,  
ad id ut etiam locum in quo comminutam plantam triverint ostendat humus eorum corporibus  
compressa & lavigata: nec in alia quacunque planta ex agris in hortos translata simile quidquam  
hactenus observare potuimus. Omnes enim quas transtulimus à seilibus intactæ sunt, hæc unâ  
exceptæ, quæ semper nisi spinis contacta dicto modo corrumpatur, ut multoties experti sumus,  
idque diversis in locis. Si verò aliquandiu in horto defendatur donec coalescat & floreat, in  
posterum intacta manebit, sicut & ex quæ ex semine deciduo ortæ sunt plantæ: Adeo ut videan-  
tur seles languidam & marcescentem appetere, vegetam non curare. Hinc Anglicus ille  
rhythmus. *If you set it, the Cats will eat it: If you sow it, the Cats can't know it.*

\* *De Medi-  
cam. Officin.  
l. 2. c. 146.*

- \* 4. *Mentha cataria latifolia* C. B. *cataria altera* Ger. *Nepeta peregrina latifolia* Park. *Mentha*  
*Cattaria Hispanica*, olim mihi *Sideritis altissima*, flore subæruleo & albo J. B.

Multis rectis assurgit caulibus, quadratis, canaliculatis, fungosâ medullâ farctis, subinde inanibus,  
glabris, cubitos tres altis, & majoribus, multis alis concavis, in ramos sibi oppositos divisos. *Folia*  
*Mentastri* aut *Nepetæ* vulgaris, sed longiora, pollice latiora, glabra, supernè atrovirentia, infernè  
magis candicantia, rugosa, in ambitu serrata, odore gravi. Ex pediculis duobus flores verticillis  
crebris spicam quodammodo æmulantur, colore carneo, intrinseque punctis saturatè rubentibus gut-  
tati.

Semina bina aut terna, oblonga, ruffa. Summitates purpurascunt. Sapor foliorum ingratus.

- \* 5. *Mentha cataria angustifolia major* C. B. *M. Cattaria Hispanica angustioribus foliis* J. B. - *Ne-  
peta peregrina angustifolia* Park. *Mentha cattaria angustifolia* Ger. emac.

*Did.*  
Huic (describente *Dodonæo*) flores quàm vulgari copiosiores. ac colore è rubro diluto purpureo  
ad cæruleum inclinantes, exiguis notulis purpureis resperfi; *folia* colore minùs albicante, quibus à  
precedentibus differt.

*Mentha cattaria angustifolia minor* C. B. prod.

A tenuifolia *Hispanica Clus.* ad id in paucis differt, ut mihi planè persuadeam eandem esse. So-  
la differentia est in foliis, quæ huic acuminata sunt, in profundas crenas velut lacinias divisa, cum  
*Clus.* crenæ angustæ sint, leviterque crenata, totaque incana. Hanc *Parkinsonus* ad Tertiā seu *No-  
petam* suā minorem refert.

- \* 6. *Mentha cataria minor Alpina* C. B. prod. Park.

Hæc inquit caula est pedali, anguloso, rufescente & ramoso: foliis priore quadruplo minoribus,  
*Nepetæ* vulgari formâ respondentibus, quasi triangulis, subcanis, serratis: floribus pallidis, galericu-  
laris, velut in spica dispositis, & priori similibus.

In montosis circa Neapolin Italiæ provenit.

Miror cur *C. Bauhinus* tot *Nepetæ* species constitueret. Suspicio equidem ego ad duas tantum  
species reduci debere superscriptas omnes, exceptâ VII. seu *Mentastro* mont. 1. *Clus.*

*Nepetæ* medix *Park.* plantas in horto nostro è semine deciduo ortas, latitudine & angustia, ca-  
nitie, serraturis foliorum plurimum variare animadverti, ut diversas non immeritò posset suspicari  
species, ni ex eodem semine ortas novisset.

- \* 7. *Mentastrium montanum* 1. *Clusii* Ger. emac. *montanum* sive *Pannonicum* Park. *montanum folia  
coloris viridis* J. B. *Mentha montana verticillata* C. B.

*Clus.*  
Caulis aut amphiori assurgit caule, quadrangulo, medullâ pleno, multis nodis constante, ex  
quibus binis semper ex adverso oriuntur ramuli similiter quadranguli, circa quorum extremas partes  
oblongæ spicæ verticillatim compositis cæcibus constantes, in quibus flores *Menthæ* sylvestris, aut  
illius potius *Calaminthæ*, quam vulgò *Catariam* vocant, floribus similes, exalbidi, grati odoris.  
*Folia* *Mentastro* forè similia, sed magis ad *Cattariæ* folia accedentia, colore tamen minùs albicante  
quàm illa aut *Mentastri*, sed potius viridi, *Mentastri* odorem referentia acri & calefaciente sapore.  
*Radix* dura & lignosa ex lateribus propagines spargit.

*Mentha radice geniculata* C. B. *Mentastrium radice geniculata* Park. *Nepeta angustifolia odorata*.

C. B. prod.

Ex radice modicè crassa, geniculata, fibris distincta caula exurgit cubitalis, quadratus, tactu ali-  
quantum asper, quem folia oblonga, *Menthæ* spicæ similia, parique modo disposita, mollia, ni-  
grecantia, nonnihil rugosa, in ambitu serrata, ambiunt. Flores habet in spica oblonga galericula-  
tos,

tos, ut in *Mentha cataria*, dilute purpurascens: quibus vascula succedunt *semen* rotundum, quod tritum aromatici odoris est, (ut & tota planta odorata est) continentia.

8. *Menthastrum tuberosa radice* J. B. *tuberosa radice* Clusii Ger. *Menthastrum tuberosum* Clusii Park.  
*Mentha tuberosa radice* C. B.

Clus.

Cubiales habet *caules*, quadrangulos, rectos, frequentibus ut superior nodis cinctos, subterfusus: *folia* longiuscula, rugosa, in ambitu nonnihil serrata, superioris Mentastri i. e. Nepetæ nostræ foliis non dissimilia, magis tamen incana, non suavis odoris, amari & acris saporis. Summi rami cum extimo caule in molles canescentes exilium foliorum spicas desinunt, & inter ea verticillorum ritu compositi nascuntur *caliculi*, è quibus prodeunt *flosculi* candidi, Cattariæ florum æmuli. His marcidis succedit *semen* illi par, exile, nigrum. *Radix* crassa, succulenta, Raphano fere æqualis, foris aliquantulum fusca, in multos hinc inde ad latera quasi parvos adnascens napos exuberat, aliisque longiusculis fibris donata est, perennis, & plures singulis annis caules proferens; imò ipsi etiam napi à matre abrupti & terrâ obruti novas interdum plantas procreant.

Hæc semine accepto ex Hispaniis Clusio nata est.

## CAP. XI.

### De Betonica.

**B**etonica, aliis Vetonica. Vettonica ratione originis: Vettones enim five Vectones populos fuisse Hispaniæ constat. Vettones in Hispania invenerunt eam quæ Vettonica dicitur in Gallia. *Plin. lib. 25. cap. 8.*

Betonicæ notæ Characteristicæ sunt in spicas habitiores digesti; caules non ramosi, folia crenata.

A. 1. *Betonica* Ger. *purpurea* C. B. *vulgaris purpurea* J. B. *vulgarior flore purpureo* Park.  
*Wood: Betony.*

J. B.

*Caulibus* surgit numerosis; cubitalibus & altioribus, quadratis, ex longo intervallo nodosis: *Folia* alia ad caulium genicula gemina adversa, alia humi sparsa incondita, pediculis palmaribus circiter donata, per ambitum crenata, rugosa, alpera, hirsuta, sapore aromatico prædita. *Flora* in summis caulibus spicati, verticillatim dispositi: infra spicam ad aliquam distantiam unicus florum verticillus caulem ambit. Sunt autem flores purpurei, galeâ reflexâ subrotundâ, labello trifido demisso: è medio rictu stamina flori concoloria exseruntur. *Calix* quinquepartitus, brevis, hians. Verticilli densi sunt, nec plures in eodem pediculo flores, ut in *Calamintha* & *Nepeta* fit. *Radix* pollicem crassa, crebris longisque fibris capillata.

Duorum est generum, Autore Clusio, Una enim breviorum florum spicam habet & maturius florēt: Altera autem longiore, molliore & magis fusca est florum spicâ, illâque etiam satis flores suos explicat. Solet præterea hæc postrema in maiorem altitudinem excrecere quàm prior, licet eodem loco utraque sponte nascatur, vel eodem pulvino excolatur.

Betonica flore albo *Clus. J. B. C. B. Ger. Park.* cum vix alia in re à præcedente differat quàm florum colore, non est cur pro specie diversa proponatur.

2. *Betonica minima Alpina Helvetica.* Park.

Solâ partium omnium, [foliorum, caulium, florum,] parvitate à præcedente differt.

Ostensa est etiam nobis in Anglia sponte nascens Betonica species minor, quæ tamen an revera specie differat à vulgari dubito, an parvitatem suam loco natali debeat.

3. *Betonica major Danica* Park.

Differt à vulgari *foliis* duplo triplove maioribus, odore graviore & propemodum ferido: caule firmiore altioréque; florum etiam purpureorum spicis crassioribus & longioribus.

Hanc Londino acceptam Cantabrigiæ in hortulo nostro aliquot annos aluimus.

*Betonica folio Alopecuros quorundam* J. B. *Betonica folio capitato Alopecuri* C. B. i. e. *Alopecur montana* Lugd. *Betonica Alopecuros montana dista* Park.

Cum descriptio huius quæ habetur in historia Lugdunensi imperfecta sit, nullâ florum aut seminum mentione factâ, ad quod genus pertineat ignoramus. Facebat ergo in præsentiarum donec ab aliquo de ejus notis Characteristicis certiores facti fuerimus.

De hac planta singularem librum scripsit Antonius Musa Augusti Imperatoris medicus, unde in tanto pretio cepit esse, ut Italico proverbio diceretur. *Vende la Ionica & compra la Betonica.* Idem laudaturi aliquem plures dicunt habere virtutes quàm Betonica. *Tu hai piu virtù che non ha la Betonica.*

Quam.



Quamplurimæ autem huic herbæ virtutes attribuuntur quoquo modo sumptæ. Sic breviter Schro. *Vires.* dicit; Acris est & amara: Discutit, atten. aperit & abstergit. Inprimis cephalica est, epatica, splenetica, thoracica, uterina necnon & vulneraria, & demum diuretica. Hinc usu externo & interno creberrimè venit, præcipuè in morbis capitis.

Foliorum exsiccatum & concisum vel seorsim, vel cum Tabaco mixtorum & tubis inferetorum fumum ore haurire & reddere solent nonnulli in capitis affectibus. Quæ de Betonica Veteres habent apud ipsos vide.

Ceterum in hac herba id observandum radicem facultates longè dispares à foliorum & florum viribus, utpote quæ multum stomacho, orique ingrata, nauseam, rugitus, vomitumque cieant; folia è contra odora, aromatica, & grato sapore, nonnihil roborante, cibo & medicamento naturæ amica.

Pseudo-thea è Betonicæ, Scorodoniz & Chamæpityos foliis exsiccatis parata, edulcorata & calida pota in podagra, cephalalgia & nervorum affectibus admirandæ efficaciz medicamentum est.

*D. Boyle.* N. Plantarum omnium succi expressi, postquam aliquandiu steterint, & facibus subsidentibus clarescunt, aliqua ruboris tinctura perfusi apparent, alii dilutiore, saturatiore alii.

Ex omnibus quos expertus sum Betonicæ vulgaris dilutissimus est, & minimè coloratus. Habui à D. Sam. Fisher Sheffieldensi Medico.

Observavi multos Arthriticos curatos fuisse quotidiano usu Betonicæ [florum foliorumque] in iulculis, acetariis, potu & balneis, sed exquisitam observabant victus rationem, corpus per intervalla expurgabant & fonticulos aliquot gestabant. Fabric. Hildan. Cent. III. Obs. 32.

#### 4. Betonica frutescens Bontii.

*Bont.*

Maculas fert in foliis suis quales in Pulmonaria videmus: Flores tamen seu spicæ ejus eam de Betonicæ genere esse arguunt: colore sunt *flosculi*, qui mille ferè in una spica existunt, ex pallido cyanei, quales sunt flores Rorifmarini.

Pulmonibus hujus decoctum utile esse fertur, sputo sanguinis, phthisi, asthmatis, denique conducit ad id quod *Sakit hatii* Indi vocant, seu morbos cordis; Cordis autem nomine non tantum Cor ipsum, sed Hepar, Pulmonem, Lienem denique insignant.

Indæ porro mulieres succum hujus plantæ expressum ac viridem excellens Antidotum dicunt esse adversus morsus Serpentum, Scorpionum, Scolopendrarum & cæteros venenatos ictus.

## C A P. XII.

### De Prunella potiùs Brunella.

**B**runella vox originis est Germanicæ. Ita autem dicta est hæc herba, quod usus maximus ipsi usit in Caulo Ungarico, [ardore faucium ac gutturis] quem Germani *Die Braune* vocant. Spicis brevibus habitioribus cum Betonica convenit, parvitate sua & foliis circum oras æqualibus & non crenatis ab eadem differt. Quinetiam Betonica infra spicam ad aliquam distantiam unicum obinet florum verticillum, quod in Prunella non cernitur.

A. 1. *Prunella Ger. vulgaris* Park. *flore minore vulgaris* J. B. *Brunella major folio non dissecto* C. B. **Common Self-heal.**

*Eradix* parva, obliquè acta, fibris aliquot majusculis donata emergunt *caules* dodrantes aut etiam pedales & altiorem, quadrati, hirsuti, è geniculis inferioribus fibris demissis reptantes, ramosi. Folia ad intervalla pediculis longiusculis hærentia Majoræ sylv. aut Ocymi familia sed majora, hirsuta, denticulis in margine vix conspicuis incisæ. *Flores* in summis caulibus & ramulis verticillis dense stipatis in formam spicæ habitioris congesti, galeati, purpurei. Singulos autem filorum verticillos sex floribus compositos bina opposita excipiunt folia, iis quæ in caule longè dissimilia, triangula, lata basi caulem amplexa, in acutum mucronem desinentia, concava, membranacea, & omnino qualia in Sclarea vulgari cernuntur. Singula autem folia tres florum calices sinu suo complectuntur, hirsutos, in duas præcipuè lacinias divisos superiorem & inferiorem quorum inferior in duo segmenta acuta denuo finditur.

In pascuis ubique luxuriat. Aliquanto seriùs floret apud nos in Anglia, rarè antè medium Junii. *Locus.* um. Floris colore variat albo & carneo.

2. *Prunella flore albo parvo, folio laciniato* J. B. *Brunella folio laciniato* C. B. *Prunella Lobelii* Ger? *Symphytum petraeum Lobelii?* **Lacinated Self-heal with a small white flower.**

*J. B.*

Folia huic multa è radice fibrosa ex longis pediculis, quædam palmaria, oblonga, uncia digiti angustiora, pilosa; ultra medium caulis pedalis duo magnis lacinias dissecta, cornu cervinum representantia, itemque alia duo juxta florum caput, unciam & semis longum, latum unam, paucioribus lacinias prædita. Flores inter squamas continentur hiantes, albi, & nonnunquam rubelli, mediocriter eminentes. Gaudere herbosis & gramineis locis, itemque aliis quæ à fluminibus nonnunquam inundantur aut est Clusius. Floret maturiùs Prunella flore magno nempe Maio, tamen etiam Junio.

*Locus.*

3. *Prunella*

3. *Prunella flore magno, folio non laciniato* J. B. *Brunella caerulea magno flore* C. B. *Prunella magna flore purpureo & alia albo* Park. *Prunella flore albo* Ger. *Great flower'd heal*.

Differt à prima seu vulgari capitulis crassioribus; floribus formâ quidem similibus sed longe majoribus, nec ingrati odoris, ventre laxiore, galéâque saturatius plerunque purpurascens, quam color ejus interdum variet. Radicem habet nigram, multis crassiusculis & candicantibus fibris præditam, novisque propaginibus sese singulis annis augmentem.

Locus.

In editioribus & gramineis locis circa Moguntiam, Genevam & alibi hanc observavimus.

\* 4. *Prunella flore magno purpureo, folio laciniato* J. B.

J. B.

Caulis est palmari hirsuto. Folia inferiora quidem unciali pediculo nituntur, superiora pro portione minora, tandem etiam nulla, unciam & sese unciam longa, subhirsuta, in adversas lacina dissecta. Flores inter spicæ uncialis squamata folia subrubentia emicant magni, tres uncie quadrantes æquant, hiato patulo, stamina emittentes, purpurascens.

Locus.

Montbelgardi & alibi observavit J. Bauhinus.

*Prunella flore magna albo, folio laciniato* J. B. *minor alba laciniata* C. B.

Tota planta vix quatuor digitos excedit, foliis superioribus admodum dissectis, hirsutis, flore magno albo, alioqui vulgari similis.

Pro superioris varietate accidentali hanc habet.

5. *Prunella angustifolia* J. B. *hyssopifolia* C. B. *An Alpina glabro folio, angusto integro* Morif. prælud?

A vulgarissima *Prunella* differt foliis sextantalibus aut etiam quadrantalibus & longioribus, angustis, *Hyssopi* ferè similibus, satis asperis & rigidis; in aliis, quantum observavimus, cum ea convenit.

Locus.

Circa Monspelium frequens habetur.

Parum admodum ab hac differre videtur *Prunella Alpina glabro folio angusto integro* Hort. Blæs. nisi fortè foliorum glabritie.

\* 6. *Brunella Batica annua foliis laciniatis* Morif. prælud.

Morif.

Folia inferiora profert sinuata, per terram strata: Caulescente planta folia edit laciniata, è regione disposita. Summis caulibus innascuntur verticillatim ampliores flores, cœrulei, qui exhorati relinquunt spicatum seu densissimè dispositas capsulas, verticillatas, quinqueariam in margine pariter.

Vires.

*Prunella* facultatibus cum *Bugula* convenit. Abstergit & consolidat. Usus præcip. in vulneribus, imprimis pulmonum, in sanguine coagulato. Quod grumos sanguinis dissolvat non credit C. Hofmannus. Qui enim hoc facere potest cum adstringat & siccet? at neque viscerum obstructions aperire, concedit, quod Dodonæus asserit, ob eandem rationem.

Extrinsicus in vulneribus & cereberrimè in angina aliisque affectibus oris & faucium usurpatur; ardorem eorum extinguendo, quem Germani *die Breume* vocant, si ex illius decocto aut aqua destillata colluantur & gargarizentur; unde nomen *Brunellæ* adepta est. Valet & in recentibus vulneribus, & in putridis ulceribus sedis & pudendorum.

Observavi rusticum quendam *Prunellam* & *Veronicam* vino incoquere, eoque mictum sanguinem diuturnum perferare, qui antea curari non poterat. Solenander Consil. Med. 27.

Mirum dictum est quàm egregiè causæ & hæcticis febribus *Prunella* vel cruda, vel cocta prosit. S. Paul.

### CAP. XIII.

#### De Sideritide spicata.

**H**erbas sequentes cum Botanicis Sideritides vocamus, verum quia flores spicatos obtinent à reliquis ejusdem nominis segregamus.

1. *Sideritis Alpina Hyssopifolia* Ger. emac. C. B. *montana Hyssopifolia* Park. *Sid. Valerianæ Douras brevis spica* J. B.

J. B.

Minimum digitum crassitudine ferè æquat radix lignosa, non sine adnatis fibris [palescentis fusco infecti coloris *Clus.* aliquot annos durans, frigorisque patiens, pulla, amaricante gustu. *Lab.*]

quæ



gas ex se innumeras promit virgas, lignescentes, dodrantes, oppositis ramis paulò supra radicem brachiatis, per quas folia ad juncturas bina, oblonga, angusta, per extremum nonnihil serrata. Desinunt autem singuli ramuli in spicas Betonicæ vel Phalaridis spicarum æmulas, unciam aut seunciam, ferè longas, pulchris calicibus in quinos aculeos desinentibus majoribus quàm vel Fuchsiæ vel Monspeliæ Sideritidis, minùsque hirsutis, densè stipatis, adjacentibus foliis barbatis ac pæne spinosis. Flores Clusio nonnihil pallefcientes.

In monte Jura circa verticem Thuiri invenimus.

Locus.

2. *Sideritis Monspelliana* J.B. *Scordioides* Ger. *Monspeliensis Lobelii* Park? foliis hirsutis, profundè crenatis C. B.

J. B.

Radix huic subest crassiuscula, lignosa, raris fibris donata: Caules à radice mox plures, subinde ramosi dodrantes, valde hirsuti, albicantes: folia breviora, rotundiora, magisque hirsuta quàm Sideritidis vulgaris, serrata, amara: flores verticillati, formà quidem ac magnitudine similes, sed coloris ex luteo albescentis; odore est gravi. Amaricante exsiccatèque gustu præditi sunt flosculi (inquit Lobelius) ac nonnihil aromatici, suavisque halant quod Chamædryn aut Betonicam referat. Monspeli prope patibulum copiosè provenit, & alibi aux Guarigues.

Locus.

Floris in spicas longas & laxas, è verticillis non arctè stipatis compositas, digesti sunt. Singulis autem verticillis subsumt duo lata, circumferentiâ subrotundâ spinulis armata foliola, sinubus suis flores complexa.

## C A P. XIV.

De Verticillatis non spicatis floribus ad caulium nodos foliis intermixtis.

### De Acino.

**A** Cinos, *ἄκινος*, quia *ἀκύνει*, i.e. *ἵσκει καὶ δύνει* & *ἐμύλων* *πυρρός*, alvum mensèsq; sistit, Dioscoridis sententiâ. Lobelius per *υ* scribendum esse *ἄκυνον* contendit, ut sit ab *α* privativa & *κύνω* sum prægnans, quod sterilem infœcundamque plantam signat: nam Theophrastus & Plinius nullum in eo florem aut semen agnoscunt, fortè quia obscurius & seriùs flores promit, qui frigore superveniente sæpiùs corrumpuntur.

Acinos autem foliis est Serpylli aut Ocimi minoris, floribus in verticillis ad caulium nodos foliis intermixtis, calyculis oblongis, striatis, collo angusto, ventre turgidiore, quo cum Verticillatis fructicosis conveniunt.

A. 1. *Acinos multis* J. B. *Ocimum Sylvestre* Ger. *Clinopodium minus* sive *vulgare* Park. *arvense* Ocymi facie C. B. *Wild Basil*.

Radice nititur simplice, tenui, paucis fibris donatâ. Caules palmares, hirsuti, rubentes, quadrati, ramosi quamvis prope terram rotundi videantur, cum reclinantur fibras in terram demittunt. Folia contrariis inter se pediculis ad singula genicula bina, serpylli familia sed majora, [Alii Ocymi minoris foliis comparant] leviusculis per ambitum crenis incisa, supernè viridia, infernè albida, nervis conspicuis prædita, pediculis brevibus infidentia. Flores in summitatibus caulis & ramulorum verticillatim dispositi, è calice oblongo striato, collo angustiore, ventre turgidiore, purpurascens, galeati, labello trifido, galeâ nonnihil reflexâ: in medio labello macula alba, intraque eam lûcula purpurascens. Semina ut in hujus generis reliquis.

In montosis cretaceis, aridis & glareosis locis sponte oritur. Mense Junio floret. Variat autem Locus.

Sæpiùs floris colore albo.

Acinos Anglicum Clus. nobis nihil aliud esse videtur quàm hujus varietas foliis ludens non crenatis.

Hæc planta mulierculis botanopolis Londinensibus Polium montanum superiore sæculo dici solita est, quo nomine ad nos olim Londino missa fuit.

2. *Acini pulchra species* J. B. *Clinopodium montanum* C. B. *Austriacum* Clus. Park. Ger. emac.

Clus.

Dodrantalibus est caulienlis, tenuibus, quadratis, duris geniculatis: Foliis non admodum vulgaris Acini foliis abfimilibus, acuminatis, crenatis, viridibus, non injucundi odoris, saporis autem aliquantulum acris. Flores summis cauliculis ad singula genicula profert Clinopodiò vulgari non dissimiles, duplo triplove majores, binos ternosve simul è foliorum sinubus, purpureo saturo colore præditos (tamen nonnunquam inveniuntur albi) antrosum maxima ex parte propendentes & converfos: quibus succedunt vascula qualia in dicto Clinopodio, ventricosa: in quibus semina nigra, Calaminthæ aut vulgaris Clinopodiî seminibus æqualia. Numerosas habet radices, duras, & multis fibris capillatæ.

In ascensu montis Jura copiosè spontaneum observavimus. Crescit etiam, Clusio teste, in montibus Badensibus thermis imminuentibus, & exteris vicinis ad Danubium procurentibus, &c. Floret Maio; Semen Junio maturum.

Clino-

*Clinopodium Alpinum* *Pona* in paucis à præcedente differt, v. g. hirsutie foliorum, & florum colore intensiore: quocirca nobis non placuit in præsentiarum specie distinctum facere.

- 3. *Acinos latifolia* C. B. *latifolia Columnæ* Park. *Ocimum garyophyllatum* Monachorum sive *Acinos Columnæ* J. B. *Acinos odoratissimum* Ger. emac.

*Folia* huic *Melissæ*, longiora tamen, nonnihil serrata: *Caulis* sesquicubitalis, aliquando altior, quadratus, pilosus, non hispidus tamen, ramosus, colore viridis, ut foliorum, quæ pilosa & plana ex petiolis longis; inter folia & alia folia spatium trium digitorum vel circiter. *Flos* ei & spica seminis ut aliis *Ocimis*: quælibet spica habet quosdam alios veluti adnatos spicarum ramulos. *Semen* ejus aliis minutius est & rotundius, subruffum, nigricans. Tota planta præter radicem habet odorem & saporem acutissimum *Garyophyllorum*: *Folia* linguam vellicant ut *Caryophyllus*. Quò senior planta eò odoratiora & acutiora folia.

Descriptio est *Monachorum* qui in *Mesuem* commentati sunt, à J. Bauhino allata. Meliorem, puto, & plenior descriptionem habet *Columna* in *Phytobasano*; verum liber ille ad manum non est.

Vires.

De viribus *Acini* nihil certi occurrit, nè insigni aliquâ facultate dotatum esse odor sapore arguunt. Autore *Schwenckfeldio* calf. & sicc. aperit, provocat, discutit, roborat: Tenuium est partium, menses & partus pellit. Ex vino potum melancholicos restituit.

- 4. *Clinopodium Creticum* Alpin. extot.

Alpin.

Sex septemve, aut pluribus aut paucioribus *cauliculis* dodrantalibus exit, rectis, rotundis, gracilibus: *foliis* *Serpylli*, & magnitudine, & figura, & ordine similibus, minimisque spatiis binis ex opposito ipsos *cauliculos* dense vestientibus. Inter foliola verò & caulem exeunt bini aut terni *secales*, vinacei coloris, à quibus semina minutissima fiunt. Tota planta odorem spirat *Serpylli*, sed suaviorem, gustum excalefaciens. *Radix* est longa, gracilis, lignosa, sine odore & sapore.

Hæc planta, si odorem excipias, persimilis est *Acino* *Anglico* *Clus.* aut *Acini* pulchræ speciei *J. B.*

## C A P. XV.

De *Stachy.*

*Στάχης*, id est, spica Græcis: ita dicta videtur quod flores in spicas dispositos profert: quod tamen plantæ hoc nomine insignitæ non convenit.

Differt à *Marrubio*, cum quo verticillis densis & capitie sua convenit, magnitudine & statura: est enim elatior & erectior, foliis longioribus & acutioribus: primam speciem intellige, nam reliquæ ob analogiam & similitudinem quandam huc referuntur.

Plantam hanc *Verticillatis* non spiratis annueramus, non obstante nominis significatione, quia nec verticilli proximè admoti sunt, nec folia iis supposita diversæ à reliquis figuræ.

- A. 1. *Stachys Fuchsii* J. B. Ger. major Germanica C. B. Park. Base *Bozehound.*

*J. B.*

Redivivam *Stachydis* radicem numerosæ fibræ ubertim circumquaque productæ coronant: caules autem promit plures, (sæpe unicum) cubitum altos aut paulo proceriores, quadratos, lanugine incana villosos, fungosâ medullâ farctos: è quorum geniculis folia ex adverso sita prodeunt, *Marrubii* foliis longiora, lanuginosa, mollicella, per ambitum serrata, sapore extra omnem morum siccante. Flores è foliorum alis verticillatim ex longa veluti spica caules summos ambiunt, foris hirsuti, intus glabri, purpurascens, ad *Lamii* flores proximè accedentes, labello trifido subinde guttato, galeâ item saturatiore dilutiorèque purpura varicolore, ex caliculis oblongis villosis. Semen rotundum & nigricans. Odor totius plantæ gravis.

Locus.

Locis asperis, montibus & collibus provenit. In *Anglia* etiam invenitur circa *Witney* vicum in comitatu *Oxonienfi*. Junio & Julio mensibus floret, & in montosis etiam seriùs.

- 2. *Stachys* Ger. minor Italica C. B. *Stachys Dioscoridis* Park.

Park.

E radice lignosa, perenni plura exeunt folia viridia, lanuginosa, humi strata, tres circiter uncias longa, duas lata, vel non omnino, vel leviter tantum serrato ambitu, per hyemem virorem retinentia, è quorum medio caules exurgunt plures [interdum unus] foliis consimilibus, minoribus tamen vestiti. Flores caules à medio sursum ad genicula verticillatim ambiunt, purpurascens, è calyculis quàm *Marrubio* mollioribus, quibus succedunt semina nigra. Caules ascensim verticillis propriis admotis attenuati in spicam fastigiantur. Minus odora est, succoque aqueo turget.

Locus.

In *Italia* frequentem sponte provenire aiunt: Nobis tamen in *Italia* peregrinantibus, & plantas sedulo indagantibus nunquam occurrit.

Flors





nota ab aliis Verticillatis differt, nimirum quòd calyculorum striatorum margines non ut in aliis in quinque segmenta acuta dividantur, sed in totidem spinulas quot sunt in singulis striis, stellæ radorum instar dispositas.

A. 1. *Marrubium album* J. B. Ger. *album vulgare* C. B. Park. **White Dogehound.**

*Radice* nititur simplici, lignosa, plurimas fibras emittente. *Caules* indè exurgunt plures, pedales & altiores, lanuginosi, quadrati, ramosi, foliis vestiti ad singula genicula ex adverso binis, subrotundis incanis circum oras crenatis, rugosis, pediculis satis longis suffultis. *Flores* ad genicula in verticillos densos coacti caules ambiunt, brevibus aut nullis pediculis, è calicibus hirsutis striatis quorum singulæ striæ in spinulas terminantur, ipsi perexigui, albentes, parte illa quæ pro *galea* est in medio aliquousq; fissâ in duo veluti cornua: *Labellum* integrum est processu hinc indè emissio. Singulis floribus ut in reliquis omnibus verticillatis, succedunt *semina* quatuor simul juncta. Florum verticilli quamvis caules undiq; amplecti videantur, egrediuntur tamen è foliorum alis. *Caules* altitudinem pedalem aut cubitalem raro excedunt.

Odor totius plantæ vehemens & nonnihil gravis.

Ad vias publicas & in locis ruderatis.

Locus.  
Vires.

Succus expressus cum melle (ut præscribit Dioscorides) aut potius syrupus de Præfio Asthmaticis, tussientibus & tabidis opitulatur: est enim pneumonicum insigne. Pulvis foliorum interaneorum vermes necat. Valere dicitur & in partu difficili, lochiisq; retentis.

Syrupus de Præfio Mesues, annotante C. Hofm. valde calidus est, & qui senibus potius quam juvenibus, frigidis quàm calidis adhibendus sit.

& Syrupi de Præfio ʒij, olei Tartari per deliquium ʒi, misce. Sumat æger per intervalla frequentia ad mensuram unius cochlearis. Medicamentum est ad icterum nulli secundum.

Marrubium vesicæ & renibus nocere scribit Dioscorides; quos frequenter usu emulcerat. C. Hofman.

Veteres in ictero Marrubio pro errhino usi sunt, ad bilem per nares expurgandum, quæ oculos sæpe contumacissimè occupat.

Innumeris comprobavi experimentis Marrubii albi summitates, vino albo infusas, & triduo epotas, mirè ad menstrua provocanda, [nec menses tantum accelerat, sed remorantes secundinas quoq; præcipitat. S. Paulus] stomachum roborandum, cachexiam & fædos virginum colores arcendos valere, & fortius cum Chamædrye & Centaurio minore mixtas. Borell. Observ. Med. p. 189.

Conserv. florum Marrubii cum melle parata & per 40 dies exhibita in dos. ʒj nobilem quandam scirrhus hepatis diu laborantem integræ sanitati restituit, aliis medicamentis ex ebano & chalybeatis paratis frustra illi propinatis. S. Pauli Quadripartit. Botan. p. 389. Habuit Sim. Paulus è Zacuti lib. 2. Prax. admir. Observ. 48. Superbibeat autem nobilis iste singulis matutinis parum aque stillicitæ ejusdem Marrubii cum radice: ut invenio in observationibus è Chesnean collectis & ad me transmissis ab ingeniosissimo & amicissimo Viro D. Edw. Hulse Medico Londinensi.

2. *Marrubium album latifolium peregrinum* C. B. *candidum folio subrotundo* J. B. *candidum* Ger. *Hispanicum candidum* Park.

J. B.

*Caules*, quos ex radice vulgari Marrubio simili complures profert, cubitales & bicubitales sunt, quadrati, lanugine incana obrecti, multis alis concavi: ad quorum singulos articulos folia oriuntur mollicello holoserici tactu, villosa, intensiusque quàm in vulgari canescentia, latiusculo pediculo appensa, in ambitu ferrata, longiora quàm latiora, obtusa, odore nullo eccellente, sapore calidiusculo, non tamen ingrato. *Flores* ad genicula verticillatim caulem amplexantur, Marrubii vulgaris, ex oblongis, incanis, mollicellis *calyculis*.

Locus.

Circa Messanam Siciliæ spontaneam observavimus & collegimus.

3. *Marrubium alterum Pannonicum* Clusii.

A descripto diversum videtur, siquidem *caules* duntaxat cubitales ei attribuit: folia legitimo Marrubio angustiora, nec adeò orbiculata, sensim in mucronem desinentia, non injuncti odoris. Erat autem Marrubium illud, quod circa Viennam Austriæ frequens observavimus, ubi suum vulgare esse scribit Clusius, foliis angustioribus & acuminatis, Melissæ Moldavicz foliis non multum dissimilibus, quod ad figuram attinet, candidioribus tamen & magis incanis. Non video quid differat à sequente.

4. *Marrubium album angustifolium peregrinum* C. B. *Creticum* Ger. Park. *album angustiore folio* J. B. **Narrow-leaved Candy Dogehound.**

J. B.

Candidius nostrate Marrubio; caulibus ramisque quadratis, tenuibus: *Folia* impensè candida, oblonga, ferrata, nervosa, sed nervis plerisq; rectè secundum longitudinem decurrentibus. *Flores* in ramis subjectis binis parvis foliis, verticillatim positi, interdum & in spicæ formam digesti, parvi, candidi, bifido foliolo surrecto, labello demisso è candidis, striatis *calyculis*. Odore est quàm vulgare Marrubium gratiore.

\* 5. *Marrubium*



• 5. *Marrubium Brasilianum* Marggr.

Marggr.

Planta hæc in duorum aut trium pedum altitudinem assurgit, caule striato, nodoso, leniter hirsuto: ad singulos nodos ramuli tres aut quatuor proveniunt, ut & folia, quorum antiquiora similia sunt Marrubii Pannonici Clus. foliis, in ramulis autem junioribus Marrubii vulgaris. Fert flosculos verticillatim positos, cœruleos tribus foliis constantes. Tota planta suavissimum odorem Marrubii spirat, & ad tactum est glutinosa.

• 6. *Marrubium album villosum* C. B. Park. *Fair white Dogehound.*

C. B. prod.

Cauliculos edit pedales, lignosos, rotundos, albos, villosos, in ramulos divisos. Folia sunt subrotunda parva, crassa, per ambitum crenata, ob tomentum album inferius adpositum Gnaphalii instar mollia, superius rugosa & nigricantia. Flosculi ut in vulgari caulem verticillatim ambiunt. In agris Lutetianis collegit C. Bauhinus. D. Magnol in insula Magalona invenit.

Locum.

• 7. *Marrubium album crispum* C. B. Park. *Curl'd white Dogehound.*

C. B. prod.

Ex hoc cauliculis est lignosis, rotundis, albis, sed foliis minoribus, crispis, crenatis, utraq; parte cineris, nec ita tomentosis. Flosculi subcandidi in pungentibus conceptaculis caulem per intervalla verticillatim ambiunt.

Ad Alysson Galeni Clusio dictum accedit.

• 8. *Marrubium ex Aleppo verticillis longis pediculis insidentibus* Hort. Edinburg.

Cum mihi nondum inspecta sit hæc planta non habeo quod de ea dicam, sed nudo titulo contentus sum oportet.

*Marrubium Alysson dictum.*

9. *Alysson verticillatum foliis profunde incis* C. B. *Alyssum Galeni* Ger. *Alyf. Galeni Clusio* Park. *Galen's Ἀλυσσῶν.*

Clus.

Pedali est altitudine, quadrangulo caule, statim à radice in multos ramos diviso, canescentes omnino & velut tomento obductos, circa quos folia Marrubio similia, breviora tamen magisque crispa & incana, inodora, amara. Calices per intervalla verticillatim ramos ambiunt, quinque, plerumq; aculeis horridi, candidi, è quibus Marrubii flos exilit, sed colore diversus, nempe purpurascens. Semen in calicibus aculeatis subruffum, Marrubiano semini par. Radix dura, multifida, aquua.

Uno duntaxat Hispaniæ loco hanc plantam nascentem observavit Clusius, ad Elda viz. pagum, in cœmeterio quo plurima cenotaphia Arabicis literis sculpta videre licet, Valentino regno, septima sub Orniela (Orceli Veteribus dicta) mill. five leucis Hispanicis, eamq; florentem & semine onustam mense Martio medio.

Locum.

• 10. *Alysson verticillatum foliis crenatis* C. B. Park. *Sideritis Alysson & Sideritis Heraclea Dioscoridis, Alysson Antonii Coi ex Galeno* Col.

E radice tenui, lignosa fibris aliquot donata caules exeunt plures, pedales aut altiores terram versus reclinati, foliis ad intervalla vestiti, quorum infima amplissima, Marrubii nonnihil similia, sed longiora, Chamædryos proxima, verum hirsuta hirsutæ aspera, circa margines non profundè dentata, ad modum Betonica. Ad caulium nodos, quos ornant folia inferioribus sensim minora folia emergunt ex albo purpurascens in verticillos Marrubii æmulus & gestis, è calyculis aculeatis semine fusca continentibus.

Tota herba gustu est adstringenti, non tamen injucundo, cum tantillo amarore, & odoris suavitate. In collibus petrosis agri Neapolitani ad semitas.

Locum.

*Marrubium Pseudo-dictamnus dictum.*

11. *Pseudo-dictamnus* Ger. Park. *Pseud. verticillatus, inodorus* C. B. *Dictamnus adulterinum quibusdam verticillatum, vel potius Gnaphalium veterum* J. B.

Ces.

Quædam ex Creta ad nos allata est pro-Pseudo-dictamno: cæpes amplus, virgis numerosioribus, altioribus & candidioribus Marrubio [sesquipedales in horto suo observavit Parkinsonus, vix tamen credo, Marrubianis altiores] foliis rotundioribus, minoribus, similibus Dictamno Cretensi, obfatis candidiori lanugine, gustu subamaro, odore exili non injucundo. Verticillos inter folia fert molles, in quibus flosculi sunt purpurascens. [Radix dura, lignosa, altè in terram descendit, & per

B b b 3

per

per plures annos vivit, etiam in hortis nostris nisi hyems asperior aut diuturnior fuerit. Folia huic minus crassa quam Dictamno vero, & per longiora intervalla in caulibus disposita.]

12. *Pseudo-dictamnus alter Theophrasti Pona Park. Pseud. acetabulis Moluccæ C. B.*

*Caulibus* multis incanis, quadratis ad pedalem aut majorem altitudinem assurgit, *foliis* precedente aliquanto majoribus & longioribus, e quorum alis prope caulium fastigia exeunt calices hirsuti Moluccæ similes sed minores & breviores, e quibus emicant *flores* coloris ex albo & rubro mixti. *Radicis* fibras plurimas spargit. Odor hujus non insuavis. Hyemem æquæ ac præcedens tolerat.

Hanc ipsam plantam aut certè ei simillimam in hortulo nostro Cantabrigiæ aliquando aluimus, foliis Pseudo-dictamno formâ quidem similibus sed majoribus, mollioribus magisque villosis, minus tamen incanis. Florum calices ampli & patuli erant, verum Moluccæ acetabulis multo minores, hirsuti quoque & striati.

Hanc etiam invenit D. Wheeler in insula Cithara olim, nunc Cérigo dicta, & satis exactè describit in rer. lib. 1. pag. 49.

13. *Marrubium Hispanicum Alpin. exot.*

*Alpin.*

Herba est fruticosa, tota candida, cum leni lanugine alba. *Caulis* aliquot profert, quadratos, cubitales & ampliores, oblique ætos. *Folia* habet oblonga, alba, lata, in acutum desinentia, duplo majora Cretici Marrubii, & ex opposito in caulibus aequalibus interstitiis posita, candida, subuluta. *Flores* aequalibus spatii itidem in caulibus & ramulis cernuntur, verticillato ambitu, candidi; à quibus *semina* parva producuntur, tenuia, oblonga, sapore subamaro, subacri. Tota planta nititur *radicibus* tenuibus, longis, lignosis, multis: facultate adstrictoria & non instrenue succante prædita est.

Differre videtur ab Hispanico candido Park. id est, albo latifolio peregrino C. B.

14. *Marrubium Creticum angustifolium inodorum Park. album peregrinum brevibus & obtusis foliis C. B.*

Huic plantæ similem alui olim Cantabrigiæ ex semine pro Pseudo-dictamno misso ortam; eam intelligo cujus mentionem feci sub duodecima specie, quæ fortè non differt à Mar. Hispanico candido Park.

15. *Marrubium nigrum Creticum Alpin. exot.*

*Alpin.*

E *radicibus* multis Primulæ similibus *folia* complura profert, oblonga, in extremis acuta, parvis suis pediculis sursum in orbem acta, nigra & nigra lanugine obsita, Marrubii albi foliis majora, longiora & latiora, magnitudine & figurâ ad Apiastrum fere folia accedentia. E quibus sanè duos vel plures *caules* producit, longos, rectos, quadrangulos, nigros, per intervalla geniculatos; in quibus e singulis geniculis exeunt circum ipsos ex opposito *folia* complura, numero fere septena, ac plura etiam, oblonga, prioribus similia sed longe minora, multum nigricantia, quæ circa ramum velut in orbem aguntur. In caulium summitatibus *flores* utrinque virgas ambiunt, non dissimiles Marrubii floribus, itidem nigricantes. Tota planta colore nigricat, ut de industria ab aliquo videantur colore infecta.

Hæc planta, si ab Alpino rectè describatur, non est genuina Marrubii species, sed anomala.

C A P. XVII.

De Clinopodio.

**K**linopodium dicitur quod ex duobus ac alio modo dicitur, quod orbiculato florum ambitu speciem pedum lecti præbeat, Floribus ex intervallis Marrubii modo dispositis. Plin. Foliis est Majoranæ sylvestris, florum tubis quam in Marrubio longioribus, calycibus in quinque spinulas terminatis.

*Clinopodium majus Park. quorundam, Origani facie J. B. Origano simile C. B. Acinos Ger. Great wild Basil.*

*Radicem* oblique sub terra agit, fibris obiter denissis. *Caulis* cubito altiores sunt, tenuis, quadrati, hirsuti. *Folia* Majoranæ sylvestris, minus odora, ad nodos opposita, utrinque hirsuta. *Flores* in verticillis magnis dense stipati, oblongi, galeati, purpurei, e calicibus gracilibus, oblongis, striatis, in quinque spinulas desinentibus, tribus superne, duabus inferne oppositis. Florum autem calices non insident singulis pediculis singuli, sed plures simul in eodem communi pediculo. *Semina* singulis quatuor succedunt parva, subrusta.

Ad sapes & in vepretis passim.

Locus.



## CAP. XVIII.

## De Lamio.

**L**amium dictum nonnullis putatur à florum cucullata effigie larvatam lamiam quodammodo representante.

Floribus in verticillis ad caulium nodos, foliis Urticæ, odore foetido, seminibus majusculis, è vasculis brevibus patulis maturitate illico decidentibus, à reliquis verticillatis distinguitur.

A. 1. *Lamium album* Ger. *vulgare album sive Archangelica flore albo* Park. *album non fæctens folio oblongo* C. B. *Galeopsis sive Urtica iners floribus albis* J. B. **White Archangel** or **Dead Nettle**.

Radicibus plurimis fibrosis nectitur; plurimis etiam furculis, obliquè Menthæ ferè in modum sub terra reptantibus, & è nodis subinde radices agentibus, latè se propagat. *Caules* indè exurgunt pedales aut cubitales, quadrati, grandiusculi, propè terram tamen graciliores & infirmiores, unde etiam se sustentant; *inanes*, modicè hirsuti, ramosi, geniculis rarioribus intercepti, propè terram in apricis purpurascetes. *Folia* ex adverso bina, urticæ simillima, quæ in imis caulibus sunt longis pediculis nituntur, quæ in summis brevioribus, brevi & innocua lanugine hirsuta. *Flores* ad genicula verticillatim *caules ambiunt* albi, satis ampli, galeati, exterius pallidi potius quàm nivei, labello pallido, non punctato, bifido, galea amplà exterius, præcipuè ad margines pilosâ, quatuor intus *staminibus*, duo longiora breviora totidem occultante. *Staminum apices* marginibus circumcirca nigris formam characteris 8 quodammodo representant. *Stylus* prætermis bifidus staminibus adjacet, & ex ipso flore enascitur, non, ut in aliis hujus generis fieri solet, è staminum medio. *Calix* floris idemque vasculum seminale amplius, patulus, striatus, sessilis, in quinque oblonga angusta segmenta dividitur, quæ in tenues & acutas sed innoxias spinulas desinunt. In imo calice quatuor *semina* simul puncta singulis flosculis succedunt. Calices florum singulatim è foliorum alis exeunt. Odor huic plantæ minus gravis.

Aprili mense & ineunte Maio apud nos floret. Ad sèpes inque locis ruderatis & dumetis.

Recentiores flores Lamii candidos fluorem muliebrem albidum sistere posse existimant; unde nonnulli ad eum usum parant ex ii; Conservam, singulis diebus sumendam.

Tempus &  
Locus.  
Vires.

2. *Galeopsis sive Urtica iners flore purpurascente majore, folio non maculato* J. B. *Lamium folio oblongo flore rubro* Park.

Apocentem non alia ferè in re differt quàm floris colore purpureo: unde C. Bauhinus non distinguit. J. Bauhinus descriptione suâ notas nonnullas addit à nobis omittas, caules sci. purpureos esse, foliis atro-virentia atròve purpurea, (quæ tamen huic speciei propriæ sunt) genicula caulium inferius crebriora, medio caule internodia longiora; ad radicem folia subrotunda ad Marrubium foetidum accedentia: galeam bifidam, labellum punctis carnis & sanguineis notatum.

In transmarinis frequentem observavimus.

Locus.

*Galeopsis lutea Dalechampii* Lugd.

Hujus aut superioris varietas esse videtur, non species distincta.

A. 3. *Lamium rubrum* Ger. *vulgare folio subrotundo, flore rubro* Park. *purpureum foetidum folio subrotundo, sive Galeopsis* Dioscoridis C. B. *Galeopsis sive Urtica iners folio & flore minore* J. B. **Small dead Nettle** or **red Archangel**.

E radice tenui fibrosa non repente plures erigit *caules* quadratos, concavos, propemodum glabros, satis grandes, propè terram ramosos, deinde uno vel altero foliorum pari cinctos, tum ad summam ferè nudos, semipedales, infirmos. In summis caulibus *flores* in verticillis densis stipati, galeati, parvi, purpurei, labello saturatioribus maculis guttato. Calices florum breves, patuli, striati, sessiles in quinque longas angustas lacinias ceu spinulas divisi, quatuor in imo *semina* continent, oblonga, angulosa, per maturitatem fusca & splendentia. *Folia* urticarum æmula sed minora & breviora, mollia, circum oras crenata, pediculis semuncialibus insident. Odor totius plantæ foetidus & ingratus.

Primo vere & deinceps per totam æstatem floret.

Ad sèpes & macerias, inque locis ruderatis & hortorum arcis minus exultis nimis frequens.

Locus.  
Vires.

Herba tusa & imposita valere creditur ad tumores quoscunque discutiendos, necnon ad inflammationes, plagas, ulcera putrida & vulnera.

Ad Scrophulas. Ad Herbæ recentis [Lamii albi] M. i. Calefiat inter duos lateres calidos, & tumori applicetur. Eam noctis unius spatium plurimum aperit. Aperto adhibe mixturam sequentem. R. Onopordii cochlearia VI. Butyri Maialis instar Juglandis; misce & impone lanæ nigræ oleo è pedibus bobulis madefactæ. Intus interim propinetur aqua florum genistæ manè & hora quarta pomeridiana singulis diebus. D. Hulse è MS. nondum edito. Decoctum Lamii rubri ad dysenteriam commendatur.

4. *Lamium albā lineā notatum* C. B. *Lamium Plinii montanum* Columnæ Park. *Galeopsis maculata* J. B. *Milzadella* vulgo.

*f. B.*

*Caules* multos fundit, quadratos, procumbentes, rubescentes, in quibus *folia* *Urticæ* hirsuta, molliora, *Lamio* vulgari albo flore similia aut *Ballotæ*, sed minora duplo, serrata rotundis incisuris, lineam albam per medium, atque rectum nervum utrinque ambientem habentia, quæ lineæ in fissis plantis etiam post decennium durat conspicua: trita gravem odorem remittunt, minus quam in vulgari mortua *urtica* ingratum. *Flores* circa summa genicula ex albo rubentes. Vere flores æstate perficitur.

In Italia & Gallia Narbonensi ad sepes & circa vepres frequens oritur.

An specie differat à *Lamio* minore purpureo necne dubius hæreo.

*Varietas.*

Hujus varietatem in *Æquicolum* montibus observavit F. Columna, foliis brevioribus, angustioribus & acutioribus, profundis incisuris per ambitum divisis, ut in *Chamædry*, lineā albā per medium decurrente angustiore.

5. *Lamium maculatum* C. B. *foliis maculatis* Park. *Urtica fatua* *Λυγισαντ* Thal.

Foliis maculis & lineolis albis respersis & pulchrè variegatis à præcedente distinguitur, nec ulteriore descriptione indiget. Vidimus in Horto Regio Parisiis & alibi.

- A. 6. *Lamium rubrum minus, foliis profunde incis. Small cut-leaved red Archangel.*

Hæc species primò nobis ostensa à *Tho. Willisell* in campis *S. Jacobi* dictis propè Londinum, postea variis in locis solo arenoso aut glareoso observata. *Lamio* rubro minore vulgari plerumque minor est, quamvis in lætiori solo in magnitudinem illius æmulam interdum proficiat. *Radix* ei simplex, tenuis, unde & plantam annuam esse suspicamur. Caulibus & foliorum & florum sim cum *Lamio* rubro vulgari convenit. Differt ab eo foliorum incisuris. Cum enim in illo folia leviter tantum circa margines crenata sint, in hoc altius incisa & propemodum laciniata sunt, laciniolis, seu mavis dentibus in acutos apices terminatis. Differt etiam florum parvitate & eorundem cub brevioribus, adeò ut flores antequam explicentur vix è vasculis appareant.

*Locus.*

In hortis oleraceis inque arvis requietis non rarò invenitur, ut v. g. propè Brantiam in *Effia* in calceto Bockingam ducente.

\* *Itiner.*  
lib. 4. p. 309.

- \* 7. *Lamium moschatum foliorum marginibus argentatis* \* *Wheeleri*.

E radice tenui fibrosa caulem exerit quadrangulum, foliis vestitum longis pediculis innitentibus, *Lamii* flore albo similibus, verum rotundioribus intercrenatis, propè pediculum maculâ nigrâ amplâ notatis, marginibus circumcirca argenteo colore insignibus; odore moschum redolentibus. Ad *Pentagi*, fortè *Pantheam* olim dictum, sinus *Corinthiaci* oppidum observavit *D. Wheeler*. Florem, puto, non vidit.

8. *Lamium Novæ Angliæ Parietariae foliis.*

In reliquis ad *Lamium* minus accedit; foliis *Parietariae* æmulis ab eodem differt. *Cantabrigiæ* olim in hortulo nostro coluimus.

*Locus.*

- \* 9. *Lamium rotundifolium floribus minimis* n. d. Hort. Ludg. Bat.

- A. 10. *Lamium folio caulem ambiente majus & minus* C. B. *Galeopsis* sive *urtica* iners minor, folio caulem ambiente J. B. *Alfine* *hederula* altera Ger. *hederula* folio major Park. *Henbit*.

*f. B.*

Planta est sesquipalmaris & major, caulibus quadratis, infirmis, nonnunquam surrectis, sæpius humi sparsis: *Folia* primùm prorumpentia pediculis donata, similia foliis *Galeopsis* minoris, rotunda ferè, serrata: alia in superioribus caulium partibus oriuntur, bina, immediatè caulibus adhaerentia, perfoliata ferè modo caulem ambientia, rotunda, hirsuta, profundè crenata, crispâ, odore minus foetido quàm præcedentes *Galeopsæos* species, sapore nullo. excellenti. *Flores* inter folia ad nodos verticillati caules & eorum ramos ambiunt, purpurei, hiantes, è calyculis oblongis, hirsutis, multifidis: radicem demittit simplicem, rigidulam, fibratam.

*Locus.*

In agris & hortis frequens oritur.

- A. 11. *Lamium luteum* Ger. Park. folio oblongo. luteum C. B. *Galeopsis* sive *Urtica* iners sur luteo J. B. *Yellow Archangel* or *dead Nettle*.

*Radix* inæqualis fibras plurimas majusculas in terram demittit. *Caules* inde exeunt longi, quadrati, infirmi, concavi, foliis vestiti binis, per intervalla oppositis, viridioribus, longioribus, & angustioribus quàm in reliquis *Lamiis*, pediculis longiusculis insidentibus. *Flores* ad genicula verticillatim caules ambiunt, lutei, speciosi, galeâ amplâ, ad margines pilosâ, quatuor stamina alba cum apicibus suis luteis, & stylo purpureo bicorni è centro calycis, in medio quatuor unâ junctorum seminum



seminum egresso, continente. Floris labellum in tres partes dividitur, quarum duæ laterales punctis & lineis purpurantibus pinguntur, mediâ punctis & striis croceis.

In Sylvis & umbrosis Maio mensē floret.

Locus.

12. *Lamium maximum sylvaticum alterum* C. B. *Galeopsis maxima flore magno rubro* J. B. *maxima Pannonica* Park. *Lamium Pannonicum* sive *Galeopsis* Ger. *emac.*

Clus.

Cubitali caule, interdum etiam majore, quadrangulo, crasso assurgit, secundum radicem frequentibus geniculis prædito, è quibus folia nascuntur Urticæ foliis haud abfimilia, per oras similiter crenata, sed longè majora, palmarèmq; amplitudinem sæpissimè superantia, hirsuta quidem, sed non mordacia: A medio caule sursum versus ad singulos nodos, orbiculatim sèni, octoni, nonnunquam deni nascuntur flores, non simul sed successivè se explicantès, Lamii floribus multò majores, saturè rubri & tanquam purpurei, galeæ instar hiantes, labro inferiore (cujus laciniatæ oræ) bifido, & frequentibus ad latera barbulis prædito, interiore parte purpureis & candidis lineis depicto, quatuor staminibus cum stylo sub galea latentibus; odore gravi & ingrato, uti tota planta, si teratur, gustu etiam insuavi & amaro. In laciniatis vasculis semina continentur Moleucæ similia. Radix crassa, fibrosa, perennis, singulis annis augescens, novòsque stolones proferens.

In sylvis montibus arcu Greben vicinis in Pannonia supra Waraldinum maximâ copiâ nascitur, Locum ubi Maio florentem inveniebat Clusius.

*Lamium Cannabis spuria dictum.*

- A. 12. *Cannabis spuria* Park. Ger. *sylvestris quorundam Urticæ inertis affinis* J. B. *Urtica aculeata foliis serratis* C. B. *Bastard Hemp.*

Radix simplex plurimis demissis fibris terram apprehendit. Caulis plerunque simplex, pedalis, quadratus, inanis, ramosus, pilis rigidioribus hirtus. Folia in caule bina per intervalla opposita, Urticæ ferè figurâ, circa margines serrata, pediculis semuncialibus appensa, venosa, nervis averfa parte extantibus, quæ in re Cannabis folia imitantur. Flores in summis caulibus & ramulis in verticillos crassos compositi, galeati, purpurascèntes, è calicibus striatis, patulis, marginibus in quinque spinulas acutas divisos exeunt. Singulis floribus succedunt quatuor semina simul juncta, majuscula, pulla, quæ dilapso flore brevissimo temporis spatio maturefcunt, & continuo decidunt.

Æstate floret, inter segetes plus satis frequens.

Locus.

- A. 14. *Cannabis spuria flore specioso luteo, labro purpureo. An Cannabis spuria altera* Park? *An Urtica aculeata foliis serratis altera.* C. B?

Hujus folia pallidiora sunt quàm præcedentis: verum præcipua differentia est in floribus, qui multò ampliores sunt quàm illius, colore luteo. Labellum macula ampla purpurea ferè totum occupat.

Segetes frigidiorum & humidiorum tractuum hæc scatent: ut v. g. montosæ agri Eboracensis.

Locus.

Planta Parkinsono descripta florum colore cum nobis observata, & hoc in loco proposita convenit, eorum parvitate differt.

- A. 15. *Lamium montanum Melissæ folio* C. B. *Melissa Fuchsi* Ger. *Melissophyllum Fuchsi* Park. *Melissa adulterina quorundam, amplis foliis & floribus non grati odoris* J. B. *Bauleaved Archangel.*

J. B. Clus.

Fibrosa radice, subacri & amara nititur. Caules pedales & majores quadrati, hirsuti, geniculati, multa medullâ farcti. Folia Galeopsis, oblonga, rugosa, hirsuta, Melissophylli ferè similia, atra vindicate nitentia, gustu aliquantulum acri. Flores ex singulis nodis inter folia terni & quaterni prodeunt, in utriculis oblongis, laxis, hirsutis, omnes antrorsum spectantes & propendentes, longiusculi, inodori, Lamii florum quodammodo æmuli, majores tamen & nullâ galeâ insigniti, solo labro inferiore promisso, & reliquis foliis (quæ in quibusdam floribus ex albo purpurascunt, aut dilutiore purpura nitent) majore, purpurei coloris. [J. Bauhinus cassidem surrectam flori attribuit, prominentibus ex rictu staminibus] Semen magnum, nigricans, inæquale.

In sylvis frequens occurrit in Occidentalibus Angliæ regionibus, verbi gr. in Devoniam circa Tormes Locum. In Penbrochia circa Haverford-west. In sylvis etiam montosis propè Genevam & alibi in transmarinis observavimus.

Alteram hujus speciem in Austria invenit Clusius caulibus infirmioribus, frequentioribus ex radice singulis annis repullulantibus, foliis etiam paulò angustioribus.

Alia species.

16. *Lamium fruticosum non maculatum Creticum* Zanoni.

Zan.

Multos è radice caules emittit, majores sesquicubitales, pennæ scriptoriæ crassitudine, teretes, quamvis ob costas exiles quæ in cortice sunt quadrati videantur, eo enim sublato rotundi manent. Cortex interior viridis difficulter à ligno delibratur, quod fragile est, tenue, medullâ intus viridi. Caules & rami majores ligneâ substantiâ constant, surculi juniores herbacei, ut vel ex colore magis viridi patet. Sunt autem caules, præsertim parte inferiore & lignosa, raris nodis intercepti, [in minoribus ramulis nodi satis crebri sunt.] Folia prima & in caule

caule inferiora superioribus multò majora sunt, omnia superne secundum nervos leniter sulcata, nervis averſa parte extantibus, telà folii nervos interjacente glabrà, tenuia, tenera, succulenta, pediculis brevibus, tenuibus, teretiſculis, ſupernà tamen parte prope folia pariter ſulcatis, nonnihil pilofis ſuſtentata, bina oppoſita, alternando caulis latera, minimè decidua, ſed per hyemem virentia. Supremis geniculis è foliorum alis exeunt calyculi ſubrotundi margine in quinque lacinias ſeu radios extremitate incifos diſſecto, è quibus menſe Maio emergunt flores galeati, albi, labio ſuperiore ſeu galeà bifido, inferiore trifido, lineis flavis intus variegato. E medio exeunt ſtamina aliquot, apicibus incurvatis, colore flavo. Delapſo flore reſtat in calice ſemen nigrum, Melanthii ſylveſtris ſimile. Radix longa eſt, rotunda, tortuoſa, variè ramoſa & filamentis plurimis fibroſis donata, colore inter album & fulvum medio, medullà ſeu nervo medio albo, duro, ſolido, ſed tamen valdè fragili; ſapore fabarum recentium. Planta eſt vivax, & in multos annos durat, quamvis cœlum frigidius & Septentrionales auras non facilè tolerat.

17. *Galeopsis fruticeſcens Tingitana* Hort. Leydenſis.

## C A P. XIX.

### De Sideritide.

**S**ideritis àντὸ τῷ σιδήρῳ, id eſt, ferro dicitur, ob vim vulnera glutinantem. Sideritis eam vim habet, ut quamvis recenti gladiatoris vulnere alligata ſanguinem claudat. *Plin. lib. 12. cap. 9.* Odore gravi & foetido cum Lamio convenit, foliorum figurà differt. Nos ſub hoc nomine complectimur omnes verticillatis ſpecies reliquis generibus floribus non ſpicatis non comprehenſas, ſed eas præcipue quæ odore cum Lamio conveniunt, ſed folia Urticæ non habent.

1. *Herba venti Monſpelienſium* J. B. *Marrubium nigrum longiſolium* C. B. Ger. Park. *Sideris Monſpelienſium* Lugd.

J. B.

Caules habet cubitales, in multos diviſos ramos, robuſtos, quadratos, rubentes, hiriſutos. Folia ex adverſo ſita, Salviæ aut Parietariæ potiùs foliis ſimilia, dura, nervoſa, ſupernè virentia & nuda, infernè ſubhiriſuta & albicantia. [Folia nobis viſa ſunt longiora & acutiora foliis vel Salviæ vel Parietariæ.] ex quorum ſinu verticillatim ramos caulémque ambientes naſcuntur calices, ſtriati, hiriſuti, in acutas barbulaſ definentes, è quibus flores promicant galeati, Verbaſci ſylv. Matthioli, ſed coloris purpurei. Verticilla autem undique plumatis, rigidulis criſtis obvallantibus ſtipantur.

In aggeribus & ad vias circa Monſpelium frequens, nec alibi vidiffe memini.

Locus.

Tempus.

Floret Maio, Junio & Julio. Solibus æſtivis, imbribus & flatu jam marceſcentia folia crebrò pertuſa & multifora, quaſi vento pervia videntur, unde nomen inditum.

Sideritis Perſica odorata Zanoni

*Mihi non videtur ſpecie diverſa à præcedente.* Magnum è radice foliorum ceſpitem emittit, quorum maxima palmum plus longa, tres circiter digitos lata, ſolida, cartilaginea, circumcirca argutè denticulata, denticulis duris & veluti pungentibus, ſuperna parte viridia, infernè albicantia nervis duris, ac ſi ex are aut ſtanno in fila ducto conſtarent, intertexta, tuſa odorem aromaticum & reſinoſum exhalantia, Menthæ Saracenicæ formà ſimilia, verùm anguſtiora & longiora, odore multo minùs gravi, ſubſtantia duriore, magiſque cartilaginea, pediculis latis, maxime quæ nodis annectuntur, adeò ut eos totos amplectantur, quadrangulis, lanuginofis imò pilofis, ſubinde rubentibus. Folia guſtaru ſaporem in ore relinquunt nonnihil mordacem & acutum cum multa tamen ſiccitate mixtum. E ceſpite folioſo dicto multi exoriuntur caules, quadrati, ſulcati, à medio ſuſum ſanguinei, parte inferiore dilutius virides, bicubitales, quartam uncie partem craſſi, undulati, ſubſtantia ſolida & dura, non fragiles, raris geniculis intercepti rubentibus, ad quos bina folia oppoſita, è quorum ſinibus exeunt ramuli folioſi foliis minoribus & abſque pediculis donatis. Nodos verticillatim ambiunt uncinuli, hiriſuti, arcuati, oblongi, acuti, quorum in medio naſcuntur calices quadrati, ſulcati, margine in quinque denticulos acutos hiriſutos ſecto, è quorum unoquoque circa finem Julii exit ſlos galeatus, ſatis grandis, Salviæ vulgaris ſimilis, colore interiùs rubro ad violaceum tendente, exterius albicante, nonnihil lanuginofus, rictu hianſe, duabus infernè alis ſubrotundis, galeà in punctum terminatà, cujus in medio multa exeunt ſtamina alba, apicibus nigris cum lineà albà per medium ductà capitata. Floribus excuſſis reſtat ſemen in calicibus, ovalis figuræ, per longum ſulcatum, ſubruffum, Muris majoris ſtercori perſimile. Radix longa flexilis, furculofa & fibroſa, foris ferruginea, intus alba, ſapore adſtringente & exſiccante.

Hoc modo operoſe & prolixè ſatis hanc plantam deſcribit Jacobus Zanoni, quem adear Lector qui plura vellet.

E ſeminibus Perſiæ allatis D. Zanoni enata eſt hæc planta, quæ an diverſa ſit necne ab *Herba venti Monſpelienſium* Lectoris peritiſſimo iudicio ſubmittitur. Zanoni diverſum contendit, at nobis non ſatisfacit.



2. *Leonurus Capitis bonæ spei Breynii.*

Breyn.

Pulcherrima hæc Lamii species cubitalem obtinet *caulem*, striatum, quadratum sed obtusis angulis, brevi ac incanâ lanugine obductum; binis angustis atque incanis foliis per ambitum serratis, alternatim per longa intervalla hærentibus, ut in Sideritide vulgari, sed longioribus: ex quorum sinibus ramuli similiter quadranguli, minoribus foliis amicti pronascuntur, atque hoc ab imo Caulis ad summum fermè gehiculos, quos verticillatim innumerî, teneri, striati, in aculeolos aliquot exeuntes utriculi, pedunculis parvis juxta basin appendiculas more Marrubii falcatas habentibus, infidentes; è quibus *flores* exeunt galericulati, fistulosi, Lamii floribus formâ non absimiles, sed multò longiores, incomparabilisque elegantia, ex aureo phœnicei ardentissimi coloris, ac molli lanugine hirsuti, labro demisso parvo & trisido, galeâ longissimâ, pilis holosericeis ex phœniceo pulchrè splendentibus fimbriatâ, quæ prius quàm è calyce erumpit Lamii instar reflexa, mox verò caudæ Leoninæ instar in sublimem erigitur, sub qua *stamina* quadam longissima, apicibus parvis capitulata delitescunt. Elapso florum tempore succedunt pro more *semina* quatuor in quolibet utriculo. Sapor hujus plantæ amarus: odor aromaticus, attamen gravis, infimâ præprimis calyculorum parte, qui etiam duodecimò post collectionem anno contriti eandem pæne quem Marum *Matth.* odorem produunt.

Vere in omnibus ferè pascuis juxta Promontorium bonæ spei floret.

Locus.

- A. 3. *Sideritis Anglica strumosa radice* Park. *Panax coloni* & *Marrubium aquaticum acutum* Ger. *Stachys palustris fetida* C. B. *Galeopsis angustifolia fetida* J. B. *Clown's All-heal*.

J. B.

*Radice* nititur geniculata, reptante tumoribus inæquali & velut strumosa. *Caules* duorum aut trium cubitorum altitudine, modicè rubentes, hirsuti, asperi, quadrati, inanes, *folia* ex nodis proferunt bina, ex opposito sita, Lysimachia purpureæ spicata, angusta, acuminata, hirsuta, mollia, exceptâ aversâ folii costa rubescente, nonnihil aspera, per ambitum serrata, odore gravi Galeopseos, sapore subamaro. *Flores* spicati, ex pluribus verticillis conflati, quorum singulares cucullati, purpurascens, labello variegato. In floris *caliculo* (qui brevis est & in quinque segmenta acuta divisus) quaterna subnascuntur *semina* nigra, nitida, ferè triquetra.

Ad fluvios & in aquosis passim.

Gerardus nostras herbe hujus efficaciam in vulneribus sanandis, experientiâ cujusdam messoris Cantiani, qui crus sibi falce graviter vulneraverat edoctus, miris illam præconiis celebrat. Folia rursâ cum axungia porcina vulneribus recentibus imponit. Hinc nomen Panacis coloni. D. Herntanus Syrupum ex ea paratum optimum esse remedium ad raucedinem perhibet. D. Palmer.

Locus.

Vires.

- A. *Sideritis vulgaris* Ger. *vulgaris Clusii* Park. *vulgaris hirsuta* J. B. *vulgaris hirsuta erecta* C. B. *Common Iron-wort*.

J. B.

Ex lignosa *radice* *caules* emittit pedales & bipedales, quadratos, hirsutos, ex albido virore flavescens, [jam surrectos jam depressos, ut rectè Lobelius] ad quorum genicula *folia* exeunt rugosa, hirsuta, unciali aut sextantali longitudine, semunciam circiter lata, in ambitu crenata, sapore exsiccatæ & adstringente cum calore aliquo. *Flores* verticillati genicula amplectuntur, galericulati, ex albido lutei, labro sanguineis punctis guttato, ex calyculis hirsutis in quinque mucronata segmenta abeuntibus. *Semen* nigrum.

Per Germaniam, Italiam & Galliam in agrorum marginibus vulgarissima est. Æstate floret.

Locus.

Exsiccat vehementer & astringit, hæmorrhagiam sistit, catarrhos & destillationes à capite compescit. Vulneraria est, intus & extra adhiberi apta, præcipuè in herniis & enterocelis: alba mulierum profusio compescit.

Vires.

5. *Sideritis hirsuta vulgaris humilior* C. B. *Sid. secunda Clusio capitato flore* J. B.

Humilior est priore, neque pedalem excedit altitudinem, in raros divisa ramulos; *folia* prioribus, mollioribus tamen: *flores* ampliores, albi, pallescente labro, & paucis rubris punctis aspersis, verticillatim in utriculis, *caulem* supremosque ramulos ambientes, breviorè quàm in jam dicta & multo minorè spicam efficiunt, ut in Prunella vulgò dicta, autore Clusio.

Nunquam non occurrit in agris & inter segetes in multis Pannoniæ & Austriæ locis. Floret

Locus.

6. *Sideritis glutinosa bitumen redolens* Moris. prælud. *viscosa Cretica bitumen redolens* Zanoni.

Dodrantalès est altitudinis, cujus *folia* ex adverso sita sunt, hirta, glutinosa, caulibus conjugatim adherentia; contacta manibus aut naribus admota bitumen redolent. *Flores* albos & *semina* reliquorum congenerum modo fert.

Hanc plantam Jacobus Zanoni in Historia suâ Botanica Italico idiomate conscripta plenius describit, quem consulat cui satisfactum non est.

\* 7. Side-

- \* 7. *Sideritis hirsuta procumbens* C. B. *Sideritis Clusio Hispanica*, *hirsuta* J. B. *Sideritis prima*, *Herba Judaica* Park. *Herba Judaica Lobelii* Ger. emac.

Clus.

Longiore est folio quàm Marrubium, satis ad Salviae folium accedente, minore tamen, quàm ferè folii divisurâ, scabro, villis quibusdam prædito, nec in jucundi gustûs, nec odoris. *Caules* fundit quadrangulos, palmum ut plurimum excedentes, interdum procumbentes, duros, hirtos, candidantes, quorum summitates per intervalla verticillari orbes coronant ut in vulgari *Sideritide*: orbes vasculis constant, in quibus *flos* priori par, ex candido nonnunquam purpurascens, quò evanescens *femen* in vasculis nigricans reperitur: *radix* dura lignosa, vivax.

Locus.

Frequens occurrit aridis & petrosis Castellæ veteris locis, æstate florens: quibusdam etiam locis in Autumnum usque floribus onusta conspicitur.

Lobelius in Obl. & Icon. atque etiam Dodonæus, assumpta hujus icone eandem eam faciunt cum vulgari primo in loco descripta *Sideritide*. C. Bauhinus differre hanc à vulgari scribit, quòd illa altior, hæc caules habeat procumbentes, magisque hirsutis candicet. Verùm hæc non sufficiunt ad differentiam specificam (ut vocant) arguendam. Et revera *Sideritidis* vulgaris caules non raro procumbunt, suntque infirmi satis. Quid quòd ipse Clusius in Hispanicis, hanc nusquam ferè non occurrere scribat arido & petroso solo per Hispaniam, Galliam, Germaniam; mirum ergo nobis per istas regiones herbas indagantibus nusquam in conspectum se dedisse, si à vulgari diversa sit.

Ego (inquit J. Bauhinus) ferè dicerem *Sideritim* Hispanicam Clusii eandem esse cum *Monspeliensi*, nisi Lobelius & C. Bauhinus eam ab illa separarent.

- \* 8. *Sideritis quarta Clusii*, *ramulis procumbentibus* J. B. *hirsuta procumbens altera*, *minima crenata* C. B. *parva procumbens* Park. *procumbens ramosa* Ger. emac.

Clus.

Aliquot habet *ramos* procumbentes, quadrangulos, tenues, villis quibusdam obsitos, quos per intervalla contrario semper situ cingunt *folia*, vulgari ferè similia, paulò tamen minora, à medio ad extremum serrata, nonnihil etiam villosa. Summos ramos verticillatim ambiunt vascula, in quibus *flores* prioribus formâ similes, quantum ex delineatione colligere potuit Clusius; nam plantam ipsam non vidit, sed ejus iconem tantum à Jac. Plateau missam: unde neque de colore floris, neque de semine quicquam pronunciare potuit.

- \* 9. *Sideritis folio rotundiore* J. B. *altera parva Clusii* Park. *procumbens non ramosa* Ger. emac. *Sideritis* V. Clus.

Clus.

Medium *caulem* habet surrectum, quadrangulum: deinde statim à radice multos in latera spargit *ramos*, humi fufos, quadrangulares, quibusdam villis pubescentes, geniculatos, quos bina semper inter se opposita ad singulos nodos amplectuntur *folia*, præcedentis foliis pænè similia, minus tamen serrata, inter quæ ab imo ad summum usque verticillorum ritu nascuntur in vasculis *flores*, superioribus etiam formâ similes.

Et hujus iconem ad Clusium mittebat Jac. Plateau ipsius manu eleganter expressam.

C. Bauhinus utramque hanc speciem ad idem caput reducit: & ut verum fateor, non possum mihi persuadere, dari tot distinctas *Sideritidis* species.

- \* 10. *Sideritis hirsuta pallido flore* C. B. *Sid. flosculus vix à vasculis prominentibus fuscis* J. B. *Sid. angustifolia* Ger. *Sideritis* vi. *Pannonica* Clus. *Germanica parva* Park.

J. B.

Cubitalis est plus minùs planta, *caule* quadrato, hirsuto; *foliis* nequaquam per margines serratis, uncialibus & fescuncialibus, hirsutis: Rami in quos dividitur caulis oppositum habent situm, per quos longâ serie *flores* verticillati, pusilli, intra ipsos calices propemodum occultati, fusco colore inamœni in sicca, calicibus admodum hirsutis, in quinque acutas in spinulam definentes sectiones divisus. Porro unicuique verticillo bina subjiciuntur adversa folia, multò inferioribus minora, magis tomentosa, nervis secundum longitudinem donata, æquabili marginum circumscriptione, ad Serpyllum accedentia.

Clusio *caulis* pedalem non superat altitudinem, ab radice statim ramosus: Extremos ramos cælemque foliolorum palléscentis coloris coma occupat. *Radix* albescens, lignosa, aliquot fibris hirta, non vivax.

Locus.

Frequentissima est in Pannoniæ Austriæque inferioris arvis inter segetes, macro & sterili solo: floret Junio & Julio.

Hunc, diligenter collatis descriptionibus, omnino eandem judico *Sideritim* montanam parvo flore nigro-purpureo *Col.* cujus tamen descriptionem ne quam speciem temere omisisse arguar, subijciam.





- A. 15. *Sideritis arvensis latifolia glabra* C. B. Park. Ger. *glabra arvensis* J. B. *Smooth-leaved, yellow-flowered field Iron-wort.*

*Radix* nictitur albâ, lignosâ, fibris aliquot majusculis donatâ, annuâ, sapore subdulci. *Caulis* inde exurgit singularis plerunque pedalis, firmus, quadratus, hirsutus, ramulos fundens ex aduerso geminos. *Folia* quàm *Ladani* segetum dicti latiora, pediculis suffulta, è lata basi in acutum cronem sensim desinentia, denticulis majoribus serrata, brevi & vix conspicua lanugine hirsuta, ad tactum mollia. *Flores* in summis caulibus & ramulis umbellatim digesti, galeati, tubo longo prominuli, exterius pilosi, albi, cum aliqua flavi aut viridis tinctura. *Floris* labellum in tria segmenta divisum maculâ intus sauratiore è flavo virenti pingitur. *Calices* florum in quinque spinulas desinunt, *Semina* grandiora fusca continent.

Locus.

Julio mense & circa principium Augusti apud nos in Anglia floret. In occidentali Eboracensis comitatûs parte, viz. circa *Wakefield, Darfield, Sheffield,* &c. inter segetes frequens reperitur. Invenimus & in transmarinis sæpius: miramur autem cur omnibus qui de ea scripserunt Botanici glabra dicta sit.

- A. 16. *Ladanium segetum quorundam flore rubro* J. B. *Sideritis arvensis angustifolia rubra* C. B. *arvensis rubra* Park. Sid. 7. Ger. emac. *Narrow-leaved All-heal, or Iron-wort.*

J. B.

*Radix* huic alba lignosa, plurimas fibras undique spargens. *Caulis* pedalis, simplex, quadratus, nonnihil hirsutus, purpurascens, ramosus. *Folia* ex brevibus & inter se contrariis pediculis bina, angusta, oblonga, atrovirentia, subhirsuta, in acutum desinentia, circa margines dentata, sapore exsiccante. *Flores* propè summitates caulis & ramulorum verticillatim dispositi, galeati, oblongi, purpurei, labello punctis duobus albicantibus notato, interius paulò notulis in luteum vergentibus resperso, è calice brevi, patulo, quinque-partito, segmentis in spinulas desinentibus. *Flos* pro plantæ magnitudine amplius est & pulcher.

Locus.

Inter segetes passim & copiosè. Floret à mediâ Æstate in Autumnum.

- \* 17. *Sideritis Heraclea Dioscoridis, sive Sid. marina Salvifolia nostras* Donato Park. App.

Park.

*Radix* huic minimi digiti est, rugosa, sublutea. *Caulis* lignosus, quadratus, ima parte foliis Salviæ similibus, sed nonnihil viridioribus cinctus, superius adnascens Marrubii Cretici similioribus, Summos caules flores verticillatim ambiunt Salviæ ferè in modum dispositi, colore albicante aut ex luteo cinereo tincti. *Folia* commansa Mastichen resipiunt.

Locus.

In maritimis sabulosis inter *Perauls* & *Maugio* æstate florentem vidit P. Magnol. *Botan. Momp.*

- \* 18. *Sideritis querno folio* C. B. Park.

*Caulis* huic rectus, paucis ramis, raris foliis, latiusculis & in extremo rotundis, incisuris in ambitu inæqualibus sectis, binis oppositis, pediculis brevibus insidentibus, quernis nonnihil similibus. *Floris* parvi in verticillis exiguis circa summos caules, colore pallidè purpureo.

19. *Galeata & verticillata Persicæ foliis* Morif. prælud.

Morif. prælud.

*Folia* producit Persicæ foliis quoad formam & ferraturam adeò similia ut nihil magis. *Floris* autem fert galeatos, subpurpureos, amplos, quorum singulis in calycibus in margine quinquepartitis, Verticillatarum more, succedunt semina angulosa quaterna.

Perperam ergo à nonnullis ad Digitalem refertur.

## CAP. XX.

### De Hedera terrestri.

**H**edera dicta est hæc herba ob foliorum aliqualem similitudinem, & quod hederæ instar in terra reptat. Foliis subrotundis, flagellis reptatricibus, Florum labio superiore, galeam vocant, bifido & reflexo à reliquis Verticillatarum generibus distinguitur.

A. 1. Hedera



- A. 1. *Hedera terrestris* Ger. *terrestris vulgaris* C. B. Park. *Chamacissus* sive *Hedera terrestris* J. B. Ground-Ivy, Gill-go-by-ground, Ale-hoof, or Tun-hoof.

Flagellis tenuibus, quadratis, humi fufis, è geniculis radices agentibus latè se diffundit. Caules [qui flores sustinent] tenues, hirsuti, quadrati, rubentes, inanes, infirmi & vix se sustinentes, palmares aut semipedales, foliis vestiti per intervalla ex adverso binis, pediculis longis insidentibus, subrotundis aut in acumen modicè productis, per oras crenatis, hirsutis, cum adhuc tenera sunt & primis perminant purpurantibus. Flosculi ad caulium nodos in verticillis, è singulis foliorum alis tres quatuorve aut etiam plures exeunt, cœrulei, oblongi, utrinque labiati, labio superiore, seu galeam mavis dicere, bifido, & ad latera reflexo, inferiore in quatuor segmenta diviso, tubo intus saturatoribus purpureis maculis & lineolis variegato, recti pilis brevibus albis velut lanugine quadam obfuso. Stylus tenuis, bicornis. Calix floris oblongus, angustus, striatus, marginibus in quinque segmenta breviter partitis, flore marcescente in ventrem turgescit, & quatuor semina oblonga continet. Sapor plantæ amarus; odor gravis ad Mentham quodammodo accedit, aut inter Lamium & Mentham ambigit.

Aprili mense apud nos plerunque floret. Ad sepes & macerias.

Duplex est (inquit C. Bauhinus) major quæ vulgaris: & minor elegantior, cauliculis erectioribus, brevioribus, ut & foliis; floribus magis cœruleis, quæ locis humidioribus circa arbores antiquas invenitur.

Tempus & Locus.

- \* 2. *Hedera terrestris montana* C. B. Park. Cam. ep.

C. B.

Priore hirsutior est, foliis majoribus & floribus qui purpurascunt. An hæc specie distincta sit à priore me latet.

- \* 3. *Hedera Saxatilis* Ger. emac. *terrestr. Saxat.* Lobelii Park. *magno flore* C. B. *Asarina* sive *Saxatilis Hederula* Ad. Lob.

Ex jejuna & obscura Lobelii descriptione ad quod genus plantarum referri debeat elicere nequeo.

*Hedera terrestris vulneraria* est, tum intrinsecus sumpta, tum extrinsecus adhibita, diuretica, emmenagoga: usûs creberrimi in Tartaro pulmonum & renum resolvendo: quin & ictero conferre dicitur, & ad dolores colicos conducere in clysteribus.

R Summatum *Hedera terrestris* nonnihil rubescens s. q. contusa formetur in placentam quæ sole fervido statim exsiccata, in pulverem subtilem redigatur, & in vitro servetur. Hæc planta virtutem cum odore & colore optimè ac diutissimè supra omnes conservas aut syrupos retinet: atque in tulle gravi & pertinace inque Phthisi summopere prodest. Sumatur Drachm. ℥. ad Drachm. i. bis in die cum aqua destillata aut decocto pectorali. *Willis Pharmaceut. rational. part. 2. Sect. 1. cap. 6.*

Vidēgo utentes quosdam ad torsiones post partum ventri apposita; ac ipse sanè utiliter usus sum. Hujus porro felicem usum observavi in expellendis vermibus equorum si confusa detur cum *Avena* J. B.

*Hedera* terrestrem Angli præsertim Septentrionales in dolia immittere solent ad depurandam seu clarificandam cerevisiam, quod brevi, nempe viginti quatuor horarum spatio præstare solet, unde & nomen *Alehoof* seu *Tunhoof* adepta est. Verum hic mos post receptum Lupulorum usum paulatim desuevit.

Succus hujus plantæ naribus attractus cephalalgiam etiam vehementissimam & inveteratam non lenit tantum sed & penitus aufert. Medicamentum hoc (inquit autor meus Joannes Oldacres ludi-magister olim Tamworthensis) quamvis facile parabile & ubique obvium sit, non satis potest laudari, sires ex usu æstimarentur, auro æquiparandum. Novi quippe qui per decennium & amplius acerrimis doloribus conflictati statim ab ejus usu recreati sunt, nec unquam postea paroxysmum senserunt.

Ad colicum dolorem, R fol. heder. terrestr. q. v. infund. in oleo ad Solem æstivum, est singulare remedium injectum & epotum. *Cbesneau ex Matthiolo.* Communicavit D. Hulse.

Ad calculum, erat qui vino in quo *Hedera terrestris* infusa esset, addito Saccharo Candi cum succo quidem uteretur, sed & cum dolore cum arenulas excerneret insigni. *D. Soame, ex "Observat. Obs. 167: Hieron. Reusneri à Velschio editis.*

4. *Lamium ad Hedera terrestrem accedens* J. B. *Lamium Pannonicum* 3. *Clus. Pannon. tertium Clusii* Ger. emac.

Ex radice urticæ vulgari simili plures profert pedales cauliculos, reretes, quadrangulos, frequentibus nodis cinctos: ad quos folia oblongis pediculis donata, Lamio vulgari purpureo similia, vel proximè ad *Hedera terrestris* accedentia: inter quæ calyculi terni, quaterni vel quini, continentes flores *Hedera terrestris* floribus formâ proximis, hiantes, nullâ superne galea eminente, sed latiusculo folio reflexo duntaxat, mixtis coloribus, cœruleo, purpureo & albo insignitos.

Nascentem plantam *Clusio* nunquam videre contigit, sed ejus duntaxat iconem suis coloribus diligentissimè expressam.

## CAP. XXI.

## De Moluca.

**P**eregrina est herba Asiaticæ originis, Constantinopoli primum delata.

Calycibus florum amplissimis, patulis, acetabulorum æmulis ab aliis omnibus verticillatis primâ facie cum florer faciliè discernitur.

1. *Molucca* J. B. *Melissa Molucca levis* Ger. *Mel. Molucca levis*, sive *Syriaca levis* Park. *Melissa Moluccana odorata* C. B. *Smooth Molucca Baulm.*

*f. B.*

Caulem habet rectum, sesquicubitalem vel majorem, glabrum, subrubentem, ferè quadratum, satis robustum, paucâ medullâ farctum, in ramos multos satis diffusum, eòsque binos oppositos: *Folia* subrotunda, per ambitum serrata [idque profundè] longis pediculis appensa, foliis *Mambui* nigri similia, verum non ita nigra, planè glabra, nervosa. In caule ramisque à medio ad summum usque ex intervallis calices magni, patuli, calathoides, cutanei, nervosi, seni verticillatim digesti, *flosculos* comprehendunt Galeopseos, ex albo purpurascens, galeâ hirsutâ, apicibus in medio, tandem seminibus succedentibus triangulis. Cæterum unicuique verticillo folia bina adherent, longo interveniente pediculo, inferioribus similia: ad pediculorum ipsius exortum spinulæ aliquæ longiusculæ profiliunt. *Radix* lignosa est & fibrosa. Annua est herba cui folia amara, flos ferè insipidus.

Hujus plantæ odor mihi gratus.

2. *Molucca asperior fetida* J. B. *Molucca spinosa* Ger. emac. *Melissa Molucca asperior* sive *Syriaca asperior* Park. *Melissa Moluccana fetida* C. B.

*f. B.*

Longis nituntur pediculis *folia* circumscriptione ferè rotunda, laciniata, nervosa, foetida. *Flores* è calycibus verticillatim caulem amplectentibus ex intervallis erumpunt: Sunt autem calices minus patuli quàm in *Molucca* priore, nervosi, laciniati, quorum lacinia in longas, rigidas, infestas spinas desinunt.

Tenerior est quàm præcedens, nec ita faciliè semen ad maturitatem perducit.

3. *Melissa fruticosa* Sicula, calice amplo, patulo.

In longitudinem insignem excrescit, *caulibus* infirmis, quadratis valdè ramosis. Cortex ramorum antiquiorum cinereus est, juniorum rubens. *Folia* *Melissæ* vulgaris formâ similia, sed multò minorâ, circum oras pariter dentata, pediculis satis longis nixa. *Flores* cucullati, albi cum levi tamen ruboris tinctura, labellis punctatis. *Calices* florum eidemque seminum conceptacula qualia ferè *Moluccæ*, ampla, patula, calathoide, minora tamen, & in quinque lacinias, tribus superius, duabus inferius sitis, ad margines secta. *Semina* qualia *Moluccæ*: odor plantæ gravis.

Locus.

In Sicilia circa Messanam, & in insula ad Promontorium Pachynum invenimus hanc plantam, cujus etiam caules nobis perennare videbantur. Pro non descripta hætenus habemus. Calycibus magnis patulis, infundibuli ferè forma cum *Molucca* convenit.

Ad hanc plantam accedit *Lamium fruticosum* non maculatum Creticum *Zanoni*.

## CAP. XXII.

## De Calamintha.

**C**alamintha quasi bona & utilis *Mentha* dicta putatur: nidore enim suo (ut habet Aristot.) serpentes vel accensa, vel subtrata fugare solet. C. Hofmanno ~~et~~ dicitur medium esse vocabulum, quale ~~quidam~~, &c. ut *Calamintha* sit *mentha* horrida, incana, & ingrati odoris. *Calamintham* enim nihil aliud esse quàm *Mentastrum* Galeni autoritate inductus sibi persuadet. Dicitur ergo *Calamintha* ~~est~~ *supra*. At nobis *Calamintha* alia res est, & genere à *Mentha* diversa, cujus notæ sunt flores galeati tubo oblongo, pediculis longiusculis è foliorum sinibus egressis insidentes. Folia & odor *Menthæ*.

A. 1. Cal.



- A. 1. *Calamintha vulgaris* Park. *vulgaris* Officinarum Ger. *vulgaris* vel Officinarum Germaniæ C. B. *flore magno vulgaris* J. B. **Common Calamint.**

J. B.

Per caules ramósque quadratos *folia* nascuntur unciam aut fescunciam longa, serrata [leviter tamen] pilosa, odore satis grato, à medio ad summum usque ramorum ex alis foliorum *pediculi* duo in plures minores dissecantur, quibus *flores* insident è *caliculis* barbatis striatisque femunciales aut paulò longiores [maiores enim sunt quam in ea quæ *Pulegium* redolet] hiantes, colore purpurascens, odore jucundo præditi.

Viget æstate, à Junio in Autumnum flores seménque perficit.

In Anglia rarius occurrit spontanea, invenitur tamen, in viis publicis, ad aggeres fossarum & *Locus.* sepium, &c.

Hujus *folia* latiora sunt, majora, & pro magnitudine breviora quàm illius quæ *Pulegii* est odore. Flores autem in ea quæ sponte apud nos oritur (quantum memini) quàm illius majores non sunt. Flores enim magnitudine variant, annotante Parkinsono, in *Calamintha* vulgari: & C. Bauhinus in Prodrómo *Calamintham* vulgarem exiguo flore pro diversa specie describit.

*Calamintha* calidior est & acrior quàm *Mentha*, partium tenuium. Stomachica & uterina est *Vires.* imprimis: menses ciet, urinam movet, hepar referat, tussi medetur. *Schrod.*

*Folia* *Dioscoridi* potu aut illitu demoris à serpente opitulatur: ruptis, convulsis, orthopntæ, torminibus, choleris, horribusque auxiliatur: regium morbum expurgant; præsumpta in vino venenis resistunt: tineas cæteraque interaneorum animalia cum sale & melle pota enecant: nec secus cocta crudæ si terantur. Elephantiacos esitata adjuvant, si postea serum lactis ebibant: apud quem plura vide.

- A. 2. *Calamintha odore Pulegii* Ger. *Pulegii odore, sive Nepeta* C. B. *altera odore Pulegii, foliis maculosis* Park. *flore minore, odore Pulegii* J. B. **Field Calamint.**

*Caulibus* pluribus, cubitalibus, tenuibus, quadratis, rigidis, hirsutis, in apricis rubentibus, ramosis, in terram reclinatis emergit quotannis. *Folia* ex intervallis opposita, parva, hirsuta, raris crenis incisa, triangularia ferè, odore gravi *Pulegii* vel ferè *Sisymbrii*, sapore acri, vegeto. *Flores* ad genicula verticillati, pallide purpurei aut cærulei, tubo longo, labello trifido, pediculis longiusculis hærentes: Ex ala folii utrinque exit pediculus communis, oblongus, tentis, plures flosculos peculiaribus pedicellis sustinens. *Calix* floris idemque vasculum seminale oblongus, angustus, striatus, quatuor in fundo *semina* juncta continet minutissima, rufa.

Serius & sub Autumnum floret. In aggeribus sepium, ad agrorum margines & vias publicas solo *Locus.* præsertim steriliore & arenoso copiosè provenit.

3. *Calamintha montana præstantior* Lob. Ger. Park. *magno flore* C. B. *flore magno ex calice longo* J. B. **Mountain Calamint with a large flower.**

J. B.

Per caules ramósque quadratos *folia* nascuntur adversa, femuncialibus pediculis nixa, fescunciali longitudine, paulo minus lata, subhirsuta, profundè in ambitu serrata: è quorum uniuscujusque sinu pediculus exit unus, femuncialis, quinòs, quaternòsve peculiaribus pedicellis gestans *flores*, parulo hiatus purpurascens, unciali supra himbriatum, striatum, longum calicem longitudine prominentes. *Radix* sanè multò longior quàm in vulgari.

In montosis Etruriæ sylvis, inque montibus propè Max. Carthusianorum cœnobium.

*Locus.*

4. *Calamintha folio & flore parvo, incana* J. B. *Cal. incana* Ocimi foliis C. B. *Cal. minor incana* Park. *montana vulgaris* Ger.

J. B.

*Caulis* hirsutus, cubitum excedentes: *ramuli* oppositi: in summitate *flosculi* hiantes, albi, gravis odoris, ex binis longiusculis pediculis bini: *Folia* Majoranæ quædam multò minora, potissimum superiora, vix crenata aut rarius, valdè hirsuta, inferiori potissimum parte, penè incana.

*Caulibus* Linguagotticis, calidarumque regionum innascitur. *Lob.*

*Locus.*

5. *Calamintha montana Acini aut Serpylli foliis.*

*Caulis* huic teretes, semipedales aut dodrantes, ramosi: *folia* parva, glabra, *Acini* Anglici *Clus.* & illorum in modum rarius dentata: *Flores* in summis caulibus & ramulis verticillati verticillis adè crebris ut spicas longas mentiantur. Verticilli quos diximus constant ex flosculis parvis non sessilibus in foliorum alis, sed multis simul congestis in pediculo oblongo hinc inde ex alis foliorum egresso. Flosculos non vidimus; eorum autem calyces parvi erant margine quinquepartito. Alicubi in Alpibus invenimus.

Cce 13

CAP.

## CAP. XXIII.

## De Melissa seu Melissophyllo.

**M**elissa dicitur hæc herba quia odore ejus apes delectantur in tantum, ut si succo ejus alvearia linantur nunquam diffugiant. Foliis atrovirentibus Calaminthæ majoribus, odore citri, floribus in uno pediculo e cujusque folii sinu egresso pluribus confertis, non ut in Calamintha sparsis, à reliquis hujus familie distinguitur.

1. *Melissa* Ger. *hortensis* C. B. *vulgaris* Park. *vulgaris* odore citri J. B. unde *Citrage* Gesnero dicitur. **Common Baulm.**

J. B.

Apibus gratissima Melissa, ex argumento nomen adepta, caulibus adolescit cubitalibus & alioribus, quadratis, lævibus ferè & nitidis, in plures alas, ex adverso sitas, divisas, solidas, duras, rigidas & fragilibus. Folia è geniculis bina opposita pediculis circiter uncialibus appenduntur [inferiora in caule longioribus, superiora brevioribus, ut in congeneribus] Calaminthæ æmula [inferiora tamen triplo majora] cum splendore atrovirentia, brevi lanugine hirsuta, per ambitum serrata, odore citri, sapore acrimoniâ aliquâ linguam feriente: ex quorum alis verticillati flores emicant [in duobus fasciculis, hinc inde uno, pluribus simul, per brevibus pediculis nixis, secus quàm in Calamintha] albidii, pallidè rubentes, [tubo brevi] supremâ laciniâ bifidâ, labello lateralibusque duobus laciniis saturatiore, ex calyce hirsuto, striato, [bipartito, superiore parte sursum reflexa & tridente, inferiore deorsum porrecta bifidâ, seu in bina segmenta longa acuta divisa.] Radix subest li gnosa, multifida, teres, obliquo actu per terram lata, fibris multis albescentibus, crebris capillamentis cinctis, profundè in terram demissis.

Locis & Tempus.

In Anglia non provenit sponte, quod sciam, sed in hortis duntaxat colitur. Circa Genavam vidit spontaneam in sepibus J. Bauhinus. Floret Junio, Julio & Augusto, Hyeme superficies marcescit radice restitili.

Vires.

Melissa inter herbas cordiales recensetur. Hinc Melancholicis tantum non appropriata est: tristitiam depellit, somnia procreat læta, sensusque acuit. Hinc in Syncope & palpitatione cordis magnas habet laudes apud Forestum & alios. Commendatur à Rondeletio in Paralyti, Morbo caduco, Vertigine, aliisque cerebri frigidis affectibus cum vino cocta, aut macerata & bibita: à Gratarolo in confortanda memoria, & ingenio acuendo quocunque modo comedatur. In remoratis mensibus, & lochiis puerperarum, suffocationeque uteri & flatibus magni usus est. Emendat insuper fœtorem anhelitus.

Mulierculæ in Gallia turiones teneros tusos ovis, saccharo & rosaceo excipiunt, placentalisque pinsum parturientibus, puerperis & enixis quibus vires impendio dejectæ fuerint, & secundæ non probèeductæ.

Extrinfecus usus est in uterinis balneis, cataplasmatis, &c. icibus venenatis apum, vesperum, &c.

Pro Officiis, monente C. Hofmanno, colligenda est tempore verno, & extra florem, ad quem ubi pervenit jam cimices olet.

Ad maniam, R. fol. Melissæ M. minutim incidantur & infundantur in sp. vini 3iv. add. Margarit. p.p. 3℥. Dosis Coch. ij. Erat arcanum familie cujusdam Monspelienfis. *Rivernus.*

Si formulam medicamenti melancholiam refrænantis expetatis (inquit Simon Paullus) hanc accipite, R. Conserv. Melissæ 3j. Boraginis, Buglossæ ana 3℥. confect. Alkermes 3j. cum syr. quinque aperientium, cujus jugi usu præmissis Universalibus recordor à pertinaci Melancholia virginem sanitati pristina restitutam, quæ insuper chlorosi laborabat.

Nostrates Mulierculæ decocto menses fœbi concitant & proritant. Novi unam & alteram quæ satis feliciter sibi menses proliciunt Melissâ recenti tibialibus vel sandaliis solùm inditâ. *Simon Paullus.*

Multi cordis tremore laborantes, jam derelicti à Medicis curati sunt sola Aq. Melissæ cum manu Christi M. ad consistentiam satis crassam, tempore paroxysmi largius adhibita.

Quam etiam in epithemate seu potius cataplasmate adhibitam, imitatione Helidei de Padoanis Medici Bononienfis & præceptoris sui mira effecisse notavit P. Forest. L. 17. Obs. 1. Ex Observat. Jeremias Martii. D. Soame.

*Melissa Turcica* Ger. *Turcica multis aliis J. B. Turcica flore ceruleo & albo* Park. *peregrina folia elongata C. B. Turkey Baulm.*

Odor & sapor Melissam arguunt; at folia in caulibus ramosis, quadratis, subrubentibus, cubitum & sesquicubitum altis, quàm Melissæ vulgaris longiora & angustiora [J. Bauhino sesquicubiti (imò duas uncias) longa, vix semunciam lata, (imò inferiora in planta vegeta uncia latiora.) Lobelius Chamædryis vel Scordii foliis ea comparat, per ambitum serrata, in acutum desinentia. Flores verticillati geniculis circumnascuntur, cerulei vel albi, labello bifido, bifidoque cucullo brevior, binisque alis exiguis constant, ex spinosis caliculis radiatis exeuntes. Semen nigrum, apicello albo, dum adhuc recens est conspicuo, insigne.

Hæc



Hec planta ex Moldavia ad nos primum delata est, ubi sponte per se provenit. Observante *Locus.* Parkinsono, semine lata cœrulea albæ colore non mutat, sed quæ flore est cœruleo, producit perpetuò plantas flore cœruleo; quæ flore albo, plantas flore albo; quod se per viginti minimum annos in horto suo expertum affirmat: idèoque has duas varietates specie distinctas esse contendit; nec præter rationem.

3. *Melissa sylvestris hirsutior, minus odorata; Melissophylli sylvestris genus Matthiolo.*

Hanc in Hetruria prope Liburnum portum copiosè provenientem observavimus.

*Locus.*

## C A P. XXIV.

### De Marrubio nigro.

**F**olius & odore Lamii est, à quo differt floribus in singulis pediculis è singulis foliorum alis egressis pluribus confertis.

A. 1. *Marrubium nigrum* Ger. emac. *nigrum* sive *Ballote* J. B. *nigrum fetidum, Ballote dictum* Park. *nigrum fetidum, Ballote Dioscoridis* C. B. *Stinking Doxhound.*

*Caules* cubitales & interdum bicubitales, plures ex eadem radice lignosa perenni exeunt, brevi lanugine hirsuti, quadrati, inanes, ramosi, rubentes, *foliis* vestiti ad singula genicula ex adverso binis, *Melissæ* aut potius *Lamii* rubri, rotundioribus & nigrioribus, hirsutis & ad tactum mollibus, rugosis. *Flores* verticillatim caulibus adnascuntur, in eodem communi pediculo è folii sinu egresso plures, galeati, pallidè purpurei, saturationibus lineis intus striati. *Calices* striati, oblongi, in quinque acuta segmenta partiti, quatuor singuli *semina* continent parva, per maturitatem nigricantes. Ex iisdem foliorum sinubus unà cum floribus & ramulis exeunt. Odore fœtido *Lamium* refert.

*Ætate* floret in ruderatis & ad sepes.

Hujus folia (inquit Dioscorides) sale trita canis moribus medentur. Ferventi cinere flaccescunt, *Vires.* ut condylomata reprimant: fordida ulcera cum melle purgant. Plinius eadem iisdem ferè verbis retulit.

Decoctum *Ballotes* præstantissimum est remedium in hypochondriacis affectibus, itidè in hysteriis D. Bowle.

2. *Marrubium Hispanicum* Ger. *nigrum Hispanicum, vel Ocimastrum Valentinum Clusii* Park. *Marr. nigrum rotundifolium* C. B.

*Clus.* Pedalis est altitudine, ramis quadrangulis, villo obsitis: *folia* *Ocimi* medii formæ & magnitudinis, gustu adstringente; circa summos ramos *flores* proveniunt, in orbes dispositi *Marrubii* instar, *Ocimi* floribus similes, in vasculis pungentibus. Semen quale *Marrubio* nigrum. *Radix* *Urticæ* aut *Lamii* radicem æmula.

Hujus folia (inquit Clusius) tametsi frequentibus venis prædita, *Marrubii* foliis sunt multo molliora, & minus crassa, neque ullâ odoris gratiâ.

Provenit copiosè circa rivos ex flumine *Guadaluvia* vulgò appellato, id est album flumen, ductos *Locus.* ad urbem Valentiam in Hispaniâ, ubi eam initio Aprilis florentem & sanguine prægnantem observavit Clusius, nusquam alibi sibi conspectam.

## C A P. XXV.

### De Cardiaca.

**C**ardiaca dicitur quoniam peculiari proprietate cordis infantium seu cardiacæ dictæ morbo medetur.

Folius circumscriptione subrotundis & profundè lacinjatis ab omnibus aliis *Verticillatarum* generibus differt.

1. *Cardiaca* J. B. Park. *Marrubium Cardiaca dictum, fortè primum Theophrasti* C. B. Ger. *apothetwoer.*

*Caulis* exurgit bicubitali aut altiore, rigido, firmo, non admodum ramoso, foliis cincto ad intervalla longiora binis oppositis. *Folia* autem ima circumscriptione ferè subrotunda sunt, pallidiùs virentia, in tres insigniores lacinias profundè divisa, lacinis circa margines dentatis, venosa admodum & rugosa, brevi adeò lanugine utrinque obsita, ut nihilominus glabra videantur; quæ in caulibus sunt obscuriùs virent, sentim angustiora sunt, & integra ferè, in longam cuspidem desinunt, ad latera utrinque unico dente uncula. *Flores* in verticillis densis ad caulum nodos,

nodos, parvi, purpurascens, galeati galea integrâ, exterius lanugine alba densa hirsuti, labello parvo propendente, cum duabus ad latera velut auriculis. Flosculorum singulorum calices sessilibus nullis pediculis, ex alis foliorum orti, patuli, breves, marginibus in quinque spinulas longiusculas divisos. Plurimi autem caliculi dense stipati ex singulis foliorum alis oriuntur, seorsim uniusquisque non plures in eodem communi pediculo.

Folia tam quæ è radice exeunt, quam quæ caules occupant longis insident pediculis, quod notatu dignum est. Radice est vivaci.

Locus.

Incultis, ruderatis & asperis locis gaudet.

## 2. *Cardiaca crispa.*

*Cardiaca* speciem elegantem è semine Londino accepto ortam foliis circa margines undatim creberrimè flexis reflexisque seu crispis habuimus.

Vires.

Ad cordis affectus à nonnullis commendatur, & tantum valere existimatur, ut ab effectu nominem invenisse putetur. Verum Schroderus peculiariter inquit medetur distensionis hypochondriorum & *cardiæ* infantium (quem affectum *cardiacum* seu *cardialgiam* appellant.)

Urinam & menses ciet, pectus à pituita detergit, & lumbricos necat. In pulvere contra, & cochlearis mensurâ ex vino hausta difficilè parientibus mirum in modum opitulatur. *Matth.* Quoniam uterinis affectibus conducit nostratibus *Motherwort.* i. e. Matricis herba nuncupatur.

Decoctum *Cardiaca*, ejusve ficcata pulvis cum Saccharo mixtus & exhibitus in palpitatione cordis, lienis morbis & affectibus hysteris admirandæ virtutis & efficaciarum medicamentum est. *D. Bowk.* A veterinariis & mulo-medicis ad boum & equorum morbos usurpatur cum successu.

## CAP. XXVI.

### De Herbis verticillatis calyce calceamenti calcaneum imitante.

**H**Arum notæ sunt flosculi oblongi in singulis foliorum alis singuli: calyx clausus seu operculatus crepidæ aut calceamenti calcaneum referens.

- A. 1. *Lyfimachia cærulea galeiculata* sive *Gratiola cærulea*. C. B. *Tertianaria*, alius *Lyfimachia cærulea* J. B. *Lyfimachia galeiculata* Ger. *cærulea* sive *latifolia major* Park. *Wood-eb Willow-herb*, or *Hoofe-strife*.

*Radix* tenuis, geniculata, alba, sub terra repit, fibris è geniculis demissis. *Caules* quadrati, concavi, rigiduli, glabri, cubitum aut sesquicubitum alti, ramosi, infirmi & in terram reclinati, adeoque fibris è geniculis demissis denuò radicari soliti. *Folia* angusta, longa, acuta, rarius per ambitum crenata, pediculis brevibus innituntur. Bini flores è foliorum contrario situ in cauliculis quadrangulis nascentium sinubus prodeuntes in anteriorem partem propendent adeò æqualiter & conrigui, ut ex eodem sinu orti videantur. *Flores* autem galeati, longi, exterius hirsuti, è violaceo in cæruleum languentes, labello punctulis saturationibus picto. *Calicis* forma peculiaris, calcaneum crepidæ aut calcei imitata, operculo tecta.

Locus.

In aquosis ad rivulos & fossas passim & copiosè oritur.

De hujus viribus nihil invenimus à Botanicis traditum.

- A. 2. *Lyfimachia galeiculata minor.* *Gratiola latifolia* Ger. *latifolia*, sive nostras *minor* Park. *The lesser hooded Hoofe-strife*.

*Radices* albis, ad intervalla geniculatis, & è geniculis fibras emittentibus longè latèque se propagat sub terra reptans. *Caules* surrigit vix palmares, rectos, rigidos, quadratos, tenues ab imo ita ramosos, foliis crebris ex adverso binis cinctos. *Folia* autem semunciam aut unciam longa, triangula, è lata basi in acutum mucronem sensim desinentia pediculis brevissimis insident, in opacis glabra, in apricis hirsuta & subinde rubentia. E singulis foliorum alis singuli flores exeunt, pediculis brevibus tenuibus, versùs unam partem flexis, galeati, tubo longo, purpurascens, labello albo purpureis maculis & lineolis variegato, è calice calcem Sandalii representante, qui delapso flore fit *vasculum seminale* connivens & operculo tectum, quatuor semina occultans. Sapor plantæ amarus.

Locus.

In palustribus Julio & Augusto mensibus floret.

*Lyfimachia galeiculata* Urticæ folio.

3. *Lamium peregrinum* sive *Scutellaria* C. B. *peregrinum*, *Scutellaria dictum* Park. *Cassida* Col. à pericarpio formâ *Galeam militarem* exprimente. *Lamium Astragaloides* Cornut. *Lam. Hispanicum* Park.

Col.

Hujus fructus rotundi sunt & compressi, hirsutitie crassa, asperginosa viscosa & odorâ, manus inficiente dum virent obfusi: quorum pars anterior in acutum producit, fissuram habens oris specie, & deli-per velut in fronte limbum elevatum, sui proportionie magnum, elatum velut diadema, aut crista obliqua.



obliqua, quâ ornari videtur, ut in militum galeis. Cùm ficcari incipiunt, os dehiscentes aperiunt, superiorem cristatam partem ut in galeis elevando, eo ac si miles modo suam nudare vellet frontem, ut solent æstu, vel ut melius videant, & quatuor ostendunt *semina* intus coherentia, parva, rotunda, fusca, verrucosa; quibus perfectis ac desiccatis cum ipsis decidit superior pericarpium elata pars, imam tantum relinquens brevi petiolo hærentem *cauli*; qui ab *radice* parva, urticacea, obliqua, lignosa, flavicante, fibrosa admodum Vere cubitalis producitur vel amplior, solidus, in imo rubescens, rectus, singularis, quadratus, hirsutus, *foliis* circumdatus per genicula binis, in imo parvis, superius majoribus, obscure virentibus in umbrosis, sed in apertis locis ex viridi languentibus, hirsutis, molibus, petiolis à caule recedentibus, circumferratis, & dentibus retusis Melissophylli modo, cui figura & magnitudine similia sunt, non ita rugosa, sed Lamii modo plana. E foliorum sinibus *rami* excentes ad singula genicula bini, *caulem* dividunt: in quorum & caulis summo foliola sunt angusta, parva, acuminata, lævia florum bases existencia, ut in Hormino & similibus, binos flores purpureos galericulatos, Lamii modo oblongos proferentes, non obliquos sed erectos cervice, & uno versu dispositos, collum habentes longum, albescentem: particulatim ab imo floret per longam veluti spicam Maio & Junio mensē, atque Æstate perficitur.

In Italia circa Florentiam, Liburnum & alibi eam observavimus. Florum & calicum respectu *Locus* magnam habet cum Lyfimachia galericulata dicta similitudinem, unde eam primo aspectu Lyfimachiam galericulatam Urticæ folio denominavimus.

Locus incultis intra sepes collium & montium humentia & saxosa amans loca reperitur. Folia amara sunt admodum, ingrata, parum vel nihil odora. *Col.*

Variat flore ex albo pallente, foliis latifolia Calaminthæ similibus, candidis.

Huic simillimum est, & (ut puto) idem Lamium Astragaloides Cornuti.

\* 4. *Scutellaria Americana Malvæ folio*, Moris. prælud.

*Moris.*

Folia emittit Malvæ foliorum quoad figuram quodammodo æmula, sed majora, è quibus profilit *caulis* sesquipedalis, rectus, plurimos in fastigio fundens flores verticillatos, galeatos, quibus evanidis succedunt capsulae tali instar qui supponitur mulierum calceis si posterius inspicitur capsula, si autem superius consideratur capsula seminalis, scutellam omnino refert, cavitate sua in superiore parte.

C A P. XXVII.

*Verticillatæ herbaceæ flore galeâ carente.*

*De Chamæpity.*

**C**hamæpitys, id est humilis Pinus, à foliorum similitudine dicitur, vel humilis Picea, quod folia Piceam oleant. Latinis Ajuga dicitur seu Abiga, quod foetum abigat & abortus faciat: nonnullis Iva arthritica, quod arthritidi medetur.

Chamæpitys foliis Pinus æmulis, & odore resinoso à reliquis sui generis differt. An ad Suffruticos, an ad herbas referenda sit dubito. Ob parvitatem suam & cauliculos teneriores herbis potius annumerandam duximus, quamvis caules in nonnullis speciebus interdum perennent.

- A. 1. *Chamæpitys vulgaris* Park. *vulgaris odorata flore luteo* J. B. *lutea vulgaris, sive folio trifido* C. B. *Cham. mas* Ger. **Common Ground-pine.**

*J. B.*

Plantula est palmaris, nonnunquam vix unam aut duas uncias alta, *radiculâ* satis longâ, simplici & durâ. *Coliculus* teres, hirsutus, propter terram rubescens, cætera ex herbido in luteum vergens, quemadmodum & *folia*, quæ ex brevibus intervallis ad nodos gemina opposita nascuntur, hirsuta, aviculæ digitatos pedes five tridentem imitata, sapore & odore picis aut resinæ: ex quorum alis flores emergunt luteoli, labello latiore, bifido, superiore parte punctulis rubris guttato; galeæ vero vice stamina promunt dilutè purpurascentia, *Semina* in calyculis quaterna, triquetra succedunt, ut in aliis verticillatis. [Floris tubus in ventrem turgescit, & vasculi seminalis vicem præstat.]

In agris restibilibus, sed rariùs in Anglia provenit.

Nervosum genus roborat. Pilulas contra paralyfin vide apud Matthiolum; incidit, aperit, diuretica est & emmenagoga: foetum mortuum & secundinas pellit, adeoque potenter operatur, ut usus ejus in utero gestantibus omnino interdicitur, quoniam abortum facit. Verùm in ischiadicis & Arthriticis affectibus præcipuè æstimationis est decocta in vino, vel in pulverem redacta & cum Hermodactylis & Terebinthina Veneta in pilulas composita. Eadem pilulæ ad Hydropem valde utiles esse perhibentur, usu eorum per aliquod tempus continuato. N. J. Bauhinus ab Hermodactylis cavendum monet. Exteriùs absterfione promoveret vulnèrum & ulcerum solidationem, duritiarum dissolutionem, &c.

*Locus.*

*Vires.*

\* 2. *Chamæpitys*

- \* 2. *Chamæpitys folio non laciniato* J. B. *incana exiguo folio* C. B. *odoratior* Park. *Chamæpitys* J. Dodonæi Ger.

*Ado.*

*Radice* fibrosa Sonchi aut Dentis leonis minore: *ramulos* profert, palmum altos, humi stratos & foliolis septos Sempervivi minoris aut potius Vermicularis, minus carnosus, sed incanis & hirsutus, in quibus *flosculi* ex melino albidus. Suaviorem spirat odorem, interdum uliginosum uti ulnea muscivora quernus aut cedrinus.

*Locus.*

Minus nota hæc & paucis locis obvia (inquit Lobel.) collibus aridis & arvis editioribus Nicæe Sabaudæ & Genuæ Ligusticæ, circum urbem Penem in Italia fruticat, ut quidam affirmant.

Adeò confusè & obscurè de hac planta scribunt Botanici, ut ipsis minus cognita fuisse videatur: Consule J. Bauhinum.

3. *Chamæpitys moschata foliis serratis, an prima Dioscoridis?* C. B. *Cham. sive Iva moschata* Monspeliensum J. B. *Iva moschata* Monspelica Ger. *Anthyllis altera* Herbariorum Park.

Complures ab *radice* crassiuscula, longa fundit *caules* lignosos, palmares aut dodrantes, hirsutos: per quos *folia* crebra, villosa, albicantia, duas tresve uncias circiter longa, vix semunciam lata, quæ caulibus hærent angustiora, unâ aut alterâ circa medium apophysi Coronopi instar donata, aliquando circumcirca integra sibi que similia, unico nervo per longum decurrente. *Flores* satis magni, purpurascens, hirsuti, patulo rictu hiant. *Semen* nigrum, crispum, sublongum, vermiculatum instar aliquantum incurvum in utriculis lanuginosis.

*Locus.*

In saxosis collibus circa Monspelium & alibi in Gallia Narbonensi provenit: invenimus & in insula ad promontorium Siciliæ Pachynum dictum.

- \* 4. *Chamæpitys Austriaca* Clus. Ger. *Austriaca Clusii* Park. *cerulea Austriaca* C. B.

*Clus.*

Elegantissimum est hoc genus, numerosos cum adolevit proferens *caules*, pedales, nonnunquam etiam duntaxat palmares, quadrangulos, firmos, lanugine onustos, frequentibus nodis cinctos, quibus utrinque sibi opposita innascuntur *folia*, Chamæpitys vulgaris foliis similia, latiora tamen, & in quatuor aut plures lacinias divisa, supernè viridia & splendentia, subtus nervosa & nonnihil incana, odoris non injucundi, gustus calidi, non ingrati tamen: Ex singulis alis nascuntur ramuli similiter quadranguli, frequentibus foliis Ajugæ similibus septi, durioribus tamen, qui deinde alia oblonga in alis foliola, angusta mucronata, Libanotidis coronariæ senescentis foliorum pæne æmula gerunt. Summos ramos verticillatim ambiunt rigidiusculi caliculi è quibus exeunt *flores* Ajugæ tertie floribus formâ non dissimiles, sed longè majores & elegantissimi, colore saturæ purpuræ & violaceo, inferiore tamen & propendente labro nonnihil candicante, & sanguineis guttis resperso. *Semina* in singulis caliculis, pro more, quaterna, oblonga, angulosa, colore nigro & splendenter prædita. *Radix* nigra, dura, multis fibris capillata, & singulis annis novos caules proferens.

*Locus.*

In jugo summo montis cujusdam 1½ mil. Viennâ Austriæ distante tenui, nigroque solo, invenit Clusius.

*Tempus.*

Flores profert sub finem Maii & Junii initio, quo etiam mense semen plerunque maturitatem acquirit.

- \* 5. *Chamæpitys adulterina sive Pseudo-Chamæpitys* Park. *Cham. spuria, multifido folio*, Lamii flore C. B. *Cham. spuria altera* Dodon. Ger. emac.

*Clus.*

Pusilla est planta, Ajugæ valdè similis, cum cauliculis, tum foliorum trifidorum formâ, hirsuta tota, subsalfo gustu & inodora, nisi ingratum quidpiam & herbaceum oleret. *Flores* extremis ramis ex alis prodeunt. Ajugæ floribus non dissimiles, majoris tamen paulò & albi. *Semina* sublequantur quaterna in singulis caliculis seu utriculis, cineracei coloris, majuscula & fermè orbiculata. *Radix* crassiuscula est, subalbida & perennis, quantum conjicere licuit.

*Locus.*

In Hispaniis provenit, locis incultis, æstate flores producens.



## CAP. XXVIII

## De Bugula five Consolida media.

**B**ugula Gallicæ originis vox est; Gallis enim Bugle dicitur hæc herba.

Notæ ejus sunt, præter communem huic generi, nimirum florem galeâ carere, sunt caules duum generum alii repentes & teretes, alii quadrati, erecti, flores sustinentes, in spicam laxam dispositos.

Bugula cærulea Alpina non repit clematibus, verum à Prunella differt foliis productioribus, extremis rotundioribus & circa margines dentatis; florum spicis longioribus & laxioribus.

**A. 1.** Bugula Dod. Ger. vulgaris flore cæruleo Park. Consolida media pratensis cærulea C. B. Consolida media quibusdam Bugula J. B. Bugle.

f. B.

Quadrato, inani, hirsuta & aliquantulum cyaneo affurgit caule, palmari aut semipedali: foliis Anagallis aquaticæ majoris nonnihil serratis, binis oppositis, per intervalla nascentibus, colore vel violaceo, vel purpurascens, vel virente; sapore primo occurru subdulci, mox amarescente & adstringente, inferioribus ex satis longis pediculis ad Bellidem accedentibus; clematibus longè se spargentibus. Flores ex foliorum alis calici insident sessili, brevi, hirsuto, cyaneo, quinquepartito cærulei varietis, labello Orchidis alicujus similes, in quatuor segmenta, duo lateralia productiora, inferiora totidem minus alta sed magis lata abeuntes, nullâ galeâ alifve ut Orchides & Lamia, apicibus & stylo cyaneis, sapore melleo si caudicellam qua calici hærent, suxeris. Radix tenuis fibrosa majore adstrictione quàm folia gustum movet. Hactenus J. Bauhinus.

Hic adde caulem hujus plantæ ab omni latere non esse hirsutum, sed duobus oppositis tantum, idæo alternatim ad singula internodia, ut in foliis fit. Singulis flosculis quatuor in imo calice succedunt semina simul juncta, ut in reliquis hujus generis fit. Florum verticilli proximè admoti spicam quandam mentiuntur. P. Renealmus plantam hanc *Stachys* inscribit, quia duum generum caules obtinet, alios tenues, teretiusculos, humi repentes, quibus se propagat, alios erectos, quadratos, flores sustinentes.

Varia floris colore cæruleo, carneo, albo.

In sylvis & pratis humidis frequentissima occurrit, & apud nos Maio mense floret.

Bugulam carneo flore *Clus. Park.* mediam pratensem purpuream C. B. à descripta specie diversam esse nequaquam concesserim.

Consolida media flore luteo C. B. Bugula flore luteo Park. Hæc, inquit C. B. cæteris multò minor est, foliis rotundis crenatis, flore luteo, quam ex Anglia habemus.

Nobis incognita est, nec usquam quod scimus in Anglia sponte provenit. Varietas tantum vulgaris Bugulæ esse videtur.

Vinibus cum Prunella convenit. Vulneraria est tam intrinsecus quàm extrinsecus adhibita. Con-  
fert & ictero, hepatis obstructioni, urinæ retentioni, &c.

Gallis vulgo dicitur illum Chirurgi operâ non indigere qui Bugulam & Saniculam habuerit.

Commendatur Bugula ad disructa, fracta, convulsa cæsaque; idcirco & potionibus vulnerariis additur, in quibus tanta ejus vis esse dicitur ut sanguinem concretum resolvere ac discutere valeat. Præfens remedium esse dicitur aphthis & ulceribus in ore serpentibus.

Unguentum è foliis Bugulæ, Scabiosæ & Saniculæ tuis & in axungia bullitis ad siccitatem usque, & deinde expressis ad omne genus ulcera, contusiones & vulnera sananda plurimum valere scribit Parkinsonus, qui ejus usum nobilibus matronis commendat.

2. Bugula cærulea Alpina Park. Consolida media cærulea Alpina C. B. An Consolida media Genevensis J. B?

Ex radice fibrosa caulis quadratus, striatus, leviter hirsutus inanisque confurgit, quem folia oblonga pediculis donata, angusta, trium unciarum longa, per ambitum incisa, leviter hirsuta cingunt. Flores galericulati, cærulei, è quorum medio filamenta quædam prodeunt, in cacumine quasi spicâ congesti sunt.

Ab hac non puto differre specie Consolidam mediam Genevensem, quam & nos circa Genevam atque etiam Basileam frequentem observavimus. A vulgari differt caulibus ab una radice pluribus erectis; foliis minoribus, oblongioribus, & superioribus profundius crenatis quòdque clematis careat.

3. Bugula odorata Lusitanica Cornuti, Park.

Corn.

Radice habet nigro capillitio fibrosam, nequaquam humi repentem: ab hac succrescunt quatuor aut quinque cauliculi, rotundi, hirsuti, geniculati quâ parte folia exeunt; quæ folia longa sunt hirsuta, atrovirentia, duabus aut tribus laciniis, recurvum dentem referentibus utrinque; divisa: quò autem inferiora sunt ac terræ propiora eò ampliora, quò remotiora eò breviora & angustiora, ut fere tantum capillari tenuitate appareant iis in partibus in quibus flores interpositi sunt. Flores enim inter foliola caulem à medio fere ad apicem usque verticillatim ambiunt, & intermediis foliolis illis obducto veluti sepimento muniuntur. Flores sunt violacei coloris, in tubulum efformati, cujus extremum alterum ab exiguis calicibus prodir, alterum, ut in Bugula nostrate, dum hiæ, rictum quendam

Locus &  
Tempus.

Bugula flore  
luteo.

Vires.

dam mentitur. Decusso flore (quod circa Augustum mensem accidere solet) calyculus *seminum* albis turget, quæ novam sequente anno progeniem subministrat. Seritur mense Martio.

Tota planta odoratissima est, jucundissimæque aspectus, & apud nos proceritate vix pedem implet.

## CAP. XXIX.

## De Scorodonia seu Salvia agrestis.

**S**corodonia ab odore Allii quem exhalat, Salvia à foliorum similitudine dicitur, sylvestris potius quam agrestis dicenda quoniam rarò extra sylvas & dumeta seu frutesca invenitur.

His autem duabus notis, nimirum odore Allii & Salviæ foliis à reliquis hujus generis cum flore galea carente differt, quibus adde flores ex singulis foliorum alis singulos, quæ notâ convenit cum Lyfimachii galericulatis.

*Scorodonia sive Salvia agrestis* Ger. *Scordium alterum sive Salvia agrestis* C. B. *Scorodonia sive Scordium alterum quibusdam, & Salvia agrestis* Park. *Scordus sive Scordium folio Salvia* J. B. **Wood-Sage.**

*J. B.*

*Radice* nititur flexuosa, dura, repente, fibras tenues interdum longas demittente; ex qua *caules* eriguntur plures, cubitales & bicubitales quadrati, hirsuti, purpurascens vel nigricantes, medullâ alba farti, ad quorum genicula *folia* exeunt ex intervallis gemina opposita Salviæ vel Betonicæ nisi acutiora essent, ad Urticam quodammodo accedentia, rugosa, atrovirentia, scabra squallidæque, pilosa, per ambitum ferrata, sapore amaro. Summus caulis in *surculos* aliquot dividitur, in quibus spicatum digeruntur *flores* in unam partem vergentes, ex singulis foliolorum adversorum alis singuli, adeoque bini simul, brevibus pediculis, colore herbaceo, vel candido pallido, ex quorum *rectis* loco *galeæ stamina* exeunt purpurascens; è calice cujus segmentum superius integrum est & sursum reflexum, inferius in quatuor denticellos seu spinulas dividitur. *Semina* fusca, Ocymi grans similia.

In sylvis & dumetis.

*Locus.*  
*Vires.*

Hujus decoctum urinam & menses ciet; in lue venerea utiliter exhibetur. Vulneraria est & præcipuis, five interius sumpta in potionibus, five exterius applicata.

Viribus cum Scordio convenit, & Gesneri judicio ad remedia Scordio præferenda fuerit. Hilli- nus hanc miris laudibus in ulceribus gangrenosis celebravit, & duplicata dosi Scordio substituit.

Sunt qui hujus decoctum lue Venerea infectis non infelicitè propinant. *Dod.*

## CAP. XXX.

## De Scordio.

**S**cordium dicitur hæc herba, quod ejus folia trita odore Allii acri nares feriant.

Odore Allii, foliis & facie Chamædryos, loco palustri & reptatu ab aliis hujus generis abunde distinguitur.

A. 1. *Scordium* J. B. C. B. Ger. *legitimum* Park. **Water-Germander.**

*J. B.*

Præsentis ad venena remedii commendatione Scordium inter reptantes plantas reponimus: *caules* palmares ac majores interdum, ramosi, geniculatim progredientes, demissis fibris Pulegii modo terram comprehendunt, partim surriguntur, plures ex *radiculis* capillaribus, hirsuti, quadrati, inanes: *Folia* Chamædryos oblonga, rugosa, serrata, tactu mollia, hirsuta, albicantia, odore Allii sed remissiore & gratiore, sapore amaro: ex eorum alis ramuli etiam pronascuntur. *Flores* indidem quoque undique per caulem quaterni, Chamædryos floribus perfimiles, colore rubentes, scutellatum label- lum demittentes, quatuor ansis superiore parte donatum galeæ loco, quæ huic ut Chamædryi nulla: *Staminula* profiliunt purpurascens: emicant autem flores ex folliculo in quinque mucrones partito [quod omnium fere verticillatarum floribus commune est] lanuginoso, pediculo brevi rubescente: *Semen* minutum.

*Locus.*

In palustribus Eliensis insulæ copiosè provenit.

2. *Scordium alterum lanuginosum verticillatum* C. B. *Scordus Plinii primum* Park. *Scordus tomentosa Cretica* J. B.

*Bell.*

*Folia* tomentosa Menthastræ Marrubiique albo similia profert: per terram in orbem diffunditur, multis ramis è *radice*, quæ magna & perennis est, prodeuntibus, quadrangulis, tomento albo obfusa ut Marrubium, in quorum summitatibus *flores* Marrubii albi in quadam magna spica hærent, quibus succedit *semen* nigrum. Tota planta major & crassior est Scordio vulgari.

*Nascitur*



Nascitur ubique inter saxa, secus vias & in marginibus agrorum. Alii odorem ut Scordium refert, & in tota ferè Creta Seplassarii pro Scordio promiscuè hanc herba utuntur. Alpinus in exot. plantam hanc prolixius describit, quem consule.

3. *Scordotis altera Plinii Pomæ Ital. Park.*

*Caules* erectioribus, ramosioribus assurgit; foliis similibus sed majoribus, rotundioribus denticulis incis. *Caules* & ramuli in spicas flosculorum rubentium desinunt.

*Scordium* Alexipharmacum ac sudoriferum est; usus præcip. in peste pestilentialibusque morbis, febribus malignis, (tam præservando quam curando) in obstructionibus epatis ac lienis, in pulmonibus purulentis ac mucilagine refertis, extrinsecus mundificat vulnera & ulcera, lenit dolores podagricos. *Schrod.*

Sunt qui in mensium profluvio cum successu exhiberi velint. *Idem.*

Succus ejus seu pulvis valet ad lumbricos intestinorum. Verum præcipua vis est in veneno expellendo, & adversus pestem aliisque morbos contagiosos.

Ex hac herba paratur Electuarium inde Diafscordium denominatum; eximii usus ad omnes prædictos affectus. Cardiacum est insigne & usurpatur in iis individuis in quibus Theriaca & alia calida locum non habent. Nutrices nostræ parva dosi etiam infantibus exhibent ad tormina intestinorum.

Gasp. Guilmannus Med. Augustan. plurimos bubones pestilentes ruptos & ulcera maligna curavit feliciter solo pulv. Scordii, & nondum ruptos aperiebat. D. Soame ex \* Observat. Hieron. Reufneri. \* Obs. 132.

Ddd

HISTO-

# HISTORIÆ PLANTARUM

## LIBER DUODECIMUS.

De Herbis semine nudo Polyspermis,

HOC EST,

In quibus singulis floribus plura quatuor succedunt semina,  
nullo certo aut definito numero.

**P**RO seminibus nudis habeo quæcunque folliculos aut tegmina privata, (siquæ habeant aut habere videantur) sponte non exuunt, verum iis induta à planta matre abscedunt. Hinc semina Malvæ pro nudis habeo, quia privatos folliculos sponte non exuunt. Seminum tunicæ Animalium secundis respondent, conceptacula utero; quod ergo cum semine excidit pro secundis hoc est, seminis tunicis habendum est. Si cui aliter videtur, suo per me licet fruatur iudicio.

*Herba semine nudo polysperma, hoc est, in quibus singulis floribus plura quatuor succedunt semina nullo certo aut definito numero, sunt vel flore.*

(Perianthio testo

Tripbyllo, flore

Tripetalo aquaticæ, foliis

{ Plantagineis : PLANTAGO aquatica  
{ Sagittæ cuspidem referentibus : SAGITTARIA.

Polypetalo, calice

{ Cum flore deciduo, foliis integris, radicibus tuberosis : semine perfecto, brevi marcescente superficie, radices perennant ; CHELIDONIUM MINUS.  
{ A flore superstiti, foliis tripartitè divisis, floribus cœruleis, albis aut carneis ; HEPATICA nobilis.

Utraque hæc planta primo vere floret ; prioris autem flos flavus est.

Pentaphyllo, unà cum flore deciduo, seminibus in globulum echinatum congestis, flore

{ Pentapetalo ; RANUNCULUS  
{ Polypetalo ; foliis tenuissimè dissectis, radice

{ Perenni, flore flavo ; HELLEBORUS niger ferulaceus.  
{ Annua, flore rubro aut flavo ; FLOS ADONIS, Eranthemum.

Octaphyllo, seminibus in rotulæ aut caseoli formam circumactis, foliis [ in malvis roseis calyx geminatus est & uterque calyx in quinque lacinias divisus ]

{ Integris ; MALVA : quæ folio est productiore & anguloso *Alibæa* dicitur.  
{ Dissectis, seu laciniatis ; ALCEA.

Decaphyllo seu in decem segmenta diviso, à flore superstiti, seminibus



{ *Caudatis*, appendicibus uncinatis aut plumosis adhzrentibus, foliis pinnatis, radice aromatica; CARYOPHYLLATA.  
 { *Nudis*, absque ullis appendicibus, foliis venosis

{ *Digitatis*, in eodē pediculo

{ *Ternis*, seminibus

{ *Pulpæ molli esculentæ innascentibus*, flagellis reptatricibus; FRAGARIA *fertilis*.  
 { *Siccis* non reptatrix; FRAGARIA *sterilis*.

{ *Quinis aut septenis*, flore

{ *Pentapetalo* aut polypetalo; PENTAPHYLLUM.  
 { *Tetrapetalo*; TORMENTILLA, Heptaphyllum.

{ *Pinnatis*,

{ *Incanis* aut *tomentosis*, reptatrix; ARGENTINA.  
 { *Virentibus*, erectæ aut provolutæ; PENTAPHYLLOIDES.

{ *Nudo*, absque perianthio; v. Tab. seq.

His annumeranda est *Sagittaria aquatica* quæ flore est tripetalo: v. in capite de Anomalis.

## CAP. I.

## De Chelidonio minore.

**C**helidonium *Χελιδόνιον* à *Χελιδόν* *Hirundo*, *Chelidonium* visui saluberrimam *Hirundines* monstrare, vexatis pullorum oculis eā medentes: quibusdam sic dictum quod in *Hirundinum* adventu floreat, & discessu marcescat. Plin. l. 8. c. 27.

Posterior ratio nobis magis arridet.

*Chelidonium* calyce triphylo cum *Hepatica trifolia* convenit, ut & flore polypetalo; ab eodem differt calyce cum flore deciduo, ut in *Ranunculis*, & foliis integris subrotundis.

Possent autem hæc duo genera, nec minùs commodè cum *Flore Adonidis* & *Helleboro ferulaceo* conjungi, ob florem polypetalum: nec multum interest.

A. 1. *Chelidonium minus* Ger. Park. *Chelidonia rotundifolia minor* C. B. *Scrophularia minor* sive *Chelidonium minus* vulgo dictum J. B. *Pilewort* or the lesser *Celandine*.

J. B.

Plantula est palmaris, aliàs paulo major minòrve: quæ quotannis nova radice foliis & flore, sicut *Saryriones* & *Aron*, reviviscit. Ea [radix] nobis insipida est, partim bulbulis aliquot, modò pyri-formibus, modò longis, ferè teretibus aut ventricosis utrinque acutis, modò rotundis, foris pallidis, intus albis; partim fibris multis candicantibus constans: unde emergit *cauliculus*, secundum terram albicans, supernè dilutè purpurascens, imâ parte geniculo donatus, ex quo oriuntur folia bina opposita, longis pediculis ex lato principio coloris carnei, sensim in angustum virescens desinentibus, aliquatenus hederacea, sed molliora, minora, rotundioraque, splendentia, nervosa, maculis albis interdum notata, (sicut & bina illa quæ statim è radice oriuntur) indidémque ex alis foliola minora, magisque angulosa, simili colore & nitore splendentia, glabra. Reliqui caulis folia profundius incisa *Hederæ* helicis repentis foliis proxima, alterno plerunque situ, brevioribus pedicellis virentibus appensa. Summo fastigio ramulorum insidet flos unus, *Ranunculi æmulus*, ex octo aut novem foliis, aureo fulgore radiantibus, unguibus chloris, compositus, è calice tribus brevibus & carinatis foliis constante exiens, in medio habens *staminula* multa crocea, ex tenui latescencia, averfa parte sulcata. Succedit *capitulum* *Ranunculi* echinatum, è viridi luteum ex seminibus congestum. Floris & foliorum sapor herbaceus.

Vidi in hac planta, cum jam defloruerat, & marcescere incipiebat, bulbulos tritici granorum æmulos ex ipsis foliorum alis succrescentes.

Apud nos in Anglia sub finem Martii & Aprilis initio floret. Maio flores & folia evanescent, ra. Tempus.

dicibus in terrâ ad ver usque proximum latitantibus.

Nascitur (ut rectè Dod.) in pratis, secus vias, in scrobium fossarumque marginibus, uliginoso Locu.

præsertim solo.

Veteres *Chelidonio* suo minori insignem acrimoniam attribuunt, cuius nostrum particeps non est; *Vires* proinde haudquaquam confert iis morbis quibus *Chelidonium* Veterum. Hanc differentiam loco attribunt C. Hofmannus & alii. De hoc inquit observandum fieri quod in *Aro*, *Asphodelo*, aliis, ut radix quibusdam locis valdè acris sit, quibusdam dulcis & edulis: ego specie differre suspicor *Chelidonium minus* Veterum, & Recentiorum. Schroderus radices hujus refrigerare & humectare scribit.

scribit. Utiles esse in ictero, scorbuto, hæmorrhoidum fluore. Extrinsecus specificè marisicos sive ficos ani curare, dentiumque putredini maximopere subvenire.

Hofmannus hoc inquit scio ex fide dignis, radices tam esse aptas hæmorrhoidibus ut appropriatè dicantur. Ideò non tantum abluunt decocto ex vino, ex urina propria, sed vel per pulverem aspergunt, vel emplastri modo imponunt; imò amuleti loco gerant. Audivi, qui diceret, non tantum tantum extinguere dolorem, sed & interiùs, in reddendo consueto illarum fluxu.

Duplicem signaturam gerit hæc herba, alteram scorbuti, purpureas maculas in foliis; alteram ficosum ani tumentium, radicum tubera.

Radix recens imposita funditus extirpat strumas & scrophulas, unde & nonnullis Scrophularia dicitur, Planta calida est & acuta, quia sale acri pollet. Nam aqua destillata est acris. D. Hermann. Habui ex relatione D. Palmer.

\* 2. *Chelidonia rotundifolia major* C. B. Park. *The greater Pile-wort.*

C. B.

Hujus radix fibrosa est, quibus aliquot oblongi testiculi adhærent. Folia est subrotundis, crassis, lævibus, ad foliorum Afari magnitudinem accedentibus, sed nonnihil quandoque sinuatis, pediculis semipalmaribus donatis, & humi procumbentibus. Cauliculo palmo minori flos infidet calyce triphyllo, membranoso sustentatus, qui pallide luteus, magnus, vulgari quadruplo major, ex quinque vel sex foliis, quorum singuli ad medium fissi sunt, componitur, & ad ejus umbilicu mittuntur plura rufescentia conspiciuntur.

Locus.

Montepessuli locis humidis provenit.

D. Magnol se similem circa pontem Castri novi vidisse scribit, quam à minori vix separandam arbitrat. Verum, unde delata, habetur in Horto Regio Parisiensi, inque Horto Academico Leydeni.

Chelidonium minus floribus plenis, & Chel. mint. foliis maculatis pro varietatibus accidentalibus habeo, non pro speciebus distinctis.

C A P. II.

De *Trifolio hepatico.*

1. *Trifolium hepaticum flore simplici* C. B. *Trif. hepat. sive Trinatis herba flore ceruleo* J. B. *Hepatica nobilis sive trifolia* Park. *Hepaticum trifolium* Ger. *Hepatica*, or *noble Liverwort.*

**R**adices crassiusculæ in plurima capita divisæ, fibris innumeris ex rubro nigricantibus variè intertextis capillatæ, adeò ut totæ fibris huc occultentur, nec aliud esse videamur quam massæ seu congeries fibrarum glomeratarum & miris modis implexarum. E singulis autem radicis capitulis seu nodulis quotannis progerminant primò flores; deinde folia, cum primum emergunt complicata & hirsuta, postquam extenduntur glabra, supernè obscurius viridia, averrà parte pallidiora, & interdum Cyclamini modo purpurascencia, triquetra, in tria segmenta non tamen ad pediculum usque divisæ, per margines æqualia, pediculis sesquipalmaribus & longioribus insidentia. Caules ex eadem radice plures, tenues, breviores quàm sint pediculi foliorum, nudi, singuli singulos flores sustinentes, speciosos, sex & interdum septem aut octo foliis compositos, plerumque ceruleos, rarius carneos aut albos, staminibus cum suis apicibus intus plurimis, è calice trifolio à flore delapso superstitè, semina aliquot nuda, acuta, Ranunculorum modo in globulum congesta protegente.

Variat floribus colore cæruleo, carneo, albo.

Tempus & Locus.

Februario mense floret si hyems clementior fuerit. In Anglia sponte, quod sciam, non provenit; in transmarinis invenimus in monte *Wasserfall* non longè à Scaphusia Helvetiæ urbe.

Decem hujus plantæ species seu varietates proponit Parkinsonus in Paradiso suo terrestri. Hæ sunt.

1. *Hepatica flore cæruleo simplici major*, nobis descripta.
2. *Hepat. minor flore pallide cæruleo*. Hujus folio quàm præcedentis dimidio minora crebriora: flores (quos tamen apud nos rarius fert) pallide cærulei & minores quàm illius.
3. *Hepatica flore purpureo*. Solo floris colore saturatiore violaceo à prima specie differt.
4. *Hepat. flore albo minore*. Flore est albo, præcedentis flori æquali: foliis tantillo minoribus & pallidioribus.
5. *Hepat. alba magno flore*. Flores magnitudine, (qui proximè describendæ æqualis est) à præced. differt.
6. *Hepat. albida sive argentea*. Foliis & floribus præcedentium, exceptâ ultimâ, majoribus est: & forum colore è dilutè rubente cinereo, paulatim in album languente.
7. *Hep. alba, apicibus rubris*: non alia in re quàm apicibus staminum rubris ab *Hep. alba* differt.
8. *Hep. flore rubro*. Hujus folia etiam aliquanto magis rufescunt quàm *Hep. vulgaris cærulea*.
9. *Hep. flore purpureo multiplici, sive pleno*.
10. *Hep. flore cæruleo pleno*.

Pleraq; hæc varietates vel loco natali, vel sationi, vel culturæ & mangonio debentur.

Vires.

Probatum maximè à recentioribus medicis (inquit J. Bauhinus) ad vulnera glutinanda tam foris illata, quàm intus sumpta: item ad enterocelas, in quem usum pulverem dimidii cochlearis mensurâ ex vino austero propinant. Tota planta decoquitur in vino eodem ad columellæ fauciumq; inflammationes:



maiores. Refrigerat enim, siccit & roborat. Quare adversus intemperies calidas, & inflammationes hepatis & febrium calores perutilis. Rarius prescribitur à Medicis nostratibus, & in illis qui eo uti suut se nullum potuisse effectum observare scribit Parkinsonus.

2. *Hepaticis nobilis flore albo parvo Tradescanti, an Virginiana Park.*

Hæc species foliis obscure viridibus, flore albo parvo apicibus albis à congeneribus differt. Tradescantius spontaneam invenit in Virginia, (quantum meminit Parkinsonus) & in Angliam detulit.

## CAP. III.

## De Ranunculo.

**R**anunculus *Bergii* à ranis dicitur, vel quod ranarum more humidis limitibus, opacisque marginibus lætetur: vel quod ranæ inter ejus frutices frequenter inveniantur.

Floribus plerumque pentapetalis unâ cum calice caducis; seminibus succedentibus unicuique flori plurimis in globulum aut spicam & plerumque asperum seu echinatum congestis, ab aliis congeneribus plantis distinguitur.

Ranunculi plerique [non tamen omnes] vim habent exulcerandi & crustam cum dolore inducendi: unde & scabros ungues & scabiem remonent, & stigmata & puncta delent; fornicarias item ac peniles verrucas & alopecias ad breve tempus imposita tollunt. Radix arida trita naribus adnota sterutamenta movet.

§. I. *Ranunculi pratenses & arvenses.*

A. 1. *Ranunculus pratensis repens Park. prat. repens hirsutus C. B. pratensis etiamque hortensis Ger. repens flore luteo simplici J. B. Common creeping Crowsfoot or Butter-cups.*

Radix plurimis fibris albescentibus constat. Folia prælongis insident pediculis tripartito divisa, segmentis Apii fere similibus, altius incisus & circa margines dentatis, utrinque hirsuta, atrovirentia, maculis albis subinde notata. Cauliculos emittit plurimos, tenues, teretes, hirsutos, concavos, supinos & humi sparfos, ad intervalla è geniculis radices agentes. Est enim planta plerum fundorum, ut vocat *Fungius*. Flores in pediculis longis seu sursulis ex adverso foliorum ortis pentapetali, flavi, splendentes ac si vernice oblinerentur, è calice pentapetalo, staminibus & apicibus intus plurimis flori reliquo concoloribus.

Cum flore calix unâ decedit, quibus succedunt semina plurima, in capitulum echinatum conglobata, singula enim apices habent acutos, per maturitatem autem nigricant.

In pratis & hortis præsertim humidioribus.

Reperitur interdum flore pleno seu multiplici, qui ob raritatem & elegantiam in hortis colitur; Ranunculus hortensis inclinans C. Bauhino dictus. Hanc speciem minime acrem esse perhibet Tragus & propterea citra noxam aut periculum ullum, corpori adhiberi posse; quin & mulierculas Germanicas Aprili menſe illum tenerum unâ cum aliis pleribus decoquere solet.

A. 2. *Ranunculus bulbosus. Ger. Park. tuberosus major J. B. pratensis radice verticilli moderatunda C. B. Round-rooted or bulbous Crowsfoot.*

Folii & floribus præcedenti similis est. Differt ab eo 1. *Radice* in bulbos intumescens. 2. *Caulibus* erectioribus, & minime reptantibus. 3. *Folii* in caulibus superioribus in tenuiores & longiores lacinias dissectis. 4. Quod calicis folia cum flos aperitur ad pediculum reflexa sint, cum in illo petalis subjecta & contigua ea sustinere videantur. 5. Quod paulo maturius floreat. 6. Quod capitula seminum paulo productiora sint; semina autem singularia spinulam in apice non habeant, qualis in repentis seminibus cernitur. Possent & aliæ adhuc differentię observari, sed hæc ad distinctionem sufficiunt.

Solet hic quotannis veterem radicem in terram profundius detrudere, supra quam nova gignitur.

In pascuis ubique & nimis frequens reperitur.

Hujus etiam varietas flore pleno in hortis colitur; qui Ranunculus bulbosus flore pleno C. B. Ranunculus minimus saxatilis hirsutus C. B. ab hoc non distinguendus videtur J. Bauhino & nobis.

Tragus hanc speciem Ranunculum sceleratissimum vocat: Et C. Hofmannus Mendicos hæc plantam exulcerare ait, ut miserabiles videantur.

Aquam radicum hujus destillatam, aut infusionem cum spiritu vini factam contra pestem extollunt heriblege Noricæ. *Cat. Aldi.*

Radix hujus herbe omnium consensu adurit & exulcerat efficacissime, pustulas excitat, unde non nisi externis corporis partibus adhiberi debet: quare, inquit Tragus, erodendis & exsiccandis duris tumoribus mirifice conducit, verrucas peniles seu fornicantes & id genus vitia tollit.

Monet Camerarius radicem, si recens sit causticam esse ac admodum urere, exsiccata autem postunum mensem dulcem effici.

Nicolaus Chesneau Massiliensis M.D. in Cephalalgia succum Ranunculi [bulbosi ut puto] commendat; qui (inquit) cum dolor parvum locum occupat, ad miraculum eum tollit. Eligitur species quæ foliis Anemone assimilatur, & linguam mordet quam maxime masticata, cuius folia concutuntur in mortario ligneo aut marmoreo, factoque emplastro perforato, ut in applicatione pyrotici solet fieri, & loco dolenti imposito, applicantur supra foramen folia Ranunculi contusa, & multo succo madentia, non tamen ut diffluat, emplastroque non perforato superimposito, duarum horarum spatio cutem aperit in tenero loco & depilato, præcipue si colligatur herba in loco soli exposito; in capite verò ubi pili nascuntur non facile aperit, sed parte in tumorem elevatâ dolorem sedat. Hic unum advertendum, ut circa oculos ponatur in parva quantitate, propter palpebrarum & partium circumjacentium inflationes quas gignit stupendas, nullius tamen periculi. Multa adducit exempla Cephalalgia hoc medicamento curatæ. Eodem etiam cum successu utitur in Athritide. Sacerdos, inquit, quidam cum ex reliquiis podagræ per tres annos integros detineatur in lecto, incedere non valens, loco magis dolenti imposuit Ranunculum eo modo quo in doloribus capitis diximus, & sanatus est: quod est species quadam curæ quam ex Paracello apertam vocavimus, quâ crassus humor cutem penetrare non valens hoc modo educitur.

Quidam peste correptus & in magno periculo constitutus servatus est duobus fonticulis factis in inguine bubonem habente. Applicavit scilicet folia Ranunculi contusa in parte interna carnosæ coxæ, vesicæque & ulcera excitavit, quæ tantam materiæ venenatæ quantitatem emisissent, ut servatus fuisset.

Alius in axilla bubonem habens, applicavit in medio muscoli bicipitis brachii ejusdem lateris fol. Ranunculi contusa ad nucis magnitudinem, circum inungendo nutrito, & more vesicatorii ulcera aperta servando. Qui hæc exempla retulit fuit testis ocularis. Eruditiss. Vir D. Edv. Hulse excerptis, & inter alia multa ad nos transmisit.

3. *Ranunculus maximo tubere, flore magno pleno* J. B. *radice tuberosa flore pleno & profuso* C. B. *maximus Anglicus* Ger. *Anglicus maximus multiplex* Park. *The great double flowered Crowfoot, or double Spee or Dee.*

J. B.

Jucundi spectaculi oblectamento omnium Ranunculorum primas obtinet, amœno florum incremento; qui colore aureo, non tantum denso foliorum stipatu luxuriant, sed & è medio flore alius assurgit minor, hirsutis suis foliis quinque non minus quam inferior obvallatus, numerosaque foliorum congestione multiplex, pediculo infestiorum transadigente: *Folia* rugosiora quam Ranunculi pratensis, majora, rotundiora, inque minus acutos angulos divisa. *Radix* subest tuberosa, verticillata, Cyclamini magnitudine, valde se multiplicans.

Locus.

In hortis nostris frequentissimus esse solet, nescio an aliter à Ranunculo bulboso seu tuberoso minore differat, quam quod major sit & flore pleno.

- A. 4. *Ranunculus rectus foliis pallidioribus birsutus* J. B.

J. B.

*Radices* figitur multis, fibrosis, albis, nequaquam reptantibus [neque radicibus neque caulis reptant] unde caules pullulant complures, pedales vel cubitales, cavi, molles, hirsuti, in varios ramos divisi, [non raro terram versus reclinati] quorum extrema flores sustinent parvos, luteos, apicibus medium occupantibus crebris luteis ut in aliis: quibus succedunt capitula alpera, ut in ple-risque Ranunculis, sublonga. *Folia* multo minora sunt quam in reptante vel Recto, hirsuta, longis pediculis nixa quoque [at quæ in caulibus sunt brevioribus] in tria primaria segmenta divisa, quorum unumquodque deinceps in profundiores lacinias subsecatur, quorum color subpallidus minisque vi-rens quam in reliquis Ranunculi speciebus. At verò priora nec profundè, nec in tot lacinias divisa sunt ut suprema, figurâ etiam sunt rotundiora, [maculæ albæ obscuræ & vix perceptibiles sunt] In gustu nullam percepimus acrimoniam manifestam.

Locus.

Locis humidioribus & lutosiss etiam apud nos abundat, florêtque Maio, Junio & Julio.

5. *Ran. magnus valde birsutus, flore luteo* J. B.

Ex radice oblonga, ex qua veluti capillamenta sursum feruntur ad modum Dauci alterius Fuchii, caules prodeunt cubitales, striati, cavi, hirsute asperi, & ex rufis flavescentes, qui in ramos brachiantur: foliis quinque sensive palmaribus & sesquipalmaribus pediculis [caulis formâ & colore] è radice prodeuntibus, quæ densa sunt, lata, in ternas profundas lacinias divisa, quæ denuò incisa sunt, per ambitum serrata, colore ex viridi nigricante vel potius rufescente, quæ propter lanuginem & hirsutiem splendent: in caule folia parva & quidem brevioribus pediculis habentur. In summis caulibus flores parvi, aliorum Ranunculorum more, quinque foliis donati, pallide lutei; Semen in capitula congestum succedit.

Locus.

Hunc aut ei valde similem in pascuis in summitate montis Salevæ propè Genevam copiosum observavimus, non tamen locis umbrosis sed apricis & soli expositis.

6. *Ranunculus tenuifolius montanus luteus* J. B.

Peculiaris hæc Ranunculi species est. *Radix* ex capitulo denso tenuium fibrarum longarum nigricantium agmine constat. Ex qua ima statim folia singularia longis pediculis oriuntur, Geranii Grimalis



Grainalis sive quarti Fuchsi, tripartita, sed magis dissecta parte singula in minores divisuras. Cauliculi plures sesquipalmares, graciles, quibus adherent folia sine pediculis, sed in angustiores quam priora multo partes divisa & verè digitata: in quorum summo flores singulares, lutei, splendentes quinquefolii; quorum media numerosi apices concolores sed obsoletiores occupant: inter quæ crassus quidam globulus futurorum seminum ut in reliquis Ranunculis rudimentum.

In mentis Juræ præalta parte Thuri J. Bauhinus & nos post eum hanc speciem observavimus. Locus.

A. 7. *Ranunculus pratensis erectus acris* C. B. *prat. erectus acris vulgaris* Park. *rectus, non repens flore simplici luteo* J. B. *surrectus cauliculis* Ger. *Upright Meadow-Crowfoot.*

Ad bicubitalem altitudinem surgit caulibus rectis, rotundis, concavis, brevi & rara lanugine ob-  
 ratis, unde & omnino glabri videntur. Folia quæ à radice exeunt prælongis insident pediculis, & figurâ & divisurâ suâ Napelli aut Aconiti lutei foliis persimilia. Caules in ramos plurimos dividuntur, qui in summitatibus suis flores gestant luteos, pentapetalos, Ranunculi repentis similes, è calice hirsuto pentapetalo. Floribus singulis succedunt in capitulo subrotundo, minore quàm Ranunculi repentis, semina plura compressa, acutis in summo apicibus. Folia interdum purpureas habent maculas, suntque brevi lanugine hirsuta, acia, nec ad pediculum usque in tres partes divisa, quemadmodum Ranunculi repentis folia.

In pratis & pascuis ubique ferè obvisus est.

Habetur in hortis flore pleno seu multiplici qui *Ranunculus hortensis erectus flore pleno* C. B. Locus.  
 rectus non repens flore pleno J. B. cujus & Gerardus & Parkinsonus meminere, verum non ut distinctæ speciei.

8. *Ranunculus pratensis erectus dulcis* C. B. Park. *Sweet upright Meadow-Crowfoot.*

A precedente non aliter differt quàm quod minimè acris sit aut causticus ut præcedens, sed mitis, sapore dulci & non ingrato, unde & à Germanis cum folia ejus adhuc tenella sunt pro odore inter alias herbas usurpatur.

Et hic etiam flore pleno reperitur, qui Gerardo *Ranunculus dulcis multiplex*: C. B. *Ranunculus dulcis flore pleno* Park. *Ran. erectus dulcis flore multiplici.*

9. *Ranunculus magnus hirsutus repens flore pleno* J. B.

J. B.  
 Ex radice fibrosa caules tollit cubitales, crassos, satis hirsutos, juxta terram rubentes, superius virentes, fistulosos, in ramos aliquot brachiatos, & ubi terram attigerint fibris, malorum Ranunculorum more, se radicantes denuo. Flores in ramulorum extremis majores quàm in præcedenti, [Ran. repente vulgaris] numerosa foliorum serie constant, quorum exteriora croco tincta splendent, modico intervallo diducta, interiora virentia aut chlora, scandilato incubitu confertim stipata, exterioribus altiore situ posita, imbricatam Coni Cedri Libani dicti conglutinationem quodammodo æmulantur, reliqua dumtaxat umbilicata in summo lacunâ: Toti flori subjecta foliola quinque, hirsuta, virentia. Folia alia à radice oriuntur, alia à ramis, pediculo longo, fistuloso, palmari & dodrantali, hirsuto, valde lata: primariâ divisurâ triplici, quarum unaquæque rursum tripartita, obtusa, crassa, hirsuta, superna parte atrovirentia, splendens & rugosa, infernâ ex albedo virentia dilutius: nonnulla interdum folia, ut circa floris pediculum antequam se expandat, caulem immediate ambiunt, in tres oblongas divisuras acutas, amplius non dissectas abeuntia.

Flores mense Aprili.

Memini me cum puer adhuc essem Ranunculi florem vidisse, ei quem J. Bauhinus describit, persimilem. Erat autem is frequens tunc temporis in hortis apud nostrates. Tempus.

A. 10. *Ranunculus hirsutus annuus flore minimo.* *Field-Crowfoot with a small flower.*

Radix ei fibrosa fibris majusculis albis, gustanti, nihil vel parum acris. Flos longis pediculis insident, hirsuta & ad tactum mollia, circumscriptione rotunda, & Geranii columbini foliis nonnihil similia, pallidiuscula, in tria segmenta insigniora divisa, non tamen ad pediculum usque, per margines dentata majoribus denticulis. Caules ab eadem radice plures, interdum erecti, sæpius in terram reclinati, in ramulos divisi, foliis alternatim positos vestiti, quibus ex adverso oriuntur flores longis pediculis insidentes, lutei, pentapetali petalis acutiusculis, & omnium quos mihi hæcenus videre contigit minimis. Succedit capitulum plurimis seminibus compressis mucronatis coagmentatum.

In fossarum aggeribus sæpius occurrit: invenimus & in arvis requietis. Locus.

11. *Ranunculus ceratophyllos; seminibus falcatis in spicam adactis* Moris prælod. *Melampyrum perpusillum luteum* Park. Lob. *luteum* Ger. *luteum minimum* C. B.

Flos est ter tripartitis, cornucervi quodammodo referentibus: è quorum medio exeunt cauliculi plurimi, triunciales, singuli singulos sustinentes floculos, aliorum Ranunculorum modo quinis pediculis luteis constantes, ambiens rudimentum viride, quod tandem in spicam degenerat uncialem, seminibus falcatis onustam.

Annua

Annua est plantula, praecox, mense Martio florens in segetibus Gallo-provinciae & Narbonensis Galliae frequenter.

Melampyri speciebus perperam accensetur.

### §. 2. *Ranunculi nemorosi.*

- A. 1. *Ranunculus nemorosus dulcis secundus Tragi Park. auricomus Ger. nemorosus vel sylv. folio rotundo C. B. rotundifolius vernus sylvaticus J. B. Sweet Wood-Crowfoot of Goldilocks.*

#### 7. B.

Fibrosa radice nictur, minimè acri; ex qua surriguntur aliquot caules, fistulosi, dodrantales aut pedales [Apud nos certè cubitalem & sesquicubitalem altitudinem, quam J. Bauhinus citat attribuit, nunquam quod ego viderim, assequuntur,] in ramos brachiati, quorum singulis insidet *fol. Ranunculi aureus*, quinque foliis caducis constans, quæ extrorsum totidem triplo minoribus circumdantur, in medio staminibus donatus plurimis crocatis. Succedit echinus qualis in vulgaribus *Ranunculis*. *Foliorum* autem mira est varietas, nam ex inferioribus quædam circinata rotunditatis integra sunt, & in ambitu serrata, alia manente rotunditate triplice quintuplicève divisura incisa; Atque ista quidem omnia longis pediculis appensa, è radice statim oriuntur, & in hortis culta insigniter crassescunt, ut alterius esse plantæ quodammodo videantur. At quæ ad alas & ramorum divaricationes in tenuissima & oblonga segmenta divisa, radiatæ stellæ more caulem sine pediculo amplectuntur.

In sylvis & dumetis Aprili floret, & postquam semen dederit superficies marcescit, radice restibili.

Locus.

2. *Ranunculus nemorosus Thalictri folio C. B. Ran. Thalictri folio J. B. Thalictri folio major Park. Parad. praecox Thalictri folio Ger. emac.*

#### Clus.

Caulem habet pedali altitudine assurgentem, gracilem, ex viridi rubescentem, in quo quaterna aut quina *folia*, majoris Thalictri flore albo foliis colore & formâ valdè similia, sed minora & teneriora, amaro sapore. *Flosculi* in singulis alarum sinubus singulares, candidi, pentapetali, suis petalis innitentes: quibus decidentibus succedunt bina aut terna cornicula, *semen* rotundum, subrotundum, Aconiti hyemalis semini ferè par. Ex eadem radice præter caulem prodeunt bina aut terna *folia*, supra descriptis similia, singularibus dodrantalibusque pediculis, ejusdem cum caule coloris innata. *Radix* impensè amara, multis albis fibris donata est, ex quarum capite alia exit nodosa radícula, subinde ad singula internodia novâs fibras agens, atque hac ratione se propagans, ideoque perennis.

Locus.

In saltu Leytenberg quinto ab urbe Vienna Austriaca milliari, & quibusdam aliis umbratis sylvis Viennensis agri, &c. florebat Aprili; Semen Junio plerumque ad maturitatem perveniebat. Habetur in Catalogo Horti Regii Parisiensis.

3. *Oenanthe Hederæ foliis C. B. Oenanthe Myconi J. B. Ranunculus Thalictri folio minor Alphodeli radice Park.*

#### Luzd.

Hac in montibus & petrosis nata *folia* propè radicem per terram spargit, minuta, incisa, levia, quadantenus Hederæ modo, multò tamen minora, inter se conjuncta & congesta, atque ideo Coniandri foliis aut Pastinacæ similia, è longis pediculis pendencia, *caule* enatis cubitali, ab imo rubescente, paucis geniculis cincto, tereti, levi, ferè striato, & aliquantulum cavo. *Radix* subfistula, multæ ut in Alphodelo, septem aut octo, quandoque pauciores, conjunctæ, crassæ, foris luteæ, intus candicantes, ex quarum extremis radiculæ tenues & longæ producuntur. In summo caule *flores* velut in umbella pendent, candidi, ex quinque foliolis constantes, in medio muscosi, quibus percutibus in vasculis seu filiquis *semen* maturefcit. Foliorum & caulis sapor subdulcis, ut & radicis, cum levi quadam adstrictione, corticis vero earum amarus.

Si hac planta rectè à Mycono describatur cum seminibus vasculis seu filiquis inclusis, non erit *Ranunculi* species.

4. *Ranunculus montanus V. Clus. Pannonicus maximus Park. montanus latissimo folio birsatus C. B.*

#### Clus.

Omniùm, quos unquam conspexerit Clavius, maximus multa à radice producit *folia* valdè ampla & carnosa, sive densa & succulenta, sicutis haud minora, quinque profundis incisuris divisa, in ambitu nonnihil serrata, colore dilutiùs virente splendens, nonnihil villosa, acris admodum & linguam vellicantia: cubitales *caules*, digitalis crassitudinis, firmos, hirsutos, suprema parte in aliquot ramulos divisos, qui multos *par. fustines*, pentapetalos, luteo auri colore fulgentes. *Semen* vulgari *Ranunculi* semini par, in capitula congestum. Pro *radice* multas candicantes fibras habet.

Locus.

In nemorosis & umbratis declivibusque omnium Austriacarum atque Striacarum Alpium locis, juxta rivulos è liquecente nive profluentes, &c. In hortis & pratis Maio, in Alpibus Junio floret.



§. 3. *Ranunculi echinati.*A. 1. *Ranunculus arvensis* Park. Ger. *arvensis echinatus* J. B. C. B. *Corn-Crowfoot.*

Radice[m] habet fibrosam albam: caule[m] cubitalem aut altiore[m], teretem, erectum, rigidum, sub-hirsutum, intus concavum, in plures ramos divisum. Folia in longa, angusta, acuta segmenta profunde admodum incisâ sunt. Flores in summis caulibus & ramulis minores & pallidiores quam Ranunculo repenti vulgari, pentapetali è calice pentaphyllo, longis insidentes pediculis, quibus succedunt echinata capitula, ex pluribus subrotundis compressis & aculeatis lappulis composita, quæ in suprema circumferentiâ parte longo mucrone donantur.

Mao mensis floret, estque inter segetes nimis frequens.

Locus, &  
Tempus.2. *Ranunculus echinatus Creticus* Park. *stellatus echinatus Creticus* C. B. *Creticus echinatus latifolius* Alpin. exor.

Pene.

Plures edit cauliculos è radice fibrosa, teretes, glabros, ramosos, vix pedem altos, ad quorum singula genicula apponitur folium unicum latum, obscure viride, rugosum, pediculo prælongo intus. Flores in extremis ramulis parvi, pallide lutei, quibus succedunt capitula è plurimis seminibus exiguis leucophæis coagmentata, aculeata nonnihil & pungentia.

3. *Ranunculus rotundifolius repens echinatus* C. B. *pratensis rotundif.* Bononiensis Park.

Ad radicem nigricantem capillaceam folia sunt rotunda, crenata, uncialia, pediculis longissimis donata, quæ verò in caule majora, pleraque rotunda, etiam in lacinias, sed non ad umbilicum usque divisa. Caulis habet pedalem, in terram reclinatum & quasi repentem, ac in alios divisum, circa quem folia pediculis palmaribus donata: Flores pallide lutei, paucis ad umbilicum staminibus. Flore æquiduo capitulum ex pluribus seminibus rufescentibus subasperis echinatis simulque congestis compositum succedit. Tota planta ob pilos asperfos mollis est, atrovirens, & circa Bononiam in agnis provenit.

4. *Ranunculus palustris echinatus* J. B. 4. *echinatus sive palustris* C. B. *Ran. Apulei* quorundam Clus. Park. *parvus echinatus* Ger. emac.

Radix est fibrosa, alba: foliis imis parvis, subrotundis, per margines crenatis, pallide viridibus, longis pediculis insidentibus, [J. Bauhinus folia ei aliquatenus Aceris majoris divisurâ sed minora, citra tribuit.] Caules ex eadem radice exeunt plures, sesquipalmes, glabri, in terram reclinati, ramosi, foliis vestiti minoribus, & in acutiora segmenta divisis. Flores nunc ex adverso foliorum, nunc ex ipsi foliorum alis exeunt, pediculis longis, exigui, flavi, pentapetali; quibus succedunt capitula Ranunculi arvensis capitulis proxima, è decem duodecimve spinosis, oblongis, compressis, congestis seminibus composita.

Gaudet locis humidis &amp; aquosis Monspelii, ac etiam in fossis, inquit J. Bauhinus.

Locus.

§. 4. *Ranunculi palustres & aquatici seminibus non echinatis seu lappaceis.*A. 1. *Ranunculus palustris rotundifolius* Ger. *palustris Sardonius lævis* Park. *palustris Apii folio lævis* C. B. *pal. flore minimo* J. B. *Round-leaved Water-Crowfoot.*

Valde crassescit huic radix, cava & fibris multis donata: à qua Caules exurgunt multi, insignis interdum crassitudinis, inanes, striati, ramosi: Folia Paludapii sublustri splendore virescunt, albis punctis aliquando guttata. Flores inter omnes Ranunculos minimi [excipiendus est Ranunculus hirsutus annuus flore minimo nobis dictus] quinque foliolis constant, exiguis, aureis: Capitula oblonga, tenuiora quam in reliquis, nec aspero semine echinata, sed levibus & minutis granulis compacta. Sapor huius Ranunculi valde calidus & urens Tabern.

In aquis passim provenit.

Locus.

Aliam Ranunculi palustris rotundifolii speciem exhibet C. Bauhinus, eumque secutus Parkinsonus. Quam palustrem Apii folio lanuginosum inscribit, quæque à priore differt, quod lanuginosus pluribus foliorum incisuris spectetur.

Hæc herba Apium risus &amp; Herba Sardoia nonnullis dicitur.

A. 2. Ræ-

- A. 2. *Ranunculus aquaticus hederaceus albus* [non luteus] C. B. *Ranunculus hederaceus rivulorum* se extendens, atrâ maculâ notatus J. B. *Ranunculi aquatilis varietas altera* Ger. emac. **Thp-leaved Water-Crowfoot.** *R. hederaceus aquat.* Park. quoad descr. nam figura & *Synonyma sunt Lenticula aquat. trifida.*

*Caulis* huic teretes, solidi, supini, geniculati; è quorum geniculis plurimis fibris albis demissis, planta latè se diffundit. *Folia* ad genicula pediculis longiusculis insident, triangularia, & ad Hederæ folia quodammodo accedentia, lævia, splendentia, maculâ nigrâ interdum notata, alias pallidiùs virentia. *Flores* in caulis parte foliis adversâ nascuntur, parvi, pentapetali petalis acuminatis, è calice quinquepartito, albi, non lutei ut vult Bauhinus. Flori succedit globulus *seminum* denisè acuminatorum, vicè vulgaris magnitudine fere, seminibus minimè acuminatis.

Locus &  
Tempus.

Vires.

In rivulis & fossis vadosis ubi aquæ scaturiunt sæpius occurrit, solo præsertim arenoso. *Æstas* floret.

*R.* Summitatum seu turionum Alni, Foliorum *Ranunc. aquat. hederacei*, *Salviæ ana manipulum* unum: infundantur per noctem in vino albo, & infusum propinetur. Ad Hydropem & Scorb. tum mirificè conferre dicitur. Habui à D. Maplesofi.

- A. 3. *Ranunculus aquatilis* Ger. *aquaticus Hepaticæ facie* Park. *aquat. folio rotundo & capillaceo* C. B. *aquatilis albus tenuifolius* J. B. **Water-Crowfoot with various leaves.**

Fibris numerosis in limum demissis *radicatur.* *Cauliculos* fundit longos, satis crassos, inanes, infirmos & in aquis fluitantes, in ramos subinde divisos, per quos duorum generum *folia* conspiciuntur, alia enim capillaris tenuitatis confertissimis cirris perplexa, alia verò supra aquam *Ranunculi* foliis similia, lucida, maculis quibusdam nigris notata, satis crassa, subrotunda, in aliquot partes divisa, sed non profundè, alternatim adnata. In caulis parte foliis adversa oriuntur *flores* longi [ut & folia] pediculis insidentes, qui explicante se capitulo quinque foliis viridantibus obvoluto apparent candidi, ampli pentapetali, unguibus petalorum luteis, staminibus numerosis flavis *capitulum* obvallantibus subrotundum, *Ranunculorum*, seminibus confertis compositum.

Locus &  
Tempus.

In fossis aquas habentibus & lentè decurrentibus rivulis, ut rectè J. B. gignitur. *Aprili*, *Maiò*, & subinde *Junio* mensibus abundè & latè floret.

- A. 4. *Ranunculus aquaticus omnino tenuifolius* J. B. *Millefolium aquaticum Ranunculi flore & capitulo* C. B. *Millefolium sive Maratraphyllum flore & semine Ranunculi aquatilis Hepaticæ facie* Ger. *Millef. aquat. foliis Abrotani, Ranunculi flore & capitulo* C. B. item *Ran. aquat. capillaceus* ejusdem.

In hoc nulla *foliorum* differentia ut in præcedente: siquidem omnia inter se similia, tenuibus illis duntaxat præcedentis, seu ut alii volunt *Chamæmeli*, foliis proxima. *Flores* candidi, illius similes, sed multò minores: *Capitula* echinata conveniunt, rotundiora paulum & minora.

Locus.

Aquis innatat tum fluentibus, tum stagnantibus, ubique frequens. Columnæ *Ranunculi trichophyllon aquaticus* medioluteus dicitur; siquidem florum petala circa ungues lutea sunt. Eodem cum præcedenti tempore floret.

5. *Ranunculus Hederula folio aquaticus* Park.

Park.

Reptando supra terram fibris è geniculis demissis se propagat. *Folia* habet subrotunda, crenata, Hederæ terrestris similia. *Flores* pallidos quinque petalis acuminatis compositos, quos sequuntur capitula subrotunda è seminibus confertis.

De loco & tempore nihil addit.

- A. 6. *Ranunculo sive Polyanthemo aquatili albo affine Millefolium Maratraphyllum fœmum* J. B. *Millefolium Maratraphyllum Ranunculi flore* Park. *Millef. aquat. foliis Fœniculi, Ranunculi flore & capitulo* C. B. **Fennel-leaved Water-Crowfoot.**

J. B.

Longissimis, in aliquot partes divisis, teretibus, lævibus, inanibus *flagellis* prociduis, aquæ impetum, cuius est alumna planta, imitatur: foliis ad genicula *Fœniculi*, vel potiùs *Peucedani*, multò longioribus, & quàm præcedentium duorum in pauciores partes divisis. Ex iisdem etiam articulis surgunt pediculi concavi, quibus insident flores *Ranunculi lactei*, quinque foliolis striatis constantes, apicibus in medio luteis: quibus succedunt capitula consimiliter *Ranunculi*, viridantia, echinata.

Locus &  
Tempus.

In fluvio *Tame* & rivulis eum influentibus circa *Tamwortham*, *Middletonum*, &c. in agro *Wiceniensi* abundat. Observavimus & in fluvio *Iside* *Oxonium* præterfluente copiosum. *Maiò* & *Junio* floret.

A. 7. R.



- A. 7. *Ranunculus flammeus minor* Ger. & *flammeus serratus* ejusdem & Park. *Palustris flammeus minor* sive *angustifolius* Park. *longifolius palustris minor* C. B. *longifolius*, aliis *Flammula* J. B. item *palust. serratus* C. B. *The lesser Spear-wort.*

7. B.  
Caulis est dodrantali, glabro, fistuloso, geniculis nodoso, nunc solitario, nunc in ramos diviso, reptante. Folia priora ex longis pediculis, unciam semis lata, oblonga alia, alia subrotunda, superiora per caules ex articulis oriuntur, bina, interdum serrata, quæ minus angusta, longitudine circiter palmari, sapore acri: Flores Ranunculi vulgaris pratensis, contractiores, aureo fulgore nitent. Radix ex fibris albicantibus conflata est. Caules etiam serpunt, & quidem rursus ut in Ranunculis quibusdam radicantur.

Folius ludit nunc æqualibus, nunc serratis, etiam in eadem planta. Magnitudine etiam insigniter variat.

In prætis locis uliginosis ubique abundat, Junio florens.

Ab acri & ardente seu caustica vi flammeus denominatur. Oves hac herbâ pastas inflammationibus jecinoris, internorumque viscerum erosionibus ac exulcerationibus corripit aiunt. Locus & Tempus.

- A. 8. *Ranunculus flammeus major* Ger. *palustris flammeus major* Park. *longifolius palustris major* C. B. *folio longo maximus*, *Lingua Plinii* J. B. *Great Spear-wort.*

7. B.  
In uliginoso solo & palustribus [apud nos & in ipsis aquis vadosis] exit Ranunculus Lingua Plinii Dalechampsio putatus, caule bicubitali & altiore, crasso, levi, in ramos subinde diducto, per quem veluti & per ramos alternatim folia producantur, pedali circiter longitudine, vix unciam lata, crassiuscula, glabra, mucronata, saporis acris & amari Dalechampsio. Flores extremis inhaerent ramulis, magni, Ranunculorum aliorum formâ, quinque foliis luteis constantes, quorum medium obduci numerosi apices concolores: eis superveniunt, autore Tabern. capita erinacea, parvæ nucis juglandis magnitudine, cum acutis aculeis, saporis calidi & urentis. Radix compluribus fibris destituta.

In fossis palustribus Eliensibus plurimus oritur; & alibi etiam propè Cantabrigiam, ut in fossis quibusdam circa mariscum de Feversham. Locus.

9. *Ranunculus flammeus Bayonensis* Park.

Park.

Folius longis, angustis, acuminatis, caulibus ramosis radicibus fibrosis flammeum minorem vulgarem imitatur. Differentia est in floribus qui huic multò majores.

In palustribus maritimis propè Bayonam oritur. Locus.

10. *Ranunculus flammens flore albo minor* Park.

Park.

Folia huic Ran. flammei minoris similia, pediculis longis nixa, verum longiora & angustiora multo. Cauliculus inferius foliis nudus, summa parte ubi flores erumpunt bina oblonga & angusta folia protrudit. Flores quàm in flammeo vulgari dicto minores, emaculati candoris. Capitula & radices cum illius conveniunt.

De loco natali nihil addit, neque unde aut à quo habuit dicit.

### §. 5. *Ranunculi foliis gramineis.*

1. *Ranunculus montanus folio gramineo* C. B. *gramineus flore luteo simplicis* Park. *pumilus gramineis foliis* J. B. *Ranunculus gramineus Lobelii* Ger. emac.

7. B.

Fibræ quibus radicatur uncias duas plus minus longæ sunt, satis crassæ, & fibrillis capillaribus donatæ, quæ in radicem minimi ferè digiti crassitudine coeunt, filamentis supra terram comosam, quod haud absurdè perennitatis fidem faciunt. Folia è radice statim pullulant [in mea quidem sicca planta septena] duas uncias longa, aut paulum admodum excedentia, angustæ gramineæ, unumque uncia brevius medio cauli adnatum, alioqui pundo & enodi, gracili, palmo altiori: cujus fastigio foliis unicus, juxta magnitudinis, qualis est Linguae Dalechampsii aut vulgaribus Ranunculis, major multò quàm Ranunculi Flammula dicti, è quinque foliolis compositis, quæ totidem minoribus [calicis] ut in Ranunculis fieri solet suffulciuntur. Succedit Lob. teste semen racemosum Ranunculi pratensis.

Parkinsonius folia Caryophylleis similia facit, longa, angusta, acuminata, carinata seu concava nonnihil, colore glauco.

Si plantetur humido & pingui loco valdè excrescit, & pulcher visu fit.

Habetur & in hortis flore pleno seu multiplici, qui Ranunculus montanus folio gramineo multiplex, C. B. *gramineus flore luteo multiplici* Park. Ran. *gramineus pleno flore* 7. B. Varietas flo. pleno.

Parum obvius, duntaxat Narbonensis Galliae pratensibus, ponè publicum diversorium montis Lupi, & in arduis Mindeni Ruthenorum pratis & pascuis. Locus.

2. Ra-

2. *Ranunculus gramineo folio bulbosus* C. B. *angustifolius bulbosus* J. B. *leptomacrophyllos bulbosus* Col. *gramineus bulbosus* Park.

Col.

Radice est in longam velut cervicem producta, villosa cortice nigroq, tecta, [pluribus involucri Croco similibus contecta Dalech.] ex qua duas uncias longitudine carnosae fibræ in imo crassiores, Fl lipendula palustris radice modo, capillaribus fibrillis hirsuta, terram undiq, oblique amplexante, producantur [aliæ radice, albæ, crassæ aliquantulum, veluti capillamenta dependent Dal.] Interius verò intra villosum tegumentum bulbosa radix invenitur, Gladioli modò gemina, altera alteri infidens, vetustiori atque corrolæ parùm præcedens anni, ex quibus fibræ ortum ducunt. Folia huic prima duas uncias longa, quæ majora efficiunt & palmum ad summum æquant, circa radicem pilosa, reliquo lævia, colore cinereo albicante, per longum venis distincta, octo numero, caulem cingunt dodrantalem [aut cubitalem Dal.] junceum, duobus geniculis & foliis absq, ramulis distinctum, in summo virens caput habentem, quod florem dehiscens luteum edit, [Dalechampsius binos flores summo cauli appingit, & flores in plurali attribuit] splendidum, staminibus densis intus plurimis, calyce tunc etiam quinquepartito. Fructum deinde capitatum oblongum admodum, squamosum, semine rotundo sed apice rostrato, perficiens.

Folia Dalech. à longo pedunculo dependentia, transversum digitum lata, Palmæ folium in modo substantiæ & contumacia fracturæ imitantia.

Locus.

In Æquicolorum montibus supra D. Philippæ antrum Columnæ observatus, Maio florere incipiens. In montibus D. Mariæ à Monteferrato, & circumvicinis partibus ad montium radices juxta arbusta & querceta. Dal. Aprili & Maio floret.

3. *Ranunculus gramineus perfoliatus* Park.

Park.

E radice parvâ fibrosâ folia aliquot emittit angusta, graminea, subglauca, duas uncias longa, quam præcedentis nonnihil latiora: è quorum medio exilit caulis vix altior foliis, cui circa mediam partem adnascuntur bina folia oblonga, ad basés latiora & continua, eodem modo caulem cingentia quo Centaurii lutei folia. Summum caulem in ramulos aliquot divisum occupant duo trèsvs foliis exiguï, ex viridi luteoli, petalis conniventibus, rariùs expansis. Capitula succedunt echinata Ran. graminei vulg. similia.

Habetur & alia hujus species seu varietas foliis latiusculis, floribus expansis, petalis acutioribus.

4. *Ranunculus pumilus alter angustifolius* Park.

Park.

Hic major est & elatior nonnihil præcedentibus, qui in summo caule unicum tantum gestat florem, eumque ampliorem quam sunt flores reliquorum Ran. gramineo folio.

De loco natali hujus aut præcedentis speciei nihil addit Descriptionis autor Parkinsonus.

#### §. 6. *Ranunculi montani vel floris colore, vel figura foliorum à reliquis generibus diverfi.*

1. *Ranunculus montanus foliis Plantaginis* C. B. *Ran. folio Plantaginis* Ger. *Plantaginis folio* Park. *Pyrenæus foliis sublongis non laciniatis, albo flore* J. B.

Clus.

Pedali imò etiam ampliore assurgebant plantæ quas videbam altitudine; Caule rotundo, satis firmo, viridi, per quem alternis tria aut quatuor sparsa erant folia, satis lata basi caulem amplectentia, tres aut quatuor uncias longa, unciam verò lata, mucronata, multis venis ab infima sede ad extimum mucronem procurentibus distincta, viridis coloris, qualis est ferè Brassicæ campestris, quorum oræ tenui mollique alba lanugine obsitæ. Summo caule ex foliorum, quæ minuscule erant, alis exibant tres, quatuor, vel etiam plures oblongiores pediculi caliculum quinque foliis constantem sustinentes, è quo flos prodibat pentapetalos, petalis semuncialibus, tenellis, profus nives, cujus medium occupabant frequentissima parva stamina flava cum orbiculari capitulo, nullus aut perexigui odoris. Cum verò primùm è terra emergebat hæc plantæ, & antequam in caulem cresceret, bina duntaxat aut ad summum terna proferebat folia, tres uncias longa, unciam lata, crassiuscula & firma, multis etiam venis secundum longitudinem distincta ut quodammodo ad Plantaginem latifoliam foliorum formâ accederent. Caput radice hirsutum erat, quod deinde in multas crassiusculas albas fibras dividebatur.

Locus.

E montibus Pyrenæis eruta est hæc species. Invenitur hujus varietas cum duplici in flore petalorum serie; quæ *Ranunculus Pyrenæus albus duplex* Park.



2. *Ranunculus albus simpliciflore* J. B. *Alpinus albus* Ger. *montanus albus minor simplex* Park. *montanus Aconiti folio, flore albo minore* C. B.

*J. B.*  
Radix cauli quasi apposita, palmaribus aliquot fibris, crassis mediocriter, rigidis & albis disparatis constat, ex qua surgit *caulis* sesquicubitalis & bicubitalis, pallido & virente lævare nitens; supra communem sortem *Ranuncolorum* crassus, solidus, in ramos aliquot divisus, foliisque ad alas donatus. *Flores* gerit uncialibus & sesquiuncialibus hirsutis pediculis, *Ranuncolorum* vulgariū formā & magnitudine, sed candore nivem provocantes, suaveolentes, pentapetalos, quorum medium occupant apices lutei. *Folia* *Aconiti* foliis similia, quinquepartita, profundissime serrata, inferne hinc virore splendentia: supernè viridia, squalida. Tabern. ait sapore calido & acri sed mitiore, & non ita urente ut in ceteris.

Hujus generis invenitur flore pleno niveo, in hortis cultus, qui *Ranunculus albus flore denso* *J. B.* *albus flore pleno* Ger. *albus multiflorus* Park. *Ran. folio Aconiti, flore albo multiplici* C. B. *Varietas flo. pleno.*  
In Jura & Saleva montibus propè Genevā copiosè provenit. Maio mense floret. *Locum.*

3. *Ranunculus flore albo* *Alpinus major* J. B. *Ran. montanus Aconiti folio albus, flore majore* C. B. *montanus maximus albus* Park. *Aconiti folio* Ger.

*J. B.*

Hic in paucis à præcedente differt, nimirum magnitudine & staturā elatiore: *foliis* non adeò lævibus, minùs atro-virore præditis: *floribus* frequentioribus majoribusque pediculis rectoribus inhaerentibus; quòdque seriùs floreat.

*Folia* præmanfa nullam manifestam acrimoniam, sed amaritudinem potiùs habere deprehenduntur. *Caulē* Clusius tenuem huic attribuit, sed firmum, & certè quantum memini J. Bauhinus minus rectè crassum præcedenti ascribit. Capitulum ex seminibus simul congestis, quemadmodum in reliquis *Ranunculis*, constat. *Radix* præmorfa videbatur, multasque longas & candicantes fibras habebat.

Abundanter provenire conspiciebat Clusius in acclivi montis Wechsell, Sneberg & aliorum montium sylvis locis: Floret Maio & Junio: Semen Augustò maturitatem assequitur. *Locus & Tempus.*

Hujus etiam generis invenitur qui florem habet plenum & multiplici foliorum serie constan-

tem.

4. *Ranunculus montanus albus hirsutus* J. B. *montanus Pennæi* Park. *montanus hirsutus purpureus* Ger. *emac. montanus hirsutus purpurascēte flore* C. B.

*J. B.*

Nigra radice nititur, crassioribus fibris donata, quaque caulem emittit perennium plantarum more comola: ex hac *folia* nascuntur quatuor, quinque, vel sex, pediculis palmaribus hærentia, ampla, circumscriptione rotunda, sed in plurimas lacinias ad pediculum usque divisa, hirsuta. *Caulis* uncus, cubitalis vel sesquicubitalis, pilosus, cujus summum in quatuor vel quinque ramulos, palmaribus plus minus faceffit, quam divisionem *folium* ambit unicum veluti perforatum, sine pediculo, non minus profunde quàm inferiora dissectum. *Flos* unicuique ramulo unus insidet, pulcher, quinque foliis orbicularibus constans, quæ inferiùs purpurascunt, superiùs in lateribus ex albo purpurea sunt, reliqua parte albissima. Hinc oriuntur capitula è latiusculis, ex oblongo rotundis, lævibus *seminibus* congesta, pluribus quam duodecim, ad semen Pastinacæ Germanicæ accedentia. [Pennæo femina ut in *Ranunculis* compacta, ex nigro purpurea & mucronata, parum compressa, paullo quàm in aliis *Ranunculis* majora.]

In sylvis montis Juræ propè verticem Thuri copiosè provenit. Junio & Julio mensibus floret. *Locus & Tempus.*

5. *Ranunculus montanus hirsutus albus elatior* C. B. *montanus 2. Clus. montanus albus major vel elatior* Park. parat.

*Clus.*

Quina aut sena promit ex radice *folia*, magna, viridia, dura, *Ranunculi* bulbosi foliis haud ab similia, nonnihil hirsuta, tribus scissuris ad pediculum usque pertingentibus, & aliis præterea minùs profundè divisa, sapore initio dulci, postea aliquantulum amaro, pediculis crassis, firmis & pedem longo persistentia: *caulem* inter illa exeuntem cubitalis longitudinis, nudum, singularem, firmum, aliquantulum hirsutum, intus cavum, qui in summo fastigio trina habet folia contigua, profundè lacinata penè instar *Anemonidum*, supra quæ deinceps *caulis* dividebatur in quatuor aut quinque oblongos & teretes pediculos, quorum singuli sustinent unicum *florem*, quinque foliis satis magnis & albis constantem, mediocriter odoratum multis flavis staminibus *capitulum* occupans umbilicum cingentibus, quod excusso flore apparet magno planoque *semine* onustum. *Radix* veluti præmorfa & multis nigricantibus fibris prædita.

Frequens nascitur in Sneberg, Snealben & aliarum vicinarum pratis sublimioribus; florétque Junio: *Locus & Tempus.*

Semen autem maturitatem adipiscitur Autumno.

Perfuntis est hæc species præcedenti, ut descriptiones conferenti patebit, eandem tamen esse non aum affirmare.

- \* 6. *Ran. montanus hirsutus humilior Narcissi flore C. B. Ran. montani 2. Species altera Clus. Ran. hirsutus Alpinus flo. albo Ger. emac. montanus maximus albus Park.*

Clus.

In celsioribus earundem Alpium jugis (inquit Clusius) multò humilior & magis hirsuta creſcebat hæc planta, pedalem altitudinem non excedens, flore paulò majore, & qui Narcissi florem album, medium calicem flavum habentem æquare poſſet; eoque etiam magis odorato quàm prioris: eus etiam folia majore amaritudine & acrimoniâ erant prædita, tamethi primo guſtu quandam dulcedinem habere viderentur. Serius florebat priore; nam eam duntaxat florentem reperiēbam, quum in inferiore jugo alteram jam ſemen ſemimaturum habentem obſervâſſem.

- \* 7. *Ranunculus montanus albus humilior Park. Ran. Alpinus humilis rotundifolius flore minore C. B. Ran. montanus flore minore Ger. Montani 1. Species 1. Clus.*

Clus.

Multa, parva, rotunda, & quaſi circino circumducta habet folia, aliquot crenis diviſa, & in ambitu ferrata, atrâ viriditate ſplendentēque ſupernè prædita, ſatis craſſa ſive carnoſa, & fervidiſſimo ſapore: inter quæ pediculus oritur, tenuis, ſingularis, brevis dodrantēque minor, florem album, pentapetaloni ſuſtinens, inodorum, cujus umbilicum crocea ſtamina occupant: deciduo flore apparet capitulum immaturo frago ſimile, quod ex minuto ſemine ſimul congeſto conſtat. Radix mules albicantibus fibris prædita eſt.

- \* 8. *Ranunculus Alpinus humilis rotundifolius flore majore C. B. montanus flore majore Ger. Ran. montani 1. Species altera Clus.*

Clus.

Hujus folia in tres lacinias erant diviſa, & illæ denud aliquot incifuris donatæ: Cauliculus ab altero non differens, ſed ampliorem florem gerens, eumque interdum duplici foliorum ſerie conſtantiem: alioqui & colore ſuperiori parem, eodēque tempore ſeſe explicantem. Radix etiam, quemadmodum in illo ſuperna parte nonnihil extuberat & fibris donata eſt.

Locus  
& Tempus

Nascitur uterque in ſummis Sneberg & vicinarum Alpium jugis confragoso ſolo & pæne in iſſis petrarum fiſſuris, Juniōque menſe interdum iſthic florebat, aliquando ſerius, ut videlicet nix ſerius aut maturius ſolvitur. In hortos tranſlati maturè admodum & ante alios Ranunculos, Aprili ſcilicet flores profert.

- \* 9. *Ranunculus minimus Alpinus albus & luteus J. B.*

J. B.

Radice obliquè agit pro plantulæ ratione magnam, fibris donatam crebris, longis, perparum cauliculo cedentibus, qui duarum aut trium unciarum altitudine eſt, uno alteròve foliolo donatus; reliqua enim tria ſecta, vel profundè duntaxat circumquaque Geranii columbini modo ſerrata, rotunda ferè, craſſa. Flos ſummo cauli inſidet albus aut luteus à Ranunculorum aliorum flore non differens.

Locus.

In Rhætiæ monte Albula floret Junio.

J. Bauhinus Ranunculos montanos albos Cluſii ſuperius propoſitos ab hoc non diſtinguit. Huic non valdè diſſimilis eſt

- \* 10. *Ranunculus minimus Apulus Col. Park. arvensis parvus folio trifido C. B.*

Col.

Radice puſilla capillari; caule junceo, hirsuto parùm, ſicut & foliorum petioli, oblongi reſpectu planta, in quibus foliola unguis magnitudine, trifida, hederaceâ ferè diviſurâ, ſed ima parùm incifa, lœvia, flore luteo in ſummo caulis: capite & ſemine congenerum.

Locus.

Cirinolæ in incultis agris obſervavit auctor.

- \* 11. *Ranunculus Creticus albo flore, majore quàm Papaveris rhœadis J. B.*

J. B.

Folia eſt Ranunculi pratenſis repentis, diviſis ſpecie trifoliâ, rariùs quinquefolia, per margines crenatis, per terram ſparſis: caule rotundo, pedali, qui duos vel tres flores ſuſtinet magnos ex ſex vel ſeptem foliolis compoſitos, albos, Papaveris erratici florem magnitudine ſuperantes, quibus ſuccedit capitulum ſeminibus aliorum Ranunculorum more conſectum.

- \* 12. *Ranunculus montanus purpureus calyce villoſo Felicis Plateri J. B.*

J. B.

Dodrantalis eſt plantula: Folia ſvelut in digitos diſſecta, partim à coliculorum exortu longis pediculis hærentia, partim ex iſſis pediculis pendentia. In ſummo flos inſidet ſingularis Ranunculi, ſed, ut ſicca oſtendit, purpureus, villoſiſſimo & velut byſſino, eique concolori lanugine obſecto calyce præditus.

Locus.

In Alpibus Valleſiæ collegit Platerus.



§. 7. *Ranunculi grumosa aut tuberosa radice.*

1. *Ranunculus grumosa radice* 1. Clus. *Lusitanicus* *Autumnalis simplex* Park. *Lusitanicus* Clusii  
Ger. *Ran. latifolius bullatus* *Asphodeli radice* C. B.

Clus.  
Hæc species quinque, sex, aut plura habebat *folia*, circumæ panē rotunditatis, in ambitu serrata, per terram expansa, splendens & veluti tumentia, bullatæque superne, nervosa & lanuginosa inferne, ingrati initio saporis, sed postea ferventissimi. Inter *folia* exiliebant aliquot *pediculi* veri-  
us quam cauliculi, dodrantes ferè, vel breviores etiam, villosi & lanugine quadam obfusi, lingu-  
tantes *florem* luteum odoratum, quinque, sex, octo interdum, aut pluribus *foliis* constan-  
tem; quibus vento excussis vel sponte defluentibus *capitula* aliorum *Ranunculorum* capitellis aut  
Fragi rudimento similia apparebant, pallida. *Radix* ex multis, crassis, longiusculisque grumis sive  
tuberculis constabat, Chelidoni minoris longioribus radicibus non dissimilibus, quibus plurimæ te-  
nues fibræ erant intermixtæ: temporis autem succellu succrescente planta ex adnatis separari & in  
plures plantas pangi posse ipsa experientia demonstravit.

Frequens erat circa Olyssipponem inter olivetæ & plerique Bætice locis, ubi florentem Novem-  
bri & Januario collegit Clusius. Locum.

Reperitur interdum flore multiplici, qui Parkinsono *Ranunculus Autumnalis flore multiplici* & Cor-  
nuto *Ran. latifolius multiplex serotinus*. Clusius duas habet figuras magno & parvo flore. Secundæ  
titulum inscribit *Ranunculus grumosa radice* 1. species 11. nulla illius in descriptione mentione  
facta.

2. *Ranunculus Creticus latifolius* Clus. Park. Ger. emac. *Asphodeli radice* *Creticus* C. B.

Clus.  
Quia aut sena promit à radice *folia*, impensè viridia, lata admodum, ut initio *Ranunculus* Pan-  
nonicum esse censerem, formâ enim illius foliis non sunt valde dissimilia, & Platani foliorum for-  
mam plurimum imitantur, multis venis prædita: inter quæ *caulis* exilit pedalis, satis firmus, aliquot  
foliis minoribus & valde incisus præditus, è quorum sinu prodibant ramuli minoribus adhuc  
foliis obfusi; inter quæ nascebantur *flores*, longo pediculo innixi, quinque foliis luteis, satis amplis  
constantes, quorum umbiliculi occupant multa *stamina*, aurei coloris apicibus prædita, & capitu-  
lum medium cingentia. Numerosa firmatur *radice*, è multis oblongis crassiusculisque grumis compo-  
sita instar radicis Tripolitani *Ranunculi*, quæ longioribus grumis constat, colore ex albo & fulco  
mixto extrinsecus præditis. *Folia* ante hyemem promit, & adnatis se propagat.

Nata est semine è Creta accepto.

3. *Thora Valdensis* Ger. minor C. B. Park. *corundemque major*. *Thora folio Cyclamina* J. B.

J. B.  
*Caulem* habet singularem, palmarem, aut ferè etiam dodrantalem, junceum; *Folia* duo aut tria  
ex radice statim principiò oriuntur; cauli quoque circiter medium adnascitur, nullo intervenien-  
te pediculo, folium unum aut alterum, unumquodque singulare, ordine caulem conscendens, cir-  
cinatæ ferè rotunditatis [imo latior plerunque] Cyclamini folio par aut etiam duplo majus, in  
medio per marginem aliquando sinuatum, interdum minùs, rigidum, nervosum, glabrum, argutis  
denticulis concinnè in ambitu crenatum, reliqua superiore caulis parte parva, oblonga, acuminata,  
simplicia, aut in lacinias aliquot fissa Thalictri folia æmulantur. *Flos* summo cauli insidet uni-  
cus, [interdum bifidus caulis in singulis ramis singulos gerit flores] *Ranunculi* & figuræ & colore lu-  
teo; nec dissimile *Ranunculorum* echino capitulum, è seminibus coacervatis conglobatum. *Radix*  
numerosis constat, habitusculis, oblongis, Asphodeli imitatione ad caput unum obliquum annexis  
radiculis, in tenuia longaque filamenta definentibus.

In altissimis jugis Montis Juræ propè *Thuri* copiosam invenimus. Provenit & in monte Baldo; Locum.  
Clusius in Etcheri præcipitis, & copiosius in Sneberg, observavit, cujus *folia* breviora; super-  
na etiam parte latiora & magis incisa deprehendit quàm sint *Thora Valdensium* & montis  
Baldi.

4. *Ranunculus Illyricus minor* Park. *Illyricus* Ger. *Ran. lanug. angustif. grumosa rad. minor* C. B.  
*Illyricus, radicibus bulbosis, foliis longis* J. B.

J. B.  
*Radice* donatus est ex plurimis bulbis seu Pini nucleis, albis, racematim quasi congestis, quibus  
se mirum in modum propagando multiplicat. *Folia* germinatione prima ex pediculis longis, ru-  
bentibus, parvula, glabra, viridia, tam Plantagineis primigeniis similia, ut internosci vix possint,  
nervis per folii longitudinem decurrentibus. Adolescenti lætari incipiunt in longissimas portiones  
ternas quaternasve, variâ dein divisurâ adhuc amplius incisa, simulque molli & incana lanugine  
cum pediculis pubescere. *Caulis* cubitalis & sesquicubitalis, in ramos aliquot brachiatus, totus  
candidus & pilosus, *flores* gerit majusculos, aureo fulgore micantes, pentapetalos, interdum gemel-  
los, inodoros: quibus succedunt *capitula* aspera, Fragaræ instar, oblongiuscula, *semen* continentia.

Clusius in Hamburgensi monte duobus, supra Polonium Ungariæ miliaribus observavit: Cherle-  
no propè Romam, florentem Maio. Locum.

*Alia species.*

Habetur alius multò majoribus foliis, caule & floribus, magisque incanus, tum etiam magis numerosis radicibus, ut commodè Illyricus major dici possit. *Clus.* quomodo & Parkinsonus noster eum denominat. C. Bauhinus Ran. lanug. angustif. grumosa radice majorem.

*Locus & Tempus.*

Hunc in herbis ultra pontem Castrì novi juxta Ladum amnem Maio mense florentem & sepe multum propagantem invenit D. Magnol. tum & in aliis herbis satorum marginibus, foliis latis, minus laciniosis.

\* 5. *Ranunculus chærophyllus Asphodeli radice* C.B. *Asphodeli radice flore luteo* Park. *Ran. montanus leptophyllus Asphodeli radice* Col.

*Col.*

Autumno & hyeme exiit e radice Asphodeli modo e pluribus bulbulis, Olivæ magnitudine, rotundioribus, in fibrâ tenuem delinentibus composita; Ex his folia ramola, primis Bulbocastani æmula, in terram procliva, vel recta, petiolis hirsutis rubentibus, trientalibusque, & cum foliis semipedalibus fere, innitentia, in quorum umbilico antequam caulis exurgat floris botrus extuberat, in medio viridis: Martio vero caule ad quadrantis longitudinem se protendente explicatur, & florem aureum splendens pulchrum edit, quinque foliolis rotundis constructum, luteis staminibus mediis densis. Quo defluxo caput remanet, quod perfectum oblongum est, Olivæ instar aut magis productum, seminibus aduncis densis coarctentibus, ut in congeneribus, minoribus multò etiam caput æquale. Caulis vero hirsutus est, rotundus, repens, singularis, rarò pluribus quàm duobus vel tribus alis divisus; in quo circa summum foliorum lobis majores longioresque sunt, brevi petiolo hærentes alternatim.

*Tempus & Locus.*

Martio floret & Veris fine perfcitur; in collibus Campoclarensum & Æquicolorum admodum frequens. Loca amat pingua, herbida. Acris est admodum, nec congeneribus cedit. Habetur etiam circa Monspelium. Vide Bosan. *Monsp.*

\* 6. *Ranunculus lanuginosus Apii folio, Asphodeli radice* C.B. *alter saxatilis, Asphodeli radice* Col. Park.

*Col.*

E radice multis præstis fibris summo capite hærentibus Asphodeli modo, crassioribus juxta radicis caput temporeque decrescentibus, parvis, pollicis longitudine, multis capillaribus fibris intermixtis composita, petiolas edit cævos, & in imo latos circa radicem, Umbelliferarum ritu alter alterum amplectentes, quibus folia insident primum lata, duabus tantum incisuris divisa, deinde magis profunde tribus lobis, lobis apsis postea tribus dentibus incisus, tandem ad nervum usque, ut tria folia videantur, illaque profunde incisa ac tandem dentata, utrinque hirsuta inferne albidiora. Caulem vere emittit teretem, hirsutum, semipedalem, alis divisum, in quo folia magis divisa & tenuiora, sine petiolo, ex quorum sinu ramuli, in quibus flores magni, pallidi, quinque foliolis unguis magnitudine constructi, staminibus intus luteis fructus rudimentum virens circumdantibus Aprilis mense: Deinde longum caput squamosum, seminibus rotundis in apicem desinentibus.

*Locus.*

In Æquicolorum montibus observavit Columna saxosis humentibus locis.

\* 7. *Ranunculus grumosa radice folio Ranunculi bulbosi* C. B. *Ran. grumosa radice Bononiensis* Park.

*C. B.*

Ex radice alba, grumosa veluti ex parvis bulbis sed firmiter compactis composita, fibris oblongis intermixtis folia Ranunculi vulgaris bulbosi foliis similia, subrotunda, sed profundius dissecta, oblongis pediculis donata, levissime pilosa prodeunt: inter quæ caulis pedalis, hirsutus, raris in ramos divisus effertur, quem folia in angustos lobos secta bis cingunt, cujus summo flos luteus aliorum formæ insidet, cui capitulum brevissimis aculeis armatum succedit.

*Locus.*

Agris Bononiensibus familiaris est.

\* 8. *Ranunculus Asiaticus grumosa radice* 1. *Clus.* *Ran. Tripolitanus* Ger. *Tripolitanus flos phœniceo* J.B. *Asiaticus sive Tripolitanus flore rubra* Park. *grumosa radice flo. phœniceo minimo simplici* C.B.

*Clus.*

Folia aliquot à radice producit, unciam lata, duabus parvis laciniiis divisa, per oras serrata, longis pediculis nitentia, crassiuscula & succulenta, glabra vel quàm levissimè hirsuta, venisque ex viridi pallefcentibus prædita, subacidi & ingrati initio saporis, qui brevi in acrem & linguam mordicantem convertitur. Foliolum caulem imum amplectens majus est reliquis, & in tres lacinias divisum, quarum singula cætera folia æquant, & tripliciter incise, simulque in ambitu serratae sunt. Medius inter hæc allurgit caulis, teres, viridis, non lavis, sed quadam lanugine obsitus, quem per intervalla ambiunt bina aut terna folia, minora magisque laciniosa illo quod imo cauli adheret, summo fastigio amplum sustinens florem, Pannonici sive Illyrici florem magnitudine superantem, licet ejusdem quodammodo formæ, & prorsus inodorum, quinque [aut sex interdum] foliis constantem, quæ forinsecus phœnicei sunt coloris, internè verò miniati elegantis & splendentis, medium florem occupantibus plurimis tenuibus & rubris staminibus, quorum apices crassiusculi, initio pulli, deinde cineracei coloris, extuberante inter media stamina capitulo, purpuræ nigrae villis obsito, quod in uncialem aut longiorem amplitudinem tandem excrescens, frequentis seminis rudimento quidem obsitum est, sed prorsus plani & inanis; mihi certè nunquam fertile fuit. Multas habet radículas, ex uno capite dependentes, breves & crassiusculas, perinde atque Illyricus sive Lusitanicus, à quo-  
rum



non grumosis radicibus non multum differunt, (sunt enim alia aliis longiores) extrema tamen parte non obtusa, sed singulae in tenuem fibrā paulatim definientes, solidae, fusci exterioris coloris, interioris albi, ingrati initio saporis, deinde acris. Cum Illyrico porro grumosa radice Ranunculo illud forte commune habet, quod sub caule inter medios radicis grumos crassiusculus veluti ramulus enascatur, qui oblique per radicem interstitia se porrigenz in unumcaput extuberat, e quo multae radices superioribus paulo minores dependent, e quorum medio caulis exilit, sub quo deinde alius ramulus similiter prodit, in latus uti superior per radicem spatia se spargens, & novam radicem congeriem generans: quin & matri sive primariae radici adnascuntur contigui & quasi ipsi insidentes terni aut quaterni similia & quasi matri aequalium grumorum globi, quā sane ratione satis feliciter se propagat. Habet praeterea albas quasdam fibras per crassiorum radicem spatia sese explicantes & spargentes.

Constantinopoli allatae sunt hujus radices aliquot, Tripolitani pleni floris nomine insignitae.

Locus.

9. *Ranunculus grumosa radice ramosus* Ger. C. B. *Ran. Asiaticus* ~~maximus~~ *sive grumosa radice*  
II. Clus. J. B. *Creticus vel Asiaticus flore argenteo* Park. parad.

*Clas.*  
A precedente solo caule differt; qui ut plurimum paulo crassior & firmior est, atque etiam ~~maxime~~, ex foliorum quae illi adnascuntur alis unum aut alterum proferens ramulum, qui florem primario paulo minorem sustinet.

10. *Ranunculus grumosa radice flore albo* C. B. *Asiaticus grumosa radice, flore albo* Ger. *Asiaticus*  
*vel Creticus flore albo* Park.

*Clas.*  
Caule est pedali, in binos graciles ramulos diviso, summo fastigio singulares flores albos sustinentes, quibus (maxime circa oras) suave-rubens color permixtus est; staminibus multis flavis oblongiusculum capitulum cingentibus. Caulē antequam in alas dividitur amplectuntur alia folia in ternas aut plures profundas lacinias secta.

Reperitur & flore albo, oris rubris, atque etiam flore niveo. Alia denique species flore radiatim mixto ex rubro & flavo, venis flavis magna venustate rubrum colorem secantibus.

11. *Ranunculus grumosa radice flore albo leviter crenato* C. B. *peregrinus grumosa radice*  
2. Clus.

*Clas.*  
A superiore differt foliis planioribus, caule gracili, circa mediam partem foliis singularibus, nec lacinias cincto: floris petalis, extrema parte magis orbiculatis & leviter crenatis; capitulo brevi.

12. *Ranunculus grumosa radice, flore flavo-vario* C. B. Ger. *Asiaticus flore luteo-vario simpliciter*  
Park.

*Clas.*  
A Tripolitano differt, foliis in caule in tenuiores & frequentiores lacinias divisis, superioribus praefertim, florum colore flavo ad viriditatem vergente, rubellis sive purpureis venis virgatim distincto; staminibus florum purpurascenscentibus.

13. *Ranunculus Asphodeli radice, flore subphaeniceo rubente* C. B. *Asiaticus flore rubra pleno* Park.  
*flore pleno miniat* Ger. *emac. Asiaticus grumosa radice, pleno flore* 2. Clus.

Terna vel quaterna habet à radice prodeuntia folia Asiatici sive Tripolitani, folia, similia, & illorum instar incisa, minora tamen; inter quae emergit cauculus dodrantem pedis alrus gracilior quam Tripolitana, cui inhaerent bina folia, interdum & tertium pusillum, quorum infimum ternis profundis lacinis, per oras serratis divisum est, intermedium & angustius, quinque lacinis usque ad medium nervum incis, quarum singulae unicam crenam habent, nonnunquam binas aut plures, extrema verò binas tantum. Summo cauli insidet caliculus quinque foliis praeditus, gemmam foris amplectens, qui explicatus multiplici foliorum serie constare conspicitur (centum enim & triginta habuit) foris subphaeniceo initio coloris, deinde miniati, interioris elegantis rubri miniati ad coccineum tendentis, quorum alia latiuscula, alia angustiora, umbilicum floris occupante foliaceo quodam capitulo, manus miniato. *Radix* Asiatico simplici similis, aliquot grumis minoribus constans, & allicis instar propagines ad latera, sed rarius, spargens.

*Ranunculus Asiaticus grumosa radice pleno flore* 1. Clus. cuius descriptionem non ex viva planta, sed ex iconē vivis coloribus expressa nobis non videtur differere à secundo, cuius descriptionem dedimus.

14. *Ranunculus Asiaticus grumosa radice, pleno flore* 3. Clus. *Ran. Asphodeli radice, prolifera miniat* C. B. *Ran. Asiat. flore pleno prolifero* Ger. *emac.*

*Clas.*  
Huic radiculari quinque aut sex, supremā parte crassiusculae ex uno capite dependebant, superiores paulo longiores; e quarum capite prodeunt folia, non valde dissimilia superioris foliis, sed minora

nora, & pluribus tenuioribusque lacinias divisa. *Caulis* tereti inhærebant bina *folia*, quorum inferum in tres majores lacinias divisum, & illa demum in ternas, media verò in quinas minores. Summo caulis inhærebat *flor*, frequentibus, & multiplici serie dispositis foliis constans, quorum alia aliis paulò latiora, coloris, ut pictura ostendebat, (quem nescio an pictor fideliter imitatus sit) miniati. E medio flore profiliebat pedicellus unciam altus, sustinens alium florem minorem, plenum tamen & ejusdem coloris, non secus ac videre est in Ranunculo illo tuberosa & magna radice, cujus *flor* flavus, multiplici foliorum serie constans, qui sæpe non modò secundum florem ex primo, sed & tertium ex secundo nonnunquam producit. Ex superioris autem folii sinu natus erat ramulus duobus tenuibus foliolis præditus, cujus fastigio insidebat flosculus etiam plenus, secundo ferè æqualis.

Ego hunc & superiorem Ranunculum specie convenire puto, & utrumque cum Ranunculo Asiatico primo in loco descripto, siquidem *flor* non naturæ seu secundum speciem plenus sit, sed ex accidenti tantum, ob ubertatem foli, aut plantæ luxuriam.

15. *Ranunculum Cræticus grumosa radice flore niveo* Clus. *Ran. grumosa radice flore niveo* C. B.

Clus.

Ex radice grumosa instar illius quæ ex Asia adfertur aliquot *folia* producit satis ampla, humi quasi in orbem sparsa, succulenta, viridia, supina tamen parte albicante colore in viridi velut conspersa, in tres lacinias, per oras aliquot crenis incisas, divisa: inter illa quaterni aut quini prodibant *cauliculi*, graciles, firmi tamen, brevi quadam lanugine obfiti, quique ex foliorum magis incisurum, quibus ambiebantur, alis alterum plerumque, nonnunquam etiam tertium ramulum producebant, parvo uno aut altero folio ornatum, qui summo fastigio sustinebant subfuscum calyculum, in quinque foliola, fusco villo obfita, divisum: is deinde explicatus florem ostendebat quinis foliis unciam amplius prorsusque niveis constantem (licet interdum quædam confpicerentur raris venis suaverubentibus per oras sparsa) è quorum umbilico emergebat capitulum, subfuscis staminulis infima sede cinctum, quod magnam gratiam candido flori conciliabat.

Tempus.

Flores explicabat mense Maio cum Asiatico phœniceum florem gerente, quibus succedebat simile capitulum, non dissimili paleaceo & aceroso semine oblitum, quod inutile esse arbitror.

Præter descriptas plurimæ aliæ hujusce generis seu species seu varietates, magno studio undique conquiritæ in hortis curiosorum enutrientur. In Catalogo horti Regii Parisiensis Anno 1666. edite invenio sequentes.

Ranunculus Asiaticus grumosa radice, flore simplici luteo pallescente, striis rubentibus.

Ranunc. Asiat. simplex aureus Ferrarii.

Ran. grumosa radice, aureo panno concolor, fundo & limbo rubentibus.

Ran. Asiat. flore simplici melino.

Ran. Asiat. grumosa radice, flore miniato per oras luteo.

Ran. Asiat. flore luteo, lineis albis picto.

Ran. Asiat. grumosa radice, foliis intus & per oras pallide luteis, lituris purpureis, ala resistentibus Papilionum.

Ran. grumosa radice flore phœniceo, simplici odore.

Ran. Asphodeli radice, flore flavo, venis rubris distincto, Bosvel dictus.

Ran. flore pleno flavescente, & rubris luteis elegantissimè variegato, Le Seraphique.

Ran. Asphodeli radice, flore sanguineo maximo, Le monstre rouge.

Idem flore luteo variegato, Le monstre Panache.

Ran. Constantinopolitani gigas flore coccineo, Le Geant de Constantinople ou le grand Orange.

Idem flore eleganter variegato.

Ran. Romanus gigas miniato flore, Le Geant de Rome.

Idem plenissimo flore miniato & luteo vario.

Ran. Alepus grumosa radice, flore purpureo sanguineo maximo, Spherique ou Peana.

Idem flore lineis rubris & luteis striato, Spherique Panache.

Ran. Syriacus grumosa radice flore miniato parulo, Salamane.

Idem ex luteo pallescente & rubro mixtus, Le grand Pontife, ou le Salamane Panache.

§. 8. *Ranunculi quidam C. Bauhino in Prædroma & Parkinsono descripti.*

1. *Ranunculus montanus subhirsutus latifolius* C. B. prod. *montanus hirsutus latifolius* Park. *mont. subhirsutus Geranii folio* C. B.

C. B. prod.

Ex radice longa fibrosa *folia* prima Geranio columbino similia, subnigricantia, mollia, in tres primùm lacinias ad pediculum divisa, & hæc in alias tres, hæque in alias sextæ, pediculis palmaribus subhirsutis donata prodeunt, quorum tamen superiora latiora & acutiora: inter quæ *Caulis* cubitalis, cavius, striatus, pænè glaber; in ramos brachiatus effertur: quibus flores parvi, pallide lutei quinquemfolii insident: his *semina* in capitulum congesta succedunt.

Locus.

Hic in humidis montis Mutæ provenit.

2. *Ranunculus montanus lanuginosus foliis Ranunculi pratensis repentis* C. B. Park.

C. B. prod.

Radice habet fibrosam, rufescentem, à qua cum *caule* tenui, cubitali, lanuginoso, superne in alas diviso prodeunt *folia* pallide virentia, tactu mollia, pediculis palmaribus, lanuginosis donata, in-

star



flor Ranunculi pratensis repentis, in tres primum lacinias, oblongis pedicellis donatas, & hæc in alias acutius per marginem crenatas, divisa. Flos aureus quinquefolius.

Priore rarior est, & in altissimis montibus, ut in *Belken* Marchionatus reperitur.

J. Bauhinus hunc synonymum facit *Ranunculi sui magni*, valde hirsuti, flore luteo: At descriptiones non conveniunt. Locus.

3. *Ranunculus montanus Betonica foliis* Park.

Park.

Multa è radice plurimis fibris albis composita emittit folia latiuscula & oblonga, venis seu nervulis crebris superficiem velut rugosam efficientibus, intertexta, pediculis brevibus donata, circa marginem crenata, extremitate rotunda, Betonica foliorum instar, illis tamen minora, supernè atrovirentia, infernè argentea. In horum medio seu centro exurgit cauliculus nudus, palmi altitudinem vix excedens, in fastigio florem gestans singularem, parvum, quinque foliolis mucronatis albis compositum, apicibus in medio luteis; toridem calicis foliolis viridibus sustentatis. Semina ut in aliis *Ranunculis* in capitulo echinatum congesta. Tota planta, folia & radices, amara initio, deinde valde adstringentia.

In Alpibus, nimirum in monte *Senis*, quem superant qui è Gallia in Italiam iter faciunt, à Pille- Locus.  
rio inventus, & ad *Lobelium* transmissus est.

Habetur in Catalogo horri Regi Parisiensis.

4. *Ranunculus Geranii tuberosi folio* C. B. prod. Park.

C. B.

Radice est fibrosa; caulibus multis, cubitalibus, viridibus, lavis, striatis & ramosis; folia à radice pediculis palmaribus donatis, uncias sex longis latisque, supernè atrovirentibus, foliorum *Geranii tuberosi* instar in multas lacinias, sed longiores & latiores, ad pediculum divisis, & rursus in alias scissis: at in caulis summitate in segmenta graminea partitis. Flores in ramulorum summis plures, parvi, lutei, multis in medio staminibus; quibus capitulum parvum rotundum cum seminio succedit.

Non longè Patavio in Arqua, ubi *Petrarchæ* sepulchrum legit C. B.

Locus.

5. *Ranunculus saxatilis magnæ flore* C. B. Park.

C. B. prod.

Radix ex oblongis fibris capillaribus composita est. Folia habet ad radicem plura, oblongis pediculis nonnihil lanuginosis donata, unguem vix lata, in tres parvas lacinias, & hæc in binas vel ternas acutas, divisa; inter quæ cauliculus palmo minor tenuis, lanuginosus, cujus summo flos magnus, aureus, splendens, quinquefolius, multis in medio staminibus rufescentibus, insidet.

Circa *Montepelium* in saxosis crevit.

Locus.

6. *Ranunculus saxatilis foliis subrotundis* C. B. Park.

C. B. prod.

Radix in fibras oblongas, capillaceas abit: Folia per terram sparsa, subhirsuta, crassa, pediculis molibus donata, vix unguem lata, in petiolo parva, subrotunda, & hæc in alia dividuntur: inter quæ cauliculus lanuginosus, sex unciarum, ad exortum statim dividitur: flos luteus, quinquefolius, multis staminibus donatus.

Eodem quo prior loco reperitur. An hic à præcedente differat inquirendum.

7. *Ranunculus minimus saxatilis hirsutus* C. B. Park.

C. B. prod.

Radice est pusilla, capillari, circa quam foliola plurima, in tres lacinias subrotundas & per marginem incisas divisa, longis pediculis hirsutis donata: inter quæ cauliculus duarum triumve unciarum hirsutus exurgit, florem luteum aliorum *Ranunculorum* similem multis in medio croceis staminibus sustinet: cui capitulum parvum ut in aliis succedit.

Non longè *Montepelio* ad *Lattes* provenit.

Locus.

8. *Ranunculus villosissimus Montepeliacus* C. B. prod. Park.

C. B. prod.

Radix est fibrosa, rufescente: folia ex ea prodeuntibus crassis, villosis, parvis, in lacinias primum rotundas, aliis subrotundas, aliis acutas, & hæc in alias incisas, & per marginem crenatis, quæ verò in caulibus in oblongas & acutas & quasi aculeo armatas lacinias, sed longitudine impares dividuntur: inter quæ cauliculus palmaris, in breves alas brachiatus, quibus singulis folium in plures lacinias dicitur: Flos aliorum *Ranunculorum* formæ, mediæ magnitudinis, lutei coloris est. Tota planta ob pilos rufescentes molles villosa & rufescens est, & *Montepelio* in saxosis reperitur.

Dubius *D. Magnol* an hæc sit *Ranunculi* distincta species an varietas tantum *Ran. saxatilis* magno flore.

9. *Ranunculus montanus folio Aconiti, magno flore* C. B. *Ran. mont. major flore luteo* Eyst.

CAP.

## CAP. IV.

De Herbis quibusdam Ranunculi capitulo & calyce, flore polypetalo, & primò  
De Ranunculo Rutæ folio.

*Ranunculus præcox Rutæ frœ Coriandri folio* Park. parad. *Ran. Rutaceo folio, flore suaverubent*  
C. B. *præcox Rutaceo folio* Ger.

Clus.

**F**olia aliquot à radice producit multifida, Rutæ foliis non valdè dissimilia, molliora tamen & magis viridia: flores autem habet amplos, ante ipsa folia emergentes, forinsecus dum initio emergunt ad suaverubentem colorem tendentes, internè candidos, duodenis aut pluribus foliis constantes, umbilicum occupante capitulo viridi, ut in reliquis hujus generis, acincto multis albicantibus staminibus, quæ flavos apices habent, sine odore: Hos sustinet cauliculus teres & initio purpurascens, deinde ex viridi pallescens, quem ambit unicum plerunque folium, (raro plura) exiguum, duabus aut tribus laciniis divisum, latà basi cauliculum amplectens: Floribus deciduis succrescit illud capitulum, & in semina crassiuscula evadit. Thoræ Valdensium semini penè similia.

Locus.

Nascitur in inferioribus Sneberg jugis & vicinis montibus, singulari radice crassiuscula præditus, è cujus capite aliquot crassiores fibræ dependent, in hortos autem translatus multis adnatis sese propagat, multoque frequentiores fibras spargit.

Tempus.

Floret in hortis plerunque Aprili, nativo loco serius.

In Catalogo horti Regi Parisiensis habetur,

*Ranunculus Rutæ folio serotinus, flore aureo pleno.*

## CAP. V.

## De Flore Adonidis.

**A**donidis floris meminit Ovidius 10. Metamorph. qui Anemone esse à multis creditur; aliis huic id nomen tribuunt. Quibusdam hæc herba, & Theophrasti à floris flammeo igneque colore censetur; qui inter flores vernos & odore carentes eam recenset, 6. lib. 6.

A. 1. *Flos Adonis* Park. *F. Adonis flore rubro* Ger. *F. Adonis vulgò alius Erantibemum* J. B. *Adonis hortensis flore minore atrorubente* C. B. *Adonis flower, Red Pheasant's eye*.

*Radix* ei alba, simplex, minimo digito tenuior, sapore herbaceo & nonnihil nauseoso, J. B. *Caules* cubitales aut sesquicubitales, inferius hirsuti, erecti, teretes, striati, tubulo angusto perforati, glabri, ramosi, ad intervalla foliis alternatim positos vestiti, ramulis crebris è foliorum alis exeuntibus, & caulem ipsum altitudine superantibus. *Folia* Chamæmelinorum magnitudine & divisurâ in angustas & acutas lacinias dissecta, hilare viridia, glabra. *Flores* in summis caulibus & ramulis singuli, pediculis satis longis, è calice quinquefolio unâ cum flore deciduo, pentapetali, sæpius octapetali, intenso cruore saturati, cum multis intus staminibus apices obscure cæruleos gestantibus. Florem medium occupat capitulum Ranunculi, in longitudinem productum, multis seminibus majusculis in acutos apices desinentibus, per maturitatem etiam virentibus compositum. *Flos* hortulanis nostris *Pheasant's eye*, i. e. Phasianus oculus, ob colorem dicitur.

Locus.

Inter segetes frequens in exteris regionibus; aiunt & in Anglia sponte provenire sed rarius, nihil certe nondum occurrit.

*Adonis flore luteo* non alia in re quàm floris colore à precedente differt.

2. *Flos Adonis* 2. Clus. *Adonis sylv. flore phæniceo, ejusque foliis longioribus* C. B.

Clus.

Similes habet priori caules & folia, sed dilutiùs virent: caules etiam rarioribus alis præditi. Folia paulò molliora, nec adeò multifida: flores longioribus foliis constant, & coloris sunt phænicei, dilutiores etiam quàm sunt Anagallidis flores, villis nigris similiter umbilicum occupantibus, in quostatim, vix etiam apertò flore, caput extraherit, in majorem deinde longitudinem excresecens quàm superioris, illoque gracilius, semine tamen constans adeò simili, ut neutrum ab altero discerni queat. *Radix* superiori fere similis, quodammodo flavescens instar radicis Fumariz, sed fugacior alterâ, quemadmodum & tota planta.

Locus.

Spontè frequentissima nascitur inter segetes, in Gallia Narbonensi, universa Hispania, Italia, inque Austria & Moravia.

Vires.

Flores ejus qui flore est phæniceo in vino infusos & potos ad dolores colicos & nephriticos leniendos utiles esse experientiâ compertum scribit Parkinsonus in *Parad.*



## CAP. VI.

1. *Buphrthalmum Dodonaei*, aliis *Consiligo tenuifolia* J. B. *Buphrthalmum* sive *Helleborus niger ferulaceus* Ger. *Helleborus niger ferulaceus* Park. *Hellebor. niger tenuifolius* Buphrthalmi flore C. B. *gellato* ex. ex.

**N**ON absimilis Hellebori radici hujus fibrosa radix, quæ ficca, qualis in Officinis prostat, sesquipalmaris, fibris nigricantibus constat, tenuioribus quam Hellebori nigri radix, à capite magis etiam divulso pendulis, sapore amaro præditis, non parvam tandem acrimoniam relinquentibus: caules aliquot proferens spithameos, striatos, tenues, in quibus folia, tenuissima dissecta, floris Adonidis modo, sapore subamaro, odore ubi atterantur digitis insuavi. Flores pulchri, flavi, nullo eccellente odore, ex foliis sedecim, oblongis, striatis, acuminatis, circa mucronem nonnihil crenatis compositi: in medio æmœna plurimorum staminum partim herbidorum corona circumstatur, oblongum, echinatum ut Ranunculis: Seminibus acutis compressis: subsunt flori quàm folia viridantia hirsuta.

Closus vulgarem ait omnibus apricis collibus, & ficcioribus utriusque Pannoniæ & Austriæ graminibus campis. Maio aut Junio floret.

Radix amara est & acris, & venditur loco radicis Hellebori nigri, sed deleterium est. Verrucas Vires. tollit ut Ranunculus. D. Palmér.

2. *Helleborus niger ferulaceus* sive *Pseudo-Helleborus*, caule geniculato, flore magno instar Tulipæ Mentzel.

Difert omnino à præcedente: hic enim longè per omnes partes tenerior est & humilior nostro in Marehia Brand. circa Francofurtum copiosissime crescente.

Hic idem videtur

*Buphrthalmum peregrinum* Alpin. exot.

Alpin.

Fruticat hæc planta multis caulis rectis, rotundis, gracilibus, sed ab una radice obliquè actis, densis, triquetralibus, colore viridi nigrescente. Folia plura habet, quâdantenus Foeniculo similia, pungendo virore oculos delectantia: in cauliculis verò flores cernuntur, aurei coloris fulgentis, duplo Anthemidis majores, à quibus fiunt semina parva, oblonga, tenuia, nigra. Radices subsunt longæ, graciles, subnigrescentes.

Pænis est, hyemisque frigora spernit. Vere & tota æstate, & usque etiam in hyemem floret.

Plantam hanc præter rationem Hellebori nigri speciebus accensent, cum neque notis genericis, neque facultatibus cum Helleboro conveniat. Dodonæus enim hujus radices per inferna minime purgare experientiâ didicit.

## CAP. VII.

De Malva.

**M**Alva Latinis quasi Molva quòd alvum molliat, ut inquit Festus, secundum tritum illud Scholæ Salernitanæ versiculum,

*Dixerunt Malvam Veteres quia molliat alvum.*

Græcis etiam *Malakog* dicitur *ἡ τοῦ μαλακίου* ob eandem rationem.

Utrumque Erymon improbat Casp. Hofmannus, nec tamen meliora substituit.

Notæ Malvæ characteristice sunt calyx octaphyllos, seu geminus, exterior in tres, interior in quinque lacinias divisus, folia integra, semina in rotulæ aut caleoli formam circumacta.

## § I. Malvæ sylvestres annuæ.

1. *Malva crispa* J. B. Ger. Park. parad. foliis crispis C. B. *Curled or French Mallow*.

J. B.

Humanam altitudinem assequitur & in latiore solo etiam excedit, caule crasso, tereti (quamvis J. Bauhinus, nonnihil angulosum faciat) viridanti & non rarò in apricis rubenti, glabro, rigido, aliquantulum concavo, alias medullâ copiosa farcto, ramoso. Folia palmaribus aut dodrantalibus pediculis, altera parte hirtis, altera glabris, appensa, per intervalla caulem ab imo ad summum usque alternatim posita obvestiunt, Malvæ vulgaris majora, brevibus pilis hirsuta, non tantum laciniata, verumetiam

verumetiam crebro flexu reflexuque per oras crispa & argutè denticulata. Flores conferti ad pediculorum quæ folia sustinent exortum brevibus plerumque petiolis [nunc singuli singulis, nunc communi pediculo plures] insident, haud majores quàm Malvæ, sylvestris pumilæ aut provolutæ, colore ex dilutissimo rubore albicante, quinque foliis cordatis, lineis intus purpurascens, saturationibus striatis, ad ungues ut in reliquis Malvis junctis, compositi: calice hirsuto virescente in quinque segmenta acuta diviso: in quo etiam connivente succedunt in orbem congesta semina Malvæ jam dictæ. Calici sub sunt tria angusta folia ut in aliis Malvis. Radix subest dodrantalis aut longior breviorve pro ratione soli, furculosa, alba, mediocriter crassa, sapore grato, & ut reliqua planta glutinosa. Annuæ est planta, semine deciduo se quotannis renovans. De loco natali nihil invenio.

2. *Malva trimestris* Clus. *trimestris flore cum unguibus purpureis* J. B. *æstiva Hispanica* Gr. *Malva folio vario* C. B. Pin. *æstiva sive trimestris* Park. *forte etiam Malva Hispanica* Mori. *carneo amplo ejusdem.*

Pedali altitudine crescit hoc Malvæ genus, caule rotundinuculo, tereti, viridi, lanugine tamen aliquantulum obsito, quæsi rara, & nullâ certâ serie distributa ambiunt folia, tenella, virida superne, inferne dilutiora: infimo cauli adnata, circinata ferè rotunditatis, in ambitu serrata; supremum caulem & ramulos amplectentia angulosa sunt, ad foliorum Althææ formam parè accedentia. Flores summis ramulis inharènt, satis magni, quinque foliis extima parte lunatis constantes, purpurascens coloris, unguibus saturatiore purpura infectis, prodeuntibus ex umbilico staminibus pallidis, villis purpureis: Semen in foliaceis capitulis planum. Radix parva est, candicans, tenuibus fibris prædita, annua tamen, aut potiùs trimestris, quam subsequens hyems corrumpit.

*Malva Hispanica flore carneo amplo* Park.

Formâ externâ & crescendi modo vulgari Malvæ perfimilis est, caulibus rectis, duos trèse pedes altis, multis ramis brachiatis affurgens, ab imo ad summum usque foliis obsitis rotundis, Malvæ vulgaris similibus sed rotundioribus, tantillo minoribus, minùsque divisis, inferioribus majores. Flores e foliorum alis exeunt, copiosi, pentapetali, carnei, cum pistillo in medio concolore. A vulgari Malva floris præcipuè formâ, qui huic longior est & ad margines magis expansus Campanulæ in modum, ejusdemque colore incarnato seu pulchrè rubello differt. Floribus succedunt orbiculi, seminibus nigricantibus, vulgari similibus sed minoribus, arctè stipatis compacti, Radix tenuis, longa, quotannis marcescens.

Ex Hispania ad nos delata est.

Miror cur Morisonus hanc Malvam perennem faceret, cum Parkinsonus annuam esse affirmet.

3. *Malva folio vario* C. B. prod. *Malva stellata* J. B.

J. B.

Caulis huic tenuis cubitales vel bicubitales, ramosi. Folia priora in tenella planta sunt ex longis pediculis parva, rotunda, serrata; ubi autem adolevit, per ramos ex brevioribus foliis in satis magna, [evadunt] in tres partes divisa, quorum quædam sagittam expriment. Sapor ingratus, nonnihil viscosus. Flos magnus, purpureus, striatus, quinque foliis cordatis constans: in medio pistillus albus, ex multis apicibus compositus. Ejus calix prior membranaceus, uti & secundus, in quo cuspides quinque stellam quodammodo exprimentes. Semen quale vulgaribus Malvis. Tota planta hirsuta. [Radix subest alba, fibrosa.]

Locus.

Argentina in horto Friderici Meier vidit J. B.

Malva folio vario C. Bauhino in prodromo descripta & depicta diversa videtur à Malva trimestri Clus. quam in pinace Malvam folio vario appellat.

4. *Malva hirsuta folio cordato* Morisoni.

Morif.

Caulis edit multos, hirsutos, bicubitales & altiores; quibus adherent folia cordata, mucronata in ambitu leviter serrata, pediculis etiam hirtis, brevibus innitentia: ex alis prodeunt pediculi alii breves sustinentes flores pentapetalos, floribus primæ majores, secundæ verò minores [quid per vocabula primæ & secundæ intelligat non capio] dilutè rubentes: quibus succedunt, caseoli aut placentalæ instar, multa semina semilunaria rotatim cingentia stylum nutritivum. Annuæ est planta.

Tempus & Locus.

Floret Julio & Augusto: semina perficit Septembri & Octobri. Semina hujus ex Asia habuit Descriptionis autor.

5. *Malva annua rotundifolia, floribus omnium minimis albis pentapetalis, verticillatim geniculis ambientibus* Morisoni.

Morif.

Hæc Malvæ species ascendit ad altitudinem quatuor aut quinque pedum, atque in singulis geniculis plurimos edit flosculos, albos, pentapetalos, omnium minimos; arctè & verticillatim caules ad singula genicula amplectentes, quasi absque pediculis: floribus fatiscens singulis singula succedunt capitula, ex plurimis seminibus semicircularibus, cortice rugoso tectis, rotatim seu circulariter ambientibus stylum nutritivum. Folia inferiora sunt rotunda, laciniata & crispa, superiora oblonga, sinuata. Flores sunt parvi, quinque parvis imò omnium minimis petalis albis constantes: quibus densè circa genicula dispositis succedunt circuli seu caseoli minimi, arctè geniculis adherentes. Planta est annua, quæ postquam multiplicia, imò infinita semina ediderit, totaliter perit.



6. *Malva annua hirsuta, foliis hederae instar angulosus* Morisoni.

*Morison.*  
*Caules* hujus sunt admodum hirsuti, quin & *folia* eorumque pediculi quibus innituntur hirsutiae pariter scabent: *flores* habet minores, pentapetalos, at singula petala deliquium patiuntur, adeo ut bifida in extremitate appareant: hisce singulis singuli orbiculi caseiformes succedunt, in quibus conspiciuntur plurima semina circulariter ambientia stylum nutritivum. Planta est annua, florens aestate, atque semina versus ejusdem finem perficiens.

§. 2. *Malva sylvestres perennes.*

A. 1. *Malva vulgaris* Park. *sylvestris* Ger. *sylvestris folio sinuato* C. B. *vulgaris flore majore, folio sinuato* J. B. *Common Mallow*.

*Radix* simplici, alba, paucis fibris capillata altè in terram descendente, sapore dulci & viscido prædita firmatur. *Caules* sesquicubitales & altiores, ex eodem radice plures, teretes, hirsuti, medullâ fracti, ramosi, minimi interdum digiti crassitudine ferè. *Folia* singulatim per intervalla caules vestiant, pediculis prælongis infidentia. *Flores* ex alis foliorum exeunt plures simul, pediculis longis, cernubus, hirsutis, ampli, purpurei, saturationibus lineis striati, quinque foliis cordatis ad ungues junctis compressi, [ unde & flores integri decidunt ] cirris purpurascensibus medium occupantibus. *Calix*, qui florem antequam aperitur obvolvitur, quinquepartitus, arète conniver, & quinque lineas emittentes ostendit, quemadmodum Pentaphylli *calix*. Quinque hæc calicis folia tria alia exterius circumstant. *Semina* simul juncta compressi orbiculi umbilicati seu caseoli formam imitantur. *Folia* *Malvæ vulgaris* ima rotunda, in caulibus laciniata, atrovirentia, circum oras crenata, brevi & vix conspicua lanugine hirsuta.

Ad sepes & semitas inque locis ruderatis.

Variat interdum floris colore albo, quæ *Malva vulgaris flore albo* Park.

Locus.

A. 2. *Malva sylvestris minor* Park. *sylv. pumila* Ger. *sylv. folio rotundo* C. B. *vulgaris flore minore, folio rotundo* J. B. *Small wild Mallow, or Dwarf Mallow*.

Hæc omnibus suis partibus præcedente minor est. *Radix* non minùs altè in terram descendit, ut difficulter extirpetur. *Caules* tenuiores, infirmiores & in terram reclinati, hirsutiores etiam verum lanugine breviori, medius tamen non rarò erigitur. *Folia* minora, rotundiora, quæq; in summis caulibus sunt minùs laciniata, præterea nigricant magis, & canitiem quandam ostendunt. Verum præcipua differentia est in floribus, qui multo minores sunt, & ex pallida purpura albicantes, purpureis lineis striati.

Hæc non minùs frequens est præcedente, in eisdem locis proveniens.

Herba humectat, emollit, lenit dolores, urinæ acrimoniam mitigat: in tumoribus maturandis, Vires. doloribusque sedandis extrinsecus adhibetur in cataplasmatis; ad alvum leniendam & dolorem nephriticum mitigandum in clysteribus. Præcipua ejus vis est in emolliendo, ut vel ipsum nomen arguit.

Ob lentorem succi syrupus & conserva medentur dolori calculosorum. Ob calorem illum modicum quem habet est remedium colicum in infantibus in butyro frixa. Hoc in propriis liberis expertus sum. C. Hofman. in *De Medicam. Officin.* Eadem habet S. Paulus. Decocti vel aquæ destillatæ foliorum *Malvæ* ʒiij cum syrupi violacei ʒiʒ. urinæ ardorem & acrimoniam mitigat & restinguit illico prima dosi. *Grulungius* in *praxi*, nec se aliud in hoc morbo præsentius remedium nosse scribit, cui nostra quoque experientia suffragatur. D. Hulse.

Ad Dysuriam, & Decoct. *Malvarum* cum Syrup. *Violarum*. Hoc remedio semetipsum curasse se testatur Forestus. D. Hulse.

3. *Malva Betonica folio* Bocconi & Zanoni.

*Boccon.*

Humilis est hæc *Malvæ* species: *Cauliculo* palmari & bipalmari, infirmo & per terram strato, seu versus terram reclinato. *Foliis* in longioribus pediculis *Betonice* formâ constat, minoribus in ambitu crenatis, circa cauliculos paucis; è quorum sinu pediculus exit longus, *flosculum* sustinens *Malvæ vulgaris* facie purpurascens, subeunte *semine* *Malvaceo*.

Herbariz alumna est hæc *Malva*, quam in prati illustrißimæ Gaitanæ gentis Terriccio dictis, Locus. non sine tedio & molestia multarum circuitionum quasi latentem invenit Paulus Boccone.

4. *Malva Americana* C. B. prod.

C. B. prod.

*Radix* habet oblongam, albam, fibrosam; *caulem* angulosum, striatum, lanugine levi oblitum: *folia* viridia, tenuia, pleraque semicircularia, uncias duas longa, tres lata, superne angulosa seu sinuata, per ambitum leviter crenata, pediculis palmaribus hirsutis donata: flores albi una cum *semine* *Malvæ sylv. pumilæ* similes sunt.

5. *Malva*

5. *Malva montana* Park. *hederaceo folio* C. B.

Ima hujus *folia* *Malvæ* vulgaris foliis æqualia sunt sed longiora in subrotundas lacinias non tamen profunde incisa, *hederaceis* foliis nonnihil similia. *Caulis* & minor est & humilior quam vulgaris *Malvæ*, foliis minoribus amictus, & superiora versus minoribus & rotundioribus. *Flores* & *semen* vulgaris *Malvæ* similia, nec *radix* dispar.

6. *Malva Sicula foliis moschatis crispis* Bocconi.

*Boccon.*

*Caules* hujus plantæ non semper humi procumbunt: *Folia* undulata sunt & crassa, *Malvæ* vulgaris magnitudine, suavi quodam odore *Molchi* fragrantia ad basin: quin & eorundem pediculi singulis appendicibus sive unguibus cinguntur. *Flos* pallidus, ad *Citri* colorem accedens. *Semen* *Bammia* par.

*Locus.*

Ad *Agrigentum* & *Saccam* viget plurima locis argillosis.

Suspicio hanc plantam ad aliud genus pertinere nimirum ad *Bammiam moschatam*.

5. 3. *Malvæ hortenses seu Rosæ.*

1. *Malva rosea sive hortensis* J. B. *Malva hortensis rosea simplex & multiplex diversorum colorum* Park. parad. *Malva hortensis* Ger. *Mal. rosea folio subrotundo* C. B. & *Mal. rosea fol. subrotundo, flore pleno* ejusdem. *Hollyhocks single and double of divers colours.*

*J. B.*

Hæc si, ut *Rosæ*, nares conciliaret, nulli dubium quin de præstantia & pulchritudine cum ipsi rosis certare possit. Caterum *Arbustula* magnitudinem assequitur, stipite crasso, solido, hirsuto, ramis aliquot brachiato. *Folia* alternatim longis mediocriter & lanuginosis pediculis ex caule oriuntur, singula, lata, infima & primò erumpentia rotunda, superiora in caule angulosa, quinque ferè aut septem interdum divisis inflecta, in ambitu crenata, supra obscurius virentia, infra albidiora, utrinque pilosa [supernè in nonnullis adeò brevi lanugine ut vix possit discerni:] ex quorum alis flores emicant [nunc singuli, nunc bini ternive pediculis brevibus] successivè plures, pentapetaloides. *Rosæ* magnitudine: colore vel rubro, vel puniceo, vel saturo sanguineo, vel carneo, vel albo, interdum luteo, iique modò simplices, medium occupante cono apiculis subluteis & purpureascentibus prædito, in multa foliola flori concoloria se explicante: modò multiplici foliorum fœtu luxuriantes: insident autem hi calyci gominato [utrique in quinque lacinias secto] cana lanugine pubescenti, semènque post se relinquunt in pastilli formam compressum. *Radix* longa, albà, lentum mucorem remittit, non alio quàm *Malvæ sylvestris* sapore.

Hæc planta in hortis solo latiore sata & diligenter culta insignem altitudinem assequitur præ omnibus quas apud nos observaverim plantis erectis & suis se viribus sustentantibus superficie annua, seu *hyofribus*, seu *hortensibus*.

*Malva rosea folia ficus.*

Secundo à latiore anno caulescit & floret. *Caules* quotannis intereunt, *radix* perennat.

Hujus etiam species invenitur folio amplo *Ficus*, profunde laciniato, quæ *Malva rosea simplex peregrina* Ger. *Mal. rosea folio Ficus* C. B. *Malvam roseam folio Ficus alteram* C. B. in *Prodromo* descriptam ab hac non differre existimo, nec enim plantam integram vidit, nec sufficientes distinctionis notas adjecit.

2. *Malva hortensis seu rosea folio subrotundo caulescens flore simplici minore luteo pallido* Morisoni.

A priore differt parvitate partium, & flore pallidè luteo, duplo minore. *Semen* hujus communicavit D. Robertus Huntington, qui etiam semina sequentis plantæ *Halepo* transmisit.

3. *Malva rosea folio subrotundo Chalepensis, acaulos, flore pallidè luteo* Morisoni.

*Radice* perenni, floribus eorundemque magnitudine seminibusque nequitiam à majore *Malva hortensi*, lutea, procera distinguitur, sed quòd flores plurimos, pentapetalos, pallidè luteos juxta terram producat, absque ullis ferè pediculis quibus innitantur: juxta terram etiam semina *Malvæ hortensis* seminibus in omnibus, etiam parè magnitudine paria profert, quæ aliquando exiguis & visu non perceptibilibus adherent pediculis, humi procumbentibus, aliquando caulibus pedibus & sesquipedalibus donantur.

Planta dicitur *acaule*, non quòd destituatur omnino caule, sed quòd sit adeò brevis ut rarò aut nunquam appareat, ut in *Carlina acaule*, &c.

*Semen* *Halepo* transmissum est.

*Malva rosea* eisdem viribus pollet quibus vulgaris.

*Vires.*

Ejus flores coquant in vino veteri, quo porriginis absument & sanant. *Cam. hort.* Utuntur etiam ad *Erysipelatis* rubores compescendos; imprimis rubentibus rosis, secuti coloris similitudinem. Ego (inquit J. Bauhinus) in ficitate & ardore linguæ & faucium horum decocto feliciter utor.

R. *Malvæ herbæ* Rad. Sem. q. v. (an. p. æq.) cum farina *Hordeacea* in aqua coquo; cui admisceatur oleum *Olivar*, vel *Rosar*. Ex hisce omnibus conficiatur emplastrum, & imponatur locis affectis; id quod non sine magna utilitate fiet in tumoribus hepatis, lienis & matricis: nam resolvendi, discutiendi & emolliendi calidos abscessus vim obtinet hujusmodi medicamentum: idem emplastrum



emplastrum sacris ignibus & aliis id genus inflammationibus auxiliatur, & impactos corpori aculeos reficit. Trag. lib. 1. cap. 149. p. 368.

Invenio in Adversarius meis idem emplastrum in frequenti usu esse in Nosocomiis Italicis ad inflammationes & tumores arduos mitigandos & compescendos. D. Tancred. Robinson.

Novi ego unguentum simplex è Malvæ hortensis foliis in Butyro Maiali non salito decoctis & colatis paratum ad Erysipelata & ignes sacros magno successu adhibitum, ut post alteram vel tertiamunctionem ea compescere, extinguere & sanare soleat & rarissime fallat.

#### §. 4. Malvæ arboreæ.

1. Malva arborea Park. J. B. arborea; Veneta dicta, parvo flore C. B. maritima arb. Ven. dicta parvo flore Morisoni.

Stipite adolefcit crasso, ligneo, quaternum aut quinum cubitorum, [aliquando denum aut plurimum, secundum solum cui committitur. Moris.] eâ interdum crassitudine, ut ambabus manibus vix illum complectaris Park. perenni, solido, brachiato, superna parte foliis vestito amplissimis, subrotundis, Malvæ vulgaris similibus, circum oras interdum sinuatis & quodammodo crispis, supernè viridibus, ad tactum mollibus Althææ modo veluti pannus holosericeus. His minora alia propè sinus alarum succedunt. Alæ laterales inter folia frequentes ostendunt, pediculos oblongos, firmos, qui obducunt floribus Malvaceis, latè rubentibus & circa media staminula capillacea, ungue tenuis maculis saturatiore rubro, infectis, ac radiatim dispersis notatis. Radix valida est, & multis crassis fibrarum processibus firmata. Semina tum formâ tum crescendi modo Malvæ vulgaris similia, sed duplo majora & crassiora.

Cæterarius tum alibi in Italia, tum frequentem itinere quo itur Pisis ad Portum Liburnum à se Locut. inventam scribit: nobis in itinere illo non comparuit.

Alii in litore Veneto inque Tyrrheno & Africano nasci referunt, ubi per multos annos durat.

Secundo à satione anno apud nos floret, per hyemem recondi debet nè à frigore & pluvia corrumpatur.

Et hæc est (inquit J. Bauhinus) Malva illa arborea, quam Rauwolfius Halepi ab incolis veteri Arabico nomine Haur dici scribit, sub cujus gratiosa umbra deambulare liceat.

2. Malva arborea maritima nostras PARK. English Sea-Mallow.

Priori non valdè dissimilis est, stipite secundo anno lignoso, humani brachii crassitudinem æquante, colore griseo aut canescente; foliis quàm illius minoribus, supernè magis incanis, & [superioribus] minus rotundis, [seu magis angulosis] Flores non ita ampli, pallidi, seu dilutè rubentes.

Multis in locis observavi, v. g. in insula Portlandia propè Weymouth Dorcestriæ oppidum: Locut. circa tuguria propè Hurstam arcem è regione Vectis insulæ. In Caldeiz insulæ Walliæ adjacentis rupibus copiosè; in Bassa insula in æstuario Edinburgensi: Addit D. Morisonus Denny insulam 1 mil. à portu Regio, quinque à Bristolia distantem.

Valgare quidem, sed tamen magnæ efficaciz medicamentum, quod tonsillis malè habentibus ex Vires. floribus Malvæ arboreæ & lacte paratur, quo gargarismatis loco utimur. Sim. Paullus.

Doctus quoque sum flores Malvæ arboreæ pulverisatos & cum melle despumato, & Aluminis cancellis, quantum lingua ferre possit mistos, ac gingivis illitos, efficacissimum esse remedium contra omnem putredinem gingivarum, contraque ipsum Scorbutum. Idem. Habui ex excerptis D. Edo. Hulse.

### C A P. VIII.

#### De Althæa, sive Ibisco.

Althæa Ἀλθαία, vel ut constanter apud Galenum legitur Ἀλθα, ab ἄλθω remedium vel ἄλθαϊνον medendo nomen accepit. Dioscorides lib. 3. c. 163. Ἀλθαία δὲ τὸ πρὸς ἰατρικὴν καὶ φαρμακίαν ἄλθω. Althæa verò nomen inditum illi est à multiplici excellentique quam in medendo præstat utilitate. Bod. & Stapel.

Althæa folio productiore minùsque rotundo item molliore & magis incano, adde & loco natali in palustribus & maritimis à Malva differt.

A. 1. *Althæa vulgaris* Park. *Althæa Ibisus* Ger. *Dioscoridis* & *Plinii* C. B. *Althæa fœt. Raf. malva* J. B. *Marth. Mallosus*.

J. B.

Ex Malvarum familia prerogativam tulit Althæa, utilitatis multiplicis nomine commendatur. radicibus multis nixa, bene habitis, albis, mucagine lentâ, quam manf. maceratione deponunt, turgidis: caules bicubitales & proceriores, teretes, tenues, molli lanugine incani, angusto tubo pervii: in quibus folia alternata Malvæ vulgaris, longiora, sinuosa, serrata, mollicello tomento incana, ex alis flores proferunt Malvæ vulgaris, minores, colore albo tantillum ad carneum declinante, quinque foliis constantes, in quorum medio stylus quatuor apicibus purpurantibus & obsoleis flordus erigitur. Semen pastilli compressi ritu, ut in vulgari, relinquitur.

Locus.

Apud nos in palustribus maritimis tantum (quod sciam) sponte oritur: in exteris regionibus in palustribus à mari procul remotis non semel observavimus.

Vires.

Emollit, laxat, discutit, dolores lenit, tumores maturat, acrimoniam mitigat & corrigit, tum herba, tum etiam radix & semen. Usus præcip. in affectibus vesicæ & calculo renum, in Asthma & Pleuritide. Extrinsecus ejus usus creberrimus est in clysteribus, cataplasmatibus, &c. Schrod.

In summa, ad quatuor præcipue utilis esse perhibetur.

1. Ad calculum renum & vesicæ, tum Sympus Althææ, tum decoctum foliorum sed præcipue radicum, seu ore tenuis assumptum, seu in clysteribus, tum denique semen quovis modo præparatum. Emolliendo & lubricando hoc efficit: Abundat enim succo lento & mucilaginoso.

2. Ad affectus pulmonum, Asthma, tussim, phthisin, pleuritidem.

3. Ad intestinorum erosiones, dysenterias, &c. [Decoctum radicum & mucilago seminum præcipue.]

4. Ad tumores duros emolliendos & maturandos [cataplasma foliorum aut radicum.]

Ex radicis mucilagine cum Saccharo fit confectio Diathæa, in catarrhis subtilibus, in raucedine, in aliis gutturis viciis utilis.

Mucilago Althææ aq. ros. extracta eos dolores mitigat illita, qui arte à sinapismis & vesicatoriis excitantur, si hi nimis molesti sunt. Sim. Paulli.

Radix ad clysmata dysentericorum instat. Specifici medicamenti maxime commendabilis est. Idem.

Muliercularum nonnullarum certum experimentum esse novi, consolidari radicibus Althææ papillarum scissuras, iis in linimenti formam reductis, addito tantillo sacchari. Idem. Hæc ex collectaneis D. Edv. Hulse.

Ad renum affectus, R. Rad. Althææ ʒss. Cicer. rub. Mß. fiat jusculum cum butyro aut melle. Idem.

Radices Althææ acrimoniam præditas esse arguit, ab experientia D. Segerus. Ex applicatione enim hujus radicis contusæ & in aqua simplici decoctæ plurimæ pustulæ rubicundæ & dolorificæ membrum adeo exasperavere, ut undiq. planè exulceratum apparuit, quod tamen malum emplastro de spermate ranarum sanatum fuit. Ephem. German. An. 9. & 10. Observ. 100. D. T. Robinson.

Levamen manifestum notavi in septuagenario stranguria laborante assumpto decocto foliorum Bismalvæ: idem expertus sum in alio qui gonorrhœa contaminatus videbatur. Antonius de Haide in Centuria Observationum, Observ. 29. Transmisit D. Edv. Hulse M. D. Londini medicum exercens.

\* 2. *Althæa flore majore* C. B. *Pannonica* Park. *flore grandi Alceæ, Thuringica* Camerario J. B.

Clus.

Floribus amplis, Alceæ floribus etiam majoribus, colore item illi vel respondentibus, vel omnino ferè candicantibus ab Althæa vulgari differt: in reliquis cum ea convenit.

\* 3. *Althæa Pannonica tertia* Clus.

Clus.

A præcedente solis floribus differt, qui huic minores sunt, vulgaris tamen floribus aliquantulum majores.

\* 4. *Althæa laciniato folio* C. B. *profundè serrato sive dentato folio* J. B.

Clus.

Hujus folia licet incana & mollia, in tres tamen majores lacinias divisa sunt. Flores etiam paulo minores superiore, Belgicæ seu vulgaris floribus magnitudine respondentes, sed colore dispares, nempe qui toti incarnati coloris sunt, multis intus staminibus nigricantibus: ceteræ notæ conveniunt cum vulgari.

Locus.

Per Pannoniam & in Moravia tres hæc seu species seu varietates Althææ, humidis locis & secundum tumulos sitis, observavit Clusius.

5. *Althæa rosea peregrina, fortè Rosa Moscheutos Plinii* Cornut. *rosea peregrina* Park.

Cornut.

Ex radice vivaci, longâ, albâ, lentâ circa Maium mensem quotannis erumpunt caules rotundi, virides, medullâ pleni, uno verbo Malvacei. Folia sunt subrotunda, & aliquo modo Cyclamini, pro-



pius tamen Mori nostratis folia referunt: prona parte molli & tenui lanugine canescentes, oléa foliorum instar, supinâ aliquanto magis virentes. Cujusq; caulis fastigium globulos admittit virides, non paucos, qui singuli singulis pediculis teretibus innituntur, & quamplurimis foliolis oblongis & angustis omni ex parte circundantur. Oriuntur hæc foliola à basi globuli, distant inter se aliquo intervallo, egregiôque ordine disposita, velut cancellis eundem globum obsepiunt, qui dum maturitate defuscit, in quinque partes finditur, alveolique suo condita quinque fundit latissima folia, quæ rosetim florem expriment, similem atque etiam ampliorem Malvâ roseâ Lob. In hujus floris umbellâ stat panicula albida, pistillo tenui fultâ qualis in floribus Althææ fruticis conspicitur. Floret circa finem Augusti, à sylvis Africanis ob floris gratiam in hortos nostros translata.

Locus.

## CAP. IX.

## De Malvis &amp; Althæis frutescentibus &amp; lignosis.

1. *Althæa frutex prima* Clus. *Althæa frutescens folio rotundiore incana* C.B. *Althæa arborea Olbiæ in Galloprovincia* Ad. Lob. *Althæa arborecens* J. B. *arborecens Provincialis Althæa frutex* Clusii Ger. Park.

*Clus.*  
**A**rbusculæ instar assurgit, crassiusculo stipite, lignoso, in multos magnolque ramos diviso, qui in alios minores, duros etiam, lignosos & minimè obsequentes cortice cinereo, lentoque tectos, findebantur. Ejus folia Althææ foliis similia, minora tamen, magis rotunda, valde mollia, & prorsus incana. Flos extremis ramulis & inter foliorum exortus nascens, dilutè purpureus, quinque foliis constans, Malvæ vulgaris flori non dissimilis, & major quàm in Althæa vulgari. Folia non abijcit nisi aliis enatis, ut pleraque stirpes perpetua fronde virentes facere solent.

Hanc plantam describit J. Bauhinus Tom. 2. p. 956. cui folia, & rectè, Malvarum minorum magnitudine, attribuit, pediculo satis longo, lanuginoso nixa: Flores purpurascensibus unguibus & ad radicem hirsutis.

J. Bauhinus cum Lobelio Althæam fruticem 1. *Clus. Hist.* Althææ suæ arboreæ Olbiæ eandem putat: C. Bauhinus & ipse Clusius diversam: Ego cum Lobelio & J. Bauhino sentio; siquidem Althæa illa quæ Olbiæ in Gallo-provincia copiosè provenit ipsissima est Althæa frutex 1. Clusii: Species autem illa Althææ quæ à Londinensibus nobis ostensa est pro Althæâ Olbiæ Lobelii, Althæa arborea altera vel Bryoniæ folio J. B. censenda est. Errat ergo C. Bauhinus, & eum sequuti plerique Botanici, dum Althæam fruticem primam Clusii pro Althæa frutice flore specioso in hortis ob floris pulchritudinem cultâ habent. Consule J. Bauhinum loco laudato.

In rupibus non longè à specu Frontignana, Olbiæ etiam in Gallo-provincia & circa Tolonam observavimus. *Locus.*

2. *Althæa frutescens Bryoniæ folio* C.B. *Alth. frutescens, folio acuto, parvo flore ejusdem.* *Althææ species, quibusdam arborea altera, vel Bryoniæ folio* J. B. *semper virens Bryoniæ folio* Park.

Hanc ita describit C. Bauhinus; *Caulis* est cubito altiore, rotundo, lanuginoso, albo: *foliis* Bryoniæ similibus, in quinas lacinias ut plurimum divisis, palmaribus, & aliis multo minoribus, crassis, nervosis, lanugine nonnihil asperis, parte infernâ canescentibus, & longis pediculis infidentibus. *Flures* habet purpureo-ceruleos, quinquefolios, supernè semilunatos, staminibus rufescentibus donatos; quibus singulis capitulum foliaceum, planum, semen Althææ simile continens succedit.

Hæc est (ni fallor) Althæa frutex 3. Clusii, quam sic describit. Ex semine in Creta collecto provenit planta, quæ sequente anno valde adolevit: nam ramos protulit bicubitales, cortice viridi tectos, cui inserta est plurima incana lanugo, seu potius tomentum: *folia* etiam habet incana, angulosa, & per oras dentata, quàm præcedentis majora: *flores* minores, Althææ vulgaris florum magnitudinem vix superantes, quinque foliis constantes instar reliquarum Malvarum, coloris rubri valde diluti, & ad carneum, (si ita vocare liceat) inclinantis, multis staminibus ex albo pallefcentibus, in oblongiusculo & crassiusculo stylo nascentibus, & umbilicum occupantibus. Floribus defluentibus succedunt plana *capita*, ut in vulgari Malva, *semen* in orbem serie quadam distributum continentia. Idem sentit J. Bauhinus, quem sequor.

Hujus semen ad nos transmissum est Althææ Olbiæ Lob. nomine: & reverà icon Lobelii in Adversariis non ineptè responderet huic plantæ. Verùm ut superius diximus, Althæa Olbiæ Lobelii eadem est Althææ frutici 1. *Clus.* quantumvis mala figura Clusium & C. Bauhinum deceperit.

Althæam fruticem 3. *Clus.* C. Bauhinus ad Ketmiam refert, & Ketmiam alteram speciem minore flore facit, verùm erroneè nostro quidem judicio: siquidem Ketmia semina fert loculamentis inclusâ, non in orbiculis rotatim circa stylum disposita.

Parkinsonus Althæam fruticem 3. *Clus.* speciem ab hac diversam facit, eamque Althææ fruticose Cretice titulo proponit; verùm erroneè etiam, ut nos opinamur.

Sequentes tres plantæ an rectè hic collocavimus nescimus.

\* 3. *Althææ species* Marggrav. *planta Brasiliæna*.

Marggr.

*Caulis* rectus, teres, uno latere rufescens ad duorum aut trium pedum assurgit altitudinem, ramis multis hinc inde explicatis. *Folia* singularim posita in pediculo tres aut quatuor digitos longo, in tres vel quinque lacinias secta, crassa, in ambitu serrata, nervis & venis rufescentibus, superne saturate viridia, inferne incana, hirsuta & ad tactum mollia. Ad caulem prope exortum foliorum, & in summitate caulis & extremitatibus ramorum provenit *flos*, egregie incarnatis, constans quinque foliis, staminéque in medio incurvato. Florem sequitur semen, nimirum tot triangulares hispide capsulæ, grysei coloris, juxta se in orbem positæ, quot folia *flos* habuit, in quibus *semen* triangulare, subrotundum, figurâ Lunæ gibbæ, coloris grysei, magnitudine farris.

\* 4. *Rosa Batarico-Indica inodora seu Malva frutescens* Bontii.

Hortorum sepibus contexendis plantatur cum sarmentosis & oblongis ramis è quibus corbes conficiuntur. *Folia* habet pyramidalia in circumferentia dentata: *florem* fert rubicundum planè, qualis est *Rosæ* simplici flore apud nos. Sunt & frutices ejusdem speciei, qui carnei coloris flores gerunt.

Totus porro frutex inodorus est, & suo virore solum & pulchro florum rubro colore aspectum delectat amoenissimum. Masticatus *flos* nigrum succum à se emittit, quapropter nobis aliquando denigrandis calceis inservit.

Fortè hæc planta pertinet ad *Alceæ Indicæ* seu *Bamizæ species*.

\* 5. *Althæa arborescens Brasiliæna* Marg.

Marggr.

In novem & non rarò decem pedum altitudinem excrescit, elegantis arbuscula formæ; caudice recto & pollicem crasso, inferiori parte sine ramis, superiore verò in ramos distributo: in quibus folia fert *Malvæ* modo disposita, longis pediculis, magna, in totum hirsuta, inferiore parte albicantia, per ambitum serrata & ad tactum glutinosa, quemadmodum & universa est planta. In extremitatibus porro ramorum & capitellis hirsutis ad modum *Alceæ* enascuntur *flores*, insigniter incarnati, quinque petalis constantes, idem glutinosi, in cujus medio *stamen* eminet staminulis multis veluti ramulis repletum, coloris flavi. *Semen* profert splendide nigricans, oblongum, quasi triangulare, magnitudine grani *Pegopyri*.

Ob descriptionis imperfectionem nescimus an hæc sit genuina *Althææ species* necne: excepto semine in omnibus cum *Malvæ* convenit.

\* 6. *Althæa Americana pumila flore luteo spicato* Breynii.

Breyn.

Hæc planta lignosa, ramosa atque humilis est, molli lanugine hirsuta: *Folia* *Althææ* vulgaris minoribus, pediculo longo cauliculum alternatim ambientibus; cujus in summo *flosculi* quinis foliis flavis constantes, dense in spicam congesti cernuntur; originem è calyculis geminatis ac villosissimis, quorum quisque in partes mucronatas quinque divisus perentes. *Flosculis* delapsis succedunt *semina* compressa, pericarpis lanuginosis inclusa, quæ stylum nutritivum circulatim & arctè ambiunt, & dimidio *Althææ nostratis* sunt minora.

Abundat in locis saxosis insulæ *Corocuo*.

Locus.

## CAP. X.

De *Alceæ*.

**A**lcea à *Malvæ* foliis laciniatis differt. Fortè sic dicta est ab *Αλκῆ* auxilio vel remedio, cum ejus radices dysentericis & ruptis auxilio sint C. B.

A. 1. *Alcea vulgaris* J. B. *vulgaris major* C. B. *vulgaris*, sive *Malva verbenacea* Park. *Malva verbenacea*. Ger. *Derbain* *Walpole*.

J. B.

E radice lignosa perenni plures emittit caules cubitales aut sequicubitales, teretes, medullâ fungosa farctos, raris sed tamen longiusculis pilis hirsutos, glauco quodam polline, qui faciliè detergi potest, obductos. *Folia* quæ à radice exeunt, & in caulibus inferiora subrotunda, per margines tamen incisâ, pediculis longis insident. Quæ in caulibus sunt, alternatim sita, quò cacumini propiora eò brevioribus pediculis fulta, altius incisâ, in quinque plurimum lacinias insigniores, ad modum ferè *Napelli* foliorum, atrovirentia, hirsuta, aversa præcipue parte. *Flores* è foliorum alis singulis singuli, in caules & ramulorum summitatibus conserti, pediculis quadrantalibus hirsutis insident, rosei, speciosi, purpurascente carneove colore, quinque foliis striatis, ad ungues junctis, quodammodo cordatis *Malvæ vulgaris* compositi. Calix hirsutus, quinquepartitus, cui terna alia angusta subsunt folia, flore dilapso connivens, & in vasculum seminale degenerans. *Semina* hirsuta per



per maturitatem nigra, simul juncta compressi caseoli formam imitantur, ut in hujus generis reliquis, non adeo dense stipata ut in Malva vulgari, umbone majore.

Æstate floret; ad agrorum margines inque vepretis & sepibus frequens.

Variat interdum floris colore albo, quæ Alcea vulgaris flore albo Park.

Locus.

2. *Alcea tenuifolia crispata* J. B. *Alcea vulgaris minor* C. B. *minor* Park.

J. B.

A vulgari Alcea in eo potissimum differt, quod folium habeat tenuissimè in creberrimas lacinias tenues crispas divisum, alioqui folio alterius Alceæ par. Flores purpureus magnus convenit cum orbiculata seminum subsequenterum placenta. An solus naturæ lusus, & an ex eodem semine proveniat præcedens & hæc considerandum.

3. *Alcea minor, Sicula, flore minore.*

Ex radice alba, simplici plures emittit caulesculos, humi procumbentes, hirsutos, superiore parte rubentes. Folia ima subrotunda, longis pediculis annexa; quæ in caulibus sunt in tres aut quinque lacinias secta, hirsuta & circa margines crenata. Flores parvi, carnei. Semina qualia Malva vulg. In Sicilia ad prom. Pachynum, in insulâ.

Locus.

4. *Alcea villosa* J. B. *hirsuta* C. B. *minor villosa* Park.

J. B.

Rami huic teretes, palmares & dodrantes [imo longè altiores] hirti, multi ex radice simplice, gracili, palmari statim exoriuntur. Folia parva, plerunque profundè in tres lacinias serratas dissecta, lanuginosa. Flores tam ex foliorum sinu, quàm in ramorum extremis, mediis inter Malvæ sylvestris repentis & erectæ flores, purpurascens, è quinque foliis compositi, è calice magno, quem componit duplex foliorum acuminatorum, asperorum, pilosorumque agmen, in quo succedit orbiculata seminum nigricantium placenta.

In vineis circa Monspelium, & in sepibus non procul Geneva collegimus.

Locus.

5. *Alcea major & procerior: An Alcea amplissimo folio laciniato* J. B.

A vulgari Alcea differt caulis crassioribus & elatioribus, ut qui humanam altitudinem non raro superent, minùs glaucis, nec adeò teretibus sed magis striatis, non ut in illa pilosis, ab imo ramosis. Folia majoribus, pallidiùs virentibus, neque in tam crebras & tenues lacinias dissectis: nec enim quæ superiorem caulis partem occupant in plures quàm tres lacinias, ad pediculum usque pertinentes, dividuntur. Florum pediculis crassioribus & pro magnitudinis ratione brevioribus; calicibus in breviora segmenta divisus, tribus autem foliolis quæ calici florem amplectenti subsunt majoribus & hioribus multò. Seminibus lævibus, non ut in illa hirsutis, pariter tamen nigris.

Semina hujus Londino habuimus ab Edwardo Morgano.

6. *Alcea pentaphyllea* Park. *Pentaphylli folio vel cannabina* J. B. *cannabina* C. B. *fruticosa cannabina*. Ger. emac.

Herba hæc hominis altitudinem excedens coliculis est asperis, lentis, in plures ramulos divisis: Folia Cannabinis satis similia, ex pediculis brevioribus in tres partes secta, longas, mediam longissimam, reliquas utrinque breviores, quæ sæpe iterum in minores subdividuntur, sic non tantum tripartita, sed modò quinquepartita, diversimodè crenata, hirsuta, nigricantia, minùs aspera cannabinis, sapore viscido. Flores interdum singuli, interdum bini ex longis pediculis, vel ramulorum potius extremitatibus, Alceæ vulgari similes, minores tamen; quibus exidentibus succedunt capitula qualia in Malva vel Alceâ; parva foliolis obvoluta, in quibus semina Malvæ crispæ, nigra. Radix perennis, cujus pars una major, aliæ minores, extra & intus alba, gustu admodum viscido. In aggeribus fossiarum circa Monspelium & alibi in Italia & Sicilia hanc observavimus.

Locus.

7. *Alcea folio rotundo laciniato* C. B. *peregrina* Clus. *Malva montana* sive *Alcea rotundifolia laciniata* Col.

Hujus folia prima, antequam caulem edat, rotunda, infernè parùm hirsuta, atque Malvæ vulgari modo quinquepartita, eam ita repræsentant; ut nihil ab illa differre videatur, & prætereuntes vel colligentes fallat: sed cum caulescit ita incipiunt lacinias dissecari, ut longè ab illa diversa videantur, ut qui caulem tantum foliis vestitum viderit Napellam potius se videre censeat, adeò ceruleo Napello simili divisurâ dissecta sunt folia; nec nisi florere incipientem Malvam judicaverit. Flores magni sunt, figurâ & colore Malvæ, sed roseo vivaci: quibus decidentibus fructus remanent foliacei vulgari, semina intus habentes compressa, hirsuta, lunata & nigrescentia, ut congenerum. Sapor & effigies radicis Malvaceis. Hujus foliorum lobi, qui folium dividunt in quinque partes, si considerentur, & si tenuiores sint, Alceæ vulgari divisuram emulantur.

Octobri mense perfructur. Supra Matessii montis supercilium Septentrioni oppositum, Civita decem appellatum, & etiam loco Stazzo della Serra, i. Manlio ovium; & in Equicolorum montium planis Rascino appellatis observavit Columna.

Locus.

Clusius radicem minimi digiti crassitudinem æquare, inque ramos divaricari, & summo capite quasi nodosam esse scribit: virgas inde exire cubitales & ampliores: folia quæ in extremis caulibus & ramis sunt ad Verbenæ folia fermè accedere; quibus etiam ea comparat F. Columna.

Vires.

Ex emplasticorum & emollientium medicamentorum numero est Alcea, utque facie externa sic etiam viribus cum Malva convenit. Celebratur ab Empiricis ad caliginem oculorum. Aquæ decocta torminibus intestinorum remedio est. Breviter Alcea, Malva & Ibis omnes totius corporis calidis doloribus apprimè conducunt: ut rectè J. Bauhinus.

8. *Althæa seu Alcea peregrina semine rostrato, flore luteo minimo* Moris. prælud. *Carpini folio, flosculis luteis* Bocc. *annua, fruticosa, Fernambucensis flo. luteo* Zanoni.

Moris.

Hujus folia sunt quasi Carpini foliorum æmula, bina è regione, caulem ambientia, rotundum, rectum sesquipedalem; cujus summis fastigiis innascuntur flosculi lutei minores; quibus deciduis succedunt arctè in circulum disposita semina aculeis pungentia, unde rostrati ei nomen imposuimus.

Perit singulis annis, in Italia Melochiæ spurie nomine nota; ibidem & in Gallia colitur in hortis omnibus Botanicis. Bocc.

Hanc Morisonus in Historia Oxon. mutato nomine, Alceam Pharnambucanam Carpini folio, flosculis minimis luteis, semine simplici rostro donato appellat; & addit caulem ei rectum esse, imò rigidum & firmum, flosculos pentapetalos; semina aculeis singularibus pungentibus prædita, rostri instar, radicem fibrosam: totam plantam viscido esse sapore. Aprili satum semen perficere ante Septembrem exactum.

- \* 9. *Alcea Virginiana, Carpini folio, flosculis minimis luteis, semine duplici rostro seu acule prædita* Moris.

In omnibus convenit cum precedente, nisi quòd semina illius sint triangularia, minora, binis rostris seu apiculis in summo prædita.

Semen hujus plantæ habuit à D. Johanne Banister.

## CAP. XI.

*De Herbis cum floris calice decaphyllo seu in decem lacinias diviso, seu cum duplici calyce.*

*De Caryophyllata.*

**C**aryophyllata ab odore radices dicta est, quòd vernali tempore eruta Caryophyllum aromaticum odore referat: vulgò Herba Benedicta & Sanamunda ab insigni quæ pollet facultate & efficacia.

Seminibus caudatis, foliis pinnatis, radice aromatica à congeneribus differt.

- A. 1. *Caryophyllata Ger. vulgaris* Park. C. B. *vulgaris flore parvo luteo* J. B. *Abens, perù* Bennet.

Radix obliqua, fibras subinde in terram demittens crassiores, sapore & odore aromatico Caryophyllorum. Caules ex eadem radice plures, cubitales & altiores, teretes, hirsuti, medullâ fusi, novæ, foliis alternatim per intervalla positos vestiti, in summo ramosi. Folia quæ à radice eunt hirsuta, alata, seu potius pinnata, pinnulis minoribus ad costam mediam hinc inde adnatis, extremo folio in tria segmenta majora, per ambitum altius incisâ desinente: Quæ in caulibus sola existunt duabus pinnulis majusculis ad pediculi basin cauli adherentibus velut auriculis quibusdam, & triplici in extremo lacinia Rubi ferè simili constant. Flores è foliorum sinibus non exeunt, sed ex adverso foliorum, longissimis pediculis, pentapetali, lutei, Tormentillæ floribus similes, calice decem foliolis, quinque majoribus, minoribus totidem, composito. Plurima staminula lutea in medio flore capitulum circumstant, quod in echinum subrotundum excrescit, numerosis dense stipatis seminibus compositum, quorum singula setâ, seu caudâ quadam extremo reflexâ & uncinatâ, donantur, quæ vestibulis adherescunt.

Locum &amp; Tempus.

Ad sepes & in dumetis: floret apud nos Maio & Junio mensibus.

- A. 2. *Caryophyllata vulgaris majore flore* C. B. *Abens with a large flower, vulgaris major* Park.

Flos huic major & speciosior quàm Caryophyllatæ vulgaris: an aliis accidentibus differat non meminimus, quamvis in hortulo meo Cantabrigiæ è vicinis sylvis delatam aliquot annos colui.

Vires.

Eandem invenit D. Martinus Lister in sylva Taddington, in le Wolds dictis Lincolnæ comitatibus. Radix Caryophyllum aromaticum olet, sed neque in omnibus locis, neque omni tempore, inquit Casp. Hofman. Vino decocta ac calida pota dolorem ventriculi & intestinorum à frigidity aut flatibus ortum sedat; purgat & mundat omnia vulnera. Schroderus cephalicam & cardiacam esse ait, & venenis adversari. Usus ejus præcip. esse in catarrhis exsiccandis, sanguine coagulato resolvendo.



resolvendo, &c. Vinum in quo infunditur radix optimo & jucundissimo odore & sapore commendatur; eoque cor exhilarari, & obstructions jecoris aperiri, necnon frigiditate & crassis humoribus affectum stomachum juvari multi testantur. *Trag.*

Cum manifestæ adstrictionis particeps sit, verisimile est epotam prodesse coeliacis, dysentericis, hæmorrhoidum profluvii, & cruenta expuentibus.

Radix insula Cerevisiæ summum tenet in roborandis articulis & visceribus. *D. Hulse.*

Radix 3ii. aut herbæ integræ manipulus j. in Aq. fontan. aut Zythogali lb. ij. decocta ad 1/2 consumptionem, ad febres intermittentes, præsertim tertianas, duabus horis ante paroxysmum, vel etiam in ipso paroxysmo optimo cum successu propinari solet. *D. Hulse.*

Menstruorum suppressio certis experimentis Simonis Lazii, Med. Vienn. præceptoris mei sublata est haud semel Dec. rad. Caryophyllatæ in vino. *Achilles Gasserus* in observ. à Velschio editis. Adnotavit *D. Soame* & ad me misit.

A. 3. *Caryophyllatæ montana purpurea* Ger. emac. *Caryophyllatæ montana sive palustris purpurea* Park. *aquatica nutante flore* C.B. *aquatica flore rubro striato* J. B. *Purple water or mountain-Arens.*

J. B.

Radix non admodum crassa, oblique actâ, plurimis fibris crassiusculis comosâ sub terra reptat, sapore amaricante [J. B. adstringente & tandem subdulci] Caules profert nunc plures, nunc pauciores aliquando cubitales, [nobis vix pedales,] farctos, hirsutos, nonnihil rubentes. Ramulorum summis, subinde etiam privatis pediculis, brevibus, hirsutis, rubentibus, nutantibus flores insident, non parvi, prout eos describit J. Bauhinus, striati, non multum elati, & supra calicem parum admodum se proferentes, extrâ intensius purpurei, intus dilutius, odore grato, ex foliis quinis, à tenui principio sensim in latum se diffundentibus, intra quorum septa apices multi crocei, echinatum capitulum obvallant. Insidet autem flos quasi calatho patulo, rubenti hirsuto, in quinque lacinias hirsutas, totidemq; lingulas in laciniarum spatia distributas, divisio. Capitulum echinatum pediculum suum privatum habet semunciale; è fundo floris exortum.

Folia pinnata, venosa, hirsuta, circum oras serrata, Caryophyllatæ vulgaris foliis satis similia, alia à radice statim orta, alia in caulibus.

In montosis Septentrionalibus Angliæ, circa *Settle*, *Ingleton*, &c. inque Occidentalibus Cambriæ *Locus*. circa *Snowdon* montem & alibi plurima. Observavi insuper sponte proveniente in loco palustri prope rivulum quendam Astoniæ viculi molendino vicinum in agro Warwicensi: & plurimis locis palustribus alibi in Anglia ab aliis inventam novimus.

J. Bauhinus, quem hac in re libenter sequimur, huc refert Caryophyllatam montanam 3 *Clus.* i. e. aquaticam alteram C.B. quam tamen pro distincta specie positam invenio in Catalogo Horti Regii Parisiensis. \* Jac. Breynius Caryophyllatam illam perelegantem, à Clusio pro montana tertia *\*Exor. Cent. 1.* expressam ac descriptam, in Borussia nasci refert, tam simplicibus quam plenis, imò nonnunquam etiam proliferis floribus. Hujus autem (inquit) pulchritudinem & diversitatem a Caryophyllatâ aquat. nutante flore nutrimento tantum superfluo ac abundantibus pluvii adscribendam, & mutuata ad breve temporis spatium raritatem minimè durabilem, altero post anno pereunte hoc adscito decore, in vulgarem suam faciem recedere existimo.

D. Hermannus Caryophyllatam aquat. vulg. & Caryoph. montanam foliis solum differre asserit, quæ uni rotunda, alteri oblonga. *E Notis D. Palmer.*

\* 4. *Caryophyllatæ montana flore pleno prolifero* Breynii. An præcedentis varietas?

Breyn.

Radix ejus Caryophyllatæ aquat. nut. flore in omnibus prorsus respondebat: ex cujus propaginibus folia, Hederæ terrestris paria, orbiculata fere, per ambitum modicè serrata, & leniter crispa, pediculis semuncialibus innixa virebant; quorum unicui duntaxat lobulo exiguo rotundo utrinq; circa basin articulatam. Hæc inter folia cauliculus palmaris, erectus & firmus eminebat, ternis vel quaternis, in lacinias tres latas serratasque, sed non usque ad pediculum divisio foliolis inferius septus; proximè à summo fastigio elegantissimum sustinens florem, sanguineum, seu hilaris cinnabaris fulgore ardentissimum, & multiplici foliorum textura ac serie constantem, Caryophyllatæ mont. 3. *Clus.* propemodum formam referentem, calyce excepto, è foliolis multò minoribus constructo. Ex dicti floris centro cauliculus ad sesquidigiti altitudinem transiebat, flore alio minore ac minus folioso magnificè ornatus. Tota planta lanugine Caryophyllatæ vulgaris modo pubescit.

Ex Cassubicæ montibus nonnisi unicum plantam mense florentem excepit Autor: unde verisimile est, accidentalem potius varietatem seu naturæ quendam lusum esse quam speciem Caryophyllatæ distinctam. *Locus.*

\* 5. *Caryophyllatæ montana minor flore nutante purpureo* Moris. prælud.

A Caryophyllatâ majore vulgari flore purpureo nutante differt quòd folia edat glabra, minutiusque dissecta, totaque planta minor sit.

\* 6. *Caryophyllatæ Brasiliensis* Marggr.

Caulis ad trium pedum aut etiam majorem altitudinem assurgit, ad singula genicula quasi duos oppositos habens, atque itidem duo folia, quæ cum pediculo suo quatuor digitos æquant (superiora

riora sunt angustiora) in quinque alia singula secta, nimirum bina priora opposita, & quintum in extremitate. Sunt autem folia in ambitu dentata ac latè viridia. In extremitatibus ramorum, in singulis provenit *flos* flavus, Tormentillæ æmulus, constans quinque foliis angustis, quibus multa foliola viridia substrata. Post flores sequitur capitulum rotundum hispidum, continens *semina* oblonga. *Radix* multa habet filamenta, & odore refert Caryophyllos, unde nomen meruit.

7. *Caryophyllata montana* Park. Ger. *montana flore magno luteo* J. B. *Alpina lutea* C. B.

*Clus.*

Simili propemodum [cum superiore] ratione serpit & hujus *radix*, superiore non minor, arbor in tam multa capita extuberans, è quibus similiter multæ *foliorum* alæ nascuntur, superiores non breviores, sed frequentioribus minoribus foliis in ambitu serratis utrinque ornatæ, unico duntaxat & quodammodo circinato folio, in tres tamen plerunque lacinias diviso, & in ambitu serrato, extremam alam occupante, quæ splendet & dilutiùs virescit quàm in primo genere. Nascuntur etiam inter eas foliorum alas pedales *caules*, graciliores quàm in præcedente, minoribus magisque laciniatis foliis ornati, qui singulares plerunque, nonnunquam etiam plures, *caliculos* sustinent, in quibus *flores* aurei, quinque foliis vulgari majoribus præditi, floris Cisti foeminae interdum amplitudinem æquantes; medium occupant multa lutea *stamina*, inter quæ latet villosa quædam congeries, quæ excusso flore sese explicans, mollior est superiore & *semen* planum adnatum ostendit, quod maturitate fuscum fit. Tota etiam planta lanugine obsita & astrictiōis particeps est.

*Locus.*

Hanc invenimus in altissimis montibus max. Carthusianorum cœnobio in Delphinatu vicinis. J. Bauhinus in monte Braulio Rhætorum eandem reperit: Clusius in summis duntaxat Alpium jugis, non tamen omnibus, sed inter gramen, vel sub fruticibus. Floret istic Junio, semen Augusto maturum. *Radix* J. Bauhino satis crassa, nigra, fibrata valdè odorata.

\* 8. *Caryophyllata Alpina minor* C. B. Park. *Alpina minimæ prima species* Pona Ital. *Alpina minima* Ger. emac.

Vix alia in re à præcedente differt quàm partium omnium parvitate; an specie diversa sit videntur quibus utriusque copia facta fuerit: utramque invenio in Catalogo Horti Regii Parisiensis.

\* 9. *Caryophyllata Alpina minor altera* Park. *Alpina Apii folio* C. B.

*Pon.*

*Folia* huic quàm præcedenti multò longiora, humi in ambitu strata, in plures partes divisa, quarum singulæ Paludapii folia quadantenus referunt: in quorum medio exurgunt duo tresve cauliculi tenues, imbelles & procumbentes, quatuor foliis obsiti minoribus quàm quæ è radice exeunt & tenuius incisus, quorum fastigia occupant *flores* singulares hexapetali & interdum octapetali, pallide lutei caliculo viridi sustentati, cujus extrema summum florem adæquant. Florem excipiunt capitula reliquorum similia verum molliora & lanuginosiora, cinnamini seminibus adherentibus. *Radix* oblonga, tenuis, ramosa, fibris aliquot donata.

In monte Baldo provenit, autore Jo. Pona.

*Locus.*

\* 10. *Caryophyllata Pentaphyllæa* Park. J. B. *Alpina quinquefolia* C. B. *Alpina Pentaphyllæa* Ger.

*Lob. Ad.*

In Rhætici Alpibus non procul Clavenna hanc primùm nacti, putavimus esse Tormentillæ aut Pentaphylli speciem: verum radix Geranii fibrosior, foris que rubiginosa, parum quid suave redolens, Caryophyllatam testatur. Quinetiam erigit *caules* pedales, cui hærent *folia* quinquepartita ambitu serrato Pentaphylli aut Tormentillæ flore luteolo pallentè, staminibus lanuginosis, croceis, papillis, minoribus Caryophyllatæ.

An Caryophyllatæ, an potiùs Pentaphylli species fuerit hæc planta, nobis non certò constat. Tantisper hic locum quem occupavit retineat donec de ejus notis characteristicis certius edocui fuerimus.

11. *Caryophyllata Alpina Chamædryos folio* Monf. *Chamædryos spuria montana Cisti flore* Park. *Alpina, flore Fragariæ albo* J. B. *Alpina, Cisti flore* C. B. *Teucrium Alpinum Cisti flore* Ger. *Mountain Adens with Germander leaves.*

*J. B.*

Dura, lignosa *virgulta*, palmaria aut dodrantalia per terram spargit, colore rubente [ex fusco rubente prædita Clus.] prædita, per quæ *folia* nullo nascuntur ordine, Chamædryos verioris foliis similia, minora, duriora, rugosiora, serrata, infernè incana, supernè atrovirentia, gustu adstringente. Pediculis, tenuibus, palmaribus hirsutis insident singulis singuli *flores* candidi, Fragariæ duplo majores, foliis senis aut pluribus constantes, quorum medium occupant cirri staminum numerosi; quibus delapsis succedit plumatum Pulsatillæ capitulum, semine oblongo, ruffo. Totius autem floris basin fulciunt folia hirsuta, oblonga, angusta. *Radix* longè latè que serpit, crassa, lignosa, ex ruffo nigricans.

*Locus.*

In montis Juræ suprema parte Thuiri, inque Alpibus Corinthiacis observavimus. J. Bauhinus in Rhætici monte Braulio. Frequens autore Clusio in Austriacarum & Sciriacarum Alpium jugis. In Hibernia etiam invenitur inter Gort & Galloway, unde & nos delatam vidimus. Floret Junio & Julio.

12. *Cary.*



12. *Caryophyllata montana Virginienſis* Park.

*Caryophyllata montana* ſeu ſeptima major eſt, & elatior, in aliis parum differt: Semina producit plana, tenuia, nigricantia in folliculis incluſa.

## C A P. XII.

De *Fragaria*.

**F**ragaria à fragro Latinis dicta videtur, quia hic fructus optimi odoris eſt. Voſſius ita dictum exiſtimat potius à *fragilis*, unde *mollia fraga* dixit Ovidius *Metamorph.* 13. Nobis prius Eeymon magis placet. Fructus hic Græcè eſt *ἀγλαΐον*, quæ tamen vox latius patet, & ad Arabi fructum ſignificandum extenditur.

Fragariæ notæ characteriſticæ ſunt Folia venoſa, in ſingulis pediculis ternâ, fructus molli eſculenta pulpa conſtans feminibus exterioribus adnaſcentibus, odore fragranti, cauliculi reptatrices.

1. *Fragaria* Ger. *vulgaris* Park. C. B. *Fragaria ferens fraga alba & rubra* J. B. Common Strawberry.

*Fragaria* pentaphyllum genere eſt, quamvis trifolia ſit, ut manifeſtè oſtendunt folia venoſa, *ſlos* pentaphyllos calice è decem partibus ſeu ſegmentis composito, ſemina denique eodem modo congeſta. *Folia* ei in longis pediculis ternâ, venoſa, hirsuta, per ambitum ſerrata, ſuperius viridia, inferioribus albicantia. *Cauliculi* palmum alti, teretès, hirsuti, in ſummitate ramoſi, *ſlores* ſuſtinent complures Ranunculi minores, Pentaphylli vulgaris floribus ſimiles, quinque foliis candidis compositos, *ſtamina* numerosis brevibus apices luteos ſuſtinentibus, capitulum rotundum circumſtantibus. *Fructus* globuloſus inæqualis, per maturitatem tuber, odoratus, ſanguineo dulci, vinoſo, gratiſſimòq, ſæpe prægnans, cui adnaſcuntur extrinſecus ſemina multa, exigua. *Flagelli* ſeu loris tenuibus, plurimi hinc inde emiſſi, ad intervalla nodofiſ & folioſi, ad nodos radices agentibus, latè ſe propagat. *Radix* oblonga, ſubruffa, multis fibris capillata, guſtu adſtringens. In ſylvis & dumetis Maio menſe floret, & brevi ſemen maturat.

2. *Fragaria fructu biſpido* Ger. emac. *Fraga aculeata* Park. parad.

Locus & Tempus.

*Fragaria* huius petala alba non habet, ſed ex duobus aut pluribus circulis foliorum viridium componitur. *Fructus* biſpidus eſt, ſeminum loco aculeis virentibus oblongis pulpæ rubenti innaſcentibus ſubſtituitur. Proſuſu ſarutæ habeo: Cantabrigiæ in horto per aliquot annos colui.

3. *Fragaria major fertilis ſeu Bohemica maxima* Park. parad. The greater or Bohemian Strawberry.

Præcedenti ſimilis, nec ulla ſerè in re, magnitudine excepta, ab ea differt. Eſt autem omnibus partibus, radice, foliis, caule, floribus, fructu vulgari *Fragariâ* propè duplo maior. Fructus non porinde gratus eſt ac illius, dulcior tamen. An *Fragaria* fructu parvi *Pruni* magnitudine C. B?

4. *Fragaria Virginiana*, The Virginian Strawberry. Park.

A vulgari *Fragaria* differt foliis majoribus, magis glaucis, minùs ſplendentibus, pilis paucioribus obſiſ, nec niſi ad ſolem conſpicuis, ut omnino glabra videantur: *caulibus* humilioribus, minùs erectis: *ſlorum* pediculis brevioribus, nec adeò hirsutis; *ſloribus* iſſis majoribus, foliolis eos componen- tibus acutioribus: *Fructu* majore, colore minùs ſaturo & ſerè coccineo, ſapòre acido.

Si fructum ab hac planta deſideras maturum & copioſum, radices rariùs diſponendæ ſunt, nè folia inter ſe tota occupent & inumbrent; deinde propaginibus ſeu flagellis continuè avulſis importuna ejus luxuries ſedulo coercenda.

Cultura.

*Fragaria* quoddam genus in Alpibus Bargeiſ viſum eſt bis in anno fructificare, Vere ſci. & Autumno, cujus fructus modicè compreſſus eſt & ſtriatuſ, ſapòre Rubi Idæi. *Cæſ.*

Tragus & Geſnerus ſingulare genus tradunt, quod *Harbeer* appellant. J. B. *Fragaria* minor hiſpido folio Parkinſono dictum, foliis hiſpidis C. B.

*Fragaria biſ- fructum ferens.* C. B. *Frag. fol. biſpidis* C. B.

\* 5. *Fragaria affinis ſericea incana* C. B.

C. B. Prod.

*Radix* eſt lignoſa, nigricante, ad quam folia plura, *Fragariæ* ſylveſtris ſimilia, ſed longè minora, nunquam non æquantia, craſſa, utrinque incana, molli & ſericea lanugine teſta, in tres lacinias ad pediculum uſque diviſa, & ſuperne crenata; *ramulos* habet breves, reclinatos; *ſlores* parvos, luteos, ſtellatos ſuſtinentes; quibus capitulum calyce quinquefolio ſuſtentatum, minutum ſemen continens ſuccedit.

C. Bauhinus ab Albino in Granadæ ſaxoſis collectam accepit: D. Morifonus copioſè in ſylvis ad poenobus Pictavio reperit.

Non eſt hæc genuina *Fragariæ* ſpecies, ſed ob ſimilitudinem aliquam huc reducitur; ad ſequens Locus caput potius pertinet.

\* 6. Fra-

- \* 6. *Fragaria Helvetica nana* Park. An *Frag. flore luteo* C. B? Fortè etiam *Fragaria affinis sericea incana* ejusdem.

Park.

*Folia* huic quæ ad radicem perexigua, tripartitò divisa, pediculis brevioribus nixa quam in quovis alio *Fragariæ* genere; quæ *caulem* vestiunt [humi stratum, quatuor uncias vix excedentem] minora sunt, & pediculis destituta. *Flos* in extremo cauliculo plerunque singularis, quinque petalis subrotundis, *Fragariæ* instar, compositus, major quam pro plantulæ modo, colore subluteo. Fructum nondum vidimus, nec qualem ferat novimus.

Locus.

In Alpibus Helveticis à D. Fletschero Silesiano collecta, & ad nos delata est.

An hæc *Fragaria* genuina sit necne dubitamus. Ad præcedentem accedere videtur.

Vires &  
Ufus.

*Fraga* refrigerant & humectant, venenis resistunt, picrocholis conveniunt & siticulosi, sed copiosiore cibo caput tentant & inebriant (inquit Cæsalpinus) quod tamen nos qui copiose suis ea multoties ingessimus, nunquam experti sumus. Habent quidem saporem vinosum etiam non affuso vino, verum debilem. Ideo tamen à copiosiore eorum esu abstinendum, quia in ventriculo putrescere apta sunt. Nec sola comedenda sunt sed cum saccharo & vino ad frigiditatem & humiditatem illorum corrigendam; ut nostrates facere solent.

In Gallia alicubi, teste Bruyer [& in Anglia etiam passim] comedunt cum lactis cremore; qui præstat, inquit, id quod vinum: Nobis aliter videtur.

Aqua Fragorum destillata cor confortare dicitur, vitia thoracis expurgare, morbum arquatium discutere, sanguinem purgare, ulceribus oris & Anginæ auxiliari gargarisatu, calculum renum comminuerè; alia etiam juvamenta præstare, si Trago credimus.

Qui ex calida intemperie habent faciem pustulosam, quin scabiem vel in toto, vel in parte faciem & pruriginosam, singulis diebus manè hauriant ejus ʒj. præterpropter. Idem calculosi jubentur facere. Nam & refrigerat renes & arenulas abstergit. Cæsp. Hofm. Ad calculum, *Fraga* matura in phialam aqua ardente optima plenam conjicito, post horas quadraginta circiter colata, & rursus nova in eandem aquam ardentem injicito, ac sic relinquito optimè tecta ac munita nè aliquid expiret. Prima autem *Fraga* quæ post colaturam supersunt per linteum validè exprimere poteris, & expressum etiam liquorem seorsum servare. Cum uti voles, ter aut quater in menè cochlearium plenum sumes manè, & addes pulverem de saccharo cando. Gratum, probatum, efficacissimumque hoc remedium est, quod ultra viginti annos calculo confictati, præ cæteris omnibus, quæ innumera eis diversi medici præscribere, Gesnero commendarunt. J. B.

Herba refrigerat & siccat moderatè. Sapore cum sua radice est amaro, cum evidenti adstrictione. Diuretica est, usûsque crebri in ictero; ut & in gargarismis & balneis, in cataplasmatis, &c. ad sistendos sanguinis fluxus, ad dysenteriam, ulcera sordida purganda, ad catarrhos & destillationes cohibendas.

Hujus decoctum cum tota (ut loqui amant Medici) hoc est, plantæ integræ cum foliis, radicibus & flagellis, optimo cum succellu Ictericis propinatur, vel seorsim, vel aliis huic malo medicamentis appropriatis admixtum. M. Rulandus post corpus extract. Esulæ purgatum illud præscribere solebat hac formula. R *Fragariæ* manip. iij. passularum exacinarum ʒiij. Bulliant in aq. fontan. ad sufficientiam & bibe. D. Hulse.

Vidi (inquit C. Hofmanus) in eo qui copiosius comederat *fraga* multas illarum particulas in matula ut renes putarentur colliquari. Rarum hoc & incredibile.

Idem asserit *Fragariam* præstare egregium diureticum in febribus colliquativis, cum volumus aquam abdomini infusum & hydropem mentientem ad renes derivare.

Incerto autore doctus sum *Fragariam* in vino rubro coctam, & aliquoties pubi & pectini impostam instar cataplasmatibus album mulierum fluxum sistere; quod etiam in pollutione nocturna, & gonorrhœa non virulenta efficacissimum comperi. Sim. Paulus.

G. Fabricius Hildanus Cent. V. Obs. 38. cujusdam feminæ mentionem facit, quæ post esum Fragorum, jejuno adhuc ventriculo, horrendis symptomatibus statim vexabatur, ut lipothymia, vertigine, hypochondriorum intumescione, dolore ventriculi, &c. Sed hic notandum est sceminam comidisse hæc *fraga* cruda & illota, sine vino aut saccharo. Ego planè cenfeo has fruges venenatas fuisse ab urina, saliva, aut halitu serpentis vel bufonis, quæ fragis summo opere delectantur: vel fortè (ut rectè D. Tancredus Robinson qui Observ. transmisit) in sectum aliquod succum quandam noxium & venenosum iis insperferat.

Sunt qui ex Fragorum solo odore in animi deliquium incidunt, ut Nosocomii præfectus Ellingia. Virgo quædam Austriaca ex esu Fragorum epileptica facta est, atque exinde quotannis tempore quo efflorescunt paroxysmo obnoxia est. Ex Observat. Achillis Gasseri apud Hieron. Velschium excerptis D. Soame.

### C A P. XIII.

#### De *Fragaria sterili* seu spuria.

1. *Trifolium Fragariæ foliis, luteo flore* Berardi Hort. Joncq. *Pentaphylloides majus erectum, flore luteo, ternis foliis Fragariæ instar hirsutis* Moris.

Moris.

**A** Numero, situ & textura foliorum antequam excaulescat, *Fragariam* quivis perfectam affirmaret: sed postquam caules suos pedales & sesquipedales ediderit, hirsutos & lignosos, flosculos luteos pentapetalos in fastigio gestantes, succedentibus seminibus plurimis subruftis, ficcis absque ulla pulpâ humidâ, vescâ, ad *Pentaphylli* potius genus pertinere sese manifestat: quam



in rebus Fraxinea & Pentaphyllum non genericis conveniant; nimirum calice decaphyllo, flore pentapetalo, semine nudis singulis floribus succedentibus, ut alia omittam.

A. 1. *Fragaria sterilis* C. B. *minime vesca* Park. *minime vesca sive sterilis* Ger. *emac. non fragifera vel non vesca* J. B. *Warren Strawberry*.

Radix intricatè lignosa, satis crassa, cortice ruffo adstringente obducta, multis hinc inde enatis fibris capillata. Camentis suis per terram serpentibus, tenuissimarum fibrarum productione denuò radices agens. Folia humi fusa, tripartita, in ambitu serrata, molli lanugine supra subtrisque canescentia, quam *Fragaria* fertilis minora, & supina parte obscurius viridia, ex hirsutis pediculis duas uncias longis, ad exortum geminè utrinque mucronatà membranà eleganter alatis. Caliculus teres, hirsutus, tenuis, uno aut altero folio tripartito stipatus, sextantalibus, flosculum unum vel alterum sustinet pulchellum, candidum, inodorum, quinque foliolis in medio crenatis & velut cordatis compositum, ex calculo decem mucronatis hirsutis foliolis ut in *Pentaphyllis* donato; quorum quinque flore evanescente contrahunt & semina occultant in capitulis *Pentaphylli* similibus. Stammina in medio flore plurima.

Aprilis mense apud nos florere incipit; estque in pascuis sterilibus frequentissima.

Tempus & Locus.

3. *Fragaria affinis sericea incana*, vide descript. in Capite precedente.

## C A P. XIV.

### De Pentaphyllo.

Folia venosis, in singulis pediculis quinis, aut interdum septenis, flore pentapetalo, ab aliis omnibus hujus generis, primo statim aspectu facile distinguitur, ut plura addere non sit opus.

A. 1. *Pentaphyllum rubrum palustre* Ger. *Pent. vel patens Heptaphyllum flore rubro* J. B. *Quinquefolium palustre rubrum* C. B. *Purple Adonis Cinquefoil*.

Valde prolixas habet radices, & fecundo reptatu luxuriantes, lignosas, fibras aliquot emittentes, alias, alias rubentes, pluribus fibrillis capillatas [Radix in aquosis exterius nigricat, non rubet, ut vulg. Jo. Bauhinus.] Folia quina vel septena *Pentaphylli* vulgaris, sed non eo ordine sita, verum cum in alam disposita, subtus incana, supremâ parte viridantia, vel glabra, vel lanugine vix conspicua hirsuta, profunde per ambitum serrata, pediculis non admodum longis nixa, quorum ima in vaginas amplas caulem amplectentes degenerant. Caules glabri, rubentes, in terram reclinati, foliis per intervalla alternis vestiti. In summis caulibus flores in furculis è foliorum alis egressis consistunt duo tresve simul, pediculis brevibus, satis grandes, è quinque latè mucronatis rubris calicis segmentis & totidem perangustis petalis compositi, pluribus intus apicibus concoloribus, & turbinato capitulo Fragi æmulo, tam figurâ, quàm magnitudine.

In palustribus putridis multis in locis occurrit.

Locus.

A. 2. *Pentaphyllum vulgatissimum* Park. *Pentaphyllum sive Quinquefolium vulgare repens* J. B. *Quinquefolium vulgare* Ger. *maius repens* C. B. *Common Cinquefoil or five-leaved Grass*.

Flexilibus, longis, tenuibus, hirsutis, rubentibus loris, ad intervalla geniculatis, & è geniculis folia & radices agentibus, latè se propagat. Folia in pediculis quadrantalibus & majoribus quina ad eundem exortum, nervosa, in ambitu altis incisuris serrata, oblonga extremis subrotundis, hirsuta, obscure viridia. Inter folia exeunt flosculi ex adverso foliorum, [ramuli è foliorum alis] pediculis prælongis, singulares, è quinq. foliis flavis, laeviusculis, cordatis, & plurimis, intus staminibus compositi. Calix floris decem segmentis componitur, è quibus quinq. conniventia tum florem antequam aperitur, tum semina flore dilapso pericarpium loco occultant & protegunt. [Radix longa, crassitudine interdum digitali, colore rubro, sapore adstringente & exsiccante; & exsiccata quadrata evadit J. B.]

Æstate apud nos fleret & in Autumnum usque. Passim ad semitas.

Vulnerarium est & astringens. Sistit fluxus alvi & hæmorrhoidum, nariumque hæmorrhagiam. Utile est in expulsiōe sanguinis, & tussi. Commendatur etiam ad paralyfin, phthisin, arthritidem, icterum. Prodesse dicitur & in calculo & erosione renum, in hernia & febribus. Extrinsecis in oculis inflammatis succus instillatus, in oris putredine, laxitate dentium. Abstergit etiam ulcera maligna. Schrod. Præcipue notanda est vis ejus adstrictoria, quâ mediante agit quicquid algere.

Tempus & Locus. Vires.

Pulvis radicis drachmæ unius pondere sumptus paulò ante paroxysmum in febribus intermittentibus insigne febrifugum est. D. Needham ex relatione D. Ballard. Hujus facultatis mentionem invenio etiam apud Tragum. Quin & multis sæculis ante Tragum Hippocrates ad febres fugandas hæc planta usus est; (ut nos monuit eruditiss. Vir D. Edv. Hulsius M. D.) qui Lib. de Morbis 2. pag. 64. editionis Vander-Linden, hæc habet. Si tertiana febris tenuerit, siquidem non omisiss tribus mensibus quarta corripit phararmacum deorsum purgans bibendum dato: si verò pharmaco non opus habere tibi videatur, radicem Quinquefolii tritaram acetabuli mensuram ex aqua bibendam dato. In quæ verba D. Spon, lib. de Febris & Febrifugis hæc habet. Pentaphyllum est planta nonnihil amara, & valde astringens, unde proprietatem obtinet roborandi fibras ventriculi à febre relaxatas, & acidum plus edulcorandi & figendi: nec dubium est quin in Græcia, ubi Hippocrates vixit, efficacior fu-

erit

erit quàm hic loci, quandoquidem pleraque plantæ melius proficiunt viribus in locis calidis quàm in frigidis, præcipuè illa quæ aliquantulum aromaticæ sunt. Nihilominus novimus nonnullos è plebe Gallica literarum omnino rudes, traditione sola à majoribus accepta edoctos, Pentaphylli decoctum ad febres intermittentes sanandas propinare, adeoque minimè ejus confici, Hippocratis discipuli fiunt. *D. Hulfe.*

Ab experientia commendo decoct. rad. Pentaphylli in Aphthis, quo Thomas Thomafius mirabili cum successu & artificio oris ulcera sine ulla alia re sanavit. *Jac. Caf. Baricellus Hort. Genial. p. 148.* Pentaphyllum, Tormentilla, Argentina, Fragaria ut genere sic viribus convenire videntur.

3. *Pentaphyllum Alpinum splendens aureo flore J. B. Quinquifolium minus repens Alpinum aureum C. B. Pentaphyllum incanum repens Alpinum Park. Quinquifolium minus flore aureo Ger. emac.*

*J. B.* Pulchra Pentaphylli species in multa capita divisa, in quibus multæ squamæ: radices molles, ruffæ, è quibus ex uncialibus aut longioribus pedicellis foliola quaquaversam densò agmine panduntur, Tormentilla ferè facie, mediâ parte serrata, polita & ferè lucentia, aliquot pulvis vix ac nè vix quidem conspicuis in quibusdam partibus oblita. Cauliculi aliquot palmares, summo tenus divisi sesquiales, sustinent pulchrè luteos (quantum quidem ex sicca judicare licet) foliis latiusculis constantes; in quorum medio stamina saturatiora, ac fere crocea.

Pentaphyllum tertium *Clus. ramos* promit humi se spargentes, & subinde oblongas alias fibras agentes: Folia quàm Quinquifolii vulgaris molliora, aliquantulum incana & splendentia.

*Locus.*

Crescit (inquit *Clusius*) in summis Alpium jugis, quæ tamen herbosa sunt, & sub Junii initium floret, in hortis autem Maio.

4. *Pentaphyllum minus folio subtus albicante J. B. An Quinquifolium minus repens luteum C. B. Pentaphyllum minimum repens Park?*

*J. B.* Radix lignosa minimi ferè digiti crassitudine, in fibras tenuiores abiens, longè latèque vagatur, cortice nigro oblecta, sapore adstringente, ramulos emittens complures, etiam palmares, humi fusos, in alios ramulos divisos, hirsutos & nonnihil rubentes: in quibus folia quæ pollice teneris, quinquepartita, singulis segmentis circa mucronem leviter incis, superne virentia, inferne albicantia: flosculi parvi, lutei, quinque foliis constant, apicibus multis luteis medium occupantibus: subsunt autem flori quinque folia hirsuta, foris viridia, intus ad luteum vergentia, quibus interjecta totidem foliola dimidio minora, viridantia.

De loco natali hujus plantæ nihil scribit. At Quinquifolium minus repens luteum C. B. in colle patibuli viâ pontis Castri novi & in ficcis locis Salenovæ copiosè nascitur. *Botan. Monsp.*

5. *Pentaphylli minoris major species folio subtus albicante J. B.*

Foliis est multò majoribus quàm in præcedente, ex longis pediculis dodrantalibus, & quinque foliolis, ac multis septenis, oblongis, extremis subrotundis, serratis, subtus albicantibus: caulibus palmaribus, in summitate floribus luteis multis, ex brevibus pediculis: radice nigra, longâ, cum fibris crassis.

Ubi collectum hoc Pentaphyllum nescivit Descriptionis autor *J. Bauhinus*. Utrumque hoc Pentaphylli genus nobis incognitum est.

Pentaphyllum minus repens aureum *Ad.* Tormentillam admodum repræsentat: folia ejus quæ terram spectant albicant. Non propagat se ramulis defixis Pentaphylli vulgaris in modum, unde miror cur repentem vocet *C. Bauhinus*, nisi fortè radicibus reptet, ut innuit *Joannes* frater de suo, si modò eandem plantam intelligat.

Admodum obscuri sunt Botanici in historia Pentaphyllorum.

6. *Pentaphyllum minus molli lanugine pubescens, flore luteo J. B. Quinquifolium repens minus lanuginosum luteum C. B. Pent. minus repens Park. Quinquifolium incanum Ger.*

*Clus.*

Multa exeunt ab una radice capita ramosa, humi fusa, aliquot foliis Pentaphylli vulgaris & elatioris formâ similibus prædita, h. e. quæ quinque foliolis in ambitu serratis, mollique lanugine pubescentibus, constant, sed non ut illa [præcedens] incanis, gustu initio exficcante deinde linguam nonnihil vellicante: Ex his capitibus prodeunt dodrantales interdum caliculi, similibus sed minoribus foliis ornati, gestantes in summo multos flores luteos, elegantissimos, pentapetalos, medium florem occupantibus multis staminibus luteis. Semen in caput & veluti Fragi rudimentum congestum, fuscum. Radix longa, dura, satis crassa, foris nigricans & tenuibus fibris donata est: sed & rami illi humi fusi plerunque fibras agunt, & vicina loca occupant.

*Locus.*

*Tempus.*

Nihil illo vulgatius locis ficcis & nudis Pannoniæ, Austriæ inferioris, Moraviæ & Bohemiæ. Florere incipit ineunte propemodum vere.

7. *Pentaphyllum parvum hirsutum J. B. Pent. minus repens lanuginosum Park. Quinquifolium minus repens aureum C. B. Quinquifolii quarti secunda species Clus. Pentaphyllum incanum minus repens Ger. emac.*

*Clus.*

Cum præcedenti nascitur atque etiam floret, minus tamen frequens, humi similiter fuscum, cupis cauliculi non virent sed purpurascunt, & graciliores sunt: folia angustiora, magis villosa, & illorum ora altius serrata: flores etiam magis aurei; in cæteris conveniunt.

*Radix*



*Radix* donatur (inquit J. Bauhinus) crassa, longa, nigra: foliis parvis hirsutis, ex pediculis duas uncias longis: cauliculis multis, humi fufis, quatuor vel quinque unciarum.

*Radix* provenit (inquit J. Bauhinus) [at non in Anglia.] Martio & Aprili floret.

Tempus.

8. *Pentaphyllum rectum majus* J. B. *majus erectum* Park. *Quinquefolium majus rectum* Ger. *rectum luteum* C. B.

Non minus strenue astringit hujus *radix* quam vulgaris *supini*, multis adnatis aucta, rubescens: *caulis* cubitales & majores, plures, duri & rigidi, recti, teretes, subrubentes, villosi, circa summum in aliquot alas, modo longas, modo breves divisi. *Folia* hirsuta, Alceæ fere æmula, variante *divisura*, quintuplici, septuplici, singulis segmentis profunde ferratis. *Flores* odore Agrimoniar, Quinqueroli *supini* majoris instar, colore luteo, intensiore, dilutiore & albo interdum, sed rarius, unde Lobelio in Adv. *Pentaphyllum album* & *purpureum* inscribitur.

J. Bauhinus se in Asia spontaneum observasse scribit.

Locus.

Est &

9. *Quinquefolium Canadense humiliss.*

Morif.

*Caps. folia* saturatis virent: *stipules* magnos luteos, & consequenter *capsulas* majores aliorum more gent.

10. *Pentaphyllum rectum majus, tenuius, villosius, Pannonicum* J. B.

J. B.

*Obitalibus* & majoribus tenuioribusque est *caulibus*, longis pilis hirsutis, non ita firmis. *Folia* per caules longos habent pediculos, dodrantes, longis etiam pilis hirsutis, ad principium duarum foliorum instar, tenues, simplices, unciam circiter longæ, dividuntur autem folia in sex vel septem portiones, profunde ferratas, quales in prædicto sed minores, villosiores, candidiores: rami dividuntur in tenuiores ramulos, qui desinunt in *capitula* minora quorum *calices* minores, cum longis pilis, candidiores. Cujus coloris sint *flores* nos latet.

11. *Quinquefolium montanum luteum erectum hirsutum* C. B. *Pentaphyllum montanum erectum* Park.

C. B.

Ex *radice* nigricante *cauliculi* exeunt tenuissimi & sesquipalmes, in summo multifidi, & molli lanigine pubescentes: *folia* inferiora longissimis pediculis donata, in septem (at quæ in caule in quinque) lacinias profundas, diversæ longitudinis, per oras ferratas, pilisque donatas dividuntur: quæ parte inferna, ut in vulgari, rufescunt, tantillum incana sunt, non tamen splendent. *Flores* habet parvos, aureos, quinquefolios, multis brevibus & croceis staminulis donatos, quibus *capitulum* aliorum more, *semen* minutum continens succedit.

In montis Crenzacensis ad patibulum ascensu provenit.

Locus.

12. *Quinquefolium rectum luteum Monspelienſe.*

*Folia* huic longis insident pediculis, & circumcirca dentata sunt denticulis majoribus, non admodum hirsuta. *Caulis* ex eadem radice plures exeunt, dodrantes, minus crassi & firmi minisque erecti quam *Pentaphylli* recti majoris vulgaris, in summitatibus suis in aliquot ramos divisi numerosos *flores* gerentes luteos.

In *ſylva* Valena prope montem Lupi non longè Monspelio invenimus. A præcedentibus duobus specie differre videtur.

Locus.

13. *Pentaphyllum seu Heptaphyllum albo-pallidum, seu flore ochroleuco, petalis singulis cordatis.* Morif. Hist.

Morif.

Humilior est hæc species, foliis dilutius virentibus, hirsutioribus; floribus sulphureis seu albo-pallidis cordatis.

14. *Pentaphyllum erectum, foliis profunde sectis, subtus argenteis, flore luteo* J. B. *rectum minus* Park. *Quinquefolium erectum folio argenteo* C. B. *Quinq. Tormentilla* facie Ger. *Tormentil. Cinquefoil.*

*Radix* ei simplex, satis crassa, lignosa, exterius obscure rubens, interius alba, plurimis fibris capillata, in numerosa capita divisa. *Caulis* inde emergunt plures, teretes, rubentes, hirsuti, in terram reclinati. *Folia* in caulibus alternatim sita, ad exortum suum geminâ appendice caulem amplectuntur, pediculis longis incanis, venosa, & profundis incisuris circa margines ferrata, superne obscure viridia, hirsuta tamen, inferne incanâ lanigine obducta. *Flores* in summis cauliculis parvi, flavi pentapetali, è calice quinque segmentis composito, quem alia quinque segmenta angusta

G g g

Locus &  
Tempus.

gusta obvallant, ut in *Pentaphyllo* vulgari repente. Semina eadem modo nascuntur, parva, colore per maturitatem *Olivæ* immaturæ conditæ ferè.  
In sterilibus arenosis aut glareosis pascuis sed rarius; interdum & in muris. Junio mensis floret.

15. *Pentaphyllum rectum* J. B. *rectum flore albo* nobis. An *Quinquefolium album majus caulescens* C. B? *Pentaphyllum majus luteo flore vel albo* Park?

*Radix* ei crassa, cortice nigricante obtecta, [ruffa & subnigra, lignosa, astringens J. B.] in plura capita nonnunquam divisa. *Folia* pediculis longis hirsutis insident, brevibus pilis circa margines & in averfa parte donata, supernè glabra, pallide viridia, quinquepartita, partibus singulis brevibus, latis, extremo subrotundis, in ambitu minimè serratis sed extremis duntaxat oris duobus tribusve denticulis, interdum tamen ad medium usque, humorem glutinosum exsudantia, unde ad tactum viscosa sunt. *Caulis* palmaris & sesquipalmaris, erectus, hirsutus, subruber, foliis vestitus tribus quatuorve, (quæ ex bifido folio seu vaginâ quâdam caulem amplectente exeunt) in summitate in plures ramulos spargitur, unde & flores umbellam quodammodo mentiuntur, albi, & quinque foliis compositi longiusculis, cum flos expanditur, in tantum à se invicem distantibus, ut inter duo quælibet folia unum calicis segmentum appareat & florem componere videatur, ut in *Fragaria*. Medium floris occupant villi tomentosi innumeri, in fasciculum velut congesti, albi, nonnunquam etiam purpurascens, apicibus pullis insignes. Mensis Julii initio florere incipit.

Locus.

E rupium fissuris exit in ascensu montis Salevæ propè Genevam; itemque ad latus portæ Max. Carthusianorum cœnobii Gratianopolin ducentis. Invenimus & in Alpibus Carinthiacis.

Descriptio *Quinquefolii albi majoris caulescentis* C. B. plantæ nostræ in plerisque convenit: excepto quod folia serrata in ambitu faciat, & floris petala in summo divisa.

- \* 16. *Quinquefolium album minus* C. B. *Pentaphyllum album minimum* Park.

In paucis, excepta partium omnium parvitate, à præcedente differt, nimirum foliorum pedicellis brevibus, & foliis ipsis extremis tantum oris serratis.

*Quinquefolium 2. minus flore albo* Clus. *Quinquef. sylvaticum minus flo. albo* Ger. emac. *Pentaph. album minus* Park. *album minus alterum* C. B. An *Pentaphyllum Alpinum argenteum flore albo nostrum*?

Clus.

Ex eadem radice quæ nigra est, multos plerunque cauliculos proferre solet, confertim nascentibus secundum radicem incanis foliolis, formâ superiori [sequenti] similibus onustos, graciles, non humi fufos, sed rectos, & summo fastigio multos flosculos priori [sequenti] similes. Sequens genus videtur sed per omnia minus.

Locus.

Eruit hoc inter saxa & scopulos summis Austriacarum & Stiriacarum Alpium jugis Clusius. Floret sub finem Junii, interdum Julio & Augusto, prout juga illa maturius aut serius nivibus sunt libera. Accedit ad nostrum *Pentaph. argenteum Alpinum flore albo*, in nonnullis tamen ab eo differt.

17. *Quinquefolium album majus alterum* C. B. *sylvaticum majus flore albo* Ger. *Pentaphyllum album J. B. majus alterum album* Park.

Clus.

Ex radice multis fibris donatâ pediculi plures exoriuntur, palmares & sesquipalmares, tenues, angulosi, hirsuti, folium singuli sustinentes quinquefidum, supernè glabrum viridèque, infernè argentea lanugine villosum, cujus segmenta singula carinata ferè; quædam longiora quam minimum, alia minimè serrata, in obtusum mucronem desinunt, quàm in *Tormentilla argentea* longiora, superna parte virore non ita obscuro, nec ita glabra. Ex calicibus hirsutis flores peculiaribus quoque pediculis longiusculis insident *Fragariæ*, colore perinde lacteo, staminulis in medio luteis. Sapor herbæ glutinosus.

Locus.

In Alpibus Stiriacis inter oppidum S. Michaelis & Knittelfeld invenimus. Clusius in montosis sylvis in Austria, Moravia & Pannonia interamni observavit: nam *Pentaphyllum album* i. Clusii ab hoc non separo. Clusius autem cauliculos exiles & tenues, dodrantes ei attribuit: radicem crassiusculam, nigricantem, in ambitu sese diffundentem: folia extremis duntaxat oris crenata.

18. *Pentaphyllum argenteum Alpinum flore albo*. An *Pentaphyllum foliis supernè & infernè incanis* J. B? An *Quinquefolium minus album alterum* C. B? *Quinquefolium sylvaticum minus flore albo* Ger. emac. *Pent. album minus* Park.

*Radix* crassa, lignea, nigricans, vel atro rubore perfusa, ex qua plura capita squamata. Folia confertissima, quinquepartita & interdum tripartita, exigua, lanugine molli, argentea tam supra, quàm subtus canentia, obtusa, & in extremo duntaxat duabus tribusve crenis incisa, pediculis brevibus nixa. Cauliculi ex eadem radice plures exeunt, duarum unciarum pariter villosi, tenues & infirmi, foliolis duobus tribusve tripartito divisis vestiti, quæ appendicibus duabus caulem amplectuntur; flores in summitate sustinentes duos vel tres, pentapetalos, albos, cum numerosis intus staminibus.



multis, apicibus purpureis capitatis. Vice styli congeries & veluti fasciculus filamentorum. Calix ex decem foliolis hirsutis in acutum exeuntibus constat, quinque latioribus, quinque angustioribus, alternatim positis.

In summitatibus montium altissim. max. Carthusianorum cœnobio imminuentium invenimus.

Planta J. Bauhino descripta ab hac nostra differt quod in singulis caulibus flores gerat singulos.

Locus.

19. *Trifolium argenteum* Alpium Ponæ. *Alpinum argenteum* Persici flore C. B. aut certe ei simillimum.

Eodem in loco cum præcedente planta à nobis inventum, non videtur ab ea specie differre. Folia duntaxat angustiora longioraque videbantur. Verum quicquid de eo sit, Pentaphylon foliis infernè & supernè incanis J. B. idem proculdubio est Trifolio argenteo Alpino Ponæ, cum in eodem loco, monte Baldo nimirum, utrumque inventum sit, cùmque in Pentaphyllo illo dicto folia observentur duntaxat terna, & in singulis caulibus flores singulares, quod idem de suo Trifolio argenteo observavit Ponæ.

Planta autem quam nos hoc titulo intellectam volumus, quàmque præcedenti specie eandem suspicamur, à Trifolio argenteo Alpino Ponæ, h. e. Pentaphyllo foliis infernè & supernè incanis diversa videtur, cum in eodem caule duos interdum aut etiam tres flores gesserit, alioqui simillima.

Trifolium saxatile hirsutissimum J. B. C. B. huic plantæ simillimum nobis esse videtur, & forte idem. Descriptionem videbis apud utrumlibet autorem.

20. *Pentaphyllum minus argenteum* Park.

Park.

Ramulis plurimis albescentibus, ad radicem multis & brevibus filamentis seu capillamentis potius quam foliis vestitis, humi se diffundit; superius exeunt folia parva, extremis subrotundis & minimè dentatis, supernè obscure viridia, infernè argentea. Summos ramulos occupant capitula seu folliculi multi incerto numero & ordine, longos lunculos circumdantes, à reliquis generibus multum diversi, è quibus exeunt minimi & vix discernendi flosculi albescentes, quos sequuntur semina minutissima flavescentia. Radix parva, longa, dura, fibrata multos annos durat, in multa capita divisa, ut magnum terræ spatium occupet.

Ex seminibus è regionibus transmarinis acceptis Parkinsono succrevit.

Alchimilla potius quam Pentaphylli species nobis videtur.

21. *Quinquefolium Lupini folio* C. B. *Pentaphyllum* Sapporundin Thal.

Descriptionem hujus vide apud Thaliu.

22. *Quinquefolium tuberosum* Indicum C. B. *Pentaphyllum Indicum* Clus. exot. l. 4 c. 18.

Clus. ignotum habebat folia eaque tenella, peracri tamen sapore prædita, ex tuberosa radice prædita, gracili, septem aut octo nihilominus uncias longo pediculo subnexa, in quinque profundas & ad pediculum usque ferè pertingentes lacinias divisa, nervo singulas lacinias à pediculo ad summum mucronem secundum longitudinem secant, & venis quibusdam ab eo nervo in latera extendentibus prædita. Caulémne & flores proferret mihi incomptum: sed radix quæ, ut dicebam, tuberosa instar radicis Tormentillæ, & solida, parte externa aliquantulum fusca, internâ verò alba, & cujusdam acrimonie particeps duorum aliorum foliorum, quæ abrupta, vestigia adhuc retinebat, plenâque & aliquot fibris donata erat.

In florulis Nicolai Golii M. D. reperta erat, qui cum iis quos Mercatorum societas Amstelodam. in Indiam Orientalem aromatum comparandorum gratiâ ablegaverat, Anno 1601. profectus in eam extitisset erat.

Non videtur pertinere ad hoc genus.

Ggg

CAP.

## CAP. XV.

De *Pentaphylloide*.

**A** *Pentaphyllo* cum quo in aliis plerisque convenit, foliis lobatis, *Agrimonia* aut *Caryophyllata* ferè æmulis differt.

1. *Pentaphylloides erectum* J. B. *Pentaphyllum fragiferum* Ger. Park. Clus. *Quinquefolium fragiferum* C. B.

*Radice* præditum est plurimum capitum, crassiusculâ, lignosâ, cortice saturatiùs rubente, strenuè adstringente, recta, è qua *pediculi* plures prodeunt, palmares, quorum extremo connectuntur terna *folia* hirsuta, serrata, *Fragaria* æmula, longè minora, rursùmque eidem costæ una aut altera consimilium foliorum conjugatio, quo longius à supremis illis absunt minorum. Inter hæc caulis nascitur cubito altior, hirsutus, semel atque iterum quinis junctis foliis insignis, superius in ramulos aliquot divaricatur, qui multos *flores* gerunt, albos, *Pentaphylloides* supini duplo majores, subiectis radiatis foliolis viridantibus, hirsutis, floris umbilicum occupante capitulo *Fragum* ferente, ut in cæteris *Pentaphyllis*, quod constat seminibus oblongis, ferè ruffis.

Locus.

In monte Saleva propè arcem antiquam jam ferè collapsam oritur. Clusius in Leytenberg locis umbrosis, inque Pannonia multis locis, non modò in caduis sylvis, sed etiam gramineis campis, &c. observavit.

Tempus.

Floret Maio; fructus paulò seriùs maturefcit.

2. *Pentaphylloides supinum* J. B. *Pentaphyllum supinum* Porentilla facie Ger. Park. *Quinquefolium fragifero affinis* C. B.

*Folia* plurima *pediculis* longis, ex *radice* crassiusculâ, longâ, multorum capitum, amectuntur conjugatio, singula serrata, ad *Geranii* supini folia accedentia. *Caulis* cubitales, inanes, numerosos gerunt *flores*, parvos, luteos, ex brevibus *pediculis*. Succedunt *capitula* parva *Fragis* minoris similia.

Locus.

In Germania prope Rhenum, infra Moguntiam invenimus. Frequens in agro Viennensi, in extremis pratorum marginibus, secundùm sylvas. Clus.

\* 3. *Pentaphyllum pusillum repens foliis argenteis fragiferum* N. D. Hort. Lugd. Bat.

4. *Quinquefolio similis enneaphyllos* C. B. *Enneaphylon* Park.

*Radicem* habet crassam, nigricantem, in longas fibras abeuntem, à qua *cauliculi* plures ad exortum usque conglobati, per terram sparsi, capillacei, multifidi, tres quatuorve uncias longi prodeunt. *Folius* est oblongis *pedicellis* donatis, in novem laciniis angustissimas per margines incisas, & hirsutis villosas, divisis. *Flosculi* parvi, aurei, & *capitula* parva *Quinquefoliorum* modo à *pedicellis* sustinentur.

Locus.

Ex *Helvetiorum* Alpibus.

5. *Pentaphylloides fruticosum*. *Hybrid-Quinquefoil*.

Tota planta castaneo est colore, exceptis foliis & floribus, gustu subdulci, ligno solido. *Radix* ei fibrosa, undique juxta caulem turiones, seu mavis stolones, emittens. *Caulis* bipedalis aut altior, in plurimos ramos & circulos divisus & subdivisus; per quos ad singulos pollices *pediculi* seminales alterno ordine siti *folia* sustinent, subtus lanuginosa, supernè glabra, viridia, quodammodo pennata, è pinnulis oblongis septenis (rariùs quinis) composita, ita dispositis ut ex uno quasi centro quaternæ, ex altero (scilicet superiore) ternæ prodire videantur. *Flores* lutei, ampli, pentapetali, unguibus tenuibus adnascens, adeò ut citò decidant, novis tamen indies succrescentibus per totam æstatem. *Calix* *Pentaphyllorum* more è quinque (rariùs sex) foliis lanuginosis acuminatis constat, totidem tenuioribus interjectis. Semina aut prorsus nulla, aut saltem inconspicua; nec quicquam post exactos flores præter brevem quandam lanuginem multis staminibus interpersis reperias. *Caulis* singulis annis (nè dicam sæpiùs) cuticulam seu corticem exteriorem exurit, adeò ut eodem tempore eidem cauli vel senas, vel fortasse etiam denas, cuticularum laciniis adherentes conspicias.

Locus.

Reperitur ad ripam Meridionalem *Tees* fluvii qui Dunelmensem episcopatum ab Eboracensi provinciâ determinat, infra vicum *Thorpe* dictum variis in locis, nec minùs infra coenobium S. *Athelstani*, *Eggleston-Abbey* dictum, in agro Eboracensi. Hanc plantam primus observavit, nobisque ostendit, & descriptionem à se concinnatam communicavit D. Johnson Eboracensis.



## CAP. XVI.

## De Pentaphylloide Argentina dicto.

**A**rgentina ab argenteo foliorum splendore dicta est. Germani *Genferich*, id est Anserinam, appellant, quod hac Anseres in cibo delectantur. Quo nomine Græci & Latini hanc herbam appellant à nullo proditum est. Recentiores quidam Potentillam ab eximius viribus quibus pollet vocant, nonnulli Agrimoniam sylvestrem ob formæ affinitatem. *Trag.*

A. *Argentina* Ger. *Potentilla* Park. C. B. *Potentilla* seu *Argentina* J. B. *Wild Camf*, *Silver-weed*.

A foliorum molli & argentea lanugine nomen accepit hæc planta. *Radicem* habet nunc simplicem, cortice nigricante tectam, nunc fibrosam, gustu adstringentem, undè plurima emergunt *folia*, in terram resupina, Agrimonie foliis similia, majoribus hinc inde pinnulis, obtusis, circa margines profundè dentatis, cum plurimis minusculis intermediis constantia. *Flagella* undique spargit, quibus insigniter se propagat, Fragarie instar. Ex alis foliorum, quæ appendicibus suis flagella amplectuntur, exeunt *flores*, singulares, pediculis longis hirsutis fulci, flavi, quinque foliis subrotundis non crenatis compositi, cum plurimis in medio staminulis & apicibus concoloribus, è *calice* hirsuto, quinque segmentis acutis, (quæ conniventia florem antequam aperitur, & semina iterum flore dilapso occultant) composito. Hæc autem folia alia quinque circumstant, nonnunquam segmentata.

Frequens est circa semitas & loca aquosa: Amat enim loca uliginosa & ubi per hyemem aquæ stagnant. *Locus.*

Ut genere sic viribus cum Fragaria, Pentaphyllo, Tormentilla convenit: quas summatim recenset Schroderus his verbis.

Refrigerat moderatè, astringit fortius, ficit, constipat.

Hinc sanguinis expuitioni medetur, diarrhoeam & reliquas tum alvi, tum uteri fluxus compescit: hæmoptoicis & hæmorrhoeis subvenit: renum calculum insigniter atterit: vulneribus insuper & ulceribus admodum conducit. Externè famosa est in doloribus dentium mitigandis, putredine gingivarum arcenda, æstu febrili sopiendo, quem potenter compescit, cum sale & aceto contusa plantis pedum supponatur, vel carpis applicetur.

Aquam hujus stillatitiam ad lentiginis, panos & maculas, fuscumque colorem sole contractum delendum Angliæ mulierculæ adhibent.

Hujus radices, quas *groggs* vocant, in agro Eboracensi circa *Settle* oppidum hyberno tempore effossas pueri esitant. Sunt enim sapore suavi, nec minus grato quàm Pastinacæ, ut à Pharmacopœo quodam fide digno, ibidem degente certior factus sum. Postea observavi etiam porcos radices hæcse rostro effossas libenter vorare.

Experimento egregio didicit Jo. Agricola Potentillæ succum unà cum pulvere Colchici vulgaris mariscis ani mederi. *J. B.*

Castor Durantes jubet ut dysentericorum indatur calceis: Atque hac arte non solum dysenteriam, sed omne genus p.n. fluxiones infimi ventris, ut nimios menses, imò narium hæmorrhagiam dubio procul sistere valebit. *Sim. Paullus.* Hartmannus eandem hoc modo usurpatam valuisse ad dysenteriam affirmabat, postquam medicorum opera nihil profuisset.

Hanc etiam pro Arcano celebrat Petr. Borellius Cent. 1. Observ. 12.

Diuretica aliquando cum fructu in febribus exhibentur, inter quæ Anserina specificè prodest, sic etiam & Sal Anserinæ, quod mihi pro specifico est. *D. Soame* è Dolzi L. 3. C. 7. S. 14.

## CAP. XVII.

## De Tormentilla.

**T**ormentilla, *Ἐπιδυλλον*, quod radices pulvis cum aluminis & Pyrethri momento cavis dentium inditum eorundem tormentum sive cruciatum sedet. *Lob.* Alii à Dysentericis torminibus sanandis à Recentioribus ita nominatam censent.

A Pentaphyllo distinguitur, foliis septenis in eodem pediculo, quod & Pentaphyllis nonnullis commune est, sed præcipuè flore tetrapetalo, quod huic proprium.

A. 1. *Tormentilla* Ger. J. B. *vulgaris* Park. Offic. *sylvestris* C. B. *Tormentil* or *Septfoil*.

*J. B.*

Ex radice crassa, pollicem nonnunquam superante, aliàs recta, aliàs in obliquum acta, rubente, fibrosa, sapore adstringente *viriculas* plures emittit humi fusas, nonnihil subinde erectas & cubitum interdum longas, hirsutas, rubescentes, tenues; in quibus ex intervallis *folia* caulem ambientia, Pentaphylli, hirsuta, sed divisura septemplex. *Flores* parvi, lutei, tetrapetali, aliàs Pentaphylli similes, *Ggg 3*

Locus.

les. In hujus coliculo observatur aliquando adnatum tuberculum quoddam, excrementitium, concretionem Pomorum Quercinorum, in cuius antro stabulantur vermiculi seu teredines  
In pascuis ubique ferè, præsertim ficcioribus & montosis.

2. *Tormentilla Alpina major* Park. *Alpina vulgaris major* C. B.

Radix huic odoratior, rubicundior ac major vulgari: *Folia* etiam majora: in reliquis conveniunt.

A. 3. *Pentaphyllum reptans alatum foliis profundius serratis* D. Plot. minus viride flore aureo tetrapetalo, radicularum in terram è geniculis demittens Morif. An *Pentapb. Tormentilla facie repens* Hort. Leyd?

D. Plot.

Quinquefolium vulgare repens crescendi modo æmulatur, & in plerisque partibus refert: nisi quod folia nonnulla ad exortum plantæ è radice subrotunda & Alchimillæ modo integra & indivisa obtineat; alia quinquepartita superiore tantum medietate dentata. *Folia* non semper quina in eodem pediculo existunt, sed prout caules seu flagella in longitudinem excrescunt paulatim pauciora, quaterna v. g. terna, bina & in extremis cauliculis singula; Omnia ad pediculi exortum binas appendices ceu auriculas adnascentes obtinent, ut in vulgari *Tormentilla*.

Locus.

*Flores* *Tormentillæ* instar tetrapetali; è mille vix unum reperies pentapetalon.  
Ad margines arborum inter *Hockley* & sylvas colli *Shotover* subjacentes, & alibi in agro Oxoniensi invenitur.

Vires.

*Tormentilla*, cum *Pentaphylli* revera species sit flore tetrapetalo, easdem cum eo vires obtinet. Siccatur & potenter astringit; hinc in fluxionibus quibuscunque alvi, uteri, &c. non aliud remedium usitatus quam *Tormentillæ* radix, quomodocunque exhibita: præterea diaphoretica est & alexipharmaca; unde & omnibus medicamentis quæ adversus venena, pestem, variolas & morbillos aliòve morbos malignos componuntur adhibenda, præsertim si cum fluxu alvi conjuncti sint. Tandem vulnerariis potionibus, unguentis & emplastris adjungi solet, nam vetera & putrida ulcera & abscessus sanat.

In insulis Ferroensibus *Tormentillæ* utuntur, defectu corticum in pestibus Animalium præparandis. Tho. Bartholin. Act. Med. An. 1671. Obs. 49. D. Tancr. Robinson.

Ad Diarrhæam commendat Etmullerus Extractum *Tormentillæ*, præmissio si opus est *Rhabarbaro* una alterâve vice: hinc exhibitum ana ʒʒ. ad ʒj. quod remedium præcellit omnibus aliis medicamentis in dysenteria epidemica. D. Hulse ex Etmulleri prax. cap. de Diarrhœa.

## CAP. XVIII.

## De Plantagine aquatica.

**P**lantago dicitur ob aliqualem foliorum similitudinem.  
Loco natali, & flore tripetalo cum Sagitta convenit, foliis Plantagineis ab eadem differt.

A. 1. *Plantago aquatica* J. B. *aquatica latifolia* C. B. *aquatica major* Ger. Park. *Exat* *ter* *Plantain*.

J. B.

Foliorum cum caulis imò quod involvunt ad tenues usque & numerosas radicum fibras turbatus coitus bulbi faciem aliquatenus mentitur: *caulis* autem striatus, angulosus, inanis, subruher, plerumque cubitalis, non raro etiam procerior, alis indidem ortis in orbem coronatur, atque hæc rursus in radiatos ex intervallis furculos facessunt: quorum extremis insident *flosculi*, dilutiori purpura pallescentes, fimbriatis foliis tribus constantes, totidem toti flori subjectis foliolis minoribus, viridantibus, herbacei coloris, staminulis senis è medio *flosculorum* exsurgentibus. *Semina* Milio vix majora, utrinque compressa, margine sulcato, in trigonum junctis lateribus disposita, copiosa. *Folia* *Plantaginis*, longiora, acuminata, nervosa, glabra, sapore subacido prædita.

Locus.

In & juxta aquas ubique ferè reperitur.

Johnsonus apud Gerardum hanc plantam Limonium Dioscoridis & Plinii esse contendit, quibus argumentis apud ipsum vide. Certè ineptè admodum *Plantago* appellatur, cum qua parum habet similitudinis.

Vires.

Refrigerare & ficare dicitur. Schwenckfeldius procidentiam ani curare, rubentem podagrum, capitis dolorem à causa calida mulcere, cruento spuro urinaque mederi tradit.

Summum secretum & expertissimum quo subito lacem mammillis consumatur esse ait Timotheus Rossin succum hujus *Plantaginis* illis applicatum.

A. 2. *Plantago aquatica minor* Park. *aquatica humilis* Ger. *aquat. humilis angustifolia* J. B. *angustifolia* C. B. *The lesser Water-Plantain*.

J. B.

Gracili concavo, nudoque caule pedali & altiori prædita est; vorticillatim circa medium pediculis quadrantalibus & trientalibus ex geniculo ortis radiato; consimiliterque aliis ejusmodi summum caulem



caulem coronantibus; quorum unicuique *flor* insidet satis amplus, albus unguibus flavis, è tribus caducis foliis compositus, glomerato in parvi echini modum capitulo relicto. *Folia* ex radice sena sepe nate, juncea pediculo palmari & sesquipalmari *nata*, angusta, *acuminata*, glabra, tribus longis nervis distincta. Odor plantæ mihi non adeo gratus sed potius gravis, ad Castorei odorem accedens. *Radix* innumeris fibris albenis constat. Adde, quod capitulum in medio flore aliquot staminula breviter circumstant, cacuminulis luteis.

## CAP. XIX.

## De Sagitta, seu Sagittaria.

**S**agitta dicitur hæc herba, quod ejus folia alata sagittæ cuspidem proximè referant.

*Sagitta minor* J. B. *aquatica minor latifolia* C. B. *minor latifolia* Park. Arrow-head.

J. B.

*Sagittæ radices* sunt multæ, albæ, crassiusculæ, fungosæ, non sine capillaribus fibris, à quibus propagines nascuntur longissimæ, interdum bicubitales, junctæ tenuitatis, subter aquam serpentes, similes radicibus *Lysimachia* luteæ. *Folia* aquis innatant raræ formæ, alata *Sagittæ* mucronem amulanti, fuscis hinc inde in superna parte maculis notata, quadam ex primis in acumen non desinunt sed rotundantur. In eorum porro singulas alas longi, terni aut quini nervi per longum porriguntur, obliqui à nervo in nervum venulis intercurrentibus, lævare *Plantaginis aquaticæ*, pediculo minimi digiti crassitudine, fungoso, striato, parè triangulo, duos aut tres cubitos longo pro aquæ profunditate in qua vivit. *Folia* sapore nonnihil subdulci & viscido, cum vestigio obscuro acrimonia: *Caules* rectos duos aut tres emittit, non multo foliis altiores, rotundos fere, striatos, crassos, fungosos, in quorum parte superiore plures flores exoriuntur, plerunque terni, caulem amplectentes, ex pediculis sive ramulis, modò longiusculis modò brevioribus, pulcherrimi, mediocriter magni, tribus foliolis albis constantes, ungue purpurascens notatis, *florum Amygdalarum* foliolis paulo minoribus, in medio apices multi rubentes. Sub flore tria foliola viridia. Flores excipiunt echinata capitula, subpurpurea, magnitudine parè fructuum *Arbuti* vel *Fragorum*, ex aculeis velut constantia, qui nihil aliud sunt quam *semina* lata compressa in acumen desinentia, unguibus *Avium* similia. In aquis leniter decurrentibus frequens est.

Locus.

*Sagittæ* tres species seu varietates constituunt Botanici.

1. *Sagittam* majorem J. B. *Ger.* quæ *aquatica* major C. B. *major latifolia* Park. minori angustifolia jam descriptæ, excepta magnitudine, per omnia similis, verum folia non usque adeo acuminata habentur.

2. *Sagittam latifoliam* minorem, superius descriptam.

3. *Sagittam* minorem angustifoliam J. B. quæ *aquatica* minor angustifolia C. B. *Sagittaria* minor angustifolia Park. Hæc minori descriptæ per omnia similis, sed omnia minora sunt ei, foliaque angustiora multo, magisque acuminata.

Hæ tres varietates non videntur nobis inter se specie differre; siquidem promiscuè in eisdem aquis per se oriuntur, unde & eidem semine ortum suum debere videntur.

LIBRI

# LIBRI DUODECIMI

## SECTIO SECUNDA.

*De Herbis semine nudo polyspermis flore nudo seu nullo Perianthio tecto.*

*Herba semine nudo polysperma, flore nudo, h. e. nullo perianthio tecto, sunt vel eodem*

*Quadrifolio seu cruciato, majores & sarmentosa, gustu fervido, cincinnis seu plumulis longis villosis seminibus adnatis; CLEMATIS.*  
*Polyphylo, caule*

*Indeterminate foliato, speciosum florum thyrsum proferente, foliis pinnatis, radicibus*  
*Tuberosis, bulbis ab extremis fibrarum filamentis dependentibus, seminibus in circum dispositis; FILIPENDULA, Oenanthe.*  
*Fibrosis, seminibus incurvis, in globulum congestis; ULMARIA.*  
*Determinate foliato, ex unica tantum distinctione, ubi terna haerent folia, floribus in singulis caulibus singulis; seminibus*

*Ranunculi, in capitulum congestis, nullo pappo aut lanugine vel adhaerente vel involvente, folio varie dissecto; ANEMONE nemorum.*  
*In pappos abeuntibus, multiplici colorum varietate & pulchritudine; ANEMONE. Hujus flos vento flante potissimum aperiri dicitur, unde nomen.*  
*Caudatis, cincinnis seu plumulis longis adhaerentibus; PULSATILLA.*

### CAP. I.

#### De Clematide.

**C**lematis dicitur à κλίμα sarmentum, quoniam flagellis vitigineorum æmulis arbores confcendit.  
 Notæ ejus sunt flos quadrifolius seu cruciatus, cincinnati seu plumulae longae villosae in plerisque speciebus seminibus adnatæ, sapor fervidus.

A. 1. *Clematis latifolia sive Atragene quibusdam J.B. Clematis sylv. latifolia C. B. Clematis sylv. latifolia, sive Viorna Park. Viorna Ger. Great wild Climber or Crabs trees jop.*

J. B.

*Sarmentis aliquatenus vitigineis luxuriat, crassis, iisque angulosis, rugosis, junioribus subhirsutis, subinde rubentibus, obsequioso flexu lentis. Folia quina, Dulcamarae æmula, alias integra, alias dentata & fimbriata, gustu acria, viticulae mediae tortili, quæ capreolorum loco vicinis arbutis implicita scandit, adnectuntur. Flores racematim petiolis incanis infident, suaveolentes, candidi, quaternis radiatis foliis constantes; quorum meditullium obsidet muscosus staminum pallidorum cinnus. Flores excipiunt acini complures, cuneatim indidem orti, pinnatae lanuginis tomento barbati. Radix crassiuscula, fusca, fibris donata.*

Varietas.

Illius sarmenta (inquit Clusius) in Pannonia conspiciebam brachiali crassitudine, nodis carentia, recta, rimoso cortice vitis instar tecta, hastæ interdum longitudine sub vastis arboribus, & late ramos spargentibus (quibus se implicaverat) crescentia. Tantam magnitudinem & staturam apud nos raro assequitur. Ramuli ejus cinerei sunt lenti & tenaces, unde viminum aut funiculorum loco inserviunt januis aut craticulis colligandis, fasciculis vincendis, &c.

Vulgaris



Vulgaris est omnibus quas Clusius adiit provinciis, vicinis arboribus & sepibus sese implicans. *Locus.*  
 Julia mense florens; fructus plumis suis incanescens dependens.

Gustus ferridus & acris calidam vim arguit. Usus ejus est ad circulos pro retinendo labente ute-  
 ro. Ad constringendos fasces veluti Salices & alia vincula adhibetur. *J. B.* *Virēs & Usus.*

Flora, semine, cortice & radice vim urendi habet.

Species illa quæ *Flammula* dicitur, digitis trita, acerrimo odore velut Fulgor momento nares fe-  
 rit admodum. E *Flammula* utraque tam recta, quam scandente elicitur aqua, quæ Spiritus vini in-  
 star feruida est. Hanc compertum est (inquit Matthiolus) efficacissimam esse in morbis frigidis-  
 simis. At certe intra corpus non debet assumi, nisi aliis aquis probe mista & temperata, ne viscera  
 ledat.

Sunt qui hujus oleum commendant ischiadicis, articulorum illiūque doloribus, urinæ angustis  
 & renum calculis, in quibus morbis aut calidum illud inungunt, aut clysteribus infundunt. Id autem  
 preparant hoc modo. *Flammula* folia tenuissimè concisa in rosaceum imponunt, quod vitæum  
 vas exciperit, ac inde per astatem insolant obturato vase. Datur etiam in cibis hile morbis affe-  
 ctis mun drachmarum pondere. *J. B.*

2. *Clematis Batia* Ger. *Batica* Clusio J. B. *sylv.* altera *Batica* Park. peregrina, foliis Pyri  
 incis. C. B.

*Clas.*  
 Longa habet *sarmenta*, lenta & ramosa, binos per intervalla capreolos, contrariis semper inter  
 se pediculis nascentes proferentia; quibus vicinas arbores & frutices scandit: folia Pyri ferè, minora  
 tamen, dura, viridia, in ambitu incisa sive serrata, acris & fervidi gustus, singularia in singulis pe-  
 diculis, sed plurima simul ex claviculæ alis prodeuntia, inter quæ ex utroque sarmentorum la-  
 tere pediculi exeunt calyculum Tichymali caveolis seu labellis similem sustinentes: ex cujus medio  
 erigit capitulum ex multis feminibus Milio aequalibus conflatum, quibus insident oblongi cinnini, &  
 albe quodammodo villosæ plumule.

Hanc stirpem primum invenit Clusius inter Afindum (vulgo *Medina Sidonia* appellatum) &  
 Capen, secundum fluentia, vicinas arbusculas operientem & suo pondere deprimentem, deinde aliis *Locus.*  
 Bræz locis, Januario jam suos cinninos explicantem.

3. *Clematis* sive *Flammula repens* C. B. *Clem.* sive *Flammula scandens*, tenuifolia alba J. B. *Clem.*  
*urens* Ger. *urens* flore albo Park.

*Clematis* hæc per se infirma, nonnisi proximis fulta in altum nititur: neque tamen id ullorum  
 capreolorum ope facit, sed foliorum pediculis spes amplectitur. *Sarmenta* habet striata, viridantia,  
 geniculata: folia recticaulis *Flammula* foliis similia, à *Vitalba* sive *Athragene* differunt longitudine,  
 angustia & soliditate; tota etiam planta minor. Flores albi, odorati, qui undà vi labia si impruden-  
 ter attingunt inflammant. Semen succrescit plumaceâ cristâ in hinc. Habetur flore pleno.

Circa Monspelium in collibus saxosis, & alibi in transmarinis observavimus: in Anglia, quod sci-  
 am fonte non provenit. Julio & Augusto floret.

Hujus minor quardam species seu varietas esse videtur *Clematis maritima repens* C. B. Park. De-*Species minor.*  
 scriptiones enim in plerisque conveniunt. Addit insuper, *Cauliculus* atrovirente cortice vestitos:  
 folia acuminata & nervosa, tria uni-pediculo communiter insidentia, qui velut in capreolum abit  
 (quod non capio) quæ in summo caule floribus subiciuntur angustissima esse. Flores longis pedi-  
 culis sustentari, habereque multa intus stamina villosa, alba. Semina plana, subrotunda, rufescentia,  
 bina ternave simul. Hæc accidantia, quamvis in descriptione omissa, præcedenti planta pleraque conve-  
 niunt: proinde eum non separamus. In maris Adriatici litoribus invenitur. C. B.

4. *Clematis* sive *Flammula surrecta* alba J. B. *Flammula recta* C. B. *Flammula Jovis surrecta*  
 Ger. Park.

*J. B.*  
 Fibrosam radicem demittit & albicantem: *sarmenta* nullius opis indiga, suâ vi in duorum & plu-  
 rimorum altitudinem nituntur, lævia, teretia, propter terram nonnihil rubescentia, fistulosa  
 & geniculis intercepta. Folia cujusmodi ferè in vulgi *Flammula* aversa parte subhirsuta & ferè in-  
 canescentia, aduersa verò atrovirentia. Flores consimiles, copiosi, quadrifolii, candidi, apicibus viridanti-  
 bus. Non minus undà vi vesicas hæc excitat quam cognata repens.

Hæc ab is qui diligentius observant (teste Clusio) duorum generum esse deprehenditur. Una *Duplex spe-*  
 cim *sarmenta* rubescentia habet, quemadmodum & foliorum nervos & pediculos, præcociorūque est *cies.*  
 & odoratum fert florem. Alterius autem *sarmenta* cum foliorum pediculis virescunt, & florem so-  
 lis proferunt. Humanam verò altitudinem utriusque *sarmenta* plurimum superant, & singulis an-  
 nis nova, eaque frequentiora ineunte vere (marcidis & corruptis prioribus) renascuntur.

In sepibus ad montes propè Ratisbonam in Germania observavimus. Clusius in Austriz & Pan-*Locus.*  
 nonie caduis sylvis frequentem scribit.

5. *Clematis Pannonica* Ger. *Pannonica flore caruleo surrecta* J. B. *Clematidis carulea erecta* C. B. *Clem. carulea Pannonica* Park. parad.

7. B.

Complures *radix* satis crassa è lateribus spargit fibras, fulves, nervulo ligneo candido factas: *Sarmenta* inde complura [quaterna aut quina *Clus.*] ad cubitum & sesquicubitum exsurgunt, recta, distri-  
stria-ta, angulosa, subhirsuta, nonnihil purpurascencia, geniculata: ad quorum singula genicula *folia*  
sine pediculis bina opposita, Plantaginis majoris ferè paria, minora tamen, similiter per longitudinem  
nervosa, acuminata, in ambitu lanuginosa, supernè ex atro virentia, infernè dilutiora, lanugine qua-  
dam per nervos respersta, [Clusio Alclepiadis panè foliis respondentia] non valdè dura, fervidi gustus,  
quemadmodum *Flammulae Matth.* folia. Ex superiorum foliorum alis pari incremento surgunt ge-  
mini adverfi furculi, eodem modo se habentes quo sarmenta primaria, nisi quòd minora sunt multis  
numeris folia: neque tam in primariorum sarmentorum, quàm alarum furculorumve extremis *flori-*  
nutabundus, unicus, magnus, quatuor foliis mucronatis, crucis in formam (inquit Clusius) decussatis  
constans, modicè sursum reflexis, foris saturatè cœruleis, canaliculatis, minis cœrulea lanugine per  
margines obsitis, intus verò glabris, neque tam intensè atque medium extimi folii cœruleis. Medium  
florem occupat villosus glomer fibrarum ex luteo albescentium, quarum complexu continentur sta-  
mina alia glabra, viridantia, apicibus ex albo luteis, atque intra hæc tertia fibrarum virentium in-  
torta phalanx. *Semen* compressum, magnum, Clusio Pullatilla semini ferè simile, plumatum, ut in  
Viorna; nullius acrimoniz particeps Clusio.

Locus &  
Tempus.

Inventa est à Clusio sponte nascens in pratis circa *Stampfen* duobus ultra *Pofonium* Ungariz mil-  
liaribus, & aliis ad Danubii ripas supra *Pofonium*. Floret Maio & Junio, semeni maturat Au-  
gusto.

Alteram hujus speciem depingit & breviter describit Gerardus quam majorem Pannonicam  
vocat.

6. *Clematis peregrina carulea sive rubra* Ger. *carulea vel purpurea repens* C. B. *peregrina flore*  
*rubro vel purpureo simplex* Park. *Clematidis sive Flammulae flore caruleo & purpureo scan-*  
*dens* J. B.

7. B.

Corticinnior est quàm vulgaris *Flammula*, *foliis* ad *Athragenes* propius accedentibus, ut quæ quàm  
*Flammulae* breviora sunt & latiora, & varia specie *Athragenes* foliorum modo ludentia, modò in-  
tegra, alias divisa semel aut iterum, minimè tamen serrata, lævia, atrovirentia, sapore acri, ex pe-  
diculis tenuibus, rigidis, subrubentibus, subhirsutis terna. *Sarmentis* autem suis inniditur depactis  
pedamentis non secus ac *Flammula* vulgaris repens: sed præcipua est *florum* græcia, qui non tan-  
tum odore suavi placent, sed & colore purpurante oculos morantur; quatuor foliis, (quorum vel  
unum *Flammulae* vulgaris florem integrum faciliè superat) crucis modo dispositis constantes, in quo-  
rum medio cincinnus staminum ex viridi pallentium. Succedunt *Semina* tria, quatuor, aut plura in  
eodem pediculo, nullis plumulis lanuginosis adherentibus, compressa, subrotunda, acuminata.

Locus &  
Tempus.

Varietas flore  
pleno.

In Hispania & quibusdam Italiae locis, juxta sepes & agrorum margines sponte exiit: Augusto  
mense & quandoque Julio floret.

Reperitur interdum flore pleno seu multiplici quæ *Clematis* purpurea flore pleno scandens 7. B.  
*Clem. peregrina* flore purpureo pleno Park. *peregrina* flore pleno Ger. *Clematidis cœrulea flore ple-*  
no C. B.

Item flore duplo minore, seminibus pariter minoribus, quæ *Clematis* peregrina flore parvo Moris.  
*prælu.*

Vires.

Folia *Clematidis* contusa lac è mammis extinctum educere, dictante D. Hermanno, didicit  
D. Palmer. An hujus an præcedentis aliùsve plantæ folia intelligat mihi non constat.

- \* 7. *Clematis cruciata Alpina* Park. Ger. emac. *Alpina Geranifolia* C. B.

*C. B.* Ex *radice* sarmentosa & perenni caules plures lenti, lignosi, quandoque rufescente cortice, duos  
trè sive cubitos alti exurgunt, qui æqualiter bipartiti in latera dividuntur: quibus singulis *folia* crebris  
& profundis divisuris incisa, trigemina coherentia, ut in *Anemone Geranifolia*, insident. *Floris*  
singuli singulis pediculis longissimis ac tenuissimis insident; qui coloris cœrulei albicantis aut obscurè  
purpurascents, ex quatuor foliis oblongis, mucronatis, nervosis, crucis in modum dispositis & non-  
nihil lanuginosis, in cuius medio *folia* plura, breviora, quæ quasi acervulum capillaceorum filamen-  
torum alborum ambiunt.

Locus.

In monte Baldo provenit, inque montibus Austriae frequens est.

- \* 8. *Clematis Hederæ folio* Moris. prælu.

Moris.

Planta est scandens & circa perticam se involvens ad altitudinem quinquor pedum plus mi-  
nùsve ascendit; cujus folia sunt *Hederæ æmula*, latiora. *Flore* fert minores, herbaceos. Fructum  
nunquam vidit.



## CAP. II.

## De Filipendula.

**F**ilipendula notæ characterificæ sunt Flores polypetali, Radices tuberosæ, glandulis oblongis ab extremis fibrarum filamentis pendentibus. Semina in circulum disposita.

1. *Filipendula* Ger. J. B. *vulgaris* Park. *vulgaris*, an *Molôn* Plinii C. B. **Common Dropwort.**

Radice multiplici firmatur, exterius nigricante, intus albâ. Fibræ in bulbos turgescunt. Folia plurima ad radicem, multifariam pinnata, Pimpinellæ Saxifragæ ferè modo, angustiora, profundius laciniata. Caulis plerunque unicus, erectus, dodrantalis aut etiam pedalis & altior, striatus, ramosus, paucis foliis vestitus, flores in fastigio suffinet, velut in umbellâ [paniculâ J. B.] formam dispositos, suævolentes, albos, exterius rubentes, heptapetalos, [in quorum medio magnus apicum luteorum plexus sese explicat. J. B.] quibus singulis succedunt semina undecim, duodecim, aut plura pauciorave stellatim disposita veluti totidem radii, nuda, vestibus tenaciter adhaerescencia.

Nomen huic fecit (inquit J. Bauhinus) radices glandularum olivarium aut longiorum, minisque ventriculorum, Asphodeli more, foris ex rubro nigricantium, intus albescentium, acrimoniam quandam cum adstrictione, dulcedine & levi amaritudine sapientium per fibrarum fila pensilis connexio.

In pratris & pascuis montosis plerunque oritur: interdum in humilioribus, sterilioribus & siccioribus invenitur. *Locus.*

Hujus varietas esse videtur

2. *Filipendula minor* C. B. Park.

C. B.

Radice habet rufescentem, in filamenta extenuatam, sed per extrema glandulosam: folia duas vel tres uncias longa, semunciam lata, ex segmentis pluribus, tenuissimè divisis, ambitu serratis composita, veluti Potentillæ, duriora tamen & saturatius virentia; inter quæ Cauliculus palmo minor, in medio foliolo cinctus exurgit, aliquando simplex, aliquando in summo bifidus, cui coma flosculorum albidorum, staminulis præditorum, aliquando quasi in capitulum compactorum infidet: Succus seminis instar racemi parvi coactum.

In asperis circa Monspelium se legisse dicit C. B. D. Magnol varietatem præcedentis hanc facit, *Locus.* quæ in asperis & aridis multò humilior nascitur.

Radix attenuat & substringit. Decoctum ejus urinam & calculos pellit, dysuriæ & urinæ stilitudine subvenit. Pulverem radice, ejusve succum adversus morbum comitalem commendant nonnulli. Alii Filipendulam proximè accedere qualitibus ad Præoniam scripsere: & hinc epilepticos, analepticos ac vertiginosos juvare Filipendulæ radices retulit Lobelius. Medetur & anhelosis & suspiriosis, & ventriculi inflationibus, cum semine fœniculi. *Vires.*

In albo mulierum profluvio, inque nimio lochiorum fluxu usûs est eximii D. Needham.

Pulvis radicum Filipendulæ celebratur in fluore albo mulierum, omnibus aliis medicamentis incassum propinatis, ab experientia S. Pauli Quadrip. Bot. Class. 3. p. 300. Dof. 3j. in decocto Dau. Hartman Corbæus pro experimento habet quotidie 3j. radice Filipendulæ virentis cum vino nigro exhibere in fluore albo mulierum. D. Soame è Dolæo, L. 5. C. 4. S. 20.

Dysenteriam sapius à se curatam notavit Jo. Prævotius in Adversariis suis exhibito 3j. pondere ex vino aut ovi vitello pulvere radice. Filipendulæ, quem ante ipsum Secreti loco commendaverat Ludovic. Mercatus Lib. 1. de recto præsidiorum usu, C. 14. Est sanè huic plantæ insignis vis adstringendi, ut hernias quoque ejusdem esu curatas observavit Thom. Carthusius. D. Soame ex Observ. 3j. Hieron. Velschii transcripsit & ad nos misit.

## CAP. III.

## De Ulmaria.

**U**lmaria à foliorum quadam cum Ulmi foliis similitudine dicta, à Filipendula differt radicibus fibrosis, magnitudine quâ illam excellit, seminibus intortis, in globulum congestis.

*Ulmaria* J. B. *vulgaris* Park. *Regina prati* Ger. *Barba capri floribus compactis* C. B. **Meadow Sweet.**

Radicum fibræ rubentes, lignosæ. J. Bauhinus radicem digitalem infinitis fibris rubentibus capillatam ei attribuit. Caule exurgit sesquicubitali & altiore, recto, anguloso, lævi, rubente, firmo, con-

cavo,

cavo, ramoso. *Folia* per intervalla alternatim cauli adnascuntur, tribus aut quatuor pinnularum majorum conjugationibus compositi, cum impari in extrema ala folio trifariam diviso ad modum ferè foliorum Rubi Idæi: majoribus hisce pinnulis interpositæ sunt minuscule aliquot, ut in Filipendula & Agrimonia, omnes circum oras serratæ, infernè canescentes, supernè virides. *Folia* autem crispis plicarum contextu ad Ulmi folia accedunt, unde & plantæ nomen. *Flores* in summis caulibus & ramulis in umbellas quodammodo dispositi, nullis intermixtis foliis, suaveolentes, positi & forma Filipendulæ vulgaris, albidæ, pentapetali, apicibus crebris similiter albis. Singulis floribus plura succedunt *semina* nuda, oblonga, contorta & in globuli ferè formam coacta.

Locus.  
Vires.

In pratis humidis & ad rivulorum ripas passim & copiosè provenit. Sudorifera & alexipharmaca est, proin convenit in fluxibus omnis generis, diarrhoea, dysenteria, fluxu menstruo, expuitione sanguinis; resistit pesti. *Folia* vino aut cerevitiæ immixta græci atum ei saporem & odorem conciliant, non secus ac Pimpinella.

*Flores* odoris grati sunt, cor exhilarant, nec tamen caput gravant, unde & æstivo tempore convulsiis & trichiniis ornandis sternendisque conveniunt. Rupellensis Renatus, referente J. Bauhino, dicit hydromeliter ex ejus flore conciliari gratum odorem, & ita parari ut æmuletur vinum Creticum, quod Malvanicum vocant.

Ipsè vidi & sanctè testari possum, in lethali vulnere vesicæ cujusdam puellæ, itémque brachii fractura propemodum immedicabili Reginam prati præclaros edidisse effectus; unde merito ingreditur emplastrum Felicis Wurtz, toto orbe celebratissimum & usitatissimum. Simon Pauli *Quadr. Botan.* p. 452. E Collectaneis D. Tancredi Robinson.

Felix Wurtz hujus radices miris laudibus effert, imò omnibus aliis vulnerariis herbis, aut adversus fracturas ossium commendabilibus præponere videtur. Idem.

#### C A P. IV.

##### De Anemone sylvestri, seu spuria.

**A** NEMONE seu Ranunculus dicitur, quòd flos tantum vento flante aperiat, vel potius quòd locis apertis & vento obnoxiiis florere gestiat.

Anemones in genere caracteristicam facimus, caulem determinatè foliatum, ex unica tantum distinctione, ubi terna hærent folia, flores in singulis caulibus singulos.

Anemones sylvestris seu spuria semina Ranunculi in capitulum congesta, nullo pappo lanuginè vel adhærente, vel involvente.

Anemones genuina seu hortensis semina pappo involuta. Pulsatillæ semina cincinnata plurimulis longis adhærentibus.

A. 1. *Anemone nemorum alba* Ger. *nemorosa flore majore* C. B. *Ranunculus nemorosus albus simplex* Park. *Ranun. phragmites albus & purpureus vernus* J. B. *Wood Anemone*.

f. B.

*Radix* habet crassiusculam longam, obliquè proserpentem, foris purpuream aut fuscam [cùm junior est flavicantem] intus albam, sapore cum levi adstrictione acrem [ut comminucata fauces inflamet] à qua fibræ capillares demittuntur. Surrigitur *coliculus* tenuis mollisque purpurascens, sesquipalmaris & major; circa cujus fastigium uno & eodem loco enascuntur folia terna Ranunculi ex semuncialibus rubellis pediculis, hirsuta, nunc virentia, nunc purpurantia [in tres lacinijs ad pediculum usque divisa] Coliculo summo flos insidet unicus, nudus seu calice carens, aliàs albus, aliàs purpurascens, aut unguibus carnei coloris, foliis constans senis, oblongis, in medio *stamina* plurima crocea continens. [Succedunt *semina* plurima nuda, oblonga, hirsuta mucrone incurvo, in capitulum conglobata Ranuncolorum nodo.]

Tempus &  
Locus.

Floret apud nos circa finem Martii & Aprilis initio, aut aliquantò seriùs citiusve prout hyems asperior aut mitior fuerit. In sylvis & dumetis præsertim udis, per totam Angliam frequentissima occurrit, nec minùs in exteris regionibus.

Alia quinetiam præter ea quæ in caule existunt è radice folia emittit, longis pediculis insidentia, majora, segmentis latioribus, aliàs similia.

Varietates.

Reperitur interdum flore pleno seu multiplici, eoque vel 1. albo, quæ *Anemone nemorosa flore pleno albo* C. B. *sylv. flore pleno albo* Park. *An nemorum flore pleno albo* Ger.

Vel 2. purpurascens, quæ *Anem. nemorosa flore pleno purpureo* C. B. *Anem. sylvestris flore pleno purpureo* Park. *Anem. nemorum flore pleno purpurascens* Ger.

Has varietates Clusius prolixè describit, verum non opus est operosa descriptione, non enim alià in re à vulgari *Anemone nemorum* differunt quàm multiplici foliorum in flore serie: quamvis secundo generi sub ipso flore velut calicis loco folia appingantur, qualia in medio caule esse solent.



- \* 2. *Ranunculus flore intense ceruleo instar Cichorei duplex? foliis majoribus & minoribus.*

A. Christ. Mentzelio observatus est in Apeaninis montibus, itinere à Româ versus Siennam. *Ranunculum nemorosum flore carneo Park. ejusdemque Ran. nemor. flore purpureo-ceruleo pro* *Varietates.*  
hujus plantæ varietatibus accidentalibus habeo, non pro speciebus distinctis: nec libenter concesserim *Ranunculum nemorosum Anemones flore minorem C. B. Ran. nemor. minimum album Park.* specie differre à superius descripta: quin nec ipse C. Bauhinus distingueret, nisi hic parvus copiosissime in editissimo monte ad Curiam Rhetorum, & circa Monspelium fuisset observatus. Deviribus hujus plantæ nihil à Botanicis proditum invenio.

*Anemone nemorosa sterilis foliis punctatis C. B.*

*Anemones sylvestris seu nemorosa species degener esse videtur.*

- \* 3. *Anemone nemorum lutea Ger. Ranunculus nemorosus luteus C. B. flore luteo Park. Ran. phragmites luteus nemorosus J. B. Yellow Wood-Anemone.*

J. B.

Hujus radix præcedenti vulgari albo & purpureo formâ, colore, sapore, fibrisque perfimilis, *colicula* item & foliorum numero convenit; sed *folia* virentiora, longiora, brevioribusque pediculis, ita ut is quasi destituta, concursu suo quasi cotylam purpurantem efficiant, in cujus medio præter duo *folia* oblonga, minimeque dissecta, crenatave, coliculi scapus nonnihil pilosus florem sustinet, nonnquam singularem, alias geminum, *Ranunculi*, aureum, quinque foliis latiusculis & obtusis constantem; in cujus medio *staminula* crocata plurima.

In sylvis sed rarius provenit. In Anglia, quod sciam, non invenitur spontanea. J. Bauhinus Ger- *Locus & Tempus.*  
nez florentem reperit Martio.

Flore est communiter unico, aliquando duobus aut tribus, naturâ vel errante, vel ludente.

- \* 4. *Anemone nemorosa affinis peregrina 1. candido, aut purpurascens flore C. B. An. sylvest. tenuifolia peregrina alba Park.*

Clus.

Folius & radice ab *Anemone nemorum* vulgari non distat: ab extrema radice parte *cauliculus* assurgens dextralis, teres, ex viridi purpurascens, summo fastigio gestans terna *folia* pediculo purpurascens innitentia, quæ in tres lacinias dividebantur usque ad pediculum illas sustentem, inter quæ crescebat triuncialis pediculus, ex viridi etiam purpurascens, *florem* sustentens octo aut novem brevibus mucronatisque foliis constantem, prorsus albis, quibus tamen externa parte nonnihil suavenientis purpuræ erat veluti inspersum, medium florem occupante, *capitulo* viridi fragi rudimentum asserente, quod ambiebant; multa *staminula* alba & tenuia, *apicibus* flavis prædita: adnascabantur interdum sub flore bina aut terna *folia* media ex parte alba, alterâ viridia.

Florebat cum aliis Aprili. In hortis cultam vidit Clusius; nec locum ejus natalem indicat. *Tempus.*

- \* 5. *Anemone nemorosa affinis peregrina 2. flore herbacei coloris C. B. sylv. peregrina viridis Park.*

Clus.

Folius & radice cum priore conveniebat, necnon *cauliculis*, in quorum fastigio non terna sed septena plerumq. nascebantur *folia*, admodum virentia, in alia terna (eaque laciniata) divisa usq. ad pediculum illa sustentem, qui purpurascens: inter quæ alius pediculus assurgebat, binas uncias longus, herbacei coloris, sustentens *florem* octo aut novem foliis constantem, quorum quatuor externa tribus lacinis extrema parte divisa, foris circa unguem purpurascebant, alia interna minime, sed omnia herbacei erant coloris, & umbilicum habebant inferiore parte ex viridi albescentem, quem occupabat *capitellum* immaturo frago simile, viride, illud cingentibus multis exalbidis *staminibus*, flavis *apicibus* præditis.

Florebat Aprili cum superiore. In horto Christiani Porreti cultam vidit Clusius, de loco natali *Tempus.*  
nihil habet.

6. *Anemone Geranifolia J. B. Ger. tenuifolia sive Geranifolia cerulea Park. Geranii Robertiani folio cerulea; an Dioscoridis C. B.*

Clus.

Multa habet *folia*, novo vere, quum prodire incipiunt purpurascens, deinde ex viridi pallentia, multifida, Coriandri, vel Limoniæ potius Anemonidis foliis similia, trigemina plerumque simul pediculis connexa, hirsuta, & in terram ut Dioscorides rectè ait, inclinantia: inter quæ *caulis* exilit nudus quidem, sed quem terna *folia* trifariam profundius incisa, mediâ parte amplectuntur, quæ aliquandiu *florem* occultant, donec Solis calore ex iis sese explicans & emergens expandatur in quatuordecim aut quindecim foliola mucronata, minora quàm in latifoliarum generibus, coloris vel cerulei, vel albi, vel utroq. mixti, hoc est, externa parte subcerulei, interna albi, *staminibus* albis, quorum *apices* pallidi, medium occupantibus. Decussio flore apparet *capitellum* pæne *Ranunculi*, constans ex *seminibus* ejus semini etiam similibus, non tomentolum ut in Anemonide genuina. Radix digitalis plerumq. longitudinis & crassitudinis, in aliquot ramos divisa, & tuberculis obsita, fibras

fibras quasdam hac illac spargens, foris nigra, intus alba, quæ similiter fragmentis feri & pangi potest.

Locus.  
Tempus.

Hanc primum ex Italia habuerunt Belgici horti.  
Floret novo vere cum Anemonidis latifoliae generibus. Semen Maio maturefcit aut paulo ferius.

## CAP. V.

De *Anemone genuina, bortenſi* & *culta*, seu *Anemone ſemine pappoſo*, & *primò de latifolia*.

1. *Anemone Cyclamini* ſeu *Malvæ folio lutea* C. B. *Anemone latifolia* Cluſii Ger. *Anem. latifolia, flore flavo*, 1. Cluſii J. B. *Anem. Luſitanica, ſive bort. latifolia flore ſimplici luteo* Park. parad.

Cluſ.

Atis ampla habet folia, circinata: ferè rotunditatis, in ambitu ferrata, dura, firma, longoque petiolo fulta, ſupina parte intenſiore viriditate prædita, pronâ plerunq; purpuraſcentia, ut Cyclaminis propemodum folia, fervidiſſimi ſaporis: inter quæ palmaris exit caulis, teres, ſubhirsutus, ſummâ parte ferens terna laciniata folia, deinde ex illis emergentem pediculum, qui ſtorem ſuſtinet decem aut pluribus foliis conſtantem, externa parte flavis, internâ aureis, umbilicum occupante capitulo multis aureis ſtaminulis ſepto. Radix tuberoſa eſt, oblongiuſcula, Tormentillæ vulgaris ferè æmula (talem certè eruebam) aliquot fibris prædita, foris nigricans, intus alba, ſolida, ingrati admodum ſaporis, quæq; guſtantem, excitatâ nauſeâ, quodammodo ſtrangulet, deinde ſuâ acrimoniâ linguam aliquantulum vellicet.

Locus.

Lapidôſis quibuſdam Luſitaniz collibus juxta Tagum, atque etiam inter vepres eruebat Cluſius.

- \* 2. *Anemone latifolia flavâ pleno flore* C. B. *An. latif. flore luteo duplici* Park. *latifolia duplo flore flavo* 2. Cluſii J. B.

A præcedente differt, Foliis aliquot à radice nonnihil laciniatis; iis verò quæ in caule ſunt magnis & profundis laciniis diviſis: Flore duplici foliorum ſerie conſtante, quorum externa ſex aut ſeptem orbiculato ſunt mucrone, nonnulla etiam dentato, foris pallida, & tenuibus quibuſdam purpuraſcentibus venulis quodammodo aſperſa, interna autem decem, duodecim, aut plura paulò anguſtiora, foris etiam pallentia, omnia verò interna parte flava. Reliqua cum præcedente convenit: à qua certè non differt ſpecie.

Tempus.

Seriùs aliis Anemones generibus & germinat & floret. Semen Junio maturum.

3. *Anemone Italica latiuſculis ſpinôſis foliis* 3. Cluſii J. B. *latifolia purpurea ſtellata ſive papaveracea* Park. *Geranii rotundo folio purpuraſcens* C. B. *Bulbocastani radice* Ger. *Belgiu Anemone ſtellata*.

Cluſ.

Folia huius ejuſdem ſunt amplitudinis cum ſuperiorum foliis, ſed Saniculæ foliorum penè diſurâ initio, & pronâ parte nonnihil purpuraſcentia, mox multiſida & tenuiùs incifa: deinde emergit Caulis nudus, lanuginôſus, dodrantalis, nonnunquam etiam pedalis, tribus laciniatis foliis tanquam involucri floreſ occludens initio, ut in ſuperiore, tandem excreſcens floreſ ſuſtinet in duodecim aut quindecim folia diſiſum, anguſta, acuminata, foris quaſi cineracei coloris & hirsuta, interiùs miſta rubedine purpura nitentia, gratiſſimo aſpectu: medium caput villoſum, nigris ſtaminulis circumſeptum, quod excuſſo flore velut primum emergentis Aſparagi thyriſulus intumeſcit, & ex plano villoſoque ſive lanuginôſo ſemine conflatum per maturitatem leviſſimo auræ flam decurtitur, & ejus arbitrio fertur. Radix novellarum plantarum ſemine natarum exiguæ olivæ ſimilis eſt, vetuſtior autem nodôſa & articulata, foris nigra, intus alba, fibris aliquot, per quas alimentum attrahit prædita.

Locus.

Itinere à Lericio ad Maſſam Liguriæ urbem copioſam obſervavimus, poſtea multis aliis Italiæ in locis. Cluſius quibuſdam Germaniæ locis ſecundùm Rhenum inter vepres in aprico Martio floreſcentem conſpicebat.

Varietas.

Invenitur interdum floris foliis exalbidi obſoleti coloris exteriùs, intus ex purpura dilutiore albicantibus, quæ Anemone hort. latifol. ſimplici flore 4. Cluſii.

4. *Anemone bortenſis latifolia ſimplici flore* 5. Cluſ. *An. Geranii rotundo folio dilutè rubens* C. B.

Cluſ.

Ante hyemem ſua profert folia, tertiæ foliis penè ſimilia: inter quæ caulis ut in reliquis exortitur palmaris, nudus, lanugine pubeſcens, tribus foliis, vel quàm leviſſimè, vel non incifis, floreſ (quòd in Anemones generibus vulgare eſt) occultantibus, in ſummo præditus, qui tamen ad binas uncias, ſive binos pollices, vel etiam altiùs excreſcens ſupra illa folioſa, in octona plerunq; raro plura folia, dilutiore rubro & ad carneum quaſi tendente colore interiùs nitentia, albicantibus ungibus, foris autem obſolete rubentia & lanugine pubeſcentia explicatur, multis in umbilico violaceis ſtaminibus



staminibus hirsutum capitulum ambientibus. *Radix* tuberosa & nodosa est, tenuibus aliquot fibris donata, foris nigricans, internè verò candida.

5. *Anemone sylvestris alba major* C. B. magna, alba; plurima parte anni florens J. B. *sylvestris latifolia alba*, sive *tertia Matthioli* Park. *Anem. Matthioli* Ger.

J. B.

*Radix* minimi digiti est crassitie, plurimis fibris donata capillatibus, nonnullis præterea crassioribus, quæ serpentes subinde novas ex lateribus plantas procreant, ingrati & acris saporis. *Caulis* dodrantalis, tenuis, rigidus, densâ lanugine canescens, subinde circa summitatem rubescens, concavus. *Flos* in singulorum caulium summitate priusquam dehiscat hirsutus, postea magnus, nonnihil odoratus, quinque, sex, septemve foliis constans, cuspidè orbiculata, internâ parte penitus albis & glabris, externâ verò hirsutis, unguibus purpurascens: in medio *staminum* croceorum corona ambit *capitulum* tuberosum, ferè herbidum, quod maturo semine, parvo, plano, in lanuginem albam resolvitur. *Folia* Ranunculi ferè, triplici divisura ad pediculi usque extremitatem, inferius hirsuta & albicantia, superne glabra, saturo virore tincta, atq; horum quidem alia incerto numero radix emittit pediculis palmaribus; terna verò in caule pediculis uncialibus & sesquiuncialibus caulem amplectuntur. *Folia* Clusio ingrati initio saporis, postea acris.

In Germania plurimis locis exit, in pratis. V. *Clus.* & *J. B.*

Locus.

\* 6. *Anemone sylvestris alba minor* C. B. prod.

C. B. prod.

Ex radice subnigricante fibrosa *folia* subrotunda unciam vix superantia, longis pediculis villosis donata, terna aut quaterna, Ranunculi pratensis modo, tribus usq; ad umbilicum incisuris, dein singulis, aliis tribus minoribus lacinia, pallidè virentia, mollia & hirsuta exturgunt: inter quæ *cauliculus* candida lanugine pubescens, unciarum septem altus, in medio duobus foliolis parvis lacinia, cinctus; cujus summo *flos* unicus, parvus, triplo quàm in vulgari minor, quinquefolius, candidus; in cujus medio capitulum exiguum, multis brevissimis subluteis staminibus cinctum, infidet.

In summa ab *Anemone sylv. alba* majore, quam tertiam *Matthioli* facit sola magnitudine differre videtur.

Hæc propè Herbolim sponte nascitur.

Locus.

\* 7. *Anemone Alpina alba major* C. B. prod.

C. B. prod.

Ex radice nigricante *folia* exurgunt acuta, Cicutariæ modo multis divisuris secta, atro-virentia & parte proha secundum venarum ductum villosa: inter quæ *cauliculus* tenuis, leviter hirsutus, uncias sex altus, cujus summo *flos* albus, major quàm in ulla *Anemone sylvestri*, vel etiam *Pulsatilla* vulgari ex septem foliis compositus, ex rotunditate in acumen definentibus, & pluribus in medio staminibus luteis donatis, infidet. An verò tandem hujus, ut & sequentis *flos* in plumosi seminis congeriem transeat, non constat.

\* 8. *Anemone Alpina alba minor* C. B.

Tota planta uncias quatuor non excedit, *radiculam* habens parvam, nigram; *folia* longè minora quàm prioris, magisque villosa: cauliculo est biunciali, villosa, quem circa medium *folia* similia amplectuntur, cujus summo *flos* albus, sex foliis donatus, priore quadruplo minor, multis staminibus luteis præditus infidet: hæcq; ad *Artemonem sylv. 2. Clus.* accedit.

Utræque in Austria provenit, illa in Blanckenstein, hæc in Taurero Raftadiensi.

Locus.

\* 9. *Anemone trifolia* Ger. *trifolia flore albo* J. B. *sylvestris trifolia Dodonæi* Park.

Dod.

*Folia* huic Trifolii instar terna in pediculo coherent, non magna, lata, acuminata, indivisa, margine tantummodo crenato: cauliculus palmum altus, cui *flos* infidet candidus, aut ex candido purpureus formam Ranunculi florum æmulatur, qui marcescens nonnihil purpurei coloris contrahit. *Radix* etiam obliqua in propagines aliquot extrahitur, non absq; capillamentis fibrosis subnatis. Morifolius plurimâ *semina* spicatum annexa pappo involuta huic attribuit.

Sequentes *Anemones* tam latifolix quàm tenuifolix species partim è C. Bauhini pinacè, partim è Parkinsoni Paradiso terrestri, partim è Catalogo Horti Regii Parisiensis, nonnullæ è Flora Joan. Rea desumptæ sunt. Quæ ex C. B. pinacè mutuatae pleræq; à consummatissimo Botanico Car. Clusio accuratè descriptæ fuere, quarum descriptiones in epitomen contractas C. B. titulis adjecit: reliquarum solos habemus titulos sine descriptionibus, quæ quidem necessariae non sunt, cum pleræq; hæc varietates satiatione fiant; & natura in florum *Anemones* coloribus non minùs quàm in Tulipis & Iridibus ludat.

*Anemone latifolia simplici flore.*

- 1.
- Anemone latifolia simplici carneo flore*
- C. B.
- incarnata*
- Park. parad.

C. B. Pin.

Flos decem aut duodecim foliorum purpurei ferè coloris, unguibus albicantibus.

- 2.
- Anemone latifolia flore purpureo-saturo*
- C. B.

C. B. Pin.

Flos 8. foliorum, coloris purpureo-saturi, exterius splendentis unguibus magnis &amp; ad pediculum purpureis.

- 3.
- Anemone latifolia purpureo-violaceo flore*
- C. B.
- viola purpureo*
- Park. parad.

C. B. Pin.

Flos octo foliis constans, externè dilutè purpurascens splendet, internè violaceus, unguibus magnis &amp; argentei coloris.

- 4.
- Anemone latifolia flore purpureo violaceo altera*
- C. B.

C. B. Pin.

Flos qui ex 12. foliis constat: foris ex purpureo albescit &amp; splendet: interius ex violaceo purpureo splendet, unguibus albis.

- 5.
- Anemone latifolia violaceo flore*
- C. B.

C. B. Pin.

Flos octo vel plurium foliorum, externè subpurpureus &amp; splendens, internè ex purpura violaceus unguibus rubescentibus, orbe albicante cinctis.

- 6.
- Anemone latifolia flore violaceo saturo colore*
- C. B.

C. B. Pin.

Flos sex foliis præditus, violacei saturationis coloris, unguibus majoribus magisque candidis.

- 7.
- Anemone latifolia flore variegato*
- C. B.

C. B. Pin.

Flos qui octifolius, foris ex purpureo saturatius rubet, interius ad unguis usque albus saturè purpurea &amp; quasi Kermesina nitet: oris coccineis, in quæ radii purpurascens sparguntur; unguis magnos &amp; albos habet.

- 8.
- Anemone latifolia punctato flore*
- C. B.
- latifolia amano violaceo, & punctis albis versicolor.*
- Hort. Reg.
- purpurea striata*
- Park. parad.

C. B. Pin.

Flos octifolius violaceus, interna parte maculis albis aspersis.

- 9.
- Anemone latifolia flore carneo*
- C. B.

C. B. Pin.

Floris modò majoris, modò minoris, octo folia extrinsecus nonnihil purpurascunt, intrinsecus ferè carnei, vel saturationis, vel dilutionis, unguibus albis.

- 10.
- Anemone latifolia flore Orangei coloris*
- C. B.
- an Anemone Parvo major & minor simplici flore*
- Park. parad.
- an Anem. latif. flore simplici croceo pallescente? vivaci rubore radiato*
- Hort. Reg?

C. B. Pin.

Floris octo vel novem folia, externè carnei coloris, unguibus saturatè purpurascens, internè carnei diluti: Habetur major &amp; minor.

- 11.
- Anemone latifolia flore coccineo*
- C. B. Ger. emac.
- coccinea*
- Park. parad.

C. B. Pin.

Floris octo folia, internè elegantissimo coccineo nitent, unguis orbis pallescens ambis, externè quadam lanugine pubescunt: Huc pertinet *Anemone latifolia flore coccineo simplici* Eyst. ex sententia C. Bauhini.

- 12.
- Anemone latifolia flore magno coccineo*
- C. B. Ger. emac.

C. B. Pin.

Floris octo folia, internè elegantissimo coccineo colore fulgent, nullis unguibus apparentibus, externè colore dilutior; &amp; lanuginosa.

- 13.
- Anemone latifolia flore coccineo phæniceo*
- C. B.
- latifolia Byzantina*
- Ger. emac.

C. B. Pin.

Flos amplius octifolius, coloris ex coccineo phænicei, ut in Rhœade, unguibus parvis subpallidis.

- 14.
- Anemone latifolia Saniculæ folio*
- C. B.

Hujus C. Bauh. meminit ex Horto Eyst. sine descriptione.

*Anemone*



*Anemone latifolia simplici flore à Parkinsoni Paradiso.*

- |  |                               |
|--|-------------------------------|
| 1. Anemone carnea vivacissima simplex. | 6. Anem. cramefina.           |
| 2. Anem. Persici violacea.             | 7. Anem. incarnata Hispanica. |
| 3. Anem. Cochenille.                   | 8. Anem. rubescens.           |
| 4. Anem. Cardinalis.                   | 9. Anem. Moschatella.         |
| 5. Anem. sanguinea.                    | 10. Anem. Enfumata.           |

Anemone latifolia flore simplici emaculati coloris Hort. Reg.

*Anemone latifolia flore pleno.*

1. *Anemone latifolia maxima versicolor* C. B. *Chalcedonica max. versicolor* Park. parad. max. *Chalcedonica Polyanthos* Ger. Hort. *latifolia pleno flore* T. Clus.

C. B. Pin.

Folia externa & majora dena aut duodena, viridia sunt, eorum mucronibus coccineo colore leniter & virgatum infectis: interna minora & angustiora, dilutiore purpura ex rubro nitent.

Aliquando, ex praedicto flore uncialis pediculus, minorem florem ex octo latiorum foliorum partim viridium, partim coccineorum compositum, sustinet.

*Anemone* Hort. latifol. pleno flore 2 Clus. non differt à prima, nisi quòd in hac floris umbilicum planiora & reflexa folia non occupant *Anemonem latifoliam fl. pleno* 3. C. B. huc etiam refero.

2. *Anemone latifolia Pavo dicta major* 1. C. B. *tenuifolia* (sed non recte) flore pleno coccineo Ger. \* emac.

C. B. Pin.

Flo. unguibus viginti, triginta, aut pluribus foliis constans, eleganti, saturato splendidoque coccineo colore praeditis, unguibus sanguineis, orbe pallido cinctis.

Variat flore prolifero.

*Anemone latifolia Pavo minus polyphylla* C. B.

C. B. Pin.

Hec flores minus plenos profert, interdum simplici, octo, novem, aut decem foliorum serie constantem.

Non differt specificè ab *Anemone hort. latifol. pleno flore* 1. Clusii, ex sententia C. Baubini.

4. *Anemone Geranii rotundifolia plena* C. B.

Ab *Anemone hort. latifolia* tertia Clusii sola multiplici foliorum serie differt.

*Anemone latifolia flore pleno ex Horto Regio Parisiensi.*

1. *Anemone latifolia flore duplo*, foliis albo & ameno violaceo virgatis.
2. *Anem. latifolia Pavo dicta polyphylla*, flore suaverubente.
3. *Anem. latifolia flore pleno*, arboris Persicæ, quoad floris colorem æmula.
4. *Anem. latifolia multiplex flore violaceo*.

*Anemone tenuifolia flore simplici.*

1. *Anemone tenuifolia flore multifido dilute purpurascens* C. B. *tenuifolia flore dilute purpureo* Ger. emac.

C. B. Pin.

Flo. ex quatuordecim & pluribus foliolis dilute purpureis, & quasi carneis, nullis unguum vestitus constat.

2. *Anemone tuberosa radice* Ger. *tenuifolia purpurea vulgaris* Park. parad. *Oenambes foliis flore violaceo hexaphyllo* C. B.

C. B. Pin.

Flo. ex sex interdum septem & octo foliis compositus est, communiter est purpureus seu violaceus, externa parte lanuginosus.

3. *Anemone tenuifolia coccineo flore hexaphyllo* C. B. *tenuifol. coccinea simplex* Park. parad. *Chalcedonica simplici flore* Ger.

C. B. Pin.

Flo. floridi coccinei coloris, unguibus magnis, ex pallido, fusco & albo mixtis.

*C. B. pin.*  
Flos internè coccineus, unguibus albis, & externè coccineus, tenui lanugine pubescens & splendens.

*C. B. pin.*  
Flos intus elegantissimè coccineo colore nect, foris lanugine pubescit, lingua albi sunt.

*C. B. pin.*  
Flos quinque, sex, interdum septem foliorum, coloris coccinei, ad sanguineum vergentis, unguibus magnis ex albidis, purpureis venis distinctis: aliquid flos ad costi lateris colorem accedit, nec splendet.

7. *Anemone tenuifolia flore sanguineo coccinea C. B. tenuifolia flore coccinea Ger. emac.*

*C. B. pin.*  
Floris sex folia, externè lanugine obducta, coloris sunt sanguinei saturationis & splendens, internè sanguinei coccinei permixti.

8. *Anemone tenuifolia flore sanguineo coccinea altera C. B.*  
*C. B. pin.*  
Flos major hexaphyllus, sanguineo colore, vel inter coccineum & cochineum mediò, unguibus minoribus, & albicantibus.

9. *Anemone tenuifolia flore ex sanguineo & coccineo medio C. B.*  
*C. B. pin.*  
Flos hexaphyllus coloris ex sanguineo, & coccineo medii, diluti, ei prorsus similis quam vulgus cochineum appellat: unguibus magni, albi & quasi argentei.

10. *Anemone tenuifolia flore amplo sanguineo hexaphyllo C. B. Ger. emac.*  
*C. B. pin.*  
Flos coloris sanguinei elegantissimi, unguibus magnis, albis.

11. *Anemone tenuifolia flore amplo atrorubente C. B.*  
*C. B. pin.*  
Flos hexaphyllus, coloris sanguinei ex atro rubentis & quasi sericei panni villosi Kermesino colore præditi, cœrulei.

12. *Anemone tenuifolia flore rubro saturo C. B.*  
*C. B. pin.*  
Flos hexaphyllus, ruber, seu potius sanguineus, unguibus magnis saturis, venis albicantibus distinctis.

13. *Anemone tenuifolia flore niveo C. B.*  
*C. B. pin.*  
Flos hexaphyllus nivèus, cujus unguibus carnei quid aspersum: Apicibus ex obscura purpura nigricantibus.

14. *Anemone tenuifolia flore amplo candido C. B.*  
*C. B. pin.*  
Flos hexaphyllus, prorsus candidus, unguibus externè virescentibus, apicibus nigris.

15. *Anemone tenuifolia flore albicante C. B.*  
*C. B. pin.*  
Flore est hexaphyllo candicante, staminibus albis, apicibus subcœruleis.

16. *Anemone tenuifolia flore ex albedo majore C. B. & minore ejusdem, tenuifolia flore ex albedo Ger. emac.*

*C. B. pin.*  
Flos hexaphyllus, coloris primum ex albidis virescentis, dein ad carneum tendentis, unguibus externè virescentibus, internè albis, staminibus carnei coloris.

17. *Anemone tenuifolia flore furvo albicante C. B.*  
*C. B. pin.*  
Flos ex cineraceo five furvo, albicans & tenui velut rubedine perfusus, ut ferè est Capuccinorum pannus.





3. *Anem. tenuifol. multiplex atra purpurascens* C. B. *tenuifol. fl. pleno atra purpurascens* Ger. emm.

Folia florum externa & majora, rubra sunt, interna minora, & angustiora, atro-purpurea sunt.

*Anemone tenuifolia flore pleno ex Horto Regio Parisiensi.*

1. *Anemone tenuifolia flore duplici albo.*
2. *Anemone tenuifolia flore pleno sordide albo, & subcaeruleo colore irrorata.*
3. *Anemone tenuifolia flore pleno albo nide sordido, margine suaverubente.*
4. *Anemone tenuifolia foliis luteo candidis, foliolis flammæ splendore lucentibus.*
5. *Anemone tenuifolia flore pallido pleno candore lactescente.*
6. *Anemone tenuifolia flore obsolete rubro, foliolis atro-purpureis, medio villo concolor.*
7. *Anemone tenuifolia foliis, & foliolis vivaci cocco splendentibus, & nivis albedine virgatis.*
8. *Anemone tenuifolia flore pleno, foliis & foliolis coccineis: coccinea holosericeo pleno flor.*
9. *Anemone tenuifolia, foliis florum utrimque contractis cocco saturatiore nitentibus.*
10. *Anemone tenuifolia miniato colore, & albo varia.*
11. *Anemone tenuifolia pleno flore, ignis fulgore ardens, innocentæque flammæ.*
12. *Anemone tenuifolia pleno flore, foliis & foliolis fulgentissimo cocco splendentibus oris nives.*
13. *Anemone tenuifolia flore pleno rutilo, & argenteo candore bicolori.*
14. *Anemone tenuifolia phœniceo flore foliolis interfuso candore lucentibus.*
15. *Anemone tenuifolia rubicundissimo flore, lacteis lacrymis asperfo, & mintis ardenti.*
16. *Anemone tenuifolia multiplex ranunculi flore.*
17. *Anemone flore pleno minato, cacumine albescente, foliolis partim albidis partim minjatis.*
18. *Anemone tenuifolia flore pleno violaceo major.*
19. *Anem. flore violaceo dilutiori præcox maxima.*
20. *Anem. tenuifolia flore pleno ex griseo dilute violaceo minor.*
21. *Anem. tenuifolia flore pleno, Mali Perficæ rubello flori concolor.*
22. *Anem. circumfusus foliis oboletius purpurea, umbilico blandè vironti.*
23. *Anem. tenuif. flore maximo foliis & foliolis ex viridi pallente & purpuro violaceo colore pictis.*
24. *Anem. tenuifolia ianthino flore, lactis albedine stolato.*
25. *Anem. tenuifolia flore albo maximo.*
26. *Anem. tenuifolia flore amplo floreas foliorum nives grata viriditate diluens.*
27. *Anem. tenuifolia flore pleno carneo rutilis guttato punctis maxima.*
28. *Anem. tenuifolia maxima pallido candore lactea, & levi per oras rubedine conspersa.*
29. *Anem. supina & ferè jacens maxima languido rubore spectabilis.*
30. *Anem. tenuifolia amplo flore sessili, carnis colorem æmulante.*
31. *Anem. tenuifolia multiplex mutata florum facie quotannis nova.*
32. *Anem. tenuifolia flore maximo, flammæ & nivis colore vario, eminulis cirris blandè luteis.*
33. *Anem. tenuifolia multiplex alto & firmiori cauliculo amplum floris verticem præstans, notabilem, mirâ coloris suavitate.*
34. *Anem. tenuifolia minor flore niveo, & suaverubente semper elegans.*
35. *Anem. tenuifolia maxima foliis, & foliolis fulgenti cocco splendentibus, oris nives.*
36. *Anem. gigantea flore flammeo dilutiori.*
37. *Anem. vivido Cinnabaris rubore splendens, foliis albâ lineâ notatis.*
38. *Anem. flore pleno multiplici rubente, comâ fulcâ.*
39. *Anem. tenuifolia flore maximo sanguineo.*
40. *Anem. tenuifolia ruberrimo flore maximo.*
41. *Anem. tenuifolia flore maximo rubicundissimo, foliis albo candore radiatis.*
42. *Anem. tenuifolia multiplex ruberrimo flore, vittâ, seu staminibus violaceis.*
43. *Anem. profundi coloris amœnum ruborem, interfuso candore vittâ suâ diluens.*
44. *Anem. tenuifolia multiplex flammea, staminibus Citri colore præditis.*
45. *Anem. tenuifolia multiplex coccinea, vittâ viridi.*
46. *Anem. tenuifolia hilari Cinnabaris fulgore ardentissima, expanso pleno flore ungubus albis.*
47. *Anem. tenuifolia flore pleno, fulgentissimo minio, & maculis guttato albis bicolori.*
48. *Anem. tenuifolia maxima purpureo flore.*
49. *Anem. tenuifolia propendente flore, ex violaceo & ferrugineo versicolori.*
50. *Anem. tenuifolia multiplex magno flore, violaceo & rubente colore mixto.*
51. *Anem. tenuifolia floribus dilute violaceis, viridi colore, & rubro perfusis.*
52. *Anem. tenuifolia flore violaceo, foliis & foliolis lactis albedine striatis.*
53. *Anem. gigantea flore caeruleo.*
54. *Anem. tenuifolia flore pleno caeruleo, foliis & foliolis per oras interfuso candore pictis.*
55. *Anem. altera supina, & floris mole ferè jacens amethyflina.*
56. *Anem. foliis & foliolis ex rubro purpureo & albo variegatis, comâ holosericeâ.*
57. *Anem. prominulis ligulis radicum longioribus, & contortis, instar capillorum Medusæ.*
58. *Anem. tenuifolia foliis latioribus pleno flore flammeo.*
59. *Anem. tenuifolia flore caeruleo albis interfecto radiis.*
60. *Anem. foliosa toto interdum flore subrubente, & lateritia.*
61. *Anem. tenuifolia, foliis ad basim rutilis, cacumine albescente.*
62. *Anem. tenuifolia multiplex foliosa, sanguinea major.*
63. *Anem. foliosa candidis floribus dilute rubore umbilicatis, & latissimum in orbem patens.*



64. Anem. Hermaphrodita foliis circa basim, & media sui parte rubris, altera, lactis candore fulgentibus.

65. Anem. foliosa flore suaverubente multiplici.

Eadem flore

Albo.

Amæno violaceo, & albo mixto.

Hyacinthino.

Lanthio.

*Anemone tenuifolia flore pleno è Parkinsoni Paradiso terrestri.*

1. Anem. tenuifolia flore coccineo pleno variegato.
2. Anem. tenuifolia flore coccineo saturo pleno.
3. Anem. tenuifolia flore pleno suaverubente.
4. Anem. tenuifolia flore albo pleno.
5. Anem. tenuifolia flore pleno albicante.
6. Anem. tenuifolia flore pleno roseo.
7. Anem. tenuifolia flore pleno carneo vivacissimo.
8. Anem. tenuifolia flore rubro-fusco pleno coma Amarantina.
9. Anem. tenuifolia flore pleno tricolor.

*Anemone tenuifolia flore pleno è Flora Joan. Rea.*

1. Anemone tenuifolia flore pleno versicolor.
2. Anem. tenuifolia elegantior flore pleno rubro.
3. Anem. tenuifolia flore pleno coccineo.
4. Anem. tenuifolia flore pleno coccineo variegata.
5. Anem. tenuifolia flore pleno coma scarlata.
6. Anem. tenuifolia flore pleno dicta Nacara.
7. Anem. tenuifolia flore pleno sulphureo.
8. Anem. tenuifolia flore pleno viridante.
9. Anem. tenuifolia flore pleno albo major.
10. Anem. tenuifolia flore pleno maxima albo.
11. Anem. tenuifolia flore pleno Columbina.
12. Anem. tenuifolia flore pleno Roseo.
13. Anem. tenuifolia flore pleno Roseo variegata.
14. Anem. tenuifolia flore pleno rubicante maculato.
15. Anem. tenuifolia flore pleno purpureo.
16. Anem. tenuifolia flore pleno Lavendulæ colore.
17. Anem. tenuifolia flore pleno cæruleo.
18. Anem. tenuifolia flore pleno coma purpureo.
19. Anem. tenuifolia flore pleno coma Amarantina.
20. Anem. tenuifolia flore pleno coma Amarantina-variegata.
21. Anem. tenuifolia flore pleno quinque coloris.
22. Anem. tenuifolia dicta Bel-Luxwaice.

## C A P. VI.

### De Pulsatilla.

**P**ulsatilla nominatur, quod seminum tremuli pappi levissimo flatu huc atque illuc agitentur, unde & Herba venti.

Nomen Pulsatilla Italicum est, siquidem inibi ita vulgo dicitur hæc herba.

Est autem Pulsatilla nihil aliud quam Anemone seminibus cincinnatis seu plumulâ caudatis.

1. Pulsatilla vulgaris Ger. purpurea caruleæve J. B. folio crassiore & majore flore C. B. Pulsat. Danica Park. parad. The greater or Danish Pasque-flower.

Tenuia folia sic facis Pastinacæ sylvestris foliis similia sunt, nisi ab iis magnitudine vincerentur, tenui dividuâ pilisque respondentia, ex pediculo longiore, palmari circiter, admodum villosa, & propter terram subrubente appensa. Caulis teres, cavus, densa lanugine obductus, palmari aut doctalis, delapso flore pedalis & major nullis vel ramis, vel foliis donatus, unico excepto folio, quod paulo infra florem nascitur, denso mollique tomento comatum, circumcirca labri aut acetabuli instar caulem cingens, sibi quæ inferiore parte continuum, quod mox in lacinias numerosas tenuisq; finditur. Caulis summo fastigio flori sedet unicus, magnus, è sex foliis acuminatis compositus, purpurascens, foris hirsutus, intus glaber, levem sed suavem odorem aspirans. Medium obfide ex oblongo rotundum capitulum, fibris apicibusque luteis cinctum, postquam autem delapsus est

est flos, caulis supra folium supra dictum quintuplo aut altius excrescit, proque flore succedit comosum capitulum *staminum* holosericeorum mollitie, argentei splendoris; appenso unicoque stamini *semine* oblongo, tereti: delapsis porro caducis seminibus cum staminibus appensis caput relinquitur rotundum. *Radix* crassa, longa, nigra, in plura capita interdum divisa, superius ex reliquiis marcidorum foliorum comata, sapore nonnihil amarescente & tandem acrimonia linguam vellicante.

*Pulsatilla Danica* Park. major est vulgari nostrate tum radice & folio, tum etiam flore, qui colore est purpureo, hilariore minusque saturo, & culturae magis patiens, ut se saepius expertum scribit: nostras enim hortis non libenter affuescit.

Locus.  
Tempus.

In transmarinis montosis frequens oritur in Germania, Italia, Gallia. Floret Veris initio circa finem Martii seu Festum Paschatis, unde & nomen Anglicum: *Pasque-flower*.

- A. 2. *Pulsatilla flore clauso caeruleo* J. B. *flore minore* Ger. *minore nigricante* C. B. *Anglica purpurea* Park. parad.

Lobelius florem caeruleum perpetuo clausum huic plantae attribuit: Clusius iconem Lobelii adhibet titulo *Pulsatilla vulgaris saturatiore flore*, cui folium tenuius incisum *floremque* minorem, purpurei coloris adeo satiri ut niger videatur, ascribit. Clusius *Pulsatillam* nostram Anglicam vulgarem intelligere videtur; Nam alterum illud genus praecocius, crassius folio, ampliore flore diluoreque *Pulsatilla Danica* Parkinsoni respondet, cui & ipse *Danicam* suam eandem facit.

- \* 3. *Pulsatilla rubra* Ger. J. B. *flore rubro* Park. *flore rubro obtuso* C. B.

f. B.

Differt à vulgari, non solum floris colore, sed etiam forma foliorum, quae tenuius divisa, florum item foliis quae longiora & obtusa, cum in vulgari acuta sint.

Locus.

Ex Aleppo Syriæ urbe se habuisse Lobelius refert.

4. *Pulsatilla alba* J. B. *flore albo* Ger. C. B. Park.

f. B.

*Folius* est multo amplioribus quam reliquarum ulla, nec ita etiam minutim concisus, & ad Myrrhidis sylvestris foliorum divisuram quodammodo accedentibus, & nonnihil hirsutis. *Caulis*, qui cubito longior nonnunquam, medium circūgit confamilia quoque folia [terna]. Ceterum *flor*, qui summo cauli hæret unicus, lacteo est candore, quem villosum capitulum cristatumque consequitur, aliarum more. *Radix* item crassa. Planta est speciosa.

Locus.

In summis Juræ montosis jugis copiose oritur. Clusius in *Escher & Dürrenstein* Stiriae collibus jugis invenit, ubi Julio mense florescit. Difficulus curari posse tradit idem.

- \* 5. *Pulsatilla lutea* J. B. *lutea Alpina bispidia* C. B. *lutea prima Dalechampii* Lugd.

f. B.

*Palmaris* est planta, *radice* crassa, *foliis* caeruleis modo divisis, sed segmentis latioribus, valde hirsutis: *caulis* singularis unicum summo fastigio sustinens *florem*, colore luteo praeditum, foris hirsutum, intus glabrum, obsidente medium, apicem magno numero.

Commemorat (inquit J. Bauhinus) Lobel. in Adv. & Dodon. *Pulsatillam* luteam; qui an nostram intelligant ambigimus: siquidem eam à vulgari colore tantum distinguunt.

Locus.

In Rhætiæ monte Braulio florentem Julio reperit J. Bauhinus: Cherlerus sub finem Junii in monte Gothardi.

- \* 6. *Pulsatilla lutea Apii hortenſis folio* C. B. J. B. *secunda Dalechampii*.

Lugd.

*Radice* est tenuiore, brevior, minus atra, *foliis* hortenſi Apio similibus, paullo latioribus, hirsutis, radicem ambientibus, nullis in *caule*, dodrantali, lanuginoso, media sui parte villosa glomo pubescente, è quo prodit *flos* aurei coloris.

- \* 7. *Pulsatilla lutea Pastinacæ sylvestris folio* C. B. *lutea seu 3. Ger. emac. tertia Dalechampii* J. B. *Anemone sylvestris 3. Clus. Hist. Pulsatilla flore luteo* Park. par.

Lugd.

*Radice* est quam in superioribus graciliore, folio *Pastinacæ sylvestris*, apicibus in medio flore coacervatis luteis, quos in seminis conceptaculum tandem formatos spissa lanugo vestit.

*Pulsatilla lutea* secundum genus (inquit J. Bauhinus) vidi apud fratrem: Quod sit tertium nos latet: Icon nobis quidem inepta & falsa videtur.

Hanc Clusius ita describit: Ab radicis villosa capite multa germinant folia, *Pulsatilla* foliis penes familia, laciniata, & multis divisis secta, mollia, parte supina viridia, pronā autem paululum candicantia & valde hirsuta; inter quæ *caulis* emergit nudus, rotundus, lanugine obsitus, circa summum sustinens foliola, è quibus prodibat vulgari *Pulsatilla* similis pediculus, cui infidebat unicus flos major, ut plurimum *Pulsatilla vulgaris* flore, sex foliis constans, quæ interiori parte valde flava erant, exteriori autem ob lanuginem dilutiora & pallentia: in hujus medicullio orbicularum



culatum caput eminebat, luteis staminibus cinctum, cui villosa cæsaries succedere videbatur: quam Augusto mense maturitatem consequi arbitrabatur Tobias Røelsius, qui in Alpij planis eam observabat, nusquam verò abundantius quàm circa pedem montis S. Bernardi, quàm Helvetios spectat.

\* 8. *Pulsatilla folio tenuius inciso & flore minore sive palustris* C. B.

C. B. prod.

*Folia* est ad radicem in tenuissima & angusta segmenta divisis, eorum pediculis hirsutis; inter quæ *caulis* pedalis, rotundus, rufescens, levi lanugine aspersus, cujus medium folia capillacea acuta cingunt, ipsiusque summo flos unus, villosus capitulo ex capillaceis foliis composito sustentatus infidet, qui vulgari longè minor, ex foliis sex acutis Violæ nigræ colore compositus, staminibus in medio hæret. Capitulum villosa cæsarie comosum & incanescens cum semine succedit.

In pratis udis & paludosis Michelfeldæ propè Basileam provenit; & in hortum translata cum *Locus* vulgari vegetior quidem fit, sed formam & colorem reservat.

\* 9. *Pulsatilla Apii folio vernalis, flore majore* C. B.

C. B. prod.

Ex radice nigra longiuscula *folia* plura, pediculis oblongis pilosis donata, crassa, dura, rigida, Apii foliorum instar in quinas lacinias, & hæ in alias divisæ, margine piloso, prodeunt: inter quæ *cauliculus* unciarum quatuor, nudus, at hirsutus, incanus exurgit, qui *florem* magnum, trium unciarum, longum, latumque, ex sex foliis compositum, multisque apicibus luteis, ut & duæ sequentes, donatum sustinet, qui colore variat, aliquando ex albo & subpurpureo aureus, aliquando intrinsecus albus, extrinsecus subpurpurascens, vernali tempore florens.

In sylvis circa Francofurtum ad Oderam.

*Locus.*

\* 10. *Pulsatilla Apii folio vernalis, flore minore* C. B.

C. B. prod.

Et hæc ex radice consimili *folia* crassa, pauca, oblongis pediculis donata, Apii instar, sed in tres tantum lacinias, ad umbilicum divisæ edit, quarum quilibet in alias binas ternasve lacinias, per marginem incisas secantur, & pilis vix conspicuis donantur; cauliculo villosissimo, uncias duas alto, *flu* priore media parte minor, & dilutè purpurascens infidet. Aprili, foliis plerumque carens, *floret*.

Locus idem qui priori.

*Locus.*

Has esse veras & genuinas Pulsatillæ species ex descriptionibus colligi & concludi nequit: contrarium nobis ob caulem nudum videtur; utcumque hic locum quem usurparunt, retinere permittimus, donec certius constiterit, quò referendæ sint.

\* 11. *Pulsatilla Apii folio Autumnalis* C. B.

C. B. prod.

Radice est longa, foris nigrâ intus candidâ: *foliis* ad radicem plurimis, Apii modo in tres tantum lacinias, & has in alias, divisis, glabris; inter quæ *cauliculus* triuncialis, albis pilis villosus, *florem* præcedente minorem, obsoleto coloris instar vulgaris, sustinens, qui ut & priorum flores, in *capitulum* hirsutum quod *semen* continet, abit.

Septembri mense florens in Lusatia reperitur.

Hæc etiam species ejusdem farinae est cum duabus præcedentibus, quæ si rectè describantur caule nudo ad hunc locum nostro judicio minimè pertinent: siquidem notâ Anemonarum characteristica carent, quæ est habere caulem non solum *novas*, sed & determinatè foliatum, ex unica tantum distinctione: hæc autem folia flori dum adhuc tenerior est calycis vicem supplent.

*Locus.*

\* 12. *Pulsatilla folio Anemones secundæ seu subrotundo* C. B.

C. B. prod.

Radix crassa, nigra, aliquot propagines quandoque fundit: ex quibus prodeunt *folia* pediculis oblongis, hirsutis donata, instar Anemones Bulbocastani radice, subrotunda, infernè & per marginem levi lanugine candicantia, semper in laciniis tres latas, & hæ in alias bifidas vel trifidas, minùs profundas secta: inter quæ *caulis* emergit pedalis, subhirsutus, infra medium angustis foliis (qualia & flori subpiciuntur) cinctus: *florem* subcæruleum, septem foliis donatum, & reliquorum more in pappum abeuntem sustinens.

Ex Lusatia accepit C. Bauhinus. Miror Bauhinum folia in hac specie qualia in medio caule flori etiam subjecta scribere, cum Pulsatillæ genuinæ flos calice careat, nec ulla ei subjiciantur folia. In tribus præcedentibus generibus nullorum meminit in caule foliorum, quæ sunt hujus generis notâ characteristica, omnibus in universum Anemones speciebus, quibus Pulsatillam accensemus, conveniens. An fortè iis careant, ac proinde hujus generis non sunt?

Flos proculdubio sex tantum petalis naturaliter donatus est, quod septem habeat accidentarium est & quodammodo monstrosum. Brèynius etiam non nisi sex ei attribuit.

*Pulsatilla*

*Pulsatilla polyanthes violacea Anemones folio Breynii, eadem præcedenti.*

*Breyn.*

Radice nititur nigra, crassa, non admodum profundâ, inferius in plures tenues ramos & fibras, superius in multa capita diffusâ: quæ novo Vere statim post solutas nives, imò nonnunquam sub illis caules multos sesquipalmâres & dodrantales, rotundos, inanes, albis tenerisque pilis plantæ hirsutos emittit: horum quivis paululùm ultra medietatem coronulâ in lacinias plurimas dissectâ, extrinsecus perquam villosâ, intrinsecus glabrâ & venulis striatâ cingitur; in extremitate florem Pulsatillæ vulgaris quidem formâ & hirsutæ æmulam, sed longè ampliorem; è foliis sex latis, exte-  
leis vel violaceis compositum gerens spectabilem, odoris dulcis; cupus medium globus ex donis ca-  
pitula lutea gestantibus constipatus staminibus, occupat: Huius è centro capillamenta rursus densa  
& mollia, in cuspidè, vel penicilli in morem conjuncta prorumpunt, sensim decedente flore al-  
tius sese ac latius, in globo villosâ cesariæ comoso & incanescente, expandentia; ac in cuiusque  
infima cesariæ parte semen exiguum, longiusculum parvo in pericarpio villoso complectentia. Fo-  
lia præterlapso floris tempore primum se conspicienda offerunt *Anemones hortensis latifolia simplicis*  
flore 3. Clus. latioribus foliis proxima, longis pediculis hirsutis suffulta in lacinias tres primarias ad  
pediculum usque divisa, & hæc in alias bifidas vel trifidas minùs profundas, quarum unaquæque ite-  
rum in anteriore parte dissecta: hæc folia justam consecuta perfectionem venosa, dura, rigida &  
præcipuè subtus sunt hirsuta.

*Locus.*

Asperis sterilibus & incultis Borussia ac Cassubia gaudet locis, ericetis sylvarumque marginibus.  
Variat floribus candidissimis, & interdum pulchrè rubentibus.

Hanc præcedenti eandem esse suspicatur Breynius, & meritò, nam proculdubio eadem est.

Offendit nobis D. Hansius Sloane Pulsatillæ cujusdam à D. Magnol inventæ quinque circiter leu-  
cis à Monspelio, & in hortum suum translata caulem cum flore exsiccatum; quam Pulsatillam  
polyanthen Breynii esse conjectabatur. Radix Pulsatillæ vulgaris similis: Florendi tempore & foliis  
postnatis cum ea convenit. Caulis elatior est, valdè hirsutus coronulâ foliorum variè dissectorum,  
lanugine alba, longa pubescentium in medio cinctus.

\* 13. *Pulsatilla flore obsoleto, caule nudo Breynii.*

*Breyn.*

Radice ac foliis Pulsatillæ vulgaris flore obsoleto per similes; præter caules, qui nudi plantæ, nec  
ulla redimiti coronulâ, cujus summo contra flos multo major, magisque patulus, è colossino obsole-  
tus, foliis octo constructus, ac innumeris crocos flavos gerentibus staminibus præditus, gloriose infi-  
debat. Huic plumosa congeries cum semine à præcedente nihil diversa tandem succedebat.

*Locus.*

Ex Cassubia montibus initio Maii ad Autorem descriptionis allata est hæc Pulsatillæ species, qua-  
lem nec antea nec post vidit.

Suspicio ego plantam fuisse monstrosam, & individualem, à congenerum norma abluentem;  
maximè quod nullam habuit in medio caule foliorum coronulam, qualem in omnibus quas vidimus  
huius generis plantis semper adesse observavimus; nisi fortè ad Caryophyllatas referenda sit.

*Vires.*

Ab Empiricis id compertum habet Brunfelsius, quòd Pulsatilla vulneraria sit herba. Quòd per  
Alembicum destillata aquam vulneribus mundificandis curandisque præstet utilissimam, quæ & pu-  
tridam carnem erodat. Cùm autem gustu sit acerrimo magis externis quàm internis partibus cor-  
poris adhiberi debet, ut rectè Tragus.

Matthiolus radicem subdulcem esse ait, unde non longè abest à temperato. Sunt qui eam maximè  
præferant contra pestilentia contagia, & pota venena & virulentorum animalium ictus, si cum vino  
bibatur drachmarum duarum pondere, quare in Antidotis additur. Tragus radicem siccatam ster-  
nutamenta ciere, crudam verò mansu pituitam elicere scribit, quæ arguunt eam procul abesse à  
temperie.



# HISTORIÆ PLANTARUM LIBER DECIMUS TERTIUS,

Herbas Pomiferas & Bacciferas complectens.

## PARS PRIMA.

### De Herbis Pomiferis.

**P**OMIFERAS voco quæ fructus plantarum omnium maximos produciunt [non omnes illarum species, sed aliquas] cortice crasso testos quo à Bacciferis distinguuntur, quarum fructus membranâ duntaxat tenui vestiuntur, flores nudos, monopetalos, margine quinque-partito, summo fructui insidentes.

### Herbæ Pomiferae sunt vel

*Capitatae*, pulpâ seu carne

*Dulci vel insipida*, semine

*Thyreoidæ*, duobus in summitate eminentibus angulis velut cornuto, flore albo; *CUCURBITA*.

*Ad margines æquali* absque eminentiis,

*Magno*, lato, rhomboide,

*Albo*, lineâ circa margines elatâ cincto, fructu maximo; *PEPO*.

*Nigro*, nulla in margine elatâ lineâ, in medulla fungosâ aut rubente pulpâ latitante; *CITRULLUS*, *Anguria*.

*Minore*, semine per maturitatem

*Albo*, angusto, oblongo, nucleo pineo nonnihil simili, fructu majore

*Æquali*, tuberculis non exasperato, molchum redolente, carne delicata; *MELON*.

*Tuberculis spinosis bullato*, carne magis insipidâ & aqueâ, feminibus pulpâ humidâ copiosâ contentis; *CUCUMIS*.

*Nigro* aut pullo, minore & brevior, fructu itidem minore

*Undique hispido*, Olivæ figurâ, qui per maturitatem à pediculo avulsus cum impetu semina ejaculatur, pulpa purgatrice; *CUCUMIS asininus*.

*Verrucosis tuberculis asperato*, minimo per maturitatem puniceo; *BALSAMINA mas seu cucumerina*.

*Amarâ*, pulpâ intus fungosâ levissimâ, semine parvo albo duro; *CYCLOCYNTHIS*.

*Capitis carens*, fructu clypeiformi; *CUCURBITA clypeata seu Melo-pepo clypeiformis*.

## CAP. I.

## De Cucurbita.

**C**ucurbitæ nomen hanc plantæ inditum existimat Scaliger à curvitate, geminata primâ, ut in *Cacula populus*. Mihi (inquit Vossius) non displicet Nunnesii opinio, qui censet corruptum esse ex *Colocyntha* ~~est peritum~~.

Notæ ejus characteristice sunt semen thyreoides, duobus in summitate eminentibus angulis velut cornutum, flos albus, cortex fructus durus & q. lignosus.

Amant Cucurbitæ mirum in modum aquas, nam si propè in patens vasculum aqua subiciatur à quinque vel sex digitorum intervallo ante posterum diem adrepentes cognoscuntur descendisse. *Matth.*

Sine semine nascuntur si per triduum antea spargenda semina oleo Sefamino macerentur.

Mulieres menstruas vel solo aspectu tenellas enecant cucurbitas. Horum fides sit penes Autorem, nobis neutiquam probantur.

Cucurbitarum semina quæ proxima collo fuerint proceras pariunt, quæ in medio rotundas, quæ in lateribus crassas brevioresque, quæ in fundo latas, si Veteribus credimus.

Siquis in Cucurbitam crudam excavatam infusum vinum per noctem sub dio exponat, & temperatum jejunos bibat, leviter alvum molliat, ut habet Dioscorides, & confirmat Tragus.

Cæterum Zucca nomen italicum quo Cucurbitam vocant, à Græco *Zinda* deductum videtur.

1. *Cucurbita longa*, folio molli, flore albo J. B. ~~oblata~~, flore albo, folio molli C. B. *longa* Park. *anguina* Ger. *The long Gourb.*

*J. B.* Viticulas digitali crassitudine, angulosas, orgyias aliquot longas à radice tenera candida, in multis tenues partes distracta emittit, quæ per terram sparguntur, alioqui pergulas & perticas capreolorum opè scandunt. Folia rotunda pedem aut sesquipedem lata [in fecundo, aprico & humido solo] molli lanugine tomentosa, crenis subinde nonnullis per ambitum incisa, ex pediculo tereti, oblongo, concavo. Flores nivei candoris, liliacei, quinquepartiti, intus villosi, exterius brevioris pilo obtiti. Fructus delapso flore in insignem adolescit magnitudinem, pedes quinque aut sex longus, cervicæ crassa, in ventrem modicè turgescens, qui siquid quod resistat offendat, curvatur. Cortex recentis tener, herbaceus, adulto durus, flavescens; medullâ albâ insipidâ, modicè fungosâ. Semina uncialis longitudinis ferè, longa, plana, compressa, una parte lata, duobus angulis conspicua, inferni quæ germinare solent, plures angulos habentia, & sub tunica duriuscula, alba, medullam includentia albam, dulcem, esui gratam.

Accuratissimam omnium hujus plantæ partium descriptionem vide apud J. Bauhinum à Cordo descriptam.

2. *Cucurbita latior*, folio molli, flore albo J. B. *major sessilis*, flore albo C. B. *lagenaria* Ger. *major* Park.

Dodonæus hanc describit latiore, ventricosam & crassam, absque collo, & inferiore siccior latior, pyri turbinatam figuram quodammodo referentem.

3. *Cucurbita lagenaria* J. B. *lagenaria sylvestris* Ger. *lagenaria*, flore albo, folio molli C. B. *lagenaria minor* Park.

*J. B.*

Non variat foliis & flore à longa prius descripta, verum fructu plurimum differt, collo angusto, ventrique crasso lagenas & phialas representans. Semina potius magis fusca esse quam longiorum.

Lagenariæ has observavimus differentias.

1. Lagenaria mediocris magnitudinis, longiusculam valde virentem, maculis luteis conspersam. Hæc saccharo conditur.
2. Minorem, maculis albidis insignem.
3. Magnam, longo collo constantem, virentem, maculis luteis notatam.
4. Collo multo longiore, colore pallido, albisque maculis ornatam.
5. Mediam inter longam & lagenariam, corpore crasso, rotundo, magnitudinis circiter capiti collo tenui, cubitum parè longo.
6. Vulgatiorem majorem luteam, albedine conspersam.

Alias Cucurbitarum seu species, seu varietates tradit, & describit J. Bauhinus, quarum titulos hic proponemus.

1. *Cucurbita longa*, flore albo, protuberante ventre.
2. *Cucurbita lutea* cortice tenero. Hæc ad aliud genus, *Peponum* puta, pertinet.
3. *Cucurbita ovalis* ferè, variegata parva.
4. *Cucurbita pilâ palmariâ* non multo major, rotunda.



4. *Cucurbita capitata Tabernamontani, sive clypeiformis* J. B. *syvestris fungiformis* Ger. *capitata* C. B.

A precedenti [ *Cucurbita vulgari* ] differt *foliis* in lacinias aliquot sectis Vitis instar; fructu sub-  
 rotundo, superius depresso, fungiformi, subtus concavo ( ni pictura fallat ) cum ea convenit foliis  
 mollibus, lanuginosis, floris colore niveo. Si modo rectè descripta sit, ad hoc genus propriè per-  
 tinet.

*Cucurbita* sitim sedat, urinam ciet & ventrem movet, semen genitale minuit, & Veneris appe-  
 tentiam extinguit.

In cibis usurpatur hoc modo preparatus. Interiorem & candidam substantiam una cum mollibus  
 & immaturis seminibus bulliunt, posteaque minutim concisa, cum cepa, butyro & sale coquunt.  
 Hic cibus cum Brassica capitata confissa & cocta ferè convenit, macilentisque hominibus prodest.  
 Itali in frusta concisas, in jure decoquunt. Boni saporis, & succi laudabilis, & febricitantibus etiam  
 convenire hoc modo paratæ nobis visæ sunt, frigefaciunt enim & emolliunt.

*Cucurbita* convenit viribus cum Cucumere, tam in qualitatibus carnis quàm in seminis faculta-  
 tibus. Folia recentia puerperarum mammis adhibita, monente Matthiolo lac imminuunt.

Semen recensetur in numero 4 frigidorum majorum.

Aqua stillatitia è fructu immaturo fert opem omnibus inflammationibus externis, oculorum, au-  
 rium, podagricis: intrinsecis quoque mirabiliter æstum corporis mitigat. *Schrod.*

Ad faciei ruborem, & Nucleorum Perficarum ʒiij. Sem. Cucurbit. ʒij. Ex his fiat oleum per  
 expressionem, quo facies liniatur. Experimento probatum ait Alexis Pedemontanus. *D. Hulse &  
 Chesman.*

5. *Cucurbita Brasiliensis* Curuba dicta Marggrav.

*Margg.*

Caulis sarmentosus est, humi repens aut scandens Cucurbitarum modo, ac capreolis suis vicinis  
 arboribus aut pedamentis se annectens. *Folia* hinc inde Cucumerum modo ad semipedalia inter-  
 valla apposita habet, singula suis pediculis tres aut quatuor digitos longis, insidentia, in lacinias divisa,  
 inferius hirsuta, uti & caulis & pediculus, albicantia, superne viridia & glabra, splendentia, circi-  
 nata, septangula aut octangula, sex aut septem digitos longa, & totidem lata aut paulò latiora. In-  
 ter folia in propriis pediculis nascuntur flores. Floris autem rudimentum est corpusculum coni-  
 cum, ex viridi subflavum, in quinque foliola ex viridi flavescentia, deorsumque incurvata desinens.  
 Ex hoc corpusculo prodit *flos* magnus, crassis foliis, exterius glabris, interius hirsutis, dilute flavus,  
 & exterius lineis seu striis virescentibus secundum longitudinem distinctus; plusquam semidigitum  
 altus, unico folio constans, verum ultra medietatem in quinque lacinias secto, ellipticæ superius fi-  
 gure; in medio corpus rotundum flavi coloris, magnitudine Avellanæ, quod speciem præbet inte-  
 rinorum vituli, constâtque tribus partibus separabilibus. Fructus longus est circiter quindecim di-  
 gitos, undecim crassus, cortice glabro ut Pepo, ex rubro purpureus. Caro seu pulpa ad flavedinem  
 accedit, odoris dulcacidi instar Pyrorum agrestium, saporis ingrati, ideo non comeditur. *Semen*  
 continet copiosum, figurâ & magnitudine Cucurbitæ feminis, sed quod exterius in superficie suâ  
 fusco est punctulatum in obscurè flavo.

C A P. II.

De Pepone.

Pepone dictum volunt sed rē minus dū maturefcere, eò quòd maturitate flavescant C. B.  
 Pepo à reliquis pomiferis distinguitur totius plantæ foliorum, florum, fructuum magnitu-  
 dine, sed præcipue semine rhomboide lineâ circa margines elatâ cincto.

1. *Pepo vulgaris. Cucurbita foliis asperis sive Zuccha flore luteo* J. B. *Cucurbita major rotunda,*  
*flore luteo, folio aspero* C. B. *The common Pumpion, called by the vulgar, The*  
*Melton.*

J. B.

Flagellis sarmentisve longissimis, canaliculatis, modicè concavis, crassitudine pollicari, asperis, latè  
 vagantur, & perticas, figuas naeta est, capreolorum innixu & voluminibus scandit. *Folia* larga, Cu-  
 curbitæ flore albo longe majora firmioraque, ficulneis lacinis, aspera, atro virore splendentia, & per  
 ambitum serrata, ex pediculis dodrantalibus, solidis, modicè canaliculatis & spinulis horrentibus.  
 Flores nonnihil odorati, fundo acetabuli instar, in quinque folia Liliacis majora dissecantur, intus  
 crocea & lanuginosa, foris ex croceo in herbaceam tendentia, costisque & venulis eminentioribus  
 herbis rugosa, brevissimis pilis donata: medium florem occupant quæ aliarum plantarum apici-  
 bus respondent, crocea, bifiduci animalis pedem exprimentia. *Fructus* & formâ & magnitudine &  
 colore subinde variant. Est enim vel longus, vel compressus, vel globosus, vel pyramidalis, cortice  
 duro & velut lignoso, colore viridi, aut in viridi subnigro, notis albis maculoso, vel striato, carne  
 munda, albâ, subdulci, non usque adeò insipida ut in Cucurbitis flore albo: semine cineraceo [ po-  
 tius

tius albo] magno, oblongo, altera parte anguloso, altera obtuso, juxta cujus margines circumcircum lineam alata costae instar, pulpa candida, dulci & suavi.

Varia hujus genera sunt, magnitudine, facie & colore differentia. Multa recenset J. Bauhinus quae specie inter se differre mihi vix persuaserit: cujusmodi sunt

1. Cucurbita aspero folio, flore luteo, fructu semiarctus in morem intorto.
2. Cucurbita verrucosa C. B. Ger. Park. quae non alia in re à precedentibus differt, quam fructu verrucarum modo nodis plurimis tuberoso.
3. Cucurbita sessilis, flavescent, folio aspero.
4. Cucurbita sessilis, albicans, folio aspero.
5. Cucurbita medio crocea.
6. Cucurbita aspera mediae magnitudinis, turbinata, variegati coloris.
7. Cucurbita turbinata majores.
8. Cucurbita aspera, pyriformis, parva, alba. Hanc foliis laciniatis describit: fructu alba, polito, quinque aut sex uncias longo, superius angusto, infra ventrioso, quem manu complecti possis.
9. Cucurbita aspera minima turbinata pallida.
10. Cucurbita aspera turbinata, subcrocea.
11. Cucurbita aspera ovalis, flavo colore.
12. Cucurbita aspera pugillaris, ex rotundo oblonga.
13. Cucurbita aspera minuta sphaerica, crocea, variegata. An Pepo rotundus Melonis effige?
14. Cucurbita alba aspera, fructu longo collo.
15. Cucurbita lagenam exprimens parva aspera.
16. Cucurbita alba verrucosa.
17. Cucurbita verrucosa parva.

Harum descriptiones si desideras J. Bauhini historiam adeas: nos eas huc transcribere non necessarium duximus: siquidem (ut nobis videtur) naturam in Peponum, Melonum, Cucurbitarum, aliarumque hoc genus stirpium magnitudine, figura, colore, aliisque accidentibus, infinita ferè varietate ludat, neque certus sit & determinatus accidentalium hujusmodi differentiarum numerus, sed novae indies ex semine producantur: ut in aliis nonnullis plantarum generibus, v. g. Tulipis, Caryophyllis, Anemonis, Auriculis Ursi dictis, &c. contingit. Nec tamen huic sententiae pertinaciter adhaeremus. Fortè enim in hoc genere, ut in Medicis cochleatis, Natura ingentem specierum numerum in regionibus calidioribus producit, quae in se invicem, non permutantur, sed semine satè suam singulae speciem perpetuo servant.

Vires.

Est, inquit Dodonaeus, omnium Peponum natura frigida cum copiosa humiditate: habent autem vim quandam abstergendi, cujus beneficio urinam cient, & deorsum expeditius quam Cucurbitae aut Meloepones permeant, ut Galenus scriptum reliquit. Editur autem caro Peponum haudquaquam cruda, sed cocta: Descendit autem sic omnino facilius, alvum facilem & quodammodo lubricum reddens. Alimentum autem confert exiguum, tenue, humidum frigidumque (vinosum inquit Galenus) idque potissimum cum probè concocta non fuerit: quo casu Cholerae morbo obnoxios efficere solet.

Nostrates pulpam in frustra concisam vel in jurè carniū decoquunt, vel in lacte, atque ita vel cum ipso lacte, vel exempta & cum butyro condita seorsim esitant. Alii exemptis seminibus & humidam interiorem pulpam, pomis concisis cavum replent, & operculo testos in furno coquunt, adeoque pulpam cum pomis mistam & probè subactam, butyroque conditam libenter comedunt: vulgus etiam in deliciis habet.

Semina sunt è numero quatuor frigidorum majorum: eorumque usus est in emulsionibus ad temperandum febrilem calorem. Urinas promovent & renibus calculo infestatis utilia sunt. Videntur autem renibus prodesse non tam absterfione quam lenitione, ex sententia Casp. Hofmanni. quam praestat, inquit, unctuositas eorum. Haec ipsa faciunt opus suum in tussi calida & acri, in emolcerationibus & inflammationibus internis; quamvis in his suspecta sit oleositas.

\* 2. *Cucumis, rectius Pepo, Aegyptius reticulatus seu Luffa Arabum* Vesslingii.

Vessling.

Folius induitur hispidis, fuscam viriditatem pallore hinc inde diluentibus, divisuris inequalibus profundius laciniatis, Bryoniae vel potius Balsaminiae maris folia aemulantibus. Florem educat amplum, specie venustum, languidam flavedinem striatim inducto aureo pigmento largius circum oras saturante. Idem stamina capaci sinu plurima submittit, quibus appendices [forte apices] grandifolios flavescentesque connectit. Ceterum instructa numerosis capreolis planta, quaquaversum repatabunda, proxima quaque cincinnis suis implicat. Fructum promit semipedalem ab angusto collo paulatim laxius tumente ventre gravidatum, superficie modo laevior, modò tuberculis passim verrucosior. Cortice velatur tenui, ex obscuro virore pro maturitatis gradu plus minusve flavescente. Eam vel nulli, vel tenues saltem excavant sulci: in longitudinem tamen atris lineis eleganter inscriptus, à colli principio ad umbilicum tanquam centrum suum commeantibus. Cum fructus bene maturus, cortice remoto innumera in conspectum veniunt albicantia filamenta, succolore medulla stipata, miro adeo ordine contexta omnia, ut planè fateri necessum sit, non esse hoc rursus & tumultuarium opus, sed quod egregius artifex cogitaverit prius quam fecit. Idque evidentissimum evadit, cum tabefacta jam pulpa simplicem plexum inspicit. Sinum plexus hic triplicem format in longitudinem, in quo semina copiosa, candida, cortice nonnihil inaequalia, lactescentia verò medulla Melonum aemula junctim asservantur.

In horto Arabis cujusdam propè Cairum urbem crescentem vidit Vessling. qui Luffam appellabat: Vesslingius ipse ob plexum mirabilem quo semina inclusa circumdat Cucumerem Aegyptium reticulatum nuncupavit. Morisonus noster rectius ob semina elatiore limbo circumdata Peponibus vulgò dictis annuerandam censet.

Arabis



Arabs prædictus, in balneis publicis, dempto cum semine cortice, plexum filamentorum succo suo madidum tergendis corporibus adhiberi confirmabat, quorum cutem morphæa scædæque vitiligines infederunt, malum Ægyptio vulgo familiare.

- 3. *Pepo Indicus minor angulosus* Tabern. J. B. *Pepo minor angulosus* C. B. *Indicus angulosus* Ger.

J. B.

Hujus fructus utrinque tuberosus & extumescens, latus est uncias quinque & quatuor ferè longus; petiolum habet inflexum exasperatum & quinquangulum, striis per longitudinem aliquot sulcatum, regio amplior (cujus medio infixus hæret petiolus) multis costis, modò majoribus, quasque geminis, modò minoribus, sinumque aliquem latum inter majorum interstitia relinquentibus inæqualior quidem, non tamen aspera reddita est; costæ ipsius majores plurimæque à medio petioli centro deflectentes, versùsque ventrem excurrentes undique prominent, altera verò parte, quæ floris regionem spectat, iisdem quoque sulcis à costis latioribus inculcatis, & zonæ instar transversim Cucurbitam amplectentibus donata est, sed in eo distat à priori regione pediculum respicientè, quòd hæc tuberosa cum sit, non tamen in fastigium ità strictum confluat, sed latius, ut aliquo modo sessilis inibi evadat, circa verò ventris extuberantiam depressionem fortitur, quæ in altera regione ipsi adjacentè minimè conspicienda exhibetur, quia rectà ad pediculi culmen usque fastigiatur.

De hac se nihil habere certi & notatu digni scribit J. Bauhinus, suspicari tamen se ex icone & nomine esse eam genus aliquod Cucurbitæ folio aspero, dubitare etià an bene hic posuerit.

- 4. *Pepo Brasiliensis furumu dictus*, Lusitanis *Bobora* Marggr.

Marggr.

Folia fert ferè similia nostratibus Peponibus, & florem quoque flavum quinque foliis constantem [potius monopetalon margine in quinque lacinias secto.] Fructus magnus est, orbicularis, compressus, striatus, coloris exterius cinnabarii cum plurimo albo mixti, interius autem crocei: Semen album quale nostratibus. Boni saporis est fructus coctus seu etià assatus sub cineribus.

- 5. *Melones* (rectius *Pepones*) *aquatici edules Virginiani* Ger. emac.

Ger. emac.

Sarmentis five flagellis in longum excurrentibus & latè se diffundentibus, foliis, floribus & claviculis Peponi vulgari perfimilis est & æqualis hæc planta. Fructus ex obscuro viridi nigricat, in longum quatuor propemodum uncias extenditur, in latum tres, neque major neque longior Malo vulgari majusculo; secundum caules è foliorum sinibus à radice ad summos usque ramulos exiens, carne, pulpâ interiore & seminibus planis vulgaris Peponis. Radix albicans ramulis longè se diffundit in terra, & primis statim pruinis corrumpitur.

Descriptio est D. Goodyeri apud Ger. emac. à nobis Latina facta.

- 6. *Macocks Virginiani* five *Pepo Virginianus* Ger. emac. *Pepo Virginianus* C. B. *The Virginian Macock*, or *Pumpion*.

Ger. emac.

E radice alba in ramos latè se spargentes divisâ, ad primum brumæ accessum intereunte, sarmenta fundit aspera, angulosa, striata, humi procidua, octo aut novem pedum, & etià longiora, in ramos divisâ, colore ex viridi nigricante, latè solum occupantia. Folia lata, angulosa, aspera Peponis vulgaris magnitudine æqualia, & similia, crassis, longis, hirsutis pilosis pediculis insident: claviculis donatur. Flores ampli, flavi, rugosi, Peponis vulgaris similes: quibus secundum caules succedit fructus, non propè radicem, sed versùs summitates plerumque, subrotundi, non in longum extensi sed compressi, longitudine tres uncias latitudine quatuor raro excedentes, colore per maturitatem ex viridi nigricante. Caro interior seu pulpâ esculenta ex luteo albicat, copiosam substantiam mollem in medio continens seminibus multis seriatim dispositis intermixtis, Peponis seminibus similibus, sed minoribus.

Descriptio est D. Joan. Goodyeri. Vid. Ger. emac. à nobis in Latinum versa.

Nos hoc anno [1685.] Peponem habuimus è semine Macoci Virginiani nomine misso ortam, quæ sarmentis foliis & floribus Peponem vulgarem adeò referebat, ut vix ovum ovo similis esset. Verum fructus paulò minor erat, colore undique flavicante seu pallido, figurâ oblongâ, utrinque turbinata.

Fortè plura sunt hujusmodi Peponum genera apud Virginianos, quæ omnia communi Macoci nomine insigniunt.

*Peponis species seu differentias sequentes recenset C. Bauhinus.*

1. *Pepo oblongus* C. B. *maximus oblongus* Ger.
2. *Pepo compressus minor* C. B. *minor sylvest.* Ger.
3. *Pepo rotundus* *Melonis effigie* C. B. *Indicus minor rotundus* Ger. *Melo Indicus parvus* Park.
4. *Pepo rotundus* *Aruntii formâ* C. B.

7. *Pepo maximus Indicus compressus* Lob. *Pepo compressus major* C. B. *Cucurbita aspera*, folio non fisso, fructu maximo, albo, sessili J. B. *Pepo* Park. parad.

Fructus magnus, qui interdum pondere ad triginta libras accedit, albus, utrinque sessilis, costis eminentibus & latis distinctus. Folia licet sint aspera admodum, differunt tamen ab aliis, quod non sunt laciniata & fissâ, sed rotunda, ferè ad folia Bardanæ accedentia.

Hic, autore C. Bauhino, corticis colore & substantiâ variat; qui enim albido est colore substantiâ est molliore, qui obscure virenti duriore.

8. *Pepo lagenarius folio molli, fructu virgato.*

Folia ei ampla, Peponis familia, verum mollia & minimè aspera. Flores magnitudine & colore flavo Peponis flores referunt. Fructus Cucurbitam lagenariam majorem, æmulantur collo oblongo angusto, ventre tumido & subrotundo, areolis pulchrè viridibus & albescentibus secundum longitudinem ductis eleganter depicti.

Ex semine ab ornatissimo Viro D. Hansf. Sloane transmissio, præteritâ æstate in hortulo nostro succrevit. Locus natalis nobis incognitus.

### C A P. III.

#### De Colocynthide.

**P**robabilem hujus vocis Colocynthis rationem apud Grammaticos non invenio: nam conjecturæ Martini quod ita dicatur, quod sit *κόλον κυνών* esca seu *cibus canum*, vel quod *κόλον κύν*, alvum movet mihi non arrident.

1. *Colocynthis* Ger. J. B. *Colocynthis vulgaris* Park. fructu rotundo minor C. B. *Coloquin-tida*.

C. B.

Notiora Officinis poma hujus quàm herba, quæ per terram sparsa, striatis, asperis flagellis, folia per intervalla profert singularia, pediculis duarum triumve unciarum, vel etiam longioribus hærentia, aspera, incana & hirsuta, præsertim verò parte inferiore, punctis albicantibus notata, laciniata, Citrulli divisurâ, sed minore, ad quorum pediculos exeunt tortiles capreoli, & ipsi quoque hirsuti: flores luteoli; poma pugno aequalia Lob. subflava, virentia, virolaque: deferuntur exempto cortice flavescente: pulpa candida, fungosa, levissima, amarissima, horrendo & ingenter amaro gustu fauces, viscera, intestinâque lædens, cui immersa semina [sex ordines seminum] parva, compressa, dura, polita, alba, vel rufescentis, vel, ut Dod. sordentis coloris, [Cucumerinorum magnitudine, verum rotundiora, tumidiora, duriora Park.]

2. *Cucurbita sive Colocynthis amara, pyriformis, variegata* J. B. *Col. pyriformis seu Pepo amarus* C. B. *Col. pyriformis* Ger. Park.

J. B.

Longius paulò à Colocynthidis, quàm Officinarum usus recepit, formâ recessit, præsertim foliis: sarmentis longissimis, asperis, canaliculatis, claviculæ beneficio ridicas topiarias conscendentibus: folia Cucumeris, magis laciniato, atrovirente superius & molliore, inferius herbido & aspero: floribus Peponis, croceis: Fructus succedunt pugillares, formâ pyri turbinatâ, viridantes, lirisque albicantibus virgati, confimilibus quoque notis temerè maculosi: carne candida, odoris gravis dum virent, saporis amari intolerabilis, cui semen emergitur copiosum, compressum, candidum, Peponis.

Præter descriptas alias aliquot Colocynthidis sive Peponis amari species proponit & describit J. Bauhinus.

1. *Cucurbita aspero folio, amara, grandis, oblonga, viridis.* Hæc, quod imprimis memorabile est, (si Cordo describenti fides) à geniculis radices in terram demittit tenues, quibus nutriendo fructus succurrit. *Colocynthis oblonga* C. B. Park.

2. *Cucurbita aspero folio, amara, grandis, rotunda, viridis.* A præcedenti duobus tantum differt,

1. Foliis in quinque partes divis. 2. Fructu minore globoso.

3. *Cucurbita aspero folio amara, turbinata, flava, candicantibus lineis inscripta, parva.* Fructus quatuor seminum ordines continet: ipse autem pyriformis est.

4. *Cucurbita oblonga, non angulosa, colore viridi, amara, folio aspero.*

5. *Cucurbita amara magna, folio aspero, colore vario.*

6. *Cucurbita aspera amara, fructu parvo, globoso, colore vario.*

7. *Cucurbita amara parva, mediocris magnitudinis.*

8. *Cucurbita sessilis & compressa, flava, amara.* Accedit ad Melopeponem clypeatum, fructus autem non est fimbriatus.

Vires.

Colocynthis est medicamentum virosum, & tantum non mors ipsa, ut Prophetarum filii clamant: 2. Reg. 4. inquit Casp. Hofman. Non tantum enim *ἀνισχυαίον* est, sed abrasis intestinis dysenterias



ferentia facit. Violentiam ipsius vel hoc indicat, quod solo tactu & odore, abunde & cum magna perturbatione alvum dejicit; quod experiuntur qui eam pinguent aut alioqui tractant. Non tantum enim validissime concutit totius corporis habitum, sed exagitat vi sua malefica omnia viscera, quantumvis diligenter præparetur & corrigatur. Diligentia inprimis illa est, ne detur nisi in malis pertinacissimis, & viribus adhuc integris.

Purgat pituitam crassam & glutinosam aliisque humores similes è profundis & remotissimis corporis partibus: ut cerebro, nervis, articulis, pulmonibus. Unde commendatur & cum fructu exhibetur in cephalalgia, hemicrania inveterata, apoplexia, epilepsia, vertigine, asthma, tussi, dyspnœa, morbis articularibus frigidis, dolore colico flatulento, hydrope, &c. ubi, inquit Hofmannus, malo nodo malus cuneus quaerendus est.

In his tamen malis, pergit idem, non subito oportet provolare ad Colocynthis substantiam per os dandam. Quæ enim in imo ventre sunt, in iis ferè sufficit inunctio umbilici partiumque vicinarum. Ubi verò inunctio præstat quod debet, clysteres defectum suppleant. Posthæc antequam substantia detur, infusa vel decocta præsto sunt. Tandem substantia, sed bene correctæ. Ea verò valde operosa est. Prima & potissima consistit in exactissima pulverisatione. Nisi id fiat, partes quædam substantiæ intestinis hærentes, & vasorum ora arrodentes, instar hirudinis sanguinem trahunt. Altera correctio est per pingua & lubricantia, quæ obtundunt acrimoniam ipsius, ut *tragacantha*, *masliche*, *Bellium*; sed nec lubricantia tantum verum & cordialia, & hepatica & stomachica, adhibenda sunt.

Semen Lobelio constat non tantâ violentiâ ad purgandum quàm caro ipsa sive medulla. Dedimus namque (inquit) multo majorem dosin, quàm medulla, majore commodo, nullo aut longè minori tumultu.

## CAP. IV.

## De Anguria sive Citrullo.

**A**nguria Græcorum recentiorum vocabulum est, eo primùm Aetium usum esse volunt; rationem nominis non invenio: Aliàs Citrullus à Citri luteo colore dicitur.

Ejus notæ sunt semina Peponum similia, nullâ in margine elatâ lineâ, in carne media seu pulpa rubentè latitantia, colore nigricante; Fructus magnus Peponum non dissimilis.

1. *Anguria Citrullus dicta* C. B. *Citrullus folio Colocynthis secto, semine nigro, Quibusdam Anguria* J. B. *Citrullus Officinarius* Ger. *Anguria sive Citrullus vulgarior* Park. **Citrullus.**

J. B.

Spargit per terram *sarmenta* fragilia, hirsuta, foliis vestita amplis, in profundas lacinias dissectis, aspersis & hirtis, è quorum sinu exeunt capreoli, necnon pediculi, flores sustinentes luteos, quos fructus excipiunt magni & rotundi, quos ferè ambabus manibus ambias: Cortex duriusculus sed lævis, nullis tuberculis inæqualis, atroviridior, dilutissime virentibus maculis perfusus: caro Cucumeris vulgaris, alba, firma, grati saporis: Semen fungosâ medullam occupante substantiâ immergitur, oblongum, latum, compressum, nigrum, rugosum, duriusculo cortice præditum, sub quo medulla alba, elui grata ut Cucurbitarum.

Corticis colore variat, qui aliis viret, aliis subcandidis maculis aspersus est: Caro aliis rubens & dulciior, aliis candida: Semina colore nigro, rubro, fulvo.

2. *Melo aquaticus, Jace Brasiliensibus* Marggr. *Citrullo affinis Melo Indicus sive Patbeca* J. B. *Melo Indicus fructu oblongo* C. B. **The Water-Melon.**

Marggr.

Caulis habet sarmentosum, hirsutum, humi serpentem, & multis capreolis vicinis adminiculis se affigentem. Folia profundè laciniata & incisa, longa, striata, Anguriæ Matthioli ferè similia, quodlibet infidet pediculo sesquidigitum ferè longo, & caule humo affixa erecta stant folia. Flos parvus, flavus, pentapetalos, umbilico flavo. Fructus rotundus seu globosus, vel etiam ellipticus, cortice viridi, magnitudine capitis humani, aut paulò major vel minor, carnem habens albam & in medio rubram (nimirum ubi semina jacent) seu sanguineam, succulentissimam, boni saporis: tantum autem copiam aquæ dulcis frigida, ut inter edendum tanquam è poculo hauriri possit. Semina continet multa cucurbitarum magnitudine & figurâ [simò Peponum non cucurbitarum figurâ, nisi latè Cucurbitæ nomen sumat pro Peponem] in quibusdam coracini, in aliis rufi coloris, quæ inter frigida majora usurpantur.

Amat solum sterile & arenosum, sed si arenâ fimo mixta teratur felicissime provenit & fructus Locm.

Fructus hi sunt quos in plateis urbium Italicarum venales circumferunt æstivo tempore, Cucumere & Fredo proclamantes. Pulpa rubente circa semina & seminibus eidem immixtis pleni sunt, nullâ in medio fungosâ substantiâ aut cavitate reliquâ.

Quære an Melones aquatici edules Virginiani Ger. *emac.* à D. Goodyero descripti, superius tractatis Melonibus sarmentosis latè diffusis, foliis, floribus, claviculis Peponi vulgari similibus & æqualibus, verum fructu Pomum grandiusculum magnitudine non excedente, pulpam & semina compressa Peponis

Vires.

Peponis familia continente, huic iidem sint, fructu ob climatis nostri frigiditatem in magnitudinem non proficiente.

Anguriæ fructus, (inquit Matthiolus) frigidus est & humidus, siti arcendæ aptissimus. Quo fit ut Itali, ardente Sirio, ejus pulpâ internâ se refocillent. Confert ardentibus febribus & linguæ ariditati quàm maximè. [Species illa quâ Itali æstivo tempore utuntur, cuiusq; etiam febri- tantibus permittunt, est Melo aquaticus dicta: Qu. an hæc, an diversa species sit quam in Ægypto in tantam excrescere magnitudinem aiunt ut unus requirat unum hominem. Ad quas certis Cypri locis sedet venditor, qui prætereuntibus ex cochleari præbet succum.]

Anguriæ usus illis convenit qui tenuis & imbecillis sunt temperamenti, macri & exangues; quibus acidæ potiones non conveniunt quæ maciem magis augment.

Semen Citrulli est è numero quatuor frigidorum majorum, cum quibus temperamento & viribus omnino convenit, ut eadem repetere non sit opus.

Citrulo vel Meloni Indico accedens Camolanga, J. B. adeò breviter & obscurè describitur ab iis qui de illo scripserunt, ut nihil certi & distincti quo innotescat inde colligere possimus.

### 3. Anguria carne lignosa C. B. Park.

Cæs.

Carne est intus lignosa, atque adeò dura ut pilæ modo resiliat, nec frangatur projecta.

### 4. Anguria Ægyptiaca C. B. Park. cujus superius meminimus.

Fructus hi nostratibus Anguriis majores sunt: Inveniuntur tantæ magnitudinis, autore Bellonio, ut tres quatuorve Camelo, unus homini onerando sufficiat, cortice flaviore, quæ intus semina tantum & aquam dulcissimam continent. *Alpin.*

### 5. Meminit insuper Parkinsonus noster alterius speciei, quam Anguriam Americanam vericorellæ vocat, quæ à Citrullo vulgari differt colore viridi maculis & lituris albis variegato; pulpa seu carne interna nonnihil firmiore & durabiliore; semine deniq; longiore majore, rubicundiore, læviore & splendidiore.

## CAP. V.

### De Melone.

**H**oc genus (inquit C. Bauhinus) Palladius Melones quasi *μήλονες*, i. e. pomeos à Malorum figurâ appellavit, vel fortè ab odore.

Semine albo, angusto, oblongo nuclei pinei æmulo cum Cucumere convenit; fructu majore non spinoso, moschum redolente, carne delicata ab eodem differt.

### 1. Melo Ger. J. B. Park. vulgaris C. B. The Moush-melon.

J. B.

Sarmentosis asperisque & longis caulibus per terram se spargit: *foliis* asperis, angulosis sed minus quàm Cucumerum, quorum respectu rotunda dici possent, quibus magnitudine videntur cedere: è quorum sinu *flores* emicant lutei, Cucumerinis similes, floribus Pomorum Amoris pares [imò majores] indidem plures, unâ cum intortis capreolis; quos excipiunt *fructus* nonnihil pilosi, omnes ventriosi, modo sublongam, aliàs contractiorem rotundam figuram obtinent, majores & minores, to- rosi & canaliculati, in superficie aliquas velut à tineis corrosas semitas reticulatas habentes, colore virente & cinereo, cortice duriore quàm Cucumeris. Caro subest per maturitatem coloris Melini, mucilaginosâ, humida, defluens ubi nimium matura, sapore suavi, moschum subinde redolens, aut saccharum resipiens. Meditullium occupat mucilaginosâ quædam substantia, cui immiunguntur se- mina, Strobilis quodammodo similia; minora, candida, sapida, numerosa.

Multiplex in fructu est differentia, non tantum colore cutis, carnis, saporèque & odore, verum etiam formâ oblongâ, sessili, &c.

### 2. Melo Hispanicus Ger. J. B. magnitudine sola à præcedente differt.

### 3. Melo rotundus parvus C. B. moschatellinus rotundus parvus & pyriformis J. B. Melo saccharinus Ger. Colocynthisdem aut Aramiam vix superat, odore Moschi, sapore delicatissimo.

Meminit J. Bauhinus præterea *Melonis reticulati*; *Melonis turbinati*; *Melonis magni cortice virenti lævi, semine parvo*; & tandem *Melonis longi*, longitudinis circiter quatuor palmorum, incurvi ut cornu vaccinum, &c. quarum descriptiones qui desiderat, ejus historiam adeat.

### 4. Meloni



4. *Melones Abdelawi Aegyptii* J. B. *Melo Aegyptius* C. B. item *Melo Aegypt.* ejusdem.

*Alpinus*

Planta à nostratibus non multum differt, sed fructus fert oblongos, acutos extrema & medium valde crassum habentes, Baobab alibi narratis fructibus proximos.

Horum usus ad cibum haud multum jucundus percipitur, ceterisque omnibus insipidiore & molliori pulpa observantur. Habent tamen semina quæ aliis omnibus ad refrigerandum magis præstare putant. Qua de re omnes ea plus aliis in usu frequentiori habent; aliorum Melonum semina parvi facientes.

Veslingius fructum quâ parte ramo suo adhæret angusto flexu prius incurvari scribit, sensim deinde ventre gravido intumescens, versus alterum extremum denuo gracilescere: Sulcis tenibus interdum in longitudinem exaratum esse, cortice molli tenui, maturoque jam fructu rufescente; non eâ saporis gratiâ ut lautiorum aliquis ipsum mensa dignetur.

Melones quamvis in deliciis habentur apud gula procaces, eorum tamen pulpa frigida est & humida, in ventriculo putrescere apta, febribus ac torminibus generandis idonea. Ego facile Dodonæo concesserim Melones difficilius concoqui quam Cucumeres, quantumvis J. Bauhino contrarium videatur, ob carniem odoratam; quodque ipse qui ventriculo laboravit frigido & pituitam coacervante, non semel observaverit, cucumeres sibi facile nocere, ventriculo difficulter eos concoquente, ructu diu post esum eisdem respiciente; cum Melones semper sine manifesta comederit noxa. At nos è contra nullum unquam ex esu Cucumerum nocumentum sensimus, at ex Melonum maximum non semel. Quocirca hæc fortasse idiosyncrasia tribuenda sunt. Ne Melonum caro in ventriculo vicietur & noxam inferat, cum Sale & Pipere comedenda est (Alii Saccharo solo utuntur) & vinum copiose superbibendum.

Semen est è numero quatuor frigid. maj. cum quibus viribus in omnibus convenit. Lac Melonum præstantissimum in febribus ardentibus remedium censetur. Seminum autem medullam aquâ fontanâ aut alio aliquo liquore congruo prius confusam per cribrum setaceum emulgent angustissimum, aut pannum ad institutum accommodatum. Seminis hic cremor febrientibus utiliter, teste Marchiolo, ex hordeacea pisana propinatur. Datur etiam tussientibus, tabidis & marasmo affectis, aque etiam contra urinæ ardores valde prodest.

## CAP. VI.

## De Cucumere.

Cucumis vocem nonnulli à curvatura deducunt, unde Maro

— tortusque per herbam  
Cresceret in ventrem Cucumis.

Sed verius Scaliger à *Kukûs*, quæ vetus Græcorum vox est. *Kukûs* autem inquit Vossius, suspicor esse ab Hebræo *קוקב* i. e. Cucumis.

Notæ Cucumeris sunt Fructus tuberculis spinosis bullati, semina pulpa humidâ copiosâ, gelatinæ simul contenta.

Fructum hunc non fuisse Cucumerem Antiquorum, verum iis incognitum multis argumentis probat Calp. Hofmannus. Vide *Medicam. Offic.* lib. 2. cap. 76.

Ego certe, cum in Italia peregrinarer, miratus sum Italos hunc fructum Citrullum appellare, Melones autem aquaticos & Pepones, Cucumeres.

Idem nomen apud Græcos, quemadmodum Cucumeris apud Latinos generale nomen est omnium horariorum fructuum, videlicet Peponum, Melonum, Cucumerum, Anguriarum & ceterorum ejusdem generis, ut Guilandinus quoque notavit. C. B.

1. *Cucumis vulgaris* Ger. *sativus* Park. *sat. vulgaris* C. B. *vulgaris, viridis & albus* J. B. **Cucumber.**

J. B.

Ex radicibus rectis multisque candidis capillamentis fibratis; hirtis sarmentis, crassisque humi fusis alternatim adnascuntur folia, palmi unius aut alterius quaquaversum amplitudine, tactu aspera, angulis hederaceis cæsa, & serrata, scandentia, Melonum foliis asperiora, & majora latioraq. [et magis angulosâ] è quorum alis capreoli exeunt & flores, Lob. liliacei, ex luteo pallentes, conniventisque noctu aut marcescentes Volubilis ritu, quinquepartiti, semenciâ majores. Fructus oblongi, utrinq. turbinati, viridanti colore aut albo. (Viridantes autem ubi maturi flavescent) semipedem longi, parum ventricosi, angulosi; verrucosis, subnigricantibus tuberculis asperati, cortice teneriore, carne duriuscula, candida, transparente, laxa, sapore non ita grato ac Melonum, sed peculiari quodam & agresti *Trag. semine* copioso, pineolis putamine exutis accedente, Melonum seminibus adeo simili (teste Lobelio) ut nequitiam, nisi quia angustius, [non omnibus Melonibus] & paulo apiculo subtus protenso donatum est, discreperet, medullâ lactescente, admodum suavi & multi usui Officinis.

Carnem

Carnem hic vocat pulpam illam interiorem seminibus intermixtam, cum caro potius dicenda sit substantia illa alba, crassior & firmior cuti proximè subjecta, ut in aliis Pomiferis: hanc autem substantiam totam (ut videtur) pro cortice habet.

Cucumis minor pyriformis Ger. C. B. *J. B.* à vulgari descripta non alia in re quàm fructus parvitate & figurâ differt.

2. *Cucumis flexuosus* C. B. *anguinus* Ger. *longissimus* J. B. *anguinus flexuosus* Park.

*J. B.*

Cucumis flexuosus, autore Lobelio, sive anguinus prorsus simillimus est vulgari, flagellis, foliis & claviculis. Nos autem observavimus ei folia esse minùs aspera quàm in vulgari, quadam etiam subrotunda, parùm lacinia & angulosa, alia magis. Fructus longi, instar serpentis se contorquentes, albi, quasi canaliculati & striati, pulpâ albâ, sapore vulgaris semine albo.

Ego (inquit J. Bauhinus) nostros hos longissimos Cucumeres specie à vulgaribus differre asserere non vereor, & tales naturâ non arte esse, quicquid dicat Matthiolus, cui ut in plerisque aliis suis credimus. Vidi (inquit) Citrulos nostros adhuc florescentes in fistulas coniectos mira longitudine crevisse. E quorum semine qui postmodum orti sunt eandem retinuerunt formam, adeò ut in vite pendentes anguium modo contorti viderentur. Hæc ex Plinio habuit: qui tamen hos speciem suam semine sato servare non asserit. Matthiolo tamen suffragatur Dodonæus.

*Vires.*

Semen Cucumeris est è numero quatuor illorum famol. seminum frig. maj. Abstergit, aperit, urinam ducit. Usus creberrimi est in emulsionibus antipleuriticis, antinephriticis & simil. Schrod. Ejus farina cutim splendidam reddere dicitur.

Ipsa Cucumerum substantia frigida est & humida, succi excrementitii, adeòq. nonnisi robustioribus ventriculis edenda. *Idem.* At nos quamvis ventriculo non admodum robusto sumus, ut qui vitam sedentariam agimus, per multos annos Cucumeres copiosè ingessimus, quandiu tempestivi fuerunt, & esui idonei, nec tamen ullam vel levissimam noxam aut incommodum inde sentimus, quamvis jam ferè sexagenarii sumus: quin & cum Florentiæ in Italia febri laboraremus, præscribente D. Kirtono Medico Anglico ibidem degente, pulpam Cucumerum jusculis nostris incoctam non sine insigni solatio & levamine comedimus.

Verùm crudi cum comeduntur, in orbiculos tenues concisos & sale aspersos duplici paropside exceptos eousq. agitare convenit; donec humor aqueus copiosus eliciatur & extillet, quo effuso, aceto, oleo & pipere condiendi sunt, quomodo & palato & ventriculo gratissimi evadunt, & cerè non insalubres.

Parvi aceto, sale, pipere & Anetho quotannis condiuntur; inseruntur etiam quandoq. Caryophylli, & per totum annum conservantur. Mirè præter ceteras vires, appetentiam excitando, æstuanti ventriculo conferunt. *J. B.* Hos Germani *Gurckens* vocant, quod nomen & nos Angli ab iisdem mutuati sumus. Vox *Gurckens* diminutivum videtur ab Anguria per apharesem rejecta prima syllaba *An*, & addita diminutiva *kin* facta.

3. *Cucumis sativus major* C. B. *Hispanicus* Park. parad. ex *Hispanico semine natus* Ger.

\* 4. *Cucumis Ægyptius*, Chate J. B. *Cucumis Ægypt. rotundifolius* C. B.

*Alpin.*

Folia habet minora, albiora, molliora ac rotundiora quàm nostrates: fructus admodum differentes, longiores, viridiores, cortice plano, molli, æquali, sapore dulciori.

*Vires.*

Horum usum corporibus in cibo, ipsis tum crudis tum coctis vescentibus salubrem esse apud omnes Ægyptios creditur: Sunt enim concoctu faciliores. Medici aliqui ibi nonnullis febricitantibus crudos etiam mandendos concedunt, præsertimque peste affectis, quibus Cucumeres hos crudos estatos summe conducere omnibus (quâ ratione nescit Alpinus autor) persuasum sit. Coctos in ardentibus febribus utiles esse ratione confirmatur, quando refrigerent atque humectent. In renum & vesicæ calidis morbis cum lacte coctos Cucumeres multis diebus non sine multa utilitate in cibo sumuntur. Lac etiam ipsorum seminum pro iisdem malis per os sumere sæpe solent. Ad oculorum verò aliarumq. partium calidas inflammationes pulpâ contusâ Cucumerum, lacti mixtâ utuntur: Erad sedandos podagricos dolores à causâ calida concitatos succum lacte oleoq. rosaceo mixtum partes liniendo adhibent. Stillatitiam aquam ad libram, ad jecoris caliditatem corrigendam, & ad sanandos renes inflammatos, tum à calculis vexatos multis diebus ægros bibere consulunt, quibus ipsam satis is conferre experientiâ compertum est. Sunt aliqui qui ad eadem hæc mala aquâ stillatitiâ lacti eorundem Cucumerum seminum mistâ uti solent.

\* 5. *Cucumis sylvestris Brasiliæ* Marggr.

*Marggr.*

Sarmentoso caule serpit super terram, in longis pediculis folia habens singulatim posita, quodlibet in tres lacinias sectum, ac in ambitu dentatum atque hirsutum. Flos flavus: Fructus ovi gallinæ magnitudine, ellipticæ figuræ, tuberculis admodum acutis, maturus est pallidus: Inus Cucumeris modo semina alba transversim sita multa. Edulis est.



## CAP. VII.

## De Balsamina.

**B**alsamina dicitur quod ex pomis ipsius immaturis, oleo injectis insolatione oleum seu Balsamum, ut Chirurgi vocant, ad vulnera consolidanda præstantissimum conficiatur. C. B.

*Balsamina rotundifolia repens seu mas C. B. Balsamina cucumeraria J. B. Balsamina mas Ger. Park. Cucumis punicens Cord. hist. The male Balsam Apple.*

J. B.

Ex radice parva, fibrata, semestri pronascuntur viticulæ unius aut duorum cubitorum, tenues; Ariæ, angulosæ, quæ claviculæ ope, quas ad singula folia emittit, perticis se circumvolvunt. Folia Bryoniz vel potius Vitis foliis similia, minora, concinnius divisa, hilari virore nitent, penitus glabra, pediculo unciam aut fescunciam circiter longo, amarore quodam & acrimonia levi prædita. E foliorum alis flores prodeunt, ex quinque foliolis acuminatis compositi, colore ex albedo lutei, staminibus etiam luteis, quos excipiunt fructus sublongi, qui maturi rubent; vel (ut ait Lobelius) superficie, carnemque nitentis purpuræ phœniceæ, turbinati, Cucumeris formâ, eodémq; modo tuberculis horridis bullati: Semine Citruli vulgò dicti, copioso, fusco, longiore quàm latiore, modicè acuminato, compressoque & aspero.

Locus natalis non traditur, nec enim nisi sata provenit; melius & felicius in Italia calidisque regionibus proficit quàm in Germania aut Anglia, ubi Augusto plerumque floret, & nunquam aut raro & tardè fructus maturefcit.

Vulnera recentia conglutinare folia imposita feruntur, cum vino verò assumpta, coli intestino. Vires. rursusque dolores sopire, & ruptis convulsisque utiliter exhiberi. Oleum in quo fructus exempto semine, vel insolutus, vel in calentis aquæ balneo decoctus, vel in fimo equino maceratus, vulnèrum inflammationes arcet: eadem & facile ac citò unit ac persanat. Doloribus ac ulceribus mamillarum auxiliatur; uteri exulcerationes ac inflammationes injectum curare posse existimatur; panctis ac vulneratis nervis utiliter adhibetur: adversus combustionem ex aqua oleove fervente ferro ignito vel igne multum confert: cicatrices extenuat, ramices quoque hujus inunctione sanescunt, si foliorum pulvis aliquot diebus interea exhibeatur. Steriles quoque hoc facundas reddi affirmatur, si post balneum convenientis usum, partes circa pubem ac uterum isto inungantur, ac demum viro mulier misceatur. Ego verò (inquit J. Bauhinus) de ea peculiarem experientiam nullam habeo. Poterunt itaque alii, si lubet, earundem virium facere periculum. Addit Tragus ex Hermolao; oleum ex ejus seminibus exprimi ad vulnera præcipuum.

## CAP. VIII.

## Herbæ Pomiferae capredis carentes.

## De Cucumere sylvestri sive Asinino.

*Cucumis sylvestris sive asininus J. B. syl. asininus dictus C. B. agrestis sive asininus Park. asininus Ger. Wild Cucumbr.*

J. B.

**M**elonis folium quodammodo refert, verum minus dissectum est non ita angulosum, in acumen productum: mollius quàm Cucumeres vulgares, iis etiam magis incanum, præsertim parte inferna, vel cineritium, crassius & asperius, longis & hirtis pediculis appendum, ex flagellis ramosorum caulium teretibus striatis & hispidis enatum. Flores lativi floribus multis numeros minores sunt, pentapetali, calathi formâ, colore ex albedo herbaceo, tantillum in dilutiorem flavorem declinante, saturatius tinctis apicibus medium occupantibus. Fructus majorem glandem Ceri æquat, cui & formâ oliuari respondet, superficie spinulis crebris brevibus horrente, qui maturus levissimo attractu virosi succum cum lubrico semine violenter ejaculatur. Semen maturum pullo est colore, vel ex cinereo nigricans, Colocynthidis non dissimile sed minus. Radix longa, crassa, alba, paucis adnatis donata, in plures annos vivax.

In locis rudiculis & viarum marginibus atque incultis locis in Italia, Sicilia & Gallia Narbonensi frequentissimum observamus. Circa Autumnum fructus maturantur. Locus.

Hujus succus expressus & inspissatus Elaterium dicitur, cujus parandi modum ex medulla seminis candida, plurima, (quæ minus quàm fructus ingrata est, quæque præsertim sole exsiccata flammis Usus. admodum tota urendo deflagrat) & pauca ei hærente mucagine medullosa à vulgari diversum tradit Lobelius.

Hujusmodi Elaterium è semine se neque vidisse unquam neque audivisse apud nos factum ait Parkinsonus, quamvis ipse pharmacopœus fuerit. Se verò tum viride tum album Elaterium à Dioscoride & Mesue memorata fecisse affirmat. Nam quod è pulpa seu substantia fructus quanvis leviter pressa & per cribrum adacta, viride erit, & per multos annos humida manebit, postquam primitus humore evaporato exsiccatum fuerit, ex aëre scilicet humorem contrahens & mollescens; ut ad humiditatem

diratem ejus absumendam multi etiam anni requirantur: Quod vero ex liquore albicante & seroso, è fructu dissecto sponte sua extillante, absque ulla pressura fit, per ficcitatem albescit, quin & alba, dura ficcique manebit, nisi vel aeri humido exponatur, vel in loco humido ut mollescat aperta relinquatur. Viride autem Elaterium minorum virium est, minisque violenter sursum deorsumve purgat quam album. Hujus enim vel granum unum liquore aliquo solutum in corpore teneriore potenter operatur; imò nôsse se ait dimidium granum medicamento cuidam cathartico inditum ad illud acuendum, ventriculum conturbasse mirum in modum, & vomitus crebros excitasse, & postea per sedem violentius purgasse, quam granum integrum seorsim exhibitum credi possit.

Purgat pituitam serosamque humores vomitu & dejectione, atque ideo è juncturis mirifice trahit *Sylvius*.

Movet menses, foetumque interimit, unde rarus ejus usus, præcipue cum nec malignitate careat. *Schrod.*

Omnium succorum hic maximè durabilis est, adeò ut ultra centum annos efficax manere creditur. *Theophr.* Erat Empiricus qui pilij. Ciceris magnitudine ex farina triticea & succo Cucum. A. fin. efformatas Hydropicis exhibebat, unde copiosa purgatio aquarum sequebatur. Mox lotione crurum ex dec. Caulium instituta materiam deorsum traxit, iterumq. pilulas dedit, & plurimos perfectè restituit. D. Soame ex Observationibus Hieron. Reufneri à Velschio editis.

## CAP. IX.

## De Cucurbita clypeiformi.

1. *Cucurbita clypeiformis sive Siciliana Melapepon latus à nonnullis vocata J. B. Cucurbita clypeiformis sive laciniata Park. Melopepo clypeiformis C. B. Pepo maximus clypeatus Ger. The Buchler or Himmel-Gourd.*

*J. B.*

**C**ucurbita hæc erecta provenit, absque capreolis. Folia profert Cucurbitis folio aspero non multum dissimilia. Fructus fungum representans tenero est exteriore cortice; carne luteolâ, firmâ, saporis aliarum Cucurbitarum, semine penè circinato: palmam manû ferè implet, [imo longè majorem vidimus] labra reflectuntur & crispantur.

Parkinsonus caulem crassum, angulosum, asperum, intus concavum, altitudine tripedali ei attribuit: folia viridiora, magisque laciniata quam aliis Cucurbitis.

2. *Cucurbita clypeiformis cortice molli, & ramosa J. B. An Pepo latus Dod.*

Hic fructus saturæ flavedinis latam, planamque ferè circa petiolum viridem, asperam, angulosamque superficiem gerit, unciam circiter latam: mollem corticem habet, raris sulcis exaratum, extremam circumferentiam multis quasi lobis mollioribus, rotundioribus, sibi invicem succedentibus exornatam obtinet, supremam partem dimidiæ sphaeræ, depressæ tamen undique minisque convexæ similem exhibet, inque medio sui foveolam aliquam, decidui floris latiore asperiorémque sedem spectandam offert. Cortex corrugatur successu temporis.

Hæc species non surrecta est aut sponte sustinens, sed procumbens & latè se spargens, an capreolos habuerit observare neglexit J. Bauhinus.

Alias præter prædictas Cucurbitæ clypeatæ species seu varietates, aut plantas pomiferas ad eam accedentes exhibet & describit J. Bauhinus, quorum tituli sunt,

1. *Cucurbitæ clypeatæ affinis, sive Sicilianæ genus parvum, utrinque obtusum, quibusdam Melopepo rotundus J. B. Capreolis non caret.*
2. *Cucurbitæ genus, sive Melopepo compressus alter Lobelio. Melopepo compressus C. B.*
3. *Cucurbita aspera, cortice molli, alba, magnitudine Arantii. Pepo rotundus Arantii formæ C. B.*
4. *Cucurbita clypeiformis tuberosa & verrucosa.*
5. *Cucurbita lata, clypeiformi accedens, minus tuberosa.*
6. *Cucurbitæ clypeatæ affinis, ovalis, angulosa, ad Citrum nonnihil accedens.*
7. *Cucurbitæ clypeatæ affinis, à pediculo in conum desinens.*
8. *Cucurbitæ clypeatæ affines, utrinque aliquo modo turbinatæ.*

His admiscet Cucurbitas aliquot Indicas, quas an rectè disponat dubitat. Nonnullæ ex his aliò pertinent.

Latorum & clypeiformium Peponum, Autore Dodonzo, caro durior est, qui & idcirco duntaxat quam reliqui incorrupti servari queunt. Eduntur autem hi non modò elixi, sed & in pingui aliquo fricti. Descendunt verò & per alvum haud segnitè; alimentum verò adferunt quale aliorum.

*Usus.*



## CAP. X.

## De Granadilla seu Murucua &amp; Maracoc &amp; Flore passionis dicta.

**G**ranadilla Hispanis dicitur hæc planta à similitudine fructus cum Malo Punico seu Granato. Murucua & Maracoc sunt voces Americanæ, hæc Virginiana, illa Brasiliensis, quibus hæc planta indigenis innotescit, quarum significationem nescimus. Flos passionis cur dicta sit te docebit Jo. Baptista Ferrarius, nimirum, inquit, quod Divini Amoris manu vitalibus inscriptus doloribus sit, qui de similitudine partium floris cum corona spinea, clavis, flagello reliquisque quibus cæsus, tortus, vulneratus & cruci affixus est Dominus Christus fuscè rhetoricatur.

1. Granadilla Hispanis, Flos passionis Italici Col. not. in Rech. Maracoc sive Clematis Virginiana Park. Murucua 3. Maliformis alia Marggr. Clematis trifolia flore roseo clavato C. B.

## Col.

Radice nititur vivace, repente, geniculata, fibrosa, fractu facili, colore ex pallido albicante, sapore subdulci, recentem Fabam imitâtâ. Sarmenta emittit multa, tenuia, prælonga, ex viridi rubentia, quæ terram tangentia facili se propagant, è geniculis sive alis foliorum fibris demissis; capreolis è foliorum sinubus egressis arbores aliæve fulcra proxima arripiens & scandens. Folia trifida, lanceam imitata aut Lupuli folia, mediâ laciniâ productiore, quatuor aut sex uncias longa, latitudine ferè pari, minutim serrata, lævia, nervosa & aliquantulum venosa, diluto colore virentia, & circa petiolum binas quasdam extuberantias habentia magis virentes, & Milii magnitudine, odore gravi, Xyridis, & acri parum sapore, alternis disposita, ternosque inter se digitos distita. Flores ex singulis foliorum alis quotidie totâ æstate ad Autumnum usque emicant, odore jucundo Mellis vel Hyacinthi: effigie primùm antequam pandantur Nigellæ fructus foliosæ virenti calyce imitantes, oblongi, angusti, longo petiolo, ferè trigono, insidentes, in quinque apices desinentes, totidemque folia non rostrata claudentes: quibus deinde dehiscenibus candida intus & cava foliola conspiciuntur. His insident rotæ densarum fimbriarum, sili crassitudine, duplici ordine dissectæ, purpureis maculis suffusæ, quarum superiores rectis filamentis, brevioribus parum expanduntur; inferiores verò rotæ longioribus, illisque in extremo aduncis uno cursu, quia ob majorem illorum longitudinem cavis calycibus foliorum comprimebantur. Ambas quinquaginta aut sexaginta circiter filamentis dissectas observavimus in novella planta. Ex harum & internarum aliarum brevissimarum umbilico stylus sive colus, effigie columnæ cum basi vel imo torulo, longitudine ferè unciali, assurgit, erectus, rotundus, lævis, dilutè virens, globulum parum oblongum pro capitulo eodem colore sustinens; hic verò parte ima quâ hæret columnæ luteis quinque lamellis pendulis, circumdispositis coronatur; ex obliquis crassiusculis ramosis petiolis, parum incurvis, rigidis, dependentibus, radiatum diadema rotundum æmulantibus: ex globulo verò summo tres capitati clavi, erecti, oblongi assurgunt, ex viridi albicantes, trigono positi inter se distantes in summo, & parum contorti, literam S oblongam imitantes, capitibus crassis, saturiore colore distinctis, & supernâ parte leni incisurâ divisis, ut bifida capita videantur, quanquam eorum ambitus sit rotundus & veluti quinquepartitus. Manè se explicant flores, tota die hiantes manent, noctu clauduntur, nec amplius aperiuntur, sed flaccescunt & decidunt. Fructum gerunt extuberantem Mali Appii magnitudine, rotundum, colore cinereo, tribus distinctum cellulis, quæ etiam in integro fructu observantur ob levem quandam extuberantiâ, & trianguli effigiem in summo circa apicem. Acinos intus continet, oblique dispositos, centrum petentes, similes quodammodo illis Mali Punici vulgò Granato dicti, duplo majores, basi cavâ qua petiolo hærent, in acutum desinentes, minimè anguloso & lato capite, ut in Punico sunt, candicantes, diaphani & molliores, semine intus Mali forma & nigro, quod intra carnem acinorum diaphanam succosam & mollem apparet effigie quadam cordis æmulâ & exceptum ab illa, cavis punctis impressis asperum cernitur, medullam habens candidam & ferè inspidam. Exsiccat fructu semina intus, ut in Cucurbita, si agitur crepitant: Inveniuntur etiam dissecto fructu semina adhuc nigra, carne illâ obducta, exusta, viscosa, nigricante dulcique sapore velut Cassia fistula, & alia detecta & soluta, ex flavo candicantia, asperiora, osseo veluti cortice, Perfici mali ossibus data proportionem similia. Fructus hujus cortex est veluti coriaceus, ut Colocynthidis, intus cartilagineus, candicans, odore suavissimo & gratissimo sed remisso. Acinorum recentium sapor in maturo fructu ex dulci ad acidulum vergit, admodum gratus, & jucundo odore palatum feriente inter Fragum & Melopeponem. Aiunt multum comestum alvum lenire & subducere potius quam gravare. Fructus in hac planta non ex imo flore, at neque ex columna sive stylo floris, qui torulo distinctus apparet & striatus more columnarum Ionicarum; sed ex globulo illo superno, clavos proferente perficitur.

Granadilla dicta fuit hæc planta ab Hispanis à similitudine quadam cum fructu Mali Punici cum internâ tum externâ, nisi quod minor sit & careat summâ illâ coronâ.

Marggravius & Parkinsonus hujus plantæ florem & fructus paullo aliter describunt colorum respectu, qui fortasse in aliis & aliis plantis variant ratione cœli, aut soli, aut utriusque.

- \* 2. Murucua guacu Marggr. seu fructu pyriformi.

## Marggr.

Caulis contortus, quadratus, varius, coloris cinerascens seu grysei, pollicem crassus, seu etiam vis & brachii crassitie, longè serpit, atque etiam arboribus & fruticibus se implicat. Folia habet lævia & splendida, quinque aut sex digitos longa, non serrata, inæqualis figura, quædam viridia, quædam

dam enim sunt simplicia, quædam in duas, quædam in tres partes five lacinias inæquales secta: adherent autem cauli pediculis suis subruffis, & nervus tendit per longitudinem laciniarum, transversim autem multæ venulæ intertextuntur. *Florem* fert insignem, magnitudine Rosæ majoris plenæ, exterius foliis quinque dilutè purpureis supernè & infernè, & quinque viridibus inferius, superius rubris alternatim positis. Supra hæc folia in orbem expanduntur filamenta insignia, sesquidigitum longa, crispa, medietate interiore totâ purpurea, exteriori rubro seu purpureo & albo variegata: in centro floris extat columna ex flavo albicans, teres & quasi tornata, lata unum digitum, cui superius apex ovalis figuræ, magnitudine seminis pyri impositus, & huic item clavi extremis suis cuspidibus infixi in uno puncto: infra ovalem autem figuram à fastigio columnæ quinque brachia extenduntur, ad latera, quorum quodlibet continet spongiforme corpusculum, flavo pulvere aspersum, ut in Lilio.

*Fructus* pyriformis est, initio viridis, maturus flavescentis ex viridi coloris, intus tribus lineis in tres partes dividitur secundum longitudinem, inter quas lineas multi processus, quibus *semen* cum pulpa fructus per tenues cuticulas annectitur. Pulpa alba succulenta, glabra, instar rudimenti avis in ovo, cui inhaerent in quolibet fructu semina 260. vel plura, nigra, splendida, compressa, quorum quodlibet suo folliculo includitur. Odor & sapor fructus dulcis & suavis. Cortex crassior est quam Mali Aurantii.

Ufus.

Quando comeditur scinditur transversim (non secundum longitudinem) & pulpa paulum separatur à cortice, adhærens illis processibus, ac dein unâ cum seminibus sorbendo instar ovi tremuli exhauritur.

Quando autem animus est semen colligere & servare, pulpa cum seminibus per linteolum leniter exprimenda, & ita à granis separanda, granæque deinde suis folliculis adhuc inclusa triduo aut quadriduo chartæ imponenda, ut ex parte siccentur, postea summis digitis cuique granis folliculis detrahendus: aliâs ita glabra sunt ut comprehendi nequeant, nec inter edendum ore separari.

\* 3. *Murucua 2. seu maliformis* Marggrav.

*Caulis* & huic farmentofus & subruffus: *Folia* pediculis digitalibus nixa, in quinque lacinias secta, quæ suos nervos & venas habent; Horum quædam interdum etiam laciniata, quædam non. Ad singulos pediculos foliorum provenit etiam pediculus continens *florem* Rosæ circumferentiâ duplum, qui inferius tria folia viridia obtinet, supra autem hæc, quinque longiora, infernè viridescencia, supernè cæruleo-purpurea, & inter hæc alia quinque in totum purpurea, deinde Solis uti pingitur figurâ radiatim multa filamenta crispa & in orbem explicata, exteriori medietate cæruleo-purpurea, interiore dilutè cærulea, vel etiam è contrario; vel aliis modis, coloribus aut diversis aut transpositis varia, ut apud Marggravium cernere licet. In medio floris *columellam* habet brevissimam, pallidam, superius in quinque partes dissectam quæ ad latera curvatæ extenduntur; cuique parti spongiæ-forme corpus, lutescens, pulverem luteum aspersum habens adhæret. In medio autem columellæ pisiformis orbiculus, ex flavo albicans, & huic tres clavi superius infixi, è flavo albi, & punctulis minimis purpureis variegati, & deorsum inclinati ut brachia columnæ. *Flos* totus suavis odoris. *Fructus* æquat pomum nostras vulgare, rotundus, cortice crasso, flavi exterius coloris, constans pulpâ succulentâ, vinolo-acida; croceâ, & linguam tingente croceo colore, & in illa multa granula seminis nigri, magnitudine seminis pomi vulgaris, sed variis tuberculis insigniti, & folliculo inclusi. Commendabilis est fructus tam odore quam sapore.

\* 4. *Murucua 4. seu Pyriformis altera* Marggravii.

Marggr.

*Folia* huic in pediculo sesquidigitum longo cordis bubuli figurâ, circiter quinque dig. longa, quatuor ferè lata ubi latissima, in ambitu non serrata, latè virentia & splendentia. Folia, capreoli, florum pediculi eodem quo in aliis situ. Hi autem sesquidigitum longi tria folia continent sesquidigitum longa, in orbem instar floris disposita, viridia, & crasso modo serrata. Hisce foliis herbaceis insidet *flos* diametro plus quatuor digitorum, continens decem folia, quorum quinque supernè & infernè rubri coloris, quinque verò supernè rubri, infernè viridis coloris, ita alternatim posita. Supra hæc folia filamenta sesquidigitum longa in orbem stant erecta, (cùm in aliis speciebus incurbant) satis fortia & teretia, quorum inferior medietas è Lacca purpurea & albo variegata est, superior seu extrema totâ purpurea. In centro floris itidem columna erecta tornata, digitum alta, superius ovale corpus cum tribus clavis infixis, ex albo flavescentibus, infra quod quinque brachia rubra, punctulata, cæterum flavescentia, extenduntur in orbem, quorum quodvis ellipticum corpus habet, referens spongiam, compressum, albicans, cui pulvis luteus adhæret. Floris odor suavis, fructus pyriformis.

Tempus.

Murucuiæ omnes species ut plurimum florere incipiunt mense Augusto & florent usque ad Januarium. Fructus maturus copiosè mense Januario & Febuario, Martio, Aprili invenitur. Maio & Junio folia amittunt, novis subnascentibus.

5. *Murucuiæ species foliis Hederae scandentis* Marggr. *Clematis seu Flos passionis flore viridi* Hort. Paril.

Marggr.

*Caulis* tenui, in tria cornua diducta, superius serpit, & fruticibus se implicat. *Folia* Hederae scandentis foliis figurâ similia, splendide viridia, inferius rotundo, viridi, herbosa ex viridi canescentia. Quodlibet folium distat ab altero circiter 2½ dig. suo petiolo insidens digitum longo, ex caule prodeunte, parvo foliolo dentato circumdatum: & prope petiolum habet etiam capreolos rufescentes, quibus se annectit.



*Cit. Florem non describit.* Post florent provenit pomum ovale, magnitudine majoris Pruni, initio viride, cuius cortex haud ita crassus ut in cæteris speciebus, continens pulpam albicantem cum seminebus ut *Murcejuguacu*, lenticularis figura, magnitudine seminum Pomi, nigra, splendentia.

6. *Murucula* etc *Brasiliensis* Marggr.

Marggr.

Folia huic in totum dilute viridia, in tria alia secta: & in pediculo cui *flos* infidet tria folia in ambitu serrata, viridia: *flos* ipse decem foliis constat, nimirum quinque exterius viridibus, interius albis, & inter hæc alia quinque alternatim posita, in totum alba. Ex medio floris prodeunt filamenta Solis figurâ, quæ ad medietatem interioreni purpureo cærulea, ad exterioriorem alba sunt. In centro floris stamen in quinque brachia ductum, cæruleo punctatum, cum spongiæ-formi corpore, quod pulvere luteo aspersum. In Piliformis corporis medio tres clavi, infixi.

*Murucula vesicaria lanuginosa odor grævis* Marggr.

Marggr.

Longissime serpit caule suo, & capreolis se firmat. *Caulis* autem teres, hirsutus, rufus ac mollis: *folia* acuminata, cordis figurâ, ad tactum ut fericum mollia. *Florem* fert pataci magnitudine, decem foliis constantem, quinque inferius viridibus, superius albis, & quinque totaliter albis, alternatim positis: super his foliis multa filamenta alba in orbem expanduntur, ut in flore passionis, paulum contorta & interitis in orbem purpurata: in medio *corolla* albicans, punctulata rubro, cui quinque spongiæ-formia corpuscula cum tribus clavis imposita, coloris ex viridi albicantis. Post flores sequitur folliculus turbinatus magnitudine *dactyli*, qui intus cavus semina continet. Odor totius plantæ fortior & penetrans ut *Hyoscyami*, sed cui dulcedinis aliquid admixtum deprehenditur. Planta manibus tractata odorem imprimit.

8. *Clematis* seu *Flos passionis Americana luteo flore* Hort. Par.

Foliis Hepatici Trifolii æmulis, floribus luteis à reliquis hujus generis distinguitur.

9. *Flos passionis campanulatus pentaphyllos* Monting.

10. *Flori passionis seu Granadilla affinis Coanepilli seu Contrayerva* Hernandez. *Petrum equinum volubile* Montingii.

Hernand.

Herba est folia ferens Lunæ crescentis in modum aut solearum quibus calceantur iumenta, signata quoque clavis luteo colore: *caules* volubiles, teretes, exiles, ac ornatos per intervalla prænatis foliis; item capreolos & flores multicolores, *Vetonica* ferè formâ, sed longè minores; *radicem* verò prolixam & convolutam, minimum digitum crassam, fibratamque. *Baccarum* color è castaneo ad nigrum tendit.

Nascitur multis in locis agri Mexicani, sed præcipuè Xochitlani.

*Radicem* tusam atque devoratum  $\text{ʒiij}$ . pondere aiunt mederi spleni, restaurare motum impeditum, sedare dolores, appetentiam excitare, evocare urinam, calorem temperare, ventris dolorem lenire, semen recentium pellere, ac per somnos insomniave à suis jam pæne sedibus divulsam, viperarum obistere ictibus, venenatis potionibus, venenisque aliis vim omnem adimere, expurgatis statim per inferna, præservare etiam à meretricum veneficis insidiis, nocuisque cibariis qua die fuerit devorata, demum venenorum omnium perniciosam vim hebetare.

Locus.  
Vires.

## LIBRI DECIMI TERTII

## PARS SECUNDA.

## De Herbis Bacciferis.

**B**ACCAS hoc in loco appello fructus herbarum quoscunque membrana tenuiore vestitos, pericarpio seu pulpa intus humida aut molli semina ambiente eisdemve intermixta. Ex his nonnulli satis grandes sunt, ut v. g. *Poma amoris & Mala insana* dicta.

## Herbarum Bacciferarum TABULA.

Baccis è pluribus acinis compositis, mora Rubi æmulantibus: **CHAMÆMORUS, CHAMÆPERICLYNUM.**

Simplicibus acinis, æqualibus æmulantibus: **HYPOGLOSSUM, BISLINGUA.**

In racemos dispositis,

Scandentes,

Capreolis, cauliculis

Spinosis, foliis Tami lævibus: **SMILAX ASPERA.**

Non spinosis, foliis vitagineis: **BRYONIA ALBA.**

Caulibus volubilibus, foliis Convolvuli: **BRYONIA NIGRA.**

Erectæ, foliis

Compositis seu ramosis, foliis

Ad Angelicam accedentibus, fructu per maturitatem rubro & suavi: **ANGELICA**

**BACCIFERA.**

Ad Imperatoriam accedentibus, fructu venenato: **ACONITUM RACEMOSUM, Christophoriana.**

Simplicibus, Solani similibus, elata & grandis: **SOLANUM racemosum Americanum.**

Magis sparsis, foliis

Latioribus & majoribus,

Nervosis,

Empyllum æmulantibus

Cum lingula seu folio secundario in medio folio: **HYPOGLOSSUM, Bislingua.**

Fructu solo seu bacca è medio folio enata, foliis

Majoribus & latioribus non spinosis: **LAURUS ALEXANDRINA.**

Minoribus, myrti æmulis, in mucronem spinosum & pungentem exsertibus: **Ruscus, Oxymyrsine.**

In caulibus fructus gerentes aliarum plantarum more, flore



{ *Cylindroide* oblongo, elatior, radice nodosa: *POLYGONATUM*.  
 { *Campaniformi*, humilior, foliis binis ternisve: *LILIUM CONVALLIUM*.  
 { *Stellato*, in spica, foliis singularibus & terra exiens, in caule tamen duobus do-  
 nata: *MONOPHYLLON*.

*Minus nervosis*, seu paucioribus nervis conspicuis, & *mollioribus*, fructu

{ *Nudo*,

{ *Acaulis*, nullo scilicet præter floris pediculum caule, pomo magno, radice  
 grandi *dispermis*: *MANDRAGORA*.  
 { *Caulifera*

{ *Monococcus* & plerumque tetraphyllos: *HERBA PARIS*.  
 { *Baccis pluribus*, flore

{ *Campaniformi*, concavo & tubuloso, fructu nigro grandiore, venena-  
 to & lethifero: *SOLANUM LETHALE*, *Bella Donna*.  
 { *Stellato*, in quinque aut sex segmenta acuta partito & expanso, api-  
 cibus in umbilico in umbonem quandam coeuntibus, fructu

{ *Magno*, seu foliis integris, flore etiam amplo: *MALUM INSA-  
 NUM*: sive foliis pinnatis *Agrimoniae æmulis*: *POMUM AMO-  
 RIS*.

{ *Minore*, seu quæ caule est perenni, foliis Capfici, fructu rubro  
 majore: *AMOMUM PLINII*; sive quæ caule annuo, fructu in ra-  
 cemulis minore: *SOLANUM VULGARE*.

• *Oculato*, calycibus florum in vesicas excrescentibus:

{ *Alsine foliis & flore*, fructu minore: *ALSINE BACCIFERA*.  
 { *Solani foliis & flore*, fructu rubro, luteove

{ *Majore*, Cerasi æmulo, vesiculis etiam magnis, per maturitatem ru-  
 bentibus [in vulgari Europæo] *ALKEKENGII*, *Solanum baccica-  
 bum*

{ *Minore*, vesiculis etiam minoribus, in verticillis ad caulium nodos: *SOLA-  
 NUM SOMNIFERUM*.

*Tenuissimis & capillaceis*, turionibus esculentis: *ASPARAGUS*.

*Parvis*, *Serpilli æmulis*, viticulis tenuibus, in palustribus nascens: *VITIS IDÆA PALU-  
 STRIS*, *Oxycoccus*.

Ad hoc etiam genus [Bacciferarum] retulimus Capficum seu Piper Indicum ob convenientiam  
 cum Solano in partibus præcipuis, quamvis nonnulli fortasse baccæ descriptionem huic plantæ mi-  
 nimè convenire objicient.

## CAP. I.

### De Chamæmoro, seu Chamærubo.

**C**hamæmorus à foliorum cum Mori foliis similitudine dicitur; verum rectius meâ sententiâ  
 C. Bauhinus Chamærubum appellat, siquidem folia & fructus ad Rubum propius quàm ad  
 Morum accedunt.

**A.** 1. *Chamæmorus* Ger. Clus. Anglica Park. ejusdemque *Chamæmorus Cambrobritannica* Rubo  
 Idæo minori affinis *Chamæmorus* J. B. *Chamæmorus folio Ribes* Anglica C. B. *Vaccinia*  
 nubis Ger. *Cloud-berries*.

Dodrantalibus prædita est viticulis, in quibus alternatim tria, quatuor, rarius quinque folia sca-  
 bra Malvæ, vel potius Mori, [novella vit. & primum nata, maculæ tamen Clusius (& nos pariter)  
 cum *Ribes vulgaris* foliis conferre.] foliis non valde dissimilia, in quinque præcipuas partes divisa &  
 per ambitum serrata, longis pediculis innixa, qui ex binis alis sive apophyllibus caulem amplecten-  
 tes exerant. Summum caulem exornat flos unicus, quinque foliolis ex nigro [fortè ex albo] pur-  
 purascentibus constans. Fructus Mori fructui [Rubus Idæi vulgaris verius] simillimus (unde no-  
 men) sed paulo minor, primum albicans & acerbus, postea ruber, ex acerbo dulcis. Radix utrun-  
 que nodosa, ex singulis nodis paucas fibras spargens, mirè se propagans, & quàm longissimè serpens,  
 sed ut brevi tempore maximum spatium occupet.

K k k 3

Descriptio

Locus.

Descriptio est Thomæ Pennæ Doct. med. Londinensis: In summitatibus montium altissimorum *Pendle* & *Ingleborough*, solo putrido & palustri oritur. Anno 1668. circa finem Julii in summitate montis *Hinckle-baugh*, tres circiter mill. ab oppido *Settle* Eboracensis agri distantis copiosam cum fructu maturo inveni. Fructus autem figurâ suâ Rubi *Idæi* mora æmulatur, in eo diversus, quod singulares acini nonnihil majores sint. Color baccae ante plenam maturitatem ex parte Soli obversa ruber, cum jam perfectè maturuit è rubro in flavum mutatur; gustus quoque ex acerbo in dulcem, & meo saltem palato gratissimum, abit.

Parkinsonus Chamæmorum Cambrobritannicam seu Lancastrense Vaccinium nubis pro diversa specie proponit: verum nos sedulo inquirentes nullum præter superius descriptam Chamæmori speciem sponte proveniente neque in Cambria neque in Lancastria invenire potuimus, at neque de ea quicquam inaudire. Quid quoddam descriptio Parkinsoni plantæ nostræ adamussim quadrat, & ut verum fateamur, melius quam ipsius Pennæ à nobis adhibita?

*Chamæmorum Norwagicum Clusii* Park. J. B. *Chamærubum foliis Ribes* C. B.

Clus.

Superiori non valdè affinem tantum (ut vult Clusius) sed eandem prorsus esse existimo: verum ne temere Lectori imposuisse videar, descriptionem Clusianam ex virgulis cum foliis & flore inter chartulas repositis ab Hoiero missis concinnatam subijciam. Erant inquit hæ virgæ tenues, digitalis longitudinis, fusci coloris, cortice obductæ, quibus inhærebant uncialibus petiolis folia, vulgaris Ribes foliis non valdè dissimilia, sed paullo magis orbiculata, in breves aliquot lacinias divisa, tribusque eminentioribus nervis aversâ parte prædita, à quibus multa venæ ad circumferentiam sparguntur in ambitu dentata. E summis virgis exeunt oblongiores tenuioresque petioli, sustinentes singularem caliculum, è quo flos emergit candidus, nunc quaternis, modò quinis foliolis constans, umbilicum occupantibus multis exilibus staminibus albis cum flavis apicibus. Flori succedit fructus, Fragi magnitudine, rubens aut pallidus, cujus interior pulpa mollis, humida, mucilaginosâ, exilium acinulorum plena, gustu non insuavis.

Locus.

Paludosis & humidis locis gaudet, & maturitatem acquirit fructus mensibus Junio, Quintili, Sextili.

Vires &amp; Usus.

Ex hoc fructu (inquit Hoierus) Electuarius ad Scorbutum rudi Minerva conficiunt quotannis Norwagii & Finmarchii. Baccas in fictili aut ahenò per se ad mediocrem consistentiam coquunt, nullo addito liquore; cum enim succi pleni sint & molles, alieno humore irrigari non expetunt. Quanquam in delicatioribus sunt nonnulli, qui melicrati Fionensis (quo summè delectantur Septentrionales isti) aliquid affundant. Hanc confectionem idoneis vasibus exceptam, & ne corrumpatur ab ambiente aere butyro dissoluto obductam, usui studiosissimè reservant; nobile sanè & probatissimum illis adversus Scorbutum remedium. Etenim non facile credas quæ miracula gens illa sola hac medicina faciat quotidie, ut omnino fatendum sit, nihil ad hanc esse vel Cochleariam illam tot encomiis hætenus celebratam, vel Becabungam, vel Sisymbrium, Cardaminem, & id genus alia, quibus Germani se efferunt.

Nonnulli Scorbuticos, quamvis ridiculè, bene tamen atque utiliter hunc in modum curant. In vicinam aliquam insulam moris abundantem exponunt, ibidemque solos relictos domum non transferunt, priusquam sanitati sunt restituti. Tum enim illi, quasi ab omni humanitate exclusi, vitæ tamen (quod credibile est) cupidi, moris istis vesci coguntur, sive ut extremo remedio promissam sanitatem recuperare tentent, sive ut sitim, quâ ut plurimum torquentur, extinguant. Dumque hoc ad satietatem agunt, sine dubio intra paucos dies oppidò convalescunt. Hyeme verò, quando id non licet, Electuario suo non minùs feliciter utuntur sine certa dosi aut custodia.

*Chamæmorus altera Norvegica* Clus.

Huc non pertinet, sed Ribesii species est.

A. 2. *Chamærubus saxatilis* C. B. *Rubus saxatilis* Ger. *Alpinus saxatilis* Park. *Alpinus humilis* J. B. *The Stone-Bramble, or Raspis.*

Clus.

Pedalem non superat altitudinem, teretibus, subrubentibus & hirsutis viticulis, in quibus bina aut terna folia Rubo *Idæo* à plerisque nuncupato parè similia, hoc est, terna simul ex eodem pediculo nascentia, rugosa, non hirsuta tamen, nullisque spinis horrentia, valdè exiccantis & adstringentis gustus, deinde amariusculi: in summis viticulis & lupremis earum alis flores quidem fert (sed cujus formæ aut coloris ignoro, verisimile est Rubo *Idæo* aut humili pares) deinde fructum Rubo vulgari aut *Idæo* minorem, hoc est minore acinorum numero constantem: etenim binos tantum, ternos, quaternos aut ad summum quinos acinos habet, longè tamen majores quàm in ullo alio Rubi genere, omnino rubentes, & adeò succi plenos, ut quodammodo transpareant, acidi & palato gratissimi saporis. Continent singuli illi acini singula grana, alba, rugosa & inæqualia, adstringentis gustus. Radix longè latèque serpit, & longas interdum viticulas humi spargit, quæ subinde radices agunt.

Locus.

Montium altiorum incola est ubi in saxosis provenit. Nos in monte *Ingleborough*, & alibi in Eboracensis comitatibus montosis occidentalibus & borealibus observavimus.

Parkinsonus flores tetrapetalos aut pentapetalos (proculdubio naturaliter pentapetali sunt & ex accidente solum tetrapetali) colore roseo pallido aut albente.



## CAP. II.

## De Chamæpericlymeno dicto.

**C**hamæpericlymenum inscribitur hæc herba ob aliqualem fructus ejus cum Periclymeni similitudinem. Est autem planta singularis; siquidem uni flori plures succedunt acini, non in unam velut baccam confispati, ut in præcedenti, sed suis singuli disjunctis petiolis hærentes.

- A. 1. *Chamæpericlymenum* Park. Ger. Clus. *Periclymenum parvum Prutenicum* Clusii J. B. *Periclymenum* 3. sive *humile* C. B. *The Dwarf Honeysuckle.*

Clus.

Radice est reptatrice; caliculis sesquipalmaribus [Pennæ apud Clusium dodrantalibus] quibus quatuor, sex, aut etiam octo, ex adverso per intervalla adhærent folia, in imis cauliculis seu furculis minora, in extimis ampliora, Ascyri foliis satis similia, in mucronem desinentia, quinque nervis insignioribus ab ipso pediculo ad mucronem excurrentibus: E quorum sinu ad latus pediculi florem sustinentis aliquando unicus, ut plurimum bini, utrinque sci. unus, exsurgunt ramuli, binis aut quaternis foliis simili serie dispositis præditi. Florem porro summis cauliculis nudentem, quatuor petalis candicantibus constantem producit, in cujus medio multæ bacculæ petiolis suis inhærentes, per maturitatem rubentes, intus albæ, racematim cohærentes [vacciniorum ruborum magnitudine Hoier.] succulentæ, sapore admodum dulci, [quæ manducatæ scabiem generare vulgò creduntur. Hoier.] Prutenis rusticis circa Gedanum valde expetitæ.

In Norvegiæ & Sueciæ maritimis copiosè nascitur. In Northumbriæ Angliæ montibus Chevioticis Locus. dictis ad latus occidentale Septentrionalis partis altissimi montis abundè provenit.

Quin Periclymenum humile Pennæ & Hoieri atque etiam nostrum Northumbricum una & eadem plantæ species sit minimè dubito, quamvis Pennæ descripta ob cæli fortè temperiem aut foli ubertatem, major & elatior fuerit.

- \* 2. *Chamæpericlymenum Brasilianum.* *Camara tinga* seu *Camara flore rubro* Marggr.

Marggr.

Caulis hujus hirsutus in multos expanditur ramos: folia habet serrata, Menthæ crispæ similia, sed magis splendentia, leni hirsutie prædita, & ad tactum mollia, bina sibi invicem ubique opposita, quolibet brevi pediculo insidens. In extremitate ramorum, uti & ad exortum foliorum ad caulem proveniunt oblongi pediculi aliquot, juxta se positi, multos *stipulos* habentes rubros. Post flores sequitur uvula, baccis plena viridibus, magnitudine baccarum Sambuci, & uvula cum baccis similis et fructui Chamæpericlymeni Clus. Flos insignis odoris, & ipsa herba superat odore Mentham.

Variat floris colore flavo.

## CAP. III.

## De Smilace aspera.

## Baccifera fructu racemoso scandentes.

**S**milax, si fabulis credimus, à Smilace puero in herbam sui nominis versò dicta est. Ovid. *Metamorph.*

Et Crocon in parvos versum cum Smilace flores.

Capreolis cum Bryonia alba convenit, foliorum formâ cum nigra, Caulibus spinosis ab utroque differt.

1. *Smilax aspera fructu rubro* Park. *aspera fructu rubente* C. B. *Smilax aspera* Ger. J. B.

J. B.

Longis, rigidis, striatis, contortis, valdè implicatis, lentis, sarmentosis viticulis excrescit, nunc in hanc, modò in alteram partem (inquit Clusius) certâ quâdam serie servatâ inflexis, ex geniculis capreolos proferens, quorum ope vicinis arboribus aliisve advolvitur, & ab imis ad summa reptat. Horret autem spinis duris rigidisq., non tantùm per sarmenta surgentibus, sed etiam per pediculos unciales plus minùs, quibus folia ex intervallis singularia appenduntur. Cæterùm folia Sigilli B. Martii dicti possidet, sed longè crassiora, rigida, nervosa, spinis non tantùm per margines horrentia, sed & in dorso secundum nervos, nunc ampla & viridia, modò angustiora & albis maculis conspersa, autore Clusio. Flores è singulis extremorum ramulorum geniculatis tuberculis racematim cohærentes crebri erumpunt, parvi, albi, odorati, hexapetali, exiguis in medio apiculis. Hosce excipiunt

unt fructus rotundi seu Uvæ, per maturitatem rubræ, vel, ut Clusius, rutilæ, in quorum singulis semina duo vel tria, vel unicum, lubrica, magnitudine, colore & figurâ feminum Paliuri vulg. sed duriora, pulpâ albicante, nauseosâ cujusdam dulcedinis particeps. Clusius nucleos vocat duos osses velut Asparagi, foris nigros, addens radicem longè latèq; serpentes sub terra fibras habere, tenues candidas, & germina summâ tellure spargere, minimi interdum digiti crassitudine, nodosa seu articulata, albicantia.

Locus.  
Vires.

In Sicilia, Italia & Gallia Narbonensi in sepibus passim.

Succedaneum est Sarsaparillæ in curanda lue Venerea, inque articularum & nervorum doloribus: Noxios humores per sudorem & transpirationem evacuat, cutis vitia expurgat. Datur vel in pulverem redacta, vel in aqua aliòve liquore decocta.

Fallopium cum in monte Juliani Pisis vidisset Smilacem asperam, eâ usus est loco Sarsaparillæ per biennium quo ibi fuit, felici cum successu plurimos à lue Venerea liberans.

2. *Smilax aspera*, minus spinosa, fructu nigro J. B. C. B. *aspera fructu nigro* Clus. Park. *aspera Lusitanica* Ger.

Clus.

Similibus cum priore sarmentis & viticulis proxima quæq; amplectentibus nascitur, non est tamen adeo spinis horrida: folia etiam paullo breviora, atriora, molliora, nullis aut certe rarissimis aculeis oblita habet: flos alteri omnino formâ similis, sed colore differens, nam ex albo quasi carneus est; fructusque rudimentum, quod ex medio flore tanquam umbo prominet, rubescit, plenus autem & maturus fructus, non est rutilus ut in priore, sed omnino niger, & succulentior, quantum quidem Clusio videtur: Officula conveniunt.

3. *Smilax aspera Peruviana* sive *Salsaparilla* C. B. *aspera Peruana* Park. *Smilaci affinis Salsaparilla* J. B. *Smilax Peruviana*, *Salsaparilla* Ger. *Sarsaparilla*. *Brasiliensibus Juacanga* Marggravii.

J. B.

Qualis reliqua sit plantæ facies vix certi quicquam asserere possum: Radices verò notissimæ sunt ad defudationes eorum quibus vagus concubitus luem affricuit. Sunt autem flagella longissima, plurimarum ulnarum, junci majoris crassitie, obsequiosa funicularum flexibilitate, striis per longum decurrentibus, colore exterius fulco, cui substantia farinacea alba subest, crassiuscula, mollis, & digitorum attritu in pulvisculum solubilis, Agaricum ferè referens, sapore glutinoso, amariante, non ingrato tamen; medullium verò lignosum, nitidum, lentum, fractuq; conrumax. Pendent porro flagella hæc ex pollicaris crassitudinis radice transversa, squammata, quæ sarmenta crebra sursum mittit, vitigineis non absimilia, parique crassitudine, veluti geniculis quibusdam intercepta, striata, aduncis spinis minacia, coloris buxæ, substantiâ intus Palmæ instar fibrosâ, albicante, sapore nullo evidente.

Quæstio est an Salsaparilla dicta sit ipsissima Smilax ratione coeli & soli duntaxat differens, an planta eidem affinis. Nobis affinis potius videtur quàm eadem.

Sarsaparillam Marggravius sic describit.

Caule sarmentoso, lignoso, lento, viridi serpit, aculeos seu spinas hinc indè habente acutas. Folia solitaria, quinque vel sex, vel etiam duodecim dig. longa, exterius acuminata, & tres, quatuor, aut quinque digitos lata ubi latissima; in quibus tres nervi insigniter conspicui secundum longitudinem tendunt, transversim autem multas venulas minutas habent, vario flexu discurrentes; exterius dilutè, interius virent saturatè. Ad quemlibet cujuslibet folii pediculum (qui brevior) duæ claviculæ prodeunt, lentæ, longæ, quibus aliis plantis se firmiter annectit. Flores fert racematim: sequuntur dein bacca, primò virides, mox cinnabriz, ubi autem maturere nigræ, rotundæ, magnitudine mediocrium cerasorum; quælibet in umbella consistit seu proprio breviori pediculo, quorum pediculorum decem aut duodecim uni longiori insident. Bacca autem rugosæ ut cerasa fuscata, intus continent unum aut duos lapides albo-flavos, duos, in quibus durus, albicans nucleus.

Fr. Hernandez quatuor species Sarsaparillæ distinguit.

Prima *Mecapalli* Mexicensibus dicta, eadem est (inquit) quæ apud Hispanos, ac præcipue apud Hispalenses in vallibus aggeribusque passim nascitur referturq; ab Herbariis peritis in Smilacem Dioscoridis asperam; quam quoniam affabrè descripsit Dioscorides, de forma ejus nihil dicam.

Secunda species *Quaubmecatl* dicta radicibus furculosis innititur, unde profert caules volubiles & spinis horridos, capreolos multos ac semen nullum; folia verò Ocymi acuminata, & nonnullis secta crenis, nerveis verò discursibus secundum longitudinem excurrentibus.

Tertiam speciem invenit in radicibus Ætnæ, non longè ab oppido Atattaco, per omnia *Quaubmecacochitl* similem, sed radicibus tenuibus, nec fibris crassioribus.

Quarta *Quaubmecapalli* dicta illa species est Sarsaparillæ cujus radices in nostrum orbem deferuntur, foliis magnis, cordis figura, caulibus volubilibus & spinosis, radice furculosa, fructu nullo [in hoc præculdubio erravit Hernandez] & capreolis hinc indè exorientibus.

Ex hac etiam descriptione patet Sarsaparillam congenerem quidem Smilaci asperæ plantam esse, non tamen planè eandem.

Vires.

Sarsaparilla partium est tenuium & sudorifera. Specificum est ad luem Veneream. Omnes ejus species, inquit Hernandez, placandis doloribus articularum, aliisq; à lue Gallica profectis utiles sunt; sudoribus item evocandis, curandisq; mali moris ulceribus, morbisq; inveteratis & infanabilibus, & qui è crassis lentisque humoribus habent ortum, aut ad nervos pertinent, & tumoribus præter naturam qui rebelles sunt discutiendis, curandis ulceribus, &c. Nam jure decocti per aliquot



quot dies propinato, ea mensura quæ à multis jamdiu præscripta est, cum nota quoque victus institutione, cæterarumque rerum quas non naturales vocant; aut pulvere radicum duarum drachmarum pondere, ex vino aut aqua devorato, aut evocato sudore, aut insensibili quodam perspiratu agrotantes restituntur.

Zarzaparilla à similitudine quam cum Smilace aspera habet nomen accepit, quæ Hispanis Zarzaparilla, qui Rubus viticula dicitur: Zarza siquidem Hispanis, Lacuna teste, rubum: parra autem Matthiolo interprete vitem, & parilla parvam vitem, sive viticulam significant: hinc aliqui Salsam parillam Smilacis asperæ Hispanicæ radicem censuerunt: cum tamen Peruviana, cæli temperata occasione & ipsius soli ingenio, longe efficacior sit quam vel in Hispaniis, aut etiam Africa, nata: ejus usum primi Hispani ex Peru & novi orbis, sive Americæ provinciis ante quinquaginta annos in Europam invexerunt C. B. qui ante sexaginta annos hæc scripsit.

Prosper Alpinus Smilacem asperam quam in Zacyntho insula invenit veram Salsaparillam, quæ medici ununtur ad luem Veneream curandam esse contendit. Habebat enim illa radices longas, crassas, asportatis Hispaniæ radicibus Salsæ parillæ omnino similes, reliqua apud ipsum, Lib. de plantis Egypt. cap. 43.

## CAP. IV.

## De China.

Nomen habuit à China regione unde in Indiam Orientalem primum illata est, & inde in Europam.

1. *China radix* J. B. *China radix*, & *Eugd. Frago* C. B. *China vulgaris* Officinarum Ger. *China radix* Officinarum Park. *Jupicanga* Brasiliensibus Piloni. *Oleacatzan* Pabuatlanica Hernandez. *China*.

Radices hujus plantæ (describente J. Bauhino) magnæ crassæque sunt [pugni interdum magnitudinis Acoftæ] apophysis tuberosis inæquales, lentis fibrarum fragmentis hinc inde apparentibus, imponderosa, modò effete non sint, colore foris ex fusco rubente, intus ex modica rubedine albente, substantiâ mediocriter compactâ, nullis fibrarum pectinimve vel vestigiis apparentibus, quomodo ferè videmus Juglandium fungos compactiores, sapore nullo manifesto, unde *dens*, in qualitatibus expertis, nomen apud nuperos meruit.

Figura Lugd. lust. demonstrat eam sub terram forpore, ac variis ex locis ceretes ac lignosos processus emittere, quibus nova radicum aliarum soboles adnascitur & incrementum capeffit, multis & tenuibus alioqui fibris capillata.

Optima est recens, sapore insipida, quod tamen improbat C. Hofmannus, densa, solida & ponderosa, quæ neq. teredinem neq. cariem senserit, plena humore quodam pingui & unctuosò, qui masticando quidem satis evidens sit, in decocto autem evidentior: Decoctum autem fit aromaticum, cum sapore modò acri, modò amaro, cum adstrictione aliqua, cum odore etiam aliquo, modò non ab adjectis aromatis traxerit, colore inter album & nigrum medio. Radicem candidam prærubente commendat Garcias.

Planta ipsa ab Acofta his verbis describitur,

Planta est multis tenuibus, spinosisq. sarmentis prædita, Smilaci asperæ non dissimilibus, quorum maxima minimum mantis digitum crassitudine non superant, foliis Plantaginis latifoliae magnitudine. [Garcias Mali Assyriæ, Linchocæni Aurantiæ foliis ea comparat.] Juxta arbores ferendam esse perhibent, quoniam suo complexu hederæ modo eas scandit. Grr.

Huic eandem speciem esse existimo, & qualitatibus tantum à loco natali ortis differre Chinam Indii Occidentalis, quam ita describit Gail. Piso. Ejus Brachia spinis acutissimis hinc inde obita sunt clematis instar, vicinas arbores eorumq. summities sinuosis flexibus amplectuntur. Folia 62. ferè Plantagini haud dissimilia, ac baccas croceas ad aureum colorem vergentes, ac racematim provenientes.

Nec diversam quam describit & depingit \* Francisc. Hernandez. Herba est (inquit) folia ferè oblonga, acuminata, & lineis secundum longitudinem discurrentibus insignia, caules volubiles & tenues, fructum acinosum ac racematim dependentem in summis caulibus, qui cum maturerit nigrescit: radicem contortam, geniculatam, fulvam, & Arundinaceæ similem, sed densam ac gravem. Arbores excelsas scandit atq. complectitur.

Differt ab Orientali China, cujus radix levior est, rarior, albidior, tenera ac minus astringens, & tamen eodem penè usui præstare periclitatum est. Cum figura & reliquis descriptione conveniant non tantis facio has differentias, ut speciem distinctam putem.

Nascitur abundantissime in Chinæ regno: invenitur tamen etiam in Malabar, Cochin, Cranganor, Coulan, Taner & aliis locis. Acofta. Quinetiam in Brasilia America, inque regione Mexicana.

Quod ad facultates (verba sunt C. Hofmanni) conciliata fuit radici huic autoritas à mercatoribus Chinesibus post Annum 1535. Hi enim affirmabant, scribente Garcia & Acofta, curare illam luem Veneream, sine accurata illa victus ratione quæ vulgo observatur, non tanto etiam tempore, nec tanto cum fastidio. Quare apud Indos cognita magno pretio fuit coempta. Hoc nomine cum commendaretur ab Hispanis Carolo V. Imperatori, ut est apud Avilam, lib. 1. Belli Germanici

Locus.

\* Hist. Mex. l. 6. c. 55.

manici, & Vesalius in *Epist. de hac radice* usus est ille propria voluntate, sine ullius Medici cubiliarii consilio: ideo sine successu, cum neq. servaret debitum vitæ modum, neq. continuaret. Quo factum est ut, facili momento relaberetur ad Guaiacum. Nihilominus negotio palam facto, non tantum Medici Principum volebant scire à Cesarianis rationem exhibendi, sed Principes ipsi sollicitabant Cesarem, pateretur rem innotescere. Tantum poterat inanis spes adipiscendi sanitatem absq. methodo Medendi. Quæ cum apud plerosq. omnes decollaret, coepta fuit veri licentia temere decantata, in rigorem Guaiacantum, simulq. laboratum, quomodo China ad temperamentum Guaiaci deducereatur. Hactenus Hofmannus.

De viribus & usu radices Chinæ vide Garciam, Acostam, Monardem, Vesalius, qui integrum de ea librum scripsit. Extractum cum Sp. Vini rari usus est, adhibetur crebrius in decoctis, succisq. tina uncia vel duæ uncia pro lb. novem aquæ, inquit Schroderus. Quoniam omnis sapor expers est China gratissima est faciendo contra luen Veneream decocto, quod recipit radix Chinæ in orbiculos concisæ 3ij, aquæ fontanæ lb. sex aut septem macerentur simul diem & noctem in fictili novo: postea lento igne cognantur in fictili bene operculato aut in MB. ut fit decoctum Salsæ aut Guaiaci, quoad satis videbitur [Garcia ad dimidii usq. humoris consumptionem, verum minorem Chinæ quantitatem præscribit, nimirum unicam tantum unciam pro septem aquæ libris.] Huius decocti bibat quotidie bis quantum aegroto & Medico satis videbitur. Prodest hoc decoctum non tantum in Lue Venerea, sed etiam in omnibus morbis sudores postulantibus. Explicatius Garcias utile præterea esse scribit ad paralyses, tremores, articulorum dolores, sciaticam, podagram, tumores scirrhusos & oedematodes, tum etiam strumas extirpat. Succurrit ventriculi imbecillitati, inveterato capitis dolori, calculo & vesicæ ulceribus. Addit Acosta hemicrania, herniis humoralibus & ventosis, in colli vesicæ & penis callis eorumq. ulceribus. Monardes addit, icterum solvere, & omnem hepatis intemperiem emendare, ad quam valde celebratur; febribus diuturnis, quotidianis & erraticis prodesse. Venerem admodum excitare creditur.

J. Bauhinus certum esse ait Chinam ritè administratam Luem Veneream superare, cutem mundare, dolores profligare, macies reparare, humiditatem habere oleosam, atq. firmiter substantiæ adhaerentem, ut hac ratione & diuturnam & multoties repetitam patiatur coctionem, si minimè cariosa fuerit, neq. admodum gracilis & sicca, sed mediocriter gravis, colore inter album & rufum medio: præscribit autem unciam tantum Chinæ pro sex libris aquæ.

Præcipit Vesalius (atque etiam Monardes & Acosta) ut decoctum hoc calidum conservetur, vel singulis diebus recens fiat, alioqui ait acidum fieri & corrumpi. Sed experientiâ docetur oppositum, nec servatum quatuor dies acescit. J. B. Potest secundo vel tertio decoqui.

Fallopium ex decocti usu homines valde pinguescere ait. Cujus rei oculatus testis fit Alpinus 3 *Med. Agypt.* 16. & iterum *lib. 4. cap. 1.* ubi testatur, vidisse se plurimos emaciatos decocti huius usu corpus recepisse. Quin Turcas qui delectantur uxoris bene habitis, eodem decocto crasse facere delicias suas.

Piso tres Chinæ species reperiri scribit licet paucioribus cognitæ, quæ omnes sub eodem nomine comprehenduntur ob summam quam inter se habent similitudinem; verum ille non multo notiores illas facit, sed nos in media nocte relinquit.

## 2. China spuria pyriformis C. B. *Spuria pyriformis sive turbinata* J. B.

Huius descriptionem videtis apud Lobelium & J. Bauhinum.

## 3. China spuria nodosa C. B. *Pseudo-china* Ger. *Pseudo-china radix* Clusii J. B.

Clus.

Valde nodosa erat hæc radix & in aliquot tubera formata, subrutilo colore, farmenti aliquam partem summo fastigio adhuc retinens, quale in Smilace aspera conspicitur, duri, lignosi multos venis, ut Smilacis farmenta, præditi: ipsius radices substantia etiam subrutila, ut in Acori adulterini radice, falsi initio saporis sive gustus cum videlicet vetusta, deinde exsiccantis. E Virginia allata est pro radice Chinæ, quamvis (ut scribit Tho. Harrius Virginienensis historię auctor) indigenæ nullum illic usum norint, sed aliâ radice utantur Chinæ Orientali valde simili & fortasse eadem, è qua concisa contritaque & cum aqua expressa ad succum eliciendum panem conficiunt: è decocta fit jusculum gelatinæ amulum in cibis laudatum, præsertim si oleo contemperetur. Huic canaliculos spinosos attribuit, & juxta arbores satum eas scandere & in fastigia earum summa evadere scribit; ut vix dubium sit ipsissimam Chinam Orientalem esse.

## 4. China Michuacensis Fr. Hernandez.

Herba est Arundinaceæ innitens radici rubræque, sed densa ac gravi, è qua caules insurgunt arundinei, levis ac ferulacei, longi, pollicemque crassi, foliis ornati per intervalla magnis, cordis figura, ac nervis secundum longitudinem discurrentibus, quod evenit in cæteris, quibus etiam hæc viribus similis est.

Nascitur Michuacani, ubi Phaco vocant. An hæc eadem sit præcedentium alterutri nescimus.



## CAP. V.

## De Bryonia.

**B**ryonia à *Cepus pullulo*, germino dicta putatur, quia pullulat & spargit se, & luxuriat vehementer. Alii à *Cento extollo*, ex alto deducunt, eò quòd in propinquos frutices scandens se extollat; verum cum v scribitur quod huic Erymo repugnat. Vitis alba dicta est, non solum quòd foliis & viticulis vitem sativam referat, verum etiam quòd fructum in exiguae uvæ similitudinem, acinis licet raris, conformatum producat. Melothron appellari videtur à colorum concinnatione: nam Græci *μυρδον* vocant *Edmuata* & *μυρδονισματα*, id est, colorum infectiones & concinnationes, quòd coriis fortè ex Bryoniae albæ fructu accedebant, ut conjectatur *J. B.*

Bryoniae albæ notæ sunt capreoli, caules non spinosi, folia vitiginea, vis cathartica vehementior.

- A. 1. *Bryonia alba* Ger. *alba vulgaris* Park. *aspera*, sive *alba baccis rubris* C. B. *Vitis alba* sive *Bryonia* J. B. *White Bryony*.

*J. B.*

Brachialem interdum crassitudinem radix adipiscitur, alba (exciccata similis Mechoacæ, circulos etiam habet, verum differt quòd sit fungosa, sapore acri, amaro & viroso) unde *flagella* exeunt tenera, striata, subhirsuta, quæ longè latèque claviculæ beneficio se spargunt, & proxima quæq; scandunt: *folia* hederacea, angulosa, hirsuta, incana, viridantia, aut areis candidis discurrentibus undulata, ut in Cretica quam vocant recentiores: ex foliorum alis *flores* simul aliquot juncti, è quinque foliis compositi exeunt, colore albo in herbaceum languente, quibus succedunt acini Sambucinis pares, per maturitatem rubri, succo croceo, nauseoso, granulisque turgentes.

Hujus duplex habetur species seu potiùs Varietas, altera *mas* seu *sterilis*, in qua Florum racemuli *Varietates maris & fæmine* pediculo communi palmum longo insident, cum in fœmina seu fertili pediculo perbrevis, vix unciali donentur: *flores* quoque duplo majores sunt, medium occupante pro stylo umbilico brevi, in quatuor segmenta lata obtusa diviso, fimbriâ circum oras flavâ cincta: altera fœmina seu fertilis. Fløs monopetalos in quinque segmenta acuta dividitur, è luteo albicans, lineis nigris striatus: Summæ autem baccæ insidet pediculo brevi ex ipso apice baccæ exeunte, & brevi postquam aperitur integer dilabitur.

Ad sepes frequens reperitur.

*Locus.*

- \* 2. *Bryonia alba baccis nigris* C. B. *albæ vulgaris fructu nigro* Park. *Vitis sive Bryonia nigris baccis* J. B.

Prolixam & particularem hujus descriptionem vide apud J. Bauhinum è Cordo descriptam. Differt à priore radicibus & baccarum colore: hujus radix interiùs buxæ colore pallet: illius ex albedo sublutei coloris est: hujus baccæ maturæ nigricant, illius rubent. C. B. quæ notæ pro descriptione aut distinctione sufficiunt, nam reliquæ pleræque à Cordo adhibitæ utrique generi communes sunt.

Radix Bryoniae purgat validè serosos & pituitosos humores: splenetica, uterina, & jecoraria est, *Vires* urpote quorum obstructions aperit. Hydropicorum aquas per vomitum ac secessum educit, menses ciet, foetum ejicit, suffocationes uteri arcet, asthmata sanat, podagricis convenit intus & extus. *Schrod.*

Platerus, referente Hofmanno, accipit radicem antequam germinet, & detracto cortice in taleolas sectam filo trajicit, modico calore siccatur, sive is solis sit, sive ignis. Mox infundit in vino generoso & iterum exciccatur. Hoc repetit aliquoties. Ita præparata, aiebat, purgat sine molestia.

Idem troch. parat hoc modo, Bryoniam ita correctam in pulverem redigit, & vino Malvatico, in quo Zingiber maduerit, irroratam cogit in pastillos tenuissimos: quos siccatos tenuiter pulverisat, & utitur in infusionibus. Ita purgat instar Agarici trochiscati. *Hofman. in de medicam. Officin.*

Conserva radicum magnitudine Nucis Myristicæ bis in die sumpta, usu ejus per longum tempus continuato, Epilepsiam vel etiam hystericam passionem persæpe profligat & sanat. Idem præstat radicis frustulum poculo quo ager ad bibendum utitur perpetuò inditum. *D. Bowle.*

Hujus asparagis, qui prima germinatione exeunt solebant Veteres vesci, ut docet *Columella* l. 12. c. 7. Ab omnibus pro more per Ver edi tradit Galenus, eduliumque esse propter adstrictionem stomacho gratum. De iis etiam Paulus hoc modo scribit, Bryoniae asparagi stomacho quidem accommodati sunt, & urinam cient, parum tamen nutriunt, etsi cum coquantur olerum asparagis in nutriendo efficaciores sunt. Quæ de Vitis sylvestris, sive Tami quidem, sed nequaquam de hujus germinibus veritatem habent, inquit Dodonæus, nam hujus asparagi nequaquam attingunt, sed alvum vehementius commovent, stomachoque gravem molestiam inferunt.

Circulatores & Agyrtæ nonnulli ex hujus radice mira quædam monstra effingunt, quæ cum aliquot dies siccæ arenæ mandaverint, pro Mandragoris postea distrahunt. *Trag. J. B.* Hæc impostura nostratium etiam vulgo illudere solent ejusmodi nebulones.

Bryoniae radix commendatur in Hydrope internè, & externè applicata regioni renum. *S. Grembs. p. 58.* Hydrops enim interdum audit Lethargus renum. *D. Tancr. Robinson.*

Dolorem ischiadicum radix recens tusa, cum Lini oleo mixta, & tepidè applicata mirum in modum pacat. Renovandus est labor donec tota materia morbifica transudetur. *Tachenius de morborum principe, p. 183.*

Hel

Helmontius de vi & efficaciâ hujus radices in contusionibus lividis sanandis sapius agit; cui memorabile experimentum in quodam erudito amico nostro factum suffragabatur, inquit *D. Beylius in experimentis de corporum porositate* p. 18. Habetur è Collectaneis *D. Tancr. Robinson.*

Ad lateris dolorem, & taleolam radices Bryoniae, tosta calidè lateri applicetur. *Cbesneau ex libro Arcanorum.*

Ad scrophulas tam apertas quàm non apertas, & Rad. Bryoniae quæ sit magna & bene nutrita lbß. in taleolas minutiss. lectam frige in sartagine quousque contabescant, cola; adde terebinth. abietis lbß. ceræ 3v. F. unguentum, materiâ ab igne remotâ. De hoc unguento, quod est valde viscidum, supra strumas cum panno lineo appones manè & vespere; vel enim strumas resolvit, vel ad suppurationem deducit, tandemque sanat ulcera. Nunquam fallit, ait *Zacutus* cum juramento. Vide curationis processum lib. 1. *Prax. admirand.* Obl. 101. Communicavit *D. Edv. Hulsius*: qui & alias plurimas Observationes medicas Historiæ nostræ contulit.

Luna crescente, tempore verno Radicem Bryoniae terræ adhuc immerfam excava, semper imponendo operculum ex superiore radices parte abscissum & omni manè duo vel tria exudantia cochlearia habebis. Succum hunc singulis matutinis horis à cochleari uno ad 2, vel 3, Hydropico exhibe; quo solo vili medicamine plures, Deo adjuvante, curavi. *D. Soame* è Dolai L. 3. C. 9. S. 21.

3. *Bryonia alba maculata* J. B. *Cretica maculata* C. B. *Cretica dicoccos* Park. *Bryonia Cretica* Pon. Ital.

C. B.

Hæc radice est longâ, sed ad vulgaris magnitudinem non accedente, & in eo diversâ quod circularès lineas non habeat: foliis quàm vulgaris minoribus, albis striis per medium discurrentibus vel maculis albis notatis: floribus majoribus, ex longis pediculis propendentibus. Cuilibet flori fructus succedit semicircularis, superne in duas partes divisus, viridis primum, at per maturitatem ruber, semina duo continens, quare dicoccos appellari potest: in reliquis cum vulgari convenit.

## CAP. VI.

### De Bryonia nigra.

Hujus caractères generici sunt caules volubiles, folia convolvuli majoris.

1. *Bryonia nigra* Dioscoridis Park. *nigra* Ger. quid?

Park.

Ex radice crassa, exteriùs nigricante, flavescente intus, succo lacteo pregnante, viscido & digitis adhærente, multa emittit sarmenta, longa, viridia, foliis obfita latis, acuminatis, integris & indivisis, per margines aequalibus, obscurè viridibus; è quorum sinubus capreoli exeunt tortiles quibus obvia quæque apprehendit. Versùs summitates unâ cum capreolis exeunt racemi longiusculi florum albicantium muscosorum, quibus succedunt bacca per maturitatem nigricantes.

Hanc plantam nec unde aut à quo habuit, nec ubi viderit, si omnino viderit, nos docet, sed in media nocte relinquit.

- A. 2. *Bryonia nigra sylvestris* Ger. *sylvestris nigra* Park. *levis*, sive *nigra racemosa* C. B. *vis nigra* quibusdam sive *Tamus* Plinii, folio *Cyclamini* J. B. *Sigillum B. Mariae* Offic. *Black Bryonp.*

J. B.

Radix magna, crassa, tuberosa, rotunda ferè, foris nigra, intus alba, profundè in terram demersa, ut non nisi altissimè adacto ligone quis facilè consequi possit: viridis à nobis gustata saporem acrem linguæ imprimebat, non tamen ingratum aut amarum: ficcata candidissimâ substantiâ accedit ad Dracunculi minoris radicem, nullis circulis donata quales apparent in Bryonia, quæ facilè in pollem redigi potest, nec rara ut illa sed compacta, in eo accedens ad Mechoacam, ab ea etiam diversa circulis, sapore quoque est non ingrato cum aliqua acrimonia; plures viticulas emittit, quæ proximis se circumvolventes in altum nituntur, nullis claviculis donatæ. Folia alternatim longissimis pediculis hærent, Cyclamini foliorum ferè formâ, sæpe tamen acutiora, & duplo triplove minora, infra supràque lato virore splendentia, tenera, multis nervis sinuatis prædita, gustùs viscidum. Flores inde oriuntur unde foliorum pediculi, racematim coherentes, in sex lacinias divisi, ex luteo virentes sive chlori: Summis autem baccis innascuntur pediculis tenuibus brevissimis, & antequam bacca maturecant defluunt. Succedunt racemi uvarum rubentium, aut ex rubore fuscæ.

Ad fepes & in dumetis frequens oritur.

Locus.

- \* 3. *Bryonia*



3. *Bryonia laevis* sive *nigra baccifera* C. B. J. B. *Bryonia nigra baccifera* Park.

C. B.

Hæc à communi *Bryonia sylvestri*, quæ *Tamus* dicitur, potissimum in his differt, quòd communis florem minorem habeat & racemosa sit; hæc verò flore sit majore & baccifera. In descriptione etiam flores albos huic attribuit, cum præcedenti ex luteo virides sunt; baccas *Cerasis* comparat, & singularem in singulis pedicellis à caule prodire scribit.

Provenit in sylvis circa pagum *Hummingen* Junio florens; at baccæ Septembris fine maturæ *Locus* sunt.

De viribus hujus plantæ non convenit inter Botanicos. Compertum est (inquit Lobelius) vel *Vires* mulierculis, vehementius urinam renūmque sabulum, mensiumque saburram impellere potu. Incidit & attenuat lentam pituitam, præsertim in thoracis affectibus.

De vi purgatrice nihil dum comperi, inquit Casp. Hoffmannus. D. Mart. Lister nobis affirmavit se quamvis tum radicem ipsam in substantia, ut vocant, tum ejus extractum larga dosi sæpius exhibuerit, nunquam tamen observare potuisse eam vel per vomitum, vel per secessum, vel alio quovis modo sensibili operari.

Pulvis radicum cum aceto & stercore vaccino ad formam cataplasmati redactus podagricos dolores lenit.

De hujus *Asparagis* accipit Dodonæus, quæ Veteres de *Bryonia* *Asparagis* tradunt, esui sci. aptos esse: nam hos Matthiolus verno tempore cum primum erumpunt *Asparagorum* more decoctos mandi prodit. Sunt etiam, qui asserunt in Hispania Britica in cibaria recipi.

4. *Scipo Brasiliensis* Marggr. *Bryonia* species videtur. An *Aparagua* Hernandez?

Marggr.

Circumvolvitur se arboribus, lignum ejus lentum, vimineum, cortice cinereo. Folia dilute virentia, hinc inde in ramulis posita, conspicuis venis transversim prædita, quatuor circiter digitos longa, acuminata. In ramulorum extremitatibus multi prædeunt *stasculi*, quinque petalis albis deorsum incurvatis constantes: in medio autem multa habent staminula coloris lutei. Odoris sunt suavis.

Fructus non describit, unde de genere hujus plantæ nobis non certò constat. Cum *Bryonia nigra* conjunximus tum quòd consimiliter caule scandat, tum quòd fructus racemosos producat.

## C A P. VII.

*Baccifera racemosa erecta.*

*De Angelica baccifera.*

**A**ngelica à foliorum similitudine dicitur. Statura elatiore, foliis Angelicæ, baccis minoribus, obscure rubentibus, dulci sapore à *Christophoriana* distinguitur.

*Panaces æquum, sive racemosa Canadensis* Cornut. *Panaces æquum, sive Racemosa Americana* Park. *Angelica baccifera* vulgo, *Berry-bearing Angelica*.

Cornut.

*Radix* pollicari crassitudine deorsum fertur: effossam vidi pedem longam, & nè sic quidem solidam sed abruptam. *Caulis* rotundus, geniculis articulatus, ramosus, obscure purpurascens, medullosa cartilagine repletur. Folia ab eodem pediculo plura, ex rotundo in acumen gracilescunt, ambitu serrato. Ex geniculis prædeunt pediculi, caulem sinu amplexantes, cujus in sinu cavitatem oculus delitescit subsequens uvæ rudimentum: sicque ramuli & caulis per genicula mediâ ætate non floribus modò sed & gravidis baccis racematim contextis onerantur. Flos viti æmulus primum herbaceus est, postea paulò magis candicat: hunc uva excipit, acinis per initia virentibus, deinde sanè rubentibus, quibus suavitas inest, gustui acceptissima, intus pleniori semine turgens. Sapor foliis & radici *Panaci* similis, uvæ gratior.

Singulis annis caulem & folia deponit, sequenti anno nova producit.

Ubique provenit solo macro, pingui, limoso, etiam inter difficultates saxæas.

## C A P. VIII.

*De Aconito racemoso seu Christophoriana.*

**F**oliis *Imperatoricæ*, fructu majore, facultate venenata & deleteria ab *Angelica baccifera* discernitur.

- A. 1. *Aconitum racemosum*, *Actæa* quibusdam J. B. *Ac. racem. an Actæa Plinii lib. 27. cap. 7.*  
C. B. *Christophoriana* Ger. *vulgaris* Park. *Herb* Christopher, or *Wane-berries*.

*Radice* crassiuscula, foris nigra nititur, fibris donata, interius Buxi colore lutea. *Caules* sesquicubitales, ramosi, ténues, teretes, geniculati. *Folia* rugosa, infernè splendentia, interdum utrinque & si tota considerentur valde ampla; abeunt enim in tria segmenta, pediculis palmaribus & sesquialmaribus donata, atq; hæc rursum trifariam divisa, sæpiusq; interdum triplici illà divisurà dissecta, ut tandem terna simul folia singularia conspiciantur, Imperatoriæ quodammodo similia, oblonga, acuta, profundè satis incisa, quorum medium folium, incisuris duabus profundioribus dissectum, tripartitum apparet. *Flores* racematim dispositi, candidi, ex foliis quinque caducis compositi, intra quæ *stamina* candida, herbido nonnunquam apice. *Baccæ* succedunt rotundæ, paulò longiores, per maturitatem nigre, striam lineamve ab una parte ostendentes, uvarum acinis aliqui similes, & in uvæ modum coherentes.

Locus.

Plerisque Germaniæ in locis, speciatim circa Rhenum Mosamq; in sylvis præsertim montosis occurrit, vivaci & diuturna radice, quotannis cauliculos & folia regenerans. Invenitur etiam in sylvis *Haselwood* in agro Eboracensi, non tamen copiosè.

- \* 2. *Aconitum baccis niveis & rubris* Cornut. *Christophoriana Americana baccis niveis & rubris* Park.

Cornut.

Verno tempore apud nos utrumq; hoc genus in pedalem *caulem* profilit. *Radix* nigrior, nec imum petit, nec in latera spargitur; sed coacta in se adnascentibus undiq; fibris capillatur. *Caulis* purpurascit, pulliq; pariter, qui multi ab radicibus germinant. *Folia* ni minora essent *Vitium* ac *Ribes* poterant videri, paulò rugosiora tamen, ac in viridi colore sunt obscuriora. *Caulium* cacumina, Maio mense, in uvam se spargunt, mille apicibus verius quàm *flosculis* compositam. (quantum si seorsim *flosculum* ungue molliter præcidat nec violes, sex alba foliola apicibus substrata agnosces) Innascitur singulorum umbilico turbinatà quædam *pilula*, quæ postquam pleniore incremento convaluit orbicularis est figuræ. Punctum purpureum istius baccæ extremum signat, similisque coloris longior subest pediculus; *bacca* ipsa nivea; variat tamen interdum colore; vidimus enim etiam rubellas.

In opacis & sylvestribus locis in America parte Septentrionali frequentissimum est.

Locus.

## C A P. IX.

*Solanum racemosum Americanum. Solanum magnum rubrum Virginianum* Park.

Park.

**C**aulis surgit crasso, firmo, tereti, rubente, quinque aut sex pedes alto, *foliis* nullo ordine positis, amplis, levibus, venosis, pallidiùs virentibus & interdum rubentibus, Solani fere figura, per margines æqualibus vestito, in ramos multos diviso, Solani lethalis in modum, E geniculis in superiore caulis parte exeunt pediculi seu surculi *flosculos* racematim dispositos sustinentes, exiguos, pallidè rubentes, tetrapetalos; quibus succedunt *baccæ* per maturitatem atro-rubentes, quatuor singulæ nigra, subrotunda *semina* continentes. *Radix* cruris humani crassitie, alba, pedem longa in pluris annos vivax: verum ni defendatur brumali frigore facillè corrumpitur.

E Virginia & Nova Anglià delata est hæc planta: nos eam in hortulo nostro Cantabrigiæ aliquot annos aluimus.

Locus.

## C A P. X.

- \* *Solanum racemosum Cerasorum forma* C. B. prod. vel *Cerasa amoris racemosa rubra*.

C. B. prod.

**E**X radice fibrosa *caules* exurgunt bicubitales, angulosi, aliquantulum hirsuti, in multos ramos latè se spargentes divisi, qui infirmi sunt, & nisi radicâ sustineantur in terram procumbunt, succi pleni. Ex caulis latere pediculi tres, quatuorve uncias longi, hispidi, *flores* sustinentes prodeunt. *Folia* habet in multas lacinias acutas, impari semper numero, Agrimonie foliorum instar divisa, & per margines incisa, aliis foliis minoribus interjectis, pallidè virentia, aspera & gravem odorem spirantia. *Flores* plures, quorum singuli singulis pedicellis insident, luteoli, ex quinque foliis acutis compositi, à calyce viridi, quinquefolio sustentati, in quorum medio *capitulum* parvum rufescens, apicibus donatum, quibus *fructus* succedunt, quasi in racemo dispositi, Cerasorum formâ & magnitudine, virides primùm, deinde per maturitatem rubentes; in quibus non secus quàm in Pomo amoris copiosa, humida medulla, & semen minutum albicans & planum continetur.

Planta annua est, & singulis annis ferenda, quamvis in horto meo ex deciduo semine renata sit.

Hæc descriptio in omnibus fere, excepta fructuum in racemos dispositione Pomo Amoris vulgaris convenit.



## CAP. XI.

*Planta epiphyllocarpe.**De Lauro-Alexandrina.*

**H**Æc planta & Ruscus, qui genere cum ea convenit, ab omnibus aliis cujuscunque generis sint unicâ notâ facîle distinguuntur, quòd in iis fructus è medio folio enascatur, unde & Græcis *ἐπιφύλλοι* dictæ sunt. Eas fortasse rectius ad frutices retulerim. Verum, quantum memini, quamvis caules plures annos durent, non tamen germinant aut augentur post primum annum, sed novi quotannis Asparagi seu cauliculi è radice exeunt.

Hippoglossum seu potiùs Hypoglossum & Bislingua dicitur à foliolis secundariis, ceu lingulis, è mediis foliis enatis.

1. *Laurus Alexandrina fructu pediculo insidente* C. B. *Hippoglossum sive Bislingua* Park. *Bonifacia sive Bislingua* J. B. *Hippoglossum mas & femina* Ger.

J. B.

Selquibitalibus, lentis, hilari virore perfusis, striatis viminibus multis à radice adolescit, per quos alternata ferè folia, interdum plura veluti ex geniculis radiata visuntur, nunc latiora nunc angustiora, pulchrè virentia, crassiuscula, nervosa, verum obsequiosa, acuminata, quorum unicuique mirabili naturæ industriâ in medio enascitur aliud foliolum, confimili forma, non item magnitudine, cujus è sinu flosculi ita exigui, ac ita dissecti ut veluti muscosi videantur, emicant hexapetali colore herbido dilutiore, & in flavum seu pallidum inclinante, quibus delapsis bacca succedit majuscula, rubra, Ciceris magnitudine ut Rusco. *Radicem* Columna Rusco similem dicit, majorem tamen, à qua plures turiones, Asparagi vel Rusci modo, exeunt. Fructum in Anglia non fert ob celi inclementiam: imò in Italia rariùs eum perficit.

Gaudet umbrosis & montanis, frequentissima in Liguriæ Alpibus, Urbinati agro & quibusdam *Locus* sylvis montibus. *Matth.* In Ungariæ montibus etiam nascitur, autore Clusio.

Herbam & radicem in pulverem redactam commendant ad exsiccanda manantia vulnera ac ulce- *Vires.* ra, præsertim faucium, ad columellam prolapsam levandam.

Tradunt ex vino potam strangulatis uteri succurrere, herniis ab prolapsu interaneorum extuberantibus mira celeritate mederi. Cum genere cum Polygonato conveniat, non dissimile veri est eisdem cum illo facultates obtinere.

2. *Laurus Alexandrina* Lob. Ad. part. alt. J. B. *Alexandrina genuina* Park. *Alexandrina fructu folio insidente* C. B. *qui perperam hanc Lauro Alexandrina* Col. *eandem facit, Parkinsoni sententiâ.*

Hypoglossum seu Bislinguæ persimilis est, quoad crescendi modum; è radice fibrosa, durâ, ad caput nodosa, multa emittit *vimina*, Asparagi modo, foliis vestita alternatim positis, utrinque nervosis, rigidis ut Hypoglossi, inferioribus latis & subrotundis, uncias duas longis, plus unâ latis, in mucronem Rusci modo fastigiatis, quàm Hypoglossi pallidioribus. A medio folii non averfi (ut Lobelius) sed adversi, autòre Parkinsono (qui plantam in horto suo enutrivit, & à quo ramulum ejus habuit Lobelius) crassiore nervo flosculus emicat stellatus, ex albo virescens, adeò brevi pediculo intercedente ut immediatè adnatus videatur. Flori succedit bacca rotunda, parva, per maturitatem rubra, in qua continetur semen durum medullâ albâ.

Hujus semen in horto Pisano collectum Parkinsono communicavit D. Flud M. D.

*Locus.*

3. *Laurus Alexandrina vera* Clus. *Laurus Alexandrina & Chamædaphne* Col. *An Chamædaphne vera Dioscoridis* Park? *An Hippoglossum Matthioli* Ger.

Col.

Rusci effigie est, admodum majore, Hypoglossum latiore, flores & fructus Rusci modo proferens ex medio folio, absque ligulis. Folia quàm Hypoglossi latiora, colore verò magis diluto & molliora, nec nervulis sive venulis in longum tantum directis per folia, sed divaricatis.

Parkinsonus hanc à præcedenti differre ait foliis angustioribus & longioribus, supernè paulò viridioribus, infernè pallidioribus, cujus fructus averfæ folii parti plerunque accrescit pediculo non minùs curto quàm antecedentis; & C. Bauhinum reprehendit quòd Laurum Alexandrinam Lobelii Lauro Alexandrinæ Col. eandem facit. Nobis tamen C. Bauhinus minimè reprehendus videtur; tum descriptiones enim tum figuræ Lobelii & Columnæ conveniunt, ut mihi planè persuadeam utrumque eandem specie plantam describere & depingere. Utrunque duas dari species concedo, cum Parkinsonus ipse utramque in horto suo simul coluerit: verum secundam Parkinsoni, i. e. Chamædaphnen veram Dioscoridis à Lauro Alexandrina Col. specie diversam puto.

Joan. Tradescantius hanc Parkinsono communicavit.

4. *Laurus Alexandrina ramosa, fructu è summitate caulium prodeunte* Hort. Paris.

Hanc in horto Regio Parisiensi vidimus, verum alieno tempore, nimirum sub exitum brumæ, cum neque fructum neque florem edidisset: Nec tamen eget proluxa descriptione, cum notæ in titulo allatæ ad eam à reliquis congeneribus distinguendam abundè sufficiant.

## CAP. XII.

## De Rusco seu Oxymyr sine.

**H**ec planta genere cum Hypoglosso & Lauro Alexandrina convenit, ab iisdem differt foliis minoribus, Myrti æmulis mucrone acuto & spinoso, unde & Oxymyr sine dicitur.

A. *Ruscus* J. B. C. B. Park. *Ruscus* sive *Bruscus* Ger. *Oxymyr sine*. *Knee-Holly* or *Butcher's broom*.

Duorum dodrantum, nonnunquam etiam duum cubitorum altitudine, densis *viminibus*, lentis, fractuque contumacibus & striatis fruticat, usque in multos ramulos diductis, in quibus confertissima *folia*, Myrtinis paria, rigidula, nervosa, mucrone infesto pungentia, nullo pediculo ramis hærentia, parte prona ad latus inflexa, ut non sursum & deorsum, sed dextrorsum & sinistrorsum spectare videantur, dura & robusta, sapore amara, & adstrictoria vi efficacique pollentia; ad quorum medium *flor* minimus, perbrevis pediculo hærens, enascitur, qui ubi primum oritur, aciculæ nodulum figurâ suâ exprimit: expansus verò tria latiuscula foliola, inferiore quidem sui averlæque parte folium, cui quasi stragulo incumbunt, respicientia, lintris in modum excavata, sinuatæque ostentant omnia, reliquis interim tribus, quæ ternorum instar radiorum sunt efformata, in angustum apicem definientibus. Florem deinde *fructus* sequitur rotundus, Asparagorum baccis major, rubescens, subdulcis, sub cuius pellicula bina latent *semina* magna, fulva, altera parte gibbosa, alterâ plana, insignis duritiei. Succrescit quotannis nova Asparagorum simillima propago aromatica aliquantulum, amara, ut annotat Lobelius. *Radices* crassæ, obliquæ, implexæ, fibras demittunt crebras, Asparagorum fibris similes, albas, longas.

*Vires.*

Radix recensetur inter quinque communes aperitivas. Ad infarctus & obstructions tollendas non parum conferre ipsi (inquit J. Bauhinus) multoties experti sumus. Usus ejus præcip. in obstructione hepatis [ictero] urinæ [stranguria] mensium. Alii de his qualitatibus dubitant. Alii, ut Dodonæus, in ipsis hydropicis obstructionibus magna utilitate præscribi posse & solere aiunt.

Jo. Bauhinus textorem quendam sexagenarium, cui pedes & abdomen totum in immensum propemodum tumebant, ipsumque adeo Scrotum capitis pueri amplitudinem æquabat; radicis hujus & Iridis atque Foeniculi decocto ex aqua usu [exhibitis interim etiam eradicativè purgantibus aliquoties, ministratisque cæteris ad rem pertinentibus, potissimum omni præter jam dicto interdicto potu] unius tantum mensis spatio D. G. tanta sceleritate se perfunctum refert, ut ipsemet [textor] sub mensis finem pedes ad se, & sæpius postea gratias habiturus & relaturus profectus sit. Reliqua vide apud J. B. lib. 5. cap. 40.

In ossibus fractis consolidandis non minus efficacem esse aiunt hanc radicem Polygonato aut Symphyto majore.

In Italia ipsum fruticem passim in scopas concinnari vidimus, inquit *Cherlerus*. Rustica plebs in carnario suspendit, tuerique eo à murium injuria pernas, & casei sui fiscellas: neque enim acuminata in cuspidem foliorum ejus cacumina penetrare animalia illa audent. *Marcel*.

\* Tom. 1.  
part. 1. p. 582.

Barthol. Cabrolus non ignobilis chirurgus Monspelienfis, referente \* J. Bauhino, Rusci radicem copiosè infusâ in aqua, potaque manè & serò per se, & in pastu vino permixtâ, aliisque cibis, ut juleculis, ipsique adeo pani, unius mensis aut quinque septimanarum spatio duas puellas alcite laborantes curavit, ut altera viginti annos sana & incolumis supervixit. Jo. Bauhinus ex vacationis modo ac impetu (nam ex vulva magno impetu profluxerunt libræ octoginta aquæ sine ulla intermissione) potius hydropem matricis fuisse putat, cum vix credibile videatur tantam aquæ vim ex abdominis capacitate sine immensa virium, ac forte etiam vitæ, jactura tanq. impetuoso & continuo fluxu evacuari potuisse.

Exemplum mendici hydropici, in quo decoctum radicis Rusci mira perfecit, Vide apud Riverium Observ. Centur. 3. Obs. 52.

## CAP. XIII.

## De Polygonato seu Sigillo Solomonis.

**P**olygonatum Dioscoridi lib. 4. c. 6. quod radix crebro geniculata sit: vulgo Sigillum Solomonis haud dubiè à vestigiis pluribus radici sigilli instar impressis. Foliis nervosis cum Lilio convallium & Monophyllo convenit: magnitudine sua, caule multis foliis vestito flore cylindræ ab eisdem differt.

A. 1. *Polygonatum* Ger. *vulgare* Park. *latifolium vulgare* C. B. *Polygonatum vulgè Sigillum Solomonis* J. B. *Solomon's Seal*.

J. B.

Summo cespice transversa vagatur Polygoni *radix*, digiti crassitudine, pyxidatâ commissurâ inæqualis & tuberosa, candore marmoreo, densò fibrarum agmine capillata, sapore subdulci. *Caules* cubitales, & sequicubitales, teretes, odore si terantur discenturve nauseosò, summitate recurva velut arcuati; in quibus alternatim disposita sunt *folia*, Lili convallium, nervosa, superne in atro vi-  
rore



rore splendens, inferne caesia: ex quorum alis flores exeunt pediculo semunciali aut unciali, in pedicellos breves subinde diviso, singulares, bini, ternive, ab inferiore parte caulis una & continua serie dependentes, cylindracei, albi, oris herbidi, in sena segmenta divisi, quibus totidem adnascuntur apices crocei, stylo albo intus usque cum apicibus latente. Hisce decedentibus baccæ oriuntur virentes, mox glaucæ, corymbis hederaceis pares, aut paulò etiam majores, tribus zonulis à summo ad imum pictæ, in quibus semina sena vel septena, alba, dura, magnitudine Viciæ.

In sylvis, locis umbrosis & juxta margines sepium nascitur, in omnibus ferè provinciis: in Anglia tamen nostra rarius est. Locus.

Varia baccis rubentibus, purpureis, nigris.

\* 2. *Polygonatum majus vulgari simile* J. B. *latifolium maximum* C. B. *majus* Park.

Clus.

Forma (inquit Clusius) vulgari pænè simile est, in duplo majorem tamen altitudinem excrevit, crassiorèque habet radices & caules, ampliora folia longè plures flores, majorèsq; baccas. Sponte nascitur vulgari permixtum in quibusdam Austriae & Pannoniae umbrosis locis.

A. 3. *Polygonatum floribus ex singularibus pediculis* J. B. *latifolium flore majore odore* C. B. *majus flore majore* Park. *latifolium* 2. Clusii Ger.

J. B.

Pedales huic sunt caules, striati, firmi, non valdè inflexi, sed recti fermè: folia vulgari similia, eodè modo, hoc est, alternatim circa caulem disposita, brevioribus tamen quàm in illo spatiis, minora etiam, firmiora, ingrati gustus: ex singulis alarum sinibus duo aut tres exeunt flores, brevibus magnæque ex parte singularibus petiolis inhaerentes, vulgari tum formâ tum colore similes, verùm majores, & odore (qui in vulgari nullus est) floris Spinæ appendicis. Baccæ deinde, virides initio & sphaericæ, quemadmodum in vulgari, majores tamen, postea nigricantes, semen continentes osesum, durum. Radix longa, obliqua, geniculata, candida initio dum recens eruta, deinde pallescens, nonnunquam etiam purpurascens, præsertim circa germina, vulgaris radici ferè par, tametsi etiam aliquantulum tenuior inveniatur, interdum verò amplior, ubi pingue & bene subactum solum nata est.

Floret Maio, baccæ maturæ sunt Augusto, interdum etiam multa hyeme, atque etiam ipsa brumæ caule pendentes conspiciuntur. Nos in rupibus & petrarum fissuris invenimus in Anglia non longè à *Serle*. Eboracensis provinciæ oppido: & in monte *Saleva* prope *Gerlevam*. Clusius in nemorosis illis montibus vulgò *Leytenberg* nuncupatis, supra *Manderstorf*, &c. & in plerisque aliis trans-Danubianis Pannoniæ montibus inter saxa: item in sylva *Quercubus* consistit ad *Levam* *Moeni* fluvii paulò infra *Frankfurtum*.

Huic perfimile est, & ut mihi videtur, idem

*Polygonatum latifolium minus flore majore* C. B. Park.

Radice habet subrotundam, flores inodoros, baccas per maturitatem caesas: reliqua conveniunt. In monte *Creutzacho* prope *Basileam* provenit.

\* 4. *Polygonatum latifolium Ellebori albi foliis* C. B. *Polyg. maximo folio* Park. *amplitudinis foliorum Ellebori albi* J. B.

Clus.

Superiori similem habet caulem, ejusdèmodi vel majoris etiam altitudinis, non adeò tamen rectum, sed magis inflexum: folia duplo ampliora quàm reliquorum, ad *Ellebori albi* foliorum amplitudinem nonnunquam accedentia, dura, nervosa, lævia, dilutius virentia, neque subtus incana, nonnihil acidi gustus initio, deinde paullatim acris: flores alteri similes, inodoros tamen, neque ex singularibus petiolis singulos, sed binos aut plures ex oblongiore pediculo dependentes, ut in vulgari, cui etiam similem fructum habet: radicem albam, longam, obliquam, geniculatam, dicto *Polygonato* magnitudine parem.

Crescit copiosè umbrosis locis inter *Brunnam* & *Weysbach*, aliisque vicinis montanis sylvis supra *Viennam* *Austriæ*. Locus.

\* 5. *Polygonatum latifolium ramosum* J. B. C. B. *latif. ramos. fruct. 4. Clusii* Park. *ramosum* Ger. *Broad-leaved branched Solomon's seal*.

Folia huic per caulem cubitalem ramòsq; *Polygonati foliis* similia, æqualiæque, acutiore mucrone, venosa, mollia, alternato posita, quos ima parte perfoliata modo complectuntur: è quorum uniuscujusque sinu longus exit pediculus, unicus, rotundus, tenuis, cui inhaerent flares majusculi, lili convallium, laciniatis oris extrorsum reflexis, quem inferiore parte scribit Clusius nigricantibus quibusdam maculis aspersum, odore propemodum *Oxyacanthæ*. Fructus *Polygonati* minoris sive angustifolii fructui similis, trigonus initio & viridis, per maturitatem verò oblongior & rubescens, parvæque Corna interdum æquans, in quo multa grana albicantia congesta sunt. Radix à *Polygonati* vulgaris radice differt: nam neque crassa est, neque adeò candida, sed exilis & nodosa, sive in frequentes nodos extuberans pluribus crassis fibris constat, ut *Thalictri* quædam genera.

Locus.

In umbrosis montis *Websell* sylvis, deinde in *Durrenstein*, &c. invenit Clusius, ad quem etiam *Silesia* transmissum est.

6. *Polygonatum minus* Lob. Ger. *angustifolium* Park. J.B. *angustifolium non ramosum* C.B. *Parrot-leaved Solomon's seal*.

7. B.

*Alba radix* geniculatim incedit, haud secus ac prioris *Polygonati*. *Caules* cubito altiorem, similes, sed in his *folia* multis numeris angustiora, *Rubiae* foliis paria, laevia, venosa, viridia cum aliqua coerulei tinctura, quaterna aut quina radiatim ex caulium geniculis enascuntur, ceu & herbacei *floris* *Polygonati* vulgaris, succedentibus *baccis* minoribus: Clusio *fructu* initio versicolore, qualis est *Graminis* *Parnassi* quorundam sive *Unifolii* fructus, deinde per maturitatem rubro, granulis albis, duris, reliquorum instar repleto.

Locus.

In sylvis montosis propè *Spadam* urbiculam acidulis celebrem copiosissimum observavimus, inque sylvis montis *Salezæ* propè *Genevam*. In editis montanis sylvis & umbrosis locis provenit.

- \* 7. *Polygonatum angustifolium ramosum* J.B. C.B. Ger. Park. *Parrot-leaved ramose Solomon's seal*.

Clus.

*Caulis* habet cubitalem, angulosum, in multas tenues alas divisum, quæ æqualiter ex singulis angulis exoriuntur, quaternæ interdum, nonnunquam & quinæ, pro angulorum qui in caule numero: *ramuli* tenues, longis & angustis *foliis* obfiti sunt, binis, ternis aut quaternis æqualiter in circuitu prædeuntibus, in quibus *floris* *Polygonato* proximè descripto similes, paulò tamen minores, brevi pediculo dependentes inter foliorum alas sparsi sunt; quibus succedit *fructus* rotundus, ruber, pulpa plenus, aliquot ossæ grana continens. *Radix* vulgari similis est, candida, nodosa, propagines ad latera fundens, & candicantibus fibris obsita.

Ex *Silesia* habuit Clusius.

8. *Polygonatum Virginianum* Park. Ger. emac. *spicatum sterile*, & *spicatum fertile* Corn.

Cornut.

*Radice* constat alba, tenui, quo à vulgari differt, ex longis intervallis geniculata, quæ *Lili*, quod convallium vocant, instar repit. Maio mense *Cauliculus* pedalis assurgit, è cuius utroque latere exeunt *folia*, inæquali situ disposita, vulgaris facie, acutiora tamen, pinguiora, & minus nervosa, imò nec subtus incana, sed grata & pellucida viriditate utrinque micantia. *Flos* neutiquam ex alarum sinu prodit ut in Europæis *Polygonatis*, sed summum caulis apicem occupat, ibique plurimus spicatum aggeritur, unusquisque proprio petiolo in caulis fastigium desinente sustinetur. *Flos* exiguus est, & quinque albis foliolis compositus, asterisci figurâ cum expanditur, filamenta quoque tenuia ejusmodi foliolis interferuntur. Excusso flore globuli tenues succedunt, qui sensim eam magnitudinem assequuntur quam in separato folio appingi curavimus. *Baccas* istas [minores quàm in ullâ ex prædictis *olygonati* specie] subrotundas excurrentes, lineæ sex nigræ, æquis intervallis utrinque in puncto velut in polo sese interfecantes, singulas, albas initio separant velut sphaeram Meridionales circuli, pari naturæ ingenio ac si *Geometra* composuisset. Hæ *baccæ* non mediocrem subeunt maturitate mutationem, sensim enim rufescunt donec omnino rubeant, rubore splendido coccineo, ac cum temporis signaturæ linearum penitus obliterantur. Ægrè admodum gustatur, fastidiosum enim saporem obtinet, qui ferè ex dulci in amarum tendit, Solani lignosi more.

Locus.

In *Virginia* & *Nova Anglia* sponte provenit.

- \* 9. *Polygonatum racemosum* Cornut. *racemosum Americanum* Park.

Cornut.

*Radix* firmatur crassa, subalbida, pluribus internodiis extuberata, nec paucioribus capillat fibris: *Caulis* aliquando simpliciter, nonnunquam etiam, sed rarè duplici, eoque rotundo atque atropurpurante in duo cubita elevatur. *Folia* habet latissimè expansa; *Nervi* simili atque in *Plantagine* ordine per eorum latitudinem discurrent; varii coloris, nunc purpurei, nunc atroviridis. Ut autem folium quàm in aliis speciebus durius ac nigrius est, ita & ejus ambitus rugosior lineâ obscuriore clauditur. In apice caulis uvæ floridæ simulachrum apparet. Mollia filamenta dilutè pallentia *flosculorum* loco penolis insident: ferè rigent octiduo, quo elapso succedunt *acini* rotundi *baccarum* *Juniperi* magnitudine, eximiam uvam componentes: flavescent hi per initia, & mille notis quasi sanguineis interpunguntur, longè verò postea maturitatem adepti, evanescentibus maculis illi toti in *Ceraforum* ruborem transeunt. Eorum pulpa dulci sapore linguam afficit, *feminâq.* alba continet subrotunda, quibus satis vel levissimè adhibita operâ planta hæc facillimè pullulat.

- \* 10. *Polygonatum ramosum perfoliatum flore luteo majus & minus Americanum* Cornut. Park.

Cornut.

Hæc statim gracilis in exortu *caulis*, teres & glaber, palmarem ferè longitudinem assequitur, mox in duos ramos diducitur, quorum singuli in plures postea divisi, cubitalem sæpe longitudinem superant. *Folia* caulem pervio utrinque ductu ita excipiunt, ut *Perfoliata* instar medium penitus obvalent: *laxia* hæc sunt, oblonga, venosa, & extremâ parte obtusa, pallidissimèque virent. E supremo caliculorum apice, & ipsorum etiam foliorum sinibus, incurvo deorsumque nutante pediculo *flor* lu-

tus



teus propendet, sex angustis sed longioribus foliis compositus, quæ, ut in Tuliparum genere fieri solet, separatim dividuntur. In interna floris parte filiquæ rudimentum cum adnatis corniculis, sexq; longa, sublateaque stamina delitescunt. Cum defloruit pediculus sursum flectitur. Semen albidum filiquæ coriaceâ initio viridi, deinde furvâ, triangularisque formæ concluditur. Radix non adeo crassa est, nec adeo candida atque præcedentium, sed solâ fibrarum copiâ densius contextâ capillatur, nec proinde latius graditur ut superiorum. Florent ineunte Junio, Julio semina perficiuntur, quo tempore filiqua reſeratis commissuris trifariam hiat, ut concepto semini exitum patefaciat.

Varia foliis angustioribus & longioribus & in acutissimum mucronem definientibus: flore quoque multo pallidiore.

Ex nova Francia delatum est hoc & superius genus.

Hæc planta Polygonati speciebus minimè accensenda videtur, quin potius Bulbosis affinium familiaris inferenda: at neque præcedentes duæ veræ & genuinæ Polygonati species sunt.

Locus,

- \* 11. *Polygonatum latifolium, perfoliatum Brasilianum* C. B. J. B. Park. Accedit in multis ad præcedentem.

C. B. prod.

Caulis est bicubitali, striato, folia Perfoliatæ modo transeunte: foliis pallidè virentibus, tenuibus, nervosis, uncias duas latis, quatuor longis: flore magno albo, ex foliis quinque angustis, binas uncias longis composito, qui ex longo, tenuissimo pediculo dependet. Fructum non vidit autor.

Hoc in Brasilia apud Toupinambaultios crevit.

Polygonati vires summatim recenset Schroderus his verbis.

Vulnerarium est & altringens, fluxiones quascunque sistit; ossa fracta consolidat. Radix in vino decocta & pota mira præstat in contusionibus & fracturis ossium, in herniis, &c. Extrinsecus faciei maculas abstergit, cutim dealbat, &c.

Viret.

Baccæ pituitam mucilaginosam per vomitum ac secessum educunt. Dos. 14. aut 15.

Ad menses albos, & Rad. Sigilli Solomonis saccharo condit. Est experimento probatum remedium sæpius utentibus. Matthiolum.

In Cerevisia forti coctum optimè convenit in Arthritide. D. Palmer dictante D. P. Hermanno annotavit.

Sylvius L. 2. C. 21. S. 131. inter Medicamenta antepileptica Sigilla sexto in loco recenset, cujus acetum & oxymel infantibus epilepticis auxilio fuisse se novisse ait, & acrimoniam suam salem suum volentem manifestare nemo negabit in arte peritus, inquit. D. Soame.

- \* 12. *Polygonatum latifolium cauliculis rubentibus non descriptum* Hort. Lugd. Bat.

- \* 13. *Polygonatum flore pleno odorato* Hort. Reg. Par.

## C A P. XIV.

### De Lilio convallium.

Lilium convallium Recentioribus dicitur hæc herba, quod in opacis & lucis vulgè nascatur. Lilium inter Spinæ & Lilium convallium Solomonis. Notæ ejus sunt caulis nudus, flores parvi campanulati; baccæ rubræ.

- A. 1. *Lilium convallium* Ger. *convallium vulgo* J. B. *convallium album* C. B. *convallium flore albo* Park. *Lilip-convallip* o? *May-Lilip*.

J. B.

Radice tenui & alba, fibrata, summo cespite reptante donatum, coliculus profert palmarem circum, angulosum, à cujus medio ad summum flores pulchri in unam ferè partem vergentes per intervalla, penduli & nutantes, in pediculis tenuibus curvisque nascuntur, parvæ nolæ effigie, oris in sex lacinas dissectis, totidem staminibus ex herbido luteis fundo adnatis, stylum triquetrum circumstantibus, odore suavissimo, sapore amaricante: quibus succedunt rubra seminum conceptacula globosa, ut in Asparagis. Folia bina aut terna, lata oblonga Orchidis foliis similia; potius nervosa Polygonati. Maio mense floret.

In agro Hampstediensis propè Londinum copiosè provenit; item in umbrosis ad latera montis Ingleborough & alibi in Septentrionalibus Angliæ.

Locus.

*Lilium convallium flore rubente* J. B. C. B. & aliorum, floribus suave-rubentibus Ger.

Solo floris colore à præcedente differt. C. Bauhinus florem minorem esse ait & minùs odoratum.

- \* 2. *Lilium convallium cum pluribus florum ordinibus* J. B.

Huius *Lilii* non contentus est uno florum ordine, sed utrinque producit flores uncialibus & semuncialibus pediculis, appositis unicuique ligulâ ad exortum pediculi parâ cum eo longitudinis.

3. *Lilium*

3. *Lilium convallium magnum* J. B. An *Lilium convallium Alpinum* C. B?

Foliorum dispositio, fibrosa striatâque textura cum nitido virore respondet foliis *Lilii convallium* vulgaris, duplo tamen aut triplo majora sunt.

4. *Lilium convallium latifolium* C. B. J. B.

C. B.

*Radicibus* est tenuibus, longis, repentibus: *caule* pedali, *foliis* ternis, viridibus, nervosis, subrotundis, lævibus, palmaribus, uncias quatuor latis, basi sua caulem fistulæ modo ambientibus: *floribus* magnis, albis, rotundis, hiantibus, reflexis & odoratis, quibus fructus rotundus, rubens, *semen* durum continens succedit.

In hortis quibusdam colitur.

Vires.

Flores, ut & folia, adversus apoplexiam, epilepsiam, paralyfin, vertiginem, aliôsq; morbos capitis frigidos auxiliares esse feruntur. Sunt etiam qui velint cor roborare, ac cardiacis prodesse & li-  
pothymia.

In Germania alicubi conficiunt ex floribus per æstatem siccatis vinum vindemiarum tempore, ipsos calcatis uvis admiscentes, quo postea utuntur ad prædicta.

Sunt & qui recentiores flores cum vetere & generoso vino destillant, vel solos, vel cum floribus Lavendulæ & Roris marini, vitreis organis in balneo aquæ. Qui fortio-rem volunt, repetunt infusionem, iterumque destillant. Sic parata aqua Matthiolo dicitur aurea, quia in vasis aureis argenteisve servatur, & in omnibus periculosis morbis exhibetur.

Non radices tantum, sed & flores exsiccati & in pulverem redacti insigne *flaxumdy* habentur.

## CAP. XV.

De *Monophyllo*.

**M**onophyllon dicitur hæc herbula quod radices inter reptandum folia singularia emittant; nam in caule duo plerunque folia sunt, interdum tria.

*Monophyllon* Ger. *Monophyllon* sive *Unifolium* Park. *Monoph.* sive *Lilium convallium minus* C. B. *Unifolium*, sive *Ophris unifolia* J. B. *One-blade*.

Reptando fibrillas profert tenuis *radicula*, subdulcis, candida: unde *coliculus* palmaris exurgit, tenuis, folio uno aut altero, rariùs tribus donatus, formâ ad folia Sigilli B. Mariæ dicti accedentibus, minoribus, per longitudinem nervosis, aversâque parte hirsutis. *Flosculi* candidi, odorati, quatuor foliolis, totidémque staminibus concoloribus, cum stylo constant. *Bacca* succedunt *Lilii convallium* per maturitatem rubentes.

Locus &amp; Tempus.

In omnibus pænè editioribus Belgii & Germaniæ sylvis & dumetis invenitur. Primò observavimus in Hollandia, in luco quodam prope Hagam Comitum. Floret Maio & Junio. Nos Maii 18. in flore invenimus.

## CAP. XVI.

De *Mandragora*.

**M**andragora dicitur, quòd folis fervidioris impatiens ad mandras pecorum, antra, aliâque speluncas umbrosas provenire amet. *Mandre* enim aprica loca quò se recipiunt & stabulantur armenta etiam hodiè Itali è Græco significant.

Notæ ejus sunt quòd nullos caules producat præter pediculos flores & fructus sustinentes, radices grandes anthropomorphas quodammodo.

1. *Mandragora fructu rotundo* C. B. *Mandragoras mas* J. B. Ger. *mas vulgaris* Park. *Chemale* *Mandragore*.

J. B.

Anthropomorphon dixere *Mandragoræ radicem*, crassam, longam, bifidam, incoxantem hominem, ut sibi persuadent, referentem: [radix interdum simplex est & indivisa, interdum etiam trifida aut quadrifida] è cujus capite *folia* exeunt, mari quidem circiter cubitalia, sesquipal-  
mum fere lata, principio & mucrone angustis, atro virore prædita, foetida: inter hæc à radice quoque [nullum enim profert caulem] pediculi exeunt crebri, duarum unciarum, aut palmares etiam, *florèm* singuli sustinentes albidum, ac nonnihil purpurascens, modicè hirsutum, Campanulæ fere formâ, quinis segmentis, è calyce foliato, laciniato, itidemque villosa, odore foetido. *Pomum* sequitur rotundum, parvi Mespili magnitudine, ex luteo viride, *semina* continens alba, subrotunda compressa. [Pomum plene



plene maturum croceum colorem acquirit *Park.*] Radicum in Officinis prostant solummodo cortices.

In calidioribus regionibus Hispaniæ putà Italia, Creta & Cycladibus insulis sponte in sylvis & um-  
brosis exit, necnon propè ripas fluviorum; in frigidioribus & Septentrionalibus nonnisi in hortis sata  
oritur. Locus.

Mandragoras mas alter *Park.* foliis ex viridi subcinereis & nonnihil complicatis à præcedente differt.

- \* 2. *Mandragora femina* J. B. Ger. flore subcæruleo purpurascens C. B. item *Mandragora fructu pyri* ejusdem. *Mandragoras femineus* *Park.* The female Mandrake.

Clus.

*Mandragora feminae* folia angustiora, minora & nigriora sunt quàm mari, magis etiam rugosa crispæque, virofa & graveolentia & humi expansa: inter quæ longi pediculi exiliunt, per terram strati, quibus insident flores *Melopeponum* floribus formâ pæne similes, coloris ex cæruleo purpurascens, quibus succedunt fructus, non turbinati instar pyri, sed rotundi, Vesicariæ fructu triplo majores, initio virides, maturitate pallefcentem ex luteo colorem adquirentes, odorati, succi pleni, semine abundantes plano ut maris fructus, sed minore nigrioræque. Radix pedalem aut ampliorẽ longitudinem aequat, interdum bifida, intus alba, foris verò fusca, cui aliquot fibræ adnascuntur.

Supra Gades itinere Hispalensi, non procul ab urbe *Xeres de la frontera* dicta, ad arborum margi-  
nes, quæ secundum flumina sita sunt, & quibusdam aliis Beticæ locis uliginosis florentem observa-  
bat *Clusius* Februario, &c. Locus.

*Mandragoras* inter narcotica & hypnotica medicamenta recenseri solet. Quod an de radicem  
cortice (qui officinis in usu est) verum sit nescio. Fructus certe immerito, suspectus est. *Casp.*  
*Hofmannus*, An quisquam Pomum ipsum cum vel sine cortice impunè possit esitare se valde igno-  
rare scribit. Aetius omnem malitiam videtur rejicere in semen, quasi illo dempto caro sit indemnus,  
nisi nimis copiosè ingeratur.

Verùm, ô bone, pulpa etiam cum semine innoxie esitari posse te docebit, *Jo. Faber Lynceus* Ro-  
mæ *Simplicium* Professor, Vir eruditissimus, & fide dignissimus. Is, teste *Joan. Terrentio* Notis in  
*Hernandez de Plantis Mexican.* lib. 8. cap. 28. coram suis Auditoribus magnum *Mandragoræ* pomum,  
una cum feminibus jejunis absumpsit, sine ullo vel somni, vel alterius mali signo minimo, & ut expe-  
rimentum esset certius, jejunis usque ad prandium, per aliquot nempe horas, permansit, & à vino,  
ne vis pharmaci debilitaretur, abstinuit. Idem experimentum se quoque per se fecisse testatur *Jo.*  
*Terrentius*.

Cum ergo *Mandragoræ* poma & esculenta sunt & odorata, non est cur aliam interpretationem  
voci Hebrææ *Dudaim*, quæ matri suæ *Lia Reuben* attulit, quæramus. Cumque veterum testimonio  
semen *Mandragoræ* potum uteros purget, verisimile est *Rachelem* hujusce facultatis consciam poma  
*Mandragoræ* expetivisse, ut purgato utero aptior ad concipiendum redderetur, liberòsque non mi-  
nus quàm *Lia* soror & in ancilla *Zilpha* procrearet. *J. B.*

Cortex radicis, qui ad nos aliunde, potissimum ex Italia asportatur, narcoticus est ac soporiferus  
(inquit *Schroderus*) rari usus intrinsecus. Extrinsecus ejus usus est in oculorum rubore ac dolore, in  
*Erysipelate*, in tumoribus duris, strumis &c.

*Agyrtæ* & impostores pro *Mandragoris* circumferre & plebi divendere solent fictitiis quasdam  
imagines ex aliarum stirpium radicibus recentibus efformatas, *Altheæ*, *Arundinis*, sed præsertim  
*Bryoniæ*.

## C A P. XVII.

*Ipeca coanna Brasiliensis* Marggravio. *Herba Paris Brasiliana polycoccus.*

Marggr.

EX radice spithamæ longitudine & ampliori, flexuosâ, nodosâ seu geniculatâ, multis filamentis  
lateralibus præditâ, quæque corticem habet subruffum instar *Tormentillæ*, interius autem al-  
ba est & in medio habens medullam, à qua reliqua substantia viridis radicis detrahi potest,  
medullâq. removeri, progeneratur unus aut alter caulis, semipedalis aut paulo longior, teres, lignosus,  
lentus, coloris cinerescens, partim terræ incumbens aliâsque radices agens, partim surrectus. In  
uniuscujusque hujus summitate sex, septem aut octo ut plurimum folia insident modo *Herbæ Paris*, su-  
perius saturatè viridia, inferius dilutiora, nervo uno secundum longitudinem, & multis venis trans-  
versis prædita instar foliorum *Lupini*, ad tactum ut folia *Asari* sed molliora. E medio horum in  
proprio pediculo enascuntur decem, duodecim, aut quindecim flosculi, in capitulum congesti, parvuli,  
albi, pentapetali, cum totidem staminulis albis. Post flores sequuntur totidem bacca brunna seu  
saturatè Laccæ coloris, magnitudine *Cerasi sylvestris*: bacca intus continet pulpam albam succulen-  
tam, cum duobus granis seminis duris, flavescentibus *Lenticularis* figuræ.

Amat planta humidâs sylvas & in hortos translata nullum sumet incrementum.

Radix contusa, & drachmæ unius pondere in poculo vini aquâ mixti macerata, deinde leviter bulli-  
ta, si bibatur, per vomitum & sæcissum purgat, & non solum in dysenteria sed etiam in affectibus  
ventriculi datur optimo successu. Locus.  
Vires.

## CAP. XVIII.

## De Herba Paris.

**H**erba Paris dicta caulibus non ramosis, unico in singulis flore & bacca, determinatè five ex una distinctione foliatis ab aliis omnibus plantis distinguitur.

A. I. *Herba Paris* Ger. Park. J. B. *Solanum quadrifolium bacciferum* C. B. *Herb Paris* q. *True-love, One-berry.*

J. B.

*Radicem* obtinet tenuem, geniculatam, repentem; *caulem* mediocriter crassum, teretem, solidum, duos palmos altum, propè terram rubentem, superius viridem: *folia* duobus cis summum *caulem* digitis quaterna, rarius quina [teneræ antequam hastam producat terna sunt] ex angusto principio lata, in acumen desinentia, rugosa & nervosa, per margines æqualia, infernè splendentia, superne non item. *Flos* in hastula singularis, ex quatuor latiusculis, acuminatis, viridantibus foliis; inter quorum duo quælibet foliolum tenuissimum acutissimumque ejusdem coloris intercedit. *Stamina* pro foliorum numero octona, longa, acuta, viridia, additamenti croceis [aliàs albescentibus] obsita. In medio sessilis *baccula* quadrangula, & interdum pentagona, atropurpurea, ex cujus umbilico quaterna *filamenta* ejusdem cum ea coloris emicant. *Semen* acino inclusum album, minutum [magnitudine Papaverini aut Amaranthi] copiosum. Odor virosus & ingratus.

Locus.

In montium, sylvarum, convallium & frutetorum opacis, ac perinde aliis umbrosis pingui aceto reperitur solo, ut rectè J. Bauhinus. Aprili mense è terra exit, & Maio aut Junio baccam perficit. De hujus viribus sic breviter Schroderus; Baccæ & folia refrigerant & siccant. Usus baccarum internus est alexipharmacus in peste, venenatis morbis, venenisque assumptis (ex. gr. Arsenico) Extrinsicus foliorum usus est in bubonibus pestilentialibus aliisque calidis tumoribus, in paronychiis, in ulceribus inveteratis.

Plantam hanc non Aconitum credendum esse, sed potiùs Alexipharmacum probat Lobelius experimento duorum canum, quibus Arsenicum & sublimatum dederat, quorum alter, cui pulverem Saxonicum exhibuit, convaleuit; alter, cui nihil dedit, extinctus est. Vid. historiam integram Adv. pag. 105.

An tutum sit pestilentialibus morbis applicare narcotica, meritò controversitur, inquit J. Bauhinus. Casp. Hofmannus ad fidam experientiam provocat Matthiolum adversus veneficia commendat, atque se novisse quosdam veneficiis semistultos factos hujus plantæ semine ad viceffimum usq. diem hausto drachmæ pondere, pristinæ sanitati omnino restitutos esse. Nos contra pronunciamus eos semistultos vel planè stultos esse, qui credunt veneficia à sagis illata (si tamen intulerint) tolli posse per verba, herbas, aut ejusmodi præstigias.

Quod ad verba attinet & nos cum Bauhino sentimus: non videmus tamen cur herba non possint corrigere & sanare morbos, quos spiritus mali humores corporis depravando intulerint.

\* 2. *Solanum triphyllum Canadense* Cornuti. *Herba Paris Canadensis* rotunda radice Park.

Corn.

In pedem surgit *cauliculus* teres & viridis, qui in medio sui tribus *foliis* adversis inter se, laboribus & in obtusum mucronem desinentibus colorisque obsecrè virentis intercipitur. Ultra hæc enim nudus transilit caulis, qui in summo *florem* unicum gestat, sex foliis constantem, quorum tria subiecta tota viridia sunt & brevia: tria verò superiora longiora & latiora atropurpureascent. Nascitur in eorum medio *porum* exiguum, quod maturitate pullum & nigrum redditur, *seminibus* parvis Solani hortensis æmulis turget. Sapor huic dulcis. *Radix* non per summam tellurem errat ut nostras, sed in tuberculum conglobatur.

Tempus.

Hujus flos colore nonnunquam variat, candidus siquidem reperitur: Ineunte Maio floret; Junio bacca maturefcit, Julio præter radicem omnia deficiunt.

\* 3. *Solanum triphyllum Brasiliense* C. B. *Herba Paris triphylla Brasiliensis* Park.

C. B.

Ex *radice* tenui, oblonga, obliquè serpente *cauliculus* emergit singularis, glaber, palmum superans, circa quem *folia* terna, ex uno centro prodeuntia, & in latus sparsa, Solano tetraphyllo similia, latiora tamen, uncias quatuor lata, quinque longa, ex rotunditate acuminata, tenuia, lævia, venosa, supra quæ *cauliculus* unciarum quatuor assurgit, cui tria alia *folia*, uncias tres longa, longèque angustiora insident calicis instar sustinentia *florem* magnum, album, venosum, ex tribus foliis, uncias duas longis, & ferè unciam latis, compositum.

Locus.

In sylvis Brasiliæ apud Tououpinambaultios copiosè oritur. Habetur & in Canada, ut refert Parkinsonus.

A vulgari Herba Paris flore magno, tripetalo differt.



## CAP. XIX.

*Herbæ Paris affinis bifolia, Pomum Maiale Londinensibus.**Aconitum humile bifolium, sive Aconitifolia flore albo unico Leucoii campanulato, fructu Cynosbati Mentzel.**Mentzel.*

**E**X radice Anemones albâ, fuscâ, tuberculosa, quæ ad sui propaginem juxta terræ superficiem latè serpit, crassâsque in terram altâsque fibras demittit, exsurgit *cauliculus* uncias quinque vel sex longus, albus, rotundus, firmûsque tanquam ferreum filum qui in duos iterum dirimitur cauliculos tanquam ramulos priori fimiles, uncias quatuor longos: quilibet ramulus folium unicum Aconiti pardalianchis Napellique foliis non absimile (licet non adeò minutim sit dissectum) sustinet. Duo hæc folia sex laciniis constant, quæ basi tenui juxta pediculum suffulta in latius folium saturatè viride desinunt, in extremo in duos apices, qui cum suis lateribus parùm retrò flectuntur, divisa. Ex ala cauliculorum folia sustentium sub finem Aprilis & principium Maii erumpit *flos* cum suo pediculo non infirmo, semunciam longo: hic antequam aperitur ob staminum intrinsecum latetium & styli crassitiem Cynosbati ferè fructum refert: at ubi flos expanditur Campanulæ pendulæ sive Leucoii bulbosi speciem exhibet. Constat autem flos sex foliolis rotundis, concavis, candidis, ad margines parùm plicatis & tactu facilè decidentibus: Intus latent *stamina* duodecim lutea, stylum crassum, tribus in summitate fissuris muscosis præditum circumdantia, odorémque Pyrolæ minimæ spirantia. Circa finem Maii cum flos decidit stylus incipit crassescere & demùm Cynosbati formam & magnitudinem acquirere; cuius apex aliquid fungosum aut muscosum retinet. *Fructus* initio viridis per maturitatem flavescit parùmque rubescit, cutèque satis crassa intra se corpusculum Fragi maturi formâ, semina exigua in superficie sustinens & tenui basi innixum claudit. Planta radice per terram serpendo se propagat: primo anno unicum foliolum cum suo caule protrudit: sequenti anno caulis cum suo folio fit crassior; tertio verò caulis bifurcatur, duoque folia cum suo flore & fructu profert. Hanc plantam Londino missam Pomi Maialis titulo in horto nostro Cantabrigiæ aliquot annos aluimus: Est autem (ut puto) Virginicæ incolæ.

Ad Herbam Paridis nobis videtur accedere.

## CAP. XX.

*Monophyllo affinis Brasiliæ innominata Marggr.**Marggr.*

**E**X radice alba, succulenta, oblonga, & multis filamentis prædita producit quatuor, quinque, sex aut plures *caules*, rotundos, cavos, fistulosos, virides, spongiosos, bipedalis aut etiam majoris longitudinis: quilibet autem tantum unicum sustinet folium & superius unicum *spicam*, quæ prodit è latere caulis velut è vagina. *Folium* autem quodlibet quatuor vel quinque dig. est longum & splendide viride, figurâ cordis: Flosculi verò in spicam congesti, longiusculi & sex petalis constantes, quorum tria superiora coloris sunt cœruleo-purpurei, inferiori vergentia obscure purpurei. Inodorus est flos.

Cum fructum non describat autor, quod pertineat planta nescimus, ubicunque autem disponenda Monophyllum rectè dicitur, cum unicum tantum in uno caule folium obtineat.

## CAP. XXI.

*De Solano.*

**S**olanum, Σελύγε Græcis, quasi Sulanum, quod suis confert adversus febres ardentes, auctore Trago. *Martin.*

Solani notæ genericæ sunt Flores monopetali, quinquepartiti aut stellati, apicibus in umbilico oblongis, erectis & coitu suo umbonem quandam componentibus, semina parva compressa.

Et autem duplex vel fructu minore, v.g. Solanum vulgare, lignosum, &c. vel fructu majore, quod genus pomiferum dicitur; ut Pomum amoris, Mala insana, &c.

- A. 1. *Solanum lignosum* sive *Dulcamara* Park. *Solan. scandens* seu *Dulcamara* C. B. *Amara dulcis* Ger. *Glycypteros* sive *Amara dulcis* J. B. *Woody Nightshade* or *Bittersweet*.

*Sarmenta* lignosa, fragilia, tenuia, duos aut tres [imò quinque aut sex] pedes longa, vicinis pibus aut fruticibus se circumvolventia, aliàs humi procumbentia emittit. Cortex novellorum ramulorum viret, sed vetustiorum ipsorumque caudicum asperior cinericeo subcandicat colore, extrinsecus quidem, nam intrinsecus pulchre etiam viret. Medulla intus fungosa. *Folia* alternatim enascuntur, Solani hortensis, atrovirentia, duabus pinnis nonnunquam imà parte aurita, pediculo circiter unciali. *Flores* in muscariis exiguis foetidi sed pulchelli, cœruleo-purpurei, quandoque candidi, in quinque folia angusta, acuminata, extrorsum reflexa partiti, in quorum medio apices lumen in umbonem compositi. Hisce succedunt *bacca* per maturitatem coccinei coloris, sublonga forma, molles, lenti & ingrati saporis parvis, *granulis* compressis albenibus repletæ. Radix fibrosa. *Aquosa* & rigua amat, atque hinc circa scrobes & fossas saepe reperitur. Junio & Julio floret.

Locus.  
Vires.

Sebizius viridem Dulcamaram contusam & cataplasmatibus formâ applicatam ait mitigare mammarum dolores, ac emollire earum duritiem, dissolvereque in iis grumescens lac.

Urinam ciere dicitur, & contra hydropem cum fructu exhiberi. Accipe, præceptore Trago, lignum de hac planta libræ pondere, ac minutim in frustula tali ludicri instar concisa cum mensura vini albi, in novam ollam, eamque operculo (per quod tamen foramen in medio exiguum transfigito) probe contextam, ita quidem ut cum farina ex aquâ undique oblinatur, reponas superque carbonem lento igne decoquito supra tertias, demumque his utare. Hæc potio manè una hora antequam surgas, & vespere cum lecto te committere velis, cyathi vulgaris mensura sumpta morbum regium, præsertim inveteratum leniter per alvum & urinam exigit. Fertur ruptis & ex alto præcipitatis aut etiam cæcis succum utiliter bibi. Creditur siquidem concretum alicubi in visceribus sanguinem dissolvere, & partium læsarum sanitatem procurare: Efficax etiam censetur ad aperendas obstructions hepatis & lienis. At Parkinsonus scribit quoties ex Medicorum præscripto illum exhibuit se comperisse satis violenter purgare. Et Prævotius ligno Dulcamaræ decocto inter bilem benignè evacuantia principem locum tribuit. Lib. *De medicina pauperum*.

R. Foliorum manip. quatuor concisos cum ꝑijj. femin. Lini subtiliter pulverisat. decoque in vino moschato Cretico, aut larido porcino ad consistentiam cataplasmatibus calidum applicetur. Unius noctis spatio tumbrem capitis humani magnitudine resolvit, & contusiones deploratas musculorum sanavit. D. Hulse communicavit.

- A. 2. *Solanum vulgare* Park. *hortense* Ger. *S. hort.* sive *vulgare* J. B. *bacciferum* I, sive *Officinarium* C. B. *Common Nightshade*.

J. B.

Primariæ radici, quæ plerunque parùm altè agi solet, numerosa fibræ majusculæ & oblongæ nascuntur: unde caulis assurgit unicus pedalis aut cubitalis, teres, quibusdam tamen velut alis membranaceis angulosus, solidus, obscurè viridis, seu ex viridi nigricans, in multas alas divisus. *Folia* in caule ad intervalla singularia, pediculis longis appensa, ad folia Atriplicis accedunt, atrovirentia, modò sinuata aliàs integra, brevi & vix conspicua lanugine utrinque hirsuta, mucrone acuto. Juxta folia è caule exeunt rami majores, & ex ipsis foliorum alis alii minores. Ex adverso foliorum, plerunque tamen in caule aliquanto inferiùs, exeunt surculi seu pediculi majusculi, digitales aut longiores, in summitate dispersi in plures minores pediculos, quorum singuli flores sustinent monopetalos quidem, verùm in quinque lacinias acutas totidem folia imitantes reflexas ad unguem fere divisos, totidem pariter stamina cum apicibus suis luteis oblongis coeuntibus & stylum virentem è media bacca exeuntem occultantibus ambientes. Flores excipiunt *bacca*, corymbis hederaceis pares, per maturitatem plerunque nigre, interdum flavicantes, aut rubre, succo prægnantes, in quibus semen plurimum minutumque. *Calix* floris parvus quinquepartitus: Flosculi & bæccæ deorsum nutant.

Tempus.

Augusto & Septembri mensibus floret & semen perficit, superveniente hyeme primis statim primis corrumpitur.

- \* 2. *Solanum Brasiliense* Aguara quiya dictum.

Per omnia fere cum præcedente convenit, ut vix possum mihi persuadere specie diversum esse, quin & Marggravius ipse idem facit. Verum folia Capfici ei attribuit, duo, tria, vel quatuor juxta se posita, quod in nostrate non observavi nisi intelligat germina è foliorum sinubus, (quod videtur) cum inæqualis magnitudinis esse scribat: deinde semina purpurascencia.

3. *Solanum lanuginosum hortensi* seu *vulgari simile*. *Woody Nightshade*.

Solano vulgari major est & elatior, caule crassiore, lanuginoso, rubente: *Foliis* lanuginosis, mollioribus & incanis, mucronibus & segmentis obtusioribus, minùsque profundis quàm in vulgari Solano. *Flores* eundem obtinent situm & figuram, verùm duplo majores sunt & lanuginosi, teneriores quoque & molliores. *Bacca* per maturitatem crocea.

Vires.

Locus ejus natalis mihi non innotescit, semen ejus Londino ad me misit Edvardus Morganus. Solanum hortense erat olim edule. Refrigerat cum adstrictione. Usus apud Dioscoridem est in Erysipelatis foris. Hoc Dodonæus vehementer improbat, quod repellat. Adhibetur etiam in dolore capitis & in parotidibus externè.

Remedium



Remedium est præstantissimum in penis inflammatione ex lue Venerea orta curanda, cum albumine ovi. Succus carps applicatus febrem tollit, ut & in gargarismis; internè non suadeo. Communicavit D. Palmer, ex dictatis D. Hermannii Botanices Professoris & horti medici Leydenfis præfecti.

Tumoribus mammillarum frigidis linimentum ex succo Sempervivi, Solani & albumine ovi tepidum sæpius inunctum mirifice prodest. Ex observationibus Marcelli Cumanii ab Hier. Velschio editis excerptis & misit D. Barn. Soame.

4. *Solanum fruticosum bacciferum* C. B. *fruticosum Americanum dictum Anomum* Plinii Park. *Anomum* Plinii Ger. *Strychnodendros* J. B. *Tree Night-shade*.

J. B.

Arboscula trium cubitorum aut altiore proceritate, gracili stipite, quam cortex integrit cineris, in ramis viridis. *Folia* Euonymi, atrovirentia, sapore subacri. *Flores* Solani hortensis, candidi, quinque foliis reflexis constantes, apicibus totidem in medio croceis conjunctis. Succedit singulis floribus bacca fructui Halicacabi Solani æqualis, coccinea, seminibus similibus referta, luteis orbiculatis, compressis. *Radix* multas fibras luteas annexas habet.

In nostris regionibus folia hyeme amittit. Tota planta [ folia, flores, femina ] odore & sapore caret.

Locus ejus natalis non traditur, Americæ tamen indigena putatur. Julio plerunque aut Augusto apud nos floret, rarius Junio. Vix ante Solstitium hybernium aut Natalitia Christi fructum maturat.

#### 5. *Solana fructu majore Pomifera dicta.*

5. *Solanum pomiferum fructu rotundo, striato duro* C. B. J. B. *Mala Æthiopica* Ger. Park.

J. B.

Caule est singulari *Solanum pomiferum* dictum, crassitudine digitali, recto, cubitum alto aut majus, minus patulo seu ramoso, glabro late virenti, medulla albicante pleno, spinis subinde donato, in ramos plures diviso. *Folia* Melanzani foliis paria, sinuata, atrovirentia, undique glabra, spinis fortuitis, averfa parte costæ mediæ innatis, horrentia. *Flores* Solani vulgaris albi, cono luteo. *Poma* sequuntur rotunda, torulis canaliculata five striata, dura, quam Pomi amoris vulgaris minora, per maturitatem rubra, pulpâ intus acidâ, non adeo molli & humida quam illius: *Semina* parva, compressa, pallide lutea, Pomi amoris similia.

Ex Æthiopia in Hispaniam primum invecita existimatur Dod. inde ad nos venit.

Parkinsonus *Solanum pomiferum* herbariorum Lob. à Malis Æthiopicis dictis distinctum contendit, quod scilicet nullas neque in caulibus, neque in foliis spinas habet. Nos cum Bauhino utroque *Solanum* illud Mali Æthiopici synonymum facimus.

6. *Solanum pomiferum fructu oblongo* C. B. *Sol. pom. fructu rotundo* J. B. *api. tamen mendum typographicum subesse suspicor, & fr. oblongo scribendum.* *Mala insana Syriaca* Park. *Mala insana* Ger. *Mad Apple*.

J. B.

Fibrosas parum alte defigit *radices* ( inquit J. Bauhinus ) *Caulem* plerunque erigit singularem, draconalem aut pedalem, teretem, rubentem, lanugine quadam, quæ facile detergi potest, oblitum, crassitudine digitali, ab imo statim ramosum, ramulis creberrimis nullo ordine positis, è foliorum alis crenatis. *Folia* perampla sunt, palmaria scilicet aut sesquipalmaria, palmum fere lata, quercinorum quodammodo figura & circumscriptione, per ambitum sinuata, non tamen crenata aut dentata, pediculis palmaribus crassissimis insidentia. Tum caulis, tum venæ majores foliorum rubent: Folia ipsa saturatè virent, pulvisculo quodam seu lanugine velut farina albicante aspersa: costæ seu nervo folii medio spinæ nonnunquam innascuntur. Ex adverso foliorum exeunt *flores*, nunc singuli, nunc bini ternive in eodem surculo, è calice spinulis rubentibus horrido, in quinque acuta segmenta diviso, monopetali quidem verum in quinque aut sex lacinias stellæ in modum expansi, ampli, sinuosi, purpurei aut albicantes: quibus succedunt *poma* ovi vel cucumeris, circiter magnitudine, ex rotundo sublonga, colore purpureo virescentëve, levi cortice, succosa albicanteque intus pulpâ, in qua copiosa *semina*, albicantia, compressa, Piperis siliquastræ æmula.

Belingela Lusitanis, Tongu Angolenfibus, Macumba Congenfibz Marggr. ab hac planta non diversam speciem esse cum Marggravio sentimus; quantumvis Jo. de Laet Marggravium in hoc deceptum putet, falsus ipse.

Antea cum essent Mandragoris hæc poma, quidam Recentiorum suspicati sunt marem Theophrasti Mandragoram esse, eoque esu lethalia rati, mala insana vocarunt; cum tamen nullos exciunt furores, verum in acetariis & bellariis iis utantur Itali & Hispani. Saporem habent Citri.

Marggr.

\* 7. *Solanum pomiferum fructu incurvo* C. B. J. B.

J. B.

De hoc Rauwolfius, Halepi reperiuntur tria genera Melantzanorum, Arabibus etiam *Melona* & *Bedengiam* dicta, cinerea, lutea & rubella, longitudine & curvitate eadem, longis Cucurbitis similia.

An à præcedente specie differat necne nos latet.

\* 8. *Solanum pomiferum fructu spinoso* J. B.

J. B.

Rauwolfio poma longa sunt & rotunda, majora, colore nigra, lævia, ita lucida ut splendeant. Melanzana nigra Lugdunensi Hist. inscribitur, fructus longus, altus, alias rotundus, colore nunc atro, nunc subnigro, cortice lævi & procul intuenti splendido.

\* 9. *Pomum de Hiericho, Melongenii congener* J. B. *Solanum spinosum fructu rotundo* C. B. *spinum fructu rotundo, sive Pomum Hierichonticum Imperato* Park.

Imper.

Folia producit candicantia, simillima foliis Melangianæ Italis dictæ, sed paullo minora. Caules & foliorum costæ spinosæ sunt: flores cœrulei instar florum Buglossi: Fructus rotundi pomi instar, quorum color antequam maturescant viridis, maturorum flavus, sapore insipido & aliquantum odorato.

Huic eandem aliquando existimavi plantam illam, quam olim apud Jo. Tradescantium vidi Lambethæ in horto enutritam, nomine *Planta spinosissima Virginiana Boraginis flore*, quamque Morisonus noster in *Prælod. Botan.* breviter describit sub titulo *Solani, foliis & caule spinosis*, cujus tamen fructum se nunquam vidisse fatetur.

Verum à Paulo Boccone oculato teste edoctus *Solanum isthoc dictum foliis & caule spinosis* capsulas feminales atque etiam fructum Capparis formâ obtinere, sententiam muto, idque non tantum à Solano descripto seu Pomo de Hierico diversum arbitror, sed & an omnino ad hoc genus pertineat dubito. Donec tamen mihi certius constiterit ubi disponi debeat, locum quem ei assignarunt Botanici recentiores tueatur. Descriptionem autem ejus Bocconianam, quoniam plenior est & accuratior, hic subijciam.

10. *Solanum spinosum Indicum Borraginis flore* Ico. Roberti Hort. Paris. *Sol. foliis & caule spinosis* Moris. præl. *Solan. spinosum, maxime tomentosum* Bocc. *Jurepeba Brasiliensis* Marggrav.

Bocc.

Radix ejus longè latèque sub terra reptat. Cauliculos promit pedales, subinde sesquipedales, aculeis mordacibus seu pungentibus frequenter armatos. Folia per nervorum longitudinem infernè & superne paribus spinis infesta, in margine leviter sinuata, utraq; parte pingui tomento obfusa. Flores Boraginis facie. Capsulæ feminales atque fructus (ut Florentiæ vidimus) Capparis formâ.

E Virginia in Angliam intulit Jo. Tradescantius: eandemque ibi nuperrimè observavi D. Benister.

Marggravius hanc sic describit, Planta est frutescens, quæ in quatuor, quinque aut sex pedum altitudinem affurgit, caule lignoso, eoque ut & ramis albâ lanugine vestitis, necnon raris hinc & inde spinis. Folia suo quodlibet pediculo rotundo, crasso & hirsuto insident, spichamz longitudine, inferna parte lanuginosa instar foliorum Jacobæz, superna viridia, suntque præterea laciniata & quasi è septem triangulis composita. In summitate ramulorum fert hosciculos, umbellatim quasi congestos, lactei coloris cum paucis cœruleo mixti, qui exactè quinquangularem stellam representant, constantque unico folio in tot triangula effigiato & quasi diviso: in medio autem quinque staminula stant erecta.

Pilo florem Boragini simillimum ei attribuit sed odoratiorem.

Varietas.

Nuperrimè inter plantas in horto Medico Leydenfi à Viro eruditiss. D. Jos. Palmero M. D. Londinenfi, demonstrante D. Hermanno, observatas & annotatas invenio triplicem hujus speciem; unam spinis violaceis, fructu croceo; alteram spinis flavescensibus; tertiam, quam vocat Africanam perennem flo. Boraginis, fructu croceo.

Descriptio Marggraviana, & nomina huic plantæ imposita in horto Leydenfi Solani speciem arguunt.

\* 11. *Solani species ex Apennino quibusdam* J. B. *Solanum peregrinum fructu rotundo* C. B. *Mala insana Europæa* Park.

Lugd.

Herba rara est, & foliorum & fructus figurâ insignis: foliis quidem oblongis, per ambitum sinuosis venosis, ternis ferè simul ex intervallis per caulem prodeuntibus teretem, digiti crassitudine, ferè cubitalem: fructu autem in caulium vertice rotundo exiguo Malo simili, Pruni magnitudine, semine pleno.



In Aponnini sylvis umbrosis & densis reperiri retulit Dalechampius. Locum.  
 Planta haec nobis hactenus incognita est: invenio eam in Catalogo horti Regii Parisiensis.

12. *Solani species Fockii Fockii dicta Favonensis Bonii.*

Quantum ex foliis, floribus, fructu denique hujus plantae conicere licet, certo certius est hanc speciem Solani esse, nisi quod fructus longe grandiores sint quam Solani nostri, utpote qui cubiti longitudine quandoque excedant, corticisque tam laevi, ac speculi modo humanam effigiem remanere possit. Foliis quoque hirsutioribus est, & quasi lanam superinductam gerentibus. Crassitudine brachium humanum facile aequat [fructus]. Plani intus sunt seminibus minutis, quales etiam in baccis Solani vulgaris inveniuntur. Fructus porro in his regionibus non solum sunt edules, verum etiam delicatissimi saporis, si coquantur cum vino & pipere eandemque gustum obtinent quod Cinaris basis. Boni sunt nutrimenti, tum diareticam vim obtinent, ideoque calculo relice & renum affectibus admodum utiles sunt.

Hujus est & alia species sylvestris, fructu plane sphaerico & obi maturit flavo, cum domesticis purpureo lit, vel grandinis instar albo, sapore amaro, ut nonnulli ab Apris & Rhinocerotibus devorentur. Porro hujus plantae caulis plane spinosus est, unde imprudenter non secus ac Rubus attingi non debet.

Species Sylvest.

13. *Solanum pomiferum fructu rotundo striato molli C. B. Mala aurea odore satido, quibusdam Lycopiscum J. B. Pomum amoris majus fructu rubro Park. parad. Poma amoris Ger. Apples of love.*

Caules ei infirmi, longissimi, intus concavi, pilis longiusculis hirsuti, humi procumbentes, ab exitu ramosi, ramis multis ipsum etiam caulem longitudine aequantibus, & in plures adhuc ramulos divisos. Folia e tribus fere pinnarum seu lorum circa margines dentatorum conjugationibus ad mediam costam adnexis, cum impari majore in extremo composita, interpolitis etiam minoribus lobulis Agrimoniae foliorum quadantenus aemula, nisi quod pinnarum seu lobi acutiores sunt, ac prius glabri, aut paucissimis pilis costis averis inpaucibus hirsuti, pallidius virides. Flores in furculis non ex alis foliorum, sed spatio inter duo folia medio fere oriuntur, ut in vulgari Solano, decem aut duodecim simul, pediculis privatis uncialibus aut majoribus, quorum singuli nodum seu geniculum habent prope florem, ubi genuinus fructus, pediculus incipit. Flores laevi sunt, monopetali quidem, verum in quinque segmenta catenus divisi ut pentapetali videantur; imbricatis in medio flavo, & quinque staminum apicibus arte cohaerentibus composito. Figura florum Solani vulgaris, nec eo major, calix pariter quinquepartitus, hirsutus, uti sunt & florum pediculi. Floribus succedunt fructus Cerasi majores, alias figura non multum dissimiles, per maturitatem croceo rubescentes, carne seu pulpa humidam esculentam, semina plura flavicantia, vinaceo-ni fere figura continentes.

In hortis nostris fata, quamvis serius germinat, luxuriat admodum, post mediam aestatem florens. & Autumno fructum perficiens: superveniente hyeme prius statim prius corrumpitur.

Altam speciem proponit D. Morisonus in *Prælad. Bot.* titulo Pomi amoris fructu molli, striato, aereo, quae solis fructus stris à precedente distinguitur.

Succus herbae valde opportunus est incipienti epiphora fluxionibusque oculorum fervidis, glaucoma facturis, si per initia admoveatur. Non enim modò irruentis humoris impetum sistit, sed etiam calorem moderatur saepius periculo à recentioribus facto. Quinetiam Erysipelatis ignibusque facris vehementer oblectatur.

Italici nonnulli esitantur poma cum pipere, sale & oleo preparata, non secus atque Cucumeres. Sed eduntur & cocta; nescio quo commodo: Nam teter quam haret tota planta spiritus, ea parum tunc in cibos venire satis prodest. Succo aequo abundant nobis gustantibus parum grato, & certe alimentum quod corpori praestant perexiguum est & vitiosum.

In oleo cocta ad scabiem sunt efficacia. Eadem arte Chymica oleum subministrant ad ambusta percommittendum. J. B.

14. *Solanum tuberosum esculentum C. B. Battata Virginiana Ger. Park. parad. Aracubina Theophrasti forte, Papas Peruanorum Clus. Papas Americanum J. B. Virginia Potatoes.*

Caules bicubitalis ac tricub. ac etiam altior, [quinq. aut sex interdum cubitos longus Clus.] pollicari crassitudine succulentus, subrotundus, striatus, subhirsutus, viridis, crebris punctis rubentibus maculosus, inanis, ramosus [ramis longis infirmis, in terram nili adminiculis sustentur procumbentibus], inaequalis propter eas quas habet inde usque à foliorum pediculis adnatas membranaceas alas, atropurpureas, nonnunquam caespas. Folia sesquipalmaria ex tribus foliorum conjugationibus componuntur [interdum quatuor aut pluribus] quibus impar unum, reliquis majus fere, alam claudit. Sunt autem singularia folia subhirsuta, ortu quidem inaequali, non adeo tamen quia alam quoque modo deformant, altero tanto longiora quam latiora, atrovirentia & splendentia superne, inferne abest & splendor & viroris intentio: conjugationes singulas intercedunt alia foliola rotundata, Lenti aut Lupino fere paria, ortu & positu perinde inaequali. [Quae primo nascuntur folia Barbareae similia sunt ex atro purpurascencia, villosa, ceteris pallide virentibus, absque pediculis, palmum longa C. B.]

Rami in plures pediculos abeunt, crassos, angulosos, pedales, atque hi rursus in alios numerosos hirsutos, geniculo uno donatos, unde cum parte reliqua pediculi cadunt facile vel sua sponte flores, quorum singuli ex calyce viridante quinquepartito, floribus Malvæ sylvestris procerioris magnitudine pares [uncialis amplitudinis aut majoris *Clus.*] Malorum insanorum formâ C. B. Nicotianæ *Park.* Nobis Solani halicacabi vulg. singulari folio constantes, cum quinque apicibus obtusis in ambitu, exterius ex purpura candicantes, interius purpurascens, vel ex cœruleo purpurascens [interdum albescunt] Cæterum à stylo viridante quem circumstant quinque fibræ crocæ in imbonem coeuntes ad unumquemque apicem excurrit radius virens. Florum in eodem pediculo numerus decem aut duodecim, aut etiam major, quorum alii clausi, pauciores aperti; odor florum tiliæ. Succedunt poma floribus numero paria, castaneæ circiter magnitudinis; sed formâ orbiculatâ, immatura atrovirentia, matura atrovirentia, rarius alba & striata, humida & albicante pulpa plenâ, quæ seminibus multis parvis, plenis, subrotundis, Solanorum similibus referta est.

*Radix* tuberosa est, aliquando pugni magnitudine, aliquando oblonga, aliquando minima [palmarum longitudine & sesquipalmarum ac etiam multo minor *J. B.*] inæqualis, quibusdam vestigiis donata, unde germina anno sequente emersura sunt, cute fusca aut atrovirentia, medulla sive carne firmâ & albâ, & quandoque tuber ex quo planta nascitur cum eruitur inane & flaccidum reperitur. Ad caulis exortum radices complures, fibrosæ, oblongæ, albicantes, per terram sparsæ, quandoque in profundum descendentes, quibus aliæ tuberosæ radices adnascuntur, in æt plantam hyemem versus erutam ultra quadraginta [quingenta *Clus.*] tubera diversæ magnitudinis notaverimus, quas plerique erunt ne per hyemem putrescant, & sicco loco, calidiore tamen, alii in vase terrâ siccâ pleno reponunt, ut verno tempore rursus terræ committant.

*Tempus  
& Locus.*

Floret (inquit C. Bauhinus) apud nos mense Junio, & sæpe in Autumnum usque, & primis primis offenditur. E Virginia primum in Angliam, inde in Galliam aliisque regiones delata est. Hujus radices in Virginia *Openanck* dicuntur.

*Ufus radicum.*

Indi, Acoftâ referente, radicibus panis loco utuntur, quem *Chunno* vocant: quin & aliud edulium, eodem *Chunno* nomine nuncupatum, admodum diu durans, ex ejusmodi radicibus Sole siccatis, inque partes dissectis conficiunt: Sed & viridem vel coctam, vel assatam manducant. Nostros (inquit C. Bauhinus) aliquando Tuberum modo sub cineribus assant, & cuticulâ ablâtâ cum Piperi comedunt, ad Venerem excitandam, semini augendum. Alii & tabidis utiles volunt, cum bonum alimentum præbeant. Non minus quàm Pastinacæ & Castaneæ alunt, & flatulentæ sunt. Relatum mihi nunc apud Burgundos harum radicum usum interdictum, persuasis earum esum lepram causare. Hactenus C. B. qui & Burgundos ramis reclinatis terræque rectis hanc plantam propagare scribit.

Nos in Anglia radices hæc eisdem modis præparamus quibus Batatas Hispanicas.

Ebrodunensis historiæ Autôres Casparum Bauhinum immeritò carpunt, quòd Plantam hanc Solanis annumeraverit, qui sanè (quicquid illi ogganiunt) non contemnendis, imò validissimis rationibus permotus id fecit. Solanum (inquit) appellavimus propter formam aliquam foliorum cum malis aureis, florum cum Malis insanis; fructuum cum baccis Solani vulgaris; seminum cum Solanis pæne omnibus; denique propter totius plantæ odorem, quem cum Solanis communem habet. Nec enim à viribus, sed à similitudine & convenientia in partibus præcipuis notæ generum Characteristicæ desumendæ sunt.

Batata recens contrita, affusa paucula aquâ, atque macerata, fermentando fit potus, quo Indigenæ utuntur, imò subinde abutuntur ad inebriandum. Hic potus nominatur *Mobby* & *Jecici*.

## C A P. XXII.

*De Capsico seu Pipere Indico, quod Solani species videtur, aut ad Solanum accedere.*

**K**ΑΨΙΧΩΝ Actuatio à *ψιχ* mordeo, quòd semen comestum mordeat, imò adurat. Siliquastrum Plinii esse vel inde constat (inquit J. Bauhinus) quòd Plinius Castore Siliquastrum demonstrat caule rubro & longo, densis geniculis, foliis Lauri: semine albo tenui, gustu Piperis: & alio in loco, Panax Piperis: saporem reddit, & magis etiam Siliquastrum, ob id Piperitidis nomine accepto. Plantam hanc ad Solani genus referendam putamus ob folia & flores similes, quamvis fructus non satis respondeat, nec tamen multum abluat, membranæ enim internæ quibus semina adnascuntur humidæ sunt, & callosæ, adeoque fructus de bacca participat.

Differentia in foliorum latitudine vel angustia: in fructus colore & forma; colore qui in initio aliis viridis, aliis niger, in maturitate aut ruber aut croceus, flavus, vel rarius albus: Figurâ aliis longâ, eaque vel crassa, vel gracili, vel incurvatâ; aliis brevis, eaque latâ cordatâ, vel rotundâ Corali formâ, vel angulosâ: & vel erecta, vel dependente: denique & caule piloso. C. B.

*Piper Indicum vulgatissimum* C. B. *Piper Indicum sive Calecuticum sive Piper Siliquastrum* J. B. *Capsicum majus vulgatius oblongus siliquis* Park. *Capsicum longioribus siliquis* Ger. *Guinny Pepper.*

*J. B.*

*Caulis* profert singularem, pedalem aut cubitalem, [in calidioribus regionibus sesquicubitalem aut bicubitalem] angulosum [teretem *Park.*] hirsutum, solidum, cætera virentem saturatius, eduntaxat parte quâ folia oriuntur rubentem: exeunt autem folia è dimidiatis geniculis, Persicæ latoria, acuminata, atrovirentia, aut ex viridi in flavum vergentia, crassiuscula, glabra, nervo secundum



cundum longitudinem decurrente, à quo ad margines oblique venæ divaricantur, pediculo unciam unam aut duas longo appensa, circa margines æqualia. Ex horum alis ramuli propagantur, foliis confimilibus ornati. Flores verò tum è foliorum alis, tum ad ramorum divaricationes, pediculo longioribus, candidulis, saturate rubedine tinctis, deorsum contorto insident exalbidis. Solani vulgaris floribus majores, aliis is per similes, naturaliter pentapetali, aliquando tamen ob culturam aut soli ubertatem luxuriante natura hexapetali, petalis acuminatis, stellæ in modum expansi, medium occupantibus violaceis apicibus [flavis Park.] totum autem florem subius amplectente calyculo viridi in mucrones aliquot acuminato. Siliquæ succedunt nunc longæ, corniculorum instar habentes, vel rectæ, vel incurvæ; nunc breves & contractæ, per maturitatem punicantes, vel atro-rubentes, nitidæ: semen copiosissimum contidentis, compressum, rotundum, fulvum [ex albo flavicans] Radix brevis, nec caule crassior, numerosissimas à lateribus fibras circumquaque spargens. Nulla est pars plantæ quæ acrimoniæ non sit prædita, sed præter reliquas indomitus est seminum & filiquarum fervor urentissimus.

Frater Gregorius de Regio Capucinus apud Clusium in cur. post. hujus plantæ varietates seu species tres classes redegit. Primâ continetur quatuor genera, fructum surrectum & sursum spectantem gerentia. Alterâ quatuor etiam genera habet, sed fructu rotundo & ad terram inclinato prædita. Tertiâ quatuor genera describuntur oblongas & deorsum propendentes filiquas habentia.

## PRIMA CLASSIS SEU DIVISIO.

### 1. *Piper rotundum majus surrectum.*

Fructus huic rotundus mali Apiani instar, surrectus & cælum spectans, initio viridis, maturescens rubicundus, plenâ maturitate ruber ut corallium expositum. Hoc genus C. Bauhino Piper Indicum filiquis surrectis rotundis dicitur, cujus quatuor facit differentias, nimirum 1. Rotundum maximum obtusum. 2. Rotundum minus parum acuminatum. 3. Cordatum majus. 4. Cordatum minus angulosum.

### 2. *Piper oblongum erectum majus pyramidale.*

Fructus hujus corniculi similis est, tres aut amplius digitos transversos longus, mucrone surrecto & cælum spectante, initio viridis deinde ruber. Hanc C. Bauhinus Piperis Indici filiquis surrectis & oblongis primam differentiam facit.

### 3. *Piper erectum minus pyramidale.*

Caulis huic humilior & folia minora quam congeneribus: fructus dimidia parte minor quam præcedenti nec adeo mucronatus. Hæc Piperis Ind. filiquis surrectis & oblongis C. B. secunda est differentia.

### 4. *Piper oblongum exiguum erectum pyramidale.*

Hujus filiquæ unciales erant aut paulo majores. Folia illi Lauri odorati vulg. caule constat recto, binos aut tres cubitos alto & in plures ramos diviso. Fructus primò virescunt, dum maturantur nigredinem contrahunt, maturi rubent ut alii. His addit C. Bauhinus aliam adhuc differentiam filiquæ bifurcatâ ex Eyfset. horto.

## ALTERA CLASSIS.

### 1. *Piper cordatum.*

Folia majoris Ocymi hortensis foliis similia; caulis circiter sesquicubitalis: fructus è pediculo annuli modo nunc magis, nunc minus contorto propendens, cordis formâ & ad terram conversus.

### 2. *Piper cum filiqua olivari. An Quauhchilli seu Chilli montanum Fr. Hernand?*

Folia Solani hortensis: caulis bicubitalis: fructus olivæ formâ propendens & terram spectans.

### 3. *Piper cum filiqua rotunda Cerasorum modo.*

Folia Circææ: caulis bicubitalis; fructus Cerasi sylvestris prorsus similis.

4. *Piper cum filiqua lata ac rugosa.*

Fructum gerit instar vesicæ rugosæ, aliquantulum latum ac longum, nec ullam cordis formam refert. Non est ingrati odoris, sed Iridis sylvest. minoris five Armeniaci mali odorem refert.

## TERTIA CLASSIS.

1. *Piper oblongum recurvum filiquis.*

**C**aulis sesquicubitalis: filiquæ 5 digitos transversos longæ, contortæ interdum, eaque non valde crassæ, cuspidè mucronata instar cornu hinnuli.

2. *Piper longum minus filiquis recurvum.*

Folia quàm præcedentis minora; caulis cubitalis aut altior: filiquæ dimidiam superioris filiquarum longitudinem & crassitiem æquantes, mucrone etiam acuminato instar cornu.

3. *Piper bifurcatum filiquis.*

A præcedentibus hoc solo differt, quòd filiquas gerat non adeò mucronatas, sed æqualis fere crassitudinis, extremâ tamen partè aliquantulum angustiore, & nervo præditâ, quæ illam velut bifurcatam efficit.

4. *Piper filiquis flavis.*

Hujus filiqua quamvis brevior sit & magna ex parte in mucronem desinat, colore auro prorsus ut Aurantia mala probè matura; aliàs vulgari similis est, ut & ipsa planta.

Alias præter has Capfici species seu varietates præcipuè ex horto Eyst. proponit C. Bauhinus, nimirum,

1. *Piper Indicum fructu dependente Pomi amoris formâ.*

Cui folia Solani vulg. fructus rotundi, sulcis aliquot distincti pendent, rubore coralli.

2. *Piper Indicum fructu aculeato.*

Duplex est, inquit, majus & minus, illud rotundum, hoc orbiculatum, utrumque rubet & in innoxium quasi aculeum abit.

3. *Piper Ind. filiquis surrectis, cerasi formâ.*

Clus.

Piper Brasilianum Clusii in notis ad Monardem cubitalibus ramis, virentibus, quàm in vulgari gracilioribus: foliis hortensis Solani fetè, aliquantulum angustioribus, flore etiam dicti Solani in longis pediculis, surrecto: fructu minimo, initio viridi, deinde nigricante tandem rubro, continente multa semina latiuscula & planâ, tam fervidi gustûs ut fauces aliquot dies incendat gustatum.

4. *Piper Indicum caule piloso, flore majore.*

Marggravius quatuor recenset species in Brasilia observatas.

Prima vocatur Lusitanis *Pimenta Malaguetta* (quam de Angola primùm venisse dicunt) Brasiliensibus *Quiyaqui*, in arbusculæ formam & tres aut quatuor pedum altitudinem assurgens, caule lignoso, foliis in ramulis binis oppositis. Flores tres vel quatuor simul ad exortum foliorum exeunt. Fructus cylindrico-pyramidalis, majoris chordæ Violæ crassitie, cæteris speciebus acrior multò.

Secunda, *Quiya-cumeri* Brasiliensibus: à præcedente differt foliis paulò majoribus & solitariè positis; fructu majore & crassiore & magis saturatè rubente.

Tertia, Brasiliensibus *Quiya-apua*, magnitudine est fructûs Cerasi nostratis acidi, coloris rubri. Hujus alia species habetur fructu dimidio minore, dilutiùs rubro, vel etiam flavescente.

Quarta, Brasiliensibus *Quiya-nea* foliis est quàm secunda angustioribus & longioribus, fructu tres dig. longo, cylindræo, acuminato, cùm maturuit rubro. Alia invenitur ejus species cujus fructus se deortum incurvare solet instar unci.

Franciscus Hernandez in Historia sua plantarum Mexicanarum multas Piperis Indici species ponit & describit.



1. *Quaub-chilli* Mexicanis dictum, omnium minimum, fructu Oleastri baccas forma & magnitudine imitante, ceteris omnibus acriore & urentiore.

2. *Chiltecpin* à culicibus, quos fructus ejus colore & parvitate videtur imitari. Hujus tres differentie sunt, natali solum loco & tempore quo leguntur distinctas: vide si placet Autorem, p. 136.

3. *Zenalcchilli* dictum à sole: irriguis enim locis cessantibus jam imbribus, i. e. Augusto & Septembri solet feri.

4. Dictum *Chilchobzli*, à colore quo tingit croceo quæ eo parantur condimenta: sex, septemve dig. longum est, mediocriter tenue, interdum ex albo rubescens, interdum verò inclinans in passum.

5. *Tzinquabuyo* i. e. montanum, gracile est & quinque dig. longum, colore coralli.

6. *Teso-chilli* vocatum à mollitudine, longum est, amplum, particeps dulcedinis, rubri coloris atq; adeo mitis acrimoniae, ut cum *Tlaolli* seu placentis ex *tritico Indico* paratis mandi consuescat. Fumo exoccatum hoc genus in annuos usus reponitur.

7. *Milechilli* dictum haud minus præcedenti, sed in acutum tenuemque sensim mucronem definens, tandem quoque rubescens.

Præter memoratas alias quoque reperiri species haud dubium: & fortè earum numerus incertus est, novis quotidie ex semine subnascentibus: ut in aliis Plantarum generibus: Nihil tamen affirmo, quoniam nondum periculum feci. Cum tamen omnium folia Solano familia & pæne paria sint, aut media inter Solani & Lauri folia; & flores pentapetali, candidi, Solani; è quibus siliquæ oriuntur, primò virides, mox majori ex parte in rubrum, & demum in passum colorem inclinantes, refertæ parvo semine, exili, candicante compresso atque in orbem efformato, acris gustûs atque urentis naturæ; totaque ferè differentia in fructuum forma aliisque accidentibus consistat, verisimile nobis videtur non differre specie quæ pro diversis à Botanicis proponuntur generibus.

Est (inquit Fr. Gregorius Reg.) Piper hoc Americanum tantâ acrimoniâ præditum ut exulceret *Vires & Usus.* & pustulas excitet ubicunque applicatur, neque solum id præstat, sed etiam siliquas tantummodo aperiendo & semen eximendo adeo acris exhalat vapor, ut per nares penetrans cerebrum subeat, & ex eo eliciat tantam eamque lentam & viscidam materiam, ut admiratione dignum sit, quin & guttur ingrediens tussim excitat, & adeo vehementem vomitum ut omnia viscera rejici debere videantur; siliquas præterea & internas partes confringendo sternutamenta valdè excitat, & manibus confractas tractando tantam in iis inflammationem parit, ut aliquot horarum spatio aduri videantur, remediumque petendum sit ab aquæ frigida aut vini lotionè. Hæc omnia sum expertus, inquit, dum semen è siliquis eximebam. Quinimo in ignem injectæ siliquæ gravem & tetrum excitant odorem qui nauseam & fastidium adstantibus provocat. Imò si siliquæ particula prunis injiciatur intra triclinium aliudve conclave, fumus naribus exceptus omnibus quotquot in eo adsunt cerebri membranas vellicando immania & continua sternutamenta movet, quæ non cessant donec vel fumus diffusetur aere externo admisso, vel paulatim evanuerit, fuligine scilicet præcipitata, ut sæpius experti sumus.

Brasilienses hæc *pimenta*, ut vocant Luhtani, conterunt cum sale, & mixturam illam vocant *Itiquaya*, eamque usurpant ad cibos inter manducandum, ut nos Salem. Eandem quoque miscent cum farina & piscibus coctis exemptis spinis, ac mixturam illam appellant *Pira-quiya*, quam usurpant iter facientes. Bene sapit & durat ad aliquot dies.

Modum præparandi hujus siliquas ad usum docet frater Gregorius. In umbra primo ficcant, deinde cum eis uti volunt, cum farina in vase ad id apto lento igne exsiccant: Exiccatas & à farina ac pediculis suis liberatas forcipe una cum seminibus suis minutissimè incidunt, & ad singulas sic incillarum uncias pollinis farinæ libram addunt, & cum fermento panis instar pinsunt, massam probè fermentatam clibano coquunt, coctam in taleas scindunt, & denuo coquunt instar biscocti, tandem minutissimè terunt & per cribrum transmittunt.

Admirabilis, inquit, est hic pulvis ad condiendum omne genus cibi: valenter enim ventriculi & intestinorum flatus discutit, orexin excitat, cibis præsertim humidis & flatuosis inspersus bonum saporem conciliat, atque etiam vino; concoctionem juvat, urinam & menses evocat, pituitosos humores undecunque, potissimum coxæ adhærescentes articulis discutit & evacuat.

## CAP. XXIII.

## De Solano lethali sive Bella Donna.

**A** Præcedentibus Solanis non specie tantum sed & genere differre nobis videtur, quantumvis nomen commune habeat. Flores habet campaniformes concavos, & tubulosos, reliquæ notæ ex descriptione peti possunt.

A. I. *Solanum lethale* Park. Ger. *melanocerasos* C. B. *Sol. manicum multis* sive *Bella Donna*. *Deadly Nightshade.*

7. B.

Totum pulvillum opacat perniciofa Solani *Bella Donna* dicti luxuries: namque ex radice crassa tribus cubitis altiores caules erigit, pollice crassiores hirsutos, qui in tuber crassescentes, in multos ramos indidem ferè exortos brachiantur: Solani hortensis formâ, non sinuata, & plusquam duplo triplòque majora, utrinque pilosa, rapernè atrovirentia, infernè verò herbida. Flores striati, ex foliorum alis concavi, Campanularum instar, in quinque lacinias divisi, colore intus quidem lurido,

lurido, purpureoque, fundo luteo versicolore, extra verò tantillum ex herbido rubescentes, subhirsuti: occultant autem fibras quinas, ad exortum hirsutas, qualis & fundus est, apicibus albidis: Stylus verò productior extra floris oras promittitur capitulo viridante. Decedentibus floribus infundens hirsuto quinquepartito calyci *bacca* nitida Herbae Paridis.

Locus.

Juxta parietes sepimentaque agrorum, ad vias publicas, locis ruderatis & parùm cultis reperitur; sed rariùs in Anglia. Prope Cantabrigiam circa *Fulborn* vicum copiosè provenit.

\* 2. *Solanum somniferum* alterum Park. *somniferum bacciferum* C. B. *Solani letalis* aliud genus Dod.

Dod.

*Folius* est quàm præcedens angustioribus, venosis, deorsum reclinatis: *caule* anguloso: *floribus* oblongioribus calathi specie, marginibus crenatis è pediculo dependentibus, quibus succedunt singulae *baccæ* nigrae, aut ex nigro purpurascens seminibus referta, media sui parte calyci denticulato inherentes. *Radix* grandis, strumosa & albicans.

Locus.

Vires.

Matthiolus Solanum istud agro ait exire Goritienfi, in monte Salvatino inter saxa.

*Solanum lethale* dictum sive *Bella donna somniferum* est & malignum. Notæ sunt Historiæ de pueris ex esu baccarum ejus extinctis tum Wisbici in Anglia nostra, referente Gerardo, tum in partibus transmarinis, narrante Fuchio. Quin & nupero perquam tristi experimento confirmati est vis ejus lethifera.

In calidis inflammationibus sine periculo adhiberi possunt ejus tum radices, tum etiam *baccæ* & folia.

*Bella donna* Venetis aliisque Italis dicitur, quia ex ejus succo vel aqua destillata fucum conficiunt mulieres, quo faciem oblinunt, & ex rubicunda pallidam efficiunt frigoris vehementiâ.

Hujus herbae folia recentia mammis imposita earum durities & tumores etiam cancriferos emolliunt, & discutiunt: ut sapius expertus est generosus Vir, D. *Percivalus Willughby*. Quod à nemine hætenus, quod scimus, proditum publicæ utilitatis causâ sine invidia communicamus.

Horum & ipsæ non ita pridem effectum vidi oppidò mirabilem. Nobilis Domina mihi nota ulcusculo cuidam paulò infra oculum, dextrumne an sinistrum oblitus sum, nec multum refert, quod cancriferos esse suspicabatur, folii recentis particulam imposuit; quæ noctis unius spatio uream oculi tunicam adeò relaxavit, ut omnem explicandi sese & pupillam contrahendi facultatem ei adimeret: siquidem pupilla clarissimo lumini obversa vehementer dilatata persistit, socio & pari suo plus quadruplo amplior; donec amoto folio uvea musculosam vim suam & tonum paulatim recuperaret. Atque hoc nè quis casui imputet, tribus distinctis vicibus in se ipsa experta est eadem nobilis Domina, me quoque tunc temporis fortè fortuna præsentè & spectante.

An Solanum hoc efficiat frigiditate, an potius vi quadam narcotica, considerandum. Chirurgus qui Cancrum eradicaverat & ulcus sanaverat folii particulam loco imposuit ad humores repellendos, nè eodem rursus confluerent: verùm ob symptoma prædictum eandem removere coactus fuit.

Pastor quidam in Chersoneso Cimbrica adversus dysenteriam morbum eò loci contumacissimum & contagiosissimum summo cum fructu & successu decumbentibus propinavit vinum cui infusa sunt *baccæ Solani*. Non solum enormem fluxum sistunt & dolorem demulcent; verùm malignitatem in sudorem resolvunt. *Ephem. Germ. An. 13. Observ. 64.*

Si per *baccas Solani sylvestris* illius furiosi, quod puto, intelligantur (inquit Luc. Schrock Scholio in hanc observationem) quadrabit huc quod Conr. Gesnerus, Syrupum ex eis paratum pro magno arcano commendans, ad Achill. Gasserum perscripsit: *Succum ex ejus fructibus expressum, & ad Syrupi consistentiam cum paucis Saccharo decoctum, ita efficacem esse, ut vel ligulae aut Coiblarum parvi mensura somnum inferat, fluxiones sistat, dolores tollat, dysenteriam curet: gratus est palato, sed cavendum nè amplius detur; ego cum laude usus sum.* Utantur quibus videtur; ego ab ejus usu abstinendum censeo, nisi in tutiorum medicamentorum extremâ inopiâ.

Accidit, ni fallor, tempore Pontificis maximi Urbani ultimi, ut quidam de famulatio Cardinalis magni nominis (ut mihi hic Augustæ retulit ejus hortulanus) infunderet in vino Malvatico herbam illam quam *Bellam Donnâ* vocant, daturam aliâs, per noctem, ut ejus herbae effectus discerent; infusum hoc propinarunt cuidam fratri mendicanti ex conventu S. Hieronymi qui Patavii Fratrum ignorantia dicitur; à primo breve delirium, cachinni, gesticationes variae; dein insania vera, post stupor mentis, qualis est ebriorum vigilantium. Cardinalis pro ebrio in carcere includit; deinde à medico qui rem subolfecerat innocens pronuntiatur, qui aceti cyatho propinato à dementia quam *Bella Donna* causavit eum liberat. *Hæchstetterus Decad. 7. Observ.*

Observationem transmisit eruditissimus & amicissimus Vir, D. Edv. Hulse.



CAP. XXIV:

De Solano vesicario sive halicacabo & affinis.

Hucus notæ sunt: fructus in calycibus in vesicis intumescens occultati.

1. *Solanum halicacabum* vulgare J. B. *vesicarium* C. B. *halicacabum* Get. *halicacabum* sive *Alkahengi* vulgare Park. *Winter Cherry*.

*Radix* geniculata sub terra reptat, fibras tenues obiter de se spargens. *Cauliculi* pedales aut altiores, tenues, teretes, subrubentes & subhirsuti, medullâ facti, crebris geniculis intercepti; ad quæ folia bina simul ab eadem caulis parte, pediculis longis appensa, ocymi ferè figurâ aut Solani hortensis, sed majora, obscurius & sordidius virentia, per margines non crenata, brevi & vix conspicua lanugine hirsuta. E foliorum alis singulis singuli exeunt flores; pediculis semuncialibus aut uncialibus tenuibus hirsutis fulti, ampli, albi, monopetali, in quinque lacinias divisi, apicibus concoloribus. Delapso flore calix ejus in vesiculam laxam intumescit & extenditur, pentagoniam, per maturitatem miniatam, fructum continens. Cerasi parvi magnitudine & forma, colore miniato, pulpâ humidâ repletam; in qua semina plurima parva, compressa, alba; Baccæ ob imbecillitatem pediculorum deorsum dependent.

Nascitur in parietinis, locis umbrosis aliquantulum humentibus, quandoque prope higinosas sepes & circa agrorum margines: nos in sylvis in insula Danubii juxta Viennam Austria observavimus; item prope Romam in scrobibus. Maio, Junio & Julio flores apparent; sub Autumni fructus maturecunt.

Locus & Tempus.

2. *Solanum vesicarium* Indicum C. B. *Solanum* sive *Halicacabum* Indicum J. B. *Halicacabum* Indicum cum rectum Park. *Camara Brasiliensis* Marggr.

*Caulis* huic Solano cubitalis & bicubitalis, crassiusculus [firmus & erectus, angulosus, nodosus Park.] in crebros ramos diductus, per quos folia Halicacabi vulgaris majora nonnihil, laciniata, atrovirentia, venulis ex medio nervo obliquis in lacinias expositis, pediculo duum triumve unciarum. Floret ramorum divaricatione, foliorumq; sinu prodeunt singulatim, ex albidâ luteâ ut in vulgari, ejusdemque floribus similes, ex unico folio in quinque angulos exacuto, circa ungues quinque maculis atropurpureis notati, staminibus purpurascens, apicibus atropurpureis donatis, medium occupantibus. Vesica Halicacabo pares sequuntur, virentes quos acinus replet magnus, [adeo ut vesicam intumescens dirumpat, & in quatuor partes dehiscat; per maturitatem etiam virens, aliquando tamen per Soli obversa ex obscuro virore purpurascit. Tota planta insipida est, succum tamen mucilaginosum ad geniculos exsudat, odore viroso Lycoperfici Park.]

In frigidioribus hujus regionibus annuatim radicatus perit, ad primum hyemis accessum: an in calidioribus, quarum indigena est, perennet, me latet.

3. *Halicacabum* sive *Alkahengi* Virginense Park. *Virginian Winter Cherry*. 2. An specie distincta a præcedente.

*Cauliculi* huic infirmi & humi fusi, seu minùs erecti quàm vulgaris, majores tamen, quemadmodum & folia, circa margines dentata & laciniata, atrovirentia. Flores è geniculis exeunt singuli ut in vulgari, in imis magis quàm in summis caulibus, quàm illius tantillo minores, quinque petalis albicanibus, propè ungues lineâ circulari rubente notatis compositi. Succedit bacca utriculo inclusa [seu vesiculâ tenui] quàm ferè replet, minore quàm in vulgari spatio vacuo relicto; minor quàm Halicacabi vulgaris, per maturitatem non ut in illo rubra, sed viridis, semine parvo albente repleta. Radix sub terra se diffundit, hyemes tamen nostras non fert.

*Corymbus* Fr. Hernandez seu vesicaria Mexicana à præcedentibus non videtur multum differre. Folia illi Solani, altera parte sinuosa hirsuta & pinguis: caules prælongi, quadrati, purpurascens, & quaternis striis totidemque insignes dorsis: Fructus in vesicis magnis & quinque angulorum contentis, glutinosus, orbicularis, & nucibus Ponticis par, refertus semine exili & longiusculo, paleis perispermis, initio amarus, cum adoleverit dulcis atque edulis: Radix magna & furculosa.

*Cortex* Fr. Hernandez præcedenti eadem videtur, judicent Lectores.

Radix cortex tulus & ex aqua devoratus duarum drachmarum pondere purgat interdum per superna bilem & pituitam.

Vires.

Solani halicacabi baccæ nephriticæ, diuretici ac lithontripliciæ insignes sunt. Earum vis non solum præstantissima habetur ad renum vitia, ad ciendam urinam, sed ad ejus quoque acrimoniam revocandam. Valet etiam fructus epotus ad expugnandum morbum Regium autore Dioscoride. Sumi autem possunt vel vino infusi, vel in sero lactis aut Zythogalo decocti, vel in pulverem redacti in quovis liquore.

Baccarum folliculi vesicam inflatam referunt, unde ex signatura seu nota impressa colligunt eas vesicæ dicatas & salutare esse.

Civis quidam Augustanus morbo articulari gravissimè laborans, ita ut sæpe per integrum semestrem decumberet, cepit cujusdam suasi, singulis Lunæ mutationibus, in ipso illarum puncto octo fructus Halicacabi comedere, vel contusos ex vino bibere. Ita expelli sibi per urinam materiam mirè foedam totumque se ab hoc morbo liberum affirmabat. Alius ex consilio Ducis Ulrici Wirtembergici intra singula

singula decendia semel Majorana vel Origano naribus indito extraxit magnam mucī & pituitae copiam, nec unquam amplius sensit Podagram. Ex Observationibus Jeremiae Martis (Obs. 10.) D. Sarras. In calculo renum maximo profectu usus fuit non semel fructibus Alkekengi duodecim, bene dentibus contritis interioribus granulis, & superbibito bono haustu Vini Juniperini. Idem ex eodem.

Suffitus seu fumus ex fructu Halicacabae confuso, cum cera mixto facta inde pasta, in luminum ferream ignitam injecta fumum suggerit, quo ore excepto catervatim vermes (ē dentibus) cum spatu copioso rejecci, & crudelissimi dolores sopiti observati fuerunt. D. Hulse ex Etmulleri praxi.

4. *Halicacabum seu Alkekengi Indicum Bontii, forte idem cum secundo.*

Bont.

Circa fluminum ripas copiose nascitur cum floribus suis pulchre flavis, quibus minores paulo quam Alkekengi vulgaris vesiculae succedunt, quibus fructus continetur. Indi & Chineses hanc plantam cum Mandragora ponis, & Chilli sem Bicinio Americano comedunt. Succus viridis expressus in usu est ad calidos renum & vesicae affectus, tam in gonorrhoea Venerea quā hic eveniunt acerbissime remedium est anodynum summic.

Vires &  
Usus.

*Solanum verticillatum J. B. somniferum Park. Ger. somniferum verticillatum C. B.*

Plures ex eadem radice producit caules cubitales aut ampliores, satis crassos, rectos, teretes, lictos in aliquot ramos candicantes & lanuginosos divilos, quibus inhaerent numerosa folia, bina semper ex altero sita, Mali Cotonae folia similia, [J. Bauhino foliis Priapeae proxima, sed minora] densa, mollia, lanuginosa, & gustu aliquantulum calida, pediculis unciā brevioribus haerent. B quorum sinu flores eandem proximē verticillatim oriuntur terni aut quaterni, pallidi, longiusculi, quadrifariam divisi [J. Bauhino Solani vulgaris pares, ex quinque foliis compositi, apicibus aliquos in medio] quibus succedunt acini, in molli lanugine pubescentibus folliculis inclusi, maturitate vel rubri coloris, vel ex rubro atroci. Radix subest longa, crassa, dura, fusci coloris cortice donata.

Locus.

Spontaneam vidit Clusius in inferiore arce urbis Malaga vulgo dictae, loco petroso & inter rudera, florentem & femine maturo praeditam Februario: ibi vivacem & plures annos durare certum est, nam superiorum annorum, caules adhuc retinentem conspiciebat Clusius: in frigidioribus quocumque perit.

Huic persimile est si non idem.

*Solanum somniferum Antiquorum Alpin. exot. somniferum Antiquorum verum. Park.*

Alpin.

Altitudine est bicubitali & ampliore, ab una radice grandi, non multum crassa, lignosa, albo cortice vestita, foetida & insipida tres aut quatuor, aut plures etiam caules producem, rotundos, rectos, fractu difficiles, albicantes, e quibus surculi alii exeunt, aliquando verò unus solummodo stipes oritur ex radice, qui in multos caules dividitur, qui longi sunt, recti, rotundi, albicantes, folia vestuntur non utrinque binis simul, sed singulis alternatim circum ramulos, à suis pediculis longis sursum pendentibus, Mali Cydonii folia magnitudine & figurā emulantibus, in quibus & in ramulis humiditas quaedam refudat, quae manui adhæret. In cauliculis verò juxta foliorum sinus inter folia flores multi, parvi, rubri, Leucosii figurā, racematim circa caulem congesti cernuntur, à quibus folliculi parvi, rotundi, in acutum terminantes, quadantenus striati succedunt, primò virides, & mox ad maturitatem perducti, rubri apparentes, figurā planè imitantes Solani vesicarii vesicas, sed multo tamen minores, intus habentes granum rotundum, fructui Halicacabi simile, minus tamen, & cum maturior rubri coloris evadit.

Locus.

In Cretæ insula locis maritimis nascitur.

Vires.

Hujus foliis confusis emplastri modo ad calidas inflammationes utuntur: atque illicis ex ipsorum succo fronte, temporibus, ac aliis corporis partibus, in quibus pulsus sentiuntur, vel iisdem confusis emplastri modo impositis ad somnum familiarissime utuntur, necnon ad exustiones.

6. *Alfne baccifera Ger. scandens baccifera C. B. repens baccifera Park. Cacubalum quindam vel Alfne baccifera J. B. Berry-bearing Chirkweed.*

Clus. J. B.

Sarmentis verius quam caulibus, usque numerosis praedita est hac planta, infirmis, geniculatis, flexibilibus, humanam altitudinem superantibus, [quae nervum transmittunt à quo cortex hirsutus facile strictu cedit, crebris geniculis tuberosis donata. J. B.] Bina singulis geniculis & internodiis adnascuntur ex adverso sita, Alfines vulgaris foliis figurā & colore similia, longè tamen majora, & ad Helvines folia, foliorum amplitudinem accedentia, mollia. Flores ex turgidis Halicacabi utriculis vix tantillum foliorum, quae numero quinque, [Clusio sex] morbo pallore albescunt, apices bifidos proferunt, penitus latentibus staminibus simul & bacca rudimento, acini Piperis aut granorum Juniperi vulgaris magnitudine, quae antio viridis, per maturitatem nigra, grana continet exigua, nigra, nitentia, rotunda, compressa. Radix candida, valde fibrosa, longa & sarmentitia, quae singulis annis novos caules promit, alijs per hyemem marcidis & corruptis.

Locus.

In sepibus primò non longè à Francosurfato ad Mœnum, postea in Italia quoque & Gallia Narbonensi observavimus: Copiosam Clusius Salmanticensi agro, umbrosis locis & circa sepes, &c.



## CAP. XXV.

## De Asparago.

**E**Thi *Asparagus* vel *Asperagus* Galenus 2. *Aliment.* omnes propemodum teneros caules & tenera germina, seu ex oleribus & herbis, seu ex suffruticibus, seu ex fruticibus arboribusque vocitet; attamen peculiari generi plantæ etiam tribuitur, quæ sic dicta, quod cauliculos hos, qui prima germinatione à terra prodeunt, præcipuos habeat. C. B.

Asparagi notæ genericæ sunt folia tenuissima & quasi capillacea, turiones crassi, esculenti.

A. 1. *Asparagus* Park. *Sativus* Ger. *bortensis* & *pratensis* J. B. *sativa* C. B. *Manured Asparagus* or *Asperage*, corrupte *Sparrow-grass*.

*Cord.*

*Caules* emittit primo vere teneros, longos, teretes, virides, glabros sine foliis, ab uno cespite plures, qui paulatim in numerosos, tenues, lentos dividuntur ramos & virgas, & circa has *foliola* frequentia, unciæ longitudine, individua, & capillorum aut setarum modo tenuia. Tota itaque herba cum *Feniculo* aliquam in foliis similitudinem habet, & duum cubitorum altitudinem petit. *Flores* Sole in *Geminis* transeunte circa ramulos copiosos, parvos & pallidos producit, & post eos baccas *Pisi* quantitate, rotundas rubentisque, intus carne sua duo aut tria nigra & corneæ soliditatis *semina* claudentes. *Radicibus* nititur perennibus, numerosis, ab uno transverso, & propter caulium vestigia aspero villosoque dorso utrinque in obliquum descendentes, longis, teretibus, lentis, foris cineraceis, intus auream candidis, quibus dulcis & glutinosus est sapor: *Coliculis* item teneri admodum suavem saporem habent, sic etiam ipsa *semina*.

In pratis ad Rhenum & Danubium sponte & copiose provenit: nos in Anglia ad Promontorium *Locus* dictum *The Tyxard point* in Cornubia invenimus.

*Asparagus sylvestris* tenuissimo folio C. B. vel ipso fatente solâ transplantatione & culturâ à sativo differt.

2. *Asparagus palustris* Ger. *marinus crassiore folio* Park. *maritimus crassiore folio* C. B. *marinus* J. B.

*J. B. Clus.*

*Caule* est brevior, firmior, in tortuosos ramos divaricato: *Folii* brevioribus, crassioribus, latioribus robustioribus quàm in *Asparago* altili, ex cœruleo virentibus: *Baccis* duplo *Juniperinis* majoribus, non adeo corallii instar intense rubentibus ut in illo, sed potius nigricantibus, *semina* quatuor aut quinque majuscula continentibus.

*Montepelii* in palustribus propè mare copiosum observavimus.

*Asparagum* hunc palustrem non possum animum mihi inducere ut credam à sativo seu altili specie diversam esse: Siquidem folia crassiora latioraque habere & saluginoso amaro sapore prædita, aliis plurimis plantis in maris vicinia nascentibus evenire solet, colorem etiam nonnihil mutare. Sola baccarum magnitudo & color obitare videtur. In hortos transferatur, & fiat exprimentum, annon faciem mutabit.

*D. Magnol* *Asparagum maritimum* à sativo seu sylvestri, quod pro eodem habet, non culturâ tantum, sed & specie differre verisimile putat. Licet enim (inquit) ambo circa *Aquas mortuas* vulgè *Aigues mortes* oppidum in iisdem ferè locis oriantur, istius tamen turiones dulces sunt, maritimi amari, folia etiam in isto tenuiora sunt, in maritimo crassiora.

*Asparagi* turiones seu germina recentia, leviter decocta & butyro condita sapore delicato palato *Vires.* se commendant, & in cibis magni æstimantur verno tempore. Ventrem emolliunt urinamq. cient, foetorem tamen mirum ei communicant, ut quivis in seipso facile potest experiri.

*Radix* diuretica est, lithontripctica & ex aperitivis quinque. Ejus decoctum epotum ægrè meientibus, Regio morbo laborantibus, nephriticis & ischiadicis opitulatur. *J. B.* è *Dioscoride*.

Nota frequentiore tum diureticorum quorumcunque vesicam exulcerare, ideoque *D. Bowle* traumatica diureticis admiscere solebat.

*Asparagum* alvum solvere non credit *Casp. Hofmannus*, quia est diureticum medicamentum.

In pituitosis *Venerem* stimulare posse & semen augere decernit idem, cum in biliosis subductâ materiâ contrarium faciant.

3. *Asparagus petraeus* sive *Corruda* Ger. *Asparagus foliis acutis* C. B. *Corruda* J. B. *sylvestris foliis acutis* Park.

*J. B. Clus.*

Duri, contortis, angulosis *virgulis*, candidis & lignosis ad hominis altitudinem fruticat, in frequentes ramulos striatos, alternatim ferè divisos, circa quos quina aut sena *foliola* ex uno puncto exeunt veluti in *Larice*, duriora & breviora quàm *Asparagi* altilis, & spinarum quàm foliorum nomine digniora, quippe acriter pungentia. *Flosculi* parvi, pallidi, è senis foliolis constantes, sub alis inter folia nascuntur, odore jucundo uti *Viola Martia*. *Bacca* prima fronte *Asparagi* altilis baccis similis, cinerea, ingrati saporis, & terebini obnoxia, in quibus primum occurrit pellicula alba, pellucida, deinde rubra densa, tertio nigricans, postremo *semen* unicum vel duo alba, lateſcentia, duriuscula. *Radix* ab uno capite multa, crasse instar *Asparagi* altilis, sed breviores, nascuntur.

In

Locus.

In Italia ad sepes & in dumeris frequens: Provenit quoque circa Monspelium in Linguadocia: nec minus frequens in Castella & regno Granatenfi. Floret uvâ maturescente, hoc est Augusto; semen Octobri maturum est.

4. *Asparagus sylvestris aculeatus* Ger. *aculeatus*, tribus aut quatuor spinis ad eundem exortum C. B. *petraeus* sive *Corruda aculeata* Park.

Clus.

Et hic etiam fruticosus est, in viridibus & mollioribus ramis sive *virgâ* ramosis tres aut quatuor spinas ab eodem ferè exortu prodeuntes, hinc inde sparsas pro *foliis* ferens, virides itidem uti rami sunt.

*Florem* nullum in hoc conspiciebam, sed frequentes *baccas* rotundas, ut in superiore, initio virides, deinde per maturitatem nigricantes, succo & pulpâ virente plenas, quibus *semen* includitur durum, foris nigrum, intus candidum, ut plurimum unicum, interdum bina. *Radices* habet plures, crassas longas, superioribus non valdè dissimiles.

Locus.

Ad mare propè Tauromenium in Sicilia vidimus. Frequens est, autore Clusio, ad Tagum fl. in Lusitania, atque etiam Batia solo petroso, in collibus & sepibus. Novembri semine onustum invenit.

5. *Asparagus sylvestris spinosus* Clusii Ger. *aculeatus spinis horridis* C. B. *spinosus*, sive *Corruda spinis horrida* Park.

Clus.

Cubitalis habet *virgas*, ramosas, candidas, lignosas, candicantibus, firmis, deorsum spectantibus spinis alternatim, & secundum virgarum ramorumque inaequalium inflexionem horridas: ad quas quina aut sena *folia* ex eodem capite simul prodeunt, ut in Larice, prioris Asparagi sylvestris foliis longiora molliorâque Larignis foliis non dissimilia, quæ commanducata subdulcia & aliquantulum gummôsa deprehenduntur. *Flos* inter folia ex alarum sinu longo tenuique petiolo dependet, ex viridi pallescens, deinde *fructus* pane rotundus, sed qui tricoccus videtur (tamen unicum granum magna ex parte contineat, rarius bina, foris nigrum, intus candidum, firmum ut in superioribus) initio virens, maturitate rubescens & carnosus, sive succum & pulpam continens lentam & viscidam. *Radice* firmatur multiplici, instar aliorum sylvestrium Asparagorum, longâ, crassâ, intus albâ, foris flavescente. Fert initio veris aliquot turiones, instar altis Asparagi, qui illorum modo manduntur crudi & cocti cum aceto, oleo & sale.

Locus.

In insula promontorio Pachyno adjacente & alibi in maritimis Sicilia invenimus: Clusius supra Olyssipponem, salebrosus locis, juxta vias, non procul à Tago fl. aliis etiam Lusitania locis & totè ferè Batia.

## CAP. XXVI.

De *Vite Idæa palustri*, seu *Vaccinio palustri*.

**H**anc plantulam viticulae tenues, folia Serpylli, flosculi tetrapetali, locus palustris, baccæ interdum sublongæ à reliquis Bacciferis distinguunt.

Ceterum Vaccinia ineptè dicuntur hoc genus plantæ, cum Vaccinia Veterum Hyacinthi fuerint, ut in capite de Hyacintho ostendimus.

## CAP. XXVII.

- A. *Moschatellina foliis Fumariæ bulbosæ*, de qua Cordus J. B. *Ranunculus nemorosus Moschatella dictus* Park. *nemorum Moschatellina dictus* C. B. *Radix cava minima viridis flore* Ger. *The Mushk-Wood-Crowfoot*.

**R**adicem habet semuncialem & uncialem, crassam, candidam, pluribus squamulis, caninorum dentium instar habentibus, quarum inferioris cavum superioris mucronem solidum excipit, succulentam, sapore nullo manifesto, è squamarum finibus superioribus fibras emitentem plurimas, alias tenues, albas, prælongas, quibus alimentum haurit; alias majores, albissimas, filorum similes, ad intervalla rariora obiter denticulatas, tandemque in capita intumescentes, quibus sub terra repens latè se propagat. *Folia* tenera, pallide virentia, Fumariæ foliorum diversâ, duo aut tria, pediculis oblongis teneris & fragilibus insident. *Cauliculus* ut foliorum pediculis hand discolor ita non multo altior, palmatis, singularis, media parte foliis binis adversis cinctus, brevibus pedicellis appensis, reliquis supradictis, exceptâ solâ quâ superantur magnitudine, similibus. In caulis fastigio capitellum cubicum, è quinque flosculis coagmentatum herbaceis, monopetalis, verum in quinque lacinias obrutis totidem folia imitantes divisum cum plurimis in medio staminibus luteis. *Calis* floris trifolius. Vasculum seminale crassum, succulentum, quatuor intus semina claudit. Flores & folia moschum olent.

Martio



Martio mense exeunte & initio Aprilis apud nos floret. In umbrosis sepibus & fenticetis, aut <sup>Tempus</sup> etiam sub arboribus solo laxo & arenoso multis in locis invenitur. Postquam defloruit, superficies <sup>& Locus.</sup> plantæ non diu durat. Floribus succedunt totidem fructus, etiam per maturitatem pulpâ humidâ molli cum quatuor plurimum intus seminibus parvis, alvis oblongis, compressis Lini seminum figurâ, constantes, ut hâc æstate [Anni 1685] observavimus, semina matura nobis subministrante D. S. Dale Amico & vicino nostro.

Cum plantulæ hujusce fructus etiam maturus pericarpio seu pulpa molli humida & seminibus eidem inclusis constet, Baccifera genuina & propriè dicta censenda est.

A. 1. *Vaccinia palustris* Ger. Park. *Oxycoccus sive Vaccinia palustris* J. B. *Vitis Idea palustris* C. B. *Whortle-berries*, *Whols-berries* or *Whooz-berries*.

*Radicibus* tenuibus rubentibus fibrillas capillares subinde emittentibus sub terra reptat. *Cauliculis* prælongis, filamentorum instar tenuibus, infirmis, atrorubentibus, in terræ superficie sparsis latè se diffundit: quos *folia* vestiunt non admodum crebra, situ alterno, dura, Serpylli foliis paria aut non-nihil minora, supernè viridia, subtus glauca seu, ut J. Bauhinus, ex cinereo virentia, glabra, marginibus plerunque reflexis, pediculis adeo brevibus infidentia ut immediatè adnata videantur. *Flores* è summis ramulis exeunt, nunc singuli, nunc bini aut fortè etiam plures, ex sinibus foliorum exiguum ceu squamarum singuli, pediculis prætenuibus, digitum longis; purpurantes, Glycypicridis floribus similes, petalis quatuor acuminatis ad ungues junctis, reflexis, cum octo in medio staminibus seu apicibus croceis & stylo in unum acutum corpus seu umbonem coeuntibus: Quibus decidentibus succedunt *baccæ* quàm *Vaccinia nigra* majores, rubentes vel flavo-virides punctulis rubris creberrimis respersæ, non exactè rotundæ sed per sæpe oblongæ, umbilico purpurascete cruciformi insignes.

Floret Junio, fructus Julio maturefcit; in palustribus putridis.

Locum &  
Tempus.

2. *Vitis Idea palustris Virginiana fructu majore*.

Hujus baccas à nova Anglia usque missas Londini vidimus & gustavimus. Scribitis seu tortis; *Carts* nostrates vocant eas inferciunt.

Nnn

LIBER

# HISTORIÆ PLANTARUM LIBER DECIMUS QUARTUS, QUI EST,

## De Plantis multifiliquis seu corniculatis.

**P**LANTAS multifiliquas voco quæ ad singulos flores plures producunt filiquas seu corniculæ disjunctæ: quibus tamen ob convenientiam in reliquis partibus, nonnullas filiquas conjunctis admiscemus.

*Plantæ multifiliquæ seu corniculatæ sunt vel foliis*

*Crassis succulentis,*

*Majores latifoliæ, foliis*

*Ad radicem multis in globulos congestis, iis quæ in caule sunt majoribus & spissioribus, floribus in surculis reflexis in summis caulibus; SEDUM seu SEMPERVIVUM majus.*  
*Ad radicem nullis; cum hæ plantæ à prima statim germinatione, excaulescant, radice*

*{ Odoratæ, in summis montibus nascens, foliis glaucis ferratis; RADIX RHODIA.*  
*{ Inodoræ, folio aliàs ferrato, aliàs æquali, radicibus aliàs tuberosis, aliàs fibrosis; TEL-*  
*PHIUM.*

*Minores angustifoliæ; SEDUM STELLATUM.*

*Texturæ rarioris & minus succulentis, quarum notæ genericæ sunt*

*Folia*

*{ Graminea triangula, caules nudi, flores in umbella; JUNCUS floridus.*  
*{ Lata, integra & non dissecta, Althææ æmula, flores ex alis foliorum lutei; ABUTILON.*  
*{ Digitata, flores non decidui, radices cathartice, HELLEBORUS NIGER.*  
*{ Pinnata, Fraxini similia; Flores in spicas digesti; semina nigra, majuscula, splendentia; FRAXINELLA.*

*Flores,*

*{ Cucullati, folia circumscriptiōe subrotunda, laciniata, semina rugosa, facultas plurimum deleteria; ACONITUM.*

*Corniculati,*

*{ Unico cornu ceu calcari retrorsum extenso, semina nigra triquetra, folia in tennes lacinas dissecta; DELPHINIUM, Consolida regalis.*  
*{ Pluribus corniculis recurvus, penduli, semina nigra lucida, folia umbelliferarum modo divisa; AQUILEGIA.*

*{ Expansi, aut planifolii; [Folia plana hîc voco quæ non sunt fistulosa aut concava]*

*{ Majores, rosei, semina majuscula rotunda, per maturitatem nigra, radices crassæ vel tuberosæ; PÆONIA.*  
*{ Minores, Ranuncolorum similes; Quæ vero hujusmodi flores producunt plantæ sunt vel foliis*

*{ Integris, floribus nudis absque perianthio, aquis gaudens; CALTHA PALUSTRIS.*  
*{ Laciniatis; Aconiti aut RANUNCULI,*

*{ Caulifera, flore globofo; RANUNCULUS GLOBOSUS.*

*{ Acaulis cum flore in medio folio, radice tuberosa; ACONITUM HYEMALE.*

CAP.



## CAP. I.

## De Sedo seu Sempervivo majore.

**H**ujus notæ sunt folia in globulos oculi bovini æmulos congesta, lata & succulenta, flores in furculis reflexis in summis caulibus stellati.

1. *Sedum majus arborescens* J. B. Ger. emac. *majus arborescens flosculis candidis* C. B. *majus legitimum* Clus. Park. *Tree-House-leek*.

Clus.

Frutex est potius quam herba, duorum cubitorum nonnunquam altitudine, brachiali verò crassitudine, multos ferens ramos pollicaris crassitudinis aut majores, qui in multas alas dividuntur digitalis crassitudinis, summo fastigio velut in orbem desinentes, multis foliis confertim & imbricatum sibi mutuò incumbentibus constantem, perinde ac in Sedo majore vulgari. Carnosa sunt autem ea folia, succi plena, & linguæ instar efformata, h. e. ab infima sede paulatim in latum sese dilatantia; in ambitu crebris & minutis veluti denticulis adeò leviter serrata ut vix appareant, gustu paululum adstringente: cortice denso, carnosio, succulento totus frutex cinctus est, cujus membrana exterior subfulca, maculisque seu potius sedis foliorum vestigiis respersa, ut in Tithymalo characia. Interdum summis majoribus ramis emergit crassus & veluti foliosus quidam pediculus, tanquam thyrsus gerens multarum gemmarum, quæ successu temporis in flores sese explicant, ex flavo pallecentes, stellarum instar in aliquot folia divisos cum suis staminulis. Jam maturefcere incipientibus floribus, & ad seminis efformationem properantibus gracilefcit hic pediculus. Semen exile est & nigrum. Semper viret hæc planta, nam antequam vetera folia abjiciat, nova semper producit, & facile ramulis pangitur.

Sponte nascentem observavit hanc plantam Clusius prærupto & scopuloso colle, non procul à *Locus*. *Seytri* arce regia, quinto ab Ulyssippone milliari. In Italia frequentem in fœtilibus enutritam observavimus.

Legitimum id esse Sedum aut Sempervivum majus, Dioscoridi ἀλζων τὸ μέγα neminem in Stirpium cognitione mediocriter versatum inficias ire posse affirmat Clusius: Nam quod hætenus pro Sempervivo majore habitum est, nihil aliud est quam Coryledon altera Dioscoridis.

2. *Sedum majus vulgare* C. B. J. B. Park. *Sempervivum majus* Ger. *Houseleek*.

Folia edit terræ ac radicibus proxima, crassa, pingua, lenti succi plena, acuminata, densa, per margines aequalia, & in orbem ad effigiem oculi disposita, atque hujusmodi orbiculos complures proferens, latè atque in amplitudine sese diffundit, non rarè & tenues fibras emittit, quibus latius serpat, atque novos orbiculos progignat. Assurgit quandoque in medio horum *caulis* pedem plus minus altus, erectus, crassiusculus, similibus sed angustioribus & acutioribus foliis veluti squamis obtektus, superiùs in ramos diductus reflexos. Flores scanfiles, serie quadam succedentes gerit, stellatos, rubentes aut obscurè purpurascens, polypetalos, quos excipiunt *siliculæ* plurimæ seu cornicula semine minutissimo repleta, in orbem disposita.

Inter petras in montibus sponte oritur, & ad macerias & muros. In Anglià spontaneum non vidi, *Locus*. ubique tamen in domorum tectis, muris & maceriis vetustis & imbricamentis seritur. *Caulis* floriferus est post Solstitium æstivum; cum semen Autumno perfecit exarefcit.

Refrigerat validè & astringit. Usus præcip. intrinsecus in febribus biliosis, sedat scil. fitim & *Vires*. compescit ardorem. Vulgare est plebi nostrati (inquit Schroderus) expressum succum cum Succharo in febribus morbisque calidis propinare. Botanici nostrates præscribunt succum Zythogalo aut liquori posseti infusum; & eum bono cum successu hoc modo propinatum novisse ait *D. Tanderus Robinsonus*, tum in aliis febribus, tum præcipuè in Erysipelatide & hectica; Abundat enim hæc planta, sale Alkali medicamentofo.

Tragus succum aut aquam destillatam, linteolis in eis madefactis ac impositis in inflammationibus quibusvis corporis, imprimis verò phrenetico morbo, apprimè conducere scribit, in inflammatione ac rubore oculorum, jecoris item & renum. Articulorum insuper morbo medentur, & ambustis auxiliantur.

Succus Solatri sicco admixtus, & cum oculis Populeis decoctus in axungia suilla, ac percolatus ut fiat unguentum, mirè efficax est, omnibusque populeis unguentis Tragi judicio præferendus.

Galenus cum Dioscoride Epithematis loco succum cum aceto Erysipelatis foris imponunt, quod hodie, inquit Casp. Hofmannus nemo aufit.

Succus verrucis & pedum clavis illitus ut eo probè madefiant, deinde foliorum cuticulâ superimpositâ, eos tollit & sanat.

Ad cornua pedum, & Folia Sempervivi majoris q. l. contunde & superpone sex diebus continuis. *Cbesneau*.

Ad matricis & urethræ ulcera, & Succus Sempervivi majoris ʒiv. Litharg. ʒj. vitell. ovorum n° ij. diu agitat. in mortario plumbeo, utere. Remedium erat Chirurgi cujusdam Parisiensis. *Idem*. Habui ex collectaneis *D. Edv. Hulfe*. Medici Londinensis.

In febribus linguam molesti aridam vel etiam fissam lenient folia Sempervivi majoris, membrana externâ denudata. Aquæ puræ aut Rosacæ induntur, hinc subinde linguæ imponuntur, atque dentidem renovantur. *D. Soame* è Sylvi L. 1. C. 23. S. 64.

- \* 3. *Sedum majus montanum dentatis foliis* C. B. *Sedum* 4. i. e. *Cotyledon altera secunda* Clusii Ger. An *Sedum latifolium floribus magnis albicantibus* J. B? *Sed. majus alterum flore Atlante* Park. quid velis vox illa Atlante non satis capio.

Clus.

Pinguia, crassa, numerosaque habet folia, circa radicem densa, Acetabulo alteri five Sempervivo vulgari majori similia, minora tamen & in ambitu leviter dentata, succulenta & gustu acido: inter quæ multa in ambitu capita, è similibus sed minoribus foliis congesta exoriuntur, longis pediculis inhaerentia, quæ tandem aucta in novas plantas efformantur. Ex ipsius matris umbilico emergit caulis, dodrantalis, foliosus, rectus, ferens in ramulis florem alterius Cotyledonis instar albicantem, magnum, sex foliis constantem, cui succedunt siliquæ seu vascula totidem angulis discreta, semine exili plena. Radix Sempervivo vulgari majori similis, minus tamen crassa, candicans, subinde novas plantas, præter jam dictas, è lateribus fundens.

Locus.

Frequens est in omnibus jugis urbi Viennæ vicinis, atque in Austriacis, Stiriacisque Alpibus. Floret Julio.

Varietas.

Illis ipsis locis invenitur aliud genus huic valdè simile, per omnia tamen minus & cujus folia magis sunt dentata: quod *Sedum majus montanum dentatis foliis alterum* C. B. *Sedum alterum minus* magis dentatis foliis Park.

Invenitur & alia hujus varietas præcedenti per omnia simile exceptis floribus qui purpurei sunt & odorati.

- \* 4. *Sedum majus montanum foliis non dentatis, floribus rubentibus* C. B. *Sedum montanum latifolium flore purpureo* J. B. *majus angustifolium* Park. Ger.

Clus.

Confertis, frequentibus pinguibûsque five crassis atque in orbem digestis est hoc etiam genus foliis, superiore tamen minoribus, nec dentatis in ambitu, tamen aliquantulum hispida appareant, sub quibus è radice capite aliæ similes plantæ crassis fibris præditæ in orbem se propagant & radices agunt; è matris umbilico palmaris, nonnunquam etiam dodrantalis exilit caulis, succulentus, rubescens, multis crassis succique plenis & mucronatis foliis cinctus, angustioribus quàm superiora & mucrone purpurascens, qui supremâ parte in ramulos dividitur, multis floribus superioris Cotyledonis alterius floribus formâ similibus onustos, minoribus tamen, duodenisique, angustis, mucronatis, stellæque instar decussatis foliis constantibus, coloris ex rubro purpurascens, totidem siliquulis in caput aut veluti coronam compactis, floris umbilicum occupantibus & vicinis quaternis staminibus eam ambientibus. Semen illis siliquulis five loculis aded exile inest ut oculorum aciem propemodum fugiat. Radix mediocriter crassa & fibrosa est, Cotyledonis alterius modo.

Locus.

Plantæ quæ florem tulerunt tum in hac tum in superiore intereunt, perinde atque in *Sedo* majori vulg.

Crescit in Taurinarum Alpium jugis non procul Saltzburgo, ubi floret Julio, in hortos translata maturius, viz. Maio.

5. *Sempervivum rubrum montanum yvaqalâdes* Col. *Sedum rubrum tomentosum* Park. *montanum tomentosum* C. B.

Col.

Singula hujus folia, dum planta sine caule est, Vere incipiente ad invicem tomentosa lanugine contextuntur: apices enim foliorum, relictis foliis intermediis, tenuissimis densisque staminibus veluti Araneis intercipiuntur, ut semper angulos efforment, ita ut tota foliorum superficies operiatur innumeris figuris trigonis, tetragonis, pentagonis & hexagonis intersectis ad invicem, ut ex quolibet extremi folii apice efformentur. Autumno & hyeme antequam caulem edar incana est aut cinerea, nec folia conjuncta tomento aut aranea sunt, sed aperta & disjuncta, ut in vulgari: cum caulem edit tota planta colorem mutat & rubra efficitur.

E radice pusilla, tenui veluti filum, inter saxorum rimas ubi parum terræ inhaerente, multa folia, veluti Cinaræ fructus squamosus, in globulum composita, Nucis Regiæ obliquè dimidiatæ magnitudine orbem complentia, linguarum angustarum effigie, parva, carnosa, vulgaris majoris lutei Sempervivi modo, per ambitum hirsuta parum, in summo araneosa multum, colore cinereo: Æstate caulescente plantâ ita illi hærent densa ut pyramidem effigiant, atque nihil præter summum caulis appareat, in quo folia minora alternatim separantur. Caulis semipedalis, in summo bifurcatus in alas, in quibus flores magni, rubentes, roseo saturo colore, stellati, in decem radios secti, cum totidem apicibus medium fructum habentes: staminibus verò circa illum viginti, quorum cacumen luteum, minutum est. Florum folia expansa & radiantia, veluti plicata prius quàm dehiscerent, canaliculum vel plicam habent in singulis radiis, colore magis saturato; calycem verò dilutiorem, subtus hirsutum, totidemque oris distinctum.

Tempus &  
Locus.

Julio floret & Augusto perficitur, in Æquicolorum montibus, & jugis altissimis, nudis, saxosis, meridiei expositis supra montem Flaminianum, se Serrone vulgò dictum, supercilium sci. appellatum.

- \* 6. *Sedum Alpinum roseum cauliculis rubentibus* Hort. Lugd. Bat.

In horto Regio Parisiensi habetur sub titulo *Sedi Alpini medii rosei, aculeo rubente*.

Hanc plantam, nemo hætenus, quod sciam, descripsit, nec nos eam vidimus, ideoque nescimus an rectè hic collocavimus.



## CAP. II.

## De Telephio.

**T**elephium dictum volunt, quod ulceribus malignis & deploratis, qualibus Telephus Myſiæ rex ab Achille vulneratus conſenuit, (quæ eam ob rem etiam Telephia vocantur) auxilia-  
tur: Fabaria vulgò à foliorum cum Faba ſimilitudine, Officinis Cræſſula major appella-  
tur. C. B.

Folia in Telephio non conglobantur in capitula, ut in Sedo majori; nam à prima ſtatim germi-  
natione excauleſcit. Flores velut in umbella pentapetali, quibus ſuccedunt theculæ plurimum quinq.

- A. 1. *Telephium vulgare* C. B. *Telephium ſive Cræſſula major vulgaris* Park. *Cræſſula ſive Faba*  
*inverſa* Ger. *Anacamperos vulgo Faba cræſſa* J. B. *Oxyne, or Nive-long.*

7. B.

Pedalis eſt & altior *Anacamperos*, caulibus rectis, teretibus, ſolidis, quibus perquam crebra adna-  
ſcuntur folia, ſurrecta, ſucculenta, Portulacæ foliis longiora, colore glauco, rubedine aliquò ſubinde  
perſuſo, crenata. Flores in ſummis caulibus & ramulis [in quos ſummi caules dividuntur] in um-  
bellas digeſti, rubentes, pentapetali cum pluribus ſtaminulis; medium florem occupant theculæ ali-  
quot, plurimum quinque ſemen claudentes præ parvitate ſerè inconſpicuum. Radix ſubest tuberculis  
glanduloſis ſtrumofa, unde Fabæ inverſæ nomen. Nullo nec ſapore nec odore excellit.

Folia interdum integra ſunt & minimè crenata, flores non rarò albi, ut eos deſcribit Bauhinus,  
apud nos tamen ſæpius purpurei: atque hoc eſt Telephium 3. purpuraſcente flore Cluſ. Hiſt. qui  
folia in caule rariora ei attribuit.

In umbroſis maximè & ad ſepes oritur, non raro tamen in agris & pascuis.

Locus.

- \* 2. *Anacamperos purpurea* J. B. *Telephium purpureum majus* C. B. *floribus purpureis* Park.  
Ger: *An Rapunium umbellatum* Col?

Cluſ.

Ex radice cræſſuſcula, & bulbis inſtar parvorum naporum, multisque etiam fibris prædita, aliquot  
ſingulis annis producit caules cubitales, quibus innafcuntur folia ſatis frequentia, inordinata, Tele-  
phii vulg. cræſſa, ſucculenta, in ambitu tamen nonnihil crenata & veluti ſinuofa. Flores coloris gra-  
tiffimi ex rubro purpuraſcentis: in reliquis cum Telephio vulgari convenit.

J. Bauhinus *Anacamperoti* ſeu purpuraſ. caulem rectum & rigidum aſcribit: folia quam vulgari  
angſtiora, longiora, dilutiorèque virore tincta: flores rubentes, quo etiam colore ſunt ſtamina  
media & apices.

*Telephium purpureum minus* C. B. J. B. *minus flore purpureo* Park.

Non alia in re præterquam partium omnium parvitate à præcedente differre videtur. Videſis  
deſcriptionem ejus apud Bauhinum in Prodromo.

3. *Telephium latifolium peregrinum* C. B. *Cræſſula major Hiſpanica* Ger. *Telephium ſive Cræſſula*  
*major Hiſpanica* Park. *Anacamperos maxima* J. B.

Cluſ.

Habet hoc duos, tres plurèſve caules à radice prodeuntes, cubitales, ſucculentos, in latus ſe incli-  
nantes; in quibus ordinata ſunt folia, h. e. ex intervallis bina, ſemper adverſis pediculis naſcentia,  
cræſſa, ſucci plena ut in vulgari, ſed majora & magis carnoſa. Flos in extremis ramis quaſi umbella-  
tim naſcitur, quemadmodum in Cræſſula majore, pallidus. Radices illi plurimæ glanduloſæ Cræſſulæ  
vulgari ſimiles.

Naſcitur in Hiſpaniæ umbroſis quibuſdam locis, unde ad Belgas delata facilè comprehendit & au-  
cta eſt, valdè enim vivax eſt, ut etiam rami in terram depaſti ſtatim radices agant.

Locus.

Floribus eſt albis atque etiam rubris.

- \* 4. *Telephium Portulacæ folio* Morif. præluſ.

Morif.

Sola cræſſitie ſeu ſpiſſitudine foliorum, Portulacæ æmulorum à cæteris ſuæ classiſ facilè diſtinguitur.

5. *Telephium ſemper virens* Ger. *repens folio deciduo* C. B. *minus repens ſive Cepæa Panſii* Park.  
*Anacamperos minor rotundior folio ſemper virens* J. B.

7. B.

Inter *Anacamperota* vulgò notum & hanc ſpeciem hoc intereſt diſcriminis, quod non tantum  
minor hæc, ſed & radices fibroſæ Sedi vermicularis, non tuberoſæ: foliorum ſeries non minus ſtipata,  
verum ea excepto colore glauco ad Portulacæ folia quam proximè accedunt magnitudine & circinata  
ſerè rotunditate, ſuntque admodum caduca, ſic ut ſæpe major pars caulis ubi exciderint foliis vidua  
con-

conspiciatur, relietis interim ubique foliorum ubi exciderint vestigiis. *Caules* graciles, teretes, non-nihil rubentes per terram repunt, dodrantem longi. *Flores* in umbella, Anacampserotis vulgaris, quorum singuli quinque foliolis ex albedine in purpureum vergentibus constant, *apices* verò sunt lutei: in medio autem flore coeunt quinque velut alabastrum mucronati.

Tota hyeme viret: facile se propagat.

Vires.

Vulneraria est & astringens: Præcip. usus in consolidanda intestinorum erosione per dysenteriam introducta, in curanda hernia, in ambustis medendis. [Aqua destillata exhibita, aut radix cum melle in vino decocta ac pota.]

Magna dolores sedandi facultate pollet hæc herba, idque tam in recentibus vulneribus, quam in sordidis & inveteratis ulceribus efficiunt folia tusa & imposita.

Herba sub cineribus tosta & cum adipe suillo mixta & imposita paronychias egregie sanat.

Radix Telephii recens appensa, [aut aliquot saltem ejus nodi, prout nodi plures vel pauciores in ano protuberant] cum filo in dorso inter scapulas, hæmorrhoidum dolores ilico levat, simulque cum marcescente radice tabescit & evanescit omne tuberculum. V. *Ephemer. German. Ann. 2. Observ. 195.* ubi D. Wedelius Amuletum hocce miris præconiis celebrat, ejusque efficaciam duobus exemplis comprobatur. Nos ut non negamus Amuleti aliquam vim inesse posse, ita iis non multum fidimus.

#### 6. *Telephium Indicum* Bontii.

Bont.

*Caulis* est paulo elatiore quam *Telephium* nostras, foliis etiam aliquantum in figura variantibus. Incolæ Malaii à forma *Moulis Bebec* vocant, quod Anatis rostrum significat, nam inversum Anatis rostrum admodum bene refert, præsertim illorum qui incisuras ad latus rostri habent. Semper viret hæc planta.

Vires.

Incolæ eâ utuntur contrita ad ipsorum scabiem & cætera biliosa ulcuscula in cute, quæ hic nunquam defunt. Tum ad Erysipelata quoque utilis est cum aceto contusa. Malaicæ mulieres eâ quoque utuntur pro topico super bregma puerorum ubi suturæ nondum coaluerint, referentes id ad robur cerebri facere.

#### A. 7. *Rhodia radix* J. B. C. B. Ger. Park. *Rosewort, or Rose-root.*

J. B.

Tuberosa radice nititur, quam ob Rosarum consimili odore saporeque Rhodiam appellant, foris in fusco splendente, intus albâ, fragili, roseum odorem halante, gustu Rosæ simili, non ignaviter adstringente. *Virga* ab una radice plures oriuntur, tenues, numerofo foliorum agmine dense stipati, substantiâ & positu Telephii vulgò dicti, angustorum, oblongorum, acuminatorum, & circumquaque serratorum, colore glauco excepto mucrone purpurascete, sapore adstringente. *Flores* in umbella purpurascetes, quibus succedunt *siliquæ* oblongæ, extra reflexæ, corniculorum, Aquilegiæ aut Aconiti instar, rubentes, in quibus semen minimum oblongum & paleaceum.

Locus.

In excelsis montibus Cambriæ, Eboracensis Com. Westmorlandiæ, &c. v.g. *Snowdon, Caderidris, Ingleborough, Hardknott, &c.* ex ipsis rupium fissuris, præruptisque in locis exit.

Vires.

Modernis præctis vix in usu est, nisi quòd interdum ad renum calculos decoctis incoquantur. Nos cum J. Bauhino judicamus eam non procul abesse à Rosæ aut Crassulæ temperamento, quæcum facie externa adeo convenit, ut nulla ratio sit cur diverso nomine insigniatur.

#### 8. *Rhodia radix foliis minus incis* Hort. Lugd. Bat.

#### 9. *Rhodia radix major purpurea* Hort. Lugd. Bat.

### C A P. III.

#### De *Cepæa*, & *Sedis minoribus Stellatis*.

HÆ plantæ parvitate sua & foliorum angustia à præcedentibus differunt.

#### 1. *Cepæa* J. B. C. B. Ger. *Cepæa Matthioli* Park.

Chuf. J. B.

Spargit per terram folia succulenta, Portulacæ familia, minora, subrotunda. *Cauliculum* exserit dodrantalem, in terram procumbentem, atque in multos ramos fissum, cui ad singulas alas adnascuntur folia præcedentibus similia, angustiora, ex oblongo per extremum subrotunda. *Flores* in caulibus à medio summo tenus ex uncialibus pediculis plures congesti, suis tamen petiolis minoribus nixi, parvi, albicantes, pentapetali; quibus succedunt tenuia ut in *Crassulis capitula*, exili scobis instar semine plena. Annua autem est, singulis annis decido semine sponte resurgens.

Locus.

Circa Montipellum & Geneviam sponte oriri dicitur.

An. 2. *Sedum*



- A. 2. *Sedum minus hamatodes* Ger. minus flore luteo J. B. minus luteum folio acuto C. B. *Vermicularis* & *Crassula minor vulgaris*, sive *Illecebra major* Park. The most ordinary pelloth *Prickmadam*, or *Stone-crop*.

*Radices* in terram demittit plures, innumeris filamentis capillatas. *Caulis* exserit teretes, crassos, pingues, medullâ solidiore, carne molliore, infirmos & humi procumbentes, ramosos; *foliis* vestitos creberrimis, nullo ordine positis, initio glaucis, per vetustatem rubentibus, crassis & succulentis, quâ caulibus adhærent crassioribus, paulatim in acumen desinentibus, molli in ipso apice spinulâ donatis, non exatè tamen teretibus, sed supina parte planioribus. *Caulis* qui flores sustinent eriguntur, altitudine dodrantali, foliis jam descriptis similibus vestiti, verum rariùs dispositis & brevioribus. *Flores* in summis caulibus in quasdam velut umbellas dispositi, flavi, hexapetali, è calice in sex partes diviso, cum plurimis intus staminibus apices concolores sustentibus. Singulis floribus succedunt vascula plurima semine repleta, qualia in *Sedomajore* & *Telephio* cernuntur, nimirum *Aconiti* aut *Delphinii*.

In muris & tectis ubiq, fere in Anglia occurrit.

Locus.

- A. 3. *Sedum minus luteum ramulis reflexis* C. B. minus luteum flore se circumflectente J. B. *Aizoon Scorpioides* Ger. *Vermicularis Scorpioides* Park.

Summo caule in ramulos diviso sese inflectentes instar summitatum *Scorpiuri* sive *Heliotropii* majoris à precedente differt.

Vanetas potius præcedentis videtur quam species distincta.

Inter acetaria multis locis recipitur (inquit J. Bauhinus) in quibus & sapit & palato gratum est; usu. æstuant ventriculo confert, teste Dodonæo.

Cum *Sedo* majore temperamento & facultatibus convenire videtur, ejusque loco, si res postulat, usurpari potest.

- A. 4. *Sedum purpureum pratense* J. B. minus palustre Ger. *Sedum arvense* sive palustre flore rubente Park. palustre subhirsutum purpureum C. B. Small *Marsh Sengreen*.

J. B. Clus.

Dodrantalem habet cauliculum, subrubrum, succulentum, tenerum: foliola longiuscula, subhirsuta, succi plena, *Vermicularis* folia referunt nisi quod planiora sint. *Flosculi* in summis cauliculis pentapetali, purpurascens aut carnei coloris, cum aliquot internis staminibus pallidis. Totidem succedunt cornicula quot sunt in singulis floribus folia, initio viridia, deinde purpurascens, semen eile continentia. *Radix* exigua est & inutilis, secundum quam ex infimo caule surculorum propages in orbem humi diffusæ sunt, multos exiguis foliolis *Sedi* minimi acris ferè similibus, minoribus tamen, angustioribus & obtusiore mucrone præditis cinctæ, saporis insipidi & aquei.

In humidioribus ubi aquæ scaturiunt ad latera montis *Ingleborough*, & alibi in montosis Septentrio-  
nalibus Angliæ. Nascitur humentibus pratis circa Norimbergam. J. B.

Locus.

*Sedum arvense* flore rubente C. B. prod. huic idem videtur: confer utriusq, descriptiones.

5. *Sedum echinatum vel stellatum flore albo* J. B. *Prickp-headed Sengreen*, with a white flower.

J. B.

Ex radice brevi, multis fibris capillata caulis unus vel plures prodeunt, spithamæi, pingues, supini, teretes, sæpè simplices, aliàs in duas alas divisi, non tamen faciliè fragiles. *Folia* *Portulacæ*, subacida, carnosa & succulenta, coloris viridis, extremâ orâ (quæ latior etiam est) serrata, saporis *Sedi* vulgaris majoris: folia inferiora caulibus excrecentibus exsiccantur & corrugantur. Caulibus ad certa intervalla adnascuntur flores stellati, *Sedi*, quinquepartiti, albi, apicibus purpurascens, quinque, foliis acuminatis, teretibus, viridantibus totum florem obvallantibus: capsula stellatæ succedunt ex radiis plurimum quinque, rariùs sex, compressis, semen continentes minutum *Aizoi* vulgaris.

In muscosis sepium aggeribus non longè à Geneva, secus viam quæ inde ad oppidum *Fay* ducit.

Locus.

Messanæ quoq, similibus in locis invenimus.

Ad *Cepzam* plurimum accedit.

6. *Sedum echinatum flore luteo* J. B.

Toto habitu simile est superiori [sed minus,] foliis tamen variat, non sinuatis, magis ad *Portulacæ* folia accedentibus, minoribus: Flores item non albos sed luteos promit, eodémq, tempore perfruitur, gustu etiam simili.

Circa *Portum Veneris* & alibi in Italia plantam hanc invenimus; quin & ex semine Londino accepto ortam Cantabrigiæ in horto aluimus. Nostri tamen planta ab hac F. Columnæ descripta nonnihil diversa videtur: folia enim habet ad *Alfinem* accedentia, &, ut memini, nonnihil crenata. Anna est planta.

Locus.

7. *Sedum*

7. *Sedum minimum montanum flore purpurascens parvo, semine stellato.*

*Radix* ei alba, tenuis, pluribus fibris capillata, vix ultra annum vivax. *Caulis* ex eadem radice emergit, nunc simplex, nunc plures [tres interdum quatuorve] semipalmares, erecti, teretes, rubentes, foliis vestiti creberrimis, circumcirca nullo ordine positos, crassis, subrotundis, brevibus, apicibus obtusissimis, rubentibus: *Flores* in summo gerunt velut in umbellam dispositos, exiguos, pentapetalos, vix se pandentes, petalis acutis, saturatiore lineâ purpureâ per mediam longitudinem decurrente, ad margines pallidioribus. Vascula seminalia quinquepartita, stellata, radiis pungentibus.

Circa medium mensis Julii in præruptis & altissimis montis Juræ scopulis florentem inveni.

Huic non longè diffimilem invenit & descripsit in Indice suo plantarum circa Monspelium nascentium D. Magnol sub titulo *Sedi annui minimi stellati rubri*. Parvula, inquit, est planta, uncialis aut biuncialis, unico ut plurimum cauliculo affurgens. Folia crassa & subrotunda sunt, inter quæ flosculi albi oriuntur, satis magni pro plantulæ modo, quibus stellulæ rigidæ, crebræ succedunt, in quibus parvum semen continetur. Annua est planta.

Locum.

Maio mense cum flore & stellulis sæpius invenit descriptionis autor in ingressu luci Gramuntii sub Illicibus.

## CAP. IV.

*Plantæ quædam exoticæ Chrysanthemi titulo à Jac. Breynio exhibitæ, Sedis stellatis affines.*

1. *Chrysanthemum aizoides Africanum primum seu latifolium Breynii.*

**H**ujus caules cubiti altitudinem attingunt, glabri, teretes, succi pleni, & coloris ex viridi albicantis, foliis diluto nec invenusto virore pictis per longa intervalla frequenter binis donati, Portulacæ crassitie & succulentia; sed Calendulæ, quæ figuram & magnitudinem, respondentia: E quorum alis ramuli aliquot pullulant, minoribus foliis & gemmis jamjam onusti, sed eorum, florea spes [in horto Amstelodamensi] intempestivis pruinis præusta decorit. Nam cujuslibet tantum caulis summitas *Florem* saltem unicum, peramœnum, ex capitulo viridi, crasso, in folia seu lacinias quinque decussato, mense Septemb. vel Octobri offerebat, eadem quæ flos mediocris Calthæ amplitudine, Floris autem Solis figurâ, umbone citrini coloris, quem per circumferentiam concoloria, angustissima ac uncialia petala copiosè cingunt, constante. Semen mihi non visum sequentium par judico.

Ex semine à Promontorio bonæ Spei dicto delato in horto Caroli Chirvry Amstelodami entum est.

2. *Chrysanthemum aizoides Africanum secundum, seu teretifolium Breynii.*

Breyn.

Raritate & venustate primum antecellit, locis apricis & arenosis C. bonæ Spei proveniens.

Hoc ex semine ad fulcum inclinante, subrotundo, & eadem ferè quâ Hormini magnitudine in horto nostro succrevit. *Radice* verò constabat dodrantali, digitum crassa, tereti & alba, Raphani minoris oblongi, quæ figuram & consistentiam, simili sapore tamen aqueo. Ex hujus capite folia complura, succulenta, sesquipalmaria, digiti infantis ferè crassitie, teretia & flavo-viridi lavore nitida edebat, quorum plurima convexa, ac in extremitatibus ficcata. Inter hæc duo, tres, vel etiam (ni fallor) plures *Caules*, magnitudine & crassitie foliis penè æquales porrigebantur. *Florem* in Beverningiano horto dedit, Solis radiati instar formatum, eadem quæ primi generis figurâ, nisi quod duplo penè major, umbone aureo, petalis majoribus & latioribus sulphureis, ima parte flavis radiato fuerit. Folia insuper aut lacinie capitis stellatæ, teretes & falcatæ erant. Plantam annuam, flore semineq. edito evanescentem judico.

3. *Chrysanthemum Aizoides Africanum tertium, sive triangulari folio, flore aureo Breynii. Aizoides Cap. bonæ Spei Zanoni.*

Species prima.

Breyn.

Hujus [in horto Autoris educati] *radix* secundo similis, sed grandior: quæ aliquot humi jacentia, aliquot inde se efferentia, in orbem, velut Aloe pumila esset, folio diffundebar, jucundo virore oculos delectantia, dodrantalia, digitalis verò crassitie & triangularis figuræ. Ex illorum medio caules rotundi, ex viridi albicantes tres aut quatuor plusquam pedales, binis ut plurimum, & ut inferiora triquetris, sed minoribus foliis prædicti, prorumpabant. Horum unicuique, senescente Autumno, crassum, oblongum, in quinque lacinias angustas dissectum, calycis callosi Avellanæ Lombardicæ simile alabastrum addebatur; quod occultum suum decus meo etiam, sicut præcedens, horto invidit, quo Beverningiani maneret proprium ornamentum, ubi, stellæ in modum, in quinque angulos resolutum *florem* aureo fulgore comantem protulit, primi generis minorem, umbilico dilutiore, tres visu jucundos, virides circulos exhibente ornatum, quantum ex pictura augurari licuit. Semen secundi generis minus.

Species



*Species secunda, flore purpureo.*

*Breyn.*

Rarissima est hæc, & quantum mihi constat, Europæ nostræ minùs reliquis nota, Antecedent. perfimilis, nisi quòd plerunque major, & folia floris umbonem luteum circumdantia purpurei coloris sint.

*Species tertia, flore carneo.*

*Breyn.*

Secundæ speciei valdè similis est; excepto quòd petala, quibus umbo floris radiatur, carnei sint coloris.

*Species quarta, minor flore flavo.*

*Breyn.*

Hæc, quantum ex figura à D. ten Rhyne transmissa Autori nostro conjectari licuit, pedalis circiter erat; caulibus procumbentibus, articulatis, quos folia triquetra, reliquis breviora & longè angustiora exornant. Flores in caulibus & ramis se solitarios ut in cæteris præbentes parvi sunt, capitulo trigono, petalis brevioribus ac paucioribus quàm primæ speciei, quorum color luteus seu flavus, cincto.

Totahæc planta cum congeneribus omnibus antedictis, præprimis folia earum cum capitibus ut Aizoon succulenta sunt. Sapor aqueus, nitrosi quid occultans, quod in ficcatis, quæ planè salæ clariùs patet.

Cùm plantæ hæ nobis nondum fuerint inspectæ, an rectè Chrysanthemis annumerentur nec scimus. Paulus \* Ammannus, cui cognitæ & examinatæ fuerunt, quò pertineant te certiùs docebit.

\* *Charactere Plantar. natural.*

Chrysanthemum, inquit, aizoides Africanum (1.) latifolium *Breynii*. (2.) teretifolium, (3.) triangulari folio, flore aureo, (4.) flore purpureo, caulibus & ramis purpurascens, (5.) flore carneo & (6.) triangulari folio minus, flore flavo in *Cent. 1.* & *Prodr.* p. 21. ad classẽ Chrysanthemorum non pertinent, quoniam non ferunt semina quadrangula nuda, more Chrysanthemorum; nec ad Asteres, quia non habent semina papposa, sed magis Kali florido repenti Aizoidi Neapolitano Col. & dicantur Kalia Africana Kali florido repenti Aizoidi Neapolitano Columnæ affinia.

I. Habent enim vascula pentagona coni inversi instar, in summo plana, per margines quinque carnosius apicibus circumvallata, totidẽmq; intus cellulis donata, quæ per maturitatem dehiscens, semina parva, spadicea, rotunda effundunt: apices five capsulæ dum maturefcere incipiunt, dehiscunt & flaccescunt, summo capitulo stellæ radiatæ figuram imprimentes.

II. Quædam ex hoc genere ferunt, vascula quindecim loculamentis donata, totidẽmq; apicibus oblongis, fungosis, in conum coeuntibus circumvallata, ut Chrysanthemum aizoides triangulari folio, flore aureo.

Quantum ex his capsularum seu vasculorum seminalium descriptionibus colligere licet plantæ hæ Sedi seu Aizoi exoticæ species sunt, non Chrysanthemi.

## C A P. V.

### De Pæonia.

*Παonia ἡ γλυκύσις*, quibusdam *πνίγεςον*, cujus radicem aliqui *Ἰδαίος δακτύλος* vocant, Pæonia dicta est à medico Pæone, qui eâ Plutonium ab Hercule vulneratum, Homero Odyss. 5. fingente, curasse perhibetur. Pæonia vetustissima inventa est, nomẽque autoris retinet, quam quidam *Pentorobon* appellant, alii *Glycyfiden*. Plin. lib. 25. c. 4. Fortè (inquit Bodæus à Stapel) à *παίων* vel *πασιζα* hymnos cano, quòd ob insignes virtutes multum laudaretur: nam Pæonias omnes herbas Veteres pro salutaribus habuerunt.

Pæoniæ notæ genericæ sunt flores rosei maximi, semina majuscula rotunda, per maturitatem nigra, radices crassæ vel tuberosæ; folia composita.

1. *Pæonia mas* Park. Ger. præcior J.B. folio nigricante splendido, quæ mas C.B. *The male Peionp.*

J.B.

Pæonia mas præcior, ut rarior, ita notabili foliorum & radices differentiâ à fœminâ dispescitur: ea siquidem tam fœmina videtur altius affurgere, ad sesquicubitalem aut bicubitalem altitudinem; pluribus caulibus nonnihil rubentibus, in aliquot ramos divisis, foliis vestitis Nucis Juglandis fere positi & figurâ, sed latioribus, crassioribus, lanugine quadam aversâ parte pubescentibus, ternis, quaternis, quinis, rariis septenis, saturè virentibus, glaucòque obductis, caulium extremis ad commilluras parte interna rutilis, ex longis rubescentibus pediculis pendentibus. Flores supremis insident fastigiis singulares, patuli, quos carinata quædam folia sustinent, similes ferè floribus Pæoniæ fœminæ, sed dilutiores, non sine purpuræ tinctura, nervis reliquâ floris parte saturatioribus, in quorum medio stamina purpurantia apices croceos sustinent. Succedunt cornicula alba, villosa in principio atque lucente lanugine pubescentia, rariùs terna, sæpius quina aut circiter, cristâ sanguineâ incurvâ superne

superne donata: juxta cornicula stamina rutila, apicibus luteis farinaceis donata. Cornicula vero jam grandiora reddita, atq; per maturitatem dehiscencia recurvantur, elegantissimamque granorum ostentant seriem, utrinq; ordine positam, primum acinis granati colore similium, mox atrocenerum, tandemque nigrorum, rotundorum, crassiorumq; quam in femina, colore & substantia alioqui similium, quemadmodum & sapore. Radix ceu palus alte depangitur, recta, nonnunquam in adnata pauca divaricata.

Locus &  
Tempus.

Hujus flores Maii initio explicantur, moxq; decidunt. Gesnerus in Generoso dicto Helvetia monte reperiri audiverat.

Si seminetur Vere, ut plurimum per annum latitat, & post singulis annis foliorum divisiu augetur.

## 2. *Paeonia mas tardior* J.B.

1. A praecedente differt foliis numerosioribus, quippe quinis aut septenis, impari aliquando bifido; dilutius quoq; virentibus, & aversa parte, si cum praedicta foliis conferantur, pallentibus, qua & alba quadam lanugine donata sunt. 2. Non caulium modo extremis sed ipsis quoq; foliorum costis interna seu adversa parte rutilantibus. 3. Floribus tardius erumpentibus, nec citius quam priores decidunt.

Tempus.  
Vires.

Floret haec communiter sub finem Maii.

In usum Medicum veniunt radices & semina.

Ufus eorum praecipuus est in affectibus cephalicis, Epilepsia, Incubo, &c. uterinis, mensibus obstructis, lochiis purgandis, doloreque post partum mitiganda, epatis obstructione. Extrinsecus suspenduntur grana ac radix de collo pro arcenda epilepsia. Schrod.

\* 6. Simplic.

Vidi (inquit \* Galenus) puellum quandoq; octo totis mensibus morbo Comitiali liberum, ex eo quo gestabat radicem tempore. Ubi autem forte fortuna, quod a collo suspensum erat decidisset, protinus morbo correptus est; rursusq; suspensus in illius locum alio inculpat se habuit. Visum ergo est mihi, satius esse denuo id certioris experientiae gratia, detrudere: id cum fecissem, & puer iterum esset convulsus, magnam ac recentem radicis partem ex collo ejus suspendimus, ac deinceps prorsum sanus effectus est puer, nec postea convulsus. Experimentum hoc Galeni confirmant Montanus, Fernelius, Apollonius Menubenus lib. de Alce, cap. 7.

Qua hoc qualitate seu proprietate efficit ambigitur. Quacunque tandem (inquit Julius Alexandrinus a Neustain suis in Galeni de simplicium Medicam. facult. librum notis) successus hujus spe frustramur hodie. Vel igitur tam efficax non est nostra haec Paeonia quam aliarum regionum aliquarum, vel leviora erant illius temporis mala haec quam nostri hujus sunt, ob immutatam in deterius forte victus rationem. Alii in effossione sub certo syderum positu totum negotium consistere asserunt. Quae opinio Magica aut superstitiosa vanitate non vacat. An (inquit Casp. Hofmannus) Galeni radix non fuit natura sua talis, sed quia περιαισθη, adjurata, ut sic vertam. Diabolus enim in multis aut juvat naturam, aut impedit.

L. 2. C. 21,  
Sect. 128.

Sylvius nihil grandis (inquit) haecenus ab hujus radice & semine sapissime a me usurpatis vidi praestitum. D. Soame.

## 3. *Paeonia femina* Ger. *femina vulgaris flore simplici* Park. *communis vel femina* C. B. *femina vulgarior* J. B. **Female Peionp.**

J. B.

Radices glandulosas fibris quibusdam interceptas habet, ut Asphodelus, a quibus denud & aliae propagantur simili modo glandulosae. Caulis viridis vix nisi ad exortum pediculorum foliorum rubedinem ullam ostentat: folia varie & incondite dissecta, modo trihda, modo bifida (de singularibus foliis intellige) alia etiam integra, superne virentia, inferne albicantia aliquantulum & nonnihil hirsuta. Flos qualis in mascula [sed minor magisq; purpureus] cum staminibus & apicibus confimilibus perinde ut in siliqua [quae tamen minores] at semen oblongum, per maturitatem nigrum.

Tempus.

Floret mense Maio: semen Julio ad maturitatem pervenit; multumq; se reptatu multiplicat.

## 4. *Paeonia femina Hispanica pumila* Park. *tenuius laciniata, subsus pubescens, flore purpureo* C. B. *femina pumila* Ger. *quoad iconem.*

Clus.

Tenuius dissecta & laciniata habet folia, magis mucronata, aversa parte brevi lanugine pubescentia & candicantia, adversa vero virentia nec splendentia, multis venis a medio nervo in latera foliorum excurrentibus, ut in reliquis Paeoniae generibus: Caules graciles & dilutius virentes, singulos sustinentes unicum florem, aliorum generum floribus paulo minorem, simplici octo foliorum serie constantem, purpureum, hoc est minus rubentem quam qui plenus est, sed non minus odoratum, multis staminibus candidis quorum apices flavi, bina cornicula media cingentibus praeditum, quae maturitate dehiscencia semen continere conspiciuntur vulgaris Paeoniae, initio subcaeruleum, seminis Tini instar. Radix superiori similis, minus tamen crassis sed gracilioribus bulbis constans.

Nata est Clusio semine ex Hispania missa: fleret Maio mense cum aliis.



- \* 5. *Pæonia Pomi Arantii colore* C. B. *tertia* Clus. *femina flore carneo simplici* Park. parad.

Clus.

Folia huic *Pæoniæ* *fœminæ*, paulò dilutiùs virentia quàm πολυφυλλανθῆς, splendentia, per oras non-nihil crispa, infernè cineracei coloris: *flos* simplici sex foliorum serie constat, coloris carnei dilu-tioris, in quo flavescent tenuiter elucere videtur: *cornicula* viridia medium florem occupant, & multis albis *staminibus* cinguntur, quorum *apices* aurei. *Semen* in corniculis nigrum: *radix* bulba-ceis *Asphodelinisq;* tuberibus constat.

Floret Maio.

- \* 6. *Pæonia Aquilina foliis* C. B. *quarta Aquilina foliis* Clus. *femina Aquilina foliis* Park.

*Caulis* huic satis firmus: *folia* in ternas alas divisa, quæ totidem folia gerunt breviora & magis orbiculata quàm aliarum, atque in aliquot lacinias scissa, supernè dilutiùs virentia, infernè pube-scentia & canescentia, adeòque familia *Aquilina* foliis, ut primo intuitu pro illis accipi possint. *Radicem* habet multis bulbis longis præditam ut *Pæonia fœmina*. *Florem* non viderat Clusius.

- \* 7. *Pæonia flore ex albido pleno major & minor* C. B. Clus. *femina flore pleno albicante* Park. parad.

Clus.

Humilior est illa quæ amplum, ex rubro purpurascens, plenùmque habet florem: *Caulis* item quàm illi gracilior. *Folia* quidem multis laciniis ut alteri divisa, sed angustioribus: *flores* etiam mi-nores, neq; adeò pleni, utpote qui sexaginta aut septuaginta foliorum numerum rarò superent, cum in vulgaris plenæ flore aliquando quadringenta observare meminerim. Hujus color initio dilutè purpurascens, & quodammodo carneus, deinde paullatim elanguescens, exalbidus fit, tan-dem totus ferè niveus, excepta foliorum basi & infima parte, quæ carneum quodammodo colorem retinet. Bina aut terna, ut plena vulgaris, habet in medio flore *cornicula*, minora tamen. Peculi-ariem etiam habet ejus flos notam, ut illi folia non faciliè defluant, sed diutissimè hæreant, imò donec temporis diuturnitate nigrescant, marcescant & siccitate contrahantur. *Radices* etiam habet hæc minores & graciliores quàm vulgaris.

Reperitur hujus generis flore longè ampliore, ut quæ *Purpureæ* plenæ flori non cedat magnitu-dine, ejusdem tamen cum descripto naturæ, diutissimè nimirum folia retinens, temporis successu etiam albescentia. Varietas.

- \* 8. *Pæonia folio subtus incano flore albo vel pallido* C. B. *femina leucanthemos & ochranthemos* Park. *femina pumila* Ger. quoad descr.

Hanc, quæ in cellissimorum *Cretæ* montium convallibus abunde provenit, promiscuæ naturæ esse, hoc est, quæ neque mas, neque fœmina esset, scribit Hon. Bellus ad Clusium.

Huc refert C. Bauhinus *Pæoniam* flore niveo Clus. in *Navarræ* montibus inventam, cujus flos simplici foliorum serie constat, vulgari minor, radices etiam habentem illâ minores.

*Pæoniam fœminam flore albo pleno*

Depingunt & describunt Tabernamontanus & Gerardus: Figura apud Gerardum est eadem quam Clusius exhibet pro *Pæonia pleno flore albescente minore*.

*Pæonia flore variegato* C. B. *femina versicolor* Park. V. Clus.

Hujus flores interdum carnei sunt coloris, nonnunquam omninò rubri, aliquando etiam foliis vel media ex parte rubris, aliâ carnei coloris, vel utroque colore radiatim distinctis. Dubitat Clusius annon artificio colores illi fuerint inducti.

- \* 9. *Pæonia promiscua* Ger. *promiscua strictiore folio* J. B. *femina promiscua* Park. *femina altera* C. B.

J. B.

Multa tam cum mascula, quàm cum fœmina vulgari *Pæonia* communia habet. *Radix* glandulosa ut fœminæ vulgari, sed crassioribus glandibus: at *folia* propiùs ad masculæ folia accedunt, magis tamen incondita, singulæque strictiora & longiora, supernè ut masculæ saturè virentia, infernè verò magis albicantia, minus tamen quàm fœminæ vulgaris, quibus etiam averfa parte multò minus sunt pilosa. *Flores* saturatiùs sanguineo coccineove colore rubent, septem aut novem foliis constantes: *Apices* ac *stamina* & *siliquæ* ut in aliis.

- \* 10. *Pæonia promiscua Vormarii folio latiore* J. B.

J. B.

Pulchrè hæc variat à reliquis *Pæoniæ* speciebus: *Folia* siquidem quæ imis ramis hærent, latiora sunt quàm cæterarum, rotundioraque, averfa parte glauca, hirsuta, adversâ saturatiùs virentia, itidémque pilis obsita, sed paucioribus quàm in opposita. *Folium* in terna aut quaterna aut etiam quina seg-menta divisum est, nullâ divisione certa, sed temerè variante. *Flos* à reliquarum flore haud abili-milis: *Siliquæ* vero retortæ hirsutæ alba totæ contextæ.

11. *Pæonia flore pleno rubro* J. B. *femina, flore pleno rubro majore* C. B. *Pæonia femina multiplex* Ger. *femina vulgaris, flore pleno rubro* Park. *Double-flowered female Peonyp.*

J. B.

Omniū Pæoniæ specierum longè pulcherrima est, specioso *floris* sanguinei saturi incremento, tam denso foliorum stipatu luxuriantis ut fidem numero superet. *Folia* sane *floris* sunt plurima, magnitudine & formâ inter se discrepantia. Extrema enim caulem proximè amplectentia reliquis omnibus majora sunt, & adinstar Rosarum odoratarum circinatæ rotunditatis: reliqua interiora sita curvè variant; sunt enim quædam illorum graminea ferè, oblonga nempe & angusta, intèrque hæc aliquando colore albo tincta conspiciuntur, cum levi rubore, quædam verò fistulosa inferius & quasi tubulosa, arcto satis pervia meatu; quædam paulo majora, & ad latera utraque mirâ varietate modo magis minùsque profundè incisa, dissecta & alicubi serrata, quædam adhuc majora latioraque majoribus quoque incisuris dissecta, quædam etiam, & quod observatu dignum, referunt suâ scissura & formâ ea omnia folia quæ viridia sunt. In medio flore duo assurgunt *calices* albi hirsuti, oblongi, inferius latiores, in medio ventriosi, in summo denique acuminati, cum inflexa quasi Galli cristam referente substantia rubra, seminum futurorum rudimenta intra se continente. *Folia* multum similia Promiscuæ Lobelii foliis, breviora tamen & utunque latiora, nec vel tenui illa Promiscuæ laminae infernâ parte donata, sed instar masculæ glabra & virentia.

Ex hujus semine Clusio natæ sunt plantæ, caule, foliis, radice matrem planè referentes, quarum una tertio anno florem dedit, matris flori quidem concolorem, sed simplici sex foliorum serie constantem. Altera autem Byzantinæ prioris florem imitantem, h. e. simplicem octo foliorum seriem habentem, colorem tamen magis rubrum & saturum, & ad nigredinem quodammodo tendentem: Tertia florem plenum tulit matri concolorem, vel etiam majorem, & singulis annis cornicula sive nucis, quarum aliquæ semine prægnantes fuere.

Cæterum flos hujus plantæ omnium quos novimus multiplici foliorum serie constantium speciosissimus est & maximus, foliis numerosissimis compositus, non diu tamen durat, verum intra sex aut octo dies postquam aperitur defluit.

- \* 12. *Pæonia flore pleno rubro minor* Clus. J. B. *flore pleno rubro minore* C. B.

Clus.

*Folia* hujus alterius foliis haud absimilia: *Flos* tamen ejus flore minor, nec adeò plenus, illi penè qui carnei coloris plenus est par, non minùs tamen saturi rubri coloris quàm majoris, sed cujus *folia* interiora venis quibusdam nigricantibus aspersa conspiciuntur, medium florem occupant cornicula nullis staminulis obsita.

- \* 13. *Pæonia peregrina flore saturè rubente* C. B. *femina Byzantina* Park. parad. *Byzantina* Ger. emac. *Byzantina* prior Clus.

*Folia* habet præcedentis foliis non dissimilia, paulo tamen crassiora; *caules* illi similes aut ampliores, *florem* summo fastigio sustinentes unicum, simplici octo, decem, aut interdum plurium foliorum texturâ constantem, non purpureorum ut *malvacearum*, sed rubentium & elegantissimorum; *radicem* multis nodis oblongis, sive Asphodelinis bulbis præditam Pæoniæ feminæ instar, exterius pallidioribus.

- \* 14. *Pæonia peregrina flore dilutè rubente* C. B. *Byzantina altera* Clus.

Hujus germina recens prodeuntia non rubent ut in priore, sed ex albo virescunt, ut etiam caules & foliorum pediculi, quæ in illo initio rubent. *Folia* superiore dilutius virentia leviusque, superne & inferne non minùs quàm superioris splendent. *Flos* etiam paulò major dilutiore magisque florido colore præditus est: ejusdem filiquæ breviores, semina rotundiora, minùs nigra & splendentia. Hæc non adeò liberalis est in proferendis floribus ac superior.

Utraque semine Byzantio misso nata est.

Floret Maio cum aliis Pæoniæ generibus, aut cum illa florere desinant.

Cum Clusio ex semine Pæoniæ feminæ vulgaris flore pleno rubro enatæ sunt tres varietates, suspicamur, imo fidenter affirmamus, nonnullas ex superius traditis Pæoniis non species distinctas esse, sed varietates tantum, quæ sationi & culturæ originem suam debent.

Tempus.



## CAP. VI.

## De Helleboro nigro.

**H**ellebori etymon superius tradidimus in capite de Helleboro albo. Hellebori nigri notæ sunt folia digitata, flores non decidui, si modò flores seu florum petala, & non potius floris calyx dicenda sunt folia illa lata, speciosa, alba, purpurascensibus unguibus, quæ florum petala vulgò habentur, floris autem petala tubulosa illa foliola virentia quæ stamina & capitulum velut corona cingunt, quæ foliis prædictis calycis occultantur: radices charticæ.

1. *Helleborus niger verus* Ger. Park. *niger flore roseo* C. B. *niger flore albo, interdum etiam valdè rubente* J. B. *True black Hellebore, or Christmas-flower.*

J. B.

Radice[m] habet numerosis fibris, vulgari paullo crassioribus donatam. Folia à radice pediculis spithameo, crasso, succulento, tereti, punctis purpureis ut Dracunculi majoris notato appenda, divisa ut plurimum in folia novem, viridantia, larvia, rigidiora, crassioraque quam in vulgari flore viridi, lata, obtusa, serrata, in extrema folii ora & paullo inferius, crenis autem vidua reliqua portione tota: pediculi singularium foliorum, ut & averfi folii nervus, purpurascens. Inter folia flores occultantur, pediculo plurimum palmari & sesquipalmari, succulento & maculoso, ex foliis quinque candidis, ungue purpurascens extrinsecus, subrotundis, striato venularum discursu præditis. Ad floris imum foliolum oblongum integrum, pauloque inferius aliud tanquam vagina, interdum divisum in plura. Floris medium occupant staminula multa lutea, brevique, cum corona decem, duodecimve tubulorum virentium. Succedunt filiquæ corniculatæ intortæ, septenæ, in quibus semen parvum, rotundum nigrum: fit interdum, ut eunte in semina flore ejus folia colorem contrahant ferrugineum tam intra, quam extra. Aliquando florem habet valdè rubentem, interdum album pro anni constitutione.

In Alpibus non longè à Ponteba copiosum invenimus. J. Bauhinus se cum in variis sylvis Locut. observasse tradit.

In horto Blasensi aliam hujus speciem invenio quam Helleborum nigrum flore roseo, minorem *Alia Species.* Belgicum vocant; qui omnibus suis partibus, foliis, caulibus, flore, præcedente minor est; flore ex albo roseo.

Purgat potenter humores melancholicos, utile per consequens medicamentum est omnibus affe- *Vires.* ctibus inde originem trahentibus, quales, Mania, Insania, Hypochondriaca passio, Elephantiasis, Herpes, Cancer, Quartana, Vertigo, Epilepsia, Apoplexia, Scabies. Sed cautè & non nisi robustis, ob violentiam quam exercere aptus natus est, exhibere conducit. In decocto tamen minus est periculi. Corrigitur mastiche, cinnamomo, aniso, fœnic. & sim. *Scrod.*

Alii Helleborum nigrum rectè præparatum innoxium esse medicamentum scribunt, ut turò pueris, gravidis & debilibus corporibus dari possit.

Dosis in substantia à gr. 15. ad 30. ʒij. robustissimis etiam 3j. in infuso vel decocto à 3j. ad ʒij. Exhibetur vel *substantia* ipsius, vel *infusum*, vel *decoctum*. Substantia exhibetur, 1. Formâ *pulve-* ri sumendo Helleb. nigri ʒij. zingib. maltich. rosar. rubr. cinnamom. anis. ana gr. 4. Misce in *pisculo* In pueris sume ʒj. 2. Formâ *pilularum*, formando ex prædicto pulvere cum syrupo idoneo pilulas. 3. Formâ *placentiarum*: vide Le Brun. 4. Formâ *cydoniari*. V. eundem, apud quem & reliqua.

Vis omnis hujus radicis est in cortice aut fibrillis rejectâ medullâ. Optimè corrigitur Caryophyllis aromaticis. D. Palmer è dictatis D. Hermannii Horti Leydensis præfeci. Jo. Hartmannus in fluxu mentium nimio Cingulum ex foliis Hellebori nigri compactum ita ut folia recentia assuantur fasciæ, circa lumbos corpori applicat.

2. *Helleborus niger hortensis flore viridi* C. B. *Helleborastrum* Ger. *Helleboraster minor flore viridante* Park. *Elleborus niger vulgaris, flore viridi vel herbaceo, radice diuturna* J. B. *Bears foot.*

J. B.

Hic tum ab *hortensi flore albo*, tum ab *adulterino* manifesto discrimine sejungitur: licet enim radices fibrosæ, nigre, eæque numerosæ similitudinem magnam cum *hortensi flore albo* insinuent, dissimilitudinem verò cum *adulterino*, reliqua tamen plantæ facies differentie fidem faciet. Folia enim ampliora, viroris herbacei, teneriora quam illorum utriuslibet, in plura segmenta conciduntur, singularique lacinie in acutum mucronem, non obtusum more *hortensis flore albo* desinunt, in ambitu serrata, nec tam saturo colore tinctæ, nec tam rigida ut adulterini. Jam verò flores pediculis palmariibus & dodrantalibus hærentes colore sunt herbaceo, adulterini Ellebori æmuli, quin majoribus foliis constantes, umbilicum obidentibus apicibus crebris pallidioribus. Semen corniculis aliquot sur- rectis conjunctisque aliorum more continetur.

In montibus Euganeis, inque monte illo excelsio cui inædificatur S. Marini urbs, decem circiter Locut. mill. paf. Arimino distans, observavimus.

Folia cerevisiæ per tres aut quatuor horas infusa & pota, jejuno ventriculo, tribus matutinis, in- *Vires.* signe prophylacticum censetur adversus variolas aliisque morbos contagiosos. D. Johnson.

Pulverem foliorum exsiccatum, pauca quantitate, verminantibus pueris exhibent noſtrates, vel in potu aut juſculo, vel in ficu, &c.

3. *Helleborus maximus* Ger. *maximus ſive Conſiligo* Park. *Helleborus niger fatidus*, *Conſiligo* Plinii lib. 27. cap. 9. C. B. *Elleborus niger ſylveſtris adulterinus*, etiam hyeme virens J. B. App. tom. 3.

J. B.

Planta eſt cubitalis, odoris viroſi, radice fibroſa, obliqua, cortice ſubnigro, nonnihil cum acrimonia levi amaricante, lignoſam & duram medullam obducente: caule tereti, quem inveſtit primam cortex mixto cum virore rubellus, alter pallide viſcens, cui ſubeſt caulis lignoſus, copioſam medullam viridantem complexus: folia pediculis palmaribus appenſa, denſiſſimo ſtipatu caulem ambiunt, in tria, quinque, ſæpius novem folia ſubdiviſa, longa, ſtriata, atroviſcentia, in ambitu ſerrata, nullis interdum crenis incifa, dura, rigida, nervo per mediam longitudinem valde conſpicio decurrente, à quo utrinque in latera-obſcuriores venulæ prodeunt: at ſuperiora folia, ut in pauciores portiones ſunt diviſa, ita & latiores ſunt tum portiones ipſius folii, tum pediculus. Ex aliſ prodeunt ramuli multi dilutè virentes, ob molliem floris ponderi imparem deorſum reflexi, paucis foliis pallidulis parvis, integris donati; quibus inſident flores ſinguli, bini, terni, quaterni, ovales ſerè, nec ita ut in *Helleboris* expaſi, ex pediculis ſemipalmaribus quadrantalibusve, ex foliis quinis herbaceis, extremâ orâ cum ſe magis explicant rubente, ſtriata compoſiti: in medio ſtamina plurima, capitulo ſulcato, exalbido, extra quæ intra floris calathum, quatuor, rariùs tres aut quinque, ceu tubuli concavi, magis virentes, breviorèſque quàm ſtaminula, oris fimbriatis, leviter interdum purpurantibus: penitiſſimum floris meditullium occupant cornicula Aquilegiæ vel *Hellebori*, bina ternave, tuberculo innixa, in quibus ſemen.

Locus.

In Germania, lateribus montium quos eluctatur Rhenus, inter Coloniâ & Moguntiam copioſiſſimum obſervavimus & alibi in montibus regionum tranſmarinarum.

*Veratrum nigrum* 4. *peregrinum* Cluſii, *Helleborafter maximus alter* Cluſii Park.

In paucis à præcedente differt, nimirum foliis paulò atrioribus, & florum oris ex purpura nigricantibus, præſertim trium interiorum petalorum: ideòque nos ſpecie diverſum nondum agnoſcimus.

Tragus & Dodonæus venenatam qualitatem huic plantæ tribuunt, ideòque ab ea cavendum monent.

Vires.

Radiciſ hujuſce particulam in pecoribus medendis auriculæ perforatæ inſerere ſoliti ſunt Veterinarii antiqui. Recentiores omnibus ſerè corporis jumentum partibus radiculam eam inſigere ſolent, quavis etiam de cauſa laborantis. Quamprimum etiam jumentum aliquod parùm lætè vivere intellexerint, ad hoc medicamentum tanquam ſacram ancoram confugiunt, & plerunque ſucceſſus vocis reſpondet. *Kyberus* apud Tragum: qui tamen veterinarios *Gengenbacenſes* non *Conſiligine*, ſed *Helleboro nigro* Dioſcor. ad hanc rem uti ait. Germanos veterinarios noſtri etiam imitantur in hujuſ radiciſ vel cauliſ uſu.

4. *Helleborafter alter trifolius ſpiñoſus* Park. *Helleborus niger trifoliatuſ* hort. Farnes.

Foliis tripartitò diviſis, durioribus & rigidioribus; denticulis circa margines aſperioribus & pungentibus inciſis; & floribus pallidiùs virentibus à præcedentibus abundè diſtinguitur: cætera cum eis convenit.

In hortis curioſorum enutritum vidimus, locum ejus natalem ignoramus.

Folia ſingularia Lauriniſ comparat & magnitudine & ſubſtantiâ & figurâ Petrus Caſtellus. Caulem ei attribuit cubitalem, teretem, digiti craſſitudine, foliis circumcirca veſtitum: Flores in ſummis caulibus & ramuliſ *Hellebori nigri* vulgaris, dilutè virides, aut ſubalbidos.

Tempus.

Incipit florere Novembri, & in Martium & Aprilem uſque florens perſeſerat: quilibet autem flos apertuſ & in ſuo vigore perdurat ultra quadraginta dieſ.

## C A P. VII.

### De *Fraxinella*.

**F**raxinella à foliorum cum Fraxineiſ ſimilitudine dicta eſt.

Foliis Fraxini, floribus in ſpica ſpecioſis, ſeminibus magniſ nigris ſplendentibus ab aliis plantiſ diſcernitur.

*Fraxinella*. Officinis *Diſſamnus* J. B. *Diſſamnus albuſ vulgè ſive Fraxinella* C. B. *Fraxinella* Ger. Park.

J. B.

Radice� candidæ ſunt, variòque implexu multiſidæ: unde emergunt quotanniſ ſcapuli plurimi, ſequicubito proceriores, hiriſuti, ruſcèſcentes, [in ea tamen ſpecie quæ florem albuſ proſert pallidè virideſ]



virides] medullâ multâ farcti; foliis vestiti nullo ordine positis, alatis, tribus vel quatuor pinnarum conjugationibus ad costam annexis cum impari in extremo costam terminante, Fraxini similibus, superne atro-virentibus, inferne dilutioribus & splendentibus, laurinis aequalibus, crenatis. In summis (scapis florum) thyrsi pulcherrimorum ex intervallis positorum, odore gravi, foliis quinque ex albo purpurascens, striis saturatioribus notatis, aversâque parte nonnihil hirtis constantium, fibris ongis recurvis, denis numero, purpurascens, subque apicibus luteolis ex purpureo herbis, minutis micantibus granulis atro-purpureis, resperis, medium obsidentibus, unâ cum stylo pentagono pericarpio insidente, quod in plures filiquas seu theculas dividitur. Semen nigrum, lucidum, paulo majus quam Milii Solis.

In præruptis montium Rheno flumini vicinorum hanc non semel observavimus. Floret Junio. *Locus.*  
Radix (quæ sola ferè in usu est) cardiaca & alexipharmaca censetur, contra pestilentia con- *Vires.*  
tagia utilis, quoquo modo sumpta. Autoritate Matthioli valet adversus venena; & venenosorum animalium ictus. Necat interaneorum vermes drachmæ pondere hausta. Datur contra frigidos uteri morbos: nam & menses & urinam moyet, partum adjuvat, secundas & emortuum foetum educit tum supposita, tum cum Pulegio suffita, tum ex vino meraco 3ij pondere pota. Valet quoque ad alvi torsiones, & ad ejiciendos renum calculos.

Additur quoque utiliter in potionibus internorum vulnerum. Datur comitialibus & aliis cerebri affectibus.

Aquam destillatam pro Cosmetica habent Romanæ mulieres, & utuntur in inflammationibus oculorum. Ex his apertum est neutiquam posse esse succedaneum veræ Dictamni (inquit Casp. Hofman.) Verum cum acris sit & amara, non video cur non eadem possit præstare quæ Dictamnus.

Siliquæ & flores contactu pruritus faciunt, & in calidioribus regionibus cutim exulcerant. Variat floris colore albo.

## CAP. VIII.

## De Althæa lutea seu Abutilo Avicennæ.

FOLIIS Althææ mollibus, floribus è foliorum alis exeuntibus luteis, ab aliis hujus generis discernitur. Affinis & similis est Alceæ Venetæ, Sabdariffæ, Bammix moschata aliisque Alceis accenseri solitis plantis exoticis pentapetalis, cum conceptaculis in quinque cellulas dispartitis: verum in hac thecæ disjunctæ sunt & tantum contiguæ, non conjunctæ unicum efficientes vasculum, ut in illis.

1. *Althæa lutea* Ger. *lutea* sive *Abutilon Avicennæ putatum* Park. *Al. Theophrasti flore luteo* C. B. *Theophrasti flore luteo, quibusdam Abutilon* J. B. *Yellow Mallow.*

J. B.

Cum Althæa vulgari de mollitie palma certat quod Abutilon vocant, radice parvâ, albâ, fibris aliquot adnatis donatâ, subdulci. Caulis foris tomento molli totus est obsitus, pingue quid attre-  
stantis manibus allinens, incanus: cortici, qui faciliè delibratur subest lignum Saligni instar candi-  
dum & durum, medullam succulentam viridem continens. Ex caule folia nullo ordine nascuntur, pediculis palmaribus & minùs, lata, circinata rotunditatis, nisi in mucronem acutiorem desinerent, lanugine incana & insigniter molli obducta: ex horum alis rami producantur: indidem flores itidem prodeunt Caryophyllatæ aquaticæ, intensè crocei, striati, pentapetali, medium occupante apiculorum luteorum glomere: totum verò florem complectuntur quinque folia incana, lanuginosa. Succedunt tomentosa capitula, Juglande paulò minora, suprema parte plana fere ex decem aut duodecim folliculis latiusculis, compressis, in mucronem acutum desinentibus, in orbem juxta positis: in quibus semina semicircularia ferè, compressa, fusca, medullâ albâ, dulci.

Annua est planta, non diu durans. In hortis feritur. C. Bauhinus inter Ferrariam & Bononiam observavit ad duos cubitos excrecentem.

2. *Althæa Theophrasti similis* C. B. *Abutilon Indicum Camerarii* Park. *Abut. Indicum* J. B.

J. B.

Florè est pallido, subcandido, five medio luteo, pediculo nixo subhirsuto, sicut & novella folia ac caulis, non tamen ejus ad tactum mollitie quâ vulgò notum Abutilon Italicum. Pediculi in fibras divulsi foliis venulas sparsas subministrant spiceas, in averâ parte folio existente pallidiore, internâ verò saturatiùs virente. Caulis penes internodia subruffescens. Florem excipit folliculus subniger, stellatim compactus, semen quoque continens nigrum: Exterius involucrium ex viridi flavescens. Radix pallida fibrosa.

## CAP. IX.

De *Caltha palustri*.

*A. Caltha palustris* J. B. *palustris vulgaris simplex* Park. *palustris flore simplici* C. B. *palustris major minor* Ger. *Marsh-Marigold*.

**R**adix plurimis fibris majusculis albertibus, è foliorum marcescentium alis egressis, fibrillis tenuibus capillatis constat. *Folia* ima, quæ è radice exeunt, pediculis longis [semipedalibus aut dodrantalibus,] insident, fistulosi, Chelidonii minoris similia, verum multo majora, non maculosa, profundiore circa pediculum sinu, per margines crenata, glabra atrovirentia. *Caules* ab eadem radice plures, dodrantes aut pedales, teretes, glabri, concavi, geniculati, ramosi, foliis paucis singulatim positis, iis quæ è radice exeunt similibus, sed brevioribus pediculis insidentibus vestiti, ad singula genicula in duos ramulos divisi, quos membranacea sua basi amplectitur pediculus folii quod ad singula genicula adnascitur. *Flores* in summitatibus caulis & ramulorum singulorum singuli pentapetali, speciosi, flavi aureive, plurimis in medio staminibus & apicibus concoloribus, calice nullo: Floribus singulis plurimæ succedunt *siliquæ* seu *cornicula* radiatim sita, quæ per maturitatem superiore parte dehiscunt, & binos seminum eidem superiori parte adnascantium ordines ostendunt. Sunt autem semina oblonga, qua siliquæ adnascuntur viridia.

Locus.

Ad Rivulos inque palustribus & aquosis ubique ferè nascitur.  
Habetur in hortis culta flore pleno.

## CAP. X.

De *Aconito foliis & flore Ranunculi*.

**H**Æ plantæ à capsulis seminalibus toto genere à Ranunculis differre, & ad hanc familiam pertinere deprehenduntur, nec tamen vera & genuina Aconita sunt, cum nec caulibus, nec floribus, nec seminibus cum eisdem conveniant, imò totus plantæ habitus ab Aconitis diversus est; sed suum & proprium genus constituunt.

A. 1. *Ranunculus globosus* Ger. Park. *parad. flore globofo, quibusdam Trollius flos* J. B. *montanus, Aconiti folio, flore globofo* C. B. *The Globe-flower or Locker-gowlong*.

J. B.

*Radice* nigram, fibrosamque Hellebori æmulam habet: *folia* ferè Aconiti, in quinque segmenta divisa, idq. ad ipsum usque pediculum dodrante longiorem, nisi quòd folia in caule nullo pediculo caulì adnascantur, consimiliter tamen divisa. *Caulis* sesquicubitalis, lævis, inanis, ramosus, *flores* sustinet vulgari Ranunculorum sorte majores, iis tamen concolores, sed minùs micantes, decem aut duodecim foliis constantes, intrò modicè reflexis, ut sessilem globum imitentur. Floribus succedunt *siliquæ* seu thecule plurimæ, arctè stipatæ, *seminibus* parvis rotundis splendentibus repletæ, quæ per maturitatem summâ parte dehiscunt & semina effundunt.

Locus.

Ad latera montium, & in pratis montosis in Septentrionalibus Angliæ, inque Cambria copiosissimè. Ob floris venustatem in hortis colitur, quibus facile assuescit.

Vires.

Notandum (inquit J. Bauhinus) Matthiolum tribuere suo Aconito flore Ranunculi usum & vires Lycoctoni, quas nostro inesse Ranunculo globofo flore vix credimus. Potest tamen in Animalibus fieri periculum. Schwenckf. quidem cæteris Ranunculis hunc minùs acrem ait, propterea minùs calefacere & ficcare.

2. *Aconitum hyemale* Ger. Park. *unifolium luteum bulbosum* C. B. *Ranunculus cum flore in medio folio, radice tuberosa* J. B. *Winter Wolfs-bane*.

J. B.

Rara est elegantia hujus plantæ, quippe quæ nullum producit *caulem*, sed ex *radice* tuberibus, si adultior sit, Anemones modo inæqualibus articulata, alias Staphylodendri nucem magnitudine duntaxat adæquante, exteriùs nigra, acri admodum gustanti, *Dod.* fervente *Camer.* fibris nonnullis capillatâ, *pediculos* aliquot promit palmares vel etiam dodrantes, teretes, cavi, nudos, præterquam quòd extremum in umbilicum inseritur folii, quod pediculo singulare insidet, circumscriptione rotundum ferè, sed ad pediculi usque commisionem multifidum, in radios stellatos subdivisos sectum, glabrum, splendidum, saturo virore tinctum; è cujus medio sessilis sine pediculo *flos* unicus emicat, Ranunculi, luteo auri fulgore, vel ad virorem declinante, senis longiusculis foliis constans, medium obsidentibus numerosis fibris, apicibusque luteis: horum delapsum excipiunt corniculatæ *siliquæ* Aconiti vel Hellebori nigri, quatuor aut quinque erectæ. *Semen* siliquis inclusum, rotundum compressum, flavescens.

Locus &amp; Tempus.

Non ab re *Anemone Bononiensium* nonnullis dicitur, quippe circa Bononiam & per totam etiam Lombardiam copiosissimè provenit, Februarii mensis initio florens.

Radice



Radicem cum magna prudentia exhibitam purgare perhibet Camerarius: sin verò non ritè aut nimia quantitate usurperetur, esse valde nocuam.

## CAP. XI.

A. *Plantago aquatica minor stellata* Ger. emac. *aquatica stellata* C. B. *aquat. minor muricata* Park. *Damasonium stellatum* Dalechampii J. B. *Star-headed Water-Plantain*.

7. B.

**A** Quaticæ Plantaginis fibrosas radículas in nodum collectas possidet, unde palmaribus nixa pediculis folia exeunt, Plantaginis aquaticæ æmula, multo minora, & ad pediculi insertionem interdum pinnata. Coliculi plures, sesquipalmares aut dodrantes, teretes, inanes, nodis ex longis intervallis geniculati; è quorum articulis inque summo caulium fastigio radiati in orbem exeunt pediculi unciales, quorum unicuique infidet quinum senumve radiorum stella pulcherrima Aizoi peregrini Cam. stellas æmulans. Harum stellarum radii nihil aliud sunt quàm filiquæ seu vascula membranacea semen exile subluteum continentia.

In aquis stagnantibus sed rariùs invenitur: in stagno seu piscina quadam secus viam publicam, ad Locum.

ingressum Rumfordiæ oppiduli in Essexia copiosè oritur.

Parkinsonus huic plantæ flores albos tripetalos tribuit.

## CAP. XII.

De *Junco florido* seu *Gladiolo palustri*.

**H** Ujus notæ sunt folia graminea, triangula, caules nudi, flores in umbellam in summo caule dispositi: Planta est singularis & sui generis bulbosis affinis, esse videtur; caule & florum situ ac forma ad Moly accedit.

A. *Juncus floridus* J. B. Park. *floridus major* C. B. *Gladiolus palustris* Cord. Ger. *The flowering Rush or Water Gladiolus*.

Cord.

Radices habet duas, quarum gracilior & nigrior descendit: crassior verò in superficie ferè terræ transversa fertur utrique: propagines aliquot & multæ fibræ adnascuntur. Habent radices saporem dulcem & glutinosum. [Radix quam crassiorem vocat, est (ut mihi videtur) radicis pars recentior & hujus anni, quæ ut progreditur supernè folia, infernè fibras albas majusculas emittit.] Folia erigunt multa, mollia, spongiola seu porosa medullâ, triquetra, longa, ad exortum concava, & membranis appendicibus caulem aliquousque amplexa, supina parte versùs apices planiora. Caulis bicubitalis & altior, teres, glaber, spongiolosus, non tamen concavus; foliis nudus; in cacumine flores plurimos gestans in umbellæ formam dispositos, pediculis semipalmaribus nudis tenuibus fultos. Floribus autem hexapetalis sunt, è carneo purpurantes, tribus exterioribus petalis carinatis & majoribus, quæ calycis esse videntur; tribus interioribus minoribus. Vasculum seminale sex thecis seu loculamentis constat, purpureis, in summo corniculatis, semine intus minutissimo repletis. Vasculum isthoc in medio flore circumstant stamina circiter novem, aliàs longis purpureis, aliàs brevibus apicibus capitata, pulvisculo flavo atrectantium digitos inficientibus. Umbellæ basin tria insignia acuta foliola circumstant.

Nascitur autem (inquit Cordus) pinguibus limosis & humentibus locis, quò fluviorum inundationes pervenire possunt. Apud nos plerunque in ipsis fluviorum alveis in limo propè ripas.

*Juncus floridus minor* C. B. Park. huc non pertinet.

## CAP. XIII.

De *Aconito*.

**A** Conitum dictum Plinio ab *Acon*, quoniam in nudis cautibus crescit; Theophrasto ab *Amyis* pago Mariandynorum. Prius etymon Ovidius probat cum dicit,

*Quæ quia nascuntur dura vivacia caute  
Agrestes Aconita vocant.*

Alii nomen quidem à cautibus deducunt, sed diversam ejus rationem assignant, quoniam sci. hinc plantæ eadem vis in morte esset, quæ cotibus ad ferri aciem deterendam, statimque admodum velocitas sentitur. Plin.

Aconiti notæ sunt folia circumscriptione subrotunda, laciniata, flores cucullati, semina rugosa, vis in plerisque saltem speciebus deleteria.

1. *Aconitum magnum purpureo flore, vulgò Napellus* J. B. *Acon. caeruleum, seu Napellus* I. C. B. *Napellus verus caeruleus* Ger. *verus flore caeruleo* Park. *Blue Helmet-flower* or *Monks-hood*.

J. B.

A radice (inquit J. Bauhinus) Napi parvi magnitudine, nigra, fibras è lateribus producente, caules emittit plures, bicubitales & altiores, teretes, læves [versus summam tamen partem lanugine brevi pubescunt] medullâ farctos, rigidos, fractu contumaces, ab imo ad summum foliis cinctos crebris, alterno aut potius nullo ordine positis, pediculis longis, supina parte canaliculatis infidentibus. Sunt autem folia obscurè viridia, glabra, nervosa, in quinque insigniores lacinias ad pediculum ferè divisa, magis sci. aut profundius laciniata quàm in quavis alia Aconiti specie, singulis laciniis primariis in plura segmenta angusta, acuta profundè dissectis. In summo caule flores existunt crebri, velut in spicam digesti, singuli pediculis uncialibus infidentes, quinque petalis compositi, quorum supremum galeæ aut cuculli monachalis in modum concavum, stylos duos occultat, duo lateralia latiora, infima duo florem medium occupant. Sunt autem flores cœrulei, saturationibus venis striati, intus pilis obfiti. Succedunt thecæ, non tres semper, sed quatuor aut plures, oblongæ, glabræ, semina multa continent per maturitatem nigra, rugosa.

Vires.

Facultate est hominibus aliisque animalibus exitiali & perniciofa. Evidenti, sed perquam miserabili experimento id Antverpiæ olim compertum in recenti adhuc est memoria (inquit Dodonæus) Cum enim ab imperitis hujus inter acetaria illatæ essent radices, quicumque eas ederunt, mox gravissimis correpti symptomatis, brevi vitam cum morte commutârunt. Quin & Turnerus perhibet, Gallos quosdam Antverpiæ pro Imperatoria in acetariis, comestis Napelli radicibus intra biduum omnes obiisse, exceptis duobus histrionibus, qui eas revomuerant. Est utique Napellus venenorum præstantiorum facilè princeps.

Animal quod Napello nutritur, ejusque Bezoar seu remedium specificum ab Avicenna perhibetur, musne sit an musca inter Botanicos non convenit. Consule Dodonæum & J. Bauhinum.

N. Napellus in jugis montium Alpinorum nutritus vires admodum noxias exercet, delatis autem in hortos parum suis venenis operatur: quod experimento confirmat D. Martinus Bernhardus à Berniz in Ephemer. Germ. Ann. 2. Observ. 42.

Idem confirmat Pet. Joh. Faber in Panth. l. 1. cap. 43. Cicuta, inquit, & Napellus, quæ versus meridiem in montibus Pyrenæis venenata sunt, si transplantentur versus loca Septentrionalia & humida omnem malignitatem deponunt. Observationes has transmissit D. Tancred. Robinson. Ego tamen non libenter vellem in memetipso experiri Napelli in hortis culti vires, mihi enim mastictus, linguam nonnihil stupefecit; qui tamen stupor non statim sentiebatur.

- \* 2. *Aconitum Napello simile sed minus, caeruleum, præcocius* J. B. *Ac. violaceum seu Napellus* II. C. B. *Ac. Lycostemon præcox* Park. *Ac. lycostemon* IV. *Tauricum* Clus. *Ac. violaceum* Ger. emac.

J. B.

Unius aut duorum cubitorum proceritatem assequitur, caule gracili subhirsuto & subrubente, non ita recto. Folia Napelli, minus tamen crebrò partita, licet in quinque laciniis profundas, primarias divisa, quarum singulæ rursus variè subdividuntur, colore atrovirente [supernè] ex pediculis duas trève uncias longis. Flores cœrulei, cucullati, pilosi, quorum galea lingulas duas occultat purpurascens, quorum capitulis impositus utriculus liquorem melleum continet: duæ horum alæ supremo suo margine galeam ingrediuntur, infimos margines excipiunt duo subjecta folia, quorum quatuor complexu comprehenduntur atro-purpureorum staminum villi. Radix subest nigra, oblonga, fibrata; [exigui Napi instar Clusio.]

Locus.

Invenitur in Tauricis montium jugis non procul à Saltzburgo, ubi floret Julio; in hortos translatum maturius, citius Napello, à quò difficulter discernitur, inquit J. Bauhinus.

- \* 3. *Aconitum spicâ florum pyramidalis* Moris. Præclud. *pyramidale multiflorum* Hort. Paris.

Moris.

Quoad radices & folia aliorum Aconitorum more provenit. Solummodo spicam fert florum cœruleorum cucullatorum, ad basin latiore quæ tandem in mucronem definit pyramidis instar. Quæ notâ quam facillimè à cæteris suæ sortis distinguitur.

4. *Aconitum caeruleum Autumnale* Park. *Lycostemon Autumnale* Napello simile J. B. *caeruleum Napelli flore* C. B.

Clus.

Folia hujus media quodammodo sunt inter Aconiti radice bulbosa seu Thoræ Italicæ, & Acon. Neubergici: folia Thoræ quidem Ital. foliorum quasi æmula, nonnihil tamen ad Acon. Neubergici foliorum formam accedentia, nec illius minus ampla, atrâ viriditate splendentia supernè. Caulis illi bicubitalis, crassus, firmus, striatus, virefcens & splendens, summo fastigio florum spicam Acon. Neu-



Neubergico ferè similem gestans, quibus etiam succedunt pares *filiquæ* seu capita, & simile semen. *Radix* illius etiam radici par, perennis, & multis ad latera adnatis se propagans.

Floret seriùs, nempe Augusto. De loco natali nihil habet Clusius.

In sepibus non longè à *Memminga* Sueviæ urbe invenimus *Aconiti* speciem medio Augusto florentem, bicubitalem & altiorè, valdè ramosum, foliis minùs dissectis quàm in *Napello*, cui figura quam habet *Parkinsonus* satis aptè respondet; tempore floreudi cum hoc etiam convenit. Locus.

5. *Aconitum Lycoct. Napello simile, Neubergense, foliis latioribus, flore purpureo* J.B. *Aconitum purpureum seu Napellus III.* C.B. *Acon. purpureum aliud Park. Ac. purpureum Neubergense* Ger. emac.

Clus.

Latoria vulgari *Napello* habet *folia*, licèt similiter incisa & laciniata, magis atra similiter & splendens: *caulem* rectum, firmum, rotundum, trium interdum cubitorum altitudinem æquantem, & in multos ramulos superiore parte sæpenumero divisum, qui *flores* spicæ instar congestos ferunt, colore purpureos, *Napelli* vulgaris floribus planè respondentes, hoc est quatuor foliis constantes, quinto veluti galeola supereminente, & bina circumvoluta instar litui cornicula occultente: *staminum* tamen media congeris magis fusca est. *Florum* spica in extremo caule nascens, reliquis oblongior est, & magis expansa. Singulis floribus terna succedunt *cornicula*, interdum quaterna aut quina in caput unum congesta, *semen* atrum & inæquale continentia. *Radix* illi, vulgaris *Napelli* instar, parvo *Napo* similis, cui in lateribus adhærent alii *Napi*, fibris præditi, quibus se propagat.

Crescit in Montis *Neuberg* ducatus *Stiriz* jugo, ad vaccarum stabula. Floret Julio. Locus.

- \* 6. *Aconitum Lycoctonum Lynceanum Napello simile* J.B. *Acon. comâ inflexâ, foliis angustioribus* C.B.

Clus.

Medium quodammodo inter vulgarem *Napellum* & genus *Aconiti* præcedens est: *folia* enim illis simillima obtinet; *caulem* inter illos medium, infirmiore tamen, & superna parte aliquantulum mutantem: *flores* utriusque floribus prorsus respondentes, nisi cassis supra quatuor folia eminens magis sublevaretur & hiaret, rostròque magis mucronato esset: *semina* in ternis corniculis simul junctis similia: *radicem* etiam non multum variantem.

Ex *Lynceanis* montibus erutum *Clusio* missum est. Floret cum superioribus, aut paulò etiam seriùs. Locus.

- \* 7. *Aconitum cæruleum minus, sive Napellus minor* Park. C.B. *Acon. Lycoct. cæruleum parvum* Ger. *Acon. Lycoct. flore cæruleo, galeâ elatiore, radice bulbosa* J.B. *Aconit. Lycoct. X. Thora Italica* Clus.

Clus.

Præter fibras, quibus subinde radicatum terræ hæret, bulbos gerit turbinatos, è quorum basi fibræ aliz exeunt. *Folia* ex caule alternatim producuntur, mediocri amplitudine, quæ in quinque profundas lacinias, rursus leviùs subdivisas, conscinduntur, splendenti virore prædita, subhirsuta: *flores* galeati, rari, cassidem longam erigunt, colore dilutè cæruleo.

Ex *Italia* ad *Clusium* transmissa est. Uberrim nascitur ad *Monasterium Neuberg*, secundum torrentem qui *Monasterium* alluit, &c. V. *Clus. Hist.* Locus.

- \* 8. *Aconitum Lycoctonum flore maximo* J.B. *Acon. cæruleo purp. flore maximo, sive Napellus IV.* C.B. *Acon. maximum Judenbergense* Ger. emac.

Clus.

*Folia* habet in quinque lacinias altè divisa, & illas denuò in ambitu concisas, *Thoræ Italicæ* foliis interdum adeò similia, ut si quis plantas antequam in flores abeant conferat, nullum ferè discrimini deprehendere queat, nisi *Italicæ Thoræ* splenderent, hujus minimè: *Caulem* bicubitalem nonnunquam, rotundum, non valdè crassum, firmum tamen & rectum, ex viridi purpurascens, superne quinos aut senos ferentem *flores*, inter omnia *Lycoctoni* genera maximos, quatuor foliis ut reliquorum generum constantes, supereminente galeâ longè majore & uncialis aliquando longitudinis, elegantis è cæruleo purpurei coloris, sub qua bina longa cornicula, extrema parte latiora, & litui Veterum Romanorum ferè instar inflexa, coloris dilutiùs purpurascens teguntur, *staminibus* nigris medium *florem* occupantibus. Floribus succedunt *cornicula* ut in reliquis, sed majora, *semen* inæquale & fuscum continentia. *Radix* parvi *Napi* formam æmulatur, nigricantibus fibris prædita: alias præterea similes radices lateribus adnatas habet, tenuioribus adhuc fibris, quæ singulis annis adhuc recentes caules proferunt: sed etiam infimi caulis nodis adnascuntur tubercula, non secus ac in *Italica Thora*.

Sponte provenit in *Judenberg* altissimo totius *Stiriz* monte. Floret Augusto. Copiosè etiam oritur in quodam *Schuceberg* jugo quà difficillimus est ascensus. Locus.

- \* 9. *Aconitum maximum comâ nutante* Park. *Lycōf. comâ nutante maximum* J. B. *maximum nutante comâ* Ger. *inflexâ comâ maximum* C. B.

Clus.

Trium interdum cubitorum altitudine affurgit, *caule* tamen satis gracili, rotundo, superiore parte, in multos ramos diviso & nutante. Summo caule longam *florum* spicam fert, Napelli vulgaris floribus similium, sed paulò dilutius purpura splendentium, quorum singulis succedunt *cornicula* & *semina* qualia præcedentium. *Folia* ampla & oblonga, in multas tenues profundâsque lacinias magis dividuntur quàm in ullo præter id quod Delphinii flore dicitur Acon. genere, quæ superne quidem atrâ viriditate prædita sunt, non splendent tamen. *Radix* habet crassam & longam, Napi ferè magnitudine, foris nigricantem, & per intervalla multis fibris donatam, & superiore parte in multa capita extuberantem, è quibus caules emergunt, subinde tamen recentes exiguos Napos ad latera enatos habet, quibus se propagat.

Locus.

Primum ex Italia ad Viennam delatum est & Clusio communicatum.

10. *Aconitum Lycōf. cæruleum calcari magno* J. B. *Acon. cæruleum hirsutum, flore Consolida regalis* C. B. *Acon. Lycōf. hirsutum flore Delphinii* Ger. *emac. Acon. flo. Delphinii majus* Park. *Acon. Lycōf. flo. Delphinii* 1. *Silesticum* Clus.

J. B.

Altitudine vix cedit Napello, caule firmo, inani, purpurascens, qui subhirsutus videtur. *Folia* Aconiti Lycōtoni lutei foliis simillima, in latas dissecta lacinias, hirsuta. Summus caulis in longam abt *spicam florum* pulcherrimorum cæruleorum, longo, rostrato Aquilegiæ vel Consolidæ regalis corniculo, librantis se Columbæ æmulo, cujus extremo hianti folia subsunt quaternaria aliorum Aconitorum modo, & in horum medio *stamina* multa. Ad florum verò exortum bina foliola angusta, ceu cornicula quædam eriguntur. Hisce succedunt ternæ junctæ corniculatæ filiquæ, *semen* continentes nigricans, rugosum. *Radix* Clusio crassa, tuberosa, nigra, rugosa, concava, graviter olens, multis tenuibus, fuliginosâque lanugine pubescentibus fibris prædita, ad cujus latera secundum infimum caulem singulis annis nova germina repullulant.

Locus.

Frequens est in montibus territorii Freywaldensis in Silesia, Augusto florens, at in hortos transfatum Junio.

- \* 11. *Aconitum Lycōf. flore Delphinii* Ger. J. B. *Acon. cæruleum glabrum flo. Consolida regalis* C. B. *Acon. flore Delphinii minus* Park.

Dod.

Proceris affurgit caulibus instar Napelli: *folia* variè similiter, & creberrimis incisuris divisa: *flores* secundum caulem superius veluti in longam compositi spicam, è puniceo ac obscuriore colore purpuram æmulantur; formâ ferè floris Regii, in posterius videlicet corniculum desinentes: Siliquæ & semen ut majoris Lycōtoni lutei. *Radices* oblongæ, crassæ tres aut quatuor demittuntur, paucis adhærescentibus filamentis.

12. *Aconitum folio Platani, flore luteo pallescente* J. B. *Acon. Lycōtonum luteum* C. B. *luteum Ponticum* Ger. *lut. Pontic. serotinum flore albedo* Park. *an Ponticum lut. præcox* ejusdem?

J. B.

Ex *radice* flexuosis, numerosis, nigricantibusque fibris cirsivæ, implexis, satis jucundo odore præditis constante *caulis* surgit leviter hirsutus, duobus cubitis altior, inanis, striatus, rotundus, tenuis, lentus & nonnihil flexuosus, in alas divisus. *Folia* ampla, quinquepartito primariò divisa, singulis segmentis denuò subdivisis, superius ex atro virentia, inferius albicantia. *Flores* ex pediculis uncialibus & plusquam sextantalibus, quorum singulis appositum foliolum oblongum interdum dissectum, sæpius integrum, lutei, aut ex luteo albôve herbacei, oblongi, concavi, inferius hiantes, è foliis quinque compositi, duobus lateralibus brevibus & latis, infimorum altero lato, altero acuminato, quinto in tubi modum concavo, in cujus intimo recessu duo cornicula, in spiram convoluta extremo, dorso brevem, hiulcum canaliculum sustinentia, occultantur: ad quorum conum in floris hiatu *staminum* conspicitur congeries herbidorum, *apicibus* vel albidis, vel herbidis, vel nigro mixto vesicoloribus. *Siliquæ* ternæ vel quaternæ, Aquilegiæ, rectæ, simul junctæ, in quibus *semen*, rugosum, nigrum, naturâ calidissimum veluti Pyrethrum, quod degustatum crebra sputa provocat.

Locus.

In colle *la Bastie*, & montibus Genevæ vicinis copiosè provenit. In altissimis montium vallibus nascitur, in variis Germaniæ, Austriæ, Pannoniæ & Helvetiæ locis, in sylva Hercynia præsertim.

J. B.

Varietas.

C. Bauhinus Aconitum Lycōtonum albis pallidivæ floribus ab Aconito Lycōtono luteo separat. Idem facit & Parkinsonus; qui tamen non aliam inter ea differentiam notat quàm in tempore tum germinandi tum florendi, quod illi *menstruo* minimum spatio serius est quàm huic.

Vires.

Maligna est & homini adversa vis Aconiti, succus inprimis radices non solum assumptus homini brutisque venenum est, sed & telis aut sagittis illitus lethalia vulnera infligit.

Hujus autem semen aut radix in pulverem redacta & cum oleo temperata ut unguentum inde fiat illitu pediculos ac furfures enecat & abstergit: idem radix præstare potest si in aqua vel lixivio decoquatur, ac cum illa postea caput abluatur. *Trag.*



13. *Antibora* flore luteo. Aconiti J. B. *Antbora* Park. *Aconitum salutarium* seu *Antbora* C. B. *Antbora* sive *Aconitum salutarium* Ger. The counterpoison to Monk's hood, or salutarp Wolfsbane.

7. B.

*Antbora* pernecabili Thoræ veneno adversa, dodrantem alta, interdum & cubito procerior, caule est singulari, rigido, anguloso, subhirsuto, cui folia alternatim adnascuntur, Napelli æmula, tenuius dissecta, & splendoris illius expertia, averſa parte albicantia, sapore amaro prædita *Lobel*. Nigellæ quadrantenus similia : flores non ingrato odore præditi, cucullati, & rictu hiantes Napelli penitus, excopto colore, qui huic ex flavo pallescens : Corniculata seminis vascula itidem consimilia. Radix ex bulbis olivaribus constat, foris fuscis, intus albis, gustu amaris fibratis.

Clusius considerata diligenter partium hujus plantæ omnium cum Napello similitudine, usum ejus suspectum habet, & satius ducit ab eo abstinere, præsertim tantâ copiâ aliorum remedium, quorum facultates jam sunt exploratæ. Jo. Bauhinus quoque rectè monet eâ cautè utendum.

Pestis specificè adversari dicitur hæc radix, & peculiariter radici Thoræ, ut nomen indicat. Om- *Vires.* nium tamen consensu purgat satis vehementer. Considerent lectores (inquit J. Bauhinus) an radix purgans conveniat commorſis à viperis & cane rabido, itémque peste laborantibus.

## C A P. XIV.

### De *Staphide agria*.

*Staphide agria* à foliorum cum vitigineis similitudine nomen accepit. Foliis & filiquis atque etiam viribus cum Aconitis convenit, flore cum Delphinio, ad quod etiam semine magis accedit quam ad Aconitum. Latinis Pedicularis dicitur ab effectu.

*Staphis agria* J. B. C. B. Ger. Park. *Staves-acre* or *Touſe-wort*.

7. B. Park.

Hirsutum habet caulem, cubito altior, in multos ramos diductum ; in his folia longis hærentia pediculis, ampla, vitiginea, unde toti plantæ nomen comparatum, vel Ricini magnitudine & diſſurâ digitatâ, pilosa. Flores pediculis frequentibus, tum è foliorum sinu, tum ex caulis fastigio, tum ex ramis exeuntibus insident, cærulei è quinque foliolis hirsutis compositi, apicibus & staminibus foliaceis medium tenentibus. Parkinsonus exactius flores Consolidæ regalis similes scribit cum calcarum pariter retrorsum extenso, sed multo ampliores, colore obscure cæruleo, quibus succedunt siquæ tresquatuorve corniculatæ, ut in Aconitis, sed majores, in quibus semina magna, rugosa, nigra, triangula, uridæ facultatis vi gustatu os incendunt. Radix longa, lignosa, annua.

Nascitur in opacis : in Istria ( inquit Matthiolus ) Dalmatia, Apulia & Calabria frequentissimo *Locum.* proventu.

Vehementer calidam, acrem & causticam habet facultatem : hinc pro masticatorio habetur : pur- *Vires.* gat etiam sed cum metu strangulationis, idè defuit ejus usus. Pulvis capiti inspersus pediculos enecat, aut cum oleo tritus & inunctus. Quæ de ejus viribus habent Veteres apud ipsos vide.

Sensen Staphidis agriæ exhibitum à gr. XII. ad ʒj. sursum & deorsum purgat, ptyalismum excitat, unde egregiè juvat in lue Venerea. *Franc. de la Boe Sylvius cap. de purgant. & salivant.*

Idem Lib. 1. c. 5. S. 25. Staphidis Agriæ semina quindecim aiunt, si trita cum hydromelle assumentur, potenter humores pituitosos, glutinosos per Vomitum cum suffocationis periculo expellere. [ *Dod. Herb. Belg. lib. 12. cap. 10. pag. 595.* ] Ab illis namque inflammantur fauces, ardorque summus in iis accenditur. Eadem semina docent manſa pituitam ex capite allicere in os. Unde facile patet eadem semina, si ex Aqua multa decoquantur, & illo decocto Os colluatur, posse levem sic excitari salivationem, quæ forsân felicius sit si non simul & semel quindecim semina, sed unum vel duo diebus pluribus exhiberentur, sicque paulatim salivatio levis excitaretur. *De Sæmæ* ex-cepſit & misit.

## C A P. XV.

### De *Aquilegia*.

**A**quilegia recondit vocabulum est, quasi Aquilina ob florum mucrones aduncos ut sunt Aquilini ungues. Anglis *Columbine* dicitur, quia florum calcaria recurva columbarum cervicem cum capite & rostro tum figurâ tum colore referunt. An veteribus Græcis vel Latinis cognita fuerit, aut quo nomine dicta nondum constat.

Notæ illius genericæ sunt folia Umbelliferarum modo divisa, flores penduli cum pluribus corniculis recurvis, semina nigra lucida.

Aquilegiam stellatam, quæ caret illis corniculis recurvis in flore, pro specie degenerare habeo.

A. 1. *Aquilegia*

- A. 1. *Aquilegia flore simplici* J. B. *vulgaris flore simplici* Park. parad. *Aquilegia sylvestris* C. B. item *Aquil. bortenſis ſimplex* ejuſdem. *Aquilegia cœrulea* Ger. **Single Co. lumbineſ.**

ſ. B.

Pluſquam pollicari craſſitudine eſt *radix*, candida, altè in terram descendens, ima parte ramoſa & fibroſa, ſapore ſubdulci, in multos annos vivax. *Folia* ex longis, rigidis, hirsutis pediculis ter terna, [ interdum ter novena, pediculo nimirum primò trifariam diviſo in ramoſos & unoquoque ramoſo in tres ſurculos, & ſingulis ſurculis tandem in tria folia ] lata, obtuſa, per margines rarioribus incifuris velut crenata, duabus tamen profundioribus in tres non rarò lacinias diviſa, inferius glauca, ſupernè obſcurius viridia, cum quadam cœrulei tinctura, Chelidonia majoris foliorum in modum. *Caules* tenues, ſed rigidi, hirsuti, geniculati, ramoſi amœnos flores ſuſtinent, corniculis roſtratis compoſitos, ut paſſis aliſ columbam ( ſi cum lateribus alternatim interjeſtis foliis unum ex corniculis exemeris ) egregio naturæ artificio deformant: atque hi quidem vel ſylveſtres, [ vix alterius coloris quàm punicej ] vel hortenſes, colore cœruleo, rubro, candido, carneo, herbaceo, verſicolore infinitam pariunt varietatem: omnibus tamen ſemen Conſolidæ regalis nigrum lubricum, ſplendens in corniculis ſurrectis Aconitorum continetur.

Locus.

In multis montanis ſylvis cœruleo flore ſponte naſcens invenitur, in omnibus ferè Europæ regionibus: in Anglia certè non infrequens eſt.

Hujus varietas nobis cenſetur

*Aquilegia multiplex* Ger. *flore pleno ſive multiplici* J. B. *vulgaris flore pleno* Park. parad. *bortenſis multiplex flore magno* C. B.

ſ. B.

Ob floris elegantiam in hortis culta hæc ſtirps pluribus, denſioribus & nitidioribus corniculis obſervatur: floribus etiam uberiore ſæturâ multiplicibus, qui vel cœrulei prorſus ſunt, vel violacei, vel cineracei, vel blandè rubentes, vel ſaturè rubri, vel albi, vel ex albo & cœruleo, violaceoſe multifariam commixti, vel alterius coloris, quis enim omnes enumeret: cætera ſimilia.

2. *Aquilegia bortenſis multiplex flore parvo* C. B.

A priore ( inquit C. Bauhinus ) floris magnitudine & pullo colore differt. Verùm nos hujus generis flore parvo multiplici, non pullo tantum floris colore, ſed & albedo, & ex albo & purpureo variegato inſignes habemus. Flores hujus reliquis Aquilegiis magnitudine plurimum cedunt, eas tamen multiplicitate foliorum ſuperant, ut dubitem annon à reliquis ſpecie reverà diverſa ſit. Certè ſemine ſata, quantum quidem hætenus obſervare potui, ſpeciem ſuam ſervat, nec alterius generis plantas producit.

3. *Aquilegia roſea* Park. *flore roſeo multiplici* C. B. *flore roſeo* Ger. *flore ſimplici & pleno non corniculato* J. B. **Roſe-Columbineſ.**

Cluſ.

Hujus flores carent corniculis illis litui inſtar inflexis, & plana duntaxat habent folia, qualia ſunt ea quæ in ſimplici cornicula ab invicem ſegregant; conſtant verò flores vel ſimplici octo aut decem foliorum ordine diſpoſitorum ſerie, vel eâ multiplicatâ ad ſenarium aut ſeptenarium numerum, hoc eſt, ut ſingulis illis octo aut decem foliorum ordinibus [ potiùs foliis ] ſena vel ſeptena alia incumbant, interdum etiam plura eleganti ſpectaculo, non alternatim conſuſa ut in Roſâ plenâ, paucis ſtaminibus cum corniculis, quemadmodum in vulgatiore, floris medium occupantibus, & ſimili nigro ſplendentèſque ſemine plenis. In eadem planta conſpicere licet nonnunquam flores, quorum prima & ſecunda foliorum ſeries calcari ſeu corniculo illo contorto caret, interiora reliqua, inſtar vulgaris, cornicula contorta habeant. Sed etiam hoc genus mirum in modum colorem variat: nam ex ejus quæ cœruleo flore eſt ſemine deciduo ſponte natas plantas habui, quæ cœruleum, album, rubellum, ſuave-rubentem, cineraceum, purpureum remiſſum vel ſaturum, pullumque & quodammodo obſoletum florem tulerint, eumque vel ſimplici foliorum ſerie, vel multiplici conſtantem.

Hanc habeo pro ſpecie *Aquilegia* degenerare: nam in eadem planta nonnullos flores obſervabis cum corniculis, alios ſine eis.

4. *Aquilegia inverſis corniculis* Park. *Aquilegia bortenſis multiplici flore inverſo* C. B. *Aquil. flore pleno inverſo* J. B. *Aquilegia flore inverſo* Ger. emac.

Non alia in re à præcedentibus differt quàm floris figurâ corniculis inverſis conſtantes, h. e. corniculorum contortis mucronibus omnibus ex floris centro prodeuntibus. Hæc etiam ſpecies degener nobis videtur, non tamen quantum fidenter illud affirmamus.

Hujus generis flos non tantum colore variat quantum reliquorum ſolent; ſiquidem non ultra tres aut ſummum quatuor colorum differentias in eo obſervavit Parkinsonus, nimirum album, purpureaſcentem, rubentem, cinericeum aut obſcurè & obſoletè purpureum.



\* 5. *Aquilegia degener* J. B. Park. Ger. *degener virescens* C. B.

Clus.

*Aquilegia* degenerem vocat Clusius exiguae Rosae formam æmulantes flores ferentem, coloris vel omnino viridis vel ex viridi purpurascens.

Huius florem Parkinsonus *Aquilegiae* rosae flore pleno similem facit, verum exteriora petala primae scilicet seriei reliquis interioribus multo maiora & latiora sunt.

Hanc quamvis alii speciem degenerem faciant Parkinsonus tamen veram & genuinam ab aliis distinctam *Aquilegiae* speciem esse vult, nec infirma ratione nititur, siquidem semen ejus satum speciem suam constanter propagat, nec diversi generis plantas producit.

\* 6. *Aquilegia montana magno flore* C. B. prod.

C. B. prod.

In *Aquilegia* vulgaris altitudinem excrevit quidem, sed foliis plurimum differt, cum in lacinias tenuiores eaque non obtusas ut in aliis, sed acutas dividantur, & folia pæne subrotunda sint: sic & floribus caeruleis, vulgari similibus, sed multo majoribus.

In monte propè Thermas Fabarias copiose provenit.

Locus.

\* 7. *Aquilegia montana parvo flore, Thalictri folio* C. B. J. B.

C. B. prod.

Ex radice parva folia *Thalictri* formæ, sed exigua, pallide virentia prodeunt, inter quæ cauliculus tenuis, palmo minor, duobus tribusve foliolis brevibus, oblongis, minime divisis exsurgit, florem unicam caeruleum sustinens, formæ quidem vulgari similem, sed quintuplo minorem.

In Helvetiorum Alpibus reperitur.

*Aquilegia* foliis *Thalictri*, flosculis minutissimis albis, Mentzel. quæ *Fumariæ* speciem primum inspecta præstare videtur, quæque in Apennini locis petrosis & in Alpibus circa Tridentum provenit, non aliter à præcedente quam floris colore differre videtur.

Locus.

\* 8. *Aquilegia pumila præcox Canadensis* Cornuti. *Virginiana flore rubescens* Park.

Corn.

Folia habet *Thalictri* pratensis figuræ & amplitudine paria, colore quadanterius similia, nam aliquanto pallidius virent. Caules tenuissimi, rubentes, vix palmum æquant. Flosculi in singulis apicibus crescunt, quinque corniculis cavis, non ut in nostrate aduncis, sed rigidis constantes: quæ cornicula à medio ad conum usque puniceo obscuri coloris sunt, infra autem qua parte hiant croceo colore tinguntur. Hæc inter cornicula quinque foliola punicea etiam coloris medium tenent, quorum micro deorsum vergit. Floris in medio stamina sunt alba quamplurima; quæ luteis apicibus fastigiantur, simul cum flore defluunt: Quæ in spinulam acuminantur in quatuor aut quinque recurvas filiquas formantur; Delphinii similes, in quibus semina nigra & nitida. Radices subsunt tenuissimis filamentis fibratæ.

Tragus & Matthiolus scribunt seminum pulv. ʒj. cum croco nummi pondere è vino bibitum certò Vires. sanare icterum, si lecto se contineat æger & sudet.

Camerarius in horto semen saccharo incrustatum laudat in viscerum obstructionibus, in vertigine, &c. Aqua stillatica Trago eadem efficit, præstaturque levamentum adversus syncopen: Abscessus proinde internos discutit, venenum quodvis expellit, ac tormina mitigat.

Clusius semen tenuissimè tritum & in vino datum mulieribus in partus difficultate optimo cum successu exhiberi scribit. Si primus haustus non sit efficax repetatur.

Camerar. docet decoctum herbe totius cum momento Ambra contra *adynamiam* facere.

Semen in expellendis variolis & morbillis usûs mulierculis est creberrimi. Schrod.

Extrinfecus frequens ejus usus est ad putredinem gingivarum scorbuticam emendandam, ulcerâq, oris & faucium emendanda. Schrod.

Folia nostratibus in usu sunt in collutionibus & gargarismis contra affectus faucium & asperæ arteriæ calidos.

## CAP. XVI.

## De Delphinio sive Consolida regali.

**C**onsolidam regalem Veteres inter flores coronarios reponere, Hyacinthum nominantes, cuius Dioscorides l. 3. c. 85. in Delphinio altero, quod & Hyacinthum vocetur, meminit. Siquidem Plinius l. 21. c. 11. scribit discurrentes notas inesse, ut Græcarum literarum figura AI inscripta legatur: quod in Consolida regali hortenfi observatur, cum in floribus folium sit implicatum, quod in albo characteres habet occultatos ex virgulis caeruleis duas literas AI aut tres AIA exprimentes.

Delphinium duplex est Dioscoridi, cuius altera species Romanis buccinum dicitur. Quare si apud Dioscoridem vox *Δελφινιον* ad flores referatur, tum Consolida regalis hortenfi Delphinium erit, at Consolida regalis segetum alterum ejusdem Delphinium. Hæc è C Bauhini Pinace.

Ob floris figuram Delphinium imitantem Dioscoridis Delphinium credita est hæc planta. Consolida regalis à consolidandis vulneribus dicitur.

Characteres

Characteres hujus generici sunt folia in tenuissimas lacinias dissecta, flores unico corniculo retrorsum extenso seu caldari donati, semina nigra, triquetra.

1. *Delphinium elatius flore simplici diversorum colorum* Park. parad. item *Delph. elat. flo. pleno divers. colorum* ejusdem. *Consolida regalis erectior purpureo sive violaceo flore majore* J. B. item *Consol. reg. erectior flo. purp. sive violaceo pleno* ejusdem. *Consolida regalis sativa* Ger. **Uarks-spur.**

*Clus.*

In bicubitalem plerunque altitudinem affurgit, interdum etiam majorem, nonnunquam infra il- lam consistit. *Caulem* verò habet rectum, firmum, striatum, quem indiscriminatim ambiunt mul- tifida *folia*, frequentiora quàm in vulgari, è quorum alis prædeunt rami virides, similibus foliis on- sti, desinentes in oblongam florum spicam sex foliis constantium, quorum quaterna in latera ex- panduntur, quintum supernum caudâ aut caldari insignitum in posteriorem partem prominente, reliquis majus; cui subest sextum medium florem occupans, extrema parte longiusculum & bifidum; deinde per latera alarum multa stamina, umbilicum floris occupantia tegens. Flori succedunt, ut plurimum singulæ, rariùs plura, longiora & crassiora cornicula, *semen* inæquale, maturitate ni- grum continentia. Color floris in hoc genere mirum in modum variat, nam aut niveus est, aut ex- albidus, aut carneus, ilque vel saturatus, vel dilutus, aut cineraceus, aut purpureus seu violaceus, at- que is vel dilutior, vel saturatior, nonnunquam etiam versicolor, h. e. vel media ex parte purpureus, alterâ incarnatus sive suave-rubens, interdum etiam altera parte albus.

Hæc autem varietas satione acquiritur: nam unius generis semine omnes hi colores mihi nati. Aliud præterea in hac planta animadversione dignum est, illam videlicet inveniri floribus multiplici foliorum numero constantibus, omnium supradictorum colorum, nullo aut perexiguo caldari prædi- tis, quibus succedunt minora quàm in superiore cornicula, bina, terna aut quaterna pleraque ina- nia, rara, quæ paucum semen præbeant: è quibus terræ commissis raræ nascuntur plantæ plenum florem ferentes, pleræque simplicem, quantum tamen semine sponte deciduo denuo nascuntur quæ plenum florem proferunt.

*Vires.*

Visum acuit & roborat tum succus florum expressus, tum eorundem aqua destillata, imo vel con- tinuus (ut aiunt) intuitus, unde nonnulli eorundem fasciculos in conclavibus suspendunt.

Herba in potionibus vulnerariis utilis esse perhibetur, consolidat enim & glutinat, unde & Con- solidæ nomen adepta est. In pulverem redacta cum ejusdem aqua stillatitia pota confert cardial- giâ, calorem præter naturam extinguit, bilem exæstuantem reprimat, necnon tussim & stillicidium, adversatur venenis. Succus expressus recentia vulnera sanat. *Matth.*

Conserva florum commendatur ad tormina ventris infantium, & ad ardorem stomachi. *Schrod.* Attendat Lector censuram Casp. Hofmanni. In facultatibus vix aliud reperio quàm superstitiones, & nullo fundamento nixas medelas.

Decocto florum *Consolidæ Regiæ* & *Croci* 3j. in vino ex suppressione menstruum convaleuit mater & filia ejus. *Achill. Gasserus* Obs. 81.

\* 2. *Delphinium elatius cæruleo flore* Clus.

*Clus.*

Hoc genus multò uberius est superiore, atque interdum adeò amplum, ut humanam altitudinem superet, numerosiores ramos proferens, & plura majoraque folia, sive foliorum alas, non minùs ta- men quàm supra descriptum in tenues lacinias divisas. Hujus flores superioris floribus formâ simi- les sed longè ampliores, & coloris aut cærulei elegantissimi, aut ex cæruleo purpurascens: Corni- cula floribus succedentia crassiora, nigrum inæquale *semen* quale alterius continentia; quod satum ge- nus suum conservare semper cbsè vavi, nullâ prorsus coloris mutatione facta.

3. *Delphinium majus sive vulgare* Park. par. item *Delph. vulg. flore pleno* ejusdem. *Delphinium vulgatum* Clus. item *Delph. humilissimum sive vulgatum pleno flore* ejusdem. *Consolida regalis hortensis flore majore & simplici* C. B. item *flo. maj. & multiplici* ejusdem.

*Clus.*

Hoc genus ramis suis in latitudinem magis diffunditur quàm superius, terram versùs potius reclina- tis quàm erectis, foliis multis obsitis viridibus, in tennes & oblongas lacinias dissectis Fœniculi ferè in- star. Rami in florum rariùs dispositorum spicas oblongas exeunt, magna colorum varietate: nam præter cæruleum qui in arvis, invenitur & albo flore, & candicante, & rubro & dilutiùs rubente. Hujus generis mihi (inquit) natæ sunt qui simplici quidem sex foliorum textura constabant, sed ter- ni, quaterni, quini simul commixti innascebantur, totidem brevissimis calcaribus præditi, majore ta- men & grandiore in extimo illo flore qui reliquos veluti complectebatur. Sunt etiam in hoc gene- re quæ flores proferunt multiplici foliorum serie constantes unico tantum caldari retrorsum exten- so; magna colorum varietate. Parkinsonus purpureum, cæruleum, album, carneum, variegatum recenset.

4. *Consolida regalis arvensis* C. B. *Delphinium arvense* Park. *Consol. regal. flore minore* J. B. *Con- sol. regal. sylvestris* Ger.

Genere hæc non est diversa à proximè descripta, verum spontanea cum sit, nullòque mangonio latiore excolta, tota strigosior evadit, nec temere dodrantalem magnitudinem quoad spontis suæ est excedit, nec adeò foliorum vel numero vel latitudine [vel segmentorum longitudine] luxuriat: magis etiam squalidus flos & minor, coloris cærulei. *Semen* in corniculis non dissimile sed minus, non ita facile in hortis satum germinans.

\* 5. *Consolida*



5. *Consolida regalis maxima villosa* J. B.

Caule est longiusculo, contorto, admodum villoso: folia ferè palmum longa, pilosa, multifida, segmentis latis, non multò Peucedani foliorum segmentis angustioribus, villotis, non sine oblongis quibusdam veluti foliorum ligulis. Flos unicuique pediculo infidet unicus, magnus, candidus, quorum calcar & folia extrema foris tomentosa sunt, & virore quodam variegata; cornicula quæ succedunt densissimo villo sunt obsita.

Unde, inquit, hanc nacti sumus non recordamur.

6. *Consolida regalis latifolia parvo flore* C. B. *regalis peregrina parvo flore* J. B. *Delphinium Hispanicum parvum* Park. parad. *Consolida regalis latifolia* ejusdem Theat.

Ex radice fibrosa, oblonga, rufescente caulis cubitalis, rotundus, striatus, levissima hirsutic albi-cans, in ramos brachiatus, exurgit. Folia prima quidem latiuscula, tripartitò divisa, segmentis latiusculis laciniatis, alia verò in summo caule & per ramos, parcius secta [tripartitò divisa C. B.] quædam integra. Flores parvi quàm strigosæ illius arvensis minores, colore cœruleo obsoleto [subcœruleo pallido seu languido Park.] qui alternatim surgentes spicam efformant: quibus excussis singulis ter-na succedunt erecta simulque juncta cornicula semen parvum continentia.

In insula Melitâ circa urbem novam in rudibus & muris, inque Sicilia & Italia invenimus. Locus. D. Wheeler in insula Corcyra *Consolidæ regalis* speciem fetidam observavit, verum non descripsit.

7. *Consolida regalis hortensis flore minore versicolore* Morif. prælud.

Folia habet hortensis Delphini vulgaris foliis tenuius dissecta: Flores minores rubros, striis nigris maculatos; quo facillimè ab aliis distinguitur.

8. *Consolida regalis serotina flore albo multiplici & simplici.*

Humilior est multò quàm *Delphinium surrectum* & ramosior, foliis tenuius incisus & delicatioribus. Florem non ante finem æstatis producit, [in horto nostro cum *Delphinio surrecto* unâ sata non ante florere cœpit quàm illud pæne defloruerat:] Erat autem floris color in omnibus quæ nobis, & amico cuidam nostro qui illud communicat, ex semine succreverunt plantis albus, ut putem eam \* D. S. Dale, floris colore rarissimè variare.

## CAP. XVII.

De *Ulmaria* majore seu *Barba capri*.

*Barba capri* J. B. Ger. emac. *B. capræ floribus oblongis*, *Melandryon* Plinii C. B. *Ulmaria major* sive altera Park.

J. B.

**R**adicem forata est mediocriter crassam, fibrosam, cortice intectam crassiusculo ad rufedinem declinante, cui subest lignosa substantia cum copiosa medulla alba fatua. Caules duos trêve cubitos alti & majores, multis alis concavi, læves, teretes, medullofi, arcto tubulo (qui in alis nullus est) perforati. Folia Castaneæ oblonga, acuminata, serrata, plura ad costam alligata, nullis intercedentibus minoribus foliolis ut in *Ulmaria*; à qua & flores hujus plurimùm differunt, in ligulis videlicet racematis collocati, perpusilli candidi.

Nobis observantibus plantæ hujus folia bicomposita seu triangulata sunt & Umbellatarum modo divisa, rugosa & circa margines pulchrè dentata: Unicuique flores plures theculæ disjunctæ succedunt.

In colle la Bassie prope Genevam hanc plantam observavimus, & in Helvetia non longè à Sca- Locus. phusia, loco humido.

# HISTORIÆ PLANTARUM

## LIBER DECIMUS QUINTUS,

QUI EST,

De Herbis flore monopetalo vasculiferis.

### SECTIO PRIMA.

*De Herbis flore monopetalo uniformi.*

**H**ERBAS vasculiferas vocamus quæ præter floris calycem, aliud habent vasculum, in quo semina continentur.

Quid per florem uniformem, quid per difformem intelligimus, Libro primo, cap. II. explicuimus.

N. Nos in hoc opere flores monopetalos, laminâ eousque divisâ ut polypetali videantur, pro polypetalis habemus.

*Herbæ flore monopetalo uniformi sunt vel vasculo diviso in locumenta*

*Bina, foliis in caulibus*

*Alternis; vasculo*

*Operculo recto, quod per maturitatem abscedit; calice oris quinquepartitis acuminatis insigni, ut fructus glandem quodammodo referat; vi narcotica & virofa; Hyoscyamus.*

*Bivalvi, foliis pinguibus, vi narcotica præditis; flore è tubo longo in latitudinem expanso, margine*

*Integro, anguloso, colore rubente; vasculo oblongo, conoide; major & elatior; Nicotiana, Tabacum.*

*In quinque segmenta diviso, colore luteo; vasculo brevior & subrotundo; humilior & minor; Priapeia, Hyoscyamus luteus.*

*Ex adversa binis, nervosis; sapore amaro; Gentiana.*

*Terna, seminibus in singulis cellulis*

*Binis masculis; vasculo ipso floris calice contento, aut supra fundum ejus elato; vicinis plantis se circumvolvendo scandens, succo lacteo plerumque turgescens; flore campanam referente, margine integro; Convolvulus.*

*Pluribus exiguis, lucidis, lactescentes & erectæ, flore*



*Campanam* referente, margine in quinque plurimum lacinias secto, flore ejusque calice vasculo seminali infidentibus; conceptaculis seminum

{ *Oblongis*, & in filiquas productis; SPECULUM VENERIS.  
{ *Brevibus & habitioribus*; foliis

{ *Hirsutus*; TRACHELIUM.  
{ *Lævioribus*; radice

{ *Carnosa* esculenta; RAPUNCULUS.  
{ *Lignosiore* aut *tenuiore*; CAMPANULA.

{ *Corniculato*, flosculis parvis in florem quendam totalem seu compositum constiparis; RAPUNCULUS *corniculatus*.

{ *Quaterna*, fructu spinoso, maximo; flore è tubo oblongo calathoides; facultate virosa; STRAMONIUM.

## CAP. I.

## De Hyoscyamo.

**Y**onidius i. e. Faba suilla vel porcina, quod Apri ejus pastu resolvantur & convellantur, presenti mortis periculo, nisi aqua copiosa statim se foris & intus proluerent, ut Ælianus prodidit, lib. 1. Notæ ejus sunt folia in caule alternatim posita: vascula seminalia operculo tecta, quod per maturitatem abscedit, calyx oris quadripartitis acuminatis insignis, vis narcotica & virosa.

A. 1. *Hyoscyamus vulgaris* J. B. *niger* Ger. *niger vel vulgaris* C. B. Park. **Common Henbane.**

**F. B.**

Odore foetido facile se prodit *Hyoscyamus niger*, nusquam non obviis, *Acanthii* vulg. foliis, mollibus, lanuginosis, pinguibus, incanis, per margines altius incis, copiosis, nullo ordine in caulibus, cubitalibus ramosis, crassis, densa lanugine obfritis. Flores confertim enascuntur calathi effigie, lutei, purpurascens linearum crebro discursu versicolores, fundo obscure purpureo, in quinque obtusa segmenta partiti. Stamina quinque brevia purpureos apices crassos & oblongos gestant; stylus longior apice rotundo albo, medium florem occupat. Calix floris hirsutus, oblongus, margine in denticulos rigidos acuminatos quinquepartito, delapso flore in ventrem extumescit, & vasculum seminale continet in bina loculamenta divisum, semine pusillo obscure cinereo refertum. Radix subest crassa, rugosa, intus alba, foris fusca, minus olida quam folia.

Secus vias ubique ferè gignitur in incultis, ruderatis & pinguibus locis.

Locus.

*Hyoscyamus* refrigerat & emollit mirè, somnum inducit, dolores sedat, acrimoniam mitigat, at rationem perturbat: unde internus ejus usus rarissimus est. Adversus acres calidæque oculorum fluxiones prodest: sanguinis eruptiones muliebriæque profluvia compescit: Et ad testium aliarumque partium inflammationes adhibetur; necnon ad Podagram & dolorem ischiadicum in fomentis. R. fol. *Hyoscyami*, decoquantur in lacte bubulo, & fiat cataplasma, quod mirificè proderit, ut ait Duretus in Adversar. supra *Hollerium*.

Vires.

Vini Hispanici vel Græci in quo Seminis *Hyoscyami* modica quantitas per diem unum vel alterum infusum fuerit patera una horâ somni sumpta requiem suaviter conciliat.

Semini *Hyoscyami* & *Papaveris albi* ana ʒij. Conservæ Rosarum Rubrarum ʒij. in formam Elevari redacta, & nucis myristicæ magnitudine exhibita hæmorrhagiam quamcunque sistunt. D. Boyle de Utilitate Philosoph. Nat.

Apud nos (inquit C. Hofmannus) ex sem. *Hyoscyami* fit oleum, cujus ad parandum somnum miræ sunt vires, temporibus illiti. Est etiam in usu in gonorrhœa & nimis mensibus, regioni lumborum & perinæo adhibitum. In doloribus aurium, ubi leviora anodyna non inveniunt locum cum Croco aut Castoreo etiam infunditur. Ità in dentium doloribus cum lana imponitur.

\* Medicam.  
Officin.

Andegavenses & Pictones adversus pruriginem illam molestam, & tumores manuum pedumque à frigore contractos *Hyoscyami* citinos carbonibus inspergunt, fumumque exhalantem manibus pedibusque excipiunt.

N. Expressus quoquo modo succus (ut rectè Casp. Hofmannus) tutior est illo qui ex incisa planta profuit. Est enim is Opio similis. Rursus expressus ex semine sicco affusa aqua, tutior est illo qui ex tota planta viridi fit. Tandem aqua destillata omnium tutissima est.

*Hyoscyami albi* usus mitior est & tutior multò quam nigri.

Ratio cur succus expressus mitior sit è vulneris inflicto effluente hæc nobis videtur. Cum in omni planta duplex minimum succus sit, alter aquosior magisque insipidus, alter plantæ proprius & specificus; hic autem incisione facta è vasis, utpote majoribus, sponte effluat, ille ob vasorum angustiam non item; qui fit per expressionem totam lympham continet, quæ longè copiosissima est, & succum plantæ essentialem valde diluit & enervat: cum qui sponte effluat essentialis sit & specificus, sincerus & immixtus, in quo tota vis plantæ quæ talis residet.

Ppp 2

Semen

Semen Hyoscyami prunis impositum fumum emittit teterrimi odoris, quo naribus vel ore per infundibulum excepto Empirici expellunt vermiculos, qui aliquando in naso aut dentibus nascuntur eosque in subjecta pelvi aquâ repleta excipiunt, ut melius oculis percipiantur.

2. *Hyoscyamus albus* J. B. Park. Ger. *albus major* vel 3. *Dioscoridis*, & 4. *Plinii* C. B. Item *Hyoscyamus albus minor* J. B. C. B. Ger.

f. B.

Non tantum flore alterius pari albo est, sed & *olabastris* striatis multo candidioribus magisque hirsutis, vasculum obvolventibus semine albedo refertum: adde folia hirsutiora, albidiora, quæ tamen Nigri foliis magnitudine cedunt, laciniata: *Caulis* quoque eadem alba densiori lanugine est oblitus, quem ut celeri ortu eodem quo satus est anno protundit, florēq; & semen perficit, ita perennitate vincitur, ut qui nonnisi semestris sit vita.

Locus.

In Norbonæ ad Aurantiam, & inferius cis transque Rhodani ostia, variis satorum & vervactorum secus vias marginibus sponte adolefcit.

Pro eadem planta cum Parkinsone habeo *Hyoscyamum album* minorem *Lob.* quem *Clusius* quoque *Hyoscyamum album* vulgarem vocat.

Hanc speciem in muris & rupibus circa Genuam frequentem observavimus, quæ à vulgari nigro *Hyoscyamo* differt foliis brevioribus & rotundioribus, viridioribus, [*Clusius* tamen & *J. Bauhinus* candidiora & molliora ei attribuunt] minus laciniatis, floribus minoribus, in nonnullis totis luteis, in aliis luteis cum fundo obscure purpureo.

3. *Hyoscyamus Creticus luteus major* C. B. *luteus minor* J. B. *Creticus alter* *Clus.* *Creticus* Park.

C. B. prod.

*Caulibus* est cubitalibus, robustis, ramosis, rotundis, molli lanugine oblitus: *Foliis* latis, subrotundis, sinuatis & circumscissis, hirsutis, longiore pediculo donatis: ex quibus alii pediculi lanuginosi emergunt, flores sustinentes ex calyce hirsuto, in quinque apices secto prodeuntes, oblongos, *Lamii* *Melissophylli* formâ, quinquefariam divisos, quorum tria folia superiora majora & flava, inferiora duo pallidiora; ex quorum medio *stamina* quina purpurascens, *apicibus* flavescentibus, una cum stylo oblongo ejusdem coloris, efferuntur. Floribus delapsis calyces indurantur, qui semen minutum, subruustum continent.

\* Bot. Monsp.

Præcipua differentia inter hanc speciem & præcedentem, annotante \* *P. Magnol*, est in floris colore cujus petala in hac ex albo sublutea sunt, fundo & staminibus obscure purpureis, in illa penitus lutea: proinde nobis non videntur specie differre.

Planta hæc, cujus descriptionem è *C. Bauhini* Prodro-mo dedimus, quàmque in *Pinace* pro *Hyoscyamo* *Cretico* altero *Clusii* habet, ipsissima est quam frater ejus *J. Bauhinus* pro *Hyoscyamo* 4. seu albo *Cretico* *Clusii* proponit. Quam enim describit *J. Bauhinus* ex semine *Stutgardiam* per *Casabonam* misso *Hyoscyami* *lutei* *Cretici* nomine in horto *Montbelgardensi* floruit: quam *C. B.* frater, ex horto *Montbelgardiano* à fratre *J. B.* primum accepit, semine à *Casabona* misso, ut ipse refert. Nos *C. Bauhini* sententiæ accedimus, & *Hyoscyamum* 4. sive album *Creticum* *Clusii* pro diversa specie habemus, ob flores aureos quos ei attribuit. Nam *Pr. Alpinus* in *exot.* duas *Hyoscyami* species semine flavescente in *Creta* insula nascentes agnoscit, alteram flore luteo diluto, alteram flore aureo, cujus descriptionem, prolixam satis, ex *Alpino* proponemus.

- \* 4. *Hyoscyamus aureus* *Alpin.* *exot.* *Creticus luteus minor* C. B. 4. sive *albus Creticus* *Clus.* *albus Creticus* Ger. *emac.*

Ab una radice multos producit caules, longos, tenues, sursum oblique ætos, quadam veluti lanugine oblitos, fragiles, herbaceos, quos folia non plura, *Hederæ* terrestris magnitudine & figurâ, quadantenus ad *Hyoscyami* *lutei* *Cretici* folia inclinantia, molli veluti lanugine obducta ambiunt. Flores verò & in caulibus, & in ipsorum cacumine producuntur parvi, aurei, ex parvis cytinis non duris, *Leucois* luteis ferè similes, sed tamen majores, quinque, foliis impari magnitudine, ex interna parte deficientibus compositi, unde ex ea parte quasi dehiscunt. In medio autem floris umbilico veluti oculus niger conspicitur, à quo quasi à centro ad circumferentiam quædam veluti filamenta, parva, carnei ferè coloris diffunduntur. Flos haud gratum odorem expirat. His floribus succedunt parvi cytini, herbacei coloris, nigri *Hyoscyami* multo minores, non duri, semina minuta, colore flavescentia continentes. Radix est parva, longa, crassa, mollis ac tenera. Planta est perennis.

- \* 5. *Hyoscyamus Aegyptius* Park. *rubello flore* Ger. *peculiaris flore purpurascens* J. B. & *Hyosc. Syriacus* ejusdem *Hyosc. cauliculis spinosiss.* *Aegyriacus* C. B. & *Hyosc. rubello flore* ejusdem.

Peregrinus est & cubitalis altitudinis, minimique digiti crassitudinis caulem acquirit in hortis, firmum, molli incanâque lanugine præditum; per quem hinc inde sparsa sunt folia, vulgaris foliis non valde absimilia, sed minora & frequentioribus laciniis divisa, tenuique (dum adhuc tenella sunt) & longa lanugine pubescentia. Summus caulis in aliquot ramos nutantes & inflexos dividitur, qui alternatim inter angustiora minorâque, nec laciniata folia caliculos ferunt vulgari similes, in quinque, cuspides satis firmos desinentes, in quibus flores colore quodammodo similes vulgari, h. e. pallentes & purpureis venis distincti initio nascuntur, sed deinde in paulò majorem amplitudinem excre-

tes,



res, in elegantem, ex rubro purpurascensem colorem mutantur, saturationibus tamen venis, nec umbilico purpureo, ut vulgaris nigri flores, sed candicante, styloq. purpurascente ac quinque staminibus exornato. Floribus succedunt bullata, quemadmodum in vulgari, capitula, semen etiam simile continentia.

Ex hac planta iterum, monente Parkinsono, C. Bauhinus duas tréve facit. Utraq. enim planta, (nimirum Hyoscyamus Syriacus Cam. & Hyosc. Ægyptius rubello flore Clus.) semine à Bern. Paludano accepto nata est; adeoq. verisimile est eandem fuisse. Deinde cur quæso separat C. B. Hyosc. Ægypt. Clus. bist. ab ejusdem Hyosc. peregrino in Pann? Nunquid utriusq. eadem descriptio? Cur Ægyptium Clus. cauliculis spinosiss. esse ait, cum Clusius spinarum non meminit? J. B.

Sic septem Hyoscyami species à C. Bauhino in sinace recensitæ ad quatuor facillè reducuntur.

Hyoscyamus albus Ægyptius Alpin. exot. huic idem videtur: cujus succum ad tussim ex acri vel falsa capitis destillatione phthisis prænuntiam utilissimum esse scribit. Ad eandem (pergit) tussim molestissimam Ægyptii cum eunt dormitum assumunt cochlearis mensura semina tenuissimè trita cum pari mensura Sacchari pulverizati: plurimum enim juvant humoris acrimoniam & saluginem hebetando, atq. somnum inducendo. Mulieres etiam eà detrita sumunt itidem ad mensium abundantiam.

Non in Ægypto tantum sed (ut videtur) etiam in Creta sponte nascitur: nam ex semine Cretæ allato ortam scribit Clusius.

## CAP. II.

## De Tabaco sive Nicotiana.

**N**icotiana dicta est hæc herba à Joanne Nicotio Ulyssiponæ Lusitanæ Regis Galliæ legato, quam à Belga quodam è Florida allatam accepit, & in Galliam intulit, Anno 1559.

Tabacum dicitur à Tabaco insula Floridæ adjacente. C. Hofman. quod nomen aliis omnibus quibus insignitur prævaluit.

Brasiliiani dicuntur vocare Patum seu Petum. Botanici nonnulli ob vim narcoticam ei cum Hyoscyamo communem Hyoscyami speciem faciunt, & Hyoscyamum Peruvianum appellant. Verum cum facie externa distet, & partium præcipuarum, floris putà & seminis ejusque conceptaculi figurâ, quantumvis viribus conveniat, ab Hyoscyamo distincta & sui potius generis planta censenda est.

Notæ ejus sunt Flos è tubo longo in latitudinem expansus, vasculum seminale bivalve, seminibus minutissimis innumeris refertum, folia in caulibus alternatim posita.

1. Tabacco latifolium Park. Nicotiana major latifolia C. B. Nicotiana major sive Tabacum majus J. B. Hyoscyamus Peruvianus Ger. Broad-leaved Tobacco.

J. B.

Planta nobis æstiva est, caule tres aut etiam quinque, vel plures cubitos alto, pollice crassiore, tereti, hirsuto, copiosâ medullâ albicante pleno: huic folia ampla, Helenio aut Hippolapatho majora, nullo pediculo, latis appendicibus cauli adnata, hirsuta, modicè in acumen desinentia, à medio nervo longitudinem percurrente transversis, nonnihilq. sinuatis productis venis, crassis, alternatim dispositis, sapore acido & fervido sed evanido, masticata & contrita colore luteo inficientia: color tum cauli, tum foliis ex herbido in luteum pallescens, utriq. ad tactum glutinosus: caulibus fastigium in furculos aliquot diducitur, ad quorum divaricationes folia longiuscula, quorum singulis flor insidet, tres circiter uncias longus, tubulo hirsuto herbarumque concolore, paulatim laxiore reddito, tandemq. in calathum explicato purpurascensem, indivisum, cujus marginès tamen in angulos quinque acutuntur. Flore continentur cum pistillo stamina, quorum apices cinerulâ aspersi sunt griseâ. Floris autem imum obvallat urticulus in quinque lacinias divisus. Semen copiosum minutum, [imò pro plantæ magnitudine minimum & copiosissimum] rufescens, minus quam in Priapeia, valculis clauditur conicis, Avellanæ vulgaris oblongæ minoribus. Radix alba, fibrosa admodum, insigni acrimonia est prædita. Tota planta odorem habet satis gravem.

In hortis nostris, hyemem interdum tolerat, ut ipse Cantabrigiæ expertus sum.

Tres alias seu species, seu varietates Tabaci latifolii proponit & describit Parkinsonus in Pa- Varietates seu species tres.

1. Primæ folia crassiora sunt & sordidiùs seu maligniùs viridia, terram versùs dependentia & non in directum à caule extantia, ut in descripta. Flores in hac specie ferè integri sunt & circinati, angulis parum extantibus & vix apparentibus. Cætera cum præcedente convenit.

2. Secundæ folia ampla, crassa, pingua, basi suâ caulem ferè amplectuntur, lateribus ad se invicem appropinquantibus velut complicata. Flores saturatiore purpureo seu potius rubente colore tincti sunt, & productionibus angulis inæquales magis quam in quovis alio Tabaci genere.

3. Tertiæ folia minora & breviora, basi caulem minimè cingunt, sed pediculis brevibus insident: Flores minores sunt, & tantillo pallidiores quam primo in loco descriptæ.

2. *Tabacco angustifolium* Park. *Nicotiana major angustifolia* C. B. *Nicotiana sive Tabacum folio angustiore* J. B. *Sana sancta Indorum* Ger. *Narrow-leaved Tobacco*.

Præcedenti latifolia omnibus partibus minorem esse volunt Herbarii, verum quæ in hortulo nostro ex semine Parisiis accepto orta est altitudine saltem latifoliam æquabat imò superabat: nec flores aut vascula seminalia minora nobis visa sunt: verum insigne est foliorum discrimen, quæ non, ut in illa, cauli apprimuntur, sed pediculis hærent satis longis, angustiora etiam sunt & magis acuminata quam illius. Flores saturatiore esse aiunt, quod nobis non animadversum; in reliquis satis conveniunt, ut plura addere non sit opus.

- \* 3. *Nicotiana minima* C. B. *Tabacum minimum* Ger. emac. *Nicotiana sive Tabacum minus* J. B. *The least Tobacco*.

Peti maris & foeminae semine deciduo sponte nata est Clusio, superioribus paulò humilior, cujus folia, ut in priore, caules amplectuntur, sed multò angustiora, etiam infra secundi generis foliorum amplitudinem: floribus tamen saturatiùs rubentibus magis hoc quam illud æmulatur.

Icon quæ extat hujus plantæ non respondet descriptioni Clusianæ, cum folia longis pediculis infidentia pingantur.

Johnsonus apud Gerardum flores ei virentes attribuit, etiam quàm Priapeiæ minores, unde liquet pro Tabacco minimo diversas specie plantas exhiberi. Tabacum autem Clusii minimum, cum ex majorum semine ortum sit, degener quædam species, seu accidentalis Tabaci varietas fuerit oportet, quæ speciem suam non servat seu propagat semine fato.

Vires &  
Usus.

De Nicotianæ seu Tabaci vinbus & usu multi multa. Peculiarem Tabacologiam conscripsit Joannes Neander, Medicus olim Bremanus, & inde Alstedius in sua Encyclopædia: Chrysostomus etiam Magnenus: Raphael Thorius hymnum composuit de Tabaco: Satis itidem prolixus est in ejus descriptione Nicol. Monardes in simplicium Medicam. hist. cap. 14. Vires ejus summam tradunt Schroderus & J. Bauhinus.

Herba recens abstergit, incidit, resolvit, aliquantulum astringit, resistit putredini. Sternutatoria est ac apoplegmatizans, anodyna, vulneraria, vomitoria. Usus præcip. externus, ad catarrhos cerebri exsicandos, somnum inducendum, lassitudinem ex labore discutiendam, uteri strangulatum compescendum. A peste præservat (in suffitu) sedat dentium dolores; dissolvit tumorem uvulae (in gargari) medetur lichenibus, phthiriasi, prurigini, achoribus ac favo; mundificat & consolidat vulnera & ulcera inveterata, sanat ambusta quoquo modo adhibita (balneatione scil. vel sola impositione foliorum recentium nostratis Nicotianæ, &c.) Nec tamen prorsus usum quoq. refugit internum, dum pro vomitorio exhibetur sat violento, quâ ratione curat febres aliòsq. morbos; sed cautione hic opus est.

Fumi Nicotianæ in tubo accensæ ore attracti & redditi per totam Europam usus est creberrimus: pituitam elicit & catarrhos exsiccat: unde evacuatis oris & faucium glandulis dentium dolor & capitis gravedini auxiliatur.

Verum quoniam calfacit & exsiccat, usus ejus minùs utilis est, imò nocivus iis qui calidioris sunt temperaturæ, biliosis & macilentis; ut in memetipso expertus sum, nisi cum dentes dolent & fauces humore turgent.

Sunt qui Fumi hoc modo accepti usum damnant, Audivi (inquit C. Hoffmannus) à milibus in Belgio versatis vidisse se dissecta capita eorum quibus patera cerebri ab Anatomicis dicta interiorius esset nigra, licet à carnifice interiussent. Audivi à Patricio Norico, qui in superiore bello Bohemico vidit omnes qui in conflictu cum hostibus interierint Anglos habere talia capita. Hinc discant sapere qui alias sapere nolunt. Idem nobis affirmavit D. Boucheret Pharmacop. Londinen.

Si hæc vera sint (de quo tamen est cur dubitem) non inde tamen sequitur fumum nocivum esse, cum multos novimus qui quotidie & copiosè per plures annos eo usi sunt, sanos tamen & validos vitam ad extremam senectutem produxisse, nec ullum inde incommodum, sed potius maximum juvamen percepisse: aliis enim ventriculum refocillat & concoctionem promovet, aliis alvum leniter solvit: alii nullum inde commodum, at neq. damnum sentiunt, quibus usus ejus adia-phorus est.

Usus hujus fumi primus in Angliam intulisse dicitur D. Gualterus Raleigh, ex America redux, ubi servos & mancipia eo usos observavit ad somnum conciliandum.

Foliorum pulvis inspiratus attractusq. naribus (qui mos in Italia usitatissimus est) verbera & quævis generis supplicia non finit sentiri, vires addit, augeat animum, & ad labores tolerandos infractam vim. Verum in eo utendo cauto opus est, ne modum excedas. Hernandez.

Folia Nicotianæ viridia contusa & applicata sedant dolorem podagricum & vim obinent narcoticam. Inde etiam æstum & pustulas ab Urticis excitatas Nicotianæ succus aut folium viride applicatum restinguit & sanat.

Modum quendam purgandi cerebrum singularem refert Joan. Terrentius notis in Hernandez quem à Capucino quodam didicit, qui se multos à podagra liberasse asserbat. Ex Nicotianæ arido folio quantum Juglandi possis includere sumitur, digitisq. compressum lineteolo mundo, vel serico includitur, & in nodulum nucis Ponticæ magnitudine figuratur, filoque compingitur. Eum nodulum ori indimus & linguâ ad palatum sublevamus per dimidiæ horæ spatium statim effluit pituita tenacissima, sili instar ex ore dependens, quæ capite inclinato in vas subiectum excipitur. Et licet aliqua cerebri vertigo sequatur, ea tamen nisi Cerebrum admodum calidæ sit naturæ, statim evanescit, estque omnino innoxia.

Nonnulli Nicotianam ob vim narcoticam frigidam esse volunt. Verum calidam esse arguunt, odor resinofus non ingratus, & summa acrimonia, quâ & fauces urit, & non minore purgat per vomitum



vomitum violentia quam ipse Helleborus, ut experientia multorum constat. Tandem nullum (inquit Joan. Terrentius) haecenus innotuit narcoticum, quod non sit calidum.

Ad calculum è renibus abigendum usus aquæ stillatiæ Nicotianæ viridis plures tenaciter adherentes abegit. *Chesneau ex Zacuti, lib. 2. prax. mirand. Observ. 66. E Collectaneis D. Hulse.*

Ad dentium dolorem, R Tabaci probè calcinati in crucibulo, inde in cavum dentis, & statim dolor sedatur, ut pluries expertus sum. *Chesneau.*

Olei Tabaci gutta una vel altera linguae vel ori Felis aliùve Animalis instillata ocysimè illud interimit. Franciscus tamen Redi observat non omnia animalia interficere oleum, neq. quæ perimit, eodem omnia temporis spatio: cum magna hoc respectu intercedat differentia inter Tabaci plantas, interq. Animalia in quæ agit. *D. Tancr. Robinson.*

Utuntur Chirurgi ad torporem ubi membra abscindunt. *D. Palmer è dictatis D. Hermann.*

Commendo usum Tabaci in peste; me enim liberabat peste correptum; omnesq. ferè domus, in quibus hæc planta vendebatur & *Noviomagi* & *Londni* liberæ erant à contagio, cum vicinæ infectæ essent. *Diemerbroeckius de peste. Ex Adversariis D. Tancr. Robinson.*

Ad Paralyfin, R Folia Tabaci viridis, infundantur in vino malvatico. Hoc vino fricentur partes resolutæ post sudores. Præstat omnibus externis remediis. *Hartmannus. Communicavit ingeniosissimus vir D. Edv. Hulse.*

Testatur Anton. Recchus fumum Tabaci in uterum inspiratum, in suffocatione ejus, in difficili anhelitu, mulierum angustia, syncope, mira præstare, atque dicto citius. Ex excerptis *D. Hulse.*

Folia Tabaci si manui, chartæ aut linteo affricentur colorem pulchrè viridem præbent. Observante *D. Merret. Notis in Anton. Neri p. 265.*

Exemplum violentæ vomitionis semper immediatè sequentis insperfectionem pulveris Tabaci super feriatum contusum & laceratum habetur *Ephem. Germ. An. 12. Obs. 108. ut me monuit D. Tancr. Robinson.*

Nobilem virum adeò pinguem vidi, ut equo insistere nequiret quin statim sopiretur, nec loco ferè moveri posset: ille tamen nunc huc, nunc illuc vadit, mole illa deperdita, & pristinum habitum recuperavit, quod sola masticatione foliorum Tabaci peractum fuit, ut ipse mihi asseveravit: pituitosis enim & frigidis corporibus utile est. *Petrus Borellius Cent. 11. Obs. 11.*

At masticatio Tabaci non semper & in omnibus eundem effectum habet, ut ipse experientia edocui in antico quodam nostro, qui ob id nihilo macilentior effectus est: affirmavit tamen ejus usum dentes antea vacillantes firmasse.

Novi tres juvenes robustissimos à dysenteria liberatos propinando decoctum Tabaci, quod maxime suâ violentiâ totam mali causam evacuavit, & reliquit anodynam & narcoticam qualitatem. *Diemerbroeck Observ. Medic. Obs. 19. Quamvis hoc iis bene cessent, nimis tamen temerarium foret, me judice, illud in exemplum trahere, & Nicotianæ decoctum dysentericis promiscuè propinare, præter enim violentè tam per vomitum quam per secesum.*

Willisius noster Tabaci usum in castris commendat, posse enim commeatûs inopiam, quæ inibi frequens esse solet, supplere, & milites laborum & periculorum minus sentientes efficere. Morbis insuper castricis, colicæ, diarrhœæ, ulceribus, capitis & artuum doloribus, apprimè conducit, tam præservando, quam sanando.

Lixivium Tabaci frequenter adhibetur in psora & lepra pecudum ac jumentorum. *D. Tancr. Robinson, qui & præcedentem observationem misit.*

Documenta & incommoda quæ usum Tabaci sequi solent videri possunt in *Sereniss. Regis Jacobi tractatu de Tabaco, & Simonis Pauli de abusu Tabaci.*

4. *Priapeia*, quibusdam *Nicotiana minor* J. B. *Nicotiana minor* & *Eysf.* C. B. *Hyoscyamus luteus* Ger. *Tabacco Anglicum Park. English Tobacco, by some yellow Pindane.*

*Radix* nunc simplex, digiti minimi crassitie, nunc multiplex plurimas fibras tenellas albentes undique spargit, nec altè in terram descendit. *Caulis* simplex, rotundus, hirsutus, cubitalis & sequi-cubitalis, solidus, ramosus, digitum crassus in solo latiore, & ad tactum glutinosus. *Folia* in caule non admodum crebra, situ alterno, pediculis brevioribus donata, pingua, atrovirentia, ad margines equalia, mucronibus obtusis, nec figurâ multum dissimilia foliis Solani lethalis, verum minora. *Flores* in summis caulibus & ramulis plures simul brevibus insident pediculis, herbacei seu ex luteo viridantes, oris extrorsum reflexis, & in quinque lacinias obtusas obiter divisas, calathi effigie, quinque intus *stamina* cum apicibus cineraceis & stylo concolore occultant. Insidet autem flos calthi hirsuto, viscido, quinquepartito. Succedunt floribus *vascula* subrotunda, umbilicata, glandem virgæ virilis detectam representantia, in binas partes per maturitatem dehiscencia, seminibus innumeris pusillis, sordidè flaventibus referta; gustu acri (ut vult J. Bauhinus.) Planta est annua, ex semine deciduo se renovans. Americæ originem debet.

## CAP. III.

## De Gentiana.

**G**entium Illyricorum regem omnes hujus herbæ inventorem faciunt, eique nomen suum imposuisse aiunt. Gentianæ notæ genericæ sunt folia nervosa, in caulibus ex adverso bina, flores calathoides, margine in lacinias aliquot totidem folia imitantes plerunque diviso, sapor amarus.

## §. Gentianæ majores.

1. *Gentiana major* Ger. *major lutea* C. B. Park. *vulgaris major Ellebori albi folio* J. B. The most common great Gentian, or Fellswozt.

## J. B.

*Folia* Hellebori albi foliis paria, circa radicem multa, per caules ex adverso sita, eosdem pediculis connatis amplectentia, nervis tribus aut quinque Plantagineis distincta, glabra, polita, lucida, hisque notis ab Hellebori albi foliis distincta. *Caulis* cubitales, bicubitales, ac etiam interdum hominis albedinem assequentes, singulares, læves. E foliorum superiorum minorum sinu flores verticillorum modo dispositi erumpunt, calycibus inclusi primùm, postea intumescences, explicantur, qui singuli longiusculi & lutei: sequuntur vascula oblonga, in duas se partes aperientia, in quibus semen numerosum, leviter rubens, ad Leucoii semen accedens, lævius. *Radix* crassa, longa, multifida, intus flavescens, sapore insigniter amaro: quæ cum sit fungosa, ficcata insigniter corrugatur, ac externè rufescit.

Locum.

In montium pratis & pascuis variis in locis observavi (inquit J. Bauhinus) florentem Junio, & semen maturantem Augusto. Nos in montibus circa Genevam copiosam vidimus, nec minus in Alpium pascuis montosis.

Vires.

*Radix* hujus plantæ (quæ præcipuè in usu est) alexipharmaca censetur. Usus præcip. in peste aliisque venenatis affectibus; in obstructione epatis & lienis, &c. & hinc in hydrope, tum in suffocatione uteri, in imbecillitate ventriculi, lumbricis, febribus intermittentibus, morfu canis rabidi, &c. Extrinsecus adhibetur creberrimè in vulneribus ac foniculis mundificandis, in morfu canis rabidi arcendo (cum Theriaco imposita) Schrod. Chirurgi ex ea efficiunt turundas ad ulcera & vulnera dilatanda. D. Palmer.

Ad canis rabidi morsum & ad ventriculi imbecillitatem exhibetur radices pulvis è vino potandus. Ad febres pellendas aqua destillata, vel succus inspissatus magnitudine Castanæ aut nucis juglandis, [dimidium ejus uno die, alterum postridie] deglutiendus. Schroderus succum hunc creberrimè esse usis scribit in febribus intermittentibus, in quibus ante paroxysmum à 3ß. ad 3j. aut 3iv. exhibetur felici cum successu.

Gentiana & solitaria & (vetus experimentum tentantibus) tantillo nucis vomicæ sociata nobis quoque olim in gregariis haud parùm certa, æquivalens aut constantius quid quàm nunc canior illa China Chinæ seu pulvis patrum præstitit. Dan. Ludovicus de Pharmac. moderno seculo applicanda, p. 257. Communicavit D. Taured. Robinson. Dolæus Lib. 3. Cap. 12. S. 12. Inter febrifuga Chinæ de China à plerisque æquiparari Gentianam scribit, quæ itidem cum vino exhiberi potest, vel in forma extracti in pilulis, vel in decocto.

Putredinis Gentiana hostis infestissima & veneni mors (inquit Lobel.) Pesti adeò præfens remedium, ut non modò homini sed etiam brutis, incolumitatem tueatur, & amissam restaurat, eoque solita Helvetia istam cum Flammula porcis propinare ne anima in vivo cadavere puteret.

Simlerus in descriptione Alpium refert pastores uti Gentianis ad ubera vaccarum, si à muribus Araneis aut aliis bestiis venenatis lædantur.

Puer quidam integro anno cæcus Rad. Gentianæ incisæ & in vino ad dimidiæ partis consumptionem coctæ decocto oculis siphunculo injecto manè, per tres vel quatuor dies, convaluit. Oculos autem vellicabat & dolorem excitabat. Ex \* Observ. Reufneri à Velschio editis excerptis D. Soame.

2. *Gentiana magna flore purpureo & albo* J. B. *major purpurea* C. B. *major flore purpureo, & major flore albo* Park. *major purpurea* 1. *Clusii* Ger. emac. *Great purple Gentian.*

## Clus.

A vulgari majore luteo flore nihil formâ differt; etenim ampla habet folia, Ellebori albi foliis haud multum absimilia, sed teneriora & saturatiore viriditate splendentia: caules digitali aut pollicari interdum crassitudine præditos, rotundos, cubitales, nonnunquam bicubitales, geniculatos, quos ambiunt similia folia, aliquantulum tamen angustiora, ex adverso sibi opposita. Extremos caules ambiunt binæ aut ternæ confertorum florum coronæ, qui non sunt lutei aut stellati, ut in vulgari majore, sed purpurei, majores, concavi, in senas aut plures lacinias obtusas extremis oris secti, & purpureis quibusdam punctis, inferiore & interiore parte, quæ candidiores & dilutiores sunt, distincti, odoris expertes, totidem quot sunt lacinie staminibus longum & bifidum vasculum internè ambientibus, in quo continetur copiosum semen, planum, paleaceum, minus quàm in illa flava majore stellato flore, subrufum. *Radix* crassa longa, foris plerunque flava, intus alba, impensè amara, digitalibus fibris subinde prædita est, singulis annis nova germina (quemadmodum major flava) præferens, & multos



multos caules ex eodem capite producents, præsertim cum adolevit, sed qui alternis duntaxat annis floriferi esse solent, interque *septe nimichin uno anno à partu matre.*

In Stiria superioris Alpibus invenitur hoc genus flore albo *Clus.*

*Gent. purp.* in Pannonicarum Noricarumque Alpium jugis sponte & quidem copiose exiit

Verum neque hoc neque illud genus cicurare unquam potuit *Clusius*, aut ullâ diligentia efficere ut in hortis permanere vellent, nedum flores proferre. Quin cultura beneficio deterior evadit.

Floret Augusto, semen Septembri maturefcit, nova nive cadere incipiente.

Locus.

Tempus.

*Gentiana major* pallido flore, punctis distincto *Clus. major flore punctato C. B. major flore pallido punctato Park.*

Superioris magnitudine & formâ planè similis est: flores tamen paulò minores visi sunt, obsoletè lani, planis, maculis nigris intus & foris aspersi.

In Silesia montibus eruit *Achilles Cronerus*, medicus Nissenfis, & ad Clusium misit. Huic rela- *Locus.*  
tum ab illo qui cum deducebat, in alio quodam præalto monte, aliam formâ non dispari reperiri quæ cœruleo flore esset. Hæc omnia *Clusius*. Verum hujusmodi ducum fides plerunque vacillat.

*Gentiana Asclepiadis folio C. B. Park. folio Asclepiadis vulgo creditur J. B. major 2. cœruleo flore Clus. Ger. Gentian. with Swallowwort leaves.*

Caules plures ab eadem radice ad cubitum altos tollit, graciles, articulatos, duos firmosque, quoniam singulis juncturis (quæ crebræ sunt) bina ex adverso posita folia adnascuntur, *Asclepiadis* foliis forma & magnitudine respondentia, mollia, quinque nervis secundum longitudinem excurrentibus insignita, mucronata, dilutis virentis coloris. A medio caule ad fastigium usque ex alarum sinu singulares ex adverso sui exiliunt flores [interdum bini aut plures] oblongi, concavi, calachi formæ, quinque laciniis per extremum divisi, colore nunc purpureo & saturatiore cœruleo, modò dilu-  
doce & velut cineraceo, quinque pallidis staminibus umbilicum occupantibus. Vasculum sequitur bicornis, quo per maturitatem hiantem semen conspicitur planum, paleaceum, cineracei coloris, superiore minus. Radix lutea, digitalis crassitudinis, multas oblongas fibras ejusdem coloris in latum largit, singulis annis augescens & nova germina proferens, valde amari gustus. Fertilior hæc est superiore, nec ut illa interquiescit, sed singulis annis, vetustior videlicet, multos caules floribus o-  
mnes producit.

Copiose in Stiria, Pannonia & Austria inferiore provenit, ad montium radices, umbrosis collibus, *Locus.*  
æquam verò in summis & apertis jugis. Nos eam in montosis humidioribus propè Lindaviam & humi Acronium, & ad latera montium in Stiria, propè *Shadwin* & alibi copiosissimam observa-  
vimus, ad sepes plerunque & in umbris.

Pertinax quidem hæc est & ferè miora loca respuit (inquit *Clusius*) interdum tamen curâ & diligentia effecimus ut in hortis comprehenderet, & singulis annis repullularet, & flores ferret: at-  
tamen quasi nativo aere & pabulo privata, atque tanquam compedibus vineta lugerè videbatur, ac  
pistini vigoris & elegantia plurimum amittere.

Slavonici rustici hujus radice decoctum feliciter calculosis propinari experimento se compertum *Vires.*  
habere affirmant. Aretius & *Jos. Simlerus* tradunt eâ pastores uti ad ubera vaccarum, si a muribus  
araneis aut aliis venenatis bestiis lendantur, curanda.

5. *Gentiana cruciata C. B. Park. minor cruciata Ger. minor seu vulgi Cruciata J. B. Cross-wort Gentian.*

*J. B.*  
Reptant cum radice ramis palmares, sesquipalmares & dodrantes, subrubentes, teretes: quos cre-  
bra ambiunt folia, bina semper adversa, vel potius unum continuum ad genicula, tanquam vaginâ  
caulem involvens, cujus utrinque exit segmentum *Gentianæ*, quadruplo minus, Saponariae folio  
simile, tribus secundum longitudinem nervis insigne, læve, pingue, amarum. Flores in ramulis  
extremis è foliorum alis conferti, cœrulei, quinquepartiti, è calicibus vix eminentes. Semen copio-  
sum, minutum, oblongum, fulvum, insipidum, vasculis continetur oblongis, bipatentibus, folliculo  
membranaceo obvolutis.

Duas hujus differentias observasse videor (inquit *Clusius*) unam ramis humi procumbentibus & *Varietas.*  
minorem, alteram firmis & erectis caulibus, eamque majorem: flores item alterius magis cœrulei  
spectantur, atque illarum altera radicem in foramina sectam minimè habet.

Nascuntur verò eæ per universam Pannoniam, tum in collibus montibusque apertis & gramineis, *Locus.*  
tum siccioribus pratis & herbosis secundum vias publicas locis. Nos cum *Dod.* & *Trag.* in pascuis  
montosis inque collibus & incultis agris & secus itinera in Germania passim provenientem observa-  
vimus.

Hujus radices recentioribus magnis laudibus efferuntur contra pestilentiam, & venenosorum ani-  
malium ictus. *Matthiolus* radicem tusam & ventri emplastri modo impositam ad vermes intestino-  
rum, remedium expertum affirmat, necnon ad strumas ulceratas sanandas eodem modo tusam quæ  
super effusa sit, vel siccam in pulverem contritam valere.

Cum autem amara sit & foliis & radice verisimile est eadem præstare quæ reliqua amara.

§. 2. *Gentianæ minores seu Gentianella.*

1. *Gentianella verna major* Ger. emac. *Alpina verna major* Park. *Alp. magno flore* J. B. *Alp. angustifolia magno flore* C. B.

*J. B. Clus.*

Graciles habet *radices*, longiusculas, plures coherentes, flavescentes, propagines è lateribus producentes: *Folia* humi fusa in orbem crebra [sena aut octona *Clus.*] bina semper ex adverso se spectantia, duplotriplève Hippii majora, uncis duabus interdum longiora, semunciam aut unciam ferè lata, in acumen desinentia, crassiuscula, unico nonnunquam, aliàs tribus per longitudinem nervis donata, lævia, Myrti latissimæ foliis ferè æqualia, impensè amara. Ex horum medio *cauliculus* exilit uncialis, quaternis plerumque foliolis multò minoribus, bipis tamen alternatim semper contrario situ nascentibus oblitus, unde calyculus emergit unicum *florem* continens, magnum præ stirpis proportionem, calathi aut Campanulæ modo concavum, longum duas trèsvè uncias, in quinque angulos desinentem [J. Bauhino in quinque lacinias divisum] mucronatos, cum duabus utrinque ubi lacinia findi incipiunt appendiculis, elegantissimo & maxime vivido cœruleæ purpuræ colore, pallido pistillo intus prominente, qui quinque quodammodo costis ex infima ipsius floris interiore sede prodeuntibus fulcitur. *Florem* subsequitur longum & mucronatum *vasculum*, quod sese in duas æquales partes aperiens *semen* ostendit exiguum, striatum terrei coloris.

*Locus & Tempus.*

Crescit in Sneberg & Etlicher abundantissimè aliisque Alpibus continua serie productis, perpetuè quasi nive oblitis, ubi Junio & Julio, hoc est primo istic vere floret: Sub Julii verò finem & Augusto semen maturitatem adipiscitur: at in mitioribus locis in quibus rarius invenitur, atque in hortos translata, Aprili & Maio. *Clus.* Nos speciem hanc in altissimo vertice montis Jura *Thuri* dicto invenimus. Quamvis autem nonnisi in editissimis summorum montium jugis sponte proveniat, culturam tamen patitur, & hortis nostris haud difficulter assuescit; ob floris pulchritudinem ab hortulanis & florum amatoribus summopere expetita & studiosissimè culta. Amarissimus est totius plantæ sapor (inquit J. B.) ideòque jecinoris vitii nempe regio morbo & obstructionibus auxiliatur.

- \* 2. *Gentianella Alpina latifolia magno flore* C. B. prod. major, sive *Gentianella Alpina latifolia magno flore* C. B. Park.

*C. B. prod.*

Ad *radicem* nigricantem fibrosam *folia* humi sparsa quaterna quinave, subrotunda, crassa, Plantaginis vel Calthæ Alpinae formâ, unciam lata, duas longa: inter quæ *cauliculus* uncias quatuor altus, uno alteròve folio donatus, cui utriculus infidet, unicum *florem* oblongum, cœruleum calathò similem sustinens, cujus calyci utrinque folium oblongum adponitur.

*Locus.*

Ex Helvetiæ Alpibus habuit C. Bauhinus.

3. *Gentianella minor verna* Park. *Alpina verna* Ger. *Alpina verna major* C. B. *Gentianella quæ Hippion* J. B.

*J. B.*

Singulari assurgit *cauliculo* gracili, aut subpurpurascente aut viridi, in quo sena aut plura pauciorave *folia* trinervia, bina semper inter se ex adverso respondentia. Caliculum summo fastigio fert, è quo *flos* longus inodorus exilit, extrema parte in quina velut foliola divisus, cœrulei coloris adeò elegantis & vividi, ut ipsum cœlum quod imitatur provocare videatur: singulæ floris plicæ aut foliola ad latus lineam candicantem habent, & alia quina tanquam mucronata foliola aut appendices lacinias floris ab invicem sejungentes: palleſcentia staminula medium *florem* occupant. Floribus succedit longiusculum *vasculum* mucronatum exile, durum rotundum *semen* continens. Ex eadem radice, quæ flavescent & fibrosa est, & quodammodo summa tellure spargitur, plures aliæ plantulæ assurgunt, quarum nonnullæ in cauliculum attolluntur & similem stolculum proferunt, alia duntaxat producunt *folia* humi strata & veluti in orbem disposita, interdum Lenticulæ non majora, interdum semuncialia aut longiora, nervosa.

*Locus.*

In montibus circa Genevæ copiosè provenientem observavimus: Clusius in celsissimis Sneberg, Snealben, Etlicher & Durrenstein jugis herbido solo, ubi sub finem Junii floret, at in mitioribus vicinis collibus & ficcioribus pratis Maio, semenque sub extremum Junium profert. Minus hæc hortum ferre potest quàm superior & omnem culturam respuere videtur. *Clus.*

4. *Gentianella purpurea minima* Col. Gent. *Alpina verna minor* C. B. The least purple vernal Gentian. *Gentianella æstiva minima Neapolitana* Park.

*Col.*

Eodem tempore iisdemque locis quibus proximè sequens invenitur & floret hæc etiam (inquit Fabius Columna, descriptionis autor) quæ minor altitudine, sed fruticosior ab imo ad summum. *Radice* nititur longiore, fibrosa, tantundem ferè intra terram ramosa & se extendente, ac superne assurgit & se expandit. *Foliis* eodem modo in terram stratis, bipis utrinque, dense in imo caulis herentibus cruciatim, oblongioribus admodum proximè describendâ, angustioribus tamen: *caule* breviori, ab imo singulis geniculis ramoso, purpurante, magisque quadrato. In summo *flores* ex calicibus parvis atque profundè admodum in quatuor apices divisus, oblongo tubulo, inani, calathi effigie, multum exerto, atque in quatuor parvas hiantes parùm lacinias se dividentes conspiciuntur colore ex rubro purpurante, quorum medium sive umbilicus villosus est atque candicans, sicut & dilutiore



deliores laciniarum oræ. Utriculum habent medium oblongum, teretem, bifido capite atque semine turgido, si avente, minuto, rotundo nitido, & reliquis omnibus pro proportionem plantæ crassiori, & ab illis diverso, Irionis lævis semini æmulo, Julio mense dissecto per medium vasculo effluente. Radix sapor acris & amarus.

Floræ in quatuor lacinias divisæ cum sequente planta convenit.

5. *Gentianella cœrulea oris pilosis* C. B. *Autumnalis fimbriata floræ* Park. *Gentianula lanugine ad singulorum foliorum floris lacinias donata, floræ quadripartita* J. B. **Autumnal Gentian with a fringed flower.**

Col.

Radice est longa, tenui, repente, perenni, nodosâ & oculos habente, flavâ [J. Bauhino. albida] gustu amaro. Folia angusta sunt admodum & lævia, Lini ferè paria, sed breviora, nec supra radicem densa, imò rara, & ab imo bina ex minimis [J. Bauhino unciâ breviora] semper ad singula genicula majora ad medium usque caulem, deinde paulatim decrefcentia, nervo unico secundum longitudinem decurrente. Caulis sæpe singulares, aliquando plures, dodrantes & minores, quadranguli striis descendentibus ex quolibet foliorum geniculo utrinque, in ramos aliquot divisi. In summo calix extuberat ex rotundo quadratus, purpurascens ex viridi, quatuor apicibus magnis floræ circumdans oblongum, satis exsertum colore cœruleo, calathoidæ, in quatuor duntaxat partes profundas divisum, non mucronatas, sed rotundas modicè & crenatas, quarum latera utrinque barbitis donata cœruleo, nec ullam habent ad imum lacinia intrinsecus lanuginem, fimbriis tamen foliolorum circa centrum ob convolutionem elatis: foliolum enim alterum alteri insidet atque ex illo ortum ducere videtur. Medium occupant apices quatuor, obsoleto minotincti, staminibus albidis insidentes. Vasculum feminale longum, quadrangulum, in duos apices albicantes definens, in quo semen continetur minutissimum nigrum, quod findente se ut in aliis, utriculo decidit.

Hanc speciem in Germania non procul *Weissenburgo* invenimus cum ab Augusta ad Norimbergam *Locus*. iter faceremus: J. Bauhinus plures locos meminit in Germania. F. Columna in *Æquicolorum* montibus, *le Fosse* dicto loco observavit.

Menfe Septembri in Germania floret; in Italia etiam Octobri & ad hyemem usque durat, nec *Tempus*. florida translata perit.

C. Bauhinus ex hac unica specie, ni multum fallimur, duas trêse facit, nimirum Gentianam Alpinam VI. seu Gent. cœruleam oris pilosis; item Gentianam pratensem VII. seu angustifoliam Autumnalem minorem floribus ad latera pilosis: itémque ex sententia *Cherleri* pratensem VI, seu angustifoliam Autumnalem majorem, quamvis sub hoc titulo duas species miscere videtur, ut Synonyma conferenti patebit.

- A. 6. *Gentiana palustris angustifolia* C. B. *Pneumonanthe* Ger. *Gentianella autumnalis Pneumonanthe dicta* Park. *Gentiane species, Calathiana quibusdam radice perpetua, sive palustris* J. B. **Dwarf Gentian or Calathian Diolet.**

7. B.

Udos amat pratorum margines & humentia ericeta, singulari, aliàs multiplici, supra cubitalem altitudinem, recto, tenui, flexibili, geniculato caule assurgens: per quem aequalibus spatiis adversa confcendunt folia, palmari nonnunquam longitudine, culmum lata, superius atrovirentia, infernè dilutiora, trinervia, ut sunt omnium Gentianarum; è quorum sinu à medio ferè caule summo tenus prodeunt ramuli, flores jam singulares jam duos aut plures, elegantes, cœruleos, in quinque lacinias extrema parte divisos, calathi formâ, proferentes. Radices plures longæ, luteæ, amaræ. Clusio radix crassiuscula, circa summum caput in aliquot longas, lentâque & flavescens fibras dividitur.

In agro Lincolnienfi & Eboracensi in ericetis humidioribus copiosè provenit: Invenimus & in transmarinis v. g. in pratis humidis ad radices montium, Lindaviâ non procul, in Germania. Statura & magnitudine pro ratione loci insigniter variat. *Locus*.

- A. 7. *Gentianellæ species quibusdam, An Cordo Pneumonanthe aut Gentiana fugax altera Clusii* J. B. *Gentianella Autumnalis Centaureæ minoris foliis* Park. *Gentiana pratensis floræ lanuginosa* C. B. *Gent. fugax minor* Ger. **Bastard or Dwarf Autumnal Gentian or Felwort.**

Radice nititur simplici, lignosâ, subluteâ, rectâ descendente, paucissimis fibris donatâ: Caulis exurgit tunc unicis, interdum plures, altitudine palmari aut semipedali, quadratus, ex viridi saturatè rubens aut purpurascens, fractu contumax & valdè ramosus; foliis cinctus ex adverso binis, nullis pediculis immediatè adnatis, longitudine digitali, è latiore principio paulatim in acutum mucronem facientibus, tribus nervis insignioribus secundum longitudinem decurrentibus, obscurè virentibus & in artum nonnunquam vergentibus. Flores ex alis foliorum exeunt, propè summitatem caulis crebri, purpurascens, è longo & majusculo tubo in quinque semunciales mucronatas lacinias expansi. Segmentorum basi in circulum disposita adherent foliola erecta, in tenuissima filamenta divisa [J. Bauhinus pilos barbula sive purpurascens vocat] quorum coitus tubulo occultata quinque stamina cum stylo viridante continet; sunt autem sapore luculentius amaro quàm folia, non sine acrimonia quadam. Vasculum feminale oblongum, teretiusculum, per maturitatem summa sui parte bifariam diffilit, & semen effundit rotundum, obscuri coloris, pro plantulæ proportionem satis grande copiosum. Sapor totius plantæ amarus & calidus, radicis autem fatuus.

Floræ apud nos sub exitum Augusti, aut aliquanto citius.

*Tempus*.

. Hæc

Hæc est species illa in cretaceis collibus per totam Angliam frequentissima, quam Herbarii nostri in duas distrahunt. Consule *Ger. emac.* Estque Gentiana fugax 2. Clusii, cujus nota characteristica est, quod singula floris lacinia infima internâ parte purpurea lanugine pubescant.

Ab hac non differt specie (ut suspicor) Gentiana fugax quarta *Clus.* quam se in Britannia non procul Dovera, observasse meminit, ubi aliam à descripta diversam Gentianellæ speciem nasci, nulli persuaderi vix patior, inquirant alii.

*Gentianella fugax quarta Clusii, flore dilute purpurascens & cæruleo elegantissimo J. B. Gent. brevifolia J. B. Gent. fugax minor Ger. Gent. autumnalis Centaurea minoris foliis Park.*

Dodrantedem non superat cauliculis & ramulis exilibus, minoribus etiam foliis, Centaurii minoris foliis penè paribus. Flores minores habet, licet formâ superioribus non abfimiles, qui aut dilute purpurascunt, aut cærulei coloris elegantissimi sunt. Cornicula subflavo exili semine plena sunt. Radix licet tenuior à reliquis hujus generis non valdè differt.

Hanc plantam à *Gentiana fugaci* secunda Clusii non differre specie suspicamur, ut superius monuimus: nec enim Clusius ipse ullas differentia notas adducit præter parvitatem omnium partium; quæ plerunque natalibus locis imputanda est.

- \* 8. *Gentianella annua seu fugax prima Clusii flore ex cæruleo purpureo exiguo J. B. Gent. autumnalis ramosa C. B. Gent. æstiva purpureo-cærulea Park.*

*Clus.*

Cubitalem habet caulem firmum, geniculatum per quem ad singulos nodos sparsa sunt bina semper folia, sibi ex adverso opposita, trinervia, lata sede & sine pediculo cauli inharrentia, sensimque in longum mucronem desinentia. Ab imo ferè caule è foliorum alis nascuntur dodrantes & pedales ramuli, tenues, minoribus foliis septi, quinos, septenos, aut plures flores foliis cinctos proferentes, in quinque mucronatas lacinias divisos, exiguos pro plantæ magnitudine, purpurascens ex cæruleo coloris: iis succedunt longa & angusta valcula, tenui semine plena. Radix singularis est, exigua, paucissimis fibris prædita.

*Locus.*

Nascitur in pratis herbidisque locis ad radices montium fitis, Julio & Augusto flores proferens. Hæc omnia Clusius.

- \* 9. *Gentianella fugax tertia Clusii, flore virescente & subcæruleo, brevior & major J. B. Gent. flore brevior & major C. B. æstiva flore brevior Park.*

*Clus.*

Pari ferè (inquit Clusius) cum secunda [i. e. *Gentianella fugaci* nostrate] excrescit altitudine, nec minùs frequentibus ramis est prædita: caulis etiam quadrangulus: terni aut plures in singulis ramulis flores, superiori fimiles, i. e. secundæ, sed breviores ampliorefque, virescentis initio coloris, deinde subcæruleo: quibus longa cornicula seu mucronata membranacea valcula, semine plena, ut in superiore, succedunt: folia in singulis nodis multò latiora, mucronata, trinervia, ex adverso inter se sita, viridis saturi & quodammodo nigricantis coloris. Radix superiori [secundæ] similis.

*Locus & Tempus.*

Obvia est hæc in omnibus pratis in sublimi fitis & montium jugis, florètque seriùs, Augusto videlicet.

- \* 10. *Gentianella fugax quinta Clusii, flore cæruleo colore elegantissimo J. B. Gent. Alpina æstiva Centaurea minoris foliis C. B.*

*Clus.*

Longè exilior [quàm quarta fugax] vix trium unciarum altitudinem æquat, licet multis alis prædita: foliola Centaurii minoris in singulis geniculis, aliarum more habet: flores minori *Gentianellæ* vernæ perfimiles, venustissimo cæruleo colore præditos: cornicula qualia superior, [fugax quarta *Clus.*] admodum exili & nigro semine plena: radicem quàm in superioribus minorem, sed frequentioribus fibris donatam. Impensè amara est.

*Locus & Tempus.*

Floret in Etscheri jugis Augusti initio.

Calathianam vernam Dalechampii C. Bauhinus huic eandem facit, Joannes ejus frater aut Cherlerus, diversam. Differt floris colore è cæruleo purpurascens, albis intus staminibus.

Nos in ampla planitie prope Augustam Vindelicorum quam pertranseunt qui Monachium Bavariz iter faciunt, copiosam invenimus *Gentianellæ* speciem Augusti mensis medio florentem, quam *Gentianellam* Alpinam minimam flore unico cæruleo elegantissimo denominavimus, quæ forte huic eadem fuit: aut potius

- 11. *Gentianella minima Bavarica Cam. minima elegantissima Bavarica Camerarii Park.*

Quæ duum generum est, major & minor. Major ramulos aliquot humi spargit foliis crebris Centaurii minoris similibus oblitos, verum nonnihil acuminatis; in quorum uniuscujusque fastigio flos unicus coloris cærulei amoenissimi, in quinque folia expansus. Aliam hujus speciem exhibet omnium minimam foliolis subrotundis.



12. *Gentianella aspera cordata* Park. *utriculus ventricosus* C.B. *cærulea calice turgido pen agono nobis;*  
*cærulea cordata* Col.

Col.

*Radix* huic pusilla, fibrosa, tenuis, ex albo pallens & lignosa: ex qua *foliola* unguis minimi magnitudine prorumpunt, bina ex adverso opposita, inferiora minora atque subrotunda, effigie *Gentianæ* majoris vel *Arnoglossi*, levia, unico per medium discurrente nervo, ex viridi flavescentia. *Caulem* habet semipedalem ad summum, quadratum, striatum, purpurascentem, foliis binis in singulis geniculis ex adverso oppositis hærentibus; à medio ad summum ferè alis divisum brevibus, in quibus *utriculi* ventrosi, magni admodum respectu plantæ insunt, ex albo viridantes, inanes, limbis quinque cartilagineis latis quinque angulos constituentibus, & in totidem ora acuta desinentibus, in quorum summo primum *flos* emicat parum se exerens, convolutus, colore ex albo purpurascens; deinde subcrescens atque hians, quinquepartitus stellam foliis repræsentat, adeò præstante cæruleo colore atque ameno, ut vix fictitius ex lapide Lazuli, *Ultramarinus* dictus æquè pulcher sit: & inter quinas illas floris lacinias majores alias habet intermediarum parvas, cordis figuram imitantes, quæ aliis desunt quæ lineam veluti nervum albam habent, atque adeò floris centrum albicare cernitur. *Flos* enim non pluribus foliis sed unico tubuli instar cavo quod in extremo in stellam divisum est, constat, quamvis è pluribus componi videatur. In medio *stamina* quinque & fructus caput cernuntur. Seminibus verò *conceptaculum* oblongum, teres, angustum, collo longo in summo capitato; in hoc ab aliis differens, quòd perfectum à summo finditur copiosumque emittit minutum arenæ instar sed oblongius duplo semen, nigrum. Sapor amarus, ingratus ut congenerum.

Copiosè provenit in ampla illa planitie propè Augustam Vindelicorum, quam pertransivimus veniendo à Monachio Bavariz. Floruit sub finem Augusti. Maturius floret, nimirum Junio, in pacis montium *Æquicolum*, ubi eam invenit Columna, propè S. Angeli dirutum antiquum templum supra Villam *Flaminianum* dictum. Locus.

Hæc species ab aliis nobis observatis *Gentianellis* in eo differt, quòd floris tubus non eminet omnino supra calicem, sed foliola tantum, in quæ summa parte dividitur, expanduntur supra eum ut in *Caryophyllis*.

- \* 13. *Gentiana Pennæi cærulea punctata* Park. *punctato flore subcæruleo Pennæi* J. B. *palustris latifolia flore punctato* C. B. *Pennæi minor* Ger.

Clus.

*Caulem* habet geniculatum, cubitalem, supra radicem aliquantulum rubentem: folia *Gentianæ* similia, ex intervallis bina, sed multò minora, venosa, quorum inferiora majora sunt, & longiora, pediculos rubentes habentia, superiora verò cauli sine pediculis adhærent, eumque ferè amplectuntur. A medio penè caule è foliorum cavis oriuntur flores pentaphylli, striati, utrinque tres, rariùs bini nisi circa summum caulem, foliis quinque subcæruleis constantes, nigricantibusque punctis elegantissimè notati, [unde nomen] quinque *staminibus*, quorum apices lutei, prædicti. Floribus succedunt *vascula* cum *seminibus* *Gentianæ* similia, minora. *Radix* parva, multis fibris prædita, ex fusco lutea.

Provenit copiosè in Bokemuto Suitsensium monte: floret Augusto. Locus.

- \* 14. *Gentianella Indica Bontii.*

Bont.

Quoniam (inquit) herba hæc tum formâ, tum floribus cyaneis *Gentianellæ* patriæ optimè respondet, merito mihi *Gentianellæ* nomen illi indidisse videor; gustu tamen non amaricat, namque Gu-  
 faratis & Indis inter olera ac *Scir* suum reponitur: tum alvum modicè ciet, urinas movet, obstructi-  
 onibus denique viscerum tollendis inservit, ut merito inter medicamenta alimentosa reponenda sit. Vires.  
 Folia in usu sunt adversus tibiariam & pedum ulcera hic admodum familiaria, propter exsiccan-  
 tem & abstergentem ejus vim. Aquam quoque ex illius foliis elicimus, quæ conducit colicis doloribus,  
 diuturnis diarrhoeis, cæterisque ventriculi & intestini affectibus à frigore ortis.

Hanc plantam veram & genuinam *Gentianella* speciem non esse suspicor. Hic maneat donec certius con-  
 sideris ubi disponi debeat.

- \* 15. *Bandura Cingalensium Gentianæ Indicæ species* P. Amman. *Planta mirabilis destillatoria*  
*Grimmii.*

Amman.

Capulis & seminibus *Gentianæ* est conformibus: Conspicius est in ea præter capulas seminales folliculus foliaceus folio appensus, ad medietatem aquâ potabili dulci plenus, penem exprimens, qui aliquando longitudinem pedis & crassitiem brachii longè excedit.

Hujus iconem *Ephem. German.* An. II. Obs. 146. exhibuit *Grimmius*, & præterea de ea addit, *Radix* ex terra humorem attrahit, qui beneficio radiorum Solis in plantam ipsam ascendens, per  
 caules & nervos foliorum defluit, & in hoc naturali vase recipienti tandem reservatur, donec ad ne-  
 cessarium hominis usum adhibeatur. Receptacula hujus humoris quandiu nondum ad extremam  
 proveniunt maturitatem superius operculo eleganti clausa sunt, quod interdum digitis pressum diffi-  
 le, hancque dulcem limpidam, amabilem, confortantem & frigidam aquam suppeditat, ita ut in-  
 terdum sex vel octo receptacula plus minus tantum aquæ contineant, quantum unius hominis sitim,  
 cum maxima delectatione, bene restringere possit. Interdum receptacula ferè plena sunt, interdum  
 semiplena

semiplena & nonnunquam vel minus inest, nec etiam omnes eandem habent capacitatem, quod proficiscitur à constitutione aëris, prout ille diu ficcus, calidus vel humidus extiterit.

Vires.

In medicina suas etiam habet virtutes. *Radix* adstringentis est facultatis. Herba frigefacit & humectat, & potest succus cum proprio destillato liquore expressus internè usurpari ad febres ardentes, & externè ad inflammationes, Erysipelata & similia.

Locus.

Crescit non longe à *Columbo* in humidis & umbrosis Sylvis.

#### C A P. IV.

##### De Convolvulo.

**C**onvolvuli notæ sunt viticulæ seu cauliculi perticis aut plantis vicinis se circumvolvendo scandentes, quamvis hæc nota non perpetua est in omnibus speciebus, nam *Dorycnium Creticum* *Alpini* aliis notis essentialibus & genericis cum *Convolvulis* convenit, & tamen erectum est. Vasculum feminale in terna loculamenta, quorum unumquodque semina bina majuscula, angulosa continet, divisum; Flos campanulatus margine integro; succus in plerisque speciebus lacteus.

1. *Scammonia Syriaca* C.B. *Syriaca legitima* Park. *Syriaca, flore majore Convolvuli* J. B. *Scammonium Syriacum* Ger. *Scammonij*.

J. B.

E *radice* longa, crassa, [brachiali crassitudine, foris obscurè cinereâ, intus albâ, fibrosâ] lacteo succo prægnante, multas aliquot cubitorum viticulas profert, proximis radicis sese convolventes scandentisque: *folia* triangula, ceu hastilis barbatus mucro, *Smilacis lævis æmula*, sed minora, glabra, tenuia, pulchrè viridia, pediculis brevibus infidentia. Ex alis foliorum propè summos caules exeunt flores pulchri, calathoides, purpurascens, *Helxines Cissampeli* floribus proximi; quibus succedunt capsulæ feminales rotundæ seu globosæ, seminibus intus nigris angulosis.

\* Annot. in  
Theophr. hist.  
lib. 9. cap. 10.

*Radicis fissæ* torulus five cor medium exemptum (inquit \* Jo. Bodæus à Stapel) planè idem est radici communis & probatoris *Turbith* *Officinarum*: verum aliquanto facilius frangitur hæc, tametsi perinde gummosa succoque lacteo prægnat atque *Turbith*.

Locus.

In calidis pingui exit solo, velut in *Asia Myfia*, *Syria* aliisque similibus. Reperitur & in *Creta* insula, *Bellonio* teste.

- \* 2. *Scammonia macrorrhizos* Alpini. exot. *macrorrhizos Cretica* Park.

Alp.

In omnibus cum *Scammonio Syriaco* convenit, hoc excepto quòd non habet radicem crassam, sed longam, solummodòque ut pollex crassam: lacteo verò succo purgatrice non minùs quàm *Scammonium* madet.

Locus.

Ex insula *Creta* accepit *Alpinus*.

3. *Convolvulus Scammonia foliis* [ & flore ] æmulus *Morif.* An *Scammonia rotundifolia* *Virginiana* Park?

Morif.

*Radice* est crassa, in terram se demittente, atque longè latèque rependo sese propagante aliis radiculis, ex quibus pullulant novæ plantæ. *Folia* gerit *Scammonia*, triangularia, multò latiora ad basin quàm sunt *Scammonia* folia, minùs tamen acutis angulis. *Flores* habet dilutè pallidos, campanulatos, herbacei omnino coloris, *Scammonia* quodammodo æmulos: capsulas feminales tribus loculamentis, triplici membranarum serie separatas itidem, atque in singulis bina continentes semina angulosa, nigra aut potius fusca. Primo intuitu si juxta *Scammoniam* collocetur, ab ipsa primò foliorum structurâ, deinde *radice* longè latèque sub terra repente dignoscitur, cum *Scammonia* radicem longam, crassam *Napi* aut *Rhaphani* majoris instar obtineat. Lactescit ut aliæ pleraque sui generis.

Vires.

*Scammonium* purgat validè humores biliosos acres, serofos è partibus remotis, adeoque creberrimi usus est non modò per se, sed cum aliis admixtum.

Verum cum magnæ sit acrimonia (inquit *Schroderus*) intensæ caliditatis & siccitatis, insensæ malignitatis, mordacis flatulentia, excessivæ attractionis, ideoque aptum natum quod intestinà erodat, viscera, cor, hepar, &c. conturbet, ventriculum flatibus mordacibus lacestat, vi suâ calefactoria ac exsiccatoria inflammet, & consequenter febres inducat; vi attractoria hypercartharès causet, correctione opus habet.

Quinque vitia habere aiunt, quibus nisi occurras luet æger tuus.

1. Est, quòd flatus quosdam mordaces gignat, usque adeò ventriculum laceffentes, ut sumentibus nauscam commoveant. Noxa hæc tollitur, si in excavato cydonio malo clibano aut prunis inassetur, pastâ undique circumlitâ, præsertim additis aut *Dauci*, aut *Foeniculi*, aut *Apii* semine, aut *Galangæ*.

2. Quòd inflammet acridinis exsuperantiâ corporis spiritus, quo fit ut faciliè febres excitet, iis præcipue qui obstructionibus viscerum & humoribus putrescentibus obnoxii sunt. Sed id nocumen-



ti aufertur admistis inter coquendum quæ refrigerant & fervorem extinguunt, cujusmodi sunt mucilago Psyllii, decoctum & pulpa Prunorum, succus aut aquæ rosar. violar. &c.

3. Quod eadem acredine sua recludat ora venarum, ut sequantur evacuationes nimie hypercharles dictæ. Hæc noxa tollitur adstringentibus, Mastiche, Myrob. Pomo Cyd. præcipue Aloe, quæ inter purgantia ventriculo valde grata est.

4. Est, quod acrimoniâ abradat intestina, & exulceret reliqua viscera, quod ex crebris puncti-  
onibus innotescit. Hic damus partim ea quæ lubricant & lentore suo obstant, ut secundo loco dictum est, partim adstringentia, tum viz. cum jam incipit agere.

5. Est, quod malignitate quadam indicibili principibus partibus bellum indicit. Hinc addimus cordialia, hepatica, stomach. &c.

Scammonium sive succus Scammoneæ densatus per coctionem aut etiam per macerationem paratus Diagridium appellatur. Confectio autem ejus per coctionem hæc est,

Accipitur Cotoneum, extrahiturque durior ejus illa pars media quæ semina continet (recisâ tamen superiori prius laminâ) cujus loco in excavatam partem Scammonium inditur; mox laminâ quæ prius fuerat recisâ, pro cooperculo additâ cooperitur, triticeâque pasta circumquaque malo cotoneo obducitur ac ita coquitur in clibano. Pomo refrigerato Scammonium eximitur & usui referatur.

Per macerationem paratur accipiendo Scammonii partes duas, succi Cydoniorum partem unam, & miscendo probe, deinde ponendo in locum calidum & quotidie movendo, donec mediocriter induretur ejus massa; è quâ fiunt pastilli qui quantum satis est exsiccentur.

Vera autem (inquit le Brun) Scammoneæ præparatio fit cum succo Limonum depurato, in quo dissolvitur in B. M. & fervens adhuc per linteum transmittitur, quo pacto crassa & impura ejus substantia, quæ nonnisi noxam parit, secernitur.

Quod ad electionem Scammonii attinet, optimum est quod ex Antiochia advehitur, nitidum, splendendum, (instar glutinis Taurini) citò liquefcens, friabile, colore cum frangitur fulvo, non valde ponderosum, tactu linguæ lactescens, nec vehementer calefaciens (nempe hoc Tithymali admixti argumentum est.)

At vulgare nostrum squalidum est & cinericeo colore & aspectu tristiore, quia non est liquor manans aut lachryma Scammoneæ, sed succus vi expressus, non ex radice tantum sed ex tota planta.

Dosis Scammonii præparati à gr. vi. ad gr. xij. aut ðj. Dioscorides & Ruffus usque ad 3j. exhibent. Paulus & Aetius usque ad ʒij. Quicquid sit Græcorum Scammonium fortè mitius erat, nec ut hoc tempore succo Tithymali adulteratum: standum itaque potius in dosi Mesue.

Scribit J. Bodæus à Stapel se sæpissime gr. xx. etiam xxv. cum violaceo syrupo, non sine felicissimo successu exhibuisse; pueris viij. x, xij. annorum grana x. xij. xv. non minori cum successu: quinquentibus gr. vi. septemve.

Consulo (inquit Fallopius) ut semper exhibeatis paucam quantitatem, quæ quantitas sit potius pro calcari: vocatur autem calcar pauca Scammonii quantitas addita medicamentis purgantibus pro rusticis, vel pro aliis robustioribus & cervicosis hominibus, aut etiam Monachis.

Denique cum nulla providentia sit satis, moneo denuo (verba sunt Casp. Hofmanni in fine capituli de Scammonio) 1. Ne Scammoneata dentur illis, quibus ventriculus (comprehendo intestina) est debilis, quales ferè sunt hypochondriaci. 2. Ne calidioribus & qui ad febres proni sunt. Valde enim turbant corpora. 3. Ne in specie iis qui faciles sunt ad lipothymias. 4. Ne substantia detur in jusculis.

Verum quicquid hi contra Scammonium & Scammoneata declamant, si modò Scammonium rectè præparetur, & debita dosi exhibeatur, non est aliud præstantius remedium quod certius & etiam tutius operetur, præsertim aliis medicamentis admixtum. Neque qui hujus usum reprobant, ullum aliud medicamentum invenire possunt, quod ejus loco substituant in tantilla quantitate adeò utile & proficuum, tantæ efficacæ & tantarum virium. Audiri præcticos nonnullos asserentes, se plus huic medicamento fidere quàm aliis cuicunque cathartico; nec securos esse posse de operatione aliorum purgantium, nisi Scammonia tantillum iis admisceatur. Hæc autem ferè nunquam frustratur medicum, unde non immerito aliorum medicamentorum calcar appellatur: Quæ diximus confirmat Clarissimus Vir Franciscus de la Boe \* Sylvius (ut nos monuit D. Seane) Scammonium, inquit, blandè purgat, quicquid ganniant imperiti; testatur ubique Medicorum peritiorum experientia quotidiana. Ego certè post alios multos, aliquot millenis vicibus eo sum usus, sed semper cum successu optimo & operatione blanda.

\*Lib. 1. c. 3. 54.

Ceterum Scammonium quadam latente totius substantiæ proprietate operari creditur: Nam gustu quidem nulla in eo caloris vehementia deprehenditur. Cuicunque siquidem liquori aut rei permisceatur, nullam ei vel amaritudinem, vel acrimoniâ, aut alium ingratum saporem communicat.

Novi civem Ulinensem, qui toties recidivam hæmorrhoidum passus est, quoties medicamentum ore assumpsit quod ingrederetur vel Scammonium, vel folia Senæ. Horum usu interdicto ab acerbo hæmorrhoidum dolore per multos annos immunis saluberrimè vixit. E. Sculteti Armamentar. Chirurg. Obs. 76. D. Tanc. Robinson.

4. *Convolvulus Americanus Mechoacan dictus. Feticus Brasiliensibus seu Radix Mechoacan Marggr. Bryonia Mechoacana alba C. B. Bryonia alba Peruana sive Mechoacan Park. Mechoacan J. B.*

Marggr.

Caulis lamentosus est, longissimè serpens & scandens, multangularis, lentus, rufus, etiam viridis. Folia solitariè posita, quodlibet in suo pediculo digitum longo, figuram habens cordis uti pingitur, duabus ad latera auriculis, tenera ad tactum, unum, duos, tres & quatuor dig. longa, saturatè viridia, inferius nervo & venis transversis conspicua; nullum autem præter herbaceum habent odorem folia trita: Fœulis verò incisus lacteum succum præbet. Florem fert Convolvuli magnitudine

dine & figurâ, unico folio constantem, album cum paucis incarnato dilutum, intus autem purpureum. Semen continet Pisi magnitudine, fusci coloris, verum haud rotundum, sed quasi duae particulae exactae essent ita ut ferè triangularis sit figura. Radix medium aut integrum pedem longitudine aequat, crassities plerumq. eadem, & ut plurimum dupla & bifida est, una parte brevior altera, exterius obscurè cinerea seu fusca, recens refinam quandam fundit & est interius alba.

Hæc est descriptio Marggravii: cui ut oculato testi & veraci fidem potius adhibemus quam aliis sibi minùs comperta ex aliorum relatu scribentibus: unde Mechoacanam veram & genuinam esse Convolvuli speciem minimè dubitamus: non autem Bryonia, ut vult C. Bauhinus: Nam quæ Monardes habet de fructu, Coriandri magnitudine, racematim coherente, ex aliorum relatu scribit, non *avm* edoctus.

Mechoacana sylvestris Monardis à descripta non aliter videtur differre quàm ut planta sylvestris à culta ejusdem speciei.

Missâ sunt Clusio ex Hispaniis duo seminis Mechoacan genera; unum brevi calyculo sive filiquâ, seminèque nigro, quale est Scammonia aut Convolvuli majoris: Alterum oblongiore aliquantum calyculo & semine rufco, quàm superius longiore teneriorèque; utriusque filiqua parte inferiore lanuginosa erat. Posterior species fortè est quam Monardes describit, flore Mali aureæ, quinque petalis constante majoribus, subfusci coloris, è cujus umbilico protuberat calyx sive vesicula quadam Avellanæ magnitudine, membranâ constans tenui, albicante, quæ in duas cellulas tenuissimâ pelliculâ secretas dividitur, & in singulis bina grana, Ciceris exigui magnitudine, colore per maturitatem nigro, gustu insipido, continentur. Hæc etiam Convolvuli species videtur, quamvis (ut suspicor) flos minùs rectè descriptus sit: semen etiam nigrum; quò differt à Clusiana secunda. Prior Clusii species eadem videtur Marggraviana.

Mechoacana à provincia ubi primò reperta est nomen obtinuit: postea tamen in multis aliis Americæ Meridionalis regionibus, ut v. g. *Nicaragua*, *Quito*, *Brasilia*, inventa est.

Plantæ quas describit Fr. Hernandez pro radice Michuacana *Tachacbe* nomine, floribus oblongis, coccineis, fructu Peponis formâ & magnitudine, lanugine obducto candenti, ac semine albo referto, tenui, latòque non sine bombycinis quibusdam filis, argenteis & lentis, ab omnibus à Monardo & Marggravio propositis diversæ videntur; & Apocyno potius affines quàm Convolvulo.

Ex insula Novæ Hispaniæ Mechoacan dicta, unde delata est, nomen obtinuit hæc radix. De ejus facultat. libellum singularem edidit Æg. Everartus Antverpiæ, 1587. ut & Jac. Gorraeus Gallicæ Parisiis. De eadem satis prolixè agit Monardes in *Simp. Ind.*

Pituitosos, aquosos serososque humores ex toto corpore, ac imprimis ex capite nervosq. genere, ac pectore blandè ac sine molestia educit. Addunt aliî purgando etiam partes roborare. Quin & bilem flavâque hydropicorum aquas purgat, ex quo ipso cognoscitur (inquit Casp. Hofman.) quàm non sit mite medicamentum.

Tussi veteri, colico dolori, arthritidi, Lui Venereæ plurimum confert. Quia tamen calida & ficca, monet Schroderus, ne in calidis constitutionibus ejus usus sit continens.

Sumitur in substantia ferè tantum, fumendo pulverem ipsius cum liquore idoneo, præsertim cum vino, quamvis etiam cum jussulo sumatur. In decocto non datur; nam experientiâ compertum est, cõctione vim ipsius perire & exsolvi. Liquor non solus exhibendus est sed pulvis insulus C. Hofm. liquorem etiam solum purgare scribit.

In pulvere servanda non est: ita enim ut in aliis vis ipsius facile exhalat. Pulvis sit crassiusculus.

Dosis à ʒβ ad ʒj aut ʒij. Corrigitur cum Cinnamon. Anisi aut Mastich. tertia parte.

Eligatur recens, intus albicans non tamen candida, cortice cinereo recta non curiosa.

5. *Convolvulus Americanus Jalapium dictus. Mechoacanna nigricans sive Jalapium Park. Bryonia Mechoacanna nigricans C. B. J. B. Jalapium Ger. Jalap.*

C. B. prod.

Radice est Mechoacanna simili, sed cortice nigricante vestita, interius rufescens, quæ tessellatim incisa rotunda, magnitudine & figurâ calculo aleatorio respondens ex India Gelape sive Celape nomine allata fuit. Ab Alexandrinis & Massiliensibus Jalapium vel Gelapo vocitatur, & à Massiliensibus Mechoacanna nigra vel mas existimatur.

Gustu est non ingrato & gummoso, & ob copiosam gummositatem si carbonibus vel igni admoveatur flammam concipit [hoc se nunquam observare potuisse scribit Parkinsonus.]

Vires.

Facultate vulgarem seu albam Mechoacam superat: nam ob gummi copiosum fortius humores serosos purgat, cum imi venteris levi dolore, & præcipuè viscera, hepar & ventriculū roborat. Quare drachmæ unius pondere exhibetur tuò, & sine fastidio opus suum exsequitur. [Cautiores in granis subsistunt; Schroderus non ascendit supra ʒβ.]

Vis purgatrix potissimum in refina Jalapii consistit, ideòque monet Schroderus, si Jalappam adhibere velueris, vel in substantia, vel in extracto aut magisterio uraris. Vino enim si infundatur vires suas pro voto non communicat.

Jalapii plantæ descriptionem apud Botanicos non invenio.

A. 6. Convolvulus Americanus Jalapium dictus. Mechoacanna nigricans sive Jalapium Park. Bryonia Mechoacanna nigricans C. B. J. B. Jalapium Ger. Jalap. C. B. prod. Radice est Mechoacanna simili, sed cortice nigricante vestita, interius rufescens, quæ tessellatim incisa rotunda, magnitudine & figurâ calculo aleatorio respondens ex India Gelape sive Celape nomine allata fuit. Ab Alexandrinis & Massiliensibus Jalapium vel Gelapo vocitatur, & à Massiliensibus Mechoacanna nigra vel mas existimatur. Gustu est non ingrato & gummoso, & ob copiosam gummositatem si carbonibus vel igni admoveatur flammam concipit [hoc se nunquam observare potuisse scribit Parkinsonus.] Facultate vulgarem seu albam Mechoacam superat: nam ob gummi copiosum fortius humores serosos purgat, cum imi venteris levi dolore, & præcipuè viscera, hepar & ventriculū roborat. Quare drachmæ unius pondere exhibetur tuò, & sine fastidio opus suum exsequitur. [Cautiores in granis subsistunt; Schroderus non ascendit supra ʒβ.] Vis purgatrix potissimum in refina Jalapii consistit, ideòque monet Schroderus, si Jalappam adhibere velueris, vel in substantia, vel in extracto aut magisterio uraris. Vino enim si infundatur vires suas pro voto non communicat. Jalapii plantæ descriptionem apud Botanicos non invenio.



- A. 6. *Convolvulus major* J. B. *major albus* C. B. Park. *Smilax laevis sive lenis major* Ger. **Great Bindweed.**

§. B.

*Radices* albis, tenuibus, sub terra reptantibus, & subinde fibras agentibus, sapore acriusculo, latè se propagat. Longissimis & velut contortis tenuibus, striatis *viticulis* subsidio proximi cujusq; sustentaculi in altum nititur; ex quibus longis intervallis, pediculis unciâ longioribus hærentia prodeant *folia*, hederaceis longè majora, acuminata, duas alas hinc & hinc juxta pediculum promittentia, lævia, nitida, viridantia; ex quorum finu profertur pediculus longus, singularis, cui insidet *stis* unicus, magnus, nivei candoris, calathi forma, cujus imum tubulum calix quinque foliolis oblongis compositus amplectitur. Duo insuper foliola oblonga, triangula, carinata, circa margines purpurascencia, florem antequam aperitur ceu folliculus excipiunt & occultant, ut & calicem flore dilapso. Tum *stamina*, tum *stylus*, tum eorundem *apices* albi. *Semina* in capitulo cerasi parvi magnitudine rotundo continentur fuliginosi coloris.

Ad sæpes locis humectis frequens est. Superficies plantæ quotannis emoritur, radice vivaci. Locus.  
Æstate floret. Radix ut & planta ipsa lacteo succo turgent, & gratum suis alimentum præstant §. B. quod miror cum cathartica sit.

*Convolvulus major albus maritimus, crassiori & auriculato folio, Helxine cissampelos* Ad.

An à præcedenti specie differat, an accidentibus quibuscumque duntaxat variat, inquirendum.

Vires huic plantæ ascriptas vide apud Botanicos. Catalogus plantarum Altdorffinus Mauritii Hofmanni *Scammonium Germanicum* ob vim catharticam appellat. Prænotius in lib. de Medic. Vires.  
Pauperum, inter benignè bilem evacuantia enumerat decoctum à M. j. ad M. ij.

- A. 7. *Convolvulus minor vulgaris* Park. *minor arvensis* C. B. *Helxine cissampelos multis sive Convolvulus minor* J. B. *Smilax lenis minor* Ger. **Small Bindweed.**

*Radices* albis, lentis, tenuibus, raras fibras emittentibus longè latèque sub terra reptat. *Cauliculi* plures, tenues infirmi, vicinis plantis se circumvolvendo à sinistra dextram versus in altum enituntur, interdum ramosi, alias cum nihil in propinquo est quod apprehendant in terram provoluti. *Folia* singulatim posita, pediculis longis, triquetra quodammodo, inferiora & majora unciam lata, scunciam longa, angulis ad basin utrinque productis velut auriculata, glabra, per margines æqualia. *Flores* ex alis foliorum exeunt, in pediculis longis tenuibus bini plerumq; campaniformes, albi aut purpurascences & interdum varii; *stilo* intus albo, bifurcato & *apicibus* purpureis: *calix* floris brevis, integer. Flori succedit *vasculum seminale* subrotundum exiguum, quatuor *semina* majuscula, angulosa continens. Tota planta lacteo succo turget.

In arvis & hortis vel cultis, vel neglectis, & ad vias frequens oritur.

Locus.

- A. 8. *Convolvulus arvensis minimus* D. Dent. **The least Bindweed.**

App. ad Cat. Cant.

Folia habet hæc planta angusta, cuspidata Sagittariæ ferè in modum, foliis *Convolvuli minoris* vulgaris multò minora: Flores etiam obtinet minores. Videtur itaque ab illo specie differre, quippe quod cum in eodem solo juxta crescant, supradictas tamen differentias fortiantur.

In arvis inter Harleston & Everden parvam vicos, in Comitatu Cantabrigiensi Angliæ observavit D. Dent. Locus.

- \* 9. *Convolvulus minor Africanus* Park.

Folius ad basin minimè divisus verum integris & floribus purpureis à præcedente differt, cætera ei similis.

10. *Convolvulus Alibææ folio* Park. *argenteus Alibææ folio* C. B. Ger. *emac. peregrinus pulcher folio Betonicæ* J. B.

§. B.

Ex *viticulis* proxima fulcra arripientibus, tenuibus, pilosis, pedalibus aut cubitalibus, longis pediculis hærent *folia*, argentei coloris, splendido tomento villosa, infima quidem & radici (quæ tenuis summo cespite vagatur) proxima *Betonice* purpureæ foliis similia, sed multò minora, crispis serratisque marginibus, reliqua etiam laciniata & profundè incisa, gummosa Clusio, si gustentur, subacra & subamara. *Flores* inter *Helxines Cissampeli* & *Smilacis lævis* flores medii, his minores, illis majores, purpurascences, calathi formæ, ex continuo unico folio conflati, longis pediculis hærentes, quorum basin ambit folliculus ex pluribus foliis compositus. Radix Clusio tenuis, exilis, fusca, per summos cespites repit, & subinde alias plantas producit.

In hac plantâ præcipuè notabile est, quod non lactescat aliorum *Convolvulorum* modo.

\* *Helxine cissampelos* Dioscoridis Zanoni.

Adeò in paucis à descripto differt, ut vix possum mihi persuadere specie distinctam esse. Viticulis tricubitalibus: foliis supernè viridibus, subtus albis, pilis brevibus, rigidulis obsitis, unde & ad tactum aspera sunt: reliquæ notæ conveniunt.

11. *Convolvulus spicifolius* Park. *minimus spicifolius* Ger. *Linariae folio* C. B. *Volulus terrestris* J. B. *Cantabrica* Plinii quorundam Clus.

℞. B.

Ex radice crassa, lignosa & sicca, nigricante [Clusio candicante, singulari, infima parte ramosa] vivaci, multorum capitum, crebros, junceos, tenues cauliculos profert, duos vel tres palmos ut plurimum longos, aliquando etiam cubitales, hirsutos, valentulos; per quos cernuntur nullo ordine folia, angusta, oblonga, pilosa, [Salicis foliis haud absimilia Clus.] gummosa siquis mordeat & nonnihil amara. Extremis ramulorum insident ex calyculis hirsutis flores ex albo purpurascens, Helxines Cissampeli, Calathi figurâ, [unico folio constantes, sed ita implicato ut quinque videantur, florum oris in totidem angulos desinentibus, & dum clauduntur complicatis. Clus.]

Locus.

In Italia, Sicilia & Gallia Narbonensi vulgarissima est.

- A. 12. *Soldanella marina* Ger. *maritima minor* C. B. *vulgaris sive Volubilis marina* Park. *Brassica marina sive Soldanella* J. B. *Sea-Bindweed, Sea-Colewort, Scottish Sea-vp-grass.*

℞. B.

Per terram suas spargit viticulas, à quibus folia prodeunt subrotunda, retusis alis prædita, latiora quam longiora, Chelidontii minoris similia, crassiuscula, liquore lacteo manantia, pediculis longis innixa. Flos magnus, purpureus, quadrantaliter ferè, campanulatus, non absimilis multum floribus herbæ quæ pro Nil Avicennæ exhibetur, aut Smilacis lævis, indivisus. Semen in loculis rotundis non tantum nigrum, sed & album, angulosum; [albo semine quæ Tit nos nondum vidimus.] Gustu est falso, subamaro.

Locus.  
Vires.

In litoribus maris arenosis frequens oritur, tum in Anglia, tum in exteris regionibus.

Herba in totum ventriculo inimica, acris, vehementissimè alvum ciet. Coquitur propter acrimoniam cum pingui carne. Valide aquas ducit, præcipuè prerogativæ in ascite; utilis etiam in Scorbuto; utendi modus varius, siquidem folia ejus ex sale, aceto & saccharo acetarii modo ad quinque aut sex buccellas comesta, mirabiliter aquas per alvum educunt. Eadem in jure carniū cocta adjecto dein saccharo aut melle propinantur; Possunt & ficca in pulverem redacta ad ʒij aut iij ex jure pulli bibi.

Fallopium asparagos hujus in hydropo commendat. Altomarius autem de Ascitis curatione agens, Quidam ait ex rumoribus succum marinæ Brassicæ cum Sapa seu aqua lactis approbant cujus usum non valde admitto. Namque ventriculo mirificè adversatur, & ipse pluries experientiâ vidi noxam potius inferre quàm auxilium aliquod hydropicis præstare, imò quosdam citius perisse observavi.

Corrigitur stomachicis. Zingib. Mac. Cinnam. sem. Anisi, &c. Dos. in substan. à ʒʒ ad ʒi. Schrod.

- \* 13. *Soldanella maritima major* Park. *Soldanella vel Brassica maritima major* C. B. *Convolvulus marinus Soldanellæ affinis* J. B. *The greater Sea-Bindweed.*

℞. B.

Hujus folia inferiora, quæ uncialibus pediculis committuntur, falcata Phyllitidis in morem sunt, adverso fine rotunda, vel lacunâ in medio exsculptâ corculum imitantia, sescunciam circiter longa, unciâ lata, nervis obliquis à medio rectâ in latus expositis: superiora verò folia Hemionitidis alterius peregrinæ Clusii modo, auriculis pulchris geminatis, (in quas nervi excurrunt) pinnata. Flores ex foliorum alis prodeunt magni, ut in Convolvulo majore. Pericarpium & semen ut in Soldanella.

Locus.

In Regno Neapolitano ad mare provenit. Imper.

- \* 14. *Convolvulus marinus seu Soldanella Brasiliensis* Marggr. *Brazilian Sea-Bindweed.*

Marggr.

Ex radice lenta, longa, non crassa sed gracili, paucis fibris prædita, nigricantis exteriùs coloris, intus alba & Lactis glutinosi plena nascuntur aliquot caules, longissimè serpentes supra terram, qui hinc inde radices iterum agunt, teretes, lenti & virides. Adnascuntur illis folia alternatim posita, vel opposita, quodlibet suo pediculo quatuor aut quinque dig. longo insidens, obrotunda figuræ, instar clypei stomachalis, lætè viride & aliquantum crassum, elegantibus venis obliquis transcurrentibus, & nervo in medio. Hinc inde quoque propè pediculum foliorum petioli florum prodeunt, tres, quatuor, quinque, interdum & unicum florem sustinentes, Campanulæ seu Convolvuli majoris figurâ, coloris dilutè purpurei, & in basi nonnihil albicantis: in medio visitur breve stamen ut in Convolvulis solet. In hoc flore interiùs quinquangularis repræsentatur stella, nam totus flos



flos superius quasi in quinque angulos definit. Claudit se flos post meridiem. Tota planta copiose lactescit, lacte glutinoso.

Parum admodum si quid omnino differt à Soldanella vulgari.

15. *Convolvulus Siculus minor flore parvo auriculato* Bocconi. *Small blew-flowered Sicilian Bindweed.*

*Cauliculus* ab eadem *radice* plurimos promit prælongos, tenues, humi stratos, [præter medium firmiorem qui initio erigitur,] nisi in propinquo sint plantæ aut perticæ quas arripiant, tunc enim iis, à dextra sinistram versus se circumvolvendo in sublime scandunt. *Folia* modicis intervallis singularia, longiusculis pediculis insident, figurâ ferè foliorum *Viola*, nisi quòd acutiora sint & minora, circum oras æqualia, supernè lanugine quadam vix conspicuâ pubescentia, infernè canescentia. *Flores* ex alis foliorum exeunt, pediculis uncialibus tenuibus, singulares, campaniformes, pallidè cœrulei, omnium convolvulorum minimi. Ad basin calicis uniuscujusque floris apponuntur duo foliola oblonga, angusta, ceu auriculæ quædam. Flosculis succedunt vascula subrotunda, quadruplici loculamento quatuor singula *semina* continentia, majuscula angulosa, pulla seu ex ruffo nigricantia.

Annua est planta, per totam æstatem in Autumnum usque floret.

Circa Cataniam Siciliæ urbem frequentem observavit & collegit Paulus Boccone, circa Panormum *Locus* etiam sed rariùs.

16. *Convolvulus trifolius sive hederaceus purpur.* Park. *Convolv. cœruleus* Ger. *cœruleus hederaceo anguloso folio* C. B. Nil *Arabum* quibusdam sive *Convolvulus cœruleus* J. B. An *Cocostamali* seu lutea *Tamali Urinaria mirabilis* Hernandez?

J. B.

Tortilibus viticulis, tomentosis, proxima quæque arripiens in altum nititur, texturis topiariis peridoneus, nisi longiorem vitam teneritudo frigoribus malè patiens negâsser. *Folia* palmum circiter lata, paulò longiora, formâ hederacæ, in tres acutas lacinias sinuantur, lanuginosa, colore ex herbido in flavum vergente, priora ad folia Sigilli B. Mariæ accedunt: [folia Lob. ternis angulis singula in teneriusculis pediculis.] *Flores* Smilacis lævis cyaneo colore adblandiuntur. Extra tamen in singulas quinque laciniarum zona excurrit albida, quo etiam colore totum floris infundibulum tam extra, quam intra cingitur, quinque foliis herbæ concoloribus obvallatum, in quo stamina & apices lactei altè reconduntur. *Semen* nigrum, angulosum, *Viciæ* magnitudine. *Radix* subest parva, fibrosa, lignosis nervulis, fractu contumacibus facta, *Cyclamen* *Hederæ*ve annosam imitata, nonnihil hirsuta. Quid sibi velint verba hæc postrema non satis capio, nisi fortè transposita sint.

Flores noctu se aperiunt (unde *Florem noctis* vulgò quidam in Italia nominant) postridie vi Solis pereunt. *Gest.*

*Convolvulus* hic (observante Parkinsono) circumvolutionibus suis motui Solis adversatur, seu contra motum Solis progreditur, quo cum aliis *Convolvulis* vulgaribus convenit. De loco natali nihil certi traditur.

17. *Convolvulus trifolius Virginicus* Park.

*Folius* est præcedenti persimilibus, sed minoribus, segmentis seu angulis lateralibus rotundioribus, eorumque etiam altero paulò longiore & deorsum reflexo. *Floribus* multò minoribus, & pallidè cœruleis cum marcescere incipiunt in purpureum saturatiorem mutantibus: *Seminibus* etiam minoribus.

18. *Convolvulus purpureus folio subrotundo* C. B. *cœruleus major rotundifolius* Park. par. *cœruleus folio rotundo* Ger. emac. *Campanula Indica* J. B.

J. B.

Congener videtur præcedenti, tortilibus flagellis, hirsutis, rubescentibus, circum perticas convolutis in altum nitens. *Folia* hederacea sive *Cyclamini*, acuminata, qualia nempe primùm pullulantia esse solent præcedentis, ad pediculum uncia longiorem, rubentem, hirsutum, falcata, subtus supràque pilosa. *Flores* campanulati seu calathi formæ, calyci insident in quinque acutas lacinias diviso, viloso, nigricanti, tres ferè simul juncti in privatis pediculis unciam longis, è fastigio alterius communis pediculi palmum longi, è foliorum sinu exeuntis, enatis, speciosissimi, purpurei.

*Semen* ex Syria & Orientalibus delatum aiunt. Æstate floret, & Autumno semen perficit, deinde *Locus* radicitus interit. *Tempus.*

Hæc planta Parkinsono in Theat. *Convolvulus azureus* sive cœruleus major dicitur, & *Conv. cœruleus* major fol. rotundo, sive Nil *Avicennæ*. Nonnullis *flos noctis* appellatur, quia flores ejus vesperti plerunque se explicant, totaque nocte aperti manent, donec tandem Solis calore contrahantur & marcescant.

19. *Convolvulus minor cœruleus Hispanicus* Park. parad. *cœruleus minor folio oblongo* Ger. emac. *peregrinus cœruleus folio oblongo* J. B. C. B.

C. B. prod.

*Radice* est singulari, oblonga rufescente, ex qua caules multi, tenues, pedales, interdum capitales, flexiles, ramosi, levissimis pilis pubescentes prodeunt; quos *folia* oblonga, inferiora quidem uncias tres quatuorve, vix unciam lata, inordinatè vestiunt, quæ sensim minora redduntur, & per marginem leviter

leviter hirsuta sunt. Ex omnium ferè foliorum sinu pediculi tenuissimi, oblongi, exurgunt, quibus singulis *flor* cœruleus ad exortum pallidus, Campanulæ formâ, unico folio constans, & ex caliculo prodiens infidet. Floribus succedunt *capitula* membranacea parva, quibus semina parva nigricantia includuntur.

Flores hujus plantæ pulcherrimi sunt, & triplici colorum varietate spectabiles, circa margines cœruleo amœnissimo, media parte subluteo, fundo albo. [Morif. media parte albido seu ochroleuco, deinde ad fundum usque luteo.]

Locus.

Multis Hispaniæ & Lusitaniæ locis sponte oritur. Nos in Sicilia ad Promontorium Pachynum invenimus. In Mauritania circa Tingidem urbem copiosissimum observavit Robertus Spotswood istius urbis pharmacopœus.

\* 20. *Convolvulus minor argenteus repens Rupellensis* Morif.

Morif.

Humilis est hæc Convolvuli species, in terram procumbens, *foliis* longis, angustis, argenteis & omnino incanis: *floribus* campanulatis, rubris aut colossinis. Ex hac nota florum coloris, juncta canitie argentea foliorum angustorum & longorum nullo quasi negotio distinguitur à cæteris Convolvuli minoribus speciebus. Lacte turget ut congeneres pleræque. *Radice* est reptatrice.

Locus.

Ad oram maritimam circa Rupellam provenit: semine rarò ad maturitatem perducit.

\* 21. *Convolvulus peregrinus cœruleus Elatine similis n. d.* Hort. Lugd. Bat.

*Flores* monopet. *Semina* in capsulis angulosis ut in aliis Convolvulis. Ex Italia semina huc transferuntur.

22. *Convolvulus Indicus Batatas dictus. Batatas, Camotes Hispanorum* Clus. C. B. *Battatas Occidentalis Indiae, & Inbame Orientalis Lusitanorum* Park. *Sisifum Peruvianum, seu Batata Hispanorum* Ger. *Spanish Potatoes.*

Tria hujus plantæ genera observavit Clusius, colore externo inter se differentia, etiam gustus suavitatis: nam aut cortex externus rubescebat quodammodo, five purpurascens erat (& hoc genus præstantissimum judicabatur) aut pallescebat, aut albus erat: singula tamen genera albam interius carnem habebant.

Producunt autem illa, (Cucumeris sylvestris modo) farmenta humi diffusa, satis crassa [tenia Margr.] succulenta, lævia, viridia, [in terram subinde radices agentia Margr.] quibus ad unius aut duorum digitorum intervalla, pediculis duos, tres, quatuorve digitos longis adherent *folia* utcumq; carnosa, Ari foliis seu potiùs Spinachiæ haud dissimilia, ex viridi utrinque canescencia. Florem an fructum terat à nemine intelligere potuit Clusius: Margravius temere nimis ferre utrumlibet negat: *Radice* autem fit satio: ea plerumque dodrantalis est, grandidis, librari pondere, inæqualis, cui rare & breves adnatæ sunt veluti fibræ: binæ autem, ternæ vel plures ex eodem capite aliquando dependent radices, filari radicum instar, [Oenantes odore viroso æmulas Morif.] variae figuræ, quædam enim quatuor, quinque, sex, digitos longæ sunt, Rapi instar crassæ, quædam rotundæ. Seritur vel integra si minor sit, vel in taleolas dissecta. Præbent de se succum lacteum incisæ.

Hanc plantam Convolvuli speciem esse verisimillimum puto, non tantum ob farmentorum & foliorum similitudinem & radicem lactescentem, sed & quia Fr. Hernandez cuidam hujus speciei, quam *Cacamotic Tlanquiloni* seu *Batata purgativa* vocat, flores malvaceos, i.e. ut se explicat, Caliculorum formâ vel cymbalorum, ascribit & appingit.

Usus.

Coquuntur, aut sub cineribus affantur, suntque optimi saporis & præferuntur nostris Rapis. Modum condiendi vide apud Clusium.

Batata recens contusa & affusa paucullâ aquâ macerata, seipsum fermentando fit potus quo Brasilienses utuntur.

Sponte nascitur in novo orbe & vicinis insulis, unde in Hispaniam primò, deinde in alias Europæ regiones delata est.

Alterius speciei meminit Margr. *Omenapo Teima* Brasiliensibus dictæ, quæ humi serpit, *caule* farmentoso, viridi: *folia* habens cordis figurâ vel etiam aurita, solitariè posita, viridia, nervo & venis viridibus. *Radix* cruda est alba, sed cocta fit rubra, estque ut plurimum rotunda.

Tertiæ adhuc speciei *Pararo* dictæ præcedenti similis, nisi quòd caule sit purpureo, & nervis atq; venis foliorum purpureis; itidem & radice.

\* 23. *Cacamotic Tlanquiloni seu Batata purgativa* Hernandez.

Hernand.

*Folia* fert Hederæ formâ, sed angulis quibusdam insignia; *caules* exiles, teretes & volubiles; *flor*es malvaceos & purpureos, caliculorum formâ cymbalorumve; *radicem* verò obrotundam, candentem & teneram.

Nascitur regionibus calidis temperatisque sponte sua, ac etiam culta pertinaci quadam vivacitate, quales sunt Pahuatlanenses & Mexicanenses. Radices duarum unciarum mensurâ devorata cubitum tendenti alvum mira lenitate & securitate expurgant. Dulci sapore & grato constat nec Pyris nostratibus cedenti.



- \* 24. *Cara Brasiliensis*, Inhame de S. Thome, *Congensibus Quiquoaqui congo* Marggr. *Igname* sive *Inhame Lusitanorum* Clus. *Rapum Brasilianum* sive *Americanum* alterum C. B.

Marggr.

*Caulis* quadrato, ad angulos pennato, viridi, hinc inde rufescente, paululumque contorto longissime serpit super terram, aut etiam sepes ascendit, tamque latè se propagat, ut integri hortuli duodecim decempedas in unoquoque latere habentis aream unica planta facile occupet. *Caulis* enim & ramuli ejus hic illic terram contingentes radices agunt, quinimo quamvis terram attingere nequeant, nihilominus fibras hasce protrudunt, sed ob defectum nutrimenti ad justam magnitudinem nequeunt pervenire. In *caule* septem, octo aut novem digitorum interstitio duo pediculi enascuntur oppositi, quinque aut sex dig. longi, itidem quadrati & pennati, quibus insident *folia* Sagittalis nostratis aut *Vomeris*, posteriori parte circinati figurâ, novem aut decem dig. longa, circiter sex lata ubi latissima: lata viriditate splendentia, satis solida, septem aut novem nervis ex pediculi insertionem prodeuntibus, & per longitudinem excurrentibus, inferius prominentibus, superius profunde jacentibus; in extremitate sunt acuminata, acumine molli, digitum longo, ut in vomere, prominente. Copiosum liquorem aqueum fundit *caulis* incisus instar lachrymarum vitis. *Radix* crassa est plus uno pede, octo, novem, & duodecim digit. longa & plus quoque, cuticulâ ex cinereo fusca vestita, sub qua flavescit, intus carnem albam, succulentam & quasi lactescentem habens, non ingrati saporis. [ *Radices* Clusio scabro & inæquali cortice testæ, ut *Aristolochia* longæ legitimæ radices, & multis exiguis fibris sparsim nascentibus præditæ. ] Cocta cum butyro, vel oleo & pipere condita bene sapit, sicca tamen est, & farinam refert, unde & pro pane à Guineensibus usurpatur. *Flores* velut in spicis gerit è superiore parte *caulium* egressis: verum Marggravio nec semen perfecit, nec flores explicuit, unde ad quod genus plantarum referri debeat nobis nondum certò constat.

Clusius alterum genus agnoscit à priore differens cortice inæquali & tuberculis obfito, cum viticulis spinosis, quam *Team Peru* nominant. Marggravius quoque aliud, *Cara-inambi* Brasiliensis dicitur, *caule* longè serpente qui *folia* habet hinc inde solitarie posita, quorum quædam sunt cordis figurâ, quædam insuper aurita, nervo secundum longitudinem & venis obliquis conspicua. *Radix* illius est candida.

- \* 25. *Convolvulus heptaphyllos Indicus pilosus* Breynii.

Breyn.

*Flagella* ei rotunda & cava, res quas arripere possunt circumplectentia: quibus *folia* longis pediculis adherent, profunde in lacinias septem speciosas, inferius angustas, ad medietatem sensim latiores, & postmodum rotundiores, tandem in acuminatas desinentes distributa. *Flores* concavi & monophylli aliorum *Convolvulorum* more perhibentur. Planta tota villosa est, parte inprimis foliorum prona, & in sarmentorum summitatibus.

Insulæ Zeilan indigena est.

Locus.

- \* 26. *Convolvulus Brasiliensis quinquefolius* Marggr.

Marggr.

Frutices atque arbores ascendit, iisque se implicat; *caulem* habens rotundum, uno latere plerumque brunnum, altero viridem, per totum autem punctis brunnis undique variegatum & pilosum: intervallo autem semipedis ferè in *caule* ad latus extenditur semper ramus satis crassus, semipedem circiter longus, itidem hirsutus, qui subrotunda & quasi turbinata corpuscula, suis pediculis innitentia & hirsuta sustinet, quæ sese aperientia *florem* exhibent candidum, uno folio constantem instar Campanulæ: in eodem autem puncto è quo prodit pediculus qui *florem* sustinet, etiam pediculus ejusdem crassitie, ac quatuor circiter dig. longus enascitur, quinque *folia* in orbem disposita sustinens ut in *Pentaphyllo* ad tactum mollia, superius viridia, inferius subalbicantia, ac ubique pilis albicantibus prædita.

- \* 27. *Totoxcitl seu Pes passerinus* Hern.

Hernand.

*Folia* producit Passeris pedibus similia, sinuosa nempe & in quinque aut plures cuspides more *Quinquefolii* aut *Heptaphylli* divisa. *Radice* fundit ovis gallinarum Pyrôve formâ & magnitudine similem, lacte affluentem, ex qua *caulem* profert teretem lentum, repentem humi, aut plantis vicinis sese advolventem. *Florem* *Malvæ* purpureum sed minorem.

- \* 28. *Convolvulus foliis laciniatis vel quinquefolius* C. B. *Egyptiacus quinquefolius* C. Bauhini J. B. major *Arabicus* sive *Egyptius* Park.

C. B. prod.

*Viticulis* est tenuibus, geniculatis, lævibus: ex quolibet geniculo *folium*, longo tenuissimo pedicello donatum prodit, quod in quinque lacinias angustas longiusculas dividitur, & quandoque inferior una alterave bipartitur, & cuilibet lacinia tenuissimus mollisque aculeus insidet. Supra folii exortum, pedicellus æquè tenuis, duarum triumve unciarum longus & nudus exurgens *florem* purpureo-cæruleum, aliorum *Convolvulorum* formâ sustinet. Hujus ramulum tantum vidit C. Bauhinus. A Pr. Alpino in Exot. describitur *Convolvuli Arabici* titulo, estque proculdubio

Convol-

\* Notis in  
Alp. de Plant.  
Egypt.

*Convolvulus Aegyptius* \* Vesslingii.

Ex cujus descriptione, eleganti sanè & ornata, nonnulla excerpemus.

Fruticat à radice lignosa, longa, fibrataque, cortice pallido, nodulis innumeris scabro, quorum operâ facili reptatu, adminicula omnia transcendens, quocunque trahes retrahésque sequetur. A caudice virgulæ exeunt numerosæ & lentæ, prompto flexu ductoris arbitrium admissuræ. Folia longulè productis petiolis infidentia, latèque virore grata, septenis lacinii profundè discriminantur, quarum inferiores additamenta quoque sua nactæ sunt. Flos vulgatis Convolvulis amplior, collectus primùm contractusque donec resupinis oris amœnam cœruleamque purpuram explicat: finem obscurior inumbrat color, in quo brevis exurgens columella lepidum caput innumeris staminibus & appendicibus onerat. Flos discussis umbris à Sole expergefactus sese dilatat, eodem in meridie inclementius radiante collectis oris connivet. Emerito flore capsula sese proferunt Lini capitula æmulantes, in quibus terna vel quaterna semina, orobi magnitudinem haud superantia, fusca leviterque lanuginosa reconduntur.

Vix cultior est hortus in Ægypto cui non ornamentum commodet.

29. *Quamoclit* J. B. *Jasminum Millefolii folio* C. B. *Convolvulus tenuifolius* sive pennatus A. mericanus Park. *Quamoclit* sive *Convolvulus pennatus* Ger. emac. App.

J. B. Col.

Planta est anadendras, foliis prodiens oblongis & latusculis, initio binis sibi invicem conjunctis, Aceris fructus referentibus, quæ diu durant, etiam sese perticæ involvente jam ipsâ plantâ; reliqua folia viticulis purpurascenscentibus [atrorubentibus] alternatim hærent, pinnata, tenui admodum divisura [Myriophyllo alteri apud Matthiolum similia] obscurè virentia, sed tenella pallentia, paucis primùm lobis seu pinnis, deinde pluribus utrinque ad terdenos usque, & unico in summo; at priores lobi bifurcantur. Flores elegantissimo rubore placent, in quinque angulos collectis oris Peti similitudine aut Jasmini albi vulg. longo petiolo hærentes interdum singuli, alias bini, alternato sive ex geniculis viticulorum prodeuntes, apicibus quinque pallidis. Fructus oblongus acuminatus ex squamuloso calice exit, cartilagineo cortice, Convolvulorum modo, semina quatuor continens oblonga, nigra, dura. Sapor ipsius herbæ est subdulcis & modicè nitrosus: capsulæ verò nonnihil Piper seu brasma Piperis gustatu referunt, ut & semen, quod parùm abest quin haud minore caliditate fauces nonnunquam afficiat. Lactè quidem turget dilutiore. Perticis aut plantis vicinis se circumvolvendo scandit Convolvulorum more.

Tempus &  
Locus.

Augusti fine floret, & Septembri deinde fructus perficit. Americæ indigena habetur.

Quamoclit plantam novam ex India allatam Cæsalpinus primus Gelsemini rubri alterius nomine breviter descriptam exhibuit: post eum Camerarius in horto & figuram & descriptionem ejus dedit sub titulo Quamoclit: eum secutus F. Columna accuratius descriptam & depictam edidit: tum J. Bauhinus, & tandem Parkinsonus & Johnsonus apud Gerardum, ut alios taceam. Vidi Florentiæ in horto magni Ducis.

- \* 30. *Convolvulus Africanus minimus* Park.

Morif.

Hic non scandit, sed aut humi cauliculi sternuntur, aut aliquando erecti stant.\* Folia sunt minima, subrotunda, plurimis venis à nervo medio ad marginem foliorum tendentibus donantur singula, & juxta appositionem singulorum foliorum alternatim positorum, conspiciuntur petioli indident exorti unciales, sustinentes flosculos campanulatos. Singulis floribus marcescentibus & decidantibus succedunt exiguæ capsulæ subrotundæ, tribus loculamentis separatæ pelliculâ membranaceâ trifariam ea dividente, atque in singulis bina minuta, angulosa interiùs, exteriùs rotunda continentur semina.

Locum titulus indicat.

- \* 31. *Convolvulus ramosus incanus foliis Pilosella* C. B. *Convolvulus ramosus minor* Morisoni; *Helxine cissampelos ramosa* Cretica Pona Ital. Park.

Morif.

Hic à cæteris omnibus antedictis hac notâ speciali distinguitur, quòd singuli cauliculi in plurimos ramos bifurcationibus suis findantur, atque ex sinubus inter caules & folia protrudantur flores campanulati, quibus succedunt capsulæ & semina, cæterorum convolvulorum similia.

Nihil habet, neq. de foliorum formâ, neq. de florum colore, neque de semine, neque de loco natali, nisi quòd inter Convolvulos peregrinos eum reponat, quæ omnia adjecta oportuit. Supple ergo ex Parkinsono, qui descriptionem suam puto ex Italica Baldi editione Pona transtulit (nam liber ille ad manum non est.) Folia parva, ad singula genicula bina, pilosa, Auriculæ muris vulg. valdè similia, superiora in caulibus minora. Flores ampli, pallidè rubentes, Convolvuli minoris in modum expansi: semina nigricantia aut fusca. Radix fibrosa annua.

Locus.

Planta Pona visa & descripta Cretæ insulæ originem suam debuit: alibi etiam inveniri verisimile est hanc speciem.



- \* 32. *Convolvulus Brasiliensis* Marggr. foliis Smilacis in longis pediculis.

Marggr.

Humi serpit caule cavo, qui hinc inde folia obtinet in longis pediculis posita, cordis figurâ atque Smilacis æmula. Flos albus magnus, instar orbis mensarii minoris, uno tenui folio constans, in quinque angulos expanso, substratâ pallidâ stella quinquangulari. Sine odore est, nec lactescit hæc planta.

- \* 33. *Convolvulus Brasiliensis* foliis cylindraceis in brevibus pediculis Marggr.

Marggr.

Longe serpit caule suo sarmentoso, cinereo, paullum piloso, qui duorum circiter digitorum intervallo folium habet brevi pediculo insidens, quatuor plus minus digito longum, figurâ cylindraceæ, nervo secundum longitudinem, & venis aliquot obliquis conspicuum, pallide viridis coloris. Prope quodlibet autem folium exoritur brevior pediculus, sustinens tria foliola figurâ cordis, quibus infidet flus Campanulæ figurâ, albus & in medio sex stamina alba habens, apicibus Ambræ coloris.

34. *Convolvulus rectus odoratus* Ponæ, major, rectus, Creticus, argenteus Moris. *Dorycnium Creticum* Alpini, Park. *Dorycnium Imperati* J. B. *Cneoron album* folio Oleæ argenteo molli C. B.

Mor.

Herba est fruticosa, multis ab eadem radice caulibus simplicibus, rectis, incanis ornata, altitudine cubiti: numerosis foliis, Oleæ figurâ, eisdem circumdantibus, angustioribus, molli lanugine tectis & quasi argenteis, unde Argentinam vocant vulgò: in summis virgis, bicubitalibus & tricubitalibus & altioribus in hortis bene stercoreatis, coma est prædensa, in qua flores candidi, calathi effigie, & fructus Convolvuli minoris instar: Lacte caret aut modicum tribuit. Etiam si caules edat rectos, non verò scandentes, etiam parum aut nihil lactis habentes, in ficcis & aridis arenosis proveniens, tamen propter conformitatem in floribus campanulatis, capsularumque triplici divisura, & seminibus binis in singulis loculamentis contentis cum cæteris Convolvuli speciebus, aptius hinc collocatur quam inter Dorycnia dicta aut Jaceas.

Hyeme folia minimè abjicit, sed perpetua fronde viret.

Nascitur in Cretæ insulæ locis maritimis autore Pr. Alpino, à quo inter exoticas exactius describitur. Locut.

Ob notas características communes, quamvis non scandat, *Convolvulis* subjungimus.

- \* 35. *Convolvulus ramosus incanus* foliis Pilosellæ C. B. *Helxine cissampelos ramosa* Cretica Park. Ponæ Ital.

Pon.

Caulis huic in multos ramos diducitur, in ramulos minores subdivisos, foliis ad singula genicula binis, incanis & pilosis Auriculæ muris per similibus vestitos, superioribus minoribus: Flores amplius colore incarnato, Convolvuli minoris similes: Semina in capsulis subrotundis singulis singula, nigricantia. Radix valde fibrosa, annua tamen.

Si perpetuum ei sit in singulis capsulis singula duntaxat semina habere, à reliquis *Convolvulis* genere differt.

## C A P. V.

De Herbis flore monopetalo uniformi, vasculis seminalibus divisis in loculamenta terna, lactescens.

HÆ in quinque genera vel classes dividi possunt.

Vel enim flore sunt Campanam referente, margine in quinque plurimum lacinias secto: vel flore corniculato, flosculis parvis in florem quandam totalem constipatis, quæ *Rapunculi corniculati* vocantur: vel flore galeato, ut in *Trachelio* Americano ruberrimo dicto. Primum genus vasculi seminalis respectu dividi iterum potest in eas quæ vasculum habent breve & habicus, sive folio hirsuto sint *Trachelia* dictæ, sive glabro; *Campanulæ*: & eas quæ vasculum habent oblongum, & in siliquam productum; *Speculum Veneris*.

Omnibus his plantis commune est capsulam seminalem habere in terna loculamenta divisam, seminibus plurimis, lucidis rufis repleta; florem fructui insidentem; succo lacteo scatere.

### §. 1. De *Trachelio* sive *Campanula hirsuta*.

*Trachelium* dicitur quòd in colli affectibus commendetur; hinc *Cervicaria*, imò & *Uvularia* & à forma *Campanula* C. B. vel ab asperitate *Trachelium* dicitur. *Tetraglo* enim à Græcis vocatur collum, atque adeò tota spina à capite usque ad os sacrum *et* *his* *Tetraglo*, ab asperitate, quæ nominis ratio & huic plantæ convenire potest, inquit J. Bauhinus.

#### A. 1. *Trachelium*

- A. 1. *Trachelium majus Belgarum* Park. Lob. Clus. *majus Belgarum sive giganteum* Ger. emac. *Campanula maxima foliis latissimis* C. B. *pulchra à Tossano Carolo missa* J. B. item *Trachelium candidum Anglicum majus, foliis ferè Digitalis vel Campanula* J. B. *Plant Throatwort.*

J. B.

Hujus *radix* non altè quidem in terram demittitur, sed innumeris tamen fibris latè cespitem occupat, candicantibus, lactifluis, dulcibus: *Caules* complures, duorum aut trium cubitorum altitudine, concavi sunt, minimi digiti crassitudine, striati, minimum hirsuti: *folia* Urticæ, Campanulæ majoris quidem formâ, hirsuta, palmari & sesquipalmari longitudine, latitudine palmari [ *folia* nostratis Trachelii gigantei infra eam magnitudinem subsistunt, quatuor uncias longa, fescunciam aut duas uncias lata, rugosa ] in ambitu serrata, alternatim ex certis intervallis cauli apponuntur: ex quorum alis singulis singuli *flores*, partim sursum vergentes, & partim deorsum inclinantes ex brevi pediculo purpurascence, albidum cum cœruleo, calathi effigie, in quinque lacinias longas, acutas, & interdum extrorsum reflexas partiti, foris glabri, intus hirsuti oriuntur: *apicibus* totidem luteis, *stylis* dilutiore, qui supremâ parte in tres partes finditur, quæ circumflectuntur. *Calix* quinque cuspides longos habet. *Flore* marcescente succedit magnum capitulum, Mespilo simile, deorsum inclinatum, in quo *semen*.

Lobelius hanc plantam bis exhibet eodem in loco, nimirum Obs. p. 177. sub titulis 1. *Trachelii majoris Belgarum*, & 2. *Anglici Septentrionalis majoris Trachelii candidi*: ut facile esset probare, si operæ pretium foret. Gerardus quoque nostras bis eam descripsit & depinxit: verum error iste in Gerardo à Tho. Johnsono emaculato detegitur & corrigitur.

Locus.

In Septentrionalibus Angliæ montosis, agro v. g. Derbiensi, & Eboracensi copiosè provenit. Variat floris colore, nam in montibus propè maximum Carthusianorum cœnobium saturatione cœruleo floris colore observavimus, nulla aliâ in re à nostrate diversum, flore albo etiam in hortis satum variat.

2. *Campanula hortensis folio & flore oblongo* C. B. *Viola Mariana* Ger. *Mariana flore purpurea* Park. *Mariana Dodonæi, quibusdam Medium* J. B. *Coventry Wells.*

J. B.

*Radix* vesca, dulcis, alba, longa, crassa: quæ *caulem* emittit plusquam bicubitalem, teretem, hirsutum, asperum, in ramos divisum. *Folia* Trachelii majoris, angustiora, longiora, hirsuta, crenata, & modicè per margines crispa. *Flores* ramorum extremitatibus insident, *Calathi* seu Campanæ formâ, majores quàm Trachelii, ventriosi, oris in quinque lacinias exterius reflexas divisos, colore cœruleo seu violaceo, rariùs purpureo, aut albicante, in quorum medio *stamina* latent lutea, *stylisque* erectior, luteo pulvisculo respersus.

Insidet autem totus flos *calyculo* crebris thorulis hirsutis inæquali, in quinque acuminata foliola floris lateribus appressa dissecto. *Semen* exiguum spadiceum.

Secundo postquam sata est anno caulescit, cùmque semen perfecit perit, & deciduo semine renovat.

Locus.

Nascitur ( ut aiunt ) in sylvis & montibus, necnon in opacis quibusdam tractibus, plerisque Italiæ & Germaniæ locis. *Matth.* Nobis neque in Italia, neque in Germania occurrit.

Vasculi feminalis respectu à reliquis hujus generis differt, quod in quinque loculamenta divisum obtinet.

- \* 3. *Medium Dioscoridis Rauwolfio* J. B. *Viola Mariana laciniatis foliis peregrina* C. B. *Vi. Mariana peregrina* Park.

Rauwolf.

*Viola* Marianæ persimilis est planta, nec ita obvia cuius differentia apparet præterquam in foliis, quæ in hac divisa magis, Cichorii instar. *Flores* etiam magis panduntur, octo foliolis in orbem dispositis constantes. *Radix* austeritas major quàm capitulorum seminum, quæ tamen nondum erant matura.

Locus.

Inter fruteta sepèsque in altum assurgit, in profunda, tenebrosa & aspera valle Libani. Floribus in octo foliola expansis non solum à *Viola Mariana* differt, sed à quavis alia Campanulæ specie; eæ enim omnes in quinque tantum segmenta marginem partitum habent: ut mihi dubium sit an omnino ad hoc genus pertineat.

- A. 4. *Trachelium majus* Ger. *majus flore purpureo* Park. parad. *Campanula vulgaris foliis Urticæ major & asperior* C. B. *Campan. major & asperior folio Urticæ* J. B. *Plant Throatwort, or Canterbury Wells.*

J. B.

Multum ad *Violam Marianam* accedit. *Radix* alba, vivax, Rapunculi sapore, non minùs grato. *Caules* cubitales [ imo bicubitales non rarò & altiores, minimi interdum digiti crassitudine, striati, concavi, purpurascences ] hirsuti: in quibus alternatim nascuntur folia Urticæ, pilosa, acutiora, [ inferiora longis pediculis hærentia, superiora brevibus ] *Flores* ex foliorum alis cœrulei aut violacei, interdum albi, noscè similes, interius pilosi, calyce parvo, non ut in *Viola Mariana* torulis cannulato, in lacinias quinque acutas, sicuti & flores, divisos. *Stylus* triceps, furrectior, colore albidus, *staminibus* circumstipatur quinque luteolis. *Vasculum feminale* ut in reliquis hujus generis.



In sylvis & ad sepes frequens oritur. Variat interdum floris colore albo. Alitur etiam in hor- Locus.  
*Trachelium majus* flore pleno seu geminato albo & purpureo.

Meminit Dodonæus speciei cujusdam, foliis aliquanto lævioribus, floribus elegantioribus, coloris purpurei è cœruleo: quæ *C. Baubino* Campanula urticæ foliis oblongis minus asperis.

Planta tota, sed præcipue radix astringit & exsiccat, ideoque decoctum illius ad incipientes oris & tonsillarum inflammationes & exulcerationes, aliæque ejusmodi mala quæ adstrictione indigent confert. Utilis etiam est haud dubiè ad alia quævis ulcera ob insignem quem obtinet in exsiccando facultatem.

Radix alba, tenera, in acetariis apta jejuniis verno præsertim. *Lob.*

- \* 5. *Trachelium sive Cervicaria major lævior, flore albo magno* J. B.

*J. B.*

Foliis glabris differt multum à nostrâ Campanula majore & asperiore, ea enim vix apparentes habent pilos: serraturæ etiam minores, nec ita inæquales. Flos Campanulæ, alioqui magnus, albus. Tota planta prædicta minor atque tenerior apparet.

Plantam habuit ab Agerio *Cervicaria majoris flore albo* nomine: de loco nihil addit.

6. *Campanula repens flore minore cœruleo* J. B. *Camp. hortenſis Rapunculi radice* C. B. *Cervicaria*

4 *Dod. qui eam rectè descripsit.*

Perſimilis est hæc planta præcedenti [*Trachelio majori*] in nonnullis tamen manifestè differt. Viz. 1. Quod caules ejus teretes sint & ferè glabri, *Trachelii* verò majoris angulosi & hirsuti. 2. Quod in hoc flores minores longa serie versùs unam duntaxat partem vergant, cum in *Trachelio* quicquidversum diffundantur, & spica multo brevior sit. 3. Quod flores in *Trachelio* pluribus & longioribus intus pilis obſiti sint, in hoc paucis & brevioribus, quodque *Trachelium* in eodem communi pediculo duos trèſve flores plerumque appensos habeat, cum *Campanula* isthæc ut plurimum unum duntaxat. 4. Quod in *Campanula* flores deorsum nutant, in *Trachelio* erectiores sunt. 5. *Campan.* mirificè per radicem serpit, *Trachelium* non item. 6. Denique *Trachelium* robustior est planta & procerior, ejusq. folia profundius serrata & longioribus pediculis fulta, eaque è quorum sinibus flores exeunt quàm in illa majora.

Hanc plantam in monte *Salève*, inque agris non procul Geneva versùs oppidum *Jay* copiosè Locus.  
 crescentem observavimus.

- \* 7. *Campanula sive Cervicaria Bononiensis parvo flore* J. B.

*J. B.*

Caulis huic plusquam bicubitalis, rotundus, fungosus, nonnihil asper. Folia per caulem sine pediculis hærent, cum ferè amplectentia, in quo differt à præcedente, sunt etiam iis latiora, latitudinis pene trium unciarum, longa quatuor plus minus, serrata, inferna parte albicantes pilos habent, valde exigui: Summitas quæ floribus vestita pedalis est, & quamplurimis abundat Campanulis, quibusdam ex brevibus pediculis cauli hærentibus, aliis ramulis brevibus duarum aut trium unciarum.

Ab Agerio siccam habuit. Circa Bononiam copiosè provenire dicitur.

Locus.

- \* 8. *Campanula foliis subrotundis* C. B. *Trachelium subrotundis foliis* Park.

*C. B. prod.*

Ex radice tenui, repente caulis sesquipalmaris, levi lanugine pubescens exurgit, quem folia pauca subrotunda, uncias duas pene longa lataque, pediculo oblongo donata, tenuia, subaspera, per ambitum crenata cingunt: in caulis summo flores pauci, dilutè cœrulei Campanulæ formæ, deorsum pendentes, ex quorum medio stylus exurgens extra florem fertur.

Hæc à *Campanula hortenſi Rapunculi radice* differre videtur altitudine, foliorum longitudine, florum magnitudine & numero, quæ pro radicibus multas tenues, transversas & obliquè repentes fibras habet, à quibus radices longæ, candidæ Rapunculi similes demittuntur.

- \* 9. *Campanula Draba minoris foliis* C. B. Park.

*C. B. prod.*

Ex radice Rapunculi minoris forma caules sesquipalmares, lanugine levissimâ aspersi prodeunt: quæ folia Drabæ minoris foliis similia, subrotunda, viridia, unciam longa, semunciam lata, per ambitum crenata, & in acumen fastigiata, subaspera, pediculis carentia alternatim vestiunt. Flores pauci, subcœrulei, sexanguli [hoc præter aliorum hujus generis normam; fortè error est in numero] calathi formæ, mediocri magnitudine, & pediculis oblongis donati, summo cauli insident.

In pratis circa *Valesianorum* thermas copiosè provenit.

Locus.

- \* 10. *Campanula foliis Eschii, floribus villosis* C. B. *Trachelium foliis Eschii* Park.

*C. B. prod.*

Ex radice oblongiuscula folia angusta, quatuor aut quinque uncias longa, subaspera prodeunt, in quæ caulis palmaris, rarius pedalis, rotundus, subasper, paucis, brevibus & angustis foliis vestitus exurgit;

exurgit; ex cuius summitate flores unciales, lati, Campanulæ formâ, quini, seni, cœrulei, alternatim dispositi brevibus pediculis dependent, quorum extremitates, quemadmodum & calices pili oblongi, pappi instar ambiunt.

Locus.

Alia species.

Hæc in Baldo reperitur, & Helvetiorum Alpibus, Gothardo & monte Fractò. Hujus & minor species, quæ minùs hirsuta, semipalmaris foliis brevibus; cauliculo gemino, ex quorum quolibet reflexo flos unicus ille tamen minor, dependet. Ex Helvetiorum Alpibus allata est.

- \* 11. *Trachelium altissimum, hirsutum asperius, foliis angustis, floribus parvis* J. B.

J. B.

Radice crassa nititur & subdulci: Caulem erigit bicubitalem vel tricubitalem, crassiusculum, hirsutum, foliis ornatum angustis, longis, ad Echii folia accedentibus, asperis. Flores confertim conglomerantur ut in Trachelio minore, Campanulati sed minores, cum tamen planta major.

Inter, Sultz & Zenne Alfariz urbes, invenit descriptionis autor J. Bauhinus, mensè Julio florens.

- \* 12. *Trachelium saxatile foliis Pulmonariæ Gallorum* C. B. *Saxatile spicatum* Park. *Rapunculus Saxatilis* sive *pyramidalis* alter Ger. emac.

Clas.

Radicem habet candicantem perennem, unde persiliunt interdum plures cauliculi teretes, inæquales & contorti, palmares aut breviores longiorive pro vetustate plantæ aut loco in quo nata, candida lanugine tecti, singulis annis pereuntes, novis sequente renascentibus qui summo fastigio multis elegantibus floribus, cœruleis, spicæ in modum digestis sunt ornati, ut in Trachelio min. quibus succedunt vascula etiam illius similia, minutissimo semine plena, longiusculo tamen potius quam rotundo, coloris ex spadiceo fusci. Folia inæqualiter hinc inde sparsa caules ambiunt, ad Pulmonariæ Gallicæ foliorum similitudinem satis accedentia, cum magnitudine, tum crenarum in ambitu formâ, atque ipsa etiam candida lanugine fermè obsita, pronâ præsertim parte. Tota planta lactescit, & ad Sonchi odorem proximè accedit, saporeque est dulci, præsertim radix, ut penè Rapunculus vulgaris.

Locus

Nascitur in alperis & saxosis montibus Brixianis, circa specuum oras, inter durissima saxa, ut non sine magno labore radices erui possint, nec usquam observavit F. Gregorius de Reggio Capuccinus, nisi in locis cavernosis ubi nullæ aliæ plantæ proveniant, nec humor penetret.

- \* 13. *Trachelium majus petræum* J. B. Ger. emac. *petræum majus globosum* Park. *Campanula Alpina sphaerocephala* C. B.

Pon. J. B.

A radice lignosa & rugosa, colore pallido purpurascente exeunt cauliculi multi, striati, subhirsuti, cubitales & cum rubore virides, [crassi, firmi, lignosi, incano tomento pubescentes, in ramos nullo ordine divaricati J. B.] qui inordinate emittunt folia, oblonga, crenata, nigricantia, suâ pariter hirsutia communita, parte prona potissimum, ubi etiam albicant, & Salviæ folia referunt, magistamen angusta & mucronata [quædam uncialia, longiora etiam, semunciam ferè lata, quædam breviora & angustiora præsertim quæ in summo constituta. Quæ verò ramis hærent prædictis multis numeris minorâ]. In summo caule sunt flores multi, acervatim congesti, & inferiùs ex eodem globuli quidam, at minori numero; & inferiùs adhuc inter caulem & folia alii, & adhuc pauciores, formam repræsentantes florum *Umbellatæ Cervicariæ* Penz, sed minores, albi, in quinque & quandoq; septem mucronatas scissuras divisi, è quorum centro multa exeunt stamina sublutea, quorum unum modo proboscidis egreditur, versùs cacumen satis crassum, quod dum maturatur bifurcatum & aduncum evadit.

Tempus  
& Locus.

Decedente Augusto florens conspicitur, atq; talis per plures dies conservatur, unde Pona semen observare non potuit. Inter rimas illorum asperiorum lapidum Baldi solum circa Coronæ Templum pullulat.

14. *Trachelium Sugondæ* Clas. *spicatum tenuifolium* Park. *Alopecuros Alpinus* quibusdam, *Echium montanum* Dalechampii J. B. *Echium Alpinum luteum* C. B. ejusdemq; *Campan. foliis Echii*.

J. B. Clas.

Pollicaris crassitudinis habet radicem, sensim gracilescantem, palmo longiorem, in apophyses aliquot abeuntem, teneram, rubentem rugoso cortice tectam. Caulis dodrantalis aut pedalis, crassitie respondet radici, firmus, cavus, singularis, hirsutus, crebris foliis vestitus, aliis palmum ferè longis, aliis brevioribus, potissimum superioribus, latitudine semunciali, hispida, ad Echii folia accedentibus. Thyrsus seu potius florum inter foliola latentium, pulcherrimo ordine dispositorum, Trachelii aut Rapuntii floribus similibus, sed minorum pallescentisq; coloris crassa spica nascitur. Evanescentes flores in capitula transeunt exile subflavumq; semen continentia.

Locus.

In altissimis jugis montis Juræ propè Thauri copiosum invenimus.

15. *Campanula foliis Anubisæ, floribus oblongis* C. B. *Rapunculus montanus, sive Trachelium montanum* J. B. *Trachelium montanum majus* Park.

J. B.

Folia multa propter terram, in quibusdam duabus uncis longiora, in aliis quadruplo, ad Echium accedentia, ex angusto principio sensim lateſcentia, sensimq; deinceps in acumen desinentia, utrinq; hirsuta, nonnihil crenata, costâ medium secante. Inter hæc surgit caulis ferè cubitalis, hirsutus, enodis, uno



uno aut altero foliolo exiguo donatus. Flores in caulis scapo superiore quinque aut plures, singuli in singulis pediculis non admodum longis, magni, Campanulæ urticæ folio similes, ex cœruleo-albescentes, calyce hispido basin complectente. Radix crassiuscula & longiuscula, esui grata.

Burdonii in Rhætia invenit J. Bauhinus florentem Junio: Agerius in montibus Stiriz collegit.

Locus.

Huic eadem videtur quam

*Campanulam minorem foliis Succisæ flore magno nominavimus.*

Ad semipedalem altitudinem assurgit, foliis ad radicem oblongis, Succisæ ferè similibus quod ad figuram attinet, sed multo minoribus, hirsutis, per margines æqualibus, aut crenis vix conspicuis incis. Cauliculi, tenues, teretes, hirsuti, non ramosi, uno vel altero folio vestiti, antequam ad flores ventum est, qui alternatim caulem ad intervalla conscendunt, quatuor quinque vel sex, & quandam quasi spicam efficiunt laxam, nutantem, pediculis semuncialibus tenuibus, magni pro plantæ modo, & Trachelii majoris æmuli.

Invenimus inter Glucknitz & Mertzschlag in montibus Austriam & Stiriam determinantibus.

Locus.

Siccam à D. Philippo Skippon asservatam descripsimus, nam virentem per festinati onem non licuit.

- \* 16. *Rapunculus nemorosus magno flore* Park. minor C.B. *Rapuntium sive Erinus magno flore* Col.

Col.

Radice est crassa, fibrosa, ex albo parum rufescente, sapore dulci ut Rapuntii vulgaris, lactescente, ac perenni, ut conicere est ex novella sobole & radicis rugoso capite. Folia cum caule promittuntur, primum exigua, rotundiora cacumine, vulgaris Pepli magnitudine, deinde longiora, quæ vix unciam æquant vel superant, semper longiora & angustiora, illaque in extremo acutiora, quæ caulis medio hærent. Caulis tenuis est, pedalis, striatus, paucis foliis interceptus, in quibus deinde flores, post discussos priores qui supra caulium cacumen producuntur ex quinquefoliata basi angustifolia, ut in aliis. Floris effigies ad Trachelii angustifolii Col. accedit, unciali longitudine, & semunciali ferè latitudine, in quinque lacinias oris margine inciso, obsolete cœruleo purpurascens colore venulis purpuro-cœruleis per longum depictus est flos, lacinias habens colore magis saturo; apicem in medio trifidum, in torto cacumine, quinque etiam staminibus circumdatum. Fructus ut congenerum, & semen arenæ instar minutum decidit per foramina tunc pervia, pinutum. Tota planta cum floribus lactescit, dulci sapore, edulis, gratior in cibo quam Rapuntium.

In Asprensium colle quodam Castro subjacente.

Locus.

- \* 17. *Rapunculus nemorosus angustifolius magno flore major* C.B. *Rap. nemorosus* Ger. Park.

Folia ima oblonga habet, & circa margines dentata, succedentibus tamen breviora; quæ prælonga sunt, & marginibus pariter dentata, brevibus pediculis nixa, ad quorum exortum alia minora cauli apponuntur. Flores aliorum Rapuncolorum similes, pallidè cœrulei. Radix alba, longa, minus tenera quam reliquorum.

- A. 18. *Trachelium minus* Park. Ger. emac. minus multis J. B. *Trach. sive Campanula pratensis flore conglomerato* C.B. *Little Throatwort or Canterbury bells.*

Caules ex eadem radice plures erigit pedales aut cubitales, hirsutos, teretes, rubentes. Folia quæ à radice exeunt longis insident pediculis, ipsa tres digitos interdum longa, fescunciam lata, in acutum mucronem desinentia, circa margines crenata & veluti crispa, brevi & vix conspicua lanugine hirsuta, ad tactum aridiuscula: superiora in caule minora, absque pediculis adnata, situ alterno. In summis caulibus & foliorum alis sedent flores plures simul conferti, absque pediculis calathoides, erecti, pulchre purpurei, ad medium ferè in quinque lacinias acutas secti, stylo intus oblongo trifido, quem circumstant quinque staminula alba. Vasculum seminale in imo calice infra floris fundum situm, in tria loculamenta dividitur.

In pascuis montosis & cretaceis plerunque nascitur, & post mediam ætatem floret.

Locus.

Gerardus nostras hanc plantam bis descripsit & depinxit, primò *Trachelii minoris*, iterum *Viola calathianæ* titulo; unde J. Bauhinus malè figurâ deceptus, cum (ut ingenuè fatetur) linguam Anglicanam, quæ eam Gerardus descripsit, non intelligeret, sub titulo Trachelii sive Violæ Calathianæ eam iterum proponit.

*Trachelium minus album* J. B.

Floribus est albis, non magnis, multis simul in extremitate caulis cubitalis, lævis: foliis longo pediculo uncias tres longis, duas latis, non in acumen desinentibus ut cæterorum Tracheliorum, serratis, vix asperis, glabris. Ex sicca descripsit.

In horto Meier vidit. Q. an aliter quam floris colore differat à Trach. min?

- \* 19. *Campanula media foliis inferius candida lanugine vestitis* C. B. Campan. *sive Cervicaria media Thalio, floribus caeruleis parvis* J. B.

Thal.

Locus montanis & Soli meridiano expositis nonnunquam prodit, caule tereti, aspero, foliis plurimis amicto, minoribus multò, viridioribus superius, inferius candidis, lanugine vestitis, quali folia Althææ, sicut & folia mediam figuram inter Urticæ majoris breviora folia & Althææ referunt. Caulis ut plurimum unicus est sine ramosis adnatis, sæpenumero tamen in plures dividitur brachiatis virgulas. Circa medium ferè caulis, ubi majora folia exoriri desinunt, frequentes ~~et~~ adnascuntur, ordine per certa intervalla usque in apicem caulis consequenter, ac ex alis peculiaribus ad latera erumpentes, tenuibus quibusdam foliolis, iisque incrisparis parum, ac agminatim densèque sibi coherentibus constitutæ, ex quibus longa serie in scapo flores crebri prodeunt, eleganter cœrulei, similes prioribus sed multò minores.

Planta hæc nobis incognita est, nec alii puto præter Thaliū botanico visa, & descripta.

- \* 20. *Campanula hirsuta Ocimi folio caulem ambiente, flore pendulo* Boccon.

Boc.

Caule constat pedali, striato, hirsuto, in multos cauliculos divaricato, quos ambiunt folia ampla, & illa quoque non leviter hirsuta, Violæ pentagoniæ æmula, caulem amplectentia, sed majora: Flores in summitate cauliculorum pendulus, purpureus, Campanularum formæ, varis foliorum longiorum & angustiorum appendicibus, quasi auriculis ad florum basin apposis, cinctus. Sequitur semen ut in aliis omnibus ejusdem classis. Radice nectitur exili, quæ singulis annis perit.

Locus.

Messanæ in loco dicto lo Ringo nascitur.

- \* 21. *Trachelium pumilum Alpinum, singulis floribus ex singulis ramulis satis magnis* J. B. Campanula Alpina pumila lanuginosa C. B. Trach. pumilum Alpinum Clus. Park.

Clus.

Dodrāntalis est plantula, cauliculo striato, in plures ramulos diviso, quorum singuli sustinent florem satis magnum, cavum, Campanulæ instar efformatum, in quinque angulos desinentem, quem admodum vulgaris Trachelii aut Campanulæ flos, cinereo colore præditum. Floribus succedunt capitula satis magna, trigona, nutantia, seu deorsum spectantia, quæ continent semen vulgaris Trachelii semini non dispar, sed minus & exalbidum. Folia quæ per caulem sparsa sunt latiusculâ basi eum amplectuntur, & in oblongum mucronem desinunt; quæ verò summâ tellure stirpi adherent, latiuscula sunt & longiori pediculo innixa. Radix pro plantæ exilitate satis magna, candicans, superna parte in plura capita extuberans, & quibusdam fibris hirsuta. Tota planta lanugine pubescit lactesque succo abundat.

Locus.

Nascitur in Sneberg, aliarumque vicinarum Alpium jugis. Flores profert Julio.

- \* 22. *Trachelium ramosum floribus plerisque singularibus* J. B. à precedente non multum diversum.

J. B.

Radix crassiuscula, uncias quatuor longa, parum fibrosa: folia ad radicem multa ex brevibus pediculis, unciam unam vel duas longa, mediam lata: Caulis hirsutus, pedalis, in ramos divisus, qui desinunt in folia breviora, lata, ex quorum medio oriuntur magnæ campanæ purpureæ, plerumque singulares. Ex Tracheliorum minorum genere est, (inquit J. Bauhinus) ex sicca quam nescivit unde habuit descripsit.

- \* 23. *Pyramidalis Valerandi hirsuta* J. B.

J. B.

Primo anno (inquit J. Bauhinus) mihi caulem non produxit, qui sequente demum anno in tantam excrevit altitudinem, ut facilè lanceam æquaret, hirsutus, medullâ albâ farctus, foliis vestitis inferne & superne hirsutis, acuminatis ferratisque Trachelio majori accedentibus. Flores longâ serie campanulas imitati, Rapunculi vulgaris haud minores, cœrulei, per oras lacinati, ex uno pediculo plures.

Ex semine per Valerandum Dourez ex Sclavonia delato J. Bauhino nata est.

- \* 24. *Campanula Alpina Tragopogi folio* C. B. Trachelium Tragopogi folio montanum F. Columna J. B. Park. Trach. Tragop. folio Clus.

Col.

Radice habet crassiusculam, albidam, lactescentem, & ex ea plures propagines, habentes folia angusta, longa, duriuscula, Croci aut Tragopogi formæ & magnitudine. Veris fine caules pedales edentes, subrubentes, atq; hirsutos, quibus folia alternatim rarâq; hærent; in quorum summo sex aut septem simul flores purpurei, Nolæ formæ, Trachelii vulgaris modo, ex basibus singulis quinque foliolis viridibus constructis exeunt. Fructus atque semina Trachelio etiam similia æstate perficit. Radix perennis est atque dulcis, esui apta sicuti vulgare Rapuntium.

Locus.

In D. M. Virginis monte sic vulgò dicto exoritur.

Trachelium



*Trachelium capitatum hirsutum foliis gramineis* Pauli Boccone.

Foliorum præcipuè hirsutiae à præcedente differre videtur & statura pedali, flosculorumque in capitulum congestorum multitudine. Verùm his non obstantibus, cùm ipse P. Boccone dubitat an eadem illi planta sit necne, non est cur nos separemus.

- \* 25. *Campanula Lychnoidea* J. B. *Lychnis hirsuta* L, seu *sylvestris Campanula* flore C. B. *Lychnidis sylv. species Myconi* Lugd.

Lugd.

Radice est fibratâ, palmum longâ, nigricante, nervum intus habente, in profundum actâ, sapore dulci, cum adstrictione. Ex ea ramulos fundit multos, rotundos, villosos, incanos, vix palmum excedentes, in quibus folia angusta, pilosâ, incana, per cauliculos incerto ordine distributa, leviter adstringentia. In summo caulium vertice flores exeunt Campanulæ similes, quales in Convolvulo, rotundi, ex candido nonnihil purpurei.

Non alibi quàm in montibus D. Mariæ à Monteferrato à Mycono visâ est.

Locus.

Qu. Annon Convolvuli potiùs species sit?

- \* 26. *Campanula Urticæ folio Brasiliensis* Marggr.

Marggr.

Caulis tereti, recto, paulum piloso, viridi, in tres aut quatuor pedum altitudinem assurgit, ac in longis pediculis bina semper folia opposita gerit, figurâ Urticæ foliis similia, sed majora, in ambitu serrata, ad foliorum exortus etiam hinc inde rami opponuntur, qui eodem modo folia obtinent, in summitate caulis & extremitate ramorum minora. Flores ibidem fert in longam quasi spicam congestos, elegantissimos, pediculo digitum longo insistentes, ac deorsum propendentes, figurâ mitræ Polonicæ, & in extremo ambitu habentes quinque incisuras, sunt autem coloris coccinei & interioris punctis saturatè rubris variegati, præterea habent in medio staminulum longum, pallidum, cum apice Liliaceo. Tota autem planta cum flore odorem refert Marrubii.

### §. 2. Rapunculi & Campanulæ glabræ.

1. *Rapunculus Creticus* seu *Pyramidalis altera* C. B. *Rapunculus Creticus*, *Petromarula* J. B. *Petromarula Cretica* seu *Rapunculus Creticus* Park. *Petromarula* seu *Lactuca petræa* Pon. Ital. Bell.

J. B. Bel.

Herbam teneram, lacte turgentem, floribus cœruleis, visui gratam Imperati sic describit Honorius Bellus. Folia profert cichoracea, magna profundè incisa, in orbem diffusa, saturè virentia, infernè splendentia, ad purpuram aliquando tendentia ut Cyclaminus, lævia; cum autem semine nata prodit, prima ejus folia Violæ nigræ foliis simillima sunt, rotunda, & aut nihil, aut parùm duntaxat serratâ. Cauliculos autem multos habet, rotundos, striatos, bicubitales aut tricubitales: quibus innascuntur flores copiosissimi, purpurei, Hyacinthi Orientalis florum æmuli, densè compacti, ut spicam eamque magnam referre videantur; quibus succedunt semina minutissima. Radice firmatur magna, alba, in alas divisa, eduli, sapore Rapunculi radicem imitante. Tota planta lacte abundat.

In Creta ubique reperitur in arborum marginibus, secus vias lato solo, inter saxa, & supra parietes. Floret ibi æstatis principio, deinde exarescit tota præter radicem, quæ Octobri folia proferre incipit & viret tota hyeme.

Locus

& Tempus

2. *Campanula Linifolia lutea montis lupi flore Volabilis* Ad. Lob. *Camp. lutea linifolia* Ger. Park. *Linum sylvestre luteum foliis subrotundis* C. B. item *Rapunculus nemorosus angustifolius parvo flore ejuldem*. Bis enim ponit hanc plantam sub diversis generibus. *Linifolia Campanula lutea* J. B.

J. B.

Folia per caules, ferè sesquipalmes alterno situ, oblonga, angustaque, Lini sativi foliorum æmula, lævia. Caules superius in ramos abeunt, qui flores gestant insignis magnitudinis, uncia longiores, croceo colore micantes, calyce in quinque longas angustas lacinias fisso, capitulo sequente Lini sed magis turbinato. Radix longa, crassa lignosa, in plura capita tuberosa divisa.

In devexis montis Lupi propè Monspelium collegit Lobelius, quâ ad Septentrionem vergit, cui nec alibi visâ, & usu minus cognita. Latioribus foliis in devexis montis Capouladou Junio mense cum flore invenit P. Magnol.

Locus.

Vera Lini species est (inquit Morissonus) ex flore & semine: Campanula autem non est, quia nec lætescit, nec semen minimum lucidum, aliarum Campanularum more fert. H. B. p. 432.

Postea Hist. Ox. p. 576. sententiam mutat, & sibi contradicit. Est enim (inquit) à fine ultimo i. e. flore & capsula seminali Campanula, ergo malè collocatur inter Lini species à C. Bauhino.

Hujus plantæ ramulum cùm Monspelii essemus nobis communicavit D. Carolus Zueiker Dantiscanus.

An vera & genuina Campanulæ species sit, an inter Campanulam & Linum ambigat, me latet, ut qui vasculum seminale non observaverim.

3. *Campanula Persicifolia* Ger. Park. *angustifolia caerulea & alba* J. B. *Rapunculus persicifolius* magno flore C. B. *Peach-leaved Bell-flower*.

J. B.

Ad sesquicubitalem altitudinem assurgit *caule* anguloso aut striato, glabro, rigido, inani, crebris foliis vestito nullo ordine positus. *Folia* angusta longa, glabra, ex atro virore splendentia, ad margines raris, nullo ordine positis & vix conspicuis denticellis incisa. *Flores* in summitate caulis ex aliorum exeunt in eodem furculo seu pediculo plures simul, pedicellis privatis brevibus, monopetali, Campanulati, amplius margine in quinque segmenta diviso, quam Rapuntii magis patuli, plerumque coerulei, interdum albi, è calice quinquepartito; infra quem consistit *vasculum* calicis figurâ, in tria loculamenta dispersum, *semina* continens parva, splendentia, tribus foraminibus per maturitatem pertusum, è quibus semina fundit. *Radix* quam Rapuntio minor, magis fibrosa tortuosaque.

Locus.

Observavimus hanc in dumeris propè Spadam urbem aculeis celeberrimam in Germania inferiore, flore albo: in montibus & collibus Genève vicinis flore coeruleo. In Argha quod sitam sponte non provenit.

4. *Campanula lactescens pyramidalis* Ger. *Pyramidalis laevis* J. B. *Rapunculus hort. latiore folio*, seu *pyramidalis* C. B. *Campa. major sive pyramidalis* Park. parad.

J. B.

Lacte turget *radix*, Rapunculi similis, restibili fecunditate se multiplicans, etiam ex frustulis repullulascens; ex qua *caules* trium quatuorve cubitorum surgunt, laeves; *foliis* vestiti glabris oblongis, fortuitis crenis incisis, verum inferiora folia palmum aut sesquipalmum longa, palmis latiora, per extremum ferè obtusa, & ea quoque glabra, raris admodum casuris dissecta & vixdum serrata. *Flores* à medio caule ad summum usque fastigium coerulei, campanulas oris laciniatis exprimunt, quam Rapunculi vulgaris majores ac patentiores.

De loco natali nihil certi traditur: Floret Julio & Augusto.

Morifono folia hujus prima & terræ proxima Violæ nigrae forma similia, paulò tamen majora, quæ verò circa caules paulo longiore, utraque saturi viridis: caules validi & præalti: quæ quidem vera sunt.

- \* 5. *Rapunculus Alpinus pyramidalis minor* C. B. *Rapunc. sive Campanula pyramidalis minor* Park.

C. B. Prod.

*Radix* Rapunculi formâ: *caulis* unus, sesquipalmaris, foliis pallide virentibus, per ambitum crenatis, acuminatis, unciam latis, tres longis, alternatim cingitur. In summo *flores* pauci, coerulei, Campanulæ formâ, pedicellis annexi, & filamento oblongo ex eorum medio prodeunte donati propendent: quibus singulis *capitulum* oblongum, pertusum succedit, cui *semen* minutum includitur.

In Italia provenit, sed locus excidit. C. B.

6. *Campanula Pyramidalis minor* Alpin. Exot.

Alpin.

A radice tres vel quatuor, vel plures etiam *caules* assurgunt, bicubitales & etiam longiores, recti, graciles, rotundi, ex quibus hinc inde ramuli multi ascendunt, infernè longi, superne brevès, ita ut servato æquali ordine in iis ramulis, quasi pyramis cum ramulis floribusque appareat, unde nos *Campanulam pyramidalem minorem* nominavimus, ad differentiam *vulgatæ*, quæ longè amplior est. Ex summitatibus verò ramulorum *flores* propendent numerosi, qui parvis Campanulis sunt similes, colore aut coeruleo dilutiore, aut candido, hæque campanulæ sunt cum suis filamentis tanto artificio à natura librata, ut artifex peritissimus ita perbellè vix eas faceret, deorsum propendentes, figurâ florum qui in vulgaribus Campanulis spectantur, sed paulò majores, suaviter olèntes. Hæc stirps infernè juxta terram admodum est foliosa: *folia* verò spectantur, longa, viridia, inferiùs latiuscula, & in acumen desinentia, magnitudine & figurâ quasi ad Rapunculos accedentia, vel ad Intybum sylvestrem; longè tamen extrinsecè undique serrata, superne longè minora, tenuiora, ac magis mucronata cernuntur, singulæque ad uniuscujusque ramuli in caule exortum. *Radix* prægrandis crassa, brevis, Nucis Juglandis ferè magnitudine, figura tamen longior, in acutum desinens, colore albo vel transflucido, ad Rapunculi itidem radicem maxime inclinans. Sapor verò insipidus & viscidus observatus est. Stirps perennis est, & quo annosior eo radices habet numerosiores & crassiores.

Locus.

In valle S. Fidatæ duobus à Bassano oppido m. p. in locis opacis & humidis, nec alibi usquam nascentem vidit Prosp. Alpinus.

- \* 7. *Rapunculus petraeus* Alpin. Exot. Park. Morif.

Alpin.

*Radix* huic oblonga est, digiti minoris crassitie, carnosâ & albâ, Rapunculo vulgari valde similis, sapore dulci, subacri, unde in acetarili Rapunculi modo (ut audio) est satis accepta gustui. Ex radice *folia* complura fert, longissimis pediculis gracilibus inhaerentia, Hederæ foliis carnosissimâ, minora tamen, longiora, magisque in acutum desinentia, tenuiora, colore viridi nigrescentia. E foliorum medio prodeunt tres furculi, graciles, recti, longi, rotundi, dodrantes, cum parvis foliolis, longis, tenuibus, utrinque alternatim suis petiolis caulibus adnascentibus. In cauliculis cacumine



capumine capitulum parvum rotundum, aliquando oblongum extuberat, è *flosculis* complurimis coeruleis, in unum congestis, inodoris, quibus singulis succedunt *capsulae* exiles, tribus loculamentis divise, in quarum singulis plurima minuta *semina* subrufa, splendentia.

Nascitur propè Bassanum in agro Marosticensi, à Brenta flumine vix tertia milliaris parte distant, in colle lapideo Septentrioni exposito, radice rimis saxorum infixâ, ut propterea magno labore eruitur, vixque integra. Locus.

• 8. *Rapunculus nemorosus angustifolius major majore flore* C. B.

Hic *folia* exhibet etiam angusta vulgaris Rapunculi esculenti in modum, profundè serrata: *flores* verò ampliores, nolæ alicujus patenteris in modum, quinquefariam in margine partitos: quibus succedunt capsulae trifariam junctæ, singulae singulis foraminibus pertusæ illius more.

• 9. *Trachelium parvum folio Bellidis subrotundo.*

Radix ei alba, simplex, lignosa, annua: *Caulis* erectus, striatus: *Folia* alternatim posita, subrotunda, absque pediculis cauli adnata *Flores* Trachelii majoris.

Circa Messaniam in montium urbi imminenti lateribus observavimus.

Locus.

Ad § præcedentem pertinet.

• 10. *Campanula Alpina glabra flore dilutissime cæruleo* J. B.

Nihil hirsuti aut asperi (inquit J. Bauhinus) nobis in hac planta apparet. *Folia* aliquid similitudinis habent cum Hieracio Sabauda, in circuitu serrata, minora sunt quàm Campanulæ repentis flore minore; *flores* etiam paulò minores videntur, in unum latus versi, ex brevi pediculo nutantes.

Ramulum habuit ferè pedalem, datum ab Agerio, qui in vertice montis Tyrolensis collegerat.

Locus.

Excepta glabritie parùm differt à Campanula repente flore minore.

A. 11. *Rapunculus esculentus* C. B. *esculentus vulgaris* Park. *vulgaris campanulatus* J. B. *Rapuntium parvum* Ger. *Rampions*.

Rapunculo vulgari *radix* alba est nunc simplex, nunc furculosa: *Caulis* sesquicubitalis, gracilis, hirsutus, angulosus & striatus, nunc unus, nunc plures, *foliis* cinctus nullo ordine positus, angustis, acutis, pediculorum expertibus, cauli adnatis basi latiuscula, sensim angustioribus ad apices usque, per margines crenis vix conspicuis leviter incisus, in summo ramosus, ramulis è foliorum sinibus exeuntibus.

In summis caulibus & ramulis, longis pediculis infident *flores* campanulati, in quinque lacinias acutas profundè divisi: singulae autem laciniae tribus striis purpureis insignes sunt. *Stylus* in medio florè trifidus in tria cornua reflexa; quem *stamina* quinque tenuia breviora circumstant. Floris color ex coeruleo purpurascens: *Calix* ex quinque angustis acutis foliolis componitur. Infra florem ad imum calicem *vasculum* est seminale tribus loculamentis distinctum, *semine* repletum copioso, exiguo, lucido. Tota planta lacteo succo turget aliarum Campanularum instar.

Vernis acetariis (inquit J. Bauhinus) expetitur hujus *radix*, minimi digiti ferè crassitudine, Napi *Usus* parvi similitudine, alba, dulcis. Cum longo Pipere devorata lactis ubertatem facere perhibetur.

Estur non cocta tantùm sed & cruda in acetariis, quòd maximè gustui placeat, & appetentiam excitet; longe quàm Rapi aut Rhaphani delicatior. *Lib.*

In aggeribus fossarum, inque arvis non cultis nascitur; in hortis etiam ad acetariorum usum seritur *Locus*, & colitur ut grandior evadat. Æstate floret.

*Erinos major* Fab. *Columnæ*, *Rapunculo affinis* J. B.

C. Bauhinus hanc plantam habet pro Rapunculo esculento vulgari proximè descripto, cujus sententiae & nos quoque accedimus: nihilominus descriptionem ejus Columnianam proponemus, ut Lectioni judicium permittamus.

*Radix* constat carnosa, non magna, parvum Rhaphanum æquante ad summum, candida, gustu suavi, ex dulci acerba acetariis expetita, lactescente, in medio vel imo parùm extuberante, à qua *folia* exeunt primò vere, Ocimi foliis similia, minora tamen, mediū Ocimi foliis æqualia, per ambitum serrata, supernè hirsuta parùm atque viridia, infernè verò lævia atque polita, albidioraque. *Caulis* postea ab radice emittit plures, secundum loci annique temperièm, pedales vel majores, angulosos, hirsutos: quos *folia* absque petiolis alternatim circundant, longiora admodum angustioraque, minisque serrata, ita ut qui viderit plantam sine caule, atque postea caule præditam, diversam absque dubio esse censeat, nisi domi cultam observaverit. *Folia* quidem quæ antequam caules ederet habebat terram tangentia marcida evanescent, nec in illa amplius inveniuntur. Ex foliorum alis ramuli exeunt, in quibus sicut in caulibus *flores* Maio exeunt, petiolis parvis hærentes, cavi, quinque divisuris in extremo dissecti, colore albicantes & etiam purpurascetes, intus thyrsum habentes, qui inter curvas partes dividitur: quibus siccatis florum basis extuberat, quæ hirsuta est & in quinque viridia *folia* definit, semen perficiens Junio & Julio fuscum, minutum, compressum, gustu acerbum, quod cum perfectum & siccatum est, per basis foramina, quæ tunc pervia sunt decidit. Tota planta lacte manat dulci disrupta. Hæc descriptio Rapunculo vulg. esculento per omnia convenit, nisi fortè floris colore, qui pro coeli aut soli diversitate variare sæpenumero solet.

A. 12. *Campanula rotundifolia* Ger. minor sylv. rotundifolia Park. minor rotundifolia vulgaris C.B.  
The lesser round-leaved Bell-flower. *Campan. parva, Anguillare Cantabricæ* J.B.

Radice est albâ, crassiusculâ, modicè fibrosâ, subdulci. Folia primo ortu aliquatenus *Viola Martiæ* primis minoribus foliis similia, minora, sinuata, ex semuncialibus & uncialibus pediculis, quæ mox laciniata fiunt hederaceorum instar: At quæ in caule sunt longa, angusta, acuta ad margines æqualia, nec ullis pediculis nixa. Caulis pedalem interdum altitudinem assequitur, teres, glaber, obscurius viridis, foliis vestitus crebris, nullo ordine positus. Flores in summitate caulis cœrulei, campanulati, Rapunculi similes, margine in quinque lacinias diviso, penduli; è calice in quinque longa angusta segmenta partito exeunt. In medio flore stamina, & quatuor foliola parva, alba, quæ introrsum ad floris umbilicum incurvantur. Semen, ut in hujus generis reliquis, vasculo infra florem sito, tribus loculamentis distincto includitur.

Locus &  
Tempus.

In agrorum marginibus, inque dumetis & ad sepes præsertim in montosis, ubi pascua etiam occupat frequentissima est. Æstate & in multum Autumnum floret.

Descriptio est J. Bauhini à nobis interpolata.

13. *Campanula minor rotundifolia Alpina* C.B. *Rapunculus Alpinus minor rotundifolius* Morif.

Radice hujus plantulæ non observavi; Morisonus noster tuberosam ei attribuit; Clusius, (simul eandem describat) radicales fibras valdè serpentes & vicina loca occupantes, subinde germinantes & novas stirpes producentes. Folia ei ex rotunditate oblonga sunt & mucronata, circa margines serrata [longissimis pediculis innitentia] Flores Rapunculi vulgaris formâ similes, [nunc eleganti cœruleo colore præditi sunt, vel saturato purpura sive violaceo nitentes, vel dilutius purpureo colore & quasi cineraceo conspicui, interdum etiam nivei Clusio.]

Locus.

In Alpibus Stiriacis & Carinthiacis invenimus aut hanc, aut sequentem plantam.

*Campanula* illa, quam in sylvis montosis propè Lindaviam urbem, & alibi in Alpibus Stiriacis & Carinthiacis invenimus, folia habuit qualia modò descripsimus; Caules sesquipalmares & longiores, tenues, paucis foliis vestitos, imis latioribus, reliquis sensim angustioribus, ad margines dentatis, exceptis iis quæ in summis caulibus sunt. Flores versùs summos caules ex alis foliorum exeunt, longis pediculis, cœrulei, & *Campanulæ* minoris rotundifoliæ similes. In uno autem caule tres, quatuor, & non rarò quinque flores sunt; totidémque per sæpe ex eadem radice caules exeunt.

14. *Campanula Alpina minima folio serrato oblongo.*

Plantula est semipalmaris, foliis angustis, oblongis etiam iis quæ ad radicem sunt, circa margines serratis, in cauliculis crebris. In summis caulibus duo trève flores, præcedentium similes, pro plantulæ proportionem ampli cœrulei.

Clusius in hist. pro *Campanula minore Alpina* iconem habet Lobelii & Dod. Et revera descriptio ejus non convenit huic plantæ sed potius præcedenti; ut dubitem adhuc quam plantam intelligat Clusius *Campanulæ minoris Alpina* titulo, & putem J. Bauhinum rectè fecisse quòd non separet eam à præcedente.

*Campanula minor rotundifolia flore in summis cauliculis C. B. i. e. minor alba & purpurea* Ger. *minima sylvestris* Park.

An & quomodo differat à *Camp. minore rotundifolia* vulgari, examinent alii: mihi certe eadem videtur.

\* 15. *Campanula rotundifolia minima* C. B. prod. Park.

C. B. prod.

Plantula est trium unciarum, ex cujus radícula alba, capillari, oblonga exurgunt cauliculi (sæpe unus, plerunque terni aut quaterni,) tenuissimi, subrubentes, & ad radicem subhirsuti, majori ex parte nudi, singuli unicum flosculum subcœruleum, deorsum nutantem, calathi formâ sustinentes. Foliola habet ad radicem potissimum, exigua, subrotunda, serrata, rigidiuscula, quandoque rubentia.

Locus.

In Rhætorum Alpibus inter saxa, florentem adhuc Septembri invenit C. Bauhinus.

\* 16. *Campanula linifolia cœrulea, vel Rapunculus campanulatus linifolius* J.B. *Camp. Alpina linifolia cœrulea* C. B. *linifolia cœrulea* Park.

C. B.

Ex radice tenui alba, cauliculi quaterni, quini, plures pauciorésve, palmares & sesquipalmares, graciles, rotundi, simplices emergunt; foliis oblongis, angustissimis confuso ordine septi. Flores in summitate cœrulei.

Locus.

Rupes & summa juga montis *Wasserfall* Julio mense florens exornat. Monet C. Bauhinus hanc cum vulgari *Campanula minore* minimè confundendam. Diligentius conferant quibus montem illum adire contigerit, & plantam ipsam in statu videre.



- A. 17. *Campanula Cymbalariae folia* Ger. emac. Park. *Cymbalaria foliis, vel foliohederaceo* C. B. *Camp. foliohederaceo, species Cantabrica Anguillare* J. B.

Tenella est plantula, radice exigua, capillacea & albicante: coliculis tenuibus, palmaribus & sesquipalmaribus; per quos folia tenera, hilari virore perfusa, Hedera vel Cymbalariae, angulosa angulis acuminatis, longis pediculis donata. Flosculus pediculo fili instar tenui, longiusculo, uni unicus, infidet gracilis, oblongus, per summas oras laciniatus, coeruleus, ceteroque pallidus: [aliquando summo cauliculo, aliquando ex ejusdem lateribus prodeunte.]

In aggeribus udis ad aquarum margines in Occidentalibus Angliæ copiose provenit: invenimus & Loc. in Septentrionalibus prope Sheffieldiam.

- \* 18. *Campanula rotundifolia* Catanea longius radicata Bocconi.

*Boc.*  
Radix hujus alce in terram depacta est: Caules multi sunt, pedales, duri, rigidi: Folia Cymbalariae rotunda, leviter sinuata, ab imo usque ad fastigium ferme æqualia. Flos altiarum Campanularum formæ coeruleus; item & semen, lucidum, rufum.

E rimis saxorum erumpentem prope Catanam inveni. Differt ab ea quæ Cymbalariae foliis dicitur, radice, sed præcipue foliis superioribus minime angustis. Loc.

- \* 19. *Campanula serpyllifolia* C.B. Park. *Campanula Serpyllifolia* J. Bauhini.

C. B. prod.

Tota planta floribus exceptis Serpyllum refert, nam radice est tenui, obliqua, tenuissimis fibris capillata, & hinc inde repente: cauliculis plurimis rubentibus, in terram reflexis, cui novis fibellis adherent, qui in ramulos plures tenuiores dividuntur; quos foliola Serpylli vel potius Nummulariæ quæ flore est purpurascens, formæ subrotundæ, duo semper opposita, quædam majora, quædam Serpyllo minora, crenata, subtus pallide virentia, pediculis brevissimis & levissime pubescentibus, ambiunt. Cauliculi aliquando in pediculos nudos flores sustinentes desinunt: aliquando ex cauliculorum lateribus pediculi triunciales, in summo nudi, floribus ornati exurgunt. Flores bini vel terni, Campanulæ formæ, ex coeruleo rubentes, deorsum nutantes, singuli singulis pedicellis donantur.

In Baldo cum floribus legit descriptionis autor C. Bauhinus: in Rhætia florentem æstate invenit Loc. J. Bauhinus.

- \* 20. *Campanula Alpina latifolia flore pullo* C. B. Park.

C. B. prod.

Cauliculo est tenuissimo, palmo minore, qui ad partem usque mediam foliis uncialibus subrotundis, alternatim dispositis, leviter crenatis, pallideque virentibus cingitur: at pars superior nuda est, cui fere semper unicus flos, mediæ magnitudinis, pulli coloris infidet.

In Alpibus Austriacis, ut Sneeberg & aliis oritur. Fortè hæc non differt specie à *Campanula rotundifolia minima* ejusdem C. B. nam vix animum induco ut credam dari tot Campanulæ rotundifoliæ minoris distinctas species. Loc.

21. *Campanula parva rotundifolia, flore coeruleo, pentagono, grandi.*

Folia huic Campanulæ rotundifoliæ minoris, in locis nonnullis hirsuta, aliis glabra. Cauliculi non assurgunt in altitudinem prout in illa. Flos pro parvitate plantæ grandis & insignis.

Invenimus primo in clivis maritimis prope Scaleam & portum S. Nicolai in Calabria; postea etiam alibi in Regno Neapolitano. Loc.

22. *Rapunculi genus folio serrato rotundiore* J. B.

J. B.

Complures statim à radice tollit caules, cubito altiores, nonnihil angulosos, subhirsutos, simplices, quibus ab imo ad summum adnascuntur alternatim folia, nonnihil hirsuta, uncialia & fescuncialia, semunciam circiter lata, pauca unciam attingunt, in acutum mucronem desinentia, per ambitum serrata, obliquis venis à medio nervo in margines exporrectis. Summus scapus flores ex intervallis profert Rapunculi vulgaris floribus similes, caliculo exiguo, pinnato, perfimili, ex pediculis uncialibus & fescuncialibus tenuibus. Radix alba, Rapunculi vulgaris crassitudine, multifida, longiuscula. Floris color coeruleus; pistillus longus extra florem prominet.

In monte Jura collegimus.

Folia hujus plantæ quæ in caule sunt, nullis pediculis intervenientibus eidem adnascuntur, latitudine unciam unam æquant, inferiora etiam superant. Flores campaniformes sunt, pulchrè coerulei, non autem exeunt singulares è foliorum finibus, prout eos repræsentat figura J. Bauhini, sed tres, quatuorve simul in eodem communi pediculo. Loc.

23. *Rapunculus umbellatus latifolius* C. B. *Rapun. umbell.* 2. Cam. hort. *Rapunculi sylv. umbellati prima species* Park.

Hujus folia semunciali sunt latitudine, mucronata, in margine pilosa: *Caulem* erigit dodrantalem, pilis scatentem; in cujus summo fastigio proveniunt plurimi *stipuli*, in unum caput coarctati; cœrulei, integri in fundo, nolæ instar, singuli quinquefariam in margine partiti; quorum singulis deciduis succedunt *capsula* tribus loculamentis distinctæ, atque in singulis loculamentis plurima continentur *semina*, subruffa, splendentia.

24. *Rapunculus umbellatus angustifolius* C. B. *Rap. umbell.* 1. Cam. hort. depictus. *Rap. sylv. umbellati 2. species* Park.

*Folia* habet quàm præcedentis multò minora & angustiora paucioræque: *flores* minores, cœruleos, non tam patentes, plures simul in unum *capitulum* congestos, cum stylo in medio singulorum, qui in margine quinquefariam aliorum more dividuntur: *semina* in thecis tricapularibus pelluciditidem productuntur.

Duas hæc species J. Bauhinus uno capite comprehendit, quod ita inscribit,

*Trachelii minoris duæ species, sive Rapunculus sylvestris major & minor Thalis.*

Utraque lacteo est succo sicut reliquæ Rapunculorum species: major ex una radice numerosifimos profert *coliculos* tenues, teretes, scabros, hispido, sesquipedales, *foliis* plurimis, oblongiusculis, angustis, fimbriatis, ac hispidis præditos, in *umbella* parva *flores* cœruleos continentes: *semine* fulvente, exiguo.

Hæc rariùs obviam fit.

Locus.

Minor species locis aridioribus ac Soli expositis frequens est, maximè verò arenosis, foliis & caulibus brevioribus, ut & *umbellâ* suâ cœruleâ.

### §. 3. *Campanula vasculo oblongo in siliquam producta, Speculum Veneris dicta.*

Speculum Veneris dictum puto à femine splendente, lucido, & speculi instar polito.

1. *Speculum Veneris* Ger. *Sp. Ven. majus* Park. *Onobrychis arvensis vel Campanula arvensis erecta* C. B. *Avicularia Sylvi quibusdam* J. B. *The greater Venus Looking-glass.*

E *radice* parvâ, albâ, lignosâ, singulari, fibris tamen majusculis surculosâ plures interdum *caules* fundit, infirmos, dodrantales & longiores, ab imo statim ramosos, *foliis* vestitos mollibus oblongis nonnihil serratis, per extremum rotundis, crispis; è quorum sinubus *flores* exeunt pulchri, purpureo-violacei, monopetali quidem, in quinque tamen segmenta totidem folia imitantia expansi, qui occidente Sole in figuram pentagonam, sagittæ parti alarum similem coeunt, unde & nonnulli violæ pentagona dicitur. Floris umbilicus albus: *stylus* tricuspis è medio flore exit; *stamina* quinque alba in ejus tubo occultantur. Floris basi pro *calice* quinq. folia angusta, viridantia circumponuntur, quæ summum postmodum coronant fastigium clavæ quadratæ uncialis, *feminibus* parvis, rotundis compressis, per maturitatem lucidis & splendentibus colore leucophæis repletæ. Tota planta lactem succum vulnerata fundit.

Locus.

Varietas.

Inter segetes in exteris regionibus frequens occurrit.

Datur hujus varietas per omnia major, foliis longioribus latioribusq. cætera perquam similis, quæ *Campanula* s. *Viola pentagonia* folio oblongo latiori *Morif. prælod.*

### 2. *Speculum Veneris flore amplissimo, Thracicum.*

Plantula est palmaris, *radice* simplici albâ; *caule* tenui, infirmo, ramulis crebris fruticosis; *foliis* digitum longis, angustis, longitudine latitudinis triplâ, pediculis nullis, immediate adnatis; inferioribus latioribus, ad Gratiolæ aut Hyslopi folia accedentibus superioribus angustioribus & acutis. *Flores* in summis caulibus & ramulis duplo majores quàm *Speculum Ven. vulgaris*, purpurei, quàm illius pallidiores, fundo seu umbilico albo, minùs tamen quàm in illo; umbilicum album circulus latus cœruleus ambit, oræ extremæ purpurascunt. *Flores* magis concavi sunt & campaniformes quàm *Sp. V. vulgaris*, in quinq. quidem segmenta minùs tamen profundè divisi. Quinq. *stamina* inum florem occupant, cum stylo in medio longiusculo trifido. Florem circumstant pro *calice* quinq. foliola angusta, oblonga, acuta, ad margines nonnunquam setulis obsita. *Flores* antequam aperiuntur pari cum reliquis congeneribus modo in quinq. rugas sagittæ alas referentes complicantur, *siliquis* quadratis oblongis insidentes. Ad basin siliquæ bina plerumq. sibi mutuo opposita folia; & ex alis foliorum bini exeunt ramuli. *Semina* rotunda, in hoc genere majuscula, splendentia, colore leucophæo.

Hujus plantæ semen in Thracia collectum à D. Covill Cantabrigienfi nobis communicavit D. Dent, Pharmacopola Cantabrigienfis, rei herbariæ peritissimus, vetus amicus noster.



3. *Speculum Veneris perfoliatum*, seu *Viola pentagonia perfoliata*. *Perfoliate Venus Looking-glass.*

*Caulis* simplici lanuginoso & anguloso altius assurgit quam reliquæ hujus generis, excepto parvo nostrate, altitudine dodrantali. *Folia* in caulibus crebra, latitudine pollicari, subrotunda, circa margines dentata, pediculis nullis immediate cauli adhærescunt, eumque ferè amplectuntur, ut ab eo perforari videantur; situ alterno. Ex alis singulorum foliorum oriuntur flores tres plerumque, rarius quatuor, nullis pediculis, non adeo expansi ut in vulgari majore, segmentis etiam rotundioribus, & colore dilutiore. Calicis segmenta quinque, latiora sunt quam in vulgari. Caulis interdum ramos emittit.

A. 4. *Speculum Veneris minus* Ger. emac. Park. *The least Venus Looking-glass.*

*Johnson.*

*Radice* tenui, lignosa *cauliculus* exerit rectum, in sterilibus duas tréve uncias altum, in lætiori solo pedalem plerumque, striatum seu angulosum, concavum, foliis parvis, longiusculis, circa margines sinuatis seu crispis vestitum; è quorum sinibus versùs summum caulem, & interdum etiam inferius, exeunt ramuli *siliquæ* parvas alas seu cristatas sustinentes, fastigiis suis *flosculos* parvos purpurascens, minus pulchros aut speciosos, quinque, foliolis virentibus pro calice cinctos, gestantes. Floribus delapsis *siliquæ* in longitudine & crassitie augentur, & peramplè evadunt, *semen* continentes minutum flavescens, foliola illa viridia flores obvallantia etiamnum retinentes. Planta est annua.

Extraneis scriptoribus nulla hujus mentio, quod sciam quamvis ipse in transmarinis regionibus non minus quam in Anglia inter segetes observaverim.

5. *Erinos* Fab. *Columnæ minor* J. B. *Rapunculus minor foliis incis* C. B. *Erini* seu *Rapunculi minimum* genus Col.

*Col.*

*Radicem* habet parvam admodum, fibris divisam, teneram, atque Rapunculo vulg: similem sapore, lactescentemque. *Folia* emittit parva admodum, digiti longitudine, parum hirsuta, oblonga, latioraque in summo, & per extremum serrata raris divisuris; nam quæ proximiora sunt radici pæto dentes in circuitu habere videntur, superiora verò pauciores atque floribus hærentia binos. *Caulem* emittit, ab radice ex singulis foliolis alis divisum, ita ut fruticosa videatur, angulosum, hirsutum, tenue. *Flosculos* edit Aprilis mense & Maio, inter folia ex calyce parum hirsuto, in quinque folia desinente exeuntes, oblongos, cavos, similes Tracheliorum floribus, purpureos, intus apicem vel thyrsum luteum, in summo triplici divisurâ intortum, ut in congeneribus continentes. *Semen* perficit Junio & Julio minutum admodum, fuscum. Tota planta lacteo succo dulci turgescit ut Rapuncium.

In muris & ficcioribus Messanæ & Monspelii observavimus. Cum primum eam vidimus ad Speculum Veneris retulimus. J. Bauhinus hanc plantam iterum describit sub titulo *Alfines oblongo folio serrato flore cœruleo*. Caules ei palmares & sesquipalmares hirsutos ascribit, flores parvos, cœruleos. Locus.

Nos plantam hanc cum primò Messanæ vidimus sic breviter descripsimus.

*Radix* ei alba, simplex, paucis fibris capillata: *Cauliculi* plures: *Folia* alternatim posita, verum ubi ramuli prodeunt binæ ex adverso, profundius dentata, & foliis Alfines Chamædryoidis non longè dissimilia: *Flores* parvi, dilutè cœrulei, è simplici tubo in quinque apices seu folia expansi. Calyx pariter quinque foliolis herbaceis constat, inque ipsius ima parte infra florem continetur semen, ut in Rosa fit, inque Viola pentagonia.

§. 4. *Rapunculi corniculati.*1. *Rapunculus spicatus* C. B. *spicatus alopecuroides* Park. *spicatus* seu *comosus*, *albus* & *cœruleus* J. B. *Rapuntium majus* Ger.

*J. B.*

*Radix* tum magnitudine tum sapore Rapunculo vulgari similis *folia* emittit *Violæ Martiæ*, longis appensa pediculis, nonnunquam nigrâ maculâ notata, quanquam videas & stricta, oblongaque, in caule bicubitali, inani, anguloso, lac manante: in cujus fastigio spicatus pulcher *flos* cœruleus, aut purpureo-violaceus, ex multis corniculis circa basin in segmenta arcuata fissis compactus, quibus succedunt *capitula* parva, subrotunda aut nonnihil angulosa, Rapunculi vulgaris familia sed minora, circa caulis fastigium arcuè simul composita, in quibus *semen* minutum, subruffum, lucidum, copiosum.

In transmarinis invenitur sæpius in sylvis. Nos primò in dumetis propè Spadam urbiculum Acidulis celebrem, postea in montosis circa Genevam & alibi. In Anglia, quod sciam, non reperitur, quicquid dicat Lobelius. Locus.

Flores colore albo & cinereo variant.

A. 1. *Rap.*

- A. 2. *Rapunculus corniculatus montanus* Ger. flore globofo purpureo J. B. folio oblongo, spica orbiculari C. B. *Alopecuroides orbiculatus* Park. *Rapuntium montanum rarius corniculatum* Col. *Horned Rampons*, with a round spike or head of flowers.

Col.

Rotundum globosum caput atque purpureo-ceruleum conficiunt curvi atque in seiplos nutantes florum corniculi supra basin quinque vinctantium foliorum in summo caule fixam, in orbem concinac. Hi ex calycibus primum orbiculare initium obsoleto colore ducunt, Orobis magnitudine crassiores, deinde in supinum atque curvum satis corniculum desinentes, atque inter seiplos, centrum petentes & annuentes, implicati. Paulatim verò se perficientia cornicula lavia illa ac simplicia aliud tenuius, dimidio brevius, & in summo trifidum [stylus illud est] exserere incipiunt, deinde circa tuberculum imum incipiunt se sinuose & undatim in quinque partes per longum findere, ac posterius in tenues limbos se dividentes atque dilatantes, formamque nostratis coli cui linum aptatur ad nendum imitantes, ita ab interno corniculo [seu stylo] separantur circa imum, & ventriosam formant effigiem, inter quos prorumpunt lutea staminula quinque. Perficiente se flore corniculorum [stylorum] apices trifidi etiam grandiores effecti torquentur, atque laciniae illae in totum ab interno corniculo [stylo] separantur, atque ita erectae permanent, donec tandem seminum utriculi quibus insident turgescere incipiant & tunc inversae recedunt deorsum spectantes [seu reflexae]. Tunc similes Rapuntis vulgatis calyces, quinque apicibus ornati, foraminum notas ostendere incipiunt, qui postea perfecti non secus ac congeneres perforantur, semineque copiosum, fulvum, parum latius quam Trachelii angustius montani decedit. Augusto floret. Radice nititur perenni, candida, crassiuscula, recta Rapuntii instar, minore quidem, atque per terram brachiata admodum, ut plures ex uno radice cespice plantae perficiantur. Folia ima lavia, Rapuntii vulgati emula, rotundiora, ad formam Violae Martiae vel Campanulae pyramidalis accedentia, majoris digni anguis latitudine, per ambitum obtuse dentata. Cauli pedali striato ima parte septem circiter folia duplo longiora adherent alternatim, vulgari Rapunculo similiora, per ambitum acutioribus dentibus divisa, & per medium caulem ad summum duo aut tria angustiora, acutiora, longis intervallis disposita, ut nudum caulem relinquant.

Tota planta dulci lacte turget, gustu suavi.

Locus.

In montibus Suffexiae & Southamptoniae The Downs dictis copiose provenit.

Non possum satis laudare diligentiam & industriam Nob. Fabii Columnae, qui tam curiosus & exacte observavit & descripsit hujus plantulae flores, eorumque partes & progressus, ut summo jure oculatissimus cum sit, Lyncei titulum & dignitatem, imò principem inter Lynceos suos locum sibi vendicat.

Cujus descriptionem quamvis satis longam transcribere non piguit, quoniam reliquis hujus generis cornicularis Rapunculis, mutatis mutandis, eam convenire puto, ut pro nota generica intervenire possit.

- A. 3. *Rapunculus Scabiosae capitulo caeruleo* Park C. B. *Scabiosa globularis*, quam vulgarem vocant J. B. *Scabiosa minima hirsuta* Ger. emac. *Rampion with Scabious-like heads*.

Radix ei simplex, alba, lignosa, fibras breves tenues è lateribus emittens, in plura capita interdum divisa. Caules exinde oriuntur plures pedales aut cubitales, tenues, hirsuti interdum simplices, aliis ramosi, foliis vestiti crebris, angustis, digitum longis, mollibus, hirsutis, non incis, verum ad margines nonnihil sinuatis aut crispis, absque pediculis immediatè adnatis nullo ordine positis. Caules & rami in praelongos pediculos, glabros, striatos terminantur, qui flores sustinent Scabiosae amplos, calicibus è plurimis foliolis latis in acutum mucronem desinentibus compositis obvallatos. Flores hi merito compositi seu aggregati, sive major totales dicendi sunt, constant enim flosculis numerosissimis, dense stipatis, caeruleis, monopetalis quidem, verum in quinque segmenta longa expansis, quorum unusquisque pedicello suo privato insidet, & vasculo seminali, seminibus parvis lucidis repleto, praevisus est. Tota planta laetescit, unde Rapunculis potius quam Scabiosis accensetur.

Locus.

In arenosis & sterilioribus requietis agris & pascuis. Aestate floret.

Accuratissimam omnium hujus plantae partium descriptionem vide apud F. Columnam, sub titulo Rapuntii alterius leptophylli capitati.

- \* 4. *Rapunculus Alpinus corniculatus* C. B. Ger. emac. *Trachelium petraeum minus globosum* Park. *Rapunculo comoso spicato aliquatenus affinis ex Baldo* J. B.

C. B. prod.

Radice est tuberosa, inaequali, quasi ex pluribus grumis compacta, alba, digiti crassitie, [aliquando lignosa, pallida, rugosa & sesquipalmari Pom.] ex qua Cauliculus, (modò unus, modò plures) tenuis ac striatus, unciarum quatuor exurgit. Folia quae ad radicem aliquando ex rotunditate oblonga, Bellidis caeruleae forma; communiter subrotunda, crenata, Alliarum formam, sed minora, saturate virentia, tenuia, pediculis uncias quinque vel sex longis praedita, ex radice una cum cauliculis exurgunt: quae verò cauliculis & quidem pediculis brevioribus adherent, longiora sunt & angustiora, profundius sed rarius incisa, quorum quina vel sena Umbellae subjiciuntur stellae in modum; quae cauliculi summo insidet, & ex floribus viginti, etiam pluribus, arte junctis & ex caeruleo purpurascens constat, qui ex calicibus pediculis latis brevibus & striatis donatis procedunt. Ex singulo calice flos unus, ad exortum tumidus, oblongus, sensimque angustatus, & in extremitate crenatus, formam Cucurbitae vitreae referens, in medio corporis tumore incisuras quinque obtinens,



obtinens, quæ neq. ad collum perveniunt, nec totum corpus ad calicem usq. discindunt, in cujus medio multa filamenta nutriuntur, quorum unicuique illius longitudinis est, ut aliquantulum crassum collum multum egrediatur, & quod maturitate bifurcatum sit. Semen non fuit observatum.

In Baldi montis jugis inter præcipitia propendet.

Locus.

\* 5. *Rapunculus Alpinus parvus comosus* J. B.

J. B.

Radice squamis veluti compactili, ex veteribus foliis residuis, ut in Nardo Celtica pænè videre est, crassiuscula, sensim attenuatâ præditus est; folia fundente numerosa, unciam unam aut alteram longa culmum lata, ad Nardum Celticam accedentia, longis nixa pediculis: inter quæ Cauliculus surgit duum unciarum, non sine foliis, quæ angustiora: cujus cacumini flores insident Rapunculi comosi, qui cœrulei, quantum ex sicca planta J. B. colligere licuit, stylis longis, recurvis prominentibus.

Videtur nonnulla familia habere cum Rapunculo montis Baldi. In Stiria montibus collegit Agerius. Locus.

\* 6. *Rapuntium umbellatum* Col. An *Telephium purpureum* majus C. B? Tel. floribus purpureis Park?

Col.

Huic radix fibrosa, candicans, perennis, crassiuscula, lactescens: folia Ocimi, per ambitum serrata magnis dentibus, vulgari Trachelio proximis, sicut etiam posito & ramis, verum levibus, nitidis; caule multis alis diviso, in quibus minora & angustiora folia alternata, & in summo umbellæ magnæ modo sunt densi florum corymbi, dehiscences in oblongos & tenues admodum tubulos, quorum extrema pars in quinque lacinias stellæ modo divisa, purpuro-cœruleo colore micat, medium habentes oblongum stamen, tubulo pari, Valerianæ five Nardo montano non dissimiles, minores & parum etiam odori, fructibus etiam insidentes, qui quamvis rotundi trigoni sunt. Junio mense incipientes, deinde per alas alii emicantes singulis mensibus, etiam Octobri: at prioris & summæ umbellæ semen Augusto perficit, quod ex foraminibus ima parte conceptaculi, tunc ut in congeneribus effluit, minutum arenæ instar, obscurè flavicans. Tota planta lacte turget concrefcente, sapore dulci ut congenerum.

Hæc planta (si modò rectè à Columna describatur) omnes habet Rapunculi notas, ac proinde Telephium non rectè ab Herbariis denominatur. Verum vix possum mihi persuadere eandem esse hanc plantam quam sub titulo Telephii floribus purpureis depingunt & describunt Clusius, Lobelius, alique.

*Trachelium umbelliferum cœruleum* Ponz Ital. Park. *Cervicaria Valerianoides cœrulea* C. B.

Nobis utriusque descriptiones exactis inter se conferentibus eadem omnino planta videtur cum præcedente à F. Columna descripta: notæ omnes conveniunt, nisi quod Pona radicem satis tuberosam suæ plantæ adscribit, & saporem acrem nonnihil adstringentem, quæ non invenio in descriptione Columbianâ.

Proinde si planta à Columna descripta eadem sit Telephio floribus purpureis herbariorum, & hanc quoque eandem esse oportet.

\* 7. *Rapunculus Sonchi facie umbellatus* J. B. *umbellatus Sonchi folio* C. B. Clus.

Clus.

Caulis in pedalem excrevit altitudinem, vel etiam brevior: plura quàm primum [Rapunculus corniculatus montanus] habebat folia, breviora pediculo eoque plano subnixa, superne viridia, inferne exalbida, instar foliorum Sonchi, quibus formâ valde respondebant, erant enim ut illa in ambitu dentata, sed minora. Summo cauli innitebatur veluti umbella longiusculorum caliculorum, striatorum, in quinque angulos desinentium, in quibus flor. coloris mihi non comperti. Vidit se plantam duntaxat mutilam sine radice & floribus.

Considerandum inquit J. B. quantum hoc differat à Rapunculo montis Baldi ante dicto.

\* 8. *Rapunculus umbellatus folio gramineo* C. B. *minimus folio tenui gramineo* J. B. *Rapuntium altissimum angustifolium Alpinum* Col.

J. B.

Optimum Rapunculorum minimum in montibus Rheticis invenimus, (inquit J. Bauhinus) cui Radix crassiuscula [longa, crassa, perennis, multos habens in summo cespites, annosæ, ex quibus nova semper germina protruduntur. Col.] Caliculus tenuis, duum unciarum [unico latiusculo intercepso folio Col.] comosum gerit florem cœruleum, Rapunculi spicati. Folia caulem comitantur, pœnè longiora, filii instar tenuia, numerosa.

Florentem observavit J. Bauhinus mense Junio.

4. 5. *Rapunculi flore galeato.*

1. *Trachelium Americanum rubrum* Ferrar. *Trach. Amer. flore ruberrimo, sive Planta Cardinalis* Park. parad. *Flos Cardinalis Barberini* Col. Annot. in *Hist. Mexican.*

Col.

Ex radice perenni, vegetâ, fibrosâ, candidâ, lateribus repente, cespite facili se propagante, tenera, lactescente, dulci cum pauca caliditate, plures caules sive soboles juxta radicis ventositatem & uberitatem promit Aprilis mense [Romæ;] sed primo vere folia in terra strata erumpunt, vulgari Rapuntio non dissimilia, nisi quia minora & angustiora, serrata, lævia, obscure virentia, & in orbem juxta radicis caput expansa, quæ deinde in lævi, rotundo sed anguloso, concavo, candicante caule (tripedalem observavimus & aliquando multis alis divisum) qui crassior & vegetior est Rapunculo vulgari, minimi digiti crassitudine, majora & latiora fiunt, illi alternatim hærentia, & cochlearum quino ferè ordine circumdantia, semperque majora, ut in medio caule semipedalis fiant longitudo, & duarum unciarum latitudinis, parùm incurva, per ambitum dentata, illaq; disructa lævimanantia, sicuti & tota planta, verum non ita copioso ut in congeneribus, sed exiguo. A medio caule folia decrescere incipiunt ad summum usque, in quo flores coacervatim in spicam crassam, longam, dodrantalem, & in summo duplici velut umbella coronatam coactos, Junii initio observavimus; illisque se perficientibus spica producitur, & flores rariore ordine inter foliorum alas densè exseruntur, brevi petiolo hærentes, & ex calyce quinquefoliato Rapuntii modo, tubulò oblongo fuscunciali, in summo coloris saturè coccinei, hilaris admodum, paulatim dehiscèntes, circa finem Junii in quinque foliola dividuntur, novo quidem ritu in hoc genere, ut tria foliola dependant effigie barbularum, bina alia superiora & angustiora, veluti alæ oblique, tubulum medium exiguum ex illorum centro sive medio emicantem amplexentur, colore etiam coccineo, in cujus summo caput cœruleum sive violaceum, aviculæ cujusdam rostrum incurvum æmulans proferetur. Ab aliorum congenerum floribus hi variant, ut non Campanulas, sed galericulatos potius flores imitari videantur, non parum ad Gladioli flores accedentes, quanquam naturâ sunt tubulosi, ac in summa distinctione differentes. Hujus floris medius tubulus, ex quo caput exeritur violaceum, supernam externi majoris floris tubuli partem disrumpit, relicto canali, sicut & medius internus stylus fructui insidens. In floris externa parte ima supra fructum, si tubulus eximatur, melleus liquor non paucus reperitur. Flores diu durant in statu aperti antequam marcescant, quod non paucam in gratiam conciliat. Fructus in calycibus extuberantiores observantur perfecti, Viola Mariana valculis semper similes, semina flavicantia minuta ut in congeneribus continentes: Julio & Augusto mense perficiuntur, & ab imo planta denuo regerminat. Sapor dulcis in tota planta cum quadam caliditate, observatur.

Hæc omnia de planta Romæ culta intelligenda sunt; in frigidioribus regionibus semen rarè ad maturitatem producit.

- \* 2. *Rapunculus galeatus Virginianus, flore violaceo minore* Moris. *Flos Cardinalis carolinæ* Dodart.

Moris.

Hujus folia sunt prioris multò latiora, magisq; viridia, & paululum serrata: ex quorum alis sursum versus exeunt flores ex calycibus quinque-foliatis, hirsutis, integri in fundo, profundius in margine divisi, purpureo-cœrulei seu violacei: quibus singulis subveniunt capsulæ, tribus loculamentis distinctæ, atq; in singulis conspicitur foramen ex quo decidit semen minutum, lucidum. Radix alba, multifida. Tota planta lacte scatet, sicut reliquæ omnes hujus generis.

- \* 3. *Rapuntium urens Soloniense* Boccon; *Draba flore cœruleo galeato* C. B.

Boccon.

Radix huic minimi quasi digiti crassitudine, albicans, ex pluribus in apicem congestis seu concurrentibus Asclepiadis modo, non sine fibris. Caulis pedalis & bipedalis, atque in udis etiam major. Folia uncias tres longa, unam lata, tenuia, ambitu crenato, pallide virentia, lata basi caulem cingentia. Flores è foliorum sinu exeuntes in summis caulis & ramulis plurimi velut in spicis purpureo-cœrulei, in fundo integri seu fistuloli, per oras quinquefariam divisi, Cardinalis floris aut Rapuntii coccinei quadantenus æmuli, subsequente semine ruffo, lucido, capsulis triangularibus (Rapunculorum more) incluso, ex foraminibus quibus capsulæ pertunduntur effluente. Tota planta præfervidi gustus est, atq; gustata linguam vellicando quasi accendit & urit: quin & è quacunque parte vulnerata lacteus succus emanat.

Locus.

In humidis ericetis & sylvis anpensis passim in agro Soloniensi, inque ericetis Regie intra sagra Chamberi passim in humidis viget.



\* 4. *Rapuntium Ethiopicum violaceo galeato flore, foliis Pinastris* Breynii.

Breyn.

Ex radice lignosa virgular dodrantes profert, interdum etiam ampliores, lignosas, tenues, non valde ramosas, foliis uncialibus, angustissimis, rigidis, triquetris, Pinastris amulantibus, Champeuces Alpini in modum, circumquaque dense stipatas. Flores in virgularum & ramulorum summitatibus, ac aliquando etiam lateribus, pediculis longis innixi haud multum à Floris Cardinalis dicti differunt, coloris autem violacei, Ajugæ non multo majores; labello antè in lacinias quinque diviso, in fundo verò integro seu fistuloso, constantes: è cuius centro cuculli loco stylus prominet longus, cuius extremitati crassum, oblongum, subalbidum, antè pilosum caput, Rapuntiorum aliorum galeatorum ritu insidet. Fructum & semen non vidit Breynius.

\* 5. *Rapuntium Ethiopicum caruleo galeato flore, foliis Coronopi* Breynii.

Breyn.

Perelegans & humilis est planta, plurimis viridibus, hirsutis & teretibus prædita ramulis, per quos folia nullo certo, sed confuso ordine posita cernuntur, pollicaria, angusta, hirsuta, in lacinias aliquot laterales, instar Coronopi, vel potiùs Leucanthemi Alpini Clus. divisa. Ramuli in pediculos ætante graciles, nudos, læves, uncias quatuor vel quinque longos: quorum apices sæpius rursus in duos pedicellos unciales dividuntur, in quibus singulis flor altero tanto, imò & triplo major, Cyani sive Lazuli cœlestis decus æmulans, & longè in medio maculà alba notatus; qui antè in fissuras breviores latioresq. divisus, & ex calyculo quinquefoliato, hirsuto, originem suam primæ in modum speciei petit.

Hoc cum antecedente primùm in Europam, anno 1663. Domino à Beverningk ex promontorio Bonæ Spei siccum transmissum.

\* 6. *Rapuntium Ethiopicum caruleo galeato flore, foliolis dentatis* Breynii.

Breyn.

Tenues & humi diffusos habet hoc genus, cauliculos, frequentes, sesquipedales, interdum ampliores, foliis parvis, crassiusculis, per circumferentiam crenatis, alternatim positos, & versus unam partem frequenter se torquentibus, amictos. Flores in extremis ramulis juxta longitudinem inter folia spicatim quadantenus exeunt, figura & magnitudine primi generis, coloris autem dilute cœrulei.

\* 7. *Rapuntium affinis Lini facie Capituli Bonæ Spei* Breynii.

Breyn.

In locis herbosis Promontorii bonæ spei nascitur hæc prorsus nova & venusta planta, Lini sylvestris magnitudine, & facie, sed magis lignosa, numerosioribusq. ramulis, quos folia bina è regione ambiunt, latè viriditate picta, & Lini effigie. Flores caulium & ramulorum cymis, ex albo suaviter rubentes, seu humani vultus formosam temperiem bellè repræsentantes, innascuntur, eodem ordine & figurâ, quâ Lini sylvestris, ex quinque iridem foliolis conflati. Ast oblongus, subrotundusque qui flori subest fructus plantam hanc Rapuntio alteri leptophyllo capitato Col. magis affinem declarat; quamvis calyculus ipsi subideat parvus contra morem Rapuntii.

## CAP. VI.

## De Stramonto.

Stramonii notæ genericæ sunt Flores oblongo tubo calathoides; conceptaculum seminis grande, in quatuor loculamenta divisum, in plerisque speciebus spinosum, facultas virofa.

1. *Solanum multis dictam seu Pomum spinosum* J.B. *Stramonium peregrinum* Ger. minus, sive *Nux Metel flore albo* Park. *Solanum pomum spinosum rotundo, longo flore* C. B. *Stramonium fructu rotundo, deorsum spectante & aspero* Col.

J. B.

Cubito altior est, radice multifidâ, lignescente. Folia per caulem longis appensa pediculis, ampla, sinuata, gravem odorem spirantia. Flores ex longo tubo calathoides, ampli, candidi, margine anguloso, quina in medio stamina cum longis apicibus occultant; quorum unumquodque sequitur pomum orbiculatum, Juglandis putamine calloso adhuc involutæ magnitudine, bullatum, brevibusque spinis asperatum, semine compresso, cinereo.

Parkinsonus caulem simplicem, non ramulosum huic plantæ attribuit.

Ex Asia & Ægypto allata sunt ejus semina.

Sff 2

Locum.

Fructus

Vires.

Fructus ipse ac etiam tota planta soporiferæ sunt facultatis. Nucem Methel esse affirmant Pharmacopœi & Physici orientales, quia facultatibus iis præditus sit hujus fructus, quas Nuci Methel Avicenna tribuit. Eisdem autem effectus habere experientiâ comprobari testatur Dalechampius.

2. *Solanum fatidum* pomo spinoso rotundo, semine pallido C. B. *Datura Egyptia* Velling. in Alpin. de plant. Egypt. *Datura Comarena* Alpin. exot. *Egyptiaca flore plena* Ponz Ital. *Stramonium minus flore geminato purpurante* Park. parad. fructu rotundo, foliis per ambitum Xanthii modo incisus Col.

Velling.

Longâ crassâque fundatur radice, quæ subrubro perfusa colore odorantium capitibus gravedinosum Meconii halitum inspirat. Surgit ab ea caulis singularis, sed amplius, ramisque plurimis porro diremptus. Vidi quaternis quinisque ferè cubitis adustum, totum rotundo schemate, violæ obscurioris ornatu splendide coloratum. Folia longis petiolis insistentia, virorem suum nigredinis aliquam misturâ obscurant, quorum inferiora producta amplius magisque dilatata variis utrinque divisuris inæqualiter exasperantur. Florem producit non vulgaris elegantie specimen, unicum odoræ suavitatis in totâ planta compendium. Hunc denticulato calice enixum, ab angustiore cervice, mediocriter turgidulo ventre tubuli instar sensim diducit. Foliis constat, modo simplici, duplici modo, imò & triplici, quamvis hoc alterius additamentum videatur. Externâ facie purpuræ decorem induunt, internâ lacteo candore largius perfusi flores, omnium hoc proprium est ut resupinatis labris in laciniis aliquot dirimantur, quæ retroflectis sensim oris collectæ velut in candas attenuantur. Fructum edit plus minùve rotundum, spinoso horrentem cortice, nonnunquam innoxia scabritie æquabilior, quâ semina copiosa flava primum, tandemque palleſcentia complectitur.

Hujus fructum Prosper Alpinus ex communi sententia Nucem Methel, plantam ipsam verum Dioscoridis *Stramonium* pronunciat. Viri clarissimi ad seminis vim deliram pariter ac stupeſactoriam respicientes *Solanum* maniacum Theophrasti & *Hippomanem* Cratevæ nuncupant; ab Ægyptiis vulgò *Datura* vel *Tatura* appellatur.

Frigoris minùs patiens est, unde semen rarò in hortis nostris perficit.

3. *Stramonium majus album* Park. *Stramon.* spinosum Ger. *Stramonia altera major* seu *Tatura* quibusdam J. B. *Solanum fatidum* pomo spinoso oblongo C. B. *Thorn-Apple of Peru.*

J. B.

Est ubi humanam proceritatem adæquat, ramis patulis brachiata, caule crasso, subhirsuto. Folia sinuata, Pedis Anserini vocati foliorum instar, sed quadruplo aut quintuplo majora, abominando putore nares ferientia. Flores ad ramorum divaricationem ferè, niveo candore insignes, ex tubulo pentagono in longum latumque calathum explicantur continuum, per marginem quinos mucrones totidem fissuris interceptos habentes, odore grato, sed obscuriore, in quibus latent stamina quinque, longa, herbida, apicibus ochris lineâ albâ variatis, unaque pistillum albidum. Cæterum floris tubulum obvolvunt laxior folliculus quinquangularis, totidem laciniis, totidemque mucronibus alternis per oram divisus. Fructus succedit altero tanto major quàm Juglans suo callo obducta, oblongus, turbinatus, pungentibus spinis undique senticosus, qui per maturitatem in quatuor partes æquales dehiscit, dissepimento membranarum, quibus semen copiosum adhæret, nigrum, compressum, medullâ albâ, sapore ingrato, distinctas. Radix subest ex numerosis fibris compacta.

Variat floris colore, nimirum vel flavo, vel Hyoscyami floribus accedente. Hinc tria hujus plantæ genera Acoſta cap. 51. & Coſta. Columna quoque Annotat. in rei Medic. Novæ Hisp. has prædictis speciebus habet.

4. *Stramonium majus purpureum* Park. parad.

Park.

Magnitudine & figurâ partium omnium, caulis foliorum, florum, fructus cum præcedente convenit: colore caulium obscurè purpureo, foliorum viridi saturatiore nonnihil purpurascente, florum denique dilutiùs purpurascente ex albo differt.

Hanc plantam in hortulo nostro Cantabrigiæ unâ cum proximè præcedente aliquot annos colimus, nec tamen, quantum observavi, semine satè unquam speciem mutarunt, sed suum singula genus semper propagarunt, quo sit ut specie distinctas existimem.

Habemus insuper *Stramonii* pumilum genus flore albo; quod non alia in re quàm staturâ & parvitate à *Stramonio* albo majore differt. Foliorum & florum, necnon fructuum figura, situs, magnitudo par: verùm bipedalem altitudinem rariùs excedit. Caulis insuper ramosus, & eodem quo illorum modo divisus. Ex semine autem deciduo facile seipsum renovat.

5. *Solanum fatidum* pomo grandibus aculeis donato Moris. prælud. *Stramonium ferox* Boc. *Datura Cochinchensis spinosissima* Zanoni.

Boc.

Ad *Stramonii* majoris altitudinem propè accedit (minor erat, multò in horto nostro) Ramis constat latè expansis quælibet brachiatis; caule crasso, cavo, medullosa & ramoso; foliis angulosis, sinuatis ad Pedis anserini dicti folia accedentibus, majoribus paulò, atque crassioribus, è virore palleſcentibus. Flores ad ramorum pæne omnium divisionem candidi absoluti, cœrulei, qui in folliculo quinquangulari è longo tubo in calathum laxantur continuum, quinque angulis quinisque fissuris distinctum: in hisce floribus sunt stamina quinque cum pistillo. Florem excipit fructus Nuci Juglandi



Juglandi magnitudine & formâ similis, crassioribus quàm in Datura putata spinis horridus & senticosus, unde ferox mihi dicitur, quatuor membranis intus divisus, è quibus nescio quid fungosum reflectitur, cui Semen adheret copiosum, renis formâ, rugosum seu asperum, medullâ albâ refertum. Radix subest è numerosis fibris composita, annua. Floret ætate & semen perficit versùs finem Autumni.

Hujus si plenissimam & accuratam omnium partium descriptionem desideras, Jacobi Zanoni historiam Italicè conscriptam adeas.

Stramonii semen in pulverem redactum & in potu exhibitum mentem turbat & alienat, insaniam *Vires.* quandam 24 horas durantem inducens, unde à furibus inditur in cibos eorum quos depredari volunt referente Gareto; Acofta autem impudicas mulieres illum 3ß. pondere amahis suis ex vino aut alia quæ magis aridet materia præbere ait. Miser qui eum hausit diu velut mente alienatus remanet, aut ridens aut ejulans, aut dormiens, plerumque etiam alteri colloquens & respondens, ut interdum etiam sana mente esse credas, tametsi mentis non sit compos, neque eum agnoscat cum quos sermones confert, & colloqui habiti planè sit immemor postquam ad se redit. Sunt verò nonnulli adeò exercitata in hoc medicamento exhibendo, idque sic temperare nòrunt, ut ad certas, easque quot velint horas, quibus id propinant mentem adimant. Nonnulli tamen ad provocandas urinas ex medicis Gentilibus utuntur. Horum prima cura est medicamenta vomitum clementia exhibere; deinde acres clysteres injicere, fortèsq; ligaturas & fricationes brachiis cruribusque adhibere, interdum etiam cucurbitulas applicare; quæ si non juvant venam secare in majore pedis articulo necesse est.

Gentiles verò Medici & Christiani indigenæ, cum à cucurbitulis & venæ sectione abhorreant, nihil aliud quàm vomitum provocant, fortèsq; ligaturas & fricationes adhibent. Quæ si non sufficiant, balnea ex aqua calida præscribunt ad eliciendum sudorem: porro à vomitu vinum propinant cui piper & cinnamomum admiscetur.

Radix drachma ex vino pota somnum profundum inducit, in quo varia insomnia & miræ rerum facies obversantur.

Semina per noctem in aceto macerata deinde exactè trita, utiliter illinuntur herpeti miliari & erysipelatis serpentibus.

Unguentum ex succo foliorum cum adipe porcino paratum, ad partem aliquam aut membrum corporis igne vel aqua fervente ustulatum sanandum efficacissimum esse remedium multorum experientiâ comprobatum est.

#### 6. Daturæ Malabaricæ Hummatu dictæ prima species Hort. Malab.

##### Hort. Malab.

A Stramonio majori albo superius descripto parùm differt; nimirum floris origine è foliorum sinubus, cum in Stramonio majore albo flores in angulo divaricationis ramorum ferè siti sint; tum fructus per maturitatem colore viridi, & seminum flavo seu subrufo, cum illius fructus maturitate hævcent semina prorsus nigra sint.

Verùm hæ differentie non tanti sunt, ut specie distinctas patem: nam & in Stram. albo vulg. flores superiores è foliorum sinubus exeunt: & in Hummatu forte fructus & semina ante plenam maturitatem descripta fuere, vel forte etiam colore variant: reliqua certè descriptio Hummatu egregie convenit Stramonio prædicto.

Herba trita & mixta cum oleo *Sirgelim* membris tumefactis imponitur. Succus foliorum expressus, & mixtus cum Saccharo dicto Lusitanis *Jegra de cána* confert in morbo sacro, parte affecta cum eo unctâ. Semina ad tria numero sumpta conducunt in febre frigido: eadem trita & mixta cum aqua in qua macerata fuit *Oryza* membris tumefactis commodè imponuntur. Hort. Malab.

Quàm periculosus sit seminum usus internus superius ostendimus.

#### 7. Nila hummatu, Daturæ Malabaricæ secunda species Hort. Mal.

##### Hort. Malab.

In humanam altitudinem assurgit, radice fibrosa, abicante, stipite purpureo-cæruleo seu purpureo-rubro & nigricante. Folia quàm præcedentis minora, petiolis interiùs purpureo-rubescens appensa, oblongo-rotundo, cuspidata, uno latere ex inferiore parte petioli producta, margine æquabili, maxima ferè ad medium latitudine tactu lenia & fractu facilia, costis quæ obliquo & annulari ductu ex media exeunt, ac venulas etiam transversas emittunt, in adversa striata, odore quoque gravi: in foliis tenerrimis adversa pars ex rubro in totum nigricat, interiore viridi.

Flors ejusdem formæ, sed colore in totum ex cæruleo-purpureo-rubro fusci, qui in calyce magis fuscescit cum in gemmis sunt; pars interior campanæ albicat.

Fructus oblongo-rotundi sunt, alii glabri, alii gemmulis hinc indè rigidis, ac valde nitentibus, & purpureo-rubris obfiti, colore primum viridi, qui in purpureo-rubrum facessit. Calyx quoque rotundus sed minor, & fructui minùs proximè adstans. Semina ejusdem formæ ac coloris.

In arenosis crescit, & toto anno, maximè autem tempore pluvioso floret.

Decocta proficua est pro membrorum doloribus vel pro eorum induratione in ablutione corporis, *Lociti Vires;* ut & pro febre frigida cum ejus decocto in oleo corpus ungatur, ad quod etiam servit radix eodem modo usurpata. Folia trita cum calce serviunt pro pruritu corporis facta perunctione.

Foliorum & fructuum decoctum cum oleo dolores corporis mitigat eodem modo adhibitum. Fructus contusi & triti deniptis seminibus perbellè sanant apostemata & carbunculos iis impositi.

Semina largiùs sumpta saporem inducunt, ac periculosa est eorum sumptio, necem adferens.

Hæc in virtute prima est excellentior.

\* 8. *Mudila-nila-bummatu*, *Datura Malabarica* tertia species.*Hort. Mal.*

A præcedente nonnisi in floribus differt, qui huic duplicati sunt vel triplicati, altero alteri innato, ut in *Datura Contarena*, quorum secundus ex primo, qui latiori est orificio, duos ferme transversos digitos, tertius ex secundo ferme tres eminet. Sunt autem flores singulares orificio minus lato quam præcedentis, quinque cuspidibus longioribus, ac medio inter duos cuspides intervallo uniplicâ corrugati, & exteriores duo è fundo ad singulos cuspides tribus nervis parallelis paullum eminentibus striati, interior uno nervo eminente & duabus venis parallelis.

Intra hæc campanas, ubi se arctè in collo apprehendunt etiam oblongo-angusta foliola, quorum alia supernè, alia infernè exoriuntur, exteriori superficiè interioris campanæ arctius annexa, parte exteriorè quoque rubro-fusca; purpurascencia, interiori albicante conspiciantur.

In flore interiorè *stamina* quinque rubro-purpurascencia cum oblongis surrectis apicibus ut in *Nila-bummatu* proveniunt, parte inferiori, quâ quadrata, striata pilosâ & candida, collo campanæ annexa & agglutinata. *Stylus* in totum purpurascens, supernè crassior ex capitulo oblongo, nigricante, purpureo, quod rudimentum fructus est, emergens.

*Calyx* quinque cuspidibus quoque eminet, ac versus singulos cuspides uno nervo eminente in longum striatus est, colore rubro-nigricante purpureo.

Hanc speciem superioris tantum varietatem esse suspicor.

\* 9. *Datura Indica* foliis *Malabathri* Breynii.*Breyn.*

*Ramus* hujus ex India sub nomine *Dotter* seu *Dutroa* ad autorem transmissus pedalis longitudinis, quadrangularis, hirtus, & frequentibus internodiis distinctus erat; cui *folia* ex adverso bina adnata sunt, uncias quatuor aut quinque longa, duas lata ubi latissima, nervis, venis & toto habitu *Malabathrum* exquisitè representantia, nisi quod substantiâ minus solidâ, magis herbaceâ, ac in utraq; planitie pilis albis, brevibus atque subasperis, sicut & petioli illorum parvi quibus innituntur, sunt obfita. E foliorum ortu ramusculi eodem ordine & serie quo folia ipsa procreverunt, foliis indè geminis, sed quadruplo minoribus condecorati. Geniculum autem superius ramulorum loco *floris* binos, & rami cacumen quaternos, in angulos quatuor aut quinque desinentes, *Hyoscyami* haud dissimiles, sed ex calyculis planè hirsutis, asperis & veluti argenteis prorumpentes, ostentat, quorum observare colorem non licuit; neque de fructu & semine, an *Daturæ* vel *Stragmonio* rectius æquiparanda, quicquam certi habere potuit.

LIBRI



# LIBRI DECIMI QUINTI

## SECTIO SECUNDA.

### De Herbis flore monopetalo difformi.

*Herbæ flore monopetalo difformi sunt vel Pericarpio seu Vasculo subrotundo, bivalvi; Flore*

*Rictum exprimente; major & elatior; caule multis foliis cincto; LINARIA.*

*Vasculum referente, pusilla, palustris; caule nudo, unico in summo flore; foliis humi stratis, pallidis, humore pingui madentibus; PINGUICULA.*

*Rictum exprimente absque calcari; vasculo in bina loculamenta diviso, è tribus foraminulis semina fundente, vituli nares referente; ANTIRRHINUM.*

*Semifistulari seu corniculato, cum labello in palæ formam producto; pericarpio grandi, in sena loculamenta diviso; ARISTOLOCHIA.*

*Auriculato parvo; pericarpio bivalvi; foliis in caule ex adverso positis; SCROPHULARIA.*

*Dactylosbecam referente, pendulo; floris calice indem bivalvi; DIGITALIS.*

*Galeato; feminibus*

*Compressis, florum calicibus*

*Membranosis tumidis & velut inflatis, vascula seminalia occultantibus; PEDICULARIS, Cbri-  
sta Galli.*

*Tumidioribus;*

*Magnis, granorum Triticæ æmulis, foliis paucioribus venis conspicuis; folio brevi laciniato & canaliculato pericarpium sinu suo excipiente; MELAMPYRUM, Triticum vac-  
cinum.*

*Minutioribus; foliis ad margines serratis; EUPHRASIA.*

*Antirrhinum minimum dictum Linariæ species est, quia flos ejus rictum exprimit & calcari donatur; capsula quoque seminalis binis loculamentis distincta est. Elatine quoque dicta utraque eodem pertinet ob eandem rationes. Tandem Cymbalaria Italica nomine nota genuina Linariæ species est. Quæ flore sunt galeato omnes vasculo etiam sunt bivalvi, seu in bina loculamenta partito.*

### CAP. I.

#### De Pinguicula.

**PINGUICULA** Gesnero dicitur quod folia ejus ad tactum pingua sint ac si oleo aut butyro oblinerentur.

A. I. *Pinguicula Gesneri* J. B. *Pinguicula sive Sanicula Eboracensis* Ger. Park. *Sanicula montana flore calcari donato* C. B. *Butter-wort, Yorkshire Sanicle.*

J. B.

Fibris aliquot albis pro plantulæ modulo satis crassis, non admodum altè in terram demissis, radicatur. Folia per terræ superficiem sparsa sex aut septem, & interdum plura, pallide ex luteo viridia, pinguicula & nitida ac si oleo aut butyro oblinerentur, binas uncias longa, unciam circiter lata, per extremum nonnihil obtusa, marginibus æqualibus & minimè crenatis. [Supina folii superficies breviter admodum lanugine curiosè inveniendi obducta cernitur.] Inter hæc surgunt pediculi aliquot palmares aut altiores, quorum unicuique in summitto fastigio hæret flos unicus purpureo-violaceus aut albus, Violæ

*Viola* similis, monopetalos tamen, calcarum longo donatus, in quinque segmenta divisus. [Nostratis flos ferè semper dilute purpurascit aut ex pallida purpura coerulescit].

Locus:

In palustribus humidis, & montosis udis ubi aqua scaturiunt sapius occurrit.

2. *Pinguicula flore albo minore, calcarum brevissimo.*

Hanc in summitatibus montis Juræ locis udis reperimus.

3. *Pinguicula flore amplo purpureo, cum calcarum longissimo.*

Hanc unà cum priore iisdem in locis observavimus. Floris colore saturè purpureo, ejusdemque magnitudine & calcarum prælongo, tum à præcedente, tum à vulgari nostrate differt.

A. 4. *Pinguicula Cornubiensis flore minore carneo.*

*Folia* huic circa margines reflexa sunt & velut convoluta, pellucida ferè, & venis rubentibus striata. *Flores* quàm in vulgari nostrate multo minores pallidiores, & ad incarnatum colorem dictum accedentes.

Locus.  
Vires.

In Cornubia locis palustribus observavi circa Kilkhamton & alibi.

Vulnera recentia & plagas curare dicuntur *folia* trita & imposita. Succo ejus pingui & butyro illo tum manuum rimas, tum tumores & fissuras in uberibus vaccarum rustici sanant. Hinc & *Sanicula Eboracensis* ei nomen inditum. Plebs Wallicæ syrupum ex ea conficit, quo se subique purgant: quin & herbam iusculis incoquant in eundem usum. Purgat enim pituitam satis strenue. Præterea unguentum ex ea conficiunt ad obstructions hepatis utilissimum.

*Dalechampsius* asserit radicem pistam & pro malagmate impositam tertio die curare ischiadicos, eandem tritam & impositam locis dolore affectis quovis dolores sanare. At radix nimis parva est quàm ut pinsi possit in hunc usum. Camerarius testatur vulnerariam esse herbam, præsertim ad rancem puerorum eximiam. *S. Paulus.*

Tingit crines flavedine, & inservit instar gummi ad contorquendos mulierum capillos. *Idem.*

## C A P. II.

### De *Linaria*.

**L**inaria dicitur à foliorum similitudine cum Lini foliis.

Character ejus genericus est flos rictum exprimens, calcarum donatus, cui succedit vasculum bivalve.

A. 1. *Linaria lutea vulgaris* Ger. J. B. *vulgaris nostras* Park. *vulgaris lutea flore majore* C. B. Common peltito Toad-flax.

*Radicibus* albis, duris, lignosis sub terra reptando immensum se propagat, si locus suppetat. *Caules* ex eadem radice plures surrigit, pedales aut cubitales, glabros, glaucos, *foliis* vestitis crebris, nullo ordine positis, angustis, acutis, *Pityula* similibus adeo, ut nisi lac decisset difficile foret distinguere, antequam floreat planta. *Caules* autem summa parte ramosi: *Flores* in summis caulibus & ramulis velut in spicas aut thyrsos digesti, singuli pediculis brevibus, & foliorum alis egressis insident, lutei, rictu croceo, labello trífido, erecto folio in duas velut aurículas diviso, postica parte calcarum seu corniculo, oblongo, acuto, *Consolidæ regalis* in modum producto, quo ab antirrhini floribus differunt, quibus aliàs perfimiles sunt. *Calix* floris parvus, quinquepartitus. *Vasculum* seminale turgidulum per maturitatem in duas carinas dehiscit, *seminibus* planis rotundis. Sapor plantæ amariulculus & subacris.

Locus.

Ad agrorum margines & vias publicas, inque pascuis sterilibus frequens occurrit.

\* 2. *Linaria latifolia triphylla major* C. B. *Cretica latifolia major* Clus. Hist. Park.

A sequenti planta (cui aliàs perfimilis est) differt *caulis* altitudine cubitali aut ampliore, eoque in multos ramos divisio, quem ambiunt *folia* modò bina, interdum terna simul, aliquando incondita & nullum ordinem servantia, latitudine interdum unciali. *Vascula* ut in aliis *Linariæ* generibus negrum semen continentia. Descriptionem pleniorē vide apud Clusium & C. Bauhinum, sufficit nobis notas posuisse quibus à sequente differt.

\* 3. *Linaria triphylla minor lutea* C. B. *Valentina* Park. parad. *Hispanica* 1. Clus. *Linaria triphylla* J. B. *Valentina* Clusii Ger.

*Caules* ternos quaternosque ab eadem radice profert, pedales & longiores, crassiusculos, succulentos, teretes, inferiore parte rubentes, superius viridantes; quos ambiunt *folia* ex certis intervallis pulchrè disposita, ex eodem loco terna, caulem amplexantia, potissimum parte inferiore, circa fastigium enim sparsim nullo ordine digeruntur: accedunt verò nonnihil ea ad *Telephii folia*, minus crassa, succulenta, minimè tamen per ambitum incisa, circa exortum latiuscula, in obtusum desinentia.



na, pari fere latitudine cum longitudine, sinuatis nervis ad modum fere plantaginis, postica parte minime apparentibus, donata, acetabuli instar concava, celestemque aquam exceptam continentia, sapore amaricante. Verum flores serie longa dispositi, Linariae vulg. similes sunt, lutei, tinctiore tamen labello, & recto lanuginoso, corniculo purpurascens, extra folia viridantia, quae floris basin ambiunt, porrecto: Floribus succedunt capitula rotunda, in quibus semen, quod nec Clusius nec J. Bauhino videre contigit. *Radix* singularis, crassiuscula, alba.

Circa Valentiam in pratis & locis umbrosis Martio florentem observavit Clusius Linariam latifolia tripphyllam majorem C. B. Linariae latifoliae Valentinae Clusii nomine à Doldio missam nos cum J. B. non distinctam suspicamur à descripta. C. B. praeter mentem Doldii à Linaria Valentina Clusii plantam à se in Prodro-mo sub titulo allato descriptam separat, & eam Linaria Cretica latifolia Clusii conjungit. Et revera Lin. Cret. latif. Clusii in omnibus fere convenit cum planta nobis hoc in loco ex Joanne Bauhino descripta; praecipua & fere sola differentia est, quod caules in Cretica Clusii h. e. latifolia tripphylla majore Bauhino in multis ramos divisi dicantur, cum J. B. in descriptione sua ramorum non meminit: quam notam ab eo fortuito omissam putassem, cum pictura ramulos exhibeat, nisi Paulum Boccone in *Linariae* suae *Siculae latifoliae tripphyllae* descriptione hac solâ notâ exceptâ, Bauhonianam Linariam tripphyllam latifoliam cum sua omnino convenire observantem animadvertissem. Sumo ergo, si videtur, Linaria Cretica latifolia Clusii & Linaria tripphylla latifolia C. B. una & eadem plantae species, & diversa à Linaria trifoliâ J. B. h. e. Linaria Sicula latifolia tripphylla Bocconi, Liri. Valentina Clusii cum haec caules habeant simplices & indivisos, illae ramis brachiatis. Mihi tamen nondum satisfactum fateor.

\* 4. *Antirrhinum minus flore Linariae luteae inscriptum* Ger. emac. App.

Ger. emac.

Multos haec cauliculos seu ramulos, tenues, teretes, glabros humi sparfos initio à radice promittunt quatuor aut quinque longos, foliolis crebris, viridibus, brevibus, acuminatis, Serpylli amulis, nisi quod longiora, glabra, tres quatuorve simul inter se opposita vestitis inter quos exurgunt quinque aut sex, interdum decem aut duodecim, recti, teretes, tenues, glabri cauliculi, cubitum atque in ramulos divisi, longis, angustis, tenuibus, viridentibus, nullo ordine positos foliolis amicti. Summis caulibus & ramulis innascuntur quinque, sex aut plures *flosculi* lutei, conferti, ab imo sursum versus paulatim florentes, longam relinquentes spicam minutissimorum pericarpiorum, bifariam lineâ impressâ divisorum, ac si duae valvulae junctae essent, altera ex valvulis alterâ paulo longiore: in quibus continetur semen minutissimum, nigricans. *Radix* brevis, exigua, alba, paucis fibris donata, annua.

\* 5. *Linaria Sicula multicaulis, Molluginis folio* Bocconi.

Boccon.

Caulis huic cubitales sunt, rotundi, ramosi, subrubentes. *Folia* angusta, unciam longa, inferiora circum genicula stellatim radiata, Molluginis instar, superiora autem inordinate disposita, illaque Kali modo carnosa, sulco canulato per longitudinem decurrente. Flores lutei, & vulgaris Linariae minores. Floribus fatiscentibus succedunt Capitula rotunda, in quibus semen latet. *Radix* subest perennis, repens & fibrosa.

Panormi tota aestate floret, & copiose etiam alibi in Sicilia.

Locus.

Cum dubitet Paulus Boccone annon Linaria Cretica angustifolia Clusii cum planta hic proposita specie conveniat, ejus descriptionem subjiciemus, ut Lector studiosus eas invicem conferat: nobis autem proximè accedere videtur ad Linariam tetraphyllum luteam minorem Columnae, quam idcirco proximo [post Creticam Clusianam minorem] in loco proponemus: Sola differentia esse videtur in numero foliorum ad singula genicula caulem ambientium: & quod caulis Columnae non dicatur ramulosus.

\* 6. *Linaria Cretica angustifolia* Clusii Park. *Linaria quadrifolia exiguis flosculis cinereis* C. B. *Q. an eadem praecedenti?*

Clusii.

Virga initio profert ab una radice satis copiosas, rotundas, laeves, sesquipedalis vel pedalis longitudo, quos binis aut ad summum ternis intervallis quaterna simul ambiunt folia, vulgaris Linariae foliis duplo angustiora, deinde alia singularia, nullo servato ordine. Virgis innascuntur frequentes ramuli, foliis valde tenuibus donati, qui velut ex umbella exigua (cujus forma paulatim evanescit) fere protrudit valde exiles, qui quinque foliolis constare videntur, binis scilicet erectis supra cassidem abicantem vel cineraceam, binis latera occupantibus & uno propendente, candelâ insuper sive calicari sub illis conspicuo, antrorsum reflexo. Semen in pericarpio seu vasculis, Lino fere similibus, cineraceum & planum, quod deciduo flore brevi maturescit, etiam herba adhuc vivente. Florebat sub finem Julii.

\* 7. *Linaria quadrifolia lutea* C. B. *tetraphylla lutea minor* Coli. Quinta eadem videtur.

Coli.

Plantula est pedalis, exigua radice, viticulis multis, supinis assurgens; sed caulis est rectus, geniculis singulis quaternis folia promens, in imo minora, atque à medio ad summum non quaterna, sed alternatim singula, & breviora: folia Lini aut Linariae amula, colore Brassicae, inferne canaliculata, cauli cruciatim erecta haerentia. Flores in summo pauci, è petiolis brevibus prodeuntes, calicibus

Tempus &  
Locus.

bus quinquefoliatis hirsutis insidentes, effigie atque positu Linariae vulgari similes, verum minores atque lutescentes. Fructus crassi, rotundi, sex lineis distincti, apicello in summo emicante, in quibus semen nigrescens, lunatum, ut in congeneribus. Sapor idem amarus qui in aliis. Aprili mense floret, & aestate perficitur. Anversa Valvensium in montium lateribus Soli expositis sterilibus oritur.

C. Bauhinus in pinace duarum Linariae luteae specierum meminit, quas tamen non describit.

Primam Linariam rectam angustifoliam IV. facit, titulo *Linaria lutea montanae Genista tinctoria folio*: quae inquit ad montem S. Bernardi, floribus aureis, mediae magnitudinis reperitur.

Secundam, Linariam rectam angustif. V. titulo *Linaria lutea flore minimo*: quae in agris Provinciae Galliae, brevibus & angustis foliis & minutissimis flosculis luteis occurrit. Haec Linaria minor astra Ger. emac. App. forté.

Paulus Boccone Linariae cujusdam meminit, quam pumilam triphyllam Siculam appellat;

Cui pro plantae tenuitate radicem satis crassam attribuit, plurifariam in ramos divisam, non sine fibris quibusdam etiam adnatis: Cauliculos tres aut quatuor, palmares, geniculatos, per terram stratos, circa quos Folia parva, subrotunda, Cruciatæ Dod. magnitudine, decussatim ad genicula composita. Hujus flosculos non observavit; quare nescio unde ei constare potuit Linariam fuisse quam describit.

Locus.  
Vires.

Ad montes Hyblaeos in oppido Melilli nascitur.

Linaria lutea vulgaris alvi turbatrix est, autore Trago. Urinam tam potenter pellit, ut inde Harnkraut Germanis appelletur. Aquae quantum vitrum exiguum capiat, admixta drachma cordis ebuli in pulverem redacti sumpta potio urinam potenter cit, quare hydropicis tantum id medicamentum exhibendum erit. Eadem aqua destillata pota alvum laxat, morbum discutit Regium, adveniens quem herba ipsa in vino decocta ac pota inprimis facit, sicut & jecur obstructionibus liberat. Eadem aqua aut succus oculis inditus inflammationes eorum & ruborem tollit, quod se experientia & longa observatione didicisse scribit Tragus. Eadem linteolis imposita quavis ulcera emundat si cum eis colluantur loci affecti. Succus idem maculas & vitia faciei emendat. Trag.

Isteris non recentibus tantum sed jam ad hydropem spectantibus verissimum & efficacissimum praestat commodum, observante Lobelio in Adv.

Sunt qui herbam hanc intra calceos plantis pedum supponunt ad febrem quartanam abigendam.

Ad dolorem haemorrhoidum, R. Herb. Linariae cum flor. q. f. decoquatur cum adipe porcino, quousque adeps valde vireseat, fiatque unguent. cui expresso & parum refrigerato vitellus ovi admisceatur. Ego non soleo vitellum ovi miscere nisi applicationis tempore, usque comperi unguentum in hac regione viriditatem amittere post annum, & cum ea virtutem: id quod Massiliæ non contingebat. Chesneau. Habui ab ingeniosissimo viro mihi que amicissimo D. Edw. Hulse M.D.

Linaria sanat incredibiles haemorrhoidum dolores, Grembs & Cardilucio autoribus, item Scarneto. D. Tancredus Robinson.

- \* 8. *Linaria pumila Hispanica* Park. *pumila supina lutea* C. B. *lutea parva serpens* J. B. *Offra flava sylvestris* Lob. Ger.

Clus.

Palmaribus exit virgulis, frequentibus, humi sparsis, quas vestiunt folia vulgaris foliis similia. Extremos ramulos occupant multi flores flavi, vulgari minores, velut in spicam congesti; quibus succedunt capitula minora quam in vulgari, exiguo semine nigro-plena. Radix tenuis est & candida; vulgaris modo serpens. Valde amara est, & quia plerumque cum Chamæpity nascens reperitur, adeoque pumila fit, Salmanticenses Chamæpity genus esse censabant.

Locus.

Salmanticensi agro, aridis locis provenit, ubi tota fere aestate floret. D. Magnol Linariam illam quae in saxosis montis Lupi & montis Capouladou oritur pro hac habet.

- \* 9. *Linaria latifolia Dalmatica* Park. *maxima foliis Lauri Dalmatica* J. B. *latifolia Dalmatica* C. B. *magna flore* C. B.

Caulibus est lignosis, rotundis, firmis, cubitum superantibus, in ramos brachiatis, quos folia, praesertim inferiora, uncias duas, aut etiam tres longa, unciam lata, pediculis carentia, in summate caulium semper breviora & angustiora, in apicem acutissimum delincentia nullo servato ordine ambiunt. Flores habet Linaria vulgaris floribus similes, sed triplo imò quadruplo majores, Antithium majoris magnitudine ex luteo rufescentes aureosive, quibus vascula ut in aliis succedunt.

Ex semine Florentia à Casabona missa in horto Montbelgardiano crevit.

- \* 10. *Linaria Americana parva flore luteo* C. B. Park.

Ex radice caules plures sesquicubitales, rotundi, laves, rufescentes, in ramos plures divisi exurgunt; quos folia triplo quam in priore angustiora, in acutum apicem delincentia, atrovirentia, alternatim nulloque ordine disposita, cingunt. Floribus est aureis usque longè quam in vulgari minoribus.

\* 11. *Linaria*



- 15. *Linaria Pannonica* fl. luteo minore quam in vulgari J. B. *Pannonica* major Park. Lin. fl. pallido, vultu aureo C. B. *Pannonica* 1. Cluf.

*Clus.*

Bicubitali interdum excrefcit magnitudine, rectum ferens caulem, laevem, viridem, multis foliis fimo Lino fimilibus circumleptum, qui fuperiore parte in multos tenues brevifque ramulos divifus eft, ferentes raros flores, Linariae quidem vulgaris floribus respondentes, fed minores & pallidiores, nonnulli villofo & aureo: fermen in vafculis Linariae vulgari fimilibus exile, nigrum: Radix longifcula, candicans, multis tenuibus & majufculis fibris in latera expanfis nixa, perennis, fummo capite lingulis annis novos caules profert quidem; fed ex lateralibus fibris non germinat ut vulgaris. Tri- amarifcula eft.

Crescit in montibus declivibus secundum publicas vias & gramine nudis locis, supra Pofonium ad Danubium, Gumpoftkirchen, Leytenberg, atque etiam in Moravia. Floret Janio & Julio, inter-  
 dum etiam Augusto & subinde semen profert. Locus & Tempus.

- \* 12. *Linaria lutea perca annua* J. B. *pumila, foliis carnosis, flosculis minimis flavis* C. B. *lutea Moldavica Clusii* Park.

F.B.

Magnitudine varia mihi crevit, alias ſeſquipalmari aliàs pluſquam dodrantali, ex *radicibus* parvis, *ſcapulis*, pluribus: Sunt autem *caules*, qui tenuēs & numeroſi exiſtunt, & *folia*, quæ teneriora, anguſtioraque & craſſiora quam in vulgari Linaria, colore glauco, terna vel quaterna aut quina, ex breuiſſimis intervallis, aliàs vero incondita, ſubamaro ſapore: *ſtoſculi* in ramulorum ſtigiis Linariæ formæ, crocei, ſed quadruplo minores, odore nullo; quos excipiunt globuli oblongi ſemen continentes rotundi, orbiculati, compreſſi. Radix tenuis eſt & annua.

Nascitur plerisque Moraviae locis in collium acclivitatibus: Lutetia etiam extra portam Flonori *Locus*.  
In arborum marginibus & collibus. *J. B.* Floret quasi tota aestate in Autumnum usque. Ex semine  
forte deciduo in hortis facile renascitur.

Reperitur in sterilibus locis circa Boutonnetum, Sellam novam, la Columbiere aliisque Maio mense  
floreus. *Botan. Monsp.* Nos in cacumine montis Lupi duabus Montspelio leucis distantis Autumno  
harentem invenimus; diversum a nobis sentit D. Magnol: vid. Linariam 8.

- \* 13. *Linaria annua angustifolia flore majore luteo* Morisf.

*Moris.*

Hujus folia sunt quasi Pfyllii foliorum æmula, longiora. Caudem producit sesquipedalem, cujus apice innascuntur flores lutei, multò majores quàm pro tenuitate plantæ. Semina compressa, ni-

Circa Burdegalam in fatis arvis provenit.

14. *Linaria maritima minima, viscosa, foliis hirsutis, floribus luteis*, Moril.

*Folia* edit hirsuta, viscosa, superioris foliis multò dilutiùs virentia, pilis scatentia: *caules* semipetuli, in quorum cimis *flores* fert minimos, luteos: quibus evanescentibus succedunt *capsulae* rotundae, bifidulae aliarum. *Linaparium* laeve, continentes *semina* nigra, compressa seu foliacea.

Provenit in agnoscis maritimis Armorice

5. *Linaria pusilla procumbens latifolia*, flore pallido, rectis luteo.

*Radix* huic simplex quidem, sed multis fibris majusculis donata, sublutea, annua: Ex qua caudiculi emergunt plures infirmi, teretes, palmares, humi procumbentes, glauci, quemadmodum & *fistulae*, quae nunc singulae, nunc binae ex adhaerentibus, nunc ternae & interdum etiam quaternae simul in caudicibus oriuntur, unde & ramuli quoque nunc singuli, nunc bini, nunc terni simul exeunt. *Folia* Poly-podii foliorum similia sed minora. *Floras* longis pedicellis subinae, albi rictu luteo, calcaribus pen-natis longissimis retro sam extensis. *Pars* illa floris quae oritur in medio fistulae binas veluti auriculas praesentat, in ipsa Lunaria purpurea parva. Florent circumstant quinque foliola viridia pro calice. Postquam flos evanuit, pediculus ejus deorsum incurvatur. Vasculum feminale rotundum, binae vel, seminis repletum pusillis, rufis. Quamprimum semen maturefcit dehiscit capsula, ut difficile sit semen colligere.

Frequens est Messanz in vineis & hortis: Floret Maio & Junio.

16. *Linaria minuscula* Park. In *Linaria minor affinis* Ger. emac. Append.

acquiring the system. I have advised major contractors, including

*Singulari affurgit caule, dimidium pedem altitudine vix excedente, foliis plurimis, pusillis, angulis, ex caeruleo viridibus amictis, Lineariz vulgaris similibus, summo fastigio, floris multos gestantibus, pallide luteos, ricu saturatiore, calcar exiguo. Semen minutissimum, compressum, nigrescens. Radicifilla arbuscula.*

De loco natali nihil certi habet.

## Linearize

*Linaria minori æstivæ* Johnsonus apud Gerardum *Caules* teretes, glabros, ex viridi albicanes, pedales, infirmos & vix se sustinentes attribuit: *folia* angusta, oblonga, acuminata, deorsum perenne reflexa: *flores* in summis ramulis spicatos, sed non confertos. *Linaria* vulg. similibus est, sed multis numeris minor.

\*17. *Linaria* seu *Osyris alba* Park. *Osyris alba Lobelii* Ger.

*Morif.*

Ex radice oritur lignosa, multis bifurcationibus inferius divisa, multisque fibris inde emanantibus. Ex qua protruduntur multi caules, lenti, multis foliis angustis, oblongis, inordinatim dispositis oris-  
si, haud absimiles foliis vulgaris luteae. In caulium cimis proveniunt *flosculi* multi, spicatum dispo-  
siti, albi seu pallidi, vulgaris formâ, sed magnitudine eos excedentes. Semen in bicaulis, in theca  
septo medio disjunctis & separatis, foliaceum, compressum, nigrum. Radix est alba, longa, cras-  
sa, multis annos durans.

Hæc herba à Lobelio in Hist. Belgica describitur. C. Bauhinus Ofyridem albam *Lob. ico.* Linaria Pannonica 1. *Clus.* Synonymam facit, verum dubitanter: Nobis certè incognita est: Sulpicam descriptionem Morisoni partim ad iconem factam, partim à Parkinsoni Theat. mutatam.

\* 18. *Linaria annua Chalepensis minor erecta, flore albo, lineis violaceis notato* Moris.

*Moris.*

Ad pedalem altitudinem recta ascendit, *cauliculis foliis compressis, uncialibus, rarius dispositis* vestitiis. Ex horum sinibus oriuntur *flosculi albi, lineis parvis, violaceis notati, & quod observatum* dignum, calyces sustinentes praedictos *flores* habet ex quinis foliis compressis, uncialibus confusis, & longitudine multum capsulas ipsas superantibus.

Semen hujus a D. Rob. Huntington in territorio Chalepenfi collectum & ad descriptionis amorem  
transmissum est.

19. *Linaria purpurea magna* J. B. *purpurea major odorata* C. B. *Lin. altera purpurea* Ger.

F. B.

Sesquicubitalē ē longa, nigra, contorta, lignosa radice caulem emittit, eūque teretem, glabrum, firmum, in ramos praelongos divisum, foliis ornatum longioribus latioribusque quā Linaria lutea, sapore nullo evidente. Flores longa serie per ramos nascuntur, antrorsum hiantes, postica parte calcar promittentes, colore purpureo praeiti, minores multo quā Linaria lutea vulg. Semen in vasis parvis, bifidis continetur.

Circa Neapolin & ad radices montis Vesuvii.

Maxima est omnium quas hactenus novimus *Lupularum*; flore parvo, intense purpureo.

A. 20. *Linaria odorata* Monspessulana J. B. *Linaria flore albicante Caryophyllata* Cam. Hort.  
*Linaria odorata* Lugd. Lin. capillaceo folio erecta, flore odoro C. B. prod. Q. *Lin. cary-*  
*phyllata albicans* Park.

F.B.I.

Radix & rigida stat caulis, bicubitalibus, juxta terram rubescentibus, quos Linariae vulgaris folia angustiora denso stipatu ornant, sapore amaricante: Summum caulis fastigium in furculos aliquos abit, qui flores sustinent eodem quo in Linaria vulgata dispositos ordine, calcare longe breviori & parum apparente, quâ in re differunt à planta Linariae aliquatenus simili, sicuti & in eo quod flores sunt majores, odore gratissimo, superiore folio pallido, purpurascensibus striis variegato, inferiore in tres lacinias diviso, recto lanuginoso, amethystino, croceoque colore picto. Semina parva in vasis subrotundis, herbe Linariae jam dictae similibus, sed majoribus, sapore ut mirum vultur adstringente. Radix vivax, insigniter repens, colore candida.

Circa Monpelium ubique occurrit: in Cornubia etiam Anglia provincia, non longe ab oppido Perin in senibus invenimus. Occidentem versus.

- Descriptio quam proponimus J. Bauhino plena est & exacta. Clusus (ut ille [J. Bauhinus] observat) *Linaria odorata* nomine pingit, & describit tantum flores: cetera sunt aliorum plantarum nempe *Linariae* folio *Bellidis*. C. Bauhinus perperam folia capillacea ei attribuit; ni aliam, forte plantam intelligat.

\* 21. *Linaria odorata* Monspessulana minor caerulea I. B. argensis caerulea erecta C. B. prod.

Dodrantalibus & brevioribus, ex radícula fibrosa mox ortis *caulibus*, tenuibus, rigidis; quos folia vestiunt rara, alternatim ex longis intervallis, filis inter tenuia, semineis longiora. Flores in cacumine serie quadam sibi invicem succedunt, Linariæ odoratæ majoris, coerulei, calcaris longo præditi.

An- & quomodo à fequente pluita differat: confiderandum. in D. Miguel diverfam facit, Reque  
propè portum Cesurii in arvis Aprilis & Maio mense legisse scribit. I. ofanis audubini colucae 19  
in multitudine, multiplicem vero? ovippe incolae etiamque usque ad alios 6 milleq. greges

22. *Linaria graminea* floribus congestis caeruleis. An *Lin. caerulea* calcitribus longior J. B.

Altitudo ei dodrantalis, *folia* graminea: *flores* in summo caule dense stipati velut in brevi spica.  
Hanc sic describit J. Bauhinus;

Radix



*Radix* tortuosa, dura, alba, fibrata: *Caulis* singularis, simplex, pedalis, glaber, teres, gracilis: *folia* alia adversa, alia alternata, uncialia, angusta, acuminata, *laxia*: *flores* per summum scapum eo ordine quo in *Linaria* vulgari, eademque formâ, dimidio minores, calcari ferè longiore, cœrulei, quinque herbacei coloris angustis longisque foliis basin suffulcientibus: *Vascula* minora quàm *Lin.* vulgaris.

In pascuis ad radices montis Vesuvii copiosè oritur.

Locus.

23. *Linaria purpurea parva* J. B. *quadrifolia supina* C. B. Ger. emac. *quadrifolia Alpina* Park.

J. B. *Clus.*

*Radix* subest tortuosa cum fibris longiusculis [tenuis, alba, multos ex uno capite ramulos profert, atque etiam summa tellure serpit *Clus.*] *Caulis* complures, palmares & majores, in terram reclinata, ramosi, *foliis* amicti veluti ex geniculis, modò singularibus, modò ternis aut quaternis, vix quadrantem uncie aquantibus, crassis, succulentis, coloris ex herbaceo candicantis & veluti cæsi. Extremis ramis *flores* multi, congesti hærent, *Linariæ* vulgaris, minores, longis calcaribus præditi, corulo-purpurei, folio superiore bifido, apicibus in rictu luteis, concolori etiam labelli portuuncula pectiore [Clusio elegantissimo colore præditi, ex violaceo quodammodo purpurascens, labro inferiore ubi hiat aut diducto rictu aperitur planè aureo.] Succedunt *vascula* pænè rotunda, calyce ex quinque foliolis excepta, quæ continent *semina* longiuscula, compressa, qualia sunt *Alyssi*.

*Dal.*

In Alpium præruptis per Stiriam & Carinthiam, inque monte Jura observavimus. *Clusius* perennem esse scribit.

Locus.

24. *Linaria purpurea parva foliis sine ordine dispositis* J. B. *Lin. carulea repens* C. B. Park. *Moravica* 2. *Clus.* *Oxyris purpureo-carulea repens* Ger.

*Clus.*

Tenuis & humi diffusos habet *cauliculos*, valdè frequentibus, angustioribus, sine ordine dispositis, crassiusculis, & coloris cæsi foliolis obritos, in plures alas nonnunquam divisos; quarum fastigium occupant multi, spicæ instar confertim nascentes *flosculi*, colore superiori ferè similes, sed multo minores: quibus succedunt parva *capitula* semine plena, de cujus forma & colore nihil asserere possum (inquit *Clusius*) quandoquidem florentem & capitulorum rudimenta duntaxat præbentem in *Moravia* collibus inveniebam. *Radix* multis fibris læte sparsis constat, & perennem esse apparet.

In alveis fluviorum & torrentum Alpestrum observavimus.

Locus.

Ab hoc genere parum admodum differt, quantum ego quidem perspicere possum,

*Linaria Hispanica* 4. *Clusii*. *Lin. foliis carnosiss cinereis* C. B. *Lin. parva Hispanica altera* Park.

Multos graciles infirmos fundit *cauliculos*, quos ambiunt frequentia, carnosa, tenuia molliaque *foliola*, cineracei quodammodo coloris: extremis cauliculis insident aliquot *flores*, superioribus minores, coloris cœrulei dilutioris ad cineraceum tendentis, quorum rictus flavus: illos sequuntur *vascula* maturitate hiantia, & cineraceum planum exiguum semen continentia. *Radix* alba, tenuibus villosa prædita, annua.

Tota æstate & Autumno floret, & maturum semen profert.

Tempus.

\* 25. *Linaria tenuifolia æruginei coloris* C. B. *Hispanica* 2. *Clus.* *Hispanica atro-purpurea repens* Park.

*Clus.*

Tenuibus frequentibusque ex eadem *radice* affurgit *cauliculis*, iisque imbecillis & plerumque procumbentibus; quos vestiunt frequentia tenuiaque admodum & mollia *foliola*, æruginei quodammodo coloris. Summis ramulis & cauliculis insident aliquot *flores*, *Linariæ* vulgari formâ similes, sed paulò minores, elegantes, coloris ex purpura ferè nigricantis, circa rictum havescentes, tenui odore præditi. Floribus succedunt rotunda *capitula*, cineraceum planumque semen continentia. *Radix* candida est, tenuibus quibusdam fibris & quasi villis donata. Tota planta tenella est, & frigore facile corrumpitur.

Floret æstate, semen Augusto maturitatem consequitur, interdum etiam diutius floret. Semine ex Hispania musso nata est.

Tempus.

\* 26. *Linaria foliis angustis, ex viridi canescentibus* C. B. *Hispanica* 3. *Clus.* Hist. *Linaria Hispanica tertia* *Clusii* Park.

*Clus.*

Multi huic graciles pedalesque à radice *caules* proveniunt: hos frequentia ambiunt *folia*, angusta, ex viridi canescentia, ejus ferè coloris qui in *Lavendulæ* foliis conspicuus est, amari, autem odore. Circa summum caulem multi nascuntur *flores*, utunque odorati, spicæ in modum compositæ, formâ superiori similes, quorum subrectum bifidum foliolum externa parte exalbidi coloris est, interna purpurei, rictus deinde exalbido, sive albicantis ex flavo coloris, hirsuto & purpureo labro, pendens tribus latiusculis, purpurascens barbulis. Flori succedunt *vascula*, sed plerumque immixta [Francofurti.] Vivax est, & ex radice singulis annos novos profert *caules*.

Lee

Linaria

\* 27. *Linaria triphylla caerulea* C. B. *caerulea* *Apula triphylla* Col. Park.

*Col.* *monit. 412. 7*  
*Radice* alba, tenui firmatur; ex qua plures, teneri *caules* pedales fruticant [ aliquando singulari caule invenitur ] laeves, albicantes, *foliis* per genicula ternis, Rutaceis paulò majoribus, latioribus, acutioribusque, colore cinereo Rutæ aut Brassicæ, circa summum verò caulis alternatim dispositis, ex quibus Martio mense *flores* primùm coacervati, cœrulei, minuti; extumescencia labra tantum lutea habentes, qui paulatim crescente caule decidunt, & *fructus* inter folia remanent rotundi; in quibus foliaceum, latum, compressum, nigrum, atque respectu plantæ magnum *semen*. April mense perficitur. Sapore est palatum excalescente, nec dulci, nec amaro excedente.

Locus.

Cirinolanis agris pratensibus incultis obvia est.

\* 28. *Linaria tenuifolia* Lugdunensis Park. *Lin. capillaceo folio altera* C. B.

*Folius* est angustis capillaceis creberrimis in *cauliculis* teretibus, pedalem altitudinem rarò excedentibus, sapore amaricante & austero, ut uter alteri prævaleat vix internoscas, ramosis quorum fastigia occupant *flores* pauciores & minùs conferti quàm in aliis, dum adhuc clausi sunt rubentes, cum explicantur albi rubore diluti: quibus succedunt *semina* parva, plana seu compressa in capitulis parvis oblongis. *Radix* nigra, fibrosa.

\* 29. *Linaria flore pallido, rictu purpureo* C. B.

Hæc proceritate *Linariam* vulgarem non excedit, *foliis* autem planè latioribus est & lætè virentibus; floribus albicantibus, rictu purpurascens decoris & multò rariùs dispositis quàm *flores* vulgaris *Linariæ*, qui densius & spicatim summæ caulium cymas vestiunt.

\* 30. *Linaria minor caerulea erecta* Park.

*Folia* hujus plantulæ quæ è radice exeunt ( si rectè pingantur à Parkinsono ) præter normam aliorum sui generis omnium alata seu pinnata sunt, è tribus quatuorve pinnarum medix costæ adnatarum conjugationibus cum impari in extremo folio composita: [ in descriptione cauliculos aliquot ei attribuit parvis brevibus, birtis sibi adversis foliolis vestitos, adeoque, ut videtur, folia hæc composita cauliculos foliosos vocat ] inter quæ duo trève *cauliculi* assurgunt, vix pedem dimidium alti, *foliis* longioribus & angustioribus obfiti, *flores* in fastigio gestantes quàm præcedentis [ *Linariæ* minimæ erectæ ejusdem ] ampliores, subcœruleos quibus succedunt *semina* illius familia. *Radix* fibrosa annua. Hæc est proculdubio

*Linaria annua purpureo-violacea, calcaribus longis, foliis imis rotundioribus, minor caerulea* D. Peltieri  
*conit. 410. Lob. Illustr. quæ*

Lobelio in *Illustrationibus stirpium* describitur, qui de florum calcaribus nihil dicit, quamvis longiores sint quàm in plerisque aliis speciebus.

Locus.

In herbidis fatorum marginibus intra lucum Gramuntium fisis Maio mense florentem vidit D. Magnol.

31. *Linaria semper virens* Alpin. exot. Eadem videtur secunda, seu *Linariæ odoratæ* Monspessulana J. B.

*Caulibus* exit multis, bicubitalibus ac amplioribus etiam, rectis, rotundis, colore cœruleo nigricante, *foliis* utrinque alternatim longissimis, tenuibus, angustis, latitudine ad Linum accedentibus, vestitis: in quorum summis fastigiis apicè modò *flores* producantur plurimi, parvi, cœrulei, elegantes, calcarè posteriùs brevi, tenui, inflexo. Floribus hisce singulis succedunt *capsule* singulæ, bifidæ, & septo medio pellucido divise, continentes hinc inde *semina* rotunda, tenuissima, nigra. *Radices* nititur multis, longis, crassis, albicantibus, ab uno principio scilicet, apice radice, ut in Phalangii ramosi & non ramosi radicibus observare licet.

Perpetuò viret, & per æstatem totam floret; ac ita luxuriat & se diffundit, ut vix extirpari queat, aut impediri quin hortum totum ubi semel lata est occupet.

32. *Linaria aliquatenus similis folio Bellidis* J. B. *Linaria Bellidis folio* C. B. *odorata* Park. *purpurea odorata* Ger.

J. B.

Ex vasculorum & superiorum foliorum argumento (inquit J. Bauhinus) in *Linariarum* classem refero. *Radix* subest crassiuscula, lignosa, alba, contorta, simplex, interdum multifida; ex qua germinant multa, per terram sparsa *folia*, ferè Bellidis majoris aut Agerati, profundè in ambitu serrata, glabra, amara; reliqua per ramos tenuia, angustissima, longiuscula: *Caules* ex radice statim plures orientur, cubitales, teretes, multum ramosi, quos ferè totos una cum ramis ornant longa serio *flosculi*, è foliorum finit prodeuntes, exigui admodum, & quodammodo hiantes, partim cœrulei, partim albi, nullo calcarè donati: Vascula delapsis floribus succedunt, multa, parva, subrotunda, & veluti bipartita, quibus semen clauditur copiosum, minutum subruffum, amarum.

J. Bauhinus



J. Bauhinus hanc observavit in agris inter Lugdunum & Viennam; nos in agris Lugdunum inter *Locus*, & Gratianopolin, quinque aut sex leucis à Lugduno.

Descriptio Clusii *Linaria odorata* conveniret plantæ à nobis descriptæ, si non diceret florem habere hamulum incurvum; sed & titulus odoris non convenit: Quare existimo una descriptione & uno titulo duas plantas esse ab ipso traditas, [nimirum *Linariam odoratam* Monsp. & plantam hic propositam] *J. B.*

Nos certe in hujus plantæ floribus nulla observavimus calcaria aut cornicula: & uterque Bauhinus eos calcaribus carere affirmat. Et quod ad odorem attinet, nos nullum in ejus floribus sensitum; quin & Clusius ipse in calidis regionibus aliquantulum duntaxat odoratam esse scribit, in Germania verò & Belgicis hortis inodoram. Quocirca J. Bauhini sententiam amplectimur, nimirum Clusium duas plantas tum in figura tum in descriptione sua miscuisse; quem secuti reliqui plerique Botanici eundem errorem errarunt.

Potest hæc non incommode ad *Linarias* referri, verum propria & genuina *Linariæ* species censei non debet; nulla in flosculis ferè convenientia nobis visa fuit, nec folia ullius nobis cognitæ *Linariæ* speciei foliis similia, cum è radice exeuntia ab iis quæ in caulibus plurimum sint diversa, unde cum primum plantam vidimus pro anomala & sui generis habuimus.

33. *Linaria arvensis angustifolia flore pusillo non descripta* Hort. Lugd. Bat.

Flores calyce donati. Semen in vasculis bivalvibus rotundis; quod omnibus *Linariis* commune est.

A. 34. *Linaria Elatine dicta folio subrotundo.*

*Elatine folio subrotundo* C. B. Park. *mas folio sub rotundo* J. B. *Veronica femina* Fuchsii sive *Elatine* Ger. *Round leaved female* Fluellin, or *Speedwell*.

*Radix* alba, simplex, tenuis, paucis fibris donata, rectà in terram descendit. *Caulis* tenuis, rotundus, vix palmum altus, verum flagella quæ ad latus supra terram spargit, longitudine non raro spithamam excedunt. *Folia* quàm *Alfines* mediæ majora, rotundiora, pallidè viridia & canescentia, hirsuta & ad tactum mollia, circa margines plerunque æqualia, interdum tamen obiter dentata, pediculis brevissimis fulta, situ alterno. Ex alis foliorum emergunt pediculi singulares, longi, tenues, singulos flores sustinentes, *Linariæ* similes, parvos, cum calcare tenui incurvo, rictu amplo, labello ex herbido flavescente, superiore adversâ laciniâ bifidâ, pullâ. *Calix* floris pentaphyllos. Floribus succedunt *vascula seminalia* turgidula, è binis loculamentis composita semina continentia.

In arvis sponte & copiosissime provenit. Serius post mediam ætatem floret.

A. 35. *Linaria Elatine dicta folio acuminato.*

*Elatine folio acuminato*, seu *fœmina* foliis angulosis *J. B.* ab hac præcipuè differt foliorum figura quæ ei longiora sunt, in acutum desinunt & ad basin auriculas habent velut *Acetosa ovilla*. J. Bauhinus *Helxines* cissampeli foliis comparat aut sagittæ mucroni. Hæc species, inquit idem, magis sessilis est quàm illa, viticulas longissimas spargit. Flores consimiles sunt sed minores.

Cum priore.

In transmarinis plantulam hanc florum colore dilutè cæruleo variantem observavimus.

*Locus.*

Facultatibus cum *Veronica* convenire aiunt.

*Vires.*

Succus herbæ expressus ejusve aqua destillata, tum intus sumpta, tum exterius applicata ulcera sordida & cancrofa cohibere & perfectè sanare dicitur.

Nasum qui decreverant abscindere perdocti Medici complures, præceperantque ejusdem sententiæ Chirurgis valdè exercitatis id faciendum, quidam misellus Barbitonsor, qui de quopiam suo hero eximio Medico didicisset dissuasit: hujus litu & potu effecit, ut nec nasus abscindendus foret, & ut reliquo corpori in lepram prono optimè esset. Amaricant folia adstringuntque siccitate non exasperante. *Lob. Adv. p. 197.*

*Linaria Cymbalaria dicta.*

36. *Cymbalaria* C. B. *Italica* Ger. *Italica hederacea* Park. *flosculis purpurascens* J. B.

*J. B.*

Ex parietum rimis pendulas fibras evibrat, tenues, purpurascens, teretes, læves, longas, nervo, quem facile stringendo linquit cortex, factas, in varias variè fibrillas facessentes; per quas folia est cernere longis appensa pediculis, hederacea, angulosa, supernè atrovirentia, infernè Cyclamini modo purpurascens, tenera, succulenta, obscuro quodam amarore prædita. Ad exortum porro pediculorum quibus hærent folia tortiles surgunt alii pediculi, quibus flores singuli insident, *Elatines* aut *Antirrhini* minoris, purpurascens, calcari brevi, rictu pallido. Succedit capitulum globosum, *fœmine* claudens parva, crispâ.

Basilæ observavimus in ipsius urbis muris: in Italia autem, uliginosis parietibus, maceris & saxis *Locus*, nihil frequentius.

Facultatis est humidæ frigidæque cum adstrictione quadam. Iis profectò hanc plantam pollere *Vires*, facultatibus factò periculo constat quibus primi generis *Cotyledonem*. Sunt qui eâ utuntur ad alba uri profluvia, eandem recentem in acetariis propinantes, teste Matthiolo. *J. B.* Nostratibus qui acetariis rariùs utuntur conservam è foliis factam potiùs commendat Parkinsonus.

*Linaria Antirrhinum dicta.*

- A. 37. *Antirrhinum arvense minus* C. B. *minimum* J. B. *minimum repens* Ger. *emac. mali sylvestre minimum* Park. *The least Calves-snout, or Snapdragon.*

*Radice* nititur parva, albâ, simplici, durâ, longis & tenuibus fibris donatâ. *Caulis* ei palmatus sunt, teretes, hirsuti, ramosi. *Folia* caulibus inferiora conjugatim, superiora alternatim adnascuntur vix digitum longa, angusta, hirsuta, mucrone obtuso. *Flores* ex alis foliorum exeunt singulati, Antirrhini similes, pediculis semuncialibus aut longioribus, dilute purpurascens, cum brevibus & tenuibus calcaribus, è calice tetrapetalo. Succedunt *capsellæ* oblongæ, ventricosæ, septi crassiusculi beneficio in duos loculos divisæ, *semine* parvo, obscure ruffo aut pullo repletos.

Locus.

In arvis sæpius obvium se dat, nonnunquam & in viis publicis, & locis cultis. Æstate floret. Hæc planta ob florem calcare donatam, & vasculum bivalve eodem cum *Linaria* modo hians & semina fundens, *Linariæ* potius quam *Antirrhini* species censenda est.

## CAP. III.

## De Antirrhino.

*Antirrhinum* à *Ἀντίρρινον* Dioscoridi l. 4. c. 133. dictum quod fructu fit vituli narium simili. Appellatur & *Os leonis* Cæsalpino, qui existimat plantam hanc eandem esse quam intelligit Columella per illa verba, *Et biantis sæva leonis Ora feri*; Siquidem flores hujus rictum leonini oris amulantur; quod verum est de hujus plantæ floribus, non de *Aquilegiæ*, quam alii à Columella denotatam volunt.

Notæ hujus sunt flos rictum exprimens quo cum *Linaria* convenit, calcari carens, quo ab eodem differt, vasculum in bina loculamenta divisum, è tribus foraminibus semina fundens, vituli caput & nares referens.

1. *Antirrhinum vulgare* J. B. *purpureum* Ger. *purpureum sive roseum* Park. *maius alterum folio longiore* C. B. *Purple Calves-snout, or Snapdragon.*

*Radice* firmatur lignosâ, albâ. *Caulis* cubitales & sesquicubitales, teretes, solidi, glabri propè terram, superiùs brevi lanugine hirsuti. *Folia* longa angusta, glabra Leucosii lutei, alterno aut potius nullo ordine posita, sapore subacri. *Flores* in summis scapis in thyrsi morem dispositi, ampli, monopetali, colore carneo albôve, rictum leoninum exprimentes, bifido folio surrecto, labello trifido, antequam in lacinias dividi incipiat nonnihil luteo fimbriatque villosâ donato, stylum & quatuor stamina apicibus flavis insignia continentes. *Calix* floris brevis, quinque segmentis obtusis, hirsutis constans: *Pediculus* ejusdem brevissimus hirsutus, è finu folioli exigui, brevis, concavi, acuminatus. *Flores* versùs eandem omnes partem vergunt, suntque exterius hirsuti. *Summitates* caulium, & florum calices ad tactum viscosi sunt. *Flori* unicuique succedit *vasculum seminale* grande, caput vitulinum quodammodo referens, apice incurvo, in duo loculamenta divisum, quorum superius per maturitatem summa sui parte uno foramine, inferius duobus aperitur. *Semen* pusillum, angulosum, palium seu nigrum.

Locus.

Descriptio est J. Bauhini, à nobis interpolata & aucta.

In aggeribus fossarum & ad sepes circa Monspelium abundè oritur.

Variat non rarò floris colore albo.

2. *Antirrhinum luteum* Ger. *luteo flore* C. B. *flore luteo grandi* Cam. *flore subluteo* Dod.

Locus.

Hoc à priori non floris tantum colore, sed & foliis variat brevioribus, latioribus, subhirsutis.

Circa Messanam urbem in muris sponte nascentem observavimus hanc speciem, unde Petrus Castellus in suo Messanensium plantarum catalogo Messanensem illam appellat; quamvis & alibi quoque sponte proveniat, in præruptis scopulis, ut Cæsalpinus rectè observavit: nam & nos in rupibus non procul *Pietra Santa* Hetruriæ oppido, cum Malsâ Lucam iter faceremus, copiosam invenimus: quin & in Germania spontanea occurrit.

Varietas.

C. Bauhinus *Antirrhini majoris rotundioris folio* Camerario in horto *Antir. majoris flore roseo* dicti meminit; quod in agro Monspelienfi & Nemausensi provenire refert. Nos à præcedente accidentaliter tantum differe putamus, ut qui neque in Monspelienfi neque in Nemausensi agro hujusmodi *Antirrhinum* observavimus. V. C. B.

3. *Antirrhinum angustifolium sylvestre* J. B. *arvense majus* C. B. *sylvestre medium* Park. *minus* Ger. *The lesser wild Calves-snout, or Snapdragon.*

Elegantula est plantula, tenui albicanteque radice; cauliculis palmariis aut cubitalibus, teretibus, hirsutis, quos alternatim ornant folia Hyslopi paria, simul plura, inferius nonnunquam rubescentia, pingua & nonnihil acria, subamara. *Flores* ex foliorum alis bicolores, partim albi, partim purpurascens,



purascentes, Antirrhini majoris, sed multis numeris minores, quorum basin obvallant quinque vel septem folia viridantia, hirsuta, quædam longa, quædam breviora. Pericarpium calvariam catelli egregie refert, ac oculorum fossas naræque corniculo indutas, in quo *semen*.

In arvis solo arenoso non raro occurrit.

Hujus varietatem flore carneo, rictu striato in Italia & Sicilia observavimus.

Ex Hispania à Boelio allatam habuit Parkinsonus flore sanguineo splendido, rictu luteo, aut pallido:

Item aliam quam vocat Antirrhinum alterum flore albo minimum.

*Locus.*

*Varietates.*

4. *Antirrhinum album serrato folio* J. B. *Ant. folio dissecto* C. B.

J. B.

Unico, recto, ad cubitum, interdum duos, alto caule assurgit, in quo folia eo ferè ordine quo lini disposita cernuntur, satis dura & aspera, pulchrè serrata, longa satis & angusta. Flores albi, ferè similes sunt majori Antirrhino, satis magni proportionem plantæ; calycibus vituli narium æmulis succedentibus.

Propè Monspelium in ora maritima, vulgo *Plage*, quæ respondet prædio dicto *Aresquies*, inter *Locus* Juncos, versus Miramvallem & Frontignanam.

Accedit ad nostram Cristam Galli Messanensem, & fortè eadem fuerit.

5. *Antirrhinum saxatile Serpylli folio* C. B. prod. *Saxatile Baubini* Park.

C. B.

Radice est parva; ramis multis reflexis, tenuibus, leviter hirsutis: folia Serpylli vulgaris formâ, sed minoribus: floribus rubris, aliquando pallidè cæruleis, pedicellis oblongiusculis insidentibus, formâ & magnitudine unâ cum capitulo insidente Antirrhino arvensi minori similibus.

Folia inferiora sunt Antirrhini, superiora verò Serpylli, annotante D. Magnol, qui copiosum invenit inter rupes montis *Capouladou* non longè à Monspelio, tum & in locis *Garrigues* dictis inter *Laverune* & *Pignan* Maio & Junio mensibus cum flore.

Antirrhinum rarè usûs est in medicina, sed propter floris elegantiam in hortis colitur.

Fabulosa sunt frivola & superstitiosa quæ circumferuntur de viribus hujus plantæ & aliarum nonnullarum contra spectra, incantationes, veneficia; ad conciliandam gratiam Principum, Magnatum, &c.

#### C A P. IV.

##### De Aristolochia.

**A**ristolochiam • Cicero nomen accepisse auctor est ab inventore Aristolochio, qua de causa dentem calumniæ vix evitare potuit. Contendunt enim nomen huic inditum quod puerperis proficit. Sed quid impedit quo minùs ab Aristolochio nomen habeat, simulque salutaris sit puerperis? Credibile enim non videtur Ciceronem de suo hoc finxisse, sed ab aliquo antiquo auctore, cujus scripta deperdita sunt, desumpsisse. Quod eò magis sit verisimile, quod apud Galenum, in carmine Andromachi legatur *ἡ ἀριστολόχεια ἡ ἀριστολόχεια*. Nicandri etiam Scholiastes Aristolochem testem vocat à muliere inventam Aristolochiam. Nomen autem inventoris herbæ inditum fuisse verisimile est, qui sive vir, sive fœmina fuerit perinde est.

Rectius tamen inde deducitur nomen, quod sit *ἀριστολόχεια*. • Dioscorides, *Ἀριστολόχεια ἀρίστη*. • Lib. 1. de Divinar. *ἀριστολόχεια*: Aristolochia ex eo nomen accepit, quod optime puerperis opulari credatur. • Plinius, Inter nobilissimas Aristolochiæ nomen dedisse gravidæ videntur, quoniam *ἀριστολόχεια*: Nostri malum terræ vocant. Unanimi consensu omnes restitunt *ἀριστολόχεια*, quæ vox parturientes non gravidas denotat. Quomodo Jo. Bodæus à Stapel Plinium defendit vide apud ipsum Comment. in Theophrast. hist. lib. 9. cap. 13. p. 1107. • Lib. 3. cap. 4. • Lib. 25. cap. 8.

Notæ Aristolochiæ diagnosticæ sunt flos semihistularis seu corniculatus labello in palæ formam producto, pericarpium grande in sena loculamenta dispersum.

1. *Aristolochia rotunda* J. B. Ger. *rotunda vulgarior* Park. *rotunda flore ex purpura nigro* C. B. *round Birchwort*.

J. B. Clus. Multa fundit ex una radice *sarmenta* cubitalia quadrangula, imbecilliora quam Clematidis vulgaris; quibus alternatim adnascuntur folia, [medix inter Malvæ & Hedera folia magnitudinis] modum brevi pediculo hærentia, caulem alis suis penitus complexa, omnium maxime rotunda, mollia, [venosa,] pallidiora [colore ex viridi nigricante] ex quorum alis flores exeunt semunciali pediculo hærentes, tubulo ex luteo pallidiora in palam ex rubro nigricantem delinquentes, breviora quam in longæ aut clematidis flore. [Succedunt fructus rotundi, parvi Melepeponis figurâ, qui multa grana continent ordine disposita, lata, nigricantia, intercurrentibus quibusdam membranâ, & materiâ etiam fungosâ, albâ, singulis granis interpolatâ, quod reliquis Aristolochiæ generibus commune est.] J. Bauhino utriculi sequuntur tarbinati, striati, per maturitatem in sex partes dehiscentes. Radix lubest ampla, tuberosa [rotunda J. B.] rugosa, foris fusco, intus buxæ colore prædita, cortice crasso, tristi amarore gustum afficiens.

In Italia passim ad sepes & in aggeribus fossarum habetur, pingui solo: nec minùs frequens in *Locus* Hispania & Gallia Narbonensi. Floret vere.

2. *Aristolochia rotunda altera* Park. *rotunda altera* Clusii J. B. *rotunda*, flore ex albo purpureo  
scente C. B. *The other Round-rooted Birthwort.*

*Clus.*

*Ramulos* seu palmites habet prioris, sed frequentiores & breviores: *folia* longæ quidem formam & colorem æmulantia, sed majora, longioræque pediculo quàm superioris fulta: *florem* ex albo purpureascentem, interius fuscum, longæ flori panè similem: Ejus *fructus* priore longior, pyri in modum turbinatus, graciliore quàm in illa meta: *semen* planum, minus priore & rufum: *radix* superiori similis, cortice tamen magis flavo.

*Locus & Tempus.*

Floret paulò maturius superiore, omnèque semen ferè abjecit, quando prioris maturefcere incipit. Hanc nonnifi campestribus & inter segetes sponte nascentem conspiciebat Clusius. Superiore firmior est, & injuriarum hyemis tolerantior.

3. *Aristolochia longa* J. B. Ger. *longa vera* C. B. Park. *Long-rooted Birthwort.*

*Clus.*

Huic etiam *cauliculi* quadranguli, duos palmos longi, interdum longiores [cubitali circiter longitudine J. B.] in multos ramos divisi, humi uti Rotundæ diffusi. *Folia* quam illius minora, firmiora, dilutioris coloris, longiore pediculo fulta, Soldanellæ foliorum panè formâ. *Flos* similiter oblongus, concavus, ex viridi candicans, Rotundæ alterius florum effigie, sed extrema parte coloris magis herbacei, intus ut reliquorum villis oblitus. *Fructus* Pyri in morem turbinatur, sed non adeo tenui metâ ut alterius rotundæ fructus, qui maturitate dehiscens *semen* ostendit, latum, rufum & tandem fuscum. *Radix* adultiorum plantarum crassitudine est brachiali, longitudine pedem æquantem: Adultæ verò omnes plerunque extremâ partem obtusâ sunt, & æqualis ferè per totam longitudinem crassitiei, subinde tamen cuspidè ramosa: juniores gracilescunt, multasque fibras habent.

*Locus.*

Provenit campestribus locis inter segetes, & quibuldam vineis in Narbonensi Gallia; & novo Vero florer.

4. *Aristolochia longa altera* Clusii J. B. *longa Hispanica* C. B. Park. *The other long-rooted Birthwort.*

*Clus.*

Hujus *frs* à Gallicæ flore diligentius insipientibus nonnihil differre deprehendetur, quippe cuius extrema pars interiore parte purpurei coloris sit, quæ in alia herbaceus. Hispanica etiam radix extrema parte non est gracilis in novellis plantis ut altera, sed plerunque obtusior, & radix ipsa brevior.

*Locus.*

Nascitur in Hispaniis inter vites regno Valentino frequentissima, ubi Martio florentem & jam semen perficere incipientem inveniebam.

Verum hæc differentia non sufficiens, me iudice, ad diversitatem specificam, ut vocant arguetur; cum in plerisque speciebus plantarum majores observari possint.

Utraque frigoris impatiens est, nec hyemes nostras tolerat, nisi in sicilibus aservetur.

*Phebume* seu *Aristolochia Mexicana* H. longa *Hernandez* hunc vel eadem est, vel simillima, quamvis illæ *Aristolochiam clematidem* eam vocet; neque apud alterius Orbis colonos se vel vivam, vel pictam vidisse dicat.

5. *Aristolochia clematitis* Park. *clematitis recta* C. B. *clematitis vulgaris* J. B. *Saracenis* Ger. *emac. Creeping Birthwort.*

*Clus.*

Præcedentes magnitudine superat: *caulem* habet firmiorem, rotundum, striatum, supra cubitalem altitudinem assurgentem. Hujus *folia* reliquarum foliis multo ampliora, ex viridi pallidiora, longo pediculo fulta, formâ Longæ vel potius Rotundæ alterius folia referentia. *Flos* pallidus, copiosus in singulis alis, qui in alis generibus singularis, Longæ nobis formam quodammodo referens, quo evanescente succedit *fructus*, reliquarum fructu major, exigui mali magnitudine, *semen* continens quale est reliquarum *Aristolochiarum*, sed majus. Hujus *radix*, quæ reliquis cum gravitate quadam est odorator, tenuis est & ad minimi digiti magnitudinem nunquam accedens, longè latèque serpit, & sub terra altissime mergitur, adeo vivax ut etiam frustulatim concisa facillimè renascatur, & magna difficultate eruat; sapore est amaro, adeoque tenuium partium, ut statim gustata fauces eo imbuat.

*Locus.*

Circa Monspelium in vineis foliis & aggetibus plus facis luxuriat; autore Clusio in vineis adeo ibi frequens, ut vicia ab illius odore vitium contrahant. Invenitur & in aliis plerisque Gallia, Hispania, Ungaria, Germania superioris & inferioris locis referente Clusio: Nobis tamen in Germania peregrinantibus nunquam est conspicua. Floret autem reliquis.

*Alia Species.*

*Aristolochia clematidis* speciem venetorem foliis in extremo biniis seu mucronatis in monte Hymetto prope Athenas observavit B. Georg. Walter. *Itinerar. lib. 8. pag. 474.*

6. *Aristolochia*



6. *Aristolochia clematidis* Bætica Clus. Park. *clematidis* Ger. *clematidis non vulgaris* J. B. *clematidis serpens* C. B. *Climbing Birthwort*.

Clus.

Longa, carnosa, tenuia striatâque habet *sarmenta*, quibus vicinas sepes & interdum arbusculas superat, us se convolvens & implicans Convolvuli aut Lupuli modo. *Folia* illi reliquarum Aristolochiarum foliis similia, seu potius Scammoniae Monspeliacæ, extremo mucrone acuminato, superne lævia & viridia, inferne ex purpura albicantia, longopediculo innixa. *Flos* Aristolochiæ longæ, incurvus, oblongus, ex purpura nigricans, intus tenui lanugine plenus, longissimo omnium pediculo infidens, reliquarum Aristol. similis, æquè magnus ac in vulgari Clematide, & à pediculo dehiscens; *semen* etiam simile. *Radix* prælonga, sarmentitia, Smilacis asperæ instar, (cum cujus crassioribus fibris magnam habet affinitatem) nunc per summa serpens, mox altè sub terra se condens, pallidi coloris, non ingrati saporis, gustata etiam aliquantulum adstringens deprehenditur, & manifestæ acrimoniæ. Tota planta odorata est.

Circa Hispaniam, itinere Ulyssipponensi, plurimisque aliis Bæticæ locis, in dumetis, vepribus & *Locus* *Tempus*. vetustis quibusdam oleis, pingui solo sponte nascens observavit Clusius, semper istic virens, & Januario, Februarioque florens.

7. *Aristolochia polyrrhizos* J. B. *Aristol. Pistolochia dicta* C. B. *Pistolochia* Ger. *emac. Pistol. vulgati* Park.

J. B.

Ex *radicis* argumento nomen invenit, quæ ex plurimis, longis, junceæ tenuitatis, buxæ coloris radiculis, in unum tandem caput coeuntibus est composita. *Cauliculos* dodrantes habet aut pedales, rarò majores, graciles, angulosos seu striatos, ramosos. *Folia* longæ foliis similia, minora, magis rugosa, & aliquantulum in ambitu sinuosa: *florem* Rotundæ priori formâ æqualem, minorem tamen & aliquando nigrum, interdum ex herbaceo flavescentem: fructum rotundæ primæ fructûs effigie, verum minorem, cum maturuit eâ quâ pediculo adhæret parte dehiscens ut in præcedente, [longæ verò & reliquarum extremâ] *semen* etiam simile.

In arvis propè *Sellam novam* agri Monspeliensis sub oleis invenimus: Clusius in olivetis & petro- *Locus*. *Tempus*. his Hispaniæ Gallizque Narbonensis locis. Serius floret reliquis Aristolochiis.

*Folia* in plantis nobis observatis brevissimis pediculis infidebant, erantque parva, acutiora quam figura Clusiana repræsentat, extimis marginibus undique eleganter sinuata, ita ut dentata viderentur, colore, præsertim inferiore parte, canescentia, & Scammoniae Monspeliacæ æmula.

8. *Pistolochia Cretica* C. B. *Cretica semper* Orons Park. *Cretica sive Virginiana* Ger. *emac. Aristolochia Pistolochia altera* J. B.

Clus.

Multa è summo radicum capite profert tenuia *sarmenta*, pedem aut plus vel minùs longa, angulosa, striata, ramosa, lenta, fractu contumacia, humi sparsa, & ex atro virentia, in quibus incondito ordine nascuntur *folia* nervosa, superiori similia, magis tamen mucronata, & ad Smilacis asperæ foliorum formam quodammodo accedentia, minora, atrâque & immarcescibili virore prædita, oblongis pediculis nitentia, è quorum sinu nascuntur longi cavique *flores*, Aristolochiæ longæ floribus formâ similes, saturâ tamen rubedine foris magis distincti, interne verò aliquantulum flavescentes, oblongisque pediculis adherentes. His succedit *fructus* Aristolochiæ longæ fructui non dissimilis, sed minor: numerosas autem hoc genus habet *radices* instar præcedentis aut Smilacis asperæ; verum graciliores, & fibris quibusdam tenuibus donatas, odoratas.

*Flores* profert Julio & Augusto.

Diligens & peritus Botanicus Thomas Johnsonus. Gerardi Historiæ emaculator. *Polyrrhizon* illam famosam *Virginianam*, (quam è Virginia allatam in horto Joan. Tradescanti Lambethæ propè Londinum cultam & florentem vidit) cum descriptione Clusiana *Pistolochiæ Creticæ* studiose collatam, eandem omnino specie plantam esse invenit, nec ullâ insigniore notâ diversam speciem arguente differre: quocirca Parkinsoni judicium diversam statuentis non magni facio, sed potius cum Johnsono sentio eandem esse. Videtis descriptionem Parkinsoni in Theatro Botanico.

9. *Aristolochia Maurorum* C. B. *peregrina Rauwolfii* Clus. *Aristolochia similis Rhasus* & *Rumigi Maurorum* J. B.

Rauwolf.

Aliquem ispirat odorem, sed ingratum. Ex *radice* surculi prodeunt plerumque quatuor, albicantes, modo tennēs ad radicem, ex quibus parte superna hærent foliola septem aut octo utrinque, ciliata, opposita, magnitudine & situ foliis Filicis Floridæ respondentia, nisi quod versis ima aurita ad instar *Salviæ* minoris. Inter quorum ima, superioribus magis aliquanto inter se distantia, hærent Aristolochiæ similes, paullo majores, colore magis fulco, longioræque pediculo. *Radix* altè depacta est, qualitate sicca calidæque, ut amaritudinem ejus docere putat Rauwolf.

Utriusque Aristolochiæ, tam longæ, quam rotundæ, radix calida & sicca censetur. Utraque *Vires*. *Tempus*. discutit, attenuat, aperit cum modica absterfione: rotunda tamen tenuiorum partium est, longa crassiorum. Quæ Clematidis vocatur fragrantior est (inquit Galenus) itaque eâ ad unguenta utuntur.

tur unguentarii, sed ad sanationes infirmior, & longè minùs quidem tenuitatis obtinet quàm rotunda. Lobelius Polyrrhizæ Arist. radicem reliquis duabus [longæ & rotundæ] præferendam ait, tum suavi aromaticitate, tum medicata efficaciore facultate: cujus causâ meritò Andromachi & Galeni theriacis aptiorem. Clematidis tamen vulgaris utrâque reperitur ignavior.

Utrâque Aristolochia Cephalica, Epatica, & Pulmonica imprimis est. Hinc prodest ad tartaream mucilaginem resolvendam expectorandamque, ad menses ciendos, tumores internos rumpendos, venena discutiendâ. Insuper *Longæ* infusio ad scabiem exsiccandam vel vulgo hic [in Germaniâ] usitatissima est. Extrinsecus adhibetur usu creberrimo ad exsiccanda & mundificanda vulnera.

*Rotunda* efficacior est, & imprimis mensibus ac secundinis ciendis celeberrima. *Schrod.*

C. Hofmannus ita distinguit virium respectu, Commendatur *Longæ* in vulneribus & ulceribus sordidis, in vitis cutis, in purificandis dentibus: *Rotunda* in affectibus pectoris à crassis humoribus, in flatibus, in doloribus ventriculi, in singultibus, in ruptis, ubi sanguinis grumi dissolvendi sunt, in obstructionibus lienis, &c. Educit enim per urinas, menses, cutim, varia excrementa.

\* In Ado.

Præcipua utriusque vis est (ut nomen indicat) ad uterum à partu expurgandum, & menses movendos. Tam efficaces sunt (inquit \* Lobelius) longa & polyrrhizos præsertim, ut radices utriusq, pari momento, partim intrò datæ, partim in pessario admotæ, elicerint foetum, jam sesquidiem erumpere conatum, foetusque involucra lacerata enixam puerperam tridui cruciatibus pænè enecatam.

Exhibetur ad affectus uterinos plerunq, in decocto.

## C A P. V.

### De Scrophularia.

**S**crophularia à radice nodosa & ab affectu nomen accepit, quòd ad scrophulas prodesse creditur C. B. Sunt autem Scrophulæ sive strumæ & choerades glandularum induratarum tumores in cervice, alis & inguinibus. Volunt ita dici quòd porcis sunt familiares, aut quòd numerosæ sunt sobolis & prolificæ veluti scrofæ. Est autem Scrofa Sus quæ foetus causâ alitur.

Scrophulariæ notæ sunt flos auriculatus, vasculum bivalve, subrotundum, acuminatum; folia in caulibus contrariis inter se pediculis bina, semina parva, fusca.

1. *Scrophularia aquatica major* C. B. *maxima rad. fibrosa* J. B. *Betonica aquatica* Ger. *aquat. major* Park. ~~Water-Betony~~, rectius ~~Water-Figwort~~.

*Radix* crassa fibris numerosis, majusculis, longis, albis donatur. *Caulis* bicubitales sunt, quadrati, crassitudine minimi digiti, quàm Scrophulariæ vulgaris majores, glabri, inanes, ramosi. *Folia* per intervalla longiora ex adverso bina, pediculis sescuncialibus insident, duobus plurimùm lobis ad pediculum donata, tres aut quatuor digitos longa, duos lata, circa margines crenata, mucrone obtusiore quàm Scrophulariæ vulgaris, & Betonice foliorum figurâ suâ æmula, verùm duplo triplòve majora. *Flores* in summitatibus caulis & ramorum, in eodem communi pediculo seu furculo plures, ex alis quidem foliorum quorundam, sed perexiguorum, angustorum, acutorum, non crenatorum & omnino dissimilium reliquis egrediuntur, parvi, monopetali, turgiduli, obscurè purpurei, duobus in summa parte extantibus latis & obtusis segmentis velut auriculis; *apiculis* flavis in ipsa floris apertura se ostendentibus; quibus succedunt *vascula seminalia* subrotunda, acuminata, è duobus loculentis composita, *semina* intus continentia parva fusca.

Locus.

Ad ripas fluviorum copiosè provenit, in ipsis aquis.

Hujus speciem quadruplo minorem, Londini alebat Thomas Bennæus, & Muttonus Belga Tor-naci, referente Lobelio, quæ

- \* 2. *Scrophularia palustris non fetida, sive aquatica minor* C. B. *Betonica aquatica minor* Park.

- A. 3. *Scrophularia major* Ger. *major vulgaris* Park. *vulgaris & major* J. B. *nodosa fetida* C. B. ~~Figwort~~.

f. B.

Fœtidi odoris tota est, Sambucum referentis. *Radix* obliquè agitur, alba, crassiuscula, & tuberbis inæqualibus strumosa. *Caulis* firmus, rectus, quadratus, cavus, purpurascens, ad binos cubitos excrefcit, in alas divisus. *Folia* Galeopsis, majora, acuta, serrata, ex caulis geniculis adversa, (quod tamen perpetuum non est) atrovirentia. *Flores* ex hirsutis pediculis calicibus quinquefoliis insident, Antirrhini minimi hiantis oris instar habentes, supremâ laciniâ in mediò bifidâ, intus atropurpureâ, extrâ nonnihil virescente, lateralibus duabus cum infimâ extrorsum reflexâ magis ex viridi pallescentibus, prominulo è rictu stylo virente, altè reconditis tortuosis staminibus cum apicibus ochreis. [Stamina interdum in rectum exporriguntur, eorûmq, apices pallidi è floris hiatu apparent.] Vasculum seminale bivalve, subrotundum, in summo acuminatum.

In sylvis, dumetis & sepibus nascitur non infreq. Julio & Augusto floret.

Ex



Ex re nomen habet; siquidem radix ejus strumas & hæmorrhoidas sanat. Utilis insuper est in cancriosis ac similibus serpenticis ulceribus malignaque scabie. Siquis hæmorrhoidum cæcarum infano dolore torqueatur, minimum quid Scrophulariæ vel radice, vel foliorum cum cibo aut potu capiendo statim dolore liberatur; siue ipsam plantæ substantiam siccam aut viridem, siue decoctum ejus assumat. Henr. ab Heers in Observ. qui se hoc sæpius expertum ait.

Siccæ radice pulvis impositus hæmorrhoidas siccat: Idem drachmæ pondere potus lumbricos ventris pollit.

Aqua è radicibus destillata faciei ruborem tollit.

Ex hac herba unguentum conficitur ad omnis generis scabiem utilissimum: quo ipse (inquit Trag.) scabies Lepre simillimas curatas vidi. Ejus autem compositio sic se habet, Maio mense sumatur herba cum radice, sordibus diligenter expurgata ac lota, eaq. contundatur, post succum inde expressum in angusto vitro probe obturato per annum asservetur. Cumque unguentum parare volueris, tum expressi succi, ceræ & olei æquis portionibus tantum accipe quantum unguenti parandum erit, quod ubi feceris conjunctim ea super carbones decoquantur & eousque temperentur donec unguentum fiat. Trag.

Ad Scrophulas sequens Emplastrum præscribit D. Sibbalds Prod. Hist. Natural. Scotiæ. & Axung. porc. lb j. solvatur moderato ignis calore. Tunc ʒ folior. Scrophular. Cynoglossæ. Lamii flor. alb. Digitalis an. p. æ. q. 3. in minutas partes conscindantur, & in Axungia coquantur igne temperato, repetendo coctionem ter aut quater, usque dum unguentum saturati viroris sit. Tunc appendatur in librâ unguentum, sumendo dimidium ejus Ceræ & Resinæ tantundem, Terebinth. ʒij. viridis ceris ʒj. dissolvantur simul omnia, tunc per linteum colentur, & fiat massa, super alutam q. 3. extendatur, & parti applicetur.

\* 4. Hujus aliam speciem depingit & describit Parkinsonus titulo Scrophulariæ majoris alterius elegantis.

Park.

A vulgari differt floribus non ut in illa hiantibus, sed quatuor foliolis rubentibus compositis, seu mavis in quatuor foliola rubentia expansis: vasculis seminalibus non acuminatis; foliis interdum pleribus ad idem geniculum, præsertim inferius, sitis.

5. Scrophularia folio Urticæ C. B. peregrina Cam. Park. flore rubro Camerarii J. B. Nettles-leaved Figwort.

Ex eadem radice fibrosa & tuberculis carente plures emittit caules, medium tamen reliquis multò majorem, crassitudine digitali, firmum, ab imo ramosum, ramulis ex adverso binis, è foliorum alis exeuntibus, cubitales & altiores, quadratos, concavos, lanugine admodum brevi & vix conspicua hirsutos. Folia Urticæ æmula, sed pro latitudine breviora, obscure viridia, glabra & splendens, inferiora in caule pediculis longis appensa, superiora ordine breviora. Flores in furculis è foliorum alis egressis sex, septemve aut plures, pediculis tenuibus hærentes, patentiores quàm Scrophulariæ vulgaris, nec adeò obsoleta purpurea, sed rubicundiores. His succedunt capsulae subrotundæ, bivalves, seminibus intus exiguis pullis.

Odor plantæ foetidus & ingratus Scrophulariæ vulgaris.

Circa Pisas copiosè provenit, etiam in muris ipsius urbis, & alibi in Italia. Hæc est proculdubio Locum.

Scrophularia Crética 2. Clus. quod folio Urticæ esse dicit.

Aliam Scrophulariæ peregrinæ speciem describit Parkinsonus, quam peregrinam alteram appellat, altitudine bipedali; foliis pulchrè viridibus & velut alatis: floribus subluteis cum staminibus pallidis. Alia Species.

6. Scrophularia flore luteo Ger. C. B. Park. lutea magna, amplis foliis J. B. Lamium Pannonicum alterum siue exoticum Clus. Yellow flowered Figwort.

Ex radice crassâ, nigra, fibrosa, Scrophulis carente folia antequam caulem edat plura in terram convexa exeunt, magna, rotunda, hirsuta, uncias quinque vel sex longa, similiterq. lata, ob pilos brevissimos asperfos mollia, Urticæ foliis simillima nisi ampliora ut plurimum essent, pingui & lento quodam veluti rore leviter aspersa, profundè per ambitum serrata, pediculis longissimis, [trium quatuorve unciarum]. Altero anno caulem [C. B. caules plures] profert, bicubitalem circiter, [cubitales & sesquicubitales C. Bauhino, tripedalem Col.] quadratum [quadrangulum vel sexangulum Clus. utriusque enim formæ nascuntur] crassum, cavum, leviter hirsutum, [hirsutie alba obsitum] rectum, geniculis distinctum, ad quos folia bina plerunque opposita, [interdum terna in caule scilicet hexangulo] ab imo caule ad summum paulatim decrescentia, & pediculis sensim brevioribus fulta. Ex uniuscujusque ferè folii sinu, ab imo ferè ad summum, pediculus emergit palmaris circiter, C. Bauhino lævis, Clusio verò & Columnæ hirsutus, cujus circa fastigium foliola bina exigua conspiciuntur, supra quæ extremo pediculi cacumine flores hærent complures [tres vel quatuor Col.] lutei. Pili minimi magnitudine, concavi, hiantes, quinque brevibus laciniis ora divisa parum habentes, apicibus itidem intus luteis, [tenui stylo cum staminibus emergente] Arbuti floribus admodum similes Col. basin habentes luteo-viridem, quinque foliolis constructam: quibus succedunt oblonga pericarpia, in acutum desinentia, Scrophulariæ similia [capitulis Hyperici similia J. B.] in quibus similia semina, minuta & nigra continentur, Capitulum acumini filamentum capreoli instar infidet.

Maio

Locus.

Maio floret, ac etiam Æstate, & Autumno perficitur, deinde iterum ex radice germinat. *Col.*  
In valle Campoclarensum atque etiam supra Matesium umbrosis Septentrionalibus, nivosis locis invenit Columna; postremo etiam in Æquicolum montibus, in villa *Plagiæ* dicta.  
Quatuor celeberrimi omnium Botanici, Carolus Clusius, Bauhinus uterque & F. Columna hanc plantam diligenter descripserunt, e quorum descriptionibus hanc nostram composuimus.  
Galeopsis altera luteo-pallida *Park.* huic plantæ eadem est.

- \* 7. *Scrophularia Cretica* 1. *Clus. Cretica latifolia Park. Indica Ger. Ser. foliis Filicis modo laciniatis vel Ruta canina latifolia C. B.*

*Clus.*

Huic *folia* initio prodeunt humi expansa, Scabiosæ primis foliis non valde dissimilia: deinde lequicubitalis assurgit *caulis*, quadrangulus, cavus, viridis, angulis purpurascens, interdum etiam tota eâ parte quæ Sole illustrata est purpureus: cujus infimam partem ambiunt longè ampliora *folia*, in multas lacinias divisa, ex adverso nascentia, deinde reliquum caulem alia, quæ alata sunt, & Filicis aut Aleætorolophi foliorum instar ferè, multis laciniis prædita, quæ rursus in alias longè minores, & in ambitu serratas secantur. A medio caule ad summum ex alarum sinu nascuntur rami etiam quadranguli, minoribus foliis præditi, & illi similiter in alios ramulos divisi, sustinentes *stachyos* instar utriculorum cavos, Scrophulariæ vulgaris floribus non absumiles, ex flavo virescentes, sex foliis constantes, quorum bina infima valde sunt exigua, & infernè aliquantulum reflexa, quæ in lateribus sunt, paulò quidem altiùs attolluntur, & suprema parte aliquantulum purpurascunt; sed bina superna majora sunt reliquis, & quodammodo reflexa, purpureique ex atro coloris, paucis & brevibus flavis *staminibus* ex umbilico prodeuntibus. *Radix* pollicaris pænè crassitudinis est, in multas fibras divisa, candicantis coloris.

- \* 8. *Scrophularia foliis laciniatis C. B. Prod. Scrophularia Indica Park. An Scroph. Indica capitulis maximis J. B?*

*C. B. prod.*

*Caule* est crasso, striato, subrubente & lævi: *foliis* atrovirentibus, lævibus, tenuibus, oblongis pediculis donatis, inferioribus palmaribus, instar foliorum Raphani, in laciniis quinque oblongas, crenatas, divisis: ex quorum sinubus folia minora, etiam laciniata, prodeunt. *Flore* est magno, elegantissimo, croceo inferiore parte, intrinsecus rubro.

Hujus ramulum duntaxat accepit descriptionis autor C. B. nomine *Scrophulariæ Hispanice* non scriptæ.

Adde ex Parkinsono, *Ramulos* hujus crassos esse, sed infirmos & humi plerunque hinc inde stratos, geniculis crebris interceptos: *capitula* majora & duriora quàm in quavis alia Scrophulariæ specie: *radicem* crassam fibris comosam, postquam planta semen dederit marcescentem, aliàs durantem.

9. *Scrophularia altera Ruta canina dicta Park. Scroph. Ruta canina dicta vulgaris C. B. Ruta canina Lob. Ger. Scrophularia tertia Dodonæo tenuifolia, Ruta canina quibusdam vocata J. B.*

*J. B.*

*Radicem* habet longam, simplicem, mediocriter crassam: *caules* cubitales, striatos, teretes, ferè nigricantes, medullâ fungosâ plenos, ramosos; per quos *folia* oblonga, angusta, profundè laciniata, graviter odorata: flores eo ordine dispositi quo in Scrophularia majore vulgari, copiosiores, parvi nigri; quos vascula excipiunt Scrophulariæ minora, acuminata, in duas carinas dehiscencia.

Locus.

Ad Rheni ripas propè Basileam primò, deinde in Italia, Gallia Narbonensi, & circa Genevam copiosè nascentem observavimus. *Radice* est diuturna.

- \* 10. *Scrophularia Ruta canina dicta minor Morif.*

*Morif.*

Pedalis est planta, duplo minor priore: *folia* multò tenuiùs dissecta: *flores* integri in fundo, quinque laciniis in margine divisi, *stamina* & *stylum* admodum breviter, ex ipsorum fundo orta habentes; quibus fatiscens succedunt *capsule* omnium minimæ, bifidæ, virides adhuc arètè junctæ & strictè unitæ, pyramidalem exhibentes figuram, acumine pungente præditam, sed exiccatæ sponte aperiuntur & *semina* plurima, reliquarum minora effundunt.

- \* 11. *Scrophulariæ Scorodoniæ foliis Morif. Lusitanica Hort. Leyd.*

*Morif.*

Ad altitudinem bipedalem ascendit, caule quadrato, crebris geniculis intercepto & in multos ramulos brachiato. Ad singula autem genicula bina è regione apponuntur *folia* mucronata, serrata, scabra, Salviæ sylvestris instar, quibus adeò similia sunt, ut antequam flores & semen producat, pro Scorodonia haberi possit. *Florem* fert unciali pediculo innitentem, integrum in fundo, quinquefariam in margine partitum, laciniis quatuor ferruginei coloris, infimâ virescentis: ex fundo floris exeunt quatuor stamina subviridia, perbrevia, unâ cum stylo ejusque apice ejusdem coloris. Hisce deciduis succedunt *capsule* pyramidales, mucronatæ, adhuc virides arètè sibi invicem junctæ, exsiccatæ



callositate apertæ, inq. singulis cellulis *semina* continentes minuta, subfusca, cæterarum suæ sortis more.  
De loco, flore, tempore & duratione nihil habet.

\* 12. *Scrophularia Sambuci folio* Park. *Sideritis Sambuci folio* Alpini. exot.

*Park.*  
Caulibus affurgit pluribus, quadratis, concavis, duos tréve cubitos altis, foliis aliquot alatis geniculis exarctibus cinctis, è pinnulis aliquammultis conjugatim ad costam mediam adnexis, foliorum Sambuci instar, compositis, Sambuci insuper ferè odore. E foliorum sinibus ad caulium ramosorum nodos, & summis caulibus exeunt flores multi, concavi, nutantes, obsolete rubentis aut purpurei coloris; quibus succedunt capsule parvæ, rotundæ, nigricantes, acuminatæ, seminibus aliarum hujus generis æmulis repletæ. Radix longa, fibris aliquot aucta.

Ex Hispania transmissa est. Parkinsono è semine nata. Biennio tantum vivit & perfectis seminibus exarescit. D. More, ad quem cum Patavii commorabatur semina ejus cum aliis rarioribus transmisit Parkinsonus, eam Alpino communicavit. Locis umbrosis & humidis gaudet.

\* 13. *Scrophularia peregrina Telephii folio* non descripta Hort. Lugd. Bat.

C A P. V.

De Digitali.

Digitalis à flore Digitale seu Dactylothemam referente dicta est, nec alio opus habet caractere generico quàm hujusmodi flore concavo, labiatò, pendulo, cum vasculo bivalvi.

A. 1. *Digitalis purpurea* J.B. Ger. *purp. vulgaris* Park. *purp. folio aspero* C.B. Purple Fox glove.

*J. B.*  
Est ubi cubitos duos superat Digitalis purpurea, caule pollicem crasso, anguloso, hirsuto, subrubente, concavo, ex radice fibrosa, amara. Flores in thyrso longioris morem, frequentes, ab uno caulis latere penduli, brevibus hirsutis pediculis, quorum singulis est appositum foliolum acuminatum, calathii aut Digitalis sartori munimenti effigiatur, colore foris coccineo, excepta inferiore parte, quæ propter nonnullam admixtam albedinem carneo est, intus verò similiter purpurea, inferiore parte (quæ & longis pilis obfita est) vericore albis maculis nigro guttatis: floris basi penitus adnascuntur stamina alba aut purpurascencia, contorta, quæ apices didymos croceos guttatos sustinent: stylus tenuis purpurascens ex hirsuti oblongique pericarpis bivalvis mucrone protenditur, cui postea inclusum continetur semen minutum. Folia Verbasci opinione rectè sustineant, oblonga, in acumen definentia, hirsuta, in ambitu serrata, superne atrovirentia, inferne incana: quæ ad radicem sunt longis minutur pediculis, quæ in caulibus nullo ordine posita, crebra. Calix floris plerumque quinquefolius; floris margo in quinque dividitur segmenta.

Amat solum arenosum.

Variat interdum floris colore albo, sed rarius; nam è millibus vix unam plantam reperies flore albo insignem: hinc Digitalis flore magno candido *J. B.* alba folio aspero C. B. major alba Park. alba Ger.

Digitalis flore albo.

1. Parkinsonus alterius adhuc Digitalis alba speciei meminit, quam *Dig. albam alteram* seu *minor* appellat, cui folia præcedenti quidem similia tribuit, verum minora paulò & breviora, obscurius virentia; caulem humiliores vix tripedalem: flores minores: in reliquis conveniunt.

2. Digitalis major flore carneo *eiusdem* Park. à vulgari purpurea, foliis paulò minoribus differt: floribus quoque minoribus, dilutius rubentibus seu carneis.

3. Digitalis media flore luteo rubente *eiusdem*. Mediæ est magnitudinis inter Digitales maximas & minores: foliis luteis minoris aliquatenus æmulis, quàm præcedentis minoribus, floribus longis, angustis *Dig. alba* alterius seu minoris ferè magnitudine, colore luteo aut Barico, rubore velut persulo, quem colorem nos *Tawney* appellamus, & in Aurantis nonnullis cernitur. Cum semen decessit radicibus exarescit, secundo plerumque à satione anno.

Hæc Digitalis varietates, quàmvis accidentibus potius quibuscumque quàm specie à vulgari purpurea differre putem, nolui tamen omittere, ut Lectori integrum sit de iis iudicium ferre.

Digitalis herba emetica est. Somerseti Angliæ rustica turba hujus decocto febricitantibus purgationes & interdum superpurgationes & vomitiones humidioribus alvo molitur. *Lo. Ob.*

Viret.

Parkinsonus efficacem esse contra Epilepsiam affirmat, si duo ejus manipuli cum 3iv. Polypodii quercini in cerevisia decoquantur, & decoctum propinetur. Qui enim viginti & sex annos continuè eo morbo laborarant ita ut singulis mensibus bis terque caderent, hujus decocti usu penitus liberati sunt, saltem per integros sedecim menses ne unum quidem paroxysmum senserunt. Verum medicamentum hoc robustioribus tantum convenit, siquidem violentè admodum purgat & vomitiones immanes excitat.

Stomachis conducere tritam & impositam succumve ejus in unguento experientia compertum est. *Park.* Novi plures (inquit D. Barthelemy in MS. nondum edito) qui in strumosis tumoribus Digitalis floribus valde confidunt, quos quidam in butyro Matali, quot possunt immittentes curant inolantes per assistentem. Alii cum adipe porcino miscent, & sub terra defodiunt per quadraginta dies, utque flores cum unguento reserant, unâ linteis inducunt & tumoribus applicant: hocce tumoribus discutiendis vel manandis, ulceribus detergendis vel explendis sufficere ferunt se expertos. Quinto & sexto quoque die Diacartharo purgant, interim continuè decoctum Herbarum Robertianarum præ-

bent;

bent: pars ulceris rubens parte unguenti tenuiore illinatur: pars autem crassior unguenti lineamenti imponatur, quod nunquam mutetur. Sunt qui novella & primò erumpentia plantæ germina accipiunt, eorumque succum expressum in butyro coquant ad succi consumptionem, atque hoc novo succo addito bis tertè repetunt.

N. 1. Oportet ut paretur sufficiens quantitas unguenti eo anni tempore quo flores haberi possunt, cum nonnunquam integer annus aut eo amplius ad curam perficiendam requiratur.

N. 2. Quamvis ulcera primò majora fiant nè metuas, siquidem unguentum postquam humores omnes absumperit & exsiccaverit, ea demum sanabit & cute obducet.

N. 3. Unguentum hoc in Scrophulis humidis & purè manantibus præcipuè utile est, in siccis parum valet; sed ad Basilicon & præcipitatum confugiendum. Habui ex relatione viri amicissimi, cum rei Herbariæ tum totius Medicinæ peritissimi D. E. Hulse.

Proverbium est Italicum *Aralda tutte le piaghe salda*. i. e. Digitalis sanat omnia vulnera.

2. *Digitalis maxima ferruginea* Park. *angustifolia flore ferrugineo* C. B. *ferruginea folio angustiore* J. B. *ferruginea major* Ger. emac.

J. B.

Tres aut quatuor cubitos altus est *caulis*, mediocriter crassus, firmus, teres, lævis, cujus scapus summus in alas aliquot scinditur. *Folia* Digitalis sublatea angustifolia foliis proxima, longa, angusta, acuminata, atrovirentia, [ex viridi canescentia Park.] nervosa, averſa parte subhirsuta, levi crenarum vestigio per ambitum incisâ alternatim cauli adnascuntur. *Flores* longa serie thyrsoidè dispositi, Digitalis purpureæ, breviores, rigidiores, foris toti hirsuti, ferruginei, intus eodem colore saturatiore, & striis variegato picti, labro productiore villosa dependente, in medio rectu hiant, latentibus sub superioris folii margine apicibus luteis: infidet autem floris recurva basis calyci stellato quinque radiis constanti. *Capitula* quàm in vulgari purpurea minora *semine* minuto, fusco repleta.

Catalogus Horti Regii Paris. Digitalis ferrugineæ duplicis meminit, nimirum 1. *Latifolia*, cui synonymam facit Digitalem maximam ferrugineam Park. & 2. *Angustifolia*, quæ est C. Bauhini Digit. angustifolia flore ferrugineo; J. Bauhini Digit. ferruginea folio angustiore. An hæc duæ specie differant nescimus, examinent alii: certe Dig. fer. fol. ang. J. B. in parem cum Parkinsoniana Dig. max. ferruginea altitudinem assurgit. Verùm quicquid sit de ferruginea latifolia & angustifolia, dari duas Digitalis ferrugineæ species certum est, cum Tho. Johnsonus vir summæ fidei & diligentæ, utramque viderit & descripserit:

Digitalis ferruginea major.

Digit. ferrug. minor.

Alteram *majorem* appellat, *foliis* imis pedalibus, atrovirentibus, venosis: *caulibus* tricubitalibus: *floribus* hiantibus, amplis, cum labello sursum inflexo.

Alteram *Dig. fer. minorem*; cui *folia* multò minora, angustiora, lævia & intensius viridia: *caules* pedales; *flores* parvi, superioris colore similes. Hanc apud Tradescantium vidit medio Julio florentem.

Hæc species caule est quadruplo humiliore quam superior, proinde eadem esse non potest quam J. Bauhinus describit, quæ in parem cum illa altitudinem assurgit. Quocirca vel tres dantur Digitalis ferrugineæ (quod non credo) species, nimirum 1. *Major latifolia*, quæ est Parkinsoni maxima: 2. *Major angustifolia*, C. B. J. B. 3. *Minor* Ger. emac. vel Parkinsoni & J. Bauhino descriptæ specie conveniunt.

Hic insuper addit Catalogus Parisiensis quartam adhuc speciem, viz. Digitalem latifoliam flore ferrugineo minorem.

3. *Digitalis lutea magno flore* C. B. *amplo flore* Park. *flore majore, folio latiore* J. B.

J. B.

Minor huic quam purpureæ magnitudo; nec dissimilis *radix*: *Caules* angulosi, nonnihil hirsuti: *Folia* angustiora, longa, infernè nervis hirsutis rugosa, supernè penitus glabra, atrovirentia, in ambitu crenata, sapore subamaro & acri: *Flores* Digitalis purpureæ pares, foris intusque hirsuti, sed colore, extra quidem dilutè luteo, intus verò croco saturatiore languideque luteo verticillores.

Locus & Tempus.

In montosis circa Genevam & in Germania invenimus. Floret Junio & Julio.

C. Bauhinus pro Ephemero Dioscoridis *Column*. hanc habet: verùm *Columna* flores albos Ephemero suo attribuit, qui huic lutei sunt. Fortè tamen *Columna* colorem pallidè luteum pro albo habuit; ni floris color interdum variet.

4. *Digitalis lutea vel pallida parvo flore* C. B. *flore minora subluteo, angustiore folio* J. B. *minor lutea sive pallida* Park. parad.

J. B.

Duorum cubitorum altitudinem æquat vel etiam superat, *caule* digitali, ramoso, lævi, ex radice pollicari emicante: cui alternatim adnascuntur *folia* spichatam longa aut breviora, duas aut tres uncias lata, acuminata, in ambitu crenata, supernè glabra, atrovirentia, infernè herbida, subhirsuta: *floris* tanquam thyrsus longa serie effigiantes, quanquam ortu diverso, eodem tamen ferè omnes vergunt dimidio minores Digitalis purp. floribus, colore luteo in herbaceum languente, idque tam intus quam foris, labro intrinsecus villosa; quorum unicuique ad pediculum folium acuminatum penitus glabrum est appositum. *Semen* in loculis bivalvibus aliarum hujus generis more. *Radix* fibrosa, perennis, nec ulla cæli injuria aut gelu vehementiori facile corrumpitur.

Locus & Tempus.

In montibus circa Genevam, itemque circa Salernum & Neapolin in Italia copiosè provenit. Junio, Julioque mensibus floret.

C. Bau-



C. Bauhinus aliam adhuc *Digitalem angustifoliam luteo parvo flore* in Prodro-mo describit: quæ an aliter quàm partium omnium parvitate à præcedenti differat Lectori considerandum relinquo: Descriptionem ejus videat apud C. B. in *Prod.*

- \* 5. *Digitalis Virginiana*, *Lysimachia* facie, foliis subrubentibus, flore violaceo minore Morif. An *Digit. Virginienfis seu Americana serratifolia* Hort. Parif. & Lugd-Bat?

Morif.

*Caules* promit bipedales, subrubentes: quos ambiunt per intervalla ad fingula genicula bina *folia*, mucronata, Limonii majoris primo ortu foliis haud abfimilia, ex adverfo adnascencia, quæ à caule perforari videntur adeò arctè eum cingunt. Ex alis ad genicula superiora enascuntur pediculi alios procreantes; quibus innascuntur flores calyce & forma *Dactylothece* seu *Digitalis* minoris, nisi quòd *stas* integer in fundo tantum, in margine quinquefariam sinuetur, ut in *Nicotiana* femina, coloris violacei: in fundo autem floris quatuor *staminula* arcuata latent, quorum singulorum extremo, aliarum *Digitalium* florum more duo apponuntur testiculi rubelli, lentiformes in superiore floris parte: est enim *stylus* propendens versùs inferiorem partem luteus, lanuginosus. *Floribus* succedunt thecæ bicapsulares, in mucronem acutum bifurcatum desinentes, continentes in se semina minuta, infinita, cæterarum *Digitalium* more.

Floret Æstate, atque eadem exeunte & ineunte Autumno semen suum perficit.

Foliorum situs & florum figura diversam à *Digitali* plantam arguunt.

Tempus.

## C A P. VI.

### De Pediculari seu Crista galli.

**P**edicularem Lobelius scribit vocari hanc herbam, quòd facultatibus sit virosis, pratis infesta, & pediculis hostis. Contra Dodonæus *Pedicularem* ab effectu nominat, quòd pecori ac jumentis, quæ in pratis ubi hæc provenit pascuntur, pediculorum copiam gignat. Mihi hujusce herbæ folia, pediculi tergo rugis suis perquam similia sunt, & inde forte nomen.

Notæ hujus generis sunt præter flores galeatos & vasculum bicapsulare, florum calyces tumidæ & velut inflatæ folliculos seminum occultantes, *Semina* compressa.

- A. 1. *Pedicularis sive Crista galli lutea* Park. *pratensis lutea vel Crista galli* C. B. *Crista galli* Ger. *galli. femina* J. B. *Yellow-rattle or Cocks-comb*.

E *radice* parva, alba simplici, surculos ad latera emittente, non altè in terram demissa *caulis* assurgit plerunque singularis, pedalis, rigidus, lævis, quadratus, rectus, tenuis, inanis nigris non rarò maculis & lituris varius, & versùs supremam partem purpurascens, in ramos aliquot divisus, quos adverfo situ posita bina semper ambiunt *folia*, sine pediculis, lata basi, exinde sensim angustata ad apices usque, longitudine digitali, acuta, per margines dentata, cristam galli imitantia, venis insignibus à medio ad singulos dentes hinc inde excurrentibus. E foliorum sinubus ramuli exeunt per paria seu duo adverfi. In summis caulibus & ramulis conferti & spicam mentientes *stosculi* & foliorum pariter sinubus singuli singulis exeunt, brevibus admodum pediculis; *calicibus* turgidis, compressis, in quatuor acuta segmenta summo margine incis. *Flores* monopetali, flavi, cucullati, stylum tenuem & quatuor stamina cum suis apicibus occultant. Delapso flore calix in majorem longè vesicam intumescit, & vasculum seminale amplum, compressum intus continet, in duo loculamenta per medium divisum, & *semina* plura, compressa, margine membranaceo cincta, colore pulvereo continens. Seminibus maturis illico dehiscunt vascula membranea, & cum exiccantur lucida fiunt.

Floret Junio, & semen brevi maturat, quod statim effundit, & mox radicitus exarescit ante foemecium.

In pascuis præsertim sterilioribus exit, non rarò & in arvis, utrobique inutilis & vitiosa, ut rectè *Locus*. J. Bauhinus.

2. *Crista galli mas* J. B.

A femina differt statura & altitudine, interdum sesquipedali: caule robustiore, foliis latioribus: *stribus* multò majoribus; summitatibus magis albescens, utriculis hirsutis.

Hanc in pratis circa Genevam unà cum femina observavimus. In Anglia nondum invenimus. *Locus*.

3. *Crista galli spicata flore luteo magno Messanensis*.

*Radice* est surculosa, annuà tamen: caule cubitali aut etiam altiore, recto, firmo, quadrato, nonnihil lanuginoso. *Folia* plerunque bina ex adverfo sita sunt, longa, angusta, pallide viridia, rariùs & majoribus circa margines dentibus, extantibus velut laciniolis, incisa, Cratægoni *Euphrosynes* facie foliis similia. Spica florum in summo congesta, grandis, quadrata, lanuginosa, & nonnihil etiam viscosa. *Flores* lutei, ampli, cucullati, figurâ florum *Ladani* segetum, ex utriculis satis amplis, vasculum seminale bivalve claudentibus. Semen non observavimus. Columnæ arenæ instar minutissimum est, copiosum flavum.

In lateribus montium Messanæ imminentium hanc & sequentem invenimus, Maio mense in statu & vigore.

4. *Trixago Apula unicaulis*, *πτερίδα* Col. *Crista galli spicata flore vario ex albo & purpureo*. An *Antirrhinum folio serrato* J. B?

Præcedenti simillima est, in his præcipue differt. 1. Quod minus procera sit: 2. Quod caules in ea & aliquando etiam foliorum margines rubeant. 3. Quod flores minores sint & diversi coloris, cuculli v. g. rubent, labia in medio alba, ad margines rubore diluuntur.

F. Columna hanc plenius & exactius describit; Herba est unicaulis semper, ab radice singulari prodiens, caule pedali aut ad summum sesquipedali, quadrato, hirsuto, albescente aut purpurascente, foliis cincto ad intervalla digitalia ex adverso binis sine petiolo hærentibus, angustis, oblongis, obtusis, crassis & carnosiss, ex viridi albicantibus, hirsutis, raris dentibus serratis, in medio caulis majoribus, triunciali longitudine. Summo cauli insidet spica quadrata, cristatis foliis rotundioribus, hirsutis, densis, Eufragiæ vulgari similibus constructa; ex quibus flores galericulati, magni admodum proportionem plantæ latis barbulis, albis, pallentibus, capitulis verò purpurascens hirsutis, ex quibus luteum stamen veluti dens exeritur, &c.

Cum priore, à quâ fortasse non differt specie.

- A. 5. *Pedicularis pratensis rubra vulgaris* Park. *pratensis purpurea* C. B. *Pedicularis* Ger. *Pedicularis*, quibusdam *Crista galli flore rubro* J. B. *Red Rattle*.

J. B.

Flores ut in *Crista galli* vulg. è vesiculis laxis, glabris emicant, verum non ita compressis, canaliculatis, tantillum cum multo virore rubescens: colore sunt rubro, rarius carneo aut albo, laciniæ superiore rostrata, apices luteos quatuor bina cavitate insculptos stylumque purpurascens sinu suo occultante, inferiore seu labello in tres laciniolas circinatas profundè inciso. Folia cum *Filipendula* nonnihil habent simile, at longè minora, minutiusque incisa, colore viridi vel spadiceo, in caulibus angulosis, concavis, palmaribus, aut dodrantalibus, infirmis. Radix nonnihil amaricat, alba, rugosa, formâ radicis *Petroselini* vulgè dicti, minimi digiti crassitudinem vix attingens, in crassiusculas fibras divisa. Ex summa porro radice folia exoriuntur lata, crassa, in mucronem desinentia, per ambitum serrata, è quorum sinu reliqua folia cum caule emergunt. Sic & primogenitæ plantæ folia prima *Dryopteris*, æmula formâ & laciniis, ut etiam aliquos fallere possit. Cæterum semen fuscum, rotundum in vasculis magnis falcatis, in rostra desinentibus.

Locum.

In pratis, pascuis & ericetis, locis humidioribus, abundè exit per totam Angliam.

- A. 6. *Pedicularis palustris rubra elatior*. An *Pediculariæ campestris* prior species Trag?

Hæc præcedente plus duplo major est & elatior, caulibus firmis, erectis: Differt quoque & floribus calicibus, quæ in hac subhirsutæ sunt minusque turgidæ quàm in illa, & ipsis etiam seminibus, ut conferenti patebit.

Locus.

In locis palustribus & aquosis provenit.

*Alectorolophum* tertium *Clus.* huc refero; ejusdemque genus alterum ad præcedentem: nam & notæ omnes conveniunt: & *Clusus* eam prope Londinum collegit, ubi certo certius non alia occurrat species.

Hujus herba (si Trago fides) inter cætera pabula à pecoribus devorata pediculorum in illis ingentem procreat copiam, quo morbo vix tandem citra magnum periculum liberantur.

7. *Crista galli montana, floribus pallidis in spicam congestis*.

Radix ei simplex, alba, paucis fibris donata, magnitudine & figurâ radicis *Tragopogi*, nisi quod longior sit, sapore non ingrato Nucis Avellanæ, paullo amariore. Folia ad radicem unum vel duo, alata ex pluribus pinnarum conjugationibus Filicis ferè in modum composita, inferius hirsuta, in acutum desinentia, singulis pinnis ad margines serratis *Cristæ galli* vulg. luteæ folia benè imitantibus, viridis ad luteum tendentis. Caulis ab eadem radice singularis, dodrantalis aut pedalis, teres, firmus, nonnihil hirsutus, intus concavus, [minimè ramosus quantum memini] spicam in summitate gestans palmarem florum densè stipatorum, pallidè luteorum, *Cristæ* vulg. luteæ similitudinem, nisi majores essent & vix sese aperirent, è calyce ventricoso, pentagono emicantium, pediculis nullis. Ad singulos flores singula habentur folia iis quæ ad radicem similia, superiora tamen in spica pinata esse desinunt, suntque *Pedicularis* vulg. lut. foliis persimilia. In calice latet seminis conceptaculum turbinatum, seminibus minutis, rotundis repletum. Unicum plerunque habet hæc planta in caule folium infra spicam.

Locus.

In summis jugis montium altissimorum Maximum *Carthusianorum* ctenobium circundantium invenimus. Differt autem tum à *Pediculari* majore *Dalechampii* J. B. tum à *Pediculari* bulbosa ejusdem.

8. *Pedicularis major Dalechampii* J. B. *Alpina Filicis folio major* C. B. *major Alpina* Park.

*Dalechamp.*

*Filipendula Alpina* affinis est, radice foris nigra, Napi modo gracilescens, rugosa, nonnihil surculosa: caule ferè cubitali, virgato, unico; foliis Filicis, in longo pediculo ordine collocatis, per ambitum crenatis, exeunte per caulem alternatim unoquoque foliorum pediculo: flore pallido, spicatum



catim in summo caule congesto, semine copioso, in latis corticosis vasculis incluso, Alyssi modo.

In vertice montis aurei Gergobiz Arvernorum propinqui gignitur. *Dalechamp.*

A precedente differt radice foris nigra; foliis in caule pluribus, alternatim positis: vasculo seminali lato.

*Locus.*

- \* 9. *Filipendula montana altera* C. B. *montana mollior altera* Park. *Alectorolophus* 11. Clus. hist.

*Clus.*

Sequenti per omnia ferè simile est, sed longè mollius, cujus flores modo pallidi modo purpurei sunt: radix etiam crassa, & fibras Asparagi radicibus similes agens.

Non in summis tantum Alpibus, sed & in inferioribus uliginosisque pratis nascitur.

*Locus.*

- \* 10. *Pedicularis bulbosa* J. B. *Filipendula montana flore Pedicularis* C. B. *Filipendula montana major albida* Park. *Alectorolophos Alpinus major* 1. Clus. *Filipendula montana* Ger.

Complures ab una radice emittit caules cubitales, minimi ferè digiti crassitudine, laves, concavos: in quorum cacumine flores multi, acervatim congesti, oblongæ spicæ instar, quemadmodum in Orchidibus; cucullati, Pedicularis, majores, è calyculis pentagonis inter minutiora folia prodeuntes, exalbido colore. Folia palmaribus nixa pediculis, pinnata, Filipendulæ divisurâ, statim ex radice prodeunt, qualia per caules pauca, præterquam in summitate, ubi florum spica incipit, quo loco satis sunt frequentia: Floribus succedunt mucronata capitula maturitate dehiscencia, semine ostendentia exiguum inæquale, cineracei coloris. Radices capillaribus fibris intertextæ, multæ, principio angustæ, sensim extuberantes, multum Filipendulæ radicibus cedentes. Vestigia veterum caulium demonstrant non esse annuam stirpem.

An Herba foliis Asplenio similis *Gesn. m. fr?* Radicibus tuberosis, & caulibus ab eadem radice pluribus à Pediculari montana nostra differt.

- \* 11. *Pedicularis Alpina lutea* C. B. Park. *Alpina, flore luteo, radice nigra* J. B.

*Lugd.*

Hæret radice crassa, nigra, multifida: folia exinde profert longo pediculo nixa, quæ foliolis multis constant, toto ambitu minutissimè incisæ ex adverso sitis ut in Filipendula, quæ causa nominis fuit [*Filipendulæ Alpinae Lugd.*] Caulis pede altior flores luteos spicatim ferè congestos in vertice sustinet, quibus delapsis vascula succedunt oblonga, Antirrhini loculis similia, minuto semine plena.

Eam gignunt summa Alpium juga.

Descriptio hujus plantæ imperfecta: Differt à Pediculari montana nostra, radice nigra, & foliis in caule pluribus (ni pictura fallat) & minutissimè ut in Filipendula incisæ.

*Locus.*

- \* 12. *Crista galli umbellata* C. B. prod. *galli lutea umbellata* Park.

*C. B. prod.*

Radice est tenui, parva; caule palmo parùm altiore, tenui & erecto: foliis paucis, unciam longis, angustis, per ambitum crenatis: Caulis summo flores plures, quasi in umbella dispositi, triplo majores & latiores quàm in vulgari, quibus valvulæ latæ, membranæ, semen continentes succedunt.

In Castiliæ agris collecta fuit.

*Locus.*

- \* 13. *Crista galli angustifolia montana* C. B. Park.

*C. B. prod.*

Caulis est cubitali, anguloso: foliis oblongis, angustis, acuminatis, margine crenatis, binis sibi ex opposito correspondentibus; ex quorum alis foliola minora prodeunt, & plerunque cauliculus unam alteramve unciam altus, minutissimis foliolis cinctus: ipse vero caulis in ramos semipalmares, etiam majores, dividitur: quibus flores pallidi, eo quo in vulgari ordine, sed longè minores infident, quibus valvulæ semen latiusculum includentes succedunt.

Hæc in montibus urbi [Basileæ] vicinis reperitur.

*Locus.*

## C A P. VII.

### De Euphrasia seu Euphrosyne.

*Euphrasia* (inquit Dalechampius) dicta est hæc herba, quia oculos juvat & delectat, quam vocem imperiti linguæ Græcæ depravantes in Euphrasiam verterunt. Hunc refutat J. Bauhinus, quia nihil de hac herbula apud veteres Græcos aut Latinos occurrit.

Hujus notæ sunt folia venosa serrata, semina albicantia.

- A. 1. *Euphrasia* J. B. Ger. *vulgaris* Park. *Officinarum* C. B. *Spe-bright*.

Plantula est palmaris aut sesquipalmaris, radice simplici, tortuosâ tamen seu huc illuc reflexâ, fibris paucis majusculis donatâ, lignosâ, albâ caulibus teretiusculis subhirsutis & in apricis purpurascens.

scandibus, ramosis, ramulis crebris & foliorum alis exeuntibus, caulem medium interdum longitudine superantibus. Sunt autem folia bino ordine in caule adversa, sine pediculis adnata, Chamædryos aut Alfine chamædry-folia, saturo virore splendens, rugosa, dentata, averfa parte hirsuta, sapore pingui & subamaro. *Flosculi* in foliorum alis singulis singuli & calicibus quadripartitis sessilibus exeunt, pulchelli, lactei, purpurantibus lineis intus striati, labello in tres bifidas lacinias diviso, & macula flavâ in medio picto; galea reflexa pariter bifida staminula aliquot occultat. Flori succedit *vasculum seminale* oblongum, compressum, bivalve, in duo loculamenta divisum, *semina* intus plura oblonga, cinerea continens.

Locus.  
Vires.

In pascuis sterilibus, vulgarissima, post mediam ferè æstatem in Autumnum usque floret. Euphrasia quoquo modo sumpta, seu in pulverem redacta, & cum vino albo pota, seu per se sola masticata & deglutita, seu succus ejus expressus, aut aqua destillata videndi potentiam mirificè roborat & adauget, debilem aut amissam reparat & restituit. Inflammationibus & caligini oculorum adhibetur tula, & imposita, aut succus ejus oculis inditus, sed præcipuè aqua distillata.

Fit ex Euphrasia, autore Arnoldo Villanovano, vindemiæ tempore vinum, cujus usu senum etiam oculi rejuvenescere feruntur, &c.

Casp. Hofmannius usum ejus despicabilem facere ait incertitudinem herbar, quòdque Arnoldus aliusq. usum ejus restringunt ad pingues & pituitosos. Et quod ad vinum attinet malè illud cessasse socio & consilio suo Pena scribit. Nec mirum, non enim curat quamvis caliginem, sed illam quæ est à frigore, neque hanc omnem, sed positivè à pituita. Calidam enim & siccam esse plantam ostendit gustus, qui amarorem quandam præ se fert. Casp. Hofman.

Verum si oculorum caligini conducit, non illud efficit calore aut siccitate: multa enim calida & sicca oculi non profunt, sed vel tenuitate partium, vel specifica quadam proprietate. Tenuium autem esse partium vel illud argumentum est, quod Tragus vino decoctam ac calidam propinatam morbo arguato utilissimam comperit.

De Macis ꝑ. Euphrasie ꝑij. Fiat pulvis subtilissimus. Dosis factis debitis evacuationibus ꝑij. Valet ad Scotomiam & imagines. Maroldus pulverem Doctoris Helidæi appellat. Dodonæus semen fœniculi & saccharum addit. Fuchsius in catarractis & suffusionibus commendat.

Fabric. Hildanus Autor imprimis celebris & fide dignissimus Centur. Epist. 103. tantum esse ait Euphrasie in imbecillitate visus vim atque efficaciam, ut ejus usu septuagenarios quosdam propter vigilias & studia plurima amisso visu, in decrepita ista ætate eum recuperasse observaverit. D. Tamerl. Robinson; qui oculistas quos vocant tum in Anglia, tum in transmarinis regionibus herbam ipsam exhibere tum in acetariis, tum in jusculis, tum etiam pani incoctam & potui ordinario infusam, extrinsecis autem in collyriis, & fomentis applicare adnotavit.

\* 2. Euphrasia linifolia Col. part. 2. foliis Lini angustioribus C. B. minima Park.

Folia huic longè exiliora & angustiora sunt quàm Lino. Tota planta non excedit dodrantem cum radice. Vulgari Euphrasie flore, fructu, semine ac sapore similis est.

A. 3. Euphrasia pratensis rubra C. B. Euphr. parva purpurea J. B. Cratægonon Euphrosynes facie Ger. Euphrasia pratensis rubra major Park. Red meadow Eye-bright, or Eye-bright Cow-wheat.

Radice alba, lignosa, tenui, huc illuc reflexa, nunc simplici, nunc multiplici seu in plures fibras sparsa caulis exurgit dodrantalis aut pedalis, firmus, teres, qui tamen quadratum simulat, lanugine brevi subhirsutus, solidus, ab imo statim ramosus. Folia digitum longa, angusta [unam circiter tertiam partem digiti lata] à basi ad mucronem sensim angustata, nervosa, nervis seu venis admodum conspicuis, denticulis per margines rarioribus serrata, Pedicularis in modum, bina in caule conjugata, absque pediculis adnata. Flores in summis caulibus & ramulis in longas velut spicas digesti, singuli ex alis foliorum singulis egressi pediculis brevissimis, galeati, purpurantes aut carnei, rarius albi, labello trifido. Calix pro floris modo satis grandis, summâ parte in quatuor acuta segmenta divisis, vasculum seminale intus continet oblongum, Euphrasie vulgaris.

Locus  
& Tempus.

Inter segetes & in pascuis, locis præsertim humidioribus frequens oritur & post mediam æstatem floret.

A. 4. Euphrasia lutea latifolia palustris. Pestow Marsh Eye-bright. An Crista galli affinis planta Romana, seu Crista galli major Italica J. B?

Cratægono Euphrosynes facie aut Crista galli non admodum dissimilis est. Radix ei simplex, alba, sapore nullo insigni: Caulis pedalis, teres, hirsutus. Folia in caulibus nunc bina ex adverso, nunc alternatim adnata absque pediculis, è lata basi in tenuem mucronem sensim desinentia, scilicet longam, per margines dentata, rugosa. Ex alis foliorum emergunt flores Fistulariz, galeati, flavi, labello latiusculo, & in tres lacinias diviso, è calice oblongo, striato, in quatuor segmenta expanso. Vasculum seminale oblongum, in binas cellulas divisum, gestans in apice stylum prælongum a flore residuum. Semen exiguum, rotundum, rufum. Tota planta, cum in statu est, glutine quodam seu lentore viscoso madet.

Tempus  
& Locus.

Floret Julio & Augusto. In agri Cornubiensis occidentaliore parte, ad rivis & in palustribus copiosè provenit: invenimus & in agro Staffordienfi. Planta hæc Euphrasie semen non habet. Nondum descriptam putamus, quod mirum, cum in Cornubia adeò frequens sit. Crista galli affinis J. B. diversa videtur.



A. 5. *Crataegon foliis brevibus obtusis Westmorlandicum. Short-leaved Eye-bright Col. wheat.*

Radix huic (ut putamus non descriptæ Euphrasie speciei) alba, dura, fibris majusculis prædita, & (ut mihi videbatur) repens. Caules semipedales, graciles, erecti, rigidi, non ramosi, nonnihil hirsuti, fragiles. Folia per paria sine pediculis caulibus adnascuntur, figurâ & magnitudine Alfinæ Chamædryfoliæ, rugosa, per margines dentata, viridis ad cinereum tendentis, & nonnihil splendentia. Flores in summis caulibus ex alis foliorum exeunt, brevibus pediculis nixi, figurâ florum *Crif. galli*, tubo longiore, colore ferdidè purpureo, calice quadripartito; quibus succedunt *vascula* ventricola, in binas partes impressâ lineâ divisa. Semina albicantia Cratægoni. Sapor plantæ acris nonnihil & amaris.

Prope *Orton* vicum in Westmorlandia, juxta rivulum, qui decurrit secus viam, qua inde *Crosbeiam* itur. Post mediam ætatem floret.

Locus  
Tempus.

6. *Euphrasia pratensis lutea C. B. prat. major lutea Park. Coru Monspessulana lutea J. B. Euf. lutea montana angustifolia major altera Col. Yellow narrow-leaved Eye-bright.*

Col.

Caule est singulari, cubitali, tenui, lignoso, ferè rubente, quadrato sed obtusis angulis [J. B. rotundo] foliis cineto angustioribus, Lino aut *Hyllopo* paribus, crassis, per ambitum rarioribus dentibus, ternis sc. ferratis, per rariora genicula binis cauli hærentibus: ex quibus alæ [ramuli] utrinque cruciati, alterno versu oppositæ binæ panduntur obliquæ, oblongæ, admodum caulis & plantæ proportionem: à quorum medio ad summum usque densi flores uno versu disponuntur duplicati, galericulati, galericulati, deorsum spectantes, ex utriculis prodeuntes, sed colore luteo saturato seu aureo oculis recreantes. Semina perficit Octobri mense, Euphrasie similia angulosa candida, quæ pericarpis siccis atque dehiscens ab imo incipiunt decidere.

Serius post mediam sci. ætatem floret: atque durat hyemè lignosa planta, sicca, foliis nuda, cacuminibus tantum racemosis adherentibus. Sapore amaro, adstringente, & extergente, linguam exasperante gustantibus nobis visa fuit Col.

Tempus.

Primò eam invenimus in Germania, non procul *Aldorfio* *Norimbergensium* Academia, deinde in *Hetruria*, tandem in *Narbonensi* Gallia.

Locus.

7. *Euphrasia pratensis Italica latifolia, C. B. pratensis minor purpurea Park. Euphrasia tertia non scripta Col. The lesser broad-leaved purple Italian Eye-bright.*

C. B. prod.

JIV 11 A O

Radice habet lignosam, parvam, nigricantem, in tenues fibras divisam: caulem semipedalem Col. Bauhino palmarem aut minorem, quadratum, rubentem, leviter hirsutum, sæpius simplicem, aliquando statim ab exortu in duos, rariùs plures parvos ramulos divisum: quem folia pauca, crassa, hirsuta, rotunda ferè, & bina adversa, in crenas profundas, inferiora quidem quæ minora in ternas, superiora verò in quinas senave divisa sua basi cingunt.

Flores è foliorum sinu, aliquando à medio caule, aliquando tanquam ex spica comæve, ex utriusque velut oblongo calice prodeunt binii, galericulati, purpurascens, quibus semen oblongum angulosum candicans in utriculis succedit. Amaro est sapor. Ubi nascitur ita frequens invenitur, ut humi rapeto operam purpureo inspicere videaris. Annua est planta. V. Botan. Monsp.

Variat in calidioribus regionibus v. g. in *Apulia* & *Cirinola* in pratis & pascuis, floris colore atque etiam comâ albâ: in frigidis locis colliumque pratensibus herbosis flore est semper purpureo.

Variet.

In via Romana, etiam Romæ in monte Testaceo provenit, passim etiam in *Castilia*, maxime circa *Escorial* reperitur. Circa *Monspelim* ultra pontem *Sellæ novæ* juxta viam qua itur ad pagum *S. Jordi* in sterilibus istis locis dictis *Garrigues* Maio mense florentem invenit *D. Magnol*.

Locus.

8. *Euphrasia Italica latifolia altera C. B. purpurea latifolia Park. major sylvestris purpurea latifolia Col. The greater broad-leaved purple Eye-bright.*

Col.

Radice est tenui, intorta, lignosa, bifurcata vel magis divisa: Caule sesquipedali, quadrato, hirsuto, subrubente, per genicula, digitalibus intervallis, foliis vestito unciâ longis, latis verò tertiam illius partem, in acutum desinentibus, per ambitum serratis: ex quorum sinibus à medio ad summum usque caulis alæ [ramuli] surgunt utrinque, obliquæ parum, minucioribusque foliolis ornata, quibus summa parte à medio usque densi flores insunt uno versu dispositi, ex alternatis tunc foliolis prodeuntes, galericulati, purpurascens, ex utriculis emicantes hirsuti, non dissimilibus cæteris; quibus succedunt crassiores, minutique congeneribus oblongi, seminibus turgidi angulosi, candidis, parum *Vulgari* majoribus, quæ Septembri & Octobri mense perficiuntur.

Angusto floret, amaro tota sapore. Equicolum collium seminis & *Quercetis*, depressioribus etiam locis, umbrosis atque humentibus gudet.

Locus.

9. *Euphrasia lutea Alpinifolia radice squamata C. B. Anonymi radice Denaria Col. Euphr. lutea minor radice squamata Park.*

C. B. prod.

Radice est velut bulbosa, alba, ex quatuor crassiusculis squamis coagmentata: caule pedali, aliquando palmari, levi, cavo & ramoso, ramulis ex alarum cavis prodeuntibus, quem folia bina, petiolis

U n n 3

petiolis

petiolis carentia basi sua situ adverso cingunt, Alfine Trixaginis foliis formâ similia, sed acutiora. *Floris lutei, Euphrasie floribus respondentes: quibus succedit semen nigrum rotundum, in apicem exiguum desinens, quod geminum parvo petiolo insidet.*

Locus.

Hæc montosis asperis & humidis gaudet. In Alpibus Helveticis & Austriacis, inque Pyrenæis montibus invenitur.

*Semina quæ vocat vasa seminalia fuisse existimo; aliâs ad hoc genus minimè pertinet.*

*Dentaria Buguloides radice globosa Mentzel. eadem videtur præcedenti.*

Mentzel.

Altitudine sua & foliis Bugulam luteam mentitur; at *radix* Dentariæ est, globosa, squamulis tanquam denticulis murum alabastrinis circumcirca referta. Ex hac *cauliculus* nunc unus, nunc plures & in ramulos divisi exurgunt quadrati, ad singula internodia foliola Chamædryos bina sibi opposita sustinentes. Ex horum alis *flosculi* erumpunt aurei, oblongis calycibus in quinque foliola divisis, florum Euphrasie formâ. Eos sequuntur *pericarpia* rotunda, in quibus *semen* observare non licuit.

Locus.

Collegit hanc *Mentzelius* mense Maio in Alpium quodam excellissimo & prærupto jugo dimid. mill. Germanico ab oppido *Mittenwald* dicto mediâ viâ inter *Innsbruck* & *Munchen*.

\* 10. *Euphrasia purpurea minor* C. B.

Mag.

Ex parvula radice fibrosa caulem emittit sæpius palmo minorem. Folia per caulem rara sunt, ex intervallis bina caulem cingentia, oblonga, rugosa, satis profunde crenata & leviter hirsuta: in summmitate spicam florum producit, qui bini semper oppositi nascuntur, purpurei, & Antirrhini flosculos imitantes: labrum superius tripartitum est tribus punctulis albis notatum. Succedunt floribus longi utriculi, semine minutissimo subrufo pleni. Annua est planta. In seminis colore descriptio C. B. nostræ non convenit.

Locus.

Maio mense florentem invenit descriptionis autor ultra pontem Salenovæ, juxta viam quæ iuxta ad pagum *Saint Jordi* in sterilibus illis locis dictis *Garrigues*.

Semina non sunt Euphrasie sed Antirrhini, quocum & floribus convenit.

## CAP. VIII.

## De Melampyro seu Tritico vaccino.

**M**ELAMPYRON à *ultra* & *vires*. Ex tritici enim mutatione nascitur Melampyrum, ut ex malo nigrum fiat, teste Galeno. Nos ejusmodi in plantis specierum transmutationem dari non concedimus. Caterum Melampyrum dictum putamus, quod semen ejus triticeum referat magnitudine & figurâ, colore nigro differat. Cum autem inter segetes tritici frequens nascatur, ejusque grana triticeis sæpentero admixta sint, hinc orta occasio fingendi ex tritici mutatione nasci.

Triticum vaccinum dicitur quod gratus pastus sit bobus & vaccis laginandis.

1. *Melampyrum multis sive Triticum vaccinum* J. B. *Melampyrum purpurascens comê* C. B. *purpureum* Ger. *Craaiogonon flore vario* Park. *Common purple Corn-bheat*.

J. B.

Lignosa est & exigua radiculâ, aliquot confimilibus fibris donata: ex qua surgit caulis singularis, quadratus, hirsutus, purpurascens, multis alis concavis: Folia ex intervallis ex adverso posita, Linariæ alia, alia lata & profundè laciniata, aspera, atro-virentia: at quæ in supremo thyrsi sunt crebriora existunt, breviora, latiora, digitata, hilari purpurâ tincta: ex quorum alis galeati floris exeunt, subhirsuti, casside purpurante, labello luteo, rubore confuso, cervice penitus lutea, reliquo tabulo purpurascente: quibus succedunt in capsellâ oblonga, turgida, in bina loculamenta divisa, tegmine membraneo in aristam desinente breviusculam, obvoluta semina duo aut tria, triticeis minora, nigriora.

Locus.

Ujus.

Inter segetes passim reperitur in exteris regionibus: in Angliâ, quod sciam, non provenit.

Melampyrum (inquit J. Banhinus) nondum, quod sciamus, in medicina usum obtinuit, sed plerumque negligi solet. Scribit Clusius, eam in Occidentali Frisia seu Flandriæ parte (ubi copiosissimum ait) panem vitare, & attritiorem reddere: quinimò eos qui eo vescuntur plerumque capitis gravedine tentari solere, non secus ac si lotio victiassent. Ego semine hujus sæpius quidem panem tinctum observavi, sed nullum prævum saporem ei adferre deprehendi, nec infasubriorem à rusticis ideo haberi animadverti, nec eam ullo modo separare student. Quin & Tabern. qui admodum sapidum panem ait, se sine ullo nocumento sæpe comédisse testatur.

Gratus pastus bubus & vaccis laginandis, ut non incongruè forsân Pabulum bovinum aut vaccinum quis nuncupare possit. J. B.



2. *Melampyrum cæruleum* com. C. B. *cæruleum* Ger. *Melampyrum affinis* *Parietaria cærulea* quorundam J. B. *Melampyrum* 4. Park. quoad Synon. *Cratægonon flore varlo* quoad iconem.

Clus.

Quadrangulo affurgit caule, pedali, nodoso, villis quibusdam hirsuto; in quo alternatim ad nodos bina semper ex adverso nascuntur longa folia, secundum pedicellum lata, & sensim in mucronem desinencia, aliquantulum villosa. Summus caulis & rami desinunt in foliorum comam superioribus minorum, ad pedicellum laciniatorum, molliorque lanugine pubescentium, coloris purpurei, nunc dilutioris, modo saturationis elegantissimi & violacei: inter quæ bini sibi semper oppositi flores nascuntur, longiores concavi, aliquantulum hiantes; superiore labro nonnihil reflexo & villosa, inferiore latiusculo & deorsum propendente, coloris intus lutei, deinde omnino aurei, omnes tamen, hic alternis contrario situ nascentes antrosum exserti & spectantes. Radix candida est, annua.

In sylvis montosis non longe à Gratianopoli, quæ inde ad max. *Carduiflorum cornobium* Locu.

Hanc cum primò invenimus *Parietarium fylvæ speciosum* denominavimus, cui caulis quam in vulgari nostrate erectior, summitates purpureæ, flores pulchri, luteo colore nitentes, adeo tamen in paucis differt, ut nesciam an specie diversa censenda sit.

Semen maturè colligendum antequam exiliat è vasculis, & statim telluri reddendum, ut sponte nascatur: Nudum enim si contrectetur fecunditatem perdere existimatur. De omni genere *Melampyri* hoc intelligendum.

A. 3. *Melampyrum cristatum* J. B. an *luteum angustifolium* C. B. Park. *Cratægonon Cominear*.

Radice parvâ, lignosâ aliâs simplici, aliâs multifidâ, albâ alimentum haurit. Cauda semipedalis est & altior, aliâs teres, aliâs angulosâ valde ramulosâ, ramulis ipso etiam caule longioribus, plurimum aduersis, inæquali interdum orâ, folia vestitis *Melampyri* Sylvatici flore luteo, verum longioribus & angustioribus, binis plurimum oppositis. Flores in caulis & ramulorum summitatibus, in spicis crassis, quadratis, longi, hiantes seu galeati, purpurei plerunque cum rictu luteo, quos sequuntur siliquæ breves apicibus acutis, & *Melampyri* Sylvatici siliquis fimiles: Semina itidem paria. Calix floris brevis, margine in quatuor segmenta partito. Singulos autem flores & siliquas finu suo ceu alveolo excipit folium sursum versus duplicatum, cujus superior margo utrinque figuram Lunæ falcata refert, arcu minutis denticellis concinnè crenato cristatoque: quin & apex hujus folii in longum & angustum mucronem procurrat. Ex his foliis ita duplicatis & squamatis incumbentibus componitur spica: Sunt autem purpureo plerunque colore tincta.

In Sylvis Cantabrigienfibus & Bedfordiensibus copiosè provenit. Observavimus insuper in syl. Locu; vosis montium propè Genevam.

A. 4. *Melampyrum Sylvaticum* flore luteo sive *Satureia lutea sylvestris* J. B. *Mel. luteum latifolium* C. B. *Cratægonon vulgare* Park. *Cratægonon album* Ger. *Common wild Cominear*.

J. B.

*Melampyri* vulgatoris segetum radices habet, strigosius plerunque, coliculis dodrantalibus aut cubitalibus, quadratis, subhirsutis, in frequentes prælongos ramos conjugatim divisos. Folia geniculis adnectuntur bina opposita, atropurpureo colore maculosa, interdum culmum lata, interdum duplo latoria, uncias duas plus minus longa (ingrati & aliquantulum acris saporis Clus.) quorum quæ suprema floribus opposita sunt vulgatoris *Melampyri* segetum modo laciniata sunt. Caterum tubuli formæ flores hiantes alterius *Melampyri*, toti lutei sunt, conspectiores, bini & unam ferè in partem vergentes & longius quidripartitis; quibus compressa succedunt vascula rostro adunco, semina tria, vel etiam quatuor magna, oblonga, granorum Triticum æmula comprehendencia. In hac planta interdum observavi colorem cæruleum vel dilutè rubentem. J. B.

In sylvis, sylvarum marginibus, dumetis, sepibus umbrosisque locis circa Quercuum aliarumque Locu; vetustarum arborum radices, in omnibus ferè Europæ regionibus invenitur.

5. *Melampyrum lanuginosum Batium* C. B. *lanuginosum* Park. *Parietaria montana Batia* Clus. cur. post.

Clus.

Pedalis longitudinis caule prædita erat elegans hæc planta, quadrangulo, & tenui molliorque lanugine recto, in aliquot ramos secundum radicem diviso, quos per intervalla ex adverso semper nascentia ambiunt folia oblongiuscula & angusta, per oras serrata, perinde ferè ut *Stachados* serrata folia. Summum ramorum fastigium in oblongiusculam, squammatam, molliorque tomento constantem spicam definit: è qua flores elegantes, oblongi prodeunt, formâ quidem aliorum floribus similes & in latus propendentes.

6. *Sordio*

\* 6. *Scordio affinis Elephas ob. florem* C. B. *Scor. of. Elephas Columnia Park. Elephas Campocla-*  
*rensum Col.*

Col.

*Radicem* habet parvam, obliquam, albescentem, teneris; crassiusculis, ex viridi albis, translu-  
 cidis foliolis, triticeo grani effigie ac magnitudine, paulo tamen laticioribus, incisuram illam preferen-  
 tibus, veluti dentatam, ut etiam in *Scordio* observavimus: *Caulem* quadratum, virentem, succo-  
 sum, cavum, tenerum, nonnihil hirsutum, sicut & *folia*, quæ primò obtutu levia videntur, bina ex  
 opposito cauli hærentia, primum parva, deinde cum caule grandiora, atque oblongiora, colore  
 Menthae, sed retusiora, ut etiam serraturâ, quæ rarior est, ad *Scordii* folia accedentia, magnitu-  
 dine albidiora, splendidiore atque succosa, sapore linguam vellicante. Ex eorum verò finibus & caulis  
 geniculis utrinque à medio ad summum, & aliquando etiam ab imo ferè, alæ multa exeant, sed mi-  
 noribus foliis atque acutioribus, formâ & serraturis: inter quæ folliculi bini ex singulis geniculis,  
 parvo petiolo hærentes, Narcissi ferè odore suavi flores emittunt luteos, aureo colore rostratos, E-  
 lephantis caput repræsentantes. Caput enim è folliculo exerunt cum cervicis incisura & crassitie  
 recurvum nasum sive rostrum proboscidis instar, semuncie longitudine producentes: in cuius me-  
 dio ex inferiore parte superioris velut mandibula dentes bini sunt, recurvi: ex capitis verò fronte  
 utrinque dependent veluti maxillæ supercilia formantes; sub quibus maculæ sunt excavatæ, ut  
 oculos purpureo, roseo colore repræsentent: inde ex inferiore parte & sub collo latum est folium,  
 auriculas referens, quatuor divitum incisuris, ut in galericulatis floribus, sed longè latius, unciam  
 enim æquat latitudine. Floribus decisis, intra singulos folliculos parum hirsutos utriculi perfici-  
 untur ventriosi, quadrati, sed obtusis angulis, in quibus semina ob cutis tenuitatem & illorum copiam  
 extuberant, ut illorum crassities videatur quæ Milii vel Anagallidis est magnitudinis. Colore sunt  
 cinereo, gibbosa & rugis circum delineata, numero ferè triginta in singulis pericarpis, quæ cum per-  
 fecta sunt utriculos dirumpunt, atque decidunt.

Ab imo florere incipit Junio, atque Julio perficitur.

Loca umbrosa diligit, frigida atque humentia Septentrionalia in Valle Campoclaresum.

Tempus.  
 Locum.

A. 4. *Elephas Columnia Park. Elephas Campocla-*  
*rensum Col.*

*Radix* habet parvam, obliquam, albescentem, teneris; crassiusculis, ex viridi albis, translu-  
 cidis foliolis, triticeo grani effigie ac magnitudine, paulo tamen laticioribus, incisuram illam preferen-  
 tibus, veluti dentatam, ut etiam in *Scordio* observavimus: *Caulem* quadratum, virentem, succo-  
 sum, cavum, tenerum, nonnihil hirsutum, sicut & *folia*, quæ primò obtutu levia videntur, bina ex  
 opposito cauli hærentia, primum parva, deinde cum caule grandiora, atque oblongiora, colore  
 Menthae, sed retusiora, ut etiam serraturâ, quæ rarior est, ad *Scordii* folia accedentia, magnitu-  
 dine albidiora, splendidiore atque succosa, sapore linguam vellicante. Ex eorum verò finibus & caulis  
 geniculis utrinque à medio ad summum, & aliquando etiam ab imo ferè, alæ multa exeant, sed mi-  
 noribus foliis atque acutioribus, formâ & serraturis: inter quæ folliculi bini ex singulis geniculis,  
 parvo petiolo hærentes, Narcissi ferè odore suavi flores emittunt luteos, aureo colore rostratos, E-  
 lephantis caput repræsentantes. Caput enim è folliculo exerunt cum cervicis incisura & crassitie  
 recurvum nasum sive rostrum proboscidis instar, semuncie longitudine producentes: in cuius me-  
 dio ex inferiore parte superioris velut mandibula dentes bini sunt, recurvi: ex capitis verò fronte  
 utrinque dependent veluti maxillæ supercilia formantes; sub quibus maculæ sunt excavatæ, ut  
 oculos purpureo, roseo colore repræsentent: inde ex inferiore parte & sub collo latum est folium,  
 auriculas referens, quatuor divitum incisuris, ut in galericulatis floribus, sed longè latius, unciam  
 enim æquat latitudine. Floribus decisis, intra singulos folliculos parum hirsutos utriculi perfici-  
 untur ventriosi, quadrati, sed obtusis angulis, in quibus semina ob cutis tenuitatem & illorum copiam  
 extuberant, ut illorum crassities videatur quæ Milii vel Anagallidis est magnitudinis. Colore sunt  
 cinereo, gibbosa & rugis circum delineata, numero ferè triginta in singulis pericarpis, quæ cum per-  
 fecta sunt utriculos dirumpunt, atque decidunt.

Ab imo florere incipit Junio, atque Julio perficitur.

Loca umbrosa diligit, frigida atque humentia Septentrionalia in Valle Campoclaresum.

*Radix* habet parvam, obliquam, albescentem, teneris; crassiusculis, ex viridi albis, translu-  
 cidis foliolis, triticeo grani effigie ac magnitudine, paulo tamen laticioribus, incisuram illam preferen-  
 tibus, veluti dentatam, ut etiam in *Scordio* observavimus: *Caulem* quadratum, virentem, succo-  
 sum, cavum, tenerum, nonnihil hirsutum, sicut & *folia*, quæ primò obtutu levia videntur, bina ex  
 opposito cauli hærentia, primum parva, deinde cum caule grandiora, atque oblongiora, colore  
 Menthae, sed retusiora, ut etiam serraturâ, quæ rarior est, ad *Scordii* folia accedentia, magnitu-  
 dine albidiora, splendidiore atque succosa, sapore linguam vellicante. Ex eorum verò finibus & caulis  
 geniculis utrinque à medio ad summum, & aliquando etiam ab imo ferè, alæ multa exeant, sed mi-  
 noribus foliis atque acutioribus, formâ & serraturis: inter quæ folliculi bini ex singulis geniculis,  
 parvo petiolo hærentes, Narcissi ferè odore suavi flores emittunt luteos, aureo colore rostratos, E-  
 lephantis caput repræsentantes. Caput enim è folliculo exerunt cum cervicis incisura & crassitie  
 recurvum nasum sive rostrum proboscidis instar, semuncie longitudine producentes: in cuius me-  
 dio ex inferiore parte superioris velut mandibula dentes bini sunt, recurvi: ex capitis verò fronte  
 utrinque dependent veluti maxillæ supercilia formantes; sub quibus maculæ sunt excavatæ, ut  
 oculos purpureo, roseo colore repræsentent: inde ex inferiore parte & sub collo latum est folium,  
 auriculas referens, quatuor divitum incisuris, ut in galericulatis floribus, sed longè latius, unciam  
 enim æquat latitudine. Floribus decisis, intra singulos folliculos parum hirsutos utriculi perfici-  
 untur ventriosi, quadrati, sed obtusis angulis, in quibus semina ob cutis tenuitatem & illorum copiam  
 extuberant, ut illorum crassities videatur quæ Milii vel Anagallidis est magnitudinis. Colore sunt  
 cinereo, gibbosa & rugis circum delineata, numero ferè triginta in singulis pericarpis, quæ cum per-  
 fecta sunt utriculos dirumpunt, atque decidunt.



# HISTORIÆ PLANTARUM

## LIBER DECIMUS SEXTUS,

QUI EST,

De Plantis Flore uniformi tetrapetalo Siliquosis  
& Capsulatis.



ARUM notæ sunt calyx quadrifolius unâ cum flore deciduus, flores plures simul in summis caulibus & ramulis, successivè se aperientes, nullis ad pediclorum basès appositis foliolis, loculamenta in singulis vasculis seminalibus plerunque singula, rarius bina.

Dividi possunt in siliquosas & capsulatas seu filiculosas.

*Siliquosas* voco quæ vascula habent in longitudinem producta, bivalvia ferè & membranâ intergerinâ duplicem seminum seriem determinante secundum longitudinem divisa; quibus etiam accensæ quæ vascula habent in latitudinem diffusa, modò majora sint, & membranarum dissipientes ad latitudinem seu planum vasculorum parallelæ.

*Capsulatas* seu filiculosas appello, quæ vascula proferunt breviora, seu simplici intus cavitate, seu dissepita, sive membranâ alveolos determinans ad latitudinem seu planum siliquarum perpendicularis sit, sive parallelæ.

N. Calycem habere unâ cum flore deciduum non est perpetua & constans nota omnium hujus generis specierum; unam enim novimus, nimirum *Thlaspi Alysson* dictum campestre minus, in quâ à flore delapso restant calycis folia.

## SECTIO PRIMA.

De Plantis flore uniformi tetrapetalo siliquosis.

*Herbæ flore tetrapetalo siliquosæ sunt vel semine*

[*Compresso*, lato, foliaceo, in nonnullis etiam margine membranaceo cincto; *siliquæ* vel

[*Longâ*, angustâ: hæc autem sunt flore vel

[*Majore*: radice

[*Æquali*, nec dentatâ squamosâve, nec tuberosâ; flore odorato

{ *Flavo*, in parietinis & rudibus rupibusve plerunque nascens: *KEIRI Leucoium*

*luteum.*

{ *Purpureo*, albo aut vario; foliis

{ *Incanis*: *LEUCOIUM vulgare purp.*

{ *Virentibus*; *LEUCOIUM folio virente.*

[*Dentatâ* seu squamosâ, tuberosâve; caule non ramoso, foliis in uno pediculo ternis, quinis aut septenis: *DENTARIA, Coralloides.*

*Minore*;

{ *Minore*; variis nominibus Hesperidis, Drabæ, Leucoti insignitæ: *LEUCOTIUM filiquosum*  
*flore minore*

{ *Lata*, brevi,

{ *Glabra*, major, flore purpureo majore, Urticæ folio: *VIOLA lamaris*, *Bulbonach.*  
 { *Hirsuta* minor, flore luteo aut albido, parvo, foliis incanis: *ALYSSON*, *Lunaria*.

{ *Tumidiore* & non compresso, filiqua

{ *Lata*, brevi: *PARONYCHIA*; item *Sedum petraeum luteum* dictum, & *Bursa pastoris* loculo ob-  
*longo*.

{ *Tereti longa*; femine

{ *Sublongo*, majore; flore

{ *Majore*, odorato, præcipue sub vesperam, Leucoti æmulo: *HESPERIS*.  
 { *Minore*, inodoro, foliis subrotundis, *Allium olentibus*: *ALLIARIA*.

{ *Rotundo* seu globoso

{ *Majore*, foliis seminalibus bifidis, filiquis

{ *Secundum longitudinem*, membranâ intergerinâ duplicem seminum seriem differ-  
*minante disseptis*; foliis

{ *Lævibus*,

{ *Majoribus*, glaucis seu subcæruleis, carnosis, femine mitiore & minus acri,  
 per maturitatem nigro: *BRASSICA*.

{ *Minoribus*, laciniatis, odore foetido & ingrato, femine acriore & calidiore,  
 per maturitatem fulvo aut pullo: *ERUCA genuina*.

{ *Asperiusculis*, imis saltem ad radicem, nam superiora in plerisque glabra sunt  
 aut glauca: femine

{ *Mitior* & minus acri, radice

{ *Carnosa*, esculentâ,

{ *Majore* & *rotundiore*, substantia laxiore: *RAPA*.

{ *Minore*, *longiore*, & subacri, substantia solidiore: *NAPUS*.

{ *Duriore*, minore, & minimè tuberosa; filiquis & seminibus *Rapæ*;  
*NAPUS sylvestris*.

{ *Fervido* & *acerrimo*; foliis tam quæ ad radicem, quàm quæ in caulibus  
 asperis [excipe *Sinapi* genuinum, cujus folia in suprema glabra] *SINAPI*. Hujus generis humiliores, filiquis teretiusculis majoribus &  
 longioribus, femine majore, minus acri *RAPISTRA* appellantur

{ *Craffis fungosis* & in quibusdam speciebus articulatis membrana non disseptis, radice

{ *Carnosa*, esculenta, acri, flore subcæruleo aut purpurascens: *RAPHANUS*.

{ *Tenui*, furculosa, dura, non esculenta. *RAPISTRUM articulatum*.

{ *Integris floribus*

{ *Luteis*, filiquis

{ *Brevioribus* & *craffioribus*: *ERUCA spuria*

{ *Longioribus* & *tenuioribus*: *ERYSIMUM*, *Iris*.

{ *Albis*, vel purpurantibus, aut etiam ex luteo albidis; filiquis per maturita-  
 tem



*Valvulis inspiras revolutis diffilientibus, & semina cum impetu ejaculantibus :*  
**CARDAMINE.**  
*Non diffilientibus, foliis minimè dissectis, iisdemque & caulibus imis asperis,*  
*summis lævibus;*

*Major, siliquis longioribus, erectis, cauli approximantibus; TURRITIS.*  
*Minor, siliquis brevioribus à caule extantibus; PILOSELLA siliquata.*

*Angustis, curtis, exiguis, seu floribus albis, foliis amplis, integris, oblongis, radice reptatrice & vivaci, sapore & odore Rhaphani acri: RHAPHANUS rusticanus: sive floribus luteis minoribus, foliis magis laciniatis: RHAPHANUS aquaticus.*

## CAP. I.

## De Leucoio folio incano.

**L**eucoion duplex est, aliud bulbosum, aliud fruticosum. Prius à floris candore nomen accipit; posterius à foliorum potius canitie cineraceæve albedine: illud ad Bulbosarum genus pertinet, hoc hujus loci est: Estque duplex, vel flore purpureo albôve; vel flore flavo. Notæ illius genericæ sunt Flos major odoratus purpureus aut albus; siliquæ longæ compressæ, bivalves, membrana intergerinâ secundum longitudinem in bina loculamenta divisa, semina itidem compressa.

Hujus duplex habetur genus, alterum folio incano, flore purpureo, alterum folio virenti, flore albo.

1. *Leucoium incanum majus C. B. Leucoium hyemale & diu durans, purpureum, roseum, ac etiam album J. B. Leucoium album, sive purpureum, sive violaceum Ger. emac. Leucoium simplex sativum diversorum colorum Park. Broek-Gillyflower.*

*J. B.*

Non tam florum, quàm caulis & foliorum color Leucoio nomen fecit: siquidem folia incondita semunciam aut unciam [ imò interdum duas minimum uncias ] lata, palmum unum aut duos longi, per margines æqualia, tota albent, obtuso mucrone, incanâ mollique lanugine pubent. Caulis cubitalis & sesquicubitalis aut altior, lignosus, teres, in ramos multos fissus, incantis similiter & tomentosus. Flores extremis ramulis hærent, ex oblongo calice piloso erumpentes, ampli, è quatuor petalis oblongis in extremo subrotundis compositi, colore vel rubro vel purpureo, dilutior aut saturatior, vel etiam albo præditi, odore suavissimo fragrant; unde siliquæ nascuntur palmum aut semipedem longæ, compressæ quando maturæ, mucrone bifido, duos seminum versus continentes, quæ compressa, orbiculata, medio rufa, margine seu fimbria canente cinctæ, sapore acriusculo. Radix lignosa, alba. Magna est in hujus plantæ floribus colorum varietas. Alii enim candidi sunt, alii incarnati, alii rosei, alii purpurei aut violacei, alii sanguinei, pulcherrimève rubentes, alii denique diversicolores, albi viz. maculis & lineis vel purpureis, vel suaverubentibus, vel roseis, vel violaceis picti & variegati; prout naturæ ludere placuit. Cærulei coloris in hoc genere hætenus non vidimus. C. B. Et tamen Tragus Leucoii seu Violæ cæruleæ meminit. C. Bauhinus in Phyt. inter floris colores luteum numerat. Frater J. B. in hoc genere non putat extare luteum; nec nos unquam vidimus. At Parkinsonus noster in Parad. Leucoii speciem proponit titulo

*Leucoii sativi albido-lutei simplicis:*

Cui folia viridiora: flores pallidè lutei & propemodum albi; in aliis à Leucoio vulgari descripto nihil differenti.

*Leucoium flore pleno diversorum pariter colorum*

Abeo quod simplici est flore specie minimè differt, siquidem ex ejus semine oritur: vel mango-nio repetitæque crebriore transplantatione ( ut aiunt ) ex simplici multiplex fit. Lugdunensis tamen transplantandum monet antequam floruerit. Hujus flos non petalorum tantum multiplicitate, sed colorum varietate insignis est. Reperiuntur enim colore albo, rubro, purpureo, variegato, ut in præcedente, insignes.

- \* 2. *Leucoium incanum minus C. B. Leuc. asivum flore purpureo & roseo ac albo J. B. The lesser Broek-Gilly-flower or July-flower.*

Binis foliis emergunt, hyemalibus Leucoiis similibus, minoribus, tenerioribus, flore nunc purpureo, nunc roseo, nunc albo. A majore (inquit Lobelius) non formâ, sed magnitudine solâ differt: Caules foliaque habet similia, sed minora: flores etiam non unius coloris: sed vel candidos, vel rubentes, vel puniceos, uti majoris: siliquas etiam & semina similia.

J. Bauhinus

J. Bauhinus fratrem reprehendit quòd hoc & præcedens genus seu Leucoium majus solâ magnitudine differre scribit; in eo enim (inquit) etiam differunt, quòd hoc non arboreseat, & folia etiam prima, ni fallor, differentiam aliquam habent.

Parkinsonus Leucoium habet, quod appellat Leucoii alterum genus ex seminio oriundum, quod à vulgari Leucoio majore differt, quòd majus multò & elatius non rarò evadat. Nunquam tamen flores variegatos edat, Hyemem etiam non ferat, quo cum Leucoio hoc minore æstivo convenit, quod Vere satum floret Julio, Augusto, Septembri; Autumno perit, nec hyemem profert, etiam repositum. Duplex ergo (si his Autoribus fides) Leucoii æstivi genus est alterum Leucoio hyemali majus & elatius, alterum eodem minus.

*Leucoium melancholicum* Park. *floris colore livide rubente melancholico* Eyst. *Leucoium livide rubente colore* C. B. *Hesperidis species est, vide inter Hesperidas.*

A. 3. *Leucoium marinum maximum* Park. *Leucoium maritimum Camerarii* J. B. item *Leucoium maritimum magnum latifolium* ejusdem: *marinum majus* Park. *maritimum sinuato folio* C. B. *L. marinum purpureum Lobelii* Ger. emac. **Broad-leaved Sea-Stock Gilliflower.**

Park.

*Eradice* alba, lignosa, longa, in multos ramos divisa *folia* promit longa, crassa, albicantia, mollia, in orbem circa radicis caput humi sparsa, rigidiora quàm hujus generis reliquorum, in profundas lacinias utrinque, cornu cervi ferè in modum, incisa & velut dentata, pulchro aspectu. Secundo à satione anno *caulem* protrudit, incana lanugine candicantem, altitudine circiter tripedali, in multas alas divisum, crassum sed tamen infirmum & vix se sustinentem; cui innascuntur *folia* angustiora, parùm admodum laciniosa, aut etiam æqualia, & in fastigio *flores*, alios supra alios, multos, minùs odoratos quàm Leucoii incani hortensis, tantillo majores, colore purpureo-cœruleo pallido: quibus succedunt *siliquæ* reliquorum similes, *semina* claudentes majora, obscuriora. Postquam semen dederit radicitus interit.

Locus.

Hanc attulit J. Tradescantius in Angliam ex insula *Cracina* propè *Rupellus* in Gallia: eandem invenimus in litore arenoso insulæ *Angleseæ* in Anglia è regione *Caernarvan* oppidi in Wallia, atque etiam in extrema parte Cornubiæ, & alibi in litoribus arenosis: cui specie omnino idem putamus

*Leucoium marit. majus.*  
Clus.

*Leucoium marinum majus* Clusio descriptum, sed non rectè depictum; *Leucoium maritimum magnum latifolium* J. B.

Descriptio Clusiana sic se habet. *Caulis* ei pedalis est, interdum major, ramosus admodum & humi procumbens: *folia* longa, crassa, mollia, canentia, & quodammodo lanuginosa, Cichorei aut Eruce modo divisa, & velut præmorsa: *flores* secundùm ramulos odorati, dilutioris purpuræ colore sed ad rubri vini facies quodammodo tendentis: *Siliquæ* longæ, crassiusculæ, planæ tamen ut vulgaris Leucoii, plana & subrufa *semina* continentes. *Radix* multifida, sed non perennis; postea enim quàm planta florem & semen protulit (quod altero plerumque à satum anno interdum & tertio fieri solet) perit. Æstate floret.

Locus.

Nascitur in Mediterranei maris litoribus in Hispania & Gallia Narbonensi. Nos ad Mare Mediterraneum propè Monspelium invenimus ipsissimum illud *Leucoium*, quod in litoribus nostris oritur, quòdque ex Parkinsono descriptum dedimus, unde minimè dubitamus quin una & eadem specie planta sint *Leucoium marinum maximum* Park. & *Leucoium marinum majus ejusdem* & Clusii.

C. Bauhinus è Keiri marino flore candido *Lob. ico.* (cujus figuram Clusius assumpsit quanvis descriptioni suæ non conveniat) novam Leucoii maritimi speciem fecit, titulo *Leucoii maritimi candidi*, quàm rectè ipse viderit.

4. *Leucoium maritimum angustifolium* J. B. C. B. *marinum minus* Lob. Clus. Park. Ger. **The lesser narrow-leaved Sea-Stock Gilliflower.**

Clus. J. B.

*Eradice* crassa, lignosa, alba, cui plures crassæ fibræ & plura capita esse solent, multi *caules* exoriantur, singulares vel ramosi, dodrantes, teretes, satis firmi, multò tenuiores [addit J. Bauhinus & candidiores quàm præcedentis, quod non probamus] *Folia* breviora, parva, candida, nullo aut obscuro laciniarum vestigio incisa, minùs crassa quàm præcedentis. *Flores* in ramulis superiore minores coloris pulcherrimè rubentis, & dum flaccescere incipiunt saturationis, quales Leucoii vulgaris rubri flores, & odorati quidem illi, verùm minùs superiore: *siliquæ* succedunt tenuiores multò & breviores quàm in præcedente, teretes, semine copioso, minutissimo, ruffo refertæ.

Tempus &  
Locus.

Floret Julio & Augusto, eodem quo satum est anno, deinde perit. In arenosis Maris Mediterranei litoribus propè Frontignanam & alibi observavimus, sat copiosè.

\* 5. *Leucoium maritimum repens* C. B. *maritimum procumbens* Morif.

*Cauliculis* surgit pedilibus, infirmis, atque idcirco humi facilè procumbentibus, in plurimas alas divisus: *foliis* constat Leucoii vulgaris incani figurâ, è diluto virore albicantibus. *Flosculi* in carne colore modicè rubent: cætera cum præcedentibus conveniunt.

C. Bauhinus dubitat an ex semine prioris in hortis natum sit: cum (inquit) in hortis satum longioribus quidem sit cauliculis, sed in terram reflexis, folio latiore, flore purpureo, totaque æstate floreat.

Hoc genus, siquidem à præcedentibus diversum sit, nobis certè incognitum est, ideòque nec plura habemus quæ de eo dicamus.

\* 6. *Leucoi-*



- \* 6. *Leucoium sylvestre inodorum, flore parvo, pallidiore* Eyst.

*Radices* oblongiusculas, albescentes in terram demittit, è quorum capite numerosa expanduntur *folia*, oblonga, subincana, instar *Leucoii* majoris 4. *Tab.* variè inæqualitérque in ambitu circum-rosa aut quasi finuata. *Caulis* indè unus aut alter assurgit, nonnunquam cubitum æquans, nonnunquam pedalis, in summitate fasciculatim gerens flosculos, parvos, pallidiores, inodoros, *Leucoii* lutei vulgaris æmulos, sed minores, flavo-pallidos, quibus in longis, angustis, surrectis *siliquis* succedunt *semina* flavescentia, minuta, plana, compressa, reliquorum suæ sortis more.

- \* 7. *Leucoium maritimum latifolium* C. B. *marinum latifolium* Ger. Park. *maritimum latifolium, flore cæruleo purpurante* J. B.

*Morif. Lob.*

*Folius* est latoribus, rigidioribus, hirsutioribus profundè laciniatis, quæ sursum versùs perforantur à caulibus. *Flores* ex cæruleo purpurascunt in palmaribus & sesquipalmaribus *coliculis*. *Siliquæ* quam *Leucoii* lutei vulgaris multo breviores & tenuiores, teretes, *semina* oblonga teretiufcula in se continentes. Unde patet plantam hanc ad *Hesperidas* potiùs quàm *Leucoia* referendam esse.

Maritimis gaudet natalitiis. In declivibus etiam montis *Capouladon* inter rupes primo vere floret in loco dicto las Cambrettes *Botan. Monsp.*

- \* 8. *Leucoium saxatile Thymi folio, hirsutum, cæruleo-purpureum* C. B. *Litboreoleucoim minimum, supinum Valvensium* Col. *saxatile Thymi folio* Park.

*Col.*

Plantula est exigua, grata oculis propter *florum* copiam, colore venustorum, quos Maio mense profert, cæruleo-purpureos, variegatos, medium quid luteo-candidi habentes, *staminibus* intus parvis: *Siliquas*, illis deficientibus, è medio calice folioso profert parvas, breves, crassas, inanes, in apicem longum desinentes, in quibus *semina* continentur exigua, copiosa, rufescentia, ætate perfecta. *Folia* sunt brevia, magnitudine durioris *Thymi*, hirsuta, colore cinereo, sicuti tota planta. Alternatim viticulis multis dense adnata, ut unaquæque planta comosa sit admodum, atque orbem viticulorum frequentia conficiat. Quamvis ætate floreat, nunquam perit, semper regerminans, novas è geniculis densis viticulorum soboles foliorum proferens, quapropter etiam hyeme reperitur. Toti tumi odore gravi, ac sapore gustata putet.

Singulis viticulorum cacuminibus tres aut quatuor insunt *flores*, aut *siliquæ*, duratque ad Autumnum cacumine & filiquis. Acris est foliis & filiquis, linguam vellicans mansa, magis quàm *Leucoium* ad *Thlaspeos* gradus accedens.

Saxis præruptis montis *Aversa* oppido hærentis Septentrionalis frequentissima est.

Plantulam hanc ad *Leucoii* genus non pertinere suspicamur ob *siliquas* crassas, teretiufculas, ut pictura eas repræsentat, & *semina* parva rotunda. Locu.

- \* 9. *Leucoium maritimum candidum* C. B. *marinum flore candido* Lobelii Ger.

Hujus iconem vide apud Lobelium, Gerardum, & Clusium in Hist. sub titulo *Leucoii marini* majoris, nam descriptio alterius plantæ est.

## CAP. II.

### De *Leucoio* folio viridi flore albo, odorato.

**H**oc genus foliorum & florum formâ cum præcedente convenit, illorum colore viridi, horum naturaliter albo differt.

*Leucoium album odoratissimum folio viridi* C. B. *hyemale, diu durans, flore albo, folio viridi & livido glabro* J. B. *An Keiri simplex flore albo* Park. parad.

*C. B. prod.*

*Radice* est multifida; *caule* viridi, ramoso, aliquando minimi digiti crassitie: *foliis* glabris, atro virore splendentibus, crassis, *Leucoii* lutei [potius incani] foliis formâ respondentibus: *floribus* albis, *Leucoii* incani similibus, suaviter admodum, & quidem vesperi, *Hesperidum* modo, olentibus; quibus *siliquæ* longæ, crassiusculæ, virides, *seminibus* planis repleta succedunt.

Hoc per plures annos durat, si hyeme in cella asservetur.

*Leucoium Hispanicum foliis latis Rapistri persfoliatis, flo. purp.* Mentzel.

Ultra pedem longum provenit.

*Leucoia* ob florum pulchritudinem & odoris fragrantiam in hortis coluntur.

## CAP. III.

De *Leucoio luteo* seu *Keiri*.

**H**OC genus non tantum foliorum colore viridi, sed & eorundem formam præcipue tamen floris colore à præcedentibus differt, qui in hoc luteus est, in illis naturam purpureus aut albus, nunquam ne ex accidenti quidem, ( quantum nos hæcenus observavimus ) luteus.

- A. 1. *Leucoium luteum*, vulgò *Cheiri*, flore simplici J. B. *luteum vulgare* C. B. *Keiri* sive *Leucoium vulgare luteum* Park. *Viola lutea* Ger. Wall-flower.

*Radibus*, surculisque seu ramulis ubertim fruticantibus luxuriat, lignosis, albicantibus quos obfident folia nullis appensa pediculis, crebra, unciali & ampliore longitudine, ex angusto principio sensim dilatata, virentia aut canescentia, idque maxime pronam parte, sapore subacri. Flores crebri, lutei valde odorati, sapore parum grato, staminibus senis styloque chloris, in medio penitus fere latentibus. Succedunt *siliquæ* longæ, in quibus *semen* latum, rufum, gustu acri & amaro.

Locus.

In muris passim & copiose provenit.

*Leucoium luteum flore pleno* J. B. & aliorum

Non differt specie ab eo cui flos simplex, sed cultura tantum. Cultu & mangonio talem evadere aiunt, præsertim si tenellæ plantæ antequam floruerint sæpius transferantur. *Lugd.*

Vires.

Flores *Leucoii* lutei partium sunt tenuium, discutiunt, extergent, cordiales ac nervini sunt, dolores mitigant, menses cient, secundinas proritant, foetum pellunt; unde medicamentis, quæ Graecis *ᾠδεια* dicuntur accensentur à Galeno 7. *Simpl.*

In usu sunt conserva ex floribus, aqua destillata, & oleum ex floribus infusis, quod præservat ab Apoplexia, & paralyticos juvat, estque insigne anodynum in vulneribus & inflammationibus partium nervosarum, ut & in malis uterinis interius.

Quæ de *Leucoii* viribus habent Veteres apud ipsos vide, vel, si placet, apud J. Bauhinum Hist. Plant. Lib. 21. Cap. 13.

Episcopus Tridentinus ad præservationem ab Apoplexia & Paralyti feliciter utebatur conservæ florum *Cheiri* in aqua sua propria adsumptâ. D. Soame ex Observat. Hier. Reufneri à Velschio editis Obs. 11.

2. *Leucoium luteum magno flore* C. B. prod. *Keiri* sive *Leucoium luteum simplex majus* Park. *parad.*

A vulgari *Leucoio* luteo differt magnitudine & colore, quia parvum fruticem valde ramosum & totum virentem refert. Foliis est majoribus, viridibus, splendens: floribus magnis, ita ut huius folium unum vulgaris florem integrum parè adæquet, odoratissimis, intensiorisque lutei coloris, [ Park. aurei intensioris ] quin & spica florum multo longior est quam in illa, & diutius durant flores antequam marcescant aut contrahantur: *siliquæ* crassiores & breviores in apicem seu mucronem tenuem definentes. Tenerius est quam vulgare, nec adeo ramis luxuriat, nec ita facile ramulis aut surculis depactum comprehendit & propagatur: nec hyemes nostras facile tolerat nisi à gelu vehementiore defendatur.

C. Bauhinus *Leucoium luteum maximum folijs tuberculis obsitis* ab hoc specie distinctum facit, cujus (inquit) flores magnitudine thalerum Philippicam superant. J. Bauhinus *Leucoium luteum arborescens* proponit, cujus flos interdum pervenit ad amplitudinem monetæ quam *Julium* vocant, quamvis ipse tantæ magnitudinis non viderit. Nos non libenter agnoscimus differentiam quam vocant specificam inter hæc plantas. Examinent alii quibus utramque varietatem colere contigerit.

Utrumque hoc genus, tum majus, tum maximum flore pleno reperitur: Hinc *Leucoium luteum pleno flore majus* C. B. & *Leucoium maximum luteum flore pleno* Park. *parad.*

Duas insuper alias *Leucoii* lutei flore pleno seu species seu varietates recenset & describit Parkinsonius in *Parad.* nimirum

1. *Keiri* sive *Leucoium luteum alterum flore pleno*.

Cujus flores non spicatim dispositi sunt quemadmodum præcedentium, sed in latitudinem magis diffusi; ut omnes simul & eodem fere tempore aperiantur, non gradatim alii post alios ut superiorum; & colore sunt pallidiore.

2. *Keiri* sive *Leucoium luteum majus flore pleno ferrugineo* Park.

Cujus flores non multo majores sunt quam vulgaris lutei flore pleno, verum colore saturatiore tincti, petalorum averfa parte ex fusco rubente, unde veluti variegati apparent. Hanc varietatem & nos sæpius vidimus in hortis curiosorum enutritam. Ob floris elegantiam in pretio est.

Varietates  
duæ.



\* 3. *Leucoium luteum serrato folio* C. B. *Leuc. lut. ser. fol. flore grandiore* Pini.

C. B. prod.

A *Leucoio* luteo magno flore foliis potissimum discrepat, quæ duplo pænè longiora, angusta, per latera crenis asperis serrata, & in aculeum finientia, quæ similiter crassa sed pallidè virentia, mollia, quia parte inferna quasi lanugo aspersa est. Flores lutei sunt & magni.

4. *Leucoium sylvestre* Ger. *luteum sylvestre* Clusii J. B. *Keiri seu Leucoium sylv. Clusii* Park. *Leuc. luteum sylv. angustifolium* C. B.

Clus.

Multa secundum radicem habet folia *Leucoii* lutei foliis similia, angustiora tamen, viridia, amaricantis gustûs, inter quæ unicus, interdum plures assurgunt caules pedales aut ampliores, angulosi, striati, multis alis concavi, carinatis foliis oblit; multos sustinentes flores, flavos, *Leucoii* lutei æmulos, sed minores, minusque odoratos. Floribus succedunt oblonga cornicula ut in sativo, plano semine plena. Radix longa est, candicans, & multis tenuibus fibris prædita.

Invenitur in montibus illis supra Badenses thermas, & in Leytenberg, salebrosis præsertim & meri- Locus.  
diei obversis locis. Floret Maio.

J. Bauhino folia alia quidem sinuata, semunciam lata & angustiora, unciam & fescunciam longa, alia angusta, nulloque modo incisa, viridantia: in hortis cultu multò magis luxuriat, duplâ longitudine latitudinèque. Habet & aliud *Leucoii* lutei sylv. genus, quod *Pannonicum* vocat serrato folio obtuso & acuto: An hujus sit alia species, an varietas tantum asserere non audeat.

Morisonus noster semen huic plantæ teres, oblongum, rufum ascribit, unde ad *Hesperidas* potiùs referenda videtur.

Parkinsonus *Leucoium* sylv. inodorum flore pallidiore *Eyss.* quod C. Bauhinus *Leucoio* suo luteo sylv. hieracifolio synonymum facit *Leucoio* sylvestri Clusii eandem specie plantam esse verisimile existimat; cujus sententia nobis non improbat: verum descriptionem *Leucoii* illius *Hieracifolii* C. B. subjiciemus, ut utrisque collatis Lector judicium ferat.

*Leuc. lut. sylv. hieracifolium* circa radicem crassiusculam albicantem, in oblongas fibras capillatas abeuntem folia plura habet per terram sparsa, eaque oblonga, angusta, subaspera, sinuosa, & per ætatem in planta luxuriante *Hieracii* instar sinuata, quæ circa caulem pedalem, striatum, nonnihil incanum alternatim disposita, oblonga, latiuscula, ut in *Keiri* vulgari pallidè virentia, ob raras crenas inæqualia, tactuque ob levissimam hirsutiem aspera. Caulis major pars floridus est. Flores lutei sunt, *Keiri* floribus minores, oblongis pediculis donati, quibus siliquæ triunciales strictissimæ in summo utrinque parùm reflexæ succedunt.

In sylvis prope Neustadium *Harcinæ* reperitur.

Præter hirsutiem caulis & foliorum nihil video in hac descriptione, quod non conveniat cum Locus.  
precedente. An caulis & folia hirsuta sint necne in præcedentis descriptione omissum, hirsuta aut subaspera esse non negatum.

*Keiri Alpinum foliis dentatis, flore flavo odorato* Zanoni.

Non videtur nobis specie diversum à *Leucoio* luteo sylvestri Clusii J. B. nam & folia alia quidem sinuata, semunciam lata & angustiora ei attribuit, alia angusta, nulloque modo incisa: & D. Agerius (inquit) attulit Bononiâ *Leucoium* sylvestre folio valde angusto (quod eandem fuisse speciem quam D. Zanoni describit verisimillimum est) Camerarius etiam pulchram & raram speciem *Leucoii* sylvestris reperit Bononiæ. Quin & Morisonus noster *Leucoio* luteo sylvestri Clus. semen teres, oblongum, rufum ascribit; non planum ut Clusius.

*Keiri Alpinum foliis dentatis* Zanoni foliis est angustioribus quàm *Leucoium* luteum sylvest. Clusio descriptum; illique ad margines sinuatis, & inferiore medietate rariùs utrinque dentatis: [folia tamen superiora dentata non sunt.] Semen majus est semine *Leucoii* Clusiani quamvis planta ipsa minor sit. Verum hæc nota non speciem diversam, sed varietatem potiùs accidentalem arguunt. Haud tamen præfractè negaverim specie distinctam esse à Clusiano *Leucoio*, sed ab omnibus J. Bauhino descriptis & memoratis, diversam nequiquam concesserim. Descriptionem particularem & exactam vide apud Jacobum Zanoni, qui in Alpibus Bononiensibus invenit inter rupium fissuras.

\* 5. *Leucoium luteum montanum altum* Ponz Ital. *luteum montanum serrato folio* C. B. *Keiri sive Leucoium montanum luteum* Park.

Pon.

Caulibus assurgit pluribus, rectis, firmis, lignosis, altitudinem humanam interdum superantibus; foliis oblitis brevibus, viridibus, acuminatis, circum oras dentatis. Flores simplices sunt, quàm vulgari *Keiri* ampliores, nec minùs odorati. Siliquæ tenuiores sunt, femine rubento repletæ. Radix lignosa, in multos ramos sparsa, & in calidioribus regionibus vivax.

6. *Leucoium Creticum luteum viriculato semine* Alpin. exot. Park

Alpin.

Frutex est pedalis altitudinis, ramulis multis, ab radice tenui, lignosa, in parvas radículas divisâ exeuntibus, rotundis, albicantibus, asperis; in quibus folia multa, circum ramulos densa, firmâ que stipata, alba, Leucoii vulgaris minora, in extremis latiora, asperis pilis obfita, dura, quæ in genum fastigiis in orbem veluti aguntur. Ramuli in summitatibus, ut in nostris Leucoiis, flores producant plures, circumstipatos, à suis longis petiolis pendentes, luteos, quinquefolios, parvos; à quibus fiunt folliculi rotundi, colore flavescentes, semina suis loculamentis continentes, Leucoiis similia, sed latiora tamen, albicantia. Planta non est annua.

Si hæc planta ab Alpino rectè describatur & depingatur cum quinque petalis in flore, in nostra Methodo ad aliud genus pertinet.

7. *Leucoium terrestre majus frigidarum regionum* Col. *Leucoium luteum* Erucæ folio C. B. Park.

Col.

Floribus est Leucoio maritimo non dissimilibus; odori sunt, suavemque ceræ novæ odorem remittunt, sapore acres, umbellatim ferè in summo alarum & caulis existentes; qui [caulis] parum hirsutus est, rotundus, cubitalis, tribus alis divisus, qui cum decidunt flores è petiolo siliquis emittunt multas, alternatim in summo dispositas, Leucoio similes. At folia è radice pedali vel longiore bifida, aut trifida, candida, in terram strata inveniuntur, pedem longa grandiora & quæ proxima cauli, verum prima minora, & Erucæ sativæ vel Papaveris erratici folia lacinias profundis incantia, colore virentia, parum hirsuta, mollia, succosa & acri sapore, sicuti tota planta.

Locum.

Junio floret inter saxa vallis Campoclarensum, supra locum vulgò dictum *il Colle di mer* locus umbrosus atque humentibus & frigidis.

In descriptione Columniana de floribus colore nihil invenio. C. Bauhinus luteum facit.

## CAP. IV.

## De Dentaria.

**D**entaria à radice forma & colore denominatur, quæ candidissima ex pluribus quasi dentibus componitur. C. B.

Miror Clusium plerisque hujus generis plantis semina Hesperidis tribuere, hoc est crassa, teretia, & oblonga, cum ex nostra & J. Bauhini observatione, in Dentaria heptaphyllo, tum siquæ tum etiam semina compressa sunt: mirum autem hanc speciem hac in parte à reliquarum omnium norma abluere.

1. *Dentaria triphylos* Clus. hist. C. B. Park. *enneaphyllos* Clusii J. B. *Dentaria coralloide radice* Clus. *Dentaria enneaphyllos* Ger. *Toothwort*.

Clus.

Caulem profert pedalem, firmum, rotundum, lævem, quem in summo ferè ambiunt terni pediculi (rarissime plures) singuli terna folia sustinentes, ampla, mucronata, in ambitu serrata, saturè virentia, gustu fervido. Summum caulem exornant quatuor aut seni flores, Dentariæ Heptaphylli florum æmuli, deorsum spectantes & propendentes, colore ex herbaceo palléscente. Flores sequuntur oblonga corniculata, torosa, mucronata, qualia sunt Dentariarum pentaphylli & heptaphylli corniculata, & in his etiam simile semen, hoc est Hesperidis ferè, sed crassius & virescens, quod dissiliens corniculis exsiliit, antequam præbe maturum videatur. Alia præterea folia à radice profert, terna tantum in singulis pediculis oblongis nascantia, superioribus multo ampliora, sed breviora: Radix novella alba est, vetusta nigricat, multis articulis sic distincta, ut è plurimis dentibus coagmentata videatur, Dentariæ apocynæ radici non valdè dissimilis.

Locum.

Exit in umbrosis Austriæ, Stiria, Carinthia, Pannoniaque sylvis, non modò ad montium radices, sed etiam circa mediâ earum regionem, ubi præaltarum arborum sylva in Alpibus hujusmodi plerunque definere solent. Inveniebam & ultra Dravum in monte Grèben imminenti, atque etiam Harciniâ sylvâ Bohemiam ambiente. Floret Aprili, vicinis Viennæ Austriacæ sylvis, & aliis humilioribus; semine prægnans est Maio. At in montibus hæc omnia seriùs.

2. *Dentaria pentaphyllos* C. B. Park. *pentaphyllos* Clusii Ger. *Coralloides prima quinquefolia* J. B.

Clus.

A radice nodosa & in plurimos articulos distinctâ tenuibusque aliquot fibris ex articulorum distinctione prodeuntibus donatâ exeunt aliquot folia, longis pediculis nixa, in quinque profundas, & ad pediculum usque sectas, lacinias divisa, in ambitu crenatas, scabra & tactu aspera, saturè virentia. Caulis pedalis & amplior, rotundus, quibusdam ex intervallo foliis, aliis paribus, donatus, summo fastigio quinos aut senos flores, bulbiferæ floribus similes gerens, colore tamen paullo magis saturatè pur-



purpurascens, qualis ferè in floribus Bulbonach: Succedunt longiora cornicula, *semine* quali præcedens plena.

Dentaria *mirabilis* altera Clusii cum non aliter à descripta differat quàm foliis mollioribus, neq. adeo saturata viriditate præditis & radice magis dentata, sive inæquali, & pluribus crassis squamis exasperata; nos cum C. Bauhino eam à præcedente non separamus.

In sylvis jugis montis Juræ copiosè nascentem observavimus: Clusius ad Allobrogicarum Alpium radices supra Lemnorum lacum.

3. *Dentaria heptaphyllos* C. B. Park. *heptaphyllos* Clusio Ger. *Coralloides altera* sive *septifolia* J. B.

*Clus.* Folia aliquot à radice exeunt, quina interdum, sed maxima ex parte septena, longæ costæ inhaerentia, foliorum Fraxini instar digesta, h. e. ut ex adverso bina semper respondeant, folium impar extremam alam occupet, omnia in ambitu serrata, dilutius viridiora quàm lœvæ [Dentaria quinquefolia] folia, & subius candidiora: *caulem* etiam pedalem, rotundum binæ aut ternæ foliorum alæ, in quæ à radice prodeunt non dissimiles, ornant; ejus autem summum flores superioris floribus pares, candidi tamen coloris. *Cornicula* quæ succedunt etiam paria, simile *semen* continentia. *Radix* minus squamata quàm præcedentis, & paucis crassioribus fibris firmata; [J. Bauhino Alabastritis marmoris politæ emula, obliqua, tuberibus inæqualis] *Semina* compressa J. B.

In Jura & Saleva montibus copiosè exit.

Locus.

4. *Dentaria bulbifera* Clus. *bulbifera* Ger. Park. *heptaphyllos bulbifera* C. B. *Coralloides minor bulbifera* J. B.

*Clus.* Oblongâ serpit *radice*, dentata quidem, sed veluti ex multis nodis constante, tenui, alba, interdum etiam purpurascens, subinde ex lateribus novas propaggines generante, ingrato, & linguam primum ficcante gustu, deinde acri: Ex cujus lateribus prodeunt oblongo pediculo sive costæ (quæ secundum terram purpurascit, postea viridis est) inhaerentia *folia*, quina plerunque, interdum plura, magna ex parte inter se opposita, alteroque latere tantum crenata, eò quod imparem numerum facit, & extremæ alæ insidet, duntaxat utrinque crenato, gustu initio acido, postea acri & fervente. *Caulis* cubitalis est, gracilis, nudus, quem circa medium binæ aut ternæ alæ, interdum plures, ex tribus tantummodo foliis, jam descriptis respondentibus, constantes ambiunt, [J. Bauhino foliis quinis ad rachin annexis compositis, modo rectâ è regione positis, modo alternatim, fescunciam aut duas uncias longis, semuncia latioribus] *superna* vero pars oblongis angustisq. foliis, nunc leviter, modo nihil crenatis, confuso ordine, obrita est. Extremo cauli insident quaterni, quini, aut plures *flores*, Leucopii aut Hesperidis quidem florum æmuli sed minores, albi aut ex candido leviter purpurascens; quibus succedunt *siliqua* seu cornicula, Sinapi corniculis similia, breviora tamen, quæ una cum suis pediculis marcescentia plerunque decidunt & pereunt, nonnunquam tamen crassescunt & matura *semen* ferunt Hesperidis semini ferè par, quod dissiliantibus corniculis excutitur. Sed præter id semen, ad singulorum ferè foliorum quæ caulem ambiunt alæ & exortum tubercula quædam adnascuntur, bulbulis Lili cruenti bulbiferi haud ab similia, ac velut è squamis compacta, initio viridia, deinde pulla, ingrati admodum gustûs, quæ facillimè decutiuntur, & præmatura sponte decidunt, terræque sepulta novellas plantas gignunt.

Reperitur hoc genus (ut putat Clusius) in omnibus Germaniæ montanis sylvis; v. g. in sylvis Hæfiz non procul Martpurgio, Misnia, Austria, Stiria, Carinthia, Pannonia, &c.

Locus.

Florere autem solet Aprili: bulbuli nigricantes Maio conspicui alarum cavis inhaerentes.

Tempus.

5. *Dentaria bulbifera foliis Psarmica* C. B. *angustifolia bulbifera* Park.

*Clus.* *Radice* constat oblique procedente, multis, carnis, dentatis, subalbicanibus articulis coagmentata, indeque propaggines fundit, atque *caulem* unum aut alterum erigit, rotundum, lævem cubitalem, circa quem arcu sede articulatis *folia* longa, lævia, Psarmicæ modo tenuiter serrata, in acutum mucronem finientia porriguntur, saturati viroris, ac juxta exortum singulorum in geniculis ipsis soboles, seu improprie magis loquendo bulbuli, crasse squamati, subobscurè purpurascens. *Flores* in cacumine emicant tetrapetali, albi, fasciculatim dispositi, floribus Bulbonach dictæ consimiles. *Semina* non vidit descriptionis autor in corniculis, sed semina præcedentis paria & compressa esse conjectatur.

## CAP. V.

De *Leucois* quibusdam flore parvo montanis aut peregrinis.

1. *Leucoium sylvestre latifolium flosculo albido, parvo. Hesperis sylvestris latifolia flore albo, parvo*  
Park. *Hesperidi Alpina murariae affinis surrecta & magna* J. B.

Park. J. B.

**F**olia hujus plantae quae ad radicem ampla sunt & lata, ex crasso pediculo, circa margines sinuata & dentata, asperiuscula, subhirsuta & lanuginosa, praesertim aestate. Secundo a statione anno exoritur *caulis* brevis & aliorum, hujus unus, nunc plures, crassi, hirsuti, recti, superne ramulos rectos alternatim inter folia proferentes lato principio eam amplectentia. In extremis ramulis multi *flosculi* exigui, albi, ad luteam nonnihil vergentes, in longas spicas dum sensim aperturuntur excurrentes, quibus succedunt *siliqua* plurimae, sex, septemque unicas longae, latiusculae, compressae, multo tenuiores & infirmiores quam *Leucoli* inaeam, adeoque deorsum nutantes, glabrae, *semine* compresso, latiusculo, & pene quadrato replete. *Flores* parum odorati & fere modici. Fossorum sapor J. Bauhino amaricans, Parkinsono canaliculus & exiccans. *Radix* alba, lignosa, non altè descendens, sapore acri J. Bauhino, quae semine ad maturitatem perducto interit.

Locum.

In monte Saleva propè Genevam copiose oritur. Collegimus etiam in montibus non longe à Lucà versùs Massam.

J. Bauhinus dubium movet an non haec sit *Sinapi* & *Thlaspi* media Provincialis planta Lob. Ad.

2. *Leucoium montanum minus flore parvo. Draba alba siliquosa* C. B. Park. *Draba prima repens*

Ger. emac. *Hesperis Alpina, flore murariae minor repens* J. B. rectius *Leucoium montanum, quo nomine ab Alphonso Pancio ad Glasium missus est*.

*Radix* oblique serpit summo fere celsi harenis, fibras crebras subinde demittens, capita etiam plurima habet. *Folia* in orbem multa per terram sparguntur, ex angusto principio sensim lateſcentia, sinuata & serrata, candicantia, & hyeme quidem rubentia, pilosa, Barbareae murariae foliis accedentia, sapore acri praedita, at quae per caules cernuntur, lata basi eos complectuntur, non minus jam dictis dentata. Caeterum *flores* in dodrantalis *caulis* ramisque fastigiis multi, coarctati, albicantes, quos longa serie sequuntur *siliqua* duas, tresve unicas longae, alias fere sesquipalmates, angusta, compressae, in quibus *semina* foliacea rufa, saporis acris.

Locum.

In montibus Jura & Saleva propè Genevam, praesertim locis humidis ad aquarum scaturigines nobis observata est. In parietinis, murorumque rimis & inter saxa nasci tradit Hist. Longi Floret April.

3. *Leucoium montanum succulentum. Draba alba siliquosa repens* C. B. Park. altera repens Ger. *Hesperidi Alpinae flore murariae affinis, Draba succulenta* J. B.

Chus.

Erequentibus ramulis praedita est ex eadem radice prodeuntibus, tenuibus, deinde in caput exuberantibus; ex quo aliquot *folia* quasi in orbem disposita prodeunt, crassa, succulenta, atra viriditate splendentia, Auriculae urli flore carnei coloris foliis magnitudine & forma fere respondentia, sed nonnihil in lateribus dentata, acri gustu & illico linguam vellicante. Ex horum medio pedalis aut major exit *caulis*, gracilis, quem per intervalla ambiunt & amplectuntur folia superioribus minora & ad petiolum latiora. *Flores* spicae inftar supremum *caulem* amplexum ut in priore, albi: quibus succedunt teretia & oblonga *cornicula*, ruffum, pusillum & planum *semine* continentia. *Radix* tenuis & repens late sese diffundit, novas plantas singulis annis produciens, vivax & tota hyeme virens.

Locum.

Crescit in declivi montis *Herrnthalen* supra *Zeehof* villam celeberrimae Garmingensis: ubi saepe floret, at in hortos translata maturius cum precedente.

4. *Leucoium Creticum minimum folio subrotundo* C. B. *Creticum maritimum caeruleum* Park. *Alpin. exot.*

C. B.

*Caule* est palmo minore, viridi, striato, levissimis pilis asperso: *foliis* subrotundis, pallide virentibus, longis pediculis donatis, aliquando binis ex opposito, aliis alternatim sitis. *Caule* summo in duos pedicellos abit [interdum plures] quorum singuli *flosculum* oblongum, caeruleum, quadrifolium, modò unum, modò duos [aut etiam plures] sustinent, parvos, oblongos, pulchre caeruleos, quibus succedunt in *siliqua* longis *semina* minuta, nigricantia. *Radix* exigua, tenuis à semine perfecto marcescens: verum Autumno lata hyemem perfert, & sequenti Vere in caulem abit. Plenior descriptionem videbis apud Alpinum.



Ab hoc non multum differre videtur. In litore maris, inquit, prope Terracina reperitur. An hæc sit vera & genuina Leucoi species semine scil. plano & compresso testemur, verum duci Leucoi nomen illi impulerunt qui de eo scripserunt. Leucoi annuierandum censuimus; idem de sequentibus Creticis dictum esto.

*Leucoium Creticum thlaspiifolium* C. B. *maritimum Creticum majus* Park. *marinum Creticum*

1. Clus.

Caules habet procumbentes, rotundos & duriusculos, multis ramis donatos, in quibus folioli initio rubentes; deinde ex cœruleo purpurascens, petalis extremo bifidis, & cordatis, ut vulgo pingitur, effigiem propemodum referentibus, quasi ex umbella, Irionis vulgaris instar, sensim prodeuntes, qui (ubi floris folia conjungebantur) radiantem imitabantur flavam stellam. Floribus successeunt quatuor, fere unciarum, *siliqua* sive cornicula teretis, in quibus semen oblongiusculum castanei coloris. Foliis vero plantæ folia longiuscula sunt, à Thlaspi foliis non valde differentia, nullis (in caule præsertim) videntibus crenis donata, crassiuscula & aliquantulum amara.

Josephus Calabonus, ex peregrinatione Cretica redux semen ad Clusium mittebat, Leucoi marini appellatione, è quo tres diversæ plantæ orta sunt, hæc & sequentes duæ, quæ idcirco hæc potius varietates, quàm species distinctæ censendæ sunt.

\* 6. *Leucoium Creticum floribus minoribus* C. B. *Creticum minus* Park. *marinum Creticum* 2. Clus.

Hæc prior similis est, nisi quod foliulos habeat dimidio minores, & initia proterius albos, deinde tamen paulatim purpureum quidpiam contrahentes, sed nihilominus magis ad albedinam incli- nantes.

Floret utraq. [hæc & præcedens] Julio, medio Vere, hoc est Aprili, &c.

Tempus.

\* 7. *Leucoium Creticum foliis oblongis crenatis* C. B. *Cret. oblongis foliis crenatis* Park. *Creticum*

3. Clus.

Folia initio promit præcedentibus duabus longiora, evidentibus & conspicuis crenis secundum oras donata, Leucoi Dioscoridis Lobeliani [i. e. Leucoi incani vulg.] è quorum medio exit *cauliculus* rectus, palmari altitudine minor quam florere incipit, nempe Augusto; A latere vero plures fundebat ramulos, in quibus flores secundo generi amplitudine pares, colore tamen differentes, nam propius accedebant ad Leucoi marini Lobeliani latifolii colorem, magisque purpurantes erant quam in primo genere.

Turritim vulgarem Morifontis ad hoc genus refert; & rectè si semina compressa habeat prout ille asserit, quod nobis non observatum.

## C A P. VI.

### De Leucoio siliqua lata, brevi, Viola Lunaria, & Alysson dicta.

1. *Viola lunaria major siliqua rotunda* C. B. *Lunaria major siliqua rotundior* J. B. *Viola lunaria* sive *Bulbonach* Ger. Park. *Sattin*, or *Honesty*.

**C**aulis affurgit sesquicubitali aut altiore, [digiti minimi interdum crassitie,] colore glauco aut rubente, hirsuto. Folia Urticæ, majora aliquando duplo aut triplo, hirsuta, serrata, opposita interdum, aliàs ad ramulorum propagationes singularia, sapore oleraceo. Ramis [ & summitati caulis] insident flores multi, [eodem fere modo dispositi quo in Brassica,] purpurascens aut carnei, striati [Brassicæ vulgaris floribus pares, Leucoi minores, aliàs iis similes] odore debili, ungue intus conspicuo & albicante. Stamina quatuor virescentia apicibus luteis seu chloris [vix è calice emergunt.] Hæc omnia excipit *caliculus* oblongus, phœniceus, è quatuor foliolis, duobus majoribus totidem minoribus, compositus, [Leucoi calici similis.] *Siliqua* lata, subrotunda [non-nihil tamen longiores,] compressæ, bivalves, argenteæ bracteolæ exteriores utrinq. laminas intercedente, filum summa parte emittentes, *seminum* orbicularum compressorum duplicem ordinem continentes. *Radix* strumosa seu glandulosa, [unde nomen *Bulbonach*.] Semen ut in hoc genere maximum est, ex rufis nigricans, & cum aliqua amaritudine acerrimum. Folia per hyemem retinet: secundo à satione anno caulem fundit, & cum semeq. maturuit perit.

Copiose

Locus.

Copiosè crescit in saltibus Thuringiæ sylvæ Cam. In montanis sylvis Austria, Stiria, vicinarumque sylvarum locis, atque etiam in Pannonia intermissis sponte magnâ copiâ provenit. Clus.

Violam lunariam majorem alteram & Cam. C. B. quam præcedente minorem & flore albo esse scribit a sequente planta non differre puto, nihil tamen temere affirmare aulam. J. Bauhinus Lunariam majorem aliam flore albicante odorato perennem Cam. bon. sequentis plantæ synonymum facit.

Vires.

Calido, acrique & amaro gustu est, præsertim semina, sed tamen radices in acetariis ut Rapuntia manduntur. Absister, modicè calfacit, & usinam cit ut Rapunculus. Pulvis seminis amarissimi cum aqua appropriata exhibetur in epilepsia. Cam. Schwenckf.

Quidam in Helvetia chirurgus ex Lunariæ perennis confusis foliis & Sanicula parabat unguentum vulnerarium non contemnendum. Idem.

2. *Leucoium lunatum seu Lunarium latifolium majus alterum, siliqua rotunda, flore albo*  
Moris.

Hoc priori foliis latis, & siliquis planis rotundis simile est. Perenni nictur radice quæ hyeme non marcescit: caules ei sunt cubitales, lignosi: folia multa, lata: siliquæ planæ, compressæ, rotundæ, utraque paulò minora quam prioris. Flores autem proferit candidos instar Violæ maritima.

Locus.

Provenit in sylvis nonnullis Germaniæ, ut Heroia.

3. *Viola lunaris longioribus siliquis Ger. Viola lunaria major siliqua oblonga C. B. Lunaria major siliqua longiore J. B.*

Latis hæc est Lunariæ præcedentis foliis, serratis acuminatisque: flos confimilis purpureus: at quæ eum excipit siliqua oblonga est, & quæ prædictæ Lunariæ siliquis multum cedit latitudine, binis utrinque membranis mediam argenteam sponte per seminis maturitatem relinquentibus. Radice est perenni.

Locus.

In montibus Jura & Saleva prope Genèvam provenit quidem, sed non copiosè, quod nos vidimus. Maio mense in hortos translata floret.

4. *Leucoium Alyssoides clypeatum majus C. B. Alysson Dioscoridis Ger. Park. Alysson siliqua lata aspera, quibusdam Lunaria flore luteo J. B. Dioscorides præ Madagascari.*

Radice simplici & lignosa candicante nictur, sapore prædita fervido: ex qua plures eriguntur caules, recti, rigidi, incanè lanugine hirti, qui cis fastigium in ramos aliquot abeunt: in quibus flores numerosi, parvi, melini, Erysimi floribus formâ & magnitudine similes: quibus delapsis siliqua oriuntur, ex oblongo rotundata, villo aspero teatæ, compressæ, semen claudentes similiter compressum. Folia germinatione prima ex oblongo rotunda, postmodum in longum porrectiora, in obtusum mucronem desinunt, nonnihil sinuata, Leucoii foliis similia, albicantia, hirsuta & tactu aspera, sapore oleraceo prædita.

5. *Leucoium Alyssoides clypeatum minus C. B. Leuc. pellatum Romanum minus Col. Alysson alterum Dioscoridis minus Park. Thlaspi incanum Mechliniense nobis videtur.*

Differt hoc à præcedente natalibus calidioribus: radice perenni; foliis minoribus mollioribusque; flore majore, candido, cum illius luteus sit, petalis in cordis figuram dissectis; peltis duplo minoribus. Ab imo flores & fructus Vere incipit proferre.

Locus.

Copiosè circa Romam undique in incultis fruticat. Plenam omnium partium descriptionem si desideras, Columnam adeas.

Nos hanc plantam à Columna descriptam pro Thlaspi Mechliniensi habemus, nam & descriptiones per omnia, semine fortè excepto, conveniunt, & nos circa Romam Thlaspi illud dici solitum copiosum observavimus. Semen Thl. Mech. nec Clusius, neque J. Bauhinus, describunt, Lobelium autem, qui exiguum semen, cæteris minus ei attribuit non multum moror. Tale ei esse quale describit Columna mihi planè persuadeo. Quod si ita sit, rectius hic disponitur planta quam inter Thlaspeos species.

Semina, describente Columna, ruffa sunt, rotunda, compressa, tenuia.

Thlaspeos Mechliniensis synonyma sunt

Thlaspi fruticosum incanum C. B. Ger. incanum Mechliniense Park. Thlaspi capsula sublonga incanum J. B.

Thlaspi



*Thlaspeos capsulis sublongis incani J. B. incani Mecbliniensis Park. fruticosi incani C. B. Ger. descriptio sic se habet apud J. Baubinum.*

Ex radice latis crassa cubitum longos ac etiam longiores, lentosque ramos, & planè lignosos, rubentes, erectos producit, in ramulos aliquot divisos. Folia priora longa quatuor uncias, & unam lata, superiora Leucoii lutei, incana aut in nigro virentia, subhirsuta, sapore oleraceo, subacri. Flores inaequali licet pediculorum tenuissimorum ortu, in umbella dispositi, albi, quatuor foliis cordatis constantes, staminibus in medio luteolis. Capsulae succedunt sublongae, hirsutae. Radix sub terra latè serpit Drabæ instar, autore Clusio.

In agro Romano abundat, ad hyemem usque florens.

Leucoii peltati Romani minoris descriptio apud Columnnam cum hac egregiè convenit. Radix perennis; Flores albi, umbellatim nascentes, petala cordata; staminula luteola. Locus etiam suffragatur.

Locus.

A. 6. *Leucoium seu Lunaria vasculo sublongo intorto.*

Radice habet albam, duram, simplicem, fibris majusculis donatam: Caulem erectum, teretem, striatum, hirsutum, altitudine dodrantali, versus summum ramulos hinc inde emittentem, in quibus, ut & in summo caule flosculi parvi, albi, petalis in medio fissis. Floribus succedunt filiquae oblongae, latiusculae, glabrae, & (quod huic speciei peculiare est) intortae, membrana tenui differta, cui adnascuntur hinc inde quatuor aut quinque seminum oblongorum, compressorum paria. Folia in caule crebra, nullo ordine absque pediculis adnata, non tamen eum amplectentia, utrinque pilosa, rarioribus incisuris ad latera dentata, vix digitum longa, aut dimidium lata, in acutam desinentia. Sapor herbae vix ullus manifestus. Semen nonnihil acre.

In udis ad scaturigines aquarum è lateribus montium Ingleborough, Hinckelhaugh aliorumque vicinorum in Septentrionalibus Angliæ erumpentium nascitur, & post mediam ætatem floret.

Locus.

C A P. VII.

De Herbis quibusdam Siliquis latis, semine non compresso, flore parvo.

A. 1. *Paronychia vulgaris* Ger. *vulgaris Alster folio* Park. *Bursa pastoris minor* loculo oblongo C. B. *B. pastoris minima* oblongis siliquis, sive verna loculo oblongo J. B. *Common Whitlow-grass.*

Radicis est tenuis & tandem fibrosa: à qua per terram sparguntur folia multa, vix unciam longa, macronata, hirsuta, virentia modo, modo rubentia, oris per extremum aliquot crenis incis, sapore primum subastringente, tandem acti, nitroso & vellicante: inter quae ciliis nunc unis, alias bini, terni & plures, teretes, palmares, aliquando vix sextantales, foliis nudis flosculos sustinent simul multos, albos, quatuor foliolis ad ungues ferè bifidis constantes, ex pediculis oblongis: loculo longiusculo, compresso, nulla lacuna, ut in Bursa pastoris distincto, sed in acutum desinente, membrana tenui valvas intercurrente dissoluto. Semen minutum rotundum continente.

Floret mense Martio, ferissive aut citius prout hyems acrior aut mitior fuerit. In agris & hortis praesertim sterilibus & arenosis, nonnunquam & in muris & tectis. Annua est planta, semine deciduo se quotannis renovans.

Locus.

Tempus.

2. *Bursa pastoris Alpina hirsuta* C. B. Park.

C. B. prod. Radice est unciali, foliolis copiosis, pallide virentibus, in orbem humi stratis, mollibus, incanis, lenticulae magnitudine, leviter crenatis, aliquando integris: cauliculis aliquot tenuissimis, leviter hirsutis, penè nudis, tres quatuorve uncias longis: flosculis parvis, albis: loculis flavescentibus, oblongis, multo quàm in vulgari majoribus, semen minutum, rufum continentibus.

In Alpibus Helvetiorum, ut monte Fraeto & Spligel repetitur.

Locus.

3. *Paronychia Sediformis flore luteo Leucoium luteum Aizoides montanum* Col. *Sedum Alpinum hirsutum luteum* C. B. *petraeum* Ger. *petraeum montanum luteum* Park. *Phyllon thelygonon* Dalech. J. B.

Radix ei simplex [tenuis, sesquipollicem longa Col.] paucioribus fibris donata, superiore parte in plura capita divisa ut in Caryophyllis & Phyllo perenni. In singulis capitibus, seu ramulis in quos planta radix supra terram divaricatur, densum foliorum agmen ceu caespes extat. Folia singula angusta, velut graminis aut Caryophylli, in acutum desinentia, ad latera utrinque brevibus pilis rigidiusculis hirta, ut Aloes folia, si magnis parva componere licet, quadantenus imitari videantur, liquidem scilicet haec adeo concinne disposita sunt, ut incuriosius spectanti folia dentata videantur,

tur. E centro seu medio singulorum cæspitum, (seu ut Columna vocat globulorum) foliorum, emergit *cauliculus* triuncialis rarius palmaris, firmus, rotundus, lævis, viridis, foliis nudus, in summo gestans *flosculos* quinque, sex aut etiam plures, luteos, tetrapetalos, petalis obtusis, longis petiolis fultos, relinquentes post se *vasculum* seminale oblongum, compressum, in acutum desinens, figura *Paronychia* vulgaris, nisi quod majus sit & longius membranâ pariter ad planum siliquæ parallelâ disseptum.

Locus.

In monte Saleva è scopulorum rimis exit, florétque sub finem Aprilis & initio Maii.

A. 4. *Bursa pastoris major loculo oblongo* C. B. *Bursæ pastoriæ loculo sublongo affinis pulchra planta* J. B. *Tblaspi Veronica folio* Park.

7. B.

Per terram spargit folia *Barbarea* muralis aliquatenus similia, breviora, latiora, magisque rotundata, unciam [J. Bauhino duas uncias] lata, per ambitum serrata, hirsuta, aspera nonnihil, cujus modi etiam per caules ramósque, sed portione minora cernuntur, sine pediculis. Statim autem è radice tenui plures emittit *caules*, alios aliis felicius adolēcentes, cubitum altos & ampliores, nonnunquam in ramos plures divisos, quos non ut *Barbarea* cauli apprimat, sed abscedentes diducit. Flores singulis alis multi eohærent, parvi, albi, quos excipiunt serie longa loculi *Paronychia* vulgaris similes, bifores, qui in medio striam habent, quorum altrinsecus abscedentibus valvulis (seminibus) apparet minutum, relicta dissepiente membranulâ. In singulis siliquis plura continentur semina, sex aut octo utrinque numeravimus.

Locus.

Ad latera montium in Occidentali Comitatus Eboracensis parte *Craven* dicta non infrequens est: invenimus etiam in Italia, medio circiter itinere inter Lucam & Pisas ad sapes; & in Gallia Narbonensi circa Monspelium oritur.

## C A P. VIII.

### De Hesperide.

**H**esperis unde dicta sit in ejus descriptione dicemus. Notæ ejus genericæ sunt flos speciosus Leucoii æmulus, semina teretiuscula oblonga majora.

1. *Hesperis hortensis* C. B. *Hesperides flore purpureo, albo & vario* J. B. *Viola matronalis* Dod. Lob. *matronalis purpurea* Ger. *Eruca alba & purpurea* Lugd. *Dames Violet, or Rocket.*

*Radices* aliquot parvis lignosis & albis nititur; *caules* erigens cubitales & sesquicubitales aut altiores, [teretes] hirsutos, [medullâ farctos;] in quibus alternatim folia *Eruce*, sed non ita laniata, in ambitu serrata, acuminata, hirsuta, in virore nigricantia, [quatuor digitos longa, pediculis brevibus nixa,] sapore acriusculo. Ex alis foliorum erumpunt ramuli, in quibus, [ut & in laniatione caulis,] flores formâ ad *Leucoium* luteum accedentes, odoris suavissimi, quadrifolii, colore nunc albo, nunc purpureo, aliàs confusis cum albedine maculis purpureis variato, [pediculis semuncialibus & longioribus insidentes.] Semen in siliquis longis, [bivalvibus, membranâ intergerinâ disseptis] continetur oblongum, rufum, acre.

Tempus  
& Locus.

Aprili, Maio & Junio mensibus florēt. Provenit, inquit J. Bauhinus, in Sequanorum vallibus, quæ Rhenus fluit sub sepibus. In agro Neapolitano, cum Salerno Neapolin iter facerem, in pratis florentem observavi mense Junio. In Anglia nondum vidi spontaneam, quamvis Lobelius in Angliæ pratis eam fructicare scribit.

Nominis  
ratio.

*Hesperis* dicitur, quoniam ejus flos sub vesperam præsertim grato odore nares feriat, interdiu aut nullum, aut levissimum spiret, quod Theophrastus & Plinius de *Hesperide* tradunt.

Varietates.

Ab hortulanis nostris *Rocket*, i. e. *Eruce* nomine colitur cum flore pleno purpureo albo, & vario.

Vires.

*Eruce* ut sapore ita facultate proxima videtur tum foliis tum semine *Dod. Lob.* tuffi, convulsis & difficulter spirantibus mederi traditur apud Clusium: urinas insuper & sudores propellere, incidere, abstergere & digerere. 7. B.

2. *Hesperis flore viridi* C. B.

Magnitudine quoad omnes sui partes à vulgata differt. Flore est viridi & inodoro. In horto quodam Basileæ legit C. Bauhinus. Degener quædam prioris species esse videtur è semine nata.

3. *Hesperis Syriaca* J. B. *Syriaca Camerarii* Park. *peregrina siliquis articulatis* C. B. *quibusdam Leucoium melancholicum, & nostrâ sententiâ rectè.*

*Dodrancia* folia aut minora, palmum lata, valde aspera & hirsuta, longis nixa pediculis, *Hesperide* flore obsoleto multo ampliora, nonnihil in ambitu sinuata: Flores in brevibus sed crassioribus caulibus, figurâ quidem vulgaris *Hesperidis*, sed colore fusco & lurido, multis venulis per eorum



rum petala discententibus, sub noctem valde odorati, interdiu odoris expertes. Sequuntur *siliquæ* insignis longitudinis, recurvæ torosæ, multo quam Hesperidis colore obsoleto crassiores: Semen paulo crassius: Radix non absimilis.

In Syriæ montanis crevit teste Clusio. C. Bauhinus à Parkinsono reprehenditur quod Hesperid. Locu:  
dem Syriacam Leucoio melancholico eandem plantam faciat. Alii Leucoium melancholicum Hesperidi montanæ primæ Clusii idem statuunt; & revera Hesperis Syriaca & Hesperis montana prima Clus. in paucis magnitudine excepta differunt. Syriaca scil. multo vegetior est, ampliora habens folia, crassiores caules majoresque flores, ejusdem planè coloris sub noctem valde odoratos, interdiu odoris expertes: Cornicula multo crassiora, semen paulo crassius. Hæ autem diversitates cœli fortasse & soli differentiis tribuendæ sunt.

\* 4. *Hesperis sylvestris flore parvo* C. B. *sylv. angustifolia flore parvo* Park.

C. B. prod.

Caulis est cubitali, viridi, striato, nodoso, multis alis ferè palmaribus donato & concavo: foliis quam in vulgari acutioribus in ambitu profundius serratis, viridibus, subhirsutis, & minis vulgari asperis: floribus plurimis, quadrifoliis, subcœruleis, parvis, ita ut hujus flos integer vix vulgaris foliolum adæquet, quibus *siliquæ* strictissimæ succedunt.

Circa Monspelium in horto Dei, ad aggeres riparum collecta fuit. D. Magnol in incultis circa urbem. Locu.

5. *Hesperis sylvestris Hieracii foliis hirsuta* C. B. *sylv. folio sinuato* Park.

C. B. prod.

Tota planta hirsuta est, caulem habens pedalem, angulosum, hirsutum, pallidè virentem, in summo in ramos aliquot alternatim dispositos divisum: foliis Hieracii instar laciniata & sinuata, oblonga, angusta, acuminata, crassa, hirsute aspera, quorum superiora pediculis carent. Flores in calicibus hirsutis rubri, magnitudine Hesperidis vulgaris flores æquantes, quibus similes *siliquæ* semen continentes succedunt.

In laxosis humidis Provinciæ lecta fuit.

Locu.

\* 6. *Hesperis montana & prima* Clus. *montana, pallida, odoratissima* C. B. *Hesperis colore ineleganti* J. B. *Hesperis Pannonica* Park. *parad. Viola matronalis flore obsoleto* Ger. emac.

Clus.

Cubitali excrevit altitudine, multisque ramis prædita est, quos confuso ordine ambiunt folia Matronali violæ similia, paulò tamen latiora & crassiora, acidiusculo primùm gustu, postea acri & salivam ciente: extremis ramis in oblongis pediculis insident flores, Leucoii aut Hesperidis foliis formæ similes, non explicati tamen, sed se contorquentes, coloris admodum inelegantis & obsoleti, hoc est, pallidi & furvi, infinitis venulis ex atro purpureis singula foliola intercurrentibus, odore interdiu nullo, aut adeò tenui, ut vix naribus percipi possit, sub vesperam autem gratissimum & suavissimum. Flori succedunt longa torosæque, ut in vulgari, cornicula, ferè tamen quadrangula, in quibus continetur semen vulgari Hesperidi simile, subruffum. Radix fibrosa, quæ ut plurimum biennium non superat, sed postquam defloruit & semen tulit perire solet: si tamen præcis caulis ad frugem pervenire non sinatur, nova germina interdum producit.

Sponte nascentem & semine prægnantem invenit Clusius in Prellenberg Hamburgeri monti vicino, Ungariæque extremo quæ Austriam spectat mense Junio.

Locu.

Solent quæ semine nascuntur plantæ floris colore multum variare, nonnullis maternum colorem retinentibus, aliis aut dilutius pallescentibus, aut magis obsoletum adquirentibus, omnia tamen folia crebris venis ex atro purpureis distincta habentibus.

Sulpicius Johnstonus apud Gerardum emaculatum plantam hanc minime diversam esse à Leucoio Melancholico Horti Eyst. siquidem flores & siliquæ Leucoii illius conveniunt hujus descriptioni, nec caules & folia multum abluunt. Consule si placet Gerardum emac. in hac planta.

Parkinsonus Leucoium illud melancholicum dictum Leucoio alteri saxatili obsoleto flore Columne unam & eandem specie plantam esse fidenter affirmat: unde & iconem Leucoii saxatilis obsoleto flore Col. affert, & proponit in Theat. Bot. sub titulo Leucoii Melancholici. C. Bauhinus ipse Leucoium melancholicum Hesperidis Syriacæ synonymum facit; & revera Hesperis Syriacæ ab Hesperide montana prima Clusii vix alia in re quam magnitudine differt, unde eadem specie planta videtur. Quæ si ita sint, (ut mihi quidem etiam videtur) C. Bauhinus ex una planta quatuor facit, nimirum, 1. Leucoium incano folio hortense VII. seu lividè rubente colore: 2. Hesperidem montanam pallidam odoratissimam: 3. Hesperidem siliquâ corniculatâ, flore obsoleto: 4. Hesperidem peregrinam siliquis articulatis.

Certe planta illa Leucoium Melancholicum dicta, non est verum & geminum Leucoium (ut & Parkinsonus rectè monet) sed Hesperidis species. Quocirca & huc transferenda, & Hesperis flore obsoleto denominanda.

Leucoium autem Saxatile alterius obsoleto flore Col. quod Parkinsonus Leucoio melancholico idem esse fidenter affirmat, descriptio sic se habet.

Hujus radix crassa, longa, foris pulla, intus alba est & nervosa. Caulis verò semipedalis, rotundus, viridis, hirsutus, alis duabus divilus [hoc non constans & perpetuum esse puto] in quatuor summo

summo flores alternatim Leucoio similes, hirsutis calycibus, colore ex luteo & viridi purpurante obsoleti, parum odori; è quibus *siliquæ* producuntur trientales, hirsutæ, nodosæ, corniculatæ, in terram deflexæ, sex aut septem semina intus habentes in singulis valvulis. *Folia* in imo longo petiolo, divisura Papaveris maritimi; vel etiam Leucoii in arenis orti, hirsuta, crassa velut albi Hyoscyami & magis, odore gravi: quæ cauli hærent breviora & absque petiolo, nec laciniosa, sed serraturis & magnis dentibus divisâ, Hyoscyamo similia, sed quadruplo minora, propè caulem latiora.

Locus &  
Tempus.

Maio floret & Junio siliquas perficit, in saxorum rimis & vetustorum mœnium Campoclarensum, inque rupibus Vallis Soli expositis. Sapore dulci calfaciente Raphani ferè tota planta est, odore gravi non ingrato.

Foliis magis lacinatis ab Hesperide 1. Clusii differre videtur, quæ differentia accidentalis potius est quàm specifica.

Leucoium melancholicum Parkinsonus sic describit:

*Folia* habet majora, longiora & viridiora quàm Leucoium incanum majus minùve, ad margines sinuata, humi jacentia, aspera nonnihil & hirsuta; è quorum medio exsurgunt caules bicubitales, subasperi pariter, foliis confimilibus sed minoribus hic illic obstiti, summitatibus suis flores gestantes numerosos, amplos, priorum similes, majores, colore obscurè aut sordidè lutescentes, quibus succedunt *siliquæ* oblongæ, teretiusculæ, *seminibus* oblongis, itidem teretiusculis & majoribus quàm Leucoii incani repletæ.

7. *Hesperis Pannonica inodora* J. B. Park. *glv. inodora* C. B.

J. B.

Cubitali assurgit altitudine, duùm generum foliis donatum: infima ex angusta cervice mox dilatantur, tandè in acumen definunt, sinuatis nervis prædita; alia lata sessilique basi cauli adnascuntur, utraque serrata, hirsuta, candidiora mollioræque quàm in Hesperide nostra vulgari: flores colore sunt exalbicante, vel purpurascente, formâ tamen, unâ cum subsequenter longis torosis *siliquis*, *seminibus*que ruffo cum vulgari Hesperide conveniunt.

Clusius solo floris odore, cujus in hac nullam gratiam percipere potuit, à vulgari differre asserit.

Locus.

Crescit passim ad montium radices, & vinetorum in collibus sitorum margines Viennensi agro. Floret cum vulgari, nempe Maio & Junio. *Clus.*

## C A P. IX.

### De Alliaria.

**S**eminibus oblongis, teretiusculis majoribus cum Hesperide convenit; floribus parvis albidis, foliis subrotundis, odore Allii, unde nomen sumpsit, ab eadem differt.

*Alliaria*. Ger. Park. J. B. C. B. *Jack by the hedge, Satwe alone.*

Ex radícula tenui, lignosa, alba, Allium obolente caules promit cubitales & sesquicubitales, tenues, subhirsutos [teretes, striatos, solidos.] Folia primum rotunda Hedera terrestris modo [verum iis longè majora] mox nonnullum acumen assequuntur per ambitum crenata [pallidè virentia, glabra, pediculis longis nixa] sapore & odore Allii natiore [ad intervalla longiora in caulibus alterno aut nullo ordine sita] in summitate caulis & ramulorum flosculi multi, albidi, quatuor foliolis exiguis constantes [brevibus admodum pediculis nixi] in quorum medio apices ex viridi flavescetes. Semen in siliquis longis, angulosis [bivalvibus membranâ intergerinâ disseptis] oblongum nigricans.

Locus.

Vires &  
Usus.

In sepibus & aggeribus fossarum, Vere floret.

Alliaria dicitur quia Allium redolet digitis comminuta. Usus ejus est ad embannata sive intinctus. Rustici pro salamentorum condimento utuntur. Recens urinam ciere dicitur, sicca veneno adversari si in vino coquatur. Contra veterem tussim ex resina & melle sicca lingitur. Podagras acri aceto circumlita muloet.

Singularem vim habet quâ putredini resistit, unde & herba ipsa ex melle, & succus ejus inspissatus ad gangrenam atque ulcerâ putrida atque maligna unguentis cataplasmatibusque inditur.

Semen emplastri modo impositum, vulvæque admotum mulieres uteri strangulatu oppressas liberat & excitat.

Semen tritum naribusque impositum sternutamenta excitare cerebrumque purgare Tab. prodidit.

Herbam in oleo & aqua decoctam & potam asthmaticis subvenire scribit Cam.

Folia enematis incoquant nonnulli ad colicos & nephriticos dolores, & calculum.

Scordium legitimum ut odore ita & viribus refert. G. Fabr. Hildanus Centur. 2. Obs. 44. Succus (inquit) Alliaria in Gangrenis, ulceribus putridis & fordidis magnarum est virium, ut à frequenti experientia edoctus sum: mirum igitur nemini videri debet, quod nonnulli Antiquorum, Arabum præcipuè, pro Scordio vero Alliariam aliquando substituerint, non quod verum Scordium ipsis fuerit incognitum, sed quod in Alliaria eadem ferè vires repererint: præterea Scordium minime crescit in multis regionibus, neque nisi ficcum & obsoletum haberi potest, cum Alliaria ubique fere locorum prodeat. Communicavit D. Tancredus Robinson.



## CAP. X.

De Leucois quibusdam spuris, Erysimi siliquis & semine.

**H**erbas hæc ob convenientiam cum Leucois in floribus, quamvis siliquis & seminibus discrepent, iis subjungendas duximus.

1. *Leucoium marinum parvum folio virente crassiusculo* J. B.

J. B.

*Caules* ei tenues palmares: *folia* per illos rara, quædam uncia paullo longiora, nonnihil sinuosa, succulenta & crassiuscula, glabra, virentia: *flores* satis magni pro herbe proportionem, purpurascens; quibus succedunt *siliquæ* tenues semunciales circiter, aut paullo longiores brevioresve, *semina* minuta ruffa, verum non compressa, continentia.

2. *Rapistrum floribus Leucoi marini* C. B. *parvum Massiliense* Park.

C. B. prod.

Planta semipalmaris est, *radice* oblongiuscula, alba, fibrillis donata; *cauliculis* trium quatuorve unciarum: *foliis* vulgari Rapistro luteo similibus, uncialibus, crenatis & subasperis: *flosculis* parvis, subceruleis, Leucoi marini similibus, quibus *siliquæ* parvæ, angustæ *semen* minutum continentia succedunt.

Circa Massiliam in rupibus.

Locus.

3. *Sinapi marinum Ægyptium* Alp. exot. Park.

Alpin.

Ex *radice* oblonga, gracili, lignosa, alba, *caule* unico vel duplici affurgit, rotundo, rubescens, pingui, Macropiperis crassitie, oblique sursum & non recta in aere acto: qui hinc inde inæqualibus intervallis fert alios cauliculos, in apice habentes *flores* ceruleos ut in Leucois, parvos; à quibus deflorescentibus succedunt *siliquæ* parvæ, tenues, oblongæ, in acutum desinentes, quæ habent minuta *semina* rotunda, gustui acerrima, ad Rutæ odorem inclinantia. *Folia* habet hæc planta pauca, longa & lata, utrinque foliolis oblongis, ordinatis, quinque, Senecionis aut Cinerariæ modo crenatis, crassis, pinguibus & succosis, Eruce colore & quandoque rubescentibus. Tota hæc planta valde acris est, & ad eruce odorem aliquatenus inclinare videtur.

*Leucoium spurium Eruce folio.*

4. *Eruca purpurea aliis cerulea sive Viola petraea* J. B. *Eruca cerulea* Park. *cerulea in arenosis cretensis* C. B.

J. B.

*Radice* nixitur recta, palmari, alba vel subrubra, tenui, subacri, fibris aliquot capillata, matrice lignosa. *Folia* per terram spargit plurima, oblonga, hirsuta, Bursæ pastoriæ divisurâ profundâ, crebra, sapore oleraceo quodammodo, colore viridi, aliquando infernâ parte rubentia. *Caules* modò singularis, modò terni, quaterni, seni & plures, palmum nonnunquam superantes, interdum cubitales, hirsuti, striati, propter humum purpurantes, supernè virentes, concavi, brachiati: in quibus ex intervallis *folia* infimis alis breviora, latitudine is parum cedentia, nec tam altè ut plurimum laciniosa. *Flores* ex ramorum lateribus, & summo fastigio alterno situ multi insident pediculis semuncialibus tenuibus, tantilla lanugine obfritis, odorati, suaviter cerulei, aut purpurei, vel purpureo-violacei, albive, suaveolentes, quatuor foliolis laciniosis constantes, *Staminula* lutea cum *stylo* continentia: quibus decidentibus suboriuntur *siliquæ* oblongæ, glabræ, in quibus *semen* minutum, subrufum, acre.

Variat hæc ætatis ratione, necnon loci, prout lato solo surgit, vel squalido aut sabuloso nascitur, ac sæpe iisdem in muris modò major, modò minor, foliis valde varians.

In muris & rupibus variis in locis invenit J. Bauhinus, ut circa templum & castellum Bessfordiæ, *Locus* Bilantii, &c. Nos inter Hertzmann oppidulum & Moguntiam urbem in Germania observavimus & collegimus.

5. *Rapistrum floribus Leucoi marini* C. B.

Plantula semipalmaris est, *Radice* oblongiuscula, alba, fibellis donata. *Cauliculi* trium quatuorve unciarum, *foliis* vulgari Rapistro luteo similibus, parvis, uncialibus, crenatis & subasperis: *flosculis* parvis, subceruleis; quibus *siliquæ* parvæ, angustæ, *semen* minutum continentia succedunt.

Circa Massiliam in rupibus inventum fuit.

Locus.

## CAP. XI.

## De Brassica.

**B**raffica, Catonis panacea, Fefsto seu Verrio dicta videtur à *præsecando*. Dura sanè Etymologia, sed mollior videbitur, si duo sciamus; unum est composita à *seco* in compositione & solerè mutare in *i*, unde *diffico*, *subfico*, aliæque de quibus fusc Aldus in Orthographia: Alterum est *B* in multis olim sonuisse ut *P*, qua de re vide Liphium de Pronunciat. L.L. cap. 12. Quibusdam placet *Braffica* dici quasi *Paffica*, quòd ex scapo præsecetur & *paffa* fiat: imò hanc Etymologiam Varroni ipsi tribuunt Grapaldus, Raderus & alii. Sed Varro idem scripsit quod Festus. Sic enim ille lib. 4. de L. L. *Braffica ut prafica*, quòd ex scapo præsecitur. Sic enim locus is legitur non solum in nuperis edit. sed etiam Aldina Anni 1513. & Mediolanensi Ann. 1500. Tertia eorum sententia est, qui deducunt à *Cesano* i. e. *voro*, quia avidè eà Veteres vesci solebant. Quartum est etymon Jos. Scaligeri. Docet is in conjectaneis *Braffica* dici à Græco *πρασις*, utpote hortulanum olus. Nam *πρασις* notat areolas hortenses, unde & *pratium* nomen accepit. Hoc Etymon inprimis placeret, nisi esset *Braffica* vox à majori Græcia, quæ pro eà dixit *Cesano*. Hesychius, *Βραβικον, νερψικον* *Ιταλιωται*, ubi *Ιταλιωται* non sunt Latini sed Tarentini & alii. *Hæc omnia Vossius in Etymolog.*

*Braffica* Recentioribus Caulis dicebatur quod præ cæteris herbis insigni caule vigeat; Hinc nostrum *Cole & Colewort*.

Notæ *Brafficae* characteristicae sunt folia in hoc genere maxima, glauca seu subcoerulea, carnosa, femina rotunda, minus acra.

1. *Braffica capitata alba* J. B. C. B. Park. Ger. *White Cabbage*.

*f. B.*

*Caulem* producit crassum, albicantem, crasso cortice testum, medullâ parum acri & subdulci. *Folia* quæ primùm erumpunt lata habet & amplia, subrotunda, nullis effatu dignis lacinis sinuata, longis crassis pediculis hærentia, costis nervisque albicantibus crassis intertexta, colore caesio aut cinereo coerulecente, quorum inferiora avulsa aut fortè decidua stipitem relinquunt densâ vestigiorum serie rugosum & inæqualem: Superna verò quæ remanent lata quoque & subrotunda, & ex viridi albicantia & caesia, mutuo incubitu in caput maximum durissimum conglobantur; tam arcto complexu ut difficilè separentur. Horum interiora planè albicant. Porro glomer appetente vere, quo tempore semini ergo transplantari solet, parum dehiscens, è medio caulem erectiorem profert, *floribus* luteis aut luteo-pallidis, quibus delapsis *siliquæ* longæ nascuntur, teretes, acuminatæ, *femina* parietum medulloforum intersepto claudentes rotunda.

Hæc interdum elegantissimâ naturæ varietate ad quinquaginta capitula minora fert, magni illius glomeris loco.

Radix alba, plurimis fibris donata, neque altè in terram descendit, neque in latitudinem multum se diffundit, unde gelu asperiore facilè corrumpitur.

*Brafficae* folia (ut rectè C. Hofmannus) in superficie habent salsum quid, nitrosum & leviter amarum cum acredine quadam, cum in profundo aquea & frigida sint.

*Vires.*

Scribit Galenus *Braffica* habere contrarias vires solvendi & stringendi alvum. Si enim (ait) illud voles, aut leviter coctum cum suo jure dabis, aut jus ipsum: si hoc, effuso jure primo, affundes aliam aquam calidam (hoc enim peculiariter monet) eaque post coctionem iterum effusa, edendam dabis ipsam *Braffica*. Quod tanto melius fiet quòd sapius effusa fuerit aqua, & repetita coctio. Hinc illud Scholæ Salernitanæ,

*Jus caulis solvit, cujus substantia stringit.*

*Braffica* in cibus ex sententia Galeni & omnium ferè Medicorum, quocunque modo præparetur facit in corpore *χολδν μαχθνεσιν* & *δυσίδια*, succum crassum & melancholicum; quod facile quis in seipso colligere potest ex ructibus foetidis & ingratissimos excitat.

Ipsè vidi verrucas illitas succo *Brafficae* ingenti miraculo spatio quatuordecim dierum evanuisse in ancilla quadam, cui manus oblitæ erant verrucis, quas sinebat sponte exficcare sua citra deteriorationem ullam. *Sim. Pauli.*

Julius Alexandrinus testatur se scire in longum sinuosum vulnus protensum ab humero prope modum ad nates usque ipsas, qua in parte extrema ejus ora plurimum semper remitteret saniosæ materiæ cujusdam, nec profundum tamen, nec ultra carnosam membranam valdè adactum, cum remediis aliis non posset, ex foliorum *Brafficae* vino nigro & austero incoctorum applicatione rescatum coaluisse intra paucos dies.

Camerarius dicit folia ejus in ulceribus & lepra vino incocta admodum utiliter adhiberi. Tragus tantæ *Brafficae* esse efficaciam ait, ut urina eorum qui vescuntur *Braffica*, Fistulis, Cancro, Serpigni & similibus viciis mederi queat. *Sim. Pauli.*

Noto ex Platero, quòd in principio inflammationis faucium, ubi refrigerare & repellere simul studemus, aqua ex acido liquore in quo *Braffica* capitata condire & asservare solemus exstillata, vulgo magno successu usurpetur.

Cum quidam Scorbuto tam misèrè laboraret, ut maculis toto pectore & cruribus diffusis, membrisque rigentibus vix incedere posset, jussus est potu quotidiano uti ex Vini lb. iij. quibus *Brafficae* rubrae concisæ m. iv. cum zingib. 3 lb. Cinnam. 3 ij. immaceratæ fuerant. Ex Observ. Ottonis Hearnii



Heurnii Prof. Lugd. Bat. habuit *G. Hieron. Velschins* : è cujus Observ. §1. transcripsit, & ad nos misit *D. Barnham Soame*.

Ad lateris dolorem, & fol. Brassicæ; butyro illinatur frustulum, & pulvere Cynimi aspersum calide imponatur. *Hartman*.

Brassicam ad arcendam ebrietatem valere Veteres unanimi consensu tradunt, confirmant etiam Recentiores. Fontanus Med. Pract. lib. I. cap. 8. Brassicæ folia ebrietati mirè adversantur.

2. *Brassica capitata rubra* J. B. C. B. Ger. Park. *Red Cabbage*.

*J. B.*

Quod folia attinet alba familia quodammodo sunt : at colore magna varietate ludunt. Quædam enim atro-purpurea, quædam atro-virentia, aut etiam dilutiùs virentia; nonnulla quoque castro nebulæ aspersu glauca sunt, at omnes rubris costis ac nervis intertexta in reliquis cum alba convenit.

Hyemem facillè perfert autore *J. Bauhino*.

3. *Brassica Italica tenerrima glomerosa, flore albo* J. B. *Bras. alba capite oblongo non penitus clauso* C. B. *Bras. Sabauda* Ger. Park. *The Savoy Cabbage*.

*J. B.*

Hæc caule & foliis adeoque tota stirpe inter albas candidior teneriorque videtur. Folia quoque, quæ ampla sunt atque rotunda, per se dilutiùs virentia, candicantibus venis intertexta sunt, quædam etiam eorum modicè crispa, ac vario contortu nonnihil rugosa: Foliorum quoque pediculis brevibus auriculæ quædam foliaceæ adherent. Flores albi, quadrifolii uti cæterorum, quos notissimi tepidior Sole illustrata profert, quippe algidi frigoris impatiens, minùs arcto foliorum implexu glomerem laxiorem minoremque efformans.

Lautior hæc, quippe tenerior, delicatioribus expetita, eorum potissimum qui ejus norunt gratiam, mensis apponitur.

4. *Brassica Sabauda rugosa* J. B. *patula* Ger. Park. *An Brassica alba crispa* C. B?

*J. B.*

Hujus folia rotunda, rugosa valdè, ac ita quidem rugis inæqualia sunt, ut singula ceu ex vesicis aut valvulis quibusdam confimilibus congesta videantur, subtus extuberantibus atque prominentibus, aversâ parte cavis, ex brevibus pediculis hærentia: color foliorum ex luteolo quodam & atro viret, quæ pallidè viridantibus costis quoque intertexta sunt. Eadem etiam in densum globum coguntur, sed parvum & candicantem, dum extremitates interim obscurius virent. Flos luteus: semen ut in reliquis. Hyemem non fert. Brassica patula *Ger. Park.* diversa videtur à *J. Bauhini* *Bras. Sabauda rugosa*, cum *Bras. patula* folia in caput non conglobentur: Synonymam feci quia utrique [*Gerardus* & *J. Bauhinus*] eandem adhibent figuram. Descriptio

Brassicæ rugosæ longioribus foliis *J. B.* meliùs convenit Brassicæ patulæ, quæ hujusmodi est.

Folia ampla, sesquicubitalia ex longis pediculis inferiore parte hærent. Hæc quàm Sabaudicæ scriptæ dilutiore virore, candidiorumque costarum interceptu, candidior apparet, totaque rugosa, ac veluti facculis referta est: tenera quoque magis videtur, nec in capita cogi solet ut Sabauda flore luteo. Hyemem vix fert.

5. *Brassica florida* Ger. *cauliflora* C. B. *multiflora* J. B. *caule florida* Park. *Colliflower*.

*J. B.*

Per ampla hæc quoque fert folia, cubitalia, longiora quàm Brassicæ capitata alba, acutiora, nec ita lata, nullâ insigni laciniarum divisurâ, dilutè virentia, quædam etiam colore magis glauco, exteriora præsertim, nervis candicantibus conspicua, per ambitum ex longiuscula distantia denticulata & veluti serrata. In capite glomeratur sed molliùs, minùs denso foliorum incubitu formatum: Inter quorum finem flores densissimo stipatu prodeunt exigui pallidi aut candicantes, velut in umbella positi, qui cum cauliculis suis asparagorum tenellis germinibus teneritudine & gratiâ certare videntur: atque ob id lautioribus tantum patinis expetiti.

Hujus semen è plantis in hortis nostris nascentibus collectum si feratur, mirabili metamorphosi Brassicam capitatam, aut albam vulgarem producit, ut oporteat quotannis semen è transmarinis calidioribus regionibus petere. Verum de hac degeneratione ex semine diximus in parte generali.

6. *Brassica caulorapa* J. B. *Rapocaulis* Park. *parad. gongyloides* C. B. *Caulorapum rotundum & longum* Ger.

*J. B.*

Hæc patulis foliis glomerem nullum facit, verum quo solo signo ab aliis facillè separatur, brevis caulis, quæ foliorum comæ subest, in Rapum esculentum extuberat. [Flores in caulibus tenuibus parvi, quos excipiunt siliquæ angustæ, oblongæ, Seminibus Sinapeos ferè paribus repleta.]

7. *Brassica rubra vulgaris* J. B. *rubra* C. B. Ger.

f. B.

Procerior hæc reliquis esse videtur. Stipite namque velut arborefcit alto, duorum trium aut quatuor pedum aut etiam cubitorum, crasso, atropurpureo, imâ parte verrucoso, aliâ singulo, aliâ in ramos divaricato: quem *folia* fortuito positu stipant lata, ex viridi rubentia, aliâ sanguineo rubore aut obscuriore etiam tota perfusa, non sine obductu nebulæ cuiusdam glaucæ: crebro crassarum venarum discursu rugosa, patula sinuatâque. *Flores* lutei cauli erecto hærent: quos *siliquæ* excipiunt palmares, in quibus semen rufum, rotundum. Hujus *folia* patula manent ac expansa. Hyemem profert, ac sæpe, præsertim culta, arboream acquirit proceritatem firmitatemque, ac ita in plures durat annos. Sepe etiam laterales producit ramulos. Ramorum extrema adventante Vere delicatioribus in acetaria expetuntur.

8. *Brassica laciniata rubra* J. B.

A præcedente vixdum magnitudine variat. *Folia* potissimam faciunt differentiam, quæ profundis laciniis sinuatis nonnihil variant, iisdem modò in latiores, modo in minores rursus sectis, ut tota penè crispa videatur, idque potissimum propter minorum laciniarum contortum. Hyemem fert.

\* 9. *Brassica rubra minor* J. B. *arvensis* C. B. *tertia* Fuch. *Sylvestris* Ger. Park.

Minutionibus est caulibus & tenuioribus foliis, flore luteo. *Fuch.* Omnium minima, sylvestris penè similis, *foliis* primæ rubræ, multò minoribus, alioquin omnino similis. Seritur propter semen, ex quo oleum paratur quod venditur pro Napi seminis oleo. *Dod. gall.* Confusio est inter Botanicos de hac planta, ut suspicer eos non satis clarè intellexisse quid scriberent.

10. *Brassica alba vulgaris* J. B. *alba vel viridis* C. B. *vulgaris sativa* Ger. *sativa* Park.

f. B.

*Radix* tophosa est, ex qua stipes, qui foliis nervorumque divisurâ atque intertextu rubræ quodammodo respondent: *folia* tamen subrotunda, ex longis crassis pediculis delicatiora videntur, in quibus in circuitu præsertim serraturæ quædam apparent. Tota planta albicat, & cæsius quodam colore obducta est; aurículas habet uti prædictæ. *Flos* albus est, [potius pallidus.]

11. *Brassica laciniata alba* J. B.

Rubræ laciniatæ hand multum ab similibus proportionem est, non penitus alba, caule interdum purpurascens; cui *folia* pallidè viridantia glaucâ quâdam nebulâ obducta sunt. Foliorum quoque lacinæ profundæ quidem, minùs tamen crispæ.

12. *Brassica fimbriata* C. B. *tophosa* J. B. Ger. *nigra* Dod.

Morisf.

Hujus *folia* angustiora sunt & longiora antecedentis foliis ad costam usque mediam semel atque iterum profundius incisa, per margines verò admodum crispæ, quæ adversa parte bullis seu quasi ampullis numerosissimis protuberantibus, in aversa parte concavis inæqualia sunt. Tota quasi nigrescunt aut ex atro virefcunt.

A. 13. *Brassica arborea seu procerior ramosa maritima* Morisoni. An *Brassica arvensis* C. B? *Sylvestris* Ger. Park? *Wild Colewort.*

Descriptio *Brassicæ rubræ vulgaris* superius è Joan. Bauhini historia proposita non ineptè convenit huic plantæ, ut dubitem an specie diversa censenda sit necne: certè quòd in maris vicinâ occurrat accidentarium esse puto: deinde in plures annos durare *Brassicæ* illi rubræ curi hac commune est, ut testatur J. Bauhinus. Hanc inquit [Bras. rubram] per aliquot annos ex semine decido, in muro, è regione fenestrarum ædium in quibus moror duranter vidi: tandem Ramosam esse seu in ramos divaricari *Brassicæ rubræ* ex æquo convenit. Vel ergo J. Bauhinus *Brassicam* maritimam proceriorem à rubra vulgari specie revera diversam per errorem pro *Brassica rubra* habuit & descripsit; vel *Brassica rubra vulgaris* & *Brassica hæc procerior maritima* una & eadem specie planta sunt.

Locus.

In clivis maritimis propè Doveram oppidum observavimus, & alibi etiam locis consimilibus. Hæc plantæ est quam in Cat. Ang. titulo *Brassicæ sylvestris* exhibuimus.

14. *Brassica Anglicana minima nivea* J. B. *fimbriata pumila* C. B.

Ad. Lob.

Meminimus (inquit Lob.) etiam in Angliæ hortis pusillam *Brassicellam*, totam niveam præterquam extremas oras laciniolas, fimbriatâque plicis crispantibus & undulis rugosis, purpureis asperis maculis, quas etiam ad corollas & olfactoriola necenda dum tenella adhuc est, in hortis colunt.

15. *Brassica*



15. *Brassica alba crispa* C. B. *crispa laciniata* J. B. *Sativa crispa* Ger. *Caulis crispa* Park. parad.

J. B.

Omnium hæc elegantissima fert *folia*, ex longis pediculis auritis oblonga, cubitalia, altiora, nervis albidis eleganter picta, atque multiplici eorum divaricatione intertexta, ambitu quoque suo multiplicibus convolutionum spiris sinuato, ita crispa ut Struthii avis plumas, militibus gloriosis cristarum loco expetitas quodammodo repræsentent. Costæ etiam plerumque dilute purpureæ sunt, sicut & ipsi caules. *Flos* luteus. Hæ in cibo rubris non inferiores.

16. *Brassica thyrsoidea* J. B. *asparagodes crispa* C. B. *epiphyllia*.

J. B.

E rubræ *Brassica* genere est, patulis, ex viridi atrorubentibus foliis, subinde laciniatis, per quæ passim supina parte nova crisporum foliolorum soboles confurgit, pulchris lemniscis, naturæ fusu spectando, hinc inde exorientibus, nunc brevi amento tenuique appensis, nunc latiusculo petiolo hærentibus, atque etiamnum in alia deinceps fertula struppisque luxuriantibus. *Flores*, *siliqua*, *seminque* ad *Brassicam* rubram vulgatiorem accedunt.

De hac verè scripsit hist. Lugdunensis autor. *Folia* hujus nunc sunt laciniata & frequentissimis *Varietates*, diversis incisâ, qualia *Brassicæ* crispæ, nunc planè lata & expansa. Eadem nonnunquam tota videntur, nonnunquam venis per ipsa folia dispersis & mediâ costâ rubent. Omnes hæc varietates & plures adhuc nobis ortæ sunt in hortulo nostro Cantabrigiæ ex semine hujus plantæ deciduo.

Vivax est, & in multos annos durat, nec hyemes nostras reformidat.

\* 17. *Brassica tenuissimè laciniata* J. B. *Brassica angusto Apii folio* C. B. *Bras. Selinoides* Ger. Item *Brassica lato Apii folio* C. B. *laciniata* Park.

Hujus *folia* crispa & per ambitum profundè incisâ ad mediam usque costam: in hoc genere quædam frequentioribus & profundioribus, aliæ rarioribus & minus profundis incisuris ductæ apparent. Hinc duæ species C. Bauhino, altera lato Apii folio, altera angusto Apii folio.

\* 18. *Brassica spinosa* C. B. Alpin. Exot. Park.

Hujus solum binos ramulos habuit C. Bauhinus, quorum descriptionem dedit. *Caulis* lignosus, crassus, in ramulos duos, alterum palmo majorem, alterum minorem, rotundum, levem, striatum dividitur: circa quos *folia* biuncialia, & semunciam lata, per ambitum leviter sinuata, quibus & minora interjiciuntur: ramuli in spinas acutas, unciales & minores abeunt.

Pr. Alpinus in Exot. eam plenius describit *caule* cubitali & ampliore; multis *ramis* longis, teretibus, mollibus *Brassicæ* colore, crassis & firmis, in alios innumeros ramulos subdivisis, in plures tenues albas acutas spinas exeuntes; juxta quas flosculi Hyacinthinis similes, in rubro albicantes, in singulis ramulis singuli, quibus succedunt *fructus* rotundi parvi, cicerum magnitudine, in acutum deminutes, colore flavescents, gustui non injucundi. Hæc planta à radice foliacea est *foliis* longis, crassis, *Brassicæ* similibus tum colore, tum sapore.

Hanc dum viridis est decoctam in aqua Egyptii, Æthiopes, Syri, apud quos nascitur, comedunt.

\* 19. *Napo-brassica* C. B. prod.

C. B. prod.

*Radice* habet Napo aut Carotæ pæne similem, admodum fibrosam & villosam, ut barbata aut pilosa, propter multiplices & minutas fibras, dici possit: & licet frequenter fibram pollice crassiorē habeat, attamen semper prima *radix* tuberosior & longior, quæ Napum imitatur, conspicitur. Ex hac *caulis* sesquicubitalis, lævis, rotundus, in ramos brachiatus exurgit. *Folia* ad radicem unâ cum pediculis oblongis palmaria, *Brassicæ* sylvestris modo & subrotunda, & in profundas laciniâ divisa; quæ verò in caule oblonga sunt, angusta, sinuata, pediculis carentia. *Flores* lutei, intensioris coloris quàm in vulgari, magni, qui in caule palmum excedente inordinatè longis pediculis insident, quibus *siliqua* angustæ, unciales succedunt.

In locis frigidioribus agri Norici, montanis potissimum & versùs Bohemiam colitur. *Radix* esui apta est, quare aliqui eam ut *Brassicam* floridam condunt; pauperes minutim ut Rapas condunt. *Locus*.

20. *Brassica campestris albo flore* Clus. *campestris perfoliata flo. albo* C. B. *Perfoliata siliquosa* J. B. Ger. *Perf. siliquosa vulgaris*, seu *Brassica campestris* Park.

J. B.

Sesquicubitalis & altior est, [pedalis Clus.] *caule* tereti, tenui, candicante, & in alas diviso à foliorum sinu prodeuntes. *Folia* non divisa, oblonga, subrotunda, Napi, colore glauco, rigidula, pinguia, fragilia, à caule videntur quasi transadigi, sapore oleraceo, [servido Clus.] *Flores* exalbi, [albi Clus.] *Brassicæ*. *Siliqua* perquam longa, angulosa [quadrangulæ Clus. & Cord.] in quibus continetur *semen* *Brassicæ* semine minus ex rusto fuscum Clus. *Radix* tenuis, alba, gustu *Brassicæ*.

Locus.

Clusius hanc & sequentem in agris & campestribus nascentes conspiciebat, & Martio mense flores in Murciano agro, juxta vias ad Eliocrotam urbem, vulgo *Lorea* dictam: J. Bauhinus in agris fegetum circa *Marbach* Ducatus Wirtembergenfis. In Anglia, quod scimus, sponte non provenit, quantumvis Lobelius eam Perfoliatam Napifoliam Anglorum siliquosam appellet. An *Brassica* sylv. folio *Betæ Thal?*

- \* 21. *Brassica campestris purpureo flore* Clus. *campestris perfoliata flo. purpureo* C. B. *Perfoliata siliquosa purpurea* Clusii J. B. *Perf. siliq. flore purpureo* Park.

Clus.

Firmioribus est *virgū* nec adeo ramosis, cujus *folia* in summo aliquantulum serrata. *Flores* prioris floribus similes sunt, majores tamen, Leucoii aut Hesperidis floribus magnitudine pares, colore autem Lunariz Græcæ floris, purpureo videlicet: *Siliquæ* & *semen* præcedenti similia. *Radix* licet dura firisque quibusdam prædita sit, vivax tamen non est, sed prolato semine perire solet.

Locus:

Cum priore.

- \* 22. *Brassica sylvestris Fabariae foliis* Bocconi.

Bocc.

*Caulis* huic pede longior est, tenuis, ramosus, teres; quem amplectuntur (*Perfoliatæ* modo) *lævia* rotundaque *Telephii folia*, ambitu nonnihil sinuata. *Flosculi* in summitate purpureo-cerulei, quibus succedunt *siliquæ* angustæ & longæ.

Non differt à præcedente nisi radice quæ in hac perennis est. Ad *Tauromenium* invenit Autor.

- \* 23. *Brassica sylvestris latifolia foliis non sinuosis* C. B. *Bras. sylv. major latifolia Thalia* J. B.

Thal.

*Radices* constat inutilibus, lignosis, candidis: *caule* sesquipalmari, non admodum recto, rotundo, simplici, nonnunquam etiam brachiato: *foliis* mollibus, lævibus, subflavis, integris sine incisuris aut sinuosis crispaturis, mucronatis, duas uncias longis, unam latis. In summitate in exiguis pediculis racemus *florum* candidorum existit, ex oblongis vasculis *Brassicarum* sativarum modo prominentium: quibus deperditis *siliquæ* oblongæ pronascuntur, *semina* *Brassicæ* sativæ minora continentes.

- \* 24. *Brassica sylvestris Alpina* C. B. *Turritis Alpina* Park? *an Barbarea muralis* J. B.

C. B. prod.

Ex radice exigua alba, *Caulis* palmo altior, rotundus, lævis exurgit. *Folius* est tenuibus, pallide virentibus, leviter sinuatis, circa radicem oblongis, plerisque uncialibus, in caule paucis, pediculo carentibus. In summo flores albi, quasi in umbella dispositi, longiusculis pediculis donati.

Locus.

In montibus Austriæ nata est.

Quò pertineat hæc planta ex imperfecta hac descriptione certò colligi nequit: locum ergo quem occupavit per me teneat, donec certius quid de ea edoctus fuero.

Duas trêve adhuc præter superius propositas *Brassicæ* sylvestris species adjicit Thalius, nimirum sylv. foliis membranaceis, sylv. mediam, & sylvest. minorem, quas cum se non novisse scribat C. Bauhinus, nec quisquam præterea Botanicus aliquid lucis iis illustrandis, & ab aliis congenentibus distinguendis attulerit, non est cur nos illarum rationem habeamus.

## CAP. XII.

*Brassica sylvestris seu Brassicæ affinis Turritis dicta.*

Hæc in multis à *Brassica* differt foliis imis hirsutis, flore minore albo, vel ex albo in luteum languente, siliquis erectis, cauli approximantibus. *Turritæ* autem nomen accepit ab extremorum caulium forma, qui in metæ aut pyramidis effigiem definit.

- I. *Brassica sylvestris foliis circa radicem Cichoractis* C. B. *Glastrifolia Cichoroides* J. B. *An Turritis major* Clus. Ger. Park?

J. B.

*Radice* est annuâ, mediocriter crassâ, albâ, nonnihil purpurascante, fibrosâ, subacri. *Folia* germinatione prima antequam caulem proferat, partim laciniata *Cichorei* vulgaris instar, vel *Hieracii*, partim nullo modo incisa, glauca, Ifatidis foliis similia, palmo sæpe longiora, semunciam lata, lanuginosa, sapore acri & amaro: adulta & quæ in caulibus sunt integra, nullâ divisurâ incisa, glabra, utrinque glauca, oblonga, ita pinnis alarum coeuntia, ut à caule perforari videantur, sapore *Brassicæ* vulgaris. *Caulis* cubitalis & bicubitalis tenuis, colore herbaceo admixtâ aliquâ purpurâ, multis ramis longis tenuibusque brachiatus. Ex alis & summis ramis flores prodeunt multi simul juncti ex pediculis semuncialibus, ex luteo in albidum languentes, odore nullo manifesto, quaternis foliis constantes, quæ totidem foris circumstant, sed longè minora & virescentia, mucronatæque cum



cum illa subrotunda sint; in medio crocata stamina multa cum stylo viridi. Succedunt tandem sili-  
quæ longæ, rectæ, graciles, in quibus semen.

Invenitur circa Basileam in fabuletis ad Rhenum & alibi.

Querit J. Bauhinus Annon hæc sit *Turritia* major five altera Clusii, & revera eadem videtur.

Locus.

## 2. *Turritia pulchra* nova J. B.

J. B.

*Caulis* surgit tricubitali, striato, hilari virore perfuso, subhirsuto: *Foliorum* inferiorum quædam tres uncias longa, angusta, circumquaque integra, pediculo longo: alia longiora, quatuor aut quin-  
que uncias colligentia, pediculum versus profundiusculè incisa: at enim quæ per caulem conspici-  
untur latiora & breviora sunt, sextantalia circiter, caulem pinnulis complexa, Myagri foliis aliqua-  
tenus similia, sapore nullo evidente: color omnium viridis. Porro ex folii uniuscujusque per cau-  
lem sinu, cubitali serie fursum versus, ramulus prodit, ut in præcedente; cujus extremum occu-  
pant conferti *flosculi* exiles, foliolis oblongis albis constantes, fatuo sapore. Succedunt *siliquæ*  
longæ.

Florentem mense Maio Argentinx in horto Frid. Meier vidit J. Bauhinus.

Locus.

## A. 3. *Turritia* Ger. vulgarior J. B. Park. *Brassica sylvestris foliis integris & hispida* C. B. *Cotter-mustard.*

*Radice* nititur simplici, albâ, lignosâ, altè in terram descendente, paucis fibris capillatâ. *Cau-  
lis* ei singularis, sesquicubitalis & altior, firmus, teres, solidus, propè terram hirsutus, supernè gla-  
ber. *Folia* ad radicem hirsuta, ad margines sinuata, obtusâ duas uncias longa; quæ in caulibus  
sunt glabra, alternatim posita & nonnihil glauca, latâ basi cum processu hinc inde velut auriculato,  
absque pediculis adnata, in acutum desinentia. *Flores* in summis caulibus parvi, tetrapetali, pallidi;  
quibus succedunt longa serie *siliquæ*, tres digitos longæ, teretes, membranâ intergerinâ duplicem  
seminum seriem disteminante dissepitæ. Sunt autem *semina* parva, per maturitatem ruffa. *Siliquæ*  
non dependent deorsum, neque à caule exant, sed ei velut appressæ ad perpendiculum fere eri-  
guntur, pediculis semuncialibus aut longioribus insidentes, suntque crebræ admodum ut caulem fere  
occulent.

In Anglia quatuor in locis Spontaneam observavimus, viz. 1. In agro Norwicensi, viâ inter *Locus.*  
Nordovicum urbem & *Tarmouth* portum in sepibus: 2. Circa *Slough* viciniam, viâ quæ Londinum du-  
cit, in aggeribus terrenis: 3. In colle *Dorsethill*, non longè ab oppido *Tamworth* in agro Warwi-  
censi: Et nuper 4. propè Colcestriam in Essexia, in ascensu collis *Lexden* vici, ad viam utrinque,  
copiosè.

Floret Junio, & semine maturo radicitus exarescit.

Tempus.

## \* 4. *Brassica sylvestris minor* seu *Turritia supina folio Bellidis* Morif.

Morif.

Hæc à superioribus caulibus procumbentibus & folio omnino *Bellidis* simili, faciliè distinguitur.

De loco natali nihil addit, nec unde habuit.

## \* 5. *Turritia major* Ger. Park. *Turritia major* Clus. *Brassica sylvestris ramosa, tota pæne glabra* C. B. Item *Brassica sylv. foliis circa radicem cichoraceis* ejusdem?

Clus.

Multa promit secundum radicem *folia* *Turritiæ* vulgarioris foliis majora, in ambitu nonnihil  
crispa & sinuosa, minùs tamen aspera, & colore dilutius virente: inter quæ *caulem* promit, inter-  
dum plures, bicubitalis ut plurimum, in aliquot ramos divisos; per quos inordinata nascuntur *folia*,  
valde latâ sede eos complectentia, foliorum *Perfoliatæ* siliquosæ dictæ pæne instar. Summo caule  
multos similiter fert *flores*, \* superioris floribus paullo majores, coloris ex albo interdum pallentis, ali-  
quando omnino nivei: quos subsequuntur conferti longa *cornicula*, *semine* altero aliquantulum cras-  
siore plena. *Radix* est albâ, prioris radice crassior & durior, paucioribusque fibris donata, nec vi-  
vax, verum altero à satione anno prolato semine exarescit.

\* *Turritia*  
vulgaris.

Rarius invenitur priore, & umbrâ magis delectari videtur. Floret Aprili & Maio.

Querit J. Bauhinus, annon *Brassica sylvestris* foliis circa radicem *Cichoraceis* C. B. huic eadem  
sit. Et revera nobis utriusque descriptiones diligenter conferentibus omnino eadem videtur.

## A. 6. *Barbarea muralis* J. B. *Erysimo similis hirsuta planta* Park. *Erysimo similis hirsuta, non laciniata alba* C. B. *Wall-cress, or Cotter-mustard with Daisie-leaves.*

*Radice* lignosa, albida, tenuissimis fibris capillata, sapore oleraceo est: *caulis* teres, hirsutus, inter-  
dum rubescens, rectus, pedalis vel cubitalis, ac etiam major, ramosus aliquando: ad cujus inum  
folia multa, circumquaque; procumbentia ut plurimum, unciam longa, aliquando longiora, trientem  
unciarum fere lata, subrotunda, hirsuta, asperiuscula, serrata, pediculis brevibus aut nullis, interdum ubi  
caulescere potissimum incipit, satis longis pediculis adherent: in caule minora, nullo pediculo ad-  
nexa, pinnata, sapore eodem cum radice. *Flores* in ramulorum extremitate multi simul juncti,  
candidi, apicibus in medio luteis, quibus succedunt *siliquæ* copiosæ, longæ, tennes, secundum cau-  
lem surrectæ.

J. Bauhinus

J. Bauhinus *Barbaram*, Herbam S. Alberti Bononiensem *Lab.* unam eandemque cum hac plantam esse existimat, quamvis C. Bauhinus diversam faciat. Hanc olim pro *Cardamine* pumila Bellidis folio *Clusii* habuimus. Ostenſa eſt nobis aliquando pro *Turritia* minore, & ſevera magnam habet cum *Turritia* vulgari convenientiam, ut non ineptè ita denominari poſſet.

Locus.

In muris & rupibus in Borealiſibus & Occidentaliſibus Angliæ partibus copioſè provenit.

*Brassica ſpuria minima foliis hirsutis & glabris.*

A. 7. *Bursa paſtoris* ſive *Piſiſſella filiquoſa* J. B. *Burſe paſtoris ſimilis filiquoſa major & minor* C. B. *Paronychia major & altera minor* Park. *Codded Houſe-ear.*

§. B. *Radix* huic tenuis & fibroſa. *Folia* per terram ſparſa, pediculis donata, nonnihil hirsuta & per margines nonnunquam ſinnata, vulgaris *Alſines* magnitudine ſed longiora, & ad *Burſe paſtoris* folia accedentia, non laciniata. *Caulis* interdum adeo brevis ut unciarum non excedat, aliis etiam dodrantalis & major, juxta terram nonnihil hirsutus & ruber, ſuperius glaber & viridis [ſeu porius glaucus]. Cum ramiſoſus eſt ad ramulorum exortum apponitur folium abſque pediculo, aliis nudus. Floſculi ordine nullo è tenuibus & oblongis pediculis parvi, albi, tetrapetali, petaliſ ſubrotundis non bifidis. *Siliquæ* tenues teretes & oblongæ.

Locus.

In arenoliſ & ſiccioribus, vere floret.

## C. B. XIII.

## De Rapæ.

**R**apum, Græcis *ῥαπὴν*, *ῥαπὴν*, item *ῥάπης* & *ῥάπης*. Rapæ quod ex terra meret, quaſi *Rapa*, Varrone teſte, dicta eſt. Alii quod paſſim rapiatur nomen indicum eſſe putant. A Græcis tamen traxiſſe id nomen facile videri poſſet, qui *Raphyn* & *Rhapy*, auctore *Athenæo* dicunt. §. B.

A reliquis hujus generis *Radice* carnoſa, dulci in grandiffimum tuber excreſcente facile à congeneribus diſtinguitur.

A. 1. *Rapa ſativa rotunda* C. B. *Rapum majus* Ger. *Rapum* Park. *Rapum ſativum rotundum & oblongum* J. B. *Round and long Turneps.*

§. B.

*Rapis folia* per terram ſparguntur ampla, ad *Brassicæ rubræ* folia quodammodo accedentia, atrovirentia, aſpera, & ad coſtam uſque ſerè utrinque laciniata, ſaporis holeracei: flores lutei: ſemen in ſiliquis ruſſum, rotundum, *Brassicæ* proximè: *radix* ſeſſilis in ventrem ampliſſimum capite humano interdum paullo minorem extuberat, tenuem fibram alimentum ſucturam demittens, aliis pugillari par aut etiam ſuppar, quibus utriſque caro candida, firma ſatis, ſapore acri, magis miniſve vegeto prædita. Hactenus J. Bauhinus. His adde, *Caulem* hujus plantæ humanam altitudinem æquare: *folia* ſuperiora quæ in caule ſunt, oblonga eſſe, glabra, glauca, lata baſi caulem amplecti & in acutum mucronem definere: *Flores* quales *Rapiftri* vulgaris, pediculi longis, tenuibus, glabris inſidere; quibus ſuccedunt *siliquæ* teretes, bivalves, membrana intergerinâ diſſepta binos ſeminum rotundorum ordines continentes.

Locus.

Varietates.

Paſſim in agris & hortis ſeruntur radicum cauſa tam in Angliâ, quàm in exteris regionibus. Variat colore radiciſ externo, viridi, puniceo obſoleſcè nigricante: Habentur etiam non raro apud nos in Angliâ, quæ ſoriſ & intus flaveſcunt, qui color à coctione maniſſior & ſaturatioſ evadit. Variat inſuper radiciſ magnitudine & parvitate: *Plinius* & *Tragus* quadraginta, *Amarus* quinquaginta, & ſexaginta libras, pendentes viderunt: *Matthiolus* etiam in territorio *Ananienſi* inſinuos ſe viſiſſe quinquaginta libras excedentes refert, & nonnullis in locis ad centum libras accedentes. Quàm hoc incredibile? nec tamen temere rejiciendum, cum ad magnitudinem augendam multum conducit ſolum pingue & regio calida, modo humor nè deſit.

2. *Rapa ſativa oblonga ſeu femina* C. B. *Rapum radice oblonga* Ger. *emac.*

Non aliter diſſert à præcedente quàm figurâ radiciſ in longitudinem productæ, & ſapore delictiore.

3. *Rapa ſylveſtris & Caſ.* C. B. *Rapum ſylveſtre* Ger. *ſylv. non bulbosum* Park. *ſylveſt. Matthioli* J. B.

*Rapum ſylv.* *Matthiolus* ſic deſcribit, exit folio, caule, flore, ſemine domeſtico ſimile, ſed agriſterioribus foliis. [Non ergo aliter diſſert à ſativo quàm ut neglectum à culto.] *Radix* illi ineſt *Raphani* ſnodo longa, craſſaque, ſed ſapore per omnia domeſticum refert. J. Bauhinus ſuſpicatur *Rapum* hoc *Matthioli* non diſſerre à *Rapiftro*, quem conſule.

*Lobelius* in *Adv. de Rapo ſylv. non bulboso* hæc habet. Eſt frequentiffimum, præfertim apud *Flandros*, *Germanos*, qui ſerunt hoc quo *folia* bobus pabulo cedant. Luxuriat enim tanto foliorum numero, ut *radix* jam non tuberoſa aut *Rapoſa*, ſed exiliſ nec ventrioſa uſpiam ſit, alioqui ſativa rotunda



rotunda turbinata non absimilis, sed discretu facilis crispiore rugosioreque & uberiore folio.

Apud nos in Anglia, & ut puto apud Flandros etiam & Germanos, Rapum illud quod bobus saginandis in agris seritur, idemmet est quod radices gratia vel in hortis colitur vel etiam in agris seritur. Verum quidem est, si vel nimis dense succrescat, vel etiam foliis luxuriet, radicem non grandescere, aut in caput extuberare; sed exilem manere. Verum hoc accidentarium est & Rapo sativo evenit, nec speciei diversitatem arguit: ideoque hortulani nostri cum Rapas serunt, plantarum exorientium plus dimidiam partem evellunt & extirpant ut locus reliquis suppetat, aliter enim radices grandescere & in latitudinem se diffundere nequeunt: nec officit Raporum auctus à jumentis aut ovibus depasci, quin potius cum folia demordentur & coercentur, radices in magnitudinem magis proficerent, ni à pedibus depascentium animalium violarentur. Quocirca nullum adhuc sylvestre Rapum agnoscimus à sativo specie diversum. Nec miratur, quod Gerardus nostras oleum nostribus vulgo **Rape Oil** i.e. **oleum Rapi** dictum, ab hujus semine, (quod in insula Eliensi in hunc usum copiose seri affirmat) tulo & presso elici scribat. Est enim (ni multum fallor) Napus sylvestris, qui ibidem seritur ad oleum **Rape Oil** dictum conficiendum; aut Brassicæ sylvestris species. Ex quo hæc scripsi, Indicem Plantarum circa Monspelium nascentium à Petro Magnol M.D. editum nactus, invenio ibidem pro distincta specie propositum Rapum sylvestre non bulbosum, quod Autor se Septembri mense cum floribus collegisse asserit in herbis satis & pratensibus locis circa Boutonnetum. Utinam certas notas nobis dedisset quibus possemus distinguere Rapum sylvestre à sativo: nam quod ad radicem attinet, illa in sativo, ut dixi, non raro tenuis & gracilis evadit.

Radix culinaria est, modicum nutrit, inflationem parit, humentem ac laxam carnem generat. *Vires.* Quamobrem (inquit J. Bauhinus) ut id vitium emendetur, solent nonnulli eam cum lacte decoquere, ut palato magis ardeat, & efficacius nutriat. Nostrates decoctæ succi aquei partem exprimere, deinde butyro & pipere condire solent. Urinam ciet, & genitale semen augeat: Ventrem nec sistit nec movet.

Seminis usus præcip. est in Antidotis. Venerem excitat, variolâque & morbillos expellit, semidrachmæ pondere potum. *Matth.*

Raporum fuccus & jusculum in quo decoquuntur commendantur ad febrem quartanam abigendam.

Raporum crudorem comestorum in Scorbuto sanando efficaciam experti sunt nostrates, qui primi in Terra nova dicta Americæ insula sedes fixerunt.

Raporum longorum assatorum succus cum saccharo ad tussim infantium usûs est non contemnendus. *Schwenek.*

Rapi orbiculati, sub cinere calente affi infirmis orbiculus calidissimus, post aures applicitus magnâ efficaciam revellit, capitisque & dentium dolores citissime sedat, magno secreto. *Idem.*

Rapum extrinsecus adhibetur in ulceribus crurum &c. optimo successu, ut in mammarum tumoribus, alibique in tumoribus scrophulosis & scorbucis. *D. Needham.*

Desperata tussis orta ab assiduo usu succi limonum tandem curata erat ab usu decocti raporum. *Tulp. Observ. p. 311.*

In aphthis plebs nostra (de Hollandis loquitur) usu & medicorum præceptis edocta, posthabitis omnibus operosioribus & sumptuosioribus medicamentis, tutissime utitur vel solo Raporum jusculo saccharo edulcorato, vel si tempestas anni id negat, solâ cerevisiâ tenui saccharatâ. Quæ duo ubi intemperunt, omnes oris partes alluendo, & in imas fauces descendendo, non modò aphtharum acrimoniam, si quæ sit, placant, sed omnes etiam qualitates excessivas mitigant, atque hoc pacto maturationem perficiunt. *Ketelaer in Commentario medico de Aphthis.* Habui inter alia multa à Cl. viro D. Edw. Hulsio M.D.

Raparum decoctum, tam crudarum, quàm prius assatarum copiosius haustum est laudatum in Ileo: item juscula decoctionis raparum, quæ & leniunt, & blandè simul abstergunt. Ab eodem ex Emmulleri prax. cap. de Ileo.

## CAP. XIV.

## De Napo.

1. *Napus* J. B. *Napus sativa* C. B. *Bunias* Ger. *Nabeu* gentile.

**C**aulis assurgit cubitali & altiore, multis alis concavo: folia parte infima pinnis caulem ramosque amplectuntur pediculis destituta, aut iis membranæis herentia, & inferiora quidem sinuata, superiora non item, in acumen desinunt: [Lobelio folia minus scabra quàm Rapo.] Flores lutei Brassicæ semen quoque simile aliquatenus in siliquis longis; at radix Rapi est, minus tamen in ventrem extuberans, altiusque demissa, sapore carnis compactioris candidæ acrisculo, [suaviore quàm Rapi Longi, cibusque delicatior Lob.] Color radices plerunque candidus, interdum luteus aut croceus.

In hortis seritur. MonsPELLI copiosè prævenit, non tamen sponte, ut puto.

Radices Napi calidiores sunt quàm Rapi, eisdem tamen viribus pollent, ut eadem repetere non sit *Locum.*

Semen potum venenorum vires hebetat, ob id & antidotis admiscetur, ut Theriacæ.

Napi Groelandici vires in Scorbuto ab experimentis deprædicat Th. Bartholinus A& Med. An. 176.

A. 2. *Napus sylvestris* J. B. C. B. *Bunias sive Napus sylvestris nostras* Park. *Bunias sylvestris Lobelii* Ger. *Wild Rabeu*.

Flores, filiquæ, semina sativæ proxima sunt, folia crebrius dissecta laciniatæque, nullis itidem pediculis cauli adnexa. Verùm radix sylvestrem naturam sapit, minor & pollicis articulum parùm superans, turbinata, saporis acris. *J. B.*

Folio ad Brassicas magis accedit quàm ad Rapas; folia autem inferiora quæ à radice exeunt asperiuscula sunt superficie supinâ saltem.

Locus.  
Usus.

Inter segetes & in aggeribus fossarum sponte & quidem frequens oritur apud nos in Anglia.

Semen hujus calfactum, trusatilibusque molis pressum magnam olei vim remittit, quo non ad obsonia modò, sed ad lumina quoque lucernarum utuntur. Aviculas caveis inclusas Cardueles, Miliarias, Fringillas & id genus similes semine hujus apud nos Aucupes alunt. *Ruel.*

Ex hujus semine tuso & presso oleum *Rape-Oil* nostratibus dictum elici censemus, ut superius, quoque innuimus.

\* 3. *Napus sylvestris Cretica* Park. C. B.

C. B. prod.

Folius est ad palmi longitudinem accedentibus, instar foliorum Rapiſtri albi vel Irionis vulgaris, in lacinias octo vel decem divisus, per margines crenatis, asperis: caule albedo, rotundo, ramoſo, subaspero, summitate, (cui flores non insident) aculeatâ: floribus (quos non vidit C. Bauhinus, ut nec radicem) filiquæ angustissimæ, biunciales succedunt, quæ semen exiguum, nigricans continent.

Buniadis agrestis nomine ex Creta ab Honorio Belli accepit C. Bauhinus, à Crætenſibus *μαρτυρά* vocatur.

C A P. XV.

De Sinapi & Rapiſtro.

**S**inum dictum putatur *μαρτυρά* *sinus* *sinus* Quod olfactu oculos lædat, vel quasi *sinus* *sinus*. Atticis enim idem est *sinus* cum *sinus* (Nos potius exoticum esse putamus hoc vocabulum, cujusmodi sunt *sinus* & *sinus* & alia nonnulla similiter terminata. Quod verò Gallis *Mustard* vocatur, ex eo factum videtur, quod cum musto Sinapi ad intinctus conteri soleat. Camerario Mustarda dicta placet quasi mustum ardens, quòd ignea vi semen nares & cerebrum apprehendat, lacrymas excutiendo, nullo asperitimi saporis odore prævio. *J. B.*

Rapiſtrum dicitur ob similitudinem herbæ cum Rapo.

Notæ Sinapeos genericæ sunt sapor foliorum, sed præcipuè feminum, fervidus & acerrimus; folia tam quæ in caulibus, quàm quæ ad radicem aspera.

In hoc genere species illa elatior, filiquis quadratis, brevibus cauli appressis, semine minore & acriore propriè Sinapi dicitur: Humiliores filiquis teretiusculis majoribus à caule extantibus, semine majore, at minùs acri, Rapiſtra appellantur.

A. 1. *Rapiſtrum arvorum* Ger. Park. flore luteo C. B. J. B. *Charlock* or wild *Mustard*.

Tanta Rapiſtri lutei, ubi adolevit, cum Sinapi affinitas, ut obiter intuentem fallat. Radix alba, lignosa: Caulis cubitalis & sesquicubitalis, in ramos crebros divisus: Folia Rapiſtia, non tamen in tot laciniis utrinque divisa, extremâ etiam parte latâ & oblongâ; attrita non acri illo Sinapeos odore nares feriunt, sed oleraceo penitus; Flos luteus, minimè diversus: At in filiquis longè maximum discrimen; siquidem ex in Rapiſtro duplo longiores quàm in Sinapi, nec ut illæ quadrangulæ, compressæ, sed multangulæ & turgidulæ, brevibus pediculis insidentes nec à caule multum extantes: quibus dehiscentibus semina comparent, similiter membranulæ mediæ adhaerentia, sed numero plura, eaque lucida & nigra, cum Sinapeos sint ruffa, nec ullo nitore perpolita, minoræque, quibustamen acrimoniâ parùm admodum cedunt.

Locus.

Inter segetes copiosum nimis.

A. 2. *Sinapi filiqua hirsuta, semine albo vel ruffo* J. B. *Sinapi album* Ger. *Apis folio sive album* C. B. at folia *Apis* non habet hoc genus, sed Rapiſtra *White Mustard*.

Hujus radix simplex est, alba, lignosa, [digitali crassitudine, longitudine palmari & sesquipalmari, multas, longas è lateribus fibras obliquas emittens. *J. B.*] Caulis cubitalis aut sesquicubitalis & altior interdum, ramoſus, hirsutus, inanis [J. Bauhino duos aut tres cubitos altus, crassitudine pollicari: verùm in nostris agris eam staturam & magnitudinem non assequitur, sæpius infra cubitum subsistit.] Folia Rapæ, profunde sinuata seu laciniata, præsertim inferiora, pilis spinulifve supra infraque donata. Flores lutei, Rapiſtri vulgaris, præterquam quòd longioribus pediculis infideant, suaveolentes: quibus succedunt Siliquæ à caule extantes, hirsutæ, & feminibus protuberantibus quodammodo nodosæ,



le, in latum tenuem & oblongum mucronem desinentes, qui excidentibus duabus siliquæ partibus remanet appensus cum interjecta membranâ lucidâ *semina* separante tria vel quatuor hinc inde, quàm Rapiſtri majora, alba, rotunda, quàm Sinapeos minùs acria.

Quod in agris nostris abundat, & frumentorum viciū est, semen habet rufsum, & plena maturitate fulcum, aliter non differre videtur à descrito.

A. 3. *Sinapi sativum* 2. Ger. emac. descrip. *Sinapi siliquâ latiusculâ glabrâ, semine ruffo sive vulgare* J. B. **Common Mustard.**

J. B.

Ad cubitos aliquot excreſcit, *caule* imâ parte hirsuto, superiore glabro, frequentibus ramis brachiato [in eo omnium hujus generis nobis cognitorum altissimo & ramosissimo] eoque tereti & fungosâ medullâ pleno. *Folia* inferiora quidem lata, dissecta tamen, Rapiſti ſimilia, hirsuta, superiora verò tenuiora & glabra, [hoc est, minus aspera quàm inferiora] odore si terantur eodem qui in semine percipi solet. *Florēs* Erucæ minores, & Rapiſtri lutei, ex quatuor foliolis apicibusque medium occupantibus compositi, quos quatuor foliola, pallido herbaceo colore prædita obvallant, odore suavi. Hos excipiunt *siliquæ* glabræ, satis breves, Erucæ majoris ſimiles, sed minores, ex brevi pediculo, quæ commissuræ ratione, ut in illa, dehiscunt, *semina* claudentes plus minus octo, cum in Erucâ multò sint plura, colore minùs obscuro & paulò majora; in hoc à Rapiſtri feminibus differentia quòd ruffa sint, nec lucida, cum illa nigra sint & nitida. *Radix* candida, lignosâ, fragilis, fibrata.

[*Sinapi Rapi folio* C. B. *sativum* Ger. *sativum* Rapi folio Park. pro *Sinapi* vulgari accipitur, verum malè ab Autoribus describitur, ut descriptiones eorum cum nostra conferenti patebit.]

Annotat J. Bauhinus ad hanc plantam, Nullum, quod noverit, botanicum bonam iconem exhibuisse Sinapeos de quo hic agitur, vixque ab aliquo ritè descriptam videri. Et revera mira est inter Botanicos confusio & obscuritas in historia hujus generis.

Thomas Johnsonus omnium optimè, quamvis breviter & succinctè *Sinapi* hoc vulgare, nostratibus *Mustard* dictum descripsit, in suo Gerardo emaculato. *Sinapi* nostrum vulgare (inquit) *folia* habet Rapaceæ: *Caulem* teretem, superius glabrum, tres, quatuor, vel quinque cubitos altum, in multos ramos divisum, *foliis* angustis, oblongis, deorsum dependentibus, superiore præsertim parte vestitis: *Siliquæ* breves sunt, cauli appressæ & ferè quadrangulæ: *Semen* rufsum, aut ex ruffo nigricans.

*Siliquas* quadrangulas esse & cauli appressas, miror J. Bauhinum in descriptione omisſisse: cum in Rapiſtri vulg. arborum illius meminerit.

C. Bauhinus, annotante fratre, hic omnia turbare videtur, & Entia præter necessitatem multiplicare.

In hortis & areis, inque fossarum aggeribus, & terra recens effossa spontè & copiosissimè exit. *Locus.* Seminis Sinapeos pro condimento ulus est frequentissimus. Nostri (inquit J. Bauhinus) musteum *Vires.*

semen nocte macerant aquâ, deinde manibus expressum adjecto aceto pilâ terunt. In variis modis condimentum hoc præparant. Quidam Semen Sinapeos ad ignem exsiccant, deinde in mortario tundunt, tustum per setaceum trajiciunt; & farinam cum aceto probe permiscunt ad Electuarii prope modum consistentiam. Alii in mola ad id parata cum Agresta unâ conterunt. Confectio hæc Mustarda tam Anglis quàm Gallis dicitur, quòd cum musto Sinapi ad intinctus conteri solet. Camerario Mustarda dicta placet quasi Mustum ardens, quòd ignea vi semen nares & cerebrum apprehendat, lacrymas excutiendo, nullo asperrimi saporis odore prævio, ut superius monuimus.

Nihil hodiè Mustardâ ad intinctus ubique, hyeme præsertim, frequentius: nihil magis pulas commendare videtur. Quòd si vel assidua consuetudine, vel esu gratia ciborum exoleſcit, hujus acrimoniâ fastidiosus gustum revocant, & hoc velut irritamento elanguescentem appetentiam invitant, quo velut igniculo morosius palatum titillante, vorandi moliuntur aviditatem. J. B. Sed hujus vis confectum in sublime fertur, nec aliud magis in nares & cerebrum penetrat, unde sternutamentum ciet, & sensum vellicans lacrymas elicit. Hinc Comitialibus auxiliatur, & uteri strangulatu oppressos excitat, quin & Lethargicus somnolentiam excutit, & omnibus in genere morbis cephalicis auxiliatur, paralyticis & apoplecticis, vel naribus inditum, vel in sinapismis adhibitum.

Multas præterea vires Sinapi tribuunt Medici & Botanici tum Veteres, tum recentiores, mentes & urinam ciendi, Venæ em irritandi, accessus febriles arcendi, catarrhos minuendi, raucedinem curandi, pituitam expectorandi, alvum molliendi, tumores discutiendi.

Inter hæc est vis rubificandi, hoc est, cutim in ruborem attollendi, quod fit per phœnigmos aut sinapismos, inde dictos quòd materia eorum sit Sinapi. Hoc fit ideò ut humores in profundo habitus latentes ad superficiem trahantur; quod vocabant Methodici *αποσυρίπνιν*, & medicamenta inde *αποσυρίπνιν* C. Hofman.

Sinapi insigniter conducit iis quibus ventriculus ac intestina multis viscidis lentisque humoribus scatent, quos liquefacit, fundit, atque abstergit, quâ ratione quoque Scorbuticis commendandum, cuius quidem nimia acrimonia aceto temperanda, nè nimis nares feriat. Qui edulcorant saccharo valitudini minùs consulunt, quippe Saccharum figit ejus acrimoniam, quâ Scorbuto resistit. Simon Paulus.

Semen Sinapeos in mortario tritum & cum vino albo mixtum, multas centurias Scorbuticorum & languentium hominum in obsidione Rupellensi sanitati restituit. Plerique enim obsessorum & urbe inclusorum fame & inedia pressi, multa sordida & quæ natura abhorret esitare coacti, respirandi difficultatem, gingivarum putredinem, dentium nigritiem & vacillationem, aliâque Scorbuti symptomata contraxerant, unde multi moriebantur, donec tandem Sinapi in fossis circa urbem copiose inventum, & quo dictum est modo adhibitum omnes liberavit. Ex relatione D. Meruault, qui toto obsidionis tempore in urbe manebat. Communicavit D. Tancredus Robinson.

Sinapi

Sinapi cum vino calido magna quantitate potum curat febrem quartanam si exhibeatur duabus horis ante paroxysmum. D. Palmer ex relatione D. Hermannii.

Dantiscanus quidam valde pronus ad Vertiginem & Apoplexiam consilio Medicorum solebat semen Sinapeos ad preservationem masticare. Cum vero propter senium ulterius id facere non posset, in pollinem redactum assumebat ore volutando. Tandem cum ne hoc quidem modo eodem frui posset, in linteolo ligatum olfaciebat. Hoc autem efficiebat, ut diutissime vivens, ab his malis omnino immunis degeret. D. Soame ex Observat. Hieron. Reusneri à Velschio editis.

4. *Eruca Monspelica echinata siliqua quadrangula* C. B. *Monspelica siliqua quadrangula* Park. *Sinapi echinatum* J. B. Lugd.

C. B. prod.

Ex radice semipalmari, crassiuscula, leviter fibrata, albicante caules ad exortum purpurascens, terni quaternive pedales, aliquando cubitales [J. Bauhino sesquicubitales] teretes, striati, pilis rubris hirsuti, in ramos brachiat exurgunt. Folia ad radicem humi sparsa, pauca, oblonga, angusta, sinuata, hirsutie aspera, bina ternave simul juncta; in caulibus, praesertim siliquis onustis, penè nulla, oblonga, leviter sinuata. Flosculis est luteis; quibus siliquae succedunt brevissimae, trientem pollicis vix aequantes, quadrangulae in apicem acutum rigidumque desinentes, laeves, oblongo pediculo insidentes, per maturitatem durissimae, quarum qualibet latera quatuor habet, quae ad formam alarum Percae piscis elevatae in medio sinum ostendunt. His per longum dissectis utrinque duae capsulae distinctae conspiciuntur, in quarum qualibet semen unicum, rufum, cochleae instar convolutum, acuminatum & acre continetur.

Locus.

Floret in segetibus circa Monspelium Martio, Aprili & Septembri mensibus; Nobis conspecta est inter segetes non longè à Luca Italiae urbe, secus viam qua inde Pisas itur.

Hac planta in suo genere singularis est, & à reliquorum Rapistrorum analogia florum & siliquarum respectu abscedit, ut nesciam planè quò eam referam. Foliis quoque ab hujus generis reliquis differt; ima enim & à radice exeuntia longissima sunt, angusta, utrinque ad mediam usque costam incisa, Cichorei sylvestris foliorum modo, in triangularia nimirum segmenta quorum basis costae adnascitur; bina autem adversa sibi mutuo occurrunt & coaptantur, & figuram rhomboidem efficiunt. Potest fortè non incommode ad Erucam referri.

## C A P. XVI.

### De Raphano.

**P**araphras. *And rā pā i. e. pānos pāvidus*, auctore Athenaeo, i. e. quòd facile appareat, sibi nomen ascribit: nam tertio à fatu die prosilit, & revera nullam hactenus plantam novimus, quae citius è semine germinat.

Radici nomen, ut autor est Varro, è Græcia venit in Latinum, cum veteres Græci radicem dixerint, quam nunc Rhaphanum. A Radice autem nomen Anglicum *Radish* deducitur, non à colore hujus radici rubro, ut nonnulli perperam imaginantur, quoniam corruptè *Reddish* pronunciat & scribitur, quasi rubida aut subrubra.

Hujus notæ sunt siliquae crassae, fungosae, membranâ non interceptae, at neque manifestè bivalves, in nonnullis speciebus articulatae seu nodosae.

1. *Raphanus J. B. sativus* Ger. *vulgaris* Park. *Raph. major orbicularis vel rotundus* C. B. *item minor oblongus* ejusdem. *Radish*.

J. B.

Folia proximè ad Rapi folia accedunt, sic ut facile versatissimis imponere possint; paullo tamen magis sunt sinuosa: cetera etiam minus conveniunt, Raphano enim flos purpurascens, apicibus luteis: Siliquae crassiores, breves, fungosae, in loculos tuberosos convallibus interceptos, [minus manifestos] distinctae, acuminatae; in quarum spongiosae substantiae meditullio latent semina simplici serie, subrotunda, rubra, quam Brassicae aut Sinapeos cujuscumque majora. Radix crassa & carnosae, longa, magnitudine varia exteriore cortice, praesertim parte quae extra terram eminet rubro, rarius albo, gustu acri & mordaci. Recto vix surgit caule, cubitum unum aut alterum alto, valde ramoso.

Raphani praeter vulgarem jam descriptum tres aut quatuor sunt varietates, nimirum,

1. *Raphanus niger* C. B. *niger rotundior radice* Park. *pyriformis, sive radice nigra* Ger. *Black Radish*.

Foliis, caulibus, floribus, siliquis & semine à vulgari Raphano non multum differt. [Parkinsonius folia ei minora attribuit & profundius laciniata, flores & semina minora] praecipua differentia est in radice, quae foris nigra est, seu cortice nigricante recta, intus alba, crassa, figurâ Rapi, aut potius Pyri turbinata, substantia duriore & firmiore quam vulgari Raphani, nihilo tamen minus acri & mordaci.

Hujus semen satum Raphanos dedit quorum nonnulli nigricabant, maxima tamen pars foris cortice albo integebatur. Park.



2. *Raphanus orbiculatus* Ger. *orbicularis* vel *rotundus* C. B.

3. *Raphanus minor præcox* Park. parad. *Radicula sativa minor* Ger. *Raphanus minor oblongus* C. B.

Raphani radix culinaris potissimum est, rarioris in medicina usus: ex iis quibus assidue vescimur (inquit Galenus) & obsonium potius est quam medicamentum. Acrem & calidam esse saporem evincit; unde nos iis potius assentimur qui vim roborandi ventriculum concoctionemque promovendi ei attribuunt, quam Galeno aliisque contrarium asserentibus, ob eam maximè (ut puto) rationem quia rictus movet; unde cibus illiberalis Plinio dictus est.

Utilis esse putatur ad calculos atterendos, urinæque & menses ciendos: ad tussim prodest cum melle. Salutaris esse traditur adversus fungorum & Hyoscyami venena. Elixir si fumatur valè ad eos qui tussi diuturna infestantur, quique crassiores succos in pectore cumulant, autore Dioscoride: cui libenter assentior, nam Raphani cocti (ut rectè Plinius) dulcescunt & in Naporum vicem transeunt. In tussi & asthma infantium succum Raphani cum saccharo paratum per vices exhibendum præscribit Dolæus Lib. 5. C. 4. S. 18.

Raphanus domesticus esculentus (ait Fernelius) sine offensione ulla vomitione purgat, atque ventriculum blandè exinanit. nulli ætati, neque prægnantibus insensus. Teruntur autem radices ejus concisæ uncia duæ, affusæque mullâ succus exprimitur tepidus offerendus. Seminis [quod efficacius est] semuncia vel 3ij. similiter teruntur, addita mullâ aut sero lactis, aut aquâ hordei.

Radicem cum sale tritam in malignis febribus sub pedibus ligari testatur Schwenckfeldius.

Aqua Raphani per triginta dies manè ac vespèri pota singulis vicibus tribus aut quatuor uncis medetur calculo, facitque ad aquam intercutem.

Non temnendus est Raphani usus adversus pedum clavos, quippe qui detrescente Luna post pedum lotionem eò usque rasi ut doleant quidem sed non cruententur, plerunque evanescent si cubitum iturorum clavis corticis Raphani id latius aut ea pars applicetur quæ à Raphano refecatur laucia.

Qui plura de Raphani viribus velit J. Bauhini historiam adeat.

Ad calculum, R. Succ. radic. Raphani 3iv. Mel. 3ß. F. potio, tribus vel quatuor matutinis iteranda. Valdè probatum remedium. *Liber Arcanorum*. Vel R. Radic. Raphani in taleolas incisæ q. f. Mellis quantum necesse est ut lento igne coquantur. Effluet inde aqua, quæ ad 3iv. data mirabilem præstat effectum. *Chester*. Has duas formulas inter alias multas à se ex variis auctoribus collectas ad me transiit ingeniosissimus & eruditiss. Vir D. Edw. Huslin, M.D. vetus Amicus noster: item sequentem ad nephriticos affectus.

R. cortic. acerr. Raphani 3j. ossum Mespidiorum 3ij. Blandè conquassat. infund. horas octo in Vini albi 3iv. & modicè calens propinetur. Est secretum quod vocant raphaninum. Ex Corbei pharmacina, Autore Antonio Mizaldo multis probatum experimentis.

A. 2. *Rapistrum album articulatum* Park. flore albo, siliquâ articulata C. B. flore albo striato,

*Sinapi album agreste* Trago J. B. *White-flowered Charlock with a jointed God.*

*Raphanus sylvestris* Ger.

*Eradice* alba, lignosa, alias simplici, alias multifida caulis emergit pedalis & major, à radice statim ramifera, & spinulis rigidioribus asper. *Folia* utrinque hirsuta sunt, laciniata, præsertim inferiora, & propè exortum, nam eorum extrema lata sunt & integra, colore ad glaucum nonnihil tendente. *Flores* albi, Eruce majoris aut Leucoii lutei similes & calice rubente exeunt [non enim in hoc genere, ut in Sinapi & reliquis Rapistris quamprimum flos aperitur dehiscunt calices] striis osculeis variegati. *Siliquæ* succedunt pediculis longiusculis hirsutis insidentes, glabræ, oblongæ [longitudine digitali J. B.] nodis instar eandè scorpionis distinctæ, sex interdum aut octo, in quibus pro nodorum numero semina magna, rufa.

Inter segetes passim & copiosè reperitur.

Locus.

*Rapistrum flore luteo, siliquâ, glabrâ, articulata.*

Floris præcipuè colore à descriptâ differt, nec minus frequens inter segetes reperitur.

\* 3. *Alfina nodosa* Dalechampii J. B. *Alfina nodosa Gallica* C. B. Lugd.

Lugd.

*Radice* constat simplici, longa, parùm capillata, ex candido flavescens: *Foliis* propè terram multis, ex eadem radice ortis, & in orbem radice caput cingentibus, longiusculis, angustis, Alfines [Androsaces Matthioli Moris.] haud multum dissimilibus: *caulibus* multis, pedibus aut minoribus longioribusve pro ratione foli: *flore* albo, non tamèn quinque ut perperam Lugdun. sed quatuor petalis composito: semine in nodosis, striatisque globulis, multis sepe ordine consequentibus & quasi vericulâ transfixis, siliquam parvam, uncialem componentibus. In singulis nodis seu globulis striatis singula continentur semina rotunda, rufa.

In agro Mompeliensi plurima gignitur. Nescio (inquit D. Magnol) ubi tantam viderit copiam circa Mompelum cum nullus alius Botanicus (quamvis sedula adhibita perquisitione) eam adhuc invenire potuerit. Verendum ne parum hanc plantam perspexerit Lugdunensis historiarum autor. Forte non aliam viderit quam Rapistrum album vulg.

Locus.

\* 4. *Raphanistrum filiquâ articulata, striatâ maximâ* Morif.

Non differt à Rapistro albo vulgari, nisi magnitudine florum & filiquarum propius ad Raphani fativi vulg. filiquas accedentium spongiosâ suâ substantiâ. Semina in articulis seu nodis contenta major.

\* 5. *Eruca palustris major flore albo* J. B. *Eruca palustris major* Tab.

Radice nititur crassa, lignosa, aspera: cauliculis donatâ pluribus, magnis, rotundis mediocriter altis: quibus insident flores multi, exigui, candidi. His decedentibus succedunt *filiquæ* oblongæ, tenues, semen acris saporis includentes: Folia ejus magna, profunde serrata, acuminata.

C. Bauhinus Erucam palustrem majorem Tab. Sinapeos sui 2. Apud folio seu albi synonymam facit. Verum si intelligit Sinapi semine albo descriptio *Eruca pal.* majoris ei nequaquam convenit, cum *Eruca pal.* florem habeat album, Sinapi verò illud luteum: & Sinapeos albi filiquæ non tenues sint & oblongæ, sed crassæ satis & nodosæ. Verum in Sinapeos speciebus, earumque synonymis ordinandis admodum confusus est & obscurus C. Bauhinus: nec mirum cum apud Botanicos omnes qui ante eum scripserunt Sinapeos species breviter, imperfectè & obscurè descriptæ sunt, nec bene à se invicem distinctæ: ut difficillimum sit, nè dicam impossibile, decernere quas plantas describant, aut intellectas vellent, imò nè ipsos satis scivisse arbitror. Consule J. Bauhinum in historia Sinapeos albi.

## CAP. XVII.

De *Eruca*.

**E**ruca *Eruca*, eò dicitur quia erodit: nam si gustaveris os & linguam satis acriter vellicabit. Aliis ab urendo, quasi *Uruca*, u in e verso, quòd ignea sit virtutis, & in cibo sumpta Veneris incendium moveat.

Hujus notæ sunt folia laciniata, glabra, filiquæ angulosæ, odor foetidus.

1. *Eruca major sativa, annua, flore albo, striato* J. B. *Er. sativa* Ger. *latifolia alba sativa* Dioscoridis C. B. *sativa alba* Park. *Garden Rocket*.

Albâ, lignosâ, tenui radice est donata, sapore acri: caules subhirsuti, cubitales & sesquicubitales: folia Sinapi albi, minora, tenera, glabra, ejusdem cum radice saporis: flores è coeruleo [potius è luteo] albidis, striis nigricantibus picti, ex calycibus hirsuti: Siliquæ ex brevibus pediculis glabræ, quales in Sinapi filiquæ glabræ, sed longiores, à lateribus se aperientes: per membranam distinctæ cui adherent multa semina flava, majora quàm Sinapi jam dicto, minùsque rotunda. Odor hujus plantæ validus & ingratus nè dicam foetidus, nec minùs sapor, quanvis Itali eo delectentur, & acetariis gustûs gratiâ Erucam perpetuò admiscunt: fortè tamen viribus potius quàm sapore se illis commendat initio, & postea usu frequenti palato etiam se conciliat.

Vires.

*Eruca* (ut rectè Plinius) diversè est à *Lactuca* naturæ, conciliatrix Veneris, idcirco jungunt illi ferè in cibis, ut nimio frigori par fervor immixtus temperamentum æquet. Itali etiam nunc dierum Acetarii *Eruce* tantillum admiscunt, ejusque gustu mirificè delectantur.

*Eruca* non Medicorum tantum, sed & Poetarum testimonio stimulanðæ Veneri nata videtur.

Martialis,

*Et Venerem revocans Eruca morantem.*

Columella,

*Excitat ad Venerem tardos Eruca maritos.*

Ovidius,

*Nec minus Erucas jubeo vitare salaces.*

Folia (ut auctor est Matthiolus) decoquunt, additoque saccharo tussientibus pueris propinant. Semen contusum, ex vino posum lumbricos interimit, tumentem lienem minuit. Folia contusa palpebris imposita visum acunt. Semen cum melle mistum maculas omnes & navos faciei illiti tollit, efficacius verò addito felle vaccino aut bovino. Ossium fragmenta extrahit radix in aqua decoctâ; & imposita *Ego præfero folia radici, quicquid scribit Matthiolus* J. B. At Matthiolus hoc & pleraque alia è Plinio transtulit.

Sunt qui pro certo (inquit Camerar.) affirmant, multos sese annos ab Apoplexia & ejusmodi affectibus immunos perstitisse pulvere ex *Eruce* & Cymini partibus æqualibus.



2. *Rapistrum flore albo lineis nigris depicto* C. B. *album, nigris lineis* Park. *Lampfana Apula* Plinii & Dioscoridis. An *Eruca Romana* seu *gentilis siliqua angustâ, folio lato* J. B? Idem videtur *Rapistro flore albo, articulata siliqua*.

*Coh.*

Folius, caule ac flore *Erucae sativæ* adeo similis est, ut primo aspectu florida quemlibet falleret: differt foliorum duritie, atque nervorum asperitate inferna parte & caulis. Radice est candida, crassa, longa, sylvestris Raphani modo, acrique sapore. Folia emittit in terra jacentia, dura, virentia, parum hirsuta, nervis aspera, magnitudine & divisurâ *Erucae sativæ*, sapore oleraceo. Caules edit plures, bipedales ferè, alis divisos, sed summa alarum folia circa flores oblonga sunt Raphani modo, non ut in *Eruca* utrinque incisa, & in hoc ab illa etiam differt. Flores in summo albi, nigris lineis depicti *Erucae sativæ* modo, magnitudine atque positu adsimiles: siliquis verò postmodum ab illa differt, quas non *Erucae* modo breves & ventriosas, sed longas & tenues profert.

Floret Martio & Aprili, atque Maio perficitur: margines aggeresque viarum atque agri Cirinolæ hanc fundunt. Tempus & Locus.

Foliorum sapor magis herbaceus quàm acris, unde indigenæ is vescuntur, *Lampfanam* etiam appellantes.

3. *Eruca Chalepensis caulibus & siliquis hirsutis, foliis inferioribus maculatis* Morif.

Hæc caules protrudit cubitales & sesquicubitales, in multos ramos brachiatos, hirsutos, quorum summis fastigiis innascuntur flores satis ampli, albi, striis nigris picti. Folia per terram strata maculis insigniuntur nigris. Floribus deciduis succedunt siliquæ curvæ, quadrangulares, hirsutæ: quibus notis ab *Eruca sativa* vulgari satis distinguitur.

Hujus semina Chalepo transmisit ad descriptionis autorem D. Robertus Huntington.

- A. 4. *Eruca sylvestris* Ger. Dod. *sylvestris vulgatio* Park. *major lutea, caule aspero* C. B. *tenuifolia perennis flore luteo* J. B. Wild Rocket.

*J. B.*

Radice hæret albâ, crassâ, satis longa, ex qua multi prodeunt caules, crebris alis concavi, striati, parum hirsuti. Folia crebris incisuris Dentis leonis, aut argutioribus Hieracii minoris divisa, alias Nasturtii, cujus etiam folia colore atrovirente & glabro imitantur, sapore fervido sativæ; cujus & flores, sed colore præditos luteo, serie simili dispositos gerit odoratos; siliquis succedentibus longis, angulosis, erectis, seminibus Sinapis sylvestris similibus, acris & amariusculis repletis. Odor totius plantæ fetidus & ingratus, nostris saltem naribus.

Circa muros, inque ipsis muris & rudibus multis in locis observavimus, v.g. Cestriæ, Tarmuthi, Tauntoni, Lichfeldia, &c.

5. *Eruca sylvestris angustifolia, flore luteo* J. B. *sylv. angustifolia* Lob. Ger. Park. *angustifolia Aufriaca* C. B. Parrot-leaved wild Rocket.

*Lob.*

Promit inflexis cubitalibus cauliculis flores luteos *Erucae sylv.* Cornicula siliquarum Sinapi sunt aut Nasturtii sylv. ubi semen acre, uti folia angustiora, *Erucae sylvestris* concoloria, sed minimè divisa, Tarraconis ferè paria, quibus idcirco affinis naturâ putatur.

Si à præcedente diversa sit nobis incognita est.

6. *Eruca Bellidis folio* Morif.

Caules edit pedales & altiores aliquando; in quorum cymis proveniunt flosculi lutei, tetrapetali, *Erucae sylvestris* foetida floribus magnitudine pares; quibus succedunt siliquæ spicatum quasi digestæ longiores & crassiores siliquis *Erucae sylvestris* foetida. Deinde hujus caules non sunt ut illius recti sed reflexi. Hisce notis distinguitur ab *Eruca sylvestri* foetida, sed præcipuè foliis adeo Bellidis majoris similibus; ut si quis ea cerneret per terram in orbem strata circa radices caput antequam planta excaulescat & floreat, audacter assereret esse Bellidis majoris speciem, ni gustum in opem advocet.

## CAP. XVIII.

## De Erucis spurii.

**H**is folia, ut reliquis, laciniata sunt, verum flores minores, siliquæ breves at strictiores quam in genuinis Erucis.

\* 1. *Eruca Alpina radice serpente* Zonari.

## Zanon.

Ex radice crassa, fibris scatente multa profiliunt folia, supernè obscurè viridia, infernè subalbida, undique lucida, carnosa, crassa, multum sinuata: ex quorum medio proveniunt plures caules, fractu faciles, versus terram cortice albicante tecti, qui sursum versus virescunt: Ex horum singulis geniculis, (qui sunt satis frequentes) præcipue in inferiore parte versus terram, singula exeunt folia, cæteris per terram stratis similia sed minora, minusque incisa, atque per singula genicula alternatim disposita, cauli duabus auriculis foliosis adhaerentia. Ex alis inter caulem & folia exiliunt interdum quaterna aut quina foliola, unciali pediculo innixa, paulò cæteris minutius incisa, imò quasi crispata, concurrentia in unum & idem centrum, pediculi scilicet summitatem; atque in caulium cymis nascuntur plurimi flosculi albi, quorum singula petala in extremo sunt bifida, cum staminibus multis, tenuibus, luteis in medio. Floribus evanescentibus succedunt siliquæ seminibus flavis repletæ.

Locum.

Provenit in montibus saxosis territorii Bononiensis & Mutinensis, præcipue in monte Cimone inter saxa.

Hanc plantam rectius fortè ad Erysimum retuleris.

\* 2. *Eruca Monspeliensis siliqua aspera*. *Sinapi Monspessulanum siliquâ asperâ hirsutâ* J. B.

## J. B.

Statim è radice lignosa folia exeunt frequentia, similia ferè Erucæ minoris foliis, acria, interque hæc caules aliquot palmares aut etiam cubitales, in ramulos aliquot divisi, floribus Sinapis luteis, parvis. Decidentibus siliquæ succedunt crebræ, unciam longæ, teretes, asperæ, alique secundum caules ramosque ascendentes, alie longè ab iis abscedentes, & veluti rectà foras protensæ, semen claudentes minutissimum saturatè rufum.

Locum.

Autumno invenit autor inter Monspelium & montem Esperon: Cherlerus in udibus fossis inter Monspelium & thermas Ballerucanas: D. Magnol inter Lateram & Perauls in humidis.

A. 3. *Eruca aquatica* Ger. emac. Park. *Eruca quibusdam sylvestris repens flosculo parvulo luteo* J. B. *Eruca sylvestris minor, luteo parvæque flore* C. B. *Sium alterum aquaticum luteum, vel Cardamine tenuifolia montana* Col.

## J. B.

Spithamam unam aut duas altos habet caules, striatos, modicè pertusos, interdum rubentes: quibus folia adnascuntur Nasturtio vel Erucæ paria, consimilitèrque crebris divisuris incisa, latiora in inferioribus partibus, gustu oleraceo, colore atrovirente. Flores parvi, lutei, quadrifolii, acri sapore; quibus succedunt siliquæ cylindræ, breviores quam in Eruca, longiores quam in Radicula sylvestris. Dod. cum qua magnam habet affinitatem, semen continentes minutum. Radix insigniter repens albet, sapore magis ignavo quam Raphanus.

His adde foliorum lobos per oras dentatos esse ut rectè annotat Columna, quod florum calices unà cum floribus ipsis dehiscant, ut in Rapistro vulgari: quod siliquæ pediculis modicè longis & à caule extantibus insident, quod siliquæ ipsæ nonnihil sursum recurvæ sunt.

Locum.

Ad fluvios & fossas, inque alveis torrentum siccatis saxosis oritur, & Junio mense floret.

Cùm C. Bauhinus Sium alterum aquaticum luteum &c. Col. ab hac planta separet, & speciem distinctam faciat, Columnæ descriptionem subjiciemus:

In excelsis montium planis inter Marerii Comitatus Aequicolum fines & Tornempans quoddam torrentis alveo saxoso, æstate siccato, Septembri mense hanc invenimus inter saxa repentem, cauliculis per genicula aquaticarum more multis capillamentis hærentibus villosis; foliis utrinque longis petiolis in lobos divisus ut in vulgari Crescione [Nasturtio aquatico vulgari] sed amplius per oras dentatis, minoribus & angustioribus; ex quorum sinibus alæ exeunt in summo, densis botribus, parvis admodum onustæ, qui in luteos flores parvos dehiscunt, iisque defluentibus locum occupant siliquæ tenuiores, vulgari eodem modo dispositæ, in quibus semen extuberat minutum præ maturitate hiantè siliqua deciduum. Parum acris gustu est, colore flavicante.

Templis.

Aprili floret, Maio caulescit, & perficitur Junio.

Hæc descriptio melius convenit Erucæ nostræ aquaticæ quam Bauhiniana, ut non dubitem eam esse quam describit Columna.

In secunda & nupera editione pinacis C. B. Eruca palustris minor Tab. sylv. fœtida Gesn. col. separatur ab Eruca sylvestri Fuchsi Tur. Lugd. Erysimum verum Lugd. & sub titulo Erucæ palustris & Nasturtii folio, siliquâ oblongâ proponitur.

\* 4. *Rapha*.



\* 4. *Raphanus minimus repens luteus foliis tenuiter divisis.* Morif.

*Radice* edit longè latèque repentem Raphani rustici modo, quin & uda humidàque amat loca. *Folia* gerit tenuiter divisa, Nasturtii hortensis in morem: *flores* luteos, amplos satis pro tenuitate plantæ, *caulibus* vix palmaribus aut sesquipalmaribus innixos; post quos deciduos sequuntur *siliqua* curtæ, vix semunciales, terna, quaterna *semina* acria, mordacia in se continentes.

Q. quomodo differat hæc planta ab *ErUCA aquatica* Ger.

\* 5. *ErUCA sylvestris minor Bursa pastoris folio* C. B. Park. Prod. *pumila Sicula Bursa pastoris folio* Bocconi.

C. Bauhinus in Prod. sic eam describit: *Ex radice* crassiuscula *cauliculis* palmo altior, subasper, brebus alis brachiatus exurgit. *Folia* ad radicem sparsa, sesquiunciam longa, Bursa pastoris mediæ modo laciniata, subaspera, in caule nulla, nisi quæ alis, & vix quidem laciniata subiciuntur. *Flores* subaurei satis magni, longis pediculis insidentes, quibus siliquæ breves succedunt. Monspelii passim in vineis reperitur Æstate & Autumno florens. B. M. Paul Boccone *Erucæ* suæ *pumilæ Siculæ* &c. caules numerosos, reclinatorum tribuit, siliquas mediocriter longas, quæ (quod præcipuè notabile est) semen maturum tactæ diffiliendo evibrant.

Exit ineunte Maio inter saxa oppidi Montaperti, non procul Agrigento: in agris etiam Lutetia vicinis frequens reperitur, ubi Novembri mense vix unciam caulis excedit.

*ErUCA* minimo flore Monspelienfis J. B. ab hac diversa videtur, quam se Monspelii florentem observasse ait circa æstatem in quibusdam muris: foliis quippe accedebat ad *Erucam* luteam sylvestrem: *flores* habuit minimos luteos: siliquas unciam longas.

*ErUCA* Monensis laciniata lutea qu. an ab hac differat.

\* 6. *Sinapi aquaticum Patavinum* J. B.

J. B.

*Folia* huic minutim dissecta divisurâ Chondrilla à Matthiolo exhibitæ; quæ autem juxta radicem sunt latiora minúsque dissecta existunt, per segmentorum oras serrata: *radices* parvi ferè digiti crassitudine; sesquipalmum longæ, teneræ, albæ, paucis fibris donatæ, sapore acri & amaro.

Patavi observavit J. Bauhinus ad Portam Livianam in aqua & juxta aquam, mense Februario.

Cum radícula sylv. Dod. aliquid similitudinis habere videtur, potissimum quod folia inferiora attinet, non tamen eadem est.

Ex brevi hac & imperfecta descriptione ad quod genus pertineat hæc planta expiscari nequimus.

\* 7. *ErUCA sylvestris minor incana* C. B. Park.

C. B. prod.

Ex radice *cauliculi* læves, virentes, quatuor, sex, & octo unciarum, in plures alas unciales divisi prodeunt. *Folia* ad radicem plura, biuncialia, tenuissimè laciniata, quæ etiam cauliculos alternatum cingunt, omnia incana sunt. *Flosculi* plurimi, pallidè lutei, quibus strictissimæ & breves *siliquæ* succedunt.

Monspelio allatum habuit C. Bauhinus: verum D. Magnol eam ibi non invenit.

A. 8. *Barbarea* J. B. Ger. *flore simplicis* Park. *ErUCA lutea latifolia* sive *Barbarea* C. B. *Nasturtium hybernum* Thal. *Winter-cress* Ger.

*Radice* albâ donata est, crassâ & oblongâ, perenni, sapore aciore. *Caules* cubitales, striati, firmi, medullâ farcti, multis alis concavi, in quibus *folia* Raphani minora, laciniâ extremâ Nasturtii folium extremum æmulante, atro virore splendens, sapore minùs vegeto quàm radix. Ex alis foliorum versùs summos caules ramuli creberrimi exeunt, in quibus, ut & in summo caule, *flores* in spicas longas excurrentes parvi, lutei, tetrapetali, quibus succedunt *siliquæ* tenues, teretes, unciam circiter longæ, caulibus appressæ in quibus *semen* exiguum & colore rufum. Tota planta glabra est. *Flosculi* pediculis brevibus insident.

In muris & aggeribus fossarum juxta rivulos & aquas fluentes, non rarò etiam in campestribus cultis, Maio & Junio mensibus floret.

Datur & hujus alia species distincta, cujus *folia* sunt minora, frequentius sinuata, *caules* pares, siliquæ crassiores, & *semina* grandiora, minùs fuscâ & quasi subalbescencia: etiam planta est perennis, & à præcedente prædictis notis quàm facillimè distinguitur. Hujus *flos* conspicitur in hortis plenus.

Nasturtio ut sapore ita facultate affinis est, acris & calida. Acetariis additur, hyeme præsertim cum Nasturtii copia non est, unde Nasturtium hybernum dicitur; medetur vesò eadem & Scorbutum non minùs quàm Nasturtium. Unguentis admiscetur succus ad sordida & impura ulcera expurganda & siccanda.

Semen acre est, diureticum & lithontripticum: Herba quoque autore Lobelio, urinam ciet, calculos & farctus vesicæ decocto aut cibo expellit, ut Laver.

Inexplicabili cum ægrotantium juvamento apud Francisc. Indæ de Gatta vomitorium medicamentum paratur cum aqua stillatitia Aranciorum immaturorum tepida, & sufficienti quantitate pulveris Scopæ regie (quo nomine quid intelligat nisi Barbaream velit nescit J. Bauhinus) podagricis, gonagricis & ischiadicis affectibus præcipuè præsentaneo & maximo juvamento. J. B. tam. 2. part. 2. lib. 21. cap. 12. pag. 869.

- A. 9. *Eruca filiquæ caulis appressa Erysimum dicta. Erysimum vulgare* C. B. *Er. Dioscoridis* Lohelio Ger. *Er. Tragi flosculis luteis, juxta muros proveniens* J. B. *Irio sive Erysimum vulgare* Park. *Spurge-mustard.*

*Radice* nititur albâ, lignosa, simplici, acri & Rapæ sapore; [minimi digiti crassitudinem variis assequitur.] *Folia* altè sinuata [potius laciniata] hirsuta, quorum forma ad Erucas aut Bursas aut Cichoreum sylvestre accedit, extremo tamen obtusa sunt. *Caulis* sesquicubitus altus, foliorum ortu alterno stipatus, hirsutus, ramulosus. *Flosculi* pusilli, luteoli, quatuor foliolis constant, qui cum successivè aperiuntur in spicas prælongas excurrunt. *Siliquæ* breves, vix digitum longæ, teretes, hirsutæ, caulis appressæ, pediculis brevibus nixæ, in acutum mucronem desinentes, genuinam *seminum* seriem continent oblongorum, exiguorum. In muris & ruderibus, & ad sepes non raro invenitur.

Vires.

Irionis usus est in mucilagine tenaci pulmonum, atq; tussi chronica.

Est (inquiunt Adversariorum auctores) moderata quædam totius substantiæ & incidentis cum humidis abstergentibus partibus permixtio, cujus beneficio crassæ pituitæ citra exsiccationem nimiam inciduntur, & incisæ propter flatum nonnihil commixtum non magno conatu expectorantur & absteruntur. Arteriacum igitur est laudatissimum, nempe idem unum præparans & educens. Exempla succurrant quamplurima, quæ secundissimè tum præceptoribus, tum nobis postea succosserunt. Rhonafcos memini tum juvenes, tum ætatis provectæ, quibus ferè jam amissa vox & spiritu limpida sonoraq; vox pauculis diebus restituta fuit, unius Erysimi & opera eximii præceptoris Rondeletii, qui primus usum monuit. & Erysimi totius recentis M. 6. Radicum Helenii, Tussilaginis succo adhuc prægnantium, Glycyrrhizæ ana ʒ iij. Boraginis, Cichorei, Capill. Veneris an. M. ii ʒ. Florum cordialium, Anthos, Stœchadis vel Betonicæ an M. ʒ. Anisi ʒvj. Passularum mundatarum ʒij. Incisis & contulis fiat omnium decoctio in q. l. aq. Hordei, hydromelitis & succi Irionis ʒ vi. Ad lib. ij vel iij. Expressionis dissolve Sacchari q. l. Fiat Syrupus: qui diu & continuè utendum purgato corpore.

Extrinsecus utile est Erysimum in Cancro non exulcerato, tumoribusque renitentibus.

Erysimi decocto multos colico dolore laborantes curavit Riverius, quod etiam ex vino efficacissimum est remedium. Communicavit D. Hulse.

10. *Eruca flosculis pediculis carentibus. Erysimum alterum Italicum* Ger. *verum sive montanum* Park. *alterum Mattholi siliquis parvis, quibusdam Dentaria* J. B. *Erysimum polygonatum sive corniculatum* C. B.

*Radix* alba, nunc simplex, nunc furculosa & fibrosa lignescit. *Cauliculi* plures, non erecti, sed deorsum nutantes, teretes, striati, lenti, satis validi, cubitales. *Folia* quæ ad radicem Erysimi vulgaris aut Dentis leonis foliis non valde dissimilia, profundè ad nervum medium usq; propemodum dissecta, reliqua verò quæ caulem & ramos vestiunt triplicis folia primâ facie referre videntur leviter laciniata, unciam plus minus longa, crebra, nullo ordine posita. *Flores* è foliorum sinibus exeunt perpusilli, lutei, nunc unus, nunc duo tresve simul, pediculis vel nullis, vel brevissimis; quibus succedunt *siliquæ* compressæ nonnihil, modicè in arcum curvata, ad imum crassiores & paulatim versus apicem gracilescentes, *semen* copiosum, minutissimum rufum continentibus.

Locu.

Hanc plantam propè Rhegium in Calabria invenimus.

Notabilis est hac planta pediculorum carentia in floribus & siliquis.

11. *Eruca maritima Græca siliquæ articulata* C. B.

C. B. prod.

Tota planta albicat, folia habens ad radicem breviora, angusta, in minores lacinias divisa & subaspera: *cauliculi* est palmaribus, reflexis, striatis, (flores non conspecti) *siliquis* plurimis, incurvis, articulatis, trium quatuorve unciarum, alporis, *semen* minutum, subruffum continentibus, quam ex Opera Honorius Belli misit.

## C A P. XIX.

### De Erysimis.

**E**rysimum aliis dicitur *spina*. A foliorum multiplici sectione: aliis quasi *temper*, quod sit prædictum; aliis dicitur *spina*, quod ob suam caliditatem trahendi facultate præditum sit, dictum videtur C. B.

Erysimum Latini ab irruendo nuncuparunt Irionem, quod ignea vi & fervido sapore irruat in gustum. J. B. Eadem habet Jo. Bodeus à Stapel.

Irionem seu Erysimum hoc in loco appellamus Herbam hujus generis quamcunque flore luteo, siliquis longa angusta.

Difficile admodum est inter Erucam & Erysimum certas distinctionis notas constitutere. Nos pro Erucis habemus herbas hujus generis flore luteo, siliquis brevioribus & habitioribus; pro Erysimis quæ flore luteo sunt, siliquis longioribus & strictioribus.

I. Erysi.



1. *Erysimum non laciniatum* Draba dictum. Draba lutea Park. lutea siliquis strictissimis C. B. Draba  
4. Ger. emac. lutea quibusdam J. B.

J. B.

Lignosa est radix, alba, minimo digito minor, sapore Raphani rusticani, minus fervido: ex qua  
caulis aliquot astolluntur, recti, rigidi, cubitales & majores, ramosi; quibus folia ab imo ad sum-  
mum crebra alternatim adnascuntur, omnia uniformia, longitudine quadrantali & majore, latitu-  
dine circiter unciali, acuminata ex angusto principio, quâ pedicello brevi adnectuntur, hirsuta,  
ferrata, sapore remissiore quàm radix. *Flores* Erysimi, luteoli, quadripartiti, quibus succedunt sili-  
quæ, quæ in sicca semen clauderant tenue, longum, rufum.

Affurgit interdum in humanam altitudinem: Superficies quotannis emoritur, radice restibili.

J. Bauhinus viridem vidit in montibus Rhæticis Junio mense florentem. Nos in Italia aliquoties Locus.  
vidimus vis humidis ad sepes; in Germania prope oppidum Weissenberg.

- A. 2. *Erysimum Galeno & Theophrasto, Myagro affinis planta siliquis longis* J. B. *Camelina* Ger.  
*Camel. frve Myagrum alterum amarum* Park. *Myagrum siliquâ longâ* C. B. *Creacle*  
*Myagrum*.

Hujus plantæ radix lignosa, alba, simplex, fibris aliquot donatur. Caulis cubitalis vel bicubitalis,  
singularis, firmus, striatus, subhirsutus & nonnihil tubescens, medullâ subamarâ plenus, in furculos  
aliquot divisus: folia Camelinae similia, alternatim posita, unciam lata, tres quatuorve longa, ex  
angusto principio sensim dilatata, sensim deinde in mucronem desinunt, tactu aspera, viridia, sapore  
amaro prædita: flores parvi, multi, conferti, lutei, apicibus itidem luteis, brevibus pediculis insident:  
quibus delapsis alternatim succrescunt siliquæ tenues, uncia longiores, quadratæ, erectæ, in pediculis  
à caule extantibus, semen copiosum, hirsutum, tenue, oblongum, amarum claudentes.

In insula Eliensi, in Salicetis prope urbem copiosam invenimus.

Parkinsonus plantam hanc bis ponit. Primò, Pro Myagro sativo. Secundò, Pro Myagro al-  
tero amaro. Locus.

- A. 2. *Erysimum latifolium Neapolitanum* Park. *latifolium majus glabrum* C. B. *Iris laevis* Apu-  
lin *Eruca folio* Col. *Smooth broader-leaved Hedge-mustard*.

Col.

Autumno exit foliis parvis, per terram in orbem stratis, oblongis, [adulta in profundiores lacinias  
sex aut septem dividuntur, Erucae sativæ minora, ad Erysimi vulg. magis accedentia, verum læ-  
via, virentia, & in extremum angustius desinentia] Caulis edit unicum, bipedalem, quàm illius  
crassior, levem, teretem, solidum, candicantem sicut & foliorum nervos, foliis multis alternatim  
hærentibus vestitum, ex quibus alæ multæ foliis refertæ, angustioribus, paucioribusque lacinias divisis,  
longiore & angustiore cacumine, odore gravi, amaro sapore, statim acri. In summo insunt flores  
multi, simul congesti, parvi admodum, lutei; qui siliquas per caulis cacumen dispositas relinquunt  
post se copiosas, duas minimùm uncias longas, tenues, teretes; extuberante intus semine copioso utrinq;  
minuto, flavo, salso primùm & acri sapore. Differunt hujus siliquæ ab alterius vulgaris longitu-  
dine quâ illas excedunt, & postea; non enim hærent cauli Sinapeos modo ut in illa, sed rectæ &  
elatæ sunt, sylvestris Erucae modo dispositæ. Folia acriora sunt semine. Radix candida, gustu ad-  
modum fervido ut Sinapi.

Floret mense Aprili. (scilicet apud nos) Cirinola frequens, locis aridis, marginum viarum atque Tempus &  
montium amantior. Circa Londinum in aggeribus terrenis & locis ruderatis copiose provenit, Locus.  
e.g. inter urbem & Kensington vicum, itémq; circa Chelsey: invenimus & alibi in Anglia, nimirum  
in ipsi Berwici oppidi montis; & circa sedes D. Edw. Bullock Ar. Faulkburnii prope Withamiam in  
Essexia.

4. *Erysimum angustifolium majus* C. B. item *Rapistrum Italicum siliquis longissimis* ejuld. *angusti-*  
*folium Neapolitanum* Park. *Rapistrum montanum Irionis folio* *vernax* *exegretus* Col.

Col.

Radix nititur longa satis, omnibus tenuiore, longisque fibris divisa atque candicante, gustu acri.  
Folia est Rapistro æqualibus aut æmulis, aliquanto minoribus, in lobos binos aut ternos divisus, ca-  
cumine acuto Irioni multum similibus, sed majoribus, ex viridi albicantibus, hirsutis, mollibus, præ-  
sertim caulem ambientibus, quæ longè tenuiora, longioribus lobis & cacumine, ut lobi duas uncias  
longi, cacumen verò palmum sit. [Folia nobis Rapistro Genevensi sylvestri similia visa sunt  
quàm vulgari Rapistro, pediculis longis insidentia, quæ primò exeunt integra, nec omnino laciniata,  
insidentia & quæ in caule existunt inferiora duo vel tres vel etiam quatuor hinc inde lobos obtinent,  
cacumine in longum procurrente, quæ in summis caulibus & ramulis angusta, oblonga, integra absq;  
lacinias.] Caule unico tripedali, aliquando ab radice fruticosa, alis multis diviso, hirsuto, aspero, à  
caulis medio ad summum semipedales, & deinde paulo minores eriguntur siliquæ, admodum tenues,  
crasso cacumine [unde ob imbecillitatem & gravitatem deorsum nutant] brevibus & vix semunciali-  
bus pediculis insidentes, semine intus ab utroq; latere continentes minora; non multum acria, ob-  
scure flaventia: quas antecedunt flores lutei, parvi, conservati, & calicibus parvis quadrifoliis prode-  
untes, minores congenitis.

Juxta semitas saxosas vel macarios, atq; juxta ædificia montana Aquicolum provenit. Maio  
mense floret. Locus.

5. Ery.

\* 5. *Erysimum flore pallido, Eruca foliis.**Eruca inodora* J. B. *An Erysimo similis herba* S. Alberti Cæs?

f. B.

Longa nititur radice, simplici, cum paucis fibris, lignefcente, satis gracili: *Caulis* cubitum æquat, ramosus: *Folia* dodrantalia ferè, *Eruca* lutea sylv. cultæ quodammodo divisurâ, quanquam inferiora Jacobææ penè modo latebant: *Flores* ex luteo pallidi: *Siliquæ* uncias duas longæ, graciles. Nul-  
 lum ego in hac planta insignem sive odorem, sive saporem animadverti.

Locus.

In terra argillosa vitium quæ sunt ultra Rhenum ad *Burckheim*, uno milliari ab urbe *Brifaco* invenit J. Bauhinus.

\* 6. *Sinapi & Thlaspi mollis* Provincialis planta Ad. *Draba Erysimi flore & siliquis* C. B. Park.

Ad.

Provenit hæc non procul *Magdalena* fano & cautibus illis celsissimis, famigeratissimis Gallo-provinciæ; florèsque Augusto promit luteos Erysimi, nec *siliquas* dispares; in gracilibus ramis ad summum & imum, una è radice, digitum crassâ, fibrosâ, pedem longa. *Rapistrifolia*, *Thlaspi* aut *Draba*, leviter laciniata, albida & hirsuta, sapore Erysimi aut *Buniadis* *Barbarea*. J. Bauhinus dubium movet annon hæc sit *Hesperis* sylv. latifolia flore albo parvo Park?

\* 7. *Sinapi Erysimi Tragi cognatum sive simile* J. B.

f. B.

Cubitalis est planta, radice nixa crassiusculâ, candidâ, paucis fibris donatâ. *Cauliculos* surgit pedales, cubitales, altiores, teretes, canâ & mollicellâ lanugine pubescentes, in ramos longos divaricatos: *Folia* inferna Erysimi vulg. profundis laciniis divisa; superna angustiora, sagittæ minoris instar alata, paucis aut nullis laciniis dissecta. Per cauliculorum extrema ex pediculis flores prodeunt lutei, quadrifolii, Erysimi prædicti floribus majores: quibus *siliquæ* etiam longiores succedunt, tri-  
 entales ferè, angustæ, teretes, caulibus non appressæ, semen continentes exiguum, fuscum, acre.

Locus.

In Austria secus vias observatum & lectum est ab Agerio.

8. *Sinapi, potius Erysimum, Genevense sylvestre* J. B.

f. B.

Huic ex radice simplici, alba, lignefcente multi statim exoriuntur caules, propter terram nonnihil hirsuti, ramosi: per quos folia *Eruca* similia, divisurâ non minùs frequenti dissecta, verum latitudine *Monspessulano* majori [proximè describendo] cedentia, divisurâ etiam diversâ; licet flores *Monspessulani* floribus sint majores: *Siliquæ* ex pediculo mediocriter longo graciles, tres uncias longæ, semen bipatentibus valvis claudens minutissimum, rufum.

Locus.

In alveo fluvii *Arvæ* propè *Genevam* copiosè exit.

\* 9. *Erysimum Monspessulanum Sinapeos foliis. Sinapi sylvestre Monspessulanum, lato folio, flosculis luteo minimo, siliqua longissima* J. B.

f. B.

Per hujus caules, sesquicubitales ferè, nonnihil striatos, teretes ferè & solidos folia conspiciuntur *Dentis leonis* foliis respondentia, tum magnitudine, tum laciniatâ divisurâ, glabra, aut nullis cerè effatu dignis pilis donata, odore & sapore acri prædita: Flores lutei parvi: *Siliquæ* dein oriuntur densissimæ & longissimæ, admodum acri semine replete.

Locus.

Floret & siliquas fert mense Martio circa *Monspeliu* locis ficcis.

A. 10. *Erysimum Sophia dictum.*

*Sophia Chirurgorum* Ger. Park. *Nasturtium sylvestre tenuissimè divisum* C. B. *Scripbinum Germanicum sive Sophia* quibusdam J. B. *Flitweed.*

f. B.

Alta est cubitum aut sesquicubitum, compluribus ramis fruticans, duris, lignosis, in multas alas divisis, teretibus, subhirsutis. Folia tenuiter incisa *Abfinthii Pontici* *Officinis* dicti, sapore oleraceo, levi acrimoniâ prædita: Flosculi crebri, parvi, luteoli: quibus succedunt siliquæ unciam circiter longæ, fili instar tenues, seminum loculos foris ostentantes: ipsum verò semen minutum, rufum. Radix alba.

Locus.

In veteribus maceris, locis ruderatis, lapidosis, ac non rarò arenosis, ac aliis incultis exit, ubi semel nata singulis facillè recurrit annis, ut rectè J. Bauhinus. A Junio in Autumnum usque & quidem particulatim floret.

Vires.

Præstans habetur remedium ad *Diarrhoeas* 3j semin. *Sophiæ Chirurgorum*. Nec semen tantum verum etiam herba ventris fluores sistit, adversus dysenterias commendatur, & sanguinis profluvia reprimat. Ad vulnera & ulcera fordida ac maligna valere dicitur [in emplastris.]

In agro *Eboracensi* semen hujus plantæ exhibetur in affectibus nephriticis & calculosis, nec sine successu. D. *Tancredus Robinson.*



11. *Erysimum Germanicum Trinciatae folia.*

Folius est ad radicem multis, oblongis, angustis, ad margines utrinque raris hinc inde exstantibus laciniolis, seu dentibus donatis, Trinciatae Cordi foliorum æmulis, subtus falcem hirsutis. Caulis semipedales confimilibus foliis sed multo minoribus cincti. Flores satis amplius lutei: Siliquæ longæ, graciles.

Hæc ex sicca à D. Phil. Shippen asservata, nam virentem ob festinationem describere non licuit.

In arenosis & umbrosis prope Ros oppidum & inter Denaert & Weissenburg in Franco-Germania invenimus.

Locus.

\* 12. *Erysimum latifolium foliorum laciniis triangularibus. Eruca latifolia C. B. Park. An Eruca tertia Anglica Cam. hort?*

C. B. prod.

Caulis est cubitum excedente, albo, crasso, striato, ramofo; foliis glabris, pallide virentibus, ad radicem pedalis, profundis incisuris laciniatis, per quorum medium nervus latus excurrit, quem utrinque foliorum laciniæ biunciales, alarum instar, triangulares, corrosæ, figuræ diversæ, supernè & infernè continuæ cingunt; quæ verò in caule breviora sunt, & horum quædam Erucæ vulgaris foliis similia, suprema verò angusta & parum sinuata. In caulis summo flore satis magni, autem; & minimis plurimis donati; quibus siliquæ oblongæ striatissimæ succedunt.

Eruca nomine in horto C. Balthini lata est.

\* 13. *Erysimum fruticosum Indicum Tanacetii folia. Eruca Indica Tanacetii folio Zanoni.*

Folia profert multa, per terram strata, viridia, Tanacetii foliis quoad dispositionem & divisuram haud dissimilia: ex quorum gremio exit caulis sesquipedalis, qui sursum versùs in multos ramusculos finditur, inque horum cymis proveniunt flosculi multi, flavi, quibus pereuntibus singulis superveniunt singulæ siliquæ biunciales, bivalves, spicatum longis petiolis cauli adherentes. Tota planta gustui calida & acris est.

Floret versùs Augusti mensis finem, Septembri exeunte semen maturat [in Italia scilicet.]

Tempus &amp; Locus.

\* 14. *Erysimum Dioscoridis Zanoni, Erysimi annui Cretici nomine nullum.*

Zan.

E radice capite cespitem foliorum exerit, longis & subrotundis pediculis annexorum, maculis sanguineis, per ætatem evanescentibus, hic illic aspersis. Sunt autem folia ipsa laciniata, duos circiter digitos transversos lata, palmo subinde longiora, in apicem deorsum reflexum desinentia, tenera & lucculenta, supernè viridia, subtus pallida, Erucæ sylvestris similia. E foliosi cespitis supradicti medio exurgit caulis, ramofo, medullâ viridi plenus, succulentus, frangi contumax, levis & nonnihil splendens, colore viridi dulciore, ad nodos ubi folia adnectantur maculosus guttulis sanguineis, crebris geniculis præcipue versùs radicem, distinctus, è quorum singulis singulæ evasunt folia, & è foliorum sinibus ramuli, foliis confimilibus verum minoribus & magis incisus amicti. Circa finem Aprilis in summis caulibus & ramis apparent florum umbellæ seu noduli, qui explicati florem flavum ostendunt cum apicibus concoloribus: quibus decidentibus succedunt siliquæ corniculatæ Fœnugræci figurâ, verum angustiores multò & tenuiores. Umbellæ floribus sese paulatim explicantibus in spicam longam excrescit siliquarum paululum compressarum, unciali circiter longitudine aut majore, per maturitatem seminibus protuberantibus repletarum. Circa finem Augusti siliquis dehiscentibus excidunt semina, flava, lucida, oblonga, Nasturtii seminibus similia. Radix longa, alba, nodosa, tactu aspera, summa parte unciam dimidiam crassa, mediâ tenuior, lenta & obsequiosa odore valido, acuto, sapore subamaro & subacri: folia minus acria & amara sunt; semina acriora, & mordacia Sinapeos in modum.

\* 15. *Eruca maxima Canadensis Cornuti.*

Cornut.

Inter dendrolachana hæc Eruca numerari potest, siquidem hominis proceritatem implet: potissimum quando radix ejus, quæ fibris albis constat, lætiori solo coheret. Sylvestres enim plantæ, quo levi magis & subacta terrâ differuntur eò majus incrementum capiunt. Numerosis caulibus adolescit, rotundis, & tomento quodam asperiore vestitis, quos undique folia exornant uti Lysimachia, longa, acuta, in ambitu crenis inæqualibus serrata, tenui lanugine obfita; gustu subacido initio, tandem subacri. Flosculi in cymis mira fecunditate luxuriant, Junio ac Julio mensibus. Lutei sunt illi, quatuor foliis constantes, in quorum medio staminula quatuor & pistillum hæret, quod collapsò postmodum flore in siliquam efformatur longiusculam, rectam & seminibus turgentem exiguis, sapore dulcibus, maturis Augusto, Septembri decidit.

\* 16. *Erysi-*

\* 16. *Erysimum alterum filiquis* Erucæ C. B. Park.

Duobus tribusve caulibus, obscure viridibus, Erysimi vulgaris nonnihil similibus, minus ramosis, foliis undique obtusis, amplis, obscure idem virentibus, in tres, quatuorve lacrimas aequalibus fere incisuris scissis, extrema parte latiore, circa margines inaequaliter sinuata seu dentata: flores parvis, luteis, quam illius tamen majores, spicis brevioribus, nec siliquis adeo arcte caulibus appressis, neque ad angustis aut tenuibus, sed brevioribus, Erucae Radix minus longa, magis fibrosa, crassa. Nobis incognita est.

**C A P. XX.**

*De Cardamine.*

**C**ardamine inde dicta est quod gustu Cardamum, id est, Nasturtium repræsentet. Cardamines autem nomine nobis censentur plantæ flore tetrapetalo albo, siliquis angustis seu tenuibus valvulis per maturitatem revolutis diffilientibus & semina cum imperio ejaculantibus, foliis in plerisque speciebus pinnatis. Nasturtii aquatici filiquæ (quantum meminimus) filiquæ non diffiliunt, quo a reliquis hujus generis differt.

A. 1. *Nasturtium aquaticum amarum* Park. aquat. 2. sive majus & amarum, item 2. sive aquaticum erectum folio longiore C. B. Sium Matthioli & Italorum Ger. *Sisymbrium* Cardamine, sive *Nasturtium* aquat. flore majore elatius J. B. Bitter Cress.

*Caulis* habet cubitales & altiores, in opacis ferè infirmos & teneros, in apricis firmiores, versus superiora canaliculatos, *foliis* stipatos ex intervallis alternatim nascentibus, odore & sapore Nasturtii vulgaris, nonnihil amaricante, tribus plerunque pinnarum conjugationibus compositis cum impari in extremo folio. Sunt autem pinnulæ seu segmenta singularia oblonga & sinuata, infima verò ubi primum prodeunt rotundiora. Propè summitem caulis ramuli aliquot è foliorum finibus exeunt, in quorum extremis *flores* simul multi, ut in Cardamine vulgari, & eadem ferè magnitudine, tetrapetali, petalis subrotundis, minimè bifidis, albi, cum staminibus in medio sex apices purpureos sustinentibus, pediculis tenuibus uncialibus insidentes: quibus succedunt *siliquæ* selscinales renes, quæ per maturitatem extremo tactæ dissiliunt, *seminibus* parvis rufescentibus repletæ.

In palustribus & aquis provenit. Vere floret. Quod Nasturtium aquaticum II. & III. C.B. ad idem caput reduco, in eo Joannem ejus fratrem sequor, qui non præter rationem id facere mihi videtur.

A. 2. *Cardamine* Ger. *Nasturtium pratense majus*, sive *Cardamine latifolia* Park. *Nast. prat. I.*  
sive *pratense magno flore* C. B. *Iberis* Fuchsii, sive *Nasturtium. prat. sylvestre* J. B.  
**Ladies Smock, or Cuckoo-flower.**

*E radice* satis crassa, alba, multisque fibris tenuibus capillata, vivaci, *caules* proferit, rarius plures, plerumque unicum, dodrantalem, rectum, rereferi, firmum, glabrum & quasi contortum, iuxta terram rubentem, qui in ramos dividitur, in quorum summitate *flores* simul multi, ex albo purpureascentes, ampli & speciosi, quatuor foliis obtusis venosis constantes, in quorum medio *stamina* lutea fena cum stylo, pediculis uncialibus infidentes; quibus succedunt *siliquæ* atro-purpureæ, sesquidigitales ferè, aut certè digito longiores, erectæ, rigidæ, nonnihil compressæ, membranâ intergerinâ secundum longitudinem in duo loculamenta divisæ, duplicem *seminum* seriem exiguum, longiusculorum, è viridi luteorum continentes. Siliquæ hæ per maturitatem levi tactu valvis se convolvitibus diffiliunt, & cum impetu semen ejaculantur ad modum Perficariæ siliquosæ aut Cardamines impatientis dictæ. Folia duùm sunt generum, inferiora enim per terram sparguntur, ex longis & tenuibus pediculis in quatuor quinque aut sex foliola rotunda divisæ, ad costam per intervalla adherentia [plerumque bina sibi invicem respondent, ut folia alata videantur, & quatuor aut quinque segmentorum conjugationibus cum impari in extremo composita] superius brevi lanugine hirsuta, inferius glabra. Superiora verò quæ in caule sunt, quaterna aut quina per intervalla, sine pediculis singulatim cauli adnexa, glabra, in tenues portiunculas pinnasve conjugatim ad sex interdum septemve, paria mediæ costæ adherentes divisæ, cum impari in extremo. Sapore est tota Nasturtii aquatici.

Ad rivulos & in pratis passim April & Maio mensibus floret.

*Locus.* Ad rivulos & in pratis pascuis Aprilis & Maio mensibus floret.  
*Altera species.* Aliam speciem habet C. Bauhinus quam Nasturtium pratense parvo flore vocat. Parkinsonius  
 Cardaminem minorem laciniatis foliis.

• *Cardamine*



\* *Cardamine odorata granulosa* Park. *Nasturtium pratense odoratum, radice granulis tuberosa* C. B.

Præcipua inter hanc & præcedentem plantam [*Nasturtium pratense* parvo flore C. B.] confistit 1. in Radicibus quæ plurima tubercula granulosa fibris intermixta obtinent, 2. in Floribus, quæ illius aut cuiusvis alterius *Cardamines* odoratiores sunt.

\* *Nasturtium pratense rotundifolium minuto flore* C. B. *Sisymbrium alterius seu Nasturtii aquatici* tertia species Thal.

De hoc confule Thaliu.

\* 3. *Sio minimo Prosperi Alpini affinis siliquis latis* Bocconi.

Bocc.

*Cauliculis* huic sunt tenues, geniculati & ramosi: *Folia* exigua, per marginem, uti *Fumariz*, divisa: *Flores* in ramulorum fastigiis pauci, subeuntibus *siliquis* planis, latis, in mucronem desinentibus, quibus vel levi tactu quatuor aut quinque *semina* compressa ac pænè quadrata exiliunt. *Radix* tenuibus fibris constat.

Nascitur in *Madonia* monte Siciliæ, Veteribus *Nebrode* dicto.

Loci.

A. 4. *Cardamine impatiens* vulgè *Sium minus impatiens* Ger. *S. minimum* Noli me tangere dictum, sive *impatiens Nasturtii sylvestris folio* Park. *Sisymbrium Cardamines species quædam insipida* J. B. *Impatient Ladies Smock*.

*Radice* nititur alba, simplici, surculo uno vel altero & fibrillis paucis capillaribus donatâ, sapore *Nasturtii* remissiore. *Folia* ad radicem pauca, pallidè viridia, mollicella, quinque aut sex pinnulatum medio nervo annexarum conjugationibus composita. Sunt autem pinnulæ singulæ eodem fere modo incisæ quo *Nasturtii amari* dicti. *Caulis* simplex, cubitalis, ramosus, inferius purpurascens; latus firmus & erectus, striatus, glaber, foliis per intervalla vestitus crebris, alternatim positis, eodem modo divisus quo inferiora, verum segmentis longioribus & acutioribus, sapore *Nasturtii* remisso & vix perceptibili. In summitatibus caulis & ramorum, *flores* eodem situ quo in reliquis huius generis albi, perexigui, tetrapetali, quibus succedunt *siliquæ* tenues, erectæ, digitales, quæ per maturitatem, extremo tanguntur, cum impetu diffiliunt, & semen ejaculantur parvum, fulvum.

In plantis vegetis & lætioribus folia latiora sunt, & ad *Nasturtii amari* folia proximè accedunt, in reliquis *Erucæ aquaticæ* minoris folia fere imitantur.

Inter saxa sub rupibus propè vicum *Wharf* dictum tribus circiter milliariis ab oppido *Settle* distantem versùs montem *Ingleborough*, in Comitatus *Eboracensis* parte Septentrionali, oritur.

Considerata paulo attentius plantæ quam proposuimus descriptione à nobis inventæ & observatæ in loco prædicto, suspicamur eam diversam esse à *Cardamine impatiens* seu *Sio minimo Alpini* cujus nunc descriptionem subiciemus.

Autumno exit è semine deciduo, foliola in orbem spargens pinnata, uncia non multò longiora, quæ per hyemem durant, vere autem novo augmentur & aliquanto majora evadunt, *Erucæ palustris æmula*, verum minora, pinnulis circa margines duabus tribusve crenis profundius incis. E foliorum centro exsurgit caulis tenuis, pedalis aut etiam altior, multis alis divisus, in quibus & in summo caule *flosculi* parvi, albi, alii supra alios paulatim se aperientes, quos excipiunt *siliquæ* longæ, graciles, feminibus minutis ex albido luteis repletæ, quæ vel leviter tactæ aduntur ejaculantur: imò quod longè mirabilius videtur, et si *siliquis* non tetigeris, si tamen manum velut *Erucæ* proximè admoveas, semina in appropinquantem evibrabunt; quod tum *Morisonus* se sæpius experiri scribit, tum *Johnsonus* apud *Gerardum* verum esse affirmat; quod tamen mihi vix peruenit.

Hanc plantam *Cantabrigiæ* olim in hortulo nostro coluimus, postea in rupibus quibusdam udis propè *Rhenum* in *Germania* invenimus spontaneam. Folia autem minora ei sunt quàm *Nasturtio* nobis descripto & omnino glabra: nostrum ergo fortasse idem est *Nasturtio* aquatico *Italico* Park. seu aquat. erecto folio longiore C. B. *Sio Matthioli* & *Italorum Lob.* quod *Gerardus* & alii pro *Nasturtio* aquatico amaro habent: vel species quædam nondum descripta. An *Cardamine Alpina media Clus?* i. e. 13. nobis.

Eandem (puto) æstate præterita Anni 1685. invenimus non procul *Halstedio* oppidulo, via quæ *Londinum* ducit in fossa ad viæ latus ubi aqua scaturit, cujus folia infima quæ è radice exeunt nonnihil aspera seu pilis brevibus hirsuta sunt.

A. 5. *Cardamine impatiens altera hirsutior. Sisymbrium Cardamine hirsutum minus flore albo* J. B. *The lesser Cuckow-flower, or Ladies Smock. Nasturtium aquat. IV. sive aquat. minus* C. B.

*Radix* ei alba, simplex, surculosa. *Folia* per ambitum spargit *Nasturtio pratensi* similia sed minora, nonnihil hirsuta, tribus plerunque conjugationibus eidem costæ adnexis composita cum impari in extremo folio segmento, odore & sapore *Nasturtii hortenensis* sed remissiore. *Caulis* surgit plures palmares aut dodrantes, uno vel altero folio donatos, ramosos, in summitate *flores* gestantes perexiguos, albos, quadrifolios, petalis minimè bifidis; quibus succedunt *siliquæ* unciales aut tantillo longiores, angustæ, pediculis longiusculis insidentes, bivalves, membranâ intergerinâ duplicem seminum

seminum seriem determinante disseptæ, quæ per maturitatem extremo tactæ cum impetu diffiliunt, & semen undique spargunt. *Semina* parva, rotunda, nonnihil compressa, & subruffa.

Locus &  
Tempus.

Floret Aprili & nonnunquam etiam Martio: nec in udis tantum & umbrosis, sed & hortensibus provenit. Ad acetaria utuntur plurimi etiam apud nos.

A præcedente differt sapore acriore; foliis hirsutioribus, mollioribus, sordidiùs virentibus, paucioribus ad mediam costam pinnulis & minùs concinnis adnexus.

Si hæc sit Sifymbrii alterius five Nasturtii aquat. tertia species *Thal.* quod considerandum proponit J. Bauhinus; itémque Cardamine five alterum Sifymbrium Dioscoridis *Lob.* ut idem dubitat, C. Bauhinus in *Pin.* tres ex ea species facit, ut examinanti patebit.

Nasturtium aquaticum minus C. B. *Park.* Cardamines species esse videtur & præcedenti eadem, ut ibi monuimus. Hinc quatuor ex una species facit C. Bauhinus.

A. 6. *Nasturtium aquaticum vulgare* Park. *aquaticum supinum* C. B. *aquat. five Cratæva Sium* Ger. *Sifymbrium Cardamine five Nasturtium aquaticum* J. B. *Water-cress* Leg.

*Radici* vicem supplent capillares fibræ candidæ, quas intra aquas è geniculis demittit. *Caulis* oblongi, procidui ferè, satis crassi, concavi, striati, glabri, ramosi, ex viridi nonnihil rubentes. *Folia* viridia & atrovirentia, Eruce facie, è duabus tribusve pinnarum conjugationibus composita, cum impari in extremo, glabra, sapore Nasturtii hortensis mitiore. *Flores* in summis caulibus & ramulis parvi, albi, quadrifolii, apicibus in medio luteis, qui quoniam sensim aperiuntur, in longas velut spicas procurunt. Succedunt *siliquæ* in pediculis semuncialibus unciales ferè, à caule extantes, sursum nonnihil incurvæ, bene habitæ, duobus seminum exiguum fulvorum ordinibus repletæ.

Locus.

In aquis vadosis circa piscinas & rivulos frequens Julio & Augusto præcipuè mensibus apud nos in Anglia floret, interdum etiam maturius.

Usus.

In acetariis utuntur, & iuscula ad sanguinem purgandum verno tempore ex eo conficiunt nostrates.

Nasturtium aquaticum specificum contra Scorbutum medicamentum censetur: ad calculum etiam valere creditur: urinam ciet, menses educit, hydropicos juvat.

Septentrionales, (ut verè Lobelius) in quadrageno veris jejunio multum in acetariis vorant ad sanguinem purgandum; ac potionibus ad calculum admiscunt, nec malè cedit; iusculis etiam incoquant.

Viribus cum Nasturtio hortensi convenit, ut plura addere non sit opus.

Hoc modo Sennertus spiritum Nasturtii aquatici comparavit:

R magnam copiam Nasturtii aquat. contunde in mortario marmoreo: exprime manibus lincum, in quo portio aliqua fermenti solvatur, ut succus consistentiam sapæ dilutionis acquirat. Ex hoc succo & Nasturtio manibus expresso, seu glebis aut pilis Nasturtii fiat quasi SSS. Pinfentur omnia fortiter manibus aut pistillo, reponantur in convenientem locum per octiduum: deinde L. a per B. destilletur spiritus. Dosis C. j. aut ij. hybernis mensibus Scorbuto laborantibus. Ad hunc modum sp. Chelidon. Becabung. Cochlear. Trif. fibrini elici potest. *Sim. Paulus.* Ex notis Cl. Vri *D. Edv. Hulsii.*

Modus præparandi salem volatilem è Nasturtio aquatico, Cochlearia, &c. extat Ephemer. German. An. 6. & 7. Ex observatione D. Below. Obser. 21.

7. *Nasturtium Alpinum palustre rotundifolium* Zanoni. An *Nasturtium montanum* Asari folio Bocconi?

Zan.

*Radice* constat rotundâ, durâ, tuberosâ, asperâ, exterius subrubente, multis fibris scatente, cortice ablato contumace tectâ, quæ major & viridis sursum versùs pennam anserinam magnitudine excedit, at deorsum versùs minor & fibrosa albescit. *Folia* indè proveniunt subrotunda, paululum sinuata, in margine parùm crenata aut dentata, spissa, membranæ, lævia, modicum lucida, præcipuè prima è terra exeuntia, quæ multis scatent nervulis à pediculi centro in circumferentiam decurrentibus, quæ innituntur petiolo striato, ruptu facili, relicto intus filamento nervoso: ex medullis horum foliorum à radice ortorum protruditur *caulis* dodrantalis, succi plenus, terram versùs viridis; cui alternatim ad singulas alas adherent *folia*, similiter rotunda, sed multò minora. In summis caulibus & ramulis pullulant mensè Maio plurimi *flores* albi: quos sequuntur *siliquæ* breves, bivalves, tenues, ab initio virides, at exsiccatæ colorem mutant: Aperiuntur Julio, & si tangantur illico semina per terram spargunt, imperfectè rotunda, flava, lucida, fervidiq; gustûs; ut aliorum congenerum.

Locus.

Reperitur in loco aperto ubi pascuntur pecora in territorio Mutinensi, propè fontem jugem aquæ limpida & frigidissima, qui ab indigenis pastoribus *Baccara* appellatur.

Huic nobis idem esse videtur

*Nasturtium montanum* Asari folio Bocconi; quod sic describit.

Bocc.

*Folius* est rotundis, Asaro similibus, ambitu nonnihil sinuatis: *Flos* albus: *Siliquæ* longæ innu-mera, quæ maturæ ad levissimum tactum diffiliunt. *Radix* subest crassa, cava, nodosa, serpens aut repens, tenuibus fibris subinde ad nodos enatis terræ se affigens. Perpetuum est, & quibuldam Cochlearia Italica dici meruit.

Locus.

Circa fontes & rivulorum margines montis *Bargæ* in Hetruria crebrò nascitur.

8. Car.



8. *Cardamine Alpina minor Rosulae foliis* Park. *Nasturtium Alpinum minus Rosulae foliis* C. B.

C. B. prod.

Ex radice alba, tenui & oblonga cauliculi laeves, teretes & recurvi, communiter indivisi, palmog; minores prodeunt: foliis longis pediculis, instar Rosulae vulgaris, praeditis, in lobos tres vel quatuor subrotundos divisos: flores in cauliculorum summis albi, mediocriter magnitudinis, quibus siliquae strictissimae, sesquiunciales succedunt.

In Rhætorum Alpibus Julio floreus reperitur, inque Helvetiorum Alpibus & Pyrenæis minus.

Locus.

9. *Nasturtium Alpinum Bellidis folio majus* C. B. Park.

C. B. prod.

Ex radice caulis cubitalis, rotundus, laevis, ad exortum statim divisus prodit. Folia habet tenuissima Bellidis formâ, uncias quatuor longa; quæ verò in caule sunt pediculis carent, & instar Thlaspi vulgaris lato semine, leviter sinuata, cum ambiant. Flores albi in caulis summis, quasi in spica, uncias sex longa; quibus siliquae triunciales, angustae, semine rufescente, rotundo, plano refertae succedunt.

Circa Fabarias thermas ad aquæ defluxum.

Locus.

- A. 10. *Nasturtium Alpinum Bellidis folio minus* C. B. *Sinapis pumila Alpinum folio Bellidis* Clusio J. B. *Cardamine pumila Bellidis folio Alpina* Ger. emac. *Plantula Cardamine alterius annula* Clusii Park.

Clus.

Sena aut septena humi secundum radicem expansa habet foliola, Bellidis foliis non dissimilia, teneriora tamen, & levi acrimonia praedita: è quorum medio tenellus & gracilis prodit cauliculus, raris foliolis septus, palmaris aut paullo altior, in cujus summo seni aut septeni erant flosculi [in planta Clusio descripta] albi, in quibusdam plantis totidem sine flore siliquae five cornicula, satis magna pro plantulae ratione, duplici serie, quemadmodum in Cardamines alterius & similibus corniculis, semen continentia exiguum, planum, rufescens, nonnullâ acrimoniâ praeditum. Radix summa tellure serpens nova germina subinde profert.

Observabat eam Clusius in Etcheriano jugo Icopulis inhaerentem. Eandem nuper in rupe S. Vincentii prope Bristolium in Anglia invenit D. Jac. Newton.

11. *Cardamine trifolia* Ger. *Alpina trifolia* Clus. Park. *Nasturtium Alpinum trifolium* C. B. *Iberidi Fuchsi affinis trifolia* Cardamine J. B.

Clus.

Nigricantibus ex purpura ramulis per terram serpit, in quibus oblongo ejusdem coloris pedicello terna perpetuo folia immittuntur, circa pediculum angustiora, per oras latiora & quasi orbiculata, in ambitu nonnihil crenata, initio tenella & viridia, deinde dura, nigricantia, acidulo primum gustu, postea acri: Cauliculi teretes inter folia erumpunt, ex purpura nigricantes, palmares, nullis aut rarissimis (quæ terna etiam eisdem inhaerent) foliis praediti. Flores exetomis satis insident candidi, Cardamines pratensis vulg. per similes. His succedunt torosa & oblonga siliquae, Denticulatum corniculis ferè similes sed minores, semine etiam minore, licet simili, plano. Radix fatima tellure serpit, & subinde parvulas candidasque fibras agit, sic ut facile ramulis terrâ obstitis pangi possit.

Invenit Clusius in sylvis montibus, nudo solo potius quam herbida, ad Abietum & praesertim arborum radices, tota etiam hyeme virentem. Floret Junio, in cultis verò etiam Aprili.

Locus.

12. *Cardamine Alpina media* Clus. *Alpina media* Clusii Park. *Nasturtium Alpinum minus* foliis in orbem sparsis C. B.

Clus.

Folia habet elegantissimo ordine in orbem disposita, duarum ferè unciarum longitudine, profundius crenis incisa, & laciniata ut Nasturtii aquatici vulg. folia, hirsuta & aspera, superne veluti cinereo colore aspersa, inferne autem viridiora, gustu initio aliquantulum acido, deinde acriusculo; ex quorum medio prodit cauliculus, dodrantalis, tenuis, albos flosculos in summis ramulis ferens, deinde cornicula teretia, parva: Semen observare non licuit. Radix longiuscula est, alba, quibusdam fibris capillata.

Nascitur in Stiriae inferioris Icopulis ad coenobium Newburg, quod Alpium ejus provinciae jugo ipsi Locus imminenti nomen imposuit. Florebat Augusto.

13. *Nasturtium foliis Barbara* C. B. Park.

C. B. prod.

Radice est parvâ, capillacea, albicante; cauliculis pluribus, tenuissimis, fragilibus, reflexis, nonnihil villosis, nonnunquam in alas divisos, semipalmaribus, palmaribus, & nonnullis cubitalibus: folia ad radicem pluribus, parvis, tenuissimis, viridibus, foliorum Barbarae modo, sed minus frequenter sinuata: quæ in cauliculis rariora sunt & quaedam minime sinuata. Flosculus est minimis, albis; siliquae oblongiusculis & strictissimis.

In finibus Bohemae versus Austriam collectum est.

Locus.

A a a

14. Car-

14. *Cardamine Alpina insipida* Col. Park. *Nasturtium Alpinum insipidum* C. B.

Col.

Radice est admodum tenui, brevi, nullis præditâ fibris: Foliola habet pollicari longitudine, incisuris Chondrillæ, aut Sinapis echinati, venum aspera & hirsuta, sicuti & caulis, qui tenuis, dodrantalis, in summo ramis aliquot divisus, alternatim siliquas in longis petiolis elatas profert, & exiles admodum, digitali longitudine, & magnas respectu plantæ, in quibus semen minutum, vel ut punctum siliquæ inscriptum. Flores in summo plures, parvi, Napacei, albi.

Locus.

F. Gregorius supra pontem quandam hanc reperit inter *Rosennabim* & *Abling*. arenoso aliquantulum loco, quam recentem suo gustui insipidam & inodoram cognovit.

15. *Sinapi agreste flore purpureo* J. B. *Sinapi umbellâ purpureâ* C. B. *agreste Neapolitanum* Park. *Sin. alterum agreste nostras* Col.

Col.

Radice firmatur parvâ, tenui, fibrosa, parum altè in terram descendente, albidâ: ex qua folia exeunt Chelidonii majoris incisurâ, distant quod nec succum luteum edunt, nec cæcia, sed viridia sunt, asperâ hirsutis obfita, atque extremum folium non retusum ut Chelidonia sed acutum habent, atque minora sunt: Caulis angulosus est, atque alis multis dividitur: Flores edit purpureos, umbellatos, Chelidonio pares: siliquas postea alternatim frequentèrque hærentes, rectas, quarum extremitates partes coelum versus tendunt, quibus spica confici videtur siliquarum duorum digitorum, quæ cum exficari incipiunt flavescunt, atque vento flante vel aliquo illas tangente disrumpuntur ab imo, atque semina ejaculantur flava Cardamines modo, parva, gustu acri, sicut etiam folia.

Locus & Tempus.

In agro Neapolitano oritur, in valle supra adem S. Mariæ vitæ inter rubos, cynocramben, &c. Floret Martio & Aprili.

C A P. XXI.

De Rhapsano sylvestri cum siliquis curtis.

A. 1. *Raphanus rusticus* Ger. Park. C. B. *sylvestris sive Armoracia multis* J. B. *Rapish.*

**R**adix crassa, furculosa, repens, sapore fervidissimo: Caules singulares, bicubitales, concavi, striati, recti & rigidi: Folia inferiora antequam caulem proferat ampla, Lapathi, rugosa; ubi caulem autem profert, in eo folia palmum longa unciali latitudine aut paulo majore, in ambitu profundè satis serrata, gustu minus fervido quàm radix, ex quorum alis furculi tenues prodeuntes flores sustinent positu & formâ Nasturtii palustris cum apicibus luteis. Succedunt siliquæ parvæ, breves pro plantæ magnitudine.

Locus.

Gaudet solo humido. Copiosum observavimus sponte natum in fossis & ad rivulos in Northumbria circa Alnevicum & alibi. D. Martinus Lister ad ripas rivuli Skiptonenfis & alibi in Bollandi in ea Eboracensis comitatus parte quæ Craven dicitur.

Vires.

Eisdem cum Rhapsano sativo facultates obtinet, sed fortiores. In condimentis appetitum facit, at caput lædit. Urinam & arenulas violenter pellit. Commendatur & ad tussim & phthisin. Specificè scorbuticis prodest. Ciet vomitum si succus vel infusio in aceto cum melle tepida assumatur & aqua superbibatur. *Schrod.*

Hujusce radices in aqua prius maceratas ad acrimoniam tollendam Lemovicensis plebs oleo conditas edit, tum frescas, tum elixas, tum aliis modis præparatas. *Le Fardinier François.*

Raphani rustici vires in calculo ab experimentis deprædicat Tho. Bartholinus, Aët. Med. An. 1676. Observ. 38, 39. Affirmat succum Rhapsani resolvissè calculosam substantiam è corpore humano exemptam. E collectan. D. Tancr. Robinson.

Radix Armoraciæ meritò commendatur à Gabelcofero Centur. 1. Cap. 14. ad Anorexiam. D. Hulse ex Ettmulleri praxi.

A. 2. *Raphanus aquaticus* Ger. Park. *aquat. Tabernamontani* J. B. *aquat. foliis in profundas laciniis divisis* C. B. *Water Radish.*

Caules huic bicubitales aut altiores, striati, concavi subinde rubentes. Folia interdum profundè laciniata, alias integra & per margines duntaxat serrata, oblonga, acuminata, in caule alternatim posita. Flores in summitatibus caulibus & ramorum pro plantæ ratione parvi, tetrapetali è calico quadrifolio, lutei, tenuibus & longiusculis pediculis insident; quibus succedunt siliquæ parvæ, breves, à caule extantes, & rectos ferè angulos cum illo efficientes.

Locus.

In fossis lacustribus & fluviis sub finem Junii mensis & Julii initio floret.

Ego hanc plantam omnino specie eandem esse existimo ei quæ J. Bauhino describitur sub titulo Radiculæ sylvestris sive palustris, h. e. Rapistro aquatico Tabernamontani. Confer descriptionem J. Bauhini cum ipsa planta. Proinde Raphanus aquaticus Tab. & ejusdem Rapistrum aquaticum non differunt specie.



Icon *Raphani aquatici* qui apud C. Bauhinum in *Prodr.* & alio; extat, minimè convenit plantæ nobis hoc in loco descriptæ: sed alterius cujusdam speciei esse videtur. Lobelianam iconem non multum improbamus.

3. *Raphanus aquaticus alter* C.B. Park.

Morif.

*Caulem* emittit tripedalem, aliquando altiore, in ramulos tenuiter divisum, glabriores multo ceterorum suæ familiæ, ad quorum genicula nascuntur folia cossis asperis prædita, profundius sinuata, serrata versus eorundem partem inferiorem.

In summis alis proveniunt flores albi, tetrapetali, cum staminibus luteis in medio singulorum. *Radicem* constat longâ flexili, fibris scatente.

Si detur hujusmodi *Raphanus aquaticus* flore albido aut purpurascente, qualis describitur à Parkinsono & Morifono, nobis certè incognitus est. Figura *Raphani palustris* alterius apud Parkinsonum & C. Bauhinum in prod. bene respondet *Raphano* aquatice priore in loco nobis descripto qui tamen flores luteos minimos profert, non albos aut purpurascences, quod ego unquam viderim. J. Bauhinus *Rapistrum aquaticum* *Tab. Ger.* pro *Radicula* sua palustri cui flores luteos tribuit, habet, hoc est ut nos existimamus pro *Raphano* aquatice vulgari nostrate.

Dux species esse videntur, altera folio in profundas lacinias diviso, quæ à C. Bauhino depicta est.

Alter a folio plerumque integro, interdum ad pediculum laciniato, quæ apud nos vulgaris: utraque autem flore luteo.

## LIBRI DECIMI SEXTI SECTIO SECUNDA.

### De Tetrapetalis siliculosis seu capsulatis.

*Herbæ flore tetrapetalo capsulatæ seu siliculosæ sunt vel*

(*Polyperma*, capsulâ

(*Tumidiore & subrotundâ*, seminibus

{ *Rotundis* aut tumidioribus, flore

{ *Luteo*: MYAGRUM.

{ *Albo*: DRABA.

{ *Compressis*. *LEUCOIUM* *siliquâ subrotundâ*: duplex est spinosum & non spinosum.

*Tumidiore sed nonnihil compressâ*, foliis crassis & carnosiss, subrotundis, flore albo, semine globoso, sapore salso & amaro, in maritimis plerumque nascens: COCHLEARIA.

(*Compressiore & latiore*, sapore

{ *Acriore*, foliis plerumque

{ *Varie incisiss*, odore acuto & nares torquente: NASTURTIUM.

{ *Integris magnis*, sapore & odore Piperis, radice reptatrice: LEPIDIUM vulgare, Piperitis.

{ *Minus acris*, membranâ cellulas dissepiante ad planum siliquæ

{ *Parallelâ*: ALYSSON.

{ *Transversâ*: THLASPI, cujus varia genera, nimirum vel 1. Floribus & siliquis in longas spicas excurrentibus; vel 2. In umbellas dispositis. 3. Seminibus compressis, capsulis biseutatis, cujus generis *Leucoia biseutata* dici possunt; vel 4. Sapore fatuo: BURSA PASTORIS dicta.

(*Monosperma*, foliis

## Lacubus

## [Glaucis,

- { *Maritima*, flore albo, Brassicæ foliis & facie : *BRASSICA marina* monospermos.  
 { *Terrestres*, flore luteo, 1. Foliis laciniatis, vasculo erecto, cauli appresso, tumidiorum utilibus, siliquis compressis, latis, pendulis, per maturitatem nigris *Linguam avæ* dictam referentibus : *GLASTUM*, *Isatis*, vel flore albo, foliis *Glasti*, capsulis rotundis : *LEPIDIUM glastifolium*.

## [Virentibus,

- { *Eruce facie* maritima : *ERUCA marina*.  
 { *Myagri facie*, capsulis rotundis : *MYAGRO AFFINIS*.  
 { *Nasturtii facie*, capsulis verrucosis : *Coronopus Ruellii*.

## [Hirsutis aut asperis

- { *Virentibus Rapistræ facie* : *RAPISTRUM monospermon*.  
 { *Incanis*, *Leucoii facie* : *LEUCOIUM Siliculosum*, *Lunaria peltata*, &c.

## CAP. I.

## De Tetrapetalis filiculosis capsula tumidiore &amp; subrotunda.

## De Myagro.

**M**YAGRUM nomen accepit, quod insidentes vel prætervolantes muscas lentore suo implicet & retineat, necnon capret.

Nos hoc in loco Myagrum habemus pro herba tetrapetala filiculosa capsulis tumidioribus, floribus luteis, seminibus oblongis aut subrotundis.

- A. 1. *Myagrum* Ger. *sativum* C. B. *sylvestre* seu *Pseudomyagrum* Park. item *Myag. sativum* ejusdem. *Gold of pleasure*.

## F. B.

Ex uno caule cubito altiore rami tenues, teretes, recti, subhirsuti, fungosa medullâ farcti, ramosi prodeunt; quibus alternatim latiore basi adnascuntur folia *Drabæ*, oblonga, mollia, non aspera & *Rubiæ* cui Myagrum Dioscorides comparat, pallida, pinnis caulem amplectentia, leviter in ambitu ferrata, sapore oleraceo. Ex pediculis latis longis flores pusilli, luteoli, quadrifolii; quorum singulis singula succedunt *pericarpia*, gigartis uvarum aliquatentis similia, turgidula, oblonga, cum quatuor angulis vel costis, *semina* continentia multa, oblonga, triangula, *Nasturtio* minora, coloris ferè *Fœnugræci*, sapore *Nasturtii*, quæ in ore retenta contrahunt mucilaginem quandam. *Radix* ubi adolevit lignosa nonnihil & fibrosa.

Inter segetes Lini non rarò invenitur.

Non est cur Parkinsonus *Pseudomyagrum* Matthioli à *Sesamo* Tragi diversam speciem faceret cum C. Bauhinus qui in *Phytop.* & Matthiolo à se edito ea separaverat in *Pinace* iterum conjungat, & errorem illum emendet. Vide J. Bauhinum in hac planta, qui fratrem notat, quod & in *Phyt.* & Matth. distinxerat.

Aliquibus in locis (inquit C. Bauhinus) seritur olei causâ, & latioribus foliis est, multis locis sponte provenit, & hoc strigosius: hinc figurarum varietas, ut in Matthiolo nostro videre est.

2. *Myagrum sylvestre* C. B. *Myag. Turcicum* J. B.

Hoc longè tenerioribus virgulis quàm præcedens nascitur, sed culturâ fruticosior fit, [ait Camer.] semen minus in vasculis vegetioribus profert.

Quia rarius est *Myagri Turcici* nomen sortitur ab hortulanis.

3. *Myagrum fatidum* C. B. Park.

## C. B. prod.

Ex radice caules cubitales, aliquando sesquicubitales, virides, crassi, rotundi & asperi exurgunt: quos folia pallidè virentia, subaspera, levissimè sinuata, quatuor vel quinque uncias longa, sesquiunciam lata, alternatim cingunt, qui in summo in alas breves dividuntur, quibus flores pallidè lutei, longis petiolis donati, veluti umbellæ, insident; hisque utriculis orbiculatis minutum semen continent succedunt.

In Alpibus Helvetiorum, ut monte Fracto & *Spligel* reperitur.



## CAP. II.

De *Draba*.

**D**RABA notam genericam faciam capsulas tumidas & subrotundas, flores albos.

1. *Draba vulgaris* Park. *Dioscoridis* Ger. multis flore albo J. B. *Draba umbellata*, vel *Draba major capitulis donata* C. B.

Vix cubitum superat *Draba*, caule tenui, rotundo, striato, firmo, ex radice lignosa surgente, candicante, tenui, longè latèque serpente & quibusdam fibris præditâ: quem folia alternatim basi suâ amplectuntur oblonga, unciam & fescunciam lata, sinuata ex viridi cineracea. Caulium fastigia in creberrimos abeunt furculos, & ipsos quoque foliosos: quibus umbellatim insident *flosculi* candidi; quibus delapsis *capsulae* suboriuntur, corculum imitatae, ex cono stylum exiguum prominentes, quæ binis suis localis totidem *semina* parva, ruffa continent.

In agrorum marginibus, in Germania, Italia, Gallia non infrequens est. Nulli ferè agrorum *Locum.* margines circa Viennam, totâque adeò inferiore Austria hæc plantâ non sunt obfiti (inquit *Clusius*) quæ subinde in ipsâ etiam arva latè irrepit. Floret Maio & Junii initio: semen sub finem Junii maturum est.

2. *Draba foliis Barbareae. Camelina Myagrum Aldrovando* J. B.

J. B.

Folia numerosa è radice exeunt, longo pediculo hærentia, repanda, principio subangusto, oblonga, laciniata, qualia ferè sunt *Barbareae*, costâ insigni, pallidè virenti donata, à qua nervi saturatior colore exeunt. *Caulis* inter hæc prodeunt multi, pedales, teretes, ac crassi satis lentique, quibus folia præcedentibus ferè similia, sed superius nullo pediculo hærent.

Summitatibus *flosculi* insident candidissimi, tetrapetali, quales *Scorodonthlaspi*, velut in umbellis dispositi. Succedunt vascula sublonga. Radix alba est, simplex, fibris tenuibus capillata. Odor foliorum herbidus, sicut & sapor, gratus tamen satis: radicis verò ad *Nasturtii* saporem quodammodo accedit, sed minus acris, ac minus palatum, & linguam vellicat.

Semen hujus ab Aldrovando acceptum in horto Monbelgardenfi J. Bauhino succrevit.

- \* 3. *Draba minor cum orbicularibus capitulis* J. B. C. B. Park. minor *Clus.*

Clus.

Multa promit à summo radice capite foliola, longis pediculis nixa, aliquantulum angulosa, villis quibusdam obfita; inter quæ gracilis exilit *cauliculus*, palmaris, paucis foliolis longioribus obfitus, qui à medio ferè ad summum orbicularibus capitellis onustus est, membranulâ in binas partes divisâ, semen exile, fuscum continentibus. Radix pro plantæ exilitate satis crassa, paucissimis fibris donata. Aggrè à nobis impetramus, ut hanc plantam *Historiæ nostræ* inseramus, cujus descriptio ex sicca planta desumpta est, eâque floribus carente.

- \* 4. *Draba Chalepensis repens humilior, foliis minùs cinereis quasque viridibus* Moris.

Moris.

A *Draba* vulgari triplici nomine distinguitur: 1. Parvitate, est enim humilior: 2. Foliis minùs cinereis & quasi viridibus: 3. Pluribus filiculis, utrinque etiam tumidis, onerantur cauliculi, qui copiosè sic provenientes numerosiore seminum copiam ad maturitatem faciliè perducunt, cum in *Draba* Arabum semina rariùs ad maturitatem perveniant, ob nimiam rependi licentiam.

Semen *Chalepo* misso orta est Oxonii. Floret cum prima specie.

5. *Thlaspi Alpinum minus, Nobis Draba Alpina minor, capitulo rotundo* C. B. Park. *petraeum minus* Ger. foliis *Globulariæ* affine, sive *Alsinifolia cum Myagri foliis* J. B.

Ad *Thlaspi Globulariæ* folio accedere videtur, sed hoc quàm illa exilius. Nam & radix longa, crassa in plura capita divisa, & foliola numerosissima quibusdam albidis pilis obfita, quædam interdum sinuata, succulenta, crassiuscula & oblongiuscula, humi sparsa, atrovirentia: quibus præteritorum foliorum filamenta substrata. Ex quibus furculi emergunt palmares, aut etiam longiores teretes, glabri, per quos alternatim nascuntur folia, angusta, subpinguia, atrovirentia, ex ima parte colicolum amplectentia. In furculorum divisorum cacuminibus *flosculi* quoque plurimi, lactei, diætæ plantulæ floribus similes; Sapore est acris.

In rupibus humidioribus montium Jure & Salevæ propè Genevâ invenimus. C. Bauhinus in *Locum.* monte Wafferfall collegit: J. Bauhinus in monte Nombres propè Burmum Rhætorum cum vasculis mense Junio, &c.

Descriptio C. Bauhini in Prod. meliùs convenit Plantæ nobis inventæ in rupibus Jure & Salevæ, quam superius posita è J. Bauhini Hist. Siquidem Plantæ nobis observatæ caules tenues erant, & in

plures ramulos brachiati: *folia* ad radicem plura, breviter, acuta, leviter crenata, in caulibus pauca & angustiora: *Flosculi* in summo albicantes, oblongis pedicellis insidentes, &c.

\* 6. *Thlaspi Alpinum majus* C.B. *Alp. majus capitulis rotundis* Park. Nobis *Draba Alpina major*.

Vix alia in re quam partium omnium magnitudine à præcedente differre videtur. Fortè hoc est quod J. Bauhinus describit.

Sunt qui *Thlaspi Alpinum* petræum myagryodes *Ponæ* ab utroque hoc *Thlaspi* distinguunt.

\* 7. *Draba tenuifolia* Park. *tenuifolia, velut spicata*, C.B. *Drabæ species glabra* J.B.

C.B. prod.

*Radice* est oblonga, tenui, albicante: *caulibus* pedilibus, aliquando cubitum superantibus, fragilibus, brevibus, brachiatis: *foliis* paucis, tenuibus, pallide virentibus, nonnihil in ambitu dentatis, triuncialibus, unciam latis, basi lata, caulem cingentibus, alatis, gustu ferventi & acri præditis: *floribus* albis, parvis, in *cauliculis* palmaribus quasi in spica natis: quibus singulis *semen* rotundum parvum, longo pedicello insidens succedit. [J. Bauhino capsulæ parvæ flosculi succedunt.]

Uterque Bauhinus ab Agerio plantam hanc accepit siccam, in horto Bononiensi collectam.

### C A P. III.

#### De Cochlearia.

**C**ochlearia à foliorum forma modicè cava, parvum & non valde profundum cochlear referente Recentioribus dicta: quam aliqui *Telephium*, alii Britannicam Plinii l. 25. c.3. volunt (licet formâ & sapore *Thlaspi* & *Nasturtii* affinis sit) eò quòd ei malo, quod *Stomacacen* & *Scelotyben* vocant (*Scorbutum* esse volunt) auxilio esse Britannicam Plinius scripserit. C.B. Verùm *Cochlearia* Britannicæ descriptionibus quæ apud Veteres extant non responder; proinde verisimilius videtur *Hydrolapathum* magnum Britannicam Plinii & aliorum esse, ut multis probare nititur Abrahamus Muntingius lib. de Britannica antiquorum vera.

Notæ *Cochleariæ* genericæ sunt *Statura* humilis, *vascula* modicè tumida, *folia* subrotunda, crassa, succulenta, *semina* globosa, locus maritimus.

A. 1. *Cochlearia* J.B. *rotundifolia* Ger. *major rotundifolia sive Batavorum* Park. *folio subrotundo* C.B. Common round-leaved Scurvy-Grass or Garden Scurvy-Grass.

J.B.

*Cochleariæ radix* subest crassiuscula, recta, cui adnatæ fibræ aliquot longæ, albæ, tenuissimis capillamentis comatæ: à qua statim oriuntur *folia* multa, pediculis secundum terram purpurantibus, palmum longis, crassa, succulenta, modicè in *Cochlearis* ferè modum cava, saturato virore prædita, supina parte profundo nervorum discursu sulcata, rotunda, alias angulosa: at quæ in caulibus nascuntur magis sunt laciniata, longioraque & sine pediculis, geminâ alâ caulem amplectentia. *Caules* à radice plures, angulosi, in apricis subpurpurei, alias virides, solidi, ramosi, infirmi & vix se sustinentes, dodrantes & longiores. *Flores* multi, candidi, quadrifolii, petalis angustis extremis subrotundis, minimè bifidis, cum sex circiter in medio staminibus luteis, pediculis semuncialibus à caule extantibus. *Capsulæ* seminales turgidulæ binis loculamentis constant, in quorum singulis tria aut quatuor plerumque semina parva, rotunda, ruffa, continentur. Totius plantæ sapor cum amaro quodam acris, *Nasturtium* resipiens, sicut & odor.

Locu.

Ad litus maris sponte oritur variis in locis circa Angliam, præsertim in Cumberlandia & Lancastria, in ipsis etiam scopulis è saxorum fissuris & petrarum rimis exit: quin & procul à mari ad latera montium, secus rivulos aquarum ibidem defluentium observavimus plurimam v.g. in Montibus *Penigent*, *Ingleborough*, *Stanemore*, *Castleton*, &c. Hujus autem quæ in montibus oritur folia multò minora sunt & rotundiora planioraq. quam maritimæ & *Cotyledonis* foliis similia: Verum in hortos translata faciem mutat planta & maritimæ magnitudinem assequitur.

Vires.

*Cochlearia* acris est & calida, sale volatili abundat, unde fixos & crassos humores spirituales ac volatiles reddit. Morbis illis medetur qui à sale fixo nimis copioso originem ducunt; inprimis verò *Scorbuto*, cujus peculiare aut proprium seu specificum (ut vocant) medicamentum est, unde & Germanicè & Anglicè indè nomen sumpsit. Usurpari solet à nonnullis in lacte aut vino decocta. Verùm quia partes illæ in quibus præcipua vis & utilitas hujus herbæ consistit, admodum volatiles sunt, & coctione faciliè evanescant, succus herbæ expressus, aut ejus infusum efficacius esse videtur quam decoctum.

Recens cerevisiæ infusa in vitro probè obturato brevi intra tres quatuorve dies totam suam vim antiscorbuticam seu spiritum volatilem ei communicat: Nos experientiâ edocti ejusmodi cerevisiam pro potu ordinario *Scorbuticis* commendamus. Minus commoda est in qua *Cochlearia* diu infusa fuerit, nam diuturna infusione partes terreæ & fixiores herbæ eliciuntur & *Cerevisiæ* communicantur, partisque volatiles vel avolant, vel cum fixioribus complicatæ vim suam amittunt.

Scorbutus



Scorbutus populis qui in salis & maritimis degunt, præsertim Septentrionalibus, ferè endemius est, usque qui piscibus Sale conditis plurimum victitant. Hinc quæcunque Sale volatili abundant, ut *Cochlearia*, *Nasturtium*, *Raphanus*, *Becabunga*, ad hujus curationem maximè valent.

Tales plantarum species in quacunque regione à Deo creantur quales hominibus & animalibus ibidem natis maximè conveniunt, imò ex plantarum nascentium frequentia se ferè animadvertere possè quibus morbis [endemis] quælibet regio subiecta sit, scribit Solenander. Sic apud Danos, Frisios, Hollandos, quibus Scorbutus frequens, *Cochlearia* copiosè provenit.

Qui *Cochleariæ* succum fastidiunt iis extat tinctura seu essentia liquida, quæ passim in Germania usurpatur. R. *Cochlear.* recentis q. v. Contunde in mortario marmoreo, eamque inditam vasi convenienti aquâ vix subtepida, vel, quod melius, proprio succo crudo irrota, in quo tantillum fermenti vel facis cerevisiæ solutum est. Consperge raro sale. Ubi hæc probè l. a. remissa sunt, reponantur vase optimè operculato tandiu in locum subterraneum, usque dum acriorem odorem spirant quàm cum recens *Cochlearia* contusa est: quod ubi advertis destillentur per Alembicum in *M. B.* & obtinebis *Sp. Cochleariæ*. Postea R. nova *Cochleariæ* folia, contunde & exprime torculari valido ex iis succum, eumque levi aqua in *M. B.* in vase aut vitro optimè lutato defæca, & per chartam bibulam filtra. Hujus hac arte depurati succi tribus partibus affunde partem 1. *Sp. Cochleariæ* paullo ante descripti. Digere vel circula l. a. quibus si addideris paululum Sacchari essentia *Cochleariæ* parata est, quam præstantissimam & efficacissimam in Scorbuticis affectibus comperi, ubi in aquis destillatis convenientibus, imò vel vino Rhenano & similibus vehiculis, una trémque altera uncia diluitur, maximè si mixturæ simplicis dictæ aut diaphoretici in peracutis aliquot guttulæ ad ʒj. pro dosi remisceantur. Atque ea hæc & Trifolii fibrini essentia invicem remissa æquis partibus constat essentia liquida. *S. Paulus.*

*Cochleariæ* succus cum herba contusa imposita & alligata faciei maculas sex horarum spatio tollit, postea verò decocto furfuris est abluenda. *D. Palmer* è prælect. *D. Hermannii.*

In Epilepsia contortas partes præ reliquis spirituosis aromatis fovere convenit, inprimis Spiritu *Cochleariæ*, quo sæpissime hostem fugatum gloriari possumus. *D. Soame* è Dolzi. L. 2. C. 1. S. 19.

In excrescentia gingivarum scorbutica succus *Cochleariæ* cum alumine usto mistus perquam egrius est: sicuti ad hæc ipsa gingivarum vitia ex scorbuto nulli cedit Vermicularis, cujus decoctum cum alumine & melle nobile experimentum est gargarizando usurpatum. *D. Hulse* ex *Ettmulleri* praxi.

A. 2. *Cochlearia folio sinuato* C. B. *Coch. vulgaris* Park. *Britannica* Ger.

*Folia* promit multa, crassa & succulenta, longiora quàm lata, & interdum angusta, aliàs ad margines æqualia, aliàs nonnihil sinuata, interdum etiam plana, æqualia & acuminata, vel è contra in medio paullum concava, & subrotunda, obscure viridia & nonnunquam subfusca, longis pediculis insidentia: inter quæ surgunt *cauliculi* tennes, paucis foliis cincti, longioribus & minoribus, *flosculos* sustinentes multos, albicantes, cum *staminibus* in medio luteis, *capitulum* viride ambientibus, quod augescens fit vasculum seminale, turgidulum, cum tamen maturuit nonnihil compressum *Thlaspeos* in modum, cui inest *semen* minutum, rufum, acre. *Radix* multis fibris albis constat, in limum altè demissis.

Ad ripas Tamefis fluvii utrinque copiosè oritur, inque salis palustribus quæ maris æstus aliquoties inundat, in Essexia, Cantio, & universâ orâ maritimâ Meridionali Angliæ ad Portlandiam & Plimostium usque. Ego equidem suspicor *Thlaspi* hederaceum *Lob. Ger. Park.* nihil aliud esse quàm hoc genus *Cochleariæ*, quæ non rarò foliis triangulis *Hederaceorum* æmulis provenit.

A. 3. *Cochlearia minor rotundifolia nostras*, & Park. *An Thlaspi hederaceum* Lob?

Hæc præcedenti per omnia ferè similis est, sed minor. *Folia* parva subrotunda, unguem minimi digiti magnitudine vix excedentia, angulosa, præsertim quæ in caulibus sunt. *Caules* dodrantes tennes, infirmi: *flosculi* parvi, purpureo-rosæ.

Ad mare in insula Anglesea invenimus.

Hæc quamvis in hortis lata, è semine deciduo se aliquoties renovans, statura & magnitudine augetur, nunquam tamen præcedentes dimensiones ullatenus assequitur, unde specie distinctam opinamur.

*Locus.*

\* 4. *Cochlearia minor erecta* C. B.

C. B.

Ex *radicula* capillacea *cauliculus* tenuis, levis, palmo minor prodit: *foliola* habet ad radicem pauca, exigua, oblongis capillaceis pedicellis donata; & quæ *cauliculum* alternatim ambiunt lente minora sunt, exiguis pedicellis donata, & instat *Cochleariæ* Britannicæ sinuata. In *cauliculo* summo *flosculi* albi, quibus *siliqua* parvæ oblongæ, *semen* minutissimum nigrum continent.

In Daniæ insula Amagria oritur.

*Cauliculis* erectis; *flosculis* albis, *siliquis* oblongis, si modò rectè describatur, à præcedente differt.

*Locus.*

\* 5. *Cochlearia Danica repens* C. B.

Hæc unciarum trium est, radicula & foliis priori similibus, sed numerosioribus, inter quæ *cauliculi* semiunciales, minutis *flosculis* albis ornati. Hæc eodem quo prior loco provenit, humi instar *Herbæ Cancræ* [ *Herniariæ* ] serpit, omnino foliis, floribus, seminum loculis & gustu priori respondens.

Si

Si hæc revera cauliculis serpat, omnino specie distincta est à præcedente, verum si duntaxat humi procumbat Herniariz in modum, fortè eadem fuerit vel præcedenti, vel Cochleariz nostrati rotundifoliz minori.

6. *Cochlearia Arenorica Thlaspi hederaceum* Hist. Lugd. Cat. Parif. *Thlaspi hederaceum* J. B. Ger. Park. *Tbl. exoticum* L. seu *repens hederæ folio* C. B.

Lob. Ob.

In Portlandiz peninsula, Cornubiz vicino portu Plimuthæ aliisque maritimis Angliæ cautibus repens herbula dodrantalibus & spithamais gracilibus cauliculis, striatis, puniceis; foliis sinuosis, hederaceis, carnosis. *Flosculi* candidi, & *semen* exile in folliculis gustu & habitu Thlaspi expriment.

Hanc plantam, nisi sit *Cochlearia minor rotundifolia* nostras (cujus folia quæ in caulibus angulosa sunt & hederacea referunt) neque nos, neque quisquam alius, quod scimus, Anglus in locis à Lobelio memoratis, aut alibi in Anglia (quod mirum) invenit.

#### C A P. IV.

##### De *Leucoio filiqua subrotunda*.

1. *Leucoium cum filiquis rotundis flore luteo* J. B. *Thlaspi incanum marinum Hispanicum*, *Eruca peregrina* Clusii Park. *Leucoium incanum filiquis rotundis* C. B. *Leucoium marinum luteum majus* Clusii & Lobelii Ger.

J. B.

**P**ures ex radice candida, fibrata, mediocriter crassa caules profert, cubitum altos, teretes, leviter hirsutos, & in multas alas diductos. *Folia* semunciam plus minus lata, palmum longa, subhirsuta & nonnihil incana. *Flores* extremis ramis copiosè congesti hærent, parvi, lutei: quibus superveniunt utriculi turgidi, medium dissepiente membranula tenui, cui adhærent *semina* foliata orbiculata, ruffa, Leucoii granis similia.

Tempus  
Locus.

Aprili mense floret, & in maritimis Istriæ & Illyriæ passim provenit. Dourex. Crescit quibusdam locis incultis & secus vias in Castella, ubi Maio floret. Clus.

2. *Thlaspi spinosum* Ger. *spinosum fruticosum* C. B. Park. *Leucoium spinosum sive Thlaspi spinosum aliis* J. B.

J. B.

Dodrantali ferè est radice, crassiusculâ, contortâ, lignosâ, foris propemodum fuscâ, intus bureâ, in plura capita facessente. *Stolones* lignosi, crebri, duarum triumve unciarum, aut paullo longiores, fusco aut incano, porraceove cortice vestiti, in ramos frequentes divisi, alii in spinas longiusculas, rigidas, mordaces rectasque abeunt, positi & formâ Pimpinellæ spinosæ. *Folia* per imos ramos pauca, per superiores conferta, incondita, Thlaspeos montani lutei, semiuncialia, atq. uncialia, vix culmum lata, mucrone obtuso, crassâ, incana, sapore Brassicæ acriusculo. Extremis ramulis hærent ex mediocribus pediculis gemino ordine, viridantes *capsule*, capitulis Myagri similes, bifores, dissepimento membranulæ lucidæ in duos loculos distinctæ, *semen* continentes rufescens, rotundum, compressum, gustu acri.

Locus.

In summis rupibus montis Lupi non procul Monspelio copiosè provenit.

*Cardamine pusilla saxatilis montana Dourois* Col. *Nasturtium pumilum vernum* C. B.

Ob fructum ovalem tumidum ad hoc genus pertinere videtur. Vide inter Nasturtia.

#### C A P. V.

##### De *Tetrapetalis filiculosis capsulâ compressâ*.

##### De *Nasturtio*.

**N**asturtium *ῥαβδαν* Dioscoridi l. 2. c. 185. Theophr. 7. Hist. 1. vel quasi *ῥαβδαν* quia *ῥαβδαν* caput domat, h. e. purgat acrimoniâ suâ. Nam id quod nigrius est capitis vitia purgare ait Plinius l. 20. c. 13. vel est id nomen à *ῥαβδαν*, quod cordatos facit. Nam dicunt *ῥαβδαν ῥαβδαν ῥαβδαν ῥαβδαν ῥαβδαν ῥαβδαν*. Hinc proverbium in pigros & desides *ῥαβδαν ῥαβδαν*, *Nasturtium comede*. Quò Plinius respexit, cum verbis ante allatis subjungit: & inde *vigoris* significatio proverbio id vocabulum usurpavit, veluti torpore excitantis. Nasturtium autem quasi Nasturtium



tum dictum est, quod nasum torqueat, odore & seminis acrimoniâ sternutamenta provocans. *Plin. Karro, Isidor.*

Nasturtii notæ characteristicae sunt Sapor acris, odor acutus & nares feriens, folia plerunquevane incisa.

1. *Nasturtium hortense* Ger. Park. *vulgare* J. B. *hortense vulgatum* C. B. **Common Garden-Cress.**

*Radice* est albâ, lignosâ, simplici, nonnunquam tamen multifidâ aut furculosâ, fibris tenuibus capillatâ, minus acri quàm sunt folia, quæ minutis incisuris secta sunt: adulta & quæ in caulibus existunt, vel *Erucae* modo dividuntur, vel integra sunt & oblonga, sapore acri, acetariis expetita. *Caulis* plerunque singularis, (interdum plures) teres, glaber, solidus, in alas multas divisus, ab imo statim ramosus, & crebra ramulorum subdivisione fruticosus admodum, glauco quodam polline obductus, qui faciliè detergi potest. *Flosculi* in summitatibus caulibus & ramorum exigui, tetrapetali, ex albo dilutè rubentes, pediculis brevibus insident, qui dum successivè aperiuntur, in spicas longas excurrunt furculi feminibus onusti. *Semen* fulvum seu rufum in filiquis seu vasculis parvis, compressis, rotundiusculis *Thlaspeos* vulgatissimi, in summo fissis. Singula *vascula* in binas cellulas divisa, binâ duntaxat *semina* continent; in singulis scilicet cellulis singula.

Floret Maio & Junio, cùmque semen perfecit radicitus exarescit.

Dux præterea habentur *Nasturtii hortensis* seu *Species* seu *varietates*, altera folio integro æquali, J. Bauhino *Nasturtium hortense latifolium* seu *Dioscorideum dicta*; C. B. *Nast. hort. latifolium*; Gerardo N. h. *Hispanicum*; Park. N. h. *latifolium Hispanicum*. **Broad-leaved Garden-Cress**: altera folio crispo, quæ *Nasturtium hortense crispum* Joh. Bauhini J. B. *hortense crispum* C. B. *hort. crispum latifolium* & *angustifolium* Park. **Curled Cress.**

Caulibus, floribus, feminibus cum *Nasturtio* vulgari convenit, foliis plurimum differt, quæ huic miris modis laciniata & crispis oris fimbriata sunt: quin & folia seminalia in hac specie non sunt: tripartitò divisa, quemadmodum in vulgari, sed integra, unâ duntaxat utrinque in margine incisurâ secta.

Acris & calida est tum herba, tum præcipuè semen: unde atten. aper. abstergit. *Ufus præcip. Vires.* est in tumido lienæ, mensibus obstructis, foetuque mortuo expellendo: tartaream mucilaginem pulmonum incidit, & Scorbutum confert. Vulgo quidem ad expellendos morbillos inservit semen. Extrinsecus usu venit in apoplethmatis, errhinis, phœnigmis: furfures ac scabiem scædum capitis aliarumque partium sanat tritum aut frixum cùmque porci axungia illitum. *Schrod.*

Usurpatur passim ad ciborum condimenta & intinctus. Venit quoque vere & per ætatem cum Lactuca atque aliis herbis oleo, aceto & sale, in mensas. Lactucæ frigiditatem attemperat, ventriculi calore suo refocillat, & concoctionem promovet.

Belgæ *Nasturtio* cum pane & butyro Maio mense frequenter utuntur. Facit ad grave illud malum quod Scorbutum appellant: nec minor est hujus quàm vel Cochleariæ, vel *Nasturtii* aquatici in hoc morbo vis & facultas.

In affectibus comatosi seu lethargici nil præstantius est quàm *Nasturtium* tam coctum, quàm in acetariis ab experientia *P. Forstii Observ. Med. Lib. 10. Obs. 39.*

Ex Paræo observat Sim. Paulus, ad scædam crustosam puerorum scabiem nihil tam promptum esse & efficax, quàm *Nasturtium hortense* tritum aut frixum cum porci axungia: nam intra viginti & quatuor horas crustæ ut decidant perficit, quinetiam si eo quis utatur diutius, persanat, ut ille experientia cognovit.

A. 2. *Nasturtium sylvestre* J. Bauhini: *Thlaspi angustifolium* Fuchsii J. B. *Thlaspi minus* Ger. *Nasturtium sylvestre* Osyridis folio C. B. Park. **Partow-leaved wild Cress.**

Dodrante majus est, sativo simile formâ & odore & sapore, ni minor esset; *radice* satis crassa, lignosâ, fibris donatâ, albâ, saporis fervidi: ex qua *caules* emittuntur plures, crassitudine radici superiores, perquam carnosæ, duri. *Folia* infima caduca, *Nasturtii* vulgaris foliis similia, laciniata, multò tamen minora: ab Iberide huic ab simili differunt, utpote cui folia infima per extremam oram ferrata duntaxat aut crenata existunt, & latiora: nam superiora tenuia, angusta, Iberidis pene sunt odore, & sapore vehementer acri. *Flosculi* minimi, albi, visum ferè fugiunt, ad Iberidis flores accedentes: quos necdum delapsos *silique* numerosissimæ excipiunt, ex longiusculis pediculis parvæ, rotundæ, compressæ, & supremo margine fissæ: quibus dehiscensibus duo *feminula* ruffa, oblonga cum valvulis excidunt, relicta membrana albâ dissepiante.

Spiritus *Nasturtii* (nescio an de hoc intelligat) exhibetur à Danicis medicis maximo cum successu. *Vires.* Sed hic spiritus fermentatione elicitur, circulator, & unitur cum proprio suo sale fixo & oleo. Modus præparationis extat in *Tbo. Bartholini Aët. Med. An. 1671. Obs. 184.* hæc nobis suggessit D. Tancredus Robinson.

Castra ego in Germania secutus observavi complures meorum commilitonum hydrope vel dysenteria laborantium pristina sanitati esse restitutos, quibus suavis Chirurgi castrantis singulis vicibus seminis *Thlaspeos* ʒʒ. propinabatur. S. Paulli Quadrip. Bot. Claf. 3. p. 505.

3. *Nasturtium Alpinum capsula* *Nasturtii* vulgaris J. B. Bauhini J. B. *Alpinum capsula* *Nasturtii hortensis* C. B. Park.

Vix tres uncias altum est, *radice* lignosâ, paucis fibris donatâ: *Coliculi* duo aut tres, per quorum summam *capsula* *Nasturtii* vulgaris, non dissimili ordine positæ: *Folia* parva, simplicia, crassa, angusta, uncia, quantum animadverti, breviora: *flosculi* parvi, albi, ut existimo.

Locus.

In Rhætia monte Nombre, propè balnea Wurmbe æstare florebat & filiquas habebat. Ex herba sicca descripti.

4. *Nasturtium Alpinum tenuissimè divisum* J. B. C. B. *Cardamine Alpina* Ger. *Alpina minima* Park.

Aliàs trium unciarum plantula est, aliàs ferè dodrantalis, [Clus. uncialis,] *Foliola* habet minutissima, terna, quina, septena ad costam annexa [Clusio viridia, gustu acri & fervido] sic ut tota interim ala semuncia interdum non sit longior, aliàs uncias duas excedat, sapore fervido Nasturtii. *Coliculos* habet plures, nonnunquam unicum: in cujus fastigio *flores* multi sunt coacervati, candidi, pro plantæ proportionem magni, è quatuor foliis Pastoriæ minimæ. *Radix* alba, crassiuscula, longa, fibris longis donata.

Locus.

In ipsis scopulis summi jugi Sneberg invenit Clusius, Augusto mense florentem. Invenitur etiam in Tirolensibus & Salisburgensibus montibus, teste Camerario.

In planta nobis observata in monte Jura *silicula* succedebant oblongæ, compressæ, mucronatæ, Paronychiæ vulgaris similes, verùm minores: fortè cum adultiores sunt in crassitiem intumescunt. Huic aut potius proximè sequenti similis est si non eadem planta

5. *Thlaspi montanum minimum Monspelisium folio laciniato* J. B.

f. B.

Lignosis, albis prolixis, multifidis *radiculis* nititur, ex quarum capite *surculi* emergunt numerosi, interdum vix unciales, aliàs trium, quatuorve unciarum altitudine, ramosi; *Flores* congesti, exiles, albi; quibus paullatim delabentibus sensim succedunt longiore intervallo diffusæ *siliquæ*, mili grano æquales, ex rotundo oblongæ, in duos loculos interveniente candida membranulâ divisæ, ex pediculis longiusculis pendentes: *Semina* minuta, ruffa. Folia tum ex radice statim, tum ad caulium ramorumque divisiones uncialia vel semuncialia, in profundas angustissimas lacinias ad costam usq, incisâ.

Locus.

In Boutonet propè Monspelium à Cherlero collectum est. D. Magnol nec ibi nec alibi circa Monspelium invenit.

Flore exili à præcedente planta differt & cum sequenti convenit; verùm filiquæ formâ præcedentem potius imitari videtur.

6. *Nasturtium Alpinum folio alato*, *Thlaspi montano minimo Monspel.* J. B. simile, si non idem. An *Cardamine pusilla saxatilis montana* *Donndis* Col.

Ex radice simplici, albâ, lignosa, fibris majusculis donatâ *cauliculus* exurgit nunc simplex, nunc multiplex, ab imo statim ramosus, palmi interdum altitudine, sæpius tamen duarum duntaxat triumve unciarum, rotundus, foliis vestitus alternatim positus ad ramulorum exortum. Sunt autem *folia* tam quæ à radice exeunt, quàm quæ in caulibus existunt, ad modum Valerianæ Græcæ, septem vel octo vel etiam pluribus, (interdum paucioribus) pinnularum mediæ costæ adnexarum conjugationibus cum impari in extremo folio composita. Sunt autem pinnulæ figurâ ferè rhomboide & à se invicem remotius seu rarius sitæ. *Flosculi* in summitatibus caulibus & ramulorum, eodem modo dispositi quo in reliquis hujus generis, minutissimi, albi, quadrifolii, cum *staminulis* in medio luteis. Vascula seminalia Thlaspeos minoris, compressa, exterius gibba, interiùs concava, *semen* continentia exiguum, ruffum.

Tempus &amp; Locus.

Initio Maii floret, & maturo semine (quantum quidem ego ex habitu plantæ conjicere potui) exarescit. In Saleva monte, locis udis, observavi.

*Cardamine pusilla*, saxatilis montanas *Donndis* Col. ab hoc non diversa videtur; siquidem descriptiones conveniunt, nisi quòd Columna fructui ovalem figuram attribuat. Vide descriptionem apud Columnam, quæ in nonnullis nostrâ paullo plenior est. Montibus umbrosis, & humentibus locis terrenis invenit.

7. *Nasturtium pumilum supinum vernum* Botan. Monsp.

Magn.

A pumilo verno præcipuè distinguitur, quòd ramulos supinos habeat, divisuras foliorum inæquales & ultimum ac impar folium majus. *Flores* & *capsula* eadem sunt.

Locus.

In humidis versùs Lateram & Perauls invenit D. Magnol.

8. *Nasturtium sylvestre Erucæ affine* C. B. *Nast. syl. Valentinum* Clusio J. B. Park. *Erucæ Nasturtio cognata tenuifolia* Ger.

Clus.

Unico hæc planta assurgit *caule*, sed statim à radice supra solum multis alis diviso, hirsuto & aspero, virente, rotundo, pedalis longitudinis: inferiora *folia* qualia sint pronunciare non possum, quia jam in semen magna ex parte evaserat planta cum observabam; quæ tamen sub alis cauli inhærebant, tenuia erant & multifida, Nasturtii vulgaris & legitimi foliorum pæne æmula, tenuiora tamen & viridia, acri gustu, ut Nasturtium. Extremis ramis fert multos spicæ in speciem congestos *flosculos*, quatuor foliolis pallefcentibus constantes, in quibus totidem *stamina*; quibus evanescentibus succedunt *siliculae* breves, duabus valvulis five utriculis constantes cum lingula prominente, non quidem sursum erectæ ut reliquorum congenerum, sed deorsum inflexæ, in quibus Nasturtii æmulum *semen*. *Radix* est singularis, candicans, latis crassa, non tamen vivax, sed quæ singulis annis perit.

In



In regno Valentino Martio mense, florentem hanc plantam & semine jam plenam inveniebat *Locus*. Clusius.

- A. 9. *Nasturtium petraeum* Tab. Ger. *Bursa pastoris minor* Park. *minor foliis incis & Thal*  
C.B. *B. pastoria minima* Ger. *parva folio glabro spisso* J.B. *The lesser Shepherds*  
*Purse, or Rock-cress.*

*Radix* ei alba, lignosa, simplex, fibris paucis majusculis donata, languido sapore *Nasturtii*. *Folia* primo erumpentia simplicia, rotunda, parva; reliquæ *Burse pastoris* modo nonnihil lacinata, crassa, glabra, vix sextantalia, à radice crebra. *Cauliculi* plures semipedales aut dodrantes, interdum nudi, aliis foliis parvis, nullo ordine positos vestiti, non ramosi. *Flasculi* plurimi in summis caulibus parvi, albi, tetrapetali, successivè aperiuntur; quibus succedunt *capsulae* minores & rotundiores quam in vulgari *Bursa past.* duo plerunque seminum paria continentes.

In solo arenoso apud nos plerunque provenit, nonnunquam & in petrosis.

*Nasturtium petraeum* Tab. Ger. huc refero, cum J. Bauhino.

*Locus.*

- \* 10. *Nasturtium minimum vernum foliis tantum circa radicem* Botan. Monsp.

*Magnus*. In isto *foliola* in orbem disposita tantum circa radicem oriuntur, leviter incisa, quædam etiam sine incisionibus. *Cauliculorum* unum, aliquando duos producit, uncias duas altum, in cuspis summis *stoculi* albi sunt, ex quibus *capsulae* oriuntur sicut in *Thlaspi*, pro plantæ parvitate satis magna.

Primo vere floret in ingressu luci *Grammuntii*.

*Locus.*

## CAP. VI.

### De *Nasturtio Iberide*.

*Iberis* vox Latina est ab *Iber* *Iberis* vel *Hiberis*, quod in Hispania copiosè nasceretur. *Nasturtii* species est, à flore, siliquis & odore.

1. *Iberis* J.B. *lb. Cardamanica* Lob. *Iberis latiore folio* C. B. Park. Ger. *emac. Scitica*  
*cress.*

J. B.

Statim è radice alba, lignosa, mediocriter crassa, paucis fibris donata plures profert *caules*, dodrantes & altiores, duos, frequentibus alis concavos. *Folia* quidem prima longis pediculis appensa, semunciam lata, duas tréve uncias longa, per extremum serrata: superiora vero & quæ in caulibus ramisque *Linariæ* foliis paria, angusta, acuta, nullo pediculo donata, nec crenâ ullâ incisa: sapor omnibus fervidus *Nasturtii*. *Flores* extremis ramulis coacervati hærent, candidi, *Nasturtii* floribus similes. *Sement* continetur minutum in parvis thecis oblongis, quarum valvulas dissepit membranula.

In incultis, ruderatis & secus vias ubique ferè tum in Germania, tum etiam in Italia, Sicilia & *Locus*. Gallia Narbonensi.

2. *Iberis Nasturtii folio* C. B. Park. *b. e. Iberis* Cam. ep. & *Matth. mag. fig. Cardamanica tenui-*  
*folia* Ger. *emac.*

Nihil aliud est quam *Thlaspi angustifolium* Fuch. sive *Nasturtium sylvestre* J. B. ex sententia J. B. cui & nos libenter suffragamur: ideòque *Iberidem* in duas species non distinguimus.

- \* 3. *Iberis humilior, annua Virginiana ramosior* Morif. Aliis *Piperitis* seu *Lepidium Americanum*.

Morif.

Hæc facile distinguitur à priore 1. *Duratione*: 2. *folia* producit latiora, viridiora, magis crenata: 3. *Caules* humiliores & ramosiores: 4. tandem *Flores* duplo majores, & consequenter majores itidem *capsulas*.

*Iberis* dicta odore & sapore est *Nasturtii*, proinde etiam viribus cum eo convenire videtur.

Veteres, Dioscorides, Galenus, Plinius & Damocrate ad dolorem ischiadicum eam commendant. *Radix* contusa magnâ copiâ (difficiliter autem tunditur ætate & recens, tunc enim fortissima, & usus efficacior) cum modica axungia, adhibetur toti cruri & maxime coxendici; finitur per quatuor horas in viris, minis in mulieribus, deinde aufertur & crus in balneo ponitur, post inungendum ex oleo & vino, ac demum terfa pinguedine & sudore, tegendum molli lana, ut æger ambulet: Si opus fuerit repetendum post dies viginti.

*Vireh.*

## CAP. VII.

## De Lepidio.

**A** Epidem. Dioscoridi l. 2. c. 205. sic dictum quod *Aspidem* seu squamas & maculas faciat delectat; vel *Aspidem* ad est, *Aspidem*, quod sua acrimonia urenti ulceret, excoquat, & quo facultate vel ferro notis fronti servorum inultas delectat, de quo forsan Columella lib. 10. *Lepidium* Plinio lib. 20. c. 77. C. B.

*Lepidium* notæ genericæ sunt. Folia integra magna, folioli parvi albi, filiquæ indem parvæ, sapor & odor Piperis, & in vulgari specie radix reptatrix.

- A. 1. *Lepidium latifolium* C. B. *Lep. Pauli* J. B. *Piperis* sive *Lepidium vulgare* Park. *Raphanus sylvestris* Officinatum, *Lepidium Aeginetia* Lobelio Ger. *Dittander*, *Pepperwort*.

Radix digitali crassitudine & major, alba, gustu acri & calido sed qui subitò evanescit, sub terra reptat. Caules emittit plures, bicubitales, teretes, laves, medulla farctos, ramosos, minimo digito minores, glauco quodam polline, qui faciliè detergi potest obductos. Folia longa, lata, in acutum definentia, Mali Citriæ similia, sed lapsius majora, glabra, pingua, obscurius virentia, alternatim adnata, per margines serrata: quæ à radice exeunt & in imo caule sunt, pediculis longis sustulata. Folioli in summis caulibus & ramulis pro plantæ proportionem minimi, tetrapetali, albi, conferti & copiosi, pediculis tenuissimis insident; quos excipiunt *vascula seminalia* minutissima, compressa, apice acuto, *semina* continentia.

Reptatu suo hortulanis invisa est. Semen autem ad maturitatem rarò perducit. Ad fluviorum ripas sed rariùs apud nos provenit: ut v. g. prope pontem Hithensem Colcestriæ, necnon Camaloduni, ad pontem Heybridge dictum copiose & alibi prope Fulbridge.

2. *Lepidium glastifolium* C. B. *Lepidium non repens* J. B. *Lep. annuum* Lob. Ger. Park. sed *perperam*. *Annual Dittander*, & *Pepperwort*.

## Morif.

Radix fibrata, ex qua folia oriuntur, primùm palmaria & sesquipalmaria, angustiore principio penes pediculum sextantalem aut quadrantalem, sensim dilatata ad ternas circiter uncias, sensim denuò in obtusum mucronem definentia, nullis per ambitum crenis dentata, sapore Lepidii fervido. *Caulem* proferit bicubitalem & altiore aliquando, qui superne in multos ramulosos finditur, *foliis* onustis plurimis, albidis, majoribus multò quàm sint præcedentis *flores*; quos sequuntur *filiculae* rotundæ, planæ, bifidæ, membranæ per maturitatem pellucidæ & albæ disseptæ, *semina* plurima, sub-ruffa continentia, sapore acri *Thlaspeos* æmula. Folia inferiora glauca, *Glasti* foliorum colore & glabritie æmula; superiora, caulibus alternatim aut nullo ordine adnata, perquam angusta sunt & tenuia.

Quamvis annuum dicatur Lob. & aliis: radix tamen hyemem perfert interdum, & in plures annos durat, etiam postquam semen perfectum dederit.

In agris prope Ratishonam in Germania observavimus copiosè enatum. Verùm quam ibidem collegimus planta capsulas habuit numerosissimas, perexiguas, sphaericas monospermas, unico in singulis semine ruffo: unde specie ab hac diversa sit oportet.

- \* 3. *Lepidium Dioscoridis* Zanoni; *maximum Chalepense* Morif.

Radix demittit satis crassam, longitudine circiter palmari, albam, ruptu difficilem, superius viridem & asperam, plurimis radiculis longis, rotundis à majore hac exeuntibus, quæ hac illuc rependo alias plantas producant, more Lepidii vulgaris, quibus undique scaterere conspicitur locus in quo plantatur, ut difficulter inde erui & penitus eximi possit. *Caulem* edit simplicem aut aliquando duplicem, rotundum, lævem, lucidè virentem, qui in pingui solo proveniens superat cubitalem altitudinem; ex cujus singulis geniculis exsiliunt folia caulem ambientia, quemadmodum fit in Lepidio vulgari, sed Laurinis foliis similia. In summis caulibus ramatim prodeunt *flores* tetrapetali, albi, cum staminibus & apice in medio, quibus flaccescentibus totidem succedunt *capsulae* rotundæ, bivalves, includentes in se *semina* ruffa, Nasturtii vulgaris similibus minora.

Sapor huius plantæ acrior est quàm Lepidii vulgaris, ac proinde potentius remedium est contra dolorem Ischiadicum, Lepram, & dolorem Splenis.

Floret ætate: Semina Chalepo transmissa sunt à D. Rob. Huntington.

Vis foliorum acris & excofaciens (inquit Dioscorides) quapropter trita herba ischiadicis præsentissimum est auxilium, si cum Helenii radice quatuor horis infundatur lienosis simili modo prodest, lepras eximit. Radix appensa collo [adalligata brachio Plin.] dolore dentium liberare existimatur.

Mulierculæ nostrates Burie seu S. Edmundi burgi in Suffolcia, referente Parkinsono, ad partum facilitandum decoctum in cerevisia propinant.



## CAP. VIII.

De *Thlaspi*.

**T**hlaspi à fructus forma, qui veluti infractus & contusus est, à *ῥαζω* *infringo, conquasso*, nomen accepit.  
Thlaspeos notæ characteristicæ sunt capsula seu vascula seminalia compressa.  
Duo autem Thlaspeos genera sunt, vel enim membrana cellulas seu loculamenta dissepiciens ad planum seu latitudinem capsulae parallela est, & quæ ejusmodi capsulam habent *Alyssa* dicuntur; vel ad latitudinem filiquæ transversa seu perpendicularis, quod genus *Thlaspi* simpliciter dicitur.

De *Thlaspi Alyssa* dicta.

*Alysson* ab α privativa & ῥάω rabies dicta est, quod demorsos à cane rabido mirifice juvat. *Alysson* Galeno 2. de Antid. herba est Marrubio similis, orbes habens in furculorum summitatibus asperiores & magis spinosos, flores ad cœruleum vergentes: unde specie diversa est ab *Alyssa* Dioscoridis & Plinii, quæ foliis est rotundis, & fructu duplicium-Scutellorum effigie.

1. *Thlaspi Narbonense Lobelii* Ger. *Thlaspi Alysson dictum maritimum* C. B. *Nasturtium vel Thlaspi maritimum* J. B. *Sea-Creacle Mustard*.

E radice alba, simplici, lignosa, perenni, paucis fibris capillata ramulos emittit plures, imbelles, humi procumbentes striatos [lignosos satis, fragiles, hirsutos, subrubentes *J. B.*] quos folia occupant alterno aut potius nullo ordine posita, [uncialia, perangusta, incana hirsutie obsita, sapore *Nasturtii*] *Flosculi* in summis ramulis congesti, albi, quadrifolii, medio seu umbilico obscuriore, in universum floribus *Nasturtii* aquatici vulg. simillimi. *Vasculum seminale* parvum, compressum summa parte acutâ [*J. B.* utrinque acuminatum] semina duo vel tria continens pusilla, ruffa.

Ad mare Mediterraneum ubiq. ferè occurrit, & Leucoii lutei quandam similitudinem habet, nisi quod ramuli infirmiores sint & procumbant, quodque tum ramuli, tum folia multò minora. Semina in hac specie compressa & plana sunt, in singulis vasculis bina; Nam filiculæ membranâ intergerinâ, in duas cellulas discreta sunt, in quorum singulis singula semina.

*Parkinsonus* hanc speciem cum *Thlaspi Cretico* albo umbellato majore confundit.

2. *Thlaspi minus quibusdam, aliis Alysson minus* J. B. *Tbl. Alysson dictum campestre minus* C. B. *Tbl. arvense minus luteum* Park. *Tbl. Gracum* Ger. *Small Mustard*.

*J. B.*

Plantula hæc è semine deciduo se quotannis renovans crebris virgulis fruticat, duris, teretibus, asperis & incanis, in ramos fissis, & in terram aliquando reclinatis. *Flosculi* in summis caulibus & ramulis crebri, [è calice quadripartito,] velut in spicas excurrentes, ut in *Thlaspi* minore & hujus generis aliis, pediculis brevibus insident, flavi tetrapetali, adeò exigui, ut vix aperiantur, nec eorum partes faciliè possint discerni: quibus serie longâ (ut in hoc genere fieri adsolet) capsulae succedunt, à caule extantes, Lenticula grano formâ non dissimiles, verum multò minores, supina parte concavi, circumactò circulo in mediò protuberantes, ubi semina subsunt pusilla, quaterna, singulis locellis membranâ disclusis bina, ruffa. Folia infima ad *Thymi* aut *Alfines* minimæ folia accedunt, semunciali longitudine, pediculo angustò, versùs apicem dilatantur, incana, ad tactum aspera, minùs tamen quàm ea quæ in caule sunt, crebra, oblonga, & pro longitudine angustiora iis quæ ad radicem. Radix demittitur lignosa, alba, simplex & interdum furculosa. Sapore est *Nasturtii*, sed multò remissiore, radix tamen satis acris est & mordax.

Aprili & Maio floret, seriùs citiusve pro veris temperie.

Circa Genevam in glareosis passim, atque etiam circa Moguntiam in Germania, Monspelium in Gallia Narbonensi.

Non unà semper facie occurrit hæc planta, aliàs pusilla admodum, aliàs dodrante major. Variat etiam non rarò floris colore albo, autore *J. Bauhino*, qui *Montbelgardi* in sua vinea copiosè provenire flore albo scribit. *Clusius* qui florem pentapetalon huic attribuit proculdubio falsus est.

*C. Bauhinus* duas hujus species facit, minorem hic propositam, & majorem: verum distinctas esse non fidenter affirmat, quin potius unam & eandem suspicatur: *Morisonus* in *Prælod. Thlaspi Alysson* minimum habet: ab *Alyssa* majore & minore partium omnium parvitate discretu facile.

At nos majoris speciei ramulum habemus vasculis duplo quàm descriptæ majoribus quæ fortè

3. *Alysson Anguillare* J. B.

*J. B.*

Fruticosa est, ramis duris, lignosis, teretibus, hirsutis: folia similia *Thlaspi* minori *Alyssa* dicto, latiora, asperiora, hirsuta, subrotunda, in obtusum acumen desinentia. *Siliquæ* eà sunt dispositæ serie quâ in jam dicto *Thlaspi*, hirsutis pedicellis hærentes, compressæ circinatæ rotunditatis, in umbonem modicè protuberantes, triplo majores quàm *Thlaspi* modò dicti, multum asperæ, stylum exiguum è summo proferentes, membranulâ lucidâ valvulas determinante.

Ex sicca planta descripsit, unde nec quales semen animadvertore potuit, nec quales flosculi afferere.

Dubitat J. Bauhinus & querit, Annon hoc sit Thlaspi Græcum propinquius fortè Dioscoridis, Polygoni folio aut Oleæ, Lentis semine Lob ? h. e. Thlaspi Alysson dictum campestre majus C. B. quod à minore specie non differre ipse C. Bauhinus suspicatur.

4. *Thlaspi montanum luteum* J. B. *montanum luteum majus* Park. *montanum incanum luteum* Serpylli folio majus C. B. *supinum luteum* Ger.

*J. B.* Non pauca huic cum precedente [Alyssio minore] communia, potissimum verò folia oblonga incana, maxime infernâ parte, aspera, ad Oleæ formam nonnunquam accedentia: Radix longa, lignosa, multifida, numerosos, humi fulos, lignosos caules proferit, cinericeos, dodrantes & longiores. *Floris* copiosi, eo ordine digesti quo in jam dicto Thlaspi, multò majores, & saturate lutei: capsula quoque non dissimiles, stylum è capite proferentes, umbilico prominulo, semini claudentes.

Locus.

C. Bauhinus invenit propè Basileam, circa *Burseecken* supra rudera in monte.

Magnitudine excepta nihil invenio in descriptione hujus plantæ quod non conveniat precedenti. Verum quam accepit J. Bauhinus à Tossiano Carolo ex *Champagnole* Burgundiæ, folio erat multò majore, ad Oleam accedente; floribus Leucosi lutei, ejusdemque odoris. Floruit toto Junio ac Julii principio.

D. Magnol in *Botan. Monsp.* in priore juxta capsulam quatuor foliola viridia adesse observavit, in hoc verò nulla, capsulas etiam multum differre. In iisdem locis cum priore reperitur, & eodem tempore floret.

Nos in Ætna Siciliæ monte hujus generis plantam observavimus palmarem, plurimis cauliculis, flosculis albis qui ut in reliquis successivè aperiuntur, non tamen in longas spicas excurrunt, sed velut in capitula conglomerantur, ob loci frigiditatem ut puto, nam habemus alibi collectas hujus generis spicas prælongas. Ab omnibus aliis hujus generis plantis differt, quòd folia calycis una cum flore non decidant, sed mancant vasculo subjecta, quod P. Magnol Thlaspi Alyssio dicto campestri minori proprium facit.

5. *Thlaspi verum primum* Dioscoridis Zanoni.

*Zan.*

Mirum in modum ludit natura in productione foliorum hujus inferiorum, versùs terram provenientium, & superiorum caulis ejusque ramorum geniculis adhærentium: prima enim folia dense protrudit, longis costis innitentia, quorum lobi alternatim costis singulis adhærent, quique sunt tenuiter divisa foliorum Hypecoi adinstar, à radice usque ad tertiam caulis partem, deinde quædam folia latiore basi cingunt caulem divisa in aliquot lacinias, superiora autem folia sunt integra, mucronata, ac Perfoliatæ modo cingentia caules & caulium ramos ad singula genicula; quod in nulla alia Thlaspeos specie observatur. In summis fastigiis caulibus & ramulorum flores proveniunt minutuli, albi, quorum singulis singula subveniunt silicula, rotundæ, bifidæ. Hæ capsulæ secundum ramorum cymas spicatum proveniunt, relinquentes (post semina matura & valvulas delapsas) septa media pellucida exiccata petiolis adhærentia, ut in aliis.

Locus.

Provenit hoc Thlaspi non solum in Persia sed & in Syria.

## C A P. IX.

*De Thlaspi membranâ cellulas determinante ad latitudinem siliquæ transversa, & primò*

- §. I. De iis quorum surculi floriferi flosculis paulatim se explicantibus in spicas longas excurrunt.

- A. 1. *Thlaspi vulgatum* J. B. *Vulgatissimum* Ger. *Vaccariæ folio* Park. *arvense Vaccariæ incano folio majus* C. B. *Hythridate* Mustard.

*J. B.*

**E**X radice satis crassa, fibrosa, lignosa, alba, subacri caules exsurgunt hirsuti, teretes, rigidi, brachiati: quibus folia sine pediculis adhærent, longa, sensim angustiora reddita, serrata sive crenata, geminis pinnulis caulem amplectentia, sapore cum morfu acri. Flosculi minimi, albi, multi, ut in Bursa pastoris dispositi, quatuor foliis virescentibus sustentati, apicibus candidis. Capsulæ præmature ortu flores occupant, foliaceæ, subrotundæ, infraactæ, in summo fissæ, in quibus semen acre Sinapi aut Nasturtii.

His adde, Folia quæ à radice exeunt longis pediculis inniti; siliculas seu vascula sem. longioribus pediculis insidere quam in Nasturtio hortensi, deorsum reflexis, & bina duntaxat semina, hinc inde unum, continere.

Locus.  
Vires.

Inter segetes præsertim solo arenoso aut glareoso frequens oritur.

Thlaspeos semen calidum est & sicco. Usus præcipue in internis abscessibus rumpendis, mensibus ciendis, Uchiadicis affectibus curandis. Extrinsecus abstergit ulcera quæcumq; manantia, insuperq; ptarmicum est, sed minus vulgare. Schrod.

Gravidis, quia foetum necat, infestum censetur. Idem.

Ingreditur hoc semen Theriacam.

A. 2. *Thlaspi*



- A. 2. *Thlaspi Vaccaria incano folio perenne. An Thlaspi capsulis hirsutis* J. B? *An Thlaspi vil-  
losum capsulis hirsutis* C. B. prod? Park.

Hæc species præcedente humilior est & minor, aliàs ei admodum similis. Radix pariter simplex, alba, plurimos caules fundit, humiliores quàm illius, & vix se sustinentes quin humi procumbant. Folia in eo differunt quòd & minora sunt & altius sinuata. Verùm differentia maximè conspicua est in floribus, qui in hac specie triplo majores sunt quàm in illa, & in vasculis feminalibus, quæ & longiora & hirsutiora, habentque in summo apiculam seu spinulam longiorem. Semina quàm præcedentis minora.

Florēt cum priore. Maio mense in Wallia primò observavi hanc plantam, quæ hyemem per-

*Thlaspeos capsulis hirsutis* descriptio apud J. Bauhinum in plerisque convenit nostræ huic plantæ, verum, quod miror, nullam in floribus magnitudine differentiam notavit. *Folia* quoque inferiora in nostra planta (quantum memini) *Ericæ* modo divisa non sunt, sed integræ & per margines duntaxat leviter sinuata; neque capsulæ pilosæ sunt, sed potius brevi lanugine & veluti tomento incanæ. C. B. *radicem* tenuem, oblongam sive *Thlaspi* villosa attribuit, *caulem* nunc, pedalem, quo à nostro differt: *folia* ad radicem humi strata, longis pediculis donata, orbiculato-cuspide, reliqua conveniunt.

- \* 3. *Tblaspi Vaccariae incano folio minus* C. B. Park.

Tota planta villosa & incana est: Ex radice crassiuscula rufescente canaliculi semipalmares, etiam minores, recurvi & quasi repentes, villosi & incani prodeunt, foliis parvis, incanis, Vaccariae simili- bus, pediculis carentibus & alternatim dispositis vestiti; quorum summitate flosculi plures, albi, quasi in subrotunda spica uniti, quibus thecae parvae succedunt.

In agris Monspelienſibus. repens, & in Provincia propè Maſſiliam paulò majus & erectius re- *Locuſ*  
peritur.

Sulphicor hoc non differre specie à præcedentibus. Fortè parvitas & foliorum canities loco natali debetur. Verùm nihil affirmo. *D. Magnol* copiosè in sylva Valena, viâ qua itur ad pagum *Viols*, invenit Maio mense cum flore.

- \* 4. *Tblaspi Vaccariæ folio, Bursæ pastoris siliquis C. B. Vaccariæ folio Monspeliacum Park.*

**C. B.**

*Caule* est cubitali, rotundo, striato, lævi, viridi, ramofo; quem *folia* Vaccariæ similia, atrovirentia, glabra, pediculis carentia cingunt: *flores* parvi, albi: *siliqua* Burfæ pastoris formâ, sed majores.

Non longè Monspelio in *horto Dei* dicto collectum est.

- A. 5. *Thlaspi Dioecoides* Ger. *Draba folio* Park. *Thl. cum siliquis latis* J. B. *arvense, siliquis latis* C. B. **Creacle-mustard, Penny-cress.**

F. B.

Vulgaris notitiæ est hoc *Thlaspi*, *radiculâ* obliquâ, albâ, lignosâ, sapore oleraceo, tandem subamaro: *caulibus* sesquipalmaribus & cubito altioribus, angulosis, striatis, alatisque. *Folia* sine pediculo adnascuntur sinuata, pinnulis acutis productionibus, in atro virentia, sapore inter Brassicam & Cepas, odore ad *Allium* accedente: *Flores* pusilli, *Bursæ* pastoris, albidæ: quibus succedunt *siliquæ* latæ, rotundæ, compressæ seu foliaceæ, glabræ, supremâ orâ fissæ, in medio magis eminentes propter *semina* contenta, rotunda cum striis circularibus, saporis acris. Flores in summitatibus caulibus & ramulorum (ut in reliquis hujus generis) successivè expansi in spicam quandam longam percurrunt, nullis ad eorum pediculos (qui in hoc genere unciales sunt) appositis foliolis aut ligulis: Folia mollia & glabra sunt.

In agris inter segetes occurrit, sed rarius in Anglia: invenimus Worminfordæ in Essexia propè *Locus.*  
fluvium Sturam; item propè oppidum S. Ofithæ, Saxmundhamiæ in Suffolcia, & circa oppidum  
Stone in Staffordiæ comitatu.

- \* 6. *Tblaspi arvense* *Acetosæ folio* C. B. *Tblaspi majus* Tab. Ger. Park.

Hujus *folia* inferiora longa angusta, Glasti aut potius *Acetosa* pratensis foliorum æmula esse dicuntur: *caules* pedales & altiores, foliis crebris longiusculis vestiti, summa parte ramosi; in quibus *flosculi* parvi, albi, quos sequuntur *capsulae* bivalentes, prona parte convexæ, supinâ cavæ, seminibus rufis repleræ.

Mihi haecenus non fatisit de hac planta, an sci. detur ejusmodi in rerum natura. Tabernazmon-  
tani auctoritati non multum tribuendum est.

7. *Thlaspi arvense perfoliatum majus* C.B. *rotundifolium* Ger. *oleraceum* Tab. *Bursa pastoris foliis Perfoliatæ* J.B.

*J. B.*

*Radix* huius tenuis est, supra unica, mox fibrosa; aliquot *cauliculos* palmares & breviores (interdum unicum) emittens, colore in fusco leviter rubente & virente, veluti glauco, laves, teretes, ex foliorum alis ramulos interdum producentes. *Folia* superiora alternatim caules sine pediculis amplexantur, alis eorum ferè concurrentibus, ut à caule perforari quadantenus videantur, unciali longitudine, dimidio angustiora, densiuscula, glabra, glauca ut *Perfoliatæ*. *Flosculi* positi florum *Bursæ* vulgaris, parvi, albi, involucri quatuor foliorum in fusco viridium circumdati, ex pediculis tenuissimis semuncialibus: in medio *famina* crocea. Decidentibus floribus, imò antequam etiam in totum decident subnascuntur *siliquæ* parvæ, *Bursæ* pastoris, formâ cordatâ, veluti infractâ, ut in *Thlaspi*, *seminâ*, continent parva, compressa, rotunda, subruffa. Sapor plantæ subacris.

*Locus.*

Circa Bresciam in Italia, & Genevam in Gallia observavimus. Occurrit etiam variis Germaniæ in locis, & circa Monspelium.

*Thlaspi* alterum mitius rotundifolium *Bursæ* pastoris fructu *Col.* huc proculdubio pertinet; quo *C. Bauhinus* rectè illud refert.

8. *Thlaspi arvense perfoliatum minus* C.B. *Tbl. perfoliatum minus* Park. *Tbl. minus Clusii* Ger.

*Clus.*

Aliquot habet *foliola* per terram sparsa, *Brassicæ* campestris foliorum formam & colorem penè imitantia, sed longè minora: quæ verò per *caulem* sparguntur (qui singularis est & palmaris altitudinis, rarò major) rara sunt, latiorèq. pediculo ipsum quodammodo amplectuntur, *Brassicæ* campestris foliorum instar, & gustu aliquantulum acri. *Flores* pusilli, albi, summis cauliculis insident, quos subsequuntur compressa *vascula*, iis quæ in Cretico *Thlaspi* conspiciuntur similia, \*superiore parte fissâ, duobus utriculis planis prædita, in quorum singulis bina aut terna *granula*, flavescentia, acrisaporis.

*Locus.*

Crescit in petris, & siccis quibusdam, umbrosis tamen, Austriæ collibus. Floret Aprili: Semen Maio maturum *Clus.*

Q. An hæc planta reverà specie differat à præcedente. Fortè (inquit *J. Bauhinus*) eadem est cum nostra [præcedente] sed minor ratione loci ubi provenit.

- \* 9. *Thlaspi montanum minimum Monspeliensium folio laciniato* J.B.

*J. B.*

Lignosis, albis, prolixis, multifidis *radiculis* nititur, ex quarum capite *furculi* emergunt numerosi, interdum vix unciales, alias trium quatuorve unciarum altitudine, ramosi, congesti, exiles, albi: quibus paullatim delabentibus sensim succedunt longiore intervallo distitæ *siliquæ*, Milii grano æquales, ex rotundo oblongæ, in duos loculos interveniente candidâ membranulâ divisæ, ex pediculis longiusculis pendentes: *semina* minuta, ruffa. *Folia* tum ex radice statim, tum ad caulium ramorumque divisiones uncialia vel semuncialia, in profundas angustissimas lacinias ad costam usque incisa. Sapor acer.

*Locus.*

In Boutonet juxta Monspelium à Cherlero collectum est. Diligentissimus *P. Magnol* quid sit se ignorare scribit.

10. *Thlaspi foliis Globulariæ* J.B. *Alpinum Bellidis caruleæ folio* C.B. *Thlaspeos albi supini varietas* Ger. *Tbl. montanum Glasii folio minus* Park C.B. app.

*J. B.*

Longè latèque serpit *radiculis* longis, crassiusculis, in aliquot capita divisis nixum, quæ subinde reptando demissis fibris denuò radicanter. *Folia* per terram sparsa, aut in eam reclinata, satis crebra, *Globulariæ* foliis quodammodo similia, pediculo unius aut duarum etiam unciarum, ad exortum rubento nitentia, vix totam unciam longa, subrotunda, crassiuscula, atrovirentia, potissimum hyberna, sapore amaro: *Caulis* palmares, aut etiam longiores, teretes, glabri; per quos alternatim nascuntur *folia*, coloris ferè glauci, pediculorum expertia, ima parte caulem amplexa, quo ferè modo *folia* *Bursæ* pastoris *perfoliatæ*, acuminata. Summum caulis cacumen confertos sustinet *flores*, Iberidis *Fuch.* in modum nec ita dissimiles, majusculos, lacteos, plusculis etiam apicibus in calyce viridante latentibus: Quibus succedunt *siliquæ* latiusculæ, compressæ, *Bursularum* pastoriarum æmulæ, ex sinu suo apiculas exiguas emittentes: *semen* complectentes subruffum, exiguum, acriusculum & subamarum.

*Locus.*

In montosis pascuis inter *Settle* & *Malham*, & versus *Ingleborough* in provincia Eboracensi plurimum. *Clusius* in declivi montis urbi *Badensi* imminentis quarto à *Vienna* Austria milliari invenit.

- \* 11. *Thlaspi siliquâ cordatâ peregrinum* J.B.

*J. B.*

Pedalem altitudinem assequitur. *Caulis* in aliquot ramulos divisus, *foliis* stipatur lini facie, in summo obtusis, glaucis, temere oppositis. Cujus ut & ramulorum ejus extrema *flosculi* ornantur exigui purpurei, quos excipiunt *siliquæ* foliaceæ, cordatæ, eleganti virore conspicuæ, minimi digiti unguem latæ, lineâ quadam bipartitæ, & ut uno verbo dicam, *siliquis* *Thlaspeos* *Drabæ* folio figurâ



ra perfimiles. *Radicula* duriuscula est & alba. *Plantæ* sapor subamarus, non sine acrimonia quadam. *Semen* ejus parvum, oblongum, luteolum, acrisculo est sapore, minimè ingrato. Floruit Julio & Augusto in horto Zuingeri, Basileæ.

Tempus &  
Locus.

\* 12. *Thlaspi Alpinum repens* C. B. Park.

C. B. prod.

Ex radice oblonga cauliculi plures, per terram repandi, trium, quatuor vel quinque unciarum; foliis parvis, subrotundis, inordinate dispositis vestiti prodeunt, floribus copiosis, magnis & albis ornati, quibus siliquæ *Thlaspi Bellidis* folio similes succedunt. Sapore est *Eruca*.

Ad Thermas Fabarias Helvetiorum collectum est; Variat ratione loci: illud enim foliis est leniter hirsutis, floribus communiter purpurascens, rariùs albis: hoc verò foliis est glabris, floribus albis.

Locus.

\* 13. *Thlaspi saxatile rotundifolium* C. B. Park.

C. B.

Ex radice alba, longa, fibris carente, sublignosa cauliculi plures, tenues, pedales, reflexi, & fibris capillaceis deorsum missis terræ affixi prodeunt. Foliis est parvis, subrotundis, tenuibus, inter quæ cauliculi palmares, nudi exsurgunt, flores paucos, pallidos sustinentes, quibus siliquæ parvæ tenuissimo filamento donatæ, semen minutum concludentes succedunt.

In locis petrosis circa oppidum *Lauffen* reperitur. Suspicio hanc plantam *Veronica* speciem esse.

Locus.

\* 14. *Thlaspi parvum saxatile flore rubente* C. B. Park. *montanum carnosum rotundo folio* Park. *Libothlaspi quartum carnosum rotundo folio* Col.

Col.

Saxorum rimis etiam hæc gaudet; verum locis magis depressis invenitur, propè Castrum Podium Poponiscum *Æquicolum*: cujus radix longa satis, lævis, candicans, dura; ex qua tres, quatuorve prodeunt viticuli, in diversa tendentes, recti, rotundi, rubentes: circa quos densa, carnosa, rotunda, parva admodum folia, nec fructus magnitudinem superantia, circa radicem in imo rubescencia aliquando, sed colore *Brassicæ* reliqua, ac per viticulos semper angustiora, longiora, densiora, ad flores usque. In summo verò parvæ umbellæ huic proferuntur bōris ex viridi rubentibus, circa quos exterius in orbem aperiuntur flores, velut coronantes umbilicum ac compressi, suaverubentes, sanguineis lineis eleganter depicti, staminibus intus luteis, deinde succrescentibus paulatim mediis floribus & se aperientibus, viticuli ad pedalem interdum longitudinem producuntur, succedunt fructus, dispositi ut in superiore, sed minores, & circa summum serratis vel dentatis oris purpurantibus. Sapor radicis & foliorum amarus; seminis verò parum acris, quod minutum *Irionis* modo atque flavescens est, copiosum in folliculis utrinque, à superioribus differens.

Locus.

Maio floret.

In declivibus montis *Capouladon à las Cambrettes*, non procul *Monspelio* inter rupes cum flore & semine Maio & Junio mensibus collegit *D. Magnol*.

Tempus.  
Locus.

*Parkinsonus* plantam eodem capite repetit: primò eam ponit sub titulo *Thlaspeos parvi saxatilis* flore rubente; deinde *Thlaspeos montani carnosum rotundo folio*; aut certè titulos confundit.

\* 15. *Thlaspi saxatile Polygalæ folio* C. B. Park.

C. B.

Cauliculis est pedibus, foliis *Polygalæ* formâ, sed longè minoribus, flosculis exiguis albidis; thecis rotundis, infraetis; semine minutissimo. In saxosis circa *Monspelum*.

In Appendice ad *Pinacem* C. Bauhinus hanc videtur substituere pro *Thlaspi montano* nono, i.e. saxatili vermiculato folio, si eum rectè intelligimus, & tamen describit pro diversa specie; forè pro nono interferendum vult inter octavam speciem & eam quæ pro nona ponitur in *Pinace*, quæ jam pro decima habenda est, &c.

\* 16. *Thlaspi montanum semper virens* C. B. Park. *Thlaspi semper virens* species candida J. B.

Caulis hujus crassus est & lignosus, à radice ad ramos usque cortice subfusco scabro tectus, multis foliis oblongis, incanis sive candidis cinctus. Flores in umbellis albi: Siliquæ parvæ, subrotundæ; Semen acre.

\* 17. *Thlaspi fruticosum alterum* Lob. J. B. *Thlaspi fruticosum folio Thymbræ hirsuto* C. B. *Thlaspi fruticosum Hispanicum* Park. *fruticosum minus* Ger. VI. *Hispanicum albo flore* Clus.

Multas statim è radice emittit virgas inæquales, frequentibus ramis donatas. Folia illius angusta, mucronata, nullo servato ordine caulem & ramos ambiunt, satis manifestæ acrimoniæ. Extremi rami multos albos flosculos in caput congestos ferunt: quibus excussis subsequuntur planæ thecæ in spicem speciem nascentes, superioribus similes, duobus utriculis constantes, in quibus semen. Radix crassiuscula dura non vivax.

J. Bauhinus siccæ plantæ ramulum *Heidelbergæ* à *Sprengero* accepit pro *Thlaspi fruticoso* *Lobelia* altero: cujus folia alternatim disposita, rara, uncia breviora, vix culmum lata, in acumen desinentia, & albida sive cinerea: capsulæ cum cuspidè in extremo, fimides *Thlaspi Mechliniensis*; flosculi majusculi albi, illius similes, similiterque dispositi: folia tantum diversa. Hæc autem planta vel eadem est, vel similis *Clusio* descripce.

B b b b 3

\* 18.

- \* 18. *Thlaspi fruticosum folio Leucoii marini* Ger. frutic. folio *Leucoii marini minoris* J. B. frutic. *Leucoii folio angustifolium* C. B. Park.

Lob.

Virgæ huic numerosæ, sparsæ, crebris *Leucoii minoribus foliis*: flores candidi, copiosi, & semen compressum *Thlaspi*, parvi. Radix lignosa, fibrosa.

- \* 19. *Scorodotblaspi Ulyssis Aldrovandi* J. B.

J. B.

Radice nititur singulari, albâ, paucis fibris donatâ. Ea veluti in capita divaricatur, numerofo *foliorum* stipatu longis pediculis præditorum, quæ ex principio angusto sensim ovatam figuram acquirunt, & subrotundo ambitu finiuntur; quorum priora foliis *Bellidis* quodammodo respondent, quædam leviter laciniata, quædam paucis denticulis, alia ferè nullis donata. Color virens est, plusculis ex costa nervis excurrentibus. At quæ alterno positu cauliculis hærent *folia*, præsertim suprema, minimis ceu alis *caules* amplectuntur. Cauliculorum fastigio *flosculi* insident albi, parvi, *Bursæ* pastoris vulgaris; quos *bursæ* sequuntur obliquæ, subrotundæ, cordatæ, non multum compressæ, ad *Thlaspeos* cordati *bursulas* accedentes. Tota cæterum planta *Allium* redolet manifesto odoratu, ac etiam non tacta. Radicula & folia oleraceo gustu prædita sunt, grato & vel tantillum acredinis lapidæ in faucibus relinquentes, non sine halitu *Alliariz*.

Tempus.

Flores & filiquas produxit Julio.

- \* 20. *Thlaspi Alexandrinum* C. B. Park. *Alexandrinum Cortusi* Job. Baubini J. B.

J. B.

Herba est dodrantalis, ex radice singulari quaternos [aut etiam plures] *caules* emittens, teretes, glabros, multis alis concavos: ad quorum divaricationes, propagationesque, superiore præsertim parte, *folia* singula, velut *Perfoliatæ*, ramos amplectuntur, subrotunda. Ramorum extremis longa serie utrinque ex brevibus pediculis appenduntur *filiquæ* circinatæ, quales ferè *Thlaspeos tenuifolii Fuchsi*, majores, in mucronem leviter obtusum desinentes, quas secundum longitudinem percurrit costa, à qua utrinque valvulæ bipatentis *filiquæ* dehiscences abscedunt, dissepimento medio relicto, inque singulis valvulis singula *semina* compressa, ruffa, ex latiore basi in acutum desinente.

- \* 21. *Thlaspi spanospermon Americanum* Park. luteum *spanospermon* Cornut.

Huic plantæ radix est durior, multisque fibrillis hæret: *folia* sunt digitali longitudine initio, admodum angusta, humi sparsa, & subpinguia: *cauliculi* semipedales, non sine adnatis ramulis longiusculis & capillaribus, foliis quidem vacuis, sed mille *flosculis* luteolis, tetrapetalis ornatis: qui postmodum, relictis aridis cauliculis quibus appendebantur, omnes decidunt; fructusque unus tantummodo aut alter sparsim hinc inde spectatur, folliculi sci. compressi & oblongi, quales sunt *Glasti lativi*, in quibus semen concluditur acri sapore. Sapor plantæ subacris vulgaris instar *Nasturtii* leviter linguam pungit.

- \* 22. *Thlaspi clypeatum arborescens Creticum* Park. Alpin. exot.

Alpin.

Cubitalis altitudinis ramulos multos à brevi caudice digiti crassitie producit, longos, teretes, lignosos, à quibus alii ramuli exeunt, qui in summitatibus utrinque ex opposito *flosculos* parvos, albos habent, crebros; à quibus *filiquæ* parvæ, oblongæ, depressæ, scutorum figurâ à suis pediculis parvis pendentes, semen intus continentes rotundum, depressum, acre: Ramuli superius *folia*, pauca habent, longa, incana, tenuia, in extremis acuta; sed ramuli inferius ferunt furculos tenues, multos, ex quorum una parte *foliola* oblonga, tenuia, densa simul stipata pendent, quæ incana sunt. Radice nititur hæc planta multiplici, tenui, lignosa, inutili; *Semina* acria sunt, calida & sicca.

Hæc planta eadem videtur *Thlaspi fruticoso* alteri Lob. J. B. superius è Clusio & J. Bauhino descripto, aut *Thl. fruticoso folio Leucoii marini minoris* J. B.

## §. 2. *Thlaspi umbellatum.*

In hoc genere petala florum exteriora duo duobus interioribus plus duplo majora sunt, capsulæ binæ tantum semina continent; hinc inde unum.

1. *Thlaspi Creticum quibusdam flore rubente & alba* J. B. *umbellatum Creticum Iberidis folio* C. B. *Creticum umbellatum flore purpureo & alba* Park. *Thlaspi Candia* Ger. *Candy-Custs*.

E radice alba, simplici, furculosa, satis crassa pro plantæ modo, sapore acri & amaro, *caulis* emergit pedalis aut dodrantalis, teres, solidus, ab imo statim ramulosus, ramis creberrimis, durus, lignosus, glaber, viridis. *Folia* in caulibus & ramulis crebra, alterno aut nullo ordine posita, oblonga, angusta, glabra, *Iberidis* foliis æqualia & majora, paucis & majusculis crenis seu denticulis & margines incisa. Summi caules & ramuli striati flores sustinent velut in umbellæ dispositos, speciosos, tetrapetalos petalis duabus exterioribus plus duplo majoribus quam sunt interiora, successivè se aperientes,



tes, pediculis semuncialibus nixi, colore plerumque purpureo, rarius albo. Singulis flosculis succedunt *ibeculae* compressae, oblongae, mucrone bifido, cum stylo oblongo à flore residuo: *Semina* bina ruffa in singulis.

Annua est planta. Sapor totius acris & vehementer amarus. Floris gratia in hortis colitur.

In sylvis montosis prope Salernum in regno Neapolitano, & Viterbum in Etruria spontaneum invenimus. *Locum.*

2. *Thlaspi umbellatum arvense amarum* J. B. *umbellatum arvense Iberidis folio* C. B. Park. *Thl. amarum* Ger.

*J. B.*

Sesquipedalis est & altior planta; *cauliculis* pluribus, ramosis, striatis, subhirsutis: quibus adnascuntur *folia* oblonga, Iberidis, ex angusto principio sensim dilatata, & circa extremitatem crenata, crassiuscula, subhirsuta, sapore perquam amaro, subacri. *Flores* tanquam in umbella dispositi, quamquam inaequali ortu, ex albo purpurascetes, aut etiam penitus albi, quatuor constant foliolis, quorum duo majora longiora, ita ut ex iis unum simul utrumque inferius aequet aut etiam superet. Capsulae fissae, infraactae, Nasturtii vulgaris semen continent minutum, acre. *Radix* lignosa, albida, fibrosa.

A *Thlaspi* Cretico differt foliorum angustia; floribus sensim expansis summis caulibus & ramulis in spicas procurrentibus; cum in Cretico feminalia etiam vascula floribus delapsis umbellatum disposita sint: florum colore ex albo leviter purpurascens: omnium denique partium minore magnitudine.

Morisonius in Praeludiis *Thlaspeos* quandam speciem habet, *Iberidis folio* tenuissime diviso, cui *Alia species.* folia multo tenuius dissecta sunt quam *Thlaspeos Iberidis folio*; flores & semina: ceteraeque partes minores.

Inter segetes in monte Saleva prope Genevam & circa Thuri vicum prope Juram montem. *Locum.* Variis locis, occurrit inter segetes in Germania.

3. *Thlaspi umbellatum Creticum flore albo* odor minus C. B. *umbellatum Creticum, flore albo odorato* Park. *parvum, umbellato flore niveo odorato* J. B.

*Clus.*

Humile est, ex semine natum, singularibus virgibus assurgit, rotundis, in plures ramos divisis, per quos, ut & per caulem, sparsa erant angusta, & extremo mucrone serrata *folia*, Cretici foliorum aemula, acri gustu praedita. Summo caule & extremis ramis nascebantur veluti quadam in unum caput congestae umbellae florum niveorum, odoratorum, quibus successerunt thecae Cretici *Thlaspi* vasculis similes, in quibus semen. *Radix* etiam Cretici instar non vivax.

Considerandum proponit J. Bauhinus quantum differat *Thlaspi* hoc ab ejusdem Clusii *Thlaspi* in Allobrogibus invento, flore niveo.

4. *Thlaspi umbellatum Nasturtii folio Monspeliacum* C. B. Park. *umbellatum Narbonense* Ger. *umbellatum tenuiter diviso folio amarum Narbonense* J. B.

*J. B.*

Planta est multum accedens *Thlaspi* umbellato arvensi amaro: *folia* crassiuscula cum aliquot parvis laciniis five portiunculis: *floribus* ferè iisdem, sed paulò minoribus: altitudine semispithmazae: *cauliculis* aliquot firmiusculis in ramulos divisis: *radice* singulari, crassiuscula, in fibras distributa. Hæc J. Bauhinus, qui plantam è semine Monspelio misso *Thlaspi* umbellati nomine natam fuscè describit his verbis:

Præcedenti anno sata per hyemem eduravit, & sequenti ineunte Aprili *cauliculos* primum protrudere coepit ex una radice plurimos, striatos, longâ serie foliorum ad extimam usque prominentiam caulis donatos. *Folia* autem ima sustinentur petiolo unciali, superne in quatuor portiones crassiusculas, latiusculas, mediâque sui parte sulcatis desinente: media porro *folia* summâque petiolo duas circiter uncias plus minusve longo producuntur, crenarumque impari numero pro petioli longitudine brevitateque differunt, ita ut longiores pediculi quatuor vel quinque portionibus à se invicem impari intervallo è regione collocatis diffinitè constant: breviores verò, modo duobus, sed rarissime, modo tribus, trifolii in modum, modò quatuor, modò quinque quoque, sed rarius dispari, longitudine donantur. Florere porro coepit jam declinante Maio: in reliquis cum *Nasturtio* praedicto convenit: quæ si placet vide.

5. *Thlaspi Creticum flore albo majus* C. B. *Creticum album umbellatum majus* Park.

C. B. prod.

*Radice* est oblonga, paucis fibris donata: *cauliculis* palmum superantibus, rotundis: *folia* parvis, oblongis, angustis, levibus, alternatim caulem vestientibus. In *cauliculorum* summo *flores* candidi, magni, quibus thecae magnæ, apice medio donatæ succedunt.

6. *Thlaspi saxatile* *vermiculato folio* C. B. *montanum* *vermiculato acuto folio* Park. *Lithothlaspi montanum* *fruticosius* *vermiculato acuto folio* Col.

Col.

Radice lignosâ, albâ, magnâ, inter saxorum rimas se insinuat; ex qua crassa, lignosa, rugosâque propago multos viticulos breves, palmares emittit, angustis, parvis, carnosus, vermiculatis, rotundis fere foliis nigrescentibus, acutis in summo, atque per ambitum hirsutis parum, densis circa illos harentibus; at circa flores rarioribus & brevioribus. Flores verò in magnas velut umbellas rotundas conferti, candidi vel suave-rubentes, petalis superioribus parvis, inferioribus majoribus, Thlaspeos Cretici florum ritu, quibus paullo minores sunt; staminibus intus quatuor luteis. Flores autem adeò crebri & densi sunt, ut planta tota iis oblecta videatur cum flores. Succrescentibus mediis floribus atque dehiscens, exteriores & imi, fructus per caulem brevibus admodum petiolis, minoribus corpore fructibus infidentes relinquunt, latos admodum, cavos Cochlearis modo, atque Thlaspeos vulgaris Vaccariæ folio dicti majores, parum elatos, cavam caulibus, convexamque nobis partem ostendentes. Fructus hi lati sunt, supernâ parte fissi, non rotundi sed angulosi. Gustu admodum acri sunt folia, at semina acriore, quæ lata, compressa, fulva, aliis minora, singula medio folliculo vel disco, ut duo insint singulis fructibus integris.

Tempus &  
Locus.

Maior floret, ac æstate perficitur. Reperitur Anversæ Valvæ saxosis montibus, in quibus nihil terreni reperitur.

7. *Thlaspi maritimum* *Baticum* Park. parad.

Park.

A *Thlaspi* Cretico umbellato vulgari differt foliis primis quæ à radice exeunt antequam excalescat nonnihil dentatis seu serratis circa margines, caulibus minus ramosis; umbellis tamen florum purpurascens similibus; semine pallidior flavo.

8. 3. *Thlaspi seu Leucoium bifidum*.

Hujus generis plantæ ob semina compressa rotunda ad *Leucoia* accedunt, & *Leucoia* filiculosa seu bifida dici possunt.

1. *Thlaspi bifidum* *asperum* *bieracifolium* & *maius* C. B. *clypeatum* Lobelii Ger. *clypeatum* *bieracifolium* *maius* Park. *Lunaria bifida* J. B. Buchler *Spustard*.

J. B.

Caulis habet exiles, pedales aut dodrantes, ab eadem radice plures, uno vel altero foliis ad ramulorum divaricationes donatos; ea enim magna ex parte statim ex radice oriuntur, per terram sparsa, palmum longa aut breviora, paullo semuncia latiora, crassiuscula, saturo virore prædita, ad latera sinuata, aspera & brevibus pilis utrinque hirsuta. Summis caulibus & ramulis flores innascuntur coacervati, tenuissimis pediculis hærentes, parvi, luteoli: atque hos sequuntur pericarpia pulcherrima, foliacea, peltata, didyma, ad ligulam, extra Scutulum quoque prominulam, adnexa, quorum singulis singula clauduntur semina, latiuscula, orbiculata, compressa, rufa: [sapore & effigie *Leucoi* purpurei & albi potius quam *Nasturtii* Lob.] Radix autem in terram descendit, mediocriter crassa, per plures annos vivax, & hyeme folia retinet.

Locus &  
Tempus.

In Germania, Italia, Sicilia & Gallia variis in locis observavimus, Maio, Junio, & reliquis æstivis mensibus florentem.

2. *Leucoium Alyssoides umbellatum montanum* Col.

An ad præcedentem plantam, cujus eam synonymam facit C. Bauhinus, referre debeam dubito: quocirca descriptionem ejus è Columna hic proponam, & rem Lectoris Botanici judicio submittam. Radix hujus, *Leucoio* luteo magnitudine proxima sed minora, per ambitum magis sinuata, hirsuta, carnosâ, dura atque aspera, è radice longa, nodosa, candicante ex pullo, nervosa, sicco sapore, simul ex pluribus germinibus prodeuntibus *Leucoi* more; ex quibus caulis tenuis, hirsutus, bipedalis aliquando, raris interceptis foliis, in cujus summo parum dividitur, & flores veluti Corymborum modo densi, in umbellam dispositi emicant, lutei, ampli: quibus succedunt fructus leves, rotundi, duplites, latere conjuncti, compressi, apicem habentes medium, in medio extrahentes: quo semina singula, compressa, parva, flava, continentur; ut bina singulis duplicibus fructibus insint, sapore etiam sicco. Folia gustu dulci fere, non acri.

Tempus  
& Locus.

Augusto mense floridam & semine repletam invenit auctor in excelsis Equicolorum frigidisque jugis herbida *Cornio* dictis, inque *Valvensium* montibus in valle super Anversam præruptis umbris saxi juxta fluminis decursum.



- 3. *Thlaspi biscutatum asperum minus* C. B. *clypeatum asperum minus* Park. *Iondaba Alyssoides Apula spicata* Col.

Col.

Martio mense exit, radice admodum exigua, albâ, ex qua folia è terra parum elata sed convexa, hirsutie albâ, molli, densâ obsita, digitali latitudine majora, oblongâ formâ, nervulis crassis, pilosis; quorum aliqua circa petiolum, radicem versùs, laciniam habent, reliquam partem raris & magnis respectu folii serrata dentibus. Caulem è medio emittit rotundum, hirsutum, asperiusculum, pedalem aut paullo majorem, duabus vel tribus in summo alis divisum, è foliolis angustioribus multum nec lacinatis prodeuntibus, reliqua parte nudum, nisi propè humum duo vel tria hærent folia. In summo flosculi emicant Sinapeos modo, lutei, exigui, quibus deficientibus ab imo paulatim locum implent folliculi duplices, rotundi, Lentis magnitudine, simul latere conjuncti, compressi, parum hirsuti, in spicæ modum sursum elati, atque Aprilis fine perficiuntur.

Cirinolæ in sylva propè D. Rocchi *Mezzana* appellata, inter Pyrastros, Oxyacanthas & Asphodelos. Sapor plantæ totius acris.

- 4. *Thlaspi biscutatum villosum flore calari donato* C. B. Park. *Leucoium montanum flore pedato* Col.

Huic folia sunt Napi modo circa caulem, atque etiam à radice prodeuntia, quæ hirsuta, profundè incisa, candicantia ex viridi, parum carnosa, mollia, gustu acriuscula, linguam mansa diu vellicantia; Flores in summo caulis hirsuti, crassi, albicantes, & cohærentium alarum densos profert, quorum externi primùm dehiscunt, Leucoii ritu, colore luteo, minùs saturo, tetrapetali, apice inter breviam staminula in medio prominente, caliculos habentes hirsutos, ut in Leucoio: sed his accedit, quòd binas appendices rotundas, inanes demittant inferna parte, quæ petiolo hærent. His succedunt exigui clypeoli effigie fructus, in apicem desinentes, Lenticulæ magnitudine. Radix carnosa, pedem longa, candicans, lignosa, ex dulci parum acris, minimi digiti crassitudine.

In saxosis Gallo-provinciæ, Bormii non procul ab insulis Stœchadibus provenit. C. B. Columna Maio floridam habuit ex oppido *Filetino* in montibus Romanæ ditionis ortam, cujus flores & fructus gustu acres esse percepit. Locus.

5. *Thlaspi biscutatum flore sulphureo* Hort. Oxon. An *Thlaspi biscutatum annuum asperum* Hort. Paris?

Foliis est asperis, & canescentibus, non saturè viridibus, ut in vulgari *Thlaspi biscutato*: Floribus etiam sulphuris colore tinctis non ut in illius flavis. Radice insuper annua, non ut illud vivaci. Quid non hoc sit *Leucoium Alyssoides umbellatum montanum* Col.

- 6. *Thlaspi biscutatum Raphani aut Irionis folio* Bocconi.

Cum reliquis biscutatis *Thlaspeos* speciebus convenit hæc nostra *Caule*, *Flore*, *Fructu*: Foliis solummodo discrepat, quæ *Raphani* aut potius *Irionis* formâ & magnitudine sunt. Radice est admodum exili & imbecilla, ex qua sæpenumero plures cauliculi exeunt. Annuum est hoc nostrum.

Circa Panormium, Agrigentum & Maffiliam copiosè gignitur locis incultis & asperis.

Locus.

- 7. *Thlaspi fruticosum Persicum foliis Keiri Zanoni*; *latifolium platycarpon Leucoii foliis* P. Boccon. *fruticosum Leucoii folio* C. B. Park.

Zan.

Ex radice longa, satis crassa, fibrillas plurimas in terram demittente oriuntur quasi in cespite multa folia longa, crassa, lævia, supra obscure viridia, subtus palleſcentia (decurrente per medium nervo subtili & vix perceptibili) ad extremum subrotunda; inter quæ oritur caulis pedalis, similibus foliis sed minoribus, ad genicula alternatim dispositis vestitus, qui in plurimos ramos se findit; atque in summis fastigiis ramorum proveniunt umbellatim plurimi flores, albi, petalis duobus majoribus, & duobus duplo quasi minoribus: in horum medio apparent plurima staminula ruffa, apicibus totidem luteis ornata. Florum odor satis gratus ad Violæ nigræ odorem accedens. Flores evanescentes relinquunt post se capsulas peltatas latas, in mucronem obtusum desinentes, colore obscuriore, versùs petiolum quadratas, bifidas semina continentes compressa, lata, Cinnamomei coloris, sapore amaro, acuto & pungente, velut Sinapi.

Floret per totam æstatem, sed copiosius vernâ tempestate, & frigore durante. Sponte provenit in Persia. Locus & Tempus.

Huic proculdubio idem est *Thlaspi latifolium platycarpon Leucoii foliis Bocconi*, quamvis Jac. Zanoni dubitet, quoniam P. Boccone neque florum ullius odoris, neque foliorum amaroris (qui in *Thlaspi insignis Persico* observatur) non meminit. Verum hoc est argumentum tantum negativum & nihil concludit. Potuit enim Boccone has qualitates, aliâve quas in descriptione præterit, vel non animadvertere, vel oblivisci, vel brevitati studens omittere. Descriptio Bocconiana sic se habet:

Surculus frutescit fragilibus, cubitalibus, subinde majoribus, rotundis, circa quos folia plura nullo ordine servato dense congesta sunt, crassa, glabra, indivisa, Leucoii æmula, per extremum retusa. Summitatem occupant flores Leucoii, albidii, quasi in umbellam congesti; quos excipiunt vascula biscutata, in quibus semen utrinque compressum. Radix subest crassa, vivax.

§. 4. *Thlaspi fatuum Bursa pastoris dictum.*

*Bursa pastoris* J. B. Ger. *major vulgaris* Park. *major folio sinuato* C. B. *Shepherds purse.*

Nonnunquam palmaris, pedalis interdum & cubitalis [aut etiam sesquicubitalis] est planta. *Radice* nititur exili, rectâ, albâ, fibrosâ, sapore subdulci & nauseoso; è qua prodeunt *folia* oblonga, modò integra, plerumque tamèn profundè utrinque laciniata, laciniis in acutas cuspidès definentibus, *Dentis* leonis ferè in modum, nonnihil hirsuta, pediculis uncialibus [potius ex angustò principio sensim dilatata] cum superiora quæ in caulibus sunt latâ basi, absque pediculis iis adnascantur, laciniâ ceu auriculâ utrinque productâ eos velut amplectentia, nec omnino laciniata sunt. E foliorum medio *caulis* unus, duo, tres, quatuorve, aut plures exsurgunt, in ramulos alternatim positos divisi, mediùs ab imò statim. Summi caules & ramuli in longas veluti spicas excurrunt flosculorum pediculis tenuibus semuncialibus infidentium. Sunt autem *flosculi* parvi, albi, quatuor petalis subrotundis minimè bifidis compositi, cum *staminibus* aliquot apices luteos gestantibus. Flosculis delapsis pediculi in uncialem longitudinem excrescunt, & seminum receptacula sustinent, ex acuto principio in latiusculam bifidam crumenulam definentia, à caule extantes, & rectos cum eo angulos efficientes, aut etiam deorsum nonnihil reflexi. *Semina* in singulis vasculis continentur multa minutissima, per maturitatem fulva aut subrufa.

Hæc planta foliis mirè ludit, unde illam quæ folio est integro & non sinuato pro diversa specie non habemus: atque idcirco cum J. Bauhino ad idem caput reducimus B. past. folio sinuato primam, secundam & tertiam species C. B.

*Locus.*

Secus vias locis desertis & incultis, inque areis, compitis ac rudibus passim provenit, totâque æstate floret, viget ac semen perficit.

*Vires.*

Astringit & constipat, hinc valet in hæmorrhagia narium [si pessum è cotone factum & ejus succo intinctum naribus indatur *Brunf.*] diarrhœa, dysenteria, lienteria, [vino rubro vel aqua fluviali in qua chalybs candens extinctus fuerit decocta ac pota, vel ejus succus expressus] in mictione cruenta & gonorrhœa [succus expressus ʒj. epotâ aut herbæ ficcatae juris duplo *Marb.*] menstruum fluxu nimio. Externè vulneribus solidandis à plebeis adhibetur, nec sine successu. Quinimo additur sæpius cataplasmatibus febrifugis quæ carpis imponuntur.

*Bursa pastoris* non tantum hæmoptoicis opitulatur, sed etiam certò medetur gonorrhœæ; quam singularem observationem post Tabernamontanum celeberrimo Seberio practico insigni debemus *Sim. Pauli.*

## CAP. X.

*De Tetrapetalis siliculosis monospermis.**De Brassica marina monospermo.*

**F**oliis carnosissimis cæsis cum *Brassica* convenit, floribus albis, capsulis subrotundis, monospermis ab eadem differt.

*Brassica maritima* C. B. *marina monosperma* Park. *marina Anglica* Ger. *monosperma Anglica* J. B. *Sea-Colewort.*

*Folia* aliquot è *radice* ampla, lata, crassa, circa margines undulata, & veluti crispa, fragilia, pediculis crassissimis infidentia, colore cæsius seu ex viridi cinereo promit: è quorum medio *caulis* exurgit crassus, bipedalis aut altior, foliis aliquot vestitus, summa parte in multos ramulos & furculos variè divisus & subdivisus, *florum* pallentium alborum congeries densas & umbellofas sustinentes, quibus succedunt *siliquæ* breves & crassæ, aliæ nuclei cerasi magnitudine, aliæ altero tantò majores, figurâ utrinque turbinatâ & acuminatâ, & thorulis quibusdam secundum longitudinem donatæ, vel aliâs tuberculis exasperatæ, colore cinereo, quibus singulis singulum inest *semen*, pullum, vicinè ferè magnitudine. *Radix* crassa in multos ramos divisa, multos annos vivax: quin & folia per hyemem virorem suam retinent.

*Locus.*

In arenosis maris litoribus circa Angliam ubique ferè invenitur. Verno tempore pro odore estur.



## VIX. XL.

*Myagrum monospermon* J. B. *monospermon magis* Park. *monospermon lasissimum* C. B.

J. B.

**C**assa & alba est radix, annua tamen: quæ caules proferit aliquot cubitum aut sesquicubitum altos, glaucos, teretes, leves, solidos, medullâ candidâ farctos, multis alis concavo superius, notè parte valde ramosos, ramulis parlongis à caule extantibus & angulos ferè rectos cum efficiens. Folia Glasta lativi superioribus foliis nonnihil similia, plerunque tamen laciniata, perfortim inferiora, [parva, cum Brassicanis magnitudine neutrquam conferenda,] similiterque illis caesia, pinnis suis caules amplectentia, sapore oleraceo. Flores lutei, quadrifolii, minores multo quam Brassicæ (imo Erysimi vulgaris pares) paullatim nec eodem tempore sese explicant, aliis primulum è calice erumpentibus, aliis in semen abeuntibus, quod singulare in singulis spiculatis bursulis sursum spectantibus, & caulibus ramulisque appressis.

J. Bauhinus spontaneam observavit in agro inter Dampierre & S. Mauritium. Junio mense apud nos floret, & semine plenam maturitatem adepto radicitus interit. Locus & Tempus.

## CAP. XII.

H

*Myagro affinis capitulis rotundis* J. B. *Myagro similis siliqua rotunda* C. B. Park.

J. B.

**M**ultos (inquit ille) ex radice simplici, lignosa producit caules: [Quæ in nostro hortulo vere satæ sunt plantæ è singulis radicibus singulos prodixerunt,] cubitales & bicubitales, [Quæ apud nos proveniè cubitalem altitudinem non excedebant,] teretes, fragiles, hirsutos, ab imo statim ramosos, frequentibus ramulis è foliorum alis egressis: per quos floribus tenuissimis, minoribus quàm in Myagro, pallidis, longa serie succedunt alternatim disposita capitula exigua, Coriandro minora, semuncialibus pediculis tenuibus à caule extantibus hærentia, per maturitatem nigra, in apiculum desinentia, à quo quatuor costulae minimum alatae ad pediculum usque porriguntur. In singulis capitulis semen inest unicum flavum, oleaginosum, nullo sapore manifesto. Folia Myagro similia, minora, aspera, obscurius virentia, nonnihil succulenta; quæ per caules & ramos alternatim disposita, nullis pediculis, amplexicaulia, alas utrinque pinnatas proferunt sapore viscido, & nisi obster leviuscula acrimonia [quæ postea sentitur & linguam calefacit] fatuo: infima ex longis pediculis leviter sinuata sunt. Descriptio est Jo. Bauhini à nobis interpolata & aucta.

Annua est planta, semine deciduo se renovans.

Hujus ramulum invenimus inter plantas nostras ficas, ubi collegimus jam non recordamur. Ex semine Londino misso in hortulo nostro succrevit, floruit & semen perfecit.

## CAP. XIII.

*Myagro similis flore albo* J. B. *Myagrum monospermon minus* C. B. Park.

J. B.

**N**umerosa statim à radice fundit folia, glabra, uncias tres longa, ad Iberidis folia accedentia, laciniata nonnihil: Inter quæ caules surgunt medullâ farcti, alis concavi: Quiarum exortum folia ambiunt alata & veluti denticulis laciniata. Flosculi in fastigiis candidi, exigui, quos vascula sequuntur subrotunda, acuminata, longo pediculo hærentia, ad Myagrum cum rotundis capitulis accedentia. Radicula longa, alba, simplex, vel cum paucis fibris.

Inter Bononiam & Florentiam reperit J. Bauhinus. Passim in satis circa Monspelium reperitur Locus & Tempus.  
Maio & Junio cum flore & capitulis. Botan. Monsp.

CAP.

## CAP. XIV.

*Eruca marina* Ger. *marina* Anglica Park. item *maritima Italica* ejusdem. *Eruca maritima Italica*, *siliqua haste cuspidi simili* C.B. *Cahle quibusdam*, alii *Eruca marina* & *Raphanus marinus* J. B.

**Q**UAMVIS tenuis longa tamen satis est hujus *radix*; numerosos *caules* proferens, dodrante altiores: *folia* Reflexa minora, pinguiora, gustu acri, subalfo. *Flores* peculiaribus *furculis* lateralibus insident, *Eruca* aut *Brassica* politu & formâ, colore purpureo. *Siliquæ* crassiusculæ, breves, bina *semina* singulæ continent. Nos *unicam* in *vasculo cellam* seu *cavitatem* observavimus.

## CAP. XV.

*Lepidium glastifolium* C. B. *Lep. non repens* J. B. *Lep. annum* Lob. Park. *minus recte*. *Wood-leaved Pittander*.

**H**ÆC herba ex observatione nostra hujus loci est, siquidem *capsulas* producit *monospermas*; numerosissimas, sphaericas cum apice in summo, perexiguas, scabras, pediculis tenuibus semuncialibus, acuto, cum caule angulos facientibus, insidentes, qui *flosculis* parvis, albis succedunt. *Flosculi* autem successivè se aperientes paulatim in *prælongas spicas* excurrunt. Miror *Morisonum* *filiculas* bifidas, *membranâ* per maturitatem pellucidâ & albâ disseptas ei attribuire, nisi fortè aliam plantam describat, nobis incognitam.

Locus.

In agris quibusdam propè *Ratisponam* Germaniæ urbem copiosum observavimus.

## CAP. XVI.

*Rapistrum monospermon* J. B. C. B. Park.

**E**X *radice* longiuscula, albicante, parùm fibrosa, *caules* pedales, aliquando altiores, rotundi, tenues, ramosi, eleganter virentes, levitèrque hirsuti exurgunt. *Folia* humi sparsa crassa sunt, *Rapi* foliis similia, ad principium laciniata, deinde subrotunda, leviter sinuata & hirsuta. *Flores* secundùm *cauliculos* palmares & tenues velut in *spica* dispositi, eleganter lutei aureisve, quibus *siliquæ* succedunt rotundæ, elegantes; propter *strias* [per eas quemadmodum in semine *Coriandri* discurrentes] in *filamentum* oblongum abeuntes, quæ quasi *geminæ* sibi insident, parte tamen superiore majore, cum in ea *semen* parvum, oblongiusculum, sed unicum (unde ei nomen) contineatur.

Locus.

In Italia non procul à *Liburno* portu; circa *Genevam* etiam & *Monspelim* spontaneum invenimus.

\* 2. *Rapistrum maximum rotundifolium monospermon Hispanicum* Park. *maximum rotundifolium monospermon* Cor.

Præcedente elatior est, foliis majoribus in lacinias dissectis, extremo majore, subrotundo, magisque piloso. Quin & ramulis crebrioribus, floribus amplioribus, albis in calycibus subluteis, feminibus [potiùs vasculis feminalibus] rotundioribus, summa parte minimè acuminatis ab eodem differt.

Hanc speciem plenius describit *Jacobus Cornutus* in *historia Plantarum Canadensium* his verbis:

Omnes hujus generis species *foliorum* amplitudine superat: hæc verò sunt, *Raphani* modo, extremâ parte rotunda, & ambitu crenata, supinâ variis asperitatibus in spinulas setaceas leviter extuberant, amplitudine palmari. Circa caulem subnascuntur his utrinque in eodem pediculo minora.

*Caulis* ad duo cubita elevatur, striatus, angulosus, ut *folia* hispidus in multiplices *furculos* divisus, in quibus longè minora quàm in caule *folia* glomeratim aggeruntur & sine ordine locantur: sunt enim illa & magnitudine & figurâ *urticæ Græcæ* similia; onusti sunt *furculi* innumera *florum* *pro-pagine*, adeò ut integrâ vigeant æstate; *Flos* ex rotundo *capitulo* subflavo in quatuor candida *foliola* separatur, inter quæ tenuia *filamenta* & *pistillum* viride cum apicibus luteis apparent. Cuique *flori* succedit *semen* unicum, parvum, subflavum, rotundum, rotundâ quoq; *capsulâ* membranaceâ *Coriandri* magnitudine inclusum, quamvis initio dum viret paulo longior appareat, per maturitatem tantum orbicularis est figuræ.

Locus.

In Hispania nascitur.



## CAP. XVII.

## De Leucoio filiculoso monospermo.

1. *Leucoium filiculosum flore luteo umbellatum monosp.* *Tblaspi sanatile incanum, luteum, Serpylli folio minus* C. B. *Iontblaspi luteo flore incanum denuis, montanum, umbellatum* Col. *Tblaspi montanum luteum minus* Park.

Col.

**F**olius exit incanis, asperis, parvis, angustis, oblongis, formâ & effigie congeneri plantæ à Matthiolo pro Alyssò depictæ, minoribus duplo, circa viticulos rotundos, purpurantes, in terra stratos, hirsutie albâ asperâ obfitos: in quorum summo flores odorati, non parvi ut in congeneri, sed magni respectu plantæ, atque non in umbellam, sed veluti longum corymbum in orbem per viticulos disponuntur, colore luteo, hilari aureôve, petalis infractis in cordis figuram: quibus ab imo fructus succedunt, alternatim etiam per orbem circa viticulos longis petiolis hærentes, figurâ rotundâ, Lentis magnitudine, incanâ hirsutie asperi, longum habentes apicem, in quibus unicum semen compressum fulvumque continetur.

Maio & Junio florida & frequentissima in Æquicolorum montibus habetur: plana juga diligit. Folia dura & veluti humore carentia ficco sunt sapore, herbaceo, nec acrimoniam exserere videntur, ficuti & semina. Eadem radice regerminat post flores, semperque vivit. Tempus  
& Locus

2. *Leucoium filiculosum monosp. fructu compresso. Lunaria peltata minima quibusdam, ad Tblaspi referenda* J. B. *Tblaspi minus clypeatum* Ger. *clypeatum minus Serpylli folio* Park. *Tbl. clyp. Serpylli folio* C. B. *Iontblaspi minimum, spicatum, lunatum* Col.

Col.

Hujus radix exigua, tenuis & albicans, fibrillis aliquando divisâ invenitur: plures emittit viticulos, tenues, asperos, dodrantes ad summum, supinos, aliquando rectos in unicaule planta: quos folia circundant alternatim disposita, candicantia, exigua admodum, duplo minora quàm Thymi durioris dicti, asperiusculi uno versu quandoque disposita. A medio verò viticulorum, (qui aspera hirsutie & candicante obducuntur) ad summum usque fructus cartilaginei rotundi, Lentis magnitudine, compressi, velut in longam spicam dispositi dependent, uno etiam ferè versu penduli è petiolis incurvis exiguis, minimum, in quatuor foliola divisum calycem habentes, oculos ferè fallentem. Flores velut in umbellam confertos in summo semper habet exiguos, & omnium minimos, luteolos, qui statim folliculos proferunt è medio rotundos, hirsutos [J. Bauhino non rectè glabros] in medio parum ventriosos, limbo circumductos, in ima parte veluti fissos Thlaspeos modo. Hi profecti paleæ colore fiunt, ab imo decedentes, Maii fine; semen intus unicum habentes ovali figurâ, compressum, flavum aut rufum. Plantæ sapor parum acris, Leucoii modo siccans.

In montium radicibus & collibus Soli orienti expositis sterilibus frequens Anversæ Valuenfium, Aprilis mensis fine & Maio. Circa Monspel. collegimus: Cherlerus in Nemaufensi agro. Locus  
& Tempus

## CAP. XVIII.

*Tblaspi montanum Glaſti folio* C. B. *montanum Glaſti folio majus* Park. *Tblas. Pannonicum Clusii* Ger. *Tbl. folio Alliariæ* J. B.

J. B.

**H**ujus folia infima lata & rotunda sunt: quæ autem superiùs in caulibus, quos à fibrosa, oblique acta, serpente, alba, tenui, lignosa, Alliùmque obolente radice plures emittit, teretes, læves, cubitales altioresque. Folia inferiora sunt Alliariæ similia, alia ad Napi folia quodammodo accedunt, oblonga, averſa parte cæſia, adversâ in luteo virescentia, duabus pinnulis subrotundis caulem amplectentia, sapore oleraceo, nonnihil ad Cepas quoque accedentes è quorum alis rami enascuntur, similiter foliati. Flores Nasturtii aquatici albi, quadrifolii. Siliquæ uno loculo donata, subrotundæ, nullâ fissurâ, semen continent singulæ singulum, flavum, gustu amaro & acri.

Invenitur umbrosis locis ad arcem Stichenstain, & quâ iter est ex ea arce ad Sneberg: nusquam alibi Clusio observatum. Floret Junio, semen Julio & Augusto ad maturitatem pervenit. Locus  
& Tempus

## CAP. XIX.

## De Glaſto ſeu Iſatide.

**G**laſtum Latinis, *Vitruvia*, *Mela*, *Ceſare* & *Marcello Empirico* teſtibus, vitrum dicebatur. Vitrum idē a Latinis dictum exiſtimo quod Gallis & Britannis antiquis *Glaſſa* diceretur, quod Vitrum rectē interpretati ſunt. Glaſſa autem fortē dicta eſt à colore vitreo ſeu

*ſaxivo*.

Glaſti notæ ſunt folia ad tingendum utilia, ſiliquæ compreſſæ, latæ, pendulæ, per maturitatem nigre *Linguam ovīs* dictam imitantur.

*Glaſtum ſativum* Ger. Park. *Iſatis ſativa* vel *latifolia* C. B. *Iſatis ſive Glaſtum ſativum* J. B.

*Boab.*

Pollicaris hujus *radix* albida & lignoſa ad cubitum & ſeſquicubitum deſcendit, inquit J. Bauhinus. *Caules* ſurſum miniſimi digiti craſſitie, biſcubitales, rigidos, teretes, læves, ſubrubentes, in ſummo valdè ramoſos; *foliis* creberrimis, nullo ordine poſitis veſtitos. *Flores* in ramulis lutei, crebri, exigui, quatuor foliolis longiuſculis, obtuſis, minime biſidis compoſiti, pediculis longis, tenuibus ſubnixi [J. Bauhinus octo folia flori tribuit, verum quatuor illa quæ minora vocat calicis ſunt non floris] *Stamina* lutea, exigua. *Capſulæ* ſeminum per maturitatem nigricantes, latæ, obtuſæ, *Lingua ovīs* ſimiles ſed minores, coſta longitudinem percurrente, ſecundum quam etiam aperiuntur, ſingulæ ſingula ſemina flavicantia continent. Ob pediculorum tenuitatem capſulæ deorſum dependent ac ſi pilis appenſæ forent. Folia ima ad Cynogloſſum accedunt, nonnihil glauca, oblonga, glabra. Quædam tamen ex prioribus interdum hirsuta, inquit J. Bauhinus, ac etiam nonnunquam ſinuata, ad Heſperidis folia accedentia. Quæ in caulibus & ramis nullo pediculo interveniente adnaſcuntur, pinnatis barbulis ad baſin donata, oblonga, anguſta, in acumen deſinentia, glauca, glabra, quædam tamen ex inferioribus averſa parte ad margines præſertim & nervum medium ranoribus pilis hirsuta. Tum caules tum folia glauco quodam polline obducta ſunt, quæ facile detergi poſſunt. Secundo à ſatione anno cauleſcit & floret, & poſtquam ſemen perfecit radicitus exareſcit, ſemina deciduo ſe renovans.

*Locus.*

Seritur in Mediterraneis Angliæ. Sylveſtris à Sativo nonniſi culturâ diſſerre videtur.

*Vires & Uſus.*

De Iſatidis cultura & præparatione ad lanas tingendas integrum librum ſcripſit Henricus Crolachius. Glaſtum faciliſſimè & copioſiſſimè præbet ſalem volatilem, imò ſine igne, egregiè uſus in Scorbutis & Angina. Hæc planta multo melius tingit lanas quam *Indigo*, quod admixtione ſalis corroſivum evadit. *Wedelius de Sale volatili plantarum.*

*Cultura & præparatio.*

De cultura & præparatione Iſatidis lubet huc transferre quæ habet Wedelius loco citato.

Optimè inquit creſcit iis in arvis, quibus priùs Linum ſatum fuerat; ſin minùs antecellere hoc gaudeat, ſtercorari eadem probe poſtulant.

Alterutro horum factis, aut foditur terra ad ſationem, aut aratro ad id aptato quadrijugali profundius aratur. Sin communi aratro præſtare id libuerit, lentè feſtinandum eſt, morâ enim eget.

Quod Autumno aratro præparatum eſt arvum hyemalibus feriis ad Purificationis Mariæ feſtum relinquitur uberi irrigationi.

Semen ipſum perinde eſt, recenſne an vetuſtum ſit, modò non fumi acceſſione (quod notabile eſt) corruptum fuerit.

Poſt feſtum Purificationis, molliori cœlo, ſeritur, & ex voto quidem magis modicâ nive poſitâ, & ea quidem cautione, nè denſe nimis ſatio fiat.

Elapſo uno alteroque die, quæ mora non de nihilo eſt, ſtudioſè mediante occatione, terrâ obtegatur.

Poſt Pentecoſten diligenter repurganda ab aliis herbis.

Poſt feſtum S. Joannis ad primam meſſem matureſcit: cùm extima folia flavedinem præ ſe ferunt, vel metus eſt flores ipſum meditari, ferro ad id parato in terra herba detruncatur in cumulum hinc colligitur & ad loturam fertur.

Factâ lotione pabone ad locum aptum mittitur, ſparſim diſpergitur, & vertendo ſiccatur: marcor hic ſeu colono, ſi minor fiat & ſuperficiariè, ſeu emtori, ſi juſtus, lucrum ſcenerat, illi quidem aucto globulorum numero, huic meliori præparatione. Sin inconfſtans tempeſtas minùs faveat, ut modò ſiccetur, modò imbris irrigetur, quæ liberari ab extraneo humore debebat, periculum ſubit corruptionis, & teſtis hujus, nigredinis, quod ſæpe unicâ nocte contingit.

Absumpta ſuperflua humiditate congeritur, & trufatilibus molis inferitur.

A conquaſſatione ſeu comminatione & tritura hac, qualis quidem ſucculentis adhuc convenit, in acervum obtuſum ſeu rotundum compingitur, ſuperna parte teſta pro arcenda pulvia, circa latera verò ventilabra fabricantur, ut herbacea ſanies reſidua per noctem excludatur.

Abacto liquore digeritur in magnos globos, & teſto patulo ad id factis, ad machinam illam vecta imponitur, ut ſiccetur, adeò omni ſtudio ſuperflua humiditas abigitur, nè in putrilaginem fatiſcat. Relinqui hic loci poſſeſt, quamdiu id fert occaſio; aut globuli jam leniter exſiccari propriâ inferri domui, vel ad ulteriorem præparationem mercatoribus vendi poſſunt.

Globuli enim hi, quos ſexagenos vendi videas, tabulatis ingeſti & accumulati, ſenſim incaleſcunt, & urinoſum ſal volatile de ſe exhalant, eò citius quo calor ambiētis æſtivo tempore & eorum copia major; illud verò non ſolùm quo continentur ſpatium, ſed totam ſæpe domum & vicinas odore ſuo replet. Tandem aquâ etiam affuſâ magis intenditur calor, donec non in cineres, ut quidam volunt, ſed pulverem groſſum tinctorum uſibus aptum fatiſcat, quod hinc Glaſtum *ur*, ſeu præparatum audit.

Secunda



Secunda vice propullulans, non, uti prius, sollicitis unguiculis ab immixtis aliis herbis repurgatur, sed oves in agrum mittuntur ut pasci interfito hoc gramine repurgent isatidem, neque enim illi vel esu nocent, vel concutendo in terram, nisi pastoris negligentia diutius ac par est inhereant agro.

Exactis sex septimanis à prima messe denuo ut superiori tempore detruncaur, & iterum elapsis totidem hebdomadis, si coelum Autumnale faveat, tertiâ vice; licet hæc minori bonitatis notâ, tum ob caloris Solaris digerentis insufficientiam, tum ob tempus loturæ minus aptum.

Sequenti anno isidem avis quæ prius isatidem tulerant hordum inferant.

Si semina defuerant, tertia melle pars intacta relinquatur, unde vixente anno in semen exit.

Nostrates in præparando Glasto methodum hanc non per omnia observant, ut ab amico, quem super hac re consului, certior factus sum.

Serunt circa initium Martii ad nos, solo pingui, calido & bene stercoreato; circa medium Maium serius citiusve pro anni temperie & herbæ maturitate decerpitur.

Quamprimum demetitur ad molam ilico defectur & molendo comminuitur tandiu donec in globulos formari aptum sit absque ulla mixtura.

Globos hocce craticulis vimineis (Turpides nostrates vocant) imponunt ad exsiccandum; cùmque penitus sicca evaserint, molæ iterum subijciunt & in pulverem quàm possunt subtilem comminuunt.

Pulverisatum in area complanata, seu tabulato in acervum componunt, & copiosâ aquâ affusâ irrigant sæpè madefaciunt, donec concalescat & vaporem emittat; adeoque per plures septimanas calentem & effumigantem sinunt ut paulatim macrescat & maturelcat, humore aquoso evaporante, medicamentoso concocto. Ad calorem autem moderandum nè nimis invalescat, per tres, quatuorve hebdomadas palâ quotidie versant; mucedinem autem inter exsiccandum & caputem contrahit, quam iterum deponit; antequam plenam maturitatem adipiscatur, perfectum locis inforsant, & divendunt.

Æstate calida & serena succo melius concocto ad pigmentum conficiendum nobiliss & præstantius evadit; pluviam autem & humidâ foliis magis luxurians, & ubertiore proventus ferentem ditat, cùm citâ regerminatione ad quatuor aut etiam quinque messes eadem ætate adolescat. Prima messis omnium præstantissima habetur, reliquæ ordine, sequentes antecedentibus, deteriores.

Glastum autem non solum colorem coeruleum de se præbet, verum aliorum ferè omnium explorum basis & fundamentum est. Verum pro instituti nostri ratione de statidæ satis: qui plura desiderat (nec enim hæc ad artis hujus profus rudem & ignarum instruendum sufficiunt) eos consulari qui hanc materiam ex professo tractant, nimirum Crobachium prædictum, & Auctorem anonymum *Artis Agriculturae* Anglicæ conscriptam.

Joanni Bodæo à Stapel non assentio agrum Glasti proventus non emaciari sed latificari potius, quamvis frumento producendo magis fortasse idoneum evadat: nec enim triticum solo valde opulento satum fertilissimum est; siquidem foliis & culmis supra modum luxurians vim omnem in ea effundit, nec granorum admodum ferax est, neque plena & farina prægnantia procreat.

## CAP. XX.

*Coronopus Ruellii* Ger. recta vel repens *Ruellii* Park. *Coron. Ruellii* sive *Nasturtium verrucosum* J. B.

*Ambrosia campestris repens* C. B. *Swines Cresses*.

**T**erræ apprimat caules nunquam surgentes, spithameos, ramosos, rigidulos; per quos filia laciniata, cæsurâ foliorum *Nasturtii*, nec ita dissimili aut odore, aut sapore: sterculis secundum caules minui, albi; seminum loculis scabri, inæquales, lappulas imitati, quasi echini parvi muricati, quorum singulis granum unicum, nigrum, gigarto vitigineo ferè par inest. Radix longiuscula, satis crassa.

In uliginosis & ad vias tam in Angliâ quàm in exteris regionibus reperitur.

Locus.

# HISTORIÆ PLANTARUM

## LIBER DECIMUS SEPTIMUS,

QUI EST,

De Herbis flore tetrapetalo anomalis.

Pro floribus tetrapetalis hoc in loco habeo monopetalos etiam profundè in laciniis petalorum æmulas ad unguis ferè fillos, nè à recepta Botanicorum sententia nimis recedam.

*Herbæ flore tetrapetalo uniformi anomala & sui generis varia.*

Harum notæ Characteristicæ, generum indices sunt.

{ *Florum petala tenuia, ampla, fugacia, succus lacteus aut flavus, acer, vis narcotica; & in plerisque speciebus calix bifolius seu bivalvis caducus; PAPAVER, cujus duo sunt genera; Altrum, vasculis seminalibus brevibus in plurimas cellulas divisus, operculo stellato; iisque vel glabris; PAPAVER Sativum & sylvestre plurimarum specierum; vel hispidis; ARGEMONE: Altrum siliquosum; PAPAVER corniculatum; cujus omnino species est Chelidonium majus dictum, siquidem succo flavo acri turget, & calicem habet bivalvem caducum.*

{ *Vasculum feminale in quaterna loculamenta partitum, loculamentis superiore parte aliquouq; disjunctis, & in angulos eminentibus; foliis in plures lobos seu segmenta divisus, glaucis, glabris, odore vehementi; RUTA. Ruta flos interdum pentapetalos est, & vasculum quins loculamentis compositum; verum hoc accidentarium esse puto & luxuriantis naturæ lusu tribuendum: naturaliter enim & ordinariè quaterna tantum petala, & totidem in seminis conceptaculo loculamenta obtinet.*

{ *Vasculum feminale tricoccum in summo stylo, & succus lacteus in plerisque speciebus acer & fervidus; TITHYMALUS.*

{ *Flores staminosi, in spicas congesti, Flosculorum tubi in vascula seminalia elliptica, (quæ per maturitatem horizontaliter rumpuntur) intumescens, seminibus intus binis, puliciformibus. Hujus generis aliz caulibus sunt*

{ *Nudæ, foliis vel*  
 { *Latioribus, nervosis; PLANTAGO.*  
 { *Angustis, in nonnullis etiam ad margines dentatis aut laciniatis; CORONOPUS.*

{ *Foliosis, foliis angustis, binis oppositis, florum spicis è foliorum alis egressis; PSYLLIUM.*

{ *Siliquæ flores antevergentes, quæ per maturitatem quadrifariam partiti & dehiscens, quatuor seminum series ostendunt. Flores summis siliquis insident, & integri unà cum calicibus decidunt; LYSIMACHIA siliquosa. Hujus species quas novimus omnes præter Virginianas luteas siliquas producunt lanigeras.*

{ *Vascula seminalia in bina loculamenta divisa, & plerunque compressa: Flosculi parvi, petalis ad unguis junctis, ita ut integri decidunt, suntque vel floribus*

{ *E foliorum alis excurrentibus,*  
 { *Singulatim, ita ut è singulis alis singuli egrediantur flores; ALSINE spuria, nimirum foliis Chamaedrys, Hederula, Veronica.*

{ *Spicatim, ita ut è singulis foliorum alis egrediantur singuli furculi flores multos in spicas dispositos sustinentes, vasculis sem. compressis, Burse pastoris æmulis; VERONICA.*

{ *In summis caulibus spicatur; VERONICA spicata.*



*Anagallis aquatica* dicta *major* & *minor* tam *rotundifolia*, quam *longifolia*, itémque *Anagallis aquatica* quarta Lob. floribus & seminum conceptaculis cum *Veronicis* conveniunt ideoque *Veronicæ* potiùs quam *Anagallidis* speciebus annumerantur. Ad idem etiam genus pertinent *Chamaedryas* *Sparie* dictæ species omnes.

*Papaveris spinosi*, si rectè accipio mentem Botanicorum qui illud descripserunt, calix trifolius est, quâ in re differt à reliquis *Papaveris* speciebus nobis observatis. Loculamentorum vasculi seminalis respectu plurimum inter se differunt *Papaveris* species; Nam *Chelidonii majoris* filiqua simplex est & indivisa, unicâ intus continuâ cavitare; *Papaveris corniculati lutei* in bina loculamenta secundum longitudinem dividitur; *Pap. corniculati flo. phæniceo* in terna; ejus quæ flore est *violaceo* in quaterna. *Papaveris vulgaris* tam *Hortensis* quam *Sylvestris* capitulum in plurimas cellulas dividitur incerto numero, usque ad duodecim aut interdum quindecim, prout planta vegetior est aut languidior. Operculi autem stellati radii indicant numerum cellularum in quas capitulum dividitur.

Hinc patet à numero loculamentorum in quæ dividitur seminis conceptaculum solo & per se plantarum genera non rectè semper distingui.

Huc etiam referenda sunt *Pentaphyllum filiquosum primum & secundum* Morrifoni, nec non *Trifolium Lusitanicum bivalve flore rubro* ejusdem, quæ filiquarum respectu cum *Chelidonio* *majori* conveniunt.

## CAP. I.

## De Veronica.

**V**eronicam Recentioribus quasi *epiphetala* dictam existimat C. Hofmannus, quia triumphat inter plantas noviter repertas.

*Veronicæ* notæ sunt, Flosculi parvi tetrapetaloides, nam quæ videntur petala distincta ad ungues juncta sunt, adeò ut flos integer decidat, unde strictè & propriè loquendo flores monopetali sunt non tetrapetali. 2. Vascula seminalia in bina loculamenta divisa & plerumque compressa Thlaspeos instar.

In hoc genere calycis folia non decidunt unâ cum flore, ut in Tetrapetalis filiculosis, *Nasturtio*, *Thlaspi*, &c. sed à flore delapso restant ad seminis usque maturitatem: præterea flores è sinu foliorum exeunt, præter illorum normam, in quibus nulla ad florum exortum apponuntur foliola.

*Veronicæ* autem in triplici sunt differentia. Aliæ enim flores spicatos producant, spicis summos caules & ramulos terminantibus quæ *Veronicæ* spicata dicuntur. Aliæ florum spicas producant è foliorum alis exeuntes: quod genus *Teucris* seu *Chamaedryos spuris* nomine insignitur.

Aliæ denique flores singulares seu solitarios secundum caules, è foliorum sinubus proferunt, quæ *Alfinæ* spuris censentur.

## § I. Veronica spicata.

1. *Veronica spicata latifolia* C. B. Ger. *major latifolia foliis splendidibus & non splendidibus* J. B. *spicata latifolia major* Park. Great broad-leaved spiked Speedwell or Fluellin.

## Class.

Cubitalis profert caules, interdum etiam ampliores, non valdè ramosos, certè quàm rarissimis alis, sed multis nodis præditos; folia contrariis inter se petiolis ad singulos nodos nascentia, duas aut tres uncias longa, unam lata, crassa ex atro viridia, splendentiâque, raris & vix conspicuis crenis serrata, gustûs admodum astringentis & exsiccantis, deinde acris. Summo caule spicatum crescunt multi conferti flosculi *Veronicæ* rectæ dictæ floribus formâ similes, sed colore paulo dilutiores, ab infima parte spicarum explicare se incipientes quemadmodum *Teucris* & aliarum spicarum flores. Semen in planis vasculis continet, exile, fuscum. Radix crassa est, multisque fibris donata, singulis annis novos ex lateribus caules producents.

2. Est alia hujus species cubitalem altitudinem non excedens, multisque in summo caule ramis *Secunda species* prædita, cujus folia superioribus non minùs ampla & crassa sunt, sed neque splendēt, neque adeò cics. atra sunt.

3. Conspicitur & tertia species, secundæ non valdè dissimilis, cujus folia evidentioribus crenis *Tertia species* serrata sunt, ramulique oblongiore florum spicâ præditi: in reliquis conveniunt; utrique sapor idem qui priori.

Invenitur hoc genus cum suis speciebus in multis Pannoniæ sylvosis montibus, & ad radices *Sciriaca*. Locum Austriacarumque Alpium, gaudetque umbrâ.

Floret Julio, aliquando etiam Junio, in hortis præsertim: Semen Augusto & Septembri maturum est.

2. *Veronica spicata recta, profunde serrata, quam Lythmachiam cæruleam quidam vocant* J. B. *Lythmachia spicata cærulea* C. B. *cærulea* Ger. emac. *cærulea spicata* Park.

## J. B.

Cubitalis, teres, glabra, ex certis intervallis terna aut plura folia ad nodos habet, Ptarmicæ foliis similia, uncias duas aut tres longa, culmum lata, valdè serrata, glabra. Spica longa floribus dense congestis constat, cæruleis, quibus deciduis remanent longa staminula. Succedunt plura exigua

*marfupiola* in quibus *semen* minutum. Parvâ & fibrosâ *radice* nîitur, non reptante, sed plures à capite turiones seu germina novella protrudente quotannis, quibus valdè se propagat.

Locus.

In Pannoniâ & vicinis Austriæ atque Stiriz regionibus vel secundum rivos, vel in montanis pratis sponte nasci narrat Clusius.

A. 3. *Veronica spicata recta major & minor* J. B. *spicata minor* C. B. *assurgens sive spicata* Ger. Item *Veronica spicata angustifolia* C. B. *erecta angustifolia* Park. The lesser spiked *Thellin* or *Speedwell*.

J. B.

Obliquam *radicem* agit, fibratam; *caulem* rectum tollens, interdum quatuor unciarum tantum, aut pedalem vel cubitalem; interdum altioremi multò, simplicem plurimum, ad cujus nodos *folia* nascuntur angustiora, acutiora quàm *Veronica* vulgaris, leviter crenata, hirsuta, ad *radicem* latiusculâ. *Caulis* in spicam longam desinit, plerumque visu simplicem, interdum floribus *Veronica* vulgaris cœruleis densissimè stipatum, paullatim florentibus, primùm inferioribus denique summis: quibus exidentibus staminula remanent longa: *Semen* autem planis bifidis capsula continetur.

*Veronicam* spicatam majorem à minore magnitudine tantum variare existimat J. Bauhinus. Clusius & Lobelius specie diversam faciunt. Altera (inquit Clusius) major est, latioraque habet folia & longiore florum spicam: altera minor graciliorem breviorémque caulem, angustiora folia, minorémque spicam. Ego equidem non libenter multiplico species prater necessitatem, ideòque cum J. Bauhino sentio has duas non distingui specie; nihil tamen fidenter affirmo.

C. Bauhinus *Veronicam* secundam erectiorem angustifoliam Clus. ab ejusdem *Veronica* recta vulgari majore non distinguit. J. Bauhinus quoque *Veronicam* secundam majorem angustifoliam Clus. multum convenire scribit cum *Veronica* sua spicata recta. Descriptio Clusii sic se habet:

Fibrola *radix* lateribus se propagat, novos singulis annis stiones promens, cubito non minores, rectos, virides, veluti nodis aut geniculis distinctos. *Folia* in singulis nodis bina ex adverso nascentia, oblonga, *Lysimachia* cœrulea dictæ panè similia, sed crassiora & in ambitu minùs serrata, gustu adstringente & ingrato, postea acriusculo. Summi rami in spicas desinunt cœruleorum flosculorum quatuor foliolis constantium, in quorum umbilico duo staminula cum exiguo stylo. *Semen* in bifidis vasculis, planis quidem, sed aliquantulum tumentibus & pulvinatis, exile admodum & rufum.

Variat foliis paullò latioribus, prima tamen specie angustioribus, caulibus minùs ramosis, dilutiorèque florum spicâ. Sapor quidem astringit & exiccat, sed non adeò vehementer ut in prima specie.

Locus & tempus florendi eadem quæ primæ speciei. Clus.

Cæterum *Veronica* spicata minor nobis observata est in pascuis quibusdam medio circiter itinere inter Cantabrigiam & Novum Mercatum.

J. Bauhinus Geneva & in Sabaudia observavit florentem Julio: Montbelgardi etiam in agris prope Audincourt.

4. *Veronica parva saxatilis cauliculis nudis. Teucrium minimum* Clus. hist. *Chamædrys spuria minima* Park.

Eodem modo per terram sese expandit in varios divisa cespites, quo *Cotyledon* Matthiolo altera aut *Sedum* serratum. Clusio instar minoris *Gentianæ* vernæ elegantis, ex eodem radicularum capite breves ramusculos in ambitu fundit, humi recumbentes & sustinentes quaterna aut sena foliola, alternis quidem sibi opposita, sed adeò arctè congesta, ut eodem exortu nasci videantur, quæ parva, subrotunda, hirsuta, per margines crenata. E foliorum medio, ut in *Sedo* serrato dicto, exilit cauliculus, duarum triumve unciarum, teres, gracilis admodum, foliis nudus flores in summo fastigio gestans, non binos tantum (ut vult Clusius) sed quinque, sex, aut etiam plures *Chamædrys* spuria aut *Veronica*, cœruleos cinereosve, quadrifolios, qui tamen ut in reliquis integri decidunt. Ad singulos florum pediculos singula foliola oblonga. Vascula seminalia magna, compressa, bifida.

Locus.

In montis Juræ vertice Thuri copiosum invenimus: Clusius in summo Sneberg jugo.

An *Chamædrys Alpina minima* hirsuta C. B. Prod?

\* 5. *Teucrium sextum* Clus. *Chamædrys Alpina saxatilis* C. B. Park. *Teucrium petraeum pumilum* Ger. emac.

Clus.

Pumilum est admodum, semipalmaribus virgulis, quadam lanugine pubescentibus, quas bina semper inter se opposita vestiunt folia, minoris *Chamædrys* foliis satis respondentia, inter quæ summis virgulis oblongiusculi nascuntur è barbatis calyculis flores, à superiorum formâ diversi, concavi enim sunt extremis oris laciniati, latiores, cœrulei tamen etiam coloris, è quibus duo staminula cum longo stylo exeunt. Defluentibus integris flosculis succedunt crassiores & majores siliqua, exiguo semine plenæ. Radix etiam per summa serpit, tenuibusque fibris prædita est.

Locus.

In summo Erscheri jugo nec usquam alibi invenit Clusius.

*Veronica petraea* semper virens Ponæ.

C. Bauhinus *Veronicam* petraeam semper virentem Ponæ in Baldo huic synonymam facit: At Descriptiones non satis conveniunt. V. Ponam.

\* 6. *Cha-*



\* 6. *Chamaedrys spuria minor angustifolia* C. B. J. B. Park.

C. B. prod.

*Radice* est nigricante, lignosa & fibrosa: *ramulis* plurimis in terram reflexis, palmaribus, rotundis, rufescentibus; nonnihil pilosis, rigidis, duris, & in ramulos plures subdivisis: *foliis* ad radicem nonnunquam oblongis, latiusculis, obtusis, minimè crenatis: reliquis verò ad cauliculos, brevibus, angustis, crenatis & in apicem definitibus. *Flores* habet copiosos in spica oblonga dispositos, modò pallide cœruleos, modò carneos, staminibus & stylo donatos, quibus ut sylvestri *semen* minutum succedit in parvis thecis.

Æstate floret in agris nostris ficcioribus & incultis; copiosè circa balneum *Bruglingen* occurrit. Locum.

\* 7. *Chamaedrys spuria bederacea repens, sive scutellata repens* C. B. *Chamaedrys bederacea, sive Teucrium pratense foliis bederaceis* Cat. Altdorf. *Jungermanni*.

Nomen sine descriptione. Circa Altdorfiam in Germania oritur.

\* 8. *Veronica Alpina Bellidis folio hirsuta* C. B. *minima Bellidis folio* Park.

C. B. prod.

*Radice* est per terram transversim repente, fibris oblongis nigricantibus donata: *cauliculo* semipalmari vel paulò altiore, tenui, hirsuto, duro, flexili, reclinato: *cujus folia* ad radicem plura, *Bellidis* cœruleæ foliis formâ respondent, parva, subrotunda, atrovirentia, hirsuta & crassa, in cauliculo pauca, binis ex opposito sitis: Cauliculorum summitatibus *flosculi* aliquot cœrulei, quasi in umbella, ex parvis hirsutis calyculis prodeuntes, quaternis quiniffve foliolis & staminibus binis cum stylo compositi insident: *Semen* verò in vasculis brevibus, compressis, ex medio veluti umbone stylo prodeunte, continetur.

Hanc in Helvetiorum Alpibus reperimus. Locum.

\* 2. *Veronica cum floribus foliis intermixtis, è singulis eorundem alis singulis.*\* 1. *Veronica terrestris annua, folio Polygoni, flore albo* Moris.

Moris.

*Plantula* est palmaris, *cauliculis* rectis: *foliolis* ad singulos nodos oblongis, angustis, Polygoni æmulis; è quorum sinubus singulis singuli exeunt *flosculi*, albi, tetrapetali; quos sequuntur *capsulae* cordiformes, tumidæ, septo medio distinguente duplicem seriem *seminum* compressorum, rufforum. *Radix* tenuis est, inutilis: post semina ad maturitatem perducta exsiccatur tota planta.

Floret Maio, & semina perficit Junio; ubi sponte oriatur nescimus, sed semine deciduo singulis Tempus. annis sese propagat in hortis nostris copiose.

A. 2. *Alfine foliis Veronicae* Ger. *foliis subrotundis Veronicae* Park. *Veronicae foliis, flosculis cauliculis adhaerentibus* C. B. *Serrato folio hirsutiore, flosculis & loculis cauliculis adhaerentibus* J. B. *Speedwell Chickweed.*

*Radice* nititur tenui, simplici, fibrillis aliquot tenuibus oblongis capillata. *Caules* profert plures, [interdum unicum] palmarem aut dodrantalem, ima parte ramosum, rubentem, hirsutum, *foliis* vestitum infra flores conjugatim binis, triangularibus, minimi digiti ungue minoribus, hirsutis, circa margines serratis, pediculis brevibus aut nullis donatis. Verum folia illa è quorum sinubus flores exeunt alternatim adnascuntur, suntque longiuscula, non crenata, Thymi similia. *Flores* perexigui, monopetali, quadripartiti, cœrulei, intus striati calice quadrifolio continentur, pediculis brevissimis in foliolorum alis sessiles singulis singuli; quos excipiunt *loculi* bipartiti *Veronicae* aut *Thlaspeos*, pluribus *seminibus* compressis, per maturitatem fulvis repleti.

Ad margines agrorum ficciores, non rarò & in muris antiquis, hortorum areis & locis ruderatis. Locum.

Planta est annua; Maio plerunque mense floret.

A. 3. *Alfine foliis Trifaginis* Ger. Park. *Chamaedryfolia, flosculis pediculis oblongis insidentibus* C. B. *Alfine serrato folio glabro* J. B. *Germander Chickweed.*

J. B.

Pumila est planta è *radice* alba fibrosa *caules* aliquot surrigens rubentes, nonnihil hirsutos, articulatos, ad quorum singula genicula oriuntur *folia* parva, bina semper adversa, nervis rubentibus intersecta, longiora quàm latiora, serrata ut *Chamaedrys* vulgaris, brevissimis pediculis appensa. Ex alis singulis singuli pediculi semunciales foliolis quatuor glabris circumseptum sustinent *flosculum* ex quatuor foliolis cœruleis, rariùs albis, infernè continuis, *staminula* pauca & stylum tenue circumstantibus. Floribus decidentibus succedunt *loculi* bipartiti, turgiduli, in quibus *semen* rotundum.

In hortis & areis locisque cultis tota æstate floret. Locum.

A. 4.

- A. 4. *Alfne hederacea* Ger. *hederula folio* C. B. *hederula folio minor* Park. *Alfnes* genus Fuch-  
*folio folio hederulae hirsuto* J. B. *Top-Chickweed* or *small Penbit*.

¶ B.

*Radice* habet superius singularem & glabrum, rubentem, sine ullis adnatis, inferius verò quam-  
 pluribus fibris tenuissimis, albicantibus capillatam, sapore terrestri. *Ramos* per terram spargit do-  
 drantales & longiores, infirmos, angulosos, lanuginosos, nonnunquam in alios ramulos subdivisos,  
 nervulo medio separabili factos; in quibus *folia* alternatim sita, semuncialibus pedicellis, hirsutis  
 appensa, prima germinatione rotunda, mox in Hederacei folii modum angulata, sed crebrius incisa in  
 tres, quinque, septemve portunculas, carnosa, superna parte atrovirentia, inferne dilutiora, admix-  
 ta interdum obscura purpura, utrinque hirsuta: Ad uniuscujusque folii exortum pedicelli fusci aut  
 purpurascens, unciales ferè, in averfam partem intorti, sustinent quatuor foliola cordata, glabella,  
 margine lanuginoso, quæ complectuntur *flosculum* pallide cœruleum, quaterni diviserunt insectum,  
 inferne continuum, striatum, *faminulis* binis tantillum cœruleis donatum, qui facillime excidit  
 Succedunt didymæ *capsellæ* per transversum suturâ commissæ, in quibus *semina* bina, terna, quater-  
 na, aliquando unicum, oblonga, gibba foras, intus concava, naviculæ instar in cujus medutillio tu-  
 berculum prominat, malum cymbulæ æmulans.

Locus.

In arvis inter sata primo vere floret.

- A. 5. *Alfne recta triphylos* sive *laciniata* Park. *triphylos cœrulea* C. B. *folio profundi setto, flore*  
*purpureo seu violaceo* J. B. *Alfne recta* Ger.

¶ B.

Aliquando quarum aut trium unciarum est plantula, non raro etiam palmaris, aut dodrantalis,  
*coliculis* non, ut vult J. Bauhinus, lupinis sed rectis ferè & pilosis; in quibus *folia* opposita, in ali-  
 quot profundas lacinias cæsa, alia integra, potissimum inferiora, pinguiscula; ex quorum finis or-  
 ti petioli *flosculi* gestant purpureos, qui bifidas post se relinquunt *capsellas*: aliis inter folia sedent  
 flores. *Radix* parva, fibrosa.

Locus.

In transmarinis inter segetes sæpius observari; in Anglia rariùs invenitur; loca vide in Catal.  
 Angl.

Hanc plantam bis ponit Parkinsonus, primò sub titulo allato Trib. 6. cap. 17. n. 5. p. 760. secundò  
 sub titulo *Alfnes recta flore cœrulea* Trib. 14. cap. 32. n. 6. p. 1260.

- A. 6. *Veronica pratensis minor* Park. *minor* Ger. *pratensis serpyllifolia* C. B. *semina quibusdam*,  
*aliis Betonica Pauli, serpyllifolia* J. B.

¶ B.

Plurimas fibras longas, tennes albas in terram demittit. Cauliculi quoque & ramuli in ter-  
 ram reclinati è geniculis radices agunt. *Coliculi* attolluntur aliquot semipalmares aut palmares, te-  
 nues, geniculati: ad singulos articulos *folia* bina opposita Serpylli, oblonga, subrotunda, nonnihil  
 interdum crenata. *Flosculi* ex foliorum supremorum alis tenui & brevi pediculo singulatim exeunt,  
 hoc est, ex singulis alis singuli, pulchelli, inodori, quatuor foliolis ad ungues junctis constantes,  
 quarum tria cœrulea aut albicantia, striata, quartum reliquis minus albidum, nullis striis pictum:  
*famina* in medio alba, apicibus cœruleis. Succedunt *Utriculi* Veronicæ similes.

Locus &  
 Tempus.

In pratis ac humentibus exit, inque sylvis, locis arenosis, & agrorum limitibus: Maio & Junio  
 mensibus viget ac floret, sed per totum annum durat.

- \* 7. *Veronica maxima* Lugd. *Chamædrys spuria major latifolia* C. B.

Lugd.

*Radice* est nigra, pluribus fibris capillata: *caulibus* multis, fruticosa, cubitalibus: *foliis* Quercus,  
 multum crenatis, semper geminis caulem quadratum Chamædrys instar amplexantibus, furculis  
 multis ex alarum sinubus provenientibus, minimè foliosis. *Floribus* constat minoribus, Veronicæ mo-  
 re tetrapetalis, puniceis, dense & quasi spicatis in summis caulium digestis: quibus succedunt *cap-*  
*sulæ* cordiformes, bivalves, rotundiores, septo medio junctæ, *semina* hinc inde à latere ejusdem septi  
 continentes. Floret ineunte æstate & paulò post semina perficit.

Locus.

In Sequanis gignitur ad montium confragosa præcipitia inter saxa.

8. *Veronica saxatilis* J. B. *minor Alpina* Park. *serpyllifolia omnium minima* Ponz. *Alpina frute-*  
*scens* C. B. *frutescens Serpyllifolia* Ger. emac.

¶ B.

Multis *ramusculis* furculosis, rotundis & lævibus exoritur, altitudinis ad summum unius palmi cum  
 dimidio. Fert *folia* Serpylli modo, sed aliquanto longiora, in nigro colore virentia, obiter subinde  
 crenata, sed rarius, glabra, per extremum rotunda, bina opposita. Summos caules ornant *floris* ma-  
 juscule, tetrapetali, colore cœruleo dilutiore, Chamædrys spurie vulgaris floribus similes. Succedunt  
*capsulæ* compressæ, cordatæ, Veronicæ vulgaris repentis similes.

Locus.

In summis jugis montis Juræ propè Thuri invenimus: Pona in altioribus summitatibus Baldi Ori-  
 entem versus.

Uterque



Uterque Bauhinus hunc synonymam faciunt Veronicam tertiam fruticantem Clus. quam sic describit.

Pedalibus est *surgulis*, duris, lignosis, lentis & flexibilibus, humi sparsis & diffusis, ac veluti cinctis frequentibus nodis, unde ex adverso semper utrinque *ramuli* enascuntur virentes, in quibus bina inter se opposita *foliola*, viridia, crassiuscula, splendentia, longiuscula & minutulis crenis serrata, amari saporis. Extremis ramulis seni aut octoni insident *flosculi*, ex alarum sinu prodeuntes, tetrapetali, cœrulei coloris elegantissimi, pallente umbilico & rubro circulo eum ambiente, unde duo *stamina* prominent, & ex medio velut umbone *stylus* muscæ proboscidi ferè similis. Semen in latioribus majoribusque vulgari Veronice vasculis & compressis, exiguum, planum, fulvescens. Radix lignosa & multas fibras spargens: quin & ipsi surculi proximè radicem, atque etiam longius à radice (si paulum terrâ operiantur) ad singulos nodos fibras & radices agunt.

Provenit in Sneberg & Alpestribus Stiria: jugis, ubi Junio floret.

Parkinsonius, & rectè quidem meâ sententiâ, separat Veronicam fruticantem Clusii ab Alpina minima serpyllifolia Pona: Hæc enim non fruticat, neque pedalem longitudinem assequitur, sed palmaris est & herbacea semper: quin & florum colore differt. Veruntamen si non convertiant specie, admodum affines sunt, & vix ulla alia in re quàm magnitudine differunt hæc duæ.

Locus.

- \* 9. *Chamædrys spuria tenuissimè laciniata* J. B. Cham. *Austriaca foliis tenuissimè laciniatis* C. B. *Austr. laciniata* Park.

J. B.

Sanè quàm elegans hæc est Chamædryos species. *Caules* erigit pedales & altiores, teretes (præterquam crassiores qui ab ima parte quadrati videntur) firmos, ramosos, lanugine quâdam modicâ obritos. *Folia* secundum genicula singula plerumque hærent utrinque plura tenuissimè ac profundis segmentis laciniata. Ramulorum extrema *vascula* ex longiusculis pediculis gerunt singularia, cordata, Chamædryos vulgaris spuria, foliaceo caliculo comprehensa, in quibus semen exiguum coloris spadicei, compressum. Radix crassiuscula, multis nigris fibris donata.

In Goritienfi agro ab Agerio lecta ad J. Bauhinum transmissa est.

C. Bauhinus flosculos subcœruleos in spicam oblongam dispositos huic ascribit.

Locus.

- \* 10. *Chamædrys Hispanica foliis tenuissimè divisis* C. B. Park.

C. B. prod.

Hæc caule est priore multò teneriore, rotundo, leviter piloso, geniculis pluribus distincto; foliis brevioribus angustiusque divisis, & ad singula caulis genicula junctis: at cauliculus in tenuissimorum & parvorum foliorum quasi cespitem assumitur; & ad summum geniculum in duos pedicellos, triunciales, foliis nudos dividitur, quibus *flosculi* parvi, stylo oblongo donati insident. Plura non licet.

### §. 3. *Veronica spicata, spicis è foliorum alis egressis, Chamædrys spuria dicta.*

1. *Chamædrys spuria angustifolia* J. B. *spuria major angustifolia* C. B. *Veronica supina* Ger. emac. *Ver. Teucrii facia* Park. *Teucrii tertii quarta species* Clus.

Multas ab una radice, tenui sed longâ, repente, lignosâ, fibrosa *virgula*, per terram diffusâ, interdum nonnihil humo elatas profert, teretes & hirsutas, itidèque lignosâs, tenues, longitudine palmari & dodrantali: in quibus bina per intervalla *folia* opponuntur, oblonga, in ambitu serrata. Virgulæ in ramulos aliquot circa extremum divisæ *flores* sustinent in spicam digestos, non simul se expandentes, sed inferiores primùm, cœruleos, *staminibus* concoloribus & *stylo* tenuissimo, quorum pedicellis brevibus & tenuibus appositum est foliolum tenuissimum, oblongum, viride.

Nascitur pluribus locis in pratis, juxta flumina, rivulos, scrobes ac fontes, subinde & in nemorosis, ut rectè J. Bauhinus: Et Junio, Julio ac Augusto cum floribus viget. In Anglia non invenitur spontanea.

Locus.

2. *Chamædrys falsa maxima, an Teucrium 1. sive majus Pannonicum* Clusio J. B. *Chamædrys spuria major altera sive frutescens* C. B. *Ch. ma. sp. frutescens* Park. *Teucrium majus Pannonicum* Ger. emac.

J. B.

Congener vulgari Chamædryi spuria, verùm multis numeris eâ major est. *Folia* longa acuminata serrata per hirsutos *caules* bina: *Rami* itidem ex adverso positi longam sustinent *florum* spicam, Chamædryos vulgatæ similem, majorem, succedentibus compressis, bifidis capsulis.

In sylvis Germaniæ atque etiam circa Genevam plurimis in locis oritur.

Clusius *caules* cubitales, quadrangulos, subhirsutos Teucrio suo quarto attribuit: *folia* Chamædryos spuria: vulg. bina semper inter se opposita, per ambitum serrata, amari saporis. *Flores* in spicis longis è foliorum superiorum sinubus egressis cœruleos, quatuor foliolis constantes, quorum quod superiorum partem obtinet latiusculum semper est venisquè distinctum: Radicem fibrosam admodum & vivacem, quotannis novos caules producentem, qui infima parte secundum matrem radices agunt & se propagant.

Locus.

Hujus

Hujus genus invenitur inter vepres, non minoris longitudinis virgas ferens, tenuiores tamen humique diffusas, adeo frequentes ut magnos caspites interdum late regunt, minoribus foliis & dilutione flore.

- A. 3. *Chamaedrys sylvestris* Ger. *spuria* Sylv. Park. *spuria latifolia* sive *femina* J. B. *spuria minor rotundifolia* C. B. **Wild Germander.**

Numerosis fibris radicitur, & reclinatis in terram ramulis subinde radices agut, leque reptando propagat. *Caulis* surrigit spithamam & interdum cubitum altos, lamiginosos, teretes, tenues & infirmos; quibus adversa inter se per intervalla adnascuntur *folia* sine pediculis, serrata, hirsuta, saturè viridia, rugosa, è lata basi in mucronem non admodum acutum sensim desinentia. *Chamaedryos* legitimæ familia, unde plantæ nomen. Ex alis foliorum exeunt *flores* in thyrsium digesti, qui quadrifolii videntur cum sint revera monophylli, petalis ad ungues junctis, hilaris cœruleo colore nitentes, saturationibus lineis striati, umbilicis albis; in medio stylus prætenus, violaceus cum duobus *staminibus* apices albos sustinentibus. *Calyx* floris quadrifolius. Flores autem pediculis brevibus insident è sinu folioli exigui seu ligula exeuntes. *Vascula* seminalia compressa didyma, *Veronicæ* familia.

Locus.

Maior mense floret, in pascuis frequens.

Sapor huic plantæ amariusculus; odor ferè nullus. Folia quæ in summis caulibus sunt, contra aliorum plantarum normam, pediculos habent longiores quàm quæ in imis.

- A. 4. *Chamaedrys spuria foliis pediculis oblongis insidentibus.* *Alysson* Dioscoridis *montanum* Col. *Chamaedrys spuria affinis rotundifolia scutellata* C. B. **Wild Germander with leaves standing on long foot stalks.**

Plurimis exiguis prælongis fibris in terram demissis radicitur. *Caulis* teretes, hirsuti, tenues, in terram resupini, & subinde radices agentes, *foliis* vestiti per intervalla binis oppositis, pediculis semuncialibus insidentibus, hirsutis longa candicante subasperis, circum oras serratis magnis dentibus, brevioribus & pallidioribus quàm *Chamaedryos* spurie vulgaris. *Flores* in thyrsos digesti ex alis foliorum similiter exeunt, rarius dispositi [tres aut quatuor ex tenui admodum petiolo ac hirsuto] semuncialibus pediculis insidentes, monopetali sed in quatuor segmenta ad ungues ferè fissi, pallide purpurei aut cœrulei, saturationibus lineis striati: [quibus succedunt fructus depressi, ex duobus ovalibus folliculis scutulorum formâ constructi, latere inter se conjuncti, ipsique per oras hirsuti, foliola bina utrinque basis habentes, atque intus depressa femina fulva quina aut sena singulis lateribus continentes.]

Locus.

Vires.

In sylvis humidis ad aquarum præcipue rivulos nascitur.

*Chamaedrys spuria* [de præcedenti specie intellige] optimum est remedium in Rachitide, si ex ea fiat decoctio. D. Palmer.

- \* 5. *Chamaedryos falsa species Teucrium quintum* Clusii J. B. *Cham. spuria minor latifolia* C. B. Park. *Teucrium Pannonicum* Ger.

Clus.

Multas statim à radice fundit *virgulas* dodrantes, purpurascens, humi procumbentes, quas alternatim bina semper ex adverso sita amplectuntur *folia*, *Chamaedryos* foliis formâ & colore similia, & eodem modo per oras serrata, minora tamen, gustu linguam exsiccante, deinde amariusculo: summæ virgulæ in ramulos divite numerosos *flosculos* in spicæ formam nascentes gestant, quatuor foliolis constantes, eo quod superiorem floris partem occupat reliquis majore & latiore, cui circa umbilicum duo *stamina* inhaerent, *stylusque* è medio umbilico protuberat; integri deinde *flosculi*, qui sunt aut cœrulei coloris elegantissimi, aut dilutionis & quasi cineracei, sponte decedentes *siliquulas* relinquunt planas, exili subrufo semine plenas. *Radix* valde fibrosa est & vivax, singulis annis novas virgulas producens: quin & ipsæ virgulæ nonnunquam secundum radicem fibras agunt.

Locus.

Nascitur omnibus fere siccioribus agris incultis, herbosisque aggeribus & colluculis secundum vias publicas inferioris Austriae.

- \* 6. *Veronica tetragona montana recta minima* Col. *Chamaedrys spuria latifolia minima* C. B. *Cham. spuria minima* Park. g.

Col.

Pratenfi Teucro *Veronicæ* facie dicto admodum similis est, at minor omnibus sui partibus præter *flores* qui in hac plantula majores omnibus congeneribus sunt, colore cœruleo saturatiore, brevibus insidentes petiolis, circa summas duas alas, quibus dividitur *caulis* palmaris, quadratus, rubescens, hirsutus, geniculis senis divisus, quibus *folia* haerent bina alternatim [caulis laterum respectu] disposita, in imo tritici grano magnitudine paria, atque in singulis geniculis [paullatim] majora, donec indicis unguis magnitudinem assequantur, hirsuta, oblonga, circumferrata obtusis dentibus multis, *Chamaedryos* ferè modo, sed absque petiolis, & circa caulis genicula latiora; in summo duas alas emittentia, caulisque foliolis intermediis parvis admodum veluti detruncatum terminantia. Julio proficitur, atque *stecus* apice longo *Chamaedryi* spurie vulg. similes promit duplices per alas dispositas, tenuibus ramulis etiam divisas. *Radix* repit ex geniculis composita ex quibus dependet. Sapor foliorum exiccans.

Locus.

In summis frigidisque montium *Æquicolorum* pascuis oritur, loco dicto S. Angelo.

- A. 7. *Veronica*



A. 7. *Veronica mas supina & vulgarissima* C. B. *mas vulgaris supina* Park. *vulgatiss. folio rotundiore* J. B. *vera & major* Ger. *Male Speedwell or Thuellin.*

J. B.

*Viticula supinis*, è geniculis radices agentibus in terræ superficie repetat. Sunt autem cauliculi seu viticulæ hæc tenues, teretes, longæ, hirsutæ, geniculatæ, foliis binis aduersis, ad singulos articulos enatis, hirsutis, in ambitu serratis, Pruni foliis similibus, sapore amaro & acri, donatæ. Flores ex alis foliorum spicatum oriuntur Chamædryos adulterinæ more, è quatuor foliis ex dilutâ purpurâ cæruleis, striatis compositi, staminibus concoloribus medium occupantibus; quibus decussis semina relinquuntur Chamædryos adulterinæ loculamentis parvis Bursa pastoris æmulis inclusum.

Flosculi revera monopetali sunt, nam quæ foliola distincta videntur ad unguem coalescunt, unde & flos integer decedit. Ad singulos autem flosculos apponitur ligula.

In pascuis ficioribus & ericetis copiosè provenit. Locis apricis, arenolis, & labulosis delectatur. *Locis.* Estate floret.

Est & alia (inquit J. Bauhinus) mihi hujus generis, foliis duabus uncis longioribus, & uncia latioribus; caulibus cubitalibus, & alia multò minor foliis ad Veronicam foeminam serpyllifoliam accedentibus.

8. *Veronica mas erecta* C. B. Park. *recta mas* Ger.

J. Bauhino eadem est præcedenti, & revera si vel figuram ejus, vel descriptiones quæ extant attendas, parùm variare animadvertas. Caulibus dicitur esse erectioribus & assurgentibus, Gerardo tamen repentibus; foliis magis dentatis; (icon tamen pauciores dentes ostendit) in summis caulibus longis & angustis: floribus & capsulis minoribus.

Vulneraria insignis ac sudorifera est. Usus præcip. in erosione ac obstructione pulmonum ac lie- *Vires.* nis; hinc & imprimis in colica, phthisi, scabie, pruritu, peste, vulneribus. Extrinsecus fimosissima est in vulneribus abstergendis, in duritie lienis, & in colica. *Scbrod.*

Summatim intus sumpta valet 1. Adversus tussim & vitia pulmonum. 2. Adversus pestem & morbos contagiosos. Extrinsecus ad vulnera, ulcera, scabiem, cutis vitia commendatur.

Decoctum Veronicæ satis magnâ dosi aliquando assumptum foeminam quandam calculo, quem per sedecim annos in rene sinistro aluerat liberavit. Calculus nempe primo ad ureteres protrusus est, deinde in vesicam delatus, tandemque continuo ejusdem decocti usu foras ejectus. *Ephemer. Germ. An. 1. Observ. 107.*

Insigniter Veronica sterilibus prodest. Nobilissima quædam foemina post septennium sterilitatis meo consilio pulverem Veronicæ in aqua ejusdem per multos dies sibi propinabar, & statim concepit. Postea illa hoc consilium aliquot aliis dedit, & X. vel XII. ex illis ex sententia profecit. Syrupus Veronicæ ulceribus pulmonis est admirabilis. *Hofman.*

Cum immedicabili tibiurum ulcere illustrissimus Guntherus per aliquot annos laborasset, ac serpentis ulceris totam propemodum tibiam obsidentis cacoethis dolores per intervalla septimanarum aut mensium recrudescerent mitigari deberent, nullum præsentius percepit levamen quàm si madefaceret lintea aquâ Veronicæ, eaque tibiis applicaret. Cessabat enim inflammatio, & alia quæ eam comitari solebant symptomata.

Veronica vim insignem traumaticam obtinet: Fistula thoracis quæ balneatorum industriam, omniumque medicamentorum vires eluxit, tandem sanata est solius aquæ hujus plantæ usu interno. *Ephemer. Germ. An. 13. Observ. 166.*

Extractum Veronicæ mixtum cum extracto baccarum Juniperi in obstructionibus viscerum & pectoralibus morbis est præstantissimum remedium; maximo cum fructu non raro eo usus sum: materiam morbosam per urinam expellit, sed præmittenda sunt laxativa & aperitiva. *D. Tancr. Robinson, & G. Fabric. Hildani Epist. 73.*

Ingenue fateor cum aliquando variis medicamentis adversus crustosam scabiem puerorum usus essem incassum, me ad recensiti exempli imitationem jussisse parentibus dicto modo aquâ Veronicæ intincta linteamina applicarent compressa ne stillarent furis brachiisque pueruli ejusdem, meque sic cum ex voto restituisse pristinae valetudini; jussi tamen ut nutrix decoctum Fumariz ex sero lactis quotidie hauriret. *Sim. Paullus.*

In colica, calculo, ipsa peste Crato plurimi fecit hanc herbam: imò vel simplex decoctum Veronicæ longè præfert omnibus aliis generosioribus internis medicamentis contra calculum, cujus hæc sunt verba. *Idem.*

Ufus clysteris ex solo decocto Veronicæ cum Saccharo magis quàm ulla medicamenta per os sumpta proderit. In decoctum vel adeps vervecinus ad renes, vel cuniculi, vel capi adjiciatur, ut ita lubricitatem faciat. Si ista non sunt ad manum parum butyri recentis addatur. *Idem.*

Ipsæ sanctè testare possum sapiculè plus commodi & levaminis percepisse multos agros, sive colicis passionibus, sive nephriticis doloribus tortos, ab usu simplicis clysteris, ex lacte vaccino & saccharo parati, in quo ad exemplum Cratonis, vel Veronicæ, vel florum Chamomil. non Romanæ sed vulgaris temperatoris decoxi, quàm ex aliis majoris apparatus, v.g. ex pulegio, origano, ruta, calamintha, &c. confectis: Cum hi sæpe exagitent humores. *Idem.* Ex collectaneis D. Edv. Hallsii cæ ob plurimas Observationes communicatas ego & Lectores mei, si qui futuri sunt, multum debemus.

4. *Veronica aquatica* *Anagallis aquatica* dicta.

- A. 1. *Anagallis rectius Veronica aquatica minor folio subrotundo* C. B. *aq. flore caruleo, folio rotundiore minor* J. B. *aq. vulgaris sive Becabunga* Park. *aq. sive Becabunga* Ger. **Common Brooklime.**

J. B.

*Radicibus* nititur albis, fibrosis, quas ex geniculis subinde demittit. *Caules* rubentes, rotundi, fungosi, in terram reclinati, quam ubi attigerint, fibris enatis radicanitur denuo. *Folia* ex adverso bina singulis geniculis, longiusculis pediculis hærentia, adnascuntur, pinguiuscula, atrovirentia, ad uncias duas longa, subrotunda, crenata: è quorum sinu ramulus prodiens flores sustinet spicatos, coerulescos, ex quatuor foliolis compositos, [verius unifolios in quatuor lacinias totidem folia mentientes divisos] striato umbilico albo, apicibus dilutissime coerules, ternis; ex calicibus quos quaternaria folia viridia componunt. *Semen* capsulis supervenientibus didymis clauditur copiosum. Sapor plantæ nullus manifestus.

Locus.

In rivulis & ad fluviorum margines exit.

2. *Anagallis rectius Veronica aquatica folio rotundiore major* J. B. *aq. major folio subrotundo* C. B. *aq. sive Becabunga major* Park. *Anagallidis sive Becabunga varietas major* Ger. **The greater round-leaved Brooklime.**

*Anagallis* hæc aquatica est jam dictæ omnino similis, nisi quod *caulibus, foliis* (quæ ubi maxima trientem longa sunt & sextantem lata) & *floribus* major est ac latius diffusa.

3. *Anagallis, rectius Veronica, aquatica major folio oblongo* C. B. *aq. flore caruleo, folio oblongo major* J. B. *aq. major* Ger. *aq. folio oblongo crenato* Park.

J. B.

Illis similis & hæc *radicibus* fibrosis ex articulis caulium hærens. Verùm *caules* recti, angulosi, crassius, cavi, cubitales & majores, infernè rubentes: *folia* bina opposita, sine pediculis caulem amplexa, longiora quàm jam dictæ *Anagallidis*, palmi longitudine, latitudine unciali & fescunciali circiter, crenata, sapore nullo insigni: *Caulis* in ramulos finditur è foliorum alis ortos. *Flores* spicati, crescenti modo figuræ prædictæ *Anagallidis* similes, calyculis & capsulis didymis itidem respondentibus.

- A. 4. *Anagallis, rectius Veronica aquatica minor* Ger. *aq. min. folio oblongo* C. B. *aq. flore purpurascete, folio oblongo minor* J. B. *aq. folio oblongo crenato* Park. **The lesser long-leaved Brooklime, or Water-Pimpernel.**

*Radicibus* fibrosis, ex articulis caulium demissis hæret. *Caulem* erigit crassum, teretem, concavum. *Folia* bina opposita, sine pediculis caulem amplexa ad singulos geniculos; [vidimus & terna ad geniculum naturæ lusu] longa, angusta, in acutum desinentia, circa margines crenata. *Flores* in surculis ex alis foliorum exeuntibus spicati, spicis laxis, dilutè purpurascetes, parvi, monopetali, in quatuor tamen segmenta totidem folia imitantia ad unguem ferè divisi, minores quàm in *Becabunga*, brevibus infidentes pediculis, quorum singulis ad exortum ligula appposita est. *Calix* floris quadrifolius. Succedunt *capsule* didymæ quales in *Becabunga*, *seminibus* exiguis turgidæ. Planta hæc pedalem altitudinem vix superat.

Locus.

In rivulis & aquis vadosis non infrequens est.

Vires.

Viribus [ *Becabunga* ] cum Nasturtio aquatico convenit, nisi quod imbecillior sit. Calfacit & humectat moderatè. Usus præcip. in Scorbuto. Calculum renum & vesicæ insigniter expellit: mensès ciet; foetum mortuum ejicit. Extrinsecus opitulatur phlegmonis & erysipelati. *Schrod.*

Rustici certo experimento vulnera recentia consolidare norunt *Becabunga* recenti, si ei modicum salis & telæ aranearum misceant, atque ita duplicato linteo instar cataplasmatibus obducant ac vulneri applicent. *Sim. Pauli.*

Mulierum experientiâ doctus sum totius formæ miracula edere in condylomatis & hæmorrhoidum cœcaram doloribus. Retulit mihi honestissima matrona, cum nullis anodynis sibi mitigari hæmorrhoidum cœcarum dolores potuissent, celsasse eos illico dummodo per horæ quadrantem *Becabunga* in aqua coctam cataplasmatibus formæ hæmorrhoidibus applicuisset. Et testatur Fabricius in notis Crollianis se scire solâ *Becabunga* coctâ in *Cerevisia*, & bis quotidie appositâ satis magnum ulcus, universam ferè tibiam occupans, & ad os ferè profundum feliciter in scorbuto quodam sublatum fuisse. *Idem.*

- A. 5. *Anagallis rectius Veronica, aquatica angustifolia* J. B. *angustifolia scutellata* C. B. *aquatica* 4. *Lobelii* Ger. *emac. aq. angustifolia sive* 4. *Lobelii* Park.

*Radiculis* pluribus fibrosis terram apprehendit. *Caules* palmares & longiores [ J. Bauhino cubitales ] teretes, infirmi & humi procumbentes, crebris geniculis intercepti, è geniculis subinde radices agentes quibus se propagat. *Folia* ad singula genicula ex adverso bina, oblonga, angusta, acuminata Graminis leucanthemi minoris figuræ & magnitudine, & interdum majora, [ J. Bauhino trium quatuorve unciarum longitudine, latitudine culmi, nervo unico per longum donata ] ad margines interdum denticulis quibusdam vix conspicuis incisâ, aliâs omnino æqualia, in aquosis glabra, in sicco-



ficcionibus & extra aquas hirsuta, uti sunt & caules, & subinde rubentia. *Flores* in pedicellis tenuibus ex alis foliorum exeuntibus, ramosis, singuli privatis pedicellis prætenuebus insident semurcia brevioribus, parvi, tetrapetali petalis tamen ad ungues junctis, plerunque lactei, interdum dilute purpurascētes, è calice quadrifolio. Flosculis succedunt *vascula* compressa, didyma Verónica aut Thlaspeos, *seminibus* intus parvis. Sirculi flores sustinentes singulatim plerunque ex alis foliorum exeunt, non bini ex adverso, & paucos omnino flores sustinent, ad singulorum autem pediculos apponitur ligula. Sapor plantæ herbaceus.

In aquosis & ad rivulos, inque palustribus & fossulis per æstatem exiccatis sæpius observavi.

Locum.

- \* 6. *Anagallis aquatica*, *Pulegio similis*, *caulibus quadratis* Trag. *Anag. aquat. foliis Pulegii* Park. *foliis Pulegii*, *Serpyllivæ* C. B.

*Flosculis* cœruleis esse dicitur *Anagallidis* terrestres similibus: radicibus albis reptatricibus, reliquarum in modum.

*Si à præcedentibus distincta sit, nobis certè incognita est.*

## C A P. II.

### De Papavere.

**P**apaver dictum censet Vossius à *Papo*, quomodo *cadaver* à *cado*. Nomen ex eo fuerit, quòd inderetur *Papæ* ad conciliandum somnum. *Papa* (pro quo vulgò minùs rectè *pappa* scribunt gemino *pp*) puerorum est cibus, quem & nos hodie *Pap* appellamus; unde verbum *papo* apud Persum, — *pappare minutum* *Poësis*, &c.

Græcis *Μῆλον* & *Μυκόν* dicitur, (utroque enim modo scribitur) *ἄνθος μινιστράν* à *non ministrando* dicitur, quod vescentes eo suis muneribus fungi non possint.

Ex his aliud *Rhœas* dicitur à *ῥέω* fluo, quòd ab eo liquor emanet, ut aliqui volunt. *Gaza fluidum* vertit, quia flos statim defluit postquam semel explicatus fuerit.

Papaveris characteristica sunt florum petala ampla, tenuia, fugacia; succus lacteus aut flavus, acer; vis narcotica; & in plerisque speciebus calyx bifolius seu bivalvis, caducus.

Papaveris duo sunt genera, Alterum conceptaculo seminis brevioris & crassioris in plurimas cellulas diviso, operculo stellato tecto; idque vel foliis integris majus; *Papaver sativum*: vel foliis dissectis minus, seu flore minore, & in nonnullis speciebus capitulis hispids, in Argemonis dictis, seu flore majore, in Papavere rhœade.

Alterum *Siliquoſum*, Papaver corniculatum: cujus revera species est *Chelidonium* majus dictum, siquidem succo flavo acri turget, calycem habet bivalvem caducum & florum petala tenuia fugacia.

#### *Papaver sativum* J. B. *Πόπυρ*.

*Ἰ. Β.*

Digitali crassitudine circiter *radicem* habet, amaro lacte, sicuti & tota planta, turgentem. *Caulis* surgit bicubitalis, in alas divisus, lævis plurimum, nonnunquam modicè hirsutus: cui *folia* adnascuntur *Lactucæ*, oblonga, laciniata, crispata, colore glauco. *Flores* aliàs simplices, aliàs multiplices, fimbriati & non fimbriati; colore albo, rubro, carneo, variegato: quibus *codia* succedunt globosa, ventriosa magis, magisve oblonga, alias pugno paria, alias juglandi, stellato operculo intacta, septis membranis *semen* nunc atrum, nunc fuscum, nunc album discissum continentia: ac odorem spirat virens planta virosum & *resinaceum*. Hæc est Descriptio Papaveris sativi in genere, cujus aliquamultæ sunt seu species seu varietates, quæ ad duo genera, (quantum mihi videtur) reduci possunt; Alterum

1. *Papaver sativum* petalis circa margines æqualibus, unguibus coloratis capitulis clausis.

Hoc genus vel est semine albo, vel semine nigro; quorum utrumque tum floris colore, tum petalorum multiplicitate variat.

Alterum

2. *Papaver sativum*, petalis laciniatis, unguibus albis, capitibus ad opercula per maturitatem foraminulis biantibus.

Hoc etiam genus semine albo, vel nigro: floribus simplicibus vel plenis: utrisque vel albis, vel purpureis, vel pulchrè rubentibus & penè coccineis, vel ex diversis coloribus mixtis variat.

In C. Bauhini pinace has species invenio.

1. *Papaver hortense* semine albo: sativum Dioscoridi, album Plinio.
2. *Papaver hort.* semine nigro: sylv. Dioscoridi, nigrum Plinio.
3. *Papaver* flore rubro, semine fusco.
4. *Papaver* cristatum floribus & semine albis.

D d d d

5. *Papaver*

5. Papaver cristatum floribus rubris, semine nigro.
  6. Papaver pleno flore album.
  7. Papaver pleno flore nigrum.
  8. Papaver laciniatis floribus.
- Quæ omnes ad genera superius posita facile reduci possunt.

3. *Papaver spontaneum sylvestre* Ger. emac. *vulgare*, *cujus capitula foraminibus biant, semine incano ἀνευρέων*, Dioscoridi C. B. *Wild Poppy*.

*Radix* ei alba, simplex [interdum surculosa] crassiuscula. *Folia* sinuata, glabra, glauca, per margines dentata, absque pediculis caulibus adnata, singulatim posita. *Caulis* cubitalis aut altior, digiti interdum crassitie, teres, glaber, solidus, ramosus. *Flores* in summis caulibus & ramulis nascuntur singulares, pediculis longis, amplissimi, quadrifolii, ex albo purpureascentes, petalis propè ungues maculis amplis saturè purpureis notatis. In medio flore *capitulum* styli loco circumstant numerosissima *stamina* alba, *apices* nigricantes sustinentia. *Calix* floris bivalvis, qui quamprimum flos aperitur defluit. Capitula subrotunda, grandia, operculo ad umbilicum stellato, in tot cellulas dividuntur quot sunt in umbilico radii, innumeris seminibus repleta.

Tota planta succo lacteo amaro turget, qui incisione facta emanat.

Tempus,  
Vires.

Junio mense apud nos floret.

Succus papaveris inspissatus *Opium* dicitur: est autem succus ille qui sponte emanat vulnere in capite facto, nam qui è tulo Papavere exprimitur *Meconium* appellatur [Cum capita ipsa & folia decoquuntur succus Meconium vocatur, multum Opio ignavior. *Plin.*]

Est autem cum aqua Papaveris destillata, tum oleum, tum maxime Opium narcoticum & anodynum, soporem utique conciliat, & sensum doloris aufert. Hoc efficit, non frigiditate sua, ut nonnulli volunt, (siquidem sapor amarus, virosus odor, inflammabilitas, & vis exulcerandi plane contrarium arguunt) sed qualitate hætenus incomperta. Usus est eximii in diarrhoea, dysenteria, catarrhis, tussi, &c. Verum in eo sumendo summa cautio adhibenda est.

\* Observ. l. 3.  
c. 15.

Quæ Bellonius de Opio habet merentur legi, ideoque huc transferemus: Opium nunc fit in Turcia, maxime in Achara, Carachara, Spartada, Emerelinda, & aliis urbibus vicinis Paphlagoniæ, Cappadociæ & Ciliciæ. Conserunt agros Papavere albo ut nos Triticum. Serendo observant, ut unusquisque rusticus tantum serat, quantum putat se habiturum homines qui colligant. Ubi papaver capita produxit leniter dissecant, unde effluunt aliquæ lactis guttæ, quas concrecere sinunt: nullus autem est Turca qui non coeat, etiam pauper, & secum circumferat, tum tempore Pacis, tum Belli. Mercator quidam Judæus ex Natolia certò nobis affirmavit nullum elabi annum quin efferentur ex Paphlagonia, Cappadocia, Galatia & Cilicia onera quinquaginta Camelorum, ut transferrentur in Periam, Indiam & Europam, & alias regiones longinquas, atque in universum Dominium Magni Turcæ. Dicebat præterea in majori adhuc usu esse apud Perlas quam Turcas. Semel experiri volumus quâ dosi exhiberi posset unâ vice sine nocumento. Invenimus quendam consuetum quotidie comedere, qui nobis præsentibus comedit pondus 3ß: sequenti die dedimus ei unâ vice drachmam unam, nec ullum ei detrimentum evenit, nisi quod quasi ebrius videretur. Turcæ commendant, qui sibi persuadent se magis strenuos & minus timidos periculorum belli reddi, ita ut Turcæ exercitum colligente ita consumatur, ut regio vacua eo remaneat.

Nos Opium experti sumus, verum nullum symptoma animadvertimus, nisi quod excalesceret pectus, & nonnihil caput turbaret, & insomnia pareret. Credimus quod si in Europa, ut Gallia, Germania & Italia ea diligentia adhibeatur quam adhibent, posset etiam fieri sicut in Asia. Natoliz clima est æquè frigidum atque Gallia.

Optimum Opium valde amarum est, gustu calidum, ita ut os inflamet. Coloris est lutei, inclinantis in colorem pilorum Leonis, simul coacervatum massa velut ex multis parvis granis diversi coloris. Odor gravis est & vehemens.

Quamvis autem verum sit Turcas, Perlas aliisque nationes Orientales Opio, uti ad spiritus recreandos, addendos animos, audaciâque in bellicis conflictibus augendam (inebriat enim non secus ac vinum aliique generosi liquores) potissima tamen causa cur illud assidue ingerunt, est ad appetitus venereos excitandos; ut in secretis colloquiis iis fatentur quibus familiariter utuntur. Et D. Sachsus in *Ephemer. German.* An. 2. Observ. 69. plurimorum testimonio sibi relatum narrat, quod post pugnam in Hungaria ad Levenz oppidum commissam, Christiani milites Turcas occisos spoliantes plerosque erectâ hastâ & Priapismo foedatos invenerunt, quod ex sumptione Opii ante prælium proculdubio contigit. Quod verò Sachsus Opium in quibusdam, puta Orientalibus, Venerem stimulare, in aliis verò, ut Occidentalibus aut Septentrionalibus, eandem frænare existimet, mihi non probatur: in utrisque enim stimulare minimè dubito.

\* Itinerar.  
Ind. Orient.  
p. 11.

Ex Opio (inquit \* *Job. Jacob. Saar* novennali Indiæ peregrinatione celebris) parant Indi Eleætuarium, quo Chinenes utuntur ad excitandam Venerem, cuius usu adeò Veneris cestro irritantur, ut per totam noctem ei hrent, sæpe aufugientibus, nec ulteriorem vim sustinentibus scortis. Apud Perlas & Indos ad eisdem usus crebrò adhiberi Opium testis est Olearius in *Itinerar. Persic.* l. V. cap. 15. & 18. Et cum Mandellso apud Cham in urbe *Amadabat* convivio interesset, variz oblatæ fuerunt præparationes Opii in cista aurea; de qua convixæ ad Venerem irritandam sumpserunt. Papaveris semeni olim, ut ex Dioscoride, Plinio, & Apuleio liquet, in sanitatis usum compinlebatur panibus, quod & nos etiam novimus ab aliquibus factitatum (inquit P. Gassendus.) Scribit Matthiolus gentes Alpinas quæ Tridentinas valles, Stiriam, superioremque Austriam incolunt, semine Papaveris placentulis misto vesci, oleoque expresso in cibis continè uti, nec tamen ob id veterinos fieri, aut diuturniore somno capi. Et Wagnerus *Hist. Natural. Helvetiæ* p. 262. In Argovia, inquit, Papaver uberrimè satum provenit, ac oleum è semine ejus exprimitur, cuius usus in lampadibus præcipuè loco olei Olivarum: nonnulli etiam id butyri loco in cibis adhibent, cum farina etiam



etiam subigunt, laganâque conficiunt, quæ sine noxa comedunt [D. Tancr. Robinson historiolum misit.] utcumque usum ejus sine necessitate nemini inassueto consulerem. Siftit enim spirituum motum & in morbis acutis concoctionem impedit, adeoque materiæ peccantis separationem & sanguinis depurationem.

Ad dolorem acerbissimum ophthalmiæ, & emulsion. factam ex sem. Papaveris cum lacte, aqua lactucæ & decocto Fœnugræci: est efficax remedium. *Sennertus.*

Laudanum opiatum eximii usus est in medicina ad dolores leniendos, humorum orgasmos seu motus effrænes & inordinatos sedandos & coercendos.

- A. 4. *Papaver rhæas* Ger. erraticum rhæas sive sylvestre Park. erraticum rubrum campestre J. B. erraticum majus, *poëas* Diosc. Theophr. & Plinio C. B. Red Poppy, or Corn-rose.

*Radice* nittitur albâ simplici, paucis fibris donatâ, minimi digiti crassitudine. Caules ab eadem radice in solo latiore plures assurgunt cubitales & altiores, teretes pilis rarioribus rigidiusculis hirsuti [pili versus summitates caulis & ramulorum non eriguntur & extant ab iisdem, sed appressi sunt] solidi, ramosi, ramulis alternatim è foliorum sinubus ortis. *Folia* in multas lacinias hinc inde secta, Senecionis majoris aut Jacobææ vulgaris, aut Coronopi divisurâ; lacinia singulares in acutum terminantur, hirsuta, circum oras dentata. Flores in fastigium caulium & ramulorum (qui in longissimos pediculos excurrunt) singulorum singuli è conico, bivalvi, viridante, hirsutisque involucri, perquam caduco se explicant, perampli, quadrifolii petalis ex angusto principio in circulem circumferentiam dilatatis, puniceo colore insignes, qui brevi decidunt. *Capitulum* in medio flore plurima denso agmine circumvallant *stamina* obscure purpurea, cum *apicibus* concoloribus, pulvisculo flavo intus repletis. Est autem *capitulum* oblongum, glabrum, cum umbilico seu operculo stellato, in tot cellulas divisum quot sunt in stella radii, semine copiosissimo ex obscure cœruleo purpurascente repletum. Caules incisi lac amarum fundunt copiose, odore viroso.

Inter segetes passim, Junio mense ineunte floret.

*Locus.*

Duas hujus plantæ seu species, seu varietates observavimus. Alteri *radix* sublutea, alteri alba: *Species duplex.* spinulæ illi in caule albæ, huic rubræ; illi *calix* longior, *flos* amplior, colore saturatiore, unguibus nigris; huic *calix* brevior, *flos* minor, pallidior, petalis ad ungues angustioribus, absque ullis maculis.

Dodonæus, Bauhinus aliique duplicem hujus speciem faciunt, majorem jam descriptam, & minorem, foliis minoribus oblongis, non Eruçæ per margines divisurâ, sed tantummodo serratis, reliqua majori similem.

Variat insuper interdum hoc genus Papaveris floris colore albo, & petalorum multiplici serie: *Varietas.* quæ ob raritatem & elegantiam in hortis coluntur.

C. Bauhinus aliam adhuc habet speciem, quam vocat Papaver erraticum Pyrenaicum flore flavo: quam cum siccam tantum viderit & imperfectè descripserit, nec nos aliunde ejus notitiam habuimus, omittimus.

Hujus flores præcipuè Officinis in usu sunt, Refrigerant validè, somnum conciliant, dolorem se-*Vires.* dant. Usus præcip. in febribus, pleurisi (cui specificè profunt) angina, aliisque morbis (imprimis pectoris) refrigeratione opus habentibus; in inordinato mensium fluore (insul. florum in Sp. vini.)

Extrinfecus sunt qui herbâ hepatis impositâ hæmorrhagiam narium sistere conantur: quam vim & radici ascribunt. In usu sunt pulvis florum, aqua stillatitia, syrupus & conserva eorundem. *Schrod.*

Aquam destillatam florum si eorundem colore phœniceo tinctam desideras, cum aqua inter destillandum in vas recipiens incipit defluere, sublato Alembici capitello in ejus rostrum florum manipulum immittas, qui ob humorem roridum rostri lateribus adhærescentes ibidem manebunt. Reponatur deinde capitellum. Aqua destillata elegantem Rubini colorem contrahet. Hoc modo aliorum quoque florum aquæ destillatæ eorundem coloribus imbui possunt. *D. Hulse.*

Decoctum corticis median. Sambuci vel Ebuli cum syrupo Papaveris ad sudores movendos efficacissimum est. N. B. Narcotica addita diaphoreticis vel diureticis, sudores magis promovent, ut patet in Theriaca & Mithridatio cum Opio. *D. Bowle.*

#### De papavere Argemone dicto.

Argemone dicta est, quod *argum* oculorum & nubes expurget.

Argemone à reliquis Papaveribus foliis dissectis, floribus minoribus differt.

- A. 5. *Argemone capitulo rotundiore* Park. *capit. brevior* C. B. *capit. brevior* hispido J. B. *capit. torulo* Ger. Round rough-headed bastard Poppy.

*J. B.*

*Folio* est Adonidis, aut Papaveris corniculati violacei tenuiter dissecto, piloso: *caulibus* ex radice simplici gracili multis, pedalis & majoribus, tenuibus, hirsutis, racemosis: *Flores* sunt punicei, valde caduci, paullo Adonidis floribus majores, formâ papaveraceâ. *Capitula* turbinata, nucleo Avelanæ paria, rigidulis spinulis undequaq; obsita, denticulata stellâ operculata, *semine* facta copioso, minutissimo, rotundo, nigro.

Inter segetes, inque agris restibilibus & fossarum aggeribus, solo præsertim glareoso non raro *Locus.* invenitur.

A. 6. *Argemone capitulo longiore* C. B. Ger. Park. *capitulo longiore spinoso* J. B. Long rough-headed bastard Poppy.

*Folia* huic minora & tenuius incisa quam *Papaveri erratico* vulgari. *Caulis* ex eadem radice plures, [interdum unicus] longis pilis hirti. *Flores* phœnicei, unguibus nigris, multis numeris minores quam *Papaveris rhœados*, admodum caduci. Succedit *capitulum* oblongum, canaliculatum, stellato operculo obtectum, spinulis mitiusculis, albis, rarius dispositis, sursum spectantibus oblitum. *Semina* minuta, per maturitatem nigra, rugosa. *Radix* longiuscula, simplex.

Locus.

Inter segetes & ad agrorum margines reperitur, sed non ita frequens.

A. 7. *Argemone capitulo longiore glabro* Morif. prælud.

Morif.

*Folia* habet magis dissecta quam sunt *Papaveris rhœadis* folia; minus autem quam sunt *Argemones capitulo hirsuto*. *Florem* fert phœniceum, cui succedit *capitulum* biunciale, glabrum, per loculamenta triangularia continens minuta *semina* aspera, aliorum *Papaverum* & *Argemonarum* more.

Locus.

Plantam hanc in agro Cantabrigiensi observavit & ad nos ejus capitula transmisit D. Pet. Dent, medicus & pharmacopœus Cantabrigiensis, insignis Botanicus, & vetus amicus noster: & nuper etiam in vicinia nostra invenit & ad nos attulit D. Sam. Dale vicinus & amicus noster qui Brantrie pharmacopœiam & medicinam exercet, rei Botanicæ, apprimè gnarus. Nobis virentem & florentem nondum videre & observare contigit. Quod si hæc planta *Argemone* dicenda sit *capitulum* hirsutum habere non erit *Argemones* nota characteristica.

8. *Papaver spinosum* J. B. C. B. Ger. emac. *Spinof. Americanum* Park. *Ficus infernalis* Italorum, an *Glaucium* Dioscoridis?

C. B. J. B.

Ex radice tenui, oblonga, fibrosa *caulis* sesquipalmaris, aliquando altior [dodrantis, unicus J. B.] ramosus, rotundus, striatus, minimis aculeis donatus, [minacibus spinis armatus] albâ medullâ plenus exurgit. *Folia* omnium prima ex semine prodeuntia oblonga, angusta sunt, sublequentia verò, quemadmodum & ea quæ in caule sunt, *Papaveris* corniculati instar lacinia, succo luteo prægnantia, mollia & nitida, medium caulem amplectentia, palmum aut sesquipalmum longa, duas uncias lata: laciniarum mucrones in flaventes spinas acutas exeunt. Parte supina folii virorem intercipiunt maculæ lacteæ ut in Carduo Mariæ [parte supina viridi, at nervis quasi tenui pulvere asperso albicantibus] posticâ parte neutiquam conspiciendæ, ubi tamen nervi acutis spinulis horrent, & costa, quæ supinâ parte innocens, caulem versus nonnihil rubescit, inde ad mucronem usque albet. *Caulis* & ramulorum summis insident *flores* *Papaveris* corniculati lutei, tetrapetali, è capitulis papaveræis senticosis in tria cornicula aculeata desinentibus exeuntes, concoloribus fibris de more medium occupantibus, odorem Chelidonii majoris quodammodo referentes: quos excipiunt capitula oblonga, hexagona, pentagona & tetragona, quæ tenella summa parte rubescunt, matura verò nigricant, spinis frequentibus & firmis horrida; *semine* nigro, sextuplo aliorum majore, rotundo, in apicem desinente & elegantissimè striato plena. Julio & Augusto floret.

A. 9. *Argemone Cambro-britannica lutea* Park. *Camb. lut. capitulo longiore glabro, paucis spinulis ad loculamentorum juncturas ornato* Morif.

*Folia* à radice longâ, exterius fuscâ, in ramulos aliquot divisâ cum fibrillis appensis, in plures annos vivaci, promit multa, humi fusa, ampla, alata, seu ex pluribus pinnarum mediæ costæ annexarum conjugationibus composita, impari in extremo folio alam claudente, pinnulis circa margines altius incisis, saturatius viridia & (quantum memini) subglauca: inter quæ plures exurgunt *cauliculi*, cubitum alti, foliis confimilibus, sed minoribus ad intervalla vestiti, in alas aliquot divisi, in quibus singulis singuli *flores* satis ampli & speciosi, pulchrè lutei, quatuor petalis subrotundis constructi, multis in medio *staminibus* luteis *capitulum* ambientibus oblongum, viride, glabrum; quod flore delapso extumescit, donec per maturitatem majus evadat *Argemones capitulo*, consimiliter tamen ima parte angustius, summâ latius & majus, operculo stellato tectum, & in multas cellulas aliorum *Papaverum* more divisum, in loculamentorum juncturis paululum hispidum, plurima *semina* minuta, per maturitatem nigra & rugosa continens.

Locus.

Ad latera montis *Snowdon* in Wallia secus viam quâ à *Caernarvan* oppido ad *Llanberris* vicum itur, spontaneam observavimus.

\* 10. *Argemone Alpina lutea* Park. *Alpina lutea Scandicis foliis* C. B.

C. B. prod.

Huic *folia* sunt ad radicem parvam multa, in multifidas tenuisque alas instar foliorum Scandicis incisa, viridia & lævia: inter quæ *cauliculi* bini ternive, palmares, nudi, levissimis pilis vestiti rectâ assurgunt, qui *florem* unicum mediæ magnitudinis, luteum, quadrifolium sustinent: ex floris umbilico plurimi apices flavescentes emergunt. Flori *capitulum*, parvum subrotundum, asperiusculum, semen continens succedit.

Locus.

In monte *Sneberg* inter saxa reperta est.

\* 11. *Arge-*



11. *Argemone Alpina Coriandri folio* C. B. *Argem. lutea* Ponz.

A præcedente differre videtur, si modò utraque rectè descripta sit, quantumvis Parkinsonus eandem esse asserat.

Huic enim folia *Ranunculi Coriandri folio* formâ similia esse dicuntur, longis hirsutis pediculis nixa, leviter hirsuta.

A. 12. *Papaver corniculatum luteum* J. B. Park. *cornutum flore luteo* Ger. *corniculatum luteum*, *ægestus* Diosc. & Theophr. sylv. *ceratidis* Plinio C. B. *Bellotz horned Poppy*.

## F. B.

Digitus crassitudine est *radix*, longâ, nigricans, luteo succo, sicut & tota planta, eoque virolo & amaro prægnans. *Folia* crassa & hirsuta, spithamam longa, digitos verò quatuor lata, Verbasci Monspelienfis foliis similia, per ambitum serrata & profundius incisa & sinuata, ac veluti crispa, glauca & pinguis. Humi autem procumbunt, & hyemis injuriam contumaciter perferunt, quæq; ad radicem oriuntur crassos pediculos habent, potissimum primo anno cum caule destituuntur, quem sequenti æstate primum fert, robustum, solidum, glabrum, geniculatum, & in multos ramos divisum, foliis è geniculis prodeuntibus, prædictis minoribus & parcius incisis quò summitati propiora sunt, aliquâ hederaceorum similitudine: E cujusq; autem sinu bina plerumq; erumpunt germina, unum individuum, florem fructumq; ferens, alterum juxta alterius folii sinum rursus in bina prædicto modo dividitur, eaq; divisio ad summitatem ramulorum ab hac herba servatur. Minora igitur & individua germina seu pediculi singulos ferunt *flores*, colore luteos, Papaveris sativi floribus æquales, quatuor latis tenuissimisq; foliis constantes: in quorum medio ejusdem coloris numerosa *stamina* capitulum constituunt, ex quo deinde incurva, gracilis, corniculatâq; *siliqua*, tangenti aspera, digitali longitudine [imo sesquipalmari] erumpit. Fœnugræci siliquæ æqualis, non tamen adeò in acumen definens, & in summitate nigricans, capitulum alata sagittæ quandam similitudinem præ se ferens habet, sed obtusa acumine siliqua utrinque lineam profundam ceu incisam per longitudinem habet, quæ commissuræ ejus sunt, quibus matura aperitur. *Semina* intus continentur Papaveri similia, colore admodum nigro, duplici serie, nam siliquæ per longitudinem disseptæ sunt.

In litoribus maris arenosis sponte oritur, & non alibi apud nos in Anglia. Æstate floret & siliquas Locus. maturat.

13. *Papaver corniculatum phænicium hirsutum* C. B. item *phæniceum glabrum* ejusdem, *corniculatum rubrum* Park. *cornutum flore rubro* Ger. *corniculatum Phæniceum glabrum* Ger. emac.

## Clus.

*Folio* est Erucæ foliorum instar laciniato & altè inciso, \* vulgari minore, tenuiore non adeò incano, \* *Papav. cor-1* sed hirsuto. *Caulis* interdum vulgari non minores, teneriores tamen & graciliores procumbunt in ter- nic. luteo. ram: *flores* minores, nonnunquam intenso colore rubent, & illi primi sunt, quos planta florere incipiens producit, interdum languidiore & quodammodo pallente colore mediis foliis ad phæniceum tendentibus, qualis ferè in Adonidis flore dicto cernitur, nimirum quando mediam ætatem superans planta jam deficere incipit, & hirsutia illa in caule & foliis dilabi: aliòqui si quis vigentem plantam & flores primum producentem conspiciat, deinde jam adultam & senescentem, ex florum colore, & caulis ramorum foliorumque hirsutiae vel glabritiae faciliè quis diversas esse stirpes sibi persuadeat. Prælonga autem floribus succedunt *cornicula*, tribus loculamentis distincta, quibus insident latiuscula quædam opercula seu capita, in quibus triplici serie *semina* nigra, rugosa, papavere majora. *Radix* longa est, alba, satis crassa, & in ramos divisa, quæ tamen perennis non est, sed plerumque prolato semine, sequente hyeme perire solet.

Nascitur agro Salmanticensi, secundum vias & agrorum marginibus, ubi florebat Junio, semen au- Locus. tem Julio proferebat: Viennensi etiam agro & per Moraviam atque Bohemiam sponte nascitur, in arvis, &c. Succo croceo minimè turget hæc planta.

Quærendum an hæc sit cujus meminit D. Wheeler circa Trojam à se observatæ, flore nigro in fundo, superius rubro, paulatim in aureum languente, circa margines.

A. 14. *Papaver corniculatum violaceum* J. B. C. B. *cornutum flore violaceo* Ger. *corniculatum flore violaceo* Park.

## Clus.

*Folia* huic multò sunt minora, teneriora, valdè minutim dissecta, non candicantia sed viridia: *Coliculi* tenelli, subhirsuti: *Flos* superiore non minor, coloris ex purpureo cœrulei exsaturati, & nigra Violæ pænè æmuli, fugax admodum & qui levissimâ aurâ excutitur. Huic succedunt *cornicula* digitali duntaxat longitudine, plerumque etiam breviora, exilia, duriuscula rigidiorèque hirsutiae prædita, in quibus continetur semen valde exile, coloris ex cineraceo nigricantis. *Radix* tenuis est & inutilis, nec supra annum spatium perdurat.

Invenitur (authore Clusio) multis Hispaniæ locis, sed nonnisi inter segetes; Maio mense floret. In Locus & Tempus. agro Cantabrigienfi inter segetes spontaneum observavimus inter *Swafham* & *Burwel* vicos.

## De papavere dicto Chelidonio.

Chelidonium à *χελιδών* hirundo dictum est. *Chelidonium* visui saluberrimam hirundines monstrare vexatis pullorum oculis ed medentes: quibusdam sit dictum quoddam in hirundinum adventu floreat, & discessu marcescat. Plin.

Cum autem Chelidonium notis genericis cum Papavere conveniat, ut in hujus capitis initio ostendimus; ejus species censenda est.

A. 15. *Chelidonium majus* Ger. *majus vulgare* C. B. Park. *Chelidonia* J. B. *The greatercelandine*.

J. B.

*Radix* minimo digito crassior, fibrosa, rubra, rubrum croceumve succum, ut & folia caulisque, fundit. Aliquot caules producit teretes, hirsutos, propter radicem & genicula tuberosos, ut in ea planta quam *Noli me tangere* vocant, rufum mordacemque & ingratum illum succum fractos remittentes. *Folia* cum *Aquilegiae* foliis similitudinem aliquam habent, utcumque tamen majora, longiora, numeroque plura, ad costam ex intervallis adnexa, plurimum terna, Septimo alam claudente, non raro tamen quaterna cum quinto in extremo impari. Singularia folia *Quercinorum* æmulam divisuram habent, Trago tenera, colore herbaceo, altera verò parte ex cæso viridi. *Florum* furculi ad genicula ex adverso foliorum exeunt; ramuli ex ipsis foliorum alis: in summitate autem furculi seu pediculi communis flores quatuor aut quinque privatis suis pediculis ex ipso furculi fastigio ortis unciam aut fescunciam longis insidentes, umbellam quandam efficiunt. Flores crocei, quadrifolii, cum multis intus staminibus concoloribus. Hos calix bivalvis tegit, qui quamprimum flos aperitur defluit ut in *Papaveribus*, è quorum genere hæc planta esse videtur. *Siliquæ* oblongæ, bivalves, minimè dissepæ, quibus *semina* utrinque adherent parva, longiuscula, per maturitatem nigra & splendentia.

Locia.

In parietinis & maceris, ad Sepes, & in locis ruderatis, umbrosis potius quàm apricis, gignitur. Ab Aprili mense in multam ætatem floret.

16. *Chelidonium majus laciniatum* Park. *majus foliis magis dissectis* Ger. emac. *majus foliis quernis* C. B. *folio laciniato* J. B.

Qui vulgatius illud *Chelidonium majus* novit facillè oblatam hanc ejus varietatem discet: Cetera similia, folia minora, concinnius crebriusque incisa: *florum* idem folia aliquibus incisuris secta, & veluti fimbriata, accedentia ad flores plantæ, quæ quibudam dicitur *Cuminum siliquosum* & *Hypecoum*.

Variat interdum foliis tenuissimè laciniatis.

Vires.

Calidum est & siccum: Bilem per alvum & urinam educit, visum acuit. Hinc conducit in iætero [syrupus è succo cum toto] obstructione hepatis, lienis & ureterum. *Radix* quantum ejus manus capere potest, purgata, in sextario rosacei aceri decocta, ita ut deinceps percoletur, decoctoq; adjiciatur *Theriace* 31℔. cyathiq; vulgaris mensurâ exhibita, à peste correptos attestante certâ experientia (inquit *Tragus*) liberabit, si postquam biberunt in lectum se composuerint & sudaverint. Aqua ejus destillata oculis indita, claritatem iis adfert, maculas eorum rubras emendat, sicut & faciei si indè colluantur: eadem per aliquot dies pota obstructos meatus hepatis adaperit, morboque regio medetur. *Herbæ* pulvis ulcera & vulnera purgat sanatque inspersus.

Succus herbæ illitus *Herpetem* miliarem efficaciter compescit & sanat. *Herbam* tritam cum axungia verrucas absumere refert *Rondeletius*. Hoc multoties expertus est *Zacutus*.

*Lobelius* raro intus sumendam sentit *Chelidonium*, sed commodiùs foris utendam ad impetigines & ploras puerorum. Nos etiam ob acrimoniam plantæ in *Lobeli* sententiam propendimus. Unde nec succum, cum acerrimus sit, ad oculorum affectus adhibendum cum *J. Bauhino* aliisque censemus, nisi iis additis quæ acrimoniam ejus retundant, cujusmodi dicitur esse lac muliebre.

Succi hujus magna quantitas ingreditur compositionem *Aquæ* illius ardentis, quam *Mirabilem* vocant.

*Chelidonium majus* in curanda tabe magnopere celebrari nos monuit *D. Tancredus Robinson*; effèque egregium illud specificum *D. Garenciers* de tabe Anglica; idem affirmat (inquit) *Simon Pauli Quadripart. Botan. p. 46.*

Succo *Chelidoniae* verrucam linguæ sublatam narrat *Zacutus Lusitanus Prax. Admir. lib. 1. obs. 73.* Folliculum *Nattæ* & *Ranulæ* sub lingua ejusdem usu extirpavit nostro tempore *Pet. Marchettus exp. Med. & Chir. Patavii Professor.* Ex observ. *Marcelli Cumani à Velschio* editis excerptit *D. Soame.*

*Ulricus Gasserus* Pater meus impetigines & maculas manuum volarumque, necnon scissuras ex morbo Gallico relictas experimento sequenti in multis sustulit, & *Chelidoniae* cum toto M. iij. Coq. in lixivio tonforio bono, & teneantur manus quotidie à jejuno in hoc fomento per duas vel tres horas, ut sudent, idque continuetur per quatuor vel quinq; hebdomadas. Idem ex Observat. *Achillis Gasseri.*

Sæpiùs à nostris in dysenteria cum successu probatum est experimentum *Cratoni* adscriptum, quod sic habet, *Aq. Chelidoniae* datur ad 3iij. vel iv. cum pulvere radicis ejusdem ʒij. vel 3j. *Hieron. Reufnerus in Observ. à Velschio* editis. *D. Soame.* An de *Chelidonio* minore hoc accipiendum?

\* Obs. 71.

Extractum *Chelidoniae* non solum in externis nubeculis, verum incipiente suffusione præstantissimum esse sæpissimè expertus sum; incidit enim & attenuat crassos humores visum obfuscentes. Sed quia utcumque acre est, non ultra magnitudinem capitis aciculæ pro vice oculo imponendum est, idq; fiat manè in lecto. *Fabric. Hildani Centur. Epistolar. 59.*

17. *Othonna vera Dioscoridis* Zanoni, *Chelidoniae majoris species.*

Zan.

*Radix* ei satis crassa, per duorum digitorum altitudinem æqualis descendens, aliquantulum crispa, substantiæ mediocriter duræ, deinde attenuata, in varios ramos & fibras minores undique diffusas spargitur, colore intus & foris è flavo rubescente velut *Chelidoniae majoris*, sapore mordaci & exsiccante. E cujus capite exit foliorum cespes, pediculis nixorum concavis satis longis, superna parte



parte canaliculo per longum extenso excavatis, costâ elevatâ inferna parte oppositâ subrotundâ, unde pediculi quodammodo triangulares evadunt. Folia autem ramosa sunt, ramis majoribus minoribusque, in quos dividuntur & subdividuntur, Erucae foliis satis similibus, verum circumscriptione subrotunda sunt, adeo ut ad Geranii primi Matth. similitudinem propius accedant, tenera, flaccida, succola, hirsuta, crebris nervulis subtus satis elevatis, & variè divaricatis, aliis rectis, aliis re-tortis, ad marginès undique excurrentibus prædita, sursum reflexa, unde ad tactum aspera redduntur, partim ob pilos, partim ob nervulos supradictos, qui superna parte apparent depressi in totidem sulcos tenues, colore clariore, dentibus majoribus, minoribus, aliis acutis, aliis in extremo subrotundis, nullo ordine positis cincta. Foliorum incisuræ admodum irregulares sunt, nonnullæ adeo profundæ ut ad mediam usque costam pertingant. E medio foliorum cespitè *caulis* exiit, nunc unus, nunc plures pro radicis magnitudine, inferna parte præcipuè hirsuti admodum & pilosi, teretes, à nodo ad nodum concavi, lenti & obsequiosi, nodis crassis raris tuberosis intercepti, teneri, succulenti, ruptis aut incisi succum flavum stillantes Chelidoniz majoris in modum, in ramulos divisi, & subdivisi, qui summitatibus suis foliola aliquot sustinent oblonga, angusta, acuta, in stellæ formam disposita, è quorum medio evasuntur pediculi aliquot tenues, oblongi, singuli florem sustententes calice è quatuor foliis ovatis composito inclusum, tetrapetalon, petalis variè incisis & lacinatis, incisuris ad ungues ferè pertingentibus, coloris flavi, multis in medio staminulis flavis apices pariter flavos sustententibus in rotundum diffusis, ut flos Anemones cujusdam florem parvum repræsentet. Delapsis floribus restant *siliquæ*, aliæ longæ, aliæ breves, aliæ rectæ, aliæ incurvæ, primò virides, postea pro maturitatem flavicantes, *feminibus* repletæ nigricantibus, Chelidoniz majoris feminibus simillimis, quæ pariter ab una parte oculum habent velut pupillam unde cristulam emittunt ex albo flavicantem.

Hoc modo satis prolixè describit hanc plantam Jacobus Zanon, quæ nihil aliud est quàm Chelidoniz majoris species, nec satis scio an distincta à Chelidonia quernis foliis, quicquid ille contradicat. Suspicio illum lapsum in numero foliorum ex quibus calix componitur, quæ in Chelidoniis ex nostra observatione bina tantum sunt.

## CAP. III.

## De Pentaphyllo siliquoso.

1. *Pentaphyllum siliquosum Brasiliæ Taveriæ Brasiliensibus: an Fraxinella siliquosa? an Quinquifolium; folio Caprifolii Marggr?*

Marggr.

**E**X radice longa paucis filamentis prædita, lenta, albißima affurgit *caulis* tres circiter pedes longus, multis ramis præditus: *folia* ejus in longis pediculis alternatim positis quatuor, quinque, sex aut septem juxta se in orbem posita, oblonga, viridia, nervo & multis venulis intersecta, foliis Caprifolii haud absimilia, sed ad tactum mollia & glutinosa. In summitate *caulis* primò parvis foliis alternatim positis ornatur, brevibus, obrotundis; dein alternatim prodeunt ad ea pediculi longi, ad quodlibet unus, continens cylindraceum corpus album, quatuor foliolis viridibus, parvulis, acuminatis insidens, hoc corpus sunt quatuor *floris* petala, quo se aperiente inferius primò prodeunt filamenta septem, tres aut quatuor digitos longa: hinc quatuor foliola floris expanduntur, quæ stant erecta, figuram habentia cochlearis, filamenta autem septem barbæ felinæ modo, directè ad latera vel antrosum extenduntur, egregiè purpureæ: foliis albis deciditibus decidunt & sex stamina, septimum in medio manet, ac abit in siliquam teretem semipedem longam, continentem semen vix magnitudine Sinapis, rotundum quidem, sed quod in uno latere incisuram habere videtur. Tota planta ad tactum glutinosa est, & ad cujuslibet rami seu pediculi foliorum annexum acuta est spinula. Flos inodorus est, sed folia referunt odorem Majoranæ.

Fert flores & semen toto anno.

2. *Pentaphyllum peregrinum siliquosum bivalve minus Moris. Lupinus peregrinus pentaphyllos C. B. Lup. Arabicus sive pentaphyllum peregrinum Ponz Ital. Pentaphyllum siliquosum Arabicum albidum Park.*

Moris.

Plurima *folia* per terram strata obtinet, longis pediculis innixa, quina Pentaphyllum more in idem centrum i. e. summum pediculum coeuntia, molliuscula. Ex horum medullio oritur *pediculus* pedalis aut semicubitalis, qui in alios ramusculos dividitur, rotundus, reetus, gracilis, mollis totus, à principio ad fastigium usque foliolis trifoliatis dense convestitus, inferioribus majoribus multò, & pentaphyllis, petiolis satis longis insidentibus; superioribus trifoliis & brevibus admodum pediculis innixis. In caulis alis superioribus umbellæ in modum multi pediculi longi satis & æquales apparent, in quibus singulis quaternæ *petala* parva, alba, longa, tenuia satis sub exortum è capsula, & versus finem formam seminis Ferulæ aut Pastinacæ latifoliæ repræsentantia, alba, leviter olentia, constituentia florem album, cum *staminulis* quinque sensive, uncialibus, subnigris: quibus singulis succedunt *siliquæ* singulæ, bivalves, unciales, crassæ satis pro proportionem plantæ, nullâ siliquæ cavitatem in loculos dirimente membranâ intergerinâ secundum longitudinem productâ, *feminibus* infinitis nigris, rotundis, minutissimis repletæ.

Floret

Tempus.

Floræ per totam æstatem, floribus citò evanescentibus, filiquis uncialibus crassis residuis. Annua est planta: Autumno se ferens, ineunte æstate pullulat, & circa finem æstatis aut initium Autumni semen perficit.

Locus.

Ex semine Chalepo Syriæ urbe transmissio enata est.

3. *Trifolium corniculatum Lusitanicum flore rubro* Park.

Park. Morif.

Folia aliquot longa, angusta, in eodem pediculo terna, humi strata è radice emittit; è quorum medio protrudit cauliculos rotundos, hirsutos, dodrantes, in plurimos ramos brachiatos, ima parte confimilibus foliis vestitos, superius singularibus, longiusculis, angustis, è quorum sinubus egrediuntur pediculi unciales, singuli singulos flores sustinentes, pentapetalos [tetrapetalos Morif.] rubros, staminula quina senave continentes, corniculi rudimento in medio apparente, quo sensim angelcente & productiore facto flores tandem decidunt, relictis filiquis cum jam perficiuntur longis, angustis, teretibus, hirsutis, bivalvibus propendentibus, innumeris minutissimis seminibus repletis, nullâ membranâ intergerinâ in duo loculamenta divisâ. Radix tenuis, annua.

C A P. IV.

De *Lyfimachia*.

**L**YFIMACHIA à Lyfimacho rege inventore, teste Plinio, nomen accepit; vel à pugna dirimenda, id enim est *λύσιμαχία*. Est namque vis ei (si veteribus fides) belluarum etiam animos feroces & mutuos hostiles congressus placandi. Et hoc autorem habet Plinium, cujus lib. 25. c. 7. verba sunt, *Invenit & Lyfimachus herbam Lyfimachiam, quæ ab eo nomen retinet. Vis ejus tanta est, ut jumentis discordantibus jugo imposita asperitatem cobibeat.*

Hujus notæ sunt filiquæ flores antevertentes, quæ per matur. quadrifariam partiti & dehiscetes, quatuor semen series ostendunt; Flores summis insidentes & integri una cum calycibus decidentibus unde tetrapetali propriè dicti non sunt. Hujus species quas novimus omnes præter Virginianas luteas filiquas producant lanigeras.

A. 1. *Lyfimachia speciosa, quibusdam Onagra dicta, filiquosa* J. B. *Lyfim. Chamænerion dicta latifolia* C. B. *Chamænerion* Ger. *Chamænerion flore Delphinii* Park. *Rosebay Willott herb.*

J. B.

*Lyfimachia* species reliquas proceritate superat, tres, quatuorve aut plures cubitos alta, caule glabro, canaliculato, subrubente, copiosâ medullâ albâ, fungosâ pleno, foliis multis ab imo ad summum, sicut & in ramis donato, ad Salicis aut Nerii folia accedentibus, oblongis, mediocriter angustis, acuminatis utrinque glabris, rara quadam per ambitum crenarum vestigia ostendentibus, obliquis ad latera venis à nervo medio secundum longitudinem decurrente deductis, sapore subastringente & glutinoso, non sine aliquâ obscurâ acrimoniâ. In ramis rubentibus longa serie nascuntur filiquæ longæ, quadratæ, rubentes aut ex rubore in cinereum declinantes, subhirsutæ, per maturitatem in quaternas carinas dehiscetes, quatuor semen papposo tomento delicatissimo involutorum perpusillorum, oblongorum cinereorum ordines continentes. Siliquarum porrò fastigia in quaterna foliola angusta explicantur flores sustinentia speciosos Leucocii, purpurascetes, quorum medium occupant stamina candida apicibus rubentibus aut luridis, pistillo longiore in quatuor cruccula desinente. Radix alba, crassa, longè latèque repit, gustu insipido viscosoque.

Locus.

In pratis propè Sheffieldiam Eboracensis provinciæ oppidum, & alibi in Septentrionali Angliæ parte provenit; invenitur & circa Basileam in monte *Montets*, &c. Ob florum pulchritudinem in hortos sæpe transfertur, verum ob effrænem reptandi licentiam odiosa est.

2. *Lyfimachia filiquosa, speciosa, angustifolia* J. B. *Chamænerion alterum angustifolium* Ger. *Lyfim. Chamænerion dicta angustifolia* C. B. *Lyfim. filiquosa angustifolia, Chamænerion Gesnero dicta* Park.

Superiori tota quidem facie similis est. Foliis confertim multis simul coacervatis, Linariæ foliis & longitudine & latitudine paribus. Flores confimiles, purpurantes, longis, incanis jam dictæ corniculis insident, minores [non tamen multo.] Radix repens cum præcedentis radice convenit.

Locus.

In alveis torrentum & fluviorum in Foro Julii Italiæ, & ad Arvam & Rhodanum fluvios propè Genevam copiosè spontaneam observavimus.

\* 3. *Lyfimachia Chamænerion dicta Alpina* C. B. Park.

C. B. prod.

Ex radice fibrosa cauliculi rotundi, supernè albicantes, palmares, nonnunquam pedales exurgunt, foliis duplicibus cineti, aliis Rorismarini formâ, sed brevioribus & angustioribus, nullo ordine dispositis, aliis brevissimis, iisque vel prædictis interjectis, vel ex eorum sinu prodeuntibus. Cauliculorum summis flores longis pediculis subcœruleis vel candicantibus insident, elegantes, purpureo-cœrulei vel albo-cœrulei quadrifolii, satis magni, quibus foliola quatuor brevissima & viridia subjiciuntur, & ex eorum



eorum medio *stamina* aliquot exurgunt: *siliquæ* longæ, angustæ, *semen* minutum cum lanugine continentes, succedunt.

In Alpibus Helvetiorum provenit.

Non video, magnitudine excepta aliisque accidentibus à loco natali ortis, quid differat à præcedente.

Locus.

A. 4. *Lyfimachia siliquosa hirsuta* majore flore purpureo J. B. *Siliquosa hirsuta magno flore* C. B. *Filius ante patrem* Dod. Lob. *Lyfimachia siliquosa* Ger. Great hairy rodded Loose-strife or Willow-herb, called also Codlings and Cream.

Radice est furculosa fibrillis capillata, è cuius capite plura erumpunt germina majuscula, rubentia, in summa tellure reptantia, quibus se latè diffundit & propagat. Caules tenues, sed tamen rigidi, bicubitales & altiores, teretes, hirsuti, medulla fæcti, ab imo ad summum usque ramosi. Folia ex adverso bina, oblonga, modicè lata per margines argutè denticulata, utrinque hirsuta, & Salicis ejusdem aut malus Perficæ foliorum æmula, absque pediculis capilibus adnascuntur. Flores ex alis foliorum versùs caulis & ramulorum summitates exeunt singulares, siliquis quadratis hirsutis rubentibus, duas trèsvè uncias longis insidentes, purpurei speciosi, ex quatuor foliis cordatis striatis compositi, in quorum medio *stamina* aliquot apicibus albidis insignia cum stylo productione albo, quadrifariam in summitate diviso, reflexis segmentis. Calix floris quatuor acutis laciniis constat. Flos & calix unà decidunt. Siliquæ præpropèro ortu flores antevertentes, per maturitatem in quatuor partes reflexas à mediâ erectâ diffiliunt, quatuor seminum exiguiorum lanugine candida adhærente alatorum ordines continentes. Odor plantæ compressæ suavis; sapor amarus & nonnihil acris.

Juxta scrobium, fossarum, fluviorum, rivulorumque margines aliisque humidis locis reperitur, ut rectè J. Bauhinus. Serius apud nos & post mediam ætatem floret. Tota superficies hyeme marcescit radice restibili. Locus & Tempus.

Trago Salicaria, nostratibus Willow-herb à foliorum similitudine dicitur. Hæc autem species privatim Codlings and Cream ab odore foliorum paululum compressorum, Poma elixâ flori lactis immixta referente.

A. 5. *Lyfimachia siliquosa hirsuta* parvo flore C. B. *siliquosa hirsuta flore minore* J. B. 12. sive *sylvatica* Ger. An *Lyfim.* *siliquosa sylvestris hirsuta* Park. The lesser hairy rodded Loose-strife or Willow-herb.

E radice fibris creberrimis albis comosa caules erigit cubitales aut etiam bicubitales, teretes, hirsutos, foliis vestitos ima parte ex adverso binis, salignis, utrinque molli lanugine hirsutis, ad margines perexiguis denticellis incis, modicè in acumen desinentibus. Siliquis longis insident flosculi exigui, longè minores quàm supra descriptæ siliquosæ hirsutæ, coloris ex rubro pallentis vel albid.

In aquosis & ad rivulos inventur.

Locus.

A superiore statura humiliore, foliis minoribus nec pariter rugosis, floribus longè minoribus & pallidioribus differt.

A. 6. *Lyfimachia siliquosa major* Park. *siliquosa glabra major* C. B. *campestris* Ger. Lævis J. B. The greater smooth-leaved rodded Willow-herb or Loose-strife.

Caules huic bicubitales & altiores, teretes, rubentes, ramosi: Folia per intervalla bina opposita pediculis perquam brevibus insident, sesquidigitum lata, duos trèsvè digitos longa, in acutum mucronem desinentia, figurâ ferè foliorum Urticæ aut Asclepiadis, glabra, aut adeò raris pilis obfita ut oculorum aciem ferè fugiant, per margines serrata. In summitatibus caulis & ramorum folia sigillatim sita sunt, è quorum alis singulis singuli exeunt flores, oblongis siliquis insidentes, calice in quatuor acuta segmenta diviso, foliis quatuor in medio bifidis compositi, minores dilutioresque quàm in prima specie. *Stamina* intus octo albicantibus apiculis capitata, cum stylo in medio exili, apice crasso quadrifido insigni. Radix subest multifida, fibrillis quamplurimis capillata.

In humidis & uliginosis saxosis hortis, areis, sylvis; ætate floret.

Locus.

A. 7. *Lyfimachia siliquosa glabra media* sive minor Ger. *emac. siliquosa 4. sive glabra minor* C. B. The lesser or middle smooth-leaved rodded Willow-herb or Loose-strife.

Radice est fibrosa, & ut mihi videbatur, reptatrice: Caulibus cubitalibus & bicubitalibus, rigidis, quodammodo quadratis, propè terram rubentibus, foliis per intervalla cinctis ex adverso binis, semunciam latis, duos digitos longis, absque pediculis lata basi cauli adnatis, glabris, per margines serratis, in acutum mucronem sensim desinentibus. In summitatibus caulium & ramorum folia sigillatim sita sunt, è quorum alis singulis singuli exeunt flores, parvi, quatuor foliis bifidis compositi, pallidè purpurei, saturatoribus lineis striati, è calice in quatuor acuta segmento divisa. Stylus non ut in præcedente quadrifidus est; *stamina* quoque multo sunt breviora. Flores siliquis insident prælongis, quadratis, brevi lanugine hirsutis, rubentibus, Folia inferiora in furculis primò erumpentibus breviora sunt & pro longitudinis ratione latiora quàm superiora, non serrata, ad prunellæ aut Anagallidis luteæ folia accedentia.

A. 8.

A. 8. *Lysimachia filiquosa glabra minor angustifolia* Ger. emac. *filiquosa glabra angustifolia* C. B.  
*The least smooth coddled Willow-herb.*

*Radice* videtur esse reptatrice, quæ è superiore sui parte fibras tenues, prælongas, purpurantes in terram demittit. *Folia* primò erumpentia exigua, angusta, Hyssopi aut Anagallidis quartæ Lobelii foliorum æmula. *Caules* pedales, interdum etiam cubitales, teretes, tenues, rigidi, fragiles, brevi & vix conspicua lanugine hirsuti. *Folia* ex adverso bina, præterquam in summis caulibus, ubi (ut in reliquis) alternatim nascuntur, duos digitos longi, vix semunciam lati, nullis pediculis, ad appositionem angustiora, medio latiora, in acutum deinde paulatim mucronem desinentia, ad margines reflexa plerunque, ut averſa parte quodammodo concava videantur, vel omnino glabra, vel brevi adeò lanugine hirsuta ut visum ferè fugiat. Ad margines interdum nescio quæ dentium rudimenta habere videntur, interdum omnino æqualia sunt. *Siliquæ* quadratæ, hirsutæ, rubentes, digitales aut sesquidigitales, pediculis uncialibus insidentes, *flores* in summitatibus suis gestant tetrapetalos, pallidè purpurantes, saturatioribus lineolis striatos, è calice quinquepartito, petalis in medio profundius fissis.

Hæc humilior est multò quàm præcedens foliis minoribus, obscurius virentibus nec per margines dentatis.

Locum.

In palustribus oritur. Hyeme ad radicem sparſi cernuntur foliorum brevissimorum subrotundorum, crassiorum densè stipitorum globuli quidam Sedi iminimi summitates mitantes, quæ sunt prima plantæ Vere exorituræ germina.

A. 9. *Lysimachia filiquosa glabra minor latifolia nostræ.*

*Folia* huic glabra, atrovirentia magnitudine & figurâ Ocymi ferè aut Origani. *Caules* infirmi, bipalmæres: *Siliquæ* longæ nutantes.

Locum.

Ad rivulos in lateribus montis Cheviotæ in Northumbria Angliæ observavi, nec dubito quin & alibi in montibus ad rivulos nascatur.

10. *Lysimachia lutea Virginiana* Ger. emac. *lutea filiquosa Virginiana* Park. *lutea corniculata* C. B.  
*App. Tree Primrose. Lys. Americana* Col. *Axochiots* Hernandez.

C. B.

Ex radice oblonga, alba, digitalem crassitudinem superante, paucis fibris capillata *caulis* exurgit initio rotundus, at supra medium ob plurimos ramos angulosus, subcinereus, lævis [hirsutus,] crassitudine digitali, medullâ factus, & superius punctis rubentibus variè notatus. *Folia* longa, angusta, in caule crebra, alternatim posita, ad margines sinuata & obiter dentata. *Flores* Lysimachiz modo summis filiquis insident magni, tetrapetali, lutei, Primulæ veris floribus similes, è calice quadrifolio, pediculo rotundo, articulato donato. In medio flore *stylus* conspicitur, qui viridis usq; ad articulum descendit, & apicibus quatuor sulphurei coloris crucis in modum dispositis donatus est, quem *stamina* octo circumstant, quorum quatuor singulis foliis adposita, alia quatuor ipsi interjecta sunt; hisque singulis capitulum oblongum albicans insidet. *Flos* odoratus est, ultra diem non persistens, cum is qui sub vespèram aperitur ad sequentis diei vespèram flaccescat, unde Ephemerum dici meretur. Flore cum pedicello ad articulum delapso altera pediculi pars sesquiuuncialis, sensim ad uncias binas, etiam ternas, oblongatur, & in siliquam sive corniculum abit, & propter semen copiosum, parvum, angulosum, pullum quod continet, intumescit; quod ubi maturuit, ipsa cornicula, (quæ utrinque ad caulis latera numerosa sunt) in quatuor partes dehiscunt, quaternis loculamentis quatuor seminum ordines continentia, nullâ intus lanugine seminibus adhærescente. [In singulis foliorum alis singuli flores sedent: cornicula sessilia pediculis carent, ad basin crassiora, sensim versùs apicem tenuiora, raris pilis hirsuta.]

Plantam hanc *Lysimachia Americana* titulo describit & depingit F. Columna, Annotat. ad *Res medicas Novæ Hispaniæ*. Nard. Ant. Recchi: & *Axochiots* seu *Florem aquæ* prædicti Recchi seu Hernandez, lib. 7. cap. 48. Hist. Mexicana, descriptum & depictum esse existimat, quod & nobis etiam videtur.

Primâ qua fata est æstate caulem non edit, verùm anno sequente, semine autem ad maturitatem perducto radicitus exareſcit.

*Camaranbaya* Brasiliensis altera species Marggr. huic eadem esse videtur.

11. *Lysimachia Virginiana altera, foliis latioribus, floribus luteis majoribus* Cat. Altdorf.

Hæc præcedente elatior est & major, ut quæ humanam interdum altitudinem multum superet, foliis latioribus, & pro magnitudine brevioribus, ad margines minus sinuatis & propemodum æqualibus: floribus etiam multò amplioribus.

In hortis nostris frequentior est præcedente.

12. *Lysimachia frutescens Brasiliensis, Camaranbaya indigenis* Marggrav.

Marggr.

In quatuor pedum altitudinem assurgit, & dividitur in multos ramos rufos, pilosos. *Folia* solitariè posita in brevibus pediculis oblonga, hirsuta, ad quorum quodlibet *stipulus* provenit, calyce fere duos digitos longo, cui insident quatuor foliola viridia, & cuique ex his supersidet foliolum flavum, constatque



statque quilibet flos quatuor foliolis flavis. Ex calice floris fit *siliqua*, ut in congeneribus, quæ semen continet minutulum, rotundum splendens, coloris ex pallido subflavescentis.

Fert florem & semen ab Augusto in Novembrem.

Præcedentibus persimilis est, si non alteri earum eadem.

Tempus.

\* 13. *Lyfimachium Indicum Bontii*

Bont.

Crescit in Java circa fluminum ripas. Florum colore albo, & totius plantæ facie à vulgaribus *Lyfimachiis* multum abluat: Est enim *Lyfimachio* Europæo procerior, *caule* unico, duro, firmo, in coronam aliquot foliorum novitorum desinente, quem ambiunt ordinatâ quâdam serie ab imo ad summum *folia* bina ex adverso posita, longiora & solito angustiora, unico nervo recto, multis venulis obliquis divisa. Circa horum pediculos ad caulem alii cauliculi emergunt longiusculi, in quorum extremitatibus *flores* nascuntur, *Periclymeni* flores, quos vulgò *Lilia sylvestria* appellant, non malè referentes.

Inter olera à Mauris recipitur. Ad *Malvæ* naturam quàm proximè accedere videtur: nam in clyf-matis ad ventrem & intestina eluenda in frequenti est usu.

An propriè ad *Lyfimachiæ* genus pertineat ob descriptionis imperfectionem nescimus. Icon florem tetrapetalum repræsentat.

C A P. V.

De *Tithymalo*.

**T**ithymalus & Tithymallus cum duplici // à *mamma* & *mu* tener dictus putatur, quòd, tenerum lac non secus ac *mamma* quardam effundat. Lobelius Adv. autor est hanc vocem scribendam esse per diphthongum Tithoimalus, quod *mammam* sive *papillam* uberris exitiosam virosamve non ineptè interpretatur. Nam *mu* vocem exitiosam significare Eustathius docet. Hujus una species *Characias* dicitur, id est, vallis, sic dicta quia vallis septisque mu-niendis apta sit, aut quòd plerunque his in locis proveniat.

Notæ Tithymali characteristice sunt vasculum seminale tricoccum in summo stylo, & succus la-cteus, acer in plerisque speciebus, in una alterave insipidus.

*Pityusa*, *Apios*, *Peplus*, *Peplis*, *Lathyris*, *Chamæsyce*, *Esula*, *Cataputia* nomina sunt variis Tithy-mali speciebus imposita.

*Pityusa* dicitur quasi *πυβαν*, quòd folia *Piceæ* similia ferat.

*Apios* à radice pyriformi.

*Peplus* & *Peplis* à *peplo* sive flammeolo, quòd ramulorum ambitu & quasi rotundo amictu velum efformet, ac tellurem operiat. *Lob.* & alibi, quia fruticat uberiore undequeque ramulorum comosa concinnaque sobole, in *pepli* speciem collecta.

*Lathyris*, quòd folia duo, quæ caulis partem summam amplectuntur cavitatem facis magnam ostendunt. Etenim inter duo folia quæ umbellam ambiunt semen quasi inter duas januas seu bi-valvi continetur. *J. Bod.* à *Stapel*.

*Cataputia*, quòd semen in pilulis quibusdam sive catapotis ferat: vel (quod magis arridet,) quòd semen in catapotis sumptum purget. *Stapel.*

*Chamæsyce* à lacteo *Fici* succo & humilitate nomen accepit. *Idem.*

*Esula* non invenio etymon probabile, nam quod *J. Bodæus* adfert non placet.

A. 1. *Tithymalus Characias Amygdaloides* C. B. Ger. emac. *Characias vulgaris* Park. *Tithy-malus sylvaticus* toto anno folia retinem J. B. Wood-spurge.

J. B.

Radice nititur albâ, validâ, lignosâ, intortâ, variè divisâ, multis fibris donatâ, à qua exurgunt ra-mi lignosi, cubitali longitudine majores, flexiles, cortice exteriori insigniter rubente & hirsuto, in-teriore virente; foliis supra rami medietatem crebris, quatuor forè uncias longis, semunciam aut paulo plus latis, infernè canâ lanugine pubescentibus, excurrente per longum nervo ad medium usque folium rubente, deinceps viridi, supernè quoque pilis sed minùs evidentibus leviter hirsutis, atro virore splendentibus. Ex summis ramis oriuntur *pediculi* in umbellæ formam, rubentes simili-ter & hirsuti, singuli singula folia ad exortum, iis quæ in ramis sunt minora, reliquis similia habentes, sescunciam longi ad geniculum quoddam, ubi rursùm duo folia præcedentibus minora, opposi-ta, pedicellique bini ex præcedentium pedicularum unoquoque explantantur, iique rursùm cum fo-liolis suis minimis bipartiti *flosculos* sustinent foliolis circumdatos, minimos, herbaceo colore præditos, ita compositos ac si quatuor semilunulis, gibbis omnibus introspectantibus rhombum aliquo modo quis imitetur. Tota planta odore gravi est præter lignosam radicem, & lac fundit.

In sylvis & dumetis copiosè provenit, tum in Angliâ, tum in exteris regionibus.

Locum.

2. Tithy-

2. *Tithymalus Amygdaloides* sive *Characias* J.B. *Characias rubens peregrinus* C.B. *Characias Monspelienfium* Ger. Park. *Characias* 1. Clusf.

Clusf.

Unicus huic magna ex parte est *caulis*, interdum plures, cubitales & ampliores, rubente cortice tecti, minimi digiti crassitudinem æquantes, infima parte glabri, foliorum duntaxat vestigiis insigniti, veluti infecti ac vulnerati essent, supernâ verò foliis duris, lævibus, viridibus, majoribus quidem longioribusque quàm sint Oleæ folia, minoribus tamen quàm Amygdalæ, ornati, deinde in plures junceos & firmos ramulos, umbellæ in modum divisi; quos ambiunt veluti acetabula aut caveolæ, foliis balinearum similes, & in his *flos*, non subluteus aut pallidus, ut in aliis, sed niger: postea *fructus* tricoccus, in quo *semen* per maturitatem exiliens, reliquarum Lactiarum seminis instar. *Radix* dura est & lignosa.

Locus,

In faxosis circa Monspelium: in Italia quoq; propè Lericium & alibi in asperis & montosis observavimus. Martio flores profert, autore Clusio.

3. *Tithymalus Characias folio lanuginoso* C. B. Park. *Tithym. Characie vulgari sylvatico idem est, ut nobis videtur.*

Præcedenti ferè similis est, plures tamen ei caules ab una radice prodeunt: *folia* molliora & lanugine pubescentia; flores pallidi.

Locus.

Crescit etiam in Hispaniis, deinde tam in Narbonensi quàm reliqua Gallia, tum etiam apud Helvetios cæterosque Germanos.

J. Bauhinus eandem facit Tithymalo *Characie* nostrati vulgari sylvatico, cui & nos suffragamur, adeoque C. Bauhinus ex una plantæ speciei duas facit. Verùm Morisonus Tithymalum *Characiam* lanuginosum pro distincta specie ponit in Prælud. Bot. quem passim in sylvis Galliarum Soloniensis provenire & à foliis lanugine obductis à cæteris suæ fortis faciliè dignosci scribit.

- \* 4. *Tithymalus Characias radice repente* Moris. prælud.

Moris.

*Folia* gerit oblonga, radicem longè latèque serpentem producit, quâ notâ distinctu est facilis.

- \* 5. *Tithymalus Characias radice pyriformi* Moris. prælud.

Moris.

Sola radicum tuberositate pyriformi dignoscitur inter omnes Tithymalos *Characias* dictos.

- \* 6. *Tithymalus Characias Salicis minoris folio* Moris. prælud.

Moris.

Hic à similitudine foliorum *Salicis longifoliae vimineæ* notu facillimus.

- \* 7. *Tithymalus arboreus* Alpin. exot. Park. *dendroides* J. B. *myrsifolius arboreus* C. B. *Myrsinites arborefcens* Ger. *Tree-spurge*.

Cæs.

Frutex est bicubitali altitudine & ampliore, lignosus, arboris æmulus, uno quasi caudice pollicem & amplius crasso, in ternos aut quaternos ramos perpetuè fisso, digiti crassitie; foliis circa surculos novellos longioribus Myrsinite ac virentioribus [Lobelio folia *Efulæ* majoris foliis paria & admodum similia, imò *majora*] comâ luteâ, fructu *Characie*.

Locus.

In scopulis nascitur & præruptis, copiosius in præcipitiis qui Saltus Cerviæ vocatur inter Massam & Petram sanctam, ubi & nos eum observavimus: invenimus & in montosis supra Messanam Siciliae urbem. Folia figurâ suâ & magnitudine accedere videbantur ad Mezerei Germanici folia. Flores [Alpino] velut in umbellis parvis.

- A. 8. *Tithymalus magnus multicaulis, sive Efula major* J. B. *Tithymalus palustris fruticosus* C. B. *Efula major Germanica* Ger. Park.

J. B.

Mirum quàm luxuriet fecundiore solo enatus Tithymalus iste, quem vulgò *Efulam* majorem Germanicum vocant. Lignosa enim candidâque *radix*, non brachii modò humani crassitudinem assequitur, sed & suræ nonnunquam superat, longè latèque vario implexu propagata perennat. Nec minor caulium quos emittit luxuriosa ubertas, minimi digiti circiter crassitie, rubescentes, & plurimis alis concavos. *Folia* Cataputiæ minoris oblonga, multum illis magnitudine cedentia, hyeme decidunt. *Flosculi* umbellati, concavi, luteoli, quatuor peltata foliola surrigunt, cum totidem staminibus. *Semen* in loculis triquetris reliquis non dissimile.

Locus.

Rarior est in Italia, Gallia & Anglia, nisi in hortis colatur. In Germania verò superiore & inferiore ad Rhenum, ut & in Silesia ad fabulosas fluminum crepidines, copiose oritur.

Uterque Bauhinus Tithymalum palustrem Cæsalpini hujus Synonymum faciunt. Verùm Tithymalus ille quem nos in paludibus Pisanis frequentem observavimus ab hoc diversus videbatur, siquidem folia ejus hirsuta erant, & ad Tithymali *Characie* Amygdaloidis nostratis folia accedebant, quibus



quibus & ea comparat Cæſalpinus: folia autem Eſulæ majoris Germanicæ dictæ Tithymali paralii foliis ſimilia ſunt. Eſt ergo paluſtris noſter Piſanus (ut puto) idem qui

9. *Tithymalus Characias pratensis incanus* Botan. Monſp. *incanus hirsutus* C. B. *inſcribitur*. An *Tithym. Characias lanuginosus* Morif. præluſ.

Magnol.

Cui *radix* craſſa, multos *caules* pedales & cubitales, rubentes proferens; in quibus plurima *folia* indifcriminatim oriuntur, caulibus adhærentia, longa & lata, leviter in ambitu ſerrata & ſinuata, ſupra & infra molli lanugine pubeſcentia. *Flores* aliorum more velut in umbellam congeſti, ex luteo ruſeſcentes, *loculi* triquetri, villoſi & verrucoſi in quibus ſemen continetur.

In pratis circa Lateram Junio menſe cum flore & ſemine plurimis in locis reperitur.

Morifonius Tithymalum ſuum characiam lanuginosum in ſylvis Gallix Soloniens ſiſ provenire ſcribit, unde videtur potiùs varietas Tythymali ſylvatici toto anno folio retinens. Locus.

- A. 10. *Tithymalus paralius* J. B. Ger. *paralius ſive maritimus* Park. *maritimus* C. B. *ſeaſpurge*.

*Virgis* aliquot lignoſis, rubentibus, ad pedalem aut cubitalem altitudinem aſurgit, *foliis* crebris ab imo ad ſummum ulque obſitis, anguſtis, oblongis, medio tamen latoribus, Lini foliis nonnihil ſimilibus, verùm craſſis & caſiis, ſucco lacteo acerrimo turgidis: ſummis *virgis* innaſcuntur umbellatim ferè ut in aliis Tithymalis *flores* pallidè lutei, quibus ſingulis ſubſunt folia bina lata furculos & pediculos cingentia: ſequuntur capſulæ tricoccx ut in hujus generis reliquis. *Radix* ſubest ſatis craſſa, oblonga, lignoſa, vivax.

In arenofis maris litoribus frequens eſt.

Dubitatur Geſnerus hort. an Tithym. paralius à Matthiolo & Trago pictus ſit cypariſſias: idque ſanè ſumma ratione: Nam deſcriptio Tithym. Cypariſſiæ ſimilis Pityuſæ multis J. B. qui aliorum Botanicoꝝ Tithym. cypariſſias eſt, Tithymalo paralio convenit: & planta illa quæ in ſabuloſis ad Rhenum copioſè provenit, (qui locus Tithym. cypar. ſimili à J. Bauhino aſſignatur) mihi non alia viſa eſt quàm Tithymalus noſter paralius. Alii curioſius examinent, & plantas invicem conferant. Locus.

- 11. *Tithymalus* fortè dictus Lucæ Gbino Pityuſa, quibuſdam Characias Pannonicus J. B. Tithym. Characias 4, ſive rubens Germanicus C. B. *ejusdemque* Tithym. Characias 5, ſeu anguſtiſolius. Tith. Characias anguſtiſolius Park. Ger. emac.

J. B.

*Radice* eſt magnâ, longâ, craſſâ, è qua crebri naſcuntur *caules*, inæquales, dodrantes ſextantes ac fortè dodrante majores, *foliis* multis amiſti, Paralii folioꝝ latitudine, longitudine majori, interdum breviori, acuminatis, ſpiſſis, colore ferè myrſinitis.

Hunc Cluſius titulo Characiz 3: Auſtriaci ſic deſcribit:

Multos ab una *radice* profert *caules* pedales, nonnunquam etiam cubitales, firmos, læves, infima parte nonnihil purpuraſcentes, & folioꝝ quæ deciderunt veſtigiiſ notatos. Hos deinde ambiunt conſuſo ordine naſcentia *folia*, craſſiuſcula, lævia, duas interdum uncias longa, mucronata. Summi *caules* in multas virgulas inter folia emergentes dividuntur, quæ bina ſubrotunda ſeu quodammodo circinata foliola, & quaſi vaſculum ſeu labellum imitantia ſuſtinent, in quibus *flores* reliquoꝝ Tithymaloꝝ floribus ſimiles, qui cum ſuis virgulis & vaſculis pallido ſubluteoꝝve colore præditi ſunt: ſuccedunt trianguſa *capitula*. *Radix* longa, digitalis craſſitudinis, infimâ parte in aliquot fibras diſiſ. Maturo ſemine *caules* ſingulis annis emoriuntur, novo autem Vere recentes alii è *radice* germinant, qui ſubſequente anno flores ferunt.

Naſcitur plerique Pannoniæ locis, ſed Vienneniſi agro tantâ copiâ in gramineis & ſiccioribus paſ- Locus. cuis, ut Junio menſe (tum enim floret) omnino palſcere videantur.

D. Magnol in umbroſis circa pontem Caſtri novi Salenove & Lateræ paſſim reperiri aſſerit.

12. *Tithymalus serratus* Dalechampii J. B. Characias serratus Ger. Characias folio serrato C. B. Char. serratus Monſpelienſium Park.

J. B.

Cubitali *caule* præditus eſt, per quem *folia* uncialia, alia culmo latorâ, alia etiam minùs lata, pleraque non acuminata, ſed ſubrotunda, denticulis per ambitum crenata, glabra: at verò quæ umbellæ pediculis ad coitum ſubjiciuntur folia, multò latorâ quàm longiorâ, nonnulla quoque orbiculata, nihilòque ſeciùs in ambitu ſerrata. *Flores* acetabuloꝝum cavo inſidentes muſcoſi, lutei: *capitula* majuſcula, triquetra, ex tenui pediculo Myrſinitis ferè paria.

In Gallia Narbonenſi paſſim & copioſè oritur, circa Nemaufum, Monſpelium, &c. nec aliibi (inquit J. Bauhinus) temere reperitur: Verùm Cluſius Tithymalum myrſiten Valentium appellat, unde Valentino etiam regno communem eſſe colligitur. Locus.

13. *Tithymalus Myrſinites* J. B. Park. Lob. Myrſinites latifolius Ger. C. B. item Tithymalus anguſtiſolius Myrſinites eorundem.

J. B.

*Rami* dodrantalibus craſſiuſculis per terram maximâ ex parte funditur, quos ſerie quadam ambiunt *folia* Myrſi, pinguiuſcula, colore glauco prædita, in acumen deſinentia. Ramoꝝ extrema in furculos abeunt indidem ortos, pyxidata folia rotunda tranſadigentes, umbellatim diſpoſitos: quibus

bus inter folia insident flores colore herbido, quorum singularia foliola pulvilli instar habentia, an-  
sulis croceis donata sunt. Pericarpia triquetra, totidem grana continent.

Locus.

Juxta arcem Rhegii in Calabria sponte ortam invenimus.

*Tithymalum latifolium* & *angustifolium* C. B. pro eadem planta habeo: siquidem figuræ Lobelii, quæ in *Adv.* habetur titulo *Tithymali Myrsinitis*, quæque in Obs. tit. *Myrsinitis myrtifolia* unius & ejusdem plantæ sint, cum in Observationibus ad Adversaria Lectorem referat: nec refert quod utramque ponat in Icon. Plant. alteram nomine *Tithymali myrtifolia* Obser. p. 192. alteram titulo *Tithym. myrtitis* Diosc. Adv. p. 150. cum ipsemet in Obs. utramque iconem pro ejusdem plantæ habuerit.

14. *Tithymalus maritimus Juniperi folio* Bocconi. An *Tithymalus cyparissias vulgaris* Park?

Bocc.

Hic (inquit) *Tithymali* arborecentis facie fruticat: pedali & altiore quandoque est caule, superne variis ac multiplicibus ramis distincto, valde comolo; tenuibus foliis copiosissimis, longissimis, Juniperi formæ, sed mollioribus & minoribus circumvestito, ad *Tithymali leptophylli* figuram accedentibus. Flores & capsulas seminales aliorum *Tithymalorum* more (id est fructum tricoccum) proferunt. Perpetuus est.

Locus.

Prope Massiliam in arenosis ad mare invenimus, ubi & Paulus Boccone.

*Tithymali cyparissias vulgaris* tum figura tum descriptio apud Parkinsonum ab hac planta non multum abluunt, ut examinanti patebit.

\* 15. *Tithymalo marino affinis Linariæ folio* C. B. *amygdaloides angustifolius* Tab. *linifolius paralis* congener Park.

Hic (inquit C. B.) à *Linaria* antequam floreat solo lacteo succo distinguitur: quomodo ergo differt ab *Esula* Officinarum sive *Tithymalo pineo*?

Locus.

In declivibus montis *Capouladou* soli expositis, inter rupes versus *las Cambrettes* & in aliis campestribus lapidosis copiosè oritur. Botan. Monsp.

\* 16. *Tithymalus maritimus spinosus* C. B. *maritimus Creticus spinosus* Park. An *Tithymalus spinosus Creticus* Alpini?

Bel.

E *Tithymalorum* genere est (inquit Bellus) spinas proferens, floribus luteis, foliis parvis rotundis, lac copiosum effundens, radice (si rectè memini) carnosa.

*Tithymalum* suum spinosum *Alpinus* ita describit, Planta est dodrantalis, primo ætatis suæ anno ramulis & foliis *Apios Græcorum* maximè æmuletur. Radice nititur in principio crassâ, tuberosâ, sed longâ, in acutum desinente, non absimili *Apios* radici. Anno verò secundo ramuli breves, tennes dodrantes in cymis fruticant, & in crucium modum ramulorum extrema dividuntur, & desinunt in spinulas tennes, acutas. Æstate foliola ramuli abiciunt, quo spinulæ duriores & nigre evadunt. Lacteo succo acri turget.

17. *Tithymalus maritimus Venetus* Park. *maritimus purpurascens floribus* C. B. *Esula rara* in *Lio Venetorum insula* Lob. *Es. Veneta maritima* Ger.

Lob.

Sesquicubitum duosque cubitos longos caules, fungosos, rugosos, fuscos, crassos minimum digitum, multis ramulis divisos emittit pedibus; & foliis situ binis per intervalla, majoribus quàm terribilis *Alypi*, ad *Glycyrrhizam* proximis, lentis, pinguibus *Thymelææ*; flores pendulos prominentibus purpurascens & fusco, obsoleto *Aristolochiæ*, *Vincetoxici* effigie. Radix foris pulla, intus villosis lineisque pelliculis, cujusmodi in *Tarton-raire*, cinereis, sesquicubitum longa, digitum minimum crassâ, succo distenta: Univerſa planta lactescit, & prorsum *Tithymali parali* cui convictrix ferè semper visitur æquiparatur.

Locus.

Sed non alibi quàm in litoribus & insulis sinus Adriatici facilè reperitur, & in *Lio* insula exigua, quæ obex est maris alluvionibus.

18. *Lathyrus major* C. B. *Cataputia minor*. *Lathyrus major hortensis* Park. *Lath. sive Cataputia major & minor* Ger.

Radix huic simplex, fibris aliquot capillata. Caulis sesquicubitalis, teres, solidus, crassitudine pollicari, foliis vestitus crebris, tres digitos longis, salicis similibus, cæruleo-viridibus in crucis formam dispositis. Primo à satione anno hyemem tolerat, sequenti ætate in ramos dividitur, in quibus folia ad singulos flores bina, iis quæ in caule sunt multum dissimilia, nimirum à lata basi in acutum mucronem sensim desinentia, nonnihil initio concava, aliàs ad foliorum *Hederæ* aut *Asclepiadis* formam accedentia, colore ex viridi flavicante & minimè cærulea. Ad flores singulos ramuli in furculos duos divaricantur, adeo ut flos in ipso ramulorum divortio seu divaricationis angulo collocetur: in plures deinde furculos minores intus concavos singuli majores dividuntur. Flos quatuor foliolis componitur. Vasculum seminale majusculum, tricoccum.

Ab hac non alia in re quàm partium omnium magnitudine differt *Lathyrus minor hortensis* Park.

*Lathyrus*



18. *Lathyrus minor conglomerato flore* C. B. *minima* Park. *minima* C. B. *Lathyrus minor* Dalecham. Lugd.

19. *Tithymalus cyparissius* J. B. C. B. Ger. *Pityusa Tithym. pinea* sive *Esula minor* Park. *cyparissius* J. B. *Common Cyparis* Spurge. *Tithymalus pineus* Ger. hinc idem videtur.

J. B.

*Radix* minimo digito crassior, sæpè tenuior, fibrosa, lignosa & nonnunquam serpens. *Caules* promit dodrantes & cubitales, primò simplices, postea ramosos, in quibus *folia* primò Linariæ, mollia, quæ postea tenuiora multò cum in ramos dividitur. *Floræ* in umbellæ quasi formam dispositi, longis pediculis folia quibus donantur perforantibus, lutei, ex quatuor quasi semilunulis connectis, extrorsum vergentibus corniculis compositi, apicibus utem luteis: quibus triquetri succedunt loculi, in quibus *semen*. Ab eadem quoque radice exurgunt *cauliculi* (ego pro abortu habeo, licet à nonnullis pro privata specie proponatur) quorum folia breviora multò, pinguiora, subrotunda, averia parte plurimis punctulis seu stigmatibus rufis notata, in quibus ramulis non memini flores observare. Hinc patet quid sentiendum sit de Tithymalo frictophyllo Thal. i. e. cyparissia foliis punctis croceis notatis C. B. foliis maculatis Park. Lactæ autem partibus omnibus turgit.

Hic Tithymalus pro anni tempore & ætate insigniter variat: non raro enim verno tempore comâ rubente aut flavâ exit.

Prætorum margines & sepium istam sæpius alunt *Esulam*. In Angliâ sponte non provenit, quod sciam. Mirum nobis videtur Botanicos de *Tithymalo pineo*, sive *Esula minore*, planta passim cognita & vulgo in hortis cultâ tam confusè & obscurè scribere, ut nesciam planè quid sibi velint, quòve titulo illum proponant. Ab aliis speciebus, mihi saltem notis, discretu facilis est, radicibus reptatricibus, statura humili, foliis oblongis, angustis, virentibus, mollibus & teneris, in caule creberrimis, Linariæ adeò similibus ut obiter intuentem pro his fallant; verum succo lacteo facile distinguuntur secundum verticillum illum vulgarem, *Esula lactescit, sine lacte Linariæ crescit*.

*Tithymalo Cyparissia similis, Pityusa multis* J. B. *Tith. folius Pini, forte Dioscoridis Pityusa* C. B.

*Tithymalus pineus* Ger. *Pityusa, Tithymalus pinea* sive *Esula minor* Park. potius *Tith. cyparissius* vulg. eundem.

J. B.

Tithymalus hic rarus est Cyparissia vulgò dictæ similis, ab eo tamen alius est, radice longiore, crassiore, minusque fibrosa: *Caules* multi, sæpè cubitales, simplices, interdum in ramos multos dodrantes diducti; per quos *folia* conferta, crassiora, firmioraque quam Cyparissia & magis glauca: extremis ramorum insident *umbellæ* magnæ, foliis peltatis, non majoribus Cyparissia.

De Tithymalo cyparissia & pineo dictis confusè admodum scribunt Botanici, ut mihi panè persuadeam unam & eandem specie plantam esse. Ast hoc in loco à J. Bauhino descripta, videtur esse Tithym. paralius, aut alia quadam species nobis incognita. Notandum tamen plantam Parkinsono sub titulo allato descriptam esse Tithymalum cyparissiam J. Bauhini superius proximè descriptam: quæque hoc in loco à J. Bauhino describitur, sub titulo *Tithymali Cyparissie vulgaris* à Parkinsono describi; siquidem foliis brevioribus & crassioribus & in caule crebrioribus magisque confertis seu densius fide à Tithymalo pineo differre scribit, Lobelium secutus.

Crepidines fabulosi fluminum & vicini colles frequentius hunc alunt, inquit J. B. Abundat in *Locus*. planitie arenosa propè Argentinam, & Basileæ ad Rhenum versus *Haltingen*, ut & propè *Monspelium*. Planta autem illis in locis frequens nobis non alia visa est quam Tithymalus paralius, ut superius diximus.

Omnia Tithymalorum genera adurendi vim obtinent (inquit Tragus) imprimis verò lacteus eorum succus, quare raro citra noxam sumi possunt. Dodonæus Tithymalorum omnium succum per inferna purgandi validam vim habere scribit, Bilem, pituitam & aquosos humores ducere, etiam in exigua quantitate sumptum; sed ventriculum vehementer conturbare, & interna viscera inflammare; eamque ob causam ab ejus usu doctos ac prudentes medicos abstinere.

*Esula* pituitam validissimè, præcipuè per inferiora, purgat, unde & Rusticorum Rhabbarbarum audit. Est autem acris, ignea & erodens, adeò ut impudentium mendicorum fraudi inserviat, qui ejus succo cutem subinet exulcerant scabritiei specie. *Schrod.*

C. Hofmannus se nunquam consuliisse ait, sed fuisse tantum spectatorem audaciæ vulgaris quæ tota *Cochlearia* admetitur. Si quis tamen (inquit) uti velit, *Esula præparata* Offic. utatur, quæ per viginti quatuor horas steterit in infusione acerrimi aceti, iterumque exsiccata. Hujus dosis est à ʒij. ad ʒj. & sine noxa purgat. Casp. Dornavius ita corrigat, R. *Esula præp.* ʒiv. Macis, Galangæ à ʒij. Spodii præp. ʒj. Trag. Bdellii ana ʒij. Fiat pulvis, cujus dos. à ʒʒ. ad j.

20. *Tithymalus Cyparissias* Alpin. exot.

Alpin.

A radice crassa, quatuor digitos longa, lacteo succo turgente, (ut & reliqua planta tota dum recens est) caules producit multos, tenues, junceos, parvis capillamentis, brevibus, multis, tenuibus, Pini foliis similibus vestitos, propè radicem nudos, sed punctis nigrescentibus crebris maculatos, quorum singuli umbellam ex tribus aut pluribus furculis constantem obtinent, & in principio umbellæ unum utrinque foliolum, oblongum, parvum, extremo acutum, Myrti folio simile, minus tamen & tenuius, quilibet etiam umbellæ furculus circa medium utrinque folium prædicto simile & minus; à quo furculus usque ad extremum spicæ modo fert foliola, ex una parte incli-

nantia, aliis longè breviora latioraque cum floribus parvis, Leucoii similibus, atque fructibus parvis triquetris, *semina* terna parva, rotunda, albâ, Pipere minora continentibus. Inter caules prædictos graciles nonnunquam unus vel duo, crassitie minoris digiti visuntur, qui in plures itidem cauliculos foliatis dividuntur, ad exortum antequam dividantur nudi & punctis emaculati.

Locus.

Cretam insulam agnoscit matrem hæc species.

21. *Tithymalus annuus Lini folio acuto* Botan. Monsp. *An annuus Pityusæ folio* Lob. *An Tithymalus linifolius* Cam?

Magnol.

Dodrantalem & interdum pedalem altitudinem acquirit, quamvis modò minor, modò major conspiciatur. Secundum caulem plurima oriuntur folia, longa, Lini folia æmulantia, in aculeatum quasi apicem desinentia. Flores ut in aliis speciebus. Folia circa flores disposita, latiora sunt & multis apiculis donata. Radix lignosa est, quæ singulis annis perit.

Locus.

In marginibus satorum circa Salernovam, *la Colom. Oiere* & alibi pluries vidit D. Magnol. Nos in Sicilia inter segetes observavimus, & pro *Tithymalo linifolio Cam.* habuimus.

*Tithymalus Linariæ folio, lunato flore* Moris. prælud.

A foliis Linariæ similibus, & flore Lunæ crescentis referente figuram faciliè dignoscitur.

At hæc notæ *Tithymalo cyparissia* J. Bauhino superius descriptæ conveniunt, ergo illi idem videtur.

- A. 22. *Tithymalus segetum longifolius* Append. Cat. Cant. **Long-leaved Corn-Spurge.**  
*An Esula minor sive Pityusa* Ger. emac?

Altitudinem dodrantalem vix assequitur. Folia oblonga in acumen desinunt. Tota planta colore est luteo-viridi præter caulis partem terræ proximam, quæ rubescit.

Hæc species cum præcedente seu XXI. convenit magnitudine, foliorum figurâ, colore, loco, ut eandem esse suspicer, non tamen fidenter affirmaverim, cum plantam nondum viderim.

Locus.

Inter segetes prope pagum *Kingston* dictum ultra sylvam via quæ *Gamlingsay* ducit reperitur: observavit etiam D. Dale inter segetes circa *Comberton* cis *Kingstoniam*; ostendit etiam nobis siccam plantam à se collectam, cujus altitudo semipedalis, aut dodrantalis, caulis firmus, foliis non admodum crebris cinctus, neque ut in *Esula* exigua Tragi in acutos apices terminatis, sed obtusioribus & subrotundis. Summis caulibus ut in reliquis congeneribus velut umbellæ quædam florum insident: umbellarum autem basin totidem folia acuminata cingunt quot sunt umbellam componentes radii. Vascula seminalia parva & ut in reliquis tricocca. Radix parva, annua, paucis fibris donata.

*Tithymalus foliis brevibus aculeatis* C. B. i. e. *Pityusa Matthioli* & aliorum, nobis incognitus est, quærat apud Autores à Bauhino citatos.

- A. 23. *Tithymalus leptophyllos* Park. *minimus angustifolius annuus* J. B. *Esula exigua Tragi* Ger. emac. *Tithymalus sive Esula exigua* C. B. **Dwarf Spurge** or **Small annual Spurge.**

J. B.

Palmaris aut semipalmaris est plantula, *radiculâ* nitens tenui, tres aut quatuor uncias longâ, *cauliculos* & ramulos multos eâ quâ jam dixi longitudine, ac etiam dodrantes obtinens, *foliis* stipatis semunciam uncieve trientem longis, semiculmum latis, in acutum mucronem productis, crebris, sursum spectantibus, lacte turgidis. *Flosculi* herbidi, & pericarpium ut in reliquis congeneribus triquetrum, *semina* rotunda, canentia continens.

Locus.

Planta est annua: inter segetes frequentissima.

- \* 24. *Tithymalus sive Esula exigua foliis obtusis* C. B. J. B. Park.

Radice est exili, oblongiusculâ, capillatâ: *cauliculis* pluribus, ad terram resupinatis, aliquantum repentibus, biuncialibus, triuncialibus, aliis palmo minoribus, rotundis, lacteo succo turgentibus, qui *foliis* oblongis angustis, sed semper in summo obtusis & velut absæctis inordinatè vestiuntur.

Locus.

In agris Patavinis & Massiliensibus reperitur.

*Tithymalus exiguus saxatilis* C. B. J. B. Park.

C. B. prod.

*Radiculam* habet capilli modo tenuem, longiusculam; *cauliculos* tenues, unciales & biunciales, angustissimis & brevibus *foliis* cinctos: *flosculos* exiguos, rubentes.

Hæc planta non alia esse videtur à *Tithymalo leptophyllo* fol. obtusis, partium omnium parvitate solâ diversâ, quam soli sterilitati deberi verisimile est.

Locus.

Circa Monspelium locis asperis provenit, vide *Botan. Monsp.*



\* 25. *Tithymalus Siculus polycoccus*, *Portulaca folio* Bocconi.

Bocc.

*Caule* assurgit pedali aut altiore, supernè amplo & valdè ramoso : *Folias* ad *Portulacæ* aut *Tithymali helioscopii* figuram circumvestito. *Floras* & *semen*, ut in cæteris sue classis, in alarum sinibus atque ipsis ramis insident, & ordine distribuuntur ; rotundis subsequenter *capitulis* ; binis, tenuibus *apicibus* donatis, in quibus *semen* *Cannabis* figurâ atque colo e concluditur. Ea est plantæ ejusque alarum durities & contumacia, ut media hyeme arida & foliis spoliata perduret adhuc, & *capulas* *feminum* (quod notatu dignum) unguibus frangere aut evellere (adeo pertinaciter hærent) sine rami particula non possit. Ex semine deciduo quotannis nascitur.

A. 26. *Tithymalus helioscopius* Ger. Park. C. B. *helioscopius* sive *solissequus* J. B. Sun-Spurge or Wartwort.

*Radix* ei simplex, alba, rectâ descendens, fibris aliquot donata, unde *caulis* exurgit singularis, semipedalis aut pedalis, teres, raris pilis hirsutus. *Folia* in caule frequentia, nullo ordine posita, *Portulacæ* aut *Peplius* similia, digitum & interdum sesquidigitum longa, extremitate subrotunda, argutis denticellis circa margines crenata. Sarculi [quinque ferè] è summo caule nati umbellam quodammodo efficiunt, quos totidem circumstant folia, iis quæ in caule majora & rotundiora. Singuli sarculi in tres alios pariter sparguntur, quos tria circumstant folia. *Floras* in ipsis caulis & sarculorum divaricationibus singulatim fici, parvi, herbidi, tetrapetali, petalis subrotundis & minimè lunulatis. E medio flore egreditur *stylus*, cujus apex in *vasculum* seminale turgescit triquetrum, trioccon, ad floris latus reflexum. Tota planta succo lacteo acri turget.

Æstate florēt &amp; semen maturat; hyeme perit.

In hortis oleraceis &amp; arvis pinguioribus, nec rarò in rudibus ad urbium moenia, &amp;c. occurrit.

Tempus &amp; Locus.

A. 27. *Peplus sive Esula rotunda* C. B. Ger. J. B. *Esula rotunda* sive *Peplus* Park. Pettr Spurge.

Dod.

*Dodrantal* herbula est, lacteo succo manans, *Helioscopio* *Tithymalo* similis, ejusque quædam veluti species, sed omnibus partibus minor. *Cauliculi* subrubent. *Folia* exigua, in rotunditate oblongiuscula, circa margines æqualia, (quæ certâ notâ à *Tithym.* *Helioscopio* distinguuntur, cujus folia crenata sunt) infernè majora, supernè minora. Coma circinata, seu in umbellâ formam coacta. *Capitula* tribus loculis discreta *semina* continent reliquis similia. *Radix* tenuis, fibrosa, annua.

In hortis &amp; vineis exit, &amp; subinde in agris neglectis aut non cultis. Ætate viger, ac usque ad Hyemem perdurat.

Locus &amp; Tempus.

28. *Peplus minor* J. B. Tab.

J. B.

Patulis in orbem ramis varièque divaricatis terram subjectam inumbrat, foliis *Pepli* majoris, rotundis ferè, in modicum acumen leviter desinentibus, dimidio minoribus : *pericarpia* pusilla majoris, aut *Chamaesyces*, triquetra, lavia, tribus locellis totidem claudunt *semina*.

In arvis requietis circa *Montepelium* observavimus.

Locus.

A. 29. *Peplus* J. B. Ger. Park. *maritima folio obtuso* C. B. Small purple Sea-Spurge.

J. B.

Terræ faciem ceu muliebrem flammæum patulis ramis, variè divaricatis, palmaribus & sesquipalmaribus, rubentibus, crassiusculis operit, per quos veluti ad articellos folia adversa nascuntur, rubentia, duplo triplòve *Chamaesyces* majora, crassiora paulò, longiora, per extremum rotunda, quorum pars ea quæ sub nervo (qui solus folium per longitudinem medium dividit) productior est quàm quæ supra nervum, & velum pinnata. *Flosculi* luteoli proximè ramos oriuntur. *Capitula* tricocca, lavia, duplò majora quàm *Chamaesyces*. *Radix* longiuscula, crassiuscula, simplex.

In litore maris arenoso inter *Pensantiam* & *Markeyen* Cornubiæ oppida, In maris *Mediterranei* litoribus frequens reperitur.

Locus.

30. *Peplus annua foliis acutis, flore muscoso* Bocconi.

*Dodrantal* est huius *caulis*, subrubens; dum in hortis colitur amplâ laxâque umbellâ & quasi comosâ, aliqui contractiori donatur, ubi nati solo spontanea est. *Folia* exigua, è rotundo acuminata sunt. *Herbæ* terribilis minorâ. *Floras* muscosos gerit. *Semina* verò in *capulis* ad echiniformam aliquatenus involucris suis accedunt.

In agro *Lugdunensi* frequens inter segetes reperitur.

Locus.

31. *Chamaesyce* Dod. Lob. J. B. C. B. Ger. Park.

J. B.

Gracilem *radiculam* habet, longitudine circiter palmari, fibris aliquot tenuissimis donatâ : ramulos quadrantales, ac etiam pedales, in alas subdivisos, rubentes, subhirsutos in orbem terræ apprimet; quibus ad genicula adnascuntur foliola, conjugatim disposita, subrotunda, quæ terram spectant rubentia, supernè viridantia, nisi quod in medio purpurea notâ sunt maculosa; quædam tamen in extremis ramulis supra infraque omnino saturâ rubedine tincta sunt. *Flosculi* ad ramulorum divaricationes

cationes inter folia emicant purpurei. *Pericarpia* tricoeca *Efulæ* exigua: Trago dictæ sub foliis latent.

Locus.

In agris & vineis tam Siciliæ & Italiæ quàm Galliz Narbonensis frequens oritur, quicquid contradicat Lobelius.

A. 32. *Tithymalus platyphyllos* Fuchs J. B. *arvensis latifolius* Germanicus C. B. *Tithymalus peregrinus* Clus Hist.

J. B.

*Radice* nititur simplici, alba, lignosa, adnatis aliquot donata. *Caulis* inde exurgit sesquicubitalis & bicubitalis rectus, teres, glaber, rubescens, intus concavus, singularis modò, modò plures, inter quos eminet medius inter contractionis altitudinis locios, per quos tamen omnes frequentes observantur rami, quorum exortui *folium* magnum semper apponitur, duarum unciarum longitudine, latitudine unciali; talia quoque fortuito ortu crebra per caules ramósque spectantur: at caulis fastigium in pediculis aliquot seu radios umbellam mentientes abit, unico in medio sedente *flosculo*, quorum coitum coronat rosa foliorum oblongorum, crenis parùm conspicuis denticulorum: è quibus pediculis unusquisque subdividitur pari modo in alios, & horum quilibet denuo in alios, *flosculis* singularibus singulas divaricationes occupantibus. *Flosculi* cotylis infident perexiguâ, luteoli, quatuor petalis exiguis, flavis, non cordatis compositi: quos sequuntur vixdum delapsos triocci *fructus*, minores & minus asperi quàm *Verrucosus* dicto, sex sulcis ita insculpti ut hexacocci videantur. Annua est planta ex semine deciduo sese quotannis reparans: interdum tamen hyemem tolerat.

Locus.

In agris non admodum infrequens est. In hortulo nostro & pomario hic Noleiæ in Eflæia sponte provenit.

• 33. *Tithymalus platyphyllos* Clus. Ger. *latifolius Hispanicus* C. B. Park.

Clus.

Pedali, interdum majore altitudine affurgit, in aliquot à radice divisus ramos, nonnunquam simplici *caule* præditus, quem ambiunt ampla *folia*, rotundiora & quasi orbiculato mucrone prædita, ad statidis novellæ foliorum formam accedentia, viridia, crassiuscula & aliquantulum carnosa, pallidente & acri succo turgentia. *Flos* ramulis infidet ex flavo purpurascens, ac veluti acetabulis sive balinearum foliolis comprehensus, ut in aliis. *Radix* crassa est & candida.

Uno Valentino regno inter Biar & Huertiniense, viâ salebrosâ inter medios frutices, Martio mense florentem, duntaxat observabat Clusius.

34. *Tithymalus non acris flore rubro* J. B. *montanus non acris* C. B. qui huc refert *Efulam dulcem* Tragi, & *Pityusam* sive *Efulam* minorem alteram floribus rubris Lob. Ger. Park. Sweet red-flowered Spurge.

J. B.

Tuberculis inæqualem habet *radicem*, longiusculam, fibratam: *caules* pedales vel cubitales, primò purpurascens, non sine adnatis ramulis, *foliis* amicti Tithymali verrucosi, modicè in acumen rotundum desinentibus, glabris. *Pediculi* è caulis fastigio aliquot exeunt (subiecta foliorum oblongorum rosulâ) umbellæ formâ, in surculos subdivisi; singuli *flosculi* in medio foliorum duorum similibus acetabulis, parvi, quadripartiti, rubentes: E medio *flosculo* rubro exoritur ex brevi pediculo *fructus*, parvus triquetèr, tuberculis exasperatus, ex cuius medio stylus, & ad latus pediculus vel ramulus sustinens *folia* alia duo & in medio alium florem ac fructum. Ceterùm emanat è vulnere lacteus liquor, ut in reliquis Tithymalis, verùm nequaquam acer aut fervidus, sed adstringens, unde Tithymali aut *Efulæ* dulcis nomen meruit.

Locus.

In montibus circa Genevam observavimus.

• 35. *Tithymalus tuberosus* Germanicus C. B. Park.

Hujus meminit Camerarius in horto. An & quid differat à præcedente inquirendum.

• 36. *Tithymalus Ragusinus non descript.* Hort. Lugd. Bat.

• 37. *Peplis major Brasiliensis flosculis albis* Caecica indigenis Marggr.

Marggr.

Ex *radice* alba, lignosa, lactescente, paullo majori semipede, multi prodeunt *caules*, teretes, nodosi, virides, uno latere rufescentes, multis ramis donati, qui partim humi jacent, partim stant erecti: ad nodos caulium & in ramulis bina *folia* opposita reperiuntur, in ambitu subtiliter serrata; ramulorum paulo minora: iis quæ ad caules. In extremitate caulium & ramorum multi nascuntur *flosculi* subtilissimi, albi, tetrapetali, quos excipit triangularis *capsula*, in qua semen. Tota planta copiose lactescit, quod lac commendatur à Lusitanis ad oculorum rubedinem & dolorem auferendum.

Ward.

Tithymali non acris species esse videntur.

38. *Apios* J. B. vera Ger. *Apios seu Tithymalus tuberosus* Park. *Tithymalus tuberosa* pyriformi radice C. B.

J. B.

Facilis à *radice* est *Apio* cognitio, quæ quia oblonga, turgida, inque Pyri modum turbinata, plantæ nomen fecit, quam Napi radici recte comparaveris. Hujus è capite ramuli aliquot exeunt palmo breviores, *foliis* satis frequentibus amicti *Efulæ* rotundæ seu *Peplis*, at minoribus, ex angusto principio sensim dilatatis, perque extremum rotundis.

Ward.

1763

Adfer-



Adfertur ex Creta, sed & Apuliz peculiarem esse monet Imperatus. Apios à radice pyriformi Locus. Græcis dicitur.

\* 39. *Peplis montana folio Nummularia C. B. altera Ang.*

\* 40. *Apios radice oblonga Ger. emac. Apios frve Ischas altera J. B. Tithymalus tuberosa oblonga radice C. B. Apios frve Tithymalus tuberosus oblonga radice Park.*

Clus.

Radice constat tuberosa, non in Pyri formam turbinatâ instar prioris, sed æquali propemodum ubique crassitudine, unciam, interdum etiam binas uncias, longâ, cujus extrema pars in quatuor alias radices sive crassas fibras sensim gracilescentes definit, & paucis fibris prædita est, colore foris fusca, intus candida, lacteo succo turgens ut Tithymali. Ex summo ejus capite exeunt quini aut seni ramuli, in terram procumbentes, palmares aut ampliores, secundum radicem nonnihil purpurascens, foliis viridibus non magnis, sed prioris foliorum instar, & incondito ordine eas ambientibus præditi; illi deinde in minores & graciliores dividuntur; bina folia paullo rotundiora & contrario situ nascentia sustinentes; in quorum medio exoritur flos, ex flavo rubescens; cui succedit capitulum trigonum, rugosum & tuberculis oblitum, in quo semen.

Semine peregrè accepto Jacobo Plateau nata est.

41. *Tithymalus lunato flore Columnæ Park. sylvaticus lunato flore C. B.*

Col.

Hujus radix exigua respectu plantæ, foris nigra, plures edit caules, pedales ab imo rubentes & læves, à medio (ubi plura simul folia in rotæ ferè speciem hærentia) ad summum usque virentes, & hirsutos, foliis brevibus, rotundioribus, alternatim dispositis vestitos, [circa imum foliis denudantur Characiæ ritu.] E summis foliis alæ aliquot exeunt, cava folia rotunda in cacumine gerentes, ex quibus bina alia, petiolis juncis infidentia exeunt, cava pelvicularum modo; in quibus flores ex herbaceo lutei, quatuor foliolis constructi Lunæ effigiem exprimentibus nuper crescentis, corniculis extrorsum converfis, gibbis intro spectantibus & tibi invicem admotis, flaminibus intus quatuor luteis, ex quorum umbilico exit stylus in summo fructum sustinens deorsum nutantem, trigonum, apicibus aliquot in summo villosum. Folia mollia, hirsuta, cinerea ex viridi, latitudine ferè unciali, & longitudine quadruplo majora, reliqua verò minora eadem proportionem. Comæ basis quinquefoliata est, quinque etiam petiolis cacumen divisum, in quo flores & fructus comam effigiant ut in aliis.

In valle supra D. Mariæ sanitatis Neapoli reperit Columna copiosam, Martio mense florentem, Locus. inque Asprensis Sabinorum vallibus. Loca diligit parum umbrosa, edita, atque humentia.

Accedere videtur hæc planta ad Tithymalum Characiam nostratam vulgarem. At verò florum petala lunulata non sunt huic speciei propria, sed aliarum nonnullarum communia.

42. *Tithymalus verrucosus J. B. verrucosus Dalechampii Park. myrsinites fructu Verrucæ similis C. B.*

J. B.

Plures hujus radices, tenues, in unam tandem coeunt, minimi digiti crassitudine, ac etiam majoræ, lignosam, cubitalem ferè, cortice externè nigro, internè albo, lacte viscido prægnante: virgæ multæ, lentæ & fractu contumaces, tenues, subrubentes, pedales ac etiam cubitales, alternatim adnata folia sustinent, deorsum ferè secundum caulem reflexa, uncia longiora, semunciam ferè lata, tenui lanugine oblecta, magis tamen infra quàm supra, quò fit ut inferior quoque pars magis quàm superna albicet: inferiora folia interdum rubent, necnon etiam superiora. Flores in umbella flavescunt, foliolis peltatis, ut Umbilici Veneris primulum à satù è terra prorumpentis: quibus succedunt capitula rotunda, crispo ceu arenularum minutissimarum congestu, aut verrucarum instar asperata, quæ matura ubi se aperiunt in tres partes dividuntur, in quibus terna semina, colore & figurâ ferè similia Gallitricho medullam habentia albam, oleaginosa valde.

In aridis & sabulosis gignitur propè Lugdunum ad Rhodani fluentem. J. B. Nos circa pagum Thu- Locus. iri duabus à Geneva leucis invenimus, & in Germania aliquoties.

43. *Peplios altera species C. B. Tithymalus Epithymi fructu Col.*

Col.

Saxorum rimas, montium & vallium incolit hæc planta, perenni fruticans radice, pluribus tenuibus ramulis, pedalis, in imo lignosis, rubentibus amplam comam efformans. Folia alternatim exigua, Lino æmula, in imo minora hærent, & circa summum semper majora latioraque, ut propè capitula sint ferè rotunda, Helioscopii modo, sed minora. Comam profert ex basi quinquefoliata, Tithymalorum ritu, & flores non ex pelvicularum cavis, sed ex binis oppositis foliolis distinctis brevi petiolo producuntur, quinque rufescentibus foliolis compositi, ex quibus longo petiolo fructus eriguntur, criniti, orbiculati, Ciceris vegetioris magnitudine aut magis crassi, hirsute obducti, pulvis Cynorrhodi, aut potius Cuscute pares: quibus ob siccitatem hiantibus terna semina inveniuntur, cellulis distincta ut in congeneribus. Ramuli à medio ad summum virentes teneioresque sunt, & folia mollia ex cinereo virentia. Tota planta acri lacte turget.

Maior mense floret, & æstate perficitur.

Tithymali verrucosi species est, à præcedente tamen, ut mihi videtur, distincta.

Tempus.

In floribus descriptione vel Autoris vel Typographi errore pro quaternis foliis quinque positum est.

44. *Tithymalus*

44. *Tithymalus folio longo glauco, caule rubro, capsulis verrucosis, elatior, Siculus.*

Elatior & major est multò Tithymalo verrucoso vulgari, foliis longis, dimidiam plus unciam latis, in mucronem acutum sensim desinentibus, in caule crebris, alternatim positis, colore glauco. Caudex cubitales & altiores, teretes, rubentes minores seu graciliores multò quàm Tithym. Characiz Montpellierensis, foliis minùs crebris obfiti, nec ut in illo abscedentibus & vestigia sui relinquentibus. Propè summum caulem ramuli aliquot è foliorum sinibus exeunt, in quibus ut & fastigio caulis florum coma qualis in aliis sui generis. Flores eorùmq; pediculos & acetabula describere negleximus; in sicca autem non possunt discerni. Fructus verrucosus est.

Locus.

Propè Messanam invenimus.

## CAP. VI.

## De Euphorbio.

**E**uphorbium unde dictum sit nos docet Plinius lib. 25. cap. 7. Invenit (inquit) Rex Juba quam appellavit Euphorbiam medici sui nomino & fratris Musæ, à quo Divus Augustus conservatus fuit. Lege, monente Jo. Bodæo, frater is fuit Musæ.

\* 3. 37. 70.  
vires. 8.

Dioscorides Euphorbium Libycam arborem esse scribit Ferulæ specie; Plinius foliis Acanthinis spectari ait: \* Galenus spinosam arborem dixit; quod (inquit Stapelius) experientia comprobatur. Verùm quam pro Euphorbio proponit Dodonæus herba potius esse videtur quàm arbor.

Bodæus à Stapel Dodonæum tenellam plantam describere ait Euphorbii nomine, Lobelium adultam Cerei spinosi titulo, vidisse se tenellam bis in Horto medico Lugduno-Batavo; adultam semel ibidem.

At neque Euphorbium Dod. neque Cereus spinosus Lob. five diversæ sint plantæ, five una & eadem, vera & genuina Euphorbiæ plantæ sunt: Ea enim est quam describunt Horti Malabarici Auctores sub titulo *Schadida-calli*. Quæ quoniam notis præcipuis succo lacteo acri, & vasculo seminali tricocco cum Tithymalo convenit ei merito subjungitur; quamvis flore, si rectè describatur, pentapetalo ab eodem differat.

Ut olim, ita nunc dierum Euphorbium è mediterraneis Africæ à mari remotissimis delatum est.

Falsum est quod de fructu refert Leo Africanus, & Jul. Scaliger, exire eos è radice cucumerum specie, sed oblongos adeò, ut binos interdum pedes expleant, viginti aut viginti quinque numero, qui ubi maturuerint ferro punctum aperiuntur.

1. *Euphorbium vulgò sed falsò creditum. Euphorbium* Ger. Park. C. B. *Euphorbii tenella planta* Bod. à Stapel.

Bod.

Huic folia longa, crassa, virentia sunt, in rotunda ac tereti nonnihil plana figurâ angulosa: cucumerem referrent si non anguli & eminentiores partes albicantibus spinis plurimis duplici ferè ordine obsiderentur. Effluit ex his vulneratis liquor vehementer acris & mordax, facilè concretens. Folia exsiccata ex cinericeo albicant.

Vires.

Euphorbium est succus concretus acerrimus, non tamen plantæ descriptæ sed paulò inferius describendæ titulo *Schadida-calli*. Genera Euphorbii duo sunt. 1. Sarcocollæ modo pellucidum, flavum, Pisi magnitudine, in guttas æquales densatum, modicè cavernosum. 2. In utriculis quibus excipitur in massam densatur candicantem, aut vitri colore. *Schrod. è Dioscor. Dos. à. gr. ij. ad x.*

Eligendum est purum, translucidum, candidum aut flavum & acre, quod levi linguæ contactu os accensum diu detinet, Annotinum, nimirum per ætatem perfectionem suscipere creditur, acrimoniam cum tempore mitiore redditâ. Recens improbandum, ceu virium violentiâ suspectum.

Insignem quidem vim obtinet serum ac aquas ex toto corpore purgandi. Verum enimverò non sine violentia ac molestia, quam præter substantiæ proprietatem malignam, vi inflammandi exerit. *Schrod.*

Monet C. Hofmannus non tutum esse Euphorbii usum interiorem ne in visceribus refrigeratis. Monet autem, 1. Nè detur ulli calido & sicco, præsertim in morbo tali. 2. Nè tenuerit pulverisetur; contra enim quàm in Colocynthide faciendum esse.

Euphorbii usum egregium in carie ossium & vulneribus vide apud *Fabric. Hildanum & Wisemanum* nostrum. Sed cavendum est nè inspergatur ulceribus faucium, narium, palati ac linguæ, aut iis locis ubi tendines aut nervi patent & denudantur, nè mordicando & vellicando symptomata periculosa excitet. *D. Tancr. Robinson.*

2. *Cereus Peruanus spinosus fructu rubro, nuci magnitudine* C. B. *Cereus spinosus* Ger. *Cereus spinosus Americanus* Park. *Euphorbii adulta planta five Cerei effigie Lobelii* Bod. à Stapel.

Lob.

Haustas surrigit quaternas & quinas, novendecim & viginti cubitorum, virgatis & ad normam directis striis canulatas: in externis extantibus striarum angulis obtusis exseruntur stellulæ, corneis stilibus radiatim è suo centro quoquoaversum minacibus, uno duntaxat prominulo horsum, eque directo longius tota quandam effigiaturam Echino-melocacti præfert & concolorem superficiem, sed brachium æquabili ductu æquante; Columellæ aut Cerei funalis prælongi instar. Ejus è medio & striarum



arum dorsis, anstatim, angustiore cervice, cucumeris ventre, surriguntur brachia terna, quasi folia teretia, crassa, eundem commensum proportionis & figuram sortita. Intus torulus ligneus prædurus, carpi crassitie, obductus est callosâ carni & succo Aloes: gummeo enim turget perquam amaro lentore. Flores in fastigio summo promit, referente qui attulit, Digitalis purpureæ. Fructus hilari purpura miniata rubet, Ficus ferè effigie, gustu non insipido.

Bodæus ut diximus, hanc plantam à præcedente non aliter differre scribit quàm ut juvenem ab adulta.

### 3. Euphorbium verum Antiquorum, Schadida-Calli Hort. Malab.

Frutex est altitudine duorum hominum, nascens in arenosis, radice crassâ, rectâ in terram descendente, fibras hinc inde emittente, intus lignosâ, cortice exterius fusco, intus candido & lacteo tectâ. Stipes qui ex radice simplex exoritur, diversis nodis distinctus, ac inter nodos in tres oras angustas eminentes, quæ planis lateribus terminantur extenuatus; in oris angulis extuberat, inter angulos sinuatus, & in angulis spinis rigidis, acutis & rectis fuscis & nitentibus, quæ binæ & binæ, ac cuspidibus à se mutuo averfis prodeunt, munitis, cortice crasso, exterius viridi-fusco, etiam cum est vetustior, vestitus: intus sub cortice pulpâ humidâ & albicante; nullo ligno; ex qua, ut & è suo cortice inciso lac copiosum emanat. Folia in oris in extuberantibus angulis, supra ex spinis surrecta prodeunt, & quidem rara in singulis angulis unum numero in uno parvo, crasso plano, viridi ac lacteo pediculo, suntque minuta, rotunda, crassa, lactea, nullis striata venis, oris versus spinas nonnihil inflexa. Flores in oris prodeunt maximè ex sinibus cavis inter angulos extuberantes seu spinarum ordines intermediis ex parte eorum profundiori, terni simul in uno pediculo parvo, ferè semidigitali rotundo, viridi, lacteo, crasso, ex sinibus rectâ exsurgente, qui duos minores pedunculos laterales transversim versus oppositas partes emittit; èstque medius flos pedunculo communi infidens, reliqui duo pedunculis lateralibus: constant autem foliis quinque curtis, crassis, solidis, rigidis, planis in superiore parte, medio corculo rotundo-plano, piloso, exterius ex viridi flavo circumpositis; suntque etiam lactei & viridi-diluti seu ex viridi subflavi coloris odoris nullius; habentque in medio stamina quatuor, quinque aut sex, surrecta, bifurcata, supernè rubra, quæ ex corculo inordinate prodeunt, suntque etiam lactei. Floribus prodeuntibus folia decidunt. Fructus qui ex florum corculo medio pedunculo surrecto, crassilo, semidigitali, rotundo & viridi prodeunt, sunt plani, ac tribus eminentibus rotundiolis ungulis constantes, lactei ac colore viridi, dein ex parte parum rubescentes, saporis quoque adstringentis, continentque in unoquoque angulo, tanquam propriâ capsulâ semen, quod rotundum est ac cinereum, intus albicans.

Tota planta lactiflua est lacte acri & linguam adurente: semel in anno floret, Januario aut Februario maximè. Tempus.

Jo. Commelinus qui in Horti Malabarici Partem secundam commentatus est, hanc plantam verum esse Euphorbium se exinde scire scribit, quod sibi frustum hujus cum gummi ex Barbaria fuerit allatum, & deinde invenerit complures capsulas seminales, flores & frusta plantæ in succis coriaceis inter Euphorbium.

Videtur autem Malabaribus modus colligendi gummi esse incognitus, & lacteus succus Medicis tantum esse in usu.

Non est ergo cur C. Hofmannus fabulosum putet, quod Cordus 4. Hist. 108. tribuat huic plantæ fructum in trifido folliculo, ternis utriculis conjunctum, Lathyridi similem.

### 4. Esula Indica Bontii.

Bont.

Præcedenti plantæ affinis & similis esse videtur. In tantam (inquit) altitudinem assurgit ut ingentes arbores scandat, crassitudine sæpe brachiali & amplius: plena est spinosis extuberantiis, quæ tamen utpote molles puncturas non inferunt, folioli hinc inde excrecentibus quæ admodum similia sunt foliis Sedi majoris vulgaris. Caule est trigono, quo vulnerato succus lacteus qualis ex Esula desultim exit; ut nili tibi caveas facile vestem, & quod pejus est, faciem & oculos commaculet, quibus propter vim causticam admodum inimicus est.

Ex hoc succo conficimus extractum utile ad Cachexiam, hydropem, paralyfin & reliquos stupidos & frigidos affectus, qui levi pharmaco non moventur. Vires.

Ab hac planta neque formâ, neque figurâ, neque crescendi modo differt ea, quæ lachrymam istam flavam à se emittit, quæ Officinis nostris Gutta Gemou corruptè dicitur, Indis Lenan Cambodia vocatur; quod in Cambodia vicinâ Chinæ regno Provincia proveniat, ubi etiam copia Aloes hepaticæ exprimitur. Succus hic præparatus longè tutius quàm crudus sumitur; nam eo modo vomitivam suam & infestam ventriculo facultatem maxima ex parte deponit. Modus autem præparandi talis est. R. Gutt. Cambodiæ lbj. contundatur grosso modo: contusa inf. in vitrea phiala capaci, in aceto acerrimo destillato, ut materiam superet tres digitos circiter, expone dein Solaribus radiis qui propter fervorem nobis in multis ignis Chymici ulum præstant: post octo aut decem dies rursus arctissime coletur, & rursus f. a. inspissetur in extracti debitam consistentiam. Hujus extracti gr. 12. ad 20. exhibentur in forma catapotiorum solida, vel vino diluta, & sic materiam peccantem educunt copiosè & sine molestia per alvum solummodo: Hoc extractum ego longè prætulerim Scammonio in his calidis & humidis regionibus.

De viribus Schadida-calli apud Horti Malab. Auctores hæc habes.

Ex radice addito pauxillo Asæ foetide vulgò Emplastrum, præparatur, quod ventri puerorum pro lumbricis commodè superimponitur. Cortex radicis contritus & sumptus cum aqua purgativus est. Lignum ejus contritum & decoctum cum aqua juvat in doloribus podagræ, si ejus fumus seu vapor excipiat in parte affecta.

CAP.





sefe superiore parte dividentes, qui florem sustinent hortensi similem, minorem tamen, & ex luteo pallecentem, deinde *capita* quadrangula, multò quàm præcedentis minora, in quibus *semen* continetur exile, nigrum, acre. Frigoris valde impatiens est.

In agris sterilibus non circa Monspelium tantùm, sed per totam Narbonensem Galliam invenitur. Siccis petrosisque & Sole adustis locis (inquit Clusius) sponte nascitur, tum in Hispaniis, &c. Floret Junio & Julio: Semen Augusto maturum est. Locus & Tempus,

Tota planta gravissimi odoris est, tantæque acrimoniæ ut per triplices chirothecas ad legentis manus penetrare non semel expertus sum: & siquis quâ eam decerpit manu faciem demulceat, ilico vehementem inflammationem excitat, quemadmodum rectissime scripsit Dioscorides. Vires & Usus.

Ruta (inquit J. Bauhinus) ut experientia testis est, ferculis abdicatur, nec culinæ servit, propter injucundum quem habet odorem, & saporem quem obtinet ferventem, quo homines graviter afficit. Quia tamen omni veneno resistit, ideo peculiaris fit pauperum Theriaca. Est enim tantarum virium, ut eas neminem satis describere posse arbitratur Tragus.

Ruta omnis digerit & incidit viscidos & crassos humores, flatu discutit, à peste aliisque affectibus malignis præservat, visum acuit, somnia venerea arcet & lasciviam reprimat, pleuritidi medetur, imbecillitatem ventriculi corrigit, colicam discutit, morsum canis rabidi curat, menses & urinam movet.

Extrinfecus ejus usus est in ictibus serpentum, carbunculis, febrium paroxysmis arcendis (inunct. dorso) cephalalgia ex crapula, hemicrania, in febribus malignis (pro epithemate pulsum cum sale & aceto) in dolore capitis, febrium ardentium ac malignorum, (similiter pedum plantis adhibita.)

Ob tria autem præcipuè celebratur Ruta, 1. Ob castitatem præservandam, & libidinem reprimendam, secundùm illud Scholæ Salernitanæ, *Ruta facit castum*. Cur autem *Ruta viris coitum minuet*, *mulieribus auget*, ratio est quòd viri calido sunt temperamento, mulieres frigido. Interim tamen an revera res ita sese habeat merito ambigitur.

2. Ob visum acuendum: quod & Schola Salernitana docet,

*Nobilis est Ruta quia lumina reddit acuta:  
Auxilio Rutæ vir lippe videbit acutè.*

Et alibi,

*Feniculum, Verbena, Rosa, Chelidonia, Ruta,  
Ex his fiet aqua quæ lumina reddit acuta.*

3. Ad pestem aliòsque morbos malignos & contagiosos præservandos & curandos. Vel vino indita, juxta illud ejusdem Scholæ Salern.

*Salvia cum Ruta faciunt tibi pocula tuta.*

Vel alio quovis modo usurpata.

Rutæ præparationes quasdam è J. Bauhini historia proponemus.

1. Rutæ conserva hoc modo fit. R. Comarum Rutæ recentis & foliorum ʒj. Sacchari albißimi ʒiij. Comæ cum foliis in mortario lapideo tundantur cum pistillo ligneo. Deinde iis optimè tuis Saccharum in pulverem tritum adjicitur, Rursus omnia simul tantisper tunduntur, donec in unum corpus redigantur, & deinde pyxide vitrea insolentur per mensem.

De hoc lume jejunijs contra pestem ʒβ.

2. Acetum ita conficies, R. comas cum foliis; Pone super linteum 24 horas, ut aliquo modo flaccescant: postmodum conscinde, phialam imple, superaffunde Vini acetum optimum, obtura & infola; Post duos menses cola & serva ad usum.

3. Ut Oleum conficias, R. Rutæ recentis incisæ & contusæ ʒiij. Olei veteris lib. i. Macera ad Solem aut in loco aliquo calido diebus quindecim, deinde in duplici vase coquito, & abjecta Ruta priori recentem injicito, & iterum quindecim diebus macerato, postea simili modo coquito, & tertio demum idem repete, & colato.

Si vel Oleum Rutæ, vel defectu illius expressum ex recenti Ruta succum capias, & instilles aliquot guttulas in aquam Graminis, Rutæ, Scordii, &c. & pueris propinaveris, feruntur certo experimento lumbrici ad unum omnes emori. *Sim. Paullus.*

Ad Epilepsiam, R. succi Rutæ ʒj. Mel. Scyllit. ʒβ. M. Est præsens remedium Epilepticis. *Valeriolæ.*

Sylvius Prax. L. 1. C. 46. S. 80. inter medicamenta antepileptica, quæ ibi ordine recenset, primum locum tribuit Rutæ tam hortensi quàm sylvestri, quarum utraque Sale volatili acri & mordicante, adeoque convenienti spiritus acidi correctorio turget. *D. Soame.*

Dolzæ etiam L. 2. C. 1. S. 19. consultat ut in Epilepsia Ruta digitis teratur & naso indatur quomodo applicandum Polium montanum; aliæque salia volatilia naribus admoveantur, quæ inserviunt abbreviando paroxysmo. *Idem.*

Et Fabric. Hildanus Observ. Centur. IV. Succum Rutæ in Epilepsia sibi in frequenti usu fuisse scribit, ejusque efficaciam & successum se non raro invenisse.

D. Bowle Syrupam è succo Rutæ paratum in omnibus capitis & nervorum affectibus summo opere commendat in Observationibus ad nos transmissis.

In mensium difficultate Anton. Mizaldus Rutam cum vino Hyssopi coctam & haustam commendat. *D. Soame è Dolzæ L. 1. C. 14. S. 14.*

Ad matricis suffocationem, R. Fol. Rutæ minutim incis. cum albo & luteo ovi agitentur & coquantur in sartagine in formam *Aumelette*, & calidè supra umbilicum applicentur. Experimentum erat cujusdam qui etiam ovorum testas imponebat.

Calculo

Calculo arenulisque pellendis efficacissimam deprehendi dec. Rutæ Sylvestris quam lapideam vulgo vocant. Achilles Gasserus Obl. 70. D. Soame.

5. *Ruta sylvestris flore magno albo* C. B. *Harmala* Ger. *Ruta quæ dici solet Harmala* J. B. *Ruta sylvestris Syriaca, sive Harmala* Park.

Fruticosa hæc est planta, multos ab una radice emittens cauliculos, pluribus ramis donatos, pedales, ex viridi nigricantes: in quibus folia oblonga, densa sive pingua & carnosa, saturè virentia, multifida, Anthoræ foliis non valde dissimilia, gustu lento, gummoso, amaro, aliquantulum tamen mordaci: flores in summis ramis candidi, pentapetali, multis in medio fibris luteis præditi, deinde capitula hortensis Rutæ capitibus majora, spoliata tamen quam illa & triangula, semine referta inæquali, anguloso, ex rufo nigrescenti. Radix dura est, minimi interdum digiti crassitudinem æquans, fibrosa, colore ex luteo pallecente. Tota autem planta graveolentis atque ingrati odoris est.

\* Observ.  
lib. 2. cap. 21.  
Locus &  
Tempus.

\* Bellonius ait arenosis circa Alexandriam Ægypti locis nasci. Plurimam in Castella nova circa Madritum & Guadalaiara collibus & lato solo provenire prodidit Clnsius: florere Julio & Augusto, semen Septembri maturescere. In frigidioribus regionibus vix aut raro admodum ad florem pervenit; est enim frigoris valde impatiens. Ruta aliquibus in locis excrescit in magnitudinem & proceritatem arboris æmulam. Ipsi etenim vidimus baculum satis grande è stipite Rutæ factum. Et Josephus Rutæ cujusdam Macharum in ipsa Regia plantatæ meminit quæ à nulla Ficu vel celtitudine, vel magnitudine vincebatur.

## C A P. VIII.

### De Plantagine.

**P**lantago à latitudine foliorum plantam pedis æmulantium dicta existimatur. Ἀγρυλλιον à linguæ agnina similitudine.

Hujus notæ genericæ sunt flores staminosi in spicas congesti; flosculorum tubi in vascula feminalia elliptica (quæ per maturitatem horizontali sectione in medio diffiliunt) intumescences; femina intus bina puliciformia.

Hujus generis aliz caulibus sunt nudis foliis vel latoribus & nervis insignibus Plantagines simpliciter dictæ, vel angustis, & in quibusdam speciebus dentatis aut lacinatis, Coronopi & Holosteï nomini- bus notæ: Aliz caulibus sunt foliosis, foliis angustis, binis oppositis, florum spicis è foliorum alis egressis, ut Psyllia.

#### §. 1. Plantago simpliciter dicta.

- A. 1. *Plantago latifolia vulgaris* Park. *latifolia sinuata* C. B. *latifolia* Ger. *major folio glabro non laciniato ut plurimum* J. B. *Great Plantain* & *Wap-bread*.

Radix ei digitali crassitudine, obliquè acta, brevis & velut abscissa, plurimas fibras albescentes in terram demittit. Folia lata, ad margines interdum propè pediculos nonnihil laciniata aut velut dentata, aliis aequalia, brevi lanugine hirsuta, quæ in teneris & primò erumpentibus admodum conspicua in explicatis & vetustioribus vix apparet, adeò ut omninò glabra videantur, septem nervis aver- sa præcipuè parte conspicuis distincta, pediculis longis nixa, quo ab Arnoglossò differt. Caudex ab eadem radice multi, teretes, hirsuti, breviores quàm illius, ad terram reflexi, verum spicæ florum multò longiores sunt, stamina breviora cum apicibus purpureis. Semina singulis flosculis succedunt bina.

Locus.

Ad vias ubique.

2. *Plantago latifolia minor* Ger. Tab. J. B. *latifolia glabra minor* C. B.

In omnibus excepta magnitudine præcedenti similis esse dicitur. Fortè strigosior in sterilibus nata planta Tabernamontano visa & descripta est.

*Plantago rosea* J. B. *rosea spicata* Ger. *latifolia rosea multiformis* Park. *latifolia rosea, flore expanso* C. B. *ejusdemq. latif. rosea, floribus quasi in spica dispositis. Rose Plantain.* J. B.

Plurquam pollicari radice perennat, folia per terram spargens Plantaginis latifolia, pilosa & nervosa: inter quæ caules surgit satis crassos, hirsutos, in quorum fastigio folia crebra, inferioribus dimidio minora, interiore orbita Alfine, admodum parva, virecentia, rosam deformant. Hæ foliolorum congeries aliquando in spicas longas pyramidales excurrunt. E foliolorum sinibus enascuntur flosculi & semina.

*Plantago*



*Plantago incana latifolia* Garret. *Clus. rosea exotica* Ger. emac. *rosea flore expanso* J. B. *latifolia incana* spiciis variis C. B.

Folia huic præcedentis, magis tamen incana, uti est & tota planta. Capita mirum in modum variant: nam quædam Rosæ Plantaginis capita æmulantur, alia spicæ instar sunt efformata, nonnulla ex media rosâ brevem veluti spicam produciunt, in quibusdam ex infima spicæ parte alia capitula dependent: alia aliter sunt efformata.

Videtur esse *Plantago incana* seu *Arnoglossus rosea*: & variè ludere in spicæ forma.

- \* 3. *Plantago maxima Hispanica*, quam Hispani caulescentem vocant Cornuti. *Plantago maxima tota glabra* C. B. *latifolia maxima* Park. *Plantago marina magna* J. B. *Great Spanish Plantain*.

C. B. prod.

Ex radice nigricante, fibrosa folia sex, septem, octo, glabra, carnosa, & nervosa, uncias sex longa, quatuor lata, pediculis pænè palmaribus, initio rubentibus donata, prodeunt: inter quæ pediculi nudi, tres, quatuor, quinque, bicubitales, atrorubentes, rotundi, striati, spicam pedalem sustinentes exurgunt.

Circa Monspelium reperitur, in maritimis versus *Perauli*, D. Magnol.

Locus.

Non video qua in re, præterquam magnitudine & caulium altitudine, à *Plantagine* majore latifolia differat.

Reperitur quoque foliis tenuibus, laciniatis, glabris, pedilibus, uncias sex latis; caule etiam superante, & ad spicæ exortum folia habente.

Cornutus pedalem foliis longitudinem assignat, latitudinem semipedalem, pediculum palmarem, colorem ex viridi obscure rubescentem.

Floret, inquit, apud nos sub exitum Septembris.

Tempus.

- A. 4. *Plantago major Panicula sparsa* J. B. *latifolia spica multiplici sparsa* C. B. *latifolia spiralis*, Park. *Plant. paniculis sparsis* Ger. emac. *Beslome Plantain*.

Sola differentia [inter hanc & latifoliam vulgarem,] in paniculâ spicatim sparsâ, onustâ innumerâ herbaceorum flosculorum racematim coherentium fecerit.

A Th. Johnsono Gerardi emaculatore in insula *Thanet*, & à Th. Willifello in eadem insulâ circa *Reculver* inventa est.

Locus.

- A. 5. *Plantago incana* Ger. *major incana* Park. *latifolia incana* C. B. *major hirsuta*, media à nonnullis cognominata J. B. *Hoary Plantain* or *Lamb's tongue*.

Radix crassa & velut præmorsa plurimis fibris è capite exeuntibus terram apprehendit. Folia resupina & terræ accumbentia, pediculis brevioribus quàm *Plantago major*, septem nervis insignioribus prædita, densâ & incana lanugine utrinque hirsuta, per margines æqualia. Caulis inter folia exeunt plures, pedales, teretes, hirsuti, nudi, minimè striati aut sulcati, in fastigio spicas sustinentes duos digitos longas, flosculis dense stipatis compositas, longâ & densâ coma staminum pallidè purpurascentium cum apicibus albis insignes. Vascula feminalia parva, subrotunda, singula semina bina Psyllis æmula sed minora continent. Flosculi summis vasculis insident, è quatuor foliolis acutis ardiusculis & velut membranaceis compositi.

In glareosis & ad vias passim.

*Plantago Salmanticensis* villosa seu incana lanuginosa *Clus.* quid differat à descripta non video, nisi quòd maxima anni parte caule viduam & floris expertem esse scribat.

Locus.  
*Plantago Salmanticensis*  
*Clus.*

- \* 6. *Plantago exotica sinuosa* Park. *peregrina sinuosa* C. B. *umbilicata* J. B.

Lob. Park.

Radix ei Plantaginis vulgaris simillima, spithamam longa, creberrimè fibrata: è cujus nodulo five basi, primo à satione anno, plantagineum, latum, unicum, admirabili naturæ opificio expansum, folium prodiit, paulatim propagando in latum gyrum umbilicatum excrecens, & *Cochlidis* instar per circuitum ascendens, in spiras duas tantum, aut semiternas convolutum, ac veluti ex pluribus conjunctis in unum contiguisque Plantaginis majoris foliis conflatum, spithamæ altitudinis aut pedalis ferè, cujus summum folium Plantaginis latifoliæ servat figuram, sinuosam tamen & rugosiorum. Folio hoc hyeme marcescente vere proximo plura folia exorta sunt arctè stipata, ac si plura folia in unum conjuncta essent, singula formam plantagineam gerentia, verum rotundiora & per margines sinuata & rugosa; è quorum medio caulis exortus est cubitalem altitudinem superans, summa parte capitula spicata, crassa, brevia, paululum compressa gestans, in quibus semina.

Semine à Casp. Pilleterio ad *Lobeliu* Monspelio misso succrevit Londini in horto J. Nismit Scoti, Chirurgi & Archibotani Regii.

- \* A. 7. *Plantago quinquenervia* Ger. *quinquenervia major* Park. *lanceolata* J. B. *major angustifolia* C. B. *Ribwort* or *Ribwort Plantain*.

Radix huic qualis latifoliæ: Folia longa, angusta, acuta, nervis quinque insignioribus longitudinem percurrentibus, hirsuta, minùs tamen quàm *Arnoglossi* dicti, & obscurius viridia, obiter nonnunquam dentata, aliàs per margines æqualia. Caulis pedales, nudi, striati & angulosi, ab eadem radice plures, semipedales & dodrantales, in cæcumine spicat gestant breviores & habitiores quàm latifolia

FFFF

latifolia vulgaris, è *flosculis* pariter dense stipatis compositis. *Stamina* longa tenuia apices sustinent majores, è luteo albos. Spica ab imo summum versus sensim floret, unde & pauciora una *stamina* apparent quàm in latifoliis; antequam floret nigricat secus quàm in illis, in quibus virescit. *Semina* Pſyllii majora & longiora quàm prædictis.

Locus.

In pascuis ubique invenitur.

*Plantago angustifolia minor* C. B. Park. *quinquenervia minor* Ger.

Parvitate sola omnium partium à præcedente differt. Qu. annon loco natali debeatur hæc diversitas.

*Plantago quinquenervia rosea* Ger. emac. *angustifolia rosea* & *multiformis* Park. *angustif. major* caulium summitate foliosa J. B. C. B. item *angustifolia prolifera* C. B.

Clus.

Multa ex radice promit folia Plant. angustifoliz foliis non dissimilia: inter quæ emergunt nudi pediculi seu potius cauliculi, summo fastigio sustinentes capita multis longiusculis foliis (minoribus tamen & angustioribus quàm ea quæ ex radice nata) constantia: deinde interdum ex illis foliis capitibus plures alii pediculi, quorum fastigio innascuntur spicarum loco alia foliacea capitula: prodeunt tamen & alii ex radice pediculi foliacea duntaxat capitula sustinentes.

Variant hujus capitula Rosas imitantia foliorum componentium angustia & latitudine: alia enim foliolis longioribus & angustioribus rariùs fitis componuntur; alia latioribus & brevioribus densius stipatis, concinniores & pulchriores Rosam efformantibus. Videfis descriptionem J. Bauhini.

Nos Roseam quinquenerviam Gerardi & C. Bauhini, & angustifoliam exoticam Clusii pro una & eadem specie habemus: utramque autem pro Plantaginis angustifoliz varietate.

8. *Plantago quinquenervia cum globulis albis pilosis* J. B. *angustifolia paniculis* Lagopi C. B. Park.

J. B.

Ex radice oblonga, fibris oblongis capillata & rufescente numerosa per terram spargit folia, quinquenervia hirsuta, coeuntibus pediculis in caput radices, ita ut propter tomentum coitus vix appareat. Cauliculi plurimi, aliquando supra viginti, alii erecti, alii supini, nudi, leviter hirsuti, rotundi, altitudine impares, alii palmares & spithamei, alii duas, tresve uncias non superantes capitula gestant tomento albo villoso iulos Salicis imitata [C. Bauhinus capitulis Lagopi ea comparat in quibus ad latera flosculi rufescentes, parvi, tenuissimis pedicellis infidentes conspiciuntur, quibus semen minutissimum succedit.]

Locus.

Circa Messaniam, Monspelium & Nemausum hanc observavimus.

\* 9. *Plantago angustifolia fruticans* C. B. Park. Clus. cur. post.

Park.

Folia huic quam Plantagini angustifoliz lanceolata albidiora; caules elatiores & lignosi, foliis exiguis vestiti: spicæ admodum breves, & quàm illius molliores.

Locus.

Nascitur ad ripas fluminum in Hispania, Boët.

10. *Plantago trinervia folio angustissimo* C. B. Park. *angustifolia Alpina* J. B.

J. B.

Ex radice crassiuscula, longa, [albicante C. B.] parùm fibrata, circa caput crassescente, folia oriuntur ad lanceolatæ Plantaginis folia accedentia, sed multò angustiora, & trientem circiter uncie lata, sesquipalmaria, quinquenervia [C. Bauhino trinervia] parùm hirsuta, nigricantia, solidiuscula. Caules plures exurgunt, ad radicem hirsuti, [aliquando villosi, glabri nonnunquam C. B.] foliis longitudine æquales capitula gerunt semuncialia, Plantagineis nigriora.

Locus.

Nos cum J. Bauhino hanc in monte Thuri invenimus. C. Bauhinus sæpius ad vias, maximè ad rudera, suam notavit.

*Plantago trinervia altera minima montana incana* Col. *trinervia montana* C. B. Park.

A nostra foliorum canitie præcipuè differt, in reliquis satis convenit, ut vix dubitem eandem esse. Lector si placet descriptiones invicem conferat.

11. *Plantaginella aurea Alopecuroides Brasiliensis foliis gramineis* Breynii.

Breyn.

Radix ei exigua, mille fibris niveis comata: Foliola multa, graminea & angusta Graminis Luzulæ minoris J. B. sed omninò glabra, in orbem diffundens: ex quorum gremio coliculi quinquaginta vel plures profiliunt, tenuissimi, plantæ exilitatem globulis oblongiusculis lanuginosisque Plantaginis angustif. paniculis Lagopi minoribus uberimè compenantes, singuli singulis coliculis triuncialibus vel brevioribus infidentes, compositi ex pilis lenissimis leucophæi coloris, inter quos flosculi flavi permixti, summâ amoenitate, veluti punctula aurea, emicant, quod jucundissimum huic plantulæ in Brasilia vigenti aspectum conciliat.

Vires.

\* 6. Simplic.

Plantago (ut habet \* Galenus) aquosum quiddam frigidum obtinet, & quiddam austeri, quod terreum est, & siccum, ut refrigeret simul ac siccet. Vulneraria est herba. Usus præcip. in fluxionibus cujuscunque generis, v. g. alvi, expuitione sanguinolenta, gonorrhoea, mictione involuntaria, mensium profluvio, &c. Extrinsecus in mundandis consolidandisque vulneribus & ulceribus. Schrod.

R. Radicum



R. Radicum Symphyti majoris recentium uncias sex, foliorum Plantaginis manipulos duodecim. Horum succo expresso unâ cum radicibus prædictis sufficienti quantitate Sacchari exceptis, & in mortario lapideo aut ligneo contusis fiat Electuarium. Adversus vomitum aut expuitionem sanguinis nullum certius & præsentius remedium. *D. Boyl. de Utilitate Philosoph. nat. part. 2. p. 150.*

Succus Plantaginis vel merus, vel cum succo Limonum mixtus insigne est diureticum. *D. Needham.* Ipse recordor quendam ex impuro concubitu gonorrhœam cruentam sibi parâsse, post universali-um usum solâ Plantaginis essentiâ in decocto Sarsæ & Sassafras dilutâ restitutionem in integrum esse consecutum, cum parum abesset quin nescio cujus partis deminutionem pati coactus fuisset. *S. Paul.*

Radix lora, recens ex terra extracta, tantillum cultro rafa, auris meatui indita observatur instar incantamenti quandoque dolores dentium sistere. *Sim. Paulli.*

Herniis videt in Hydropè intumescens cruribus plantaginem aquaticam humorem in vesicas evocasse, quæ maximam vim aquarum profundebant. *Idem.* Ad febrium chronicarum rigorem, R. succi Plantaginis q. l. bibatur cum aqua mellis. Est mirabile medicamentum, inquit *Bayrius.*

In hernia & umbilici eminentia cataplasma Joelis commendatur, quod conficitur ex Arnoglossa & Musco qui supra frutices Prunorum sylvestrium nascitur: simul in vino cocta & contusa instar cataplasmati imponantur.

Non diffiteor æquè feliciter consolidatam fuisse non solum puerorum, sed etiam natu majorum, imò honestissimarum matronarum umbilicalem herniâ à Plantagine seu Arnoglossa & musco Quercino quàm ab illo qui Acaciam German. seu Prunum sylv. investit: sed ille, qui tener & friabilis al- bicat, & qui non trunco sed frondibus Quercus innascitur, qui *æquus* est, nec terram sapit, nec re- dolet. *Simon Paulus.* Ex excerptis *D. Hulsii.* Hæc omnia. Mulierculæ Gallicæ toto gestationis tempore ad abortum præcavendum singulis ferè diebus sumunt sem. Plantaginis 3ß. in jusculo aut ovo, & non sine fructu. *River. præf. pag. 479.*

Quidam cum per mensem gonorrhœâ laborasset, in fluxum sanguinis è pens incidit; quapropter petiâ intinctâ in Aq. Rosarum & aceto applicatâ fuere; à quibus nihil fuit adjutus, tandem jussimus succum Plantaginis per Syringam immitti, Unguento Comitissæ renibus applicato, cessavitque fluxus. *D. Soame ex Observ. Hieremiz Martis.*

Ego curo puellas impetigine laborantes butyro loto in aqua violarum: post hoc butyrum misceo succo Plantaginis, & linitur facies. *D. Soame ex observationibus Marcelli Cumani ab Hieronymo Velschio editis. Observ. 21.*

## §. 2. *Plantago Coronopus dicta.*

Coronopus, id est, Pes cornicis, dicitur à foliorum figura; quæ ita in orbem disponuntur ut eum quadantenus repræsentent.

Differt à Plantagine foliis angustis, & in nonnullis speciebus dentatis seu laciniatis.

1. *Plantaginellæ affinis Bibinella Siciliæ herbula Cæf. J. B. Coronopus foliis acutis in margine den- tatis nobis. Coron. Prochyta insulæ Col. Park. Coron. sylvestris hirsutior C. B. Plantago an- gustif. serrata Clus. Park.*

*Cæf.*

Minor est Lanceolâ & viridior: *Folium* medio quodam modo se habet inter Lanceolam & Planta- ginem; parvis circumquaque apicibus ut Coronopo, frequentioribus. *Coliculos* fert palmares, ple- nos semine ut Plantago. Herba assumitur inter olera.

Huic omnino eandem puto *Plantaginem* illam alteram *angustifoliam* Clus. cur. post. quæ circa Hi- spalin crescit, cui à radice multa exeunt *folia*, valdè serrata & quodammodo aculeata: inter quæ dodrantes emergunt pediculi, sustinentes oblongam florum spicam instar Holoistei ferè.

Coronopum Prochyta insulæ sic describit Columna. A vulgari differt foliis parùm latioribus car- nosioribus, hirsutis admodum, atque parum asperis, dentibus sequenti plantæ similioribus. Cætera non differt à vulgari.

Propè Messanam in lingula illa quæ portum efficit, & alibi in Sicilia invenimus.

*Locus.*

2. *Plantago Apula laciniata bulbosa Col. Apula bulbosa Park. pilosa bulbosa C. B.*

*Radice* (inquit Columna) nititur crassis admodum fibris composita, Ellebori crassioribus, longis, semipedalibus, nigrescentibus, corosis, tenuibus capillamentis adhærentibus terram undique amplex- antibus, è crasso, rotundo veluti bulbo Avellanæ nucis magnitudine dependentibus: Ex quo *folia* multa in orbem in terra strata, Plantaginis quinquenerviæ similia, ambitu verò Coronopi vulgaris modo incisa, dentata magnis lobis, inter quos alii sunt intermedii, parvi admodum, Coronopo ma- ritimo Prochyta insulæ rupibus frequentissimo similia, pariter hirsuta, sed minùs aspera. Thyrsos emittit ætate plures (septem invenimus) pedales, teretes, tenues, quorum tertia aut major pars in spi- cam teretem floribus Arnoglossæ modo refertam abit, *staminibus* pallentibus dependentibus.

Copiosa hæc in incultis Apuliæ præsertim Cirinolæ, quibus pro Armentorum pascuis utuntur.

*Locus.*

3. *Coronopus vulgaris sive Cornu cervinum Park. Coronopus bortenensis C. B. Coronopus sive Cor- nu cervinum vulgo spica Plantaginæ J. B. Buchs-horn Plantain. Cornu cervinum Ger.*

*J. B.*

Utplurimum tenuis est *radix*, adultior tamen digiti crassitudine reperitur; alba, vix ullo excellen- ti sapore exceptâ adstrictione. *Folia* statim à radice crebra, longa, angusta, nervosa, in laciniâs ali- quot laterales, ceu cervini cornu ramos, unde nomen, divisa, sapore nonnihil adstringente. Inter hæc *caules* surriguntur Plantaginis, rigiduli, tenues, teretes, hirsuti, dodrantes & cubitales, thyrsu- lum Plantagineum sustinentes, *flores* & *semen* Plantaginis proferentem.

In hortis colitur, nec aliter à sylvestri differre videtur, quàm magnitudine aliisque accidentibus à cultura ortis.

Qui sponte provenit folia per terram spargit numerosa in orbem, Coronopi vulgaris modo, divisis & laciniis crebrioribus, longioribus, rigidis pilis hirta, eoque nomine ferè incana: in umbilico ad foliorum veluti radiorum in centro concursum multa lanugo, mollis, candida. *Cauliculi* complures, palmares & dodrantes, rigidi, asperi, hirti spicam gerunt Coronopi vulgaris spicæ similem. *Radix* singularis, fibrata, crassiuscula, mediocriter longa, lignosa matrice farcta, C. Bauhino Coronopus sylvestris hirsutior appellatur: non est tamen Coronopus Prochyta insulae *Columnæ*, ut nobis videtur.

Locus.

Nascitur (ut rectè Dodonæus) locis incultis, aridis, præsertim arenosis & glareosis, in Anglia frequentissimè. Quoniam arenosa loca amat in maritimis ubique ferè reperitur.

- \* 4. *Coronopus minimus tenuifolius maritimus* Col. *marit. tenuif. lævis* C.B. *tenuifolius maritimus* Park. Col.

Hanc plantulam invenit Columna in mœniis & locis contra *Cestrum Ovi* dictum Neapoli, *Folia* in terram stratis, exiguis admodum, ut maritimi Abrotani foliorum laciniis latitudine suâ minimè superarent, quatuor uncias longis, tribus utrinque barbulis dissectis, longis, incurvis, effigie laciniatam nobis dictam *Tragopogona* referentibus; sed longè minoribus: *radice* vulgari simili sed minore; *Thyrsum* spicatis non dissimilibus, qui exsiccati in terram procumbunt, eodem modo quo in congeneribus; sapore astringente. Tota planta lævis est, nec hirsuta.

*Coronopus min.*  
*Marit. hirsutus*

Suspicio hanc plantulam non differre specie à Coronopo vulg. sed ratione loci tantum: observamus enim in maritimis & humidioribus locis convenientem foliis lævibus variare.

Ejusdem farinae est & *Coronopus maritimus minimus hirsutus* C. B. *Park.* cui *folia* in tenues lacinias Scabiosæ minoris sive *Stœbes* foliorum instar divisa, parvitate sola à Coronopo sylv. vulgari diversa.

- A. 5. *Plantago marina* Ger. *marina vulgaris* Park. *Coronopus maritima nostras* J. B. *maritima major* C. B. *Sea-Plantain.*

*Radix* brevis, nigricans [at Parkinsono longa, albicans] crassa, fibris aliquot donata. *Folia* quàm in Coronopode vulgari crassiora sunt longè, & succulentiora, strictiora, interdum penè juncea, plerumq. ad margines æqualia, nec ullis dentibus donata, interdum tamen uno vel altero; quadrantalia acetiam palmaria, sapore salo: *flos* purpureus, spicatus vulgati, ut & *semen*.

Locus.

In maritimis & salis palustribus ubique ferè per Angliam reperitur, ubi luxuriat valdè, foliis prælongis, obiter dentatis; spicis etiam longis. In Cornubia & Episcopatu Dunelmensi etiam procul à mari copiosè provenit, ubi foliis est angustioribus & brevioribus, nullis denticulis, spicis etiam brevioribus, ut minus attentis facillè possit imponere pro diversa specie.

Holosteum à mollitie foliorum & capitum per antiphrasin dictum volunt, ut fel dulce *Plin. lib. 27. cap. 10.*

6. *Holosteum Plantagini simile* J. B. *Salmanticense primum* Clus. *hirsutum albicans majus* C. B. *Salmanticum* Ger. Park.

J. B.

*Radix* huic longa, crassa, nigricans, lignosa, plurium capitum: *folia* per terram sparsa, tota alba, hirsuta & tomentosa palmaria quædam, quædam multò minora, non totam semunciam lata, quinque nervis per longum distincta, gustu adstringente; exsiccata convolvuntur & in acumen definunt: *caules* spithamæ aut breviores, [reperiuntur etiam cubitales] similiter hirsuti, *thyrsum* gerunt longum aliquot unciarum, interdum unius, Plantagini & Cornu cervino *floribus* & seminibus similes.

Locus.

Circa Monspelium in aridis olivetis & ad vias. Clusius aridis collibus Salmanticæ vicinis observavit, ubi flores proferebat Maio. Monspelii floret Aprili & Maio, & nonnunquam Autumno. Frigoris impatiens est.

- \* 7. *Holosteum Salmanticense minus* Clus. *Crescit iisdem in locis, foliis Psylli foliorum latitudinem non excedentibus, longioribus tamen & minus incanis, in cæteris prorsus simile est præcedenti. Diversæ sint species Holosteum majus & minus Clusii asserere non ausing.* J. B.

Holosteum Alpin. exot. non multum differre videtur à Salmanticensi Clus. *folia* longè ferè affirmat Alpinus & icon quam exhibet demonstrat.

8. *Holosteum strictissimo folio majus* C. B. *Holost. angustifolium majus sive Serpentaria major* Park. *Coronopus* Ger. *Coronopus Serpentina* J. B.

J. B.

Insignis crassitudinis & longitudinis est *radix*, in capita aliquot subinde divisa, ex qua foliorum seges magna pullulat, longitudine Coronopi esculenti, sed latitudine trientem aut quadrantem non adæquantium: *Caules* inter ea plures, palmares & altiores, nudi, enodes, thyrso Coronopi insignes.

Locus.

Provenit in montibus Gallo-provinciæ, Arvernæ, & passim in Italia, autore Lobelio.

- Coronopus Massiliensis Lobelii Serpentaria fortè varietas* J. B. *Coron. sive Serpentaria minor* Ger. *Holost. Massiliense* C. B.

Lob.

Dentissimo sparsoq. foliorum stipatu luxuriat, Sedi minimi saxei montani vel Pinaestri ritu, positu & rigiditate; innumera etiam sobole cauliculorum dodrantalium *semen* pusillum Plantaginis aut Serpentinæ vulgaris spicis includentium. *Radix* longiuscula, lignosa, crassior, gustu nonnihil calida aromatica.

Collibus



Collibus & cautibus Massiliæ vicinis ad Maris allusiones inter Tragacantham passim luxuriant.

Locum.

Mihi sanè videtur (inquit J. Bauhinus) iconem Lobelii esse lusum Coronopi Serpentinae, & non respondere descriptioni Lobelii quæ videtur convenire nostro Coronopo maritimo Rainaudeti.

Titulus Lobelii, nimirum *Coronopi & Sedi montani media planta Massiliensis* optimè convenit Coronopo maritimo Rainaudeti J. B. qui quidem in arenosis ad mare propè Massiliam copiosè provenit, non tamen icon, quæ (ut rectè J. Bauhinus) videtur esse Coronopi serpentina: icon Serpentinae omnium minimæ Lob. melius convenit Coronopo illi maritimo Rainaudeti dicto J. B. at folia cauliculis perperam appicta sunt.

Ego equidem duas duntaxat dari Coronopi strictissimo folio species suspicor, nimirum Coronopum serpentinum J. B. dictum, & Coronopum minimum maritimum Rainaudeti ejusdem.

\* 9. *Coronopus serpentina omnium minima* J. B.

Radice est crassa: caulibus verò & floribus Coronopi serpentinae, sed foliis latioribus. A J. Bauhino mense Junio Burmii Rhatorum collecta est. Eadem videtur præcedentibus.

Dubitat J. Bauhinus an tres plantæ quas figuris exhibet Lobelius ab invicem sint distinguendæ, vel non potius varietates. Hæ sunt, 1. Serpentina Adv. Coronopus sylvestris five Serpentina Matthioli Obs.

2. Coronopi & Sedi montani media planta Massiliensis Ad. quoad iconem.

3. Serpentina omnium minima Obs.

10. *Coronopus maritimus Rainaudeti* J. B.

J. B.

Huic radix sesquipalmaris, crassa, fusca, ficca, insipida, è qua innumeri oriuntur radiatorum foliorum stellæ, tali verò ferè dispositione, quam in Phyllo Dalechampi videmus vel Erica Matth. confertiorum, repandorum, semunciâ breviorum, angustiorum quàm Serpentinae Matth. Radiorum umbilicus totus villosus, Lupini latitudine, è quo coliculus exit uncialis, nudus, hirsutus, thyrso ferè totus obsessus.

In arenosis ad mare propè Massiliam invenimus.

Locum.

\* 11. *Coronopus Siculus fruticosus platyphyllos* Bocconi.

Boc.

Nihil differt ab aliis Coronopi speciebus hic nisi quòd crassa, radice, atque in summo multipliciter brachiata quasi frutescat. Ei folia sunt hirsuta, lata, brevina, paululum in ambitu divisa, quæ densò cespite plantam coronant.

In plaga maritima Braxetto dicta propè Pachynum promontorium videre licet.

Locum.

An differat specie à præcedente dubito.

\* 12. *Coronopus maritimus roseus* Bocconi.

Boc.

Spicas fert foliaceas, depressas; Florem herbacetum (ut in Plantagine rosea majore & media) ex densa frequentique foliorum dilutè viridum structura compositum: Folia subtus glabra, in lacinias aliquot per latera incisa exhibet, hortensis Coronopi foliis per terram stratis paria. Radix illi est crassa, altè in terram depacta.

Lusus naturæ esse videtur, ut hoc genus alia.

\* 13. *Holosteum sive Leontopodium Creticum* C. B. Park. Ger. *Leontopodium Cretense* Clus.

C. B. prod.

Ex radice rufescenti & quasi squamata, paulatim gracilescente & in fibras divisa folia viginti, etiam plura, palmaria, angusta, nervis tribus per longitudinem discurrentibus distincta, & hirsute subaspera prodeunt: inter quæ pedicelli plures, molli, rufescente lanugine pubescentes, duarum triumve unciarum conspiciuntur, quibus singulis capitulum crassiusculum, rufescens infidet: flosculi albicantes, umbilico nigricante præditi, quandam foraminum speciem præbent: at in senescente & arescente planta pediculi crassiores & rigidi facti unà cum capitulo, terram versùs ad radicis caput adeò curvantur, ut pedem leoninum quodammodo referant. Semen parvum, Psyllio simile, autore Bello.

Holosteum Creticum alterum C. B. Leontopodium Creticum aliud Clus. hist. Parkinsonus præcedenti eandem facit. Nobis nondum constat an eadem sit necne, in Parkinsoni tamen sententiam magis propendimus.

§. 3. *Plantago caulifera Psyllium dicta.*

Psyllium à figura seminum Pulices referentiuni, magnitudine etiam parium dicta est.

1. *Psyllium vulgare* Park. majus erectum C. B. J. B. *Psyllium sive Pulicaris herba* Ger. *Helewort.*

Radice alitur simplici, alba, fibris tenuibus capillata. Caulis ab eadem radice exoritur nunc simplex, nunc multiplex, teres, hirsutus, erectus, solidus, ab imo ad summum usque ramosus, pedalis aut altior, foliis vestitus ad intervalla ex adverso binis, angustis, acutis, pilosis, Hyssopi aut Draconis herba foliis figurâ suâ non multum dissimilibus, verum angustioribus, nervosis & plantagineis, obiter nonnquam dentatis. Summi caules & ramuli ad tactum pingues & visci di sunt. E foliorum alis pediculi exeunt oblongi, tenues, spicas gestantes breves è pluribus flosculis compositas. Flosculi autem in quatuor segmenta acuta totidem folia simulantia divisi, colore pallido; stamina oblonga, apicibus suis insignia,

Ffff 3

signia, ut in Plantagine, exserunt. *Flores* cuiusque tubus turgescens in vasculum seminale degen-  
rat, *semina* intus bina, compressa, splendentia, puliciformia, unde herba nomen, continens, quod per  
maturitatem in medio horizontaliter rumpitur.

Sapor plantæ amarus; odor nullus manifestus.

*Locus.*

Circa Monspelium in agris copiose provenit.

2. *Psyllium Dioscoridis vel Indicum crenatis foliis* C. B. *Indicum foliis crenatis* Park.

In Prodro-mo descriptum, à precedente non aliter differt quam foliis crenatis aut Coronopi folio-  
rum instar nonnihil lacinatis. Hunc describit Paulus Boccone sub titulo Psylli foliis lacinatis.

3. *Psyllium majus supinum* C. B. J. B. *majus semper virens* Park. *semper virens* Lobelii Ger.

*Lob.*

Isdem in tractibus, sed marginibus & ligu-  
latis olivetorum incultis collibus sarmentosis lignosisq.  
prolixa foliorum & furculorum caudata comosaque foetura densissima implexa fruticat, & reptando  
caespitem ornat latiore aspectu, sed hirsutie ex viridi albicante: *Semine* haud dissimili, sed majore  
fuscoque five Castaneæ corticis colore: *Rosæ* lignosa dura, fibrarum procurrit proluxa.

*Locus.*

Circa Monspelium & in Italia frequens habetur.

*Vires.*

Evacuat bilem flavam, mucilaginemque sua acrimoniam humorum obtundere aptum est. Hinc  
commendatur maximopere in Dysenteria & corrosione intestinorum.

Semen Psylli hoc peculiare præ cæteris purgantibus habet, quod qualitate refrigerandi sit præditum.  
Verum enimverò non tamen extra reprehensionem positum est, quam incurrit ratione virulentiz  
suar. *Schrod.*

Dubitat C. Hofmannus an sit venenatum necne: Interim inquit valde me movent Ægypti, de qui-  
bus scribit Alpinus 4. Medic. 1. uti illos Psyllis in febribus ardentibus.

Nimius usus stomachum offendit & animi deliquium inducit, una cum mortis periculo.

Ad Ophthalmiæ dolorem, & mucilag. sem. Psylli & Cydoniorum in aq. ros. & plantag. factæ ana  
3j. album. ovi bene conquassat. tantundem Camphoræ gr. v. mista in oculos instillantur à causa calida  
affectos *Chefneau*. Ex collectaneis *D. Hulse*.

Experientiâ scio in exco-  
riatione palati vel uvulæ & linguæ ex materia calida adusta Aq. Portu-  
lacæ vel Psylli conferre. Ex Psylli tamen semine præstaret fortassis lentum illum & viscidum  
humorem elicere Mucilaginem Officinis dictam. Excerptis ex Observationibus Marcelli Cumani  
ab Hieron. Velschio editis, & ad me transmissis *D. Barnhamus Soame*.

Dolores capitis maximos ex causa calida subortos, quos alia remedia non mitigabant, felici successu  
curabat Sebastianus medicus Argentinenfis applicito fronti epithemate ex sem. Psylli cum Aq. Rosa-  
rum infus. extractâ mucilagine & pauculo aceto mixtâ. Idem *D. Soame* ex Observ. Hieron. Roulemer.

## CAP. IX.

### De Coride.

*Coris cerulea maritima* C. B. *cerulea Monspelica* Ger. *Monspelensium* Park. *Monspeliensis* pur-  
purea J. B.

*Clus.*

**M**ultis fruticat ramulis, palmaribus ut plurimum, interdum dodrantalibus, firmis, rotundis,  
purpurascens, qui densis foliis stipantur Ericæ [majoris sci.] crassiusculis, succulentis,  
amariusculis, serie quadam interdum dispositis, aliquando autem inordinatis & incondi-  
tis. *Spica* aut *capitula* extremis ramulis inhaerent, ex innumeris calyculis in quinque mucrones divisis,  
& totidem maculis nigris in singulas divisiones impressis, constantia; è quibus *flor* emicat non inodo-  
rus, purpureus aut ex purpura cœruleus, elegantissimi & quasi immarcescibilis coloris, quatuor folio-  
lis bifidis constans, quorum duo superiora reliquis majora sunt. *Semen* deinde in calyculis nonnihil  
pungentibus continetur, rotundum, nigricans. *Radix* crassa est pro plantæ proportionem, palmaris  
longitudinis, foris rubra, ut quæ interdum linei panni etiam infici possunt. Nullum ego (inquit J.  
Bauhinus) in ulla parte plantæ sive odorem, sive saporem manifestum sentio.

*Tempus &  
Locus.*

Floret Maio mense nonnunquam etiam Martio, siccis quibusdam circa Salmanticam & Monspeli-  
um locis; maritimis item Valentiz & Galliz Narbonensis, ubi tota major, crassior & succulentior.



# HISTORIÆ PLANTARUM

## LIBER DECIMUS OCTAVUS,

QUI EST,

De Herbis flore papilionaceo, seu leguminosis.



**L**ORES papilionacei dicuntur, quia Papilionem alis expansis quadartenus referunt. Folia seu petala his difformia sunt, nec figurâ, nec situ inter se convenientia, numero quatuor, verum ad ungues juncta; unde tetrapetali proprie dicti non sunt, sed monopetali tetrapetaloides: Sed ut alias diximus nos in hoc opere flores monopetalos profunde & ad unguem ferè in lacinas petala æmulantes divisos pro polypetalis cum Botanicorum vulgo habemus. Quod si quis hoc nolit, ad monopetalos flore difformi facile transferuntur hæ plantæ. Florum petala, seu mavis lacinie quatuor sunt, ex quibus unum erigitur reliquisque ferè latius & majus est, *clypeus* seu *vexillum* nonnullis dictum, alterum ei inferius opponitur *carinatum*, tum *stamina*, tum *filiquæ* rudimentum protegens & occultans, bina lateralia sibi invicem similia sunt.

Nos clarioris doctrinæ gratia librum hunc in tres sectiones dividemus. *Prima* erit de Leguminibus seu Herbis flore papilionaceo scandentibus.

*Secunda* de leguminibus & Leguminosis non scandentibus, seu erectis seu provolutis, non trifoliatis.

*Tertia* de Leguminibus non scandentibus trifoliatis. Quibus subjungemus filiquosas quasdam anomalas filiqua bivalvi, tum floribus tum filiquis ad Papilionaceas accedentes.

## SECTIO PRIMA.

De Leguminibus & leguminosis seu Papilionaceis scandentibus.

*Herbæ flore papilionaceo scandentes sunt vel*

*Volabiles*, quæ perticis aut plantis vicinis se circumvolvendo à dextra sinistram versùs, in altum enituntur, suntque trifoliæ, semine reniformi; *PHASEOLUS plurimarum specierum.*  
*Capreolatae*, quæ capreolis aut claviculis intortis plantas aut fulcimenta vicina arripiunt, & se sustentant: suntque vel foliis

*Glancis glabris*, è pinnis paucioribus & majoribus in hoc genere compositis, caule

*Æquali*, h. e. nec compresso, nec membranulis aucto, foliis

*Simplicibus*, seu integris, ex adverso binis, triangulis; *APHACA.*

*Pinnatis*, pinnis paucis, in hoc genere maximis, duabus præcipue ad *fulgur* exortum caulem amplexantibus, caulibus majoribus & fistulosis; *PISUM.*

*Membranulis secundum longitudinem excurrentibus aucto, compresso, anguloso, foliis*

*Simplicibus*, seu integris & non pinnatis, nisi pro pinnis accipiantur quæ in summis foliis sunt auriculæ aut lobi; *OCHRUS* sive *Ervilia* Dod.

*Pinnatis,*

*Unico tantum pinnarum pari, filiquis*

*Secundum longitudinem aversâ parte duabus membranulis extantibus alatis; LATHYRUS sativus.*

*Planis & æqualibus*, nullis in dorso extantibus membranulis, radicibus

*Tuberosis;*

{ *Tuberosis* ; CHAMÆBALANUS *Leguminosa* ; Terra *glandes*.  
 { *Fibrosis* ; LATHYRUS *Sylvestris*.

{ *Pluribus pinnarum conjugationibus* ; CICCERULA.

{ *Viridioribus & plerumque hirsutis*, è minoribus & pluribus pinnis compositis, semine

{ *Tumidiore, globoso*, filiquis pro plantæ modo longioribus ; VICIA *plurimarum specierum*.  
 { *Compresso*, & pro plantæ modo grandi, filiquis brevibus ; LENS.

*Faba Sylvestris* & *Græcorum* seu *Veterum* vulgo dicta, cum capreolis scandat, ob filiquarum conformitatem *Viciæ* speciebus potius quàm *Fabæ* accensenda est, quamvis foliorum figuræ & pinnarum paucitate *Fabam* potius quàm *Viciam* imitetur.

## CAP. I.

## De Phaseolis.

**P**haseoli nomen acceperunt ab effigie & longitudine filiquarum aut fructus, qui lentem lembumque naviculam, Phaseolum dictum expriment, hinc etiam *Harpe* dicuntur. Phaseolum autem à Phaseolo diversum esse monet Galenus : Phaseolum enim inquit Lathyrum esse vel illius speciem.

Phaseolorum notæ sunt caulibus scandere, trifolios esse, semina habere reniformia, filiquas simplices.

His ob convenientiam in reliquis notis nonnullas non Trifolias subijcimus.

1. *Smilax bortenfis* J. B. Sm. hort. five *Phaseolus major* C. B. *Phaseolus albus* Ger. *Phaseolus vulgaris* Park. **Common Kidney-beans.**

Convolvulorum more perticas & pergulas proximas conscendit, *sarmentis* à sinistra dextram versus circumvolutis. *Folia* ad intervalla exeunt in communi pediculo oblongo terna Trifoliorum more, è lata basi in acutum mucronem desinentia hederaceis fere similia, per margines aequalia, glabra, obscure viridia. E foliorum alis exeunt *flosculi* duo trève, interdum plures ad sex usque simul in eodem communi pediculo seu furculo brevifurculo, purpurascens, albi vel pallidi, in quibus petalum superius non reflectitur retrorsum, sed concavum est, & ad latera striatum ; lateralia duo ampla sunt & concava. Ad basin uniuscujusque floris præter calicem duo folia concava triangula, nullis pediculis donata, ad florum nondum expansorum tutelam apponuntur. Floribus succedunt *siliquæ* palmum & sesquipalmum longæ, angustæ, compressæ, crassæ & carnosæ, cum teneræ adhuc sunt edules, sex, septem aut plura semina continentes, renis figuræ, finum in medio impressum habentia lævare eximio, colore mirum in modum vario, albo, cinereo, luteo, glauco, rubente, cæruleo, amethystino, albo nigris venis & lituris distincto, &c.

Tempus.

Æstate & Autumno floret, frigoris impatiens est, & pruinis facile corrumpitur.

2. *Phaseolus niger* J. B. *Phaseolus Æthiopicus*, *lobis flavescensibus*, *fructu nigro* C. B. *Phaseolus peregrinus* L. Clus.

Clus.

*Sarmentis*, foliis, floribus cum vulgari Phaseolo convenit. Pediculi seu furculi floriferi Clusio oblongi esse dicuntur, *floræque* binos, ternos, quaternos, senos, interdum etiam octonos, ex adverso ut plurimum nascentes sustinere : quibus succedunt totidem, oblongi, teretes *lobi*, initio virides, deinde maturitate flavescens, in quibus bina, terna, quina, sena, vel etiam octona *grana* vulgarium quidem formam referentia, sed tantillo minora, & coloris quando matura nigri.

Phaseolum hunc in hortulo nostro aluimus aliquot annos, & à vulgari specie distinctum existimamus, cum aliquoties satis fructus seu seminis colore non variavit.

3. *Phaseolus flore coccineo* Park. Ger. emac. **The Scarlet Kidney-bean.**

Hic in multis à Phaseolo vulgari primo in loco descripto differt. Ille enim seminum valvas seu lobos è terra exserit foliorum formâ : hic autem minimè. Deinde hujus *flores* majores sunt & ex alis foliorum exeunt plurimi simul in furculo seu pediculo communi prælongo, velut racematim ; cum illius longè pauciores sint in furculo triplo brevioribus : color florum in hoc coccineus pulcherrimus, in illo albus aut purpureus, minùs venustus aut spectabilis. Hujus porro *siliquæ* eminentius plurimis seu tuberculis asperæ sunt, illius læves ; breviores quoque sunt & crassiores hujus quàm illius. *Semina* in utroque ejusdem propemodum figuræ sunt, verum in hoc majora & crassiora purpurea, nigris ductibus & lituris, varia. Quin & folia huic minora & acutiora rugosioraque esse videntur quàm vulgari Phaseolo ; flores autem ampliores. Duobus denique concavis ad basin floris foliis caret hæc species.

Phaseolus puniceo flore Jac. Cornuti esse videtur. Ob florum pulchritudinem & durabilitatem potius quàm ob fructum in hortis colitur : nec dedignantur Matronæ nostræ fertis suis & corollis eos intexere.



4. *Phaseolus vulgaris Italicus humilis*, seu minor albus cum orbita nigricante J. B. *Smilax siliqua sursum rigente*: vel *Phaseolus parvus Italicus* C. B. Item, *Phaseolus niveus minor circa hilum nigra macula insignitus* J. B. *Phaseolus peregrinus*, minore fructu albo, nigra macula insignitus C. B. i. e. *peregrinus* 4. Clus. *Phaseolus erectus* Park. *peregrinus fructu minore albo* Ger. emac.

Matth.

Hoc genus passim in campis feritur mense Maio, & quandoque post messem, sine pedamento per se subsistens, & in latum sese expandens, foliis hederaceis, majoribus tamen & mollioribus, venosis, ternis ex uno pediculo prodeuntibus. Flores emittit candidos, Pisi majores, è quibus palmaria cornicula prodeunt, teretia, & in acutum definitia, primo quidem exortu viridia, & per maturitatem albicantia. In his semina plura continentur reniformia, alba, præter umbilicum, qui tantum in iis nigricat.

Clusius Phaseolo suo peregrino quarto brevem firmumque caulem tribuit, pedalem longitudinem raro excedentem, in brevissimos ramos divisum: folia breviori pediculo inhaerentia: pediculos ex alis prodeuntes longos, crassiusculos, firmos, binos flores magna ex parte sustinentes: fructum niveum, circa hilum macula nigra insignitum.

Cum Clusius binos tantum in uno pediculo flores habere hunc dicat: Matthiolus autem in iconibus plures eidem appingat, colligit J. B. Phaseolum Clusianum à Matthiolino diversum esse. Verum cum descriptiones conveniant, ego mallem dicere Matthioli iconem falsam esse, aut Clusium forte errasse in numero siliquarum eidem surculo inhaerentium, quam species temere multiplicare. An Matthioli icon falsa sit necne Itali facile determinabunt, apud quos Phaseolus isthic in agris magno proventu feritur. Nos plenos saccos Romæ in foro venales vidimus, & totos agros eo confitos in vicinia urbis, ut & Florentiæ, non satis tamen curiosi fuimus in eo observando.

Variant (si C. Bauhino fides) hoc genus Phaseoli. Sunt majores & minores, sunt albi, subnigri: illi macula nigra, hi alba notati: est & minor albidus cum orbita rubente aut nigricante. At unius erant generis quos nos in Italia vidimus, nimirum candidi cum macula circa hilum nigra, ex quibus Itali jacula conficiunt.

Memorat insuper J. Bauhinus duos congeneres descripto Phaseolos; primum vocat Phaseolum parvum album cum orbita minima rubente & parvo hilo albo; alterum Phaseolum minimum album cum orbita magna rubente, & hilo in medio albo: quales nobis nondum videre contigit.

Quin & Morisonus duas seminum species è Tingi Africa urbe sibi missas narrat macula circa hilum nigra notatas majorem & minorem: altera alterius magnitudine dupla.

5. *Phaseoli tumidi minores nivei* J. B. *Phaseolus peregrinus* 2. Clus. *Phaseolus peregrinus borsensis affinis fructu tumidiore, minore niveo* C. B. *peregrinus* 2. Clusii Park.

J. B.

Magnitudine vulgaris Phaseolis minores sunt, nec ut illi sinuati circa umbilicum, interim pulvinati magis & tumidiore omni ex parte proportionem suam. Colore nivei sunt & splendicantes, ac si ex ebore tornata essent. Planta autem ipsa tota forma & nascendi modo à vulgari haud differt, ac non opus sit eam pluribus describere.

E Guatimala novi Orbis provincia delatus esse dicitur.

6. *Phaseolus tumidus minimus niveus siliqua brevi*, Virginianus. The Virgin, or Virginia-pease or Kidney-bean.

Præcedenti persimilis est, nec scio an specie diversa: siliqua brevi latiuscula, fructu Pisi majoris magnitudinem vix excedente, non tamen perfecte sphericâ, sed in longitudinem productiore.

- \* 7. *Phaseolus lata siliqua, fructu exiguo nigro, umbilico candido* J. B. *Brasiliensis alter, fructu nigro, Pisi magnitudine* C. B. *Phaseolus Brasiliensis alter* Clus. ad Monard. *Brasiliensis alter Pisi magnitudine* Park.

Clus.

Est hoc genus vulgari simillimum flore purpureo: at siliquæ scabæ sunt, breviores & latiores quam nostri vulgaris: Fructus est exiguus, Pisi vulgaris magnitudine, totus niger, nisi quâ parte siliquæ adhaeret, quæ candida est.

Brasiliensis frequentem esse audivit Clusius.

- \* 8. *Smilax borsensis* sive *Phaseolus Anagyridi similis ferè colore rubescens*, J. B. *Phaseolus peregrinus Anagyridi fructui similis, colore rubescens* C. B. *Phaseolus peregrinus* 3. Clus. *tertius Clusii* Park. *borsensis rubra* Ger.

Sarmenta habet oblonga ex singulari caule statim secundum radicem ipsam prodeuntia, & in multos ramos divisa: purpurascunt ea juxta alas, ad quas etiam adnascuntur terna folia, minus ampla quam vulgaris, & dilutius colore virentia, longo pediculo inhaerentia, qui ex parte qua folia sustinet, contrariâque quâ sarmentis inhaeret ex atro purpurascit. Flores in oblongis petiolis plerumque bini, magni, Pisi formâ, foris ex candido pallescentes, interiore verò parte ex purpura cœrulei. His succedunt totidem prælongi lobi, teretes & quasi cylindracei, in quibus fructus reliquis Phaseolis minor, Anagyridis legitimæ fructui pane similis, rubescentis coloris.

Semine ex Hispaniis missò Clusio natus est.

- \* 9. Pha-

\* 9. *Phaseoli Africani parvi, nonnihil albicantes* J. B.

De Phaseolorum more scandit: *Folia* terna, minora strictioraque quam in vulgaribus obtinet, paulò duabus uncis longiora, non totam semunciam lata, nervosa, glabra, crassa. *Flores* ex obsoleta quadam fuligine in luridum pallorem languescunt, vix dehiscentes. *Siliquæ* sesquipalmum longæ, vulgaribus angustiores, vix culmum latæ grana claudunt nonnihil candicantia, dimidio minora Phaseolis nostratibus, circa germen fusca.

Ex Africa & insula D. Thomæ semen delatum est.

- \* 10. *Phaseolus Laburni fructu ex nigro subvirescente, sive Ægyptius flore luteo* J. B. *Phaseolus peregrinus, Anagyridis fructui similis ex nigro subvirescens* C. B. *peregrinus* 5. *Clusii quintus* *Clusii* Park. *peregr. fructu minore frutescens* Ger. emac.

*Clus.*

\* *Palustris.*

Sarmenta tenuia habet Phaseolo peregrino tertio Clusii familia: *folia* aliorum Phaseolorum vulgarium longè minora, & Trifolii \* moenianthis foliorum perquam similia, ex atro virentia, circa pediculos purpurascentia. *Flores* in spicæ modum congesti, magni, Pisi vulgaris formæ & magnitudine ferè, coloris flavi, in oblongo crassiusculoque pediculo ad foliorum exortum prodeunte nascuntur. Lobos breves angustosque esse intelligebam ab his qui conspexerant, & terna aut quaterna grana continere, parva, Laburni granis non minora, utroque tamen mucrone plerunque obtusiore, pulli coloris seu potius ex nigro subvirescentis.

11. *Phaseolus peregrinus Purkircherianus* 1. *Clus. Phas. lato, striato sive radiato semine* J. B. *Ph. peregrinus bortenfi affinis, semine lato, albo, multus nigris venis striato* C. B. *peregrinus primus* *Clusii* Park. *niger* Ger.

*Clus.*

*Caules* huic & sarmenta reliquorum similia; *folia* vulgaris foliis similia sed atriora: è quorum alis breves ramuli prodeunt, multis floribus, vulgaris haud absimilibus, minoribus tamen, albis, uix in modum congestis onusti: quibus succedunt oblongæ *siliquæ* seu lobi, vulgaribus multò latiores, continentes ternos aut quaternos fructus planos, communibus Phaseolis latiores, albos, sed multis nigris maculis sive venis ab hilo in latitudinem ductis elegantissime depictos.

In frigidioribus regionibus ob defectum Solis radiorum fructum non facilè ad maturitatem perducit.

Hujusmodi Phaseolum habemus à J. Bauhino Tom. II. p. 267. icone eleganter expressum, qui potius niger dicendus est cum albis striis seu venis, quàm albus cum nigris.

- \* 12. *Phaseolus peregrinus* 6. *Clus. peregrinus angustifolius, an idem cum Smilace bortenfi minore?* C. B. Ger. emac. *peregrinus* 6. *Clusii* Park.

*Foliis* angustioribus à Smilace minore differt. Fructu est vulgaris Phaseoli fructu minore & planiore subrubri coloris.

- \* 13. *Phaseolus peregrinus* 7. *Clus. peregrinus angustifolius alter, fructu ex albo & nigro vario* C. B. *peregr.* 7. *Clusii* Park.

Sarmenta huic Purkircheriani similia, non tamen adeò luxuriant aut altè assurgunt: *Folia* quàm Phas. vulgaris multò angustiora, præcedentis non valdè dissimilia. *Flores* in uncialibus pediculis parvi, uix in modum congesti, albi initio, sed ubi senescunt pallescentes: *Siliquæ* planæ latæque sunt, Purkircheriani lobis ferè pares, breviores tamen, per maturitatem fulvescentes, semen continentes planum, illius granis minus, sed similibus coloribus albo & nigro varium, nunc in longitudinem extensis nigris striis, nunc confuso ordine sparsis maculis nigris majoribus aut minoribus per universum Phaseoli corpus, nonnunquam integro fructu nigro, vel exiguis maculis albis consperso aut dimidia duntaxat ex parte.

Exigua nobis esse videtur inter hunc & Purkircherianum differentia.

- \* 14. *Phaseolus peregrinus* 8. *Clus. peregrinus foliis minoribus, fructu exalbido, nonnunquam variegato* C. B. *peregr.* 8. *Clusii* Park.

*Folia* ei Purkircheriani foliis similia, sed paulò minora: *Flores* etiam illius floribus similes, uix instar nascentes; quibus & planæ, ut in præcedente, succedunt *vaginæ*, duo, tria aut quatuor grana continentes, superioribus magnitudine respondentia, non adeò candicantia, sed coloris interdum exalbescens aliquando nigricantibus maculis secundum longitudinem vel confuse notata, interdum toto etiam panè fructu nigricante.

Præcedenti adeò similis est ut nobis non videatur specie distincta.

15. *Phaseolus peregrinus* 9. *Clus. peregrinus Purkircheriano similis, fructu lato, albo, striato* C. B. *peregr.* 9. *Clusii* Park.

Fructus Purkircheriano major, sed totus albus, nisi quidam radii sparsi varium quodammodo effecissent. Sarmentis, foliis, floribus & vaginis eidem similes erat. Quid ergò vetat quin eundem specie dicamus?



- 16. *Phaseolus peregrinus* 10. Clus. *peregrinus lobo & fructu nigro* C. B. *peregr.* 10. Clusii Park.

Sarmenta huic ut in aliis: *folia* octavi generis Clusii familia, secundum articulationes quibus connexa sunt purpurascunt: *Flores* in ramulo digitali superiorum similes, ut quoque instar congesti, sed quorum galea obsolete purpurascit, bina lateralia folia, coloris sunt floridioris: His succedunt planæ, latæ, fuscæ & nigricantes *vagina*, *semina* continentia plana Purkicherianis minorâ, per maturitatem prorsus nigra.

- 17. *Phaseolus peregrinus* 11. Clus. *peregr. fructu variegato* C. B. *peregr.* 11. Clusii Park.

Cætera præcedenti similis *flores* habet octavi floribus pares, albos, *vagina* septimi & octavi generis lobis similes; in quibus *semina* tria vel quatuor, plana, dilutâ rubedine prædita, quæ nigra venis seu radiolis secundum longitudinem distincta sunt, nonnunquam magnis vel exiguis maculis atris confusè aspersa, interdum etiam utrinque prorsus, vel alterâ duntaxat ex parte nigra, emicantibus sparsim parvis rubentibus maculis, ut ex marmore aliquo *mixto* tornata videantur.

- *Phaseolus peregrinus* 12. Clus. *peregr.* 12. Clusii Park. *Phaseolus latæ, coloris regularum, cum striis per medium nigris* J. B. *Pb. peregr. fructu subrubente, nigris striis variegato alter* C. B.

Præcedenti per omnia fere similis est: sed *flores* ejus Decimi floribus valde similes sunt, paulò tamen dilutius purpurascunt: *fructus* autem magis diluta rubedine præditus, regularumque colorem quodammodo refert, quem raræ per longitudinem nigrae striæ varium faciunt, aliquando autem plurimæ totum pæne atrum reddunt.

- 18. *Phaseolus peregrinus* 13. Clus. *Pb. Æthiopicus lobis nigris venis aspersis, fructu atro splendente* C. B.

Decimo cætera non dissimilis est, *Lobis* tamen longioribus & quasi cylindraceis, non fuscis aut nigricantibus ut illius, sed per maturitatem nigris duntaxat venis confusè sparsis insignitis, octo, novem, aut plura interdum continentibus *semina*, renis quidem formam exprimentia, sed longiora, tumidiora, atrî omnino & splendentis coloris. Floret paulò maturius superioribus, eam ob causam *semen* facilius ad maturitatem pervenit.

- 19. *Phaseolus peregrinus* 15. Clus. *Phaseolus Æthiopicus lobo saturo purpureo, fructu atro* C. B. Clus.

Hujus *sarmenta* purpurascunt: terna illa longo pediculo inharrentia *folia*, pro parvis appendicibus, quæ in aliis generibus, bina interdum foliola adjuncta habent: *flos* etiam magis satur [quàm decimi quarti] & prorsus Amethystinus: *lobi* præterea, initio quidem virides, paulatim purpureum colorem contrahunt, maturitate tandem purpureum saturum & fere nigrum. *Fructus* in ipsis comprehensus initio purpurascens, deinde atrî omnino coloris.

- 20. *Phaseolus peregrinus* 16. Clus. *Pb. Guinensis fructu fusco spadiceo* C. B. Clus.

Hujus lobum non conspexit Clusius, sed tantum *fructum*, qui semunciam magnitudinem non superabat, satis densus & crassus, coloris fusci cum spadiceo commixti: Satus crevit ad palmarem altitudinem, *cauliculo* satis firmo & rotundo, binasque aut ternas foliorum alas protulit, in quibus ut reliquis Phaseolis terna *folia*, sed valde crassa & pingua, Trifolii Asphaltitis foliorum magnitudinem non excedentia.

- 21. *Phaseolus Zurratensis siliquâ hirsutâ, Couhage dicta. Phaseolus siliquâ hirsuta* Park. *Phaseolus pruritum excitans hirsutæ siliquarum* Ger. emac. An *Micuna Brasiliensis* Marggrav?

Hujus *siliquæ* ex India Orientali ad nos delatæ, variz magnitudinis, aliz breviores & rotundiores Phaseoli vulgaris lobis, aliz etiam multò is longiores, brevi & densa hirsutie villosa obsitæ sunt, quæ cuti affricta pruriginem quandam molestam Urticarum instar excitat, brevi sine ulteriore nocumento evanescens; *siliquæ* hæc confertim & quasi racematim nascuntur, & semina continent fusca, punctata [Parkinsonio nigra, splendentia] Fabæ equinæ magnitudine, hilum habentia album in parte laterali, non verò in umbilico aliorum Phaseolorum more. Terræ commissa in horto D. Caroli Hatton plantas produxere.

Hujus plantæ *siliquæ* duodecim duobus Cerevisiæ sextariis infunde, & infusum propina, ad  $\frac{1}{2}$  Vires. sextarii singulis matutinis; certissimum est Hydopis remedium. Communicavit D. Samuel Hufbands eques auratus, qui in insula Barbados aliquot annos vixit, ejusque sæpe in servis suis Æthiopibus experimentum fecit.

22. *Planta leguminosa Brasiliensis Phaseoli facie, flore purpureo maximo* Breynii.

Breyn.

Sarmentorum longissimorum beneficio arbores & frutices proximos, sese iis circumvolvens, scandit. Ramuli ejus juniores, per intervalla unciarum duarum triumve, foliis tribus oblongis ex uno pediculo, uncialibus vel fescuncialibus ad summum, Terebinthi foliorum instar duriusculis & admodum venosis, ornantur. Ex foliorum appendicum sinu petioli exeunt singulares, Florem gerentes unicūm, valde speciosum, Lathyri Narbonensis facie, sed vel quadruplo majorem, gratioreque purpurā coloratum, cujus basin calyculus, foliolis duobus membranaceis, rigidiusculis constructus ambit; & huic alius adhuc calyculus subest, qui medio petioli appositus, & quā formam priori figulis.

Locus.

Oritur in saltibus & dumetis Brasiliæ.

23. *Phaseolus minimus fructu rubro, siliquis longissimis erectis* Morif.

Morif.

Phaseolus hic minimus siliquas fert longas, tenues, palmares & sesquipalmares, petiolis curtis innixas & per consequens erectas, continentes in se semina dena aut duodena, reniformia rubra minima, magnitudine Phaseoli minoris Italici.

24. *Phaseolus minimus fructu viridi, exiguo, ovato* Morif.

Morif.

Caule constat pedali aut sesquipedali: folia etiam edit terna subviridia, minora, tenuiora, singulis distinctis petiolis innitentia, majorum Phaseolorum more. Petiolis curtis junguntur flores parvi, ex luteo virides: quibus fatiscientibus succedunt siliquæ tenues, teretes, tres uncias longæ, recentes adhuc virides, intumescētes ubi apparent semina, in quibus singulis continentur semina ovata viridia, decem aut duodecim, nunc plura, nunc pauciora, Pisi minoris magnitudine, sed figurā ovatā seu oblongā.

25. *Phaseolus Leblab Alpini* J. B. *Phaseolus Aegyptiacus nigro semine* C. B. *Item Aegypt. semine ruffo* ejusdem.

Arbor est sarmentosa (inquit Alpinus) quæ crescit ad Vitis magnitudinem, sarmentisque Vitis modo extenditur. Folia figuræque similis est omnino vulgari Phaseolo. Flores fert bis anno, Vere & Autumno, Phaseolorum floribus aliquatenus similes, à quibus siliquæ longæ, instarque Fabarum latissimæ cernuntur, quæ semina Phaseolis planè similia continent, quorum alia niger, alia subrubra cernuntur.

Locus.

Hæc arbor vivit annos 100. & amplius, perpetuòque viret, Aegyptiis frequens in cibo, nostrisq; non minus suavis. Hoc (inquit Clusius) creditu difficile est iis qui Phaseolorum & leguminum naturam nesciunt.

Veslingius notis in *Alpini lib. de Plant. Aegypt. Leblab* hunc in modum describit. Folia obscurius viriscentia ramulis insident ad nigrum tendente purpurâ coloratis: Nec dissimilis florum tinctura, qui copiosi, ac spiceo veluti congestu, non circa summum tantum caudicem, sed sparsim juxta foliorum exortus virgulâ suâ prodeunt: alibi candido colore lactescente nascuntur, cætera vix ab aliis Phaseolis specie mutantur. Semina in siliquis rectè notavit Prosper Alpinus, alia nigricantia, subrubra alia sed maculis ferè nigris infusata, hilisque candentibus insigniuntur.

Descriptio hæc in omnibus, excepto semine, cum ea quam Honorius Belli elaboravit ad intuitum plantæ sibi ex semine Aegypto transmissa enata, adeò exactè convenit, ut nemini dubium esse possit, eandem specie plantam fuisse quam uterque descripsit.

Quin & ex Veslingiana descriptione constare arbitror, utramq; Clusii Leblab, [ut & Belli] ejusdem specie plantæ semina fuisse. Non enim aliter differunt quàm colore, qui in altera niger erat, hilo admodum longo albo eminenti; in altera ruffus [J. Bauhino spadiceus, maculis nigris ut Bellus, saturè rubentibus ut J. Bauhinus, aspersus] hilo pariter eminente candido.

Descriptio Alpini in siliquarum longitudine à Clusiana recedit. Fortè ex brevioribus fuit quam Clusius à Paludano recepit.

26. *Phaseolus Brasiliensis foliis molli lanugine obsitis, fructu magno* C. B. *Phas. Brasiliensis multis, spadiceis, magnis, cum magno hilo nigro plurimum ambiente* J. B. *An Macouna Brasiliensis* Marggr? *Brasiliensis* Ger. *Brasiliensis magnus* Park.

J. B.

Castaneæ magnitudine est, orbiculatus, unciali plus minùs latitudine, pulvinatus, cortice rectus rugoso, spadiceo, dilutiore saturatioreve, circa hilum verò dilutiore & fere albicante; cujus orbitam ferè totam ambit hilum pullum, culmum latum, sulco medio secundum longitudinem exaratum, in principio punctum impressum habens.

Planta Clusio è semine nata foliis Phaseolo vulgari ferè similis erat, nisi quòd minora erant & averfa parte hirsuta, præsertim teneriora folia, & extremi caules tenui mollique lanugine fulvescente obsiti.

Habetur & hujus varietas cinerea aut ex cinereo nigricans.

Due species.

An planta Clusio descripta eadem sit J. Bauhino descriptæ dubito. Certè nos fructum habemus ei qui à J. Bauhino describitur non dico simillimum sed eundem prorsus; alium etiam cinereum, hilo non eminentem, adeò politum ac splendentem ac si torno elaboratus esset.

Singulare est & inigne in hoc fructu quòd hilus totum ferè in circulum ambit; quod miror à Clusio tam sicco pede præteritum, si quem nos & J. Bauhinus intelligimus describat. Marggravius Brasilianorum Macunam his verbis describit:

Caule



*Caule* sarmentoso, satis crasso, lento, altas ascendit arbores, & implicat se ramis; in quolibet pediculo tres aut quatuor digitos longo tria ubique folia sibi invicem apponuntur, phaseolorum more, tres aut quatuor digitos longa, nervo & venis obliquis prædita, superius saturatè viridia, inferius albicantia, & subtilissima lanugine ad tactum sericum æquantia. In pediculo tres, quatuorve digitos longo, qui superius in plures breviores dividitur, proveniunt flores quatuordecim aut sedecim, juxta se, calycibus insistentes instar filiquarum Pisi. Figura floris est quasi duæ filiquæ Pisi apertæ, una alteri insertæ essent: nam quinque foliis constat flos quilibet, quorum quatuor duos digitos singula longa, quinta unum digitum; sine odore, coloris flavi: in medio stamen fistulosum pallidum, superius multipliciter divisum in fila, quorum quodlibet apicem habet fuscum. Flores sequuntur filiquæ, spirhamam longæ aut etiam longiores, tres dig. circiter latæ, exterius rugosæ, utpote setis pungentibus rufis præditæ, quæ non solum adhærent & pungunt, sed etiam pustulas arduas excitant, quæ vix octiduo sanantur, & insignem excitant pruritum. Siliquæ maturæ exterius nigrescunt, & aperiunt se atque diffiliunt: interior earum superficies est instar matris perlarum, alba, splendida & quasi polita: in qualibet continentur ut plurimum tres phaseoli orbiculares, compressi, coloris luridi, cum semilunari macula nigra in uno latere, majores verticillo. Floret plerunque mense Junio & Julio.

Si hæc planta rectè à Marggravio descripta sit flore pentapetalo à reliquarum Papilionacearum seu leguminosarum norma recedit.

Siliquarum setæ pruritum excitandi facultate cum Phaseoli Zurratenfis, *Couhage* dicti filiquarum villis conveniunt. Differre videtur specie à Phaseolo Brasiliiano nobis è J. Bauhino descripto, & forte Zurratenfi idem est.

• 27. *Phaseolus Brasilianus* Jaroba indigenis dictus Marggr.

Altissimas arbores ascendit *caule* lento tereti, qui hinc indè in longis pediculis tria folia apposita habet Phaseoli modo, sunt autem planè similia foliis *Macama*. Fructus autem similis fructui *Cute*, \* *Higuero Oviedo*.

sed ut plurimum minor, eadem pulpâ, iisdem seminibus, ejusdem quoq; usûs.

Ubique provenit, sed præcipuè hortensibus locis sata atque excolta.

Ulus est radicum ad mensas secundas.

Ufus.

28. *Phaseolus Indicus ruber* Bontii. *Pisum Indicum minus coccineum* C. B. *Pisum Ameritanum coccineum*, aliis *Abrus* J. B. *Arachis Indicus* sive *Africanus* Park.

*Clus.*

Hujus semina sata Clusio, aliisque, Vicæ aut Lentis modo prodibant, duobus duntaxat crassiusculis foliis initio, ipso videlicet semine bifariam se dividente, & in folia formante, ut in aliis nonnullis leguminibus accidere solet: inter ista verò folia nascebatur *cauliculus*, sustinens aliorum foliorum alas, quæ ex multis foliolis, contrario situ semper nascentibus constabant denis, duodecis aut pluribus, nullo impari alam finiente, instar Vicæ sylvestris aut Lenticulæ: valde caduca est planta quæ nisi fulciatur procumbit, Pisorum instar: inter foliorum alas, quæ sarmenta aut caules amplectebantur, satis firmi & oblongiusculi exoriebantur pediculi, sustinentes alternis decem aut duodecim flores, [Phaseoli florum figurâ fortè, aut Vicæ seu Lentis, nam nihil certi de illis traditur] Istis pediculis inhærebant (floribus sc. delapsis) decem, duodecim aut plures pediculi, breviusculi satis crassi & rugosi, è quorum singulis graciliore breviorèque adhuc petiolo dependebat *filiqua*, rugosa, spadicei foris coloris, unciam aut paullo amplius longa, semiunciam lata, illaque aliquantulum plana, mucrone instar hamuli curvo, interna parte albi, in qua continebantur quaterna aut quina semina durissima, orbicularis ferè vel ovalis figuræ, prorsus rubra, & nitentia instar Corallii expoliti, quum probè matura sunt, summa autem parte, quæ filiquæ inhæserant omnino atra, & præ levore splendens.

Alpinus lib. de *Plant. Egypt.* arborem appellat, at valde impropiè *Clusi* sententiâ, & etiam nostrâ, cum volubilem, *Leblæ* modo serpente, altius se extollentem, latiusque expandentem, esse scribat, & ridicè se convolventem pingat.

Est hic fructus insigniter durus, qui satus & post triennium è terra erutis adeò incorruptus repertus est, ac si pridie duntaxat terræ commissus fuisset. *Clus.* J. Bauhinus tota nigra habuit, aliisque quæ colore spadiceo sunt, nigrâ tamen maculâ notata, quaritque an nascitur ipsæ hoc sit, an accidat per vetustatem: Nos naturale potiùs esse putamus; nam satis vetusta habemus, quæ colorem adhuc retinent. *Veslingius* notis in *Alpin. Plant. Egypt.* se tota coccineo colore decora non vidisse scribit, sed quâ parte folliculo neciebantur splendido semper atre maculata. Folia eodè observante, virgulis suis æquatis insident ordinibus, omniâque coelestis calor promum condum mirâ conversione prosequuntur; siquidem ut nocte media terram, [adductis proximè ad se invicem singularum conjugationum foliorum pronis seu infernis superficibus] sic meridie culminante sole, [adductis ad se supinis eorundem partibus] & sublati alarum extremis cælum spectant.

Alpinus ex Arabia in Ægyptum delata scribit hæc Pisi: Proveniunt tamen tum in Africa, tum in America.

Hoc Pisum rectius in puellarum cultum, quam corporis alimentum vel medicamentum coedit (inquit Piso) nec memini unquam in Brasiliâ huc fuisse, quæ legumina advenis vel indigenis, etiam si probè elixa accepta fuisset, quod ea pravi nutrimenti & difficilis concoctionis esse deprehenderent.

29. *Pisum Americanum* aliud, magnum, bicolor, coccineum & nigrum simul, sive *Phaseolus bicolor* Anacocks dictus J. B. *Phaseolus peregrinus* ex rubro & nigro distinctus C. B. *Phaseolus Aegyptius* Ger. Park.

f. B.

Fructus hic durus, qui dentibus frangi non potest, resistens etiam malleo: injectus in aquam subfidit instar lapidis, colore miniato sicuti Abrus, eleganti atque splendente, verum media fere parte, [in aliis vix tertia] niger est, compressus, nec exquisitæ rotunditatis, sed in oblongum vergens, eâ præsertim parte ubi umbilicus est. Hic diversarum magnitudinum est ac formæ; magnus, qui Lupini semine duplo fere major; mediocris cum eodem æqualis fere, & parvus eodem minor. Est eis omnibus velut umbilicus sublongus, qua parte adhærebat siliquas ut existimamus. Apertis cum difficultate medulla est durissima, ex albo flavescens: saporem notabilem non profert.

Fructus hosce vidimus, qualis stirps eos producat nescimus; putamus ex *Phaseolorum* genere esse.

- \* 30. *Flos Clitoridis Ternatensis* Breynii.

Breyn.

Lepidissimum sui spectaculum oculis offert anadendras etiam hæc per se infirma, sed tortilibus virescentibus ramis proxima adminicula quæ arripere potest conscendens planta, quam folia multa alterno situ ambiunt, Glycyrrhizæ sylv. Herbariorum quodammodo æmula, minora tamen, pulchriusque viridia, ac bina tantum vel terna, ac totidem ex adverso uni costæ inhærentia, uno impari extremam alam occupante. E quorum appendicibus pedicellus tener & parvus circa medietatem, ubi nonnihil reflexus, foliolis duobus tenuissimis cinctus exsurgit. *Florem* sustinens admodum magnum, hiantem ac speciosum, quasi papilionaceum, cujus tamen inferius labellum superiori folio videtur adnatum. Hic flos ex magno calyce subviridi, membranaceo, in quinque lacinias destinate, & foliola duo rotunda ac membranacea circa basin habente, prorumpens, tam sature profundo cœruleo est colore, ut etiam multos siccos post annos, aquam in qua maceratur, brevi temporis spatio, colore adeo ferme cœruleo tingat veluti *Anil* quod ex Indiis in Europam transfertur. Floribus labentibus succedunt (ut fertur) *siliquæ* longæ & tenuës, seminibus formam *Phaseolorum* parvorum exprimentibus refertæ.

Flores coctos Ternatensis cibo esse aiunt.

- \* 31. *Phaseolus quadrangulus* Bontii.

Bont.

Mirum hoc leguminis genus foliorum magnitudine & fructus insuetâ figurâ cæteris præeminet: licet crescendi modo & qualitate iisdem similis sit. Ex uno eodemque caule tria folia sibi conjuncta emergunt, atque ex eadem quasi centro pediculus provenit, ex quo *Phaseolus* quadrangularis dependet, Pisum rotundis repletis, qui ubi maturuerit dehiscit & fit edulis.

## CAP. II.

### De Piso.

**P**isum à *πῖσος* tundere dictum existimatur. Frangere legumina Veteribus solenne fuit: Aliis à *πῖσα* quæ inter Ollam & Olympum, in qua copiosissime nascitur. *Gassend.* Verum non memini usquam legisse de alia *Pisa* quam quæ sita erat ad Alpheum amnem in Elide Peloponnesi: Aliis demum *πῖσος* quod humi procumbat.

Notæ *Pisi* genericæ sunt folia glabra, glauca, pinnis amplissimis caulem adeo arcuè amplectentia, ut ab iis transadigi videatur, è paucioribus & majoribus in hoc genere lobis composita, caulibus quam congeneribus major & fistulosior.

*Pisi Descriptio generalis.*

f. B.

Generali quadam notione *Pisa* circumscribemus, quorum differentias petet studiosus Lector ex Synonymis. In genere ergo hoc legumen, sicuti alia, brevis durationis; tenui est radice, fibrosa: caules fistulosi, dum adhuc teneri sunt, fragiles, longi, alienæ opis indigi, & nisi palis sustententur procidui. *Folia* genicula adverso situ ita complectuntur, ut ab eo transadigi videantur, quanguam innatis furculis eorundem sit pinnata dispositio, eo quod furculi superest in capreolos tortiles, quibus proxima quæq; arripit, abeunte. *Flores* ad genicula è foliorum sinibus exeunt duo tresve simul in eodem furculo seu pediculo communi, formâ ad Genistæ flores accedentes, sed colore albo, vel purpureo, vel ex albo virescente, vel variegato. *Siliquæ* succedunt binæ fere, teretiusculæ, peniles, bifloræ, & carnosâ pulpâ, minus tamen multo quam in *Faba*, in quibus reclusis ad commissuram annectuntur *Pisa*, alias majores, alias minores; nunc rotunda, nunc quadrata, aut alias inæquali superficie, interdum alba, flava, rubra, fusca, subcœrulea aut virescentia. Color totius plantæ glaucus aut ex viridi canescens.



1. *Pisum vulgare, parvum, album, arvense* J. B. *sylvestre primum* Park. *arvense flore candido, fructu rotundo albo* C. B. **Common white field-pease.** *Pisum minus* Ger.

Flores huic albi, duo tresve simul in eodem communi pediculo; quibus totidem succedunt *siliquæ*, minores quam hortensium, *semina* continententes parva, rotunda, alba.

Hoc genus vulgò in agris seritur; & ad jusscula hyberno tempore expetitur.

2. *Pisum arvense flore roseo, fructu fusco, aut ex cinereo nigricante. An Pisum minus fructu subnigro* Matth? **Gray Pease.**

Hujus *flos* roseo aut purpureo est colore [folio erecto seu clypeiformi pallidiore, lateralibus, quæ quasi umbonis locum obtinent, saturationibus] *Fructus* fuscus aut subniger. *Piso* albo vulgari aliquanto major, per maturitatem non adè exactè rotundus, sed valleculis depressis inæqualis. & interdum nonnihil angulosus.

Seritur in agris.

3. *Tertium genus arvense, quod in Catalogo Plant. Angl. Pisum flore roseo, fructu variegato Anglicè* **Apple-Pease** denominamus. *An Pisa minora rubra variegata* J. B.

A precedente fructus tantum colore differt, qui ex cinereo & rubente colore variegatus est.

4. *Pisa minora ex purpureo variegata, Vicia similia* J. B.

J. B.

Parva hæc sunt, nec Viciis multò majora, in quibus tamen puncta quædam ex cinericeo purpurea conspiciuntur, ut in Viciis vulgaribus, à quibus ideo non ità facillè distingui possunt. Herba verò, caulis & *siliquæ* multum à Viciis vulgaribus differunt, quia angustiores, rotundiores, nec hirsutæ.

5. *Pisa parva, viridia* J. B.

C. B.

*Pisa* viridia, minora, rotunda, ejusdem valdè magnitudinis cum *Pis*is ex purpureo variegatis, ni minora, quaterna vel quina in una *siliqua*, coloris ex albo virentis, unicoloria demptà eâ parte qua *siliquæ* hærent, quæ pars nigricat. In foliis discrimen non animadverto.

6. *Pisum sylvestre nigrum maculatum Baticum* Park. *Pisum maculatum Boelii* Ger. emac. App.

Flores è luteo pallido virescunt: *Semina* fusca seu obscurè cinerea, maculis nigerrimis velut holosericeis punctata. Annua est planta.

7. *Pisum erectius comosum* J. B. *umbellatum* C. B. Ger. **Rose-pease.**

Erectius est vulgari *Piso*, caule firmiore, crassiore, potissimum parte superiore, striato, inani, sua vi affurgit; ex intervallis foliorum alas, costâ mediâ cui annectuntur in tortiles capreolos abeunte, producens, sed nullo flore, nullo fructu, præterquam in summo caulis fastigio, quod floribus albis, numerosis, in orbem positis dense stipatur, quos *siliquæ* vulgato sativo eadem, radiata serie comantes excipiunt, geminæ aut tergeminae, eidem pediculo appendæ; *Pisa* continententes alba, sativis vulgatis minora paullo, orbiculata, ad arvensia accedentia, permixtis pinnatis foliis quam in reliquo caule minoribus. *Radix* fibrosa ut in cæteris.

8. *Pisa sine tunicis durioribus in siliqua magna alba* J. B. *Pisa sine cortice duriore* C. B. *Pisa leptoloba quæ simul cum folliculis comeduntur* Cam. hort. *Pisum excorticatum* Ger.

In magnam altitudinem excrescit: *Siliquæ* magnæ, albæ, sine duriore tunica, totæ mandi possunt. In cæteris vulgari *Piso* correspondet.

Huic fortè idem est

9. *Pisum siliquâ carnosâ incurvâ seu falcata, eduli.* **The Sickle Pease.**

*Flos* huic albus est: *Siliquæ* latæ crassæ & carnosæ, incurvæ, quæ Phaseolorum modo coctæ atquequam maturuere, edules sunt. *Folia* maculis albis quam in aliis generibus latoribus infecta sunt. *Pisa* rotunda, alba, hortensibus albis præcocius minora.

In horto nostro aliquot annos aluimus. Fructuum autem aviculæ valdè avidæ sunt, ut ab earum rapinis eas ægrè possis defendere.

10. *Pisum flore rubente, striato, pro coccineo missò.* **The Scarlet Pease.**

Ex *Pis*is majoribus est, *siliquis* longis, teretibus, rectis, multa intus *semina* continentibus, ad octona, albicantia aut flaventia, rotunda.

11. *Pisum majus quadratum* C. B. *majus* Ger. *The Houncival Pease.*

Dod.

Caules habet longos, fistulosos, fragiles, ex candore virescentes, ramosos, humi sparfos, nisi propè appositis adminiculis sustineantur. *Folium* frequens amplum & longum, ex multis rotundis, latibus ac candidis, uni costæ adnatis, & ex adverso sitis compositum, extrema parte in capreolos ac claviculas definit, quibus juxta assistentibus adminiculis sese implicat. *Flos* candidus circa umbilicum purpuream notam habet: *siliquæ* longæ sunt, teretes, cylindri figuræ, in quibus grana continentur. *Ochris*, id est, *Pisis* minoribus majora, quæ exsiccata angulosa sunt, inæqualisque angulos habent, colore aliàs candido, aliàs fordido. Radices subsunt parvæ.

12. *Pisa majora alba* J. B. *The white Hasting.*

J. B.

*Pisa alba* maxima, *Pisis* vulgaribus sunt similia, flore albo. *Semina* quidem alba, non ita angulosa ut illa [*Pisa magna rubra variegata* J. B.] majora quàm sunt *Pisa comosa*, nec ita rotunda.

13. *Pisa magna rubra variegata* J. B. *Pisum hortense majus* C. B. *Pisum majus* Matth.

J. B.

Hominem magnitudine multum excedit. *Florem* fert purpureum in medio, & in latiori parte roseum. *Siliquæ* magnæ, succulentæ: *Pisa* intus valde magna, non rotunda ut minora, sed angulosa, vel potius compressa pulchri coloris variegati ex albedine & rubedine, cortice crasso ubi coquantur, à Germanis magni fiunt in cibo.

14. *Pisa Virginiana* C. B.

Hoc *Pisum* ex nobis hætenus cognitum longè maximum & altissimum est, ad hastæ ferè altitudinem assurgens, flore præcedentis simili. Fructus magnus, per maturitatem compressus nonnihil & angulosus, superficie valleculis inæquali, colore cinereo, cum hilo nigro: *Siliquæ* magnæ, teretes, longæ, octo, novem aut decem interdum *Pisa* continent.

*Saporem* & bonitatem (ut rectè scribit C. Bauhinus ex Descr. Virgin.) *Pisa* nostratia longè superant, pomissæ addere & magnitudine.

15. *Pisi pulchra species folio anguloso* J. B.

Hujus *viticulæ* multò quàm vulgaris teneriores, delicatiorisque apparent: Ad foliorum origines *foliola* bina lata, Aphaces *Dod.* folia quodammodo æmulantia, obtusiora, imà utrinque parte angulosa, & quasi serrata. In pediculis verò, qui in capreolos desinunt, quaterna tantum folia hærent, geminà oppositione, *Pisi* vulgaris minora, plerunque etiam denticulata. *Flores* singulares tenuibus pediculis hærent quàm in *Piso* vulgari multò minores, rubelli in sicca planta, quibus singulis singulæ succedunt *siliquæ*.

16. *Pisum sylvestre* Clus. *sylvestre perenne* C. B. Ger. *sylv. alterum* Ger.

Nec sarmentis nec foliis à vulgari *Piso*, quod in arvis feritur multum differt: numerosa enim & oblonga ab eadem radice profert *sarmenta*, angulosa, striata, fractu contumacia: *folia* deinde uncialia, membranacea, viridiaque, bina semper, modò hinc, modò illinc ipsa sarmenta amplectentia, è quorum medio ala extenditur quatuor aut sex foliorum, contrario semper situ nascentium, quæ in capreolos, quibus sese vicinis plantis implicat, definit. Summa sarmenta in multos deinde ramos dividuntur, qui ex foliorum alis oblongas tenuisque virgulas promunt, in quibus multi exigui candicantesque flores spicæ instar congestis nascuntur, Ciceris *sylv. Matth.* flosculis persimiles; quibus excussis succedunt *lobi* *Pisi* vulgaris vaginis paulò graciliores, continentes grana Clymeni *Matth.* granis similia, fusca, ingrati saporis. *Radix* lignosa, nigricans, minimi digiti crassitudinem interdum æquat, & tenuibus fibris donata est, perennis & singulis annis nova sarmenta, longè sub terram sese condentia proferens, antequam germinet.

Variis Pannoniæ in locis invenit Clusius & circa Viennam sylvestris montibus. Floret Junio, semen Julio maturum est.

A. 17. *Pisum marinum* Ger. pag. 1250. *Spontaneum maritimum Anglicum* Park. item *Pisum aliud maritimum Britannicum* ejusdem. *English Sea Pease.*

*Caulibus* est angulosis [triangulis] crebris geniculis interceptis, humi procumbentibus, ramosis; binis ad singulos articulos & ramulorum exortus appositis *foliis*, è quorum medio (ut cum Clusio loquar) ala extenditur quinque aut senis pinnularum viridium, subrotundarum paribus, mediæ costæ adnexis composita, extremâ alâ in capreolos abeunte. *Flores* propè summos ramulos octo aut decem simul juncti in eodem surculo seu pediculo communi, è foliorum sinu egresso, ut in reliquis Leguminibus, dilutè rubri, cumque omnino aperti sunt in medio pallidè cærulei, quos sequuntur totidem *siliquæ*, breviores & minores quàm in *Piso* vulgari, octo aut decem interdum *semina* continentes, hilo albo ad dimidiam ferè partem semicirculi in modum cinctæ, per maturitatem olivacei fere coloris, aut paulo obscurioris, *Piso* albo vulgari minora, non tamen rotunda, sed nonnihil angulosa & inæqualia, sapore amaro, uti est & tota Planta.

Radix

Locus &  
Tempus



*Radix* inter filices & lapillos in maris litore aggestos ad ulnæ altitudinem se insinuat, donec ad arenam usque penetret, ibidemque longè latèque vagatur fibris tenuibus longissimis, quibus immensum se propagat, locum idoneum nacta. Superficies quotannis emoritur, radice superstite. Seminibus sata etiam in hortis haud difficulter provenit, & feliciter adolescit, ut ipse expertus sum, quicquid repugnat Parkinsonus.

Refert *Gesnerus* lib. de *Aquatilibus* 4. p. 256, ex Epistolis D. *Cassii*, & post eum *Joan. Storr* in Chronico suo, litoris Aldeburgici & Orfordiensis accolæ, tenuioris conditionis homines in magna annonæ caritate, quæ contigit Anno 1555. pisibus hisce se suosque sustentasse. Quæ verba sunt *Gesneri* laxis insidentia (mirabile dictu) nullâ terrâ circumfusa Autumnali tempore sponte nata sunt, adeo magnâ copiam, ut sufficerent vel millibus hominum.

Quod *Pisa* hæc miraculo quodam ad sublevandam inediam tunc primùm enata sint mihi vix persuaserint, quod solito copiosior fuerit eo anno illorum proventus non abnuerim. Proculdubio enim tam hic, quam alibi, consimilibus in locis multis antea sæculis extiterunt, quamvis in usum non fuerint receptæ: Et certè nisi urgente fame & in melioris alimenti inopia, ob amarorem nemo illis libenter vesceretur, cum etiamnum ab hominibus sint neglectæ, quamvis locus eorum nunc satis notus sit, & ubertim quotannis proveniant: quin & ab Avibus ipsis plerumque intacta manent, quamvis in nudis filicum & lapillorum cumulis marini æstus impetu aggestis eorum visui exposita sint.

Camdenus autem noster aliique à scopo nimium aberrant, cum *Pisa* hæc seminibus è naufragiorum reliquiis in litus fortè fortuna vi tempestatibus aut æstu maris ejectis tunc temporis orta suspicantur; cum sint radicibus prælongis, perpetuis, fructu minore, amariore, & ut verbo absolvam, totâ facie à *Pisibus* sativis cujuscunque generis diversa.

*J. Bauhinus* *Pisi* sylvestris titulo hanc speciem intelligere videtur, quamvis eam cum *Piso* sylvestri Pannonico perperam confundat. Folia rectè Capparum foliis similia, modo leviter acuminata, obliquis venis striata esse scribit, reliqua etiam descriptio bene convenit.

In crepidine seu aggere illo è lapillis & filicibus æstus marini impetu coacervatis composito, qui ab Aldeburgo Suffolciæ oppido in longum ad Orfordiam ferè usque procurrit, portumque Orfordiensem ab Oceano dividit, copiosè provenit; invenimus etiam non longè ab *Hastings* Suffexiæ portu, & alibi in maris litore saxoso, sed rarius.

*Pisa* cujuscunque generis flatulenta sunt, ideòque *Turnerus* omnibus quotquot ventriculum habent aut lienem flatibus obnoxium nimium earum usum quacunque ratione præparatorum fugiendum suadet, nisi addatur Anisum, aut Cuminum, aut Mentha, aut aliud aliquid æquum.

*Pisa* alba & hortensia, viridia adhuc, antequam plenam maturitatem adeptæ sunt, in aqua cocta, & deinde butyro condita æstiva tempore delicatissimum nostratibus habentur ferculum, & nobilium mensis præcocia & verna inferuntur; nec valde flatulenta sunt. *Dodonæus* medium quodammodo locum obtinere ait inter ea quæ boni ac pravi sunt succi; multum ac parum nutriunt; faciliè ac difficilè concoquuntur; tardè & citò descendunt; flatulenta sunt & flatibus expertia:

Eadem sicca tempore Quadragesimali iusculis incoquuntur, & ex iisdem pulres fiunt, vulgo & etiam ditioribus acceptæ. Verum sicca nobis multò flatulentiora videntur quam viridia & recentia, palato & ventriculo delicatiorum minus grata.

Scholæ Salernitanæ *Pisa*

*Sunt inflativa cum pellibus atque nociva;*  
*Pellibus ablatis sunt bona Pisa satis.*

*Pisa* nigricantia cum Avena mixta à nostratibus pro equorum pabulo usurpantur; in frequentissimo etiam usu sunt ad porcos saginandos. *Dodonæus* totâ substantiâ quandam cum *Fabibus* similitudinem habere scribit, duobus ab eisdem differre, tum quod non æquè ac *Fabæ* sunt flatulentæ, tum etiam quod detergendi facultatem non habent, ideòque segnius quam illæ per alvum secedunt.

*Pisa* viridia cruda comesta in Scorbuto à piscium & carnum salitorum esu contracto inter navigandum, summopere commendantur.

*Mart. Rulandus*, referente *J. Bauhino*, in *Balnear. Lib. 1. Class. 3. c. 1.* ad Scabiem, lepram, ulcera, & omnia cutis vitia balneo utitur sæpius experto ex *Pisibus* cum foliis *Quercus* in aqua fluviali decoctis.

## CAP. III.

## De Lathyro.

**Λ**αθύρος q. λαθύρος dicitur, quod Venerem maximè excitet, à λα particula augmentiva, & θύρος, quod significat ἀπερσινάσας, ἐμπυπνός *J. Rod. à Stapel.* At nobis non arridet illud etymon.

*Lathyri* notæ genericæ sunt caules membranulis secundum longitudinem extantibus aucti, compressi & angulosi. Folia ex unica tantum pinnarum mediæ costæ annexarum conjugatione composita.

1. *Lathyrus majoris species flore rubente & albido minore dumetorum, sive Germanicum* J. B. *Lathyrus sylvestris* Dod. *Lathyrus angustifolius* Clus. ex sententia J. B. *Lathyrus syl. major* C. B. *Lath. sylv. Dodonæi* Park.

J. B.

*Lathyro* huic longissima sunt *flagella*, ad cubitos aliquot porrecta, angulosa & membranulis autata, in varios ramos divisa: *Folia* ex pediculis palmo longioribus, longa, venosa & acuta, bina juncta, pediculo inter utrumque in capreolos abeunte, proxima fulcra amplexantes. *Flores* longis hærent pediculis, *Pisorum æmuli*, rubentes, minores quam *Narbonensis Lathyrus*. *Siliquæ* rubræ, angustæ, pænè rotundæ, grana continent minora quam *Viciæ sativæ*, nigricantia rugosa nonnihil & maculosa. Hilus mediam partem feminis occupat: Sapor leguminosus. *Radix* subest perennis, longa, digito crassior, singulis annis germinans. Eadem est (ni fallor) quam reperi colore partim albo ac nonnihil ex luteo pallido.

Locus.

In dumetis & sepibus variis Germaniæ in locis reperit J. Bauhinus, quæ apud ipsum vide. Nos propè maximum Carthusianorum cœnobium: quin & in Angliæ Suffexia, ni multum fallor, propè pagum rusticum *Peynings* dictum: item in Comitatu Cantabrigiensi propè *Castle-Campes* vicum ad sepes juxta viam publicam quæ *Battloviam* ducit, observante D. Dale.

Aveshujus semina perquirunt, & siliquas perforant ut ea devorent.

- A. 2. *Lathyrus major latifolius* Ger. emac. *major perennis* Park. *latifolius* C. B. *major latifolia, flore majore purpureo speciosior* J. B. *Clymenum* Matth. *Pease everlasting*.

J. B.

*Lathyro* præcedente omnibus partibus speciosior est, membraneis alis venosis secundum caules prolixos aptis: *Folia* bina, nervosa, rigidiora, in obtusum mucronem desinentia, unciam circiter lata, pediculo membraneo in cirros facessente adnectuntur. *Flores* singulari appendice, dodrantali interdum, nituntur, multi juncti, magni, purpurei, & colore grati [addit Parkinsonus & odore] quos sequuntur *siliquæ*, uncias tres longæ aut etiam majores, vix semunciam latæ, nonnihil compressæ, *semina* parva, quam *Viciæ* minora, rotunda, nigricantia continentes, & ut vult Gerardus, saporis amari.

Locus.

In sylvis apud nos invenitur, sed rarius. Occurrit etiam in agro Monspeliano.

3. *Lathyrus major Narbonensis angustifolius* J. B. *Lathyrus angustifolius* Park.

Foliorum angustia præcipuè differt à præcedente, imò hac notâ solâ, ut affirmat Camerarius. J. Bauhinus folia quaternaria ad originem pediculi foliati observavit, quorum duo majora & alia duo minora; quæ tamen in ramulo quem habemus sicco non cernuntur. Possent proculdubio & aliæ differentiæ observari si quis plantas diligenter inter se conferre voverit, nam tanta est in foliis differentia, ut vel sola sufficiat ad diversitatem specificam, ut vocant, arguendam.

Morisonus *Lathyrum sylvestrem* majorem C. B. hujus synonymum facit, quam rectè ipse viderit. Fortè tamen hic fuerit quem Clusius in Francofurtensi agro observatum *Lathyrum sylvestrem angustifolium* appellat; quem tamen nos cum J. Bauhino ad primam speciem retulimus.

Locus.

Circa Monspelium variis in locis observavimus. V. Botan. Monsp.

- A. 4. *Lathyrus luteus sylvestris dumetorum* J. B. *sylvestris flore luteo* Park. Ger. emac. *sylv. luteus foliis Viciæ* C. B. *Cate everlasting. Common yellow bastard* Wetch.

J. B.

Ex radice repente, vivaci, angulosis fistulosisque flagellis latè se propagat, infirmis tamen & humi provolutis ni sustineatur, bicubitalibus & altioribus. *Folia* quædam calamos pinnatis alis amplectuntur, alia extremis adnatorum insident, bina opposita, ut *Lathyro* siliquâ hirsutâ, vel *Cicerulæ*, breviora; inter quæ tortiles capreoli enascuntur. *Flores* cæteris *Lathyrus* similes, ex longis pediculis, parvi, lutei. *Siliquæ* succedunt glabræ, quæ maturæ nigra, striatæ, interdum nonnihil incurvæ; *Semina* parva sex vel septem, pænè rotunda, lucida, non variegata, sublutea.

Locus.

In dumetis & sepibus passim luxuriat, non rarò etiam in pratis & pascuis.

- \* 5. *Lathyrus luteus latifolius* Botan. Monf. *Lathyrus species lutea* J. B. An *Lath. arvensis annuus luteus, siliquis hirsutis* Moris?

J. B.

*Folia* habet bina, oblonga, ex quorum medio capreolus in aliquot partes supernè divisus profilit: *Flosculus* luteus à præcedente diversus, cui flores sunt simul in uno pediculo juncti. *Folia* etiam sunt minora, & tota planta multo major ramosiorque, quatenus hucusque observare potuit J. Bauhinus.

In horto Frid. Meier J. Bauhino visa est. Pediculi flores ochroleucos sustinentes in Morisoni planta longi sunt, sesquipedales aliquando, vulgò palmares: *siliquæ* longæ, asperæ.

Locus.

In satis circa Salenovam non longe a Monspelio & alibi Aprili & Maio mensibus cum flore occurrit.



6. *Chamaebalanus leguminosa* J. B. *Lathyrus arvensis repens tuberosus* C. B. *Lath. arvens. sive Terræ glandes* Park. *Terræ glandes* Dod. Lob. Ger. *Pease-Earthnut*.

7. B.

Ex radicis argumento *Chamaebalanon*, quasi terrestrem glandem dicas, denominarunt; siquidem ex filis tenuibus, longissimis pendulæ subsunt glandes, crassiusculæ, oblongæ, pulpâ candidâ, dulci, nonnisi alta fossione inveniendæ; unde infirmi emergunt *coliculi*, sed longi, cubitales vel majores, ramosi, humi procumbentes; in quibus observare est bina fere folia, ex adverso sita, Vicie similia, unciam circiter longa, obtusiore mucrone, reliquo pediculo in capreolos abeunte. Flores leguminosi, Pisi, plures congesti privato inhærent surculo, purpurei & odorati, *siliquas* relinquentes parvas, oblongas, compressas, *semina* claudentes quatuor aut quinque, rotunda, compressa.

Non eget proluxa descriptione hæc planta, siquidem radicibus suis tuberosis, esculentis, ab aliis *Lathyris* abunde distinguitur.

In agris inter segetes frequentissime reperitur in regionibus transmarinis. Observavimus in Brabantia & circa Genevam: In Anglia, quod sciam, spontanea non occurrit.

- \* 7. *Lathyrus arvensis* G. seu supra infraque terram *siliquas* gerens Morif.

Morif.

Parvula hæc *Lathyr*i species *cauliculos* pedales per terram stratos producit: ad quorum singula genicula bina exeunt *foliola*, angusta, mucronata, atque ex alis inter *cauliculos* & folia protruduntur *capreoli* curti, & petioli breves item, sustinentes flores dilutè rubicundos, papilionaceos, quibus succedunt *siliquæ* unciales, duplici membranaceâ alâ in prona parte cinctæ, *Lathyr*i sativi in modum; inque singulis continentur bina, aut ad summum terna *semina* rotunda. Radice constat satis numerosa, fibrillis juncta: atque insuper *siliquas* intra terram gerit, continentes in se *semina*, *siliquarum* floribus succedentium supra terram paria, *Arachidnæ* Theophrasti instar.

*Semina* Chalepo accepta à D. Roberto Huntington: Provenit in Asia Syriâque sponte. Floret apud nos Augusto & Septembri; Octobri maturantur *semina*. Locus & Tempus.

Huic affinis & fortasse eadem est,

*Araco* similis planta ex Hisp. missa Bod. à Stapel.

Infra supraque terram *siliquam* fert parvam, sed magnitudine & formâ æqualem, in qua semen rotundum, unicum, colore foris obsoleto sive nigricante, iatus ex luteo albicante. *Cauliculos* statim è radice emitit plures quinquunciales aut paullo majores, tenues, humi procumbentes. *Foliola* è caulium geniculis exeunt glabra, angusta, parva, in mucronem desinentia *Araco* sive *Ciceræ* Dod. non dissimilia, sed minora, bina uni insistentia, inter quæ medius hæret *capreolus*. Flores purpurei.

Seminibus in singulis *siliquis* singulis à præcedente differt.

- \* 8. *Lathyrus Baticus flore luteo* Park. *Lathyrus æstivus flore luteo* Ger. emac. App.

Mor. Park.

*Caulis* profert ternos aut quaternos, ulnam excedentes, binis alis membranaceis auctos aliorum more: quin & bina *foliola* breviter, latiuscula, ad exortum pediculi folia sustinentis bina angusta, longa, qui deinde in *capreolos* abit. Flores fert luteos, venis purpureis distinctos: quibus succedunt *siliquæ* longæ, plures simul junctæ, *semina* continentes rotunda, aspera & velut reticulata, sena aut plura. Adde ex Gerardo emac. Folia bina minutissima, hinc inde unum, cauli apposita ad exortum pediculorum foliorum, quæ angustissima sunt, tres uncias longa: Flores parvos esse; *siliquas* glabras, tereiusculas, biunciales: *semina* arenæ colore obscuriore.

- \* 9. *Lathyrus arvensis siliquis Pisi minoris* Morif.

Morif.

Hæc parvula & annua *Lathyr*i species convenit in reliquis cum antedictis; solâ *siliquâ* curtâ cylindracea ad instar *Pisi* minoris ab illis differt & distingui potest.

- \* 10. *Lathyrus angustifolius leptomacrolobus, semine rotundo, flore rubello* Morif.

Morif.

*Folia* gerit angusta, longa & quasi graminea; *Caulis* exferit pedales & sesquipedales, procumbentes, è quorum sinibus oriuntur pediculi triunciales, sustinentes flores minores, papilionaceos, eleganter rubellos, obsoleti veluti coloris, nunc singulos, nunc binos; quorum singulis succedit *siliqua* tenuis, rotunda, longa, triuncialis, sequentis *siliquâ* tum longior, tum crassior: in singulis continentur *semina* novena, dena, rotunda, parvula, Vicie sylvestris more. Radice constat tenui, gracili, quotannis pereunte.

Provenit inter segetes copiosè circa Blasas: floret Junio, & *semina* maturantur Augusto.

Locus & Tempus.

- \* 11. *Lathyrus angustifolius, leptomacrolobus, semine anguloso, flore cæruleo* Morif.

Morif.

*Folia* edit quàm præcedentis angustiora, graminea pariter, sed omnino tenuiora. Florem fert parvum, papilionaceum, cæruleum, præcedentis minorem: cui succedit *siliqua* angulosa, brevior & tenuior quàm præcedentis, continens septena, octona, minuta pariter, angulosa, & quasi triquetra *semina*.

Florer

Locus.

Floret promiscuè cum præcedenti mense Julio inter segetes eundo Blæfis ad villam Domini de la Nove.

- A. 12. *Lathyrus siliqua hirsuta* J. B. **Rough-codded Chickling.** *An Lath. angustif. fl. hirsuta* C. B?

J. B.

Radice est singulari, tenui, annua: angulosi caules cubito longiores sunt: folia bina Lathyriflore rubro albive: at florum purpurascantium pediculi longi sunt, sesquipalmares aliquando, licet & vix palmares interdum existant, in quorum fastigiis plures dispositi flores, qui delapsi siliquas relinquunt, breviores & latiores quam in majore Germanico, sesquiunciam ferè longas, non totam semunciam latas, hirsutas, asperas, semina comprehendentes majoris Germanici feminibus similia, minora, ruffa, vel nigricantia, rotunda, superficie crispa.

Locus.

Circa agrorum limites in Hockley, Ralegh & alibi sponte nascentem invenimus in Essexia: necnon in transmarinis propè Genevam inter segetes.

13. *Lathyrus sativus flore fructuque albo* C. B. *Lathyrus anguloso semine* J. B. *Cicerula sive Lathyrus sativus flore albo* Park. *angustifolius flore albo* Ger. emac. **Manured Chickling.**

J. B.

Angulosi, prolixis satis caulibus præditus, in ramos multos divisus. Folia pediculo hærent latiusculo, duabus ad exortum appendicibus caulem amplectentibus: sunt ea verò gemina, oblonga, acuminata, glabra, striata, inter quæ profiliens pediculi reliquum in tortiles abit claviculas, quibus proxima apprehendit. Ex pinnatarum appendicum sinu pediculi exeunt singulares, florem gerentes unicum, majusculum, album; quem excipit siliqua lata, compressa, duabus membranulis extantibus aversâ parte secundum longitudinem alata, semina claudens angulosa, candida: Radix fibrosa, gracilis.

Locus.

Circa Genevam in agris copiosè seritur; & etiam in Germania.

14. *Lathyrus sativus flore purpureo* C. B. *angustifolius flore purpureo* Ger. emac. *Lath. flore rubro* J. B. *Cicerula flore purp.* Park.

Dod.

Flores habet ex rubra purpura in puniceum inclinantes: grana angulosa, obsoleta nigroque proxima. C. B. cætero præcedenti similis.

Hic est, ni fallor, *Lathyrus æstivus Bæticus flore cæruleo* Boelii Ger. emac. App.

- \* 15. *Lathyrus angustifolius semine maculoso* C. B. *Lathyrus quedam, quibusdam Ægyptia Aracus* J. B. *Lath. Ægyptiacus* Ger. emac. *Cicerula Batica & Ægyptiaca* Clusii Park.

J. B.

Lathyro albo similis est, infirmus, clavicularum ope bacillis juxta depactis sese implicans; caulibus angulosi, quibus membranulæ secundum longitudinem adnatæ: foliis culmum latis, acuminatis, crassiusculo pediculo adnexis, binis, striatis, inter quæ capreoli oriuntur: ad basin autem pediculi duæ veluti alæ, & flores ex longo petiolo inflexo singulares insident Pisi floribus æquales, supremo folio lato sursum expanso, foris carneo, intus cæruleo, exceptâ infimâ ora rubente, colore prædito, alis duabus foris coccineis, maculâ cæruleâ medium pingente, intus cæruleis exceptâ angustâ purpurascente orbitâ, carina ex herbaceo albicat. Siliquæ latæ, sesquunciam longæ, compressæ nonnihil, insigni sulco fimbriato altius exarata, semina continent bina vel terna, magnitudine Lathyriflori albi angulosi, ac ferè quadrata, à crassiori latere ad oppositum deversa, & in angustum compressa, coloris fuscî, minutissimis maculis anthracinis conspersa, gustu Pisum dulcescente, & dentium attritu substantiâ qualis Pisum æquabili.

Locus.

Reperitur non in Ægypto tantum sed & Hispania.

- \* 16. *Lathyrus folio tenuiore floribus rubris* J. B. *angustissimo sive capillaceo folio* C. B. prod. *An Lath. major angustissimo folio* Park? *angustifolius brachyplatolobus flore rubello* Morif.

J. B.

Hæc aliàs est cubitalis, aliàs vix palmaris, radice tenui, fibrosa: Coliculi crebri, per quos folia tenuissima, longa, Caryophylli holostei vel graminis. Flores rubri pro plantæ proportionem magni, similes Lathyro flore rubro, cui forte eadem est, foliis tantum ludens. Siliquæ latæ sunt, semina continent tria quatuorve, Orobis existimati magnitudine, pænè rotunda, alperata, fuscis maculis obsita, hilo lineis fuscis picto.

Locus.

Quà itur Monspelio Frontignanum invenit J. Bauhinus ficcis & sylvestribus locis Aprilis mense florentem. Hujus descriptionem Parkinsonianam vide in fine hujus capituli inter Lathyros Parkinson.

17. *Lathyrus flore coccineo.* *An Cicerula flore rubente* Park? *Lath. Bæticus miniatus* Boelii?

Hic inter segetes nobis inventus circa Genevam, atque etiam circa Liburnum portum in Italia, cauliculis assurgit semipedalibus, erectionibus ferè quàm aliorum, foliis vestitis in oblongo pediculo binis oppositis, angustis, acutis, unciali aut fescunciali longitudine: Ad exortum pediculi bina apponuntur foliola, pro plantæ magnitudine majora latoraque quàm aliis plerisque Lathyrifloris. Flores e foliorum sinubus exeunt in pediculis uncialibus aut longioribus, tenuibus singulares, coccinei. Siliquas non observavimus.

Lathyriflori Bæticus miniatus Boelii descriptionem accuratam vide inter Lathyros Parkinsonianos, à Johnsono elaboratam, & à nobis Latinam factam ex Appendice ad Gerardum emaculatam, huc tranſlatam.

Præter



Præter hunc & alium adhuc observavimus Lathyrum flore coccineo, foliis gramineis, ad radices montis Vesuvii, propè Neapolin, in Italia: An

18. *Lathyrus angustifolius humilior Ervum Monspeliensum C. B.?*

Fortè inquit D. Magnol intelligit C. B. Lathyrum speciem quam in sterilibus circa Boutonnetum & in aliis sterilibus satorum marginibus habemus humilem cum foliis gramineis, venosis, & floribus phœniceis.

19. *Lathyrus Tingitanus flore amplo ruberrimo.*

*Caules* ex eadem radice exeunt plures, bicubitales & longiores humi procumbentes nisi adfinat plantæ aut fulcimenta quæ arripiant & scandant; compressi, appendicibus duabus membranaceis secundum longitudinem productis donati. *Folia* ut in reliquis congeneribus ad singula genicula singula, è binis pinnulis ad mediam costam annexis composita, Lathyrum perennis dumetorum magnitudine & figurâ: costa cui adnectuntur pinnulæ in capreolos exit. Tum caules tum folia glauca sunt, ut in plerisque congeneribus. Ex alis foliorum exeunt furculi palmares & longiores, duos plerunque, interdum tres flores amplios, pulcherrimos saturo rubore & velut sanguineo tinctos sustinentes, quibus succedunt *siliquæ* tres digitos longæ, latiusculæ compressæ, læves, sex vel etiam octo *semina* continentes compressa, oblonga, pallida, obscurioribus lineis varia. *Siliquæ* ubi *semina* sunt protuberant paulum, ut in Orobo. Planta est annua & semine renovanda.

Semen hujus plantæ cum aliis rarioribus D. Alexander Balani primus, quod sciam, à Tingi Africae urbe in Angliam intulit.

C A P. IV.

*Lathyrum Parkinsonianum, quorum nonnulli Johnsono etiam descripti sunt in Appendice ad Gerardum emaculatum.*

1. *Lathyrus annuus major Baticus. Park.*

Park.

**D**uos trêse cauliculos producit, bicubitales, compressos, membranulis secundum longitudinem excurrentibus utrinque veluti alatos: ad quorum genicula in pediculo\* oblongo, in capreolos deficiente *folia* bina adversa, modicè lata & oblonga, & ad pediculi exortum duo minora; cauli apposita. *Flores* in pediculis oblongis quadratis singulares, saturatiore purpurâ tincti quàm Lathyrum majoris perennis flores, verum minores; quibus succedunt *siliquæ* longæ, pallidæ, Lathyrum prædicti similes, uti sunt & *semina*. \* *Unciali.*

*Radix* neque altè in terram descendit, neque in crassitudinem excrevit, sed quotannis emoritur.

2. *Lathyrus major siliquâ brevi Park.*

A Lathyro annuo Orobis nascendi modo parum differt; Floris duntaxat petalum exterius seu erectum albat, interiora seu lateralia purpurascunt: quæ sequuntur *siliquæ* breves sunt & crassæ, *semina* continentes parva, rotunda, nigricantia.

3. *Lathyrus minor siliquâ brevi Park.*

Hic à præcedente parvitate sua præcipuè differt, & quòd *siliquæ* ejus subasperæ sunt. Alium adhuc minorem habemus siliquâ longiore & angustiore.

4. *Lathyrus major angustissimo folio Park. An Lathyrus major angustissimo folio C. B. prod?*

*Caulis* hujus tenuis est & infirmus; *folia* longa gramineis angustiora, bina & interdum terna simul. *Flores* in singulis pediculis singuli, cœrulo-purpurei, & interdum rubentes. *Semina* parva nigricantia *siliquis* parvis extremitatibus incurvis contenta.

Hunc eundem esse existimat Lathyro majori angustissimo folio C. Bauhino in Prodomo descripto: cujus descriptionem superius positam vide.

5. *Lathyrus palustris Lusitanicus Park. palust. Lusitanicus Boelii Ger. emac. App.*

Hic initio parum admodum à prima specie differt. *Flores* plerunque bini in eodem pediculo; petalo exteriori splendente purpurâ tincto, mediis pallidioribus: *Siliquæ* graciliores quàm primæ speciei, & longitudine pares, colore pallidi, *semina* intus continentes septem aut octo, parva, ante maturitatem incana & nigris maculis notata, per siccitatem nigricantia. *Caules*, *folia*, *siliquæ* earumque pediculi nonnihil pilosa sunt & hirsuta.

6. *Lathyrus*

6. *Lathyrus minor angustissimo folio* Park.

Hic præcedente omnibus sui partibus minor est, infirmior & tenerior: *Folia* tenuitate, angustia & longitudine Fœniculaceis paria: *Flores* pallide rubent. *Siliquæ* & *semina* præcedentis similia.

7. *Lathyrus æstivus flore miniato* Ger. emac. App. *Cicercula flore rubente* Park. *Lathyrus Baticus miniatus* Boelii.

*Cicercula* five potius *Lathyro* Ægyptiaco *Clas.* in omnibus ferè similis est, nisi quòd folia huic angustiora & longiora sint; *flores* colore Aurantii mali fordidiore; quos excipiunt *siliquæ* breves, teretes, *seminibus* fulcis, angulosis repletæ.

Omnes hæ *Lathyr*i species Parkinsono enatæ sunt ex seminibus à Gulielmo Boelio ex Hispania delatis, exceptâ duntaxat antepenultimâ cujus semina ipse invenit Anisi seminibus mixta, dum ea repurgaret.

Ultimam speciem sic describit Johnsonus in Appendice ad Gerardum suum emaculatum:

*Caulibus* & *foliis* *Lathyr*idi latiore folio *Lob.* similis est, sed multò minor, bicubitalem longitudinem non attingens: *foliola* pariter obtinet exigua, acuminata, caulibus adnascencia bina ad exortum pediculi semuncialis compressi, folia sustentis bina, tres uncias longa, & in capreolos desinentis. *Flores* minii colore minus splendido tincti, singuli in singulis pediculis, brevibus, glabris: *Siliquæ* Pisi vulg. arvensis similes sed minores, fescunciales, semina quatuor, quinque, vel sex, angulosa, colore sabuli aut obscure luteo, Pisorum magnitudine & sapore, continentes.

Præter descriptas alias adhuc duas species nobis ignotas, nec scio an à quoquam descriptas memorat & C. Bauhinus in Pinace, nimirum

1. *Lathyrum angustissimo folio*, Americanum variegatum, quem Orobi Americani nomine in horto suo crevisse refert.

2. *Lathyrum peregrinum* foliis *Viciæ*, flore subcæruleo, pallidè purpurascente: eundem fortè cum *Cicercula* nostra Messanenfi. Hic etiam Bauhino in horto suo crevit.

## CAP. V.

De *Lathyro viciæformi*, seu *Viciæ Lathyroide*.1. *Lathyrus annuus siliquis Orobi* Ger. emac. *Bæticus elegans siliquis Orobi* Park. Rectius ob folia pinnata, *Viciæ amulæ*, *Viciæ Lathyroides* diceretur.

**C**aulis fundit plurimos, prælongos, infirmos, humi stratos, nisi in propinquo sit quod viticulis suis arripiant, angulosos, alis membranaceis utrinque extantibus. *Folia* quæ primò emergunt & in caule inferiora simplicia sunt, angusta, oblonga, acuta, & omnino qualia *Cicercula* Messanenfi nobis descriptæ; superiora alata, duabus tribusve pinnarum conjugationibus, quæ tamen non semper sibi mutuo ex adverso respondent; media costa ut in reliquis hujus generis in capreolos exit. E foliorum alis emicant *flores*, pediculis palmaribus & longioribus, nunc singulares, nunc bini in eodem pediculo, mediæ magnitudinis, bicolores, folio erecto rubente, reliquis albis, quibus succedunt *siliquæ* oblongæ, compressæ, nodosæ seu protuberantes ubi semina sunt, velut Orobi, *semina* quinque aut sex continentes, pulla, variegata.

Locus.

Bætica Hispaniæ Indigena est.

2. *Lathyrus* seu *Cicercula* Messanenfi. An *Lathyrus viciæoides*, vexillo rubro, labialibus petalis rostrum ambientibus cæruleis Morisani?

*Radix* ei simplex, tenuis. *Caulis* compressi, membranacei, pedales & longiores, humi strati. *Folia* primò erumpentia minimè pinnata sunt, sed velut graminea aut Caryophyllea, foliis *Erviliæ* *Dodonæi* adeò similia, ut pro eadem planta habuerim, cum primò è terra exiret: quæ in superiore caulis parte folia pinnata sunt uno aut altero atque etiam tertio pinnarum pari; folium deinde medium in capreolos faceffit. E foliorum sinubus emergunt *flores* pediculis fescuncialibus. Color in folio erecto seu clypeo ruber intensior, inter coccineum & sanguineum medius, striatus, in reliquis purpureis dilucior. Sequuntur *siliquæ* duas uncias longæ, latæ, cum nondum maturæ sunt, ductu in medio lato rubro secundum longitudinem insignes, per maturitatem albentes, *semina* continentes tria quatuorve, fusca lineis tamen nigrioribus pulchrè variegata.

Locus.

In Sicilia insula circa Messanam urbem inveni.

Eandem hanc putamus *Cicercula* five *Lathyro* Bætico dumetorum *Park.* *Lath. Bætico æstivo* dumetorum *Boelii* *Ger. emac.* ex cujus descriptione adde, *Caulis* membranulis secundum longitudinem extensis auctos: *Folia* duabus tribusve pinnulis hinc inde ad mediam costam annexis, non tamen semper ex adverso sitis constare, iisque angustis, obscurius virentibus, extremo subrotundis. *Flores* in eodem pediculo plerunque binos.

Vide etiam hujusce descriptionem in Appendice ad Gerardum emaculatum, ubi nonnulla invenies à nobis omissa.



A. 3. *Lathyrus Viciaformis* seu *Vicia Lathyroides* nostras.

*Folia* ex tribus aut quatuor pinnularum, medio nervo annexarum conjugationibus composita sunt; nervo in claviculas desinente. *Flores* communi pediculo prælongo è foliorum sinibus exeunte tres vel quatuor aut quinque insident ampli, purpureo-cerulei.

Hujus ramulum ad nos attulit *Tbo. Willisellus* à se inventæ in prato quodam *Peckham-field* dicto, loco squalido & aquoso non longè à *Southwark* oppido.

Quod ad vires attinet *Lathyrus* cum congeneribus convenit.

*Chamaelani* leguminosæ radicibus seu Terræ glandibus per inopiam frugum pauperiores vescuntur. Sapor illis subdulcis & astringens Glandis aut Castanæ, acuti Castanæ tardius conficiuntur difficilius, autore *Dodonæo*, quàm Rapam aut Pastinacam, sed alimenti tamen non minus quàm Pastinacæ subministrant, minus quàm illæ inflant, tardius descendunt. Crudæ difficilius concoquantur & ægrius descendunt. Veneris incentivæ sunt: sanguinis, uteri, renum & ventris fluores compescunt. Nauseam fortasse nonnullis movent, at vomitiones minime cient ut *Tragus* scripsit. Vereor (inquit *J. Bauhinus*) ne *Tragus*, qui putabat hanc plantam esse *Apion*, sibi etiam persuaserit ejus radices & vomitiones ciere.

Ex hujus floribus, autore *Camerario* in horto, aquam destillant quidam, qui aded rosâceam emittitur, ut pro illa non rarò vendi soleat.

## CAP. VI.

## De Ochro sive Ervilia.

*Ochrus* sive *Ervilia* Dod. Ger. emac. Och. sive Er. flore & fructu albo Park. Och. folio integro capreolos emittente C. B. *Lathyrus* species quæ *Ervilia* sylv. *Dodonæo* J. B.

J. B.

**A**ngulosos aliarum *Lathyrorum* instar caules profert, cubitales & bicubitales, quibus, nullo intercedente pediculo, amplexicaulia adnascuntur folia, oblonga, priora simplicia, reliqua in capreolos abeuntia, non rarò non in hos tantum degenerantia, verum novam foliorum sobolem è lateribus aut mucrone, jucundo naturæ lusu, parientia. Flores è foliorum sinu prodeuntes singulares & pediculis brevibus hærentes, peralo erecto seu clypeo intus circa mediam partem nigris lineis striato. Siliquæ uncias duas longæ [nobis vix fescunciales] semunciam aut tertiam uncie partem latæ, secundum longitudinem pinnatæ *Lathyrus* sativi modo, in quibus quinque aut sex plus minus continentur pisæ, melina & obscura quadam flavedine, non exactè rotunda, sed ex mutuo compressu utrinque fessilia, linea quadam albicante media longitudine prædita, quæ nihil aliud est quam hilum quo pisum pediculo suo adhæret, magnitudine Pisi albi [nobis tantillo minoræ fuere] cum quo magna similitudo, idem quoque sapor. Siliquæ per maturitatem ferè stramineo aut xerampelino colore sunt.

Inter segetes propè *Liburnum* portum in Italia spontaneum observavimus.

*Parkinsonus* alterius speciei meminit, cujus flores ad purpuram rubentem inclinant: semina obscuriora sunt & nigricantia.

Locus.

Altera species.

## CAP. VII.

## De Aphaca.

**A**phaca quibusdam dicta videtur ab à privativa & φακ Lente, quod Lentem minime referret: vel potius ab α & φακ φακ Lente, quod Lenti simillima sit.

Foliis integris, triangulis, & ex adverso binis à Piso & *Lathyro* distinguitur.

*Aphaca* Park. Ger. emac. *Vicia* quæ *Pitine Anguillare*, latæ siliquæ, flore luteo J. B. *Vicia lutea* foliis *Convolvuli* minoris C. B. *Yellow Detchling*.

J. B.

Ex radice tenui & annua plures profert caules dodrantes, cubitales & sesquicubitales, angulosos, ramulos, tenues, imbecilles, nec nisi capreolorum opo, quibus se proximis circumvolvunt, humo surgentes; folia ex intervallis bina opposita cauliculis sine pediculo adnascuntur, triquetra, Helixines cassampeli, lævia, tenera, striata, sursum plerumque spectantia, & caulem veluti complexa, ex quorum alis subinde rami prodeunt, foliis indem vestiti, necnon claviculæ tortiles, iidemque pediculi duabus uncis longiores, quibus singulis singuli insident flores lutei, *Lathyrus* lutei floribus similes, quos siliquæ excipiunt unciales aut fescunciales, latiusculæ, modicè falcatæ, compressæ, in quibus sex septemve semina, Lentibus minoræ, non ita compressa, sed paullo rotundiora, quæ modò nigricant, modò rubescunt, modò variegata videntur.

Inter segetes frequens est.

Locus.

CAP.

## CAP. VIII.

## De Vicia.

**V**icia aliis à vinciendo ut Varr. de R.R. cap. 31. quòd capreolos habet ut Vitis, quibus scan-  
dit, & alias plantas vincit. At nos cum Vossio in Erymolog. Viciam à Græcia esse cense-  
mus. Nam Asianis Βίσιον vocatur, teste Galeno, lib. 1. de aliment. facult. cap. penult.  
Notæ Viciæ characteristicae quibus à reliquis leguminibus scandentibus distinguitur sunt folia mi-  
nimè cæsia seu glauca, sed viridiora & plerunque hirsuta, è minoribus & pluribus pinnis com-  
posita.

1. *Vicia sylvatica maxima, Piso sylvestris similis* J. B.

J. B.

Omnium Viciarum quotquot hætenus videre licuit maxima est, multorum cubitorum, foliis ad  
Viciæ septimum folia accedentibus, multò majoribus, & Piso sylvestris respondentibus, fescuncialibus,  
unciam latis, modicè obtusis. Flores surculi cuiusdam longissimi extremum occupant, numerosi,  
purpurascens, subsequētibz siliquis pari cum Pisorum magnitudine, compressioribus, latis, glabris.  
Radix crassa, nodis intercepta, reptatrix, caulium complurium propagine fertilis, perennis.

Locus.

In sylvis in ascensu montis Salevæ, ab eo latere quod Genevam spectat: J. Bauhinus propè Tigu-  
rum & alibi in Germania invenit.

A. 2. *Vicia Ger. vulgaris sativa* Park. J. B. *sativa vulgaris semine nigro* C. B. *Common Tare*  
or *Detch.*

J. B.

Annua est planta; caulibus cubitalibus & procerioribus, angulosis, striatis, hirsutis, cavis. Folio-  
rum conjugationes decem aut duodecim, costæ adhærent, longæ, tandem in tortiles claviculas, quibus  
proxima arripit adminicula, desinenti, uncialia aut paullo minora, angusta, per extremum lata, hir-  
suta; eadem interdum alternatim rachi alligantur. Ex uniuscujusque costæ flos aliquando enasci-  
tur unus, [interdum plures] pediculo brevi, quem siliqua excipit quadrantalibus & longior, unciam  
ferè lata, hirsuta, ubi semina sunt protuberans, semina claudens Pisis arvensibus albis supparia, nigri-  
cantia, compressa.

Locus.

In agris feritur ubique per totam ferè Europam.  
Usus ejus est apud nostrates cum Pisis & Avena mixta pro equorum pabulo. Scitatur interdum  
seorsim & viridis in herba demetitur pro junctorum pabulo in graminis inopia, &

*Vicia pastæ distendunt ubera vaticæ.*3. *Vicia albo semine* J. B. *Vicia sativa alba* C. B. Park. *An Vicia Indica fructu albo, Pisum Indi-*  
*dicum Gerardo* Ger. emac. App?

J. B.

Mirifico foliorum lusu pæne imponat alicui, veluti Proteus aliquis, ut eadem non eadem putari  
possit: ex his enim alia ferè rotunda, alia longa & angusta; flos unicus, vel geminus, multa purpura  
pictus; brevi pediculo hærens: Siliqua diversæ quoque à præcedente, seminibus copiosis (novem  
enim grana in una numeravi) gravida, albis penitus, aut subpurpureis, variis, aut virore pallentibus ad  
Pisorum viridium (quæ magnitudine quoque adæquant) figuram pallorémque accedentibus, à  
quibus tamen sejunguntur, quòd quæ siliquæ adnectuntur non, ut illa, nigricant.

Locus.

J. Bauhinus propè Bessfordiam reperit in agro, satam cum Pisis.

Vicia Indica  
flore albo.

Vicia Indica fructu albo Ger. à vulgari Vicia sativa non alia in re differt quàm quòd elatior sit, &  
fructum seu granum producat majus, rotundius Pisi albo vulgari colore, figurâ & magnitudine  
simile & æquale.

At neque Viciam majorem folio cordato, flore rubro, fructu albo Pisi minoris instar Moris. ab  
hac specie differre putamus.

\* 4. *Vicia sylvestris quasi incana, flore albo* J. B. *sylvestris flore albo* Ger. emac. *sylv. alba* Park.  
*sylv. hirsuta, incana* C. B.

Clus.

Multos ex eadem radice, quæ perennis est, profert ramos, teretes, striatos, pedales, etiam cubita-  
les interdum, quos ambiunt foliorum alæ, quædammodum in Vicia vulgari sativa & sylvestri, sed  
densiore lanugine obductæ & quasi incanæ: capreolis, quibus vicino gramini se implicat, extremam  
alæ occupantibus. Flores in superius foliorum alis terni plerunque. Viciæ vulgaris floribus perfi-  
miles, candidi coloris, superiore tamen folio obsoleti coloris, venis interne distincto, inferiore folio  
eiusdem coloris. Succedunt siliquæ seu vaginæ planæ, (quantum videlicet ex illarum rudimen-  
tis colligere licuit) Viciæ vulgaris siliquis similes. Radix fibrosa est, tuberculisque, ut Leguminum  
pleræq; radices vivaces, simò & non vivaces, ut Fabæ, donata.

Locus.

Nascitur in arvis desertis apud Chyrtæz oppidum in Pannonia situm; Maio mensis florens.  
5. *Vicia incarnata flore albo longo* Moris. hist.

Hujus caules pedales sunt & sesquipedales. Ex geniculis hinc inde, aliarum Viciarum ritu, alter-  
natim proveniunt costæ mediz, protrudentes capreolos aliquot versus finem, atque costis singulis  
folia obtusa, quasi cordata, è regione sennæ adnascuntur: Inter caulem & costam exiliunt flores albi,  
longi,



longi, quibus succedunt *siliquæ* unciales, subrotundæ, continentes *semina* quina, nunc plura, nunc pauciora.

6. *Vicia luteo flore sylvestris* J. B. *sylv. lutea, siliquâ hirsutâ, nondum descripta* C. B.

J. B.

Ex una *radice* numerosi iidemque flexuosi exeunt *cauliculi*, angulosi, in alas alternatim divisi; quibus *folia* hærent *Viciæ* sativæ familia, dena, duodena, plus minus, quorum costa in tortilem claviculam terminatur. Alarum foliorumque commissuris *flores* singulares ex brevissimis pediculis pendent, speciosi satis, ex luteo pallidi, quibus *siliquæ* succedunt, vulgatæ *Viciæ* siliquis breviores, habitiores, crassiores, latiorisque, alba hirsutæ pubescentes, in quibus *semina* quaterna aut quina, fusca, maculata, aliquantum angulosa, compressaque, sapore leguminoso.

Circa Liburnum & alibi in Italia inter segetes observavimus: J. Bauhinus circa Monspelium mensis Martio & Aprili. Locus & Tempus.

\* 7. *Vicia sylv. lutea cum galea fusca* J. B.

J. B.

In ficca inferiora labra lutea apparent. *Flores* majores quam luteæ superius proximè descriptæ, bini ex brevibus pediculis juxta folium, ut in illa, *folia* verò diversa, quinque tantum conjugationes supputavi, foliola breviora, latiora, ad foliola *Viciæ* sepium perennis accedentia, paulò rotundiora tamen. *Siliqua* etiam quamvis nondum matura nobis videbatur, attamen ad modò dictæ *Viciæ* siliquam eam suo tempore accessuram colligere haud difficile fuit.

Circa Bononiam ab Agerio collecta est.

Ex imperfecta hac descriptione à sicco ramulo sumpta nihil certi colligi potest. Morisonus pro prioris varietate habet. Locus.

\* 8. *Vicia multifolia cum siliquis latis* J. B.

J. B.

*Folia* huic omnino familia erant *Viciæ* multifloræ: Foliorum ut in illa conjugationes plurimæ, ad duodecim supputavi; angusta autem sunt & in acutum desinunt; in iis magni pili: *flores* parvi, singulares, ex brevissimis pediculis, ficci lutei apparent: *siliquæ* singulares etiam, primò valde hirsutæ, postea minùs, sed tactu asperæ, uncia unâ & semis breviores, & unciam semis ferè latæ, in iis grana quinque observavimus, cujus sint coloris vel magnitudinis dicere non possumus; quia immaturæ.

Ab eodem Agerio ficcam accepit. In satis intra & circa lucum Gramuntium Aprili & Maio mensibus invenit D. Magnol. Flos non luteus est, prout in ficca apparuit, sed pallidè albus. Locus.

9. *Vicia flore obsoletè purpureo, siliquâ hirsutâ. An Aracus major Baticus Boelii* Ger. emac. app. Park.

Totâ facie ad *Viciam* sativam accedit, verùm *folia* summâ parte crenata sunt. *Flores* obsoletè purpurei, umbone obscuriore seu saturatiore, ex alis foliorum singulis singuli, nullis pediculis; quibus succedunt *siliquæ* hirsutæ, breviores quam *Pisii* vulgaris, non minùs tamen per maturitatem turgidæ & ferè teretes, duo aut duo  $\frac{1}{2}$  uncias longæ, per maturitatem nigricantes: *Semina* qualia fuerint per oblivionem aut incuriam à nobis observatum non est.

In foliis plantæ nobis descriptæ non plures quinque pinnularum mediæ costæ adnexarum conjugationes numeravimus.

Hujus semen unde habuimus jam non recordamur.

Araci Batici caules cubitales & longiores: *folia* ex sex, septem aut pluribus foliolis acutis Lentis similibus mediæ costæ adnexis composita: *Semina* in singulis siliquis quaterna circiter, rariùs rotunda, plerumque nonnihil compressa & interdum angulosa, nigricantia, magnitudine *Pisii* sylvestribus superiora, *Viciæ* sapore.

10. *Vicia sepium perennis* J. B. *maxima dumetorum* C. B. Ger. emac. Park. Bush-Betch.

J. B.

Ad sepes provenit, caule duorum triumve cubitorum longitudine, non admodum crasso: *folia* non multùm à *Viciæ* vulgaris sativæ abludentibus, subinde tamen variantibus, in tarsum dispositis per conjugationes, quales aliquando in uno folio tredecim numeravi, quamvis soleant multò etiam paucioribus constare [in planta quam præ manibus habemus non ultra septem numeramus.] Singularia *folia* seu pinnulæ à *Viciæ* sativæ eo potissimum differunt, quòd qua parte costæ adnectuntur latiora sint, indeq. sensim attenuentur in mucronem [licet & quædam rotunda satis reperiantur] minùs hirsuta, sapore satuo, viscido. *Flores* unico pediculo rubenti hærent plures, ad sex usque, è calice purpureo exeuntes, unicolores, non bicolores, ut in *Viciæ* sativæ & sylvestri vulgatiore, quamvis intensionem quandam & remissionem coloris in partibus floris est observare, siquidem *folia* ejus inferiora saturatiore purpurâ tincta sunt & pænè nigricant, superiora dilutiùs purpurascunt [in nostrate hanc coloris differentiam non est observare, sed omnia *folia* ejusdem sunt coloris, saturationibus lineis obscuriùs striata.] *Siliquarum* insignè discrimen, tam foelicem sci. florum ubertatem una duntaxat aut altera, [interdum tres] *siliquæ* excipiunt, minores multòque breviores, latiusculæ interim & compressæ, glabræ, non ut sativæ hirsutæ, per maturitatem nigræ, præque nigredine pæne lucentes, *semina* claudentes *Pisii* sapore, medullâ luteâ, formâ variâ, modò longiora, interdum fusque deque aut altrinsecus compressa, non exactè rotunda, plusquam dimidio sui *siliquæ* adhærescentia, intercedente apophysi longissimâ, ut in *Lathyro* minòre, minora quam *Viciarum* sativarum, coloris albi punctulis discursantibus. *Radix* perennis, reptatrix, Aristolochiæ clematis instar, tenuior tamen, & fibris multo minoribus, dulce quid [aliorum leguminum de more] respiciens.

In sepibus & dumetis Maio mense florens ubique reperitur.

H h h h

Locus.

11. *Vicia*

11. *Vicia sylvestris* sive *Cracca major* Ger. *Aracus* seu *Cracca major* Park. *Vicia vulgaris sylvestris* semine parvo & nigro frugum J. B. *Vicia* semine rotundo nigro C. B. **Strangle Care** or **Wild Detch.**

*Radix* ei nunc simplex, nunc ramosa, *caules* emittit plures, infirmos, humi procumbentes nisi quando capreolis suis vicinis stirpibus se alligant, dodrantes aut pedales. *Folia* ut in *Vicia sativa* hirsuta, angustiora tamen, nec in extremitate adeò obtusa, paucioribus etiam conjugationibus ad eandem costam adnexis [sex ad summum] composita. *Flores* ad singulas foliorum alas singuli, in latiore solo bini ternive, hilari purpurâ nitentes, non bicolores ut in *Sativa*, pediculis brevibus aut nullis harentes. Succedunt *siliquæ* longæ, graciles, teretiufculæ, per maturitatem nigrae, *seminibus* parvis, rotundis, *viciæ sativæ* triplo ferè minoribus, copiosis (ad decem aut duodecim eximere memini) repletæ. Color *seminum* non penitus niger (ut volunt Botanici) sed ex pallidè viridi & nigro varius.

Tempus  
& Locus.

Vere floret & per totam deinde ætatem. Ad sepes & in aggeribus, locis præsertim arenosis, sæpius provenit apud nos quàm in arvis & cultis: imo verò in palcuis arenosis non rarò invenitur. Hinc & quia semen non perfectè nigrum est, aliquando dubitavimus, an hæc planta sit *Cracca major* Botanicoz necne, necdum planè nobis satisfactum est, putamus tamen eandem esse.

12. *Vicia angustifolia* purpureo-violacea *siliquâ latâ*, glabrâ Botan. Monsp.

Magn.

*Folia* multa habet, oblonga & angusta, obtusa, *florem* magnum, purpureo-violaceum, cui succedit *siliqua* fuscuncialis longitudinis, semuncialis latitudinis, glabra.

Hæc est (inquit) proculdubio quam invenit J. B. ut dicit cap. de *Vicia vulgaris sylv.* inter saxa mense Aprili, quâ itur Frontignanâ foliis angustissimis, flore pulchro purpureo: ego ad præcedentem potius retulerim *Viciam* illam J. B. quin ni *siliquarum* latitudo obstaret hanc illi eandem dicerem.

13. *Vicia sylvestris* flore fusco.

Hanc in Sicilia invenimus ad pedem montis Ætnæ.

14. *Aracus minor* Lusitanicus Park. *Legumen pallidum* Ulyssipponense Nonii Brandonii Ger. emac. App.

*Caulibus*, foliis, *siliquis* Araco majori Batice similis est, verùm minor, minùsque aut potius non omnino pilosa: *Flores* pallide lutei: *Siliquæ* minores, glabræ: *Semina* minora.

- A. 15. *Vicia segetum* cum *siliquis plurimis hirsutis* C. B. *Vic. parva* sive *Cracca minor* cum multis *siliquis hirsutis* J. B. *Vic. sylvestris* sive *Cracca minima* Ger. emac. **Small wild Care** or **fine Care.** *Aracus* sive *Cracca minor* Park.

J. B.

E *radice* exili & tenui quadrati, tenues & infirmi exeunt *cauliculi*, dodrantes & longiores, importuna alarum ubertate luxuriantes. *Folia* Lentis foliis paria, levia, pinnata, rarò sibi mutuo respondentia, ad medium nervum adnexa, ad octo aut novem paria, qui in tortiles capreolos variè partiti facessens, segetem infesto complexu arripit & strangulat. E foliorum alis hinc inde enatis pediculis *flosculi* infident racematim, septem aut octo interdum, eodem spectantes, pusilli, dilutè cœrulei, quos *siliquæ* excipiunt semunciales, hirsutæ, quarum singulis bina *grana* insunt, rotunda, nigricantia, *Rapistræ* vulgaris majora.

Locus.

Inter segetes nimis frequens.

- \* 16. *Vicia pratensis verna* seu *præcox Soloniensis*, semine cubico seu hexaedron referente Morif. hist. Morif.

*Florem* fert exiguum, rubentem, papilionaceum, ex singulis geniculis ortum; atque singulis floribus singulæ succedunt *siliquæ*, curvæ, tenues, pollicares: in quarum singulis continentur *semina* angulosa, minuta, terna aut quaterna, hexaedrum referentia.

Præcocitate & tenuitate partium, denique *seminibus* cubicis à cæteris *Viciis* nullo negotio distinguitur.

Locus.

Sub exitum hyemis in pratis neglectis & minimè herbidis, contra regiam Chambort in agro Soloniensi intra septa ejusdem nominis litam viget.

- A. 17. *Viciæ* sive *Craccae minimæ species* cum *siliquis glabris* J. B. An *Vicia segetum* singularibus *siliquis glabris* C. B. **fine Care with smooth pods.**

Præcedente minor est & tenerior, tota glabra, *foliis* longioribus & angustioribus, paucioribus ad mediam costam, quæ in capreolos facessit. *Pediculo* tenuissimo, longo ex foliorum alis exeunte, innascitur *flos* unicus, sæpe vel duo, vel tres, majores quàm \* præcedentis, pallidè cœrulei lineis purpureis saturationibus striati; quibus succedunt *siliquæ* glabræ, nonnihil compressæ, *semina* tria quatuorve continent.

\* *Viciæ* cum  
*siliquis pluri-*  
*mis hirsutis.*

Locus.

Inter segetes, non rarò & in sylvis locis humidioribus oritur:

- \* 18. *Vicia*



18. *Vicia parvum genus folio longo* J. B.

J. B.

Cubitale, Monspelio allatum dedit ramum frater C. Bauhinus angulosum, foliis alatis, costâ in capreolos facessente; singularia folia fescuncialia & duarum unciarum, graminea, vix culmum lata, in acumen desinentia. *Flosculi* longo surculo peculiari haerent, multi, oblongi. Sequuntur filiquae Cracca minores, nonnihil longiores.

Circa Monspelium in plurimis ficcioribus satorum marginibus occurrit. Bot. Monsp.

Locus.

A. 19. *Vicia multiflora* C. B. Ger. *Sylvestris multiflora* sive *spicata* Park. *multiflora nemorensis perennis* seu *dumetorum* J. B. *Sylvestris spicata* C. B. *Tufted Detches*.

*Radices* huic longae, tenues. *Caules* cubitales aut bicubitales, ramosi, infirmi, ut huius generis omnium, striati, brevi lanugine hirsuti. *Folia* componuntur ex plurimis pinnularum conjugationibus ad mediam costam quae in capreolos definit, annexis. Sunt autem pinnulae longitudine digitali, angustae, utrinque hirsutae, obscure virides, mucronibus acutis. Ex foliorum sinibus exeunt spicae praelongae florum purpurascensium longiusculorum, deorsum dependentium, quibus succedunt *siliquae* unciales, latiusculae, deorsum dependentes, *semina* continentes subrotunda, per maturitatem nigra, Lentis magnitudine, tria aut quatuor in eadem filiqua.

In dumetis & sepibus, non raro etiam in pratis aestate floret. Floribus deorsum dependentibus cum Galega convenit, unde nonnullis Galega sylvestris dicitur. C. Bauhinus ex una specie in multum fallimur duas, imo tres facit. Sunt enim ex sententia fratris Vicia quae multiflora h. e. Galega sylvest. Dod. & Vicia sylv. spicata, i. e. sylvestris secunda Clus. una & eadem Viciae species: nec diversa videtur Vicia Onobrychidis flore ejusdem C. Bauhini, ut & D. Magnol arbitratur.

A. 20. *Vicia sylvestris multiflora maxima*. The great tufted Wood-Detch. *Vicia perennis multiflora spicata major* Moris. hist.

Hæc præcedenti perfimilis est sed elatior & ramosior; foliis latioribus, pariter hirsutis; floribus subalbidis, aut dilute admodum cœrulescentibus, saturatioribus lineis cœruleis striatis.

In sylvis sed rarius invenitur. In sylva quadam prope Caerwent in Wallia primum observavi: D. Johnson copiosam invenit in sylvis prope pontem Greta in confiniis Comitatus Eboracensis & Dunelmensis Episcopatus.

21. *Vicia maritima multiflora alba* Messanenensis.

Hæc floris colore à sylvestri multiflora vulgari differt. Invenimus spontaneam in lingula illa Fretum Siculum & portum Messanensem intercedente. Circa Neapolim eandem observavimus flore vario ex albo & cœruleo. Aliter etiam, ut putamus, differt, verum nos non satis curiosi fuimus in differentiis observandis.

22. *Vicia perennis incana multiflora* Botan. Monsp.

Magn.

Vicia multiflorae vulgaris magnitudinem assequitur, à qua differt quod folia villo incana & quasi argentea sint: flores similiter spicati, purpureo-violacei, sibi invicem propinquiore; & antequam explicati sunt spica recurva est.

In pratis circa Lateram Junio mense floret: Siliquas nondum viderat D. Magnol.

Locus.

23. *Vicia pulchrum genus multifolium, sive Galega species quibusdam* J. B.

J. B.

Costae longae in capreolum desinenti alligantur folia interdum viginti, in acumen desinentia, glabra: florum idem positus ex longo pediculo, qui pauciores, ut animadvertere adhuc alicui, paullo majores singuli, quales ferè Viciae sepium, purpurascens, nisi fallat sicca planta.

Agerius dedit nomine Galegae alicujus ex monte Apennino.

*Vicia Onobrychidis flore* C. B.

C. B.

*Caules* habet pedales, teretes, striatos; quos foliorum alae, ut in Vicia vulgari, sed breviores & angustiores, uni costae ex adverso respondentibus ambiunt, capreolis extremum occupantibus. Ex foliorum alis superioribus pediculi semipalmares, nudi exurgunt, quorum summitatibus flores plures, oblongi, galericulati, Onobrychidi tertiae Clus. formae similes, inferne pallidi, supernè violacei coloris insident.

Floribus succedunt *siliquae* planae, deorsum reclinatae, *semina* sena, septena numero continentes.

Monspeliuli provenit. Vicia multiflorae eadem videtur D. Magnol & nobis.

24. *Faba sylvestris Graecorum sive Faba Veterum* Park. *sylv. fructu rotundo atro* C. B. *Aracis fabaceus* & *Faba Kairina*, cui *semina immura* J. B. *Faba sylvestris* Ger.

J. B.

Legumen plusquam cubitale, cujus caules satis crassi, angulosi, inanes, nonnihil hirsuti: folia quaternaria vel sena [rarius] conjugationibus duabus digesta, costae adherent longiusculae, Fabae vulgaris foliis similia, hirsuta, nigricantia, neque ullum est folium quod imparitatem faciat, pediculus enim five *pediculus* in capreolos abit, quibus proxima apprehendit: verum ubi cauli pediculus adnectitur, pinnæ adnascuntur binæ, veluti in Pisib; atque ex eodem oriuntur loco flores purpurei, similes ferè

H h h h 2

floribus

floribus Viciæ vel Aphacæ, ex singulis foliorum sinubus singuli, pediculis brevibus & ferè nullis, albidis, saturatoribus lineis purpureis striati, umbone è purpureo nigricante; quibus decidentibus superveniunt *siliquæ*, mediocriter longæ, magnæ, hirsutæ, latiusculæ, per maturitatem nigricantes, quibus *semina* continentur, Pisi ferè magnitudine, gravissimi & ingratiissimi saporis & odoris, nigra & Holoferici in modum splendentia, rotunda, sex aut septem numero.

Locum.

Planta est annua, æstate florens: provenit sponte in Apulia, campestribus locis, inque Gallia Narbonensi & Aquitania.

25. *Aracus fabaceus serratus & Cocco vico semine majore* J. B. *Faba Veterum foliis serratis* Boelii Ger. emac. App. *F. Veterum serratis foliis* Park.

Præcedenti similis est caule, flore (ut existimo) purpureo, Viciæ sepium, & siliquis, quæ, ut illi, latæ, uncias tres longæ, singulares, ex brevi pediculo hærentes, in circuitu hirsutæ. In foliis tres conjugationes, pulchrè dentatæ, præter alas binas. Folia in capreolos definunt, ad quorum latus præter conjugationum foliolum unum solum adest, minus cæteris.

*Cocco vico* Bello dictum, J. Bauhino satum, plantam produxit, quæ florebat Maio, similis autem erat præcedenti Araco fab. verum flores bini, omnino purpurei, internè non striati: ternus ordo parvorum foliorum, quorum quædam similia sine serraturis, alia verò cum serraturis: Alæ in principio pediculorum cristatæ ut in descripto. Sapor non displicet. In siliquis latis numeravi septem grana: Sapor in virentibus leguminosus cum aliqua ingratitudine. Mense Junio siliquæ maturæ, latiores multò quàm in Faba Veterum vulg. Pifa autem duplo majora, minùs nigra cum hilo albo.

Hoc genus cum serrato supra dicto idem esse puto; obstant siliquæ binæ ad singulas alas: verum, seu idem sit illi, sive diversum, ipsissimum est quod nos inter frutices circa Baias invenimus à vulgari veterum Faba multum diversum, ternis in singulis alis foliorum conjugationibus eorumque majorum, & circumferratorum. Floribus binis in singulis foliorum sinubus nique non striatis, siliquis latioribus, seminibus majoribus.

## CAP. IX.

## De Lente.

**L**ens vel ex *lenis* factum est, vel ex *lennis*, quomodo Vett. dixisse in recto, ait Priscianus in VII. Ratio nominis esse creditur quia comela lenes & lentos faciat. *Invenio* (inquit Plinius lib. 17. cap. 12.) *apud Auctores æquanimitatem fieri vescentibus ea.*

Lens à reliquis vicis distinguitur, semine compresso & pro plantulæ modo grandi, siliquis latis, brevibus.

Cæterum Lens minutum & vile est legumen, unde proverbium *mira de Lente*, apud Græcos dici solitum, quoties res humilis & pusilla splendidis encomiis magnificisque laudibus attolleretur cui Anglicum nostrum respondet *Great matter of a wooden Platter*.

Pauperum & tenuium cibus est, quæ fastiditur simul ac lautior fortuna contigit, unde Proverbi-um *Dives factus jam desit gaudere Lente*, in eos dictum, quibus ad uberiores conditionem evectis fastidio sunt ea quæ prius inopes boni consulebant.

Vires.

Quod ad vires attinet, Lens ex Veterum autoritate oculorum aciem obtundit, ægrè concoquitur, stomacho incommoda est, eumque & intestina inflat: alvum autem sistit si cum cortice edatur inducit gravia insomnia, ad nervosa, & pulmonem & caput incommoda est. Galeno corpus Lentium siccatur & ventrem sistit, Decoctum verò propellit. Quapropter prior aqua diffunditur cum cohibendi gratiâ sumuntur. Præcipua vis adstringendi est in cortice, detergendi in succo. Lens ergo decorticata illam adstringendi vehementiam & ea quæ ipsam consequuntur amittit; magis tamen nutrit quàm quæ cortice spoliata non est, verum succum crassum ac pravum gignit, tardèq; comseat, non tamen alvi fluxus deficiat uti ea cui cortex non est ademptus. Externè in cataplasmatibus ad multa adhiberi solebat à Veteribus. Vide Dioscoridem & Plinium.

1. *Lens* J. B. *minor* Ger. Park. *vulgaris* C. B. *Uentils*.

Planta est annua, *radice* tenui, alba, paucis fibris donata. *Caulis* ei satis crassus pro plantulæ modo, dodrantalis, hirsutus, angulosus, infirmus & procumbens nisi in propinquo sit quod scandat, à radice statim ramosus. *Folia* è quorum sinubus ramuli exeunt alternatim posita, ut in reliquis ferè leguminibus, quinque aut sex pinnularum mediæ costæ adnexarum conjugationibus composita, costa media in claviculam exeunte. Singulæ autem pinnulæ oblongæ, angustæ, hirsutæ in acutos apices deficiunt. Ex alis foliorum exeunt furculi tenues, oblongi, duos aut tres *flores* gestantes, parvos, albescentes; superius tamen folium, quod clypeum appellant, cæruleis intus, lineolis striatum est. Flosculis succedunt *siliquæ* breves, latæ, compressæ, glabræ, duo vel tria semina, quàm pro plantulæ modo majora, compressa, per maturitatem flavicantia continent.

2. *Lens* *major* J. B. C. B. Ger. Park.

Lente vulgari omnibus partibus speciosior est & major, herba, foliis, flore albo, siliquis, ut & semine, quod Lentis vulgaris duo aut tria grana facile æquat.

3. *Lens*



- \* 3. *Lens Hungarica major perennis* Hort. Leyd.

Reliquæ omnes *Lentis* species singulis annis intereunt, hæc perennat.

- \* 4. *Lens maculata* Park.

- \* 5. *Vicia sylvestris cum Lentis filiqua* J. B.

Dodrantalem habet. *caulem*, gracilem, angulosum, glabrum, ramosum : *folia* duarum triumve unciarum, tarfi effigie, singularia Craccæ minimæ foliis non majora, per extremum obtusa & veluti cordata : costæ extremum in tortiles cirros abit. Ex alæ finu enatus pediculus uncialis *florem* gerit unicum *Lentis* flori similem, quem excipit *filiqua* unciâ longior, semunciam lata, glabra, compressa, duo aut tria claudens semina, orbiculata, *Lentis* majoris.

Locum.

Nemaufi collegit Cherlerus.

## SECTIO SECUNDA.

### De Herbis flore papilionaceo seu Leguminosis non Scandentibus.

**H**Æ vel sunt filiquis simplicibus, vel filiquis geminatis duplici alveolo duas seminum series continentibus. Prioris generis plantæ sunt vel filiquis articulatis, vel articulis carentibus iisque vel erectis, [apertis aut utriculis inclusis] vel propendentibus. Quocirca Sectionem hanc in quinque membra seu subsectioniones dividemus.

- Prima erit, De leguminosis filiquis erectis.  
Secunda, De Legum. filiquis propendentibus.  
Tertia, De Legum. filiquis utriculis inclusis.  
Quarta, De Legum. filiquis articulatis.  
Quinta, De Legum. cum filiquis geminatis.

## SUBSECTIO PRIMA.

De plantis leguminosis non scandentibus filiquis simplicibus erectis: *Lupino*, *Faba*, *Glycyrrhiza*, *Galega*, *Onobrychide*, *Orobo*, &c.

*Herbæ flore papilionaceo erectæ seu non scandentes sunt vel filiquis ad singulos flores*

*Simplicibus*, unico alveolo unicum semen aut unicam seminum seriem continentibus; suntque vel

*Monospermæ*, floribus in spicas è foliorum alis egressas dispositis, filiquis

{ Rarius & à se invicem remotius sitis,

{ *Echinatis* seu aculeatis; *ONOBRYCHIS vulgaris*, *Caput gallinaceum*.

{ *Lævibus*, orbicularis seu peltatis; *Polygalo Gesneri affine*, *CAPUT GALLINACEUM*, J. B.

{ *In capitulum conglobatis*, asperis, *Glycyrrhizæ* facie; *GLYCYRRHIZA echinata*.

*Polyspermæ*, filiquis

{ *Articulis non interceptis*, calicibus

{ *Expansis*, filiquis visui expositis

{ *Erectis*, foliis

{ *Digitatis*, caule tereti, floribus in summis canlibus & ramulis in spicas dispositis, semine amaro; *LUPINUS*.

{ *Pinnatis*, pinnis

Hhhh 3

Majoribus,

- { Majoribus, conjugationibus paucioribus, floribus è foliorum alis exeuntibus, filiquis & seminibus maximis, caule anguloso inani; *FABA*.  
 Minoribus & pluribus, radice  
 { Dulci repente lutea, caule procero, filiquis brevibus compressis;  
*GLYCYRRHIZA*.  
 { Inspida, saltem non dulci, floribus spicatis, filiquis  
 { Tenuioribus seu strictioribus; *GALEGA*.  
 { Habitioribus; *OROBUS Sylvaticus siliqua erecta*.  
 { Propendentibus,  
 { Nodosis, torulis seminum protuberantibus velut articulatis; *OROBUS sativus*.  
 { Equalibus seu planis,  
 { Longis & minoribus,  
 { Teretioribus, foliis  
 { Pinnatis, aliàs cum, aliàs sine impari in extrema ala folio;  
*OROBUS Sylvaticus siliqua propendens*.  
 { Integris, longis gramineis, caule erecto tereti; *CATANANCE*.  
 { Compressis, floribus corollæ in modum confertis, seminibus compressis quadratis; *SECHURIDACA*.  
 { Brevibus tumidis & vesicarum instar inflatis; *CICER sativum*.  
 { Membranaceis tumidis & vesicarum instar inflatis filiquas occultantibus; *LOTUS Arvensis*.  
 FINIS, *Anthyllis leguminosa, Trifolium balicacabum*.  
 { Articulatis; v. Tab. sequentem.  
 { Gemellis seu duplicatis.

## CAP. L

## De Lupinis.

**L**UPINUS nonnulli à *Lupus* dici existimant, rationemque hanc adferunt, quòd *lupinus* quadam naturâ terram vorat. Nam (ut Plinius ait lib. 18. cap. 14.) Tellurem adeò amat, ut quamvis frutetoso solo conjectum inter folia vepresque, ad terram tamen radice perveniat. Sed rectius Isidorus Lib. 17. Orig. cap. 4. qui Græcum esse origine docet. Est enim àνι τῆς γῆς, quo respiciens Maro 1. Georg. ait *tristisque Lupini*.

Nempe quia, ut loco dicto Isidorus ait, *Vultum gustantis amaritudinem contristat*. Aquâ tamen si macerentur amarorem exuunt: unde Zeno Citiæus rogatus unde fieret, quòd cum naturâ adeò teretricus esset, vinum si biberet, fieret suavior, sibi hoc cum Lupino commune esse respondit. Meminere Athenæus lib. 3. & Laertius in Zenone.

Ex Lupino macerato fiebant nummi, quorum in Comædiis usus erat. Plaut. Poen. Act. 3. Sc. 2.

AG. *Agite, inspicite aurum est.* Col. *Profecto spectatores Comicum.*

*Macerato hoc pingues fiunt auro in Barbaria boves.*

*Verum ad hanc rem agendam Philippum est.*

Hinc Horat. Lib. 1. Epist. 7.

*Nec tamen ignoras quid distent ara lupinus.*

Ubi, ut Turnebus à Mureto edoctus scripsit lib. 1. Advers. cap. 15. per *ara* intelliguntur nummi arei, per *lupinos nummi Comici* è Lupinis confecti, ut omnino fallantur qui corrigunt, *quid distent eras Lupinus*. Hæc omnia è Clariss. Vossii Etymologico.

Lupini notæ sunt folia digitata, caules teretes, flores in summis caulibus & ramulis in spicas digesti, filiquæ erectæ.

1. *Lupinus sativus* Ger. *sativus flore albo* C. B. *sativus albus* Park. *vulgaris, semine & flore albo, sativus* J. B. **White Lupines.**

Caulis hinc cubitalis & sesquicubitalis, mediocriter crassus, teres, hirsutus, erectus, ramosus, medullâ farctus [quamvis alii concavum faciant] foliis nullo aut alterno ordine positis vestitus. Folia pediculis duas tresve uncias longis innituntur, ex septem plerumque segmentis oblongis angustis, è pediculi



pediculi fastigio eodem puncto enatis, Pentaphyllorum in modum composita: (Folia huiusmodi *fungio* non ineptè digitata dicuntur) è glauco obscure virentia, ad margines æqualia, subhis hirsuta lanugine incanā & quasi argenteā ad margines præcipuè. Horum latera noctu contrahuntur, ipsaque insuper ad pediculum terram versùs reflexa dependent. Flores in summis caulibus & ramulis in spicas digesti, papilionacei, albi, pediculis brevibus. Floribus succedunt *siliquæ*, tres uncias longæ, hirsutæ, erectæ Fabacearum instar, pulposæ, compressæ, quinque vel sex *semina* majuscula, orbiculata & nonnihil angulosa, compressa, qua parte *siliquæ* adherent cavitatem quandam velut umbilicum exiguum habentia, foris alba, intus lutea, sapore amaro, continent. *Radix* subest dura, alba, multifida.

In Italia in agris feruntur: non modò ad alimentorum usum, sed (si Matthiolo credimus) ad *Locus* agros impinguandos.

Lupinum alterum album *Park.* huc refero.

Seruntur in Hetruria (inquit *Matt.* & nos etiam id observavimus) non modò ad alimentorum usum *Vires.* sed ad agros impinguandos, & *Plinius* pinguescere hoc satum arva vineasque dixit, ita ut optimi fimi vicem repræsentet.

Semen in aquâ dulci calida maceratum amaritudinem deponit, & gustui gratum redditur ut citra aliam coctionem esitetur. Galenus elixum cum garo ac oxygaro, vel etiam sine his sale mediocri conditum mandi scribit, & fieri tunc nutrimentum succi crassi, & tardè descendere. At ubi nativa etiamnum amaritudo manet extergendi digerendique vim obtinet, interficit lumbricos tum illius tum addito melle linctus, tum in posca potus; quin & decoctum ejus idem præstat. Foris impositus ex emplasticorum genere est; unde & decoctum in fotu, & farina in cataplasmatibus vitiligines, achoras, pustulas, pforas, gangrenas, ulcera maligna juvat, partim extergendo, partim citra mordacitatem digerendo. Sunt qui farinam ischiadicis cum aceto illinunt. Elicit menses & foetum cum Myrrha & melle impositum, & alia multa præstat, quæ vide apud *Dioscoridem*, *Galenum* & *Plinium*.

Quod *Theophrastus* dixit viridem à nullo animali mandi propter amaritudinem, de fructu intelligendum est: nam hodie etiam pro boum pabulo feritur inter rapas. *J. B.*

2. *Lupinus ceruleus major villosus* C. B. *exoticus hirsutissimus* J. B. *ceruleus maximus* *Park.* *major flore ceruleo* *Ger. emac.* *Indicus Cornuti.* *The greatest blew Indian Lupine.*

*Radice* est lignosa, rufescente, fibrosa: *Caulis* cubitali, rotundo, firmo, striato, molli lanugine obfuso, (nam in hoc longè major est hirsuties quàm in aliis *Lupinis*) in summitate in paucos ramulos divisus, [ *Cornuto* multis ramulis brachiato ] ramulis quandoque etiam subalaribus rudimenta floris futuri habentibus, qui rarò nostro cœlo perficiuntur. *Folia* septena aut octona, [ *Corn* novem aut undecim ] molli lanugine obfusa & quàm in cæteris latiora, stellas in modum disposita, pediculis villosis, tres quatuorve uncias longis, insident; quæ decidua sunt, maximè ubi *semen* perfrictum incipit. Flores magni sunt, eleganter cœrulei & inodori, semper quini in ordine ceu verticillatim dispositi, ita ut quamplurimum quatuor, rariùs quinque ordines conspiciantur, & quo planta perfectior fit eo etiam magis à se invicem distinguuntur, & quintus ordo plerumque perit, dum inferiores semen perficere student. *Siliquæ* sequuntur hirsutæ, unciam latæ, duas longæ, sed paucæ, cum ex quinque ordinibus vix binæ singulo ordine proveniant (quod raritatem & peregrinam plantæ naturam ostendere videtur) quæ *semen* vulgaribus majus, compressum & rufescens, asperum, J. Bauhino totum luridum continent. [ *Cornuto* *Siliquæ* trium ad summum seminum capaces sunt; semina non levem, ut reliqua, superficiem habent, sed pumicosâ asperitate rudem. ]

Hæc planta tum à *Clusio* in *Hist.* describitur, tum à *C. Bauhino* in *Prodr.*, cuius etiam descriptionem adhibuimus, & tamen (quod mirum) à *Jac. Cornuto* in *Hist. Plant. Canad.* pro non descripta habetur.

3. *Lupinus medius cœruleus.* An *Indicus medius cœruleus* *Park*?

Præcedenti similis est sed minor & humilior, pariter villosus. Flores etiam minores, colore etiam cœruleo ameno lucentes, cum maculâ in medio albicante, vetustate, antequam flos marcescat, in rubellum colorem mutatâ. *Siliquæ* villosæ, minores: *semina* etiam minora, valde compressa, per maturitatem contracta cavitatem quandam utrinque obtinent, pulchrè variegata, minimè ut superioris aspera, sed levia ut in reliquis.

Londino semen habuimus, quod in hortulo nostro Cantabrigiæ satum plantam produxit, quæ *semen* maturum dedit.

4. *Lupinus cœruleus minor* *Park.* *flore cœruleo* *Ger. sylvestris flore cœruleo* C. B. *sylvestris purpureo flore*, *semine rotundo vario* J. B.

Ex *sylvestrium* *Lupinorum* genere est, *caule* cubitali, robusto, recto, sereno, striato, foliis alis satis frequentibus concavo & ramoso. *Folia* *Lupini* sativi, nonnihil hirsuta, multo minora, in quinque, sex, vel septem radios longos, angustos *loba*; pediculo inæquali longo, sapore ingrato & pedioso. Flores longa serie crebri, agminatim ascendentes, *Circularum* & *Pilorum* floris referunt, coloris purpurei [ potius cœrulei ] quibus succedunt *siliquæ* rectæ, *semina* continent parva, stigmatibus variata, rotunda. *Radice* porro demittit satis profundè, non magnam tamen, glandulis ad fibras adnatis strumofam.

In Sicilia circa Messanam sponte & copiosè provenit: alibi etiam tum in Italia tum in Narbonensi Gallia, locis arenosis & inter segetes invenitur.

5. *Lupinus angustifolius caeruleus elatior*. An *Lupinus Gadenfis marinus flore caeruleo* Park? *Lupinus minor caeruleus Tingitanus* Morif?

Lupino sylvestri caeruleo similis est, sed erectior & elatior multò, ut qui ad cubitalem altitudinem assurgat, ipsum etiam Lupinum sativum proceritate æquans vel excedens: *Folia* ut in sylvestri minore angusta, novena plerunque in eodem pediculo, extremis obtusioribus quàm in aliis Lupinis, ut quasi abscissa videantur. *Semina* Lupini sylvest. caerulei seminibus *similia*, sed colore nonnihil diversa, maculis nimirum ex fusco flavicantibus varia.

Semen hujus *Lupini Gadenfis* titulo nobis communicatum est:

\* 6. *Lupinus flore flavo Indicus* Bontii.

*Bont.* Sapore est fastidioso & amaro. *Flores* fert flavos, quibus *siliquæ* succedunt Pisorum nostrorum siliquis similes. Pediculi ex ipso caule satis longi & recta extensi emergunt, qui desinunt in quinque vel sex *folia* oblonga, tenuia. *Flores* autem & *siliquæ* etiam cauli cum tenui pediculo adnascuntur.

*Agrestes* sunt, & in hortis (quod sciam) non coluntur.

Vires.

Decoctum eorum alvum mover & urinas, ideoque magis inter medicamenta quàm alimenta locanda veniunt.

*Folia* & *sapor* *Lupinum* indicant, at *spica pendula* ad aliud genus pertinere arguunt: *Lupinus* est *anomalus*.

7. *Lupinus flore luteo* Ger. Park. *Sylvestris flore luteo* C. B. *luteo flore, semine compresso vario*, J. B. *The pellow Lupine*.

Hic prima specie minor est & humilior, verum & ramosior, & in latitudinem magis diffusus. *Folia* angustiora longioribus pediculis insident, utrinque hirsuta, & in acutos mucrones desinentia. *Flores* in summis caulibus & ramulis in spicas longas digesti, è pluribus florum verticillis compositos, [sex septenve interdum] in singulis verticillis quinque plurimum flosculi, pediculis brevissimis nixi, flavi, odorati. Ad exortum pediculi uniuscujusque floris antequam aperitur apponitur foliolum lanuginosum, concavum, quod explicato flore decidit [Hoc & aliis Lupini speciebus commune est] *Flores* ejusdem figuræ cum præcedentis, nec pro plantæ modo minores. Floribus succedunt *siliquæ* surrectæ, hirsutæ, compressæ, sescunciam aut duas uncias longæ, quatuor vel quinque semina compressa, colore ex albo flavicante & fusco varia continentes: Ramuli in hoc, sed magis in præcedente, supra florum thyrsum, qui in summo caule est, assurgunt & in altum emicant. *Folia* contrahunt se noctu instar primæ speciei, non tamen dependent deorsum reflexi, sed potius sursum eriguntur.

\* 8. *Lupinus peregrinus minor, sive angustissimo folio* C. B.

C. B. prod.

Ex *radicula* oblonga capillacea, *cauliculus* tenuis, palmaris, quàm minimùm hirsutus exurgit, circa quem *foliola* quina, sena, septena, brevina, angustissima, subhirsuta, quæ oblongis pedicellis insident. *Flores* & semina nondum vidimus.

Ex horto Contareni *Lupini Africani minimi* nomine habuit C. Bauhinus.

\* Ex distatis D. Hermann. *Fructus*, annotante D. Palmer, rotundus, orbiculatus & in lateribus crenatus. Ex eo farina in officinis conficitur pro cataplasmate.

\* 9. *Lupinus caeruleus minor perennis Virginianus repens* Morif.

Morif.

Hic quoad caules, folia, flores, siliquas, seminæque cum sylvestri caeruleo minore convenit: sed (quod notatu dignum) à duratione & rependi sub terram facultate à caeruleo minore (cum quo prima facie maximam habet affinitatem) ceterisque suis familiæ quàm facillimè discernitur, ut proximior descriptione ei opus non sit.

Præter descriptas alias adhuc *Lupinorum* species exhibet & describit Parkinsonus: nimirum 1. *Lupinum alterum album*, cui florum petala media, superiore seu gibbâ parte; supremum cavâ, caeruleo colore tincta seu maculata sunt: major & vulgari.

2. *Lupinum minimum caeruleum*, qui partium omnium parvitate præcipuè à sylvestri caeruleo minore differt. An fortè idem Lupino peregrino minori C. B.?

3. *Lupinum flore carneo*, à Lupino Indico medio (cui alias similis est) colore floris, parvitate omnium partium, & hirsutie minore diversum.

Verum cum hæ nobis nondum vitz, nec à quoquam alio descriptæ, nihil ampliùs habemus quod de illis dicamus, nisi quod semina à *Gulielmo Boelio* collecta fuerint, quodque valde teneræ essent, & semina post primam ætatem ad maturitatem non perducerent.

D. Magnol *Lupinum flore purpureo* latifolium hirsutum C. B. in *Matth.* se in satis in *luco* *Brantio* sitis & in aliis circumpositis invenisse scribit. *Botan. Monsp.*

cap. 1. *Lupinus* 2.



## CAP. II.

## De Faba.

**F**aba, Græcis *ῥαυς*, à Faliscis, Hetruria populo, *Haba* dicta est, unde vocabulum sumptum videtur. Martinius à *ma*, i. e. *vescor*, *pascor*, deducit, ut sit quasi Paba. Isidorus à *pa*.

A Dodonæo hoc genus leguminis *Boona* Latine dicitur, qui Germanismo fultus, idioma- réque Alemannico abusum, at aliis doctior videretur, nomenclaturam hanc novam excogitavit (inquit J. Bauhinus.) Caterum Boonæ sive *Bean* nomen à Baiana Italico deductum videtur, quâ totâ Insulâ & Liguriâ recentes Fabas vendentium voce appellari autor est Hermolaus.

*ῥαυς* Græcis dicti creduntur quia sunt *eis τὸ ῥαυὸν δοῦν, ὃ ἄμμι ἐκ ῥαυ.*

Fabæ notæ genericæ sunt siliquæ erectæ, crassæ; semen maximum, ad latera compressum oblongum cum hilo magno in extremo, caules angulosi, firmi, concavi.

A. 1. *Faba* C. B. *Faba*, *Cyamus leguminosa* J. B. *major hortensis* Ger. Park. *Garden-beans*, *J. B.*

*Radice* partim est recta, partim serpente, strumosa & fibris donata, ex qua *caules* surriguntur duobus cubitis altiores, [imò in latiori solo humanam altitudinem superantes, vel singuli vel bini ternive pro fertilitate soli] quadrati, inanes, *foliis* adversis, cæcis, ex oblongo rotundis, ad unam costam adnexis: ex quorum alis *flores* oriuntur simul aliquot juncti, congeneribus Pisifsimos, quorum supremum folium ungue purpurascens albidum, striis purpurantibus pictum est; duo lateralia in medio nigra, in ambitu alba, stamina occultans colore est ex albo herbaceo. *Semen* in *siliquis* magnis, crassis, carnosiss, hirsutis, surrectis, oblongum, latum, planum, compressum, maximum, dimidiam drachmam interdum pendens, colore plerumque albo, interdum rubente, hilo in summa parte longo, nigro.

Postquam semen dederit radicitus exarescit.

Faba fructu albo & fructu rubro, non sunt duæ distinctæ Fabarum species; siquidem ex *sententiâ* nostrâ, Fabæ rubræ satæ non semper rubras producunt, sed interdum, imò sæpius albas. Hæc coloris mutatio accidentalis est varietas, quæ vel solo, vel culturæ debetur.

2. *Faba minor sive equina* C. B. *minor sylvestris* Park. 3. *sive communis* Ger. emac. *Field-beans*, *or Horse-beans*.

*Caulibus*, *foliis*, *floribus* & *siliquis* hortensi seu majori Fabæ similis est, sed minor. *Folia* tamen pluribus pinnarum conjugationibus constant, magisque conferta sunt. *Flores* ex foliorum sinubus exeunt in pediculis parvis, sex plerumque in eodem pediculo, qui delapsi totidem relinquunt *siliquas*, minores & rotundiores quàm præcedentis, *semina* claudentes minora, tumidiora, rotundiora & modicè oblonga, alia pallidiora, alia nigriora. Fecundius est plerumque hoc genus Faba majori seu hortensi, tum siliquarum ad singulas alas numero, tum seminum in singulis siliquis.

Fabis [hortenses intellige] in cibis utimur frequentissimè: suntque in multis regionibus (ut rectè *Adversariorum* auctores) vere & tota æstate magnum annonæ supplementum. Nos Trago subscribimus *recoctas* innoxias esse in cibo, & bonum succum gignere. Veteres eosque secuti Dodonæus, Casp. Hofm. & è recentioribus alii, Fabas flatulentas esse aiunt, & tanto flatulentiores quò viridiores, cujus consequens est, difficilis etiam esse concoctionis; quod tamen nos non experimur quàmvis *astro* tempore Fabis frequenter *vescitur*; nec probamus *sententiâ* Dodonæi aridas & exsiccatas recentibus præferentis, quòd sci. minus flatulentas putet, sed potius cum Trago eas operarius relinquimus. Nec video cur porcos aliæque animalia saginent, & non æquè homines.

D. Mundy de esculentis p. 121. se novissè scribit rusticum quendam pauperem, qui in gravi annonæ difficultate fabis solis elixis, nec alia re, liberos aluit; pueris tamen ita pastis melius coloratos aut habitiores vix alios videres, unde constat copiosè nutrire fabas aridas, postquam ventriculus eas ferre afflueverit. D. Tancredus Robinson.

De facultate adstrictoria farinæ fabarum, ejusque proinde usu in dysenteria medicos dissentire video. Casp. Hofmannus à farina fabacea, seu Faba fresa Veteribus dicta & lomento fabæ, quia paratur sine cortice non oportere ait ullam expectare adstrictionem, quæ corticis est, non autem substantiæ. Qua, pergit, ex limitatione intelligit unusquisque, quo in errore versentur illi, qui hac farinâ vel in aceto solo, vel in aceto & aqua decoctâ utuntur in alvi fluxibus ex debilitate retentis; nisi enim totæ decoquantur nihil fit.

Dodonæus è contra Fabam cum putaminibus descendere ait nec omnino facillè, nec omnino tardè; absque his autem alvum constringere; Nos in Dodonæi *sententiâ* propendimus, cum videamus in frumento *florem farinæ fursuribus excussis potentiùs astringere*, & fursures extergere, *farinæque descensum promovere*: rem tamen experientiâ determinandam relinquimus. Faba minor facultate ac temperamento admodum similis est majori; non tamen tam hominum cibo quàm equorum saginæ servit ac utilis est.

Farina Fabarum non tantum intra corpus utilis est in diarrhœa & dysenteria, sed & extra in maculis à Sole contractis, aliisque cutis sordibus extergendis (si illâ fricentur) in sugillatis discutiendis. Aqua destillata ex floribus diuretica est, maximèque usus in maculis faciei extergendis eaque fucanda. Flores autem suavissimum odorem exhalant, ut agri aut horti Fabis confiti, cum in flore sunt, odor etiam è longinquo sentitur.

An Boona sive *Bean* sit Veterum Faba non levis est inter botanicos controversia. Vide sis Dodonæum, J. Bauhinum & Casp. Hofman: in *De Medicam. Officin.* Certè Veterum Faba parva fuit &

& rotunda, ut patet ex innumeris ferè locis Theophrasti, Dioscoridis, &c. E contra impossibile videtur, certè vix credibile est legumen adeò vulgare & quotidiani usus in desuetudinem abiisse, aut nomen mutasse, inque ejus locum & nomen Boonap successisse nemine conficio. Hæc enim nobis pro Faba, & Faba Latinis pro *vulgaris* unanimi consensu tradita est. Contra sententiarum argumenta (inquit C. Hofman.) peccant in eo quòd comparationem instituant cum Faba nostra majore, cum deberent cum minore. Fortassis illa tum non fuit perducta ad id magnitudinis mangonio.

Ad renum Affectus, & Cinerem è truncis Fabarum. Fiat ex iis lixivium, coletur per manicam Hippocratis, dulcoretur saccharo & aromat. cinnamom. de quo 3vj. propina. Ab atroci dolore renum in feb. dupl. tertiana subintrante sum liberatus hoc auxilio. Guido à Cauliaco. Provocat urinas vias mundificando, pus & arenulas expellendo & menstrua provocando. Communicavit D. Edw. Hulsius M. D. Philosophus & Medicus insignis, cum aliis multis ex variis Autoribus in gratiam nostram à se collectis. Effectum autem, & rectè, tribuendum sentit salibus in lixivio contentis. Nam & ego (inquit) aliquando foeminae cuidam Nephriticis doloribus obnoxio, cujus pedes valde intumuerant dietam præscripsi in qua bona quantitas cinerum genistæ incocta est, quæ magno numero calculos è renibus deturbavit, verum dolore adeò atroci, ut usum ejus omittere coacta sit.

Hinc ad provocandam urinam præscribit Chesneau Salem ex truncis fabarum extractum, ad gr. viij. in aliquo liquore convenienti sumendum; vel si sal in promptu non sit, lixivii ex cineribus facti & clarificati ad 3vj. cum Syrup. de Akthra 3j.

Memini quendam alvi cruenta excretionem jugi per tres vel quatuor menses laborantem solo usu Fabarum rubrarum pulmenti in modum in lacte coctarum, manè & vespere devoratarum sanatum fuisse, aliis medicamentis nil juvantibus. Sim. Paulus Quadrip. Botan. p. 30.

Symbolum illud Pythagoricum *ἀνὴρ καὶ γυνὴ ἀμύχανοι* variè interpretantur Veteres & Recentiores. Alii de Fabis simpliciter accipiunt, à quibus ideò abstinere præcipit Pythagoras, quia sunt flatulentæ, Veneris, incentivæ, & mentis tranquillitati contrariæ, insomnia turbulenta efficientes: vel ut alii volunt, (teste Plinio lib. 18. cap. 12.) quia mortuorum animæ sunt in iis, & quia in floribus earum literæ lugubres reperiuntur. Alii *vulgaris* symbolicè & ænigmaticè testiculos appellatos aiunt, quia sunt *ἀνδρὸς ὡς ὄντα*, unde non à Faba comedenda, (quæ ipse frequenter vescabatur) sed à rei Veneris prævio voluisse philosophum homines deducere. Tandem alii, ut Plutarchus ipse, à muneribus Reip. tractandis abstinendum interpretantur. Nam Veteres vice calculorum in magistratibus eligendis Fabis utebantur.

## CAP. III.

## De Glycyrrhiza.

**G**lycyrrhiza, id est, radix dulcis, recentioribus Græcis, Theophrasto Scythica radix dicta est, quia Scythæ hac & Hippacæ, id est, caseo equino, ad duodecim dies durare posse dicuntur in fame & siti. Hippacæ nonnulli Plinium secuti pro herbarum nomine perperam habuerunt. Plinius hac de re sibi non constat ut patebit loca conferenti: nam lib. 28. c. 14. *equinum coagulum quibusdam hippacæ vocari ait*; at l. 25. c. 8. *herbam eam facit, inquiens. His duabus herbis, Scythice sci. & Hippacæ, Scythas etiam in duodecim dies durare in fame, sive tradunt.* Reprehendus etiam est Plinius, quòd Scythicam radicem Theophr. diversam fecerit à Glycyrrhiza.

Glycyrrhiza insuper à sedanda siti nonnullis Adipson vocatur. Columella. Et quia famem sitimque sedat glycyrrhiza, ob hoc *ἀνδρο* vocata est: nonnulli ipsum hydropicis dedere, teste Galeno, nè sitirent: Hoc (inquit Jo. Bod. à Stapel) non parvo ægrorum levamine fieri recentiorum comprobatum est experimento.

Glycyrrhizæ notæ sunt radices dulces, repentes, luteæ, caules proceri, filiquæ breves compressæ, erectæ.

*Glycyrrhiza vulgaris* Ger. *emac. vulgaris* Park. *siliquosa vel Germanica* C. B. *radice repente, vulgaris Germanica* J. B. *Liquorice.*

J. B.

Sarmentosæ radices longè latèque implexu vago reptant, colore buxæo, foris nigricantes, sapore melleo, cui stipes multum dulcedine cedit, subhirsutus, nonnihil purpurascens. Folia in alam Fraxini instar disposita, quorum singularia minora, per ambitum integra, atrovirentia, modicè viscosa, dum adhuc tenera; sapore acerbo & subacido [Trago autore, Dictamno vulgari aut Ciceri sunt similia.] Flores racemosi, purpurantes, Dod. dilutè cærulei, singularibus Trifolii bituminosi floribus perfimiles. Hos excipiunt siliquæ glabræ in quibus semina parva, rotunda, compressa, dura, tria aut quatuor.

Apud nos feritur Pontefracti in Comitatu Eboracensi, & Workopi in Noringhamia. Glycyrrhiza autem Anglica præcipuè æstimationis est, & ex transmarinis regionibus advectæ præfertur. In Germania quoque multis in locis, in agris colitur. Rarius autem in Germania & Anglia floret, ideòque sterilis à nonnullis, sed temere, credita.

Tam folia quam caules hyeme quotannis pereunt, & novæ sequenti vere proveniunt.

Non paucis Galliæ Narbonensis locis autore Lobelio multum sponte oritur, etiam propè Latra oppidum. Floret Julio & semen fert Septembri.

Glycyrrhiza caliditate & frigiditate temperata est, in reliquis ad humiditatem inclinat, pulmonica ac nephritica, acrimoniam mitigat, expectorationem promover, asperitatem lenit, (humores sci. in-



incrassando) alvum infantium leniter molliat. Usus præcip. in tussi, raucedine, phthisi, pleuritide, vesicæ erosione, urinæ acrimonia. *Schrod.*

Succus Glycyrrhizæ inspissatus ad hæc præcipue astimationis est.

Tragus Glycyrrhizæ radicem ejusque succum extractum ipsi etiam Saccharo præfert. Nemo enim (inquit) ignorat amara & Saccharum sitim excitare, quam dulcis radix & succus ejus restinguunt.

Cortex ejus (inquit Dodonæus) amaritudinem quandam habet, & calidioris est qualitatis participes, quam idcirco abradere oportet. At C. Hofmannus hoc nihil esse ait, nam Amaror est interior (augetur is etiam à diuturna coctione ut in aliis dulcibus) ab eo verò est absterfus. Estne ergo, pergit, semper tutus in leniendis asperis? non est, quantumvis reclamant ignari. In universum omnibus malis succurrit ab acris, salis & mordacibus humoribus excitatis.

Ex hujus succo cum aromatibus mixto fiunt parvi panes seu rotulæ ad tussim & pulmonis vitia.

Glycyrrhiza cum tantillo Cinnamomi in aqua decocta, inservit nonnullis pro potu ordinario, & post fermentationem inebriat non minus quam Cerevisia.

## CAP. IV.

## De Galega.

**G**alega Herbariis cur dicatur ignoramus. C. B. quasi Gallica Fracastorio dicta putatur. Verum Galega Italica vox est testibus Matthiolo, Dodonæo, aliis. Quod nomen apud Veteres obtinuit non constat. A quibusdam Rutæ nomen inditum ab effectu & viribus, non verò odore.

Galegæ notæ genericæ sunt Flores spicati penduli, reliquæ erectæ teretes, tenues.

1. Galega Lob. Ger. J. B. *vulgaris* C. B. Park. *Ruta capraria* Gesn. *Goats Rue*. *J. B.*

Hinc inde per terram spargit tenues *radices*, albas; *Caules* verò tollit bicubitales, & altiores, striatos, inanes, ramis compluribus brachiatis. *Folia* Viciz, pinnata, impari alam claudente, longiora, spinulam mollem ex extremitate proferentia, sapore leguminaceo. *Flores* peculiaribus insident surculis, ex foliorum alis exortis, viciz multifloræ, jubam longam efficientes, colore albo, vel ex albo violaceo. *Siliquæ* teretes, tenuos, longæ, erectæ, in quibus *semen*.

In Italia passim provenit, ad aquarum rivos præcipue; & ut aiunt, in Hispania. Clusius in *Locus*, Pannonia abundantissimam vidit, inter Muram & Dravum flumina, paullo supra eorum confluentes. Radix multos annos durat.

Celeberrimum est Alexipharmacum ac sudoriferum, venenum, imprimis pestilentielle, insigniter *Vires*. discutiens. Usus ejus præcipuus in petechiis expellendis, aliisque morbis pestilentialibus, ipsaque peste curanda, in morbillis, in Epilepsia infantum (exhibetur succi cochl. i.) in ictibus serpentum, in lumbicis, quos etiam extrinsecus applicata fugat. Estur & herba ipsa cruda vel cocta ad hos usus. *Schrod.*

Herba hæc, secus ac aliæ [Alexipharmacæ] citra saporem est, & insuper qualitatibus primis temperata. *Idem*. quod imprimis notabile est.

Galegæ planta tota, & totius illius aq. stillatitia commendatur ad pellendos contagiosos, pestilentes & malignos morbos, cujus adeo certa experimenta volunt nonnulli, ut qui Galegâ solum sit instructus vindicari ab his malis certò queat.

Nobiliss. Vir, Patriæ suæ decus, D. Robertus Boyleus in tractatu de *salubritate & insalubritate aeris*, tres quatuorve paginas impendit Galegæ viribus celebrandis in pestilentialibus & malignis morbis ex propria observatione & experientia; ut nos monuit D. Tancrèd. Robinson.

Galegæ sylvestris succus Epilepsiam sanat. D. Palmer ex dictatis D. Hermannii: Quam plantam intelligat Galegæ sylvestris nomine non satis scio, fortè viciam sylvestrem multifloram.

Varas Galegæ præparationes ad usus prædictos vide apud Hofmannum, Schroderum & alios.

## 2. Galega Indica minor hexaphyllos.

Sopheræ species est (inquit P. Ammannius.) Est enim planta filiquosa pentapetala *floribus* aureis, quasi in globum contortis, *siliquis* angustis, recurvis, *semimibus* flavescentibus propemodum, ex oblongo quadratis.

3. Sophera Alpini & Belli J. B. Galega affinis Sophera dicta C. B. Sophera sive Securidaca *Ascyriaca villosa* Park. An *Hoxocoquarnodit* Cam. hort?

*Belli.*

Suffrutex est, ad duorum triumve cubitorum altitudinem assurgens, *caule* firmo, recto, fibroso, multos ramos firmos è foliorum alis undique spargente, in quibus *folia* Myrti foliis similia quidem, verum angustiora, alata, h. e. in longo pediculo utrinque sita contrariis semper inter se petiolis, numeroque paria, ut in Lentisci folio conspici licet, superne late virentia, inferne verò saturâ viriditate prædita, graviter olentia, vesperi supernâ folii parte, quâ petiolo inhaerent coeuntia, infernâ parte terram spectante, sicque clausa totâ nocte permanent, manè verò circa Solis ortum denovo expanduntur. *Croceos* fert *flores*, inodoros, plures in uno ramulo pendentes, multaque intus *stamina*

stamina cum *siliqua* rudimento continentes, in caulis & ramorum summitatibus nascentes: quibus succedunt *siliqua* rotundæ, digitum longæ & cœlum spectantes, plurima *semina* continentes rotunda, aliquantulum compressa. Diutissime floret, subinde novos & recentes *flores* proferens, semperque virens. *Radix* habet multifidam, lignosam. Non ultra sena in eodem folio pinnarum paria observavit Bellus.

Hon. Bello videtur suam plurimum ab Alpini Sophera differre, quod ex descriptione & icone colligere licet. Equidem Alpini figura vitiosa, duplici potissimum nomine (inquit C. Bauhinus) primum quod in costæ extremitate malè posuerit folium quod imparitatem faciat; dein quod *siliquas* dependentes pinxerit, cum omnes oblongæ, cylindricæ, sursum spectant. Non tamen differentes facio, cum ab Hon. Belli integram plantam ex Creta, & à Prospero Alpino *semina* (unde plantæ enata) acceperim, in utraque solam differentiam in foliis notavi, quæ in Ægyptiaca acutiora & atrovirentia sunt. C. B.

Alpinum defendit Cl. Vesslingius *Observ. in lib. P. Alpini de Plant. Egypt.* Utriusque inquit culpæ [quam Bellus sci. & Bauhinus Alpino imputant] facile & fidenter Prosp. Alpinum purgo. Quamvis enim frequentius paria sint foliorum agmina, interdum tamen adjectum extremæ virgulæ privum folium: imò in eadem plantâ & parem foliorum ordinem & imparem observavi.

*Siliquæ* cœlum sanè spectant. At nec hoc perpetuum est, cum coelestis caloris inæqualis dispensatio humiditatumque modò copia, modò inopia positum illarum permuret. Hæc Vesslingius, cui ut oculato testi & veracissimo libenter fidem adhibemus.

Camerarius Noribergæ suæ decus Sopheram circa ramorum exortus, seu in alarum cavis, qua parte costarum latior extremitas caulem amplectitur, verrucis parvis rubentibus, quæ astu intensissimo liquorem candidum, pellucidum exudabant, spectabilem in horto aluit. C. B.

## CAP. V.

De Orobo sylvestri *siliquis erectis*.1. *Orobus Brasiliensis flore luteo* Paiomirioba dictus Marggr.

Marggr.

**E**X unica radice multi prodeunt *caules*, circiter tres pedes longi, lignosi, virides, nodosi, in multos ramos divaricati, qui è nodis prodeunt: in quolibet ramulo octo vel novem folia, nimirum quatuor vel quinque paria, sibi invicem opposita, planè similia Orobi Pannonici *Clus.* In extremitate ramorum enascuntur *flosculi*, pentapetali, planè similis illius Orobi Pannonici sed omnino lutei. Flores sequuntur *siliquæ*, quatuor, quinque, sex, aut septem dig. longæ, teretes, paulum compressæ, haud crassæ, incurvatae ut Ensis Polonicus; quæ per maturitatem fiunt fuscæ & sponte rumpuntur, atque effundunt *semen* rotundum, latiusculum, compressum, fuscum, paulò majus Lentibus. In qualibet *siliqua* 50 & interdum paulò plura continentur *semina*. Toto anno florēt & fert *semen*. *Radix* longa, recta, multa superius habet filamenta, flavi coloris.

Vires.

Aqua destillatur ex hac planta, quæ comminuit & expellit calculos Vesicæ. *Radix* contra venena & stranguriam: folia contra *Biebos de Cu*; semen cum aceto contra impetiginem valet: Planta quoque contusa & calidè applicata laterum doloribus auxiliatur. An *siliquas* erectas producat, non dicit autor, ut in icone erectas appingit; Puto Marggravium errasse in numero petalorum floris, nisi sit error Amanuensis aut Typographi.

2. *Orobus Brasiliensis Tareroqui dictus, Metapasto Lusitanis* Marggr.

Marggr.

Species est Payomirioba, ejusdem figuræ & eadem radice, caule, ramis, flore quoque sed paulum minore, eadem dispositione foliorum & ejusdem coloris, differt tamen foliorum figura: nam hujus sunt digitum aut paulo plus longa, figuræ ovalis, ad exortum suum angustiora, superius viridia, inferius nonnihil incana, nervo secundum longitudinem & venis obliquis prædita. *Semen* rotundum, nigrum, minutum, & multum diversum à semine Payomirioba.

Post Solis occasum folia sua componit & quasi marcescit, manè iterum explicat. Hoc & aliis fere omnibus leguminibus convenit.

3. *Orobus sylvaticus purpureus vernus* C. B. *sylvat. purpureus major* Park. Pannonicus 1. *Clus. sylvat. vernus* Ger. emac. *Galega nemorensis verna* J. B.

J. B.

Veris munus *Galega sylvat.* pedem altos habet *caules* cum incipit florere, *foliisque* satis angusta & mollia, postea majores, angulosos, ex radicibus multiplicibus, fibrosis, nigris, perennibus numerosos surgentes: in quibus *folia* ex duabus tribusve conjugationibus composita, quorum singularia Parietariæ foliis paria, unciam aut fescunciam lata, uncias circiter tres longa, in longum mucronem definitia, tribus secundum longitudinem decurrentibus costis; bina quoque foliola caulem foliorumque pediculos amplectuntur veluti pinnula. Flores in longo pediculo veluti spicati, sex vel septem aut octo, quales Leguminibus, purpurei primum, postmodum cœrulei, quos *siliquæ* excipiunt, uncias duas longæ, nigrae, erectæ, in quibus *semina* rotunda, exigua, interdum verò oblongiuscula, amaricantia. *Radix* quorannis iterum pullulat.

Locus.

In dumetis à la Bassie, & alibi circa Genevam inque Germaniæ & Helvetiæ sylvis frequens.

C. Bauhinus



C. Bauhinus Astragalum Columnæ hujus plantæ synonymum facit: J. Bauhinus valdè dubitat an sit eadem necne, quoniam majorem florum numerum Astragalo suo tribuit Columna, (viginti nimirum) quàm unquam in Orobo descripto observavit: in foliis præterea non depinguntur, nec describuntur nervi ad Plantaginem accedentes.

4. *Orobis sylvaticus pallido flore* C. B. *Galega montana Dalechampii* J. B. *An Orobis Alpinus latifolius* C. B. Park?

7. B.

Cubitalis est planta; caule striato, ex quo per intervalla orti pediculi longitudinis mediocris quinque senasve annexas densò agmine sustinent foliorum conjugationes, quæ Galegæ vulgo notæ foliis quàm simillima: Flores in peculiari appendice spicam æmulantur, colore præditi luteo-pallescente, figurâ florum Genistæ quoque. Radix subest multiplex, tuberosa & longissimis fibris donata. Siliquas (quas mihi, inquit J. Bauhinus, observare non licuit) testatur Dalechampius esse nigras seminibus plenas Lenticulæ similibus.

Invenit J. Bauhinus in monte Thuri non longè à Geneva: nobis ibi plantas indagantibus non comparuit. Locum.

Sibi persuadet Parkinsonus, & mihi unâ, Orobum Alpinum latifolium C. B. in Prodro-mo descriptum non differre specie à planta hic proposita. Vide & confer descriptiones Bauhini & Lugdunensis.

5. *Galegæ nemorensis vernæ similis flore albo* J. B. *Orobis Pannonicus* 4. Clus. *Orobis sylvaticus annuus flore albo* Park. *Orobis montanus flore albo* Ger. emac.

Clus.

Aliquot ab una radice prodeunt caules, cubitales, striati, recti, folia alternatim proferentes pennata, quaternis foliis satis amplis & mucronatis constantia (quibus adnascitur aliquando extremâ alâ quintum) viridibus, per quæ aliquot venæ transversim à medio nervo excurrunt, subacidi quidem initio gustûs, sed postea amariusculi. Flores ex alarum sinu brevi petiolo insidentes prodeunt quini aut seni, antrorsum spectantes. Vicæ floribus non dissimiles, albo colore præditi, qui in binis foliolis sursum reflexis [atqui unum duntaxat folium in floribus papilionaceis sursum reflectitur] pallescunt, odoris expertes. Lobi quales in primo genere ferè, in quibus semen fuscum majus quàm in reliquis generibus. Radix minimè vivax est, sed prolato fructu perire solet ut plerisque Leguminum generibus accidit.

In Alpibus Austriacis nascentem invenit Clusius: itémque in Pannonia interamni in monte quodam sylvestro Greben arcis vicino. Flores protulit Aprili & Maio in hortos translatus, deinde semen.

Orobum Pannonicum 4. Clusii C. Bauhinus Galegæ montanæ Dalech. eandem facit: J. Bauhinus, cui potiùs accedo, distinguit. Nam in Galega montana plures sunt in foliis pinnarum conjugationes. Judicet Lector.

\* 6. *Orobis sylvestris angustifolius Asphodeli radice* C. B. *sylvaticus angustifolius* Park. *Orobis quorundam radice bulbosa, flore albo* J. B. *Orob. Pannonicus* 3. Clus. *montanus angustifolius* Ger. emac.

Clus.

Graciles promit cauliculos, rectos, firmos, angulosos, pedales & cubitales: folia per intervalla uni costæ inhaerentia, quaterna plerunque, ex adverso sita, erecta, angusta, trium ferè unciarum longitudinis, gustu aliquantulum acido initio, deinde amariusculo, nullis capreolis prædita, quod caules satis firmi adminiculis non egeant. Flores in longis nascuntur furculis, spicæ instar congesti, florum Pisi aut Vicæ formâ, seni aut octoni, candidi coloris: deinde oblongi lobi nigricantes, prioris lobis pares, semine nigro, interdum etiam maculosò pleni, qui per maturitatem cum strepitu dehiscunt semen abijciunt. Radicibus nititur quavis aut senis, minimi digiti longitudine, crassiusculis, Asphodeli aut Pæoniæ feminae minoris oblongis bulbis ferè similibus, minoribus tamen, foris nigris, intus albis.

In pratis Austriæ Thermis Badensibus vicinis, inque montosis ultra Danubium locis ad cædua- Locum. rum sylvarum margines invenit Clusius. Floret cum superioribus & semen Junio perficit.

Araci vel Apios leguminosæ species Tossano Carolo J. B. excepto floris colore purpureo in omnibus cum descripta planta convenit.

## C. A. P. VI.

De Leguminibus siliquis aculeatis seu echinatis monospermis Onobrychide & Glycyrrhiza echinata.

**O** nobrychis nonnullis ab *Oro* Afinus & *Asini* quasi Afini palmes dicta putatur: aliis ab *oro* & *cepe* frendeo, ab afini ruditu, quod eo depasto fremant afini, nec injuriâ, siquidem cum semen jam maturuit depascantur: Semen enim rigidis suis aculeis eorum palatum & os compungit.

Notæ ejus genericæ sunt floris spicati, siliquæ aculeatæ monococcae.

- A. 1. *Onobrychis frve Caput gallinaceum* Ger. *Onob. vulgaris* Park. *foliis Viciae, fructu echinato* major C. B. *Polygalon Gesneri* J. B. *Medick Ditchling, or Cock's-head, & nunc vulgè nota nomine Sainfoin.*

f. B.

Multarum notarum argumento Polygalon indigitabat Gesnerus herbam è radice mediocriter crassa longa, vivaci, cortice obteâ nigro, intus albâ, ramos proferentem multos, palmares vel etiam cubitales, rubentes, in terram reclinatos; è quibus orti pediculi folia conjugatim disposita sustinent Lentis, inferius magis albicantia & pilosa, superius viridantia magis, plurima, cum impari in extremo, mucronata; E foliorum alis exeunt pediculi prælongi, florum spicas sustinentes in longum excurrentes unde & semina non coacervata sunt sed rarius disposita. Flores pulchrè rubent supremo folio (quod plerunque reflectitur) lineolis saturatioribus eleganter striato, è calice hirsuto. Sequuntur seminum conceptacula subrotunda, modicè compressa, spinulis asperata, & per ambitum gibba, cristam serratam, membraneam erigentia, semina singularia, reniformia continentia.

Locus.

Ad latera collium *Gormagor* dictorum propè Cantabrigiam, inque satiorum ibidem marginibus necnon campestri planitie propè Novum mercatum, inque ejusmodi planitie montosa *Salisburyensi*, ut & alibi in Anglia sponte provenit, semper tamen solo cretaceo & sicco, locis apricis, ut circa *Roxton* oppidum. In transmarinis propè Genevam copiosè provenientem observavimus in pratis, ubi & J. Bauhinus.

Hæc est quæ non ità pridem seri apud nos cœpit pro jumentorum pabulo *Sainfoin*, i.e. Sancti fœni nomine, semine è Gallia petito, maximo multorum emolumento. Multam enim ex ejus esu Vaccis & aliis animalibus lactis copiam contingere compertum est, unde Polygalon & merito Gesnero dicitur. Præterea solo gaudet sterili & cretaceo, aut sicciore, nec graminis neque frumenti admodum feraci; unde à quo seri cœpit hujusmodi agrorum annui reditus soli Dominis multoties iterantur.

Diensibus Allobrogum, ubi pratorum copia non est, in asperis & lapidosis locis, paucula terra tectis, bidente tantum scalptis, injecto fimo & diligenter comminuto ea gens serit, & humo insperso stercore operit. A satum imber si subsequatur facillimè comprehendit, & optime proficit, dispersis hac illuc cauliculis, sic vestiens & operiens solum, ut in jejuno & squalidissimo solo latissimi prati speciem ostendat. Secatur singulis annis ter, cum adolevit & corroborata est, & pecori gratissimum pabulum est. Gaudet præcipuè locis aridis & sabulosis, in quibus floret Æstate & semina perficit Autumno. *Morif.*

Ingeniosissimus Vir & rei herbariæ peritissimus D. Sloane exhibuit nobis ramulum ficcum *Onobrychidis* cujusdam quam majorem non descriptam vocat. Vulgarem *Onobrychidem* foliis & spicâ refert; sed florum color videtur esse cœruleus.

2. *Onob. minor flore parvo purpureo, siliquâ echinatâ, majoribus aculeis.* An *Onobrychis fructu echinato minor* C. B.

Omnibus sui partibus, siliquis exceptis, præcedente minor est foliis brevioribus & angustioribus, paucioribus ad mediam costam adnexis, non ultra sex paria numeravimus; cauliculis procumbentibus sesquipalmaribus aut etiam interdum dodrantalibus, geniculatis, internodiis longioribus, ramosis. E ramorum sinubus pediculi exeunt unciales aut fescunciales, flores aliquot congestos sustinentes, parvos, purpureos, quibus succedunt siliquæ echinatæ & oristatæ, præcedentis similes, verum majores, spinulis crassioribus & longioribus munitæ, sex septemve in eodem pediculo, &que satis confertæ, unicum intus semen continentes singulæ, petiolis brevissimis hærentes.

Locus.

In insula ad Promontorium Siciliæ Pachynum invenimus. Reperitur etiam circa Monspe-

lium. Miror C. Bauhinum fructus parvos *Onobrychidi* suæ minori tribuere, cum nostræ hujus *Capitis gallinacei* vulgaris (ut diximus) majores sint.

- \* 3. *Polygalum minus saxatile* J. B.

f. B.

Tota quanta est vix palmum superat. Radicula candida est, longiuscula, modicè pro plantulæ modulo crassa, divisa in capita, paucis fibris donata. Ex qua foliola statim emergunt, costæ hærentia, repanda, Capitis gallinacei, sed obtusiora, latioraque, pilis candidis obsita. Coliculi graciles sunt, confimilibus foliis vestiti, supernè divisi: quorum extremis flosculi insident, luteoli, aut palliduli, hiantes, exigui, pauci, Astragalorum positi, nec in spicam abeuntes, ut in *Polygalò Gesneri*: Capirula sequuntur exigua, rotunda, aliquot apiculis supernè donata.

Locus.

Collegit Cherlerus circa arcem Episcopi Monspelensis, in locis incultis, asperis & saxosis: Nondum invenire potuit P. Magnol.

4. *Glycyrrhiza echinata* Park. *echinata Dioscoridis* Ger. *Glyc. Dioscoridis echinata, non repens* J. B. *Glyc. capite echinato* C. B. *Rough-headed Liquorice.*

f. B.

Utrumvis nota ità minoris hodie usûs *Dioscoridis Glycyrrhizæ*, cui non, ut vulgata, radices tenues, circumquaque repentes, sed crassa, lata, rectæque depactæ, simplices, brachii longitudine ac crassitudine, buxi (inquit Dod.) luteæ intus coloris, fors raro alterius, sed tamen quandoque nigricans, minori verò dulcedinis gratia (Dod. ait, dulci sapore cum austeritate quadam) stolones autem plures virgultei hominis proceritatem subinde assequuntur: Folia Lenticli majora, acuminata, conjugatim rachi alligantur, viridis saturati, & tactu non nihil glutinosa. Flores è foliorum alis exeunt parvi,



parvi, cœrulei: sequuntur fructus ex pluribus oblongis siliquis echinatis glomerati, ad imum coherentibus, quorum singulis singula insunt semina.

Ubi sponte proveniat ab idoneo aliquo autore traditum non invenio: verisimile tamen est circa Antiochiam Syriæ nasci: Nam Lobelius à Valen. Dourez se Glycyrrhizam spinosam Antiochenam accepisse scribit, quæ J. Bauhini sententiâ non erat diversâ ab echinata.

## SUBSECTIO SECUNDA.

*Legumina non scandentia siliquis simplicibus, non articulatis propendentibus.*

## CAP. I.

*De Orobo vero seu genuino credito.*

**O**robus dicitur *ὄρος* id est *mons*, quod boves eo velcantur & saginentur. Dioscor. lib. 2. cap. 131. *ὄρος ἢ ἀνταίριος ἢ ἀνταίριος, boves autem saginat si elixum apponatur.*

An Orobus vulgo creditus seu Mochus Italicorum sit verus Antiquorum Orobus ambigitur: non esse arguit quod nulla huic insit amaritudo, nullusque ingratus sapor, sed leguminosus & pisorum vulgarium. Inter legumina præter Lupinum nullum amarum inveni, inquit J. Bauhinus. Orobus ergo Antiquorum huic ævo incognitus videtur. Adde siliquam non esse cylindraceam ut Orobi Theophr. Contra Honorius Belli ex Cydonia Cretæ ad J. Bauhinum misit semen (ut ipsi videbatur) Orobi vulgaris, hæc addita inscriptione Orobus *ὄρος* live *πίος*, quod rustici serunt singulis annis & boves eo saginant Antiquorum more.

Hujus nota est siliqua nodosa, torulis seminum protuberantibus velut articulata.

1. Orobus frœ Ervum multis J.B. Or. receptus Herbariorum Ger. vulgaris Herbariorum Park. siliquis articulatis, semine majore C. B.

Cauliculis infirmis, ab eadem radice pluribus assurgit, pedalis aut altioribus, angulosis glabris, ab imo statim ramosis. Folia longa, decem aut duodecim, aut etiam pluribus pinnularum obtusarum extremo crenatarum conjugationibus ad medium nervum seu *ἄξον* adnexis, composita, nullo in extremo impari pinnâ, neque verò claviculâ. E foliorum alis ut in hujus generis reliquis, exeunt pediculi flores in summo gestantes nunc singulos, nunc binos, exiguos, quàm Lentis tamen majores, folio clypeiformi exterius purpurascens, interiùs albo, purpuro-cœruleis lineis striato. Flosculis succedunt siliquæ unciam longæ, tenues, cylindraceæ, per maturitatem albentes, articulatis torulis, in quibus semen rotundum, (angulosum redditur ubi siccatum) leguminoso duntaxat gustu, non amaro.

In agris circa Monspelium & Genevam vulgaris est.

Locus.

- \* 2. Orobus Creticus Park. Matth. semine minore C. B.

Hunc præcedente majorem facit Parkinsonus: At Matthiolus semina minora ei attribuit. Verisimile est eundem specie esse, & siquid intercedat discriminis, id loco & culturæ deberi, autor Parkinsonus, quem & nos libenter sequimur. Idem etiam videbatur J. Bauhino, qui semen ejus ab Honorio Belli è Cydonia Cretæ missum accepit.

Orobo similis Lathyrus Cretensis Belli J. B.

item,

Orobo similis Aracus Cretensis Belli ejusdem.

Horum semina Orobi seminibus simillima erant. Primi solum discrimen erat in colore, qui medius erat inter Orobum & Aracum ab eodem Bello missum: Secundi semina paulò majora erant, & colore ad glaucum accedente.

Cæterum cum Orobus Veterum hodie incognitus est, vires ei adscriptas omitemus, siquis curiosior eas scire Dioscoridem, Galenum, Plinium consulat.

3. Cicer Orobaeum Park. Orobaeum Theophrasti Ad. Lob. Orobus semine obtuso triangulo C. B.

Ad. Lob.

Culmo assurgit sesquipedali, geniculato lateratim, quasi in obliquum flexo, leviter striato, fistuloso: foliis in imo nervulo prolixo hærentibus Lentis aut Araci. A medio autem ramulis donatur & foliatis pediculis: & juxta summos alarum geniculos complures confertæ siliquæ, uno ferè exortu nixæ, sese tangunt & stipant, cylindraceæ, unciam longæ, rectæ, teretes, inter transversa pusilla intervalla foras protuberantibus singulis quasi torulis, ternis & quaternis, articulatis distinctis: ipsa

Locus.

intus *semina* nullâ membranulâ distincta Pisum. *Asterium* ferme equant, lobus triangulari, Orobo duplo majora, colore albida, pallida & subfulva, non ingrati saporis Cloeris aut Pisi.

Norbonæ & Gallo-provinciæ plenique satis permixtos flavet.

## CAP. II.

## De Orobo sylvarico filiquis propendentibus 2

- A. 1. *Astragalus sylvaricus* Ger. *fil. foliis oblongis glabris* C. B. *Astragaloides* sive *Astragalus* *sylvar.* *Astragalo magno Fuchsis vel Chamæbalano leguminosæ affinis planta* J. B. *Lathy-*  
*rus sylvestris lignosior* Park. *Wood-pease, or Heath-pease.*

J. B.

**E**X *radicibus* longis, quasi repentibus, varièque implicatis, partim tenuibus, partim tuberosis, Chamæbalani Dodon. perquam similibus, nisi è tuberibus plures capillares fibræ prodirent, externè nigris, internè albis, sapore subdulcibus, *caules* exurgunt multi dodrantes aut pedales, angulosi. *Foliorum* ad eandem costam adnexorum duo aut tria paria præter ea quæ ad caulem sunt, nullo in extremo neque impari folio, neque capreolo, costâ mediâ in pilum tenue procurrente. Ex alis foliorum emergunt *seculi* floriferi, non admodum longi, duos aut tres *flores* sustinentes pallide purpureos, & ad carneum dictum colorem tendentes. *Siliquæ* flores excipiunt sed quidigum aut duos digitos longæ, angustæ, teretes, primum subrubræ, deinde per maturitatem nigræ *semina* octo aut plura parva, subrotunda, ex viridi flavicantia continentis.

In sylvis & dumetis Aprilis floret, & Maio semen perficit.

Locus &  
Tempus.  
Vires &  
Ufus.

Saporem habent hujus radicis tubera ad Glycyrrhizam accedentem, illique utuntur Scoti montani ad eisdem thoracis affectus quibus Glycyrrhiza convenit. *Karemyle* illis dicitur, & ea tubera cum aqua temperata ad famem & sitim diutius tolerandam utuntur, & utilissima experiuntur: dulci enim suâ substantiâ humores in ventriculo acidis & acres corrigi & mitigat, imò figit & compescit, adeoque famis & sitis remedium est. Et propterea si non sit eadem planta quæ Theophrasto *Scythica* dicitur (quæ Glycyrrhiza esse communiter à doctis censetur) ei certe consimilis est, leguminosa, filiquosa quoque & facultatis ejusdem. Et verisimile admodum Auctori nostro videtur, hujus plantæ tubera cibum esse à Dione in Severi Imperatoris vita memoratum, quo usos dicit Britannos, ut per aliquot dies (ab hostibus pressi) famem & sitim tolerarent. Hæc enim vires Glycyrrhizæ pares habet, passimque in montibus nostris sponte provenit planta, & ad hunc usque diem montanis nostris (qui præcorum Scotorum mores & vivendi rationem retinent) ad eisdem usus ejus tubera usurpantur. Glycyrrhiza autem (quod sciam) nullibi in tota insula nisi plantata nascitur. D. Sibbald. in Prodr. nat. Hist. Scotiæ.

Siliquæ hujus plantæ erectæ vix possunt dici, sed potius propendentes, aut sitis inter erectum & propendentem medii. Quæ sequuntur etiam an filiquas erectas, an propendentes obtineant non satis scio. Nonæ autem & undecimæ speciei Clusius filiquis propendentes appingit. Verum quia Orobi nomine à Botanicis insigniuntur illis subijciendas censui.

- \* 2. *Astragalus quibusdam, Araco Tossani Caroli similis* J. B.

J. B.

Hujus *flores* vario constant colore, albo, quippe, luteo, & leviter rubescente. *Radix* bulbosa ut Præniæ: *Caules* cubitales, angulosi: *Folia* duas, tres, quatuorve conjugationes habent, quæ Arachi foliis longiora sunt, de cætero eis valde similia, sed non in capreolos desinentia. *Florum* pediculi palmo minores, angulosi, in quorum extremitatibus *flores* plures, quales Lathyro luteo sylvestri. Juxta principium foliorum & pediculorum appendices acutæ.

Locus.

In editionibus pratis circa Bononiam collegit Agerius.

3. *Orobis sylvaricus Viciæ foliis* C. B. *Pannonicus* 2. Clus. *Astragaloides* Ger. *Astragalus* *Herbariorum* Park. *Astragalus major Fuchsis* J. B.

J. B.

*Radice* est satis longâ & crassâ, dulci: *Caulibus* rectis, cubitalibus, striatis angulosis: *Foliola* Viciarum modo disposita, novem, vel undecim, interdum unguibus longiora, alias multò minora, ex rotundo oblonga, ad costam unam adnexa, subcærulea, quæ exsiccata nigrescunt. *Flores* ex pediculis longis satis magni, purpurei, ex eodem pediculo plures; formâ Viciarum: quibus succedunt *siliquæ* longæ, teretes, admodum affines filiquis Astragali sylvarici Thal. Clusio *flores* purpurascens sunt colore, qui verustate in cæruleum commutatur.

Locus.

Abundat in colle la Bastie, ad ripas Rhodani, & in montis Salevæ sylvis prope Genevam: in Germania quoque non admodum raris est.

4. *Astragalus Alpinus Helveticus* C. B. *Astragalus Alpinus* Park. *Astrag.* 2. Clus. *Astragaloides Helvetica* Park.

Clus.

Hanc plantam in Cantabris, Helvetiorum Alpibus atque etiam Pannonicis observabat Clusius, ramulis aliquot ex una radice produntibus, gracilibus, interdum surrectis, ut plurimum autem procumbentibus, *foliis* Ciceris foliorum instar in ala ordine dispositis, sed rarioribus & longioribus, nec



nec in ambitu ferratis, sed valde accedentibus ad Orobi primi folia: flore Vicie aut Ciceris flori simili, ex cœruleo purpurascēte, cui succedunt lobi Arachi filiquis ferè pares, in quibus semen continetur. Radix est tuberosa, nigra, dura, cui propagines adnascuntur sarmentitius radiculis inherentes, illi similes sed minores.

Hanc Clusius habet pro Astragalo Dioscoridis legitimo *Col.* quem C. B. (ut diximus) Orobi Pan-  
nonici 1. *Clus.* synonymum facit.

\* 5. *Orob. Venetus* Clus. Ger. emac. *Sylvaticus Venetus* Park. *latifolius parvo flore purpureo* C.B.  
*Galea nemorensi verna similis multiflora, flore purpureo & albo* J.B.

Multos ex eadem radice fundit ramos pedales & angulosos, & ad singulas foliorum alas modò in hanc, modò in illam partem inflexos, humique ut plurimum diffusos: folia ad singulas alas quaternaria aut senaria, uni costæ inhaerentia, bina semper ex adverso sita, nullo extremo impari numero faciente, Orobi Pannonici 1. foliis pænè similia, sed dilutè virentia. Flores oblongis virgulis, ex alarum cavis prodeuntibus innascuntur, numerosi, in comam inflexi, pusilli, coloris purpurei. Oblongi lobi, mucronati, Viciae lorum pænè æmuli, rotundiores & magis teretes, maturitate rufescentes, semen continent Orobaeum, oblongiusculum, albicantis coloris. Radix dura, lignosa, multis fibris in diversa tendentibus donata, vivax est & singulis annis frequentiores caules profert.

Hæc species semine Venetiis misso Clusio enata est, & Maio mense floruit.

*Differt à Pannonico primo Clus. foliis dilutiùs virentibus, paulò obtusioribus, nec trinerviis: floribus pluribus in eodem furculo, minoribus, in utramque partem converfis, non in unam tantum ut in illo: addit Morisonus, & filiquis propendentibus.*

\* 6. *Orob. Americanus luteus siliquis incanis Breynii.*

*Breyn.*

Rara, inquit, ad nos ex *Curacao* insula delata est planta, Viciz instar nascens, penitus autem hirsuta ac incana; caules verò proferens rectos, pedales cubitalēve : quos *Folia* vestiunt alata, densa & aliquando duodena, ex adverso ordine uni rachi biunciali inhaerentia : singularia verò folia à *Polygalo Gesneri* in eotantum discedunt, quòd tam inferiore quam superiore parte incana densiq; lanugine sunt pilosa. *Flores* pusilli, Medicæ similes, ex calyculo villosò in plumatas cuspides instar *Lagopi* exeunte provenientes, quadrantalibus & longioribus insident pediculis, è foliorum alis exortis, spicam longam efficientes, flavi : quos *siliqua* excipit incana, teretes, uncias ternas longa, & acinacis in morem contortæ, in quibus multa *semina* oblongiuscula, parva, ceu *Fabeolæ* minutæ formata, obscurè cinerei coloris, nigricantibus maculis interstincta & subdulci gustu, continentur. *Radix* eandem ferrè vim quam *Cocci Orientales* ad pisces attonitos reddendos obtinere dicitur.

7. *Orobus Alpinus latifolius* C. B. Park.

**C. B. prod.**

*Ramis* est cubitalibus aut altioribus, angulosis, viridibus: foliis in singulis alis octonis, uni costæ adnatis, & sibi invicem oppositis, uncias tres longis duas latis, viridibus, nervosis, & cæteris Oroborum foliis minùs acutis: è virgulis ex alarum cavis, palmaribus, nudis prædeuntibus flores unciales, Genistæ formâ, pallidè lutei, ad folio superiore rufescente, dependunt, stylo ex illorum medio prominentæ. Lobos & semina non vidimus.

Ex Helvetiorum Alpibus habemus.

**Locus.**

## C.A.P. III.

*De Cicere sativo.*

**L**Atini nominis ratio incerta est. Cicer à Græcis esse ait Ilidorus, lib. 17. cap. 4. Sed Græcis est ἰσικνός. Fortasse tamen sit à Γεζκοπίος, i. e. robur, vires, ob vim quam habet; solum enim ob salilaginem suam urit: ideoque nonnisi pridie madefactum feri debet, ut ait Plinius lib. 18. cap. 12. Ab eo dicti Cicerones, ut à Piso Pisones, à faba Fabii, à lente Lentuli, uti testatur Plinius lib. 18. cap. 7. ubi ait prima hæc cognomina inde esse, ut quisque genus aliquod optento sereret. Voss. Etymolog. Ἐπισκνός Græcis dicitur, vel quod semina in vasculo quasi statu distento bina ferat ad instar testiculorum, vel quod maxime Venorem excitet. Ἰσικνός enim, teste Suida & Aristophanis scholiaste, πρὸς τὴν ἀρετὴν αἰσθητικὴν ποιεῖται, id est, ad venum excitandum.

1. *Cicer sativum* C.B. Ger. *aristinum* J.B. *sativum* flos *aristinum*, *nigrum*, *rubrum*, *vel album*  
Park. Chiches, or Chich-pease.

F. B.

Sua vi furrigitur Cicer, *caulibus* hirsutis, durioribus, ramosis. *Folia* pinnata, hirsuta, claviculorum expertia, quorum singularia hand male foliis Ononidis comparaveris, denticulata sive ferriata: ex quorum alis *flores* emicant singulares, colore purpurascēte vel albo. *Siliquæ* teretes, breves, turgide, ac velut flatu distente, velicarum instar, *semine* fardæ. Piso æquali, colore albo, ruflo aut nigro, cujus capiti appositum corniculum. Sapor ad Pisa accedit, ut & *radix*. Bina aut ad summa terna sunt *semina* in singulis siliquis.

Locus.

Vires.

Triplex habetur Cicer Sativum, 1. *Candidum*, quod & Columbinum vocatur: 2. *Rubrum*, Venerem dictum: 3. *Nigrum*, ceteris minus & angulosius, quod Arietinum appellatur. *Matth.*

In Hispania, Italia & Gallia passim in agris sentur: pullo crassoque solo gaudet. Floret Junio & Julio mensibus, atque subinde in filiquis semen producit.

Cicera apud Veteres erant in cibario usu, ut hodieque apud Italos, à quibus non tantum cocta sed & cruda dum viridia adhuc sunt, esitari observavimus: præstat autem in aqua elixa mandere, & virentia adhuc ante adeptam maturitatem, ut Pisà & Fabas solemus. Est autem Cicer edulium non minus quam Faba satulentum, sed valentius quam illa. Ad Venerem autem stimulat, creditumque est etiam semen generare, unde quidam equis admixtarius ipsum exhibent. Attrahendi, extergendi, aperiendi, incidendi, digerendi vi pollent: urinam cient & calculum frangunt: lædunt autem vesicam exulceratam & renes. Tragus & Plinius decocti ius calculum pellere scribunt, rectius & modestius quam Dioscorides, Galenus, Simeon Antioch. qui evidenter lapides confringere affirmare non erubescunt. Si (inquit J. Bauhinus) tanta vis est Cicerum, maxime Bithyniensium, ut evidenter frangant calculos, pretiosiores erunt auro & ceteris omnibus lithontripticis: nullum enim existimamus veraciter dici posse frangere calculum; nec etiam si fieret evidenter id appareret.

Cicera Dioscoridi *concreta* sunt: Quomodo hoc (inquit C. Hofman.) cum sint *condurcæ* & *condurcæ*? quia propter substantiam quandam terream (potius nitrosam) abstergunt & alvum movent; non secus ac Beta, Brassica, alia hujus generis. Tum vero edere oportet non sicca, sed in aqua decocta. Sicca enim, qualia etiam fixa sunt, alvum sistunt. Dicendum cum Antiocheno habere quasdam partes salvas in superficie quas in decoctione deponunt, quibus ventrem movent, quasdam dulces in centro, quibus urinam eliciunt.

Jus eorum ictericos juvat: decoctum lumbricos ejicit, menses & foetus educit, & lac gignit. In cataplasmatibus pforas, lichenas, parotidas sanant, testes inflammatos discutiunt, ulcera maligna consolidant.

Apud nos tantum ferè usurpatur decoctum Cicerum rubrorum in impedita urina: sed monent Practici ne usurpetur frequentius in iis, in quibus exulcerationes sunt dictarum partium (quod ex Dioscoride & Plinio habent.) Idem datur vel solum, vel cum maci, petroselino, aliis ad cienda *urina*: imò etiam ad augendum lac, si Diis placeat. At hoc è Veteribus habent. Sed quomodo *urina* *mentum* & *urina*? Abstergendo cutis vitia. C. Hofman.

#### 2. Cicer montanum angulosum C. B. Park.

C. B. prod.

Radice est longa, in profundum, nisi fissilium lapidum interventu prohibeatur, descendente; à qua exurgunt *pediculi* palmares, tenuis, hirsuti, utrinque *folia* duodenis & pluribus, subrotundis, sed nonnihil quam in Cicere sativo longioribus, marginibus hirsutis, modò equaliter, modò inaequaliter ex adverso nascentibus, folio tamen extremo impari, vestiti. *Flosculi* ad radicem oblongiusculi, pallidi, formà ad florem *Loxi tetragonolobi* accedente: His succedunt *siliqua* prætumida, duabus valvulis constantes, semine reniformi, Medica in modum flavescente prægnante.

Locus.

Vernis mensibus floret in montibus Thuringie circa Northusam.

#### 3. Cicer montanum lanuginosum erectum C. B. Park.

C. B. prod.

Ramis est pedibus, rectis, rotundis, molli lanugine hispida, in ramos semipalmatares, etiam multo minores, brachiatis, in quibus *folia* Vicie sylv. formà, longa, modò latiora, modò angustiora, mollia, levi lanugine oblita, dena, duodena, & totidem ex adverso eidem costæ inhaerentia, extremo semper imparem numerum faciente ramulorum: apicibus *spica* *florum* pallidorum & hirsutiorum infidet; quos sequuntur *siliqua* oblongæ, lanuginosæ, in exiguum recurvum filamentum definentes, quæ *semen* nigrum, minutum continent.

Locus &amp; Tempus.

Hoc angustioribus foliis in Valesia ad Thermas Lucenses Julio florens reperitur: at quod paulò latioribus, in montibus Francenhufanis.

### Cap. IV.

#### De Leguminibus supra infraque terram fructum ferentibus.

##### Idem Arachyda.

**A** Raci vel Arachi nullam apud Grammaticos, in *Etymologia*.

1. *Arachyda* aut *Aracidea* *Homeri* *Belli* J. B. *Hic* *similis*, *supra* *infraque* *terram* *fructum* *ferens* C. B. *An* *Theophrasto* *Araco* *quom* *Clusi* *Arachyda* *Critica* *Park.*

Bell.

Herba est dodrantalis, *foliis* leguminosis Lentis, vel Vicie, minoribus, obtusis, cordatis. *Viticulis* tenuibus, quorum extremis *flores* *hærent* *perparvi* *Vicie*. Circa radices sub terra fert *siliqua* parvas, Lenticulæ similes, in quibus modò unum, modò bina *semina*, rotunda, nigra, in altera vero non nigrum, sed Orobo simile. At quæ *fructus* in *caule* proferat pluribus occupationibus præpeditus hætenus observare non potui.

Addit.



Addit J. Bauhinus, Nigrum semen Vicie sativæ simile esse, dentibus durum attritu, sapore Pisorum; medullâ alba: Album verò simile formâ, sapore & duritia.

Clusius plantam ficcam inter semina à Jo. Pona missa in Horto Botan. Lugd. Bat. ferenda, in quibus nonnulla ab Hon. Bello communicata, repertam sic descripsit.

Statim à radice in plures ramulos dividitur, semipedalis aut dodrantalis ad summum longitudinis, tenues, angulosos: quos alternis ambiunt exiguum foliorum alæ, Lenticulæ aut Araci foliorum alis similes: ea parte extimâ latiusculâ, & quodammodo cordis (ut vulgò pingi solet) formam imitantia, per medium secundum longitudinem nervo secta, qui extimam foliorum partem nonnullum superat; nascuntur autem in singulis alis ex utroque latere quaternæ vel quina, vel ex adverso sita, vel inæquali serie: ipsa vero extrema alâ in capreolum desinit; & se convolvit, ut in Lenticula & Vicia. Illius florem non conspexit Clusius, sed siliquas duntaxat in alarum sinu nascentes, latiusculas, unciam longas, aut paulò longiores, fuscas, nonnihil villosas, mucrone incurvo & quasi hamato præditas, continentes bina aut terna semina nigra, rotunda, non angulosa, quæ maturitate diffiliunt. Radicem habebat Lenticulæ aut Araco similem, è cuius capite, summa quasi tellure, plures parvas, tenues, albas fibras quaquaversum spargebat, è quarum singulis dependebant singulares, interdum gemina siliquæ, breves & rotundæ, extima parte in curvum mucronem desinentes, tenellæ & radicantes, continentes unicum utplurimum semen, nonnunquam (quæ majores) & alterum, rotundum, illo non minus quod siliquæ in plantæ ramis nascentes proferunt, sed albicantis aut subfusci coloris.

Mirum J. Bauhinum in planta à Bello accepta nullos observasse capreolos, cum Clusius, ut vidimus, capreolos plantæ à se descriptæ attribuat, atque etiam in iconæ appingat.

Parkinsonus duas adhuc alias profert Arachidnæ species: primam è semine Ulyssipone sibi à Boelio missò ortam, quam Jo. Bodæo à Stapel sub titulo Araco similis descriptæ eandem esse suspicor.

#### 2. *Arachus sub terra siliquifera* Lustranica Park.

Præcedenti similis est: Ramuli tenues pedalem longitudinem non multum superant, in terram plerumque procumbentes, foliis parvis, angustis, numerosis, ordine dispositis, ad summities usque vestiti. Flores è foliorum sinibus exeunt, parvi, rubentes, quibus exorssis succedunt siliquæ parvæ, semina exigua, rotunda continentes. Radix in terram rectâ descendit, fibris multis adherentibus. A radice capite & inferius exoriuntur siliquæ breves, crassæ, dum adhuc sub terra latitant albicantes, quæ postea aeri expositæ colorem mutant & obscuriores fiunt, singula, vel bina summum semina continentes, iis quæ supra terram nascuntur multò majora, & nonnihil maculosa.

Ex imperfecta hac descriptione an capreolis donetur hæc non discimus.

Planta hæc, si eadem sit Bodæo à Stapel descripta, ad hoc genus non pertinet, sed ad Lathyrum, ubi descriptionem ejus Scapolianam vide. Hanc autem illi eandem esse suspicor, quia & illa Stapelio nata est ex Hispanico semine à Guil. Boelio missò.

† Annot. in Theoph. Hist. lib. 1. cap. 11.

#### 3. *Aracus* ~~sub terra~~ *Americanus* Park. *Mundubi Brasiliensis* Marggr.

In pedalem aut bipedalem altitudinem affrigit, caule quadrato aut striato, ex viridi rufescente, & piloso. Hinc inde nascuntur ramuli, primò quasi caulem amplectentes, & foliis angustis acuminatis stipati: mox habent nodum, ac trium vel quatuor digitorum longitudine extenduntur; continetque quilibet ramulus quatuor folia, duo semper sibi opposita, paulò plus quam duo digiti longa, sesquidigiti lata, supernè late viridia, instar Trifolii, infernè paulum canescentia, nervo conspicuo & subtilibus venulis quasi parallelis dotata, raris quoque pilis vestita. Ad exortum ramulorum qui folia gerunt prodit pediculus sesquidigiti circiter longus, tenuis, strobilum gerens flavum, & per oras rubentem, duobus foliis constantem more Viciarum aut Trifolii. Radix illius haud longa, tenuis, contorta, filamentosa, cui adnascuntur folliculi, ex albicante grisei, figurâ minimæ cucurbitæ, oblongæ, magnitudine Myrobalani, fragiles, quilibet autem in se continet duos nucleos, pelliculâ saturatè purpureâ vestitos, carne intus albâ, oleaginosa, sapore Pistaciorum, qui comeduntur cocti, & inter bellaria apponuntur: multum tamen comesti capitis dolorem causare avert. Fructu integro quassato nuclei intus strepunt.

Hæc est proculdubio planta illa, cujus siliquam describit Parkinsonus sub titulo allatâ, quæ in Americæ regionibus tam versis Austrum quam versis Occidentem sita, inque insulis adiacentibus frequentissimam esse scribit, cujus fructus nautis nostris nucula terrestres perperam dicuntur.

#### 4. *Legumen trifolium sub terra fructum edens* Mundubi à Angola Marggr.

Caliculo tenui, farmentoso, longè super terram serpit, instar *Fesieu*, ac novâs fibras agit in terram, atq; hinc inde, unius, duorum, aut trium digitorum intervallo, profert pediculos, tres aut quatuor digitos altos, striatos, qui tria folia Phaeocolum modo disposita sustinent, dilute viridia, duo & amplius digiti longa, figurâ ellipticâ, nervo secundum longitudinem & venis oblique currentibus. In eodem caule etiam strobili proveniunt in suis pediculis egregiè flavi. Caulis multas fibras agit, quibus sub terra nascuntur retis ferè figurâ & nucis Avellanae magnitudinè aut paulò majores folia, quæ substantia alutam ovillam crassitie æquat, exterius terrei aut umbrosi coloris, interiori splendide albi: quilibet autem folliculus secundum longitudinem circumscissa quasi suture monstrat & pressus secundum illam finditur, continens in se duo grana, vel etiam unum, si minor sit, more seminis Pisiformis, Pisiformia & ejusdem magnitudinis, & consistentiz cum Pis. recentibus, flavo-pallida, æqueum sicci saporis; quæ comeduntur. Sæpius irrigari desiderat, amat enim humiditatem.

## CAP. V.

## De Legumine floribus spicatis, filiqua tumida semine reniformi.

**S**iliquis tumidis & vesicæ instar inflatis cum Cicere convenit, semine reniformi & floribus spicatis necnon magnitudine sua & duratione ab eodem multum differt.

*Astragalus Beticus* Clusii Park. *Astragalus Lusitanicus* Clusii Ger. *Astr. Beticus lanuginosus, radice amplissima* C. B. *Astrag. foris lanuginosus Beticus* J. B.

Clus.

Cubitales aut ampliores sunt huic *Astrag. caules*, minimi ferè digiti crassitudinem æquantes, pentagoni sive angulosi, duri, subrubentes & lanuginosi: *folia* lanuginosa & incana in longa costa ex adverso semper inter se opposita, veluti in *Vicia* aut *Ciceris* foliis, gustu primum adstringente, deinde fervido. *Flores* copiosi, *Lupini* aut *Fabæ vulgaris* florum æmuli, secundum oblongos ramulos seu virgas, ex alarum sinu prodeuntes nascuntur, serie quadam digesti, albi omnino, sed antequam aperiantur & explicentur ex luteo foris nigricantes. Fructum ferè dicitur (nam florentem duntaxat observabat Clusius) in lobis, qui gustatus fauces, os & linguam inflammatione torqueat. *Radix* pro stirpis magnitudine amplissima, brachialis nonnunquam crassitudinis, palmaris verò longitudinis, deinde in duos aut tres ramos divisa, foris nigra, rugosa, intus candida, dura & lignosa, ingrati saporis, quæ arefacta cornu duride superat.

Locus.

Collibus quibusdam supra Ulyssipponem, quos Tagus alluit, inter vepres observavit Clusius: item, sylvis locis non procul Hispali.

Honorius Bellus, (si modo eandem plantam intelligat, quod opinatur Clusius, titulo *Phaseoli novi generis*) *siliquas* ei attribuit rotundas, pollicari crassitudine, tumentes & multo aerè plenas, colore rubras, in quibus continentur sex aut octo *semina*, ad luteum tendentia, compressa, *Phaseoli* figuræ.

## CAP. VI.

## De Leguminibus nonnullis incertæ sedis.

1. *Onobrychis* 5. Clus. *Onob. Tragacanthæ foliis, floribus in globum congestis* C. B. *Onobrychis globoso capite* Park. An *Astragalus Syriacus* Lob. Ger. Park. J. B? *Syriacus hirsutus* C. B?

**F**olia huic mollia, incana lanugine pubescentia, ut *Tragacanthæ* legitimæ folia, & eodem modo uni costæ inhaerentia, quindecim & plura, interdum etiam viginti quinque, uno extremam costam occupante. *Cauliculi* in hac oblongiores sunt [quàm in *Onobr. 4. Clus.*] fusco cortice tecti, lenti, fractu contumaces, humi fusi & plerumque nudi, qui extrema parte frequentes ramulos suis alarum foliis onustos proferunt, & in unciali villosoque pediculo multos *flosculos* in caput & globum congestos, *Tragacanthæ* floribus proximos, candicantes; deinde membranaceas *siliquas* Ervi filiculis minores & *Dorycnii* Hispanici valvulis parës, singularia semina *Fœnugræco* similia continentes.

Locus.

Londini in horto J. Richzi pharmacopœi Regii observavit Clusius Julio & Augusti initio florentem. Descriptio Lobelii in *Observ.* adeò brevis est & generalis, ut nihil certi ex ea colligi possit videtur.

2. *Astragalus Alpinus magno flore* C. B. *Alpinus claviculatus magno flore* Park.

Lep.

*Radix* edit nigram, lignosam, dimidium pedem longam, superne in multa veluti caulium principia divisam, crassiuscula, laminulis corticosa; ex quibus *foliola* multa exeunt, longa, humi strata, lenti similia, utrinque ex adverso ordine digesta. *Flores* in cacumine nudarum virgularum emicant oblongi, lutei: deinde *siliqua* oblongæ, nigra, bivalves, in quarum vertice tenuis villus oritur, capreolo, viticulæve similis.

Locus.

C. Bauhinus suæ hujus generis plantæ Florem ex cœruleo purpurascentem esse scribit.

In solo macro & sabuleto Alpium apricis gignitur; floret vere, & semen suum perficit æstate.

4. *Hedysarum argenteum* Alpin. exot. *argenteum Creticum* Park.

Alpin.

Planta est fruticosa, foliaque habet complura, *Ciceris* similia, & flores argenteos, trifolii proximos, multos in cauliculorum cacumine simul congestos, parum olentes, sapore subdulci amarescente: Floribus tenuia cornicula succedunt, in quibus sunt *semina* parva, rotunda.

Planta est perpetua, & nunquam vel etiam hyeme foliis se expoliat.

3. *Onobrychis minima* Park. *Astragali persimilis palmaris pusilla planta* Ad. Ferro equino Gallica affinis C. B.

Advers.

In collibus quibusdam Gallo-provinciæ (inquiunt Adversariorum auctores) hanc sublegimus, elegantia nequaquam spectatu indignam: *radicibus* namque prorepat lignosis, implexis, corticosis, densò exortu,



exortu, numerosos cauliculos fruticantes, duros sed breves, vix binas aut ternas uncias excedentes, & foliola emittentes pusilla, Lentis, Astragali aut potius Tragacanthæ, quam tota refert, rigidiuscula, incana hirsutie: flosculis luteolis aut albis, Ornithopodii gustu praticæ & æquæ duro.

De hac nihil habemus quod dicamus, nisi nobis incognitam esse, si modò rectè describatur floribus luteolis.

## CAP. VII.

## De Securidaca genina.

Securidaca, Græcis *ασκλήρο*, à forma seminis in utraque lingua dicitur, securi æmulate, quæ & hujus generis nota esto: nullius enim plantæ semen Clusii iudicio. Veterum Securim aptius refert quam hujus.

Securidaca lutea major C. B. majus, seu Securidaca major vera Park. Securidaca flore lutea, siliqua latè oblonga J. B. Hedysarum majus Ger.

J. B.

Ex radice multos statim emittit caules, cubito longiores, ramosos procumbentes: folia lævia, Lentis majoris, sensim lateſcentia, sex, octove conjugationibus ad costam annexis, uno in summa alà imparitatem faciente: indidemque adeò unde foliorum pediculus appendix peculiaris, in fastigio umbellatim flores sustinens Meliloti nobilis Tragi, luteos, quibus succedunt siliquæ, palmo longiores, nonnihil sulcata, rostro recurvo, compressæ; valde brevi pediculo hærentes, duobus hinc & inde aggeribus veluti fossam intercipientes, seminum receptaculum, rufforum, quadrangulorum, membranis distinctorum.

Nullius plantæ semen Clusii iudicio aptius Veterum securim refert, quam hujus, quam aliquot locis inter legetes in Hispania observavit. Nam infra Madritum securis videre meminit, quæ essent huic semini simillimæ, nempe in medio: quæ manubrium traiecit & adaptatur crassiores & utrinque in planam aciem desinentes.

Locus.

## CAP. VIII.

## De Catanance leguminosa.

Catanance dicta creditur quasi amoris illicium esset necessarium seu necessitate inconcussa & fatali adigeret ad amandum.

Hæc planta foliis integris gramineis, caulibus erectis teretibus ab aliis omnibus leguminibus abunde distinguitur.

Catanance leguminosa quorundam J. B. Ervum sylvestre Ger. sylvestre seu Catanance Park. Lathyrum sylvestre minor C. B.

J. B.

Lathyrorum familiarum congener legumen est, tenuibus firmis, erectis, ramosis caulibus, quibus nullæ membranæ aptæ. Folia & longitudine & latitudine graminea, interdum angustiora pediculis destituuntur, venosa, acuta. Flores tenuibus pediculis insident è foliorum sinu ortis, palmum nonnunquam longis, Siliquæ tres uncias plus minus longæ, angustæ, rectæ, grana decem, duodecim aut plura continent, nigricantia, rotunda. Radice nititur simplici, parva, alba, inutili.

Flores ex singulis foliorum alis exeunt in pediculo prælongo plerumque singuli, rarius bini, colore cremefino seu sanguineo ameno splendentes.

In agrorum marginibus & inter vepres non raro occurrit.

Locus.

## CAP. IX.

## Sagittaria cordialis Brasiliensis Marggr.

Marggr.

IN tripedalem altitudinem affurgit, caule tereti, hirsuto, alato, foliis in illum insertis Sagittæ figurâ, eo sci modo quo plumæ sagittis inseri solent, ex caule prominentibus, in utroque latere hirsutis. Folia præterea habet caulibus & ramuli ejus angusta, oblonga, superius viridia, inferius incana in totum autem pilosa, & majora sunt cauli inferius adnata. In summitate caulibus pediculi aliquot longi erumpunt, in quibus flosculi proveniunt, figurâ florum Pisorum, lutei, tribus foliis constantes, quorum superius secundum longitudinem striis purpureis est variegatum. Post flores sequuntur siliquæ fulcæ aut nigræ, Pisorum siliquis similes, continentes semen splendens, virefcens seu Olivaceo colore, figuræ quasi semilunulæ, seu rectius cordis, ut pingi solet. Admodum autem vermibus obnoxium est, & vix inter decem unum reperitur, quod non sit perforatum. Radix recta est, tres aut quatuor digitos longa, tenuis, unam atque alteram prolem adjunctam habens.

SUB

## SUBSECTIO TERTIA.

## De Leguminibus cum filiquis utriculis seu vesiculis inclusis.

**H**ujus generis filiquæ in calycibus in vesicis membranaceas intumescens occurrunt.

1. *Loto affinis Aegyptiaca* C. B. *Absus* Alpin. Velling. *Absus seu Lotus Aegyptiaca* Park. Alpin.

Herbula est palmi magnitudine, vel aliquanto major, foliis trifolii sed rotundioribus, quaternis singulæ alæ appensis, Flores parvos albos & semina Pyri seminibus proxima ferens.

Veslingius foliuculos nivei candoris producere scribit, & dilutiore flavedine lactescentes: nec circa summum tantum caulem, sed etiam inter foliorum exortum dispositos. Semen atro colore splendens parvis includit filiquis cicerum æmulis; & caulem suum raris brevibusque spinulis innocenter obarmat.

Planta hæc ad Cicerum potius quam Anthyllidis genus pertinere videtur: quamvis nos C. Bauhinum secuti huc retulimus.

- A. 2. *Anthyllis leguminosa* Ger. *leguminosa vulgaris* Park. *Loto affinis Vulneraria pratensis* C. B. *Vulneraria rustica* J. B. *kidney-wetch* or *Radies finger*.

Radix ei simplex, longa, recta, lignosa, nigricans, sapore leguminoso. Caules semipedales & altiores, ex eadem radice plures, in terram reclinati, teretes, tenues, hirsuti, rubentes, foliis paucis alternatim positos vestiti. Folia pinnata è quatuor aut quinque conjugationibus composita cum impari in extremo, pinguiscula, inferne hirsuta, modicèque canescentia, supernè ex luteo virefcentia, sapore subdolei & subacri. At quæ in extremis ramis floribus subiecta sunt, lata sunt, digitata, oblonga, membranacea. Flores in ramulorum fastigio in capitulum latum conglomerati, luteoli, odore nullo excellenti, quorum singuli ex vesicula laxa, lanugine argentea villosa emicant, parvi, papilionacei. Succedunt filiquæ in folliculis latitantes, parvæ, quarum singulæ singula semina, rarius bina continent, sublutea, sapore leguminoso.

Locus.

In pascuis ficcioribus, præsertim cretaceis & arenosis, macro solo, frequens oritur. Descriptio est J. Bauhini, à nobis aucta.

3. *Anthyllis leguminosa purpurascens flore* Clus. *Loto affinis hirsuta flore subrubente* C. B. *Anthyllidis leguminosa vulgaris varietas* Park. *cujus sententia nobis etiam arridet. Purple-flowered Radies finger*.

Lugd.

Radix est tenui, modicè fibrata; foliis multis, humi quaquaversum jacentibus, quæ ex multis aliis foliolis constant, inæqualiter dispositis, supremâ parte grandioribus & latioribus: caule dodrantali, flores multos sustinente, antequam aperiuntur subrubentes, postquam reclusi sunt luteos: semen fert parvum in brevibus filiquis, quarum singulæ vesicâ includuntur, ut superiores.

Verum non opus est tanta verborum ambage, nec enim alia in re à præcedente differt quàm floris colore, obiter saltem intuitu observabili, nec enim nos utramque inter se curiose contulimus cum utraque simul ad manum non fuerit.

Locus.

In agrorum marginibus circa portum Liburnum & alibi in pascuis Italix observavimus.

4. *Trifolium balicacabum sive Vesicarium* J. B. *Anthyllis leguminosa vesicaria Hispanica* Park. *Lotus pentaphyllos vesicaria* C. B.

J. B.

Caules fundit cubito longiores, villosa lanugine obductos, in ramos alternatim ortos divisos: folia terna, non rarò quaterna, sena aut septena, hirsuta, ita certè ut extremum folium longè reliqua magnitudine excedat, Oleæ folio majus: Ex alarum ortu prodeunt pediculi, quorum cacumini insident folioli lutei, parvi, quibus succedunt insignis magnitudinis turgidæ vesicæ, fuscæ, lanuginosæ filiquas claudentes in quibus semina bina aut terna, compressa, satis crassa pro plantæ tenuitate. Vesiculæ dictæ florum calices sunt, imâ parte lati, summâ ad acutum vergentes.

Locus.

Circa Messanam & alibi in Sicilia: observavimus & in Italia.

5. *Auricula muris Camerarii* J. B. *Anthyllis leguminosa marina, Bætica vel Cretica, sive Auricula muris Camerarii* Park. *Loto affinis hirsuta circumatis filiquis* C. B.

J. B.

Radix nititur parva, colore buxæ, sapore dulci; ex qua caules pedales circiter, numerosi supini, in terram reclinantes, teretes, hirsuti. Folia alternatim è caulibus exeunt, mediocriter crassa, rigidiuscula, tactu aspera & pilosa, pinnato, eo quidem ordine, ut extimum impar sextuplo ferè conjugatim dispositis in alam foliis majus sit, principio angustiore, medio ampliore, denique in mucronem desinens; sapor utrisque aliquantulum fervidus. Flores cujusmodi Leguminibus, parvi, crocei, hirsutis viridantibusque foliolis ambiti. Siliquæ latæ, compressæ, similes Medicæ lunatæ, sed paulò minores, in se convolutæ, hirsutæ, semen claudentes figurâ renis, alterâ parte gibbosum, alterâ sinu insculpto cavum.

Locus.

In insula ad Promontorium Pachynum & alibi in Sicilia invenimus.

Hæc



Hæc planta anomala & sui generis esse videtur, nec nota generica cum Anthyllide leguminosa convenit: ob convenientiam tamen in foliis ei subjungendam duximus.

6. *Anthyllis falcata* Cretica Park. *Trifolium falcatum* Alpin. exot.

Alpin.

Falcata admodum est, versus radich caput foliosa: folia enim longa, lata, rotunda & aspera, ex albo nigricantia, dense & confertim humi procumbunt, quæ ex tenui exortu in latitudinem semipollicarem versus extremum defluunt oblique seu semicirculariter. Canticulos ex radice protrudit plures, graciles, longos, humi stratos, oblique actos: quorum geniculis terna aliquando nunc quina adnascuntur folia, terna superioris simul juncta, & bina inferius, quæ cingunt caulem. Floresculi sunt lutei, aut ex albo pallide lutei, fastigii cauliculis insistent, papilionacei; quorum singulis succedunt siliquæ membranaceæ, bivalves, in margine fimbriatæ & sinuatæ, exterius circinatæ, unguis humani magnitudine, rotundæ, simul junctæ, unum eundemque exortum & caulis summo habentes. Radicibus nititur parvis & tenuibus.

Hæc planta perfoliis videtur præcedenti, si non eadem.

## SUBSECTIO QUARTA.

De Papilionaceis seu leguminosis non scandentibus quarum Siliquæ per maturitatem articulatim rumpuntur.

*Herbæ flore papilionaceo siliquis articulatis, sunt vel iisdem*

*Laribus;*

*Ad alcerum latus dentatis, seminibus arcuatis aut lunatis; FERRUM equinum;*

*Æqualibus ad margines;*

*Ratis, seminibus oblongis, teretibus, rotis POLYCALON, Coronilla;*

*Asperis; ORNITHOPodium;*

*Asperis, foliis*

*Pimatis, floribus spicatis, siliquis longis, isthmo loculos dirimente; HEDYSARUM clypeatum.*

*Integris, siliqua campoide; SCORPIOIDES Bupleuri folio.*

### CAP. I.

*De Colutea, Scorpioide dicta.*

Quamvis Colutea frutex lignosus sit, ob convenientiam tamen cum hoc genere in floribus & siliquis, ab his non separandam putavimus, sed principem inter Leguminosas siliquis articulatis locum ei tribuendum.

1. *Colutea scorpioides* Ger. J. B. *Scorpioides major* Park. *siliquosa* seu *Scorpioides major* C. B. f. B. Clus.

Sæpè frutex est ex radice se spargente, satis lentis & fractu contumacibus ramulis, majoribus cinereo cortice obductis, minoribus viridantibus, striatis & angulosis. Folia quina, septena aut novena, ad Lentis folia accedentia, rotundiora, pinguicula, Coluteæ Vesicariæ, si magnitudinem excipias, confimilia. Flores inter folia ex pediculis semuncialibus, & uncialibus lutei, bini fere, rariis singulares aut terni, unciam circiter longi; Genistæ floribus similes, labello duplici, inferiore rotundo, integro, striato, superiore bifido & quasi alato, disobus crasculis innixo; galea in Rostri acutem mucronatâ, ex luteo virescens apicem albicantium cirros occultit, quos subsequuntur siliquæ longæ, siliquis Telephii sive Scorpionis Martii, similes, teretes, quibusdam valut articulis distinctæ, quæ oblonga, levia, subfusci coloris & ingrati saporis, semina singula singulis articulis inclusa habent. Flores nonnihil odorati. Folia ingrati & amari admodum Saporis.

In collibus circa Genavam, Monspelum & Salernum observavimus spontaneam. Maio & Junio Locu & Tempus.

2. *Colutea*

2. *Colutea Scorpioides humilis* Ger. J. B. *siliquosa minor* C. B. *Colutea humilior* Park.

Clus.

Est jam dicta humilior, humique diffusa, neque foliorum numero, aut situ, aut formâ, neque florum formâ & colore à superiore differens: sed hujus *virgæ* palmares aut pedales duntaxat hyeme interdum marcescere solent, & novo Vere denuo è radice nova germinare: siliquæ & semina paria: *radix* similiter dura & lignosa latè se spargit.

Locus.

Sponte nascitur ad Calenberg vicinisque Viennæ montibus abundè, tum etiam in nonnullis Pannoniæ montanis locis; in hortis culta paulò major fit, & ut plurimum virgas hyeme retinet. Floret Maio.

3. *Colutea Scorpioides humilior, siliquis & seminibus crassioribus* Moris hist.

Moris.

*Folia* est glaucis, *virgis* pedilibus aut cubitalibus, lignosis, rotundis, rugoso & rufescente cortice vestitis, in frequentes ramos divisis. *Folia* alata, terna, aut aliquando plura, uni costæ, binis semper ex adverso sitis, adherent, uno impari extremam alam occupante, Coluteæ vulgaris foliis similia, sed majora, glaucique vel cæsi coloris. *Flores* & forma & colore Coluteæ vulgaris similes, sed majores; quos excipiunt *siliquæ* breviores & crassiores, magis & distinctius articulatae quàm vulgaris Coluteæ, atque in singulis internodiis siliquarum singula semina cylindracea majora & crassiora continentur.

Locus.

Ad oram maritimam Tingitanam viget, unde ejus semina habuit descriptionis autor, ut & ex Italia ab Alexandro Balam communicata.

4. *Colutea siliquosa minor coronata* C. B. *Col. scorpioides montana* Clusii Ger. *Colut. scorpioides quedam, sive Polygala Cortusi similis planta, sed major* J. B.

Clus.

*Radice* nititur crassa & lignosa, lentâ tamen, & flavescente cortice obductâ, multisque fibris prædita: ex qua plures singulis annis, ineunte Vere novas producit *virgæ*, pedales, nonnunquam etiam cubitales, lentas, vimineas, læves, virides, & in his temere sparsa alata *folia*, quina, septena aut novena uni costæ inhaerentia, exiccantis primum gustûs, deinde nonnihil acrimoniz in summis labris relinquentis. *Flores* in foliorum oblongis virgulis inhaerent copiosi, leguminacei, in orbicularem coronam dispositi, flavi, nullo grato odore commendati: quibus succedunt articulati distinctæ *siliquæ*, superioribus breviores, *semen* in singulis articulis continentes, Coluteæ parvæ sive Polygalæ Valentini Clusii modo.

Locus &amp; Tempus.

Crescit in montium qui à Danubio & Calenberg illi imminenti ad Alpes extenduntur radicibus inter vepres & ad vinetorum margines. Floret Junio, nonnunquam etiam Maio: subsequens hyems virgas corrumpit.

5. *Colutea minima sive Coronilla* Ger. *Coluteæ parva species Polygala Valentina* Clusii J. B. *Polygala Valentina* Clusii Park. *Polygala altera* C. B.

Clus.

Fruticosa est hæc planta, binos palmos alta, multas ferens virgulas lentas, Sparti aut Junci instar. *Folia* singulis costis inhaerent, impari plerunque numero, quina, septena aut plura, Lenticulæ similia, magis tamen carnosa, & ad Rutæ colorem accedentia, adstringentis & ingrati gustûs. *Flores* Meliloto similes, lutei, coronæ in modum summis virgulis [quæ magna ex parte nuda sunt & maturo semine exarescere solent] infident. Incurvæ deinde, longæ & teretes succedunt *siliquæ*, tribus aut quatuor internodiis distinctæ, quæ *semen* continent durum, oblongiusculum, nigrum, ingrati saporis. *Radix* longa, dura, lenta, crassiuscula est.

Locus &amp; Tempus.

Clusius agro Salmanticensi, Murciano & Valentino regnis, locis arenosis & collium declivibus observavit. Floret Aprili, Maio & Junio: Semen Julio maturum est.

Baninus Coluteæ suæ, cujus titulum inter Synonyma præmisimus, virgulta tribuit dura, lignosa, crebrè veluti articulata, &c.

Nos plantam hanc in clivis maritimis propè Salernum in Regno Neapolitano, atque etiam in Hetruria collegimus.

6. *Polygala Valentina secunda* Clus. An *Polygala major Massiliotica* C. B? *major montana* Park. *Colutea scorpioides Coronata* Lob. Obs.

Clus.

Præcedenti admodum similis est, majoribus *virgis*, firmioribus & utcumque rubentibus; majoribus etiam, viridioribus, frequentioribus & carnosius *foliis*; majoribus & dilutioris coloris *floribus*: *siliquis* etiam paulò crassioribus, *seminibus* verò omnino simili.

Locus.

In collibus sylvestribus Valentie Hispaniæ vicinis invenitur. Viret perpetuò & diutissimè floret & Vere & Autumno. In monte Cæzio inter alia arbuta versùs mare Maio florentem legit D. Magnoli & in sylvâ Valentie circa Corvintum. Botan. Monspal.

C. B. prod.

*Virgis* est pedilibus, rariùs cubitalibus, lignosis, rotundis, rugoso cortice vestitis, in frequentes ramos divisis: *folia* alata, septem aut novem uni costæ, binis semper ex adverso sitis, adherent, uno impare extremam alam occupante, Coluteæ foliis similia, sed multo minora, obtusa & cordata, glaucique vel cæsi coloris. *Flores* & formâ & colore Coluteæ similes, sed minores, pediculis tenuibus



nubibus *siliqua* tenues oblongæ, unciales, articulis distinctæ insident, quarum singulis articulis singula *semina* parva inclusa sunt.

Hæc in maritimis propè Terracinam collectæ.

Locus.

8. *Colutea caula Genistæ fungosa* J. B. *Polygala major Massiliotica* C. B. *Polyg. Valentina* 3. Clus. *Val. marina* Park.

Oblongis, lentis, fungosis seu medullosis & omnino virentibus virgis prædita est, quas rara obsepiunt *folia*, superioribus adhuc crassiora & molliora: *flos* secundæ par. *Semen* observare non licuit.

Invenitur in Valentia Hispaniæ urbis maritimis. Hæc descriptio apprime convenit plantæ illi quam in clivis montosis propè S. Chamas Gallo-provinciæ oppidum invenimus. Locus.

J. Bauhinus *flosculos* exiguos satis huic attribuit, in orbem coaggestos: *Siliqua* angustas articulatas, ut in Scorpioide folio Portulacæ, in tenuissimum, Scorpionis humilimum *ipiculum* terminatas.

9. *Colutea Scorpioides Cretica odorata* Alpin. exot.

Suffrutex hic totus argenteo colore lucidus, crescit cubitali altitudine & majore. *Folia*, *flores* & *siliqua* vulgaris *Coluteæ Scorpioidis* more proveniunt. Differunt, primò quoad *folia*, quæ in extremo latiora sunt, & costæ nudæ pauciora adherent, quippe quinque utrinque binatim seu conjugatim apposita, & unum in costæ mediæ extremo, coloris argentei. *Flores* & figurâ & colore similes videntur floribus *Coluteæ* prædictæ, odore tamen differunt qui his suavis est & fragrans, illis foetidus & ingratus. *Siliquæ* insuper vulgaris sunt exiliiores & tenuiores, albæ, brevioresque, Creticæ autem siliquæ crassiores sunt & nigricantes, atque articulis magis evidenter apparentibus consistuntur, & consequenter *semina* ibidem contenta sunt multò majora.

Vere & ineunte æstate flores fert, toto mense Maio: Juno & Augusto siliquæ maturescunt & sub finem nigrescunt. Tempus.

Frigoris est impatiens hæc stirps, unde ægerimè hyeme vivit, nisi summâ curâ custodiatur sub tecto.

## VI. 140 CAP. II.

### De Coronilla herbacea.

1. *Ferrum equinum Gallicum* Park. *Gallium siliquis in summitate* C. B. *Polygalon Cortusi* J. B.

Crassa huic, lignescens duræque radices, dodrante longiores, nunc simplices, nunc multifidæ, intus albæ: quæ statim plurimas emittunt *virgulas* lignosas, dodranteales aut breviores, humi stratas: quibus conjugatim hærent *folia*, ut plurimum novena, familia Ornithopodio quorundam, nisi essent breviora & rotundiora, solidiora, spissiora & magis alba, saporis adstringentis, nervo unico secundum longitudinem prædita. *Flores* ramulorum nudorum extremo insident lutei ut Ornithopodii jam dicti vel *Polygalæ Valentini* primæ Clus. *Semina* item consimiliter in *siliquis* longis, crebris internodiis interceptis.

Ad latera montis Salevæ propè Genevam & in Delphinatu propè Gratianopolin, & alibi in transmarinis inveni: J. Bauhinus in Rhetiæ monte Nembre. Locus.

2. *Securidaca major articulata* Park. *dumetorum major, flore vario, siliquis articulatis* C. B. *Melilotus quinta Tragi* J. B. *Hedysarum majus siliquis articulatis* Ger. emac.

J. B.

Vivaci radice reptat, multis adnatis variè se propagans: fibris aliquot donata, crassitie radicum convolvuli majoris, lignosâ candidaque matrice farctâ, sapore amaricante: hinc emergunt longissimi *caules*, crassitudine cum radice pari, striati, intus concavi, ramosi: *folia* pinnata, *Securidacæ*, pinguiscula, atrovirentia, octo, decem, aut duodecim foliorum conjugationibus constantia, impari uno extremam alam claudente. Ex foliorum alis pediculi producuntur palmares & breviores, angulosi, quibus pendulæ impositæ sunt coronæ *florum* *Securidacæ*, quorum folium supremum purpurascens sursum explicatur, lateralia bina in album languescunt, carina penitus albet, sub rostro atro-purpureo stamina occultans argentea: *flos* interdum totus albet, solo carinæ rostro purpurascente. *Siliquæ* succrescunt uncias duas aut tres longæ, angulosæ, tenues, crebris nodis articulatæ, *semine* longo, mediocriter amaro.

Ad agrorum margines in Germania passim, inque pratis, agris & secundum vias, per universam Pannoniam, Austriam, Siriam, Moraviam atque Bohemiam. Clus. Floret Junio & interdum totâ etiam æstate. Locus.

## CAP. III.

*Sesban* Alpini. *Sesban* sive *Securidaca* *Egyptiaca* articulata Park. *Oulea* *Egyptiaca* siliquis articulatis C. B.

*Alp. Vell.*

**F**rutex est in *Egypto*, Myrti magnitudine; foliis *Securidacæ*, sed longioribus & angustioribus, virgarum latera pari fere numero stipantibus, si maturior planta fuerit; *Ramos* habens diluto virore nonnihil rufescentes, asperitudine quadam ad contactum inæquales. *Flora* fert proceros, *Anagyridi* perquam similes, racematum multos ab ala vel ramulo pendentes; à quibus *siliqua* longè producuntur, *Foenugræco* proximè, in quibus semina sunt *Foenugræci* seminibus non parum similia. *Siliquæ* (id adnotante *Vellagio*) seminibus inclusis prægnantes pro illorum numero distinctis velut loculis coarctatæ sunt. Idem truncum ipsum fruticis raris brevibusque spinis aculeatum observavit; unde non mirum *Egyptios* eo uti ad sepes texendas pro agrosorum distinctione.

Vires.

Semina humentem stomachum siccare & roborare aiunt, & ad cohibendum quemcunque fluxum alvi, nec minus ad menses immoderatos sistendos, utilia esse, seu in decocto, seu in pulvere sumpta.

*Morisonus* in *Hist. C. Bauhinum* & *Parkinsonum* reprehendit quod *siliquas* articulatas huic plantæ tribuerint: cum non satis intelligerent quid sit *siliqua* articulata propriè loquendo. *Siliqua* enim articulata (inquit) in multos articulos suis interstitiis distinctos dividitur transversim, & in singulis interstitiis (exsiccatâ siliquâ & ruptâ) singula continentur semina.

Nos plantam nondum vidimus, at nec *Morisonus* se vidisse ait, ideoque an *Siliqua* eas reverà articulatæ sint, an nodosæ tantum seu protuberantes ubi semina sunt, & in interstitiis depresso seu angustatæ, nescimus.

## CAP. IV.

*Nil* sive *Anil*, *Glastrum Indicum* Park. *Colutea* foliis *Anil* nominatum J. B. *Herva de Anil* *Lusitanis* Marggr. *Phaseolus Americanus* vel *Brafilianus* VI. C. B. at perperam *Phaseolum* vocat. *Ameri Hort. Mal. Polygala Indica frutescens* *Hermanni*.

**Q**ualisnam planta sit ex qua *Indigo* vulgò dicta conficitur inter Botanicos non convenit. Verior sententia est fruticem leguminosum esse, *Coluteæ* affinem. J. *Bauhinus* quos habuit ramulos pedales similes fere raris *Cytisi* siliquâ latâ fuisse scribit, rigidulos, incanoscens, ac fere argenteos, in folia divisos *Coluteæ* vulgaris, ovata, glauca, quinquefolia communiter, rarius trifolia ex communi costa incana. D. *Finchius* apud *Parkinsonum* folia *Senæ* ei attribuit, sed breviora & latiora, qualia & *Parkinsoni* icon repræsentat. *Marggravius* *Anil* plantam sic describit:

Ex radice gracili, longa, in multos ramis distributa lignosa ac lenta plures assurgunt caules duos, tres, & quandoque plures pedes longi, teretes, humi serpentes, & hinc inde filamentis in terram demissis se firmantes, versus extremitatem autem se surrigentes: ex hisce maximam partem jacentibus caulibus alii plures in altitudinem assurgunt, ex quolibet octo, novem, sæpius & decem, itidem teretes, lignosi, uno latere paulum rufescentes. Caules omnes ornantur ramulis unum digitum longis, alternata serie dispositis, & quilibet habet septem cinerascens foliola, bina sibi opposita, & extremum solum. Foliola in medio secundum longitudinem nervulum habent, non serrata, similia foliis *Trifolii corniculati* *Dod.* Juxta ramulos enascuntur breves pediculi, & in iis flosculi quatuor, quinque, sex aut plures, planè parvuli, purpurei cum albo diluti, figurâ cassidis apertæ, ut in *Hedera* terrestri vel *Urtica* mortua, odoris jucundi.

Malè comparat flores hujus plantæ floribus *Hederæ* terrestris aut *Lamii*, cum hujus flores præcudubio papilionacei sint.

Fr. *Hernandez* stipites multos, sex cubitos longos, ac minimum digitum crassos ei attribuit, coloris cinerei, laves; folia *Ciceris*; flores ex albo rufescentes; *siliquas* acervatim cauli appensas, ascaridibus crassiusculis similes, semine nigro plenas, sapore nonnihil amaro & leguminoso.

*Parkinsonus* fruticem hunc *Sesban* Alpini affinem facit, *siliquis* teretibus, uncialibus, *Foenugræci* seminibus, sed utraque extremitate acutioribus.

*Siliquula* *Anil* quam *Terentius* ad C. *Bauhinum* transmisit angusta erat, vix uncialis, cui grana aliquot exigua, subviridia cum hilo albo in medio, ut in *Phaseolis*, inerant.

Cum ergo in florum colore, & *siliquarum* parvitate consentiant hi *Autores*, unam & eandem plantæ speciem esse quam describunt mihi persuadeo: quamvis in descriptione foliorum non bene conveniant. Nec diversam esse puto quam sub *Ameri* titulo proponunt & describunt *Horti Malabarici* *Autores* pro *Arboris* specie, cum tamen hæc planta vix frutex, nedum arbor censenda sit, siquidem duos duntaxat [ *Finchius* apud *Parkinsonum* tres annos durare scribit ] annos vivat, ut *Hernandez* asserere videtur. In magnitudine certè insignis est differentia: quocirca *Ameri* descriptionem subijciemus.



Arbuscula est altitudine humana, brachii crassitie, ligno duro, ramis maximè transversis; foliis alatis, è quinq. aut septem pinnarum mediæ costæ adnexarum conjugationibus compositis cum impari in extrema costa folio; sunt autem singulæ pinnæ seu foliola oblongo-rotunda, texturâ tenui & densâ, nervo medium percurrente averia parte, elato, nullas, saltem conspicuas, venas emittente, colore ex viridi subcœruleo, parte adversâ obscuriore, averâ clariore, sapore subamaro, & languido ardore diutius masticata. Flores in brevibus surculis è foliorum sinibus exeuntibus, plures simul spicatum aggregati, parvi, papilionacei, quatuor petalis compositi, quorum inferius & carinatum stylum viridem occultans viride, lateralia duo angusta, interiori ora latro rosaceo rubore tincta, superius & clypeatum reflexum est ac viridi-dilutum. Sunt autem flores odoris nullius. Calyx florum quinque cuspidatorum & viridium foliorum est.

Floribus deciduis succedunt parvæ, fermè unciales, rectæ, rotundiolæ, & angustæ siliquæ, suis surculis brevibus, tenuibus pediunculis appensæ, spadiceo-fuscæ, semina oblongo-rotunda, per maturitatem fusca & nitentia continentis.

In arenosis & petrosis locis nascitur.

Parandi pigmenti, quod Latini cœruleum, Mexicani *Mobuisli* & *Tlecobuilli* appellant, referent Hernandez, hic est modus. Folia incisa in ahenum cortinamve ferventis aquæ sed jam ab igne sepositæ tepentique aut melius (ut rei affirmant periti) frigescentis neque ignem expertæ concipiuntur, concutiunturque vehementer rutris, ac paulatim aqua infecta transfunditur in testam aut dolium, & tandem per foramina paulo sublimiora effuso humore, quicquid è foliis discessit permittitur residere. Fax illa pigmentum est: siccat id sole, & sacco cannabino percolatur, mox efformantur parvæ rotæ, quæ catinis superpositis carbonibus solidantur, ut recondi tandem queat in annuos usus.

Pigmenti hujus parandi modum paulò aliter describit Autor anonymus historię gemmarum à D. Chapezeau editas; quem apud ipsum vide, vel apud Wedelium in Experimento novo Chymico de Sale volatili plantarum. Descriptio enim Hernandez mihi verisimilior videtur.

Cæterum Wedelius non levi errore tenetur, cum Indigo & Glastum ex eadem profapia propullulare scribit, neque nisi præparatione differre: cum certissimum sit plantas ipsas diversissimas esse, nec minùs naturâ quàm loco distare, cum hujus respectu toto cœlo, illius toto genere differant.

Datur & alia *Nil* five Indici species, quam Marggravius describit, toto genere à præcedente diversa, & Corymbiferis plantis annumeranda; Hernandez quoque aliam describit speciem, & fortè diversam à Marggraviana; Nos inter Corymbiferas dictas plantas de iis agemus.

Quod ad vires attinet, Ad dolores calculi nephriticos mitigandos servit radix in decocto data. Eadem & viribus veneni obfistit decocta cum aqua *Lanie*, scilicet teneri *Coqui Indici*, & epota. Folia in difficultate mingendi juvant, si trita cum aqua ventri applicentur. *Amè* vulgò dicta Indigo pro exsiccandis tumoribus proficua est. *Hort. Malab.*

Hernandez scribit pulverem mederi plagis veteribus si ante urinâ abluantur. Folia contusa & emplastri modo applicata dolorem capitis mitigare dicuntur, maximè in infantibus, etiam in aqua macerata & cerebro applicata.

Ingeniosissimus Vir \* D. Martinus Lister M.D. in Ictericis affectibus pilulas ex Indigo Barbadenſi ad drachmam quotidie sumendas præscripsit aliquoties; quæ id effecerunt ut ægri copiosius urinam redderent. Et revera verisimile videtur Indicum non minùs quàm Crocum huic morbo profligando idoneum esse; cum partium tenuium sit & facile penetret, quemadmodum alia tingendo apta.<sup>2</sup> Observat D. Tancréd. Robinson confectionem hanc venenosæ qualitatē participem à Medicis antehac haberi solitam.

Color vulgò dictus Indigo fluxiones mirè sistit, nam valdè astringit; ut lochiis nimium fluentibus, & alvi, uterique procidentię decantatum remedium præbeat. Ex observatione D. Murali. *Ephem. German. Ann. II. 113.*

Plantam hanc ob convenientiam in multis cum Colutea eidem subjungendam duximus, quamvis revera siliquarum respectu, quæ ut puto articulatæ non sunt, ad hoc genus non pertineat.

## CAP. V.

## De Hedyſaro clypeato lævi.

1. *Onobrychis clypeata lævis* Park. *semine clypeato lævi* C.B.

C.B. prod.

**E**X radice rufescente, paucissimis fibris donata, caulis unus [nonnunquam duo] pedalis, nodis distinctus exurgit: circa quem folia alata ex senis septenisve fibris, oblongis, glabris, uni costæ inhaerentibus, unòque extremam alam occupante composita. Ex alis tenues & oblongæ virgulæ flores purpureo-cœruleos, velut in spica dispositos sustinentes prodeunt: quos sequuntur fructus plani, læves, clypeiformes, communiter terni, sibi invicem per longum coherentes, semen minutum includentes.

In Helvetiorum Alpibus, ut monte Fracto & ad thermas Fabarias provenit.

Hujus descriptio in multis excepto siliquarum lævore, Hedyſaro nostro clypeato minori convenit: specie tamen diversam esse vel locus convincit.

- \* 2. *Onobrychis incana foliis longioribus* C. B. *Astragalus incanum filiquis incurvis* Botan. Monsp.

C. B.

*Caulis* habet rotundum, ramosum, incanum; *folia* plura, acuminata, angusta, uni costæ adnata, incana velut cinere aspersa: *Cauliculi* semipalmatæ, nudi spicam *florum* purpurascens, aliorum formam sustinent: quibus succedunt *filiquæ* oblongæ, incanæ, incurvo mucrone donatæ, duabus valvulis constantes: *Semen* minutum, nigrum, planum & semicirculare continentes.

Locus.

In Provincia Galliz reperitur.

- \* 3. *Onobrychis incana foliis rotundis* C. B.

Hujus meminit C. Bauhinus in Prodro-mo his verbis,

Alteram non minus incanam, sed minorem, semipalmatam, foliis brevioribus & rotundis, ex Aragoniz & Castiliz saxosis D. Albinus attulit.

Hujus & præcedentis an *filiquæ* articulatae sint non meminit C. Bauhinus; nec nos aliunde earum noticiam habemus, proinde an plantæ ipsæ ad hunc locum pertineant nescimus. Ob nomen commune impositum huc retulimus.

4. *Hedysarum triphyllum Canadense* Cornuti Park.

Cornut.

Hujus altitudo in frigidis locis duorum ferè cubitorum est, in apricis in unum tantum erigitur. *Caulis* numerosus ab radice pullulat, angulosus ac medullosus: fibris ille multis striatur, aliis virentibus, aliis pallentibus, aliis rubentibus. Mediâ caniculâ spicatum *floribus* prodeunt Hedysari legitimi facie, ampliores multo. Horum superiora folia saturatius rubescunt, laterum alæ & subjecta carina dilutius ac pallidius rubet. *Siliqua* per floris marci centrum oritur, falcatis per internodia discriminata, asperissima, quæ lineis supra & infra rubentibus clauditur. *Radice* nititur fibrosa, subnigra, maximè vivaci. Aprili pullulant folia, initio quidem rubentia, quæ tandem atrovirescunt, & Trifolii Asphaltitis more dividuntur. Tota planta inodora est. Sapor virenti non ita conspicuus, siccatæ subacris.

Locus.

Mediis in sylvis nasci dicitur in America Septentrionalis regione nova Francia dicta. *Siliqua*, annotante Morisone, constat pluribus siliculis seu loculis triangularibus articulatis junctis, asperis: Ob conformitatem *filiquarum* quamvis planta trifolia sit, Hedysari adjunximus; ut & sequentem.

- \* 5. *Polygala Gesneri affinis Caput gallinaceum* J. B. *Securidaca Pennæi, sive Securidaca 2. aliter species* Clus.

J. B.

Prolixam agitradicem & crassiusculam, lignosam & in fibras filamentorum instar ductilem, lentam, fractuque contumacem, foris nigricantem, intus albam, simplicem aliàs, aliàs multifidam, & in numerosa capita diductam; ex quibus densa pullulat foliorum cauliūque seges: *Caules* autem palmatæ, aut etiam dodrantes, tenues, subhirsuti, ad medium usque foliosi, cætera nudi, spicam gerunt unius, duarum aut trium ferè unciarum, *floribus* congestam purpureis Polygali Geln. quæ tamen hic in latum diffunditur per extrema, non autem in metæ formam fastigiatur: *floribus* etiam adhuc non omnino delapsis succrescunt *filiquæ*, Acaciæ *filiquarum* quodammodo formam, unico aut duobus peltatis orbiculis constantes, quodam velut isthmo loculos determinante; quod si unicum est conceptaculum, brevem mucronem profert (id quod etiam in extremo ubi plura sunt observare licet) margine aliàs æquabili, nec cristato, umbone protuberante ob contentum *semen*, Cracæ minori par, nigricans, rotundumque, nisi quippiam uncinuli instar inæqualitatem faceret.

Singuli porro orbiculi præter tunicam semen integram extrinsecus reticulatum habent obductum plexum, circa oras hærescentem, aliàs liberum, spinulis mitibus asperatum, radiis rectis in margines expositis. *Folia* quædam à radice mox germinant, alia per caules, trium plus minus unciarum longitudine, foliolis conjugatim dispositis constantia, duplo minoribus quam Polygali Gesneri, acuminatis, utrinque hirsutis, & argenteo splendore subinde micantibus. Foliorum per ramos pediculi longiusculi squamulas habent appositas rubentes.

Locus.

In sabuletis & campestribus ad semitas propè montem Lupi Monspelienfium eruit Cherlerus.

Hæc est proculdubio Securidaca Pennæi Clus. i. e. Securid. dumetorum minor pallidè cœrulea C. B. Ger. Securidaca articulata minor Park. Item fortasse Onobrychis clypeata aspera minor C. B. prod. V. Hedysarum clypeatum minus superius positum.

Pennæus Securidacæ suæ *filiquam* securis formam quam nos Billhook (ea vox, putatoriam sive arborariam falcem significat) vulgò appellamus, probè referentem, vel cultri genus, quo nostri & Belgici sutores uti solent.

- \* 6. *Trifolium Americanum spicatum* Marggravii.

Marggr.

Ex radice lignosa, lenta, gracili aliquot assurgunt caules sesquidigitum circiter alti, qui unum atque alterum ramulum nanciscuntur. *Caulis* rotundus, pilosus & quasi geniculatus: ad geniculum autem in brevi petiolo nascuntur juxta se tria folia, superius viridia, inferius pilosa & canescentia. *Flosculos* fert in spicam congestos, purpurei coloris. Post quos proveniunt *siliculae* compressæ, hirtæ, curvæ seu lunatæ, ut in Ferro equino, & quasi decissæ; nam matura in tot concedunt partes, quot grana continent seminis. *Semen* est magnitudine Sinapi, sed figurâ Phaseoli, ex albo flavescens, & punctum



punctum fuscum parvulum loco hili habens, sapore quasi Pisi. Inter eundem hæ siliquulæ facillimè vestibus adhærescunt, ideoque Lusitani vocant hanc herbam *Amoris*. Passim in Brasilia nascitur.

Locus.

CAP. VI.

De *Hedysaro clypeato aspero*.

**H**edysarum à Suaveolentia dicitur; odorem enim emittit Fœnugræco, Lupino & Meliloto non dissimilem. Hujus notæ sunt flores spicati, siliquæ oblongæ, asperæ, articulatæ, isthmo loculos dirimente.

1. *Hedysarum clypeatum* Ger. emac. *clypeatum vulgare* Park. *Astragalus Romanus* sive *Hedysarum clypeatum*, siliquæ asperæ J. B. *Onobrychis semine clypeato aspero major* C. B. French *Bomp-suckle*.

J. B.

*Ramis* est cubitalibus, bicubitalibus & tricubitalibus, concavis, procumbentibus, glabris, crassiusculis, multis ex radice statim ortis: per quos alternatim ferè nascuntur folia palmaria & ferè dodrantalia, alæ instar hærentia, quinque aut sex conjugationibus, extremoque folio impari constantia. Folia singularia Glycyrrhizæ foliis quodammodo similia, paulò breviora, latioraque & glabra, exceptis marginibus brevibus pilis ornatis, sapore nullo manifesto, nisi tantillum adstringente. Ex alarum finu prodeunt surculi singulares, qui in spicam digestos ferunt flores amœnos, Genistæ, sed rubentes: è quibus siliquæ compressæ, asperæ, ternis aut quaternis aut quinis seminibus orbiculatis, clypeoli effigie in eadem rectâ locatis complures videntur. [Siliquæ ex pluribus orbiculis clypeiformibus asperis sibi invicem articulatim commissis componuntur.] In plures annos vivit, nisi hyems asperior fuerit, quam non facillè tolerat.

In montibus Messanæ imminentibus provenit, ubi & flore albo observavimus. Frid. Meyerus *Locus*. in pratis Senensium copiose enatum observavit.

Ob florum pulchritudinem in hortis colitur.

2. *Hedysarum clypeatum minus flore purpureo*. An *Onobrychis semine clypeato aspero minor* C. B? *Onob. clypeata aspera minor* Park?

*Radice* nititur tenui albâ, lignosâ, simplici cum paucis fibris. Folia exigua admodum, oblonga, angusta, bina ex adverso, ad quatuor vel quinque paria, eidem pediculo seu costæ adnectuntur, cum impari in extremo. Cauliculi ex eadem radice duo aut tres, palmares, in summitate & in pediculis oblongis flores gestantes in capitulum coacervatos, quinque vel sex, aut fortè plures, purpureos, satis amplos pro plantulæ modo: qui decedentes relinquunt siliquas præcedentis pares aut etiam majores, consimiliter ex multis clypeolis hirsutis aut asperis, sibi mutuò in eadem rectâ commissis compositas, quorum singulis singula insunt semina.

In insula parva ad promontorium Siciliæ Pachynum dictum, nunc *Capo Passaro*, collegimus.

Locus.

*Onobrychis clypeata aspera minor* C. B. si rectè descripta sit, radice crassa, foliis brevibus, flosculis parvis & rubentibus, semine minutissimo in clypeolis exiguis, à nostra diversa est, quod tamen mihi non videtur verisimile.

- \* 3. *Onobrychis major annua siliculis articulatis asperis, clypeatis, undulatis (id est) antrorsum & retrorsum) junctis, flore purpureo-rubente* Moris.

Moris.

*Caulis* producit non tam proceros, nec tam crassos quàm *Hedysarum clypeatum vulg.* Iis ad eundem modum costæ adnascuntur, quibus pariter folia adhærent, dilutiùs multò virentia, foliis *Hedysari* prædicti flore albo similia. Flores in cymis caulium spicatim proveniunt, à floribus dicti *Hedysari* colore diversi, sunt enim multò dilutiùs rubentes, admixto paucò cœruleo aut violaceo colore: deinde siliquæ longæ articulantur siliculis asperis clypeatis, non rectâ junctis, ut in priore perenni, sed undarum in modum ante & retro plicatis, seu angulos obtusos in singulis articulorum plicis efficiuntibus.

Semine ex Aleppo misso à D. Huntington enata est Oxonii in Horto Academico.

Locus.

CAP. VII.

De *Ferro equino*.

**F**erum equinum à figura feminis soleam equinam referente dicitur, quæ & hujus generis nota characteristica est.

1. *Ferrum equinum* Lob. Ger. *equinum majus* Park. *equinum siliqua singulari* C. B. *Solea equina* J. B. *Horse-shoe* Wetch.

J. B.

*Radix* hujus alba, paucis donata fibris lignescit, [Matth. gracilis quatuor digitorum longitudine] à qua statim plures proferuntur *caules*, palmares aut dodrantes, angulosi [striati Matth.] unde *folia* exeunt *Securidace* minoris, pinnatum digesta, & per extremam oram lateſcentia, leviterque in corculi morem fissà: Hinc ex sinu, viz. foliorum *flosculi* exeunt lutei, singulares, quos *siliqua* etiam excipiunt singulares, nullo pediculo, tres circiter uncias longæ, culmum latæ, nonnihil incurvæ, compressæ, artificis naturæ rarum spectaculum. Dorsum his continuum, opposita pars fimbriatis sinibus laciniosa, vel (ut Matthiolus ait) *siliqua* oblongæ, pressæ altera parte, incurvæ, incisuris divisæ, foraminum rotundorum speciem referentibus, prominente utrinque foraminum orificio; *semen* lunatum bicornè, *Soleæ* equinæ figurâ; ut *siliqua* pro contenti seminis figurâ numeroque totidem equinæ *soleæ* simulacra repræsentet.

Locus.

Circa Liburnum & Neapolin in Italia observavimus.

2. *Ferrum equinum monalegum* Col. *Ferrum equinum siliqua multiplici* C. B. *equinum polyceraton* Park.

Col.

Totius figuræ brevitatem distat à vulgari ferro equino, ac etiam *siliquarum* copia, quas inter foliorum alas longo petiolo insidentes, non ut in vulgari hærentes, quaternas aut plures proferunt, tenuiores, rufescentes, incurvas, C litteram lunatam exprimentes, velut *resupinas* iterum crescentis Lunæ modo.

Locus.

In Valuenſium montibus Soli expositis tenuibusque locis reperimus, atque etiam Cirinolz. D. Magnol prope Monspelium in locis sterilibus dictis *la garrigue dau Terral*, & depressis incultis montis Ceti vere cum flore & siliquis sæpius legi. *Botan. Monsp.*

- A. 3. *Ferrum equinum Germanicum siliquis in summitate* C. B. Ger. *emac. equinum comosum* Park. *Ornithopodio affinis* vel potius *Soleæ* vel *Ferro equino herba* J. B.

J. B.

Longissima *radice* nititur, crassâ, lignosa, fibrosa, nigricante, subdulci; *visiculae* producens multas, palmo longiores, interdum dodrantes & cubitales, in terram reclinatas, ramosas, tenues, subrubentes; in quibus *folia* Lentis pinnata, paullo quàm *Ornithopodii* majora, [primum bina utrinque pediculo seu *stipite* adnexa, deinde terna, postmodum quina atque sena, & in *stipite* extrema aliud, ut 13 numero infinit] non continua usque serie costæ ad caulem usque adhaerentia, ut in *Ornithopodio* *Dod.* jam dicto, cum costa quæ cauli adnascitur sit aliquotusque foliis vidua, ut in *Ferro* equino, subamara. E summis foliis & caule producuntur petioli nudi semipedales & longiores, in quorum summis *flores* octo aut novem, coronæ instar radiatim penduli colore luteo saturato & effigie Meliloti quam nobilem vocant, quibus succedunt *siliqua*, crebris internodiis interceptæ, aduncæ, in acutum desinentes, siliquis Ferri equini similes, minores tamen, minusque incurvæ, nec ita latæ, nec adeo sinuatæ ut veluti perforatæ videantur ut in vulgari, sed minus dimidio circulo, in quibus *semina* oblonga minus incurva, ut Lunulam referant.

Locus.

In Angliâ variis in locis occurrit solo cretaceo inque montosis Septentrionalibus. Nec tamen loca calidiora refugit; nam J. Bauhinus Monspelii prope patibulum invenit, florentem Aprilis & Maio. Columna in *Æquicolorum* montibus & sylva Capuccinarum.

## CAP. VIII.

### De Scorpioide bupleuri folio.

**H**Æc planta Campoides rectius diceretur quàm Scorpioides, siquidem siliquæ ejus erucam in se convolutam proxima similitudine referunt, suntque plurimum hirsutæ.

1. *Scorpioides siliquis singularibus villosis*: an *Scorpioides majus* Park. parad? *The great rough Caterpillars.*

Ex radice plerunque singulari, ferè buxæ, exili, rectâ, longiusculâ, dodrantes vel pedales [et lato solo etiam longiores] ramulos per terram sparsos, subhirsutos emittit; ex quibus nascuntur *folia* Bupleuri pinguiora, minus nervosa, locis calidis albida, mediocriter ipsa, brevibus & raris pilis nonnihil hirsuta, longiusculis pediculis, duabus longis angustis auriculis ad exortum donatis, appensa, alternatim posita, sapore herbaceo cum aliqua acrimonia, & ex eorundem alis pediculi singuli palmares & sesqui-palmares, aut etiam longiores, tenues, quorum summitatibus singulis singuli *flores* insident, papilionacei, flavi, similes Meliloto Germanicæ Fuchsi: Quibus succedunt *siliqua* hirsutæ, non tamen asperæ, majores quàm in vulgari Scorpioide, per maturitatem citrior, in se convolutæ erucarum instar, tuberculis semen continentibus [minus tamen conspicuis quàm in vulgari] gibbosæ, quæ per maturitatem articulatim rumpuntur.

2. Scor-



2. *Scorpioides siliqua campoide hispida* J. B. *Bupleuri folio* Ger. C. B. *Bupleuri folia minor, pluribus corniculis asperis* Park. *Prickly Caterpillars*.

¶ J. B.

Descriptio quam ex J. Bauhini hist. desumptam præcedenti accommodavimus hujus plantæ erat. Scorpioides enim non aliter inter se differunt quam numero siliquarum in eodem pediculo, eandem superficiei magis minuscule asperâ, ipsique magis minuscule contortis & convolutis; & forte etiam totius plantæ magnitudine. Huic ergo in eodem pediculo duæ tresve siliquæ hærent, magis convolutæ, magisque hispide seu asperæ quam præcedentis, per maturitatem fulcæ, tuberculis semen falcatæ Lunæ effigie continentibus gibbosæ.

Hæc species frequentissima est circa Monspelium & alibi in Gallia Narbonensi.

*Scorpioides multiflorus* Boelii Ger. emac. App. idem videtur præcedenti.

Locus,

\* 3. *Scorpioides siliqua crassa* Boelii Ger. emac. App. *An Scorp. majus* Park. parad.

Hujus flores nonnihil ampliores sunt quam reliquorum cujusvis, in singulis pediculis singuli vel bini: *Siliqua* contortæ, non tamen villosæ aut asperæ ut præcedentium, sed striatæ duntaxat eleganter & velut reticulatæ, quam alterius cujusvis Scorpioides siliquæ septuplo majores, Erucæ densius pilosæ maximæ magnitudine. Semen rotundum sed paulo oblongius, Pisi arvensis fere magnitudine, obscure lateum.

\* 4. *Scorpioides Bupleuri folio, siliquis lenibus* Park.

Hoc genus per omnia præcedentibus simile est, exceptis floribus, qui in singulis pediculis singuli, rarius bini; & siliquis quæ angustæ sunt & læves, absque ulla omnino asperitate aut hirsutia. Morifono idem habetur sequenti seu Scorpioidi Bupleuri folio, corniculis asperis & rugosis seu rigidis striatis, seu sulcatis à sese dicto: male ergo siliquis lenibus à Parkinsono inscribitur.

¶ 5. *Scorpioides siliqua coccleatâ & striatâ Olyssipponensis* Hort. Paril.

Siliquas in eodem pediculo plures gestat, valde contortas & in se convolutas, nullis neque spinulis asperas, neque villis hirsutas, sed secundum longitudinem duntaxat striatas, graciles, per maturitatem nigricantes.

6. *Scorpioides Matthioli* Ger.

A nobis Trifoliis siliquosis, Fœnugræco & similibus annumeratur. Possit tamen hic non ineptè collocari ob siliquas articulatas longas se contorquentes: aptius tamen quam inter Trifolia.

\* 7. *Scorpioides Viciæ foliis minima* Morif. hist.

Cauliculos edit pedales, humiles, & per terram stratos: ex quorum geniculis oriuntur costæ mediæ, alternatim cauli adhaerentes, & bis quatuor foliis longis, mucronatis, glabris, alternatim etiam sitis, uno impari extremum costæ claudente, onustæ; atque ex alis inter costam & caulem oriuntur petioli biunciales aut triunciales, sustinentes in eorum fastigio binos aut ternos, nunc plures, nunc pauciores flosculos papilionaceos, luteos; quorum singulis singulæ succedunt siliquæ longæ, tenues, articulatæ, continentes semina, minuta, rotunda, longa, in singulis interstitiis singula.

## C A P. IX.

### De Ornithopodio.

Ornithopodium à siliquis aviculæ pedes cum unguiculis referentibus dicitur.

A. 1. *Ornithopodium radice nodosa* Park. *tuberculis nodosa* C. B. item *Ornithop. majus* Ger. C. B. Park. item *Ornith. minus* eorundem. Orn. flore flavescente J. B. & Orn. *tuberosum* Dalechampi ejusdem. *Birds-foot*.

Radice donatur, alba, simplici, fibras aliquot majusculas subinde emittente. Tum radix ipsa, tum fibræ majores fibrillis tenuibus capillatæ sunt, quibus tubercula seu granula quædam appenduntur. Cauliculos emittit plurimos, humi fere fufos, aut paululum extantes, in lætiori solo semipedales aut longiores, tenues, hirsutos, teretes, foliis per intervalla vestitos alternatim positos, pinnatis per costam totam ad ejus usque cum ramis aut caulibus connexum, quinque aut sex fere conjugationibus, impari extremum occupante. Flores tres, quatuor aut quinque, rarius plures, simul juncti umbellæ fere in modum, furculorum ex alis foliorum emergentium fastigis insident, pediculis brevibus aut nullis, foliolo alato ad umbellulæ basin appposito, perpusilli, leguminacei, folio supremo purpurantibus lineis striato, lateralibus duobus albidis, medio siliquam occultante vix conspicuo, subluteo. Floribus

bus totidem *siliqua* succedunt, compressæ, sursum reflexæ, hirsutæ, articulis seu nodis quinque, sex, septemve distinctæ, in acutum vel unguiculatum desinentes, omnes simul pedem aviculæ digitatum exprimentes. Singulis nodis singula insunt semina, parva, flaventia.

Hæc proculdubio est *Ornithopodium tuberosum* Dalechampi, quamvis in nonnullis minùs rectè describatur: *Ornithopodium* etiam *perpusillum* Lob. ut vel locus arguit: nam in marginibus herbis Greenwici ad Tamesin fluvium non procul Londino oriri asserti. Nullam autem præter hanc neque ibi, neque alibi in Anglia *Ornithopodii* speciem sponte provenire audacter affirmaverim.

In arenosis & glareolis plurimis in locis occurrit, æstate florens.

Videntur Herbarii tres ex una planta species fecisse.

Locus.

## 2. *Scorpioides leguminosa* altera J.B.

Plures ex eadem radice emittit *caudiculas*, tenues, teretes, dodrantes, humi procumbentes, ramosos, *foliis* cinctos quatuor aut quinque pinnularum ad mediam costam annexarum conjugationibus compositis, impari extremam claudente costam, Ferri equini foliis similibus [quippe quæ cordata ferè, notabili nervo donata sunt.] Ex alis foliorum egrediuntur pediculi, duas uncias longi, in summitate *floris* duos, tres vel etiam quatuor gestantes velut in umbella, flavos, quibus succedunt totidem *siliqua*, tenues, recurvæ, interdum in circulum flexæ, quas cornicula vocat Jo. Bauhinus, minime articulata [Jo. Bauhinus obscuris quibusdam articulis distinctas scribit] quæ quamvis rotundæ videantur incurvius spectanti, sunt tamen paululum compressæ, multo angustiores quàm *Scorpioides leguminosa* vulgaris, glabræ, nullis interim neque striis, neque lanugine donatæ, *semina* oblonga, flavicantia claudentes.

Locus.

In vineis & hortis ad litora montium Messanæ imminetium observavimus & collegimus Maio mense florentem. Agerius in agro Neapolitano propè Fundi collegit, ad vias inter Scillas.

3. *Ornithopodium simile hirsuta* *Scorpioides* C.B. *Scorpioides leguminosa* J.B. Ger. Dod. Park.

*Radice* habet longam, tenuem, simplicem, in capita aliquot subinde divisam: ex quibus non tantum prodeunt *coliculi* palmares, & sesquipalmares, hirsuti; verum etiam *folia*, quæ *Ornithopodii* foliis æqualia, exigua, hirsuta, acuminata, & nonnihil incana, pinnatim digesta in conjugationes decem aut plures, ad costam adnæscuntur: quanquam & ex ipsis caulibus confimilia quoque folia oriuntur. *Flores* extremis ramulorum hærent coacervati, *Ornithopodii* floribus haud absimiles: quibus superveniunt intortæ *siliqua*, sensim attenuatæ, modicè compressæ, striatæ.

Locus.

Circa Messanam Siciliæ & Neapolin Italiæ urbes frequens oritur.

## SUBSECTIO QUINTA

### Legumina non scandentia siliquis geminatis.

*Herbæ flore papilionaceo, siliquis geminatis, duplicem seminum seriem continentibus sunt vel floribus*

*Luteis aut pallidis, siliquis*

*Glabræ, crassioribus & durioribus,*

*Angulosæ, nonnihil incurvis, dorso sulcato,*

*Major perennis, folio dulci, GLAUX vulgaris, Glycyrrhiza Sylvestris.*

*Minor annua, siliquis*

*In foliorum alis sessilibus; VICIA Sesamea Apula Col. Astragalus marinus Bæticus Park.*

*In spiciis & foliorum alis egressis; SECURIDACA Sicula siliquis falcatis BOCCONI.*

*Teretibus,*

*Rectis mucronatis, floribus radiis nigris notatis; ONOBRYSIS 3. Clus.*

*Recurvis falcem referentibus; SECURIDACA minor.*

*Pilosæ, membranaceæ,*

*In alis foliorum sessilibus, oblongis; FOENUGRÆCO Sylvestri Tragi in quibusdam accedens plantæ J.B.*

*In spiciis & foliorum alis egressis, tumidis & vesicæ instar inflatis; CICER Sylvestre Matth.*

*Purpureis vel caruleis.*

Scandens



*Scandens*, Americana, major, radice tuberosa; *APIOS Americana* Corn. Terra glandes Amer.  
seu Virginiana Park.

*Erecta* seu non scandentes, filiquis

*Turgidulis*, floribus confertis in spicis

*Produrioribus*, ex alis foliorum egressis; *ONOBRYCHIS* 1. Clus.

*Brevioribus* & in rotundum coactis, summos caules & ramulos terminantibus; *GLAUX Hispan.* Clus.

*Tenuioribus* & angustioribus, floribus in spicis rariùs sitis, & paucioribus, filiquis

*Brevioribus*; *ONOBRYCHIS* 2. Clus. Huc etiam refert *Onobrychidem* 4. Clus. quæ à secundâ vix aliquâ notâ characteristicâ differt.

*Longioribus* & arcuatis; *ASTRAGALUS Monspessulanus* J.B.

*Compressis*, latis, ad margines serratis; *SECURIDACA peregrina* Clus. *Lunaria radiata* Robini J.B.

## CAP. I.

### De Tragacantha.

**T**ragacantha i.e. hirci spina, folia habet pinnata, vicæ in modum, costâ mediâ cui pinnulæ annexæ sunt in longam, rigidam, acutam spinam procurren- te; filiquas geminatas, duplici alveolo duplicem seminum seriem continentes.

Est & Tragacantha gummi è vulnere radices incisæ emanans: quale autem ad nos adfertur (inquit J. Bauhinus) est glutinosum, candidum aut flavum, aut ex ruffo pallescens, contortum in erucarum vermiculorumve formam, tanquam violentiore pressu per densius colum transmissum, sapore subdulci & ferè saturo aquam cui infunditur in lentam sequacemque mucaginem convertens.

Vim habet, auctore Dioscoride, meatus obstruendi, & acrimoniam obtundendi. Usus ejus est ad *Ufus.* medicamenta ocularia, & ad tusses & arteriæ asperitates, & vocem retusam, & destillationes in eclegmate cum melle. Subdita etiam linguæ liquefcente succo devoratur. Sed & macerata in passo drachmæ pondere bibitur ad renum dolorem & vesicæ rofionem, admixto cornu cervino usto ac loto, aut modico alumine scisso. Extrinsecus (inquit Schroderus) ad dysenteriam valet (in clysteribus) ad rubedinem & acres destillationes oculorum (soluta in aqua rosacea vel lacte) ad palpebrarum scabritiem.

Aqua calidâ solvitur, mucilaginemque exhibet, aliis medicamentorum formulis, e.gr. trochiscis formandis, convenientem.

1. *Tragacantha Massiliensis* J. B. *Tragacantha* C. B. *Trag. vera* Park. *Trag. sive Spina hirci* Ger. *J. B. Ad.*

Frutex est *virgis* mediocriter crassis donatus, extremum versùs magis crassescens, iisque albidis & lanuginosis, cubitalibus, è quibus squammatis prodeunt spinæ candidæ, creberrimæ, sextantales, rigida & infesta, *foliis* utrinque quasi pinnis donatæ, parvis oblongis, incanis, quæ per hyemem etiam retinent, vere sequente abjiciunt, novis succrescentibus foliorum alis. [Spinæ hæc dum adhuc foliorum costæ seu nervi mediæ sunt molles sunt & vix pungentes, postea decidentibus foliis pinnatis crassescunt & in spinas rigidas abeunt.] In summo inter spinosa folia & spinas stipantur multi *flosculi* invicem collecti, Genistellæ similes, sed albi. *Siliqua* etiam numerosa, recta, Ciceris aut Genistellæ spinosæ modo, curta, gemella, duplici alveolo binos seminum ordines continens [exilium, albicans, Sinapi magnitudine, angulorum. *Radix* alba, longa, lignosa, crassitie digiti, prolixis flexibus subter humum mersa. *Lob.*]

Propè Massiliam ad maris litus invenimus. Quin & in Sicilia in ascensu montis Ætnæ quatuordecim supra Cataniam miliaribus propè nivis repozitoria vel hanc vel aliam Tragacanthæ speciem invenimus, quod mirum in loco tam frigido. *Locus.*

Easdem vires cum gummi obtinet.

\* 2. *Tragacantha altera* Poterium fortè Clusio J. B. *Trag. altera seu minor*, Poterium fortè Dioscoridis Park. *Tragacanthæ affinis lanuginosa, sive Poterium* C. B. *Trag. Granatensis foliis incanis deciduis, flore albo* Moris.

*Clus.*

Præcedenti Tragacanthæ simillima est, fruticosa admodum, multos pedales habens *ramulos*, flexibiles, latè circumquaque sese diffundentes, candicantes & dum adhuc tenelli sunt lanuginosos, multis, longis, canescentibus spinis horrentes. *Foliorum* plurimæ simul junctæ alæ, Lenticulæ aut Tragacanthæ proximæ, exiguæ, candidæ, lanuginosæque primo vere exeunt per intervalla, dulcis saporis. *Foliis* hyeme decidentibus nervi illi mediæ quibus folia inhærebant in rigidas & acutas spinas evadunt, ut eo tempore tota planta sine foliis conspiciatur, contra quàm in præcedente.

Istam neque florentem, neque semen ferentem vidi sed sub ea plurimos folliculos bombycinis similes aut Hypecoi *Martb.* folliculis parè pares, inanes, inveni, quos ab illa excidisse & florem ex similibus prodire album, non magnum incolæ referebant: de semine nihil certi intelligere potui.

*Radix*

*Radix* lenta, longa, in multos ramos divisa, nigro cortice foris obducta, materie intus candida fungosa, dulci: interior pars gummosum quiddam & subdulce refert.

Locus.

Nascitur plurima circa *Guadix & la Venta el peral* Granatenfi regno, in collibus, arido & inutilesolo; nec alio loco conspexi.

Johnfonus in Gerardo suo emaculato iconem hujus plantæ accuratam exhibet, è Clusio ut ait, in qua flores & filiquæ seorsim pictæ exhibentur. Siliquæ autem crassæ & curvæ, duplicem intus seminum reniformium seriem continent, ut figura ostendit.

- \* 3. *Tragacantha humilior floribus luteis* C.B. *Syriaca flavescens* Park. *Trag. Rauwolfii* J. B. An *Tragacantha* Alp. ex?

Paulò humilior est prima [*Tragac.* præcedenti] perfimilis tamen, nisi quòd flosculos fert luteos, confertos, pediculis longis hærentes, quorum singulares rotundis & flavescens folliculis insident.

- \* 4. *Tragacantha tercia Rauwolfii. Trag. Syriaca purpurascens* Park.

Huic altitudo præcedenti par; *virgæ* robustæ, rubentiores, in quibus conspiciuntur alba, lanuginosa *Poterii capitula*, purpureis *flosculis* ornata speciosis.

5. *Tragacantha altera seu Poterium densius ramificatum* Alpin. exot.

Alp.

Ramulis nigris in latum diffunditur, eosque & breves habet & longè plures, & spissos, ita ut in planta nihil vacui appareat. A ramorum cymis proveniunt spinæ horridæ, & veluti spinis crebris densis tota planta est undique stipata, ut tota ipsis planta tegatur, & nulli rami extra folia & spinas conspiciantur: cimæ etiam omnes lanugine spissa infarctæ, latiores apparent. Hic frutex parvus, incanus totus, per terram sparsus terram ipsam attingit, & vix è terra sese erigit, ipsiusque rami subter spinas obruti, nigrescunt & subtiliores sunt.

Cretæ insulæ indigena est.

Hæc planta esse videtur quam in Sicilia ad pedem montis *Ætnæ* vidimus & collegimus: *Caules* satis crassi erant, nigricantes, creberrimis spinis horridi, summa parte valdè ramosi. Spinæ tenuiores brevioresque quam *Tragacanthæ* *Maffiliensis*: folia etiam minora, angustiora, breviora, minùs incana, longiore tamen lanugine pubescentia. Ramuli à terra non assurgunt. Flores & filiquas non observavimus.

Locus.

Ad pedem montis *Ætnæ* loco satis frigido invenimus, unde à loco sequenti potius eandem dicemus, verùm nec icon respondet, neque descriptio per omnia.

- \* 6. *Tragacantha altera* Alpin. exot. *Cretensis aut Idensis nigra, tota echinata* Moris.

Alpin.

*Radice* nititur longâ, crassâ, lignosâ, nigrâ, à qua quatuor aut plures exeunt *caules*, nigri, rotundi, duri, lignosi, qui in complures ramulos dividuntur, nigros, breves, subtiles, totos spinis albis armatos, sed in summitatibus habent spinas quasdam germinum instar, multis foliolis parvis tenuibus, ex una tantum parte præditas, in quibus furculorum summitatibus flores parvi, prioris *Tragacanthæ* proximi. Tota hæc planta est veluti similis *Echino*. *Radix* insipida est, sed aliquantulum quasi odorata.

- \* 7. *Tragacantha altera humilior & spinosior Echinus dicta* Alpin. exot. *Echinus Creticus* Park.

Alpin.

Planta est parva, *Echini* terrestris magnitudine, & figurâ orbiculari tota, terræ inhærens, vix palmari altitudine supra terram eminens, atque *radicem* usque ad furculorum medietatem terræ infixam habens: in parte interna qua terræ adhæret, apparent ramuli breves, subtiles, nigri, multi densè simul stipati, à multis, parvis, tenuibus, simul conjunctis, terrâ occultatis proficilcentes, desinentes in spinas parvas, breves, acutas, tenues, albicantes, in extremo stellatim compositas, nudas & spoliatas foliis, unde superficies partis extimæ non plana sed ad rotunditatem inclinans cernitur, tota spinis densissimè stipatis & undique horgidis armata; quæ spinæ ex germinibus ramulorum, qui innumeri sunt, in orbem stellarum modo desinentes, totam superficiem complent ex germinibus. Numerosi flosculi papilionacei, ac veluti *Hyacinthi* floribus figurâ ferè similes, sed longè tamen minores, quibus thecæ parvæ, oblongæ, & geminis cellulis præditæ succedentes, totum *Echini* dorsum exornant.

## C A P. II.

### De Astragalo seu Vicia sesamea.

**S**equentes plantas filiquis geminatis seu duplici alveolo binos seminum ordines continentes non ineptè *Astragali* nomine donat *Morisonus*, quem sequimur, à forma seminum, in plerisque Talum seu *Astragalum* aut officula sesamoide articulis digitorum substrata referentium. His notis à reliquis leguminibus facile distinguuntur, à *Tragacantha* autem quòd herbacæ, nec spinosæ.



A. 1. *Glaux vulgaris leguminosa sive Glycyrrhiza sylvestris* Park. *Glycyrrhiza sylvestris floribus luteo-pallescentibus* C. B. *Fenum Græcum sylvestre, sive Glycyrrhiza sylvestris quibusdam* J. B. *Hedysarum Glycyrrhizatum* Ger. emac. *Wild Ligozice* or *Ligozice* Vetch.

Crassa radice nititur, cubitum & sesquicubitum longa, albâ, sapore dulci: ramos viniticos per terram spargens, tres aut quatuor cubitos longos, atque etiam interdum longiores; teretes, glabros, fractu contumaces. Folia instar Glycyrrhizæ disponuntur, conjugationibus quatuor, quinque, aut sex, uno impari alam claudente, quod tamen non est perpetuum. Sunt ea verò, si singula seorsim contempleris. Pili sylvestris foliis similia, superne ex viridi glauca & glabra, inferne ex viridi flavescens & hirsuta, sapore eo quem radici inesse dicebamus. Ex foliorum porro alis pediculus circiter palmaris epalciatur, qui leguminaceos crebros flores ex flavo pallentes sustinet. Siliquæ non minus floribus frequentes, incurvæ, dorso sulcato; unde si nervum auferas ex duabus compositæ videntur, quarum singule suis membranis dissepluntur, sentem claudentes Fœnugræci, minus, lucidum, cui sinus insignis.

In dumetis & ad latera montium, inque pratorum marginibus non raro obviam se dat. Locus.

Quam plantam intelligant Adversariorum Auctores *Glaux* vel *Glaucis* ejusdem leguminosa herbariorum floribus purpureis, titulo me fugit. Cur in titulo floribus purpureis ponunt & tamen in descriptione flores non rarius flavere aiunt? Cur juxta agrorum viarumque margines obviam sese dare in Anglia scribunt, cum nobis nihil ejusmodi in Anglia nec visum, nec auditum? Videntur Anthyllidem leguminosam describere, quæ quidem satis frequens in Anglia, verum neque descriptio hunc bene convenit, & alibi eam proponunt.

2. *Cic. sylvestre* Matth. Ger. *sylv. multifolium* J. B. *sylv. majus* Park. *sylv. foliis oblongis bispidis majus* C. B.

Perenni radice, crassa & dulci donatum est, ramos bicubitos & altiores proferit, striatos, tortuosos, concavos: folia hirsuta, pinnata, sativi Ciceris posita, sed longiora, angustiora, nec per ambitum serrata, ad Lentis majoris folia propius accedentia, nisi in obtusum & subrotundum mucronem desinerent, subulcia: conjugationes multe, ad tredecim supputavi. Ex foliorum alis pediculus palmaris exit, rigidulus, spicam brevem sustinens florum subulcorum, quibus racematim coherentes succedunt folliculi breves, ventrioli, hirsuti, geminati, semina continentes duplici loculariomento, autore Dod. exigua, dura, plana, splendens, gustu Phaeoli.

In agris inter segetes copiose crescentem vidimus, inter Genevam & oppidum Fay. Locus.

Hæc planta sapore dulci, florum colore & spica, siliquæ geminata, aliisque accidentibus *Glaucem* vulgarem sive *Glycyrrhizam sylvestrem* refert, unde & primo aspectu *Glaucem* alteram perennem foliis turpidis eam denominavimus.

3. *Securidæa Sicula siliquis foliaceis* Bocconi. *Astragalus marinus Lusitanicus Boelii* Ger. emac. App. *Astr. marinus Baticus* Park.

Ex eadem radice quinque vel sex, aut etiam plures exserit caules [in hortis lætiore solo facti] teretes, striatos, rubentes, modicè crassos, erectos, siliquarum tamen pondere subinde versùs terram reclinatos, cubitum altos: Folia multis viridibus per intervalla obfita, nullo ordine, *Glaucis* vulgaris similibus, sed minoribus, unoquoque folio ex quatuordecim aut pluribus foliolis in apices rotundos desinentibus, mediæ costæ, novem aut decem uncias longæ utrinque conjugatim adnexis, composito. Flores pediculis longis teretibus, striatis, hirsutis è foliorum cavis versùs summos caules exeuntibus insident, plures simul, in spicas breves conferati, colore pallido seu ochroleuco, *Securidææ* minoris similes, sed multo majores, qui in spicas abeunt semipalmares circiter, è multis siliquis uncialibus per maturitatem albenibus, modicè incurvis, triangulis, dorso sulcato, arctè stipatis *Glaucis* vulgaris in modum, conflatas. Singule autem siliquæ binos seminum ordines continent, inque singulis ordinibus semina tria vel quatuor, obscure seu ex luteo liventia, *Securidææ* minoris similia, sed quadruplo majora, sapore nullo insigni. Radix parva, tenuis, alba, paucis fibris donata, recta in terram descendens, & sequine maturo inarescens.

In singula illa inter fretum Siculum & portum Messanensem hanc invenimus; & à florum colore siliquarum tum figurâ, tum cresendi modo, & foliorum similitudine *Glaucem peregrinam annuam* denominavimus; & per errorem pro *Vicia Sesameæ* Apula Columnæ habuimus, proque Fœnugræco sylvestri Tragi in quibusdam accedente planta J. B. quas jam pro distinctis tum ab hac, tum à se invicem speciebus agnoscimus. Ejus semina olim Londino accepimus, nescio quo titulo.

Miror Parkinsonum pro *Astragalo marino Batico* Boelii nobis exhibere *Viciam Sesameam Apulam* Col. cum Johnsonus Gerardi emaculator plantam quam proposuimus hoc in loco apud ipsum viderit, & pro *Astragalo marino Lusitanico* Boelii descripserit, cujus etiam descriptionem omnibus numeris absolutam Latinam factam mutuati sumus.

Ex quo hæc scripsi, re seriò perpensâ, & consideratis quæ de Fœnugræco sylv. Tragi in quibusdam accedente planta observata sunt à D. Magnoli, sententiam meam, & Parkinsonum excuso: Verisimillimum enim puto hanc etiam plantam florum & siliquarum situ variare, alias nimirum eas caulibus adnatis pediculis brevibus aut nullis, in ipsis foliorum sinubus sedentes; alias pediculis longis ex insident sinubus egressis insidere, [in diversis plantis, intellige, non in eadem] unde eundem Boelii *Astragalum marinum Baticum* Parkinsonus cum floribus & siliquis in foliorum alis sessilibus descripsit; Johnsonus cum eisdem longis pediculis insidentibus.

4. *Vicia Sesamacea* Apula Cpl. *Astragalus maritimus* Beticus Park. *Ornithopodium affinis* hirsuta semine stellato C. B.

Col.

Hujus radix tenuis est & pusilla, lignosa, flavescent, pluribus furculosa cauliculis rotundis, pedibus aut paulo majoribus, albicantibus, pilosis; foliis pinnatis, Vicie modo catuli alternatim harentibus, novenis utrinque pinnulis, atque in cacumine singulis, auriculas circa caulis gemacula utrinque angustas ut in congeneribus habentibus. Inter illorum & caulis finis congesti sunt flores parvi, leguminosis adsimiles, ex pallido albicantes, vix conspicui, atque statim ex illis siliqua sex vel septem, vel octo succrescunt gibbosa, oblonga, albescens, pilosa, curvo cacumine, sylvestri Nigelle, Ilopyro aut Sesamo similes, fissuram grani Tritici modo habentes, per quam siccat dividuntur, semine intus harente Pisi vel Sesami modo, fulvo, parvo, minore atque compresso. Maio mense perficitur, & ab ima florere incipit ala.

Locus.

Cirinola in Reguli vinea *Acquasana* dicta & sterilibus agris, nec alibi Columnia visa. Hæc præcedenti quidem similis est, verum tum florum & seminum parvitate, tum siliquarum hirsutie, tum situ seu modo crescendi, manifeste differt, ut specie diversam esse minime dubium sit. Ast jam mutata sententiâ, suspicor vel eandem omnino esse, his non obstantibus, ob rationes in præcedente planta dictas; vel potius Fœnugræco sylvestri Tragi in quibusdam accedenti plantæ J. B. ut & *Stella leguminosa* dictæ, ut rectè C. Bauhinus.

5. *Onobrychis* quibusdam flore pallido, vel *Polygalon* J. B. *Onob. spicata* floribus pallidis, nigra radiis notatis C. B. *Onob. foliis Vicia longioribus* Park. *Onob. 3.* Clus. *Onob. 3.* Clusii flore pallido Ger.

Clus.

Sesquicubitalibus assurgit ramis, rectis, firmis, duris, viridibus, in quibus folia Lentis sive Vicie sylvestris, longa angusta, duodecim aut quindecim, & totidem ex adverso, eidem costæ hærentia, uno etiam (quod extremæ costæ insidet) impari, lanugine obsita, gustu ingrato & amaro, deinde nonnihil acri: Ramuli extremo caule ex alarum sinu prodeuntes palmares, striati, in dodrantales spicas, flosculorum Trifolii flores æmulantium, oblongiusculorum, pallidorum desinunt, quibus impressi nigricantes quidam radii. His succedunt siliquæ *Onobrychidis 2.* Clus. similes, mucronatæ, duabus valvulis constantes, in quibus semen Fœnugræco pene simile, sed minus & nigrum. Radix crassa, dura, lignosa, longa, aliquot fibris donata, candicans, perennis.

Locus & Tempus.

Valde rara est, invenit Clusius ad Hamburgum urbem duobus supra Posonium mill. & ad oppidum Fischmuntz ad Filscham flumen situm paulo supra quàm in Danubium se exonerat, publica viâ. In hortos translata mense Maio floruit atque tota deinceps æstate: Augusto semen protulit.

6. *Astragalus Africanus* flore luteo odorato Botan. Monsp. Breyn.

Breyn.

Folia gaudet pennatis, Hedyfari clypeati positu, sed multo angustioribus, minoribus, magisque pilosis, in quibus etiam conjugationes longè plures supputantur. Flores in spicam circiter dodrantalem fert, Hedyfari clypeati pariter quæ formam respondentem, flavos autem & odore cerebrum mirifice oblectantes: Quos siliquæ excipiunt unciales, subalbida, Coluteæ instar tumentes, corticosæ, duræ, intrinsecus cuticulâ duplici membranaceâ in duas distinctæ cellulas, in quarum singulis semina tria vel plura, Coluteæ majora, ex glauco sublutea, ac molli lanugine alba pubescentia pedunculis suis inferiori siliquæ margini adherent.

Locus.

In Barbaria juxta Gigeri sponte nascitur.

Ad Cicer sylvestre Matthioli accedit.

D. Magnol eandem hanc plantam (ut videtur) sub eodem titulo describit his verbis,

Radix ejus longa & crassa est: folia ex variis capitibus orta plurima habet, in orbem disposita, lobata, semunciam lata, unciam longa, superius & inferius glauca, in marginibus tantum pilosa; in quarum costis quæ etiam pilosæ sunt, quindecim & viginti foliorum conjugationes numeravi, folio ultimo semper impari: inter quæ scapi plures oriuntur pedales, spicam florum papilionaceorum sustinentes, quæ ex luteo pallidi & odoratissimi sunt: ipsi quæ succedit siliqua tumida villosa, paulo major quàm siliqua Ciceris, subtus per longitudinem concava, in extremitate mucronata, duos seminum ordines continens, quæ majora sunt quàm semina Astragali Bæti Clus.

Locus.

In Barbaria circa propugnaculum dictum la Tour de France sponte nata inventa est, & Monspelium delata hæc planta; ubi nos in horto Regio à D. Mich. Chycoineau cultam vidimus multos ante annos cum Monspelii commoraremur, Anno 1665.

7. *Securidaca minor* Lob. *minor lutea* Ger. emac. *altera sive minor* J. B. *lutea minor* corniculis recurvis C. B. *Hedysarum minus sive Securidaca minor* Park.

J. B.

Lignosa simplici radice & candida nititur; ex qua emergunt caules striati, cubitales, aliquando vix duas uncias longi. Folia pinnata, Securidacæ majoris, minora, per extremam oram lætescentia, sæpe & filia. Flores singulares, pediculi fastigio ordine ascendentes insident, ex luteo pallidi: quibus succedentes siliquæ, ut minores quàm Securidacæ siliquæ latè oblonga, ita multo magis incurvæ; parum abest quin utriusque finis coitu circulum efficiant, torosiores quàm Securidacæ jam dictæ, & propemodum, rotundæ, in quibus geminus granorum crassorum, quadrangulorum, ruforum versus, intergerina membranâ disseptus.

Locus.

In collibus circa Messaniam & Monspelium collegimus.

Hæc



Hæc planta pro Astragalo Monspessulano à nonnullis habita est, ob iconum transpositionem apud Lobelium & Clusium.

8. *Apios Americana* Cornuti. Terra glandes Americana sive Virginiana Park.

Cornut.

*Radix* hujus in multas subrotundas & oblongas olivarum magnitudine glandes mediis inter se nervulis coherentes exit. Veris initio *furculis* multis vitilibus, non validioribus Convolvulo pullulat, quibus proximis quibusque circumvolvitur sese, & illaqueat pedamentis aut perticis, quarum proceritatem vel summam crescendo assequitur. *Folia* his hinc inde nascuntur non è regione cauliculorum disposita, sed inæquali situ, in amplas lacinias dissecta, nunc septem, nunc novem, numero semper impari ex eadem costa oriuntur: Singula sunt Asclepiadis figurâ, brevior tamen pediculo fulciuntur. [Flores fert papilionaceos, coloris obscure carnei vel potius obsoleti seu fuliginis, in spicam digestos; quibus succedit spica brevis, confata ex pluribus siliquis gemellis in unum centrum, caulis (scilicet) fastigium coeuntibus, sursum spectantibus, atque unicuique *siliqua* duplex est series seminum: seu potius unaquæque siliqua duplex est, ex duabus secundum longitudinem coherentibus & veluti agglutinatis composita.] *Folia* simul Octobri mense decidunt, cauliculi que tabescunt. Tubercula radicum sub terra adolescunt, & Hyeme tota interquiescunt donec sequente Vere regerminent.

Descriptionem Cornuti è Morisoni nostri historia supplevimus, additis verbis uncis inclusis.

Hæc planta caulibus scandit, adeoque incerti laris est: Nam caulium respectu ad scandentes spectat, siliquarum verò ad hanc classem.

\* 9. *Onobrychis flore purpureo* Ger. *spicata flore purpureo* C.B. Park. *Onobrychis quibusdam purpureo flore* J. B. Onob. 1. Clus.

Cubitales plerunque habet *caules*, frequentes (si vetusta sit planta) rotundos, duros, humi procumbentes; in quibus frequentia *folia*, Lenti similia, angusta, hirsuta, seu lanugine quadam obducta, quindecim subinde, & totidem alia ex adverso uni costæ adhaerentia, uno impari extremam alam occupante, gustu amaro & ingrato. Ex alarum cavis exoriuntur ramuli, similibus foliis septi, ex quibus dodrantes exeunt pediculi, striati, ferentes multos *flores*, Trifolii florum æmulos, oblongi-uculos, eleganti purpurâ nitescentes, inodoros, confertos, & veluti spicam trium interdum unciarum longitudinem æquantem efficientes, nonnunquam etiam longiorem, præsertim quando in semen abeunt, quod bifidis, brevibus, turgidiusculisque *vasculis* continetur, exile, nigrum, durum, sapore ingrato, ut alia legumina. *Radix* illi magna, longa, dura, in obliquas nonnullas fibras sese spargens, & subinde ad cauliculorum exortus recentes fibras agens, vivax & perennis.

Frequentem ad Danubii ripas, supra Posonium, arido solo, apud Petronellam oppidum invenit Loc., Clusius, &c.

\* 10. *Onobrychis floribus Viciæ dilute cæruleis* C.B. *floribus cæruleis* Park. *Onob. quibusdam subcæruleo flore* J.B. *Onobrychis* 2. *Clusii* Ger.

Clus.

Multos ex eadem radice promit vimineos *cauliculos*, pedales, nonnunquam etiam longiores, humi fusos, crebris nodis distinctos, & in his alata *folia*, h. e. tredecim, quindecim, septendecim, aut pluribus & oblongis foliolis uni costulæ inhaerentibus constantia, extremo semper imparem numerum faciente. Prodeunt deinde ex alis tenues pediculi seu virgulæ, *stosculos* in spicam confertos ferentes, Pisi aut Viciæ florum formâ, sed longè minores, colore dilute cæruleo, vel ex cæruleo purpurascente: His succedunt exiles *siliquæ*, quasi duplicatæ, continentes pusillum *semen* renis formâ, nigrum. *Radix* minimi digiti crassitudinem ferme æquat, dura, lignosa, contorta obliquè se spargens, & altè sub terra condens, rarisque fibris donata, quæ summa parte in aliquot capita extruberat, è quibus singulis annis novos cauliculos fundit.

Rara est: infra Viennam invenit Clusius viâ publicâ, secundum orbitas, inter Schwecker & Got. Loc. zessorf paucas duntaxat plantas, Junio florentes; item non procul à Znaim Moraviæ oppido.

11. *Astragalus quidam montanus vel Onobrychis aliis* J. B. *Onobrychis* 4. *Clusii* Park. *Onob. montana* 4. *Clusii* Ger. *Onobrychis floribus Viciæ majoribus cæruleo-purpurascensibus, vel foliis Tragacanthæ* C. B.

Clus.

Multa *folia* promit ab eadem radice, Lenticulæ aut Tragacanthæ foliis proxima, uni similiter costæ inhaerentia, molliora tamen, viridia quidem illa, sed lanugine quadam candicante pubescentia, lento primò gustu, deinde nonnullam amaritudinem relinquentem, postremò linguam vellicante. Nascuntur inter foliorum alas *cauliculi* ferè dodrantes, supini, exiles, quadam lanugine obducti, aliquot *stosculis* onusti, Viciæ sylvestris aut Lenticulæ florum magnitudine, colore ex cæruleo purpurascente: quos excipiunt *siliquæ* pusillæ, geminis cellulis constantes, *semine* (quod cum probè maturum non esset, observare non potuit Clusius) plenæ. Multas ex eadem radice, quæ longa crassiusculâq. est) & obliquas fibras agit, propagines & ramulos dodrantes, humi fusos in latera emittens.

Crescit in summo Sneberg jugo, atque in Etscheri summis scopulis.

Loc.

Vel hanc plantam, vel ei valde similem invenimus in altissimo vertice montis Juræ Thuri dicto. Descriptio J. Bauhini satis bene convenit nostræ plantæ, non item figura: nostra caules habet rubentes, folia in acutum desinentia.

\* 12. *Astragalus Monspelianus* J.B. *Securidaca minor* Advdscr.

J. B.

Radice est durā, lignosa, crassitudine digitali & crassiore, longitudine cubiali, dulci, intus albā, cuius cortex crassus, subfuscus, quæ antequam ē terra erumpat dividitur in aliquot portiones five capita, tres quatuorve digitos longa, ut nisi quis profundē fodiat, multas esse plantas existimet: ex quibus prodeunt *coliculi* simplices, concavi, rubentes, vix palmares *folioli* vestiti brevibus, in mucronem exacutis, pilosis, amarescentibus, crebris, sic ut ad costam unam adnexa *foliola* 21. supputarēt J. Bauhinus. In virgularum extremitate *flores* multi, non multum floribus Polygali Gesneri dissimiles, purpurei, interdum albi, non in spicam digesti, sed conglomerati, Trifolii floribus similes sed majores: quibus succedunt *siliquæ* duas uncias longæ, incurvæ, rubentes, teretes.

Lobelius, Clusius, alique Botanici *Securidacam* minorem pro *Astragalo* Monspelienſi habent, & ob id à J. Bauhino reprehenduntur. Verum & nobis, cum Monspelii essemus Anno 1665, *Securidaca minor* ab ipsis Monspelienſibus pro *Astragalo* Monspel. ostensus est: Utcunque Planta J. Bauhino sub titulo *Astragali* Monspelienſis descripta & depicta à *Securidaca* minore diversa est, *foliis* primo, quæ mucronata, non obrufa, *radice* dein crassā, numerosā: *Floribus* denique quæ in *Securidaca* & minores, & alterius coloris.

Ex quo hæc scripsimus D. Magnol Botanicum Monspelienſe seu Indicem plantarum circa Monspelium nascentium naſti sumus: à quo moniti *Astragalum* hunc *Securidacæ* minoris nomine à Lobelio in *Ad.* describi, librum illum consulimus, & rem ita se habere comperimus: siquidem *Securidaca minor* eo in loco à Lobelio descripta floribus purpureis esse dicitur, & toto anno in aridis & glareosis Frontignani florere, quod *Securidacæ* luteæ corniculis reflexis non convenit; quamvis per errorem ejus figura pro *Securidaca* minore posita fuerit in *Obs. & Icon. Plant.* quod nobis aliisq. imposuit.

Locus.

In locis siccis vulgo *Garrigues* circa Salenovam, & in elato colle dicto *Ferrand* ad lavam Ladi amnis, quæ respicit Castrum novum, multò copiosius crescit quàm loco à J. Bauhino designato, secus vias itinere Narbonam versùs, propè *Gigant*, uno à Monspelio milliari, ubi florentem vidit mense Aprili J. Bauhinus.

\* 13. *Astragalus incanus* *siliquæ incurvæ* D. Magnol. *Onobrychis incana* C. B. prod.

C. B.

*Caulē* habet rotundum, ramosum, incanum: *folia* plura, acuminata, angusta, uni costæ adnexa, incana velut cinere aspersa: *cauliculi* semipalmares, nudi, spicam florum purpurascensium aliorum formā sustinens: quibus succedunt *siliquæ* oblongæ, incanæ, incurvæ mucrone donatæ, duabus valvulis constantes, *semen* minutum nigrum planum & semicirculare continentes.

Locus.

In Provincia Galliarum reperitur. C. B. In via qua itur ad montem Lupi Aprili mense cum flore reperitur, & abundè etiam inter vicos *Affes* & *Fontanes*. D. Magnol.

14. *Fœnugræco* sylvestri Tragi in quibusdam accedens planta J. B. *Ornithopodio* affinis *hirsuta*, *Stella leguminosa* Botan. Monſp.

J. B.

Palmarum est altitudine, *caulibus* donata teretibus, hirsutis, striatis, crassiusculis: *Folia* Tribuli terreſtris paria, perquam hirsuta, conjugatim costæ duum unciarum ex caulis geniculis ortæ adherent: indidèmq. *flores* copiosi, dimidiatum verticillum efficiētes, parvi, palliduli, quorum unicuique succedit *siliqua* hirsuta, in acumen desinens, in duas partes fendi facilis, quarum unaquæque suis undique membranis convestita *semen* continet copiosum, *Fœnugræci* sativi minus. *Radix* duum unciarum, simplex, gracilis.

Locus.

Circa Monspelium, ad Episcopi Monspelienſis castellum, loco arido, vix unam atque alteram plantam observavit Cherlerus.

Hujus duplicem differentiam observavit D. Magnol: in plerisque flores & siliquæ pediculis insident, sicut in figura *Stellæ* leguminosæ; in aliis verò cauliculis adherent ut in figura J. B. exprimitur, in reliquis similes sunt, & flores habent purpureo-cœruleos, non pallidulos, quales suæ plantæ tribuit J. Bauhinus. Sunt ergo (ut videtur) *Fœnugræco* sylvestri accedens, &c. J. B. & *Stella* leguminosa una & eadem species plantæ.

*Stella leguminosa* J. B. Park. Ger. *Ornithopodio* affinis *hirsuta*, fructu stellato C. B. Arturo Cortusi.

*Foliis* exit leguminosæ Scorpioidis, *flosculis* Lampanæ. *Semen* exile, pullum in corniculis tantillum falcatis, uno pediculo aptatis & radiatim congestis, stellam exprimentibus, gustu leguminoso & glutinoso.

C. Bauhinus *Viciam* Sefamaceam Apulam *Col.* hujus Synonymam facit, sed malè; siquidem *Viciæ* sefam. Ap. *flores* & iis succedentes *siliquæ* in ipsis foliorum sinubus sedent, pediculo brevi aut nullo: hujus autem in longis pediculis è foliorum alis egressis, ob quam etiam rationem diversa sit oportet à *Fœnugræco* sylvestri Tragi in quibusdam accedente plantâ J. B. [Hæc ratio non concludit: Variat enim hæc species florum sitûs respectu, qui, nonnunquam in foliorum alis sessiles sunt, brevi aut nullo pediculo, aliàs in longis pediculis è foliorum alis egressis plures simul stipati nascuntur ut nos docuit D. Magnol; unde nec reprehendendus est C. Bauhinus.] Quod si rectè describatur *flosculis* Lampanæ, anomala est & sui generis planta; quod non libenter concesserim.

Hanc præcedenti eandem statuit D. Magnol, cui sanè multum debemus quod *Stellæ* huic nebulosæ illustrandæ aliquam lucem attulerit.

Locus.

Reperitur (inquit) copiosè in sterilibus locis ultra pontem Salenovæ, tum & in loco dicto *la garrigue* dau Tarrall Maio mense cum flore.



15. *Astragalus Monspeliano candidior & Onobrychis aliis J. B. Astrag. purpureus montanus Park. villosus floribus globosis C. B.*

Folia huic multò candidiora quàm præcedenti, pili longiores: caules non multùm majores quibus insident flores multi, purpurei, multò plures quàm in Astragalo Monspelionsi, conglomerati, densa pilorum lanugine hirsuti.

Genevæ in monte Salevæ collegit J. Bauhinus florentem mense Junio.

Nos in eodem monte in saxosis Soli expositis hanc ut putamus plantam invenimus; erat autem nostra radice crassâ, in multa capita divisâ, unde propagines multæ, crassæ, lignosæ, in ramos creberrimos divisæ, variè intortæ & scabræ, denso veluti cespite terram operiunt. Germina inde erumpunt plurima quæ in folia explicantur alata, decem aut duodecim pinnularum, molli & incana lanugine pubescentium, quàm Lentis minorum, acuminatarum, ad mediam costam seu nervum adnexarum conjugationibus composita. Cauliculi multi, fescunciales, interdum tamen palmares, teretes hirsuti, mediâ parte, interdum etiam imâ, foliis cincti in eodem pediculo coacervatis, ut vix alata videantur. Flores in summis cauliculis numerosissimi, in capitulum Anthyllidis leguminosæ simile conglomerati, ad basin, pariter ut illius, duobus foliolis latis & in multos radios acutos divisus, seu calice quodam, cinctum. Florum color rubescens: Vascula seminalia non vidi, nondum enim deflo-  
ruerat, Junio mense.

J. Bauhinus Astragalum 3. Clusii huic similem si non eandem putat; & revera descriptio Clusiana in omnibus, exceptâ fortè radice, huic plantæ convenit; ea autem hujusmodi est:

Folia habet pusilla Ciceris aut Lentis, tota incana; cauliculos breves, duros, & in his flosculos Pisi formâ, pusillos, congestos & purpureos, summis pediculis inhaerentes: radicem tamen ut plurimum singularem.

Descriptio autem Astragali purpurei herbariorum quorundam, quæ habetur in Hist. Lugd. huic exactè respondet, ut non dubitem eandem esse, cum & locus etiam suffragetur. In Juræ montis saxosis collibus provenit, radice grandi, foliis Ciceris sylvestris, villosis, gustu adstringentibus; flore ex albo purpurascente.

Tandem descriptio Astragali persimilis pusillæ plantæ palmaris apud Lobelium in Adv. excepto floris colore, huic etiam plantæ quadrat. Radicibus (inquit) præreptis implexis, corticosis, denso exortu numerosos producentibus cauliculos, fruticantes, duros, sed breves, vix binas aut ternas uncias excedentes, & foliola emittentes pusilla, Lentis, Astragali, aut potius Tragacanthæ, quam tota refert rigidiusculâ, incanâ hirsutie; flosculis luteolis aut albidis Ornithopodii, gustu prælico & æquè duro.

Suspicio hanc plantam non rectè hic collocari, verùm quoniam J. Bauhinus eam Astragalo Monspelienfi affinem & similem facit, tantisper locum quem ei assignavit tueri permisimus, donec certius nobis innotescat ubi disponi debeat. Foliola digitata capitulis subiecta Anthyllidi leguminosæ potius congenerem arguunt, ut & ipsa capitula numerosis floribus dense stipatis composita. Vide descriptionem.

16. *Securidaca siliquis planis dentatis Ger. emac. siliquis planis utrinque dentatis C. B. peregrina Clusii Park. Lunaria radiata Robini J. B.*

J. B.

Radix huic longa cum aliquot fibris, coliculos plures profert, angulosos, in ramulos subdivisos: Folia dodrantalia, Viciarum ac Securidacæ minoris modo disposita; in quibus foliola multa, sibi invicem apposita, nonnihil cordata, (ultra viginti novem supputavimus) definunt in unicum foliolum sine capreolo. Inter superiora folia exoritur pediculus longus, in cuius extremitate flosculi hiantes, quales ferè in Vicia Cracca minore dicta, rubelli, plures simul. Sequuntur siliquæ, unciam longæ, recurvæ, ex ruffo subcinereæ, utrinque dentatæ, nervo per medium decurrente distinctæ, in quibus gemino versu continentur semina exigua, compressa, Lentis colore ac rotunditate, verùm multis numeris minora, sapore leguminoso. Septem supra unum pediculum supputavimus. J. B.

Hæc est descriptio in hortis cultæ, in sylvestribus multò strigosior est.

In lingua illa inter fretum Siculum & portum Zanclearum procurrente, atque alibi circa Messanam frequens oritur. In orto nostro æstate præcedenti Anno 1685. lata, hyemem pertulit, unde perennis esse videtur, de quo tamen dubito, cum æstate ad frugem vix pervenerit & subsequens hyems admodum clemens & mitis fuit.

A. 17. *Glauz montana purpurea nostras. Purple mountain-Willowort.*

Radix ei parva, lignosa, fibras subinde per intervalla in terram demittens; ramulos per terram spargit plures, infirmos, hirsutos, foliis crebris vestitos, octo aut novem pinnarum conjugationibus cum impari in extremo compositos, exiguis, hirsutis, sapore nullo manifesto. Flores summis cauliculorum fastigiis insunt, in spicas breves digesti, Glycyrrhizæ sylvestris in modum, pro plantulæ modo ampli, purpurei: Singuli autem è calice longiusculo villosa in margine quinque-partito exeunt. Siliquæ succedunt breves [vix quartam digiti partem longæ;] tumidiusculæ, hirsutæ, latiusculæ, intus duplici membranâ intergerinâ [arctè tamen coherent hæ membranæ] in duo loculamenta divisæ, ut singulæ siliquæ in duas digitis faciliè diduci & dividi possint. In utrovis loculamento quatuor aut quinque semina continentur parva, subrotunda, nonnihil compressa.

In montosis & campestribus Cantabrigiensis Comitatus Gogmagog-hills, Newmarket-beath, Royston-beath, &c. Observavimus etiam similibus in locis in Comitatu Eboracensi.

Hanc olim habuimus pro Glaucæ Hispanica Clusii: verum ab eruditissimo & amicissimo viro D. Hansio Sloane diversissimam plantam pro Glaucæ illa accepimus quam idcirco seorsim nunc proponemus, & differentias ostendimus.

18. *Glauz Hispanica Clusii Park. Hispanica* J. B. *Glauz* Dioscoridis Ger. qui pro precedente eam habet. Ciceri sylvestri minori affinis, si non idem C. B. Dioscorides his *Spilkwort*, et Spanish *Spilkwort*.

*Clus.*

Ternis vel quaternis à radice assurgit *cauliculis*, dodrantem altis, gracilibus, incanâ lanugine pubescentibus: *foliis* serie quadam secundum costæ longitudinem utrinque digestis, sive alâ foliorum illos vestiente, Onobrychidis aut *Astragali* prioris in modum, mollioribus tamen, superne virentibus, inferne canâ lanugine obsitis, gustu nonnihil amaro. *Flos* extremo cauliculorum fastigio innascitur, confertus, capituli spicæ brevioris & obtusæ instar, Glycyrrhizæ vulgaris florum formâ & colore perquam similis. *Radix* candicans & exilis, quæ an vivax sit asserere nequeo. Hactenus *Clusius*.

In planta sicca ad nos à D. Sloane transmissa radix erat simplex, rectâ descendens, ima parte in furculos [unum vel alterum] divisa; unde exibant cauliculi quatuor vel quinque, quales describit *Clusius*, rubentes, firmitores & robustiores multo quàm precedentis; foliis vestiti è decem aut duodecim pinnularum oblongarum, obtusarum, averſa parte hirsutarum conjugationibus cum impari in extremo compositis. *Flores* quales describit *Clusius*, non tamen summos caules terminant, sed è foliorum alis in pediculis oblongis hirsutis egrediuntur. Singulis flosculis succedunt *siliquæ* breves & velut triangulæ, lineæ ab uno latere recta, ab altero incurva terminata, exterius musco quodam sub-ruffo denſo innascente scabræ, geminata, & in duas faciliè separabiles, quarum singulæ unicum duntaxat intus *semen* continent, fatis grande, compressum, subfulvum, præter muscum villosum siliquæ etiam lanugine pubescunt.

*Locus.*

Nusquam alibi quàm ad ripas fluminis Thormis Salmanticæ alluentis, paulò infra eam urbem observabat *Clusius*, nomine vulgari carentem, mense Junio. Verùm (inquit) is locus procul à mari distat, juxta quod Dioscorides Glaucem nasci tradit.

19. *Glauz Catalonica non descripta.*

Elegantissimæ hujus plantulæ ramulùm ad me transmisit idem ingeniosiss. Vir D. Sloane. Qualis fuerit radix aut ima foba nescimus: ramulus transmissus vix palmaris erat, foliis, ut in hoc genere, seu foliorum alis, crebris vestitus. Folia autem quatuor duntaxat aut quinque pinnularum, oblongarum, angustarum, acutarum, lanuginosarum, (subtus præcipue) conjugationibus constant, impari folio alam terminante. *Flosculi* in glomerulis seu globulis in foliorum alis sessilibus, aut certè brevissimis pediculis donatis, quantum in sicca discernere licet, cœrulei, quorum singulis succedunt *siliquæ*, stru-cturæ & figuræ insolitæ, breves, & propemodum quadrangulæ compressæ in acutos apices productæ, incanæ & hirsutæ, è duabus siliquis sibi mutuò commissis propemodum ut in *Thlaspeos* biscutati vasculo, compositæ; non enim, ut in aliis hujus generis siliquis, planis lateribus commissis coherent, sed dorsis tantum lineâ rectâ conjunctis, versùs apicem ad se mutuò retrorsum reflexæ, imis lateribus sursum recurvis. An plura an singula semina sit in singulis siliquis nobis non constat.

20. *Astragalus perennis, foliis hirsutis, caule recto apbyllo, flore ochroleuco odoratissimo Moris.*

Hæc planta plurima edit *folia*, alata, hirsuta & per terram strata, binatim seu conjugatim *folia* ex adverso adhaerentia, uno impare extremum costæ claudente. Ex medietate foliorum per terram sic stratorum oriuntur *cauliculi* hirsuti idem, pedales & altiores, sustinentes plurimos *flores*, luteo-pallidos seu ochroleucos, fragrantissimi odoris, ad longitudinem trium unciarum in summis caulium spicatim digestos, quorum singulis succedunt *siliquæ* gemellæ, crassæ admodum, triquetra, vix unci- am longitudine superantes: harum singulæ bina vel terna continent *semina*, ossa sesamoidea refe- rentia, feminibus cæterorum suæ sortis crassiora. Planta est perennis.



## SECTIO TERTIA.

## De Leguminibus trifoliatis.

**L**EGUMINA trifoliata sunt vel Trifolia propriè dicta, quæ terna duntaxat habent folia in extremo pediculo; vel minùs propriè sic dicta, quæ præter folia terna in extremo pediculo bina insuper habent ad ejus à caule exortum seu basim, quæ *Loti* appellantur, & quodammodo pentaphylla sunt.

Trifolia propriè dicta sunt vel floribus in capitula aut spicas congestis, vel eisdem magis sparsis & rariùs sitis.

Quæ floribus sunt in capitula aut spicas congestis, sunt vel 1. *Seminibus & siliquis in calycibus plerumque occultatis*, floribus erectis, capitalis aut spicis summos in plerisque caules terminantibus, seu spicæ lanugine nulla aut rariore obsitæ sunt, calycibus florum vel strigosis & striatis nec à delapso aut marcescente flore in vesicas intumescuntibus ut in *Trifolio pratensi montano*, &c. vel in *vesicæ tandem intumescuntibus*, ut in *Trifolio fragifero*, &c. five spicæ molles sunt & villosæ molliæ suæ pedem leporinum referentes, ut in *Lagopo*. 2. *Seminibus & siliquis visui expositis & extra calyces apparentibus*, floribus pendulis, capitalis aut spicis è foliorum alis egressis, siliquis seu folliculis scabris aut rugosis, in *Melilotis*.

Quæ floribus sunt magis sparsis & rariùs sitis sunt vel siliquis *rectioribus*, seu *productioribus* in *Fenu-græco*, seu *brevioribus* in *Anonide*, vel *insertis & cochleatis* in *Medica*.

## Herbæ flore papilionaceo non scandentes trifoliæ sunt vel

Propriè sic dictæ, quæ terna duntaxat folia habent in extremo pediculo, suntque vel floribus

In spicas congestis, seminibus & siliquis

In calycibus occultatis, suntque vel spicis

Mollibus & villosis; *LAGOPUS* dicta, quia molliæ suæ pedem Leporis refert.

Lanugine nulla aut rariore obsitæ, calycibus

Delapso flore in vesicæ intumescuntibus; *TRIFOLIUM Fragiferum* seu *vesicarium*.

Strigosis & striatis, in vesicæ membranaceas non intumescuntibus; *TRIFOLIUM spicatum plurimarum specierum*.

Expositis, & extra calyces apparentibus, floribus in spicis è foliorum alis egressis, pendulis, odoratis; siliquis seu valculis seminalibus scabris aut rugosis; *MELILOTUS*.

Sparsis & rariùs sitis, siliquis

Rectis aut nonnihil incurvis,

Productioribus, compressis, seminibus lineæ ab angulo ad angulum depressi sulcati,

*FOENUM GRÆCUM*.

Brevioribus, semine reniformi; *ANONIS*.

Insertis, gyris paucioribus aut pluribus, fructu lævi aut spinoso, scutellato, doliato, orbiculato, plurimarum specierum; *MEDICA*, seu *Trifolium cochleatum*.

Minùs propriè dictæ, quæ præter folia terna in extremo pediculo, bina habent ad ejus exortum cauli adnata, adeoque etiam pentaphyllæ dici possent; *LOTUS* herbæ plurimarum specierum.

Species illæ *Medicæ* quæ jumentorum pabulo seruntur, radice sunt perennem & vivaci; siliquis insertis quidem sed paucioribus volutis, nec sibi invicem contiguis ut anum glomerem efficiant.

## CAP. I.

## De Trifolio capitulis minus mollibus, calycibus strigofloribus,

§. 1. *Trifolium pratense montanum album.*

A. 1. *Trifolium pratense album* Park. C. B. minus *pratense flore albo*, sive 2. *Ger. pratense flore albo minus*, & *femina glabrum* J. B. *White-flowered Meadow Trefoil*.

**C**ontractiore est habitu quam mas; *coliculis* brevioribus, infirmis, per terram sparsis, per quos *folia* terna, parva, rotunda, glabra, retusa. *Flores* glomerati, minores, ex longioribus appensi pediculis, coloris albi, gustui dulces. *Semina* in exiguis & curtis *siliquis* bivalvibus, quaterna aut quina minuta in singulis conspiciuntur, quo à *Trifolio* purpureo vulg. differt. *Folia* præsertim inferiora macula lunulata albicante pinguntur.

Locus.

In pascuis non minus vulgare est quam *Trifolium pratense purpureum*.  
Ab hoc specie diversum esse non concesserim.

2. *Trifolii affine Quadrifolium phæum* Lobelii J. B. *Quadrif. bortenise album* C. B. *Lotum quadrifolium* Ger. *Quadrif. fuscum* Park.

*Folia* huic supina superficie, colore nigro-purpureo tincta sunt, quatuor non raro in eodem pediculo, quod ubertati soli, aut loco umbroso, aut alii cuidam accidenti primo deberi suspicor, quamvis flagello plantatam speciem retineat.

Vires.

A matronis nobilibus summo studio in hortis colitur pro præsentaneo remedio purpureæ puerorum febris.

3. *Trifolium pratense album, siliqua bivalvi, caule fistuloso, folio subtus nigropurpureis maculis notato* Morif.

Morif.

*Cauliculos* proferit procumbentes, cavos seu fistulosos, pedales & sesquipedales; in quorum summis alis exeunt *flores* papilionacei, magni, subalbidi seu ochroleuco colore præditi; quorum singulis succedunt *siliquæ* parvæ, bivalves, singulæ continentes *femina* bina aut terna minuta. A præcedente distinguitur *foliis* latioribus, & subtus maculis nigro-purpurantibus notatis; *caulibus* multo longioribus & fistulosis; *siliquis* brevioribus cum paucioribus intus seminibus.

Locus.

In humidis pratis, præsertim ubi hyeme aquæ stagnarant oritur, & cum præcedente floret ætate.

A. 4. *Trifolium minimum supinum flosculis longis albis* P. B. An. *Trif. parvum, album, Montpellieranum, pilosum, cum paucis floribus* J. B.

E radice annua plurimi exeunt *cauliculi* semipedales & longiores, resupini, & terræ velut appressi, ramulosi, ramulis è foliorum alis egressis, villosi, *folia* alternatim adnascantibus per intervalla vestiti; quæ pediculis longis (in latiori solo sesquipalmariis) hirsutis, duabus ad basin veluti auriculis membranaceis caulem amplexis, insident, terna simul ut in reliquis *Trifoliis*, villosa, cordata, macula albicante lunulata in medio picta. Versus superiorem *caulium* partem è foliorum alis exeunt *pediculi* palmares & breviores, in summo *flosculos* sustinentes quatuor vel quinque, albos, papilionaceos, tubo longiusculo, è *calycibus* striatis, zonâ rubente tinctis, & in quinque longa & tenuia segmenta divisis. *Flosculi* delapsis aut marcescentibus *calices* ad pediculum reflectuntur & capitula sub terra condunt, eque summo leti extremo pediculo in medio *caliculorum* emergunt radij plurimi, seu pali rigidi, compressi, ima parte latiores, versus apices continue angustiores, apicibus ipsis, quinque spinulis longiusculis in stellæ dimidiatæ modum expansis & cum primum apparent ad latera villosi radunt. Radij hi non omnes una erumpunt, sed successive alij post alios, & versus pediculum reflectuntur, ut eodem capitulo quoddam echinatum componant. Singulis *calycibus* singula insunt *femina* capsula inclusa majuscula spadicea.

Locus.

*Multum in locis solo arenoso aut glaciato, tum in Angliæ tum in exteris regionibus observari rarum hoc Trifolij genus.*

D. *Morifono* hæc planta titulo *Trif. albi tricocci, subterranei* *Gustonii reticulati*: D. *Magnol tit. Trif. subterranei* sive *folliculos* sub terram condentis descripta est. Nobis ante triginta annos observata est à *Antoine Planchon* in *Britannica*, in parte ex *A. spandio* ad *Caplogum* plantarum circa *Cantabrigiam* nascens.

5. *Trifolium minimum supinum flosculorum & seminum globulis plurimis confertim ad radicem nascentibus.*

*Foliola* omnium *Trifoliorum* minima, prælongis & tenuissimis pedicellis insident, triangula ferè, obtusa, crenata. Globuli quamplurimi densè cæspite circa radicis caput conferti, terræ incumbentes, è *flosculis* eorumque *calycibus*, (quorum tamen neque formam neque colorem observavimus) compoliti.

Locus.

Circa *Messanam* in sterilioribus & arenosis invenimus.



- \* 6. *Trifolium montanum album* C. B. *mont. majus albo flore* Park. *majus albo flore incanum* Clusii  
J. B. *majus flore albo* Ger. *emac.*

Clus.

Ternis aut quaternis interdum affurgit virgis aut *caliculis*, pedalis, firmis, rectis, teretibus: circa quos nascuntur *rara folia*, oblonga, angusta, dura, nervosa, carinata, & dorso elatiore, terna semper ab uno exortu prodeuntia ut in reliquis Trifolii generibus, incana, in ambitu veluti dentata, ab radice frequentiora & majora. Flores extremis ramulis, in quos cauliculi separantur, inhzrent, parvi, frequentes, conferti, & spicam quodammodo formantes albo colore & nonnullo odore præditi. Radix vivax, minimi digiti crassitudinem æquans, fusco & denso cortice tecta, longa, aliquot fibris donata.

In pratis siccioribus Viennæ Austriæ vicinis, tum in Moravia & Bohemia floret Maio & Junio. *Locus.*  
In herbis Sylvæ Valenæ D. Magnol sæpius occurrit. *Botan. Monsp.*

7. *Trifolium pratense album* à Fuchsio depictum, *frve mas* J. B.

J. B.

Folia huic hirsuta, oblonga, venosa, crenata, terna ex longo pediculo appensa, per caules cubitales, simplices, plures ex radice crassiuscula, inque plura capita interdum divisa: exorti flores glomerati, albi, Trifolii pratensis purpurei alioqui similes.

Circa Genevam in pascuis & agrorum marginibus observavimus: J. Bauhinus aliis etiam in locis *Locus.*  
variis florentem Augusto, Septembri & Octobri.

Alii Botanici speciem hanc cum Trifolio albo vulgari confundunt, à quo tamen diversissima est.

- A. 8. *Trifolium pratense hirsutum majus flore albo-sulphureo seu oxgordius* The great white or yellowish Meadow Trefoil.

Ex radice nigra, minimo digito tenuiore caules exurgunt plures, pedales vel cubitales, teretes, hirsuti, ad terram inclinati. Folia etiam hirsuta sunt, neque crenata, neque ullo modo incisa, inferiora minora & rotundiora, longis pediculis hirsutis insidentia, superiora longiora, cauli propius adnata. Florum spica longiuscula; acuminata, congesta, colore pallido seu oxgordius & in adultioribus plantis ad sulphureum accedente. Ubi spicæ pediculus incipit bina adversa oriuntur folia, cum inferius semper alternatim cauli adnascantur.

In pascuis siccioribus & dumetis frequens reperitur. Observavi & in transmarinis propè Gene- *Locus.*  
vam, unde mirari subit à nemine hactenus descriptum.

A præcedentibus duabus plantis differt florum colore albo-sulphureo seu ochroleuco, foliis non crenatis, imis minoribus, summis majoribus ut alias notas omittam.

9. 1. *Trifolia floribus purpureis in capitula vel globulos congestis.*

1. *Trifolium bituminosum* Ger. *Asphaltites frve bituminosum* Park. *bitumen radolens* C. B. *Asphaltites frve bituminosum odoratum* J. B. & non odoratum.

J. B.

In fruticem excrefcit cubitalem & sesquicubitalem, virgulis rigidis, incanis, ac etiam nigricantibus, striatis. Folia terna, per primam adolescentiam rotunda, mox oblongantur in acuminatum mucronem desinentia, incana itidem & hirsuta, odore Bituminis fastidioso, tactu glutinoso. Flores non plane glomerati congesti, sed oblongiori capitulo dispositi, colore purpureo-violaceo, ex calicibus oblongis, striatis, villosis. Semen nigrum, asperum, hirsutum, in cuspidem definens foliaceum, ejusdem cum reliqua planta odoris, saporis Cæsalp. medicati.

Congener huic totoque adeo vultu idem pandum colo, excepto eo quod folia quidem odore omni penitus destituta sunt, flores verò suaviter, licet obscure, redolent. Quod huic plantæ unde accidat C. Bauhinus ostendit.

Semen (inquit) Italicum in Germania terræ mandatum profert plantam odore bituminoso: at semen plantæ in Germania educatæ rursus satum sapore & odore deficientem producit, & si iteretur satio verisimile est sobolem degeneraturam tandem in plantam omni odore & sapore destitutam.

In Italia, Sicilia & Gallia Narbonensi, in locis collibus non procul à mari abunde provenire *Locus:*  
observavimus.

In Paralyti oleum ex hujus semine expressum valde commendatur. D. Soane è Sylvii L. 2. C. 21.

Hujus varietas habetur magnitudine omnium partium, præcipue florum & seminum, differens. *Morif. præh.*

- A. 2. *Trifolium pratense purpureum* C. B. *pratense purp. vulgare* Park. *pratense* Ger. *purp. vulgare* J. B. *Common purple Trefoil* or *Donkey-suckle Trefoil*.

J. B.

Ex radice crassiuscula, adultiori ferè digitali, fibratâ, viticulae tenues, striatæ, partim humi repunt, partim surriguntur, subhirsutæ. Folia terna in eodem pediculo, nunc rotunda, aliàs oblonga, interdum spicularis albis lineis notata, nonnunquam obliquis candicantibus striis virgata. Flores glomerati plerumque purpurascunt seu rubent, rarius & ex accidenti albent, odore non insuavi, gustanti siccitate afferentes. Flosculorum tubi melleum liquorem continent quem pueri flosculi & caliculis evulsis exugere solent. J. Bauhinus refert se observasse Trifolium hoc in area arcis Montbel-

Montbelgard. in horto & extra urbem habere maculata folia; maculas autem esse albicantes, semicirculares, ad cordis formam nonnihil accedentes, quod pro re insolita habere videtur, cum nihil apud nos sit usitatus.

Locus.  
Usus.

In pratis & pascuis ubique vulgatissimum habetur.

Sunt Hiberni, qui suo *Chambrach*. (quod est *Trifolium purpureum pratense*) aluntur, celeres, & robusti, ut nos monuit D. *Tancredus Robinson*.

A. 3. *Trifolium pratense purpureum majus*. The greater purple Meadow-Trefoil.

*Radix* hujus lignosa, minimum interdum ferè digitum crassa, superius in multos veluti ramos dividitur, qui sub terra undique reptantes, & hic illic germinantes latè plantam diffundunt, & magni spatium occupant. *Cauliculi* indè emergunt dodrantes aut pedales, in terram reclinati, purpurei, crassiores quàm in purpureo vulgari, ramosi ramulis è foliorum alis exeuntibus, quæ alternatim ut in illo posita, sed crebriora. *Folia* ipsa majora longiora & acutiora quàm in vulgari, brevioribus pediculis, notis albis semilunaribus non semper picta. *Flores* in summis caulibus & ramulis majores, saturatius purpurei, in spicas seu capitula majora & breviora coacervati quàm in illo; quin & spica longiore pediculo infident quàm in illo. *Vena* seu nervi obliqui manifestiores sunt magisque conspicui averia præcipuè folii parte in hac planta quàm in illa.

Locus.

In pascuis satis frequens est, minùs tamen quàm *Trifolium purp. vulg.* Seritur etiam in agris pro bonum & jumentorum pabulo; quibuldam audit *Common Clover-grass*.

\* 4. *Trifolium pratense minus flosculis purpureis* C. B. *prat. min. purpureum* Park.

*Cauliculi* huic tenues, rigidi, pedales, ramulis crebris divisi. *Folia* parva brevibus pediculis modo terpa, modò quaterna habet. *Flores* in summis ramulis multi, perexigui, velut in umbellas laxas congesti, purpuro-rubentes. *Radix* tenuis, alba, fibris capillata.

5. *Trifolium purpureum majus folio & spica longiore* J. B. *montanum, spica longissima rubenta* C. B. *Lagopus major folio pinnato* Park. *major, spica longiore* Ger. *Trif. majoris tertii altera species* Clus.

Ad cubitum & sesquicubitum excrefcit, *caulibus* crassiusculis, valentulis, variè divaricatis. In foliis subinde ludit, interdum semunciam vix excedunt, subrotunda, frequentius oblonga, acuminata, trium unciarum, semunciali latitudine, concinne per ambitum crenata, admodum venosa, crispata, tergemina, pediculo nixa in vaginam valde latam, pinnatam, trium unciarum aut longiorem, caulem complectentem desinente. *Flores* rubentes in spicam palmarem & majorem, satis crassam dispositi, ex calicibus in pinnas longas, tomentosas dissectis.

Locus.

In collibus circa Genevam invenitur spontaneum. D. *Magnol* observavit copiosum in umbrosis, herbidis locis sylvæ Valenæ, viâ qua itur ad pagum *Viols*, non longè à Monspelio.

\* 6. *Trifolium montanum purpureum majus* C. B. Park. *Trif. majus Clusii secundum, non album sed rubrum* J. B. *majus flore purpureo* Ger.

Clus.

*Trifolio* majori albo non valde dissimile est, vel amplitudine, vel formâ: folia tamen paullo angustiora, & crassior flosculorum, qui confertim nascuntur, spica, eaque summo caulis fastigio inherens, sine ullo petioli vestigio, & quàm inter folia latens, cui plerunque adnascitur alia brevior, rarissime tertia. *Flosculi* verò differunt colore, qui non albus est sed ruber, & odore cujus sunt expertes. *Radix* illius radici ferè par.

Locus.

In Hamburgensi monte & aliis Pannoniæ & Austriæ montibus Alpestribusque pratis, præsertim siccioribus Viennæ vicinis, tum pariter in Moravia & Bohemiæ sylvis copiosè invenitur.

\* 7. *Trifolium spica oblonga rubra* C. B. *Trif. majus flore purpureo* Ger. *montanum majus purpureum* Park. *majus tertium purpureum Clusii* J. B.

Clus.

Majore multò excrefcit altitudine, quæ plerunque cubitalis est: caules etiam habet crassiores, nodosos. *Folia* ex singulis geniculis alternatim prodeuntia, longa, striatæque, dorso magis eminente & elato, laxa quâdam veluti vaginâ, in binas appendices desinente, caulem amplectentia, deinde terpa numero ex eodem pediculo nascentia, superioris duplo longiora, illis tamen non minùs dura & per oras denticulata, gustu nonnihil adstringente. Huic spica longior & major, elegantissima rubrorum flosculorum è caliculis hispidis emergentium serie composita. *Radix* habet superiorum radici similem, vivacem & singulis annis plures caules proferentem.

Locus.

Cum priore invenitur. Vide loca: non multum differt, ipso Clusio fatente, à *Trifolio purp. majore*, folio & spica longiore J. B. loco penultimo descripto.

\* 8. *Trifolium montanum purpureum minus* C. B. *montanum minus Thalis purpureum* J. B.

Brevioribus constat cauliculis, & foliis acutè mucronatis, & capitulis etiam, estque flore quandoque purpureo, quandoque candido.

Ex brevi hac descriptione an hæc sit species à reliquis distincta certò colligere nequimus.



\* 9. *Trifolium montanum purpureum folio acuto crenato* C. B.

C. B. prod.

*Cauliculus* est pedalis, firmis, rectis: *foliis* rarioribus, oblongis, angustis, nervosis, acutis, sursumque spectantibus, in ambitu dentatis, aliquando profundius incis. In cauliculi summo *stipes* purpurei, quasi in globo conferti.

In montosis pratis Maio Junioque florens reperitur.

Locus.

\* 10. *Trifolium montanum purpurascens folio obtuso crenato* C. B. Park.

C. B. prod.

*Caulis* est ramosior, *foliis* oblongis, angustis, sed obtusis, & supernè & utrinque crenatis, cuius ramuli frequentioribus & angustissimis *foliis* donantur. *Flora* quam in priore rariores & purpurascens.

In pratis montosis circa Genevam.

Locus.

Utraque hæc planta nobis incognita, nimis breviter tamen descripta est.

A. 11. *Trifolium stellatum glabrum* Ger. emac. *capitulis* *Dipsaci* quorundam. Smooth Starry-headed Trefoil, or Cressel-headed Trefoil.

E radice alba, simplici, annua *caules* emergunt plures, palmares aut dodrantes, in terram ferè procumbentes, teretes, hirsuti, ramosi. *Folia* longis pediculis insident, lanugine molli pubescentia, non crenata, longiuscula, extremitatibus subrotundis, è quorum alis oriuntur ramuli alterni. In summis caulibus & ramulis *capitula* *Dipsaci* aut *Eryngii* similia, pediculis brevibus insident, ad quos folia bina opposita appendicibus suis caulem amplectuntur. *Flosculi* pallide purpurascunt, quorum calices in quinque radios seu spinulas terminantur, quorum infimus maximus longissimisque.

In palustribus maritimis pluribus in locis occurrit, in aggeribus maximè. Vidimus & collegimus prope Hollandiam vicum non procul Harvico in Essexia copiosum; circa Leigh non procul ab ostio Tamesis fluvii in eodem Comitatu. D. Johnson Gerardi emaculator in paludibus salis Dorsfordie in Cantio. Observavimus etiam in transmarinis circa Messanam Siciliæ. D. Balam è Tingide Africæ urbe misit.

Locus.

12. *Trifolium stellatum* C. B. *stellatum* Monspeulanum Park. *stellatum purpureum* Monspeulanum J. B. *stellatum hirsutum* Ger. emac. Rough Starry-headed Trefoil.

J. B.

Palmares & interdum bipalmares, non planè surrectos, interdum etiam in terram prociduos, fundit ex gracili, albâ, lignosâ, capillatâ radice *caules*, totos densâ lanugine obitos, inanes, quandoque rufescentes, rarissime in alas divisos: *folia* longis nixa pediculis, cordata, tantillum per oras superiores crenata, penitus hirsuta. *Florum* glomeres subrotundi, coloris purpurei, perquam villosis constant calycibus, quorum pinnae diductæ radiatam stellam representant. Planta est annua. Plenior descriptionem videbis apud C. Bauhinum in Prodr. qui flores interdum sed rarius luteos esse scribit, quod nunquam vidimus.

Ad radices montis Vesuvii copiosum observavimus, nec minùs frequens in Sicilia circa Messanam, & Gallia Narbonensi circa Monspeulium. Hoc genus est (ni multum fallimur) quod depingit & describit Alpinus in exor. Trifolii clypeati argentei titulo, cui *semina* nigra, oblonga, lata, tenuia, foliacea, figurâ ad antiquos clypeos Venetos maximè accedere visa tribuit; quod observandum an huic Trifolio conveniat necne. C. Bauhinus semen planum esse scribit. Descriptio Alpini in floris colore, quem argenteum facit, à planta nostra abludit, cui flos rubescens. Fortè per florem capitulum intellexit.

Locus.

\* 13. *Trifolium glomerulis Personatæ Cherleri* J. B. *globosum repens* C. B. prod. Park.

J. B.

In humum reclinat palmares *caules*, quos à reptante capillacea, rufescente radice emittit plures, hirsutos, *foliis* vestitis per extremum latoribus, pilosis: uniuscuiusque coliculi fastigio capitulum hæret unicum, majusculum, in Personatæ modum glomeratum, & aristis longis, sed lanugine quadam albicante intertextis horrens, *flosculis* inter aristas apparentibus parvis, purpureis: basin autem amplectuntur terna *folia*, magna, squamatim incumbentia subeuntiaque, lata, albicantia, per margines purpurascencia, similibusque striis virgata, nescio quid Garyophyllatæ aquaticæ folius simile habentia.

Monspelii in squalidis & siccis locis circa Episcopi castellum legit Cherlerus. Provenit etiam in luco Gramuntio copiosè. C. B. Botanic. Monsp. Descriptionem. C. B. vide & confer.

Locus.

A. 14. *Trifolium parvum hirsutum, flore parvo diluti purpureo, in glomerulis oblongis, semine magno.* Small large-seeded Trefoil.

J. B.

E radice alba, simplici, adnatis aliquot donata, annua *caules* emittit plures, teretes, hirsutos, ramosos, in sterilioribus vix palmares, in lætiori solo cubitales & longiores, in terram reclinatos, ad genicula nonnihil recurvos. *Folia* hirsuta, per margines æqualia; obscurè viridia; quæ à radice exeunt minora, obtusiora, interdum etiam cordata, pediculis longis insident: quæ in caulibus sunt inferiora breviora & obtusiora, longioribus pediculis fulta: superiora paulatim longiora, acutiora, brevioribus pediculis. *Flora* exigui, pallide purpurei, evanidi, in capitula dense stipata glomerati, summis caulibus & ramulis insident. *Capitula* in sterilioribus in globuli formam coacta, læto solo in longum excurrunt; ad singulorum capitulorum basin unum semper, interdum duo opponuntur folia,

folia, pediculis in membranas striatas dilatatis. E latere capituli majoris seu primarii subinde erumpit capitellum aliud secundarium pediculo donatum. *Calices* sive vascula seminalia singularia striata, turgidula, hirsuta, in quinque spinulas desinentia, singula singula *semina* flavicantha, majuscula, folliculis occultata continent. Planta est annua.

Locus.

In pascuis sterilibus frequens occurrit in Anglia.

A. 15. *Trifolium parvum rectum*; flore glomerato cum unguiculis J. B.

Longis tenuibusque fibris radicum multos simul caules supinos emittit, palmares & sesquipalmares, teretes, glabros, propter terram albescentes, cetera atro-rubentes aut virentes: *folia* minutata, tergemina, glabra, venosa, leviter serrata, nonnulla etiam cordata, longis pediculis caulem membraneis appendicibus ima parte amplexis nixa, brevibus interdum, praesertim in summis ramis, harentia. *Flores* tum summo caulium fastigio, tum ex eorum lateribus glomeratim coherent minuti, unguiculum aviculæ imitati, ex calycibus majusculis, glabris, striatis, per extrema denticulatis, duris.

Locus &amp; Tempus.

Nemausi ex locis hispidis & saxosis evulsi Cherlerus, ubi rarius occurrit: Maio floret: ingruente aestu, ut alia multa, fatiscit & exsiccatum abit.

D. Magnol *Trifolium capitulis Thymi* C. B. hujus synonymum facit: merito autem quaerit cur J. Bauhinus rectum dicat, cum in descriptione caulem supinum ei optime attribuat.

Vel hanc speciem, vel ei simillimam observavi prope *Novum Mercatum* oppidum, juxta Molendinum, alibi etiam in arenosis ad mare. Quin & D. Sam. Dale idem vel ei proximum *Trifolium* invenit in agro quodam dicto *the Parsonage Field* quam transit semita *Creffingam* ducens, dimidio à *Brantria* milliari.

Instanti aestate, Deo dante, hanc speciem curiosius observabimus, quod si differre comperietur Lectorem ejus rei in Appendice certiore faciemus.

16. *Trifolium* cujus caules ex geniculis glomerulos oblongos proferunt J. B. A 13. in paucis differt. J. B.

Tenuem hoc sed duram & lignosam agit radicem, quæ plures quidem emittit *surculos*, sed pedales, teretes, rigidos, pallide virentes, & ad singula genicula recurvos. *Folia* quam in præcedente altero tanto majora, longiora, neque cordata, neque serrata, longiusculis pediculis insidentia, qui ex membranea quadam articulo vestiente appendice prominent. Geniculis porro *capitula* etiam oblonga, denso flosculorum purpureorum agmine stipata insident, quatuor, quinque, aut plura, sed pro singulis geniculis singula, quorum calyculorum nullis striis donatorum apices recurvi, rigidi, interim in acutum fatiscunt mucronem, nec tamen ita durum, ut spinosum dicere auserim, nullis item denticulis præditum.

Locus.

Nemausi in incultis rupetis legit Cherlerus. In plerisque cum sequente convenit, [in omnibus inquit D. Magnol,] nisi quod C. Bauhinus flores luteos illi attribuat; at J. Bauhinus huic recte purpureos. Ne Lectori imponere videamur C. Bauhini descriptionem subijciemus.

*Trifolium capitulo oblongo aspero* C. B. Park.

C. B. prod.

Radicem habet capillaceam albam: *cauliculos* plures, pedales, laeves, rotundos, & quasi articulatos, paucis *foliis* rotundis vestitos. Ex singulis articulis *flosculi* plures simul juncti, iique lutei prodeunt. His succedunt *capitula* oblonga, pluribus quasi spinis recurvis donata, & per maturitatem exasperata, quibus singulis folium tripartitum subijcitur. Semen exile est.

Locus.

Pataui in edito monte prope *Arqua*, quod longè minus altero (quod *Monspessulo* habemus) legimus.

Seculo floris colore præcedenti non admodum dissimile est: quod notavimus antequam D. Magnol Botan. *Monspel.* videremus.

17. *Trifolium capitulis Thymi* C. B. Park.

C. B.

Radice est oblonga, albâ, tenui, capillacea: *cauliculis* semipalmaribus, humi sparsis: *foliis* obtusis, in ambitu serratis, cujus virgulis *capitula* rotunda, ut in *Thymo*, *flosculorum* rufescentium insident; quæ per maturitatem indurantur, minutumque semen subruffum continent.

Locus.

*Monspessuli* locis ficioribus provenit.

Vide *Trifolium parvum rectum* flore glomerato cum unguiculis J. B.

§. 3. *Trifolia calyculis in vesicas intumescens seu spumosis, Fragifera dicta.*

18. *Trifolium fragiferum* Ger. emac. *fragiferum Friscum* C. B. Clus. Park. *Strawberry Trefoil.*

*Cauliculis* supinis ad nodos radices agentibus latè se propagat. *Folia* singularia ad exortum suum appendicibus latis membranaceis in duo oblonga & acuta segmenta exeuntibus caulem amplectuntur: pediculis autem longis hirsutis insident, terna simul ad eundem exortum, parva, obscure viridia, argute denticulata, mucronibus obtusis, non tamen cordata. *Florum* spicæ è foliorum alis egrediuntur, pediculis semipalmaribus aut palmaribus insidentes, parvæ, subrotundæ, *Trifolii pratensis* æmulæ, *flosculis* exiguis, pallide purpureis gradatim se aperientibus, evanidis compositæ: quibus marcescentibus calices in *vesiculas* turgidas hirsutas, deorsum flexas, bicornes extumescunt; unde capitulum augetur in magnitudinem *Nucis myristicæ*, *Tragi* figuram imitatum. Singulæ *vesiculæ* singulas *siliculas* unicum intus semen claudentes continent.

Locus &amp; Tempus.

Julio & Augusto mensibus floret in locis aquosis ubi per hyemem aquæ stagnant.

19. Tri-



19. *Trifolium pratense folliculatum* C. B. *Trif. Salmanticum* Ger. *pratense Salmanticum* Clusii Park. *folliculaceum* sive *vesicarium minus purpureum* J. B. An *Trif. vesicarium ampullatum rubello* flore Moris?

J. B.

Humi fusos producit ex tenui simplicique radice caules dodrantes, foliis ornatos ternis, parvis, per extremum obtusis, circumcirca crenatis, pediculo longo appensis: e quorum sinu exit pediculus, uncia longior, flores sustinens, in orbem glomeratos, parvos, rubentes, quos membranei excipiunt utriculi, satis laxi, bicorni fastigio dehiscetes. Semen exile, subrotundum.

Hæc pulchella planta se per terram spargit, degustata nullum habet manifestum saporem. Clusius flosculos elegantissimâ purpurâ rubere scribit, quod & nobis observatum, cum plantam circa Liburnum & alibi in Italia primò videremus, unde *Trifolium fragiferum* sive *vesicarium floribus nitidis rubellis* eam denominavimus. Figura Clusiana non exprimit folliculos membranaceos in capitulum Fragi æmulum conglomeratos.

Circa Monspelium in hortis inter olera; in pratis etiam aliisque quamplurimis humentibus & *Locus* herbidis locis oritur. *Botan. Monsp.*

An *Trifolium fragiferum Lusitanicum tomentosum* Park?

20. *Trifolium caule nudo glomerulis glabris* J. B.

Ex radice crassiuscula caules exeunt simplices, nudi, glabri, pedales, in glomerem florum purpureorum fastigiati, subjectis foliis exilibus viridantibus. Sequuntur utriculi flosculorum numero respondentis, laxiusculi, squalidi, veluti nervulis intertexti, albidis, e quorum orificio adhuc flosculorum prominent reliquæ. Folia tergemina, glabra, subrotunda, ferè uncialia, pediculo hærent palmari & sesquipalmari è radice.

Viâ quâ Nemauso ad Gari pontem itur collegit Cherlerus haud ità frequentem.

*Locus.*

21. *Trifolium capitulo spumoso levi* C. B. *vesicarium leve* Park.

C. B. prod.

Radice est albâ, oblongâ, fibrosâ & capillatâ: cauliculis multis, humi sparsis, tres, quatuor, rariùs sex uncias longis: foliolis parvis, oblongo petiolo hærentibus, per marginem acutiusculè crenatis: floribus parvis, luteis; quibus capitula incana, veluti ex pluribus vesiculis sibi invicem insidentibus composita, squamamque referentia succedunt; quibus semen parvum rotundum & planum inclusum est.

Circa Monspelium in agris & lucò Gramontio reperitur: circa Neapolin Italorum in maritimis. *Locus.*

22. *Trifolium capitulo spumoso aspero minus* C. B. *vesicarium asperum minus* Park.

C. B. prod.

Hujus radix transversim fertur, & fibris capillaceis terræ infigitur: ramulis suis per terram reptat: e quibus pediculi biunciales & triunciales, nudi eriguntur, qui capitulum parvum, subrotundum, ex rufescentibus floribus compositum sustinent; quibus capitulum quasi ex vesiculis pluribus compositum, subasperum & initio virens, minutum semen subrotundum continens succedit. Folia parva sunt, rotunda & crenata.

Hoc apud nos ad Rheni ripam herbido & arenoso loco, & circa Monspelium provenit.

*Locus.*

23. *Trifolium glomerulis tomentosum per caulium longitudinem* J. B.

J. B.

Angulosi & glabri caules: folia parva, ex oblongo rotunda, glabra, crenata, pediculo donatâ ferè uncialia, cujus exortui adnata gemina pinna, majuscula, ex lato mucronata, caulem complexu suo comprehendit; indidèmq; flosculi minuti, palliduli, glomerati oriuntur, quos sequuntur glomeruli folliculorum tomentosorum, candicantium, conclusorumque: in quorum singulis semen unicum, pullum, rufescens, nitidum, apophysi veluti donatum, quemadmodum in Fœnugræci semine animadvertimus.

In squalidis Gallo-provinciæ quibusdam locis legit Cherlerus, mense Julio.

Hanc plantam D. Magnol in *Botan. Monsp.* accuratius describit & depingit *Trifolii fragiferi tomentosum* titulo.

*Locus.*

Radix (inquit) alba & fibrosa est, ex qua plures oriuntur cauliculi, palmares, humi sparsa: in articulis duæ sunt appendices satis latæ, inter quas pediculi folia sustinent trifolia, venosâ, glabra, serrata. Ex quolibet articulo flosculi glomerati purpurascetes producantur, similes floribus pratensis folliculati, brevissimis pediculis nixi, quibus globuli succedunt magnitudinis fragorum, veluti cotone incani, pluribus utriculis vel glomerulis compositi: in quolibet utriculo unicum semen continetur, parvum, subrotundum, cerei coloris. Multitudo globulorum aspectu pulcherrimum reddit.

Maio & Junio reperitur variis in viis herbidis, præcipuè ubi aquæ per hyemem stagnant; circa Gramontium quâ itur Grabal & alibi.

*Tempus & Locus.*

An *Trifolium capitulo spumoso levi* C. B. prod? verum C. Bauhinus flores luteos illi attribuit, fortè per errorem.

D. Magnol tribus *Trifolii* parvi speciebus flores luteos, quos illis C. Bauhinus attribuerat, abjudicat. 1. *Trifolio capitulo oblongo aspero*. 2. *Trif. capitulo spumoso levi*. 3. *Trif. capitulo Lago-pi rotundiori, seu globoso flore*.

- A. 24. *Trifolium supinum cum glomerulis ad caulium nodos globosis, floribus purpurantibus. An Tr. nodosum capitulis Thymi Moris prælud.?*

\* *Radix* ei alba, simplex, fibris majusculis donata: ex qua emergunt *ramuli* complures, in terram procumbentes, glabri, versus radicem supina parte nonnunquam rubentes, *foliis* alternatim positis, in pediculis longiusculis ternis, subrotundis & ad margines dentatis vestiti. *Globuli* sessiles ad alas foliorum, non spinosi, ex quibus emergunt *flores* pallide purpurei, rarius dispositi. Semen nondum maturuerat.

*Locus.* In marginibus arenosis prope Saxmundam Suffolciæ oppidum inveni: postea attulit *Thomas Willifellus* circa Londinum collectum: tandem etiam in transmarinis circa Messanam Siciliæ urbem inveni. Capitula seu globuli è calicibus arctè stipatis congesti sunt.

- \* 25. *Trifolium capitulo glomerato rigido J. B. globofo flore, vel capitulo Lagopi rotundiore C. B. capitulo globofo Park.*

C. B. prod.

*Radicem* habet longam, tenuem & capillaceam, fibrosam, albam: *caules* plures, tenues, rotundos, palmo minores, quandoque pedales, in ramulos leviter hirsutos divisos; quos *folia* parva, nonnihil pilosa, longiora quàm stellati majoris, per extremum rotunda, crenata cingunt, [quibus juxta pediculum communiter duo alia subjiciuntur.] Caulium fastigia ornant *capitula* singularia, glomerata, compactiora quàm *majoris stellati*, Bottonariæ paria, sed Bardanzæ echinorum alperitate hispida. *Flores* parvi, lutei, [rufescentes D. Magnol.]

*Locus.* Maio mense Monspeffuli circa Castelnovum copiosè provenire observavit C. Bauhinus. In satis copiosè oritur, sed semper cum floribus rufescentibus. *Botan. Monsp.*

## C A P. II.

*Trifolia spica molli & villosa Lagopi dicta.*

- I. *Trifolium albo-incarnatum spicatum, sive Lagopus maximus J. B. Lagopus maximus Ger. max flore rubro Park. Trifolium spica subrotunda rubra C. B. The greatest Hares-foot Trefoil.*

J. B.

**S**atis prolixa *radice* donatum est, gracili, fibrata. *Caules* plures, dodrantes & cubitales, hirsuti, simplices. *Folia* ex piloso pediculo, vaginâ suâ brevi, hirsuta caulem complexo, terna, subrotunda, latiora quàm longiora, crenata, non cordata. Spica duarum aut trium unciarum, floribus constat albis dilutâ purpurâ remissis ex *calycibus* admodum villosis, in quinque pinnulas desinentibus. Semen majusculum, subrotundum, lucidum, pallidum, accedens ad Meliloti vulgaris, sapore Pisorum.

Annua est planta, ex semine deciduo, siquidem maturo Julio & Augusto, se conservat.

*Locus.* In Italia circa Neapolin observavimus cum floribus pulchrè rubentibus aut coccineis: Quod prope Genevam oritur albo-incarnatos obtinet.

- A. 2. *Lagopus vulgaris Park. trifolius quorundam J. B. Lagopodium sive Pes leporis Ger. Trifolium arvense humile spicatum sive Lagopus C. B. Hares-foot, or Hares-foot Trefoil.*

J. B.

Nomen ex argumento *spica* indeptus est, quæ molli villo cinereo, purpurascénteve leporinos pedes imitatur, *flosculis* albidis & minutis, tantillum prominulis, quos semen excipit exile fulvum. Spica pediculis longis insident, è foliorum alis exeuntibus. *Coliculi* plurimi palmum aut sesquipalmum alti, [imò in lætioribus dodrantes aut pedales] ramosi, toti incana lanugine pubent; in quibus hirsuta Trifolii *folia*, unciam circiter longa, culmum lata, acuminata, villosa & incana, averſa præsertim parte, pediculis lata & striata basi, in duas prælongas velut auriculas exeunt, caulem amplectantibus. Quæ è radice exeunt folia, multo latiora sunt, & pediculis longioribus fulta. Sapor plantæ stringens & strenuè exiccans.

*Locus & Tempus.* Frequens est inter segetes, maximè solo arenoso, seriùs autem & post mediam plerunque ætatem floret.

- \* 3. *Ebenus Cretica Alpin. exot.*

Alpin.

A radice stipes affurgit rectus, tricubitalis & amplior, argentei coloris, è quo plures rami exeunt, sursum ex obliquo in rectum acti, foliis Cythi, sed longioribus & tenuioribus, in acutum desinentibus, ternis simul junctis, totis candidis. In summitate verò caulium flos visitur rotundus, flori præteritis trifolii figura & magnitudine quàm similes, coloris purpurei, & in aliquibus carnei, ex multis flosculis Cythi florum amulis congestus, qui circumquaque intermixtos habet quosdam villos, albos, tenuissimos, velut sericeos, quorum mixtione ex rubro colore flos redditur longè visui elegantior. *Radix* istius plantæ est longa, gracilis, lignosa, nigra, bifida.

- \* 4. *Lagopus*



4. *Lagopus minor flore ruberrimo* Park.

Park.

Folia habet mollia, incana, angusta, in acutum mucronem desinentia, breviora tamen quam *Lagopi angustif.* Hispan. Clus. Caules ad semipedalem altitudinem vix ascendunt. Spicam gerit tenuem, barbulis multo tenuioribus quam prædicti *Lagop.* frequentiore. Flores protrudit elegantissimos, rubicundi coloris; quibus singulis flaccescentibus succedunt capsulae singulae, villosae, pluribus radiis in margine earundem stellatim dispositis onustae, quando semen in capsulam fundo est maturum. Planta est annua.

Semine ex Hispania accepto J. Parkinsono exorta est.

5. *Lagopus supinus* Park.

Ex Hispania attulit Boelius.

6. *Trifolium lagopodoides annuum hirsutum pallide luteum seu ochroleucum* Moris. hist.

Moris.

Folia edit terna acuta, incana lanugine obsita, atque ex vaginulis aliorum more pediculis biuncialibus ortis innitentia: in fastigio caulium pedaliū erectorum, nonnunquam reclinantium, proveniunt spicae longae, unciales & biunciales, *Lagopi vulgaris* instar, coloris pallide lutei, seu potius exordium floribus compositae. Floribus hinc evanidis singulis singulae succedunt capsulae, quinque-partito in margine divisae, & singula semina subrotunda continentes in fundo. De loco nihil habet.

7. *Trifolium angustifolium spicatum* J. B. Trif. montanum, angustissimum spicatum C. B. *Lagopus major angustifolius* Park. *Lagopus altera angustifolia* Ger. emac.

J. B.

Radix huic unica, tenuis, longiuscula, lignosa: caules ex ea plures, satis firmi, palmares aut pedales, simplices; in quibus folia terna, graminea, hirsuta, pediculo nixa unciali, caulem longae, striata vaginā obvolvete: Spica duarum circiter unciarum longitudine aut major, ex floribus purpureis congesta, in calicibus lanuginosis, pinnae quinque protendentibus. Vidimus hujus generis altitudine cubitali, foliis angustissimis duas tresve uncias longis.

In montibus supra Messanam, atque etiam circa Monspelium, utrobique copiose provenit. Flores Locis in nostra dilute rubent.

8. *Lagopus angustifol.* Hispanicus Clus. Ger. emac. Park. Trif. angustif. Hisp. sive *Lagop. angustif.* flore dilute rubente J. B. Trif. Hispanicum angustifolium spica dilute rubente C. B.

Clus.

Unicum fert caulem, gracilem & satis firmum, nodis quibusdam distinctum & in aliquot ramos divisum, nascentibus ad singulos nodos pediculis, satis laxa sede caulem & ramulos amplectentibus, quorum extremis terna insident folia, non orbiculata, sed longiuscula & angusta, carinata, sive dorso elatiore, canescentia instar foliorum vulgaris *Lagopi*: Summi rami desinunt in longas calycularum spicas, e quibus emergunt flosculi vulgaris floribus formā similes, & fere concolores, hoc est, dilute rubentes.

Semine ex Hispaniis accepto natum est: cui simile, vel fortè hoc ipsum genus se observasse meminit Clusius Salmanticensi agro ad Vinetorum margines.

Nos in montibus Messanae imminentibus, item circa Monspelium observavimus. A præcedente Locis tota specie diversum agnoscimus.

C A P. III.

*Trifolia spicata flore luteo.*

A. 1. *Trifolium luteum lupinum* Ger. emac. pratense luteum femina flore pulchriore sive *Lupulino* J. B. pratense luteum capitulo *Lupuli*, vel agrarium C. B. *Pop-Crefoil*.

**P**lures cauliculos spargit, infirmos, & vix se sustinentes, palmares, aut dodrantes, hirsuti, rubentes ramis creberrimis fruticosos. Folia parva, latiuscula obtusa, glabra, praesertim lupinae parte, venulis creberrimis, si luci obijciantur, vel ex adversa parte facile conspicuis, striata, pediculis longiusculis appensa. Versus caulis & ramulorum summities florum spicae ex alis foliorum exeunt, lupulorum capitula imitantes, sed minores multo, flosculis luteis compositae, per maturitatem deorsum reflexis, minime deciduis. Petalum in flore superius & erectum amplum est & striatum. Singuli autem flores singula semina occultant. Ab aliis plerisque *Trifoliis* differt quod flosculorum singularium calyces perexigui sunt & vix visibiles.

In agris inter segetes, solo praesertim arenoso aut glareoso.

Locus.

A. 2. *Trifolium lupulinum alarum minus.* An Trif. luteum, flore *Lupulino* minus J. B. *The lesser Pop-Crefoil*.

A radice simplici, furculosa tamen & minutissimis etiam fibrillis capillata, e quibus tubercula quaedam

M m m

dam

dam seu granula dependent, plurimos fundit ramulos, paris cum precedente longitudinis, aut etiam majores, tenuiores, glabros, infernè rubentes. *Folia* quàm illius minora, viridiora, obtusiora, & ad cordis formam propius accedentia. *Flosculorum* spica longis pariter & tenuibus pediculis è foliorum alis egressis insident, plus duplo minores, minoribus flosculis compositæ, saturatius flavæ. Flosculi pari modo per maturitatem deorsum reflectuntur. *Semina* quàm illius majora, in singulis flosculis singula.

Locus.

In pascuis inter gramina frequens occurrit.

• 3. *Trifolium montanum* Lupulinum C. B. Park.

C. B. prod.

*Ramus* est cubitalibus, glabris: *foliis* rarioribus, parvis, subrotundis, levissimè denticulatis, longissimo pediculo donatis: Rami fastigio capitulum Lupuli formâ, sed oblongum ex flosculis spadicis compositum insidet.

Locus.

In montibus supra Ilfeldam provenit.

Ob formam capituli Lupulinis Trifoliis adjecimus quamvis colore florum differat.

4. *Trifolium capitulo spumoso aspero majus* C. B. prod. *vesicarium asperum majus* Park.

C. B. prod.

*Radice* est oblonga, fibrosa: *Caulibus* bicubitalibus, tenuibus, flexibilibus, à vicinis fruticibus sustentatis; *Foliis* rotundis, Trifolio vulgari similibus, crenatis, prælongis pediculis donatis: inter quæ pediculi nudi, palmares, quandoque pedales efferuntur; qui singuli capitulum subrotundum, ex floribus aureis compositum, nonnunquam parvæ Avellanæ magnitudine sustinent. Hos *folliculi* membranacei, sibi invicem incumbentes, nonnihil à filamentis quibusdam exasperati sequuntur.

Locus.

Hoc in Salicetis Michelfeldæ Huningam versus, iis se suffulciens reperitur.

Nos ob floris colorem ad Trif. lupulinum potius quàm ad folliculaceum seu vesicarium retulimus, quamvis & Trifolium lupulinum quodammodo vesicarium & squamosum seu spumum fit.

*Trifolium saxatile hirsutissimum* C. B. prod. Park.

C. B. prod.

*Radici* lignosæ, transversim repenti, rufo cortice testæ quasi truncus ex multis plantulis simul junctis, caule carentibus insidet, tota planta duas tréve uncias non superante. *Folia* habet Trifolii, parva, mollia, incana & velut argentea, supernè crenata & pedicellis brevissimis insidentia: inter ipsa *folia* capitula parva, rotunda, longiusculis pedicellis donata, in quorum medio pili breves mollissimi flavescens conspicuntur. Nec florem, nec semen vidimus, & in altissimis Helvetiorum jugis legimus.

Ex imperfecta hac descriptione, quò referenda sit hæc Trifolii species colligere non possumus.

*Trifolium erectum annuum capitulis sublongis è calycibus magnis conflatis, Calabrense.*

*Cauliculi* huic semipedales, teretes, recti, rigidi, hirsuti, ramosi: *folia* parva, modicè lata, extremis subrotundis, argutissimis denticulis circumcirca crenata, in summis caulibus & ramulis *flores* in capitula sublonga congesti, è calyculis majusculis, in summo, ut moris est, quinquepartitis, segmentis singulis latoribus quàm in hujus generis plerisque, exeunt; quorum nec formam, nec colorem observare potuimus; jam enim, circa medium Junium, præterierant. Singuli calyces singulas occultant *siliquas* breves, latiusculas, bina intus semina subrotunda, compressa [in planta sicca] continentes.

Locus.

Hanc speciem in Regno Neapolitano ad maris littus collegi, cùm Messanâ Neapolin redirem.

C A P. IV.

De Meliloto.

**A** *Meliloto* & *Lote*, quasi Lotus mellea, vel à flavo colore florum, vel ab odore melleo quem siccata emittit; vel, ut vult, Jo. Bodæus à melleo sapore, qui in caule ejus & radice deprehenditur dum comeduntur: verùm hæc de Meliloto Ægyptiaca intelligendum.

Notæ hujus generis characteristicae sunt Flores penduli in spicis è foliorum alis egressis, siliquæ seu folliculi breves, scabri rugosive.

1. *Trifolium odoratum* Park. Ger. *Lotus hortensis odora* C. B. *Lotus sativa odorata, annua* J. B. Sweet Trefoil.

*Radix* ei gracilis, simplex, alba, lignosa, fibris aliquot donata. *Caulis* cubitalis & altior, rectus, gracilis, striatus & nonnihil angulosus, glaber, inanis, ab imo statim ramosus. *Folia* cauli alternant, adnascuntur in pediculis longis terna simul, pallidè viridia, glabra, circum oras serrata, inferiora in caule breviora, obtusiora & rotundiora, superiora longiora & acutiora, ut in aliis Trifoliis ferè fit. E foliorum superiorum alis longis pediculis nixæ egrediuntur *spica* seu globuli, *flosculis* papilionaceis dilutè coruleis, (quorum in odore pertinaci præcipua græcia) compositi. Singulis flosculis



culis singula succedunt *vascula*, duo aut tria intus *semina* continentia, fulva, odorata. Semine ad maturitatem perducto quotannis perit.

- A. 2. *Melilotus vulgaris* Park. Germanica Ger. emac. descript. *Officinarum Germaniae* C. B. *Trifolium odoratum* sive *Melilotus vulgaris flore luteo* J. B. Common Melilot.

Radice albâ, tenui, lentâ, fibrillis brevibus capillatâ, altè in terram descendente firmatur. *Caules* emittit plures [interdum unicum] cubitales, sesquicubitales & altiores, glabros, teretes, striatos tamen, infirmos, inanes parva intus cavitare, ramosos, *foliis* ad intervalla alternatim nascentibus vestitos, ternis in eodem pediculo tenui, fescunciali, oblongis, denticulatis & plerunque circumrosis, glabris, obscure virentibus. *Flores* in spicis longis ex alis foliorum exeuntibus, rarius siti, exigui, flavi, pediculis brevibus, tenuibus penduli, quibus succedunt *siliquæ* breves, pendulæ, rugosæ, per maturitatem nigra, *semina* singula aut bina flavicantia continentia, sapore leguminofo.

Junio & Julio mensibus floret, & ad sepes & in vepretis, interdum & inter segetes copiose *Tempus* exit. *Locus.*

Leniter resolvit, digerit, emollit, dolores sedat. Hinc emplastris & cataplasmatibus digerentibus ac *Vires.* resolventibus, necnon concoquentibus, tum & acopis omnibus utiliter admiscetur. Utuntur eâ vulgò *Officina* pro vera Veterum Meliloto.

Ad Pleuritidem mitigandam hunc solum prodesse experiemini, & Herbae Meliloti, Parietariz verè ana M. ij. Betonice M. j. mista & decocta in aq. sæpe pectori superponantur. *Simon Paullus.*

Emplastrum de Meliloto Mesue egregium est anodynum, discutiendo non flatus tantum, sed & frigidam crassamque materiam in tumoribus externis, necnon hepatis lienisque.

Cùm Dioscorides dixit Meliloton esse boni odoris, intelligendus est de exsiccata herba, quia nulum ferè odorem vires habet, sed quum aruerit fragrantissimum, quod neque Theophrasto prætermisum, lib. 6. de causis Plantar. Sertula (inquit) campana ficcata plenius olet. \* *Marantha.*

Trifolium caballinum Camer. & Italis dicitur, quia equi herbam hanc avidissimè in pabulum sequuntur. Apud nos etiam in Anglia subinde seritur pro equorum & jumentorum pabulo. *\* Method. cogn. simp. l. 2. c. 6.*

3. *Melilotus flore albo* Park. Germanica Ger. major candida Trag. White flower'd Melilot.

Præcedenti persimilis est, differt tamen *caulibus* crassioribus, firmioribus magisque lignosis, altioribus etiam & erectioribus; *foliis* minoribus vestitis, minùs odoratis: *floribus* candidis, minoribus, pluribus simul in spicis longioribus, succedentibus *capitulis* parvis, subrotundis, non ut in præcedente incurvis. *Radix* subest lenta, tenuis, albicans, quæ plerunque secundo à satione anno, postquam planta semen dederit, præsertim si copiosius fuerit, interit.

A præcedente reverà specie differt, quamvis plerique Botanici utraq; eodem titulo comprehendant, & hanc illius varietatem tantum accidentalem faciant, solo floris colore diversam.

In Germania, Italia & Gallia Narbonensi frequentem observavimus; in Anglia, quod sciam, non *Locus.* occurrit spontanea.

Dodonæus quinque Meliloti differentias recenset. 1. Flore luteo. 2. Flore candido. 3. Pere- *Quinque species.* grinam flore purpuro-ceruleo inodoro. 4. Flore luteo, longioribus siliquis. 5. Flore luteo foliis per circumferentiam non crenatis.

Tertiam & quintam species invenio in Catalogo Hort. Reg. Parisiensis.

4. *Melilotus magno semine* [rectius folliculo,] rotundo, rugoso J. B. *Mel. Italica folliculis rotundis* C. B. *Italica* Park. *Italica & Patavina* Ger. Italian Melilot.

J. B.

Duorum cubitorum altitudinem assequitur, radice simplici, rectâ, lignosâ, alba, gracili. *Caulis* angulosus, purpurascens, rigidus, lævis, arcto tubulo pervius, plurimis ramis brachiatus. *Folia* trigemina pediculis rubescentibus fescuncialibus & longioribus appensa, inferiora lata, cordata, per margines aequalia, superiora minora, angustiora, crenata, *Flores* melini, vulgaris Meliloti sed majores, in spicas longas ex alis foliorum egresas digesti. *Pericarpia* rotunda, Pisi minoris magnitudine rugosa, *semen* modò unum, modò duo continet. Radicibus quotannis emoritur & semine deciduo se renovat.

5. *Melilotus angustifolia repens, folliculis rotundis* C. B.

C. B. Prod.

*Radices* habet albam, oblongam, tenuem, capillaceam: à qua *cauliculi* plures semipalmares, rarius palmares, per terram sparsi prodeunt: circa quos *foliola* oblonga tribus petiolis pediculo infidentia, quæ lævia sunt & per margines crenata: ex quorum alis pediculi emergunt tenues, oblongi; quibus *flores* parvi, luteoli, octo, novem, decem, & quandoque plures, alternatim dispositi affiguntur. His totidem *folliculis* rugosi, singuli *semen* unicum continentia succedunt.

Montepessuli in arvis & ad pedem montis Lup.

*Locus.*

6. *Melilotus nova Berardi, seu erecta folliculis rotundis minor.* The lesser round-codded Melilot.

Præcedente [Italica] omnibus suis partibus minor est; *caulibus* cubitalibus & altioribus, erectis, rotundis, virentibus; nec enim caules, nec foliorum pediculi rubent, ut in præcedente. *Folia* multò quàm in Italica minora, minùs glauca, aliàs similia, inferiora nempe lata & cordata ferè, per margines

gines æqualia; superiora longa, angusta, circum oras crenata, supremis mucronibus obtusis & velut abscissis. Flores similiter melini, at minores, in spicis ex alis foliorum superiorum egressis, crebriores quàm in præcedente, quibus succedunt *Pericarpia* rotunda rugosa. *Radix* alba simplex quottannis emoritur.

Locus.

Provenit in montosis pratis Delphinatus Galliz.

- \* 7. *Melilotus lutea minor, floribus & siliculis majoribus, spicatum & raro dispositis, foliis angustioribus, maculis sub exortum notatis* Moris.

Moris.

*Caules* profert ejusdem altitudinis cum præcedente, sed magis ad rubedinem inclinantes: *Folia* quàm illius angustiora sunt, & sub exortum maculis subrubentibus afficiuntur. In summis ramulis proveniunt spicatum *flosculi* lutei, præcedentis majores, quorum singulos singulæ sequuntur *siliculæ*, majores & rarius dispositæ, spicatum pariter pendulæ, in quibus continentur *semina* duplo majora seminibus præcedentis.

Ex seminibus Chalepo transmissis Oxonii orta est.

- A. 8. *Melilotus minor* Trag. *Trifolium luteum minimum* Ger. emac. Park. *pratense luteum capitulo brevior* C. B. *prat. luteum mas flore minore, semine multo* J. B. *Small yellow Trefoil, or Melilot Trefoil.*

*Radice* nititur simplici, lignosa, altè in terram descendente, fibris aliquammultis tenuibus, quibus granula seu tubercula subinde appensa sunt, donata. *Cauliculos* fundit plurimos, humi procumbentes, pedales & longiores, striatos, brevi admodum lanugine hirsutos, ramosos, *foliis* ad intervalla vestitos in eodem pediculo ternis, obscure virentibus, obtusis, per margines crenatis, brevi & vix conspicua lanugine averfa præcipue parte obsitis. Ad imum folii pediculum ubi cauli apponitur appendices duæ in acutum terminatæ membranaceæ caulem amplectuntur. Quæ è radice exeunt & in imis caulibus sunt folia, minora sunt, longioribus pediculis, & plerunque cordata. Ex alis foliorum pediculi exeunt fescunciales, tenues, *spicas* sustinentes *flosculis* parvis, luteis aggestas, quos excipiunt *pericarpia* compressa, rugosa, per maturitatem nigra, *semina* continentia.

Locus.

In pascuis frequentissimum est.

- \* 9. *Melilotus vulgari nostrati affinis, folio minore & angustiore* J. B.

J. B.

Angulosos & prolixos *caules* profert, minores quàm vulgaris Meliloti, divisione pari: *folia* item tergemina & odorata, sed non parum tum longiora, tum angustiora, quàm nostratis vulgaris, per ambitum crenata: *flores* lutei, confimiliter spicati, sed singuli minores: *pericarpia* circularibus lineis rugosa, singula unicum *semen* continent. Adeo coactæ brevitatis reperitur interdum, ut palum non superet, *radice* prolixa & simplici.

Hujus figura quæ habetur apud J. Bauhinum rectè refert plantam quam D. Magnol pro Meliloto angustifolia repente folliculis rotundis C. B. habet, in saxosis la Colombiere propè Montspelim inventam: & fortasse una eademque planta est quæ C. Bauhino describitur sub titulo allato, & J. Bauhino sub titulo initio proposito. Descriptionem C. B. quinto in loco propositam vide & confer.

- \* 10. *Melilotus corniculis reflexis major* C. B. *Mel. Syriaca* Park. *Syriaca odora* Ger. *Trifolium Italicum* sive *Melilotus Italica corniculis recurvis* J. B.

J. B.

Præcelsum est hoc Meliloti genus, trium quatuorve cubitorum, & altius interdum, alis multis brachiatum, iisque crassis satis & firmis. *Folia* terna, ex brevibus pediculis, Meliloti vulgaris haud multum dissimilia, oblonga, serrata, glabra: è quorum sinu pediculi exeunt palmares, in cacumine comantibus onusti *floribus* Meliloti Syriacæ, luteis, odore fragranti & pertinaci: quos siliquæ sequuntur falcata, unciales, compressa, striata, gemino versu alato pendulæ.

In Syriaca siliqua videtur magis curva falcatave, in Italica minis, propter degenerationem, ut vult Lobelius.

Locus.

In Gargano Apuliz monte provenit, Matthiolo referente. Seminibus Syriacæ Patavii satis corniculis exiit minus falcatis, & ignaviore odore.

Melilotum alteram pusillam Londinensem Ad. Lob. C. Bauhinus huc refert.

- \* 11. *Melilotus Messanensis procumbens, folliculis rugosis sublongis, spicis florum brevioribus.*

Plantam hanc in lingua illa fretum Siculum & Portum Messanensem interjacente observavimus, loco humido. *Rami* in terram procumbebant: *flores* lutei in spicas breves congesti: *Siliquæ* sublongæ, sed breviores quàm Meliloti Syriacæ, circularibus lineis rugosæ, per maturitatem ex flavo albicantes; *semina* quam vulgaris Meliloti majora.

Locus.

In lingua portum Messanensem à Freto Siculo dirimente, loco humido collegimus.

- A. 12. *Trifolium Meliloti affine Ornithopodii siliquis, rectius ad Trifolia siliquosa refertur.*

E *radice* alba simplici multos emittit cauliculos in terram reclinatos; in humidior aut pinguiore solo palmares aut sesquipalmares, aliàs vix quadrantales, satis crassos pro plantulæ modulo, solidos & non concavos, ramosos. *Foliola* perexigua, è membrana appendice cauliculos amplectente exeunt,



eunt, pediculis prælongis circa margines velut spinulis dentata, obtusa aut extremis subrotunda. E foliorum sinibus exeunt pediculi semunciales aut breviores, tres plerunque *flosculos* pallidè purpureos sustinentes, (interdum binos vel etiam unicum,) quibus succedunt totidem *siliquæ* crassiusculæ, curvæ, recurvæ, seminibus majusculis arête stipatis ad octo aut decem farêtæ, per maturitatem pallescentibus.

In aggeribus ad mare arenosis, & alibi etiam in Mediterraneis occurrit.

Locum.

- \* 13. *Melilotus Egyptia Alchimelech vocata* J.B. *Melilotus Egyptiaca* Park. *Mel. corniculis reflexis minor.* C. B.

Alpin.

Supra terram expansa planta est, parva, modicè repens, ferè nihil aut parum in altum se attollens: *folia* trifolii filiquosi minoribus tamen, floribusque parvis, multis, longis, racemi modo ordinatis, croceis, odoratis, à quibus promanant *siliquæ* parvæ, obliquæ; *semen* continentes minutum; rotundum, subnigrum, declinans ad rubrum, odoris non omnino expers, sapore stiptico cum aliquo amarore.

- \* 14. *Melilotus Indica Orientalis* Park.

Park.

Semipedalem altitudinem vix superat, *caulibus* tenuibus, fuscis, *foliis* viridibus, in eodem pediculo ternis, parum aut non omnino dentatis obsitis, non ramosis; quorum fastigia occupant *flosculi* multi, perexigui, flavi; quibus succedunt *capitula* rotunda Meliloti Italici, *semen* parvum, nigricans, odore valido Meliloti, claudentia. *Flores* valdè remissum aut potius nullum Meliloti odorem exhalant. *Radix* tenuis, annua.

Plantam hanc cum nondum viderim, an sit vera & genuina Meliloti species me nescire fateor; ex descriptione Parkinsoni nihil certi concludi potest. Capitulis & flosculis cum Melilotis convenit, sed non eorum situ in summis caulibus.

Parkinsonus se semina hujus sub titulo superius posito inter alia rariora ex Italia accepisse scribit.

Hanc eandem esse, puto Meliloto minimæ rectæ luteæ, siliquis crassis curtis in capitulum congestis semine Fœnugræci *Morifolii*, cujus idcirco descriptionem subiciemus.

*Melilotus minima recta lutea, siliquis crassis curtis in capitulum congestis, semine Fœnugræci Morif.*

Morif.

Reliquas Melilotos parvas, procumbentes excedit magnitudine & latitudine foliorum, quibus proximè accedit Meliloto luteæ Italicæ folliculis rotundis rugosis. Vix pedalem attingit altitudinem. In cymis caulium *flosculos* profert plurimos, satis raros, luteos; quibus succedunt *siliquæ* parvæ curvæ, crassiores prædictarum omnium Melilotorum siliquis; in quarum singulis continentur *semina* bina, ternave, satis magna, ab angulo ad angulum Fœnugræci modo cavata.

- \* 15. *Melilotus Syriaca seu Chalepensis, major, coronata, siliquis curvis binucialibus* Morif.

Morif.

*Caules* producit pedales, rectos; in quorum cymis proveniunt *flores* lutei, capituli in modum digesti, ejusdem cum cæteris magnitudinis: quorum singulis deciduis succedunt *siliquæ* singulæ, usque ad numerum denarium, compactè junctæ, communi petiolo propendentes, curvæ, binas uncias longæ: in singulis continentur plurima *semina* recentia flavescentia, quæ tandem subrufa evadunt.

E semine à D. Huntington Chalepo Syriæ emporio transmissio Oxonii in Horto Botanico Academ. Locum enata est.

16. *Trifolium Americanum* C. B. J. B. Park. *Americanum* Ger.

Trifolio bituminoso simile, *caules* fert à radice complures, rotundos, ramosos, in latus declinantes: *folia* colore in virore subnigra, figurâ rotundiuscula, primis & è radicibus exeuntibus bituminosi Trifolii formâ, colore & odore quoque quadantenus similia, latiora tamen & per ambitum magis crenata. *Flores* in summo ramulorum exeunt exigui, subcandidi, spicatum digesti. *Frustrum* inde rotundi, aliquantulum plani, Aphaces à nobis (inquit Dodonæus) descriptæ semini fere similes. *Radix* in plures dividitur.

Melilotis annumeravimus quia *flores* in spicis è foliorum alis egressis pinguntur.

17. *Melilotus vesicaria* Cretica hort. Altdorf.

Hujus ramulum habemus ex horto Altdorfino. Perfimilis videtur Meliloto Italicæ, verum major, vasculis seu filiculis vesicæ instar inflatis, majoribus, pendulis.

## CAP. V.

## De Trifolii floribus magis filiquosis, filiquis angustioribus &amp; productioribus, &amp; primo

## De Fæno Græco dicto.

**F**OENUGRÆCUM, ita enim in Columella & Plinii codicibus scribitur, Græcis *φῆνο*, à Veteribus pro jumentorum pabulo sibi solitum est. *Nota*: ejus sunt filiquæ productiores, incurvæ, compressæ, seminibus angulosis, lineâ ab angulo ad angulum depressâ sulcatis, repletæ.

1. *Fænum Græcum* Ger. *Fænugræcum* J. B. *Fænum Græcum sativum* C. B. Park. *Fænugræcum* Dod. J. B.

*Caulem* emittit singularem, tenuem, virentem, intus concavum, in alas ramósque divisum, [seminibus non excedentem *Cæs.*] *Folia* pratensi Trifolio similia, rotundiora tamen ac minora, [majuscula, crenata, modò oblonga, modò latiora quàm longiora J. B.] quæ superiore parte virent, inferiore verò parte ad cineritum inclinant. *Flores* ex foliorum alis exeunt, *Lupinorum* pares, aut potius minores, subcandidi: *Siliquas* longas palmares & sesquipalmares proferit, brevissimis pediculis hærentes, falcatas, graciles, angustas, compressas, mucrone tenui, longo, inani, in quibus *semine* non magna, formâ oblongâ, terè quadrata, flavescentia, odoratâ [cum gravitate nonnullâ] cavitare quâdam singulis obliquè impressâ. *Radice* nititur tenui, candida, simplici, lignosa.

Multis in locis feritur, ubi sponte oriatur proditum non invenio.

Vires.

*Farina* seminis (quod solum in usu est) emollit, digerit, maturat, discutit, paregoricum est, usque adeò famosi, ut cataplasma dictarum intentionum Chirurgis vix usitatum sit, quin Fœnugræcum vel hujus mucilaginem recipiat. Crebrius usûs est in clysteribus emollientibus; mucilaginosâ quippe suâ substantiâ obtundit acrimoniam, intestinæque erosâ oblini: insuper conducit ejus mucilag. ad oculorum sugillationes discutendas imposita. *Sebrod.*

Decoctum, secundum Veteres, quos consule, feminarum malis plurimis subvenit.

Ad Ischiadem; R. Fœnugræci in melicratò cocti usque ad dissolutionem q. v. quod deinde contundatur & cum melle iterum coquantur, extensumque super pannum applicetur: confestim juvat & ad podagram, & ad omnem dolorem articulare inquit Bayrinus. Hanc observationem inter alias multas à se ex variis Autoribus collectas ad me transmisit Eruditissimus & amicissimus Vir D. Edv. Hufsius, M.D. Londinensis.

Certissimum est Fœnugræcum optimum esse ophthalmicum, & notavi in quodam puero, qui post purgationem syrup. foliorum Senæ cum tantillo radicis Mechoacanæ sequenti remedio spatio tridui omnino discussam esse sugillationem adnatæ oculi tunicæ, quàm violentior Epilepsia insultus invexerat. R. pulp. pomorum dulcium ad consistent. pultis in f. q. aq. Fœniculi & Verbenæ coctæ t̄b̄. agita per seraceum novum. Deinde add. mucilag. Fœnugræc. aq. ros. extract. ʒj. Lapidis hæmatis exquisitè triti ʒj. Camphoræ, Tutie præparatæ ʒj. Boli Armeniacæ parum, Aq. rosæ. q. f. F. epithema pro oculis. *Ex ejusdem* notis è Sim. Paulli Quadrip. Botan. excerptis.

Tumoris mammarum frigidis applicetur farina Fœnugræci cum succo Apii mixta. D. Barnb. *Sæpe* ex Observationibus Marcelli Cumani è Velschio editis. Obs. 44.

2. *Fænugræcum sylvestre Dalechampii* J. B. *sylvestre* C. B. Park. Ger. emac.

J. B.

Minus est sativo, caule tamen dodrantali interdum. *Folia* gerit terna, & inter hæc flores per totum caulem corniculatos: *Siliquas* multò breviores, fuscunciales, recurvo vacuòque & tenui mucrone donatas, quàm in sativo tamen latiores; *semen* quidem continentes minus: *Radice* longam, lignosam, furculosam.

Locus & Tempus.

Montepelio attulit Cherlerus collectum in via Frontignana versus Balleruch, florens Maio & Junio, Julio filiquas ferens. Copiosè etiam oritur ad levam Ladi amnis ultra pontem *Cassri novi* in colle dicto *Ferrand. Botan. Monsp.*

3. *Fænum Græcum sylvestre alterum polyceration* J. B. *Fænum Græcum aliud sylvestre* Park. *Fæn. Græc. sylvestre alterum* Dod.

Lob.

*Folia* Fœnugræci æmula, nonnihil etiam ambitu ferrata. *Flores* exiles Scorpioidis leguminosæ Narbonicæ: agro calidiore, iidem natalitiis quibus Scorpioides gaudet. *Siliquæ* succedunt oblongæ, graciles, minùs aduricæ, quaternæ aut quinquæ, *semen* parvum claudentes.

Hortis hic duntaxat quibuldam reperitur, Hispaniâ delato semine. *Hedysarum* minimum *Lugd.* C. Bauhinus hujus synonymum facit, J. Bauhinus sequentis, ut & Fœnum Græcum sylv. alterum *Dod.* sed dubitanter: unde verisimile est has non differre specie. Certe Montepelienfes plantam sequentem nobis ostenderunt pro Fœno Græco sylvestri.

Quod si ita sit, icon *Lob.* & *Dod.* minùs proba est, neque descriptio exacta. Breynius *Hedysarum* minimum *Lugd.* à Fœno Græco sylvestri altero *Dod.* specie diversum esse concludit: Nobis nondum constat: maneant tamen interim, si videtur, separatæ.



4. *Securidacæ* genus *triphylon* J. B. *Hedysarum minimum* Lugd. An *Fanum gracium sylvestre* alterum Dod? *Fan. græc. sylv. Herbariorum* Lob?

J. B.

Pedales habet, graciles, sed robustos caules, foliis donatos ternis simul junctis, per extrema brevioribus, crenatis: quibus veluti ad caulium articulos, mediocribus intervallis distantes filiquæ falcatae verticillatim apponuntur, Meliloti Italicæ filiquis pares, denæ aut diodeneæ caulem coronantes, semuntia longiores, graciles, striatæ.

In collibus propè *Castelnov* cis *Ladum* *Monspeliacum* annem.

Locum.

5. *Fanum Gracium sylvestre polyceration majus Creticum* Breynii.

E radice alba, oblonga, in multas fibras divaricata caulem sesquipedalis aliquando longitudinis emittit, qui statim propè radicem in plures ramos virescentes, ac terræ plerumque incumbentes dividitur; à quibus alii minores exeunt ramuli, qui ut ceteri foliis vestiuntur numerosis, *Foenugræci* sylv. polyceratii *Monspeliaci* paribus, nisi aliquanto majora, cordata, venis eminentioribus prædita, ac per extremum minus crenata essent. E foliorum alis flosculi luteoli, plerumque terni vel bini tantum, *Monspeliaci* multò majores, longioribusque pedicellis innixi emergunt: hi in filiquas dependentes, falcatas & admodum venolas, triplo *Monspeliaci* majores. Semina lutea, itidem grandiora, Galegæ non malè convenientia continentur, abeunt.

In *Creta* sponte provenit.

Locum.

## C A P. VI.

*Reliqua Trifolia filiquosa miscellanea continens.*

1. *Tripholium Asphalium Canadense* Cornuti.

Corn.

**F**rutex hic ad cubiti altitudinem in *America* Septentrionali attollitur: *Virgam* habet tenuem junctam, atro-purpuream, quæ statim ab infima parte squamulis, h. e. ramulares propagines emittit; Summitate in plures diducitur, à quibus folia Loto arbori familia prodeunt, acutiora tamen & angustiora, qualia *Aspurgæ* *Dioscorides* nominare consuevit, leviter etiam hirsuta sunt, ac velut oleosa pinguedine obrita, ex uno longiori pediculo nascuntur. Hæc defracta aut ex attritu non olent, verum cum levius attrectantur, oleosus hic humor digitis apprimitur, molestus gravitate odoris, qui quidem odor in novella planta Rutz est, in adultiore hirci aut bituminis. Cujusque rami extremum flos occupat purpureus, ut in *Scrophularia* tribus exertis foliolis constans, & uno semper intus reflexo, quod postremum superant tenuia filamenta tria, albo apice donata. Floris foliola intus alba sunt, licet à tergo sint purpurea. Flori succedunt filiquæ digitum longæ, æquæ quàm folia hirsutæ, oleosæ, virides, extremo purpureæ, in quibus alveolis discreta conduntur semina, lata, oblonga ut *Cytisi*, medio sinu excavata, ut *Faba purgatrix*, aut renes *Animantium*, quo fit ut intortum veluti corniculum efforment. Radix longa fibrosa, insigni fervore prædita est, ac ferè pari acrimonia linguam mordicat quàm *Anemone*.

Annua est, & nonnisi satù perennat.

2. *Mungo sive Phaseolus orbicaulis* Col. Annot. in res medicas: *Novæ Hisp. Fructus niger* *Coriandro similis* C. B. *Mungo* *Garcie* Park.

Col.

*Mungo* apud *Indos Orientales*, à *Persis* ac etiam à *Turcis* dicitur *Musc*; quod ab *Hispanis* diceretur *Max*. Planta est tripedalis, hirsuta tota, foliis Phaseoli nostratis effigie & magnitudine, albicante hirsutie obritis, caule erecto non procumbente, angulis quinque distincto, singulisque geniculis auriculatis ut in Phaseolo, nunc in dextram, nunc in sinistram inflexo, alternatim longis petiolis hærentibus, & ad cacumen usque semper decrefcentibus. In summo ex foliorum alis breves producuntur petioli Septembri mense; in quibus flores parvi, ex viridi lutescente colore languido, Phaseolo similes, ex quibus filiquæ hirsutæ, triunciales, in rostrum incurvum desinentes, per maturitatem rufescentes, in quibus dena semina distincta continentur, primum virentia, oblonga, teretia, ut in Phaseolis latere hærentia, in quibus est linea alba, sed non incurva; & perfecta nigrescentia, exiguis Castaneis maculis variegata.

Apud *Orientales* cibo frequens est elixum semen & butyro conditum, uti alia legumina, è quibus *Ufa* hoc in deliciis habetur, & suavius ac jucundius aliis videtur.

Sato semine post aliquot dies germen extra terram exurgit, turgidum capite bifido, ferè ex petiolo purpuro-rubente. Postea hians emittit parumper foliola in summo seminis corticem deferentia; tertio magis emissa foliola conjuncta ostenduntur, adhuc seminis corticem habentia: quarto expansa foliola ex germinis medio erupta: deinde caulem emittit, & in singulis geniculis terna foliola, plantaque perficitur.

*Garcias* semen *Mungo* viride per maturitatem nigrum fieri tradit, *Coriandri* sicci magnitudine; equorum pabulum esse, interdum etiam ab hominibus edi. Nihil habet quo quis legumen esse suspicari possit.

*Guzarate* & *Decan* incolæ, eodem *Garcia* referente, in febribus hoc modo utuntur. Febricitans cibo abstinere per decem, nonnunquam per quindecim dies, post quos hujus fructus decoctum illi propinatur,

propinatur, in quo nonnihil pulpæ remanserit; deinde cortice delibratum *Mungo*, & instar Orizæ coctum febricitanti exhibent: panem verò Triticum nonnisi post multos dies.

Quæ Avicenna de hac, ut creditur planta, sub nomine *Meisce* sive *Mex* habet. Vide apud ipsum Lib. 2. tract. 2. p. 499.

Columna autem nec ubi vidit, nec unde aut à quo habuit hanc quam describit plantam nobis retulit.

Hæc planta tota facie Phaseolum refert, in eo tantum differt, quod non scandat, sed epigatur & per se subsistat: Rectius ergo ad Phaseolos refertur, quamvis nostra Methodus id non patitur.

3. *Trifolium Alpinum Rbaticum Astragaloides* J. B. *angustifolium Alpinum* Park. Ger. emac. *Alpinum flore magno, radice dulci* C. B. *Liquorice or Sweet-rooted Trefoil.*

Non ita obvium alibi quam summis montium jugis hoc Trifolium, cui *radix* crassa, longa, in plura capita aliquando divisa, terram versus comosa, substantiâ albâ, dulci: ex qua pediculi germinant longiusculi, ima parte vaginam imitati. *Folia* tria, oblonga, uncialia aut sextantalia, angusta, acuminata, glabra, obliquis veniulis intertexta. Inter hæc surgunt *cauliculi* nudi, enodes, vix foliorum cacumen attingentes: quorum fastigio insident glomerati *flores*, magni, rari, purpurei. *Semen* Cracæ minoris, compressum in *siliquis* semuncialibus, foliaceâ vagina textis.

Locu.

In Rhætia in monte prope Burmium invenit J. Bauhinus, mense Junio florens.

Pona radici saporem subamarum attribuit, uterque Bauhinus dulcem, unde & plantam ipsam *Glycyrrhizæ* *Astragaloidem* quibusdam dictam refert C. Bauhinus, sibi que ex Hispania *Glycyrrhizæ* *Hispanicæ* nomine missam ait. Fortè variat radicis sapore pro loco natali, non enim tot curiosos gustatores in radicis sapore falsos fuisse facile crediderim.

In *Horto Dei* dicto apud Monspelienfes multò majus invenitur C. B. unde delatum nobis Monspelii ostensum est.

\* 4. *Trifolium Glycyrrhizites* Park. *Trif. dulce montanum Monspelienfibus.*

*Radix* nititur crassâ, longâ, profundè in terram descendente & variè diffusâ, *Glycyrrhizæ* perfimili; è cujus capite emergunt *ramuli* aliquot, *foliis* frequentibus vestiti, ab eodem exortu ternis, oblongis & angustis, circa margines æqualibus, pediculis brevibus nixis: pediculi inde seu furculi exeunt breves, *flores* in spicas congestos sustinentes purpureos, Trifolii pratensis æmulos.

An & quomodo à præcedente differat considerandum: Lobelius diversum affirmat. Idem est proculdubio ei cujus meminit C. Bauhinus sub priore quod in *Horto Dei* apud Monspelienfes multò majus inveniri ait: nam & hoc ibidem loci oritur, referente Parkinsono.

\* 5. *Trifolium peltatum Creticum* C. B. J. B. *odoratum, peltatum Creticum* Park.

C. B. prod.

Ex *radice* tenui, oblongâ, fibrosâ *cauliculi* exurgunt palmo minores, glabri, penè nudi, *foliis* parvis, parum crenatis, oblongis pediculis donatis vestiti. *Cauliculorum* summis *flosculi* quaterni quinque, ordine succedentes, formâ *Ornithopodii*, luteo-pallidi insident: quibus *siliquæ* luteæ, planæ, membranæ, quasi semicirculares, in filamentum abeuntes, *semen* unum vel alterum parvum, compressum continentes, succedunt: quæ dum molles sunt dulcissimæ, esui aptæ, at ubi induruerint amarissimæ.

Hoc rusticis in Creta *Maurelas* dici Honor. Belli auctor est, qui Trifolii Cretici odorati nomine misit.

Trifolii quoddam genus observavi in agro Neapolitano annuum, erectum capitulis è glutinis acerosi conflatis. Florem non vidi quia tum circa finem Junii jam defloruerat.

6. *Scorpioides Matthioli* Ger. *Scorpioides Matthioli sive Portulacæ folio* Park. *Telephium Scorpioides* J. B. *Telephium Dioscoridis seu Scorpioides ob siliquarum similitudinem* C. B. Item *Scorpioides Portulacæ folio ejusdem ex sententia Parkinsoni & nostra.*

J. B.

Ex gracili *radice* aliquot emittit *ramulos*, palmares & sesquipalmares, ténues, teretes. *Folia* rara, brevi pediculo annexa, *Portulacæ* minùs succulenta, lævia, indivisa, [candicantia *Cas.*] quibus subsunt bina, exigua, circinata, Colutæ *Scorpioidis* formâ & magnitudine. In summis ramulis *flosculi* exigui, Lentis floribus minores, perfimili tamen formâ, colore luteo: quibus *siliquæ* succedunt, *Scorpionum* caudas imitatz, crebris internodiis interceptæ intortæque, graciles, prælongæ.

Locus & Tempus.

Circa Liburnum, Messanâ, Monspelium abundè oritur, Aprili, Maio & Junio florens, brevique *siliquas* & *semina* perficiens.

Rectius fortè inter Legumina *siliquis* articulatis collocaretur.

7. *Trifolium siliquis Ornithopodii nostras*: vide inter *Melilotas*; rectius tamen hæc refertur, ob flores sparsos & *siliquas* longas, quibus à *Melilotis* differt.



## CAP. VII.

De Trifoliis filiquis brevioribus seminibus deliquium passis, seu De Anonide.

- A. 1. *Anonis spinosa flore purpureo* C. B. Park. *An. sive Resta bovis* Ger. *An sive Resta bovis vulgaris, purpurea & alba spinosa* J. B. *Rest-harrow, Cammock, Pettey-whin.*

J. B.

**L**ongè latèque *radices* spargit albidas, fractu contumaces: *ramis* verò lignosis, simplicibus & frequentibus fruticat, cubitum unum aut alterum longis, tenuibus, rotundis, hirsutis, rubescentibus, lentis, spinis longis & rigidis armatis, interdum verò nullis priusquam decidunt folia. *Folia* spinis ferè proximo ortu, incondita, sublonga, Ciceris singularibus foliis similima, nigricantia, hirsuta, in ambitu crenata, sapore leguminoso, tactu glutinosa, odorataque [imò fœtida.] *Flores* Colutæ sed colore purpurascente vel carneo, rariùs albo. *Siliquæ* parvæ rotundum *semen* continent, *Viciæ* formâ & sapore.

*Anonis spinosa lutea major* C. B. *Spinosa montana lutea major* Park. foliis paulo majoribus & longioribus, floribus luteis, ejus quæ spinis caret similibus à descripta differt.

Aliam adhuc speciem seu varietatem proponit Parkinsonus, quam spinosam luteam minorem vocat, quæ non alia in re quàm brevitate & parvitate sua à præcedente differt.

In pascuis sterilioribus passim.

Locus.

Cortex radices, ut & radix ipsa, urinam ciet, calculos renum & vesicæ atterit, carnosam ramicem absumit, dentium dolores mulcet, hepatis infarctus liberat, vel in pulverem redactus, & vino albo tenui infusus, vel in posca decoctus, & aliquandiu bibitus. *Vires.*

Hujus radici, aut potius radices cortici (inquit Sim. Paulus) vix suppar remedium reperitur, quod cum eo componi queat, tam in vesicæ quàm renum calculo. Matthiolus in Dioscor. notat, se novisse quandam, qui radices hujusce pulvere duntaxat pluribus mensibus sumpto carnosum ramicem absumpsit, licet à medicis nullo alio modo quàm sectione ustionève curari posse statutum esset.

Hæmorrhoidibus cæcis mariscisve discutiendis infusum aliquandiu bibitum prodest.

Antequam spinas protrudit conditur cum sale pro cibario. Schrod.

- A. 2. *Anonis non spinosa purpurea* Ger. *non spinosa flore purpureo* Park. J. B. *Spinis carens purpurea* C. B. *Purple Rest-harrow without prickles.*

Clus.

Multos annuatim ex radice dura lignosa & perenni fert cubitales, nonnunquam longiores *surgulos*, rotundos, lentos, firmos tamen, ramosos, molli lanugine obductos: multa *folia* alternatim caulera latâ basi amplectentia, plerunque terna ex eodem pediculo prodeuntia, interdum singularia, molliora & ampliora quàm vulgaris: summæ virgæ & rami desinunt in oblongam spicam *florum* vulgari quidem similibus sed coloris magis sanguinei. Fert deinde *siliquas* vulgari perfrimiles, & ipsum etiam *semen*. Tota planta lento quodam humore & hircinum virus olente obsita est, Fraxinellæ ferè odoris instar: nullo autem aculeorum vallo munita est.

Silesiaca prata hoc genus alunt.

Locus.

Descriptio Clusii in omnibus ferè convenit *Anonidi nostræ vulgari non spinosæ purpureæ*, non tamen icon. *Anonis* enim non spinosæ nostras spinosæ alioqui similis est; cujusmodi D. Agerium sibi dedisse refert J. Bauhinus, in Slavonia collectam.

In pascuis sterilioribus & agrorum marginibus passim provenit nostras, quam Clusianæ eandem esse vel hircinus odor, quem in ea observavi, mihi persuadet. *Locus.*

3. *Anonis non spinosa repens* Morisoni.

Moris.

Hæc primo statim intuitu ab Anonide vulgari spinosa discernitur, primò quòd non donetur spinis; secundò, quòd radice longè latèque repente prædita sit.

Hanc autor in multis Galliæ & Angliæ locis, præcipuè circa Oxonium provenire scribit, & æstate florere. Si à præcedente specie diversa mihi incognita est.

4. *Anonis non spinosa purpurea supina minima.*

Hanc in sterilioribus Calabriæ juxta mare observavimus. Fortè *Anonis* æstiva minor floribus rubris Boelii Park.

5. *Anonis purpurea spicata erecta, annua latifolia, siliquis rectis lentiformibus* Moris.

Moris.

*Caulis* huic sunt bipedales, nonnunquam in solo latiore tripedales, erecti, nullis spinis donati, quibus adhærent pediculis satis longis tergemina *folia*, satis ampla, bis tervè *Anonidis* vulgaris spinosæ foliis longiora (præcipuè inferiora) serrata, non viscosa. In caulium summis fastigiis spicatim proveniunt *stipules* plurimi, minores, purpurei, papilionacei: quibus fatiscientibus succedunt *siliculae* lentiformes, bivalves, erectæ, curvæ, & suis calycibus immerisæ quasi, & vix extra eosdem conspiciuntur, vulgaris *Anonidis* ritu, sed densius multo in spicam compelluntur; *semina* minuta reniformia, seu deliquium in medio patientia continentes.

6. *Anonis*

- \* 6. *Anonis purpurea procumbens verna seu præcox fruticosa annua, viscosa, siliquis crassioribus lentiformibus, rarius dispositis* Morisoni.

Morisoni.

*Caules* protrudit pedales & longiores, ligneos, duros; ad quorum singula genicula oriuntur *folia* tergemina, rotunda, valde crenata; atque pediculis curtis, ex geniculis ortis innituntur flosculi papilionacei, dilute rubri: quorum singulis succedunt siliquæ singulæ, bivalves, continentes *semina* satis magna pro proportionem plantæ.

Junio & Julio florentem observavit descriptionis autor: Verum nec hujus, nec præcedentis locum natalem novit.

- \* 7. *Anonis lutea sylvestris minima* Col. *Anonis spinosa lutea minor* C. B. *montana spinosa lutea minor* Park.

Col.

Pusilla hæc satis est, nec semipedem superat caulis altitudine; è *radice* dodrantali, tenui, nuda, nigra. Ex illa plures fruticant tenues *cauliculi*, veluti squamosi auricularum cartilaginibus existis: è quibus *folia* exigua, vulgaris Ononidis modo terna, & per ambitum dentata exeunt: inter quorum & cauliculorum sinus quinquepartiti oriuntur singuli *calyces*, respectu plantæ magni, rigentibus foliolis, angustis, oblongis, aculeatis constructi; in quibus post *flores* luteos, exiguos ut à calyce occcludantur, *siliquæ* suboriuntur rotundæ, breves admodum, *semina* renum effigie incurva, exigua, Phaeoli familia continentes.

Locus.

Augusto floret in Æquicolorum incultis, depreffis aridis locis, à Villa Mercato via ad molendinum. Querit D. Magnol, annon hæc sit Anonis pusilla glabra fruticans Trifoliis affinis J. Bauhino?

8. *Anonis lutea, parva, procumbens, maritima. Anonis maritima mitis folio lucido serrato* Bocconi fortè.

*Radice* alitur albâ, longâ, simplici, raris fibris capillatâ [in nonnullis fibræ plures sunt & majores] *Cauliculi* indè exorti plures, teretes, villosi, nonnihil rubentes, humi procumbunt. *Folia* parva, tripartitè divisa, pediculis nullis: (verum inferiora duo foliola caulem amplectuntur ut in Lotus fit, ac proindè hæc planta eodem modo trifolia est quo Lotus quinquefolia) saturè viridia, splendentia, in margine eleganter dentata, alternatim posita. *Flores* lutei Anonidis. *Siliquæ* breves, tumidæ, teretiusculæ, duobus intus seminum reniformium ordinibus. Annua est planta, mitis nec aculeis prædita.

Locus.

In arenosis maris litoribus in Sicilia frequentissima est, Catanæ, ad Promontorium Pachynum, Punto Cerciolo, &c. Addit Bocconius, Saccæ Agrigenti & alibi passim. In Maremma Heturiz etiam nota est.

Ni trifolia esset, ad genus Leguminum siliquis geminatis referri deberet. Planta est singularis & sui generis.

9. *Anonis viscosa spinis carens lutea major* C. B. *lutea non spinosa, Dalechampia Natrix* J. B. *Natrix Plinii sive Anonis non spinosa lutea major* Park. *Anonis sive Spina lutea* Ger. *Wetlow Gieß-harrow*.

*Caules* ex eadem radice plures exurgunt, rotundi, pedales atque etiam cubitales, in multos ramos divisi, spinarum expertes. *Folia* Anonidis vulgaris, hirsuta, pallidè viridia, alternatim posita, per extremum crenata seu potius dentata. *Flores* Genistæ vulgaris, lutei, pediculis oblongis insidentibus, qui ultra florem nonnihil procurrunt: nam petiolus ille è quo flos immediatè dependet, ex hoc modò dicto pediculo longo erectoque exoritur. His succedunt *siliquæ* longiores striatiorisque quàm in vulgari Anonide, [unciales J. B.] teretes, hirsutæ, *semen* continentes pullo colore, Cam. Herba tota hirsuta est & ad tactum glutinosa seu pinguis, graviter odorata, ut reliquæ congeneres.

Locus.

Primò hanc observavimus in arenosis insulæ exiguæ à Promontorio Siciliæ Pachyno dicto, nunc Capo Passaro, vi maris nuper abruptæ: deinde ad fluvium Arve propè Genevam; tandem circa Monspelium copiosè.

Planta quam in Sicilia observavimus major & elatior videtur ea quæ circa Genevam & Monspelium oritur, foliis etiam majoribus, floribus, quantum ex sicca discernere licet minimè striatis.

- \* 10. *Anonis non spinosa flore luteo variegato* C. B. *non spinosa lutea variegata* Park.

A descripta differt floris colore, qui luteus sed pallidior est, & lineis subrubris variegatus.

11. *Anonis pusilla, glabra, fruticans, Trifoliis affinis* Cherleri, J. B. *An Ononis sylvestris lutea minima* Col? *superius posita.*

J. B.

Lignosis palmaribus & brevioribus fruticat *surgulis*, subrubentibus, tenuibus, glabris: quos *folia* stipant crebra, tergemina, glabra, viridantia, circumcirca crenata, oblonga, Medicæ nostratis foliis quadantenus similia: ex quorum sinu prodeunt per totos ramos *flores* majusculi, conformatione leguminosorum, lutei, calyce in quinque segmenta flore longiora, acuta, ex rubro nigricantia diviso. Succedunt *siliquæ* turgidæ, nigricantes glabræ, Craccæ minimæ minores, *semina* quatuor aut quinque sinuata continentes.

Locus.

In collibus sterilioribus Narbonensis Galliar, inter Illices, Thymos aliisque frutices multa:

\* 12. *Anonis*



\* 12. *Anonis non spinosa floribus luteis Brasiliens Marggravii.*

Multi caules, teretes, lenti, pilosi, ex una radice enascuntur, longi, partim humi procumbentes, partim surrecti, ad tactum quasi pinguiusculi seu glutinosi: è quibus hinc indè alternatim, & quasi se amplecterentur in exortu, prodeunt ramuli, quos eodem modo hinc indè petioli breves complectuntur, atque quilibet tria foliola, quidam etiam tantum unum continentes; suntque foliola oblonga, angusta, nervo secundum longitudinem & venulis obliquis infernè prædita, & leviter pilosa. Flosculos ex sinu prodeuntes fert luteolos Ononidis modo.

\* 13. *Trifolii affinis Anonis minima hirsuta Cherleri J. B. An Anonis viscosa spinis carens lutea minor vel An. viscosa minor flore pendulo C. B?*

J. B.

Pari cum lutea minima glabra assurgit altitudine, lignosa duraque & albicante demissa radice, in multos ramulos hirsutos, rubentes, vel incanos fissa: folia terna, angustiora, longiora, per extremum duntaxat crenata, alioqui cæsura ignara, hirsuta: calyces per ramos crebri, magni, pilosi admodum, in quinque longas aristas definentes, pediculo contorto, deorsum terram spectantes, cancellis suis florem complexi parvum, cætera albidum, rostellum ferrugineo. Tota est tactu viscida.

In rupetis Monspeliacis & Nemaufinis utcumque obviam animadvertit & legit Cherlerus. In asperis versus Miravallum circa rupes quæ antro imminet, & supra Boutonnetum versus Monferrier. Botan. Monsp.

*Anonis viscosa minor flore pendulo C. B.*

Quam Morisonus præcedenti synonymam & eandem facit, in Prodr. sic describitur,

Plantula est semipalmaris, totaque hirsuta: radicula alba oblonga, tenui, parum fibrosa; à qua cauliculi plures, duarum triumve unciarum, exurgunt, iisque tenues, rotundi, foliolis parvis, plerumque ternis ex uno pediculo prodeuntibus, forma & situ vulgaris Anonidis similibus, viscosis, flores parvi sunt, lutei, propendentes, quibus minutum semen in exigua siliqua succedit, & nullis spinis donatur. Ex Gallia Narbonensi habuit.

\* 14. *Anonis lutea annua recta hirsuta, viscosa, siliquis hirsutis brevioribus Morif. An Anon. viscosa spinis carens, lutea, latifolia annua Botan. Monsp?*

Morif.

Ad pedalem altitudinem ascendit, caulibus rectis, ad quorum singula genicula alternatim appensa conspiciuntur folia longiora, trifoliata, viscosa simul & hirsuta, crenata: [latiora & majora quam in Natrice]: atque in cymis caulium proveniunt flosculi papilionacei, lutei, minores, è longis pediculis propendentes; ex quorum summitatibus prostant filamenta rigida, uncialia. Floribus singulis evanescentibus singula succedunt siliquæ bivalves, hirsutæ, viscosæ, semina in se continentes reniformia reliquarum Anonidum more.

*Anonis viscosa spinis carens lutea latifolia annua Botan. Monsp.*

Magnol.

Caulis habet elegans ista Anonidis species pedalem & sesquipedalem, in plurimos ramos divisum, villosum: folia terna ex eodem pediculo prope ramum foliaceo prodeuntia, villosa, latiora & majora quam in Natrice Plinii. In summitate ramulorum spicæ velut florum oriuntur, qui lutei sunt, calycibus foliorum viridum villosorum circumdati. Siliquæ parvæ, latæ, leviter pilosæ unum, duo, & aliquando tria semina rotunda, subnigra continentes: radix pro plantæ magnitudine satis crassa, sed quæ singulis annis perit. Tota planta viscosa est.

Copiosè reperitur parum ultra antrum Frontignanense sub ilicibus, juxta viam, Angusto & Septembri mensibus cum flore. Locus & Tempus.

\* 15. *Anonis lutea annua siliquâ glabrâ brevior Morif.*

Morif.

Caules emittit pedales & altiores, quorum geniculis singulis adherent longis pediculis terna folia viscosa, longa, crenata: in caulium cymis longis etiam pediculis propendent flores lutei, satis magni pro proportionem plantæ, rarè seu singulatim petiolis insistentibus: quibus deciduis succedunt siliquæ curvæ, glabræ, propendentes ex calycibus quinquefariam divisas. Anonidis vulgaris siliquis crassiores multo, in quarum singulis bina ternave continentur semina.

Hujus semina ex Syria habuit, communicata à D. Huntingtoni.

\* 16. *Anonis latifolia Cicer sylvestre trifolium J. B. dicta. Cicer sylv. latifolium triphyllum C. B. Cicer sylv. triphyllum Park. syl. latifolium Ger.*

J. B.

Digitalem demittit radicem, singularem aliquando, aliàs in paucas fibras divisam, lignosam, drantalem, quæ terram versùs in plura capita squammata dividi incipiens, ex singulis unum vel plures tollit caules cubitales & in ramos aliquando subdivisos, lignescentes, hirsutos: Pediculis autem longis tria hærent conjunctim folia, majora quam sativi Ciceris, rotunda, hirsuta, circumquaque serrata: flores Ciceris, mediocriter magni, quos siliquæ excipiunt, binæ ferè, ex unico longo pediculo, uncia longiores, hirsutæ.

Genevæ provenit in monte Salevæ J. B. & alibi in Alpibus.

Locus.

\* 17. *Anonis*

17. *Anonis purpurea præcox frutescens flore rubro amplo* Morif. *Cicer sylvestre alterum* Lugd. *Cicer arboreum Indicum perenne* Zanon. C. *syv. alterum triphyllum* Park.

*Morif.*

Suffrutex est lignosâ materiâ constans, radice crassâ, longâ, lignosâ, multifidâ, cortice nigro testâ, intus candidâ: ramulis multis furculosis: foliis ternis, subrotundis, simul junctis & serratis: flore amplo, rubro Pisi instar, ineunte Vere sese expandente, undè Verna seu præcox dicitur; quibus singulis evanescentibus succedunt *siliquæ* singulæ, propendentes, hirsutæ, viscosæ, biunciales & bivalves, cum parvo aculeo ad extremitatem, Natricis Plinii siliquis multo crassiores, *semina* in se continentes pæne duplo cæterarum suarum familiâs majora, & deliquum Anonidum cæterarum more patientia. Bipedi altitudine assurgit, & perpetuâ fronde viret.

*Locus.*

Provenit in montibus Delphinatus, à D. Berbaro Apothecario Gratianopolitano detecta.

Hujus ramulum in horto Regio Parisiensi collectum ad me transmisit D. Hans Sloane M. D. & rei herbariæ peritissimus.

- \* 18. *Trifolium fruticosum spinosum Brasilianum* Marggr.

Ex radice recta, paucis filamentis prædita ad unius aut duorum pedum altitudinem arbusculæ pæne figurâ assurgit, in multos ramulos expansa: suntque caulis ramuli lignosi, atque hinc inde acutis spinis muniti. In pediculis propriis in quolibet ramulo tria *foliola* sibi sunt apposita, more Trifolii. Hinc inde prodeunt in pediculis digitum longis *flosculi*, ex viridi albi, magnitudine florum Anagallidis, subtilia *staminula* in medio habentes. Flosculos sequuntur *siliquæ* teretes, circiter duos digitos longæ, in quibus *semen* rotundum referens Limacis concham, coloris epatici. Quando semen est maturum siliculæ sponte diffiliunt & effundunt semen. Herba odorem habet instar Fœnugræci.

*Locus.*

Copiosè nascitur in sinu omnium Sanctorum. Ob floris descriptionem imperfectam an ad hoc genus propriè pertineat necne non ausim asserere, aut negare. *Staminula* tamen subtilia in medio flore huic generi minimè conveniunt.

## C A P. VIII.

### De Medica Sativa & fruticescente radice perenni.

**M**edica natales suos ipso nomine fatetur, locumque unde venerit vocabulum indicat, inquit J. Bauhinus. Externa olim Græciæ (verba sunt Plinii) à Medis est advecta per bella Persarum, quæ Darius attulit: hinc Gentile nomen obtinuit.

Gallis *Saint foin* & *Foin de Bourgogne* & *grand Treffe* dicta est: Onobrychis autem vulgaris *Luzerne* seu *Luzerne*; quam Auctor Hist. Lugd. perperam confundit cum Medica sativa. Hinc patet quanto in errore versentur tam Spermatopola, tum etiam Agricolæ nostrates, qui pro Fœno sancto seu Burgundiano, Onobrychidis seu capitis Gallinacei semen habent.

Hoc genus siliquis paucioribus volutis intortis, iisque non contiguis sibi invicem sed paulò remotioribus à Medica minore annua differt.

1. *Medica major erectior floribus purpurascens* J. B. *Trifolium siliquâ cornutâ sive Medica* C. B. *Trif. Burgundiacum* Ger. *Fenum Burgundiacum sive Medica legitima* Park. *Burgundy Trefoil*, or *Medick-fodder*.

J. B.

Valde quàm luxuriat, obsequioso fœnore cultorem fovens, *caulibus* ut numerosis ita prolixis: *folia* terna, oblonga, per extremam oram, quæ obtusa est, crenata: *flores* copiosi, velut in spicam digesti, purpurascens: *siliquæ* cornu caprini instar contortæ, in quibus *semen* minutum & candidum. *Radix* subest longa, tenuis & lignosa, in multos annos vivax.

*Locus.*

Circa Genevam & Avenionem in Provincia in agris satam vidimus pro jumentorum pabulo. Circa Monspelium spontaneam observavimus.

Siliquæ hujus intortæ quidem sunt sed paucioribus volutis, iisque non contiguis sibi invicem ut unum glomerem efficiant, sed paulò remotioribus.

- A. 2. *Medica frutescens, sive flavo flore* Clusii Park. *Medica sylvestris* J. B. *Trifolium luteum sylvestre siliquâ convexâ, vel Medica frutescens* C. B. *Trif. siliquâ cornutâ* Ger. *emac.*

*Clus.*

Multos ex eadem radice profert *ramos*, cubitales aut longiores, humi plerumque fufos, teretes, viminalis & flexibiles, in multas alas divisos: *Folia* terna uni petiolo inhaerentia, legitima Medica foliis respondentia, & dorso eminente, sed longè minora. *Flores* in extremis ramulis confertos, alterius floribus formâ pares, flavo tamen colore, non inodoros: *cornicula* deinde planâ, contorta, corniculorum legitima Medica instar, angustiora tamen quàm illa: in quibus grana sativæ granis similia continentur, sed paulò minora. *Radix* legitima radici par, crassiuscula, latè sparsa, fibrosa, perennis, singulis annis novos caules profert.

*Locus.*

In montosis & campis patentibus inter segetes, inque aggeribus terrenis floret Junio & Julio.

Flore purpurascens ex viridi variantem observavimus propè Nordvicum urbem; nisi fortè ea fuerat Medica legitima, cum hac specie promiscuè orta, quæ eo loci copiosissimè provenit.

Medica



Medica sativa & legitima non modò in variis Hispaniæ locis sponte oritur, sed etiam diligenter colitur in pecudum pabulum, sed maxime equorum, vice Fœni communis, quippe quod propter ubertatem singulis annis pluries demeti possit. Gallis, ut diximus, *Saint Foin*, & *Foin de Burgoigne* dicitur, inque meridionalibus Galliæ regionibus rigua sua prata ejus seminibus conferunt, ter eundem singulis annis secantes, restibili radice & inexhausta fecunditate. Agro pingui & bene stercoato delectatur; è contra *Onobrychis* arido & glareoso seu sabuloso, edito tamen. Quomodo nostrates harum duarum plantarum nomina permutarunt, superius diximus *Morisonus*, & rectè, nobilibus & Viris generosis consultit, ut ex agro Turnonensi aut Burgundiacò seminum involucri cochleata [aut ipsa semina nuda] Fœni verè & propriè Burgundiaci *Saint Foin* dicti acquirant, & serant in agris suis, quæ cum triplici fœnore persolvent ipsis pretium, modò in aquis bene subactis & pinguibus feratur. Cùm enim apud Gallos ter quotannis secetur, quidni etiam hic in Anglia? ubi terra pinguior, magisque rigua, & ubi humor magis abundat ex frequentibus imbris. Qui in Hispania rem observarunt (annotante *Camer. in hort.*) ubi quotidianus ejus usus est, referunt nullo cibo tam viridi, quam arido, prius magisque letari, faginari & pingue fieri jumenta pecusque omne, parcius tamen dari, quoniam inflat, & multum sanguinem creat. Agrum stercoat, ac adeò suavis est ac nutriendus, ut pecus arcere necesse sit, nè vel disrumpatur aut sanguinem detrahare oporteat. Animalium virtus plerisque medetur. Ad Maciem mularum, ut *Columella* prodidit, nulla res tantum quantum Medica prodest. Semen (ut tradit *Diosc.*) ficcatum jucundi saporis gratià conditaneo sali admiscetur. Viride quibus refrigeratione opus est illitu suffragatur. *J. B.*

Semel sata in multos annos durat: *Plinius* tricenos (inquit, mendum in codice subesse suspicor,) rectius *Palladius* denos.

### 3. Medica frutescens perennis fructu orbiculato *Slonii*.

Ramulis numerosis, longissimis, in terram prociduis, nisi vicinis plantis sustententur, luxuriat. Folia parva, ima latiora, summa angustiora & productiora, utraque obtusa, & circa margines denticulata. Flores versus summos caules è foliorum sinubus exeunt, in pediculo communi plures, ad quatuor vel quinque parvi, lutei, quos excipiunt siliquæ orbiculatæ, Medica orbiculatæ majoris seu *J. B.* similes & æquales, laxiores tamen paulò, nec spiris adeo arctè sibi mutuò commissis, per maturitatem nigricantes; semina continent non reniformia ad modum *Medicarum* annuarum, sed quodammodo triangula, & si parva magnis componere licet; *Mayzii* seu frumenti *Indici* grans similia. Sero florum ortu, quos non ante mediam æstatem promit, nec minùs tarda fructuum maturitate, quos Autumno demum perficit redivivam & perennem pollicetur plantam, quamvis superficies hyeme marcescat.

Ex semine ab ornatissimo Viro D. *Hansio Sloane* misso nobis enata est.

## C A P. IX.

### De Medica cochleata minore seminibus reniformibus.

#### 1. Medica scutellata *J. B.* *Trifolium cochleatum* Ger. *Trifolium cochleatum fructu latiore* C. B. The most common smooth Snail-Trefoil.

*J. B.*

**C**ubitales, robustos hirsutosque habet caules, non tamen semper erectos (ut vult *J. Bauhinus*) sed interdum procumbentes. Folia longiora, acutiora, profundius circa margines dentata, pediculis longis fulta. Flores singuli aut bini, in eodem pediculo è foliorum alis exeunte, flavi, tantillo minores quam Medica turbinata, spinulis recurvis, minutisque striati, quibus succedunt siliquæ cochleatæ magnæ, læves velut è scutellis quatuor, aut quinque compositæ, ut inferior major superioris convexum suo cavo excipiat, cochleas terrestres bene imitantes, per maturitatem nigra, semina plura, majuscula, reniformia, per maturitatem flavicantia, continentes.

Ad agrorum margines propè *Liburnum* Etruriæ portum observavimus. Folia hujus maculâ in medio sordidè flavicante interdum notantur, quæ tamen nisi curiosius intuenti non facile est observabilis. In hortulo nostro singulos duntaxat in singulis pediculis flores profert, non binos. Fructus magnitudine, & figurâ cochleæ terrestris æmulâ ab aliis omnibus hujus generis facile distinguitur.

#### 2. Medica orbiculata *J. B.* *Trifolium cochleatum vel scutellatum fructu latiore, folio minuto ob-* *tusulo.* C. B.

*J. B.*

Subest ei radix parva, lignosa, multos fundens ramulos, palmares, aut in latiore solo pedales, per terram sparsos. Folia terna, parva, glabra, fere triquetra, per extremum lata & nonnihil emarginata, maculis interdum nigris respersa. Flores exigui, flavi, oblongis pediculis donati. Siliquæ helioides, compressæ, membranæ, ex tribus quatuorve orbiculis, altero alteri impositis constantes, magnitudinis fere unguis [ & majores ] ubi maturuerunt nigricantes; semina continentes rufa, plana, sed recurva. Hujus siliquæ in ambitu nonnihil undulata seu crispæ sunt.

In insula ad promontorium *Pachynum* & alibi in Sicilia hanc observavimus.

N n n n

Medica

3. *Medica orbiculata* ~~maxima~~ & fructu minore.

*Cauliculi* huic dodrantes aut pedales: *folia* parva, triquetra, ut in præcedente, per extremum lata & crenata: *Flores* in pediculis oblongis, tenuibus, è foliorum sinubus egressis, plures simul (quinque vel sex interdum numeravimus) lutei, quibus totidem succedunt *siliqua*, præcedentis fimiles sed duplò minores & per oras æquales, minimè undulatæ, maturitate pariter nigricantes.

Locu.

Prope Messanam in Sicilia invenimus.

4. *Medica orbiculata* fructu lato, simplici voluta.

Ramulum duntaxat hujus vidi cum fructu inter plantas siccas D. Philippi Skippon. *Folia* brevibus pediculis infidebant, ipsa etiam breviora, extremo lata, circumscriptio subrotunda, circa margines dentata, glabra, nervosa, non maculata. *Flores* ex alis foliorum exeunt singuli aut bini in eodem pediculo, flavi; quibus succedunt *fructus* pro plantæ magnitudine latissimi, circinatæ rotunditatis, è sesquigyro vel duobus gyris membranaceis, quorum inferior duplo angustior est quam superior, compositi, parvo in medio foramine, oris minimè fimbriatis aut undulatis sed planis. *Semen* non vidimus.

5. *Medica orbiculata* minor spinosa, simplici majore voluta.

*Folia* huic admodum sunt exigua, circa extremum dentata. *Flores* tres quatuorve in eodem pediculo prælongo & tenuissimo. *Fructus* pro plantæ proportionem magni, lati, duobus gyris constantes, uno integro, lato, in medio duarum medietatum, alterius supra, alterius infra multo angustiorum; circa margines spinis raris, brevibus duplici ordine huc illuc vergentibus, muniti. Verum (quod præcipue notabile est in hoc fructu) nervi supra ejus superficiem eminent, veluti totidem rugæ, variè huc illuc reflexi & inosculari. *Fructus* autem per maturitatem non nigricat.

Locu.

Circa Messanam in Sicilia observavimus.

6. *Medica orbiculata* elegans, orbiculis circum oras rugosis.

*Folia* huic, ut reliquis congeneribus ima obtusiora, summa acutiora, minùs tamen quam *Medica scutellata*, circa margines denticulata denticellis rarioribus majoribusque. *Flores* è foliorum alis duos crepse simul in eodem communi pediculo exeunt, lutei, quam præcedentium pallidiores, omnium minimi, quibus succedunt *fructus* orbiculi aut rotula figuræ, per maturitatem albicantes, aspectu pulchri, rugis circum oras eminentibus eleganter veluti crispatis; *semen* reliquorum simile flavicans.

Locu.

Hanc speciem in Sicilia prope promontorium punto Cercio dictum, non longè à Puzalla collegimus, ubi & multas alias rariores plantas.

Orbiculis circum oras rugosis ab aliis omnibus Medicis facillè distinguitur, præsertim si colorem per maturitatem è flavo albicantem adjicias.

7. *Medica doliata* seu orbiculata, orbiculorum gyris, circa margines utrinque rugosis, per maturitatem nigricantibus.

*Folia* huic ampla, superiora acuminata, inferiora extremitate subrotunda. *Fructus* parvi, in longis pediculis bini, doliati potius quam orbiculati, è tribus vel quatuor circumvolutionibus constantes, ad spirarum margines utrinque profundis rugis sulcati.

8. *Medica doliata* levior, tornata major & minor lenis Park.

*Fructus* hujus leves sunt, duri, per maturitatem nigri, dolii figuræ, plures simul in eodem pediculo congesti, minores: reperiuntur tamen, Parkinsono autore, majores, singuli & bini in eodem pediculo nascentes.

Locu.

Hanc etiam in Italia & Sicilia invenimus.

9. *Medica Catalonica* elegans Edwardi Morgani.

*Fructus* figuræ doliariæ est, & crebris tuberculis scabro, similis ligno illi quo brachia manusque muniunt Itali, ad pilam inter ludendum defendendam & feriendam propellendamve.

Hanc ubi collegimus jam non recordamur.

10. *Medica coebleata* spinosa, echinis magnis utrinque turbinatis cum spinulis reflexis. *Medica majoris Bæticæ* species prima, spinulis intortis Ger. emac.

*Caulis* fundit cubitales aut sesquipedales, quadratos, hirsutos, striatos, satis crassos, ramosos, infirmos tamen, nec se sustinentes, ridentes interdum, maxime prope terram. *Folia* in caulis alternatim posita sunt longioribus intervallis, terna simul in pediculis longis, quæ prope radicem obtusiora, versis summitates caulium in mucrones acutiores exeunt, singula singulis maculis nigris mediam partem occupantibus insignita, circa margines leviter crenata. Ad exortum uniuscujusque pediculi hinc inde opposita veluti auricula quadam dentata & in aditum exiens. E foliorum sinubus prope summitates caulium exeunt pediculi, flosculos sustinentes duos vel tres, rarius plures, flavos, satis grandes, clypeiformi petalo nigricantibus lineis striato. Flosculis succedunt fructus echinati grandes, nucis myristicæ parvæ magnitudine, utrinque turbinati, singulis volutis duplici serie spinularum



spinularum minorum, hinc inde reflexarum & recurvarum, non extantium sed fructui appressarum munitis; semina intus continentes magna, reniformia colore rubro seu spadiceo splendente.

Hæc species foliis maculosis, echinorum magnitudine, spinulis recurvis, seminibus spadiceis à reliquis suæ sortis distinguitur.

11. *Medica magna echinata. An magna turbinata* J. B? *Medica majoris Bæticæ spinosa species altera* Ger. emac. Hedge-hogs.

Hujus etiam cauliculi seu ramuli humi procumbunt, striati, glabri, quadrati, subinde rubentes, tres vel quatuor pedes longi: Folia pariter lævia, circa margines eleganter crenata, acutiuscula, nullis maculis notata: flores parvi, lutei, reliquorum similes: Fructus echinati magni, nucis myristicæ parvæ magnitudine, & interdum etiam figurâ, elliptici scilicet aliâs rotundi, turbinati, sex aut plurium circumvolutionum arcu commissarum; unaquæque spirâ gemino spinularum [rigidiuscularum acutarum oblongarum utrinque extantium] ordine munita est, medium secante zonulâ perpetuâ. Semen compressum renis instar sinuatum, colore spadiceo obscuro seu nigricante, & velut polito. Fructus seu echinus hujus nonnihil lanuginosus videtur, quod in nullo alio genere hætenus observavimus.

In insula ad Promontorium Siciliæ Pachynum dictum invenimus. Apud nos, ob fructus echinati elegantiam frequens in hortis feritur. Locus.

Fructus magnitudine & hirsutie, spinulis crebris rigidis, & feminis colore spadiceo ab omnibus nobis hætenus cognitis Medicæ speciebus faciliè distinguitur.

- A. 12. *Medica echinata glabra cum maculis nigricantibus* J. B. *Trifolium cochleatum folio cordato maculato* C. B. *Trif. cordatum* Ger. *Medica Arabica Camerarii, sive Trifolium cordatum* Park. Heart-Crefoil, or Claver.

J. B.

Bicubitalis per terram spargit caules [in solo latiore aut hortis culta fortasse, apud nos enim spontanei caules vix pedalem longitudinem superant] glabros, & in iis folia terna, glabra, per extremum latiuscula & serrata, quorum quædam cordis effigiem nonnunquam exhibent, quam, cum planta primum provenit, asperæ maculæ nigricantes repræsentant [Apud nos folia maculas hæc ex rubro nigricantes perpetuò retinent] Flores lutei, parvi, duo, aut tres: Siliquæ cochleatæ, parum compressæ, spinulis per margines non tamen admodum rigidis aut pungentibus obsitæ, magnitudine mediocri. Semina per maturitatem flavicant.

In pascuis fœcioribus & arenosis maritimis præcipuè, in Angliâ nostrâ, nec minùs in regionibus transmarinis, frequens est. Folia cordatis, maculâ in medio singulorum ex rubro nigricante pictis, siliquis parum compressis, spinulis minùs rigidis armatis, ternis quaternisve in eodem communi pediculo seu furculo, minoribus, ab aliis speciebus faciliè discernitur. Locus.

Medicæ speciem habemus nescio ubi collectam, fortè circa Messanam, cum hac inscriptione.

13. *Medica foliis & semine Medicæ cordatæ echinatæ, echinis durioribus.*

Fructus majores sunt, spinis longis, crassis, duris & rigidis muniti, è quatuor aut quinque volutis compositi.

14. *Aliam adhuc foliis minimis, echinis satis magnis pro plantæ parvitate, compressis, quatuor volutis constans, spinis longis, crassis rigidis borrentibus.*

15. *Medica dolata spinosa major Nager.*

Hujus caules & folia reliquorum similia sunt, [in sicco hirsuta videntur] Flores eosque sequentes fructus in pediculis uncialibus singuli aut bini; hi majusculi, figuræ doliaris, spinulis brevibus rigidis, non extantibus, sed fructui ferè appressis, horridi è quatuor, quinque, aut sex summum spirarum voluminibus compositi, arcu junctis.

Circa Messanam observavimus.

Aliam hujus speciem habemus fructu majore & longiore, spinulis brevibus arcu appressis. Locus.

16. *Medica magna turbinata* J. B. *Trifolium cochleatum turbinatum sive fructu compresso, oblongo* C. B.

J. B.

Cubitalis & sesquicubitalis caules emittit, hirsutos, multis ramis fissos, foliis tergeminis, hirsutis, trifolii prætensis purpurei paribus, aliis veluti triquetris, per oras incis, quorum pediculi longiusculi pinnis caplem ambiunt. Flores parvi, lutei, pediculo hærent unciali & fescunciali; quos sequuntur fructus turbinati, sex aut plurium circumvolutionum, arcu commissarum, duri. Unaquæque spirâ gemino denticellorum ordine calata est, medium secante zonulâ perpetuâ. Semen compressum, renis instar sinuatum, Foenugræci semini par, aut etiam paullo longius.

Hæc planta, si descriptionem rectè intelligo, mihi hætenus incognita est: accedit tamen ad Medicam nostram magnam echinatam.

17. *Medica spinosa Nager, fructu ovali spinulis brevioribus & rigidioribus.*

Caules huic glabri, vel raris admodum pilis hirsuti, rubentes. Folia prælongis pediculis infident, quam Medicæ dolatæ spinosæ majora, breviora, obtusiora, argutiùs denticulata, averfa parte glauca, brevi

brevi & vix conspicua lanugine hirsuta. Flores duo tresve simul in eodem pediculo è foliorum alis exeunte, flavi, exigui. E foliorum singulorum sinu una cum pediculo florifero ramulus etiam exit ut in aliis congeneribus. Quæ primò exeunt folia cordata sunt, posteriora, quæ in canibus sunt, lata & obtusa, non tamen cordata, nervis seu venis plurimis conspicuis parallelis à media costa versus margines tendentibus pulchrè striata. Flosculis succedunt echini figura ovalis, spinis brevibus, rigidis, extantibus horridi, duri, pilo majores, [semina nitus reniformia, flavicantia continentis] per maturitatem nigricantes.

Locus.

Propè Messanam Siciliæ hanc speciem invenimus.

18. *Trifolium cochleatum spinosum Syriacum foliis laciniatis* Breynii. *Trif. fructu echinato, foliis eleganter dissectis* Botan. Monsp.

Breyn.

*Radix* humum non admodum profundè nixa petiò alba & fibrata: à qua cauliculi lignosi, rotundi, virides, pedales vel etiam cubitales, in terram reclinati, plurimis præditi ramis, prodeunt: in quibus hinc inde sparsa sunt folia, angusta, terna semper uni petiolo longo inhaerentia, diluè viridia, Medice frutescentis, sed profundius serrata, vel potius laciniata. Flores ex foliorum alis in oblongo pediculo frequenter bini tantum simul enascuntur, flavi coloris, à Trifoliorum cochleatorum floribus nihil differentes: quibus fructus cochleæ modo circumvoluti, longis & rigidiusculis spinulis rectè extantibus vel non multum reflexis, exasperati, Trifolii cochleati fructu spinoso majore, sed dimidio minores succedunt, semina flava, compressa, renis instar formata continentis.

Locus.

Circa Haleppum Syriæ à Rauwolfio inter segetes observatum. D. Magnol sibi Monspelii in horto sponte enatum ait; verum, ut probabile nobis videtur, è semine è Syria allato ibi fortè fortuna sparsa: nam alibi (quod sciam) circa Monspelium non invenitur: suspicor enim D. Car. Swaikerum à D. Magnol communicatum habuisse, non invenisse in vicinia Monspelii spontaneam.

19. *Medica dolosa spinosa, MANUSC. Medica tornata spinosa* Park. *Prickly tun-trefoil, or Medick.*

*Caules* huic hirsuti, minores & breviores quàm Medice scutellare. *Folia* longioribus pro magnitudine pediculis insident, circa margines dentata, minora quàm illius, quadrata fere, in acutos mucrones desinentia, subglauca, media parte macula oblonga, luteo-viridi notata, aversa parte hirsuta. E foliorum alis exeunt pediculi flores luteos sex septemve confertos gestantes; quibus succedunt deliolorum figurâ pericarpia parva, cochleata, spinola, spinulis brevibus, raris, per maturitatem nigricantia & semina fulva continentia. Pericarpia imâ parte quâ pediculo junguntur latiora sunt, tumina angustiora, utraque plana, cum segmentum cui vertex abscissus est, immantur, quinque circiter spiris seu circumvolutionibus constantia.

20. *Medica dolosa spinosa, hirsuta minima.*

Hujus folia plus quadruplo minora sunt quàm præcedentis, hirsuta, prona præsertim parte, non raro cordata. Fructus præcedentis similes, plus quadruplo pariter minores.

21. *Medica echinata, magna, hirsuta* J. B. *Trifolium cochleatum polycarpon* C. B. ex *fontem* D. Magnol. At C. Baubinus inter Trifolia cochleata hispida id non reponit.

*Folia* huic prima subrotunda, postmodum nonnihil acuminata & serrata, terna uni pediculo in-nixa, *Caules* ad duos tresve cubitos per terram sparguntur. Flores multi, coacervati, ex longo pediculo, lutei. *Siliquæ* simul aliquot cohererent, spiris duabus aut tribus, vel etiam quinque ferruminatæ, brevissimis velut spinis obtusis exasperatæ.

22. *Medica hirsuta echini rigidioribus* J. B. *Trifolium fructu compresso, spinis horrido* C. B. ex *fontem* D. Magnol.

Per terram se expandit cubitalibus & longioribus caulibus. *Folia* parva, hirsuta & per extremam oram lita: Flores lutei: echini cochleati, parvi & fere singulares, longis insque deque vergentibus rigidiusculis spinis horrent, non admodum densis: convolutiones sunt tres aut quatuor.

23. *Medice marina spinosa species* Ger. emac. *marina major spinosa* Park.

Ger. emac.

Hujus caules seu ramuli omnium [intellige species majores de quibus antea scripserat] miramini sunt & brevissimi, vix pedem unum aut alterum longitudine excedentes, quadrati, virides, subhirsuti, harum strati. *Folia* Medice scutellare similia, mucronibus paulo obtusioribus, non maculata, molia & pilosa. Flores secundum ramulos è foliorum sinubus exeunt, pediculis præteritis insident, singuli singulis, perexigui, lutei: in ipsis caulium fastigiis & prope summos caules nulli. Floribus succedunt pericarpia parva, rotunda, intorta, pilo non majore, brevissimis acutis spinis horrida, in quibus semina continentur flavicans, renis figurâ, exemptu difficillimum. *Radix* in superiorum albicat; & sub Hyemis adventum emoritur.

Cum præcedente convenit floribus in singulis pediculis singulis, ab eodem differt spinis echinorum brevibus.

Descriptio est Goodyeri apud Gerardum emaculatum, à nobis in Latinum versa.

24. *Medica*



24. *Medica echinata hirsuta* J. B. *Trifolium echinatum arvense* C. B. *Tribulus terrestris minor* repens Lugd.

Craffuscula est & prolixa, sed singularis radix, alba. Caules multi, tenues, per terram sparguntur, didrantes & cubitales, striati, hirsuti. Folia terna, subrotunda, ad Trifolium pratense luteum accedentia, nullo notabili sapore prædita, pilosa, albescentia, maxime parte inferiore. Flores parvi, lutei, simul aliquot congesti; eodemque modo simul coacervata ex eodem pediculo longiusculo capsula, Piso non majora, contortis helicibus constantia, globosa, quatuor, aut quinque, atque etiam plura, mollibus spinulis echinata.

Passim provenit maxime inter segetes propè patibulum Monspelii & alibi. Floret & semina per-  
ficit mense Aprili & Maio. Locus & Tempus.

A. 25. *Medica echinata minima* J. B. *echinata parva recta* Park. *Trifolium echinatum arvense fructu minore* C. B.

Hæc est caulibus circiter pedilibus aut minoribus, tenuibus; quos ornant folia terna, Medicæ echinatæ foliis similia penitus, parva, hirsuta: Flosculi pusilli, lutei, multi simul congesti. Sequuntur ejusdem pediculi fastigio hærentes quàm proximè glomerati echinuli muricati, tres aut quatuor vel quinque juncti, Orobigrano non majores: radices tenues.

In arenosis & sabulosis locis Dalechampius legit, & nos etiam sæpius in Anglia & transmarinis: Locum forte altera præcedens species sit quam nos observavimus, nostra enim plerumque procumbit non erigitur: locus tamen exigere videtur ut hæc sit; nec enim alibi unquam nostram quàm in arenosis & sabulosis invenisse meminimus. Revera, nisi J. Bauhini autoritas obstaret, utramque speciem eandem dicerem.

26. *Medica marina* Clus. Park. *Trifolium cochleatum marinum* Ger. *Trifol. cochl. maritimum tomentosum* C. B. *Trif. cochl. marinum, sive Medica marina* J. B. *Det. Claver.*

Quantum quantum est totum villosa incanaq, lanugine obductum est. Caules tres aut quatuor, pedales atque etiam cubitales, ramis frequentibus brachiati, humi fusi & procumbentes. Folia ex brevibus pediculis terna, parva, obtusa, frequentia. Flores extremis ramis inherentes, suis petiolis ex alarum sinubus exiliunt quini aut seni simul congesti lutei, Trifolii lutei ferè similes: silique deinde glomeratæ & contortæ sive inflexæ, spinulis obsitæ, dolioli ferè figurâ [J. Bauhino orbiculares] in quibus semen continetur subruffum, Medicæ semini simile. Radix crassa, cubito longior, tenera, perennis seu vivax, ex candido pallescit, gustu quodam ingrato, saluginoso & amaricante.

In litoribus arenosis Maris Mediterranei frequentem observavimus.

Locus.

27. *Medica ciliaris Guilandini.*

Radice est perenni longè latèque repente: caulibus bipedalibus, surrectis: folliculis pluribus in eodem pediculo congestis, compressis, orbiculos aut rotulas imitantibus, mollibus & oblongis spinulis seu setis, ciliorum æmulis in circumferentia donatis, per maturitatem nigricantibus.

Hanc in Alpibus Carinthiacis invenimus, ad sepes.

Folia parva sunt pro magnitudine plantæ, breviter obtusa.

Locus.

28. *Medicæ ciliaris Guilandini similis sed minor, mollior, annua. An Trifolium fructu cochleato ciliare* Botan. Monsp.?

Flagellis est pedalibus aut cubitalibus, procumbentibus, reliquorum instar: Foliis oblongis, per extremum latis & obtusis: Floribus eisque succedentibus siliquis in pediculis uncialibus tenuibus pluribus simul coacervatis, (sex septemve numeravimus) compressis & latiusculis, duabus ferè circumvolutionibus compositis, spinulis longiusculis, minus rigidis, non rectè extantibus sed incurvis, per circumferentiam, Medicæ ciliaris instar, cinctis.

Circa Messanam in Sicilia invenimus.

Locus.

29. *Medica cum orbiculis laxis echinatis minoribus, non extantibus spinulis.*

Hujus folia parva sunt, per extremum lata, crenata, & interdum in mucronem seu angulum leniter producta: caules tenues: flores in pediculis è foliorum sinubus egressis multi, coacervati, quibus succedunt totidem capsula echinata, compressæ, exiguæ, tribus ferè spirarum circumvolutionibus, non tamen arctè junctis, compositæ. Spirarum zonulæ utrinque dentatæ sunt, denticulis non extantibus, sed in zonulæ aut fructus superficiem plano jacentibus, duplicem coronam imitant.

Circa Messanam invenimus.

Locus.

Octo aut decem siliquas in eodem pediculo observavimus. Huic persimilis est, & fortè eadem

30. *Trifolium folio obtuso, folliculis cordatis* C. B. *Medica coronata Cherleri parva* J. B. *An Trifolium folliculis coronæ similibus* C. B. prod?

J. B.

Pedalibus donata est caulibus, tenuibus, subrubentibus: è quibus alternatim ex longis intervallis furculi exeunt singulares, unciales & longiores, qui extremo mucrone ternos quaternosve gestant echinulos, unicâ ferè aut sesquialtera circumvolutione constantes, utrinque denticulatâ, gemellam coronam

nam imitata. Echinos sustinenti furculo ad exortum, brevi pediculo harent tergemina folia hirsuta, aliquando subrubra ferè cordata, in ambitu crenata tam exigua ut simul omnia dimidiatus unguis digiti minimi facile possit tegere.

Locus.

In saxosis, aridis & squalidis Galliz Narbonensis, maximè verò in collibus inter Nemausum & Usetum observavit & legit Cherlerus.

Hæc parvitate sua & spirarum paucitate à præcedente nobis observata differre videtur: hæc autem accidentia loco fortè natali steriliore & sicciori imputanda.

31. *Medica lunata* J. B. Park. *Trifolium siliqua falcata* C. B. *siliqua lunata* Ger. emac.

Folia huic parva, Medicæ legitimæ, circa margines dentata: flores lutei: siliqua lata, compressa, pollicis ungue majores, ad Auriculam muris Cam. accedentes, sed speciosiores & majores, striate, in circuitu longiusculis spinulis munitæ, cristam galli non malè expriment. De loco nihil certi traditur, nisi quod Lobelius Lunariam radiatam Italorum eam vocet.

Locus.

Nos circa Messanam Siciliæ Medicæ speciem invenimus cui titulum fecimus *Medica fructu compresso circum oras dentato*, quæ multo minor erat descripta [fructum intelligo] & integræ aut sesquialterâ circumvolutione constabat, alias similis. An *Medica lunata* quædam minor J. B. Ad margines vinearum provenit.

Restant adhuc tres quatuorve Medicæ cochleatæ species, à C. Bauhino in Prodomo descriptæ. Verùm descriptiones adeò obscuræ & generales sunt, absque certis, characteristicis & distinctivis notis, ut nos dubios relinquant, an specie distinctæ sint ab omnibus superscriptis necne, præsertim quæ nullis iconibus illustrentur. Quicquid tamen de his sit, superesse adhuc alias species, nec à nobis, nec ab alio quoquam hætenus descriptas, aut observatas minimè dubitamus, cum natura in hoc genere, specierum varietate & figurarum elegantia, mirum in modum ludere & sese (ut ita dicam) oblectare gestiat.

32. *Trifolium falcatum* Park. *F. Gregorii Rhegiensis* Clus. ap. ult. *Trifolium siliqua falcata alterum* C. B.

Clus.

Hujus ramuli binos circiter palmos longi sunt, & humi sparsi: folia trifolio similia: flosculi exigui, flavi & inodori: cornicula alternis, jam in hoc, modò in altero ramuli latere per breviam intervalla confertim nascuntur, & cauliculo vel ramulo adhærent nullo ferè petiolo, & in singulis nodis quinque plurimum conjunctim, semunciam longa & falcatæ modo curva.

Locus.

Invenit hoc genus Fr. Gregorius in summo quodam colle arenoso cœnobio Montis Calvariz ad Bononiam vicino.

A. 33. *Trifolium cochleatum modiolis spinosis* Cat. Ang.

Cum diu est ex quo hoc viderim non bene recorder, an ab omnibus superius traditis distinctum sit necne. Fructus parvus erat conij segmentum aut rotæ modiolum aliquatenus representans. Orfordiæ Suffolciæ in aggeribus maritimis ad portum copiose.

Locus.

*Trifolium cochleatum fructu magis tortili, quod Marcella Cydonia, Equindis Retimi nomina ex Cresta Honor. Belli misit.*

Hujus meminit C. Bauhinus, non describit, quod sciam.

## CAP. X.

## De Loto herba.

**L**otus nomen accepit à voluptate, ab antiquo verbo *λω*, quod significat *δωλω*, *ἐπιθυμω*, *βλάπτω*, volo, expeto, desidero, video. Jo. Bod. à Stapel.

Loti à reliquis leguminibus trifoliatis distinguuntur quòd præter folia terna in extremo pediculo, bina habeant ad ejus exortum cauli adnata, ut quodammodo Pentaphyllæ dici possint.

1. *Lotus siliquosa flore fusco tetragonolobus* J. B. *siliqua quadrata* Ger. emac. *quadrupinnatis siliquis* Park. *ruber siliqua angulosa* C. B. *Square-codded Betch.*

J. B.

Radice tenui, paucis fibris donata nititur, ex cujus capite oriuntur caules pedales interdum aut longiores, teretes, hirsuti, in aliquot alas divisi, procumbentes ferè. Folia ex certis intervallis terna juncta, reliquis duobus semper caulem amplectentibus, ut in Loto corniculata, sed longè majora, hirsuta. Flores ex singulis foliorum alis plerumque singuli, pediculis sesquialibus infidentes, exeunt: ad ipsam tamen calicis basin apponitur folium reliquis quæ in caule simile, tribus tantum partibus constans. Flores autem Pisi formæ, minores, holosericum coccineum vulgo dictum saturum provocantes; Scutum tamen seu folium erectum dilutius est umbone seu folio medio. Siliqua sesquialterâ circiter longæ, angulosæ, crassiusculæ, quatuor membranis sinuatis, ceu sagittarum alis, appositis donatæ: in quibus continentur semina magna, rotunda, subflava, quæ dentibus resistunt, sapore pisi, esculenta, unde & ipsa planta, *Pisum quadratum* nonnullis dicitur.

Floret



Floret Junio, cūmq; semen perfecit radicitus exarescit.  
In collibus Mellanz Siciliæ iminentibus spontaneam inveni.

Tempus.  
Locus.

2. *Lotus filiquosa lutea Mompeliensis* J. B. *pratensis filiquosa luteus* C. B. *pratensis Mompeliensis* Park. *trifolia corniculata* Ger. icon male filiquas incurvas representat. *Lotus quadrata filiqua, flore luteo* Hort. Pac.

Utriusque mules oblitam habet radicem, ita plurimum aliquando capitum; folia Loti corniculata quina, quorum duo cauli adnascuntur, majora tria simul coherent, jam dictæ Loti [Ornithopodi filiquis] folia magnitudine vincentia: flor unicuique cauliculo in cacumine unicus, magnus luteus, quatuor striis ad latera donatus, ex longo calice erumpens: filiqua succrescit unica, sescunciam longa, quatuor secundum longitudinem membranulis angustis decurrentibus velut quadrata prioris instar.

Circa Genavam in pratis, necnon circa Mompelium copiosè provenit.

Locus.

Aliam hujus speciem invenimus in pratis propè Tybridis fluvii ostia una cum descripto nascentem cui titulus in Catalogo nostro plantarum transmarinarum.

3. *Lotus filiquosa lutea filiquis pinnatis strictioribus & longioribus.*

Hanc videtur describere D. Magnol sub titulo *Loti marit. lutea filiquosa, folio pingui glabro*, quæ foliis glabris pinguib; & crassis, filiquis etiam angustioribus à precedente distinguitur. In utraque radix magna est, quæ tuberosum habet odorem.

In toto tractu maritimo in herbidis, præcipue circa stagnum Volcarum inter juncos oritur. Bo-Locus.  
tam. Momp.

4. *Lotus edulis Cretica* Park. *pentaphyllos filiqua cornuta* C. B. *Trifolium sive Lotus Hierazone edulis filiquosa* J. B.

Bel.

Multos tenues caules à radice profert. Folia Trifolii, angusta, crassiuscula, aliquantulum mucronata, terna semper sibi conjuncta. Flores luteos Pisi, quibus succedunt filiquæ rotundæ, falcate, ac pro ratione plantæ magnæ.

Inter segetes invenitur & in marginibus agrorum frequentissime, herbæque omnibus nota est. Si-liquæ ejus, antequam durefcere incipiunt, in foro venales reperiuntur: à pueris & foeminis libentissime eduntur, succosæ enim sunt & dulces, Pisi recentis gustu.

Locus

Hanc vel ei similem plantam invenimus propè Neapolin in Italia, atque etiam in Sicilia. Trifolium corniculatum Creticum flore luteo Park. app. corniculatum Creticum Alpin. exot. huc refero: cū Alpinus ipse eandem credat Lotum Hierazone dictam & Trifolium suum corniculatum Creticum.

Lotus nostra quam circa Neapolin copiosam invenimus, cauliculis erat longis, ad terram reclinatis, ad intervalla satis longa foliis vestitis reliquarum similibus, duobus ad pediculi exortum, tribus in ejus extremo, pro longitudine sua satis latis, glabris, quantum in sicca discernere licet. Ex alis foliorum egrediuntur pediculi tres uncias longi, unicum singuli florem sustinentes luteum, ad cuius basin apponuntur folia terna. Floribus succedunt filiquæ crassæ, digitum circiter longæ, recurvæ. Semina quot vel qualia continuerint non recordamur.

*Loti speciem circa Neapolin in Italia observavimus, quam Lotum incanum majorem, seu Trifolium corniculatum filiqua grandi, incanum maritimum denominavimus.*

Magnitudine sua & foliorum canitie à reliquis hujus generis differt. Propè urbem ipsam è petrarum rimis versus Paufilypum montem oritur & Trifolio corniculato primo Dod. multo major & fruticosior visa est. An Lotus pentaphyllos major alter C. B.?

- A. 5. *Lotus corniculata glabra minor* J. B. *Lotus sive Melilotus pentaphyllos minor glabra* C. B. *Trifolium filiquosum minus* Ger. *corniculatum primum* Dod. *Birds-foot Cretan.*

J. B.

Nigro cortice radix lignosa, multifariam partita, coeuntibus in unum portionibus longissima evadit, raris fibris donata, reptans, sapore subdulci & adstringente: virgulæ tenues, humi ferè procumbentes, brachiata, folia sustinent ex intervallis terna Trifolii aut quina, quorum duo inferiora cauliculo adnectuntur, pilosa: [sunt quæ paucos aut nullos pilos habent] acuminata, pinguis, adstringente sapore prædita. Flores dense tanquam in umbella stipati, Genistæ floribus similes, lutei, quorum supremum folium reliquis latius, rotundumque, sursum flexum, foris intusque lineis purpurantibus striatum, infimum sursum quoque mucronem spectans, apices luteos continens ipsūque utrinque geminis foliis tanquam alis coeretur: quibus delapsis cornicula sive filiquæ rectæ, tenues subnascuntur.

In pascuis ubique obviam se dat.

Locus.

Hujus aliam speciem invenimus inter segetes & in locis humidioribus fruticosiorem & ramulosiorem, foliis angustioribus: cui titulum fecimus in Cat. Ang.

- A. 6. *Trifolium corniculatum minus, angustioribus foliis fruticosius.*

An *Trifolium corniculatum frutescens tenuissimis foliis* C. B. Prod. cuius descriptionem v. infra.

A. 7. *Loti*

- A. 7. *Loti corniculati major species J. B. Lotus pentaphyllos flora magore, lutea, splendens C. B. Trifolii siliquosi varietas major Ger. emac. Trif. corniculatum tertium Dod. The greater Birds-foot-Trefoil.*

*J. B.*  
 Altior est multo quam vulgaris: caulibus enim cubito ac etiam sesquicubito altioribus assurgit: Folia per ramos tribus ex uno pediculo, uncialibus circiter, duobus itidem pediculi expertibus caulem complexis. Flores peculiaribus furculis, & in summo caule in orbem congesti, majores, lutei foliis quibusdam coronæ subjectis. Siliquæ numerosæ, rectæ, unciales & sesquunciales. Hujus caules & folia, sed præcipue umbellæ antequam flores aperiantur incana lanugine hirsuta sunt, seu pilis molli-  
 bus canescentibus obrita. In pratis humidis & ad sepes  
 Videtur hanc describere D. Magnol sub titulo *Loti pentaphylli majoris hirsutæ candidantis C. B.*  
*Vide Botan. Monsp.*

8. *Lotus pentaphyllos major hirsutæ candidantis C. B. Melilotus vulgaris alter sylv. Cæ.*

In sylvestribus & veteribus ædificiis nascitur, brevior, foliis subhirsutis, candidioribusque: flore ve-  
 lut in capitulis copioso, odoris exigui, Lotum æmulantis, siliquis fert incurvas.

Quam plantam intelligat Cælapintis nescimus: nullam enim *Loti* speciem novimus floribus in  
 capitula congestis, siliquis incurvis. Rectius fortasse ad *Melilotum* retuleris.

9. *Lotus pentaphyllos minor hirsutus, siliqua angustissima C. B. Lotus corniculata siliquis singularibus vel binis tenuis J. B. Lot. cornic. minor pilosus Park. Trifolium corniculatum minus pilosum C. B. prod.*

*J. B.*  
 Multifida, infirma radice terræ hæret: caules emittens rectos, numerosos, pedales, ramosos, sub-  
 rubentes, longis albicantibus pilis obritos: ad quorum nodos terna folia *Meliloti* nobilis, oblongiora,  
 acutiora, binæque nihilo minora cauli ad pediculi exortum adnata. E foliorum finu pediculus exit  
 singularis, tenuis, uncialis & longior, in cujus cacumine flos luteus ex calicibus hirsutis. Siliquæ ple-  
 runque singulares, rarissime binæ, unciam longæ, teretes, semine copiosissimo, ad vicenarium fere  
 numerum, tenui, *Portulacæ* pari, ruffo, rotundo, sapore leguminoso refertæ.

Prope Neapolin in Italia collegimus. Invenitur & in Gallia Narbonensi.

10. *Lotus pentaphyllos frutescens tenuissimis glabris foliis C. B. pin. Trifolium corniculatum frutescens tenuissimis foliis C. B. prod. Lotus corniculatus frutescens Park.*

Locu.

*C. B. prod.*

Caulibus est tenuibus, viridibus, glabris, pedalis, in plures ramos palmo minores brachiatis, foliis  
 angustissimis cinctis. Cauliculorum summitatibus, quemadmodum & pedicellis ex foliorum alis pro-  
 deuntibus, flosculi bini terni, rariis quini, in orbem dispositi, lutei coloris infident; quos siliquæ binæ,  
 ternæ, breviores & crassiores quam in præcedente, in longum apicem definentes, in quibus semina  
 exigua, sequuntur.

Monspelio habuit C. Bauhinus & ex Italia. Hoc persimile est, si non idem *Trifolio* nostro cor-  
 niculato angustifolio fruticosiori, cujus superius meminimus sub prima specie. Flores tamen, eôsq;  
 sequentes siliquæ, in hoc pauciores sunt in eodem pediculo quam in illo.

11. *Lotus siliquosus glaber flore rotundo C. B. Trifolium hæmorrhoidale alterum minus, sive Lotus Libycæ Dalechampii Park. Trif. rectum Monspellanum J. B.*

*J. B.*  
 Caulis habet rectos, robustos, bicubiales, ramosos, nonnihil angulosos, glabros penitus, aut pa-  
 rum hirsutos: folia quina, bina minuta, cauli apposita ad pediculorum exortum, reliqua tria extremo  
 hærent pediculo, quibus folia *Trifolii* albi *Dod.* magnitudine cedunt & rotunditate, superant verò  
 lanugine. Flores confertim conglomerati privatis furculis ex foliorum finu ortis, corollæ instar pen-  
 duli, albicantes, inferioris folii rostellato atropurpureo. Siliquæ in orbem radiatæ, numerosissimæ, te-  
 nues, viginti quatuor interdum, omnium pediculis mediocriter brevibus, in furculi caput coeuntibus,  
 uncia breviores, teretes, glabræ, fulcæ, seminibus refertæ nigricantibus, *Papaverina* æquan-  
 tibus.

Locu.

Ad rivos & in locis humidis, circa Messanam Siciliæ, Trojam Calabriæ, & Monspelim Galliæ  
 Narbonensis hanc observavimus.

*Oxytriphylllum* Scribonii, *Lotus* sylv. *Clus. hist.* i. e. *Lotus* fruticosus Graniatensis *Park.* huic eadem  
 videtur.

12. *Lotus pentaphyllos siliquosus villosus C. B. Lotus incana sive Oxytriphylllum Scribonii Largi Ger. Lotus hæmorrhoidalis major sive Trifolium hæmorrhoidale majus Park. Trifolium album rectum, hirsutum valde J. B.*

*J. B.*

Multis ex eadem radice stolonibus rectis, cubitalibus & bicubitalibus fruticat, gracilibus, lignosis, te-  
 retibus, hirsutis & ramosis. Folia cana lanugine pubescunt, terna, quædam subrotunda, potissimum  
 priora & parva, cum parvis duabus appendicibus: superiora in obtusiorē mucronem definunt, &  
 ex iis quædam majora, ad quæ appendices etiam magnæ, ita ut sint quina folia, sapore insigniter  
 citra morsum ullum aliâve alacritiam qualitatem astringente. Flores extremis ramulis emicant,  
 plures



plures juncti, positi patulo: singularium forma quæ Trifolio Asphaltio, sed color candidus, ex calice valde hirsuto & viroso. Juxta calices & flores foliola longa: breves, crassiusculæ superveniunt siliquæ, coloris spadicei, formâ stercoreis magni muris caudati: semen in his rotundum exiguum flavescens.

Inter Monspelium & Peroul: Circa Messanam Siciliæ major & lignosior habetur. D. Magnol in Locus. Valenâ Sylva se bicubitem & tricubitem observasse refert.

13. *Dorycnium Monspellulanum fruticosum* J. B. *suppositivum Monspelicæ & Hispanicum* Park. *Hispanicum* Ger. *Trifolium album angustifolium, floribus veluti in capiculum congestis* C. B.

J. B.

Totum albidum est, ad sesquicubiti altitudinem excrecere solitum, cujus novelli adhuc ramuli obsequiosi, fractuque contumaces existunt, adulescentes, aut loco asperiore nati, multum durefcunt: Folia ex intervallis terna, quaterna, sed sæpius quina, radiata sine pediculis adherent, oblonga, angusta, albâ lanugine pubescentia, Clusio adstringentis gustûs. Flores extremis ramulorum innascuntur, in orbem glomerati, albi, quorum singulares ad Trifolii pratensis albi flores accedunt, sapore (ut nobis quidem videtur) nonnihil adstringente. Hæc excipiunt folliculi plures simul juncti, parvi, quibus singulis semina continentur singula, verticillaria (ut prodidit Clusius) seu varia, qualia ferè Tithymali parali semina tum figurâ, tum colore, tum etiam magnitudine. Radix latis crassa, dura & lignosa, exterius nigra, interius alba.

In saxosis collibus & ad sepes propè Monspelium nascitur.

Locus.

14. *Dorycnio congener planta* J. B. *Dorycnio congener Clusii* Park. *Lotus pentaphyllos incanus* C. B. *Doryc. Monspellensium* Ger. quoad iconem, nam descr. est alterius plantæ.

J. B.

Cubitalibus & viminis modo obsequiosis virgis, superioris gracilioribus, nec ut illius lignosis, ab eadem radice pluribus oritur, in frequentes ramos divisis, foliis cinctis crebris, quinis simul ab eodem puncto ortis, quàm præcedentis longioribus, angustis, acuminatis, minus etiam quàm illius incanis. In summis caulibus inque pediculis longis & foliorum alis egressis strobili parvi, plures simul in capitulum subrotundum congesti, quantum memini ex albo rubescentes; quibus succedunt siliquæ parvæ subrotundæ, per maturitatem spadiceæ, singulæ singula semina continentes rotunda, Sinapeos magnitudine.

In palustribus propè stagnum marinum *L'estang* dictum non longè Monspelio copiosè provenit. In Germania juxta fluv. Lycum Augustam Vindelicorum præterfluentem invenimus. *Dorycnio congener* Clusii species à nostro diversa esse videtur: cum flores longè majores fiat & diversi coloris: folia breviora latioꝝ. *Glaux Alpina* in Exot. quoad folia & florum colorem, & locum natalem cum planta nobis descripta convenit; differt paucitate florum in eodem capite, & numero seminum in eadem siliqua: in his accedit ad Trifolium album rectum hirsutum valde J. B.

Locus.

15. *Trifolium argentatum floribus luteis* J. B. *Lotus asperior fruticosior* Park. *Lotus fruticosus incanus siliquosus* C. B. An *Trifolium glutinosum saxatile argenteum flore odorato Zanoni*?

J. B.

Basis hujus singularis, lignosa, gracilis caules fundit palmares & longiores, tenues, hirsutos: Folia terna alterâ parte argenteo nitore splendentia, pilosa, alterâ verò viridantia. Flores cæquatur caulum hærent, magno, lutei, hirsuti, & laciniato villosa calice.

In collibus circa Monspelium collegimus.

Secundum Zanoni floribus succedunt siliquæ hirsutæ unciam longæ, continentes semen planum, ovale. Ad pedem Montis Baldi crescit & locis saxosis gaudet.

Locus.

16. *Lotus sylvestris Dioscoridis* Ponz Ital. *Sylv. Creticus* Park.

Pona.

Caules surrigit pedales foliis vestitos ad singula genicula quinis, quorum duo minora cauli hinc inde adnascuntur, reliqua tria intermedia ejusdem originis brevissimis & ferè nullis pediculis intercedentibus hærent, parva, obscure viridia. Flores parvi, lutei, partim & foliorum alis exeant, partim summos caules terminant, bini plerumque simul; quos totidem sequuntur siliquæ valde tenues & longæ, semina continentes Sinapeos non majora. Radix parva, dura, annua. Sapor totius plantæ leguminosus cum aliqua amaritudine mox evanescente.

17. *Melilotus quadam Cretica* Alp. exot.

Alpin.

Ex radice tenui, longa, gracili, in aliquot tenuiores radículas divisa cauliculos fert longos, graciles, foliis, Trifolii corniculati Cretici similibus, sed longioribus pediculis innitentibus, vestitis, & per terram stratos, ac veluti circa radicem luxuriantes; in quorum summitatibus proveniunt bini flores lutei, Trifolii falcati floribus magnitudine & figurâ similes, quibus singulis singula cornicula, longa, recta succedunt, inque his continentur semina flavescencia, parva & rotunda, gustui primò subdulce, mox cum modico calore aliquantulum astringentia.

Morif.

18. *Lotus wimmeri fruticosa Cretica argentea, siliqua longissima propendentibus rectis* Morif.

Caules edit fruticosos, bicubitales, aliquando altiores, incanos, ad quorum singula genicula exeant bina folia, in mucronem obtusam terminata, atque in summo pediculo terna majora & obcursiora, omnia tam subtus quàm supra argentei lucidi coloris. Ex singulis alis inter pediculum folii & caulem exiunt pediculi unciales, gerentes in cymis summis ternos, quaternos, nunc plures, nunc pauciores

pauciores flores luteos; quorum singulis delapsis succedunt *siliquæ* singulæ, Loti vulgaris glabræ siliquis duplo crassiores, sesquiunciam longæ, rotundæ, rectæ non curvæ, quo à Trifolio corniculato Cretico *Aspini* distinguitur.

Semina Chalepo usque Syriæ emporio transmissa hanc plantam descriptionis auctori produxere.

19. *Lotus flore luteo, corniculis articulatis, Sicula. An Trifolium Scorpioides Park?*

*Radix* alba, simplex, in nonnullis plantis in fibras spargitur imâ parte: *Cauliculi* plures, in terram procumbentes: *Folia* glauca, è quinque foliolis composita, si annumeras pinnas seu auriculas ad pediculorum exortum hinc inde cauli adnatas, ut in reliquis Lotis. *Flores* parvi, lutei, Trifolii corniculati, sed minores, ad nodos vel singulares, vel bini & interdum terni simul. *Siliquæ* longæ, tenues, corniculatæ seu contortæ spiræ in modum, aut Scorpioidis Telephii, articulatæ, *seminibus* oblongis, flavicantibus in singulis internodiis.

Locus.

In Sicilia propè promontoriolum dictum *Punto Cerciolo* non longè à *Paxallu*. Hæc nobis ostensa est *Monspeli* (quantum memini) pro *Coronopo* ex codice *Cæsareo*.

20. *Lotus siliquis Ornithopodii J. B. C. B. An sylvestris Creticus Park? cujus icon non bene respondet Plantæ.*

J. B.

Unica ex *radicula*, albâ, duriusculâ, paucis fibris donatâ, *cauliculi* exeunt aliquot, teretes, in aliquot ramulos ex sesquunciali intervallo divisi: Ex quorum geniculis *folia* hærent quina quorum inferiora duo superioribus tribus magnitudine cedunt, nullo sapore manifesto prædita: *Extrema folioli* occupant lutei, quales in Loto corniculatâ glabrâ, nigris lineis striati; quibus succedunt *siliquæ*, ex uno geniculo duæ, tres aut plures, [imo sex plerunque] sesquunciam aut ad summum duas uncias longæ, falcatæ, compressæ, atro-purpureæ, *seminum* extuberantias pulchrè exprimentes. Nobis in una *siliqua* ad quatuordecim *semina* animadversa compressa.

Locus.

Propè *Messanam* Siciliæ in lateribus montium urbi imminentium invenimus, & in insula ad promontorium *Pachynum* nunc *Capo Passaro* dictum.

\* 21. *Melilotus, rectius Lotus, Hispanica foliis maculatis C. B. Park.*

C. B. prod.

Ex *radice* parva *ramuli* palmares, aliquando pedales, tenues, emergunt, quos ambiunt *folia* bina hinc inde: ex quorum alis *petiolum* prodiens tria *folia* sustinet, obtusa, arovirentia, & ob venas candidas per ea discurrentes maculata. *Flores* parvi, pallidi.

Locus.

In montibus Castiliæ frequens.

22. *Dorycnium Dioscoridis forte Ponæ Park. Jacet Oleæ folio affinis C. B. item Cneoro albo affinis ejusdem.*

Pon.

Ad sesquipedalem altitudinem assurgit, multis ramis fruticosus, quibus adnascuntur *folia* crebra, parva, longa, angusta, rugosa & venosa, quàm *Oleæ* minora, nullo ordine posita. *Flores* papilionacei, nunc albi, nunc pallidi. Semen non vidit auctor; verum leguminosa fuerint oportet siliquis inclusa congenerum modo. *Radices* fibrosæ.

Hujus semina è Creta ab *Honorio Belli* ad se missa Lago-chymicæ nomine scribit *C. Bauhinus* in *Pin.*

Imperfecta Ponæ descriptio nobis non satisfacit.

23. *Lotus sativa Græca maculato folio C. B.*

*Lotus sativa*, & cum folium modò maculâ rufâ, modò migrâ notatum sit, & caligini oculorum medeatur, à quibusdam *τεπυλλοματὴν*, id est, Trifolium oculatum vocatur *Ang.*

4020. qIA .CAP. XI. 71

De Cytiso

**C**ytisum à Cythno insula in qua inventus est dictum voluit. *Plin.* lib. 13. cap. 24. Inventus hic frutex in Cythno insula, inde translatus est in omnes Cycladas, mox in urbes Græciæ, magno casu proventus, propter quod maxime miror ratum esse in Italia. Non astum, non grandinum, non nivis injuriam expavescit: Adjicit *Hyginus* ne *bovisum* quidem ob nullam gratiam ligni.

*Jo. Bodæo* à *Stapel* nomen impositum videtur. Sed rō loti nō dūcitur, quod mammillas lactæ equaliter distentas faciat. Lac copiosum generare Cytisum docet *Columella* lib. 5. c. ult. Cytisum in agro esse quamplurimum maxime referet, quod *Gallia*, apibus, capris, bubus quoque & omni generi pecudum utilissimus sit, quod ex eo citò pinguescit, & lactum plurimum præbet ovibus, tum etiam, quod octo mensibus viridis eo papulo uti, & postea arido possit. Mulieres quidem si lactis inopia premuntur Cytisum aridum in aqua macerare oportet, & cum tota nocte permaduerit, postero die expressi succi ternas heminas permisceri medico



modico vino, atque ita potandum dari, sic & ipsæ valebunt, & pueri abundantia lactis confirmabuntur. Eadem ferè habet Plinius loco supra citato.

Cùm Cytisus nihil aliud sit quàm Trifolii filiquosi genus fruticescens, non obstante lignea substantiâ quâ constat, iis subjungendum duxi.

1. *Cytisus hirsutus* J. B. *Cyt. foliis subruffa lanugine hirsutus* C. B. *Hispanicus arboreus* Park. *Pseudo-cytisus hirsutus* Ger. *Shrub-trefoil*.

J. B.

Trium & quatuor cubitorum *virgæ*, nigricantibus, hirsutis, non admodum fruticosis, neque lentis, donatus est. *Folia* terna, nonnihil oblonga, hirsuta utrinque: [Clusio supina parte viridia, pronâ subruffa lanugine hirsuta] *Flores* in ramulorum fastigiis potissimum fert, licet & ad latera interdum habeat, plures simul congestos, magnos, luteos, [aureo colore fulgentes Clus.] è calicibus longis, lanuginosis: *siliquis* verò longis pilis oblitis, fescunciâ longiores, paulò triente uncie latiores, per maturitatem nigricantes, *semina* claudentes Genistæ seminibus paria, subnigra, ex observatione Parkinsoni.

Hanc speciem Clusius solummodo ad montium radices circa Calpen, & in Batiçæ maritimis florantem invenit: Nos in Italia & Sicilia frequentem observavimus. Locus.

2. *Cytisus incanus* Ger. *incanus folio oblongo Austriacus* C. B. *incanus Germanicus* Park. *Cyt. Clusii Pannonicus* alter *foliis omnino incanis* J. B. *Cytisus* V. Clus. hist.

Clus.

Cubitales nonnunquam fert *virgæ*, rectas, tenues, vimineas, lentas, quas ab infimo ad summum usque exornant *folia*, terna, uni petiolo inhaerentia, Cytisæ Gesneri ferè similia, sed omnino incana, angustiora, gustu amaro, quæve trita pinguis esse videntur. Ex singulis interdum foliorum sinibus ramuli prodeunt, similibus foliis sed minoribus obfiti, ferentes in summo quinos aut serios *flores*. Loti pratensis herbæ [quam à prægrandibus siliquis nonnulli filiquosam cognominant] floribus per similes, coloris aurei, odoris non expertes: & ex folliculis deinde *siliquis* planas, oblongiusculas, hirsutas omnino, atque in his *semen* subruffum, planum, nonnunquam tumidiusculum & rotundiusculum, durum, quod maturitate dehiscitibus siliquis excidit. *Radix* dura est & lignosa, nigricans & summâ tellure sparsa.

Clusio frequens est tota Viennensi agro, & multis aliis cùm Austriæ superioris & inferioris, tum Pannoniæ locis aridis propter vias. Floret Julio & subinde usque in Autumnum; semen sub Augusti finem & Septembri maturefcit. Locus & Tempus.

Parkinsonus Cytisum album sylvestrem Cord. hist. huc refert, quam C. Bauhinus pro distincta specie proponit sub titulo Cytisi albicantis folio trifolii vulgaris.

3. *Cytisus hirsutus major foliis pinnatis* C. B. *Cytisus pinnatis* Ger. *incanus major foliis pinnatis, sive quinti species altera Clusii* Park. *Cytisi secundi species altera Pannonica Clusio, hirsuta valde* J. B.

Clus.

Multò major est, crassioribus *virgæ* [quàm quinta species Clus. hist.] admodum hirsutis, foliis duplo amplioribus, *siliquis* seu lobis maioribus: ipsi etiam *flores* colore magis aureo rutilant.

Juxta sepos in Pannonia & Austria nascitur hoc genus, sed rarius est, & minus obvium superiore [V. Clus.] illius etiam semen vermicularis obnoxium. Locus.

4. *Cytisus incanus siliquis longiore* C. B. *Cytisus octavus* Ger. *Cytisus montis Cælearis* J. B.

J. Bauhinus è ramo sicco ita describit, Teretes, tenues propagines alternatim producit, tantillam hirsutas, in extremis, per quas *folia* terna, Dorycæ ferè Monspelienfis paria, quædam brevissimo & panè nullo pediculo; inter Cytisi genera minima *folia* non observavi. Qui collegerunt dicunt ad aliquot cubitos excrefcere. *Flores* pediculo brevi herent, longo per ramulorum extrema agmine, Genistellæ pares, lutei, calyculo subhirsuto, in acutas lacinias diviso. Rami interdum candidi cùm deflorescit.

Adversariorum auctores sequentibus verbis, Qua quis Româ regiâ viâ Florentiam adit, oppidulo cui nomen Aquapendulæ, declivi & depressa etiam planitie feracissima Cytisum fruticem quinque sexve cubitis proceriorem, Genistæ samentis pluribus, gracilibus, præduris, striatis, vidimus statim ab imo, aut paulò superius lignosâ radice, è tenuibus pediculis *folia* terna, non ita numerosa, similia Foenugræco, angustiora, habitiora, Rutaceæ: Genistæ vel Spartii vel Pisi *flores* lutei, sed minores. Siliqua Genistæ paræ, cinericea, gracilior, compressior; intus loculis sunt dissepta *semina* nitentia ex atrore, Genistæ. Est cana universa planta, ut Rhamnus Monspelienfis aut Halymus, Sapor Ciceris aut similis leguminis. Reliqua vide apud auctorem.

J. Bauhinus Cytisum hunc Lobelii non separaret ab Hispanico primo Clus. nisi ipse Clusius ac etiam Lobelius separarent: inquam sententiam & nos etiam propendimus. Parkinsonus extra scopum jaculari videtur, cùm hunc habet pro Cytiso incano folio oblongo Austriaco C. B.

5. *Cytisus incanus folio medio longiore* C. B. *Cyt. parvus Hispanicus cum brevi pediculo* J. B. *Cyt. Hispanicus incanus sive sextus Clusii* Park. *Cyt. semper-virens* Ger.

Clus.

Pedalibus, rarò cubitalibus affurgit ramulis, tenuibus, omnino incanis, quos exornant terna semper *folia*, brevi pediculo inhaerentia, quorum medium duplo longius est reliquis, cinerei & canescentis coloris, adstringentis verò & linguam exsiccantis saporis. Ramusculi ferè ab imo ad summum

man per singulorum foliorum exortus, floribus luteo colore fulgentibus, jucundi odoris onusti sunt, binis aut ternis simul nascentibus, ex molli quadam & candida lanugine hirsuta vaginula, similis cum superioribus formæ, sed minoribus. Semen non observavit Clusius.

Locus &  
Ufus.

Invenitur variis Hispaniæ locis, præsertim Bætica, sed nusquam abundantius quàm Valentino regno, ubi plurimus ejus usus est: nam illius ramis nudis & à suis foliis liberis, supra tegetes ab his qui bombyces alunt sparsis, jam satuti Mori foliis bombyces sericea sua stamina his ramis advolvunt, quæ deinde à mulierculis & pueris explicantur. Valentini *Boga* & *Boxa blanca* appellant.

6. *Cytisus supinus foliis incana lanugine infernè pubescentibus* C. B. *hirsutus* Ger. *Austriacus*, sive *septimus* Clusii Park. *Cytisus tertia Clusii Pannonica sparsis ramis* J. B.

Clus.

Aliquot ramis præditus est, sparsis & humi fufis, tenuibus, lentis, fractu contumacibus, qui nullis aut certè rarissimis foliis sunt obfiti, multos autem ex lateribus ramulos proferunt, tenellos, hirsutos, in quibus folia longis pediculis nixa, terno semper numero, superioribus breviora, elato dorso, superne viridia, infernè canâ lanugine pubescentia, amariusculi saporis & herbacei odoris. Ex alarum in extremis ramulis, & per totos interdum ramulos sparsarum finu prodeunt terni aut quaterni simul juncti, nonnunquam singulares flores. Quinti [Clus.] flori forma similes, lutei coloris, qui tamen dum marcescere incipiunt aureum colorem aded saturum contrahunt, ut purpurascere videantur: folliculi unde flores emergunt pallent & lanugine pubescunt. *Siliquæ* planæ & hirsutæ subfufcum exiguum semen continent. *Radix* dura, lignosa, juxta quam rami per terram sparsi subinde fibras agunt.

Locus &  
Tempus.

Sponte provenit sylvulâ quadam ad *Lachn* pagum primo ab urbe Vienna milliari, & plerisque aliis locis urbi vicinis: crescit etiam in utriusque Pannoniæ sylvis, & in Interamni ultra Dravum fluvium. Maturius floret reliquis Pannonicis, Maio videlicet, nonnunquam etiam Aprili, & novos interdum ex ramulis flores per totam deinde ætatem profert.

7. *Cytisus supinus foliis infernè & siliquis molli hirsutæ pubescentibus* C. B. *Cytisus Pannonicus* sive *septimi species altera* Clusii Park. *Cytisi tertii Pannonici tertia species* Clusii *supinis ramis* J. B.

Clus.

Pedalibus exit *virgis*, tenuibus, viridibus, supinis & humi fufis, quas ambiunt similia folia, flores etiam pares extremis virgis quini, seni aut plures simul congesti innascuntur, nulli autem per virgas sparsi ut in superiore: *Siliquæ* & *semina* non differunt. Virgarum foliorumque pars inferior & siliquæ molli hirsutiâ pubescunt.

Locus.

Hunc in solis Pannoniæ sylvis Maio mense florentem invenit Clusius.

8. *Cytisus supinus sylvestris Ratissponensis floribus luteis ad exortum foliorum prodeuntibus* Hort. Altdorf.

Hanc plantam in Suevia, inque Bavaria propè Ratissponam invenimus. Folia utrinque hirsuta, acuminata, pediculis oblongis insident.

9. *Cytisus minoribus foliis, ramulis tenellis, villosis* C. B. *Cyt. Hispanicus primus* Clusii, folio *viridescente* J. B. *Pseudo-cytisus primus* Ger. *Hispanicus primus* Park.

Clus.

Hic interdum arbusculæ magnitudine excrescit, duro stipite, cujus materia flavescit, sed cor five pars interior nigricat: is autem cum majoribus ramis & virgultis candicante cortice obducitur: tenelli ramuli toti villosi obfiti: folia numerosa ramos ambiunt, terna uni pediculo inhzrentia, Medicæ modo, dilutioris viriditatis, sapore viridium leguminum, amari tamen. Aliquot flores extremis ramulis quasi spicæ instar nascuntur, Genistæ similes, minores, lutei, nonnihil odorati: deinde lobi Genistæ pares, oblongi, asperi tamen & hirsuti, in quibus exiguum semen tumidiusculum, nigricans, Genistæ minus. *Radix* lignosa, & in diversa tendens.

Locus  
& Tempus.

Crescit in Salmanticensi agro, & aliis utriusque Castellæ locis secundum publicas vias. Floret Junio; semen profert Julio & Augusto.

10. *Cytisus foliis angustis, incanis quasi complicatis* C. B. *Cyt. Hispanicus Clusii secundus* J. B. *Pseudocytisus* 2. Ger. *Hispanicus secundus* Park.

Clus.

Hic duorum cubitorum duntaxat altitudinis, fruticosus, virgas profert candidas omnino, tenues, ramosas: folia superiori similia, terna semper ex uno pediculo nascentia, minora, prorsus incana, nunquam expansa, sed semper quasi complicata, prominente dorso, impenitè amara. Flores ut in altero, extremis ramis insident, superioribus formâ similes, sed intensior & planè aureus color; *siliquæ* etiam longiusculæ, asperæ, ex purpura nigrescentes, mucrone deorsum inflexo. Semen paulò majus est & subnigrius altero: *Radix* similis.

Locus.

Loco & florendi tempore cum præcedente convenit.

Nos in sylvis montosis propè Viterbum viâ quâ Romam itur Cytisi speciem invenimus cortice glabro candicante; foliis parvis, obscure viridibus, glabris, minime expansis, sed quasi complicatis; pluribus simul, siliquis oblongis, compressis, asperis seu hirsutis, parvo intus semine; quam huic eandem dicerem, ni magnitudo & foliorum color obstaret. C. Bauhinus tamen adnotat hunc circa Montspelium foliis esse viridibus; qualem & D. Magnol se copiosum observasse ait in Gramuntio luco, Maio mense florentem.



11. *Cytisus glaber nigricans* C. B. *Cyt. Gesneri*, cui flores ferè spicati J. B. *Cytisus* Ger. *Pseudocytisus niger* Park.

J. B.

*Virgulus* est cubito longioribus, lentis & multis alis tenuibus concavis, brevi stilo circa fastigium ramulorum hirsutus. *Folia* semper terna um pediculo inhaerent, proha parte hirsuta, quantum longitudinem nervus percurrit, Clusio folia saporis amariusculi, Ramorum extrema in longas abeunt spicas *florum* luteorum Pisi floribus similia, sed minorum & brevibus pediculis haerentium, odoris grati, Clusio melleum quiddam spirantis; quibus *siliquæ* superveniunt unciam aut fescunciam longæ, planæ, culmum late, compressæ, hirsutæ, *Semen* parvum, spadiceum, Clusio flavescens, continentes. *Radix* dura, lignosa, longa, rarioribus fibris donata.

In Austria & Sicilia, itinere à Vienna ad Venetias copiosum observavimus.

Locum.

- \* 12. *Cytisus glaber viridis* C. B. *glaber siliqua angustâ* J. B. *Cytisus siliquosus* Ger.

J. B.

*Folia* huic Cytiso terna quidem illa, ex rotundo sublonga, ut Cytiso Gesneri, verum glabra. *Flora* ad virgularum angulosarum latera ex foliorum alis singulares, quantum animadvertere licuit, satis magni, longiore calyce quàm in Cytiso glabro siliqua lata, à quo & siliquæ distinguunt, ex latere, ut mox de floribus dicebamus, prorumpentes, culmo angustiores uncias duas longæ, pediculo brevissimo haerentes, glabræ, quæ ficca nigra; inter Cytisos tenuiores siliquas non observavimus, in quibus *semen* orbiculatum, rufum, compressum, Lente minus.

Thomas Johnsonus in Gerardo suo emaculato hanc speciem parum admodum vel non omnino à præcedente differre scribit: sed *florum* situs repugnat. Nî folia glabræ essent, Ratisponensem nostrum existimarem.

13. *Cytisus glaber siliqua lata* J. B. *Cytisus* 2. Ger. *glaber, foliis subrotundis, pediculis brevissimis* C. B. *Pseudocytisus foliis subrotundis* Park.

J. B.

Accommodus est consiliis arearum marginibus, reliquisque topiarii operis deliciis, obsequiosis virgulis, quæ alicubi ad tertium & quartum cubitum assurgunt, glabræ, & ubi tenuari occipiunt angulosa: per has *folia* terna, semper juncta concinna & rotunda, uncia brevioribus pediculis haerent; at verò in ramulorum qui flores aut siliquas sustinent extremis non jam ea terna, sed bina aut singularia, fortuito posita, latiora & in acumen desinentia. Verum tum hæc, tum illa lato virore ardescunt, nullis obsita pilis. *Flores* summitatibus ramulorum acervatim insident, lutei, Genistellæ æmuli, ex pedicellis semuncia brevioribus, quibus succedunt *siliquæ*, unciam unam aut alteram longæ, semunciam late, compressæ, glabræ, in quibus *semina* fusca, subrotunda, compressa.

Hanc plantam in clivis maritimis propè Salernum in Italia sponte nascentem observavimus: Can- Locum.  
tabrigiæ in hortulo nostro aliquot annos coluimus. *Folia* in virgis inferiora pediculis satis longis insident.

14. *Cytisus foliolis glabris, siliquis Ornithopodii hirsutis* C. B. *Pseudocytisus Hispanicus Bambini* Park.

C. B. prod.

Hic virgis est rotundis, striatis, duris, tricubitalibus, in varios ramos, nonnihil lanuginosos brachiatis, quos *folia* numerosa, terna uni pediculo inhaerentia, in summis ramulis exigua, dilute virentia ambiunt. *Flores* parvi, lutei, Genistæ similes, quibus *siliquæ* unciales, molli hirsutie rectæ, ternæ, quaternæ, quinæ uni pediculo inhaerentes, quibus *semina* parva, plana, nigricantia inclusa sunt.

In Hispania ad agrorum limites frequens est; non tamen cum Cytiso primo Clusii, cujus pars in- Locum:  
terior nigricat, confundi debet, & ramuli toti villis obsiti sunt.

Nescio an hæc species ad legumina siliquis articulatis potius referri debeat.

15. *Cytisus hirsutus flore luteo purpurascente* C. B. *magnus flore luteo purpurascente* Pona Italic.

16. *Cytisus serratifolius seu glaber Dioscoridis Laugerio flore rubro* Hort. Altdorf.

17. *Cytisus incanus siliquis falcatis* C. B. *Cyt. siliqua incurvâ, folio candicante* J. B. 7. *Cornutus* Ger.

Galenî creditus *Maranthæ*, *cornutus* Park.

Marant. J. B.

*Cytisus Maranthæ* frutex est totus candidus, eam altitudinem attingens ad quam *Myrtus* crescit. *Folia* singulis pediculis terna, retusa & nonnihil fissa, quæ si digitis terantur odorem *Erucae* proximum, gustata verò Cicer recens æmulantur. *Florem* excludit in ramorum cacuminibus, lætum aspectuque pulcherrimum, colore luteum sed saturato, [parvum, Genistæ pilosæ flori proximum, ex longo pediculo.] *Siliquas* producit pulchras, latas, contortas unâ & nonnunquam pluribus spiris, in quibus *semina* parva, vix ineunte æstate maturescentia. Caudex nigrum cor retinet *Ebeno* simillimum, quod evenit ratione vetustatis; nam in adolescente non observatur.

Ad Baias propè Neapolin in Italia copiosum invenimus. *Marantha* eum sæpius collegit propè Locum.  
Neapolin, in colle quodam, quâ ad Nesidem insulam itur. Honor. Bellus in insulis Rhodo propinquis & Rhodo ipsa nasci tradit.

Ex hujus ligno ensium manubria Turcæ conficiunt; & *Caloieri* Patmi spherulas precatorias effor- us.  
mant. Bellus.

# Appendix ad Legumina,

Continens plantas quasdam, ob filiquas bivalves quas producunt, Leguminosis affines.

**H**Æ vel sunt foliis pinnatis Leguminum instar, vel foliis variè dissectis, floribus tamen ad papilionaceos accedentibus.

Prioris generis plantæ sunt vel foliis bicompositis seu ramosis Filicum nonnullarum in modum, vel foliis tantum pinnatis.

## SECTIO PRIMA.

De Siliquosis anomalis, Leguminosis affinibus, foliis variè dissectis, floribus ad Papilionaceos accedentibus seu

De Fumariis siliquosis.

**F**UMARIÆ notæ sunt Flores spicati ad Papilionaceos accedentes, calcaribus retrorsum productis, quorum medio circiter tubo pediculus inseritur, Siliquæ bivalves velut Leguminosarum, folia dissecta aut pinnata.

A. 1. *Fumaria alba latifolia* Park. *alba latifolia claviculata* Ger. emac. *claviculis donata* C. B. *Fumaria cum capreolis* J. B. Climbing Fumitory.

E radice simplici, tenui, sublutea, paucis fibris capillata, gustu amaricante Cauliculos emittit plures, tenellos, infirmos, angulosos, humi procumbentes, nisi in propinquo sint frutices quos claviculis suis apprehendant. Folia ex-intervallis alternatim oriuntur, tenella, pallidè virentia, acuminata, Lentis quodammodo figurâ, integra, nec laciniata neque ullo modo incisa, quinque aut sex pinnulis ad eandem costam adnexis composita, extremâ costâ in claviculam prætenuem exeunte. Flores in spicis ex adverso foliorum oriuntur, Fumariæ vulgaris floribus figurâ similes, sed minores brevioresque, colore albo nonnihil virente, duabus partibus compositi, alterâ sursum, alterâ deorsum reflexâ, marginibus velut crispis aut fimbriatis. Succedunt siliquæ breves, nonnihil compressæ, tria vel quatuor semina, exigua, nigra, splendentia, reniformia continentis.

Tempus  
& Locus.

Floret circa finem Maii: inque uliginosis saxosis, arenosisve & ad ripas lacuum & fluviorum reperitur, sed rarius.

C. Bauhinus aliam præter hanc Fumariæ viticulis & capreolis plantis vicinis adhzrentis speciem habet; quam & D. Magnol Aprili & Maio mensibus florentem circa Thermas Ballerucanas, & sub magnis rupibus ultra pontem S. Jean de Vedas propè primum molendinum se invenisse asserit. Nos tamen suspicamur non diversum esse à præcedente quam intelligit D. Magnol. Quod si C. Bauhinus Fumariam nostram majorem scandentem flore pallidiori intelligat, perperam viticulos & capreolos ei attribuit. Nos dubios & suspensos relinquunt, qui Entia sine necessitate multiplicare odimus.

2. *Fumaria siliquosa semper virens* Cornuti. *Siliquosa Americana* Park.

Corn.

Rectè surgit caule pedali, rotundo, glabro, tenui velut cinere asperso, qui leviori tactu facile defloratur. In foliis cæsius lævor & divisura similis vulgari, amplitudo tamen est major. Brumale tempus ea non metuunt. Cauliculi alati pullulant: floribus in apice spicantur, Radici cavæ similibus, colore autem diversis: horum enim canaliculus carneo, os autem patulum fulvo atque aureo colore splendet. Floribus succedunt siliquæ, falculæ in modum contortæ, flavescentes, in quibus semina Mili, modo compressa, rotundiora tamen concluduntur. Radix fibrosa est, vulgarique densius capillata.

Planta hæc acris simul & amaræ qualitatis est particeps.

3. *Fumaria quæ Split dicitur* J. B. *Fumaria lutea* Ger. C. B. *lutea montana* Park. Belloto Fumitory.

J. B.

Numerosos, teneros & delicatos profert caules, dodrantaes, per quos folia spectantur Radicis cavæ vel Adianti, sed minora multò, mollicella, glauca, potissimum parte inferiore, sapore insigniter



gniter acri & fauces vellicante, paucò adjuncto amarore. Flores lutei vel albi cornicula relinquunt. Fumariz bulbosæ, minora, semine plena nigro, nitido. Radix crassiuscula nigricat.

Provenit in collibus cultis & agris Apuliz & Calabriz, alibi etiam in Italia & Illyria.

De hac herba Achilles Gasserus in Observationibus ab Hier. Velschio editis, Observ. 99. hæc habet; Cum in Italia studiorum gratiâ versarer, in magno usu & fama erat herba quàm Split in Sclavonia, Venetiis autem herbam Sclavonicam vocabant, amara & foliis Rutam fere æmulantibus, quæ causâ est ut quibusdâ illius genus, aut Harmel Arabum videretur. Hæc copiosè nata in finibus Bosniæ, circa Castrum dictum Bosmaprin mirè laudabatur ad varios affectus, Podagram, Arthritidem, Ischiadem, nervorum affectus, Spasmodum, Paralyzin, Epilepsiam, Apoplexiam & similes. Quod cum clariss. Viro Georgio Laubio Med. Aug. & amico meo literis significassent, hoc modo respondit: Mitto tibi pro *Arnica* quæ habeo de herba Split, ex Venceslao Lavinio Moravo hom. liter. Est species Fumariz seu Corydalis. Invenitur in montibus Bosniæ inter saxa; folio, sapore & flore Fumariam referens: Semen habet in filiquis. Est semper viridis, plurèsq; radices agit, inter se commixtas: possit Fumaria Alpina nominari. Usus ejus in omnibus nervorum affectibus frigidis: Cerebrum confortat, leniter purgat, urinam mover, oppilationes mesenterii aperit & hepatis. Radix amara & acris est: Formula hæc,

R. Radic. Split ʒj. vel Mj. contunde minutim; pone in Vini albi M. j. in olla vitreata sat magna: integatur crusta panis bene oblita in circumferentia: Bull. lento igne per horam j. Datur jejuno pro vice ʒj. hujus decocti tepide, & per quinque dies continuetur. Prima vice sumptum inebriat, post leviter exhilarat & morbum citò levat, victui convenienti instituto. Corroborat Cerebrum, & quòd Melancholicis ac Maniacis conveniat credit quidam Medicus. Greg. à Klo Medicus in Bavaria asserit hæc omnia vera esse, & ipsemet cum esset debilitatis artubus, ut vix ambulare posset, timens præterea Epilepsiz superventum curatus est hac herba, ita ut in alium quasi novumque hominem se conversum putaret. Hic verò dat ʒij. decoct. Ex excerptis D. Soame.

4. Fumaria bulbosa radice cava major C. B. F. b. radice cava flore purpurascens & albo J. B. Radix cava major alba Ger. Item R. c. major purpurea ejusdem. R. c. m. flore albo Park. item R. c. m. flore carneo ejusdem.

J. B.

Radice est bulbosa, cava, lata & sessili, fibris aliquot donata, colore intus forisque buxæ, sapore amaro, interdum non major nucè Juglandæ, aliàs pugno maximo major, quasi ex compluribus bulbis compacta, continuis tamen eâ formâ qua Brutorum renes nonnunquam conspiciuntur. Hinc exsurgit caulis unus aut plures, teneri & magnâ sui parte sub terra latentes, angulosi, compressi, dorstantales & altiores, foris obsoletâ purpurâ colorati, intus pallidi, nervorum agmine rubentium in circulo stipati, succum remittentes, qui primo statim occurssu linguam cum amarore & acrimonia vellicat. Folia in caule bina ortu inæquali, pediculis crassis, cauli concoloribus & longis; colore glauco prædita, quæ trifariam rursus cum peculiaribus pediculis subdividuntur: singularia folia divisurâ Aquilegiæ minoris: A caulis medio ad summam usque in thyrsi modum digesti flores pulcherrimi, ex brevibus pedicellis, veluti Consolidæ regalis, calcaris extremo recurvo & veluti nucleato obtusè, ut in Aquilegiâ, purpurei vel albi, labris utrinque divulsis rictum ostendentes, lingua tanquam in ore latente, binis foliolis ad capita coeuntibus, cannularis, foris albis, intus puncto coccineo saturo in summitate notatis, id quod commune est tam ei quæ flore albo est, quàm ei quæ purpureo: quin etiam utrique inter flores quæ eorum pediculi oriuntur pro singulis pediculis singula folia oblonga, striata, mucronata, integra & modicè concava. Siliquæ maturo ortu sequuntur oblongæ, in quibus semen parvum, nigrum.

Plantula ex semine deciduo folium unicum producit oblongum, subrotundum, simile Auriculæ Leporis primum provenienti.

Eam quæ flore est purpurascens in agro Mediolanensi copiosam invenimus primo vere, cum Mediolano Taurinum iter faceremus. Flore albo prædita ubique fere ad sepes, inque scrobibus umbrosis Alpium Helveticarum nobis observata est.

Radicem cavam viridi flore Lob. à descripta non separat C. Bauhinus, quem nos hac in parte non inviti sequimur.

5. Fumaria bulbosa radice solida, calcaris & folio cristato J. B. F. bulb. radice non cavâ major C. B. itemque minor ejusdem.

J. B.

Radice est bulbosa, non cavâ, rotundâ, Avellanæ magnitudine, interdum majore, non tam altè defixa ut ea quæ radice cava, membranula quæ facillè trahenti cedit investita, foris buxæ, intus sub-alba, amara, cui fibræ capillares aliquot adnatæ. Planta sæpe palmaris & minor, interdum dodrantalis & pedalis, nec multò minor Radice cava, caule lævi, subrubro, binis foliis prædita, ex oblongis pediculis cauli concoloribus, non adversis, in tria alia subdivisis, quæ tenuius deinde subdividuntur. Juxta radicem aut paulo altius folliculus unicus carinatus, calcaris gallinacæ instar, membraneus, in quo aliorum foliorum rudimenta. Extremo cauli insident flores Radicis cavæ, purpurantes, qui pediculo mediocriter longo tenuique adhærescunt, albi, tres, quatuor, novem, duodecim aut plures, conferti in spicæ formam; inter quos ad singulorum pedicellorum exortum folium unum, dissectum variè, fimbriatum & cristatum. Succedunt filiquæ, ut in præcedenti.

In hoc genere flores albos nondum observavi.

In Belgio, Germania & Sabaudia arborum quorundam sepes & margines hac scatere dicuntur. Lob.

Non separabimus nos unquam (inquit J. Bauhinus) has duas Fumarias radice solida non cava [majorem & minorem C. B.] siquidem magnitudine tantum variant. C. Bauhinus diversas affirmat, & florum hec bæcis rudimentis differre ait. Nos fratris senioris sententiam amplectimur.

\* 6. *Fumaria tuberosa insipida* Cornuti. *Tuberosa Americana* Park.

Corn.

Insipidam ideò appellamus hanc quod gustanti & olfacienti omnis pæne saporis & odoris expers esse percipitur. Ramosum huic & velut pennatum folium nascitur, tam tenui divisurâ quàm est Juniperi: ejusdem coloris est cum reliquis Fumariis. Pediculi ab radice ad folia usque dilutissimè purpurascunt. *Radix* in duo tubercula rotundatur, quæ geminum velut testiculum repræsentant, villis quampluribus velut adnata pube vestitum, ac ferè ei similis est Satyrio, quod ab eadem radice figura Cynosorchidem nominarunt. De flore nihil statuo (inquit) necdum enim apud nos floruit, eum tamen album esse intelligo.

A Canadensi solo repetitur.

## S E C T I O   S E C U N D A.

De *Siliquosis anomalis folio bicomposito seu ramoso, flosculis in globulos coactis:*

**P**LANTAS hæc ob lobos seu siliquas bivalves conformes Leguminibus subjungendas duximus quamvis foliorum compositione, sed præcipuè florum figurâ, situ, aliisque accidentibus ab eisdem plurimum differant.

Harum pleræque ad tactum aut frigidioris aeris appulsum folia illico contrahunt ac si sensu prædita essent, unde *Æschynomena* & *Mimosa* & *Sensitiva* dictæ sunt: quâ facultate, quamvis obscuriore, fortasse etiam *Acacia* *Ægyptiaca* & *Indica* pollent, quæ foliis & floribus cum *Æschynomenis* conveniunt; atque idcirco ab iis minimè separandæ sunt, quantumvis lignescant & in frutices satis grandes aut etiam arbores evadant. Primum ergo de *Acacia* agemus, deinde de *Æschynomenis*.

## CAP. I.

De *Acacia*.

1. *Acacia vera* J. B. *Acacia foliis Scorpioidis leguminosa* C. B. *Acacia Dioscoridis* Ger. *Acacia vera sive Spina* *Ægyptiaca* Park. *Acanthus Theophrasti*.

J. B.

*Acacia* plantam adolescentiorem, ex semine natam à se Patavii visam describit J. Bauhinus spinis horrentem simili ferè spinis *Berberis*, eodémque ferè ordine dispositis, binis ut plurimum simul junctis, à se invicem divaricatis albis, cortice ex nigro cineraceo, ligno ex luteo pallescente, foliis ad lentis folia accedentibus, pinnatim multis, ad costam unam coherentibus, ut pollice, teste Bellonio, possis tegere 350. folia. Siliquæ, quas hætenus habere contigit, Lupini siliquis quodammodo similes, nigricantes sive fusæ, compressæ, angustò isthmò interceptæ (an pluribus quàm duobus solear isthmis distingui, *avmimim* non habeo quod dicam: *Asterudisiss.* Vessingius ex *avmimim* siliquarum ejusdem arboris alias digiti, alias manus quoque *spithamæve* mensuram superasse didicit, nec ternis tantum aut quaternis, sed octonis, etiam dens, pluribusque seminibus, inter arcuatos lobulos invicem subornatis) eoque fragili: unicuique loculo, ad latera apertili semen inest unicum, minus quàm Carobæ, spadiceum, circulo in unguem ducto, ut in *Tamarindis*, dentium contemptrici duritie in eo medulla. Cæterum siliquam intrinsecus succingit pellicula rufescens, inter quam & extimum corticem concretus liquor apparet, qualis ferè in *Cajou*, sed valdè paucus. Flores pulcherrimi sunt, spherica rotunditate globuli, in corollarum contextum olim recepti, staminum innumerabilium densa phalange, *Cerasi minoris ambitum æquantes*, ex se pulverem remittentes. Coloris sunt flavi, pediculi singulorum globulorum tenues unciales. Alpinus ait odore esse non ingrato, Cayri quidem flavos vel pallidos; in montanis verò *Arabie* albos: Arborem magnitudine esse *Mori*, ramisque latius expansis, caudice *Pruni*, trunco aquali. Vessingius caudicem spinis carentem non rarò ampliorem se deprehendisse ait, quàm ut brachio suo circumdari potuerit: non *isopodis*, teste Theophrasto, sed à mediocri saltem altitudine, densiore sylva ramorum, in latus magis quàm in rectitudinem se exporrigentem.

Hujus arboris, Alpino auctore, mas atque femina reperitur. Mas quidem spinis est horridus, & fructum non edit: Femina spinis paucioribus mollioribusque referta est, easque extra ramos tantum habet, non autem intra: quæ arbor est fecundissima, florereq. orientibus *Pleiadibus*, Novembri scilicet mense, incipit; & rursus iisdem occidentibus, mense scilicet Martio, bisque in anno fructus fert atque maturat.

Viret.

*Ægyptii*, ex observatione Alpini, *Acacia* arboris utuntur succo, ex siliquis immaturis expresso, vel etiam ex floribus vel foliis, ad oculos roborandos, atque ab inflammationibus, quæ ibi sunt frequentissimæ, tuendos, ad oris auriumque omnia ulcera, necnon ad laborum fissuras, ad dentes colabentes roborandos atque firmandos, succo in pulverem redacto, post ablutionem ex decocto ejusdem



dem succi vel foliorum, vel florum parato, factam, utuntur supra gingivas asperso, ac eo dentibus confricatis. Sanguinem spuentibus drachmam singulo mane, aliquo liquore dissolutam potandam offerunt, mirasque ad quamcunque sanguinis fluxionem firmandam semper vires habuisse apud eos cognitum est. Ego sapissimè hoc solo auxilio multas mulieres ab immodico uteri profluvio penè mortuas revixisse atque sanatas fuisse certò scio. In iis quidem quæ has immodicas patiuntur vacuationes, clysteribus ex Acaciæ foliorum florumque decocto paratis in uterum injectis utuntur, atque etiam succo pulverisato prædicto cum decocto dissoluto atque immisso. In alvi fluxionibus eodem modo tum clysteres frequentant, tum per os succum feliciter exhibent. Ad anum uterumque foras procidentem succo dissoluto cum foliorum florumque decocto nihil habent præstantius ac frequentius quo utantur. Ad eos qui ex quacunque causa articulos debiles habent fomentum ex iisdem omnibus paratum pro præsentaneo auxilio habent. Omnes ejus fomento utuntur ad defendendos articulos ab humorum decursu, atque non minùs in eisdem tumefactis atque inflammatis, præsertim in principio dum humores adhuc in cursu sunt. Hincque usus ad podagricos dolores frequentissimus est, maximamque vim habet Acacia, ut à podagricis incurfibus homines præservet. Non desunt qui ad ea mala non modò foris fomenti vel balnei modo Acaciâ utuntur, verum etiam succi modicum per os sumere ante fluxionis tempus per aliquot dies consuecunt, ut ipsæ internæ viæ angustiores factæ minùs cursui humorum pateant. Aliqui etiam ex succo Acaciæ atque aceto linimentum parant ad liniendos articulos debilitatos, quo sanè mirificè eos roborant ac firmant. Multos novi recenter à podagra tentatos usu assiduo Acaciæ planè convaluisse, qui singulis diebus per horam ad minus, pedes in decoctum Acaciæ calidum detinebant, eoque fomentabantur, pedesque absterfos linimento ex succo Acaciæ opobalsamo, acetòque parato etiam inungebant. Ad pudendum aliarumque debiliùm ulcera difficilia succi aquâ pluries loti pulverizati usus est illis familiarissimus; decocto etiam utuntur ad exsiccandas pustulas omnes, præsertimque Gallicas, sed decoctum parant, etiam cum modico ligni Guaicai. In pueris etiam ad achores in capite orientes & decocto, & pulvere utuntur. Hæc omnia Alpinus.

Acacia vim validam adstringendi inesse veteres & recentiores consentiunt: qua mediante prædicta pleraque præstat; ad quæ Dioscorides eam commendat. Pro succo Acaciæ Officinæ olim Pruni sylvestris succum substituere solebant.

#### *De Gummi Arabico dicto.*

Cortices, spinas, filiquas & semina quæ reperiuntur cum gummi Arabico satis demonstrare censemus gummi illud provenire ex Acacia; inquit J. Bauhinus. Accedit Bellonii & Alpini testimonium idoneorum id asserentium autoritas; quibus potiùs fidendum quàm Matthioli & aliorum ratiunculis in contrarium adductis, quibus refutandis immorari non erit operæ pretium. Scio (inquit Alpinus) totam gummarum quantitatem quæ ex Ægypto convehitur esse Acaciæ arborum, quando nulla ibi arbor sit excepta hac, quæ gummas educat, ac Ægyptus & Arabia Prunis, Cerasis atque Pomis careat.

Vim habet gummi meatus obducendi, acria medicamenta quibus admiscetur hebetandi, & in am- *Vires.* bustis pustulas excitari non finit illitum cum ovo, autore Dioscoride.

#### *2. Acacia Indica Farnesiana Aldini.*

Ad Avellanæ nucis magnitudinem in horto Farnesiano succrevit, cubitorum duodecim altitudine, caudicis diametro semipalmari [palmum Romanum intellige] figurâ suâ & cortice dictam Nuncem omnino æmulans si aculeis careret, dum scilicet sine foliis spectatur hyemali tempore. Rami insunt longi, alti atque erecti, sed juncturis haud in rectum sibi respondentibus, fractu contumaces & flexiles cortice lævi, ut in Avellana. At ramusculi novelli ex parte terram aut Septentrionem spectante viridi cinerei, superiore Solique opposita obscure rubentes atque albis punctis commaculati apparent, qui tandem solidiores effecti cinerei cum diluto virore toti videntur. Folia Maio mense alternatim in ramis, modò ex una parte, modò ex altera ante primos flores elucescunt, ramosa, pinnatæque Filicis foeminae in modum, quatuor, quinque, sex, septem, aut octo ramulorum paribus composita, nullo in extremo impari foliorum ramulo; in quorum unoquoque parva & oblonga sunt foliola viridia, instar foliorum Lentium, invicem opposita, sese ex ordine contingentia, interdum expansa, noctu ad se mutuò adducta [opposita scilicet] Aculei cuilibet folio in lateribus pediculi connascuntur bini, initio colore carneo, postea albescentes, validi, unciam & amplius longi, qui remanent diu in ramis & caudice etiam decedentibus foliis.

Flos Quintilis mensis initio apud nos, postquam folia pauca è vetere ligno emerferunt, apparet, non quidem in multa copia, sed qui fructum perficiat: Septembre autem incipiente, post plurima etiam alia enata folia, iterum floret copiose ex novellis furculis: At fructum ex his non edit, fortè ob frigus insequens: nam Alpinus bis in anno Acaciam in Ægypto fructus ferre & maturare scribit. Verni flores pauciores sunt numero, & singulati oriuntur, brevique annectuntur pediculo: Autumnales verò copiosissimi prodeunt, atque tres, quatuor, quinque, vel sex prope ori & quasi simul, longòque pediculo pendentes hærent, ceterò non differunt. Porro flos iste cum parvulus est viridi cernitur colore, parvumque figurâ imitatur Fructum, deinde lutescit, & post duos vel tres dies albescentis, fit cano hominis capillo haud absimilis, parva etiam pile in modum est rotundus, apparetque quodammodo tomentosus ac lanuginosus, quasi ex pluribus flocculis confarcinatus: sed revera à medio prodeunt infinita quædam, mirum in modum tenuissima filamenta, in summo luteum apicem parvum, rotundumque, ac arenæ granulo similem habentia, quæ circumposita cum suis appendiculis globum luteum efformant, fructus Cerasi magnitudine ac figurâ. Adhuc autem exactius hunc florem examinans, reperi parva & oblonga valcula [seu potius caliculos] optime

simul confarctæ in perfectam rotunditatem, numero aliquando 95, 100, 110, & plus, & minus, quæ omnia occulsa sunt viridia, aperta verò, scilicet cum efflorescunt, singula quælibet quadraginta vel quinquaginta, tenuissima brevique & lutea filamenta ( seu capillamenta aut potius pilos ) in summo sortita, parvulum granum luteum pro apice continent atque emittunt. Sapore est flos iste parùm adstringente cum levicula amaritudine: odor verò gratus & suavis, nec dissimilis Keiri, at paulò acutior: quem ficcatus diu pertinaciter retinet. Per mensem integrum prima vice, secunda per duos & plus florens conspicitur, floribus aliis marcescentibus, aliis subnascentibus.

Siliquæ è floribus centro prodeunt, numero variaz, solitariae interdum, aliquando verò binæ, ternæ, quaternæ, senæ, septenæ, denæ etiam, nec rarò plures ab uno eodémque flore. Cum enim ortum ducant siliquæ ab illis vasculis in flore dictis quæ centenæ quandoque numerantur, nec etiam erit impossibile ab uno globoso tantùm flore centenas oriri siliquas: positu autem figuræque simillimæ conspiciuntur Piperi Æthiopico *Martb.* sed sapore & internis seminibus differunt; per maturitatem nigerrimæ dum parvæ adhuc valdè adstringentes sunt, contortæ, rotundiores & veluti cornicula, maturelcentes paulatim minùs adstringentes, magisque acres; maturæ figurâ & magnitudine Lupinorum siliquas æmulantur, aliquantulum contortæ, sex uncias longæ, digiti minoris crassitie, rotundiunculæ & tuberculosæ ob semina inclusa, Cortex ficcus validus est.

Semina Carobæ similia; matura dura atque nigra, non rotunda sed longiuscula, medullâ bivalvi, in quolibet lobo plura, incerto numero, sine ordine posita & confarctæ, substantiâ quâdam candida & levi interposita. Mirum, vel unum semen tantùm paululum ore mansum adedò calefacit os & palatum, atque Allii odorem adedò æmulatur, ac taliter eo odore os inficit, ut etiam à longè mirè fœreat halitus ejus qui hujusmodi semen parum manderit.

Semen ab insula S. Dominici dicta seu Hispaniola transmissum fuit. Plantæ è semine Indico enatæ post triennium florere cœperunt.

*Acacia secunda Ver.*

Acaciæ alterius meminit Dioscorides in Cappadocia & Ponto nascentis, similis Ægyptiæ, multò tamen minoris, & ad humum depressæ ac tenerioris, sed spinâ aculeorum specie obsita, folia habentis Rutæ similia: Semen autem in folliculis conjunctis, trium aut quatuor capacibus, minus Lente.

Hæc tota in succum expressa astringit, verùm inferior est facultate, & ad ocularia medicamenta inepta.

*Cordem, quæ Acacia Dioscoridis quibusdam.*

Halepi in mercatorum tabernis nomine *Cordem* reperit Rauwolfius siliquas venales, castaneæ modo fuscas, quæ duos aut tres sacculos habent compressos, & in unoquoque semen rubens simile Balsaminæ nostræ mari, ex Ægypto maximè allatas. Quidam existimant veram Dioscoridis Acaciæ.

*Acacia congener Lob.*

Quædam Acaciæ congener est, foliis & spinis Jujubæ concoloribus, cui surculi tortiles per crebra intervalla geminis aculeis donantur, cornua Limacis exerta referentibus, interque cirri exiles foliola Acaciæ primæ positu & similitudine gerunt. *Lob. Adv.*

*Acacia congener alia.*

Ex Peruvianis insulis alia, quæ non foliolis dissimilis, in viminibus sesquipedalibus spinulis aduncis donatur, concoloribus Uvæ crispæ. *Ad. Lob. & Penn.*

## C A P. II.

### *De Plantis Æschynomenis seu vivis & mimosis dictis in genere.*

**F**acultas sentiendi Animalibus tam propria censei solet, ut eorundem differentia essentialis à Philosophis constituatur. Verùm Plantæ nonnullæ *Æschynomene* Veteribus dictæ, Recentioribus *vivæ & sensitivæ & mimosæ*, haud obscura sensûs indicia produunt: siquidem folia earum manu aut baculo tacta & paululum compressa, pleno etiam meridie, splendente Sole, illico se contrahunt; in nonnullis etiam speciebus cauliculi teneriores concidunt & velut marcescunt; quod idem ab aere frigidiore admissio patiuntur. Quomodo hæc fiant si sensum omnem & motum spontaneum iis denegemus mechanicâ aliquâ ratione explicare perdifficile est. Quid si dicamus spirituum nervos & vala replentium contractioni aut ingressui prohibito ea deberi? Quemadmodum enim Animantium pulmones aere inspirato repletæ extenduntur & attolluntur, sic pariter folia spiritibus & vaporibus per nervos influentibus; quemadmodum etiam iidem pulmones aere seu expirato, seu per poros elapso vacuæ concidunt & contrahuntur, sic iidem folia spiritibus exhausta. Jam verò spiritus folia distendentes cum in continuo fluxu sint, perque eorum poros expirent, nisi novi jugiter à radice subministrantur, flaccescant ea & contrahantur necesse est, ut in avulsis videmus.

Fieri ergo potest ut tangentis manus, nervorum compressu spirituum influxum impediatur ad tempus, aut fortasse etiam repercutiatur nonnihil, unde iis qui nervos implebant evaporantibus folia necessario contrahantur aut collabascunt. Fieri etiam potest, ut tam digiti quam ambientis frigus, spiritus contrahat & condenset, eorumque motum sistat, adeoque folia contrahi & collabascere faciat. Valvulas enim in plantarum vasis, nisi quis eas ad oculum demonstraverit, non libenter admiserim.

*Locut.*

Hujus plantæ Theophrastus nomine *Æschynomene* circa Memphin Ægypti nascentis meminisse creditur. Verùm hodie in Ægypto non invenitur, siquidem Bellonius & Alpinus nullam ejus mentionem faciunt; & Guilandinus se istam diu multumque in Ægypto circa Memphin, Helio-

polin,



polin, Tanaim & Alexandriam quasitam nunquam offendere potuisse. Verisimile ergo est aliunde advectam ibi olim plantatam fuisse.

Plinius Lib. 24. Cap. 17. ejus meminisse videtur his verbis, *Adjecit his Apollodorus sectator ejus [Democrati] herbam Æschynomenum, quoniam appropinquante manu folia contraheret.*

## CAP. III.

## De Plantis Æschynomenis foliis bicompositis seu ramosis.

1. *Caaco Brasiliensibus; Herba viva vulgo Marggrav. Æschynomene spinosa* II. seu foliis *Acaciae latioribus, siliquis longis hirsutis* Breyn. *An mimosa spinosa Fernambucensis Zanoni? The Sensitive Plant.*

**C**aulis habet striatum, viridem, longum, haud crassum, lignosum, aculeatum, fragilem tamen & medullosum, qui partim terræ incumbit, partim assurgit & aliis se implicat. In varios panditur ramos, & rami in ramulos, duos aut etiam quatuor digitos longos, aculeatos: quilibet autem ramulus quinque, sex aut octo costas habet sibi semper oppositas, quamlibet unum aut sesquidigitum longam, quæ costæ continent foliola latè viridia, ordine posita & sibi opposita, angusta, oblonga ut Lentium, sine pediculis, ad tactum tenera, in medio secundum longitudinem subtili nervulo donata, qui non potest videri nisi foliolum luminè obvertatur. [Nobis folia sunt quæ Marggravius ramulos vocat.] Folia autem in plantula nobis visa, quæ ex semine provenit, observata bicomposita fuere *Filicis femine* in modum, primò ex duabus tribusve costarum paribus medio nervo adnexis; secundò ex sedecim, octodecim, aut etiam viginti pinnarum paribus singulis costis adnexis, absque impari in extrema costa: Ad caulem ubi ramuli prodeunt brevis provenit pediculus, (rarò plusquam unus in uno loco, sed in uno habens multos [flores] & in summitate, caulis quasi spicatum congesti sunt globuli) unum digitum longus, qui capitulum producit rotundum magnitudine Globulariæ Monspeliensis *Clusii*, vel etiam majus, constans cœruleo-purpureis, (vel etiam incarnati coloris) flosculis egregiis, arctè junctis, ita ut capitulum hirsutum videatur. Post flores proveniunt *siliquæ*, tenues, striatæ, hispidae, mollibus aculeis munitæ, tres circiter digitos longæ, in quibus semen nigerrimum splendens, oblongum, figuram ferè habens cordis, magnitudine grani filiginis. *Radix* hujus plantæ perennis est, & semper protrudit caules recentes: Est autem pedalis aut paulò majoris longitudinis, quatuor circiter digitos crassa superius, sed quæ paulatim attenuatur versus inferiora; est autem contorta instar funis, & multa habet filamenta ad latus è sui medio, unum aut duos pedes longa, exterius coloris Umbræ, interius alba, lignosa, medullosa, lenta, filamentosa: tota fortem odorem habet, planè similem Raporum nostratum diu in cella tempore hyberno servatorum. Herba inodora sed saporis subtilis: Mirabilis autem, nam manu, pede aut baculo tacta, statim contrahit se & componit, brevi autem post iterum se explicat. Etiam circa Solis occasum quasi tristitiâ affecta se componit.

Eandem huic omnino plantam esse mihi planè persuadeo *Mimosam spinosam Fernambucensem* Jacobi Zanoni, quamvis ille diversam velit, figura duntaxat seminis, (quod summa parte per longum sulcatum scribit, frumenti nostratis similitudine) repugnare videtur.

2. *Caaco seu Herba viva tertia species* Marggr. *Æschynomene spinosa tertia sive foliis Acaciae angustioribus, siliquis parvis echinatis* Breynii. *Planta humilis hortulanis nostris.*

Breyn.

Validioribus spinis undique horret hic frutex, Rosarum magnitudine; ramis multis rotundis, hirsutissimo cortice, atrorubenti obductis: quos frondes nullo ordine & temere nascentes, fescunciam longæ, tenues hirsutæque ambiunt; subtus ad exortum duobus hamatisque sentibus armatæ, & superius in quovis latere quatuor aut subinde quinque suffraginibus foliola obscurè virentia, Acaciae angustiora habentibus, densè adeò in orbem alata ut stabellum è plumis confectum perminutum non malè exprimere videantur. Globulos secundæ fert minores, flosculis rigidioribus & magis patulis congestos, ternos, senos, vel nonnunquam plures simul junctos: quibus *siliquæ* superveniunt pilis rigidis echinata, tenues, in tres distinctæ loculos, quorum singulis singula semina, præcedentium paria, sed aliquanto minora, coloris ex spadiceo-fusci, inclusa.

Marggravius siliquas & semina ita describit. Semen continetur in siliquulis parvulis, teretibus, hispidis, fuscis, quarum multæ conjunguntur, figurâ Rosæ: quælibet autem siliquula habet tria grana & totidem tubercula; Semen autem coloris est olivacei, paulò obscurioris, rotundum & paulò compressum, instar lentium, sed minus. Siliquulæ etiam sponte dissiliunt in tot partes quot semina continent.

Hæc fortè est Pinahuihuiztli seu Herba verecunda Fr. Hernandez, quæ imperfectè admodum describitur Lib. 4. Cap. 32. Hist. Mexic.

Hæc ex seminis figura ea esse videtur quæ hortulanis nostris Plantæ humilis nomine colitur, ad frugem tamen, quamcunque curam adhibueris in regionibus nostris ob ambientis frigus non pervenit.

- \* 3. *Æschynomene spinosa* IV. seu foliolis *Acaciae angustioribus*, frondibus validissimis spinas habentibus Breynii. An *Herba virva alia fruticescens*, Lusitanis *Silva d'Agua dicta* Marggr?

Breyn.

Frutex hic itidem Brasiliensis, spinis adhuc validioribus passim armatus, & altius utpote in *Oxyacanthæ* altitudinem excrescens, cortice purpurante, lento, & in ramis piloso tectus. Hujus frondes seu folia *Acaciae* instar sunt ramosa, ac observatione profecto digna: illorum enim quodlibet ex pediculo pæne dodrantali, crasso, lignoso, piloque abundante hirsuto & rufescente constat, per intervalla semuncialia octo, decem aut duodecim paria suffraginum, biuncialis latitudinis, sibi directè opposita habens: qui foliolis compluribus utrinque, admodum exiguis, densius quàm congeneres omnes mirabiliter adeò pennatæ, ut tanquam in alis avicularum pennulæ appareant: inter cujuslibet suffraginium paris medium, ex petioli lupina & carinata parte aculeus longus & gracilis progignatur, & in mediâ suffraginum distantia utrinque ad petioli latus crassæ, aduncæ, Rosarum similes, validissimæque spinæ, eo modo ut par semper suffraginum & par spinarum, par spinarum & par suffraginum, (in medio sicuti dictum aculeum semper habentium) alternatim ordine accuratissimo se invicem excipiat. *Flosculos* fert sui congenerum de more in globulum coagmentatos sed majorem; deinde *siliquæ* è floribus centro longissimæ, hirsutæ progerminare feruntur.

4. *Æschynomene spinosa* I. seu latifolia Brasiliensis siliquis radiatis Breynii. *Juqueri-ommano* Marggrav. An *Herba mimosa* Clus?

Breyn.

Planta est fruticescens, caules ramosque proferens pallide virentes, quadrangulares, fragiles, medullâ niveâ refertos, & in angulis densissimè spinarum vallo lutearum munitos. Hi alternatim per interstitia uncialia longiorave frondibus æquè ac rami quadrangularibus spinosisque ornantur: quæ in extremitate ferè in duas semunciam vix attingentes expanduntur suffragines, quarum singulæ foliolis utrinque duobus, aversâ parte hirsutis, adversâ verò glabris & latè virentibus præditæ, Senæ haud minoribus, nec dissimilibus, excepto quòd altera eorum pars alteram longitudine & latitudine vincat, & interius foliolum inferius multo brevius semper & longè minus observetur: cujuslibet folii longitudinem nervus erectus, superiori tamen lateri propius quàm inferiori transit, costas quasdam semilunaris figuræ in inferiori latere cum venulis parvis in utroque fundens. Inter frondium appendices pilis rigidis exasperatas petioli vel solitarii tantum (vel subinde plures, simul juncti) angulosus, tenuis, uncialis longitudinis, atque spinulis multis præditus exit; globulum sustinens villosulum, *Acaciae* dimidio minores, ex innumeris tubulosis *flosculis*, staminula pallida emittentibus, purpurei coloris, & squamulis compluribus, pallidiusculis, spinosis confarcatum: quem *siliquæ* tandem subsequuntur membranaceæ, novem, decem, imò & duodecim in orbem, *Glycyrrhizæ* *Dioscoridis* instar dispositæ, longitudine unciam superantes, pallidi coloris, & pilis longiusculis hirtæ, circumque margines longioribus veluti spinulis radiatæ: hæ per intervalla sunt tumidiusculæ, depressæ interstitiis, ac *Securidacæ* instar geniculatæ; de quibus semine maturo filum utrumque latus fimbriæ instar cingens solvitur, & siliqua ipsa diffilit in capsulas quatuor aut quinque parallelogrammas; in singulis semen unicum comprehensum; olivacei coloris & figuræ ovalis; *Acaciae* quadruplo minus continens, cujus utramque superficiem area circularis pingit.

- \* 5. *Æschynomene spinosa* foliolis *Acaciae* latioribus, frondibus longissimos aculeos habentibus Breyn.

Breyn.

Hæc ex semine Americano, oblongiusculo, olivacei coloris tam feliciter exitit, ut intra annum ternos in cubitos adoleverit. Caudicem habebat ligneum, rotundum, digiti crassitie, & multis spinis deorsum inflexis rigentem: ex quo ramuli confuso ordine oriebantur spinosi, frondibus innumbrati frequentissimis; præcedentis admodum similibus, nisi quòd tenuiores, multò minùs hirsutæ, spinisque minoribus ac infirmioribus, aculeis contra altero tanto longioribus præditæ, & suffragines eorum, quæ laxius dispositæ, foliolis majoribus *Æschynomenes spinosæ* secundæ Breyn. melius convenientibus minus arcuè pennatæ. Hæ frondes æquè ac antecedentis tactæ, ut & vesperi sine contrectatione, sed tardius paulò foliola complicantes, deorsum suffragines detorquebant.

6. *Æschynomene mitis* I. seu *Herba casta Americana*, foliolis *Acaciae* latioribus, siliquis latius compressis, majoribus Breynii Plantæ sensitivæ nomine hortulanis nostratibus nota. *Herba mimosa Jamaicensis* Zanoni.

In cubitalem altitudinem [imò ulnæ Italicæ & dimidiæ Zan.] attollitur, caule unico principali, verum prope terram multos ramos emittente, lignoso, glabro, splendente ac si vernice oblineretur, subinde rubente, frondibus seu foliorum alis per intervalla crebra vestito, uti sunt & rami, qui si reclinati ut sæpe terram attingant radices plerumque agunt. Frondes seu foliorum alæ bicompositæ sunt, ut in spinosâ secundâ Breyn. primò ex duobus tribusve alarum seu suffraginum paribus, pediculis brevibus, crassis mediæ costæ adnexis; deinde suffragines dicti seu foliorum totalium alæ ex foliolorum seu pinnularum paribus sedecim, octodecim, aut etiam viginti, & fortasse etiam pluribus. Sunt autem pinnulæ hæ angustæ, glabræ, glaucæ, aut obscurius virentes, per margines æquales, in acutos mucrones terminatæ, nullâ in extrema ala impari pinnulâ: dum tenellæ sunt rubent aut purpurascunt, qui color in plenam maturitatem adeptarum marginibus durat. Ex frondium sede pediculus exurgit fescuncialis, nudus, cujus cacumini insident flores tubulosi in spicam Pimpinellæ instar globosam condensati. His evanidis apparent siliquæ novem, decem, pluresve simul junctæ, unciales, membranaceæ, fuscæ, compressæ, à Genistæ siliquis haud multum abhorrentes, tot in utroque latere extrinsecus tuberculis præditæ quot semina numerantur intrinsecus, quæ nigra, forma & circulis *Æschynomenes spinosæ* secundæ paria. Ja. Zanoni semina gigartis seu vinaceis similia sed minora,



nora, nonnihil compressa, lucida, valde dura, colore castaneo [verius ex spadiceo nigricante.] Idem accuratius florum spicas seu globulos describit his verbis. Versus summos caules & ramos, Septembri mense, è foliorum sinibus singulis singulos exserit oblongos pediculos, uno vel altero foliolo, diversè à reliquis figuræ, nimirum cordiformi donatos, summo fastigio capitulum granulatum viride, quod postea in luteum mutatur, sustinentes. Excrecente paulatim capitulo granula inferiora primò aperiuntur & fiunt florum calices, quibus exiccatis superiora gradatim explicantur, ut nunquam plus media parte capituli florida appareat. Sunt autem flosculi in quatuor vel quinque dentes seu angulos secti, habentque in medio multa filamenta seu staminula è luteo albicantia, apices minutos, subrotundos coloris obcuri & odoris tenuis sustinentia.

Plantæ hujus semen ex insula Barbados, ubi sponte oritur, quotannis in Angliam mittitur.

Locum.

- \* 7. *Æschynomene mitis secunda seu Herba casta Zeilanica siliquis latis, compressis, minoribus* Breyn.

Hujus siliquam duntaxat habuit J. Breynius, quæ cum quinq; aliis uni adnata fuerat pediculo: erat autem ex spadiceo fusca, nullis articulis intercepta, Herbæ castæ primæ perquam similis, ut & semen; ex quo D. Sye propullulavit planta, Mimosa minori haud abimilis facie & motu.

- \* 8. *Æschynomene mitis Americana foliis Acaciæ angustioribus, siliquis longis angustis, semine quadrangulati* Breyn. *Mimosa spuria Fernambucensis, dicta Mimosa Italica Zanoni.*

Neque statura & magnitudine, neque foliorum figura à reliquis Mimosis differt. Folia duntaxat nonnihil tenuiora sunt, superna parte perfectè viridia, inferna pallidiora. Canlis plerunque sesquicubitali altitudinem assequitur, propè terram subrotundus.

Differt à prima specie seu Mimosa spinosa Fernambucensi Zanoni, 1. Parvitate totius plantæ, præcipue foliorum. 2. Quod folia tactu non se comprimant illius in modum. 3. Siliquis longis, tenuibus, mucronatis, caulibus spinis destitutis, quo differt à mimosa quartâ Zanoni, cujus siliquis sunt etiam tenues & longæ, verum caules spinosi.

Hæc à multis annis variis Italia locis familiaris facta est, aded ut advena & peregrina jam non habeatur planta in illis regionibus, unde & nomen *Mimosa Italica* adepta est.

Pleniorem omnium ejus partium descriptionem qui desiderat Jacobi Zanoni historiam petat.

- \* 9. *Æschynomene mitis Americana foliis Acaciæ brevioribus* Breynii.

Breyn.

Arbustula est rarissima, in Corocao insula nascens, Frondibus Acaciæ, in quibus folia breviora, pedunculis longioribus, quàm in reliquis *Æschynomenes* generibus insidentia cernuntur. Globulos uberrimos, *Æschynomenes* spinosæ 3. Breyn. simillimos, flosculis verò majoribus, elegantioribus paucioribusque compositos gerit. Siliquarum figurâ nos latet, inquit Descriptionis autor Jac. Breynius.

- \* 10. *Frutex parviflorus sive Crista parviflora Sinensium* Breynii. *Foliis ramosis cum hoc genere convenit, floribus cum sequente.*

Breyn.

Frutex hic cortice lævi, præprimis in junioribus purpuratus, in Ambon insula aliisque Indiæ locis ad quinque cubitorum altitudinem affurgit: Frondibus purpureis spithamæ longitudinis, sub originè spinam hami modi incurvam habentibus alterna vice inumbratus, quæ per certas distancias suffraginibus quinque, septem, pluribus paucioribusve, in quolibet latere biuncialibus sunt præditæ, purpurei indidem coloris, aculeolumque etiam purpureum sub singularum exortum monstrantibus. In harum suffraginum unaquæque octo, decem, duodecim, vel quatuordecim foliola observantur Colutæ Scorpioidis venosiora, pari semper numero sibi mutuo oppositi, ita ut nullum Suffraginis extremum claudat. Floribus exornatur incomparabilis suavitatis, de quibus in ramorum summitatibus plures subinde quàm quinquaginta, spicam longam spectabilem efformantes numerare licet. Illorum quilibet triunciali petiolo purpureo, inferius juxta sedem spinulâ, & superius geniculis sæpissime duobus donato suffulcitur, ac Cassia in modum Brasiliæ, in globoso ante perfectionem celatur utriculo; quing; ex obsoleto purpurascens foliolis composito, quorum infimum carinatum, extrema parte inflexum veluti cucullus super reliqua minora resupinatur, atque florem in illis reconditum venustissimum cum explicatur petalis quinque, è purpureo rubentibus & ex aureo fulgore variegatis constantem occulit. Singulorum in medio florum stamina stant decem, purpurea, longissima, sursum versus reflexa, flaventes in ætate deficiente, inter quæ stylus castoditur prolixus & crassus, tandem in siliquam à Pisorum haud multum recedentem excrecens, corticolam, duram ex purpureo castanei saturati coloris, intrinsecus verò album, ac valvulis spongiosis & crassis ex cinereo ferrugineis in novem vel decem separatam cellulas: quarum unaquæque semen Ceratiæ simile continet, olivacei coloris, cum tempore ex spadiceo rufum seu fuscum, circularibus lineis densissime circumdatum, quod ex pedunculo in margine siliquæ supremo dependet.

SECTIO

## SECTIO TERTIA.

*Planta Æschynomene foliis pinnatis tantum, non ramosis, floribus vel papilionaceis vel pentapetalis.*

## CAP. I.

*Mimosa non spinosa major Zeilanica Breyn. Dyabibala Cingalensium D. Hermans.*

*D. Syen.*

**R**adice firmatur rotundâ & subrufâ, quæ paulò infra terræ superficiem in tres quatuorve partes finditur, & rursus postquam profundius delituerit, in plures subdividitur, paulatimque in capillamenta coloris albicantis definit. Huic innititur *caulus* rotundus, concavus, mollis & tener, coloris dilutè virescentis, cui alterno ordine adnascuntur *folia* longa, ex plurimis aliis laterilibus, nervo medio intercurrente conflata, pari modo ut in aliis Mimosis liquet, nisi quòd folium hocce angustius, ac non ramosum, & tota planta præterea dilutiorem colorem obtineat, sensûque obtusiore sit prædita. Juxta foliorum exortum flores enascuntur papilionacei, nunc singulares, nunc bini ternive, pediculis brevioribus inhaerentes, figurâ (quantum ex sicca planta colligere datum) ad Genistæ flores propemodum accedentes, colorisque lutei vel aurei, labello autem inferiore hirsuto. Hisce succedunt *siliquæ* angustæ, compressæ & articulatæ, trium unciarum ut plurimum longitudine, quinque vel sex *semina* suis internodiis distincta continentes, quorum numerum externè facile quis distinguat, cum non solum foras promineant, sed & iis in locis ubi conspiciuntur semina, siliqua planè sit aspera & scabrosa, articulationibus præterea, quæ ea distinguunt, tam teneris, ut si vel leviter tantummodo tractentur, facili negotio à se invicem separentur: siliquæ extremitati insuper appendicula quædam ut plurimum adhæret capillacea. *Semen* ipsum Lentis fermè est magnitudine, coloris ex griseo vel subfusco flavescentis & exactè renis figuram exhibens, pari modo ut in Spartio monospermo altero C. B. videre licet.

Calorem intensum & solum apprimè humidum amat.

## CAP. II.

*Herba viva Hist. Lugd. Acoftæ Park.*

*Acofta.*

**N**onnullis Asiæ locis planta quadam invenitur, vulgò *Herba viva* nuncupata, à circumforaneis illis *Foques* appellatis *Herba amris*, ab Arabibus & Turcis *Suluc*, & à Persis *Sulique* dicta. Exilem habet *radicem*, à qua supra terram exiliunt octo ramuli, (costæ potiùs) duos digitos longi, *foliis* utrinque è regione digestis, & inter se respondentibus onustis, quæ ut plurimum ad Ervi folia accedunt, nec dissimilia foliis Polypodii, sed longè tenuiora, itémque lævia, & grato virescere oculos pascentia, uti Tamarindorum folia. E medio capite radices prosiunt pediculi quatuor, foliis vix longiores, *florem* singuli suum sustinentes flavum, aspectu pulcherrimum, minorum Caryophyllorum floribus similem, sed sine odore.

Nascitur nonnullis Asiæ locis calidis & humidis.

Hæc Planta singularis est & ab aliis Æschynomenis longè diversa. Integram ejus historiam vide apud Acoftam. Herba est magica & ad amatoria celebratur.

*Locu.*

## CAP. III.

*1. Chamæcrista pavonis Brasiliæ siliquæ singulari Breyn.*

**E**adem penè quâ mimosa spinosa secunda Breynii facie procreascit, quanquam minus, nec adeò ramosum, & nullo aculeorum vallo munitum. *Caules* namque ex sua radice fundit quadrangulares rubentes, spinarum penitus expertes, & ad singulas foliorum alas modo in hanc, modo in illam partem inflexos, ac geminatis, latis, in acutum desinentibus, nervosis circumque pilosis auriculatos appendiculis: inter quas *folia* alternatim exoriuntur palmaria, pennata, seu ex innumeris, pallidè virescentibus foliolis, Acaciæ haud parùm æmulantibus, trinerviis, uni costæ adnatis, sibi invicem oppositis congesta, vesperi se complicantibus & mane illucescente Sole se aperientibus reliquorum hujus generis more. E foliorum alis solitarius plerumque tantum, tener & oblongus exit pediculus, cui flos insidet amœnus, Sophera Alpini quadruplo minor, subrubicundique coloris, petalis quinque acutioribus compositus; cujus in medietate corniculum falcatum, lanugine densâ hirsutum staminula inter multa ludit; quod collapsò postmodum flore hirsutiem suam exuens in *siliquam* efformatur pulchram, angustam, sextantalem, breviorémve Cristæ pavoninæ, sed nigerrimam, cum pluribus intus membranulis, veluti parietibus intergerinis in diversas concamerationes, singulis seminibus singulis repletis, dispescitur.

2. *Herba*



2. *Herba mimosa spuria seminibus quadratis.*

*Cauliculos* surrigit dodrantes, teretes, graciles, satis rigidos, erectos, cacumine tamen nutante, rubicundos, hirsutos, ab imo statim ramosos, ramulis alternis è foliorum alis exeuntibus: imi tamen ramuli ex adverso bini in singulis plantis oriuntur. *Folia* per intervalla crebra, hinc inde singula, caulibus per totam longitudinem ab imo ad summum usque adnascuntur, alata Vicia alicujus in modum, è pluribus pinnularum oblongarum obtusarum conjugationibus composita [decem interdum aut duodecim numeravimus] per margines æqualia, glabra, supernè viridia, infernè glauca, brevibus pediculis fulta cum auriculis acutis hinc inde ad exortum racheos cauli adnascuntibus. Versus summos caules ex alis foliorum [aliàs ex parte caulis inter duo folia mediâ] exeunt flores, tres plerumque simul, pediculis tenuibus semuncialibus sustentati, calyci è sex segmentis in longos & acutos mucrones exeuntibus composito inclusi, pentapetali, petalis obtusis, flavi, magnitudine & colore florum Ascyri aut Chamæcisti, cum plurimis intus staminibus seu corniculis crassis, erectis & stylo in medio.

*Huic persimilis est, si non eadem, Chamæcrista Pavonina Americana siliquâ multiplici Breynii, quam sic describit,*

*Breyn.*

Venustate ac concinnitate priori [Chamæcristæ pavoninæ Brasil. siliquâ singulari] in multis cedit. *Caulem* habet rotundum, striatum haud inflexum, ramos multos, pilis tenerrimis pubescentes ferentem. Horum alæ quam illius breviores, earumque foliola pauciora ac ampliora, *Mimosæ spinosæ secundæ Breyn.* foliorum lobulos superantia, & aversa parte subhirsuta. *Flos* dimidio minor quam *Brasilianæ*, & copiosius in singulis alarum sinubus, pediculo breviorè fultus; quo evanescente succedit *siliqua* nigricans, *Brasilianæ* angustior, magisque compressa, ac in plures itidem concamerationes divisa, *semen* continens quale est *Brasilianæ*, sed minus.

In Americana insula dicta *Curacao* oritur. Nobis descripta ex semine Londino accepto, colore spadiceo, figurâ quadratâ aut rhomboide, enata est. Siliquas non vidimus, nec enim eas in hortulo nostro perfecit. Semen quotannis ex insula *Barbados* una cum Plantæ sensitivæ & humilis dictæ seminibus in Angliam delatum est. *Locum:*

## F I N I S.

## De ICONIBUS Sculpendis Admonitio.

Cum accuratæ specierum Icones non tantum ad Historiam Stirpium exornandam, sed etiam ad descriptiones illustrandas, ut à quibuscvis etiam rudioribus & fastidiosis facile intelligi & comprehendere queant, summo opere conducant: ne Opus hoc tam necessariis adminiculis destituatur, Typographus & Bibliopola, quorum Typis & Impensis excudi cœptum est, decreverunt, quàm elegantes & accuratas, vel ex figuris ad vivum delineatis, vel ex optimis exemplaribus excusis, à præstantissimis Chalcographis expressas Icones quanta fieri potest festinatione adjicere & evulgare, modo sumptus ne deficiant. Quod ne fiat, generosos aliosque huic studio deditos, eive faventes orant ut in Societatem Operis veniant, & ad sumptus sublevandos modico aere initio deposito in partem pretii pro uno pluribusve exemplaribus, cum jam absoluta & tradita sint, persolvendi, inceptum suum promovere dignentur.

Ne vero Mecænates suos immodicis collationibus nimium gravent, aut longa expectatione fatigent, figuras per partes edere statuerunt, singulis tribus seorsim exhibitis, nec pro sequenti tribu symbolam petere, priusquam antecedens peracta & contributoribus tradita fuerit.